











Digitized by the Internet Archive  
in 2011 with funding from  
University of Toronto



# PATROLOGIÆ

## CURSUS COMPLETUS,

SEU BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,  
OMNIUM SS. PATRUM, DOCTORUM SCRIPTORUMQUE ECCLESIASTICORUM,

SIVE LATINORUM, SIVE GRÆCORUM,

QUI AB ÆVO APOSTOLICO AD ÆTATEM INNOCENTII III (ANN. 1216) PRO LATINIS;  
ET AD CONCILII FLORENTINI TEMPORA (ANN. 1439) PRO GRÆCIS FLORUERUNT :

### RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIORA  
ECCLESIAE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS, PERQUAM DILIGENTER CASTIGATA; DISSERTATIONIBUS, COMMENTARIIS VARIISQUE LECTIONIBUS CONTINENTER ILLUSTRATA; OMNIUM OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DERENTUR ABSOLUTAS, DETECTIS AUCTA; INDICIBUS ORDINARIIS VEL ETIAM ANALYTICIS, SINGULOS SIVE TOMOS, SIVE AUCTORES ALICUIUS MOMENTI SUBSEQUENTIBUS, DONATA; CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM DISTINGUENTIBUS SUBJECTAMQUE MATERIAM SIGNIFICANTIBUS, ADORNATA; OPERIBUS CUM DUBIIS, TUM APOCRYPHIS, ALIQUA VERO AUCTORITATE IN ORDINE AD TRADITIONEM ECCLESIASTICAM POLLENTIBUS, AMPLIFICATA;

DUCENTIS ET QUADRAGINTA INDICIBUS SUB OMNI RESPECTU, SCILICET, ALPHABETICO, CHRONOLOGICO, ANALYTICO, ANALOGICO, STATISTICO, SYNTHETICO, ETC., OPERA, RES ET AUCTORES EXHIBENTIBUS, ITA UT NON SOLUM STUDIOSE, SED NEGOTIIS IMPLICATO, ET SI FORTE SINT, PIGRIS ETIAM ET IMPERITIS PATEANT OMNES SS. PATRES, LOCUPLETATA; SED PRÆSERTIM DUOBUS IMMENSIS ET GENERALIBUS INDICIBUS, ALTERO SCILICET RERUM, QUO CONSULTO, QUIDQUID NON SOLUM TALIS TALISVE PATER, VERUM ETIAM UNUSQUISQUE PATRUM, ABSQUE ULLA EXCEPTIONE, IN QUODLIBET THEMA SCRIPSERIT, UNO INTUITU CONSPICIATUR; ALTERO SCRIPTURÆ SACRÆ, EX QUO LECTORI COMPERIRE SIT ORBIUM QUINAM PATRES ET IN QUIBUS OPERUM SUORUM LOCIS SINGULOS SINGULORUM LIBRORUM SCRIPTURÆ VERSUS, A PRIMO GENESEOS USQUE AD NOVISSIMUM APOCALYPSIS, COMMENTATI SINT :

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS, CHARTÆ QUALITAS, INTEGRITAS TEXTUS, CORRECTIONIS PERFECTIO, OPERUM RECUSORUM TUM VARIETAS TUM NUMERUS, FORMA VOLUMINUM PERQUAM COMMODA SIBIQUE IN TOTO PATROLOGIÆ DECURSU CONSTANter SIMILIS, PRETHI EXIGUITAS, PRÆSERTIMQUE ISTA COLLECTIO UNA, METHODICA ET CHRONOLOGICA. SEXCENTORUM FRAGMENTORUM OPUSCULORUMQUE HACTENUS HIC ILIC SPARSORUM, VEL ETIAM INEDITORUM, PRIMUM AUTEM IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS, LINGUAS FORMASQUE PERTINENTIBUS, COADUNATORUM, ET EX INNUMERIS OPERIBUS TRADITIONEM CATHOLICAM CONFLANTIBUS, OPUS UNICUM MIRABILITER EFFICIENTIUM.

### SERIES LATINA,

IN QUÀ PRODEUNT PATRES, DOCTORES SCRIPTORESQUE ECCLESIAE LATINÆ  
A TERTULLIANO AD INNOCENTIUM III.

ACCURANTE J.-P. MIGNE,

Bibliothecæ cleri universæ,

SIVE CURSUUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA, AD INSTAR IPSIUS ECCLESIAE, IN DUAS PARTES DIVIDITUR, ALIAM NEMPE LATINAM, ALIAM GRÆCO-LATINAM. AMBÆ PARTES JAM INTEGRE EXARATÆ SUNT. LATINA, 222 VOLUMINIBUS MOLE SUA STANS, 1110 FRANCIS VENIT: GRÆCA DUPLICI EDITIONE TYPIS MANDATA EST. PRIOR GRÆCUM TEXTUM UNA CUM VERSIONE LATINA LATERALI COMPLECTITUR, ET 104 VOLUMINA IN 109 TOMIS, PRO PRIMA SERIE, NON EXCEDIT. POSTERIOR VERSIONEM LATINAM TANTUM EXHIBET, IDEOQUE INTRA 55 VOLUMINA RETINETUR. SECUNDA SERIES GRÆCO-LATINA AD 58 VOLUMINA TANTUM ATTINGIT; DUM HUIUS VERSIO MERE LATINA 29 VOLUMINIBUS EST ABSOLUTA. UNUMQUODQUE VOLUMEN GRÆCO-LATINUM 8, UNUMQUODQUE MERE LATINUM 5 FRANCIS SOLUMMODO EMITUR: UTROBIQUE VERO, UT PRETHI HUIUS BENEFICIO FRUATUR EMPTOR, COLLECTIONEM INTEGRAM, SIVE LATINAM, SIVE GRÆCAM COMPARET NECESSE ERIT; SECUS ENIM CUJUSQUE VOLUMINIS AMPLITUDINEM NECNON ET DIFFICULTATES VARIA PRETHIA EQUABUNT IDEO, SI QUIS TANTUM EMAT LICET INTEGRE, SED SEORSIM, COLLECTIONEM GRÆCO-LATINAM, VEL EAMDEM EX GRÆCO LATINE VERSAM, TUM QUODQUE VOLUMEN PRO 9 VEL PRO 6 FRANCIS SOLUM OBTINEBIT. ISTÆ CONDITIONES POSTERIORI PATROLOGIÆ LATINÆ SERIÆ, PATRES AB INNOCENTIO III AD CONCILIUM TRIDENTINUM EXHIBENTI, APPLICABUNTUR. PATROLOGIA QUÆ MANUSCRIPTIS IN BIBLIOTHECIS ORBIS UNIVERSI QUIESCENTIBUS CONSTABIT, NECNON PATROLOGIA ORIENTALIS, CONDITIONIBUS SPECIALIBUS SUBJICIENTUR, ET IN TEMPORE SUO ANNUNTIABUNTUR, SI TEMPUS EAS TYPIS MANDANDI NOBIS NON DEFUERIT.

### PATROLOGIÆ LATINÆ TOMUS L.

JOAN. CASSIANUS, S. COELESTINUS I PAPA, S. XYSTUS III PAPA, S. VINCENTIUS LIRINENSIS,  
S. EUCHERIUS LUGDUNENSIS. S. HILARIUS ARELATENSIS, VIGILIUS DIACONUS. ALII.

EXCUEBATUR ET VENIT APUD J.-P. MIGNE, EDITOREM,  
IN VIA DICTA THIBAUD, OLIM D'AMBOISE, PROPE PORTAM LUTETIÆ PARISIORUM VULGO  
D'ENFER NOMINATAM, SEU PETIT-MONTROUGE, NUNC VERO INTRA MOENIA PARISIENSIA.



## AVIS IMPORTANT.

D'après une des lois providentielles qui régissent le monde, rarement les œuvres au-dessus de l'ordinaire se font sans contradictions plus ou moins fortes et nombreuses. Les *Ateliers Catholiques* ne pouvaient guère échapper à ce cachet divin de leur utilité. Tantôt on a nié leur existence ou leur importance; tantôt on a dit qu'ils étaient fermés ou qu'ils allaient l'être. Cependant ils poursuivent leur carrière depuis 21 ans, et les productions qui en sortent deviennent de plus en plus graves et soignées: aussi paraît-il certain qu'à moins d'événements qu'aucune prudence humaine ne saurait prévoir ni empêcher, ces Ateliers ne se fermeront que quand la *Bibliothèque du Clergé* sera terminée en ses 2,000 volumes in-4°. Le passé paraît un sûr garant de l'avenir, pour ce qu'il y a à espérer ou à craindre. Cependant, parmi les calomnies auxquelles ils se sont trouvés en butte, il en est deux qui ont été continuellement répétées, parce qu'étant plus capitales, leur effet entraînait plus de conséquences. De petits et ignares concurrents se sont donc acharnés, par leur correspondance ou leurs voyageurs, à répéter partout que nos Editions étaient mal corrigées et mal imprimées. Ne pouvant attaquer le fond des Ouvrages, qui, pour la plupart, ne sont que les chefs-d'œuvre du Catholicisme reconnus pour tels dans tous les temps et dans tous les pays, il fallait bien se rejeter sur la forme dans ce qu'elle a de plus sérieux, la correction et l'impression; en effet, les chefs-d'œuvre même n'auraient qu'une demi-valeur, si le texte en était inexact ou illisible.

Il est très-vrai que, dans le principe, un succès inouï dans les fastes de la Typographie ayant forcé l'Editeur de recourir aux mécaniques, afin de marcher plus rapidement et de donner les ouvrages à moindre prix, quatre volumes du double *Cours d'Ecriture sainte et de Théologie* furent tirés avec la correction insuffisante donnée dans les imprimeries à presque tout ce qui s'édite; il est vrai aussi qu'un certain nombre d'autres volumes, appartenant à diverses Publications, furent imprimés ou trop noir ou trop blanc. Mais, depuis ces temps éloignés, les mécaniques ont cédé le travail aux presses à bras, et l'impression qui en sort, sans être du luxe, attendu que le luxe jurerait dans des ouvrages d'une telle nature, est parfaitement convenable sous tous les rapports. Quant à la correction, il est de fait qu'elle n'a jamais été portée si loin dans aucune édition ancienne ou contemporaine. Et comment en serait-il autrement, après toutes les peines et toutes les dépenses que nous subissons pour arriver à purger nos épreuves de toutes fautes? L'habitude, en typographie, même dans les meilleures maisons, est de ne corriger que deux épreuves et d'en conférer une troisième avec la seconde, sans avoir préparé en rien le manuscrit de l'auteur.

Dans les *Ateliers Catholiques* la différence est presque incommensurable. Au moyen de correcteurs blanchis sous le harnais et dont le coup d'œil typographique est sans pitié pour les fautes, on commence par préparer la copie d'un bout à l'autre sans en excepter un seul mot. On lit ensuite en première épreuve avec la copie ainsi préparée. On lit en seconde de la même manière, mais en collationnant avec la première. On fait la même chose en tierce, en collationnant avec la seconde. On agit de même en quarte, en collationnant avec la tierce. On renouvelle la même opération en quinte, en collationnant avec la quarte. Ces collationnements ont pour but de voir si aucune des fautes signalées au bureau par MM. les correcteurs, sur la marge des épreuves, n'a échappé à MM. les correcteurs sur le marbre et le métal. Après ces cinq lectures entières contrôlées l'une par l'autre, et en dehors de la préparation ci-dessus mentionnée, vient une révision, et souvent il en vient deux ou trois; puis l'on clique. Le clichage opéré, par conséquent la pureté du texte se trouvant immobilisée, on fait, avec la copie, une nouvelle lecture d'un bout de l'épreuve à l'autre, on se livre à une nouvelle révision, et le tirage n'arrive qu'après ces innombrables précautions.

Aussi y a-t-il à Montrouge des correcteurs de toutes les nations et en plus grand nombre que dans vingt-cinq imprimeries de Paris réunies! Aussi encore, la correction y coûte-t-elle autant que la composition, tandis qu'ailleurs elle ne coûte que le dixième! Aussi enfin, bien que l'assertion puisse paraître téméraire, l'exactitude obtenue par tant de frais et de soins, fait-elle que la plupart des Editions des *Ateliers Catholiques* laissent bien loin derrière elles celles même des célèbres Bénédictins Mabillon et Montfaucon et des célèbres Jésuites Petau et Sirmond. Que l'on compare, en effet, n'importe quelles feuilles de leurs éditions avec celles des nôtres qui leur correspondent, en grec comme en latin, on se convaincra que l'in vraisemblable est une réalité.

D'ailleurs, ces savants éminents, plus préoccupés du sens des textes que de la partie typographique et n'étant point correcteurs de profession, lisaient, non ce que portaient les épreuves, mais ce qui devait s'y trouver, leur haute intelligence suppléant aux fautes de l'édition. De plus les Bénédictins, comme les Jésuites, opéraient presque toujours sur des manuscrits, cause perpétuelle de la multiplicité des fautes, pendant que les *Ateliers Catholiques*, dont le propre est surtout de ressusciter la Tradition, n'opèrent le plus souvent que sur des imprimés.

Le R. P. De Buch, Jésuite Bollandiste de Bruxelles, nous écrivait, il y a quelque temps, n'avoir pu trouver en dix-huit mois d'étude, une seule faute dans notre *Patrologie latine*. M. Denzinger, professeur de Théologie à l'Université de Wurzburg, et M. Reissmann, Vicaire Général de la même ville, nous mandaient, à la date du 19 juillet, n'avoir pu également surprendre une seule faute, soit dans le latin soit dans le grec de notre double *Patrologie*. Enfin, le savant P. Pitra, Bénédictin de Solesme, et M. Bonetty, directeur des *Annales de philosophie chrétienne*, mis au défi de nous convaincre d'une seule erreur typographique, ont été forcés d'avouer que nous n'avions pas trop présumé de notre parfaite correction. Dans le Clergé se trouvent de bons latinistes et de bons hellénistes, et, ce qui est plus rare, des hommes très-positifs et très-pratiques, eh bien! nous leur promettons une prime de 25 centimes par chaque faute qu'ils découvriront dans n'importe lequel de nos volumes, surtout dans les grecs.

Malgré ce qui précède, l'Editeur des *Cours complets*, sentant de plus en plus l'importance et même la nécessité d'une correction parfaite pour qu'un ouvrage soit véritablement utile et estimable, se livre depuis plus d'un an, et est résolu de se livrer jusqu'à la fin à une opération longue, pénible et coûteuse, savoir, la révision entière et universelle de ses innombrables clichés. Ainsi chacun de ses volumes, au fur et à mesure qu'il les remet sous presse, est corrigé mot par mot d'un bout à l'autre. Quarante hommes y sont ou y seront occupés pendant 10 ans, et une somme qui ne saurait être moindre d'un demi-million de francs est consacrée à cet important contrôle. De cette manière, les Publications des *Ateliers Catholiques*, qui déjà se distinguaient entre toutes par la supériorité de leur correction, n'auront de rivales, sous ce rapport, dans aucun temps ni dans aucun pays; car quel est l'éditeur qui pourrait et voudrait se livrer APRES COUP à des travaux si gigantesques et d'un prix si exorbitant? Il faut certes être bien pénétré d'une vocation divine à cet effet, pour ne reculer ni devant la peine ni devant la dépense, surtout lorsque l'Europe savante proclame que jamais volumes n'ont été édités avec tant d'exactitude que ceux de la *Bibliothèque universelle du Clergé*. Le présent volume est du nombre de ceux révisés, et tous ceux qui le seront à l'avenir porteront cette note. En conséquence, pour juger les productions des *Ateliers Catholiques* sous le rapport de la correction, il ne faut prendre que ceux qui porteront en tête l'avis ici tracé. Nous ne reconnaissons que cette édition et celles qui suivront sur nos planches de métal ainsi corrigées. On croyait autrefois que la stéréotypie immobilisait les fautes, attendu qu'un cliché de métal n'est point élastique; pas du tout, il introduit la perfection, car on a trouvé le moyen de le corriger jusqu'à extinction de fautes. L'Hébreu a été revu par M. Drach, le Grec par des Grecs, le Latin et le Français par les premiers correcteurs de la capitale en ces langues.

Nous avons la consolation de pouvoir finir cet avis par les réflexions suivantes: Enfin, notre exemple a fini par ébranler les grandes publications en Italie, en Allemagne, en Belgique et en France, par les *Canons grecs* de Rome, le *Gerdil* de Naples, le *Saint Thomas* de Parme, l'*Encyclopédie religieuse* de Munich, le recueil des *déclarations des rites* de Bruxelles, les *Bollandistes*, le *Suarez* et le *Spicilege* de Paris. Jusqu'ici, on n'avait su réimprimer que des ouvrages de courte haleine. Les in-4°, où s'engloutissent les in-folio, faisaient peur, et on n'osait y toucher, par crainte de se noyer dans ces abîmes sans fond et sans rives; mais on a fini par se risquer à nous imiter. Bien plus, sous notre impulsion, d'autres Editeurs se préparent au *Bullaire* universel, aux *Décisions* de toutes les Congrégations, à une *Biographie* et à une *Histoire générale*, etc., etc. Malheureusement, la plupart des éditions déjà faites ou qui se font, sont sans autorité, parce qu'elles sont sans exactitude; la correction semble en avoir été faite par des aveugles, soit qu'on n'en ait pas senti la gravité, soit qu'on ait reculé devant les frais; mais patience! une reproduction correcte surgira bientôt, ne fût-ce qu'à la lumière des écoles qui se sont faites ou qui se feront encore.



TRADITIO CATHOLICA.

SÆCULUM V. ANNUS 450.

—  
JOANNIS  
CASSIANI  
OPERA OMNIA,

CUM

AMPLISSIMIS COMMENTARIIS ALARDI GAZÆI.

ACCEDUNT

*S. COELESTINI I, S. XYSTI III, ROMANORUM PONTIFICUM,  
S. VINCENTII LIRINENSIS, S. EUCHERII LUGDUNENSIS, S. HILARII ARELA-  
TENSIS, ANTONINI HONORATI, VIGILII DIACONI, FASTIDII, ETC.*

**SCRIPTA QUÆ EXSTANT UNIVERSA;**

ACCURANTE ET DENUO RECOGNOSCENTE J.-P. MIGNE,

**BIBLIOTHECÆ CLERI UNIVERSÆ,**

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

---

CASSIANI TOMUS POSTERIOR, CÆTERORUM TOMUS UNICUS.

---

—  
VENEUNT DUO VOLUMINA 14 FRANCIS GALLICIS.

—  
EXCUDEBATUR ET VENIT APUD J.-P. MIGNE EDITOREM,  
IN VIA DICTA THIBAUD, OLIM D'AMBOISE. PROPE PORTAM LUTETIÆ PARISIORUM VULGO  
D'ENFER NOMINATAM, SEU PETIT-MONTROUGE, NUNC VERO INTRA MOENIA PARISINA.

—  
1865



# TRADITIO CATHOLICA.

SÆCULUM V, ANNUS 450.

## ELENCHUS

AUCTORUM ET OPERUM QUI IN HOC TOMO L CONTINENTUR.

JOANNES CASSIANUS.		Formularum spiritualis intelligentiæ ad Uranium liber unus.	727
(CONTINUATIO.)		Instructionum ad Salonium libri duo.	773
De incarnatione Christi libri VII quibus triplex appendix subjicitur.	9	Passio Agaunensium martyrum SS. Mauricii et sociorum ejus. Præmittitur Theodorici Ruinartii Admonitio.	827
VIGILIUS DIACONUS.		S. Eucherii Homiliæ	833
Regula monachorum quæ vulgo dicitur Regula orientalis.	373	Exhortatio ad monachos	863
FASTIDIUS BRITANNORUM EPISCOPUS.		Epitomes operum Cassiani ad Castorem Aptensem libri duo	867
<i>D. Ius idii ætate, rebus gestis et scriptis.</i>	379	APPENDIX AD OPERA S. EUCHERII. — <i>Scripta vel dubie vel falso S. Patri attributa.</i>	
De vita Christiana liber unus.	383	Commentarii in Genesin.	893
POSSIDIUS CALAMENSIS EPISCOPUS.		— in libros Regum.	1017
<i>Notitia historico litteraria ex Schœnemanni Bibl. hist. Pat.</i>	401	Sententia ad monachos.	1207
<i>Possidii Vita S. Aurelii Augustini et Indiculus Operum ejusdem Augustini.</i>		Admonitio ad virgines.	1209
(Vide tomum XXXII, Augustini Operum tom. I.)		Epistola dicta S. Eucherii Lugdunensis episcopi ad Philonem presbyterum suum, a Baluzio edita in appendice ad opera S. Agobardi.	1213
S. CŒLESTINUS I PAPA.		S. HILARIUS ARELATENSIS EPISCOPUS.	
<i>Notitia ex libro Pontificali.</i>	407	<i>Notitia historico-litteraria ex Schœnemanno</i>	1213
<i>Notitia ex Gallandio.</i>	409	<i>S. Hilarii Arelatensis vita, ab uno ex ejus discipulis scripta.</i>	1219
<i>Notitia tertia ex Schœnem. Bibl. hist. litt. PP.</i>	409	Epitaphium S. Hilarii, in tabula marmorea parieti infixæ in ecclesia S. Honorati Arelatensi.	1243
S. Cœlestini I Epistolæ et Decreta, ex edit. Petri Coustantii.	417	<i>Admonitio in S. Hilarii opuscula.</i>	1243
ANTONINUS HONORATUS.		S. HILARII ARELATENSIS OPUSCULA GENUINA	
Epistola consolatoria ad Arcadium.	367	Sermo de Vita S. Honorati Arelat.	1249
S. XYSTUS III PAPA.		Epistola ad S. Eucherium Lugdunensem episcopum.	1271
Epistolæ et Decreta.	581	OPUSCULA DUBIA.	
<i>Notitia reliquorum scriptorum quæ ad Xystum III attinent.</i>	617	De miraculo S. Genesii martyris.	1273
S. VINCENTIUS LIRINENSIS.		Versus in natali Machabæorum.	1273
<i>Prolegomena ex Biblioth. Gallandii et Schœnemanni.</i>	623	Carmen in Genesin ad Leonem I Papam.	1287
Commonitorium duplex.	637	PASCHASINUS LIBYÆTANUS EPISCOPUS.	
S. EUCHERIUS LUGDUNENSIS EPISCOPUS.		<i>Notitia ex Schœnemanno.</i>	1291
<i>De S. Eucherii ætate, rebus gestis et scriptis, ex Schœnemanni Bibl. hist. litt.</i>	683	Epistola ad Leonem I Papam de quæstione paschali.	1291
<i>Andree Schotti, S. J., Præfatio editioni Coloniensi anni 1618 præmissa.</i>	697	P. ANNÆUS SYLVIVS EPISCOPUS OCTODURENSIS APUD HELVETIOS.	
<i>Alexandri Brassicani Epistola ad Janum a Suolla in S. Eucherii opuscula anno 1541 Basileæ ab ipso edita.</i>	699	Laterculus sive Index dierum festorum.	1293
S. EUCHERII SCRIPTA.		TURRIBIUS ASTURICENSIS EPISCOPUS.	
De laude eremi ad Hilarium Lirinensem presbyterum.	701	<i>Notitia ex Schœnemanni Bibl. Hist. litt.</i>	1293
Epistola ad Valerianum cognatum de contemotu mundi et sæcularis philosophiæ.	711	Turribii Epistola de non recipiendis in auctoritatem fidei apocryphis scripturis, et de secta Priscillianistarum, ad Idacium et Ceponium.	1293



# JOANNIS CASSIANI

MASSILIENSIS PRESBYTERI

## DE INCARNATIONE CHRISTI

CONTRA NESTORIUM HÆRETICUM

LIBRI SEPTEM.

### Præfatio,

AD LEONEM ROMANÆ URBIS EPISCOPUM.

<sup>b</sup> Absolutis dudum Collationum spiritalium libellis sensu magis quam sermone insignibus (quia alto sanctorum virorum sensui sermo nostræ imperitiæ impar fuit), cogitaram et propemodum <sup>c</sup> constitueram, post illum proditæ incitiæ pudorem, ita me in

A portu silentii collocare, ut excusarem, quantum in me esset, per taciturnitatis verecundiam loquacitatis audaciam. Sed vicisti propositum ac sententiam meam laudabili studio et imperiosissimo affectu tuo, mi Leo venerande [*Lips. in marg. veneranda*], ac

ALARDI GAZÆI COMMENTARIUS.

<sup>a</sup> Præfationem hanc libris de Incarnatione Christi a Cassiano præfixam, atque, instar epistolæ nuncupatoriæ, Leoni Romanæ tunc Ecclesiæ archidiacono, postea summo pontifici creato, qui scribendi hujus operis ei auctor et suasor fuerat, una cum ipsis libris directam ac destinatam fuisse colligitur ex veteri et recepta Gennadii sententia, ubi hæc de Cassiano (*De Vir. Illust. c. 61*): Ad extremum rogatus a Leone urbis Rom. archidiacono, postea episcopo, scripsit adversus Nestorium de Incarnatione Domini libros septem; et in his scribendi apud Massiliam et vivendi finem fecit, Theodosio et Valentiniano regnantibus. At operæ pretium fuerit Annalium Ecclesiasticorum scriptorem de his plenius et accuratius audire disserentem, nec aliis quam suis hisce verbis (*Tom. V*): Hoc ipso anno (nempe Christi 430, Cælestini papæ septimo) Joannes Cassianus monitu Leonis Romanæ Ecclesiæ archidiaconi, adversus Nestorium de Incarnatione Verbi septem libros luculentissimos edidit. Cum enim ipsos ab eo scriptos constet, dum adhuc Nestorius sederet Constantinopoli, quem sequenti anno in concilio Ephesino liquet e sede depositum, et Maximianum ejus locum subrogatum, cumque nulla insuper in eis de Ephesino concilio mentio habeatur, cujus necessario meminisse oportuit, plane ante Ephesinum concilium damnationemque Nestorii eos ab ipso fuisse elucubratos, dicere necesse est, et hoc ipso quidem anno quo (ut vidimus) hæresis Nestorii plane innotuit Occidentali Ecclesiæ; ante autem susurri tantum quidam de ea pertigerant oras Occidentales. Sed cur (dixerit aliquis) per Cassianum Leo archidiaconus ista præstari voluit, cum ipse Leo et eruditissimus, et quam felicissime id exhibere valuisset, cum præsertim Cassianus de libero arbitrio haud recte sentire, sed cum Pelagianis aliquid habere commune editis Collationum libris, innotuisset? Post scriptas enim Collationes ipsum, hortatu Leonis, elucubrasse commentarium illum contra Nestorium, ipse in operis præfatione testatur: Ad hæc quidem illud in primis dicendum est Cassianum et alios qui hoc tempore S. Augustini scripta carpebant, haud se Pelagii errores fovere professos esse; sed, ut sæpius Prosper ait, et indicant litteræ Cælestini Romani pontificis ad Gallos, ut catholici versabantur inter catholicos, et Pelagianos se damnare errores, et in eos declamare præseferabant, quod et videmus ab eodem Cassiano factum in his ipsis libris quos de Incarnatione Verbi adversus Nestorium scripsit, dum frequenter exclamat Nestorium ipsum a Pelagianis esse mutuum errorem. Leonis igitur, hac ex parte, illud videtur fuisse consilium, ut ne opinarentur Orientales hæresim

Nestorianam ex Pelagiana prognatam defensores habere in Occidente, qui Pelagiani erroris quoquo modo suspecti redditi essent, per unum ex illis voluerit validissime Nestorium oppugnari. Rursus vero ne qui in Occidente articulum illum de libero arbitrio Pelagiani erroris scriptis editis hactenus defendissent, affinitate dogmatis, consurrecturi essent pro defensione Nestorii, Cassianum in primis, qui omnes antecellebat, Leo diaconus prudenter quidem scriptione sua eum teneri voluit obligatum, et cum eo omnes qui inter catholicos Pelagiani erroris viderentur esse fautores. Præstitit id libentissime Cassianus, omnique studio in opus incubuit, quo se acerrimum hostem cum Pelagianis tum Nestorianis præseferret erroris, quem jam Pelagianorum omnium famosissimus Leporius publicis litteris adeo fuerat detestatus. Insuper autem potuit illud etiam fuisse hac de re Leonis consilium, ut per Joannem Cassianum Constantinopolitanæ olim Ecclesiæ diaconum, Constantinopolitana admoneretur Ecclesia vitare Nestorium; ut enim id etiam opinari possimus, apostrophe illa Auctoris ad finem operis collocata facile persuadet, cum demum post alia ejusmodi Nestorium exagitat invectiva: Tu, o impiissime atque impudentissime præclaræ urbis contaminator, catholicæ et sanctæ plebis gravis et exitiosa contagio, stare in Ecclesia Dei et loqui audes, et blasphemis ac furiosis vocibus tuis sacerdotes semper illæsæ fidei et catholicæ confessionis infamas, magistrorum priorum vitio plebem Constantinopolitanæ Urbis errare (*Cassian. de Incar. Verbi lib. vii*)? Et cætera quæ habentur in fine libri septimi, quæ et integre recitat Baronius. Ex quo qua ratione quave occasione Cassianus ad scribendos hosce libros a Leone fuerit impulsus, hactenus didicimus.

<sup>b</sup> Satis evidens est ex hoc loco Joannem Cassianum, antequam ad scriptionem horum librorum manum admoveret, jamdudum absolvisse libros Collationum, ut recte colligit Baronius istis Cassiani verbis in medium adductis: Ex quibus, inquit, possumus intelligere ipsum anno superiori (429) vel qui eum præcedit, nisi forte hoc ipso, easdem Collationes absolvisse. Hoc igitur extremum Cassiani opus, et postremus ejus ingenii partus dicendus est, teste etiam Gennadio, qui ait in his libris scribendis apud Massiliam vivendi finem fecisse.

<sup>c</sup> Sic enim ipse in extrema periodo collationis vigesimæ quartæ professus fuerat: Superest ut me periculosissima hactenus tempestate jactatum, nunc ad tutissimum silentii portum spiritalis orationum vestrarum aura comitetur.



<sup>a</sup> suspicienda charitas mea Romanæ Ecclesiæ ac divini ministerii decus, producens me ex illo præmeditati silentii recessu in publicum formidandumque iudicium; et nova subire cogis, adhuc de præteritis erubescens; cumque etiam minoribus impar fuero, par majoribus a te esse compellor. Ego enim ne in illis quidem opusculis, quibus per ingenioli nostri oblatiunculam Domino sacrificavimus, moliri aliquid aut usurpare tentassem, nisi episcopali tractus imperio. Crevit itaque per te oris nostri et styli dignitas. Nam qui jussi antea de Dominicis studiis locuti sumus, nunc id exigis ut de ipsa Incarnatione Domini ac majestate dicamus. Ita qui prius in sancta templi velut per sacerdotalem manum introducti sumus, nunc ductu tuo atque subsidio quasi in sanctorum sancta penetramus. Magnus honor, sed periculosa progressio [*Lips. in marg. professio*], quia obtineri sacrorum penetralium ac divini præmii palma non potest, nisi hoste superato. Exigis itaque ac jubes adversum recentem hæresim ac <sup>b</sup> novum fidei hostem conserere imbecilles manus, et contra pestiferi serpentis graves hiatus aperto, ut aiunt, ore consistere: scilicet ut insurgentem in Ecclesias Dei

A sinuosis tractibus draconem vis prophetica et sermonis evangelici divina virtus, me quasi incantatore, irrumpat. Pareo obsecrationi tuæ, pareo jussioni; malo enim de me ipso tibi quam mihi credere, maxime quia id tecum amor Jesu Christi Domini mei præcipit, qui hoc ipsum etiam in te jubet. Superest ut effectum imperati negotii ab ipso postules per quem imperasti. Tua enim jam hic magis causa quam mea vertitur, tuum magis iudicium quam meum officium periclitatur. Me enim, sive par sim tuo imperio, sive non sim, ipsa aliquatenus obedientiæ ratio atque humilitatis excusat; nisi quod hoc plus meriti est in obsequio meo, si minus est in possibilitate. Facile enim cujuslibet jussioni ex abundantia satisfacimus: illius officium grande est et mirabile, qui etiam idem in voto habet quod in viribus non habet. Tua ergo hæc res, tuum negotium, tui pudoris opus est: ora et obsecra ne imperitia mea periclitetur electio tua; et opinioni tantæ nobis non respondentibus, etiamsi ego per obedientiæ veniam bene parco, tu tamen per inconsiderantiam iudicii male imperasse videaris.

#### ALARDI GAZÆI COMMENTARIUS.

<sup>a</sup> Mendum apparet in his verbis, quæ nec præcedentibus nec consequentibus coherent; et multo magis in editione Lugdunensi ubi habetur: *Suspicienda charitas mea Romanæ Ecclesiæ*, etc. Quid enim illud sibi vult: *Charitas mea Romanæ Ecclesiæ*? Crediderim sic emendandum, ut claritas, non charitas legatur, et mea expungatur hoc modo: *Mi Leo venerande ac suspiciende* (vel ut alia lectio habet): *suspicienda claritas Romanæ Ecclesiæ ac divini ministerii decus*, etc. Ut hæc ad ipsum Leonem referantur, quem his titulis honorariis exornat Cassianus, ut claritatem, seu lumen Ecclesiæ Romanæ, et decus ecclesiastici ordinis, seu ministerii, uti vere fuit, eum appellet.

<sup>b</sup> Scilicet Nestorium episcopum Constantinopolita-

num, qui anno Domini 428 vel 429 docere cœpit B. Virginem Mariam non esse Θεοτόκον, id est, Deiparam, seu Matrem Dei, sed Χριστοτόκον, ut vocabat, id est, non Dei, sed Christi, id est, hominis parentem; et in Christo duas esse personas, alteram divinam, aliam humanam. Ita Prosper in Chronico: Nestorius, inquit, Constantinopolitanus episcopus novum Ecclesiis molitur errorem inducere, prædicans Christum ex Maria hominem tantum, et non Deum natum, eique divinitatem collatam esse ex merito. Huic impietati præcipue Cyrilli Alexandrini episcopi industria et papæ Cælestini repugnat auctoritas. Hæc Prosper. At de Nestorio quis qualisve fuerit, plenius in sequentibus declarabitur.

## LIBER PRIMUS.

### CAPUT PRIMUM.

*Hæresis hydræ poeticæ comparatur.*

<sup>a</sup> Tradunt fabulæ poetarum, desectis quondam hydram capitibus, numerosius renascentem per sua

#### ALARDI GAZÆI COMMENTARIUS.

<sup>a</sup> Ita D. Hieronymus in præmio l. i Comment. in Jeremiam: *Lernæum anguem fabulæ ferunt multis, ex medio capite, pullulasse serpentibus*. Et in præfatione lib. vi in Ezechielem, ubi de Rufini jam defuncti in impietate successoribus agens: *Putabam, inquit, quod medio serpente confosso, non reviviscerent hydræ novella plantaria; et juxta fabulam poetarum, Scylla mortua, nequaquam in me Scyllæ sævirent canes, qui latrare non cessant*. Porro hydram slexerunt poetæ belluam multorum capitum, in Lerna palude omnia vastantem, quorum uno exciso plura renascerentur, quæ tandem ab Hercule ferro facibusque oppressa fuerit. De quo vide Hesiodum in Θεογον., et Platonem in Sophista. Solent Patres cum hoc monstrum hæreses atque hæreticos conferre. Sic Irenæus Gnosticos suggillans (*Lib. i c. 34*): *Tales, inquit, secundum eos, sententiæ sunt, a quibus, velut a Lernæa*

damna crevisse, ita ut novo inauditoque miraculo, multiplicato mortibus suis monstro lucri genus esset amissio; scilicet dum quidquid ferrum secantis abscinderet, totum id secunditas prodigiosa gemi-

*hydra, multiplex capitibus fera de Valentiniani schola generata est. Athanasius contra Arianos: Hæreticus, ait, ut res ipsa docet, pravum omnino et undequaque corruptum animum ad impietatem habet. Ecce enim ubique refutati Ariani, erubescere tamen nequaquam possunt: sed quemadmodum in fabulis ethnicorum celebrata hydra, sublati prioribus serpentibus aliisque pullulantibus, pervicaciter contendebat novo semper objectu anguium contra eum qui ipsi suos serpentes tollebat, ita quoque ipsi execrabiles homines, ethnico animo, dejecti ab illis quæ objiciebant, alias reperiunt, Judaicas et stultas controversias comminiscuntur, ut ita se magis Christi perduelles et oppugnatores declarent. Ejusdem etiam fabulæ elegantem accommodationem habet Basilii Magnus in calce libri de Vera Virginitate.*



naret, donec laborans atque astuans coepit illas A desectionis industrius appetitor, cassatis toties inefficaci opere virtutibus, fortitudinem belli armaret arte consilii, et, admotis, ut aiunt, ignibus, multiplicem portentuarii corporis prolem ferventi gladio desecaret; ac sic, ambustis intrinsecus medullis, cum rebelles venas improbae secunditatis exureret, tandem parturitio monstruosa cessaret. Ita ergo etiam haereses in Ecclesiis, illius quam poetarum commenta finxerunt hydræ similitudinem gerunt; et istæ enim adversum nos linguis feralibus sibilant, et istæ virus lethale jaciunt, et istæ secis capitibus renascuntur. Sed quia resurgente morbo non debet cessare medicina; et quanto major fuerit ægritudo, tanto instantior debet esse curatio; potens est enim

## ALARDI GAZÆI COMMENTARIUS.

<sup>a</sup> In hujus operis alio inter et primum nosse circa mysterium Incarnationis Dominicæ, varios exstillsse errores et haereses olim ab Ecclesia damnatas, quas fere omnes compendio recenset Auctor; quarum aliae veluti parentes, aliae soboles earundem merito appellentur, quæ quidem ad tria capita revocari possunt. Tria quippe de Christo potissimum retinenda, quantum ad personam ejus attinet, fides catholica profitetur: Primum est ejus divinitas, seu divinæ naturæ veritas; secundum humanitas, seu veritas humanæ naturæ; tertium harum naturarum ea conjunctio, per quam sit ut veraciter proprieque et Deus et homo sit. Proinde triplices etiam haereses circa Christi personam reperiuntur errasse. Nam, ut ait D. Augustinus, l. i Quæst. Evang. c. ult., *Aut de divinitate, aut de humanitate, aut de utroque seu utriusque conjunctione falluntur.* Et D. Leo serm. 8 de Nativit. Domini, similem fere cum Cassiano catalogum hujusmodi haereseon de Christo contexens: *Et alii (Manichæi), inquit, Domino solam humanitatem, alii solam ascribere deitatem. Alii veram quidem in ipso divinitatem, sed carnem dixerunt fuisse simulatum. Alii professi veram eum suscepisse carnem, sed Dei Patris non habuisse naturam; et deitati ejus quæ erant humanæ substantiæ deputantes, majorem sibi Deum, minoremque finxerunt, cum gradus in vera Divinitate esse non possit. Quoniam quidquid Deo minus est, Deus non est. Alii (Sabelliani, Patropaschitæ) cognoscentes Patris et Filii nullam esse distantiam, quia non poterant unitatem deitatis intelligere, nisi in unitate personæ, eundem asseruerunt esse Patrem quem Filium, et nasci et nutrir, pati et mori, sepeliri et resurgere ad eundem pertinere, qui per omnia et hominis personam implet et Verbi. Quidam putaverunt Dominum Jesum Christum non nostræ substantiæ corpus habuisse, sed ab elementis superioribus ac subtilioribus sumptum. Quidam autem (Valentiniani, Apollinaristæ, Eunomiani) aestimaverunt in carne Christi humanam animam non habitasse, nec fuisse, sed partes animæ ipsam Verbi implese dei aem. Quorum impudentia in hoc transiit, ut animam quidem in Domino fuisse faterentur; sed eandem dicerent mente caruisse, quia sufficeret homini sua deitas ad omnia rationis officia. Postremo iidem asserere præsumperunt partem quamdam Verbi in carnem fuisse conversam, ut in unius dogmatis varietate multiplici non carnis tantum animæque natura, sed etiam ipsius Verbi solveretur essentia. Hæc S. Leo (Vide eundem serm. 4 de Nativ. Dom.). Quæ ex his quæ infra dicentur evadent clariora.*

<sup>b</sup> Ebion, seu Hebion (a quo Ebionitæ, seu Hebionitæ) primus hæresiarcha post Simonem Magum, ut testatur D. Ignatius in epistola ad Philadelphios (Vide Baron. tom. I anno 74), semichristianus, et semijudeus a D. Hieronymo appellatus (In epist. ad Gal. c. iii), Christum purum hominem, seu hominem tantum, non etiam Deum, assererat, ideoque non ante ma-

Dominus Deus noster ut quod de morte hydræ illius gentilium falsitas finxit, hoc in Ecclesiarum bellis veritas peragat, et ignitus sancti Spiritus gladius; ita in exstinguenda novellâ hæresi penitus medullas perniciosæ generationis exurat, ut tandem prodigiosa secunditas emorientibus venis parere desistat.

## CAPUT II.

*Varia haereseon monstra ex sese invicem pullulantia describit.*

<sup>a</sup> Non nova enim sunt hæc in Ecclesiis monstruosi seminis germina: semper has Dominici agri seges lappas sentesque toleravit, et assiduum in ea suffocatricis zizanix germen emerit. Hinc enim <sup>b</sup> Hebionitæ, hinc <sup>c</sup> Sabelliani, hinc <sup>d</sup> Ariani, hinc denique <sup>e</sup> Eunomiani et <sup>f</sup> Macedoniani, hinc <sup>g</sup> Fotiniani et

B trem ex-tituisse blasphemabat. Iren. lib. i adversus hæres. c. 26, Epiph. hæres. 40, Aug. l. de Hæres.

<sup>c</sup> Sabellius Noeti discipulus et hæresiarches (a quo Sabelliani, qui et Patripassiani dicti) personas in sancta Trinitate confundeat (Baron. sub anno 260), asserens Deum, secundum quod vellet, aut Patrem esse, aut Filium, aut Spiritum sanctum, proinde Patrem, et Filium, et Spiritum sanctum unam esse personam et tria nomina. Contra quem Alexandrina synodus congregata, tres subsistentes personas in una Dei substantia confitendas decrevit (Baron. tom. III). Epiph. hæres. 57, et ex eo Augustinus ubi supra.

<sup>d</sup> Arius, sive Arrius, de quo alias etiam dictum est, presbyter Alexandrinus tempore Constantini Magni imper., Christum Deum esse negavit, creaturam asseruit, nec Filium Patri coeternum, et ὁμοούσιον, hoc est, consubstantialem et coessentialem agnovit. Quamobrem a magna synodo Nicæna condemnatus, infami exitu in publicis latrinis animam simul cum intestinis excrevit. Epiphanius hæresi 69, Augustinus hæresi 49, Theodoretus de Fabul. Hæretic., Socrates lib. i Histor. cap. 25.

<sup>e</sup> Eunomius Aetii discipulus, eique impietate par, et hæresiarcha turpissimus, ut ex Epiphanio et epistola synodi Constantinopolitane ad Damasum, necnon et Suida et aliis liquet, non solum id ipsum tenuit quod Arius, Dei Filium creaturam asserens, et idem quoque quod Macedonius, de quo infra, Deum negans Spiritum sanctum, et eum inter creaturas collocans, sed amplius addidit ex cœnosa præceptoris sui Aetii diabolicaque doctrina, Spiritum sanctum creati Filii creaturam esse. Quam ob causam D. Hieronymus in epist. ad Ephesios cap. iv dixit: *Arium, Macedonium et Eunomium, concordante in impietate discordia, ex uno fonte diversos haereseon duxisse rivulos.* Vide D. Basilium lib. i et ii in Eunomium, Augustinum hæresi 54, Sozomenum l. vi cap. 26 (Baron. tom. III, anno 260).

D <sup>f</sup> Macedonius episcopus Constantinopolitanus circa annum Domini 358 docuit Filium quidem Dei esse per omnia similem Patri, sed Spiritum sanctum esse creaturam. Quem synodus Constantinopolitana jussu Damasi pontificis congregata damnavit (Anno 381). Epiphanius hæresi 78, Augustinus hæresi 52, Socrates l. i cap. 35, Theodoretus Historiæ Ecclesiasticæ l. ii c. 6.

<sup>g</sup> Fotinus, vel Photinus Sirmiënsis episcopus, prodiit hæresiarcha tempore Constantii imperatoris, de quo S. Epiphanius hæc scribit (Hæres. 71, Baron. tom. III, sub anno 347 et 357): *Photinus (ex quo sunt Photiniani) hoc tempore vixit, et episcopus sanctæ Ecclesiæ catholicæ fuit, qui infamia non minima elatus, et supra omnes ante se furiosus factus, similia his quæ Paulus Samosatenus docuit, de Filio Dei sensit, et verba maledicentia neutiquam consistere valentia o-*



« Apollinaristæ, cæterique Ecclesiarum vepres, et A in Trinitate substantias. Eunomius autem post hunc enecantes bonæ fidei frugem tribuli pullularunt. Quorum primus Hebion, dum Incarnationem Dominicam nimis asserit, divinitatis eam conjunctione nudavit. Sabellii autem post hunc <sup>b</sup> ex dissimilitudine hæreseos superioris schisma prorumpens, dum in Patre ac Filio et Spiritu sancto distantiam nullam esse contendit, sacram et ineffabilem Trinitatem, quantum in ipso fuit, blasphema confusione permisit. Secuta est deinde hunc quem diximus <sup>c</sup> Arianae perversitatis impietas: quæ ne videretur sacras miscere personas, diversas esse dixit atque dissimiles

#### ALARDI GAZÆI COMMENTARIUS

mult. Hic originem a Sirmio duxit, et quando zizaniam in mundum invexit, quod temporibus Constantii factum est, usque huc in vita superfuit, a synodo Occidentali in Sardica congregata subversus ob eam quam evomuit blasphemiam. Asserit autem hic ab initio Christum non esse, verum a Maria, et hucusque ipsum existere, ex quo Spiritus sanctus, inquit, supervenit in ipsam et genitus est ex Spiritu sancto. Hæc Epiphanius. Addit Sozomenus (*Lib. iv cap. 5*), Photinum non tantum Pauli Samosatani, sed Cerinthi et Ebionis damnatas hæreses de Christo restituere atque instaurare conatum. Quod et beatus Hieronymus, quantum ad Ebionis hæresim attinet, confirmat (*Lib. de Scrip. Eccles. in Photino et in Epist. ad Galat. c. 1*), ex quibus patet Photinum cum Ebione et aliis hæresiarchis docuisse Christum esse purum hominem, nec ante Mariam exstitisse. De divinis item personis idem quod Paulus Samosatenus ac Sabellius, unamque tantum operationem Patris, et Filii, et Spiritus sancti esse docuisse tradit Theodoretus (*De Fab. Hæret. lib. II*), quod confirmat Socrates (*Lib. I Hist. cap. 25*), ob idque in concilio Sirmiensi fuisse damnatum scribit.

<sup>a</sup> Apollinaris, vel Apollinarius (a quo Apollinaristæ, vel Apollinarij) Laodiceus grammaticus, primum catholicus, et magnæ inter catholicos auctoritatis (*Baron. tom. IV, an. 373 et seq.*): post hæreticus factus, et condemnatus, quod Verbum Dei doceret accepisse carnem humanam absque anima rationali; divinas personas esse inæquales, maximum videlicet esse Spiritum sanctum, majorem Filium, maximum Patrem. Epiphanius hæresi 77, Augustinus hæresi 55, Leo supra citatus.

<sup>b</sup> Sabellii hæresim ac schisma ex dissimilitudine seu contrarietate hæreseos superioris, nempe Ebionitarum, prorupisse, id est, emersisse, vel ortum habuisse, dicit; quia cum Ebionitæ Christum purum hominem assererent, ne divinitatem in Christo passam admittere viderentur, hi ex adverso (ut ab illis longissime recederent) unam Patris, et Filii, et Spiritus sancti personam agnoscabant: unde illud consequabatur, ut sicut Filius, ita et Pater, et Spiritus sanctus ab eis æque dicerentur (proh scelus!) incarnati et passi. Sic hæreses pleræque ex incauta alienius hæreseos fuga et insectatione abortivæ leguntur, ut de Ario compertum est, qui Sabellii personas confundentis odio, in naturæ distinctionem incidit: et de Eutychete, qui Nestorii errorem fugiens, in naturarum confusionem incurrit, unam in Christo naturam e duabus conflam constituens, ut de hujusmodi merito dici possit:

Incidit in Scyllam, cupiens vitare Charybdim.

Inde vero consequens est, quod a Patribus prædicatur, hæreticorum inter se pugnas ac dissidia, præclaras esse Ecclesiæ catholicæ victorias et tropæa. Sic Justinus Martyr quæstione 4 ad orthodoxos: *Nunc, inquit, cum damnent hæretici alii alios, ob opinionum dissensiones, perspicuum est omnes eorum hæreses occasionem habuisse ex ambitione et mutua*

invidia hæresiarcharum: propter quam causam lupi graves ab Apostolo nominati sunt (*Act. xx*): immo fidem nostram, dum sibi adversantur, affirmant. Et Hilarius l. vii de Trinitate: *Inconsonæ perfidorum sententiæ in unum rectæ fidei modulum concinunt; tropæumque nostræ victoriæ, eorum cassa certamina gignunt.* Sabellii enim perfidia Arii damnat errorem, rursus Ariani dogmatis error Sabellii impietatem excludit, ait Vigilius martyr qui hoc argumentum copiose tractat (*Lib. II et IV, contra Eutych.*). Quod si aliquando inter se convenient, id demum efficitur, quod Athanasius sentit contra Arianos, orat. 2, instar Herodis et Pilati in blasphemias adversus Christum consentire.

<sup>c</sup> Libet hic alterum et huic similem catalogum hæreseon a S. Leone contextum ascribere, ut utriusque collatione, totus hic locus magis illustretur. Sic enim ipse cæteras hæreses de Christo cum una Manichæorum hæresi comparans eique opponens: *Aliæ, inquit (Serm. 4 de Nativ. Dom.), hæreses, licet merito omnes in sua perversitate damnandæ sint, habent tamen singulæ in aliqua sua parte, quod verum est. Arius Dei Filium minorem Patre et creaturam definiens, et ab eodem inter omnia creatum putans Spiritum sanctum, magna impietate se perdidit; sed sempiternam atque incommutabilem deitatem, quam in Trinitatis unitate non vidit, in Patris essentia non negavit. Macedonius a lumine veritatis alienus, divinitatem sancti Spiritus non recepit; sed in Patre et Filio unam potentiam et eandem confessus est esse naturam. Sabellius inexplorabili errore confusus, virtutem substantiæ in Patre, et Filio, et Spiritu sancto inseparabilem sentiens, quod æqualitati tribuere debuit, singularitati dedit; et cum veram Trinitatem intelligere non valeret, unam eandemque credidit sub triplici appellatione personam. Photinus mentis cæcitate deceptus, in Christo verum, et substantiæ nostræ confessus est hominem, sed eundem Deum de Deo ante omnia sæcula genitum esse non credidit. Apollinaris fidei soliditate privatus, Filium Dei ita veram humanæ carnis credidit suscepisse naturam, ut in illa carne diceret animam non fuisse, quia vicem ejus expleverit ipsa divinitas. Hoc modo, si omnes, quos catholica fides damnat, retractentur errores, in aliis atque aliis quiddam invenitur, quod a damnabilibus possit abungi. In Manichæorum autem scelestissimo dogmate prorsus nihil est quod ex ulla parte possit tolerabile judicari. Hactenus sanctus Leo.*

<sup>d</sup> Repugnare his verbis videtur S. Augustinus, nisi hanc similitudinem cum magna dissimilitudine conjunctam intelligas. Sic enim ipse hæresi 54: *Eunomius in dialectica prævalens acutius et celerius defendit hanc hæresim, dissimilem per omnia Patri asserens Filium, et Filio Spiritum sanctum.*

<sup>e</sup> Non apparet ex Epiphanio, Hieronymo et aliis, quod Photinus Jesum Deum confessus fuerit, sed potius contrarium, ut ex dictis patet; nisi Deum improprie et æquivoce nuncupaverit, ut alii hæretici.

<sup>f</sup> Phrasis obscura. Sensus est, Christum non



principium esse Dei confinxit. Apollinaris vero hominem unitum Deo inconsiderate intelligens, humanam eum non habuisse animam male credidit, quia non minoris erroris est Domino Jesu Christo impropria addere quam propria derogare. Quod enim de illo non ita dicitur ut est, etiamsi honor videatur,

#### ALARDI GAZÆI COMMENTARIUS.

solum ut hominem, ex tempore natum, sed etiam quatenus Deum; quia nimirum credebatur Photinus Christo communicatam a Deo divinitatem non per generationem eternam, sed per unctionem gratiæ et inhabitationem; proinde posse Christum appellari Deum, sed Deum factum et temporalem, non æternum. Quod idem etiam docuit Nestorius apud Theodoretum lib. iv. Heret. Fab.

<sup>a</sup> Pelagianam hæresim, etsi eam non nomet, omnino designatam existimo, quam et sequenti cap. acius perstringit, quæ sicut ab Ebionitarum errore traxit originem, ita eam ad Nestorium et Nestorianos transfudit, tempore inter utrosque media, ut inferius dicit: unde illorum soboles et filia, horum parens et procreatrix dici potuit, uti infra plenius ostendetur. Hanc autem hæresim, Pelagianam scilicet, nuper, id est, suo tempore emerisse dicit Cassianus, nempe circa annum Domini 410 secundum Baronium. Undepassim ab Hieronymo vocatur *nova ex veteri hæresis*, et Pelagiani novi *ex veteribus hæretici* (Hieron. in Hierem. cap. 2, 25 et 30). Et Augustinus libro de Hæresibus: Pelagianorum, inquit, est hæresis hoc tempore omnium recentissima a Pelagio monacho exorta. Eam vero incerti nominis, sed certi erroris esse dicit, quia tunc nondum ejus auctor innotuerat. Pelagium enim diutissime inter catholicos latuisse et suas hæreses clauculo seminasse, antequam delegeretur hæreticus, ejusque nomen propalaretur, haud obscure indicat S. Hieronymus in præfatione lib. iv in Hieremiam, ubi ait: *Subito hæresis Pythagoræ et Zenonis ἀπαθείας, καὶ ἀναμαρτυρίας, id est, impassibilitatis et impeccantiæ, quæ olim in Origene et dudum in discipulis ejus Grunio Evagriusque Pontico, et Joviniano jugulata est, cepit reviviscere, et non solum in Occidentis (Bar. ubi supra), sed et in Orientis partibus sibilare, et in quibusdam insulis, præcipueque Siciliæ et Rhodi, maculare plebsque, et crescere per dies singulos, dum secreto docent et publice negant. Cui respondere diu tacens et dolorem silentio devorans, crebra fratrum exhortatione compulsus; nec tamen lucusque prorupi ut auctorum nomina ponerem, malens eos corrigi quam infamari: nec enim hominum, sed erroris inimicus sum, etc.* Quod enim hic Pelagianos notet Hieronymus, manifestum est ex epistola ejusdem ad Ctesiphontem, et ex dialogis adversus Pelagianos, ubi inter alios Pelagianorum errores, præcipue illam ἀπαθείαν et ἀναμαρτυρίαν, id est, impassibilitatem et impeccantiam insectatur. Subdit porro ubi supra idem Hieronymus, Pelagianos occulte latentes, et docentes exagitans: *Aut bona sunt quæ docetis, aut mala. Si bona, defendite libere; si mala, cur occulte miseros jugulatis errore, rectæque fidei ad decipiendos simplices jactatis expositionem? quæ si vera est, cur absconditur? si falsa, cur scribitur? Rogo, quæ est ista insania? præcipiente Apostolo, ut parati simus ad satisfaciendum omni poscenti nos rationem de ea quæ in nobis est spe (1 Pet. iii). et Propheta clamante: Loquebar de testimoniis tuis in conspectu regum, et non confundabar (Psal. cxviii). Isti publicum fugiunt, et susurrant in angulis perditorum, dolentque quasi pro suis, quæ sua metuunt confiteri. Ita Hieronymus.*

<sup>b</sup> Ita Basileensis codex, quem secutus Plantinus. Alii vero, ut in margine notatur, *Ex maxima Veligarum urbe*. Quæ lectio æque probatur. At quænam hæc Beligarum seu Veligarum urbs? An forte Beli-

garum positum pro Belgarum? Non existimo: non enim in Belgio, seu Gallia Belgica, sed Narbonensi (puta apud Massiliam), egisse et scripsisse memoratur Cassianus, Gennadio, Trithemio, aliisque auctoribus. In hac ambiguitate nihil prius occurrit, quam Pelagii patriam, puta Britanniam, vel Britannicæ urbem, unde pestis illa emergerit, hic videri designatam. Nam Pelagium monachum Pelagianæ hæresis auctorem, Britonem, seu Britannum natione existisse insinuat S. Hieronymus epistola ad Ctesiphontem (Cap. 4), dum eum ejusque commilitonem Cælestium perstringens, Britannicæ tyrannorum fertilis et Scoticæ gentis meminit (sic enim legendum, Scoticæ, non Stoicæ, ut habet Mariani lectio). Rursus alibi (*In præfat. lib. iii in Hierem.*) hæc de eodem, suppresso tamen nomine: *Habet enim progeniem Scoticæ gentis de Britannorum vicinia, qui juxta fabulas poetarum, instar Cerberi, spirituali percutiendus est clava, ut æterno cum suo magistro Plutone silentio conticescat.* Hæc ibi. Quibus plane signis, ait Baronius (Tom. V, sub anno 410), videas descriptum esse Pelagium natione Britannum, voluptuosum tunc monachum. Denique S. Augustinus epistola 105 Pelagium asserit Britonem fuisse cognominatum. Neque vero inde consequens est, Cassianum in Britannia, vel in Beligarum urbe fuisse: non enim dicit se Britanniam aut Beligarum urbem oculis conspexisse, sed illam venenosam hæresim (nempe in suis sequacibus) inde sub incerto nomine recens emergentem et prodeuntem. Quod si hæc expositio de Beligarum urbe alicui displiceat, alteram ei suggero non minus probabilem, quam, si magis arrideat, sequatur, ut per urbem Veligarum (non Beligarum) Velia, id est, Roma, Veligarum, id est, Romanorum urbs, et quidem maxima, ut hoc loco habet altera lectio, intelligatur. Siquidem Romam, prisco vocabulo, Veliam, vel in plurali, Velias, fuisse appellatam a Velia Romæ colle editiore, sic dicto, quasi Vellia, quod ibi pastores lanam vellere soliti essent, auctores sunt qui de antiquitatibus urbis Romæ et Romanorum scribunt (*Vid. Synonyma Ortelii, verb. Roma*). Et hæc quidem conjectura et qualiscumque expositio eo plausibilior apparet, quod certo constet Pelagium, eum ab Orientis partibus, ubi primum damnatus fuerat, in Occidentem se contulisset, primum in urbe Roma, quarumdam questionum prætextu, suarum hæresum venena sparsisse, id attestante Augustino (*Lib. de Pec. Orig. cap. 21*), ubi ait, eum diutissime Romæ vixisse, ibique in disputationibus, contentionibusque versatum, captantem undique occasionem hæresis propagandæ et propugnandæ. Quo tempore intercurrente, perquam credibile est, Joannem Cassianum Romæ egisse, et apud summum pontificem legati munus pro Chrysostomo in exilium pulso explevisse, cum scilicet hæc venenata hæresis, velut horridus anguis e latibulo suo sensim prodiret, et suo afflatu pestifero urbem illam maximam indiceret, ut merito dixerit Auctor, nuper eam ex maxima Veligarum urbe emergentem oculis conspexisse, antiquo usus vocabulo, eoque minus noto, ne Romanæ urbi videretur sponte detrahere, eamque infamare voluisse. Verum cum nec in his quidem animus acquiesceret, alia rursus de Velia, seu Veligarum civitate aliter opinandi sese obtulit occasio, ex quodam A. Gellii loco (*Noct. Attic. lib. x cap. 19*), ubi philosophum



incerti nominis : quia cum recenti capite <sup>a</sup> ex antiqua Ebionitarum stirpe surrexerit, dubium admodum est antiqua magis dici, an recens debeat. Nova enim assertoribus, sed vetusta erroribus fuit. Solitarium quippe hominem Dominum nostrum Jesum Christum natum esse blasphemans, hoc quod ad Dei postea honorem potestatemque pervenit, humani meriti, non divinæ asseruit fuisse naturæ : ac per hoc eum divinitatem ipsam non ex proprietate unitæ sibi divinitatis semper habuisse, sed postea pro præmio laboris passionisque meruisse ; cum utique Dominum Salvatoremque nostrum non Deum natum, sed a Deo blasphemum inducit reprehendentem hos Virgilii versus (*Æneid.* vi) :

Eripe me his, invicte, malis, aut tu mihi terram  
Iujice (namque potes) portusque require Velinos.

Quomodo, aiebat ille, aut Palinurus novisse, aut nominare potuit portus Velinos, et *Æneas* ex eo nomine locum invenire, cum *Velia* oppidum, a quo portum, qui in eo loco est, *Velinum* dixit, *Servio Tullio* regnante *Romæ* post annum amplius sexcentimum, quam *Æneas* in *Italiam* venit, conditum in agro *Lucano*, et eo nomine appellatum sit? Nam qui ab *Harpalo* regis *Cyri* præfecto ex terra *Phocide* fugati sunt, alii *Vetiam*, partim *Massiliam* condiderunt. Hæc ibi. Consentaneæ *Ambros.* *Calepinus* ex *Stephano* : *Velia*, inquit, *Lucaniæ* oppidum in sinu *Pæstario* conditum a *Phocensibus*, antea *Ἐλέα* dicta, et incolæ ipsi *Eleatæ*. Est et *Velinus* lacus de quo *Plinius* lib. ii cap. 12, et *Columella* lib. vi cap. 16. Ex quibus conicere licet hanc fortasse *Veliam* (a qua *Velinus* portus dictus) a *Roma* longe diversam ac dissitam, hoc loco a *Cassiano* designatam, utpote *Massiliæ*, in qua agebat ipse, et nomine, et antiquitate supparem, immo et conditione cognatam et vicinam, sibi que probe notam et frequentatam, in qua *Pelagiana* hæresis jam tum pullulare, aut sua venena diffundere cœperit. Habes, lector, triplicem de *Velia* et *Velagiarum* civitate opinionem aut conjecturam, non assertionem. Tui erit iudicii vel arbitrii quam malis amplecti, aut quid melius, si occurrat, benigne suggerere.

<sup>a</sup> Quatenus *Pelagiana* hæresis ex antiqua *Ebionitarum* stirpe surrexerit, et nonnullam originem traxerit, in sequentibus explicat, nimirum qua parte cum *Ebionitis* Christi divinitatem negantibus, ipsum solitarium, seu purum hominem asseruit : qui tamen error inter errores *Pelagianorum* ab *Hieronymo* et *Augustino* non exprimitur, nisi sub illis verbis *Augustini* intelligamus esse comprehensum ; ubi post peculiaria *Pelagianorum* dogmata recensita : *Obiiciuntur*, inquit (*Lib. de Hæres.* c. 83), *eis et alia nonnulla, sed ista sunt maxime, ex quibus intelliguntur etiam illa, vel pene cuncta pendere.* Porro spectavit hunc locum *Baronius*, cum de *Nestorianæ* hæresis ortu et scaturigine agens (*Tom. V sub anno 428*) : *Deducit*, inquit, *eam Cassianus e sæculentis fontibus Dionæis, derivatque per lutulentos ipsorum cuniculos, qui Christi negaverunt divinitatem : demum per Pelagianorum esse perductam cloacas tradit.* Hæc *Baronius*, quæ huic loco nonnihil lucis afferunt, et nostræ expositioni suffragantur.

<sup>b</sup> *Confinis* *Pelagiana* hæresi *Nestorianæ*, inter *Ebionitas* et *Nestorianos* media, ut dictum est.

<sup>c</sup> Illustrat itidem hunc locum card. *Baronius*, atque ex eo palam ostendit *Nestorium* non tantum favisse *Pelagianis*, quod prius demonstravit tum ex edicto *Theodosii* imperatoris, tum ex litteris *Cælestini* papæ ad ipsum *Nestorium*; sed etiam in aliquibus eadem sensisse cum illis : *Etenim*, inquit, *sicut de radice truncus, ita ex Pelagiana impietate Nesto-*

*A* maret assumptum : <sup>b</sup> *confinis* scilicet huic hæresi quæ nunc exstat, et quasi germana ac consanguinea, quæque tam *Ebionitis* quam his recentibus consentanea, tempore quidem inter utrosque media, sed utrisque tamen perversitate conjuncta. Sint quamvis ejus nonnulla alia his quæ jam diximus consimilia, sed longum est universa memorare. Neque enim nunc ad dicendum commemorationem præteritorum, sed confutationem novorum sumpsimus.

### CAPUT III.

*Pelagianorum pestilentem errorem notat.*

<sup>c</sup> Illud sane unum prætereundum non arbitramur, COMMENTARIUS.

*rianas* liquet progressas esse blasphemias : ut non mireris cum vides *Nestorium*, *Pelagianos* hæreticos atque damnatos episcopos recepisse *Constantinopoli*, a que ut gentiles suos omni officiorum genere consovisse, scripsisseque pro his iterum ad ipsum *Romanum* pontificem *Cælestinum*. Symbola namque intercessisse inter *Pelagianam* atque *Nestorianam* hæresim plane detegit *Cassianus*, secretorum *Pelagianorum* optime conscius, in libris ad *Leonem*, *Romanæ Ecclesiæ* diaconum, de *Incarnatione Verbi*, ubi primum hæc habet : Illud sane unum prætereundum non arbitramur, quod peculiare et proprium supradictæ illius hæreseos quæ ex *Pelagiano* errore descenderat, fuit quod dicentes quidem solitarium hominem *Jesum Christum* sine ulla peccati contagione vixisse, eo progressi sunt ut assererent homines, si velint, sine peccato esse posse. Et inferius : Unde advertit novus nunc jam non novæ hæreseos auctor (*Nestorius* scilicet) qui Dominum Salvatoremque nostrum solitarium hominem natum esse contendit, idem se omnino dicere quod *Pelagianistæ* ante dixerunt, etc. Et paulo post : Nec dubium est, re ipsa penitus declarante ; hinc enim illud est quod intercessionibus suis (*Nestorius* scilicet) *Pelagianistarum* querelas fovet, et scriptis suis causam illorum asserit quod subtiliter his ac (ut verius dicam) subdole patrocinator, consanguineæ sibi improbitati improbo suffragatur affectu, sciens scilicet ejusdem se esse sensus, ejusdem spiritus ; et ideo dolens cognitam sibi hæresim ab Ecclesia esse disjunctam, quam scit sibi utique perversitate conjunctam. Hæc *Cassianus* de protectione et communione *Nestorii* cum *Pelagianis* ; idemque inferius eadem refricat et exaggerat, et acerrime (ut par est) in nefandum hæresiarcham *Nestorium* invehitur. Sed hæc omnia in *Leporio Pelagiano* satis perspicuo demonstravit exemplo (*Libro v de Incarn.*), ea disertis sane verbis ipsum esse professum in Occidente, quæ postea in Oriente *Nestorius* creatus episcopus prædica-  
vit, licet ille pœnitens palinodiam recantavit. Sed sicut dolosam, ita inanem prorsus esse scias excusationem illam *Nestorii* ad *Cælestinum*, qua, ut se *Pelagianum* minime esse diceret, de peccato originali atque de libero hominis arbitrio demonstravit se recte sentire ; nam, etsi non omnia hæresis *Pelagianæ* *Lernæ* hydræ capita in ipso videas, unum saltem, illudque ferocius, in *Filium Dei* ejusque *Matrem* extentum fuisse constat. Hucusque *Baronius*, ex hoc præcipue *Cassiani* loco, ostendendo quæ fuerit *Nestorio* cum *Pelagianis* animorum et sententiarum communio et concordia. Ex quibus intelligimus *Nestorium* cum *Pelagianis* non in omnibus quidem consensisse, sed in duobus præcipue capitibus, puta de Christi divinitate, sive de unica Christi persona in duabus naturis subsistente per unionem hypostaticam, qua fit ut idem sit Deus et homo, et de vera Θεοτόκῳ, seu *Deiparæ* *Virginis* appellatione, sed quod *Virgo* Deum et hominem genuerit, quod *Nestorius* *Pelagianis* dogmatibus inherens pernegabat. At *Pelagius* peccatum originale in parvulis negabat, et liberum hominis arbitrium gratiæ Dei præponebat ; *Nestorius* non item, ut ex litteris ipsius ad *Cælestinum* pontificem colligit *Baronius*.



quod peculiare ac <sup>a</sup> proprium supradictæ illius hæreseos, quæ ex Pelagiano errore descenderat, fuit : quod dicentes quidem solitarium hominem Jesum Christum sine ulla peccati contagione vixisse, eo progressi sunt, ut assererent homines, <sup>b</sup> si velint, sine peccato esse posse. Consequens enim existimabant, ut si homo solitarius Jesus Christus sine peccato fuisset, omnes quoque homines sine Dei adiutorio esse possint, quidquid ille homo solitarius sine con-

ALARDI GAZÆI COMMENTARIUS.

<sup>a</sup> Suspicetur fortasse quispiam de Nestoriana hæresi hæc dici, quod verba ista præferunt : *Quæ ex Pelagiano errore descenderat.* Nestorianam siquidem hæresim ex Pelagiano errore seu hæresi descendisse ac velut ex fonte profluxisse, jam ostensum est, et alias etiam plenius ostendendum. Verum aliter res habet. Non enim de alia quam de Pelagiana hæresi intelligi posse manifestum est ex sequentibus, ubi commemoratis aliquot erroribus Pelagianorum, subdit Auctor Nestorium idem dicere quod Pelagianistæ ante dixerunt; et ideo ipsum Nestorium non novæ hæreseos auctorem nominat, quia scilicet eandem hæresim Pelagius ante ipsum tenuerat et promulgarat. Neque vis in illis verbis facienda est : *Quæ ex Pelagiano errore descenderat.* Dicitur enim hæresis Pelagiana ex Pelagiano errore descendisse, quia a Pelagio errante et circa fidem naufragante inventa et propalata.

<sup>b</sup> Intellige, sine Dei adiutorio, ut postmodum exponitur, id est, sine auxilio Dei supernaturali. Enumerantur autem hic quatuor errores quos Pelagianis attribuit Auctor. Primus error, Dominum Jesum Christum hominem esse solitarium, id est, purum hominem, non Deum, quod ante Pelagium multi alii hæretici docuerunt. Secundus error, unumquemque hominem, si velit, posse esse absque peccato, idque sine auxilio gratiæ divini, ut dictum est, quem errorem dicit esse proprium ac peculiarem hæresis Pelagianæ : non quod vel primus vel solus id Pelagius docuerit, contrarium enim asserit D. Hieronymus in epistola illa ad Ctesiphontem, ubi et Manichæum, et Priscillianum, et Origenem, et alios ejusdem hæresis ponit auctores et assertores, quod Pelagianis exprobrans : *Pudeat ergo, inquit (Cap. 2), eos principum et sociorum suorum, qui oīunt posse hominem sine peccato esse, si velit, quod Græci dicunt ἀναπαύματος; sed quia id unum ex præcipuis capitibus hæreseos Pelagianæ, ac veluti singulare dogma Pelagii, majore studio et contentione ab ipso promulgatum, ut patet tum illa epistola D. Hieronymi, tum ex libris adversus Pelagianos, ubi catholicus, sub nomine Attici, primum dialogum cum Critobulo Pelagiano sic exorditur : Dic mihi, Critobule, verumne est, quod a te scriptum audio, posse hominem sine peccato esse, si velit? Et respondet Critobulus, verum. Idipsum etiam testatur S. Augustinus, hæc de Pelagianis scribens (Hæres. 88) : In id etiam progrediuntur, ut dicant vitam justorum in hoc sæculo nullum omnino habere peccatum, et ex his Ecclesiam Christi in hac mortalitate perfici, ut sit omnino sine macula et ruga; quasi non sit Christi Ecclesia quæ in toto orbe terrarum clamat ad Deum : Dimitte nobis debita nostra. Denique in concilio quodam Pædestino compulsus est Pelagius damnare hunc articulum : Filios Dei non posse vocari, nisi omni modo absque omni peccato fuerint effecti (Vide Baron. tom. V ann. 415). Tertius error, Christum Dominum in hunc mundum venisse non ad redimendum genus humanum, sed ad præbendum dumtaxat virtutis exemplum, nempe ut homines doceret humilitatem, charitatem, etc. Contra quem errorem sanctus Leo pie et prudenter admonuit in Christi morte duo esse consideranda, exemplum et sacramentum : *Salvator, inquit (Serm. 14 et 16 de Pass. Dom), noster universis in se credentibus et sa-**

sortio Dei esse potuisset. Ac sic nullam facerent inter omnem hominem ac Dominum nostrum Jesum Christum esse distantiam; cum idem utique hominis atque industria sua mereri possit, quod Christus studio ac labore inervisset. Quo factum est ut in majorem quoque ac monstruosiore insaniam prorumpentes, dicerent, Dominum nostrum Jesum Christum hunc in mundum, non ad præstandam humano generi redemptionem, sed ad præbenda bo-

COMMENTARIUS.

*cramentum condidit et exemplum, ut unum apprehenderent renascendo, alterum sequerentur imitando.* Ubi nota primo loco sacramentum, seu mysterium redemptionis humanæ, ut primariam causam adventus Christi designari; secundariam vero ipsius exemplum ad imitandum propositum. Et rursus alibi : *Ab omnipotenti medico duplex nobis remedium præparatum est, cujus aliud est in sacramento, aliud in exemplo, ut per unum conferantur divina, per aliud erigantur humana.* Sanctus item Bernardus contra Petrum Abailardum, qui eundem errorem prædicabat, agens : *Quid lex, inquit (Epist. 190), quid prophetæ, quid apostoli, quid apostolici viri nobis aliud evangelizant, quam quod solus tu negas, Deum videlicet factum hominem ut hominem liberaret? Et si angelus de cælo aliud nobis evangelizaverit, anathema sit. Et inferius : Quid prodest si nos instituit (Christus), si non restituit? Aut numquid frustra instruimur, si non destruitur in nobis corpus peccati, ut ultra non serviamus peccato? Si omne quod profuit Christus in sola fuit ostensione virtutum, restat ut dicatur quod Adam quoque ex sola peccati ostensione nocuerit, siquidem pro qualitate vulneris allata est medicina. Sicut enim in Adam omnes moriuntur, ita et in Christo omnes vivificabuntur. Ergo sicut hoc, ita et illud. Si vita quam dedit Christus non est alia quam institutio ejus, nec mors utique quam dedit Adam alia erit similiter quam institutio ejus; ut ille quidem ad peccatum exemplo suo, hic vero exemplo et verbo ad bene vivendum et se diligendum homines informaret. Si Christianæ fidei, et non Pelagianæ hæresi, acquiescentes, generatione, non institutione, traductum in nos confitemur Adæ peccatum, et per peccatum mortem, fateamur necesse est et Christo nobis non institutione, sed regeneratione restitutam justitiam, et per justitiam vitam; ut sicut per unius delictum in omnes homines in condemnationem, sic et per unius justitiam in omnes homines in justificationem vitæ. Hæc S. Bernardus, et quæ sequuntur in eandem sententiam. Quartus error Pelagianorum hic notatus, Christum non natura, sed suis meritis tantum adeptum esse divinitatem; nempe anno trigesimo factum esse Christum per baptismum, et post passionem et resurrectionem suis etiam meritis factum esse Deum; et posse eodem modo alios homines suis viribus bene vivere, et ad beatitudinem et quamdam divinitatem pervenire, sicut Christus pervenit. Quos omnes errores (excepto fortasse secundo) secutum esse Nestorium indicat Auctor, ut Pelagii non solum collega, sed discipulus dici merito debuerit. Ubi animadvertendum est Nestorium sic duas in Christo posuisse personas, ut etiam tempore prius hominem esse diceret, quam a Verbo assumeretur, siquidem studio et voluntate virtutumque meritis id tantum honoris consecutum esse, ut Filio Dei singulari amicitia jungeretur, immo et Filius Dei et Deus diceretur. Unde illa memoratur Nestorii blasphemia jactantia : *Non invideo Christo facto homini Dei, quia, si volo, fio et ego.* Ideoque Prosper, in epitaphio Nestorianæ et Pelagianæ hæreseos, sic eas loquentes introducit (Lib. de Ingratis) :*

Quo nos præcipientes insana superbia mersit,  
Exutas donis, et tumidas meritis?  
Nam Christum pietate operum et mercede volente  
Esse Deum, in capitis fœdere non stetimus.



norum actuum exempla venisse : videlicet ut disciplinam ejus sequentes homines, dum per eandem viam virtutis incederent, ad eadem virtutum prae-  
 mia pervenirent : <sup>a</sup> evacuantes, quantum in ipsis fuit, omne sacri adventus donum et omnem divinae redemptionis gratiam, cum idem dicerent homines consequi posse vivendo, quod praestitisset Deus pro humana salute moriendo. Addiderunt quoque Dominum, Salvatoremque nostrum post baptismum factum esse Christum, post resurrectionem Deum : alterum assignantes unctionis mysterio, alterum merito passionis : unde advertit novus nunc jam, non novae haereseos auctor, qui Dominum Salvatoremque nostrum solitarium hominem natum esse contendit, idem se omnino dicere quod Pelagianistae ante dixerunt : et consequens errori suo esse, ut qui utique sine peccato solitarium hominem Jesum Christum vixisse asserit, omnes quoque per se homines sine peccato posse esse blasphemet : nec necessariam quoque exemplo illius dicant redemptionem Domini fuisse, cum ad coeleste regnum suo tantum homines nisu (ut aiunt) valeant pervenire. Nec dubium id est, re ipsa penitus declarante. Hinc enim illud est, <sup>b</sup> quod intercessionibus suis Pelagianistarum querelas fovet, et scriptis suis causas illorum asserit : quod subtiliter his, vel, ut verius dixerim, subdole patrocinator, et consanguineae sibi improbitati improbo suffragatur affectu, sciens scilicet ejusdem se esse sensus, ejusdem spiritus, et ideo dolens cognitionem [Lips. in marg. cognatam] sibi haereseos ab Ecclesia esse disjunctam, quam scit sibi utique perversitate conjunctam.

## CAPUT IV.

*Leporius una cum aliis nonnullis Pelagianismum recantat.*

Sed tamen quia illi qui de hac pestilentium spina-

## ALARDI GAZÆI COMMENTARIUS.

<sup>a</sup> Ita divus Bernardus Petrum Abailardum similia cum Pelagio sentientem, redarguit (Epist. 190) : Si hoc sapit, cum Pelagio desipit. Quidquid horum sentiat, patet quod quantum in ipso est evacuet alti dispensationem mysterii, qui totum de salute tribuit devotioni, generationi nihil ; qui nostrae gloriam redemptionis et summam salutis non in virtute crucis, non in pretio sanguinis, sed in nostrae constituit conversationis profectibus. Mihi autem absit gloriari nisi in cruce Domini nostri Jesu Christi (Gal. vi), in quo est salus, vita et resurrectio nostra. Et quidem tria quaedam praecipua in hoc opere nostrae salutis intueor : formam humilitatis, in qua Deus semetipsum exinanivit ; charitatis mensuram, quam usque ad mortem, et mortem crucis, extendit ; redemptionis sacramentum, quae ipsam mortem quam pertulit, sustulit. Horum duorum priora sic sunt, ac si super inane pingas. Magnum profecto et valde necessarium humilitatis, magnum et omni acceptione dignum charitatis exemplum, sed non habent fundamentum, ac proinde nec statum, si desit redemptio.

<sup>b</sup> Quomodo Nestorius suis intercessionibus Pelagianorum querelas foverit, et suis scriptis causam illorum defenderit, patet ex ipsius litteris ad Coelestinum papam datis, quas recitat Baronius (Tom. V, sub an. 430).

<sup>c</sup> Satis obscure indicat quosdam ex Pelagianis ad sanio-rem mentem et fidem catholicam revocatos, in quibus Leporius, de quo infra

A rum stirpe descenderant, <sup>e</sup> divina ope jam ac pietate sanati sunt, orandus quoque etiam nunc Dominus Deus noster est, ut quia consentaneae sibi in quibusdam sunt <sup>d</sup> pristina illa haeresis et haec nova, similibus malorum initiis similem bonorum exitum largiatur. <sup>e</sup> Leporius enim tunc monachus, modo presbyter, qui ex Pelagii, ut supra diximus, institutione, vel potius pravitate, descendens apud Gallias assertor praedictae haereseos, aut inter priores, aut inter maximos, fuit a nobis admonitus, a Deo emendatus ; ita male conceptam persuasionem magnifice condemnavit, ut non minus pene admiranda sit correctio illius, quam illaesa multorum fides ; quia primum est errorem penitus non incurrere, secundum bene repudiare. Is ergo in se reversus, non solum in Africa, B ubi tunc erat atque nunc est, tam errorem suum cum dolore quam sine pudore confessus est, sed etiam ad omnes admodum Galliae civitates flebiles confessionis ac plactus sui litteras dedit : scilicet ut ubi deviatio ejus prius cognita erat, illuc etiam emendatio noceretur ; et qui testes erroris antea fuerant, iidem postea correctionis essent.

## CAPUT V.

*Publicum peccatum publica confessione diluendum esse Leporii exemplo confirmat, simul ex ejus sententia docens quid de Verbi Incarnatione sentiendum sit.*

Ex cujus confessione, vel potius deploratione, nonnulla inserenda existimavimus, duplici ex causa : ut correctio eorum et nobis testimonio et his qui nunc tant exemplo esset ; quorumque errorem sequi non C erubuissent, eorum emendationem sequi non erubescerent ; ac sicut simili aegritudine infirmarentur, ita simili remedio sanarentur. Is ergo agnita opinionis suae perversitate, et inspecta fidei luce, scribens ad episcopos Gallicanos, ita exorsus est : Quid in me primum, o domini mei venerandi et beatissimi sa-

<sup>d</sup> Pristina Pelagiana, id est, anterior ; nova Nestoriana, id est, posterior, ut dictum est.

<sup>e</sup> De quo ita Gennadius (De Viris Illust. cap. 59) : Leporius adhuc monachus, postea presbyter, praesumens de puritate vitae, quam arbitrio tantum et conatu proprio, non Dei se adiutorio obtinuisse credebatur, Pelagianum dogma coeperat sequi ; sed a Gallicanis doctoribus admonitus, et in Africa per Augustinum emendatus, scripsit emendationis suae libellum, in quo et satisfacit de errore, et gratias agit de emendatione ; D simul et quod de Incarnatione Christi male senserat corrigens, catholicam sententiam tulit dicens : Manentibus in Christo in sua substantia duabus naturis, unam credendam Filii Dei personam. Haec Gennadius. Porro hunc auctorem fuisse Nestorio suae ipsius haereseos Cassianus itidem affirmat libro vii de Incarnatione, ubi inter alia haec habet, Nestorium alloquens : Ita ergo et tu Pelagianae haereseos spinosa soboles, ostendis in germine quod pater tuus habuisse traditur in radice ? Leporius enim ille (ut Leporius discipulus suus dixit) Dominum nostrum asserebat Christum factum esse per baptismum, tu in baptismo templum dicis factum esse per Spiritum. Non quidem ad plenum eadem verba sunt, sed ad plenum una perversitas, etc. Notavit Baronius (sub anno 420) alium itidem inveniri Leporium genere clarissimum, in monasterio S. Augustini profitentem, de quo ipse Augustinus serm. 50 de Diversis.



cerdotes, accusem nescio, et quid in me primum A  
excusem non invenio. Sic imperitia et superbia, sic  
stulta simplicitas cum persuasione noxia, sic fervor  
cum intemperantia, sic, ut verius dicam, cum sui  
diminutione debilis fides, simul in me omnia recepta  
viguerunt, ut tot et tantis simul sit et obedisse con-  
fusio, et hæc eadem ab animo potuisse cedere, mihi  
stupenda gratulatio. Et post pauca subjungit: Si  
ergo minime percipientes hanc potentiam Dei, sen u  
nostro et propriâ ratione sapientes, quasi in infe-  
riora [*Lips. in marg. quasi inferiora*] se Deus agere  
videatur, ita hominem cum Deo natum esse dicamus,  
ut seorsum quæ Dei sunt soli Deo demus, et seorsum  
quæ sunt hominis soli homini reputemus, <sup>a</sup> quartam  
manifestissime introducimus in Trinitate personam,  
et de uno Filio Deo non unum, sed facere incipimus B  
duos Christos, quod a nobis jam ipse Dominus et  
Deus Christus avertat! Ergo confitemur Dominum  
ac Deum nostrum Jesum Christum unicum Filium

## ALARDI GAZÆI COMMENTARIUS.

<sup>a</sup> Sic Augustinus tractatu 78 in Joannem: *Agnoscamus, inquit, geminam substantiam, divinam scilicet, qua æqualis est Patri; et humanam, qua minor est Patri: utrumque autem simul non duo, sed unus est Christus, ne sit quaternitas, non Trinitas Deus. Vincentius item Lirinensis (Commonit. i cap. 18 et 22) inter alios hæreticos, anathema dicit Nestorio, neganti ex Virgine Deum natum, et, explosa Trinitatis fide, quaternitatem nobis introducenti.*

<sup>b</sup> Per illam communicationem idiomatum ex unitate personæ in Christo resultantem, de qua inferius agendum, qua sit ut proprietates hominis Deo, et proprietates Dei homini, vere tribuantur (*Euthym. in c. iv Joan.*), et de una Christi persona vicissim enuntientur, cum sit idem numero Deus et homo, et ut Græci feliciter loquuntur, θεᾶνθρωπος: *Qui licet Deus sit et homo, non duo tamen, sed unus est Christus*, ait B. Athanasius in symbolo.

<sup>c</sup> Tribus modis una substantia dicitur fieri alia: (*Euthym. in cap. i Joan.*): Primo modo per mutationem, conversionem seu transitionem unius naturæ in alteram, sic ut altera substantia in alterius naturam commutetur, ut cum aqua sit vinum, Joan. ii; virga serpens, Exod. vi. Secundo per successionem, ut cum ex nocte sit dies, ex nihilo crea ura, ex pane corpus Christi in eucharistia, et in cæteris in quibus altera substantia in alterius plane intereuntis locum succedit. Tertio per assumptionem sive accessionem alterius substantiæ seu naturæ, ita ut ex utraque incolumi, salva et integra, unum subjectum existat, quæ hypostasis dicitur. Sic ferrum sit ignis, cum in eum ita convertitur, ut ferrum ignis non dicatur, sed ferrum ignitum, quia naturam et proprietatem utriusque, ferri videlicet et ignis, conservet. Sic (nam hac similitudine utuntur SS. Patres) *Verbum caro factum est*, quod carni seu naturam humanam in se suscepit, non quod in eam conversum sit, aut in ejus pereuntis locum successerit. Sicuti enim primus homo dicitur factus in animam viventem (*Gen. i*), seu anima vivens, quod animam viventem sibi divinitus inspiratam et in unam hypostasim constatam acceperit, sic Verbum factum est caro, id est, assumpsit carnem in unitatem personæ divinæ. Quod duobus versiculis exposuit S. Athanasius in symbolo: *Unus autem non conversione divinitatis in carnem, sed assumptione humanitatis in Deum, unus omnino non confusione substantiæ, sed unitate personæ.*

<sup>d</sup> Sic lib. ii cap. 3: *Homo unitus Deo.* Cujusmodi locutione, licet improprie, subinde usi Patres (*Aug. lib. de Agone Christ. c. 11, et serm. 8 de Verb. Dom.*), maxime qui Nestorii tempora præcesserunt; per ho-

Dei, qui sibi ante sæcula natus ex Patre est, nobis a tempore de Spiritu sancto, et Maria semper virgine factum hominem, Deum natum. Et confitentes utramque substantiam carnis ac Verbi, unum eundemque Deum atque hominem inseparabilem semper pia fidei credulitate suscipimus; et ex tempore susceptæ carnis, sic <sup>b</sup> omnia dicimus quæ erant Dei transisse in hominem, ut omnia quæ erant hominis in Deum venirent. Et <sup>c</sup> hac intelligentia Verbum factum sit caro, non ut conversione aut mutabilitate aliqua cœperit esse quod non erat, sed ut potentia divinæ dispensationis Verbum Patris numquam a Patre discedens, homo proprie fieri dignaretur, incarnatusque sit unigenitus secreto illo mysterio quo [*Al. quod*] ipse novit; nostrum namque est credere, B illius nosse. Ac sic ipse Deus Verbum, totum suscipiens quod est hominis, homo sit; et <sup>d</sup> assumptus homo totum accipiendo quod Dei est, aliud quam Deus esse non possit. Non tamen quia <sup>e</sup> incarnatus

minem intelligentes humanam naturam. Qui tamen sicubi circumspectius magisque proprie loqui voluerunt, non hominem, sed humanitatem a Verbo assumptam eique unitam dixerunt: quomodo frequentius ac libentius locuti sunt posteriores theologi, præsertim scholastici: *Nobis enim in his quæ religionem spectant, ad certam regulam loqui fas est; ne verborum licentia etiam de rebus quæ his significantur impiam gignat opinionem*, ait S. Augustinus (*Lib. x de Civit. Dei, cap. 23*).

<sup>e</sup> Notanda sunt aliquot vocabula quibus ut synonymis utuntur Patres ad significandum Incarnationis mysterium. Primum est ipsum Incarnationis vocabulum, quod licet in Scripturis non exprimitur, tamen a Patribus, tam Latinis quam Græcis, post concilium Nicænum, opportune inventum et usurpatum est, utpote ex illis verbis Joannis: *Verbum caro factum est* (*Joan. i*), manifeste derivatum. Idem enim est, Verbum carnem fieri, et incarnari. Ubi per synecdochen caro pro homine ponitur, pars pro toto; quod in Scripturis frequentissimum est, ut ostendi B. Augustinus Enchir. cap. 34, et nota sunt exempla: *Videbit omnis caro salutare Dei* (*Isai xl*). *Non timebo quid faciat mihi caro* (*Psal. cxvii*). *Ex operibus legis non justificabitur omnis caro* (*Rom iii*). Quare cum ex illo Joannis oraculo deductum fuerit Incarnationis vocabulum, aptissime denotat ipsum mysterium, quod Deus Dei Filius factus est non solum caro, sed homo, qui nomine carnis significatur; dicitur enim Verbum incarnatum, non quia carni inclusum, aut carni copulatum, quomodo apud Augustinum dicitur incarnatio animarum, epist. 28, multoque minus incarnatum quia in carnem versum, sed quia *Verbum caro factum est*, id est, Deus factus homo, servata utriusque proprietate naturæ. Quare plus complectitur vocabulum Incarnationis quam vocabulum unionis et commixtionis, quibus etiam vocibus hac in re veteres usi reperiuntur. Nam animam unitam carni recte dixerimus, non autem incarnatam, hoc sensu, id est, carnem faciam; non enim anima caro aut homo facta est, sed ex anima et carne efficitur homo. Porro vocabulum unionis Erasmus quodam loco tamquam novitium et scholasticum repudiat, non attendens gravissimos auctores hoc frequenter usurpasse. Leo serm. i de Nativit.: *Natura, inquit, inviolabilis naturæ est unita passibili.* Concilium Chalcedonense dicit naturarum unionem in Christo esse factam. Et alii Patres passim ita loquuntur. Vocabulum item commixtionis tametsi duriusculum videri potest, tamen a Patribus subinde usurpatur. Tertullianus in Apologet. *Nascitur, inquit,*



dicatur, et immixtus, diminutio ejus est accipienda substantiæ; novit enim Deus sine sui corruptione misceri, et tamen in veritate misceri; novit in se ita suscipere ut nihil ei crescat augmenti, sicut seipsum totum novit infundere, ut nihil accadat detrimenti. Non ergo ad intelligentiam imbecillitatis nostræ secundum experimentorum visibilia documenta facientes conjecturam de æqualibus se invicem ingredientibus creaturis, putemus Deum hominemque commixtum, et tali confusione carnis et Verbi quasi aliquod corpus effectum. <sup>a</sup> Absit ita credere, ut conflati quodammodo genere duas naturas in unam redactas arbitremur esse substantiam; hujusmodi enim commixtio partis utriusque corruptio est. Deus enim, qui capax non capabilis est, penetrans non penetrabilis, implens non implebilis, qui ubique simul totus est, et ubique diffusus est, per infusionem potentiæ suæ misericorditer naturæ est mixtus humanæ. Et post pauca: Nascitur ergo nobis proprie de Spiritu sancto et Maria semper virgine

A Deus homo Jesus Christus Filius Dei. Ac sic in alterutrum unum sit Verbum et caro: ut manente in sua perfectione naturaliter utraque substantia, sine sui præjudicio, et humanitati divina communicent, et divinitati humana participant. Nec alter Deus, alter homo, sed idem ipse Deus qui et homo; et vicissim homo, qui et Deus Jesus Christus unus Dei Filius nuncupetur et vere sit: et ideo id agendum nobis semper est et credendum, ut Dominum nostrum Jesum Christum Filium Dei, Deum verum, quem cum Patre semper et æqualem Patri ante sæcula confitemur, eundem a tempore susceptæ carnis factum Deum hominem non negemus; nec, quod si per gradus et tempora proficientem in Deum, alterius status fuisse ante resurrectionem credamus, B alterius post resurrectionem, sed ejusdem semper plenitudinis atque virtutis. Et item paulo post: Sed quia Verbum Deus in hominem dignanter hominem suscipiendo descendit, ei per susceptionem Dei homo ascendit in Verbum, <sup>b</sup> totus Deus Verbum factus est

#### ALARDI GAZÆI COMMENTARIUS

homo Deo mixtus. Cyprianus lib. de Vanitate idolorum: *Deus cum homine miscetur*. Vigilii martyr lib. 1 contra Eutychen: *Filius Dei ostendere voluit nostri generis naturam, per commixtionis individuum unitatem*. Augustinus vero epistola tertia, quæ est ad Volusianum, dicit Deum homini admixtum. Leo serm. 3 de Nativ.: *Non sic, inquit, creatura in societatem sui Creatoris assumpta est, ut ille inhabitator, et illa habitaculum esset; sed ita ut natura altera alteri misceretur*. Denique Cassianus, vel potius Leporius, hoc loco dicit Deum incarnatum et immixtum, non negative, quasi non mixtum, sed positive et affirmative, quasi intra mixtum vel commixtum. Unde subdit postmodum: *Novit enim Deus sine sui corruptione misceri*. Cæ erum prudenter admonet Augustinus, epi tota prædicta ad Volusianum debere hic auditorem catholicum recedere a consuetudine corporum, qua solent duo liquores ita commisceri, ut neuter servet integritatem suam, quamquam, inquit, et in ipsis corporibus aer lux incorrupta misceatur. Itaque juxta hanc Augustini admonitionem, cum hoc commixtionis verbum auditur, vel legitur, non ad liquorum mixtionem respiciendum est, sed ad eam magis qua lux totum aerem penetrans, ei permiscetur. Unde Cyrillus, in libro qui dicitur Golia, negat naturam divinam in humanitate perpeccam esse commixtionem. Et in officio ecclesiastico canitur de Christo: *Non commixtionem passus, neque divisionem*. Superest quantum his affine, nec minus usitatum, assumptionis vocabulum, quo communiter utentes Patres (S. Leo epist. 97 cap. 11), et theologi docent in Christo non naturam a natura, neque personam a persona, sed naturam humanam a persona divina assumptam. Vide Magistrum Sentent. lib. III dist. 5, et DD. ibidem. Est autem hoc assumendi verbum huic mysterio valde accommodatum, unde et eo similibusque Scriptura non raro utitur. Paulus ad Hebræos 11: *Nusquam angelos apprehendit, sed semen Abraham ἐπιλαμβάνεται*, apprehendit, accepit, assumpsit. Ad Philipp. 11: *Formam servi ἐλάβεν*, accepit, assumpsit.

<sup>a</sup> Hæc enim fuit hæresis Eutychetis, abbatis Constantinopolitani, qui, ut Nestorio contradiceret, unam tantum asseruit in Christo naturam ex duabus naturis in ipsa Incarnatione conflata et confusam; quem cum Dioscuro Alexandrino synodus Chalcedonensis damnavit, anno Domini 451. Hinc S. Leo serm. 8 de Nativ.: *Post diversas, inquit, impietates*

quæ sibi invicem sunt multiformium blasphemiarum cognitione connexæ, de iis potissimum erroribus declinandis observantiam vestræ devotionis admonco, quorum unus dudum Nestorio auctore consurgere non impune tentavit, alius nuper pari execratione damnandus Eutychæ assertore prorupit. Nam ille beatam Mariam virginem hominis tantummodo ausus est prædicare genitricem, ut in conceptu ejus et partu nulla Verbi et carnis facta unitio crederetur, quia Dei Filius non ipse factus sit hominis filius, sed creato homini sola se dignatione sociaverit. Quod catholicæ aures nequaquam tolerare potuerunt, quæ sic Evangelio veritatis imbutæ sunt, ut firmissime noverint nullam esse humano generi spem salutis, nisi ipse esset filius Virginis, qui creator est matris. Hic autem recentioris sacrilegii profanus assertor unionem quidem in Christo duarum confessus est naturarum, sed ipsa unionem id dicit effectum, ut ex duabus una remaneret, nullatenus alterius existente substantia, quod utique fieri nisi aut consumptione aut separatione non posset. Hæc S. Leo, duas hæreses describens simul et confutans. Vide eundem epistola 97, et epistolam Flaviani ad ipsum Leonem, et Theodoretum lib. IV de Fab. Harret.

<sup>b</sup> Hoc explicat Damascenus in hunc modum (Lib. III Orthod. Fidei cap. 7): *Totus (Christus) est Deus perfectus; sed non totum Deus, sed et homo. Et totus homo perfectus, non totum autem homo; non solum enim homo, sed et Deus. Nam totum, est naturæ significativum; totus autem, hypostaseos; quemadmodum aliud naturæ est, alius autem hypostaseos*. Ubi commentans Joan. Cochlæus: *In supersanctæ, inquit, Trinitatis mysterio itidem et Incarnationis enuntiando, totus, alius, et similia nomina in masculino genere hypostasim et personam designant, in neutro vero naturam et ejus proprietates insinuant. Propterea in Trinitate admittitur alius esse Pater, et alius Filius. Sed non aliud Pater, aliud Filius, quia diversa est Patris et Filii persona, non tamen alia unius et alterius substantia. E diverso, in susceptionis humanæ naturæ commercio, aliud Deus et aliud homo, non tamen alius Deus et alius homo, quia diversæ sunt Dei et hominis naturæ, non tamen personæ. Sic recte dixerimus quod Christus est totus Deus perfectus et totus homo perfectus, cum nihil eidem desit divinitatis neque etiam humanitatis; non tamen totum est Deus, cum non solum habeat naturam divinam, sed et humanam; neque totum est homo, cum etiam habeat divinæ naturæ communionem. Sic ille.*



totus homo. Non enim Deus Pater homo factus est, A nec Spiritus sanctus, sed Unigenitus Patris; ideoque una persona accipienda est carnis et Verbi, ut fideliter sine aliqua dubitatione credamus unum eundemque Dei Filium, inseparabilem semper<sup>a</sup> geminæ substantiæ, etiam gigantem nominatum in diebus carnis suæ (*Psalm. xviii*), et vere semper possedisse quæ sunt hominis, et vere semper possedisse quæ Dei sunt. Quoniam et sic *crucifixus est ex infirmate, sed vivit ex virtute Dei* (II Cor. xiii).

## CAPUT VI

*Concors catholicorum doctrina uti orthodoxa fides amplectenda est.*

Hanc ergo<sup>b</sup> ejus confessionem, id est, catholicorum omnium fidem, et omnes Africani episcopi, unde B scribebat, et omnes Gallicani, ad quos scribebat, comprobaverunt. Neque ullus adhuc omnino existit cui fides hæc sine infidelitatis crimine displiceret, quia professio impietatis est, probatam negare pietatem. Sufficere ergo solus nunc ad confutandam hæresim deberet consensus omnium, quia indubitata veritatis manifestatio est auctoritas universorum, et perfecta ratio facta est ubi nemo dissensit [*Lips. in*

*marg. dissentit*]. Ita ut qui contra hoc se digne nitatur, hujus prima statim fronte non tam sit audienda assertio, quam damnanda perversitas: quia præjudicium secum damnationis exhibuit, qui iudicium universitatis impugnat; et audientiæ locum non habet, qui a cunctis statuta convellit. Confirmatum enim semel ab omnibus veritate, quidquid contra id venit, hoc ipso statim falsitas esse noscendum est, quod a veritate dissentit. Ac per hoc sufficere ei etiam id solum convenit ad sententiam damnationis, quod discrepat a iudicio veritatis. Sed tamen quia rationi non obest sermo rationis, et semper veritas ventilata plus rutilat, meliusque est errantes disputationis curatione corrigi, quam censuræ severitate damnari; curanda est, quantum in nobis est, per divinam epem in novis hæreticis vetus hæresis, ut, recepta per sacram misericordiam sanitate, medela potius eorum det sanctæ fidei testimonium quam damnatio justæ severitatis exemplum. Adsit tantum disputationi ac sermoni de se habito ipsa Veritas, et pietate illa qua Deus ad homines venire dignatus est humanis erroribus opituletur, qui ad hoc se vel maxime in terris atque in homine nasci voluit, ut falsitati amplius locus esse non posset.

## ALARDI GAZÆI COMMENTARIUS.

<sup>a</sup> Ita canit Ecclesia in hymno de Nativitate

Geminæ gigas substantiæ,  
Alacris ut currat viam;

alludens ad illud psalmi xviii: *Exsultavit ut gigas ad currendam viam.*

<sup>b</sup> Ejus, supple, Leporii, quam ad finem usque capitis præcedentis prosecutus est. Mirum autem plane est, quod et Baronius observavit (*Sub anno* C

420), antequam a Nestorio sua hæresis promulgetur, inveniri eam a Leporio, suo ipsius libello penitus confutatam, assertamque ea de re sincere catholicam fidem, qua Christus Dominus in una persona verus Deus et homo, et sanctissima virgo Maria Dei Genitrix et Deipara jure astruitur. Et magno quidem miraculo factum est ut ipse antea hæresiarcha, adeo sincera adeoque vera confessione damnetur quæ pugnae disputatione ante defendere consuevisset.

## LIBER SECUNDUS.

## CAPUT PRIMUM.

*Posteriorum hæreticorum errores in auctoribus atque inventoribus suis damnatos et confutatos esse.*

Quoniam libello primo quædam præmisimus, quibus<sup>a</sup> novum hæreticum ex antiquis hæreseos stirpibus pullulare approbaremus, sufficere quidem ei ad excipiendam justæ damnationis sententiam debet priorum hæreticorum justa damnatio. Quia cum easdem radices habeat, atque iisdem erroribus [*Lips. in marg. scrobibus*] emergat, satis jam in auctoribus suis ipse damnatus est; maxime cum idipsum quod ipsi asserunt, etiam hi qui proxime ante hos male secuti sunt bene condemnarint, ut sufficere his abunde jam in alterutrum suorum exempla debeant, vel horum scilicet qui emendati, vel eorum qui condemnati sunt. Si enim corrigi queunt, habent in suorum correctionibus medelam; si corrigi non queunt, habent in suorum damnatione sententiam:

tamen ne præjudicio magis adversum eos quam iudicio uti velle existimemur, ipsam eorum in medium pestiferam propositionem, vel potius blasphemantem amentiam proferamus: *Sumentes in omnibus scutum fidei, et gladium spiritus, quod est verbum Dei* (*Ephes. vi*), scilicet ut resurgens vetusti draconis caput idem divini sermonis gladius etiam nunc in novis anguibus desecet, qui prius in antiquis serpentibus amputavit. Nam cum idem horum error sit qui illorum fuit, pro desectione istorum haberi debet desectio illorum: et quia renascentes colubri pestiferos in Ecclesia Domini flatus agunt et tabescere quosdam sibilis suis faciunt, jungenda est propter D novas infirmitates antiquis curationibus recens medela, ut etiam si illud quod prius actum est non valet ad languoris damnationem [*Lips. in marg. curationem*], hoc tamen quod nunc agimus valeat ad languentium sanitatem.

## ALARDI GAZÆI COMMENTARIUS.

<sup>a</sup> Scilicet Nestorium, ipsius Cossiani tempore exortum et synchronum, quem etiam in præfatione vocat *Novum fidei hostem*.



## CAPUT II.

*Virginem Deiparam non tantum Χριστοτόκον, verum etiam Θεοτόκον, et Christum vere Deum esse demonstrat.*

Dicis itaque, quisquis es ille hæretice, qui Deum

## ALARDI GAZÆI COMMENTARIUS.

<sup>a</sup> Qui Mariam beatissimam virginem vere et proprie Θεοτόκον, id est, Deiparam, seu Dei matrem negaverint hæretici, in duplici differentia reperiuntur. Nam Valentiniani, qui corpus cæleste Christo tribuebant, et eum de cælo lapsum per Mariam quasi per canalem fluxisse asserebant; nec non Manichæi, qui corpus phantasticum ei affungebant, et si qui alii similia commenti, cum per hoc assererent Christum nihil de Maria traxisse substantiæ, consequenter eam Christi matrem pernegabant. Alii vero Christi matrem eam confessi quidem, sed Dei matrem, ac Θεοτόκον, id est, Deiparam negarunt, ut Photinus et Nestorius, tametsi ex alio atque alio fundamento. Photinus siquidem post Ebionitas, de quorum errore superius dictum est, ideo Mariam Dei matrem negavit, quia Christum non Deum, sed purum hominem esse credebatur, qui tamen suis virtutibus eo profecisset tandem, ut Filius Dei cognominaretur. Nestorius vero eam Dei matrem fateri noluit, quia personas dividebat in Christo, dicens alium esse qui ab æterno genitus sit ex Deo Patre, ab illo homine qui in tempore natus esset ex Virgine matre, duos videlicet filios, alterum Dei Patris, alterum Virginis matris; illum Deum ac Dei Filium, hunc hominem et hominis filium constituens. Sunt autem hæc duo capita doctrinæ Nestorianæ ita inter se connexa et coheræntia, ut altero admissio aut negatio, alterum etiam admitti aut negari necesse sit; et uno destructo, alterum similiter destruat, ut per se patet. Si enim Christus Mariæ filius verus Deus sit, utique Mariam ejus matrem, Θεοτόκον, Deiparam, esse consequens est. Et ab opposito consequentis ad oppositum antecedentis, si Maria Deipara non est, nec utique Christus ejus filius Deus est. Qui ergo Deum ex Virgine natum negat, ut hic ait Auctor, ex consequenti, Mariam Θεοτόκον, id est, Matrem Dei inficiatur, et e diverso. Ac proinde quæcumque valent ad probandam vel Christi divinitatem, vel idiomatum communionem, quæque tum ab aliis Patribus, tum a Cassiano in hunc finem profertur, eadem omnia valent ad probandum beatam Virginem vere et absolute esse Dei matrem, Θεοτόκον, ac Deiparam, sicque ab omnibus pleno ore nuncupandam. Hinc S. Cyrillus, epistola prima, valde miratur eos qui dubitant an B. Virgo Deipara nominari debeat, necne. Si namque, inquit, Deus et Dominus noster Jesus Christus, quomodo Virgo quæ illum peperit Deipara non est? Et ibidem latius de nomine Deiparæ disserit, et hanc esse apostolorum doctrinam testatur, supponens ut rem notissimam, secundum fidem, Christum hominem esse Deum. Ut autem hæc quæ de Nestorio ejusque erroribus diximus, clariora certioraque reddantur, veterum auctoritate comprobari ratio postulat. Sic igitur Evagrius, Socratem (*Lib. vii cap. 32*) et alios secutus, Nestorium ejusque hæresis primordia describit (*Lib. i cap. 2*): Nestorius, qui lingua Deum oppugnavit, qui alterum cum Caïpha contra Filium Dei coegit concilium, qui blasphemiam officinam in qua Christus de novo trucidatur et dividitur instruxit, qui naturas illius (qui in ipsa cruce ne os quidem, uti scriptum est, omnino habuit confractum, neque vestem penitus textilem a parricidis discissam) divisit diremitque, vocem hanc Deiparam a multis lectis spectatisque Patribus fabricatam repulit atque adeo rejecit, et vocem CHRISTIPARAM a se veteratorie effictam et conflam ei opposuit, seditionibusque infinitis refersit Ecclesiam, atque intestina ac civili sanguinis effusione replevit. Et post pauca: Concertatio in Ecclesiis suscepta hinc habuit initium. Anastasius quidam presbyter perversa

A ex Virgine natum negas, Mariam matrem Domini nostri Jesu Christi • Θεοτόκον, id est, Matrem Dei, appellari non posse, sed Χριστοτόκον, hoc est, Christi tantum matrem, non Dei: nemo enim, inquis,

imbutus opinione, Judaicorum dogmatum quæ tenebat Nestorius acerrimus fautor, et ei ad episcopatum proficiscenti comes, ubi Nestorius cum Theodoro in urbe Mopvestia congressus, audita illius doctrina, a vera pietate descivit; Anastasius, inquam, ut a Theodulo in epistola quadam de iis rebus scriptum est, in disputatione apud populum Christum sancte colentem, in Ecclesia Constantinopolitana habita, palam ausus est dicere: Nemo Mariam Deiparam vocet. Nam, inquit, homo erat, atque ab homine Deus nasci non potest. Quæ quidem verba cum populus Christo consecratus graviter et acerbè ferret, et disputationem illam non sine causa haberet pro blasphemia, Nestorius, istius blasphemiam auctor et dux, non solum non prohibuit illam, neque rectam sanamque doctrinam tutatus est, verum etiam verba revera in primis roborare contendit, et in eis defendendis acrius instiit. Atque sua ipsius opinione hinc adjuncta atque adeo ascripta, venenoque animi sui in Ecclesiam effuso et ejecto, multo majorem blasphemiam docere conatus est; adeo ut ad sui ipsius capitis perniciem, hanc impiam sententiam, nimirum: Ego eum qui spatiis mensuris, hoc est, bimestri et trimestri, et ita deinceps, adoleverit, Deum certe non appellavero, proferre non dubitaret, sicut tum a Socrate, tum a priore concilio Ephesi celebrato, perspicue narratum est. Hucusque Evagrius, qui et inferius (*Cap. 7 ejusdem lib.*) scribit eundem Nestorium a concilio Ephesino damnatum, et in Oasim famosissimum exilii locum, Theodosii imperatoris decreto deportatum, lingua a vermibus exesa, ac toto computrescente corpore, digno ob imminentem Deiparæ dignitatem supplicio fuisse consumptum (*Vide Baron. tom. V, anno 430*). Subscribit Theodoretus Fab. Hæret. cap. 4, ubi hæc, inter alia, de Nestorio: Primum, inquit, quod innovare aggressus est, fuit non oportere sanctam Virginem, quæ Dei Verbum peperit, quod ex ipsa carnem suscepit, Deiparam confiteri, sed tantum Christiparam, cum tamen antiquissimi orthodoxæ fidei prædicatores ex apostolica traditione docuerint nominare et credere matrem Domini. Et in fine cap. hæc de infelici Nestorii exitu: Unde quoniam turpissima et maxime ignominiosa morte perituri sunt iniqui, pontificatu per sanctos qui Ephesi congregati fuerant divino suffragio ejectus est, et jussu imperatoris Oasim habitare damnatus, futuri impiorum supplicii illinc cæpit exordium; ut qui a sua amentia consumptus sit, et in se dictum Apostoli compleverit: Quorundam hominum peccata manifesta sunt, præcedentia ad judicium (*1 Tim. v*). Hæc Theodoretus: qui quidem aliquando Nestorii studiosus et fautor, postea tamen resipiscens, eundem graviter insectatus est. His demum accedit Vincentius Lirinensis nostri Cassiani æqualis, idemque hæreticorum insectator acerrimus: Nestorius, inquit (*Commonit. 1, cap. 17*), contrario Apollinari morbo, dum sese duas in Christo substantias distinguere simulat, duas introducit repente personas, et inaudito scelere duos vult esse filios Dei, duos Christos; unum Deum, alterum hominem; unum qui ex Patre, alterum qui sit generatus ex Matre. Atque ideo asserit sanctam Mariam non Θεοτόκον, sed Χριστοτόκον esse dicendam; quia scilicet ex ea non ille Christus qui Deus, sed ille qui erat homo natus sit. Hæc ipse, et quæ sequuntur in eadem sententiam. Porro adversus Nestorium, ut dictum est, congregata synodus universalis Ephesina, atque inter quatuor primas et sacrosanctas tertio loco celebrata sub Cælestino pontifice et Cyrillo Alexandrino ejus vires gerente, prædictos errores cum suo auctore damnavit, edito ibidem hoc decreto: Si quis non confitetur Emmanuelem secundum veritatem esse Deum,



## ALARDI GAZÆI COMMENTARIUS.

ideoque B. Virginem Dei genitricem (carnaliter enim Verbum Dei carnem factum genuit, secundum quod scriptum est, Verbum caro factum est) anathema sit. Rursus in synodo Chalcedonensi, et deinde in altera Constantinopolitana (quæ etiam ambæ universales fuerunt) nomen Θεοτόκου seu Deiparæ omnium Patrum consensu comprobatum et commendatum est, ut B. Virgini proprium et maxime honorificum. Sic enim canone sexto synodi Constantinopolitane, quæ prioris auctoritate nititur, definitum legitur: Si quis abusive et non vere Dei genitricem dicit B. Virginem, aut per relationem, tanquam homine puro nato; aut si quis hominis genitricem vocat eam, aut Christi genitricem, utpote Christo non existente Deo; et non specialiter, seu proprie, et secundum veritatem, Dei genitricem eandem confitetur, ob id quod ante sæcula genitus Deus Verbum in ultimis diebus ex ea incarnatus et natus est, atque ita pie secundum sanctam Chalcedonensem synodum, Dei genitricem eam confiteri renuit, talis anathema sit. Denique concilium Lateranense sub Martino primo consult. 5, can. 3: Si quis, inquit, secundum sanctos Patres non confitetur proprie, et secundum veritatem, Dei genitricem sanctam semperque Virginem, et immaculatam Mariam, e. c., damnatus sit. Hæc ibi. Est autem hæc observandum SS. Patres studiose admodum et magna cautione adjectisse adverbia illa, vere, proprie, specialiter, et his similia, ne quis improprie, abusive, aut metaphorice matrem Dei Mariam appellari existimaret; ea scilicet ratione qua quisquis Deum in sua aut aliorum mente fide per charitatem operante generat, Mater Dei quodam mystico et spirituali cognationis vinculo in Scriptura appellatur; quemadmodum apud Matthæum cuidam dicenti: Ecce mater tua et fratres tui foris stant quærentes te, respondit Dominus, extenta manu in discipulos suos: Ecce mater mea et fratres mei. Quicumque enim fecerit voluntatem Patris mei, qui in cælis est, ipse meus frater, soror, et mater est (Matth. xii). At non tantum eo spirituali modo, verum etiam et longe alio magis proprio et genuino sanctissima Virgo Dei mater est, ut quæ ex se revera corporaliter Deum genuerit, et secundum ipsius rei (seclusa omni locutionis metaphora et ambiguitate) veram exhibitionem: nec solum Dei mater est et nuncupator, quod felicissimo parvi Deum ediderit genueritque, sed etiam quia Deum concepit, non nudum hominem, sed verum Deum et verum hominem, ut præcedentia quoque declarant. Est enim absolutissima et perfectissima materni nominis ratio, qua Dei mater vere dicitur, quia verum Deum et concepit et peperit. Nam si nudum concepisset et purum hominem per se subsistentem, et in sola hypostasi humana sustentatum aliquanto tempore, et deinde ante tempora partus a Filio Dei assumptum, tum quidem verum Deum et hominem partu edidisset, non tamen idcirco adeo vere et absolute Dei genitrix diceretur, quandoquidem ex conceptu præcipue sumitur maternæ denominationis consideratio, quæ tunc deesset. Eodem spectat quod Vincentius Lirinensis non minus enucleate quam pie admonet his verbis: Absit ut quisquam sanctam Mariam divinæ gratiæ privilegiis et speciali gloria fraudare conetur (Commonit. 1, cap. 2). Est enim singulari quodam Domini ac Dei nostri, Filii autem sui munere, verissime ac beatissime Θεοτόκος confitenda. Sed non eo more Θεοτόκος quo impia quædam hæresis suspicatur, quæ asserit eam Dei Matrem sola appellatione dicendam, quod eum scilicet peperit hominem, qui postea factus est Deus, sicut dicimus presbyteri matrem, aut episcopi matrem; non presbyterum aut episcopum pariendo, sed eum generando hominem, qui postea presbyter aut episcopus factus est; non ita, inquam, sancta Maria Θεοτόκος, sed ideo potius, quoniam, ut supra dictum est, jam in ejus sacraio utero sacrosanctum illud mysterium perpetratum est, quod propter singularem

A quamdum atque unicam personæ unitatem, sicut Verbum in carne caro, ita homo in Deo Deus est. Hæc ipse. Secundo notandum quod Patres dicentes B. Virginem non esse dicendam Christiparam, sed Deiparam, non propterea quod eam non esse Christi Matrem sentiant, ab ea voce abstinendum admonent, sed quia Nestorius sic eam Christiparam atruebat, ut Deiparam negaret, significans Christum ex ea natum purum esse hominem, non Deum; atque hoc Christiparæ vocabulo introduce o, nomen Deiparæ e sermone et usu fidelium penitus abolere atque explodere nitetur, idcirco sapientissimi Patres ea tempestate Christiparæ nomen, ut ab hæreticis excogitatum et usurpatum, meritoque suspectum avversabantur. Sic Damascenus lib. vii de Fide Orthod. cap. 42: Christiparam, inquit, nequaquam dicimus sanctam Virginem, quia ad renuendum vocabulum Θεοτόκος, id est, Deipara, et Lei genitrix, scelestus, et odibilis, et cum Judæis sapiens Nestorius id adinvenit. Verum posterioribus sæculis, extincta nimirum et exstirpata hæresi Nestoriana, et sublato erroris ac perversæ intelligentiæ periculo, nihil vetat quominus, ut nunc passim fit, fideles B. Virginem promiscue et Χριστοτόκου, et Θεοτόκου, hoc est, et Christi, et Dei Matrem appellent: quemadmodum ea ciborum genera quibus tempore morbi abstinendum est, depulso jam morbo, impune sumi possunt. Postremo hic annotandum, hoc nomen Θεοτόκου, Deiparæ, seu matris ac genitricis Dei, omnium quæ B. Virgini tribui possunt esse nobilissimum et augustissimum, omnemque creaturæ excedere dignitatem. Quidquid enim præstantiæ aut excellentiæ in aliis est ejusdem sacratæ Virginis denominationibus, id quoque in hoc singulari nomine, Deipara, continetur. Quam ob causam observat B. Thomas (in p., a. 28, a. 3, ad 4), non solere eam in Evangelio nominari nisi cum cognominatione hujus dignitatis, quod sit mater Jesu. Matth. 1, Joseph virum Mariæ, de qua natus est Jesus; ibidem, Mater Jesu Maria. Et cap. 11: Invenierunt puerum cum Maria matre ejus. Luc. 1: Unde hoc mihi, ut veniat Mater Domini mei ad me? Jo. 11: Et erat Mater Jesu ibi. Et cap. xix: Stabant juxta crucem Jesu Mater ejus. Et: Cum vidisset Jesus matrem, dicit matri suæ. Eandem hujus dignitatis et nomenclaturæ prærogativam multis elogis commendant ac prædicant SS. Patres, e quibus pauca dumtaxat hic subijciam. D. Augustinus lib. iii de Symbolo ad catechumenos: Tanta est, inquit, Virginis dignitas, eo quod mater Dei sit, ut plane excedat non solum omnium hominum dignitatem, verum etiam angelorum, cum longe præstabilis et excellentius sit esse matrem principis quam ministrum: Tanto enim perfectior unaquæque res appellatur, quanto magis unitur et conjungitur Deo, qui est summa perfectio. S. Joannes Damascenus loco citato (Vide hic commentar. Jo. Cochleii): Jure, ait, optimo et pro veritate Deiparam incontaminatam nominamus Mariam, hoc enim nomen omne dispensationis mysterium commendat. Nam si Deipara est, quæ genuit, revera Deus est, qui ex ipsa genitus est; revera etiam et homo. Quomodo enim ex muliere genitus natusque Deus est, ante sæcula hypostasim habens, nisi homo factus? Et D. Bernardinus Senens. serm. 52 de Salutatione angelica: A fidelibus salutatur B. Virgo, cum dicitur Mater Dei. Tanta nempe laus est quam ei tribuimus cum dicimus Mater Dei, quod nec in personis increatis reperiatur hæc incogitabilis dignitas, scilicet, quod habeat Dei Filium, nisi in una persona, quæ est Patris, et una persona humana, quæ est Matris. Insuper majus est hoc donum, quod sit mater Dei, quam quod sit domina creaturarum Dei, quia hoc dependet ab illo, sicut ramus a radice; propterea ei potius dicimus, Mater Dei, quam domina mundi vel universi. Ad hæc S. Thomas B. Virginem cum humanitate Christi sic comparat (1 p., q. 25, a. 6), ut utrique tribuat quamdā dignitatem infinitam ex bono infinito,



\* antiquiorem se parit. Ac de hoc quidem tam stulto argumento, quo nativitatem Dei carnali intelligentia æstimandam putas, et mysterium majestatis humanis credis censendum esse rationibus, postea, si Deus annuet, disputabimus; nunc interim et Christum Deum, et Mariam Matrem Dei divinis testibus approbemus. Audi itaque loquentem ad pastores de Dei ortu angelum Dei: *Natus est, inquit, vobis hodie Salvator, qui est Christus Dominus, in civitate David (Lucæ ii)*. Ne solum utique in Christo hominem intelligeres, et Domini tibi et Salvatoris nomen adjecit, scilicet ut quem Salvatorem esse cognosceres, Deum nequaquam esse dubitares; et cum salvandi virtus non nisi divinæ competeret potestati, divinæ esse eum potentie non ambigeres, in quo potentiam salvandi esse didicisses. Sed hoc incredulitati tuæ parum fortasse videatur, quia cum angelus Dominum potius et Salvatorem quam Deum aut Dei Filium nominavit, eum utique impiissime Deum neges quem Salvatorem esse fatearis. Audi quoque archangelum Gabrielem Mariæ virgini prædicantem: *Spiritus, inquit, sanctus veniet in te, et virtus Altissimi obumbrabit tibi: ideo et quod nascetur in te sanctum, vocabitur Filius Dei (Lucæ i)*. Vides quemadmodum nativitatem Dei indicaturus, Divinitatis opera præmiserit? *Spiritus enim sanctus, inquit, veniet in te, et virtus Altissimi obumbrabit tibi*. Pulcherrime loquens angelus, divinitate verborum, majestatem divini operis explicuit. Spiritus enim sanctus Virginis interiora sanctificans, et in his potentia divinitatis suæ spirans, <sup>b</sup> humanæ se inseruit miscuitque naturæ, atque id quod alienum a se fuerat suum fecit, virtute id sua, scilicet, ac majestate præsumens. Ac ne ad introitum divinitatis humana fortasse infirmitas non subsisteret, venerandam omnibus Virginem virtus Altissimi roboravit, ut corpoream imbecillitatem circumfusa umbræ suæ protectione firmaret, et ad consummandum conceptus sacri inenarrabile sacramentum humana infirmitas non deficeret, quam divina obumbratio sustineret. *Spiritus ergo, inquit, sanctus veniet in te, et virtus Altissimi obumbrabit tibi*. Si nasciturus itaque de sana Virgine homo tantummodo solitarius erat, quid tanto agebatur sacri adventus nuntio? quid tanto divinitatis ipsius appa-

A ratu? si utique homo ex homine, et caro tantummodo nascebatur ex carne, jussu quippe tantum ad id potuerat aut voluntas divina sufficere. Si enim ad fabricandos cœlos, fundandam terram, creandum mare, sedes denique et thronos, et angelos, et archangelos, et principatus, et potestates, si ad creandam postremo omnem cœlestem militiam, et ad illa innumera divinorum exercituum millium millia, sola sibi tantum voluntas Dei imperiumque suffecit (quia ipse dixit, et facta sunt; ipse mandavit, et creata sunt (Psalm. xxxii), cur id ad conceptionem (ut tu ais) unius hominis parum visum est, quod satis ad procreationem divinorum omnium fuit? et id potentia ac majestas Dei in ortu unius infantuli parum credidit, quod ad conditionem terrenorum omnium B cœlestiumque suffecit. Sed illud utique est, quod illa omnia opera acta fuerant per jussionem Dei; nativitas autem agenda non erat nisi per adventum, quia et concipi ab homine Deus nisi se donante, et nasci nisi se illabente, non poterat; et ideo archangelus superventuram Virgini majestatem sacram indicabat, videlicet ut quia agi tantæ res per hominum officium non valebat, ipsius ad futuram deceret [Lips. in marg. diceret] majestatem in conceptu, qui erat futurus in partu. Et ideo descendit Verbum Filius, adest majestas Spiritus sancti, virtus obumbravit Patris, utique ut in sacramento sacræ conceptionis omnis esset cooperatio Trinitatis. Ideo inquit: *Et quod nascetur ex te sanctum, vocabitur Filius Dei*. Bene addidit, *ideo*, ut ostenderet scilicet C ideo hæc secutura, quia fuerant illa præmissa; et quia Deus supervenisset in conceptione, ideo Deus futurus esset in partu. Rationem ergo tantæ rei puellæ reddidit nescienti, dicens: Utique quia *Spiritus sanctus superveniet, et quia virtus Altissimi obumbrabit, ideo et quod nascetur sanctum, vocabitur Filius Dei*. Hoc est dicere: Ne ignores, inquit, hunc tantæ rei apparatus, hoc tanti mysterii sacramentum, ideo in te tota veniet majestas Dei, quia ex te nascetur Filius Dei. Quid hic ultra adhuc ambigi, aut quid amplius dici potest? Deum dixit superventurum, Dei Filium nasciturum. Tu quære nunc, si placet, quomodo aut Dei Filius Deus non sit; aut quomodo quæ Deum edidit, Theotocos, id est, Dei

#### ALARDI GAZÆI COMMENTARIUS.

quod est Deus, cui proxime uniuntur: *Humanitas Christi, inquit, ex hoc quod est unita Deo, et beatitudo creata ex hoc quod est fruitio Dei, et B. Virgo ex hoc quod est mater Dei, habent quamdam dignitatem infinitam ex bono infinito, quod est Deus; et ex hac parte non potest aliquid fieri melius eis, sicut non potest aliquid esse melius Deo*. Et Petrus Canisius lib. iii de Virgine cap. 13: *Si enim, inquit, quo altior est filius, eo dignior mater censenda est; quis jure ambigat quin filii infiniti auctoritas ac dignitas ad matrem ipsam redundet, ac honorem immensum illi conciliet, quæ sola cum Patre Filio æterno dicere potest: Filius meus es tu; ego genui te?*

\* Hoc erat argumentum Nestorii: Nemo potest anteriorem se gignere: Deus est anterior Maria; non igitur Maria Deum gignere potuit; quare non est appellanda Dei genitrix, et Θεοτόκος, sed Χριστοτόκος,

D id est, mater Christi, hominis tantum, non Dei. Quod argumentum copiose refellit Cassianus lib. vii. Sed breviter hic responderi potest, non posse ullum gignere aliquem se antiquiorem, seu anteriorem, secundum id quo est anterior. Itaque Maria peperit Deum Christum, non secundum divinitatem, qua erat anterior, sed secundum humanitatem, qua erat posterior. Nec mirum si exempla alia non habeamus; quia mysterium hoc singulare est (Vide infra ad lib. iv cap. 2). Si ratio quæritur, non erit mirabile; si exemplum, non erit singulare, ait S. Augustinus epist. 5.

<sup>b</sup> Scilicet per illapsum et influxum gratiæ, non per unionem et assumptionem hypostaticam; quomodo Verbum humanæ se inseruit miscuitque naturæ, ut dictum est. Solus enim Dei Filius naturam assumpsit humanam, non Pater, nec Spiritus sanctus, de quo hic agitur.



inter esse non possit? Sufficere ergo hæc tibi solo, A immo sufficere hæc tibi summa deberent.

## CAPUT III

Prosequitur idem argumentum veteris Scripturæ testimoniis.

Sed quia testimonia sacræ nativitatis abunde suppetunt, utpote quæ idcirco omnia scripta sunt ut ipsius testes essent, inspiciamus in paucilla aliqua portione, etiam ad nuntiationem de Deo veteris Testamenti, ut intelligas futurum ex Virgine Dei ortum, non tunc tantum cum factus est nuntiatum, sed etiam ab ipso admodum mundi ortu esse prædictum; revera ut quia ineffabile opus agendum erat, tolleretur quandoque incredulitatem rerum præsertium præmissa semper annuntiatio futurorum. Ait itaque Isaias propheta: <sup>a</sup> *Ecce virgo concipiet, et pariet filium, et* <sup>b</sup> *vocabunt nomen ejus* <sup>c</sup> *Emmanuel, quod est interpretatum, Nobiscum Deus* (Isaiæ vii). Quis est hic incredulæ ambiguitati locus? Concepturam prophetam virginem dixit, virgo concepit; filium nasciturum, filius natus est; vocandum Deum, vocatur

Deus. Hoc enim appellatur nomine, quod natura. Unde cum vocandum cum Dei Spiritus Deum dixerit, probat se ab Spiritu Dei vacuum, qui se a consortio reddit divinæ nuncupationis alienum. Ecce ergo, inquit, *virgo concipiet, et pariet filium, et vocabunt nomen ejus Emmanuel, quod est interpretatum, Nobiscum Deus*. Sed illud est forsitan quo se infidelis vertat tergiversatio, ut dicat hoc quod vocandum eum Deum propheta dixerat, non tam ad maiestatem divinitatis quam ad appellationem nominis pertinere. Sed quid facimus <sup>d</sup> quod appellatus hoc nomine in Evangeliiis Christus omnino non est, et tamen mentitus esse per prophetam Dei Spiritus dici non potest? Quid ergo illud est? ut intelligamus utique prophetiam illam divinitatis nomen tunc prædixisse, non carnis.

B Nam cum <sup>e</sup> aliud in Evangelio homo unitus Deo nomen acceperit, necesse est utique hoc vocabulum hominis fuisse, illud divinitatis. Sed pergamus ulterius, et alia ad veritatem probandam veritatis testimonia convocemus. Ubi enim de Deo agitur, nulla re divinitas melius quam suis testibus approbatur. Ait ergo

## ALARDI GAZÆI COMMENTARIUS.

<sup>a</sup> D. Hieronymus in cap. i Matthæi: *Pro eo, inquit, quod evangelista Matthæus dicit: In utero habebit, in propheta scriptum est: In utero accipiet. Sed propheta, quia futura prædicit, significat quid futurum sit, et scribit accipiet: Evangelista, quia non de futuro, sed de præterito narrat historiam, mutavit, accipiet, et posuit, habebit. Qui enim habet, nequaquam accepturus est.*

<sup>b</sup> Sic enim locum Isaiæ citat et interpretatur Matthæus (Cap. i), cum tamen apud Isaiam solum habeatur: *Et vocabis nomen ejus Emmanuel*. Quod ne quis miretur, admonet D. Hieronymus in illum locum, in multis testimoniis quæ evangelistæ vel apostoli de libris veteribus assumpserunt, non eos verborum ordinem secutos esse, sed sensum. Unde in præsentia, ait, loco, pro, concipiet in utero, Matthæus posuit, in utero habebit, et pro, vocabis, vocabunt.

<sup>c</sup> Cyrillus Alexandrinus lib. de Incarnatione Unigeniti (Cap. 2 et ad Hebr. ii): *Emmanuel nominatur Deus Verbum, quod Abraham semen apprehendit, et similiter ac nos participavit carni et sanguini. Interpretatur autem Emmanuel, Nobiscum Deus. Confitemur autem nobiscum fuisse Dei Verbum non localiter. In quo enim loco non est Deus, qui implet omnia? Nec quod adesse nobis conspicitur auxilium ratione, dictum est enim hoc modo ad Jesum (id est Josue): Et sicut eram cum Mose, ita ero et tecum; sed quod factus est in nostris, id est, in humanitate, non derelicta natura sua. Ergo nobiscum factum esse dicimus Deum Verbum eo tempore de quo dicit Baruch: In terra visus est, et inter homines conversatus est. Hæc Cyrillus. Ex quibus intelligimus quod Jesus et Emmanuel, quod ad rem attinet, idem sunt, licet diversa nomina videantur. Jesus sonat Salvatorem; Emmanuel, nobiscum Deus. Ad hoc autem fuit nobiscum Deus ut nos salvos faceret. Nihil ergo aliud significat, Deus est nobiscum, quam, Deus Salvator noster est.*

<sup>d</sup> Tangit objectionem quamdam quæ de hoc nomine Emmanuel moveri posset, quomodo Isaias dixerit vocandum Emmanuelem, cum in Evangeliiis nusquam legatur Christus hoc nomine appellatus? Hanc quæstionem etiam movet et solvit clarissimus doctor Maldonatus his verbis (In cap. i Matth.): *Dubitabit aliquis quomodo angelus Jesum vocari jubeat, cum Isaias dixerit vocandum Emmanuelem? Id nobis Judæi, ut probent illam in Christo prophetiam non convenire, solent objicere. Sed satis copiose pro nobis jam diu veteres auctores responderunt Justinus*

*quæsi. ad Orthodoxos 151, Tertullianus adversus Judæos et lib. iii contra Marcionem, Lactantius lib. iv de Vera Sapientia c. 12, Chrysostomus lib. de Incarnatione cap. 2, prophetam, non qui vocandus Christus, sed qui futurus; evangelistam, qui vocandus et qui futurus esset, declarare voluisse. Noluit enim dicere propheta fore ut proprium Christi nomen esset Emmanuel, sed ut res eo nomine significata illi conveniret, ideoque merito Emmanuelem vocari posse. Quemadmodum idem Isaias cap. i prædixerat de Jerusalem; Post hæc vocaberis civitas justi, urbs fidelis. Non quod eo unquam nomine vocanda esset, sed quod talis futura, ut ita merito vocari posset. Et de Christo ipso idem Isaias dixit, cap. ix, fore ut vocaretur nomen ejus Admirabilis, consiliarius, Deus, fortis, pater futuri sæculi, princeps pacis; non quod tot nomina, sed quod tot res habiturus esset. Et Jeremias cap. xxiii: Hoc est nomen quod vocabunt eum, Dominus justus noster. Vere enim Christus Dominus justus noster fuit. Vere quoque Emmanuel, quod est nobiscum Deus. Ita evangelistam locum Isaiæ intellexisse, ex eo manifestum est, quod cum dixisset: Vocabis nomen ejus Jesum, quasi ut probaret ita vocari debuisse, Isaiæ locum indixit: Et vocabitur nomen ejus Emmanuel (Isa. vii). Idem ergo est Jesus et Emmanuel, non sono, ut ait Tertullianus (Contra Judæos cap. 9), sed sensu. Esse enim Deum nobiscum, quod Emmanuelis, est Deum Salvatorem esse nostrum, quod nomine Jesu significatur. Hucusque Maldonatus paucis intermissis.*

<sup>e</sup> Nempe nomen Jesu, quod vocatum est ab angelo priusquam in utero conciperetur. Necesse est utique hoc vocabulum hominis fuisse, id est, Christo ut homini attributum; illud (nempe Emmanuel) divinitatis, id est, Christo ut Deo convenire, ut per se sonat; proinde Christum et verum hominem et verum esse Deum, quia non alia est persona Verbi, alia hominis, sed una eademque in duabus naturis, divina humanaque, subsistens; quam personæ unitatem necessario consequitur idiomatum seu proprietatum utriusque naturæ communicatio, ut quæcumque de Christo Deo vere et proprie dicuntur, de eodem Christo homine vere proprieque dicantur, et contra. Unde sicut catholice confitemur unum eundemque esse Deum et hominem, Filium Dei et filium hominis, ita confiteri debeamus eundem esse Emmanuelem a propheta prædictum, et Jesum in Evangelio nominatum.



idem propheta alibi : *Filius natus est nobis, parvulus datus est nobis, cujus principatus super humerum ejus, et vocabitur nomen ejus magni consilii angelus, <sup>a</sup> Deus, fortis, pater futuri sæculi, princeps pacis (Isa. ix).* Sicut superius utique vocandum eum Emmanuel propheta dixerat, ita hic vocandum eum et magni consilii nuntium, et Deum, fortem, et patrem futuri sæculi, et pacis principem dicit, cum utique nullo loco eum in Evangeliiis vocatum his nominibus legerimus; ut intelligamus scilicet <sup>b</sup> non carnis esse hæc vocabula, sed divinitatis: atque illud in Evangeliiis <sup>c</sup> nomen esse hominis suscepti, hoc <sup>d</sup> ingenitæ potestatis. <sup>e</sup> Et quia nasciturus in homine Deus erat, ita nomina ipsa per dispensationem sacram fuisse divisa, ut et carni hominis nomen inderet, et divinitati Dei. *Vocabitur ergo, inquit, magni consilii nuntius, Deus, fortis, pater futuri sæculi, princeps pacis.* Non hic, quisquis es, o hæretice, non hic propheta ille divino spiritu plenus, exemplo assertionis tuæ, illum qui natus est, conflati statuæ et figmento insensibili comparavit. *Filius enim, inquit, natus est nobis, parvulus datus est nobis, cujus principatus super humerum ejus, et vocabitur nomen ejus magni consilii nuntius, Deus, fortis.* Ne hunc quem annuntiabat alium quam illum qui in carne natus est intelligeres, nomen nativitatis adjecit, dicens : *Parvulus natus est nobis, filius datus est nobis.* Vides quot cognominibus ad demonstrandam corporalis ortus proprietatem propheta usus sit? et natum enim eum et parvulum nominavit, scilicet ut evidentius significationem natæ sobolis nomen exprimeret parvitatibus: prævidens absque dubio divinus Spiritus hanc blasphemantium hæreticorum perversitatem, his omni mundo Deum qui nascebatur rerum ipsarum vocabulis demonstravit; ut etiam si blasphemare hæreticus quæreret, blasphemix tamen locum penitus invenire non posset. *Filius ergo, inquit, natus est nobis, parvulus datus est nobis, cujus principatus super humerum ejus, et vocabitur nomen ejus magni consilii nuntius, Deus, fortis, pater futuri sæculi, princeps pacis.* Parvulum hunc qui natus est, et pacis principem esse docuit, et futuri sæculi patrem, et Deum, fortem. Quis est tergiversandi locus? separari parvulus hic qui natus est a Deo qui in eo natus est non potest; hunc enim quem natum dixit, patrem futuri sæculi nominavit; hunc quem parvulum nuncupavit Deum, fortem prædixit. Quid est, hæretice, quo

A te conferas? septa et conclusa sunt omnia, non est usquam penitus exeundi locus. Superest ut errorem quem voluntas noluit intelligere, tandem incipiat vel necessitas confiteri. Sed non contenti his quæ sufficiunt, quid etiam per alium prophetam Spiritus sanctus dixerit inquiramus: <sup>f</sup> *Si affiget, inquit, homo Deum suum, quia vos affigitis me (Malach. iii)?* ut evidentiora utique fierent quæ prophetabantur, quod de passione Domini nostri propheta cecinit, quasi ipsius de quo dicebat ore prædixit: *Si affiget homo Deum suum, quia vos affigitis me?* Nonne tibi, quæso, dixisse hoc Dominus Deus noster quasi ad crucem ductus videtur? Cur, quæso, Redemptorem vestrum me non agnoscitis? Cur Deum indutum pro vobis carne nescitis? Salvatori vestro necem paratis? auctorem vitæ ad mortem ducitis? Deus vester sum, quem suspenditis, Deus vester quem crucifigitis. Quis, rogo, hic error, aut quæ insania est? *Si affiget homo Deum suum, quia vos affigitis me?* Vides quomodo vox hæc ipsarum quodammodo quæ actæ sunt rerum vox sit? Numquid expressius quidquam aut manifestius quæreret? Vides quomodo testimonia sacra natum in carne Dominum Jesum Christum, ab ipsis quodammodo incunabulis usque ad crucem, quam pertulit, prosecuta sint? Cum utique illum quem alibi legis Deum in carne nasci, hic Deum in cruce videas affligi. Et ideo a propheta et illic ubi natus est Deus dicitur, et illic ubi crucifixus est Deus evidentissime nominatur; ne scilicet in aliquo dignitati divinitatis præjudicaret carnis assumptio, et honorem majestatis infringeret vel humilitas corporis, vel contumelia passionis; cum utique augere in nobis affectum ejus et cultum debeat vel dignatio tam humilis nativitatis, vel pietas tam benigna patientis, quia maximum utique et inmanissimum scelus est, ut ideo apud nos minus honoris habeat, quia plus amoris impendit.

#### CAFUT IV.

*Ex apostolo Paulo ejusdem doctrinæ testimonia profert.*

Sed his omissis, quæ explicari ideo nullo modo possunt, quia sicut immensitas beneficiorum illius, ita et relatio modum non habet, tempus est ut fortissimum de eo ac manifestissimum testem ejus apostolum Paulum consulamus; fidelissime enim nobis omnia de Deo dicere potest, e cujus semper

#### ALARDI GAZÆI COMMENTARIUS.

<sup>a</sup> Debent hæc duo vocabula disjunctim legi, commate scilicet interposito, cum sint duo distincta vocabula seu epitheta parvuli illius quem propheta nobis natum esse dicit, quorum utrumque apud Hebræos Dei nomen est. Ita docet D. Hieronymus eo loci.

<sup>b</sup> Quæ tamen, propter unionem hypostaticam divinitatis et carnis, uni eidemque personæ et supposito divino pariter conveniunt.

<sup>c</sup> Nomen Jesu, nomen hominis suscepti, id est, humanitatis assumptæ, ut superius explicatum est; vel Christi secundum humanitatem, secundum quam convenit ei officium Salvatoris et Redemptoris, quod

hoc nomine denotatur. *Unus enim Mediator Dei et hominum, homo Christus Jesus (I Timot. ii).* Hoc, supple nomen Dei, quod in nomine Emmanuel continetur, et alia huic similia.

<sup>d</sup> Id est, divinæ et æternæ majestatis.

<sup>e</sup> Id est, in humanitate, ut supra, non in persona hominis.

<sup>f</sup> Ita Hieronymus ex Hebræo, et est Vulgata versio. Septuaginta vero, ut ipse ibidem notat, interpretati sunt: *ἐπιτετραχί*, id est, si supplantabit, pro quo Aquila, et Symmachus, et Theodotio posuerunt *μη ἀποστερήσει*, id est, si fraudabit, ut sit sensus: Si fraudat homo Deum, quia vos fraudastis me?



pectore locutus est Deus. Testatur ergo in hunc modum de gratia atque adventu Domini Dei nostri, missus ad destruendum gentilis superstitionis errorem electus gentium magister : <sup>a</sup> *Apparuit, inquit, gratia Dei et Salvatoris nostri omnibus hominibus, erudiens nos ut abnegantes impietatem et sæcularia desideria, sobrie et pie et juste vivamus in hoc mundo, expectantes beatam spem et adventum gloriæ magni Dei, et Salvatoris nostri Jesu Christi* (Tit. II). Apparuit, inquit, gratia Dei Salvatoris nostri. Bene congruo ad ostendendum novæ gratiæ et generationis adventum sermone usus est. Dicens enim, apparuit, ortum novæ gratiæ ac nativitatis expressit, quia exinde apparere donum gratiæ novæ cœpit, ex quo Deus in mundo natus apparuit. Digna ergo et congrua hanc novæ gratiæ lucem verbi proprietate, quasi digito indicante, monstravit. Hoc enim rectissime apparuisse dicitur, quod subita quasi apparitionis luce monstratur. Sicut in Evangeliiis apparuisse stellam magis orientalibus legimus (Matth. II); et in Exodo, Apparuit, inquit, *Mosi angelus in igne flammæ rubi* (Exod. III). In omnibus enim et his et aliis visionibus sacris hoc utendum vel maxime verbo Scriptura existimavit, ut apparuisse hæc diceret, quæ insolita claritate fulgerent. Ita ergo et Apostolus sciens adventum cœlestis gratiæ, quæ ortu sacræ nativitatis apparuit, verbo eam fulgidæ apparitionis expressit, ut apparuisse utique id diceret quod novæ lucis splendore radiaret. Apparuit ergo gratia Dei Salvatoris nostri. Nunquid causari hic aliquid quasi de ambiguitate nominum potes, ut dicas aliud esse Christum, aliud Deum? ut Salvatorem a maiestate nominis sui distrahas, et Dominum [*Lips. in marg. Deum*] a divinitate secernas? Ecce hic vir Dei ex Deo loquitur, et apparuisse ex Maria gratiam Dei evidentissima prædicatione testatur. Ac ne forte non ex Maria Deum apparuisse diceret, nomen statim addidit Salvatoris, scilicet ut eum natum ex Maria Deum crederes, quem Salvatorem natum negare non possis, juxta illud : *Quia natus est vobis hodie Salvator* (Luc. II). O admirabilem et vere a Deo datum gentibus magistrum! qui sciens futuram hanc hæreticæ pravitatis insaniam, quæ in li-tem vocabula Dei verteret, et calumniari Deo de suis nominibus non timeret, ne Salvatoris vocabulum hæreticus a divinitate secerneret, nomen Dei ante præmisit; scilicet ut præmissum Dei nomen omnia sibi quæ sequerentur nomina vindicaret, neque ullus in sequentibus solitarium esse hominem Christum crederet, quem in primo statim vocabulo

A Deum esse didicisset. *Expectantes, inquit idem Apostolus, beatam spem, et adventum gloriæ magni Dei, et Salvatoris nostri Jesu Christi*. Vidit profecto ille divinæ sapientiæ doctor ad invidiosas calliditates diabolicæ captionis simplicem tantummodo non sufficere doctrinam, nisi sanctam fidei prædicationem munimine cautionis armasset. Et ideo cum superius nomen Dei Salvatorisque posuisset, hic addidit, *Jesu Christi*; scilicet ne ad significandum Dominum Jesum Christum sufficere tibi forsitan nomen solum non crederes Salvatoris, et non eundem Jesum Christum Deum esse intelligeres quem Salvatorem Deum esse cognovisses. Quid ergo ait? *Expectantes, inquit, beatam spem, et adventum gloriæ magni Dei et Salvatoris nostri Jesu Christi*. Nihil hic de nominibus Domini nostri deest, et Deum hic, et Salvatorem, et Jesum et Christum vides. Sed omnia hæc videns, omnia in Deo esse perspicis. Audisti enim Deum, sed Salvatorem. Audisti Deum, sed Jesum. Audisti Deum esse, sed Christum. Separari hoc appellationis diversitate non valet, quod divinitas unitate conjunxit. Quidquid libet de his requisieris, idem invenies. Salvator Deus est, Jesus Deus est, Christus Deus est : omne hoc quod audis, <sup>b</sup> plurale est nuncupatione, sed unum est potestate. Quia cum et Salvator Deus sit, et Jesus Deus, et Christus Deus, intelligere apertum est quod omnia hæc distinguuntur appellatione, sed junguntur maiestate. Et cum evidentissime audias quod unus in singulis nuncupatur Deus, intelligere utique aperte potes quod est in omnibus unus Deus. Ac sic non licet tibi jam ex dissimilitudine Dominicæ nuncupationis querere discrepantiam potestatis, et pro varietate appellationis diversitatem facere personæ. Non licet dicere : Christus ex Maria natus est, et non Deus; Apostolus enim proclamat : Deus. Non licet dicere, Jesus ex Maria natus est, et non Deus; Apostolus enim testatur : Deus. Non licet dicere : Salvator natus est, et non Deus; Apostolus enim confirmat : Deus. Nihil est quo te conferas; quidquid de Dominicis vocabulis sumpseris, <sup>c</sup> Deus est quod nominaris. Nihil est quod dicas, nihil est quod afferas, nihil quod improba falsitate confingas. Potes habere in incredulitate impia quod non credas, non habes in calumniandi occasione quod deneges.

## CAPUT V.

*Ex gratiæ divinæ muneribus quæ per Christum accipimus, colligit ipsum vere Deum esse.*

Quamquam quia de divina hac Salvatoris Domini

## ALARDI GAZÆI COMMENTARIUS.

<sup>a</sup> Urget etiam hunc locum D. Hieronymus (In commentario) adversus hæreticos negantes Christi divinitatem : *Ubi, ait, est serpens Arius? Ubi Eunomius coluber? Magnus Deus Jesus Christus dicitur, non primogenitus omnis creaturæ, non Verbum et sapientia* (id est, non quatenus Deus et Filius Dei), *sed Jesus Christus; quæ vocabula assumpti hominis* (id est, assumptæ humanitatis) *sunt. Neque vero alium Jesum Christum, alium Verbum dicimus, ut nova hæresis* (scilicet Nestoriana) *calumniatur sed eundem*

*et ante sæcula, et post sæcula, et ante mundum, et post Mariam, imo ex Maria, magnum Deum appellamus Salvatorem nostrum Jesum Christum.*

<sup>b</sup> Id est distinctum appellatione, ut infra exponitur, quia diversæ sunt appellationes et nomenclaturæ; quæ tamen uni eidemque personæ conveniunt.

<sup>c</sup> Id est, Quidquid nominaveris, Deus est Christus, quidquid de eo dicatur, quidquid de homine dicitur, de Deo dicitur.



nostrī gratia paulo superius loqui cœpimus, volo ut A de eadem re adhuc ex lectionibus sacris aliqua dicamus. Legimus in Actibus Apostolorum, apostolum Petrum eos qui, Evangelium recipientes, nihilominus tamen jugum vetustæ legis portandum esse censebant, ita redarguentem: *Quid, inquit, tentatis Dum, imponere jugum super cervices discipulorum, quod neque patres nostri, neque nos portare potuimus? Sed per gratiam Domini nostri Jesu Christi credimus salvari, quemadmodum et illi* (Actar. xv). Donum certe gratiæ hujus per Jesum Christum datum apostolus dicit. Responde mihi nunc, si placet, gratiam hanc quæ ad salutem omnium data est, ab homine, an a Deo datam existimes? Si ab homine, reclamat tibi Vas Dei Paulus, dicens: *Apparuit gratia Dei Salvatoris nostri* (Tit. ii). Divini esse gratiam hanc docet muneris, non imbecillitatis humanæ. Et sane etiam si sacrum testimonium non suppeteret, ipsa rei-veritas testimonio erat, quia præstare rem perpetui et immortalis boni fragilia et terrena non possunt, nec dare quisquam alteri valet quo ipse indiget, aut tribuere illius rei copiam ejus rei inopiam sustinere fateatur. A Deo ergo necesse est gratiam datam non neges. Deus ergo est qui dedit, data autem est per Dominum nostrum Jesum Christum; ergo Dominus Jesus Christus Deus. Si autem est ille, utique ut est, Deus, ergo illa quæ Deum peperit, Theotocos, id est, genitrix Dei. Nisi forte ad tam ridiculam blasphemiam contradictionem tendere velis, ut illam ex qua Deus natus est, Dei matrem neges: cum illum qui natus est, Deum negare non possis. Sed videamus tamen quid de hac eadem Domini nostri gratia etiam Evangelium Dei senserit. *Gratia, inquit, et veritas per Jesum Christum facta est* (Joan. i). Si solitarius homo Christus, quomodo hæc facta per Christum? Unde in eo virtus divina, si in eo sola, ut ais, humana conditio? Unde cœlestis largitas, si terrena paupertas? Nemo enim potest tribuere quod non habet. Dans ergo divinam gratiam Christus, habuit quod dedit. Neque enim potest harum diversissimarum inter se rerum quis differentiam sustinere, ut simul et patiaturs indigentiam inopis, et habeat munificentiam largientis. Et ideo sciens apostolus Paulus omnes divitiarum cœlestium thesauros in Christo esse, recte ad Ecclesias scribit: *Gratia Domini nostri Jesu Christi vobiscum* (I Cor. xvi). Qui scilicet sæpius jam docuerat eundem Deum esse quem Christum, cunctamque in illo maiestatem deitatis esse, et omnem in eo corporaliter plenitudinem Divinitatis habitare, recte utique jam sine adiectione nominis Dei solam precatur gratiam Christi. Quia cum eandem docuerit sæpius gratiam Dei esse quam Christi, plenissime nunc solam precatur gratiam Christi, quia in gratia Christi omnem scit Dei gratiam contineri. *Gratia ergo, inquit, Domini nostri Jesu Christi vobiscum*. Interrogo te, quis-

quis es, o hæretice, scribens hæc ad Ecclesias Paulus, quid his precabatur ad quos scribebat? *Gratia* enim, inquit, *Domini nostri Jesu Christi vobiscum*. Si homo<sup>a</sup> solitarius Jesus Christus, ergo et ille optans dari Ecclesiis gratiam Christi, gratiam dari hominibus optabat; et dicens, *gratia Christi vobiscum*, hoc dicebat, gratia hominibus vobiscum, gratia carnis vobiscum, gratia imbecillitatis corporeæ, gratia fragilitatis humanæ. Aut cur omnino nomen gratiæ ipsius nominaret, si gratiam hominibus optaret, quia optandi ratio non subsistebat, ubi non erat quod optaretur, nec precandum erat ut ejus gratia his contingeret, qui substantiam, ut ais, ipsius quæ optabatur gratiæ non haberet? Ergo vides hæc stulta esse penitus et ridicula; immo potius non ridicula, sed despectenda: B ea enim quæ quibusdam facilioribus sunt ridicula; piis ac fidelibus despectenda sunt, quia in stultitia vestræ infidelitatis illi effundunt lacrymas charitatis, et in insipientia impietatis alienæ illi habent lacrymas pietatis suæ. Resipiscamus ergo aliquando, et respiremus, quia sensus hic non sapientia tantum, sed etiam spiritu caret cum sit utique et spiritali sapientia vacuus, et spiritu salutis alienus.

#### CAPUT VI.

*Divinæ gratiæ conferendæ facultatem non accessisse in Christo temporis progressu, sed ab ipso ortu illi congenitam fuisse.*

Sed dicas forsitan gratiam hanc Domini nostri Jesu Christi, de qua Apostolus scribit, non cum ipso natam, sed postea ei illapsu divinitatis infusam; C quia et homo ipse a te Dominus noster Jesus Christus, quem solitarium dicis, non cum Deo natus, sed postea a Deo dicatur assumptus, ac per hoc totum, homini illi gratiam quando et divinitatem datam? Neque nos aliud dicimus quam quod divina gratia cum divinitate descenderit, quia et divina gratia Dei sit et largitio quodammodo ipsius divinitatis ac donum munificentia gratiarum. Temporis ergo inter nos forsitan putetur magis quam rei esse distantia, quia divinitatem quam nos cum Domino Jesu Christo natam, tu postea dicas infusam. Sed illud est quod natam cum Domino divinitatem negans, nec postea fideliter confiteri potes, quia non potest una eademque res in parte esse impia, et in parte probari pia, et eadem in portione fidei et in portione esse perfidiæ. Primum ergo illud a te requiro: Dominum nostrum Jesum Christum, qui ex Maria virgine natus est, hominis tantum filium, an etiam Dei dicas Filium? Nos enim, id est, catholicorum omnium fides, nos, inquam, omnes utrumque hoc et credimus, et intelligimus, et scimus, et confitemur, quod et hominis est filius, quia ex homine natus est, et Dei Filius, quia ex Divinitate conceptus. Tu ergo utrumque hoc, id est Dei Filium atque hominis, an tantum hominis esse asseris? Si tantum hominis, reclamant tibi apostoli, reclamant prophetæ, reclamant

#### ALARDI GAZÆI COMMENTARIUS.

<sup>a</sup> Id est, a Deitate sejunctus, vel purus homo, ut supra, et alias sæpiissime in hoc tractatu, quod semel monuisse satis sit.



denique ipse <sup>a</sup> per quem est facta conceptio Spiritus sanctus. Obruitur impudentissimum os tuum cunctis divinorum apicum testimoniis; obruitur sacris voluminibus sanctis testibus; obruitur denique ipso Dei Evangelio, quasi divina manu. Et Gabriel ille magnus, qui in Zacharia vocem incredulam virtute verbi sui coercuit, multo magis in te blasphemam atque impiam suo ipso ore damnavit, dicens ad Ma-

#### ALARDI GAZÆI COMMENTARIUS.

<sup>a</sup> Conceptio scilicet Christi, quæ per Spiritum sanctum dicitur facta, quia non opere virili, sed virtute et operatione Spiritus sancti conceptum, et formatum est in utero Virginis corpus illud quod in ipsa sui formatione et conceptione simul cum anima rationali assumptum est a Verbo seu Filio Dei. Hoc quippe sensu Christum conceptum de Spiritu sancto significat Evangelista, dicens: *Mariam an'equam convenirent* (scilicet ipsa et Joseph in opus matrimonii) *inventam in utero habere de Spiritu sancto* (Matth. 1). Et Angelus Josepho: *Quod enim in ea natum est de Spiritu sancto est*. Et ad ipsam Virginem: *Spiritus sanctus superveniet in te, et virtus Altissimi obumbrabit tibi; quod enim nascetur ex te sanctum*, etc. Unde in Symbolo profiteamur, *Filium Dei conceptum de Spiritu Sancto*. Porro ad ampliorem hujus rei declarationem, sunt aliqua hoc loco annotanda. Primum, opus Incarnationis Dominicæ toti esse Trinitati ascribendum, tamquam effectrici causæ, juxta vulgatam catholicæ fidei regulam, qua traditur, *Opera Trinitatis esse indivisa*; nam, ut ait D. Augustinus lib. 1 de Trinitate (Cap. 4): *Personæ illæ divinæ sicut inseparabiles, ita etiam inseparabiliter operantur*. Et S. Leo (Serm. 3 de Penteco.): *Nihil, inquit, ibi est in actione divisum, ubi nihil est in voluntate diversum*. Cum ergo Filius de Spiritu sancto conceptus sit, non tamquam de genitore (non enim Spiritus sanctus suam ei communicavit substantiam, quod ad rationem parentis aut genitoris pertinet), sed tamquam de effectore et fabricatore humani in eo corpusculi; sequitur eandem operationem perinde a Patre atque a Filio esse profectam; ideoque cum in hoc opere Spiritus sanctus nominatur, cæteræ quoque personæ debent intelligi; sicuti etiam ubi in aliquo opere nominatur solus Pater aut solus Filius, non debet excludi Spiritus sanctus. Secundo, quamvis Incarnatio, ut est actio quædam et operatio, communis sit tribus personis, tamen solum Dei Filium incarnatum esse tenet fides catholica, ut merito jam olim damnati sint Sabelliani hæretici, qui Patrem etiam incarnatum et in carne passum asserebant, non minus quam Filium (unde et Patropaschitæ, sive Patripassiani sunt appellati), propterea quod personas in Deo non distinguerent. Hujus autem veritatis ratio et explicatio in eo posita est quod unio illa naturæ humanæ cum divinâ, quam Incarnationem vocamus, facta sit ac terminata ad solam Filii personam; proinde licet eandem unionem tres personæ cooperatæ sint, solus tamen Filius incarnatus solusque carnem assumpsisse dicendus est, quod exemplo illo vulgari solet aliquatenus declarari: si tres homines ad vestiendum unum ex ipsis concurrant, hic enim unus et solus sibi vestem induit, eaque per consequens induitur, quamvis etiam alii ad vestitionem concurrant. Sic in opere Incarnationis et assumptione humanæ naturæ, tres quidem personæ divinæ pariter operando concurrunt, sola tamen persona Filii carnem assumpsit, sibi que univit. Tertio, cur autem Incarnatio, seu conceptio Filii peculiariter tribuatur Spiritui sancto, cum de Spiritu sancto conceptus dicatur, duæ rationes præcipuæ a Patribus assignantur. Prima, ut sancti Spiritus audito nomine, conceptionis hujus ab omni peccati labe mundities et sanctitas cogitetur. Peculiariter enim quidquid sanctum in creaturis in-

riam virginem Dei matrem: *Spiritus, inquit, sanctus veniet in te, et virtus Altissimi obumbrabit tibi. Ideo et quod nascetur ex te sanctum, vocabitur Filius Dei* (Lucæ 1). Vides quod ut secundum carnem hominis fieret filius Jesus Christus, ante est Filius Dei prædicatus? Paritura enim Dominum virgo Maria, sancto in se Spiritu descendente et virtute Altissimi cooperante concepit. Ac per hoc intelligis <sup>b</sup> quod

venitur, Spiritui sancto tribuitur. Unde et ad Romanos 1, *Spiritus sanctificationis vocatur*. Et hanc rationem insinuasse videtur Angelus (Lucæ 1), quando post illa verba: *Spiritus sanctus superveniet in te*, etc., subjecit quod sequitur: *Ideoquæ et quod nascetur ex te sanctum*, etc. *Nascetur, inquit, ex te sanctum*, quia Spiritu sancto superveniente conceptum, nulla omnino per sexus commixtionem libidinis immunditiæ concurrente. Non ergo immundum erit quod nascetur, quia non de immundo concipietur semine, sed de Spiritus sancti virtute. Altera ratio, ut significetur duplex beneficium, et utrumque maximum, per Incarnationem nobis a Deo collatum, alterum Christo homini, sive secundum humanam naturam, in eo quod humana natura, nullis præcedentibus meritis, in tantum honorem subiecta est, ut Filio Dei in personæ unitatem jungeretur, et ab omni contagio redderetur omni ex parte immunis; alterum toti humano generi, scilicet beneficium redemptionis, per Incarnationem et dispensationem Mediatoris procuratum; solent enim in Scripturis Spiritui sancto attribui dona gratiarum, et quæcumque ad hominum sanctificationem pertinent. Cum ergo nulla sit major gratia, nullum præstantius donum, quam quod in Mysterio Incarnationis continetur, aptissime tantum beneficium Spiritui sancto attribuitur. Videtur S. Augustinum Enchir. cap. 36.

<sup>b</sup> Fateor me diu multumque in hujus loci elucidatione hæsisse, nec mentem Auctoris satis pro voto meo assecutum fuisse, antequam in doctissimi patris Maldonati commentarium (In cap. 1 Luc.) inciderem; cujus proinde sententiam integram hic recitare et cum hoc Cassiani loco conferre visum est operæ pretium, nec lectori fore ingratum. Sic igitur ille explanans verba Angeli ad Virginem: *Ideoquæ quod nascetur ex te sanctum, vocabitur Filius Dei*. Post refutatam Euthymii sententiam, qui tantum intelligit Christum vocandum ab hominibus Filium Dei propter admiranda atque divina opera quæ facturus erat, *Alii, inquit, omnes, quos viderim, ita interpretantur, quasi de Christo, ut Deo, aut certe ut homine, in unam cum Deo personam assumpto, loquatur Angelus; utraque enim ratione Christus verus, naturalisque Dei Filius est: ut Deus quidem, quia æterna a Deo generatione productus; ut homo, quia licet in tempore genitus, in unam tamen cum Deo Filio personam unitus est. Quare non duo filii, sicut non duæ personæ; sed unus Filius, sicut una persona est. Quamobrem antiqui illi auctores Nestorii hæresim duos in Christo Filios, sicut duas personas fingentis, ex hoc loco refutarunt, ut Gregorius lib. xix Mor. cap. 37, et Beda in commentariis hujus loci. Quamquam ego quidem alium arbitror esse sensum, ut non de Christo, quia Deus, neque qua homo personæ conjunctus divinæ, sed de sola conceptione, humanaque generatione hoc intelligatur, quasi dicat Angelus: VOCABITUR, id est, ERIT Filius Dei, quia non a viro, sed a Deo, virtute Spiritus sancti generabitur. Neque enim de Christi natura, sed de modo generationis Angelus agebat; et causa quam reddit quamobrem Filius Dei futurus sit, quod Spiritus sanctus superventurus esset in Virginem, eamque obumbratura virtus Altissimi, non erat apta ad probandum eo sensu Christum Dei Filium futurum fuisse, quatenus Deus aut quatenus homo in eandem cum Deo personam assumptus; quia potuit etiam purus*



Domini Salvatorisque nostri inde est origo, unde conceptus; et cum descendente in Virginem totius Divinitatis plenitudine natus sit, filius esse hominis non poterat, nisi prius Dei Filius fuisset, et ideo missus ad annuntiandam sacri ortus nativitatem angelus Dei, cum sacramentum conceptionis ante dixisset, partui ipsi nomen imposuit, dicens: *a Ideo et quod nascetur ex te sanctum, vocabitur Filius Dei* (hoc est, illius Filius nuncupabitur *b* quo generante est generatus). Dei ergo Filius Jesus Christus, quia et a divinitate genitus, et *c* a divinitate conceptus. *d* Si autem Dei Filius, ergo indubitanter Deus; si autem Deus, ergo gratia Dei non carens, neque enim ea re umquam caruit quam ipse fecit. Gratia enim et veritas per Jesum Christum facta est.

#### ALARDI GAZÆI COMMENTARIUS.

homo, Spiritu sancto superveniente et virtute Altissimi Virginem obumbrante, concipi, qui neutro illo modo Filius esset Dei, cum neque Deus esset, neque divinæ conjunctus personæ. Ad probandum autem, id quod nasciturum erat ex Virgine, Dei Filium futurum fuisse eo sensu quo exposui, aptissima ratio erit Angeli, quia non ex viro, sed ex solo Deo concipiendus erat. Itaque etiamsi Christus Deus non fuisset, illo tamen modo genitus quo genitus fuit, merito Dei Filius vocatus fuisset, non solum ut ceteri viri sancti, de quibus dictum est (Psal. LXXXI, et Joan. x): Ego dixi, Dii estis, et Filii Excelsi omnes; sed singulari quadam et propria ratione, quod non alium quam Deum haberet Patrem, non ab alio quam ab eo generatus: eodem prorsus modo quo Lucas infra cap. iii, Adamum Filium Dei vocat, quia non a viro, sed a Deo genitus fuerat. Qui fuit Cainam, qui fuit Henos, qui fuit Seth, qui fuit Adam, qui fuit Dei. Intelligitur enim nomen, FILIUS, sicut in omnibus superioribus. Quid igitur? Peribitne nobis hic locus, et contra Nestorianos inutilis erit? Non perit: nam non desunt nobis Scripturæ testimonia, quibus eum Nestorii errorem refutemus, et quibus melius ex hoc ipso loco et ex proximis verbis Gregorius refutavit lib. ix Registri epist. 61. Nam cum Angelus dicat hoc loco: Quod nascetur ex te, Elisabeth versu 63 dicit: Unde hoc mihi, ut veniat Mater Domini mei ad me? Unde colligit Gregorius eandem Virginem et matrem hominis, de quo Angelus, et matrem Dei, de quo Elisabeth loquitur, simul fuisse: quare non duos, sed unum fuisse Filium; non enim alia de causa Nestorius negabat beatam Virginem Θεοτόκον, id est, Dei matrem ac genitricem esse, nisi quia duos in Christo ponebat filios. Hucusque Maldonatus. Ex cuius sententia videtur hic locus satis aliquin obscurus et intricatus sic posse elucidari: Salvatoris nostri inde est origo; scilicet secundum humanam naturam, unde conceptus ipse est, nempe a Spiritu sancto, immo a tota Trinitate, seu totius divinitatis plenitudine, ut hic dicitur. Ubi conceptus potest esse vel substantivum, ut sit idem quod conceptio; vel adjectivum, ut ad Christum referatur, qui ex Spiritu sancto conceptus et natus est. Et filius hominis esse non poterat, nisi prius esset Filius Dei, quia ipse Dei Filius se fecit filium hominis; erat igitur Dei Filius antequam esset filius hominis: esse enim prius est (saltem natura) quam operari, secundum Philosophum. Et quamvis ex illis verbis Angeli non posset certo colligi ipsum esse Filium Dei naturalem, sed ea dumtaxat ratione peculiari, quod non a viro, sed a solo Deo genitus est, nec alium habuit patrem quam Deum, quo modo Adam etiam Dei filius nuncupatur, tamen ex aliis Scripturæ locis simul collatis id affatim et aperte colligitur.

*a* Venerab. Beda in hunc locum: Ad distinctionem.

#### CAPUT VII

*Perfectam ab æterno fuisse, esse et fore in Christo divinitatem, majestatem, potentiam, virtutem, etc.*

Omnis ergo in eo gratia, omnis virtus, omnis potentia, omnis divinitas, omnis denique divinitatis ac majestatis ipsius plenitudo cum eo atque in eo semper fuerunt, sive in cælo, sive in terra, sive in utero, sive in ortu: nihil umquam Deo de Deo defuit; semper enim cum Deo deitas, non loco umquam ab eo, non tempore separata: ubique enim Deus totus, ubique perfectus, non divisus, non demutatus, non imminutus est; quia nec addi umquam Deo nec detrahi quidquam potest: sic enim imminutionem deitatis non habet, sicut nec augmentum. Idem ergo in terris fuit, qui et in cælis; idem in humilibus, qui

inquit, nostræ nativitatis Jesus sanctus nasciturus asseritur: nos quippe etsi sancti efficimur, non tamen nascimur, quia ipsa naturæ corruptibilis conditione constringimur; ut merito cum Propheta gementes singuli dicamus (Psal. L): Ecce enim in iniquitatibus conceptus sum, et in delictis concepit me mater mea; ille autem solus veraciter sanctus est, qui ut ipsam corruptibilis naturæ conditionem vinceat, ex commixtione carnalis copulæ conceptus non est. Sanctum, inquit, vocabitur Filius Dei. Quid hic dicis, Nestoriane? qui beatam Mariam Dei negans esse genitricem, aperte viteris impugnare veritatem? Ecce Deum dixit superventurum, Dei Filium nasciturum. Quomodo autem aut Dei Filius non est; aut quæ Deum edidit, quomodo Θεοτόκος, id est Dei genitrix, non esse potest? Hæc Beda, et eadem fere Gregorius ubi supra (Lib. xviii, Moral. cap. 37). Porro vocari, hoc loco, pro esse ponitur Hebræorum idiomate, ut idem sit, vocabitur Filius Dei, vel, Filius Altissimi, ac erit revera Filius Dei Altissimi; ut merito sic vocari debeat. Sic apud Isaiam cap. i: Post hæc vocaberis civitas justi, urbs fidelis, id est, eris civitas justi. Isaiæ iv: Et erit, omnisqui relictus fuerit in Sion, et residuus in Jerusalem, sanctus vocabitur, id est, erit. Ne quis vero hic hæreat, ut Ariani, in verbo futuri temporis, vocabitur, quasi antequam nasceretur, Dei Filius non esset, observandum est hic agi de homine quem conceptura et paritura erat Virgo, qui antequam conciperetur, non modo Filius Dei, sed ne homo quidem erat. Conceptura enim erat Virgo non nudum Deum, sed hominem Deum; homo autem Deus non fuit antequam conciperetur: sed homo conceptus, factus est Deus, quia in ipso conceptionis momento, a Deo in eandem hypostasim est assumptus.

*b* Id est, quo operante et producente; non enim hic de divina et æternâ generatione a Patre, sed de humana Christi conceptione et exortu hic agitur, ut dictum est.

*c* Id est, a Deo, seu operatione divina; nam divinitas proprie nec gignitur nec gignitur, ut docet sanctus Thomas (1 p. q. 39, art. 5) post Magistrum (Mag. lib. i dist. 5). Nam generare et generari personæ conveniunt, non naturæ.

*d* Eo scilicet modo Deus quo Dei Filius intelligitur. Nam si Dei Filius ea ratione, qua Maldonatus exposuit, non proprie et essentialiter Deus, sed nuncupative dumtaxat, cum idcirco Dei Filius appellatur, quia eo modo, id est, non ex viro, sed ex Spiritu sancto conceptus est. Si vero eo sensu quem alii auctores tradiderunt, Filius Dei naturalis intelligatur, et Patri consubstantialis, certe is esse non potest nisi Deus. Proinde si Dei Filius, ergo indubitanter Deus.



in excel-sis; idem in hominis exiguitate, qui in Dei A majestate. Et ideo bene Apostolus Christi gratiam nominans (I Corint. xvi), Dei gratiam nominabat, quia Christus totum erat quod Deus: omnis in ipsa statim hominis conceptione Dei virtus, omnis divinitatis venit plenitudo. Inde enim illi omnis divinitatis perfectio, unde et origo. Neque enim umquam sine Deo fuerat homo ille, qui utique hoc ipsum quod erat, a Deo acceperat. Hoc itaque primum, velis, nolis, negare non potes, quod Dominus Jesus Christus Filius Dei sit; Archangelo utique clamante

in Evangeliiis: *Quod ex te nascetur sanctum, vocabitur Filius Dei (Lucæ i)*. Hoc autem posito, scito te quidquid de Christo legeris, de Dei Filio legere; quidquid de Domino aut Jesu legeris, Dei Filium nominant: omnia hæc ejus vocabula, Filium Dei clamant. Et ideo tu in his omnibus quaecumque audieris, nomen divinitatis agnoscens, cum in omnibus videas te Dei Filium intelligere debere, argumentare, si placet, quomodo Deum valeas a Dei Filio separare.

## LIBER TERTIUS.

### CAPUT PRIMUM.

*Christum eundem hominem ac Deum secundum carnem ex Israel et virgine Maria editum esse.*

Scribens Romanis divinus ille Ecclesiarum magister, cum argueret, immo delferet Judæorum, id est, fratrum suorum infidelitatem, his verbis usus est: *a Optabam, inquit, anathema esse ipse ego a Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, et gloria, et testamentum, et legislatio, et obsequium, et promissiones; b quorum patres, ex quibus Christus secundum carnem, qui est super omnia Deus benedictus in sæcula (Rom. ix)*. O affectum, et fidelissimi apostoli, et piissimi propinqui, qui inestimabili charitate mori vult, et pro cognatis ut proximus, et pro discipulis ut magister. Et quæ tandem causa ut mori vellet? una utique, ut illi viverent. Vita autem eorum in quo continebatur? in hoc scilicet, ut ipse ait, ut Deum Christum secundum carnem natum ex sua carne cognoscerent. Et ideo utique Apostolus plus dolebat, quia eum ex Israel natum non intelligerent, qui ex suis editum plus amare deberent. *Ex quibus Christus, inquit, secundum carnem, qui est super omnia Deus benedictus in sæcula (Rom. ix)*. Eum scilicet ex illis Christum natum ait secundum carnem, qui sit super omnia Deus benedictus in sæcula. Christum utique secundum carnem natum ex illis non negas; sed idem qui ex illis na-

B tus est, Deus est. Quid circumis? quid tergiversaris?

Christum ex Israel natum secundum carnem Deum esse Apostolus dicit. Tu doce quando non fuerit. *Ex quibus Christus, inquit, secundum carnem, qui est super omnia Deus*. Vides quia hoc Apostolus unitate conjunxerit, separari omnino non potest Deus a Christo. Sicut enim ex illis Christum Apostolus prædicat, ita Deum in Christo esse confirmat. Aut utrumque hoc neges necesse est, aut utrumque fatearis. Natus secundum carnem Christus ex illis dicitur, sed idem in Christo Deus ab Apostolo prædicatur. Unde et alibi: *Deus enim erat in Christo mundum reconcilians sibi (II Cor. v)*. Dividi hoc ab alterutro nequaquam potest. Aut Christum ex illis editum denega, aut ex Virgine Deum in Christo editum confitere: *Qui est, inquit, super omnia Deus benedictus in sæcula*.

### CAPUT II.

*Dei appellatio aliter Christo, aliter hominibus tributa est.*

Sufficere quidem fidelibus ad indicandam majestatem divinitatis nomen Dei abunde potuit: sed addendo, *super omnia Deus benedictus*, blasphemiam perfidæ assertionis exclusit; ne quis scilicet impiorum vocabulum Dei interdum etiam hominibus temporarie dono divinæ dispensationis indultum, ad injuriam summæ divinitatis assumeret, et contumeliosis Deo comparationibus coaptaret, sicut utique illud ubi ad Moysen dicit Deus: *c Dedi te deum Pharaonis*

### ALARDI GAZÆI COMMENTARIUS.

*a* Egregie hunc locum elucidavit Joan. Gagnarius hoc brevi commentario: Si de abalienatione a Christi gloria intelligimus, hyperbolica est locutio, ad suum in Judæos affectum designandum. Neque enim qui paulo ante dixit: Scio quod nulla creatura poterit me separare a charitate Dei, quæ est in Christo (Rom. viii), statim revera ab eo divelli optaret; sed hyperbolicus sermo est, qualis ille Moysi Exod. xxxii: *Aut dimitte eis hanc noxam; aut si non facis, dele me de libro tuo*. Videtur autem mihi sine hyperbole posse legi. Nam anathemata Græcis dicuntur sacri scelestique homines, qui ad urbis lustrationem diis Manibus et inferis mactabantur, si quæ lues aut calamitas ingrueret, quam hujusmodi hominum interfectione, placatis diis, sedatum iri putabant, ad ejusmodi sacrificia alludens Paulus: Usque adeo mihi dolet, inquit, Judæorum abjectio, quod si Dei adversum illos iram vel quovis meo malo placare pos-

D sim, optarim anathema esse, et quod Græci dicunt *ἀναθεματίζεσθαι*, id est, pessumdari et exterminari a Christo, modo vel sic illis prosim. Certe Hieronymus anathema sumit pro corporali occisione. Sic ille. Vide cetera in eandem sententiam alibi notata (*Ad collat. 9 cap. 18, et collat. 13 cap. 6*); et plura de anathemate ejusque varia significatione apud Baronium lib. i Annalium.

*b* Quorum patres, id est, de quorum gente patres et patriarchæ prodierunt, ex quibus Christus secundum carnem progenitus. Hunc etiam locum Origenes, Ambrosius, Chrysostomus, et alii sic intelligunt, ut Christus dicatur verus Deus, quandoquidem super omnia nihil est, nisi summus Deus.

*c* Vulgatus textus: *Ecce constitui te deum Pharaonis (Exod. vii)*. Deus Pharaonis dictus est Moyses ratione potestatis ei a Deo collatæ ad conterendam Pharaonis superbiam, ut qui Deo subijci nollet, ho-



(Exod. vii), aut illud, *Ego dixi, Dii estis* (Psal. lxxxii), cum utique evidentissimam indulti nominis habeat significationem. Nam ubi dicit, *Ego dixi*, non tam nomen est potestatis quam sermo dicentis. Sed et illud ubi dicit, *Dedi te deum Pharaoni*, non divinitatem accipientis, sed potestatem dantis exposuit. Nam cum dixerit, *dedi*, in illo utique significata est Dei potestas qui dedit, non divinitatis natura in eo qui accepit. De Deo autem ac Domino nostro Jesu Christo cum dicitur, *qui est super omnia Deus bene-*

*dictus in sæcula*, et res statim probatur in verbo, et verbi res demonstratur in nomine, quia Dei nomen in Dei Filio <sup>a</sup> non significatio est adoptionis indultæ, sed veritas proprietateque naturæ.

### CAPUT III.

*Explicat illud Apostoli, Nos ex hoc neminem novimus secundum carnem, etc.*

Itaque, inquit idem Apostolus, <sup>b</sup> *Nos neminem ex hoc novimus secundum carnem*, <sup>c</sup> *et si cognovimus*

### ALARDI GAZÆI COMMENTARIUS.

mini Dei ministro subiceretur, *In Scriptura sacra*, ait D. Gregorius (Homil. 8 in Ezech.), aliquando *Deus nuncupative*, aliquando vero *essentialiter* dicitur. *Nuncupative* enim dicitur, sicut scriptum est : *Ecce constitui te deum Pharaonis*. Et sicut Moyses ait : *Si quis hoc vel illud fecerit, applica illum ad deos* (Exod. xxi), videlicet ad sacerdotes. Qui rursus dicit : *Diis non detrahes, id est, sacerdotibus*. Et sicut Psalmista ait : *Deus stetit in synagoga deorum, in medio autem deos discernit* (Psal. lxxxii). *Essentialiter* autem *Deus* dicitur, sicut ad Moysen dicitur : *Ego sum Deus patris tui, Deus Abraham, Deus Isaac, Deus Jacob* (Exod. iii). Unde Paulus apostolus volens nuncupativum Dei nomen ab essentiali discernere, de Redemptore nostro locutus est dicens : *Quorum patres, ex quibus Christus secundum carnem, qui est super omnia Deus benedictus in sæcula* (Rom. ix). Qui enim nuncupative dicitur, *deus* inter omnia ; qui vero essentialiter, *Deus* super omnia est. Ut ergo ostenderet Christum naturaliter Deum, non hunc Deum tantum, sed Deum super omnia esse memoravit ; quia et electus quisque, sicut præmissimus, vel in exemplo justitiæ prærogando positus, deus dici potest, sed inter omnia, quoniam nuncupative deus ; Christus autem *Deus est super omnia, naturaliter Deus*. Hactenus D. Gregorius.

<sup>a</sup> Christus enim non adoptione, sed natura Deus, et Dei Filius appellatur ; nec ullo modo Filius Dei adoptivus dici potest, cum secundum divinam naturam Filius Dei sit naturalis, seu verus, ut loquitur Scriptura i Joan. ult. : *Scimus quoniam Filius Dei venit, et dedit nobis sensum, ut cognoscamus verum Deum, et simus in vero Filio ejus, hic est verus Deus, et vita æterna*. Idemque confirmat vox Patris de cælo, et Petri confessio, qua Christus sic Dei Filius astruitur, ut ab aliis quibuscumque viris justis et sanctis distinguatur, quos constat Dei filios fuisse adoptione (Mag. Sent. in 3 et 10). Sed neque secundum humanam naturam, sive quatenus homo Filius adoptivus dicendus est, quod repugnet eandem personam esse naturalem filium et adoptivum. Nam filiatio, ait S. Thomas (3. p., q. 13, a. 3), *sicut et adoptio, proprie convenit hypostasi, non autem naturæ ; est enim filiatio proprietas personalis*. In Christo autem non est alia persona vel hypostasis quam increata cui convenit esse filium per naturam, per quod excluditur omnis ratio adoptionis. Ille enim adoptione filius evadit, qui cum non esset, aut certe non esse posset filius, hoc beneficio coaptatur in filium ; quo modo angelos et primos homines a principio suæ creationis filios Dei fuisse dicimus per gratiam adoptionis, quia etsi nunquam ab hac gratia et jure hæreditatis æternæ fuerint alieni, tamen esse poterant, si in puris naturalibus conditi fuissent. Persona autem in Christo, cum non alia sit quam divina eademque, Deo Patri connaturalis et cœterna, nunquam potuit extranea esse ab hoc jure filiationis, quod ei ratione suæ originis debebatur. Proinde nulla ratione dici potest filius adoptivus, nisi, ex sententia Nestorii, pluralitas in Christo statuatur personarum, quarum altera naturalis filii, altera adoptivi nomen obtineat. Huic doctrinæ accedunt SS. Patrum suffragia. D. Ambrosius in cap. i Epist. ad Romanos : *Legi et relegi*

*Scripturas, Jesum Filium Dei nusquam adoptione inveniri*. S. Hilarius lib. in de Trinitate : *Dominus dicens : Clarifica Filium tuum, non solo nomine testatus est se esse Filium, sed etiam proprietate. Nos sumus filii Dei, sed non talis hic Filius. Hic enim verus et proprius est filius origine, non adoptione ; veritate, non nuncupatione ; nativitate, non creatione*. S. Hieronymus in cap. i ad Ephesios : *De Christo Jesu scriptum est quia semper cum Patre fuit, et nunquam eum, ut esset, voluntas paterna præcessit ; et ille quidem natura Filius est, nos vero adoptione. Ille nunquam non fuit Filius ; nos antequam essemus, prædestinati sumus, et tunc spiritum adoptionis accepimus quando credidimus in Filium Dei*.

<sup>b</sup> Id est, ex hoc tempore quo per fidem cognovimus vivendum esse soli Christo, qui pro nobis mortuus est, nullius affinitatem aut cognationem carnalem spectamus aut reveremur ; qui omnibus ex æquo prodesse cupimus, neminem agnoscimus secundum carnem, sive ille affinis sit, sive aliquando conjunctus, in cujus gratiam vivere cupiam. Spectavit enim Apostolus verba præcedentia : *Ut et qui vivunt, jam non sibi vivant, sed ei qui pro ipsis mortuus est et resurrexit* (II Cor. v).

<sup>c</sup> Id est, tamquam hominem nobis similem in terris agentem : *Sed jam nunc non novimus*, id est, non talem eum modo agnoscimus, sed verum Deum et hominem, eumque post resurrectionem suam, immortalem, impassibilem, et corpore etiam glorificato. Itaque jam non secundum carnem, id est, carnalem sensum, Christum novimus, ut Judæi, vel secundum conditionem carnis passibilis. Sensus ergo duplex esse potest. Primo ut Paulus de se loquatur pro eo tempore quo Christum persequabatur, et dicat : *Etsi aliquando (nempe cum essemus in Judaismo) secundum carnem, id est, carnaliter judicantes, indignam existimationem habuimus de Christo, tamquam puro et mortali homine, sed jam non ita novimus seu existimamus*. Vel secundo, ut hæc verba referantur ad diversa tempora, non ipsius Pauli, sed Christi, scilicet et ad tempus carnis mortalis, quo ipse nostris passionibus subiacebat, de quo ad Hebræos v dicit : *In diebus carnis suæ, id est, passibilitatis ; et ad tempus resurrectionis, in quo Christus resurgens ex mortuis, jam non moritur* (Rom. vi), quod supra naturam carnis est. Itaque etsi, inquit, in illo primo tempore (ut in persona apostolorum magis quam sua loquatur) novimus Christum secundum carnem, id est, passibilem, quod proprium est carnis ; sed *nunc jam*, hoc est, tempore post ejus resurrectionem, in quo non ipsam carnem, sed modum proprium carnis amisit, *non novimus*, scilicet passibilem (Vide S. Thomam in Commentario). Quæ expositio traditur in septima synodo sub finem (Habetur in Actis concilii Ephesini, tom. V). At priorem sensum, ut plenior, magis spectavit Cassianus hoc loco usus ad probandam Christi Deitatem, ut patet ex textu. Cui accedit S. Cyrillus Alexandrinus eundem locum exponens : *Quid est, inquit, quod Paulus hic ait ? numquid Christi resurrectionem inficiatur ? nonne illum secundum carnem resuscitatum, eumque eadem illa carne in cælum profectum norat*



*secundum carnem Christum, sed nunc jam non novimus* (II Cor. v). Bene sibi cuncta sacri sermonis scripta conveniunt, et in omni penitus sui parte, etiam ubi verborum specie non consonant, rerum tamen virtute concordant: sicut in hoc quod ait, *et si cognovimus Christum secundum carnem, sed nunc jam non novimus*; testimonium enim dicti præsentis confirmatio superioris est, quo dixit, *Ex quibus Christus secundum carnem, qui est super omnia Deus benedictus in sæcula* (Rom. ix) Illic enim posuit, *ex quibus Christus secundum carnem*; hic autem, *et si cognovimus Christum secundum carnem*; illic, *qui est super omnia Deus*; hic autem, *Christum secundum carnem nunc jam non novimus*. Species verborum est alia, sed rei virtus una; eundem enim quem illic secundum carnem natum Deum super omnia prædicat, hic secundum carnem se jam non nosse confirmat. Ideo scilicet, quia eundem quem natum in carne noverat Deum, in sæcula confitetur, et ideo a se eum ignorari secundum carnem, quia sit *super omnia Deus benedictus in sæcula*; ac per hoc et illud ibi, *qui est super omnia Deus*, et hoc dicit, *Non novimus jam Christum secundum carnem, quia est Deus benedictus in sæcula*. Ascendit ergo quodammodo, quasi in altiore gradum doctrinæ apostolicæ prædicatio, et licet sibi sensu in utroque conveniat, sacramentum tamen perfectæ fidei quasi sententia expressiore confirmat, dicens: *Et si cognovimus secundum carnem Christum, sed* <sup>a</sup> *nunc jam non novimus*, videlicet, quia prius eum et hominem scimus et Deum, nunc tantum Deum. Cessante enim infirmitate carnis, nihil in eo jam no-  
vimus nisi virtutem divinitatis; quia totum in eo virtus est majestatis divinæ, ubi esse desiit infirmitas imbecillitatis humanæ. Omne ergo penitus hoc testimonio mysterium et sumptæ carnis et perfectæ divi-

nitatis exposuit. Dicens enim, *Et si cognovimus Christum secundum carnem*, sacramentum nati in carne Dei locutus est; adjiciens autem, *Nunc jam non novimus*, vim depositæ infirmitatis explicuit. Ac per hoc cognitio illa carnis ad significationem pertinet hominis, ignoratio autem ad honorem divinitatis: Hoc est enim dicere, Cognovimus Christum secundum carnem, quamdiu quod secundum carnem agnosceretur, fuit; nunc jam non novimus postquam esse desivit. <sup>b</sup> Natura enim carnis in spiritualem est translata substantiam; et illud quod fuerat quondam hominis, factum est totum Dei. Et ideo non novimus Christum secundum carnem, quia absorpta per divinam majestatem infirmitate corporea, nihil sacro resedit corpori ex quo imbecillitas in eo carnis possit agnosci. Ac per hoc quidquid fuerat prius substantiæ duplicis, factum est virtutis unius. Cum utique non sit dubium Christum qui crucifixus est ex infirmitate nostra, totum vivere ex majestate divina.

## CAPUT IV.

*Ex ea quæ ad Galatas est Epistola profert testimonium quo probat infirmitatem carnis in Christo per divinitatem absorptam esse.*

Quod scilicet Apostolus omni scriptorum suorum corpore prædicans, bene etiam ad Galatas scribens ait: *Paulus apostolus non ab hominibus neque per hominem, sed per Jesum Christum et Deum Patrem* (Galat. i). Vides quam bene sibi in prioribus præsentibusque conveniat. Illic enim dicit, *nunc jam non novimus Christum secundum carnem*; hic ait, *non ex hominibus, neque per hominem, sed per Jesum Christum*. Patet quemadmodum etiam hic idem quod in superioribus doceat. Dicens enim, missum se non per hominem, hoc dicit, *non novimus Christum secundum carnem*; et ideo <sup>c</sup> non per hominum mis-

## ALARDI GAZÆI COMMENTARIUS.

*Ecquis istud illum ignorasse dicere audeat? Qualem namque in cælum ascendisse, ac olim inde rursum venturum sciebat, talem et in illo quoque existere nequam ignorabat. Quomodo igitur Filium secundum carnem se nosse negat? Quoniam simul atque ex mortuis revixerat, satius erat ex divina eminentia illum et nosse et profiteri, quam ex carnis infirmitate. Etenim dispensationis mysterio nondum expleto, secundum carnem prædicabatur, quo nimirum Unigenitus caro factus crederetur. At vero sacramento hoc jam consummato, præstabat ex divinitate illum agnoscere ac profiteri, quam ex carnis humilitate et exinanitione. Unus itaque est Christus et Filius, et Dominus. Ita Cyrillus.*

<sup>a</sup> Non quod homo esse desierit, sed quia nihil humanum, id est, infirmum et mortale post resurrectionem suam retinuit, sed omnem infirmitatem mortalitatis humanæ deposuit, ut infra exponitur.

<sup>b</sup> Non quod vera caro et corporea esse desierit, secundum se, sed quia spiritalis effecta, id est, incorruptibilis et gloriosa et omnis infirmitatis expers, quemadmodum dicit Apostolus I Corint. xv: *Seminatio corpus animale, surget corpus spiritale. Resurrectio enim Domini, ait S. Leo pontifex (Serm. 4 de resur. Domini), non finis carnis, sed commutatio fuit, nec virtutis augmento consumpta substantia est. Qualitas transiit, non natura defecit; et factum est corpus impassibile, quod potuit crucifigi; factum est immortale, quod potuit occidi: factum est incorruptibile, quod potuit vulnari. Et merito dicitur caro Christi in eo statu quo fuerit*

nota nesciri, quia nihil in ea passibile, nihil remansit in ea infirmum, ut et ipsa sit per essentiam, et non sit ipsa per gloriam. Quod autem mirum, si hoc de corpore Christi profitetur (Apostolus) qui de omnibus Christianis spiritalibus dicit: *Itaque nos ex hoc, neminem novimus secundum carnem. Ex hoc, inquit, initium nobis factum est resurrectionis in Christo, ex quo in eo, qui pro omnibus mortuus est, totius spei nostræ forma præcessit, etc.*

<sup>c</sup> Per hominem, purum scilicet et mortalem, sed per Jesum Christum verum Deum. Utitur eodem argumento Cyrillus ad eundem scopum quo Cassianus, ad probandam scilicet Christi divinitatem: *Annon, inquit, Deum incarnatum, unumque utrobique Filium et Dominum per hæc nobis insinuat Apostolus? Quid planius enim dici potest, quam se non ab homine, nec per hominem, sed per Jesum Christum missum esse? Quid ergo? numquid eum, quem universo orbi annuntiavit, hominem esse ignorabat? Nequaquam. Norat utique hominem esse; at non hominem solum, sed Dei Verbum hominem factum. Cum ergo se non ab homine, sed per Jesum Christum dicit, quis dubitet quin Jesum Christum verum Deum esse statuat? etc. Similiter et D. Hieronymus in eundem locum Apostoli commentans: *Ex quo, inquit, approbatur Ebionis et Photini etiam hinc hæresis retundenda, quod Dominus noster Jesus Christus Deus sit, dum Apostolus, qui a Christo ad prædicationem Evangelii missus est, negat se missum esse ab homine.**



sum, sed per Jesum, quia per Christum missus, non per hominem missus sum, sed per Deum; nomen enim in eo jam hominis non cadit, in quo totum sibi divinitas vindicavit. Et ideo cum dixisset missum se non ab hominibus, neque per hominem, sed per Jesum Christum, bene addidit, et Deum Patrem; hoc est, missum se a Deo Patre et a Deo Filio esse designans. In quibus utique licet propter mysterium sacræ et ineffabilis generationis, duplex sit persona, generantis et geniti, una tamen est virtus mittentis Dei. Et ideo ille missum se a Deo Patre et Deo Filio dicens, in personis quidem dualem ostendit numerum, sed in missione unam docuit potestatem.

#### APUT V.

*Sicut blasphemia est Christo adimere divinitatem, ita quoque verum hominem illum esse negare, blasphemum est.*

Sed per Christum, inquit, Jesum, et Deum Patrem, qui suscitavit eum a mortuis. Præclarus utique et admirabilis magister, sciens Dominum Jesum Christum sicut verum Deum, ita et verum hominem prædicandum, ita semper majestatem divinitatis in eo prædicat, ut Incarnationis confessionem penitus non relinquat: excludens utique et <sup>a</sup> phantasma Marcionis Incarnatione vera, et <sup>b</sup> paupertatem Ebionis divinitate perfecta; ne scilicet per alterutram blasphemiae perversitatem Dominus Jesus Christus

A aut homo penitus sine Deo, aut Deus sine homine credatur. Bene ergo Apostolus missum se sicut a Deo Patre, ita et a Deo Filio prædicans, confessionem statim Dominicæ Incarnationis adjunxit, dicens: Qui suscitavit eum a mortuis; verum scilicet incarnati Dei corpus suscitatum a mortuis docens juxta illud: Et si cognovimus Christum secundum carnem; bene addens, sed jam non novimus. Hoc enim se in eo nosse dicit secundum carnem, quod sit a mortuis suscitatus. In eo vero se eum jam non nosse secundum carnem, quod cessante carnis fragilitate, in sola eum noverit Dei esse virtute. Fidelis scilicet prædicandæ Dominicæ divinitatis et satis idoneus testis, qui in principio vocationis suæ cœlitus castigatus, majestatem suscitati a mortuis Domini nostri Jesu Christi, non fide tantum animi sui crederet, sed <sup>c</sup> etiam oculis corporalibus approbasset.

#### CAPUT VI.

*Ex apparitione Christi, quæ Apostolo persequenti Ecclesiam facta est, utrumque naturam in eo fuisse demonstrat.*

Unde etiam <sup>d</sup> apud Agrippam regem et cæteros mundi judices disserens, ita ait: Dum irem Damascus cum potestate et permissu principis sacerdotum, die media in via vidi, rex, de cœlo supra splendorem solis circumfussisse me lumen, et omnes qui mecum

#### ALARDI GAZÆI COMMENTARIUS.

<sup>a</sup> Cerdon et Marcion hæresiarchæ, et post hos Manichæus, docuerunt Christum non verum corpus, aut veram carnem, sed phantasticam assumpsisse, propterea quod carnem sua natura malam esse et ex malo ortam principio fabularentur. Quem errorem ex professo refellunt Tertullianus lib. de Carne Christi, Irenæus lib. i cap. 29, Augustinus innumbris prope locis contra Manichæos disputans.

<sup>b</sup> Alludit ad nomen Ebionis, quod Hebraice pauperem seu inopem significat. Sic B. Ignatius episcopus et martyr in epistola ad Philadelphienses: Si quis, inquit, dicat unum esse Deum, et confiteatur Christum Jesum, sed eundem nudum esse hominem putet, hujusmodi serpens est, fraudem et errorem prædicans in exitium hominum, et est ejusmodi inops sensu, cognomento Ebion. Et S. Hieronymus in c. i Isaïæ: Arat, inquit, in bove et asino Ebion, dignus pro humilitate sensus, paupertate nominis sui; qui sic recipit Evangelium, ut Judaicarum superstitionum, quæ in umbra et imagine præcesserunt, caeremonias non relinquat. Et rursus in cap. lxvi Isaïæ: Judæi, inquit, et Judaici erroris hæredes Ebionitæ, qui pro humilitate sensus nomen acceperunt. Paupertatem itaque Ebionis vocat Auctor fatuam illius de Christo tamquam de puro homine existimationem, ex paupertate sensus et judicii inopia, sed magis ex sanæ doctrinæ defectu ortam, de qua superius dictum est.

<sup>c</sup> Quod Paulus oculis etiam corporalibus majestatem, id est, carnem Christi gloriosam, seu Christum in carne præsentem et sibi vicinum viderit, Actorum nono colligitur. Primo ex luce quæ illum circumfussit, tum ex cæcitate quam ex nimia ejus claritate incurrit. Secundo ex verbis Ananiæ, quibus ait: Saule frater, Dominus Jesus, qui apparuit tibi in via. Si apparuit Saulo, certe visibilem se in propria carne et specie exhibuit. Et apertius ex Græco, ubi habetur: ὁ ὁφθίς σοι. Qui visus est tibi. Et ibidem: Barnabas apprehensum Paulum duxit ad apo-

stolos, et narravit illis quomodo vidisset Dominum. Tertio Paulus ipse I Corint. ix ait: Numquid non sum Apostolus? Nonne Jesum Christum Dominum nostrum vidi? Denique idem Apostolus I Cor. xv testatur Christum post resurrectionem suam plurimis apparuisse, id est, visum esse, in carne scilicet visibili et aspectabili, et modo his, modo aliis discipulis: Novissime autem, inquit, omnium, id est, post omnes alios, tamquam abortivo visus est et mihi. Quod non nisi de corporea visione et apparitione intelligi potest. Enumerat siquidem hoc loco testes resurrectionis qui Dominum oculis corporeis viderant, et se inter eos ponit. An vero Paulus alias, et quas habuerit Christi visiones et apparitiones, sive imaginarias, sive intellectuales, non est hujus loci discutere.

<sup>d</sup> Tres Agrippæ apud Judæos regnasse leguntur. Primus Aristobuli filius, magni Herodis Ascalonitæ (qui primus alienigena sceptrum regni Judaici obtinuit) nepos, quem a Tiberio imper. in vincula coniectum C. Caligula solvit, regemque Judæorum constituit; de quo Josephus lib. xviii Antiq. cap. 14 et 15, et Eusebius lib. ii cap. 4. Secundus Herodes Agrippa, primi itidem Herodis Judæorum regis filius a Claudio imper. regnum Judæorum consecutus, qui Jacobum apostolum occidit, et Petrum in carcerem conjecit, ac demum, ob donatum sibi a populo nec repudiatum divinitatis honorem, ab angelo percussus, a vermibus corrosum, interiit, Act. xii, Josephus lib. xix Antiquitatum Judaicarum c. 7, Eusebius lib. ii cap. 9. Tertius denique hujus filius Agrippa junior dictus, de quo hic agitur, apud quem et Festus, Judææ præsidem, præsentem etiam Berenice Agrippæ sorore, Paulus a Judæis accusatus, orationem habuit et causam suam egit, Act. xxiv et xxv. Hic usque ad subversionem Hierosolymorum Judææ regnum tenuit, Romanis semper amicus, ait Beda in commentario ejus loci.



*simul erant : omnesque nos cum decidissemus in terram, audiui vocem dicentem mihi Hebraica lingua, Saule, Saule, quid me persequeris? durum est tibi contra stimulum calcitrare. Ego autem dixi : Quis es, Domine? Dominus autem dixit ad me : Ego sum Jesus Nazarenus, quem tu persequeris (Act. xxvi).* Vides quod eum Apostolus, quem in tanto majestatis fulgore viderat, recte jam se secundum carnem non nosse dicebat. Cum enim jubat illud divini luminis quod sustinere non potuit, in ipsa sui prostratione vidisset, vox hæc secuta est : *Saule, Saule, quid me persequeris?* Cui quærenti quis esset, ita evidenti Dominus personæ suæ significatione respondit : *Ego sum Jesus Nazarenus, quem tu persequeris.* Te, te, inquam, hæretice, nunc interrogo, te appello : credis de se Apostolo, aut non credis? Aut si parum id æstimas, credis de se Domino, aut non credis? Si credis, finita quæstio est. Hoc enim necesse est quod nos credimus, credas. Nos enim, juxta Apostolum, *et si cognovimus Christum secundum carnem, sed nunc jam non novimus.* Nos Christum contumeliis non afficimus, nos carnem a Deo non separamus, et totum quod Christus est, esse in Deo credimus. Tu ergo si idem quod nos credimus, credis, eadem necesse est fidei sacramenta fatearis. Si autem a nobis dissides, si neque Ecclesiis, neque apostolo, neque ipsi denique de se Deo credis, ostende nobis in hoc quod Apostolus vidit, quid sit caro, et quid sit Deus. Ego enim hic discernere nihil valeo : video ineffabilem illuminationem, video inexplicabilem claritatem, video splendorem humanæ fragilitati intolerabilem, et supra id quod ferre mortales oculi queunt, inæstimabilem majestatem, Dei luce fulgentem. Quæ hic divisio, quæ hic discretio est? In voce Jesum audimus, in majestate Deum cernimus; quid est aliud, nisi ut in una eademque substantia Deum et Jesum esse credamus? Volo tamen de hoc eodem adhuc aliquid apud te loqui. Dic mihi, quæso, si tibi nunc persequenti fidem catholicam id appareret quod ignoranti Apostolo tunc apparuit, si te inopinantem atque securum fulgor ille circumdaret, et perculsum atque perterritum splendor immensi luminis consterneret, jaceresque in tenebris oculorum atque errorum tuorum, quas tibi immensas et ineffabiles angustias pavor mentis augeret! Dic mihi, obsecro, cum te imminentis mortis formido premeret, et terror commi-

ALARDI GAZÆI

<sup>a</sup> Hoc est, vultis experimento probare quanta sit potestas judiciaria mihi a Christo collata, qui in me et per me loquitur, ut per suum ministrum et organum : sicut rex in suo concilio et senatu et per senatum loqui et decernere dicitur quicquid senatus, auctoritate regis, loquitur et decernit. D. Ambrosius legit : *Quomodo probationem queritis ejus qui in me loquitur Christus?* etc. Et subdit : *Probationem querunt Christi loquentis in Apostolo, dum præceptis non obediunt, volentes probare, si ausit vindicare, ut per id intelligatur esse fidæ auctoritatis, ac de cætero timeatur.*

<sup>b</sup> Quomodo, inquires, non potuit loqui in eo, nisi Deus, cum et angeli in prophetis locuti sint, Zacha-

nantis desuper majestatis urgeret, audires quoque illud in tanta mentis confusione dignum perfidia tua nomen, *Saule, Saule, quid me persequeris?* et quærenti tibi quis esset, responderetur a cælo : *Ego sum Jesus Nazarenus, quem tu persequeris;* quid diceres? Nescio, non ad plenum adhuc credo, deliberare amplius mecum volo quem te esse existimem, qui e cælo loqueris, qui me fulgore tuæ divinitatis obruis, cujus vocem audio et majestatem ferre non possum. Tractandum mihi de hoc negotio est, credendum tibi sit, an non credendum; Christus sis tu, an Deus : si Deus solus sis, an in Christo; si Christus solus sis, an in Deo. Discretionem hanc subtiliter observari et diligenter considerari volo quid credendus sis, quid judicandus sis. Nolo enim B aliquid de officio meo perdere, ut cum te ut hominem despiciam, aliquid tibi divini honoris impendam. Si ergo ut Paulus tunc apostolus jacuit, prostratus humi jaceres, et fulgore divini luminis obrutus extremos spiritus ageres, hæc forsitan diceres, hæc otiosa loquacitatis garrulitate gannires. Sed quid facimus? quod aliud tunc Apostolo visum est. Et cum tremens ac semianimis concidisset, dissimulandum ultra non censuit, deliberandum amplius non putavit; suffecitque ei quod ineffabilibus experimentis quem ignorans hominem esse credidit, admonitus Deum esse cognovit : non dissimulavit, non distulit; nec male conceptum errorem infideli amplius deliberatione suspendit, sed audito e cælis Jesu Domini sui nomine, subdita ut famulus, trepida C ut flagellatus, devota ut conversus voce respondit : *Quid faciam, Domine?* Itaque paratissima ac devotissima fide id statim meruit, ut quem fideliter credidit, eo ipso jugiter non careret; et ad quem corde transierat, is in cor ejus ipse transiret, dicentis ipso de se Apostolo : *An experimentum<sup>a</sup> queritis ejus qui in me loquitur, Christus (II Cor. xiii)?*

## CAPUT VII.

*Aliis rursum Apostoli testimoniis Christum Deum esse pronuntiat.*

Quo loco volo, hæretice, ut mihi disseras, hunc quem loqui Apostolum intra se dicit, homo sit an Deus? Si homo, quomodo in corde ejus corpus loqui poterat alterius? Si Deus, ergo jam non homo Christus, sed Deus : quia cum locutus in Apostolo Christus sit, et <sup>b</sup> loqui in eo non potuerit nisi Deus, ergo

COMMENTARIUS.

rie II : *Angelus qui loquebatur in me,* et demones sæpissime loquantur in dæmoniis? Respondeo : Argumentatur Auctor ex suppositis; supponit enim quod etiam est supponendum, Christum qui loquebatur in Apostolo, non esse angelum, nedum diabolum, quod neque Nestorio venit in mentem. Hoc supposito, necesse fuit Christum, qui in Apostolo loquebatur, aut esse Deum, aut certe purum hominem, ut volebat Nestorius. At si homo purus fuisset, non potuisset loqui in Apostolo, quoniam oportuisset eum suo corpore penetrare corpus Apostoli, quod secundum naturam et humana virtute fieri nequit; erat igitur Christus Deus, qui loquebatur in Paulo, et non purus homo.



locutus in eo est Christus Deus. Vides itaque nihil A esse hic jam quod dici queat, nec disjunctionem aut divisionem aliquam inter Christum fieri et Deum posse, quia totus in Christo Deus, et totus in Deo Christus. Nulla hic recipi disseparsio potest, nulla discissio: una tantum est simplex, una tantum pia, una tantum sana confessio, adorare, amare et colere Christum Deum. Vis autem adhuc plenius et cumulatius scire nullam inter Deum et Christum esse distantiam, et eundem penitus Deum intelligendum esse quem Christum? audi Apostolum ad Corinthios loquentem: *Omnes enim nos, inquit, manifestari oportet ante tribunal Christi, ut referat unusquisque propria corporis, prout gessit, sive bonum, sive malum* (II Cor. v). Alio autem loco ad Romanam Ecclesiam scribens: *Omnes, inquit, astabimus ante tribunal Dei* B (Rom. xiv). Scriptum est enim: *Vivo ego, dicit Dominus, quia mihi flectetur omne genu, et confitebitur omnis lingua Deo* (Isaia xlv). Vides ergo unum atque idem tribunal Dei futurum esse quod Christi? Intellege ergo indubitanter Christum Deum; et ubi vides inseparabilem penitus Christi ac Dei esse substantiam, inseparabilem quoque agnosce esse personam. Nisi forte quia Apostolus in alia nos manifestandos epistola ante tribunal Christi, in alia ante tribunal Dei dixit, duo forte tribunalia facias, et alios iudicandos a Christo, alios a Deo censeas. Sed hæc frivola et furiosa sunt, et insanientibus insaniora. Agnosce ergo omnium Dominum, agnosce universitatis Deum, agnosce in tribunali Christi tribunal Dei. Ama vitam, ama salutem tuam, ama a quo creatus es, metue a C quo iudicandus es. Velis enim, nolis, manifestandus ante tribunal Christi es, et seposita impietatis blasphemia, ac verborum infidelium cantilena, si aliud putas tribunal Dei esse quam Christi, venies ante tribunal Christi, et invenies utique documento inexplicabili ipsum tribunal Dei esse quod Christi,

totamque in Filio Dei Christo et Filii Dei maiestatem et Patris Dei potestatem. *Non enim Pater iudicat quemquam, sed iudicium omne dedit Filio, ut omnes honorificent Filium, sicut honorificant Patrem* (Joan. v). Qui enim negat Patrem, et Filium: *omnis qui negat Filium, nec Patrem habet; \* qui confitetur Filium, et Patrem habet* (I Joan. ii). Disce itaque inseparabilem esse Patris ac Filii honorem, inseparabilem dignitatem; neque honorari Filium sine Patre, nec Patrem posse sine Filio. Honorare autem Deum ac Dei Filium, nisi in Christo unigenito Dei Filio nullus valet, quia spiritum ipsum utique honorandi Dei, nisi in spiritu Christi habere non potest, dicente Apostolo: *Vos autem in carne non estis, sed in spiritu; si tamen Spiritus Dei habitat in vobis. Si quis autem Spiritum Christi non habet, hic non est ejus* (Rom. viii). Et iterum: *Quis accusabit adversus electos Dei? Deus qui justificat. Quis est qui condemnet? Christus Jesus, qui mortuus est, et immo qui resurrexit* (Ibid.). Vides ergo jam, etsi non vis, nullam omnino penitus vel inter Spiritum Dei et Spiritum Christi, vel inter iudicium Dei et iudicium Christi esse distantiam. Tu elige utrum malis, alterum enim fieri necesse est, ut aut Christum Deum esse fide intelligas, aut in Christo Deum damnatione cognoscas.

#### CAPUT VIII.

*In confessione divinitatis Christi, crucis confessionem non esse silentio premendam.*

Sed videamus tamen cætera quæ sequuntur. Scribens ad Corinthiorum Ecclesiam idem, de quo superius locuti sumus, doctor Ecclesiarum omnium Paulus, ita locutus est: *Judæi, inquit, signa petunt, et Græci sapientiam quærunt: nos autem prædicamus Christum crucifixum,* b *Judæis quidem scandalum,* c *gentibus autem stultitiam, ipsis autem qui salvi fiunt, Judæis atque Græcis,* d *Christum Dei virtutem et Dei*

#### ALARDI GAZÆI COMMENTARIUS.

a Vide hanc sententiam inferius explicatam.

b Unde et ab Isaia, et ab apostolorum principe dictus est *lapis offensionis et petra scandali* (Isaia viii, I Petr. ii); quia in eum non credentes Judæi, et de ejus passione et ignominia scandalizati, ipsum sibi lapidem offensionis [occasionem et objectum suæ damnationis et perditionis] et petram scandali suo vitio et cæcitate fecerunt. Unde et Simeon ille justus dixit ad Mariam matrem ejus: *Ecce positus est hic in ruinam et in resurrectionem multorum in Israel, et in signum cui contradicetur*, Luc. ii. Et Christus ipse Matth. xi: *Beatus qui non fuerit scandalizatus in me.*

c Stultum quippe, ait B. Gregorius (Hom. 6 in Evāg.), hominibus visum est, ut pro hominibus Auctōr vitæ moreretur. Et inde contra eum homo scandalum sumpsit, unde ei amplius debitor fieri debuit. Nam tanto Deus ab hominibus dignius honorandus est, quanto pro hominibus et indigna suscepit.

d Possunt hæc dupliciter intelligi, nimirum de Christo ut Deo, et de eodem ut homine; hoc est, vel secundum ejus divinitatem, vel secundum humanitatem. Si secundum divinitatem, dicitur *Christus Dei virtus, et Dei sapientia, per quamdam appropriationem*, ait S. Thomas. *Virtus quidem, in quantum per eum Pater omnia operatur. Joan. 1: Omnia per ipsum facta sunt. Sapientia vero in quantum ipsum Verbum, quod est Filius, nihil est aliud quam Sapientia de*

*Patre genita. Eccli. xxiv: Ego ex ore Altissimi prodii primogenita ante omnem creaturam. Non est autem sic intelligendum, quod Deus Pater sit fortis, et sapiens virtute, aut sapientia genita, quia, ut Augustinus probat, vi de Trinitate (Cap. 2), sequeretur quod Pater haberet esse a Filio, quia hoc est Deo esse, quod fortem et sapientem esse. Sic S. Thomas in commentario. Et in prima parte, q. 59, art. 7: Pater, inquit, non est sapiens Sapientia quam genuit, quasi solus Filius sit Sapientia, et sic Pater et Filius simul tantum possint dici sapientia, non autem Pater sine Filio; sed Filius dicitur sapientia Patris, quia est sapientia de Patre sapientia. Uterque enim per se est sapientia, et simul ambo una sapientia. Unde Pater non est sapiens Sapientia quam genuit, sed sapientia quæ est sua essentia. Hactenus S. Thomas. Verum Apostolus videtur hic proprie spectasse humanitatem Christi, cum dicit: *Prædicamus Jesum crucifixum, Judæis quidem scandalum, gentibus autem stultitiam, et tamen eundem Dei virtutem et Dei sapientiam vocatis Judæis et Græcis*, id est, his qui de Judæis et gentibus ad fidem Christi convertuntur, qui in carne Christi recognoscunt (verba sunt ejusdem S. Thomæ) *Dei virtutem, per quam et dæmones superantur, et peccata remittuntur, et homines salvantur. Christum ergo etiam secundum humanitatem vocat Dei virtutem et Dei sapientiam, quia in ipso et per ipsum cruci affixum**



sapientiam (1 Corinth. 1). O fortissimum fidei Magistrum! cui docenti Ecclesias parum etiam hoc loco visum est ut Christum Deum esse diceret nisi crucifixum addidisset, scilicet ut ad exertissimam ac validissimam fidei doctrinam eundem quem crucifixum diceret, Dei sapientiam prædicaret. Non ergo subtilitate aliqua aut circumitione verborum usus est, nec in prædicando Domini Evangelio crucis Christi nomen erubuit. Et licet hoc scandalum esset Judæis, et stultitia gentibus, <sup>A</sup> Deum audire natum, Deum audire corporeum, Deum audire passum, Deum audire crucifixum; non tamen ille propter Judaici scandali impietatem, virtutem pietatis suæ non enervavit, aut propter alienæ stultitiæ infidelitatem fidei suæ robur imminuit; sed palam, constanter, fortiter eum quem caro ediderat, homines occiderant, lancea perforarat, <sup>B</sup> crux distenderat, virtutem Dei et sapientiam prædi-

cabat, Judæis quidem scandalum, gentibus autem stultitiam. Sed tamen hoc quod erat aliis scandalum ac stultitia, aliis erat virtus Dei et sapientia. Pro diversitate enim personarum, erat diversitas sensuum; et quod experts sani intellectus et incapax veri boni diffidentia insipiens denegaverat, id intra ipsos animæ recessus sacrum esse ac salutiferum fides sapiens sentiebat.

## CAPUT IX.

*Apostolicam prædicationem a Judæis et gentibus repudiata esse eo quod Christum crucifixum Deum esse confiteretur.*

Dic mihi ergo, hæretice, hostis quidem omnium, sed tuus maxime, cui crux Domini nostri Jesu Christi, et cum Judæis scandalum est, et stultitia cum gentibus, qui sacramenta veræ salutis et illorum respu's scandalo, et istorum non sapis stoliditate; cur

## ALARDI GAZÆI COMMENTARIUS

clarissime manifestata est Dei virtus et sapientia. Quia quod stultum est Dei, inquit, sapientius est hominibus; et quod infirmum est Dei, fortius est hominibus. Hoc est, quod in Deo et homine Christo crucifixo ridiculum ab hominibus putatur et imbecille, sapientius est et fortius omni sapientia et virtute humana.

<sup>A</sup> Quod Deum audire natum, corporeum, passum, mortuum, etc., Judæis scandalum, gentibus autem stultitia visa sit, id non aliunde provenit quam quod mysterium Incarnationis non agnoscerent, nec velent agnoscere. Nam qui Christum eundem et Deum et hominem agnoscit, dubitare non potest eundem et corporeum ut hominem, et incorporeum ut Deum. Quod cum Judæi et gentiles non caperent, et Nestoriani hæretici pernegarent, mirum non est si Deum non possent audire corporeum, passum, mortuum, quod et Scriptura aperte testatur, et catholici non solum in symbolo, sed in quotidianis etiam sermonibus profitentur. Postulat enim hoc illa idiomatum communio theologis cantatissima, quæ ex unitate personæ in Christo necessario consequitur, qua sit, ut utriusque naturæ proprietates, Græcis *ιδιώματα*, de se invicem, et de una eademque Christi hypostasi, seu persona, simpliciter ac veraciter enuntientur. Quod qui intelligit, non minus credit Deum esse corporeum, crucifixum, mortuum, quam Deum esse hominem, Verbum carnem factum, Filium Dei factum ex muliere, etc. (Vide Damascen. lib. in *Orthod. Fid. cap. 4*). Nam si homo, certe corporeus, passibilis, etc.; si Deus, certe incorporeus, impassibilis; et proinde idem corporeus et incorporeus, passibilis et impassibilis, quod verum non esset, si plures in Christo essent personæ. Sic enim natura comparatum est, ut numquam quod proprium unius naturæ est alteri tribuatur, nisi communem utraque personam vel commune subjectum habeat; oportet enim omnia illa in unum suppositum convenire quæcumque de una eademque re singulari prædicantur. Sicut non dicimus in accidentibus dulce album esse, nisi cum utraque natura dulcedinis et albedinis idem subjectum ac suppositum habent, ut videmus in lacte. Atqui nullum aliud suppositum, nulla alia persona in Christo fingi potest, nisi æterna persona Filii Dei. Nam si eam hominis personam esse dicas, sequetur, quod est absurdissimum, personam Filii Dei non esse in Christo, vel extinctam in ipsa Verbi Incarnatione, vel ab ea prorsus alienam. Igitur sicut a priori, ut loquuntur dialectici, seu tamquam ex causa, consequens probatur in Christo communio idiomatum ex unica ipsius hypostasi; ita vicissim, sed a posteriori, et tamquam ex effectu, demonstratur unitas personæ ex communione idio-

matum; in qua proinde fundantur omnia argumenta, quibus utitur Cassianus et alii Patres, ad probandam Christi divinitatem, ut merito hac de re pluribus agendum hic fuerit, in qua totius disputationis cardo versatur. Porro ex his satis intelligitur hanc communionem idiomatum in duobus consistere. Nam aut proprietates divinæ tribuuntur homini, et filio hominis, ut cum dicitur: homo ille Jesus est creator cæli et terræ, rex regum, et Dominus dominantium, æternus, omnipotens, etc.; aut proprietates humanæ tribuuntur Deo, et Filio Dei, ut cum dicimus Filium Dei de Virgine natum, crucifixum, mortuum, etc. In utroque autem genere duo observanda sunt. Primo inspiciendum quid secundum quid dicatur, ne aut sermonis absurditas, aut impossibilitas, vel contrarietas cogitetur. Nam humana de Deo dicuntur, sed secundum naturam ejus humanam; divina quoque attribuuntur homini, sed ratione naturæ divinæ. <sup>C</sup> Proinde nulla oppositio aut contradictio metuenda hic est, tamquam contrariorum de eodem enuntiatorum, quia non secundum idem de eodem intelliguntur. Secundo attendendum in abstracto an in concreto ponatur id cui sit attributio. Nam ut vere dicimus hominem illum omnipotentem, ita falso humanitatem esse omnipotentem. Item licet vere dicas Deum passum, crucifixum, mortuum, non tamen vere divinitatem passam, crucifixam, mortuam; quia pati, crucifigi, mori ad personam spectant quæ in concreto exprimitur, non ad naturam quæ in abstracto et per modum formæ. Tertio notandum triplicia idiomata inveniri, quædam naturæ divinæ propria, quædam humanæ, alia personæ ex utraque natura compositæ. Nam creare, omnipotentem esse, et omnisciam, aliaque ejusmodi, solius naturæ divinæ ratione dicuntur; pati vero, famere, sitire, alia ejus generis, solius naturæ humanæ ratione. At satisfacere, redimere, mediatorem esse, propter utramque naturam Christo tribuuntur. Nam et actionem et passionem aliquam complectuntur; satisfacere enim includit et mortem, et mortis efficaciam, quorum illud quidem in naturam humanam cadit, hoc vero a natura divina dependet. Itaque hæc attributa, ratione utriusque naturæ, in unam conferuntur hypostasim; cætera vero ratione alterius. dumtaxat: quemadmodum et de homine quædam dicuntur ratione animæ tantum, ut quod sapit, intelligit; quædam ratione corporis tantum, quod pinguis aut macilentus sit; quædam ratione utriusque, ut quod loquitur, scribit, etc. Et hæc quidem de idiomatum communicatione in Christo Domino, pro loci hujus explicatione et argumenti necessitate, breviter dicta sint.



Pauli apostoli prædicatio, aut paganis stultitia, aut Judæis scandalum fuit? numquid potuerat offendere homines, si Christum, ut tu asseris, solitarium esse hominem etiam ipse docuisset? cui enim nativitas illius, cui passio, cui crux, cui peremptio incredibilis aut gravis esse potuisset? aut quid novi vel inauditi in se Pauli prædicatio habuerat, si id passum hominem Christum esse dixisset, quod passim quotidie in hominibus conditio humana toleraret? Sed illud utique erat quod gentilis stultitia non recipiebat, quod Judæica infidelitas respuebat, quod Christum utique, quem illi, ut tu, solitarium hominem arbitrabantur, Apostolus Deum esse dicebat. Hoc erat utique quod impiorum sensus refutabat, quod perfidorum aures ferre non poterant, in homine Jesu Christo Dei prædicare nativitatem, Dei asseri passionem, Dei annuntiare crucem. Hoc utique erat grave, hoc incredibile, quia hoc erat incredulum humanæ audientie, quod inauditum fuerat divinæ contigisse naturæ. Itaque securus es tali affirmatione atque doctrina, quod numquam prædicatio tua aut gentilibus stultitia, aut Judæis scandalum erit. Numquam tu a Judæis atque gentibus aut cum Petro crucifigeris,<sup>a</sup> aut cum Jacobo lapidaberis, aut cum Paulo capite plecteris. Non enim habet prædicatio tua illorum offensionem. Solitarium hominem natum, solitarium passum asseris. Timere non potes, ne persecutione sua te illi lædant, cum tu eos tua prædicatione confirmes.

## CAPUT X.

*Quomodo Christum Dei virtutem et Dei sapientiam asserat Apostolus.*

Sed videamus tamen adhuc aliquid de hoc ipso. Christus ergo, juxta Apostolum, virtus Dei et sapientia Dei est. Quid habes quod respondeas? quid habes quo te conferas? Exire hinc et progredi nusquam potēs. Christus Dei sapientia est, et Dei vir-

tus. Ille quem Judæi insectati sunt, quem gentiles riserunt, quem tu cum illis ipse persequeris; ille, inquam, qui et paganis stultitia est, et Judæis scandalum, et tibi utrumque; ille, inquam, est Dei virtus, et Dei sapientia. Quid habes quod agas? claudes fortasse aures ne audias. Hoc et Judæi, Apostolo prædicante, fecerunt. Quidlibet facias, Christus in cœlo est, et in Deo, et cum eo, atque in eo in superioribus, in quo et in inferioribus fuit, persequi eum jam cum Judæis non potes. Sed facis unum tamen quod potes, persequeris eum in fide, persequeris in Ecclesia, persequeris opinionis impiæ telo, persequeris pravi dogmatis gladio. Plus forte aliquid quam quidam veterum Judæorum facis: Christum tu nunc persequeris, postquam eum etiam illi qui persecuti fuerant crediderunt. Sed minoris criminis forsitan putas, quod injicere in eum jam manus non potes. Non minus, inquam, non minus illi gravis illa est persecutio, in qua eum in suis impii persequuntur. Sed offendit te Dominicæ crucis nomen, hoc et Judæos semper offendit. Exhorrescis Deum audire passum; hoc et gentilis error irrisit. Quæro ergo nunc, in qua ab illis parte dissideas, eum in hac tibi atque illis perversitate conveniat? Sed ego prædicationem hanc sacræ crucis, prædicationem hanc Dominicæ passionis non solum non imminuo, sed, quantum in voto est ac substantia mea, augeo. Hunc enim qui crucifixus est, non solum virtutem ac sapientiam Dei, qua nihil majus est, sed etiam totius divinitatis ac majestatis Dominum prædicabo. Hoc magis, quod hic sermo meus doctrina Dei est, dicente

Apostolo: <sup>b</sup> *Sapientiam loquimur inter perfectos: sed sapientiam non hujus sæculi, neque principum hujus sæculi, qui destruuntur; sed loquimur Dei sapientiam in mysterio, quæ abscondita est, quam prædestinavit Deus ante sæcula in gloriam nostram, c* quam nemo

## ALARDI GAZÆI COMMENTARIUS.

<sup>a</sup> Suspicari posset quispiam Jacobum hic positum pro Stephano protomartyre, quem constat fuisse lapidatum, quod de Jacobo apostolo non ita liquet. At huic suspicioni repugnat, immo eam penitus excludit, quod nimis incongrue inter duos apostolos, et apostolorum principes, Petrum et Paulum, posuisset Auctor Stephanum medium ordine dignitatis confuso. Proinde non alius quam Jacobus apostolus intelligi debet, qui frater Domini, Justus, idemque minor est appellatus, et primus Hierosolymorum episcopus a B. Petro ordinatus, de quo Paulus Apostolus scribit ad Galatas (Cap. 1): *Alium autem apostolorum vidi neminem, nisi Jacobum fratrem Domini*. Et ejusdem est epistola unica quæ inter septem canonicas numeratur, auctore etiam D. Hieronymo (*Lib. de Script. Eccles. in Jacobo*). At quomodo hic insinuetur aut supponatur lapidatus, nonnulla difficultas est, cum in Martyrologio Rom. e pinna templi præcipitatus, contractis cruribus, et fullonis vecte in cerebro percussus occubuisse dicatur; quemadmodum etiam ex Clemente Alexandrino refert Eusebius, lib. II Histor. cap. 22. At hanc difficultatem sustulit idem Eusebius, ostendens historiam martyrii ejus ab Egesippo, qui ætati Apostolorum proximus fuit, uberius accuratiusque descriptam, et quod a Clemente prætermissum est, ab eo suppletum et expressum. Narrat enim Egesippus Jacobum primo de pinna templi præcipitatum: *Et quoniam, inquit, dejectus in præceps non statim*

mortem obiit, sed vultu sursum sublato, genibusque flexis dixit: *Obsecro, Domine Deus Pater, da illis veniam, nesciunt enim quid faciunt, cæperunt saxa in eum conficere. Cumque lapidibus illorum obtinere pergerent, unus de sacerdotibus ex filiis Rechab, qui sunt Jeremiæ testimonio commendati, voce emissa contentius dixit: Quid agitis? Justus pro vobis Deum precatur. Attamen unus ex illis, qui fullo erat, arrepto vecte, quo vestes solebant premere, in caput Justo impegit. Ita vitam beato et felici martyrii cruciatu affectus afflictusque amisit. Ita Egesippus. Idipsum etiam confirmat D. Hieronymus Josephi testimonio, quod apud ipsum videre est. Vide etiam notas Baronii ad Martyrologium primo Maii.*

<sup>b</sup> Sapientiam interpretatur Auctor vel ipsum Christum verum Deum et hominem, vel idem, et doctrinam Incarnationis ejusdem, quam Apostolus vocat *Dei sapientiam in mysterio absconditam*, quia non potest naturali ratione cognosci.

<sup>c</sup> Principes sæculi interpretatur Chrysostomus Herodem, Pilatum, et Judæos, qui etsi nonnullam Christi cognitionem habuerint, numquam tamen cognoverunt esse Deum, quia si cognovissent, numquam Dominum gloriæ crucifixissent (1 Corinth. II); sicut in Actis ait Petrus: *Scio quod per ignorantiam fecistis, sicut principes vestri* (Act. III). Ambrosius interpretatur de dæmonibus, qui si vere Deum et Redemptorem nossent, numquam ejus mortem procurassent. D.



principum sæculi hujus cognovit. Si enim cognovissent, numquam Dominum majestatis crucifixissent (1 Cor. ii). Sed, sicut scriptum est, *Quod oculus non vidit, nec auris audivit, nec in cor hominis ascendit, quæ præparavit Deus his qui diligunt eum* (Ibid. et Isaia Lxiv). Vides quam breviter sermo Apostolicus quanta dixerit? Sapientiam se loqui dicit, sed sapientiam quam perfecti tantummodo sciant, prudentes sæculi nesciant. Dei enim hanc ait esse sapientiam, quæ sit divino tecta mysterio, et ante omnia sæcula in sanctorum gloriam prædestinata; atque ideo eam his tantum qui Deum sapiunt esse cognitam, principibus autem sæculi hujus penitus ignotam. Causam autem subdidit, qua utrumque quod dixerat comprobaret, dicens: *Si enim cognovissent, numquam Dominum majestatis crucifixissent*. Sed scriptum est: *Quod oculus non vidit, nec auris audivit, nec in cor hominis ascendit, quæ præparavit Deus his qui diligunt eum*. Vides ergo quod sapientia Dei in mysterio abscondita, et ante sæcula prædestinata, his fuit incognita, qui majestatis Dominum crucifixerunt? his autem cognita qui susceperunt? Bene autem in mysterio absconditam dicit Dei fuisse sapientiam, quia nullius hoc umquam hominis vel oculus videre, vel audire auris, vel cor potuit cogitare, quod majestatis Dominus vel nasciturus esset ex Virgine, vel venturus in carne, vel omni afficiendus pænæ et contumeliæ passione. Sed hæc utique Dei dona, sicut nemo est qui, cum essent abscondita in mysterio, sapere umquam per se potuerit, ita beatus est qui revelata cognovit. Unde quicumque eam non agnoverunt, necesse habeantur inter principes sæculi; qui autem cognoverunt, inter sapientes Dei. Non agnoscit ergo Deum in carne natum, qui negat; ergo et vos non agnoscitis, qui negatis. Sed quidlibet faciatis, quamlibet impie negetis, nos plus Apostolo credimus. Et quid Apostolo dico? plus Deo credimus. Ipsi enim per Apostolum credimus, quem locutum in Apostolo certi sumus. Dominum majestatis sermo divinus crucifixum a principibus hujus sæculi dicit; tu negas, et illi negabant Deum se crucifigere qui cruci-

figebant. Habent ergo qui consentunt cum consentiente Apostolo partem, habeas tu necesse est cum persequentibus portionem. Quid ergo est hic jam quod dici queat? Dominum majestatis crucifixum Apostolus dicit: immuta hoc si potes; separa nunc, si vales, Jesum a Deo. Crucifixum certe a Judæis Christum negare non potes. Sed Dominus majestatis est qui crucifixus est, ergo necesse est aut Christum affixum esse in cruce deneges, aut Deum affixum esse fatearis.

## CAPUT XI.

*Evangelicis testimoniis eandem doctrinam corroborat.*

Sed forte offendit te quod tamdiu unius vel maxime Pauli apostoli testimoniis loquor. Satis mihi idoneus est quem elegit Deus; nec enim erubesco cum fidei meæ habere testem, quem Deus voluit mundi totius esse doctorem. Sed tamen ut acquiescam in hoc voluntati tuæ, qui habere me forsitan alios quorum utar testimoniis non arbitraris, audi perfectum humanæ salutis et sempiternæ beatitudinis sacramentum, Martham in Evangelio prædicantem. Quid enim ait? *Utique, Domine, ego credidi quia tu es Christus Filius Dei vivi, qui in hunc mundum venisti* (Joan. xi). Disce a muliere fidem veram, disce æternæ spei confessionem. Habes tamen grande solacium; non erubescas ab ea sacramentum salutis agnoscere, a qua testimonium Deus non refutavit accipere.

## CAPUT XII.

*Ex B. Petri laudatissima confessione Christum Deum esse convincit.*

Quod si auctoritas tibi forsitan personæ majoris placet (quamvis nullius displicere vel persona vel sexus debeat cui confessio sacramenti auctoritatem facit, quia quamlibet conditio cujusquam aut locus minor sit, virtus tamen fidei nescit imminui), interrogemus tamen non incipientem aliquem puerulum cujus institutio rudis, aut feminam cujus fides forsitan videatur incipiens, sed summum illum et inter discipulos discipulum, et inter magistros magistrum, qui Romanæ Ecclesiæ gubernaculum regens, sic ut fidei habuit, ita et sacerdotii principatum. Dic

## ALARDI GAZÆI COMMENTARIUS.

Thomas in Commentario docet posse intelligi de triplici genere principum: *Sæculares*, inquit, *principes hunc sapientiam non cognoverunt, quia excedit rationem humani regiminis. Philosophi non cognoverunt, quia excedit rationem humanam. Unde dicitur Baruch iii: Exquisitores prudentiæ et scientiæ viam sapientiæ nescierunt. Dæmones etiam non cognoscunt, quia excedit omnem sapientiam creatam.*

<sup>a</sup> His verbis breviter confessa est Martha quidquid de Christo poterat confiteri (Vide Maldon. in hunc locum), ejus scilicet divinitatem et humanitatem; nihil enim amplius Petrus confessus est Matthæi xvi, cum Christus eum beatum appellavit, et super ipsum Ecclesiam suam se fundaturum promisit. Quin Petri confessioni hoc etiam addidit: *Qui in hunc mundum venisti, ut Rupertus animadvertit; quibus verbis notavit officium ac mysterium redemptionis nostræ, qui fuit finis et scopus adventus et incarnationis Dominiæ. Ad hoc enim venit Filius hominis, ut quæreret et saluum faceret quod perierat* (Luc. xix).

<sup>b</sup> Eusebius, lib. ii Hist. cap. 11, de Petro loquens: *Salutaris, inquit, prædicatio vis verbo, primus in urbe*

*Roma Evangelii sui clavibus januam regni cælestis aperuit. Leo serm. 1 de Natali apostolorum: Cum apostoli imbuendum Evangelio mundum, distributis sibi terrarum partibus, suscepissent, beatissimus Petrus princeps apostolici ordinis, ad arcem Romani destinatur imperii, ut lex veritatis, quæ in omnium gentium revelabatur salutem, efficacius se ab ipso capite per totum mundi corpus effunderet. Et Prosper libro de Ingratis:*

*Sedes Roma Petri, quæ pastoralis honoris  
Facta caput mundo, quidquid non possidet armis,  
Religione tenet.*

<sup>c</sup> S. Leo serm. 5 in anniversario: *De toto, inquit, mundo unus Petrus eligitur, qui et universarum gentium vocationi, et omnibus apostolis cunctisque Ecclesiæ Patribus præponatur, ut quamvis in populo Dei multi sacerdotes sint multique pastores, omnes tamen proprie regat Petrus, quos principaliter regit et Christus. Magnum et mirabile, dilectissimi, huic viro consortium potentia suæ tribuit divina dignatio. Et si quid cum eo commune cæteris voluit esse principibus, numquam nisi per ipsum delit quidquid aliis non negavit. Omnes*



nobis ergo, dic nobis, quæsumus, princeps apostolorum Petre, dic quemadmodum credere Ecclesiæ Deum debeant? æquum est enim ut doceas nos, doctus a Domino, et aperias nobis Januam, cujus clavem accepisti. Exclde omnes suffodientes cœlestem domum, et eos qui per adulterinas cavernas et illicitos intrare aditus moluntur averte, quia certum est quod nullus ostium regni intrare poterit, nisi<sup>a</sup> cui clavis a te in Ecclesiis collocata [collata] reseravit. Dic ergo quemadmodum credere Jesum Christum et confiteri communem Dominum debeamus. Respondet utique absque dubio: Quid me consulis qualiter Dominus confitendus sit, cum habeas qualiter sim ego ipse confessus? Lege Evangelium, et non requireres personam meam, cum habeas confessionem meam; immo illic habes personam meam, ubi confessionem meam, quia cum persona mea auctoritatem sine confessione non habeat, auctoritas est personæ meæ ipsa confessio. Dic ergo, evangelista, dic nobis confessionem: dic summi fidem apostoli, hominemne tantum confessus sit Jesum, an Deum; carnem in eo tantum esse dixerit, an Dei Filium prædicarit? Interroganti ergo Domino Jesu Christo quem eum crederent, quem confiterentur esse discipuli, respondit primus apostolorum Petrus, unus utique pro omnibus; idem enim unius habuit responsio, quod habebat omnium fides. Sed primum decuit respondere, ut

A idem esset ordo responsionis qui erat honoris; et ipse antecederet confessione, <sup>b</sup> qui antecederat æta e. Quid ergo ait? *Tu es, inquit, Christus Filius Dei vivi* (Matth. xvi). Simplici et rustica interrogatione ad confutandum te mihi, hæretice, uti necesse est. Dic mihi, quæso, quis ille fuerit, cui Petrus ista respondit? Negare non potes Christum fuisse. Interrogo ergo, Christum quem vocas? hominem an Deum? hominem utique absque dubio; hinc enim omnis est tua hæresis, quia negas Christum Filium Dei. Et ideo etiam Mariam Christotoccon esse, non Theotoccon dicis, quia Christi genitrix sit, non Dei; Christum ergo tantum hominem asseris, non Deum, et ideo filium esse eum hominis, non Dei. Quid ergo ad hæc respondit Petrus? *Tu es, inquit, Christus Filius Dei vivi*. Christum hunc quem tu hominis tantum filium esse asseris, ille testatur Filium Dei. Cui vis credamus? tibi, an Petro? opinor, non es tam impudens, ut præponere te audeas primo apostolorum. Tamen si quid est quod tu non audeas? aut quemadmodum apostolum non despicias, qui Deum negare potuisti? *Tu es ergo, inquit, Christus Filius Dei vivi*. Numquid hoc ambigui aut obscuri aliquid in se habet? Simplex tantum est et aperta confessio, Christum Dei Filium prædicat. Negas fortasse dictum, sed evangelista testatur. An mentiri apostolum dicis? sed detestabilis falsitas, apostolum falsitatis accusans. An

#### ALARDI GAZÆI COMMENTARIUS.

denique apostolos Dominus quid de se homines opinentur interrogat, et tamdiu sermo respondentium communis est, quamdiu humanæ intelligentiæ ambiguitas explicatur. At ubi quid habeat sensus discipulorum exigitur, primus est in Domini confessione, qui primus est in apostolica dignitate.

<sup>a</sup> Locus obcurus est, ni fallor, vitiat. Ubi pro a te, tibi; pro in Ecclesiis, in Ecclesia; pro collocata, collata emendandum et reponendum puto. Quis enim nescit claves regni cœlorum Petro, non a Petro, sed a Christo collatas, non collocatas? nisi forte sic exponatur: Clavis, id est, potestas ligandi atque solvendi, Scripturas interpretandi, et fidei controversias definiendi, a Petro ut primo Christi vicario, vel per Petrum, in Ecclesia collocata et relicta.

<sup>b</sup> Videtur Auctor inquirere Petrum cæteris apostolis senioreni fuisse, sive cæteros apostolos ætate præcessisse, quod et sentit Beda in cap. i Joannis scribens. Fuere etiam nonnulli qui primatum Ecclesiæ Petro collatum dixerunt propter ætatem, quos refutans Baronius (Tom. i Annal. sub anno 31): *Ex his, inquit, apparet, quam turpiter errent qui primatum putant Petro collatum, quod senior cæteris esset; nam quod ad hoc spectat, etsi non alii, certe Andreas major ætate, prior in vocatione, et in perfectioris vitæ (puta cœlibis) electione Petro præstabat: sed si divini consilii rationem humanæ menti concessum est aliquando perscrutari, illa in Petro, quam diximus, causa præcessisse videtur, ut princeps omnium constitueretur apostolorum, quod in professione fidei cæteris antecelluit.* Hæc Baronius. Et in notis ad Martyrologium (30 Novemb.) refert hæc Joannis Chrysostomi verba sermone de S. Andrea: *Posterior Petro in vitam ingressus est Andreas, et prior Petrum ad Evangelium allexit, etc.* Quæ verba, inquit, nonnulli perperam intelligentes, dixerunt Petrum ætate majorem fuisse Andream. At vero Andream Petro senioreni fuisse testatur S. Epiphanius hæresi 61. Hucusque Baronius. Porro quod ad verba Auctoris attinet, ut eum commode, quoad licet, interpretemur, non videntur ita stricte

accipienda, quod Petrus cæteros omnes apostolos ætate antecesserit, sed quod plerosque saltem et lere omnes.

<sup>c</sup> Notandum primo hanc Petri confessionem ex peculiari Dei revelatione soli Petro factam, eandemque simul a tribus divinis personis approbatam, ut observat Auctor sequenti cap.; quæ quidem revelatio inter alias Petri prærogativas merito annumeratur; de qua vide Bellarminum l. i de Rom. Pontifice cap. 19. Secundo notandum Christum interrogasse quem dicerent homines esse Filium hominis, id est, quid de se sentirent, qui in se esse existimarent; sic enim se Filium hominis per humilitatem solebat appellare, et de seipso loqui in tertia persona; Petrum vero respondisse in secunda persona: *Tu es Christus Filius Dei vivi*; quasi dicat: Tu, licet sis filius hominis, et Filium hominis te nomines, es tamen et Filius Dei; nec alius in te filius hominis et Filius Dei, sed unus et idem hominis et Dei Filius. Quod potissimum valet contra Nestorium, qui filium hominis in Christo separabat a Filio Dei, hoc est, quas in eo constituibat personas. Tertio notanda hic pulchra antithesis. Christus rogat: *Quem dicunt homines esse Filium hominis?* Petrus respondet: *Tu es Christus Filius Dei vivi*. Quantum se deprimit Christus, tantum enim extollit Petrus: *Quia omnis qui se humiliat, exaltabitur*. Postremo notandum hic Christum vere et proprie Dei Filium appellari, hoc est, non adoptione, aut gratia, sed natura, ut dictum est. Cujus rei certissimum argumentum est, quod Petrus Christum Dei Filium appellans, Joanni, Eliæ, Jeremiæ et aliis prophetis opponat, quos nemo neget filios Dei fuisse gratia adoptionis et justificationis. Christum ergo non adoptivum, sed naturalem Dei Filium appellavit; quemadmodum et apostolus Paulus ad Hebr. i, ubi ipsum cum angelis sic comparat, ut solus ipse naturalis Dei Filius, angeli vero servi et ministri dicantur, qui tamen alioqui filii Dei sunt adoptivi, et quidem præcipui.



de alio Christo aliquo forsā hoc dictum esse contendis? Sed novum hoc prodigiosi commenti genus. Quid ergo reliquum est? unum scilicet, ut cum et quid scriptum sit legatur, et verum sit quod legitur, tandem vel vi vel necessitate constrictus, cum falsitatem astruere non valeas, veritatem impugnare desistas.

## CAPUT XIII.

*B. Petri confessio a Christo ipso veritatis testimonium accepit.*

Sed tamen quia summi apostoli testimonio usus sum, quo Dominum Jesum Christum coram Deo ipse confessus sit, videamus quemadmodum confessionem ejus is quem confessus est approbarit, quia plus est multo quam quod apostolus dixit, si dictum illius Deus ipse laudavit. Dicenti ergo apostolo, *Tu es Christus Filius Dei vivi*, quid a Domino Salvatore responsum est? *Beatus es*, inquit, *Simon Barjona*, *quia caro et sanguis non revelavit tibi, sed Spiritus Patris mei qui in cælis est*. Si displicet tibi uti apostoli testimonio, Dei utere; laudando enim Deus quod dictum est, auctoritatem suam apostolico dicto addidit: ita ut etiam si dictum illud apostoli ore prodiit, suum esse hoc tamen Deus fecerit qui probavit. *Beatus es*, inquit, *Simon Barjona*, *quia caro et sanguis non revelavit tibi, sed Spiritus Patris mei qui in cælis est*. Ergo in apostoli dicto et Spiritus sancti, et præsentis Filii, et Dei Patris testimonium vides; quid ergo amplius aut quid simile requiris? Filius laudavit, Pater interfuit, Spiritus sanctus revelavit. Apostoli ergo dictum totius Divinitatis est testimonium, quia illius necesse est hoc dictum auctoritatem habeat, quo auctore processit. *Beatus ergo es*, inquit, *Simon Barjona*, *quia caro et sanguis non revelavit tibi, sed Spiritus Patris mei qui in cælis est*. Ergo si Petro non caro et sanguis revelaverunt ista et inspiraverunt, jam intelligis quis inspiraverit tibi. Si illum Spiritus Dei decuit qui Christum Deum esse confessus est; vides quod tu spiritu dæmonis doctus sis, qui negare potuisti?

## CAPUT XIV.

*B. Petri confessionem totius Ecclesiæ fidem esse.*

Sed tamen dictum illud Domini, quo collaudavit

A Petrum, quæ dicta alia consequuntur? Et ego, inquit, tibi dico: *Quia tu es Petrus, et super hanc petram ædificabo Ecclesiam meam*. Vides quod dictum Petri Ecclesiæ fides est? ergo extra Ecclesiam sit necesse est, qui fidem Ecclesiæ non tenet. Et tibi, inquit Dominus, *dabo claves regni cælorum*.<sup>b</sup> Fides hæc cælum meruit, fides hæc claves regni cælestis accepit. Intellige quæ te maneant. Introire clavis hujus januam non poteris, qui fidem clavis istius denegasti. Et portæ, inquit, *infernæ non prævalent adversum te*. Portæ inferni, fides est hæreticorum, immo perfidia. Quantum enim a cælo inferna distant, tantum ab eo qui Christum Deum confessus fuerit is qui negat. *Quæ ligaveris*, inquit, *in terris, ligata erunt in cælis; et quæcumque solveris super terram, erunt soluta et in cælis*. Perfecta apostoli fides potestatem quodammodo Divinitatis accepit; ut quæ ligasset vel solvisset in terris, vel ligata essent in cælestibus, vel soluta. Tu ergo qui contra fidem apostoli venis, cum ligatum te jam in terris videas, superest ut ligatum quoque in cælis esse cognoscas. Sed longum est ire per singula, quæ prolississimam et copiosissimam dissertationem numero sui faciunt, etiamsi breviter strictimque memorentur.

## CAPUT XV.

*Eandem Petri fidem D. Thomas quoque post resurrectionem Domini professus est.*

Sed unum addere tamen adhuc tibi apostoli testimonium volo, ut intelligas his quæ ante passionem Domini acta sunt, ea etiam quæ post passionem sunt secuta congruere. Illapsus in conventum discipulorum suorum clausis Dominus januis, cum veritatem corporis sui apostolis declarare voluisset, palpata Thomas apostolus carne illius, tractato latere, exploratisque vulneribus, comperta penitus manifestati corporis veritate, quid proclamavit? *Dominus*, inquit, *meus et Deus meus* (Joan. xx). Numquid dixit hoc quod tu dicis? homo et non Deus Christus, et non Divinitas? Corpus utique Domini sui tetigit, et Deum esse respondit. Numquid discretionem aliquam hominis et Dei intulit? aut<sup>c</sup> carnem

## ALARDI GAZÆI COMMENTARIUS.

<sup>a</sup> Id est, *Idcirco beatus es*, ait S. Leo (Serm. 3 in Anniversario et serm. 2 in Natali apostol.), quia Pater meus te docuit, nec terrena opinio te fefellit, sed inspiratio cælestis instruxit; et non caro et sanguis, sed ille me tibi, cujus sum unigenitus Filius, indicavit. Et ego, inquit, dico tibi: hoc est, sicut Pater meus manifestavit tibi divinitatem meam, ita et ego notam tibi facio excellentiam tuam: quia tu es Petrus, id est, cum ego sim inviolabilis petra, ego lapis angularis, qui facio utraque unum, ego fundamentum præter quod nemo potest aliud ponere; tamen tu quoque petra es; quia mea virtute solidaris, ut quæ mihi potestate sunt propria, sint tibi mecum participatione communia. Et super hanc petram ædificabo Ecclesiam meam. Super hanc, inquit, fortitudinem, æternum extruam templum, et Ecclesiæ meæ cælo inferenda sublimitas in hujus fidei firmitate consurget. Hanc confessionem portæ inferi non tenebunt, mortis vincula non ligabunt; vox enim ista vox Vitæ est, etc. Hæc S. Leo, et quæ sequuntur.

<sup>b</sup> In eandem sententiam S. Leo (Serm. 1 in Anni-

D versario): *Hoc*, inquit, *obtinebat illa confessio, quæ a Deo Patre apostolico inspirata cordi omnia humanarum opinionum incerta transcendit, et firmitatem petræ quæ nullis impulsibus quateretur accepit. In universa namque Ecclesia, Tu es Christus Filius Dei vivi, quotidie Petrus dicit, et omnis lingua quæ Dominum confitetur magisterio hujus vocis imbuitur. Hæc fides diabolum vincit, et captivorum ejus vincula dissolvit; hæc erutos mundo inserit cælo, et portæ inferi adversus eam prævalere non possunt. Tanta enim divinitus soliditate munita est, ut eam nec hæretica unquam corrumpere pravitas, nec pagana potuerit superare perfidia.*

<sup>c</sup> Ex similitudine vocum error hactenus in editione etiam Plantiniana irrepperat, ut pro Theodochon, vel Græce Θεοδοχον, legeretur Theotocon, quæ vox, cum apud Græcos pro diversitate accentus bifariam accipiatur, neutro tamen modo ac sensu potest huic loco convenire. Nam Θεοτόκος cum accentu in penultima significat parentem Dei, sive Deiparam, ut superius dictum est, quomodo Nesto-



illam Theodochon, ut tu ais, id est, susceptricem <sup>a</sup> Deitatis nominavit? vel more impietatis tuæ cum quem contigit, non propter se, sed propter cum quem in se receperat, venerandum esse memoravit? sed subtilitatem hanc discretionis tuæ apostolus Dei forte non norat, et elegantiam iudicii tui ac differentiam non habebat, homo videlicet rusticus et imperitus, dialecticæ artis nescius, philosophicæ disputationis ignarus, cui scilicet institutio Domini sui abunde sufficiebat, et qui nihil omnino sciebat, nisi hoc quod Domino docente cognoverat? Et ideo sermo suus cœlestis doctrina erat, fides sua magisterium divinum erat; disjungere, ut tu facis, a corpore suo Dominum non didicerat, et divellere a se ipso Deum penitus nesciebat. Sanctus, sincerus, pius, innocentiam, peritiam, fidem illæsam, scientiam incorruptam habens, <sup>b</sup> sensum cum astutia simplicem, cum perfecta simplicitate <sup>c</sup> sapientiam totius mali expertem, totius corruptionis ignarum, totius hæreticæ perversitatis immunem, et qui formam divini magisterii in se ex-

A primens, hoc tantum quod didicerat tenebat. Itaque ille, ut tu forsitan putas, rusticus et imperitus brevi te nunc responsione concludit, paucis sermonis sui [*Lips. in marg. sermonibus suis*] conteret. Quid ergo apostolus Thomas tetigit, cum ad palpandum Deum accessit? Christum utique absque dubio. Quid autem exclamavit? *Dominus, inquit, meus, et Deus meus.* Nunc si potes, et Christum a Deo separa, et muta dictum hoc, si vales. Da dialecticam disputationem, da prudentiam mundialem, et stultam illam verbosa calliditate sapientiam. Verte omnes tete in facies, et contrahe. Quidquid sive animis sive arte vales, quidlibet dicas, quidlibet facias, exire hinc nusquam vales, nisi hoc quod apostolus tetigit Deum esse fatearis. Et quidem si quo modo possis immutare forsitan historiæ evangelicæ prædicationem velis, ut nec corpus Domini Thomas apostolus contigisse, nec Christum Dominum Deum dixisse legeretur, sed immutari quod in Evangelio Dei scriptum est nequaquam potest. *Cælum enim et terra transibunt, verba*

#### ALARDI GAZÆI COMMENTARIUS.

rius nolebat Mariam dici Θεοτόκον, sed Χριστοτόκον, id est, Christi matrem, non Dei. Θεότοκος vero cum accentu in antepenultima, id est, genitus a Deo. Neutrum autem de carne Christi dici posse, neque a Nestorio dictum fuisse, per se notum est. At vero Θεοδόχος, vel Θεοδόχος, id est, Deum capiens, a verbo δέχομαι, quod est capio, vel suscipio. Unde statim et propriissime exponitur: *carnem Theodochon, id est, susceptricem Deitatis.* Sic enim impius ille Nestorius carnem, id est, humanitatem Christi, vel Christum hominem non Θεότοκον, id est, a Deo genitum, sed Θεοδόκον, id est, Dei susceptorem et veluti hospitem, vel Θεοφόρον, id est, Deiferum appellabat, quasi alius esset Christus homo a Deo, quem susceperat, et intra se gerebat, non unione hypostatica, sed quadam dignitatis et amicitie prærogativa eidem conjunctus. Contra quam hæresim, in synodo generali Ephesina editi sunt canones, et sub anathemate sanciti, e quibus tertius sic habet: *Si quis in uno Christo hypostases post unionem dividit sola eas connexionem, quæ sit secundum dignitatem vel auctoritatem, et non potius, quæ sit secundum unionem naturalem conjungens, anathema sit.* Et canon quintus: *Si quis Christum hominem Deiferum audet dicere, et non potius Deum secundum veritatem, anathema sit.* Hoc enim Θεοφόρον nomine, sicut et Θεοδόχον, abutebatur Nestorius ad indicandum personarum ex quibus Christum compositum volebat, distinctionem. Siquidem Deifer dicitur homo qui non natura, sed divinitatis participatione Deus est, quod Deum habeat sui cordis habitatorem, et intimum hospitem, quemadmodum pollicetur Dominus Joan. xiv: *Si quis diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus.* At quisquis est talis, solus et nudus est homo, Dei denominationem sola participationis ratione sortitus. Christus vero non participatione, sed natura Deus est, et naturalis Dei Filius, Deus de Deo genitus. Non igitur Deifer, vel Dei susceptor appellandus est, ut contendeat Nestorius, volens istiusmodi appellationis obtentu veram in Christo negare divinitatem, et solam humanitatem astruere, quorum utrumque impium est et blasphemum. Ex his patet haud temere et immerito expunctam fuisse voculam *imaginem*, ut superfluum, et nescio qua ratione quave incuria vel imperitia intrusam. Quid enim commune carni et imagini? et quis carnem Christi Theodochon, susceptricem Deitatis, imaginem interpretetur, cum

nihil aliud sonet Theodochos quam Dei susceptorem aut susceptricem (*Vide plura ad lib. v c. 2*).

<sup>a</sup> Opportune hic occurrit Joan. Molani de hac voce aliisque nonnullis notatio (*In addit. ad Martyrol. 25 Febr.*): *Non est, inquit, dicendum, Deitatem, mediatorem, salvatorem, et similes voces non esse Latinas, quia sæculo Ciceronis Latinæ non erant; sed agnoscendum est Christianos auctores locupletasse et ornasse Latinam linguam huiusmodi vocibus, quæ instituendæ erant ad ea Christianæ religionis mysteria explicanda, quæ cæca gentilitas ignorabat* (*Vide Baron. in notis ad Martyrol. 9 Novemb.*). Augustinus lib. vii de Civit. Dei cap. 1: *Hanc divinitatem, inquit, vel, ut sic dixerim, Deitatem, nam et hoc verbo uti jam nostros non piget, ut e Græco expressius transferant id quod illi Θεότητα appellant. In quem locum lege Λυδοῦ. Vivem.* Hæc Molanus. Porro (ut hoc etiam onere ipsum ad-eundi lectorem sublevem) nostros interpretatur ille Hieronymum, Lactantium, Fulgentium, et addit hæc non spernenda: *Græci olim a Θεός, hoc est divinus, substantivum derivabant Θεότης, divinitas; quæ vox Christianis hominibus tam late patere visa est, quam nomen ipsum divinus. Idcirco cum propriam illam Dei naturam appositione vocabulo significare vellent, Θεότητα nominarunt Athanasius, uterque Gregorius et alii Græci, quod ipsis magis permittebatur, ut Quintilianus ait, quam Latinis. Sed nec Latini deterriti sunt: arctis linguæ rigidisque præceptis, quominus et ipsi Deitatem dicerent, naturam illam Dei significantes, quæ Deo propria est, nec ad alia egreditur, ad quæ divinus et divinitas. Nam divinitas dicitur orationis, libri, rei gestæ, hominis et aliarum rerum; Deitas non dicitur, sicut nec illa sunt Dii, licet esse divina possint.* Quocirca Latinos Christianæ pietatis scriptores immerito mihi Laurentius Vallæ in Dialectica sua videtur arguere, quod Deitate vantur, novo quidem vocabulo, sed in re prius non usu trita. Nam Græcos reprehendere, quod verba suo sibi fingant arbitrati, hoc est antiquam Græciæ libertatem opprimere. Sic ille.

<sup>b</sup> Cum astutia, id est, prudentia vera et christiana, quæ opponitur prudentiæ carnis, quæ inimica est Deo. Rom. viii.

<sup>c</sup> Sapientiam puto hic redundare, cum ad sensum illum simplicem hæc referri possint de quo immediate, ut et sequentia epitheta, *Corruptionis ignarum, totius perversitatis immunem, nempe sensum, in masculino; nisi quis legendum putet, ignaram, ut ad sapientiam referatur.*



vero Dei non præteribant (Matth. xiv). Ecce enim A etiam nunc tibi ille qui nunc [forte legendum tunc] testatus est, Thomas apostolus clamat: Deus est Jesus quem tetigi, Deus est cujus membra palpavi; non ego incorporalia tenui, nec intractabilia tractavi, non spiritum manu contigi, ut de eo tantum credar dixisse, Deus est; spiritus enim, juxta Domini mei dictum, *carnem et ossa non habet* (Lucæ xxiv). Ego corpus Domini mei tetigi, ego carnem et ossa palpavi, ego digitos meos in locum vulnerum misi, et de Christo Domino meo, quem palpaveram, proclamavi: *Dominus meus et Deus meus*. Non enim novi inter Christum et Deum facere distantiam, inserere sacrilegas opiniones inter Jesum et Deum nolo, divellere a se ipso Dominum meum nescio. Facesse a me quisquis diversa sentis, quisquis diversa loqueris. B  
 \* Ego aliud Christum quam Deum esse non novi, hoc cum coapostolis meis tenui, hoc Ecclesiis tradidi, hoc gentibus prædicavi, hoc etiam tibi clamo, Christus Deus est, Christus Deus est. Aliud mens sana non sentit, aliud fides sana non loquitur, divelli a se Divinitas non potest. Et cum utique quidquid est Christus Deus sit, inveniri in Deo aliud non potest quam Deus.

## CAPUT XVI.

*Dei Patris de Filii divinitate profert testimonium.*

Quid ais tu nunc, hæretice? sufficiuntne hæc testimonia fidei, etiam summæ infidelitati, an aliquid adhuc addendum est? et quid vel post prophetas, vel post apostolos addi potest, nisi forte, ut Judæi quondam expostulabant signum tibi de cælo, etiam tu dari postules? Sed petenti hoc tibi, illud quod responsum tunc illis est, necesse est responderi: *Generatio prava et adultera signum quærit, et signum non dabitur ei, nisi signum Jonæ prophetæ*. Et vere sufficere tibi signum hoc vel cum Judæis crucifigentibus poterat, ut Dominum nostrum Deum etiam hæc

re sola doctus crederes, quæ etiam illi qui persecuti fuerant crediderunt. Sed tamen quia cœlestis signi fecimus mentionem, ostendam tibi de cælo signum: et quidem tale, cui ne dæmones umquam contradixerunt; dum ipsa veritatis necessitate cogente, licet Jesum corporeum esse cernerent, Deum tamen, quod erat, esse clamabant. Quid ergo ait Evangelista de Domino Jesu Christo? *Baptizatus, inquit, confestim ascendit de aqua. Et ecce aperti sunt ei cæli, et vidit spiritum descendantem sicut columbam et venientem super se. Et ecce vox de cælis dicens: b Hic est Filius meus dilectus, in quo mihi complacui* (Matth. iii). Quid ad hæc nunc, hæretice, ais? dictum displicet, an persona dicentis? Nec interpretatione certe indiget intelligentia allocutionis, nec commendatione verborum dignitas alloquentis. Deus Pater est qui dixit: Evidens est quod dictum est. Numquid aut tam impudentem, aut tam sacrilegam vocem proferre poteris, ut dicas de unigenito Dei Filio nec Deo Patri esse credendum? *Hic est ergo, inquit, Filius meus dilectus, in quo mihi complacui*. Sed tentabis forsitan dicere, ut est dementia, c de Verbo hoc, non de Christo dictum fuisse. Dic mihi ergo, quis erat qui baptizabatur? Verbum, an Christus? caro, an spiritus? Negare utique non potes Christum fuisse. Homo ergo ille ex homine ac Deo natus, Spiritu sancto in virginem descendente, et virtute Altissimi obumbrante conceptus, ac sic hominis et Dei filius, ille utique, ut negare non potes, baptizatus est. Si ergo ille baptizatus est, ille et nominatus: quia ille utique C nominatus, qui baptizatus est. *Hic est, inquit, Filius meus dilectus, in quo mihi complacui*. Numquid dici significantius aut expressius quidquam potest? Christus baptizatus est; Christus ascendit de aqua; Christo baptizato cæli aperti sunt; propter Christum columba descendit super Christum; in corporali

## ALARDI GAZÆI COMMENTARIUS.

\* Alium malim dicere quam aliud. Nam alius personam, aliud naturam proprie denotat, ut superius ostensum est. Unde alium dicimus Filium a Patre in divinis, id est, aliam personam, non aliud, id est, alius naturæ, ut docet S. Thomas (1 p., q. 31, art. 22). Porro Nestorius alium Christum quam Deum astruebat, quia purum hominem, non Deum agnoscebat; cui contradicens Auctor non alium esse, sed unum et eundem cum Deo, et ipsum Deum esse, ex verbis Thomæ apostoli ostendit. Nam secundum humanam naturam negari non potest Christum aliud esse quam Deum; aliud, inquam, id est, rem aliam, puta hominem; non tamen alium, id est, aliam personam.

b *Ὁ υἱός μου ὁ ἀγαπητός*, q. d. Filius ille meus; ille, inquam, carissimus. Ostendit enim gemino articulo se non de quovis, sed de naturali, de unico, de æterno, de sibi æquali Filio loqui: nam ceteri tantum adoptione filii sunt. Ita Maldonatus. Plenius id explicat S. Leo pontifex serm. de Transfiguratione Domini: *Latum, inquam, et multiplex testimonium fuit, et plus in verborum virtute, quam in sono vocis auditum est. Dicente enim Patre: Hic est Filius meus dilectus, in quo mihi complacui; ipsum audite. Nonne evidenter auditum est: Hic est Filius meus, cui ex me et mecum esse, sine tempore est? quia nec genitor genito prior, nec genitus est genitore posterior. Hic est Filius meus, quem a me non separat deitas, non di-*

*vidit potestas, non discernit æternitas. Hic est Filius meus non adoptivus, sed proprius; non aliunde creatus, sed ex me genitus, nec de alia natura mihi factus comparabilis, sed de mea essentia, mihi natus æqualis. Hic est Filius meus, per quem omnia facta sunt, et sine quo factum est nihil; quia omnia quæ facio, simul et facit; et quidquid operor, inseparabiliter mecum atque indifferenter operatur. In Patre enim est Filius, et in Filio Pater, nec umquam unitas nostra dividitur: et cum alius ego sim, qui genui; alius ille, quem genui; non aliud tamen de illo vobis fas est cogitare, quam de me sentire possibile est.*

c Ad tollendam ambiguitatem sic construenda hæc syntaxis: *Hoc dictum fuisse de Verbo, non de Christo*. Hoc, nempe oraculum Patris, *Hic est Filius meus dilectus*. Verbum autem persona Filii accipitur, quam Nestorius a Christo, seu persona Christi separabat: sic vafer ille, cum a Patribus orthodoxis premeretur, eorum argumenta eludere satagebat. Cum enim duas in Christo personas distingueret, quæcumque e Scripturis ad probandam Christi divinitatem obiciebantur, ea non de Christo, sed de Verbo Christum inhabitante interpretabatur. At hoc effugium Nestorio præcluditur, cum e Scripturis manifestissime ostenditur eundem esse Christum, et Verbum, ut hic ostendit Auctor, et alii Patres ostenderunt, proinde de Christo dicta esse, quæ de Verbo dicta fatebatur Nestorius.



specie Spiritus sanctus astitit; Christum Pater appellavit. Hoc si de Christo dictum negare ausus es, superest ut nec baptizatum Christum fuisse, nec Spiritum descendisse, nec Patrem locutum esse contendas. Sed urget tamen et premit te ipsa veritas: ut etiam si confiteri eam nolis, tamen negare non possis. Quid enim ait evangelista? *Baptizatus autem confestim ascendit de aqua.* Quis baptizatus est? Christus utique. *Et ecce,* inquit, *aperti sunt ei cæli.* Cui scilicet, nisi illi qui baptizatus est? Christo utique. *Et vidit spiritum Dei descendantem sicut columbam et venientem super se.* Quis vidit? Christus scilicet. Super quem descendit? super Christum utique. *Et vox facta est de cælo, dicens.* De quo? de Christo scilicet. Quid enim sequitur? *Hic est Filius meus dilectus, in quo mihi complacui.* Ut omnia illa propter quem facta essent, ostenderentur, vox consecuta est dicens: *Hic est Filius meus dilectus,* hoc est dicere: Hic est propter quem cuncta hæc facta sunt. Hic est enim Filius meus, propter hunc cæli aperti sunt, propter hunc spiritus meus venit, propter hunc vox mea facta est. Hic est enim Filius meus. Dicens ergo, *hic est Filius meus,* quem designabat? illum utique quem columba tangebatur. Quem ergo columba tetigit? Christum scilicet. Ergo Christus Filius Dei est. Impleta est, ut reor, sponsio mea. Vides ergo profecto, hæretice, signum tibi de cælo datum: et quidem non unum, sed et multa et singularia? Habes enim unum in apertione cæli, aliud in Spiritus descensione, tertium in Patris voce. Quæ utique evidentissime omnia Christum Deum esse declarant: quia eum et reseratio cælorum Deum indicat, et descensio super eum Spiritus sancti Deum approbat, et allocutio Patris Deum esse confirmat. Neque enim vel cælum nisi Domini sui honore patuisset, vel Spiritus specie corporali nisi super Dei

A Filium descendisset, nec Pater Filium nisi verè Filium declarasset: præsertim cum his divinæ nativitatæ significationibus, quæ non solum veritatem piæ fidei confirmarent, sed etiam pravitate[m] impiæ opinionis excluderent. Ineffabili enim divini dicti magnificentia cum expresse ac significanter dixisset Pater, *hic est Filius meus dilectus,* addit etiam illud quod secutum est, *dilectus scilicet, in quo mihi complacui.* Utique sicut per prophetam Deum fortem, et Deum magnum jam prædicaverat (*Isaïæ ix*): ita hic dicens, *Filius meus dilectus in quo mihi complacui,* insuper proprii Filii sui nomen adiecit, ut proprietatem divinæ videlicet naturæ nominum significaret adjectio, et id ad honorem Filii Dei peculiariter pertineret, quod nulli omnino homini contigisset. Itaque sicut B illa propria ac peculiaris in persona Domini nostri Jesu Christi fuerunt, quod cæli aperti sunt, quod eum Deus Pater cunctis videntibus per adventantem atque astantem columbam quasi manu quodammodo sua tetigit, et quasi digito indicante monstravit, dicens, *Hic est Filius meus:* ita illud quoque proprium ei ac singulare, quod peculiariter dilectus, et peculiariter Patri complacitus nominatur: ut peculiarem utique naturæ significationem peculiaris additamenta monstrarent, et proprietatem unigeniti Filii etiam cognominum proprietas confirmaret, quam jam honor signorum præcedentium comprobasset. Sed jam libelli istius finis sit. Neque enim dictum hoc Dei Patris aut augeri humanis sermonibus aut exæquari potest. Nobis de Domino nostro C Jesu Christo Filio suo, satis per se ipse Deus Pater idoneus testis est, dicens, *Hic est Filius meus.* Tu si contradicendum his Dei Patris vocibus putas: illi a te necesse est contradici, qui eum evidentissima declaratione Filium suum esse ab omni mundo fecit agnosci.

## LIBER QUARTUS.

### CAPUT PRIMUM.

*Christum ante carnis susceptionem, Deum ab æterno fuisse.*

Consummatis libellis tribus quasi fidelissimis atque opulentissimis testibus, utpote quorum veritas non humanis tantum, sed etiam divinis testimoniis locupletata est, sufficere quidem nobis ad causæ probationem, per divinam auctoritatem abunde poterant; cum ipsa utique per se causæ suæ auctoritas divina sufficiat. Sed tamen quia plena est his testimoniis sacrorum voluminum series ubi tot testes sunt quot sententiæ, immo ubi ipsa Scriptura sacra quasi unum quodammodo divini oris est testimonium: accumulanda quædam adhuc putavimus, non pro necessitate approbationis, sed pro facultate rerum et copia: ut quidquid necessarium non esset defensionem, totum proficeret ornatui. Ergo quia su-

perioribus libris Dominum Jesum Christum non prophetis tantum atque apostolicis, sed etiam evangelicis atque angelicis testimoniis, cum in carne atque in terra esset, Deum probavimus: nunc eum qui in carne natus est, etiam ante carnis susceptionem Deum semper fuisse monstremus: ut intelligas consentientibus et quasi conclamantibus sibi divinatorum voluminum testimoniis, eundem te in nativitate corporea et hominem debere credere et Deum, quem ante nativitatem corpoream tantum Deum, et quem post editionem Virginis in corpore Deum, eundem ante partum Virginis Verbum Deum. Disce ergo primum ab Apostolo totius mundi magistro, eum qui est sine exordio Deum, Filium Dei, in fine mundi, id est, in temporum plenitudine, Filium hominis factum esse. Ait enim: *At ubi venit plenitudo temporis,* <sup>a</sup> *misit Deus Filium suum factum ex muliere,*

### ALARDI GAZÆI COMMENTARIUS.

<sup>a</sup> Græce ἐξαπέστειλε, proprie emisit, vel potius

legavit. Misit, inquam, Filium non a se separatum



factum sub lege (Galat. iv). Dic mihi ergo nunc, antequam Dominus Jesus Christus ex matre Maria nasceretur, habuit Deus Filium, aut non habuit? Negare non potes quin habuerit: neque enim umquam aut sine patre filius, aut sine filio pater: quia sicut ex patre filius, ita ex filio pater dicitur.

## CAPUT II.

*Colligit ex his quæ dixit, Virginem Mariam antiquiorem et majorem se Filium peperisse.*

Vides ergo quod, dicente Apostolo, misit Deus Filium suum, suum utique Filium, ut ipsius verbis utar Apostoli, suum Filium Deus misit. Neque enim aut alienum aliquem filium misit, quia suum misisse dicitur: aut omnino mittere potuit, si non erat qui mitteretur. Misit ergo, inquit, Filium suum, factum ex muliere. Ergo et quia misit eum, misit qui erat: et quia suum misit, non alienum utique, sed suum misit. Ubi ergo illud est tuum calliditatis terrenæ argumentum: <sup>a</sup> Nemo anteriorem se parit? Numquid enim non antiquior Maria Dominus? numquid non antiquior filia hominis, Dei Filius? numquid non antiquior denique homine ipso Deus? cum utique nullus hominum non ex Deo. Vides ergo quod non solum, inquam, antiquiorem se Maria peperit: non solum, inquam, antiquiorem se, sed auctorem sui, et procreans procreatorem suum, facta est parentis parens: quia quam promptum utique fuit Deo nativitatem homini tribuere, tam promptum sibi; quam facile ut hominem nasci faceret, tam facile ut ipse ex homine nasceretur. Neque enim circumscripta est in persona sua potestas Dei, ut quod ei in

## ALARDI GAZÆI COMMENTARIUS.

sed per hoc, quod assumpsit naturam humanam, sic tamen ut a sinu Patris non recederet, testante evangelista, qui ait: Unigenitus qui est in sinu Patris (Joan. i), scilicet æternaliter, ait S. Thomas; et Joan. iii: Nemo ascendit in cælum, nisi qui descendit de cælo, Filius hominis qui est in cælo: quia licet descenderit per assumptionem carnis, mansit tamen in cælo per præsentiam divinitatis. Item emisit, vel misit eum in mundum, non ut inciperet ibi esse, ubi prius non fuisset, sed ut ibi nova ratione esset, qua prius non fuerat, id est, ut visibilis mundo appareret, indutus carne mortali. Quod explicans subdit Apostolus: factum ex muliere. Id est, ex Maria Virgine. Nam mulier in sacra Scriptura non semper denotat corruptionem, sed sexum dumtaxat naturalem, ut patet Genesis ii: *Ædificavit Dominus costam in mulierem.* Et rursus: *Mulier quam dedisti mihi.* Ubi sermo est de Eva adhuc integra et intacta viro. Nec dubitavit Christus matrem suam mulierem appellare. Joan. ii. *Quid mihi, et tibi est, mulier?* Per hoc etiam, ait S. Thomas, quod dicitur factus ex muliere, destruuntur duo errores, scilicet Valentini dicentis Christum non sumpsisse corpus de Virgine, sed attulisse illud de cælo, et per beatam Virginem, sicut per fistulam aut canalem transivisse: quod si verum esset, non fuisset factus ex muliere, ut dicit Apostolus. Hæc enim præpositio (ex) causam materiale designat. Item error Nestorii dicentis beatam Virginem non esse matrem Filii Dei, sed filii hominis, quod falsum esse ostenditur per hoc, quod dicit Apostolus: *Misit Deus Filium suum factum ex muliere.* Qui enim fit ex muliere, est filius ejus: Si ergo Filius Dei est factus ex muliere, scilicet ex beata Virgine, manifestum est quod beata Virgo est Mater Filii Dei. Hæc S. Thomas (In Commentar.), qui et subdit rationem, cur Apostolus dixerit factum ex muliere, quemadmodum et ad Ro-

manis licet, non licet in se, et qui utique in natura deitatis ipsius id habet ut omnia possit Deus, in sua tantum persona id non habeat, ut sit Deus in homine. Sequestratis ergo ac repudiatis frivolis et caducis terrenarum argumentationum stoliditatibus, simplici tantummodo testificationi ac nudæ credendum est veritati: et his tantum de Deo testibus fides accommodanda, quos Deus misit, et in quibus ipse de se, ut ita dixerim, prædicavit. Æquum est enim ut de agnitione illius ipsi credamus ejus scilicet totum est quod de eo novimus: quia agnoscere utique Deus ab homine non potuit, nisi agnitionem sui ipse tribuisset. Et ideo justum est ut totum credamus de eo quod scimus, ejus est omne quod scimus: quia si ei non credimus a quo scimus, sit ut omnino nihil sciamus, dum ei non credimus per quem scimus.

## CAPUT III.

*Ex epistola ad Roman. probat Christi ab æterno divinitatem.*

Itaque quia superiore testimonio patuit, quod Deus Filium suum misit, et is filius hominis factus est, qui semper Filius Dei fuit; videamus an idem Apostolus alibi simile aliquid testimonio huic dixerit, ut lucens jam per se veritas, duplicata testimoniorum luce plus luceat. Ait idem ergo Apostolus: *Misit Deus Filium suum in similitudinem <sup>b</sup> carnis peccati* (Rom. viii). Vides utique Apostolum non casu aliquid aut inconsiderata voce dixisse, ut id quod semel dixerat præteriret? quia scilicet nec cadere in eum casus aut inconsiderantia poterat, in quo plenitudo divini consilii et sermonis habitabat. Qui ergo ait: *Misit*

manos i, factus dicitur Christus ex semine David: nimirum ut significaret Christum non consueti generationis modo procreatum, sed singulari opere divinitatis in utero virginali incarnatum et hominem factum.

<sup>a</sup> Nestorii axioma, de quo superius (Lib. i cap. 2), quo probabat Virginem Mariam non esse Dei parentem, hoc formato syllogismo: Nemo anteriorem et antiquiorem se parit: Deus est anterior et antiquior Maria: ergo Maria Deum non peperit. Respondet Auctor negatione majoris: quo veluti fundamento subverso, totum corrui argumentum. Simpliciter enim et absolute falsum est, quod nemo anteriorem se parit: quia simpliciter et absolute verum est, Mariam peperisse anteriorem, quia peperit Dei Filium Deo Patri cœternum, et proinde suum auctorem et creatorem: quod exemplum, licet singulare, sufficit ad evertendum illud axioma, quo Nestorius nitebatur: quod tamen si sano et legitimo sensu intelligatur, catholicam doctrinam de mysterio Incarnationis non infirmat, sed confirmat. Vere enim dicitur, quod nemo anteriorem se parit, nimirum quatenus anterior est: quomodo Maria anteriorem se Deum parere non potuit, quatenus anterior, id est, ante ipsam, et ab æterno genitus secundum divinitatem. Simpliciter tamen fatendum est, Mariam peperisse anteriorem se, quia eundem Dei Filium in tempore peperit de se incarnatum. Unde merito canit Ecclesia: *Beata es, Virgo Maria, quæ Dominum portasti, creatorem mundi; genuisti qui te fecit, etc.*

<sup>b</sup> Ita Latini communiter, et est vulgata versio, Græci autem ἐν ὁμοιώματι, in similitudine. Augustinus serm. 6 de Verbis Apostoli, utroque modo legit, quemadmodum et Cassianus in hoc cap. Vide cætera in hanc sententiam abbi notata.



*Deus Filium suum in similitudinem carnis peccati*; A idem iterat, idem inculcat dicens: *Mi it Deus Filium suum*. Eximius utique et admirabilis magister: sciens in hoc totum penitus catholicæ sacramentum fidei contineri, ut natus in carne Dominus, et missus esse in hunc mundum Dei Filius crederetur, hoc etiam atque etiam clamat dicens: *Misit Deus Filium suum*. Nec mirum si ad evangelizandum Dei adventum peculiariter missus sic prædicavit, cum id etiam ante legem lator legis ipse clamaverit, dicens: <sup>a</sup> *Obsecro, Domine, provide alium quem mittas* (*Exod. iv*). Quod in Hebræorum voluminibus multo evidentius legitur: *Obsecro, Domine, mitte quem missurus es*. Pius utique propheta, et totius in se generis humani affectum habens, eum qui mittendus a Patre ad redemptionem ac salutem omnium erat, B ut quam celerrime mitteretur, quasi totius a Deo Patre humanæ carnis vocibus postulabat, dicens: *Obsecro, Domine, mitte quem missurus es. Misit ergo*, inquit, *Deus Filium suum in similitudine carnis peccati*. Bene cum missum eum in carne diceret, peccatum ab eo carnis exclusit. *Misit enim*, inquit, *Deus Filium suum in similitudine carnis peccati*: hoc est, ut in vera carnis susceptione agnosceretur veritas non fuisse peccati: et quantum ad corpus veritas intelligeretur: quantum ad peccatum, similitudo peccati. Quia cum omnis caro peccatrix sit; ille autem sine peccato carnem habuerit, similitudinem peccatricis carnis in se habuit, dum in carne esset: veritate autem peccati caruit, quia sine peccato fuit. *Misit ergo*, inquit, *Deus Filium suum in* C *similitudine carnis peccati*.

## CAPUT IV.

*Aliunde profert ejusdem sententiæ testimonia.*

Vis scire quam bene hoc Apostolus prædicarit, audi quemadmodum hoc in os Apostoli, quasi ex ipsius Dei ore defluerit, dicente Domino: *Non enim misit Deus Filium suum in mundum, ut judicet mundum, sed ut salvetur mundus per ipsum* (*Joan. v*). Ecce ipse, ut vides, Dominus missum se a Deo Patre

ad salutem humani generis protestatur. Quod si evidentius declarandum putas, quem Filium ad salvandos homines Deus miserit, quamvis proprius atque unigenitus Dei Filius non nisi unus sit: et cum Filium suum misisse dicitur, unigenitum utique suum misisse monstretur. Audi tamen David prophetam, eum qui ad salutem humanam missus sit, evidentissime designantem. *Misit*, inquit, <sup>b</sup> *Verbum suum et sanavit eos* (*Psa'm. cvi*). Numquid vertere hoc ad carnem potes? ut dicas ad sanandum humanum genus hominem tantum a Deo missum. Non potes utique: reclamat enim tibi cum omnibus Scripturis sacris David propheta, dicens: *Misit Verbum suum, et sanavit eos*. Vides ergo ad sanandos homines Verbum missum esse: quia licet per Christum sanitas data sit, Verbum tamen Dei in Christo fuit quod per Christum cuncta sanavit: ac sic unito per sacramentum Incarnationis Christo et Verbo Dei, factus est Christus et Verbum Dei unus ex re utraque Filius Dei. Quod utique apostolus Joannes declarare aperte volens, *Misit*, inquit, *Deus Filium suum Salvatorem mundi* (*1 Joan. iv*). Intelligis quomodo inseparabili connexionem Deum hominemque conjunxerit? Christus enim qui ex Maria natus est, Salvator absque dubio appellatur, secundum illud, *Quia natus est vobis hodie Salvator, qui est Christus Dominus* (*Lucæ ii*). Ille autem ipsum quod missum est Verbum Dei, Salvatorem nominat, dicens: *Misit Deus Filium suum Salvatorem mundi*.

## CAPUT V

*Propter hypostaticam utriusque in Christo naturæ conjunctionem, et Verbum Salvatorem, sive hominem incarnatum, et Dei Filium recte appellari.*

Patet itaque quod per sacramentum uniti cum homine Verbi Dei, et Verbum quod ad salvandum missum est, Salvator dicitur; et Salvator in carne natus, per Verbi utique consortium Dei Filius nuncupatur: ac sic indiscreta utriusque nominis majestate, quia unitus est cum homine Deus, <sup>c</sup> quidquid est homo et Deus, totum penitus nuncupatur

## ALARDI GAZÆI COMMENTARIUS.

<sup>a</sup> Ad hunc modum D. Hieronymus in Isaïæ cap. vi: *Moses, inquit, cui dixerat Dominus: Veni, mittam te ad Pharaonem regem Ægypti. Et ille ait: Obsecro, Domine, non sum dignus. Provide alium, quem mittas: sive, ut in Hebræo legitur, Mitte, quem missurus es. Non de contemptu, sed de humilitate respondit. Sunt igitur hæc verba Moysis, quem hic Auctor legislatorum vocat, cum a Domino mitteretur ad populum Hebræorum, et ad regem Pharaonem, sese ab hoc munere et legatione obeunda excusantis; quasi diceret: *Mitte quem missurus es*, id est, quem nosti idoneum ad hanc legationem, et quem revera mittere decrevist. Sed hæc verba per allegoriam interpretatur Auctor de Messia, qui mittendus erat ad redemptionem generis humani: quemadmodum etiam Ecclesia eadem verba in officio ecclesiastico ad Christi adventum accommodat, quem SS. patriarchæ et prophetæ ardentissimis votis exoptabant: cujusmodi sunt preces ille, et suspiria: *Emitte agnum, Domine, dominatorem terræ* (*Isaïæ xvi*). *Utinam dirumpere cælos, et descenderes* (*Isaïæ lxi*). *Visita nos in salutari tuo* (*Psal. cxv*). *Ostende nobis, Domine, faciem tuam, etc.* (*Psal. lxxix*).*

<sup>b</sup> Verbum hic sumit Auctor personaliter, seu pro persona Filii, cujus proprium nomen est Verbum, ut docet D. Thomas (1 p., q. 34, art. 2): quod Verbum per Incarnationem missum est ad sanandos homines. *Non enim est aliud nomen sub cælo datum hominibus, in quo oporteat nos salvos fieri: ut dicitur Act. iii.* Eodem modo D. Basilii exponens eundem versiculum: *Modum, inquit, salutis docet: Deus enim Verbum, homo factus, et missus ut homo (nam ut Deus, incircumscribitus est) omnis generis animarum vulnera sanavit, et corruptas mentes incolumes reddidit.* D. item Hieronymus Verbum interpretatur ipsum Filium, qui in principio erat Verbum, qui in Evangelio sanat omnem languorem et omnem infirmitatem in plebe (*Joan. i*). Alii per Verbum intelligunt imperium seu voluntatem Dei, qua tamquam causa principali significat Psalmista Hebræos in deserto sanatos a morsu serpentis, non a serpente æneo, quem erexit Moyses, vel aliqua alia re creata.

<sup>c</sup> Ratione communionis idiomatum, quæ ex uniono duarum naturarum in uno eodemque supposito consequitur: ut sæpe dictum est (*Vide cap. 9 lib. ii*).



Deus. Et ideo idem Apostolus bene subdidit dicens : *A* tum Apo totum complectentem : *Unus*, inquit, *Do-*  
*minus noster Jesus Christus, per quem omnia* (1 Cor.  
 viii). Je u bone, quanta est auctoritas in verbis  
 tuis ! tua enim sunt quæ a tuis per te dicuntur. Ecco  
 hoc Apostoli dictum quam paucis quanta complecti-  
 tur ! *Unus*, inquit, *Dominus Jesus Christus, per quem*  
*omnia*. Numquid ad prædicandum tanti mysterii sa-  
 cramentum aliqua circumscriptione verborum usus est ?  
 aut id quod intelligi a nobis voluit, longæ orationis  
 narratione tractavit ? *Unus*, inquit, *Domnus noster*  
*Jesus Christus, per quem omnia*. Simplici tantum et  
 brevi locutione arcanum tantæ majestatis edocuit ;  
 hic scilicet fiducia, qua sciebat sermonem suum in  
 negotio Dei longis argumentationibus non egere, et  
 fidem dictis suis divinitatem dare. Sola enim ad di-  
 ctorum confirmationem, rerum sufficit demonstra-  
 tio, quando probatio in auctoritate dicentis est.  
*Unus* ergo, inquit, *Dominus Jesus Christus per quem*  
*omnia*. Considera ubi hoc de Verbo Patris legeris,  
 quod de Christo legis. *Omnia*, inquit Evangelium,  
*per ipsum facta sunt, et sine ipso factum est nihil*  
*(Joan. i)*. Apostolus dicit, *per Christum omnia*.  
 Evangelium dicit, *per Verbum omnia* : numquid  
 repugnant sibi sermones sacri ? non uique : sed  
 unum atque eundem intelligi voluit et Apostolus  
 Christum per quem omnia creata dixit, et evange-  
 lista Verbum per quod omnia facta esse memoravit.  
 Audi, inquam, quid ipse de se Verbum Dei Deus  
 pronuntiavit. *⁎ Nemo*, inquit, *ascendit in cælum nisi*

Deus. Et ideo idem Apostolus bene subdidit dicens : *A* tum Apo totum complectentem : *Unus*, inquit, *Do-*  
*minus noster Jesus Christus, per quem omnia* (1 Cor.  
 viii). Je u bone, quanta est auctoritas in verbis  
 tuis ! tua enim sunt quæ a tuis per te dicuntur. Ecco  
 hoc Apostoli dictum quam paucis quanta complecti-  
 tur ! *Unus*, inquit, *Dominus Jesus Christus, per quem*  
*omnia*. Numquid ad prædicandum tanti mysterii sa-  
 cramentum aliqua circumscriptione verborum usus est ?  
 aut id quod intelligi a nobis voluit, longæ orationis  
 narratione tractavit ? *Unus*, inquit, *Domnus noster*  
*Jesus Christus, per quem omnia*. Simplici tantum et  
 brevi locutione arcanum tantæ majestatis edocuit ;  
 hic scilicet fiducia, qua sciebat sermonem suum in  
 negotio Dei longis argumentationibus non egere, et  
 fidem dictis suis divinitatem dare. Sola enim ad di-  
 ctorum confirmationem, rerum sufficit demonstra-  
 tio, quando probatio in auctoritate dicentis est.  
*Unus* ergo, inquit, *Dominus Jesus Christus per quem*  
*omnia*. Considera ubi hoc de Verbo Patris legeris,  
 quod de Christo legis. *Omnia*, inquit Evangelium,  
*per ipsum facta sunt, et sine ipso factum est nihil*  
*(Joan. i)*. Apostolus dicit, *per Christum omnia*.  
 Evangelium dicit, *per Verbum omnia* : numquid  
 repugnant sibi sermones sacri ? non uique : sed  
 unum atque eundem intelligi voluit et Apostolus  
 Christum per quem omnia creata dixit, et evange-  
 lista Verbum per quod omnia facta esse memoravit.  
 Audi, inquam, quid ipse de se Verbum Dei Deus  
 pronuntiavit. *⁎ Nemo*, inquit, *ascendit in cælum nisi*

#### CAPUT VI.

##### *Unam esse in Christo hypostasim.*

Sed parum hoc elucere forsitan putas : non quia  
 parum luceat, sed infidelitas tenebrosa semper ipsa  
 sibi etiam in luce tenebras facit. Audi itaque paucis  
 sermonibus omne hoc unitatis Dominicæ sacramen-

#### ALARDI GAZÆI COMMENTARIUS.

*⁎* Quantum ad personam attinet, quæ unica et  
 individua in Christo : in qua proinde nulla potest  
 esse distantia, id est, seunctio, et distinctio hominis  
 a Deo, seu Verbo. *Unus enim est Christus non confu-*  
*sione substantiæ, sed unitate personæ*, ait B. Athana-  
 sius.

*⁂* Abutebantur Ariani hoc loco, et ex eo collige-  
 bant Filium non esse verum Deum, quia solus Pater  
 hic verus Deus appellatur. Quibus Patres variis mo-  
 dis responderunt. Primo verba illa : *solum verum*  
*Deum*, non restringi ad Patrem, sed extendi etiam  
 ad Filium per conjunctionem copulativam, cum sub-  
 dicitur, *Et quem misisti Jesum Christum* : hunc enim  
 esse ordinem verborum : hæc est vita æterna, ut te,  
 et quem misisti, Jesum Christum agnoscant verum  
 Deum. Ita Chrysostomus et Cyrillus in eum locum.  
 Facilius est responsio, per *solum* non excludi Filium,  
 aut Spiritum sanctum, qui sunt personæ ejusdem  
 naturæ cum Patre ; sed excludi tantummodo idola  
 et creaturas, quæ non sunt veri dii. Quod autem  
 additur, *et quem misisti Jesum Christum*, de Christo  
 dictum, ut homine, ut hic sit sensus : Hæc est vita  
 æterna, id est, via et ratio perveniendi ad vitam  
 æternam, si cognoscant homines per fidem te Patrem  
 solum verum Deum, id est, præter quem non est  
 alius verus Deus ; et præterea cognoscant etiam  
 num Mediatorem Dei et hominum, quem misisti  
 Jesum Christum. Sic Hilarius lib. ix de Trinitate.  
 Supponit autem hæc responsio id, quod est veris-  
 simum, particulam *solum* non esse subjectum, sed  
 attributum, vel, ut dialectici loquuntur, non se tenere  
 ex parte subiecti, sed prædicati ; seu, quod idem est,  
 non referri ad Patrem, sed ad Deum. Non enim est  
 sensus : ut cognoscant te Patrem, qui solus es verus  
 Deus : sed, ut cognoscant te, qui es ille Deus, qui  
 solus est verus Deus ; quod in Græco textu clarius  
 exprimitur : *ὅσα γινώσκασί τε τὸν μόνον ἀληθινὸν Θεόν.*

*⁎* Notandum hic utrumque verbum, *ascendit* et  
*descendit*, temporis esse præteriti, non præsentis, ut  
 ex Græcis constat, ἀναβέβηκεν κατεβήκεν : unde duplex  
 emergit difficultas, altera de ascensu, altera de de-  
 scensu : de ascensu quidem, quomodo dicatur Filius  
 hominis, id est, Christus, jam ante ascendisse in  
 cælum, cum hæc Nicodemo loqueretur, cum non  
 ante quadragesimum diem a sua resurrectione ascen-  
 derit in cælum : de descensu vero, quomodo dicatur  
 descendisse de cælo, qui ut Deus omnia replet, et  
 totus ubique est ; et ut homo, ante conceptionem  
 suam in cælo non fuerit ? Quæ difficultas aliter  
 solvi non possunt, nisi fateamur eundem esse Fi-  
 lium hominis, et Filium Dei : qui dicitur ascendisse  
 in cælum, antequam hæc loqueretur, quia per in-  
 carnationem et unionem hypostaticam factum est,  
 ut homo ille Christus inciperet esse in cælo, ubi  
 ante conceptionem suam non erat. Hoc enim exigit  
 illa idiomatum communicatio, et mutua quædam  
 alternatio, ut loquitur Damascenus (*Lib. iii c. 4 Or-*  
*thod. fid.*), quæ ex illa unionem hypostaticam resultat,  
 ut dictum est. Quia igitur homo ille Christus, ante-  
 quam conciperetur, in cælo non erat ; et post con-  
 ceptionem propter hypostaticam unionem, in cælo  
 fuit, in cælum dicitur ascendisse ; quia si humano  
 more loquamur, quod prius in terra fuit, deinde in  
 cælo esse cœpit, incælum ascendisse dicitur. E di-  
 versis autem de cælo descendisse dicitur, quia qui  
 prius in cælo erat, in terra autem tamen erat,  
 tamen non videbatur, sumpta humana natura cœcit  
 repente in terris videri, perinde ac si de cælo de-  
 scendisset. Itaque ejus descensio et ascensio nihil  
 aliud quam Incarnatio, quæ Filius Dei factus est Fi-  
 lius hominis, et sic per communicationem idioma-  
 tum Filius hominis ascendit in cælum, et descendit  
 de cælo. Ascendit per exaltationem humanitatis :  
 descendit per humiliationem divinitatis : quia Filius



qui de cœlo descendit Filius hominis qui est in cœlo (Joan. iii). Et iterum: Si videritis, inquit, Filium hominis ascendentem ubi erat prius (Joan. vi). Filium hominis in cœlo fuisse dixit, Filium hominis e cœlo descendisse memoravit. Quid est? quid missas? Negato hoc, si hoc vales. Sed rationem dicti quaeris? non reddo: interim Deus hoc dixit: Deus hoc locutus est mihi; verbum illius summa ratio est. Removeo argumenta, removeo disputationes: sola mihi ad credulitatem sufficit persona dicentis. Non licet mihi de fide dicti ambigere, non licet deliberare. Quid mihi quaerere quomodo verum sit quod Deus dixerit: cum dubitare non debeam, quin verum sit quod Deus dixerit? Nemo, inquit, ascendit in cælum, nisi qui descendit de cœlo, Filius hominis qui est in cœlo. Verbum utique Patris semper in cœlo fuit: et quomodo ille Filium hominis semper in cœlo fuisse memoravit? Intellige ergo quod eum Filium hominis esse docuit, qui semper Dei Filius fuit: cum utique eum qui Filius hominis nuper existit, in cœlo semper fuisse confirmet. Huc accedit majus aliud, quod eundem Filium hominis, id est, Verbum Dei quod descendisse de cœlo dixit, etiam tunc cum in terra loquitur, in cœlo esse testatur. Nemo enim, inquit, ascendit in cælum, nisi qui de cœlo descendit, Filius hominis qui est in cœlo. Quis, quæso, est qui hoc loquitur? Christus utique. Ubi autem tunc erat cum loqueretur? in terra scilicet. Et quomodo se et e cœlo cum natus est descendisse; et cum loquitur, in cœlo esse testatur: et eundem se Filium hominis esse dicit, cum utique et e cœlo nisi Deus descendere non potuerit: et cum in terra loquitur, et in cœlo utique nisi per Dei infinitatem esse non possit? Adverte ergo tandem, et percipe, quod idem est Filius hominis qui Verbum Dei; quia et Filius hominis dum ex homine vere nascitur; et Verbum Dei, dum idem qui in terra loquitur, manet semper in cœlo. Ac sic humanæ est nativitatis, quod Filium se hominis vere dicit: divinæ autem infinitatis, quod e cœlo penitus non recedit. Et ideo bene Apostolus instar divinorum verborum docens: Qui enim, inquit, descendit, ipse est, et qui ascendit super omnes cœlos, ut impleat omnia (Ephes. iv), et ipsum descendisse dicit quem ascendisse. Descendere autem e cœlo non potuit, nisi Verbum Dei. Quod utique cum in forma Dei esset, exinavit semetipsum, formam servi accipiens, in similitudinem hominum factus, et habitu inventus ut homo: humiliavit semetipsum, factus obediens usque ad mortem, mortem autem crucis (Philipp. ii). Descendit ergo e cœlo

A Verbum Dei: ascendit autem Filius hominis: ipsum autem ascendisse dicit quem descendisse. Ergo vides quod idem et Filius hominis, qui Verbum Dei.

#### CAPUT VII.

Revertitur ad priorem considerationem, ut ostendat adversus Nestorianos de homine dici quæ sunt divinæ naturæ tamquam de hypostasi divinæ naturæ; et de Deo ea quæ sunt humanæ naturæ tamquam de hypostasi humanæ naturæ, propterea quod hypostasis in Christo unica et simplex sit.

B Et ideo secundum divini verbi magisterium intrepide jam et incunctanter et Filius hominis e cœlo descendisse, et Dominus majestatis crucifixus esse dicendus est: quia secundum suscepti corporis sacramentum, et Filius Dei factus est Filius hominis, et in Filio hominis crucifixus est Dominus majestatis. Et quid plura? longum est de singulis multa dicere: dies enim me deficiet, si omnia quæ ad hanc rem afferri possunt, conquirere aut explicare tentavero. Revolvenda enim hoc volenti sacra Scriptura omnis, ac legenda est. Nam quæ sunt quæ non pertineant ad hoc cum omnia scripta sint propter hoc? Breviter ergo ac strictim nonnulla dici necesse est, ut dici possint: et enumeranda quædam magis quam explicanda, ac damnis (ut ita dicam) damna redimenda. Cum propter hoc utique conveniat aliqua transcurri, necesse sit prope cuncta reticere. Venit ergo, inquit Salvator in Evangelio, Filius hominis salvare quod perierat (Lucæ xix). Et Apostolus, Fidelis, inquit, sermo, et omni acceptione dignus: quoniam Jesus Christus venit in mundum peccatores salvos facere, quorum primus ego sum (I Tim. i) Sed et Joannes evangelista, In propria, inquit, venit, et sui eum non receperunt (Joan. i). Vides ergo quod Scriptura alibi Filium hominis, alibi Jesum Christum, alibi Verbum Dei in mundum venisse pradicat? Intellige itaque<sup>a</sup> dissimilitudinem appellationum esse, non rerum: et in diversa nominum specie<sup>b</sup> unam esse virtutem. Nam licet venisse in mundum nunc Filius hominis, nunc Dei nominetur, id est Verbum; unus tamen in utroque nomine designatur.

#### CAPUT VIII.

Hanc appellationum varietatem nihil præjudicare divinæ potestati.

D Nam cum utique secundum evangelicam is in mundum venerit per quem ipse factus est mundus; et Filius hominis factus sit, qui est mundi creator Deus: non interest quid in singulis nominetur, qui Deus in omnibus intelligitur. Non præjudicat enim

#### ALARDI GAZÆI COMMENTARIUS.

Dei, teste Apostolo, exinavit semetipsum formam servi accipiens, in similitudinem hominum factus, et habitu inventus ut homo (Phil. ii). Hæc ergo sententia, tria hæc credenda Christus indicat, naturæ scilicet humanæ assumptæ veritatem, cum se dicit Filium hominis, id est, hominem; divinæ item naturæ veritatem, dum se e cœlo descendisse, et in cœlo esse asserit, cum hæc loquebatur in terra: et harum naturarum in unitatem personæ conjunctio-

nem, dum Filium hominis dicit esse in cœlo: quia propter hanc unitatem necessario sequitur, ut quæcumque vere dicuntur de Filio Dei, etiam vere dicantur de Filio hominis, et contra.

<sup>a</sup> Il est, personarum, ut Nestorius docebat.

<sup>b</sup> Quam Græci hypostasin, Latini suppositum, vel personam, Auctor supra, affini vocabulo, majestatem appellat, id est, divinitatem, seu divinam personam.



divinitati dignatio, aut voluntas sua; cum hoc utique magis divinitatem ipsam comprobet; quia quidquid voluit, hoc fuit. Ergo et quia voluit, in mundum venit: et quia voluit, homo natus est: et quia voluit, Filius hominis appellatus est. Omnia enim sicut vocabula sunt, ita virtutes Dei. Non imminuit in illo dissimilitudo nominis vim potestatis. Quidquidlibet dictus fuerit, in cunctis unum est; scilicet in specie vocabulorum aliqua diversitas, non est in virtute nominum nisi una majestas.

## CAPUT IX.

*Veterum Prophetarum auctoritate sententiam hanc corroborat.*

Verum quia hactenus evangelicis vel maxime

## ALARDI GAZÆI COMMENTARIUS.

<sup>a</sup> Opponit veteres testes, id est, prophetas, novis testibus, scilicet apostolis. Alia lectio quæ hic notatur, eodem recidit: *De prophetis veteres*; subauditur enim, testes, et videtur alludere ad illud evangelicum: *Omni scribe doctus in regno cælorum similis est homini qui profert de thesauro suo nova et vetera.* (Matth. xiii).

<sup>b</sup> Jeremiam in utero matris sanctificatum fuisse antequam nasceretur, discrete tradit Scriptura, dicente Domino: *Priusquam te formarem in utero, novi te; et antequam exires de ventre, sanctificavi te* (Jerem. i). Sed utrum per hoc intelligatur Jeremias in utero materno sanctificatus, id est, justificatus per infusionem gratiæ et ablationem peccati originalis, quemadmodum de Joanne Baptista certo creditur, id non usque adeo clarum exploratumque est. Quæ de re videndi sunt ejus loci interpretes. Certe D. Hieronymus non aliud sanctificationis nomine intelligere videtur quam prædestinationem ac specialem Dei providentiam, et consilium quo præordinatus fuerit Jeremias ad prophetandum, sicut Paulus ad evangelizandum. Sic enim exponit illud: *Antequam te formarem, etc. Non quo, ait, ante conceptionem, ut hæresis suspicatur, fuerit Jeremias; sed quo præscierit eum futurum Dominum, cui necdum facta jam facta sunt, secundum illud quod Apostolus loquitur: Qui vocavit ea quæ non erant, quasi ea quæ essent* (Rom. iv). Quod autem sanctificatur in utero, juxta illud Apostoli debemus accipere: *Postquam autem placuit ei qui me segregavit de utero matris meæ, et vocavit per gratiam suam, ut revelaret Filium suum in me, ut evangelizarem illum in gentibus* (Galat. i). Ita Hieronymus, indicans Jeremiam eo modo sanctificatum, quo Paulum, id est præscitum et præordinatum a Deo ad opus propheticum. Nemo enim dixerit Paulum intra viscera materna fuisse sanctificatum, id est justificatum per gratiam Spiritus Sancti. Similiter D. Augustinus epist. 57, ad Dardanum: *Illa, inquit, priusquam exiret de vulva, sanctificatio Jeremiæ, quamquam nonnulli hoc in typum Salvatoris accipiant, qui regeneratione non eguit, tamen etiamsi de ipso propheta accipitur, potest et secundum prædestinationem non inconvenienter intelligi; sicut filios Dei appellat Evangelium regeneratos, ubi Caiphas cum de Domino dixisset: Expedit vobis ut unus moriatur homo pro populo, et non tota gens pereat, mox Evangelium secutum adjunxit: hoc autem a semetipso non dixit; sed cum esset pontifex anni illius, prophetavit quia Jesus moriturus erat pro gente, et non tantum pro gente, sed ut filios Dei qui erant dispersi congregaret in unum. Filios Dei appellavit utique præter Hebræam gentem, in cæteris etiam omnibus gentibus constitutos, nondum fideles, nondum baptizatos. Quomodo ergo Dei filios, nisi secundum prædestinationem, secundum quam et Apostolus dicit, quod nos elegerit Deus in Christo ante constitutionem mundi* (Ephes. i). Illa autem in unum congregatio factura eos erat filios Dei. Hæc Augustinus.

A atque apostolicis quasi novis testibus uti sumus: nunc de prophetis <sup>a</sup> veteribus [*Lips. in marg. de prophetis veteres*] proferamus: admissentes interdum antiquis nova, ut intelligant omnes, Scripturam sacram venturum in carne Dominum, toto quodammodo suo corpore, quasi uno ore clamasse. Ait itaque eximius ille et admirabilis tam munere Dei dives, quam testimonio, <sup>b</sup> cui uni admodum contigit sanctificari antequam nasci, <sup>c</sup> Jeremias propheta, <sup>d</sup> *Hic est*, inquit, *Dominus noster: non reputabitur alius præter eum: qui invenit omnem viam disciplinæ, et dedit eam Jacob puero suo, et Israel dilecto suo* (Baruch. iii). Post hæc in terris visus est, et inter homines conversatus est. *Hic est ego,*

B Quomodo autem verum sit quod hic ait Auctor, quod uni Jeremiæ contigerit sanctificari antequam nasci, non satis expedit; et puto fortasse illud uni esse obreptitum, nisi de sanctis veteris Testamenti solimmodo loquatur. Nam si sanctificationem pro prædestinatione et vocatione divina accipiat, ut modo exposuimus, ea certe communis fuit omnibus prophetis. Si vero de sanctificatione interna per gratiam Dei fusam, ut videtur innuere, constat etiam Joannem Baptistam eo modo sanctificatum fuisse, antequam nasceretur, dicente angelo: *Et Spiritu Sancto replebitur adhuc ex utero matris suæ* (Lucæ i). Ut nihil de B. Virgine, nihil de aliis sanctis dicatur. Quomodo ergo uni, id est, soli Jeremiæ contigit sanctificari, antequam nasci?

<sup>c</sup> Unus ex quatuor prophetis, qui majores κατ' ἐξοχὴν vocantur, de quo, præter ea quæ in sacris litteris leguntur, scribit Josephus Antiq. lib. x, c. 6, 7, 10 et 11, Epiphanius de Vita et Interitu prophetarum cap. 8, Hieronymus cap. i in Jeremiam, Augustinus xviii de Civit. cap. 33. Notandum vero hæc citari prophetiam sub nomine Jeremiæ, quæ tamen ex libro Baruch deumpta est, et notatur, propterea quod Baruch notarius et scriba fuerit Jeremiæ, ut patet ex prophetia Jeremiæ cap. xxxvi. Quæ causa fuit, cur concilia antiqua et Patres non posuerint Baruch nominatim in canone, qui tamen a Patribus concilii Tridentini inter sacros auctores recipitur (Sess. 4), quia nimirum hunc librum partem esse judicabant vaticiniorum Jeremiæ. Sic Clemens Alexand. lib. i Pædagogii (Cap. 10), citat nomine Jeremiæ illud Baruch. iii: *Audi, Israel, mandata vitæ.* Et illud Baruch. iv: *Beati sumus, Israel, quia quæ placent Deo manifesta sunt nobis.* S. Basilii lib. iv in Eunomium, et S. Chrysostomus in oratione quod Christus sit Deus, adducunt locum istum Baruch. iii: *Hic est Deus noster*, nomine Jeremiæ. D. Augustinus xviii de Civitate cap. 33, citans eundem locum, subdit: *Hoc testimonium quidam non Jeremiæ, sed scribæ ejus tribuunt, qui vocabatur Baruch. Sed Jeremiæ celebratius habetur.* Ita Augustinus.

<sup>d</sup> Manifestum est hanc prophetiam loqui de vero Deo Israel, cui non assimilabitur, nedum æquabuntur alius deus; qui disciplinam, id est, legem tradidit Israeli in monte Sina; qui tandem in terris visus est, et cum hominibus conversatus, scilicet homo factus. Nam si de alia apparitione loqueretur, quæ mediante angelis in assumptis corporibus, vel per solam imaginariam aut sensibilem representationem, fieri solet, non diceret, *Post hæc in terris visus est*, cum multo ante legem datam fuerit ipse in terris visus et cum patriarchis conversatus. Loquitur ergo de singulari mysterio incarnationis, ut SS. Patres cum Cassiano exponunt (Greg. Nazian. orat. 36 et 41; Ambros. Lib. i de Fide c. 2; August. xviii de Civit. c. 33).



inquit, *Deus noster*. Vides a propheta Deum quasi manu indice ostendi, et quasi digito significante monstrari? *Hic est enim*, inquit, *Deus noster*. Dic mihi ergo, quem Deum his signis propheta tunc atque iudiciis demonstrabat? numquidnam Patrem? Et quid necesse erat ostendi eum quem se omnes nosse credebant? Non enim Judæi Deum tunc ignorabant: quia sub Dei lege vivebant. Sed id agebatur utique, ut Filium Dei Deum noscerent. Et ideo bene propheta eum qui omnem disciplinam invenisset, id est, legem dedisset, videndum in terris, id est, venturum in carne dicebat: ut quia eum qui legem dedisset, Deum esse Judæi non dubitarent, eum qui in carne venturus esset Deum esse cognoscerent: cum eum utique quem legislatorem Deum crederent, videndum inter homines per suspensionem humanæ carnis audirent: eodem ipso quoque per prophetam adventum proprium pollicente: *Quia ego ipse qui loquebar, ecce adsum* (Isaïæ LX). *Non reputabitur ergo*, inquit, *Scriptura sacra, alius præter eum*. Pulchre hic propheta prævidens perversa dogmata, omnem sensum hæreticæ perversitatis exclusit, dicens: *Non reputabitur alius præter eum*. Hic est enim unus <sup>a</sup> ex Deo in Deum natus; cujus jussione universitatis opus secutum est; cujus voluntas rerum ortus est; cujus imperium mundi fabrica est; qui cuncta dixit, et facta sunt: cuncta mandavit, et creata sunt. Hic ergo unus est ad patriarchas loquens, in prophetis manens, ex Spiritu conceptus, natus ex Virgine Maria, in mundo visus, inter homines conversatus, <sup>b</sup> affligens ligno crucis

A Vides ergo quid hæc Domino Jesu Christo peculiariter sunt: et ideo non reputabitur alius ad eum, quia unus in hac gloriæ ac beatitudinis singularitate Deus ex Deo natus est. Id ergo prophetica doctrina tunc agebatur, ut unigenitus a cunctis Dei Patris Filius discerneretur [*Lips. in marg. diceretur*]; et cum ad Filium non reputari Deum alterum audirent, unum utique in Patre ac Filio Deum esse cognoscerent. *Post hæc*, inquit, *in terris visus est, et cum hominibus conversatus est*. Vides quod evidenter hæc adventus Domini ac nativitas designatur? Numquid enim Pater unquam, qui non nisi Filio tantum visibilis esse legitur, aut in terris visus est, aut in carne editus, aut inter homines conversatus est? Non utique. Intelligis ergo quod omnia hæc de Filio Dei dicta sunt. Nam et cum videndum in terris Deum propheta dixerit, et alius præter Filium non sit visus in terris, non de alio hoc absque dubio propheta dixit quam de quo dictum postea res probavit. Cum enim videndum utique Deum dixerit, non de alio hoc vere dicere potuit, quam qui vere postea visus fuit. Sed de hoc satis hactenus, nunc ad alia transeamus. <sup>c</sup> *Labor*, inquit Isaïas propheta, *labor Ægypti et negotiatio Æthiopiæ, et Sabaim viri sublimes ad te transibunt, et tui erunt. Post te ambulabunt, vincti manicis pergent, et te adorabunt, teque deprecabuntur; quoniam in te est Deus, et non est præter te Deus*. <sup>d</sup> *Tu es enim Deus noster, et nesciebamus, Deus Israel Salvator* (Isaïæ XLV). Quam bene sibi divina semper scripta conveniunt! Superior enim propheta dixit: *Hic est Deus noster*; iste autem, *tu es Deus noster*. In illo utique divina doctrina, in hoc humana confessio est. Alter personam magistri docentis, alter personam populi confitentis [confirmantis] explicuit. Pone enim nunc docentem quo-

#### ALARDI GAZÆI COMMENTARIUS.

<sup>a</sup> Id est, Deus natus. Unde in Symbolo dicimus: *Deum de Deo, lumen de lumine, Deum verum de Deo vero*.

<sup>b</sup> Alludit verbis Apostoli ad Colossenses II: *Deus quod adversus nos erat chirographum decreti, quod erat contrarium nobis, et ipsum tulit de medio, affigens illud cruci*, etc. Ubi chirographum vocat debitum, seu reatum, quo se per esum ligni vetiti suosque posteris Adam æternæ morti reddiderat obnoxios, juxta decretum Dei dicentis, *Quacumque hora comederitis, morte moriemini* (Gen. II).

<sup>c</sup> Verba sunt æterni Patris ad Filium in carne venturum, et verum Messiam futurum, quibus ejus divinitas manifeste comprobatur. Adeo ut D. Hieronymus scribat nullum esse effugium a laqueis hujus testimonii. Quamvis enim in præcedentibus loquatur de Cyro rege Persarum, tamen ex iis que sub uno contextu hic consequuntur, patet hæc non ad Cyrum, sed ad Christum esse referenda. Nam, ut ait D. Hieronymus, *quomodo Cyri personæ conveniet illud: Vere tu es Deus, Deus absconditus, Deus Israel Salvator? Ergo Deus, in quo est Deus, Dominus noster Jesus Christus rectius intelligitur, et verius, qui in Evangelio loquitur: Ego et Pater unum sumus; et ego in Patre, et Pater in me est* (Joan. X, XIV). Qui Deus appellatur absconditus, propter assumpti corporis sacramentum, et Deus Israel Salvator, quod interpretatur Jesus. Hæc Hieronymus.

<sup>d</sup> Ita D. Hieronymus ex Septuaginta. Ex Hebræo autem Vulgata versio est: *Vere tu es Deus absconditus,*

*Deus Israel Salvator*. Quem locum quoriam nonnulli Latine eloquentiæ nimis studiosi sic vertunt, ut pro Salvatore, Servatorem dicant, a Salvatoris voce ut minus Latina abhorrentes, operæ pretium existimavi Joannis Molani viri doctissimi gravem et utilem super hæc re censuram hic ascribere. Sic enim ille in annotationibus ad Usuardum ad quintum calend. Martii: Valde, inquit, demiror quosdam scriptores et interpretes semper declinare nomen Salvatoris, quia Cicero ait in Verrem actione 4: *Itaque non solum patronum hujus insulæ, sed etiam sotira vidi inscriptum Syracusis. Hoc quantum est? ita magnum, ut Latino uno verbo exprimi non possit. Is est nimirum soter, qui salutem dedit*. Hæc quidem Cicero. Verum cum aliud sit esse Servatorem, aliud esse Salvatorem (quod ex dicto Ciceronis loco constat, ait enim eum qui salutem dat uno Latino verbo exprimi non posse), nos libentius utamur voce salvatoris, quæ ecclesiasticis scriptoribus multo est usitatior, et Salvatoris nostri Jesu Christi officium multo significantius exprimit, quam vocabulum servatoris. Nec magni faciamus Roberti Stephani verba dicentis: Salvatoris vocem, tamquam parum probam, eruditiores religiose fugiunt, quemadmodum et verbum salvo, quod nec ipsum satis Latinum judicant. Huicque Molanus; cujus sententiam approbat et commendat Baronius in notis ad Martyrologium (9 Novembris), et alia eidem doctrinæ consentanea insuper addit, quæ lectori, ne nimis sim, adeunda relinquo.



tidie in Ecclesia, sicut facit, Jeremiam prophetam A ac dicentem de Domino Jesu Christo: *Hic est Deus noster* (*Baruch. iii*); quid aliud utique responderet cuncta Ecclesia, sicut facit, quam id quod alius propheta ad Dominum Jesum dixit, *Tu es Deus noster*? Ita ut bene præsentī confessioni etiam præterita ignorantia possit adjungi, dicente populo: *Tu es Deus noster, et nesciebamus*. Bene enim hi qui prius, dæmoniacis superstitionibus occupati, ignorabant Deum, conversi ad fidem dicere possunt: *Tu es Deus noster, et nesciebamus*.

## CAPUT X.

*Probat Christi divinitatem tum ex judaizantium Judæorum perfidia, tum ex confessione illorum qui ad Christi fidem convertuntur.*

Quod si ex Judæorum magis persona probari tibi idipsum cupis, considera post infelicem illam ignorantiam et impiam persecutionem convertentes se ad fidem, et agnoscentes Deum passim populos Judæorum; et vide an recte dicere possint, *Tu es Deus noster, et nesciebamus*. Sed ego addo aliud, ut tibi non ex confitentibus tantummodo Judæis, sed etiam ex negantibus probem. Interroga enim eos qui perdurant adhuc in sacrilegio Judæos, an sciant vel credant Deum. Scire utique se et credere confitebuntur. At contra interroga an credant Filium Dei, negabunt profecto et blasphemabunt. Vides ergo quod de eo hoc propheta dixit quem Judæi et nescierunt semper, et adhuc nesciunt; non de eo quem utique et credere se putant et confiteri. Et ideo bene hi qui ex Judæis ad fidem post ignorantiam veniunt, dicere possunt: *Tu es Deus noster, et nesciebamus*. Recte enim <sup>a</sup> hi qui post ignorantiam credunt, nescisse se dicunt, quem adhuc non credentes se nescire con-

tendunt. Palam enim est quod eum nescisse se prius dicunt, post ignorantiam confitentes, quem adhuc nesciunt denegantes.

## CAPUT XI.

*Redit ad vaticinium Isaïæ.*

<sup>b</sup> Labor, inquit, *Ægypti et negotiatio Æthiopiæ, et Sabaim viri sublimes ad te transibunt* (*Isaïæ xlv*). In his diversarum nationum vocabulis adventum crediturarum gentium significari, nemini debium est. Transisse autem ad Christum gentes, negare non vales, utpote quæ <sup>c</sup> nomine Christianitatis indepto, non fide tantum ad Dominum Jesum Christum, sed etiam ipso nomine transierunt. Quia cum idem quod sunt vocentur, <sup>d</sup> factum est quod erat fidei opus, nominis sacramentum. Ad te, inquit, transibunt, et tui erunt: post te ambulabunt, victi manicis pergent. Sicut sunt vincula coercitionis, ita sunt vincula charitatis, secundum illud quod ait Dominus: <sup>e</sup> *Attrahi eos in vinculis charitatis* (*Ose. xi*). Vere enim magna sunt hæc vincula, et ineffabilis charitatis, quibus qui alligantur gaudent catenis suis. Vis scire hoc verum esse? audi apostolum Paulum gaudentem et exultantem in vinculis suis, cum ait, *Obsecro vos ego vinctus in Domino* (*Ephes iv*). Et illud: *Obsecro, cum sis talis ut Paulus servus, nunc autem et vinctus Christi Jesu* (*Ad Philemonem*). Vides quantum gaudebat vinculorum suorum merito, <sup>f</sup> quorum etiam alios provocabat exemplo. Non dubium est autem in quibus unus est Domini amor, unum esse Dominicæ vinculationis affectum, secundum illud: *Multitudinis autem creditum erat cor unum et anima una* (*Act. iv*). Te, inquit, adorabunt, teque deprecabuntur, quoniam in te est Deus, et non est præter te Deus. Dictum prophetæ Apostolus evidenter exposuit, dicens: *Quoniam & Deus erat in Christo, mundum reconcilians sibi*

## ALARDI GAZÆI COMMENTARIUS.

<sup>a</sup> Judæi scilicet ad fidem conversi qui, deposita ignorantia, id est, infidelitate, Christum Deum suum agnoscunt, quem antea nesciebant et ignorabant.

<sup>b</sup> D. Hieronymus in commentario hujus loci: *Servisse, inquit, ei (Christo scilicet) Ægyptum, et Æthiopas, et Sabaim excelsos viros et sublimes nemo dubitat, cum ei videat mundum esse subjectum, et ex paucarum nomine nationum, quæ habitant in extremis finibus terræ, cunctos cælorum cardines et omnia terræ littora ei creditura perspiciat. Unde pulchre quasi laborantibus in errore idololatriæ, cessare labor Ægypti nominatur. Nulla enim gens ita idololatriæ dedita fuit, et tam innumerabilia portenta venerata est, quam Ægyptus, de qua supra legimus: Ecce Dominus ascendet super nubem levem, et ingreditur Ægyptum, et movebuntur simulacra Ægypti a facie ejus, et cor Ægypti tabescet in medio ejus* (*Isaïæ xix*).

<sup>c</sup> Indepto pro adepto frequens apud Cassianum.

<sup>d</sup> Hoc est, ex fide in Christum consecuti sunt nomen Christianorum, quod est fidei et religionis symbolum et sacramentum, quo nomine primum Antiochiæ fideles cognominatos S. Lucas in Actis commemorat (*Act. xi*). Qua ratione vero id acciderit, S. Athanasius in oratione adversus Arium ita exponit: *Omnes, inquit, qui credebant in Domino nostro Jesu Christo, non Christiani, sed discipuli tantummodo vocabantur: et quia multi novorum dogmatum auctores exstiterunt, doctrinæ obriantes apostolicæ, omnes sectatores suos discipulos nominabant; nec ulla erat nominis discretio inter veros falsosque discipulos, sive Christi, Dosithæi,*

*sive Judæ ejusdam, sive Joannis sectatores, qui se quasi Christi Ecclesiæ confitebantur; quin potius uno discipulorum nomine censebantur. Tunc apostoli convenientes (sicut Luca narrante Acta testantur) omnes discipulos uno nomine Christianos appellant, discernentes a communi discipulorum vocabulo; et ut divini per Isaïam oraculi sermo compleretur, quo ait cap. lxii: Servientibus mihi vocabitur nomen novum, etc.* hæc Athanasius.

<sup>e</sup> Vulgata editio: *In funiculis Adam traham eos, in vinculis charitatis* (*Ose. xi*). Ubi pro, Adam, Aquila, Symmachus, et Septuaginta, et Theodotio, homines, transtulerunt, ut dicerent: *In funiculis hominum traham eos, in vinculis charitatis*, ait D. Hieronymus.

<sup>f</sup> Superflue antea legebatur: *Quorum etiam alios Deus provocabat exemplo*. Quorsum enim hic Deus, cum de Apostolo hæc dicantur (ut ipsa syntaxis et verborum contextus docet) qui et gaudebat suorum viculorum merito, et eorum etiam exemplo alios provocabat, scilicet ad patientiam et martyrium pro Christo subeundum. In Basileensi editione pari errore legitur: *Quorum etiam nos Deus provocabat exemplo*. Ubi etiam omittitur unus in verbis præcedentibus: *In quibus unus est Domini amor*.

<sup>g</sup> Quomodo? inquit Ambrosius (*In commentario hujus loci*): *Quasi in vicario, aut legato, sicut fuit in prophetis, aut aliter? Non sicut fuit in prophetis, intelligi potest sic fuisse et in Filio; filius enim naturaliter est Patris D. i. Unde dicit: Quia Pater in me est, et ego in Patre. Pater enim per id intelligitur esse in*



(II Cor. v). *In te ergo est Deus*, inquit, *et non est præter te Deus*. Bene Propheta dicens: *In te est Deus*,<sup>a</sup> non tantum eum qui præsens esset, sed etiam eum qui esset in præsentī, monstravit, habitantem scilicet ab eo in quo habitaret,<sup>b</sup> naturarum significationem, non unitatis abnegatione distinguens.

## CAPUT XII.

*Salvatoris appellationem aliter Christo et aliter hominibus tributam esse.*

*Tu, inquit, Deus, et nesciebamus, Deus Israel Sal-*

## ALARDI GAZÆI COMMENTARIUS.

*Filio, quod una sit eorum substantia. Ibi enim est unitas, ubi nulla est differentia; ac per hoc invicem sunt, quia et imago, et similitudo eorum una est, ut videns Filium, vidisse dicatur Patrem, sicut et ipse Dominus ait: Qui videt me, videt et Patrem (Joan. xiv) Recte ergo dicitur: Deus erat in Christo, hoc est Pater in Filio, mundum reconcilians sibi, etc. Sic Ambrosius Deum Patrem in Christo, id est, in Filio esse, et per ipsum sibi mundum, id est, humanum genus reconciliasse intelligens; quod et antecedentibus congruit, ubi dicitur: Omnia autem ex Deo, qui nos reconciliavit sibi per Christum. Ubi manifeste distinguitur persona Patris cœlestis a persona Filii, id est, Christi; et Pater reconciliatus, Filius reconciliator designatur. Alii tamen aliter exponunt, hoc modo: Erat Deus in Christo, id est, in Christi humanitate erat Dei Filius hypostatice unitus. Proinde Deus erat in Christo, idem est ac si dicatur: Deus erat Christus, mundum reconcilians sibi ut Deo, et proinde toti sanctissimæ Trinitati; sed per se, id est, per suam humanitatem. Ex vi autem communicationis idiomatum tribuitur ipsi Deo mundi reconciliatio, quæ est opus Christi mediatoris: sicut alibi dicitur Deus acquisivisse Ecclesiam sanguine suo (Act. xx) propter idiomatum communionem, qua fit ut quæ propria unius naturæ sunt, alteri tribuantur, ob unionem hypostaticam, ut sæpe dictum est. Atque hunc sensum spectasse videtur Auctor, ut patet ex textu: eumque diserte tradit S. Leo his verbis (Serm. 18 de Pass. Dom.): *Opposito carnis velamine, Deus in Christo mundum sibi reconcilians legebatur*. Quod non nisi de persona Filii intelligi potest.*

<sup>a</sup> Id est, qui visibilis apparebat, ut homo; sed etiam eum qui esset in præsentī, id est, Deum in humanitate latentem. Erat enim humanitas veluti templum divinitatis.

<sup>b</sup> Id est, distinguens in Christo naturas, non personas. Cum enim ita Christum hominem alloquitur: *In te est Deus*, significat in Christo aliam esse naturam Deitatis, aliam humanitatis: unam tamen personam in utraque subsistentem, et Verbum habitare in carne, et carnem habitari a Verbo.

<sup>c</sup> D. Hieronymus in cap. i Matthæi: *Jesus Hebræo sermone salvator dicitur. Etymologiam ergo nominis ejus Evangelista signavit dicens: Vocabis nomen ejus Jesum: quia ipse salvum faciet populum suum*. Cyrillus catechesi decima: *Jesus, inquit, appellatur. vero nomine a saluari medicina habens appellationem. Jesus itaque apud Hebræos salvatorem: in lingua vero Græca medicum sonat: quandoquidem et corporum medicus est, et animarum curator*. Denique D. Augustinus in suis Meditationibus (Cap. 39) eandem etymologiam inculcat his verbis: *Quid enim est Jesus, nisi salvator? Ergo propter temetipsum Jesu, esto mihi Jesus*. Verum id explicatius et eminentius docuit S. Petrus apostolorum princeps dum ait (Act. iv): *Notum sit omnibus vobis quia non est in alio aliquo salus, nisi in nomine Domini nostri Jesu Christi; neque enim aliud nomen est sub celo datum hominibus, in quo oporteat nos salvos fieri*. Porro de hoc sanctissimo nomine Jesu suppetunt alia nonnulla huic loco accommodata. Primo supponendum ex doctrina D.

Avalor. Quamvis multis jam Scriptura et evidentibus signis, de quo loqueretur, ostenderet, expressit tamen manifestissime in Salvatoris nomine Christi nomen, quia idem Salvator utique qui Christus, dicente angelo: *Quia natus est vobis hodie Salvator, qui est Christus Dominus (Luc. ii)*.<sup>c</sup> Jesum enim Hebræis Salvatore interpretari nemini dubium est, sicut angelus sanctæ Mariæ virgini protestatur, dicens: *Et vocabis nomen ejus Jesum: ipse enim salvum faciet*

Thomæ (32, p. 37, art. 2), quod nomina singularium hominum communiter imponuntur ab aliqua proprietate ejus cui nomen imponitur; vel a tempore, sicut imponuntur nomina aliquorum sanctorum his qui in eorum festis nascuntur; vel a cognatione, sicut cum filio imponitur nomen patris; vel alicujus de cognatione ejus, sicut propinqui Joannis Baptistæ volebant eum vocare nomine patris sui Zachariam, non autem Joannem, quia nullus erat in cognatione ejus qui vocaretur hoc nomine, ut dicitur Lucæ i; vel etiam ab eventu, sicut Joseph vocavit primogenitum suum Manassem, dicens: *Oblivisci me fecit Deus omnium laborum meorum; vel etiam ex aliqua qualitate ejus, cui nomen imponitur, sicut Genesis xxv dicitur quod quia qui primus egressus est de utero matris rufus erat, et totus in morem pilis hispidus, vocatum est nomen ejus Esau, quod interpretatur rubeus*. Nomina autem quæ imponuntur aliquibus divinitus, semper significant aliquod gratuitum donum eis divinitus datum, sicut Genesis xvii dictum est Abraham: *Appellaberis Abraham, quia patrem multarum gentium constitui te*. Et Matthæi xvi dictum est Petro: *Tu es Petrus, et super hanc petram ædificabo Ecclesiam meam*. Quia igitur Christo hoc munus gratiæ collatum erat, ut per ipsum omnes salvarentur, ideo convenienter vocatum est nomen ejus Jesus, id est, <sup>C</sup>Salvator, angelo hoc nomen prænunt ante, non solum matri, sed etiam Josepho, qui erat futurus ejus nutritius. Ita S. Thomas. Secundo notandum hoc nomen Jesu Christo Domino esse impositum tamquam proprium ac personale, et esse nomen illud novum et singulare de quo Isaias prædixerat (Cap. lxi): *Vocabitur tibi nomen novum, quod os Domini nominavit*. Quamvis enim multos alios antea hoc nomine appellatos legimus, in quibus præcipui sunt hi, Jesus filius Nave, Josue i; Jesus filius Josedei sacerdos, Aggæ i; et Jesus filius Srach, cujus est liber qui Ecclesiasticus dicitur: tamen si ad rem hoc nomine significatam attendamus, certum est soli Christo Domino nomen hoc convenire, eique proprio et singulari jure ac ratione fuisse attributum, ut qui solus per seipsum, sua vi ac merito salutem non corporibus tantum, sed et animis, et salutem non temporariam tantummodo, sed et maxime quidem æternam; neque illam uni tantum, vel duabus gentibus et populis, sed omnibus esset allaturus. Quam rationem et significationem angelus aperuit dicens: *Ipse enim salvum faciet populum suum a peccatis eorum (Matth. i)*. Hinc Cyrillus locum illum Isaiæ interpretans: *Nomen, inquit, novum Verbo divino est Jesus, et concurrens cum carnis nativitate*. Aliis quippe nomen erat quodammodo commune, et certe vulgare; Christo autem proprium, et ut propheta prædixit (Isaiæ lxi), novum et singulare, quia eo modo quo de Christo dicitur, nemini præterea convenit, quia non est in aliquo alio salus. D. Hieronymus supra citatus eandem nominis etymologiam ab angelo divinitus traditam, et Christo propriam ac peculiarem, explicans: *Salvat quidem, inquit, non incredulos, sed populum suum, hoc est, in se credentes, et salvat non tam a visibilibus hostibus quam invisibilibus, hoc est, a peccatis salvat, non armis pugnando, sed peccata relaxando*. Et S. Chrysostomus in eundem locum:



populum suum a peccatis eorum (Luc. 1, et Matth. 1). Ac ne forte eum hoc modo Salvatorem diceret prædicatum quo de aliis dictum est : Et <sup>b</sup> suscitavit eis Dominus salvatorem <sup>c</sup> Othoniel filium Chenez (Judic. iii). Et iterum : Suscitavit eis Dominus salvatorem <sup>d</sup> Aod filium Gera (Ibid.) ; adjecit : Ipse enim salvum faciet populum suum a peccatis eorum (Matth. 1). Non est autem humanæ opis redimere populum a captivitate peccati, quod illi soli utique possibile est de quo dictum est : Ecce agnus Dei, ecce qui tollit pec-

cata mundi (Joan. 1). Ceteri enim non suum populum, sed Dei; et non a peccatis, sed ab hostibus salvaverunt.

## CAPUT XIII.

Exponit quorumnam in illis verbis, Tu es Deus noster, et nesciebamus, personam sustinuerit Propheta Isaïas.

Tu es ergo, inquit, Deus noster, et nesciebamus, Deus Israel Salvator (Isaïæ xlv). \* Quos magis putas

## ALARDI GAZÆI COMMENTARIUS.

Ipse enim salvum faciet, etc. Non a bello, inquit, visibili, nec a gladio barbarorum, sed, quod longe majus est, a peccato suo populum nuntiavit angelus liberandum. Quod præstare nulli fuit hominum aliquando possibile. S. item Anselmus lib. Cur Deus homo : Salvabit non ab hostibus corporalibus, sicut Josue et David; sed a peccatis, quod non est hominum, sed Dei solius. Et hinc Osee dicitur : Salvabo eos in Domino Deo suo, et non salvabo eos in arcu, et gladio, et in bello, et in equis, et equitibus. Denique D. Thomas : Dicendum, inquit, quod his, qui fuerunt ante Christum, potuit convenire hoc nomen Jesus secundum aliquam aliam rationem, puta quia aliquam peculiarem et temporalem salutem attulerunt; sed secundum rationem spiritualis et universalis salutis, hoc nomen proprium est Christo, et secundum hoc dicitur esse nomen novum (in p., q. 37, a. 2). Sic ipse. Hoc ergo proprium est Christi nomen, quo et divina simul humanaque natura et præstantissimum Redemptoris officium declaratur. Hoc est ipsi datum nomen, quod est super omne nomen, ut in nomine Jesu omne genu flectatur, cælestium, terrestrium et infernorum (Philp. ii). Itaque recte a quibusdam annotatum est evangelistas, cum Salvatorem nostrum proprio nomine appellare volunt, non Christum, sed Jesum appellare, ut Matthæi 1, Lucæ 1, ii, iii, et alibi; Christus enim nomen est officii, Jesus naturæ atque personæ. Nomen ergo Jesus, cognomen Christus. Tertio notandum in hoc nomine reliqua nomina, tam propria quam metaphorica, quæ Messiae in Scripturis tribuuntur, virtute contineri. Continent enim omnium nominum proprietates et virtutes : unde merito a nonnullis dicitur epilogus omnium Christi operum ac beneficiorum. Quod theologice et suo more explicat D. Thomas (Ubi supra) his verbis : In omnibus illis nominibus (in argumento positus) quodammodo significatur hoc nomen Jesus, quod est significativum salutis. Nam in hoc quod dicitur, Emmanuel, quod interpretatur, nobiscum Deus (Isa. vii), designatur causa salutis, quæ est unio divinæ et humanæ naturæ in persona Filii Dei, per quam factum est ut Deus esset nobiscum, quasi particeps nostræ naturæ. Per hoc autem quod dicitur : Voca nomen ejus, accelera, spolia detrahe, etc. (Isa. viii), designatur a quo nos salvavit, puta a diabolo, cujus spolia abstulit, secundum illud ad Colossenses ii : Exspolians principatus et potestates, traduxit confidenter, etc. In hoc autem quod dicitur : Vocabitur nomen ejus, admirabilis, etc., designatur via et terminus nostræ salutis, inquantum scilicet admirabili divinitatis consilio et virtute, ad hæreditatem futuri sæculi perducimur, in quo erit pax perfecta filiorum Dei sub ipso principe Deo. Quod vero dicitur : Ecce vir, Oriens nomen ejus (Zachar. vi), ad idem refertur ad quod primum, scilicet ad Incarnationis mysterium, secundum quod exortum est in tenebris lumen rectis corde (Psalm. cxi). Hucusque S. Thomas. Plura de glorioso nomine Jesu videre est apud eundem opusculo 60, et apud D. Bernardum serm. 14 et 15 super Cantica, et Abulensem in cap. xx Exodi, quæst. 7; ex recentioribus vero vide Salmeronem tomo III de Infantia Salvatoris, tract. 37, et Serrarium lib. i in Josue cap. ii.

\* Ex his verbis certo colligunt Patres contra Aria-

nos et Nestorianos, Christum esse verum Deum, quia solius Dei est peccata dimittere, seu a peccatis liberare, propria scilicet auctoritate et virtute, juxta illud Isaïæ xlii : Ego sum, ego sum ipse qui deleo iniquitates. Sic Severianus episcopus Gabatiensis (In c. i Matthæi) a S. Thoma in Catena : Veniant, inquit, et audiant, qui requirunt, quis est quem Maria genuit? Ipse enim salvum faciet populum suum. Unde? a peccatis eorum. Esse Deum, qui peccata donat; si Christianis non credis, crede infidelibus, vel Judæis dicentibus : Nemo potest peccata dimittere, nisi solus Deus (Luc. v) Origenes Homil. 39 de Diversis : Ipse enim salvum faciet populum suum a peccatis eorum. Duo enim per hoc verbum præclare designantur, et quod verus Deus sit, et verus homo, et quod populus ejus ab ipso sit salvandus; et ideo dictum est : Ipse enim salvum faciet populum suum a peccatis eorum, ut Deus verus. Dei enim virtutis est a peccato salvare, vel peccata dimittere. Theophylactus etiam breviter colligit : Salvabit populum suum a peccatis eorum. Unde manifestum est Deum esse, qui nascetur; solius enim Dei est condonare peccata. Similia loca ex Chrysostomo et Anselmo superius annotavimus. Accedat demum D. Thomas omnium Patrum veluti medullam colligere solitus : Nota, inquit (In cap. i Matth.), quod hic confunditur Nestorius qui dicebat quod illa quæ Dei sunt, ut esse ab æterno, esse omnipotentem, vel hujusmodi, non conveniunt illi homini. Ecce quod idem ille homo qui natus est de Virgine, qui vocatur Jesus, ipse salvum faciet populum suum a peccatis eorum. Unde cum peccata dimittere non possit, nisi solus Deus, oportet dicere quod homo iste sit Deus, et quod ea quæ Dei sunt ei verissime convenient.

<sup>b</sup> Similia sunt loca, in quibus Salvatoris nomen hominibus tribuitur. IV Reg. xiii : Vidit Dominus angustiam Israel, et dedit Dominus salvatorem Israeli. Item II Esdræ ix : Clamaverunt ad te, et tu de cæla audisti, et secundum miserationes tuas multas dedisti eis salvatorem, qui salvaret eos de manu hostium suorum. Ex quibus colligere debemus, quod ad hujus loci intellectum pertinet, duplices esse salvatores. Unus est summus et primarius, Deus scilicet : alii secundarii, qui et summi illius Salvatoris sunt administri et cooperatores. Jesus igitur, quatenus Deus, primarius et a nullo dependens Salvator : quatenus homo, est secundarius quidem, sed ita, ut in eo genere ceteros omnes tam efficacia, quam dignitate antecellat. Porro de Salvatoris et Servatoris vocabulis dictum est superius (Cap. 9).

<sup>c</sup> Ille primus inter duodecim Judices qui, post mortem Josue, populum Israëliticum rexerunt : de quibus exstat liber Judicum inter sacros : ubi idem frater Calebi, seu potius Calebi ex fratre nepos dicitur.

<sup>d</sup> De Aod, qui secundus inter eosdem judices nominatur, dictum est alio loco.

<sup>e</sup> Recte quidem secundum Græcam versionem, quam sequitur et multum urget Auctor : non ita secundum Latinam : Vere tu es Deus absconditus : pro quo verterunt illi : Et nesciebamus, quod ad Judæos et gentiles refertur. At noster textus Deo Patri tribuitur et ab ipso ad Filium dirigitur, ut dictum est



hoc dicere? quibus hoc magis putas convenisse? A dicat, qui utrumque est. Quid interserere te, infelix Judæis, an gentibus? Si Judæis: Judæi utique Christum non cognoverunt, secundum illud: *Israel autem me non cognovit, et populus meus non intellexit* (Isaïæ 1), et illud: *Et mundus per ipsum factus est, et mundus eum non cognovit: in propria venit, et sui eum non receperunt* (Joan. 1). Si autem gentibus: palam est quod Christum gentilitas idolis occupata nescivit: quamvis illa nec Patrem scierit: sed tamen etiam si nunc novit, non nisi per Christum tamen novit. Vides ergo quod sive ex gentibus sit credens populus, sive ex Judæis, bene pro se uterque dicit, *Tu es Deus noster, et nesciebamus, Deus Israel Salvator*. Quia et gentes colentes prius idola, ignorabant Deum: et Judæi negantes Dominum, ignorabant Filium Dei. Ac per hoc bene de Christo tam illi, quam isti dicunt: *Tu es Deus noster, et nesciebamus*. Quia tam illi nesciebant Deum qui non credebant, quam illi qui Dei Filium negabant. Sic ergo Christus credendus est, ut veritas loquitur, ut divinitas protestatur, ut Christus denique ipse præ-

dicat, qui utrumque est. Quid interserere te, infelix furor, inter Deum et Christum miteris? quid separare corpus suum a Filio Dei appetis, et ipsum a se Deum dividere conaris? unita discindis, et conjuncta discernis. Verbo Dei de Deo crede: nulla enim re melius confiteri divinitatem Dei omnino poteris, <sup>a</sup> quam si ea ipse de se, sicut Divinitas docuit, voce fatearis. Scitote enim juxta prophetam, quia Dominus ipse est Deus, qui invenit omnem viam disciplinæ: qui utique et in terris visus est, inter homines conversatus est. Ipse lumen fidei in mundum intulit: ipse lucem salutis ostendit. Deus enim Dominus, et illuxit nobis. Hunc ergo crede, hunc dilige, hunc confitere. Quia <sup>b</sup> quando ei, ut scriptum est, *omne genu flectetur, cælestium et terrestrium et infernorum, et omnis lingua confitebitur, quia Dominus Jesus Christus in gloria est Dei Patris* (Philip. 11): velis, nolis, negare non poteris, quia Dominus Jesus Christus in gloria est Dei Patris. Hæc enim perfectæ confessionis perfecta virtus est, Deum ac Dominum Jesum Christum semper in Dei Patris gloria confiteri. Amen.

#### ALARDI GAZÆI COMMENTARIUS.

Utrovis tamen modo locus est manifestus et efficax ad probandam Christi deitatem: sed efficacior videtur in vulgata editione, quam secutus D. Hieronymus et alii Patres.

<sup>a</sup> Ita emendatum ex editione Basileensi: ubi tamen desideratur conjunctio si, omnino necessaria. Respicit enim præcedentia verba, nempe, *Unita et conjuncta*, puta Deum et hominem in Christo, quæ tamen dividebat et dirimebat Nestorius.

<sup>b</sup> In judicio scilicet universali, quando omnes astabimus ante tribunal Christi, ut recipiat unusquisque prout gessit, sive bonum, sive malum (II Cor. v). Illis enim verbis significatur tum manifestatio divinitatis

Christi, quæ tunc potissimum et palam omnibus innotescet, quando ei curvabitur omne genu, ut est apud Isaïam cap. xlv, ad quem locum alludit Apostolus ad Rom. xiv; tum judiciaria potestas Christo ut homini a Patre tradita, *a quo constitutus est iudex vivorum et mortuorum* (Act. x): non enim Pater judicat quemquam, sed omne iudicium dedit Filio, ut omnes honorificent Filium, sicut honorificant Patrem. Et potestatem dedit ei iudicium facere, quia filius hominis est (Joan. v), id est quatenus homo est, ut D. August. exponit; nam secundum quod Dei Filius est, semper habuit, ait ipse (Tract. 9 in Joan. et ser. 64 de Verb. Domini). Vide S. Thomam in p., q. 58 et 59, a. 2.

## LIBER QUINTUS.

### CAPUT PRIMUM.

*Acerrime invehitur in errorem Pelagianistarum qui Christum solitarium hominem affirmaverunt.*

Diximus libro primo <sup>a</sup> hæresim illam Pelagianæ hæreseos discipulam atque imitatricem, id omnibus modis tentasse atque pugnasse, ut Dei Filius Dominus Jesus Christus, natus ex virgine, homo tantum-

modo solitarius crederetur; et arrepta postmodum virtutis via, id eum pie religioseque vivendo obtinuisse, ut dignus per hanc vitæ sanctimoniam fieret, cui se majestas divina sociaret: ac sic exclusa ab eo penitus sacræ originis dignitate, sola ei tantummodo meritorum relinqueretur electio. Id adnitentes utique ac laborantes, ut eo quasi <sup>b</sup> in plebem omnium

#### ALARDI GAZÆI COMMENTARIUS.

<sup>a</sup> Hæresim scilicet Nestorianam, quam etiam Pelagianæ hæreseos discipulam et imitatricem ostendit lib. 1 cap. 2, ubi ait, *Nestorium idem omnino dicere, quod Pelagianistæ ante dixerant: ideoque non novæ hæreseos auctorem, sed veteris instauratorem esse*. Unde et infra dicitur hæresis Nestorii recens orta, Cassiani videlicet zelate, et Pelagianæ pravitatis quasi redivivos cineres suscitasse. Si itidem Prosper in Chronico de conspiratione Pelagianorum cum Nestorio, et simili consecuta damnatione ista habet: *Congregata apud Ephesum plus ducentorum synodo sacerdotum, Nestorius cum omni hæresi nominis sui et cum multis Pelagianis qui cognatum sibi dogma jubabant, damnatur*. Testatur id ipsum elegans epitaphium de hæresi Pelagiana damnata, et cum Nestoriana sepulta, ab eodem Prospero editum (Lib. de

D Ingratis), quod sic incipit:

Nestoriana lues successi Pelagianæ,  
Quæ tamen est utero progenerata meo.  
Infelix miseræ genitrix, et filia natæ:  
Prodivi ex ipso germine, quod peperî.

Plura de hac utriusque hæresis affinitate et cognatione diximus in præcedentibus. Et Auctor sequenti cap. eam rursus inculcat.

<sup>b</sup> Id est, in communem hominum sortem et conditionem redacto, detracto videlicet divinitatis, quasi nobilitatis titulo. Alludit ad morem Romanorum, ad quos plebei multi fiebant ex patriciis, sicuti contra ex plebeis patricii. Et illi quidem dicebantur in plebem mitti, id est, in vulgus, seu faciem populi relegari, ob ignaviam vel flagitium.



misso, et velut in turbam humani generis aggregato, id per bonorum actuum conversationem mereri omnes homines posse dicerent, quidquid bene vivendo ille meruisset. Pestifera scilicet ac lethalis assertio, quæ et Deo vera derogans, et hominibus falsa promittens, in utroque nefandi esset damnabilis mendacii, dum et sacrilegii injuria Deum afficit, et hominem in spem falsæ præsumptionis inducit. Perversissima scilicet atque impiissima assertio, a mortalitati donans quod non erat, Deo tollens quod erat. Hujus ergo perniciosæ ac mortiferæ pravitatis hæc quæ nunc orta est recens hæresis, quasi redivos quodammodo suscitans cineres, in veteribus favillis novum movit incendium: Solitarium quippe hominem natum esse asserit Dominum Jesum Christum. Et ideo quid necesse est ut requiramus, an in consequentibus ejus perversitatis sit quæ est in capite ipso sceleris unius? Superfluum quippe est expectare in posterioribus qualis sit, quæ expectandi omnino causas jam in principio non reliquit: Quæ enim ratio est explorare, an in similitudinem superioris hæreseos eadem promittat homini quæ (quod immanissimum scelus est) eadem tollit Deo? Ita ut pene impium sit, cum videamus quid præcesserit, requirere quid sequatur: quasi vero aliqua in consequentibus causa afferri possit, qua se probet non esse impium, qui negaret Deum. Ait ergo, ut sæpe jam diximus, nova hæresis, Dominum Jesum Christum hominem tantummodo solitarium, ex virgine

#### ALARDI GAZÆI COMMENTARIUS.

<sup>a</sup> Id est, homini mortali attribuens, quod ei non competit, scilicet posse divinitatem assequi suis meritis.

<sup>b</sup> Contra S. Leo epistola 97 ad Leonem Augustum: *Anathematizetur, ait, Nestorius, qui B. Virginem Mariam non Dei, sed hominis tantummodo credidit genitricem; ut aliam personam carnis, aliam faceret Deitatis.* Et Gregorius Nazianzenus epistola prima ad Cledonium: *Si quis, inquit, Virginem Mariam nequaquam Dei Genitricem esse credit, is etiam a Deitate sit separatus.* Denique in concilio Ephesino generali hæc duo capita potissimum fuere contra Nestorium definita. Primum, unam esse Christi personam, non duas; secundum, Mariam Virginem vere et proprie Theotocon et non Christotocon, id est, Deiparam et non Christiparam esse appellandam, non quod non esset Christipara, sed ne putaretur solum Christipara, et non Deipara, quod volebat Nestorius. Porro de vocabulo Θεοτόκου et Χριστοτόκου egimus superius. Notandum vero quod, quamvis B. Maria vera et naturalis sit Mater Dei, eo quod genuerit Christum, qui non solum homo, sed etiam Deus est; non tamen est, nec dici potest mater divinitatis, nec genuisse divinitatem, aut deitatem, ut docet S. Thomas his verbis: *Quamvis Deitas et Deus non differant re, differunt tamen secundum modum significandi: quia Deitas significat naturam divinam in abstracto: unde non potest superponere pro persona; Deus autem, quia signat naturam divinam per modum concreti, id est, habentem divinitatem, potest reddere locutionem veram pro supposito: et ideo quia B. Virgo est mater Filii Dei, potest dici mater Dei, et non divinitatis.* Ita S. Thomas (In III, dist. 4, q. 2, a. 2).

<sup>c</sup> Non querere se, ut antea fuit impressum. Nestorium enim locusque alloquitur, et spectat superiora verba: *quasi redivos suscitans cineres, etc.* Sunt autem hic elegantes metaphorsæ et phrases synonymæ, redi-

natum esse: et ideo & Mariam Christotocon, non Theotocon esse appellandam, quia Christi mater, non Dei. Addit præterea sacrilegæ assertioni quam prava argumenta, tam frivola, dicens: Nemo anteriorem se parit. Quasi vero unigeniti Dei nativitas a prophetis predicta, a sæculis prænuntiata, humanis sit tractanda aut æstimanda rationibus: Aut vero ipsa, quisquis es, o hæretice, qui de partu suo calumniaris, virgo Maria propriis hoc quod actum est, egerit consummarique virtutibus: ut ei in tanta re ac tanto opere imbecillitas objiciatur humana. Si quid itaque in hac re per hominis opus actum est, humanas quære rationes: si autem totum quod actum est, Dei virtus est; quid impossibilitatem spectas humanam, ubi efficientiam vides esse divinam? Sed de hoc tamen plenius postea. Nunc quod paulo antè dicere cœpimus, exsequamur: ut omnes sciant in Pelagianis cineribus ignes quærere te, et novis sacrilegiorum flatibus favillas veteres excitare.

#### CAPUT II.

*Pelagiano errori conjunctum ac vicinum est Nestorii dogma.*

Dicis ergo Christum hominem tantummodo solitarium natum esse. Hoc utique et illa quam in primo libro evidentè ostendimus, Pelagianæ impietatis hæresis prædicavit, Christum hominem tantummodo solitarium natum esse. Addis præterea Dominum ipsum omnium Jesum <sup>d</sup> Christum Θεοδόχον imaginem

*vivos suscitare cineres, in veteribus favillis novum movere incendium, in Pelagianis cineribus ignes quærere, et novis sacrilegiorum flatibus favillas veteres excitare.* Quibus affines sunt aliæ sequenti cap. Pelagianum virus vomere: *Pelagiano spiritu sibilare.*

<sup>d</sup> Nescio an hic ferat lector, et rursus infra (Cap. seq.), vocabulum imaginem, cum satis constet ex dictis et ex ipso textu esse frustraneum, et ex ignorantia Græcæ vocis Θεοδόχου, vel imperitia librariorum, in textum intrusum. Theodochoon enim legendum, non Theotocon, superius ostendi: quæ vox (Theodochos scilicet) nihil aliud significat quam susceptricem Dei, ut mox etiam ab Auctore exponitur, sen qui Deum excipit, aut suscipit; quemadmodum et superius *carne[m] Christi Theodochoon, id est, Deitatis susceptricem* dixit. Et rursus intra: *Et per hoc, omnes Theodochi sunt*, nullo imaginis respectu, aut mentione, quia nihil ad rem facit: nisi sic interpreteris Christum theodochoon imaginem, id est, imaginem Dei susceptricem a Nestorio appellatam: quod hactenus apud alium auctorem non legi, nec facile mihi persuasero, hanc phrasim ab illo usurpatam, cum de imagine nulla sit habita questio, sed de divinitate. Quia tamen tam editio Basileensis quam Plantiniana ita habent, nolui hoc loco, nec interius expungere, sed satis habui lectorem de his monuisse, suum cuique liberum relinquens judicium. Porro ne quis temere Theodochoon pro Theotocon mutatum existimet, revocandum hic in memoriam discrimen superius indicatum, inter hæc tria vocabula sibi multum affinia, Theotocos, Theotochos et Theoutocos; de singulis nonnullæ auctoritates proferendæ. Est ergo notandum, composita, seu derivata a τὴν τοῦ, sive τόκος, cum passive sumuntur, proparoxytona esse; sive notari in antepenultima: cum vero active, in penultima: et hoc sine controversia apud omnes grammaticos. Itaque Theotocos (quod vocabulum



appellandum, id est, non Deum, sed susceptorem Dei; A Deum in se suscipiat, honorandum putas. Hec utique scilicet, ut eum non propter se, quia sit Deus, sed quia illa etiam quam ante dixi hæresis asserebat, ° Christum

## ALARDI GAZÆI COMMENTARIUS.

apud Græcos Patres usitatissimum est) Dei parentem significant: diciturque et Theotocos et Theotocis (Vide Damascen. l. iii Orthod. fid. cap. 12). Hæc enim duo posteriora non raro versus gratia usurpant poetæ. Sic Nonnus in Joannem (Cap. 1):

Παρθένω Χριστοῦ θεοτόκος ἔκτε μήτηρ.

Virgo Christi Deipara venit mater.

Et rursus (Cap. 2):

Παρθένος ὠμάτησε θεοτόκος υἱὲ μήτηρ.

Virgo sequebatur Deipara filium mater.

Theotocos vero a Deo genitus intelligitur, ut docet Henricus Stephanus ex aliis similibus compositis: Idem in Prototocos [Leg. πρωτότοκος] et Prototocos [Leg. πρωτοτόκος] (Isid. Pelus. Ep. l. i, ep. 31). Nam Prototocos, id est, primogenitus. Lucæ ii ἔτεκε τὸν υἱὸν αὐτῆς τὸν πρωτότοκον: Peperit filium suum primogenitum. Et ad Colossenses primo, πρωτότοκος πάσης κτίσεως: primogenitus omnis creaturæ; id est, ante omnem creaturam genitus, sive quem Deus Pater genuit, antequam quidquam faceret a principio, ut Scriptura exponit (Proverb. viii); ibidem, et Apocalypsis i, ὁ πρωτότοκος ἐκ τῶν νεκρῶν, primogenitus ex mortuis, pro quo noster interpretes vertit posteriore loco: primogenitus mortuorum, id est, qui primus omnium a morte resurrexit, propria scilicet virtute, vel primus resurgentium ad vitam immortalem, sive ea resurrectione, quam mors nulla secuta sit. Prototocos vero quæ primum genuit. Ex Homeri Iliad. P: Πρωτότοκος, κινύρη, οὐ πρὶν εἰδῶ ἰατόκοιο. Inde πρωτοκόσω primum pario. Porro Theodochos est qui Deum excipit, vel suscipit, ut dictum est: diciturque etiam Theodocos. Composita enim a δέχομαι admittunt α et χ. Nam dicitur Xenodochos, hospes, vel Xenodocos, et ξενοδοχεῖν excipere, unde xenodochium dicitur; et θεοδόχος poetice, ut supra Nonnus in Joannem loquens de Magdalena (Cap. 11):

Χριστοῦ καλλιθέρα θεοδόχος, ἡ πόδας αὐτοῦ

Ἀρροτέρους ἤλειψε.

Christi puericoma Dei hospita, quæ pedes ejus Ambrosius unxit.

Hæc e grammatica de tribus istis vocabulis pro hujus loci occasione grammaticè prolata, rudioribus ac, si mihi licet dicere, insipientibus, quibus perinde ac sapientibus, juxta Apostoli dictum, debitores sumus, exposita, æqui, bonique, spero, consulent æqui bonique lectores.

¶ Questionem de Christi adoratione, seu cultu ei exhibendo, ipsi quoque Nestoriani moverunt. Nam qui duas in Christo ponebant personas, et Deum, atque hominem, tamquam alterum, atque alterum statuebant: ita etiam duplicem adorationem, seu venerationem aiebant esse deferendam, unam tamquam homini, alteram seorsim, tamquam Deo. Quod ut fidei catholicæ contrarium, generalium conciliorum decretis jure damnatum est. Sic enim habet Ephesini concilii (quod contra Nestorium habitum est) canon octavus: *Si quis audet dicere assumptum hominem coadorandum cum Deo Verbo, et conglorificandum, quasi alterum cum altero, et non potius una adoratione colit Emmanuelem, unamque ei glorificationem defert, juxta quod Verbum caro factum est, anathema sit.* Rursus concilii Constantinopolitani canone nono sic decretum est: *Si quis adorari in duabus naturis dicit Christum, ex quo duæ adorationes introducuntur, seorsim Dei Verbo, et seorsim homini, et non una adoratione Dei Verbum incarnatum cum ejus carne adorat, juxta quod sanctæ Dei Ecclesiæ ab initio traditum est, anathema sit.* Eandem doctrinam ut catholicam adversus Nestorianos tradunt Patres, e quibus Cyrillus in epistola ad ipsum Nestorium: Ita, inquit, Chri-

stum unum Deum et hominem confitemur, non tamquam hominem cum Verbo coadorantes, ne divisionis quædam species inducatur, sed unum tantum, et eundem adorantes, quia non est alienum a Verbo corpus suum, cum quo etiam ipse assidet Patri. Et hæc quidem illi contra Nestorium, cui hæc verba vulgo ferebantur: Propter eum qui hominem induit, eum qui induus est, veneror: propter invisibilem, adoro visibilem. Quibus similia sunt, quæ apud eundem Cyrillum abbi leguntur (Epist. 10 et 29). Propter absconditum adoro eum qui apparuit: in eparabilis est Deus ab eo qui apparuit: quapropter honorem ejus qui non separatur, non separo: naturas separo: adorationem vero unio. Hæc Nestorius. In quibus verbis cum satis evidens detur duarum hypostasicon, seu personarum significatio, cum dicitur propter absconditum adorari eum, qui apparuit: quasi alius sit in Christo absconditus, alius manifestus: id est, alia persona Dei absconditi, alia hominis apparentis: tamen callidissime fingebat vaser ille quamdam adorationis unionem; non quod unam adorationem tamquam unius esse censeret, sed quia unius adorationem ab alterius adoratione distingui nollet, quin scilicet dum adoraretur unus, alter etiam adoraretur, propter arctissimam, ut dicebat, unius cum altero conjunctionem, non tamen hypostaticam et substantialem. Et hoc est quod a Nestorio assertum hoc loco indicat Auctor, Christum non propter se colendum; quasi diceret, Christum hominem non propter se colendum, sed propter Deum inhabitantem, a se personaliter distinctum, licet arctissime conjunctum. Porro ad ampliorem hujus loci elucidationem, sciendum primo, totam hanc doctrinam de Christi adoratione, in duobus articulis consistere, quorum primus est, Christum, seu personam Christi in divina et humana natura subsistentem, adorandam perfectissima illa adoratione latræ: qua tota Trinitas et singule personæ divinx adorantur. Hoc certa fide tenendum esse ex Scriptoris manifestum est. Christus enim de se loquens dicit Joannis v: *Ut omnes honorificent Filium sicut honorificant Patrem.* Et Paulus ad Romanos xiv de Christo exponit illud Isaia xlv: *Mihi curvabitur omne genu:* quod de adoratione soli Deo debita dictum esse, nemo dubitet. Et eodem sensu ad Philippenses ii dicit: *In nomine Jesu omne genu flectatur.* Et Thomas apostolus adorans Christum, dixit: *Dominus meus et Deus meus* (Joan. xx). Et eadem fide cæcus a Christo illuminatus, *procidens adoravit eum* (Joan. ix). Eadem et Centurio, cujus fidem Christus tantopere commendavit (Matt. viii). Ad Hebræos i citat Apostolus illa verba ex psal. xcvi: *Et adorent eum omnes angeli ejus.* Ubi certum est agi de adoratione latræ soli Deo propria. Nam præcessit: *Confundantur omnes qui adorant sculpilia, et qui gloriantur in simulacris suis.* Ubi opponitur idololatria cultui Dei: Et de eodem cultus genere intelligunt Patres adorationem a Magis Christo exhibitam, ut ipsi suis muneribus satis professi sunt (Matt. ii). Denique Apocalypsis v et xxi hoc modo adorant sancti omnes Agnum occisum; atque illi et sedenti in throno simul cantantur ab omnibus: *Benedictio, et honor, et potestas in sæcula sæculorum.* Denique quæcumque probant Christum hominem esse etiam verum Deum, probant ex consequenti ipsum esse adorandum ratione unionis hypostaticæ et communionis idiomatum utriusque naturæ, ut dictum est. Unde Athanasius, Augustinus, et alii Patres scribentes contra Arianos, ex hac adoratione, quam ex Scripturis constat Christo Domino deberi, tamquam ex signo, seu a posteriori, concludunt ipsum esse verum Deum. Secundus articulus, humanitatem Christi simul et eadem adoratione cum Verbo adorandam, hoc est, humanam Christi natu-



non propter se colendum, videlicet quia Deus esset, A sed quia bonis ac piis actibus Deum in se habere meruisset. Ergo vides Pelagianum te virus vomere, Pelagiano te spiritu sibilare. Unde convenit, ut de te non tam judicandum quam judicatum esse videatur: quia cum ejusdem erroris sis, necesse est ejusdem quoque etiam damnationis esse credaris. Ut non dicam illud interim, quod imperiali statuæ Dominum comparans, in tantam sacrilegii impietatem ac blasphemiam prorupisti, ut recte admodum etiam Pelagium ipsum qui pene omnes impietate vicerit, hac amentia vicisse videaris.

## CAPUT III.

Hanc divinitatis participationem quam Pelagiani et B

## ALARDI GAZÆI COMMENTARIUS.

ram, partesque ejus, corpus et animam, non diversa aliqua ab illa, quæ Verbo debetur, adoratione colenda esse, quemadmodum docuerunt Nestoriani; sed eadem prorsus cum ea, quæ Deo exhibetur. Ita docent D. Thomas (in p. q. 25, a. 1 et 2), et alii DD. post Magistrum (Lib. III, dist. 9). Cujus doctrinæ duplex ratio assignatur. Prior est unitas personæ in Christo. Proprie enim honor exhibetur toti rei subsistenti, id est, hypostasi, seu personæ, quæ cum sit unica in Christo, unus quoque honor, sive adoratio toti Christo debetur, ea videlicet quam latriam vocant. Sic enim Augustinus cultum soli Deo debitum, una voce exprimendum censet (Lib. x de Civit. cap. 1). Non ergo seorsim in Christo naturam humanam venerari debemus, sed quatenus est natura Verbi facta: cui proinde cum honorem deferimus, eo ipso Verbum, ejus natura est, veneramur. Sic Augustinus sermone 58 de verbis Domini: *Ego, inquit, Dominicam carnem, immo perfectam in Christo humanitatem propterea adoro, quod a divinitate suscepta, atque Deitati unita est, ut non alium atque alium, sed unum, eundemque Deum et hominem Dei Filium confitear*, etc. Et in psalmum xcvi de Christo exponit illa verba: *Adorate scabellum pedum ejus*, per scabellum, ejus humanitatem intelligens, quem ibi Cassiodorus imitatur. Similiter et Damascenus (Lib. IV Orthod. fid. cap. 3) dicit carnem Christi per se esse inadorabilem; ut autem Verbo conjunctam, simul eadem adoratione coli. *Non enim, inquit, carnem nudam adoramus, sed carnem Dei, id est, incarnatum Verbum*. His accedit concilium Tridentinum (ss. 13 cap. 5 et can. 5), definiens Eucharistie sacramentum, propter divinitatis et humanitatis Christi præsentiam, adorari latria: *Nullus, ait, dubitandi locus relinquitur, quin omnes Christi fideles pro more in catholica Ecclesia recepto, latriæ cultum, qui vero Deo debetur, huic sanctissimo sacramento in veneratione exhibeant: neque enim ideo minus est adorandum, quod fuerit a Christo Domino, ut sumatur, institutum. Nam illum eundem Deum præsentem in eo adesse credimus, quem Pater æternus introducens in orbem terrarum, dicit: Et adorent eum omnes angeli Dei (Psal. xcvi, Hebr. 1). Quem Magi procidentes adoraverunt; quem denique in Galilæa ab apostolis adoratum fuisse Scriptura testatur (Matt. II; Matt. xxviii; Luc. xxiv)*. Hæc ibi. Ex quibus intelligimus in sacramento Altaris non adorari solummodo Christi divinitatem, sed etiam humanitatem, circa quam proxime exercetur adoratio: tractat siquidem sacerdos Domini corpus, non ut hominis tantum, sed ut vere est, ipsius Dei; omnisque illa adoratio non ad Duliam, sed ad Latriam pertinere censenda est. Unde Apostolus dicit eum, qui indigne accipit hoc sacramentum, *reum esse corporis et sanguinis Domini* (I Cor. xi): reum scilicet læsæ

Nestoriani Christo tribuunt, omnibus viris sanctis communem esse.

Ais ergo Christum Θεοδόχον imaginem appellandum, id est, non propter se eum quia sit Deus, sed quia Deum in se suscepit honorandum. Hoc modo ergo nihil inter eum et omnes qui fuerunt sanctos homines esse asseris, quia omnes utique sancti homines Deum in se habuerunt. Siquidem et in patriarchis Deum fuisse, et in prophetis Deum locutum non ignoramus. Omnes denique non dico apostolos, martyres, sed omnes quoque sanctos Dei et servos Dei habere in se Spiritum Dei credimus, secundum illud, *Vos estis templum Dei vivi; sicut Deus dixit, quia habitabo in eis* (II Cor. vi). Et iterum: *Nescitis quia templum Dei estis et Spiritus Dei habitat in vobis* (I Cor. iii)? Et per hoc omnes A Theodochi sunt, ac

divinæ majestatis, ejus cultum et reverentiam in ejus corpore et sanguine, sacrilego contactu et usu violat. Altera ratio est, quod in deferendis honoribus respicitur personæ dignitas: hæc autem æstimatur ex eo, quod est nobilius atque præstantius. Quoniam ergo Christi personæ dignitas in eo potissimum consistit quod Deus sit, in eo honorando hoc debemus attendere, non autem id solum, quod ignobilius est: ideoque qui Christum honoraret tantum ut hominem præterita ejus divinæ majestatis consideratione, is dignitati personæ injuriam potius quam honorem irrogaret, perinde atque si quis episcopum veneretur tantummodo ut artium magistrum. Quo fit etiam ut, quamvis Christus interpellet pro nobis apud Patrem, quia tamen invocatio qua illius opem imploramus honoris officium est, honor autem spectat id quod est in persona præstantius, non recte dicatur Christo: *Ora pro nobis*, sed, *Fili Dei, miserere nobis*. Est præterea notandum, propositionem illam, *Christum non propter se colendum*, esse amphibologiam, et posse habere duplicem sensum: alterum Nestorianum et hæreticum, nempe Christum non propter se colendum, cultu scilicet latriæ, qui soli Deo debetur, et quia non Deus ipse, sed purus homo sit, alius a Deo, ipsi tamen arte conjunctus: ratione ejus conjunctionis non substantialis, sed accidentalis, simul ipse homo cum Deo coleretur, et similis ejusdam venerationis particeps esset. Atque hoc sensu eam propositionem damnaverunt Patres, quia Christum divideret et a Deo separaret, ut patet ex dictis. Alter sensus catholicus et verus: Christum hominem non propter se colendum et adorandum, id est, ratione humanitatis suæ, sed ratione divinæ hypostasis, in qua subsistit humana natura, sive quia idem verus Deus et homo est; ut tota ratio adorationis Christo debitæ, non ex ipsa humanitate, sed ex divinitate eidem unita spectetur: ex qua unione adoratio Christo exhibita, in ipsam humanitatem redundet, eamque pariter comprehendat. Et hoc est, quod dicunt Patres, humanitatem seu carnem Christi adorandam esse, non seorsim consideratam, sed ut unitam Verbo, etc. Proinde cum sic oramus oratione Ecclesiæ, *Anima Christi, sanctifica me*, non postulamus a sola anima tamquam ab auctore sanctificationem, quæ est opus Dei, sed ab ipso Christo, per meritum animæ ipsius: sicut etiam a sanguine ipsius petimus, ut abluat nos, hoc est, ab ipso Christo, per meritum passionis, in qua sanguinem effudit, aut per sacramentum Altaris, sub quo anima et sanguis et caro ejus continentur (Gab. Vasquez in III p., disp. 96, a. 5). At de his satis.

A Theodochi potius quam Theotoci hoc loco legendum admonet ipsa series contextus. Explicat enim qui sunt Θεοδόχοι, Theodochi, id est, susce-



sic hoc modo cunctos admodum Christo similes et Deo pares dicis. Sed absit hæc abominandi erroris impietas, ut facturæ suæ factor, ut famulis suis Dominus, ut terrenæ fragilitati Deus terrestrium et cælestium comparetur; et hæc ei ex beneficiis suis injuria fiat, ut qui habitatione sua dignatur hominem, idcirco idem quod homo esse dicatur.

## CAPUT IV.

*Inter Christum et sanctos quid intersit.*

Quinimmo hoc inter illum interest et sanctos omnes, quod inter habitaculum et habitatorem, quod utique ut habitetur non habitaculi est, sed habitatoris, in cuius scilicet arbitrio est et ædificatio habitaculi et usus; id est, vel ut, cum velit, habitaculum ipsum facere, vel ut, cum fecerit, dignetur habitare. An experimentum quæritis, inquit Apostolus, *eius qui in me loquitur Christus* (II Cor. xiii)? Et alibi: *Nescitis quia Christus Jesus in vobis est? nisi forte reprobi estis* (Ibid.) Et iterum: *In interiore*, inquit, *homine habitare Christum per fidem in cordibus vestris* (Ephes. iii). Vides quid intersit inter doctrinam Apostolicam et blasphemiam tuam? Tu in Christo Deum velut in homine habitare dicis; ille Christum ipsum in hominibus habitare testatur. Quod profecto, ut tu ais, caro et sanguis facere non possunt, scilicet ut ex hoc ipso quo eum Deum tu esse negas, Deus probetur. Nam cum eum qui in homine habitat, Deum non neges, necesse est ut eum quem in hominibus habitare cognoscimus, evidentissime Deum esse credamus. Omnes ergo sive patriarchæ, sive prophetæ, sive apostoli, sive martyres, sive denique sancti

A omnes, habuerunt quidem in se Deum, et omnes filii Dei facti sunt, et <sup>a</sup> omnes Theotoci fuerunt; sed diversa utique multo dissimilique ratione. Omnes enim credentes Deum filii Dei sunt per adoptionem, unigenitus autem tantum Filius per naturam; qui non ex materia aliqui est a Patre genitus, quia omnis res et omnis rerum materia per unigenitum Dei Filium est; non ex nihilo, quia ex Patre; non quasi partus, quia nihil in Deo vacuum atque mutabile; sed ineffabiliter atque inæstimabiliter Deus Pater in his quæ ingenta in se erant, Unigenitum suum genuit; ac sic ab ingenito summo et sempiterno Patre unigenitus summus et sempiternus est Filius, idem habendus in carne qui habetur in spiritu, idem credendus in majestate, quia nasciturus in carne [Lips. in marg. idem credendus in corpore qui creditur in majestate, quia nasciturus in carne]. Non enim divisionem aliquam aut discissionem sui fecit, ut se ex parte aliqua non nascente pars sui aliqua nasceretur; aut aliquid in eo divinitatis postea superveniret, quod in eo natum ex Virgine non fuisset. Omnis enim, juxta Apostolum, <sup>b</sup> *omnis in Christo plenitudo divinitatis habitat corporaliter* (Coloss. ii). Non quia aliquando habitaverit, et aliquando non habitaverit; nec quia postea fuerit, et ante non fuerit. Alioquin ad illam Pelagianæ <sup>c</sup> hæreseos impietatem devolvimur, ut dicamus ex certo tempore habitantem in Christo Deum; tum in eum supervenisse, quando ille vita et conversatione id promeruerit, ut in se virtus divinitatis habitaret. Hominum ergo, hominum sunt hæc, non Dei, ut in quantum humana imbecillitas valet,

## ALARDI GAZÆI COMMENTARIUS.

tores Dei, nempe in quibus, secundum Apostolum, Spiritus Dei inhabitat, tamquam in templo suo; quomodo superius (Lib. iii cap. 15) dixit Christum Theodochon a Nestorio appellatum, *quod Deum in se suscepit*; quo etiam modo omnes sanctos Θεοδόχους, ac per hoc Christo similes, immo pares, impius ille astruebat.

<sup>a</sup> Theodochi, an Theotoci hic legendum sit, ambigua mihi sententia est. Nam ut Theodochi suadere videtur quod eadem verba superius usurparit Auctor: *Omnes Theodochi sunt*, ubi Theodochi potius legi debere monuimus, magis tamen probatur hæc Plantiniana lectio, quæ et Basilensis, ut Theotoci passive hic dicantur homines justī, spiritali regeneratione a Deo geniti, seu ex Deo nati, et Dei filii per adoptionem effecti, quemadmodum statim exponit Auctor: quo itidem modo D. Joannes dicit homines *Dei filios fieri, qui non ex sanguinibus, neque ex voluntate carnis, neque ex voluntate viri, sed ex Deo nati sunt* (Joan. i). Et alibi rursus: *Omnis qui diligit fratrem suum, ex Deo natus est* (I Joan. iv). At Christus Theotocos, uti Protocos, a Deo genitus et primogenitus, non adoptione aut participatione, sed natura et plenitudine divinitatis, ut dictum est. Habemus igitur ex Cassiano tria illa vocabula superius memorata, et in hoc argumento frequentata, Theotocon, id est, Deiparam, quod cæteris usitatus est; Theotocon proparoxytonum, id est, a Deo genitum, vel ex Deo natum ac Dei filium; et Theodochon, id est, Dei susceptorem, vel susceptricem. Neque refert quod superiori capite Theodochi, hic vero Theotoci dicantur viri sancti; utramque enim admittebat Nestorius, nimirum Θεοδόχους et Θεοτόχους esse, quod et Dei susceptores essent, id est, Dei habitacula,

et quod Dei filii, scilicet adoptivi; et utroque nomine eos Christo conferebat, non aliud ipsi proprium ac peculiare reservans, quam excellentiam quamdam præ cæteris ac dignitatis prærogativam.

<sup>b</sup> Corporaliter, id est, substantialiter, et secundum substantiam, non secundum energiam et operationem tantum; vel, corporaliter, id est, vere et non secundum umbram et figuram tantum, sicut in angelis veteris Testamenti personam Dei gerentibus; vel corporaliter, id est, in corpore per unionem hypostaticam; et non in anima tantum, ut in aliis sanctis, quia divina natura unita est non tantum animæ, sed etiam corpori Christi, et ex Verbo divino et humana natura una substantia corporea et visibilis constat. Et hoc modo D. Augustinus per illud, *corporaliter*, idem significatum esse dicit quod illis verbis, *Verbum caro factum est* (Joan. i). Theophylactus: *Habitavit*, inquit, *in eo corporatus, et una substantia cum eo quod assumpsit*. Leo Pontifex: *In Christo habitat omnis plenitudo divinitatis corporaliter*. Totum igitur corpus implet tota divinitas, et sicut nihil deest illius majestatis cujus habitatione repletur habitaculum, sic nihil deest corporis quod non suo habitatore sit plenum. Item alibi: *Cum incorporea sit substantia Dei, quomodo corporaliter in Christo habitat, nisi quia caro nostri generis facta est caro Deitatis?* etc.

<sup>c</sup> De qua lib. i (Cap. 3), ubi Pelagianorum errores recenset: *Addiderunt quoque, inquit, Dominum Salvatore nostrum post baptismum factum esse Christum; post resurrectionem, Deum; alterum assignantes unctionis mysterio, alterum merito passionis*. Hæc ibi. Fuit idem error Photini antiquioris hæresiarchæ, a quo Pelagiani acceperunt, ut cap. præcedenti ejusdem libri est annotatum ex Epiphanio et aliis.



Deo se humilient, Deo subdant, Dei se habitaculum A  
faciant, et habere hospitem atque habitorem Deum  
fide et pietate mereantur. Quia prout quis idoneus  
munere Dei fu-rit, ita eum divina gratia muneratur.  
Prout si quis dignus putatur Deo, ita Dei fruitur ad-  
ventu, secundum illam Domini promissionem : Si  
quis diligit me, sermonem meum servabit; et ego et  
Pater meus veniemus ad eum, et mansionem apud  
eum faciemus (Joan. xiv). Longe autem alia de Christo  
res atque ratio est, in quo omnis plenitudo divinitatis  
habitat corporaliter, et qui ita divinitatis plenitudi-  
nem in se habet, ut cunctis de sua plenitudine lar-  
giatur; qui inhabitante in se divinitatis plenitudine,  
ita ipse in singulis sanctorum habitat, prout eos di-  
gnos suo putarit habitaculo, et ita omnibus de pleni-  
tudine sua tribuit ut ipse in plenitudine sua jugiter  
perseveret; qui utique etiam cum in corpore suo in  
terra esset, animabus tamen sanctorum omnium  
inerat, cœlos, terras, mare, omnem denique univer-  
sitate infinitate potentiae suae ac majestatis imple-  
bat; et ita totus in seipso erat, ut eum tamen mundi  
universo non caperent. Quia quamlibet magna sint et  
ineffabilia quæ facta sunt, nulla tamen tam capacia et  
immensa sunt, quæ ipsum possint capere factorem.

#### ALARDI GAZÆI COMMENTARIUS.

\* De homine Dominico, et an Christus dici debeat  
homo Dominicus, dictum est alio loco (Ad collat.  
11 cap. 15). Et satis mirum est Cassianum, cum in  
his libris contra Nestorium ex professo agat, non ab-  
stinuisse ab hac phrasi, quæ Nestorio favere, et  
duas hypostases, duo supposita in Christo innuere  
videtur. Et quamvis etiam alii Patres, præsertim  
D. Augustinus, interdum hac locutione usi legantur;  
tamen ipse Augustinus eam postea retractans, sibi  
displicuisse declarat, ut suo loco ostendimus : cujus  
retractionem secutus D. Thomas (Part. iii, q. 16,  
a. 3), negat simpliciter hanc locutionem esse usur-  
pandam; quia Dominicus dicitur denominative a Do-  
mino, et supponit distinctionem a Domino; quare  
cum Christus ipse sit Dominus, non debet homo  
Dominicus appellari. Nam per hoc indicatur error  
Nestorianus et distinctio personarum. Unde et D.  
Gregorius Nazianzenus oratione 51 refert Apollina-  
ristas illa voce uti solere; ipse vero subdit : Ne ho-  
mines isti alios decipiant, vicissimque ipsi decipiantur,  
hominem Dominicum, ut ipsi loquuntur, vel potius  
Dominum et Deum nostrum meritis expertem esse asse-  
rentes. Neque enim hominem a divinitate separamus,  
sed unum et eundem confitemur. Ubi Elias Cretensis :  
Perquam caute, inquit (tamquam videlicet non citra  
errorem Dominicus dictus sit, idque divisionis sus-  
picionem inducat), et hæc verba adjunxit, ut ip-  
si aiunt, et item correctionem hanc, vel, ut rectius lo-  
quamur, Dominum ac Deum nostrum. Dominus enim  
in totum, ac Deus Christus est, non autem Domini-  
cus homo. Hæc enim Apollinaristæ nugabantur;  
tamquam alius atque alius esset, nempe Dominus et  
conspiciendus ille homo. Sic ipse. Quatenus tamen hæc  
locutio excusari possit, et quo sensu interdum a Pa-  
tribus usurpetur, habes alibi in notis explicatum  
(Vide Suarez in iii part. ubi supra). Vide, si lubet,  
Rufinum in Apologia pro Origene, circa finem.

† Locus Isaie difficilis et obscurus : Quare notan-  
dum in primis, quod Septuaginta Interpretes (ut  
refert Hieronymus) hanc sententiam omnino præ-  
termiserunt, quod et Basilii in hunc locum scribens

#### CAPUT V.

Christum ante ortum temporalem Deum semper a  
prophetis appellatum fuisse.

Iste ergo est de quo propheta dicit : Quoniam in  
te est Deus, et non est præter te Deus. Tu es enim  
Deus noster, et nesciebamus, Deus Israel Salvator  
(Isaie xlv); qui in terris utique postea visus est, et  
cum hominibus conversatus est (Baruch iii). De quo  
etiam David propheta ex persona ipsius dicit : De  
ventre matris mæ Deus meus es tu (Psalm. xxi), os-  
tendens utique quod numquam a homo ille Domini-  
cus sine unitate Dei fuerit, in quo in ipso statim  
Virginis utero plenitudo divinitatis habitaret. Sicut  
et alibi idem propheta, Veritas, inquit, de terra orta  
est, et justitia de cælo prospexit (Psalm. lxxxiv), ut  
intelligeremus scilicet prospiciente e cœlis Filio Dei,  
id est, adveniente ac descendente, justitiam natam  
esse e carne Virginis; non phantasiam corporis, sed  
veritatem. Ipse est enim veritas, secundum illud  
ipsius testimonium Veritatis : Ego sum veritas, et vita  
(Joan. xiv). Ergo quia anterioribus libris veritatem  
hanc, id est, Dominum Jesum Christum natum ex  
Virgine Deum probavimus, nunc, ut libello abhinc  
proximo instituimus, eum qui ex Virgine nasciturus  
esset semper Deum prænuntiatum esse doceamus.  
Ait itaque Isaia propheta : † Quiescite ab homine,

attestatur. Unde discimus editionem Græcam, quæ  
nunc circumfertur, non esse Septuaginta Interpre-  
tum, aut certe non esse puram, sed alicubi auctam  
vel mutatam (Vide Bellarminum Lib. ii de Verbo Dei  
cap. 6); quod et Justinus in dialogo cum Tryphone,  
et Hieronymus præfatione in Paralipomenon et alibi  
affirmant. Siquidem in omnibus exemplaribus tam  
Græcis quam Latinis hæc sententia reperitur inte-  
gra, et cæteri interpretes, præter Septuaginta, eam  
reddiderunt, licet aliter quam noster interpretes.  
Aquila enim qui vetus Testamentum ex Hebræo in  
Græcum transtulit, posteriorem partem ita reddidit :  
Quia in quo reputatus est? quasi dicat : in nullo.  
Pagninus, qui ex Græco in Latinum vertit, sic edi-  
dit : Quid enim reputationis est ipse? Hæreticus in-  
terpres Munsterus hoc modo : Quid enim ille reputa-  
tur? Solus D. Hieronymus eo modo interpretatus  
est, ut habet Latina et Vulgata versio, quam hoc  
loco, ut veriore et evidentiore, magis probat et  
commendat Cassianus, qui tamen alibi frequenter  
Græcam versionem Septuaginta sequitur, ut videre  
est in indice locorum hujusmodi ab ipso citatorum.  
Secundo notandum etiam, ex Hieronymo, vocabu-  
lum Hebraicum Bamahesse ambiguum : interdum  
enim significat excelsum, interdum, in quo. Hæctor  
Pintus in hunc locum commentans : Hæc dictio,  
inquit, Bamah, significat excelsum; in quam signifi-  
cationem accipitur I Reg. ix : Antequam ascendat ex-  
celsum. Et in Psalmo : Et super excelsa statuens me  
(Psalm. xvii). Et aliis in locis. Quam significationem  
in præsentia secutus est, et recte quidem, divus Hiero-  
nymus, qui ita transtulit, ut est in Vulgata editione.  
Sed quoniam mah significat quid, et ba significat in,  
existimavit Aquila hoc in loco duas esse dictiones, qua  
ratione adductus transtulit, in quo, dicens : Quia in  
quo reputatus est ipse? Ita Pintus. Tercio hanc Aquilæ  
interpretationem, ut Judaicam et malitiosam  
(cui affinis est illa Pagnini et altera Munsteri), gra-  
viter refutat D. Hieronymus, et suam simul aperit  
sententiam his verbis : Intelligentes ergo Judæi pro-  
phetiam esse de Christo, verbum ambiguum in deterio-



cujus spiritus in naribus ejus, quia in quo reputatus est ipse, vel, ut verius atque evidentius <sup>a</sup> in Hebræo est, quia *Excelsus reputatus est ipse* (Isaïæ II). Pulchre autem dicens, *quiescite*, verbo vim prohibentis inquietudinem persecutionis expressit. *Quiescite*, inquit, *ab homine* *cujus spiritus in naribus ejus, quia Excelsus reputatus est ipse*. Numquid non una eademque sententia et humani corporis susceptionem et Dei locutus est veritatem? *Quiescite*, inquit, *ab homine*, *cujus spiritus in naribus ejus, quia Excelsus reputatus est ipse*. Nonne tibi, quæso, palam alloqui persecutores Domini videtur, dicens, *Quiescite ab homine* quem persequimini, quia hic homo Deus est? Et licet in humilitate humanæ carnis appareat, in celsitudine tamen divinæ magnificentiae perseverat. Bene autem dicens propheta, *Quiescite ab homine* *cujus spiritus in naribus ejus*, certissima humani corporis significatione hominem demonstravit. Intrepide utique ac fiducialiter, utpote qui tam con-

A stanter veritatem hominis assereret quam Dei, quia hæc fides vera est et catholica credere Dominum Jesum Christum ita substantiam veri corporis sicut veritatem perfectæ divinitatis habuisse. Nisi forte in illo aliquid ambigendum putes, quia <sup>b</sup> *Excelsus* pro Deo posuit; cum utique hic mos Scripturæ sacræ sit *Excelsus* pro Deo dicere, sicut illud prophetæ, *Dedit vocem suam Excelsus, et mota est terra* (Psalm. XLV). Et, *Tu solus Excelsus super omnem terram* (Psalm. LXXXII). Isaïas quoque, qui hæc dicit: *Excelsus et sublimis habitans æternitatem* (Isaïæ LVII). In quo manifeste intelligendum est: cum illic *Excelsus* sine ulla adjectione Dei posuerit, quod etiam hic Deum in *Excelsi* nomine nuncupavit. Ergo quia evidenter per prophetam sermo divinus Dominum Jesum Christum et hominem et Deum prænuntiavit, videamus an veteribus testimoniis etiam nunc conveniant et concordent nova.

### ALARDI GAZÆI COMMENTARIUS.

rem partem interpretati sunt, ut viderentur non laudare Christum, sed nihili pendere. Quæ est enim verborum consequentia, et qui ordo rationis ac sensus, ut dicamus: Cum hæc ita se habeant, et dies ventura sit Domini, in qua universus Judææ status subvertendus est et omnia conterenda, moneo vos atque præcipio, ut quiescatis ab homine qui ita spirat ac vivit ut nos homines, quia in nihilo computandus est? Quisquamne hominum ita quempiam laudet, ut dicat: Cavete ne offendatis eum qui omnino nihil est? Ergo econtra sic intelligendum: Cum hæc universa ventura sint vobis, et prophetali spiritu prædicantur, moneo atque præcipio ut quiescatis ab eo qui secundum carnem quidem homo est, et habet animam, et ita spirat et naribus halitum trahit ut nos homines spiramus et vivimus; sed secundum divinam majestatem excelsus et est, et reputatur, et creditur. Tacita mecum mente pertractans, non possum invenire rationem quare Septuaginta tam perspicuam de Christo prophetiam in Græcum noluerint vertere. Cæteri enim, qui verterunt quidem, sed sermonem ambiguum ad impietatis traxere sensum, non mirum cur male interpretati sint, nec voluerint de Christo gloriosum quid dicere, in quem non credebant, videlicet ut Judæi, aut semijudæi, id est, Ebionitæ. Hucusque D. Hieronymus. Et hæc prima expositio horum verborum, quam hic secutus est Cassianus, ut patet ex decursu hujus capituli. Alii paulo aliter sic exponunt: Cavete offendere aut injuria afflicere hominem illum, nempe Messiam venturum, quia spiritus in naribus ejus, id est, quia iram suam vobis manifestabit, et magno spiritu in vos desæviet, ut solent homines irati magnos spiritus et flatus ex ore et naribus effundere. Unde et de diabolo furente dicitur: *De naribus ejus procedit fumus, sicut ollæ succensæ atque ferventis* (Job. XLI). Sic Pintus: *Habere, inquit, spiritum in naribus, est iratum esse. Dicens, Quiesce ab homine, ostendit Christi humanitatem. Dicens autem, Quia excelsus reputatus est ipse, ostendit ejus sanctissimum nomen. Ac si diceret: Videte ne Christum contemnatis verum Deum, et verum hominem, qui iratus poterit vos facile perdere, et omniæ vestram rempublicam labefactare, et penitus extinguere.* Sic ipse, qui tamen et alteram offert expositionem D. Hieronymi superius relata. Tertia expositio est D. Gregorii lib. XXXI Moraliū cap. 21: *Naribus quoque, ait, præscientia designatur, sicut per prophetam dicitur: Quiescite ab homine, cujus spiritus est in naribus ejus, quia excelsus*

*reputatus est ipse.* Sæpe enim id quod non videmus, odore comprehendimus; ita ut nonnullæ res etiam cum longe jaceant, fragrantia nobis suæ qualitatis innotescant, dumque per nares spiritum ducimus, plerumque aliqua et invisæ perspicimus. Redemptoris ergo nostri spiritus esse in ejus naribus dicitur, ut videlicet scientia illius esse in præscientia designetur; quia quæcumque se scire in natura humanitatis innotuit, hæc nimirum ante sæcula ex divinitate præscivit. Qui unde spiritum in naribus habuerit, mox per prophetam subjunxit dicens: *Quia excelsus reputatus est ipse.* Ac si diceret: *In inferioribus ventura præscivit, quia ad ima de cælestibus venit.* Hæc Gregorius.

<sup>a</sup> Sic D. Hieronymus vertit ex Hebræo, et subdit in Commentario: *Quod autem Christus Excelsus sit, vel Altissimus, qui alio sermone apud Hebræos appellatur Elion, in octogesimo sexto psalmo legimus: Numquid Sion dicet, homo et homo natus est in ea, et ipse fundavit eam Altissimus? Et in Evangelio: Et tu puer propheta Altissimi vocaberis. Ac ne longum funem traham, bama, apud Hebræos, non excelsus dicitur, sed excelsus, id est, ipsa altitudo, atque sublimitas; quasi si de aliquo dicamus; non est divinus, sed divinitatio; non est rivus, sed fons; non est homo, sed ipsa humanitas.*

<sup>b</sup> Est enim Excelsus, alias Altissimus, nomen proprium solius veri Dei, D. Hieronymo assertore in epistola 136 ad Marcellam. Nam in psalmis quos hic citat Auctor, non Excelsus, sed Altissimus legitur in Vulgata editione. Porro hoc nomen tribuitur Christo a Davide psalmo LXXXVI, ut modo dictum est. Unde idem Hieronymus ibidem Arianos, perinde ac Cassianus Nestorianos, hoc loco exagitans: *Respondent, inquit, Ariani, quoniam dicunt Altissimum solum Patrem esse. Ecce hic de Filio dicitur: Et ipse fundavit eam Altissimus. Non dixit: Filius Dei, qui erat a principio apud Patrem; sed quid dixit? Homo natus est in ea, et ipse fundavit eam Altissimus. Si autem Altissimus, quanto magis Verbum Dei?* Hæc Hieron. Idem nomen etiam Christo tribuit Zacharias Lucæ I teste Beda in Commentario, et verba ipsa satis aperte hoc significant: *Tu, puer, propheta Altissimi vocaberis; præbis enim ante faciem Domini parare vias ejus. Ubi Joannes dicitur futurus propheta Altissimi, quia præbit ante illum parare vias ejus: prævit autem ante Christum, non ante aliquem alium, ut notum est.*



## CAPUT VI.

*Eandem doctrinam novi Instrumenti testimoniis illustrat.*

<sup>a</sup> Quod fuit, inquit apostolus Joannes, a principio, quod audivimus, quod vidimus oculis nostris, quod perspeximus, <sup>b</sup> et manus nostræ palpaverunt de Verbo vitæ, et vita manifestata est; et vidimus, et testamur, et annuntiamus vobis vitam æternam, quæ erat apud Patrem, et apparuit nobis. Vides quemadmodum vetera recentibus roborentur, et antiquam prænuntiationem novæ prædicationis confirmatio consequatur? Isaias dixit: *Quiescite ab homine, cujus spiritus in naribus, quia Excelsus reputatus est ipse (Isaiæ II).* Ipse Joannes autem, Quod fuit, inquit, a principio, quod audivimus, quod vidimus oculis nostris, quod B perspeximus, et manus nostræ palpaverunt. Ille persequendum a Judæis hominem esse dixit, hic palpatum hominem humanis manibus prædicavit. Ille eundem quem hominem annuntiarat, Deum excelsus esse prædixit; hic eum quem palpatum ab hominibus esse docuit, Deum in principio semper fuisse memoravit. Ergo evidentissimum est quod ambo Dominum Jesum Christum et hominem manifestarunt et Deum, quia eundem postea hominem quem semper Deum, ac per hoc hominem et Deum, quia hominem ipsum Deum. Quod fuit ergo, inquit, in principio [Lips. in marg. a principio], quod audivimus, quod vidimus oculis nostris, quod perspeximus, et manus nostræ palpaverunt de Verbo vitæ, et vita

ALARDI GAZÆI

<sup>a</sup> Exordium primæ Epistolæ B. Joannis apostoli, in quam exstat peculiaris tractatus sive commentarius D. Augustini tomo IX Operum ejus. Scite D. Thomas quærit cur non more aliorum apostolorum epistolæ scribentium, et aliarum duarum ejusdem Joannis Epistolarum, hic non præmiserit salutationem. Respondet, ut initium Epistolæ suæ initio Evangelii sui concordaret, ubi dicitur: *In principio erat Verbum, etc.*, ut sic appareat eundem scriptorem Evangelii et Epistolæ, et quasi hoc operi Evangelii præcedenti continuaret. Sic ipse. Admonet deinde constructionem hujus textus sic debere ordinari: *Nos apostoli, et vidimus, et testamur, et annuntiamus vobis illud quod fuit ab initio, id est, æternaliter, scilicet Verbum Dei. Et addit: Tria tempora sunt, præteritum, præsens et futurum. In his, quod perfectionis est, Deo convenit; quod imperfectionis, non. Præteritum vero de Deo dicitur, propter perfectionem, præsens propter actualitatem, futurum propter durationem. Alias vero nullum tempus de Deo convenienter dicitur: nec præteritum, quia non est; nec præsens, quia transit; nec futurum, quia nondum est. Hæc S. Thomas.*

<sup>b</sup> D. Augustinus in hunc locum: *Quis est qui manibus tractet Verbum, nisi quia Verbum caro factum est, et habitavit in nobis? hoc autem Verbum, quod caro factum est, ut manibus tractaretur, cæpit esse caro ex virgine Maria, sed non tunc cæpit Verbum, quia quod erat ab initio dixit. D. Thomas hinc sumit argumentum quod non solus Thomas apostolus palpatum latus et vulnera Christi, sed et alii, inquit, secundum Glossam. Quod et significat Auctor inferius, ubi ait: *Palpatum quoque, id est, tactum atque tractatum tam suis quam cæterorum manibus.**

<sup>c</sup> De his actum superius. Fuit autem hæc antiqua hæresis prope tempora apostolorum exorta, Filium

A manifestata est; et vidimus, et testamur, et annuntiamus vobis vitam æternam, quæ erat apud Patrem, et apparuit nobis. Vides quot indicis, quot modis, quam variis, quam multiplicibus dilectissimus ille ac devinctissimus [Lips. in marg. devotissimus] Deo apostolus sacramentum divinæ incarnationis insinuet? Jam primum quod eum qui in principio semper fuerit, visum in carne esse testatur. Deinde ne id quod auditum ac visum dixerat parum incredulis videretur, palpatum quoque, id est, tactum atque tractatum tam suis quam cæterorum manibus confirmavit. Bene utique per manifestationem assumptæ carnis, <sup>c</sup> opinionem Marcionitarum ac Manichæi errorem excludens; ne quis phantasiam ab hominibus visam crederet, cum palpatam corporis veritatem a se apostolus prædicasset. Deinde addit Verbum vitæ et vitam manifestam, hoc se vidisse, hoc annuntiare, hoc protestari, simul scilicet et exsequens officium fidei, et ingerens terrorem incredulitati, ut cum ille utique protestatur se prædicare, sibi imputaret periculum suum qui noluisset audire. *Annuntiamus vobis, inquit, vitam æternam, quæ erat apud Patrem, et apparuit nobis:* hoc quod apud Patrem semper fuit, hominibus apparuisse; hoc quod in principio semper fuit, ab hominibus visum esse; hoc quod Verbum vitæ sine exordio erat, palpatum humanis manibus docuit esse. Vides quot modis, quam variis, quam multiplicibus, quam individuis, quam apertis ita sacramentum unitæ cum Deo carnis exposuit, ut nemo alterutrum dicere omnino possit,

COMMENTARIUS.

C Dei non in vero corpore, sed phantastico et umbratili apparuisse; hoc est, non carnem nostræ similem assumpsisse, sed phantasma dumtaxat, et nihil nisi inane spectrum humanis aspectibus obiectum. Hujus erroris primus auctor Cerdon, ut refert Tertullianus lib. de Præscript. Hæret. cap. 54, Augustinus lib. de Hæresibus, hæresi 24. Idem postmodum docuit Marcion ejus discipulus, contra quem Tertullianus multa scripsit (Lib. de Carne Christi et lib. IV contra Marcionem). Irenæus item lib. I adversus hæreses cap. 29, Epiphanius hæresi 42, Ambrosius lib. de Incarnationis Dominicæ mysterio, Augustinus hæresi 22 et alibi sapias. Marcioni successit Apelles ejus discipulus, qui quod attinet ad carnem Christi, cum suo magistro non omnino eadem sensit; fatebatur enim veram carnem in Christo, sed eam sumptam ex elementis asserebat, non autem ex Virgine, et ideo Christum in passione sui elementis eam reddidisse. Ita narrant Philaster in libro de Hæresibus, et Augustinus lib. de Hæresibus, cap. 28. Cum Marcione autem et aliis convenerunt Manichæi hæretici, sic dicti a Manete quodam, natione Persa, sive a Manin, ut ait D. Augustinus lib. de Hæresibus, cap. 25. Eundem errorem postea docuerunt in Hispania Priscillianus episcopus Abulensis, et discipuli ejus dicti Priscillianistæ, tempore Leonis primi pontificis, qui prædictum errorem in eis damnat epistola 93 ad Turibium. Damnatur idem error in concilio Lateranensi (Cap. 4 et 17) sub Innocentio tertio, et refertur in capitulo Firmiter (Lib. I Decretalium), de summa Trinitate et fide catholica, et in omnibus conciliis in quibus definitur tur duæ naturæ in una persona Christi. De quibus supra. Vide Alphonsum a Castro, verbo *Christus*, hæresi 2.



qui non utrumque memoraret. Quod ipse quoque Apostolus alibi evidentissime : *a* *Jesus enim, inquit, Christus heri et hodie, ipse et in sæcula (Hebr. xiii).* Hoc est illud utique quod superiore testimonio dixit : quod erat a principio, hoc manus nostræ palparerunt. Non quia palpari spiritus per se possit, sed quia Verbum scilicet caro factum in homine quodammodo cui unitum fuerat palpabatur. Et ideo idem Jesus *heri et hodie*, id est, idem ante exordium mundi qui in carne; idem in præterito, qui in præsentī; idem quoque etiam in sæcula, quia idem per omnia, qui ante omnia. Et hoc totum Dominus Jesus Christus.

## CAPUT VII.

Rursum ostendit ex conjunctione duarum in Christo naturarum in unam personam, ea quæ divinæ naturæ competunt, homini; et quæ humanæ, Deo recte accommodari.

Et quomodo idem ante mundi ortum, qui nuper

## ALARDI GAZEI COMMENTARIUS.

*a* Cyrillus Alexand.: Verbum, inquit, quod ex Deo gignitur, tunc demum Jesu Christi appellationem sortitum comperimus, cum ex muliere factum est homo. Sed quomodo idem est et heri, et hodie, et in sæcula? non alia utique ratione, quam carnis, quam assumpsit, cum Dei Verbo conjunctione, ejusdemque ad unum Filium relatione. Hac namque consideratione, etiamsi ut carne indutus est animo concipiatur, suam nihilominus naturalem stabilitatem integram semper retinet. Plures alias expositiones hujus sententiæ videre est apud F. Riberam, ab ea quæ hic subjicitur nonnihil diversas. Huic tamen consentanea est aut certe affinis expositio D. Arselmi, quam idem refert his verbis (In Commentario Epist. ad Hebræos): *Heri, inquit, omne præteritum tempus et omne spatium æternitatis quod ante mundi originem fuit significat; hodie, omne præsens tempus; illud autem, ipse et in sæcula, omne spatium temporis et infinitatis quod futurum est. Itaque Jesus Christus fuit heri, quia in principio erat Verbum, et ab æterno usque ad nostra tempora ipse est; hodie quoque, id est, in nostro tempore erit et in sæcula, quia æternaliter manebit. Unde et Apocalypsis primo de eo dicitur: Qui erat, et qui est, et qui venturus est, id est, qui futurus est per omnia sæcula.* Sic Anselmus, cujus expositionem amplexus videtur D. Thomas, cum in commentario hujus loci ita concludit: *In hoc ergo ostendit Apostolus æternitatem Christi.* Gagneus in eundem locum: *Jesus Christus heri et hodie, idem ipse permanebit in sæcula, id est, idem est qui ab æterno fuit, hoc significat heri; qui nunc est, hoc significat hodie, et in sæcula, qui permanebit in æternum.* Bellarminus paulo brevius (Lib. 1 de Christo cap. 8): *Jesus Christus heri, et hodie et in sæcula, id est semper fuit, semper est, et semper erit.* Similis est locus Hebr. vii: *Neque initium dierum, neque finem vitæ habens.* Et Joannis v: *Hic est verus Deus, et vita æterna.* Nam si Christus vita æterna est, non potest non fuisse atque esse etiam ipse æternus, ac proinde verus Deus, quod intendit Auctor.

*b* Propter omnimodam, ait Chrysostomus, similitudinem et æqualitatem, Filium vocat imaginem. Christus enim ut Dei Filius, dicitur imago Patris, quia Patri per omnia similis, Patrem perfectissime representans (Vide S. Thom. 1 p., q. 57, art. 2), sicut ipse dicit: *Qui videt me, videt et Patrem (Joan. xiv).* Est autem invisibilis hic genitivi casus, et refertur non ad imaginem, sed ad Deum Patrem, ut patet ex Græco ἀόρατος. Unde abutebantur Ariani hoc loco, dicentes hoc nomen invisibilis, soli Deo Patri convenire, non Filio, proinde Filium non esse verum Deum, cum invisibilis, inter alia, sit proprium

A ortus? scilicet quia idem in homine nuper ortus, qui ante ortum omnium Deus. Et ideo Christus totum nominatur quod Deus, quia tanta est Christi et Dei unitas, ut nemo utique jam omnino possit vel Christum dicens non Deum in Christi nomine dicere, vel Deum dicens non Christum in Dei nomine nuncupare. Ac sic unito sibi penitus per majestatem sacre nativitatis utriusque substantiæ sacramento, quidquid erat, scilicet homo et Deus, factum est totum Deus. Unde Apostolus Paulus videns revelatis fidei oculis totum in Christo inexplicabilis majestatis arcanum, ita locutus est, invitans ad referendam Deo gratiam, agnoscentes beneficia Dei populos: *Gratias, inquit, agentes Patri, qui dignos nos fecit portione sortis sanctorum in lumine, qui eripuit nos de potestate tenebrarum, et transtulit in regnum Filii dilectionis suæ, in quo habemus redemptionem per sanguinem ipsius, remissionem peccatorum; b* qui est

nomen Dei, juxta illud Apostoli: *Immortali, invisibili, soli Deo honor et gloria (I Timoth. i).* At responderunt Patres Filium dici, et esse perfectissimam imaginem Dei invisibilis, quia etiam ipsa imago est invisibilis; est enim simillima ipsi exemplari, et proinde omnino talis quale ipsum. Unde ad Hebræos dicitur *splendor gloriæ, et figura substantiæ ejus, supple, Patris; id est, omnimoda similitudo, et expressa, eaque non accidentaria, sed substantialis; non imitatoria, sed naturalis: imitatoria enim imago non est ejusdem cum exemplari suo essentiæ; proinde sic est Christus imago Dei invisibilis, ut sit et ipse invisibilis, sicut Pater, ait S. Thomas.* Quod enim invisibilis etiam Filio perinde ac Patri conveniat, quia nimirum secundum suam Deitatem videri non potest, nisi se ipse manifestet, quod soli Deo proprium est, patet Matthæi undecimo, ubi dicitur: *Nemo novit Filium nisi Pater; neque Patrem quis novit, nisi Filius, et cui voluerit Filius revelare.* Et Apocalypsis xix: *Et nomen habet scriptum, quod nemo novit, nisi ipse, et nomen ejus est Verbum Dei.* Unde colligitur Verbum Dei esse quid invisibile, quando solus ille, qui est Verbum Dei, novit quid hoc sit; nec tamen excluduntur Pater et Spiritus sanctus, qui eandem cum Verbo essentiam et scientiam habent. Observat præterea S. Thomas (In Comment. ad Coloss. 1) in illis verbis Apostoli, quæ hic citantur, triplici ex capite seu triplici comparatione commendari ac prædicari Christi dignitatem et excellentiam, quod etiam ad hunc locum et scopum Auctoris spectat. Primo respectu Patris, seu comparatione ad Patrem, cujus est imago perfectissima, sique ad vivum expressa, ut eandem numero et totam ejus complectatur essentiam et naturam. Secundo respectu creaturarum in genere, cum dicitur, *Primogenitus omnis creaturæ*, id est, ante omnem creaturam genitus, ut Chrysostomus interpretatur: non quia sit prima creatura, ut volebat Arius, vel quod creaturam de se postea Pater genuerit, sed sicut secundum humanitatem primogenitus Mariæ dicitur, non quod alios de se postea Virgo genuerit, sed quia non alium ante ipsum genuit; et quia mos est Scripturæ primum pro uno sumere, ut idem sit primogenitus ac unigenitus; quæ de re infra latius (Ad lib. vi cap. 18). Vel, secundum S. Thomam, *primogenitus omnis creaturæ* dicitur, quia sic a Patre genitus, ut Verbum mente conceptum representans omnem creaturam, et ut principium omnis creaturæ. Unde Apostolus explicans quod dixerat, mox subdit: *Quoniam in ipso condita sunt omnia, etc. In ipso, id est, per ipsum, ut dicitur Joannis primo: Omnia per ipsum facta sunt, Vel in*



*imago Dei invisibilis, primogenitus universæ creaturæ; quia in ipso condita sunt universa in cælis et in terra, visibilia et invisibilia, sive throni, sive dominationes, sive potestates: omnia per ipsum et in ipso creata sunt, et ipse est ante omnes, et omnia in ipso constant. Et ipse est caput corporis Ecclesiæ, qui est principium; primogenitus ex mortuis, ut sit in omnibus ipse primum tenens; quia in ipso complacuit omnem plenitudinem habitare, et per ipsum reconciliare omnia in ipsum, pacificans per sanguinem crucis ejus, sive quæ in cælis, sive quæ in terris sunt (Coloss. 1). Numquid et hæc aliqua interpretationis adjectione indiget, cum ita copiose et evidenter expressum sit, ut in se non solum rerum fidem, sed etiam expositionis habeat claritatem? Gratias enim agere nos Patri jubet, magna utique causæ gratiæ adjecta, quia dignos nos fecerit portione sanctorum, et ereptos de potestate tenebrarum transtulerit in regnum Filii dilectionis suæ, in quo habeamus redemptionem et remissionem peccatorum; qui sit imago Dei invisibilis, primogenitus universæ creaturæ; quia in ipso ac per ipsum creata sint omnia, quorum utique sicut factor ipse, ita etiam gubernator sit. Et quid post hæc? *Ipsa est, inquit, caput corporis Ecclesiæ, qui est principium, primogenitus ex mortuis.* Resurrectionem quasi generationem Scriptura nominat; quia sicut generatio vitam creat, ita resurrectio generat ad vitam. Unde etiam resurrectio ipsa regeneratio nuncupatur, secundum illud Domini testimonium: *Amen dico vobis, quod vos qui secuti estis me, in regeneratione cum sederit Filius hominis in sede majestatis suæ, sedebitis et vos super sedes duodecim judicantes duodecim tribus Israel (Matth. 19).* Ergo primogenitum ex mortuis eum dicit, quem superius invisibilem Dei Filium atque imaginem prædicavit. Quis autem imago invisibilis Dei, nisi unigenitus, Verbum Dei? et quomodo is resurrexisse ex mortuis dicitur, qui imago ac Verbum Dei invisibilis nominatur? Et quid tamen adhuc additur? *Ut sit, inquit, ipse primum tenens,**

*quia in ipso complacuit omnem plenitudinem habitare, et per ipsum reconciliare omnia in ipsum, pacificans per sanguinem crucis ejus, sive quæ in cælis, sive quæ in terra sunt. Numquid indiget primatu universorum Creator omnium? aut primatu eorum quæ a se facta sunt, ipse qui fecit? Aut numquid dici de Verbo potest quod in eo qui sit primogenitus ex mortuis complacuerit omnem plenitudinem habitare, quæ utique unigenitus Filius Dei, Verbum Dei ante universa rerum exordia, Patrem invisibilem in se habens, ita prius omnem plenitudinem in se habuit, ut esset ipse omnium plenitudo? Et quid postremo? Omnia, inquit, pacificans per sanguinem crucis ejus sive quæ in terra, sive quæ in cælis sunt. Manifestavit utique apertissime de quo diceret, quem primogenitum ex mortuis nominasset. Numquid enim per Verbi aut Spiritus sanguinem reconciliata ac pacificata sunt omnia? Non utique. Neque enim in naturam cadere impassibilem res ulla potuit passionis, aut fundi sanguis valuit nisi hominis, aut non ori alter quam homo; et tamen idem qui in sequentibus mortuus dicitur, superius imago Dei invisibilis prædicatur. Quomodo ergo et hoc? scilicet quia id omnimodo ab apostolis cautum est, ne aliqua videretur in Christo esse divisio, et unitus in filio hominis Filius Dei inciperet per erraticas interpretationes duas habere personas, ac per pravas atque impias opiniones qui esset scilicet in se unus duplex fieret in nobis. Et ideo pulchre ac mirabiliter ab ipso unigenito Filio Dei usque ad unitum Filio Dei filium hominis prædicatio apostolica descendit; ut sicut ipse rerum ordo, ita etiam doctrinæ sermo decurreret. Ita cuncta inseparabili connexionione et quasi quodam ponte continuans, ut sine ulla penitus divisione et intervallo eum quem in principio mundi legeres, in fine temporis invenires, neque ulla omnino distractione impiæ discessionis admissa unum in carne atque alium in spiritu Filium Dei crederes; cum ita apostolicum magisterium, Deum pariter atque hominem per sacramentum*

## ALARDI GAZÆI COMMENTARIUS.

ipso, tamquam in exemplari, archetypo et prototypo. Tertio ex comparatione ad Ecclesiam universam, cum dicitur: *Et ipse est caput corporis Ecclesiæ, qui est principium, etc.* Sic ad Ephesios 1: *Et ipsum dedit caput supra omnem Ecclesiam, quæ est corpus ipsius et plenitudo ejus.* Supra omnem Ecclesiam, militantem scilicet in terris, et in cælis triumphantem, quæ secundum Augustinum (*In Enchirid.*) etiam angelos complectitur. Unde concludit Apostolus Christum in omnibus primum tenere: sive ut Deus, sive ut homo consideretur.

Regeneratio duplex in Scripturis exprimitur: altera est baptismus, de qua Joan. 3: *Nisi quis renatus fuerit ex aqua et Spiritu sancto, etc.*; ad Titum 3: *Salvos nos fac per lavacrum regenerationis et renovationis Spiritus sancti*; et 1 Petri 1: *Regeneravit nos in spem vivam.* Altera, resurrectio mortuorum in fine sæculi, de qua apud Matthæum, *in regeneratione cum sederit Filius hominis*; Græce, ἐν τῇ ἀναστάσει. Hæc enim resurrectio, velut quædam generatio erit secundum corpus, quemadmodum in baptismo est secunda hominis secundum animam generatio (*Mal-donatus in cap. 19 Matthæi*). Cur autem resurrectio ipsa, sive extremum iudicium regeneratio nuncupe-

tur, duæ rationes afferuntur. Prima, quia tunc totus mundus renovandus est, et quodammodo regenerandus, ut ait Joannes in Apocalypsi cap. 21: *Vidi cælum novum, et terram novam*; et vers. 5: *Ecce nova facio omnia.* Et D. Petrus in secundæ Epistola c. 3: *Novos vero cælos, et novam terram secundum promissa ipsius expectamus.* Et Isaias cap. 66: *Ecce ego creo cælos novos, et terram novam.* Et cap. 65: *Sicut cæli novi, et terra nova, quæ ego facio stare coram me, dicit Dominus, sic stabit semen vestrum et nomen vestrum.* Et D. Paulus ad Romanos 8: *Ipsa creatura liberabitur a servitute corruptionis in libertatem gloriæ filiorum Dei.* Altera, quia tunc mortalitatem exuti, induti vero immortalitatem, regenerandi quodammodo homines sumus, ut D. Paulus ait II ad Corinthios 5: *Nam et qui sumus in hoc tabernaculo, ingemiscimus gravati, eo quod volumus expoliari, sed supervestiri, ut absorbeatur quod mortale est a vivente.* Et ad Philipp. 3, 21: *Reformabit corpus humilitatis nostræ configuratum corpori claritatis suæ.* Sic D. Augustinus lib. 3 contra duas epistolas Pelagianorum, cap. 3; D. Gregorius lib. 4 Moralium, cap. 26; et D. Bernardus in declamatione quam in hæc verba scripsit: *Ecce nos relinimus omnia.*



corporeæ nativitatibus unisset, ut eundem tibi reconciliantem in cruce omnia demonstraret, quem ante exordium mundi imaginem Dei invisibilis prædicasset.

## CAPUT VIII.

*Apostolicam sententiam Domini auctoritate corroborat.*

Quod quidem quamvis Apostoli dictum sit, tamen doctrina Domini est. Idem enim hoc in Apostolo ad Christianos, qui consimile illud in Evangelio ad Judæos per se locutus est, dicens: *Nunc autem queritis me interficere hominem, qui a veritatem vobis locutus sum, quam audiavi a Deo. Neque enim ego a me ipso veni, sed ille me misit* (Joan. viii). Et Deum utique se et hominem esse indicans. Hominem in hoc quod hominem esse se prædicat; Deum in hoc quod missum se esse confirmat. Apud eum enim necesse est fuerit a quo venerat; et ab eo venerat a quo se

missum esse dicebat. Unde etiam illud fuit quod dicentibus ad se Judæis, *Quinquaginta annos nondum habes et Abraham vidisti?* convenientissima æternitatis ac majestatis suæ voce respondit, dicens: *Amen amen dico vobis, b priusquam Abraham fieret, ego sum* (Ibid.). Quæro ergo, cujus dictum hoc velis esse? Christi utique absque dubio. Et quomodo qui natus recenti tempore fuerat, ante Abraham se esse dicebat? Per illud scilicet, cui unitus erat penitus, Verbum Dei, ut intelligerent omnes quanta esset Christi ac Dei unitas, cum quidquid Deus in Christo diceret, c totum jam sibi divinitatis unitas vindicaret. Bene autem conscius æternitatis suæ, illa in corpore tunc Judæis voce respondit, qua quondam d Mosi locutus fuerat in spiritu. Illic enim ait: *Priusquam Abraham fieret, ego sum*. Mosi autem: *Ego e sum qui sum* (Exod. iii). Admirabili utique divinæ naturæ æternitatem sermo-

## ALARDI GAZÆI COMMENTARIUS.

<sup>a</sup> Hanc scilicet veritatem, ait Chrysostomus (Homil. 53 in Joan.), quod sit Patri æqualis, propter hoc enim Judæi quærebant eum interficere; et ut ostendat hoc non esse contrarium Patri, subdit: *Quam audiavi a Deo*.

<sup>b</sup> Appende verba, inquit Augustinus (Tract. 43 in Joan.), et cognosce mysterium. Antequam Abraham fieret; intellige, fieret, ad humanam naturam; sum, vero, ad divinam pertinere substantiam. Fieret, quia creatura erat Abraham. Non dixit: Antequam Abraham esset, ego eram; sed, Antequam Abraham fieret, qui nisi per me non fieret, ego sum. Neque hoc dixit: Antequam Abraham fieret, ego factus sum. In principio enim fecit Deus cælum et terram; nam in principio erat Verbum. Antequam Abraham fieret, ego sum. Agnoscite Creatorem, discernite creaturam. Sic Augustinus. D. Gregorius (Hom. 18 in Evang.): Ante, inquit, præteriti temporis est; sum, præsentis. Et quia præteritum et futurum tempus Divinitas non habet, sed semper esse habet, non ait: Ante Abraham ego fui; sed ante Abraham ego sum. Unde et ad Moysen dicitur: *Ego sum qui sum*; et dices filiis Israel: *Qui est misit me ad vos*. Ante ergo et post Abraham habuit, qui et accedere potuit per exhibitionem præsentiae, et recedere per cursum vitæ. Veritas vero semper esse habet, quia ei quidquam nec priori tempore incipitur, nec subsequenti terminatur. Hæc SS. Patres, Cassiani dictis in hoc cap. perquam consentanea.

<sup>c</sup> Crediderim potius legendum: Totum sibi divinitas uniti vindicaret. Et hunc esse sensum: Quid videtur Deus in Christo loqueretur, totum homo Christus loqueretur, ob unitatem scilicet personæ in Christo. Unitus enim homo, intelligitur humanitas unita divinitati in unitate personæ, ut alias dictum est, ut idem sit divinitas uniti, ac homo Deo unitus, et Deus homini.

<sup>d</sup> Id est in sua divinitate; opponit enim divinitatem corpori, id est, humanitati Christi; vel in spiritu, id est, spiritali et ænigmatica visione et locutione.

<sup>e</sup> Notandum primo, in Hebræo legi: *Ero qui ero*: Hebræi enim utuntur tempore futuro pro præ-enti, quia verbum Hebræicum caret tempore præsentis; in Græco autem: *ἐγώ εἰμι ὁ ὢν*. Ubi participium est ὢν, quasi diceret: *Ego sum ille qui est*. Secundo notandum, ad hæc verba Christum alluisse, cum aliquoties in Evangelio dixit: *Ego sum*, ut suam Deitatem significaret. Joannis viii: *Antequam Abraham fieret, ego sum*. Ibidem: *Si non credideritis quia ego sum, moriemini in peccatis vestris*. Joan. xvii: *Ubi ego sum, et illi sint mecum*. Et alias sæpius. Quod non obiter annotaverunt Patres. Cyrillus in Joannem, tractans illa verba: *Si non credideritis quia ego*

sum, etc.: Utitur, inquit (Lib. vi c. 23), Dominus noster ad eos verbo illo essentiam designante absolute et sine cujusquam adjectione sumpto, quo divinitatem suam illis certius significaret, cum eo de se verbo loqueretur quod soli Deo competere dignoscitur, et prius ad Moysen de Deo dictum est. Cum enim Moyses ad liberandum ex Ægypti servitute populum Israeliticum mittendus interrogaret de nomine mittentis, respondit Dominus: *Ego sum qui sum*. Et rursum. Sic dices ad filios Israel: *Qui est, misit me ad vos* (Exod. iii). Hoc igitur verbo revocat eis in memoriam seipsum, qui prius ad Moysen hoc se nomine vocari contestatus est. Augustinus tractatu 38 in Joannem: Multum est, inquit, quod ait ipse: *Ego sum*, quia sic dixerat Dominus Mose: *Ego sum qui sum*. Quis digne eloquatur quid sit sum? Mittebat Deus per angelum suum servum suum Moysen, ad liberandum ex Ægypto populum suum; mittebat trementem, excusantem, sed obediētem. Cum ergo excusaret, ait Deo, quem loqui in angelo intelligebat: *Si dixerit mihi populus: Et quis est Deus qui misit te? quid dicam eis?* Et Dominus ad eum: *Ego sum qui sum*. Et repetivit: *Dices filiis Israel: Qui est misit me ad vos*. Non ait ibi: *Ego sum Deus*, ego sum mundi fabricator, aut ego sum omnium rerum conditor, aut ego sum ipsius populi liberandi propugnator; sed hoc tantum: *Ego sum qui sum*, et dices filiis Israel: *Qui est*. Non addidit: *Qui est Deus vester*, qui est Deus patrum vestrorum; sed tantum hoc dixit: *Qui est misit me ad vos*. Tertio notandum, ex illis ipsis verbis colligi hoc nomen, *Qui est*, sive ὢν, unum esse ex propriis et maxime propriis Dei nominibus, quod unanimi consensu affirmant Patres. Dionysius Areopagita de Div. Nom. cap. 15: *Non abs re*, inquit, *Deus ipse ab ea nuncupatione, Qui est, celebratur principaliter et potius quam a reliquis aliis, tamquam a dono antiquiore, priore et anteriore* (scilicet natura) *quam sunt reliqua ipsius in creaturas diffusa dona*. Enimvero ipse Deus habens ante creaturas omnes præexistere et sup-erexistere, et quidem supereminenter, ipsum per se esse fecit cæteris suis muneribus, quæ rebus conditis communicavit, præeminere et supereminere, atque per idipsum per se esse, ut quidquid aliquo existendi modo est, subsisteret, effecit. Gregor. Nazianzenus oratione 36 dicit, inter omnia nomina Dei, *Ens et Deus*, esse maxime propria, et in eis hæc duo, proprius esse nomen Entis: *Quia nos*, inquit, *naturam ejusmodi inquirimus quæ ipsum esse per se habet: et hoc significat istud nomen Est, sive, Qui est*. Eodem modo interpretatur Eusebius Cæsariensis lib. xi de Præparat. cap. 6 et 7: *Qui est, id est, qui necessario et eodem modo semper existit*. Ubi etiam refert sententiam Pythagoræ et Platonis, qui hoc nomine Deum appellandum docue-



nis magnificentia predicavit, quia <sup>a</sup> nihil de Deo tam conveniens dici potest, quam ut semper esse dicatur, quia esse nec præteriti initium nec futuri terminum habet. Et ideo apertissime hoc de æterni Dei natura dicitur, quod æternitati optime coaptatur. Quæ qui-

## ALARDI GAZÆI COMMENTARIUS.

runt; et ex Plutarcho refert ita explicatum verbum Græcum quod in templo Delphico erat scriptum, ut qui illuc ingrederentur, eo verbo veluti salutarent seu confiterentur Deum, dicentes: *αἷ, es*. Ambrosius epist. 63 idem nomen explicans: *Hoc est*, ait, *verum nomen Dei, esse semper*. Hieronymus epist. 136 ad Marcellam, inter decem Dei nomina Hebræis usitata, sexto loco ponit *Eser cheie*, quod in Exodo, inquit, legitur: *Qui est, misit me*. Augustinus lib. iii contra Maximum cap. 26 et lib. ii (Cap. 4) de Moribus Manichæorum, et alibi, dicit hoc esse nomen immutabilitatis, quia omnia quæ mutantur aliquo modo desinunt esse; et æternitatis, quia illud, *Ego sum*, et, *Qui est*, idem valet quod æternus sum; in quo nihil fuit, nec futurum est, sed tantummodo est. Rupertus lib. i in Exodum cap. 14 dicit Deum illo loco Exodi in duplex sibi imposuisse nomen, alterum naturæ, scilicet, *Qui est*; alterum dignationis et gratiæ, scilicet, *Deus Abraham, et Deus Isaac*, etc. Damascenus lib. i (Cap. 42) de Orthodoxa Fide: *Principaliter videtur omnium de Deo dictorum nomen esse, Qui est; quemadmodum ipse dans responsum Mosi in monte, inquit: Dic filiis Israel: Qui est misit me. Totum enim in seipso comprehendens, habet ipsum esse, velut quoddam pelagus substantiæ infinitum et interminum*. Bernardus lib. v de Consideratione: *Nul competentius æternitati, quæ Deus est, quam hoc nomen, Qui est. Si bonum, si magnum, vel quidquid tale de eo dixeris, in hoc verbo instauratur, Quod est*. Denique S. Thomas (1<sup>a</sup> p., q. 13, a. 11) hinc probat nomen, *Qui est*, esse maxime proprium Dei, quia formaliter significat ipsum esse, quod est ipsa essentia Dei, assertque duas alias rationes ejusdem assertionis, quas apud ipsum videndas relinquo. Est igitur hoc nomen essentiale, et Deo intimum, significans tres personas, ut sunt unus Deus, qui est fons et origo totius esse, et cujus essentia est ipsum esse; et cum non habeat esse ab alio, dat rebus omnibus ut sint. Huic affinia sunt alia duo nomina, nempe, *Deus*, et nomen tetragrammaton, quod a Græcis ἀναγκωστήριον, ineffabile dicitur. Hæc enim etiam ab eo, quod est, desumuntur; sed hoc est discriminis, quod nomen *Deus* significat ipsum esse Dei, velut in specie; *Qui est*, autem, significat ipsum esse in genere seu absolute et absque ulla determinatione: nomen vero tetragrammaton significat ipsam Dei essentiam existentem in tribus personis (*Hieronymus, epist. 133 ad Marcellam*). Sed hoc obiter, et ex occasione dictum sit.

<sup>a</sup> Multa sunt et præclara SS. Patrum elogia in eandem sententiam (præter ea quæ modo dicta sunt de nomine *Qui est*), e quibus nonnulla etiam hic delibasse pro loci hujus explanatione juvabit. Ilarius lib. i de Trinitate, tractans illud: *Ego sum qui sum*. Admiratus sum, inquit, *plâne tam absolutam de Deo significationem, quæ naturæ divinæ incomprehensibilem conditionem aptissimo ad intelligentiam humanam sermone loqueretur; non enim aliud proprium magis Deo quam esse intelligitur*. Hieronymus epist. 57 ad Damasum: *Una est Dei et sola natura, quæ vere est, id est, quæ ex se habet esse, idque incommutabile et æternum*. Et subdit interius: *Solum Deum esse qui essentiae nomen vere tenet*. Augustinus in tractatu illo 33 in Joannem, sic Deum alloquitur: *O Domine Deus noster, quid est quod ais? numquid terra non est? numquid non sunt ea quæ in terra et in cælo sunt? numquid homo ipse cui loqueris, non est? numquid angelus quem mittis non est? Si omnia sunt hæc,*

Adem ipse Dominus Jesus Christus, cum de Abraham diceret, diversitate sermonis ostendit, dicens: *Priusquam Abraham fieret, ego sum*. De Abraham dixit, *priusquam fieret*; de se autem, *ego sum*; scilicet quia temporalitatis est fieri; esse, æternitatis. <sup>b</sup> Et ideo

quæ per te facta sunt, quid est quod tibi proprium quiddam tenuisti ipsum esse, quod aliis non dedisti, ut tu solus esses? Nam quomodo audio: *Ego sum qui sum, quasi alia non sint?* Et paulo post sibi respondet: *Res quælibet prorsus qualicumque excellentia, si mutabilis est, non vere est. Non enim est ibi verum esse, ubi est et non esse; quidquid enim mutari potest, mutatum jam est quod erat; si non est quod erat, mors quædam ibi facta est; peremptum est aliquid quod erat, et non est. O veritas quæ vere es! nam in omnibus actionibus et motibus nostris, et in omni prorsus agitatione creaturæ, duo tempora invenio, præteritum et futurum; præsens quæro, nihil stat; quod dixi jam non est, quod dicturus sum nondum est. Præteritum et futurum invenio in omni motu rerum; in veritate quæ manet, præteritum et futurum non invenio, sed solum præsens; et hoc incorruptibiliter, quod in creatura non est. Hæc ibi. Cyrillus Alexandrinus in Joannem lib. vi (Cap. 23): *Si rerum, inquit, omnium naturam indagaverimus, soli Deo esse in primis convenire comperiemus, ut qui ab alio minime subsistat, sed fons primarius est existentiae rerum omnium, ex quo, per quem et in quo sunt omnia. Neque quidpiam aliorum ad perfectionem divinæ essentiae pertingere valet; sed citra proportionem omnem ab ea deficit, et quodammodo ad non esse dilabitur. In comparatione siquidem ejus qui vere est, qui incommutabilis, et exordium non habet, nec aliunde accipit esse, sed a se habet, quasi non sunt, quæ mutabilia sunt, quæ principium sui esse habent, et idipsum ab alio sortiuntur. Quod enim dicitur sui, non est; et quod dicitur erit, nondum est. Deus autem tantum est, qui novit fuisse, vel futurum esse. Gregorius lib. xviii Moralium cap. 33: *Solus veraciter est, quia solus incommutabilis est. Ut ergo in participatione illius essentiae aliquid simus, cognoscamus nosmetipsos, quia proprie nihil sumus. Alia plura prætermitto, ne lectori tardium afferam*.**

<sup>b</sup> Hunc locum et magnam partem cap. sequentis iisdem pene verbis expressa reperio in sermone illo sive tractatu de Assumptione B. Mariæ, qui ad Paulam et Eustochium titulo D. Hieronymi falso inscriptus inter ejus opera circumfertur (*Tom. IX, epist. 10*), quem nonnulli existimant esse illius Sophronii cujus idem D. Hieronymus meminit in libro de Ecclesiasticis Scriptoribus, qua de re postmodum videbimus. Quia vero auctor ille non pauca superaddidit, quæ hic vel a Cassiano, vel ab ejus exscriptoribus aut typographis, per oscitantiam fortasse prætermissa desiderantur, quæ tamen huic loco elucidando non parum subsidii ac supplementi afferre possint, non abs re visum est ejusdem auctoris verba hic describere, ut iis cum Cassiano collatis, ejus sententia magis illustretur, et quoad ejus fieri potest in integrum restituatur. Sic igitur ille, post multa de laudibus Deiparæ Virginis et mysterio Incarnationis dicta: *Constat, inquit, tempus non præjudicasse sacramento uniti hominis ac Dei; ita ut jam esset in illo per unitatem personæ ab initio sæculi, qui nondum erat natus de Maria virgine, quod multis Scripturarum declaratur indiciis. Unde Dominus ad Judæos: Antequam Abraham fieret, inquit, ego sum. Nam Abraham antequam fieret, humanitatis est brevitæ. Ego autem sum, æternitas naturæ declaratur; in qua nimirum æternitate jam se fuisse, qui loquebatur, per sacramentum suæ incarnationis insinuat. Quod Apostolus Judas volens apertius dilucidare: Jesus, inquit, populum ex Ægypto salvans, secundo eos qui non crediderunt perdidit (*Judæ 5*). Et alibi Paulus: Neque tentemus*



illud factum esse, humanæ tribuit brevitati; illud autem, sumi, naturæ suæ. Et hæc omnia Christus utique, qui per sacramentum uniti hominis ac Dei in illo qui semper fuerat jam se fuisse dicebat.

## CAPUT IX.

Cum Christo tribuantur prodigiosa illa opera quæ

## ALARDI GAZÆI COMMENTARIUS.

Christum, sicut quidam eorum tentaverunt (I Corinth. x). Non quod jam esset Jesus, aut Christus natus ex Maria; sed quia in illo unico Filio Dei jam unitas personæ commendabatur, quæ occulta erat mysterio. Quod et alibi evidenter: Qui elegit nos, inquit, ante mundi constitutionem in ipso (Ephes. i); quia profecto quidquid Deus fecit ab initio, Christus fecit totum per unitatem sacramenti. Et ideo jam Jesus erat in Filio qui populum educebat, et Christus in eo qui tentabatur, quoniam semper per sacramenti unitatem in Deo fuisse non dubitatur. Alioqui nisi ita credideris, aut Christus Deus non erit omnino, aut contra prophetam Deus recens esse videbitur. Sed ne talibus quatiatur calumniis, scrutandæ sunt Scripturæ, in quibus unitas in Christo commendatur personæ, quoniam non præjudicat tempus ne unus semper dicatur. Hinc quoque beatus Petrus loquens de Patribus, ait: Per gratiam Domini nostri Jesu Christi credimus salvari, quemadmodum et illi (Act. xv). Namque illos solus Dominus ducebat, et non erat eis Deus alienus. Unde nec nobiscum Deus recens, quia unus idemque est, qui et eorum ductor fuit, et noster per passionem carnis suæ redemptor: unus siquidem sua in carne, unus in sacramento, unus in spiritu: nec admittit ratio, ut alius Filius hominis, alius Filius Dei intelligatur; qui nec tempore præscribitur, nec passione separatur; sed totus Deus in Christum, et Christus in Deum transit; ut quidquid Dei Filius est, Christus dicatur: et quidquid in carne Christus pertulit, id Deus pertulisse recte credatur. Alioqui si ad rationem respiciamus, et ad sensus humanos, nequaquam ita hactenus potuerunt inter se convenire Deitas et humana conditio: convenerunt tamen in Christo, et unus ex ambobus Emmanuel. Hæc ille, et alia quæ sequuntur, Cassiani dictis non sensu tantum, sed et verborum contextu ac stylo adeo consonantia, ut qui utraque inter se conferat, dubitare neutiquam possit alterum ab altero mutuatum. Cæterum de auctore illo, quis fuerit, non una inter doctos viros sententia est. Nam Erasmus certe epistolam illam, ut supposititiam, cum aliis ejusdem generis quarto tomo concluderat, quam Sophronio potius tribuendam existimavit. Marianus autem Victorius in novum tomum suæ editionis eandem conjecit, præmissa tamen in præfatione ejusdem hæc sua censura: Sermo de Assumptione beatæ Mariæ virginis ad Paulam et Eustochium Græci potius quam Latini hominis est, quippe cum Latine scribere exercitatus haud sit, et Græcum hominem Latine in eo loquentem videre liceat. Sophronii autem esse, D. Hieronymi amici, illius scilicet qui Hieronymi catalogum de Scripturibus Ecclesiasticis Græcum reddidit, pro compertissimo creditur. Ita Marianus, ex aliorum fortasse sententia magis quam sua hæc scribens. Verum ab his dissentit card. Baronius tum in Annalibus (Tomo I, anno Christi 348), tum in notis ad Martyrologium Rom. Priore loco de Assumptione B. Virginis disputans, hæc inter alia scribit: Quod autem pertinet ad libellum illum seu epistolam ad Paulam et Eustochium de Assumptione B. Mariæ, Hieronymi nomine prænotata n, eam non tantum non esse Hieronymi, sed nec Sophronii, cujus idem Hieronymus meminit (ut aliqui existimarunt), judicium omnium eruditorum appello. Videre est enim auctorem eo commentario totum esse in insectando ac impugnando dogmate Nestorii quem longe post Hieronymi et Sophronii tempora vixisse nulla est dubitatio. Et paulo post, eundem auctorem mendacii redarguit ex eo quod nullam

circa filios Israel jam inde a temporibus Moysis designata sunt, conficitur quoque illum jam olim ante ortum suum temporalem existitisse.

<sup>a</sup> Quod apostolus quoque cum dilucidare ac manifestare omnibus cuperet, ita locutus est: <sup>b</sup> Quoniam Jesus populum de terra Ægypti salvans, se-

ætate Hieronymi de incarnatione Christi obortam hæresim esse constet. Hinc videas, inquit, manifestam hominis imposturam, qui ad promerendam fidem, Hieronymi, Paulæ et Eustochii nomina est eo opere nundinatus. Hæc ibi Baronius. Idemque in notis ad Martyrologium (15 Augusti): Exstat sermo titulo S. Hieronymi ad Paulam et Eustochium scriptus, quem nonnulli existimarunt esse illius Sophronii, cujus idem S. Hieronymus meminit in libro de Scripturibus Ecclesiasticis, sed neutrius puto: quin constat esse alicujus auctoris qui vixit circa vel post tempora concilii Ephesini vel Chalcedonensis; multum enim versatur in destruendis Nestorii atque Eutychetis dogmatibus, quæ quidem longe post tempora Hieronymi atque Sophronii in Ecclesiam irruerunt. Hucusque Baronius. Cujus quidem ratiocinatio illa ex temporum ratione ducta, nescio an satis valida sit et efficax ad supprimendam illam pervulgatam opinionem de Sophronio illius libelli seu sermonis auctore; cum superius ex Cassiano demonstratum sit Nestorii dogma seu hæresim non ab ipso primum inventam et excitatam, sed multo ante a Pelagio aliisque antiquioribus hæresiarchis inventam; quam proinde etiam ante Nestorium auctor ille, sive Sophronius, sive quis alius, oblata occasione, impugnare potuerit, quemadmodum de Leporio Pelagiano ad fidem converso superius diximus. Quare cum nihil certi hæc de re haberi possit, nec Baronius ipse exploratum quid habuerit, satius est rem incertam ac dubiam in medio relinquere, quam aliquid inconsulto affirmare.

<sup>a</sup> Apostolus scilicet Judas, non ille Iscariotes proditor, sed alter, qui et Thaddæus dicitur, cujus exstat Epistola, quam recipit Ecclesia ut canonicam, et citatur a SS. Patribus, ut canonica (Dionys. Areop. de Div. Nom. c. 4, Hieronym. cap. 1 ad Titum, Conc. Trid. sess. 4), ex qua desumptum est testimonium quod sequitur. Porro cum auctor supradictus loco citato apostolum Judam hic expresse nominet, et postmodum aliud Pauli testimonium subjiciens, distingere etiam dicat: Et alibi Paulus, pro quo Cassianus absque ulla distinctione subdit, Sed et alibi, quasi de eodem apostolo loquens; satis evidenter apparet, hunc Cassiani textum esse vitiatum et mutilum, atque ex illo auctore supplendum aut exponendum.

<sup>b</sup> In his verbis notandum primo quod pro Jesus Græce est *Χρῖστος*, id est, Dominus, quod contra illos facit qui hæc de Jesu Nave, sive Josue filio Nun, Mosis successore, dicta interpretantur. Secundo: Populum de Ægypto salvans. Græce est participium præteriti temporis, *σώσας*, id est, cum salvasset; ubi manifeste tribuitur Christo salvatio et liberatio populi Israelitici a servitute Ægyptiaca, ratione personæ divinæ quæ una in Christo est, Deus et homo. Spectat siquidem hic locus ad illud Deuteronomii v: Ego sum Dominus Deus tuus, qui eduxi te de terra Ægypti, et illud Deuteronomii xxxii: Dominus solus dux ejus fuit, et non erat cum eo Deus alienus. Quæ sine controversia, de vero et summo Deo, quem Judæi colebant, dicuntur. Et tamen Judas apostolus ait: Jesus populum de Ægypto salvans, secundo eos qui non crediderunt perdidit. Ergo Jesus est ille verus et summus Deus. Notavit hoc argumentum etiam Venerab. Beda in hunc locum. Tertia advertendum quod illud secundo quod sequitur in sententia Judæ, sumitur pro, deinde, aut postea, ut exponit Glossa. Quarto, eos qui non crediderunt, id



cundo eos qui non crediderunt perdidit. Sed et alibi, *a Neque tentemus, inquit, Christum sicut quidam illorum tentaverunt, et a serpentibus perierunt (I Cor. x).* Eximius quoque apostolorum Petrus : *Et nunc quid tentatis Deum, imponere jugum super cervices discipulorum, quod neque patres nostri, n que nos portare potuimus? Sed per gratiam Domini nostri Jesu Christi credimus salvari quemadmodum et illi (Act. xv, 11).* Liberatum ab Ægypto Dei populum, et per ingentes

## ALARDI GAZÆI COMMENTARIUS.

est, qui non perseverarunt in fide et cultu veri Dei, sed adhæserunt Core et aliis. Quinto, *perdidit*, per serpentes ignitos, Numer. xxi, et aliis modis, ait S. Thomas : *Multis enim modis perierunt : quidam igne, Numer. xi et xvi; quidam devoratione terræ, Numer. xvi; quidam morte communi, scilicet omnes a viginti annis, et supra, exceptis Josue et Caleb, Num. xiv.* Salvavit ergo populum suum primo per misericordiam : *sed postea secundo per justitiam, quia promissior est Dominus ad miserendum quam ad puniendum.* Ita S. Thomas.

*a* Tentant Christum qui de ejus potentia, vel providentia, vel misericordia diffidunt, sicut Judæi in deserto dicentes : *Cur eduxisti nos de Ægypto, etc. (Numer. xxi)?* Et rursus : *Numquid poterit Deus parare mensam in deserto (Psal. lxxvii)?* Christum Deum eorum ducem in M-yse tentabant. Qui enim expectari virtutem aut bonitatem alicujus cupit, de illo se diffidere ostendit, eumque tentare merito dicitur. Et ideo *a serpentibus perierunt*, donec scilicet erectus est serpens æneus, ad cujus aspectum sanabantur. Porro ex hoc loco cum verbis Moysis collato simile formatur argumentum cum eo quod supra, ad probandam Christi Deitatem. Siquidem Numerorum xxi dicitur : *Locutusque populus contra Deum et Moysen ait : Cur eduxisti nos de Ægypto, ut moreremur in solitudine? etc.* Quamobrem misit Dominus in populum ignitos serpentes, etc. Ubi procul dubio agitur de unico et vero Deo Israel. Et tamen Apostolus ait illum ipsum Deum esse Christum : *Neque tentemus, inquit, Christum, sicut quidam eorum tentaverunt, et a serpentibus perierunt (I Corinth. x).* Igitur oportet Christum esse verum Deum, et unum omnino Deum cum Patre. Est præterea animadvertendum in duobus locis modo explicatis (quod etiam advertit auctor ille de Assumptione B. Mariæ), Dominum ac Salvatorem nostrum, et Jesum, et Christum fuisse appellatum ante ineffabilem cum carne unionem. Illic enim (*In Epist. Judæ*) dicitur, Jesu, duce Moyse salvasse populum de Ægypto; hic vero (*I Corinth. x*) filios Israel tentasse Christum in deserto : quorum utrumque longo ante Dominicam Incarnationem tempore factum esse constat. Insuper Ecclesiasticus (*Cap. xlvii*) dicit in laudem David regis : *Christus purgavit peccata ipsius, et exaltavit in æternum cornu ejus* (sic enim habent vetustiora Biblia). Manifestum autem est peccata David, diu ante assumptionem carnis a Deo esse purgata (*II Reg. xii*). Rursus Apostolus ad Ephesios i : *Benedictus Deus, et Pater Domini nostri Jesu Christi, qui benedixit nos omni benedictione spiritali, in cælestibus, in Christo, et elegit nos in ipso ante mundi constitutionem, etc.,* ubi dicit Paulus nos a Deo Patre electos esse ante mundi constitutionem, in Christo (*Ephes. i*), id est, per Christum, vel ob merita Christi. Sed et pluribus Psalmorum locis, Christum appellatum legimus, ut psalmo ii : *Astiterunt reges terræ, et principes convenerunt in unum adversus Dominum et adversus Christum ejus.* Psalmo lxxxviii : *Tu vero repulisti, et despexisti Christum tuum.* Psalmo cxxxi : *Propter David servum tuum, non avertas faciem Christi tui.* Item Abacuc iii : *Egressus es in salutem populi tui, in salutem cum Christo tuo.*

A aquarum vias siccis pedibus abductum, ac per vastas eremi solitudines conservatum, non nisi a solo absque dubio Deo novimus, secundum illud : *Dominus solus ducebat eos, et non erat cum eis Deus alienus (Deut. xxxii).* Et quomodo apostolus tot et tam evidentibus testimoniis, et a Jesu liberatum ab Ægypto populum Judæorum, et Christum a Judæis tunc in deserto tentatum prædicat, dicens, *Neque te itemus Christum, sicut quidam illorum tentaverunt,*

Est autem hic in primis cavendus error Origenis, qui posuit animas humanas longo temporis intervallo, antequam corporibus unirentur, in cælo creatas fuisse; unde consequens esset sanctissimam Christi animam prius unitam fuisse Divinitati quam corpori, et tunc vocatum esse Christum; quem errorem refutat Joannes Damascenus his verbis : *Non ut quidam falso astruunt, ante Incarnationem ex Virgine, anima unita est Deo Verbo, et ex tunc vocatus est Christus.* Hæc enim est ex Origenis deliramentis absurda pronuntiatio, præexistentiam animarum dogmatizantis. Nos autem Filium, et Verbum Dei, et genitum, et vocatum dicimus, ex quo in sanctæ Virginis utero conceptus est, et caro incommutabiliter factus est, et unita est caro divinitati; unctio enim ipsa ad humanitatem attinet, ut theologus ait Gregorius, et sacerrimus Alexandrinorum episcopus Cyrillus ad Theodosium scribens. Hæc autem dicit : *Oportere dico neque Verbum, quod ex Deo absque humanitate, neque ex muliere natum hominem, et templum non unitum Verbo Jesum Christum nominare.* Nam humanitati secundum dispensativam unionem ineffabiliter conjunctum, quod ex Deo est, Verbum intelligitur Christus. Et infra ex Athanasio : *Præexistens Deus ante adventum in carnem, non erat homo, sed Deus erat apud Deum Patrem invisibilis et impassibilis existens.* Quando vero factus est homo, Nomen Christus inductum est, et quæ sequitur nomen, passio et mors. Siquidem divina Scriptura affirmat : *Propter hoc unxit te Deus, Deus tuus oleo lætitiæ (Psal. xlii).* Sciendum autem quod divina Scriptura sæpenumero utitur præterito tempore pro futuro, ut : *Posthæc in terra visus est, et cum hominibus conversatus (Baruc. iii).* Nondum enim visus fuerat, neque cum hominibus conversatus, quando hæc dicebantur. Et : *Super flumina Babylonis, illic sedimus, et flevimus, dum recordaremur tui, Sion (Psal. cxxxvi).* Nondum hæc facta contigerant. Hæc Damascenus, ex quibus duplex elicitur ratio, cur Scriptura Christum ante ipsius adventum in carnem nominarit. Primo quidem ad designandam unitatem et identitatem personæ seu hypostasis Verbi ante et post carnis assumptionem, ex qua unitate secutura esset illa *κοινωνία ἰδιωμάτων*, communio idiomatum, qua fit ut utriusque naturæ proprietates Christo vere et absolute tribuantur, ut sæpe dictum est; proinde quidquid Dei Filius gessisse, vel circa ipsum gestum esse legitur ante Incarnationem, hoc et Christus gessisse, et circa ipsum gestum esse dicitur. Secundo, ad insinuandum quod licet ante adventum Christi in carnem non fuerit exhibita reipsa unctio humanitatis assumptæ a Divinitate (unde sumptum est et inditum Christi nomen), fuit tamen a Deo prædefinita, prædeterminata atque præordinata, et non minori certitudine futura quam si jam tunc completa fuisset. Itaque ad commendandum mysterium hujusce unionis, futuræ quidem secundum exhibitionem, sed a Deo prævisæ, sacræ literæ ipsum nominaverunt Christum ante assumptionem carnis. Sicut prophetarum oracula futurum quidpiam denuntiantia sub præteriti temporis ratione sæpenumero conscripta sunt, ad denotandam rei futuræ, perinde atque si præterita foret, infallibilem certitudinem.



et a serpentibus perierunt? omnes quoque sanctos qui vixerunt sub lege veteris Testamenti, beatus apostolus Petrus per gratiam Domini nostri Jesu Christi prædicat esse salvatos? Exi itaque, effuge hinc, si potes, tu quisquis ille es qui, rabido ore ac blasphemio spiritu furens, nihil interesse admodum inter Adam et Christum putas, et qui eum etiam post partum Virginis Deum denegas, ostende penitus quemadmodum etiam ante ortum corporis Deum non fuisse convincas. Ecce enim Apostolus clamat populum de terra Ægypti ab Jesu esse salvatum, in deserto ab infidelibus Christum esse tentatum; patres quoque nostros, id est, patriarchas atque prophetas per gratiam Domini nostri Jesu Christi salvatos; nega tu hæc, si potes. Nec mirabor si leceris, ut neges quæ omnes legimus, qui quæ omnes credimus denegasti. Intellige ergo tandem quia jam tunc et ex Ægypto populum in Deo Christus eduxit, et in Deo Christus a populo tentatore tentatus est, et omnes justos in Deo Christus gratiæ suæ liberalitate salvavit; quia per sacramenti unitatem ita et Deus in Christum et Christum in Deum transit, ut et quidquid Deus fecit, Christum id perfecisse; et quod postea Christus pertulit, Deus id pertulisse dicatur. Et ideo dicens Propheta, <sup>a</sup> *Non erit in te Deus recens, nec adorabis Deum alienum*; hoc sensu et hoc spiritu prædicabat quo apostolus Christum educto-

A rem ex Ægypto Israeliticæ plebis esse dicebat, ut eum utique qui ex Virgine natus est hominem, semper per sacramenti unitatem in Deo fuisse sentiret; alioquin, nisi ita creditur, aut cum hæreticis Christus non Deus, aut certe contra Prophetam recens esse creditur. Sed absit hoc a catholica Dei plebe, ut aut a Propheta dissentire, aut cum hæreticis sentire videatur; et in maledictum forsitan illud populus benedictionis incurrat, ut spem suam in homine posuisse dicatur. Quia enim Dominum nostrum Jesum Christum solitarium hominem natum asserit, dupliciter maledictioni obnoxius sit necesse est, sive in eum credat, sive non credat. Si enim credit, <sup>b</sup> *Maledictus qui spem suam ponit in homine* (Jerem. xvii). Si autem non credit, maledictus utique nihilominus, quia licet in hominem non crediderit, Deum tamen penitus denegavit.

## CAPUT X.

*Explicat quid sit confiteri, et quid solvere Jesum*

Hoc enim illud est quod, revelante sibi Domino, charissimus ille Dei Joannes prævidens, id de eo ipso locutus est qui in se loquebatur. *Omnis, inquit, spiritus qui confitetur Jesum in carne venisse, ex Deo est; et omnis qui solvit Jesum, ex Deo non est; et hoc est Antichristi, quod audistis quia venit, et nunc jam in mundo est* (I Joan. iv). O admirabilem Dei singularemque pietatem, qui velut cautissimus ac pruden-

## ALARDI GAZÆI COMMENTARIUS.

<sup>a</sup> Deus recens, id est, Deus quem non colerint patres tui. Sic enim hoc explicatur in cantico Moysis, Deut. xxxii. Vere tamen scribit S. Augustinus omnes falsos deos, esse deos recentes, quia non sunt sempiterni, nec carent principio, sed nuper in officina sculptoris, vel in cerebro humanæ vanitatis formati; unde sculptilia et idola vocantur. *Redarguunt etiam ista*, ait D. Basilius (*In Scholiis Psalm.*), *et Arii et Eunonii insaniam. Si enim Unigenitus Patri non est homousios, utique recte vocabitur alienus. Et si fuit tempus aliquod quando non erat, ergo recens est, et non sempiternus.* Hæc Basilius, qui cum Ario et Eunonio Nestorium utique nominasset, si eum non præcessisset.

<sup>b</sup> Sic et D. Hieronymus ex hoc loco argumentatur: *Si maledictus est homo qui confidit in homine, Paulus autem Samosatenus et Photinus, quamvis sanctum et cunctis excelsum virtutibus prædicent Salvatorem, tamen hominem confitentur; ergo maledicti erunt spem habentes in homine.* Ubi similiter posuisset Hieronymus Nestorium, si eum novisset.

<sup>c</sup> Solvit Jesum proprie, qui dividit Salvatorem in duos, seu qui duas in Christo personas statuit, ut Cerynthus, Nestorius et alii statuebant. Vel latius, ut exponit Beda: *Ille solvit Jesum, qui vel divinitatem ejus (ut Arius), vel animam rationalem (ut Apollinarius), vel carnem negat (ut Manichæus), quæ eum veraciter habere fides catholica docet.* Solvit et ille Jesum, qui mandata et verba Jesu vel perverse vivendo, vel perversius interpretando corrumpit. Sed et ille qui unitatem sanctæ Ecclesiæ, quam Jesus venit colligere, turbat, Jesum quantum in se est solvere nititur. Nec mirum si tales ex Deo non sunt, qui Dei opera, vel verba, vel sacramenta rescindunt. In tantum namque ex Deo non sunt, ut quidam eorum, qui pravo dogmate separare volebant ab hominis dispensatione divinitatem Christi, hunc quoque versiculum, quo dicitur: *Et omnis spiritus qui solvit Jesum ex Deo non est, ex hac Epistola eraserint, ne scilicet per auctoritatem beati Joannis convinceretur error eorum.* Denique

<sup>c</sup> Nestorius nescire se prodidit hanc authenticis exemplaribus inditam fuisse sententiam, atque ideo solvere non timuit Jesum, dicens beatam Mariam virginem non Dei, sed hominis tantum exstitisse genitricem, ut aliam personam hominis, aliam faceret Deiatis, etc. Hæc Ven. Beda, qui quod de erasure istius sententiæ ab hæreticis præsumpta, et de Nestorii inscitia, a Socrate accepisse videtur, qui hæc eadem latius commemorat his verbis (*Lib. vii Hist. cap. 32*): *Porro autem ignoravit (Nestorius) quod scriptum sit in vetustis exemplaribus Epistolæ catholicæ divi Joannis: Omnis spiritus qui solvit Jesum ex Deo non est. Quippe hanc sententiam omnes qui divinitatem ab humanitate Christi sejungere studebant ex vetustis exemplaribus delere tollereque non dubitarunt. Quapropter veteres interpretes idem ipsum significarunt, quosdam videlicet esse qui istam Epistolam depravassent, quo in Christo hominem a Deo separarent. Est autem ejus humanitas cum divinitate conjuncta, et non sunt duo, sed unum. Qua ratione nixi veteres, Mariam Deiparam appellare non sunt veriti. Ita etiam Eusebius Pamphili in tertio libro (Cap. 42) de Vita Constantini loquitur: Nobiscum Deus pro nobis nasci sustinuit, et locus illius nativitatis proprio nomine apud Hebræos Bethleem appellatur. Quocirca imperatrix sanctissima Helena, Deiparæ partum eximius monumentis decoravit, sacrumque illud antrum variis cujusque generis illustravit insignibus. Quin etiam Origenes in primo tomo Commentariorum in Epistolam Pauli ad Romanos conscriptorum, hanc rem pluribus discutit, dum explicat causam cur Maria Deipara dicta sit. Itaque Nestorius videtur veterum lucubrationes penitus ignorare, et ob eam causam hanc vocem Deiparam insectatur. Hucusque Socrates, quæ cum Cassiani argumento bene concordant.*

<sup>d</sup> Ita ex Græco textu: καὶ τοῦτό ἐστι τοῦ Ἀντιχρίστου ὁ ἀρχιόατος. At Latina et Vulgata versio habet: *Et hic est Antichristus, de quo audistis, etc.* Antichristus non in persona, sed in figura, sicut Joannes dicitur Elias, Matth. xi. Antichristus, id est, præambulus Antichristi, ait S. Thomas (*In Commentario*).



tissimus medicus venturos quandoque in Ecclesiam suam morbos ante prædixit! et cum prænuntiaret infirmitatem, dedit ex ipsa prænuntiatione medicinam, ut omnes, scilicet agnoscentes languorem ingruentem, procul jam atque longe vitare inciperent quæ imminere didicissent. Et ideo sanctus Joannes: *Omnis, inquit, qui solvit Jesum, ex Deo non est, et hoc est Antichristi.* Agnoscisne eum, hæretice? Agnoscis de te jam palam et designanter dixisse? Nemo enim ita solvit Jesum quam qui non confitetur Deum. Cum enim in hoc omnis Ecclesiæ fides et omnis cultus sit, Jesum Deum verum fateri, quis magis venerationem ejus et cultum solvere potuit, quam qui totum in eo quod omnes colimus denegavit? Caveas ergo, obsecro, caveas ne quis etiam Antichristum dicere queat. Conviciari me aut maledicere putas? Non meum est quod loquor, ecce evangelista dicit: *Omnis qui solvit Jesum, ex Deo non est, et hic est Antichristus.* Si non solvis Jesum et Deum non negis, Antichristum te nullus dicere potest. Si autem negas, quid accusas quod Antichristum te quisquam esse dicat? Tu hoc de te, tu, inquam, dum negas, ipse dixisti. Vis scire hoc verum esse? Dic mihi Jesum cum ex Virgine nasceretur, quid velis, hominem fuisse an Deum? Si Deum tantum, solvis utique Jesum, qui in eo hominem unum tum Deo fuisse deneges. Si autem hominem, solvis utique nihilominus, qui solum tantummodo, ut facis, hominem natum esse blasphemies. Nisi forte existimas quod non solvas Jesum, qui fuisse eum Deum negas, qui solveres utique etiam si natum cum Deo hominem denegares. Sed exemplis forsitan hoc manifestius velis fieri; accipe de utroque. \* Manichæus extra Ecclesiam est, qui Jesum Deum tantum fuisse asserit; Ebion, quia hominem. Uterque enim Jesum negavit ac solvit, alter solum dicendo hominem, alter tantummodo solum Deum. Quia licet diversa dixerint, par tamen ipsius diversitatis impietas. Nisi quod si ulla inter malorum magnitudinem potest esse discretio, injuriosior blasphemia tua est, quæ solum hominem asserit, quam illa quæ solum Deum; quia licet utrumque malum sit, contumeliosius tamen est divina Domino quam humana rapuisse. Fides ergo hæc tantum catholica, hæc tantum vera est, Dominum Jesum Christum sicut Deum, ita et hominem, et sicut hominem, ita et Deum credere. *Omnis*

*qui solvit Jesum, ex Deo non est.* Solvere autem hoc est, quod unitum est in Jesu velle rumpere, et quod individuum separare. Quid autem in Jesu unitum et individuum? Homo utique et Deus. Ergo ille Jesum solvit, qui hæc separaverit atque diruperit. Alioquin si non dirumpit, ac separat, ergo nec solvit. Si autem separat atque dirumpit, ille utique solvit.

## CAPUT XI.

*Dominicæ Incarnationis sacramentum Christi divinitatem manifeste conarguit.*

Et ideo omni homini in hanc blasphemiam atque insaniam prorumpenti, ipse pro se in Evangelio Dominus Jesus illud quod ad Phariseos locutus est clamat ac protestatur: *b Quod Deus conjunxit, homo non separet* (Matth. xix). Quod licet illic ubi a Deo dictum est, *c* ad causam aliam responsum esse videatur, tamen profunditas Dei, quæ non magis de carnalibus quam de spiritualibus loquebatur, cum de illo hoc, tum magis de hoc voluit intelligi; quia credentibus tunc Judæis id quod tu dicis, hominem tantummodo Jesum sine Deo esse, cum de societate conjugii Dominus interrogaretur, non de eo tantum, sed etiam de hoc edocuit, et de minoribus consultus, etiam de altioribus majoribusque respondit, dicens, *Quod Deus conjunxit, homo non separet.* Hoc est: Nolite id separare quod in me Deus junxit; non separet humana impietas quod in me univit divina majestas. Vis autem plenius scire hoc ita esse, audi Apostolum de his ipsis de quibus tunc Salvator docuit disserentem? qui utique utpote magister a Deo missus, ut capere tunc auditorum inbecillitas poterat, ea ipsa quæ Deus in mysterio prædicarat exposuit. Cum enim de conjugio carnali, unde interrogatus in Evangelio Salvator fuerat, disputaret, replicavit ea ipse, quibus ille usus tunc fuerat, legis veteris testimonia, scilicet ut intelligeretur quod eandem rem exponeret qui iisdem testimoniis uteretur. Adjiciens præterea, ne deesse causæ aliquid videretur, etiam carnale conjugium, mulieris quoque ac viri nomen, quos ad mutuum adhortabatur affectum, ita posuit: *Viri, diligite uxores vestras, sicut et Christus Ecclesiam* (Ephes. v). Et iterum: *Ita et viri debent diligere uxores suas, ut corpora sua. Qui uxorem suam diligit, seipsum diligit. Nemo unquam carnem suam odio habuit, sed nutrit et fovet eam, sicut et Christus Ecclesiam,*

## ALARDI GAZEI COMMENTARIUS.

\* Manichæus Christum veram carnem, scilicet humanam, assumpsisse negabat, sed phantasma dumtaxat aut inane spectrum hominum aspectibus obiecti-se; proptereaque Christum ut Deum tantum agnoscebat, non etiam hominem. Econtrario Ebion, Cerinthus, et horum sectator Nestorius, hominem tantum oblatrabant, ut saepe dictum est. Hinc D. Hieronymus in cap. i ad Galatas: *Ecclesiæ fides, inquit, inter falsorum dogmatum naufragia constituta, si Christum fateatur hominem, Ebion, Photinusque subrepunt. Si Deum esse contenderit, Manichæus et Marcion, et novæ dogmatis auctor ebullunt.* Et D. Augustinus lib. de Hæresibus: *Ebionæi Christum etiam tantummodo hominem dicunt.*

*b* Quod de conjunctione viri et uxoris secundum

*D* litteram dictum est a Domino, allegorice accommodat Auctor ad mysterium Incarnationis, quo divinitas et humanitas sic in una hypostasi conjunctæ sunt, ut nulla ratione separari ac dirimi queant. Et notandum quod non dixit Dominus, Quo: Deus conjunxit, sed: *Quod Deus conjunxit*; ut non tamquam de duobus, sed tamquam de uno corpore loqui videretur: quia paulo ante dixerat: *Itaque jam non sunt duo, sed una caro.* Quod etiam in mysterium Incarnationis quadrat, ubi *Deus et homo non duo, sed unus est Christus*, una hypostasis, unum suppositum, quod dissolvi ac separari nequit.

*c* Nempe ad interrogationem Phariseorum de carnali conjugio viri et mulieris, et causis dimittende uxoris.



quia membra sumus corporis ejus (Ephes. v). Vides quemadmodum Christi atque Ecclesiæ nomina viri ac mulieris nominibus adjungens, omnes a carnali audientia ad spiritualem intelligentiam traxit. Cum enim omnia ista dixisset, subdidit ea quibus in

A Evangelio Dominus usus fuerat testimonia, dicens, <sup>a</sup> Propter hoc relinquet homo patrem suum et matrem suam, et adjungetur ad uxorem suam, et erunt duo in carne una (Matth. xix). Et quidem post hæc quasi cum magna clamoris protestatione subjecit : <sup>b</sup> Sacramen-

#### ALARDI GAZÆI COMMENTARIUS.

<sup>a</sup> Verba sunt non Apostoli, sed Adami in Genesi (Cap. ii). Sed quia licet ab Adamo dicta sint, Dei tamen afflatu et inspiratione dicta sunt, propterea Dominus in Evangelio a Deo dicta commemorat (Matth. xix), quod Deus per Adamum, seu Adami ore, ea protulerit : sicut locutus est per os prophetarum (Luc. i). Porro ex his verbis colligunt Patres, Adamo in illo sopore sive exstasi sibi divinitus immissa revelatum fuisse mysterium Incarnationis Domini-  
cæ, eumque a somno illo excitatum, in illas voces erupisse : Hoc nunc os de ossibus meis (Gen. ii), et quæ sequuntur, hisque verbis significasse arcissimam (quæ per Incarnationem futura erat) Christi conjunctionem cum Ecclesia, vel cum natura humana : proinde ab exordio generis humani Christum in carne venturum hominibus fuisse denuntiandum. Fundamentum autem præcipuum, quo Patres utuntur, ut hanc sententiam astruant, est testimonium Apostoli, quod hic citatur, ubi explicans verba prædicta Adami : Sacramentum, inquit, hoc magnum est, ego autem dico in Christo et Ecclesia (Ephes. v). Hoc est, in illis verbis Adami latet magnum mysterium conjunctionis Christi cum Ecclesia. Sic Tertull. lib. de Anima (Cap. 11 et 21) : Adam statim prophetavit magnum illud sacramentum in Christum et Ecclesiam : Hoc nunc os ex ossibus meis, et caro ex carne mea ; propter hoc relinquet homo patrem et matrem, et agglutinabit se uxori suæ, et erunt duo in unam carnem ; accidentiam spiritus passus est, cecidit enim exstasis super illum, sancti Spiritus vis operatrix prophetiæ. S. Epiphani. hæresi 48 dicit Adam illis verbis variatum esse de futuris. Hieronymus in eundem locum ad Ephesios : Primus, inquit, homo, et primus rates Adam, hoc de Christo et Ecclesia prophetavit, quod reliquerit Dominus noster atque Salvator Patrem suum Deum et matrem suam cælestem Hierusalem, et venerit ad terras propter suum corpus Ecclesiam, et de suo eam latere fabricatus sit, et propter illam verbum caro factum sit. Angustinus lib. ix de Genesi ad litteram (Cap. 19) : Illa exstasis, inquit, quam Deus immisit in Adam, ut soporatus obdormiret, recte intelligitur, ad hoc immissa, ut et ipsius mens per exstasim fieret particeps tamquam angelicæ curiæ, et intrans in sanctuarium Dei intelligeret novissima. Denique evigilans tamquam prophetiæ plenus, cum ad se adductam costam, mulierem suam vidisset, eructavit continuo, quod magnum sacramentum commendat Apostolus : hoc nunc os ex ossibus meis, et caro de carne mea : hæc vocabitur mulier, quoniam de viro sumpta est : et propter hoc relinquet homo patrem suum et matrem, et adhærebit uxori suæ, et erunt duo in carne una. Quæ verba cum primi hominis fuisse Scriptura testetur, Dominus tamen in Evangelio Deum dixisse declaravit. Ait enim : Propter hoc dimittet homo patrem et matrem, etc. (Matth. xix), ut hinc intelligeremus propter exstasim quæ præcesserat in Adam, hoc eum divinitus, tamquam prophetam, dicere potuisse. Leo P. n. epist. 23 : Ab ipso, inquit, principio generis humani, hominibus Christus est denuntiatus, in carne venturus. In qua (sicut dictum est) et erunt duo in carne una, Deus et homo, Christus et Ecclesia, quæ de sponsi carne prodiit, quando ex latere crucifixi, manante sanguine et aqua, sacramentum redemptionis et regenerationis accepit. Prosper lib. i de Prædict. et Promiss. Dei (Cap. i) : Hoc, inquit, factum esse, ut rem gereret et figuram, Apostolus Paulus testis est. Exponens quippe hunc locum in Epistola ad Ephesios, ait : Sacramentum hoc magnum est : Ego autem dico, in Christo

et Ecclesia. Sacramentum igitur magnum, quod promissum spectavit. Adam sibi conjunctam vidit quam credidit conjugem. Nobis per fidem vivorum signavit futuram Ecclesiam. Matrem appellavit omnium vivorum, ea scilicet causa, qua ex latere Adæ dormientis formata Eva ; ex latere Christi in cruce pendens, formandam, ut factum est, prævidit Ecclesiam, quæ est mater omnium vivorum. Hæc est enim illa mulier, quæ custoditur per tempus, et tempora, et dimidium temporis a conspectu serpentis, ut in Apocalypsi de Ecclesia dicitur (Apoc. xii). Bernardus sermone 6 de Vigilia Natalis Domini : Primus homo omnium viventium pater, magnum eructans sacramentum, quod in Christo et in Ecclesia Apostolus postmodum evidentius commendavit : Relinquet, ait, homo patrem et matrem, et adhærebit uxori suæ, et erunt duo in carne una. Et sermone 2 de Septuagesima : Qualis ille sopor dicendus sit fuisse, vel credendus, quem Dominus immisit in Adam, in quo, sine sensu omnino doloris, in nubem ædificandam cocta sublata est de latere dormientis ? Mihi quidem non nisi incommutabilis veritatis intuitu, et abyso divinæ sapientiæ, corporeis excedens sensibus obdormisse videtur : quod ex ejus verbis vel maxime conjici potest. Rediens nimirum indicat quod abisset, dum tamquam ebrius de cella vinaria veniens, et eructans illud magnum sacramentum, quod tanto post in Christo, et in Ecclesia Apostolus commendavit : Hoc nunc, inquit, os ex ossibus meis. Et propter hoc, inquit, relinquet homo patrem et matrem, etc. An tibi penitus obdormisse videtur, qui in hanc vocem excitatus erupit, et non magis dicere potuisse : Ego dormio, et cor meum vigilat (Cant. v) ? Hæc Bernardus et cæteri Patres citati in eandem sententiam.

<sup>b</sup> Το μυστήριον, mysterium, quod noster interpretes vertit sacramentum, hoc loco appellat Apostolus, quod in priori ad Corinthios (Cap. x) vocat τῶν, figuram, et in Epistola ad Galatas (Cap. iv) allegoriam, in qua significatione hac voce usus est Nazianzenus, ut videre est in commentario Budæi in linguam græcam. Hinc D. Ambrosius : Mysterium, inquit, hoc magnum est : ego autem dico in Christo et Ecclesia. Mysterii sacramentum grande in unitate viri et femine esse significat. Et Hieronymus : Id ipsum, inquit, per allegoriam in Christo interpretatur et in Ecclesia : ut Adam Christum, et Eva præfigeret Ecclesiam. Factus est enim novissimus Adam in spiritum vivificantem (I Cor. xv). Ut quomodo de Adam et uxore ejus omne hominum nascitur genus ; sic de Christo et Ecclesia omnis credentium multitudo generata est : quæ unum Ecclesiæ corpus effecta, rursum in latere Christi ponitur, et costæ locum replet, et unum viri corpus efficitur, ipso Domino id in Evangelio postulante : Pater, da, ut quomodo ego et tu unum sumus, sic et ipsi in nobis unum sint (Joan. x). S. Thomas in Commentario sacramentum interpretatur sacre rei signum, scilicet conjunctionis Christi et Ecclesiæ. Sensus igitur Apostoli a Patribus traditus hic est : Licet ad litteram et historice de mutua viri et uxoris conjunctione et dilectione dicta sint hæc verba ab Adamo, hoc tamen magnum est sacramentum, et mysterium, hoc est, sub iisdem verbis et sub primæva matrimonii institutione mystice latet, et designatur Christi et Ecclesiæ unanimis et indissolubilis conjunctio. Sicut enim patrem et matrem relinquit homo, ut uxori adhæreat : sic quodammodo Patrem homo factus dereliquit Christus, sicut ipse ait : Exivi a Patre, et veni in mundum (Joan. xvi), non per desertionem deitatis, sed per humanitatis assumptio-



tam, inquit, hoc magnum est. Removit utique de hoc omnino et amputavit carnalem intellectum, ubi sacramentum penitus dixit esse divinum. Et quid tamen post ista subdidit? *\* Ego autem dico in Christo et in Ecclesia*. Cum dixisset, sacramentum hoc magnum est: non dixit, hæc est expositio sacramenti. Sed quid? *Ego autem dico, in Christo et in Ecclesia*. Hoc est dicere: Illud quidem magnum est sacramentum, sed ego in Christo dico et in Ecclesia. Hoc est, ut <sup>b</sup> quia capere illud ad præsens forsitan omnes non queunt, vel hoc capiant, quod tamen ab illo non discrepat, nec diversum est, quia utrumque de Christo est. Sed qui profundiora illa non capiunt, hæc sal-

## ALARDI GAZÆI COMMENTARIUS.

nem; et matrem synagogam, cui quatenus Judæus, suberat, dereliquit, ut uxori seu sponsæ suæ, id est, Ecclesiæ gentium adhereret. A qua expositione veterum Patrum nonnihil deflectit Auctor (*Cap. seq.*), ut hunc locum Apostoli ad suum institutum trahat et accommodet. Nam quod illi de conjunctione Christi cum Ecclesia, ut verba Apostoli præ se ferunt et exigunt, hoc ipse de conjunctione divinitatis cum anima in carne Christi interpretatur, ut sequenti cap. clarius patebit. Porro solet etiam hic locus a Patribus adduci ad confirmationem ecclesiastici dogmatis, quod *matrimonium sit sacramentum*. Sic enim ipsi verba Apostoli intellexerunt, ut pronomen hoc non solum referat mysterium latens in verbis illis Adami, nempe desponsationem ac unionem Christi cum Ecclesia, ut dictum est; verum etiam rem primo significatam iisdem verbis, puta arctissimum matrimonii vinculum et conjunctionem conjugalem inter virum et uxorem: quæ conjunctio licet tam in lege naturæ, quam Mo-saica, non ni i naturalis contractus fuerit in officium quidem naturæ ante peccatum, in remedium autem concupiscentiæ post peccatum: modo tamen, hoc est, in Christo, sive sub Christo, et in Ecclesia magnum est sacramentum, id est, verum et proprie dictum novæ legis sacramentum, quod est invisibilis gratiæ signum efficax a Christo Domino institutum (*Mag. Sent. in iv dist. 26; S. Thom.; Sotus et alii ibid.*). Id patet ex concilio Florentino (*In decreto Armenis dato*), ubi inter septem sacramenta novæ legis annumeratur matrimonium; et expressius ex concilio Tridentino (*Cap. Ad abolendam, de Hæret. ss. 24, in doctr. de Sacram. matrim.*), ubi hoc insum definitur his verbis: *Gratiam vero, quæ naturalem illum amorem perficeret, et indissolubilem unitatem confirmaret, conjugesque sanctificaret, ipse Christus venerabilium sacramentorum institutor atque perfector, sua nobis passione promeruit, quod Paulus apostolus innuit dicens: Viri, diligite uxores vestras, sicut Christus dilexit Ecclesiam, et seipsum tradidit pro ea; mox subiungens: Sacramentum hoc magnum est; ego autem dico in Christo et in Ecclesia*. Cum igitur in lege evangelica veteribus connubiis per Christum gratia præstet; merito inter novæ legis sacramenta annumerandum sancti Patres nostri, concilia, et universalis Ecclesiæ traditio semper docuerunt, etc. Et canone primo de eadem re edito: *Si quis dixerit matrimonium non esse vere et proprie unum ex septem legis evangelicæ sacramentis, a Christo Domino institutum, sed ab hominibus in Ecclesia inventum; neque gratiam conferre, anathema sit*. Hæc ibi. Non est denique prætereundum, quod hic præterea annotat S. Thomas (*In commentario*), quod quatuor sunt sacramenta quæ dicuntur magna, sed diversa ratione: *Baptismus*, inquit, *ratione effectus, quia delet omnem culpam, et aperit paradisi januam*. *Confirmatio*, *ratione ministri, quia solum a pontificibus et non ab aliis confertur*. *Eucharistia*, *ratione continentis (id est, rei contentæ)*, quia totum Christum continet. Et matrimo-

tem faciliora cognoscant, ut cum promptiorem intellectum cœperint capere, ad altiorem valeant pervenire, et planioris nunc rei adipiscentia sit postea profundioris via.

## CAPUT XII.

*Latius exponit quodnam illud sacramentum sit quod sub viri et uxoris nominibus designatur.*

Quod ergo magnum illud est sacramentum, quod sub viri atque uxoris nomine designatur? Apostolum ipsum interrogemus, qui ad docendam eandem rem alibi verbis rei ipsius usus est dicens: *c Et manifeste magnum est pietatis sacramentum, quod manifestatum est in carne, justificatum est in spiritu, apparuit ange-*

*B nium, ratione significationis, quia significat conjunctionem Christi et Ecclesiæ.*

<sup>a</sup> Annotavit D. Hieronymus, et ante ipsum Gregorius Nazianzenus particulam illam, *Ego autem dico*, modestiæ et humilitatis causa ab Apostolo additam: *Humilitatis*, inquit, *ejus indicium est, inferentis: Ego autem dico in Christo et in Ecclesia*. Gregorius Nazianzenus vir valde eloquens et in Scripturis apprime eruditus, cum de hoc mecum tractaret loco, solebat dicere: *Vide quantum istius capituli sacramentum sit, ut Apostolus in Christo illud et in Ecclesia interpretans, non se ita asserat, ut testimonii postulabat dignitas, expresse, sed quodammodo dixerit; scio quia locus iste ineffabilibus plenus sit sacramentis et divinum cor quærat interpretis. Ego autem pro pusillitate sensus mei, in Christo interim illud et in Ecclesia intelligendum puto: non quo aliquid Christo et Ecclesia majussit, sed quod totum, quod de Adam et de Eva dicitur in Christo et in Ecclesia interpretari posse difficile sit.*

<sup>b</sup> Locus obscurus et ambiguus. Quid enim refert *C illud* quod ad præsens forsitan omnes capere non queant, et hoc quod facilius capiant? Speculare mihi videtur verba præcedentia: *Sacramentum hoc magnum est, non dixit: hæc est expositio sacramenti*. Sacramentum ergo vocat quod ex ipso verborum sono statim concipitur esse illud magnum pietatis sacramentum ab Apostolo commemoratum, *quod manifestatum est in carne*, id est verbum Dei incarnatum quod initio capitis sequentis proponit ex Apostolo, et hunc vocat paulo post, promptiorem intellectum. Expositionem autem sacramenti videtur intelligere profundior et reconditiorem allegoriam de Christi conjunctione cum Ecclesia, velut capitis cum corpore, sponsi cum sponsa: quæ non ita facile, et in promptu ex illius sacramenti auditu concipitur, licet utrumque de Christo sit, ut ait infra, et ad Christum referatur. Facilius enim, ut et prius natura, quis concipit Christum esse Deum incarnatum, quam esse caput et sponsum Ecclesiæ: quo proprie spectant verba Apostoli ad Ephesios v.

<sup>c</sup> *Manifeste, ὁμολογούμενον*, quod perinde sonat, ac si dicas, confesse, vel in confesso est. Unde Ambrosius periphrasi reddidit: *Et quidem*, inquit (*Lib. ad Imperat.*), *omnium confessione, magnum est pietatis sacramentum, etc.* Cyrillus hunc eundem locum contra Nestorium allegans: *Quis is, quæso, est, inquit, qui in carne manifestatus est? An non modis omnibus perspicuum est, non alium esse, quam ipsummet Deum Verbum? Hinc namque magnum illud pietatis mysterium perspicitur. Hic autem ab angelis visus est, cum in cælum susceptus est. Prædicatus porro gentibus est per sanctos apostolos. Creditus autem est in mundo. Sed numquid ut homo absolute nostri similis? Nequaquam: verum ut Deus homo factus, nostroque similem ortum sortitus. Assumptus tandem est in gloriam: quo Patrem dicentem audiat: Sede a dextris meis, donec ponam inimicos tuos scabellum pedum tuorum (Psal. cix).*



lia, *prædicatum est gentibus, creditum est in mundo, assumptum est in gloria* (1 Tim. iii). Quod ergo magnum est illud sacramentum quod manifestatum est in carne? Deus scilicet natus e carne, Deus visus in corpore: qui utique sicut palam est manifestatus in carne, ita palam est assumptus in gloria. Hoc ergo magnum est sacramentum, de quo ipse ait: *Propterea relinquet homo patrem suum et matrem, et adhærebit uxori suæ: et erunt duo in carne una* (Matth. xix). Qui fuerunt ergo duo in carne una? Deus scilicet atque anima. <sup>a</sup> In una enim, quæ Deo unita est, carne hominis Deus est atque anima, secundum illud ipsius Domini, *Nemo potest a me tollere animam meam; sed ego pono eam a me ipso. Potestatem habeo ponendi eam, et potestatem habeo iterum sumendi eam* (Joan. x). Tria ergo nunc in hoc vides, Deum, carnem, animam: Deus est, qui loquitur; caro, in qua loquitur; anima, de qua loquitur. Propterea ergo homo ille de quo propheta dicit, <sup>b</sup> *Frater non redimit, redimet homo* (Psalm. xlviii)? Qui, ut dictum est, *ascendit ubi erat prius* (Joan. vi), et de quo legimus, *Nemo ascendit in cælum, nisi qui de cælo descendit Filius hominis, qui est in cælo* (Joan. iii). Propter hoc, inquam, reliquit homo patrem suum et matrem, id est, Deum ex quo natus est, et Jerusalem illam quæ est mater omnium nostrum; et ad-

hæsit humanæ carni, quasi uxori suæ. Et idcirco de Patre expresse dixit, relinquet homo patrem suum: <sup>c</sup> de matre autem non dixit, suam, sed tantummodo matrem posuit, quia non tam ipsius erat mater, quam universorum credentium, id est, omnium nostrum. Et adjunctus est uxori suæ, quia sicut vir et mulier unum corpus sunt, ita majestas divinitatis et caro hominis uniuntur, et facti sunt duo, id est, Deus atque anima in carne una. Quia sicut caro illa habitatorem in se habuit Deum, ita animam quoque in se cohabitantem Deo. Hoc ergo magnum est illud sacramentum, ad quod inquirendum nos admiratio Apostoli vocat et adhortatio Divinitatis invitat: non alienum utique etiam a Christo et ab Ecclesia, ut ipse ait, ego autem dico in Christo et in Ecclesia. Quia et caro Ecclesiæ caro Christi est, et in carne Christi Deus est atque anima; ac sit idem in Christo quod in Ecclesia, quia sacramentum quod in Christi carne creditur, etiam fide in Ecclesia continetur.

## CAPUT XIII.

Quanto *desiderio veteres patriarchæ sacramenti istius revelationem videre exoptarunt.*

Hoc ergo sacramentum, quod et manifestatum est in carne, et apparuit in mundo, et gentibus prædicatur, <sup>d</sup> multi sanctorum veterum sicut prævidebant

## ALARDI GAZÆI COMMENTARIUS.

<sup>a</sup> Singularis mihi videtur Cassianus in hac sua interpretatione quæ nulli veterum venit in mentem, ut patet ex dictis: nec satis quadrat dictis Apostoli. Non enim ait *Sacramentum hoc magnum est: ego autem dico in Christo tantum, sed, in Christo et in Ecclesia*. Quorsum enim adderet *et in Ecclesia*, si tantummodo Christum spectaret, hoc est, unionem Verbi cum anima in carne Christi, ut hic Auctor exponit? quamvis vera sint, quæ de hac unione dicit. Præterea illa commentatio hic adjuncta: *Homo ille de quo propheta ait: Frater non redimit, etc.; homo inquam, ille adhæsit humanæ carni, quasi uxori suæ: quam dura sit, et a sensu Scripturæ extranea, nemo non videt, quamvis eam inferius excusare ac defendere nitatur. At hic liceat ipsi abundare in sensu suo, ubi pro fide, non contra, abundat et laborat.*

<sup>b</sup> Versiculus hic varie a Patribus exponitur. D. Ambrosius cum Cassiano consentit hoc commentario: *Quem frater eodem matris utero effusus in lucem redimere non potest, quia parilis naturæ infirmitate retinetur, redimet homo, sed ille homo de quo scriptum est quia mittet illis Dominus hominem qui salvabit eos* (Isaiæ xix), *qui de seipso dixit: Queritis me occidere hominem qui veritatem locutus sum vobis* (Joan. viii). Et infra: *Solus Redemptor intelligitur, qui peccato veteri obnoxius esse non possit. Ergo per hominem, Dominum Jesum intelligamus, qui suscepit hominis conditionem, ut in carne sua peccatum omnium crucifigeret, et chirographum universorum suo cruore deleteret.* Ita Ambrosius. At D. Hieronymus per interrogationem legit hoc modo: *Frater non redimit, redimet homo?* Et duas suggerit interpretationes: *Si Christus, inquit, non redemit (illos scilicet qui confidunt in virtute sua, etc.), qui se fratrem dixit apostolorum, et resurgendo factus est primogenitus resurgentium; non redimet Adam, quia primus homo mortuus non resurrexit. Nam frater noster Christus est, Deus et homo, qui nos redemit; vel, quod non redemit Moyses, redemit Christus.* Ilæc Hieronymus, seu quis auctor ejus Commentarii. Cui, quoad priorem expositionem et interrogationem illam, consentit Augustinus in

hæc verba: *Expectas ut homo te redimat ab ira ventura? Si te frater non redimet, homo te redempturus est? Quis est frater, qui si non redemerit, nullus homo redempturus est? Qui post resurrectionem suam dixit: Vade, dic fratribus meis* (Matth. xxviii; Joan. xx). *Frater noster voluit esse, et cum dicimus: Pater noster, hoc manifestatur in nobis. Qui enim dicit Deo: Pater noster, Christo dicit: Frater. Ergo si ipse non redimet, redimet homo? Aliquis homo redimet, si Filius hominis non redimit? Si Christus non redimit, Adam redimet? Sic Augustinus. Chrysostomus vero et alii totum de Christo interpretantur, in hunc modum: Non redimet Christus (mundum scilicet) ut frater, hoc est, ut Judæus, sive per legem Judaicam, sed ut homo factus. Neque pro sui redemptione offeret seipsum, nec dabit Deo placationem suam et pretium redemptionis animæ suæ, sed pro aliis omnibus. Christus non sua enim causa, sed nostra, mortuus est.*

<sup>c</sup> Arguta observatio, quasi non subaudiretur, suam, sicut ante exprimitur, suum. Certe D. Hieronymus in Commentario Epistolæ ad Ephesios, habet et suum et suam, licet ibi omittat suam. Quin et ipse Cassianus superius (Cap. 12) ita citavit: *Propter hoc relinquet homo patrem suum et matrem suam*, quod mirum est ipsi excidisse, nisi textus sit vitiat.

<sup>d</sup> Consentaneæ hinc loco B. Irenæus lib. iv adversus hæreses cap. 34. Quoniam, inquit, non solum prophetæ, sed et justi multi præscientes per Spiritum adventum ejus, oraverunt in illud tempus venire, in quo facie ad faciem viderent Dominum suum, et sermones ejus audirent, Dominus fecit manifestum discipulis dicens: *Multi prophetæ et justi cupierunt videre quæ videtis, et non viderunt, et audire quæ auditis, et non audierunt* (Matth. xiii, Luc. x). Quemadmodum igitur concupierunt et audire et videre, nisi præscissent futurum ejus adventum? Quomodo autem præscire potuerunt, nisi ab ipso præscientiam ante accepissent? etc. Est autem in illis Domini verbis observandum, quod Matthæus prophetas et justos, Lucas vero prophetas et reges nominavit. Et credibile est, ait M.



In spiritu, ita videre etiam in carne voluerunt. Amen. Enim, inquit Dominus, *dico vobis quia multi prophetæ et iusti cupierunt videre quæ vos vidistis, et non viderunt, et audire quæ audistis et non audierunt (Matth. xiii).* Et ideo Isaias propheta, *a Utinam, inquit, Domine, disrumperes cælos, et descenderes (Isa. lxiiv).* Sed et David: *Domine, inclina cælos, et descende (Psalm. cxlii).* Moses quoque: *b Ostende, inquit, mihi teipsum, ut manifeste videam te (Exod. xxxiii).* Nemo admodum propius quam Moses legem capiens, alloquentem e nubibus Deum, atque ad ipsam admodum præsentiam maiestatis accessit. Et quomodo cum nemo propiora quam ille de Deo cerneret, adhuc manifestiora poscebat dicens: *Ostende mihi, inquit, teipsum, ut manifeste videam te, scilicet quia hoc ille fieri precabatur quod iisdem admodum verbis Apostolus factum esse dicebat, id est, ut palam Dominus manifestaretur in carne, palam appareret mundo, palam assumeretur in gloria; et omnia oculis tandem carnalibus sancti cernerent, quæ spiritualibus prævidebant.*

## CAPUT XIV.

*Impiam et blasphemam hæreticorum sententiam redarguit, qui Deum in Christo velut in organo sive statua habitasse et locutum esse dixerunt.*

Alioquin si, ut hæreticus ait, Deus futurus in Domino Jesu Christo erat, *c* velut in statua aut in organo, id est, ut habitaret tantum quasi in homine, et loqueretur quasi per hominem, non ut ipse esset qui habitaret, atque ex se et ex suo corpore loqueretur Deus; jam utique sic et habitarat in sanctis, et locutus fuerat e sanctis. In his quoque ipsis, quos supra

## ALARDI GAZÆI COMMENTARIUS.

donatus (*In cap. xiii Matth.*), Christum ea tria personarum præstantissima nominasse, prophetas, reges et justos; sed Matthæum reges, Lucam justos prætermisisse.

*a* Ut ardens eorum desiderium ostenderet propheta, non ait: *Utinam jam venires, sed: Utinam disrumperes cælos, et descenderes.* Quasi diceret: *Utinam tam cito venires et tam vehementi impetu, ut non quæreret ostium, sed subito cælos rumpere et descenderes: non quod necesse esset Deum cælos disrumperere aut infringere ut veniret; sed loquitur propheta more humano, ut fervorem desiderii, quo antiqui Patres adventum Christi exoptabant, demonstraret.* Eodem modo David: *Domine, inquit, inclina cælos tuos et descende (Ps. cxli).* Ubi iugens exprimitur eximii prophetæ desiderium, dum ne Deus in aperiendis cæli foribus moram faceret, petit ut cælum inclinet et descendat.

*b* Divus Hieronymus in c. lxi Isaiæ: *Hunc, ait, quærebat et Moyses loquens Deo: Si inveni gratiam apud te, ostende te mihi manifeste. Majores divitias thesauris Ægypti, Christi opprobrium præstolans, dum retributionem desiderat futurorum, et invisibilem Deum, quasi videret, animo contemplatur. De quo et in Psalmis legitur: Spes omnium finium terræ, et in mari longe (Ps. lxiiv).* Et in Genesi: *Et ipse erit expectatio gentium (Gen. xlix).* Ita Hieronymus significans Moysen illis verbis expetivisse adventum Messiae in carne, in qua manifeste videretur. At D. Augustinus (*Quæst. 151 in Exod.*) et alii existimant Moysen efflagitasse visionem divinæ essentiae.

*c* Quomodo demones in statu et idolis habitabant, et subinde loquebantur, et oracula sua reddebant; sic impius Nestorius blasphemabat Deum in

A dixi, qui adventum ipsius precabantur, sic erat ac loquebatur. Et quid necesse erat ut hoc omnes poscerent quod habebant, si hoc petebant quod jam acceperant? Aut quid videre oculis cuperent, quod corde retinebant, præsertim cum plus sit eandem rem habere quempiam intra se, quam videre extra se? Aut si sic habitaturus erat in Christo Deus sicut in sanctis omnibus, cur magis Christum videre omnes sancti cuperent quam seipsos? Et si eandem rem visuri in Domino Jesu erant quam in se habebant, cur non plus multo arbitrarentur eandem rem in se habere quam in altero videre? Sed erras, infelix furor, non intelligens, ut Apostolus ait, et *quæ loquaris et de quibus affirmes (I Tim. i).* Omnes enim prophetæ et omnes sancti portionem quamdam divini Spiritus, B prout capere poterant, a Deo acceperunt. In Christo autem *omnis plenitudo divinitatis habitavit atque habitat corporaliter (Colos. ii).* Et ideo longe de ejus plenitudine omnes sunt, ex cujus plenitudine aliquid accipiunt (*Joan. i*); quorum adimpletio Christi munus, quia vacui utique omnes erant, nisi ipse esset omnium plenitudo.

## CAPUT XV.

*Sanctorum de Messiae adventu vota quid continebant, aut quale illud fuerit desiderium.*

Hoc ergo sancti omnes optabant, hoc precabantur, hoc sic videre oculis desiderabant sicut animo ac mente sapiebant. Et ideo Isaias propheta: *Utinam, inquit, disrumperes cælos, et descenderes (Isaiæ lxiiv)* Sed et Ihabacuc idem annuntians quod ille optans, C *Dum appropiant, inquit, anni, ostenderis<sup>d</sup>; in adventu*

homine Christo habitasse, et per os hominis illius locutum fuisse: *Sicuti etiam locutus est per os sanctorum qui a sæculo sunt, prophetarum ejus (Luc. i),* nullam vero habuisse cum eo unionem hypostaticam. Aut tanquam in organo verba edidisse, sicut ventus aut spiritus sonum edit in organo, et per organum, scilicet instrumentum musicum; aut in organo generatim, id est, tanquam in instrumento. Nam *ὄργανον* est instrumentum quodcumque. Porro esse Dei habitaculum et Dei instrumentum, commune est cum aliis sanctis hominibus. Quod enim Deus in sanctis suis, ut in templis habitet, testatur Apostolus I Corinth. iii: *Nescitis quoniam templum estis Dei?* et I Corinth. vi: *Nescitis quia membra vestra templum sunt Spiritus sancti, qui in vobis est. Glorificate et portate Deum in corpore vestro.* Quod autem per homines, ut per organa et instrumenta sua, operetur Deus, idem Apostolus inculcat Rom. xv: *Non audeo aliquid loqui eorum quæ per me effecit Christus, verbo et factis, in virtute signorum et prodigiorum, in virtute Spiritus sancti.* Et I Corinth. xii: *Divisiones operationum sunt, idem vero Deus qui operatur omnia in omnibus.* Hæc igitur, et alia his similia, quæ Nestorius tribuebat Christo, et in cæteris sanctis inveniuntur. At certum est longe aliter Verbum incarnatum habitasse in homine, id est, in humanitate, et per humanitatem nobis locutum esse, quam in aliis sanctis, cum dicat Apostolus: *magnum esse pietatis mysterium et sacramentum, quod Deus apparuerit in carne (I Tim. iii).* Quid enim magnum et singulare quod aliis omnibus est commune?

*d* Id est, manifestaberis. Vulgata editio habet: *In medio annorum notum facies.* D. Hieronymus ex Septuaginta vertit: *Cum appropinquaverint anni, co-*



temporum demonstraberis : *Deus de Theman*, sive illud, *A* *Deus ab Austro veniet* (*Habac. III*). David quoque : *Deus manifeste veniet* (*Ps. XLIX*). Et iterum : *Qui sedes super cherubin, appare* (*Ps. LXXIX*). Alii adventum ejus quem mundo præstitit, annuntiabant, alii postulabant. Nonnulli specie dispari, sed affectu pari, intelligentes utique aliquatenus quantam rem precarentur, ut Deus in Deo habitans, in forma Dei ac sinu permanens, semetipsum exinaniret, formam servi acciperet, et se usque ad suscipiendas omnes passionum acerbitates contumeliasque submitteret, subiret pœnam pro beneficiis, et, quod intolerabilissimum est et indignissimum, ab his ipsis mortem exciperet pro quibus ipse moreretur ; intelligentes ergo hoc aliquatenus sancti omnes, aliquatenus, in-

quam, intelligentes, quia quantum s'it nemo intelligit, consona omnes adventum Dei voce et quasi concentu mutuo postulabant. Scientes utique in hoc spem omnium consistere, in hoc salutem omnium contineri ; quia nullus solvere victos possit, nisi immunis a vinculis ; nullus eximere peccatores, nisi peccato carens ; nemo enim liberare aliqua re quemquam potest, nisi ea re ipse liber sit qua a se alius liberatur. Et ideo cum in omnes mors pertransisset, omnes vita indigebant, ut in Adam scilicet morientes, in Christo viverent. Quia quamvis multi sancti, multi electi ac familiares admodum Deo fuerunt, nulli tamen potuerunt per se penitus esse salvi, nisi fuissent adventu Domini et redemptione salvati.

#### ALARDI GAZÆI COMMENTARIUS.

gnosceris. Cum advenerit tempus, demonstraberis. *B* *Quod exceptis*, inquit, *Septuaginta*, nec in *Hebraico*, nec apud quempiam aliorum habetur interpretum. Alibi (*Tom. II*) idem Hieronymus eundem locum respiciens : *Duo anni*, inquit, *de quibus in cantico Haba-*

cuc juxta *Hebraicum* legimus : *In medio duorum temporum cognosceris*. Scriptum est in *Evangelio secundum Joannem* per tria festa paschalia Dominum venisse in *Jerusalem*, quæ duos annos efficiunt. Hæc Hieronymus.

## LIBER SEXTUS.

### CAPUT PRIMUM.

*Ex miraculo saturatæ multitudinis e quinque panibus hordeaceis et duobus piscibus, divinæ virtutis immensitatem ostendit.*

<sup>a</sup> Legimus in Evangelio, appositis, jubente Domino,

#### ALARDI GAZÆI COMMENTARIUS.

<sup>a</sup> Bis in Evangelio legimus hujusmodi miraculum contigisse. In priore (quod quatuor evangelistæ retulerunt) quinque millia hominum, ἀνδρῶν id est, viro- rum, absque parvulis et mulieribus, satiavit Dominus quinque panibus hordeaceis et duobus piscibus (*Matth. XIV, Marc. VI, Luc. IX, Joan. VI*). In posteriore (quod soli Matthæus et Marcus commemorant) septem panibus et paucis pisciculis quatuor tantum millia pavisse legitur (*Matth. XV, Marc. VIII*). Fuisse autem hæc duo diversa miracula, manifestum etiam est ex verbis Domini ad discipulos de penuria panum diffidentes, *Matthæi XVI*, quibus utrumque distincte commemorat et inculcat. Quid cogitatis modicæ fidei, quia panes non habetis? nondum intelligitis neque recordamini quinque panum et quinque millium hominum, et quot cophinos sumpsistis? Hinc Augustinus lib. II (*Cap. 50*) de Consensu evangelistarum : *Hoc sane*, inquit, *non ab re fuerit admonere, in hoc miraculo de septem panibus, quod duo evangelistæ Matthæus et Marcus posuerunt, quia si aliquis eorum id dixisset qui de illis quinque panibus non dixisset, contrarius cæteris putaretur. Quis enim non existimaret unum idemque factum esse? Sed quia illi qui miraculum de septem panibus narraverunt, nec illud de quinque panibus tacerunt, neminem movet, et utrumque factum omnes intelligunt. Hoc ideo diximus, ut sicubi simile invenitur factum a Domino, quod in aliquo alteri evangelistæ ita repugnare videatur, ut omnino solvi non possit, nihil aliud intelligatur quam utrumque factum esse, et aliud ab alio commemoratum, sicut de centenis et quinquagenis discumbentibus commemoravimus. Quia si non etiam illud utrumque apud unum inveniremus, contraria singulos dixisse putaremus. Hæc Augustinus. Porro utriusque miraculi varias et diversas circumstantias explicat D. Hieronymus (*In**

quinque panibus, innumeram Dei plebem esse saturatam (*Joan. VI*). Et quomodo id tamen factum sit, nec enarrare sermo, nec colligere æstimatio, nec concipere sensus potest. Tanta et tam incomprehensibilis divinæ vis potestatis est, ut cum habeamus in nobis facti ipsius conscientiam, <sup>b</sup> impossibile

*C* *cap. XV Matth.*) his verbis : *Tantum*, inquit, *in his quæ discrepant immoremur. Supra (Matth. XIV) legimus : Vespere autem facto accesserunt ad eum discipuli dicentes : Desertus est locus, et reliqua; hic (Matth. XV) discipulis convocatis, ipse Dominus loquitur : Misereor turbæ, quia triduo jam perseverant mecum. Ibi quinque panes erant et duo pisces, hic septem panes et pauci pisciculi. Ibi super fenum discumbunt, hic super terram. Ibi qui comedunt, quinque millia sunt; hic quatuor millia. Ibi duodecim cophini replentur de reliquiis fragmentorum, hic septem sportæ, etc.*

<sup>b</sup> Impossibile pro valde difficili positum existimo, ut sæpe in Scripturis ponitur. Quamvis enim Dei omnipotentiam, tum in hac panum multiplicatione et distributione, tum in aliis miraculis, comprehendere non possimus, tamen ex aliis similibus exemplis et miraculis possumus hujus miraculi rationes seu modum aliquatenus intelligere. In hac siquidem fractione ac distributione intelligenda est mirabiliter facta panum multiplicatio, ad eum modum quo per multiplicationem seu additionem materiæ extraneæ ex costa una Adæ formata est Eva, *Gen. II*; et quo hydria farinæ non defecit, et lecythus olei non est imminutus in domo Sareptanæ, juxta verbum *Elisæ III Reg. XVII*; et quo parum olei ad preces *Elisæ* implevit vasa non paucæ, *IV Reg. IV*. Primum exemplum tractat Hugo a S. Victore lib. I de Sacramentis, Magister Sententiarum in 2 dist. 18, et S. Thomas I part. q. 92 art. 3. Secundum et tertium allegat Tertullianus lib. IV (*Cap. 21*) contra Marcionem. Addit etiam quartum huic simile exemplum *Elisæ*, qui viginti panibus hordeaceis pavit homines centum, *IV Reg. IV*. Si quartum, inquit, resolvas [id est revolvas] (nempe librum quartum Regum), invenies totum hunc ordinem Christi circa illum Dei hominem, qui



tamen nobis sit facti rationem scire. Jam primum enim quis comprehendere queat quomodo tam exiguus panum numerus, non dicam ad esum ac saturitatem, sed etiam ad divisionem ipsam appositionemque suffecerit, cum plura multo millia hominum fuerint quam panes ipsi, <sup>a</sup> plura pene convivia quam de tot panibus fragmenta esse possint? <sup>b</sup> Nata est ergo ex verbo Domini rerum copia. Crevit in actu opus. Et cum parum esset quod videbatur, factum est inæstimabile quod dabatur. Nullus ergo hic conjecturæ, nullus humanæ æstimationi aut rationi locus. Solum est quod in tali re fidelium ac sapientium mentibus scire liceat; ut quamlibet magna sint quæ a Deo fiunt, atque inæstimabilia, etiamsi ea ipsa sensu non capiant, impossibilia tamen Deo nulla esse cognoscant. Sed de his tamen tam ineffabilibus divinæ virtutis actibus, quod rectissime ineffabilibus sacri ortus miraculis coaptatur, quia ita res poscit, plenius postea.

## CAPUT II.

*Mysterium hujus septenarii numeri quinque panum et duorum piscium auctor suo operi accommodat.*

Interim quia quinque panum fecimus mentionem,

## ALARDI GAZÆI COMMENTARIUS.

oblato viginti panes hordeaceos, cum populo distribui jussisset, et minister ejus, provide comparata multitudine et pabuli mediocritate, respondisset: Quid ego hoc dem in conspectum centum millibus hominum? Da, inquit, et manducabunt, quoniam hæc dicit Dominus. Et manducaverunt, et reliquerunt reliquias, secundum dictum Domini. Sic ille. Ubi pro centum millibus Septuaginta verterunt ἑξατὼν noster interpretes, centum, uti legendum est, omni-so millibus, ut notat Pamelius. D. etiam Ambrosius (*In c. ix Luc.*) confert hoc idem miraculum cum miraculo aquæ in vinum conversæ in Cana Galilææ, Joannis ii. Sic in nuptiis, inquit, ex fontibus vina, ministris operantibus, colorantur; et ipsi qui impleverant hydrias aqua, vinum quod non detulerant hauriebant. Comprehende, si potes, tanta rerum miracula. Hic edentibus populis, crescunt suis fragmenta desideriis, et de quinque panibus majores reliquæ quam summa est colliguntur. Illic in alienam speciem vertuntur elementa, nec suos patitur natura defectus, nec suos agnoscit ortus, usus tamen proprios recognoscit. Quin etiam melior est mutati vini natura quam nati, quia in arbitrio Creatoris est, et quos velit usus assignare naturis, et quas naturas impertire gignendis.

<sup>a</sup> Spectat illud Lucæ ix: Facite illos discumbere per convivia quinquagenos. Pro quo apud Marcum legitur: Præcepit eis ut accumbere facerent omnes secundum contubernia super vinide senum. Et discubuerunt in partes, per centenos et quinquagenos (*Marc. vi*). Ubi Theophylactus: Per hoc, inquit, datur intelligi quod sequestrati discubuerunt per partes et partes. In Græco enim, quod hic dicitur, secundum contubernia, duplicatur, ac si diceretur, per contubernia contubernia. Jansenius id clarius explicans (*Concord. Evang. c. 57*): Quod nos habemus, inquit, secundum contubernia, Græce est, συμπόσια συμπόσια, hoc est convivia convivia. Est autem Hebraismus, quo dictiones geminantur pro numero distributivo, ut sit sensus: per singula convivia, aut per distributa convivia. Sic et postea cum in Marco habemus, per partes (*Marc. vi*), Græce est πρᾶσαι πρᾶσαι, hoc est, areolæ areolæ, pro eo quod est, per areolas singulas. Præcepit autem Dominus turbas discumbere, idque in sodalitia numero centum, aut quinquaginta, tum ut omnia ordinate et sine tumultu fierent, tum ut ex hujusmodi

A non incongrue, ut reor, quinque eos libris quos jam evolvimus comparamus. Sicut enim numero pares sunt, sic specie non dissimiles. <sup>c</sup> Nam cum illi hordeacei fuerint, et hi, quantum ad ingenium nostrum pertinet, hordeacei dici possunt, quamvis testimoniis sacris locupletati, despicabilibus involucris salutiferas opes contegant. Etiam in hoc scilicet ab illis non discrepantes, quia sicut illi cum essent pauperes specie, facti sunt divites benedictione; ita hi quoque cum ingenio nostro viles sint, sunt tamen sacra admixtione preciosi; et cum præferant in se ex sermone nostro hordei vilitatem, habent tamen intrinsecus ex Dominicis testimoniis panis vivi saporem. Superest ut ad exemplum illorum, per divini muneris gratiam, innumeris ex seminibus salutiferos cibos præbeant; et sicut illi corporalem dederunt edentibus fortitudinem, ita ii spiritalem legentibus tribuant salubritatem. Potens est autem Dominus, cujus etiam hoc donum est, sicut illud fuit, ut qui per cibum illum fecit non deficere in via saturos, per hunc quoque faciat non deviare saturatos. Sed tamen quia illic ubi parvo quidem esu, sed magno munere innumera plebs Dei pasta est, additi quin-

distributione numerus manducantium cito percipi posset ab apostolis, quorum etiam ministerio ob hoc est usus, et ipsi etiam manducantes melius advertent miraculi magnitudinem et veritatem. Sic ipse.

<sup>b</sup> D. Hilarius lib. v de Trinitate: Quinque, ait, panes offeruntur turbæ et franguntur; subrepunt in frangentium manus quædam fragmentorum procreationes; non imminuitur, unde perfringitur, et perfringentis manum fragmenta occupant; non sensus, non visus profectum tam conspicabilis operationis assequitur; est quod non erat, videtur quod non intelligitur; solum superest ut Deus omnia posse credatur. Ambrosius in Lucam: Visibiliter, inquit, panis iste, incredibili ratione, dum frangitur, dum dividitur, dum editur, sine ulla dispendii comprehensione cumulat. Nec dubites quod in manibus ministrantium vel in edentium ore cibus increseat, quando ubique nostri operis testimonium ad firmamentum credulitatis adsciscitur. Hieronymus in Commentario: Frangente Domino seminarium fit ciborum. Si enim fuissent integri, et non in frustra discerpti, nec divisi in multiplicem segetem, turbas, et pueros, et feminas, et tantam multitudinem alere non poterant. Subdit deinde allegoricum sensum: Frangitur ergo Lex cum Prophetis, et in frustra discerpitur, et ejus in medium mysteria proferuntur, ut quod integrum et permanens in statu pristino non alebat, divisum in partes alat gentium multitudinem. Hæc SS. Patres, quæ ad loci hujus explanationem pertinere visa sunt. Porro ubi multiplicati fuerint panes, utrum in manibus Christi, an in manibus apostolorum, an in manibus aut in ore sumentium, dubitat Hilarius. Hieronymus in manibus Christi, Chrysostomus et Euthymius in manibus apostolorum multiplicatos fuisse putant. Ambrosius vero etiam in manibus et ore edentium id factum innuere videtur. Sed hæc pro occasione hujus loci dicta sufficiant.

<sup>c</sup> Plures expositiones tum allegoricas, tum morales, de panibus hordeaceis et tota hujus miraculi serie videre licet apud SS. Patres, Hilarium canone 14 in Matthæum, Hieronymum, Ambrosium, Bedam in Commentariis; Cyrillum lib. vi in Joannem cap. 17, Augustinum lib. lxxiii Quæstionum quæst. 61, Glossam ordinariam, super illud: Septem panes, etc., quam refert etiam D. Thomas in Catena.



que illis panibus duo pisces leguntur, par est ut nos quoque qui offerri per nos omnibus sequentibus Deum populis <sup>a</sup> spiritualis prandii alimoniam cupimus, quinque illis libris quasi quinque panibus, duos adhuc libellos quasi duos pisces adjiciamus. Te orantes, Domine, te obsecrantes, ut videns nimum officii ac voti nostri, des pio conatu opus efficax; et cum nos pro obsequio affectuque nostro numerum illum panum ac piscium libellorum numero exæquare cupiamus, tu virtutem benedictionis illius in hæc transferas; et qui scriptiunculam nostram numero evangelico numeraris, numerum quoque ipsum evangelico fructu expleas, tribuasque hæc ad sanctum et salubrem cibum cunctis Ecclesiæ tuæ populis, omni ætati et omni sexui. Et si qui forte jam

ALARDI GAZÆI

<sup>a</sup> Hactenus impressum fuerat, nescio quo errore: *Spiritualis prandii cupimus*, etc. Ubi certum est aliquid desiderari ad sensum perficiendum: ideoque vocem *alimoniam*, ut huic loco propriam et accommodatam, omnino adjiciendam duximus. Si quis aliter judicet, non repugno, modo quid melius suggerat.

<sup>b</sup> Notandum hic primo, quod duæ Antiochiæ clarissimæ urbes etiam in Scripturis memorantur. Altera Syriæ metropolis et totius regionis caput, ad Orontem fluvium sita, quæ prius Reblatha dicebatur, ubi Nabuchodonosor, coram patre interfectis filiis, oculos Sedechiæ jussit auferri (IV Reg. xxv, et Hierem. xxxix). Alias etiam dicta est Cœle, et magna Hemath, ut auctor est D. Hieronymus (In cap. iv Isa. et in proximo comment. in Amos). In hac discipuli primum appellari cœperunt Christiani, Actor. xi. In hac Paulus et Barnabas in opus et prædicationem Evangelii a Spiritu sancto ordinati ac destinati, Act. xiii. In hac etiam orta contentio inter Petrum et Paulum de legalium observatione, Gal. ii. Denique hujus Antiochenæ Ecclesiæ primus episcopus fuit Petrus apostolus, eamque septem annis rexit, antequam Romam concederet: quod Lucas in Actis penitus omisit, ait Div. Hieronymus post Eusebium in Chronico. Hæc eadem a Justiniano imp. instaurata, Theopolis, id est, Dei civitas est nuncupata, teste Nicephoro lib. xvii c. 2, et Cedreno, anno 2 Justiniani imp. Altera est Antiochia, Pisidiæ metropolis, de qua Plin. lib. v c. 27, et Strabo lib. xii. Est autem Pisidia regio Asiæ Minoris cujus populi olim dicti sunt Solymi, ut tradit idem Plinius. In hac itidem Antiochia Paulus et Barnabas prædicarunt, Act. xiii, ubi non simpliciter Antiochia, sed ad distinctionem alterius, Antiochia Pisidiæ nuncupatur. Secundo, notandum symbolum Antiochenum, cujus hic mentio habetur, referendum esse ad priorem Antiochiam, quæ et scriptoribus notior, et ob sedem patriarchalem et sedem Petri ibi collocatam celebrior et illustrior, hoc nomine simpliciter appellari consuevit. In illa itaque Antiochia Syriæ editum intelligitur hoc symbolum, quod inde Antiochenum vocatur, id est, formula seu professio fidei in concilio ibidem habito expressa et approbata. Tertio, omissis multis conciliis, seu potius conciliabulis hæreticorum, quæ Antiochiæ diversis temporibus haberi contigit, recensentur tria præcipue concilia Antiochena ab orthodoxis seu catholicis habita, et ab Ecclesia approbata: provincialia tamen, non generalia. Primum concilium anno Domini 266, Dionysii papæ sexto, Gallieni imp. 42, contra Paulum Samosatenum congregatum, cujus meminit Eusebius Cæsariensis lib. vii Historiæ c. 22. In hoc concilio episcopi qui convenerant, ipso primo congressu, ante omnia, catholicam fidem de Filio Dei, quam a majoribus accepissent, et ipsi ab apostolis traditam servassent in omnibus illibatam et incor-

A lethifero illo virosi sanguis sunt, corruptoque animarum ac mentium statu, pestiferos venis languentibus morbos trahunt, des cunctis sani sensus vigorem, des plenam fidei sanitatem, ut tribuens per scripta hæc nostri operis tui muneris salutarem omnibus curam, ad instar penitus sanctificati in Evangelio a te cibi, sicut per esum illum corroborasti esurientes, ita per hunc sanari jubeas tabescentes.

### CAPUT III.

*Testimonio Antiochenæ synodi adversarium convincit.*

Igitur quia neganti Deum hæretico abunde jam, ut reor, cunctis superioribus scriptis divinorum testimoniorum auctoritate respondimus: nunc <sup>b</sup> ad fidem

COMMENTARIUS.

Ruptam scripto editam declararunt, eamque ad ipsum Paulum Samosat. episcop. ex synodo miserunt. Eam a Francisco Turriano e latebris vindicatam et Latinitate donatam, integram retulit Baronius tomo secundo Annalium. Sed hic ejus initium huic loco accommodatum retulisse suffecerit, quod est hujusmodi: *Decrevimus fidem scripto edere et exponere quam a principio accepimus et habemus, traditam et servatam in catholica et sancta Ecclesia usque in hodiernum diem, a beatis apostolis, qui viderunt ipsi, et ministri fuerunt Verbi, prædicatam ex lege et prophetis, ac Novo Testamento: Esse unum Deum ingentum, sine principio, invisibilem, immutabilem, quem nullus hominum vidit, neque videre potest; cujus gloriam vel amplitudinem intelligere aut enarrare pro dignitate, ut in re et in veritate est, humana natura non potest: notionem vero ejus, utcumque mediocre, si habemus (revelante Filio ejus, sicut ait: Nemo novit Patrem, nisi Filius, et cui Filius revelaverit), contenti esse debemus. Hunc autem Filium genitum, unigenitum, imaginem Dei invisibilis, prius genitum omnis creaturæ, sapientiam, et verbum, ac virtutem Dei ante sæcula, non præcognitione, sed substantia, et hypostasi Deum, Dei Filium, cum in Veteri et Novo Testamento cognoverimus, confitemur et prædicamus*, etc. Hac confessione convictus ille Paulus, errorem suum recantavit, et fidem catholicam se servaturum promisit. At postmodum cum velut canis ad vomitum rediisset, et abdicatam semel hæresim atque priori concilio Antiocheno proscriptam restituere conaretur, ob hanc causam iterum Antiochiæ convenientibus episcopis, omnium sententia condemnatus est, atque episcopatu dejectus. Atque hoc est secundum concilium Antiochenum sub eodem Dionysio papa habitum anno Domini 272, de quo Eusebius lib. vii cap. 23 et 24, ibique altera fidei professio edicta, quam itidem refert Baronius (Tomo IV Annalium), quæque apud synodum Ephesinam habetur intexta, cujus initium est: *Confitemur Dominum nostrum Jesum Christum ante sæcula quidem ex Patre per Spiritum sanctum; no issimis vero temporibus ex Virgine secundum carnem natum: una dumtaxat persona, ex cœlesti divinitate et humana carne conflata, subsistentem*, etc. Tertium concilium Antiochenum an. 363, sub Liberio papa et Joviano imperat., celebratum, ubi nulla nova fidei formula aut symbolum editum legiitur, sed fides dumtaxat Nicænæ synodi confirmata et stabilita: hoc attestante D. Hieronymo in Chronico his verbis: *Synodus Antiochiæ a Meletio et suis facta, in qua hominibus et hominibus rejecto, medium inter hæc homoousion receperunt et Macedonianum dogma rejecerunt*. Ex dictis colligimus Antiochenum symbolum de quo hic agitur, ad illud primum vel secundum concilium Antiochenum esse referendum; vel quod verius puto, symbolum Antiochenum hoc loco intelligi, quod a Nicæna synodo acceptum, in postremo illo concilio Antiochene



Antiocheni symboli virtutemque veniamus. <sup>a</sup> In qua cum ipse baptizatus sit ac renatus, suis eum professionibus argui, suis (ut ita dicam) armis conteri oportet: hic enim ordo est, ut superatus jam testimoniis sacris, etiam seipso (ut ita dicam) teste superetur. Neque enim aliis jam rebus contra eum agi necesse erit, cum palam se et evidenter ipse convicerit. <sup>b</sup> Textus ergo ac fides Antiocheni symboli hæc

ALARDI GAZÆI

confirmatum est et approbatum (*Baron. tom. III, an. 325*). Hæc enim est sacra fidei formula in magno concilio Nicæno concepta, quam symbolum Nicænum appellare fideles consueverunt; quæ cum apud diversos scriptores, verbis nonnihil diversis scripta reperitur, a D. Arhanasio in epistola ad Jovianum imperatorem, hunc in modum exprimitur: *Credimus in Deum Patrem, omnium visibilium et invisibilium creatorem; et in Dominum Jesum Christum Filium Dei, natum ex Patre et unigenitum, hoc est, ex substantia Patris, Deum ex Deo, lumen de lumine, Deum verum ex Deo vero, genitum, non factum, et consubstantialem Patri, per quem omnia facta sunt, tam in cælis quam in terra. Qui propter nos homines et propter nostram salutem descendit, et incarnatus est, et homo factus est, passus est, et resurrexit tertia die, et ascendit in cælos, venturus inde ad judicandum vivos et mortuos. Et in Spiritum sanctum. Eos autem qui dicunt: Erat quando non erat, et antequam fieret non erat; aut ex non entibus exstilit, ex alia substantia, subsistentiaque aut creatum, aut convertibilem, aut alterabilem dicentes Filium Dei: hos anathemate ferit catholica et apostolica fides.* Hucusque Nicænum symbolum, quod secundum diversas translationes in Latinum factas, interdum aliquibus diversis verbis scriptum habetur, ut in concilio Chalcedonensi (*Act. 2*), et apud D. Basilium (*Epist. 78*) aliisque in locis. Ex quo quidem symbolo citavit Auctor quæ ad suum institutum faciebant, omissis reliquis, de quibus infra, *Et reliqua*, inquit, nimirum illa reliqua ab ipso prætermissa.

<sup>a</sup> In qua, scilicet fide, non in quo, ut antea excusum. Nota diligenter olim observatum in qua quisque ecclesia baptizatus fuisset. Unde Nestorium vehementer hic urget Cassianus quod fidem Antiochenæ Ecclesiæ, in qua baptizatus et educatus fuerat, impugnaret, atque instar viperarum, materna viscera dilaceraret. Siquidem Nestorium patria Antiochenum et ex monacho Antiocheno presbyterum, deinde vero creatum fuisse episcopum Constantinopolitanum tradit Socrates (*Lib. viii cap. 24*), et latius infra ostendetur. Nec vero alia ratione opinor hic Antiochenum symbolum a Cassiano nominari, quod potius Nicænum dicendum fuerat, nisi ut Antiocheni symboli commemoratione, Nestorium ipsum, utpote civem Antiochenum, ut patriæ religionis et fidei proditorem ac desertorem acrius pungeret et suggillaret. Hinc etiam apud Gratianum antiquitus statutum legitur, ut cum adulti baptizarentur, nomen et votum suum in scriptis darent, quod in libro peculiari inscriberetur (*ii, q. 1, cap. Legum; et de Consecr. dist. 1, cap. Baptizandi*). Et in concilio Tridentino monentur parochi ut baptizatorum nomina in libro describant (*Sess. 24 cap. 2, de Reform. Matrimon.*). Ad cuius rei imitationem D. Benedictus cap. 58 Regulæ statuit ut suscipiendus frater (scilicet ad professionem quæ secundus baptismus a Patribus appellatur) in oratorio coram omnibus promittat de stabilitate sua, et conversione morum suorum, et obedientia coram Deo et sanctis, ut si aliquando aliter fecerit, ab eo se damnandum sciat quem irridet. De qua promissione sua faciat petitionem quam manu sua scribat; aut certe si non scit litteras, alter ab eo rogatus scribat, et ille novitiuz signum faciat, et manu sua eam super altare ponat. Hæc ibi. Sed et illud observatione dignum so-

est: Credo in unum et solum verum Deum, Patrem omnipotentem, creatorem omnium visibilium et invisibilium creaturarum; et in Dominum nostrum Jesum Christum, Filium ejus unigenitum et primogenitum totius creaturæ, ex eo natum ante omnia sæcula et non factum, Deum verum ex Deo vero, homoousion Patri: per quem et sæcula compaginata sunt, et omnia facta; qui propter nos venit; et

COMMENTARIUS.

lemne itidem olim fuisse ut catholici cum hæreticis agentes, aut contra eos aliquid delinientes, fidem suam in qua baptizati fuissent, illis obtenderent et objectarent, ut hoc veluti clypeo muniti, fortius illos impugnant aut repellerent. Sic in concilio Chalcedonensi (*Act. 2*), post expositionem symboli Nicæni, a Patribus acclamatum legitur: *Hæc catholicorum fides; huic omnes credimus; in hac baptizati sumus et baptizamus; hæc vera fides, hæc sana fides, hæc sempiterna fides; in hac baptizati sumus, in hac baptizamus.* Huc spectat quod accedentes ad baptismum, si adulti fuerint, symbolum apostolicum palam ore proprio recitare consueverint: si vero infantes, seiscitetur sacerdos a parvulo: *Credis in Deum Patrem omnipotentem?* Patrini vero seu susceptores ejus nomine respondeant: *Credo.* Cujus antiquissimæ observationis testes ipsi antiquissimi, S. Dionysius Areopagita de Ecclesiæ Hierarch. cap. ult., ubi illos redarguit qui hunc ritum irridebant, quod qui infantes offerunt, pro eis abrenuntiant et fidei sacramenta profitentur. S. Ambrosius lib. ii de Sacramentis cap. 7: *Interrogatus es: Credis in Deum Patrem omnipotentem? Dixisti: Credo, et persisti, etc.* S. Hieronymus, seu quis auctor in cap. ii Proverb., ait baptizandos profiteri se symbolum credituros. Et in dialogo adversus Luciferianos: *Præterea, inquit, cum solemne sit in lavacro post Trinitatis confessionem, interrogare: Credis sanctam Ecclesiam catholicam? credis remissionem peccatorum?* S. Augustinus de Fide et Operibus, c. 11: *Cur ergo baptizandis vel symbolum tradimus, vel reddendum reposcimus?* Et in epist. 45 ad Bonifacium, circa finem: *Itaque parvulum, etsi nondum fides illa quæ in credentium voluntate consistit, jam tamen ipsius fidei sacramentum fidelem fecit; nam sicut credere respondetur, ita etiam fidelis vocatur, non rem ipsam mente annuendo, sed ipsius rei sacramentum excipiendo. Hoc qui non credit et fieri non posse arbitratur, profecto infidelis est.*

<sup>b</sup> Verisimile est Cassianum hanc fidei formulam Græce descriptam et in Ecclesia Antiochena conservatam, ex concilio illo postremo apud Antiochiam habito accepisse, et hisce verbis in Latinum vertisse. Nam alia certe symbola Antiochena quæ exstant, etsi re convenient, verbis tamen non parum discrepant, ut ex dictis patet.

<sup>c</sup> De homoousio, sive homousio, vel homusio, tria dicenda sunt: primum, quid significet, et qui ab aliis vocibus consimilibus differat; secundum, cur positum fuerit hoc vocabulum in symbolo Nicæno et Constantinopolitano, necnon, ut hic habetur, etiam in Antiocheno: tertium, quot modis accipiatur. Homoousios quid sit, Patres concilii Chalcedonensis expresserunt, act. 2, ubi in expositione symboli Nicæni, post illa verba: *Homoousion Patri*, addiderunt: *hoc est, ejusdem cum Patre substantiæ* (ejusdem, inquam, et unius substantiæ, non tantum specie, sed numero et individuo): pro quo in symbolo Constantinopolitano quod in Ecclesia canitur, habemus: *consubstantialem Patri*. Dicitur enim homoousios ab ὁὐς, id est, idem, et οὐσία, substantia; vel ab ὁμοῦ, id est, simul, ut exponit Marius Victorinus in libello de Homousio. Sunt autem alia duo vocabula huic multum affinia, ab eodem fonte, nempe οὐσία, derivata, puta sinousios et homousios, quorum utrumque etsi sano aliquo sensu ad-



natus est ex Maria Virgine; et crucifixus sub Pontio Pilato, et sepultus; et tertia die resurrexit secundum

Scripturas; et in caelos ascendit: et iterum veniet judicare vivos et mortuos. Et reliqua. In symbolo,

# ALARDI GAZAEI COMMENTARIUS.

mitti posset et de personis divinis praedicari, tamen Patribus utrumque suspectum, et merito improbatum est: illud, quod Sabellio et Sabellianis personas divinas confundentibus; hoc, quod Ariano Christi divinitatem abnegantibus favere videretur, et ab eis ad supprimendam τοῦ ὁμοουσίου fidem subdole excogitatum et introductum esset. Nam synousios quamvis idem fere sonet ac consubstantialis, tamen quamdam confusionem, aut coitionem, vel commixtionem inquirere videtur: synousion enim significat unitatem sine distinctione: homousion vero significat unitatem cum distinctione, et processione unius ab altero. Unde Epiphanius in Ancorato: Ὑῖὸς ὁμοούσιος τῷ Πατρὶ, οὐ συνούσιος, ἀλλ' ὁμοούσιος: τούτῳ οὐκ ἐξῶθεν τοῦ Πατρὸς γεννηθεὶς, ὥς τινες εἰσωνεῖα φέρονται. θέσει θέλοντες εἶναι τὸν Υἱόν, καὶ οὐκ ἀληθεία. Συνδεσμός δὲ τῆς πίστεως ὁμοούσιον λέγειν. Ἐάν γὰρ εἴπῃς τὸ ὁμοούσιον, ἔλυσας Σαβελλίου τὴν δύναμιν: οὐδὲ γὰρ ὁμοούσιον μιᾶς ὑποστάσεως ἐστὶ δηλωτικόν, ἀλλὰ καὶ ἐνυπόστατον σημαίνει τὸν Πατέρα, καὶ ἐνυπόστατον τὸν Υἱόν, καὶ ἐνυπόστατον τὸ Πνεῦμα τὸ ἅγιον. Ἰζὺν δὲ τὸ ὁμοούσιον οὐκ ἀλλότριον τῆς αὐτῆς θεότητος, σημαίνει, ἀλλὰ Θεὸν ἐκ Θεοῦ τὸν Υἱόν, καὶ Θεὸν τὸ Πνεῦμα τὸ ἅγιον τῆς αὐτῆς θεότητος, οὐ τρεῖς Θεοὺς. Filius, inquit, est homousios Patri, non synousios, id est, simul habens essentiam, sed homousios, id est, non extra Patrem genitus, ut quidam ironia jactant, positu sive adoptione volentes esse Filium et non veritate. Consensus autem est fidei dicere homousion, id est, ejusdem essentiae. Si enim dixeris homousion, id est, coessentialem, solvisti Sabellii vim. Non enim unam hypostasim significat haec vox, sed in se subsistere Patrem, in se subsistere Filium, et in se subsistere Spiritum sanctum. Præterea vero non alienum ab eadem deitate significat, sed Deum ex Deo Filium, et Deum Spiritum sanctum ejusdem divinitatis, non tres Deos. Sic Epiphanius. Cui consentiens Cæsarius, Nazianzeni frater, in libro Quaestionum (Quæst. 12): Crede, ait, ejusdem cum Patre essentiae esse Filium, non cum una essentia, juxta Sabellii crapulam. Illud enim (homousion) declarat hypostasim, sive subsistentiam. Hoc autem (synousion) blasphemiae est, Filium et Spiritum sanctum miscentis cum Patre, et in unitatem, Trinitatem resolventis: quod prorsus alienum est a divinis legibus. Sic ipse ex versione Genebrardi (Lib. 1 de Trinit.). Porro homiousios, id est, similis naturae, sive similis in natura, essentia, vel substantia (haec enim synonyma sunt), simile autem substantia longe aliud est a consubstantiali, quod utrumque complectitur, nempe et ex Patris substantia esse, et similem eidem esse substantia. Nam similem, inquit Athanasius (Lib. de Synodis Arimini et Seleuciæ), Patri secundum substantiam Filium dicere, nequaquam satis est, cum stannum quidem argento simile sit, et lupus canis, et æs fulvenscens vero auro: stannum veroneque sit argentum, neque ex argento: neque lupus catulus canis habeatur. Ex his patet, hoc nomen homousii divinitus, et non sine magno miraculo inventum videri, nimirum ad destruendas simul contrarias hæereses Arii et Sabellii. Sabellius siquidem fatebatur Patrem et Filium eandem habere essentiam, sed negabat unum ab alio procedere. Ariani vero fatebantur Filium esse a Patre, sed negabant ejusdem esse substantiæ: unde Athanasius in libro de Decretis Nicænæ synodi, dicit Arianos omnes alias voces admisisse, præter istam, quia omnes alias poterant trahere ad suum sensum: et ideo Nicænam synodum in symbolo, postquam dixerat Filium esse Deum verum de Deo vero, genitum, non factum, et ex substantia Patris natum, animadvertisse ista omnia eludi posse ab Arianis, et ideo addidisse, homousion Patri. D. item Ambrosius lib. III de Fide (Cap. 7): Recte, inquit, homousion Patri Filium dicimus, quia verbo eo et perso-

narum distinctio, et naturæ unitas significatur. Denique Marius ille supra citatus: Hoc uno, inquit (Lib. II adversus Arium), vocabulo, homousios, omnis venenum Ariani dogmatis internecatur. O docti episcopi, o sancti, o fidem spiritu confirmantes! o Verbum, vere Verbum Dei, quo Deus et λόγος ostenditur ex æterno, et semper, eademque substantia: Dictum igitur Latine est homousion: unde necessario etiam Græce ponendum atque tractandum. Haec ipse. Quæ vero occasio Nicænos Patres impulerit, ut hujusmodi vocabulum adhiberent in doctrina fidei de Christi divinitate scienda, idem Ambrosius sic exponit (De Fide l. III, cap. ult.), ut, quod plane mirandum est, Arianos ipsos mucronem hunc, quo eorum jugulatus ac profligatus est error, catholicis porrexisset insinuet, sic enim ait: Quid est aliud, cur homousion Patri Filium nolunt dici, nisi quia nolunt illum Filium Dei confiteri? sicut auctor ipsorum Eusebius Nicomediensis epistola sua prodidit, dicens: Si verum Dei Filium et increatum dicimus, homousion cum Patre incipimus confiteri. Haec cum lecta esset epistola in concilio Nicæno, hoc verbum in tractatu posuerunt Patres, quod viderunt adversariis esse formidini, ut tamquam evaginato ab ipsis gladio, ipsorum nefandæ caput hæresis amputarent. Haec Ambrosius significans occasionem hujus nominis usurpandi a Patribus Nicæni concilii acceptam ex verbis Eusebii Nicomediensis episcopi Ariani in synodo recitatis. Porro quanta animorum contentione laborarunt Ariani, ut pro homousio, homousion introducerent, et hac voce simillima, et unius dumtaxat litterulæ adjectione differente in usum fidelium inducta, τοῦ ὁμοουσίου non solum rem, sed vocem ipsam penitus ab Ecclesia prosciberent, ex historia ecclesiastica notissimum est: quod tamen, nec vi ulla, nec fraudibus assequi potuerunt, Patribus orthodoxis in hac veritate persistentibus, et vocem illam, quæ de impio Ariatorum dogmate in concilio Nicæno triumphum egerat, inconcusse retinentibus: qui et homousiastarum nomen, quod ipsis ob hanc causam, probrose ab Arianis objici solebat, amplum et honorificum sibi semper censuerunt, ut testatur D. Basilus (Epist. 75). Quod vero calumniarentur Ariani vocem illam esse exoticam et novam, nec in Scriptura sacra reperiri, responderunt Patres primo, non quidem vocem, sed rem ipsam, seu vocis significationem ex sacris litteris haberi, præsertim illis verbis Domini, Joannis x: Ego et Pater unum sumus. Quod non aliud est, quam, unius et ejusdem sumus substantiæ. Sic Augustinus lib. III contra Maximinum (Cap. 14): Pater, inquit, et Filius unius sunt ejusdemque substantiæ. Hoc est illud homousion, quod in Concilio Nicæno adversus hæreticos Arianos a Catholicis patribus veritatis auctoritate, et auctoritatis veritate firmatum est: quod postea in Concilio Ariminensi, propter novitatem in verbis minus quam oportuit, intellectum, quam tamen fides antiqua pepererat, multis paucorum fraude deceptis, hæretica impietas sub hæretico imperatore Constantio labefactare tentavit. Sed post non longum tempus, libertate fidei catholice prævalente, posteaquam vis verbi, sicut debuit, intellecta est, homousion illud catholice fidei sanitate longe lateque defensum [alias diffusum] est. Quid est enim homousion, nisi unius ejusdemque substantiæ? Quid est, inquam, homousion, nisi: Ego et Pater unum sumus? Hucusque D. Augustinus: cujus verba eadem citans (Lib. I Sentent. dist. 34) Petrus Lombardus, infert deinde: Non ergo inter profanas vocum novitates hoc vitandum est. Secundo responderunt Patres non esse hanc vocem novam aut recens inventam, sed ab antiquioribus Patribus ante Nicænum concilium usurpatam, nempe a Dionysio Romano pontifice, et a Dionysio Alexandrino episcopo, et aliis, ut videre est apud S. Athanasium et Theodoretum (Athanas.



quod Ecclesiarum omnium fidem loquitur, scire opto. Quid sequi malis: hominum auctoritatem, an Dei? Quamvis ego tecum non censorie aut severe agam, ut tibi eligendæ tantum alterius rei copiam tribuam, ut <sup>a</sup> unum perimens [*Lips. in marg. permittens*], alterum negem: utrumque enim do, utrumque con-

## ALARDI GAZÆI COMMENTARIUS.

in ep. de decret. Nicæni concil. contra Arianos; Theodor. lib. i. Hist. cap. 21 et sequent.). Jam vero ad id, quod tertio loco quærebatur, quot modis accipi contingat hoc vocabulum, homoousion, respondetur, post concilium magnum Nicænum non aliter a catholicis acceptum et usurpatum, quam ut ab illis Patribus fuerat institutum et explicatum, ut modo explicavimus: tamen, nempe in concilio illo Antiocheno contra Paulum Samosatenum congregato paulo aliter intellectum. Ibi enim diserte negarunt Patres Filium Patri esse homoousion, sed secundum mentem Samosateni, qui Filium dicebat Patri consubstantiali, quomodo homo homini consubstantialis est, sicut duæ sint substantiæ, sed ejusdem speciei. Meminit hujus controversiæ S. Athanasius (*Lib. de Synodis*), cum agit adversus Arianos, qui carpebant Nicænam synodum de verbo consubstantialis a synodo Antiochena aliter accepto: sic demonstrans utrumque concilium idem de Christi divinitate sensisse. Si igitur, inquit, aliquis carpit Nicænaenses, quod non dixerint omnia, quæ ipsorum antecessoribus placuerunt, idem quoque merito carpserit septuaginta episcopos Pauli Samosateni condemnatores, quod ea, quæ antecessorum erant, non observaverint: antecessores autem eorum fuerunt duo isti Dionysii, cæterique, qui Romæ tunc congregati fuere. Verum neque hos, neque illos fas est culpæ: Omnes enim Christi curam gessere, studiaque sua contra hæreticos intenderunt; et hi quidem Samosatenum, illi vero Arianam hæresim condemnarunt: Bene vero et hi et illi pro subjecta materia scribunt. Et paulo inferius: Et si amborum conciliorum Patres diversimode de consubstantiali mentionem fecere; non tamen ea de causa ab illis dissidere debemus, sed illorum mentes scrutari: quod si fecerimus, omnino inveniemus ambas synodos inter se consentire. Qui enim Samosatenum sustulerunt; hanc vocem CONSUBSTANTIALIS, corporaliter accipere; cum Paulus sophisticari vellet ac diceret: Si Christus non ex homine Deus factus est; igitur consubstantialis est Patri et necessario sequitur tres esse substantias: unam quidem, quæ prior sit, ut princeps; reliquas vero duas ex ea oriundas. Ideoque merito vitantes illud sophisma Pauli, dicere Christum non esse consubstantiali: non enim ita se habet Filius ad Patrem, ut ille cogitabat. Hæc Athanasius, quæ hic prolixius recitare visum est, ut intelligamus qua ratione dixerit auctor in symbolo Antiocheno haberi, homoousion Patri: cum e contrario constet, hanc vocem ibi fuisse rejectam. Non enim de primo et secundo illo symbolo et concilio Antiocheno, quod ante natam hæresin Arii habitum est, sed de tertio intelligendum videtur, ubi symbolum Nicænæ synodi receptum et approbatum, in quo verba illa continentur, ut superius ostensum est (*Vid. Baron. tom. III, an. 325; Bellarm. lib. ii de Christoc. 3*). At de homoousio hætenus satis: qui tamen plura desiderat, videat Baronium in Annalibus, et Bellarminum in Controversiis.

<sup>a</sup> Ita in editione Basileensi. Suggestitur tamen in editione Plantiniana, ad marginem, altera lectio, ut permittens pro perimens legatur. At hæc eodem recidit. Nam perimens hoc loco, idem ac definiens, determinans, concludens. Sic apud jurisconsultos peremptoria exceptio, quæ litem terminat, si probata fuerit; terminus peremptorius, id est, definitus. Et in ludo perimi dicitur, quod jure, vel sponte ceditur.

A cedo. Et quid concedo, dicam? ad utrumque te, etiamsi nolis, traho: <sup>b</sup> utrumque enim in symbolo esse si vis, oportet sapias voluntarius: si non vis, necesse est compellaris invitus. Symbolum quippe, ut scis, ex collatione nomen accepit. Quod enim Græce <sup>c</sup> σύμβολον dicitur, Latine collatio nominatur.

<sup>b</sup> Utrumque, nempe Dei auctoritatem, simul et hominum. De quibus superius.

<sup>c</sup> Inter varias et multiplices symboli acceptiones et notiones, quas refert vir doctus Budæus in suo Thesaurio, tres sunt præcipuæ quæ symbolo fidei adaptari possunt. Prima, quæ hic tangitur, ut symbolum collatio exponatur, a verbo συμβάλλομαι confectio, collatio. Itinc Pachymeres Dionysii interpretis in cap. tertium Eccles. Hierarchiæ, scribit symbolum significare τὸν ἔρανον, collectam, καὶ τὸ διδόμενον εἰς δεῖπνον, id est, quod conferebatur pro cœna, ut apud Terentium in Andria: Symbolum dedit; et: Te ad symbolum venire unctum non pudet? id est ad cœnam, ad quam parandam multi conferebant. Unde ἀσύμβολος dicebatur, qui gratis cœnam sumpsisset. Ex qua significatione plerique Patrum brevem illam articulum fidei complexionem symbolum appellatam censuerunt, quod quisque apostolorum aliquid in commune ad certam fidei regulam, tanquam mensam, credentibus instruendam, contulisset. Sic præter Cassianum hoc loco, Clemens Romanus epist. i ad Jacobum fratrem Domini: Christo, inquit, resurgente et ascendente in cælum, misso S. Spiritu, collata apostolis scientia linguarum, adhuc in uno positi, symbolum, quod nunc fidelis tenet Ecclesia, unusquisque quod sensit dicendo, condiderunt, ut discedentes ab invicem hanc regulam per omnes gentes prædicarent. Summam ergo totius fidei catholicæ recensentes, in qua et integritas credulitatis ostenditur, et unius Dei omnipotentis (i. e. sanctæ Trinitatis) æqualitas declaratur, et mysterium incarnationis Filii Dei, qui pro salute humani generis, a Patre de cælo descendens, de Virgine nasci dignatus est, quoque ordine, vel quando mortem pertulerit, quomodo sepultus surrexerit et in carne ipsa cælos ascenderit, ad dextramque Patris consederit, et Iudex venturus sit, ac qualiter remissionem peccatorum sacro baptismo renatis contulerit, et resurrectionem humani generis in eadem carne, in vitam æternam futuram sic docuerunt. Symbolum enim Græce, Latine collatio dicitur. Et hoc prædicti sancti apostoli inter se per Spiritum sanctum salubriter (ut dictum est) condiderunt. Ita pontifex. In eandem sententiam D. Ambrosius serm. 38. Arbitror, inquit, apostolicam fidem duodecim artificum operatione constitam. D. Hieronymus, seu potius Beda in cap. xxiii Proverborum, eandem spectans etymologiam: Symbolum, inquit, Græcum nomen est, et interpretatur collatio. Et infra: Symbolum vero dare est, sicut unusquisque solet pro parte sua cibos ad vescendum, ita in confabulatione detractionis verba conferre. D. Augustinus serm. 2 in Romis Palmarum: Symbolum, inquit, comprehensio est fidei nostræ, atque perfectio. Quæ verba mutatus videtur hoc loco Cassianus. Subdit deinde Augustinus collationem singulorum articulum hujus symboli a singulis apostolis factam hoc modo: Petrus dixit: Credo in Deum Patrem omnipotentem. Joannes dixit: Creatorem cæli et terræ. Jacobus dixit: Credo et in Jesum Christum Filium ejus unicum, Dominum nostrum. Andreas dixit: Qui conceptus est de Spiritu sancto, natus ex Maria virgine. Philippus dixit: Passus sub Pontio Pilato, crucifixus mortuus, et sepultus. Thomas ait: Descendit ad inferna, tertia die resurrexit a mortuis. Bartholomæus dixit: Ascendit ad cælos, sedet ad dexteram Dei Patris omnipotentis. Mathæus dixit: Inde venturus est judicare vivos et mortuos. Jacobus Alphæi: Credo et in Spiritum sanctum, sanctam Ecclesiam catholicam,



Collatio autem ideo, quia in unum collata ab apostolis Domini, totius catholice legis fide, quidquid per universum divinorum voluminum corpus im-

mensa funditur copia, totum in symboli colligitur brevitate perfecta; secundum illud Apostoli, *Verbum, inquit, consummans et brevians in æquitate*:

#### ALARDI GAZÆI COMMENTARIUS.

*Simon Zelotes*: Sanctorum communionem, remissionem peccatorum. *Judas Jacobi*: Carnis resurrectionem. *Matthias complexit*: Vitam æternam. Amen. Hæc apud Augustinum: quamvis an sit ille sermo Augustini, revocetur in dubium, ut notavit Baronius (Tom. I Annal. an. 44): *Sed cujus sit, inquit, nihil interest, cum de singulis duodecim Apostolorum distinctis elogiis, suppetant etiam aliorum testimonia*. Nam de iisdem singulorum Apostolorum sententiis hæc etiam S. Leo papa ad Pulcheriam Augustam (Epist. 13): *Ipsius catholici symboli brevis et perfectio confessio, quæ duodecim apostolorum totidem est signata sententiis, tam instructa sit munitione cælesti, ut omnes hæreticorum opiniones solo ipsius possint gladio detruncari*. Eadem Venantius Fortunatus, et alii tradunt (Venant. in præfat. expos. Synb.; Alcuinus de Offic. Eccles. c. 22; Raban. de Instit. Cler. lib. II, c. 56; Budæus supra; Genebrar. lib. III de Trinit.). Sic Baronius. Porro quia symbolum alia significatione notat signum, indicium, tesseram, maluerunt alii ducta a tessera militari similitudine, quæ militibus, ut se mutuo agnoscant, datur, Symbolum fidei vocari: quasi indicium et signum quo milites Christi a falsis fratribus Satanae merentibus discernantur. Solebant etiam Græci in pactis conventis uti quibusdam tesseriis, quæ loco tabularum syngrapharumque essent, ex quibus jus diceretur, quæ et vocarentur symbola. Ad hunc igitur modum summa fidei compendio verborum concepta sive ab apostolis, sive ab Ecclesia, symbolum vere dicitur, quod ea in indicium Ecclesiæ relata declaret penes eum esse religionis veritatem, qui ipsam in suæ fidei probationem confert. Sic Clemens loco citato, cujus verba referuntur in concilio Florentino sess. 21: *Dicitur, inquit, et indicium, quod per hoc, qui recte crediderit, indicatur*. Rufinus autem Aquileiensis utramque symboli rationem, simul et originem, pluribus verbis exponit in hunc modum: *Tradunt majores nostri, quod post ascensionem Domini cum per adventum sancti Spiritus super singulos quosque apostolos igneæ linguæ sedissent, nulla linguæ barbaries inaccessa videretur, et invia, præceptum eis a Domino datum, ob prædicandum Dei verbum, ad singulas quemque proficisci nationes. Discessuri itaque ab invicem, normam prius futuræ prædicationis in commune constituunt, ne forte alius ab alio abducti, diversum aliquid his qui ad fidem Christi invitabuntur exponerent. Omnes ergo in uno positi, et Spiritu sancto repleti, breve istud futuræ sibi, ut diximus, prædicationis indicium, conferendo in unum quod sentiebat unusquisque, componunt, atque hanc credentibus dandam esse regulam statuunt. Symbolum autem hoc multis et iustissimis ex causis appellare voluerunt. Symbolum enim Græce, indicium dici potest, et collatio, hoc est, quod plures in unum conferunt. Id enim fecerunt apostoli in his sermonibus, in unum conferendo quod unus quisque sensit. Indicium autem, vel signum idcirco dicitur, quia illo tempore, sicut et Paulus apostolus dicit (II Cor. XI), et in Actis Apostolorum refertur (Act. XV), multi ex circumcisis Judæis simulant se esse apostolos Christi, et, lucris alicujus vel rebus gratia, ad prædicandum proficiscebantur, nominantes quidem Christum, sed non integris traditionum lineis nuntiantes. Idcirco ergo istud indicium posuere, per quod agnosceretur is qui Christum vere secundum apostolicas regulas prædicaret. Denique et in bellis civilibus hoc observari ferunt, quoniam et armorum habitus par, et sonus vocis idem, et mos unus est, atque eadem instituta bellandi, ne qua doli subreptio fiat, symbola discreta unusquisque dux suis militibus tradit, quæ Latine vel signa vel indicia nominantur; ut si forte*

occurrerit quis, de quo dubitetur, interrogatus symbolum, prodat si sit hostis, an socius. Hactenus Rufinus. Subscribit etiam S. Maximus Taurinensis episcopus, in homilia de traditione Symboli: *Beati apostoli, inquit, Christi exemplum sequentes, Ecclesiæ Dei, quam adversus matitiam diaboli furoris armabant, mysterium symbolo tradiderunt, ut quia sub uno Christi nomine, credentium erat futura diversitas, signaculum Symboli inter fideles perfido quæ secerneret, et alienus a fide atque hostis appareret Ecclesiæ*. Tertio loco, ut tradit Budæus, σύμβολον significat similitudinem, et quamdam naturæ communiatem: qua ratione Aristoteles (Lib. II de Ortu) pulchre dixit elementa, quæ inter se qualitate una communicant, συμβολίζειν. Εξ ὁμοιοῦτος, inquit, γὰρ καὶ ἐκ γῆς πῦρ ἴσται· ἔχει γὰρ ἄμφω πρὸς ἄμφω σύμβολα. Atqui hæc ratio etiam nostro Symbolo recte congruit, quo tamquam totius religionis et fidei complexu et communione fideles inter se conspirant et concordant, et tamquam certa regula astricti continentur, ut ne latum quidem unguem a veritate aberrant. Quod etiam innuere videtur Apostolus iis verbis: *Solliciti servare unitatem spiritus in vinculo pacis; unum corpus, et unus spiritus, sicut vocati estis in una spe vocationis vestræ. Unus Dominus, una fides, unum baptisma* (Ephes. IV). Et alibi: *Etenim in uno Spiritu omnes nos baptizati sumus, sive Judæi, sive gentiles, sive servi, sive liberi, et omnes in uno spiritu potati sumus* (I Cor. XII). Id est, una fide et doctrina imbuti. Similiter D. Augustinus sermone I in vigilia Pentecostes: *Sancti apostoli, inquit, certam regulam fidei tradiderunt, quam secundum numerum apostolicum duodecim sententiis comprehensam Symbolum vocaverunt, per quam credentes catholicam tenerent unitatem et hæreticam convincerent pravitatem*. Hac igitur ratione Symbolum dicitur, quasi quædam unio et complexio fidelium; quæ tamen ratio cum priore fere coincidit. Sed hactenus satis de nomine et etymologia Symboli.

<sup>a</sup> Ita citat Apostolus locum Isaie paucis immutatis, qui secundum Vulgatam versionem sic habet: *Consummatio brevitas inundabit justitiam. Consummationem enim et abbreviationem Dominus Deus exercituum faciet in medio omnis terræ*. Est autem hic verbum accusativi casus, ut patet ex Græco λόγον συντελών, et sensus est: verbum enim et sermonem consummans est, id est, consummat et breviam, vel breviabit Dominus sermonem. Hinc Tertullianus adversus Marcionem (Lib. IV cap. 1) sic legit et exponit: *Quoniam decisum sermonem faciet Dominus in terra; compendiatum est enim novum Testamentum, et a Legis laciniis oneribus expeditum*. Sic ipse: quem imitatus D. Hieronymus (In Comment. Isa.) in eundem locum: *Abbreviatus, inquit, atque perfectus sermo Evangelicus, qui pro cunctis lacinosæ Legis cæremoniis dedit præceptum brevissimum dilectionis et fidei*. Ubi Rhenanus ad Tertullianum: *Laciniosa, inquit, onera vocat multiplicia, et quæ homines occupationibus distinebant, sicut impedit ingressum vestis laciniosa*. Sic ille D. Basilius in commentario ejusdem loci: *Apostolus, inquit, in ea, quæ ad Romanos est, Epistola, hac sententia prophetæ usus, paucis addidit dictionibus immutatis. Si quis vero causam exquiserat quare alia quidem prætermiserit, alia vero immutavit Apostolus, illud noverit primum, quia is Hebræus cum esset, noluit serviliter uti editionibus quibus nos (Græci nimirum) utimur, sed sensum Scripturæ quemadmodum jacet interpretatus ita exposuit. Si quidem Hebræi videntur propius accedere et consentaneæ magis Apostolicæ enarrationi. Hæc Basilius*.



quia verbum brevium faciet Dominus super terram (Rom. ix). Hoc est ergo brevium verbum quod fecit Dominus, fidem scilicet duplicis Testamenti sui in pauca colligens, et \* sensum omnium Scripturarum in brevia concludens, sua de suis condens, et vim totius legis compendiosissima brevitate perficiens. Consulens scilicet in hoc, ut piissimus pater, vel negligentiae quorundam filiorum suorum, vel imperitiae: ut non laboraret utique, quamvis simplex et imperita, mens capere, quod possit facile etiam memoria contineri.

## CAPUT IV.

*Symbolum fidei divinam et humanam habere auctoritatem.*

Vides ergo in Symbolo auctoritatem Dei esse: Verbum enim brevium faciet Dominus super terram (Rom. ix).<sup>b</sup> Sed hominum fortasse quaeris. Ne id quidem deest, per homines enim id Deus fecit. Sicut enim immensam [Lips. in marg. universam] illam Scripturarum sacrarum copiam per patriarchas et prophetas maxime suos condidit, ita Symbolum per apostolos suos sacerdotesque constituit. Et quidquid illic per suos larga ac redundanti copia dilatavit, idem hic per suos plenissima brevitate conclusit. Nihil ergo in Symbolo deest, quod ex scriptis Dei per apostolos Dei conditum, totum in se, quantum ad auctoritatem pertinet, habet quidquid vel hominum est, vel Dei. Quamvis etiam quod per homines factum est, Dei existimandum sit, quia non tam illorum per quos factum est, quam illius credendum est esse qui fecit. Credo, ergo inquit C

## ALARDI GAZÆI COMMENTARIUS.

\* S. Cyprianus de Oratione Dominica: Cum Dominus noster Jesus Christus colligens doctos pariter et indoctos, omni sexui atque aetati praecepta salutis dederit, praeceptorum suorum fecit grande compendium, ut in disciplina caelesti discentium memoria non laboraret, sed quod esset simplici fidei necessarium velociter disceret. D. Hieronymus in epistola ad Pammachium (Epist. 61): In Symbolo fidei et spei nostrae, quod ab apostolis traditum non scribitur in charta et atramento, sed in tabulis cordis carnalibus, post confessionem Trinitatis, et unitatem Ecclesiae, omne Christiani dogmatis sacramentum carnis resurrectione concluditur. S. Augustinus serm. 4 in vigilia Pentecostes: Symbolum, inquit, breve est verbis, sed magnum est sacramentis. Quidquid enim praefiguratum est in patriarchis, quidquid denuntiatur in Scripturis, quidquid praedictum est in Prophetis, vel de Deo ingenito, vel ex Deo in Deum nato, vel de Spiritu sancto, vel de suscipiendo omni sacramento, vel de morte Domini, resurrectionisque ejus mysterio, totum breviter hoc Symbolum continet, et continenda habet et confitendo. Et in alio sermone (Serm. 3 de feria 2 post Dominicam Palmarum): Symbolum est breviter complexa regula fidei, ut mentem instruat, nec oneret memoriam;

est ex Maria virgine, et crucifixus sub Pontio Pilato, et sepultus. Et tertia die resurrexit secundum Scripturas, et in caelos ascendit. Et iterum veniet judicare vivos et mortuos. Et reliqua.

## CAPUT V.

*Lectissimis argumentis agit contra adversarium, et a majoribus acceptam religionem mordicus tenendam esse ostendit.*

\* Si Arianæ aut Sabellianæ hæreseos assertor esses, et non tuo ipso symbolo tecum uterer, convincerem te tamen testimoniorum sacrorum auctoritate, convincerem legis ipsius voce, convincerem denique probata per universum mundum Symboli veritate: dicerem te, etiamsi expertus intelligentiæ ac sensus esses, oportere tamen sequi saltem consensum generis humani, nec plurius facere debere paucorum improborum perversitatem quam ecclesiarum omnium fidem; quæ utique a Christo fundata, ab apostolis tradita, non aliud existimanda esset quam vox atque auctoritas Dei, quæ haberet in se utique et vocem et sensum Dei. Et quid tandem si sic apud te agerem, quid diceres? quid responderes? nonne, obsecro, illud? Non ita te imbutum, non ita institutum esse; aliud tibi a parentibus, aliud a magistris atque auctoribus tuis traditum. Non hoc te in conventiculo illo paterni dogmatis, nec in ecclesia vestrae professionis audisse; aliud postremo textum ipsum atque sermonem traditi tibi atque insinusti symboli continere. In eo te baptizatum, in eo te renatum esse. Hoc tenere quod accepisses, et in eo te vivere diceres, in quo regeneratum esse didicisses. Nonne, quaeso, dicens hæc, fortissimo te etiam contra veritatem scuto uti arbitraberis? Et vere in negotio quamvis improbo non importuna defensio, et quæ non absurde causam erroris diceret, si pertinaciam non sociaret errori. Nam cum hoc teneres, quod a parvo accepisses, <sup>d</sup> plus haberet in te emendatio quod de præsentis errore corrigeret, quam severitas quod de præterito vindicaret. \* Nunc autem

paucis verbis dicatur, unde multum acquiratur. Similia habent Isidorus (Lib. II de Offic. cap. 23), Rabanus (Lib. II de Institut. Cler. cap. 56), et alii.

<sup>b</sup> Supple, auctoritatem in Symbolo, de qua superius dixit: In Symbolo, quod Ecclesiarum omnium fidem loquitur, scire opto, quid sequi malis, hominum auctoritatem, an Dei? Videtur autem hic Symbolum apostolicum cum Antiocheno, de quo supra egit (Cap. 3), confundere, et de altero ad alterum transire, quod utrumque verbum abbreviatum, id est, breve compendium totius doctrinæ catholicæ, vere dei possit, et utriusque eadem sit fides, eadem sententia, licet aliquid in uno expressius dicatur, quod in altero subintelligitur.

\* De Ariana et Sabelliana hæresibus, earumque auctoribus, alibi sæpius actum est.

<sup>d</sup> Id est, plus laborandum esset de præsentis errore corrigendo, quam de culpa præterita vindicanda.

\* Urbe scilicet Antiochena. Urget rursum et vehementer punit Nestorium, ut patriæ et avitæ religionis desertiorem, ut qui fidem in qua baptizatus fuerat, quamque a majoribus acceperat, abnegasset; qua de re supra (Cap. 3).



cum in catholica urbe natus, catholica fide institutus, catholico baptismo regeneratus sis, numquid agere tecum quasi cum Ariano aut Sabelliano possum? Quod utinam fuisses! minus dolerem in malis editum, quam de bonis lapsum; minus fidem non habitam quam amissam; minus veterem hæreticum quam novum apostatam; minus enim intulisses cunctæ Ecclesiæ vel labis vel pestilentiae; minus denique eses vel acerbis ad dolorem, vel gravis ad exemplum, <sup>a</sup> si popularis potius tentare quam sacerdos Ecclesiam posses. Ergo, ut supra dixi, si Sabellianæ, aut Arianæ, vel cujuslibet hæreseos discipulus atque assertor esses, tueri utique te parentum exemplo velis, magistrorum institutione, plebis societate, symboli fide; non iniquum, hæretice, non iniquum aut grave aliquid postulo. Hoc fac in catholica fide editus, quod fueras pro perversitate facturus. Tene parentum institutionem, tene Ecclesiæ

A fidem, tene Symboli veritatem, tene baptismatis salutem. Quod genus in te prodigii, quod genus monstri es? <sup>b</sup> Pro te tu non facis quod alii etiam pro errore fecerunt. Sed progressi satis in altum sumus; et <sup>c</sup> pro cognatæ urbis affectu sequentes doloris impetum quasi ventum ferventem, dum cupidi cursus sumus, tenorem admodum recti itineris excessimus

## CAPUT VI.

*Rursus ad Antiocheni symboli professionem illum provocat.*

Symbolum ergo, hæretice, ejus superius textum diximus, licet omnium Ecclesiarum sit (quia una omnium fides), peculiariter tamen Antiochenæ urbis est atque Ecclesiæ, id est, illius, in qua tu editus, in qua institutus, in qua renatus es. Illius te per-

B duxit symboli fides ad vitæ fontem, <sup>d</sup> ad salutis

## ALARDI GAZÆI COMMENTARIUS.

<sup>a</sup> Si popularis, id est, laicus, ut vulgo dicitur, aut quivis e populo. Minus enim scandali afferret laicus Ecclesiam impugnans, quam si sacerdos, immo episcopus, Ecclesiæ sponsus et pastor, ut erat ille Nestorius. Quam grave autem scandalum per ipsum Ecclesiæ illatum fuerit, Vincentius Lirinensis ejus temporis scriptor graviter expendit, et deplorat his verbis (*Contra profan. hæretic. Novit. c. 16*): *Qualem fuisse nuper tentationem putamus, cum infelix ille Nestorius, subito ex ove conversus in lupum, gregem Christi lacerare cœpisset; cum hi ipsi qui rodebantur ex magna adhuc parte ovem crederent, ideoque morsibus ejus magis paterent. Nam quis eum facile errare arbitraretur, quem tanto sacerdotum studio persecutum videret? qui cum magno sanctorum amore, summo populi favore celebraretur, quotidie palam divina tractabat eloquia, et noxios quoque Judæorum atque gentilium confutabat errores. Quo tandem justo modo non cuius fidem saceret se recta docere, recta prædicare, recta sentire, qui ut uni hæresi suæ aditum patefaceret, cunctarum hæreseon blasphemias insectabatur? etc.* Nec minus apposite et accommodata ad hunc locum D. Augustinus l. xxi de Civitate Dei (Cap. 25): *Intolerabile, inquit, atque a sana doctrina nimis devium, ut multi ac pene omnes qui hæreses impias condiderunt, exeuntes de catholica Ecclesia, et facti sunt hæresiarchæ, meliores habeant causas quam hi qui nunquam fuerunt catholici, cum in eorum laqueos incidissent; si illos hæresiarchas hoc facit liberari a supplicio sempiterno, quod in catholica Ecclesia baptizati sunt, et sacramentum corporis Christi in vero Christi corpore primitus acceperunt; cum pejor utique sit desertor fidei, et ex desertore, oppugnator ejus effectus, quam ille qui non deseruit quam nunquam tenuit.*

<sup>b</sup> Pro veritate, legendum putem, opponenda enim hic veritas errori, ut sit sensus: tu fidem et veritatem catholicam non tueris, quam a majoribus et parentibus accepisti, cum alii e diverso errorem a majoribus acceptum mordicus teneant ac defendant, D paternæ institutionis et exempli obtentu.

<sup>c</sup> Urbis scilicet Constantinopolitanæ, ubi Cassianus apud S. Chrysostomum commoratus et honorifice habitus est, quam ideo vocat sibi cognatam, id est, amicam, familiarem, magna necessitudine conjunctam; cui merito et ex affectu talem dolet obtingisse pastorem, qui in lupum conversus eam dilaniaret: vel certe, cognatæ urbis, id est, Antiochenæ, ipsi Nestorio cognatæ, id est, ejus altrici et educatrici, cui etiam jure condolendum fuit talem obtingisse alumnum ac civem; cujus verbis et Ecclesiæ meminit etiam initio cap. sequentis: *In qua, inquit, editus, in qua institutus, in qua renatus es.*

<sup>d</sup> Sacramento baptismi, sive regenerationis, statim eucharistiam subjungit, spectans, opinor, antiquum morem primitivæ Ecclesiæ, quo baptizatis, sive infantibus, sive adultis, mox a baptismo porrigi solet eucharistia, ut tradit B. Dionysius Areopagita duobus in locis. Primum in Ecclesiasticæ Hierarch. c. 2, ubi commemoratis ritibus et caeremoniis in baptismo adhiberi solitis, ita concludit: *In fine autem omnium, pontifex ita perfectum ad sacratissimum eucharistiam vocat, atque consummantium illi sacramentorum communionem Deificam tradit.* In quem locum Stapulensis, vir antiquitatum peritus (*Sotus in 4 dist. 12, q. 1, art. 9*): Primitivæ, inquit, Ecclesiæ moris fuit, purgatos sancto regenerationis lavaero, et baptismo peracto illuminatos, ad consummantem communionem sacrosancti corporis et sanguinis Redemptoris nostri vocare, et eos altissimi mysterii omnia quidem illa consummantis participes efficere. Quod et adhuc in antiquis mysteriorum voluminibus etiam de infantibus hoc modo legitur: *Si episcopus adest, statim confirmari oportet; postea communicari. Episcopus si præsens non fuerit, antequam lactetur infans, aut aliquid gustaverit, communicet eum sacerdos de corpore et sanguine Domini, ante Missam etiam, si necessitas ingruit.* Hæc ille. Rursus idem Dionysius ejusdem libri c. 7: *Tradit, inquit, puero sancta mysteria pontifex, ut nutriatur in ipsis, neque vitam aliam habeat nisi hanc, quæ divina inspicit semper, et quæ hujusmodi sancta communione proficiat.* Idem etiam quoad infantes colligitur ex sermone D. Cypriani de lapsis, ubi de quibusdam Christianis agens, qui tempore persecutionis idolis immolabant, ait infantes eorum, qui ad idola portabantur, non amisisse justitiam quam in baptismo perceperant: *Quare cum dies judicii venerit, Deo, inquit, dicere poterunt: Nos nihil fecimus, nec derelicto cibo, et poculo Domini, ad profana contorgia sponte properavimus.* Quæ verba D. Cypriani citans B. Augustinus in epist. 25 ad Bonifacium, subdit aliam historiam, ab eodem Cypriano relatam, cujusdam infantulæ quæ, turbatis, inquit, in fugam parentibus, nutrici derelicta, et ab eadem idolorum sacrilegiis impacta, postea in ecclesia illatam sibi eucharistiam miris motibus et gestibus respuebat, quia, inquit Cyprianus, in corpore atque ore violato eucharistia permanere non potuit. Eandem consuetudinem communionis parvulorum sua adhuc ætate viguisse testatur idem Augustinus epist. 107 ad Vitalem. Denique Gennadius, seu quisquis auctor de Ecclesiasticis Dogmatibus, cap. 52, et refertur apud Gratianum de Consecrat. dist. 4 cap. Si qui: *Si parvuli sunt, inquit (scilicet baptizandi), vel hebetes, qui dociri-*



regenerationem, ad Eucharistiae gratiam, ad Domini A communionem. Et quid plura? O nimium gravis et luctuosa conquestio! ad ministerii etiam officium, ad presbyterii culmen, ad sacerdotii dignitatem. Facile hoc, infelix furor, aut leve esse arbitraris? Non vides quid egeris? in quod te barathrum præcipitaris? Perdens symboli fidem, <sup>a</sup> totum quod fueras, perdidisti; sacramenta enim sacerdotii ac salutis tuæ symboli veritate constabant. Negare te tantummodo illud putas? Tete, inquam, ipsum negasti. Sed negare te forsitan non putas. Videamus symboli textum, ut si ea dicis quæ prius, non arguaris; sin autem multo alia et contraria, non expectes jam ut a me confuteris, cum te tu ipse damnaveris. Si enim et aliud nunc asseris quam in symbolo est, et aliud quam prius ipse dixisti, quid reliquum est, nisi ut B nulli, præterquam tibi, imputes animadversionem tuam, cum eandem esse videas sententiam in te omnium quam tuam? Credo, inquit symbolum, in unum Deum, Patrem omnipotentem, creatorem omnium visibilium et invisibilium creaturarum. Et in Dominum Jesum Christum, Filium ejus unigenitum totius creaturæ, ex eo natum ante omnia sæcula, et

non factum. Jam primum ad hæc respondere te convenit: Confitearis hoc de Jesu Christo Dei Filio, aut neges? Si confiteris, sana sunt omnia. Sin minus, quomodo nunc negas quod ipse ante confessus es? Elige ergo quid malis, alterum enim e duobus fieri necesse est, ut eadem te tua ipsa confessio, si permanet, sola liberet; aut si negaveris, prima condemnet. Credo enim, dixisti in symbolo, in Dominum nostrum Jesum Christum Filium ejus unigenitum et primogenitum totius creaturæ. Si unigenitus et primogenitus totius creaturæ Dominus Jesus Christus, ergo tua ipsa confessione indubitanter Deus. Neque enim alius unigenitus primogenitus totius creaturæ, nisi unigenitus Dei Filius. Sicut primogenitus creaturarum, ita et creator omnium Deus. Et quomodo solitarium hominem ex Virgine natum asseris, quem Deum ante sæcula fuisse confessus es? Deinde, inquit symbolum, ex Patre natum ante omnia sæcula, et non factum. Hoc symbolum per te locutum est, hoc tu per symbolum: Jesum Christum ante sæcula ex Deo Patre natum, et non factum. Numquid aliquid de phantasiis his quibus nunc furis

#### ALARDI GAZÆI COMMENTARIUS.

nam non capiant, respondeant pro illis qui eos offerunt, juxta morem baptizandi; et sic per manus impositionem chrismate communicati, eucharistiæ mysteriis admittantur. Hæc ibi. Verum cum apud alios auctores nulla vel rarissima fiat hujusce consuetudinis mentio, merito suspicatur doctissimus Pammelius (Ad locum Cypriani supra citatum) neque universalem fuisse, neque post D. Augustinum diu illam perdurasse. Id enim aliquibus locis, tempore præsertim persecutionis, factum, vel potius permissum ab Ecclesia credere par est, quo ab idolorum sacrificiis, in quibus aliquid idolothyti etiam infantibus in os ingeri soleret, homines magis abstraherentur. Cesante vero persecutionum procella, et adultorum baptismo in desuetudinem abeunte, merito sublata illi consuetudo, cum aliis itidem ritibus circa baptizatos olim usurpari solitis, de quibus Durantus (De Ritib. Eccles.) lib. 1 cap. 19, cum ratio doceat infantes neque eucharistiam ab aliis cibis dijudicare ac discernere, neque ad illam accipiendam eam animi pietatem et sui ipsius probationem, quam requirit Apo-tolus (I Cor. xi), afferre posse. Cæterum qua ætate baptizatus fuerit Nestorius in Ecclesia Antiochena, infans, an adultus, id non omnino constat: sed si conjecturis agatur, crediderim potius jam adulta ætate fuisse baptizatum. Id enim innuere videntur hæc Auctoris verba: *In qua tu editus, in qua institutus, in qua renatus es.* Id est, in qua natus, catechizatus, ac demum baptizatus es. Quod si institutus et catechizatus antequam baptizatus, certe rationis et institutionis capax, non infans, sed adultus et mentis compos. Alioquin infirmior et minus efficax videretur hæc in Nestorium invec-tiva, qua sic eum perstringit et suggillat, quod a fide quam publice in baptismo professus fuerat descivisset, si non per se, sed dumtaxat per suos parentes, aut susceptores, adhuc infans et ignarus id præstitisset, ut modo infantes faciunt dum baptizantur. Verum id multo clarius colligi videtur ex Theodoro, si cum Cassiano conferatur. Sic enim ille de Nestorii ortu, adventu Antiochiam, educatione, moribus, ac studiis, ac demum sacerdotio, et cura populi ibidem suscepta, antequam ad episcopatum Constantinopolitanum eveheretur, commemorat in epistola ad Sporadium

(De hæretic. fab. lib. iv): Omnibus, inquit, notus ille exstitit. Ex Germaniciorum civitate (Suidas [In Nestorio] exponit, ex Germanicia urbe Syriæ, ne quis de Germania hic cogitet) ortus homo iste, cuinam exercitio initio deditus fuerit, ignoro. Ex alia vero aliam regionem peragrans, instat Ægyptiacæ plagæ, ad magnam Antiochensium pervenit urbem, in qua liberalibus artibus mediocriter instructus et imbutus, et pulcherrima et maxima præditus roce, in Ecclesiam Dei cum certa ejus pernecie irrepsit; et sacerdotum numero ascriptus, populi Dei regendi suscepta cura, in ipsomet principio, qualis in tota vita sua futurus esset, aperte ostendit. Non enim ingenuum illum et fructuosum dicendi characterem imitatus est, qui hominum animos pascere posset; sed ad popularem auram declinando, et vanum populi applausum, ut quivis alius, aucupando, instabile et abjectum vulgus ad sui desiderium concitavit. Sordida quidem indutus veste, mæstus, et tristis incedens, forenses tumultus devitans, corporis pallore et macie abinentiam simulans, libris domi ut plurimum incumbens et intentus, et quiete sibi vivens; his artibus et simulationibus plerosque alliciebat ad sui admirationem, quousque ad gravio-rem provenit ætatem, videri potius quam esse Christianus, et suam magis quam Christi gloriam quærere, studens. Hæc Theodoretus de Nestorio, et alia quæ sequuntur, alibi recitata. D Ubi advertendum quod ait ipsum ex alia aliam regionem peragrantem, demum Antiochiam pervenisse, in qua liberalibus artibus institutus et imbutus, sacerdotum tandem assecutus sit; de quo hic mentio habetur. Quod si in Antiochena urbe et Ecclesia contigit ipsum Nestorium baptizari, ut jam aliquoties inculcat Cassianus, quod tacuit Theodoretus, consequens est, ipsum jam in pueritia saltem, vel adolescentia, post peragratas alias regiones, Antiochiam adventasse, ibique baptismum percepisse. Quomodo enim adhuc infans varias regiones peragrasset, priusquam Antiochiam veniret?

<sup>a</sup> Non quod vel baptismi, vel confirmationis, vel ordinis sacerdotalis et episcopalis characteres omnino indelebiles amiserit; sed quod omni Christianitatis merito et ordinis ecclesiastici honore ac munere se reddiderit indignum et vacuum, dum fidem totius Christianitatis symbolum et fundamentum amisit.



symbolum dicit? Numquid etiam tu ipse dixisti? <sup>a</sup> A propter se eum, sed propter eum qui quasi in eo Ubi hic statua? ubi organum tuum, inquam? Absit enim ut hoc alterius sit quam tuum. Ubi illud quod Dominum Jesum Christum statuæ instar affirmans, non quia Deus, sed quia imago Dei, adorandum putas; et ex Domino majestatis organum faciens, non

spiret ac resonet honorandum esse blasphemias? Dixisti in symbolo Dominum Jesum Christum natum ex Deo Patre ante omnia sæcula, et non factum, quod utique nonnisi unigenito tantum Dei Filio competit, <sup>b</sup> ut nativitas illius factura non sit, et

#### ALARDI GAZÆI COMMENTARIUS

<sup>a</sup> Spectat quod superius dixit (Lib. v c. 14): Si ut hæreticus (Nestorius) ait, Deus futurus in Domino Jesu Christo, velut in statua, aut in organo, id est, ut habitaret tantum quasi in homine, et loqueretur quasi per hominem, etc. Cæterum quod his ipsis verbis Nestorius usus aliquando fuerit, et Christum Dei statuam et Dei organum appellarit, apud alium auctorem non reperio. Sed quod ad rem attinet, manifeste id colligitur ex doctrina Nestorii, unde colligit Cassianus ita revera eum sensisse, etsi verbis forte non expresserit (Vide Bellar. lib. iii de Incarnat. cap. 5 et 6). Qui enim Jesum purum hominem asseruit, non Deum, sed Deiferum, vel Deificatum, vel Dei dumtaxat habitaculum, hospitium, imaginem *ὁμοῦ*, id est, Deisusceptricem, Dei cooperarium, et hominem Dominicum, et ipsum non propter se, sed propter Deum inhabitantem esse colendum et adorandum, quid aliud, secundum rem, quam Dei statuam aut simulacrum, aut organum, ipsum finxit? Ipsius quippe Nestorii verba sunt, ex ipsius scriptis collecta, et in extremo tomo Operum Cyrilli relata: Eum qui dixit: Deus meus, Deus meus, ut quid me dereliquisti? eum qui tribus diebus in morte permansit, hunc cum divinitate, tamquam divine auctoritatis cooperarium, adoro. Et post: Propter eum qui gestat, eum colo qui gestatur; propter absconditum, adoro eum qui apparuit. Sic ille suam statuam et organum componens. At contra hanc statuam, vel potius idolum Nestorianum et organum phantasticum aut Satanicum, D. Cyrillus hos anathematismos, eosque peremptorios, intorsit: Si quis Jesum a verbo Dei tamquam hominem actum et impulsum esse, et unigeniti gloriam illi, tamquam alteri cuidam a se diverso, accessisse dicit, anathema sit. Item: Si quis audet dicere assumptum hominem una cum Deo Verbo adorandum et glorificandum, et Deum alterum cum altero appellandum esse (illud enim particula, cum, perpetuo, si adjungatur, intelligere cogit), et non magis una adoratione Emmanuelem honorat, et unam illi glorificationem sicut Verbum caro est factum adaptat, anathema sit. Item: Si quis unum Dominum Jesum Christum a Spiritu, tamquam aliena virtute, qua per ipsum sit usus, glorificatum esse, et ab illo accepisse quæ contra spiritus immundos operatus est, et quæ divinitatis signa inter homines præstitit; et non magis proprium ipsius esse Spiritum dicit, per quem divinitatis signa operatus est, anathema sit. Hæc Cyrillus.

<sup>b</sup> In quæstionem vertitur apud scholasticos theologos (Mag. Sent. lib. iii dist. 41, et DD. ibidem), num Christus dici possit creatura, seu factura? Pro cuius nonnulla explicatione, quam hic locus videtur postulare, notandum in primis Christum, quatenus homo est, creaturam esse, inter doctores non ambigi. Est enim humana natura in Christo, sicut in aliis omnibus, creatura: promde Christus, quatenus consideratur ut homo, negari ac ne dubitari quidem potest quin sit creatura. Sed in hoc versatur quæstio, num simpliciter et absque additamento admittenda sit hæc propositio: Christus est creatura, vel: Christus est factus, aut creatus? Secundo notandum diversas esse hæc in re SS. Patrum sententias, et in speciem contrarias videri. In partem enim affirmativam, præter Scripturam, ubi dicitur Christus factus ex muliere, et qui secundum Deum creatus est (Gal. iv, Ephes. iv). Aperta est in primis assertio Græcorum Patrum, Cyrilli Alexandrini l. x Thesauri, ubi ait: Nam cum ipse natura increatus sit, et omnium Dominus et crea-

tor, creatura etiam factus primus invenitur inter homines, quos assumpta natura reformavit; et Damasceni lib. iii de Fide c. 4: Christus hoc quidem habet, quod utrumque simul et Deus et homo dicatur, creatus et increatus, passibilis et impassibilis. Ex Latinis vero Patribus idem non minus clare docuerunt D. Ambrosius sermone 5 in psalmum cxviii: Non vereor, inquit, ne quis dicat: Creatum ergo Christum asseris? respondebo, ita, Creatum dico, quemadmodum factum lego; id est, factum ex muliere, factum sub lege, creatus est, ut redimeret creaturas. Similiter D. Hieronymus in cap. ii Epistolæ ad Ephesios: Nos, inquit, libere proclamamus non esse periculum eum dicere creaturam, quem vermem, et hominem, et crucifixum, et maledictionem tota spei nostræ fiducia profitemur. Ubi periculum esse negat erroris et falsitatis, quia scilicet metuendum non sit ne a vero aberret, qui Christum dixerit esse creaturam. Plana quoque est hæc D. Leonis sententia sermone 3 de Pentecoste: Si homo ad imaginem et similitudinem Dei factus, in suæ honore naturæ mansisset, nec diabolica fraude deceptus a lege sibi posita per concupiscentiam deviasset, Creator mundi creatura non fieret. Quia igitur homo non mansit in suæ honore naturæ, fatetur Leo Creatorem mundi factum esse creaturam. Denique D. Augustinus lib. de Fide et Symbolo (Cap. 4): Eadem, inquit, sapientia, quæ de Deo genita est, dignata est etiam in hominibus creari. Et sermone 12 de tempore: Propter nos creatus est Creator. His auctoritatibus accedit itidem manifesta ratio: quia certissima regula est, et axioma theologorum, de Christi hypostasi utriusque naturæ proprietates veraciter dici, ratione unionis hypostaticæ, ut superius dictum est. Sicut ergo creator est et dicitur ratione divinitatis, ita creatura est ratione humanitatis: quemadmodum ut est incorporeus et incomprehensibilis secundum divinitatem, ita est corporeus et comprehensibilis secundum humanitatem; ideoque sicut sine addito vere dixit Christus: Pater major me est (Joan. xiv), quia major est secundum divinitatem; ita vere et sine additamento dici potest: Christus minor est Patre. Ut dixit Athanasius in symbolo, quia minor est secundum humanitatem. Quod enim additur, secundum hanc aut illam naturam, non sermonis, ut verus sit, restrictio est, aut determinatio necessaria; sed explicatio, quid secundum quid debeat intelligi. Unde et simpliciter et sine addito dicitur Deus natus, passus, mortuus; et Christus homo creator, omnipotens, æternus, etc. Verum his ex adverso et pro parte negante opponuntur verba D. Ambrosii lib. de Fide: Probemus, inquit, creaturam non esse Dei Filium. Audivimus enim in Evangelio Dominum mandasse discipulis: Prædicate Evangelium universæ creaturæ (Marc. xvi). Qui universam creaturam dicit, nullam excipit; et ubi sunt qui creaturam Christum appellant? Nam si creatura esset, sibi mandaret Evangelium prædicari, et subjectus esset vanitati, quia, testante Apostolo: Omnis creatura vanitati subjecta est (Rom. viii). Non ergo Christus creatura est, sed creator, qui docendæ creaturæ discipulis mandat officium. Item Augustini l. i de Trinit. cap. 6: Omnia, inquit, per ipsum facta sunt (Joan. i). Non dicit omnia, nisi quæ facta sunt; id est, omnem creaturam. Unde liquido apparet, ipsum factum non esse, per quem omnia facta sunt; et si factus non est, creatura non est. Et alibi rursus (Lib. lxxxiii Quæst., q. 67): Dicitur creatura, quidquid fecit Deus Pater per Filium, qui non potest ab-



natus tantummodo, non factus esse, dicatur; quia contra rationem rei ipsius atque honorem est, ut factor omnium factura esse credatur, et sic ipse auctor coëptorum omnium coëperit, sicut ab eo eum e a coëperunt. Et ideo natus, non factus dicitur, quia singularis ei est nativitas, non factura communis. Et cum sit Deus ex Deo natus, totum necesse est habeat divinitas geniti, quidquid magnitudo generantis.

## CAPUT VII.

*Pernitit in eodem argumento ex Antiocheno symbolo desumpto.*

Sequitur autem in symbolo: Deum verum ex Deo vero, homoousion Patri, per quem et sæcula compaginata sunt, et omnia facta. Et cum hoc totum dixeris, <sup>a</sup> memento de Domino Jesu Christo te cuncta dixisse. Hoc enim in symbolo habes: Credere te in Dominum Jesum Christum, Filium Dei unigenitum, et primogenitum totius creaturæ. Et post hæc atque alia: Deum verum ex Deo vero, homoousion Patri, per quem et sæcula compaginata sunt. Quomodo ergo idem Deus et non Deus, idem Deus et idem statua, idem Deus et idem organum? Non concordant sibi hæc, o hæretice, in aliquo, nec conveniunt, ut eundem, cum volueris, dicas Deum; cum volueris, putes

figmentum. Dixisti in symbolo verum Deum, nunc dicis hominem solitarium. Quomodo hæc sibi competere et coaptari queunt, ut idem summa sit virtus, idem sit sola infirmitas; idem summa majestas, idem sola mortalitas? Non conveniunt hæc sibi in uno eodemque Domino, ut eundem in cultum et in contumeliam dividens, ex parte qua mavis facias honorem, ex parte qua mavis facias injuriam. Dixisti in symbolo, cum sacramentum veræ salutis acciperes: Dominum Jesum Christum, Deum verum ex Deo vero, homoousion Patri, creatorem sæculorum, factorem omnium. Ubi es, o dolor! ubi es ille qui tunc fuisti? ubi illa fides? ubi illa confessio? In portenta nunc atque prodigia recidisti [*Lips. in marg. recessisti*]. Quæ te stultitiæ, quæ amentitiæ perdiderunt? Deum totius potentiæ ac majestatis ad inanissimam materiam et figmenta insensibilia transtulisti: profecit videlicet fides tua tempore, profecit ætate, profecit sacerdotio; <sup>b</sup> deterior senex quam quondam parvulus, nunc pejor veteranus quam tirunculus, deterior episcopus quam incipiens factus es, nec discipulus postquam magister esse coëpisti.

## CAPUT VIII.

*Quomodo Christus dicatur venisse et natus ex Virgine.*

Sed videamus cætera quæ sequuntur. Dicens ergo

## ALARDI GAZÆI COMMENTARIUS.

pellari creatura, quoniam per ipsum facta sunt omnia. Ita Augustinus. Denique in symbolo Nicæno, Constantinopolitano, vel ut Cassianus vocat, Antiocheno, nec non Athanasiano, *Filium Dei genitum, non factum*, simpliciter confitemur. Ex quibus etiam concludit Auctor hoc loco, quod *Christi nativitas factura non sit, et natus ipse tantummodo, non factus esse dicatur*, etc. Tertio loco notanda et amplectenda regula D. Augustini (*Lib. 1 de Trin. c. 12*), qua ait: *Cum de Christo loquimur, quid, secundum quid et propter quid dicatur, prudens et diligens, ac pius lector intelligere debet*. Secundum quid, id est, secundum quam naturam, divinam an humanam. His prænotatis propositæ quæstioni respondendum est, de Filio Dei duplicem esse considerationem, unam qua ad Incarnationem ejus respicitur; alteram, qua in se consideratur, remoto hoc mysterio, sicut et ante omnia sæcula existit unigenitus Dei Filius; qua posteriori consideratione contendebat Arius Filium Dei creatum esse, quia non genitus de Patris substantia, sed ejus omnipotente voluntate creatus de nihilo esset. Atque id est in quo illi hæretico SS. Patres constantissime restiterunt, docentes Filium Dei non esse creatum a Patre, sed ex Deo genitum, nec inter creaturas deputandum, cum is sit per quem omnia facta sunt. Cum autem ad Incarnationis mysterium respicerent, quo Deus homo, et proinde creator creatura factus est, non absurde censuere Filium Dei vocari creaturam; neque enim tantum creatura aut pura creatura asseritur, sicut ab Ario, sed simul creator et creatura. Cæterum quia plerumque cum creatura sine additamento dicitur, neque apparet circumstantia quæ indicio sit quoniam respiciatur, consuevit intelligi creatura cum exclusionem creatoris, id est, ea quæ pura sit creatura; eo fit ut passim atque usitate neque expediat neque conveniat Christum vocare creaturam, qui potius pro sua, in qua æqualis est Patri, excellentia, creatoris vocabulo honorandus. Abstinendum itaque ab istiusmodi sermone merito censent DD. ob erroris et perversi intellectus periculum, ne cum Arianis sentire aut communia saltem cum illis habere verba videamur,

qui Christum asserentes creaturam, non id secundum humanitatem, sed secundum propriam Filii Dei naturam intelligebant; juxta quem intellectum merito jam olim illa propositio tamquam ad Arianum dogma pertinens, a Patribus damnata est: aut certe in hujusmodi propositionibus, de quarum intellectu hæresis aliquando existit, ea cautione utendum, ut naturam de qua intelligendæ sunt exprimamus; quod et a Patribus factum, quoties circumspectius loqui voluerunt. Nam Hieronymus et Ambrosius locis initio citatis seipsos exponunt, testantes se loqui de Christo secundum naturam assumptam. Postremo notandum Cassianum hoc loco non temere aut fortuito usum facturæ nomine potius quam creaturæ. Cum enim ait Dei Filium non factum, versutos quosdam Arianos et eorum sequaces Nestorianos impetit ac pungit. Illi siquidem creaturæ vocem ut nimis exosam et toti mundo invisam, non usurpabant, qui majestati Redemptoris sui, a quo tota spes salutis dependeret, tantopere detrahi non sine horrore ferebant. Itaque virus suum melle oblinentes, subinde fatebantur Filium Dei non esse creatum, et creaturam, sed factum prædicabant; atque hoc specioso titulo significare volebant Christum non esse naturalem Dei Filium, et Deum verum, sed Deificatum et essentialum, ac dono gratiæ ad tantam majestatem evectum, ut Deus diceretur. Quo etiam spectans Athanasius in symbolo, distincte et absque tautologia dixit Filium Dei non factum, nec creatum, sed genitum.

<sup>a</sup> Quid enim refert pronomen relativum *qui et quem*, nisi *Deum verum de Deo vero*, immediate nominatum? quod et grammatici, immo idiotæ non ignorant. Cur igitur Jesum solvit, et in duos dividit Nestorius, et in uno eodemque contextu symboli partem uni, partem alteri tribuit, quæ ad unum eundemque Dei Filium manifeste referuntur?

<sup>b</sup> Parvulus, non tamen infans, ut opinor, sed adolescens, aut puer rationis compos, cum baptizaretur et fidem profiteretur, ut superius ostensum (*Ad cap. 6 hujus lib.*).



symbolum: Dominum Jesum Christum, Deum verum ex Deo vero, homoousion Patri, per quem sæcula compaginata sunt, et omnia facta, hoc inseparabili statim connexione subjunxit. Qui propter nos, inquit, venit, et natus est ex Maria virgine. Ille ergo, qui verus Deus, qui homoousios Patri, qui creator sæculorum, qui factor omnium; ille, inquam, venit in mundum, et natus ex Maria virgine; secundum illud scilicet Pauli apostoli: *At ubi venit plenitudo temporum, misit Deus Filium suum factum ex muliere, factum sub lege* (Galat. iv). Vides quomodo Scripturis sacris symboli sacramenta conveniunt? Apostolus Filium Dei missum a Patre prædicat, symbolum venisse confirmat. Hoc enim erat consequens utique, ut quem missum Apostolus edocuerat, fides confiteretur nostra venisse. Deinde Apostolus ait, *ex muliere factum*; symbolum autem, ex Maria procreatum. Advertis itaque quod ipsa in symbolo Scriptura loquitur, a qua symbolum ipsum se descendisse testatur. Bene autem Apostolus, *factum*, inquit, *ex muliere*; <sup>a</sup> factum pro nato posuit, divini eloquii consuetudine, qua factus pro nato ponitur, secundum illud: <sup>b</sup> *Pro patribus tuis facti sunt tibi filii* (Psalm. xlv). Vel illud: <sup>c</sup> *Priusquam Abraham fieret, ego sum* (Joan. viii). In quo scilicet evidenter dixisse noscitur: Priusquam nasceretur, ego sum; facti nomine rem nativitatis ostendens, <sup>d</sup> quia efficientiam facti habet quidquid non indiget ut fiat. Qui propter nos ergo, inquit, venit et natus est ex Maria virgine. Si homo solitarius ex Maria natus est, cur venisse dicitur? Neque enim venit nisi qui habet id ipsum in essentia ut venire possit. <sup>e</sup> Qui autem nondum id ipsum acceperat ut esset, quomodo id habere poterat ut veniret? Vides ergo quomodo ipse adventus nomine fuisse ante designatur adveniens? <sup>f</sup> quia facultatem non habuerat, nisi cui ex hoc ipso quod

erat suppetere poterat ut veniret. Homo autem ante conceptum omnino non fuit; ergo in se non habuit ut venire possit. Deum ergo venisse certum est, <sup>g</sup> cui in utraque re proposita et esse suppetit et venire, Qui utique et quia erat venit; et quia venire semper potuit, semper fuit.

## CAPUT IX

*Rursus adversarium ex sua ipsius confessione pestiferi erroris redarguit.*

Sed quid de verbo argumentamur, cum res eluceant? et in symboli textu judicia rerum quærimus, cum ipse in eo sit sermo rerum? Repetamus confessionem symboli, et tuam; tua enim quæ illius, quia confessionem illius tuam confitendo fecisti, ut intelligas prævaricatum te non tantum a symbolo, sed et a te. Credo ergo, inquit symbolum, in unum solum verum Deum, Patrem omnipotentem, creatorem omnium visibilium et invisibilium creaturarum; et in Dominum Jesum Christum Filium ejus unigenitum, et primogenitum totius creaturæ; ex eo natum ante omnia sæcula, et non factum; Deum verum ex Deo vero, homoousion Patri, per quem et sæcula compaginata sunt, et omnia facta; qui propter nos venit, et natus est ex Maria virgine. Propter nos ergo, inquit symbolum, Dominus noster Jesus Christus venit, et natus est ex Maria virgine, et crucifixus est sub Pontio Pilato, et sepultus, et resurrexit secundum Scripturas. Confiteri hoc Ecclesias non pudet, apostolos prædicare non puduit. Tu ipse, tu, inquam, ipse, ejus nunc omnis vox sacrilegium est, qui nihil admodum non negas, hæc tamen omnia negasti, Deum utique natum, Deum passum, Deum resurrexisse. Et quid post hæc? quo devolutus es? quid effectus? in quæ redactus? quid ais? quid evomis? <sup>h</sup> quod nec ipse scilicet, ut quidam ait, non sani

## ALARDI GAZÆI COMMENTARIUS.

<sup>a</sup> Sic et D. Hieronymus (*In comment. hujus loci*) factum pro nato positum interpretatur. *Diligenter*, inquit, *attendite, quod non dixerit factum per mulierem, quod Marcion et cæteræ hæreses volunt, quæ putativam Christi carnem simulant, sed, ex muliere; ut non per illam, sed ex illa, natus esse credatur*. D. Thomas in eundem locum Apostoli (*In comment. ad Galat. iv*): *Licet, inquit, posset dici natus ex muliere, signanter tamen dicit, factum, et non natum. Nasci enim aliquid, est ipsum produci solum ex principio conjuncto; sed fieri, est produci ex principio separato. Arca enim fit ab artifice, sed fructus nascitur ex arbore. Principium autem humanæ creationis est duplex, scilicet materiale; et quantum ad hoc Christus processit ex principio conjuncto, qui materiam sui corporis sumpsit ex Virgine. Unde secundum hoc dicitur nasci de ca, Matth. i: De qua natus est Jesus. Aliud est principium activum, quod quidem in Christo, quantum ad id quod principium habuit, id est, quantum ad formationem corporis, non fuit conjunctum, sed separatum, quia virtus Spiritus sancti formavit illud. Et quantum ad hoc, non dicitur natus ex muliere, sed factus, quasi ex principio exteriori*. Sic S. Thomas.

<sup>b</sup> Ita e Græco ἐγενήθησαν a verbo γίνομαι, fio. At Vulgata versio melior, quæ habet: *Pro patribus tuis nati sunt tibi filii* (Ps. xlv). Nam magis proprie dicimus filios gigni, aut nasci, quam fieri, quod latius patet; et verbum γίνομαι passim apud profanos

etiam auctores pro nasci sumitur, ut apud Platonem, epist. 8, γίνεσθαι αὐτῷ, sibi ipsi nasci; et epist. 9, ἕκαστος ἡμῶν οὐκ αὐτῷ μόνον γέγονε: Nostrum quisque non sibi soli natus est.

<sup>c</sup> Similiter in Græco: πρὶν Ἀβραὰμ γίνεσθαι. Opponuntur enim hic velut e diametro, fieri et esse. Fieri, ut hominis et cujusvis creaturæ; esse, ut Dei proprium, ejus est dicere: *Ego sum, qui sum* (Exod. iii). Vide quæ supra in hanc sententiam notata.

<sup>d</sup> Id est, ipsam veritatem et significationem; quod perinde est ac vere factus dicitur, qui jam natus incipit esse, cum antea non esset. Sic et alibi Cassianus efficientiam usurpat.

<sup>e</sup> Id est, qui secundum Nestorium non erat, antequam nasceretur ex Virgine, qua ratione venire poterat? Atqui venisse constat; erat igitur antequam veniret.

<sup>f</sup> Habuerat pro habebat, facultatem veniendi scilicet in carne, et in carne nascendi, si non ante adventum suum exstitisset.

<sup>g</sup> Id est, cui utrumque competit, et semper esse, et semper venire posse.

<sup>h</sup> Non sanus, id est, insanus. Paroemia est a Juvenale et aliis usurpata in homines amentes et furiosos, qui quidlibet effutiant, iurant, pejerant, et nesciunt quid dicant, instar Orestis, quem poete fingunt ob matris cædem furore correptum, et mente



esse hominis non sanus juret Orestes. Quid enim dicis? <sup>a</sup> Quid est, inquis, quia ex Christotoco natus est Filius Dei? ut puta si dixerimus, Credo in Deum Verbum Filium Dei, unigenitum ex Patre natum, homoousion Patri, qui descendit et sepultus est; non statim auditus ipse accipit plagam? Deus mortuus? Et iterum. <sup>b</sup> Næ, fieri, inquis, potest, ut qui ante omnia sæcula natus est, <sup>c</sup> secunda vice nasca-  
 tur, et hoc Deus? Si fieri omnia hæc omnino non potuerunt, quomodo Ecclesiarum symbolum facta

esse dici? Quomodo etiam tu ipse dixisti? Conferamus enim cum his quæ ante a te dicta sunt ea quæ nunc a te dicuntur. Dixisti prius: Credo in Deum Patrem, et in Jesum Christum Filium ejus, Deum verum ex Deo vero, homoousion Patri, qui propter nos venit, et natus ex Maria virgine, et crucifixus est sub Pontio Pilato, et sepultus est. <sup>d</sup> Nunc autem quid ais? Si dixerimus: Credo in Deum Verbum Filium Dei unigenitum, ex Patre natum, homoousion Patri, qui descendit, et sepultus est; non statim auditus ipse

## ALARDI GAZÆI COMMENTARIUS.

alienatum. Unde Virgilius in *Æneid.*: *Et scelorum furis agitato Orestes.* Et Statius lib. 1 *Theb.*: *Et inanem mentis Orestem.* Hinc aliud simile proverbium apud Junium (*Centur.* 5): *Orestis insaniam insanis.* Confert igitur Auctor Nestorium cum Oreste, ut amentem cum amente, modo affirmantem, modo negantem, et more Protei varios induentem vultus, imo et ipso Oreste amentio-rem arguit, ut qui talia evomeret qualia nec Orestes insaniens effutiret.

<sup>a</sup> Hunc locum antea manifeste depravatum, si: restituendum conjectavimus ex sequentibus, ubi eadem verba repetuntur, demptis superfluis. Sunt autem hæc verba ipsius Nestorii, quem Auctor loquentem inducit, et hoc modo, ni fallor, exponenda: *Quid est quia ex Christotoco natus est Filius Dei?* Id est, quam absonum, et paradoxon, ut ex Christotoco, id est, Christipara virgine natus credatur Filius Dei, puta si dixerimus: *Credo in Deum Verbum Filium Dei, nonne statim auditus accipit plagam?* id est, nonne hoc audito, statim aures percelluntur, perhorrescunt, et ferre nequeunt? *Et Deus mortuus est;* id est, si dixerimus, quia Deus mortuus est, nonne similiter auditus refugit, et eo audito graviter saucietur?

<sup>b</sup> Næ per diphthongum ex Græco *ναί*, adverbium affirmantis: vel fortasse interjectio admirantis, ut apud Ciceronem in *Catilinam*: *Næ, illi vehementer errant,* id est, certe. Sed fortassis inversum fuerit vocabulum, scribarum aut typographorum oscitantia, ut pro *fieri potest*, legeretur, ne fieri potest, etc. Sunt enim hæc rursus verba Nestorii geminam, id est, divinam et humanam Christi nativitatem abhorrentis et pro absurdo ducentis.

<sup>c</sup> Sic Nestorius ab impossibili, ut opinabatur, argumentans, geminam Christi generationem et nativitatem impugnabat, fere ad instar Nicodemi simili argumento in simili negotio utentis, Joannis iii. Ut enim ille adhuc rudis dicebat: *Numquid potest homo nasci, cum sit senex? numquid potest in ventrem matris suæ iterato introire et renasci?* Ita Nestorius: *Numquid potuit Dei Filius secundo nasci de Virgine, qui jam ante omnia sæcula et ab æterno natus est?* Quod cum impossibile esse prætenderet, consequens esse volebat, ut nec Dei Filius de Virgine natus, nec ipsa Θεοτόκος, Deipara, sed hominipara duntaxat crederetur. Hic namque fuit totius Nestorianæ tragœdiæ scopus ac finis, ut et Christo divinitas et Mariæ materna Dei parentis dignitas adimeretur. Contra vero Ecclesia catholica Christum verum Deum et hominem agnoscens, Deum æterna, hominem temporali generatione, non naturarum confusione, duas itidem nativitates in Christo confitetur et credit, alteram qua ex Patre natus Dei Filius ante sæcula, alteram qua ex matre natus est homo et hominis filius in tempore. Hinc Damascenus lib. iii de *Fide Orthod.* cap. 7: *Confitemur, inquit, duas Christi nativitates, unam quæ est ex Patre æterna, et unam quæ est ex matre temporalis.* Hæc porro doctrina manifeste colligitur ex ipso symbolo apostolorum. Cum enim dicimus: *Credo in Jesum Christum Filium ejus unicum*, primam agnoscimus generationem et nativitatem, nempe

æternam et divinam: cum vero de eodem Dei Filio Jesu Christo dicimus: *Qui conceptus est de Spiritu sancto, natus ex Maria virgine*; alteram et secundam, nempe humanam et temporalem nativitatem aperte profite-  
 mur. Unde in concilio Constantinopolitano canone 2 anathema dicitur, si quis non confiteretur Dei Verbi duas esse nativitates, unam quidem ante sæcula et sine tempore ex Patre incorporaliter; aliam vero ejusdem in novissimis diebus descendentis de cælo, et incarnati ex sancta et gloriosa Dei genitrice. Id ipsum antea in concilio Ephesino, necnon in Chalcedonensi, ex epistola Cyrilli ad Nestorium, fuerat declaratum his verbis: *Is, inquit, qui ante sæcula omnia est natus ex Patre, etiam ex muliere carnaliter est procreatus in tempore: non quia divina ipsius natura de Virgine sumpsit exordium, nec propter seipsam opus habuit secundo nasci post illam nativitatem quam habebat ex Patre; est enim ineptum et stultum hoc dicere, quod is qui ante omnia sæcula est, et conspiciendus Patri, secundæ generationis eguerit ut esse inciperet; sed qui propter nostram salutem naturam sibi copulavit humanam, et processit ex muliere, idcirco dicitur esse natus carnaliter. Nec enim primo homo natus est communis de sancta Virgine, et tunc demum inhabitavit in eo Verbum; sed in ipsa vulva uteroque virginali secum carnem conjunxit, et sustinuit generationem carnalem, suæ nativitatem carnis suam faciens.* Hucusque Cyrillus. Est igitur secundum fidem catholicam unius ejusdemque personæ Christi duplex agnoscenda generatio, et gemina nativitas; et consequenter fatendum est Christum bis natum, bis genitum esse, semel ab æterno, et iterum in tempore, quemadmodum a quodam poeta non minus eleganter quam vere dictum est (*Vida, initio Christiados*):

Spiritus almae, tuo liceat mihi numina Regem  
 Eis genitum canere.

In utraque autem Christi nativitate, et aliquid simile, et aliquid singulare: in illa enim Patrem habuit Christus sine matre; in hac vero matrem habuit sine patre. Quo retulit D. Ambrosius quod scriptum est ad Hebræos cap. vii de Melchisedech in figura Christi: *Sine patre, sine matre. Sine matre enim, inquit, natus est Dei Filius generatione cælesti, quia ex solo Deo Patre natus est; et iterum sine patre natus, quando natus est ex Virgine. Non enim ex virili semine generatus est, sed de Spiritu sancto ex virgine Maria utero editus virginali.* Neque vero propterea duos filios aut duas proles dicere necesse est, quia duplex sit agnoscenda generatio; sed unum duntaxat Dei et hominis filium, propter unitatem personæ in quam utraque illa cadit nativitas; impossibile videri debet quod fuerit antequam ex matre nasceretur, quia secundum aliud (nempe Deitatem) semper fuit, et secundum aliud (nempe humanitatem) nascendo esse cœpit.

<sup>d</sup> Ex hoc loco approbatur correctio textus superioris inducta. Repetit enim et inculcat semel dictum, nec hic tantum, sed et cap. 11, ut Nestorium sui immemorem sibi-que ipsi contradicentem redarguat, qui quod in symbolo professus fuerat, retractaret ac pernegaret.



accipit plagam? Acerbitas quidem atque impietas dicti tui cogere nos ad immoderatum ac fervidum respondendi impetum potest, sed restringenda paululum pii doloris sunt retinacula.

## CAPUT X.

*Invehitur in illum, quod desertor catholicæ religionis nihilominus in Ecclesia docere, sacrificare, et jus dicere ausus esset.*

Te, inquam, ergo, te ipse consulo: dic mihi, quæso,

## ALARDI GAZÆI COMMENTARIUS.

<sup>a</sup> Ex sententia principis apostolorum dicentis (II Petr. II): Si enim refugientes coinquinationes mundi in cognitione Domini nostri et salvatoris Jesu Christi, his rursus implicati superantur, facta sunt eis posteriora deteriora prioribus. Melius enim erat illis non cognoscere viam justitiæ, quam post agnitionem retrorsum converti ab eo, quod illis traditum est, sancto mandato. Contigit enim eis illud veri proverbii: Canis reversus ad suum vomitum, et sus lota in volutabro luti (Prov. XXVI). Ubi vide S. Thomam in Commentario.

<sup>b</sup> Nestorium nempe ex catholico factum hæreticum et apostatam, id est, fidei desertorem. Cujus occasione hic obiter aliquid dicendum de hæresi et apostasia, et utriusque discrimine. Primum quod ad nomen et notionem hæreseos attinet, illud vulgatum est, hæresim ab electione dici ἀπὸ τοῦ αἵρεσις, quod est eligo (Alphonsus Castr. cont. Hæres. l. b. I cap. 9, Melchior Canus lib. XII de Loc. Theologicis c. 9). Hinc Tertullianus lib. de Præscriptionibus Hæreticorum: Hæreses, inquit, dictæ Græca voce ex interpretatione electionis, qua quis sive ad instituendas sive ad suscipiendas eas utitur. Ideo et sibi damnatum dixit (Apostolus ad Titum III) hæreticum, quia et in quo damnatur sibi elegit. Et lib. I adversus Marcionem: Ut hinc, inquit, jam destinari possit hæreticus, qui deserto quod prius fuerat, id postea sibi elegerit quod retro non erat. Eodem pertinet illud Irenæi adversus Hæreses lib. III c. 2: Hanc, inquit, sapientiam unusquisque eorum esse dicit, quam a semetipso adinvenit, fictionem scilicet; unusquisque enim ipsorum omni modo perversus, semetipsum regulam veritatis prædicare non confunditur. D. Hieronymus in cap. V ad Galatas: Αἵρεσις, inquit, Græce ab electione dicitur, quod scilicet eam sibi unusquisque eligat disciplinam quam putat esse meliorem. Quicumque igitur aliter Scripturam intelligit quam sensus Spiritus sancti flagitat, a quo conscripta est, licet ab Ecclesia non recederit, tamen hæreticus appellari potest, et de carnis operibus est, eligens quæ pejora sunt. Similiter in Epist. ad Titum cap. III: Hæresis Græce ab electione dicitur, quod scilicet unusquisque id sibi eligat quod ei melius esse videatur. Philosophi quoque, Stoici, Peripatetici, Academici, Epicuræi, illius vel illius hæreseos appellantur. Hæc Hieronymus. Eadem fere Isidorus Etymolog. lib. VIII cap. 3, et Rathanus de Institut. Cleric. lib. II cap. 58. Porro Græcam vocem Latinus Novi Testamenti interpret interdum servat (I Cor. XI), interdum vero in sectam vertit, ut ad Galatas V, ubi editio Latina inter carnis opera sectas nominat, Græca habet, hæreses. Et Act. XXVII Judæi, cum Paulo inquirunt: Nam de secta hac notum nobis, quod ubique ei contradicitur, Lucas Græce hæresim dixit. Secta igitur et hæresis eadem res sunt, sed ut secta a sectando, sic hæresis ab eligendo dicitur. Cum igitur hæresis nihil aliud sonet quam privatam alicujus electionem, qua quid proprio iudicio eligit ei que inhaeret, consequens est vocabulum libet sectam designare: unde apud ethnicos variae philosophorum factiones a Græcis hæreses, a Latinis sectæ citra omnem contumeliam et probrum nominabantur, quod alii atque alii genus aliquod disciplinae et instituti proprium eligerent atque sectaren-

tur; e quibus illæ quatuor in primis celebres Athenis fuere, Academica, Peripatetica, Stoica, Epicuræa, superius a D. Hieronymo nominatæ. Usus etiam Græca voce Cicero tum in Paradoxis (Ad Attic. lib. XIV epist. 15, ad Famil. lib. XIV epist. 16), tum aliis in locis. Philo itidem Judæus in lib. de Vita supplicum apud Eusebium (Lib. II Histor. cap. 17), nostram religionem hæresim vocat, neque in malam pariem tamen, sed more illius ætatis loquens. Scripsit et Galenus, et inscripsit librum περὶ αἵρεσων, id est, De sectis seu opinionibus medicorum. Denique etiam Phrasi Latina non male dicitur: In ea sum hæresi, id est, opinione. Quin etiam in sacris Litteris pro indifferenti interdum accipitur. Act. XV: Surrexerunt quidam ex hæresi Phariseorum. Act. XXIV: Confiteor autem hoc tibi, quod secundum sectam, quam vocant hæresim, sic deservio Patri et Deo meo. Rursus cap. XXVI: Secundum certissimam sectam nostræ religionis vixi Phariseus. Ubi Græce: κατὰ τὴν αἵρεσιν. Sæpius tamen et usitatius in malam partem accipitur, ut I Cor. XI: Oportet hæreses esse. Ad Gal. V: Opera carnis sunt, hæreses, invidiæ, cædes, etc. Ad Titum III: Hæreticum hominem post unam et alteram admonitionem devota. II Petr. II: Inducunt exitiales hæreses. Atque hoc modo Christiani scriptores contracto vocabulo hæresim nuncupant sectam et divisionem qua quis a communi se Ecclesiæ fide sejungit, privatamque opinionem eligens, a catholica institutione et veritatis regula discedit. Unde et illud consequitur, quod, licet omnibus notum sit, commemorandum est tamen, doctrinam evangelicam atque Catholicam proprie neque hæresim neque sectam esse appellandam, tum quia eam non sequimur ex electione nostra, sed ex institutione divina; tum quia, ut ait Tertullianus (L. b. de Præscript. Hæretic. c. 6), nobis nihil ex nostro arbitrio inducere licet; sed nec eligere quod aliquis de arbitrio suo induxerit. Apostolos Domini habemus auctores, qui nec ipsi quidquam ex suo arbitrio, quod inducerent, elegerunt, sed acceptam a Christo disciplinam fideliter nationibus assignaverunt. Itaque etiamsi angelus de cælis aliter evangelizaret, anathema diceretur a nobis (Gal. I). Sic ipse. Cui consentit Theophylactus in cap. II Epistolæ ad Colossenses. Porro Origenes (In cap. III Epist. ad Titum) hæreticum hominem hoc modo depingit: Hæreticus habendus est omnis ille qui Christo quidem credere se profitetur, aliud tamen de fidei Christianæ veritate credit quam habeat definitio traditionis ecclesiasticæ. Paulo aliter D. Augustinus lib. de Utilitate credendi cap. 4: Hæreticus est, qui alicujus temporalis commodi, et maxime vanæ gloriæ, principatusque sui gratia, falsas ac novas opiniones vel gignit, vel sequitur. Et lib. XVIII de Civitate (Cap. 51): Videns, inquit, diabolus templum dæmonum deseri, et in nomen liberantis Mediatoris currere genus humanum, hæreticos movit, qui sub vocabulo Christiano doctrinæ resisterent catholicæ; quasi possent indifferenter sine ulla correptione haberi in civitate Dei, sicut civitas confusionis indifferenter habuit philosophos, inter se diversa et adversa sentientes. Qui ergo in Ecclesia Christi morbidum aliquid pravumque sapiunt, si correpti, ut sanum rectumque sapiant, resistunt contumaciter, suaque pestifera et mortifera dogmata emendare nolunt, sed defensare præsumunt, hæretici fiunt, etc. Sic Augustinus. Ve-



constitue; alterum enim præponere in te non potes. A nisi alterum in te ipse damnaveris. Dicis ergo dam-  
nari a te eum qui prius fuerit, damnari catholicum  
a te symbolum, damnari omnium confessionem, da-  
mnari fidem? Et quid igitur? o indignum facinus!  
o intolerabilis dolor! a Quid facis in Ecclesia catho-  
lica, catholicorum prævaricator? Cur cætum populi  
polluis, qui fidem populi denegasti? Insuper et con-  
sistere in altario, et conscendere tribunal, et offerre  
impudentissimum ac perfidissimum os tuum populo  
Dei ausus es? occupare cathedram, præsumere sa-  
cerdotium, profiteri magistrum? Ut quid doces Chri-  
stianos, Christum non credens? cum ipsum, in cuius  
Dei templo sunt, Deum neges: et post hæc omnia,  
o insania! o furor! doctorem te et episcopum putas,  
cum eum ipsum utique, o infelix cæcitas! eum ipsum, B  
inquam, Deum deneges, cuius te esse asseras sacer-  
dotem? Sed efferimur præ dolore. Quid ergo inquit  
symbolum? vel quid tu in symbolo ipse dixisti? Do-

minum utique Jesum Christum, Deum verum ex  
Deo vero, homoousion Patri, per quem sæcula creata  
sunt, et omnia facta, hunc eundem propter nos ve-  
nisse, et natum esse ex Maria virgine. Cum ergo  
Deum natum ex Maria dixeris, quomodo Mariam Dei  
matrem negas? Cum Deum venisse dixeris, quo-  
modo Deum nunc negas esse qui venit? Dixisti in  
symbolo: Credo in Jesum Christum Filium Dei,  
credo in Deum verum ex Deo vero, homoousion  
Patri, qui propter nos venit, et natus est ex Maria  
virgine, et crucifixus sub Pontio Pilato, et sepultus  
est. Nunc autem dicis: Si dixerimus, Credo in Deum  
Verbum Filium Dei unigenitum, ex Patre natum,  
homoou-ion Patri; qui descendit, et sepultus est;  
non statim auditus ipse accipit plagam? Vides ergo  
destruere te penitus atque eradicare omnem catho-  
lici symboli, omnem catholici sacramenti fidem? o  
scelus! b o portentum! ut ille ait, in ultimas terras  
asportandum! quia hoc rectius de te dicitur, c ut in

#### ALARDI GAZÆI COMMENTARIUS.

rum, ut clarius, ita exactius, a scholasticis hoc modo  
definiri solent: *Hæresis est ejus qui fidem professus  
fuerit error pertinax veritati catholicæ contrarius. Hæ-  
reticus vero proprie dicitur, qui sub Christiani no-  
minis professione contra fidem catholicam firma vo-  
luntatis opinione errat, aut contrarium dogma am-  
plectitur.* Ubi in primis notanda illa clausula qua  
dicitur, *sub Christiani nominis professione*, etc.  
Qua parte distinguitur hæresis ab apostasia proprie  
sumpta, ut postmodum ostendetur. Ipsum autem  
nomen apostasiæ nihil aliud sonat quam desertio-  
nem, defectionem, aut retrocessionem. Unde distin-  
guitur a canonistis triplex apostasiæ species: prima  
a fide; secunda a religione, seu monachatu; tertia  
ab ordine, seu clericatu. Apostasia a fide, de qua hic  
agitur, definiri potest totius Christianitatis, seu Chri-  
stianæ fidei et religionis, abdicatio et abnegatio.  
Unde manifestum evadit qua ratione apostasia distin-  
guatur ab hæresi. Nam etsi in hoc conveniant,  
quod a fide utraque recedit, differunt tamen in modo  
recedendi: siquidem apostasia a fide recedit abso-  
lute et totaliter, hæresis vero non nisi quoad aliquid;  
et hæresis etiam nomen et professionem Christianæ  
religionis sibi vindicat, quam apostasia penitus ab-  
jicit et abdicat (Gregor. Valent. in 22, disput. 1, q.  
11). Is ergo proprie apostata dicitur, qui cum fidem  
catholicam semel amplexus fuerit, postea ab ea pe-  
nitentia recedit, Verbique Dei doctrinam, ut stultam  
irridet, insectaturque, sicut Julianus imperator fe-  
cisse legitur: unde nomen apostatæ sortitus est.  
Sic veteres Christiani eos infami vocabulo apostatas  
vocabant, qui abjecta non solum fide, sed et nomine  
Christianitatis, ad paganismum aut judaismum defe-  
cissent. Ex his patet, si apostata proprie et stricte  
sumatur, neque hæreticum apostatam, neque apo-  
statam esse hæreticum, quod vel sola nominis  
Christiani professione et abnegatione inter se diffe-  
rant; sin vero minus proprie et largius sumatur  
apostata, pro quolibet fidei desertore, quomodo hic  
sumit Auctor, dum Nestorium hæreticum vocat simul  
et apostatam, sic omnis hæreticus apostata dici  
possit; at non contra, quia la ius patet, ut notum  
est. Unde veteres illi et famosi apostatæ, Aquila ex  
Judæo Christianus, et ex Christiano Judæus, nec  
non Lucianus, Julianus, Porphyrius, et alii similes  
atheï aut pagani effecti, nusquam hæretici appellati  
leguntur. Et merito quidem. Nam ut ait D. Thomas,  
qui totam Christi doctrinam rejicit, nihil videtur elige-  
re, sed penitus a fide discedere. Non ergo is ab ele-

ctione hæreticus, sed a discessione dicendus est  
apostata, ut vocabula ipsa sonant.

a Ad eundem fere modum Cœlestinus papa in  
litteris ad Nestorium scriptis, quæ et in concilio  
Ephesino lectæ sunt (Baron. tom. V, an. 430), ipsum  
graviter increpat, et exagitat his verbis: *Quis enim  
intra ovile rapacem lupum putaret abscondi? Et infra:  
Male tu in hunc arma desperatione movisti, qui te  
super familiam suam, velut fidelem prudentemque per-  
miserat ante constitui. Perit tibi hujus vice officii bea-  
tutudo promissa. Non solum non das cibum in tempore,  
verum etiam veneno interficis quos ille suo sanguine  
et sua morte quæsit. Venenum namque est sub tuis  
labiis, quæ maledictionis et amaritudinis plena videmus,  
cum contra eum, qui suavis est, niteris disputare. Ubi  
est diligentia pastoralis? Pastor bonus animam suam  
ponit pro ovibus suis; mercenarius vero est, qui eas  
lupis dimittit et tradit (Joan. x). Qui hic tu pastor  
acturus es, qui Dominicum gregem pro lupis ipse di-  
spergis? Ad quænam grex Dominicus septa confugiet,  
si intra ovilia Ecclesiæ sauciatur? Qua futurus est  
tuitio defensus, qui te patitur pro custode raptorem?  
Et alias, inquit Dominus, habeo oves, quæ non sunt  
ex hoc ovili, et illas oportet me adducere. Ille alias se  
promittit adducere, tibi pereunt quas habebas. Tametsi  
quidem certum sit, quoties ista contingunt, non oves  
pastoribus, sed magis ovibus perire pastores. Et vocem  
meam, inquit, audient. Quare? ut fiat unus grex. Ad  
illius vocem, unus fit grex; ad tuam vocem aut infici-  
tur, aut fugatur. Durum est ut in te de Actibus Aposto-  
lorum beati Pauli verba conveniant: Ego, inquit, scio  
quia introibunt post discessum meum lupi graves in vos,  
non parcentes gregi; et ex vobis ipsis surgent homines  
quærentes perversa, ut abducant discipulos post se  
(Act. xx). Hæc a te aliis quam dicta tibi velimus.  
Docenda enim tibi fuerant, non discenda. Nam quis  
ferat doceri episcopum qualiter debeat esse Christianus?  
Diligenter aspice in quam conditionem voceris, accer-  
saris, arqueris? quid horum convenit sacerdoti, etc.*

b Cicero Act. iv in Verrem.

c Videtur hic Cassianus prophetam aut vatem  
egisse et præsagisse id quod futurum erat, nempe  
ut in Oasim seu Oasenam solitudinem inter Ægypti  
solitudines remotissimam et vastissimam impius ille  
Nestorius, quod alias iidem notavimus, post latam  
in ipsum a concilio Ephesino damnationis et depo-  
sitionis sententiam, Theodosii imperatoris edicto  
deportaretur, ubi nullum, ut hic dicitur, quem per-  
deret et hæresi sua inficeret, invenire posset. In



nam scilicet solitudinem transeas, ubi nullum valeas invenire quem perdas. Fidem ergo salutis nostræ, sacramentum spei ecclesiasticæ tu auditus tui atque aurium plagam putas. Et quomodo quondam, cum ad baptismum curreres, sanis hæc sacramenta auribus audiebas? Quomodo cum te magistri Ecclesiarum docerent, aures tuæ non vulneratæ sunt? sive ulla tunc certe plaga duplici oris atque aurium fungebaris officio, cum et audita ab aliis diceres, et ipse te dicentem dictor audires. Ubi erant tunc hæc aurium tuarum vulnera? ubi hæc auditus tui plaga? Cur non contradixisti et reclamasti? Sed videlicet pro arbitrio ac libidine tua, cum vis, discipulus es; et Ecclesiæ, cum vis, hostis; cum vis, catholicus; cum vis, apostata. Dignus nimirum auctor, qui in quamlibet partem te contuleris, Ecclesias post te trahas, cujus voluntas lex vitæ nostræ sit, qui mutabilitate tua humanum genus mutes; et <sup>a</sup> quia tu esse

A nolis quod omnes sunt, quod tu velis. Præclara videlicet auctoritas, ut quia tu quod eras non es, esse mundus desinat quod fuit.

## CAPUT XI.

*Diluit objectionem tacitam hæreticorum qui fidei suæ professionem in puerili ætate factam recantare volunt.*

<sup>b</sup> Sed parvulum te forsitan, cum renascereris, fuisse dicis; et ideo nec sapere tunc, nec reclamare valuisse. Verum est, obstitit tibi infantia ne contradiceres, <sup>c</sup> qui mori vir contradicendo potuisses. Quid enim si <sup>d</sup> in illa fidelissima ac devotissima Christi Ecclesia, <sup>e</sup> cum sacerdos symbolum respondententi et acclamanti populo Dei traderet, mutire tu in aliquo aut reclamare tentasses? audiendus fortasse fueras, ac non statim ut novum prodigii aut monstri genus in pestem aliquam exterminiumque mitte-  
B dus. Non quia piissima illa ac religiosissima plebs Dei contra-

## ALARDI GAZÆI COMMENTARIUS.

Oasim siquidem exsilio relegatum ac deportatum esse Nestorium, Theodoretus in epistola ad Spoudium tradit his verbis: *Non solum sacerdotio Nestorius ejectus fuit; divino siquidem judicio, sanctorum Ephesi congregatorum Patrum decreto, sed imperiali nutu Oasim incolere damnatus, pœnas quæ impios expectant prægustare cœpit.* Idipsum affirmat Socrates (*Hist. lib. vii cap. 33*). Id denique ex ipsius Nestorii litteris Evagrius prodit ita scribens (*Lib. i cap. 7*): *Quemadmodum autem Nestorius in exsiliū ejectus sit, et quid postea de illo factum, et quem vitæ exitum sit consecutus, et quas pœnas blasphemie causa dederit, neutiquam illis qui ejus res gestas scriptis prodiderunt traditum est. Quæ omnia plane interciderunt, fuissentque temporis diuturnitate ita deleta obrutaque, ut ne de illis omnino vel semel audiri posset, nisi in librum quemdam ab ipso Nestorio editum, in quo istarum rerum continetur narratio, forte fortuna incidissem.* Et infra ex aliis ejusdem Nestorii litteris, refert hæc ejus verba: *Ex Imperatoris edicto Oasim, alio nomini Ibin appellatam, demigrare coacti sumus.* Hæc apud Evagrium. Porro quæ, et qualis fuerit illa Oasis solitudo, in quam facinorosissimi homines relegari solerent, habes accurate explicatum a Baronio in notis ad Martyrologium (*Ad 12 Junii*), ut aliunde nihil opus sit accersere.

<sup>a</sup> Mutilum esse hunc locum, et hiuleum, quamvis tam Basileensi quam Plantiniana editione ita excusum, nemo non videt: et hoc modo suppleri sensus omnino postulat: *Quia tu esse nolis* (supple catholicus) *quod omnes sunt* (qui recte sentiunt) *omnes sint, quod tu velis*, nempe hæretici Nestoriani. Vel si sic consonantius videatur: *Quia tu esse nolis quod omnes sunt, omnes quod tu es esse velis*, nempe hæreticos, ut modo explicatum est. Sic enim ille omnes sui similes esse, idem sentire, ac sapere optabat, quemadmodum Paulus, sed alio sensu et spiritu, dicebat: *Volo omnes vos esse, sicut me ipsum* (*I Cor. vii*): Et alibi ad Agrippam: *Opto apud Deum, et in modico, et in magno, non tantum te, sed etiam omnes qui audiunt, hodie fieri tales, qualis et ego sum* (*Act. xxvi*).

<sup>b</sup> Cum renascereris, id est, cum baptizareris, quod est renasci ex aqua et Spiritu sancto, Joannes in Aliud effugium, aut cavillum, quo sibi objecta eludere posset Nestorius, dicendo sibi infanti baptizato alienam fidem male imputari; nec potuisse infantem quid fieret intelligere, aut reclamare. At hunc cavillum falsum ac mendacem esse superius ex Theodoreti et Cassiani dictis inter se collatis comprobavimus, et ipsum non infantem, sed adultum baptizatum ostendimus, quod et Auctor hactenus constanter asseruit. De quo tamen videri possit

in hoc cap. subdubitasse, et quasi inexploratum habuisse. Nam cum hactenus velut pro certo supposuerit ipsum adultiorem baptizatum et renatum, nunc, contraria hypothese ei concessa, ipsum nihilominus redarguit, quod eam fidem quam per suos saltem susceptores olim professus fuerat, post, crescente ætate et rationis judicio, cum adolevisset, jam maturus, ac sui compos effectus, non retractarit; immo et in ministerio ecclesiastico ac sacerdotali, tanto tempore, et ad senescentem usque ætatem, sciens ac prudens retinuerit; unde jam refractarius et recantator, perfidie notam etiam hac ex parte effugere nequeat.

<sup>c</sup> Id est, qui mortis periculum incurrisses, si adultus contradixisses.

<sup>d</sup> Antiochena scilicet, in qua Nestorius baptizatus, ut supra: in qua Petrus apostolus et fidem plantavit, et sedem locavit (*Act. xi*), et in qua primum discipuli Christiani sunt appellati; quæ ex fide etiam ac devotione Theopolis, id est, Dei civitas postea est appellata (*Niceph. lib. xiv, c. 34*).

<sup>e</sup> Solemnis ritus et antiqua cærenomia jam inde a temporibus apostolorum in baptismo administrando observata, ut baptizandi, si adulti fuerint, et catechumeni, symbolum apostolicum per se, seu ore proprio et palam recitent; si vero infantes, sciscitetur sacerdos: *Credis in Deum Patrem omnipotentem?* et patrini, seu susceptores, pro infante respondeant: *Credo.* Hujus observationis testes sunt S. Dionysius Areopagita Ecclesiasticæ Hierarch. c. 2, ubi dicit eum qui baptizatur *ter Christum profiteri, et omnibus fidei documentis divinitus traditis consentire*, quod utique fit per symboli professionem; et S. Ambrosius l. ii de Sacramentis, c. vii, *Interrogatus es, inquit, credis in Deum Patrem omnipotentem? dixisti: Credo. Et mersisti, etc.* S. Hieronymus adversus Luciferianos: *Cum solenne sit in lavacro, post Trinitatis confessionem interrogare, Credis sanctam Ecclesiam catholicam? credis remissionem peccatorum?* Et in cap. ii Proverbiorum, ait baptizandos profiteri se symbolum credituros. S. Augustinus lib. de Fide et Operibus c. 11: *Cur ergo baptizandis vel symbolum tradimus, vel reddendum reposcimus?* Et lib. iv de Symbolo ad Catechumenos: *Accepistis symbolum, protectionem contra parturientis venena serpentis.* Et l. iii c. 1: *Sacramentum symboli quod accepistis, memorieque mandatum pro vestra salute retinetis, noveritis hoc esse catholicæ fidei fundamentum; super quod ædificium Ecclesiæ constructum est manibus apostolorum et prophetarum.* Vide plura superius allata, ad hunc ritum spectantia.



minari vel impiissimi cujusquam sanguine velit; sed quia in magnis plerumque urbibus fervens Dei amore populus, cum exurgere contra Deum suum quempiam viderit, calorem fidei retinere non novit. Sed esto: infans, si tamen ita est, contradicere ac reclamare symbolo non potueris; cur adultior jam robustiorque tacuisti? Crevisti certe, et vir factus, et ministerio ecclesiastico insertus es. Per tot ergo ætates, per tot officii ac dignitatis gradus, numquam intellecta a te fides est, quam tamdiu ante docuisti? Diaconum certe ejus te et presbyterum fuisse nosti: si displicebat tibi salutis regula, cur suscipiebas ejus rei honorem, ejus non approbabas fidem? Sed providus videlicet vir et simplex religiosus, ita temperare te inter utrumque voluisti, ut teneres et sacrilegi perfidiam, et catholici dignitatem.

## CAPUT XII.

*Christus crucifixus scandalum et stultitia est iis qui illum solitarium hominem fuisse affirmant.*

<sup>a</sup> Plaga ergo auditus tui et vulnus aurium tuarum est Deus natus, et Deus passus. Et ubi illud tuum est, Paule apostole: *Nos autem prædicamus Christum crucifixum, Judæis quidem scandalum, gentibus autem stultitiam, ipsis autem vocatis Judæis et Græcis Christum Dei virtutem et Dei sapientiam* (I Cor. 1)? Quid est sapientia et virtus Dei? Deus utique. Christum autem, qui crucifixus est, Dei virtutem et sapientiam prædicat. Ergo si absque dubio sapientia Dei Christus, ergo absque dubio Christus Deus. Nos ergo, inquit, *prædicamus Christum crucifixum, Judæis quidem scandalum, gentibus autem stultitiam.* Crux itaque

ALARDI GAZÆI

<sup>a</sup> De qua superius (Cap. 5) dicebat Nestorius: *Nonne statim auditus accipit plagam? audiendo scilicet Deum natum, Deum passum, mortuum, etc.*

<sup>b</sup> Ubinam Paulo prædicante Judæi vel gentiles aures suas occluserint, nullibi reperio expressum, nisi sic accipias illud, quod in Actis legitur: *Videntes turbas Judæi, repleti sunt zelo et contradicebant his quæ a Paulo dicebantur, blasphemantes. Tunc constanter Paulus et Barnabas dixerunt: Vobis oportebat primum loqui verbum Dei; sed quoniam repellitis illud, et indignos vos judicatis æternæ vitæ, etc.* (Act. xiii). Et rursum: *Cum autem quidam inducerentur, et non crederent, maledicentes viam Domini coram multitudine, etc.* Quibus similia sunt loca Act. xxii et xxviii. Porro de hoc genere hominum ad prædicationem verbi Dei aures sive capitis sive mentis claudendum, crebra in Scripturis est mentio. Is. vi: *Excæca cor populi hujus, et aures ejus aggrava, et oculos ejus claude; ne forte videat oculis suis, et auribus suis audiat, et corde suo intelligat, et convertatur, et sanem eum.* Quem locum sic retulit Matthæus (Cap. xiii): *Auditū audietis, et non intelligetis; et videntes videbitis, et non videbitis.* Incrassatum est enim cor populi hujus, et auribus graviter audierunt, et oculos suos clauserunt, nequando videant oculis, et auribus audiant, et corde intelligant, et convertantur et sanem eos. Alii Evangelistæ et Paulus, verbis quibusdam immutatis aut omissis (Marc. iv, Luc. viii, Joan. xii, Act. xxviii). Sic Jeremiæ v: *Habentes oculos non videtis, et aures, et non auditis.* Et cap. vi: *Incircumcisæ aures eorum, et audire non possunt.* Michææ vii: *Aures eorum surdæ erunt.* Zachariæ vii: *Aures suas aggravaverunt ne audirent.* Act. vii: *Dura cervice, et incircumcisis cordibus et*

A Domini, quæ stultitia gentibus et Judæis scandalum fuit, tibi utrumque est. Neque enim aut stultitia ulla major est quam non credere, aut majus scandalum quam audire nolle. Vulnerabantur ergo illorum aures ad prædicationem ac passionem Dei, sicut nunc vulnerantur tuæ. Plagam esse hoc auditus sui putabant, sicut tu putas. Et hinc erat quod ad nomen Dei ac Domini Jesu Christi, prædicante Christum Deum Apostolo, <sup>b</sup> clauderant illi capitis sui aures, sicut tu claudis animi. Par in hac parte utriusque vestrum videri posset impietas, nisi quod hoc majus est crimen tuum, quod illi eum negabant, in quo adhuc passio ostendebat hominem; tu eum denegas quem etiam resurrectio jam probavit Deum. Ac per hoc illi eum persequiebantur in terra, tu persequeris B et in cælo. Nec solum id, sed hoc utique crudelius et scelestius, quod illi negabant per ignorantiam, tu post fidem; illi nescientes Dominum, tu confessus Deum; illi sub æmulatione legis, tu sub professione antistitis; illi eum a quo se arbitrabantur alienos, tu eum cujus sacerdos es. O facinus indignum et inauditum! eum ipsum persequeris insectatione, cujus adhuc uteris dignitate.

## CAPUT XIII.

*Respondet objectioni illi qua dicebant hominibus parienti esse debere nativitatem.*

Sed magno videlicet perfidiæ atque impietatis tuæ argumento ad negandum ac persequendum Dominum Deum uteris, dicens: <sup>c</sup> *Homoousios parenti debet esse nativitas.* Nondum ad plenum dico ac profecto C in Dei nativitate penitus hoc non esse servandum, <sup>d</sup> quia non parientis fuit nativitas ipsa, sed nati; et COMMENTARIUS.

*auribus.* Et rursum: *Continuerunt aures suas, et impetum fecerunt unanimiter in eum.*

<sup>e</sup> Id est, filius debet esse consubstantialis matri seu ejusdem naturæ cum matre. Abstractum enim hic ponitur pro concreto, nativitas pro nato. Argumentum autem hoc Nestorii subobscurè indicatum clarius proponitur in hunc modum: Filius debet esse homoousios parentibus, sed Christus non est homoousios Mariæ, cum ipse sit Deus æternus et omnipotens, quæ Mariæ nullo modo conveniunt; ergo, etc. Huic argumento et objectioni respondet Cassianus duobus modis: primo negando assumptum, sic universe acceptum. Nam ut hoc axioma verum esset ac perpetuum in rebus naturalibus, ejus tamen contrarium multis exemplis astruitur libro sequenti (Cap. 3 et 5); non tamen sequeretur locum habere in nativitate Filii Dei, quæ supernaturalis est. Nam supra communem naturæ legem nasci potuit, ut voluit, qui naturam ipsam condidit, nec se naturæ legibus astrinxit. Secundo respondet concedendo illud assumptum, et ostendendo etiam habere locum in Christo, si sane et legitime intelligatur et exponatur. Nam sensus illius axiomatis legitimus est, filium debere esse homoousion parentibus, secundum eam naturam quam ab eis accepit, sive qua parte eorum filius est. Christus autem Deus non accepit a Mariæ naturam divinam, sed humanam; nec est ejus filius, nisi quatenus homo: ac proinde satis est si matri sit homoousios quatenus homo, quemadmodum Patri est homoousios quatenus Deus. A qua hæc solutio, ut faciliior, ita et multo solidior est priore.

<sup>d</sup> Id est, non tam matri ascribendum, quod ex ea natus sit Dei Filius, quam ipsi nato, qui sic natus



ipse natus est ut voluit, cuius fuit hoc ipsum ut A nasceretur. Interim <sup>a</sup> qui homoousion parenti dicis nativitatem esse debere, ego Dominum Jesum Christum homoousion dico fuisse et Patri pariter, et matri. Pro personarum enim diversitate reddidit parenti unicuique similitudinem suam. Secundum divinitatem enim homoousios Patri, secundum carnem autem homoousios matri fuit. Non quod alter qui homoousios Patri, alter qui homoousios matri, sed quia idem Dominus Jesus Christus et homo natus et Deus utriusque in se parentis habuit proprietatem, dum et in eo quod homo est humanæ matris reddidit similitudinem, et in eo quod Deus Dei Patris habuit veritatem.

## CAPUT XIV.

*Comparat hunc errorem cum Pelagianorum doctrina. P*

Alioquin si non idem Christus ex Maria est qui ex Deo natus, duos absque dubio Christos facis, secundum illud scilicet Pelagianæ impietatis scelus, quæ solitarium hominem ex Virgine natum asserens, <sup>b</sup> eruditorem eum dixit humani generis, magis quam redemptorem fuisse; quia non redemptionem vitæ hominibus, sed vivendi dederit exemplum: videlicet ut sequentes eum homines dum similia agerent, ad consimilia pervenirent. Una ergo impietatis vestræ origo, eadem errorum radix est. Illi solitarium hominem ex Maria natum asserunt, et tu idem. Illi filium hominis a Filio Dei separant, et tu idem. <sup>c</sup> Illi Salvatorem aiunt per baptismum Christum esse factum, tu in baptismo templum Dei factum. Illi eum Deum non negant factum post passionem, tu C negas eum etiam post ascensionem. In uno ergo admodum tantum distat vestra perversitas, quod illi in terris blasphemare videntur Dominum, tu et in cœlo. Vicisti ac supergressus es, non negamus, quos

imitaris. Illi quæi aliquando d. s. i. a. n. t. d. e. u. m. n. e. g. a. n. t., tu nunquam. Quamquam nec illorum habenda est ad plenum vera confessio, qui Salvatori post passionem tantum honorem divinitatis impertiunt; et cum eum ante Deum negent, postea confitentur: quia, ut mihi videtur, in Deo qui partem denegaverit, totum negat; et qui non semper fuisse confessus fuerit, semper negat. Sicut et tu, etiam si hodie in cœlo Dominum Jesum Christum, qui ex Maria virgine natus est, verum Deum diceres, tamen nisi semper Deum diceres, non vere confitereris. Sed videlicet non vis mutare in aliquo aut variare sententiam: quem natum hominem solitarium dicis, etiam hodie Deum non esse contendis. O nova ac singularis impietas! quem cum hæreticis hominem esse asseris, Deum nec cum hæreticis confiteris.

## CAPUT XV.

*Eos qui huic errori patrocinantur duos Christos agnoscere ostendit.*

Sed tamen, dicere institueram, duos a te absque dubio Christos fieri, idipsum dilucidandum est. Dic mihi, quæso, tu qui Christum a Filio Dei separas, quomodo in symbolo Christum ex Deo natum esse fatearis? Ais enim: Credo in Deum Patrem, et in Christum Jesum Filium Dei. Habes ergo hic Jesum Christum Filium Dei. Dicis autem ex Maria non eundem Filium Dei natum. Ergo alter ex Deo Christus, alter ex Maria. Duo ergo in sententia tua Christi sunt. Qui cum in symbolo Christum non neges, alterum ex Maria Christum asseris quam eum quem in symbolo confiteris. Sed dicis forsitan Christum non esse ex Deo natum; et quomodo in symbolo ais: Credo in Jesum Christum Filium Dei? Aut negaturus es ergo symbolum, aut confessurus

## ALARDI GAZÆI COMMENTARIUS.

est, ut voluit, et quando voluit, et ut ex Virgine nasceretur effecit. Non hic, ait S. Leo (*Serm. 2 de Nativit.*), cogitur parientis conditio, sed nascentis arbitrium; qui sic homo natus est, ut volebat, et poterat. Si veritatem quæris, humanæ naturæ cognosce materiam; si rationem scrularis originis, virtutem confitere divinam.

<sup>a</sup> Parenti potius quam parienti, tum hic, tum superius, legendum colligitur ex sequentibus, ubi dicitur, velut explicationis gratia: *Patri pariter et matri*. Et paulo post: *Utriusque parentis*. Esset tamen generalior sententia si *parienti* legatur, et nativitas pro omni fetu accipiatur.

<sup>b</sup> Pelagiani negantes peccatum originale, et gratiæ necessitatem, consequenter negarunt Christum nos redemisse, aut pro nobis satisfecisse, sed ad hoc tantum venisse, ut doctrina et exemplo suo homines erudiret, et ad virtutis studium provocaret: unde eruditorem et doctorem eum, non redemptorem et mediatorem, agnoscebant, ut superius ostensum est. Quem errorem ex parte secutus est Petrus Abailardus, tempore D. Bernardi, qui ipsum acriter impugnavit (*Lib. 1, cap. 3, epist. 190*); quamvis enim ille non negaret peccatum originale, negabat tamen Christum nos redemisse et liberasse de potestate diaboli. Damnatur idem error ab Innocentio II, in rescripto ad ipsum Bernardum, quod exstat inter epistolas ejusdem (*Epist. 194*).

<sup>c</sup> Hujus hæresis primi auctores Ebion et Cerin-

thus, tempore agostolorum, ut docet Irenæus lib. 1 contra hæreses cap. 25, et Tertullianus lib. de Carne Christi. Illi namque separabant Christum a Jesu, et Jesum nudum hominem esse volebant ex Maria et Joseph natum; Christum autem Filium Dei æternum, anno trigesimo, dum baptizaretur, in Jesum descendisse in specie columbæ, et in eo habitasse, et hoc modo fuisse Jesum unitum cum Christo, per societatem quamdam et inhabitationem. Quam hæresim postea iterum excitavit Pelagiani, de quibus hæc agit, dicentes purum hominem esse natum, et eundem suis meritis, anno demum trigesimo factum esse Christum, et post passionem suis etiam meritis factum esse Deum, et posse eodem modo alios homines suis viribus, bene vivendo, ad beatitudinem pervenire, sicut Christus pervenit. Ita Cassianus lib. 1 cap. 3 Pelagianorum errores commemorans: *Addiderunt, inquit, Dominum Salvatoremque nostrum post baptismum, factum esse Christum; post resurrectionem, Deum; alterum assignantes unctionis mysterio, alterum merito passionis*. Sic ipse. Hos demum secutus est Nestorius; qui hoc tamen amplius addidit, ut Christum etiam post ascensionem suam Deum esse negaret, et purum hominem astrueret, ut hic declaratur. Ejusdem erroris præcones, et antesignani Theodorus Mopsuestenus, Anastasius quidam, et alii Nestorii assecræ et patroni, ut refert Theodoretus lib. iv de Hæret.



Filium Dei Christum. Si autem confiteris in symbolo Christum Filium Dei, necesse est ut eundem ex Maria confitearis Christum Filium Dei. Aut si alium ex Maria Christum asseris, duos utique Christos esse blasphemias [*Lips. in marg. blasphemias*].

## CAPUT XVI.

*Ostendit insuper doctrinam hanc Trinitatis confessionem evertere.*

Sed tamen, etiamsi perversitas ac perfidia tua hac symboli fide non concludatur, nonne, quæso, ratione ipsa ac luce veritatis obrueris? Dic mihi, quæso, quisquis ille es, hæretice. Trinitas certe est quam credimus, quam confitemur, Pater et Filius et Spiritus sanctus. De maiestate Patris ac Spiritus nulla quæstio est. Filio calumniaris, eo quod non eundem ex Maria dicas editum quem ex Deo Patre generatum. Dic mihi ergo: cum Filium Dei unigenitum natum ex Deo non negas, hunc qui ex Maria natus

est, quem velis esse? Dicis hominem solitarium, juxta illud quod ipse dixit: *b Quod natum est ex carne caro est* (Joan. iii). Sed appellari homo non potest solitarius, qui sola non est humana creationis lege generatus. Quod enim in ea natum est, inquit angelus, *de Spiritu sancto est* (Math. i). Et hoc tamen etiam tu ipse, qui omnia admodum sacramenta salutis negas, negare non audes. Cum ergo ex Spiritu sancto natus sit, et di i homo non queat solitarius, qui est Deo inspirante conceptus; si ille non est, qui, juxta Apostolum, *semetipsum exinanivit, formam servi accipiens* (Philipp. ii); et *Verbum caro factum est* (Joan. i); et *humiliavit semetipsum factus obediens usque ad mortem* (Philipp. ii); et qui *propter nos egenus factus est, cum esset dives* (II Cor. viii); dic mihi ergo, quis ille est, qui et ex Spiritu sancto editus, et Deo obumbrante conceptus? Alterum *c* absque dubio esse dicis. Duo ergo

## ALARDI GAZELI COMMENTARIUS.

*a* Perperam omissa fuerat negativa non in precedenti editione, sensu penitus everso. Non enim negabat Nestorius Dei Filium ex Deo Patre natum, ut notum est, et textus manifestat.

*b* Hoc etiam loco abutebatur Nestorius, ex eodem sic ratiocinans: *Quæ natum est ex carne, caro est*; Christus natus est ex carne; ergo Christus est caro. Quod quidem totum verum est; at nihil pro Nestorio facit. Quis enim negat Christum esse carnem, cum Verbum caro factum sit (Joan. i), et in hoc totum mysterium Incarnationis consistat? At non inde efficitur Christum esse tantummodo carnem, et proinde hominem solitarium, id est nudum hominem, non Deum; aut alium esse carnis, seu hominis filium, alium spiritus, ut volebat Nestorius; sed eundem esse carnem et spiritum. Nam sequitur ibidem: *Quod natum est ex spiritu, spiritus est*. Unde simili argumento contra Nestorium concluditur: *Quod natum est ex spiritu, spiritus est*: Christus natus est ex spiritu, id est, Deo, nam *spiritus est Deus*, Joannis iv; ergo Christus Spiritus est. Non ergo tantum caro; sed caro et spiritus, id est, homo et Deus: caro ex carne, spiritus ex spiritu; nam si prior sententia in Christo locum habet, cur non et posterior? Tangit hoc argumentum Tertullianus lib. de Carne Christi cap. 18: *Dominus, inquit, sententialiter et definitive pronuntiavit: Quod in carne natum est, caro est, quia ex carne natum est. Sed si de homine tantummodo dixit, non et de semetipso, plane nega hominem Christum, et ita defende non et in ipsum competisse. Atqui subjicit: Et quod de spiritu natum est, spiritus est: quia Deus spiritus est, et de Deo natus est. Et libro adversus Praxeam (Cap. 27): Ex his Jesus constitit, ex carne homo; ex spiritu spiritus. Sic ipse. Sicut ergo ex posteriore sententia et syllogismo non recte concluditur Christum esse solummodo spiritum; ita neque ex priorē recte infertur ipsum esse solummodo carnem, et non spiritum. Nam ex uno, inquit ibidem Tertullianus, hæc esse possunt. Ex his Jesus constitit, etc. Verum aliam illorum verborum Christi sententiam, et a sensu Nestorii longe diversam, proponit et explicat doctissimus Maldonatus, cujus verba ad hujus loci elucidationem maxime opportuna hic ascribere operæ pretium duxi: Bene, inquit (*In comment. Joan. iii*), a Theophylacto observatum est, carnem hoc loco pro homine carnali, spiritum pro spirituali, id est, substantiva pro adjectivis. Totus enim homo dicitur ex carne nasci, et totus caro esse, quamvis animus altera ejus pars nec ex carne nascatur, nec caro sit; quia ex sanguinibus, et ex voluntate carnis, et ex voluntate viri, hoc est, carnali et humano more*

natus, quo qui nascuntur, peccatores, id est, carnales nascuntur, et animus ipse, licet substantia spiritualis, peccato inquinatus carnalis est. Contra vero caro cum peccato libera est Deoque conjuncta, spiritus dicitur: Qui adharet, inquit, Domino, unus spiritus est. I Cor. vi. Hinc quæstio illa facile solvitur, quam Chrysostomus et Euthymius merito excitatam non satis, meo quidem judicio, explicaverunt. Si quod natum est ex spiritu, spiritus est, Christum, qui ex Spiritu sancto natus est, spiritum esse oportere. Respondent enim illi etiam ex carne Virginis natum esse, itaque veram habere carnem. Quasi reformident concedere Christum spiritum esse, non carnem, et ex spiritu, non carne natum esse: quod eo quidem sensu quo Christus hic loquitur reformidandum non erat. Nam quamvis Christus veram habeat carnem, veraque ex carne natus sit; tamen eo sensu quo hic ipse loquitur, neque ex carne natus est, neque caro est. Nasci enim ex carne, hoc in loco, est humano nasci more, nasci ex homine peccatore hominem peccatorem, atque hoc ipsum est esse carnem: et Christus neque peccator, neque ex homine peccatore natus est. Itaque carnem habet, sed caro non est. Contra vero spiritum esse, et ex spiritu nasci, est Deo similem esse, ejusque spiritum accipere: quæ duo cum in Christo maxime fuerint, maxime ille omnium et ex spiritu natus est, et spiritus est. Hucusque Maldonatus.

*c* Hoc enim Nestorii dogma peculiare et vulgatum: alium vel alterum esse Jesum ex Virgine natum, et alium Dei Filium ex Patre natum, ut ex toto hoc tractatu et aliunde constat; et quod inde revera sequitur, quamvis Nestorius non exprimeret, duos esse Filios in Christo, duo supposita, duas personas distinctas. Cujus occasione duæ agitantur quæstiones apud scholasticos (*Mag. Sentent. lib. iii dist. 6, et DD. ibid.*): una, an Christus dici possit alius atque alius, vel alter et alter, vel plures aut duo in masculino. Quæ quidem licet subtiliora, tamen ad hujus loci spectari videntur intelligentiam, proinde non omnino prætereunda. Quod ad primum attinet, vera et catholica sententia est, Christum non posse dici alium atque alium, vel alterum et alterum, neque posse dici duos vel plures; sed omnino dici debere unum et eundem; quæ sententia apud Patres est notissima, et optima ratione ab iisdem confirmatur, quia sicut unus masculine proprie refertur ad unitatem personæ, ita alius et alter, et duo vel plures ad personarum distinctionem. Unde in divinis dicimus alium esse Patrem, alium Filium, alium Spiritum sanctum, quia alia est persona Patris, alia Filii, alia Spiritus sancti, ait S. Athanasius. Cum autem in



sunt : id est, et ille qui est ex Deo Patre in cælo genitus, et ille qui ex Mariâ Deo inspirante conceptus. Ac per hoc <sup>a</sup> quartus est hic, quem introducis : quem in tantum cum verbis hominem solitarium dicas, re ipsa solitarium non fuisse confirmas ; ut eum, etiamsi non ita ut debes, tamen et honorabilem et venerandum et adorandum esse fatearis. Ergo cum et adorandus sit utique Dei Filius qui ex Patre natus, et adorandus qui per Spiritum sanctum ex Maria procreatus ; duos ergo et honorabiles tibi et venerabiles facis, quos in tantum a se dividis, ut

## ALARDI GAZÆI

Christo unica dumtaxat sit persona, consequens est ut alius et alius dici nullatenus debeat. Atque hæc doctrina probatur esse de fide, omnibus Scripturæ testimoniis, quibus probari potest ; et probavit hætenus ac deinceps Cassianus Christum unum et eundem esse Deum et hominem ; et absolute etiam definita est in concilio Alexandrino, in epistola ad Nestorium, quæ est decima inter epistolas Cyrilli, et probata in concilio Ephesino in confessione fidei, et canone 2 et 3, ubi damnantur qui Christum in duos dividunt ; et Chalcedonensi, act. prima, ubi definitur Christum esse unum. Canone autem tertio damnatur qui dixerit alium esse Dei Verbum, alium Christum, qui passus est. In sexta synodo, actione 4, ex epistola Agathonis papæ, ubi expresse dicitur Christum non esse alium et alium, neque esse alium in alio Christo. Denique in concilio Lateranensi sub Martino primo, consultatione 5, canone 6, definitur Christum esse unum et eundem. Patres etiam tum Græci, tum Latini, idem docent. Athanasius in symbolo de Christo loquens : *Qui licet Deus sit et homo, non duo tamen, sed unus est Christus*. Leo Magnus epist. 95, cap. 4, damnat eum qui dixerit Christum esse alterum et alterum. Hilarius ix de Trinitate : *Et cum non alius sit filius hominis, alius Filius Dei, etc.* Augustinus Enchiridii cap. 38 : *Utrumque simul, scilicet Deus, et homo, non duo, sed unus Christus*. Id. Anselmus lib. de Incarnatione cap. 5 ; Damascenus lib. II, cap. 5 et 7. Quoad alteram quæstionem, illud in primis tenendum est, quod quamvis in Christo sit aliud atque aliud, hoc est, alia natura divina, alia humana, non tamen proprie neque usitate dici potest : Christus est aliud atque aliud ; et multo minus dicendus est esse plura, vel duo. Rationem luculenter explicat D. Thomas his verbis (III p., q. 17, a. 1) : *Dicendum quod natura secundum se considerata, prout in abstracto significatur, non vere potest prædicari de supposito, seu persona, nisi in Deo, in quo non differt quod est, et quo est, ut in prima parte habitum est. In Christo autem cum duæ sint naturæ, divina scilicet et humana, altera earum, scilicet divina, potest de eo prædicari et in abstracto et in concreto : dicimus enim quod Filius Dei, qui supponitur in hoc nomine Christus, et est divina natura, et est Deus. Sed humana natura non potest prædicari de Christo secundum se in abstracto, sed solum in concreto, prout scilicet significatur in supposito. Non enim vere potest dici quod Christus sit humana natura, quia humana natura non est nata prædicari de suo supposito. Et infra : Nestoriani, ponentes in Christo duas personas, dicebant : Christum non solum esse duo neutraliter, sed etiam duos masculine. Quia vero nos ponimus in Christo unam personam, et unum suppositum, ut ex supradictis patet, sequitur quod dicamus quod non solum Christus est unus masculine, sed etiam quod est unum neutraliter. Et in solutione quinti argumenti addit, quod in mysterio divinæ Trinitatis natura divina prædicatur etiam in abstracto de tribus personis : et ideo simpliciter potest dici quod tres personæ sint unum. Sed in mysterio Incarnationis non prædicantur ambæ naturæ in abstracto de Christo : et ideo non potest sim-*

peculiariter suo quemque honore veneris. Ac per hoc intelligis quod negando ac separando a se Filium Dei, totum, quantum in te est, sacramentum divinitatis evertis. Dum enim quartam in Trinitate personam conaris inserere, vides te totam Trinitatem penitus denegasse.

## CAPUT XVII.

*Qui in uno catholicæ religionis articulo hallucinatur, universam fidem fideique meritum evacuat.*

Quæ cum ita sint, <sup>b</sup> negans ergo unum Jesum

## COMMENTARIUS

*pliciter dici quod Christus sit duo.* Hactenus S. Thomas. Quod igitur apud Patres interdum legitur Christus esse aliud atque aliud, propter duas in eo naturas, ut apud Hilarium lib. IX de Trinitate, dicentem quod Christus sit aliud de Patre, aliud de matre, apud Augustinum lib. I de Trinitate c. 7, et Enchir. 38, ubi dicit Christum esse aliud propter Verbum, et aliud propter hominem : hæc et huiusmodi sententiæ improprie censendæ sunt, et commodam requirunt interpretationem, ut sensus sit, in Christo esse, vel Christum in se habere aliud atque aliud, id est, aliam atque aliam naturam. Ita enim contra Felicianum scribens, seipsum Augustinus exponit, ubi cum dixisset, *In mediatore Dei et hominum, aliud Dei Filius, aliud hominis filius*, subdit (Cap. 11) : *Aliud, inquam, pro distinctione substantiæ, non alius pro unitate personæ.* Gregorius autem Nazianzenus in epistola ad Chelidonium, magis proprie et accurate locutus : *Aliud, inquit, et aliud sunt, ex quibus est Salvator, non tamen alius atque alius. Absit. Ambo enim hæc connexionem unum sunt.* Et infra : *Ergo secundum aliud et aliud, primogenitus secundum humanitatem, unigenitus secundum divinitatem.*

<sup>a</sup> Christus scilicet naturæ filius secundum Nestorium, utpote tribus personis divinis quodammodo ascitus et associatus, et velut ascriptitius Deus, quomodo deos ascriptitios vocabant gentiles Græce, *παρεγγράπτους*, minorum gentium deos, qui ex hominibus in deorum ordinem cooptati fuissent (Cicero de Legibus ; Lucianus Dialogo : *Jupiter tragædus ; Greg. Nazianz. Orat. 51*). Quamvis enim Christus homo solitarius Nestorio diceretur, id est, a persona Verbi et a divinitate sejunctus ; pari tamen honore colendus et adorandus censebatur, ob artissimam cum ipso conjunctionem, non tamen hypostaticam et personalem, sed accidentalem dumtaxat, et precariam, ut superius explicatum est : unde et inferius quartam vocat in Trinitate personam. Quem errorem spectavit D. Augustinus tract. 78 in Joannem, ubi ait : *Agnoscamus geminam substantiam Christi, divinam scilicet, quæ æqualis est Patri ; et humanam, quæ minor est Patre. Utrumque autem simul, non duo, sed unus est Christus : ne sit quaternitas non Trinitas Deus. Sicut enim unus est homo, anima rationalis et caro : sic unus est Christus, Deus et homo : ac per hoc Christus est Deus, anima rationalis et caro.* Ita Augustinus. Porro aliam quaternitatem in divinis posuit quidam abbas Joachim nomine ; quam refutat, et damnat Innocentius III extra de summa Trinitate et fide catholica cap. 2 (Lib. I Decretalium tit. 1).

<sup>b</sup> Hæc assertio, quamvis non absolute de omnibus fidei articulis, sed accommodate ad rem propositam, et secundum mentem Auctoris, ut apparet, de solis illis, qui ad mysterium Incarnationis pertinent, quique ex se mutuo dependent, et invicem coherent, ut sequentia declarant, exponi possit : tamen etiam generatim a D. Thoma astruitur, videlicet non posse haberi fidem unius articuli, absque fide alterius ; et qui fidem unius amiserit, etiam cæterorum amittere. Probat autem S. Thomas hæc



Christum Filium Dei, negasti omnia. Nam et hæc ratio ecclesiastici sacramenti et catholicæ fidei est, ut qui partem divini sacramenti negat, partem non valeat confiteri. Ita enim sibi connexa et concorporata sunt omnia, ut aliud sine alio stare non possit, et qui unum ex omnibus denegaverit, alia ei omnia credidisse non prosit. Itaque si negas Deum Dominum Jesum Christum, necesse est ut, Filium Dei denegans, etiam Patrem neges. Quia juxta Joannis vocem : <sup>a</sup> *Qui non habet Filium, nec Patrem habet : qui autem habet Filium, et Patrem habet (I Joan. II).* Negans ergo genitum, etiam genitorem negas. Negans quoque Filium Dei in carne natum, consequens est ut etiam in Spiritu natum neges, quia idem natus in carne, <sup>b</sup> qui prius natus in Spiritu. Non credens ergo in carne editum, necesse est etiam passum esse non credas. Non credens autem illius passionem, quid reliquum est, nisi etiam resurrectionem neges ? quia fides suscitati ex fide mortui est. Nec stare potest ratio resurrectionis, nisi fides mortis ante præcesserit. Negans ergo passum et mortuum, negas quoque ab inferis resurgentem. Consequens utique est ut neges etiam ascendentem, quia ascensio sine resurrectione esse non potuit. Et qui resurrexisse non creditur, necesse est nec ascendisse credatur,

## ALARDI GAZÆI

ratione : *Dicendum, inquit (2-2, q. 5, a. 3), quod in hæretico discredente unum articulum fidei, non manet fides, neque formata, neque informis. Cujus ratio est, quia species cujuslibet habitus dependet ex formali ratione objecti ; qua sublata, species habitus remanere non potest. Formale autem objectum fidei est veritas prima, secundum quod manifestatur in Scripturis sacris et doctrina Ecclesiæ, quæ procedit ex veritate prima. Unde quicumque non inhæret huic infallibili et divinæ regulæ doctrinæ Ecclesiæ, quæ procedit ex veritate prima in Scripturis sacris manifestata, ille non habet habitum fidei : sed ea quæ sunt fidei, alio modo tenet quam per fidem. Sicut si aliquis tenet mente aliquam conclusionem, non cognoscens medium illius demonstrationis, manifestum est quod non habet ejus scientiam, sed opinionem solum. Manifestum est autem quod ille qui inhæret doctrinæ Ecclesiæ, tanquam infallibili regulæ, omnibus assentit quæ Ecclesia docet : alioquin si de his quæ Ecclesia docet, quæ vult tenet, et quæ non vult non tenet, non jam inhæret Ecclesiæ doctrinæ, sicut infallibili regulæ, sed propriæ voluntati. Et sic manifestum est quod hæreticus, qui pertinaciter discredet unum articulum fidei, non est paratus sequi in omnibus doctrinam Ecclesiæ. Si enim non pertinaciter, jam non est hæreticus, sed solum errans. Unde manifestum est quod talis hæreticus circa unum articulum fidem non habet de aliis articulis, sed opinionem quamdam, secundum propriam voluntatem. Hæc S. Thomas : quibus etiam Scriptura suffragari videtur. Nam Apostolus hæreticos qualescumque censet naufragium facere in fide, atque adeo ab ea excidere, quos tamen constat non negare omnes articulos fidei, dum monet, ut Habeamus fidem et bonam conscientiam, quam quidam, inquit, repellentes, naufragaverunt a fide (I Tim. I). Et ad Ephesios IV affirmat veram fidem non esse nisi unam, id est, per quam ab omnibus credantur eadem veritates divinitus revelatæ, et ab Ecclesia propositæ. His accedit concilium Tridentinum ss. 6, cap. 15, ubi simpliciter asseritur, per infidelitatem (cujus species est hæresis) amitti fidem. Asserendum est, inquit, non modo infidelitate, per quam et ipsa fides amittitur, sed etiam quolibet mortali peccato, quamvis non amittatur*

A dicente Apostolo : *Qui enim descendit, ipse est qui ascendit (Ephes. IV).* Ergo quantum in te est, Dominus Jesus Christus neque ab inferis resurrexit, neque cælum ascendit, neque ad dextram Dei Patris sedet, neque ad illam, qui exspectatur, examinationis ultimæ diem veniet, nec vivos ac mortuos judicabit.

## CAPUT XVIII.

*Convertit sermonem ad ipsum adversarium contra quem disputat, et illum ad resipiscendum invitat. Reconciliationis sacramentum lapsis ad salutem necessarium.*

Intelligis itaque, o infelix et furiosa perversitas, evacuasse te penitus omnem symboli fidem, omnem spei sacramentique virtutem. Et in Ecclesia insuper stare ausus es, et esse te sacerdotem putas : cum illa omnia denegaveris, per quæ sacerdos esse cœpisti ? Redi ergo ad viam rectam, recipe sensum pristinum, resipisce tandem si aliquando sapuisti. Regredere ad te ipsum, si tamen habuisti in te quondam aliquid quo tunc regrediaris. Agnosce sacramenta salutis tuæ, per quæ innovatus, per quæ renatus es. Non minus tibi nunc opus sunt quam tunc fuerunt : ut <sup>c</sup> te per pœnitentiam nunc regenerent, <sup>d</sup> quæ per fontem ante generarunt. Tene ple-

## COMMENTARIUS.

*fides, acceptam justificationis gratiam amitti. Ubi licet non definiatur expresse, tamen supponitur hæc veritas ut certa et indubitata. Cæterum in contrariam partem non desunt etiam argumenta complura, nec improbabilia : quibus tamen proferendis brevittatis causa supersedeo, ea contentus attulisse, quæ Auctoris nostri sententiam confirmant.*

<sup>a</sup> Verba Joannis apostoli in prima Canonica : *Quis est mendax, nisi qui negat quoniam Jesus est Christus ? Ille est Antichristus, qui negat Patrem et Filium. Qui negat Filium, nec Patrem habet : qui confitetur Filium, et Patrem habet (I Joan. II),* id est, agnoscit. Proinde nescio unde acciderit ut pro Joannis antea legeretur, ipsius patris, qua-i Dei Patris hæc esset vox : nisi quis malit legere, juxta pii patris vocem, quod de Joanne apostolo intelligendum sit.

<sup>b</sup> Id est, in divinitate, juxta illud Joannis IV : *Spiritus est Deus.* Unde et sequenti cap. dicit : *Natum in Deitate, natum corpore, quod hic in carne.*

<sup>c</sup> Id est, reparent ac restaurent. Nam regeneratio propriæ baptismo convenit, quod est *lavacrum regenerationis et renovationis Spiritus sancti (Tit. III).* Quia tamen hic confertur pœnitentia cum baptismo, velut cum prima generatione spiritali, non male dicitur et ipsa regeneratio, id est, altera, vel secunda generatio spiritalis (sicut frequenter a Patribus (Tertul. lib. de Pœnit. ; Hieron. in cap. III Isai. ; Gratianus de Pœnit. dist. I ; Conc. Trid. ss. 14, cap. 2) dicitur *secunda post naufragium tabula : secunda, scilicet post baptismum : post naufragium scilicet peccati*) baptismus vero dicitur regeneratio absolute, qui succedit generationi carnali, juxta illud Joannis III : *Nisi quis renatus fuerit denuo, non potest videre regnum Dei.* Quod explicans postmodum subdidit : *Nisi quis renatus fuerit ex aqua et Spiritu sancto, etc.*

<sup>d</sup> Per fontem scilicet baptismi. Generarunt, si secundam renovationem et spiritalem quamdam regenerationem, quæ fit per pœnitentiam, respicias ; at verius regenerarunt, si primam generationem carnalem spectes, ut dictum est. Est autem hic synecdochica quædam locutio, qua genus pro specie ponitur, sacramenta salutis nostræ pro pœnitentia et baptismo, qui per fontem et fontes designatur, psal.



num symboli ordinem : tene perfectam fidei veritatem. Crede in Deum Patrem, crede in Filium Deum : A in unum genitorem et in unum genitum (et eundem tamen a unigenitum et primogenitum) Dominum

## ALARDI GAZÆI COMMENTARIUS.

vi : *Benedicite Domino de fontibus Israel. Isaïæ xii : Haurietis aquas in gaudio de fontibus Salvatoris. Zach. xiii : Erit fons patens Domini David, et habitantibus Hierusalem, in ablutionem peccatoris et menstruatæ.*

a *Primogenitus Christus secundum humanitatem, unigenitus secundum divinitatem*, ait B. Gregorius Nazianzenus supra citatus (*Ad cap. xvi*). At quæret quispiam cur non etiam primogenitus secundum divinitatem, et unigenitus secundum humanitatem? Cur non primogenitus Patris, sicut primogenitus matris, quemadmodum unigenitus et Patris et matris? Huic objectioni spero postmodum ex Patribus satisfactum iri, si pauca tantum præmiserō. In primis existimo Gregorium Nazianz. spectasse duo loca Evangeliorum notissima, quorum altero, videlicet Matthæi i dicitur *Maria peperisse filium suum primogenitum*, quod ad humanitatem spectat. Altero, nempe Joannis primo: *Deum nemo vidit unquam: unigenitus, qui est in sinu Patris, ipse enarravit nobis.* Quod utique ad divinitatem refertur. Ex his itaque duobus locis utriusque Evangelii velut initialibus et pervulgatis intulit, ut opinor, Nazianzenus sententiam illam, qua dixit Christum unigenitum secundum divinitatem, et primogenitum secundum humanitatem; non quod non sit etiam unigenitus matris secundum humanitatem, et primogenitus Patris secundum deitatem, sed quia Evangelium utramque appellationem ita distinxit, ut alteram a divinitate, alteram ab humanitate primo ei tribueret. Quod enim etiam secundum divinitatem primogenitus dicendus sit Christus, Scriptura manifestum facit, dum eum dicit *primogenitum omnis creaturæ, et primogenitum in multis fratribus* (*Coloss. i; Rom. viii*). Nam si primogenitus, certe genitus, nec ab alio quam a Deo Patre: ergo primogenitus Patris. Sed expressius id ipsum affirmat Apostolus ab Hebræos i, cum ait: *Et cum iterum introducit* (Pater cœlestis) *primogenitum in orbem terræ.* Itaque etsi verbo et C notione aliud, re tamen ipsa primogenitus et unigenitus in Christo idem sunt: idem quippe unigenitus et primogenitus, tam Patris secundum divinitatem, quam matris secundum humanitatem: primogenitus quia primus; unigenitus, quia solus et unicus filius. At quomodo, inquis, primogenitus, si unigenitus, cum hæc videantur repugnare? Ubi enim secundo genitus nullus est, nec primogenitus esse potest: primum enim ad secundum, et quæ deinceps sequuntur, respectum habet. Hoc argumento utebantur, Helvidius contra quem D. Hieronymus, alique hæretici, qui de perpetua Mariæ virginitate male senserunt: qui quidem ex eo, quod evangelistæ Christum Mariæ primogenitum appellent, astruere conati sunt ipsam post Christi nativitatem alios iidem filios ex Joseph genuisse; quorum collatione, Dominus noster primogenitus diceretur, existimantes eum solum primogenitum dici debere, post quem alii sunt geniti. Hinc D. Hieronymus in illud Matthæi i, *Acceptit Joseph conjugem suam, et non cognoscebat eam, donec peperit filium suum primogenitum*: *Ex hoc loco, inquit, quidam perversissime suspicantur et alios filios habuisse Mariam, dicentes, primogenitum non dici, nisi qui habeat et fratres: cum hic mos sit divinarum Scripturarum, ut primogenitum non eum vocent, quem fratres sequantur, sed eum qui primus natus sit. Lege prædictum libellum adversus Helvidium.* Hæc Hieronymus: ex cujus sententia colligimus primogenitum duobus modis accipi, affirmative et negative. Priore modo primogenitus dicitur, qui primus inter fratres ex iisdem parentibus genitus, et post quem alii geniti sunt; quomodo Ruben primogenitus Jacob dicitur (*Genes. xlix*): et hoc modo,

repugnat eundem esse primogenitum et unigenitum. At hæc primogeniti significatio longe contractior et strictior est quam altera, qua primogenitus vocatur, ante quem non est alius genitus sive post ipsum aliqui geniti sunt, ut post Ruben, alii filii Jacob; sive nullus post ipsum genitus et natus, ut post Dominum nostrum nullus ex sacratissima Virgine Maria natus est: secundum quam primogeniti acceptionem, omnis unigenitus est etiam primogenitus, at non e diverso, ut notum est. Hoc igitur modo docet D. Hieronymus, et alii Patres infra citandi, Christum appellari primogenitum, non quod post eum alius genitus et natus sit filius, ut volebat Helvidius; sed quod ante eum nemo genitus sit: hunc enim frequentissimum Scripturarum esse usum, ut unigeniti etiam primogeniti dicantur: quia qui unigenitus est, necessario ante omnes alios, id est, nemo ante eum genitus est; quod est esse primogenitum. Sic Exodi iv Deus vocat populum Israel primogenitum suum, cum alium sui cultorem non haberet. Et cap. xii dicitur percussisse omnia primogenita terræ Ægypti: inter quæ non dubium quin aliqui unigeniti fuerint. Et cap. xiii jubet omnem primogenitum sibi sanctificari: consuetudo autem, legis interpret, etiam unigenitos docet intelligendos: alioqui expectandum erat, donec alii posterius geniti nascerentur. Cum igitur usitatore Scripturarum more primogenitus appelletur, qui primus est genitus, et ante quem nullus alius ab iisdem parentibus est genitus, nec post eum aliquis gignendus, manifestum est, Christo Domino utrumque nomen et unigeniti et primogeniti propriissime convenire, sive a patre, sive a matre genitus consideretur. Solus enim ab æterno naturalis est Dei filius, omnisque creaturæ primogenitus ab Apostolo nuncupatur, quoniam ante omnia genitus est, et nihil ante ipsum (*Coloss. i*). Idem vero cum homo esse voluit, Mariæ factus est primogenitus; idemque unigenitus, quia primus et solus ex illa natus, nullum ut habeat fratrem ex eadem matre naturaliter procreatum. Sed quo magis hæc pateant et elucescant, audiamus nunc Patres de utraque jam dicta nomenclatura Christo Domino tribuenda non uno modo dsserentes. Athanasius, contra Arianos, sermone 3, spectans duo loca Apostoli (*Coloss. i, Rom. viii*), ubi Christus primogenitus dicitur respectu creaturarum: *Non potest, inquit, idem unigenitus et primogenitus esse, nisi alio atque alio referatur, ut unigenitus quidem habeatur, ob generationem ex Patre; primogenitus vero, ob condescensum ad creaturas, et multorum fratrum, quæ inde efficitur, congermanitatem.* Cum igitur duo ista inter se contraria sint, merito quis dicat obtinere potissimum in verbo proprietatem unigeniti, eo quod non sit aliud Verbum, aut alia Sapientia, quam ipse qui solus, unicus ac verus est Patris sui Filius, et non cum causa adjuncta, sed simpliciter unigenitus Filius, qui est in sinu Patris appellatus: primogenitus autem dictus cum additamento causæ: creaturarum enim gratia, primogenitus est factus. Sic Athanasius. Ubi D adverte quod non negat absolute Christum dici debere primogenitum respectu Patris, sed docet hac ex parte magis ei convenire proprietatem unigeniti quam primogeniti: respectu autem creaturarum, magis convenire proprietatem primogeniti quam unigeniti. Quo etiam sensu Gregorius Nazianzenus superius dixit Christum unigenitum secundum divinitatem; primogenitum vero secundum humanitatem. Similiter et Cyrillus Alexandrinus lib. de Fide ad Theodosium: *Idem, inquit, unigenitus et primogenitus est. Unigenitus quidem, ut Deus: primogenitus vero, quatenus secundum æconomicam unionem inter nos et inter multos fratres homo versatus est, quo et nos quoque in ipso et per ipsum secundum naturam et gratiam, filii Dei efficeremur. Secundum naturam quidem, vel naturales,*



omnium Jesum Christum, hominousion Patri: natum in deitate, natum in corpore: duplicis quidem natiuitatis, sed unius maiestatis. Qui creator omnium creaturarum idem fuerit natus ex Patre, qui postea natus ex Virgine.

## CAPUT XIX.

*Temporalem Christi ortum nihil honoris aut virtutis detraxisse divinitati.*

Hoc enim, quod ex carne atque in carne venit, ortus ejus fuit, non imminutio: et natus tantum est, non demutatus. Quia licet in forma Dei manens, formam servi assumpserit, infirmitas tamen habitus humani non infirmavit naturam Dei: sed incolumi utique atque integra divinitatis virtute in carne hominis totum quod actum est, <sup>a</sup> profectus fuit hominis, non defectio maiestatis. Nam cum editus in carne humana Deus est, <sup>b</sup> nondum est in carne natus, ne Deus in se maneret, sed ut Deo in se manente homo Deus esset. Et ideo Martha cum carnalibus oculis hominem cerneret, spiritalibus tamen Deum confitebatur, dicens: *Utique, Domine, ego credidi quia tu es Christus Filius Dei vivi, qui in mundum venisti* (Joan. xi). Ideo Petrus, revelante Spiritu sancto, cum extrinsecus filium hominis aspiceret, Dei tamen Filium

<sup>A</sup> pradicabat, dicens: *Tu es Christus Filius Dei vivi* (Matth. xvi). Ideo Thomas, cum carnem tangeret, Deum se tetigisse credebatur, dicens: *Dominus meus et Deus meus* (Joan. xx). Unum enim Christum omnes confitebantur, ne duos facerent. Hunc ergo crede: et ita crede Dominum omnium Jesum Christum, unigenitum et primogenitum, eundem rerum creatorem, quem hominum conservatorem: eundem prius conditorem totius mundi, quem postea redemptorem generis humani. Qui cum Patre atque in Patre permanens, Hominousios Patri, juxta Apostolum, *formam servi accipiens, humiliavit se usque ad mortem, mortem autem crucis*: et juxta symbolum: *Natus est ex Maria Virgine, crucifixus sub Pontio Pilato, et sepultus; et tertia die resurrexit, secundum Scripturas; et in cœlum ascendit; et iterum veniet judicare vivos et mortuos. Hæc est enim fides nostra, hæc est salus nostra: Deum ac Dominum Jesum Christum, eundem et ante omnia credere, et post omnia. Quoniam, ut scriptum est, <sup>c</sup> Jesus Christus heri et hodie, ipse et in sæcula* (Hebr. xiii). In heri enim omne præteritum tempus ostendit, in quo ante principium natus a Patre est. In hodie autem sæculi hujus spatia, in quo rursus ex Virgine natus est, passus est, re-

## ALARDI GAZÆI COMMENTARIUS.

tamquam membra ipsius: participatione vero et secundum gratiam per ipsum in Spiritu. Quemadmodum igitur Christi humanitati, propterea quod secundum dispensationis copulam, verbo conjuncta est, unigenitum esse et dici proprium effectum est: ita Verbo, eo quod unitum est carni, id peculiare factum est, ut inter multos fratres primogenitus sit et appelletur. Porro D. Hieronymus contra Helvidium ostendit Christum etiam secundum humanam naturam unigenitum ut et primogenitum vere dici et esse. Ex hoc, inquit (scilicet loco Matthæi supra citato), Helvidius nititur approbare primogenitum non posse dici, nisi eum qui habeat et fratres: sicut unigenitus ille vocatur qui parentibus solus sit filius; nos autem ita definimus: *Omnis unigenitus est et primogenitus: non omnis primogenitus est unigenitus. Primogenitus est, non tantum post quem et alii, sed ante quem nullus; alioquin si non est primogenitus, nisi is tantum quem sequuntur fratres, tandem sacerdotibus primogenita non debentur, quamdiu et alii non fuerint procreanti; ne forte partu postea non sequente, unigenitus sit, et non primogenitus. Et infra: Denique interrogo de Joanne, quem constat esse unigenitum, an et primogenitus fuerit? Utrumne et ipse, secundum legem, pro toto ei legi fuerit obnoxius? ambigi non potest. Certe de Salvatore Scriptura sic loquitur: Cum expleti essent dies purgationis eorum, secundum legem Moysi, duxerunt eum in Hierusalem ut offerrent eum Domino, sicut scriptum est in lege Domini: Quia omne masculinum adap. riens vulvam, sanctum Domino vocabitur, etc. (Luc. ii). Si hæc lex tantum ad primogenitos pertinet: primogenitum autem sequentes faciunt, non debuit lege primogeniti teneri, qui de sequentibus ignorabat. Sed quia tenetur lege primogeniti etiam ille quem fratres non sequuntur, colligitur eum primogenitum vocari qui vulvam aperiat, et ante quem nullus sit; non eum quem frater post genitus subsequatur. Hæc D. Hieronymus, et quæ sequuntur in eandem sententiam. Accedit et Damascenus, qui lib. iv de Fide orthodoxa, cap. 8 ita scribit: *Primogenitus est qui primus genitus est, sive unigenitus, sive ante alios fratres. Si igitur diceretur Filius Dei primogenitus, et non etiam diceretur unigenitus, suspicari possemus creaturarum**

*ipsum esse primogenitum, tamquam ipse esset creatura. Quia vero et primogenitus et unigenitus dicitur, oportet utrumque in ipso salvare* (Vide ibi Comment. Bilii). Primogenitum dicimus ipsum omnis creaturæ, quia ipse ex Deo, et creaturæ ex Deo; sed ipse ex substantia Dei Patris solus intemporaliter genitus, et idcirco non abs re unigenitus. Primogenitus, et non primocreatus: nam creatura non est ex substantia Patris, sed voluntate ejus ex nihilo ad esse deducta. Primogenitus autem in multis fratribus. Nam et unigenitus ex matre existit. Posteaquam participavit carni et sanguini, sicut et nos, et homo factus est, facti sumus etiam et nos per ipsum filii Dei, adoptati per baptismum. Ipse vere natura Filius Dei, primogenitus in nobis adoptione, et gratia filiis Dei factis, et fratribus ejus existentibus factus est, etc. Vide Isidorum Pelusiotam epist. lib. iii epist. 31, et Hispalensem lib. de Differentiis q. 5, denique S. Thomam iii p., q. 28, art. 3.

<sup>a</sup> Leo pontifex sermone 41 de Passione Domini. Hæc, inquit, fidei regula, quam in ipso exordio symboli per auctoritatem Apostolicæ institutionis accepimus, Dominum nostrum Jesum Christum, quem Filium Dei Patris omnipotentis unicum dicimus: Eundem quoque de Spiritu sancto natum ex Maria virgine confitemur. Nec ab ejusdem maiestate discedimus, cum ipsum crucifixum, et mortuum, et die tertia credimus suscitatum. Omnia enim quæ Dei sunt et quæ hominis, simul et humanitas et deitas explent: ut dum passibili impassibilis inest; nec virtus infirmitate affici, nec infirmitas possit virtute superari. Et sermone 8 de Nativitate: Deus Dei Filius, de sempiterno et ingenito Patre unigenitus, sempiternus manens in forma Dei, et incommutabiliter atque intemporaliter habens non aliud esse quam Pater, formam servi sine suæ detrimento maiestatis accepit, ut in sua nos proveheret, non ipse in nostra deficeret. Unde utriusque naturæ in suis proprietatibus permanenti, tanta est unitatis facta communio, ut quidquid ibi est Dei non sit ab humanitate distinctum, quidquid autem est hominis non sit a deitate divisum (Vide eundem serm. 1 et 2 de Nativitate.).

<sup>b</sup> Id est, non ita est in carne natus, ut non Deus in se maneret.

<sup>c</sup> Hæc sententia superius citata et explicata est.



surrexit. In eo vero quod ipse in sæcula dicitur, <sup>a</sup> omnis futuræ æternitatis immensitas designatur.

#### CAPUT XX.

*Docet ex dictis non effici ut Deus mortalis vel carneus ante sæcula fuisse dicatur, etsi idem sit Christus qui ab æterno Deus et in tempore homo factus est.*

Sed dicis forsitan : Si eundem in fine temporum natum dicam ex Virgine, qui ante omnia natus fuerit ex Deo Patre, carneum me etiam ante mundi initia Deum dicere : qui ipsum dicam postea hominem, quem semper Deum : ac per hoc hominem illum qui natus sit, postea semper fuisse. Nolo te hæc ignorantiae cæcitate atque hæc errorum nocte confundi, ut putes me <sup>b</sup> hominem qui ex Maria natus est, ante exordia rerum asserere, et Deum etiam ante principia mundi semper corporeum prædicare. Non ita, <sup>B</sup> inquam, non ita dico, quod priusquam nasceretur homo, in Deo fuerit, sed quod postea in homine natus Deus sit. Non enim caro illa quæ ex carne Virginis nata est, semper fuit, sed Deus, qui semper fuit, ex carne Virginis in carne hominis advenit. Verbum enim caro factum, <sup>c</sup> non carnem secum exhibuit, sed carni se hominis dignatione divinitatis univit. Dic enim mihi quando vel ubi Verbum caro factum est, aut ubi exinanivit semetipsum formam servi accipiens, aut ubi egenus factus est, cum esset dives? nisi in illo sacro Virginis utero, ubi, dum incarnatur, Verbum Dei caro dicitur factum; dum editur, formam servi in veritate suscepit; dum humana conditione patibulo affligitur, fit egenus, et pauper redditur passione carnali, cum esset majestate divina dives? <sup>G</sup> Alioquin, si, ut ipse ais, post hæc in eum, ut in unum

#### ALARDI GAZÆI COMMENTARIUS.

<sup>a</sup> Alii codices : *Omnis futura æternitas et immensitas designatur.*

<sup>b</sup> *Hominem*, nempe ut hominem, vel secundum humanam naturam. Alioquin simpliciter et absolute vera est hæc propositio, demonstrato Christo : homo iste ex Maria natus ante exordia rerum et ante sæcula exstitit : quia homo supponit pro persona, quæ non alia est in Christo quam persona Filii Dei, quæ semper et ab æterno fuit ( *S. Thom. p. iii, q. 16, a. 9, et Mag. Sentent. init. dist. 12* ). Unde ipse de se in Evangelio loquitur Joannis viii : *Antequam Abraham fieret, ego sum* : quod non minus vere sic eloqui potuit : *Antequam mundus fieret, ego sum*. Sic enim alibi loquitur : *Pater, clarifica me claritate quam habui apud te priusquam mundus fieret* ( *Joan. xvii* ). Et jam olim Paulus Samosatenus hæreseos damnatus est, quod diceret Christum non semper fuisse, sed initium ex Maria habuisse, ut refert S. Augustinus hæresi 44 ( *Euseb. lib. vii Histor. c. 24* ). Et illud Arii de Christo dictum, *Erat, quando non erat; et non erat, antequam nasceretur*; a Patribus Nicænæ synodi anathemate damnatum ( *Rufin. lib. i Histor. Eccles.* ). Sicuti ergo Filius hominis est ubique, et in cælo et in terra, quemadmodum ipse ait, *Nemo ascendit in cælum, nisi qui descendit de cælo, Filius hominis, qui est in cælo* ( *Joan. iii* ), non quod in cælo tum esset quatenus Filius hominis, sed quod idem esset Dei et hominis filius : ita vere dicitur homo ille semper fuisse, ratione personæ, non ratione humanæ naturæ, ut Nestorius somniabat, aut cavillabatur : quemadmodum ex eo quod per incarnationem corporeus factus sit Dei Filius, inferebat ipse ab æterno corporeum fuisse, tam nugatorie quam fraudulenter.

prophetarum atque sanctorum divinitas venit : ergo et in illis in quibus habitare dignatus est, Verbum caro factum est : ergo per unumquemque illorum exinanivit semetipsum, formam servi accipiens. Ac per hoc nihil novum nec præcipuum in Christo factum est; nihil singulare, nihil mirabile nec conceptio ipsius habuit, nec nativitas, nec mors.

#### CAPUT XXI.

*Christum ab æterno fuisse, divinarum Scripturarum tradit auctoritas.*

Et tamen, ut ad superiora redeamus, cum hæc ita sint omnia, sicut diximus : quomodo Jesus Christus (quem tu hominem tantummodo esse asseris, etiam antequam ex Virgine nasceretur) semper fuisse legitur et a prophetis atque apostolis Deus etiam ante sæcula prædicatur? dicente Paulo, *unus Dominus Jesus, per quem omnia* ( *I Cor. viii* ). Sed et alibi : *Quoniam in Christo, inquit, creata sunt omnia in cælis et in terra, visibilia et invisibilia* ( *Coloss. i* ). Symbolum quoque et humana pariter et divina auctoritate contextum : *Credo, inquit, in Deum Patrem, et in Deum* [ *Lips. in marg. Dominum* ] *Jesum Christum, Filium ejus unigenitum, et primogenitum totius creaturæ*. Et post alia : *Deum verum ex Deo vero : per quem et* <sup>d</sup> *sæcula compaginata sunt, et omnia facta*. Et item : *Qui propter nos venit, et natus est ex Maria virgine, et crucifixus, et sepultus*.

#### CAPUT XXII.

*Conjunctio hypostatica facit ut ea quæ carnis sunt in Christo, Deo tribuantur.*

Quomodo ergo cum ipsa <sup>e</sup> confessione nostra ante

<sup>c</sup> Carnem scilicet prius existentem, vel aliunde acceptam : quomodo Apollinaris dicebat Christum de cælo traxisse corpus, et per Virginis uterum quasi per canalem permeasse : quemadmodum referunt Epiphanius et Augustinus lib. de Hæresibus. Vel ut alii dicentes carnem Christi conceptam prius quam a Verbo assumeretur. Contra quem errorem idem Augustinus lib. de Fide ad Petrum cap. 18 : *Firmissime, inquit, crede, et nullatenus dubites, non carnem Christi sine divinitate conceptam in Virginis utero, priusquam susciperetur a Verbo, sed ipsum Verbum Deum suæ carnis acceptione conceptum, ipsamque carnem Verbi Incarnatione conceptam*. Et epist. 3 ad Volusianum : *Cum enim Verbum Dei permixtum est animæ habenti corpus, simul et animam suscepit et corpus*. Athanasius lib. de Incarnatione Verbi : *Carnis unio cum Verbi divinitate ex utero originem traxit. Ibi enim eam Verbum, cum e cælo advenisset, constituit : quippe quæ non erat, antequam Verbum cælitus adveniret*. <sup>D</sup> Damascenus l. iii de Fide Orthod. c. 2 : *Itaque simul caro, simul Verbi Dei caro, simul caro animata rationis particeps, intelligens, proptereaque non dicimus hominem Deificatum, sed Deum humanatum*. Idem c. 12 : *Simul conceptus, et subsistentia mirabiliter confecta sunt; conceptus quidem Verbi, carnis autem in Verbo subsistentia*.

<sup>d</sup> Alii tum hic, tum in præcedentibus legunt : *sæcula creata sunt*. Ubi sæcula, pro rebus sæcularibus, seu creatis in sæculo, sive tempore.

<sup>e</sup> Illa nimirum, qua superius ( *Cap. 20* ) Nestorii errorem et falsam interpretationem exclusit dicens : *Non ita, inquam, non ita dico quod priusquam nasceretur homo in Deo fuerit, sed quod postea in homine natus sit Deus*. Non enim caro illa, quæ ex carne Virgi-



Virginis partum atque conceptum a Dominicus homo omnino non fuerit, Christus tamen, qui a te homo solitarius dicitur, Deus in scriptis sanctis sine exordio prædicatur? et tanta hominis ac Dei unitas legitur<sup>b</sup> ut et homo Deo semper ante cœternus,<sup>c</sup> et postea homini Deus compassus esse videatur? cum utique nec<sup>d</sup> ininitabilis homo, nec passibilis Deus credendus sit esse. Illud est utique, quod jam superioribus scriptis testati sumus, quod unitus homini, id est, suo corpori Deus, nullam fieri patiatur inter hominem ac Deum humana opinione distantiam. Nec admitti omnino voluit, ut alius a quoquam Filius hominis, alius Filius Dei crederetur. Sed ita omnibus scriptis sacris Dominicum hominem connectit Deo

A atque concorporat, ut nec in tempore admodum hominem quis a Deo, nec in Passione possit Deum ab homine discernere. Si enim ad tempus respicis, invenies semper Filium hominis cum Filio Dei. Si ad Passionem, invenies semper cum Filio hominis Dei Filium: ita scilicet unitum et individuum sibi Christum Filium hominis ac Dei Filium, ut quantum ad vocem divinæ Scripturæ pertinet, nec homo separari a Deo tempore, nec ab homine Deus omnino valeat Passione. Hinc enim illud est: *° Nemo ascendit in cœlum, nisi qui de cœlo descendit, Filius hominis qui est in cœlo* (Joan. iii). Ubi cum Filius Dei loqueretur in terris, Filium esse hominis, testabatur in cœlis: et eundem Filium hominis quem ascensurum dicebat

#### ALARDI GAZÆI COMMENTARIUS.

nis nata est, semper fuit, etc. Ubi manifestum est, hominem accipi pro ipsa humana natura, seu carne hominis, ut ipse statim exponit: quomodo Patres sæpe loquuntur, quamvis minus proprie, ut alias dictum est, cum dicunt hominem a Verbo assumptum: vel Deum in homine natum: per hominem non personam, sed naturam hominis intelligentes.

<sup>a</sup> Hic rursus impingit in illam phrasim a Patribus plerisque improbatam, et Nestorio potius faventem, de qua supra (Lib. v, c. 5): ubi tamen, qua ratione aliquatenus tolerari possit, indicatum est, nimirum (ut alias interpretationes omitam) si per hominem intelligamus ipsam humanitatem, ut modo dictum est, et consequenter per hominem Dominicum, ipsam Domini humanitatem, seu Dominicam carnem et humanitatem: quæ expositio hoc loco plane exigitur. Quamvis enim homo Christus cum non distinguatur a supposito divino, quod est Dominus, non possit Dominicus appellari, quia innuitur error Nestorii et distinctio personarum in Christo (Suarez. in iii p., q. 16, a. 3): tamen nihil repugnat, quin humanitas Christi vere possit denominari Dominica, quia est distincta a supposito, sicut dicitur crux, vel passio Dominica, et hoc fortasse modo locuti Patres tum Græci, tum Latini, cum hominem Dominicum nominant: ut Athanas. in Expositione fidei, Chrysostomus homilia de Cruce Dominica, Epiphanius hæresi 69, Augustinus tractatu 28 in Joannem, et alibi sæpius. Quod autem hanc expositionem præsens locus exposulet, patet ex eo quod dicitur, et iterata Auctoris confessione asseritur ante conceptum et partum homo Dominicus omnino non fuisse. Quæ propositio, si personam Christi respicias, ut verba sonant et supponunt, absolute falsa est, ut ex dictis patet. Debet ergo de humanitate intelligi, vel de Christo quatenus homo est.

<sup>b</sup> Id est, Christus homo æternus, quia idem est, et fuit semper Deus.

<sup>c</sup> Id est, cum homine Deus passus, quia idem Deus et homo passus. Ex qua identitate et unitate sequitur illa communicatio idiomatum, de qua sæpius in præcedentibus (Lib. iii, c. 8). Et D. Thomas proposito hoc articulo (P. iii, q. 16, art. 4): *Utrum ea quæ conveniunt filio hominis, possint prædicari de Filio Dei, et e converso?* Consentaneæ huic loco ita scribit: *Dicendum quod citra hanc quæstionem, diversitas fuit inter Nestorianos et catholicos. Nestoriani enim voces quæ dicuntur de Christo dividere volebant hoc modo, ut ea quæ pertinent ad humanam naturam dicerentur de homine. Unde Nestorius dixit: Si quis Dei Verbo tentat passionem tribuere, anathema sit. Si quæ vero nomina sunt quæ pertinere possunt ad utramque naturam, de talibus prædicabantur ea quæ sunt utriusque naturæ, sicuti hoc nomen Christus vel Dominus. Unde concedebant Christum esse natum de Virgine, vel hominem ab æterno fuisse. Cath. licet vero posuerunt, hu-*

B *jusmodi quæ dicuntur de Christo (sive secundum divinam naturam, sive secundum humanam) dici posse tam de Deo quam de homine. Unde Cyrillus dicit (In concilio Ephesino i, can. 4): Si quis duabus personis, seu substantiis, id est, hypostasis, eas quæ in evangelicis et apostolicis conscriptionibus sunt, dividit voces, vel ea quæ de Christo a sanctis dicuntur, vel ab ipso Christo de semetipso, et aliquas quidem ex his homini applicandas crediderit, aliquas vero soli Verbo deputaverit, anathema sit. Et ratio hujus est quia cum sit eadem hypostasis utriusque naturæ, eadem hypostasis supponitur nomine utriusque naturæ: sive ergo dicatur homo, sive Deus, supponitur hypostasis divinæ et humanæ naturæ. Et ideo de homine possunt dici ea quæ sunt divinæ naturæ, tamquam de hypostasi divinæ naturæ, et de Deo possunt dici ea quæ sunt humanæ naturæ, tamquam de hypostasi humanæ naturæ. Et infra in solutione primi: Dicendum, inquit, quod opposita prædicari de eodem secundum idem, est impossibile: sed secundum diversa, nihil prohibet. Et hoc modo opposita prædicantur de Christo, non secundum idem, sed secundum diversas naturas. Hæc S. Thomas, quæ ad hujus capitis intelligentiam et totam Nestorianorum cum catholicis controversiam, quæ his libris conscribendis occasionem dedit et argumentum, penitus ac medullitus concipiendam visa sunt necessaria; ideoque minime prætermittenda, quæ cum iis quæ de communicatione idiomatum alibi notata sunt contulisse juvabit.*

<sup>d</sup> Id est, absque initio: Græce ἀναρχος. Porro, quamvis neque homo secundum se ininitabilis, neque Deus secundum se passibilis (Damasc. lib. i de Fide, cap. 4). Christus tamen, quia Deus et homo, etiam ininitabilis qua Deus, id est, neque initium dierum, neque finem vitæ habens (Hebr. vii), ut exponit Apostolus; et passibilis, qua homo vere et absolute prædicatur: unde etiam sequitur, ut hæc eadem prædicata de se mutuo possint prædicari. Sicut enim vere dicitur, Homo est Deus: ita non minus vere, Servus est Dominus, finitus est infinitus, temporalis est æternus, minor est æqualis, et e converso: cujusmodi enuntiationes reperire licebit apud Leonem sermone 2 de Nativitate, Vigilium Tridentinum l. v, et alios Patres. Hæc enim alternatio et mutua prædicatio nihil aliud est quam idiomatum communicatio, ut docet Damascenus lib. iii de Orth. f. c. 4.

<sup>e</sup> Si Christus (se enim vocat Filium hominis) erat in cœlo quando loquebatur in terris, igitur simul in cœlo et in terra erat: non autem corpore tunc erat in cœlo, cum se diceret ascensurum in cœlum; igitur alia in Christo natura erat præter humanam illam quæ cernebatur oculis, videlicet divina, quæ immensa est, et cœlum simul ac terram replet (Bedlarn. lib. de Christo cap. 8). Vide cætera in hanc sententiam superius annotata (Ad lib. iv cap. 6).



in caelum, descendisse quoque antea testabatur e caelo. Vel illud : <sup>a</sup> *Si videritis Filium hominis ascendentem ubi erat prius* (Joan. vi) : cum eum qui ex homine natus est nominet, in supernis tamen semper fuisse testatur. Sed et Apostolus, si ad tempus respicitur, per Christum omnia facta praedicat : *Unus enim, inquit, Dominus Jesus Christus, per quem omnia* (I Cor. viii). Si autem ad passionem majestatis, Dominum crucifixum esse designat. Si enim, inquit, cognovissent, numquam Dominum majestatis crucifixissent (I Cor. ii). Et ideo etiam symbolum, unigenitum et primogenitum Dominum Jesum Christum, Deum verum ex Deo vero, homo unio Patri, et creatorem omnium dicens, natum ex Virgine, et crucifixum, postea et sepultum esse testatur. Ita concorporans scilicet Dei et hominis Filium, et uniens hominem ac Deum, ut nec in tempore fieri ulla valeat, nec in passione, divisio ; cum idem utique Dominus Jesus Christus, et per aeternitatem temporis Deus, et per tolerantiam passionis homo esse doceatur : ac licet nec homo inimitabilis, nec Deus passibilis dici debeat, in uno tamen Domino Jesu Christo et homo ante perpetuus, et Deus mortuus praedicatur. Vides

ergo quod Christus omnia est, et nomen illius significatio utriusque naturae : quia et homo et Deus natus : ita et in se cuncta complectitur, ut in ejus nomine nihil deesse noscatur. Non ergo ante partum Virginis eadem in praeterito aeternitas hominis quae Dei : sed quia in utero Virginis unitus est Deus homini, factum est ut in Christo omnino non possit alterum sine altero nominari.

## CAPUT XXIII.

*Synecdochicam hanc locutionem, qua a parte totum intelligitur, divinis litteris esse perquam familiarem.*

<sup>b</sup> Quidquid ergo de Domino Jesu Christo dixeris, totum dicis, et in Dei Filio Filium hominis, et in hominis Filio Dei Filium nuncupabis ; <sup>c</sup> tropo scilicet synecdoches, quo et a parte totum intelligitur, et a toto portio nominatur. Docentibus id utique etiam scriptis sacris, in quibus Dominus saepe hoc tropo utens, dum de aliis sic docet, sic etiam de seipso voluit intelligi. Neque enim in divinis voluminibus aliter vel dies interdum, vel res, vel homines, vel tempora designantur. Sicut illud, <sup>d</sup> quod

## ALARDI GAZÆI COMMENTARIUS.

<sup>a</sup> Augustinus in eum locum (Tract. 7 in Joan. vi) : *Filius hominis Christus ex virgine Maria, hic esse cepit in terra, ubi carnem assumpsit ex terra ; quid ergo vult, quod ait : Cum videritis Filium hominis ascendentem, ubi erat prius, nisi ut intelligamus unam personam esse Christum Deum et hominem, non duas ? ne fides nostra sit quaternitas, non Trinitas. Sic ergo erat Filius hominis in caelo, quemadmodum Filius Dei erat in terra : Filius Dei in terra in suscepta carne ; Filius hominis in caelo in unitate personae.*

<sup>b</sup> Id est, idem et de eodem dicis : quia quidquid de Christo enuntiatur, tam de Filio Dei quam de Filio hominis enuntiatur per communicationem idiomatum, quia Christus unus idemque Dei et hominis Filius.

<sup>c</sup> De hoc Quintilianus lib. viii c. 6 et lib. ix c. 3. De frequenti autem synecdoches usu in sacris litteris videndus D. Gregorius Nazianzenus oratione 51, sive epistola ad Chelidonium, ubi plura ejus rei affert exempla. D. Augustinus lib. iii de Doctrina Christiana, c. 35 : *Tropus, ait, synecdoche, aut a parte totum, aut a toto partem facit intelligi ; sicut unus evangelista post dies octo factum dicit quod alius post dies sex, quando in monte, discipulis tantum tribus praesentibus, facies Domini ut sol resplenduit, et vestimenta ejus sicut nix* (Luc. ix, Matth. xvii). Utrumque enim verum esse non posset, quod de numero dierum dictum est, nisi ille qui dixit post dies octo, intelligatur partem novissimam diei ex quo id ostendit impletum, pro totis duobus diebus atque integris posuisse ; is vero qui dixit post dies sex, integros omnes et totos, sed solos medios computasse. Hoc modo locutionis, quo significatur a parte totum, etiam illa de resurrectione Christi solvitur quaestio. Pars enim novissima diei quo passus est, nisi pro toto die accipitur, id est, adjuncta etiam nocte praeterita, et nox in cujus parte ultima resurrexit, nisi totus dies accipitur, adjuncto scilicet die illuciente Dominico, non possunt esse tres dies, et tres noctes, quibus se in corde terrae praedixit futurum. Haec Augustinus, et plura alibi in eandem sententiam, inferius recitanda. Indicat autem hic Auctor quadruplicis generis synecdochen in Scripturis usurpari : 1º in diebus seu numero dierum et noctium ; 2º in rebus quibuscumque, cum pars pro toto, aut totum pro parte ponitur ; 3º in hominibus spectatim ; 4º in

temporibus. Et primum quidem exemplum ordine retrogrado profert in temporibus seu spatiis temporum designandis, de quo postmodum.

<sup>d</sup> Difficultas non parva inter Scripturae interpretes et commentatores orta ex duobus tribusve locis sibi in speciem repugnantibus, quorum primus est qui hic citatur ex Genesis decimo quinto cap., ubi praedixit Deus semen Abraham, id est, populum Israeliticum, servitutum in Aegypto (ut videtur textus innuere) annis quadringentis. Cui consentaneus est locus Act. vii, ubi S. Stephanus ait : *Locutus est ei Deus, quia erit semen ejus accola in terra aliena, et servituti eos subjicient, et male tractabunt eos annis quadringentis. Tertius, Exodi xii : Habitatio autem filiorum Israel, qua manserunt in Aegypto, fuit quadringentorum triginta annorum. Quibus expletis, eadem die egressus est omnis exercitus Domini, etc. Quartus Apostoli ad Gal. iii : Hoc autem dico testamentum confirmatum a Deo, quae post quadringentos triginta annos facta est lex, non irritum facit. Quam verba sic construenda sunt : Lex Mosaica, quae post annos 430 facta, et data est, non irritum facit, id est, non abrogat, nec infirmat, testamentum, id est, pactum, seu promissionem factam Abraham de benedictione gentium in semine ejus. Totius autem difficultatis summa in duobus consistit : primo, quanto temporis spatio, sive quotannis manserint aut servierint Israelitae in Aegypto ; secundo, unde, seu a quo tempore, computandi sint anni isti. Ad quorum nonnullam ac summariam explicationem quam hic locus solummodo requirit (nam plenior et accuratior ab ipsis interpretibus (Vide Glossam ordin. Abulens. et Pererium, et alios) petenda est) suffecerit aliquot auctoritates veterum in medium attulisse. Primum Eusebius Caesariensis in Chronico haec habet : *Abraham cum 75 esset annorum, divino dignus habetur alloquio, et repromissione quae ad eum facta est : a 75 Abraham usque ad Moysen et egressum ex Aegypto gentis Hebraeae supputantur anni 430, quorum meminit Paulus ita dicens : Testamentum confirmatum a Deo, quae post 430 annos facta est lex, etc. Ipse quoque in Exodo Moyses his congruens loquitur : Habitatio autem filiorum Israel, qua habitaverunt in Aegypto, et in terra Chanaan, ipsi et patres eorum, anni 430. Haec Eusebius. Hieronymus vero quaestionem hanc,**



quadringentis Israel annis servitutum Ægyptiis Deus prædicat, dicens ad Abraham : Sciens scito, ALARDI GAZÆI

A quia peregrinum erit semen tuum in terra non sua, et servituti eos subjicient, et affligent eos annis quadrin- COMMENTARIUS.

indicata tantum ejus difficultate, indecisam reliquit. Sic enim scribit in Commentario Epistolæ ad Galatas (Vide etiam ibi Commentarium D. Thomæ) : Supputandi in hoc loco anni ab eo tempore quo Dominus ad Abraham locutus est dicens : Et in semine tuo benedicentur omnes gentes (Gen. xxii), usque ad legislatorem Moysen, utrum quadringenti triginta sint; vel quomodo in Genesi ipsi Abrahæ Dominus polliceatur quod post quadringentos annos de terra servitutis filii ejus exituri sunt; non enim parva res est, et a multis quæsitæ, nescio an ab aliquo sit inventa. Ubi notandum non dubitasse Hieronymum de veritate illius supputationis, ut bene monet Pererius (Comment. in Gen. lib. iii), sed de modo conciliandi locum illum Pauli cum aliis Scripturæ locis in speciem discrepantibus, ut dictum est. Meminit idem Hieronymus ejusdem difficultatis in epistola ad Damasum (Epist. 125), quæstione 2, Augustinus lib. xvi de Civitate Dei c. p. 24 : Quod dictum est, inquit, ad Abraham : Sciendo scies quia peregrinum erit semen tuum in terra non propria, et in servitutem redigent eos, et affligent eos quadringentis annis, de populo Israel, qui fuerat in Ægypto serviturus, apertissime prophetatum est. Non quod in eadem servitute sub Ægyptiis affligentibus quadringentos annos fuerat peracturus, sed in ipsis quadringentis annis prænuntiatum est hoc futurum. Quemadmodum enim scriptum est de Thara patre Abrahæ : Et fuerunt dies Tharæ in Charra, quinque et ducenti anni; non quia ibi omnes acti sunt, sed quia ibi completi sunt; ita et hic propterea interpositum est : Et in servitutem redigent eos, et affligent eos quadringentis annis : quoniam iste numerus in eadem afflictione completus est, non quia ibi universus peractus est. Quadringenti sane dicuntur anni propter numeri plenitudinem, quamvis aliquanto amplius sint, sive ex hoc tempore computentur quo ista promittebantur Abrahæ, sive ex quo natus est Isaac propter semen Abrahæ, de quo ista prædicuntur. Computantur enim, sicut superius jam diximus (Cap. 16 ejusdem lib.) ab anno septuagesimo et quinto Abrahæ, quando ad eum facta est prima promissio, usque ad exitum Israel ex Ægypto, quadringenti et triginta anni, quorum Apostolus meminit. Jam ergo isti quadringenti triginta anni, quadringenti poterant nuncupari, quia non sunt multo amplius; quanto magis cum aliquot jam ex isto numero præterissent, quando illa in visu demonstrata et dicta sunt Abrahæ, vel quando Isaac natus est centenarius patri suo, a prima promissione post viginti quinque annos, cum jam ex istis quadringentis et triginta quadringenti et quinque remanerent, quos Deus quadringentos voluit nominari. Hæc ibi Augustinus. Idem vero (Lib. i tom. IV) super Exodum quæstione 47, quæstionem eandem copiosius tractans : Si quadringentos, inquit, annos sic acceperimus, ut in servitute sub Ægyptiis intelligantur, non parvum temporis spatium fuit quo ita populus multiplicaretur. Sed tot annos non fuisse apertissimo indicio Scriptura testatur. Quidam enim putant quadringentos triginta annos accipi debere ex quo Jacob intravit in Ægyptum, donec inde populus per Moysen liberatus, quoniam in Exodo scriptum est : Incolatus autem filiorum Israel, quem incoluerunt in terra Ægypti et in terra Chanaan, ipsi et patres eorum, anni quadringenti triginta. Servitutis autem eorum voluit esse annos quadringentos, propterea quod scriptum est in Genesi : Sciendo scias quia peregrinum futurum est semen tuum in terra non sua, et in servitutem redigent eos, et nocebunt illis quadringentis annis. Sed quoniam servitutis anni post mortem Joseph computantur (illo enim vivo, non solum ibi non servierunt, verum etiam regnaverunt), non est quemadmodum computentur quadringenti triginta in Ægypto, etc. Et infra : Proinde illa nimirum computatio, quam secutus est Eusebius in Historia sua chro-

nica, perspicua veritate subnixæ est. Ab illa enim promissione computat quadringentos triginta annos, quæ vocavit Deus Abraham ut exiret de terra sua in terram Chanaan; quia et Apostolus cum laudaret et commendaret fidem, in ea promissione, quæ Christum vult intelligi prophetatum, id est, quæ promisit Deus Abrahæ quod benedicerentur in eo omnes tribus terræ : Hoc autem dico, inquit, quia testamentum confirmatum a Deo, post quadringentos triginta annos facta lex non infirmat quæ evacuandas promissiones. Ex illa ergo vocatione quæ vocatus est Abraham, et credidit Deo, post quadringentos et triginta annos factam legem dicit Apostolus, non ex tempore quo Jacob intravit in Ægyptum. Deinde ipsa Scriptura Exodi satis hoc significavit; non enim dixit : Incolatus filiorum Israel, quem incoluerunt in terra Ægypti, annis quadringentis triginta; sed aperte dixit : Quem incoluerunt in terra Ægypti, et in terra Chanaan, ipsi et patres eorum. At per hoc manifestum est computandum esse tempus etiam patriarcharum Abrahæ, Isaac et Jacob, ex quo peregrinari cæpit Abraham in terra Chanaan, id est, ex illa promissione in qua ejus fidem laudat Apostolus, usque ad illud tempus quo ingressus est Israel in Ægyptum. Toto quippe isto tempore peregrinati sunt Patres in terra Chanaan, et deinde semel Israel in Ægypto, quando facta est lex in monte Sina, etc. Ac postremo tandem ita concludit : Quod ergo dixit Deus ad Abraham : Sciendo scias quia peregrinum erit semen tuum in terra non propria, et in servitutem redigent eos, et nocebunt illis, quadringentis annis, non sic accipiendum est, quasi in illa durissima servitute quadringentos annos Dei populus fuerit; sed quia scriptum est, In Isaac vocabitur tibi semen, ex anno nativitatis Isaac usque ad annum egressionis ex Ægypto, computantur anni quadringenti quinque. Cum ergo de quadringentis triginta detraxeris viginti quinque, qui sunt a promissione usque ad natum Isaac, non mirum est, si quadringentos et quinque annos summa solida quadringentos voluit appellare Scriptura, quæ solet tempora ita nuncupare, ut quod de summa perfectioris numeri paululum accrescit, aut infra est, non computetur. Non itaque quod ait : In servitutem redigent eos et nocebunt illis, ad quadringentos annos referendum est, tamquam per tot annos eos habuerint in servitute; sed referendi sunt quadringenti anni ad id quod dictum est, Peregrinum erit semen tuum in terra non propria quadringentis annis. Illud autem interpositum intelligatur : Et in servitutem redigent eos, et nocebunt illis; ita ut ad quadringentos annos ista interpositio non pertineat. In extrema etenim parte annorum summæ hujus, hoc est, post mortem Joseph, factum est ut in Ægypto populus Dei duram perageret servitutem. Hucusque D. Augustinus; in cujus verbis illud primo observandum est, quod ait in Exodo haberi, puta juxta translationem Septuaginta, habitationem, seu incolatum, ac peregrinationem filiorum Israel in Ægypto, et in Chanaan fuisse 450 annorum : quam lectionem necessario sequendam, etiam ex veritate Hebraica docet venerabilis Bedæ lib. de Sex ætatibus mundi : eamque omnes chronographi tum Græci, tum Latini secuti sunt : proinde juxta hanc interpretationem intelligendum esse locum illum Exodi, qui in vulgata editione tantum habet, Habitatio filiorum Israel in Ægypto, etc. (Exod. xii) : cum constet, filios Israel non habitasse 400 annis in Ægypto, sed multo minus, ut infra patebit. Cum ergo Genesi xv dicitur semen Abrahæ peregrinaturum 400 annis in terra non sua, per terram non suam intelligi debet non solum terra Ægypti, sed etiam terra Chanaan, in qua non solum Abraham, sed et Isaac et Jacob peregrinati sunt, usque ad descensum ejusdem in Ægyptum : utraque enim peregrinatio in illo 400 annorum spatio comprehenditur. Secundo colligitur,



gentis (Genes. xv). Cum, si omne tempus ex quo A  
Deus locutus est consideretur, plus sint quam quadringenti; si autem illud tantum quo servierunt, minus. Quod scilicet tempus, nisi hoc tropo intelli-

gatur, mentitus forsitan, quod absit a Christianis sensibus, Dei sermo videatur. Sed dum utique a tempore divinæ vocis, et totum vitæ tempus annos plus quam quadringentos, et servitus minus multo

#### ALARDI GAZÆI COMMENTARIUS.

distinguenda hic esse quatuor tempora. *Primum*, a promissione Abrahamæ facta usque ad exitum ex Ægypto, et legem Mosi datam in monte Sina: quod tempus fuit 430 annorum, juxta Apostolum ad Galatas. *Secundum*, tempus peregrinationis, sive incolatus quo semen Abrahamæ peregrinatum est partim in terra Chanaan, partim in Ægypto: quod computari debet a nativitate Isaac, qui fuit primum semen Abrahamæ per repromissionem datum: qui cum natus sit anno centesimo patris sui, consequens est, hoc tempus durasse annis quinque supra quadringentos, detractis nimirum viginti quinque, qui ab anno septuagesimo quinto Abrahamæ ad centesimum usque excurrunt. Et de hoc tempore intelligitur illud Gen. xv et Act. vii, quo dicitur semen Abrahamæ servitutum annis 400. Quod enim Scriptura 400 annos tantum nominet, hoc facit more suo, quo solet in supputatione temporum vel rerum, numerum cardinalem dumtaxat exprimere, licet aliquid supersit aut desit. Nam si in jure, *de minimis non curat prætor*, mirum non est, si Scriptura magnum illum et solidum 400 annorum numerum nominans, parvum quinque annorum excessum non curarit exprimere. *Tertium*, tempus peregrinationis seu habitationis filiorum Israel in terra Ægypti, quod incepit a descensu Jacob in Ægyptum, duravitque annis dumtaxat ducentis quindecim, ut tradunt Josephus, Eusebius, Augustinus, et alii, et colligitur ex verbis Apostoli (Gal. iii). Nam si lex lata est annis 430, post promissionem illam Abrahamæ factam, quo tempore agebat ille annum septuagesimum quintum, ut legitur Genesis xii: cum ab eo tempore usque ad ingressum Jacob in Ægyptum effluerint anni ducenti quindecim, nempe usque ad ortum Isaac viginti quinque, Gen. xvi: hinc usque ad ortum Jacob sexaginta, Genesis xxv: inde usque ad ingressum Jacob in Ægyptum, centum triginta, Genesis xlvii; supersunt dumtaxat, usque ad legem latam, anni 215, qui, cum pari illorum numero, efficiunt annos illos 430 de quibus Apostolus. *Quartum*, tempus servitutis et afflictionis Hebræorum in Ægypto, quod cœpit paulo post mortem Joseph et fratrum ejus, ut dicitur Exodi i, duravitque annis circiter centum viginti. Cum enim ex ducentis quindecim annis, quibus Hebræi habitare in Ægypto, detrachere oporteat unum et septuaginta annos, quos vixit Joseph post adventum patris sui in Ægyptum (toto enim hoc tempore non servierunt, sed regnaverunt potius Hebræi in Ægypto, ait S. Augustinus supra); et præterea detrahendi sunt anni viginti duo, quibus Levi fratri suo Josepho supervixit: ex quibus efficiuntur anni nonaginta tres: his detractis ex illis ducentis quinque annis, supersunt tantummodo anni centum viginti duo, Judæorum servituti et afflictioni assignandi. Sed hæc pluribus apud Pererium habes explicata. Ex his porro exponendus restat nostri Auctoris textus quo ait: *Si omne tempus ex quo locutus est Deus*, illud nempe quod præcedit, *Sciens scito quia peregrinum erit*, etc., consideretur, plus sunt quam quadringenti, quia 430, ab eo tempore usque ad egressum ex Ægypto et finem servitutis Ægyptiacæ, numerantur: *Si autem illud tantum quo servierunt, minus*, et multo minus certe, ut patet ex dictis: *Ita fit, ut vel a toto pars, vel a parte totum valeat intelligi*, id est, vel totum pro parte, vel pars pro toto ponatur, per synecdochen scilicet, quæ sacræ Scripturæ frequens ac familiaris est. Pars siquidem pro toto posita intelligitur, si plures quadringentis: totum vero pro parte, si pauciores. Prioris exemplum, *si omne tempus, ex quo Deus locutus est Abraham usque ad legem datam, consideretur: posterioris, si tantum*

illud tempus quo servierunt Hebræi in Ægypto. At de his hactenus satis.

<sup>a</sup> Id est, promissionis Abrahamo factæ, de benedictione gentium in semine ipsius, qui est Christus (Gal. iii): quam promissionem Apostolus vocat testamentum a Deo confirmatum. Ubi D. Hieronymus: *Si quis, ait, diligenter Hebræa volumina et cæteras editiones cum Septuaginta interpretum translatione contulerit, inveniet, ubi testamentum scriptum est, non testamentum sonare, sed pactum, quod Hebræo sermone dicitur BERIT. Et infra, mentem Apostoli explicans: Simplex, inquit, sensus, qui in hoc loco textitur, hanc vim habet, ut doceat Apostolus non posse, per legem quæ postea data est, repromissiones quæ ante factæ sunt ad Abraham destrui, et posteriora prioribus præjudicare, cum repromissiones ad Abraham ante quadringentos triginta annos datæ sint, quod benedicerentur in illo universæ nationes: legis autem observatio, quod qui fecisset eam, viveret in ea, post quadringentos triginta annos Moysi data sit in monte Sina. Ita Hieronymus. At jam quæritur de qua promissione hic agatur, a qua initium computationis illorum annorum sumendum sit? Multiplex enim legitur promissio facta Abrahamæ, ut observat D. Augustinus lib. xvi de Civitate Dei (Cap. 16, 18, 21 et seq.): *Harum, inquit, prima ita legitur: Et dixit Dominus ad Abraham: Exi de terra tua, et de cognatione tua, et de domo patris tui, et vade in terram quam tibi demonstravero, et faciam te in gentem magnam, et benedicam te, et magnificabo nomen tuum, et eris benedictus, et benedicam benedicentes te, et maledicam maledicentes te, et benedicentur in te omnes tribus terræ (Gen. xii). Ubi advertendum est duas res promissas Abrahamæ, unam scilicet, quod terram Chanaan possessurum fuerit semini ejus: quod significatur, ubi dictum est: Vade in terram quam tibi demonstravero, et faciam te in gentem magnam. Aliam vero longe præstantiorem, non de carnali, sed de spiritali semine, per quod pater non est unius gentis Israeliticæ, sed omnium gentium, quæ fidei ejus vestigia consequuntur, quod promitti cœpit his verbis: Et benedicentur in te omnes tribus terræ. Atque hanc promissionem spectavit Apostolus, dum ad Galatas scribens ait: Providens autem Scriptura quia ex fide justificat gentes Deus, prænuntiavit Abrahamæ, quia in te benedicentur omnes gentes (Gal. iii). Ab hac autem promissione computationem illorum 400 annorum ducentam esse docet idem Augustinus verbis consequentibus: Hanc, inquit, promissionem factam arbitratur Eusebius septuagesimo quinto ætatis Abrahamæ, tamquam mox ut facta est, de Charra exierit Abraham: quoniam Scripturæ contradici non potest, uti legitur: Abraham erat quinque et septuaginta annorum, cum exiit de Charra. Sed si eo anno facta est ista promissio, jam utique in Charra cum patre suo demorabatur Abraham; neque enim inde exire posset, nisi prius ibi habitasset. Num quidnam ergo contradicatur Stephano, dicenti: Deus gloriæ apparuit Abrahamæ patri nostro, cum esset in Mesopotamia, priusquam habitaret in Charra (Act. vii). Sed intelligendum est, quod eodem anno facta sunt omnia, et Dei promissio antequam in Charra habitaret Abraham, et in Charra habitatio ejus, et inde profectio: non solum quia Eusebius in Chronicis ab anno hujus promissionis computat, et ostendit post quadringentos et triginta annos exitum esse de Ægypto, quando lex data est; verum etiam quia id commemorat apostolus Paulus. Hactenus Augustinus spectans locum Apostoli, quem etiam citat Eusebius, ubi ait, legem latam post quadringentos annos ab illo testamento sive pacto et promissione Abrahamæ facta, ætatis ipsius septuagesimo quinto, ut Scriptura testa-**



quam quadringentos habet : ita sit ut vel a toto pars, vel a parte totum valeat intelligi. Non dissimilis quoque etiam de diebus interdum ac noctibus significatio est : ubi cum in utroque tempore unus dies intelligatur, in parte unius temporis tempus utrumque monstratur. Hoc siquidem modo etiam illud, quod de tempore Dominicæ passionis obscurum videtur, aperitur. Cum enim sub exemplo Jonæ pro-

A phetæ a futurum Filium hominis Dominus in corde terræ tribus diebus et tribus noctibus esse prædixerit (*Matth. xii*) : et post sextam sabbati, qua crucifixus est, non nisi una tantum apud inferos die et duabus noctibus fuerit, quomodo divini sermonis veritas invenitur ? Tropo scilicet synecdoches, id est, ut ad diem qua crucifixus est, nox præterita, et ad noctem qua resurrexit, dies futura referatur : ac

#### ALARDI GAZÆI COMMENTARIUS.

tur. Non enim certo constaret numerus iste annorum 450, si ab aliis posterioribus promissionibus deduceretur, ut manifeste docet continuus sacræ chronologiæ decursus. Neque his obstat quod in prima illa promissione nulla fiat mentio de semine Abrahæ et benedictione omnium gentium in semine ejus, quam promissionem urget Apostolus eo loco ; sed de possessione terræ Chanaan, quæ ad Christum non pertinet. Nam licet in prima promissione nominatim et expresse non fiat mentio seminis Abrahæ, quod præcipue maximeque urget Apostolus : tacite tamen et involute insinuat illis verbis : *In te benedicentur omnes gentes vel cognationes terræ*. Illud namque, *in te*, dictum est pro, *in semine tuo*, quod explicite et perspicue postea dictum est Abrahæ, cum immolare voluit filium Isaac : non enim verba illa, si ad personam Abrahæ referantur, veram sententiam continent : sin autem ad Christum, qui est semen ejus, continent verissimam. Paulus igitur primam illam promissionem commemorans, et ex ea, quod intendebat concludens, ad sententiam potius spectavit quam verba. Ita Pererius.

Quo sensu Filius hominis, id est, Christus dicatur fuisse tribus diebus et tribus noctibus in corde terræ, hoc est, vel in sepulcro, vel potius in inferno (unde articulus fidei de descensu Christi ad inferos) quandoquidem sexta feria sepultus, die Dominica, quæ prima sabbati vocabatur, resurrexit ; non uno modo a Patribus exponitur. Isidorus Pelusiotes epistola 114 lib. 1 plures offert expositiones, quarum duæ præcipue his verbis conceptæ : *Sexta hora parasceves in crucem actus est Dominus. Ab hac hora ad nonam usque tenebræ existerunt. Hoc tu noctem intellige. Rursus a nona lux. Hoc rursus pro die habe. Nox rursus parasceves. Tum dies sabbati, nox sabbati, dominici diei diluculum, juxta evangelistam dicentem : Vespere autem sabbati, quæ lucescit in prima sabbati. Quod si tertiam expositionem ex me intelligere postulas, ea est hujusmodi : In die parasceves Dominus spiritum tradidit. En una dies. Sabbatum totum in sepulcro exegit : postea ejus noctem. Lucescente dominica e sepulcro surrexit : id quoque dies est. Siquidem a parte, ut nosti, totum intelligitur. Sicut autem nos quoque eorum qui mortem obeunt memoriam celebrare consuevimus. Quacumque enim diei hora quispiam vitam cum morte commutarit, postero dumtaxat die, interjecto altero post die tertium ipsius diem agimus. Hæc Isidorus. Verum priorem illam expositionem DD. Hieronymus et Augustinus pari studio et sententia relegendi. Sic enim Hieronymus in cap. 11 Jonæ : *Hujus loci mysterium in Evangelio Dominus exponit (Matth. xii), et superfluum est vel id ipsum vel aliud dicere. Hoc solum querimus, quando tres dies et tres noctes fecerit in corde terræ ? Quidam παρασπεύον, quando sole fugiente, ab hora sexta ad horam nonam nox successit diei, in duos dies et noctes dividunt, et apponentes sabbatum, tres dies et tres noctes æstimant supputandas. Nos vero συνεκδοχικῶς totum intelligimus a parte : ut, ex eo quod in παρασπεύον mortuus est, unam diem supputemus, et noctem, et sabbati alteram ; tertiam vero noctem, quæ diei dominicæ muncipatur, referamus ad exordium diei alterius : nam et in Genesi nox non præcedentis diei est, sed sequentis, id est, principium futuri, non finis præteriti. Hoc ut intelligi possit, dicam simpli-**

*cius : Pinge aliquem hora nona egressum esse de mansione, et alterius diei hora tertia ad mansionem alteram pervenisse : si dixerō brevī eum fecisse iter, non statim reprehendar mendacii : quia ille qui ambulavit non omnes horas utriusque diei, sed quandam partem itineris consumpserit. Et in Commentario super Matthæum (Cap. xii). De hoc loco plenius in commentariis Jonæ prophetæ disputavimus : ad illum ergo locum lectoris diligentiam remittimus : hoc breviter nunc dixisse contenti, quod synecdochicè totum intelligatur ex parte, non quod omnes tres dies et tres noctes in inferno Dominus atterit, sed quod in parte parasceves, et dominicæ, et tota die sabbati, tres dies et totidem noctes intelligantur. Ita Hieronymus. Augustinus vero lib. 11 de Consensu Evangelistarum (Cap. xxiv) : Usitatu, inquit, loquendi modus divinæ Scripturæ est, a parte totum significare. Nam et ipsum triduum, quo Dominus mortuus est, et resurrexit, nisi isto loquendi modo, quo a parte totum dici solent, recte intelligi non poterat. Hinc magna redditur ratio verbi Domini. Ipse qui pergit : Sicut fuit Jonas in ventre ceti tribus diebus et tribus noctibus, sic erit Filius hominis in corde terræ tribus diebus et tribus noctibus. Quidam autem, hanc modum locutionis Scripturæ nescientes, noctem voluerunt annuumerare tres illas horas a sexta usque ad nonam, quibus sol obscuratus est, et diem tres horas alias, quibus iterum terris est redditus, id est, a nona usque ad ejus occasum. Sequitur enim nox futuri sabbati, qua cum suo die computata, erunt jam duæ noctes et duo dies. Porro autem post sabbatum, sequitur nox prima sabbati, id est, illucescentis diei dominicæ, in qua tunc Dominus resurrexit. Erunt ergo duæ noctes, et duo dies, et una nox, etiamsi tota posset intelligi, nec ostenderemus, quod illud diluculum pars ejus extrema sit. Quapropter nec annumeratis illis sex horis, quarum tribus sol contenebratus est, et tribus eluxit, constabit ratio trium dierum et trium noctium. Restat igitur ut illo Scripturarum usitatissimo loquendi modo, quo a parte totum intelligitur, inveniamus extremum diem tempus parasceves, quo crucifixus et sepultus est Dominus, et ex ipsa extrema parte totum diem cum sua nocte, qui jam peractus fuerat, accipiamus : medium vero, id est, sabbati diem, non a parte, sed integre totum : tertium rursus a parte sua prima, id est, a nocte totum cum suo diurno tempore : ac sic erit triduum, quemadmodum illi octo dies, post quos ascendit in montem, quorum medios integros attendentes Matthæus et Marcus dixerunt post sex dies (*Matth. xvii, Marc. ix*), quod Lucas dixerit post octo dies (*Luc. xxiv*). Hæc eo loco Augustinus. Idem vero alibi (*Lib. iv de Trin. cap. 6*) paulo clarius hoc ipsum exponit hoc modo : Ipsum autem triduum non totum et plenum fuisse Scriptura testis est ; sed primus dies a parte extrema totus annumeratus est : dies vero tertius a parte prima et ipse totus : medius autem inter eos, id est, secundus dies absolute totus, viginti quatuor horis suis, duodecim nocturnis et duodecim diurnis : nox enim usque ad diluculum, quo Domini resurrectio declarata est, ad tertium pertinet diem. Sicut enim primi dies propter futurum hominis lapsum, a luce in noctem, ita isti, propter hominis reparationem, a tenebris in lucem computantur. Hactenus SS. Patres de triduo mortis et sepulturæ Domini.*



sic additis et nocte quæ præcessit dici suæ, et die qui subsequens est nocti suæ, nihil defuisse integro tempore noscitur, quod a sui parte impletur. Sciant his rationum exemplis Scripturæ sacræ, sed longum est universa memorare. Sic enim dicente psalmo : <sup>a</sup> *Quid est homo, quod memor es ejus (Psal. vii)?* a parte totum intelligitur, dum uno homine nuncupato, plenitudo humani generis demonstratur. Sic etiam illud <sup>b</sup> ubi Achab peccavit, peccasse plebs dicitur; dum universitate appellata, a toto portio designatur. <sup>c</sup> Joannes quoque præcessor Domini, *Post me*, inquit, venit vir qui ante me factus est, quia prior me erat (Joan. i). Quomodo igitur post se venturum indicat, quem ante se fuisse designat? Si enim de homine hoc, qui postea natus est, intelligitur, quomodo ante ipsum fuit? Si de Verbo, quomodo *vir* <sup>d</sup> *post me venit*?

## ALARDI GAZÆI COMMENTARIUS.

<sup>a</sup> Duo exempla synecdoches ad homines spectantia : primum, in quo pars pro toto ponitur, homo singularis pro toto genere humano; alterum, in quo totum pro parte, populus pro parte populi : de aliis vero rebus nullum attulit exemplum quod ad secundam speciem superius expressam attineret, quod hujusmodi exempla frequentissima sint et passim obvia, illud præsertim quo caro vel anima pro toto homine ponitur (Genes. xli, Rom. iii et xiii et Joan. i).

<sup>b</sup> Achab septimus regum Israel, id est, decem tribuum, qui, ducta uxore Jesabel, regis Sidoniorum filia, ab ea dementatus, idola gentium introduxit, fanum in Samaria ædificavit, altare Baal, et lucum idolis dicavit, primus denique novas superstitiones invexit : unde illud vulgatum in Scriptura : *Qui peccavit et peccare fecit Israel (III Reg. xiv et xvi)*; non quod totus Israeliticus populus hujus exemplo peccarit, et cultum veri Dei deseruerit; sed major pars, ut hic indicat Auctor. Nam et tempore Eliæ dereliquerat sibi Dominus in Israel septem millia virorum, quorum genua non sunt incurbata ante Baal, III Reg. xix. In hoc itaque exemplo a toto portio designatur, id est, totum pro parte ponitur.

<sup>c</sup> Hic jam ostendit quomodo etiam in sermone de Christo locum habeat illa synecdochica locutio, cujus exempla præcedentia e Scripturis protulit; quia nimirum quod Christo convenit secundum divinam naturam, homini tribuitur, cum dicimus hominem istum, demonstrato Christo, esse Filium Dei, æternum, omnipotentem, etc. Et vici-sim, quidquid homini illi convenit secundum propriam naturam, etiam Deo tribuitur, cum dicimus eundem Christum esse

nisi quod in uno Domino Jesu Christo et posterioritas hominis, et Verbi antiquitas demonstratur. Ac sic fit ut unus idemque Dominus ante illum fuerit et post illum venerit, quia et secundum carnem est Joanne posterior, et secundum divinitatem omnibus prior. Et ideo ille virum tantummodo nominans, et hominem demonstravit, et Verbum; quia cum Dominus Jesus Christus Filius Dei, et homine consummatus fuerit, et Verbo, unum de eo dicens, omnia demonstravit. Et quid plura? Dies me, ut reor, deficiat, si omnia quæ de hoc dici possunt colligere aut enarrare tentavero. Et satis hæc, quæ nunc diximus, in hac negotii parte dumtaxat, et ad symboli sunt expositionem, et ad causæ officium, et ad libri modum.

B hominis Filium, de Virgine natum, passibilem, mortuum, etc. Qua ratione idem Christus et Joanne anterior et posterior vere dicitur.

<sup>d</sup> *Qui post me venit*. Quidam exponunt de adventu Christi per nativitatem in mundum, quasi post Joannem venisse dicatur, quia sexto post illum mense natus est. Ita Epiphanius hæresi 69, Ambrosius lib. iii de Fide cap. 5, Gregorius homilia 7 in Evangelia. Et Cassianus hoc loco videtur innuere, dum ait : *De homine hoc qui postea natus est*. At participium ἐρχόμενος, qui venit, præsentis temporis, positum tamen pro futuro, qui venturus est, non videtur hunc sensum admittere. Jam enim Christus natus erat cum Joannes hæc diceret, et tamen loquitur de futuro : sicut de Etia dixit Matthæi xvii : *Elias quidem venit*, pro, venturus est, ut noster etiam veritè interpretes. Melius ergo de Christi prædicatione ostensioneque intelligitur, ut Chrysostomus et Euthymius exponunt. Christus enim post Joannem venisse dicitur, quia post eum sese mundo per prædicationem et miracula manifestavit. Ille autem verbis : *Ante me factus est*, docent Patres significari non Christum productum ante Joannem, sed Joanni prælatum et antepositum, ac si Joannes dixisset : *Qui post me venit, major me est*; vel, ut apud Matthæum legitur : *Fortior me est, cujus non sum dignus calceamenta portare (Matth. i)*; idque colligitur ex textu. Nam sic ait : *Ante me factus est, quia prior me erat*; id est, præcessit me dignitate, quia præcessit æternitate, ipse enim æternus, ego temporalis. Ita Augustinus tractatu 4 in Joannem : *Ante me*, inquit, *factus est, quia prælatus est mihi. Prior me erat, quia in principio erat Verbum, et Verbum erat apud Deum, et Deus erat Verbum.*

## LIBER SEPTIMUS.

## CAPUT PRIMUM.

*Adversariorum calumniis responsurus divini numinis opem implorat, ut doceat orationem per æmittendam esse ab his qui ad disputandum cum hæreticis accedunt.*

Quod evenire his solet qui cum pelagus jam evaserint, aut prætentas portibus syrtes, aut vicina littoribus saxa formidant, mihi hoc admodum accidit, ut reservatis ad ultimum quibusdam hæreticorum calumniis, cum jam ad exacti laboris terminum ve-

## ALARDI GAZÆI COMMENTARIUS.

<sup>a</sup> Id est, horrore et pavore concutiantur, nobis ambulantes in via Domini, etc., ubi *ambulantibus*

derim, eum ipsum finem incipiam metnere, ad quem desideraveram pervenire. Sed ut Propheta ait : *Dominus mihi adjutor est, non timebo quid faciat mihi homo (Psalm. cxvii)* : non timeamus prætentas hæreticorum insidantium foveas et obseptas spinis passim horrentibus vias, quæ cum asperent magis itinera quam claudant, de emundatione nobis potius labor, quam de possibilitate formido. Quia cum nobis agentibus rectum iter infirmiter se obiciant, et

<sup>a</sup> horreant ambulantes magis quam obsint, <sup>b</sup> plu-

est ablativus absolutus.

<sup>b</sup> Hoc est, magis laborandum nobis est de expur-



habet officium atque opus nostrum in purgatione quod agat, quam ex difficultate quod timeat. Igitur <sup>a</sup> ad monstruosum illud lethiferi serpentis caput mittentes inanum, et pertractare omnia admodum illigata ingentibus spiris tortuosi corporis membra cupientes, te, quem semper precati sumus, etiam atque etiam, Domine Jesu, precamur, ut *des nobis verbum in apertione oris* (Ephes. vi) ad <sup>b</sup> destructionem munitionum, cogitationes destruentes, et omnem altitudinem extollentem se adversus scientiam Dei, ut *captivemus omnem intellectum in obedientia tua* (II Cor. x); quia vere ille liber sit, qui coeperit tibi esse captivus. Adesto ergo tu <sup>c</sup> officio tuo operi, tuis pro te supra mensuram virium connitentibus. Da hiantia novi serpentis ora, et tumentia lethalibus venenis colla contere; qui facis supra serpentes et scorpiones illatos credentium pedes ingredi, ac super aspidem et basiliscum ambulare, conculcare leonem

A et draconem (Lucæ x, Psal'm. xc). Tribuasque per intrepidam innocentiae constantis audaciam : <sup>d</sup> ut *delectetur infans ab ubere super f. ramine aspidis, et in cavernam reguli, qui ablactatus fuerit, manum suam mittat* (Isaïe xi). Da ergo et nobis in cavernas hujus immanissimi ac scelestissimi reguli innocuas manus mittere. Et si in foraminibus quibusdam jam, id est, in sensu humanorum latebras aut cubile habuit, aut ova posuit, aut squamosi tractus semitam dereliquit, aufer ab universis perniciosissimi anguis hujus sordidum et ferale contagium. Extrahe illatas perfidiae immunditias, et obsessas redolenti cœno animas <sup>e</sup> ventilabro sacræ purgationis emunda, ut speluncæ latronum domus orationum sint. Et <sup>f</sup> in quibus nunc, ut scriptum est, diversoriiis ericii et onocentauri, et B pilosi, et diversorum prodigiorum monstra versantur (Isaïe xxxiv), in his sancti Spiritus tui dona, id est, fidei ac religionis decora resplendeant. Ac si ut,

#### ALARDI GAZÆI COMMENTARIUS.

gatione et munditia cordis nostri, quam de difficultate ac molestia quam nobis obijcere possint; quod alia phrasi synonyma paulo ante dixit : *De emundatione nobis potius labor quam de possibilitate, vel, potius, impossibilitate, formido.*

<sup>a</sup> Id est, Nestorii hæresim variis ambagibus et fallaciis implexam et implicatam.

<sup>b</sup> Verba sunt Apostoli in secunda ad Corinthios : *Non secundum carnem militamus.* Nam arma militiæ nostræ non carnalia sunt, sed potentia Deo, ad destructionem munitionum, consilia destruentes, et omnem altitudinem extollentem se adversus scientiam Dei. Ubi *potentia Deo*, id est, usque adeo per Dei gratiam valida, ut omnes Satanæ munitiones et machinamenta destrui possint et evertere. *Consilia destruentes*, Græce καταρτύντες, in quibus verbis solœcismus est, nisi ita legamus : *Non secundum carnem militamus, consilia destruentes*, etc. Sic enim legit D. Ambrosius, ut quæ intercedunt per parentthesim legantur : vel dicamus participium pro verbo positum, ut hic incipiat sententia : *Consilia enim destruimus*, etc. Ubi pro *consilia* Græce est λογισμοὺς, quod Theophylactus interpretatur syllogismos, et humanas philosophorum atque hæreticorum ratiunculas, quibus se ad evertendam Christi fidem munire solent.

<sup>c</sup> Superflue additum videtur *officio*, nisi officium pro beneficio gratiæ seu efficacia accipias, ut *officio* sit ablativi casus, quasi ex officio. Donatus enim officium ab efficiendo dictum putat, quod sit illud quod quemque pro conditione suæ personæ facere deceat. Unde D. Ambrosius lib. I Officiorum : *Officium*, inquit, *ab efficiendo dictum putamus, quasi efficium*; sed propter decorem sermonis, una immutata littera, *officium* nuncupari. Sed fortasse melius hic diceretur, interposita conjunctione, *Officio tuo et operi*. Videtur enim respicere quod superius dixit : *Plus habet officium atque opus nostrum*, etc. Ubi officium cum opere conjungit; sed quod ibi suum dixit, hic Dei munus agnoscit, Deoque acceptum refert.

<sup>d</sup> Ita Tertullianus lib. iv adversus Marcionem, sed alia versione : *Creator*, inquit, *hanc potestatem etiam parvulis pueris per Isaiam repromisit, conficere manum in cavernam aspidem, et in cubile natorum aspidum, nec omnino lædi. Et utique scimus (salva simplici ale Scripturæ, nam nec et ipsæ bestiæ nocere poterunt ubi fides fuerit) figurate per scorpiones et colubros portendi spiritalia nequitiae; quorum ipse princeps est serpentis et draconis, et eminentissimæ cujusque bestiæ nomine deputetur*, etc.

<sup>e</sup> Alludit etiam ad locum Malachiæ iii ubi de Messia dicitur : *Ipse enim quasi ignis conflans, et quasi*

*herba fullonum, et sedebit conflans, et emundans argentum, et purgabit filios Levi, et colabit eos quasi aurum et argentum.* Et Luc. iii : *Cujus ventilabrum in manu ejus, et purgabit arcam suam, et congregabit triticum in horreum suum*, etc.

<sup>f</sup> Spectat locum Isaïe xxxiv ubi de Jerusalem et Judæa dicitur : *Et possidebunt eam onocrotalus et ericius, ibis et corvus habitabunt in ea, et erit cubile draconum et struthionum, et occurrent dæmonia onocentauris, et pilosus clamabit alter ad alterum; ibi cubavit lamia, et invenit requiem; ibi habuit foveam ericii, et enutrivit catulos*, etc. Ubi D. Hieronymus (In Isaïe c. xxi, et Ezechiel. xvi et xviii, et Ose. xii, et alibi) : *Qui tropologiam, inquit, sequuntur, expulso populo Judæorum, sub bestiarum et portentorum nominibus, idololatras (ut sunt etiam hæretici, nam et hæresis species est idololatriæ, eodem auctore) et variis superstitionibus servientes in Jerusalem habituros esse confirmant, et hos esse onocrotalos et ericios, ibi et corvum, dracones et struthiones, et onocentaurus, et dæmonia, et pilosos, et lamiam, quæ Hebraice dicitur lilit, et a solo Symmacho translata est lamia, quam quidam Hebræorum ἐρῶν, id est, furiam suspicantur.* Ita Hieronymus. Talibus itaque monstris et portentis, de quibus etiam alibi egimus, comparat Auctor Nestorium, ejusque similes hæreticos, quemadmodum et D. Hieronymus contra Vigilantium hæresiarcham, quasi novum monstrum in Galliis exortum, eadem ut us allusione, elegantissime scripsit : *Multa in orbe monstra generata sunt. Centauros et sirenas, ululas et onocrotalos, in Isaia legimus (Isaïe xxxiv). Job Leviathan et Behemoth mystico sermone describit (Job xl). Cerberum et Stympulidas, aprumque Erimanthum, et leonem Nemeum, chimæram atque hydram multorum capitum narrant fabulæ poetarum. Cacum describit Virgilius; triformem Geryonem Hispaniæ prodiderunt; sola Gallia monstra non habuit, sed viris semper fortissimis et eloquentissimis abundavit. Exortus est subito Vigilantius, seu verius dormitanti, qui immundo spiritu pugnet contra Christi spiritum*, etc. Ita Hieronymus in uno Vigilantio omnes hæresiarchas depingens et monstris assimilans. Alii Patres comparant eosdem terribissimis ferocissimisque bestiis. Ignatius epistola ad Smyrnicos, canibus rabidis, serpentibus, basiliscis et squamosis draconibus. B. Cyprianus (Epist. 52) lupis et canibus, quod et Scriptura confirmat. Ambrosius (Serm. 43) noctuis et vulpibus. Hieronymus item (In c. ii Habuc.) scarabæis. Vincentius Lirinensis (In Commonit.) ravis et muscis mortuis autem fetent (In Psal'm. lxxx).



ejectis quondam idolorum cultibus exterminatisque simulacris, fecisti ex fanis dæmonum templa virtutum, inserens in cavernas serpentum et scorpionum fulgentis luminis radios, et ex cubilibus errorum ac turpitudinum domos ornamentorum ac pulchritudinum reddidisti, ita omnibus quorum oculos caligo hæreticæ perversitatis obsedit lucem misericordiae tuæ ac veritatis infunde, ut Incarnationis tuæ magnum ac saluiferum sacramentum reserato tandem ac puro lumine contuentes, ita te ex sacrosancto illo immaculatæ Virginis utero editum mundo verum hominem esse intelligant, ut verum tamen Deum semper fuisse cognoscant.

## CAPUT II.

*Dissolvit objectionem sumptam ex illis verbis :  
Nemo anteriorem se parit.*

Ac priusquam de his rebus loqui incipio quas necdum libris superioribus prælibavi, æquum arbitror ut enitar exsolvere quæ jam ante promisi, ut expleta penitus sponsione, liberius de intactis dicere ordiar, cum de pollicitis satisfecero. Ait ergo ad destruendam sacræ nativitatis fidem sibilans in Dei Ecclesia novus coluber : <sup>a</sup> Nemo anteriorem se parit. Primum ergo te non solum quid dicas, sed etiam unde dicas, nescire arbitror. Si enim scires, aut intelligeres unde diceres, nequaquam unigeniti Dei nativitatem mortalis opiniunculæ ratione censes; neque ei qui extra conceptum humanæ originis natus est, humanis definitiunculis præjudicare tentares; aut terrenas impossibilitates divinæ omnipotentiae objiceres, si Deo impossibile nihil esse cognovisses. Nemo ergo, inquis, anteriorem se parit. Dic mihi, quæso, de quibus te loqui causis, de quorum animantium æstimas definire naturis? hominibus te an feris, avibus an pecudibus legem ponere putas? Ista enim sunt et alia hujusmodi, de qui-

bus hæc dici possunt. Nemo enim ex his anteriorem se gignere prævalet, quia ea quæ orta jam fuerint redire in id rursum non queunt, ut nova creatione generentur. Et ideo nemo anteriorem se parere, quoniam nec anteriorem gignere potest, quia non venit causa pariendi nisi ex possibilitate generandi. Tu ergo id in nativitate omnipotentis Dei, quod in ortu terrenorum animalium considerandum putas? et ei naturam humanæ conditionis objicis, qui est auctor ipse naturæ? Vides ergo, ut supra dixi, nescire te unde aut de quo dicas, qui facturas factori comparas, et ad æstimandam Dei omnipotentiam earum rerum exemplo uteris, quæ ipsæ utique non essent, nisi id ipsum ex Deo essent quod sunt. Deus ergo ut voluit, et quando voluit, et ex ea qua voluit, advenit. Nec tempus ei, nec persona, nec consuetudo hominum, nec exempla rerum præjudicaverunt; quia obsistere ei non potuit lex creaturarum, qui est creator ipse cunctorum. Et posse ei quod voluit promptum fuit, quia potestas adfuit voluntati. Vis scire aliquatenus quanta sit omnipotentia Dei? ego id etiam Dominum de creaturis suis facere posse credo, quod tu cum de se ipso facere potuisse non credis. Omnia enim animantia quæ posteriora se pariunt, si modo id Deus jubeat, <sup>b</sup> anteriora multo se parere possunt. Nam et cibi ipsi et pocula, si ea Divinitatis voluntas sit, in conceptus quosdam et progenies verti possunt. Aquæ denique ipsæ, quibus ab exordio rerum manantibus, et quibus admodum omnia animantia utuntur, corporari, si id Deus <sup>c</sup> jubeat, in visceribus et gigni possunt. Quis enim sacris operibus modum statuet, aut divinam providentiam circumscribet? aut <sup>e</sup> quis, ut scriptum est, dicit ei: *Quid fecisti* (*Isaïæ XLV*)? Si negas omnia Deum posse, nega anteriorem nasci ex Maria, Deo nascente, potuisse. Si autem impossibile Deo nihil

## ALARDI GAZÆI COMMENTARIUS.

<sup>a</sup> De hoc Nestorii axiomate aliquoties egimus in præcedentibus.

<sup>b</sup> Magno quidem miraculo id fieret, si fieret quod numquam factum legitur, ut animal quoddam aliud, quod prius exstitit, animal de novo gigneret ac produceret (quod esset antequam se parere, secundum verba Nestorii), non tamen Deo impossibili, nec tam admirabili, ac supernaturali quam est mysterium Incarnationis. Potest enim Deus idem numero corpus extinctum, immo in sua prima principia resolutum, restituere, ut certa fide credimus de resurrectione hominum. Potest et de lapidibus suscitare filios Abraham, et tam de aquis quam de cibis et potibus hominem vel quodvis animal producere; sicque cibi ipsi et pocula in conceptus quosdam ac progenies verterentur, ut hic dicitur. Et vertuntur sane etiam citra miraculum, etc., dum in substantiam aliti et in materiam sementinam naturaliter convertuntur, unde fetus et progenies nascuntur; qua ratione fit ut homo, vel quodcumque animal, anteriorem, id est, antiquiorem se gignere ac parere quodammodo videatur, dum id quod prius exstitit in aliam substantiam emergit. Qua etiam ratione aquæ, quæ ante hominem exstiterunt, et proinde anteriores homine sunt, in corpore hominis corporari, id est, in corpus animatum efformari queunt. At quomodo tunc aqua vel homo dicatur anteriorem vel antequam se parere, ut videtur Au-

tor indicare, certe non video, nisi aquas in tota specie accipiamus quæ ante hominem conditæ sunt, quod de cibis itidem ac potibus dici potest. At hæc exempla non multum urgere, satis perspicuum est; neque aliter a Cassiano prolata fuisse, nisi ut aliquatenus rem exponeret, et obiter ostenderet fieri posse per divinam potentiam ut posterior anteriorem se pariat, contra Nestorii axioma; proinde non esse Deo impossibile ut Maria anteriorem se Dei Filium pepererit, attestante angelo, quia non erit impossibile apud Deum omne verbum (*Luc. I*). Et ipso Salvatore dicente: *Pater, omnia tibi possible sunt* (*Marc. XIV*), quæ scilicet possible sunt absolute, seu quæ non implicant contradictionem, ut exponit S. Thomas (*Part. I, q. 25, art. 5*), post D. Augustinum lib. V de Civitate Dei cap. 10.

<sup>c</sup> Locus est Isaïæ, qui in Vulgata editione sic habet: *Numquid dicit lutum figulo suo, Quid facis, et opus tuum absque manibus est? Væ qui dicit patri, Quid generas? et mulieri, Quid parturis? Cui similis locus Jeremiæ XVIII: Numquid sicut figulus iste, non potero vobis facere, domus Israël? ait Dominus. Ecce sicut lutum in manu figuli, sic vos in manu mea, domus Israël. Quem locum imitatus Apostolus ad Romanos IX scribit: Numquid dicit figmentum ei qui se finxit: Quid me fecisti sic? Annon habet potestatem figulus luti ex eadem massa facere aliud quidem vas in honorem, aliud vero in contumeliam?*



est, cur ei impossibilitatem in suo ipso adventu A  
objicis, cui impossibile nihil in omnibus esse co-  
gnosceis?

## CAPUT III.

*Respondet ad illa verba : homoousios parenti  
esse debet nativitas.*

Secunda aut perversitatis tuæ vel calumnia bla-  
sphemia, vel blasphemia calumniatrix est, qua  
ais : *homoousios parenti debet esse nativitas. Non  
di-similis superiori ; verbis enim magis quam re et  
genere diversa est. Cum enim de nativitate Dei agi-  
tur, idem dicis, potentior ex Maria non potuisse  
nasci, quod superius, anteriorem non potuisse ge-  
nerari. Et ideo vel id quod supra dictum est (Vide  
cap. 13 lib. vi), etiam de hoc responsum puta ; vel  
id quod nunc dicendum est, etiam de illo respon-  
deri existima. Ais ergo : homoousios parenti debet  
esse nativitas. Si ad terrenas creationes respicit,  
vel maxime ita evenit. Sin autem ad ortum Dei,  
quid in nativitate ejus naturæ exempla consideras ?  
quia constitutiones constitutori sunt obnoxie, non*

## ALARDI GAZÆI COMMENTARIUS.

*a* Alterum Nestorii axioma, de quo in superiore  
libro actum est (Cap. 13) : ubi etiam parenti potius  
quam parenti approbatum.

*b* Innumerositas antea legebatur. At quid opus  
barbarie, ubi Latinitas suppetit? de hac porro co-  
turnicum numerositate divinitus immissa, sic in Nu-  
meris legitur : *Ventus egrediens a Domino, arreptans  
trans mare coturnices detulit, et demisit in castra, iti-  
nere quantum uno die confici potest, ex omni parte  
castrorum per circuitum, volabantque in nere duobus  
cubitibus in altitudine super terram. Surgens ergo popu-  
lus toto die illo, et nocte, et die altero congregavit  
coturnicam, qui parum, decem coros (Num. xi). Hec  
ibi. Continet autem corus triginta modios, secun-  
dum Hieronymum (In cap. iv Ezech.). Unde æstimari  
potest quam inexplicabilis fuerit illa numerositas  
coturnicum, si qui parum, seu minimum, e populo  
collegerat, decem coros ex eis impleverit. Unde in  
psalmo lxxvii comparatur hæc tam ingens copia pul-  
veri terræ, et arenæ maris, quæ numerari nequeunt.  
Pluit, inquit, illis sicut pulverem carnes, et sicut are-  
nam maris volatilia pennata ; et ceciderunt in medio  
castrorum, circa tabernacula eorum. Et manducave-  
runt, et saturati sunt nimis. Sciendum autem bis a  
Deo datum fuisse Hebræis cibum carnis, semel una  
cum manna, Exodi xvi : *Factum est ergo vespere, et  
ascendens coturnix, cooperuit castra ; mane quoque ros  
jacuit per circuitum castrorum, etc. Et rursus solius  
carnis, Num. xi. Et manna cum carnibus datum est,  
antequam aquæ educerentur de petra, sed cibus  
carnis solius datus est post illam educationem aquæ.  
Porro de coturnicibus, earumque proprietatibus  
multa scitu digna tradit Plinius lib. x cap. 25.**

*c* Qui manna dictus est, ducto vocabulo ab admi-  
ratione populi Israelitici, qui videns terram cooper-  
tam novo illo cibo, exclamans ait : *Man hu !* quod  
significat : *Quid est hoc ?* Unde Septuaginta Inter-  
pretes, prætermisso ipso nomine, solam posuerunt  
nominis interpretationem : *Τὸ ἔσθαι τοῦτο* ; quos secuti  
Flavius Josephus lib. iii Antiquitatum Judaic.  
cap. 1 : *Hebræi, inquit, hoc edule vocant manna.  
Man enim secundum nostrum vernaculum sermonem,  
percunctativa particula est, Quid est hoc ? interrogans.*  
Sic ipse. Dicitur autem manna cibus, vel panis cœ-  
lestis, quia e cœlo aereo pluebat : et panis angelo-  
rum, quia opera et ministerio angelorum fiebat : de

constitutionibus constitutor. Vis autem plenius scire  
quam non solum impiæ, sed etiam ineptæ sint hæc  
calumniæ tuæ, et non videntis penitus Dei omnipo-  
tentiam cantilenæ ? Dic mihi, quæso, tu, qui non  
nisi ex paribus paria nasci putas : unde inexplica-  
bilis illa quondam in eremo coturnicum numerosi-  
tas ad pastum Israeliticæ plebis repente nata sit  
(Num. xi) ? Non enim eas ante in aliquo loco a ge-  
nitricibus suis editas, sed subito adventu legimus  
illatas. *c* Cibus denique ipse ille cœlestis, unde per  
quadraginta annos in Hebræorum castra defluxit ?  
numquid mannam manna generavit (Exod. xvi) ?  
Sed hæc de vetustis rerum miraculis. Quid de no-  
vis ? *d* Paucis panibus ac pisciculis innumeras po-  
pulorum sequentium turbas Dominus Jesus Christus  
in eremo non semel pavit (Matth. xiv et xv). Sati-  
etatis ratio in cibis non fuit, quia esurientes causa  
invisibilis et arcana saturavit, præsertim cum plus  
multo superfuerit saturitati quam appositum fuerat  
esuritioni. Qua ratione hoc totum factum est, ut  
cum satietatem edentes caperent, etiam augmentis  
ineffabilibus cibus ipse ditesceret ? *e* Natum in Gali-

quo Sedulius præclare et consentanee huic loco ce-  
cinit (Lib. ii) :

Quid referam innumeras cœlesti pane catervas  
Angelicos sumpsisse cibos, nimisque superni  
Neclaris, aëria populum dulcedine pastum,  
In pluvii habuisse dapes, et in imbribus escas ?

Quod vero ait Christus, Joannis vi : *Non Moyses  
dedit vobis panem de cœlo*, intelligendum est de cœlo  
æthereo, quod proprie dicitur cœlum. De cœlo enim  
proprie esse dicitur, quod de cœlo ipso vero de-  
scendit ; quomodo Christus verus panis de cœlo de-  
scendit, ideoque verè cœlestis panis fuit. Manna  
vero illud non de cœlo, sed de aere pluerat, dice-  
baturque improprie panis de cœlo ; quemadmodum  
volucres cœli appellantur, sive quia aer ipse per  
catachresim cœlum dicitur ; sive quia quod alte de  
aere cadit, de cœlo cadere videtur. Ita Chrysosto-  
mus, et Augustinus in Joannem (Chrysost. hom. 44 ;  
August. tract. 25).

*d* De hoc miraculo egimus etiam superiore libro  
(Lib. vi c. 1). De quo iidem Sedulius, ipsum cum  
vetustis illis miraculis comparans, sic Evangelicam  
historiam illustrat :

Cumque dehinc populum sese in deserta secutum  
Ut typicus Moses, verusque Propheta videret  
Antiquam sentire famem, majoribus actis  
Antiquam monstravit opem ; tunc alite multa  
Carnis opima dedit : geminis modo piscibus auxit.  
Sufficiens tunc Manna pluit : modo panibus amplum  
Quinque dedit victum per millia quinque virorum.  
Cætera turba latet, numero nec clauditur ullo,  
Maxima parvorum legio, vel maxima matrum.  
Quoque magis stupeas, cophinos ablata repleant  
Fragmina bisseos, populisque vorantibus aucta,  
Quæ redit a cunctis non est data copia mensis.

Et infra de altero simili miraculo :

Pisciculis paucis, et septem panibus agmen  
Pavit enorme virum, præterque infirma secundi  
Sexus et ætatis, saturavit quatuor illic  
Millia vespertum : plus ut mireris, et auctas  
Disce fuisse dapes : epulas nutritivæ edendo  
Vulgus, et attritæ creverunt morsibus escæ.

*e* Scite in hymno ecclesiastico (Vide Joann. Chrysost.  
chlaum in explicatione hujus hym.) canitur :

Novum genus potentie :  
Aqueum cunctis, etc.



haec vinum de aquis legimus (Joann. ii). Dic mihi A quomodo disparem a sui qualitate substantiam dispar natura generavit? praesertim cum id quod Dominicae nativitati maxime convenit, nobilioris admodum rei ortus ex inferiore processerit? Dic mihi ergo quomodo ex illa aquae simplicitate egregius vini et admirabilis sapor natus sit? quomodo sit aliud haustum, aliud infusum? Numquid cisterna illa vel puteus hanc naturam habuit, ut aquas ex se sumptas in optima vina mutaret? Aut numquid vasorum id qualitas, aut ministrorum egit industria? nihil utique horum. Et quomodo facti ratio cogitatione cordis non comprehenditur, cum facti tamen veritas conscientiae firmitate servetur? <sup>a</sup> Cæco super oculos in Evangelio (Joann. ix) lutum positum est, et oculi abluto nati sunt. Numquid aut aqua hanc naturam habuit ut oculos pareret? aut lutum ut lucem crearet? nihil utique horum, praesertim cum aqua circo nihil conferat, lutum autem videntibus etiam obesse possit. Et quomodo res nocendi vim in se habens officium remedii ac salutis exhibuit; et quæ obesse sanis solet, quasi ministra tunc sanitatis fuit? Dicis itaque Dei hanc tribuisse virtutem, Dei praestitisse medicinam: et omnia hæc quæ diximus omnipotentiam penitus effecisse divinam, qui potens sit utique et ex insolitis nova condere, et ex contrariis salubria constituere, et ea quæ in impossibilitatibus atque in efficientiis sita sint, in rerum possibilitates effectusque mutare.

## CAPUT IV.

Deum sicut in rebus cæteris, ita in temporali ortu suo omnipotentiam suam declaravisse.

Idem ergo de ortu ipsius Domini, quod de rebus omnibus confitere. Crede Deum natum, ut voluit, quem non negas potuisse quod voluit: nisi forte virtutem, quæ ei ad alia omnia adfuit, ad seipsum aestimas defuisse; et ipsi ad nativitatem suam omnipotentia sua defuit, quæ ab eo procedens universa penetravit. Tu mihi in nativitate Domini, objicis: Nemo anteriorem se parit; et in partu, quo omni-

tens Deus natus est, dicis: Homoousios parienti debet esse nativitas: quasi vero cum quolibet hominum humanis legibus agas, cui impossibilitatem suam objicias, quem terrena infirmitate concludas. Communem omnium dicis conditionem esse nascendi, eandem legem esse generandi; non potuisse penitus in universitate generis humani uni tantum homini contingere, quod veluerit Deus omnibus provenire. Non intelligis de quo dicas, non vides de quo loquaris: quia auctor utique omnium conditionum et cunctarum lex naturarum est, per quem est, et quidquid homo potest, et quidquid non potest; quia ipse utriusque rei penitus modum statuit, et usquequo accedere facultas, et quo ulterius non progredetur infirmitas. Quam insane ergo tu ei impossibilitatem humanam objicis, cui possibilitas ipsa debetur? Si personam Domini terrenis infirmitatibus aestimes, et omnipotentiam Dei humanis rationibus metiaris, nihil utique, quod secundum corporeas ipsius passiones Deo congruum videatur, invenies. Si enim verisimile videri potest, ut Maria anteriorem se Deum parere non quiverit, quomodo verisimile erit, quod crucifixus ab hominibus Deus fuerit? et tamen idem qui crucifixus est, Deus ipse prædixit: <sup>b</sup> Si affiget homo Deum suum, quia vos affigitis me (Malach. iii). Si ideo natus ex Virgine Dominus non putabitur, quia anterior parienti fuerit, qui nascebatur: quomodo Deus sanguinem habuisse creditur? et tamen ad presbyteros Ephesiorum dicitur: Regite Ecclesiam Dei, quam acquisivit sanguine suo (Act. xx). Postremo, quomodo auctor vitæ privatus vita existimabitur? Et tamen Petrus, Auctorem, inquit, vitæ interfecistis (Actor. iii). Nemo in terris situs, in cælis esse potest: et quomodo Dominus ipse dicit, Filius hominis qui est in cælo (Joan. iii)? Si denique ideo natum ex Virgine Deum non putas, quia homoousios parienti debet esse nativitas: quomodo res dissimiles ex dissimilibus crediturus es substituisse naturis? Ergo apud te nec coturnices subito ventus intulit, nec manna decidit, nec vinum ex aqua prodiit, nec multa millia

## ALARDI GAZÆI COMMENTARIUS.

Vinumque jussu fundere  
Mutavit unda originem.

Nec possum etiam elegantes hæc de re Sedulii versus præterire (Carm. l. iii):

Prima suæ Dominus thalamis dignatus adesse  
Virtutis documenta dedit, convivæque præsens  
Pascere, non pasci veniens (mirabile), lusas  
In vinum convertit aquas: dimittere gaudent  
Pallorem latices: mutavit læsa saporem  
Unda suum, largita merum, mensasque per omnes  
Dulcia non nato rubuerunt pocula musto.  
Implevit sex ergo lacus hoc nectare Christus:  
Quippe ferax qui vitis erat, virtute colona  
Omnia fructificans, cujus sub tegmine blando  
Mitis innocuas (id est, immortales, aut perpetuas) enu-  
[trit pampinus uvas.

<sup>a</sup> Plerique interpretes existimant ideo lutum a Christo positum super oculos cæci nati (Joan. ix), quo nati appareret vis et magnitudo miraculi. Etenim si alia re minus visui contraria curavisset, videri potuisset non divina, sed naturali aliqua atque secreta medicamenti virtute curavisse (Maldon. in Comment.). Cum autem luto curaverit, quo nihil magis contrarium oculis est, credi non poterat natural

luti virtute, sed divina Christi potentia, curationem fuisse factam. Solet Deus hac de causa ad facienda miracula, rebus uti maxime contrariis. Nihil est, quod aquas magis amaras atque impotabiles reddat quam sal: quis enim marinas bibat aquas? Atqui Elisæus immisso in amaras aquas sale, dulces ac potabiles reddidit (IV Reg. ii). Quid tam contrarium extrahendo de aquis ferro, quam lignum; quod ipsum re alia extrahitur, necesse est? Elisæus tamen, injecto in fluvium ligno, fecit, ut ferrum securis, quod in flumen ceciderat, enataret (IV Reg. vi). Sic D. Hieronymus in cap. xxxviii Isaie, ubi dicitur Ezechias jussisse suis uceribus applicari massam ficuum vel ficorum: Aiunt, inquit, Hebræi verbum SENIX, quod prætermisere Septuaginta, ulcus sonare, non vulnus. Nam et Aquila, Symmachus, et Theodotio ἄλκος interpretati sunt, per quod morbum regium intelligi volunt: cui contraria putantur, vel sumpta in cibo, vel apposita corpori, quæcumque sunt dulcia. Ergo, ut Dei potentia monstraretur, per res noxias et adversas, sanitas restituta est. Ita Hieronymus.

<sup>b</sup> Sententiam hanc vide superius (Lib. ii, c. 3) explicatam.



hominum exiguo cibo pasta sunt, nec post lutum exco lumen apparuit. Quod si hæc omnia incredibilia utique et contra rationem videntur, nisi a Deo facta credantur, cur in nativitate ejus denegas, quod in operibus confiteris? Aut numquid præstare ortui suo adventuique non potuit, quod humanis remediis atque utilitatibus non negavit?

## CAPUT V.

*Argumentis, ex ipsa natura depromptis, docet, regulam illam adversariorum, qua statuunt hominibus parienti esse debere nativitatem, in multis fallere.*

Longum est de hac re et prope fabulosum, amplius dicere. Sed tamen ad confutandam ineptiam atque insaniam tuam, qua ais, quod hominibus pa-

## ALARDI GAZÆI COMMENTARIUS.

<sup>a</sup> De apibus, earumque so'ertia et industria juverit hic nonnulla tum ex sacris, tum ex aliis auctoribus elogia delibasse. In primis notandi duo Scripturæ loci insignes: prior ex Proverbiis cap. vi: *Vade ad apem, et discite quomodo operaria est: operationem quoque, quam venerabilem facit; cujus labores reges et idiotæ ad sanitatem afferunt. Appetibilis autem est omnibus, et clara, etiam cum sit robore infirma, sapientiam honorans evecta est* (Prov. vi secund. LXX). Qui locus quamvis neque in Hebræo, neque in vulgata editione contineatur, citatur tamen a Patribus et sententia Scripturæ, sicut altera, quæ de formica eodem Scripturæ loco habetur. Inter alios B. Basilii homilia 8 in Hexaëmeron, post recensitas aliquot apum proprietates: *Audiant, inquit, hæc Christiani, quibus lege sancitum est, nemini unquam homini reddere malum pro malo; sed malum vincere, superareque bono. Imitare mores apum peculiare, quæ nemini prorsus efficiens, nec alienos fructus dimolens, favos extruit, et compingit suos. Etenim ceram quidem a floribus aperte colligit: mel autem, humorem, qui speciem præfert roris, inspersum floribus, ore libatum, atque attractum, in caros favorum sinus immittit. Et intra: Pulchra decoraque laude a Proverbiorum auctore prædicata est apibus, sapiens operatrixque nuncupata: adeo pabulum diligenter, elaborateque congerens. Cujus labores, inquit, tam reges, quam privati homines ad tuendam sanitatem edunt. Adeo sapienter, adeo exacta, mira que arte apothecas mellis extruens atque fingens, etc. Similiter D. Ambrosius lib. v Hexaëmeron. cap. 21: Merito, inquit, quasi bonam operariam Scriptura apem prædicat dicens: Vade ad apem, et vide quomodo operaria est. Operationem quoque quam venerabilem operatur: cujus laborem reges, et medicos ad salutem sumunt. Appetibilis enim est omnibus, et clara. Audis quid dicat propheta? mittit utique te, ut apiculæ illius sequaris exemplum, imiteris operationem. Vides quam laboriosa, quam grata sit. Fructus ejus ab omnibus desideratur, et queritur, nec pro personarum diversitate discernitur; sed indiscreta sua gratia regibus pariter, ac mediocribus æquali suavitate dulcescit: Nec solum voluptati, sed etiam salutis est: fauces obdulcat, et curat vulnera, internis quoque medicamentum infundit ulceribus. Itaque cum sit infirma robore apibus, valida est vigore sapientiæ et virtutis. Et initio ejusdem cap. idem Ambrosius: Hoc, inquit, reipublicæ usus est, leges omnibus esse communes, atque observari ex devotione communi: uno omnes teneri vinculo; non alteri jus esse, quod alius sibi intelligat non licere: sed quod liceat, licere omnibus; et quod non licet, omnibus non licere. Esse etiam communem reverentiam patrum, quorum consilio respublica gubernetur; commune omnibus urbis domicilium, communis conversationis officium, unum præscriptum, omnibus unum esse consilium. Magna hæc: sed quanto in apibus præstantiora, quæ solæ in omni genere animalium, communem omnibus sobolem habent, unam omnes incolunt*

Ar entis nativitas esse debeat, id est, quod dissimilem sibi res quælibet parere non possit: etiam terrenarum rerum exempla proferam, quo ex dissimilibus nasci multa convincam. Non quod in tali re comparatio ulla aut fieri possit, aut esse debeat, sed ut non dubites in sacro ortu existere id potuisse, quod etiam in terrenis his et caducis videas provenire. <sup>a</sup> Apes, sicut minima admodum, ita prudentissima ac solertissima animalia, ex diversissimis edi legibus atque exire naturis. Cum enim sint miri ingenii animantia, et non solum sensu, sed etiam prudentia abundant, excerptis quibusdam herbarum floribus procreantur, Quod majus exemplum adhibendum, aut assumendum putas? <sup>b</sup> ex atomis animalia [ Lips. in marg. ex in-

<sup>B</sup> mansionem, unius patriæ clauduntur limine, in commune omnibus labor, communis cibus, communis operatio, communis usus et fructus est, communis volatus, etc. Hæc et plura D. Ambrosius, prædictam sententiam non modo ex Proverbiis Salomonis citans, sed etiam egregie et particulatim explanans. S. Hieronymus in cap. in Ezechielis: *Et in Proverbiis, ait, de ape dicitur, quamquam hoc Hebræa non habent exemplaria: Vade ad apem, et discite quomodo operatrix sit, et opus suum castum faciat, cujus laboribus reges et imperiti pro sanitate abutuntur. Et in epistola 4 ad Rusticum monachum, eandem spectans sententiam: Apum, inquit, fabricare alvearia, ad quas te mittunt Salomonis Proverbia, et monasteriorum ordinem ac regiam disciplinam in parvis discere corporibus. Ad eundem quoque locum alludere videtur Ecclesiæ, dum in benedictione cerei paschalis apiculam festive collaudat his verbis: Suscipe, sancte Pater, incensi hujus sacrificium vespertinum, quod tibi in hac cerei oblatione solemni, per ministrorum manus, de operibus apum sacrosancta reddit Ecclesiæ. Et postmodum, accenso cereo, subdit: Qui licet sit divisus in partes, mutuati tamen luminis detrimenta non novit. Alitur enim liquantibus ceris, quas in substantiam pretiosæ hujus lampadis apibus mater eduxit. Denique eodem spectat quod in officio B. Cæciliæ canitur: Cæcilia virgo, quasi apibus argumentosa Domino deservit. Alter locus Ecclesiastici xi: Brevis in volatilibus apis, et initium dulcoris habet fructus illius. Ubi initium posuit interpretes pro principatu, quia Græca vox ἀρχὴ utrumque significat. Habet enim mel, inter liquores, dulcoris principatum. Unde sacra Scriptura summam dulcedinem nomine mellis solet exprimere. Psalmo xviii: Dulciora super mel et favum. Psal. cxviii: Quam dulcia faucibus meis eloquia tua, super mel ori meo! Eccli. xxiv: Spiritus meus super mel dulcis, et hæreditas mea super mel et favum. Apocal. x: In ore tuo erit dulce tamquam mel. Denique præfert omnibus rebus quantumvis dulcibus, cum ait Judicum xiv: Quid dulcius melle? Plura de mellis dulcedine et utilitate apud Basilium et Ambrosium locis supra citatis.*

<sup>b</sup> Etsi alia lectio fortasse probabilior hic in margine ascripta habeatur, tamen hæc etiam non spernenda, nec respuenda visa est, quæ et Basileensi et Plantiniana editione probatur, et veritate itidem fulcitur. Vere enim ex atomis apes gignuntur, id est, ex minutissimis et tenuissimis succis vel flocculis florum. Est enim atomus individuum corpusculum, quod ultra dividi et secari non potest. Unde Lucretius atomos minores esse dixit corpusculis illis quæ infusus per fenestram radiis solis videmus; et Epicurus mundum ex suis atomis, id est, indivisibilibus corpusculis fabricatum existimavit, ut refert Aristoteles in libro de Ortu. Altera tamen lectio, in dixi, probabilior ac germanior apparet, quia et Auctoris scopo magis accommodata, et ad rem propositam magis expressa.



minimis animalia, ex insensibilibus sensibilia] nascuntur. Qui opifex illic, qui fabricator est, qui formator corporum, qui inspirator animarum? Sonum denique ipsum, quo inter se quasi loquuntur, quis dedit? Concomitates has pedum, artem orium [Lips. in marg. ingeniorum], elegantiamque pinnarum [Lips. in marg. pennarum] quis finxit atque composuit? \* Ingenium, iram, provisionem, motum, placiditatem, concordiam, dissensionem, bella, pacem, ordinationem, dispositionem, officia, principatus, omnia denique quæ sunt illis quasi cum humano genere communia, ejus doctrina, aut ejus munere, quo imbuente aut quo instituyente sumpserunt? Numquid hoc a paterno semine indeptæ sunt? aut in genitali utero, atque in

A materna carne didicerunt? † Nec uterum utique norunt, nec semen sciunt: depasti tantummodo flores in alvearia congeruntur; ex quibus inæstimabili opificio apes exeunt. Nihil illic genitricum viscera prolibus conferunt; neque apes ex apibus eduntur; operariæ sunt tantum, non procreatrices; ex herbarum flosculis animantia prodeunt: quid simile herbis et animantibus? quis fabricator igitur rerum istarum sit credo intelligis. I nunc et ambige, an potuerit nativitati suæ Dominus id tribuere, quod vides eum etiam factoris minimis præstitisse? Superfluum forte sit post hæc et alia addi aliquid: sed tamen etiam non necessaria ad exemplum, addantur ad enodulum.

\* Locustis repente subtexi aera, impleri terras vide-

#### ALARDI GAZÆI COMMENTARIUS.

\* Qui volet ista fusius tradita et explicata, legat Aristotelem l. iii de Generatione animalium, cap. 10 et lib. ix de Historia animalium, cap. 40; Varronem l. iii de Re Rustica cap. 16; Plinium lib. xi cap. 5 et sequentibus; denique Virgilium iv Georgicon, ubi elegantissime apum naturam proprietatesque describit. Pauca tamen ex Patribus insuper addo, non utilia tantum, sed et jucunda. Gregorius Nazianzenus Orati. ne 43: *Nunc sedulæ apes, solutis pennis, et relictis alvearibus, sapientiæ suæ documentum præbent, atque ad prata convolant, floresque diripiunt; ac partim cellulas elaborant, sexangulas, et inter se oppositas, non minus ad operis elegantiam quam ad securitatem; partim mel in horrea recondunt, atque hospiti suo dulcem fructum et inaratum proferunt: quemadmodum utinam nos quoque, qui Christi apiarium sumus, ac tale partim sapientiæ, partim industriæ et laboris exemplum acceperimus.* Ubi et Nicetas pulchre et copiose de hisdem. S. Ephrem in sermone quodam ascetico de Vita religiosa, monachum sic alloquitur: *Imi are apem, charissime, et admirabile ejus cerne mysterium, quo pacto illa ex variis sparsisque terræ floribus suum colligit opusculum.* In hoc ergo parvo ac vili animante solertiam magnam considera. Si enim omnes sapientes terræ cunctique orbis philosophi congregati fuerint, sapientiam illius edisserere nequaquam val bunt, etc. S. Ambrosius ubi supra: *Opus ipsum suave de floribus, de herbis dulcibus fundamina prima ponuntur. Quid enim aliud est savus, nisi quædam castrorum species? Quæ castra tantum possunt habere artis et gratiæ quantum habent crates favorum, in quibus minutæ ac rotundæ cellulæ connectione sui invicem fulciuntur? Quis enim architectus eas docuit hexagonia illa cellarum indiscreta laterum æqualitate componere, ac tenues inter domorum septa ceras suspendere, stipare mella, et intexta floribus horrea nectare quodam distendere? cernas omnes certare de munere: alias invigilare quærendo victui; alias sollicitam castris adhibere custodiam; alias futuros explorare imbres, et speculari cursus nubium; alias de floribus ceras fingere; alias infusum floribus rorem ore colligere: nullam tamen alienis insidiari laboribus et rapto vitam quærere; atque utinam raptorum insidias non timerent! Habent tamen spicula sua, et inter mella fundunt venenum, si fuerint lacessitæ, animasque ponunt in vulnere, ardore vindictæ.* Illeusque Ambrosius multis phrasibus ex Virgilio mutuatis. Cetera vide apud eundem. Similia habet D. Chrysostomus homilia 15 in Epistolam ad Ephesios cap. iv, quem metu prolixitatis prætereo.

† Aristoteles lib. v. de Animalibus (Cap. xxi), non constare dici quomodo apes generentur, aliis negantibus coire, sed al unde deportare feturam. Plinius item dubitanter hæc de apum genitura scribit (Lib. xi c. 19): *Fetus quonam modo progenerent, magna inter eruditos et subtilis questio fuit.* Apum enim coitus

B isus est numquam. Plures existimare oportere confici floribus compositis apte atque utiliter. Aliqui coitu ejus qui Rex in quoque appellatur examine. Sic ille. Verum alii id pro certo sumunt, apes absque coitu generare et generari, atque adeo virgines permanere; quod hic Cassianus ut compertum et vulgatum affirmat. Ita Virgilius in iv Georg.

Illum adeo placuisse apibus mirabere morem, Quod nec concubitu indulgent, nec corpora segues In venerem solvunt, aut fetus nivibus edunt: Verum ipsæ foliis natos, et suavis herbis Ore legunt; ipsæ Regem parvosque Quirites Sufficiunt, aulasque et cerea regna refigunt.

Et Virgilium imitatus haud dubie D. Ambrosius: *Communis, inquit (Ubi supra), omnibus generatio, integritas corporis virginalis omnibus communis, et partus; quoniam neque ullo concubitu miscetur; nec libidine resolvuntur, nec partus quatiuntur doloribus, et subito maximum filiorum examen emittunt, e foliis et herbis ore suo prolem legentes.* Rufinus Aquileiensis in Expositione symboli apostolici, similibus naturæ exemplis et argumentis cum Cassiano utens, probat non esse incredibile Virginem peperisse: *Quid enim, ait, mirum videtur, si Virgo conceperit, cum Orientis avem, quam phœnicem vocant, in tantum sine conjuge nasci vel renasci constet, ut semper et una sit, et semper sibi ipsa nascendo vel renascendo succedat? Apes certe nescire conjugia, nec fetus nixibus edere, omnibus palam est. Sed et alia nonnulla deprehenduntur uti hujusmodi sorte nascendi. Hoc ergo incredibile videbitur divina virtute ad totius mundi redintegrationem factum, cujus exempla etiam in animalium nativitate cernuntur? Sic ille apposite ad hunc locum. D. Augustinus lib. xv de Civitate, cap. 27, de minutis animalibus agens: *Alia, inquit, sunt quæ de quibusque rebus sine concubitu ita nascuntur, ut postea concumbant, et generent, sicut muscæ; alia vero in quibus nihil sit maris, vel feminae, sicut apes.* Petrus Damiani, cardinalis Ostiensis, Epistolarum l. ii epistola 18: *A es sicut sunt immunes a coitu, ita etiam nullatenus corrumpuntur in partu; et sicut in conceptu sexus sexui non miscetur, sic in edendis fetibus nequaquam virginalis integritas violatur. Non enim vulva, sed, ut ita loquar, bucca sobolem procreant, et illibatæ prorsus et integre ab omni corruptelæ contagio perseverant. Nam ore filias e foliis legunt, et sic successive posteritatis examen emittunt.* Sic ipse. Porro apes etiam ex bubulis carnibus et fimo nasci vulgatum est. Unde Virgilius (In fine iv Georg.) *Aristæum quemdam pastorem fingit, qui primus amissas apes, jugulatis aliquot bonum jugis, reparavit.* Et Plinius: *Sunt, inquit, qui putent in totum amissas reparari ventribus bubulis recentibus cum fimo obrutis; Virgilius juvencorum corpore exanimato. Plura de apibus vide apud Thomam Cantipratanum in suo Apiario.**

\* Locusta satis notum animalculum de genere in-



mus. <sup>a</sup> Prode earum semina, prode ortus, prode A generatrices. Inde enim, ut vides, exeunt, unde nascentur. Præscribe his rebus omnibus, quod hominibus parienti esse nativitas sua debeat. Et tam invenieris in præscriptionibus his ridiculus, quam

# ALARDI GAZELI COMMENTARIUS.

sectorum. humiliter plerumque et saliendo volitans; unde et Gallie nomen habet *Sauterelle*. In Africa et Syria majore corpore nascuntur, firmioribusque alis; tanta autem copia, ut herbas messis sue omnes aut erodant, aut tactu adurant. Quin etiam et maria transvolare dicuntur, et, assumptis domesticis omnibus, externa pabula querere, non sine infanto eorum præsidio ad quos pervenerint. *Ἀσπίδες* idcirco Græci vocant, vel quod summitates frugum et arborum depascantur, vel, ut vult Isidorus (*Etymol. lib. xii cap. ult.*), quod longis pedibus et quasi hastatis sint: unde et hastigones vocentur. D. Basilus homilia 8 in Hexaëmeron: *Quonam pacto, inquit, tibi militias exercitusque locustæ terribiles enarravero, quæ, velut agmine facto, sub una tessera in sublimi universa simul elata, castris toto late positis agro, non antea sane fructus depascitur quam ipsi sit a Deo concessum atque mandatum, etc.* S. Ambrosius lib. v Hexaëmeron cap. 25: *Usque ad locustam quoque gratia divina penetravit, quæ cum agmine confecto regionis cujusque occupaverit latitudinem, innoxio primum fertur habitaculo, nec fructus inhospitali incursione depascitur, nisi divinæ signum præceptionis acceperit. Etenim sicut in Exodo legimus (Exod. x), ea quoque cælestis ultionem offensionis exsequitur, piæ ministra vindictæ. Hanc quoque avis devorat seleucis (sic enim Græco avis hæc nuncupatur nomine) data ad remedium malorum quæ locusta consuevit inferre; cui Creator inexplebilem dedit devorandi naturam, ut insatiabili pastu plagam quam supra diximus possit extinguere. Sic Ambrosius. Locus autem ille Exodi est cap. x, ubi inter plagas Ægypti octava recensetur plaga locustarum, his verbis: *Extendit Moyses virgam super terram Ægypti; et Dominus induxit ventum urentem tota die illa, et nocte; et mane facto ventus urens levavit locustas, quæ ascenderunt super universam terram Ægypti, et sederunt in cunctis finibus Ægyptiorum innumerales, quales ante illud tempus non fuerant, nec postea futurus sunt. Operueruntque universam superficiem terræ, vastantes omnia, etc.* D. Hieronymus in cap. ii Joëls: *Etiam, inquit, nostris temporibus vidimus agmina locustarum terram texisse Judæam, quæ postea misericordiam Domini inter vestibulum et altare (hoc est, inter crucis et resurrectionis locum) sacerdotibus et populis Dominum deprecantibus atque dicentibus: Parce populo tuo, vento surgente, in mare primum et novissimum præcipitata sunt. Cumque littora utriusque maris accervis mortuorum locustarum, quas aquæ evomerant, implerentur; putredo eorum et fetor in tantum noxius fuit, ut aerem quoque corrumpere, et pestilentia tam jumentorum quam hominum gigneretur. Denique Augustinus lib. iii de Civitate cap. 31: *Locustarum, inquit, in Africa multitudinem prodigii similem fuisse, cum jam esset populi Romani provincia, litteris mandaverunt: consumptis enim fructibus foliisque lignorum, ingenti atque inæstimabili nube in mare dicunt esse dejectam. Qua mortua, redditæque littoribus, atque hinc aere corrupto, tantam ortam pestilentiam dicunt, ut in solo regno Massinissæ octingenta hominum millia periisse referantur, et multo amplius in terris littoribusque proximis. Hæc Augustinus. Cladem autem istam a locustis illatam referunt etiam Livius lib. ix, Orosius lib. v cap. 11, Eutropius lib. 5.***

<sup>a</sup> Prodit quidem Aristoteles lib. v de Historia animalium cap. 19 (*Et lib. vi de Generat. animal. c. 16*) ubi hæc de insectis: *Procreantur porro insecta aut ex animalibus generis ejusdem, ut phalangia et aranei ex phalangis et araneis, ut bruci, locustæ, cicadæ. Et*

tunc es in neganda Domini nativitate furiosus. Et quid post hæc? Numquid progredi nos debere ultra vel tu ipse existimas? Adhuc addimus tamen aliquid: <sup>b</sup> ex ovis volucrum, quas in Ægypto ibes vocant, basiliscos serpentes gigni indubitabile est. Quid cognat

ejusdem libri cap. 17 latius de locustis et earum partu disserit. Prodit et Plinius lib. xi cap. 29 de locustis agens: *Pariunt, inquit, in terram, demisso spinæ caule, ova condensa, autumnii tempore, etc.* Et intra: *Coitus locustarum, qui et insectorum omnium quæ coeunt, marem portante femina.* Hæc Plinius. At hic non de ordinaria et naturali, sed extraordinaria, et si non supernaturali et miraculosa, certe prodigiosa locustarum generatione agitur, qualis haud dubie illa Ægyptiaca; quæ et alia a D. Hieronymo commemorata, et id genus aliarum, quarum semina, ortus, generatrices, ut hic habetur, quis prodat, quis manifestet, et palam faciat in his hominibus esse parienti nativitatem? hoc est quod voluit Auctor.

<sup>b</sup> Simile quiddam legitur Isaïæ lix, quo respexisse videtur Auctor: *Ora, inquit, aspidum ruperunt, et telus aranæ texerunt: qui comederit de ovis eorum, morietur; et quod confotum est, erumpet in regulum; ubi D. Hieronymus tam ex Hebræo quam ex Græco vertit ova aspidum, ut et ceteri interpretes, cum Chaldaeo paraphraste. In sequentibus vero varias affert expositiones: Qui comederit, inquit, de ovis eorum, hoc est, qui consiliis eorum acquieverit, quomodo Abel acquievit Cain dicenti: Transeamus in campum, statim interficietur; sive, ut Septuaginta transtulerunt: Qui voluerit de ovis eorum comedere, conterens invenit putridum, et in ipso regulum. Qui enim prima fronte deceptus, ova putaverit gallinarum et aliarum volucrum, quarum esus innoxius est, si fregerit antequam comedit, statim putorem teterrimum fetoremque cognoscet; et quod confotum est, inveniet regulum; sive, juxta Symmachum et Theodotionem, aspidem. Aquila autem viperam posuit. Ita Hieronymus. Quod ergo ibi de aspide ejusque ovis dicitur, hoc tribuit Cassianus ibi, seu ibidi: unde videri possit, et non levis suspicio est, pro ovis aspidum legisse, vel ab alio audisse, ova ibidum, errore admodum proclivi ex tanta vocum vicinitate: vel certe dicendum quod hæc eadem proprietates etiam ibidi a natura insit, ut ex ejus ovis confolis et calefactis regulus sive basiliscus erumpat, quod Cassianus tam indubitanter affirmat, ut vel ex sacræ Scripturæ auctoritate, vel ab explorata probataque hominum fide et experientia, comperisse videatur. Est autem ibis, de qua hic agitur, avis soli Ægypto peculiaris, quæ serpentibus vescitur: de qua Cicero lib. ii de Natura Deorum: *Ibes, inquit, maximam vim serpentum conficiunt, cum sint aves excelsæ, duris cruribus, corneo proceroque rostro; avertunt pestem ab Ægypto, cum volucres angues ex vastitate. Libyæ vento Africo invecas interficiunt atque consumunt; ex quo fit ut illæ vivæ nec morsu noceant, nec odore mortuæ. Et rursum in Tusculanis (Lib. v): Ægyptiorum morem quis ignorat? quorum imbutæ mentes pravitate erroribus, quamvis carnificinam prius subierint, quam ibim, aut aspidem, aut crocoditum violent. Plinius item lib. x c. 28: *Invocant Ægyptii ibes suas contra serpentium adventum.* Et cap. 30: *Ibis circa Pelusium tantum nigra est, cæteris omnibus locis candida, quod ex Aristotele sumptum est (Lib. ix de Animal. cap. 27). Denique Isidorus Etymologiarum lib. xii cap. 7: Ibis avis Nili fluminis, quæ semetipsam purgat rostro in altum aquam fundens. Hæc serpentium ovis vescitur, ex eis escam gratissimam nidis suis deportans. Hæc de ibi, ejusque proprietatibus. Basiliscus vero serpens, qui Latine regulus dicitur, solo aspectu homines necans, de quo itidem Hieronymus (In cap. xiv Isaïæ): *Regulus, inquit, quem Græci vocant basiliscum, cujus aspectum nulla avis potest illæsa transire; sed****



tum et consentaneum avi atque serpenti? Cur hominibus parienti nativitas sua non est? Et tamen hæc omnia nec gignentibus agunt, nec nascentes sciunt; sed fiunt latentibus causis et inexplicabili quadam atque multiplici gignentis lege naturæ. Et tu ejus nativitati terrenarum opinionum præscriptioneulas objicis, qui ne earum quidem nativitatum rationem reddere potes, quæ nutu ipsius ac præceptione nascuntur, ejus arbitrium totum agit, ejus imperium totum efficit: cui nihil contraire, nihil obsistere po-

luit; et ad totum, quod possibilitate agendum erat, velle sufficit.

## CAPUT VI.

*Aliud Nestorii argumentum, quo Christum Adamo per omnia parem efficere contendebat, refellit.*

Sed tempus tandem est ut reliquas etiam occultiores atque insidiosiores blasphemias tuas, quia, quod maluissemus, jam ignorare non possumus, saltem, ne ignorantes capiant, detegamus. <sup>a</sup> Posuisti in qu-

## ALARDI GAZÆI COMMENTARIUS.

quamvis procul fuerit, ejus ore sorbetur, id est, afflatu perimitur. In hoc porro tam insolitæ generationis exemplo hic commemorato, duplex elucet naturæ miraculum, Nestoriano axiomati contrarium: quod avis serpentem, ibis innoxia et veneni experta basiliscum venenosissimum atque nocentissimum e suis ovis procreet gignatque, ut hic dicitur; congrua nimirum alimenti, id est, serpentum, quibus vescitur, virulentia in sementinam materiam profluente, ut ex Ciceronis sententia colligitur; unde consentaneum sit virulentum animal aliquando prodire. Ubi tantum abest ut hominibus sit fetus parienti, ut aiebat Nestorius, quin potius toto genere ab ea distet. Quis enim nescit aliud esse genus volatilium, aliud reptilium? Simile adagium etiam apud Isaiam legitur cap. xiv de radice, id est, de semine, ut Septuaginta verterunt, seu, quod idem est, de ovo colubri egreditur regulus, et semen ejus absorbens volucrum. Quod si secundum proprietatem vocum et naturæ veritatem intelligatur, aliud itidem heterogeniæ generationis exemplum suppeditat. Nam coluber et regulus baud dubie heterousia sunt, et specie differunt. Cæterum nemo attentus non animadvertit hæc exempla nihil aut parum ad rem facere, et potius ad hominem producta esse et responsa Nestorio. Cum enim iste ex suo illo axioma probaret Christum non esse Dei Filium, et proinde Mariam Christiparam, non Deiparam, esse appellandam, quia homo Deo hominibus esse non possit, nec Deus homini; hujusmodi exempla opposuit Cassianus, ut ostenderet etiam heterogenia et heterousia ab heterogeniis et heterousiis generari; ac proinde falsum esse ejus fundamentum, nec quidquam ex eo concludi. At revera Christum ut hominem matri suæ homini hominibus esse, sicut eundem ut Deum æterno Deo Patri consubstantialem esse, nullus negat, nisi Arius, Nestorius, et id genus hæretici. Proinde etiam hic citra periculum admitti potest axioma Nestorii, ut superius ostensum est; quod tamen in quibusdam patitur exceptionem, ut exemplis a Cassiano productis liquet.

<sup>a</sup> Incertum quo. Multos enim hujusmodi tractatus et libros edidit Nestorius, blasphemias refertos, de quibus Gennadius Massiliensis ita scribit (*Lib. de Eccles. Script. c. 53, sive in Catal. Illustr. Virorum*): Nestorius (alias Nestor) hæresiarches, cum in Antiochena Ecclesia presbyter in docendo insignis ex tempore declamator haberetur, composuit infinitos tractatus diversarum hypotyposeon, in quibus jam tunc subtili nequitia infudit postea predictæ impietatis venena, quæ moralis interdum occultabat suadela. Postquam vero, eloquentia ejus et abstinencia commendante, Constantinopolitaneæ Ecclesiæ pontificatu donatus est, apertum se Ecclesiæ hostem, quem diu celarat, ostendens, scripsit librum de Incarnatione Domini, sexaginta et duobus divinæ Scripturæ testimoniis præo sensu suo constructum; in quo quid asseveraverit, in Catalogo hæreticorum demonstratur. Ita Gennadius. Quem vero Catalogum hæreticorum hic intelligat, non video, nisi quem ipse designat, et inter sua opera recenset in extremo libro de Viris Illustribus ubi ait: Ego Gennadius Massiliæ presbyter, scripsi adversus

omnes hæreses, libros octo, et adversus Nestorem libros sex, et adversus Pelagium libros tres, etc. Quæ tamen verba non esse ipsius Gennadii, sed ab alio adjecta nonnulli censent (*Possevin. in Appar.*). Neque hic Catalogus jam exstare videtur. Porro de hujusmodi Nestorii scriptis eorumque pestifera promulgatione agens Baronius in Annalibus (Anno 420): Nestorius, inquit, quam promulgasset hæresin Constantinopoli, cupiens per totum orbem amplioribus spatiis dilatari, omnes quibus pollebat, vires impendit, quo ista posset implere; parum enim sibi visus in ipsa primaria urbe novam hæresin promulgasse, ad eam latius diffamandam sua scripta ad diversos dedit, et inter alios ad Ægypti monachos, quos ut deciperet, se non nisi Nicænæ fidei professorem esse ostentans, nihil se nisi ex Nicæni concilii præscripto docere, fraudulenter suis litteris præ se ferebat: ex quo factum est ut nonnulli ex eisdem Ægypti monachis ipsius errori consenserint. Hæc quidem omnia Cyrillus ipse testatur (*Epist. 1*). Porro non litteras tantum ad diversos Nestorius sparsit, sed et libros ejusdem hæresis defensores dedit; quos etiam per Antiochum, virum illustrem, ad Cælestinum pontificem misisse, idem qui accepit ipse Cælestinus papa testatur (*Epist. 5*). Quales autem ii essent, quæ de iisdem Nestorii libris postea per visum demonstrata fuerunt sanctissimo Anachoretæ, declarant, quæ hic adducemus in medium ex Sophronio rem gestam, ut se habuit, describente his verbis (*Prat. spirit. c. 66*): Accessimus ad abbatem Cyriacum presbyterum Lauræ Cælomonis juxta sanctum Jordanem, narravitque nobis dicens: Die quodam vidi per somnium mulierem, honesta facie, purpura indutam, et cum ea viros duos, et ipsos venerando habitu et aspectu præclaro. Arbitratus sum mulierem illam esse Dominam nostram, sanctam Dei Genitricem; duosque viros, qui cum ea erant, S. Joannem Baptistam et S. Joannem theologum et evangelistam. Egressusque de cella, rogabam illam ut ingrederetur; quæ non accessit. Permansi ergo diutius orans et obsecrans, dicens: Ne, quæso, avertatur humilis factus confusus, et alia plurima hujusmodi. Illa igitur, ut me videri instare precibus, eandemque postulationem iterare, severius mihi respondit, dicens: Habes intra cellam inimicum meum, et vis ut ingrediar; et, his dictis, abscessit. Vigilans autem affligi cæpi, et cogitabam numquid in mentem peccatum contra illum admissem; neque enim aliquis alius in cella mea, nisi ego solus. Diutius igitur meipsum discutiens, nihil inveni quod in illam peccassem. Cum vero vidissem me nimio mœrore absorberi, surgens cepi librum ut legerem, quo per hujusmodi lectionem dolorem meum cogitationesque repellerem; librum autem illum multo acceperam a B. Eusychio presbytero Hierosolymitanæ Ecclesiæ. Evolvensque librum, inveni duos Nestorii libros in fine voluminis scriptos, moxque agnovi hunc esse inimicum illum sanctæ Domine nostræ Dei Genitricis semperque virginis Mariæ. Tunc surgens abii, librumque illi qui eum mihi accommodaverat reddidi, dicens illi: Accipe librum tuum, frater, neque enim ex eo tantum utilitatis accepi quantum detrimenti. Cum ille vero detrimenti ipsius causam sciscitaretur, omnem illi rei ordinem reuli. Qui zelo succensus, protinus duos illos Nestori libros ex volumine præcidit



dam pestifero tractatu tuo, dicens : Quoniam divinæ naturæ imago est homo, hanc autem projecit diabolus in corruptionem, doluit sicut pro imagine sua Deus, sicut pro statua sua imperator, et corruptam reparat imaginem ; et sine semine formavit de Virgine naturam, secundum illum qui sine semine natus est Adam, et per hominem humanam naturam suscitavit ; *quoniam enim per hominem mors, ideo et per hominem resurrectio mortuorum* (I Cor. xv). Veneficorum quorundam, ut aiunt, consuetudo est ut in poculis quæ conficiunt venenis mella permisceant, ut dulcibus nocitura celentur ; et dum quis mellis dulcedine capitur, veneni peste perimatur. Ita ergo et tu, dicens : Divinæ naturæ imago est homo : hanc autem projecit diabolus in corruptionem ; doluit sicut pro imagine sua Deus, sicut pro statua sua imperator : <sup>a</sup> ora quodammodo poculi pestilentis dulcedine quadam et quasi melle circumlinis ; ut haurientes ingestum poculum homines, dum illecebrosa degustant, perniciose non sentiant. Dei nomen objicis, ut religionis nomine mentiaris ; sancta præmittis, ut perversa persuadeas ; et confitendo Deum id efficias, ut eum ipsum neges, quem confiteris. Quis enim non videt quo eas, quid moliaris ? Dicis quippe : Doluit sicut pro imagine sua Deus, sicut pro statua sua imperator, et corruptam reparat imaginem, et sine semine formavit de Virgine naturam, secundum illum qui sine semine nascitur Adam, et per hominem humanam naturam suscitavit ; *quoniam enim per hominem mors, ideo et per hominem resurrectio mortuorum*. Hoc ergo tanto studio, hoc tanto actu prælocutionibus blandis fallax insidiator egisti, ut Deum in præcedentibus nominans, ad hominem in consequentibus pervenires ; et cum ipsum solitarii hominis contumelia post afficeret, cui subdole humilitatis officio honorem Dei ante detulisses. Dicis ergo quod imaginem Dei, quam diabolus projecit in corru-

ptionem, pietas divina reparavit : Corruptam enim, inquis, reparat imaginem. Jam hoc quam subdole quod ais, corruptam reparat imaginem, scilicet, ut persuadeas nihil plus fuisse in eo in quo imago reparabatur, quam in ea ipsa imagine fuerit cui reparatio præstabatur. Ac per hoc idem tantummodo vis esse Dominum quod Adam ; nihil plus imaginis reparatorem quam ipsam imaginem corruentem. Denique quid agas, quid moliaris, sequentibus probas, dicens : Sine semine formavit naturam secundum illum qui sine semine nascitur Adam, et per hominem humanam naturam suscitavit. <sup>b</sup> Similem in omnibus et parem Adæ Dominum Jesum fuisse asseris : illum utique sine semine, et hunc sine semine ; illum hominem solum, hunc hominem solitarium. <sup>B</sup> Ac per hoc vides te diligenter cavisse ac prospexisse ne Dominus Jesus Christus aut major in aliquo Adamo, aut forte melior putaretur ; cum ita eos sibi mensuris paribus comparaveris, ut derogaturum te quodammodo Adæ aliquid crederes, si eidem quidpiam prætulisses.

## CAPUT VII.

*Hæretici dogmata sua divinæ Scripturæ pectus tegere consueverunt.*

*Quoniam enim, inquis, per hominem mors, ideo et per hominem resurrectio mortuorum.* Etiamne apostolico testimonio perversitatem ac scelus probare niteris ? et contagione impietatis tuæ Vas electionis infamas ? videlicet, ut, quia a te auctor salutis tuæ non intelligitur, idcirco etiam Apostolus Deum negasse videatur. Et tamen, si Apostolicis testimoniis uti placebat, cur uno ejus contentus cuncta siluisti, et hoc non subdidisti statim : *Paulus apostolus ab hominibus neque per hominem, sed per Jesum Christum* (Galat. 1) ? aut illud : *Sapientiam loquimur inter perfectos* (I Cor. 11) ? et post alia : *Quam nemo, inquit, principum sæculi hujus cognovit. Si enim cognovissent,*

## ALARDI GAZÆI COMMENTARIUS.

*eosque igni tradidit, dicens : Non manebit in cella mea Dominæ nostræ sanctæ Dei Genitricis semperque virginis Mariæ inimicus* Hæc ibi. Ejusmodi namque fuerunt libri illi, quos (ut diximus) per diversas orbis partes Nestorius divulgavit ; quorum blasphemias idem, qui supra, Cyrillus seorsim collegit et confutavit. Hactenus ex Baronio et auctoribus ab eo citatis.

<sup>a</sup> Melius fortasse oras legeretur, juxta illud Luperetii a D. Hieronymo relatum in epistola ad Cæsiphontem :

Ac veluti pueris absinthia tetra medentes  
Cum dare conantur, prius oras pocula circum  
Contingunt dulci mellis flavoque liquore.

Quibus versibus D. Hieronymus Rufinum perstringens, qui, hac fraude usus, in libro quem de Monachis scripsit multos Origenistas intersevit, mox subdit : *Ita ille unum Joannem in ipsius libri posuit principio, quem et catholicam et sanctum fuisse non dubium est, ut per illius occasionem ceteros quos posuerat hæreticos Ecclesiæ introduceret. In eandem sententiam Gregorius Nazanzenus (Lib. de Fide sive Orat. 49) : Ut solet, inquit, lethale poculum mellis dulcedine temperatum suavitate fallente, perimere ; sic et hoc malum (hæresis), per blandimenta aurium, audientium sensus quodam labe contaminans, contagione adhærente inficit. Et eadem similitudine usus*

Theodoretus (In præmio lib. 1 Hæret. Fab.) : *Cum homines inquit, sua operatione dignos elegisset (diabolus), et tamquam melle quodam os poculi illivisset, exiit ille mendacii venenum hominibus obtulit. At multo expressius Vincentius Lirinensis in Commonitorio (Cap. 33) : Tanto, inquit, magis cavendi ac pertimescendi sunt hæretici, quanto occultius sub divinæ legis umbraculis latitant. Sciunt enim fetores suos nulli forte cito esse placenturos, si nudi et simplices exhalentur ; atque idcirco eos cælestis eloquii velut quodam aromatico aspergunt, ut ille qui humanum facile despiceret errorem, divina non facile contemnat oracula. Itaque faciunt quod hi solent qui parvulis austera quadam temperaturi pocula, prius oras melle circumlinunt, ut incauta cetas, cum dulcedinem præsensierit, amaritudinem non reformidet. Quod etiam his cura est qui mala granina et noxios succos medicaminum vocabulis præcolorant, ut nemo scire, ubi supra scriptum legitur remedium, suspicetur venenum. Vide eundem cap. sequenti ejusdem libri, et Irenæum l. iii adversus hæreses cap. 19.*

<sup>b</sup> Alia hæresis Nestorii, nihil amplius Christo Domino quam Adamo tribuentis, et utrumque æquantis : quæ tamen in illa primaria et principali includitur, qua Christum non nisi purum et solitarium hominem asserebat.



numquam Dominum majestatis crucifixerunt (*Ibid.*)? vel illud : Quoniam in ipso habitat omnis plenitudo divinitatis corporaliter (*Coloss. ii*)? et : Unus Dominus Jesus Christus, per quem omnia (*I Cor. viii*)? An in parte Apostolum probans, in parte reprobens, in eo tantum eum recipis, in quo pro dispensatione hominem Christum nominat; in eo repudias, in quo Deum? Paulus enim hominem Jesum non negat; sed Deum tamen eundem hominem confitetur : et ita humano generi per hominem resurrectionem venisse prædicat, ut in homine tamen ipso Deum resurrexisse confirmet. Vide enim, an eum, qui resurrexerit, Deum prædicet, qui eum, qui crucifixus est, Deum majestatis esse testatur?

## CAPUT VIII.

*Solum imaginem deitatis Christo tribuunt hæretici, ideoque cum Deo, non uti Deum honorandum asserunt.*

Sed tamen, ne Dominum Jesum quasi unum de plebe crederes, dedisti ei aliquid dignitatis, tribuens ei honorem ut sancto homini, non divinitatem vero homini ac vero Deo. Quid enim dicis? Formavit Deus Dominicam Incarnationem : <sup>b</sup> theotoci formam honoremus cum Deo, sicut unam formam deitatis, sicut divinæ voluntatis inseparabilem statuam, si ut imaginem latentis Dei. Superius imaginem Dei Adam esse dixisti, hic Christum imaginem dicis : illum statuam, et hunc statuam. Sed gratiæ videlicet tibi pro honore Dei agendæ sunt, quod theotoci formam honorandam cum Deo esse concedis : in quo non

A tam honor est, quam injuria. Neque enim in hoc ipso tribuis Domino Jesu Christo honorem divinitatis, sed negas : Subtili quippe impietatis arte honorandum cum Deo dicis, ne Deum esse fatearis : et hoc ipso, quo videris eum fallaciter conjunxisse, disjungas. Nam cum utique eum non ut Deum colendum, sed quasi cum Deo honorandum esse blasphemus, ideo ei tribuis divinæ vicinitatis conjunctionem, ut deitatis auferas veritatem. Impiissime et callidissime hostis Dei, peragere vis scelus negantis, sub nomine confitentis. Honoremus, inquis, sicut divinæ voluntatis inseparabilem statuam, sicut imaginem latentis Dei. Profecit videlicet apud nos, per beneficia sua, honor Creatoris ac Redemptoris nostri Domini Jesu Christi. Si ideo ab eo de æterno interitu redempti sumus, ut Redemptorem nostrum statuam diceremus : digno videlicet obsequio, digno cultu respondere benignitati ac pietati illius nitimur, si majestatem, quam ille propter nos humiliare non regebat, nos etiam auferre conemur.

## CAPUT IX.

*Errare illos, qui Christi ortum occultum fuisse dixerunt; cum etiam patriarchæ Jacob manifeste demonstratus fuerit.*

Sed excusas videlicet illatam Domino contumeliam subditi honoris officio, dicens : tamquam imaginem latentis Dei. In hoc, quod imaginem dicis, humanæ eum comparas conditioni. In hoc, quod latentis Dei, certissimæ derogas dignitati. <sup>c</sup> Deus enim, inquit

## ALARDI GAZÆI COMMENTARIUS.

<sup>a</sup> Attende in Nestorio commune hæreticorum ingenium, et antiquum artificium in pervertendis, truncandis, et ad suos sensus detorquendis Scripturis sæpenumero a Patribus notatum. Tertullianus lib. de Præscriptionibus adversus hæreticos : *Hæresis, inquit (Cap. 17), non recipit quasdam Scripturas, et si quas recipit, adjectionibus et detractionibus ad dispositionem instituti sui intervertit : et si recipit, non recipit integras : et si aliquatenus integras præstat, nihilominus diversas expositiones commentata convertit.* S. Cyprianus lib. de Unitate Ecclesiæ : *Corruptores Evangelii atque interpretes falsi extrema ponunt, et superiora prætereunt, partis memores et partem subdole comprimantes. Ut ipsi ab Ecclesia scissi sunt; ita capituli unius sententiam scindunt (Vide ibi Pamelii notam).* D. Augustinus hæresi 46 scilicet Manichæorum : *Ipsius, inquit, novi Testamenti scripturas ita legunt, ut, quod voluerint, inde accipiant; quod nolint, rejiciant. Et hæresi 70 : Priscillianistæ, inquit, hoc versutiores Manichæis, quod nihil scripturarum Canonicarum repudiant, simul cum apocryphis legentes omnia et in auctoritate sumentes : sed in suos sensus allegorizando vertentes, quidquid in sanctis libris est, quod eorum evertat errorem.* De hac eadem hæreticorum fraude latius disserit Epiphanius, hæres. 42.

<sup>b</sup> Theotoci, id est, a Deo geniti, a θεότοκος, non θεοτόκος : de quorum discrimine alias egimus (*Ad lib. v cap. 2*). Impius siquidem Nestorius, cujus hæc sunt verba, duas in Christo constituens personas, et ex consequenti duos filios, alterum hominem, alterum Deum; hominem illum subinde vocabat theotoci, id est, filii Dei formam, statuam, imaginem, organum et his similia, ut ex præcedentibus liquet, unde statim hic exponit : *Imaginem Dei latentis*; quamvis alias eundem etiam θεοδόχον, id est, Dei susceptorem et hospitem appellaret : et utraque ra-

C tione theotoci formam cum Deo honorandam et adorandam prædicabat. Quare merito ambigi possit, theotoci, an theodochi potius legendum sit : nam et ille theodochi formam et imaginem Christo affingebat, id est, quam gerebat, ac præ se ferebat ipse Christus θεοδόχος Dei susceptor et hospes : ejus Deus inquilinus et inhabitator, ut ipse volebat.

<sup>c</sup> Quamvis hic locus de secundo Christi adventu, nempe ad judicium, manifeste intelligatur, ut sequentia ejusdem psalmi docent, et Patres interpretantur, Auctor tamen ad primum adventum in carnem refert, in quo dicit, eum etiam manifeste venisse, non quod tunc omnibus innotuerit, et manifestatus fuerit; sed quod sufficientibus signis, tum e cælo, tum in terra editis innotescere potuerit, et multis innotuerit, ac paulatim magis ac magis inclaruerit. Quo etiam modo videtur D. Hieronymus eundem Psalmistæ locum de primo Christi adventu interpretari, scribens in c. xxx Isaie, ubi alios Scripturæ locos cum eodem confert, illum præsertim Luc. xii : *Ignem veni mittere in terram, et quam volo ut ardeat!* (sic ipse citat) qui de primo adventu haud dubie intelligitur. Cur autem non omnibus statim manifestus esse debuerit Christi adventus, et humana nativitas, tres rationes affert D. Thomas (in p. q. 36, art. 1) : *Dicendum, inquit, quod nativitas Christi non debuit esse communiter omnibus manifesta. Primo quidem, quia per hoc impedita fuisset humana redemptio, quæ per crucem ejus peracta est : quia ut dicitur primæ ad Cor. ii : Si cognovissent, numquam Dominum gloriæ crucifixissent. Secundo, quia hoc diminuisset meritum fidei, per quam venerat homines justificare, secundum illud Romanorum iii : Justitia Dei per fidem Jesu Christi. Si enim manifestis indiciis Christo nascente ejus nativitas omnibus appareret, jam tolleretur ratio fidei, quæ est argumentum non apparentium, ut dicitur He-*



David, manifeste venit, Deus noster et non sileat (Psalm. xlix). Et venit utique et non siluit, qui priusquam ipse quippiam post ortum suum diceret, adventum suum et terrenis pariter, et divinis testibus declaravit, dum stella indicat, dum magi adorant, dum angeli annuntiant. Quid quæris amplius? adhuc vox illius silebat in terris, et honor illius jam clamabat in cælo. Latuisse ergo in eo, ac latere tu Deum dicis? at non hoc prophetæ, non patriarchæ, non denique lex universa prædixit? Non dicebant

## ALARDI GAZÆI COMMENTARIUS.

bræcorum undecimo. Tertio, quia per hoc venisset in dubium veritas humanitatis ipsius: unde Augustinus dicit in epistola ad Volusianum: Si nullus ex parvulo in juventutem mutaret ætatis, nullos cibos, nullos caperet somnos, nonne opinionem confirmaret erroris: nec hominem verum nullo modo suscepisse crederetur, et dum omnia mirabiliter facit, auferret quod misericorditer fecit?

<sup>a</sup> Jacob nimirum, qui primo dictus Jacob, id est, supplantator; sive quod in ortu plantam nascentis fratris apprehenderit: sive quod postea eundem arte dejecerit, et superarit, præreptis ei primogenitis et benedictione paterna. Unde Esau ad patrem: *Iuste, inquit, vocatum est nomen ejus Jacob: supplantavit enim me in altera vice* (Gen. xxvii).

<sup>b</sup> Id est, nomen Israelis dignius et sanctius sortitus est, vel Auctoris phrasi, indeptus, postquam cum angelo colluctatus est. Gen. xxxii. Cujus nominis triplicem interpretationem apud veteres reperio: quæ hic meretur utcumque discenti. Prima et communis interpretatio est qua Israel exponitur, *vir videns Deum*. Ita Cassianus hoc loco, ubi de Jacob: Cui, inquit, vocabulum visio Dei præsentis imposuit. Et in prima præfatione Collationum, utriusque nominis spectans tropologiam: Quisquis, inquit, Jacob illius intelligibilis nomen carnalium vitiorum supplantatione promeruit, nunc etiam non tam mea, quam Patrum instituta suscipiens, divinæ jam puritatis intuitu, ad meritum et (ut ita dixerim) dignitatem transiens Israelis, quid in hoc quoque perfectionis culmine debeat observare, sim liter instruat. Ita etiam D. Hieronymus in cap. xxxi Hieremiæ: Ille, ait, Israel est, qui mente cernit Deum. Et in psalmum cxiii: Et nos, inquit, primitus esse Jacob, id est, supplantatores vitiorum debemus, ut postea possimus esse Israel, id est, animæ videntes Deum, et oculis cordis contemplari Deum, secundum illud: Beati mundo corde, quoniam ipsi Deum videbunt (Matth. v). Similiter D. Augustinus xvi de Civitate Dei, cap. 40: Interpretatur, ait, Israel videns Deum, quod erit in fine præmium omnium justorum. Idem etiam insinuat Gregorius Nazianzenus his verbis (Orat. xxxiv): Jacob pro pietatis præmio, nominis commutationem accepit, pro Jacob nimirum, magno i. lo et eximio Israelis nomine nuncupatus. Verum hanc interpretationem alibi minus probat D. Hieronymus (In quest. Hebr. in Genesim), eamque violentam asserit, ita citans verba angeli ad Jacob: Jam non vocabitur Jacob nomen tuum: sed vocabitur nomen tuum Israel: quia invaluisti cum Deo, et cum hominibus valebis (Gen. xxxii). Josephus in primo Antiquitatum libro (Cap. 27), Israel ideo appellatum putat, quod adversus Angelum steterit: quod ego diligenter excutiens, in Hebræo penitus invenire non potui. Eequid me necesse est opiniones quærere singulorum, cum etymologiam nominis exponat ipse, qui posuit? Non vocabitur, inquit, nomen tuum Jacob, sed Israel erit nomen tuum. Quare interpretatur Aquila, ὅτι ἡρξας μετὰ Θεοῦ. Symmachus, ὅτι ἡρξω ἰσχυρὸς πρὸς Θεόν. Septuaginta et Theodotion, ὅτι ἐνίσχυσας μετὰ Θεοῦ. Sarith enim, quod ab Israel vocabulo derivatur, principem sonat. Sensus hic itaque est: Non vocabitur nomen tuum supplantator, hoc est, Jacob, sed vocabitur

enim latitaturum, qui venturum omnibus prædicabant. Erras infelix cæcitas, causas blasphemandi quærens, et non inveniens. Tu cum latuisse etiam post adventum suum dicis: ego cum nec prius quidem latuisse approbo, quam veniret. Numquid enim <sup>a</sup> patriarcham illum eximium cui vocabulum visio Dei præsentis imposuit, qua ex supplantatoris nomine <sup>b</sup> in Israelis nomen ascendit; numquid sacramentum nascituri ex virgine Dei latuit? <sup>c</sup> qui cum mysterium futuræ Incarnationis ex concertatione

nomen tuum princeps cum Deo, hoc est, Israel. Quomodo enim princeps ego sum: sic et tu, qui mecum luctari potuisti, princeps vocaberis. Si autem mecum, qui Deus sum, sive angelus (quoniam plerique varie interpretantur) pugnare potuisti: quanto magis cum hominibus, hoc est, cum Esau, quem formidare non debes? Illud autem, quod in libro nominum interpretatur Israel, vir videns Deum, sive mens videns Deum, omnium pene sermone detritum, non tam vere quam violenter mihi interpretatum videtur. Quod probat ex litteris Hebraicis, quibus utrumque vocabulum, scilicet Israel, et videns Deum, scribitur. Deinde subdit: Quamvis igitur grandis auctoritatis sint et eloquentiæ, et ipsorum umbra nos opprimat, qui Israel virum, sive mentem videntem Deum transulerunt: nos magis Scripturæ et angeli sive Dei, qui ipsum Israel vocavit, auctoritate ducimur, quam cujuscunque eloquentiæ. Sic Hieronymus. Altera igitur Israelis etymologia, secundum Hieronymum, illa est, quæ ex verbis angeli colligitur: Nequaquam Jacob appellabitur nomen tuum, sed Israel: quoniam si contra Deum fortis fuisti, quanto magis contra homines prævalebis (Gen. xxxii)? Quibus verbis etymologiam nominis a se impositi manifeste declarat, ut etiam D. Hieronymus inculcat. Cui expositioni suffragatur etiam Tertullianus lib. iv adversus Marcionem, cap. 59, ubi ait: Cum Deo invalescentis, quod est interpretatio Israelis. Juxta hanc igitur interpretationem, Israel dicitur, quasi princeps cum Deo, ut vult Hieronymus, vel prævalens, aut dominans cum Deo, vel invalens Deo, ut Tertullianus. Tertia tamen huic affinis interpretatio est, qua Israel εὐθύτατος Θεοῦ, id est, rectissimus Dei, vel directus Dei appellatur. Unde D. Hieronymus utramque interpretationem conjungit loco citato: Israel, ait, interpretatur princeps Dei, sive directus Dei, hoc est, εὐθύτατος Θεοῦ. Alibi vero (In cap. xlii Isaïæ) hanc separat ac distinguit: Proprie enim, inquit, juxta Hebræos et litterarum fidem, Israel rectus Dei dicitur; vir autem videns Deum, non in elementis, sed in sono vocis est. Unde et liber Geneseos appellatur εὐθείων, id est, justorum, Abraham, Isaac, et Israel. Et in cap. xii Osee: Jacob, inquit, in fortitudine directus est cum angelo, quando ad torrentem Jacob adversum angelum tota nocte pugnavit. Et quia directus est cum angelo, propterea εὐθύτατος, quod Hebraice dicitur iasar, hoc est, dirigentis, sive directi, nomen accepit. Hanc quoque etymologiam spectasse videtur Cassianus: Collatione 12 cap. 11 ait: Quisquis ergo intellectualis illius Jacob, id est, supplantatoris transcenderit gradum, ab illa continentiae colluctatione ac supplantatione vitiorum, obstupescendo femoris nervo, ad Israelis meritum perpetua cordis directione conscendet.

<sup>c</sup> Allegorica expositio colluctationis Jacob cum Angelo, ad quam spectat quod Eusebius Cæsariensis scribit lib. i Historiæ cap. 2, ubi probat Christum etiam a Patribus veteris Testamenti sub forma humana visum, cultumque et invocatum: Eundem, inquit, in hominis figura rursus Jacob comparentem, eumque sic compellantem: Non amplius vocabitur nomen tuum Jacob, sed Israel erit nomen tuum, quia invaluisti cum Deo, divina Scriptura Deum nominat. Quo



luctantem secum hominis agnovisset : <sup>a</sup> Vidi, inquit, A (Gen. xxxii). Quid, quæso, viderat, ut vidisse se Deum facie ad faciem, et salva facta est anima mea Deum crederet? numquid inter fulgura se ei et to-

## ALARDI GAZÆI COMMENTARIUS.

quidem tempore etiam Jacob vocavit nomen loci illius visionem *Domini*, sic enim locutus est : Vidi Deum facie ad faciem, et salva facta est anima mea (Gen. xxxii). Sic ipse perquam consentaneus huic loco, quemadmodum et Cyrillus Alexandrinus lib. ix adversus Julianum, ubi, commemorata eadem historia Jacob, subdit : O magnum miraculum, et virtutem, ad intelligendum claro sensu et sublimi mente sacramentum Christi! Certante enim homine, facie ad faciem vidisse se dicit Deum, et speciem Dei illum nominat. Deus enim erat vere, et est Verbum, tametsi factum sit caro. Quod autem homo luctans contra Jacob sit unigenitus Dei Verbum, quomodo futurus erat suo tempore in specie nostra, præmonstrans sanctis Patribus, ex his quæ Moyses scripsit facile quisque consideraverit. Ait enim : Dixit autem Dominus ad Jacob, etc. D. item Ambrosius lib. ii de Jacob et Vita Beata : Quia insuperabilis erat fides Jacob atque devotio, secreta ei Dominus mysteria revelabat, tangens latitudinem femoris ejus, eo quod ex ejus erat generatione Dominus Jesus oriturus ex Virgine, qui Deo nec impar nec inæqualis esset, cujus erucem obstupescens femoris latitudo signabat, eo quod diffusa per universum mundum remissione peccati salutaris foret omnibus, qui stupore corporis sui, ac sudore resurrectionem tribueret defunctorum. Unde non immerito exortus est sol sancto Jacob, cujus generi crux Domini salutaris illuxit; simul quia Sol ei oritur justitiæ (Malach. iv), qui Deum cernit, quia ipse est lumen æternum. Ita Ambrosius. Paulo aliter D. Augustinus (xvi Civit. cap. 39), sub eadem tamen allegoria docet, non Dei Filium, aut divinam personam, sed angelum; Christi tamen vices ac typum gerentem, sub humana specie Jacob apparuisse, atque cum eo luctatum fuisse, ita scribens : Hoc nomen (Israelis) illi ab angelo impositum, qui cum illo fuerat in itinere de Mesopotamia redeunte luctatus, typum Christi evidentissime gerens. Nam quod ei prævaluit Jacob, utique volenti, ut mysterium figuraret, significat passionem Christi, ubi visi sunt ei prævalere Judæi. Et tamen benedictionem ab eodem angelo, quem superaverat, impetravit; ac sic hujus nominis impositio benedictio fuit. Et alibi idem Augustinus (Serm. 40 de Verb. Dom. sec. Joannem) : Jacob cum rediret de Mesopotamia, luctatus est cum eo angelus in via. Quæ virtus comparari potest, angeli et hominis? Ergo mysterium est, ergo sacramentum, ergo prophetiæ: quando victor a victo benedicebatur, Christus figurabatur. Rursus alibi (Serm. 80 de Tempore) : Jacob in illa collutatione Judæorum populum figuravit, angelus qui cum illo luctabatur typum Domini Salvatoris præferebat. Luctabatur Jacob cum angelo, quia populus Judæorum luctaturus erat cum Christo. Vincebat Jacob angelum, quia Judæorum populus Christum usque ad mortem persecutus erat. Et quia non totus populus Judæorum infidelis exstiterat Christo, sed non parva multitudo in nomine ejus legitur credidisse, ideo angelus tetigit femur Jacob, et claudicare cepit. Pes enim in quo claudicabat Judæos qui in Christum non crediderunt figurabat; ille vero qui sanus remansit illorum typum gessit, qui Christum Dominum receperunt, etc. Hæc de allegorico sensu illius collutationis, qui ad mysterium Domini Incarnationis spectat. Morales vero sive tropologicas expositiones qui requirit, videat Ambrosium loco citato, Hieronymum in cap. vi Epistolæ ad Ephesios, Augustinum in psalmum lxxvii, Gregorium homilia 14 in Ezechielem, et alios in illum locum Geneseos commentantes. Quod autem hic dicitur Jacob mysterium futuræ Incarnationis in collutatione agnovisse, consentaneum est illis Christi verbis Joannis viii : Abraham pater vester exultavit, ut videret diem meum; vidit, et gavisus est. Quod enim de Abraham dixit, idem de Isaac, et Ja-

cob, et aliis prophetis dicere potuit, eos scilicet vidisse, hoc est, prævidisse, agnovisse, fide nimirum et prophetica revelatione, diem suum, id est adventum suum in carne, et tempus dispensationis et conversationis ipsius in terris, ut SS. Patres exponunt. (Irenæus l. iv c. 41 et 42, Hilar. xv de Trinit., Leo serm. de Epiph., Bern. serm. 6 de Vigilia Nativ. c. 28.)

<sup>a</sup> Quomodo Jacob viderat Deum facie ad faciem, non minima quæstio est, quam omissis aliis auctoribus, ex solo Gregorio elucidasse suffecerit. Sic autem ipse scribit lib. xviii Moralium cap. 37 ad illa verba libri Job : Abscondita est ab oculis omnium viventium Sapientia, inquit, quæ Deus est; si omnium viventium oculis occulta esset, hanc procul dubio sanctorum nemo vidisset. Sed ecce, huic sententiæ Joannem audio concordantem, qui ait : Deum nemo vidit unquam (Joan. i et i Joan. iv). Rursumque cum Testamenti veteris patres intueor, multos horum, teste ipsa sacræ lectionis historia, Deum vidisse cognosco. Vidit quippe Jacob Dominum, qui ait : Vidi Dominum facie ad faciem, et salva facta est anima mea (Gen. xxxii). Vidit Moyses Deum, de quo scriptum est : Loquebatur Dominus ad Moysen facie ad faciem, sicut loqui solet homo ad amicum suum (Exod. xxxiii). Vidit item Job Dominum, qui dicit : Auditui auris audiivi te; nunc autem oculus meus videt te (Job. xlii). Vidit Isaias Dominum, qui ait : Anno, quo mortuus est rex Ozias, vidi Dominum sedentem super solium excelsum et elevatum (Isai. vi). Vidit Michæas Dominum, qui ait : Vidi Dominum sedentem super solium suum, et omnem exercitum cæli assistentem ei a dextris et a sinistris (ii Par. xviii). Quid est ergo quod tot veteris Testamenti patres Deum se vidisse testati sunt, et tamen de hac Sapientia, quæ Deus est, dicitur : Abscondita est ab oculis omnium viventium; et Joannes ait, Deum nemo vidit unquam; nisi hoc, quod patenter datur intelligi, quia quamdiu hic mortaliter vivitur, rideri per quasdam imagines Deus potest, sed per ipsam naturæ suæ speciem non potest; ut anima gratia Spiritus afflatus per figuras quasdam Deum videat, sed ad ipsam vim ejus essentiæ non pertingat. Hinc est enim quod Jacob, qui Deum se vidisse testatur, hunc non nisi in angelo vidit. Hinc est quod Moyses qui cum Deo facie ad faciem loquebatur, sicut loqui solet homo cum amico suo, ei inter ipsa verba suæ locutionis dicit : Si inveni gratiam in conspectu tuo, ostende mihi temetipsum manifeste, ut videam te (Exod. xxxiii). Certe enim si Deus non erat cum quo loquebatur, O tende mihi Deum, diceret, et non Ostende temetipsum. Si autem Deus erat cum quo facie ad faciem loquebatur, cur petebat Deum videre, quem videbat? Sed ex hac ejus petitione colligitur quia eum sitiebat per incircumscriptæ naturæ suæ claritatem cernere, quem jam cæperat per quasdam imagines videre; ut sic superna essentia mentis ejus oculis adesset, quatenus ad æternitatis visionem nulla imago creata temporaliter interesset. Et viderunt ergo patres Testamenti veteris Dominum, et tamen, juxta B. Job sententiam : Sapientia, quæ Deus est, abscondita est ab oculis omnium viventium, quia in hac mortali carne consistentibus et videri potuit per quasdam circumscriptas imagines, et videri non potuit per incircumscriptum lumen æternitatis. Hucusque D. Gregorius; cujus doctrinam S. Thomas compendio tradens (p. i, q. 12, art. 11) : Dicendum, inquit, quod secundum Dionysium, 4 cap. Cælestis Hierarchiæ, sic in Scripturis dicitur aliquis Deum vidisse, in quantum formatæ sunt aliquæ figuræ vel sensibiles vel imaginariæ, secundum aliquam similitudinem aliquid divinum repræsentantes. Quod ergo dicit Jacob : Vidi Deum facie ad faciem, referendum est non ad ipsam divinam essentiam, sed ad figuram in qua repræsentabatur Deus.



nitrua Deus protulit? aut reserato intrinsecus celo a  
coruscans se ei facies divinitatis ostendit? Nihil  
utique eorum, sed e diverso magis vidit hominem,  
et agnovit Deum. O vere dignus <sup>a</sup> indepto nomine,  
et qui interioribus magis, quam exterioribus oculis,  
vocabuli a Deo dati meruit dignitatem! Luctantem  
secum humanam speciem videbat, et videre se Deum  
protestabatur. Sciebat utique, quod illa hominis  
species Dei veritas erat: quia in qua tunc erat spe-  
cie Deus visus, in ea erat speciei ipsius postea veri-

#### ALARDI GAZELI COMMENTARIUS.

<sup>a</sup> *Indepto*, pro *adepto*, passim in Cassiano no an-  
dum, *nomine*, scilicet Israelis, id est, videntis Deum;  
ut qui interioribus oculis Deum in humana specie  
agnoverit, et Deum se vidisse affirmarit, nomenque  
loci illius visionem Dei appellarit.

<sup>b</sup> Hanc rationem subinducat etiam S. Leo, in epi-  
stola 13 ad Puleheriam, cur scilicet Deus antiquis  
patribus et patriarchis sub humana forma apparue-  
rit: *Potuerat, inquit, omnipotentia Filii Dei sic ad  
nocendos justificandosque homines apparere, quomodo  
et patriarchis et prophetis in specie carnis apparuit,  
cum aut luctamen iniit, aut sermonem conseruit, cumve  
officia hospitalitatis non abnuat, vel etiam oppositum  
cibum sumpsit. Sed illæ imagines hujus hominis erant  
indicia, cujus veritatem ex præcedentium patrum stirpe  
sumendam significationes mysticæ nuntiabant.* Porro  
hic observandum est dubitari non posse Deum in  
veteri Testamento frequenter in forma visibili appa-  
ruisse, quod Scriptura disertissime testatur: verum  
illud in quæstionem vertitur, an Deus per se et per-  
sonaliter apparuerit; per se corpus et speciem aspe-  
ctabilem assumpserit, et in ea se visibilem exhibue-  
rit? an vero per angelos hæc fieri curarit? Sunt enim  
in utramque partem appositæ veterum sententiæ.  
Cassianus siquidem hoc loco sentire videtur Dei Fi-  
lium per se et in propria persona tam Jacob quam  
aliis patribus apparuisse; præsertim paulo superius,  
ubi ait: *Sciebat utique (Jacob) quod illa hominis  
species Dei veritas erat, etc.* Si Dei veritas erat, Deus  
ergo erat, non angelus, qui apparebat. Et rursus ex  
ipsa ratione quam subdit: *Ut nemo esset, qui Deum  
natum ex homine non crederet, etc.* Cum ergo Deus  
per se et personaliter in carne natus sit ex Virgine,  
consequens videtur ut et per se in humana specie  
olim se manifestarit. Cui sententiæ, præter Ambro-  
sium superius citatum, suffragantur etiam alii non  
pauci, nec obscuri auctores. D. Clemens lib. v Apo-  
stolicarum Constitutionum, cap. 21, sic loquitur:  
*Hunc Christum vidit Jacob uti hominem, et dixit:  
Vidi Deum facie ad faciem, et salva est anima mea.  
Hunc Abraham accepto hospitio judicem suumque Do-  
minum confessus est. Hunc Moyses in rubo vidit. Hunc  
vidit Jesus Nave, dux exercitus Domini armatum, si-  
mul pugnans ad Jericho.* Origenes homil. 1 in cap.  
vi Isaia: *Quis est iste unus de Seraphim? Dominus  
meus Jesus Christus: iste juxta dispensationem carnis  
missus est, habens in manu sua carbonem, et dicens:  
Ignem veni mittere in terram.* Tertullianus lib. ad-  
versus Judæos, sic habet: *Qui ad Moysen loquebatur,  
ipse Filius, qui et semper videbatur. Deum enim  
Patrem nemo vidit unquam, et vixit; et ideo constat  
ipsum Dei Filium Moysi esse locutum, et dixisse ad  
populum: Ecce, ego mitto angelum meum ante faciem  
tuam.* Eusebius Cæsariensis, loco supra citato, hæc  
addit: *Ne suspicari quidem fas est visiones illas Deum  
repræsentantes (ut sunt illæ factæ Abrahamo et Jacobo),  
quæ sunt sacris litteris prodite, angelis voluntati Dei  
servientibus, ejusque sedulo obsequentibus ministeria, at-  
tribuendas esse; quandoquidem cum quisque ex istorum  
numero hominibus visus sit, non occultat sane Scri-  
ptura, sed nominatim angelum, non Deum, neque Do-  
minum hominibus locutum esse assererat, sicut infini-*

ate venturus. Quamquam quid miremur, si tantus  
patriarcha indubitanter credidit, quod ei ipse per se  
Deus tam evidenter ostendit, dicente ipso: *Vidi  
Deum facie ad faciem, et salva facta est anima mea?*  
Quid ei tantum Deus præsentis divinitatis ostende-  
rat, ut demonstratam sibi faciem Dei diceret? Homo  
enim ei, ut videbatur, tantummodo apparuerat, quem  
etiam in concertatione superaverat. Sed hoc utique  
per præcurrentia rerum indicia Deus agebat: <sup>b</sup> ut ne-  
mo esset, qui Deum natum ex homine non crederet,

*tis Scripturarum testimoniis est comprobatu perspicue.*  
Hæc illi. At pro altera parte stant alii antiquissimi  
et sanctissimi Patres. Dionysius Areopagita, cujus  
hæc sunt verba, libro de Cælesti Hierarchia, cap. 4:  
*Lex (ut divina Scriptura testatur) per angelos nobis  
indulta est, inclytosque istos patres nostros, qui ante  
Legem, quique fuere post legem, angeli ad Deum sub-  
rexere; sive quid agendum esset admonentes, atque ab  
errore sacrilego vitæque profana ad rectum veritatis iter  
traducentes: sive sacra quævis instituta, seu cælestium  
sacramentorum occultas visiones, sive divinas aliquas  
prædictiones docendo pandentes.* Et infra: *Cæterum  
divinæ illæ apparitiones sanctis viris per signa Deo  
convenientissima, sacris quibusdam et intuitum modo  
ac viribus accommodatis contingere. Hujusmodi vero di-  
vinas visiones celeberrimi illi patres nostri ministerio  
cælestium virtutum ediscebant.* S. Hieronymus in illud  
ad Galatas tertio: *Lex ordinata per angelos, etc.*: *Hæc,*  
inquit, *vult intelligi, quod in omni veteri Testamento,  
ubi angelus primum visus refertur, et postea quasi  
Deus loquens inducitur, angelus quidem vere ex mini-  
stris pluribus quicumque sit visus, sed in illo Mediator  
loquatur, qui dicat: Ego sum Deus Abraham, Deus  
Isaac, et Deus Jacob. Nec mirum, si Deus loquatur in  
angelis, cum etiam per angelos qui in hominibus sunt  
loquatur Deus in prophetis, dicente Zacharia: Et ait  
angelus qui loquebatur in me; ac deinceps inferente:*  
*Hæc dicit Dominus omnipotens. Neque enim angelus  
qui esse dictus fuerat in propheta ex sua persona aude-  
bat loqui, hæc dicit Dominus omnipotens.* Augustinus  
lib. contra Adimantum cap. 9: *Ipse Filius, qui est  
Verbum Dei, non solum novissimis temporibus, cum  
in carne apparere dignatus est, sed etiam prius a con-  
stitutione mundi, cui voluit, de Patre annuntiavit, sive  
loquendo, sive apparendo, vel per angelicam aliquam  
potestatem, vel per quamlibet creaturam; quia ipse in  
omnibus est veritus, et omnia illi constant, et omnia  
illi ad nutum serviunt atque subjecta sunt, ut etiam  
oculis per visibilem creaturam, cui vult, quando di-  
gnatur, appareat; cum ipse tamen secundum divinitatem  
suam, et secundum id quod Verbum est Patris, co-  
æternum Patri et incommutabile, per quod facta sunt  
omnia, non nisi purgatissimo et simplicissimo corde vi-  
deatur. Et ideo quibusdam locis etiam Scriptura ipse  
testatur angelum visum, ubi dicit Deum visum; sicut in  
illâ luctatione Jacob, et angelus dictus est qui appa-  
ruit (Gen. xxxii); et cum apparuit in rubo Moysi (Exod.  
iii), et iterum in eremo, cum jam duxisset populum  
de terra Ægypti, quando Legem accepit, Deus ei lo-  
cutus est. Sed sive in rubo, cum eum misit; sive  
postea, cum Legem dedit, angelum dicit Stephanus in  
Actibus Apostolorum ei apparuisse. Quod ideo dicimus,  
ne quis arbitretur Verbum Dei, per quod facta sunt  
omnia, quasi per loca posse definiri, et alicui visibiliter  
apparere, nisi per aliquam visibilem creaturam. Sicut  
enim verbum Dei est propheta, et recte dicitur: *Dixit  
Dominus quia Verbum Dei, quod est Christus, in pro-  
pheta loquitur veritatem; sic et in angelo et ipse  
loquitur, quando veritatem angelus annuntiat, et recte  
dicitur: Deus dixit, et: Deus apparuit. Et item recte:  
Angelus dixit, et angelus apparuit; cum illud dicatur  
ex persona inhabitantis, istud ex persona serviendi**



cum in humana specie Deum jam patriarcha ante A  
vidisset.

## CAPUT X.

*Congerit plura ejusdem rei testimonia.*

Sed quid ego in uno exemplo tamdiu commoror, quasi multa desint? Numquid enim latere homines jam tam poterat in carne venturus Deus? cum de eo quasi ad omne humanum genus palam propheta diceret: *Ecce Deus vester (Isaiæ xl); et alibi, Ecce Deus noster (Isaiæ xxv); et illud, Deus, fortis, pater futuri sæculi, princeps pacis; et regni ejus non erit finis (Isaiæ ix)?* Sed et cum jam venisset, numquid latebat eos quod venerat, qui venisse eum palam confitebantur? Numquid ignorabat Dei adventum B Petrus, dicens: *Tu es Christus, Filius Dei vivi (Matth. xvi)?* Numquid Martha quid loqueretur, aut quem crederet, nesciebat? *Utique, inquit, Domine, ego credidi, quia tu es Christus Filius Dei vivi, qui in hunc mundum venisti (Joan. xi)?* Omnes denique, qui ab eo vel morborum remedia, vel membrorum restitutiones, vel mortuorum vitam petebant, ab hominis id infirmitate an a Dei omnipotentia postulabant?

## ALARDI GAZÆI COMMENTARIUS.

creaturæ. Ex hac regula etiam Apostolus ait: *An vultis experimentum ejus qui in me loquitur Christi (II Corinth. xiii)?* Idem lib. iii de Trinitate cap. 11: *Omnia, inquit, quæ patribus visa sunt, cum Deus illis secundum dispensationem suam temporibus congruam præsentaretur, per creaturam facta esse manifestum est.* Et infra occurrens huic objectioni: *Sed ait aliquis: Cur ergo scriptum est: Dixit Dominus ad Moysen, et non potius: Dixit angelus ad Moysen? Quia cum verba judicis præco pronuntiat, non scribitur in gestis: Ille præco dixit, sed: Ille judex.* Sic etiam loquente propheta sancto, etsi dicamus: *Propheta dixit, nihil aliud quam Dominum dixisse intelligi volumus.* Et si dicamus: *Dominus dixit, prophetam non subtrahimus, sed quis per eum dixerit admonemus.* Ac demum in fine ejus libri ita concludit: *Sed jam satis, quantum existimo, pro captu nostro disputatum constitutumque, et probabilitate rationis, quantum homo, vel potius quantum ego potui, et firmitate auctoritatis, quantum de Scripturis divina eloquia patuerunt, quod antiquis patribus nostris ante Incarnationem Salvatoris, cum Deus apparere dicebatur, voces illæ ac species corporales per angelos factæ sunt, sive ipsis loquentibus, vel aliquid agentibus ex persona Dei, sive assumentibus ex creatura quod ipsi non esset, ubi Deus figurate demonstraretur hominibus.* Hactenus Augustinus. Postremo D. Gregorius xxviii Moralium cap. 2, omnem Dei locutionem, quæ non sit sola vi internæ inspirationis, docet fieri per angelos: *Sciendum, inquit, quia duobus modis locutio divina distinguitur. Aut per semetipsum namque Dominus loquitur, aut per creaturam angelicam ejus ad nos verba formantur. Sed cum per semetipsum loquitur, sola nobis vis internæ inspirationis aperitur. Cum per semetipsum loquitur, de verbo ejus sine verbis et syllabis cor docetur, quia virtus ejus intima quadam sublevatione cognoscitur, etc.* Habes, lector, quid de re controversa sentiant antiqui Patres. Ex quibus colligo primum quæstionem hanc non esse ex earum numero quarum altera pars fide sit tenenda; altera, ut fidei contraria, respuenda: sed problematicis quæstionibus annumerandam, de quibus, salva fide, utrumlibet sentire liceat, cum neutra pars Ecclesiæ judicio sit definita vel impro-  
bata; proinde absque metu hæreseos dici posse

## CAPUT XI.

*Dæmonem multis rationibus impulsus fuisse ut Christum Deum esse opinaretur.*

Diabolus denique ipse, cum cum omni illecebrarum ambitu, omni nequitiae suæ arte tentaret, quid aut nesciens suspicabatur, aut tentans scire cupiebat? aut quid tantopere eum moverat, quod Deum in hominis humilitate quærebat? Numquid documentis prioribus id didicerat? Aut quem vero in humano corpore Deum venisse cognoverat? Non utique; sed magnis signorum indicitiis, magnis rerum experimentis, et veritatis ipsius vocibus ad suspicionem et inquisitionem rei hujus compellebatur; utpote et qui semel jam a Joanne audierat: *Ecce agnus Dei, ecce qui tollit peccatum mundi (Joan. i).* Et iterum ab eodem: *Ego a te debeo baptizari, et tu venis ad me (Matth. iii)?* Descendens quoque de cælo, et stans supra caput Domini columba, evidentem se ac manifestandæ claritati [*Lips. in marg. manifestam declarati*] Dei indicem dederat. Vox quoque eum non per anigmata nec per figuras a Deo missa permoverat, dicens: *Tu es Filius meus dilectus, in te complacui (Ibid.).* Et ideo, licet hominem extrinsecus in Jesu videret, *Filium Dei investigabat dicens: Si Filius*

Deum immediate ac per se corpoream aliquam speciem assumpsisse, in quo olim mortalibus sit visus, quemadmodum Patres pro priore sententia citati docuerunt. Secundo colligo nihilominus aliorum Patrum sententiam, quæ docet divinas illas apparitiones angelorum opera et ministerio factas, multo esse probabiliores, tum quod firmitioribus argumentis et rationibus nitatur, quarum illa præcipua est, quam divinus ille Dionysius suggerit (*Cœlest. Hierar. cap. 4*), quod Deus hunc mundum, et quæcumque in mundo sunt, non per se solum, sed per causas secundas, præsertim vero per angelos administret, tum quod in scholis sit magis recepti et communi theologorum assensu comprobata; ut videre est apud Magistrum Sentent. ii lib. dist. 28 et DD. ibidem. Tertio ex iisdem auctoritatibus pro hac sententia productis, facile est respondere præcipuo fundamento prioris sententiæ, quod ex Scriptura petitur, quæ Deum in veteri Testamento multis apparuisse commemorat. Jam enim a Patribus responsum est hujusmodi apparitiones Deo attribui, quod angeli apparentes Dei vices gererent, ejusque auctoritate ac magisterio fungerentur. Vide plura apud Petrum Thyraëum (*Lib. i de Vision. apparit. cap. 23*).

*a* Ita Græci codices et multi Latini legunt in singulari, *peccatum mundi.* Et rationem affert Theophylactus ita scribens: *Quare non dixit, peccata mundi? Ut videlicet per hoc quod dixit, peccatum, universaliter peccatum videretur innuere; sicut consuevimus dicere quod homo ejectus est de paradiso, id est, omne genus humanum.* Sic ipse. Solent etiam Hebræi, ut recte annotavit Lyranus, singulari numero totam rei naturam et ingentem copiam significare. *Venit, inquit, musca gravissima, Exod. viii; hoc est, magna muscarum multitudo, aut omne muscarum genus, ut ibidem exponitur.*

*b* Perplexa admodum et ambigua quæstio est, an et quando diabolus Christi divinitatem et mysterium Incarnationis cognoverit? Sunt enim hac in re diversa Scripturæ loca in speciem pugnantia. Quod enim diabolus Christum verum Deum etiam ante ejus passionem et resurrectionem agnoverit, colligi videtur ex Evangelio Matthæi viii, ubi dæmones clamaverunt: *Quid nobis et tibi, Jesu Fili Dei? venisti huc*



*Dei es, dic ut lapides isti panes fiant* (Matth. iv). Num- quid diabolo contemplatio hominis suspicionem di-

A vinitatis eripuit, ut per hoc, quod hominem videbat, crederet Deum esse non posse? Non utique; sed

### ALARDI GAZÆI COMMENTARIUS

ante tempus torquere nos? Et Marci i: *Quid nobis et tibi, Jesu Nazarene? venisti perdere nos?* Scio qui sis, sanctus Dei, ὁ ἅγιος, addito articulo emphatico, ut annotant Euthymius et Theophylactus, quo Deus ipse, ut proprio nomine, sanctus nominatur. Et Lucæ viii: *Quid mihi et tibi, Jesu Fili Dei altissimi?* Nec dæmones soli, quos facile possemus credere fuisse mentitos, aut adulatorie ita locutos, ne a Christo torquerentur, affirmant se Christum cognoscere; sed ipsi etiam evangelistæ, qui mentiri certe, Spiritu sancto movente, non potuerunt, docent eos vere cognovisse. Marcus eodem cap.: *Dæmonia multa ejiciebat, et non sinebat ea loqui, quoniam sciebant eum.* Et Lucas cap. iv: *Exibant a multis dæmonia clamantia, et dicentia, quia tu es Filius Dei; et increpans non sinebat ea loqui, quia sciebant ipsum esse Christum.* His accedit certissima demonstratio, qua colligere potuerit dæmon Christum esse Deum, ita secum ratiocinando: Quod Deus per miracula confirmat, non potest non esse verum, alioqui testis esset falsitatis et mendacii: sed Christus per multa miracula probavit se verum esse Deum et Dei Filium; ergo necesse est id esse verum. Non enim ignorare potuit dæmon miracula Christi omnem naturæ vim superare et esse vera miracula; nec ea calumniari potuit more Judæorum dicentium: *In Beelzebuth ejicit dæmonia* (Matth. xii), et alia edit miracula, cum scirent nihil tale sibi concessum; dubitare ergo de hac veritate omnino non potuerunt. E diverso tamen occurrit illa Pauli sententia, qua diserte testatur sapientiam in mysterio absconditam, quam radicabat, hoc est, mysterium Incarnationis ac passionis Dominicæ, etiam ipsos dæmones, quos vocat principes hujus sæculi latuisse: *Loquimur, inquit, Dei sapientiam in mysterio, quæ abscondita est, quam prædestinavit Deus ante sæcula in gloriam nostram, quam nemo principum hujus sæculi cognovit; si enim cognovissent nunquam Dominum gloriæ crucifixissent* (I Cor. ii). Quod de dæmonibus interpretatur Ambrosius eo loco, et Hieronymus in cap. x Danielis, et alii Patres. Loquitur autem Apostolus non de tempore quo hæc dicebat; tunc enim dæmones hanc noverant sapientiam, sicuti et nunc ipsos agnoscere et credere Christum esse Deum nemo est qui ambigat. Jacobo apostolo dicente: *Et dæmones credunt, et contremiscunt; credunt, inquam, non fide infusa et supernaturali, sed acquisita et experimental: sed loquitur Apostolus de tempore quod Christi passionem et Evangelii prædicationem præcessit; quo tempore dæmones, si Christum verum Deum et mundi redemptorem cognovissent, nunquam ejus mortem procurassent, sed conati potius essent eam impedire. Atqui non impediverunt, sed procurarunt. Miserunt enim in cor Judæi ut traderet eum, Joannis xiii. Et Judæos ibidem ad ejus necem impulerunt, ipso attestante, ubi ait: Vos ex patre diabolo estis, et desideria patris vestri vultis perficere, id est, me interficere, ut ipsemet exponit Joannis viii. Idem colligitur ex tentationibus diaboli; tum quia, si verum Dei Filium verumque Messiam cognovisset dæmon, non id tentando explorasset; tum quia eo fine tentavit, ut id explorete cognosceret. Si Filius Dei es, dic ut lapides isti panes fiant. Et rursus: Si Filius Dei es, mitte te deorsum* (Matth. iv). At, inter alias rationes ob quas voluerit Christum ex virgine desponsata et vere nupta nasci, hæc etiam a Patribus asseritur, ut mysterium Incarnationis diabolo celaretur, dum cum potat non de virgine, sed de uxore natum. Ita S. Ignatius in epistola ad Philippenses. Et refert D. Hieronymus in cap. primum Matthæi. Sunt autem in hac questione tam veterum quam recentiorum auctorum discrepantes sententiæ; pro quibus brevi-

ter explicandis et conciliandis dico primo dæmonem ob hanc causam præcipue ad tentandum Christum accessisse, ut ejus divinitatem exploraret; proinde ad id usque tempus, ex his quæ tum in nativitate Christi ac deinceps, tum in ejus baptismo ac deinceps audierat et viderat, adhuc dubium et anxium fuisse num Christus Filius Dei esset, neque id explorete cognovisse; nec tamen existimasse id fieri non posse, ut recte concludit hoc loco Cassianus; nemo siquidem de eo dubitat, aut tentando inquit, quod certo novit esse falsum aut impossibile: proinde deior diabolo Nestorius ostenditur, qui, quod diabolus verum esse suspicabatur, falsum omnino et impossibile astrueret. Hæc eadem est sententia B. Ignatii antiquissimi Patris in epistola ad Philippenses: *Te, inquit, o dæmon, angelorum salutatio obsupefaciebat, magorum aforatio, exortus stellæ; ad ignorantiam denno redis, ob ea quæ cernis vilia. Nam exsilia tibi videntur cunabula, ærumnæ, circumcisio, lactatio. Indigna tibi hæc Deo videntur, etc.* Item: *Vidisti hominem quadraginta diebus et noctibus nullo humano cibo degustato perseverasse, angelos ministrantes, qui primum videras quasi hominem communem baptizatum, deinde post jejunium esurientem; rursus animum resumebas, ac tentabas quasi communem hominem, ignarus quis esset: dicebas enim: Si Filius Dei es. Hoc enim est ignorantia.* Hactenus B. Ignatius. Idem docent alii Patres: e Græcis Chrysostomus homil. 13 in Matthæum: *Nesciens manifeste suscepti hominis sacramentum, et quisnam esset Christus, retia jacere molitur, per quæ se istud secretum opinatur addiscere.* E Latinis S. Ambrosius in Lucam (Cap. iv): *Cognoverat dæmon Filium Dei venturum, sed venisse per hanc infirmitatem corporis non putabat. Sic tentat, ut exploret; sic explorat, ut tentet. Econtra Dominus sic fallit, ut vincat; sic adhuc vincit, ut fallat. Nam si convertisset naturam, probaret creatorem.* D. Hieronymus Matthæi iv: *In omnibus tentationibus hoc agit diabolus ut intelligat si Filius Dei sit. Sed Dominus sic responsionem temperat, ut eum relinquat ambiguum.* S. Augustinus l. ix de Civitate, c. 21: *Dubitavit, inquit, de illo dæmonum princeps, eumque tentavit, an Christus esset explorans, quantum se tentari ipse permisit, ut hominem quem gerebat ad nostræ imitationis temperaret exemplum* (Vide S. Leonem serm. 2 et 3 de Quadrage.). Quod exponit Ludovicus Vives: *Ne ipse veteri hominum conditioni videretur exemptus, quod solus abiret intentatus; ne post illum alii, qui eum venerarentur indigne ferrent tentari se, qui scirent invidentissimum illum et confidentissimum humani hostem generis ne a Christo quidem temperasse.* Sic ille. S. Maximus homilia 2 de Quadragesimali Jejunio: *Cogitabat, ut æstimo, apud se diabolus, et dicebat: Si hic ipse est* (scilicet Deus, vel Dei Filius) *cujus præcepto esurientibus per deserti populis manna fluxit, poterit nunc in panem lapides transformare. Et si non mea petitione, sua tamen necessitate, qui desurit. Quod si fecerit, Deum probabo; si nequiverit, hominem deprehendam, etc.* Denique S. Leo pontifex sermone 4 de Quadragesima: *Expavescens, inquit, diabolus in Christo quadraginta dierum noctiumque jejunium, explorare callide voluit atrum hanc continentiam donatam haberet, an propriam, ut non metueret deceptionum suarum opera solvenda, si Christus ejus esset conditionis cujus est corporis. Primo itaque dolo scrutatus est an ipse esset substantiarum creator, qui rerum corporearum posset, in quæ vellet mutare naturas. Secundo an sub humanæ carnis specie divinitas obumbrata tegetetur, cui facile esset pervium facere aerem, et terrena per vacuum membra librare. Sed cum illi Dominus justitiam maluisset opponere veri hominis quam potentiam manifestare Deitatis, ad hoc*



quid ait? Si Filius Dei es, dic ut lapides isti panes fiant. Non ambigebat utique esse posse quod an esset. A perscrutabatur; de veritate ei erat sollicitudo, non de impossibilitate securitas.

## ALARDI GAZÆI COMMENTARIUS.

convertit tertiæ fraudis ingenium, ut cum in quo divinæ potestatis signa cessaverant, dominandi cupiditate tentaret, et ad venerationem sui, regni mundi pollicendo, traduceret. Sed prudentiam diaboli stultam fecit sapientia Dei; ut superbus hostis hominem videns, quem aliquando superaverat (in Adamo scilicet), non metueret eum persequi, quem pro omnibus oportebat occidi. Hæc S. Leo duplicem indicans diaboli tentationem, sive duplicem in tentando intentionem, alteram præcipuam et primariam, quam diximus, ut exploraret, quod scire avebat et suspicabatur, Deusne esset Christus; alteram secundariam, ut ad peccatum qualecumque alliceret: de quo genere tentationis alibi Cassianus et Patres ibidem in notis nostris citati. Verum hic querret aliquis qui fieri potuerit ut diabolus ex divinis vaticiniis et prophetiis, ex angelica annuntiatione, ex partu Virginis incorrupto et illius virginitate, ex angelorum gratulatione, magorum adoratione, Simeonis testimonio, ex verbis Joannis, ex Patris voce in baptismo cœlus emissa, aliisque admirabilibus signis, non intellexerit Christum esse Deum, etiam antequam ad eum tentandum accederet? Respondet Cajetanus in cap. iv Lucæ, dæmonis intellectum, ne id intelligeret, fuisse a Deo impeditum. Quod a suo magistro didicit Cajetanus. Sic enim D. Thomas (iii p., q. 29, art. 1): Dicendum, inquit, quod, sicut Augustinus dicit in iii de Trinitate (Cap. 7 et 8), diabolus multa potest virtute suæ naturæ, a quibus tamen prohibetur virtute divina. Et hoc modo potest dici quod virtute naturæ suæ diabolus cognoscere poterat matrem Dei non fuisse corruptam, sed virginem; prohibebatur tamen a Deo cognoscere modum partus divini. Quod autem postmodum eum aliquatim cognovit diabolus esse Filium Dei, non obstat, quia jam tempus erat ut Christus suam virtutem contra diabolum ostenderet, et persecutionem ab eo concitatum pateretur. Sed in infantia oportebat impediri malitiam diaboli, ne eum acrius persequeretur, quando Christus nec pati disposuerat, nec virtutem suam ostendere, etc. Hæc S. Thomas; qui quod de virginitate Deiparæ incorrupta asserit, etiam de aliis multis signis et indiciis intelligendum reliquit, ex quibus potuisset dæmon naturali facultate et ingenii perspicacia colligere Christum esse verum Messiam, verumque Dei Filium, nisi a Deo impeditus fuisset. Favet huic sententiæ S. Hilarius, ita scribens (Can. 3 in Matth.): Ita dignum nequitia diaboli erat, ut in eo, cujus calamitatibus gloriabatur, homine vinceretur, et qui Dei beneficia homini invidisset, ante tentationem Deum in homine intelligere non posset, etc. Et S. Augustinus lib. ix de Civitate cap. 21. Tantum Christus dæmonibus innotuit, quantum voluit: tantum autem voluit, quantum oportuit, etc. Hinc, inquit Cajetanus, apparet intellectum dæmonum ligatum, seu impeditum esse a Deo, in pœnam peccati; ita quod non solum potentia eorum est ligata, sed etiam intellectiva vis, ut non possent cognoscere quæ ex vi luminis naturalis cognoscere potuissent. Ex eo enim quod post verba Gabrielis ad Virginem, post verba angeli ad pastores, post verba de cœlo in baptismo edita, diabolus non cognovit Jesum esse Filium Dei, habetur quod non intellexit testimonia. Sic Cajetanus. Idem sentit Abulensis Matthæi iv quæstione 22.

Secundo dico, non a meipso, sed a Patribus, Christum Dominum etiam post tentationes diaboli cassatas, ut infra dicitur, id est, superatas, et in casum redditas, per opera et miracula sua dæmonibus magis ac magis innotuisse, et morali saltem certitudine pro Deo, et Dei Filio, veroque Messia habitum fuisse; non tamen omnino stabili et firmo assensu ac persuasionem, absque ulla dubitatione et formidine de opposito, ut loquuntur dialectici. Ratio

est, quia videbat diabolus in Christo multa signa infirmitatis humane, quæ in Deum cadere posse non putabat; nec videbat ipsam humanitatem Christi cum persona verbi hypostatice esse conjunctam; hoc enim supernaturale est: quod autem supra naturam est, dæmon suapte ingenio capere nequit. Miracula autem Christi non erant ita perspicua et evidentiæ, ut per se sufficerent ad fidem certam de ejus Deitate faciendam, seu ad credendum Christum esse Filium Dei naturalem, absque interna inspiratione, illustratione et motione divina, quam dæmones utique non habuerunt. Proinde quamvis scirent vera esse miracula, tamen propria malitia excecati suspicabantur fortasse, aut certe subdubiabant, hæc a Deo fieri non ad probandam ejus divinitatem, sed eximiam sanctitatem et dignitatis prærogativam: unde colligebant Christum esse quidem Dei Filium, singulariter adoptatum et unice dilectum, non tamen naturalem, genuinum ac proprium. Qua ratione respondetur demonstrationi superius factæ. Porro certitudinem quamdam et moralem cognitionem, non tamen omnimodam et indubiam de Christi divinitate persuasionem dæmonibus tribuunt Patres, præter Cassianum in hoc et sequenti cap. D. Hieronymus in cap. viii Matthæi, ad illud: Quid nobis et tibi, Jesu Fili Dei? Tam dæmones, inquit, quam diabolus (id est, dæmonum princeps) suspicari magis quam nosse Filium Dei intelligendi sunt. Augustinus seu quis auctor Quæstionum novi et veteris Testamenti, a D. Thoma citatus in Catena: Quod autem dæmones clamant: quid nobis et tibi, Jesu Fili Dei? magis ex suspicionem quam ex cognitione dixisse credendi sunt. Si enim cognovissent, numquam Dominum gloriæ crucifigi permisissent. Et alio loco (Lib. ix de Civit. c. 21): Ipsi, ait, dæmones etiam hoc ita sciunt, ut eidem Domino infirmitate carnis induto dixerint: Quid nobis et tibi, Jesu Nazarenæ? Venisti ante tempus perdere nos? Clarum est in his verbis quod in eis et tanta scientia erat, et charitas non erat. Pœnam quippe suam formidabant ab illo, non in illo justitiam diligebant. Et infra: post illam vero tentationem, cum angeli, sicut scriptum est, ministrarent ei, boni utique et sancti, ac per hoc spiritibus immundis metuendi et tremendi, magis magisque innotescebat dæmonibus quantus esset, ut ei jubenti, quamvis in illo contemptibilis videretur carnis infirmitas, resistere nullus auderet. Remigius apud eundem Thomam: Quotiescumque ejus virtute torquebantur, et signa et miracula facientem videbant, æstimabant eum esse Filium Dei; postquam videbant eum esurire, sitire, et his similia pati, dubitabant et credebant hominem purum. Gregorius Job. ii (Vide eundem lib. xxxiii Moral. c. 7): Malignus, inquit, spiritus, cum Redemptorem nostrum miraculis coruscare conspexit, clamat: Scimus quod sis Sanctus Dei, qui hæc dicens cognoscendo Dei Filium pertimescit. Sed tamen vim supernæ pietatis ignorans, dum passibilem considerat, hominem purum putat, etc. Beda Lucæ iv: Quem dierum 40 jejunio fatigatum diabolus hominem cognoverat, nec tentando valebat an ei Dei Filius esset experiri, jam nunc per signorum potentiam vel intellexit, vel potius suspicatus est esse Filium Dei. Denique S. Thomas (iii p., q. 44, art. 1): Dæmon, visis miraculis, ex quadam suspitione conjecturavit, eum esse Filium Dei. Ex his patet, quomodo intelligendum sit illud quod in Evangelio legitur (Marc. i et Luc. iv): Non sinebat ea loqui, quoniam vel quia sciebant ipsum esse Christum. Sciebant enim non certa et evidenti cognitione, sed probabili conjectura et vehementi suspitione, ut dictum est. Quamquam alii aliter exponunt quoniam vel quia pro quod positum esse, ut sensus sit: non sinebat Dominus dæmones hoc dicere, scilicet quod scirent



## CAPUT XII.

*Hanc dæmonis opinionem et verisimilem suspicionem comparat cum pertinaci et præfructa adversariorum sententia, et hanc illa nequiores magisque blasphemum esse demonstrat.*

Atqui sciebat utique Dominum Jesum Christum ex Maria natum esse, sciebat pannis obvolutum in præsepio positum, <sup>a</sup> pauperem ejus inter humana exordia parvitatem fuisse, et egenam etiam legitimis incunabulorum ministeriis infantiam: non dubitabat quoque eum veram carnem habere, vere hominem natum esse. Et <sup>b</sup> cur ei hoc ad securitatem parum visum est? cureum, quem vere hominem esse noverat, Deum posse esse credebat? Disce ergo, infelix furor, disce, insania et crudelis impietas, disce tandem vel a diabolo minoris esse perfidiæ. Ille si dixit, *Filius Dei es*; tu dicis, *Filius Dei non es*. Quod ille interrogavit, tu negas. <sup>c</sup> Nemo adhuc inventus est, præ-

A ter te, qui diabolicam impietatem fuerit supergressus; quod ille in Domino confessus est esse posse, tu non credis esse potuisse.

## CAPUT XIII.

*Dæmonem hanc divinitatis in Christo opinionem, propter occultam ejus quam sensit operationem, usque ad ipsam crucem et mortem ejus semper habuisse.*

Sed cessavit postea fersitan ac conquievit; et, cassatis tentationibus suis, deposuit suspicionem, quia non inveniebat effectum. <sup>d</sup> Mansit quinimodo in eo semper, et usque ad ipsam Domini crucem suspicio in eum per formidines proprias cumulata pervenit. Quid plura? ne tunc quidem opinari de eo Filium Dei desiit postquam tantum in eum persecutoribus suis licere cognovit. Sed callidus utique hostis inter ipsas quoque corporeas passiones signa divinitatis aspiciens, etiamsi esse eum malebat hominem, suspicari tamen compellebatur Deum; quia licet hoc

## ALARDI GAZÆI COMMENTARIUS.

ipsum esse Messiam; non permittebat eos loqui verba ista: *Nos scimus qui sis, Sanctus Dei*, id est, Messias a Deo missus; quia mentiebantur dicentes se scire quod non sciebant, et volebat Christus a Patre mendacii testimonium accipere. Ita Cajetanus, Jansenius et alii. Itaque non asserunt evangelisticæ dæmones hoc scivisse; sed hoc tantum dixisse se scire, et a Christo prohibitos esse. Similis est locus Matthæi xvi: *Præcepit discipulis suis, ut nemini dicerent quia ipse esset Christus*. Ubi manifeste quia pro quod ponitur.

Tertio dico itidem ex sententia Patrum: *Mysterium redemptionis humanæ per mortem et resurrectionem Christi non cognoverunt dæmones, antequam re ipsa peractum fuit*. Hæc est enim sapientia in mysterio abscondita, hoc est, secretum, seu mysterium, quod etiam dæmones latuit: quam, ut ait Apostolus, nemo principum hujus sæculi cognovit; si enim cognovissent, nunquam Dominum gloriæ crucifixissent (1 Cor. ii), a quo scilicet se debellandos et spoliandos intelligerent. Ita S. Leo sermone 9 de Passione Domini: *Nec ipse diabolus intellexit quod sapiendo in Christum suum destrueret principatum, qui antiquæ fraudis jura non perderet, si se a Domini Jesu sanguine contineret. Sed malitia nocendi avidus dum irruit, ruit; dum capit, captus est; dum persequitur mortalem, incidit in Salvatorem*. Et sermone 11: *Christus ut humanum genus vinculis mortiferæ prævaricationis absolveret, et sapiienti diabolo potentiam suæ majestatis occultuit, et infirmitatem nostræ humilitatis objecit. Si enim crudelis et superbus inimicus consilium misericordiæ Dei nosse potuisset, Judæorum animos mansuetudine potius temperore quam injustis odiis studuisset accendere; ne omnium captivorum amitteret servitutem, dum nihil sibi debentis persequitur libertatem. Fefellit ergo illum malignitas sua: intulit supplicium Filio Dei, quod cunctis filiis hominum in remedium verneretur; fudit sanguinem justum, qui reconciliando mundo et pretium esset, et poculum*. D Et rursus sermone 18: *Hoc magnæ pietatis sacramentum, dilectissimi, sicut Judaica impietas, ita diabolica superbia nesciebat. Si enim cognovissent, nunquam Dominum gloriæ crucifixissent. Sed quia hostem generis humani latebat consilium misericordiæ Dei, et, opposito carnis velamine, Deus in Christo mundum sibi reconcilians tegeretur, perstitit in eum furere, in quo nihil suum poterat invenire*. D. Gregorius ad illa verba Job. xl: *Numquid illudes ei, quasi avi? In passione, inquit, Dominus illudit avi, id est, dæmoni, dum ei unigeniti Filii sui ostendit escam, sed laqueum abscondit. Vidit enim, quod ore perciperet, sed non*

vidit quod gutture teneret. Nam quamvis eum fuerat ipse confessus Filium Dei, velut tamen purum hominem mori credidit, ad cujus mortem Judæorum animos concitavit. D. Isidorus lib. i de Summo Bono (Cap. 16): *Christus, ostensa suæ carnis mortalitate, quam interimendam diabolus appetebat, abscondit divinitatem, ut laqueum quo eum, velut avem improvisam, irretiret, etc.* Demum S. Thomas in prima parte (Quæst. 64, art. 1, ad 4): *Mysterium, inquit, regni Dei, quod est impletum per Christum, omnes quidem angeli a principio alio modo cognoverunt maxime ex quo beatificati sunt visione Verbi, quam dæmones nunquam habuerunt, non tamen omnes angeli cognoverunt perfecte, neque æqualiter. Unde dæmones multo minus, Christo existente in mundo, perfecte mysterium Incarnationis cognoverunt. Non enim innotuit eis, ut Augustinus dicit (Lib. ix de Civit. c. 21), sicut angeli, sanctis, qui Verbi participata æternitate perfruuntur, sed sicut eis terrendis innotescendum fuit per quædam temporalia effecta. Si autem perfecte et per certitudinem cognovissent ipsum esse Filium Dei, et effectum passionis ejus, nunquam Dominum gloriæ crucifigi procrastinassent. Ita SS. Patres. At de proposita quæstione plus satis dictum. Ignoscat lector si limites notationum in re tam ambigua et perplexa nonnihil excesserimus, in qua etiam Cassianus totis tribus capitibus immoratur.*

<sup>a</sup> Similibus verbis S. Leo sermone 4 de Epiphania: *Viderunt magi et adoraverunt puerum, quantitatem parvulum, alienæ opis indigum, fandi impotem, et in nullo ab humanæ infantie generalitate dissimilem.*

<sup>b</sup> Id est, ut securus esset, nec dubitaret non esse Deum, quem hominem, immo puerum parvulum esse videbat.

<sup>c</sup> Est hyperbole. Nam et alii Nestorio antiquiores, Christo perinde injuriosi, nec minus quam ille, diabolicam impietatem supergressi hac in parte dii possunt, ut Cerinthus, Ebion, Arius, Manichæus, et alii hæresiarchæ.

<sup>d</sup> Existimant nonnulli post diaboli tentationes in de-erio cassatas et superatas, non modo suspicionem vel opinionem cum formidine de opposito mansisse in dæmonibus, sed certam fidem ac persuasionem Deitatis Christi eis abortam; adeoque tunc etiam verum fuisse quod ait apostolus Jacobus: *Et dæmones credunt, et contremiscunt* (Jac. ii). Ita Maldonatus in cap. viii Matthæi. At huic opinioni multas SS. Patrum opiniones superius opposuimus, quibus ostendimus dæmones nec Christi divinitatem, nec redemptionis nostræ mysterium certo et explorete cognovisse ante ejus mortem, quando re ipsa et certo experimento id didicerunt.



mallet credere, quod volebat, cogebatur tamen ad id, certis rerum indiciis, quod timebat. Nec mirum; quamvis enim eum et consputum, et flagellatum, et contumeliis affectum, et in crucem actum videret, cernebat tamen inter ipsas injuriarum indignitates, divinas exabundare virtutes, dum velum templi scinditur, dum sol refugit, dum dies obscuratur, dum passionis virtutem omnia sentiunt; cuncta etiam quæ Deum nesciunt, opus divinitatis agnoscunt. Et ideo videns hoc diabolus ac tremens omnimodo pervenire ad Dei agnitionem, etiam in ipsa hominis consummatione, tentavit dicens per eos qui crucifixerant: *a Si Filius Dei est, descendat nunc de cruce, et credimus ei* (Matth. xxvii). Sensit utique Dominum Deum nostrum passione corporis redemptionem humane salutis operari, simulque ea et se destrui ac subjugari, et nos redimi atque salvari. Et ideo hostis generis humani omnimodo et omni dolo cassari cavoluit, quæ agi pro omnium redemptione cognovit. *Si Filius, inquit, Dei est, descendat nunc de cruce, et credimus ei*; scilicet ut, motus verborum contumelia, Dominus desereret sacramentum, dum ulcisceretur injuriam. Vides ergo Dominum etiam in cruce positum Filium Dei appellari; vides eos id quod nominant suspicari. Disce itaque, ut superius dixi, vel a persecutoribus ipsis, vel a diabolo, Filium Dei credere. Quis unquam acquavit dæmoniacam infidelitatem?

tem? quis supergressus est? Ille cum Filium Dei esse suspicatus est, etiam cum mortem pertulit; tu negas etiam cum resurrexit. Ille enim Deum suspicatus est, cui se occultuit, tu negas, cui probavit.

## CAPUT XIV.

*Scripturam sacram hæreticos pervertere ostendit, respondens ad eam rationem quæ ex Apostoli verbis: Sine patre, sine matre, etc., Hebr. vii.*

Uteris ergo adversus Deum Scripturis sacris, et suos in ipsum testes agere conaris. Sed quomodo? vere, ut non solum Dei, sed etiam testimoniorum ipsorum prævaricator sis. Nec mirum utique, si, quia id quod vis non potes, id facis solum quod potes; qui vertere in Deum testimonia sacra non vales, quod vales, ipsa pervertis. Dicis enim: Ergo et Paulus mentitur, de Christo dicens: *b Sine matre, sine genealogia*. Interrogo te, de quo hoc velis dixisse Paulum? de Filio et Verbo Dei, an de Christo, quem tu a Filio Dei separas, et hominem tantum esse blasphemias? Si de Christo, utique quem hominem solitarium dicis, quomodo nasci homo sine matre et sine genealogia maternæ originis potuit? Sin autem de Dei Verbo ac Dei Filio, quid facimus quod idem Apostolus, ut tu sacrilege æstimas, testis tuus, eodem loco atque eodem testimonio eum, quem tu sine matre asseris, etiam sine patre esse testatur, dicens: *sine patre, sine matre, sine genealogia*? Ergo superest ut Apostoli testi-

## ALARDI GAZÆI COMMENTARIUS.

*a* Chrysostomus in sermone de Passione Domini: *Considera, inquit, vocem filiorum diaboli, quomodo imitantur vocem paternam; diabolus enim dicebat: Mitte te deorsum, si Filius Dei es. Et Judæi dicunt: Si Filius Dei es, descende de cruce. Hieronymus in commentario: Fraudulenta autem est promissio, cum addunt: et credimus ei. Quid enim plus est, de cruce adhuc viventem descendere, an de sepulcro mortuum resurgere? Resurrexit, et non credidistis; ergo, etiam si de cruce descenderet, non crederetis. Sed mihi videntur hoc dæmones immittere; statim enim ut crucifixus est Dominus, senserunt virtutem crucis, et intellexerunt fractas esse vires suas; et hoc agunt, ut de cruce descendat. Sed Dominus sciens adversariorum insidias, permanet in patibulo, ut diabolum destruat. Leo pontifex tam Judæorum cecitatem quam dæmonum malitiam redarguens (Serm. 4 de Pass. Dom.): De quo, ait, erroris fonte, Judæi, de quo invidiæ lacu, talium blasphemiarum venena potastis (Ista citat S. Thomas in Catena omissis nonnullis)? Quis vobis magister tradidit, quæ doctrina persuasit, quod illum regem Israel, illum Dei Filium credere deberetis, qui se aut crucifigi non sineret, aut a confixione clavorum liberum corpus excuteret? non hoc vobis Legis mysteria aut prophetarum ora cecurrunt. Sed illud vere legistis: faciem meam non averti a confusione sputorum (Is. lii). Et iterum: Foderunt manus meas, et pedes meos, et diminuerunt omnia ossa mea (Psal. xxi). Numquid legistis: Dominus descendit de cruce? Sed legistis: Dominus regnavit a ligno. Similia habet Gregorius homil. 21 in Evangelia, et Bernardus sermone 1 de Resurrectione: Hoc est, inquit, quod dolet renerati serpentis astutia, exaltatum in deserto serpentem animum, cujus intuitu sanentur vulnera quæ inflavit (Num xxi). Alioquin quoram alio instigante misisse credimus uxorem Pilati ad ipsum, dicentem: Nihil tibi et justo illi, multa enim passa sum hodie per visum propter illum? Timebat ergo jam tunc, sed nunc maxime, virtute crucis enervari se sentiens inimicus.*

*c* Sera ducitur pœnitentia; et quos instigavit ad crucifigendum, instigat ad suadendum ut descendat de cruce. Denique si rex Israel est, inquit, descendat de cruce, et credimus ei. Hæc plane serpentis astutia, hæc adinventio nequitiae spiritualis, etc.

*b* Elegantius in Græco, vocibus compositis, legitur, ἀπάτωρ, ἀμήτωρ, ἀγενεαλόγητος. Sunt autem hæc ab Apostolo dicta (Hebr. vii) de rege Melchisedech, quatenus Christi typum et similitudinem gessit, quemadmodum et quæ sequuntur ibidem: Neque initium dierum, neque finem vitæ habens; quare necesse est utrique suo modo convenire, et de utroque vere enuntiari. At primam partem hujus sententiæ, quod sibi contraria esset, callide subdicebat Nestorius, et, ea sic truncata, colligebat Mariam non esse Θεοτόκον, Dei Matrem, cum Christus ἀμήτωρ, sine matre, ab Apostolo diceretur; fallaciter dissimulans eadem ratione colligi posse nec Christum ut Deum habere Patrem, cum etiam ἀπάτωρ eadem Apostoli sententiâ prædicetur, ut hic plenius declaratur. Dictus autem est Melchisedech sine patre, sine matre, sine genealogia, non quod patrem, aut matrem non habuerit, sed quia de his Scriptura non meminit. Et hac ratione Christi typus exstitit: quia sicut illius pater non invenitur, ita neque Christi secundum carnem; et sicut illius mater non legitur, ita neque Christi secundum divinitatem: immo nec reipsa habuit. Unde versus etiam a D. Thoma citatus (In comment. ad Hebr. vii):

Est sine matre Deus, est sine patre caro.

Cui similis alius:

De genitore Deus, de genitrice puer.

Nimirum Deus sine matre, puer sine patre; et sicut Melchisedech ἀγενεαλόγητος, sine genealogia, in Scripturis reperitur, quia non nominatur, sic neque divinæ Christi generationis origo et modus comprehendendi potest.



monio utens, quia Filium Dei sine matre asseris, A etiam sine patre esse blasphemus. Vides ergo perversitatis ac nequitiae tuae studio, in quod te impietatis prae-ruptum jeceris: ut quod nemo adhuc a saeculis, nisi insanus fortasse, dixit, dum Filium Dei matrem non habuisse dicis, etiam patrem ipsius deneges. Et hoc tamen nescio impietate majori an ineptia; quia quid stultius, quid ineptius, quam filii nomen ponere et patris nomen velle reticere? Sed dicis: Non reticeo, non nego. Et quis ergo te furor compulit, testimonium illud ponere, ubi dum matrem eum non habuisse dicis, etiam patrem ejus negasse videaris? Nam cum in eodem testimonio, sicut sine matre, ita etiam sine patre esse dicatur, necesse est ut si sine matre ibi intelligi potest eodem modo quo sine matre esse ibi intelligitur, etiam sine patre esse credatur. Sed hoc prae-rupta illa ad negandum Deum insania non intellexit; quae cum id truncatum poneret, quod integrum scriptum est, non vidit reserata sacri voluminis serie redargui impudens atque apertum posse mendacium. O stulta blasphemia et amentia! quae dum ipsa non videt quid sequi debeat, etiam illud non sapuit quid legi possit; quasi vero quia <sup>a</sup> auferbat sibi intelligentiam, auferre posset omnibus lectionem; aut ideo perdituri omnes ad legendum oculos capitis sui essent, quia ipse jam mentis oculos perdidisset. Audi ergo, haeretice, quod furatus es; audi plena et integra, quae debilia ac truncata posuisti. Apostolus duplicem Dei nativitatem insinuare omnibus cupiens, ut et in Deitate natum Dominum et in carne monstraret, ait, *Sine patre, sine matre*; C alterum enim proprium est divinitatis nativitati, alterum carnis. Quia sicut in Deitate est sine matre generatus, ita in corpore est sine patre: ac sic cum nec sine patre, nec sine matre sit, et sine patre tamen et sine matre credendus est. Quia si dum ex patre nascitur, respicis, sine matre esse; si dum ex matre, sine patre. Ac sic in singulis nativitatibus alterum habens, alterum in utroque non habuit; quia nec divinitatis nativitas matre eguit, et ad nati-

vitatem corporis sibi ipsi sufficit sine patre. Ergo, inquit Apostolus, *sine patre, sine matre, sine genealogia*.

## CAPUT XV.

*Quomodo Christus sine genealogia ab Apostolo fuisse dicatur.*

Quomodo sine genealogia Dominum fuisse dicit, cum Evangelium Matthaei evangelistae a genealogia coeperit Salvatoris, dicens: *Liber generationis Jesu Christi, filii David, filii Abraham*? Ergo et juxta evangelistam habet genealogiam, et juxta Apostolum non habet: quia juxta Evangelium ex matre habet, juxta Apostolum ex patre non habet. Et ideo bene Apostolus dicens, *Sine patre, sine matre, sine genealogia*; ubi eum sine matre genitum esse posuit, ibi etiam sine genealogia esse memoravit. Ac per hoc B in utraque Domini nativitate, et evangelica sibi et apostolica simul scripta conveniunt. Quia et juxta evangelistam habet genealogiam sine patre in carne natus; et juxta Apostolum non habet, sine matre Dominus in Deitate generatus, Isaia dicente: <sup>b</sup> *Generationem autem ejus quis enarrabit (Is. LIII)?*

## CAPUT XVI.

*Ad instar daemonis Christum tentantis, ostendit haereticos Scripturam sacram truncare et pervertere.*

Cur ergo, haeretice, non hoc modo quae legeras integra et incorrupta posuisti? Vides itaque Apostolum hac ratione qua natum Dominum sine patre posuit, hac etiam sine matre posuisse; ut et qua ratione intelligeretur esse sine patre, hac nosceretur esse sine matre. Et sicut non possit utique sine patre credi, ita sine matre quoque non possit intelligi. Cur ergo, haeretice, non hoc modo quae in Apostolo legeras incolumia et inviolata posuisti? sed <sup>c</sup> partem ingeris, partem subtrahis; et ut astruere falsitatem per scelus possis, veritatis verba furaris. Video a quo ductus es. Illius enim habere credendus es institutionem, cujus sequeris exemplum. Sic enim diabolus in Evangelio tentans Deum: *Si Filius, inquit, Dei es, mitte te deorsum. Scriptum est enim quia angelis suis mandavit de te, ut custodiant te in omnibus viis tuis (Luc.*

## ALARDI GAZÆI COMMENTARIUS.

<sup>a</sup> Id est, volebat intelligere quod legebat. De quo Psalmista: *Noluit intelligere, ut bene ageret*. De Nestorio proprie, ut bene sentiret et loqueretur.

<sup>b</sup> Haec verba Isaiae de divina et aeterna Christi generatione a Patre interpretatur etiam D. Hieronymus scribens in cap. 1 Matthaei: *In Isaia, inquit, legimus: Generationem ejus quis enarrabit? Non ergo videmus evangelistam prophetam esse contrarium, ut quod ille impossibile dixit effatu, hic narrare incipiat; quia ibi de generatione divinitatis, hic de incarnatione est dictum*. A Matthaeo scilicet, qui suum Evangelium sic exorsus est: *Liber generationis Jesu Christi filii David (Matth. 1)*, etc. Verum alii Patres eundem locum etiam de humana et temporali generatione et nativitate Christi ex Virgine exponunt. Tertullianus lib. adversus Judaeos cap. 43, Cyrillus l. v in Joannem c. 2, Chrysostomus homilia de S. Joanne Baptista, Ambrosius lib. 1 de Fide, ad Gratianum, c. 5, ubi, cum prius de aeterna generatione dixisset: *Mihi quidem impossibile est generationis scire secretum: mens deficit, vox silet, non mea tantum, sed et angelorum*, subdit inferius: *Non sola admirabilis ex Patre generatio Christi, admirabilis etiam ejus genera-*

*tio ex Virgine*. Ipse etiam Hieronymus in Commentariis Isaiae fatetur eadem verba dupliciter intelligi, aut de divinitate, aut de partu Virginis. Apertissime vero D. Leo sermone 3 de Nativitate: *Non enim, inquit, ad illud tantummodo sacramentum, quo Filius Dei consempernus est Patri, sed etiam ad hunc ortum quo Verbum caro factum est, credimus pertinere, quod dictum est: Generationem ejus quis enarrabit?* Et sermone 10: *Salvatoris nostri natiuitas non solum secundum Deitatem de Patre, sed etiam secundum carnem de matre, ita facultatem humani excedit eloquii, ut merito ad utrumque referatur quod dictum est, Generationem ejus quis enarrabit?* etc. D. Thomas utramque sententiam explicans et concilians (3 p., q. 31, a. 3). *Dicendum, inquit, quod, sicut dicit Hieronymus super Matthaeum, Isaias loquitur de generatione divinitatis, Matthaeus autem enarrat generationem Christi secundum humanitatem: non quidem explicans modum Incarnationis, quia hoc etiam est ineffabile, sed enumerans patres ex quibus Christus secundum carnem processit*.

<sup>c</sup> De hac haereticorum pravitate in truncandis et dilacerandis Scripturis superius dictum est.



iv, ps. xc). Et cum hoc dixisset, coherrentia et sub-  
jecta subtraxit, id est, *Super aspidem et basiliscum  
ambulabis, et conculcabis leonem et draconem*. Callide  
utique superiora posuit, inferiora subtraxit; illud  
enim posuit ut circumscriberet, <sup>a</sup> hoc reticuit ne se  
ipse damnaret. Sciebat enim se aspidem et basilis-  
cum, se leonem et draconem prophetica voce si-  
gnari. Ita ergo et tu partem obiciens, partem sub-  
trahens, illud scilicet ponis ut circumvenias, hoc  
subtrahis ne si totum utique posueris, circumscrip-  
tionem tuam ipse condemnes. Sed tempus tandem  
est ad ulteriora transire; nimis enim diu in singulis  
commorantes, dum affectu copiosæ responsionis du-  
cimur, modum libri etiam longioris excedimus.

#### CAPUT XVII.

*Christi gloriam et dignitatem non ita Spiritui sancto  
ascribendam esse, ut ab ipso Christo negetur pro-  
fecta, quasi omnis quæ in illo fuit excellentia aliena  
et aliunde profecta fuerit.*

Ais ergo in alia disputatione, immo in alia blas-  
phemia tua, et Spiritum de divina natura separans,  
qui humanitatem ejus creavit. <sup>b</sup> Ait enim quia *Quod  
ex Maria natum est, de Spiritu sancto est* (Matth. i).  
Qui et justitia replevit, quod creatum est. Ait enim:  
*Apparuit in carne, justificatus est in Spiritu* (I Tim. iii).  
Item, qui eum fecit et dæmonii metuendum. Ego  
enim, ait, *in Spiritu Dei ejicio dæmonia* (Luc. xi).  
Qui et carnem ejus fecit templum. Vidi enim Spiritum  
ejus descendentem quasi columbam, et manentem  
super eum (Joan. i). Item, qui ei donavit elevationem  
in cælum. Ait enim: *Dans mandatum apostolis quos*

<sup>A</sup> *elegit, per Spiritum sanctum elevatus est* (Act. i).  
Hunc denique qui tantam gloriam Christo donavit.  
Omnis ergo in his blasphemia tua hæc est, ut nihil  
Christus per se habuerit; sed nec ipse, ut tu ais,  
solitarius homo aliquid a Verbo, id est, a Filio Dei  
acceperit, sed totum in eo donum Spiritus fuerit.  
Si ergo omne id quod tu ad Spiritum refers, esse  
ipsius demonstrabimus, quid reliquum est, nisi ut  
quem tu ideo hominem vis intelligi, quia, ut ais,  
totum habuerit alienum, nos ideo probemus Deum,  
quia habuerit totum suum? Et quidem hoc non dis-  
putationibus tantum, aut argumentis, sed voce ipsius  
Divinitatis probabimus, quia nulla de Deo rectius  
quam divina testantur. Et quia nulla se melius quam  
ipsa Majestas Dei novit, nullis de Deo dignius cre-  
<sup>B</sup> ditur quam his in quibus Deus ipse est testis suus.  
Primum ergo quod ais, quia humanitatem ejus Spi-  
ritus sanctus creavit, possemus id nos simpliciter  
intelligere, si agnosceremus te id non infideliter  
protulisse. Neque enim nos conceptam ex Spiritu  
sancto Domini carnem negamus; sed ita tamen con-  
ceptum corpus cooperante Spiritu dicimus, <sup>c</sup> ut  
creatum tamen sibi a Filio Dei hominem suum esse  
dicamus, dicente ipso in Scriptis sacris Spiritu san-  
cto, atque testante: <sup>d</sup> *Sapientia ædificavit sibi domum*  
(Prov. ix). Vides ergo quod id quod conceptum est a  
Spiritu sancto, ædificatum a Filio Dei atque perfe-  
ctum est? non quia aliud opus Filii Dei, aliud Spi-  
ritus sancti; sed quia per unitatem divinitatis ac ma-  
jestatis, et operatio Spiritus ædificatio Filii Dei sit,  
<sup>C</sup> et ædificatio Filii Dei, cooperatio Spiritus sancti. Et  
ideo <sup>e</sup> non solum Spiritus sanctus in Virginem super-

#### ALARDI GAZÆI COMMENTARIUS.

<sup>a</sup> Scite D. Chrysostomus (Hom. 5 Oper. Imperf.):  
*O diabolus, quoniam Filius Dei manibus portatur legisti,  
et quia super aspidem et basiliscum calcas non legisti?  
Sed illud quidem exemplum profers ut superbus, hoc  
autem taces ut astutus*. D. Hieronymus in Commen-  
tario: *Hoc, inquit, in nonagesimo psalmo legimus;  
verum ibi non de Christo, sed de viro sancto prophetia  
est. Male ergo interpretatur Scripturas diabolus. Certe  
si vere de Salvatore scriptum noverat, debuerat et illud  
dicere quod in eodem psalmo contra se sequitur: Super  
aspidem et basiliscum ambulabis, et conculcabis leonem  
et draconem. De angelorum auxilio quasi ad infirmum  
loquitur, de sua conculcatione quasi tergiversator tacet.*  
Et D. Bernardus sermone 14 in eundem psalmum:  
*Animadvertite et videte quomodo subticuit malignus et  
fraudulentus, quod malignitatis suæ commenta dissol-  
veret. Quid enim mandavit? nempe quod in psalmo se-  
quitur: Ut custodiant te in omnibus viis tuis. Num-  
quid in præcipitiis? Qualis via hæc, de pinnaculo  
templi mittere se deorsum? non est via hæc, sed ruina;  
et si via, tua est, non illius. Quid vero taces et illud  
quod sequitur: Super aspidem et basiliscum ambulabis,  
etc.? Te enim hæc parabola tangit. Monstruosa mali-  
gnitas monstruosis appellationibus conculcanda signa-  
tur, etc.*

<sup>b</sup> Proferuntur hic rursus verba Nestorii, qui ex  
sacris litteris probare contendebat, Christum nihil a  
se habere, sed omnia a Spiritu sancto, quasi alio et  
gratuito donatore et collatore, accepisse, nempe  
humanitatem ipsam, generationem, justificationem,  
sanctificationem, potentiam, exaltationem, et glo-  
riam, ac proinde non esse verum Deum, sed hominem  
purum et solitarium, uti vocabat. Quæ quidem dicta

singula totidem continent contra Christi divinitatem  
blasphemias. Legendum igitur hic secundo loco et  
sequentibus: *Ait enim, nempe Scriptura; non, ais  
enim, ut initio capitis, quod in præcedenti editione  
non observatum. Singulis enim suis dictis Nestorius  
singulas Scripturæ auctoritates prave intellectas ad-  
hibebat, ut hic videre est.*

<sup>c</sup> Hominem suum, id est, humanitatem suam;  
quomodo Patres sæpe loquuntur, ut alias dictum est.  
Suam, inquam, humanitatem ipse Dei Filius creavit,  
quoniam in ipso conceptionis momento, corpus sibi  
de purissimis immaculatæ Virginis sanguinibus apta-  
vit, et beatissimam suam animam eidem infudit, et  
divinitatem suam utique hypostatice univit atque  
conjunxit. Quod S. Athanasius in suo symbolo lucu-  
lenter expressit.

<sup>d</sup> Hieronymus, vel potius Beda in hunc locum:  
*Sapientia ædificavit sibi domum: quia hominem Filius  
Dei, quem in unitatem suæ personæ susciperet, ipse  
creavit. Ubi hominem similiter pro assumpta huma-  
nitate posuit.*

<sup>e</sup> Sic et Chrysostomus interpretatur (Homil. 49,  
in Gen. iv), virtutem Altissimi a Spiritu sancti ob-  
umbratione distinguens, et virtutem Altissimi Chri-  
stum ipsum appellans: *Insper, ait: et virtus Altis-  
simi obumbrabit tibi. Altissimi Regis virtus Christus  
est, qui per adventum Spiritus sancti formatur in Vir-  
gine. Et Gregorius xviii Moral. cap. 2: Propter men-  
tis refrigerium cælitus datum Mariæ dicitur: Virtus  
Altissimi obumbrabit tibi. Quamvis hac in re per ob-  
umbrationis vocabulum, incarnandi Dei utraque posuit  
natura signari. Umbra enim a lumine formatur et cor-  
pore; Dominus autem per divinitatem lumen est, quod*



venisse, sed etiam virtus Altissimi obumbrasse Virginem legitur; ut quia sapientia ipsa plenitudo Divinitatis est, Sapientiae sibi domum aedificanti omnem divinitatis plenitudinem nemo ambigeret affuisse. Sed infelix blasphemandi amentia, dum separare Christum a Filio Dei nititur, non videt se ipsam a se Divinitatis penitus separare naturam. Nisi forte credit quod ideo aedificata ei a Spiritu sancto domus sit, quia idoneus ac potens aedificare sibi domum ipse non fuerit. Sed hoc quam insanum est, tam ridiculum; ut qui nutu omnem coelestium ac terrestrium universitatem creasse creditur, aedificare sibi corpus non potuisse credatur? praesertim cum virtus sancti Spiritus virtus ejus sit: et <sup>a</sup> ita unita sibi atque inseparabilis divinitas sit Trinitatis atque majestas, ut nihil omnino in una Deitatis persona possit intelligi quod a plenitudine divinitatis valeat separari. Ergo hoc posito et intellecto, quod, juxta fidem Scripturae sacrae, Spiritu sancto superveniente, et virtute Altissimi obumbrante, Sapientia sibi domum aedificaverit, reliquae calumniarum blasphemiae nihil sunt. Neque enim dubium est quod ipse per se atque in se universa fecerit, in cujus nomine ac fide etiam credentium fides nulla non potuit. Neque enim ille auxilio alterius eguit, cum ne illi quidem eguerint, qui in virtute ipsius crediderunt. Atque ideo et illud, quod ais, quia a Spiritu justificatus sit, et quod metuendum eum daemonibus Spiritus fecerit, et quod caro ejus a Spiritu facta sit

A templum, et quod a Spiritu elevatus sit in caelum, sacrilega et furiosa sunt omnia: non quia in his omnibus quae ipse fecit unitas et cooperatio Spiritus defuisse credenda sit, utpote cum numquam Deitas a se desit, et in operibus Salvatoris semper virtus fuerit Trinitatis; sed quia tu Domino Jesu Christo, quasi inopi et imbecillo opitulatum vis Spiritum sanctum, qui ea illi utique tribuerit, quae praestare sibi ipsi non quiverit. Disce itaque ex sacris testimoniis Deum credere, et falsitatem veritati non admiscere, quia res non recipit, et ratio perhorrescit, ut divinis testimoniis daemoniaci spiritus intelligentia misceatur.

## CAPUT XVIII.

B *Illud Apostoli quomodo intelligendum sit: Apparuit in carne, justificatus est in Spiritu, etc.*

Jam primum enim hoc <sup>b</sup> quod ais, quia justitia repleverit quod creatum est; et hoc Apostolico vis testimonio comprobare, quod dicat, *apparuit in carne, justificatus est in Spiritu*: utrumque insano sensu et furioso spiritu loqueris. Quia et hoc quod a Spiritu vis eum repletum esse justitia, ideo ponis ut ostendas ejus vacuitatem, cui praestitam esse asseras justitiae adimpletionem. Et hoc quod super hac re Apostolico testimonio uteris, divini testimonii ordinem rationemque furaris. Non enim ita ab Apostolo positum est, ut tu id truncatum vitiatumque posuisti. Quid enim Apostolus ait? *Et manifeste <sup>c</sup> magnum est*

## ALARDI GAZÆI COMMENTARIUS.

mediante anima in ejus utero fieri dignatus est per humanitatem corpus. Quia ergo lumen incorporeum in ejus erat utero corporandum, ei quae incorporeum concepit ad corpus, dicitur: Virtus Altissimi obumbrabit tibi, id est, corpus in te humanitatis accipiet incorporeum lumen divinitatis. Similiter et Damascenus lib. iii cap. 2, Beda et Theophylactus in Commentariis. Ex quibus D. Thomas hæc summam, more suo, colligit, quae huic loco elucidando commode serviant: Dicendum, inquit (in p., q. 32, a. 1), quod opus conceptionis commune quidem est toti Trinitati; secundum tamen modum aliquem attribuitur singulis personis. Nam Patri attribuitur auctoritas respectu personae Filii, qui per hujusmodi conceptionem sibi assumpsit humanam naturam. Filio autem attribuitur ipsa carnis assumptio. Sed Spiritui sancto attribuitur formatio corporis, quod assumitur a Filio. Nam ipse Spiritus sanctus est Spiritus Filii, secundum illud Gal. iv: Misit Deus Spiritum Filii sui. Sicut autem virtus animæ, quae est in semine, per spiritum qui in semine includitur format corpus in generatione aliorum hominum; ita virtus Dei, quae est ipse Filius (secundum illud I Cor. i: Christum Dei virtutem) per Spiritum sanctum corpus formavit quod assumpsit. Et hoc etiam verba angeli commonstrant, dicentis: Spiritus sanctus superveniet in te, quasi ad præparandam et formandam materiam corporis Christi; et virtus Altissimi, id est, Christus, obumbrabit tibi, corpus in te humanitatis accipiet incorporeum lumen divinitatis. Umbra enim a lumine formatur et corpore, ut Gregorius dicit xviii Moral., Altissimus autem intelligitur Pater, cujus virtus est Filius. Hucusque S. Thomas. Porro Euthymius et alii pro eodem accipiunt et quod virtus Altissimi eam obumbravit; ut sit ejusdem sententiae sub aliis verbis repetitio, quae Scripturis frequens est. Et solet Spiritus sanctus, sicut digitus

C Dei, ita et virtus Dei eadem similitudine vocari. Lucæ xxiv: Vos autem sedete in civitate, quoadusque induamini virtute ex alto. Actorum i: Accipietis virtutem supervenientis in vos Spiritus sancti.

<sup>a</sup> Numquam enim, ait S. Leo (Serm. 3 de Pentec.), ab omnipotentia Patris, et Filii, Spiritus sancti est discreta majestas; et quidquid in dispositione omnium rerum agit divina moderatio, ex totius venit providentia Trinitatis. Una est ibi benignitas misericordiae, una censura justitiae, nec aliquid est in actione divisum, ubi nihil est in voluntate diversum, etc.

<sup>b</sup> Quia, pro quod, justitia repleverit (scilicet Spiritus) quod creatum est, id est, Christum, quem creavit. Hoc enim est tertium Nestorii dictum, seu blasphemia, inter alias superius (Cap. 17) expressas: Qui et justitia replevit quod creatum est. Cui infra respondebitur.

<sup>c</sup> Graece legitur: καὶ ὁμολογουμένως (id est, omnium confessione, ut Ambrosius vertit, vel extra controversiam, ut alii) μέγα ἐστὶ τὸ τῆς εὐσεβείας μυστήριον, Θεὸς ἐφανερώθη ἐν σαρκὶ, ἐδικαιώθη ἐν Πνεύματι. Ubi manifestum est non haberi quod, ut in nostro textu, sed pro eo, Θεός, id est, Deus (ut scite observavit Gagneius), ut hoc magnum pietatis et religionis mysterium, sive sacramentum, intelligatur Deus Christus, qui manifestatus est in carne; qui enim antea homines latebat in divinitate, per carnis assumptionem illis innotuit in sua humanitate. Justificatus est in Spiritu; quod indubie secundum humanitatem intelligi debet, secundum quam justificatus dicitur, quomodo et sanctificatus, Joannis x: Quem Pater sanctificavit et misit in mundum. Justificatus autem est Spiritu, id est, per Spiritum sanctum et plenitudinem gratiae; vel justificatus est, id est, justus apparuit. Nam etsi comessator et potator vini, et daemonium habens, a Judæis audiret, justus tamen ab omnibus agnitus est, et amplius agnosceretur cum Ju-



pietatis sacramentum, quod manifestatum est in carne, A justificatum est in Spiritu. Vides ergo quod mysterium pietatis, vel sacramentum, justificatum Apostolus prædicavit? Non enim tam immemor ipse dictorum suorum ac doctrine suæ erat, ut eum justitiæ eguisse diceret, quem ipse semper justitiam prædicarat, dicens : *Qui factus est nobis justitia et sanctificatio, et redemptio* (I Cor. 1). Alibi quoque : *Sed abluti, inquit, estis, sed justificati estis, sed sanctificati estis in nomine Domini nostri Jesu Christi* (I Cor. 1). Quam longe ergo ab eo est ut adimpletione justitiæ indignerit, qui justitia universa complevit; et ut majestas ejus justitiam non habuerit, cujus etiam nomen cuncta justificat. Vides ergo vel quam inepta blasphemia tua, vel quam insana sit, quia id auferre Domino nostro niteris, quod ita ab eo in omnes credentes large semper effunditur, ut numquam in ipsa tamen jugi largitate minuitur?

## CAPUT XIX.

*Quod Christum non Spiritus solum, sed ipse seipsum quoque metuendum fecerit.*

Dicis quoque quod Spiritus eum fecerit dæmonibus metuendum. Ad quod quidem respuendum ac refutandum, etiamsi ipsa dicti execrabilitas satisfecit,

tamen adhibemus exempla. Dic mihi, quæso, tu, qui hoc, quod eum dæmones timerunt, non suum dicis, sed alienum, nec potestatis hoc vis fuisse, sed muneris, quomodo etiam nomen ejus potestatem habuit qua ipse, ut tu ais, indigens fuit? quomodo \* in nomine ejus dæmones ejeti, debiles curati, mortui suscitati sunt? Petrus enim apostolus claudo illi qui sedebat ad Speciosam portam templi, *In nomine inquit, Jesu Christi surge, ambula* (Act. 3). Et iterum in civitate Joppe, ad eum qui ab annis octo paralyticus jacebat in lecto : *Ænea, sancte te, inquit, Dominus Jesus Christus; surge et æterne tibi* (Act. 19). Paulus quoque : *Præcipio, inquit, tibi, ad spiritum pythonem, in nomine Jesu Christi exire ab ea* (Act. xvi). Et exiit ab ea dæmonium. Sed quam longe hæc imbecillitas a Domino nostro fuerit, hinc intellige, quod ego ne illos quidem imbecillos fuisse dico, quos ille per nomen suum potentes fecerit. Siquidem nulli unquam apostolorum post Domini resurrectionem vel dæmonem vel ullam infirmitatem obstitisse agnovimus. Quomodo ergo metuendum eum Spiritus reddidit, qui alios fecit esse metuendos? aut in seipso infirmus fuit, cujus fides etiam per alios super universa regnavit? Postremo hi qui potestatem a Deo

## ALARDI GAZÆI COMMENTARIUS.

dex omnium apparebit. Sic psalm. xviii, *judicia Domini dicuntur justificata in semetipsis*, id est, consummata, quibus nemo possit detrudere. Et Matthei xi : *Justificata est sapientia a filiis suis*, id est, comprobata et vindicata ab omni calumnia. Itaque tam ex Græco textu quam Latino aperte convincitur Nestorii nequitia ac versutia. Ex Græco quidem, quod suppresso nomine Θεός (quod eum jugulabat), ita citaret verba Apostoli : Apparuit in carne, justificatus est in Spiritu, cum dicere debuisset : *Deus apparuit in carne, justificatus est in Spiritu*, etc., ut habet textus Græcus, et integra et vera sententia est : quomodo eam citant Patres Græci, Athanasius initio lib. de Incarnatione : *A Paulo, inquit, dictum est magnum esse citra controversiam mysterium pietatis, Deum manifestatum esse in carne, justificatum in Spiritu, visum angelis, prædicatum in gentibus*, etc. Et Cyrillus in declaratione secundi anathematis contra Nestorium : *Scribit divinus Paulus : In confesso magnum est pietatis mysterium. Deus apparuit in carne, justificatus est Spiritu, visus est angelis, prædicatus est inter gentes, fides illi habita est in mundo, assumptus est in gloria. Quid igitur est quod dicit : Deus apparuit in carne? Hoc est, Verbum ex Deo Patre caro factum est, non secundum transmutationem aut conversionem in carnem mutatam, sed magis quod carnem ex Virgine sumptam propriam sic fecerit unus et idem appellatus Filius ante Incarnationem, tamquam carnis expers et Verbum tantum, post Incarnationem vero idem existens in corpore*, etc. Ex Latino autem interprete et vulgata versione (quam Cassianus, utpote inter Latinos et Latine scribens, secutus est) etiam redarguitur Nestorius, tum quia licet non exprimat Deus, tamen subintelligitur cum dicitur : *Magnum pietatis sacramentum, quod manifestatum est in carne*, etc. Quod enim aliud fingi potest tam magnum pietatis et religionis Christianæ mysterium, manifestatum in carne, etc., nisi Christus Deus et homo, Verbum caro factum est? tum quod Christum sic interpretaretur justificatum a Spiritu sancto quasi extraneo, et quasi per se justitia vacuum, omnis gratiæ expertem et alienæ opis indigum, cum non a solo Spiritu sancto, sed pariter a Patre et a seipso justificatus

dici debeat, id est, a tota Trinitate, cujus opera sunt indivisa, ut dictum est. Ut igitur *stulto*, nempe Nestorio, *juxta stultitiam suam respondeatur* : replevit Spiritus sanctus justitia Christum hominem, quem creaverat, ut ait Nestorius; at non solus, sed Pater, et Filius, et Spiritus sanctus : proinde et ipse Christus, ut Deus, seipsum, ut hominem, id est, humanitatem suam justitia et sanctitate replevit.

\* Formam et rationem dæmonia ejicienti invocato Christi nomine ipse emet Christus instituit, quando dixit : *In nomine meo dæmonia ejicient* (Marc. xvi). Unde et apostoli de hoc munere sibi collato gloriantes : *Domine, inquit, etiam dæmonia subjiunguntur nobis in nomine tuo* (Luc. x). Immo et de Judæorum exorcistis dicit Joannes : *Vidimus quemdam ejicientem dæmonia in nomine tuo, qui non sequitur nobiscum* (Luc. ix). Primi etiam Christiani et viri sancti quovis sæculo hac ratione in expellendis dæmonibus usi sunt, attestante Justino in disputatione cum Tryphone : *Per nomen, inquit, ipsius Filii Dei et primogeniti creaturæ omnis, dæmonium omne adjuratum vincitur, et in ditionem redigitur*. Et paulo ante : *Ejus nominis potentiam dæmones tremunt et formidant, et hodie quoque ipsi per nomen Jesu Christi crucifixi sub Pontio Pilato adjurati nobis parent*. Athanasius item in libro de Incarnatione Verbi : *Ubi nominatur vel Christus, vel fides ejus, inde omnis idololatria depellitur, et dæmonum insidiæ patefiunt; ac quotquot sunt dæmones, ne nomen quidem ejus tolerant; sed ubi vel solum id audierint, in fugam vertuntur*. Prudentius, in Apotheosi contra Judæos :

Torquetur Apollo

Nomine percussus Christi; nec fulmina Verbi  
Ferre potest : agitant miserum tot verbera linguæ,  
Quot laudata Dei resonant miracula Christi.

Et ut exemplum unum e centuriis proferam, refert Sozomenus de Arsacio (Lib. iv Histor. c. 15), quod cum quidam vexatus dæmonio per forum gladio stricto curreret, omnesque fugerent ab eo, et tumultus urbem occuparet, Arsacius, factus illi obviam, Christum nominavit, verbo hominem dejecit, eum extemplo dæmone purgavit.



acceperunt, numquam potestate ipsa ut sua usi sunt, sed potestatem ipsam ad eum a quo acceperant retulerunt : quia nec potestas ipsa vim ullam unquam habere potuit, nisi per nomen ipsius qui dedit. Ideoque et apostoli et omnes ministri Dei nihil in suo unquam, sed in Christi nomine atque invocatione fecerunt ; quia potestas ipsa inde accipiebat virtutem, unde habebat exordium ; et dari per ministros nequaquam poterat, nisi ab auctore venisset. Tu ergo, qui idem Dominum fuisse dicis quod unum ex servis suis ; quia sicut apostoli nihil utique habuerant, nisi a Domino suo accepissent, ita tu nihil vis Dominum ipsum habuisse, nisi quod a Spiritu acceperit, ac per hoc et ipsum quod habuit, non ut Dominum vis habuisse, sed ut servum accepisse : dic mihi ergo quomodo ille potestate ipsa, ut sua, non ut accepta, utebatur ? Quid enim de eo legimus ? Surge, inquit paralytico, tolle grabatum tuum, et vade in domum tuam (Matth. ix). Et iterum supplicanti pro filio patri : Vade, inquit, filius tuus vivit (Joan. iv). Et illud ubi unicus matris ad sepulcrum deferebatur : <sup>a</sup> Adolescens, inquit, tibi dico, surge (Lucæ vii). Numquid ergo, ut mos eorum qui potestatem a Deo accipiebant, potestatem quoque ille dari sibi ad efficiendum invocatione divini nominis postulabat ? Cur non sicut apostoli in nomine ipsius, ita ipse quoque in nomine Spiritus operabatur ? Denique quid de ipso Evangelium protestatur ? Erat, inquit, docens eos sicut potestatem habens, non sicut Scribæ et Pharisei (Matth. vii). Aut superbum et arrogantem forsitan vis fuisse, qui potestatem quam a Deo, ut ais, accepisset, suæ potentiae deputaret ? Sed quid facimus quod potestas numquam est obsecuta famulis, nisi per nomen auctoris ; nec habere efficientiam potuit, si aliquid sibi ex ea faciens deputavit.

## CAPUT XX.

Gravioribus urgentioribusque argumentis sententiam illam invalidare conatur.

Sed quid tamdiu evidentibus quidem, sed tamen minoribus argumentis contra furem blasphemiam agimus ? Audiamus ipsum ad discipulos loquentem Deum : Infirmos curate, mortuos suscite, leprosos

## ALARDI GAZÆI COMMENTARIUS.

<sup>a</sup> Observa hic discrimen inter Christum et apostolos atque alios sanctos in patrandis miraculis. Petrus quidem dixit mortuæ puellæ : *Tabitha, surge* (Act. ix) ; sed non dixit : Tibi dico, surge ; quia non sua, sed Christi auctoritate et nomine loquebatur. Unde et alibi dicitur Christus per miracula manifestasse gloriam suam (Joan. ii), id est, divinitatem suam ; ut intelligamus aliter Christum, aliter prophetas et alios, miracula fecisse. Nam multi quidem prophætæ miracula fecerunt, de nullo tamen eorum dictum est gloriam eum suam manifestasse ; quia non tanquam creaturarum domini, sed tanquam Creatoris ministri in creaturis miracula faciebant, sicque non suam, sed Dei gloriam manifestabant ; Christus vero suam, quia ipse Creator et Dominus, ipse primus auctor ac pater miraculorum erat.

<sup>b</sup> In his verbis duo notanda. Primum illud, *In nomine meo*, varie accipi in Scriptura. Neque enim una est ipsius nominis significatio. Accipitur interdum pro imperio, seu auctoritate (cur enim hæc distin-

<sup>A</sup> mundate, demones ejicite (Matth. x). Et iterum : <sup>b</sup> *In nomine, inquit, meo demonia ejicietis* (Marc. xvi). Numquid ad potestatem exercendam alterius nomine eguit, qui ipsum nomen suum potestatem esse fecit ? Sed quid adhuc additur : *Ecce, inquit, dedi vobis potestatem calcandi super serpentes et scorpiones et super omnem virtutem inimici* (Lucæ x). Ipse certe nitem, ut vere erat, et humilem corde se esse dicit (Matth. xi). Et quomodo, pro summa utique potestate, in nomine suo operari alios præcipit, si ipse in nomine operabatur alieno ? aut aliis dabat quasi suum, quod ipse, ut tu ais, non habuerat, nisi accepisset alienum ? Dic mihi autem, qui sanctorum potestatem a Deo accipientes sic operati sunt ? aut numquid non insanus Petrus creditus fuerat, aut furiosus Joannes, aut amens Paulus, si quibuscumque aut agris dixissent : In nomine nostro surgite ; aut claudis : In nomine nostro ambulate ; aut mortuis : In nomine nostro vivite ; aut illud ad aliquos : *Damus vobis potestatem calcandi super serpentes, et scorpiones, et super omnem potestatem inimici* ? Intelligis ergo ex hoc ipso insaniam tuam : quia sicut hæc verba insana sunt, si sint humanæ præsumptionis, ita tu insanissimus, qui divinæ hæc non intelligis potestatis. Ex duobus enim alterum confitearis necesse est, aut posse hominem divinam potestatem et habere et dare ; aut certe si nullus omnino hominum id potest, Deum fuisse qui potuit. Nemo enim divinam virtutem potest tribuere in munificentia, nisi qui habuerit in natura.

## CAPUT XXI.

Christo perinde atque Spiritui sancto ascribendum esse, quod caro et humanitas ejus templum Dei facta sit.

Sequitur autem in blasphemia tua, quod caro ejus templum a Spiritu facta sit, ideo quia Joannes dixerit : *Vidi enim Spiritum descendantem de cælo, et manentem super eum* (Joan. i). Quia furiosam assertionem tuam etiam divinis testimoniis confirmare conaris : quam ob causam videamus an hoc, quod tu ais, testimonium sacrum dixerit. <sup>c</sup> *Vidi enim, in-*

<sup>D</sup> guat Thyreus [*Lib. de Dæmon. c. xlii*], non video), ut cum dicit venisse se *in nomine Patris*, Joan. v, id est, ex Patris decreto, auctoritate, voluntate. Interdum pro meritis, ut cum omnia promittit petentibus et rogantibus Patrem in nomine suo, Joan. xiv. Petere enim in nomine Christi, est petere per merita Christi, ut Ecclesiæ usus interpretatur. Denique pro virtute ac potestate sumitur, cum dicit : *Opera quæ ego facio in nomine Patris mei, ipsa testimonium perhibent de me*, Joan. x. Porro, quamvis et Christi imperio, et Christi meritis, et Christi potestate dici possit expelli demonia, quando ad nominis ejus evocationem expelluntur, proprie tamen virtutem ejus intelligimus, divinam, inquam, virtutem, ut idem sit in Christi nomine atque in virtute Christi demones expellere. Quod confirmat Auctor, cum ait : *Numquid ad potestatem exercendam alterius nomine eguit, qui ipsum nomen suum potestatem esse fecit ?*

<sup>e</sup> Docet B. Gregorius in fine lib. ii Moraliū, aliter in Christo, aliter in viris sanctis Spiritum S. man-



quit, *Spiritum descendente sicut columbam, et manentem super eum*. Discerne hic, si potes, quis potior, quis major sit, quis honoratior? is qui descendebat, an is ad quem descendebatur? is qui deferebat honorem, an is cui deferebatur honor? Ubi hic in testimonio sonat, quod carnem ejus templum Spiritus fecerit? aut in quo honorem Dei minuit, si ad demonstrandum humano generi Deum Deus ipse descendit? Cum utique non minor intelligi debeat is, cujus indicata sit dignitas, quam is qui index fuerit dignitatis. Sed absit ullam credere aut fieri in divinitate distantiam: quia eadem una deitas, et æqualis potestas opinionem penitus impiæ inæqualitatis excludit. Et ideo in hoc negotio, cum et Patris persona et Filii et Spiritus sancti sit, et cum Filius Dei sit ad quem descenditur, Spiritus qui descendit, Pater qui testimonium dicit: nullus plus habuit honoris, nullus quidquam accepit injuriæ: sed æqualiter ad plenitudinem deitatis totum redundat: quia quævis in Trinitate persona honorem in se totius continet Trinitatis. Et ideo dici hinc amplius non necesse est, nisi ad manifestandam tantum impietatis tuæ causam atque originem. <sup>a</sup> Quia spinæ utique ac tribuli ex radicibus emergentes qualitate sui stirpem suam produunt; ex eo ipso quod sunt, indicant unde nascantur. Ita ergo et tu <sup>b</sup> Pelagianæ hæreseos spinosa soboles idem ostendis in germine, quod pater tuus

#### ALARDI GAZÆI COMMENTARIUS.

nere. Quomodo, ait, singulare signum est, quod Spiritus sanctus in Christo permanet? In donis, sine quibus ad vitam perveniri non potest, Spiritus sanctus sive in prædicatoribus suis, sive in electis omnibus semper manet. In illis autem, quibus per ostensionem illius non nostra vita servatur, sed aliorum quæritur, nequaquam semper in prædicatoribus permanet: quia semper quidem eorum cordibus ad bene vivendum præsidet; nec tamen per eos virtutum signa semper ostendit, sed aliquando se eis a signorum ostensionibus subtrahit: Christus autem in cunctis Spiritum et semper et continue habet præsentem, quia et ex illo idem Spiritus per substantiam profertur. Recte ergo, cum in sanctis prædicatoribus maneat, in Christo singulariter manere perhibetur: quia in istis per gratiam manet ad aliquid: in illo per substantiam manet ad cuncta. Sic Gregorius.

<sup>a</sup> Spectare videtur illud Lucæ vi: Non est enim arbor bona, quæ facit fructus malos: neque arbor mala faciens fructum bonum. Unaquæque enim arbor de fructu suo cognoscitur. Neque enim de spinis colligunt ficus, neque de rubo vindemiant uvam.

<sup>b</sup> Nestorium Pelagianæ hæreseos sobolem ac germen vocat, ob rationem jam dudum expressam: quod Nestorius Pelagianæ hæreseos non tantum hæres ac sectator, sed et patronus ac fautor exstiterit, ut superius ostensum est (Lib. i cap. 3). Verum alii (Basil. editio) legunt: Tu Pelagianæ hæreseos spinosam sabuli fidem ostendis in germine, quod pater tuus habuisse traditur in radice. Quam lectionem secutus Baronius (T. V Annal., an. 420) colligit hinc Leporium illum Pelagianum, de quo infra, auctorem fuisse Nestorio suæ ipsius hæresis. At prior lectio ut facilius et clarius, Do. Cuychio in editione Plantiniana magis placuit, quam et libenter sequor. Nam verba illa: Pelagianæ hæreseos spinosam sabuli sobolem ostendis in germine, etc., quem sensum habeant, et quomodo cohæreant, difficile est expedire. At juxta nostram lectionem, sensus hic esse videtur: Tu Nestori Pelagianæ hæreseos (quæ nihil nisi spi-

A habuisse traditur in radice. <sup>c</sup> Leporius ille enim (ut Leporius discipulus suus dixit) Dominum nostrum asserebat Christum factum esse per baptismum: tu in baptismo templum Dei dicis factum esse per Spiritum. <sup>d</sup> Non quidem ad plenum eadem verba sunt, sed ad plenum una perversitas.

#### CAPUT XXII.

*Elevationem Christi in cælum non soli Spiritui ascribendam esse.*

Addis autem etiam hoc prædictis impietatibus tuis, quod elevationem Domino in cælum Spiritus condonarit: ostendens scilicet sacrilego sensu tuo, quod tam imbecillum ac tam egenum Dominum Jesum Christum fuisse credis, quod nisi eum Spiritus elevasset in cælum, adhuc hodie forsitan futurum æstimares in terra. Ad probationem autem dicti etiam testimonium sacrum adhibes: inquis enim: Dans mandata apostolis quos elegit, per Spiritum sanctum elevatus est (Act. 1). Quid te appellem? quid te existimem? qui corrumpendo divinas litteras, id agis ne testimonia sacra habeant vim testimoniorum? Novum audaciæ genus, quod id efficere argumentis nequitiae suæ nititur, ut falsitatem veritas confirmare videatur. Non enim ita in Apostolicis Actibus dictum est, ut tu ais: quid enim Scriptura dicit? Quæ cæpit Jesus facere et docere, <sup>e</sup> usque in diem qua præcipiens

C nas et tribulos, tamquam maledicta terra, germinavit) spinosa proinde progenies ostendis in germine, id est, in te ipso, qui es germen illius, quod pater, id est, præcessor tuus (scilicet Pelagius, vel Leporius Pelagianus) habuisse traditur in radice: quia ex ipsius errore tamquam ex radice, hæresis tua pullulavit: hoc est, idem reipsa doces et asseris, quod illi ante te docuerunt.

<sup>c</sup> De Leporio prius insigni Pelagiano, post opera S. Augustini, et Gallorum doctorum (inter quos Cassianus) ab hæresi ad fidem catholicam converso diximus alias (Lib. i cap. 4). Apparet autem ex hoc loco alterum fuisse Leporium ejus discipulum (Genad. de Vir. Illustr. cap. 59), a quo Cassianus hæc acceperit: præter alium itidem ejusdem nominis, D. Augustino charum et in ejus cœnobio religiose versantem (August. de Divers. serm. 50).

<sup>d</sup> Similiter lib. i cap. 3: Addiderunt (Pelagiani) Dominum Salvatoremque nostrum post baptismum, factum esse Christum; post resurrectionem, Deum: alterum assignantes unctionis mysterio, alterum merito passionis. Unde advertit novus non novæ hæreseos auctor (Nestorius) qui Dominum Salvatoremque nostrum solitarium hominem natum esse contendit, idem se omnino dicere, quod Pelagianistæ ante dixerunt, etc.

<sup>e</sup> Redarguit Auctor Nestorium, quod in his verbis non solum Scripturæ sensum, sed et verborum ordinem perverteret atque confunderet: quippe cum verba illa, per Spiritum sanctum, quæ ad electionem apostolorum referenda sunt, ipse ad assumptionem seu ascensionem Christi referret, ita citans et construens hunc locum: Dans mandata apostolis (id est, præcipiens apostolis, ut noster Interpres vertit) quos elegit, per Spiritum sanctum elevatus est. Verum alii auctores censent illud, διὰ Πνεύματος ἁγίου, per Spiritum sanctum, posse adjungi et præcepto Christi, et electioni apostolorum, et assumptioni Christi. Primo enim et proxime referri potest ad præceptum Christi, secundum Chrysostomum, quia Spiritus sancti



apostolis, per Spiritum sanctum quos elegit, assumptus est. <sup>a</sup> Quod utique hyperbaton est, et ita intelligendum: Quæ cœpit Jesus facere et docere usque in diem qua assumptus est, præcipiens apostolis quos elegit per Spiritum sanctum: ut responderi tibi forsitan amplius quam testimonio ipso in hac parte non debeat: quia sufficere utique ad plenum veritati debeat integritas testimonii, si falsitati poterat satis esse correptio. Sed tamen, tu qui putas Dominum nostrum Jesum Christum non potuisse cœlum ascendere, nisi elevatus esset a Spiritu: dic

ALARDI GAZÆI

ductu et instinctu præcepta dedit Christus apostolis spiritalia, non humana, ait ipse Chrysostomus. Atque ita sensus hic erit: Usque ad diem illum quo assumptus est, dato per Spiritum sanctum mandato illis quos elegerat apostolis. Alludere enim videtur ad mandatum illud, quod refert Matth. cap. xxviii: *Docentes eos servare omnia quaecumque mandavi vobis.* Et Marc. ult.: *Et Dominus quidem Jesus, postquam locutus est eis, assumptus est, etc.* Præcepit ergo apostolis per Spiritum sanctum, quia hoc præceptum non humano, sed divino Spiritu conceptum apostolis tradidit (*Ita Gagneius*). Secundo referri potest τὸ διὰ πνεύματος ἁγίου ad electionem apostolorum (*Salmeron et Lorinus*), quos ut designaret et eligeret Christus, prius pernoctasse legitur in oratione Dei: quo ostenderet electionem apostolorum sequenti die factam non ab spiritu humano, sed a divino profectam: et post resurrectionem suam insufflavit in eos Spiritum sanctum, postquam dixerat: *Sicut misit me Pater, et ego mitto vos (Joan. xx).* Atque in hunc sensum Syrus interpres ita vertit: *Usque in diem illum quo sublatus est, postquam mandata dedisset apostolis illis quos elegit per Spiritum sanctitatis.* Sic ille. Elegit autem Christus apostolos per Spiritum sanctum, non quasi per alium, vel extraneum operatorem, vel administrum, ut volebat Nestorius; sed ut per ejusdem secum inspirationis, vocationis, electionis, missionis auctorem, suumque ipsius Spiritum, sibi que connaturalem, et in omnibus cooperantem, quia nihil est in actione divisum, ubi nihil est in voluntate diversum, ait S. Leo (*Serm. 3 de Pentecoste*): *Quæ ergo illuminat Pater, illuminat Filius, illuminat Spiritus S., etc.* Postremo illud per Spiritum sanctum adungi potest (licet incommodius) verbo ἀνελήφθη, assumptus est, quamvis aliter hic sentire videatur Cassianus: ut hic sit ordo verborum: Usque ad diem qua assumptus est per Spiritum sanctum. Nam sicuti conceptus et natus dicitur de Spiritu sancto, Matthæi i et Lucæ i; justificatus, id est, sanctificatus a Spiritu sancto, I Timot. ii; unctus et ad evangelizandum missus, Isaïæ xli et Lucæ iv; et daemonia ejecit, et alia miracula fecit in Spiritu Dei, Matth. xii, et teste Apostolo, per Spiritum sanctum semetipsum obtulit immaculatum Deo (*Hebr. ix*); denique totum opus redemptionis nostræ peculiari quadam ratione attribuitur Spiritui sancto: ita vere ac merito dicitur in cœlum assumptus, ut homo, per Spiritum S., quia ejus ascensio et assumptio nostræ fuit redemptionis complementum et consummatio. At huic intellectui nonnihil incommodare videntur illa interposita, οὗς ἐξελέξατο, quos elegit. Nam si voluisset Lucas τὸ διὰ πνεύματος ἁγίου, conjungere verbo postremo ἀνελήφθη, quorsum interposuisset illud, οὗς ἐξελέξατο, cum pronomen illud relativum non aliud referre possit quam apostolos? Proinde merito redarguendus Nestorius, qui hanc interpretationem, tanto hyperbato confusam et perplexam, quam duas priores et commodiores de industria vel malitia potius elegerit, ut suo errori fucum obtenderet: quo tamen nihil assecutus est; cum per Spiritum sanctum, et Spiritu sancto non aliter assumptus

A mihi, quomodo ipse ait, <sup>b</sup> *Nemo ascendit in cœlum, nisi qui de cœlo descendit, Filius hominis, qui est in cœlo (Joan. iii)?* Agnosce ergo quam ridicule et stulte putas non potuisse eum in cœlum ascendere, qui cum descendisset in terris, numquam abfuisse dicatur e cœlo: et an possibile ei fuerit linquenti inferos cœlum ascendere, cui promptum fuerit etiam in terris sito, semper in cœlestibus permanere. Quid autem illud quod ipse ait: *Ascendo ad Patrem meum (Joan. xx)?* <sup>c</sup> numquid in ascensione hac intercessu-

COMMENTARIUS.

sit Christus quam a Patre et a seipso, hoc est, a tota Trinitate, cujus opera sunt indivisa, ut superius dictum est. A seipso enim assumptus est, quatenus homo, hoc est, a sua deitate, vel a sua persona divina, et ab anima sua communicante corpori dotem agilitatis, quæ corporibus gloriosis inter alias dotes assignatur, juxta illud Isaïæ xl: *Assument pennas, ut aquilæ; volabunt, et non deficient.*

<sup>a</sup> Sic et Vener. Beda in commentariis (*Lib. viii, c. 2 et 6*): *Per hyperbaton, inquit, legendum, Usque in diem qua assumptus est, præcipiens assumptionem, id est, præcepta dans apostolis, etc.* Est autem hyperbaton apud rhetores, verborum et constructionis ordo turbatus. Quintilianus verbi transgressionem interpretatur, quam frequenter ratio comparationis vel decoris exigit. Nic. Perottus (*In Cornucop.*): Est, inquit, hyperbaton undique confusum, ut illud Virgilii (*Æn. iii*):

Tres notus abreptos in saxa latentia torquet,  
Saxa vocant Itali, mediis quæ in fluctibus, Aras.

Est igitur in illis verbis Lucæ hyperbaton, id est, quardam confusio et transgressio verborum. Nam dicendum erat: *Usque in diem qua assumptus est, etc.* Quæ vero interjacent, hiuleam et minus concinnam reddunt orationem, ut in illo versiculo ps. xlii: *Sagittæ tuæ acutæ, populi sub te cadent, in corda inimicorum regis.* Quod suavius dictum fuisset et sine hyperbato: *Sagittæ tuæ acutæ in corda inimicorum regis.* Et postea: *Populi sub te cadent.* Sic in proposito: *Usque in diem qua assumptus est (Jesus) præcipiens, id est, postquam præcepisset apostolis quos per Spiritum sanctum elegerat.*

<sup>b</sup> Præter alia in hanc sententiam alibi notata (*Ad lib. iv c. 6 et l. vi c. 22*), occurrit modo D. Augustinus sermone 14 de verbis Apostoli: *In terra erat et in cœlo se esse dicebat; et, quod est majus, in cœlo Filium hominis, ut unam demonstraret in utraque natura personam, etc.* Et Theophylactus in Joannem: *Cum audieris, inquit, Filium hominis descendisse de cœlo (Joan. iii), ne existimes quod caro e cœlo descenderit. Hoc enim Apollinaris docuit, quod Christus habuerit corpus de cœlo, quod per Virginem, tamquam per canalem transierit. Verum quia una hypostasis, id est, una persona Christus ex duabus naturis constituta est, ideo quæ sunt hominis dicuntur de Verbo, et ea quæ sunt Verbi, attribuntur homini. Sic et hoc loco Filius hominis dicitur descendere de cœlo, eo quod una sit persona, una hypostasis, etc.*

<sup>c</sup> Præclare D. Gregorius (*Homil. 29 in Evang.*) de Christi ascensione, et ad illustrandum hunc locum apposite: *In veteri, inquit, Testamento cognovimus quod Elias sit raptus in cœlum (IV Reg. ii), sed aliud est cœlum aereum, aliud æthereum. Cœlum quippe aereum terræ est proximum; unde et aves cœli dicimus, quia ens volitare in aere videmus. In cœlum itaque æereum Elias sublatus est, ut in secretam quamdam terræ regionem repente duceretur, tibi in magna jam carnis et spiritus quiete viveret, quousque ad finem mundi redeat, et mortis debitum solvat. Ille etenim mortem distulit, non evasit. Redemptor autem noster quia non*



ram opem <sup>a</sup> indicavit alterius, qui in hoc ipso quo ascensurum se esse dixit, virtutem propriæ potestatis ostendit? David quoque de ipsa Domini ascensione: *Ascendit, inquit, Deus in jubilo, Dominus in voce tubæ (Psal. XLVI)*. Evidenter majestatem ascendentis per potestatem ascensionis explicuit.

## CAPUT XXIII.

*Persistit in eodem argumento, ut ostendat, Christum non indignuisse aliena gloria, sed habuisse propriam.*

Sed videamus tamen qua tandem præcedentes

blasphemias tuas adjectione concludas. Qui tamen, inquis, gloriam Christo donavit. Gloriam nominas ut contumeliam facias. Nam in eo quod donatum Dominum gloria asseris, dum accepisse dicis, indignuisse blasphemias. Hoc enim ait impius sensus suus, ut largitas munerantis indigentiam accipientis ostendat. O infelicem impietatem tuam! et ubi illud est, quod de ascendente in cælum Domino Jesu Christo ipsa olim divinitas prænuntiavit? <sup>b</sup> *Attollite, inquit, portas vestras, et introibit Rex gloriæ (Psal. XXIII)*.

## ALARDI GAZÆI COMMENTARIUS.

distulit, superavit, eamque resurgendo consumpsit, et resurrectionis suæ gloriam ascendendo declaravit. Notandum quoque est, quod Elias in curru legitur ascendisse, ut videlicet aperte demonstraret quia homo purus adjutorio indigebat alieno. Per angelos quippe facta illa et ostensa sunt adjumenta; quia nec in cælum quidem aerium per se ascendere poterat, quem naturæ suæ infirmitas gravabat. Redemptor autem non curru, non angelis sublatus legitur, quia is qui fecerat omnia, mirum super omnia sua virtute ferebatur. Illo enim revertebatur, ubi erat; et inde redibat, ubi remanebat: quia cum per humanitatem ascenderet in cælum, per divinitatem suam, et terram pariter continebat et cælum. Hæc Gregorius.

<sup>a</sup> Legebatur antea, indignuit. Nec omnino male. Sed mutandus fuerat accusativus in ablativum, quem postulat verbum *indigere*. At hæc nostra lectio faciliior et aptior videtur. Respondet enim verbum, *indicavit*, verbis sequentibus, *dixit, et ostendit*, spectatque verba superiora: *Ascendo ad Patrem meum, etc.*, quibus verbis non indicavit, non significavit Christus interventuram sibi opem alterius, in sua scilicet Ascensione, sed se propria virtute ascensurum ostendit.

<sup>b</sup> Varia et multiplex hujus versiculi et sequentium reperitur expositio. Prima, et maxime obvia, et literalis, ut sit sermo ipsius Psalmistæ, qui prophetico spiritu prævidens, ac mente contemplans Christum devicta morte gloriose in cælum ascendentem, nimia admiratione correptus, angelos cœlestis aulae principes sic alloquatur et interpellat, ut portas cœlestes advenienti Regi gloriæ et Domino virtutum, id est, Christo vero Deo aperiant, et ipsum triumphantem ovantes excipiant: et more poetico introducat angelos, qui vicissim ipsum interrogent quis sit ille Rex gloriæ: non quod angeli in hac Ascensione Domini ignorarent Christum esse Regem gloriæ, sed ut exprimat ingentem admirationem quam secum afferebat novitas illa, quod cerneretur verus homo corporalis ascendere super omnes cœlos, non tamquam hospes, sed tamquam Dominus et Rex gloriæ et sempiternæ civitatis. Respondet autem Prophetæ Regem gloriæ esse Christum Dominum fortissimum et potentissimum, qui potentiam suam ostendit in prælio contra principem tenebrarum, quem devicit, spoliavit et alligavit. Ita Bellarminus. Sic videtur Auctor intelligere, cum subdit: *Cumque ipse sibi, ut solet sermo divinus (id est, propheticus) quasi sub inquirentis nomine respondisset, etc.* Secunda expositio ut sit quidam dialogus et collocutio angelorum honorum, superiorum videlicet et inferiorum, de admiranda Christi Ascensione inter se conferentium, est communis fere SS. Patrum. Sic enim B. Dionysius Areopagita Cœlestis Hierarchiæ cap. 7: *Istud, inquit, theologi (id est, rerum divinarum scriptores) apertius indicant, inferiores scilicet cœlestium spirituum ordines a superioribus divinarum operum scientiam honestissime discere; qui vero celsiores omnibus sunt, a Deitate ipsa (ut fas est) seorsum sacratius erudiri. Quosdam enim ex ipsis inducunt a prioribus sacramenta perdiscere; Dominumque cœlestium virtutum esse, ac Regem gloriæ, qui humana forma assumptus*

esset in cælum, aliis docentibus nosse; quosdam item ad Jesu ipsius hæsitantes aspectum, divinique illius operis et pro nobis assumptæ carnis scientiam discere cupientes, quos ipse Jesus per se doceat, eximiamque benignitatem suam primo ipsis insinuet: ego enim, inquit, loquor justitiam, et judicium salutaris (Isaïæ LXIII). Dignum vero miraculo est, cur primæ illæ quoque virtutes angelicæ (quæ cæteras tanto celsitudinis honore transcendunt) divinarum intelligentias rerum, quasi non summæ, sed mediæ sint, a Deo reverenter addiscere cupiant, non enim ad ipsum statim verba dirigunt, interrogantes: quare rubra sunt vestimenta tua? sed prius inter se hærentes, inquirunt, ut ostendant quidem se discendi avidas, et divini operis scientiam cupere, verum hanc sibi nequaquam ante divinæ illustrationis gratiam suo ordine procedentis usurpare præsumere. Hæc divinus Dionysius, utrumque Scripturæ locum, utpote consimilem et maxime affinem inter se componens atque conjungens. D. Hieronymus in epist. 142 ad Damasum: *Virtutes, inquit, quæ Domino (ascendenti) ministrabant, ad cœlestes alias fortitudines proclamabant, ut pandant januam Domino revertenti: Tollite portas, principes, vestras; sive, ut Aquila interpretatur: Attollite, portæ, capita vestra, et introibit Rex gloriæ. Rursum illæ quem indutum carne conspiciunt, novo mysterio stupfactæ interrogant: Quis est iste Rex gloriæ? accipiantque responsum: Dominus virtutum ipse est Rex gloriæ. Quod in Hebræo scribitur: Dominus Sabaoth. Sciendumque quia ubicumque Septuaginta Interpretes Dominum virtutum, et Dominum omnipotentem expresserunt, in Hebræo sit positum, Dominus Sabaoth, etc. Et in c. LXIII Isaïæ, ubi hunc locum cum illo similiter confert: *Iste est, inquit, quem angelicæ potestates videntes ad Patrem ascendere cruentum, imperant cæteris angelis, et ab eis audiunt: Levate portas, principes, vestras, et introibit Rex gloriæ, etc.* Interrogant igitur angeli, rei novitate perterriti (mysterium enim passionis et resurrectionis Christi, secundum apostolum Paulum [I Cor. II], cunctis retro generationibus fuerat ignoratum): *Quis est iste qui de terra cruentus advenit?* etc. Denique et ipse commentans in psalmum XXIII: *Ascendente, inquit, Domino, hi qui præcedebant, sive comitabantur, aliis eorum principibus acclamabant: Tollite portas, principes, vestras, et elevamini, portæ æternales. Hoc est, reserate cœlestes oditus, pateat æternalis ingressus.* S. Augustinus sermone 5 de Ascensione Domini: *Viderunt, inquit, cœlestes cuncti speciosum vulneribus Christum, spolia de castris tyrannicis reportata, et admirantes fulgentia divinæ virtutis vexilla, talibus concrepant hymnis, deducuntque lætantes: Quis est, inquiunt, iste Rex gloriæ? et aiunt: Dominus virtutum ipse est Rex gloriæ. Hic est ille candidus et roseus, compunctus a multitudine. Hic est ille, qui non habuit speciem neque decorem (Isaïæ LIII), infirmus in laqueo, fortis in spolio, vilis in corpusculo, armatus in prælio, foedus in morte, pulcher in resurrectione, candidus ex Virgine, rubicundus in cruce, fuscus in opprobrio, clarus in cælo. Tertia expositio, ut sit hæc mutua collocutio et responsio angelorum bonorum et malorum. Sic D. Hieronymus in Commentario ejusdem psalmi: *Vox, inquit, angelorum***



Cumque Ipse sibi, ut solet sermo divinus, quasi sub inquirentis nomine respondisset, *Quis est iste Rex gloriæ?* statim subdidit, *Dominus fortis et potens, Dominus potens in prælio;* sub prælii utique gesti nomine, victoriam Domini triumphantis ostendens. Deinde cum ad complendam rei expositionem, textum supradicti sermonis iterasset, hac majestatem Domini cœlum introeuntis conclusionem monstravit, dicens: *Dominus virtutum, ipse est Rex gloriæ.* Scilicet ne susceptio corporis honorem summæ imminueret divinitatis, eundem hic Dominum virtutum, et regem cœlestis gloriæ esse docuit, quem superius victorem inferni prælii prædicavit. Nunc et donatam Domino gloriæ esse dicit, cum et prophetia eum Regem gloriæ esse dixerit, et ipse de se ita testificatus sit: *Cum venerit Filius hominis in gloria sua* (*Matth. xxv*). Repugna, si potes, et contradicito; ut cum ille se habere testetur gloriæ suam, tu accipisse eum dicas alienam. Quamvis nos ita dicamus

A eum gloriæ habere propriam, ut non negemus tamen hanc ipsam gloriæ proprietatem ei cum Spiritu ac Patre esse communem. Quia quidquid Deus possidet, Deitatis est; et regnum gloriæ ita est Filio Dei proprium, quod non est tamen a totius Deitatis proprietate divisum.

## CAPUT XXIV.

*B. Hilarii auctoritate doctrinam hanc corroborat*

Sed tempus tandem est finem libro, immo universo operi imponere, si paucorum tamen sanctorum virorum atque illustrium sacerdotum dicta subdidero, ut id quod auctoritate testimoniorum sacrorum jam approbavimus, etiam fide præsentis temporis roboremus. <sup>a</sup> Hilarius vir virtutum omnium atque ornamentorum, et sicut vita, ita eloquentia insignis, qui et magister Ecclesiarum et sacerdos, non per sua tantum merita, sed etiam per profectus crevit aliorum, et inter procellas persecutionum ita immobilis perstitit, ut per invictæ fidei fortitudinem <sup>b</sup> etiam

## ALARDI GAZÆI COMMENTARIUS.

bonorum ad angelos malos, quorum princeps diabolus est. Et infra: *Quis est iste Rex gloriæ?* Vox majorum dæmonum, ac si dicerent: *Nos nostrum regem habemus diabolum; iste Rex gloriæ quis est?* Dominus fortis et potens. Vox angelorum bonorum: fortis est, qui alligavit fortem principem vestrum; fortis cum suscepit mortem, potens cum vicit infernum. In prælio: cum spoliato tartaro, reduxit secum multitudinem captivorum. Hæc Hieronymus. In eandem sententiam D. Thomas (in p., q. 52, a. 2), dum causas affert cur conveniens fuerit Christum in infernum descendere, hanc tertiam assignat: *Ut sicut, inquit, potestatem suam ostendit in terra vivendo et moriendo, ita etiam potestatem suam ostenderet in inferno, ipsum visitando et illuminando.* Unde dicitur in psalmo vigesimo tertio: *Attollite portas, principes, vestras.* Glossa, id est, principes inferni, auferte potestatem vestram, qua usque nunc homines in inferno detinebatis. Et sic in nomine Jesu omne genu flectatur, non solum cœlestium, sed etiam infernorum, ut dicitur Philip. II. Sic D. Thomas. Plures alias expositiones affert idem Hieronymus eodem loco, quas brevitatis causa prætermitto. Porro cum ex prædictis Patribus, præsertim Dionysio et Hieronymo, videri possit tam angelos quam dæmones ignorasse, etiam in ipsa Ascensione, Christum esse verum Deum, notandum hæc de re ejusdem Thomæ insigne documentum (1 p., q. 57, a. 5, ad 1): *De mysterio, inquit, Incarnationis dupliciter contingit loqui: uno modo in generali, et sic omnibus revelatum est a principio suæ beatitudinis. Cujus ratio est, quia hoc est quoddam generale principium, ad quod omnia eorum officia ordinantur. Omnes enim sunt admini-* D *stratorii spiritus, ut dicitur Hebræorum primo, in ministerium missi propter eos qui hæreditatem capiunt salutis, quod fit per Incarnationis mysterium. Unde oportuit de hoc mysterio omnes a principio communiter edoceri. Alio modo possumus loqui de mysterio Incarnationis quantum ad speciales condiciones. Et sic non omnes angeli a principio de omnibus sunt edocti; immo quidam etiam superiores angeli postmodum didicerunt, ut patet per auctoritatem Dionysii inductam. Sic D. Thomas. Lyranus addit angelis innovisse mysterium Incarnationis per Ecclesiam cognitione intuitiva, quod antea cognoverant cognitione abstractiva. Non solum, inquit, hominibus fuit absconditum Christi mysterium, et maxime de vocatione gentium; sed etiam angeli sancti non cognoverunt ad plenum, donec prædicantibus apostolis fuit implatum. Quia antea tantum habuerunt simplicem notitiam, quæ potest dici abstractiva, in quantum est rei non præsentis; sed quando*

fuit impletum, habuerunt notitiam experimentalem, sive intuitivam, etc. Juxta hunc igitur sensum interpretanda sunt verba Dionysii et Hieronymi, quæ ignorantiam tam Incarnationis quam divinitatis Christi etiam beatis angelis, et in ipsa ejus Ascensione, tribuere videntur: quia nimirum non plene et explicate cognoverunt omnes ejus circumstantias, conditiones et effectus, quos postea per revelationem divinam, et per prædicationem apostolorum et ipsam experientiam didicerunt. Quo etiam spectat illa D. Pauli sententia (*Ephes. III*): *Mihi omnium sanctorum minimo data est gratia hæc, in gentibus evangelizare* C *investigabiles divitias Christi, et illuminare omnes quæ sit dispensatio sacramenti absconditi a sæculis in Deo, quia omnia creavit: ut innotescat principibus et potestatibus in cœlestibus per Ecclesiam multiformis scientia Dei, etc.*

<sup>a</sup> S. Hilarius, Pictavorum episcopus, et S. Athanasii æqualis, quamvis jam provecetæ ætatis Christianus factus, tamen brevi in ecclesiastica doctrina ita profecit, ut doctor maximus, et Ecclesiæ catholicæ columna merito habitus sit (*Ballarm. lib. de Script. Eccles.*). De eo Martyrologium Rom. (13 Januar.): *Pictavis in Gallia natalis S. Hilarii episcopi et confessoris, qui ob catholicam fidem, quam strenue propugnavit, quadriennio apud Phrygiam relegatus, inter alia miracula mortuum suscitavit.* Scribit de eodem, ut notat Baronius ibidem, in primis S. Hieronymus lib. de Script. Eccles., in Apologia adversus Rufinum, in epistola 6 ad Florentium, in epistola 7 ad Lætiam, epist. 84 ad Magnum, adversus Luciferianos, aliisque in locis; Severus Sulpitius lib. II Historiæ sacræ; Rufinus lib. II Historiæ, c. 30 et 31; Socrates, l. III c. 8; Sozomenus lib. III c. 13 et lib. V c. 12; Cassiodorus in præfat. Divin. Lect. Fortunatus res gestas Hilarii duobus libris conscripsit; sed ex multis pauca perstrinxit. Habet et Venantius Fortunatus de eodem epigramma lib. XII de ejus miraculis, Gregorius Turonensis de Gloria confess. c. 2.

<sup>b</sup> De nomine confessoris non prætereunda hoc loco card. Baronii insignis et scitu digna notatio (*In notis ad Martyr. 2 Januar.*): *Sciendum est, inquit, diversa admodum significatione a præsentis temporis usu hanc vocem a majoribus usurpatam. Illi enim neminem eo nomine appellabant, nisi eum qui Christi fidem interpellatus coram fidei hostibus confensus esset. Si vero aliquod genus tormentorum esset expertus, nec tamen martyrio occubuisset, tunc et martyr vocatus, idemque aliquando etiam dictus reperitur confessor,*



confessoris ceperit dignitatem; <sup>a</sup> in libro fidei primo (Lib. 1 de Trinitat.), Deum verum ex Deo vero Dominum Jesum Christum, et ante sæcula natum, et postea hominem genitum esse testatur. Item in secundo libro: <sup>b</sup> *Unus unigenitus Deus in corpusculi humani formam sanctæ Virginis utero insertus accrescit, qui omnia continet, et intra quem cuncta sunt, humani partus lege profertur.* Item in eodem libro: *Angelus testis est, Deus nobiscum est, ille qui nascitur.* Item in libro decimo: *Nati quoque in hominem ex partu Virginis Dei sacramentum docuimus.* Item in eodem: *Namque cum in homine natus Deus sit, non idcirco natus est, ne Deus non maneret.* Item ejusdem in proœmio Expositionis <sup>c</sup> Evangelii secundum Matthæum: *Erat namque primum necessarium nobis, ut unigenitus*

*Deus nostri causa homo, id quod tum non erat, gigneretur.* Idem in eodem: *Tertium deinceps illud congruum fuit, ut quia Deus homo genitus in mundo, et cætera.* Hæc quidem pauca sunt de satis multis. Sed tamen vides etiam ex his quæ diximus quod palam et evidenter natum ex Maria Deum prædicat. Et ubi illud tuum: Non potuit creatura parere Creatorem; quod natum est ex carne, caro est? Longum est de <sup>d</sup> singulis personis convenientia dicere. Enumeratio magis quam exsecutio dictorum agenda est, quia sibi ad executionem sui ipsa sufficiunt.

## CAPUT XXV.

*D. Hilario Ambrosium astipulari ostendit.*

<sup>e</sup> Ambrosius eximius Dei sacerdos, qui a manu Domini non recedens, in Dei semper digito <sup>f</sup> quasi gem-

## ALARDI GAZÆI COMMENTARIUS.

quod scilicet nondum martyrium consummasset. Licet, si vim harum vocum expendas, eadem sint; nihilominus tam apud Tertullianum (In lib. ad Martyr.), quam etiam apud Cyprianum, et alios plerosque antiquorum, eo sensu, quo diximus, eas voces accipi consuevisse, perspectum satis exploratumque habetur. Consule, si hæc exactius scire cupis, in primis Cypriani epist. 7, 9, 10, 15, 30, 31, 52 et 81 edit. Pamelii, qui eadem annotavit in scholiis epist. 9 (Not. 1 ep. 9, 30, 83). Hæc Baronius, ac paulo post subdit: *Juxta ejusdem Cypriani sententiam, qui non interpellatus se martyrio ingerebat, hic dicebatur professor; si adhuc autem quis timore correptus, ne fidem proderet, sua suosque relinquens, exilio spontaneo procul a patria vitam ageret, hic appellabatur extorris, cujus non erat despicenda conditio; nam et numero martyrum recensendus erat, si ea de causa mortem oppetiisset.* Hæc omnia more majorum atque vetusto loquendi genere. Obtinuit postmodum usus ut omnes qui sancta et laudabili vita vixissent, sanctoque demum ac probato fine in Domino quievisset, confessores appellarentur. Hactenus Baronius. Consule eundem tomo III et IV Annalium. Unde promptum est intelligere, qua ratione dicatur Hilarius per sanctæ fidei fortitudinem etiam confessoris cepisse seu accepisse dignitatem, quippe qui fidei constantia non tantum episcopos Arianos, sed et Constantium imper. iidem Arianum superavit, et ratione persecutionum, et exilii pro fide tolerati non modo confessor, sed et martyr vetusto more appellari meruerit; quo modo de S. Martino Turonensi canitur in Ecclesia: *O sanctissima anima, quam et si gladius persecutoris non abstulit, palmam tamen martyrii non amisit* (Ex Sulpit. epist. de Obitu S. Martini. Baron. t. IV, sub an. 369).

<sup>a</sup> Libros fidei vocat libros de Trinitate ab Hilario conscriptos, de quibus D. Hieronymus in Catalogo: *De synodo Byterrensi in Phrygiam relegatus, duodecim adversus Arianos confecit libros, etc.* Commendat eodem scribens ad Lætiam (Epist. 7), his verbis: *Athanasii epistolas, et Hilarii libros inoffenso decurrat pede; illorum delectetur ingeniis, in quorum libris pietas fidei non vacillat.* Hæc Hieronymus quoad sanam de Trinitate doctrinam, de qua vigeant inter Catholicos et Arianos controversiæ. De iisdem hæc Sozomenus (Lib. III c. 1): *Hilarii autem libros de fide, etiam ab iis qui contrariam tuebantur fidei catholicæ opinionem, admodum commendatos esse prædicant.* Porro Cassiodorus (De Divin. Lect. c. 16) tredecim libros Hilarii (nisi forte mendum sit) de Trinitate scriptos commemorat, ita scribens: *Ad confirmationem igitur fidei nostræ, et hæreticorum præcavendas insidias, legendi sunt tredecim libri beati Hilarii, quos de sancta Trinitate, profunda et disertissima nimis oratione conscripsit.*

<sup>b</sup> Citantur hæc et alia Hilarii verba a Leone Ma-

gno pontifice in epistola 97, quæ est ad Leonem Augustum, c. 3.

<sup>c</sup> Ejus etiam meminit D. Hieronymus in Catalogo operum Hilarii.

<sup>d</sup> Id est, de singulis auctoribus testimonia consentanea proferre. Enumeratio magis quam exsecutio dictorum, etc. Excussio dictorum potius legendum opinor, ut sensus sit: Satius est nonnulla de multis recensere aut indicare, quam ea discutere et examinare: quia sibi ad excussionem seu discussionem sui ipsa sufficiunt, id est, tam clara et aperta sunt, ut discussione non egeant.

<sup>e</sup> S. Ambrosius episcopus Mediolanensis, doctor Ecclesiæ sanctissimus et doctissimus, sub Gratiano et Theodosio imper. floruit, de quo Martyrologium Rom. hæc habet (4 Aprilis): *Depositio S. Ambrosii episcopi et confessoris, cujus studio, inter cætera doctrinæ et miraculorum insignia, tempore Arianæ perfidiæ, tota fere Italia ad catholicam fidem conversa est.* Ubi videndus Baronius in notis. Exstat D. Ambrosii Vita summa fide descripta a Paulino quodam, non illo Nolano episcopo, ut ostendit idem Baronius in Annalibus (Tom. V sub an. 397), sed clerico Mediolanensis Ecclesiæ, et ipsius Ambrosii amanuensi, idque suasu et hortatu D. Augustini, ut ille ipse ejus exordio testatur, ita scribens: *Hortaris, venerabilis Pater Augustine, ut sicut beati viri Athanasius et Hieronymus presbyter stylo persecuti sunt Vitas sanctorum Pauli et Antonii in eremo positorum; sicut etiam Martini venerabilis episcopi Turonensis Ecclesiæ Severus servus Dei sermone contextit; sic etiam B. Ambrosii episcopi Mediolanensis Ecclesiæ meo persequar stylo, etc.* Sic ille. Attamen, inquit Baronius, brevius quam par erat, et non levi jactura posterorum, quam plurima ab eo prætermittenda noscuntur; quibus quidem auctam ejusdem sanctissimi Patris Vitam a nobis conscriptam, Sixtus pontifex maximus, cujus jussu eam suscepit provinciam, suæ editioni ejusdem S. Ambrosii operum præfixam edendam curavit; quam ad scripta de eodem in Annalibus, cum quid diversum in ea invenies (quod posteriores cogitationes meliores esse soleant), confirmanda intelliges. Hæc Baronius. Et eadem fere in notis ad Martyrol. ad septimum Decembris, quo die commemoratur ordinatio S. Ambrosii episcopi et Ecclesiæ doctoris, ubi fatetur ejusdem Vitam etiam a Joan. Costerio editam, editione nimirum Basileensi, anno Domini 1555.

<sup>f</sup> Alludit ad morem magnatum, qui gemmam, si quam habeant aliis pretiosiore, et egregie rutilantem ac præfulgentem, auro inclusam non tam digito quam oculis gestant, summa cura custodiunt, et vix unquam deponunt, et pro sigillo subinde utuntur: unde annulus signatorius, aut sigillaris dictus. Cui accedit vulgatum apud nos adagium: *Garde ton fi-dèle serviteur, comme la perle sur l'ongle.* Et illud



ma rutilavit; <sup>a</sup> in libro, qui est ad Virgines, ita memorat (Lib. 1): <sup>b</sup> *Frater meus candidus et rubicundus. Candidus, quia Patris splendor est; rubens, quia partus est Virginis. Memento tamen antiquiora in eo divinitatis insignia quam corporis sacramenta. Non enim cepit ex Virgine; sed qui erat, venit in Virginem. Item ipsius in <sup>c</sup> Natali Domini: Videte miraculum <sup>d</sup> matris Dominicæ: virgo concepit, virgo peperit, virgo cum parturit, virgo gravida, virgo post partum. Sicut in Ezechiele dicitur: Et porta erat clausa, et non est aperta, quia Dominus transiit per eam (Ezech. xlii). Gloriosa virginitas, et præclara secunditas. Dominus*

## ALARDI GAZÆI COMMENTARIUS.

Ecclesiastici xxxviii: Si est tibi servus fidelis, sit tibi quasi anima tua. Eodem referri potest illud Exodi xiii: Et erit quasi signum in manu tua, et quasi monumentum ante oculos tuos, et ut lex Domini semper sit in ore tuo.

<sup>a</sup> Quatuor libros seu potius tractatus, ejusdem fere argumenti edidit S. Ambrosius, qui omnes in primo tomo veteris editionis Parisiensis aliarumque vetustiorum continebantur. At in alia posteriore editione Parisiensi an. 1586 inverso ordine in quintum et postremum tomum conjecti sunt. Primus tractatus est *De Virginibus* ad Marcellinam sororem suam, tres libros complectens; secundus: *Ad virgines exhortatio* lib. unicus; tertius: *Institutio virginis* inscriptus, ad Eusebium, lib. unicus; quartus: *Ad virginem devotam* lib. unicus. Sequitur deinde liber alius *Ad virginem lapsam*. At hic, Bellarmini judicio (*Lib. de Scr. Eccles.*), non videtur esse D. Ambrosii, ob rationem ab ipso redditam. Porro quæ hic citantur verba Ambrosii non in eo libro habentur qui vulgo *Ad Virgines* i scribitur, sed in primo libro *De Virginibus*; et paulo aliter apud ipsum auctorem leguntur, in hunc modum: *Fraternus meus candidus et rubens. Decet enim ut plene noveris, virgo, quem diligis, atque omne in eo et ingenitæ divinitatis et assumptæ mysterium incorporationis agnoscas. Candidus merito, quia Patris splendor; rubens, quia partus est Virginis. Color enim in eo fulget et rutilat utriusque naturæ. Memento tamen antiquiora in eo divinitatis insignia quam corporis sacramenta; quia non cepit ex Virgine, sed qui erat venit in virginem. Sic Ambrosius. Ex quibus Cassianus paucula verba mutavit, et paucula non necessaria omisit; et pro libro qui est *Ad virgines*, secundum vulgatum hodie titulum, dicere debuerat: libro primo *De Virginibus*. Sed error est fortasse temporis potius quam auctoris.*

<sup>b</sup> Vulgatus textus: *Dilectus meus candidus et rubicundus*. D. Hieronymus passim legit: *Fratruelis meus*. Idque varie exponit, quemadmodum et alii Patres. Allegorice de Christo, ut hic, in Isaïæ cap. lxi: De quo, ait, et sponsa in Cantico canticorum: *Fratruelis meus candidus et rubicundus, electus de millibus. Candidus plenitudine ac puritate virtutum; rubicundus in passione, de qua postea lecturi sumus: Quis est iste, qui ascendit de Edom, fulvida vestimenta ejus? Et in cap. lxiii: Fratruelis meus rubicundus et candidus. Rubicundus in passione, candidus in resurrectione. Alibi (In epistolâ Paulæ ep. 27) de Christo et Ecclesia ejusque varietate, allegorice simul et tropologice: Non solum, inquit, effusio sanguinis in confessione reputatur, sed devotæ quoque mentis servitus immaculata quotidianum martyrium est. Illa corona de rosis et violis plectitur, ista de liliis. Unde et in Cantico scribitur Canticorum (Cap. v): *Fratruelis meus candidus et rubicundus, et in pace et in bello eadem præmia vincentibus tribuens. Et l. i adversus Jovinianum (Cap. 17): Candidus in virginitate, rubicundus in martyrio. D. Augustinus supra citatus (Serm. 5 de Ascensione): Candidus ex virgine, rubicundus in cruce, etc. S. Grego-**

*A mundi nascitur, et nullus est gemitus parientis: vacuatur uterus et verus infans excipitur, nec tamen virginitas violatur. Fas erat, ut Deo nascente meritum cresceret castitatis; nec per ejus egressum violarentur integra, qui venerat sanare corrupta. Item in <sup>c</sup> Expositione Evangelii secundum Lucam: Quod ea potissimum lecta est ut Deum pareret, quæ erat desponsata viro (Lib. ii). Natum certe ex Virgine Deum prædicat, Mariam Matrem Dei nominat. Et ubi illa est prodigiosa atque execrabilis vox tua, qua ais, <sup>e</sup> Quomodo mater potest esse alieni a natura sua? si autem mater ab ipsis vocatur, humanitas est quod na-*

rius in psalmum quintum poenitentialem: *Candidus ex divinitatis specie, rubicundus ex passionis cruore. S. Bernardus in hunc locum Canticorum (Serm. 48 in Cantica). Singularis, inquit, mixtura est colorum, qui in sola persona Domini operatione divina conveniunt in unum, nec ut sint unus, sed ut sint in uno. O gratiosus sponsus, et amabilis valde, in quo generatio divina candet, et rubet humana! Ipse est enim candor lucis æternæ (Sap. vii), etc. Et infra: Quidni candidus? ipse lux est, et in eo tenebræ non sunt ullæ. Quidni rubicundus? Deus enim ignis est, et ipse ignem venit mittere in terram. Si tibi ministrat intelligentiæ lucem, candidus est; sed si non animum accendit ad amorem, non eum sentis rubicundum. In seipso utrumque est, sed tibi non est, nisi cum eorum in te sentis effectum, etc. Plures alias expositiones leges apud Theodoretum, et alios, qui in Cantica scripsere. Sunt autem fratruelses, ut hoc obiter addam, duorum fratrum filii; qui et fratres patruelses a jurisconsultis dicuntur quia fratribus ex duobus progenerantur, sicut consobrini qui ex duabus sororibus, ut docet Justinianus lib. iii Institutionum.*

<sup>c</sup> Habentur hæc verba non in aliquo sermonum qui nunc feruntur S. Ambrosii nomine, sed in sermone sexto S. Augustini de Natali Domini, saltem majori ex parte. Nam multi sermones Ambrosio ascripti inveniuntur inter sermones Augustini; alii item inter sermones S. Maximi, ut ostendit Bellarminus (*Lib. de Script. Eccles.*): *Ut plane, inquit, judicari non possit, utrum Ambrosio vel Maximo tribui debeant. Sed et quam plurimos sermones ejusdem Ambrosii constat esse deperditos, ut docet Baronius (Tom. v Annal. an. 397), qui tempore Cassiani fortassis exstabant; inter quos esse potuit sermo ille de Natali Domini, unde verba ista deprompta quæ hic citantur.*

<sup>d</sup> In sermone illo apud Augustinum legitur: *Matris Domini corporis.*

<sup>e</sup> Hujus expositionis (quam nullus dubitat esse D. Ambrosii) librum secundum sic exorditur Ambrosius: *Latent quidem divina mysteria, nec facile, juxta propheticum dictum (Isaïæ xli), quisquam hominum potest scire consilium Dei. Sed tamen ex cæteris factis atque præceptis Domini Salvatoris possumus intelligere, et hoc propensioris fuisse consilii, quod ea potissimum electa est ut Dominum pareret, quæ erat desponsata viro. Cur autem non antequam desponsaretur, impleta est? etc. Quæ ergo sic sequuntur: Natum certe ex Virgine Deum prædicat, etc. Non sunt verba Ambrosii, sed Cassiani ex Ambrosio Nestorium arguentis. Natum enim ex Virgine Deum prædicat Ambrosius, et Mariam Dei Matrem nominat, cum eam a Deo electam asserit ut Deum pareret. Quid enim aliud est Dei Matrem, seu Θεοτόκον esse, quam Deum peperisse?*

<sup>f</sup> Hec est, quod aliis verbis superius (*Lib. vi c. 15, et lib. vii c. 3*) dixit Nestorius: *Homoousios parenti debet esse natiuitas. Quod ibi pluribus refutatum est.*



tum est, non Deus. Ecce eximius magister fidei, et A hominem dicit eam esse quæ genuit, et Deum esse qui natus est; et tamen hoc non infidelitatis causam, sed fidei esse miraculum.

## CAPUT XXVI.

Accedit ad prædicta D. Hieronymi testimonium.

<sup>a</sup> Hieronymus catholicorum magister, cujus scripta per universum mundum quasi divine lampades rutilant, <sup>b</sup> in libro ad Eustochium : *Dei, inquit, Fi-*

## ALARDI GAZZÆI COMMENTARIUS.

<sup>a</sup> S. Hieronymus presbyter et doctor Ecclesiæ præcipuus, qui (ut in Martyrologio Rom. legitur) omnium studia litterarum adeptus, ac probatorum monachorum imitator factus, multa hæresium monstra gladio suæ doctrinæ confodit; demum cum ad decrepitam usque vixisset ætatem, in pace quievit; sepultusque est ad Præsepe Domini. Hæc ibi. Porro doctoris Ecclesiæ cognomentum ob insignem et omnibus sæculis admirandam eruditionem non modo post obitum, sed vivens adhuc, merito jureque consecutus est, uti ex hoc ipso Cassiani loco colligit Baronius (*In notis Martyr.* 30 Septembr.), ubi catholicorum magister amplissimo titulo nominatur. At non minus præclara et illustria sunt D. Augustini et aliorum Patrum de S. Hieronymi admiranda doctrina ejusque scriptis, instar lampadum, ut hic dicitur, per universum mundum rutilantibus, posteritati tradita elogia, huic itidem loco consentanea, e quibus nonnulla delibasse suffecerit. Augustinus certe, qui Joanni Baptistæ eum comparat, fatetur in se nec esse, nec esse unquam posse tantum scientiæ divinarum Scripturarum, quantum in Hieronymo esse videbat (*Epist.* 113). Et in alia epistola (*Epist.* 15) : *Quamquam, inquit, secundum honorum vocabula, quæ jam Ecclesiæ usus obtinuit, episcopatus presbyterio major sit; tamen in multis rebus Augustinus Hieronymo minor est.* Et contra Julianum scribens (*Lib.* 1 c. 7) : *Nec sanctum, inquit, Hieronymum, quia presbyter fuit, contemnendum arbitreris, qui Græco et Latino, insuper et Hebræo, eruditus eloquio, ex Occidentali ad Orientalem transiens Ecclesiam, in locis sanctis atque in litteris sacris usque ad decrepitam vixit ætatem, cujus nobis eloquium ab Oriente usque in Occidentem, instar lampadis, resplenduit.* Item lib. decimo octavo de Civitate Dei (*Cap.* 43) : *Non defuit, ait, temporibus nostris presbyter Hieronymus, homo doctissimus, et trium linguarum peritus, qui non ex Græco, sed ex Hebræo in Latinum eloquium Scripturas convertit.* Augustinum imitatus Prosper idem versibus expressit, ubi hæc de Hieronymo (*Lib. de Ingratis*) :

Hebræo simul et Grajo, Latioque venustus  
Eloquio, morum exemplum mundique magister,

etc. Cassianus itidem in præfatione Institutionum, Basilium cum Hieronymo commemorans : *Alius, inquit (scilicet Hieronymus), non solum suo elucubratos ingenio edidit libros, verum etiam Græca lingua digestos in Latinum vertit eloquium.* In eandem sententiam Cassiodorus (*De Divin. Lect.* c. 21) post præclarissimas de viro laudes, addit : *In Bethlehem otiosum habitasse non arbitror, nisi ut in terra illa miraculorum, ad instar solis, ejus quoque ab Oriente nobis \*lamparet eloquium.* Sed et Marcellinus Comes in Chronico : *Finem, inquit, vitæ fecit admodum senex, ibique (Bethleem scilicet) sepultus est, catholicis quidem inexpugnabilis turris, hæreticis autem insatigabilis hostis, tam proposito vitæ suæ quam librorum a se editorum assertionibus depugnans.* Postremo Marianus Victorius Vitam S. Hieronymi a se descriptam (quam et Baronius [*Tom.* V *Annal.* sub an. 420] commendat) hoc insigni ornat elogio, non prætereundo : *Hieronymus vir cui nec Græci nec Latini quem comparent habeant aliquem. In eum enim doctrinæ omnes et virtutes ita cumulate se contulerunt, ut post eum, quem in aliqua re gentilibus invidet, Ecclesia neminem inveniat. Nam etsi multos in Ecclesia præstantissimos ac doctissimos*

habuerimus viros, neminem tamen qui tot ac tanta in omni doctrinarum genere sciverit, et qui tot linguarum habuerit cognitionem, invenimus. Quod si in aliqua re ipse ab aliquo vincatur, semper tamen ei supersunt alia in quibus tandem illis præstans Hieronymus victor abscedat. Hæc ille.

<sup>b</sup> Librum ad Eustochium hic vocat epistolam D. Hieronymi vigesimam secundam de custodia virginis ad Eustochium Paulæ nobilis Romanæ filiam, et virginem Deo devotam (de qua alias plura diximus), scriptam, sub cujus finem hæc verba habentur, secundum editionem Mariani (*In notis ad Reg. S. Pachomii*) : *Dei Filius pro nostra salute hominis factus est Filius : novem mensibus in utero, ut nascatur, expectat, fastidia sustinet, cruentus egreditur, pannis involvitur, blanditiis delinitur; et ille pugillo mundum includens, præsepis continetur angustiis.* Sic ibi. At verosimile est Cassianum in antiquis exemplaribus Hieronymi legisse *decem mensibus*, non *novem*, unde et eadem verba his repetit et inculcat in hoc cap., quam lectionem, ut antiquiorem ita et veriore, retinere potius quam mutare visum est. Nihil enim incommodi est, si dicatur Christus expectasse decem mensibus, id est, in utero Virginis latuisse, antequam nasceretur, non quidem decem mensibus integris, sed novem expletis, et decimo inchoato, quod more loquendi ecclesiastico usitatissimum est. Et revera plus energæ et emphasis habet, si dicatur expectasse decem mensibus, quam si novem, ut per se clarum est : quod utique spectasse D. Hieronymum perquam credibile est, suffragante Scriptura, ubi Salomon ait : *Sum quidem et ego mortalis homo, etc. Decem mensium tempore coagulatus sum in sanguine ex semine hominis, etc.* Sap. vii. Enimvero Christum Dominum conceptum fuisse vigesimo quinto Martii, natum vero vigesimo quinto Decembris constat tum ex traditione ecclesiastica, tum auctoritate SS. Patrum, Athanasii in lib. Quæstionum ad Antiochum, Chrysostomi homilia prima in Lucam, Augustin. serm. 18 de Natali Domini, et lib. iv de Trinitate c. 5, ubi hanc sententiam pulcherrime explicat in hunc modum : *Non immerito, inquit, in ædificatione corporis Dominici, in cujus figura templum a Judæis constructum triduo se resuscitaturum esse dicebat, numerus ipse senarius pro anno positus intelligitur. Dixerunt enim : Quadraginta et sex annis ædificatum est templum (Joan. ii), et quadragies sexies seni fiunt ducenti septuaginta sex. Qui numerus dierum complet novem menses et sex dies, qui tanquam decem menses parientibus seminis imputantur. Non quia omnes ad sextum diem post novum mensem perveniunt, sed quia perfectio corporis Domini tot diebus ad partum perducta comperitur, sicut a majoribus traditum suscipiens Ecclesiæ custodit auctoritas. Octavo enim calend. Aprilis conceptus creditur, quo et passus : ita monumento novo quo et sepultus est, ubi nullus erat mortuorum positus, nec ante nec postea, congruit uterus Virginis, quo conceptus est, ubi nullus seminatus est mortalium. Natus autem traditur octavo calend. Januarias. Ab illo ergo die usque ad istum computati ducenti septuaginta et sex reperiuntur dies, qui senarium numerum quadragies sexies habent. Quo numero annorum templum ædificatum : quia eo numero senariorum corpus Domini perfectum est, quod mortis passione destructum triduo resuscitavit. Dicebat enim hoc de templo corporis sui, sicut evidentissimo et robustissimo Evangelii testimonio declaratur, quo ait : Sicut fuit Jonas in ventre ceti tribus diebus et tribus noctibus, sic erit Filius hominis in corde*

\* *Lampare*, pro splendere, a verbo Græco λαμπν.



lius pro nostra salute hominis factus est Filius : decem mensibus in utero, ut nascatur, expectat; et ille cujus pugillo mundus includitur, præsepium continetur angustis. Item ipsius in commentario Isaïæ (*In Isaïæ vii*) : Dominus enim virtutum, qui est Rex gloriæ, ipse descendit in uterum virginalem, et ingressus est et egressus orientalem portam, quæ semper clausa est (*Ezech. XLIV*). De quo Gabriel dicit ad Virginem : Spiritus sanctus superveniet in te et virtus Altissimi obumbrabit tibi. Propterea quod nascetur in te sanctum vocabitur Filius Dei (*Luc. i*). <sup>a</sup> Et in Proverbiis : Sapientia ædificavit sibi domum (*Prov. ix*). Compara hoc, si placet, doctrinæ tuæ, immo blasphemix, qua ais : Deus enim <sup>b</sup> men-

sium creator est, et non mensum partus. Ecce enim Hieronymus vir sicut maximæ scientiæ, ita probatissimæ puræque doctrinæ, iisdem prope verbis quibus tu Dei Filium mensium partum negas, ille partum mensium esse testatur. Decem enim, inquit, mensibus in utero, ut nascatur, expectat. Sed parva tibi forsitan viri hujus videtur auctoritas : idem omnes atque iisdem verbis putato dicere; quia quicumque Dei Filium partum esse Virginis non negat, partum esse mensium confitetur.

## CAPUT XXVII.

Superioribus adjungit Rufinum et beatum Augustinum.

<sup>a</sup> Rufinus quoque, Christianæ philosophiæ vir,

## ALARDI GAZÆI COMMENTARIUS.

terræ tribus diebus et tribus noctibus (*Matth. xii*). Ipsum autem triduum non totum et plenum fuisse Scriptura testis est; sed primus dies a parte extrema totus annumeratus est, dies vero tertius a parte prima, et ipse totus; medius autem inter eos, id est, secundus dies absolute totus viginti quatuor horis suis, duodecim nocturnis et duodecim diurnis. Hactenus D. Augustinus; et his similia habet lib. LXXXIII Questionum, quæst. 56 (*Et Tract. in psalm. cxxxii*). Ex quibus intelligimus novem menses et sex dies intercessisse inter conceptionem et nativitatem Christi, quod tempus continet 276 dies; ex quo numero, si singulis novem mensibus tribuantur triginta dies, secundum antiquum morem, efficiuntur ducenti septuaginta, et remanent sex dies, qui ad mensem decimum pertinent, et pro mense decimo computantur (*Vide Oros. l. vii c. 2, et Petrum Damiani Epist. l. ii epist. 21*). Quare verissimum est quod tradidit Damascenus lib. iv de Orthodox. Fide cap. 15 : Christum explevisse novem menses in utero matris, et decimum jam ingressum fuisse, cum in lucem prodiiit. Ejus verba sunt : Quoniam, inquit, consuelo tempore (nam novem menses complens et decimum attingens nascitur) id fit lege partus; quod autem sine dolore, supra legem partus est. Idem colligitur ex epistola Volusiani ad D. Augustinum, et Augustini responsione ad eundem (*Epist. 2 et 3 inter epist. August.*), ubi similiter hæc verba, quasi ex Hieronymo deprompta, habentur : Verum mundi Dominus et rector intemeratæ femine corpus impleverit, pertulerit decem mensium fastidia mater, et tamen virgo enixa sit, etc. Utrumque igitur verum est, sive dicatur Christus expectasse novem mensibus, sive decem, si secundum prædicta intelligatur. Sed hujus ambiguitatis vitandæ causa, expressius in Martyrologio Rom. hæc verba majestate et sanctitate plena leguntur (8 calend. Januar.) : Jesus Christus æternus Deus, æternique Patris Filius, mundum volens adventu suo piissimo consecrare, de Spiritu sancto conceptus, novemque post conceptionem decursis mensibus, in Bethleem Judæ nascitur ex Maria virgine factus homo.

<sup>a</sup> Hucusque verba Hieronymi in illo Commentario Isaïæ. Quæ vero sequuntur, Cassiani sunt, cum apostrophe ad Nestorium, ut in præcedentibus.

<sup>b</sup> Hanc Nestorii blasphemiam, ejusque originem clarius expressit Evagrius lib. i cap. 2, ubi rem gestam narrat; ex quo superius eadem retulimus, quæ nihil attinet hic repetere. Cyrillus item epistola 20 hæc de Nestorio scribit : Obstationem viri hujus admirati sumus. Non enim resipuit, neque super iis quæ contra omnium nostrum Salvatorem Christum dicere est ausus plora it, immo Ephesi coram constitutus, iisdem usus est sermonibus, iterumque se perversa sentire declaravit, ita ut cum insignes metropolitani pientissimi episcopi illi loquerentur, ac cum e divina Scriptura concluderent ac probarent Deum esse qui sacra est Virgine secundum carnem natus, scelesti voce usus dixerit : Bimestrem ego et trimestrem Deum non dico; et alia præterea quibus Unigeniti Incarnationem tollebat. Hæc

B Cyrillus. Effutiit autem ista nefarius Nestorius, cum inter alios contulit cum Theodoto Ancyrae episcopo, et Acacio Meliteno, qui postea hæc eadem detulerunt Patribus in synodo Ephesina consentientibus, ut habent acta ejusdem synodi.

<sup>c</sup> Rufinus vel Ruffinus presbyter Aquileiensis, sancti fuit Hieronymi quondam amicissimus, ut ipse divus Hieronymus scribit in epistola quinta ad Florentium : Frater Rufinus, inquit, individua mihi germanitatis charitate connexus est. Noli nos ejus æstimare virtutibus : in illo conspicies expressa sanctitatis vestigia, etc. Itemque epistola 41 ad ipsum Rufinum scribens, suum in eum sic amorem exprimit : O si mihi nunc (inquit) Dominus Jesus Christus vel Philippi ad eunuchum (*Act. viii*), vel Habacuc ad Danielem (*Dan. xiv*) translationem repente concederet, quam ego nunc tua arctis stringerem colla complexibus; quam illud os, quod mecum vel erravit aliquando, vel sapuit, impressis figerem labiis. Et infra : Credas mihi, Frater, non sic tempestate jactatus portum nauta prospectat, non sic sitientia imbres arva desiderant, non sic curvo assidens littori anxia filium mater expectat, postquam me a tuo latere subitus turbo convulsit, postquam glutino charitatis hærentem impia distraxit avulsio, etc. Postea vero inimicissimus evasit, ut ipsius Rufini invectivæ in divum Hieronymum abunde testantur. Scripsit inter alia expositionem symboli apostolici, cujus singulos articulos latissime explicat, et utriusque Testamenti Scripturis confirmat : quod opus, Rufini etiam titulo jam olim editum inter opera divi Hieronymi, nunc exstat inter opera divi Cypriani, ex editione Pamelii. De Rufino autem hæc habet Gennadius Massiliensis Cassiani dictis consentanea, libro de Illustribus Ecclesiæ Scriptoribus, capite decimo septimo : Rufinus Aquileiensis Ecclesiæ presbyter, non minima pars fuit doctorum Ecclesiæ, et in transferendo de Græco in Latinum elegans ingenium habuit. Denique maxima ex parte Græcorum Bibliothecam Latinis exhibuit. Et infra : Proprio autem labore, immo gratia Dei et dono, exposuit idem Rufinus symbolum, ut in ejus comparatione alii nec exposuisse credantur. Hæc Gennadius hucusque tolerandus; at sub finem ejusdem capitis merito redarguendus, ut non optimæ fidei auctor, dum Rufinum ita extollit, ut divum Hieronymum deprimat, eumque velut æmulum et obreclatorem Rufini graviter insimulet; eadem scilicet temeritate (*Cap. 38, 84, 19, 32, 42*) qua divum Augustinum, aliud Ecclesiæ lumen, de multiloquio, immo errore perstringit, qua Prosperi librum Adversus collatorem damnat, qua Pelagii Eulogias commendat, quas divus Hieronymus, libro primo contra Pelagianos capite octuagesimo quinto, plenas hæresibus asserit; qua duos Fausti Semipelagiani libros de Gratia et Libero Arbitrio miris laudibus effert, quos Petrus Diaconus et omnes Orientales anathematizant; qua Severi Dialogum prædicat, quem divus Hieronymus, in caput trigesimum sextum Ezechielis, et post eum Ge-



haud contemnenda ecclesiasticorum doctorum portio, ita in expositione symboli de Domini natiuitate testatur: Filius enim, inquit, Dei nascitur ex Virgine, <sup>a</sup> non principaliter soli carni sociatus sed,

# ALARDI GAZÆI COMMENTARIUS.

lacijs pontifex capite *Sancta Romana*, distinctione decima quinta, reprobatur; qua denique alia plura his similia, quibus suspicionem non parvam reliquit suæ non rectæ fidei, ait Card. Bellarminus. At vero quo loco inter Scriptores ecclesiasticos habendus sit Rufinus, et quam impar auctoritate, ut et sanctitate, et doctrina longe inferior Hieronymo, declaravit Gelasius pontifex in concilio Romano 70 episcoporum, solemni decreto in hæc verba edito (*D. Cap. S. Romana, apud Gratianum*): *Vitas Patrum, Pauli, Antonii, Hilarionis, et omnium eremitarum, quas tamen beatissimus scripsit Hieronymus, cum omni honore suscipimus. Et infra: Rufinus vir religiosus plurimos ecclesiastici operis edidit libros, nonnullas etiam Scripturas interpretatus est; sed quoniam beatus Hieronymus in aliquibus eum de arbitrii libertate notavit, illa sentimus quæ prædictum beatum Hieronymum sentire cognoscimus. Et non solum de Rufino, sed etiam de universis quos vir sæpius memoratus zelo Dei et fidei religione reprehendit. Hæc Gelasius. Eat nunc Gennadius, et Rufinum cum D. Hieronymo conferat, aut, quod impudentius est, ei præferat.*

<sup>a</sup> Quo mens Rufini in his verbis melius percipiat, integra videtur afferenda sententia, quæ sic habet: *Substantia Dei, quæ per omnia incorporea est, inseri corporibus, vel capi ab eis principaliter non potest, nisi aliqua media sit substantia spiritalis, quæ capax esse divini spiritus possit. Verbi gratia, ut si dicamus: Lux omnia quidem membra corporis illi trare potest, a nullo tamen eorum nisi a solo oculo capi potest, solus enim oculus est qui capax sit lucis. Et Filius ergo Dei nascitur ex Virgine, non principaliter soli carni sociatus, sed, anima inter carnem Deumque media generatus. Anima ergo media, et in secreta rationabilis spiritus arce Verbum Dei capiente, absque ulla, quam suspicaris, injuria Deus natus est ex Virgine. Et ideo nihil ibi turpe putandum est, ubi sanctificatio Spiritus inerat, et anima, quæ erat Dei capax, particeps fiebat etiam carnis. Ita Rufinus. Similes autem sententiæ apud Augustinum et Damascenum leguntur. Augustinus siquidem libro de Agone Christiano, cap. 18: *Invisibilis, inquit, et incommutabilis veritas, per spiritum animam, et per animam corpus suscipiens, toto homine assumpto, ab omnibus eum infirmitatibus, nulla sui contaminatione liberavit. Damascenus vero lib. iii de Fide Orthod. cap. vi: Unitum, inquit, est carni, mentis medio Verbum Dei, mediantis inter Dei puritatem et carnis crassitatem. Principatum enim animæ et carnis mens tenet, purissimum vero mentis Deus. Quid autem sibi velint Patres hujusmodi sententiis, ut intelligatur, notandum primo, hæc duo nomina, spiritum et animam, non res diversas, sed unius ejusdemque, videlicet animæ rationalis, diversa signare officia. Spiritus enim, seu mens, intelligitur pars animæ superior, quæ divina et humana contemplatur; anima vero pars ejusdem inferior, quæ humanis et temporalibus intendit. Ita enim hæc subinde distinguit Augustinus. Secundo nullum temporis ordinem hac doctrina significari, sed naturæ dumtaxat, qui ex variis dignitatis gradibus sumitur, earum scilicet partium quibus natura nostra constat. Nam quod ad ordinem temporis attinet, id pro certo ac definito habendum est, non prius tempore animam assumptam esse quam carnem, aut carnem tempore prius Verbo copulatam quam animam, sed simul eodemque momento omnes naturæ humanæ partes a Filio Dei assumptas esse. Quod inculcans D. Augustinus epistola iii ad Volusianum: *Cum Verbum Dei, inquit, permixtum est animæ habenti corpus, simul et animam suscepit et corpus.***

A anima inter carnem Deumque mediante, generatus. Numquid obscure Deum ex homine natum testificatus est? <sup>b</sup> Augustinus Hipponæ Regiensis oppidi magnus sacerdos (*Tract. 2 in Joan.*), ut autem

Et Enchirid. 34: *Carnem, inquit, pro toto homine debemus accipere, ubi dicitur: Verbum caro factum est. Nam nihil naturæ humanæ in illa susceptione fas est dicere defuisse. Exstant etiam apud Nicephorum (Lib. xvii c. 28) canones concilii Constantinopolitani in hanc sententiam: Si quis dicit aut sentit animam Domini præexistisse, unitamque esse Deo Verbo ante Incarnationem et natiuitatem ex Virgine, anathema sit. Et: Si quis dicit aut sentit prius formatum esse corpus Domini nostri Jesu Christi in utero Virginis, et deinceps unitum esse ei Deum Verbum, atque animam, ut quæ prius exstiterit, anathema sit. Tertio cavendum etiam ne sic cogitetur caro Christi unita mediante anima, ut intelligatur non eam uniri proxime et immediate, sed anima interposita, vel quasi colligante et copulante carnem Verbo, sicut glutinosa corpora media esse dicuntur inter eas res quas inter se volumus cohærere. Nam divinitas proxime atque intime et carni et animæ juncta est, nec vicinior potest anima intelligi quam caro, quasi quodam situ aut ordine positionis, qui in sola corporum conjunctione locum habet. Quarto, restat igitur ut solum naturæ ac dignitatis ordinem hic cogitare debeamus. Cum enim naturæ ordine ac præstantia et anima corpus, et animam mens sive spiritus exsuperet, ideoque et anima quam corpus et spiritus quam anima propius ad naturæ divinæ perfectionem ac puritatem accedat; talis ordo recte in harum partium assumptione constituitur, ut assumpta dicatur anima per spiritum, et corpus per animam, seu mediante anima. Vide Magistrum Sent. lib. iii dist. 2, et S. Thomam (iii p., q. 6, n. 1 et 2).*

<sup>b</sup> Martyrologium Rom. quinto calend. Septembris: *Hippone Regio in Africa natalis sancti Augustini episcopi et Ecclesiæ doctoris eximii, qui beati Ambrosii episcopi opera ad catholicam fidem conversus, et baptizatus, eam adversus Manichæos aliosque hæreticos acerrimus propugnator defendit, multisque aliis pro Ecclesia Dei perfunctus laboribus, ad præmia migravit in cælum, etc. Addit Baronius in notis, quod ad nostrum etiam institutum spectat, migrasse ex hac vita Theodosio xii et Valentiniano cons., dum ad concilium œcumenicum Ephesinum (contra Nestorium nempe congregatum, in quo et Nestorius damnatus) Theodosii imper. legatione vocaretur. Is erat annus a Christo Domino 430 (ibi vide Baronium in Annalibus). Possidius Colaniensis episcopus in ejus Vita: *Hic per acceptissimum Deo, et in optimis viris præclarissimum sacerdotem Ambrosium, verbi Dei prædicatorem frequentissimum, divina præstante opitulatione, et doctrinam salutarem et divina percepit sacramenta. Moxque ex intimis cordis medullis spem omnem, quam habebat in sæculo, dereliquit. Factumque est ut, interjecto tempore, sancto episcopo Valerio id agente, omnibus gratulantibus, episcopatum suscipere suo vivente episcopo coactus sit. Atque id factum est, ut episcopus multo instantius ac ferventius, majore auctoritate verbum salutis æternæ alacriter pullulanti atque crescenti Domini Ecclesiæ prædicaret. Et infra: Tanta autem ab eodem dictata et edita sunt, tantaque in Ecclesia disputata, excepta, atque emendata, vel adversus diversos hæreticos conscripta, vel ex canonicis libris exposita ad ædificationem sanctorum Ecclesiæ filiorum, ut ea omnia vix quisque studiosorum nosse et perlegere sufficiat. Item infra: Verbum Dei usque ad extremam ægritudinem imprætermisse, alacriter, ac fortiter, sana mente, sanoque consilio, in Ecclesia prædicavit. Hæc ipse. Exstat et præter alia nobilissimum D. Augustini in epistola 8 Cœlestini papæ ad episcopos Galliæ, qua præbyteros quosdam Gal-**



et homines, inquit, nascerentur ex Deo, per quem efficiamur; et natus ex femina, per quem reficeremur. Item illie: Et Verbum caro factum est, et habitavit in nobis. Quid ergo mireris, quia homines ex Deo nascuntur? Attende ipsum Deum natum ex hominibus. Item ejusdem in epistola ad Volusianum (*Epist.* 3): Sed et ipse Moyses et ceteri prophetae veracissime Dominum Christum prophetaverunt, et ei gloriam magnam dederunt; hunc non tamquam parem

A sibi, nec in eadem miraculorum potentia superiorem, sed plane Dominum Deum omnium, et hominem propter homines factum, venturum pronuntiaverunt. Qui propterea et ipse talia facere voluit, ne esset absurdum, quæ per illos fecerat, si ipse non faceret. Sed tamen et aliquid proprium facere debuit, nasci de Virgine, a mortuis resurgere, in cælum ascendere. Hoc Deo qui parum putat, quid plus expectet ignoro.

#### ALARDI GAZÆI COMMENTARIUS.

licanos ejus scriptis obloquentes, eaque passim in suspicionem hæreseos trahentes, graviter redarguit: ubi inter alia, hæc ait: *Augustinum sanctæ recordationis virum pro vita sua atque meritis in nostra communione semper habuimus, neque unquam hunc falsæ suspicionis autem rumor aspersit; quem tantæ scientiæ olim fuisse meminimus, ut inter magistros optimos etiam ante a meis antecessoribus haberetur. Bene ergo de eo omnes in commune senserunt, utpote qui ubique cunctis et amoris fuerit et honori. Hæc pontifex. Plura in laudem B. Augustini apud sanctum Hieronymum in epistola ad eundem 94. Ubi libros duos de Origine Animarum sibi ab Augustino dicatos ita commendat: Certe quidquid dici potuit, et sublimi ingenio de Scripturarum sanctarum hauriri fontibus, a te positum atque dissertum est. Et infra: Mihi autem decretum est te amare, te suspicere, colere, mirari, tuæque dicta, quasi mea defendere. Et lib. in contra Pelagianos, ubi validissimum commilitonem in dimicando adversus eosdem hæreticos se habere gloriatur, ipsum videlicet sanctissimum, atque doctissimum Augustinum, quippe qui jam ante adversus eandem hæresin, gladium spiritus exseruisset, et recensitis hac de re scriptis ab eo Commentariis ad Marcellinum, ita subdit: Alios quoque specialiter tuo nomini eudere dicitur, qui nec dum in nostras venerunt manus. Unde superseclendum huic labori censeo ne dicatur mihi illud Horatii: In silvam ne ligna feras. Aut enim eodem diceremus ex superfluo; aut si nova volumus dicere, a clarissimo ingenio occupata sunt meliora. Hæc Hieronymus. His accedit S. Prosper Augustini observantissimus, qui de ipso hæc habet in Chronico: Augustinus episcopus per omnia excellentissimus moritur quinto calend. Septembris, libris Juliani inter impetum confidentium Vandalorum in ipso dierum suorum fine respondens, et gloriose in confessione Christianæ gratiæ perseverans. At libet hic etiam Gennadii (*De Script. Eccles. cap.* 38) de Augustino audire sententiam, quo, juxta proverbium, opposita juxta se posita magis elucescant. Augustinus, ait, Afer, Hipponensis episcopus, vir eruditione divina et humana orbi clarus, fide integer, et vita purus, scripsit quanta nec inveniri possunt. Quis ergo gloriatur se omnia illius habere? aut quis tanto studio legat, quanto ille scripsit? Hactenus honorifice de Augustino Gennadius. Verum quod proprium obtrektorum est, ut post laudem alienius, vitium aliquod impingant, quæ tota laus obscuretur; ita Gennadius laudes Augustino ascriptas plane denigravit, dum subjecit: Unde et multa loquenti accidit, quod dixit per Salomonem Spiritus sanctus: In multiloquio non effugies peccatum (*Proverb. x*). Et inferius: Catholicus permansit tamen, et error illius sermone multo, ut dixi, contractus, lucta hostium exaggeratus, necdum hæresis questionem dedit. Sic ille, insignes scilicet multiloquii et erroris notas Augustino intrens; et quam prius tribuerat laudem, quodammodo retractans aut elevans: Error, inquit, illius necdum hæresis questionem dedit; quasi dicat: Etsi necdum hæresis occasionem dedit, tamen in posterum facile daturus est. Ita homo Pelagiana fuligine aspersus, et inter alios*

Massilienses clericos Augustini æmulus, Pelagianorum hostem acerrimum, quem lædere aperte non potuit, callide, quasi blandiendo, momordit. At meliora sunt vulnera diligentiis quam fraudulentæ oscula odientis, ait Sapiens (*Proverb. xxvii*). Et longe aliter sensit ac judicavit Cælestinus pontifex supra citatus, qui suos antecessores secutus, Augustinum ab omni erroris suspicionem vindicavit, ejusque obtrektoribus silentium imposuit. Nec non Gelasius itidem pontifex, qui B. Augustini opuscula (sic ipse vocat, ut et aliorum Patrum scripta) eadem auctori a te apostolica approbavit, et in Ecclesia catholica retinenda decrevit (*D. Cap. Sancta Romana, dist.* 15). Jam vero quod ad Hipponem Regium, vel ut hic ponitur, Hipponem Regiensem, attinet, duæ memorantur hoc nomine urbes in Africa, quarum alteram Uticæ proximior, Hipponem Regium; alteram a litore remotior, quod in palustri loco sita sit, Diarrythum, hoc est, dilutum vocant, propter aquarum irrigua, ut auctor Plinius lib. v cap. 4. Prior Hippo Regius appellatus, quod a regibus inhabitatus. Unde Silius Italicus:

Antiquis dilectus regibus Hippo.

Hujus Hipponis Regii, seu Hipponensis Ecclesiæ episcopus fuit D. Augustinus, non alterius (ut perperam notavit Lud. Vives (*Ad lib. xvi de Civit. c.* 8) contra omnium sententiam), Valerio ejusdem urbis episcopo adhuc superstiti et procurante ad supplendas ejus vices, invitus licet, consecratus eique suffectus; in quo munere cum annos circiter triginta quinque vixisset, civitate Hipponensi a Vandalis obsessa, tertio obsidionis mense (quatuordecim enim menses eam perdurasse obsidionem testatur Possidius) diem clausit extremum, cum eo statu res Africanæ essent, ut exceptis tribus civitatibus, Carthagine, Cirta et Hipponem, reliquæ omnes a Vandalis captæ essent, post cujus tamen obitum, urbs etiam Hipponensis incolis destituta, ab hostibus fuit concremata, teste eodem Possidio (*Baron. an.* 430). Notat præterea Ambrosius Calepinus hoc nomen Hippo, modo masculini generis esse, modo feminini. Unde Hipponem Dilutum legimus apud Plinium, ubi supra, et utramque Hipponem apud eundem lib. vi cap. 34. Auctor item est Solinus utrumque horum oppidorum a Græcis equitibus conditum fuisse, atque inde nomen accepisse. Hæc ille. Porro Hipponem Regiensem, vel Regiense oppidum, ut hic habetur, in hoc sensu apud alium auctorem non lego.

\* Apparet hic nonnulla desiderari, ex Basileensi editione, quæ sic habet: *Ut autem homines, inquit, nascerentur ex Deo, primum ex ipsis natus est Deus. Christus enim Deus, et Christus natus ex hominibus: non quæsit nisi matrem in terra, quia jam Patrem habebat in cælo. Natus est ex Deo, per quem efficiamur; et natus ex femina, per quem reficeremur. Sic ibi. Apud ipsum vero Augustinum postrema verba ita lego: Natus ex Deo, per quem efficeremur: natus ex femina, per quam reficeremur; in aliis editionibus: Per quem reficeremur (Tract. 2 in Joan., sub finem).*



## CAPUT XXVIII.

*Græcorum sive Orientalium episcoporum testimonia producturus primo loco D. Gregorium Nazianzenum affert in medium.*

Sed forte quia hi quos numeravimus viri in diversis mundi partibus fuerunt, minus probabiles tibi auctoritate videantur. Ridiculum id quidem, quia loco fides non imminuitur, et quid sit quis, non ubi sit, considerandum, præsertim cum religio omnes uniat, et hi qui in fide una sunt, in corpore quoque uno esse noscantur; sed tamen aliquos tibi, quos non despicias, etiam de Orientalibus proferemus. <sup>a</sup>Gregorius splendidissimum scientiæ ac doctrinæ iubar, qui cum olim jam vita functus sit, etiam nunc tamen auctoritate ac fide vivit, et cum olim jam corpore absit ab ecclesiis, tamen voce ac magisterio non recedit. <sup>b</sup>Cum ergo, inquit (*Oratione in Natalem Salvatoris*), processisset ex Virgine Deus, in ea quam

<sup>A</sup> *assumpserat humana natura, unum e duobus sibi invicem contrariis existens, carne ac spiritu, aliud in Deum assumitur, aliud deitatis gratia præstat. O nova et inaudita permixtio! O mira et inexplorata compago! Qui erat, fit, et creator creatur; et qui immensus est, capitur mediante anima, Deo et carne; et ille qui omnes divites facit, pauper efficitur. <sup>c</sup>Item rursus de Epiphania: Sed quid fit? quid de nobis agitur, vel pro nobis? nova quædam et inaudita efficitur permutatio naturarum; et Deus homo fit. Item illic, et Dei Filius cœpi esse et filius hominis non conversus ex eo quod erat, inconvertibilis namque est, sed assumens quod non erat; misericors enim est, ut capi possit qui capi non poterat. Vides quam præclare atque magnifice ita majestatem deitatis prædicat, ut dignationem incarnationis insinuet? Sciens utique admirabilis fidei doctor, ex his omnibus quæ nobis in mundum veniens Deus tribuit, beneficiorum esse cumulum, non*

## ALARDI GAZÆI COMMENTARIUS.

<sup>a</sup> Gregorius a Nazianzo secundæ Cappadociæ oppido Nazianzenus dictus (*Martyrol. 9 Maii*), S. Basilii æqualis, et intimus amicus ac socius, ob singularem divinarum rerum doctrinam, cognomento Theologi donatus, qui collapsam Constantinopoli catholicam fidem restituit, hæresesque insurgentes compressit, de quo D. Hieronymus tum alibi sæpe, tum in Catalogo: Gregorius, inquit, primum Sasimorum, deinde Nazianzenus episcopus, vir eloquentissimus, præceptor meus, a quo Scripturas explanante didici, ad triginta millia versuum omnia opera sua composuit. Hæc et alia D. Hieronymus: qui quod ait Gregorium Nazianzenum fuisse episcopum, sic accipiendum docet Baronius (*Tom. IV an. 571*), non quod aliquando ordinatus fuerit episcopus Nazianzi, sed quod ejus Ecclesiæ curam administrationemque, vivente et rogante patre Gregorio seniore ejusdem sedis episcopo suscepit, et ad breve tempus ut vicarius et coadjutor in spiritualibus functionibus gesserit, videlicet usque ad obitum patris; qua de re exstat ipsius oratio coram patre publice habita (*Orat. 8 edit. Billian.*); nec non ejusdem expressa attestatio in epistola ad Gregorium Nyssenum in hæc verba: *Inter omnes enim constat, me non Nazianzi, sed Sasimorum antistitem creatum fuisse; tametsi patris reverentia, et eorum qui suppl. ces hoc a me contenderunt, ad breve tempus præfecturam, quasi hospites, acceperimus. Hæc obiter quoad Hieronymi sententiam dicta sint (Epist. 42).* Rufinus Aquileiensis: *Gregorius vir per omnia incomparabilis, qui verbo et operibus clarus, splendidissimum lumen scientiæ Christi Ecclesiis præbuit, dum ea docuit quæ fecit; nec se ipsum cond. mnavit agendo contraria, quam docebat. Et multis interjectis: Hujus neque vita aliquid probabilius et sanctius, neque eloquentia clarius et illustrius, neque fide purius et rectius, neque scientia plenius et perfectius inveniri potest, qui solus sit de cujus fide ne dissidentes quidem inter se (ut fieri solet) partes et studia disputare potuerint; sed id obtinuerit apud Deum et Ecclesias Dei meriti, ut quicumque ausus fuerit doctrinæ ejus in aliquo refragari, ex hoc ipso quia ipse magis sit hæreticus, arguatur. Manifestum namque indicium est, non esse rectæ fidei omnem qui in fide Gregorio non concordat.* D. Augustinus lib. 1 contra Julianum Pelagianum, post citatos Occidentis episcopos, sic de Gregorio Nazianzeno, quem primum inter Orientis episcopos, sicut Cassianus hoc loco, nominat: *Sed non tibi deerit magni nominis et fama celeberrima illustris episcopus, de partibus Orientis, cujus eloquia ingentis merito gratiæ, etiam in Latinam linguam translata usquequaque claruerunt. Et infra:*

*An tibi parva in uno Gregorio episcoporum Orientalium videtur auctoritas? Est quidem tanta persona, ut neque ille hoc, nisi ex fide Christiana diceret, nec illi eum tam clarum haberent atque venerandum, ut hæc ab illo dicta, ex regula notissimæ veritatis agnoscerent. Gregorius presbyter in Vita ejusdem Gregorii episcopi: Dogmatum sublimitate ac theologia usque adeo excellebat, ut quamvis permulti viri doctrinæ laude celebres variis sæculis theologicæ rei operam dederint, hic tamen solus post Joannem Evangelistam Theologi nomine insignitus sit, atque hoc cognomen ipsi velut proprium et peculiare attributum. Enimvero quemadmodum alias omnes laudes atque virtutes animi complexu tenebat, ita ne a prophetiæ quidem gratia deserebatur. Sic ille. Vide plura elogia in laudem Gregorii Nazianzeni a Jacobo Billio collecta, et annotata in operum ejus præambulo.*

<sup>C</sup> <sup>b</sup> Hæc eadem verba ex Nazianzeno citat Leo Magnus pontifex in epistola 97 (*Cap. 9*) ad Leonem Augustum adversus Nestorii et Eutychetis blasphemias, hanc eandem cum Cassiano versionem secutus. Est autem hæc oratio trigesima octava in Christi nativitate inscripta secundum editionem Jacobi Billii, qui hæc eadem paulo aliter vertit hunc in modum: *Progressus autem Deus cum humanitate, unum ex duobus inter se contrariis, carne nimirum et spiritu, quorum alterum deificavit, alterum deificatum est. O novam mixtionem! o admirandam temperationem! Qui est, fit; qui creatus non est, creatur; qui nullo loco contineri potest, per interventum animæ intellectualis inter divinitatem et carnis crassitatem continetur; qui locupletes alios dat, paupertate afficitur, etc.*

<sup>c</sup> Est oratio trigesima nona ejusdem editionis Billianæ, præcedentis orationis comes et cognata, et *In sancta lumina, sive In festum sanctorum luminum* inscripta; ubi de baptismo Christi agitur, qui etiam a Patribus illustratio appellatur, et ipso die Epiphaniæ tam apud Græcos quam Latinos celebratur; non de purificatione seu presentatione Domini in templo, quæ Græcis *ὑπαπαντή* dicitur, ut quidam opinati sunt. Sic autem Billiana versio, et editio hujus loci: *Quid igitur fit? quamque magnum circa nos mysterium designatur? Innovantur naturæ, Deusque homo efficitur, et qui super cælum cæli ad gloriæ suæ et splendoris Orientem ascendit, in vilitatis et humilitatis nostræ occasu celebratur; Deique Filius hominis quoque filius et esse et vacari sustinet; non quod erat immutans (neque enim mutatio in Deum cadit), sed, pro suo erga homines amore, id quod non erat assumens, ut qui natura sua comprehendendi non potest, comprehendatur, etc.* Vide Nicetæ commentarium.



honoris imminutionem, quia quidquid homini Deus A præstitit, augere ejus in nobis debet affectum, non minuire dignitatem.

## CAPUT XXIX.

Proximo loco ponit B. Athanasii auctoritatem.

<sup>a</sup> Athanasius quoque Alexandriæ urbis sacerdos, eximium constantiæ et virtutis exemplum; quem hæreticæ persecutionis procella non contrivit, sed probavit; qui similem semper splendenti speculo vitam habens, prius pene indeptus est martyris meritum quam confessoris caperet dignitatem. Videamus quid de Domino Jesu Christo vel de Domini Matre senserit. Hæc ergo, inquit, intentio et character sanctæ Scripturæ, quod sæpe diximus, duplicem esse in eodem salvatore significationem: quod et

## ALARDI GAZÆI

## COMMENTARIUS.

<sup>a</sup> Sacerdos, per miosim, pro episcopo ponitur (ut superius in Augustino), qui etiam, veteri usu loquendi, summus sacerdos vel primus presbyter dicitur. Unde Augustinus quæst. 4 (Tom. IV) ex utroque mixtum: *Presbyterum*, inquit, intelligi episcopum probat Paulus apostolus, quando Timotheum, quem ordinavit presbyterum, instruit qualem debeat creare episcopum (I ad Tim. iii). *Quid est enim episcopus, nisi primus presbyter, hoc est, summus sacerdos?* Denique non aliter quam compresbyteros hic vocat, et consacerdotes suos. Hæc Augustinus. Porro de S. Athanasio, Alexandrino episcopo sive archiepiscopo, præter ea quæ alibi notavimus hæc in Martyrologio (Maii 2) habentur: *Alexandriæ Natalis sancti Athanasii ejusdem urbis episcopi, sanctitate et doctrina clarissimi, in cujus persecutionem universus pene orbis conjuraverat; ipse tamen catholicam fidem a tempore Constantini usque ad Valentem adversus imperatores, præsidens, et innumeros episcopos Arianos strenue propugnavit, a quibus purissimas perpessus insidias, profugus toto orbe actus est, nec ullus ei tutus ad latendum supererat locus; tandem ad suam Ecclesiam reversus, post multos agones, multasque patientiæ coronas, quadragesimo sexto sui sacerdotii anno migravit ad Dominum, tempore Valentiniani et Valentis imperatorum.* Hæc ibi. In ejus laudem S. Gregorius Nazianzenus luculentam habuit orationem (Orat. 21 edit. Bellian.), hoc præclaro exordio auspicatus: *Athanasium laudans, virtutem laudabo. Idem enim est illum dicere, quod virtutem laudibus efferre, quoniam virtutes omnes in unum collectas tenebat, vel, ut verius loquar, tenet.* Et rursus in oratione quam in laudem Hieronis scripsit, Athanasium post alias laudes, oculum orbis, sacerdotum antistitem, vocem sublinem, fidei columnen, Christi lucernam, et secundum præcursores appellat (Orat. 23). S. Basilius etiam quam multa de eodem, quam illustra! Cujus exstant complures ad ipsum epistolæ, præsertim epistola 48, ubi ejus auxilium pro Ecclesia Antiochena implorans: *Quis, inquit, ad ista perficienda prudentiam tuam excellat? Quis acutius, quid faciendum sit, expendat? Quis ad utilium energiam efficacior? Quis ad considerandam fratrum necessitatem condolentis affectu magis præditus? quis universo Occidenti honorabili canone tuo venerabilior?* etc. De Athanasii itidem scriptis magna aviditate perquirendis, perquisitisque colendis, est illa præclara Cosmæ abbatis apud Sophronium sententia: *Cum, inquit, ex S. Athanasii opusculis aliquid inveneris, nec ad scribendum chartas habueris, in vestimentis tuis scribe illud.*

<sup>b</sup> De usu et significatione harum vocum, confessoris et martyris, apud Christianos, dictum est supra (Cap. 24). Unde facile intelligitur, cur dicatur hic S. Athanasius pene prius indeptus seu adeptus martyris meritum, quam confessoris caperet dignitatem: utrumque qui tum a gentilibus tum ab Arianis gra-

*A semper Deus fuit, et est Filius, Verbum, et lumen, et sapientia Patris; et quod postea propter nos carnem sumpsit ex Maria virgine theotoco, et homo factus est.* Item post alia: *Multi ergo sancti fuerunt et mundi a peccato: Jeremias et ab utero sanctificatus est; et Joannes cum esset in utero, exultavit in gaudio voce Mariæ theotoci, Deum utique Dei Filium, qui, in verbis ipsius fidem universorum loquar, Verbum est, et lumen, et sapientia Patris, propter nos carnem sumpsisse dicit; et ideo theotocon virginem Mariam, quia sit Mater Dei, appellat (Lib. de Incarn. Verbi).*

## CAPUT XXX.

Addit etiam D. Joannem Chrysostomum.

<sup>d</sup> Joannes Constantinopolitanorum antistitem de-

B vissimas persecutiones, calumnias, exsilia passus, atque adeo ad mortem sæpe expetitus, martyris laudem et meritum non solum apud Deum consecutus sit, verum inter catholicos martyris nomen promeritus, eo scilicet loquendi more quo martyr olim dicebatur, qui aliquod genus tormentorum pro fidei defensione esset expertus, quamvis martyrio minimo occubisset (Vide supra, cap. 24); quomodo Tertullianus et Cyprianus martyres solent appellare. Antequam confessoris caperet dignitatem, id est, antequam fidem catholicam interpellatus coram fidei hostibus professus esset, atque inde confessoris titulo et dignitate in Ecclesia honorari meruisset.

<sup>c</sup> Non theotocæ, ut antea impressum fuit. Est enim *θεοτοκος* communis generis, ut notum est. Nec apud Patres reperitur *theotoca*, sed *theotocus* dumtaxat; de qua voce satis multa alibi notavimus.

<sup>d</sup> S. Joannes archiepiscopus Constantinopolitanus, propter aureum eloquentiæ flumen, cognomento Chrysostomi nuncupatus, qui verbo et exemplo Christianæ religioni plurimum profuit, et post multos labores in exsilio vitam finivit (Ex Martyrol. Rom. 6 kal. Febr.). Ejus res gestas totamque vitam et mortem in exsilio susceptam ex Historia ecclesiastica collegit suisque Annalibus inseruit Baronius (Tom. v Annal.). Exstat et præclarum de Joanne elogium Cælestini papæ ad Clerum, et populum Constantinopolitanum, qua ipsius aliorumque ejusdem Ecclesiæ pastorum memoriam et exemplum eis ob oculos ponit, et ut in majorum fide et religione constanter perseverent (similiter ut hic Cassianus) serio admonet his verbis: *Ante omnia autem constanter in hisce vobis persistendum existimo, quæ ex priorum pastorum vestrorum doctrina hausistis; id quidem certo persuasum habentes, sacerdotes hucusque vobis obligasse sanctimonia et eruditione præstantes; qui quidem a paternis traditionibus ne latum quidem culmum recedentes, summa cum pace et tranquillitate Ecclesiam Dei rexerunt. Nam, ut a mortuorum minium faciamus, quid in mentes vestras beatæ memorie episcopi Joannis eruditio non instillavit? cujus oratio catholicam fidem ædificans confirmansque in totum terrarum orbem diffusa est: adeo enim suo, in docendo, muneri non defuit unquam, ut etiamnum, ubicumque eum legi contingat, concionetur. Accuratam porro illius sapientiam excepit constantia et severitas laudis celebrata: quandoquidem sanctæ memoriæ episcopus Atticus, Christianum populum ad antecessoris sui exemplum gubernans, sacrilegos hæreticorum furios acerrime insectabatur, etc. Quod autem ad Chrysostomi scrip- attinet, Cassiodorus hæc habet (In præfat. Div. Lect.): *Ferunt itaque divinas Scripturas veteris notique Testamenti ab ipso principio usque ad finem Græco sermone declarasse Clementem Alexandrinum cognomento Stromatium, et Cyrillum ejusdem civitatis episcopum, et Joannem Chrysostomum, etc. In eadem quoque sententiam Suidas: Universam, inquit (In Joan. Chry-**



cus, ejus sanctitas <sup>a</sup> absque ulla gentilitate persecutionis procella, ad martyrii merita pervenit, quid de Filii Dei incarnatione senserit ac prædicarit, auscultat: *Et illum, inquit, quem si nuda deitate venisset, non caelum, non terra, non maria, non ulla creatura sustinere potuisset, illæsa Virginis viscera portaverunt.* Hujus ergo fidem atque doctrinam, etiam si aliorum ignorabas, sequi ac tenere debueras; <sup>b</sup> ejus utique amore ac desiderio te antistitem sibi plebs religiosa delegit: quia cum de Antiochena Ecclesia te sibi sumeret sacerdotem, ex qua illum ante prælegerat, recepturam se in te credidit quidquid in illo habere desiisset. Nonne, quæso, hi omnes quasi prophetico olim spiritu ad confundendas [*Lips. in marg. confundendas*] blasphemias tuas cuncta dixerunt? Tu enim Dominum Salvatoremque nostrum Christum esse cla-

mitas, non Deum; illi autem Christum Dominum, verum Deum. Tu Mariam Christotocon, non theotocon esse blasphemias: <sup>c</sup> illi ita Christotocon non negant, ut theotocon esse cognoscant. Non res tantum blasphemias tuis sunt oppositæ, sed et verba rerum, ut aperte intelligamus olim adversus blasphemias tuas munimen a Deo inexpugnabile præparatum; quod venturam quandoque vim hæreticæ impugnationis, parato jam muro frangeret veritatis. Et tu, o impiissime atque impudentissime præclaræ urbis contaminator, catholicæ ac sanctæ plebis gravis et exitiosa contagio, stare in Ecclesia Dei ac loqui audes, et blasphemias ac furiosis vocibus tuis, sacerdotes semper illæ-æ fidei et catholicæ confessionis infamas, magistrorum priorum vitio plebem Constantinop. urbis errare? <sup>d</sup> Tu ergo emendator priorum

#### ALARDI GAZÆI COMMENTARIUS.

nost.), Judaicam Christianamque Scripturam ille commentariis sic illustravit, ut alius ante ipsum nemo. Et paulo post: Cæterum opera ab eo conscripta non est hominis percensere numerando, sed solius Dei, cui nota sunt omnia. Hæc Suidas. Sed et de ejus scriptis et moribus hæc Sophronius: *Juste et dignissime Joannes pro puritate doctrinæ, et splendore venustissimi eloquii Chrysostomus cognominatus est; qui ex quo salutarem baptismum accepisset, numquam omnino juravit, etc.* Plura in ejus laudem aliunde accersere supervacaneum puto, cum tam amplum et luculentum in hoc cap. et sequenti suppetat Joannis Chrysostomi encomium a Cassiano ejus discipulo, ad immortalem ipsius memoriam posteritati relictum.

<sup>a</sup> Non enim a gentilibus, seu paganis persecutionem passus est, sed a Christianis, videlicet a Theophilo episcopo Alexandrino ipsi infensissimo injuste condemnatus ac depositus, ab Arcadio imperat. et Eudoxia Augusta, instar Herodiadis, in ipsum furente, bis in exilium actus, a militibus in ultimas terras deportatus, et indignissime habitus, inedia, frigore, morbis aliisque ærumnis confectus, tandem in exilio, ut dictum est, vitam hanc finivit, ut meliorem inveniret; merito beatus et martyr appellandus, non illa tantum generali acceptione de qua supra, verum et strictiori, qua martyr proprie dicitur, qui pro fide aut justitia persecutionem et mortem ipsam patitur; quod quidem Joanni Chrysostomo contigisse ex Historia ecclesiastica (*Socrat. lib. vi cap. 49*) notissimum est.

<sup>b</sup> De hac Nestorii electione Baronius (Anno 428): *Sub iisdem, inquit, consulibus, Felice et Tauro, 4 idus Aprilis, suffectum in locum Sisinnii Constantinopolis episcopi Nestorium presbyterum Antiochenum ex monacho, Socrates tradit (Lib. vii cap. 29).* Quod enim olim ab eadem Ecclesia Antiochena sanctissimum atque doctissimum nacta fuisset antistitem S. Joannem Chrysostomum Constantinop. Ecclesia, inde alium illi similem acceptura post aliquot annorum spatium, mira omnium consensione, Nestorium delegit; ejusmodi enim illorum fuisse consilium, testatur Cassianus suorum temporum scriptor, cum ait hæc in Nestorium: *c* Quia cum de Antiochena Ecclesia, te sibi sumeret sacerdotem, ex qua illum (Nempe Joannem) ante prælegerat, recepturam se in te credidit, quidquid in illo habere desiisset. <sup>d</sup> Quod præcipue factum scias (ait Baronius) Theodosii imperatoris impulsu. Sed quomodo quandoque electio Nestorii facta sit, Socratem audiamus ita dicentem (*Lib. vii c. 29*): *Post mortem Sisinnii, visum est imperatori, propter homines inanum rerum appetentes, neminem ex illa Ecclesia (licet multi Philippum, complures Proclum designatum cuperent) ad episcopatum illum eligere, sed advenam Antiocha accersere constituit (Nicephor. lib. xiv cap. 31; Hister.*

*B Tripart. lib. xii cap. 4).* Erat namque illic Nestorius ex Germanica oriundus, voce inprimis sonora, linguaque diserta; et ob eam causam, tamquam ad docendum populum admodum accommodatus, de illorum sententia accersitur. Hucusque ex Socrate Baronius. Vide cætera in eandem sententiam superius notata.

<sup>c</sup> Quo sensu quæve ratione SS. Patres B. Virginem Mariam negarint aut non negarint dicendam esse *Χριστοτόκον*, Christiparam, superius abunde explicatum est (*Lib. ii cap. 2*). Quia enim Nestorius in B. Virginem blasphemus, Christotocon eam vocabat, ut hoc nomine significaret ipsam nudum ac purum hominem genuisse, qui Christus dictus esset, id est, unctus Spiritus sancti oleo, et charismate in ipsum abunde effuso, eo scilicet modo quo sacerdotes, reges, prophætæ et homines justî, christi nuncupati sunt, ob corporalem aut spiritalem unctionem: hinc oculatissimi et perspicacissimi Patres, attendentes venenum sub melle et anguem in herba lautare, Christiparæ nomen admittere recusabant; non quod absolute negarent B. Virginem esse Christiparam, hoc est, Christum genuisse ac peperisse, sed quo remotiores ac sejunctiores essent ab impia Nestorii assertione et ne verbo quidem vel solo illo vocabulo cum eadem communicare viderentur. Enimvero si intelligatur nomen Christi (ut debet intelligi) ut duplicem naturam, divinam et humanam, designat in una Filii Dei hypostasi conjunctas (secundum quam rationem soli Domino nostro Jesu Christo proprium est ac peculiare), consentaneum est beatissimam Virginem non minus vere et proprie Christiparam ac Deiparam appellari; immo tantumdem valet sive Christiparam sive Deiparam quis dixerit. Christus enim Deus noster est: proinde mater Christi eadem et Deipara. Et hoc quidem vocabulum hoc tempore et multis retro sæculis absque ullo prævæ opinionis aut communicationis hæreticæ periculo recte usurpatur, cum ipsius Nestorii impietas dudum explosa sit damnataque, neque amplius Ecclesiam infestet.

<sup>d</sup> Sic igitur SS. Patres Mariam *Χριστοτόκον* Christiparam non negabant, quia Christum ipsum Deum, ac proinde ejus Matrem etiam *Θεοτόκον* agnoscebant et prædicabant.

<sup>e</sup> Tres nominat recenti tunc memoria notissimos ac celebres Constantinopolitanæ sedis antistites, Nestorii antecessores, sibi que continue succedentes, Gregorium scilicet Nazianzenum, de quo supra, qui prius Sasimorum episcopus, ut dictum est, post Theodosio imperatore procurante ad episcopatum Constantinopolitanum evectus anno Domini 384, post breve tempus ob pacem, et sedandam quorundam episcoporum invidiam eidem sponte munus inmisit; Nectarium ejusdem Gregorii successorem, qui eandem sedem aliquot annis tenuit, ac demum anno 397



antistitem, tu condemnator veterum sacerdotum, tu Gregorio excellentior, tu Nectario probatior, tu Joanne præstantior omnibusque Orientalium urbium sacerdotibus, qui etsi non ejusdem nominis cujus hi quos nominavi, ejus tamen fidei fuerunt? Quod quidem, quantum ad hanc causam pertinet, sufficit, quia cum de fide agitur, omnes in eodem sunt quod optimi, in quo consortes sunt optimorum.

### CAUT XXXI.

*Deplorat Constantinopolitanæ urbis casum infelicem propter acceptam ab isto hæretico cladem; simulque hortatur cives ut in antiqua catholica et avita religione perseverent.*

Unde ego quoque ipse humilis atque obscurus nomine, sicut merito, licet mihi inter eximios Constantinopolitanæ urbis antistites locum magistri usurpare non possim, studium tamen discipuli affectumque præsumo. <sup>a</sup> Adoptatus enim a beatissimæ memorie Joanne episcopo in ministerium sacrum, atque oblatas Deo, etsi corpore absum, affectu illic sum; et illi dilectissimo mihi ac venerandissimo Dei populo, etsi nunc præsentia non admisceor, tamen mente conjungor. Et hinc est quod condolens ei atque compatiens, in vocem nunc tristitiæ communis ac doloris erupi, et quod unum potui, per opusculorum nostrorum debilem querimoniam, quasi pro membrorum atque artuum meorum infirmitate clamavi. Etenim <sup>b</sup> si juxta Apostolum (I Cor. xii), dolente quidem minore corporis parte, condolet major atque comparitur, quanto magis dolente majore minorem compati oportet? Inhumanissimum quippe est ut in uno atque eodem corpore majorum infirmitatem minora non sentiant, cum minorum majora patiantur. Unde obsecro ac deprecor omnes vos, qui intra Constantinopolitanæ urbis ambitum sitis, et per affectum patriæ cives mei, et per unitatem fidei fratres mei estis, ut separetis vos ab illo, ut scriptum est, lupi rapaci, qui devorat Dei populum, sicut cibum panis (Psal. lxi). Ne tetigeritis neque gustaveritis quidquam illius, quia sunt omnia in interitum (Colos. ii). Exite de medio ejus, ac separamini, et immundum ne tetige-

ritis (II Cor. v). Mementote magistrorum veterum sacerdotumque vestrorum: Gregorii nobilis per orbem, Nectarii sanctimonia insignis, Joannis fide ac puritate mirabilis. Joannis, inquam, Joannis illius qui vere ad similitudinem Joannis evangelistæ, et discipulus Joannis et apostolus, quasi super pectus Domini semper, affectumque discubuit. Illius, inquam, mementote, illum sequimini; illius puritatem, illius fidem, illius doctrinam ac sanctimoniam cogitate. Illius mementote semper doctoris vestri ac nutritoris, in cujus quasi gremio quodammodo amplexuque crevisitis. Qui communis mihi ac vobis magister fuit; cujus discipuli atque institutio sumus. Illius scripta legite; illius informationem tenete; illius fidem ac meritum amplexamini. Quod etsi assequi grande est ac difficile, sequi tamen pulchrum atque sublime. Quoniam in summa rerum, non adeptio tantum, sed etiam imitatio ipsa laudanda est; quia nunquam se alicuius ejus rei portione ad plenum caret, ad quam scandere ac pervenire contenderit. Ille ergo vobis in seculum semper et quasi in conspectu sit; ille in animo atque in cogitatione versetur. Ille denique ipse vobis etiam hæc, quæ a me sunt scripta commendet; quia hæc, quæ ego scripsi, ille me docuit, ac per hoc non tam mea hæc quam illius esse credite, quia rivus ex fonte constat, et quidquid puratur esse discipuli, totum ad honorem referri convenit magistri. Te autem præter omnia, ac super omnia, Deus Pater Domini nostri Jesu Christi, æque voce ac mente supplici obsecro ut hæc quæ ex largitate tui muneris scripsimus, tu dono tui amoris insinues. Et quia, ut ipse nos Dominus Deus noster unigenitus tuus docuit, ita dilexisti hunc mundum, ut pro salute mundi unigenitum tuum mitteres, dones hoc plebi tuæ, quam redemisti, ut, in Incarnatione unigeniti Filii tui, et tuum donum et affectum illius sapiat: et hoc quod pro nobis unigenitus tuus Dominus Deus noster et natus, et passus est, et resurrexit, ita omnes et intelligant et ament, ut dignatio suæ [*Lips. in marg. sacra*] majestatis, profectus sit nostri amoris: nec in animis universorum humilitas illius imminutionem habeat honoris, sed augmentum semper pariat chari-

### ALARDI GAZÆI COMMENTARIUS.

defunctus, successorem habuit Joannem Chrysostomum, qui hic tertio loco nominatur, et Nestorio pariter opponitur, quique ab eremo et monastica vita ad clerum vocatus, presbyter Antiochenus ordinatus est anno undecimo Valentiniani Junioris, et octavo Theodosii senioris; anno deinde quarto Arcadii et Honorii episcopus Constantinopolitanus factus; tandem anno decimo tertio eorundem imperatorum, et episcopatus sui nono, mortem obiit circa annum Domini 407.

<sup>a</sup> Ex hoc cap. perspicue redarguit Baronius (Anno 404) quosdam errore lapsos, qui tradunt Cassianum a Joanne Chrysostomo diaconum ordinatum, post aliquot annos ab eodem expulsam Massiliam se recepisse: qua de re latius alibi disseruimus (*In præfat. ad lectorem*), eandemque opinionem confutavimus. Quomodo enim aut quando hunc ab eo expelli contigerit, qui etiam post ejus exilium in ipsius obsequio perseverasse cognoscitur, et pro ipso functus legatione ad Innocentium pontificem? qui etiam

ipsius defuncti memoriam apud Constantinopolitanos tantis laudibus effert, et prædicat, sicque eos compellans, specimen in omnibus edit amantissimi et observantissimi Joannis discipuli, de quo et post exilium, immo et post mortem adeo bene mereri studuerit, ut ne vel tenuis nævus in ipso penitus dignosci possit alicujus similitudinis assertæ. Ita Baronius.

<sup>b</sup> Primæ ad Cor. xii: Si patitur unum membrum, compatiuntur omnia membra: sive gloriatur unum membrum, congaudent omnia membra. Vos autem estis corpus Christi, et membra de membro, id est, membra invicem connexa et dependentia. At jam tempus est (quoniam quæ sequuntur in hoc cap. satis clara sunt et expositione non indigent) ut quemadmodum Cassianus suo operi de Incarnatione Verbi, ita et nos hisce nostris annotationibus finem imponamus cum gratiarum actione Deo Opt. Max. debita, cujus ope ac beneficio hucusque pervenimus.



latis : ac beneficia sacræ misericordiæ ita omnes pie A rimus nos Deo nostro, quanto humilior propter nos  
ac sapienter intelligamus, ut tanto plus debere nove- factus est a se Deus.

## APPENDIX PRIMA.

### REGULA S. PACHOMII

A S. HIERONYMO IN LATINUM SERMONEM CONVERSA.

#### PRÆFATIO HIERONYMI.

Quamvis acutus gladius et levigatus, si diu in vagina conditus fuerit, sordescit rubigine et splen-

#### ALARDI GAZÆI COMMENTARIUS.

a Quod ad calcem hujus voluminis regulam S. Pachomii abbatis a D. Hieronymo, ut creditur, Latine redditam attexere in animum induxerim, amice lector, duæ me causæ impulerunt : una quod eandem temporis vetustate pene abolitam, et hactenus in obscuro delitescentem, studiose conquisitam, a mendis expurgatam, et majori saltem ex parte restitutam Petrus Ciaconius presbyter Toletanus in editione sua Romana, ut insigne antiquitatis monumentum novissime repertum, in-tar appendicis operibus Cassiani subnectendam judicavit; cujus sane consilium et exemplum imitari ex publico usu esse duxi. Altera, quod de Pachomianis, sive Tabennensibus monachis, deque eorum moribus et institutis multa passim commemoret, et suis scriptis inspergat noster Cassianus, præsertim libro quarto Institutionum, quibus haud parum lucis allatura videtur hæc regula integre, quoad fieri potuit, hoc loco reddita, et posteritati servata.

Verum hic non parva occurrit difficultas, num hæc eadem regula cum illa censeri debeat, quam Palladius in Lausiaco, alique commemorant (*Pallad. Lausiac. 38; Gennad. de Viris Illustr. cap. 7; Martyrol. 14 Maii; Sozom. lib. iii cap. 13; Niceph. lib. ix cap. 14*) : an vero diversa? nam ex multis certe argumentis colligi videtur duas saltem, si non plures monachorum Regulas a S. Pachomio emanasse : alteram ab angelo sive dictante exceptam, ut Gennadius refert, Martyrologio etiam Romano suffragante; sive in tabula ænea divinitus traditam, ut Græcus ille auctor incertus, nec non Palladius, Sozomenus, Nicephorus, et alii tradunt : alteram non a solo Pachomio, sed a tribus Patribus infra nominatis compositam, et junctim editam, quam D. Hieronymus Latinitate donavit. Non esse unam eandemque Regulam probatur primo. Nam illa soli Pachomio, hæc tribus Patribus, Pachomio, Theodoro, et Orsiesio ascribitur : unde initium Regulæ est hujusmodi : *Hæc sunt præcepta vitalia, tribus a majoribus tradita*. 2º Hæc nihil fere habet commune cum illa, ut patet intuitu. Nam hæc multo plura continet præcepta, eaque ab illius Regulæ præceptis et sanctionibus plurimum diversa. Quod ut certius et clarius constet, illam ipsam iisdem verbis, quibus a Palladio expressa est, huic subjungere statui, ut ex utriusque collatione, quantum inter se discrepent agnoscatur. Denique hanc trium Patrum regulam, sive præcepta primum Ægyptiæ scripta, deinde in Græcum translata, D. Hieronymus Latino sermone se vertisse testatur præfatione hac ei-dem præfixa : illam vero apud Palladium descriptam Gentianus Hervetus ejus interpret e Græco in Latinum transtulisse fertur, ut videre est in Bibliotheca SS. Patrum edit. 3 tom. VII. Ex adverso tamen non desunt itidem argumenta, quibus haud immerito suspicari liceat, non nisi unam Pachomii Regulam agnoscendam esse, eamque ab angelo seu dictante, seu deferente, S. Pachomio traditam, ac demum a D. Hieronymo Latine traductam; sed ejus partem tantummodo a Palladio et aliis obiter et cursim relatam, quæ huic compingenda aut interserenda

et continuanda unam efficiat. Primum quidem Palladius (quem et Sozomenus et Nicephorus secuti sunt) non integram Pachomii Regulam a se descriptam haud obscure insinuat illis verbis, quibus ait, Pachomio sedente in spelunca, visum ei esse angelum qui dixit ei : Pachomi, es quidem quæ ad te pertinent, recte et ex virtute gestisti, supervacaneæ ergo sedes in hoc loco. Age ergo, egredere, et congrega omnes juniores monachos, et habita cum eis et sequens formam quam dabo tibi, eis leges constitue; eique dedit tabulam æneam [*Lipoman. legit tabulas cereas*], in qua hæc scripta erant : Concede unicuique ut comedat et bibat pro viribus, eis quoque manda opera quæ proportionem convenient et respondeant, etc. Quis hoc tam abrupto exordio Regulam illam angelicam et cælestem credat inchoatam, et non multa alia prætermissa præcepta magis spiritualia, magisque salutaria, et monachis digna? cujusmodi sunt tam quæ illic deinceps consequuntur, quam quæ in hac pleniore et ampliore exprimuntur. Accedit quod nullus alienius nominis auctor de supradicta distinctione mentionem ullam faciat, aut plures et diversas Regulas a S. Pachomio traditas agnoscat; sed omnes in hoc consentiant Pachomio delatam, aut dictatam ab angelo fuisse Regulam, ad cujus normam monachos institueret. Proinde si quam Pachomii regulam et institutionem monachorum transtulerit D. Hieronymus, ut ipsemet hic proficitur, eam ipsam, non aliam esse oporteat : quamquam verosimile sit tam ab ipso, quam ab aliis Patribus ejus discipulis, Theodoro scilicet, et Orsiesio, pluribus præceptis auctam, cumulatam, et completam fuisse : ut hac ratione plures regulæ, vel a tribus Patribus institute dici potuerint. Suffragari denique videtur Baronius, qui tum in Annalibus, tum in notis ad Martyrologium regulas S. Pachomii, quas ipse angelo dictante excepit, a D. Hieronymo Latine redditas disertis verbis et absque ullo discrimine affirmat (*Baron. tom. V anno 404, et Martyrolog. 14 Maii*). Cujus sententiæ subscribit R. P. Heribertus Rosweyds in præludiis ad vitam S. Pachomii, ubi hæc addit : Regulæ hujus aliquod brevium habes hic in Vita Pachomii cap. 32. Integram eam primum, quod sciam, edidit Achilles Statius Lusitanus typis Romanis, Anno Domini 1573; deinde anno 1588 Petrus Ciaconius eam correctiorem typis quoque Romani dedit, et Cassiano a se recensito adjunxit. Sic ipse, sentiens brevium, hoc est, breve compendium, vel fragmentum Regulæ dumtaxat, non totam regulam S. Pachomii a Græco illo auctore incerto, quem et Palladius et alii imitati sunt, et aliis verbis idem expresserunt, fuisse descriptam : integram vero hanc quam tractamus a D. Hieronymo translata, nostris demum temporibus typis primum Romanis, deinde aliis posterioribus sæpius editam, et ab oblivionis injuria vindicatam. Habes, lector, quæstiunculam de Regula S. Pachomii utrinque ventilatam : tui erit judicii et solertiæ quam in partem magis propendeas, dispicere ac pervidere.



dorem pristini decoris amittit. Unde ego <sup>a</sup> mœrens A  
super dormitione <sup>b</sup> sanctæ et venerabilis Paulæ (non  
quo contra <sup>c</sup> [præceptum Apostoli facerem] (I *Thess.*  
iv) sed quomultorum incisa illius morte <sup>d</sup> refrigeria  
(aspirarem) accepi libros ab homine Dei Silvano  
presbytero mihi directos, quos ille <sup>e</sup> Alexandria mis-

sos susceperat, ut mihi injungeret transferendos.  
Aiebat enim quod in Thebaide, et in monasterio  
<sup>f</sup> Metanœæ quod de Tanobo in poenitentiam felici no-  
minis conversione mutatum est, habitarent plurimi  
Latinorum, qui ignorarent Ægyptiacum Græcumque  
sermonem, quo <sup>g</sup> Pachomii et <sup>h</sup> Theodori, et <sup>i</sup> Orsie-

### ALARDI GAZÆI COMMENTARIUS.

<sup>a</sup> Ita passim D. Hieronymus (*Epist.* 29) dormitio-  
nem pro decessu ex hac vita nuncupat. Cujus etiam  
rationem reddit his verbis : Adversum mortis duri-  
tiam et crudelissimam necessitatem hoc solatio eri-  
gimur, quod brevi visuri sumus eos quos dolemus  
absentes. Neque enim mors, sed dormitio et somnus  
appellatur. Unde et beatus Apostolus vetat de dor-  
mientibus contristari (I *Thess.* iv); ut quos dormire  
novimus, suscitari posse credamus, et post diges-  
tum soporem vigilare cum sanctis, etc. Et alibi rur-  
sum (*Lib. adversus Vigilant. cap.* 3) : Sancti, inquit,  
non appellantur mortui, sed dormientes : unde et  
Lazarus, qui resurrecturus erat, dormiisse perhi-  
betur (*Joan.* xi), et Apostolus vetat Thessalonicen-  
ses de dormientibus contristari.

<sup>b</sup> Hæc est Paula nobilissima et sanctissima ma-  
trona Romana Eustochii mater, tot laudibus passim  
a D. Hieronymo celebrata (*Epist.* 27), quæ et ipsum  
suis facultatibus aluit, et, exstructis in Bethleem  
duobus monasteriis, uno in quo viri, altero in quo  
femine virgines Deo inservirent, et tertio pro exci-  
piendis peregrinis qui eo ad invisenda loca sancta  
undique confluebant, perpetuam Hieronymo sedem  
locavit (*Vide lib. in Institut. c.* 4). Quibus beneficiis  
ipse non ingratus ejus vitam, mortem et res gestas  
insigni epitaphio complexus est, quam et obiisse  
testatur (*Baron. in Martyrol. Januarii* 26) Honorio  
A. sextum et Aristenetio coss., qui annus, secundum  
Onuphrium, numeratur a Christo 404, S. Innocen-  
tium Rom. Ecclesiæ præsidente. Fuit et alia Paula, junior  
dicta, senioris jam dictæ ex Toxetio filio neptis, de  
cujus institutione idem Hieronymus ad Lætiam ejus  
matrem epistolam septimam scripsit, quo tempore  
multo ante S. Paula e vivis excesserat, ut ostendit  
Baronius in Annalibus (*Tom.* V).

<sup>c</sup> Præceptum Apostoli in priore ad Thessaloni-  
censes cap. iv, ubi ait : *Notum est autem vos ignorare, fratres, de dormientibus, ut non contristemini, sicut et cæteri, qui spem non habent.* Ubi non absolute vetat  
Apostolus contristari de morte amicorum, sed in-  
ordinate seu immoderate tristari, more scilicet gen-  
tium, qui fidem et spem resurrectionis non habent.  
Unde Eccli. xii dicitur : *Modicum plora super mortuum, quoniam requievit.*

<sup>d</sup> Refrigerium pro eleemosyna, subsidio sive sub-  
ministratione sumitur etiam a Tertulliano in Apo-  
logico (*Cap.* 39), ubi ait de agape Christianorum  
agens : Quantiscumque, inquit, sumptibus constet,  
lucrum est pietatis nomine facere sumptum. Siqui-  
dem inopes quosque refrigerio isto juvamus. Sic et  
refrigerare apud eundem (*Adversus Prax. c.* 16) pro  
juvare, solari, recreare, quod apud Græcos, auctore  
Gellio (*Coll. Noct. Attic. lib. xii cap. ult.*), dicitur  
*ἀναψῆσαι*, quasi reanimare, aut animam restituere.  
Quomodo etiam vertit interpretes apud Apostolum,  
II Tim. i : *Sæpe me refrigeravit.* Et infra in hac  
præfatione D. Hieronymus (*Epist.* 27) : Sanctæ, in-  
quit, femine refrigerans animam. Quomodo autem  
morte Paulæ incisa, id est, subtracta et imminuta  
fuerunt multorum refrigeria, declarat idem Hiero-  
nymus in ejus epitaphio, dicens ne unum quidem  
numinum ab ea fide derelictum, sed magis æs alie-  
num, et curam fratrum ac sororum, nempe mona-  
chorum et monacharum, quibus illa exstruxerat  
monasteria, et tanta fide et devotione omnia dilata-  
ta fuerat, ut ad ultimam egestatem pene perveni-

ret, et omnis multitudo inopum se matrem et nutri-  
tiam perdidisse clamaret. Rursus in epistola ad  
Theophilum, episcopum Alexandrinum, excusans se  
quod librum ejus Paschalem tardius in Latinum  
translulisset, occasione obitus S. Paulæ : Obse-  
ro te, inquit, ignoscas tarditati meæ. Ita enim sanctæ  
ac venerabilis Paulæ confectus sum dormitione, ut  
absque translatione hujus libri usque impræsentia-  
rum nihil aliud divini operis scripserim. Perdidimus  
enim (ut ipse nosti) repente solatium, quod ut con-  
scientiæ nostræ testis est Dominus, non ad proprias  
dicimus necessitates, sed ad sanctorum refrigeria,  
quibus illa sollicitè serviebat.

<sup>e</sup> Nempe Ægyptia, sunt enim plures Alexandria  
ab Alexandro Magno conditæ; sed hæc omnium  
celeberrima, Hebræis No nuncupata, inter Ægy-  
ptum, Africam, et mare, quasi claustrum posita,  
juxta Maræotin lacum. Plinius lib. i cap. 10.

<sup>f</sup> Metanœa Latine poenitentia dicitur. Monaste-  
rium itaque Metanœa dicebatur in quo monachi  
asperrimam agebant poenitentiam; ideoque muta-  
tum ejus nomen, quod antea Tanobus vocabatur.  
De hujusmodi monasterio poenitentium, quod et  
carcer appellabatur, et monachis illic inclusis et  
poenitentibus, mira scribit Joannes Climacus gradu  
quinto sæe Scelæ.

<sup>g</sup> Pachomius, alias Pachymius, ex milite gentili  
monachus probatissimus effectus, sancti Antonii  
æqualis, et forte discipulus, de quo Martyrologium  
Romanum hæc habet (*Pridie idus Maii*) : *In Ægypto S. Pachomii abbatis, qui plurima in ea re-  
gione monasteria erexit, et Regulam monachorum  
scripsit, quam angelo dictante didicerat.* Ejus vitam  
primus omnium descripsit Græcus auctor anonymus,  
eamque Latine reddidit Dionysius Exiguus dictus,  
quæ habetur in Vitis Patrum lib. i novæ editionis.  
Agunt de eodem Sozomenus lib. iii cap. 13, Palladi-  
us in Lausiaca (*Cap.* 38), Cassiodorus in tripartita  
(*Hist. Tripart. l. viii cap. 11*), Nicephorus lib. ix  
cap. 14; denique Gennadius in Catalogo (*Cap.* 7),  
ubi etiam testatur ab eodem scriptas esse nonnullas  
epistolas, quarum indiculum recenset. Trithemius  
(*De Scriptor. Eccles.*) claruisse scribit sub Valenti-  
niano et Theodosio principibus, anno 390. Porro  
diversus a Pachomio fuit Pachon abbas, alias etiam  
Pachomius dictus, de quo Palladius Lausiaca 29.

<sup>h</sup> De Theodoro abbate Pachomii successore in  
monasterio Tabennensi agit Cassianus lib. v Institut.  
cap. 33, et collatione sexta ejus nomine inscripta;  
quibus etiam locis plura de eodem annotavimus.  
Vide Gennadium ubi supra (*Cap.* 8).

<sup>i</sup> Oriesis, sive Oresiesis, vel Orsiesius (varie enim  
scribitur) Pachomii æqualis, floruit anno 440, ut no-  
tat card. Bellarminus (*Lib. de Script. Eccl.*). De  
eodem Gennadius hæc habet in suo Catalogo. Orie-  
sis monachus amborum, id est, Pachomii et Theo-  
dori collega, vir in sanctis Scripturis ad perfectum  
instructus, composuit librum divino conditum sale,  
totumque monasticæ discipline instrumentis con-  
structum, et, ut simpliciter dicam, in quo totum  
pene vetus ac novum Testamentum compendiosis di-  
sertationibus, juxta monachorum duntaxat neces-  
sitatem, invenitur expositum : quem tamen vice Te-  
stamenti prope diem obitus sui fratribus obtulit. I a  
Gennadius. At Suffridus Petrus addit : Hic scriptor  
in excusis exemplaribus, ut et apud Honorium et



in præcepta conscripta sunt, qui primi per Thebaidem et Ægyptum cœnobiorum fundamenta jecerunt juxta præceptum Dei et angeli qui a Deo sub hanc ipsam institutionem missus fuerit. Itaque quia diu tacueram, et dolorem meum silentio devoraram; urgebant autem missi ad me ob hanc ipsam causam Leontius presbyter et cæteri cum eo fratres, accito a notario, ut erant de Ægyptiaca in Græcam linguam versa, nostro sermone dictavi: ut et tantis viris imperantibus, ne dicam rogantibus obedirem; et bono, ut aiunt, auspicio longum silentium rumperem, reddens me pristinis studiis, et <sup>b</sup> sanctæ feminae refrigerans animam, quæ monasteriorum semper amore flagravit, et quod visura erit in cœlo, hoc in terris meditata est. Venerabilis quoque <sup>a</sup> virgo Christi Eustochium haberet, quod sororibus legendum tribueret, nostrique fratres Ægyptiorum, hoc est, <sup>d</sup> Tabennensium monachorum exempla sequerentur, <sup>e</sup> qui habent per singula monasteria Patres, et dispensatores, et hebdomadarios, ac ministros, et singulorum domorum præpositos; ita ut in una domo qua-

#### ALARDI GAZÆI COMMENTARIUS.

Trithemium, Oriesis; in nostris mss. God., Orestes est. Sic ille. Exstat porro hic liber in Bibliotheca SS. Patrum editionis secundæ tomo quarto.

<sup>a</sup> Notarii apud veteres dicebantur, qui ab alio dictata litteris aut notis excipiebant et consignabant (*Vide Baron. tomo II, anno 220*), ita expedite et prompte, ut loquentis celeritatem compendio æquarent, et quemadmodum ait D. Hieronymus (*Epist. 54 et 140*), velociter dicta velox consequeretur manus, et linguæ celeritatem prenderent signa verborum. Unde Martialis Epigram. libro quarto:

Currant verba licet, manus est velocior illis:  
Nondum lingua suum, dextra peregit opus.

Idem scribæ et amanuenses dicti. Librarii vero, qui a notariis excepta in libris distincte et explicate describebant.

<sup>b</sup> Paulæ scilicet, de qua supra; cujus jam tum in cœlo beatam animam hac descriptione refrigeratam docet, hoc est, exhilaratam, et gaudio quodam accessorio, sive accidentali, ut vocant theologi, affectam et cumulata; quod hunc laborem ejus causa et recordatione suscepit, idque in gratiam et utilitatem monachorum, quos illa tantopere in vita sua coluerat et foverat; qua de re vide epistolam D. Hieronymi 27.

<sup>c</sup> Paulæ jam dictæ filia, quæ cum matre ad præsepe Domini sive in monasterio Bethleemitico una cum aliis virginibus enutrita, et matri diu superstes præclaris virtutum exemplis effulsit. Hæc et Julia dicta est, quod ex Julo et gente Julia originem duceret, ut auctor D. Hieronymus in epitaphio Paulæ; qui etiam eidem integros Commentarios in Isaiam et Ezechielem, aliosque peculiariter et nominatim inscripsit, et ad Pammachium scribens ejusmodi eam commendat elogio: Quid Eustochio fortius, quæ nobilitatis portas et arrogantiam generis consularis virginali proposito fregerit, et in prima urbe primum genus subjugaverit pudicitia?

<sup>d</sup> De Tabenna insula et Tabennensibus monachis vide notata ad lib. iv Instit. cap. 1.

<sup>e</sup> Duo sunt hic observatione digna, et ad antiquitates monasticas spectantia. Primum designantur hæc quatuor aut quinque distincta officia, sive ordines officiariorum apud monachos illos Ægyptios. Primi vocabantur Patres, alias abbæ vel abbates, archimandrite, cœnobiarchæ, id est, rectores et præsidēs singulorum monasteriorum, qui etiam in

A draginta plus minusve fratres habitent, qui obediant præposito, sintque pro numero fratrum triginta, vel quadraginta domus in uno monasterio, et ternæ, vel quaternæ domus in unam tribum fœderentur, ut vel ad opera simul vadant; vel in hebdomadarum ministerio sibi succedant per ordinem. <sup>f</sup> Quicumque autem monasterium primus ingreditur, primus sedet, primus ambulat, primus psalmum dicit, primus in mensa manum extendit, prior in Ecclesia communicat; nec ætas inter eos quæritur, sed professio. Nihil habent in <sup>g</sup> cellulis præter <sup>h</sup> psiathium et duo lebitonaria (quod Ægyptiis monachis genus vestimenti est sine manicis), et unum jam attritum ad dormiendum, vel operandum; et <sup>i</sup> amictum lineum, <sup>j</sup> cucullasque duas, et caprinam pelliculam, quam melotem vocant. balteolum lineum et caligas, ac baculum itineris socium. Ægrotantes miris sustentantur obsequiis, et ad omnem copiam præparatis cibis: sani majori pollent abstinentia. Bis in hebdomada, die quarta, et sexta sabbati, ab omnibus jejunatur, excepta Pentecoste. Aliis diebus comedunt,

#### COMMENTARIUS.

Regula Pachomii dicuntur principes monasterii. Secundi dicebantur dispensatores, vel Græca voce œconomi, qui fratribus necessaria providebant et dispensabant. Tertiū ministri, et hi quidem varii: nam alii servitores hebdomadarii, qui fratribus per vices hebdomadatim ad mensam inserviebant, alii ministri hospitum, alii infirmorum, alii culinæ, etc. Quarto loco præpositi domorum; distinguebantur enim domus a monasteriis: nam in singulis monasteriis erant triginta vel quadraginta domus singulis præpositis subjectæ, qui sub uno communi Paire, seu principe monasterii, sive totius congregationis, dictas domos sibi commissas, velut præposituras aut prioratus conventuales, administrabant. In singulis autem domibus triginta, ut minimum, vel quadraginta monachi debebant. Unde colligere licet quantus fuerit monachorum numerus in unoquoque monasterio. Nam si quidem fuerint triginta domus, et in singulis quadraginta monachi, efficitur numerus 1200 monachorum, qui hic recensetur minimus; si vero quadraginta domus, et in singulis quadraginta monachi, efficitur numerus 1600 monachorum, qui hic notatur maximus. Quibus intermedii fuerint 1300, 1400, 1500.

<sup>f</sup> Hoc imitatus D. Benedictus in Regula similiter statuit ut secundum ordines quos constituerit abbas, vel quos habuerint ipsi fratres, sic accedant ad pacem, ad communionem, ad psalmum imponendum, in choro standum, et in omnibus omnino locis ætas non discernatur in ordine, nec præjudicet, quia Samuel et Daniel pueri presbyteros judicaverunt. Ergo exceptis his quos altiori consilio abbas prætulerit vel degradaverit, certis ex causis, reliqui omnes, ut convertuntur [*Id est, Religionem ingrediuntur, vel profitentur*], ita sint: ut, verbi gratia, qui secunda hora diei venerit in monasterium, juniorem se illius noverit esse, qui prima hora venerit diei, cujuslibet ætatis, aut dignitatis sit. Hæc D. Benedictus.

<sup>g</sup> De cellis et cellulis monachorum vide in notis ad lib. v Instit. cap. 57.

<sup>h</sup> De psiathio actum est lib. iv cap. 13 et alibi lib. i c. 7. Reclinam sellulam vocat Regula Pachomii art. 30. De lebitonario lib. i cap. 5.

<sup>i</sup> Maveritem et angustum palliolum vocat Cassianus ibidem, quo colla pariter et humeros tegebant.

<sup>j</sup> De his omnibus sigillatim et distincte lib. i per aliquot capita.



qui volunt, post meridiem; et in cœna similiter mensa ponitur propter laborantes, senes, et pueros, æstusque gravissimos. Sunt qui secundo parum comedunt, alii qui prandii sive cœnæ uno tantum cibo contenti sunt: nonnulli gustato paululum pane egrediuntur. Omnes pariter comedunt: qui ad mensam ire noluerit, cellula sua panem tantum, et aquam,

ac sal accipit, sive uno die voluerit, sive biduo. Cumque major, vel stans prior in gradu, manu percusserit, de Scripturis quidpiam revolvens memoriter, ut oratio finitur, nullus consurgit tardius, sed omnes pariter elevantur; nemo aspicit alterum operantem, sed defixis luminibus unusquisque in suo opere intentus est, etc.

## INCIPIT REGULA S. PACHOMII

Hæc sunt <sup>a</sup> præcepta vitalia, <sup>b</sup> tribus a majoribus tradita:

I. <sup>c</sup> Si acciderit ut psallendi tempore, vel orandi, aut in medio lectionis aliquis loquatur, aut rideat, solvet cingulum, et, <sup>d</sup> inclinata cervice, manibus ad inferiora depressis, stabit ante altare, et a <sup>e</sup> principe monasterii increpabitur. Hoc idem faciet et in conventu fratrum, cum ad vescendum pariter convenerint.

II. Quando <sup>f</sup> ad collectam <sup>g</sup> tuba insonuerit per diem, qui una oratione tardius venerit, superioris increpationis ordine increpabitur, et stabit in loco convivii. Noctu vero quia corporis infirmitati plus aliquid conceditur, <sup>h</sup> qui post tres orationes venerit, eodem in collecta et <sup>i</sup> in vescendi loco ordine corripitur.

III. Quando in collecta orant fratres, nemo egrediatur <sup>j</sup> ab-que jussione majorum; nisi interrogaverit, concessumque ei fuerit exire pro naturæ necessitate.

IV. <sup>k</sup> Omnes memoriter retexent quæ sibi fuerint imperata, de quibus si quis oblitus aliquid fuerit, aut hasitaverit in dicendo, negligentiae et oblivionis increpabitur.

V. <sup>l</sup> In die dominica, in collecta, in qua offerenda est oblatio, absque præposito domus et majoribus monasterii qui alicujus nominis sunt, nemo psallendi habeat potestatem. Psallente autem quolibet de majoribus, id est, dicente responsorium, si quis defuerit, statim ante altare poenitentiae, increpationis ordinem sustinebit.

VI. De collecta, in qua offerenda est oblatio, qui

## ALARDI GAZÆI COMMENTARIUS.

<sup>a</sup> Spiritualia, seu quibus vita spiritualis et religiosa hic ducitur, et æterna comparatur. Cassian. collat. 23 cap. 4.

<sup>b</sup> Pachomio scilicet, Theodoro et Orsiesio, de quibus supra in præfatione.

<sup>c</sup> Silentium in oratorio, sive in ecclesia servandum. De quo vide Cassianum lib. II Instit. cap. 10, et D. Benedictum cap. 52.

<sup>d</sup> Modus correctionis apud Ægyptios monachos. Idem infra art. 5 et 78.

<sup>e</sup> Alias Patre monasterii, seu abbate.

<sup>f</sup> Id est, ad conventum seu congregationem monachorum in ecclesia, sive ad orandum, sive ad verbum Dei audiendum. Missam passim vocat Cassianus et synaxim. Similiter D. Hieronymus epist. 60. Cum celebraretur, inquit, collecta in ecclesia. Et infra ibidem: *Ut ibi collectam tecum ex more ecclesiastico facerem.*

<sup>g</sup> Tuba, ut opinor, cornea, pro nola, aut campana, olim in usu apud eremicos monachos, utpote æris et cujusvis metalli inopes. Qua occasione notandum triplici instrumento solere fideles, præsertim monachos, ad ecclesiam convocari, tuba ut hic habetur, tabula lignea, et tintinnabulo, sive campana. De tuba nullum aliud exemplum inter Christianos usurpatum hactenus mihi occurrit. Apud Hebræos sacerdotem ex eminenti turri, sonitu tubæ, populo certas diei horas et sabbata indicare consuevisse auctor Josephus de Bello Jud. lib. V cap. 9, et satis notum est e Scriptura tubarum usum in sacris ritibus fuisse solemnem. Quod ad tabulam ligneam attinet, ea nunc utitur ecclesia tantummodo tribus postremis diebus majoris hebdomadæ, silentibus tunc campanis, in signum mœstitiæ. Usi sunt tamen etiam olim monachi subinde in signum festivitatis et lætitiæ. Sic enim legitur in secunda Nicæna synodo art. 4: *Cum sanctæ civitati reliquæ sanctæ appropinquassent, surgentes subito, lignaque sacra pulsantes invicem obviam facti sunt in veneranda virginis Deiparæ æde*, etc. Hæc ibi. Duplici autem modo utebantur ad convocandos in ecclesiam monachos, ni-

mirum ut vel omnes æque una pulsatione convocarentur, vel sigillatim fores singulorum pulsarentur. Cujus exemplum exstat apud Pallad. Lausiac. 104, ubi ait: *Postquam hoc modo solitum tempus impleset, signo mallei, quo cæteros fratres excitabat, percussit fores omnium cellarum, eos congregabat ad oratorium* (Vide notas ad lib. III Instit. cap. 2, et lib. IV cap. 12). Atque hinc fortasse mallei et tabulæ percussio ad singulas claustrum fores et officinas, velut ad monachorum cellas, etiam in exsequiis fratrum defunctorum, quibusdam in locis ac monasteriis inolevit. Porro tintinnabulorum usus reddita Ecclesiæ pace post tyrannorum persecutiones introductus fuit: quæ si grandiora erant, campanæ, a Campania regione Italiæ, ubi primo fabricata sunt; si vero minora, nola, a Nola ejusdem Campaniæ civitate sunt appellata, ut notat Durandus lib. I Ration. cap. 4. Illud vero admodum singulare videtur, quod refert S. Hieronymus epist. 27, in monasterio sanctæ Paulæ, una voce altius decantata, nimirum alleluia, omnes ad synaxim vocari solitas moniales. Sic enim ait: *Post alleluia decantatum, quo signo vocabantur ad collectam, nulli residere licitum erat; sed prima, seu inter primas veniens, cæterarum opperiebatur adventum.* Hæc ibi.

<sup>h</sup> Ciaconius posuit in margine: *f. duas.*

<sup>i</sup> Superius in loco convivii, quod vulgo refectorium vocatur. Qua voce usus etiam Innocentius III pontifex in cap. Cum ad monasterium, de stat. monach., concilium Turonense cap. 23, Aquisgranense cap. 117, et Leo IX apud Gratianum, 12, q. 1, cap. D Necessaria.

<sup>j</sup> Majores dicebantur omnes seniores. Priores item et decanos vocat D. Benedict. cap. 21 et 70.

<sup>k</sup> Conferendus hic articulus cum art. 26 et 80, ubi explicatur quænam fuerint memoriter tenenda et ediscenda.

<sup>l</sup> Solemne sacrificium in diebus dominicis. Missam solemnem et conventualem vocamus, in qua monachi omnes communicabant. Cassian. lib. III Instit. cap. 11, et alibi sæpe.



sine præcepto majoris exierit, statim increpabitur.

VII. Mane per singulas domos, finitis orationibus, non statim ad suas cellas revertentur; sed conferent inter se, quæ præpositos audierint disputantes, et intrabunt cubicula sua. <sup>a</sup> Disputatio autem a præpositis domorum per singulas hebdomadas tertio fiet, et in ipsa disputatione sedentes sive stantes fratres suum ordinem non mutabunt, juxta domorum ordinem et hominum singulorum.

VIII. Si quis dormitaverit sedens, præposito domus vel monasterii principe disputante, surgere statim compellitur, et tamdiu stabit donec ei videbitur ut sedeat.

IX. Quando signum insonuerit ut convenient et audiant præcepta majorum, nullus remanebit; <sup>b</sup> nec succendetur focus antequam disputatio compleatur. Qui unum mandatum de his præterierit, prædictæ correctioni subiacebit.

X. Dimissa collecta singuli egredientes usque ad cellulas suas et usque ad vescendi locum de Scri-

A pturis aliquid meditabuntur, nullusque habebit operum caput <sup>c</sup> meditationis tempore.

XI. Cum autem ad vescendum venerint, sedebunt per ordinem statutis locis et operient capita. Statim ut tibi a majore fuerit imperatum ut de alia men-a ad aliam transeas, ire debebis, in nullo penitus contradicens. Nec ante præpositum domus tuæ manum in mensa extendas; nec circumspicias videntes alios. Unusquisque præpositorum docebit in domo sua quomodo debeant cum disciplina, et mansuetudine comedere. <sup>d</sup> Quod si quis vel locutus fuerit, vel riserit in vescendi tempore, agat pœnitentiam, et in eodem loco mox increpabitur, et stabit, donec surgant alii de vescendo.

XII. Si quis ad comedendum tardius advenerit, <sup>B</sup> <sup>e</sup> excepto majoris imperio, similiter agat pœnitentiam, aut ad domum jejunos revertetur.

XIII. Si aliquid necessarium fuerit ad mensam, nemo audebit loqui, sed <sup>f</sup> ministrantibus signi sonum dabit.

#### ALARDI GAZÆI COMMENTARIUS.

<sup>a</sup> Disputationes monasticæ, et in monasteriis olim frequentatæ, alias collationes dictæ apud Cassian. ; de quibus etiam D. Hieronym. epist. 22 hæc refert. *Post horam nonam in commune concurrunt: psalmi resonant, Scripturæ recitantur ex more, et completis orationibus, cunctisque residentibus, medius quem Patrem vocant incipit disputare: quo loquente, tantum silentium fit, ut nemo alium respicere, nemo audeat exscreare. Dicentis laus in fletu est audientium; tacitæ volvuntur per ora lacrymæ, et ne in singultus quidem erumpit dolor. Cum vero de regno Christi, et de futura beatitudine, et de gloria cæperit annuntiare ventura, videas cunctos, moderato suspirio et oculis ad cælum levatis dicere: Quis dabit mihi pennas sicut columbæ, et volabo, et requiescam? Postea concilium solvitur, et unaquæque decuria cum suo parente pergit ad mensam, etc.* Similia habet D. August. lib. 1 de Moribus Eccl. cap. 31.

<sup>b</sup> Focus communis in monasterio: ubi dum silentii tempore assidetur, silendum; aut lectioni, vel colloquio spirituali, non fabulis otiosis et sæcularibus vacandum. Ita in Constitutionibus Cassianensium ad cap. 52 Regulæ: *Silentium servetur ad ignem communem fratrum.* Vide etiam infra art. 67.

<sup>c</sup> Meditationis sive orationis mentalis exercitium antiquis Patribus usitatissimum, et monachis maxime proprium, a quo potissimum ἀσκησις, id est, exercitatores olim dicti (apud Eusebium l. ii Hist. c. 16). Unde exercitationum spiritualium tam crebra in ipsorum historiis simul et scriptis mentio, ut nihil frequentius inculcetur aut impensius commendetur. De eadem etiam agitur infra art. 16, 35 et 65. Et apud Cassianum l. ii Instit. c. 14, ubi docet monachos Ægyptios tam noctu quam interdiu operi manuum priter et meditationi assidue vacasse. *Sicut enim, inquit, nullum ferme ab eis otii tempus excipitur, ita nec meditationi quidem spirituali finis imponitur. Nam pariter exercentes corporis animæque virtutes, exterioris hominis stipendia cum emolumentis interioris exæquant, ita ut quod ex quo pendeat, haud facile possit a quoquam discerni, id est, utrum propter meditationem spiritalem incessabite manuum opus exerceant; an propter operis jugitatem tam præclarum profectum spiritus scientiæque lumen acquirant.* Idem rursus inculcat l. iii c. 2, et iv c. 12, et alibi docet ex sententia abbatis Theodori scientiam Scripturarum magis oratione et meditatione quam multo studio et lectione commentariorum comparari. Vide etiam colat. 14 cap. 10. D. etiam Benedictus duobus

in locis eandem meditationis legem et institutionem suis cœnobitis indixit. Nam c. 43 statuit *horas diei ab opere Dei, sive officio divino vacantes ita distribui, ut aliæ orationi (sive mentali sive vocali) aliæ lectioni, aliæ operi manuum impendantur; in quo triplici occupationum genere docet ibidem Turrecrematus vitam monasticam consistere.* Et c. 58 de prima novitii recens admissi institutione agens: *Postea, inquit, manducet, et dormiat in cella novitiorum; ubi et meditetur.* Ex his patet quam procul a sui ratione instituti et avita pietate deflectant monachi, qui cum vitam contemplativam ex instituto sui ordinis proficiantur, nihil tamen minus quam de contemplatione aut meditatione cogitant, et ne quadrantem quidem horæ huic tam pio et salutari meditationis exercitio in dies impendant, toti in rebus et officiis externis occupati.

<sup>d</sup> Silentium in mensa sive in refectorio. De quo D. Hieronymus ubi supra. Nullus in cibo strepitus, nemo comedens loquitur, Cass. l. iv c. 17. Apud Ægyptios, vel maxime Tabennesiotas, tantum silentium ab omnibus exhibetur, ut cum in unum tanta numerositas fratrum refectionis obtentu consederit, nullus nec nutire quidem audeat, præter eum qui suæ decantæ præest. Tantaque vescentibus eis silentii hujus disciplina servatur, ut cucullis ultra oculos palpebras demissis, ne scilicet liber aspectus habeat curiosius copiam evagandi, nihil amplius intueantur quam mensam, et appositos in ea, vel quos ex ea capiunt cibos; ita ut quemadmodum vel quantum reficiat alius, nullus invicem notet. Hæc ibi Cassianus plane consona huic articulo Regulæ Pachomianæ. Vide notas nostras in eundem locum.

<sup>e</sup> Ambigua sunt hæc verba: possunt enim referri ad priorem sententiam, hoc modo: Si quis venerit tardius, nisi ex præcepto majoris, vel alias legitime impeditus, etc., vel ad posteriorem, ut scilicet agat pœnitentiam, nisi ex majoris vel prælati arbitrio seu imperio ab eis absolvatur vel eximatur: quamvis prior sensus melior sit, ut patet ex art. 72, ubi dicitur: *Nemo exeat foras, excepto majoris imperio, id est, nisi cum majoris imperio.*

<sup>f</sup> Signorum monasticorum antiquitas, et institutio ad custodiendum silentium. De quibus et Cassianus ibidem: *Decanus, inquit, si quid mensæ superinferri vel auferri necessarium esse perviderit, sonitu potius quam voce significet.* Et Nicephor. l. ix c. 14: *Signis, ait, quibusdam, manuum impulsione, vel nutibus rem necessariam, ab eis quibus ut mensæ providerent, obtre-*



XIV. Si egressus fueris a cibo, ne loquaris in red- A  
culo, donec ad locum tuum perveneris.

XV. Ministri absque his quæ in commune fratri-  
bus præparata sunt, nihil aliud comedant, nec a mu-  
tatos cibos sibi audeant præparare.

XVI. <sup>b</sup> Qui percutit ad vescendum, dum congre-  
gantur fratres, meditetur aliquid in percutiendo.

XVII. Qui ante fores convivii egredientibus ero-  
git fratribus <sup>c</sup> dulciamina, in tribuendo meditetur  
aliquid de Scripturis.

XVIII. <sup>d</sup> Qui suscipit ea quæ dantur, non in cu-  
cella, sed pelle accipiat, neque gustabit de his quæ  
acceperit, donec ad domum pervenerit. Ipse autem  
qui cæteris dividit, suam partem a præposito acci-  
pat. Quod et cæteri ministri faciant accipientes ab  
alio, nihil sibi suo arbitrio vindicantes. Nemini plus  
alteri dabit quam alter acceperit: quod si obtendi-  
tur infirmitas, <sup>e</sup> præpositus domus perget ad mini-  
stros ægrotantium, et ab his quæ necessaria sunt  
accipiet.

XIX. Si de ipsis <sup>f</sup> ministris aliquis ægrotaverit,  
non habebit licentiam introeundi in coquinam vel  
cellarium, et sibi aliquid auferendi; sed ei cæteri  
ministri id quod necessarium viderint dabunt; nec  
permittitur coquere sibi quod desiderabit, sed præ-  
positi domorum, quæ necessaria viderint ei, et ab  
aliis ministris accipient.

XX. Nullus introeat <sup>g</sup> locum ægrotantium qui  
non ægrotat. Qui ægrotaverit, a præposito domus  
ducetur in triclinium ægrotantium; quod si opus  
habuerit palliolo, aut tunica, aut cæteris quæ ad  
operiendum vel ad vescendum necessaria sunt, ipse  
præpositus accipiet a ministris, et dabit ægrotanti.  
Nec poterit languidus ingredi cellam vescentium, et  
comedere quæ desiderat, nisi a ministro, qui huic rei  
præpositus est, ducatur ad vescendum. Non ei lice-  
bit de his quæ acceperit in loco ægrotantium,  
ferre ad cellulam suam, nec pomum quidem.

XXI. <sup>h</sup> Qui pulmentaria coquunt, ipsi nihil gu-  
stantes edentibus ministrabant.

XXII. <sup>i</sup> Vinum et <sup>j</sup> liquamen absque loco ægro-  
tantium nullus attingat.

B XXIII. Si aliquis eorum qui peregre mittuntur in  
itinere v. l. in via ægrotaverit, et habuerit necessita-  
tem sive desiderium comedendi liquamen de pisci-  
bus, vel aliquid eorum quæ comedere non consue-  
verunt, non manducabit cum fratribus cæteris, sed  
separabitur, et dabitur ei a ministris ad omnem  
abundantiam, ut in nullo frater languidus contri-  
stetur.

XXIV. Ægrotantem absque concessu majoris  
nullus audeat visitare, nec propinquus quidem at-  
que germanus, sine imperio præpositi domus, mini-  
strandi habebunt potestatem.

#### ALARDI GAZÆI COMMENTARIUS.

nisset, insinuando peterent. Plura de his signis notata  
eodem Cassiani loco. Vide etiam art. 65 infra.

<sup>a</sup> Id est, alios a communibus, vel eosdem quidem,  
sed aliqua in re mutatos, aut aliter apparatus vel  
conditos.

<sup>b</sup> Id est, qui signum dat aut pulsatur ad mensam. Pulsari  
autem sive percuti solet instrumentum, quod alii ta-  
bulam, alii tintinnabulum vel nolum, alii campanel-  
lam, alii cymbalum, alii scillam vel squillam nuncu-  
pant, vas scilicet æneum et rotundum, scillæ sive  
cepæ marinæ, quæ proprie scilla dicitur, similitudi-  
nem superne referens. Durandus l. i Rational. c. 4:  
*Squilla*, inquit, *pulsatur in triclinio*, id est, refectorio,  
*cymbalum in claustris, nola in choro*, etc. Petrus Clu-  
macensis l. i Mirac. c. 12: *A priore, secundum morem,*  
*uno ictu scilla percussa est*; quo sono audito, refert  
deinde lutzatum esse dæmonem qui monachum e  
claustris abducere nitebatur.

<sup>c</sup> Forte aliquid mellis vel fructuum; alias dulciaria,  
vel bellaria.

<sup>d</sup> Hinc discimus monachos illos non tantum ex  
operibus manuum suarum, sed etiam ex elemo-  
synis vel emendicatis, vel sponte oblati et donati  
victitasse; unde ordines mendicantium exemplum  
accipere.

<sup>e</sup> Præpositus olim dictus, qui nunc prior, ut et in  
Regula D. Benedicti c. 65. D. Hieronymus in sua  
præfatione: *Habent singularum domorum præpositos,*  
*ita ut in una domo quadraginta plus minusve fratres*  
*habitent, qui obediunt præposito*, etc. Gennadius in  
Pachomio ait ipsum scripsisse ad omnium monaste-  
riorum præpositos epistolam unam. Similiter et ad  
diem remissionis quæ mense Augusto agitur, ut in  
unum præpositi congregarentur, epistolam unam. Sic  
ille.

<sup>f</sup> De variis ministris inter illos monachos vide su-  
perius col. 275 not. e.

<sup>g</sup> Nosocomion, sive infirmarium et infirmorum cura  
apud veteres monachos, de qua D. Hieronymus in sua

præfatione: *Ægrotantes, inquit, miris sustentantur*  
*obsequiis, et ad omnem copiam præparatis cibis.* Et in  
epistola 22 ad Eustochium: *Si quis cæperit ægrotare,*  
*transfertur ad exedram latiore, et tanto senum mini-*  
*sterio confovetur, ut nec delicias urbium, nec matris*  
*querat affectum.* S. Augustinus in Regula Clericorum  
c. 8; S. Benedictus c. 36.

<sup>h</sup> De pulmentis, sive pulmentariis nonnihil nota-  
vimus ad collationem 15 c. 1; de quibus et D. Bene-  
dictus capite trigesimo nono Regulæ.

<sup>i</sup> D. Hieronymus ep. 22, de iisdem monachis  
Ægypti s. agens: *Vinum, inquit, tantum senes acci-*  
*punt; quibus, et parvulis sæpe fit prandium; ut alio-*  
*rum fessa sustentetur ætas, aliorum non frangatur in-*  
*icipiens.* D. Augustinus libro primo de Moribus eccles.  
cap. 31: *Non solum a carnibus et vino abstinent pro*  
*sufficiencia domandarum libidinum, sed ab iis etiam*  
*quæ tanto concitatius ventris et gutturi provocant ap-*  
*petitum, quanto quasi mundiora nonnullis videntur*, etc.  
Atque hinc, opinor, D. Benedictus accepit, quod ait  
cap. 40: *Licet legamus vinum omnino non esse mona-*  
*chorum, quia tamen nostris temporibus id monachis*  
*persuaderi non potest, saltem vel hoc consentiamus, ut*  
*non usque ad satietatem bibamus, sed parcius; quia*  
*vinum apostatare facit etiam sapientes.* Sed illud dictum  
expressius legitur in Vitis Patrum l. v, hisce verbis  
(Libello IV num. 31): *Narraverunt quidam abbati Pastori*  
*de quodam monacho qui non bibebat vinum; et dixit eis:*  
*Quia vinum monachorum omnino non est.* Sic ibi. Unde  
verisimile est hoc dictum abisse in proverbium. Le-  
gerat nempe D. Benedictus alicubi, cum dicat: *Licet*  
*legamus vinum*, etc.

<sup>j</sup> Liquamen dicebatur liquor ex piscibus expres-  
sus, ut colligitur ex art. sequenti, ubi dicitur liqua-  
men ex piscibus. Isidorus lib. xx Etymol. cap. 3:  
*Liquamen, inquit, dictum, eo quod soluti in salsamen-*  
*to pisciculi eundem humorem liquant.* Qui liquor ap-  
pellatur salsugo vel inuria. Vide collat. 8 cap. 1



XXV. Si unum ex his ab aliquo fuerit prætermis-  
sum atque neglectum, increpatione solita emenda-  
bitur.

XXVI. <sup>a</sup> Si quis accesserit ad ostium monasterii  
velens sæculo renuntiare, et fratrum congregari  
numero, non habebit intrandi potestatem, sed prius  
nuntiabitur patri monasterii, et manebit paucis die-  
bus foris ante januam, et docebitur orationem Do-  
minicam, et psalmos quantos potuerit discere, et  
diligenter sui experimentum dabit, ne forte aliquid  
fererit, et turbatus ad horam discesserit, <sup>b</sup> aut sub  
aliqua potestate sit, et utrum possit renuntiare pa-  
rentibus suis, et propriam facultatem contemnere.  
Si eum viderint aptum ad omnia, tunc docebitur et  
reliquas monasterii disciplinas quas facere debeat,  
quibusque servire, sive in collecta omnium fratrum,  
sive in domo cui tradendus est, sive in vescendi  
ordine; et instructus atque perfectus in omni opere  
bono fratribus copuletur. <sup>c</sup> Tunc nudabunt eum ve-  
stimentis sæcularibus, et induent habitum mona-  
chorum; tradetur ostiario, ut orationis tempore ad-  
ducat eum in conspectum omnium fratrum, sedebit  
in eo loco in quo ei præceptum fuerit. Vestimenta  
quæ secum detulerat accipient, qui huic rei præpo-  
siti sunt, et inferentur in repositoio, et erunt in  
potestate principis monasterii.

XXVII. Nemo manens in monasterio suscipiendi  
quempiam ad vescendum habeat potestatem, sed  
<sup>d</sup> mittet eum ad ostium xenodochii, et suscipiatur  
ab iis qui huic rei præpositi sunt.

XXVIII. Quando ad ostium monasterii aliqui ve-  
nerint, si clerici fuerint aut monachi, majori ho-  
nore suscipiantur; lavabunt pedes eorum, serva-  
bunt Evangelii præcepta, et deducunt ad locum xe-  
nodochii; præbunt omnia quæ apta sunt usui mo-  
nachorum. Quod si voluerint orationis tempore  
atque collectæ venire ad conventum fratrum, si  
ejusdem fidei fuerint, minister xenodochii nuntiabit  
Patri monasterii, et sic deducuntur ad orandum.

XXIX. Si sæculares homines aut debiles, aut  
<sup>e</sup> vasa infirmiora, id est, mulierculæ venerint ad  
ostium, suscipient singulos in diversis locis juxta  
ordinem præpositi et sexus sui, præcipue feminas  
majori honore et diligentia curabunt, cum omni ti-

A more Dei, et locum separatum ab omni virorum vi-  
cinitate eis tribuent: <sup>f</sup> ut nulla sit occasio blasphem-  
mandi. Quod <sup>g</sup> si ad vespervas venerint, abjicere  
eas nefas est; sed accipient, ut diximus, separatum  
locum, et clausum cum omni disciplina atque cau-  
tela, ut grex fratrum libere suo officio serviat, et  
nulli detur offendiculum detrahendi.

XXX. Si quis ante ostium steterit monasterii, di-  
cens se velle videre fratrem suum vel propinquum,  
janitor nuntiabit Patri monasterii, et ille accitum  
interrogabit præpositum domus, si apud eum sit, et  
permittente eo, accipiet comitem egressionis suæ,  
cujus fides probata est; et sic mittetur ad fratrem  
videndum vel ad proximum. Si forte aliquid attu-  
erit ciborum quibus in monasterio vesci licitum est,  
B suscipere ipse non poterit, sed vocabit janitorem, et  
ille allata suscipiet; quæ si talia fuerint quæ cum  
pane vescenda sint, nihil horum ii quibus allata sunt  
accipient, sed cuncta ad loca ægrotantium defe-  
rentur.

XXXI. Si fuerit nuntiatum quod de propinquis  
quis ægrotet, janitor primus nuntiabit Patri mona-  
sterii, et ille accitum interrogabit præpositum do-  
mus. Videbunt virum cujus fides et disciplina pro-  
bata sit, et mittent cum eo ut visitet ægrotantem;  
tantum accipiet viatici quantum præpositus domus  
eius decreverit.

XXXII. Quod si necessitas impulerit ut foris ma-  
neat, et vescatur in paterna aut propinquorum domo,  
hoc non faciet, sed <sup>h</sup> manebit in dominico vel in  
C monasterio <sup>i</sup> ejusdem fidei. Quod si ei affines vel  
cognati præparaverint cibos et apposuerint, nec ac-  
cipient omnino, nec vescuntur, nisi his quæ in  
monasterio edere consueverunt, non gustabunt li-  
quamen, nec vinum bibent, nec aliud quidpiam,  
quorum edendi non habent consuetudinem. Si a  
parentibus quidpiam acceperint, tantum comedent  
quantum in via sufficit; cætera quæ remanserint  
dabunt præposito domus suæ, et ille portabit in  
cellam languentium.

XXXIII. Si propinquus alicujus aut consangui-  
neus mortuus fuerit, prosequendi funus non habebit  
potestatem nisi Pater monasterii præceperit.

#### ALARDI GAZÆI COMMENTARIUS.

<sup>a</sup> Modus suscipiendi novitios, vel, ut D. Benedi-  
ctus loquitur, *disciplina suscipiendorum fratrum*; de  
qua late Cassianus lib. iv Institutionum. Vide etiam  
infra art. 80.

<sup>b</sup> Puta servus, vel puer, sive impubes. Hi enim  
non possunt ingredi nec admitti in religionem absque  
consensu dominorum aut parentum, ut sacris est  
canonibus expressum.

<sup>c</sup> Mutatio habitus et alii antiqui ritus monasticæ  
professionis; de quibus vide Cassianum lib. iv cap. 3  
et seq. A quibus etiam auctoribus D. Benedictus ac-  
cepit.

<sup>d</sup> Exceptio hospitum ad quos pertineat, Cassia-  
nus lib. v cap. 23 et sequenti, et collat. 2 cap. 25  
et 26. Et hoc etiam institutum imitatus est D. Bene-  
dictus cap. 43, *De hospitibus suscipiendis*.

<sup>e</sup> Solet enim Scriptura vasis nomine feminam ap-

D pellare, I Thess. iv: *Ut sciat unusquisque vestrum vas  
suum* (id est, uxorem suam) *possidere in sanctifica-  
tione et honore*; I Petri iii: *Quasi infirmiori vasculo  
muliebri impertientes honorem*.

<sup>f</sup> Aliis verbis explicatur in fine ejusdem articuli:  
*Nulli detur offendiculum detrahendi*.

<sup>g</sup> Ad vespervas, ponitur pro, ad vespervam.

<sup>h</sup> Id est, in ecclesiis, vel in locis Domino con-  
secratis. De Dominico egimus ad lib. iii Inst. .  
cap. 7.

<sup>i</sup> Hoc est, catholicæ et orthodoxæ fidei et commu-  
nionis. Fuere enim illis temporibus multi monachi  
hæretici vel schismatici catholicis vitandi, de quibus  
Cassianus collat. 4 cap. 20. Hinc D. Hieronymus lib.  
iii Apolog. adversus Rufinum, scribit se in mona-  
sterio Bethleemico agentem omnes hospites exce-  
pisse, præterquam hæreticos.



XXXIV. <sup>a</sup> Nullus solus mittatur foras ad aliquod negotium, nisi juncto ei altero. Quando autem reversi fuerint in monasterium, si viderint ante ostium quærentem aliquem suorum affinium de his qui in monasterio commorantur, non audebunt ire ad eum, et nuntiare, vel vocare, et omnino quidquid foris gesserint, aut audierint, <sup>b</sup> in monasterio narrare non poterunt.

XXXV. <sup>c</sup> Si signum datum fuerit ut egrediantur ad opus, præpositus antecedit eos, et nullus in monasterio remanebit, nisi is cui Pater præceperit, et hi qui vadunt quo pergunt non interrogabunt, sed unusquisque de Scripturis aliquid meditabitur. Si forte aliquis eis occurrerit, vel voluerit cum aliquo eorum loqui, præpositus cui hoc injunctum fuerit occurrentibus respondebit. Operantes nihil loquantur sæculare, sed aut meditentur quæ sancta sunt, aut certe silebunt. Nemo palliolum tollat secum vadens ad operandum, nisi concessione majoris. Operans non sedebit sine majoris imperio. Omnia autem ferramenta post operationem ad domum reportabuntur.

XXXVI. Absque præpositi jussione nemo fratrum, si necessarium habuerit, aliquem mittere poterit; quod si ipse qui major est cogitur necessitate ire ad aliquem locum, officium suum ei qui post se est in ordine delegabit.

XXXVII. Si quis lavare voluerit vestimentum, commonebit præpositum suum, et ille mittet eum

A eo alium, et, lota veste, revertentur domum; et siccata reponet ille cui hoc injunctum est.

XXXVIII. Nullus de horto tollat olera, nisi ab hortulano acceperit.

XXXIX. <sup>d</sup> Palmarum folia, unde texuntur sportæ, nemo suo jure tollat, absque eo cui palmæ sunt credite.

XL. <sup>e</sup> Nullus uvas aut spicas adhuc immaturas comedere audeat præter ordinem disciplinæ; et omnino de omnibus quæ in agro sunt vel in pomario, nemo comedet separatim, antequam cunctis fratribus Pater exhibeat.

XLI. Qui coquent, antequam fratres comedant, <sup>f</sup> non audebunt edere.

XLII. Qui super arbores pomarias, et super vineas sunt, non comedent de fructibus earum, nisi fratres prius comederint. Si jussi fuerint pomorum vel vinearum fructus colligere, præpositus colligentium dabit in eodem loco singulis ad vescendum modica; et cum ad monasterium venerint, inter cæteros fratres partes suas accipient. Si autem invenerint sub arboribus poma cecidisse, comedere non audebunt, sed inventa in transitu juxta radices arborum collocabunt. Ipse quoque qui cæteris colligentibus distribuit, gustare non poterit; sed portabit ad dispensatorem, qui cum cæteris dederit, et ipsi tribuat partem suam.

XLIII. <sup>g</sup> Nullus in cella sua reponat aliquid ad

#### ALARDI GAZÆI COMMENTARIUS.

<sup>a</sup> Mo. is e, ut monachi non soli, sed bini, id est, unus cum socio et comite foras prodeant, manavit primum ab exemplo Christi, qui discipulos suos non solos, sed binos misit ante faciem suam in omnem civitatem et locum quo erat ipse venturus, Luc. x, et ad parandum cœnam paschalem, Luc. xxii, quemadmodum et ad visendum ejus sepulcrum, Joan. xx, et in civitatem Samariæ Petrus et Joannes, hoc est, duo simul abierunt, Act. viii. Secundo ab instituto sanctorum Patrum, Pachomii hoc loco, Basilii serm. 4 de Instit. monachorum, Dorothei serm. 20, et Augustini in Regula; cujus solius verba hic recitasse suffecerit. Quando, inquit, proceditis, simul ambulate, cum perveneritis quo itis, simul state. Tercio ab exemplo eorumdem. Prior abbas, ut est apud Sozomenum lib. vi cap. 29, non nisi assum pro socio ad sororem pergere voluit. S. Thomas Aquinas religiosum qui solus procederet vocabat diabolum solitarium. Et cum ab œconomo qui eum non agnoverat vocatus esset, ut se ad macellum comitaretur, libenter et prompte secutus est, ut est in Chronico Dominicanorum. Vide Cassianum lib. v cap. 40, et D. Gregorium in Registro lib. x ep. 22, ubi monachorum quemdam Constantinum nomine a fratribus expetitum in abbatem idcirco repulit et indignum judicavit quod ad monasterium quoddam solus pergeret sine aliquo fratrum suorum præsumpsisset. Ex qua, ait, ejus actione cognoscimus quia si sine teste ambulat, recte non vivat. At quomodo aliis regulam teneat, quam sibi ipsi nescit tenere? Ita Gregorius. Denique ab honesto et utili; nam honestas religionis et monachatus id suadet, ne soli incedant monachi, quasi gyrovagi et soluti. Utilitatem commendat Ecclesiasticus illis verbis: *Vae soli, qui cum ceciderit, non habet sublevantem se*, cap. 4.

<sup>b</sup> D. Benedictus cap. 67: *Nec præsumat, inquit, quisquam aliis referre quæcumque foris monasterium*

C *viderit aut audierit, quia plurima destructio est. Quod si quis præsumpserit vindictæ regulari subiaceat. Idem infra repetitur art. 49.*

<sup>c</sup> Modus procedendi foras ad exercendum opus manuum, hoc est, ad colendos agros, vel hortos, metendas segetes, colligendas fruges, vel fructus, etc. De quo fuse Cassianus lib. x Instit. cap. 22 et deinceps. Et D. Hieronymus ad hoc institutum spectans epist. 4 ad Rusticum monachum: *Ægyptiorum, inquit, monasteria hunc morem tenent, ut nullum absque operis labore suscipiant. Idem Augustinus lib. de Moribus Eccl., ubi supra. Cassianus item lib. ii cap. 3, D. Benedictus capite 48 et 57.*

<sup>d</sup> De palma arbore ejusque multiplici usu apud veteres monachos egimus lib. x cap. 24.

<sup>e</sup> Cassianus lib. iv cap. 18, hunc locum spectans: *Antequam, inquit, vel postquam legitimam communemque refectionem percipiant, summa cautione servatur ne extra mensam quidquam cibi penitus ori suo quisquam indulgere præsumat; ut incedentibus per hortos et pomaria, cum passim blandeque per arbores poma pendentia, non solum obijciant se pectoribus transeuntium, verum etiam strata per terram conculcanda pedibus offerant, atque ad colligendum parata, facile ad consensum concupiscentiæ illicere valeant intuentes, et opportunissimos ad sui desiderium provocare; sacrilegium dicatur non modo quidquam ex his degustare, verum etiam manu contingere, absque eo quod palam cunctis reficientibus in commune exhibetur, et ad percipiendum, œconomi dispensatione, per fratrum obsequia publice ministratur. Hæc ibi, quæ etiam spectant articulum 42 sequentem.*

<sup>f</sup> Idem supra art. 21.

<sup>g</sup> Idem infra art. 63. Vide exemplum Serapionis collat. 2 cap. 11.



vescendum absque his quæ a dispensatore acceperit.

XLIV. <sup>a</sup> Qui nolunt in commune vesci cum cæteris, quasi majori abstinentiæ se dicantes, quando edere debuerint, quod eis una die sufficiat, panem et sal accipiant tantum. Præter monasterii autem coquinam, nulli coquendi cibos habeant potestatem.

XLV. <sup>b</sup> Nemo in cella sua habeat præter ea quæ monasterii lege præcepta sunt, nec paucos nummos nec proprium aliquid; extra habitum suum si quid inveneris, absque contradictione auferes.

XLVI. Si quis transfertur de domo in alteram domum, <sup>c</sup> excepto ea quæ usui quotidiano ad habitum necessaria sunt, secum transferre nihil poterit.

XLVII. Nullus neque ambulandi in monasterio <sup>d</sup> neque extra murum monasterii procedendi habeat facultatem, nisi interrogaverit præpositum, et ille concesserit.

XLVIII. Cavendum est autem ne quis de domo in alteram domum verba transferat, nec de monasterio in monasterium, nec de monasterio in agrum, nec de agro in monasterium.

XLIX. Si quis ambulaverit in via, vel navigaverit, aut operatus fuerit foris, non loquatur in monasterio quæ ibi geri viderit.

L. <sup>e</sup> Non dormiat quis præter reclinam sellulam; cumque ad dormiendum se collocaverit, alteri non loquatur: postquam obdormierit, si post somnum nocte evigilaverit, oret.

LI. Si jejunii institutus dies, et sitire cœ, erit, bibere non audebit.

LII. Nemo lavare alterum poterit aut ungere, nisi ei fuerit imperatum.

LIII. <sup>f</sup> Nemo in tenebris alteri loquitur. Nullus cum altero dormiat, manum alterius nemo teneat, sive ambulaverit, sive sederit, aut steterit, uno cubito distet ab altero.

LIV. Nullus attondeat caput, absque majoris arbitrio.

LV. <sup>g</sup> Mutare de his quæ a præposito acceperit cum altero nemo audebit; nec accipiet melius, et dabit deterius; aut econtrario dans melius, deterius accipiet, et in vestimento, et in habitu suo nihil novi, præter cæteros, causa decoris, inveniet.

B LVI. Nemo vadens in congregationem ad vescendum, dimittat codicem non ligatum. <sup>h</sup> Codices post nonam attendat, ad quem pertinet

LVII. <sup>i</sup> Si quis fratrum læsus fuerit aut percussus, tamen lectulo non decumbit, sed ambulat invalidus, et aliqua re indigebit, vestimento vel palliolo, et cæteris utensilibus, præpositus accipiet et dabit. Cumque sanus fuerit, reportabit sine mora ulla.

LVIII. Nemo ab altero accipiet quidpiam, nisi præpositus jusserit.

LIX. In villam nullus vadat nisi missus; super nudum dorsum asini duo pariter non sedebunt, nec super temonem plaustrum.

LX. <sup>j</sup> Ad officinas diversarum artium soli pergant C præpositi, ut accipiant quod necessarium est.

#### ALARDI GAZÆI COMMENTARIUS.

<sup>a</sup> D. Hieronymus in præfatione sub finem: *Omnes pariter comedunt: qui ad mensam ire noluerit, cellula sua panem tantum et aquam ac sal accipit, sive uno die voluerit, sive biduo.*

<sup>b</sup> Cassianus lib. 4 Institut. cap. 13 et sequent., D. Benedictus cap. 33. Vide infra art. 63.

<sup>c</sup> Pro, exceptis iis. Est enim excepto adverbium, idem ac præter.

<sup>d</sup> Clausura monastica hoc exigit, ut nullus sine licentia de monasterio egrediatur. Quam licentiam, ut præcipuum obedientiæ et subjectionis signum, Patres tanti fecere, ut S. Basilii dicat in Institut. monach.: *Si quis egreditur e monasterio, non accepta benedictione, aut non dimissus a Patre, et præfecto monasterii, sit excommunicatus.* Idque a monachis strictè observatum fuisse patet ex Gregorio Magno lib. II Dialogorum, ex S. Dorotheo serm. 9, Joanne Climaco gradu 4, D. Benedicto cap. 67 et aliis (*De Clausura Monastica, vide notationem ad collat. 24 c. 4*).

<sup>e</sup> Id est, extra psiathium, de quo D. Hieronymus in præfatione, et Cassianus lib. IV c. 13, et collat. 1 cap. ult., et alibi. Sellulam dicit, non cellulam. Est enim sellula diminutivum a sella, quæ a sedendo dicitur. Reclinam, id est, retro inclinatam, ac resupinam, ut ei incubantes somnum caperent. Apud Palladium in Regula Pachomii legitur: *Dormiant non recumbentes; sed exstructis sibi sedibus paulè supinioribus, et illic suis impositis stragulis dormiant sedentes.*

<sup>f</sup> Cassianus libro secundo, capite decimo quinto, et libro quarto, capite decimo sexto.

<sup>g</sup> Mutatio, sive permutatio rerum alienius pretii, ut librorum, vestimentorum, etc., absque consensu

prælati, perinde ac donatio monachis est illicita, quia est actus proprietatis voto paupertatis repugnans.

<sup>h</sup> Cura bibliothecæ in cœnobiis antiquissima, ubi codices manuscripti omnes condebantur et diligentissime servabantur. De qua itidem divus Augustinus in Regula cap. 22: *Qui codicibus præponuntur, sine murmure serviant fratribus suis.* Et capite 23: *Codices certa hora singulis diebus petantur: extra horam qui petierit, non accipiat.* Et D. Benedictus c. 48: *Diebus Quadragesimæ accipiant omnes singulos codices de bibliotheca, quos per ordinem ex integro legant. Qui codices in capite Quadragesimæ dandi sunt.* Vide Cassiodorum in Institut. Div. lect. cap. 8. Huc pertinent ea quæ de descriptione librorum in monasteriis, præsertim Benedictinorum, olim consueta notavimus ad I. v c. 39.

<sup>i</sup> Pertinet etiam hic articulus ad curam infirmorum, de qua supra articulo vigesimo.

D <sup>j</sup> Erant enim in monasteriis officinæ omnium fere artium, quæ monachorum et monasterii usibus necessarie videbantur. Hinc Palladius in Aphthonio, de monachis Pachomianis loquens: *Exercent, inquit, omnem artem: alius quidem laborat in agro colendo, alius in horto, alius in pistrino, alius in æris officina, alius in fabricando, alius in consuecendis calceis, alius in pulchre scribendo.* Hæc ille. Ne quis vero ad officinas opificum importunus aut injussus accederet, sanxit etiam D. Basilii his verbis: *Si quis importune venit in culinam, aut in cellarium, exceptis designatis, aut his qui disciplinæ boni ordinis curam gerunt, careat benedictione.* Vide Cassianum libro quarto capite decimo sexto.



LXI. <sup>a</sup> Ad alterius cellulam intrare nullus audebit.

LXII. Commendatum aliquid, etiam a germano fratre, nullus accipiat.

LXIII. <sup>b</sup> Nihil in cella sua absque præpositi jussione quidpiam condet, nec poma quidem.

LXIV. Si præpositus profectus fuerit, aut alter præpositus, aut qui secundus est, curam proficiscentis exerceat, vel quem ipse præpositus elegerit de fratribus, et curam ei suam injunxerit.

LXV. <sup>c</sup> Quando farinam conspergunt aqua et massam subigunt, nemo alteri loquatur. Et quando tabulis ad furnum deportant panes, simile silentium habebunt; tantum de psalmis aut de <sup>d</sup> Scripturis aliquid meditabuntur, donec opus impleant. Si quid necessarium fuerit, non loquantur, sed dent signum his qui possunt afferre quæ necessaria sunt. Quando ad miscendam farinam vocati fuerint, nullus resideat in loco panes coquentium, exceptis iis qui coctioni sufficient, et quibus jussum fuerit.

LXVI. In navibus similis disciplina est. Nemo a terra solvit navigii funiculum, nec movet navigium absque jussione Patris. In interiore parte navis cæteris fratribus super transtra et tabulata quiescentibus, nullus dormiat; et sæculares homines dormire secum nullus patiatur. <sup>e</sup> Vasa infirmiora cum eis non navigabunt, nisi forte Pater monasterii præceperit.

LXVII. Nullus in domo sua audebit focum facere, nisi in commune omnibus succendatur.

LXVIII. <sup>f</sup> Qui una oratione tardius venerit, vel qui mussitaverit aut locutus fuerit ad alterum, vel

qui riserit in reliquis orationibus, constituto ordine aget pœnitentiam.

LXIX. Quando domi resident, et non eis liceat loqui aliquid sæculare, sed si quis præpositus de Scripturis docuerit, vicissim inter se ruminant, et referent quæ audierint, vel quas memoriter tenent.

LXX. <sup>h</sup> Qui vas fictile fregerit, vel aliquam utilem rem ad usus monasterii, ager pœnitentiam.

LXXI. <sup>i</sup> Si frater dormierit, omnis eum fraternitas prosequatur.

LXXII. Nemo exeat foras, nemo loquatur, nemo remaneat, excepto majoris imperio.

LXXIII. Audito signo excitantis, aut voce psallentis, omnes surgant, currentes ad orationes.

<sup>B</sup> Nullus ante psallat nisi ei jussum fuerit, nec completo psalmo, alterum sine præpositi jussione audeat jungere.

LXXIV. Nemo ante præpositum suum et ducem suum ambulet. <sup>j</sup> Nullus remaneat de ordine suo.

LXXV. Si quis aliquid perdiderit, ante altare publice corripitur. Si vero de propriis vesticulis fuerit quod perditum est, tribus hebdomadibus non accipiet, et in quarta, acta pœnitentia, dabitur ei quod amisit.

LXXVI. Qui invenerit aliquid, per tres dies <sup>k</sup> ante collectam fratrum suspendat, ut tollat qui cognoverit.

LXXVII. <sup>l</sup> Lotum in domo nemo faciat absque præposito; et omne quod novum est illius sententia disponetur.

<sup>C</sup> LXXVIII. <sup>m</sup> Omnis correctio ita fiet ut discincti

#### ALARDI GAZÆI COMMENTARIUS.

<sup>a</sup> Aliis verbis D. Benedictus capite quadragesimo octavo: *Neque frater ad fratrem jungatur, horis incompetentibus.*

<sup>b</sup> Idem supra articulo quadragesimo tertio.

<sup>c</sup> Consonat iis quæ superius dicta sunt de officinis opificum, in quibus silentium servabatur.

<sup>d</sup> Vides meditationis exercitium, de quo supra, priscis monachis fuisse frequentissimum ac familiarissimum, immo pene assiduum; ita ut non solum in oratorio, vel privatim in cellulis, sed in omni fere loco et tempore, ac pene ad omnes actus et functiones eo se occuparent, ac per hoc a vanis cogitationibus et colloquiis avocarent, sicque animum ad cœlestia et salutaria suspirantem et erectum retinerent. Vide art. 16 et 17.

<sup>e</sup> Id est, mulieres, ut supra articulo vigesimo nono.

<sup>f</sup> Cassianus lib. iv cap. 16, D. Benedictus cap. 43.

<sup>g</sup> Colloquia de rebus vanis, profanis et sæcularibus vitanda. *Corrumpunt enim bonos mores colloquia prava*, I Corinth. xv. Cassianus lib. v cap. 9: Vidi-  
<sup>D</sup> mus, inquit, senem, Machetem nomine, hanc a Domino gratiam diuturnis precibus impetrasse, ut quotquot diebus ac noctibus agigaretur collatio spiritalis, nunquam somni torpore penitus laxaretur. Si quis vere detractionis verbum vel otiosum tentasset inferre, in somnum protinus concidebat; ac sic nec usque ad aurium ejus pollutionem virus obloquii poterat pervenire. In Vitis Patrum (Lib. iii, n. 36; et I. vi, libello I, num. 3) legimus magnum quemdam virum hanc gratiam a Deo obtinuisse, ut in colloquiis piis fratrum, quæ de sacris Scripturis habebantur, videret sanctos angelos astantes et plu-

rimum se colloquiis oblectantes. Cum autem, inquit, aliud quidvis loquerentur, statim sancti angeli recedebant longius; veniebant autem porci sordidissimi, et volutabant se inter eos. Harmones enim in specie pecorum delectabantur eorum vaniloquiis. Beatus autem senior hæc videns, commonebat per monasteria fratres dicens: Cohibete a multiloquio et ab otiosis sermonibus linguam, per quam malus interitus animæ generatur.

<sup>h</sup> Cassianus lib. iv Instit. cap. decimo sexto, D. Benedictus capite trigesimo secundo et quadragesimo sexto.

<sup>i</sup> Si frater dormierit, id est, obierit, omnis eum fraternitas, id est, congregatio fratrum, prosequatur, scilicet ad tumulum, et honorifice sepeliat. Sanctus Chrysostomus homilia prima in Job monachorum obitum funusque describens: Cum ultimo, inquit, spiritu laborantem (fratrem) haberint, circumse-  
<sup>D</sup> dent, ultimamque ejus audiunt verba; adhortationes et monita alia de industria adhibent, os deosculantur ultimo osculo; exinde cum reddiderit animam, manus componunt, oculos claudunt, etc. Vide D. Hieronymum in epitaphio Paulæ, Sulpitium in Vita D. Martini, et omnium antiquissimum Dionysium Areopagitam Eccl. Hierar. cap. 7.

<sup>j</sup> Id est, extra ordinem suum, dum simul ambulant, evagetur.

<sup>k</sup> Id est, ante fores ecclesiæ, vel oratorii.

<sup>l</sup> Lotionem vestimentorum, aut ipsius domus et vasorum.

<sup>m</sup> Vide supra, art. 1, et quæ notavimus ad lib. iv cap. 16 de Correctione et Disciplina regulari.



sint qui corripuntur, et demissis manibus et humiliato capite, emendaturos se promittentes vitia in quibus arguuntur, veniam deprecantur.

LXXX. <sup>a</sup> Qui absque ordine fratrum recesserit, et postea acta poenitentia redierit, <sup>b</sup> non erit in ordine suo, absque majoris imperio.

LXXX. Qui rudis in monasterio fuerit ingressus, docebitur prius quæ debeat observare, et cum doctis ad universa consenserit, dabunt ei viginti psalmos aut duas Epistolas Apostoli, aut alterius Scripturæ partem. Et si litteras ignoraverit, hora prima, tertia, et sexta vadat ad eum qui docere potest et qui ei fuerit delegatus, et stabit ante eum, et discet studiosissime cum omni gratiarum actione. Postea scribentur ei elementa, syllabæ, verba ac nomina; et

#### ALARDI GAZÆI COMMENTARIUS.

<sup>a</sup> Id est, præter, aut contra ordinem et legem obedientiæ regularis.

<sup>b</sup> Id est, non obtinebit locum suum, sed postremum in congregatione. Ita D. Benedictus cap. 29: *Frater, qui proprio vitio egreditur, aut projicitur e monasterio, si reverti voluerit, spondeat prius omnem emendationem vitii pro quo egressus est, et sic in ultimo gradu recipiatur, ut ex hoc ejus humilitas comprobetur.* Eadem poena, præter alias, in jure canonico puniuntur monachi qui de monasteriis ad audiendam physicam, id est, medicinam, aut leges civiles exeunt, et infra duos menses non redeunt cap. *Non magnopere, Nec clerici vel monachi*, etc. Habes eandem poenam inferius statutam in furiosos et iracundos art. 85.

<sup>c</sup> Locus obscurus et (ni fallor) corruptus. Quid enim hoc sibi vult: *usque ad novum Testamentum et Psalterium*? Puto tamen posse sic exponi. Quod minimum est, id est, intellectu facillimum; usque ad novum Testamentum et Psalterium, id est, præter novum Testamentum et Psalterium, quod memoriter omnes aut plerique monachi ediscebant. Nam quod ad phrasin attinet, ne cui videatur absurda, docet Ambrosius Calepinus eleganter dictum apud Plinium: *Assensi sunt omnes consules, usque ad Pompeium, id est, excepto Pompeio, vel præter Pompeium.* Quod et nostræ vernaculæ congruit. Sensus igitur est: Nullus erit in monasterio, qui non aliquid teneat de Scripturis, id est, de veteri Testamento, quod facile possit ab omnibus intelligi, ut sunt pleræque sententiæ Proverbiorum, Ecclesiastæ et Ecclesiastici, et faciliores ac vulgatiores historiæ. Novum autem Testamentum et Psalterium omnes addiscant. De Evangelio et novo Testamento, quoad ejus fieri potest, memoriæ commendando, D. Hieronymus (*Epist.* 7) ad Lætiam in institutione filiae, virginis Deo dicandæ, ubi hunc ordinem legendi Scripturas præscribit: *Dicatur primo Psalterium; his se canticis avocet; et in Proverbiis Salomonis erudiatur ad vitam; in Ecclesiaste consuescat quæ mundi sunt calcare; in Job virtutis et patientiæ exempla sectetur.* Ad Evangelia transeat, nunquam ea depositura de manibus; Apostolorum Acta et Epistolæ tota cordis imbibat voluntate. Cumque pectoris sui cellarium his opibus locupletaverit, mandet memoriæ Prophetas, etc. Divus Chrysostomus serm. 3 de Lazar., D. Basilii et alii suadent ea maxime et prius legi ac memoriæ mandari quæ novi Testamenti sunt, quod hæc utiliora, clariora, magisque necessaria sunt, et nobis propria. Itemque Cassianus lib. II cap. 6 refert veteres monachos aliis quidem hebdomadæ diebus unam veteris, et aliam novi Testamenti lectionem Psalmis addidisse: *In die vero, ait, sabbati vel dominicæ utramque de novo Testamento. Quod etiam totis Quinquagesimæ diebus fa-*

*etiam nolens legere compellatur; et omnino nullus erit in monasterio qui non discat litteras et de Scripturis aliquid teneat quod minimum est, usque ad Novum Testamentum et Psalterium. Omne quod in conventu fratrum audierint disputatum, cogentur inter se ut recolant.*

LXXXI. Ad psallendum et ad orandum nullus sibi occasiones inveniat quibus se dicat occupatum, quasi ire non possit; et si in navi fuerit, et <sup>d</sup> in agro, et in itinere vel in monasterio, quolibet ministerio detentus, orandi et psallendi tempora non prætermittat.

<sup>e</sup> De puellarum disciplina.

LXXXII. <sup>f</sup> Nemo ad eas vadat visitandas, nisi qui habet ibi matrem, vel sororem, aut propinquas, et

*ciunt hi quibus lectio curæ est, seu memoriæ Scripturarum.* Hæc ibi. Monachos etidem solere Psalterium ad verbum ediscere, et memoriter tenere, colligo primum ex verbis D. Hieronymi modo recitatis, tum ex aliis ejusdem ad Rusticum monachum epist. 4: *Numquam de manu et oculis recedat liber (supple Psalmorum), nam sequitur, discatur Psalterium ad verbum, etc.* Et in psalmum centesimum trigesimum tertium: *Scripturas legimus, Psalmos edicimus, Evangelia tenemus, Prophetas edisserimus.* Solent monachi hoc inter se habere certamen ut plures ediscant Scripturas, et in eo se putent esse meliores si plures edidicerint. Denique Cassiodorus in præfatione Institut. divin. lect. tirones Christi primum Psalmos discere suadet. Porro alia expositio illius sententiæ, eaque subtilior, nec improbabilis mihi nuper obata est in hunc sensum *ut aliquid teneat de Scripturis, quod minimum est, usque ad novum Testamentum et Psalterium.* Hoc est: Teneat ut minimum novum Testamentum et Psalterium; vel aliquid usque ad novi Testamenti seu Psalterii cognitionem. Ubi illud usque non est exclusivum, sed potius conjunctivum, seu conclusivum. Qua significatione fere usurpatur in Scripturis. In Genesi: *Ab homine usque ad animantia. Semini tuo usque in sæculum. Usque in præsentem diem.* In Psalmis: *Non est usque ad unum. Usque ad noctem increpuerunt me renes mei. Ab homine usque ad pecus.* Et similibus locis quam plurimis, quibus non excluditur quod huic voculæ adhibetur, sed concluditur et comprehenditur. Verum hæc expositio, si bene inspicitur, fere coincidit cum priore. Cum enim exponitur: *Usque ad novum Testamentum, Psalterium*, id est, præter novum Testamentum et Psalterium, non sic excluditur novum Testamentum et Psalterium, quasi non sit dicendum, sed potius, ac potissime, ac præ aliis comprehenditur et commendatur ediscendum.

<sup>d</sup> Similiter statuit D. Benedictus cap. 50, *ut fratres qui omnino longe sunt in labore, et non possunt occurrere hora congruenti ad oratorium, agant ibidem opus Dei, ubi operantur, cum tremore divino flectentes genua; similiter qui in itinere directi sunt, non cessent prætereant horæ constitutæ, etc.*

<sup>e</sup> Nempè monialium, vel sanctimonialium, vel monacharum. Refert Palladius in Vita abbatis Aphthorui trans fluvium Nilum, e regione monasterii Ta-

<sup>f</sup> Id est, invisendas et salutandas. Non enim hic agitur de visitatione monialium, quæ fit a superioribus, juxta cap. *Attendentes*, de statu monach., sed de familiari visitatione, salutatione, colloquio, frequentatione, quæ etiam sacris canonibus, et peculiariter monachis inhibetur. Vide cap., *Monasteria. De Vita et Honest. cleric. (Lib. I Decretal.).*



consobrinas, seu matrem filiorum suorum; si autem et ante conversionem paterna eis debetur hæreditas, aut aliqua causa manifesta est, mittent cum his probatæ ætatis virum, ac vitæ, et videbunt eas, et pariter revertentur. Nemo vadat ad illas, nisi hi quos supra diximus; ita ut primum faciant renuntiari patri monasterii, et ille mittet ad <sup>a</sup> seniores, qui monasterio virginum delegati sunt, qui occurrent eis, et cum ipsis videbunt eas quas necesse habebunt, cum omni disciplina et timore Dei. Non eis loquentur de rebus sæcularibus.

LXXXIII. Quicumque de his mandatis aliquid præterierit absque ulla dubitatione, negligentia atque contemptus agat pœnitentiam, ut possidere valeamus regna cœlorum.

<sup>b</sup> Præcepta et instituta Patris nostri Pachomii hominis Dei, qui fundavit ab exordio sanctæ vitæ communionem juxta imperium Dei. Plenitudo legis charitas; scientes tempus, quod instet hora ut de somno consurgamus, quod vicinior sit salus nostra quam eo tempore cum credidimus. Nox præcessit, dies autem appropinquavit. Deponamus opera tenebrarum, quæ sunt contentiones, detractiones, odia, et tumentis animi superbia.

LXXXIV. Qui facilis est ad detrahendum, et dicit quod non est qui in hoc peccato fuerit deprehensus, monebunt eum secundo; et si audire contempserit, separabunt eum extra conventum fratrum septem diebus, et <sup>c</sup> panem tantum cum aqua accipiet, donec polliceatur atque confirmet se ab hoc vitio recessurum, et sic dimittetur ei.

LXXXV. Si quis iracundus et furiosus frequenter irascitur sine causa, et propter rem inanem et va-

Acum, per sex vices commonebitur, et in septima facient eum surgere de ordine sessionis suæ, et inter ultimos collocabitur, docebuntque eum ut ab hac mentis perturbatione mundetur. Cumque tres testes dignos testimonio adduxerit qui pro eo polliceantur nequaquam simile quid esse facturum, recipiet sessionem suam; alioqui si permanserit in vitio, moretur <sup>d</sup> inter ultimos, perduto priore loco.

LXXXVI. Qui falsum cupit probare contra alterum, ut opprimat innocentem, tertio commonebitur, et postea <sup>e</sup> reus erit iniquitatis, sive de priori loco fuerit, sive de inferioribus.

LXXXVII. <sup>f</sup> Qui habet pessimam consuetudinem ut fratres suo sermone sollicitet, et pervertat animos simpliciorum, tertio commonebitur: si contempserit, et obstinato animo in duritia perseveraverit, separabunt eum extra monasterium, et <sup>g</sup> verberabunt eum ante fores triginta novem, dabuntque ei ad vescendum panem solum et aquam, donec mundetur a sordibus.

LXXXVIII. <sup>h</sup> Qui habet pessimam consuetudinem murmurandi, et quasi gravi opere se opprimi queritur, docebunt eum quinquies quod sine causa murmuret, et ostendent perspicue veritatem; si post hæc inobediens fuerit, et est perfectæ ætatis, ita eum habebunt, ut unum de ægrotantibus, et ponetur in loco infirmorum, ibique aletur otiosus, donec redeat ad veritatem. Si autem iusta est illius querela et a majore inique opprimatur, qui eum scandalizavit eadem sententiæ subiacebit.

C LXXXIX. <sup>i</sup> Si inobediens quis fuerit, aut contentiosus aut contradictor, aut mendax, et est perfectæ ætatis, decies commonebitur ut desistat a vitiis. Si

#### ALARDI GAZÆI COMMENTARIUS.

bennensis, seu Pachomiani, fuisse aliud monasterium quadringentarum puellarum sequentium eadem instituta Pachomii, ad quas præter presbyterum nemo transiret. D. Hieronymus epist. 16 scribit S. Marcellam ab Alexandrinis sacerdotibus et S. Athanasio Vitam S. Antonii, nec non monasteriorum in Thebaide Pachomii, et virginum ac viduarum ab eo institutarum didicisse disciplinam, nec erubuisse profiteri quod Christo placere cognoverat. De iisdem et aliis monialibus agens epist. 48: *Moris est, inquit, in Ægypti et Syriæ monasteriis, ut tam virgo quam vidua, quæ se Deo voverint, et sæculo renuntiantes omnes delicias sæculi conculcarint, crinem monasteriorum matribus offerant desecandum, non intecto postea, contra Apostoli voluntatem (I Cor. xi), incessuræ capite, sed ligato pariter ac velato, etc.* Vide eundem in epitaphio Paulæ, ubi monialium ejus disciplinam, psallendi morem, aliaque instituta describit. S. item Augustinus loco illo sæpe citato de Moribus Ecclesiæ, postquam de monachorum et cœnobarum vita egerat, subdit deinde de monialibus et virginibus, quæ eisdem legibus et institutis vivebant: hæc est etiam vita feminarum Deo sollicitè casteque servientium, quæ habitaculis segregatæ, ac remotæ a viris, quam longissime decet, pia tantum illis charitate junguntur, et imitatione virtutis; ad quas juvenum nullus accessus est, neque ipsorum quamvis gravissimorum et potentissimorum senum; nisi usque ad vestibulum, necessaria præbendi quibus indigent gratia. Lanificio namque corpus exercent atque sustentant, vestesque ipsas fratribus tra-

dunt; ab iis invicem quod victui opus est resumentes, etc.

<sup>a</sup> Hinc colligitur moniales jam tum habuisse quosdam seniores seu Patres spirituales in proximo commorantes, a quibus instruerentur et dirigerentur, qui vulgo confessarii vocantur.

<sup>b</sup> Videtur hic addendum *alia*, ut sit hæc nova sectio et pars Regulæ, quæ ad correctionem vitiorum spectat.

<sup>c</sup> Jejunium in pane et aqua, in gravioribus culpis. De quo etiam infra art. 87 et 121.

<sup>d</sup> Idem supra art. 62 et infra art. 92 et 94.

<sup>e</sup> Calumniæ, seu falsi criminis pœnæ calumniatoribus statutæ obnoxius, de qua exstant duo decreta lib. v Decretalium, tit. 2, de Calumniatoribus.

<sup>f</sup> Susurriones et turbatores communitatis olim verberibus coerciti. Vide Regulam divi Benedicti cap. 23 et 28, post Cassianum lib. iv c. 16.

<sup>g</sup> Puto esse ablativi casus, non nominativi; et subaudiendum *verberibus* sive *plagis*. Videntur enim spectasse exemplum Apostoli, qui se proficitur quinquies quadragenas, una minus, id est, triginta novem plagas a Judæis accepisse (II Cor. xi). Quorsum enim triginta novem monachi ad unum verberandum concurrissent? Eadem pœna statuitur infra art. 121.

<sup>h</sup> Vitium murmurationis olim graviter inter monachos punitum. De quo Cassianus lib. iv c. 6 et D. Benedictus tum alias sæpe, tum præcipue cap. 34: *Ante omnia, inquit, ne murmurationis malum pro qualicumque causa, in aliquo quocumque verbo vel significatione appareat.*

<sup>i</sup> D. Benedictus cap. 23 et 28.



autem audire noluerit, monasterii legibus increpabitur. Quod si alterius culpa ad hæc vitia devolvitur, et hoc fuerit comprobatum, ille qui causa existit reus erit ultionis.

XC. Si deprehensus fuerit aliquis de fratribus<sup>a</sup> libenter cum pueris ridere, et ludere, et habere amicitias ætatis infirmæ, tertio commonebitur ut recedat ab eorum necessitudine, et memor sit honestatis ac timoris Dei. Si non cessaverit, corripietur, ut dignus est, correptione severissima.

XCI. Qui contemnunt præcepta majorum et regulas monasterii, quæ Dei præcepto constitutæ sunt, et parvipendunt seniorum consilia, corripientur juxta ordinem constitutum, donec corrigantur.

XCII.<sup>b</sup> Qui judex est omnium peccatorum, et perversitate mentis ac negligentia reliquerit veritatem, B viginti viri sancti et timentes Deum, sive decem, et usque ad quinque, de quibus omnes dent testimonium, sedebunt et judicabunt eum, et degradabunt in ultimum gradum, donec corrigatur.

XCIII. Qui conturbat fratrum animos, et facilis est ad detrahendum, lites serens et jurgia, decies commonebitur; et si non fuerit emendatus, corripietur ordine monasterii donec corrigatur.

XCIV.<sup>c</sup> Qui viderit de majoribus et præpositis fratrum suorum tribulationem, et noluerit causam tribulationis inquirere, eamque contempserit, queretur causa a supradictis iudicibus inter fratrem atque præpositum; et si deprehenderint negligentia præpositi vel superbia coangustatum fratrem, et judicasse eum non secundum veritatem, sed secundum C personam, degradabitur de solio suo, donec corrigatur, et ab injustitiæ sordibus emendetur, quia non consideravit veritatem sed personas, et servivit pravitati animæ suæ, et non Dei iudicio.

XCV. Si quis promiserit observare regulas monasterii, et facere cœperit, easque dimiserit, postea autem reversus egerit pœnitentiam, obtendens infirmitatem corpusculi, per quam non possit implere quod dixerat, faciant eum inter languentes commorari, et pascetur<sup>d</sup> inter otiosos; donec, acta pœnitentia, impleat quod promisit.

XCVI.<sup>e</sup> Pueri in domo, si fuerint dediti lusibus

A et otio, et correpti non petuerint emendari, debet præpositus usque ad dies triginta ipse eos monere et corripere. Si viderit in pravitate persistere, et non nuntiaverit Patri monasterii, et aliquod peccatum in eis fuerit deprehensum, ipse pro eis culpæ subiacet, juxta quod peccatum fuerit inventum.

XCVII. Omnes autem pueri qui non timent conlundi pro peccato, et per impudentiam iudicium Dei non cogitant, et correpti verbo non emendaverint, verberentur quamdiu disciplinam accipiant et timorem.

XCVIII. Qui injuste judicaverit, iuste ab aliis condemnabitur.

XCIX.<sup>f</sup> Qui consentit peccantibus, et defendit alium delinquentem, maledictus erit apud Deum et homines, et corripitur increpatione severissima. Quod si per ignorantiam deceptus est, et non ita putavit ut verum est, ignoscetur ei: et omnis qui per ignorantiam peccat, facile accipiet veniam. Qui autem sciens peccaverit, sustinebit increpationem juxta mensuram opusque peccati.

C. <sup>g</sup> Præcepta et leges Pachomii.<sup>h</sup> Ne plus fratres facere compellantur; sed moderatus labor omnes ad laborandum provocet. Sit inter eos pax et concordia, et libenter majoribus subiciantur. Sedentes, et ambulantes, et stantes, invicem de humilitate decertent.

CI.<sup>i</sup> Si quis peccatum fecerit, Patres monasteriorum emendare poterunt, et constituere quid sequi debeat.

CII.<sup>j</sup> Præpositus autem domus, et qui secundus ab eo est, hoc tantum juris habebunt, ut compellant fratres in punctis singulis, vel collecta domus, sive in collecta majore, hoc est, omnium fratrum, subiacere pœnitentiæ.

CIII. Quod si præpositus peregre fuerit, qui secundus est locum ejus implebit, tam in pœnitentia fratrum recipienda quam in quocumque alio eorum quæ in domo necessaria sunt.

CIV. Si quis<sup>k</sup> absque conscientia duorum ierit ad alteram domum, vel alterius domus fratrem codicem ad legendum mutuum postulaverit, vel quolibet aliud, monasterii ordine increpabitur.

#### ALARDI GAZÆI COMMENTARIUS.

<sup>a</sup> Id magna cautione et severitate prohibitum a Patribus, ob periculum impuditiæ, cui puerilis ætas vehementer obnoxia.

<sup>b</sup> Id est, sacerdos, sive superior super conscientias subditorum iudex constitutus.

<sup>c</sup> Phrasis obscura, et hoc modo explicanda: Quisquis de majoribus seu præpositis viderit tribulationem aut angustiam alicujus fratris, et contempserit juvare et solari, immo contra eum judicaverit injuste, dignus est qui degradetur. Proinde non puto per tribulationem intelligi contentionem, turbam, altercationem, ut posui in priorie editione, sed veram angustiam et inæstitiam, tamen ex aliqua ortam contentione cum præposito, unde tristitiam vocat infra, art. 112.

<sup>d</sup> Id est, vacantes ab opere manuali propter infirmitatem, vel in infirmario constitutos.

<sup>e</sup> Puerorum institutio et disciplina de qua D. Benedictus cap. 50.

D <sup>f</sup> Tribuitur hæc sententia Isidoro apud Gratianum, 1, q. 3. Eadem existat apud Smaragdum in Expositione Regulæ cap. 69.

<sup>g</sup> Alia rursum distinctio, ad quam designandam videtur etiam hic addendum *alia*, ut supra.

<sup>h</sup> Idem expressum in Regula S. Pachomii apud Palladium, Sozomenum, et Nicephorum, ubi supra. Ita et D. Benedictus cap. 48: *Omnia*, inquit, *moderate fiant propter pusillanimes*.

<sup>i</sup> Supple publicum. Nam in hujusmodi præsertim correctio monachorum spectat ad abbatem, seu Patrem monasterii. Vide concil. Trident. decretum sess. 25 cap. 14, de Regularibus.

<sup>j</sup> Præposito, sive priori claustrali, multæ leges et functiones imponuntur.

<sup>k</sup> Id est, nisi duobus consociis et testibus, præposito scilicet et socio cum quo mittendus. Hoc enim spectare videtur, ne quis furtim vel solus egredere-  
tur, ut supra, art. 34, 47 et aliis.



CV. Qui vult sine macula et contemptu in domo A cui deputatus est vivere, omnia quæ præcepta sunt coram Deo observare debet.

CVI. Quidquid necessarium est, sive in agro, sive in monasterio, præpositus etiam non postulatus impleat.

CVII. \* Sex orationes facient vespertinas, juxta exemplum majoris collectæ, in qua omnes fratres pariter congregantur.

CVIII. Summæ dilectionis est, <sup>b</sup> etiamsi difficile fuerit, ut nullum onus habeant, nec ex onere nascatur tedium.

CIX. Si quis deforis venerit, et res non laboraverit, aliquæ fratres orationem celebraverint, si ire non potest, non cogatur.

CX. <sup>c</sup> Quando præpositi domorum fratres de conversione sanctæ vitæ docebunt, absque gravissima aggritudine nullus aberit.

CXI. <sup>d</sup> Majores quicumque e fratribus mittuntur foras, quamdiu ibi fuerint, habebunt jus præpositorum, cuncta gerentur arbitrio eorum, docebunt fratres per constitutos dies; et si forte aliquid inter eos ortum fuerit simultatis, audient ipsi majores, et judicabunt causam, et dignum culpa increpabunt, et ad imperium eorum statim ad pacem pleno corde consentient.

CXII. \* Si quis de fratribus contra præpositum donus suæ tristitiam habuerit, aut ipse præpositus contra fratrem aliquam querimoniam, <sup>e</sup> fratres probatæ conversationis et fidei audire eos debebunt, et judicabunt inter eos. Si tamen absens est Pater C monasterii, vel aliquo profectus, primum quidem expectabunt eum; si autem diutius commorari viderint, tunc audient inter præpositum et fratrem, ne de suspensio judicio major tristitia oriatur: et ille qui præpositus est, et ille qui subjectus est, et hi qui audiunt, juxta timorem Dei cuncta faciant, et in nullo dent occasionem <sup>f</sup>.

#### ALARDI GAZÆI COMMENTARIUS.

\* Magna verborum diversitas apud auctores et interpretes circa hunc articulum Regule Pachomianæ. Palladius ita refert: *Constituit ut per totum diem facerent duodecim orationes, et in nocturnis vigiliis duodecim, et in matutino duodecim, et hora nona tres.* Sozomenus: *Ut duodecies in singulos dies orarent, et sub vespere itidem; toties enim noctu, hora nona ternis vicibus.* Niceph.: *Ut duodecies interdum semper orarent; itidem vero ad vespere; noctu similiter; et item hora nona tertio.*

<sup>b</sup> Legebatur in editione Lugdunensi: *Etiamsi facile fuerit, inverso sensu et nullo.* Vult enim dicere amanti et vere obediendi nihil esse difficile aut onerosum: quia perfecta obedientia (quæ cum charitate conjuncta est) legem nescit, terminis non arctatur; non contenta angustiis professionis, largiori voluntate fertur in latitudinem charitatis, alacrisque animi modum non considerans, in infinitam libertatem extenditur: ait D. Bernardus lib. de Præcept. et Dispens. Vide cap. 68 Regulæ D. Benedicti, cui titulus: *Si fratri impossibilia injungantur.*

<sup>c</sup> A concione seu exhortatione superioris nemini abesse licebat.

<sup>d</sup> Credo legendum: *Majores qui cum fratribus*

PATROL. L.

#### De vestibis monachorum.

CXIII. <sup>h</sup> Si quis de his quæ præcepta sunt amplius habuerit absque concessione majoris, deferentur ad custodem vestium; et intrandi illuc, vel postulandi non habebit potestatem, sed erunt sub præpositi arbitrio, aut qui secundus est ab eo.

<sup>i</sup> *Præcepta Pachomii de collecta fratrum*, quomodo collecta fieri debeat, et fratres sint congregandi ad audiendum verbum Dei, juxta præcepta majorum, et doctrinam sanctarum Scripturarum, ut liberentur de errore animæ conversorum, et glorificent Deum in luce viventium: ut sciant quomodo oporteat in domo Dei conversari sine ruina et scandalo, et non inebrientur aliqua passione; sed stent in mensura veritatis et traditionibus Apostolorum et Prophetarum, et solemnitatum ordinem teneant, imitantes conversationem eorum in domo Dei, et jejunia atque orationes ex more complentes. Qui enim bene ministrant sequuntur regulam Scripturarum.

CXIV. Hoc est ergo ministerium, quod ministri Ecclesiæ implere debebunt. Congregent fratres orationis tempore, et omnia faciant quæ rite complenda sunt, ut nullam occasionem detractiōi tribuant, nec sinant quempiam ambulare contra ritum disciplinæ. Si codicem postulaverint, deferant eis.

CXV. Si quis deforis venerit vesperi, et non occurrerit accipere opus quod postera die facturum est, mane tribuant; si defecerit opus quod habebat in manibus, <sup>j</sup> referat ad majoris sententiam, et quod ille præceperit faciat.

CXVI. <sup>k</sup> Qui minister est, habeat studium ne quid operis pereat in monasterio, in nulla omnino arte quæ exercetur a fratribus. Quod si quid perierit, et negligentia fuerit dissipatum, increpabitur a patre minister operum singulorum, et ipse increpabit alterum, qui opus perdiderit, dumtaxat <sup>l</sup> juxta voluntatem et sententiam principis, absque qua nullus increpandi fratrem habebit potestatem.

*mittuntur foras, etc.* Solebant enim seniores cum junioribus mitti, ad eorum curam et custodiam.

<sup>e</sup> Magna prudentia et moderatione uti sunt Patres in judicandis et dirimendis fratrum causis et controversiis. Vide supra art. 94.

<sup>f</sup> De quibus supra art. 92. *Viginti viri sancti et timentes Deum, sive decem, etc.* Erant igitur in monasteriis, præter abbatem et præpositos, alii ex senioribus ad hoc delecti et deputati, ut controversias et contentiones inter ipsos ortas vel emergentes dirimerent, et in ipsos etiam superiores animadverterent: unde et judices et diffinitores, alias discreti et consultores dicti. De quorum auctoritate et officio vide Constitutiones congregationis Cassinensis part. 1, c. 12.

<sup>g</sup> *Supple, conquerendi, aut murmurandi.*

<sup>h</sup> Vide supra art. 45. Cassianus in lib. iv cap. 45, Regula D. Benedicti cap. 33 et 55.

<sup>i</sup> Alia distinctio et constitutio de convocandis et colligendis fratribus sive ad concionem, sive ad publicam synaxim, quæ major collecta dicebatur, de qua infra.

<sup>j</sup> Id est, consulat superiorem.

<sup>k</sup> Officium ministri seu præfecti operum, etc.

<sup>l</sup> Id est, Patris monasterii sive abbatis.



CXVII. Si vestimentum ad solem expansum tertius invenerit dies, \* dominus vestimenti pro eo increpabitur, et agat pœnitentiam publice in collecta, <sup>b</sup> stabitque in vescendi loco.

CXVIII. Si inventus fuerit unus e fratribus aliquid per contentionem agens, vel contradicens majoris imperio, increpabitur, juxta mensuram peccati sui.

CXIX. Qui mentitur, aut odio aliquem habere fuerit deprehensus, aut inobediens, aut plus joco quam honestum est, deditus, aut otiosus, aut dure respondens, aut consuetudinem habens fratribus detrahendi, vel his qui foris sunt, et omnino quidquid contra regulam Scripturarum est et monasterii disciplinam, audiet Pater monasterii et vindicabit juxta mensuram opusque peccati.

CXX. <sup>c</sup> Pellicula, caligæ, et cingulum, et si quid aliud perierit, qui perdiderit increpabitur.

CXXI. Si quis tulerit rem non suam, ponetur super humeros ejus, et agat pœnitentiam publice in collecta, stabitque in vescendi loco. Si autem in furto fuerit deprehensus, <sup>d</sup> triginta novem verberabunt eum, et foris dabunt ei edere panem, et aquam tantum, et <sup>e</sup> opertum cilicio et cinere per singula orationum tempora cogent eum agere pœnitentiam. <sup>f</sup> Eademque lex in fugitivis observabitur.

CXXII. Præpositus domus increpationi subjacebit, si ante tres dies non nuntiaverit Patri, sive in via, sive in agro, sive in monasterio quid perierit, et agat pœnitentiam juxta ordinem constitutum.

CXXIII. Quod si homo fuerit, et ante tres horas non nuntiaverit Patri, reus erit perditionis ejus, nisi eum iterum invenerit.

CXXIV. Hæc est ultio in eum qui fratrem de domo perdiderit: tribus diebus agat publicam pœni-

tentiam. Quod si eadem hora, qua fugerit, non nuntiaverit Patri, reus erit peccati.

CXXV. Si in domo sua præpositus viderit delinquentem, et non nuntiaverit Patri monasterii, ipse increpationis ordini subiacebit.

CXXVI. <sup>g</sup> Per domos singulas vesperi sex orationes psalmosque complebant, <sup>h</sup> juxta ordinem majoris collectæ quæ a cunctis fratribus in commune celebratur. Per singulas hebdomadas <sup>i</sup> dispositiones a præpositis complebuntur. Nullus in domo quidpiam faciet, nisi quod præpositus jusserit.

CXXVII. Si omnes fratres qui in domo sunt viderint præpositum nimium negligentem, mensuram monasterii excedentem, referent ad Patrem, et ab eo increpabitur. Ipse autem præpositus nihil faciat præter id quod Pater jusserit, maxime in re nova. <sup>j</sup> Nam quæ ex more descendit, observabit regulas monasterii.

CXXVIII. <sup>k</sup> Præpositus non inebrietur, <sup>l</sup> nec sedeat in humilioribus locis, juxta vasa monasterii, <sup>m</sup> ne rumpat vincula quæ Deus in cælo condidit, ut observentur in terris, <sup>n</sup> ne lugeat in die festo Domini salvatoris. Dominetur carni suæ, juxta mensuram sanctorum. <sup>o</sup> Non inveniatur in excelsis cubilibus imitatus morem gentilium. Non sit duplicis fidei. Non sequatur cogitationes cordis sui, et sublimioribus non resistat timenti animo potestatibus, non fremat, nec irruat super humiliores, non transferat terminos, non sit fraudulentus; nec in cogitationibus verset dolos, non negligat peccatum anime suæ extirpare, nec vincatur carnis luxuria, non ambulet negligenter, non cito loquatur verbum otiosum, non ponat scandalum ante pedes cæci, non doceat voluptates animam suam, non solvatur

#### ALARDI GAZÆI COMMENTARIUS.

\* Dominus improprie ponitur pro usuario, cum nullius rei dominium habeat monachus, ne vestis quidem qua induitur, nec panis quo vescitur, sed simplicem usum duntaxat, a voluntate superioris dependentem.

<sup>b</sup> Species correctionis et mortificationis monasticæ, stare in refectorio tempore refectionis, de qua vide insigne exemplum apud Climacum gradu quarto.

<sup>c</sup> Quæ melotes apud ipsos dicebatur, de qua Cassianus lib. I cap. 8.

<sup>d</sup> Superius id explicatum art. 72. Posset tamen etiam hoc modo exponi: verberabunt, id est, præsententes erunt dum verberabitur. Nam in singulis domibus erant ad summum quadraginta monachi, ut dictum est in præfatione D. Hieronymi, quorum dum unus verberaretur, reliqui restabant triginta novem.

<sup>e</sup> Cilicii antiquus usus inter monachos, de quo vide annotationem ad lib. I cap. 3.

<sup>f</sup> Fugitivi et apostatæ etiam verberibus et flagris puniti. Vide Joannem Climacum gradu quinto.

<sup>g</sup> Ita etiam superius art. 83. Sed fortasse quia sex orationibus sex itidem psalmi jungebantur, ideo Palladius et alii duodecim orationes illis præscriptas dixerunt.

<sup>h</sup> Major collecta dicebatur, cum conveniebant omnes fratres ejusdem monasterii sive congregationis in ecclesiam, diebus nempe sabbatinis et dominicis, aliisque solemnitatibus ad divina mysteria celebranda et percipienda, et verbum Dei audiendum.

Minores autem collectæ et privati conventus quotidie fiebant in singulis domibus statis horis et temporibus, ubi solummodo triginta aut quadraginta conveniebant, ut ex dictis liquet. Vide artic. 102.

<sup>i</sup> Id est, ordinationes sive constitutiones et leges cujusque domus.

<sup>j</sup> Hoc est, in rebus consuetis et usitatis observabit regulas monasterii. Opponitur enim res nova consuetis, quæ ex more descendunt et frequenter accidunt.

<sup>k</sup> Mores et conditiones præpositi, sive prioris, late hic describuntur.

<sup>l</sup> Quid hoc, non satis expedit; nisi forte ne versetur in cellis penuriis, ubi vinum, saltem pro infirmis et senibus servabatur. De quo supra art. 22.

<sup>m</sup> Puto, vota fratrum, aut statuta majorum.

<sup>n</sup> Id est, ne jejuset die dominico, ut recte Ciaccius annotavit. Quod utrum liceat necne, vide explicatum apud Cassianum lib. II cap. ult., collat. 21 cap. 19 et sequent.

<sup>o</sup> Respicit, ut mihi quidem videtur, id quod superius dixit art. 43, non dormiat quis extra reclinam sellulam, id est, humilem lectulum, vel potius sedile recurvum, ut ibi dictum est. Vult ergo præpositos, sive priores, perinde ac cæteros monachos non aliis uti cubilibus quam suis psiathiis, sive sellulis; ne morem, inquit, imitetur gentilium, sive secularium hominum, qui quo honoratioribus thoris et cubilibus uti solent.



stultorum riu ac joco, non rapiatur cor ejus ab his qui inepta loquuntur, aut dulcia; non vincatur muneribus, non parvulorum sermone ducatur; non affligatur in tribulatione, non timeat mortem, sed Deum, ne prævaricator sit propter eminentem timorem; <sup>a</sup> ne relinquat verum lumen propter modicos cibos, non vacillet nec fluctuet in operibus suis, non mutet sententiam veram, sed firmus sit solidique decreti iusta cuncta considerans, judicans in veritate absque appetitu gloriæ, manifestus Deo et hominibus, et elongans se a fraude, non ignoret conversationem sanctorum, nec ad eorum scientiam cæcus existat, nulli noceat per superbiam; ne sequatur concupiscentias oculorum suorum, non eum superent incentiva vitiorum, veritatem numquam præereat, oderit injustitiam, et personam numquam judicet pro muneribus, nec condemnet innocentem per superbiam, non rideat inter pueros, non deserat veritatem timore superatus, non comedat panem de fraudulentia, non desideret alienam terram, non opprimat animam propter aliorum spolia, non despiciat eos qui indigent misericordia, nec falsum testimonium dicat seductus lucro; nec mentatur propter superbiam, nec contendat contra ve-

ritatem ob tumorem animi, nec deserat justitiam propter lassitudinem, nec perdat animam suam propter verecundiam, nec respiciat dapes lautioris mensæ, nec pulchra vestimenta desideret, ne senes negligat, semper dijudicet cogitationes suas, ne inebrietur vino, sed humilitatem junctum habeat veritati, quando judicat. Sequatur præcepta majorum, et legem Dei, quæ toto orbe prædicata est. Si quidquam de his præterierit, reddetur ei mensura juxta quam mensus est, et recipiet secundum opera sua, quia inæchatus est in ligno et lapide, et propter fulgorem auri et splendorem, animi dimisit judicium, et desideris temporalibus lucri, laqueis se induit iniquorum, et <sup>b</sup> eveniet ei contritio Heli, et filiorum ejus (I Reg. iv), maledictio Dei quam <sup>B</sup> imprecatus est Cain (Gen. iv); perditio qua peccatores terræ hiatus absorbit (Num. xvi); et interitus Chananeorum, et <sup>c</sup> contritio hydræ ad fontem (Eccl. xii), et arenarum comminutio in littoribus, quæ salsis fluctibus verberantur; et <sup>d</sup> confractio virgæ gloriosæ (Jerem. xlviii), <sup>e</sup> ut sit quasi cæcus palpians manu parietem (Isaïæ lix). Hæc omnia evenient ei, quia non servavit veritatem in judicio et inique egit in omnibus quæ ei credita sunt.

#### ALARDI GAZÆI COMMENTARIUS.

<sup>a</sup> Alia lectio habet: *Nec relinquat verum flumen propter modicos rivos.* Ubi allusio est ad illud Jeremie ii: *Me dereliquerunt fontem aquæ vivæ, et foderunt sibi cisternas, cisternas dissipatas, quæ continere non valent aquas.*

<sup>b</sup> Qui cum audisset captam esse Dei arcam a Philistinis, cecidit de sella retro sum, et fractis cervicibus expiravit. Nolent hic superiores quantis poenis se reddant obnoxios, si suo muneri deint, vel in eo negligenter se gerant, præsertim in corrigendis subditorum excessibus. Qua de re extat insignis textus et huic loco accommodatus in jure canonico in hæc verba (Tit. de Simonia): *Licet Heli summus sacerdos in se bonus existeret, quia tamen filiorum excessus effraciter non corripuit, et in se pariter et in ipsis animadversionis divinæ vindictam excepit; dum filii*

*ejus in bello peremptis, ipse de sella corruens fractis cervicibus expiravit. Ad corrigendos igitur subditorum excessus tanto diligentius debet prælatus assurgere, quanto damabilius eorum offensas deereret incorrectas.* Hæc ibi.

<sup>c</sup> Ecclesiastæ xii: *Antequam conteratur hydria super fontem.* Ubi D. Hieronymus: *Contritio, inquit, hydræ super fontem, et rotæ confractio super cisternam, mortis arigmata sunt, etc.*

<sup>d</sup> Respicit illud Jeremiæ xlviii: *Quemodo confracta est virga fortis, baculus gloriosus?*

<sup>e</sup> Deuteron. xxviii: *Et palpes in meridie sicut palpare solet cæcus in tenebris.* Et Isaïæ lix: *Palpavimus, sicut cæci parietem, et quasi absque oculis utrectavimus, imegimus meridie, quasi in tenebris; in caliginosis, quasi mortui.*

#### EJUSDEM S. PACHOMII REGULA PROUT A PALLADIO RELATA EST.

Tabennensis est locus, qui sic vocatur in Thebaide, in quo fuit Pachomius monachus, vir ex iis qui vixerunt in summo et perfecto vitæ instituto, adeo ut is fuerit dignatus et futurorum prædictionibus et angelicis visionibus. Is fuit valde amicus pauperum, et magna charitate in homines. Eo ergo sedente in hac spelunca visus est ei angelus Domini, qui ei dicit: Pachomi, ea quidem quæ ad te pertinent recte et ex virtute consisti: supervacaneæ ergo sedes in hoc loco. Age ergo, egredere et congrega omnes juniores monachis, et habita cum eis, et sequens formam quam dabo tibi, eis leges constitue. Et quæ dedit tabulam æneam, in qua hæc scripta fuerant.

I. Concede unicuique, ut comedat et bibat pro

viribus comedentium: eis quoque manda opera, quæ proportionem convenient, ac respondeant; et neque remanere prohibe, nec comedere. Sic quidem fortibus fortia manda opera: imbecilla autem et levia iis, qui se magis exercent, et sunt imbecilliores.

II. Fac autem diversas cellas in eadem aula: et tres in cella maneant.

III. Ab omnibus autem cibus in una domo capiantur.

IV. Dormiant autem non recubantes, sed constructis sibi <sup>a</sup> sedibus paulo superioribus et illis impositis stragulis, dormiant sedentes.

V. Noctu autem gestent <sup>b</sup> lebitones lineas, succincti.

<sup>a</sup> Id est, psiathiis.

<sup>b</sup> Id est, tunicas lineas.



VI. Habeat unusquisque \* pellem ovillam albam A laboratam. Absque ea neque comedant, neque dormiant.

VII. Inredientes autem ad Christi communionem, sabbato et dominica zonas solvant, et pellem ovillam deponant, et cum sola cuculla ingrediantur.

VIII. Fecit autem eis cucullas molles tamquam pueris : in quibus etiam jussit imponi figuram crucis purpureæ.

IX. <sup>b</sup> Jussit autem esse viginti quatuor ordines fratrum, ex numero viginti quatuor litterarum : præcepitque unicuique ordini imponere nomen elementum Græcum ab α, β et quæ deinceps sequuntur usque ad ω, ut dum interrogaret archimandrita de aliquo in tanta multitudine, sciscitetur quomodo se habet ordo A? aut quomodo se habet ordo B? Rursus saluta R, sequendo quoddam proprium nomen litterarum. Et simplicioribus et sincerioribus imponens nomen I, difficilioribus autem Ξ et sic convenienter institutis eorum, et vitæ, et moribus, unicuique ordini elementum litteræ accommodans, solis spiritualibus intelligentibus ea quæ significantur.

\* Id est, melotem.

<sup>b</sup> Hunc locum melius expressit Nicephorus lib. ix c. 14 his verbis : *Præterea ut ad numerum Græcarum litterarum cætum monachorum cohabitantium in viginti quatuor ordines divideret, et cuique ordini congruentem, sicuti animus, vita et mores cujusque ferrent, imponeret appellationem, scilicet ut simpliciores i et o, qui vero pravi e sent et minus recti ζ et ξ vocarentur; atque aliter alii juxta cujusque institutum et*

X. Si venerit hospes alterius monasterii, quod habet aliam formam ( id est vivendi rationem ), cum eis nec comedat, nec bibat, nec ingreditur monasterium, nisi fuerit inventus in via.

XI. Porro eum qui semel ingreditur, nec potest cum eis ad triennium sustinere \* certamen, non admittent. Sed cum opera fecerit difficiliora, sic prodeat in stadium post 4 triennium.

XII. Comedentes autem velent capita cucullis, ne frater fratrem videat mandentem.

XIII. Comedenti \* non licet loqui, nec extra quadram et mensam usquam alio oculos convertere.

XIV. Constituit autem ut per totum diem facerent duodecim orationes : et in nocturnis vigiliis duodecim, et in matutino duodecim : et hora nona tres.

<sup>f</sup> Quando autem videretur comedendum esse multitudini, constituit ut unusquisque ordo in unaquaque oratione psalmum prius caneret. Hactenus Regula vel pars Regulæ S. Pachomii ex Palladio deprompta, quam aliis atque aliis verbis Sozomenus et Nicephorus expresserunt.

*litteræ ipsius habitum, aptum accommodando cognomen.*

\* Id est, religionis austeritatem.

<sup>d</sup> Probatio triennalis ante professionem.

\* Addit Nicephorus, *Signis autem quibusdam, manuum impulsione, vel nutibus rem necessariam innuendo peterent.*

<sup>f</sup> Cum cibus esset capiendus, ut orationem quamque psalmus præcederet. Sozomenus lib. iii, cap. 13; Nicephorus lib. iv, cap. 14.

## APPENDIX SECUNDA.

### FLORES JOANNIS CASSIANI

SIVE

ILLUSTRIORES QUEDAM AC BREVIORES SENTENTIÆ EX EJUS OPERIBUS DECERPTÆ.

(Lib. i Instit. — Cap. 3.) Quidquid inter famulos C Dei præsumitur ab uno, vel paucis, nec catholice per omne corpus fraternitatis tenetur, aut superfluum, aut elatum est : et propter hoc noxium judicandum, magisque speciem vanitatis, quam virtutis ostentans.

(Ibid.) Generali omnium constitutioni paucorum non debet præponi nec præjudicare sententia.

(Lib. ii Instit. — Cap. 3.) Bene regere, vel regi, sapientis esse pronuntiant, summumque donum et gratiam sancti Spiritus esse definiunt. Nam neque salutaria præcepta quempiam posse obtemperantibus præstitueri, nisi qui prius universis virtutum disciplinis fuerit instructus : nec obedire quempiam seniori posse, nisi eum qui consummatus timore Dei, et humilitatis fuerit virtute perfectus.

(Lib. iii Instit. — Cap. 8.) Nullatenus potest fragillis caro ita totius noctis quiete fraudari, ut per consequentem diem sine dormitatione, mentis animique torpore inconcussam possit servare vigiliam.

(Cap. 11.) Semper æquanimis quolibet fatigatio sustinetur, et sine fastidio labor impenditur; si interjecta ei vicissitudo quædam, vel operis immutatio quæcumque succedat.

(Lib. iv Instit. — Cap. 8.) Multis experimentis edocti tradunt monachum, et maxime juniores, ne voluptatem quidem concupiscentiæ suæ posse refrænare, nisi prius mortificare per obedientiam suas didicerit voluntates.

(Cap. 9.) Aliter subtilissimus diabolus illudere, vel dejicere juniorem non poterit, nisi cum eum sive per arrogantiam, sive per verecundiam, ad cogitationum suarum velamen illexerit. Generale namque et evidens indicium diabolicæ cogitationis esse pronuntiant, si eam seniori confunditur aperire.

(Cap. 12.) Obedientiæ virtutem non solum operi manuum, seu lectioni, vel silentio, et quieti cellæ, verum etiam cunctis virtutibus ita præferunt, ut huic judicent omnia postponenda; et universa dispendia subire contenti sint, dummodo hoc bonum in nullo violare videantur.

(Cap. 20.) Non solum seipsos non esse suos, sed etiam omnia, quæ sua sunt, credunt Domino consecrata. Propter quod si quid fuerit monasterio semel illatum, ut sacrosanctum, cum omni decernant reverentiâ debere tractari.

(Cap. 33.) Sicut immensa gloria fidehiter servien-



tibus, ac secundum Regulæ institutionem ei adhaerentibus promittitur in futurum : ita poenæ gravissimæ præparantur his qui tepide eam negligentemque fuerint executi ; et secundum hoc, quod professi sunt, vel quod ab hominibus esse creduntur fructus etiam congruos sanctitatis eidem exhibere neglexerint.

(Cap. 34.) Abrenuntiatio nihil est aliud quam crucis ac mortificationis indicium, i. e. representatio.

(Cap. 37.) Bene cœpisse nihil proderit, nec pleno fervore renuntiationis arripuisse principia ; si hæc congruus etiam finis similiter non commendaverit atque concluderit.

(Cap. 41.) Tria hæc in congregatione necessario custodienda sunt tibi, ut scilicet secundum Psalmistæ sententiam velut surdus, et mutus, et cæcus incedas : ut universi quæcumque videris minus ædificationis habentia, velut cæcus non videas, etc. Verum et quartum hoc præ omnibus excole, ut stultum te secundum Apostoli sententiam, facias in hoc mundo, ut sis sapiens, nihil scilicet discernens, nihil dijudicans ex his quæ tibi fuerint imperata, etc.

(Lib. v Instit. — Cap. 4.) Monachus spiritualia mella condere cupiens, velut apes prudentissima, debet unamquamque virtutem ab his qui eam familiariter possident deflorare, et in sui pectoris vase recondere : nec quid minus aliquis habeat discurrere ; sed hoc tantum, quod virtutis habeat, contemplari, studioseque decerpere.

(Cap. 6.) Quibuslibet escis refectus venter seminaria luxuriæ parit, nec prævalet mens discretionis gubernacula moderari, ciborum pondere prælocata.

Verissima est Patrum, probatissimaque sententia, jejuniorum et continentie modum in mensura paritatis tantum, et castigazione consistere : et hunc esse perfectæ virtutis in commune omnibus finem, ut ab escis, quas sumere sustentandi corporis necessitate compelluntur, adhuc in appetitu earum positi temperemus.

(Cap. 11.) Numquam poterit ardentis concupiscentiæ stimulos inhibere, quisquis desideria gulae refrænare nequiverit.

(Cap. 21.) Quidquid extra consuetudinem præsumitur, usumque communem, ut vanæ gloriæ atque ostentationis morbo pollutum antiquissima Patrum traditio notat.

(Cap. 41.) Ita debet monachus jejuniis operam dare, quasi centum annis in corpore commoraturus : ita motus animi refrænare, et injuriarum oblivisci, tristitiasque respuere, doloresque et detrimenta contemnere, tamquam quotidie moriturus.

(Lib. vi Instit. — Cap. 6.) Nulla virtute tam proprie carnales homines spiritualibus angelis imitatione conversationis æquantur, quam merito et gratia castitatis, per quam adhuc in terra degentes, habent, secundum Apostolum, municipatum in cœlis : quod deposita corruptela carnali habituros promittitur in futurum, hic jam in carne fragili possidentes.

(Cap. 23.) Sicut puritas et custodia diei nocturnam præparant castitatem : ita nocturnæ vigiliæ cordi pariter et observationi diurnæ statum solidissimum roburque promittunt.

(Lib. vi Instit. — Cap. 19.) Fertur sententia sancti Basilii prolata ad quemdam syncreticum, id est, senatorem, qui retenta sibi parte bonorum sanctorum monachatum professus fuerat : Et senatorem, inquit, amisisti, et monachum non fecisti.

(Cap. 21.) Non solum pecuniarum est cavenda possessio, verum etiam voluntas ipsa ab animo penitus extrudenda. Non enim tam affectus philargyriæ (i. e. proprietatis) vitandus est, quam affectus ipsius radicatus amputandus : nihil enim proderit pecunias non habere, si voluntas in nobis fuerit possidendi.

(Cap. 27.) Nemo est qui non habeat quod dimittat. Universis renuntiavit facultatibus mundi, quisquis affectum possidendi eas radicatus amputavit.

A (Inst. l. vii. — Cap. 16.) Summa emendationis ac tranquillitatis nostræ non est in alterius arbitrio collocanda, quod nequaquam nostræ subjacet potestati : sed in nostra potius ditione consistit.

(Cap. 17.) Solitudo sicut novit emendatis moribus contemplationem purissimam reserare, et intuitu sincerissimo spiritualium sacramentorum scientiam revelare : ita eorum qui minus emendati sunt, vitia non solum servare, verum etiam exaggerare consuevit.

(Ibid.) Magis enim exercitio usuque humano cessante offerantur in nobis vitia, si non fuerint antea purgata.

(Inst. l. ix. — Cap. 8.) Procurandum itaque nobis est, ut nostra potius emendare vitia et mores corrigere festinemus. Quæ procul dubio si fuerint emendata, non dicam cum hominibus, sed etiam cum feris et belluis facillime nobis conveniet.

(Inst. l. x. — Cap. 6.) Mens otiosi nihil aliud cogitare novit, quam de escis ac ventre.

B (Cap. 23.) Hæc est apud Ægyptum ab antiquis Patribus sancita sententia, operantem monachum demone uno pulsari : otiosum vero innumeris spiritibus devastari.

(Cap. 24.) Experimento probatum est Acediæ impugnationem non declinando fugiendam, sed resistendo superandam.

(Inst. l. xi. — Cap. 7.) Hæc est subtilis inimici versutia, ut militem Christi propriis faciat telis occumbere, quem hostilibus armis superare non potuit.

(Cap. 11.) Ita videtis quam perniciosi rerum secundarum soleant esse successus : ita ut qui non potuerunt adversis frangi ; prosperis, si incauti fuerint, acrius elidantur : et qui in conflictu atque acie mortis evaserunt discrimina, tropæis propriis triumphisque succumbant.

(Inst. l. xii. — Cap. 3.) Nullum est vitium aliud, quod ita omnes virtutes exhauriat, cunctaque justitia et sanctitate hominem spoliaret ac denudet, ut superbiæ malum.

C (Cap. 27.) Quisquis superbiæ morbo fuerit occupatus, non solum nullam subjectionis aut obedientiæ regulam custodire dignatur, verum ne ipsam quidem auribus suis doctrinam perfectionis admittit.

(Cap. 52.) Nullo modo poterit in anima nostra virtutum structura consurgere, nisi prius jacta fuerint veræ humilitatis in nostro corde fundamenta ; quæ firmissime collocata perfectionis et charitatis culmen valeant sustinere.

(Collat. 1. — Cap. 4.) Finis quidem nostræ professionis regnum Dei, seu regnum cœlorum est : destinatio vero, id est scopus, puritas cordis, sine qua ad illum finem impossibile est quempiam pervenire.

(Cap. 7.) Jejunia, vigiliæ, meditatio Scripturarum, nuditas ac privatio omnium facultatum, non perfectio, sed perfectionis instrumenta sunt : quia non in ipsis consistit disciplinæ istius finis, sed per illa pervenitur ad finem. Incassum igitur hæc exerceantur, si quis velut summo bono contentus intentionem sui cordis hucusque defixerit, et non ad capiendum finem, propter quem hæc appetenda sunt, omni conatu semet extenderit.

D (Cap. 8.) Hic nobis principalis debet esse conatus, hæc immobilis destinatio cordis jugiter affectanda, ut divinis rebus ac Deo mens semper inhæreat : quidquid ab hac diversum est, quamvis magnum ; secundum tamen, aut etiam infimum, seu certe noxium judicandum est.

(Cap. 17.) Mentem quidem non interpellari cogitationibus impossibile est ; suscipere vero eas, sive respuere, omni studenti possibile est.

(Collat. 2. — Cap. 4.) Omnium virtutum generatrix, custos, moderatrixque discretio est.

(Cap. 10.) Vera discretio non nisi vera humilitate conquiritur. Cujus humilitatis hæc erit prima probatio, si universa non solum quæ agenda sunt, sed etiam quæ cogitantur, seniorum reserventur examini.



ut nihil quis iudicio suo credens, illorum per omnia definitionibus acquiescat, et quid bonum, vel malum debeat iudicare, eorum traditione cognoscat.

Nullatenus decipi poterit quisque, si non suo iudicio, sed majorum vivat exemplo: nec valebit ignorantia ejus callidis hostis illudere, qui universas cogitationes in corde nascentes perniciose verecundia necit obtegere; sed eas maturo examine seniorum vel reprobat, vel admittit. Illico namque ut patefacta fuerit maligna cogitatio, marcescit; et antequam discretionis iudicium proferatur, serpens terribissimus velut e tenebroso ac subterraneo specu confessionis virtute protractus ad lucem, et traductus quodammodo, ac dehonestatus abscedit. Tandem enim suggestiones ejus noxiæ domitantur in nobis, quamdiu celantur in corde.

(Cap. 11.) Nulla alio vitio tam precipitem diabolus monachum pertrahit, ac perducit ad mortem; quam cum enim, neglectis consiliis seniorum, suo iudicio persuaserit, definitionique confidere.

(Ibid.) Et ideo semper seniorum summa cautione sunt sectanda vestigia, atque ad eos cuncta, quæ in nostris cordibus oriuntur, sublato confusionis velamine, deferenda.

(Cap. 12.) Nullus inimici sufferre posset insidias, seu carnales æstus naturali quodammodo igne flagrantem, vel extinguere, vel reprimere; nisi gratia Dei vel juvaret fragilitatem nostram, vel protegeret ac muniret.

(Cap. 22.) Generalis hic continentie (id est, abstinentiæ) modus est, ut secundum capacitatem virium, vel ætatis, tantum sibi et cibi unusquisque concedat, quantum sustentatio carnis, non quantum desiderium saturitatis exposcit.

(Collat. 3. — Cap. 3.) Nihil proderit nos sublimiter inchoasse si similem principiis non exhibuerimus et finem.

(Cap. 10.) Quemadmodum inspiratione Domini provocati ad viam salutis accurrimus, ita etiam magisterio ipsius et illuminatione deducti, ad perfectionem summæ beatitudinis perveniamus.

(Cap. 11.) Nullus justorum sibi sufficit ad obtinendam justitiam, nisi per momenta singula titubanti eidem, et corruenti fulcimenta manus suæ suppo-uerit divina clementia, ne prostratus intereat penitus, cum fuerit liberi arbitrii infirmitate collapsus.

(Collat. 4. — Cap. 20.) Unum atque idem inobedientiæ genus est, vel propter operationis instantiam, vel propter otii desiderium senioris violare mandatum: tamque dispendium est pro somno, quam pro vigilia monasterii statuta convellere.

(Collat. 5. — Cap. 14.) Unusquisque vitium, quo maxime infestatur, explorans, adversus illud arripit principale certamen, omnem curam mentis ac sollicitudinem erga illius impugnationem observationemque defigens, adversus illud quotidiana jejuniorum dirigens spicula, contra illud cunctis momentis cordis suspiria, erebraque gemituum tela contorquens, adversus illud vigiliarum labores ac meditationes sui cordis impendens, indesinenter quoque orationum fletus ad Dominum fundens, et impugnationis suæ extinctionem ab illo specialiter ac jugiter poscens.

(Cap. 26.) Turpior erit et immundior anima, ac supplicio graviore plectetur, quæ se renuntiassæ huic sæculo gloriatur, dominantibus sibi vitiis, quam fuerat quondam in sæculo constituta, cum nec disciplinam monachi fuisset professa, nec nomen.

(Ibid.) Perfectionis puritatem nunquam poterit obtinere, quisquis eam de sola continentia, id est, jejuniis corporali speraverit acquirendam; nisi noverit ob id se hanc exercere debere, ut humiliata carne jejuniis, facilius adversus alia vitia possit intrare certamen, non insolescente carne saturitatis ingluvie.

(Collat. 6. — Cap. 10.) Facilius quis elidi potest

A prosperis, quam adversis: hæc enim interdum etiam invitos retinent, atque humiliant compositione suberrima, vel minus peccare faciunt, vel emendant; illa vero in illius mentem ac perniciosos extollentia blandimentis, securos felicitatis suæ proventu ruina majore prosternunt.

(Cap. 16.) Nulla virtus potest immobiliter ab homine possideri; sed ut paria jugiter teneatur, necesse est eam semper illa qua acquisita est sedulitate atque industria, et (quod magis verum est) juvantis gratiæ beneficio custodiri.

(Collat. 9. — Cap. 1.) Omnis nonachi finis, cordisque perfectio, ad jugem atque indurptam orationis perseverantiam tendit, et quantum humanæ fragilitati conceditur, ad immobilem tranquillitatem mentis ac perpetuam nititur puritatem.

B (Cap. 3.) Quidquid ante orationis horam anima nostra conceperit, necesse est ut orantibus nobis per ingestionem recordationis occurrat. Quamobrem quales orantes volumus inveniri, tales nos ante orationis tempus preparare debemus.

(Collat. 10. — Cap. 13.) Tria sunt quæ vagam mentem, stabilem faciunt, vigiliæ, meditatio, oratio; quarum assiduitas et jugis intentio, conferunt animæ stabilem firmitatem.

(Collat. 11. — Cap. 13.) Tria sunt quæ faciunt homines a vitiis temperare, aut metus gehennæ sive præsentium legum, aut spes atque desiderium regni cælorum, aut affectus boni ipsius, amorque virtutum.

(Cap. 10.) Evidens indicium est animæ necdum vitiorum sæcibus eliquatæ, in criminibus alienis non affectu misericordiæ condole e, sed rigidam iudicantis tenere censuram.

(Collat. 12. — Cap. 5.) Si carnales concupiscentias de cordibus nostris desideramus extrudere, spirituales earum locis plantemus protinus voluptates, ut his noster animus semper innexus, et habeat quibus jugiter immoretur, et illecebras præsentium ac temporalium respuat gaudiorum.

C (Cap. 61.) Quantum quis in levitate ac patientia cordis, tantum in corporis puritate proficiet, quantoque longius iracundiæ propulerit passimem, tanto castitatem tenacius obtinebit. Non enim æstus corporis declinabit, nisi qui animi motus ante compresserit.

(Cap. 16.) Unicuique nostrum adversus spiritum fornicationis totis viribus desudanti, victoria singularis est de merito conatus sui remedium non sperare. Quæ fides, licet facilis et plana omnibus videatur, tamen tam difficile ab incipientibus, quam ipsius castitatis perfectio possidetur. Nam cum eis vel particula puritatis arriserit, continuo in conscientie suæ secretis elatione quadam subtiliter iliabente sibi et blandiuntur, credentesque eam se diligentia suæ studio consecutos, necesse est superno illo præsidio deudari, ut tandem illis, quas divina virtus extinxerat, passionibus opprimantur, quamdiu experientia docente cognoscant se viribus atque industria sua puritatis bonum obtinere non posse.

D (Collat. 13. — Cap. 3.) Non solum actuum, verum etiam cogitationum bonarum ex Deo est principium, qui nobis et initia sanctæ voluntatis inspirat; et virtutem atque opportunitatem eorum, quæ recte cupimus, tribuit peragendi.

(Collat. 14. — Cap. 6.) Impossibile est unum eundemque hominem simul universis fulgere virtutibus. Quas si quis voluerit pariter affectare, in id eum incidere necesse est, ut dum omnes sequitur, nullam integre consequatur, magisque ex hac mutatione et varietate dispendium capiat, quam profectum.

(Ibid.) Multis viis ad Deum tenditur: et ideo unusquisque illam, quam semel arripuit, irrevocabili cursu sui intentione conficiat, ut sit in qualibet professione perfectus.

(Cap. 9.) Impossibile est eum, qui proposito acqui-



rendæ laudis humanæ, studio lectionis insistit, donum veræ scientiæ promereri.

(Cap. 10.) Festinandum tibi est, si ad veram Scripturarum scientiam pervenire desideras, ut humilitatem cordis primitus consequaris, quæ te non ad illam quæ inflat, sed eam quæ illuminat, scientiam (1 Cor. viii) charitatis consummatione perducit.

Impossibile namque est immundam mentem donum scientiæ spiritualis adipisci.

(Ibid.) Et ideo omni cautione devota, ne tibi per studium lectionis, non scientiæ lumen, nec illa perpetua, quæ per illuminationem doctrinæ promittitur gloria, sed instrumenta perditionis de arrogantiae vanitate nascentur.

(Cap. 13.) Vacare cunctis cogitationibus mens humana non potest: et ideo quamdiu spiritualibus studiis non fuerit occupata, necesse est eam illis, quæ pridem didicit, implicari.

(Ibid.) Evidens est tepide ac superbiæ mentis indicium, si verborum salutarium medicinam, quamvis studio nimis assiduitatis ingestam, fastidiose, negligenterque suscipiat.

(Cap. 16.) Nullus in quo adhuc carnalium passionum et maxime fornicationis dominatur affectus spiritalem poterit scientiam possidere.

(Cap. 18.) Duabus ex causis in efficacem spirituum rerum constat esse doctrinam. Nam aut ille qui docet in experta commendans vario verborum sono instruere nititur auditorem, aut certe nequam ac vitiiis refertus auditor salutarem spiritualis viri sanctamque doctrinam obdurato corde non recipit.

(Collat. 15. — Cap. 7.) Humilitas est omnium magistra virtutum, celestis ædificii firmissimum fundamentum, Salvatoris nostri donum proprium atque magnificum.

(Cap. 8.) Majus miraculum est de propria carne fontem eradicare luxuriæ quam expellere imundos spiritus de corporibus alienis, et magnificentius signum est virtute patientiæ truculentos motus iracundiæ cohibere quam aeris principibus imperare, plusque est exclusisse edacissimos de corde proprio tristitiæ morbos quam valetudines alterius febresque corporeas expulisse.

(Ibid.) Multis modis præclarior virtus sublimiorque profectus est animæ propriæ curare langiores quam corporis alieni. Quanto enim hæc sublimior carne est, tanto præstantior ejus est salus; quantoque pretiosioris excellentiorisque est substantiæ, tanto gravioris ac perniciosioris est ruinæ.

(Cap. 10.) Major est virtus, ac sublimior gratia, internam libidinem carnis extinguere, quam nequitiis dæmonis extrinsecus irruentes, signo Domini ac virtutis Altissimi potentia subjugare, vel de obsessis corporibus divini nominis invocatione propellere.

(Collat. 16. — Cap. 3.) Hæc est amicitia fida, insolubilisque conjunctio, quæ solæ vitæ paritate fundatur. Dominus enim inhabitare facit unius moris in domo (Psal. lxxvii). Et ideo in his tantum indurpia potest dilectio permanere, in quibus unum propositum ac voluntas unum velle ac nolle consistit.

(Ibid.) Apud Deum morum cohabitatio, non locorum unita fratres habitatio conjungit: nec potest umquam pacis integritas custodiri, ubi voluntatum diversitas invenitur.

(Cap. 6.) Quemadmodum poterit vel tenuem contra fratrem retinere tristitiam, qui se credit quotidie, immo continuo ab hoc sæculo migraturum?

(Cap. 7.) Sicut nihil præponendum est charitati, ita furori, vel iracundiæ nihil est e contrario postponendum. Omnia namque, quamvis utilia ac necessaria videantur, spernenda tamen sunt ut iræ perturbatio deviteatur; et omnia etiam quæ putantur adversa, suscipienda, atque toleranda sunt, ut dilectionis, pacisque tranquillitas illibata servetur: quia nec ira atque odio perniciosius quidquam nec charitate utilius est credendum.

(Cap. 12.) Nullus sibi, quamvis scientia præditus,

A inani timore persuadeat, quod possit collatione alterius non egere: nam etiamsi judicium ejus diabolica non fallat illusio, elationis tamen et superbiæ graviores laqueos non evadet.

(Cap. 98.) Certissima est prudentissimorum virorum illa sententia, veram concordiam et individuum societatem, nisi inter emendatos mores ejusdemque virtutis ac propositi viros stare non posse.

(Coll. 18. — Cap. 10.) Licet a nonnullis soleant indifferenter monasteria pro cœnobiis appellari: tamen hoc interest, quod monasterium nomen est diversorii, nihil amplius quam locum, id est, habitaculum significans monachorum: cœnobium vero etiam professionis ipsius qualitatem disciplinamque designat; et monasterium potest etiam unius monachi habitatio nominari: cœnobium autem appellari non potest, nisi ubi plurimorum habitantium degit unita communitas.

(Cap. 11.) Vera est cordis humilitas retinenda, quæ non de affectata corporis atque verborum, sed de intima mentis humilatione descendit: quæ tunc demum evidentissimis patientiæ suæ fulgebit indicibus, cum quis non ipse de se crimina ab aliis non credenda jactaverit; sed ab aliis sibi arroganter ingesta contempnit, et irrogatas injurias mansueta cordis æquanimirate tolerarit.

(Cap. 13.) Non esset laudabilis, nec admiranda patientia, si nullis inimicorum jaculis impetita tranquillitatis propositum retentaret; sed in eo est præclara atque gloriosa, quod irruentibus in se tentationum procellis immobilis perseverat. Nam in quo vexari, frangique adversitatibus creditor, in eo potius roboratur; et in eo magis acuitur, in quo putatur obtundi.

(Ibid.) A passionibus enim et sustentatione patientiam dici nullus ignorat: ideoque constat patientem pronuntiari neminem posse, nisi eum qui universa quæ sibi fuerint irrogata absque indignatione toleraverit.

C (Ibid.) Non in hoc differt a peccatore vir sanctus, quia non similiter et ipse tentatur, sed quia hic etiam magna impugnatione non vincitur, ille autem etiam parva tentatione superatur.

(Cap. 16.) Nec perversos atque execrabiles quosque sanctorum virorum numero insertos latitare mirerur; quia, dum in hujus sæculi area conculcamur atque conterimur, necesse est etiam paleas igni perpetuo deputandas inter electissima frumenta misceri.

(Cap. 17.) Sciendum sane est invidiæ morbum difficilius ad medelam quam cætera vitia perducere. Nam eum quem semel veneni sui peste corruerit, pene dixerim carere remedio.

(Ibid.) Cunctis ergo vitiis perniciosiorem atque ad purgandum difficiliorem esse constat invidiam, quæ ipsis remediis quibus reliqua extinguuntur accenditur.

(Collat. 19. — Cap. 5.) Melius est devotum in minoribus professionibus, quam indevotum in majoribus professionibus inveniri.

(Cap. 5.) Miserum namque est cujuscunque artis ac studii disciplinam quempiam profiteri, et ad perfectionem ejus minime pervenire.

(Cap. 8.) Finis cœnobitæ est omnes suas mortificare et crucifigere voluntates, ac secundum evangelicæ perfectionis salutare mandatum, nihil de crastino cogitare.

(Ibid.) Eremitæ vero perfectio est exutam mentem a cunctis habere terrenis, eamque quantum humana imbecillitas sinit, unire cum Christo.

(Cap. 15.) In congregationibus initium salutis acquiritur, et sani in solitudine esse non possunt, nisi quos prius cœnobiorm medicina sanavit.

(Cap. 14.) De morborum suorum curatione sollicitis remedium salutare deesse non poterit, et ideo eodem modo, quo uniuscujusque vitii deprehenditur indicio, etiam remedia sunt querenda



(Collat. 20. — Cap. 10.) Ut unumquodque peccatum possit exstingui, causa atque occasio, per quam est admissum, debet primitus amputari.

(Collat. 21. — Cap. 5.) Non tam laudabile est, si ab illicitis, quam si etiam a licitis temperemus, et his propter ejus reverentiam non utamur, qui ea nobis propter infirmitatem nostram utenda permisit.

(Cap. 14.) Quidquid imperative decernitur, mortem irrogat non impletum: quaecumque vero suadentur potius quam jubentur, facta prosunt, infecta non puniunt.

(Cap. 26.) Omni nobis cautione curandum est, ut omnes nostri corporis sensus, matutinis præcipue horis, tamquam sacrosancta Domini holocausta in omnibus illibata atque intacta servemus.

Non est tantum lucrum jejunii, quantum iræ dispendium; nec tantus lectione capitur fructus, quantum contemptu fratris incurritur detrimentum.

Duo hæc credere nos oportet: primo quidem, quod sine Dei permissu nullus omnino tentetur; secundo, quod omnia quæ a Deo nobis inferuntur, sive tristitia ad præsens, vel læta videntur, velut a piissimo patre clementissimoque medico pro nostris utilitatibus irrogentur.

(Collat. 22. — Cap. 1.) Duplices congregat quæstus rerum spiritalium dispensator. Lucrum enim non solum in illius qui audit profectum, verum etiam in sua disputatione consequitur, non minus semetipsum ad desiderium perfectionis accendens, dum instruit auditorem.

(Collat. 2. — Cap. 3.) Una et sola est theoria, id est, contemplatio Dei, cui merito omnia justificatio-

num merita, univèr a virtutum studia postponuntur.

(Cap. 20.) Quanto magis profecerit mens humana, et ad sinceriores contemplationis pervenerit puritatem, tanto se immundiores quasi per speculum suæ puritatis inspiciet: quia necesse est, ut dum animus ad sublimiorem se extendit intuitum, et majora, quam agit, prospiciens concupiscit, illa in quibus est, ut inferiora ac semper viliora despiciat.

(Collat. 24. — Cap. 2.) Parum est renuntiassè monachum semel, id est, in primordio conversionis suæ contempsisse præsentia, nisi eis quotidie renuntiare perpenderit.

(Cap. 8.) Mensuram virium suarum unumquemque nostrum convenit diligentius ante pensare, atque ad ejus modulum arripere quam libuerit disciplinam: quia, quamvis omnes utiles sint, tamen aptæ cunctis cunctæ esse non possunt.

(Cap. 25.) Si comparare volueris suaveolentem virginitatis florem et tenerrimam castimonie puritatem tetrìs ac fetidis libidinum volutabris; quietem securitatemque monachorum, periculis et ærumnis quibus mundi hujus homines implicantur; paupertatis nostræ requiem edacibus divitum tristitiis ac pervigiliis curis, quibus non absque summo vitæ periculo diebus ac noctibus consumuntur; suavissimum jugum Christi onusque levissimum facillime comprobabis.

(Cap. 26.) Monachi soli perpetuæ conjunctionis retinent unitatem, atque indiscrète possident universa, qui omnia sua esse quæ fratrum, omnia fratrum credunt esse quæ sua sunt.

## APPENDIX TERTIA.

### H. CUYCHII ANNOTATIONES

SIVE CENSORIÆ NOTÆ

### AD J. CASSIANI LIBROS.

Gelasius pontifex distinctione 15 cap. *Sancta Romana*, D. Joannis Cassiani opera inter apocrypha numerat. Et B. Prosper Chæremonis abbatis de Gratia et libero hominis Arbitrio disceptationem, quæ collatione tertia decima continetur, ex professo damnat, edito ad ejus confutationem brevi opusculo, quod inscribit, *Contra Collatorem*. Quocirca ne incautus lector istius Chæremonis et aliorum abbatum, quorum sententias in Collationibus refert Cassianus, auctoritate persuasus, in errorem ullum impingeret, censuras istas ad calcem operis ipsius consulto duximus adjiciendas.

— Libro vi Instit. cap. 18

*Diversa sunt dona, et non omnibus una gratia Spiritus sancti tribuitur, sed ad quam unusquisque se studio vel industria sua dignum aptumque præbuerit. Denique cum in omnibus apostolis sanctis virtus integritatis perfecta fuisse credatur, abundantius tamen scientiæ donum exuberavit in Paulo, quia se ad hanc aptum solerti studio atque industria præparavit.*

(Annot. 1.) Pelagianorum sententia fuit, Deum sua munera non mere gratuito, sed secundum hominum merita distribuere. Sed aliud docet catholica et orthodoxa fides. Non enim efficiuntur sapientes, justi ac temperati qui se ad hasce virtutes aptos idoneo que faciunt, sed quos Deus liberali et gratuita suâ bonitate virtutibus istis ornare dignatur. Nam Deus in donis quis liber est, et nemini obstrictus; quamquam non

prorsus sit diffidendum nostrum quoque esse adniti velle et laborare, ut divinæ beneficentiæ ac munerum ipsius capaces efficiamur; dummodo tamen hanc ipsam animi præparationem illi quoque ascribamus, a quo *omne datum optimum et omne donum perfectum descendit* (Jac. 1). At fides et prima bonæ voluntatis motio, a solo Deo, nullo nostro merito datur, id quod apud Joannem indicat Christus illis verbis: *Nemo venit ad me, nisi Pater qui misit me, traxerit eum* (Joan. vi). Quamvis enim ii qui secundum naturæ legem honeste et laudabiliter vivunt, tales sese præsent qui minus sint inepti minusque indigni gratia Dei ac muneribus illius; non tamen aptos, idoneos aut dignos se, divino adjutorio excludo, facere possunt. Verum quia homini per baptismum semel justificato, et quantum in se est ex inhabitante Spiritu facienti, Deus in his quæ sunt et ad permanendum in justitia et ad salutem necessaria numquam deest (Spiritus enim adjuvat infirmitatem nostram, inquit Apostolus (Rom. ii); et ipse Deus apud eundem Apostolum (Hebr. xiii), *Non te deseram neque derelinquam*), ideo recte a Cassiano dictum est, unumquemque nostrum in ea potissimum virtute excellere, in qua se studio ac labore indefesso exercuerit; et scientiæ donum in apostolo Paulo exuberavisse, quia se ad hanc solerti studio atque industria præparavit.

Lib. xii Instit. cap. 14.

*Ut enim dicimus conatus humanos apprehendere per-*



fectionem per seipsos sine adiutorio Dei non posse, A ita pronuntiamus laborantibus tantum ac desudantibus misericordiam Dei gratiamque conferri, et, ut verbis Apostoli loquar, volentibus et currentibus impartiri, etc. Et rursum: Præsto est namque, occasione sibi tantummodo a nobis bonæ voluntatis oblata, ad hæc omnia conferenda.

(Annot. 2.) Videntur etiam hæc verba Pelagianam hæresim redolere, quibus asserit Auctor Deum laborantibus tantum suam gratiam largiri, nostrum vero esse e bonæ voluntatis occasionem Deo offerre, qua provocatus, munera sua in nos effundat. Verum secus resse habet; loquitur enim non de paganis aut infidelibus aut impiis hominibus, sed de his qui adoptione facti sunt filii, et quos Spiritus indubitat; atque ita non excludit in ista præparatione divinum adiutorium, quasi possit homo suapte sponte laborare, et se ad gratiam Dei suscipiendam disponere, sed excitat in his verbis ignaviam nostram, ut nos qui Spiritum Dei accepimus, qui semel illuminati sumus, qui donum cæleste gustavimus, in his quæ sempiternam nostram promovent salutem, ingenium et vires omnes impendamus, id quod unice ab omnibus in Christo et per Spiritum sanctum renatis exposulat divina majestas. Quod vero in hisce verbis nihil divinæ gratiæ derogare voluerit Cassianus, ex quinque subjectis capitibus dilucide videre licet, in quibus suam de gratiæ necessitate sententiam latissime prosequitur, eamque tum ratione, tum divinæ Scripturæ auctoritate corroborat, docens omnia studia nostra, labores, et conatus cassos esse atque irritos, nisi divino adiutorio et prævemamur in bono, et omni momento fulciamur ac sustentemur. Quam sententiam adeo diffuse et clare hic prosequitur, ut persuasum mihi habeam ea quæ in hisce capitibus ex propria scripsit sententia, instar apologetici ejusdam suscipienda esse adversus eos qui illum de divinæ gratiæ adiutorio perperam et contra catholicæ atque orthodoxæ fidei doctrinam sensisse arbitrati sunt; in his siquidem monasticarum Constitutionum duodecim libris, sicut et in libris de Incarnatione Verbi propriam sententiam exponit. In Collationibus autem illorum refert opiniones quas loquens introducit; in quibus si qui subinde errores cum vetera et catholica doctrina pugnantem inveniantur, in collatoribus ipsis, non Cassiano sunt ascribendi.

#### Coll. 1 cap. 17.

*Mentem quidem non interpellari cogitationibus impossibile est, suscipere vero eas sive respuere omni studenti possibile est. Quemadmodum igitur ortus earum non omnino pendet a nobis, ita probatio vel electio consistit in nobis. Nec tamen ex eo quod diximus impossibile esse mentem cogitationibus non adiri, totum vel incursum vel malis capitibus tribuendum est, qui eas nituntur ingerere; alioqui nec liberum in homine maneret arbitrium, nec in nobis staret nostræ correptionis industria.*

(Annot. 3.) Abbates isti quos in Collationibus loquentes introducit Joannes Cassianus, frequenter ita loqui videntur quasi gratiæ Christi una cum Pelagio fuerint iniquiores; sed facile est plerosque illorum ab hoc errore vindicare, si animadvertamus eos non loqui de his qui omni gratia Dei vacui solo liberæ voluntatis arbitrio aguntur, sed de Christianis et his qui in vitæ monasticæ perfectione magnos fecerunt progressus; qui per spiritum adoptionis facti filii, in eo quod semel acceperunt, perseverant, crescent, et progrediuntur. De quibus etiam locutus est Pinofius abbas lib. IV Insit. c. 42, cum ait non debere nos patientiæ virtutem de aliorum probitate ac modesta expectare, id est, ut tunc eam tantummodo possideamus cum a nemine fuerimus irritati, quod ne possit non evenire, nostræ non subjacet potestati, sed potius de propria humilitate et longanimitate, quæ in nostro pendet arbitrio. Non

enim hic exclusit adiutorium gratiæ Dei, sed negat patientiam sola aliorum hominum modestia acquiri posse, nostro autem studio ac labore opus esse ut acquiratur; procul dubio de illis loquens quos divinus Spiritus inhabitans ad culmen perfectionis assequendum omni momento extimulat et invitat. His itaque propter habituales gratias, ut vocant theologi, cum assidue agantur spiritu Dei, quemadmodum diu facile non est assidua exercitatione et malorum tolerantia patientiæ summum apicem attingere, ita quoque impuras et ab immundis spiritibus suggestas, sive e nobis ipsis exortas cogitationes repellere et refutare; quamquam interim dubitandum non sit quin sicut hæc cogitationes partim a malignis spiritibus suggeruntur, partim oriuntur ex nobis, ita quoque earundem refutatio atque rejectio libero nostro arbitrio et gratiæ Dei conjunctim ascribenda sit. Omitto quod in quibusdam mss. codicibus legitur: *Suscipere vero eas sive respuere, omni student per gratiam Dei possibile est*, quod ea lectio non videatur esse genuina, et in perpaucis iisque recentioribus tantum exemplaribus inveniantur.

#### Coll. 1 cap. 19.

*Ex nobis oriuntur cogitationes, cum naturaliter ea quæ gerimus, vel gessimus, vel audivimus, recordamur; de quibus B. David, Cogitavi dies antiquos, inquit, et annos æternos in mente habui, et meditatus sum nocte cum corde meo, et exercitabar, et scopebam spiritum meum.*

(Annot. 4.) Beatus David in psalmo septuagesimo sexto, unde sumptus est hic versus, de illa dierum antiquorum et sempiternorum annorum recordatione loquitur, quæ confert ad veram et christianam poenitentiam; qua peccata commissa consideratione æterni et infernalis supplicii plangimus, et sic nos exercendo expurgamus, et scopamus spiritum nostrum. Ad quem etiam modum S. Ezechias, in Cantico, recogitat omnes suos dies in amaritudine animæ suæ. Porro istius modi recordatio non oritur in nobis ex solis liberi arbitrii viribus, sed a Domino cœlitus percipi debet petra pectoris nostri, ut ex oculis nostris largiter fluant aquæ et fontes lacrymarum, quibus vetera peccata nostra defleamus. Quamquam fieri possit ut peccatores subinde male a se transacti temporis exigant rationem, et annorum æternorum recordentur, de vera animi conversione et vitæ melioris proposito nondum quidquam delinquentes; ejusmodi recordatio ex his quæ naturaliter gessimus vel audivimus, excluso etiam divino adiutorio, in nobis esse potest. Et hæc videtur esse abbas Moyse sententia.

#### Coll. 3 cap. 12.

*Sicut occasiones salutis diversis modis Deum cognoscimus operari, ita nostrum est occasionibus a Divinitate concessis enixius vel remissius famulari. Nam sicut Dei fuit vocantis oblatio, Exi de terra tua, ita Abraham fuit exenitis obedientia, etc.*

(Annot. 5.) In opere justificationis nostræ quædam a solo Deo efficiuntur, quædam vero conjunctim et libero nostro arbitrio et Deo sunt ascribenda. Nam ipse prior spiritum salutis nobis adhuc in ira sua constitutus et immeritis inspirat et, ut bene velimus, efficit; deinde vero, excitata prava nostra voluntate, operatur una nobiscum velle et perficere pro bona voluntate (Philipp. II), ac demum perficit et supremam adjicit manum. Nec aliud vult hoc loco Paphnutius abbas, quemadmodum liquido videre licet ex his quæ tum in hoc capite, tum in sequentibus usque ad finem collationis, ac præsertim cap. 19 et 22 subjiciuntur. Nos enim per hæc quæ protulimus, inquit, non liberum hominis arbitrium volumus submovere, sed huic adiutorium et gratiam Dei per singulos dies ac momenta necessariam comprobare.



## Col. 4 cap. 7.

*Hanc pugnam utili er nostris quoque membris insertam, etiam in Apostolo ita legimus: Caro enim concupiscit adversus spiritum, spiritus autem adversus carnem. Hæc autem invicem adversantur sibi, ut non quæcumque vultis illa faciatis. Habes et hic pugnam invisceratam quodammodo corpori nostro dispensatione Domini procurante. Quidquid enim generaliter et sine alicujus exceptione omnibus inest, quid aliud credi potest nisi ipsi humanæ substantiæ post ruinam primi hominis velut naturaliter attributum? et quod universis congenitum concretumque deprehenditur, quomodo non credendum sit arbitrio Domini non nocentis, sed consulentis insertum?*

(Annot. 6.) Concupiscentiam, quæ membris nostris ab ipsa origine propter culpam primorum hominum insita atque ingenita est, quæ spiritui caro perpetuo reluctatur, ipsi Deo tamquam auctori tribuit abbas Daniel. Quod si de naturali appetitu intelligatur, quæ concupiscimus et appetimus ea omnino quæ naturæ nostræ sunt consentanea, verissimam habet sententiam, quia Deus ut naturæ, ita quoque omnium facultatum et virium naturalium auctor est. Si vero in ipsa concupiscentia spectemus excessum illum et declinationem a rectitudine rationis, quæ spiritui caro perpetuo oblectatur, id non perinde Deo ascribendum est: nisi forsitan hac ratione, quia Deus hominibus post ruinam primorum parentum frenum illud originalis iustitiæ, quo ratio inferiores omnes intra præscriptos a se limites continebat, subtraxit; quo ablato necessario consecutum est ut vires illæ sentiendi, veluti indomiti equi, capistro et repagulis omnibus solutis, quoquoersum ferantur. Sic fere Petrus Lombardus in II Sententiarum distinct. 31, proposita interrogatione utrum concupiscentia sit a Deo an aliunde, respondet quod ea consideratione quæ poena est propter peccatum inflictæ, Deum habeat auctorem; quæ vero consideratione culpa est, diabolus aut hominem reprobum. In his enim qui baptismatis sacramento initiati atque regenerati sunt, ubi ratio amplius non paret concupiscentiæ, sed illi renititur atque obsistit, non est peccatum, dicente Apos. olo ad Rom. vii quod nihil sit damnationis in iis qui sunt in Christo Jesu, qui non secundum carnem, sed secundum spiritum ambulant; relinquuntur tamen in illis concupiscentia in poenam, et ut sit renatis virtutis exercendæ materia. Id quod abbas Daniel hoc loco dispensatione atque arbitrio Domini non nocentis, sed consulentis, factum esse affirmat. Eandem sententiam latissime prosequitur B. Augustinus lib. v in Julianum, cap. 3 et 7.

## Coll. 7 cap. 4.

*A nobis earum qualitas pendet, quia cogitatio bona, inquit, scientibus eam appropinquat, vir autem prudens inveniet eam. Quidquid autem ut inveniri possit nostræ prudentiæ industriæque subjectum est, si non fuerit inventum, nostræ sine dubio desidiæ vel imprudentiæ, non naturæ vitio, imputandum est. Cui sensui Psalmista quoque congruit dicens, Beatus vir cujus est auxilium abs te, ascensiones in corde suo disposuit. Videtis ergo in nostra ditione consistere ut sive ascensus, hoc est, pertinentes ad Deum cogitationes, sive descensus, ad terrena scilicet et carnalia corruentes, in cordibus nostris disponamus, etc.*

(Annot. 7.) De inconstantia humanæ mentis et evagationibus ad quas a theoria spiritualium et divinarum rerum animus noster delabi solet, proposita erat disputatio utrum ex naturæ vitio an vero ipsis hominibus imputari debeant. Cum enim per singula momenta cogitationibus lubricis evagetur animus, si ad Dei timorem sive theoriam sese componat spiritalem, usque adeo ut etiam summo conamine no-

*Astro et tenacissima cordi intentione non posse prohiberi videatur, quin ad alia et externa dilabatur, ideoque quibusdam persuasum erat, non nostro, sed naturæ vitio has animæ pervagationes humano generi insitas esse. Hic quasi ni respondet abbas Serenus, mentem humanam quidem esse semper ac multum mobilem, nec posse unquam otiosam consistere, sicut et Sapientis dicat auctoritas, qui dicit terrenum istud habitaculum aggravare mentem multa cogi autem (Sap. ix); sed nostrum interim esse asserit ut in alterutram partem mens continuo ac continuo exercitio inflectatur, atque ita longo usu assuefacta circa bonum aut malum circumagat inde se volatus (sic enim ille loquitur), et immorandi robur acquirat. Non ergo hanc nostri animi evagationem vel Deo creatori, vel naturæ humanæ debemus ascribere. Vera est enim Scripturæ sententia, Quia Dominus fecit hominem rectum, ipsi autem quasi sunt cogitationes multas (Eccle vii). Quod ergo subjicit abbas Serenus, a nobis pendere cogitationum nostrarum qualitatem, non sic est accipiendum quasi in solis liberi arbitrii viribus positum sit, ut spiritalibus tantummodo studiis animus noster incumbat; sed negare vult illam animi nostri mobilitatem et evagationem Deo aut naturæ imputandam esse, cum in nostra potestate sit accedente divinæ gratiæ auxilio longa assuefactione animum ad honesta tantum, sancta castaque studia et cogitationes inclinare. Atque hæc est hujus capituli quarti aperta et dilucida sententia. Cujusmodi locutiones apud D. Chrysostomum, Nazianzenum et alios veteres, immo et apud ipsum Augustinum strenuum divinæ gratiæ assertorem passim inveniuntur. Nam hic, sermone 36 in sermonibus de Diversis ita loquitur: Multo majus est quod timere debes (loquitur de suppliciis gehennæ et mortis æternæ) et in potestate habes ne veniat tibi quod times; et majus est, et longe majus, incomparabiliter majus quod timere debes, et in potestate habes ne veniat tibi; etenim si bene vixeris, si male vixeris, moriturus es. Non effugies ut non moriaris seu vivendo bene seu vivendo male. At vero si elegeris hic bene vivere, in æternas pœnas non mitteris.*

## Col. 7 cap. 8.

*Sicut in dæmonibus est instigationis copia, ita et in nobis virtus respuendi, sive acquiescendi libertas est attributa.*

(Annot. 8.) Consentaneum est hoc iis quæ proxime antegressa notatione diximus: nempe istam animi nostri lubricitatem volubilitatemque, quæ sæpenumero a sancta theoria ad externa minimeque ad rem pertinentia evagatur, non esse dæmonibus ascribendam, sicut volebat abbas Germanus; sed nostræ potius supinitati ac tarditati, qui non assuefacimus nos ipsos sanctis et spiritalibus exercitiis. Quamquam enim adversariæ illæ potestates profectui nostro semper insidiantur, recte tamen Serenus abbas negat illas esse impulsores malorum. Nam si ita esset, inquit, nullus omnino hominum posset vitare peccatum quodcumque illæ in cordibus nostris ingerere voluissent, si eis quemadmodum ad suggerendum, ita et ad compellendum facultas violenta suppeteret. Quamobrem sicut in illis est instigationis copia, ita et in nobis virtus respuendi, sive libertas acquiescendi est attributa. Quod tamen cum exclusionem divini adjutorii minime accipiendum esse ex subjectis verbis manifestum est; subjicit enim: Quarum tamen potentiam et impugnationes si pertimescimus, etiam protectiones atque adjutoria Dei e contrario conferamus: de quo dicitur. Major est enim qui in nobis est, quam qui in mundo. Cujus auxilia multo vehementiore militant virtute pro nobis, quam adversum nos earum multitudo configit. Nam bonarum rerum non tantum suggestor, sed etiam savor atque impulsor est Deus, ita ut nunquam nos etiam invitos et ignorantes attrahat ad salutem. Hactenus abbas Serenus.



## Col. 7 cap. 15.

*Licet pronuntiemus nonnullas esse spirituales naturas, ut sunt angeli, archangeli, cæteræque virtutes, ipsa quoque anima nostra, vel certe aer iste subtilis; tamen incorporeæ nullatenus æstimandæ sunt; habent enim secundum se corpus quo subsistunt, licet multo tenuius quam nostra. Nam sunt corpora secundum Apostoli sententiam ita dicentis: Et corpora cælestia et corpora terrestria; et iterum: Seminatur corpus animale, surgit corpus spiritale. Quibus manifeste colligi ut nihil esse incorporeum nisi solum Deum.*

(Annot. 9.) De corporibus angelorum vetus est apud philosophos et theologos agitata quæstio: aliis corpora eis attribuentibus ac solum Deum spiritum et mere incorporeum esse statuentibus, aliis negantibus. Ea vero receptior magisque probata sententia est, quæ angelos corporis expertes facit. Sic enim tradit B. Dionysius cap. 2 Cælest. Hierarch., et de Divinis Nominibus cap. 4. Sic Athanas. lib. de Comuni Essentia Patris et Filii et Spiritus sancti; Gregor. Naz. orat. 2 de Theolog.; Chrysost. homil. 22 in Genes.; Cyril. lib. iv in Joan. cap. 10; Theodor. contra Græcos lib. iii, sub finem; Sophronius in epist. ad episcop. Constantinopolitan. quæ lecta est in sexta synodo, actione 11; Damascenus lib. ii Orthodox. Fid. cap. 3; Gregor. Magnus lib. iv Moral. cap. 9; Beda lib. 1 de Elementis philosoph.; denique B. Thom. Aquin. lib. de Spiritu lib. Creaturis, art. 5, lib. ii contra Gentes cap. 91, et 1 parte Summæ Theolog., quæst. 50 et 51. Cui etiam suffragantur scholastici doctores in secundi libri Sentent. distinctionem octavam scribentes. Potest hæc ipsa sententia rationibus quoque stabiliri: nam angeli in divinis litteris passim vocantur spiritus, quod est incorporeæ substantiæ vocabulum; rursus Marci v et Lucæ vi refert Scriptura in unum hominem legionem integram dæmonum ingressam suis e. Legionis nomine autem (uti B. Hieronym. lib. iv in Matthæum auctor est) sex millia dæmonum comprehenduntur: qui si corporei essent, nequaquam in unum hominem ingredi potuissent. Ad extremum in synodo Lateranensi sub Innocentio III celebrata, caput primum manifeste significat angelicam naturam corporeæ substantiæ expertem esse. Sic enim habent verba illius synodi: Deus ab initio temporis utramque de nihilo condidit creaturam, corporalem scilicet et spiritalem, angelicam scilicet et mundanam; deinde humanam, quasi communem, ex spiritu et corpore constitutam.

## Col. 7 cap. 50.

*Communione sacrosanctam a senioribus nostris nunquam meminimus energumenis interdictam; quinimo, si possibile esset, etiam quotidie eis impartire eam, debere censebant.*

(Annot. 10.) Exemplo cujusdam Andronici abbatis aliorumque energumenum, qui per Eucharisticam communionem a dæmonibus liberati fuerunt, ostendit abbas Serenus energumenos a salutaris hujus esse perceptione minime arcendos esse; quamquam propter exsecrationes, vomitum et ejus generis alia incommoda, quibus hi qui a dæmonibus obsidentur obnoxii esse solent, non nisi maturo cum judicio et accurato circumstantiarum omnium examine præmisso ad tremenda hæc et sacrosancta mysteria sint admittendi. Id quod non debet videri mirum, cum sæpe numero etiam his qui sola corporis agitudine laborant, sacra communio justis de causis regetur, ne qua sanctissimo augustissimoque sacramento irreverentia irrogetur.

## Col. 7 cap. 52.

*Tot autem esse in immundis spiritibus quot in hominibus studia, non dubie comprobatur. Nam nonnullos eorum quos etiam Faunos vulgus appellat, ita seductores et jocularores esse manifestum est, ut certa quæque loca seu vias jugiter obsidentes nequaquam*

**A** *tormentis eorum quos prætereuntes potuerint decipere, delectantur, sed de risu tantummodo et illusionem contenti, fatigare eos potius studeant quam nocere, quosdam vero solummodo innocuis incubationibus hominum pernoctare.*

(Annot. 11.) Beatus Antonius apud Athanasium de ingeniorum diversitate quæ in dæmonibus existit, loquens, dicit quosdam summum nocendi verticem attingere; alios autem ex comparatione illorum pene innoxios videri, et singulos pro possibilitate virium suarum diversa contra singulas causas sumpsisse certamina; omnibus tamen hostile contra Christianos, maxime vero contra monachos et virgines Christi, odium esse. Quod ergo hic dicit abbas Serenus, quorundam ejus modi esse ingenium, ut joculari quam nocere malint, sic accipiendum est, divina virtute eis adeptam esse nocendi facultatem; ideoque ludicra illusionem contentos esse, quia non permittuntur nocementum sive læsionem aliquam inferre: quod utique facerent nisi divinitus prohiberentur. Omnibus enim inest nocendi voluntas, ideoque bene monet S. Antonius, ut omnes illorum machinationes, jocos, applausus, cachinnos, aliaque omnia quæ circa nos gerunt habeamus suspecta; quia cum furore et truculentia nocere nequeant, his dolis atque artibus circumvenire student. *Sperandæ sunt, inquit, et rum increpationes et admonitiones jejunandi, vigiliarum quoque fraudulenta suggestio; ob id enim familiares nobis species assumunt, ut affinitate virtutum nocentes, facilius virus interserant, et innocentes quosque per speciem honestatis elidant. Et paucis interjectis; propterea etiam Dominus eum de Scripturis loquentem jubebat tacere, quia peccatori dicit Deus, Quare tu enarras justitias meas et assumis testamentum meum per os tuum? Omnia dæmones simulant, colloquuntur sæpe cum fratribus et eos sæpe conturbant, sæpe inconditos excitant sonitus, manus apprehendant, sibilant, insipienter cachinnant, ut vel in puncto peccati Christianum pectus introeant; cumque ab universis fuerint repulsi, ad extremum debilitatem suam lamentatione testantur. Et Dominus quidem quasi Deus, et suæ conscius majestatis obmutescere his imperabat, nos autem vestigiis sanctorum inhærentes, eandem gradiamur viam; qui memoratus subtilius fallacias pervidentes, cavebant: Cum consisteret peccator adversum me, obmutui, et humiliatus sum, et silui a bonis. Et iterum: Ego vero tamquam surdus non audiebam, et sicut mutus non aperiens os meum; et factus sum sicut homo non audiens. Christus silentium ut Dominus imperavit, ut nos diabolo nihil credamus; et vincamus. Si orare compellunt, si jejunia suadent, non ex eorum nos monitis, sed ex nostra consuetudine id agamus. Denique etiam si irruentes mortem nobis intentare videantur, ridendi potius sunt quam timendi; quia cum sint debiles minantur cuncta, nec faciunt. Hactenus ex B. Antonio. E quibus verbis clarum est omnia illa quæ dæmones circa nos faciunt, ut nos ad sui familiaritatem per jocos, cachinnos, et similes ineptias abducant, eo spectare ut ipsi nos ad peccandum alliciant; ideoque omnis illorum societas cave prudenterque vitanda est, ut nulla in re eis acquiescamus, nullam etiam quæcumque in re sermonibus aut consiliis illorum adhibeamus fidem. Sic enim Corinthios monet Apostolus I epist. x cap.: Nolo vos socios fieri dæmoniorum. Et ad Ephes. vi cap.: Non est nobis colluctatio adversus carnem et sanguinem, sed adversus principes et potestates, adversus mundi rectores tenebrarum harum. Rursum D. Petrus I epistolæ v cap.: Adversarius vester diabolus, inquit, tamquam leo rugiens circuit quærens quem devoret. Ex quo tempore enim in baptismo diabolo renuntiavimus et hostem nobis esse professi sumus, capitale odium inter nos et illum intercessit; usque adeo ut nunquam velit cuiquam in eo prodesse, quin multo acerbius, perniciosius ac gravius lædat in alio. Cujus rei evidens testimonium et exemplum videre est apud*

**C** *puncto peccati Christianum pectus introeant; cumque ab universis fuerint repulsi, ad extremum debilitatem suam lamentatione testantur. Et Dominus quidem quasi Deus, et suæ conscius majestatis obmutescere his imperabat, nos autem vestigiis sanctorum inhærentes, eandem gradiamur viam; qui memoratus subtilius fallacias pervidentes, cavebant: Cum consisteret peccator adversum me, obmutui, et humiliatus sum, et silui a bonis. Et iterum: Ego vero tamquam surdus non audiebam, et sicut mutus non aperiens os meum; et factus sum sicut homo non audiens. Christus silentium ut Dominus imperavit, ut nos diabolo nihil credamus; et vincamus. Si orare compellunt, si jejunia suadent, non ex eorum nos monitis, sed ex nostra consuetudine id agamus. Denique etiam si irruentes mortem nobis intentare videantur, ridendi potius sunt quam timendi; quia cum sint debiles minantur cuncta, nec faciunt. Hactenus ex B. Antonio. E quibus verbis clarum est omnia illa quæ dæmones circa nos faciunt, ut nos ad sui familiaritatem per jocos, cachinnos, et similes ineptias abducant, eo spectare ut ipsi nos ad peccandum alliciant; ideoque omnis illorum societas cave prudenterque vitanda est, ut nulla in re eis acquiescamus, nullam etiam quæcumque in re sermonibus aut consiliis illorum adhibeamus fidem. Sic enim Corinthios monet Apostolus I epist. x cap.: Nolo vos socios fieri dæmoniorum. Et ad Ephes. vi cap.: Non est nobis colluctatio adversus carnem et sanguinem, sed adversus principes et potestates, adversus mundi rectores tenebrarum harum. Rursum D. Petrus I epistolæ v cap.: Adversarius vester diabolus, inquit, tamquam leo rugiens circuit quærens quem devoret. Ex quo tempore enim in baptismo diabolo renuntiavimus et hostem nobis esse professi sumus, capitale odium inter nos et illum intercessit; usque adeo ut nunquam velit cuiquam in eo prodesse, quin multo acerbius, perniciosius ac gravius lædat in alio. Cujus rei evidens testimonium et exemplum videre est apud*



D. Gregor. lib. i Moral. cap. 9. Quo loco scribit virginem quamdam energumenam per magos et ariolos ab unico dæmonio liberatam fuisse, sed in locum illius sex aut septem millia dæmoniorum successisse. Et B. Leo serm. 19 de Pass. Domini affirmat dæmonem, si non in corpore, in anima tamen semper nocere ac ledere. Quod etiam confirmat D. August. lib. lxxxiii Questionum, quæst. 78.

Coll. 8 cap. 7.

*Ante conditionem hujus visibilis creaturæ, spirituales cælestesque virtutes Deum fecisse, quæ pro hoc ipso quod scirent se ad tantam beatitudinis gloriam beneficio Creatoris ex nihilo fuisse productas, ei gratias referentes indesinenter ejus laudibus inhærent, nemo fidelium dubitat, etc.*

(Annot. 12.) Spirituales substantias multo ante creationem cœli et terræ exstitisse, Denique multis ante sæculis laudavisse, recepta fuit olim apud priscos Christianos sententia, sicut hoc loco Serenus abbas affirmat. Cui etiam astipulatur D. Basiliius hom. 1 Hexaem., enarrans illa verba Genesis: *In principio creavit Deus cœlum et terram*: et homil. 2, ad illa verba, *Terra autem erat inanis et vacua*. Origenes quoque in libris *περί ἀρχῶν*, et potissimum lib. iii cap. 3, et hom. 4 in Isaiam; Gregor. Naz. orat. in Christi Nativitatem; Ambros. lib. i Hexaem. cap. 5, et in præfatione primi psalmi; Hilar. lib. xii de Trinit., paulo ultra dimidium libri, et in libello contra Auxentium, paulo ante finem; Hieron. in 1 cap. Epistolæ ad Titum; Isidorus Hispalens. lib. i de Summo Bono cap. 12; Damasc. lib. ii Fidei Orthodoxæ cap. 3, et complures alii tam Græci quam Latini. Porro B. Augustinus, quamquam magis probet opinionem asserentium angelos simul cum cœlo et terra creatos esse, in undecimo tamen de Civitate Dei volumine cap. 32, permittit ut in hac controversia quod quisque velit opinetur, dummodo spirituales substantias Deo non faciat coæternas, sed omnia visibilia et invisibilia fateatur in tempore condita esse. Ad eundem quoque modum Theodoretus quæst. 3 in Genesim, posteaquam adversus D. Basilium copiose multa disseruit et, ita demum concludit: *Illud porro scire necesse est, omnia quæcumque existunt, excepta sancta Trinitate, naturam habere corruptioni obnoxiam*. Hoc autem concesso, si quis angelorum turbas, ante cœlum et terram conditas esse dixerit, non offendet verbum pietatis. Quod igitur Lateranensis synodus Romæ sub Innocentio III celebrata cap. 1 habet, Creatorem omnium visibilium et invisibilium, spiritualium et corporalium sua omnipotenti virtute simul ab initio utramque de nihilo condidisse naturam, spiritalem et corporalem, angelicam videlicet et mundanam, non sic accipiendum est, quasi in verbis istis prior illa sententia uti falsa reprobetur; sed propositum concilii erat Origenis cæterorumque qui spirituales substantias productas a Deo dixerant, ut spirituali dignitate potirentur; deinde cum peccassent, creata fuisset corpora omnia, quibus velut carceribus inclusæ scelerum darent poenas, errorem confutare. Sic enim locum hunc intellexit S. Thomas in expositione primæ decretalis. E-se autem posteriorem illam sententiam veritati magis consentaneam, divinarum litterarum et multorum etiam veterum scriptorum demonstrat auctoritas: nam Exodi xx scribit Moyses Deum sex dierum spatio cœlum, terram, mare, et omnia quæ in eis sunt, creasse; angelos autem esse in cœlo, et idcirco cælestem militiam appellari nemo est qui ambigat. Quocirca confiteri oportet illos etiam sex dierum illorum spatio creatos esse. Ecclesiasticus quoque xvi cap. dicit, *Qui vivit in æternum, creavit omnia simul*, nempe intra sex primos mundi dies. Et D. Joannes I Epist. iii cap. diabolum ab initio peccasse dicit; certum est autem ipsum fuisse in cœlo quando peccavit: nam hoc significant illa verba Christi Lucæ x: *Videbam*

*Satanam sicut fulgur cadentem de cœlo*. Clarum igitur evadit ipsum una cum cœlo conditum esse. His accedunt prima illa verba Genesis, *In principio creavit Deus cœlum et terram*: hoc est, ut Philo et alii complures exponunt, cœlum et terra ante omnia alia creata sunt: ita tamen ut cœli nomine angeli quoque et sub terra corporeæ res et animatæ intelligantur. Suffragatur quoque superioribus D. Epiphanius in hæresi Pauli Samosatæni, quæ est 65; August. lib. xi de Civit. cap. 6 et 9, et lib. xii cap. 15; Theodor. quæst. 3 in Genes. et Gregor. Magnus lib. xxxii Moral. c. 10. Ut interim omittamus multos ex his quos ante prodiximus in patrocinium prioris sententiæ, si diligenter introspectantur, nostræ sententiæ non derogare: nam plerique illorum non tam asserunt quam dubitant, utramque sententiam proponentes in medium; alii vero sui temporis vulgo receptam opinionem referunt, sicut hoc loco fecit abbas Serenus. Denique Magister Sentent. cum tota turba scholasticorum posteriori sententiæ subscribit lib. ii Sentent. distinct. 2. Quapropter nobis quoque magis probatur ea sententia, quæ cum Augustino et his quos commemoravimus, angelos ait significari cœlorum nomine, quando Moyses Deum in principio cœlum et terram fecisse dicit; ideoque primo die cum ipso cœlo creatos esse. Hinc etiam B. Gregor. lib. xxviii Moral. cap. 14, ad illa verba, *Cum me laudarent astra matutina*, dicit angelos vocari astra matutina, quia primo mane creati sunt; nec debet quidquam movere ratio ab abbate Sereno in contrarium adducta ex illis verbis Job, *Quando facta sunt simul sidera, laudaverunt me simul omnes angeli mei*. Nam ad illam objectionem respondent Theodoretus et Epiphanius locis notatis, stellas quarto demum die creatas fuisse, ac propterea jam tum potuisse angelos Dominum laudare, sicut revera quoque laudabant. Quod vero obijciunt, si angeli non fuissent ante mundum creati, consequens fore Deum aliquando laudatoribus caruisse, ita dissolvit Theodoretus, ut dicat Deum non indiguisse laudatoribus, quemadmodum ne nunc quidem illis opus habet. Deinde etiam hi qui statuunt angelos prius factos esse, diffiteri tamen nequeunt Deum illis multo semper fuisse antiquiorem; ac proinde semper fuisse tempus aliquod quo Deus laudatoribus careret, nunquam tamen indigeret.

Coll. 8 cap. 10.

*Priorem diaboli lapsum, quo superbiendo corruerat, quo etiam serpens meruerat nuncupa i, secunda ruina per invidiam subsecuta est; quæ inveniens eum adhuc aliquid in sese rectum habentem, ita ut etiam cujusdam colloquii atque consilii cum homine posset habere consortium, sententia Domini utiliter in ima dejecit, ut non jam sicut ante sublime aliquid intuens excelsus incederet, sed ut solo cohærens reperet, et humiliatus super ventrem terrenis vitiorum escis atque operibus pascere.*

(Annot. 13.) Geminam diabolo ruinam in hisce verbis tribuit abbas Serenus: priorem superbiæ, qua in cœlum ascendere, super astra Dei solium suum exaltare, et Altis-imo similis esse voluit; posteriorem invidiæ, quæ primos nostri generis auctores ad peccandum induxit. Addit quoque, ante secundam hanc invidiæ ruinam, fuisse adhuc in dæmone aliquid rectitudinis, quam posteriore illa transgressione amiserit: nempe cum Dominus illi diceret, *Super pectus tuum gradieris, et terram comedes cunctis diebus vitæ tuæ* (Gen. iii). Utrumque hoc loco nobis erit excutiendum. Ac primum quidem quod ad ruinam dæmonis attinet, illud in confesso est ipsum, cum sit spiritualis et incorporeus, propria actione non potuisse peccare nisi duplici illo peccati genere, superbiæ videlicet et invidiæ, quod utriusque objectum (ut vocant) sit spiritale; illius quidem excellentia propria, hujus autem excellentia aliena ubi impedit nostram. Aliorum vero peccatorum objecta sunt pecuniæ, cibus, potus, voluptates tangendi et



gustandi, torpor et similia: ideoque peccata quæ circa res istas versantur, non possunt dæmones propria actione admittere, sed consilio tantum, exhortatione, suggestione, consensu et similibus modis. Utrum autem illorum duorum, superbiæ et invidiæ, altero prius a dæmone fuerit admissum, controversæ disputatur. Nam B. August. lib. xi de Genes. ad litt., cap. 14, scribit quorundam hanc fuisse sententiam, dæmonem tum demum percavisse, quando hominem ad imaginem Dei creatum fuisse vidit, et hanc ei gloriam invidisse, quod metueret ne præ se ad immortalem vitam, unde ipse excederat, elevaretur; postea vero superbiæ culpam, qua Altissimo aequalis esse voluit, accessisse. Ita opinati sunt D. Cypr. serm. de Zelo et Livore, et D. Basil. orat. de Invidia. Contra B. Augustinus loco commemorato multis rationibus ostendit invidiam superbiæ fuisse posteriorem. *Initium enim omnis peccati superbiæ*, inquit Ecclesiasticus (Cap. x). Et de diabolo scribit S. Job, *ipsum esse regem super omnes filios superbiæ* (Job. xli). Et Tobias cap. iv: *Superbiam nunquam in tuo sensu, aut in tuo verbo dominari permittas; in ipsa enim initium sumpsit omnis perditio*. Hinc sententiæ suffragantur D. Athanas. quæst. 6 ad Antiochum; Gregor. Naz. orat. de Nativit. Christi; Chrysostom. lib. i de Compunct. cordis; Theodoret. in Epitome divinorum decretorum c. de dæmonibus, et lib. iii contra Græcos; Ambros. in ps. xxxvi, ad illa verba, *Vidi impium superexaltatum*, et epist. 84, ad Demetriadem, quam Prospero plerique ascribunt; D. Hieronym. in cap. xiv Lucæ; August. lib. xii de Civit. Dei, cap. 6, et lib. xiv, cap. 13; Leo epist. ad Turribium, cap. 6; Gregor. lib. xxxiv Moral., cap. 14 17; Damascen. lib. ii de Fid. Orthodox. cap. 4; Anselm. lib. de Casu diaboli cap. 4, et Bernard. serm. 22 in Cantic. Accedit et ratio: nam dæmon primos homines tentavit ad superbiam, ideoque verisimile est ipsum quoque per superbiam primum corruisse. Sic enim ratiocinatur D. August. lib. xiv de Civit. Dei cap. 13. Præterea rex civitatis Dei maxime enituit ac illustris fuit virtute humilitatis ac modestiæ; ex adverso igitur princeps tenebrarum et rex diabolice civitatis potissimum ac primum per superbiam corruit. Rursus Michael archangelus et militiæ celestis princeps cum diabolo quondam confligit, eique maxime adversatur. Is autem ab humilitate nomen accepit, nam Michael idem valet, ac si dicas: Quis ut Deus? et significat reprehensionem superbiæ, ut ne quis Deo velit æquari aut similis haberi, id quod Satanicæ illi superbiæ qua Lucifer peccavit, adversatur. Ad extremum invidia ex sua natura superbiæ posterior est, atque ex ipsa procedit, quemadmodum erudit D. Bonaventura exponit in ii Sentent. distinct. 21, scribens: *Superbus, inquit, amat excellentiam, atque ita nullum sibi parem admittit, sed excellentiam appetit singulariter et solus possidere; et ideo statim vel actu vel habitu invidet, cum nolit bonum quod possidet alteri esse commune*. Hæc Bonaventura. Credibile itaque est dæmonem ante per superbiam, qua in cælum conscendere nitabatur, lapsum fuisse quam primi homines a Deo creati essent. Nam hi sexto demum die ex limo terræ formati sunt; illum autem verisimile est exiguo post creationem suam, nempe primo die, per superbiam cecidisse. Creato vero homine, animadvertens diabolus ipsum in eo statu constitutum quo poterat fraudibus et dolis suis illum circumvenire, et in suam redigere potestatem, vel quo, si divinæ jussioni pareretur, ad sempiternam felicitatem, e qua ipse dæmon excederat, conscendere potuisset; superbiæ atque livore inflammatus hominem tentare cœpit, eumque cum omnisua sobole et posteritate tyrannidi suæ subjugare, et a spe cælestis retributionis deturbare conatus est. Et superbiæ quidem illum stimulavit in eo quod hominem sibi subdere voluit, illique præesse et imperare; invidia autem in eo quod a

A sempiternæ beatitudinis adeptione ipsum arcere studebat. Neque vero licet existimare id quod hoc loco scribit abbas Serenus, fuisse in dæmone post priorem suæ erbiæ ruinam, qua Deo æquari voluerat, aliquid rectitudinis, quo per subsecutum invidiæ peccatum, divina permittente justitia, spoliatus sit; nam quemadmodum angeli post primum bonæ voluntatis actum et meritum ita in bono confirmati sunt, ut ab eo excidere nunquam possint, ad eundem plane modum maligni spiritus ad primum superbiæ peccatum in malo ita obduruerunt, ut ad bonum se convertere nunquam potuerint, et extra statum merendi constituti omnem suam rectitudinem et integritatem amiserint. Hinc D. Damasc., lib. ii Fid. Orthod. cap. 4, id quod in hominibus est mors, id in dæmonibus primam illam ruinam fuisse dicit; propterea quod sicut per mortem omnis merendi ac demerendi via nobis præcluditur, ita in dæmonibus primus ille casus ante hominis creationem omnem itidem merendi potestatem eis ademit. Homini enim totum hoc mortalis vitæ tempus pro statu viæ constituit Deus, dæmonibus autem brevissimum quoddam temporis spatium ab exordio statim creationis illorum concessit, in quo vel sempiternam beatitudinem, vel perpetuam, horrendam ac justissimam Dei de-ertionem pro mererentur. Nec movet nos quod Serenus abbas sententiam suam ex eo stabilire nititur, quod dæmoni ante invidiæ culpam qua hominem ad peccandum allexit nondum negatum fuerit consortium et colloquium cum hominibus; non enim hoc arguit fuisse in eo aliquid rectitudinis, cum etiamnum ea facultas penes illum relicta sit, ut se in humanam speciem, vel etiam in angelum lucis, transformans, nostris obtutibus objiciat, et verborum illecebris in nostram sese familiaritatem insinuans, in peccati foveam incautos præcipitare studeat. Porro quod attinet ad ea verba quæ Dominus ad serpentem locutus est: *Quia fecisti hoc, maledictus es inter omnes bestias terræ, super pectus tuum gradieris*, etc. (Genes. iii), major difficultas est, propterea quod per hanc sententiam videatur dæmoni aliquid rectitudinis, libertatis et facultatis ademptum esse, nec eum omni ornatu suo in quo conditus erat exutum fuisse nisi post secundam illam transgressionem qua hominem per invidiam seduxit. Quamquam enim juxta B. Chrysostomi enarrationem verba illa ad corporalem serpentem primo directa sint, contendit tamen B. Augustin., lib. xi de Genes. ad litt. c. 36, vel de solo dæmone, vel certe præcipue de illo esse intelligenda. Is enim posteaquam superbiæ et livore inflammatus hominem tentavisset, ut ei non solum ad cælestem beatitudinem, quam ei inidebat, aditum præcluderet, verum etiam sibi suæque tyrannidi per superbiam subjeceret, eumque jam in peccati consensum pertraxisset, divina id exigente justitia, cumtulavit sibi damnationem; et quia universum genus hominum sibi obstringere et subdere voluerat, idcirco maledictum illum pronuntiat Dominus præ omnibus bestiis terræ, ac si diceret, Tu imperium supra homines usurpare voluisti, censeberis ab omnibus maledictus, erisque miserrimus et vilissimus, non tantum inter peccatores, sed etiam super omnes belluas et animantia terræ. *Gradieris super pectus tuum, et terram comedes cunctis diebus vitæ tuæ*; hoc est: confusus in calliditate propria, futurum sperabas quod superbo et elato pectore supra omnes homines imperium obtineres; at contra quam sperabas eveniet, nam præter terram nihil comedes, hoc est, terrenos, carnales et abjectos homines, quos Dominus ejicit atque evomit ex ore suo. Nam homo, inquit Augustinus, in pœnam peccati factus est diaboli cibus; quando enim serpenti dictum est, *Terram comedes, dictum est etiam homini, Pulvis es*. Si ergo homo peccator serpentis est cibus, Hæc Augustinus (Lib. de Agone Christiano cap. 2, et lib. iii de Genes. contra Manich. cap. 17). Hoc igitur



est dignissimum illius superbæ diabolicæ, qua hominibus universis imperare voluit, supplicium, ut solos terrenos, pulverulentos et peccatorum sordibus inquinatos comedere possit ac debeat, eisque præsidere, hi autem qui imaginem terrendi hominis exuere nituntur, quæ divina Scriptura subinde cælum et cælestes appellat, ab illius tyrannide per Christum eximerentur. Hoc enim verbis illis significatur quæ statim subiunguntur : *Inimicitias ponam inter te et mulierem, semen tuum et semen illius. Ipsa conteret caput tuum, et tu insidiaberis calcaneo illius*; in qua sententia per semen serpentis Antichristum, per semen mulieris Christum intelligi docent D. Irenæus lib. iii contra Hæres. cap. 38, D. Leo serm. 2 de Natal. Domini, et B. Ruperus lib. iii in Genes. cap. 19. *Deus enim*, inquit Leo, *prædestinata renovandis mortalibus suæ pietatis remedia inter ipsa mundi primordia præsignavit, denunciens serpenti futurum semen mulieris quod noxii capitis elationem sui virtute contereret : Christum scilicet in carne venturum Deum hominemque signans, qui natus ex Virgine violulorem humanæ propaginis incorrupta natiuitate damnet.* Hæc ille. Christus itaque est illud semen mulieris benedictum, quod contrivit caput, hoc est, factum illum et superbiam callidissimi serpentis, effecitque ne ille sui imperii terminos latius extenderet, sed solis impiis, terrenis et peccatoribus, qui mundi istius spurciis ac sordibus involuti nihil præter terram et carnem sapiunt, dominaretur. Hinc jam dilucide intelligi potest, sententiam istam, qua Dominus serpenti maledixit, nihil rectitudinis diabolo ademisse; neque verbis illis, *Super pectus tuum gradieris*, significari quod ante secundam transgressionem rectus fuerit (quemadmodum Serenus abbas intellexi se videtur), sed quia supra omnes homines erigere se ipsisque præsidere voluerat, idcirco in terram prostratum atque dejectum fuisse, dictumque illi esse, *Super pectus tuum gradieris*, et ad instar illorum animantium quæ terra pascuntur et vivunt, tu etiam præter terram nihil comedes cunctis diebus vitæ tuæ.

Coll. 8 cap. 17, et coll. 13 cap. 12.

*Quod unicuique nostrum duo cohæreant angeli, id est, bonus et malus, Scriptura testatur, etc.*

(Annot. 14.) Sumpta est hæc sententia de duobus angelis unicuique nostrum deputatis, quorum alter sit ad custodiam, alter ad exercitium, ex antiquissimo libro quem vocant Pastoris, quem ab Herma discipulo, cujus aliquando meminit Apostolus Paulus, dictatum esse asserunt. Eandem sententiam Origenes quoque tuatus est homil. 33 in Lucam. Verum quod ad libri illius qui Pastoris inscribitur auctoritatem attinet, quamquam apud Athanasium, Theodoretum et alios, pro canonico subinde citetur, D. Hieronymus tamen in Prologo Galeato, et Gelasius Pont. in concilio 50 episcoporum inter apocryphos illum rejecerunt. Neque movere nos debet Origenis auctoritas, nam is in multis passim hallucinatus est. D. Prosper quoque, in opusculo adversus tertiam decimam collationem edito, hanc ipsam sententiam de duobus angelis, altero maligno, altero bono uti falsam rejicit. Nec mirum; nam neque necesse fuit duos angelos nobis deputari, neque congruum aut conveniens: ipsi enim demones non egent incitatione aliqua ut nos infestent aut ad peccandum incitent, cum ad id faciendum ex perversæ naturæ suæ inclinatione ipsi propendeant. Si vero etiam Deus malum angelum nobis deputasset in exercitium, videretur profecto peccati auctor esse, nimirum ipsum peccati auctorem, fomitem, sive causam nobis subministrans. Porro Satan ille qui D. Jobum tentasse dicitur, non fuit illi a Deo peculiariter ad exercitium deputatus, quemadmodum opinatur abbas Serenus; sed credibile est fuisse draconem illum et serpentem antiquum de quo Joannes in Apoc., qui vocatur diabolus et Satanas, qui seducit universum orbem, qui obambulat et circumit qua-

tuor angulos terræ (Apoc. xii), qui olim una cum angelis suis in ipso creationis suæ exordio cum Michael et angelis in cælo decertans, non prævaluit, sed prostratus est et projectus cum angelis suis in terram. Ad eundem modum quod dicitur in Psal. cvm : *Diabolus stet a dextris ejus*, non significat Judæ traditori singularem aliquem malignum spiritum assignatum fuisse, qui ei assidue fuerit a dextris, sed dæmonem (quem in præcedenti hemistichio appellaverat peccatorem, in illis verbis, *Constitu super eum peccatorem*) Judæ prævaliturum fuisse. Sic enim constitutus est super illum peccator, sive Satan, quia traditus est auctori omnium scelerum, et is potestatem atque imperium in illum accepit. Eadem igitur est et posterioris hemistichii sententia, *Diabolus stet a dextris ejus*, pro quo in Chaldaea Paraphrasi legitur, *Diabolus stet super dexteram ejus*, quam translationem Hebraica veritas quoque admittit; hoc est: dæmon prævalebit viribus adversus illum, et dominabitur ei quia dextræ ejus prævalebit; est enim familiare divinis litteris per dextram supremam hominis potestatem ac vires intelligere. Unicum igitur angelum custodem, ac veluti nutritium et pædagogum nobis dedit Deus; maligni autem serpentes et varii nos infestant, quibus ille Satan et serpens antiquus veluti satellitibus nititur ad nos expugnandos; ubi autem expugnaverit, tum dicitur supra nos constitutus, et stare nobis a dextris, sive supra dextram.

Coll. 8 cap. 12.

*Nulla modo credendum est spirituales naturas coire cum seminis carnaliter posse. Quod si aliquando hoc secundum litteram fieri potuisset, quomodo nunc quoque vel frequenter, vel raro idipsum non evenire contingeret, et absque semine vel coitu viri aliquos nasci similiter de mulieribus conceptu dæmonum cerneremus, cum præsertim eos constet libidinum sordibus admodum delectari, quas procul dubio per semetipsum exercere plus quam per homines nallent, si illud illo modo potuisset impleri?*

(Annot. 15.) Divus Augustinus, lib. xv de Civit. Dei cap. 23, de coitu spirituum immundorum cum hominibus contrarium habet sententiam iis quæ hic a Sereno abbate dicuntur: *Apparuisse*, inquit, *hominibus angelos in talibus corporibus, quæ non solum videri, verum etiam tangi possent, verissime sacra Scriptura testatur; et quoniam creberrima fama est, multique se expertos, vel ab eis qui experti essent, de quorum fide dubitandum non est, audivisse confirmant Silvianos et Faunos, quos vulgo Incubos vocant, improbos sæpe mulieribus exstitisse, et earum appetisse ac perquisisse concubitum, et quosdam demones, quos Galli Dussios nominant, hanc assidue immunditiam et tenere et efficere, plures talesque asseverant, ut hoc negare impudentiæ videatur.* Exstat et Innocentii VIII epistola decretalis adversus maleficarum mulierum hæresin, in qua leguntur hæc verba: *Non sine ingenti molestia ad nostrum pervenit auditum complures utriusque sexus personas propriæ salutis immemores, et a fide catholica deviantes, cum dæmonibus, incubis et succubis abuti. Quapropter ne labes hujus hæreticæ pravitatis in perniciem animarum sua venena diffundat, opportunis remediis, prout nostro incumbit officio, providere volentes, statuimus ut inquisitores per nos deputati debitum inquisitionis officium in hujusmodi personas exsequantur.* Sunt qui Serenum abbatem excusantes dicunt eum non voluisse negare quin dæmones cum hominibus possint coire, sed id non posse naturaliter fieri et naturali animantium more, hoc est, semen de sua substantia communicando. Nam possunt quidem dæmones, Augustino teste, non solum coire cum feminis, sed etiam sobolem procreare et vere homines generare, non tamen proprii seminis virtute, quod nullum ex seipsis habent, cum sint incorporei, sed ope alieni seminis, quod ipsi manibus succubantes turpiter exceperunt, quodque exceptum



feminis incubantes infunderent; ita ut, juxta B. Augustini in tertio de Trinitate (*Cap. 8*) sententiam, is qui ex ejusmodi generatione nascitur, non demonis, sed hominis filius sit. Qui ad hunc modum abbatem Serenum excusant, videntur pro carnaliter legisse naturaliter, cum tamen n. ss. codices omnes, quos nobis quidem haecenus videre licuit, legant carnaliter. Jam vero addit demones libidinum sordibus maxime oblectari, quodque eas per semetipsos malent quam per homines exercere, si hoc illo modo fieri potuisset; id nobis quoque non videtur probandum. Demones enim voluptatibus et illecebris carnis non propter se delectantur, tamquam illae sint naturae illorum consentaneae, sed quod experimento et longo rerum usu didicerint eam esse naturae nostrae pravitatem sordiditatemque, ut illis cupiditatibus semel implicata eluctari nequeat. Nullum enim est vitium quod perinde effeminatos ac molles efficit homines atque luxuria, nullum aequè obtundit, obnubilat et obtuscat ingenii acumen. Absorbetur enim ratio per voluptates venereas, intellectus obscuratur, sensus pervertitur, et universae corporis atque animi vires ligantur, enervantur, frangunturque; ita ut nihil amplius homo percipiat de his quae Dei sunt: nam crebris illa et obtusio mentis tollit omnem spiritualium rerum non tantum gustum, dulcedinem et suavitatem, verum etiam cognitionem. Recte autem reprehendit Serenus abbas illos qui asserebant feminas a nobis beatissae angelis adamas, et sedis congressibus vitatas, cum dicitur in Genesi (*Cap. vi*), *Videntes filii Dei filias hominum quod pulchrae essent*, etc. Nam impossibile est ut corporeae illae mentes contempto divino amore in quo olim fuerant per Dei gratiam confirmatae, se se demiserint ad impuram feminarum libidinem, mutata angelica natura in humanam formam, juxta poetarum Metamorphoseon fabulas. Id quod diserte ostendit B. Chrysostom. homil. 22 in Genes., Augustin. lib. xv de Civit. Dei cap. 23, et quest. 3 in Genes., et Philastrinus Brixien. episc. cap. 108 Catalogi sui adversus haerese.

## Col. 9 cap. 19.

*Secunda petitio mentis purissimae advenire iam jamque regnum sui Patris exoptat; nempe illud quod praestitutum tempore omnibus est perfectis et filiis Dei generaliter repromissum, in quo eis dicitur a Christo: Venite, benedicti Patris mei, possidete paratum vobis regnum a constitutione mundi; intentis quodammodo illud obtutibus ac defixis desiderans et expectans, dicensque ad eum: Veniat regnum tuum. Norit enim testimonio conscientiae suae, cum apparuerit, mox ejus se futurum esse consortem.*

(Annot. 16.) Ipsae spiritus, inquit Apostolus ad Rom. vii cap.: *Testimonium reddit spiritui nostro quod sumus filii Dei; si autem filii et haeredes: haeredes quidem Dei, cohaeredes autem Christi.* Et D. Joan. I Epist. v cap.: *Qui credit, inquit, habet testimonium Dei in se. Quamquam haec iustificatio non ita certa sit aut evidens ut non liceat de ea dubitare; nemo enim nostrum nisi per divinam revelationem certo cognoscere potest sitne amore an odio dignus, nemo certo statuere quod futurus sit haeres coelestis et sempiternae retributionis; sed spiritus divinus suggerit nobis tale testimonium, ut bene confidere de Dei bonitate debeamus, utque ipsa conscientia nostra propter consortium fidei, propter commune vinculum charitatis et communicationem meritorum Christi quae nobis in sacramentis applicantur, certa cum fiducia propriae salutis et aeternae vitae bona expectare audeat. Sic enim spes Christianorum a theologis definitur solet, quod sit virtus infusa divinitus, per quam certa cum fiducia nostrae salutis et aeternae vitae bona expectantur. Haec eo a nobis annotata sunt, ne quis existimet abbatem Isaacum his verbis cum sectariis nostri temperis affirmare voluisse quod quisque nostrum certo et infallibiliter apud se statuere debeat*

A se consecuturum esse vitam aeternam. Nam huic sententiae sacrae litterae passim reclamant: monet enim Ecclesiasticus ne quemquam beatum dicamus ante mortem (*Ecclesi. xi*). Et apostolus Paulus vult nos metueri, ne ab olera excidamus (*Rom. xi*); ut qui stat, videat ne cadat (*I Cor. x*): ideoque hortatur etiam ut cum timore et tremore salutem nostram operemur (*Philipp. ii*). Quis enim sciat se in profectu justitiae perseveraturum usque in finem? nisi ab illo aliqua revelatione fiat certus, qui de hac re juxta latentique judicio non omnes instruit, inquit August. lib. ii de Bon. persever. cap. 13, et de Corrept. et Grat. cap. 13, et rursum lib. ii de Civit. Dei cap. 11.

## Col. 9 cap. 24.

*Videtur ergo qualis nobis ab ipso qui per illam exorandus est iudice orationis sit modulus et forma proposita; in qua nulla divitiarum petitio, nulla memoria dignitatum, nulla potentatus ac fortitudinis postulatio, nulla corporeae sanitatis seu temporalis vitae mentio continetur. Nihil enim caducum vult a se, nihil vile, nihil temporale, aeternitatem conditor implorari.*

(Annot. 17.) Redarguit abbas Isaac illos qui potiora et spiritalia bona posteriore loco habent, et his praetermissis temporalia petunt a Deo. De temporalibus enim et caducis bonis, quamquam a Deo quoque expectari et expeti debeant, minima nobis cura esse debet. Non enim frustra nos monet Christus at primum quaeramus regnum Dei et justitiam ejus, ac tum fore promittit ut reliqua nobis adjiciantur. Et hanc fuisse istius abbatis sententiam ex subjectis verbis liquido animadvertere licet. Subjicit enim: *Itaque magnificentiae ejus ac munificentiae maximam irrogabit injuriam, quisquis his sempiternis petitionibus praetermissis transitorium aliquid et caducum ab eo maluerit postulare; et offensam potius quam propitiationem judicis sui, vilitate orationis incurret.*

## Col. 9 cap. 34.

*Si cunctae exauditionum causae nos omnino deficiunt, saltem aimet nos importunitatis instantia; quae absque ulla meriti vel laboris difficultate, in cujusque volentis sita est potestate.*

(Annot. 18.) Non excluditur divinae gratiae adiutorium, quia quemadmodum absque illo non possumus orare, ita neque assidui vel importuni esse in oratione. Quod ergo abbas Isaac hanc importunitatis instantiam in cujuscumque volentis potestate positam esse dicit, intelligi debet de iis quos inhabitans Spiritus sanctus assidue regit ac ducit, et in quibus longo usu confirmata est bene agendi atque orandi voluntas. Videat lector annotationem tertiam.

## Col. 10 cap. 2.

*Intra Aegypti regionem mos iste antiqua traditione servatur, ut peracto Epiphaniarum die (quem provinciae illius sacerdotes vel Domini baptismi, vel secundum carnem nativitatis esse definiunt; et idcirco non bisarie, ut in occiduis provinciis, sed sub una diei hujus festivitate, hujus sacramenti solemnitate concelebrant) epistolae pontificis Alexandrini, etc.*

(Annot. 19.) Sententia quae hac parenthesi intercluditur, dubia, obscura et explicatu difficilis est, quam obscuritatem potissimum inducit illa disjunctio conjunctio, vel, quae pro copulante videtur accipienda esse: hoc sensu quod apud Aegyptios sacerdotes recepta fuisse videatur ea sententia quae habet Christum liberatorem nostrum eodem die natum et baptizatum, quo Magis ex Perside venientibus est manifestatus. Nam hac de re variant veterum sententiae. Quamquam ea opinio jam satis obtinuerit apud Christianos, qua creditur Dominus eodem die a Magis adoratus, et evoluto trigesimo aetatis suae



anno baptizatus. De Nativitate autem incerta et A varia est opinatio (Epiphani. in hæresi 51; Origen. homil. 8 de diversis tom. II; Ambr. serm. 22, et D. Jansenius in Concordia Evangelica); quam nos alius relinquimus discutiendam. Caterum quod attinet ad celebrationem istarum festivitatum, constat ex Florentina synodo, occasione Armenorum controversiam aliquando fuisse in Ecclesia, quo potissimum tempore celebrari deberent; quam controversiam Eugenius pontifex ejus nominis quartus in suo illo decreto quod synodo Florentinae adjungitur, defini- vit. Nam in c. 8 Constitutionis illius apostolica au- thoritate mandat Armenis, ut consuetudinem Roma- nae Ecclesiae, quæ sanctorum Patrum testimoniis et omnium aliarum Ecclesiarum tam Græcarum quam Latinarum consuetudini consentanea est, suscipiant sequanturque; utque Annuntiationis Deiparae Virgi- nis festum die vigesima quinta mensis Martii, Nati- vitatis D. Joan. Baptistæ vigesima quarta Junii, Nata- lem Christi vigesima quinta Decembris, Circumci- sionem prima Januarii, Epiphaniam sexta Januarii, et Purificationem secunda Februarii festiva ac so- lemnii recordatione celebrent.

Col. 13 cap. 8.

*Cum in nobis Deus ortum quandam bonæ voluntatis inspexerit, illuminat eam confestim atque confortat, et incitat ad salutem; incrementum tribuens ei quam vel plantavit vel nostro conatu viderit emer- sisse, etc.*

(Annot. 20.) Hæc Chæremonis abbatis sententia prorsus hæretica est, quam ideo prudens lector usque ad finem collationis pertranseat. Multa enim hic proferuntur ad extolendas liberi arbitrii vires, et ad depressendam divini adiutorii necessitatem; quæ ideo etiam Dionysius Carthus. in sua Para- phrasi consulto omisit, et in locam illorum rectam, orthodoxam et catholicam de gratia et libero homi- nis arbitrio doctrinam substituit. Est autem, ut com- pendio rem totam exponamus, hæc abbatis Chære- monis sententia, quædam ab hominibus recte geri præveniente et incitante illos divinæ gratiæ bene- ficio; quædam vero ex solo naturæ ductu, excluso Dei adiutorio: ita tamen ut Deus ipse quod inchoa- tum est atque inceptum perficiat. Hanc sententiam posteaquam sub finem octavi capitis illis verbis quæ hic annotata sunt proposuisset, prosequitur deinde et confirmat in cap. nono; deinde vero undecimo, duodecimo, tertio decimo, quarto decimo, quinto decimo, et septimo decimo capitibus, argumentis ex sacra Scriptura, ex variis exemplis, ac demum ex ipsa ratione depromptis corroborat. Verum B. Pro- sper Regiensis episcopus peculiari volumine hunc errorem confutavit, quod inscribit, contra Collato- rem. Est autem perplexa et difficilis de gratia et li- bero arbitrio disceptatio, propter pugnautes et con- trarias hæreses, quarum altera libero arbitrio, altera gratiæ Christi iniquior est; ideoque mediocritatem et veritatem ipsam attingere perquam difficile est. Cui accedit quod ipsa quoque Scriptura divina liberi arbitrii vires ita subinde extollit quasi gratiæ mul- tum derogatum voluerit, subinde ad gratiam omnia referre videtur libero arbitrio excluso; quamquam secus resse habeat: nam Spiritus sanctus utramque hæresin, de gratia scilicet Pelagianorum et Mani- chæorum de natura exorituram prævidens, sermo- nem suum in divinis literis ita temperare voluit, ut propter utrumque errorem alibi ad gratiam, alibi ad liberum arbitrium omnia retulisse videretur: nempe et hinc intellegendum nos esse *συνεργούς*, hoc est, cooperatores gratiæ Dei. Concurrent enim gratia et liberum arbitrium, atque ita ea loca Scripturæ sanctæ quæ pugnare inter se videntur, facile rediguntur in concordiam, si nostræ voluntatis actum et dona- tum cum Dei auxilio copulemus: ita tamen ut ipsi Deo primas et potiores partes tribuamus. Ipse enim sa nobis omnem bonæ voluntatis motionem antever-

tit, et ex nolentibus, repellibus et refractariis volen- tes facit; id quod in nostris viribus situm non est. Nam voluntas nostra qua eligimus et refugimus, ita est depravata per peccatum et inobedientiam primo- rum hominum, ut suis naturalibus præsidis non pos- sit quidquam velle, nedum facere, quod ad salutem conferat, nisi gratuito Dei munere prius excitata at- que adjuva fuerit. Dei de vero semel per gratiam li- berata et sanata, non potest in eo quod bonum re- ctumque est persistere atque proficere, nisi per mo- menta singula divinæ gratiæ præsidis adjuvetur. *Deus enim est qui operatur in nobis velle et perficere pro bona voluntate* (Phil. ii). Quod regius propheta David in Psal. xxix quoque agnoscit, cum ait, *Ego dixi in abundantia mea: Non movebor in æternum; Domine, in voluntate tua præstitisti decori meo virtu- tem; avertisti faciæ tuam a me, et factus sum contur- batus*. Minimum igitur est quod in opere justificatio- nis nostræ a nobis ipsis agitur, ita ut pene totum Deo sit ascribendum: nam ipse prior nos vocat et move; deinde efficit ut velimus, ac demum con- summat ac perficit voluntatem nostram. In primo itaque et tertio nihil libertati nostræ licet tribuere, quia sicut Dei gratia ad bonum nos prior invitat, ita sola etiam voluntatem nostram perficit. Sed in me- dio, nimirum in ipso consensu, et, ut ita loquamur, volitione gratiæ cooperatur nostra voluntas: sic ta- men ut hic etiam potissimas ac primas partes obti- neat gratia, secundarias voluntas nostra: ea propter in divinis literis major frequenterque est divinæ gratiæ, quam nostræ voluntatis commendatio: nempe quia ab illa est præcipuum robur et efficiendi fa- cultas; et quia hoc propter nos ita fieri expediebat, ad eximendam scilicet e mentibus nostris omnem arrogantiam. Quis enim te disceroit, o homo? *Quid enim habes quod non accepisti? Si autem accepisti, quid gloriaris quasi non accepisti* (I Cor. iv)? Et alibi: *Nemo potest dicere, Dominus Jesus nisi in Spiritu san- cto* (I Cor. xii). Rursus II Cor. iii: *Non sumus suffi- cientes cogitare aliquid ex nobis quasi ex nobis, sed sufficientia nostra omnis ex Deo est*. Nemo igitur ad gratiam vel ad quodlibet bonum per cogitationem bonam se quoquo modo disponere potest, absque singulari munere et gratia ipsius Dei. Nam B. Au- gust. lib. i cont. duas Epist. Pelag. cap. 19, recte monet non dixisse Christum neminem posse ad ipsum venire nisi Pater eum duxerit, sed nisi traxerit (Canon. 15): ut ostendat quod antequam Deus præ- veniat, nemo velit ire; ac proinde neminem esse qui se disponat. Nam qui se disponit, hic certe vult ire. Hinc etiam David in Psal. lxxvi: *Et dixi, in- quit, nunc cæpi, hæc mutatio dexteræ Excelsi*. Sic Isaias cap. lxxv, ex persona ipsius Dei, *Inventus sum a non quærentibus me, palam apparui his qui de me non interrogabant*. Sic Jeremias in Threnis cap. v: *Converte nos ad te, Domine, et convertemur*. Converti autem procul dubio est disponi ad salutem et gratiam; quam dispositi nem hic a Deo expectandam esse his verbis insinuat propheta. Sic denique S. Ezechiel cap. xxxvi: *Non propter vos ego faciam, domus Israel, sed propter nomen meum*. Deus ergo in nullo mortalium quidquam invenit, cujus intuitu ipsum vocet ad salutem; sicut de Zachæo et Latrone sentit abbas Chæremón; sed quidquid circa homi- nem facit, ex mera misericordia et gratia sua inme- ritis et indignis præstat. Id quod non solum ex divinis literis luce clarius demonstrari potest, verum etiam apud veteres et orthodoxos Patres passim docetur. Nam in synodo Arausicana, quæ paulo post tempore Cassiani coacta et celebrata est, et quam D. Leo pontifex hujus erroris occasione convocavit, negant Patres posse quemquam invocare Dei gra- tiam absque gratia: Si quis, inquit (Canon. 3), per invocationem humanam gratiam Dei dicit posse con- ferri, non autem ipsam gratiam facere ut invocetur a nobis, contradicit Isaiæ prophetae, et Apostolo idem dicens: *Inventus sum a non quærentibus me,*



*palam apparui his qui de me non interrogabant.* Et A  
 rursum canone 4 illius synodi et sequentibus, ex ip-  
 sius Augustini verbis quasi ex professo adversa sen-  
 tentia utpote hæretica et falsa condemnatur. Postea-  
 quam enim Pelagii doctrina, qua ille homines  
 omnia bona opera velle et facere posse statuebat  
 absque gratia Dei, nisi nomine gratiæ intelligeretur  
 liberum arbitrium, lex, doctrina, correptio et his  
 similia externa adiuvacula, ab Ecclesia rejecta fuis-  
 set, exorti sunt quidam alii in Galliis ac potissimum  
 apud Massiliam, quos vocant reliquias Pelagian-  
 norum, qui mediam quandam viam inter ortho-  
 doxam Ecclesiæ doctrinam et Pelagianum errorem  
 congressi, docebant non posse quidem homines ad  
 veram justitiam pervenire sine auxilio Dei: attamen  
 ipsum Deum omnibus offerre atque proponere salu-  
 tem ac fidem, nec aliud requirere aut expectare  
 quam promptitudinem voluntatis nostræ; posse  
 autem unumquemque ex viribus liberi arbitrii velle  
 credere, et velle sanari, quamquam Dei esset hæc  
 voluntatem perlicere et consummare. Isti ergo Dei  
 gratiam fontis publico comparabant, de quo possent  
 quicumque vellent haurire; vel soli, qui omnes illu-  
 minat, dummodo oculos aperiant, nec aliud impedi-  
 mentum opponant; vel liberalissimo medico qui  
 omnes volentes gratis curare paratus sit. Ita docuit  
 Faustus quidam Galliarum episcopus, et permulti alii,  
 inter quos etiam venit numerandus iste Chæremone  
 abbas. Sed contra hunc errorem scripsit D. Prosper,  
 lib. 1 de Vocat. Gent. cap. 5. In opusculis contra  
 Collatorem, ad objectiones Vincentianas, ad capitula  
 Gallorum, et alibi. Scripsit etiam hæc de re in  
 epistola quadam ad Augustinum quæ est in tomo  
 vii operum Augustini, cui adjuncta est ejus-  
 dem argumenti D. Hilarii Arelatensis epistola ad  
 eundem Augustinum. Et occasione ejusdem erroris  
 videtur Gelasius Pont. in concil. 70 episcop. Joannis  
 Cassiani opuscula inter apocrypha recensuisse, sicut  
 et libros Fausti Galliarum episcopi. Laudat vero B.  
 Augustini et Prosperi scripta in quibus hic error con-  
 futatus est. His adijciendi sunt D. Fulgent. de Incarn.  
 et Gratia Christi cap. 15, 17, 18 et seq.; Gregorius  
 homil. 9 in Ezechielem, Bernardus in libro de Gratia  
 et Libero Arbitrio; Innocentius primus epist. ad concil.  
 Carthaginiense, quæ 91, inter epistolas Augustini;  
 Cælestinus primus in epistola ad episcopos Gallia-  
 rum, ubi dicit coercendos esse illos qui contra B. Au-  
 gustini sententiam in hac materia sentirent aut scri-  
 berent; D. Hieron. contra Pelagium scribens; denique  
 B. August. prope infinitis locis, et præcipue in libro  
 de Gratia et Liber. Arb. cap. 14 et 17, lib. 1 contra  
 duas epist. Pelagian. cap. ult., et lib. ii cap. 8-10,  
 lib. iv in Julian. cap. 8, epist. 107 ad Vitalem, et in  
 duobus libris ad Prosperum et Hilarium; altero de  
 Prædestinat. Sanct., altero de Dono Perseverantiæ.  
 Hæc spectant et illæ comparationes Scripturæ sacræ,  
 quibus anima nostra vel luto vel terræ inæquæ si-  
 milis esse describitur. Sic enim regius Propheta post-  
 eaque dixisset neminem in conspectu Dei iusti-  
 ficatum iri, paulo post adjunxit: *Expandi manus meas*  
*ad te, anima mea sicut terra sine aqua tibi* (Psalm.  
 cxli). Si absque aqua sive arida est anima nostra,  
 nihil itaque germinare potest. Deinde si recte Jere-  
 mias in cap. xviii, et Apost. ad Rom. ix, luto com-  
 paraverunt animam humanam; nihil igitur ex sese  
 ipsa potest, sed a Domino omnem non solum agendi  
 facultatem, verum etiam præparationem expectare  
 debet, quemadmodum lutum non tantum formatur a  
 figulo in vas figulinum, sed ab eodem etiam repa-  
 ratum, molitur ac disponitur. Hæc a nobis breviter  
 quantum instituti nostri ratio postulat, dicta suffi-  
 cient. Nam dissolutiones argumentorum quæ ab isto  
 Chæremone in medium allata sunt ad enervandam  
 divini adiutorii necessitatem, apud D. Prosperum vi-  
 dere est, qui singula diffuse admodum in opusculo  
 contra Collatorem prosequitur et perstringit.

Col. 17 cap. 8.

*Satius est vos hoc mendacii vel non impletæ promissio-  
 nis subire dispendium, quod semel præteritum,  
 nec ipsum ultra jam repeti, nec alia per semet pote-  
 rit generare peccata; quam in illud incidere, per quod  
 tepidioris vitæ, ut dicitis, status quotidiano vos atque  
 interminabili officii detrimento.*

(Annot. 21.) Non temere ea quæ ab isto cap. octavo  
 usque ad finem collationis de mentiendi licentia tra-  
 dit abbas Joseph, Dionysius Carthusianus in sua pa-  
 raphrasi omisit. Nam B. Augustinus in libris de Men-  
 dacio et contra Mendacium, et alibi passim, nulla  
 de causa mentiri licere gravissimis rationibus demon-  
 strat; in cujus sententiam ceteri quoque orthodoxi  
 scriptores descendant. Verum Origenes in Commen-  
 tario Epist. ad Galat. et in lib. vi Stromatum, simu-  
 lationes et mendacia Christianis hominibus licita  
 esse asseverat: *Homo, inquit, cui mentiendi necessi-  
 tas incumbit, attendat ut sic interdum utatur mendacio  
 tamquam condimento et medicamine, ut servet mensu-  
 ram ejus; nec excedat terminos quibus usa est Judith  
 contra Holofernem, et vicit eum prudenti simulatione;  
 imitetur Esther, quæ Artaxerxis sententiam diu tacita  
 gentis veritate correxit; et in primis patriarcham Jacob,  
 quem legimus benedictiones patris artificiose impetrasse  
 mendacio.* Ex quo perspicuum est nisi ita mentiti  
 fuerimus, ut magnum nobis ex hoc aliquod queratur  
 bonum, judicandi sumus quasi inimici ejus qui ait,  
*Ego sum veritas.* In eodem libro approbat Platonis  
 sententiam quæ est in lib. iii de Republ., ubi habet  
 Plato, *Deo quidem indecens et inutile esse menda-  
 cium, hominibus vero quandoque utile et necessarium,  
 ut eo tamquam medicamento utantur, ad magna bona  
 procuranda, vel magna mala evitanda.* Rursus lib. x  
 Stromatum, addit Petrum et Paulum non vera, sed  
 simulata contentione invicem apud Antiochiam con-  
 tendisse, ut eo simulationis genere Judæos et genti-  
 les inter se de legalibus dissidentes ad concordiam  
 revocarent. Quæ fuit etiam B. Hieronymi sententia  
 in epist. ad D. August. et in Commentario Epist. ad  
 Galat. docentis hypocrisis bonis viris in tempore ne-  
 cessariam ad imitationem multorum illustrium viro-  
 rum, de quorum numero Jehu rex Israel, sub fallaci  
 promissione colendi Baal, sacerdotes ejusdem Baal  
 interemit; David ficta insania, periculum vitæ evasit;  
 Paulus, simulata objurgatione, Petrum nullius culpa-  
 reum ad terrorem Judaizantium reprehendit, et ut  
 Judæos Christo lucrificeret Timotheum circumcidit,  
 ipseque caput totondit in Cenchris, et facto calviti-  
 oblationem obtulit in Jerusalem. Videtur quoque  
 cum D. Hieronymo sensisse S. Chrysostomus, qui  
 in fine primi libri de Sacerdotio, fraudes, dolos ac  
 deceptiones quæ non nocendi studio, sed magni ali-  
 cuius boni gratia suscipiuntur, quandoque adeo ne-  
 cessarias esse affirmat, ut aliqui poenas luerint quia  
 fraudes non exerceverunt. Id quod non solum confir-  
 mat exemplo militum qui in bello vario stratage-  
 matum genere hostes suos fallunt, et medicorum qui  
 multis artibus agrotos circumveniunt, ut sumant  
 amara pharmaca, sed etiam auctoritate apostoli Pauli  
 quem hoc simulationis genere sæpe fuisse usum scri-  
 bit, et hac ratione multas myriades Judæorum ad se  
 traxisse. Fraudis, inquit, magna vis est, dummodo  
 non fiat animo fraudolento. Cæterum qui recto sem-  
 per calle ingreditur, de eo nunquam deflectens, sæpe  
 firut ei etiam cui non astuti aliquem struxerit, malo-  
 rum incommodorumque quam plurimorum auctor sit.  
 Itidem in Epist. ad Galat. scribens existimat cum B.  
 Hieronymo Petrum et Paulum non vera, sed simu-  
 lata contentione, ad discipulorum et fidelium qui  
 presentes aderant utilitatem, summa animi concor-  
 dia inter se contendisse; ut dum Petrus a Paulo si-  
 mulata reprehensione propter legalium observatio-  
 nem redargutus, non contradicit, sed quasi debetum  
 suum agnoscens obmutescit, Judæi, et qui legalia  
 servanda putabant, resipiscerent, et a legalium ob-



servatione abstinerent. Eidem sententiæ astipulantur Theodorus Hieracleæ episcopus, Eusebius Emesæ episcopus, Didymus Alexandrinus, Apollinarius Laodiceæ episcopus, Theodoretus Cyri episcopus, Theophylactus, et Oecumenius in Epistolam ad Galat. scribentes. Addunt insuper neutrum illorum apostolorum simulando peccasse, eo quod liceat, immo et oporteat simulationem pio juvandi studio nonnumquam adhibere. Sed has illorum assertiones D. Augustinus in libris duobus ad Consentium, quorum alter est de Mendacio, alter contra Mendacium, ex professo damnat; et in epist. ad D. Hieron. dolet eam aliquando abs Hieronymo defensam fuisse (Epist. 8, c. 3). Sic enim loquitur in ea epistola: *Legi quædam scripta quæ tua dicerentur in Epistolas Pauli, quarum unam ad Galatas cum enodare velles, venit in manus locus ille quo apostolus Petrus a pernicioſa simulatione revocatur: ibi mendacii patrociniū susceptum abs te tali viro, non mediocriter doleo. Mihi enim videtur exitiosissime credi eos homines per quos nobis divina Scriptura ministrata est atque conscripta, aliquid fuisse mentitos. Alia quippe quæstio est sitne aliquando mentiri viri boni, et alia quæstio est utrum scriptorem sanctarum Scripturarum mentiri oportuerit; immo vero non alia, sed nulla quæstio est. Admisso enim semel in tantum veritatis fastigium officioso aliquo mendacio, nulla illorum librorum particula remanebit, quæ non ut cuique videbitur, vel ad mores difficilis, vel ad fidem incredibilis eadem perniciosissima regula ad mentientis auctoris consilium officiumque referatur. Si enim mentiebatur apostolus Paulus cum apostolum Petrum objurans diceret: Si tu Judæus cum sis gentiliter, et non Judaice vivis, quemadmodum gentes cogis judaizare? et recte illi videbatur Petrus fecisse, quem non recte fecisse et dixit et scripsit, quid respondebimus cum exsurxerint perversi homines? etc. Idem pro-equitur Augustinus epistola 9 ad eundem Hieronymum cap. 3 et 4. Petrus itaque non fecte aut simulate, sed vere ac juste a Paulo reprehensus est, quod illa simulatio in Judæorum salutem suscepta in scandalum et perniciem gentilium vergeret, et illos in errorem illum induceret quo existimare potuerant ritus legales ab omnibus servandos esse. Quamquam etiam fateri oporteat acerbius subinde de Petro scripsisse divum Augustinum, cum ait illum superstitiosa et prava simulatione legis onera gentibus imponere voluisse, et dum hanc ipsam simulati nem inter gravia illius crimina admiscet, quemadmodum videre est in Commentario Epistolæ ad Galatas, et de Agone Christiano cap. 50. Porro autem non esse neque umquam fuisse ficta mendacia, ne veteris quidem instrumenti tempore (sicut abbas Germanus sensisse videtur in cap. 48 hujus collationis), Scriptura manifeste docet Exodi xxxiii. *Non suscipies vocem mendacii*, inquit Dominus, *nec junges manum tuam ut pro inpio dicas falsum testimonium*. Et paucis interjectis: *Mendacium fugies*. Rursus Propheta regus in ps. v: *Odisti omnes qui operantur iniquitatem, perdes omnes qui loquuntur mendacium*. Sapiens quoque in Proverbiis (Cap. xx), *Sanctus est homini panis mendacii*, inquit, *et postea os ejus implebitur calculo*. Et Sapientiæ i: *Os quod mentitur occidit animam*. Denique Ecclesiastici vii: *Noli velle mentiri omne mendacium*. Quam sententiam latissime prosecutus est B. Augustinus in duobus illis ad Consentium libris, ubi neque pro servanda pudicitia, neque pro vita temporali tuenda, neque ulla omnino de causa adversus Priscillianistas (quorum erat illa sententia: jura, perjura, secretum prodere noli) mentiri licere ostendit. Et beatus Joannes Anachoreta, magnus ille propheta apud Palladium c. 45 Historiæ Lausiacæ, docet neque parvum, neque magnum mendacium esse fingendum, etiam humilitatis tuendæ causa (id quod abbas Joseph cap. 21 et 22 hujus collationis permittit), eo quod mendacium omne a malo sit, uti Joan. viii dicitur. Sic etiam D. Justinus in Apologia secunda dicit Christianos mori magis quam semel mentiri. Ambrosius lib. ii in Lucam,*

A circa initium libri: *O justi*, inquit, *nescit mendacium*. Et B. Hieron. in Apolog. 4 contra Rufinum arguit Origenistas propter locum paulo ante ex lib. vi Stromat. a nobis adductum. Accedit B. Gregor. xvi Moral. cap. 2, ubi etiam levissima mendacia dicit esse peccata. B. Isidorus quoque in lib. Synonymorum omne mendacii genus fugiendum esse definit. Et Innocentius papa ejus nominis tertius in Decretalibus, tit. de Usura, cap. *Super eo*, divini præcepti verbo constanter vetari affirmat, ne quis etiam pro alterius vita servanda mentiatur. Atque huic sanctioni pontificiæ omnes theologorum scholæ subscribunt in iii Sentent. dist. 37 et 38 scribentes, qui non solum mendacium omne profitentur esse peccatum, verumetiam omnem sive noxiam sive officiosam simulationem et fraudem esse vitium veritati contrarium, et ad mendacii crimen pertinere. Nam sive sermone sive quocumque facto vel ledendi vel juvandi studio quispiam mentiatur, mendax est et omne mendacium peccatum. Et Aristoteles in iv Ethicorum (Cap. 7), *Mendacium*, inquit, *ex sese prævum est et fugiendum, verum autem omne bonum atque laudabile*. Quod si ex se malum est et vituperabile mendacium, nullo igitur fine, nullave circumstantia bonum effici potest; ne tum quidem quando humilitatis vel pudicitie ac salutis causa suscipitur; sicut furtum, rapina et similia peccata, si ad proximorum subventionem referantur, non propterea peccati rationem amittunt, quia ad finem honestum atque utilem ordinantur, eo quod in propria ratione malitiam includant, et, sicut philosophi loquuntur, habent convolutam malitiam. Jam vero quod attinet ad ea quæ in ista collatione ex sententia Josephi abbatis scripsit Cassianus, ut rem totam compendio absolvamus, respondemus ex sententia S. Augustini totam mendaciorum multitudinem quæ in divinis litteris contineri videntur, in duas classes dividi posse, in quarum priore statuendi sunt hi qui revera mentiti non sunt, tamen mentiri videantur. Primum enim errat in eo abbas Joseph quod sponsionis ac promissionis mutationem cum mendacio confundit, in hanc sententiam, ut quemadmodum consilium ac propositum licet mutare dum aliquid nobis melius ac sanius occurrit atque suggeritur, ita quoque mentiri licere asseveret. Nam sponsionem quidem etiam jurejurando confirmatam, præsertim si incanta et imprudens sit, absque ullius mendacii periculo licet mutare et corrigere. Unde B. Isidorus bene monet, ut in malis promissis rescindatur fides, sicut habetur 22, quæst. 4, cap. *In malis*. Hinc recte abbas Joseph cap. 8 istius collationis, *Veniabiliter*, inquit, *immo et laudabiliter definitio incanta mutabitur, si ad salubriorem transeat partem; nec constantie prævaricatio esse credenda est quoties sponsio vitiosa corrigitur, sed, temeritatis emendatio*. Id quod deinde rationibus et exemplis ex divina Scriptura et aliunde allatis, nono, quarto decimo et vigesimo septimo capitibus confirmat. Verum sponsionis sive pactionis correctio non est mendacium, ut ipse existimavit; qui enim aliquid promittit, si habeat voluntatem exsequendi id quod promittit, non mentitur quando promittit, quia non loquitur aliud quam facere intendit. Si autem non implet quod promissit, videtur quidem violare fidem, quia consilium et institutum mutat, potest tamen ex duplici causa correctio ista atque mutatio excusari. Priore, si promiserat id quod non licet, aut, ejus exsecutio divinæ legi contraria est; qui enim promittendo peccat, corrigendo promissionem suam bene facit. Recte itaque David postquam temere jurasset se occisurum Nabal, rogatus et increpatus ab uxore sententiam et juramentum suum retractavit, intelligens se jurare non debuisse quod postea cernebat se facere non debere. Id quod bene annotavit B. Augustinus contra Mendacium cap. 9. Posteriore, si res ipsa, rerumque circumstantiæ et conditiones mutatae sunt; ut enim recte dicit Seneca lib. iv de Beneficiis, c. 54 et 55, teneatur homo id facere quod promissit si omnia permoneant immutata: alioqui enim non fuit in pro-



mittendo mendax, quia promisit quod habebat in mente; nec fuit infidelis non implendo, quia eadem conditiones non exstant. Et ad hunc modum oportet apostolum Paulum a mendacio vindicare, quod non iverit Corinthum quo se iturum promiserat, quia proptersupervenientia impedimenta ire prohibebatur (II Cor. i). Nec aliter intelligendæ sunt minæ illæ quibus Deus in Scripturis Ezechiam mortem, Ninivitis subversionem et excidium, et peccatoribus diversa supplicia comminatus est, quas intuitu supervenientis poenitentiae illum legimus relaxasse ac remisisse: quæ omnia hic abbas in confirmationem sententiæ suæ adducit cap. 13 hujus collationis, ut statuat licita esse mendacia, quasi vero Deus etiam, qui est prima et infallibilis veritas, absque ingenti blasphemia aliquando mentitus fuisse credi possit. Non distinxit igitur Auctor inter comminationem et affirmationem, item inter mendacium et propositi mutationem, qualis fuit illorum angelorum quos Moyses scribit prius noluisse ingredi domum ipsius Lot, sed postea precibus illius adductos ut sententiam mutarent (Genes. xix). Quod deinde in cap. 8 simulationes et fictioes omnes putat esse mendacia, ipsosque apostolos asserit mendacio subinde usos fuisse, id quoque falsum est; quamquam enim B. Petrus, sicut paulo ante a nobis dictum est, in eo quod cibos discerneret, et similia quadam legis præcepta propter Judæos observaret, simulatione sit usus, non tamen mentitus fuisse putandus est: *Non enim mentimur nisi falsum aliquid intendamus; nec omne quod fingimus mendacium est*, inquit Augustinus (Lib. ii qu. Evang. c. 51), *sed quando id fingimus quod nihil significat. Cum autem fictio nostra refertur ad aliquam significationem veram, non est mendacium, sed aliqua figura veritatis*. Et profert argumentum simile in figuratis locutionibus, quales sunt metaphoricæ, ironicæ, hyperbolicæ, antiphrasticæ, in quibus fingitur quædam res non ut asseratur vera, sed proponitur uti figura alterius quod asserere volumus. Ad hunc igitur modum Christus in Evangelio finxit se longius ire, quia composuit motum suum quasi volentis ire longius; sive ad significandum quod ipse longe adhuc abesset a fide illorum, ut vult Gregorius (Hom. 23 in Evang.), sive quia cum longius ad eis discessurus esset in cælum, per hospitalitatem quodammodo retinebatur in terra, quemadmodum exponit Augustinus lib. ii quæst. Evang. cap. ult., et in lib. contra Mendacium cap. 13. Talis fuit et apostoli Petri simulatio, qui se Judæum in Judaicis illis observationibus simulabat; non quod Judæus esse aut haberi vellet, sed ne Judæi offenderentur, si una cum gentibus legis onera contempsisset. Similem quoque simulationem habuit et suscepit in se apostolus Paulus, quando Judæis Judæus, infirmis infirmus, his qui sine lege erant, quasi sine lege fuerit, et omnibus omnia factus est ut omnes lucraretur. *Hæc enim, teste B. Augustino (Epist. 9 ad Hieron.), compassione misericordiae dicta sunt, non simulatione fallaciæ. Fit enim tamquam ægrotus qui ministrat ægrotis, non cum se febres habere mentitur, sed cum animo condolentis cogitat quemadmodum sibi ministrari vellet, si ipse ægrotaret*. Nam utique Judæus erat, Christianus autem factus, non Judæorum sacramenta reliquerat, quæ convenienter ille populus et legitimo tempore quo oportebat acceperat. Ideoque susceperat ea celebranda, cum jam Christi esset apostolus, ut doceret non esse perniciosam quia ea vellent, sicut a parentibus per legem acceperant custodire, etiam cum Christo credidissent; non tamen in eis jam constituerent spem salutis, quoniam per Dominum Jesum salus illa quæ illis sacramentis significabatur, advenerat. Quapropter non ideo Petrum emendavit, quod paternas traditiones observaret; quod si facere vellet, nec mendaciter, nec incongrue faceret, sed quoniam gentes cogeant judaizare: quod nullo modo posset, nisi ea sic ageret tamquam adhuc etiam post Domini adventum necessaria salutis forent; quod vehementer per apostolum Paulum veritas dissuasit. Nec

A *apostolus Petrus hoc ignorabat, sed id faciebat timens eos qui de circumcisione erant*. Hucusque D. Augustinus. Quam sententiam etiam prosequitur in lib. contra Mendacium 12 et 15 capitibus, exponens multa similia loca Evangelii, quæ mendacio patrocinari videntur; quibus annumerari debet factum apostoli Pauli quod urget abbas Joseph in cap. 20 hujus collationis, quo jussus est ab apostolo Jacobo et senioribus Ecclesiæ Mosaicis ritus Jerosolymis observare, ne videretur legem contemnere aut improbare. Nam in hoc facto non usus est prava simulatione Apostolus; sed quod verus esset legis æmulator voluit indicare, quodque de lege non sentiret perperam aut perniciose, sed ejus observationem his qui ex Judæis conversi erant esse liberam, gentibus autem nequaquam imponendam. Hinc B. August. in lib. de Mendacio cap. 5 excusat eundem Apostolum a suspitione simulationis, quæ illi imputari posset propter Timothei circumcisionem et alia quædam Judaica sacramenta ab eo observata; et asserit eum hoc fecisse ex libertate sententiæ suæ, qua prædicavit nec gentibus prodesse circumcisionem nec Judæis obesse: ideoque et *Timotheus*, inquit, *cum in præputio vocatus esset*; tamen quia de Judæa matre ortus erat, et ostendere cognatis suis debebat ad eos lucrificandos, non hoc se dedisse in disciplina Christiana, ut sacramenta illa quæ legis veteris essent, abominaretur, circumcisis est ab Apostolo, ut hoc modo demonstraret Judæis, non ideo gentes ea suscipere quia malæ sint, et perniciose a patribus observata, sed quia jam saluti non necessaria propter adventum tanti sacramenti quod per tam longa tempora tota vetus illa Scriptura propheticiis locutionibus parturivit. Minoris momenti sunt quæ isthuc afferantur ex xvii Actorum Apostolicorum capite, aut ex Epistolis ad Romanos et Corinthios, in quibus etsi multa dicat et indulgeat Apostolus ex affectu misericordiae, nihil tamen habet in quo fallacis simulationis aut mendacii jure argui possit. Huc referri possunt omnia bellica stratagemata, militares insidiæ, cæteræque medicorum et judicum simulationes quæ, remoto omni falsitatis crimine, in sola veritatis occultatione consistunt. Nam in illo judicio Salomonis in Reg. i cap., quod abbas Joseph adducit in cap. 25, ad statuendam mentiendi licentiam; item in verbis Josephi patriarchæ Gen. xlii, quæ ille ad fratres suos non tam asserendo quam explorando et tentando locutus est, nullum mendacium continetur. Rursus, nec illi mentiri sunt, qui figurate, mystice ac prophetice locuti fuisse describuntur. Cujusmodi locutionis exemplum habemus in Jacob patriarcha, in illis verbis, *Ego sum primogenitus tuus Esau*. *Non est enim hoc mendacium*, inquit August. libr. contra Mendacium cap. 50, *sed myste ium. Quæ si mendacia dixerimus, omnes etiam parabolæ, ac figuræ significandarum quarumcumque rerum, quæ non ad proprietatem accipiendæ sunt, sed in eis aliud ex alio est intelligendum, dicuntur esse mendacia: Quod absit omnino*. Idem prosequitur Augustinus quæstione 74 in Genes. et Ambr. lib. ii de Jacob cap. 2 et Innocentius in cap. *Gaudemus* titulo de Divortii. Verisimile etiam est ipsum Jacob non ignorasse quod secundum divinam Providentiam quæ illum ad primogenituram delegerat, vere primogenitus erat, et jure fratri suo antepositus. Id quod ex matre scire poterat, quæ revelationem hujus mysterii divinitus acceperat. Non recte igitur abbas Joseph, cap. 12 et 17 hujus collationis, patriarcham Jacob asserit non solum pro mendacio suo nullam contraxisse damnationem aut reprehensionem, verum etiam perpetua benedictionis hæreditate ditatum esse. De David quoque insaniam simulante (I Reg. xxi), dubium non est quin, sicut alibi passim, ita hoc loco etiam Christi typum et figuram expresserit. Porro ii qui aliquid veri affirmantes, aliquid etiam quod verum esset utili silentio conticuerunt, ad hanc priorem quoque non mentientium classem



pertinent. Hoc enim dilucide docet B. Augustinus in commentario psalmi quinti enarraus verba illa : *Perdes omnes qui loquuntur mendacium : Ne quis arbitretur, inquit, perfectum et spiritalem hominem, pro ista temporali vita, in cuius morte non occiditur anima, sive sua, sive alterius, debere mentiri.* Sed quoniam aliud est mentiri, aliud est verum occultare ; siquidem aliud est falsum dicere, aliud est verum tacere, ut si quis forte vel ad istam visibilem mortem non vult hominem prodere, paratus esse debet verum occultare, non falsum dicere, ut neque prodatur, neque mentiat, ne occidat animam suam pro corpore alterius. Ad quem modum Abraham patriarcha Genes. xii cap. quando Saram sororem suam esse dixit, non est mentitus ; sed dicendo verum veritatem tamen aliquam subiecit. Erat enim soror ipsius non ex matre, sed ex patre, ut loquitur Scriptura ; id quod recentiores nonnulli, inter quos est Cajetanus in Genesim, et Dominicus Soto lib. ii de Justit. et Jur. qu. 3 art. 8, proprie dictum accipiunt, quasi Sara non fuerit quidem uterina soror Abraham ex eadem matre, sed ex eodem patre genita. Sed huic intellectui repugnant Josephus lib. i Antiq. cap. 14 ; D. Hieron. in quest. super Genes., explicans caput undecimum, et Augustin lib. xvi de Civit. Dei cap. 19, et lib. xxii contra Faustum cap. 55, qui dicunt Saram non fuisse ejus sororem, si proprie loqui velimus, sed filiam fratris. Nam Genes. cap. xi, posteaquam dixerat Moyses Abrahamum et Nachor accepisse uxores, illum quidem Sarai, hunc Melcham, statim addit Melcham et Jescham filias fuisse Aram fratris Abraham et Nachor. Jescham autem D. Hieronymus asserit fuisse Saram ; non enim credibile est Scripturam prodidisse nomen patris Melchæ et non Saræ. Sic existimat D. Augustin. lib. xvi de Civit. Dei cap. 12. Deinde propriam sororem accipere uxorem natura penitus abhorret, usque adeo ut Levitici xx occidi jusserit Dominus illum qui sororem, sive ex patre, sive ex matre, accepisset uxorem. Est vero divinis litteris familiare avos vocare patres, nepotes filios, et consanguineos fratres ; sicut Danielis v cap. Nabuchodonosor vocatur pater Balthasaris, cujus avus erat, quemadmodum scribit in illum locum S. Hieronymus. Et Lot in Genesi (Cap. xiii) vocatur frater Abraham, cum tamen ex cap. xi constet ipsum fuisse filium fratris Abraham. Rursus Tobias junior cap. viii libri Tobiae dicit quod non luxuriæ causa sororem suam acceperit uxorem, quæ tamen non erat proprie soror. Quapropter in eadem plane sententiam accipiendum est, Saram fuisse sororem Abraham, quia consanguinea erat, et fratris sui filia. Aliquid ergo veri tacuit, inquit Augustinus, non falsi aliquid dixit Abraham, quando tacuit uxorem, dixit sororem. Hoc et filius ejus fecit Isaac : nam et ipsum novimus propinquam suam conjugem fuisse sortitum. Quod vero idem Abraham cap. xxii Geneseos, immolaturus filium, ad pueros suos dicebat, *Expectate hic cum asino, ego autem et puer illuc usque properantes, postquam adoraverimus, revertemur ad vos ;* D. Ambrosius lib. i de Abraham cap. 8 sic exponit, ut fateatur eum i sic fuisse mentitum dissimulando, et simul etiam prophetasse, sicut fecit Caiphas, qui nesciens prophetavit ; atque ita eadem verba putat fuisse mendacium uti ab Abrahamo proferebantur, et prophetiam quantum a Deo dirigebantur. Rectius tamen mea sententia, B. Augustinus sermone 72 de Tempore et lib. ii Retract. cap. 22 negat in his verbis Abrahamum fuisse mentitum : *Credebat enim Deum statim a morte excitaturum fuisse Isaac, si eum immolasset, atque ita se una cum illo ad pueros reversurum ; juxta illud quod Apostolus de illo dicit in Epistola ad Hebr. (cap. xi) ; Fide obtulit Abraham Isaac filium suum, arbitrans quod a mortuis suscitare potens est Deus.*

In secunda classe reponimus eos de quibus dubitare non licet quin mentiti fuerint : quomodo mentitus est David coram Achimelech sacer-

A dote (I Reg. xxi) Rex Hien sive Jchu cum sacerdotibus Baal (IV Reg. x), Raab pro exploratoribus Judeorum (Josue i), Chusi ad Absalom pro salute regis David (II Reg. xvii), Judith ad Holophernum (Judith. xi), obstetrices Hebræorum (Exod. i), Thamar (Genes. xxxviii), et complures alii. Verum ex horum facto et mendacio nentiquam efficitur licitum esse mendacia. Non omnia enim, inquit Augustinus lib. ii contra Mendacium cap. 9, quæ a sanctis vel justis viris legimus facta, transferre debemus in mores ; sed etiam hinc discere quam late pateat, et ad quod usque perveniat, quod Apostolus ait (Galat. vi), *Fratres, etsi præoccupatus fuerit homo in aliquo delicto, vos qui spirituales estis, insruite hujusmodi.* Præoccupationes enim sunt istæ, in quibus delinquitur, dum quid faciendum sit, aut ad horam non videtur ; aut qui viderit, vincitur ; ut scilicet fiat peccatum, cum vel latet veritas, vel compellit infirmitas. Quamquam enim divina Scriptura hæc mendacia recenseat, nusquam tamen ea laudat vel approbat. Nam illos ipsos quidem qui mentiti fuerunt nonnumquam laudatos et bonis temporalibus a Deo cumulatos legimus ; nullo modo tamen æstimare licet, remuneratam sive laudatam in eis fuisse fallaciam sive mendacium ; sed pietatem, charitatem, et fidem qui complexi sunt illos, pro quibus mentiri non timerunt, quemadmodum prolixè et erudite prosequitur B. Augustinus contra Mendacium cap. 14, 15, 16 et 17. Quorirca perperam Collator iste (Cap. 17) censet Raab meretricem mendacii sui merito populo Dei annumeratam, aut genealogiæ Christi a Matthæo insertam fuisse ; vel patriarcham Jacob propter mendacium suum Domini benedictione ditatum fuisse, sicut latissime notatis capitibus prosequitur Augustinus.

Præter enumerata divinæ Scripturæ testimonia et exempla quæ Auctor adducit ad statuendam mentiendi licentiam, cavendæ sunt in hac ipsa collatione sententiæ aliquot perniciosæ, quas hic ex ordine subjiciemus.

Prima est : *Mendacio tamquam ell boro utendum esse, quod sumitur imminente aliquo exitiali morbo* (Cap. 7 et 19). Corporis quidem salus et vita mendacio subinde servatur : at quia ex sese prævum est, ideoque nulli ei vis inest animum medendi ; sed quæcumque tandem causa adhibeatur, nocumentum ei infert, dicente Scriptura, *Os quod mentitur occidit animam.*

Secunda : *Quando grave aliquod imminet de veritatis confessione discrimen, tunc mendaciorum sunt recipienda perfugia ; ita tamen ut reatu humilis conscientia salubriter mordeamur* (Cap. 17). Quod non est aliud dicere, quam facienda esse mala, ut veniant bona.

Tertia : *Deum non respicere nec æstimare vocalem sive externam veritatis confessionem, sed intimam tantummodo cordis pietatem* (Ibidem et alibi passim). Repugnat Apostolus, qui dicit, *Corde credi ad justitiam, ore autem fieri confessionem ad salutem.* Et regius propheta psalmo xiv ab homine justo utrumque requirit : ut et veritatem loquatur in corde suo, nec agat dolum in lingua sua.

Quarta : *Per mendacium potuisse quosdam justificari* (Ibidem). Absit a Christianis mentibus ut credant justitiam mendacio comparari. Non enim est justitia ubi dolus regnat vel falsitas.

Quinta : *Charitate excusari mendacium si ad servandam alterius vitam, vel propriam aut alienam pudicitiam, vel propter magnum aliquod bonum suscipiatur.* Nam Sapiens dicit eruentes eos qui ducuntur ad mortem. Et Apostolus : *Nemo quod suum est querat, sed quod alterius* (Cap. 19). Rectius B. Augustinus in libris de Mendacio et contra Mendacium, docet ita studendum esse alienæ salutis, ut propriam tamen non postponamus. Si quis, inquit, ad te confugerit qui mendacio tuo possit a morte liberari, non ex mentiturus ; os enim quod mentitur, occidit animam.



etc. Eruiendi itaque sunt quidem qui ad mortem ducuntur, sed non per vias obliquas, per furti, per fornicationes, per mendacia, aut quæcumque alia peccata. Nam per hæc non promovetur charitas, sed violatur.

Sexta: Veritas quibusdam nocuit, et profuit mendacium. Nam *Doeg Idumæus cum apud Saulem prodidisset factum sacerdotis Achimelech, pro hac veritate eradicari meruit de terra viventium, ut dicitur in ps. LI, in qua terra Raab meretrix pro mendacio cum sua cognatione plantata est. Samson quoque proditæ veritatis iustas tulit pœnas (Cap. 20).* De Raab diximus in illa non esse remuneratum mendacium, sed pietatem et fidem in exploratores urbis et terræ Jerichontinæ. Nec refert quod veritatis confessio, si incaute et imprudenter facta sit, quibusdam male cesserit. Illos enim non tam veritas ejusve confessio quam imprudentia qua usi sunt, in discrimen adduxit. In martyribus autem confessio veritatis, quamquam temporale nocumentum eis attulerit, non propterea infelices fuisse putandi sunt; sed hoc eis ad gloriam cessit, et ad sempiternam victoriam atque salutem.

Septima: Qui mirabilia virtutum suarum, vel proprios actus, quos necesse erat ad instructionem juniorum in collatione proferri, sub aliorum solebant colorare personis, quid aliud possumus quam apertum super his judicare mendacium? Ad quod etiam nos suo magisterio doctor gentium evidenter instituit; qui revelationum suarum magnitudinem ex alterius maluit proferre persona dicens: Scio hominem in Christo, sive in corpore, etc. (Cap. 24). Frivolum plane argumentum; nam qui in tertia persona de se loquitur non propterea mentitur, nihil enim falsi enuntiat, quamquam aliquid veri taceat. Veritatem autem silentio premere, non est mentiri, sicut antedictum est, nisi falsitas aliqua misceatur.

Octava: Humilitatis causa mentiendum esse, ut ne quis etiam interrogatus prodant aliis proprias virtutes, et ne prodendo jactantiam noxiæ vanitatis incurrat (Cap. 21, 23 et 24). Hanc sententiam damnat B. Augustinus in hæc verba: Cum humilitatis causa mentiris, si non eras peccator antequam mentireris, mentiendo efficeris quod vitaras: veritas autem ipsa in te non est, nisi te ita dixeris peccatorem, ut etiam esse cognoscas; veritas autem ipsa est, ut quod es dicas. Nam quomodo est humilitas ubi regnat falsitas? Plura videre est apud Gratianum 22, quæst. 2, Cum humilitatis, qui est canon nonus, et seq. Nec movet nos argumentum Josephi abbatis quod habet in cap. 21 hujus collationis; offert enim illic testimonia evangelica, quibus vetat Dominus ne velimus videri jejunantes. Et rursus: Nesciat sinistra tua quid faciat dextera. Quam objectionem bene dissolvit B. Gregorius homil. 11 super Evangelia: Inventus thesaurus, inquit, absconditur ut servetur, quia studium cœlestis desiderii a malignis spiritibus custodire non sufficit, qui hoc et ab humanis laudibus non abscondit.

In præsentem etenim vitam qua i in via sumus, qua ad patriam pergitur. Maligni autem spiritus, quasi quidam latrunculi iter nostrum obsident. Deprædari ergo desiderat qui thesaurum publice portat in via. Hoc autem dico, non ut proximi opera nostra bona non videant, cum scriptum sit, Videant opera vestra bona, et glorificent Patrem vestrum qui in cœlis est, sed ut per hoc quod agimus laudes exterius non quæramus. Sic autem sit opus in publico, quatenus intentio maneat in occulto, ut et de bono opere proximis præbamus exemplum, et tamen per intentionem qua soli Deo placere quærimus semper optemus secretum. Hactenus ex Gregorio. Qui ergo de virtute quam habet, aut de bono aliquo opere a se admissio interrogatus, veritatem confitetur, nec in eo sibi placet, sed Deo fert acceptum, illique gloriam omnem ascribit, non peccat in illam legem: Nesciat sinistra tua quid faciat dextera, quæ de sola intentione ac proposito animi nostri disponit ac præcipit.

Hæc sententias Josephi abbatis videtur Joannes

A Cassianus ita commemorasse, ut sese quoque de his non immerito suspectum nobis reddiderit. Nam et sub finem collationis ita loquitur: *Hæc beatissimi Joseph institutione atque doctrina velut divino oraculo confirmati, in Ægypto residere malimus, etc.* Et quod magis ad rem facit, in lib. vi Institutionum de Archebio abbate scribens (Cap. 37), dicit illum religiosa circumventionem et charitatis mendacio apud fratres usum fuisse. Quæ locutio non aliud sonare videtur quam quod servandæ charitatis gratia, et ad juvandos alios mendacia recte adhibeantur, id quod hactenus ostendimus non licere. Immo nullum est omnino charitatis mendacium; non enim pugnant charitas et veritas, sed contra potius charitas mendacio et falsitati inimica est.

Quod denique in ultimo cap. istius collationis septimæ decimæ vetat abbas Joseph ne monachus quidquam definiat, aut quidquam certi statuatur de observandis corporalibus exercitationibus, utpote de irremisso jejunii rigore, de vini, sive olei, sive carniū perpetua abstinence, de progressu cellulæ penitus cohibendo, de lectionis seu meditationis incessabili jugitate, non est intelligendum de his quæ solemnī voto in religionibus subinde promittuntur, nam hoc licet in approbata religione; sed de his quæ quisque monachus privata quadam temeritate apud se spondet, quæ res uti imprudentiæ, ita periculi plena est.

Coll. 20 cap. 8.

Quis est qui non possit suppliciter dicere, Peccatum meum cognitum tibi feci et injustitiam meam non operui? ut per hanc confessionem etiam illud confidenter subjungere mereatur, Et tu remisisti impietatem cordis mei. Quod si, verecundia retrahente, revelare peccata tua coram hominibus erubescis, illi quem latere non possunt confiteri ea jugi supplicatione non desinas, ac dicere: Iniquitatem meam ego cognosco, et peccatum meum contra me est semper; tibi soli peccavi, et malum coram te feci, qui et absque ullius verecundiæ publicatione curare, et sine improprio donare consuevit.

(Annot. 22.) Similia loca complura videre est apud D. Chrysostomum Joannis Cassiani præceptorem, homil. 2 in Psalmum I, homil. 4 de Lazaro in cap. vi Lucæ, homil. de publicano in cap. xviii Lucæ, homil. 1 in cap. xii Epist. ad Hebr., homil. de pœnitentia et confessione, homil. 8 de pœnitentia, et homil. 5 de incomprehensibili natura Dei: quæ loca Lutherani una cum Calvino c. 9 Institutionis adducant adversus sacramentalis confessionis necessitatem. Sed perperam et imperite; non enim loquuntur Chrysostomus et Cassianus de secreta et auriculari confessione, quæ sacerdotibus fiat, et sacramenti pœnitentiæ pars est. Sed hoc solum dicere volunt, quod non sit ad salutem necessaria illa theatralis et publica confessio, quæ in publica pœnitentia olim fiebat, quando pœnitens seu in theatro coram episcopo, sacerdotibus, et populi multitudine crimen aliquod enorme confitebatur. Ad hanc igitur confessionem eos qui occulte deliquerant, D. Chrysostomus adigere noluit, tum quod non judicaret omnia occulta peccata publicanda esse, tum quod circa hæc ipsa tempora publica confessio metu furentis populi a Nectario Constantinopolitano episcopo ipsius Chrysostomi prædecessore abrogata esset; idque propter matronam quamdam a diacono sub confessionis prætextu compressam, sicut refert Sozomenus lib. ix Hist. Tripart. cap. 35.

Col. 21 cap. 4.

Sic et David præcepta Legis cognovimus supergressum, qui præcipiente Moyse ut inimicis talio redderetur, non solum hoc non fecit, verum etiam dilectione complexus est persequentes, et pro his Domino pie supplicans, etiam lugubriter flevit, et ultus est interfectos.

(Annot. 23.) Videtur alludere ad secundi libri Re-



gum caput primum, ubi refert divina Scriptura, quod Saule, Jonatha et multis aliis in prælio Philistinorum interfectis, eaque re ad aures ipsius Davidis perlata, David sciderit vestimenta sua, omnesque viri qui erant cum eo, et planxerunt, et fleverunt, et jejunaverunt in die illa usque ad vesperam super Saul et super Jonatham filium ejus et super populum Domini, et super Domum Israel, eo quod corruissent gladio. Puerum vero Amalecitem qui hæc nuntiabat, interfici jussit, eo quod manum suam misisset in christum Domini. Erat hæc eximia quædam Davidis in Saulem hostem suum pietas, qua illi semper pepercit, rogavit pro eo Dominum, et pro mortuo lacrymatus est, et jejunavit. Quod vero Theonis abbas de lege talionis dicit, illam a Moyse præceptam ad omnes pertinuisse, ita ut cuique læso permissum fuerit tantumdem damni inferre ei a quo læsus esset, quantum passus fuisset; sed ad judices lex illa pertinebat, qui in Republ. juxta Philosophi sententiam (*Arist. l. v Ethic. c. 4*) sunt veluti medium et justum quoddam animatum, ea quæ inæqualia sunt ad æqualitatem redigentes. Nam in cap. xxi Exodi ubi lex ista decreta est, præscribitur norma quædam certa, quam judices in puniendis delictis sequi debeant. Sic enim habet illius capitis initium, *Hæc sunt judicia quæ propones eis*, etc. Et Levit. xxiv, paulo post repetitam talionis legem subdit Dominus Deus, *Æquum judicium sit inter vos, sive peregrinus sive civis peccaverit*. Denique in Deuteronomio (*Cap. xix*) præcipit Dominus ut penes judices et sacerdotes sit pœnæ istius definitio; qui cum invenerint falsum aliquem testem dixisse contra fratrem suum mendacium, reddent ei sicut fratri suo facere cogitavit. At Judæi, ac potissimum Scribarum et Phariseorum schola, ad omnes etiam privatos homines legem hanc extendebant, quasi quilibet illorum posset a proximo suo, si ab illo læsus esset, hanc talionis pœnam exigere. Huic porro pravæ illorum opinioni occurrens Christus apud Matthæum (*Cap. v*), hortatur ne vindictam ullam a fratribus expetamus, sed ut percutienti dexteram maxillam parati simus etiam alteram, si opus est, percutiendam offerre. Audistis, inquit, quia dictum est, *oculum pro oculo, et dentem pro dente*; ego autem dico vobis non resistere malo. In quibus duabus sententiis, inquit Augustinus (*Contra Adimantum c. 8*), duorum Testamentorum differentia demonstratur, sed amborum tamen ab uno Deo constitutorum. Nam quoniam primo carnales homines ardebant multo amplius se vindicare quam erat illa injuria de qua querebantur, constitutus est eis primus lenitatis gradus, ut injuriæ acceptæ mensuram nullo modo dolo vindicantis excederet. Sic enim et donare aliquando posset injuriam, qui eam primo non superare didicisset. Unde Dominus jam per Evangelii gratiam ad summam pacem populum deducens, huic gradui superaddidit alterum, ut qui jam audierat non amplius vindictam quam quisque læsus esset reddere, placata mente totum se donare gauderet. Quod etiam in illis veteribus libris Propheta prædicat, dicens: *Domine Deus meus, si feci istud, si est iniquitas in manibus meis, si reldidi retribuendis mihi mala* (*Ps. vii*). Et alius Propheta dicit de hujusmodi viro patiente injurias, et lenissime tolerante: *Dabit percutienti se maxillam, saturabitur opprobriis* (*Thren. iii*). Ex quo intelligitur et mensuram vindicandi recte carnalibus constitutam, et omnimodam injuriæ remissionem non tantum in novo Testamento esse præceptam, sed longe ante in veteri prænuntiata. Eandem sententiam prosequitur idem Augustinus lib. xix contra Faustum cap. 25: *Quis, inquit, facile contentus est tantum rependere vindictæ quantum accepit injuriæ? Nonne videmus leviter læsos homines moliri cædem, sitire sanguinem, viæque invenire in malis inimici unde satientur? Huic igitur immoderatæ ac injustæ ultioni, lex justum modum figens pœnam talionis instituit, hoc est, ut qualem quisque intulit injuriam, tale supplicium repen-*

*dat; quod non solum, sed times furoris est, non ut id quod sopitum erat hinc accenderetur, sed ne id quod ardebat, ultra extenderetur; imposita est enim justa vindicta quæ juste debetur ei qui passus fuerit injuriam. Quod autem debetur, etsi benigne remittitur, non tamen inique repetitur. Itaque cum peccat qui immoderate vult vindicari, non autem qui vult juste vindicari, remotior est a peccato qui omnino non vult vindicari, et ideo subdit: Ego autem dico vobis non resistere malo. In eadem sententiam B. Hieronymus enarrans huic D. Matth. locum, ita scribit: Dominus noster vicissitudinem tollens, truncat initia peccatorum; in legemque culpa emendatur, hic peccatorum auferuntur exordia. Hæc ille. Lex igitur illa quæ talionem præcipiebat, iudicibus data erat, ut juxta illius præscriptum justa fieret compensatio; non enim licebat læso ei a quo læsus erat talionem reddere, sed judex qui pœnam hanc decernebat, idem et exigebat.*

Col. 21 cap. 5.

B Non ergo Christus ad excelsa virtutum fastigia quemquam præcepti necessitate constringit, sed liberi arbitrii provocat potestate et salubritate consilii et desiderio perfectionis accendit.

(Annot. 24.) Provocat quidem Christus liberi arbitrii vires; sed nos non sequimur neque paremus vocati, nisi ex munere ipsius Dei. Nam ipse tangit corda nostra, movet, excitat, inclinât, et facit ut ambulemus in præceptis ipsius; nec tantum in præceptis sive jussionibus, verum etiam in consiliis evangelicis suscipiendis, quæ quo sunt excelsiora sublimioraque, eo ampliore gratia Dei, ut impleantur, indigent. Sed hæc late prosecuti sumus in tertia decima notatione; idcirco brevitati hoc loco studemus, lectorem ad eum locum remittentes. Multa si quidem hujusmodi loca passim occurrent, e quibus nos quædam tantummodo indicabimus. In quibus illud semper lectorem meminissemus volo, quod in tertia annotatione a nobis dictum est, nimirum abbates istos non loqui de iis qui divinæ gratiæ prorsus expertes sunt, sed de his quos inhabitans spiritus moderatur, et ad bonum semper invitat, nec umquam otiosos esse patitur: atque ita non excluditur nec ulla injuria sit gratiæ Dei, quæ semper cooperari intelligenda est. Similis locus est in septimi capitis principio in illis verbis: *In nostra situm est potestate utrum sub Evangelii gratia, an sub Legis velimus terrore consistere, quod, excluso Dei adjutorio, hæreticum et falsum est.*

Col. 21 cap. 9.

Si ego, inquit beatus Theonas, te abstrahere a morte non possum (alloquitur uxorem suam), nec tu me separabis a Christo; tutius est autem mihi cum homine quam cum Deo habere divortium. Aspirante itaque gratia Dei, definitionis suæ executionem instanter aggressus est, nec intepescere per aliquam moram desiderii sui passus est ardorem; nam confestim omni mundana facultate nudatus, ad monasterium pervolavit.

D (Annot. 25.) Etsi factum istud abbatis Theonæ, quo post lapsum quinquennii tempus (quo cum sua conjugæ in matrimonio vixerat) ad monasterium relamante uxore confugit, a Patribus Ægypti adeo non sit reprehensum, ut ipse quoque propter varias animi sui dotes, et apostolicarum signa virtutum ac prodigiorum, in diaconatû munere multis aliis summis ac sublimissimis viris prælatus sit, quemadmodum scribit Cassianus cap. 10 hujus collationis, nullo modo tamen trahendum est in exemplum; nam canones omnes repugnant: non enim potest Deo accepta esse stulta et fallax promissio, qua quis rem non suam offert, sed quæ in alterius est potestate. Ideoque si vir sui corporis potestatem non habet, secundum Apostoli sententiam, sed mulier; et vicissim mulier non habet sui corporis liberam potestatem, sed vir: non potest ergo vinculum conjugale, quod per superven-



nientem carnis copulam, et per mutuam corporum traditionem consummatum perfectumque est, nisi sola corporis morte dissolvi, nec potest alter in alterius præjudicium continentiae votum Deo nuncupare. Hinc rursus Apostolus ad Romanos (Cap. vii): *Quæ sub viro est mulier, vivente viro, inquit, alligata est legi* (nempe connubii): *si autem mortuus fuerit vir ejus, soluta est a lege, ut non sit adultera, si fuerit cum alio viro.* Porro si matrimonium contractum quidem sit per mutuam consensum aliaque omnia quæ ad hujus sacramenti perfectionem necessaria esse Tridentina synodus definivit, nondum autem accessit carnalis copula per quam uterque suum corpus in alterius transferat potestatem, manet adhuc libertas illa ad vota sanctiora etiam invito altero transeundi; quamquam secus opinatus sit Erasmus Roterodamus, qui prioris Epistolæ ad Corinthios caput septimum enarrans, putat non debere sponsum sua sponsa frangari propter approbatæ religionis ingressum. At contra sacri canones definiverunt, quemadmodum videre licet cap. Verum de Convers. conjugatorum, et cap. Ex publico. et 27, q. 2, ex Eusebio, et ex Nicolao, can. *Scriptis*, ut omittimus exempla Macarii, Alexii, et aliorum quos legimus celebratis nuptiis ante matrimonii consummationem castitatis voto sese astrinxisse. Quod etiam de D. Joanne Evangelista quidam senserunt, quem asserunt e mediis nuptiis a Christo ad apostolatus honorem evocatum atque electum fuisse. Si vero post consensum commixtio et mutua corporum traditio fuerit consecuta, tollitur ista libertas, ut neuter sine alterius voluntate religionem ingredi aut profiteri queat. Quemadmodum enim spiritualis illa et prior copula, quæ per mutuam consensum in ipsius sacramenti susceptione efficitur, per solum religionis ingressum, qui est velut mors quædam spiritualis, dirimitur; ita carnalis copula et corporum commixtio, sola corporis morte dissolvi potest, nisi forte ex mutuo consensu uterque conjux religionem velit profiteri. Hinc recte B. Augustinus in psal. cxxix: *Si dicat vir, inquit, Continere jam volo, Nolo autem, uxor; non potest.* Quod enim tu vis, illa non vult. Numquid per continentiam tuam illa debet fieri fornicaria? Si alii nupserit te vivo, adultera erit. Non vult tali lucro Deus tale damnum compensari. Redde debitum, et si non exigis, redde. Pro sanctificatione perfecta Deus tibi computabit, si non quod tibi debetur exigis, sed reddis quod debes uxori (35, quæst. 5, can. Si dicat vir). Rursus epistola 199, ad Edictum (Can. Secundum verba): *Secundum verba Apostolica etiam si vir continere voluisset, et tu noluisses, debitum tibi reddere cogeretur.* Et epist. 43 (Can. Una solus): *Una sola causa esse potest qua te ad id quod vovisti non modo non hortaremur, sed etiam prohiberemus implere, si forte tua conjux hoc tecum suscipere animi vel carnis infirmitate recusaret.* Nam vovenda talia non sunt a conjugatis, nisi ex consensu et voluntate communi; et si præpropere factum fuerit, magis est corrigenda temeritas, quam persolvenda promissio. Non enim Deus exigit si quis ex alieno aliquid voverit, sed potius usurpare vetat alienum. Hucusque ex Augustino: qui alibi etiam (Lib. 1 de adul. Conjugiis c. 2) hanc sententiam apostoli Pauli auctoritate corroborat; nam I Cor. vii, non vult conjuges se invicem fraudare carnali debito, nisi ad tempus, ut vacent orationi, idque ex mutuo consensu. Et iterum reverimini, inquit, ne tentet vos Satanas propter incontinentiam vestram. Accedit ad jam dicta Remensis concilii auctoritas (33, quæst. 5), in quo decretum est, ut is qui uxorem suam velari permiserit, aliam non accipiat, sed similiter convertatur. Et S. Gregorius I. v epist. 49, ad Urbicum abbatem: *Quia Agatho præsentium lator in monasterio dilectionis tue converti desiderat, hortamur ut cum omni eum dulcedine dilectioneque suscipiatis. Quem tamen ita suscipiendum esse cognosce, si et uxor ipsius similiter converti voluerit. Nam cum unum utrorumque corpus conjugii copulatione sit factum, incongruum est partem converti, et partem*

*A in sæculo remanere.* Præterea Alexander III Eyonensi episcopo scribens de conversione conjugatorum cap. 4 (Vide etiam ibid. c. 8, Uxoratus, et c. 15 Ad apostolicam): *Cum sis, inquit, præditus scientia litterarum, ignorare non debes sanctorum Patrum esse constitutioni contrarium, ut vir uxore sua, aut uxor viro ejus non assumente religionis habitum, debeat religionem intrare. Ad monasterium converti desiderans, prohibetur suscipi, nisi uxor ejus pariter convertatur.* Nam cum unum utrorumque corpus conjugii copulatione sit factum, incongruum est partem converti, et partem in sæculo remanere. Inde est quod auctoritate apostolica prohibemus ne in episcopatu tuo virum vel uxorem, nisi uterque ad religionem migraverit, transire permittas. Verum si uxor ita senex est et sterilis, quod sine suspitione possit esse in sæculo, dissimulare poteris, ut ea in sæculo remanente et castitatem promittente ad religionem transeat vir ejus. Nec refert, quod canones isti multo post Theonæ abbatis et Cassiani tempora editi sunt, cum matrimonium consummatum, ex sua conditione et natura, non autem ex pontificia habeat auctoritate, quod dissolvi nequeat. Cujus vinculi tres potissimum causæ sunt: primum enim sacramenti ratio impedit ne possit ullo modo dirimi; unde Eugenius pontifex in synodo Florentina: *Tertium bonum, inquit, est indivisibilitas matrimonii, propter hoc quod significat indivisibilem conjunctionem Christi et Ecclesiæ. Quamvis autem ex causa fornicationis liceat tori separationem facere, non tamen aliud matrimonium contrahere fas est, cum vinculum legitime contracti matrimonii perpetuum sit.* Sic etiam Apostolus Ephes. v: *Sacramentum hoc magnum est, ego autem dico in Christo et Ecclesia.* Eandem rationem subinde urget B. August. de Bono Conjugali cap. 7, lib. v contra Julian. cap. 9, lib. 1 de Nuptiis et Concupisc. cap. 10 et 21. Altera ratio sumitur ex lege quam Deus in paradiso primis hominibus præscripsit (Genes. ii), et quam Christus apud Matthæum repetit et confirmat, cum ait (Cap. 19): *Propter hoc relinquet homo patrem et matrem et adhærebit uxori suæ, et crunt duo in carne una. Itaque jam non sunt duo, sed una caro. Quod ergo Deus conjunxit, homo non separet.* Ad hanc legem respexit Apostolus I Cor. vii: *His, inquit, qui matrimonio juncti sunt præcipio non ego, sed Dominus, uxorem a viro non discedere; quod si discesserit, manere innuptam, aut viro suo reconciliari.* Hanc quoque legem urget B. August. in libris ad Pollentium de Adulterinis Conjugiis, et cap. 7 libri de Bono Conjugali, ubi hanc legem vocat divinam regulam. Denique insolubile est conjugium ex ipsa lege naturæ, id quod illa Christi interrogatio videtur insinuare, quæ est apud Matthæum: *Non legistis, inquit, quia qui fecit ab initio, masculum et feminam fecit eos?* ac si dicat, ideo sic condit Deus naturam in gemino illo sexu, ut ex ipsius naturæ constitutione intelligeretur non posse matrimonium ulla ratione dirimi aut dissolvi. Hinc B. Hieron., enarrans hunc Matthæi locum, dicit Christum legem naturalem in testimonium adduxisse. Nisi enim ab ipsa lege naturæ, et ex primæva creatione vinculum istud humanæ naturæ insitum fuisset, sed tantum ex constitutione aliqua posteriore obligaret, non stringeret igitur ethnicos et infideles; quod falsum est: nam Innocentius cap. Gaudemus, titulo de Divortiis, ethnicis repudium esse illicitum, ipsosque cum prima uxore permanere debere, affirmat. Hinc apud gentes et præsertim apud Romanos vitio vertebatur si quis conjugem repudiasset: nam Spurio Carbio qui quingentis viginti tribus annis ab Urbe condita uxorem repudiavit, id vitio datum fuit, uti Aulus Gellius lib. iv cap. 3 auctor est, et Valerius Max. lib. ii cap. 1. Hujus enim Spurii exemplo complures alii Romani levissimis de causis conjuges repudiabant, quemadmodum scribit Plutarchus in Romanis Problematis. Nec verisimile etiam est Judæis unquam licitum fuisse repudium, quemadmodum hic ad suæ voluntatis confirmationem et excusationem asserit Theonæ



(Cap. 9); sed propter duritiam cordis ipsorum im-  
pune tantummodo permissum erat ut uxores dato  
libello repudiarent. Fuit autem hic error scribarum  
et pharisæorum, sicut apud Matthæum videre licet,  
quod repudium tempore legis licitum fuisse crede-  
rent; quod etiam senserunt Durandus, Petrus de  
Palude, Scotus in Sententias Magistri scribentes, et  
Alphonsus Tostatus Abulensis episcopus Matthæum  
enarrans. Verum cum hac sententia pugnat ipse  
Christus apud Matthæum. *Dictum est*, inquit (Cap. v),  
*Quicumque dimiserit uxorem suam, det ei libellum re-  
pudii (Deut. xxiv); ego autem dico vobis, quia omnis  
qui dimiserit uxorem suam, excepta fornicationis causa,  
facit eam mœcham; et qui dimissam duxerit, adulterat.*  
Si adulterat quæ dimissam duxerit, non est igitur  
ipsa dimissio sic licita, quasi per eam conjugium  
dissolvatur. Rursus apud eundem Matthæum ten-  
tantibus Dominum Pharisæis et percunctantibus an-  
ne liceret quacumque ex causa dimittere uxorem? re-  
spondet: *Non legistis quia qui fecit ab initio, mascul-  
lum et feminam fecit eos? et dixit, Propter hoc dimittet  
homo patrem et matrem, et adhærebit uxori suæ, et  
erunt duo in carne una. Itaque jam non sunt duo, sed  
una caro. Quod ergo Deus conjunxit, homo non separet.*  
Rursum interrogant: *Quid ergo Moyses mandavit dari  
libellum repudii et dimittere?* Ait illis, *Quoniam Moyses  
ad duritiam cordis vestri permisit vobis dimittere ux-  
ores vestras: ab initio autem non fuit sic (Matth. xix).*  
Ac si diceret: Moyses quidem præcepit dari libellum  
ante dimissionem, in quo dimittendæ uxoris accusa-  
tio scriberetur; ipsam autem dimissionem et repu-  
dium non præcepit, quamquam non puniverit propter  
duritiam vestram. Ab initio autem non fuit sic; quia  
alia fuit Dei voluntas, et aliud institutum in paradiso:  
id quod magis inviolatum servari conveniebat. Sed  
et ipsa lex Moysis quæ est in Deuteronomio (Cap.  
xxiv), palam arguit ipsum Moysen adeo non præce-  
pisse repudium, ut etiam fateatur eam quæ repudiata  
est non esse liberam aut solutam a lege viri, sed  
pollui si misceatur alteri. Si acceperit homo uxorem,  
inquit, et habuerit eam, et non invenerit gratiam ante  
oculos ejus propter aliquam fœditatem, scribet libellum  
repudii, et dabit in manu illius, et dimittet eam de domo  
sua. Cumque egressa alterum maritum duxerit, et ille  
quoque oderit eam dederitque ei libellum repudii, et  
dimiserit de domo sua, vel certe mortuus fuerit, non  
poterit prior maritus recipere eam in uxorem, quia pol-  
luta est, et abominabilis facta coram Domino. Et S.  
Jeremias cap. iii: *Vulgo dicitur, inquit, Si dimiserit  
vir uxorem suam, et recedens ab eo duxerit virum alie-  
rum, numquid revertetur ad eum ultra? numquid non  
polluta et contaminata erit mulier illa? Si polluta,  
contaminata, et abominabilis est ejusmodi mulier,  
non erat igitur soluta a lege et vinculo prioris ma-  
riti, nec legitime erant secunde nuptiæ quas dato  
repudii libello contraxerat. Hanc sententiam ample-  
ctuntur D. August. contra Faustum lib. xix cap. 26,  
Chrysostomus in v et xix Matth. cap., et D. Hiero-  
nym. in cap. xix Matth. Minus momenti habent ra-  
tiones alie quas adducit iste Theonas: nam verba  
illa quibus Dominus patrem, matrem, uxorem, aut  
filios, aut agros relinquentibus centuplum promittit  
in hoc sæculo, et in altero vitam æternam (Matth.  
xix), non ita sunt accipienda, inquit Chrysost. hunc  
locum enarrans, ut per eas nuptiæ intelligantur di-  
vellendæ aut dirimendæ, nisi forte cum utriusque  
conjugis consensu. Et B. Augustinus (Epist. 89 quæst.  
4): *In iis quæ Dominus dimittenda mandavit, etiam  
uxor commemorata est, inquit, quam nullis humanis  
legibus licet vendere, Christi autem legibus nec dimit-  
tere, excepta causa fornicationis. Quid sibi ergo volunt  
ista præcepta? Non enim possunt inter se esse contraria,  
nisi quia occurrit aliquando necessitatis articulus, ubi  
aut uxor dimittatur aut Christus; ut alia omitam, si  
ipsi uxori maritus displicuerit Christianus eique propo-  
nerit aut a se divortium, aut a Christo. Hic ille qui  
eligat, nisi Christum, et dimittat uxorem laudabiliter**

A propter Christum? Ambobus quippe Christianis Domi-  
nus præcepit ne quisquam uxorem dimittat, excepta  
causa fornicationis; ubi autem qualibet ex eis persona  
infidelis est, consilium Apostoli attendatur ut si infide-  
lis consentit habitare cum viro infideli, v'r non dimittat  
uxorem. Similiter et uxor fidelis virum, si cum illo ha-  
bitare consenserit. Quod si infidelis, inquit, discedit,  
discedat; non est enim servituti subjectus frater aut  
soror in hujusmodi: id est, si infidelis noluerit esse  
cum conjuge fidei, hic agnoscat fidelis suam libertatem,  
ne ita se subjectum deputet servituti, ut ipsam dimittat  
fidem, ne conjugem amittat infidelem. Hoc et de filiis  
atque parentibus, hoc de fratribus et sororibus intelli-  
gitur, propter Christum omnes esse dimittendos cum  
proponitur ista conditio, ut Christum dimittat, si illos  
secum esse desiderat. Hæc eo loco Augustinus, in  
quibus verbis dilucide exponit quomodo intelligi de-  
beant illæ Scripturæ quibus admonemur ut parentes,  
fratres, cognatos, uxores, insuper et animam nostram  
odio prosequamur; ut ex hac expositione manifestum  
evadat quam frivolum et infirmum sit argumentum  
quod hinc sumit abbas Theonas ad divortii ac repu-  
dii sui excusationem. Non enim dixit Dominus apud  
Matthæum quod quisquis dimiserit uxorem, patrem  
aut matrem, centuplum accipiet: sed qui hæc dimi-  
serit, inquit, propter nomen meum, id est, propter  
nomen Christi aut Christiani; nempe cum illa con-  
ditio proponitur, ut vel Christi nomen, vel illa sint  
deserenda. Ad eundem plane modum, ineptum est  
et illud quod addit, se ad evadendam gehennæ pœ-  
nam ad sanctiora vota transire debuisse: et rursum  
quod subdit, *Si non possum te a morte abstrahere, nec  
tu me separabis a Christo.* Videtur enim in hisce ver-  
bis damnare conjugii sacramentum, quod tamen  
Apostolus dicit magnum esse sacramentum, in Christo  
et Ecclesia (Ephes. v); et ad Hebræos scribens (Cap.  
xiii), *Honorabile connubium, inquit, in omnibus, et  
torus immaculatus.* Hinc recte etiam B. Augustinus  
(Epist. 89, quæst. 4), *Desinant isti, inquit, contra  
Scripturas loqui, et in suis exhortationibus ad majora  
sic excitent, ut minora non damnent.* Num enim et  
sanctam virginitatem aliter exhortando persuadere non  
possunt, nisi conjugalia vincula damnaverint, cum, do-  
cente Apostolo, *Unusquisque donum proprium habeat a  
Deo, alius sic, alius autem sic?* etc. Non oportet igitur  
conjugatorum ordinem aut conjugii leges ab ipso Deo  
in paradiso institutas, et inditas homini, et a Christo  
rursum in nova lege laudatas ac sacramenti honore  
ditatas damnare; nec licet conjugale vinculum præ-  
textu sanctioris voti dirimere, sicut fecit iste Theo-  
nas conjuge sua reclamante; quamquam id cum  
utriusque consensu, et si uterque ad religionem pro-  
batam transire velit, legitime fieri queat. Quod si  
quis objiciat hunc Theonam totius collegii sui suffra-  
gio, omnibus aliis in diaconia munere prælatum  
fuisse, atque adeo ab ipso Deo edendorum miraculo-  
rum dono fuisse exornatum, respondebimus in ipso  
zelum illum et studium perfectionis ac pudicitie re-  
muneratum fuisse, non autem divortium, quemad-  
modum 21 annotatione diximus de iis qui mentiti  
aliquando fuerunt, Deum in illis nunquam laudasse  
mendacium, sed bene pietatem illam ac studium ju-  
vandi eos pro quibus mentiti fuisse leguntur. Videtur  
autem hic Theonas in seipso sensisse pudicitie do-  
num, attendisseque quod non tam sua voluntate  
quam parentum imperio conjugii leges suscepisset;  
scut habet caput primum hujus collat., eoque confi-  
dentius dimissa conjuge ad monasterium pervo-  
lasse.

Coll. 21 cap. 29.

Quadragesimæ lege is qui justus est atque perfectus  
non tenetur, nec exigui hujus canonis subjectione  
contentus est; quem profecto illis qui per totum an-  
num deliciis vel negotiis sæcularibus implicantur,  
Ecclesiarum principes statuerunt, etc. Et post pau-  
ca: *Ceterum iusti, quibus lex non est posita, quique  
spiritualibus officiis non exiguum illam, id est, deci-*



nam partem, sed totum vite sue tempus impendunt, quia liberi sunt a decimarum legalium functione, idcirco si eos superveniens honesta et sancta necessitas coarctarit, audent stationem jejunii absque ulla deceptione laxare.

(Annot. 26.) Apostolus Paulus I Timoth. 1 cap., cum dicit legem justo non esse positam, sed injustis, et non subditis, impiis, et peccatoribus, de lege veteri intelligendus est, quæ timorem habet conjunctum, et actionem et poenam: nam paulo ante hortatus erat sum Timotheum ut denuntiaret quibusdam ne aliter docerent, neque intenderent fabulis, etc. Deinde addit: A quibus quidam aberrantes conversi sunt in vaniloquium, volentes esse legis doctores; non intelligentes neque quæ loquuntur, neque de quibus affirmant. Scimus autem quia bona est lex, si quis ea legitime utatur, quasi diceret: Lex illa vetus habuit suam utilitatem in populo Dei, quia timore urgebat, et erat illi veluti pædagogus quidam ad Christum; sed ut habet timorem conjunctum, et compellit atque cogit, non pertinet ad justos et ad voluntarios: quales illi sunt qui per gratiam novi Testamenti et per inhabitantem Spiritum sanctum legem custodiunt; nam hos non opus est timore aut poenis adigere ad legis observationem, quamquam alioqui etiam præceptum sit justis ut non occidant, non fornicentur, non furtum faciant. Lex vero pro lege veteri hoc loco accipitur, et in ea plenitudine, ut in se comprehendat omnia illa terribilita, comminationes, poenas et onera quæ a Moyse veteri populo data erant. Hæc enim cessare debuit, quando per gratiam novi Testamenti renati homines, non amplius timore aguntur, sed sponte ac libenter justitiam colunt, et præcepta charitatis de corde puro, conscientia bona, et fide non ficta custodiunt. Hanc esse hujus loci sententiam manifeste indicat B. August. concione 10 super psalmum cxviii, exponens illum versiculum: Legem pone mihi, Domine, viam justificationum tuarum. Numquid talis erat ille, inquit, qui dicit, Legem pone mihi, Domine, qualibus beatus Apostolus dicit positam legem? Absit; si enim talis esset, non superius dixisset, Viam mandatorum tuorum cucurri. Quid ergo quod orat ut sibi lex a Domino ponatur, si non ponitur justo? An eo modo non ponitur justo quomodo posita est populo contumaci in tabulis lapideis, non in tabulis cordis carnalibus, secundum vetus Testamentum in monte Sina, in servitutem generans; sed secundum novum Testamentum, de quo scriptum est per Jeremiam prophetam: Post illos dies, dicit Dominus, dabo leges meas in mentibus eorum, et in cordibus eorum scribam eas. Ecce quomodo voluit iste legem poni sibi a Domino: non sicut injustis et non subditis ad vetus Testamentum pertinentibus, sed sicut sanctis, filiis liberæ, hoc est supernæ Jerusalem, filiis promissionis, filiis hæreditatis æternæ sancto Spiritu tamquam digito Dei in mente datur, et in cordibus scribitur, non quam memoria teneant et vita negligant. Hactenus Augustinus. Fallitur ergo Theonas dum putat Apostolum de omni lege locutum fuisse, ideoque viros justos ac religiosos ad legem ecclesiastici jejunii non astringi; sed posse illud propter honestam et sanctam aliquam necessitatem laxare et solvere: Omnis enim anima potestatibus sublimioribus subdita est; non esset actem subdita potestati superiori, nisi etiam legibus illius esset subdita; nec potest quisquam quantumvis justus ac probus ab obligatione earum legum quæ toti reipublicæ Christianæ præcipiuntur, eximi, nisi lex ipsa aut legislator justa de causa dispenset. Quod si quis forte contendat apostolum Paulum de omni præceptione ac lege locutum fuisse, non tamen hinc efficiet, justos non teneri quadragesimalis jejunii observatione, sicut vult abbas Theonas; sed negat Apostolus justos esse sub lege, quia nulla est lex quæ in illos habeat vim coactivam, ut loquuntur, sicut habet in injustos; atque ita justo non est lex posita, quia ipsi sibi sunt lex, inquit Apostolus, dum ostendunt omnes legi scriptum in cordibus suis (Rom. ii).

Omnes itaque legi subjecti sunt justis atque injustis; sed hoc a se invicem distant quod illi sponte ac libenter parent, hi autem inviti coguntur; et eis lex omnis dura, acerbæ et observatu difficilis est. Fuit autem hic error Theonæ abbatis Begardis et Beguinis communis, qui dixerunt homines Christianos ad ecclesiastica jejunia non teneri cum ad perfectionis statum pervenerunt, qui error in concilio Viennensi sub Clemente quinto condemnatus est.

Col. 21 cap. 30.

Sciendum sane hanc observantiam Quadragesimæ, quamdiu Ecclesiæ illius primitivæ perfectio inviolata permansit, penitus non fuisse. Non enim præcepti hujus necessitate, nec quasi legali sanctione constricti, arctissimis jejuniorum terminis clauderentur, qui per totum anni spatium æquali jejunio concluderentur.

(Annot. 27.) Quadragesimalis jejunii observationem esse apostolicam sanctionem et traditionem, B. Hieronymus in epistola ad Marcellam adversus Montani errores, manifeste significat in hæc verba: Nos unam Quadragesimam, secundum apostolorum traditionem, tempore nobis congruo jejunamus; illi tres in anno Quadragesimas faciunt, quasi tres passi sint Salvatores. Cui astipulantur canon 69 inter canones apostolorum, Div. Clemens Rom. lib. v Apostolicarum Constitutionum c. 12, D. Ignatius in Epistol. ad Philipp. cap. 4, ubi Quadragesimæ jejunium, Dei et hominis imitationem appellat; Basilii Magni oratione de Ebriosis, et in utroque de Jejuniis sermone, in quorum altero dicit angelos tempore Quadragesimæ per omnes Ecclesias jejunantes describere, et minus esse periculi si miles abjecto clypeo ad inimicorum aciem et castra transeat, quam si Christianus quispiam extra catalogum jejunantium inveniat. In eandem sententiam B. Ambrosius serm. 2 non leve peccatum esse asserit indicium a Domino Quadragesimam violare, quia qui dicit se in Christo manere, debet sicut ille ambulavit et ipse ambulare. His assentiuntur Epiphanius, Leo, Hieronymus, Theophilus, Eusebius, Chrysostomus, et plures alii vetusti Patres, qui concordanti sententia tradunt quod ab exordio nascentis Ecclesiæ fuerit apostolica doctrina et constitutio de hoc jejuniis suscipiendo, eo quod memoriam contineat vitæ Christi et evangelicæ legislationis. Nam Dominus prædicaturus Evangelium, jejunavit prius quadraginta diebus et quadraginta noctibus, quod jejunium quicumque nobis indicium esse negant, sicut faciunt protestantes, hi nolunt etiam vitæ Christi memoriam habere; quemadmodum non vult memoriam passionis Christi habere, qui non vult sequi vestigia ejus et compati, ut conglorificetur. Sicut enim passus est Christus ut et nos sequamur vestigia ejus, ita quoque quadraginta diebus jejunavit ut nos illum imitemur jejunando, orando, abstinendo, et per omnia vestigiis illius insistendo. Nam hoc est ἐνεργῶς, id est, efficaciter et ipso affectu meminisse vitæ Christi, imitari illam, et pro naturæ nostræ modulo, ut quisque ferre potest, moribus et vita exprimere.

Col. 23 cap. 2

Quid sit principaliter bonum quod Apostolus non potuerit perficere cum vellet, diligentius indagemus. Multa enim novimus bona quæ beatum Apostolum omnesque illius meriti viros et habuisse per naturam, et acuisse per gratiam negare non possumus.

(Annot. 28.) Bonum bifariam dicitur, nempe officio sive secundum substantiam actus, ut loquuntur scholastici, et bonum veræ virtutis, quod sit æternæ vitæ meritum. Illud potest ab hominibus fieri ex solis naturæ viribus, sicut permulti philosophi et apud Romanos atque Græcos celebres viri multa moraliter et officio tenus bona fecerunt. Mansit enim in hominibus post peccatum inclinatio quadam generalis ad



virtutes, seu reliquæ quædam virtutum, propter quas in parabola evangelica post ruinam suam homo semivivus relictus fui se describitur, ejusmodi reliquæ sunt: Bonum esse amare Deum, benefactoribus esse rependendam gratiam, parentes esse colendos, neminem injuria afficiendum esse. Per has reliquias, B. Augustinus libro II de Sermonibus Domini in monte, Deum quotidie etiam in perversissimis hominibus loqui asserit; nunquam enim illæ penitus obliterantur aut extinguuntur, sed quamdiu natura ipsa perseverat, tamdiu manet etiam aliqua ad bonum inclinatio, sicut ostendit Augustinus libro de Spiritu et Littera cap. 25 et 27, et lib. II de Libero Arbitrio cap. 10; Basil. in Regulis fusius disputatis cap. 2 et 3; Cyrill. super illud Joan., *Illuminat omnem hominem venientem in hunc mundum*; D. Thomas 1-2, quæst. 63, art. 1, et quæst. 85, art. 1, 2 et 3. Quorum sententiæ astipulantur Neoterici, D. Turnhoutius, Ruardus, Latomus, Dominicus a Soto, et complures alii. At veræ virtutis bonum, quod Deo nos gratos efficiat, et ad sempiternæ salutis adeptionem promerendam conferat, non est in viribus nostris positum, sed divinitus donari debet, quia Deus gratuita sua bonitate depressos nos sub onere peccati excitare, illuminare, et per Christum erigere debet. Nam ipse est qui, sicut ait Apostolus, *operatur in nobis velle et perficere pro bona voluntate* (Philipp. II). Hinc bene confitetur S. Jeremias, *Scio, Domine, inquit, quia non est hominis via ejus, nec viri est ut ambulet et dirigat gressus suos* (Cap. 10). Et alibi: *Sicut Æthiops non potest mutare pellem suam, sic nec vos potestis benefacere cum sitis mali* (Cap. 13). Et ipse Dominus in Evangelio: *Nemo venit ad me, nisi Pater qui misit me traxerit eum*. Rursus alio loco: *Sine me nihil potestis facere*. Sic etiam apostolus Paulus superbiam nostram increpans loquitur: *Quid habes, o homo, quod non acceperisti? Si autem acceperisti, quid gloriaris quasi non acceperis? Non enim sumus sufficientes quidquam cogitare ex nobis tamquam ex nobis, sed sufficientia nostra ex Deo est*. Multa præterea huc afferri possent, sed remittimus lectorem ad vigesimam notationem, ubi diffuse hac de re disputavimus. Quod ergo hoc loco dicit Theonas apostolum Paulum aliosque ejusdem meriti viros habuisse multa bona per naturam, et multa per gratiam acquisivisse, si de illis bonis intelligatur quæ vere bona sunt, et quæ ipse paulo post numerat, utpote de castitate, de misericordia, de temperantia, de justitia, error est, et ad Pelagianam hæresim accedit; si autem de naturæ donis quibusdam accipiat, tolerari potest, quia non est dissimile vero quod Apostolus habuerit quasdam propensiones ab ipsa natura, sive ad humanitatem, sive ad misericordiam, prudentiam et similes virtutes, ejusmodi propensiones Deus ipse naturæ hominum alias atque alias indere consuevit.

#### Col. 23 cap. 4.

*Sicut bonitas nostra supernæ bonitatis intuitu in malitiam vertitur, ita etiam justitia nostra divinæ collata justitiæ panno menstruatae similis deputatur, dicente Isaia, Sicut pannus menstruatae universæ justitiæ nos ræ.*

(Annot. 29.) Joannes Sotteau sacræ theologiæ licentiat, in præfatione operum B. Prosperi, occasione eorum quæ in hoc quarto cap. 23 collationis de justitia hominum per quamdam *ταπεινωσιν* sive extenuationem dicit abbas Theonas, pestilentissimum illum Martini Lutheri errorem, quo justitiam nostram verius esse injustitiam docebat, atque adeo neminem in hac vita justum esse nisi externe et per imputationem justitiæ Christi, Cassiano impingit; sed temere et falso. Non enim negat Theonas in nobis esse justitiam, sed dicit illam comparatione excellentis justitiæ quæ in Deo existit obfascari, ita ut non videatur esse justitia. Ad quem modum Psalmodigraphus in psalmo CXLII dicit quod *non justificabitur in conspectu Dei omnis vivens*; hoc est, uti Euthy-

A minus, Hilarius, Arnobius, et commentarius D. Hieronym. ascriptus exponunt, si hominis justitia ad eximiam illam Dei justitiam comparetur, et juxta illam exquiratur, non justificabitur in conspectu illius, nec videbitur esse justitia. *Numquid enim justificari potest homo compositus Deo* (inquit S. Job in c. XXV), *aut apparere mundus natus de muliere? Ecce luna non splendet et stellæ non sunt mundæ in conspectu ejus, quanto magis homo putredo et filius vermis?* Et cap. IV: *Numquid homo Dei comparatione justificabitur?* Adeo sublimis igitur est Dei justitia, ut omnis humana et angelorum justitia cum ea comparata injustitia esse videatur. Sicut stellæ sunt quidem in se clarissimæ, at si ad solem conferantur aut coram illo statuuntur, nihil lucis habere videbuntur. Nam D. Bernardus serm. 5 de Verbis Isaie etiam ad angelos extendit illud Prophetæ, *Non justificabitur in conspectu tuo omnis vivens*. *Justi sunt angeli, inquit, sed ex eo, non autem coram eo; et munere ejus, non comparatione. Ipse enim sibi justitia est, cujus voluntas tam æqua est quam ipsa æquitas. Angeli autem vivunt tanto verius quanto propius accedunt ei apud quem est fons vitæ. Ideoque justitia illorum ad Dei exactissimam justitiam et regulam suam comparata, non videtur esse justitia. Quod si ita est, multo minus ergo justificari poterit homo in conspectu illius, utpote cui ira, inquit Hilarius, cui dolor, cui cupiditas, cui ignoratio, cui oblitio, cui casus, cui necessitas, vel per naturam corporis, vel per motum animæ semper fluctuantis admixta sunt. Hinc fit ut justitia quæ in nobis est, quamquam sit veri nominis justitia, tamen propter occultas maculas, propter subrepentes superbiæ cogitationes et venialia delicta, quæ frequenter a nobis etiam cum recte operamur admittuntur, et quibus ipsa opera nostra bona venialiter saltem inquinantur, immunda quodammodo esse videatur, et veluti pannus menstruorum sordibus inquinatus. De hac disputatione plura videre est apud D. Augustinum toto libro II de Peccat. Merit. et Remiss., D. Hieron. ad Ctesiphontem, et B. Greg. lib. IX Moral. cap. 1, et super psalm. CXLII. Porro Isaías propheta, cujus auctoritatem ex capite LXIV hic adducit abbas Theonas, in illis verbis: *Sicut pannus menstruatae*, etc., sustinet per omnem impiorum, quorum justitiæ erant contaminatæ multis sordibus idololatriæ et similium scelerum, quia etsi Deum unum colere viderentur, hanc justitiam tamen frequenti idolorum cultu sæpenumero contaminabant. Quem locum Isaie adversus nostri temporis hæreticos doctissime tractat B. Augustin. de Spiritu et Littera cap. 35.*

#### Col. 18 cap. 16.

*Licet hunc Nicolaum quidam asserant non illum fuisse qui ad opus ministerii ab apostolis est electus, nihilo minus tamen eum de illo discipulorum fuisse numero negare non possunt, quos omnes tales tamque perfectos in tempore illo fuisse manifestum est, quales nunc perpauca vix in cœnobiiis invenimus.*

(Annot. 30.) Hanc notationem trigesimam et postremam extra ordinem adjicimus, propter opinionem quorundam quæ hic refertur de Nicolaitis hæreticis, quos opinati sunt nonnulli ab alio Nicolao accepisse nomen et appellationem, quam sit diaconus ille unus e septem qui in Actis Apostolorum ab apostolis ad ministerium ecclesiasticum electi fuisse describuntur. Est enim hæc improbabilis opinio, et receptæ apud omnes passim sententiæ contraria. Nam D. Ignatius ad Trallianos scribens, a Nicolao diacono Nicolaitas putat esse nuncupatos: *Fugite immundissimos Nicolaitas, inquit, amatores libidinis, malos calumniatores. Nam talis fuit apostolorum minister Nicolaus. Suffragatur huic sententiæ B. Irenæus lib. I contra Hæres. cap. 27, Epiphanius hæresi 25, Augustin. hæresi 5, Hieronym. ad Sabinum, et alii complures.*



## P. CIIACONII OBSERVATIONES IN J. CASSIANUM

Quoniam Gelasius pontifex maximus in concilio A  
70 episcoporum Joannis Cassiani opera apocrypha  
judicavit, idque ea ratione potissimum, quod collat.  
13 aliisque locis de gratia et libero hominis arbitrio  
more Pelagianorum locutus, a Prospero Aquitanico,  
scripto adversus eum libro, convictus esset, dispi-  
ciendum quid in ejus scriptis respuendum sit, quid  
autem piam recipere possit interpretationem. Loca  
igitur omnia quæ Pelagianismi suspicionem gene-  
rare possent, undecim propositionibus comprehen-  
dam.

## PRIMA CASSIANI PROPOSITIO.

Præquam primam propositionem hic ascribam,  
illud commonendum videtur: liberum hominis arbi-  
trium ad gloriam promerendam, vel ad gratiam au-  
gendam, Spiritus sancti gratia inhærente penitus  
indigere; neque totam legem Dei implere posse suis  
viribus, neque ad gratiam se præparare ex propinquo,  
nisi Spiritus sancti motione sublevatum: neque de-  
num aliquid quod ad æternam salutem spectet, ex  
seipso velle seu facere, quæ de causa Dominus dixit.  
*Sine me nihil potestis facere*; contra vero Dei gratia  
communium hæc omnia posse præstare. Ita fit ut  
sanctæ actiones ac recte facta neque sint solius gra-  
tiæ neque solius liberi arbitrii, sed utriusque, quem-  
admodum rectum iter conficitur et gradientis equi  
labore et equi tæ dirigentis industria. Cæterum præ-  
ter hæc opera veræ justitiæ intima, sunt et alia quæ  
non potest, potest tamen nonnulla, alioquin non dif-  
ferret a mortuo. Tuentur hanc sententiam, inter  
scholasticos S. Thom. 1-2 quæst. 109 art. 2, et 2-2  
quæst. 10 art. 4, et utrobique Caj. Alensis part. iii  
quæst. 69 membr. 3 art. 3 ad finem, Bonaven. lib. ii  
Sent. distinct. 23 art. 2, et cæteri fere omnes. Ho-  
rum doctrinæ favent plerique Patres, ac primum S.  
Hieronymus lib. iii contra Pelagianos. Hoc est, inquit,  
quod tibi in principio dixeram, in nostra esse posi-  
tum potestate vel peccare vel non peccare, et vel ad  
bonum vel ad malum extendere manum, ut liberum  
servetur arbitrium; sed hoc pro modo et tempore  
et conditione fragilitatis humanæ, perpetuitatem au-  
tem impeccantiæ soli reservari Deo, et ei qui Verbum  
caro factus, carnis detrimenta et peccata non pertu-  
lit. Nec quia ad breve possum, coges me ut possim  
jugiter. Possum jejuna, vigilare, ambulare, legere,  
psallere, sedere, dormire; numquid in perpetuum?  
Et aliquando superius: Hoc et nos dicimus posse ho-  
minem non peccare, si velit, pro tempore, pro loco,  
pro imbecillitate corporea, quamdiu intentus est  
animus, quamdiu chorda nullo vitio laxatur in ci-  
thara; quod si paululum se remiserit, quomodo qui  
adverso flumine lembum trahit, si remiserit manus,  
statim retrolabitur, et fluentibus aquis quo non vult  
ducitur, sic humana conditio si paululum se remis-  
erit, discit fragilitatem suam, et multa se non posse  
cognoscit. Multa in eamdem sententiam Origenes lib.  
ii in Epist. ad Rom. cap. ii, atque homil. 6 et 14 in  
Genesis, Basilus in Regulis fusius explicatus ad  
quæst. 2, Prosper lib. i de Vocatione Gentium c. 2,  
Œcumenius in cap. ix Epistolæ ad Rom. Solent et  
Patres laudare nonnullorum philosophorum hone-  
stissimas actiones ex viribus naturæ profectas, ut Ba-  
silus in epist. ad adolescentes, Hieronymus libro ii  
adversus Jovin., Clemens Alexandr. in lib. Stromati-  
um, August. lib. Hypognostic. et lib. de Spiritu et  
Littera c. 28, et lib. de Civitate Dei c. 25, et lib. xxi  
c. 16, et lib. iv contra Julian. Pelag. cap. 3. Quibus  
locis Augustinus concedit sine Spiritu sancti gratia  
potuisse philosophos ea quæ ex suo genere honesta  
sunt exsequi, rectæ rationis præscriptum sequentes;  
tametsi nolit ea nomine virtutis ornare, quia ad vo-

rum summumque bonum, nempe Deum, non refere-  
bant. Juxta hanc sanctorum Patrum doctrinam ex-  
poni posse videtur de morali solum bono prima illa  
Cassiani propositio, videlicet: — *Posse nos aliquid  
boni velle et facere ex naturæ viribus*. — Hoc enim af-  
firmat collat. 23 cap. 2, et collat. 13 cap. 4, 5 et 12.  
Quibus locis illum de morali bono locutum esse inde  
perspicuum est, quod alibi non semel negat nos ali-  
quid ex nobis aut perficere, aut incipere, aut velle  
posse, nisi Deus opituletur. Quæ quidem apte non  
coherent, nisi posteriora hæc de bono quod Chri-  
stiænæ justitiæ est intimum, exponantur, priora vero  
illa de honesto moraliterque laudabili. Tametsi non  
negarim Cassianum licet de hac ipsa re non male  
sentientem, ad eam tamen probandam collat. 13 c.  
12 abusum utcumque fuisse exemplo David de ædi-  
ficando templo cogitantis ex semetipso; etenim non  
ex semetipso, sed ex Dei gratia id cogitasse proba-  
bilis est propter ipsius operis religionem.

## SECUNDA CASSIANI PROPOSITIO.

*Peraliquid recte factum ac bonam voluntatem posse  
nos ex nobis utcumque ad gratiam præparare, ita ut  
Spiritus sancti motionem voluntas interdum nostra præ-  
reniat.* — Ita videtur docere lib. xii de Institut. Renunt.  
c. 14, collat. 7 c. 7, coll. 13 c. 7, 9, 11, 12 et 15.  
Hæc secunda propositio, ut intelligatur catholice, il-  
lud præfandum est, duplicem a theologis distingui  
dispositionem seu præparationem ad gratiam: remo-  
tam unam, quæ per opera quædam moraliter bona  
fieri solet, tamquam initium quoddam redeundi ad  
Deum eique obtemperandi, dum naturalem quis ra-  
tionem, quod est lumen vultus divini signatum su-  
per nos, recte aliquid agendo incipit audire; quæ ex  
re aliquid idoneus efficitur cui Deus opituletur  
ad suam gratiam consequendam, cum ei docilem  
tractabilemque aliqua ex parte se præbeat; alteram,  
quam appellant proximam dispositionem, quæ in eo  
posita est, ut animus noster divina ope subnixus cre-  
dat, speret, et diligat Deum ut oportet, et propter  
eum peccatum omne detestetur. Hujusmodi præpa-  
rationem Tridentina synodus sess. 6 c. 6 describit,  
subditque cap. 7: Hanc dispositionem seu præpara-  
tionem justificatio ipsa consequitur; quæ non est  
sola peccatorum remissio, sed et sanctificatio, reno-  
vatio interioris hominis per voluntariam susceptio-  
nem gratiæ, et donorum, unde homo ex injusto fit  
justus, et ex inimico amicus, ut sit hæres secundum  
spem vitæ æternæ. Hæc ibi. Et quidem certa fide  
credimus proximæ præparationis non nisi adjuvante  
Deo compotes esse nos posse. Constat deinde, etiam  
si remota dispositio adsit, non esse satis ad gratiam,  
nec oportere ut semper adsit, cum interdum sine ea  
ad proximam veniatur. Illud etiam inter theologos  
convenit, nonnumquam impium adeo male esse affe-  
ctum, et tanta peccatorum sarcina oppressum, ut ne  
remote quidem ad gratiam ipse se præparet, etiam  
si forte possit, nisi Spiritu sancto stimulante incite-  
tur. Contra vero accidit sæpenumero, ut nonnulli  
quorum animi aciem vitia minus hebetarint, sicut so-  
la naturæ vi, multa quæ officii honestique ratio exi-  
git præstare possunt, ita per ea remote se præparent  
ad gratiæ donum adipiscendum, facientes aliqua ex  
parte quod in ipsis est. Quam sententiam amplexi  
sunt theologii scholastici quam plures. Neque obest  
huic sententiæ can. 8 concilli Arausicani, quo alienus  
a fide censetur, qui putat alium misericordia,  
alium ad baptismi gratiam posse per liberum arbi-  
trium pervenire; non obest, inquam: nam ad ba-  
ptismi gratiam non venit sine proxima dispositione,  
quæ non currentis hominis, nec volentis est, sed mise-  
rentis Dei. Huic doctrinæ favent aliquando plerique



Patres, dum docent nonnumquam Deum a nobis praeveniri, vel eum non prestare auxilium gratiae nisi eis qui se dignos effecerint; vel tum nobis adesse, cum nos quod in nobis est prae-stiterimus; vel bonum aliquem nostrae voluntatis affectum, aut conatum expectari a Deo priusquam nobis opituletur. Ad quae omnia comprobanda, testimonia quaedam Patrum adducam, Primum, Chrysostom. homil. de Convers. Pauli, et lib. I de compunctione cordis: Venit, inquit, ad unumquemque gratia Dei: sed apud eos qui digne explent ea quae in ipsis sunt, permanet; ab iis vero qui minus digne agunt, cito discedit; ad eos autem qui nec initium faciunt convertendi ad Dominum, omnino non venit: rectas enim mentes diligit, et sine furo propositum. Quod etiam in Paulo respiciens, licet adhuc alio itinere videretur incedere, tamen quia proposito recto et zelo Dei hoc agebat, dicit de eo Dominus: *Quia vas electionis est mihi iste*. Idem homil. 19 in Acta Apost.: Dignum profecto mirari eunuchum illum Candide reginae: non viderat Jesum Christum, non viderat signum; ultra viderat quis status Hierosolymis, et credidit Philippo. Unde igitur talis factus est? Sollicita erat anima illius, attendit Scripturis, vacavit lectionibus. Idem tradit pluribus aliis locis. Hieronymus initio lib. III contra Pelag.: Scito, inquit, baptismum praeterita donare peccata, non futuram servare justitiam; quae labore et industria ac diligentia, et semper super omnia Dei clementia custoditur, ut nostrum sit rogare, illius tribuere quod rogatur; nostrum incipere, illius perficere; nostrum offerre quod possumus, illius implere quod non possumus. Scribunt nonnulla in hanc partem August. lib. XXXVIII q. 68; Ambr. lib. II de Abraham c. 10, et in Ps. CXVIII, serm. 10; Hilarius in Ps. CXVIII, in verba: *Inclina cor meum Deus in testimonia tua*; Clemens Alex. lib. VII Stromat.; Cyrill. Alexand. in Apol. contra Julianum lib. III; Origenes I. VII, in VII cap. Epist. ad Rom. in verba: *Qui secundum propositum vocati sunt*. Haec illi Patres, quae Cassiani sententiae suffragari videntur. Neque vero si aliquo nostro conatu possumus ad Deum paulisper accedere, attractio divina tollitur. Haec enim proprie accessum istum consummat, non ille conatus, cum nec satis sit solus, nec necessarius semper, nec nisi improprie tanto dignus accessu; neque inde fit consequens portionem quamdam credentium Christi gratia justificari, caeteras naturae viribus: id enim alienum est a Cassiano, qui omnium redemptionem ascribit Christo passim in libris VII de Incarnatione: Omnis namque justificatio gratiae est, non tamen omnis praeparatio ad eam; nam proxima quidem semper est Spiritus sancti; remota in quibusdam est fructus gratiae; in aliis naturae. Neque adversantur Cassiano nonnulla Scripturarum, conciliorum Patrumque loca, quae nihil nos boni ex nobis aut facere, aut inchoare, aut cogitare posse, frequenter inculcant: id enim et Cassianus docet identidem. Illa ergo erit horum omnium conciliatio, quod cum boni quidquam nostrae tribuitur facultati, intelligatur de ea operum voluntatumque bonitate, quae et in honesti officii ratione spectatur, et ad gratiam disponit e longinquo; cum vero omnis ad bonum conatus ac potestas nostrae denegatur naturae, de eo exponatur bono quod aut gloriam mereatur, aut ad gratiam praeparet e propinquo; quodque verae pietati, Christianae justitiae, vitaeque secundum Deum instituendae intimum sit. Augustinus de naturae viribus prius tenuissime sentiens, demum ita se explicat lib. IV cont. duas Epist. Pelag. c. 6, l. II de Bono Perseverantiae, cap. 13, lib. IV cont. Julian. Pelag. cap. 3, tract. 45 in Joan. et lib. de Spiritu et Littera cap. 28. Et Trident. synodus sess. 6 can. 3 huc respiciens ita decernit: Si quis dixerit sine praeviente Spiritus sancti inspiratione atque ejus adjutorio hominem credere, sperare, diligere, aut poenitere posse sicut oportet, ut ei justificationis gratia conferatur, anathema sit.

## TERTIA CASSIANI PROPOSITIO.

*Aliquod vel initium poenitentiae, vel propositum mutandae vitae, vel consilium revertendi ad Deum ex nobis esse.* — Sic sentire videtur coll. 13, cap. 11, 13 et 15. Haec poenitentia seu conversio, de qua Cassianus agit, inchoata quaedam attritio est, quam plerique theologi in potestate naturae collocant, ut S. Thom. lib. IV Sent. distinct. 17 q. 2 art. 1 q. 3, Bonaventura lib. II Sent. distinct. 28 art. 2 quaest. 1 ad fin. et alii; idque ea ratione, quia sicut omni naturae insitus est naturalis amor sui, ita et naturalis timor eorum quae ut noxia concipiuntur. Jam vero cum peccatum valde noceat, et hominis dignitati ob suam turpitudinem, et famae atque honori si aliis innotescat, et rei familiari si ea dilapidetur, et corpori si morbos pariat; cumque ex culpa reatus omnis existat poenarum, quas vel humana lex vel divina decernit, non est omnino supra naturam odisse peccatum, quod naturam ipsam tot malis nocuentis facit obnoxiam. Atque hoc initium quoddam poenitentiae est et reversionis ad Deum. Quare ita constituta, tollerari potest illa distinctio (licet paulo durior sit) quam Cassianus tradit collat. 13 cap. 17: Quorundam, inquit, Deus est susceptor, quorundam salvator. Non enim ibi de gratia justificante loqui videtur (secundum eam namque omnium salvator est, quia quicumque justificantur, ab hoc salvatore justificantur), sed remoto conatu accessuque ad justificationem, secundum quem eorum vocat Deum salvatorem, quos ex otio et ignavia salvat in totum, eorum vero susceptorem, quorum bonam aliquam sollicitudinem benevole suscipit, et misericorditer promovet. Postremo quod ait Cassianus coll. 13 cap. 19, divinae fuisse dignationis quod David per Prophetam fuerit reprehensus, quod vero peccatum suum agnovit, propriae fuisse libertatis opus, exponi potest juxta id quod ipse ibidem praecedenti capite scripserat, nempe in hominis esse libertate et arbitrio gratiam Dei negligere vel amare, eique vel obsequi vel resistere, ut decernit Trident. conc. sess. 6 c. 4, ita tamen ut numquam intelligatur exclusa specialis Dei motio, qua fit ut vocanti obsequatur, et peccatum efficaciter detestetur. Quare cum Cassianus praemisisset Dei gratiam, quae non solum intus, sed etiam foris arguebat Davidem, subdit propriae fuisse libertatis opus quod peccatum suum agnovit.

## QUARTA CASSIANI PROPOSITIO.

*Nonnullum fidei motum ex nobis incipere.* — Significatur id collat. 13 cap. 11 et 13, clarius vero c. 15, ubi exercuisse Christum scribit curationes secundum mensuram fidei in qua unumquemque reperit, vel sicut unicuique ipse partitus est; ac si dicat, fidem aliquam nos habere ex nobis, quamdam vero Deum impartiri. Multo rectius senserat coll. 3, cap. 16, donari et augeri fidem a Deo, nisi haec et id genus alia loca intelligantur de fide seu persuasionem humana, cum iis quae revelat Deus per Ecclesiam, incipimus saltem probabiliter assentiri propter aliquas rationes, argumenta, miracula, sanctitatem evangelizantis Christum; cujusmodi fidem naturaliter acquiri posse auctores sunt Sotus lib. III Sent. distinct. 27 quaest. unica, Durand. lib. II Sent. distinct. 28 quaest. 1, Alex. Alensis part. III quaest. 68 membr. 2, Bonaventura lib. III Sent. distinct. 23 art. 2 qu. 2, Cajet. 1-2 qu. 103 art. 1 notab. 3, Capreol. lib. III Sent. distinct. 24 quaest. unic. art. 3 ad arg. Scoti cont. 2 conc., ubi etiam multa loca S. Thomae adducit pro hac sententia; a qua certe nec videtur abhorrire ipsemet S. Thomas 2-2 quaest. 6 art. 1, ubi concedit posse esse aliquam persuasionem humanam inducentem ad credendum, sed non sufficientem, nempe ad fidem catholicam; nam ad humanam non negaret, cum omnis persuasio humana naturaliter apta sit ad gignendum aliquam opinionem et assensum levem saltem. Quare ibidem quaest. :



art. 5, hæretico non credenti unum articulum denegat fidem catholicam etiam circa reliqua quæ credit; concedit tamen humanam ex proprio iudicio ac voluntate nascentem, id quod hæretico posset obtinere etiam ante acquisitum fidei humanæ habitum, ut si qua hora credidit, postmodum non credat. Hæc ipsum etiam rationi valde consentaneum est, quia ea quæ extrinsecus nos ad fidem movent, qualia sunt miracula, vitæ sanctitas, prophetiæ, et cætera id genus, etsi non pariunt evidentiam veritatis, afferunt tamen evidentiam credibilitatis, id est, ostendunt non esse temeritatis vel imprudentiæ credere, et propterea in assensum aliquem potest sua sponte natura prorumpere; non catholicum tamen, nisi Spiritus sancti lumine collustretur. Sed qualis qualis fuerit Cassiani sententia, certum est multo magis probandam esse Prosperi expositionem contendentis tam Andree, Petri, Pauli, aliorumque apostolorum fidem, quam Zachari, Corneli, Centurionis et Latronis vocationem, gratiæ ascribendam; et non modo non illos, sed ne hos quidem habuisse ullum fidei motum, antequam gratia prævenirentur, quia licet Spiritus sanctus foris eos non traxerit, traxit tamen intus, qui suos varie trahit ad salutem: Neque enim, inquit Prosper, putandum est quod potentia gratiæ eos tantum ad Filium attrahat, quos aut voce increparit, aut pœna attriverit, aut terrore tremefecerit; illorum autem mentibus nihil suæ virtutis admoveat per tranquillam cohortationem. Hæc Prosper. Certe hic locus præter alios causam videtur præbuisse Gelasio papæ ut Cassiani opera inter apocrypha numeraret.

#### QUINTA CASSIANI PROPOSITIO.

*Nostris orationibus nonnumquam Dei gratiam præveniri, juxta illud: Et mane oratio mea præveniet te.* — Traditur id coll. 3 c. 19 et coll. 13 c. 9 et 12. Nihil hæc sententia habere videtur absurdi. Licet enim ipse orandi Deum affectus sit donum Dei, nihil tamen prohibet aliquem ejus conatum ex naturæ bono posse deponi, et per eum nos Dei adjutorio quodamtenus dignos effici. Id enim quodammodo significat hæc verba Patrum. Chrysostomus homil. 2 in Epist. II ad Corinth. Tu quoque et illud jam mihi considera, quod etiam si quid Deus præstat ex misericordia, tamen multum hæc momenti afferat deprecatio. Initio siquidem misericordiis Dei salute suam acceptam ferebat: *Deus, inquit, misericordiarum ipse nos eripiet*; hic vero illorum etiam precibus acceptam refert. Nam et illum qui tam multa talenta debebat, ubi procubuit et ad genua, miseratus est; sic enim scriptum est: *Misericordia motus dimisit illum.* Quin et Chananææ post multam instantiam et importunos clamores, tandem largitus est filiæ salutem, et tamen illam ex misericordia servavit. Hinc itaque discimus quod quamquam misericordiam sumus experturi, tamen ut nos ipsos prius misericordia dignos præbeamus oportet. Hieronymus lib. in contra Pelagianos: Scito, inquit, baptismum præterita donare peccata, non futuram servare justitiam, quæ labore et industria ac diligentia, et semper super omnia Dei clementia custoditur; ut nostrum sit rogare, illius tribuere quod rogitur; nostrum incipere, illius perficere. Et infra: Totus sermo sanctorum ad Deum oratio est, tota oratio et deprecatio extorquet clementiam Salvatoris, ut qui nostris viribus et studio salvari non possumus, illius misericordia conservemur. Ubi autem misericordia et gratia est, liberum ex parte cessat arbitrium, quod in eo tantum est, ut velimus atque cupiamus, et placitis tribuamus assensum. Jam in Domini potestate est, ut id quod cupimus, quod laboramus ac nitimur, illius ope et auxilio implere valeamus. Hilarius in Ps. cxviii: Est a nobis, inquit, cum oramus, exordium, ut munus a Deo sit. Nec S. Thomas ab hæc doctrina videtur alienus: nam 2 qu. 85 art. 10, concedit peccatoribus orationem ex bono nature de-

A siderio procedere, eamque a Deo exaudiri, non ex debito justitiæ, sed ex pura misericordia, si necessaria ad salutem perseveranter ac pie pro se homines petant; quod ultimum Cajetanus exponit de intentione, quæ etiam peccator potest in aliquo opere diligere Deum propter ipsum Deum. Si quis autem contendat hanc pietatem ad impetrandum necessariam, non posse esse sine aliquo speciali auxilio, ut significare videtur ibidem art. 15 ad 4, certe is negare non poterit ex sententia S. Thomæ aliquam orationem posse ex naturæ bono proficere, quamvis impetratura non sit, nisi ex divino auxilio aliqua illi pietas adjungatur. Neque quem moveat canone 3 concilii Arausicani sic statuentis: Si quis invocationem humanam facere ut invocetur a nobis, eo tradit Isaia prophetæ vel Apostolo idem dicenti: *Inventus sum a non quærentibus me, palam apparui iis qui me non interrogabant.* Ipsum enim concilium canone 6 semet exponit, cum affirmat sine gratia Dei non posse orari sicut oportet; id enim, ut oportet fieri non potest sine fide et spe. Augustinus in Psalm. lxxxvii: *Ego, inquit, ad Dominum clamavi*, hoc est, Dominum ut salvus essem, invocavi. Quomodo autem invocarem, nisi crederem? quomodo crederem, nisi audirem? Sed ut audita crederem, ipse me attraxit. Ex quo fit ut recte consilium statuatur gratia faciente nos orare, quia non oramus nisi ex fide, quæ gratiæ donum est; et qui sentiat solam fidem absque novo auxilio ad aliquam Deum deprecandum satis esse a prolatis modo sanctorum sententiis non aberrabit, dummodo non neget etiam ipsis jam credentibus per eum orandi studium non provenire nisi ex Spiritu sancto, qui postulat pro nobis gemitibus inenarrabilibus, tametsi cum naturaliter divinam Providentiam agnosci posse recipiamus, nihil sit absurdi ex naturæ viribus citra ullam fidem divinam posse esse orantis affectum, si non efficacem et ardentem, at aliquem tamen, cum ipsæ gentes iis quos deos putabant, templa dicarint, aras, victimas, præana, sacerdotes instituerint. Sensisse autem Cassianum modico quodam solum conatu orandique affectu Deum a nobis præveniri, plenum autem ac perfectum a Domino præveniente perficisci, significari videtur collat. 13 cap. 12 ad finem. Prævenit, inquit, hominis voluntatem misericordia Domini, de qua dicitur: *Deus meus, misericordiam ejus præveniet me.* Et rursus Dominum remorantem atque utiliter quodammodo subsistentem, ut nostrum experiatur arbitrium, voluntas prævenit nostra, cum dicitur: *Et mane oratio mea præveniet te*; et iterum: *Præveni in maturitate, et clamavi*; et: *Prævenierunt oculi mei ad te diluculo.* Advocat etiam nos et invitat cum dicit: *Tota die expandi manus meas ad populum non credentem mihi et contradicentem.* Et invitatur a nobis cum dicimus ei: *Tota die expandi manus meas ad te.* Expectat nos cum dicitur per prophetam: *Propterea expectat Dominus, ut misereatur vestri.* Et expectatur a nobis cum dicimus: *Expectans expectavi Dominum, et intendit me*; et: *Expectabam salutare tuum, Domine.* Confortat nos cum dicit: *Et ego erudivi et confortavi brachia eorum, ei in me cogitaverant malitiam.* Et ut nosmetipsos confortemus, hortatur cum dicit: *Confortate manus dissolutas, et genua debilia roborate.* Clamat Jesus: *Si quis sitit, veniat ad me et bibat.* Clamat etiam ad eum propheta: *Laboravi clamans, rauræ fauces sunt fauces meæ, defecerunt oculi mei dum spero in Deum meum.* Quærit nos Dominus, dicens: *Quæsi vi, et non erat vir; vocavi, et non erat qui responderet.* Quæritur et ipse a sponsa flebiliter conquerente: *In cubili meo in noctibus quæsi vi quem dilexit anima mea, quæsi vi eum, et non inveni; vocavi eum, et non respondit mihi.* (Et cap. 7: Divina, inquit, benignitas cum bonæ voluntatis in nobis quantulacumque scintillam emicuisse perspexerit, vel quam ipse tamquam de dura silice nostri cordis excusserit, confortet eam, et exsuscitat, suæque inspiratione confor-



tal.) Vides in iis locis non solum præveniri nos interdum, prævenire nonnumquam, sed nostrum etiam prævenire esse modicum aliquod initium, quod ut perficiamus prævenimur a Deo.

#### SEXTA CASSIANI PROPOSITIO.

*Etiam post prævaricationis lapsum mansit e in Adam scientiam boni, cum sit lex ipsa naturalis, et quædam virtutum semina omni animæ beneficio Creatoris inserta.* Id ad verbum scriptum reliquit collat. 15 c. 12. Ne autem quis existimet scientiam boni cum labe peccati non potuisse consistere, fere omnes sancti Patres naturalem aliquam, licet minus claram quam quæ fuerat innocentis Adæ, scientiam boni in nobis agnoscunt, et quædam virtutum semina propensionesque ad ea quæ recta sunt. Ita Basilii in Regul. fusius explicatis ad quest. 2, Ambros. epist. 71, S. Hieron. epistol. 151 ad Algasiam quest. 8, Cyrillus Alexand. lib. III contra Julianum, Chrysostomus homil. 9 de Pœnitentia, atque interpretes fere omnes in cap. II ad Rom. super illud: *Gentes quæ legem non habent*, ut Chrysost., Hieronym., OEcum. et alii. Quin quod ad veri bonique scientiam pertinet, Augustinus retractat aperte quod lib. II Soliloq. adversus hanc sententiam scripsisse videbatur: Non approbo, inquit lib. I Retract. cap. 4, quod in oratione dixi: Deus qui nisi mundos verum scire noluisti; responderi enim potest, multos etiam non mundos multa scire vera. De seminibus vero virtutum ita scribit lib. de Libero Arbitrio, cap. 10: Satis enim est quod istas tamquam regulas et quædam lumina virtutum et vera et incommutabilia, et sive singula, sive omnia, communiter adesse ad contemplandum eis qui hæc valent sua quisque ratione ac mente conspicere, pariter mecum vides, certissimumque esse concedis.

#### SEPTIMA CASSIANI PROPOSITIO.

*Cavendum esse nobis, ne ita ad Dominum omnia sanctorum merita referamus, ut nihil nisi id quod malum est atque perversum humane ascribamus naturæ.* Verba sunt Cassiani collat. 15 cap. 12. Ex quibus ne colligas quosdam naturæ meritis, quosdam divina gratia salvos fieri. Non enim id tradidit Cassianus, sed docere voluit, non sicut omnia mala sunt ex nobis, ita omnia merita esse ex Deo solo, cum et Dei et nostra sint omnia, cooperatur enim gratiæ nostra voluntas in merendo. Ita passim scribit Cassianus, ut lib. XII de Instit. Ren. cap. 12; collat. 5 cap. 11, 12, 15 et 19, collat. 5 cap. 16 et 24; et collat. 15 cap. 9, 10, 11 et ult. Nec Cassianus solus, sed et universi Patres docent liberi arbitrii vim non solum in eo sitam esse, ut aliquis recte faciat ex seipso, utque vocanti moventique Deo possit obniti, sed etiam ut opus bonum et meritorium non solus Deus perficiat, sed Deus et voluntas nostra, et totum quidem ille, totum et ista. Ita Patres fere omnes docent. S. Hieron. in epistola ad Demetriadem de Virgin. servand., et lib. II et III contra Pelag.; August. I. de Naturâ et Gratia c. 16 et 29, et lib. de Gratia et Libero Arbitr. cap. 4 et 5, lib. III Hypognosticon; Chrysostomus homil. 2 in Epist. II ad Corinth.; Anselmus in Epist. I Corinth. cap. XV, super illa verba: *Non ego, sed gratia Dei mecum*; S. Gregorius homil. 9 in Ezechiel; Bernardus lib. de Gratia et Libero Arbitr. et concil. Trident. sess. 6 can. 32.

#### OCTAVA CASSIANI PROPOSITIO.

*Nostrarum qualitatem cogitationum aut recordationum in nostra positam esse potestate.* Id affirmat collat. 1 cap. 17 et 19, et collat. 7 cap. 4. Hoc loco illud annotandum est quod scribit Anselmus in lib. de Concordia præscientiæ et prædestinationis, gratiæque ac liberi arbitrii cap. 3. Si bene, inquit, considerentur quæ dicta sunt, aperte cognoscitur quia cum aliquid dicit Scriptura pro gratia, non amovet omnino liberum arbitrium; neque cum loquitur pro

A libero arbitrio, excludit gratiam, quasi sola gratia aut liberum arbitrium solum sufficiat ad salvandum hominem. Recte quidem, quia cum aliquid ex multis causis dependet, nunc uni earum, nunc alteri potest ascribi, dummodo cæteræ non excipiantur. Hinc illæ Scripturarum voces: *Spe salvi facti estis; justus ex fide vivit; Charitas operit multitudinem peccatorum; Pœnitentiam agite, appropinquabit regnum cælorum; Fides tua te salvam fecit; Eleemosyna exstinguit peccatum.* Nihil horum certe solum justitiam perficit Christianam, quæ tamen nunc ista, nunc illi tribuitur seorsum, quia his omnibus vera pietas nititur. Sic etiam loquuntur et sancti Patres, ex quo magna nobis ad intelligendum Cassianum præsidia comparantur. Nam quod ad cogitationum qualitatem spectat, Augustinus lib. III de Libero Arbitrio ita scribit: Quoniam voluntatem non allicit ad faciendum quodlibet, nisi aliquid visum, quod autem quisque vel sumat vel respuat est in potestate; sed quo viso tangatur nulla potestas est, latendum est et ex superioribus et ex inferioribus visis animum tangi, ut rationalis substantia et ex utroque sumat quod voluerit, et ex merito sumendi vel miseria vel beatitas subsequatur. Idem tradit Basilii in homilia, *Attende tibi ipsi.* Augustinum et Basilium sequitur Cassianus, docens qualitatem nostrarum cogitationum a nobis pendere; sed neuter id nobis solum deputat, verum indicare voluerunt esse etiam penes nos, adjuvante Deo, visa quibus tangimur respuere, vel probare, et ita piis meditationibus consuescere, ut turpibus visis aditus præcludatur.

#### NONA CASSIANI PROPOSITIO.

*Post recentem hominis lapsum clarius fuisse lumen rationis, ut minus Deo tunc egeret illuminante quam postmodum.* Sic habetur coll. 8 cap. 23. Quod quidem novum judicari non debet, cum id ante Cassianum docuerit Hieronymus epist. 8 de Virginit. ad Demetr. disertis verbis, ejus rei hæc ratio potest assignari. Notissimum est philosophis affectus qui sentientem animum perturbant sine corporis commutatione quadam non excitari; sanguis enim nunc effervescit, nunc tepescit; fluit, refluit, procurrit, recurrit. Cor etiam varie, aut contrahitur aut dilatatur. His cordis et sanguinis affectionibus afficiuntur varie parentum corpora, eorumque facultas seminalis, quæ vitium quod hausit a fonte ad liberos tamquam ad rivos transfundit; et dum filii naturæ quam acceperunt a parentibus vitiatam, suis ipsi moribus adjuvantur corruptelam, fit ut quo diuturnior temporum decursus est, eo bona naturæ semina magis obruantur, majorque nepotibus quam eorum majoribus necessitas gratiæ illuminantis accedat.

#### DECIMA CASSIANI PROPOSITIO.

*Dividere Spiritum sanctum varios gratiæ gradus pro vario hominum captu, labore, industria, conatu.* Id significat lib. VI de Instit. Renunt. cap. 18. collation. 3 cap. 11 et 12, collat. 15 cap. 15 et 16. Hoc ut catholice intelligatur, illud tenendum est, nostrum hunc captum et conatum, cui Deus suæ gratiæ dicitur adaptare mensuram, referri posse ad tria. Primum quidem ad remotam præparationem, quæ cum nonnulla esse possit ex nobis, cum Deus eam misericorditer respicit et juxta eam sua dona largitur, dici potest utcumque noster conatus mensura gratiæ. Utcumque dixi, quia non proprie et perfecte, tum quia isthæc præparatio vix fines meriti congruentis ingreditur, tum quia illius modum divinæ largitatis magnitudo frequenter excedit, quod diserte Cassianus affirmat coll. 15 cap. 16, additque, cap. 11 et 15, nonnullos esse quos de salutis suæ remedio nihil cogitantes, neque ad id se præparantes, Deus spontanea gratiæ suæ dignatione prælegit. Referri potest secundo loco noster ille conatus et captus ad proximam dispositionem: ejus quia Deus est auctor, cum ejus modulo Deus justificantem gratiam meretur, non



potest nostra voluntas dici mensura gratiæ, sed di-  
vina, quæ tantum gratiæ qua justificamur infundit,  
quantum gratiæ prævenienti adinoverat, licet etiam  
hic nostræ voluntatis conatus exigatur, qui tamen  
cum divina licet motione conjunctus, ad justitiam  
consequendam, meriti obtinet condignitatem, ut in  
concil. Trident. sess. 6 c. 8 decernitur. Postremo  
noster ille captus et conatus spectari potest in eo qui  
gratia jam in hærente justus est, et negari non po-  
test illam esse mensuram ex condignitate parem  
augendæ gratiæ et charitati. Charitas, inquit Augu-  
stinus tract. 5 in Evang. Joan., meretur augeri, ut  
aucta mereatur et perfici. Idem concil. Trid. sess. 6  
cap. 10. Et licet vir justus solo habitu gratiæ virtu-  
tisque infusarum non satis munitus sit ad pietatis  
opera vel omnia vel semper obeunda, ad nonnulla  
tamen et aliquamdiu inhabitantem gratiam et virtutes  
satis esse circa novi auxilii necessitatem sentiunt  
Cajet. 1-2 q. 109 art. 8, Dominicus Sotus lib. III de  
Natura et Gratia c. 4, et Decanus Lovaniensis art. 7  
de Lib. Arb. Et sicut in potestate est obtinentis gra-  
tiam ea nihil uti ad operandum (propter quod rogat  
Apostolus : *Ne in vacuum gratiam Dei recipiamus*, et  
ipse de se prædicat : *Gratiæ ejus in me vacua non  
fuit*), ita etiam justo unicuique liberum est vel tan-  
tum operari quantum potest ex gratia, vel minus;  
ita ut posse operari tantum, aut tantum, sit ex gratia;  
operari vero lentius aut enixius, intra mensuram et  
latitudinem acceptæ gratiæ; et per gratiam quam  
possidet, aliam majorem, minoremve lucrari, ex  
nostra pendeat libertate, ut ait Cassianus, nec ad id  
novo semper sit opus auxilio. Multa sunt in hæc  
sententiam sanctorum Patrum testimonia, præsertim  
Hieronymi lib. II advers. Jovinianum, et lib. I contra  
Pelagian., Dionysius Areopag. lib. de Coelest. Hie-  
rarch. cap. 9 et lib. de Divin. Nom. cap. 5, Orig.  
lib. VII in cap. VIII ad Rom., Chrysost. hom. 9 quod  
nemo læditur nisi a se ipso. Immo idem hic sanctis-  
simus doctor homil. 19 in Act. Apost. significat id  
quod Cassianus lib. IX cap. 18 docet de peculiari  
progressu S. Pauli in scientia ob vehemens Scriptu-  
rarum studium.

#### UNDECIMA CASSIANI PROPOSITIO.

*Eos quorum Deus fidem ac virtutem per se vel per  
alium tentatorem explorat a divina gratia paulisper  
subrelinqui, ut probentur, et suis non Dei viribus vin-  
cant.* Totidem verbis id asserit collat. 13 cap. 14,  
atque ita tentatam putat tolerantiam Job traditi in  
manus Satanae, obedientiam Abrahæ in filio immo-  
lando, et fidem centurionis cui Dominus suam præ-  
sentiam obtulit, dicens : *Ego veniam et curabo eum.*  
Mirabitur quisquam tam gloriosam de teterrimo  
hoste victoriam fortissimo Job obtingere potuisse  
sine gratia, ut ei videantur nec martyres in suis ago-  
nibus gratiæ viribus eguisse, si Job tam gravem op-  
pugnatorem Deo non juvante prostravit. Duplex huic  
loco potest adhiberi interpretatio. Prior quidem,  
quod hic Cassianus usurpet gratiæ nomen juxta la-  
tissimam ejus significationem, qua non solum inter-  
nas Spiritus sancti motiones habitusque infusos, sed  
omnem etiam gratuitam Dei curam justorumque pro-  
tectionem extrinsecus adhibitam comprehendit, quo  
sane modo eos destituere divina gratia dicitur quos  
a molestiis, laboribus, ærumnis, nocementis non  
servat aut liberat. Hinc illi justorum gemitus et que-  
relæ : *Deus, Deus meus, quare me dereliquisti; Di-  
centes, Deus dereliquit eum, persequimini et comprehen-  
dite eum, quia non est qui eripiat; Et dixit Sion, Dere-  
liquit me Dominus, et Dominus oblitus est mei*, etc. Et  
hæc derelictio sanctorum vexationem cruciatumque  
designat, non internæ fortitudinis amotionem. De  
hac enim præcipue sunt illæ promissiones : *Non te  
deseram, neque derelinquam; Cum ipso sum in tribula-  
tione; Non vidi justum derelictum; Sapientia vendi-  
tum justum non dereliquit*, etc. Cassianum vero non  
loqui de interna derelictione, sed de externa, nec de

A gratia auxiliante ad perferendum, sed de gratia nos  
protegente a malis, patet ex illis verbis quæ de Job  
in hunc modum scribit : Licet etiam gratia Dei non  
in totum illi defuisse credenda sit, quæ tantam ten-  
tatori tentandi tribuit potestatem, quantam et illum  
resistendi noverat habere virtutem, non eum ab illius  
impugnatione sic protegens ut nullum virtuti humane  
relinqueret locum, sed hoc tantum procurans, ne vio-  
lentissimus inimicus, animam ejus amentem faciens et  
impotem sensu, impari eum atque iniquo certaminis  
pondere prægravaret. Et infra de Abraham : Unde,  
inquit, non immerito fidei ejus constanti comproba-  
tur, atque ad eum subveniente gratia Dei, quæ eum  
paulisper subreliquerat ut probaret, ita dicitur :  
*Ne inferas manum tuam in puerum neque facias ei  
quidquam, nunc enim scio quia times Deum tu.*  
et non pepercisti filio tuo dilecto propter me. Itaque  
docere tantum voluit justos destitui gratia quæ vin-  
dicat ab adversis, non ea quæ eos in adversis fovet  
ac sustinet ne succumbant; et pugnare eos non Dei  
viribus ait, sed suis; Dei namque viribus tunc pu-  
gnabant cum Deo agente servarentur illæsi, suis  
vero pugnant cum læsi tolerant ea quæ lædunt. Suis  
dixit, non suis tantum, ut nostræ voluntatis conflic-  
tum et conatum adhibendum esse moveret, non  
autem soli gratiæ fidendum. Ideo dixerat de Job  
eum contra inimicum sua virtute, non Dei solius  
gratia protegente, congressum esse, nec absque ulla  
virtute patientiæ suæ divina tantum opitulatione  
suffultum. Et infra : Cum istum, inquit, prophetam  
aut somniatorem surgere permiserit Deus, itane eos  
quorum fidem probare disponit protecturus esse  
credendus est, ut nullum penitus locum quo suis vi-  
ribus cum tentatore configant libero eorum reser-  
vet arbitrio? Alteram subjiciam interpretationem,  
ut licet gratia proprie pro dono intus opitulante aut  
etiam inhabitante sumatur, hac tamen bifariam des-  
titui nos posse intelligamus. Primum cum non sup-  
peditatur facultas ad sustinendum necessaria. Iterum  
cum licet quantum satis est suppetat, nil ultra ta-  
men additur, quod id, quod pati possumus, ex gra-  
tia minus laboriosum molestumque reddatur. Priori  
quidem modo namquam Deus quærentes se derelin-  
quit, posteriore autem frequenter. Vult enim suos  
athletas virtutes quas ipsis impertiit exercere, nec  
querere ut nullo dolorum molestiarumque sensu  
tangantur, tamquam divinæ ducedinis ebrietate  
consopiti, sed acceptæ gratiæ vim totam experian-  
tur, perferendo et quanta illa est in praxim et opus  
adhibendo, licet id ipsis multum tristitiæ et angoris  
sit allaturum, ut in eos quadrent illæ voces : *Euntes  
ivant et flebant mittentes semina sua; Omnis creatura  
ingemiscit et parturit usque adhuc; Non solum autem  
illa, sed et nos ipsi primitias spiritus habentes; Mulier  
cum parit, tristitiam habet, quia venit hora ejus*, etc.  
Derelinquit igitur suos Deus cum novam gratiam  
non suggerit, sed collate usum exigit. Præclare to-  
tum hunc locum illustrat Origenes lib. III *περί ἀρχῶν*.  
Sicut hi, inquit, qui agonibus præsumunt eos qui ad  
certamen veniunt utcumque neque fortuito inter se  
siniunt inire certamina; sed diligente examinatione,  
prout corpora viderint vel ætates, æquissima com-  
paratione jungentes illum cum illo, verbi gratia,  
pueros cum pueris, viros cum viris, qui sibi vel ævi  
vel roboris propinquitate convenient; ita intelligen-  
dum est etiam de divina Providentia, quod omnes  
qui in hos humane vitæ descenderint agones justis-  
sima moderatione dispenset secundum rationem  
uniuscujusque virtutis, quam ipse solus qui solus  
corda hominum intuetur agnoscit, ut alius quidem  
pugnet adversus carnem talem, et alius quidem in  
tantum tempus, alius vero in tantum; et ut alter  
instiget carnem in hoc vel illud, alius vero in aliud;  
tum vero ut alius resistat adversus inimicam pote-  
statem illam vel illam, alius vero adversus duas vel  
tres simul; aut nunc quidem adversus aliam, nunc  
iterum adversus aliam, et certo tempore quo adver-



sus illam; vel post quæ gesta adversus quas pugnaret, post quæ vero adversus quas malitias. Intuere enim ne forte tale aliquid indicetur per hoc quod dicit Apostolus: *Fidelis autem Deus, qui non patietur vos tentari supra id quod potestis*; id est, pro eo quod singuli pro virtutis suæ quantitate vel possibilitate tentantur. Nec tamen quoniam diximus justo iudicio nunquamque pro virtutis suæ quantitate tentari, idcirco putandum est quia omni genere deceat vincere qui tentatur; sicut ille quidem qui in agone contendit, quamvis æqua moderatione comparatus sit adversario, non tamen omni genere vincere poterit. Verum nisi æqualis fuerit certantium virtus, non erit justa palma vincentis, nec juste culpabitur victus, propterea quod permittit quidem nos tentari, non tamen supra id quod possumus, pro viribus enim nostris tentamur: ut vero hoc quod posce nobis ipse dedit, vel strenue vel segniter impleamus, in nobis est. Dubium enim non est quin in omni tentatione adsit nobis tolerandi virtus, si tamen nos compelerentur utamur virtute concessa. Non enim idem est habere vincendi virtutem, et vincere; sicut ipse Apostolus cautissimo sermone signavit, dicens: *Qui dabit Deus exitum, ut sustinere possitis*, non ut sustineatis. Multi enim sustinent, sed in tentatione vincuntur. A Deo autem datur non ut sustineamus (alioquin nullum jam videretur esse certamen), sed ut sustinere possimus. Ea autem virtute, quæ nobis data est ut vincere possimus secundum liberi arbitrii facultatem, aut industrie utimur et vincimus, aut segniter, et superamur. Si enim totum nobis hoc detur ut omni genere superemus, et nullo modo vincamur, quæ jam superest causa certandi ei qui vinci non potest? aut quod palmæ meritum ubi repugnandi adimitur vincendique facultas? Si vero æque quidem omnibus nobis vincendi possibilitas præbeatur, in nostra autem positum sit potestate, quomodo hac possibilitate uti debeamus; id est, vel industrie vel segniter, justa erit vel victi culpa, vel palma victoris. Hæc Origenes. Cui consimilia scribit S. Gregorius, sed brevius lib. II Moral. cap. 11. Idem vero cum Origene sensisse Cassianum, ex collat. 13 cap. 13 potest intelligi; namque sic scribit: *Magister gentium licet gratia Dei apostolatus gradum sortitum se fuisse testetur, dicens: Gratia Dei sum id quod sum*, tamen se quoque divinæ gratiæ respondisse pronuntiat, dicens: *Et gratia ejus in me vacua non fuit, sed abundantius illis omnibus laboravi; non autem ego, sed gratia Dei mecum*. Nam cum dicit: *Laboravi*, conatum proprii signat arbitrii. Cum dicit: *Non autem ego, sed gratia Dei*, virtutem divinæ protectionis ostendit. Cum dicit: *Mecum*, non otioso neque securo, sed laboranti ac desudanti eam cooperatam fuisse declarat. Hæc Cassianus, et subdit statim initio capitis 14: *Quod etiam in Job, probatissimo athleta suo, cum eum diabolus expetisset ad singulare certamen, divinam legimus providisse justitiam. Vides quod de Paulo dixerat, transferre etiam in Job, nempe ut laboraverit quidem, non tamen solus, sed gratia Dei cum ipso, et gratia Dei in eo vacua non fuerit, quod et sequentibus confirmat verbis: Si contra inimicum, inquit, non sua virtute, sed Dei solus fuisset gratia protegente congressus, et absque ulla virtute patientiæ suæ, divina tantum opitulatione suffultus (animadvertite non excludi gratiam, sed solam fuisse negari, quia Job ex se adhibuit usum gratiæ, et hoc appellat Cassianus sua illam virtute pugnare), multiplices illas tentationum moles pertulisset, quomodo non illam calumniosam diabolus, quam prius emiserat vocem adversus eum, justius iterasset: Numquid gratis Job colit Deum? Non tu vallasti eum ac domum ejus, et universam substantiam ejus per circuitum? Sed aufer manum tuam, id est, sine eum suis mecum viribus decertare, nisi in faciem tuam benedixerit tibi. Sed cum nullam ejuscemodi quæmoniam calumniosus hostis post conflictum audeat iterare, non Dei sed illius se vi-*

ctum viribus confitetur. Illius, inquit, viribus, quia suis ille viribus usus est, gratia præferens omnem molestiam, nec expectans tantam sibi superinfundi gratiam, quæ omnem molestiam absorberet; sed exprompsit quicquid in ipso erat ut gratiæ cooperaretur, quæ quidem absque dubio pugna erat æqualis, licet atrocissimæ. Non enim sine copiosa gratiæ ubertate ad tantam pervenisset sanetitatem, quantum divinum illud præconium declarat: *Numquid considerasti servum meum Job, quod non sit ei similis in terra, homo simplex et rectus ac timens Deum, et recedens a malo?* Hanc præterea Cassiani fuisse sententiam declarat, quod de Abraham ibidem subdit: *Explorationem, inquit, fidei in Abraham quoque divina dispensavit justitia cum dicitur: Et factum est post hæc verba tentavit Deus Abraham*. Non enim illam fidem quam ei Dominus inspirabat, sed illam quam vocatus semel atque illuminatus a Domino, per arbitrii libertatem poterat exhibere, experiri voluit divina justitia. Vides augmentum solum gratiæ tempore tentationis removeri, non gratiam ante collatam, cujus usum in tentatione poterat exhibere. Eadem ratione exponi potest tam quod subdit de Deo nos probante per pseudopropheta aut somniatorem, quam quod scribit de gentibus in circuitu Hebræorum relictis ut Israel exerceretur ad prælium; illud etiam quod de Centurionis fide affirmat, de qua Dominus in Evangelio: *Non inveni tantam fidem in Israel*. Non enim Cassianus, qui sæpe docuerat fidem esse donum Dei, negat Centurionis fidem a Patre luminum descendi-se, sed supra fidem qua jam Centurio credebat in Christum, aliam adjectam fuisse, ut in magnificam illam professionem erumperet: *Domine, non sum dignus*, etc. Illam enim contendit exhiberi potuisse ex fide quam jam habebat. Cui rei quædam favere videntur argumenta: primum, quod scribit, cum Dominus ei suam obtulit præsentiam, ideo obtulisse ut fidem tentaret, in qua fidei exploratione similem illum facit Abraham, Abrahæ vero non fidem ascribit, sed usum. Deinde, quod subdit hæc verba: *Tale est et illud quod ab Apostolo dicitur: Itaque qui se existimat stare, videat ne cadat. Tentatio vos non apprehendit nisi humana. Fidelis autem Deus, qui non permittet vos tentari supra id quod potestis, sed faciet cum tentatione exitum, ut sustinere possitis*. Cum enim dicit, *Qui stat, videat ne cadat*, sollicitam reddit arbitrii libertatem, quam utique noverat percepta gratia vel stare per industriam, vel cadere per negligentiam posse. Cum autem infert: *Tentatio vos non apprehendit nisi humana*, infirmitatem eorum et inconstantiam necdum robustæ mentis exprobat, quæ adhuc spiritualium nequitiarum turbinibus poterant impugnari, adversum quos semetipsum vel illos perfectos noverat quotidie dimicare, de quibus ad Ephesios dicit: *Jam non est nobis colluctatio adversus carnem et sanguinem, sed adversus principatus, adversus potestates, adversus mundi rectores tentarum harum, contra spiritalia nequitie in cælestibus*. Cum vero subjungit: *Fidelis autem Deus, qui non permittet vos tentari supra id quod potestis*, non utique optat ne eos Dominus tentari permitteret, sed ne supra id quod sustinere poterant tentarentur. Illud enim indicat humani arbitrii facultatem, hæc vero Domini gratiam tentationum luctamina moderantis ostendit. In his igitur omnibus approbatur ita semper divinam gratiam arbitrium hominis incitare, ut illud non in omnibus taliter protegat ac defendat, ut non etiam propriis cum conatibus congregi adversum spirituales faciat inimicos, in quibus vel gratiam Dei victor, vel infirmitatem suam superatam intelligat; et ita discat non de sua fortitudine, sed de divino semper sperare suffragio, atque ad suum jugiter recurrere protectorem. Neque moveat quemquam quod de Centurionis fide paulo ante dixerat: *Nullus laudis esset ac meriti, si id in eo Christus quod ipse donaverat, prætulisset; alioquin dixisset: Non dedit tantam fidem in Israel*. Non enim de fidei habitu, ut



estendimus, to pñitur, sed de usu atque actu quem exhibere nostræ potestatis est; et in hoc posita est ratio meriti nascentis ex opere operantis, de quo hic erat sermo. Hæc duæ expositiones huic capiti posse

A convenire videntur, quarum alteram nisi cautus lector adhibeat, Cassianum hac in re cum Pelagianis sensisse facile iudicabit.

## PAUCÆ QUÆDAM CASSIANI SENTENTIÆ

### PIAM INTERPRETATIONEM DESIDERANTES.

Col. 8, cap. 17, et Coll. 13 cap. 12.

*Unicuique nostrum duo coherent angeli, id est, bonus et malus, ut liber Pastoris docet.* — De hoc libro Pastoris ita scribit Hieronymus in Catalogo virorum illustrium: Hermas cujus apostolus Paulus ad Romanos scribens meminit, asseritur auctor esse libri qui appellatur Pastor, et apud quosdam Græcæ Ecclesias etiam publice legitur. Revera utilis liber, multique de eo scriptorum veterum usurpaverunt testimonia; sed apud Latinos ignotus est. Hæc Hieronymus. Cæterum tanto ante Tertullianus in libro de Pudicitia, eam scripturam ab omni concilio Ecclesiarum inter apocrypha et falsa iudicatam affirmat et demum Gelasius papa in cap. Sancta Rom. distinct. 15, ut apocrypham repulit. Itaque quod de malo angelo liber ille Pastoris affirmat, falsum est, licet id scripserit etiam Origenes homil. 35 in Lucam, nisi forte figurate, mali angeli nomine, qui nobis coheret, fomes ipse intelligatur peccati, qui ex mali angeli suggestionem traxit originem.

Coll. 9 cap. 19.

*Qui mentis est purissimæ, novit testimonio conscientie suæ, cum apparuerit Christus, mox ejus se futurum esse consortem.* — Huc pertinet illud Pauli ad Romanos cap. viii: *Ipse Spiritus testimonium reddit spiritui nostro, quod sumus filii Dei*, et illud II ad Corinth. i: *Gloria nostra hæc, testimonium conscientie nostræ.* Ex hoc testimonio dicit Cassianus nosse justos fore se Christi consortes, sed non affirmat eos id certo nosse quia hæc notitia certior incertiorve esse potest, prout Spiritus sanctus per clariora vel obscuriora signa reddit nobis de nostra salute testimonium, qualia sunt interna dulcedo, mentis illustratio, vitæ puritas, et id genus alia, in quibus tamen nihil est indubitatum, nisi certissima accedat revelatio, quali humanæ menti opus est, ut in agnoscenda Spiritus sancti præsentia non fallatur, multo magis ut de sua perseverantia in bono certior fiat. Quare quod ponit Cassianus testimonium conscientie de obtinendo Christi consortio, nec de perseverante, nec de præsentis iustitia potest esse certum, sed vel de altera, vel de utraque probabiliter verum.

Col. 9 cap. 23 sive 24.

*In oratione Dominica nihil caducum vult a se Christus, nihil vile, nihil temporale æternitatem conditor implorari.* — Non quod putet Cassianus temporalia non esse petenda, sed non esse eorum causa petitionem spiritualium posthabendam. Subdit enim: *Magnificentia Dei ac munificentia maximam irrogabit injuriam, qui quis his sempiternis petitionibus prætermisissis transitorium aliquid et caducum ab eo maluerit postulare.*

Coll. 17 cap. 15 et seq. et lib. v de Institut. Renunt. cap. 37 et 39.

*Ex quadam æconomia et dispensatione licet officiose mentiri Et hanc maculam seu nubeculam quamdam subire potius quam veritatem profiteri nobis vel aliis noxiam probatur ex patriarcharum multis prophetarumque mulacris, qui omnibus omnia facti, aliquid a perfectionis rigore relaxare mentiundo.* — Hæc sententia tuta non est, ut fuse probat Augustinus libris duobus contra Mendacium ad consentium eamque

damnat in Priscillianistis hæreticis. Unde Innocentius III cap. Super eo de Uris, decernit divini verbi præcepto tueri ne quis etiam pro alterius vita servanda mentiatur. Verum priusquam ea veritas ab Ecclesia definiretur, nonnulli Patres, Platonem lib. v de Rep. secuti, senserunt virum prudentem posse officioso mendacio non secus uti quam medicamento. Ita Origenes lib. vi et x Stromat.; Chrysostomus in fine libri primi de Sacerdotio, et homil. 32 et 53 in Genesim, et epist. ad Olymp.; S. Hieronymus in ii cap. Epistolæ ad Galatas: quod ei per litteras objicit Augustinus. Horum itaque sententiam secutus est Cassianus, priusquam Ecclesia contrarium decerneret.

Collat. 20 cap. 8.

*Quis est qui non possit suppliciter dicere: Peccatum meum cognitum tibi feci, et injustitiam meam non operui, ut per hanc confessionem etiam illud confidenter subungere mereatur: Et tu remisisti impietatem cordis mei? Quod si verecundia retrahente revelare coram hominibus erubescis, illi quem latere non possunt, confiteri ea jugi supplicatione non desinas, ac dicere: Iniquitatem meam ego cognosco, et peccatum meum contra me est semper; tibi soli peccavi, et malum coram te feci; qui et absque ullius verecundiæ publicatione curare, et sine improprio peccata donare consuevit.* — Non videtur negare necessitatem pœnitentiæ et confessionis secretæ, sed publicæ, cujus ipsemet Cassianus meminit lib. ii de Institut. renunt. cap. 15 et 16, lib. iii cap. 7, lib. iv cap. 16 et 20, lib. i de Incarnat. cap. 4. Et certe si quis attente ejus verba perspiciat, animadvertet ea in publicam quadrare pœnitentiam de peccatis secretis: Si revelare, inquit, peccata tua coram hominibus erubescis, non dixit, coram homine, vel sacerdote; et subdit: Deus remittere consuevit absque ullius verecundiæ publicatione, et sine improprio; nam a secreta confessione longe absunt et publicatio et improprium: de qua illum non esse locutum, illud argumento est, quod nullus veterum aut recentiorum hunc illi errorem objecerit. Quare secutus videtur doctorem suum Chrysostomum ita passim loquentem, qui tamen nunquam, sicut nec ejus prædecessor Nectarius, secretam sustulit confessionem, sed publicam, ut fuse adversus Calvinum probat Decanus Lovaniensis art. 5 de Confessione.

Collat. 21 cap. 4.

*Sic per David præcepta legis cognoscimus, qui præcipiente Mose ut inimicis talio redderetur, non solum hoc non fecit, verum etiam dilectione complexus est persequentes, et pro his Domino pie supplicans etiam lugubriter flevit, et ultus est interfectos.* — Præcipiente, inquit; et vere: præcipitor enim Exod. xxi, Levit. xxiv, Deuter. xix; sed iudicibus præcipitur, qui ministri Dei sunt ad vindictam malorum, laudem vero bonorum; privatis autem id non præcipitur, immo prohibetur, cum dicitur Deut. xxxii: *Mea est ultio, et ego retribuam.* Quod Paulus Apostolus in Epist. ad Rom. cap. xii, his verbis refert: *Scriptum est: Mihi vindica, et ego retribuam.* Tametsi ne excessante scandalo possent privati a iudicibus exposcere ultionem studio justitiæ bonive publici, vel ad emendationem peccantis, ut fuse declarat S. Thomas 2-2



quæst. 103: nam quæ de perferendis injuriis ac remittendis habentur in Evangelio, non secundum operis exhibitionem semper, sed secundum animi præparationem exponit Augustinus lib. de Sermon. Domini in monte cap. 34. Hanc legis concessionem dicitur David supergressus quod nollet uti lege quæ præcipiebat iudicibus ut talionem redderent, præsertim cum id qui læsi erant postularent.

Ibidem cap. 10.

*Factum Theonæ qui post consummatum matrimonium, reli ta conjuge, monasticam vitam professus est, Cassianus narrat si non studio laudatoris, at fide narratoris, et subdit: Puto tot spiritualium virorum Deo auctore prolatum non errasse iudicium; quod etiam tanta signorum, ut supra jam dictum est, admiratio confirmabat. — Quæ verba significant peculiarem: I- quem instinctum sancti Spiritus intervenisse vel impellentis ad faciendum, vel factum comprobantis virtute miraculorum; idque præter ordinem et legem, ut haberemus quod miraremur, non quod imitaremur.*

Ibidem cap. 29.

Pro intelligendo cap. 29 col. 21, illud videtur præmonendum, duplicem a theologis distingui legis tam divine quam humanæ vim ac potestatem: unam quidem quæ instar regulæ humanas dirigit actiones, suique transgressores peccati vinculo devincit; alteram vero quæ subditos ad sui observantiam cogit, minis eos pœnisque coercendo. Et quidem constat inter omnes catholicos quod ad vim directricem pertinet omnes legi subiacere, sive injustos sive justos, sive imperfectos sive perfectos, ita ut qui eam violant scientes et volentes, licet antea sanctissimi fuerint, et culpam et pœnæ reatum incurrant. Quod vero spectat ad cogendi puniendique potestatem, perfectos viros a lege Paulus apostolus eximit, cum dicit: *Iusto non est lex posita*; quia non coacti metu pœnarum obtemperant legi, sed ex charitate, quæ si perfecta est, foras mittit timorem. Ita sentit Augustinus concione 10 in psal. cxviii; ita et Cassianus l. iv de Institut. renunt. cap. 34, et col. 21 cap. 13. His expositis facile est catholice interpretari quod de Quadragesima scribit eadem col. cap. 29; — *icem enim ait: Hac igitur Quadragesimæ lege qui iustus atque perfectus est non tenetur, nec exigui huius canonis subiectione contentus est, quem profecto illis qui per totum anni spatium deliciis vel negotiis sæcularibus implicantur Ecclesiarum principes statuerunt; ut vel hac legali quodammodo necessitate constricti, his saltem diebus vacare Domino cogèrentur, ac dierum vitæ suæ, quos totos quasi fructus quosdam fuerant voraturi, vel decimas Domino dedicarent. Cæterum iusti quibus lex non est posita, quique spiritualibus non exiguum illam, id est, decimam partem, sed totum vitæ suæ tempus impendunt, quia liberi sunt a decimarum legalium functione, idcirco si eos superveniens honesta et sancta necessitas coarctarit, audent stationem jejunii absque ulla disceptatione laxare. Hoc ipsum probat Rabanus lib. ii de Institut. cleric. cap. 20, et Isidorus lib. i de Ecclesiasticis Officiis cap. 36, et uterque Cassiani testimonio id confirmat. Non desunt tamen qui suspicentur hoc loco favere Cassianum Begardis et Beguinis, quorum hæreses damnatæ sunt sub Clemente V in concilio Viennensi, relato inter Clementinas in eodem. Ad nostrum, de hæreticis. De secundo enim et tertio illorum errore ita scribit concilium: Asserunt secundo quod jejungere non oportet hominem nec orare postquam gradum perfectionis huius modi fuerit assecutus; quia tunc sensualitas est ita perfecte spiritui et rationi subiecta, quod homo potest libere corpori concedere quicquid placet. Tertio, quod illi qui sunt in prædicto gradu perfectionis et spiritus libertatis, non sunt humanæ subiecti obedientie, nec ad aliqua præcepta Ecclesiæ obligantur, quia (ut asserunt) *Ubi Spiritus Domini, ibi libertas*. Neutrum errorem sapit Cassianus, qui col. 10 e. 10 perfectos toto anno affirmat jejungere, orare*

A vero omnibus momentis et actionibus, et præter frequentissimas obedientiæ laudes, quibus omnes suas Institutiones et Collationes aspersit, collatione etiam 19 c. 6 inter alia commoda vitæ socialis, quæ esse commemorat in cœnobio, illud adjicit abbas Joannes, quod usque ad finem, inquit, subiectus abbati, illum aliquatenus videar amulari, de quo dicitur: *Humiliavit semetipsum factus obediens usque ad mortem, merearque illius verbum humiliter dicere: Quia non veni facere voluntatem meam; sed voluntatem ejus qui misit me Patris*. A lege itaque Quadragesimæ non eximii perfectos, vel nomine perfectionis, vel prætextu vanæ libertatis, quo nitebantur Begardi et Beguini, dicentes: *Ubi Spiritus Domini, ibi libertas*; sed tribus de causis, quæ ex ejus verbis colligi possunt: primum, quia *iusto non est lex posita*, ait Apostolus I Tim. i; deinde quia qui totum vitæ tempus spiritualibus officiis impendunt, liberi sunt a decimarum legalium functione, qualem dicit esse Quadragesimam, per quam tamquam decimatio quædam dierum anni Deo redditur; postremo, si eos superveniens honesta et sancta necessitas coarctarit. Atque hæc tres causæ, si recte intelligantur, veræ sunt. Quod etiam ad primam attinet, notissimum est viros justos ac perfectos teneri quidem lege, et culpæ pœnæque obnoxios esse, si eam ut recte vivendi ducem non sequantur; liberos tamen a lege dici, qua parte terroribus ac pœnis homines ad sui cultum observantiamque compellit, hoc enim severitatis metu non indigent viri justi, quibus Spiritus sancti gratia et charitas dilatavit cor ad currendam viam mandatorum Dei. In quem sensum seipsum explicat Cassianus in hac coll. c. 13 et lib. iv Institut. Renunt. c. 39. Altera vero causa vim habet apud eos qui sentiunt non teneri eos lege, præsertim humana, apud quos finis et ratio legis locum non habet. Nam si quadragenarium jejunium institutum fuit ut decimæ quædam annui temporis Auctori temporum solverentur, abunde eas solvunt qui omne vitæ tempus et se totos Deo tamquam holocausta quædam exhibent, in multa patientia, in tribulationibus, in necessitatibus, in angustis, in laboribus, in vigiliis, in jejuniis, in castitate, etc. Certe si legis potestas legis huc nititur, non possunt non probare secundam Cassiani rationem, qui legi obligationem ex ejus fine desumunt. Quorum sententia, licet eam Ecclesia nusquam damnaverit, quinimo a multisque viris doctissimis defendatur, mihi tamen non usquequaque probatur, nisi tertia Cassiani ratio accedat, hoc est, honesta et sancta necessitas, quæ si sit evidens, nec ad prælatos, penes quos jus est dispensandi in huiusmodi Ecclesiæ sanctionibus, facilis patet accessus, potest per se ipsum unusquisque jejuniumolvere, ut auctor est D. Thomas 2-2 quæst. 147 art. 4.

Coll. 21 cap. 30.

Sciendum sane hanc observantiam Quadragesimæ, quamdiu Ecclesiæ illius primitivæ perfectio inviolata permansit, penitus non fuisse. Non enim præcepti huius necessitate, nec quasi legis sanctione constricti, arctissimis jejuniorum terminis clauderentur, qui totum anni spatium æquali jejuniis concludebant. Verum cum ab illa apostolica devotione desciscens quotidie credentium multitudo suis opibus incubaret, nec eas uni cunctorum secundum apostolorum instituta divideret, sed privatim impendiis suis consulens non servare tantum, sed etiam augere contenderet, Ananiæ et Sapphiræ exemplum non contenta secturi; id universis tunc sacerdotibus placuit, ut homines curis sæcularibus illicatos, et pene (ut ita dixerim) continentiae vel compunctionis ignaros, ad opus sanctum canonica jejuniorum indictione revocarent, et velut legalium decimarum necessitate compellerent, quæ utique infirmis prodesse posset, perfectis præjudicare non posset, qui sub gratia Evangelii constituti, voluntaria legem devotionis transcendunt. — Ille locus non pugnat usquequaque cum Patrum constantissima sententia qui



Quadragesimam ad apostolorum referunt traditio-  
nem. Licet enim instituendi quadragesimale jejunium  
ratio consecrata fuerit tum in Mosis, Eliæ et Chri-  
sti jejunio, tum in præcepto Domini de jejunando  
generaliter, cum dicit Luc. v: *Venient autem dies,  
cum ablati fuerit ab illis sponsus, et tunc jejunabunt*, etc., tum in multis commodis quæ ex jejunio  
oriuntur; fieri tamen potuit ut cum primis illis na-  
scentis Ecclesiæ annis fere quotidie jejunarent uni-  
versi, nullum fuerit de Quadragesima præceptum,  
sed illud postmodum ad pullulantem jam quorum-  
dam licentiam coercendam accesserit de sententia  
omnium sacerdotum, hoc est, apostolorum et senio-  
rum. Nam etiam hos adhiberi solitos in concilium ab  
apostolis Lucas Act. xv testatur. Certum itaque est  
Quadragesimam apostolorum esse institutum, proba-  
bile etiam cum ipsa incœpisse Ecclesiæ; hoc tamen  
non usque adeo certum, ut catholice non potuerit  
epinari Cassianus post aliquot, hoc est, decem vel  
duodecim annos institutam, et ita quidem, ut ejus  
institutio et perfectis non præjudicaret, ut Cas-  
sianus ait, eo modo quem exposuimus superiore ca-  
pite, et incontinentes ad officii munus revocaret, ob  
quos præcipue instituebatur; quod non obscure si-  
gnificat S. Leo serm. 4 de Quadragesima. Debebat-  
ur, inquit, quidem tantis mysteriis ita incessabilis  
devotio, et continuata reverentia, ut tales permane-  
remus in conspectu Dei, quales nos in ipso Paschali  
festo dignum est inveniri. Sed quia hæc fortitudo  
paucorum est, et dum carnis fragilitate austerior  
observantia relaxatur, dumque per varias actiones  
vitæ hujus sollicitudo distenditur, necesse est de  
mundano pulvere etiam religiosa corda sordescere,  
magna divinæ institutionis salubritate provisum est  
ut ad reparandam mentium puritatem quadraginta  
nobis dierum exercitia immederetur, in quibus alio-  
rum temporum culpas et pia opera redimerent, et  
jejunia casta decoquerent.

Lib. v de Institut. Renunt. cap. 40.

*Laudat duos adolescentes, qui vitam amittere ma-  
luerunt, quam circa seniorum mandatum vesci fici-  
bus, cum aliud non haberent.* — Recte quidem laudat  
obedientiam et simplicitatem ob quam ipsis id vitio  
datum non est, tametsi ex suo genere non sapientior  
id factum sit, cum potuissent (nisi ætatis imperitia  
obstitisset) mandatum senioris in extrema necessi-  
tate pro se interpretari, si id ad vitam sufficere po-  
tuisset.

Lib. xii de Institut. Renunt. cap. 4 et 5.

*Amisit diabolus beatitudinem qua Dei munere frue-  
batur.* — Beatitudinem vitæ intellige, non patriæ. Illa  
in fide, spe, amore et contemplatione absentis boni  
posita est; hæc vero in Deo videndo facie ad faciem,  
atque eo sicut cogniti sumus cognoscendo.

Lib. iii de Institut. Renunt. cap. 2.

*Gratius est voluntarium munus quam functiones quæ  
canonica compulsione redduntur.* — Gratius, subaudi,  
nobis; nam Deo, non item, nisi ex accidenti, cum  
tristitia ex præcepto multum demit ex animi hilaritate,  
cujusmodi affectio aptior est ad incrementa chari-  
smatum, quam tristitia ex necessitate, *Hilarem enim  
datorem diligit Deus.*

Ibidem, cap. 9 et 10.

*Causam cur in Urbe sabbato olim jejunaretur, putat  
esse quia apostolum Petrum eodem die contra Simo-  
nem magum conflictatum Romani assererent jeju-  
nasse, cum antea non jejunaretur.* — At Innocentius I  
epist. 1 ad Eugubinum episcopum cap. 4, feria sexta  
et sabbato jejunandum esse tradit, quia ea biduo  
mæsti ob Christi Domini mortem jejunarunt. Si am-  
bæ causæ nequeunt esse veræ, error est Cassiani in  
historia, quam, cum ipse ab Urbe longe abesset, ita  
retulit sicut acceperat a quibusdam Romanorum,  
quos in ea sententia fuisse refert Augustinus epist.  
86 ad Casulanum, tametsi addat a plerisque Roma-

A niseam falsam judicari. Quod vero adjicit Cassianus  
toto Oriente jejunari ex traditione apostoli a quin-  
hebdomadæ diebus, sabbato vero et dominico die  
jejunium solvi, ne corpus inedia flaccescat, id obser-  
vari a multis, maxime a monachis, testatur Augusti-  
nus. Romæ etiam paucissimos clericos aut mona-  
chos sex diebus jejunare, ut solo die dominico jeju-  
nium relaxent. Illud etiam Cassiano cum Augustino  
convenit, nec in Oriente, nec in multis Occidentis  
partibus sabbato jejunari: ex quo colligunt hoc je-  
junium ex apostolorum traditione non discessisse,  
et recte. Neque Innocentius jejunium sabbati aposto-  
lorum præcepto institutum tradit, sed exemplo, nem-  
pe quia apostoli cum Christus pateretur jejunarunt.  
Quartam tamen et sextam ferias jejunio deputatas ab  
apostolis sensit Augustinus: illa, quia tunc consilium  
inire Judæi de occidendo Domino; hanc vero,  
quia in ea mortuus est; sabbato autem, quia quievit  
in sepulcro post opus redemptionis, ut olim Deus,  
peracto creationis opificio. Inde, ait Augustinus,  
orta varietas, ut alii sint (maxime Orientis populi)  
qui propter requiem significandam mallent relaxare  
jejunium; alii propter humilitatem mortis Domini  
jejunare, sicut Romana et nonnullæ Occidentis Ec-  
clesiæ, inter quas fuit Africana, a qua Mediolanum  
profecta mater Augustini, cum ibi non jejunantes  
sabbato reperisset, hujusmodi responsum ab Ambro-  
sio accepit: Quando Romæ sum, jejunio sabbato,  
quando hic sum, non jejunio, ut ibidem Augustinus  
et epistola 128 ad Januarium narrat. Et quidem non  
de sabbati, sed de quartæ et sextæ feriæ per annum  
jejunio, tamquam per totam Ecclesiam recepto, et  
ab apostolis tradito, idem cum Augustino scribunt  
Clemens Alexandrinus lib. vii Stromatum, Epipha-  
nius hæresi 75, Origenes hom. 10 in Levit., Dama-  
scenus lib. de Hæresibus, in Aerianis.

Lib. v de Institut. Renunt. cap. 54.

*Abbas Theodorus monet monachum ad Scripturarum  
notitiam pertingere cupientem, in animo potius pur-  
gando quam in commentatorum libris operam atque  
industriam debere collocare.* Non aliud certe docet  
quam quod universi Patres, præcipuum nempe in-  
telligendarum Scripturarum præsidium in cordis po-  
sitione esse puritate, tametsi commentatorum libros,  
præsertim sanctorum nequaquam damnet: se ipsum  
enim damnaret, qui in libro ultimo de Incarnatione  
Domini ad finem ex Patrum libris clarissima adver-  
sus Nestorium testimonia depromit, nec depromere  
potuisset, nisi eos diligenter perlegisset.

Coll. 1 cap. 20.

*Quo genere illi quoque decepti sunt, qui post profes-  
sionem monachi, nitore sermonis et quibusdam sunt  
philosophorum dogmatibus incitati, quæ prima fronte  
piis quibusdam sensibus ac religioni consonis audientes,  
velut auri fulgore, fallentia, quos semel superficie il-  
lexerant, velut numismatibus æreis falsisque deceptos,  
perpetuo nudos ac miseros reddiderunt, vel ad sæculi  
eos strepitum revocantes, vel hæreticos errores, ac præ-  
sumptiones tumidas pertrahentes.* Quod etiam Achar  
in libro Jesu Nave legimus fuisse perperum, qui de  
castris Allophytorum regulam auream concupiscens  
atque furatus, anathemate percuti atque æterna meruit  
morte damnari. Non damnat Cassianus eloquentiæ  
vel philosophiæ studium, quo adjuti et invisibilia  
Dei per ea quæ facta sunt intelligimus, et divinum  
dogmatum veritatem explicamus, tuemur, et exor-  
namus; sed incautos reprehendit, qui vanis quibus-  
dam inventis philosophorum capiuntur potius quam  
ex ipsorum stercore aurum excernant, et Ægyptio-  
rum se superstitione contaminant potius quam ipsis  
tamquam injustis possessoribus vasa detrahant ad  
veri Dei cultum transferenda, quod faciendum esse  
docet Augustinus lib. ii de Doctrina Christiana c. 4,  
cum ethnicorum libris vacatur: quo delectu ac di-  
crimine qui usi non sunt, multarum hæresum sege-



tem ac pabulum habuere philosophiam, ut scribit A. Tertullianus lib. de Præscriptionibus hæreticorum, et lib. adversus Hermogenem.

Lib. 8 de Institut. Renunt. cap. 20.

Sciendum tamen in eo quod in quibusdam exemplaribus invenitur: Qui irascitur fratri suo sine causa, reus erit iudicio, superfluum esse, sine causa, et adjectum ab his qui amputandam iram pro justis causis minime putaverunt, cum utique nullus quamlibet absque ratione commotus sine causa se dicat irasci. Quamobrem apparet ab eis adjectum qui propositum non intellexerunt Scripturæ volentis fomitem iracundiæ omnimodis amputare, nullamque indignationis occasionem penitus reservare, ne dum jubemur irasci cum causa, etiamsi sine causa irascendi nobis intromittatur occasio. Finis enim patientiæ non in irascendo juste, sed penitus in non irascendo consistit; licet a quibusdam hoc ipsum, quod dicitur, sine causa, ita interpretari sciam, quod scilicet sine causa irascatur is cui expetere ultionem irato non liceat. Melius tamen est ita tenere, ut novella exemplaria multa et antiqua omnia inveniuntur esse perscripta. — Idem ante Cassianum dixerat Hieronymus super illud Matthæi v: Qui irascitur fratri suo. In quibusdam, inquit, codicibus additur, sine causa; cæterum in veris definita sententia est, et ira penitus tollitur. Et contra Pelagianos: Qui irascitur fratri suo sine causa reus erit iudicio, licet in plerisque codicibus antiquis, sine causa, additum non sit, ut scilicet, ne cum causa quidem debeamus irasci. Augustinus etiam lib. I Retract. c. 19. Neque tamen hos doctores credendum est commendare voluisse Stoicorum ἀπάθειαν, quam refellit August. lib. ix de Civitate Dei, c. 4, et merito. Nam si ira non fieret cum causa subest, ut ait Chrysostom. h. m. 11 in Matthæum, nec doctrina proficit, nec judicia stant, nec crimina compescuntur. Ira itaque nomine, Hieronymus et Cassianus affectum quemdam intellexerunt qui rationem antevertit. Ille enim etiamsi ex justa causa erumpat, modum servare non potest; ideo penitus non irascendum mo-

nent. Cæteri iram aliquando concedunt, quia eam intelligunt, quæ imperium rationis excitat ac moderatur. Unde S. Greg. lib. i Moral. cap. 33: Curandum, inquit, summopere est, ne ira, quæ instrumentum virtutis assumitur, menti dominetur; nec quasi domina præeat, sed quam ancilla ad obsequium parata, a rationis tergo nunquam recedat. Et licet Cassianus eodem lib. c. 6, 7 et 8, significet iræ ministerium ad hoc solum nobis esse insertum, ut lascivientibus motibus ac vitis animi nostri irascamur, tamen eadem a causa nonnunquam etiam erga alios iram proferendam esse cum ratio postulerit, non obscure significat coll. 16, c. 26, cum scribit: Nec ego dixi quod illius qui fortis est ac robustus virtus tolerantiaque vincenda sit, sed quod infirmi pessima valetudo, illi us qui sanus est sustentatione nutrita, a que in deterius quotidie prolapsus, generatura sit causas ob quas ipse ultra non debeat sustineri.

C II 11 cap. 15.

Cassianus Christum vocat hominem Dominicum, quomodo et ante vocarant multi antiqui Patres, et Augustinus lib. LXXVII quæst. 35, tamen i hanc locutionem postmodum emendavit lib. i Retract. c. 19, quia cum Christus Dominus sit, Dominicus improprie diceretur: significaretur enim illum hominem non esse Deum ac Dominum, sed Dominicum, hoc est, esse suppositum humanum unitum Domino, seu suppositio Domini; quare duo supposita in Christo fingerentur, quod Nestorianum est. Et quoniam constat Cassianum non solum non consensisse Nestorio, sed contra eum septem libros scripsisse, quibus probat non duas, sed unam esse Christi personam; ideo homo Dominicus apud eum excusandus est eo modo quem ponit S. Thomas in part., quæst. 14, art. 3: Homo, inquit, Dominicus nonnulla ratione posset defendi, quia scilicet posset aliquis dicere quod dicitur homo Dominicus ratione humane nature quam significat hoc nomen homo, non autem ratione suppositi. Vide Rufinum in Apologia pro Origene, prope finem.

## DE CASSIANI DOCTRINA ANNOTAMENTUM DIDACI ALVAREZ.

Ex lib. i disp. 2 § 3 de Auxiliis div. grat. et viribus lib. arbit.

### Error Cassiani circa necessitatem gratiæ et vires naturales nostri arbitrii.

Antequam dicta Cassiani subjiciamus, advertere oportet, ipsum in collat. 13 abbatis Chæremonis, mentem ejusdem abbatis aperuisse circa gratiam et liberum arbitrium. Cujus sententiam, quia non reprobatur eam, visus est sequi; ac propterea S. Prosper in libro quem contra Collatorem composuit, eum vehementer impugnatur, et a Pelagianorum semitis non discedere evidentissimis demonstrat argumentis ex Scriptura sacra et Augustini scriptis depromptis. Unde et Gelasius pontifex d. 15 cap. Sancta Romana, Joannis Cassiani librum, qui appellatur Pastoris, inter apocrypha numerat. Et doctores Lovanienses, qui in doctrina Augustini sunt eruditissimi, annotationes quasdam et censuram in varia dicta Cassiani subjecerunt, in fine impressionis Antverpiæ 1578.

Est ergo primum dictum Cassiani: Homo in natura lapsa habet naturale iudicium ad cognoscendum bonum et malum, et naturalem facultatem ad utrumque amplectendum. Verba ejus sunt (Collat. 13 c. 12, in princ.): Nec enim talem Deus hominem fecisse credendus est, qui nec velit umquam nec possit bonum, alioquin nec ei liberum permisit arbitrium, si ei tantummodo malum ut velit et possit, bonum vero a semetipso nec velle nec posse concessit. Et post pauca, probat non amisisse genus humanum, post prævaricationem Adæ, scientiam boni, ex illo ad Rom. II: Cum enim gentes, quæ legem non habent,

naturaliter ea quæ legis sunt faciunt, etc. Ait enim. Concepit ergo Adam, post prævaricationem, quam non habuerat, scientiam mali; boni vero quam acceperat scientiam non amisit. Denique non amisisse humanum genus, post prævaricationem, scientiam boni, etiam Apostoli sententia evidentissime declaratur, quæ dicit: Cum enim gentes, quæ legem non habent, naturaliter ea quæ legis sunt faciunt (Rom. II). Et paulo inferius subdit: Denique ut possibilitatem in eis esse signaret, increpans Phariseos: Quid autem, inquit, etiam ex vobis ipsis non judicatis, quod justum est (Joan. VII)? quod utique eis non dixisset, nisi eos iudicio naturali id quod æquum est, scisset posse discernere. Unde cavendum est nobis ne ita ad Deum omnia sanctorum merita referamus, ut nisi quod malum atque perversum est, naturæ ascribamus humanæ. Et paucis interjectis, inquit: Manet in homine liberum semper arbitrium, quo gratiam Dei possit, vel negligere, vel amare.

Dicit secundo, hominem habere naturaliter quædam virtutum semina, quæ tamen, nisi per gratiam ad perfectionem pervenire non possunt: Dubitari ergo, inquit (Cap. 12 cit.), non potest, inesse quidem omni animæ naturæ iter virtutum semina, beneficio Creatoris inserta; sed nisi hæc opitulatione Dei fuerint excitata, ad incrementum perfectionis non poterunt pervenire, quia secundum apostolum: Neque qui plantat est aliquid, neque qui rigat, sed qui incrementum



dat Deus (I Cor. m). Et cap. 8: Qui cum in nobis (Deus) ortum quemdam bonæ voluntatis inspexerit, illuminat eam confestim, atque confortat, et incitat ad salutem; incrementum tribuens ei, quam vel ipse plantavit, vel nostro conatu viderit emersisse.

Dicit tertio hominem posse ex sola facultate liberi arbitrii habere charitatem. Colligitur hæc assertio ex ejus dictis, coll. 13 c. 14, ubi explicans illud Ben. er. xii (Secundum LX): *Tentat te Dominus Deus tuus ut pulchri fiat, utrum diligas eum in toto corde tuo, et tota anima tua, an non*, inquit, *Sed utique nec tentari eos justitia Domini permisisset, nisi parem in eis scisset inesse resistendi virtutem, qua possent æquitatis judicio in utroque merito vel rei vel laudabiles judicari. Item colligitur ex capite decimo, ubi fatetur, inesse omni animæ naturaliter virtutum semina, in quibus etiam comprehendit charitatem, cum absolute loquatur de virtutibus. Unde sanctus Prosper hoc dictum tribuit Cassiano, cum ait (Lib. cont. Collat. cap. 30): Et tanta est, secundum istum, liberi arbitrii vel incolumitas vel facultas, ut charitatem quæ in omnium arce virtutum est, non ex Dei munere, sed ex sola habeat voluntate.*

Dicit quarto, quod homo in natura lapsa sufficientes vires habeat ad resistendum tentationibus etiam gravioribus; et superandas quascunque difficultates. Ita dicit collat. 13 cap. 14, ubi loquens de tentationibus Job, quæ gravissime fuerunt, inquit: *Sed cum nullam ejusmodi querimoniam calumniosus hostis post conflictum audeat iterare, non Dei, sed illius se victum viribus confitetur. Licet etiam gratia Dei non in totum illi defuisse credenda sit, quæ tantam tentatori tentandi tribuit potestatem, qua tam et illum resistendi noverat habere virtutem, non eum ab illius impugnatione sic protegens, ut nullum virtuti humanæ relinqueret locum. Et paucis interjectis: Et quid eos necesse est vel tentari, quos ita infirmos novit ac fragiles, ut nequaquam virtute sua valeant resistere tentatori? Sed utique nec tentari eos justitia Domini permisisset, nisi parem in eis resistendi scisset inesse virtutem, qua possent æquitatis judicio in utroque merito vel rei vel laudabiles judicari. Et coll. 7 cap. 7 Germano dicenti: Resististi illis (scilicet tentationibus terribilibus adversariorum) ab hac præsertim fragili carne impossibile crederemus, nisi ad hanc opinionem vestris sententiis velut cælestibus animarum oraculis. Respondet capite octavo, ejusdem collat.: Quamobrem sicut in illis est instigationis copia, ita et in nobis virtus respuendi sive acquiescendi libertas est attributa. Unde capite decimo quarto explicat illud: Fidelis autem Deus, qui non permittet vos tentari supra id quod potestis (I Cor. x), de potestate resistendi tentationibus ex facultate naturæ. Ait enim: Fidelis autem Deus, qui non permittet vos tentari supra id quod potestis, sed faciet cum tentatione et exitum, ut sustinere possitis. Cum enim dicit, Qui stat videat ne cadat, sollicitam reddit arbitrii libertatem, quam utique noverat, precepta gratiæ, vel stare per industriam, vel cadere per negligentiam posse. Et post pauca: Fidelis autem Deus, qui non permittet vos tentari supra id quod potestis: non utique optat, ne eos Dominus tentari permitteret, sed ne supra id quod sustinere poterant tentarentur. Illud enim indicat humani arbitrii facultatem; hoc vero Domini gratiam tentationum luctamina moderantis ostendit.*

Dicit quinto, Deus expectat nostros conatus, et aliquando nos prævenit. Primam partem hujus dicti expressis verbis tradit Cassianus collat. 13 c. 13, cum ait: *Et ita semper gratia Dei nostro in bonam partem cooperatur arbitrio, atque in omnibus illud adjuvat, protegit ac defendit, ut nonnumquam etiam, ubi quosdam conatus bonæ voluntatis, vel exigat, vel respiciet, ne penitus dormienti aut inertis otio dissoluta sua dona conferre videatur, occasiones quodammodo quærens quibus, humane sequitiei torpor discusso, non irrationabilis munificentiae suæ largitus videatur. Et cap. 12 inquit: Expectat nos, cum dicitur per*

*Prophetam: Propterea expectat Dominus, ut misereatur nostri (Isaie xxx).*

Quod autem aliquando Deus non præveniat, affirmat eodem cap. 12, cum ait: *Prævenit ergo hominis voluntatem misericordia Domini, de qua dicitur: Deus meus misericordia ejus præveniet me (Psal. lvm). Et rursus Dominum remorantem, atque utiliter quodammodo subsistentem ut nostrum experiantur arbitrium, voluntas prævenit nostra, cum dicitur: Et mane oratio mea præveniet te (Psal. lxxxvii). Et cap. 17 docet Deum quorundam quidem volentium et sitientium cursum ad majorem incitare flagrantiam, quosdam vero etiam nolentes invitosque compellere. Et idem repetit cap. 18, ubi ait: *Et alios quidem volentes currentesque suscipere, alios quidem nolentes renitentesque pertrahere, et ad bonam cogere voluntatem.**

Dicit, sexto, non esse i a totum tribuendum gratiæ, quin aliqua laus et industria servanda sit libero arbitrio. Ait enim (Collat. 13 c. 14) *Nullius enim laudis esset ac meriti, si id in eo Christus quod ipse donaverat prætulisset, alioquin dixisset: Non vidi tantum fidem in Israel. Hanc etiam assertionem tribuit Cassiano S. Prosper (Libro cont. Collat. diffinit. 11), cum ait: Impius sensus, qui putat beatiorum esse hominem cui Deus nihil dederit, quam cui universa contulerit.*

Dicit, septimo, hominem ex facultate naturæ posse medicum querere, et sanitatem desiderare: *Nec enim, inquit (Ead. Collat. c. 9, in fine), cum voluerit quis sanitatem perfruitur, aut de ægritudinis morbo, pro arbitrii sui desiderio liberatur. Quid autem prodest sanitatis gratiam concupisse, nisi Dominus, qui vitæ ipsius usum tribuit, etiam vigorem incolumitatis impartiat? Quæ verba sanctus Prosper impugnans (S. Prosper. Lib. cont. Collat. c. 8) ait: Doces ergo non posse hominem per semetipsum apprehendere sanam aem, sed habere eam a semetipso desiderium sanitatis, et suam tantum sponte venire ad medicum, non etiam hoc ipsum medici esse quod veniat.*

Dicit, octavo, homini ex naturalibus conanti facere quod in se est gratiam dari, qua Deus bonos conatus naturæ dirigit, confortat, et voluntatem incitat ad salutem. Ne autem cum Pelagio consentire videatur, sic istam assertionem temperat, ut dicat conatus illos non esse meritorios gratiæ, nec semper necessarios. Et quidem quod homini conanti ex naturæ viribus detur gratia, affirmat coll. 13 cap. 8, cum ait: *Qui cum in nobis ortum quemdam bonæ voluntatis conspexerit, illuminat eam confestim, atque confortat, et incitat ad salutem, incrementum tribuens ei quam vel ipse plantavit, vel nostro conatu viderit emersisse. Et cap. 11: Nam cum videt nos Deus ad bonum velle deflectere, occurrit, dirigit, atque confortat: Ad vocem enim clamoris tui statim ut audierit, respondebit tibi (Isaie xxx).*

Quod autem illi conatus non sint meritorii gratiæ, assertio in cap. 16 ejusdem collationis, statim in principio, cum inquit: *Nemo autem existimet hæc a nobis ob hoc fuisse pro'ata, ut nitamur astruere summam salutis in nostræ fidei ditione consistere secundum quorundam profanam opinionem, qui totum libero arbitrio deputantes, gratiam Dei dispensari secundum meritum uniuscujusque definiunt. Et cap. 13, postquam dixerat nonnumquam Deum exigere vel expectare quosdam conatus bonæ voluntatis, subdit: Et nihilominus gratia Dei semper gratuita perseverat, dum exiguis quibusdam parvisque conatibus tantam immortalitatis gloriam, tanta perennis beatitudinis dona incæstimabili tribuit largitate. Et post pauca: Quantumlibet ergo enixa fuerit humana fragilitas, futuræ retributioni par esse non poterit; nec ita laboribus suis divinam inminuit gratiam, ut non semper perseveret.*

Quod vero conatus illi non sint semper necessarii, affirmat cap. 13 citato, inquiens: *Et ita semper gratia Dei nostro in bonam partem cooperatur arbitrio, atque in omnibus illud adjuvat, protegit ac defendit,*



ut nonnumquam etiam ab eo quosdam conatus bonæ voluntatis vel exigat vel exspectet. Nonnumquam (inquit), non semper. Et cap. 17. Per hæc igitur exempla, quæ de evangelicis protulimus monumentis, evidentissime poterimus advertere, diveris atque innumeris modis, et inscrutabilibus viis, Deum salutem humani generis procurare; et quorundam quidem volentium et sitientium cursum ad majorem invitare flagrantiam, quosdam vero etiam nolentes invitosque compellere. Et nunc quidem, ut impleantur ea quæ utiliter a nobis desiderata perspexerit adjuvare, nunc vero etiam ipsius sancti desiderii inspirare principia, vel initium boni operis vel perseverantiam condonare. Dicens utique: Quorundam quidem volentium et sitientium cursum ad majorem invitare flagrantiam, quosdam vero nolentes compellere, satis indicat præcedentes conatus bonæ voluntatis non semper esse necessarios ut auxilium gratiæ homini conferatur.

Dicit, nono, gratiam prævenientem pendere ex operibus naturæ, et causalem istam esse veram, quia initium bonæ voluntatis præbet homo, ideo Deus miseretur ei. Constat hoc ex collat. 13 c. 11, in principio, ubi ait: *Et ita sunt hæc quodammodo indiscrete permixta atque confusa, ut quid ex quo pendeat inter multos magna quæstionevolvatur, id est utrum quia initium bonæ voluntatis præbuerimus, misereatur nostri Deus; an quia Deus miseretur, consequamur bonæ voluntatis initium: multi enim singula hæc credentes, ac justo amplius asserentes, variis sibi contrariis sunt erroribus involuti.* Et in discursu ejusdem collat. docet: aliquando quia initium bonæ voluntatis præbemus, miseretur nostri Deus; aliquando vero, quia Deus miseretur, consequimur bonæ voluntatis initium; satis aperte indicans quod propter bonum illum usum nostræ voluntatis datur auxilium prævenientis gratiæ. Idem colligitur ex eadem coll. cap. 9, ubi de operibus naturæ præcedentibus gratiam intelligit illud Apostoli: *Deus reddet unicuique secundum opera ejus* (Rom. 11). Unde S. Prosper hanc assertionem tribuit Cassiano, cum ait (*Lib. contra Coll. c. 6*): *Quomodo autem non advertis te in illud damnatum incidere, quod, velis notis, convinceris dicere gratiam Dei secundum merita nostra dari, cum aliquod præcedere boni operis ex ipsis hominibus propter quod gratiam consequantur affirmas.* Hoc autem dictum, sicut et præcedens, ita temperat Cassianus, ut dicat gratiam non dari propter bona illa opera, ut propter merita, sed tamquam propter solam occasionem, ut patet ex lib. XII Inst. c. 14, ubi ait: *Præsto est namque (scilicet Deus) occasione sibi tantummodo, a nobis bonæ voluntatis oblata, ad hæc omnia conferenda.* Quibus verbis ab operibus naturæ omne meritum excludit tam de condigno quam de congruo, cum dicat illa opera solum esse occasionem qua accepta Deus conferat priora auxilia prævenientis gratiæ. Et

A expresse in eodem capite excludit meritum de condigno; nam inter alia inquit: *Dicimus enim secundum Salvatoris sententiam dari quidem petentibus, et aperiri pulsantibus, et a quærentibus inveniri; sed petitionem et pulsationem nostram non esse condignam, nisi misericordia Dei id quod petimus dederit.* Et hoc sensu Semipelagianorum errorem Hilarius epistola ad Augustinum intellexisse videtur, cum refert ipsos asseruisse, *Nec negari gratiam, si præcedere dicatur talis voluntas quæ tantum medicum quærat, non autem quidquam ipsa jam valeat.* In eodem sensu loquitur concil. Arausicanum, canone 6: *Si quis sine gratia Dei credentibus, volentibus, desiderantibus et pulsantibus nobis misericordiam dicit conferri.* Misericordiam, inquit; nam Massilienses fatebantur auxilia prævenientis gratiæ adjuvantis dari ex misericordia, non ex debito justitiæ petentibus, quærentibus, pulsantibus ex facultate naturæ, licet occasione horum conatum naturæ tribueretur a Deo.

B Eundem fuisse Semipelagianorum sensum fatentur quidam theologi recentiores ex illis qui negant Deum, actuali gratia adjuvante, præmovere, applicare, seu prædeterminare efficaciter voluntatem creatam ad consentiendum, quod confirmant auctoritate sanctorum Patrum, præsertim Augustin. lib. de Prælat. SS. c. 2 dicentis: *Videte si aliud agitur isto modo nisi ut gratia secundum merita nostra detur quolibet modo, ac sic gratia non sit gratia.* Ubi ponderant particulam illam, quolibet modo, nam ampliat meritum ad quemcumque modum meriti.

C Ultimo dicit prædestinationem Dei esse generalem respectu omnium, et non gratuitam respectu aliquorum. Constat hoc ex coll. 13. c. 7, ubi ait: *Cujus benignitas cum bonæ voluntatis quantulumcumque scintillam emicuisse prospexerit, vel quam ipse tamquam de dura silice nostri corporis excusserit, conforet eam, et exsuscitat, suaque inspiratione confortans, vult omnes homines salvos fieri et ad agnitionem veritatis venire.* Et post pauca: *Qui enim, ut pereat unus ex pusillis non habet voluntatem, quomodo sine ingenti sacrilegio putandus est, non universaliter omnes, sed quosdam salvos fieri velle pro omnibus?* Hæc in communi dicta sufficiant de errore Pelagianorum et Semipelagianorum. Ex quibus facile poterit unusquisque colligere, in quo Semipelagiani a Pelagianis differant, vel cum illis conveniant. Hoc unum est in calce hujus disputationis notandum, quod Faustus et Cassianus quamlibet vel qualemlibet prævenientem gratiam admiserint, eam tandem re ipsa negaverunt, cum asseruerint secundum meritum fidei nobis dari. Unde Maxentius loquens contra Faustum, qui in suo libro promiserat se probaturum contra Pelagium gratiam non secundum merita nostra dari, inquit: *Postea autem immemor sui promissi, totam plenius gratiam evacuare vincitur.*





ANNO DOMINI CDXXX.

# VIGILIUS DIACONUS.

## PROLEGOMENA.

« Vigilius Diaconus, inquit Gennadius cap. 51, A  
« composuit ex traditione Patrum *Monachorum Re-*  
« *gulam*, quæ in cœnobio ad profectum fratrum in  
« conventu legitur, breviate et aperto sermone to-  
« tius monasticæ profess-ionis in se tenentem disci-  
« plinam. » In Trithemii Commentariis hæc autem  
leguntur : « Vigilius Diaconus et monachus, vir in  
« Scripturis sanctis studiosus et eruditus, monasticæ  
« disciplinæ custos et rector, fertur ad ædificationem  
« monachorum quædam eudisse opuscula, quæ ad  
« nostram memoriam venire et locorum et tempo-  
« rum distantia prohibuit. Dicit autem presbyter  
« Gennadius, scripsisse illum valde utilem Regulam  
« de conversatione monachorum in uno libro. De  
« cæteris non loquitur. Claruit sub Honorio et Theo-  
« dosio principibus, anno 420. » Exstat tamen hæc B  
Regula sub titulo *Regulæ Orientalis ex Patrum Ori-*  
*entalium Regulis collectæ a Vigilio Diacono* in Co-  
dice *Regularum* quem edidit Romæ an. 1661, in 4°,  
Lucas Holstenius; part. 1 ed. Paris. 1663, in-4°,  
p. 88-95; et novæ quam accuravit Marianus Brockie  
et post mortem ejus ediderunt socii ejus Augustæ  
Vind. an. 1739, sex voluminibus in-folio, tom. I, p.  
60-64.

Hæc Schœnemannus. Jam antea Regulæ Vigili  
ipse editor Marianus Brockie dixerat :

« Hucusque octo Regulæ *Orientalium Patrum* exhibi-  
bitæ sunt in hoc Lucæ Holstenii Codice, ex quibus  
Vigilius Diaconus hanc *Monachorum Regulam* com-  
posuit, quæ proin merito et *Orientalis* dici potest,  
quamvis in Occidente scripta videatur. Laudat qui-  
dem hanc Regulam Gennadius, asseritque illam bre-  
viate et aperto sermone totius monasticæ professio-  
nis disciplinam continere, ex qua proin S. Benedictus,  
Anianæ abbas, suæ Regularum Concordiæ multa in-  
seruit; quemadmodum et Smaragdus, S. Michaelis  
in Lotharingia abbas, in sua Regulæ Benedictinæ  
Expositione. Constat autem hæc Regula XLVII ca-  
pitibus, quibus includitur quidquid ad bonum ejus-  
que monasterii regimen pertinet, et quæ ex Regula  
S. Pachomii plerumque desumitur; cum persæpe  
ibidem propriæ S. Pachomii sententiæ reperiantur.  
Vixit quidem Vigilius Diaconus sæculo quinto, sed  
ignoratur ejus Ecclesiæ fuerit diaconus, quamvis  
apud Gallos floruisse supponi possit, cum nonnulli  
contendant, hanc *Regulam Orientalem*, ab ipso com-  
positam, in monasterio S. Maximini Trevirensis eo-  
dem sæculo fuisse observatam. »

## VIGILII DIACONI REGULA MONACHORUM,

*Quæ vulgo dicitur*

### REGULA ORIENTALIS.

(Cod. Regular. Marian. Brockie tom. I.)

I. Ut neque seniores in regendis fratribus inaniter C  
laborent, neque disciplina juniorum vacillet, quæ  
abbatis conversatione stabilita firma sit, oportet ab-  
batem irreprehensibilem esse, severum, patientem,  
jejunum, piûm, humilem : ut doctoris et patris locum  
impleat seipsum formam præbens bonorum operum.  
Ad cujus ordinationem omnes fratres respiciant;  
nihil sine consilio et auctoritate ipsius facientes. Qui  
sustineus monasterii necessitates de omnibus quæ  
in monasterio sunt libere judicabit; nullius perso-  
nam accipiens, nec ulli gratiam præstans, sed unum-  
quemque secundum merita quotidianæ conversatio-  
nis in veritate judicans, admoneat, hortetur, casti-

get, condemnet, vel suscipiat, si ita utile videtur,  
venientes ad monasterium; vel ejiciat, si ita neces-  
sitas fuerit, male habitantes.

II. In monasterio seniores sint duo, ad quos vel  
præsente abbate vel absente omnium fratrum disci-  
plina et omnis cura monasterii pertineat : dantes  
sibi vices per dies, et dividentes inter se pondus ac  
necessitatem monasterii; ex quibus unus tempore  
suo præsens in monasterio semper erit, ad præstan-  
dum abbati solatium, vel obsequium advenientibus  
fratribus; et ad procedendum, ubi necessitas com-  
munis exegerit, atque diligentiam circa omnia quæ  
ad quotidianam custodiam et conversationem mona-



sterii pertinent adhibendam : ut quæcumque ad obsequium usumque monasterii facienda sunt, sine negligentia et querela faciant. Alius cum fratribus erit, tempore suo exiturus cum ipsis ad omnia opera et omnem necessitatem, providens ne quid contra disciplinam faciant. Qui considerans omnes actus singulorum, si quæ contra rationem facta viderit, seu per se emendet, vel abbati indicet.

III. Ille vero, qui secundum ordinem disciplinæ ordinatione abbatis ex consilio et voluntate omnium fratrum fratribus præpositus est, omnem ad se curam de disciplina fratrum et diligentiam monasterii revocabit; habens potestatem abbate absente faciendi omnia quæ abbas præsens facit. Ille autem patientiam, mansuetudinem, humilitatem, charitatem, æquitatem, sine personarum acceptione servabit; ita agens, ut nec abbati tædium generet, nec fratres intemperantia illius laborent. Hæc observabit senior monasterii qui fratribus præpositus est, referens ad abbatem omnia, vel præcipue illa quæ per se non voluerit explicare.

IV. Commendatum aliquod etiam a germano fratre nullus accipiat : nihil in cella sua absque præpositi iussione quispiam habeat, nec poma quidem vilissima, et cætera hujusmodi.

V. Operantes vero fratres nihil loquantur sæculare : sed aut meditentur ea quæ sancta sunt, aut certe silebunt.

VI. Qui autem coquinat, antequam fratres reficiant, non gustabit quidquam.

VII. Nemo in cella aut in domo sua habeat quidquam præter ea, quæ in communi monasterii lege præcepta sunt.

VIII. Cumque ad dormiendum se collocaverint, alter alteri non loquatur. Cellam alterius, nisi prius ad ostium percutiat, introire non audeat.

IX. Mutare de his quæ a præposito acceperit cum altero non audebit. Nec accipiet melius et dabit deterius, aut e contrario dans melius et deterius accipiens. Nemo ab altero accipiat quidpiam, nisi præpositus jusserit.

X. Clausa cella nullus dormiat, nec habeat cubiculum quod claudi possit, nisi forte ætati alicujus vel infirmitati pater monasterii concesserit.

XI. Nemo a terra solvat funiculum absque iussione patris. Qui in monasterio fratrum invenerit quidpiam, suspendat ut tollat qui cognoverit.

XII. Ad collectam et ad psallendum nullus sibi occasiones inveniat, quibus se dicat occupatum, quasi ire non possit. Et si in monasterio, vel in agro, aut in itinere, aut in quolibet ministerio fuerit, orandi et psallendi tempus non prætermittat.

XIII. Qui minister est, habeat studium ne quid operis pereat in monasterio. In qualicumque omnino arte, quæ exercetur a fratribus, si quid perierit, et per negligentiam fuerit dissipatum, increpetur a patre minister operum; et ipse iterum increpet alium qui opus perdiderit, dumtaxat juxta voluntatem et

A præscientiam principis, absque quo nullus increpandi fratrem habebit potestatem.

XIV. Si inventus fuerit unus a fratribus aliquid per contentionem agens, vel contradicens majoris imperio, increpabit juxta mensuram peccati sui.

XV. Qui mentitur, aut odio quemquam habere fuerit deprehensus, aut inobediens, aut plus joco quam honestum est deditus, aut otiosus, aut dure respondens, aut habens consuetudinem fratribus detrahendi vel his qui foris sunt, et omnino quidquid contra Regulam Scripturarum est et monasterii disciplinam, et audierit pater monasterii, vindicabit juxta mensuram opusque peccati.

XVI. Si omnes fratres viderint præpositum nimium negligentem, aut dure increpantem fratres, et mensuram monasterii excedentem, referant hoc patri, et ab eo increpetur. Ipse autem præpositus nihil faciat, nisi quod pater jusserit : maxime in re nova. Quæ ex more descendit, servabit Regulam monasterii.

XVII. Præpositus vero non inebrietur, nec sedeat in humilioribus locis. Ne rumpat vincula quæ Deus in cælo condidit ut observentur in terris. Ne lugeat in die festo Domini Salvatoris; dominetur carni suæ juxta mensuram Sanctorum. Non inveniatur in excelsis cubilibus, imitans morem gentilium. Non sit duplicis fidei. Non sequatur cordis sui cogitationes, sed legem Dei. Non resistat sublimioribus tumentis animo potestatibus. Ne fremat, nec hirriat iratus super humiliores; nec transferat terminos Regulæ. Non sit fraudulentus, neque in cogitationibus verset dolos; nec negligat peccatum animæ suæ; nec vincatur carnis luxuria. Non ambulet negligenter. Non loquatur verbum otiosum. Non ponat scandalum ante pedes cæci. Non doceat voluntatem animam suam. Non resolvatur risu stultorum ac joco. Non capiatur cor ejus ab his qui inepta loquuntur et dulcia. Non vincatur muneribus; non parvulorum sermone ducatur. Non deficiat in tribulatione. Non mortem timeat, sed Deum; non prævaricator sit propter imminens timorem. Non relinquat verum lumen propter modicos cibos. Non nutet ac fluctuet in operibus suis. Non mutet sententiam, sed firmus sit solidique decreti; justus, cuncta considerans; judicans in veritate absque appetitu gloriæ; manifestus Deo et hominibus, et a fraude procul. Ne ignoret conversationem suorum, nec ad eorum scientiam cæcus existat. Nulli noceat per superbiam; nec sequatur concupiscentias oculorum. Veritatem numquam prætereat : oderit injustitiam. Secundum personam numquam judicet pro muneribus, nec condemnet animam innocentem per superbiam. Non rideat inter pueros : non deserat veritatem timore superatus. Non despiciat eos, qui indigent misericordia. Non deserat justitiam propter lassitudinem; ne perdat animam suam propter verecundiam : ne respiciat dapes lautioris mensæ : nec pulchra vestimenta desideret; nec se negligat, sed semper dijudicet cogitationes suas. Non inebrietur vino; sed humilitati junctam habeat veri-



tatem. Quando judicat, sequatur præcepta majorum et legem Dei, quæ in toto orbe prædicata est.

XVIII. Si deprehensus fuerit aliquis e fratribus libenter cum pueris ridere et ludere, et habere amicitias ætatis infirmæ, tertio commoneatur, ut recedat ab eorum necessitudine, et memor sit honestatis et timoris Dei: si non cessaverit, corripitur, ut dignus est correptione severissima.

XIX. Qui contemnunt præcepta majorum et Regulas monasterii, quæ Dei præcepto constitutæ sunt, et parvipendunt seniorum consilia, corripiantur juxta ordinem constitutum, donec corrigantur.

XX. Majores, qui cum fratribus mittuntur foras, quamdiu ibi fuerint, habebunt jus præpositorum, et eorum regentur arbitrio. Docebunt fratres per constitutos dies; et si forte inter eos ortum fuerit aliquid simultatis, audient ipsi majores, et dijudicabunt causam, et dignum culpa increpabunt; vel ad imperium eorum statim pacem pleno corde consociant.

XXI. Si quis frater contra præpositum suum habuerit tristitiam, aut ipse præpositus contra fratrem aliquam querimoniam, probatæ fratres conversationis et fidei eos audire debent, et dijudicabunt inter eos. Si tamen absens est pater monasterii, vel aliqui perfectus, primum quidem expectabunt eum: sin autem diutius vident foris demorari, tunc audient inter præpositum et fratrem; ne diu suspenso iudicio tristitia major oriatur, ut et ille qui præpositus est, et ille qui subjectus est, et illi qui audiunt, juxta timorem Dei cuncta faciant, et non dent in ullo occasione discordiæ.

XXII. Nullus mittatur foras ad aliquod negotium solus. Missi vero non singuli, sed bini vel terni ambulent: ut dum se invicem custodiunt et consolantur, et seniores eorum de honesta eorum conversatione securi sint, et illi non periclitentur. Observantes tamen hoc, ut non se invicem fabulis inanibus destruant, neque negligentia dent locum destructionis; sed unusquisque in actu suo attentus sit, prout tempus fuerit.

XXIII. Quando autem reversi fuerint in monasterium, si ante ostium viderint aliquem quærentem suorum affinium, de his qui in monasterio commorantur, non valebunt ire ad eum, et nuntiare, vel evocare. Et omnino quidquid foris gesserint, in monasterio narrare non præsumant.

XXIV. Omnibus erit potestas legendi usque ad horam tertiam: si tamen nulla causa existerit, quæ necesse sit etiam aliquid fieri. Post horam vero tertiam si quæ statuta sunt, sicut scriptum est, per superbium, vel negligentiam, vel desidiam intercedentem non custodierit, sciat se cum in hoc errore deprehensus fuerit, culpabilem judicandum; quia per suum errorem et alios in vitium mittit.

XXV. Cellarii vero cura sit, ut abstinentiam et sobrietatem studens illata in monasterio ad sumptus fratrum diligenter et fideliter servet: nihil suscipiens, nec quidquam tradens sine auctoritate vel

A seniorum consilio. Qui etiam omnia utensilia quæ in monasterio sunt, id est, vestem, vas, terramentum, et quidquid usibus quotidianis necessarium est, custodiat; et unamquamque rem proferens, cum fuerit necessarium, ab eo iterum ad reponendum, cui utendo consignaverit, recepturus. Ad victum vero fratrum proferat ac tradat septimanariis, ad condiendos cibos det necessaria secundum quotidianæ expensæ consuetudinem, neque profuse neque avare; ne vitio ipsius vel monasterii substantia gravetur, vel fratres patiantur injuriam. Sed et necessitatem infirmorum fratrum ac laborem considerans, nihil agrotantium desideriis neget ex his, quæ habuerit, quantum illis necesse fuerit. Advenientibus diversis fratribus escas parabit. Hæc erit cura custodis cellarii, recurrens semper ad seniorum consilium, et requirens de omnibus, vel præcipue de his quæ proprio suo intellectu non potuerit adimplere.

XXVI. Ostiarii cura sit, ut omnes advenientes intra januas recipiat; dans eis responsum honestum cum humilitate et reverentia, ac statim nuntians vel abbati, vel senioribus, quis venerit, et quid petierit. Nec ullus extraneorum patiatur injuriam; neque habeat cum aliquo de fratribus necessitatem ac facultatem loquendi, absque scientia abbatis, vel seniorum præsentia. Si quid vero cuicumque de fratribus missum mandatumque fuerit, nihil ad ipsum perveniat priusquam abbati vel senioribus indicetur. Ante omnia ostiarius Monasterii hæc observabit, ne quemquam de fratribus foris januam exire permittat.

C XXVII. Si quis accesserit ad ostium volens sæculo renuntiare, et fratrum aggregari numero, non habeat libertatem intrandi; sed prius nuntietur patri monasterii, et manebit paucis diebus foris ante januam, ac docebitur orationem Dominicam, et psalmos quantos potuerit discere; et diligenter sui experimentum dabit, ne forte mali quidpiam fecerit, ut turbatus ad horam timore discesserit, aut sub aliqua potestate sit; et utrum possit renuntiare parentibus suis, et propriam contemnere facultatem. Si enim viderint aptum ad omnia, tunc docebitur et reliquas monasterii disciplinas; quæ facere debeat, quibusque servire, sive in collecta omnium fratrum, sive in domo cui tradendus est, sive vescendi ordine: ut instructus atque perfectus in omni opere bono D fratribus copuletur. Hæc observabit custos januæ, referens omnia, sicut superius scriptum est, et annuntians senioribus.

XXVIII. Septimanarii ad cibos parandos, vel ad luminaria concinnanda, vel ad nitores faciendos, et quæ ad obsequium ususque monasterii pertinent, semper parati sint. Hos nulla alia necessitas occupet, sed in hoc studium impendant, ut rem susceptam utiliter et diligenter impleant. Et si quid forte nesciunt, de his quæ agere debent, sine dissimulatione seniores suos semper interrogent.

XXIX. Illi itaque quibus disciplina, vel utilitas, vel opinio, vel obsequium monasterii creditur, officia sibi injuncta fideliter custodiant et impleant. Hos



enim errare non decet, qui ad omnes errores emendandos præpositi sunt. Qui si vel superbia, vel negligentia, vel desidia aliqua ex his prætermiserint, quæ in Regula continentur; per ipsosque destructio esse cœperit, per quos debet edificatio crescere, omnibus condemnationibus, quas Regula continet, subjacebunt.

XXX. Inter omnes fratres hoc observabitur, vel obediētes senioribus suis, et deferentes sibi invicem, habeant patientiam, moderationem, humilitatem, charitatem, pacem sine figmento et mendacio, et maledictione, et verbositate, et jurandi consuetudine, ita ut nemo suum quidquam vindicet, neque ullus aliquid peculiariter usurpet; sed habeant omnia communia.

XXXI. Sine seniorum verbo et auctoritate nullus fratrum quidquam agat: neque accipiat aliquid, neque det; neque usquam prorsus procedat.

XXXII. Cum vero inventa fuerit culpa, ille qui culpabilis invenitur, corripiatur ab abbate secretius. Quod si non sufficit ad emendationem, corripiatur a paucis senioribus. Quod si nec sic emendaverit, excommunicetur; et non manducet quidquam. Cui si nec hoc quidem profuerit, in quolibet loco fuerit, postremus inter omnes in psallendi ordine ponatur. Quod si in pravitate perseverat, etiam psallendi ei facultas auferatur. Quem si vel hæc confusio non commoverit, abstineatur a conventu fratrum; ita ut nec mensæ, nec Missæ intersit, neque cum eo ullus frater de junioribus colloquatur. Abstinebitur autem tandiu, quamdiu vel qualitas culpæ poposcerit, secundum abbatis ac seniorum arbitrium; vel se ex corde pro culpa pœnitens humiliaverit, et veniam erroris sui omnibus præsētibz petierit. Quod si in fratrem peccavit, etiam ab eo fratre veniam petat, cui injuriam fecit.

XXXIII. Si quis errori ejus consenserit, et secundum duritiam illius magis consilium dederit, ut se tardius humiliet, sciat se, cum in hoc errore fuerit deprehensus, simili modo culpabilem judicandum.

XXXIV. Hoc etiam addendum fuit, ut frater, qui pro qualibet culpa arguitur vel increpatur, patientiam habeat, et non respondeat arguenti se: sed humiliet se in omnibus, et emendet.

XXXV. Si vero fuerit aliquis tam durus et tam

alienus a timore Domini, ut tot castigationibus et tot remissionibus non emendet, projiciatur de monasterio, et velut extraneus habeatur: ne vitio ipsius alii periclitentur.

XXXVI. Quod si aliquis locutus fuerit, vel riserit in vescendo, increpetur, et agat pœnitentiam.

XXXVII. Si quis ad manducandum tardius venerit absque majoris imperio, similiter agat pœnitentiam, aut ad cellam suam jejunos revertatur.

XXXVIII. Si aliquid necessarium fuerit in mensa, nemo audebit loqui, sed ministrantibus signum soni dabit. Ministri vero absque his quæ in commune fratribz præparata sunt, nihil aliud comedant, nec mutatos cibos sibi audeant præparare.

XXXIX. Nemo plus alteri dabit quam alter accipit, quod si obtenditur infirmitas, præpositus domus perget ad ministros ægrotantium, ab his quæ necessaria sunt accipiet.

XL. Quando ad ostium monasterii aliqui venerint, si clerici fuerint aut monachi, majori honore suscipiuntur: lavabuntque pedes eorum, juxta Evangelii præceptum, et præbunt eis omnia, quæ apta sunt usui monachorum.

XLI. Si quis ad ostium monasterii venerit, dicens velle se videre fratrem suum vel propinquum, janitor nuntiabit abbati, et permittente eo accipiet comitem, cujus fides probata est; et sic mittetur ad fratrem videndum vel proximum.

XLII. Si propinquus alicujus mortuus fuerit, prosequendi funus non habebit licentiam, nisi pater monasterii præceperit.

XLIII. Nullus de horto tollat olera, nisi ab hortulano acceperit.

XLIV. Nemo alteri loquatur in tenebris; nullus in psiatho cum altero dormiat; manum alterius nemo teneat; sed sive steterit, sive ambulaverit, sive sederit, uno cubito distet ab altero.

XLV. Si quis tulerit rem non suam, ponetur super humeros ejus; et sic agat pœnitentiam publice in collecta.

XLVI. Si præpositus injuste judicaverit, injustitiæ ab aliis condemnabitur.

XLVII. Qui consentit peccatis, et defendit alium delinquentem, maledictus erit apud Deum et homines, corripietur increpatione severissima.

ANNO DOMINI CDXXX.

## FASTIDIUS, BRITANNORUM EPISCOPUS.

### PROLEGOMENA.

GALLANDII NOTITIA HISTORICO-LITTERARIA IN FASTIDIUM.

(Biblioth. Vett. Patr. Gallandii t. IX.)

I. Quo tempore claruere Cyrillus Alexandrinus ac Theodotus Ancyranus, floruisse quoque Fastidium



*Britannorum episcopum* ex Gennadio intelligimus. A Michaelino, Victorino ac duobus Sorbonicis, nec qui medium inter eos hunc scriptorem recenset (a). Episcopi titulum Fastidio detrahunt viri doctissimi (b), quos item Pagius est secutus (c); permoti scilicet auctoritate vetusti Gennadii exemplaris Corbeiensis, in quo legitur tantum, *Fastidius Britto*, neque a prima manu ascriptum habet eundem titulum, sed addi unum post vocem *Britto* calamo recentiore. At uno excepto Corbeiensi, reliqui codices, quos inter eo multo præstantior Veronensis, ut fuse probant eruditi viri (d), aliique duo pervetusti bibliothecæ Lambethanæ Warthrono laudati (e), vulgatam Gennadii lectionem præ se ferunt: neque aliter in suo codice legisse comperitur Honorius Augustodunensis (f) Gennadium exscribens: ut propterea præter citatos Ballerinos et Warthonum, Usserius quoque (g) ac Norisius (h), B quibus accedere videtur et Tillemontius (i), Fastidii episcopatum agnoscant, licet ejus sedes habeatur incerta.

2. Testatur Gennadius (j) scripsisse Fastidium *ad Fatalem de Vita Christiana librum, et alium de Viduitate servanda, sana et digna doctrina*: ut fert codex Corbeiensis. In editis Gennadianis legitur *ad Fatalem quemdam*, errore forte sive ipsius Gennadii, sive potius librarii: nam liber de quo mox dicturi sumus, ad viduam quandam missus esse perhibetur, quam *dilecti simam sororem* auctor appellat (k). Hinc vero abs re ansam arripuisse Pagium (l) Fastidio abjudicandi librum de quo Gennadius, recte arguunt viri eruditi quos modo laudavimus (m). Errasse quoque Gennadium statuit Possinus (n) cum aliis, qui ex uno libro duos fecit: quod enim sub opusculi finem dis-erit auctor *de triplici Viduitate* (o), haud novus tractatus, sed libri *de Vita Christiana* clausula est. Illic porro libellus qui jam dudum inter opera sancto Augustino supposita sæpius prodierat, parenti suo tandem Lucæ Holstenii studio est restitutus. Nectus enim vir ille doctus vetustum exemplar in monasterio Cassinensi *Fastidii episcopi* nomine insignitum, opus descripsit ac editioni paratum reliquit: illudque deinceps cum duobus aliis opusculis ex museo Holsteniano Romæ in lucem emisit anno 1663 Petrus Possinus. Quod quidem opus denuo expolitum et cum veteribus codicibus Corbeiensi, Remigiano,

A Michaelino, Victorino ac duobus Sorbonicis, nec non cum Holstenii editione Romana collatum, evulgavit clarissimi operum Augustinianorum editores Parisienses (p). Atque hujusmodi præclarum exemplar typis exprimendum tradidimus. Verum ne muneri nostro penitus deesse videremur, illud iterum cum edito Holsteniano comparavimus: qua ex collatione nonnullas deteximus lectiones quibus fortasse planior scriptoris textus reddatur, easque proinde subnotare libuit.

3. At vero haud est plane prætereundum, quod jam pridem monere viri doctissimi: Fastidium scilicet Pelagii conterranei sui hæresi fuisse additum; adeoque nihil mirum de eo tradidisse Gennadium, fuisse ipsum imbutum *sana et digna doctrina*: B presbyterum enim illum Massiliensem divinæ gratiæ inimicis fuisse incompertum nemini. Qua de re amplissimum historiæ Pelagianæ conditorem (q) et qui ejus opera junctim edenda curarunt (r) nec non historiæ literariæ Gallicæ auctores (s) præ cæteris consulas velim. Sed ut in viam redeamus, Fastidius de Ad. mo hæc habet (t): *In quo nihil fuisse incredulitatis invenio præter solam inobedientiam, cujus causa ille damnatus est, et omnes suo damnantur* EXEMPLO. Hæc vero ipsa est Pelagii hæresis ita decentis, ut ait sanctus Prosper (u):

Progenitos igitur nullum traxisse reatum  
De patribus, nec dissimiles nunc nasci illo  
Ortu primorum, qui libertate male usi  
Peccarunt, forma nocui, non semine proli.

Et clarius adhuc auctor incertus e, istolæ ad Demetriadem (v): *Hinc, inquit, Adæ peccatum, EXEMPLO posteris asserbatur nocuisse, NON TRANSITU*. Quem quidem Pelagianum errorem passim exagitat sanctus Augustinus (x). Præterea suæ viduæ ista suggerit noster auctor (y): *Ille autem ad Deum merito extollit manus, ille preces bona conscientia fundit qui potest dicere, Tu nosti, Domine, quam sanctæ, quam innocentes, quam puræ sint ab omni fraude et injuria et rapina, quas ad te expando manus; quam justa, quam immaculata labia et ab omni mendacio libera, quibus tibi, ut mihi miserearis, preces fundo*. Hæc porro sunt ipsissima Pelagii verba, quibus viduam Julianam Demetriadis matrem docebat, quemadmodum sancti orate debeant. Ea recitat sanctus Augustinus (z),

(a) Gennad. de Vir. Illustr. cap. 56.

(b) BB. in Append. ad tom. VI opp. S. Aug. pag. 183.

(c) Pagi. ad ann. 420, § xxix.

(d) Baller. Observ. ad Opp. Noris. tom. IV, pag. 884 et 923-926.

(e) Warth. Hist. de epis. et decan. Londin. pag. 6.

(f) Honor. Aug. lib. II de Script. Eccl. cap. 55.

(g) Usser. Britann. Eccles. Antiqq. cap. 11, pag. 171 edit. sec. Londin. 1687.

(h) Noris. Hist. Pelag. lib. I, cap. 19, opp. tom. I, pag. 194.

(i) Tillem. tom. XV, pag. 16 et 18 init., ac pag. 837, not. 4, sur S. Germain.

(j) Gennad. l. c.

(k) Fastid. præfat. de Vit. Christ. infra.

(l) Pagi. l. c.

(m) Baller. l. c.

(n) Possin. in Monit. ad Fastid. edit. Rom.

D (o) Fastid. l. c., cap. 15 infra.

(p) In Append. ad tom. VI opp. Aug., pagg. 183-192.

(q) Noris. Hist. Pelag. lib. II, cap. 16, opp. tom. I, pagg. 462 seq.

(r) Baller. ad Noris. opp. tom. IV, pagg. 923 seq.

(s) Hist. littér. de la France, tom. II, pag. 653 seqq.

(t) Fastid. de Vit. Christ. cap. 15 infra.

(u) Prosp. Carm. de Ingrat. sub init. opp. tom. I, pag. 71, nov. edit.

(v) Ibid. in append. Epist. ad Demetr. cap. 10, pag. 527.

(x) Aug. de Nat. et Grat. cap. 9, opp. tom. X, pag. 151, et alibi.

(y) Fastid. l. c. cap. 11 infra.

(z) Aug. lib. de Gest. Pelag. cap. 6, num. 16, opp. tom. X, pag. 200.



que in Diospolitana synodo Pelagius fuisse objecta. A eadem quoque refert sanctus Hieronymus (a); quibus in medium adductis, statim exclamat: *Christiani est hæc, an Phariæi superbientis oratio?* Alia insuper minus recte pronuntiata notat in hoc Fastidii opusculo Tillemontius (b). « Quare, ut cum Norisio loquar (c), cum Fastidius hic dicto libro de

(a) Hieron. lib. III Dialog. contr. Pelag., num. 14, opp. tom. II, pag. 784, edit. Veron.

(b) Tillem. tom. XV, pag. 17.

*Vita Christiana* impius Pelagii sententias exscriptas inseruerit, Pelagiana illum loligine aspersum non dubito: indeque suspicio crescit, quod Pelagius Britanniam patriam infecit, lateque ea pestis universam insulam pervagata fuit. Unde anno 429 a concilio Gallicano legati contra Pelagianos in Britanniam missi sunt. »

(c) Noris. Hist. Pelag. lib. I, cap. 19, opp. tom. I, pag. 195.

## FASTIDIU

BRITANNORUM EPISCOPI

# DE VITA CHRISTIANA

LIBER UNUS.

### Praefatio.

Ut ego peccator \* et ultimus, insipientior cæteris et imperitior universis, te, ut sanctitatis et justitiæ viam pergas, crebrioribus audeam litteris admonere, non me propriæ justitiæ fiducia, non sapientiæ peritia, non scientiæ gloria, sed sola quam secundum Deum animo ac mente concepi, charitatis tuæ causa compellit; quæ me peccatorem et ignarum ad dicendum ita hortatur et provocat, ut cum loqui nesciam, tacere non possim. Vellem itaque et libenter optarem te eorum habere notitiam quorum et sapientia affluentior est, et facundia major, et scientia uberior, et conscientia ab omni peccatorum contagione liberior, qui te verbis juste instruerent et exemplis. Nos enim præterquam quod mentem nostram ita insipientiæ et ignorantiae caligo carcavit, ut divinum aliquid nequeat sentire vel dicere, adhuc insuper et C omnium redarguit conscientia peccatorum, ut etiam si quid luminis possit habere, abscondat; et ita fit ut præterquam quod dicere non habemus, hoc etiam quod habemus non fiducialiter proferre, conscientia prohibente, possimus. Tu tamen, dum peritior tibi apparere possit et melior, rudibus admonitionibus nostris interim esto contenta, et charitati da veniam, cujus est non considerare quid offerat, nec quod non habet quærit, sed totum quod habet libenter

B impertit: ad cujus non tam muneris specie quam animi respice voluntatem, et diligenter adverte quid tibi illa negare poterit, quæ totum dare <sup>b</sup> potuit quod habebat. Obtulisset etiam quod non habebat si posset, quæ totum <sup>c</sup> potuit quod habebat offerre. Sicut itaque ille, sed parum, qui decurrentis interim rivi aqua non potest esse contentus, donec ad fontem uberio-rem purioremque perveniat. Nec illum satis esurire credo, qui cum panes cibarios habeat, nitidos expectat et candidos. Ita et tu, dilectissima soror, quam ego certus sum esurire nimium et sitire cœlestia, cibarios interim munde panes, donec siligine candentes invenias; exigui et turbulenti rivuli aquam pota, usquequo affluentioris haurias puriorem. Nec tibi interim panis noster, quamvis rusticus videatur esse, displiceat. Rusticus enim panis incutior videtur esse, sed fortior et celerius esurientem stomachum satiat, fessumque corroborat, quam qui siligineus videtur et nitidus. Nunc ergo dicam sermonem prout valeo, et quid Christianum agere conveniat, ut potero, explicabo. Cujus rei et unde prius exordium sumam, justius non invenio, quam ut primum de Christiano ipso vocabulo disputem, et cur quis Christianus nuncupetur exponam.

## INCIPIT LIBER.

### CAPUT PRIMUM.

*Christiani nomenclatura et dignitas.*

Christum unctum interpretari, sapientium et fidelium nullus ignorat. Unctos vero non nisi sanctos viros et satis Deo dignos semper fuisse manifestum est; nec alios quam prophetas aut sacerdotes aut reges. Et tam magnum fuit ipsius unctionis mysterium, ut in Judaico populo non omnes illud, sed

\* Editi hic add. *primus*, quod abest a mss. et Holstenii editione.

<sup>b</sup> Editi, *voluit*.

D satis pauci de plurimis mererentur accipere: et hoc usque ad adventum Domini nostri Jesu Christi, quem *Deus oleo lætitiæ*, id est, Spiritu sancto, præ cæteris consortibus suis unxit (Ps. XLIV, 8). Ex quo tempore credentes illi et baptismatis illius sanctificatione purgati, non aliquanti, sicut sub Lege prius fuerat, sed omnes in prophetis et sacerdotibus unguuntur et regibus. Cujus unctionis quales esse debeamus ad-

<sup>c</sup> Ita mss. At Holsten., *totum dedit quod potuit offerre*. Editi alii, *totum quod potuit offerre*.



monemur exemplo, ut in quibus tam sancta est A unctio, sit non minus sancta conversatio. Ex sacramento enim unctionis hujus, et Christi et Christianorum omnium, id est, in Christo credentium, vocabulum descendit et nomen: quod nomen ille frustra sortitur, qui Christum minime imitatur. Quid enim tibi prodest vocari quod non es, et nomen tibi usurpare alienum? Sed si Christianum te esse delectat, quæ Christi sunt gere, et merito tibi Christiani nomen assume. Aut forsitan non esse, sed vocari desideras? Hoc satis fœlum et miserum est, te velle vocari quod non sis. Nemo enim ita transit ad Christum, ut Christianus appelletur, et non sit. Qui Christianus dicitur, Christum se habere Dominum profitetur. Et vere habet, si ei in omnibus obsequatur et serviat. Si quo minus, Christi ille non B famulus, sed subsannator est et derisor qui ejus se servum dicit, cui servire dissimulat. Hinc ergo judicium geminum servatur, et pro Dei subsannatione, quem sine causa Dominum appellavit, et pro qualitate peccati.

## CAPUT II.

*Peccatores Deus illico duplici ex causa non punit.*

Sed plerosque incredulos et impudentes et perfidos misericordis Dei longa patientia peccare a f. c. et intrepidos, ut ex hoc peccatorum suorum Deum non arbitrentur ultorem, quod non statim velit punire peccantes. Miseri et ingrati, suæ salutis improvidi, b quia hoc etiam Deo imputant, quod eorum differatur interitus: ignorantes Dei providentia duplici ratione servari, ut et humano generi longa ejus patientia consulatur, et ne ille judicetur impatiens si illico voluerit c damnare peccantes. Nam si tam patiens non esset, jam diu humani generis origo desisset; nec justos de peccatoribus haberemus, si confestim Deus vellet punire qui peccant. Nonnullos enim scimus et legimus qui antea, aut ignorantiae cecitate, aut causa perfidiæ, aut adolescentiæ vanitate decepti, multiplici et vario peccatorum genere tenebantur obnoxii, et per sustentantis Dei clementissimam patientiam postmodum ab errore sunt conversi, majores adhuc d operas fecisse justitiæ quam ante peccata commiserant. Deus enim non donat peccata, sed differt; nec perseverantem peccatorem a morte liberat, sed ut vel sero convertatur et vivat i) patienter expectat, sicut beatus Petrus apostolus ait: *Non tardat Dominus e promissis; sed patienter agit propter vos, nolens aliquos perire, sed omnes ad penitentiam converti* (II Pet. iii, 9). Ille enim te quasi pius, benignus et clemens, illico idcirco non percutit, ut tu quanta illius erga te sit pietas, quanta clementia sit recognoscas, qui te peccatorem et impium expectare mavult, et servare conversum, quam punire peccantem: sicut per prophetam ipse

Dominus loquitur, et quantum velit homini misericordiae pietatisque largiri, propriae vocis benignitate depromit, dicens: *Et iniquus si convertat se ab omnibus iniquitatibus suis quas fecit, et custodiat mandata mea, et faciat judicium et justitiam et misericordiam; vita vivet, et non morietur; omnia delicta ejus quaecumque fecit, non erunt in memoria: in justitia sua quam fecit, vivet* (Ezech. xviii, 21, 22). Et: *Numquid voluntate volo mori iniqui, dicit Adonai Dominus, quam ut avertat se a via sua mala, et vivere eum faciam* (Ibid. 23)? Et alibi: *Iniquitas iniqui non nocebit eum, in quacumque die averterit se a sua iniquitate* (Ezech. xxxiii, 12). Et iterum: *Convertimini, filii, convertentes, et ego sanabo contritionem vestram* (Jerem. iii, 22). Ecce quomodo te Deus, ut a peccatis tuis vel sero convertaris et salvus esse possis, monet et provocat. Ecce qualiter jam morti obnoxium ut vivat hortatur, quam leniter, quam clementer invitat, ut etiam peccatoribus patris non neget pietatem: et adhuc filios appellat, qui patrem Deum peccando perdiderunt; sicut et iose se perdidisse peccatores alio in l co cum voce flebili et miserabili quadam lamentatione testatur, dicens: *Sine filijs factus sum, perdi populum meum propter peccata eorum* (Jerem. xv, 7). Ex hoc ergo cognosce qualiter te Deus diligat, quem mavult vivere quam perire. Et tu eum contemnis et despicias, qui amplius quam tu ipse te diligit, qui te mori cupientem vult vivere? *Nolo*, inquit Dominus, *mortem f peccatorum, sed ut convertantur et vivant* (Ezech. xviii, 32). Tu ergo mori voluisti peccando, ille te g vivere vult convertendo. O C stulte, o irreverens et ingratus, qui nec in hoc Deo qui tibi vult misereri consentis, qui te mavult sua pietate salvare quam tuo perire peccato!

## CAPUT III.

*Pietate Dei abutentes, etiam hic puniri.*

Nemo ergo sibi ideo blandiatur, nemo se stulta et vana suspicione decipit, nemo idcirco securus delinquat et liber, quod super peccatores confestim Dei ira judiciumque non veniat, ut ex hoc opinetur se impune peccasse, quod non illico perimatur; sed hoc magis differre Deum quam dissimulare cognoscat, et iram ejus peccatoribus h quam veniam subito et repente venturam, sicut scriptum est. *Ne dixeris, Peccavi, et quid accidit mihi triste? est enim Altissimus redditor patiens* (Eccli. v, 4). Et alibi: *Ne tardes converti ad Dominum, neque differas de die in diem; subito enim veniet ira ejus* (Ibid., 8, 9). Quod in plerisque impletur, quibus ob nimia peccata, et in presenti Dei ira supervenit, et in futuro servatur. Sed hoc nemo intelligit, nemo cognoscit, nec quisque adversa sustinens malis suis æstimat irrogari, sed quod pertulerit consuetudinis potius putat esse quam criminis. Et idcirco Deus in presenti non

a Editi, *sinit*.

b Holsten., *qui*.

c Plerique mss., *punire*.

d Editi, *opera*, *renuentius* mss.

e Ms. Corb., *promissu reddere*.

f Holsten., *morientium*; mss. Sorbon. et R. mig., *morientibus*. Michael., *pccantium*. Corb., *peccantibus morientibus*.

g Mss., *vivificare*.

h Editi, *quavis seram*, *su. ito*.



videtur punire peccantes, quia cum punit non cognoscitur. Multi sunt enim quos nemo intelligit, qui ob multitudinem peccatorum jam ante judicii diem in presenti etiam judicantur. Aut dicit quis si quem sacrilegum, sanguinarium, rapacem, falsarium, homicidam, furem, fraudulentum, adulterum, ceterorumque criminum reum, vel in presenti tempore potuerit videre longævum? Nos enim plurimarum exempla videmus, per quæ probare sufficimus sceleratos et impios, peccatorum suorum fine completo, et hoc etiam tempore judicari, et presentem eis vitam negari non minus quam futuram.

Sed hoc ille facilius intelligere potest, qui per diversa tempora diversorum judicium impie scelerateque conversantium expectavit interitum. Quorum quo potestas sublimior est, eo ad peccandum major audacia, quæ totum sibi licere credit quod potest, et dum alterius judicium non timent qui alios judicant ad peccandum præcipientes sunt. Ita fit ut qui hominis non timent in delinquendo judicium, Deum judicem sentiant et ultorem. Ex quibus alii qui insontium animarum sanguinem frequenter effuderant, ita iram Dei judiciumque sensere, ut ipsi postmodum sanguinem fundere cogerentur suum, qui libenter funderant alienum. Alii vero qui similia commiserant, sic Dei indignatione prostrati sunt, ut insepulti jacerent, et esca feris et cæli volucris fierent. Alii autem qui innumerabilem hominum multitudinem injuste peremerant, membratim particulatimve concisi, ut non minor fuerit concisura membrorum quam quos interimi fecerant numerus punitorum. Et quorum judicio maritis injuste premissis multæ effectæ viduæ, multi orphani patribus occisis derelicti, quibus præter orbitatem mendicitas inferebatur et nuditas [nam addebant impietati et crudelitati quod deerat, ut eorum quos fecissent occidi spoliarent et liberos], nunc vero ipsorum conjuges viduæ et filii orphani alienis quotidie egent panibus. Nonne videtur tibi istud testimonium in ipsis esse completum comminantis Dei et dicentis, *Viduam et orphanos non vexabitis. Quod si vexaveritis eos, et vociferantes clamaverint ad me, exaudiam vociferationem eorum, et irascar animo, et perimam vos gladio, et erunt conjuges vestræ viduæ, et filii vestri orphani* (Exod. xxii, 22-24)? O indignum nefas! o scelestum facinus! o nimia et non ferenda crudelitas! Duo sævissima et atrocissima uno perpetrantur in tempore, homicidium fit ut rapina succedat; occiduntur mariti, occiduntur et patres, quo facilius viduæ spoliuntur et orphani: et ita quisque in alterius morte congaudet, quasi non sit ipse quandoque moriturus. Merito ergo Deus hujusmodi crudelitatibus et impietatibus commovetur. Merito judicium suum in quibusdam e iam ante tempus ostendit. Merito vita talibus nec præsens nec futura conceditur. Quorum nos, ne sceleratos et impios in presenti etiam Dei judicium evadere posse existimemus, admonemur exemplo.

\* Pro. spectavit.

A Sed hoc magis sentire nos convenit, tandiu numquamque Dei patientia sustentari, quandiu nondum peccatorum suorum terminum finemque replevit: quo consummato cum illico percussus, nec illi jam veniam ullam reservari.

#### CAPUT IV.

*Certo peccatorum numero completo Deum punire peccatorem.*

Esse autem certum peccatorum modum atque mensuram, Dei ipsius testimonio declaratur. Et quod unusquisque vel celerius vel tardius, prout peccatorum suorum modum expleverit, judicetur, evidentissime demonstratur, quando de Sodomorum et Gomorrhæorum interitu atque incendio, qui sua jam peccata repleverant, ad Abraham Deus loquitur, dicens: *Clamor Sodomorum et Gomorrhæorum repletus est, et peccata eorum magna vehementer repleta sunt* (Gen. xviii, 20). De Amorrhæis vero quid dicit, qui sua nondum peccata finierant, quos post multos annos quam supra dictæ civitates crematæ sunt, constat esse deletos?

Nondum repleta sunt peccata Amorrhæorum usque adhuc (Gen. xv, 16). Quo exemplo manifestissime instruimur et docemur, singulos secundum peccatorum suorum plenitudinem consummari, et tandiu ut convertantur sustineri, quamdiu cumulum suorum non habuerint delictorum. Nemo se, inquam, fallat, nemo se decipiat: malos non amat Deus, peccatores non amat, injustos non amat, rapaces, crudeles, impios; sed amat bonos, justos, pios, humiles, innocentes, mites, sicut scriptum est: *Quoniam non Deus volens iniquitatem tu es. Non habitabit juxta te malignus, neque permanebunt injusti ante oculos tuos. Odisti omnes qui operantur iniquitatem, perdes omnes qui loquuntur mendacium* (Ps. v, 5-7).

#### CAPUT V.

*Mors propera malis ad pœnam, bonis ad securitatem.*

Sed dicit aliquis, Quid est quod videmus bonos e iam perire cum malis? Illi non pereunt, sed evadunt, qui de malorum consortio et persecutionibus liberantur, et ad requiem transferuntur. Illi plane moriuntur et pereunt, quos de hoc mundo recedentes majoris adhuc judicii supplicium expectat et pœna. Vocantur enim ante tempus boni, ne diutius vexentur a malis; mali vero et impii tolluntur, ne bonos diu ius persequantur. Justi de pressuris, tribulationibus et angustiis vocantur ad requiem, impii vero de luxuriis et opibus et deliciis rapiuntur ad pœnam. Illi enim vadunt ut judicent, isti ut judicentur; illi ut vindicentur, isti ut in eos vindicta celebretur, sicut scriptum est: *Justus autem si morte præoccupatus fuerit, in refrigerio erit* (Sap. iv, 7). Et iterum: *Vivens inter peccatores translatus est* (Ibid., 10). Et iterum: *Placita enim erat Deo animæ ejus, et ideo properavit de medio iniquitatis eripere eum* (Ibid., 11.) Et iterum: *Cum impiis iter ad mortem; illi au-*



*sem sunt in pace* (Sap. iii, 5). Vides ergo hanc solutionem corporis justis et Dei cultoribus requiemesse, non poenam; et cum dissolvuntur, liberari eos potius quam perire. Et idcirco ipsam solutionem qui fideles sunt nec timent nec verentur, sed venire magis desiderant et <sup>a</sup> exoptant, per quam sibi requiem intelligunt exhiberi, non poenam. Iniqui vero et impii et suorum scelerum conscii eam merito naturali providentia pertimescunt, per quam se non nesciunt judicari. Quapropter hac ratione reddita et accepta, non oportet nos omnino peccare, praesertim cum non ignoremus peccatoribus judicium et in praesenti esse, et in futuro servari.

## CAPUT VI.

*Indecorum est Christiani nomen sibi arrogare sine re.*

Nec in hoc nobis nomine tantum, quod Christiani dicimur, blandiamur, sed propter hoc etiam nos judicandos credamus, si nomen nobis frustra vindicemus alienum. Aut si aliquis tam incredulus est, tam infidelis, tam pertinax, tam obstinatus, tam audax, ut quæ quandoque ventura est, <sup>b</sup> Dei iudicis iram indignationemque non metuat, vel humanam consuetudinem erubescat; et videat quam brutus, quam insipiens ille, quam stultus ab ipsis etiam gentibus iudicetur, cujus tanta est vanitas tantaque dementia, ut sibi nomen adipiscatur alienum. Quis enim tam vanus et miser est, qui advocatum, cum litteras nescit, audeat profiteri? Quis tam insanus et excors, ut profiteatur militem, qui nesciat arma gestare? Nemo enim quodcumque nomen sine causa sortitur. Sutor ut dicatur, necesse est ut calceamenta conficiat; ut vocetur quis faber aut artifex, artis peritia facit; ut negotians nuncupetur quis, carius quod vilis emerat distrahit. Hujusmodi enim exemplis agnoscimus nullum sine actu nomen, sed omne ex actu nomen. Tu ergo quomodo Christianus diceris, in quo nullus Christiani actus, Christianus justitiæ, bonitatis, integritatis, patientiæ, castitatis, prudentiæ, <sup>c</sup> humilitatis, humanitatis, innocentiae, pietatis est nomen: et tu illud tibi quomodo defendis et vindicas, cui de tam plurimis rebus nec pauca subsistunt? Christianus ille est, qui non nomine tantum, sed opere est; ille qui Christum in omnibus imitatur et sequitur; qui sanctus, innocens, incontaminatus, intactus est: cujus in pectore malitia non habet locum, cujus in pectore sola pietas consistit et bonitas; qui neminem novit nocere vel lædere, sed omnibus opem ferre. Christianus ille est, qui exemplo Christi nec inimicos novit odisse, sed magis adversantibus sibi benefacere, et pro persecutoribus suis et hostibus exorare: nam et quisquis aliquem lædere aut nocere paratus est, ille mentitur se esse Christianum. Christianus est, qui potest juxta voce dicere: Neminem nocui hominum, juste vixi cum omnibus.

<sup>a</sup> Mss. tres, *expectant*.

<sup>b</sup> Abest vox *Dei* a mss.

<sup>c</sup> Deest in mss. vox *humilitatis*.

<sup>d</sup> Sic potiores mss. At editi. *statim*.

## CAPUT VII

*Deus semper justitia placatus fuit, et injustitia offensus.*

Sed ne me ex sensu proprio loqui quis arbitretur aut credat, aut eum putet se facile posse contemnere, quod sua potius voluntate quam legis auctoritate loquatur; jam nunc ipsius legis, cujus præceptis nobis vitæ aditus aperitur, tam veteris quam novæ incipiam exempla proferre, et ostendere quid Deus ab initio <sup>d</sup> status mundi humano generi observare præceperit, in quo semper placatus fuerit vel offensus. Lego enim post Adam, qui a Deo primus formatus est (Gen. i, 27), de cujus causa nunc dicendum non est, in exordio mundi Cain et Abel fratres fuisse germanos (Gen. iv, 1 seq.): e quibus unus Deo placuit, eo quod innocens esset et justus: alter vero, quia injustus et nocens, Deo placere non potuit. Deinde interveniente tempore, Enoch satis justum fuisse Scriptura designat (Gen. v, 22 seq.), cui tantum justitia contulit, ut nec præsentem mortem sciret, sed et ad immortalitatem de medio omnium mortalium singulariter raperetur. Cujus monstratur exemplo, unum Deo justum plurimis peccatoribus chariorem. Noe quoque et ille justus (Gen. vi, 9), cui justitiæ meritum quid præstiterit novimus, ut ipsi cum suis tantum vita daretur, per diluvium toto mundo damnato. Abraham quid per fidei et justitiæ meritum consecutus sit Scriptura testatur (Gen. xv, 5, 6), ut illo in tempore solus amicus Dei esset in terris, qui solus fuerat justus inventus. Loth vero (Gen. xix, 12) ut pereuntibus cunctis de Sodomitarum liberaretur incendio, quid aliud quam justitiæ meritum fuit? Longum est nos ire per singulos, et omnium merita recensere.

## CAPUT VIII.

*Israelitas ideo multis miseriis afflixit Deus, ut ad opera pietatis instrueret.*

Populum Judaicum, quem ad se Deus primum ex semine Abraham præ cæteris gentibus pertinere optavit, quomodo erudierit, quid eum, ut sibi placeret, facere, quid observare præceperit, scire nos convenit. Primo in loco, quod derelicta regione in qua habitare semper optaverat, patriæque deserta, in alienam provinciam, hoc est, in Ægyptum <sup>e</sup> migrare fecit, non sine causa nec sine Dei providentia factum esse reor. Sed hanc fuisse puto rationem: quia Deus populum suum quem elegerat <sup>f</sup>, misericordiae, pietatis, justitiæ, cæterisque bonis operibus cupiens erudire, voluit eum in externa patria pro tempore esse peregrinum et captivum, ut captivitatis et peregrinationis miseriam disceret et laboris; quo facilius postmodum misereri peregrinantibus et laborantibus nosset, si ipse ante peregrinationis miseras didicisset. Nemo enim peregrino tam libenter miseretur et advenæ, nisi qui peregrinationis exitus

<sup>e</sup> Abest a potioribus mss. *migrare*, pro quo in Sorbon. *ire*, apud Holsten. *iter*.

<sup>f</sup> Sic Holsten. recte. Abest vox *quem* in edit. BB.



novit. Nemo sic hospitem et sine tecto, suo intro-  
ducit hospitio, nisi ut qui ante indignit alieno. Ne-  
mo ita esurientem cibis, nemo sic sitientem potat,  
nisi ut qui sitim esuriemque perpessus est. Nemo  
tam facile nudum suis operit vestimentis, quam qui  
nuditatis et frigoris novit injuriam. Nemo sic tribu-  
lanti et misero et laboranti succurrit, nisi ut qui  
tribulationum et miseriarum casus expertus est et  
laborum. Merito ergo Deus misericordiae et pietatis  
magister, qui legem postmodum erat editurus, per  
quam populo suo misericordiae et pietatis omnium-  
que bonorum operum praecepta traditurus, voluit  
eum prius omnes pressuras et tribulationes et angus-  
tias in terra perpeti aliena, quo facilius postea pos-  
set tanta patientium misereri, et suis obtemperare  
mandatis. Ut putes eum bonum fuisse agricolam, qui  
priusquam semen mittat, diu terram aratris et ra-  
stris domat, ne quod illi crediturus est semen per-  
eat: ita et Deus populum suum diu ante macerat  
et domat, quam ei salutarium mandatorum semen  
impertiat. Denique ut ob hanc causam hanc cum per-  
tulisse evidentius clareat, ipsius Domini intueamur  
mandata, dicentis: *Advenam non vexabitis, nec tribu-*  
*labitis eum, fuistis etenim et vos advenae in terra*  
*Aegypti* (Exod. xii, 21). Et iterum legimus: *Deus*  
*magnus, qui non accipit personam, sed n. c. accipit mu-*  
*nera, faciens judicium proselyto, orphano et viduae.*  
*Dare panem et vestimentum dilige, quia et ipse fuisti*  
*in terra Aegypti* (Deut. x, 17-19). Et alibi dicit: *Si*  
*autem messus fueris messem in agro tuo, et oblivisceris*  
*a manuum, non reverteris accipere illam; proselyto et*  
*orphano et viduae erit, ut benedicat te Deus in operibus*  
*manuum tuarum; et memor eris quia famulus eras in*  
*terra Aegypti; ego ideo praecepit tibi verbum hoc* (Deut.  
xxiv, 19-22). Unde facile pervidetur atque dignosci-  
tur eum populum ob hanc causam cunctis afflictum  
fuisse miseris, ut misereraliteri suo doceretur exem-  
plo, sicut scriptum est: *Docuisti enim populum tuum*  
*per talia opera, quoniam oportet justos esse et humanos*  
(Sap. xii, 19). Qualem populum suum esse velit,  
late, ut arbitror, patet; et quibus possit operibus  
promereri, plurimis probatur exemplis.

Sed ne ad manifestandam ejus voluntatem parum  
videatur esse quod diximus, Legis etiam et Prophe-  
tarum praecepta jungamus; et quid Deo placeat sem-  
perque placuerit, et quid crebrius fieri et observari  
praeceperit, tam veteris quam <sup>b</sup> novae Legis testimo-  
niis comprobemus. *Diliges Dominum Deum tuum ex*  
*toto corde tuo, et ex tota anima tua, et ex tota mente*  
*tua, et ex totis viribus tuis* (Deut. vi, 5); *et diliges*  
*proximum tuum sicut te ipsum* (Levit. xix, 18). Legis  
et Prophetarum praeceptum esse mandatum, Domini  
et Salvatoris nostri testimonio comprobatur, dicen-  
tis: *In his duobus mandatis tota lex pendet et prophe-*  
*tæ* (Matth. xxii, 40). Quod rescindi non potest nec  
mutari, in duobus istis mandatis omne tam Legis

A quam Prophetarum constare praeceptum, et illum  
legem implese qui hanc potuerit implere; nihil enim  
aliud in lege veteri quæri quam ut Deum et proximum  
diligas. Et vere ille legis consummator et factor est,  
qui nec in Deum, nec in proximum peccat.

## CAPUT IX.

*Deum quis diligit.*

Sed quid Deum, quid proximum sit diligere, præ-  
terire minime ac dissimulare debeo. Deum diligit,  
qui suis in omnibus mandatis obtemperat. Deum  
diligit, qui leges ejus et praecepta custodit. Deum  
diligit, qui ut ille sanctus est, et ipse se sanctificat,  
sicut scriptum est: *Sancti estote, quoniam et ego*  
*sanctus sum Dominus Deus vester* (Levit. xix, 2).  
B Deum diligit, qui et illud Prophetæ dicentis implet  
eloquium: *Qui diligitis Dominum, odite malum* (Ps.  
xcvi, 10). Deum diligit, qui non alia quam coelestia  
cogitat et divina. Deus enim non nisi sanctitatis et  
justitiæ et pietatis amator est; et ille Deum diligit,  
qui non aliud quam quod Deus amare videtur ope-  
ratur. Quid sit enim Deum diligere, Domini et Sal-  
vatoris doctrina declarat, dicentis: *Qui audit verba*  
*mea, et facit ea, ille est qui diligit me* (Joan. xiv, 21).  
Si igitur ille Deum diligit, qui quod Deus præcipit  
facit; qui non facit, iste non diligit. Omnis vero qui  
non diligit, odit. Unde clarum atque manifestum  
est, ab eis Deum odiri, qui sua mandata non ser-  
vant, de quibus <sup>c</sup> Prophetam dixisse puto: *Nonne*  
*qui oderunt te, Domine, oderam, et super inimicos*  
*tuos tabescebam? Perfecto odio oderam illos, et ini-*  
C *mici facti sunt mihi* (Ps. cxxxviii, 21, 22). Odit Pro-  
pheta justus peccatores, adulteros et injustos, et Dei  
mandata spernentes; sicut alio in loco dicit: *Vidi*  
*prævaricantes pactum; et tabescebam* (Ps. cxviii, 158).  
Et iterum: *Iniquos odio habui, et legem tuam dilexi*  
(Ibid., 113). Vide ergo quam justis, quam integri-  
es-e debeamus et sancti, quibus præterquam male  
conversari non licet, sed nec male conversantes  
agnoscere. Hoc et beatus Apostolus evidenter osten-  
dit, qui nec panes cum peccatoribus frangi præce-  
pit, dicens: *Si quis frater cognominatur inter vos*  
*fornicator, aut avarus, aut idolis serviens, aut maledi-*  
*cus, aut ebriosus, aut rapax, cum ejusmodi nec cibum*  
*sumere* (I Cor. v, 11).

D Sanctum esse populum suum Deus voluit, et ab  
omni contagione injustitiæ et iniquitatis alienum.  
Talem eum esse voluit, tam justum, tam pium, tam  
purum, tam immaculatum, tam simplicem, ut nihil  
quod in eo gentes redarguerent, invenirent, sed quod  
admirarentur, et dicerent: *Beata gens cujus est Do-*  
*minus Deus ejus, et populus quem elegit in hæredita-*  
*tem sibi* (Ps. xxxii, 12). Tales convenit esse Dei  
cultores et servos, mansuetos, graves, prudentes,  
pios, irreprehensibiles, intactos, immaculatos; ut  
quisquis eos viderit, stupeat, et admiretur, et dicat,

<sup>a</sup> Alias, manipulum, renuentibus mss.

<sup>b</sup> Mss. plerique, quam novæ incipiam exempla pro-  
ferre. Digges.

<sup>c</sup> Ita rescripsimus cum Holst. et ex contextu. At  
edit. BB., de quibus per Propht.



Vere hi homines Dei sunt, quorum talis est conversatio. Ita se homo Dei exhibere debet et agere, ut nemo sit qui eum non velit videre, qui non audire desideret; nemo non, cum viderit, Dei esse filium credat; ut vere in eo propheticum illud impleatur: *Fauces ejus dulcedinis, et totus desiderium* (Cant. v, 16). Nam si se talem exhibeat Christianus, si se talem exhibeat Dei servus, ut his qui dæmoniis idolisque deserviunt, conversando efficiatur æqualis; incipiet per eum Deus blasphemari et dici, O Christianum Dei servum! ejus tam mali actus, tam turpis opera, tam nequam est conversatio; ejus vita tam impia, tam scelestæ, tam luxuriosa, tam sordida. Et erit illius prophetiæ reus, *Nomen enim Dei per vos blasphematur inter gentes* (Isa. lii, 5; Rom. ii, 24). Sed vix illis per quos nomen Domini fuerit blasphematum. Deus enim a nobis nihil magis desiderat et requirit, quam ut per actus nostros nomen suum magnificetur ab omnibus, sicut scriptum est: *a Sacrifica sacrificium laudis* (Ps. xlii, 14). Hoc est enim sacrificium quod Deus super omnes hostias querit et diligit, ut per justitiæ nostræ opera nomen suum ubique laudetur, et Deus verus esse servorum suorum actu et opere comprobetur. Illi vero Deum diligunt, qui non aliud quam unde nomen ejus glorificetur exercent.

## CAPUT X.

*Proximi dilectio.*

Quomodo Deus diligi debeat, ut potuimus, diximus: nunc vero quid sit proximum tamquam se ipsum diligere, ut possumus, explicemus: quamquam ipsius causæ expositio alio in loco breviter dissestatur, eum dicitur: *Quod tibi non vis fieri, alteri ne feceris* (Tob. iv, 16). Dominus quoque et Salvator noster dicit: *Omnia quæcumque vultis ut faciant vobis homines, ita et vos facite illis similiter* (Matth. vii, 12). Nemo est enim qui sibi malum optet ab aliquo fieri. Ille ergo proximum suum tamquam se ipsum diligit, qui ei non mali aliquid, quia nec sibi, vult fieri; sed si quid boni, prout ipse ab omnibus percipere optat et consequi, libenter impertit; quia non hoc solum a Christiano queritur, ut malo careat, sed ut exerceat bonum: qui etiamsi nihil mali fecerit nec boni, tamen ad æternæ vitæ præmium non admittitur, sed gehennæ ignibus mancipatur, sicut in Evangelio Dominum dixisse legimus de iis qui nihil mali faciunt, nec boni tamen aliquid operantur: *Discedite a me, maledicti, in ignem æternum, b quem præparavit Pater meus diabolo et angelis ejus. Esurivi enim, et non dedistis mihi manducare; sitivi, et non dedistis mihi bibere; hospes fui, et non suscepistis me; nudus, et non vestistis me; infirmus, et non visitastis me; in carcere, et non venistis ad me* (Matth. xxv, 41-45). Non quia malum gesserunt, sed quia

A bonum non fecerunt, condemnantur. Ex hoc enim quisque prudens et sapiens recognoscat quam spem illi habere possint qui versantur in malis, quando etiam illis vita negatur qui mali nihil fecerunt, nisi etiam aliquid gesserint boni. Neque enim Deus hoc tantum querit a nobis, ut mali non simus, sed ut efficiamur boni. Ex malis enim operibus vocantur mali, ita e contrario ex bonis appellantur boni. Et duo sunt quibus boni<sup>c</sup> servire videntur et mali: bonus Deus, cui omnes bene conversantes deserviunt; diabolus autem malus, ejus quisquis qui male operatur, est famulus. Non enim a nobis hoc solum poscitur, ut non vivendo male servi esse diaboli desinamus, sed vivendo bene Deo servire videamur. Nam<sup>d</sup> quisquis nec malum videtur operari nec bonum, ejus servus B videatur esse ignoro; vel quomodo vitam a Deo poterit sperare perpetuam, quam bene faciendo non meruit. Nemo, <sup>e</sup> inquam, sensu proprio se decipiat et illudat, nemo se vana existimatione seducat. Quisquis bonus non fuerit, vitam non habet. Quisquis justitiæ et misericordiæ opera non fecerit, non potest regnare cum Christo. Quisquis non fuerit humanus, pius, hospitalis, benignus, clemens, gehennæ non evadet incendium. Deus malos non amat, non diligit peccatores. Quisquis malum fecerit, inimicus est Dei. Quisquis sine dolo non fuerit, partem non potest habere cum Christo. Nihil enim amplius est Christiano querendum, nihil desiderandum magis, nihilque plus totis viribus enitendum, quam ut malitiam suo excludat ex corde, quam ut nequitiam intra pectoris sui conscientiam non admittat, quam ut bonitatem teneat, justitiam servet, puritatem mentis custodiat. Esto innocens, si vis cum Deo vivere. Esto simplex, si vis regnare cum Christo. Quid tibi prodest malitia, quæ in mortem trahit? quid nequitia, quæ prohibet regnare cum Christo, quæ se habentem exterminat? sicut scriptum est: *Anima enim nequam disperdet qui se habet* (Eccli. vi, 4). Si vis vivere, audi Prophetam quid loquitur; si regnum Christi diligis, audi quomodo illud merearis adipisci. *Quis est, inquit, homo qui vult vitam, et cupit videre dies bonos? Cohibe linguam tuam a malo, et labia tua ne loquantur dolum. Diverge a malo, et fac bonum; inquire pacem, et sequere eam* (Ps. xxxiii, 15-15). Hujusmodi enim homines Deus D honorat et diligit, qui malum nesciunt, qui mentiri non norunt, quorum dolum labia non loquuntur, in quibus non nisi bonitas videtur et puritas.

Innocentia est quæ nos commendat Deo, simplicitas est quæ facit regnare cum Christo. Quomodo Deus non nisi innocentes diligit, et sibi velit esse conjunctos, testimoniis plurimis declaratur, sicut in Psalmis scriptum est: *Innocentes et recti adhæserunt mihi* (Ps. xxiv, 21). Et alibi mandatur et dicitur: *Custodi innocentiam, et vide æquitatem, quoniam sunt*

<sup>a</sup> Sic mss. Alias, *Sacrificium laudis honorificavit me.*

<sup>b</sup> Holsten. hic et infra cap. 13, *quem paravit pater vester diabolus et angeli.*

<sup>c</sup> Holsten. et mss., *erudiri.*

<sup>d</sup> Sic legimus cum Holsten. Sed edit. BB. *quisquis qui nec.*

<sup>e</sup> Holsten. et mss., *inquit.*



reliquiæ homini pacifico (Ps. xxxvi, 37). Quantum in-  
nocentia homini præstet et conferat, etiamsi sero  
servetur, prophetæ David testimonio comprobatur;  
qui cum graviter ante peccasset, postea judicari se  
non timet, ex quo innocentiam nosse cœpit, sicut  
ipse dicit: *Judica me, Deus, quoniam ego in innocen-  
tia mea ingressus sum* (Ps. xxv, 1). Sciebat igitur sibi  
jam non metuendum esse judicium, quia innocen-  
tiam vel sero cognoverat. Et alio in loco dicit: *Me  
autem propter innocentiam suscepisti* (Ps. xl, 13). Sus-  
cepit postmodum propter innocentiam Deus, quem  
propter malitiam ante repulerat. Innocentes vero  
nec confundi coram Deo posse, manifestum est, cum  
dicitur: *Quanto tempore innocentes custodierint jus-  
titiam, non confundentur* (Prov. xiii, 6). Nihil enim  
Deo dignius, nihil charius esse potest, quam ut  
innocentia tota observatione teneatur. Licet quis in  
aliis operibus devotus appareat, si illam non habuerit,  
sibi frustra blanditur de sua devotione. Si illam Judæis  
etiam sub veteri lege degentibus, quando adhuc illis ini-  
micum licebat odisse, observare præceptum est; quid  
tè nunc agere convenit Christianum, qui inimicum  
tuum juberis amare (Matth. v, 44)? Quando enim in-  
nocens non eris, vel cui esse poteris malus, qui inimicis  
præciperis esse bonus? Sed tu forsitan et proximum  
odis, cui nec externum odisse conceditur; et fra-  
trem persequeris, qui amare præciperis inimicum;  
et Christianum te esse credis, qui nec novi nec ve-  
teris Testamenti præcepta custodis? Sed ne sine  
causâ te Christianum æstimes et de solo tibi nomine  
blandiaris, qualem tè esse oporteat Apostolum audi  
dicentem: *Qui jurabatur, jam non faretur; magis  
autem laboret operando manibus suis quod bonum est,  
ut habeat unde tribuat necessitatem patienti. Omnis  
sermo malus de ore vestro non procedat; sed si quis  
bonus ad ædificationem fidei, ut det gratiam audien-  
tibus. Et nolite contristare Spiritum sanctum Dei, in  
quo signati estis in die redemptionis. Omnis amari-  
tudo, et ira, et indignatio, et clamor, et blasphemia au-  
feratur a vobis cum omni malitia. Estote autem invicem  
benigni et misericordes; donantes invicem, sicut et  
Deus in Christo donavit vobis* (Ephes. iv, 28-32). *Es-  
tote autem imitatores Dei, sicut filii charissimi; et  
ambulate in dilectione, sicut et Christus dilexit nos,  
et tradidit semetipsum pro nobis oblationem et hostiam  
Deo in odorem suavitatis. Impudicitia autem et omnis  
immunditia et avaritia nec nominetur inter vos, sicut  
deceat sanctos, aut turpitudine, aut stultiloquium, aut  
scurrilitas quæ ad rem non pertinet, sed magis gratia-  
rum actio. Hoc enim scitote, quod omnis impudicus,  
aut immundus, aut avarus, quod est idolorum servitus,  
non erit hæres in regno Christi et Dei* (Ephes. v, 1-  
5). Ille se merito Christianum judicet, qui hæc præ-  
cepta custodit, qui sanctus, humilis et pudicus et  
justus est, qui in misericordiæ et justitiæ operibus  
conversatur.

<sup>a</sup> Mss., excepto Michael., mei.

<sup>b</sup> Sic Holst. et BB. Forte Num.

<sup>c</sup> Ipse Pelagii verba apud Hieron. sub finem

## CAPUT XI.

*Quorum preces Deus non exaudiat.*

Nam <sup>b</sup> tu illum Christianum putas, in quo nullas  
Christianitatis est actus, in quo conversatio nulla  
justitiæ est, sed nequitia, impietas et scelus? Illum  
Christianum putas, qui opprimit miserum, qui pau-  
perem gravat, qui res concupi cit alienas, qui ut se  
divitem faciat, plures efficit indigentes, qui lucris  
gaudet injustis, qui de alienis lacrymis cibum capit,  
qui miserorum ditatur interitu, cujus os assidue  
mendacio violatur, cujus labia non nisi indigna et  
obscena et scelestia loquuntur et turpia, cui cum ju-  
beatur distribuere sua, invadit aliena? Et ad eccle-  
siam talis audenter accedit, et temere et importune  
expandit impias manus illicite raptu et insontium  
errore violatas, et ore illo polluto atque sacrilego,  
quo fuerat paulo ante aut falsa locutus aut turpia,  
preces ad Dominum, quasi nihil sibi mali conscius,  
fundit. Quid agis impudens et miser? Quid te majo-  
rum peccatorum onere gravas? Quid Deo præter  
contemptum injuriam irrogas? Quid ad provocan-  
dam celerius ejus iram in testimonium poenæ tuæ  
sceleratas ad Deum porrigis manus, ad quas ille  
non respicit, qui non nisi sanctas et immaculatas  
sibi jussit offerri? Quid ore illo Deum rogas, quo  
paulo ante locutus es male, cujus, quamvis multi-  
plicentur, abominatur preces, sicut scriptum est:  
*Cum extenderitis manus vestras, avertam faciem meam  
a vobis; et si multiplicaveritis preces, non exaudiam;  
manus enim vestræ sanguine plenæ sunt. Lavamini,  
mundi estote, auferite nequitias ab animis vestris* (Isa.  
i, 15, 16). Bene sibi ille conscius esse debet et cer-  
tus, et suæ innocentiae fidus, qui ad Deum manus  
extendit et porrigit, cum Apostolus dicat, *Volo au-  
tem viros orare in omni loco, levantes puras manus*  
(I Tim. ii, 8). <sup>c</sup> Ille autem ad Deum merito extollit  
manus, ille preces bona conscientia fundit, qui po-  
test dicere: Tu nosti, Domine, quam sancte, quam  
innocentes, quam puræ sint ab omni fraude et inju-  
ria et rapina, quas ad te expando, manus; quam  
justa, quam immaculata labia et ab omni mendacio  
libera, quibus tibi, ut mihi miserearis, preces fundo.  
[<sup>d</sup> Talis enim cito meretur audiri, et antequam pe-  
nitentia preces fundat,] potest impetrare quod postulat.

Scio enim esse quos ita nequitiae et avaritiæ pro-  
funda caligo cæcavit, ut cum illis prospere cesserit  
quod aut pauperem per potentiam vincerint, aut in-  
nocentem testimoniis falsis obruerint, aut infirmum  
virtute superaverint, aut furtum fecerint aut rapi-  
nam; Deo gratias agant quo opitulante talia perpe-  
trasse se credunt, et tam iniquum Deum judicent,  
ut putent eum scelerum suorum fuisse participem.

## CAPUT XII.

*Elemosynæ de lucris injustis.*

Stulti et miseri usque adeo suis iniquitatibus exæ-

dial. 5.

<sup>d</sup> Pro his verbis unica in mss. vox est *iste*, et apud  
Holsten. *is*.



cati, ut non intelligant Deo non posse placere quod prohibet; et quasi unum crimen satis non sit, nisi adhuc male sentiendo de Deo adjiciatur et aliud. Alii vero hoc se justificari existimant, quod de substantia pauperum exiguam eleemosynam faciant; et de eo quod plurimis abstulerunt, uni quiddam minimum largiantur. Cibatur unus unde plures esuriunt, et de multorum spoliis vix pauci teguntur. Non talem eleemosynam Deus quærit, nec vult pietatem uni de alterius crudelitate præstari. Melius est enim te non facere eleemosynam, quam unde paucos legis, inde plurimos facias denudare; et ut unum vestias, plures spoliare vestitos. Illam eleemosynam Deus comprobatur, quæ de justis laboribus ministratur, sicut scriptum est: *Honora Deum de tuis justis laboribus, et deliba ei de tuæ justitiæ fructibus* (Prov. iii, 9). Nam illam abominatur et reprobatur, quæ de lacrymis præstatur alienis. Quid enim prodest, si te benedicat unus unde plurimi maledicunt? Vel quid confert tibi illa eleemosyna quæ de substantia præstatur alterius? Revera timendum est quod Deus non habeat unde pauperes suos pascat, nisi tu aliena diripias.

## CAPUT XIII.

*Fidem sine operibus non prodesse.*

Alios autem novi, quos ita insipientiæ et imprudentiæ tenebrosa ignorantia fallit ac decipit, ut fidem quam habere se simulant, sine justitiæ operibus apud Deum sibi censeant profuturam: et hoc erroris genere sine metu crimina nefanda committunt, dum credunt Deum non criminum, sed perfidiæ tantum ultorem. Et ejusmodi non solum se ipsos perisse contenti sunt, sed et alios, in quibus nullum divini scientiæ lumen est, suis nituntur laqueis implicare. Et impletur in illis Salvatoris nostri sententia dicentis: *Cæcus si cæco ducatum præstet, ambo in foveam cadunt* (Matth. xv, 14). Nam si nullum crimen, sed sola perfidia condemnatur; ergo securi peccamus et liberi. Et sine causa dedit Deus mandata justitiæ, si sola sine justitiæ opera fides prodest. Unde hic tam impius, tam scelestus, tam perfidus ignorantiae error obrepserit, scire non possumus, nisi forte ex illis qui hoc exemplo in lege veteri populum seducebant, et secum æternæ morti et perpetuo tradebant interitui, de quibus scriptum est: *Nolite audire sermones prophetarum qui prophetant vobis, quoniam vani sunt ipsi, et visiones a corde suo loquuntur, et non ab ore Domini. Dicunt enim his qui repellunt verba Domini, Pax erit vobis; et omni-  
bus qui vadunt in voluntatibus suis, omni qui vadit in errore cordis sui dicunt: Non venient super te mala* (Jerem. xxiii, 16, 17). Multa quidem nobis, immo totius legis testimonia aderant, quibus tam perniciosum errorem destruere ac sepelire poteramus; sed ne legentem diutius fatigemus, sufficiant pauca de plurimis. Respondet mihi ille cujus talis est sensus:

A Adam a Deo factus est homo primus<sup>a</sup> in primo statu mundi, perfidiæ an peccati causa damnatus est (Gen. iii, 17)? In quo nihil fuisse incredulitatis invenio præter solam inobedientiam, cujus causa ille damnatus est, et omnes suo damnantur exemplo. Cain quoque non perfidiæ causa, sed quia fratrem interemerat, condemnatus est (Gen. iv, 11). Quid plura? Univer-  
sus hic mundus ut diluvio interiret, non perfidiæ causam, sed criminum lego fuisse (Gen. vi, 13). Sodoma et Gomorra ut repentino cremarentur incendio, nullam causam incredulitatis invenio, nisi peccatorum et scelerum (Gen. xviii, 20); quod Scriptura evidentissime demonstrat, et dicit: *Homines Sodomitæ mali et peccatores erant in conspectu Dei valde* (Gen. xiii, 13). Populus ille Judaicus ut<sup>b</sup> tam frequenter interire videretur et corripì, nonne peccatorum causa præstabat?

Sed dicit aliquis: veteris Legis testimonia tantum non accipio, nisi mihi et novi Testamenti exempla protuleris. Accipe Ananiam et Sapphiram, quos apostolica sententia, non perfidiæ crimine, sed furti et mendacii causa damnavit (Act. v, 4-9). Forsitan dicturus es mihi: Quid ergo Apostolus dicit: *Arbitramur enim justificari hominem per fidem sine operibus legis* (Rom. iii, 28)? Ipsum qui hoc dicit, lego hominem absentem etiam condemnasse, quia uxorem patris acceperit (1 Cor. v, 1). Intelligenda Scriptura, quæ scientibus convenire videtur in omnibus, et non nisi solis a quibus minime intelligitur discrepare. *Justificari hominem* Apostolus *per fidem sine operibus legis* dicit C (Rom. iii, 28): sed non sine illis operibus, de quibus alterum apostolum audio dicentem: *Fides sine operibus mortua est* (Jac. ii, 20). Paulus enim apostolus de operibus legis locutus est, hoc est, de circumcisione carnali, et neomenia, et sabbato, et hujusmodi ceteris, quæ lex fieri ante præceperat, et jam Christi tempore non erant necessaria; iste vero de operibus justitiæ loquitur, quæ qui non fecerit mortuus est, quamvis se simulet esse fidelem.

Sed dicit quis illud Apostoli dicentis: *Corde enim creditur ad justitiam, ore autem confessio fit ad salutem* (Rom. x, 10). Stulte, hoc baptismi impletur in tempore, quo ut baptizetur quis, sola confessio desideratur et fides. Nam quid tibi ipsius baptismi lavacrum prodest, si sola sine justitia fides queritur? Baptismo enim peccata ablui fides omnium tenet. Si deinceps peccandum est, abluisse quid prodest? Audi quid dicat Dominus homini semel sanato: *Ecce sanus factus es, et jam noli peccare, ne quid tibi deterius eveniat* (Joan. v, 14). Hoc et beatus Petrus apostolus manifestissime docet, ei deterius aliquid, qui post agnitam justitiæ viam peccaverit, evenire, cum dicit: *Si enim refugientes coinquinationes mundi, in cognitione Domini nostri et Salvatoris Jesu Christi, his rursus implicati superantur, facta sunt eis posteriora deteriora prioribus. Melius enim erat illis, non*

<sup>a</sup> Sic mss.; at editi, statim in principio mundi.

<sup>b</sup> Mss. plerique, tam crebro interiret, nonne.

<sup>c</sup> Mss. nonnulli, ulterius noli.



cognoscere viam justitiæ, quam post agnitionem retrorsum converti ab eo quod illis traditum est sancto mandato: contingit enim eis illud veri proverbii, *Canis reversus ad suum vomitum, et, Sus lota in volutabro luti* (II Petr. II, 20-22). Hoc et beatus apostolus Paulus testatur et loquitur, hominem post baptismi sanctificationem pristino errore peccantem non sine ingenti pœnitentia conservari, dicens: *Impossibile est enim eos qui, postquam semel illuminati sunt, gustaverunt etiam donum cœlestis, et participes sunt facti Spiritus sancti, gustaverunt nihilominus bonum Dei verbum sancti, gustaverunt nihilominus bonum Dei verbum virtutesque sæculi venturi, et prolapsi sunt, renovari rursus ad pœnitentiam, rursus crucifigentes sibi met ipsis Filium Dei, et ostentui habentes* (Hebr. VI, 4-6).

Quendam ad Salvatorem accessisse, et quid faciendo vitam æternam perciperet interrogasse, evangelista testatur, cui ita a Domino responsum est: *Si vis vitam habere, serva mandata* (Matth. XIX, 17). Non dixit, serva tantum fidem. Nam si sola fides quæritur, superflue jubentur mandata servari. Sed absit ut ego Dominum meum aliquid dicam præcepisse superfluum. Sed dicunt hoc illi, qui peccando jam filii perditionis effecti sunt; et hoc tantum solatium se habere credunt, si alios secum potuerint morti perpetuæ mancipare. Nam si Deus peccatorem non punit, ubi est illud propheticum: *Si justus vix salvus erit, peccator et impius ubi parebunt* (Prov. XI, 31; I Petr. IV, 18)? Et alibi: *Quia peccatores peribunt* (Ps. XXXVI, 20). Et iterum: *Deficiant peccatores a terra et iniqui, ita ut non sint* (Ps. CIII, 35). Et iterum: *Sicut deficit fumus, deficient; sicut fluit cera a facie ignis, sic pereant peccatores a facie Dei* (Ps. LXXVII, 3). Nullum hic tantum incredulum et infidelem, sed peccatores audio condemnari. Et Salvatorem nostrum quodam loco dixisse lego: *Non omnes qui dicunt mihi, Domine, Domine, intrabunt in regnum cœlorum, sed qui faciunt voluntatem Patris mei qui in cœlis est* (Matth. VII, 21). Utique in Christum credebant, qui eum etiam Dominum nuncupabant; nec ideo illis cœlestis regni janua panditur, quia illum ore, quem factis abnuunt, confitentur. Negari autem Deum factis non minus quam verbis Apostolus dixit: *Deum confitentur se nosse, factis autem negant* (Tit. I, 16). Et Dominus in Evangelio: *Multi mihi dicent in illa die: Domine, Domine, nonne in nomine tuo ejecimus demonia, et in nomine tuo virtutes multas fecimus? Et dicam illis: Numquam vos cognovi. Discedite a me, omnes qui operamini iniquitatem* (Matth. VII, 22). Usque adeo isti credidisse dicuntur, ut in nomine Domini virtutes etiam operarentur: nec tamen eis proderit fides, quia justitiæ opera non fecerunt. Itaque si sola fides prodest, cur illi cum angelis Satanae in perpetuum gehennæ ignibus mancipantur, qui non perfidiæ causa, sed quia boni nihil fecerant, judicantur? sicut scriptum est: *Et dicet eis Rex qui a sinistris sunt: Discedite a me, maledicti, in gehennam æternam, quam paravit Pater meus diabolo et angelis ejus. Esurivi enim, et non dedistis mihi manducare, etc.* (Matth. XXV, 41, 42). Non dixit utique, quia non

A credidistis mihi; unde intelligi datur eos non incredulitatis causa, sed propter bonorum operum sterilitatem esse damnandos.

## CAPUT XIV.

*Quis sit vere Christianus.*

Nemo igitur alterum decipiat, nemo seducat. Nisi quis justus fuerit, vitam non habet; nisi quis in omnibus Christi mandata servaverit, partem non potest habere cum illo; nisi quis terrena despexerit, divina non capiet: nisi humana contempserit, non potest possidere cœlestia. Nec quisquam se Christianum judicet, nisi qui Christi et doctrinam sequitur et imitatur exemplum. Sed tu illum Christianum putas, cujus numquam pane ullus saturatur esuriens, cujus potu nullus reficitur sitiens, cujus mensam nemo cognoscit, sub cujus tecto nec advena nec peregrinus aliquando succedit, cujus nemo nudus tegitur vestimentis, cujus pauper nullus fovetur auxilio, cujus bonum nemo sentit, cujus misericordiam nemo cognoscit; qui in nullo imitatur bonos, sed irridet potius et subsannat, et pauperes persequi non cessat? Absit hoc a mentibus Christianorum omnium, absit ut hujusmodi Christianus dicatur, absit ut Dei filius possit appellari qui talis est. Christianus ille est, qui Christi viam sequitur, qui Christum in omnibus imitatur, sicut scriptum est: *Qui dicit se in Christo manere, debet, sicut ille ambulavit, et ipse ambulare* (I Joan. II, 6). Christianus est, qui omnibus misericordiam facit, qui omnino non movetur injuria, qui opprimi pauperem se præsentem non patitur, qui miseris subvenit, qui indigentibus succurrit, qui cum morientibus morietur, qui dolorem alterius quasi proprium sentit, qui ad fletum fletibus provocatur alienis, cujus omnium communis est domus, cujus janua nemini clauditur, cujus mensam pauper nullus ignorat, cujus cibus cunctis offertur, cujus bonum omnes norunt, et nemo sentit injuriam; qui Deo die noctuque deservit, qui ejus præcepta indesinenter meditatur et cogitat; qui pauper mundo efficitur, ut Deo locuples fiat; qui inter homines habetur inglorius, ut coram Deo et angelis gloriosus appareat; qui in corde suo nihil videtur habere simulatum vel fictum; cujus simplex et immaculata est anima, cujus conscientia fidelis et pura est, cujus tota in Deo mens, cujus omnis spes in Christo est; qui cœlestia potius quam terrena desiderat, qui humana spernit, ut possit habere divina. Nam his qui hoc sæculum diligunt, et qui in præsentem tempore gloriantur et complacent, audi quid dicitur: *Nescitis quia amicitia hujus mundi, inimica est Dei? Et quicumque voluerit esse amicus hujus sæculi, inimicus Dei constituitur* (Jac. IV, 4).

## CAPUT XV.

*Viduarum triplex genus.*

Hæc tibi, soror dilectissima, quid Christianum agere conveniat, prout potui, explicavi. Si ergo omnes generaliter qui Christiani nuncupantur, esse tales oportet; nunc tuæ prudentiæ est æstimare qualem tu te viduam debeas exhibere, quam eun-



etis bene conversantibus esse oportet exemplum. A Tria autem esse viduarum genera non ignorare te credo. Unum quod perfectissimum est, cœlesti præmio destinatum, quod, ritu illius de Evangelio viduæ (Luc. ii, 37), Deo orationibus et jejuniis die noctuque deservit. Aliud vero, quod filiorum curam habere dicitur et domus, non tanto dignum, nec tamen peccatis obnoxium. Tertium autem genus est in epulis et deliciis, quod æternæ morti servatur et pœnæ; sicut scriptum est: *Viduas honora, quæ veræ viduæ sunt* (I Tim. v, 3). Istæ sunt primæ, quæ dicuntur et veræ, et quæ jubentur a tanto sacerdote, hoc est, a Timotheo honorari. Secundæ sunt, quibus jam haberi non jubetur honor, nec tamen vita negatur; de quibus dicitur: *Quæ autem filios habent aut nepotes, discant primum domum suam pie a tractare, et parem gratiam reddere parentibus* (Ibid., 4). I hæ vero tertiæ sunt, de quibus scriptum est: *Vidua autem quæ in deliciis est, vivens mortua est* (Ibid., 6). Unde intelligi datur, non omnes viduas esse æquales; nec eas Deo placere, quæ corpore tantum viduæ videntur esse, non opere.

Qualis autem Christi vidua debeat esse, Apostolus dicit: *Quæ autem vere vidua est, sperat in Domino, et instat orationibus die ac nocte* (Ibid., 5). Nec illud præterire te volo, quod quando veras viduas Apostolus nominat, esse demonstrat et falsas, hoc est, actu, mente, conversatione, non corpore. Et alibi viduæ veræ et electæ actum conversationemque describit idem Apostolus dicens: *Vidua eligatur quæ fuerit in operibus bonis testimonium habens: Si filios educavit, quod subintelligitur, Deo; si hospitio recepit, si sanctorum pedes lavit, si tribulationem patientibus ministravit, si omne opus bonum subsequuta est.* (Ibid., 10). Hanc esse veram viduam judicavit, cujus talia sunt opera; illa vero quomodo se Christi

viduam dicit, quæ nihil tale aliquando operata est? Sed sunt aliquæ divites, nobiles et potentes, quibus forsitan videtur indignum, ut aut filios Deo, et non sæculo educent, aut hospitio recipiant advenam, aut sanctorum pedes laboriosos, lutulentos et horridos lavent, et delicatis et nitidis manibus tangant. Sed nec dignæ erunt tales in futuro tempore sanctorum esse consortes, quos ita in præsentī spreverunt; nec partem habere poterunt cum Christo, quem suscipere noluerunt, et cujus plantas suis contrectare manibus horruerunt: quia Christum spernit, quicumque ejus famulos spernit, sicut ipse dicit: *Qui vos spernit, me spernit* (Luc. x, 16). Mariæ, unde Christi pedes lavaret, lacrymæ abundarunt; <sup>b</sup> nostri autem temporis feminis unde peregrinorum pedes lavent, ipsa deficit aqua. Tu ergo sanctissima et prudentissima femina, ne velis imitari hujusmodi, quæ cum audenter malefecerint, benefacere erubescunt; et confunduntur juste vivere, quæ non sunt peccare confusæ; et quæ se morti ultro obtulerunt, nec invitatae revertuntur ad vitam; quæ hominum magis risus, subsannationes et fabulas, quam Dei judicium pertimescunt; et quibus charius est miseris hominibus placere quam Christo. Sed esto talis, qualem te Dominus esse præcepit, qualem Apostolus jubet <sup>c</sup> exhiberi Christo. Vidua esto sancta, humilis et quieta; misericordiæ et justitiæ opera indesinenter exerce. Et quisque te in opprobrium habeat, quisque subsannet et irrideat, tu tantum Deo placeas, et quæ Christi sunt geras. Ante omnia incessabiliter Domini tui meditare mandata, orationibus et psalmis instanter incumbe; ut si possibile est, nemo te aliquando nisi aut legentem inveniat aut orantem. Et cum fueris talis, nostri memento, qui te tantum diligimus, ut quod præsentēs præstare non possumus, conferamus absentes.

<sup>a</sup> In plerisque mss., bene.

<sup>b</sup> Vid. S. Aug. serm. 145, n. 1, in append. tom. V.

<sup>c</sup> Ita legimus cum Holstenio. Neque enim placet hujusmodi edit. BB. lectio: *Jubet exhiberi et Christi vidua, esto, etc.*

ANNO DOMINI CDXXX.

## POSSIDIUS, EPISCOPUS CALAMENSIS.

### PROLEGOMENA.

SCHOENEMANNI NOTITIA HISTORICO-LITTERARIA IN POSSIDIUM.

(Schœn. Bibl. Hist. Litt. Patr. Lat. tom. II.)

#### § I. Vita.

Afer, Augustini discipulus et familiaris, quo vix chariorem ille aut amantiores sui habuit. Quippe ipse de se narrat Possidius annis ferme xl. absque

amara ulla dissensione familiariter ac dulciter cum Augustino vixisse, nec minus honorificum est testimonium, quod Hipponensis episcopus de amico juxta quam discipulo tulit in litteris ad Memorem Capua-



num episcopum Juliani Eclanensis patrem, dum Aptum naufragioque expositum Neapolim pervenisse nimis inquit, ingratum ac ferreum fuit, ut te qui nos sic amas, hic sanctus frater et collega noster Possidius, in quo nostram non parvam presentiam reperies, vel non disceret, vel sine litteris nostris disceret. Est enim per ministerium nostrum non litteris illis, quas variarum servi libidinum liberales vocant, sed dominico pane nutritus, quantum ei potuit per nostras angustias dispensari. Quæ quidem satis manifestant, quam arctum, quamve diuturnum inter eos fuerit vinculum. Unde haud immerito censeant, consona etiam amorum nota, ascriptum fuisse Possidium societati illi clericorum, quam Augustinus presbyter Hippone congregaverat et Regulis monasticis astrinxerat. Nec sane improbabile videtur, illum ex eodem monasterio ad episcopatum Calamæ, oppidi Numidiæ, non longe ab Hippone Regio distantis, esse electum: id quod anno 397, post Megalii obitum, accidit. In eo vero loco spatiosus ipsi aperiebatur campus ad eas dotes explicandas quas Hipponensis præsulis institutio aut consuetudo in eo effinxerat et formarat, nec pauca sese offerebant, quæ communi amici consilio gerenda essent, in quibusve vel auctoritate vel adiutorio ejus indigeret. Talia fere erant quæ sub initium muneris sui cum ipse tum Ecclesia ejus a paganis Calamensibus patiebatur; mox item quæ cum Donatistis accepit certamina, Quæ causa cum non magis universæ Africæ Ecclesiæ communis quam Augustini propria esset, non poterat a Possidio levi studio suscipi. Itaque jam a 404 Crispinum Donatistarum apud Calamenses episcopum ad colloquium secum ineundum sollicitavit, invitumque coegit et solertia sua superavit. Anno 410 una cum tribus aliis episcopis a patribus Africanis Carthagine congregatis legatus missus est ad Honorium Aug. pro abrogatione legis in favorem Donatistarum latæ et ad obtinendam cum Donatistis collationem. Allectus fuit deinde a. 411 in collatione cum Donatistis inter septem actores partis catholicæ actisque ejus subscripsit. Interfuit etiam conciliis Africanis ob Cœlestii et Pelagii hæresim celebratis, unaque cum aliis Numidiæ episcopis ex concilio Milevitano litteras ad Innocentium episcopum Romanum dedit. Ingruente tandem a. 430 Vandalorum sævo per universas Africæ provincias exercitu, et oppressa ab iisdem Calama nutu quasi divino impulsus fuit Possidius, ut Hipponem se conferret. Vix enim eodem concesserat, cum et hæc urbs obsidione clauderetur atque Augustinus febre correptus decumberet et post paucos dies astante amico obdormiret. Post Augustini obitum rarescit etiam Possidii memoria, nisi quod Prosper narrat in Chronico ad cons. Aetii II et Sigisvulti (a. 437) Possidium cum Novato et Severiano catholicis episcopis, Genserico catholicam fidem Ariana impietate subvertere cupienti fortiter restitisse; sed eodem meruisse ut ecclesiis suis privaret et civitatibus pelleret. Unde colligunt eundem, capta ab Genserico a. 439 Carthagine, cum ingens clericorum turba ex omni Africa ejiceretur, proscri-

atque adeo diem supremum in Italia clausisse.

### § II. Scripta.

Duo exstant Possidii scripta, digna amicitiae et amoris ejus in Augustinum monumenta, *Vita Augustini* et *Indiculus scriptorum ejus*.

### § III. Editiones, versiones et codices.

#### Editiones.

Ille ab incunte arte typographica omnibus fere operum et opusculorum Augustini collectionibus præfigi consuevit eaque via ad insignem lectionum mss. codicum copiam emendata a Maurinis patribus, seorsim denique novo variarum lectionum subsidio recognita et notis non indoctis illustrata est *Joanne Salinasio*, theologo Romano a. 1731. *Indiculus scriptorum Augustini* editus est primum a *Joanne Vlimmerio* a. 1564. Migravit pariter ab isto tempore in varias Operum Augustini editiones, et ex vetustis membranarum castigatus est in Benedictinorum editione. Sed longe plenior et emendatior ex ms. Veronensi prodijt Venetiis a. 1735 . . . . . In sequenti indice nihil omissum est quod ad accuratorem insigniorum editionum notitiam conducit; singulorum vero Augustini operum recensionem nemo exspectabit.

#### SÆCULO XVI.

1564. *Lovanii apud Hieron. Wellæum*; in-4°. Possidii Calamensis episcopi *Vita* et *Indiculus Operum D. Augustini* ex editione et cum scholiis marginalibus *Joannis Vlimmerii*; cum *Sermonibus aliquot Augustini* ab eodem recens prolatis. Tota hæc Vlimmerii opera translata est in editionem Basileensem Operum Augustini a 1569.

1573. *Coloniæ Agrippinæ*; in-fol. *Vita Augustini episcopi*.... edita a Possidio primum ejus discipulo, postea episcopo Calamensi; in *Laur. Surii probatis SS. Vitæ* ad diem 28 Aug., T. IV pagg. 953-47. In novissima *Coloniensi* a. 1618, hoc mense, pagg. 302-309.

#### SÆCULO XVII.

1690. *Parisiis, apud Franc. Muguet*; in-fol. *S. Aurelii Augustini Hipp. ep. Vita*, auctore Calamensi episcopo, ipsius discipulo. *Item Indiculus Librorum, tractatum et epistolarum S. Augustini Hipp. ep.* editus cura Possidii E. C. ex variis codicibus mss. emendata et cum lectionis diversitate in P. III appendicis tomi X Opp. Augustini ex ed. Benedictinorum. In ed. Antuerpiensi pagg. 164-200 Clerici observata in Possidium non tanti sunt, ut aliquem sollicitare possint. Nec vero Salinasius de victoria ab eo reportata gloriari debet, quippe cujus omnis defensio non solum ab ipso, sed aliis quoque jactata in solo conatu defecit.

#### SÆCULO XVIII.

1731. *Romæ, typis Jo. Zempel*; in-8°. *S. Aurelii Augustini Hipponensis episcopi Vita* auctore S. Possidio Calamensi episcopo ad mss. codd. recensita notisque illustrata opera et studio D. *Joannis Salinas* Neapolitani Can. Reg. Lat. ac Sac. Theol. lect.



ad reverendissimum P. D. Ascanium Varesium Can. Auctore S. Possidio Calamensi episcopo ad mss. codd. Reg. Lat. abbatem generalem. 2° *Ibidem eodem*. De Vita et rebus gestis S. Possidii Calamensis episcopi Dissertatio ex P. Augustini scriptis ecclesiasticisque monumentis coniuncta opera et studio D. Joannis Salinas, etc.

Textum editor juxta lectiones a PP. Maurinis ex codd. mss. propositas et vetusta exemplaria Vaticana a nemine ante adhibita recensuit, varietates diligenter notavit notasque et observationes addidit, Benedictinorum aliorumque virorum doctorum copiis abunde ditatas. Arduum profecto non erat in tanta Augustini et de Augustino scriptorum copia et post tot tamque diversa circa res ab eo et per ævum istud gestas studia, præsertim vero post eruditissimum editorum Parisiensium de vita ejus Commentarium, notas non plane ineptas ad Possidium fondere. Atque hi ductores procul dubio Joannem Salinasium suis ipsius viribus alioquin minus alacrem, ut Vincentii Lirinensis eodem anno ab eo eademque forma editi et Clementi XII dedicati exemplo ostendemus, mirifice sustentarunt. Sponponderat in præfatione, Augustini vitæ se juncturum esse Hugonis de S. Victore opusculum de Institutione Novitiorum una cum auctoris historia; sed mutavit postea consilium et loco ejus, separatim tamen, exscribi fecit Dissertationem de Vita et Rebus gestis Possidii amplam sane et non indoctam; quo magis mirari subit, qui tam sero in eam cogitationem auctor sit adductus. Cf. N. Acta Erudit. Lips. a. 1734, pagg. 18-21.

1735. Venetiis.... Possidii.... Indiculus scriptorum S. Augustini...., vulgato auctior ex vetustissimo ms. codice Veronensi; cum duabus Augustini Epistolis in Gottwicensi Austriæ abbacia recens repertis. Mansius ad Fabric. Bib. M. et Inf. Lat. Alibi laudatam non inveni, adeo ut, quæ priora sint, posteriorave in hac editione prorsus ignorem.

1743. Antuerpiæ, apud Bern. Alb. van der Plasche; in-fol. S. Augustini Vitæ pars secunda, præsertim ab anno trigesimo tertio ætatis usque ad obitum auctore S. Possidio sancti Doctoris discipulo ejusque per annos fere quadraginta contubernali. Ex editione Romana a. 1734, collata cum vetusto ms. codice. Accedit Indiculus scriptorum Augustini eodem auctore; in Actis Sanctorum Antuerpiensibus mensis Augusti tomo VI, pagg. 427-460. — Secunda Vitæ pars audit Possidii opera h. l. propterea, quod ei præmittuntur Confessiones Augustinianæ, quibus Bollandistæ titulum prioris partis Vitæ Augustini posuerunt. Accedunt singulis sectionibus annotata docte et sobrie scripta.

1768. Augustæ Vindelicorum, apud Fratres Veith; in-8°. S. Aurelii Augustini Hipponensis episcopi Vita

auctore S. Possidio Calamensi episcopo ad mss. codd. recensita, notisque illustrata opera et studio D. Joannis Salinas Neap. Can. Reg. Congr. Lat. Accessit Michaelis III ad exemptas Insulas Wengenses Cant. Regg. Ulmæ Suevorum prælati, S. Cæs. ac Cath. Maj. consiliarii et sacellani perpetui Disquisitio critica de variis gestis, dictis ac visionibus S. Augustino falso put minus solide tributis. — In posteriori dissertatione multarum de Augustino fabularum origo docte ac sagaciter ostenditur.

#### Versiones.

1742. In Venezia, per Pietro Bassaglia e Francesco Hertzhauser; in-4°. Vita di S. Aurelio Agostino.... scritta da S. Possidio vescovo di Calama, tradotta in Italiano da un' autore anonimo col testo Latino; in limine operis Augustini de Civitate Dei, Latine juxta quam Italice ex antiqua anonymi auctoris, sed quem vulgo Jacobum Passavantium putant, interpretatione duobus voluminibus h. l. et a. editi.

1764. In Milano, presso Antonio Agnelli; in-8°. Vita di S. Aurelio Agostino vescovo d'Ipbona dottore di S. Chiesa, scritta da S. Possidio vescovo di Calama, tradotta in Italiano da un' autore anonimo; in questa seconda edizione ridotta secondo il testo Latino de' migliori codici manoscritti, accresciuta di alcune note, e dedicata all' illustrissimo signore D. Antonio Fissiraga, dottor di Collegio, decurione, et oratore emerito della città di Lodi.

Editor F. Romualdus Maria de S. Gaetano Augustinianus Excalceatus Mediolanensis versionem superioris editionis, sed ad novissimæ recensitionis textum reflectam, ipso textu Latino omissa, excudi curavit. Notas quas aspersit ingenue fatetur non sibi deberi, sed e Benedictinorum, Salinasii, Cæsaris Benvenuti et Laurentii Berti (Vitæ Augustinianæ scriptoris) notis aut Commentariis esse selectas.

#### Codices.

1. Vitæ Augustini: Benedictinorum; sex, nempe duo Floriacenses, Germanensis, Vedastinus, Fossatensis ac Cisterciensis. Ex his larga provenit variantium lectionum copia. Nec vero pauciores ex quinque mss. quos Salinasius in usum vocavit, quorum ævo quidem exstabant in bibl. Reginae Suecorum sub num. 541 et 4025, tres vero alios ex Vaticana nactus erat, signatos 4188, 4190 et 4191. His tandem omnibus accenseri debet exemplar ms. Musei Societatis Jesu Antuerpiæ, quod Bollandistæ notant signatum fuisse P. MS. 5, et vetustissimum dicunt.

2. Indicis Operum Augustini: primæ editionis, ms. bibliothecæ abbatiæ Villariensis, ex quo eum primus excudit Vlimmerius. Benedictini eosdem adhibuerunt quos in Vita Augustini codices. Novissima tandem editio manuscripto Veronensi debetur.



**POSSIDII,**  
EPISCOPI CALAMENSIS,  
**DE VITA S. AURELII AUGUSTINI**  
LIBER UNUS,  
ET  
INDICULUS OPERUM EJUSDEM S. AUGUSTINI.

Hæc duo eximia opera jam edidimus in Operum S. Augustini tomo I (qui nostræ Patrol. trigessimus secundus exstat)  
Satis sit igitur nobis benevolum lectorem admonere, ut adeat locum citatum.

ANNO DOMINI CDXXII-CDXXXII.

**COELESTINUS I PAPA.**  
**PROLEGOMENA.**

NOTITIA LIBRI PONTIFICALIS.

(Ex Nov. Coll. Concilior. Mansi t. IV, col. 453.)

Cœlestinus (a) natione Romanus [Al. Campanus], ex patre Prisco, sedit annis 8, mensibus 10, diebus 17 (b). Hic multa constituta fecit, et constituit ut psalmi David CL ante sacrificium psallerentur, antiphonatim ex omnibus, quod antea non fiebat, sed tantum Epistolæ beati Pauli recitabant [Al. Epistola recitabatur], et sanctum Evangelium. Hic fecit constitutum de omni Ecclesia, maxime et de religionibus, quod hodie archivis Ecclesiæ tenetur reconditum. Hic dedicavit basilicam Julii in qua obtulit postigem zeticum [Al. Postignegeticum. Forte postem sethicum]; patenam argenteam, pensantem libras 26 [Al. 25]; scyphos argenteos 2, pensantes singulos libras 8; amas argenteas 2, pensantes singulas libras 10; calices minores [Al. minores deest] argenteos 5,

A pensantes singulos libras 5; aquamanilos argenteos, pensantes libras 10 [Al. 20]; candelabra argentea 2, pensantia singula libras 30; canthara cerostrota ærea vel ænea [Al. vel ænea deest] 24, pensantia singula libras 30 [Al. 20]; item coronas argenteas 10, pensantes singulas libras 10 [Al. item...-libras 10 deest]; ad beatum Petrum [Al. Paulum] apostolum, farum cantharum, pensans libras 25 [Al. 15], ex argento purissimo [Al. ex argento purissimo deest]; canthera argentea [Al. deest argentea] cerostrota in gremio basilicæ [Al. deest in gremio basil.] 24, pensantia singula libras 20; ad beatum Paulum apostolum, farum cantharum argenteum, pensans libras 25; canthara cerostrota 24, pensantia singula libras 20 [Al. hæc omnia desunt ab ad beatum Paulum].

(a) Cum post obitum Bonifacii sedes dies 9 vacasset, tertio nonas Novembris, anno Christi 423. Theodosii imperatoris 16, Cœlestinus, sine ulla plebis suæ dismissione, inquit Augustinus epist. 161, creatus est pontifex, quamquam ii qui Eulalii factionis erant, in schismate perseverarint, neque ullo pacto cum Cœlestino communicare voluerint. Theodosius, pietatis et religionis amantissimus imperator, propter impugnatas hæreses et catholicam fidem defensam, singulari Dei beneficio omnium tyrannorum metu ac periculo liberatus fuit. Africa, Arianae perfidiæ tenacissima, et acerbissima catholicorum persecutrix, occulto Dei judicio, a Vandalis alijsve barbaris incensa, direpta et vastata, centum deinceps annorum spatio sub barbarico iugo permansit. Auctoritate hujus pontificis Britannia, Scotia et Italia a Pe-

B lagiana, Orientales Ecclesiæ a Nestoriana hæresi sunt expurgatæ, Burgundiones et Hiberni ad fidem Christi conversi. Quam inepte itaque unus Laurentius Valla grammaticus, ecclesiasticarum rerum plane ignarus, Cœlestinum papam, qui primus omnium Nestorium Romæ damnavit et per legatos ab œcumenica synodo Ephesina æque ejiciendum curavit, ejusdem Nestorii hæresibus infectum fuisse asseruerit, nemo non intelligit. Hæc ex Prospero, Beda, Baronius an. 423 et sequentibus. SEV. BINIUS.

(b) Octavo idus Aprilis anno 452 defunctus, ab exordio sedis usque ad diem obitus, mensibus dimittat quinque et diebus tribus post octennium absolutum, sedem tenuisse potuit. Baronius prædicto loco. SEV. BINIUS.



Hic fecit ordinationes tres in urbe Roma per mensem Decembrem, presbyteros 32, diaconos 12, episcopos per diversa loca 46. Qui etiam sepultus est in

A cœmeterio Priscillæ, via Salaria, viii idus Aprilis. Et cessavit episcopatus in urbe Roma dies 20 [Al. dies 21].

## NOTITIA GALLANDII.

(Biblioth. Vett. Patr. tom. IX.)

1. De sancto Cœlestino verba facturi, ea potius quam nostra, hic describenda existimamus, quæ paucis licet, satis tamen apposite ad nostrum institutum edisseruit vir doctus Coutantius. Sic igitur ille <sup>a</sup> : « Cum Bonifacius anno 422, Septembris 4 die, ex hac vita migrasset, mox, Augustino teste <sup>b</sup>, Cœlestinum in Romana sede Dominus Deus sine ulla plebis suæ discissione constituit. Observat vir eruditus, eum Ecclesiæ Romanæ tunc fuisse morem, ut nisi quid obstaret, defuncto ejus episcopo statim successor sufficeretur; adeoque Cœlestinum, cum in eum conspirarint totius plebis suffragia, nulla interposita mora, ac proxima post Bonifacii mortem dominica, quæ in 10 Septembris diem incidebat, fuisse ordinatum.

2. « Pluribus gestis episcopatus ejus insignis fuit: nominatim vero adversus Nestorium sententiam primus edixit: Cyrillum ad eam exsequendam vicarium instituit, et regulam præscripsit ac formam, quam ut canonicam Ephesinæ synodi Patres sequi se ultro sunt professi. Præterea hujus synodi confirmavit acta; Pelagianos totius Italiæ finibus deturbari curavit; Novatianis ecclesias quas Romæ plures habebant, ademit; nascentem coercuit Semipelagianam hæresim, et Augustinum adversus novos ejus reprehensores defendit.

3. « Eum ipso anno 432, quo Maximiani in Nestorii locum subrogati ordinationem, velut ad coronidem profligatæ hæreseos Nestorianæ, approbavit, tam gloriosum pontificatum finisse, Prosperi ac Marcellini Chronicis confirmatur; quo die, non ita est exploratum. Eum Aprilis 6 vel 9 die sepultum pontificales libri ac Martyrologia tradunt. Verum sibi non coherent pontificales libri, siquidem annos 9, menses 10 et aliquot dies, non secus atque veteres catalogi, pontificatui Cœlestini ascribunt. Antonius

magis certum esse debere, ait <sup>c</sup>, eum sedisse annos novem, menses decem et dies novem, ideoque obiisse die 18 aut 19 Julii. In Corbeiensi tamen codice Virgillii papæ temporibus exarato, cum quo nonnulla saltem Chronici Prosperi exemplaria consentiunt, annos 9, menses 10, dies 17 sedisse dicitur. Hinc Sebastianus Tillemontius Cœlestini mortem anno 432 Julii 26 die consignare licere arbitratur <sup>d</sup>. » Hucusque V. C.

4. Jam vero ejusdem Cœlestini epistolarum editionem ab ipso Coutantio adornatam exhibemus, nonnullis in locis recensitam; ex cujus proinde annotatis haurire in promptu est, quæ ad hujus pontificis res præclare gestas magis elucidandas pertinent. Quod superest, si quid iis addendum, legendam existimarim disquisitionem in decem capitula epistolæ Cœlestini 21 ad episcopos Galliarum subjecta, quam viri eruditi elucubrarunt <sup>e</sup>, ubi accuratissime post ipsummet Coutantium quid de illis sit censendum exponunt. Cujus quidem epistolæ Cœlestini ad Gal'os occasione annotare libet, Vincentium Lirinensem magni fecisse illam ejusdem pontificis sententiam quæ in ea epistola ad Galliarum episcopos habetur his verbis <sup>f</sup> : *Desinat, si ita res sunt, incessere novitas vetustatem.* Quibus relatis, subdit Vincentius <sup>g</sup> : *Ergo hæc fuit beati Cœlestini beata sententia, ut non vetustas cessaret obruere novitatem, sed potius novitas desineret incessere vetustatem.* Haud equidem ignoro ejusmodi Vincentii verba in alium sensum ab eo quem præ se ferre videntur, detorsisse doctissimum cardinalem Norisium <sup>h</sup> : ejus tamen opinio nullo pacto probatur erudito Coutantio <sup>i</sup>. Neque vero illud præclarum de Cœlestino Prosperi testimonium hic demum omittendum <sup>j</sup> : *Cui, inquit, ad catholicæ Ecclesiæ præsidium multa Dominus gratiæ suæ dona largitus est.*

<sup>a</sup> Constant. Epist. Rom. Pontiff. pag. 1051.

<sup>b</sup> Aug. epist. 209, num. 1.

<sup>c</sup> Pagi. ad ann. 432, § 5.

<sup>d</sup> Tillem. tom. XIV, pag. 738.

<sup>e</sup> Baller. lib. II cap. 6 Observ. ad Opp. Noris. tom. IV, pag. 909 seqq.

<sup>f</sup> Cœlest. epist. 21, § 2.

<sup>g</sup> Vinc. Lir. Common. cap. 32.

<sup>h</sup> Noris. Hist. Pelag. lib. II cap. 11, Opp. tom. I, pag. 391 seq.

<sup>i</sup> Constant. ad epist. 21 Cœlest. not. 5, infra col. 529.

<sup>j</sup> Prosp. contra Collat. cap. 21, al. 41, num. 2.

D

## NOTITIA SCHOENEMANNI.

(Biblioth. Historico-Litterar. tom. II.)

### § I. Vita Cœlestini papæ.

Patria Campanus, Prisci cujusdam filius, proxima statim post mortem Bonifacii Dominica, id est 10 Septembris die a. 422 episcopus ordinatus est. Du-

rabat adhuc Romanæ sedis in Afrorum judiciis potestas, tamdiu ab ipsis Africanis episcopis concessa donec consultis Nicæni concilii verissimis exemplaribus, utrum in eis reperirentur laudati a Zesimi-



canones, certiores facti essent. Quo jure a Coelestino A in ipsis statim muneris novi auspiciis Antonii Fusatensis episcopi et aliquanto post Apiarii ob nova flagitia remoti et ad Coelestinum provocantis causa suscepta fuit. Sed illius querelas, subdolas et injustas, evertit Augustinus, suaeque rei gestae enarratione apud Coelestinum pervicit, ut sententiam apud Afros in eum latam ratam haberet; hunc propria scelerum damnavit confessio. Quam dum Coelestino nuntiant, simul omne jus, quod interim de appellationibus Romanae sedi permiserant, penitus sustulerunt, deprecantes, ne in posterum ex Africa venientes sive episcopi sive presbyteri inferioresve clerici, sive laici etiam facilius admitterentur, excommunicative in communionem praepropere restituerentur. Neque enim hoc magis quam illud, quod pridem de jure B episcopi Romani legatos a latere in Africam mittendi Faustinus asseruisset, in Nicæni concilii, quæ ex authentico ab Attico Constantinopolitano episcopo sibi transmissa essent, exemplaribus scriptum reperiri. Quapropter nullum omnino iudicium transmarinum nedum clericos Romanos tanquam executores ad se missos in posterum laturos esse significabant. Sed quidquid ex hac parte Romanae sedis potestati decedere videbatur, ex altera quodammodo reparavit initum a Coelestino cum Cyrillo Alexandrino foedus contra Nestorium, quo tam sapienter usus est, ut quaecumque hujus causa gesta non magis Cyrilli studio, quam Romani episcopi vigilantiae deberi viderentur. Nam simul ac satis sese a Cyrillo instructum sensit, quid pro hæresi habendum esset, festinavit, ut primus eam anathemate feriret, ejusque auctorem, ni erroribus valedicturus esset, communione privaret; mox ad synodum ab imperatore Theodosio apud Ephesum indictam legatos misit hac generali præceptione, ut Nestorii damnationem <sup>a</sup> et a sede sua depositionem urgerent: in reliquis vero, quæ casus vel disputationis ordo allaturus esset, moniti erant, ut quidquid in Cyrilli arbitrio viderent, facerent. Itaque quaecumque ab eo in synodo ista gesta essent, plene approbavit, eique et omnibus, qui in ea cum eo steterant, ipsique adeo imperatori, invito sane victori, tanquam de victoria ab hostibus Christi reportata gratulatus est, nec non Maximianum Nestorio depulso suffectum episcopum statim salutavit, hoc unum restringens in istorum indicatis, ne asseclis Nestorii qui resipiscerent, omnis penitus spes veniæ et restitutionis præcideretur <sup>b</sup>. Enimvero in his adversus Nestorium gestis illustrior vitæ pars Coelestini, non tamen omnia ejus de catholica fide et Ecclesia merita continentur. Idem enim fuit, qui exuberantem in Gallia hæresim, quæ Semipelagianæ no-

mine posthac notata fuit, repressit et deferentibus Prospero Aquitano et Hilario laico homine Galliae episcopos graviter reprehendit, quod tantum presbyteris suis indulgerent, ut *indisciplinatas quæstiones vocantes in medium, prædicarent adversantia veritati*, et Augustino, quem impense laudat, obstrepere audent <sup>c</sup>. Præter hæc Prosper modo laudatus prædicat ejus studium in Pelagianis non solum ex tota Italia, sed etiam Britannia eliminandis, quo nomine ab eodem missus est sanctus Germanus Autissiodorensis cum Lupo Trecenti episcopo. Prosperi denique testimonio nititur, quod Palladius ab eodem ad Scotos in Christum credentes ordinatus et primus episcopus missus sit. Obiit Coelestinus anno 432, mense Julio.

### § II. Coelestini papæ scripta.

Restant XVIII Coelestini epistolæ, inscriptæ; I, *Episcopis Illyrici*. Assignatur anno 425. II, *Universis episcopis per Viennensem et Narbonensem provincias constitutis*, scr. d. 25 Julii a. 428. III, *Universis episcopis per Apuliam et Calabriam constitutis*, scr. a. 429. IV, *Cyrillo Alexandrino episcopo*, scr. d. 2 Aug. a. 430, quemadmodum et tres sequentes. V, *Johanni, Javenali, Rufo et Flaviano episcopis per Orientem*, a pari. VI, *Nestorio*. VII, *Clero et populo Constantinopolitano*. Quatuor has epistolas Latine scriptas esse, dubitari nequit, sed statim in linguam Græcam conversas et una cum versione Græca ad Cyrillum transmissas esse suspicatur Constantius; simul tamen eundem esse primigenium, quem nos habemus textum probavit. VIII, *Cyrillo Alexandrino*, scr. d. 7 Maii a. 431. Hanc ex Græco versam, non Latino authentico descriptam esse diversis notis sibi deprehendisse visus est Constantius. IX, *Episcopis et presbyteris euntibus ad Orientem Commonitorium*, scr. d. 8 Maii a. 431. X, *Sanctæ synodo apud Ephesum congregatæ*, scr. a. 431 Latine et in Ephesino concilio Latine primum lecta gestisque inserta, tum vero etiam in gratiam eorum, qui Latine nesciebant, Græce recitata. XI, *Theodosio Augusto*, scr. eodem a. XII, *Episcopis Galliarum*, scr. eodem a. XIII, *Sanctæ synodo apud Ephesum constitutæ*, scr. uti et sequentes a. 432, post damnationem Nestorii. XIV, *Theodosio Aug.*, post synodum. XV, *Maximiano episcopo-Constantinopolitano*. XVI, *Clero et plebi Constantinopoli consistentibus*. Præterea Arnobius in libro II de conflictu cum Serapione servavit *Fragmentum sermonis, quem Coelestinus in concilio Romano, mense Augusto anni 430, adversus hæresim Nestorii habuit*. Auctoritates autem præteritorum sedis apostolicæ episcoporum de Gratia Dei verius Coelestino adjudicantur.

p. 1201.

<sup>b</sup> Ep. ad synodum Ephes. post Nestorii damnationem apud Const. 22, p. 1146.

<sup>c</sup> Ep. 21 apud Const., cui ob hoc argumentum in plerisque codicibus adjici consueverunt auctoritates præteritorum sedis apostolicæ episcoporum de gratia Dei et libero arbitrio.

<sup>a</sup> Hanc in concilio Rom. in Nestorium dictam sententiam per Cyrillum ad Nestorium primum et nisi ille pariturus esset, ad reliquos Orientis episcopos mitti curavit. Atque hoc est, quod *vice sua* Cyrillum agere dixit, *quatenus statutum suum vel* Nestorio vel universis fratribus innotesceret. Ep. ad Nestorium, 43 apud Const. p. 1130, et iterum in Epist. ad Clerum et populum Constantinopolitanum. Constant.



Quæ porro ipsi falso tributa fuerunt, aut deperdita A sunt, indicat *Constantius*.

### § III. Editiones operum Cælestini.

Ex his Cælestini epistolis IV, V, VI et VII, in Actis concilii Ephesini, II, III et XII, in Collectionibus Dionysii Exigui, Hadrianeæ, Hispana et Isidori servatæ et cum in iis tum ex iisdem per varias Conciliorum editiones vulgatæ sunt. Augeri cœpit numerus primum per *Petrum Crabbium* Fragmento epistolæ X, quam integram postea *Antonius de Aquino* in Collectione Epistolarum Pontificiarum Antonii Carafæ cardinalis protulit. Idem vero *Antonius* plures Cælestini epistolas erutas subinde e schedis Vaticanis daturus erat in Auctuario, quod laudatæ Collectioni addere decreverat. Sed citius fato occubuit, nec quidquam ex omnibus, quæ indefesso ille studio luci paraverat, tenebras evasit præter epistolas, quas olim *Baronio* concesserat. Hinc factum est, ut sex novæ Cælestini epistolæ, videlicet VIII, XI, XIII, XIV, XV, XVI, in *Annalibus* ad a. 431 et 432 prodierint. His quatuordecim Epistolis, quas junctim interea exhibent *Binius* et *Collectio Conciliorum Regia*, moxque correctiones passim repetiit *Ph. Labbeus*, accessit tandem I per *Holstenium* in Collectione Romana bipartita, et IX per *Stephanum Baluzium* in Nova Conciliorum Collectione. Tot autem perpoliendas et illustrandas accepit *Petrus Constantius*, cujus editionem nuper iterum *Andreas Gallandius* expressit. Mansius vero *Labbei* vestigiis inharret.

#### SÆCULO XVI.

1525. *Moguntia*; in-fol. Decreta Cælestini papæ numero XXII, i. e. Epistolæ tres: 1° ad *Episcopos Galliarum*, cui junguntur *Auctoritates præteritorum sedis apostolicæ episcoporum de Gratia Dei*; 2° ad *episcopos per Viennensem et Narbonensem provinciam*; 3° ad *episcopos per Apuliam et Calabriam constitutos*; in *Joannis Wendelstini* ed. *Collectionis Canon. Dionys.*

1530. *Colonia*; in-fol. Eadem; in *Coll. Conciliorum Jac. Merlini* T. I, fol. CLXXXIII-VI. Editio prima facta est a. 1523. Tertia prodit a. 1535, *Parisiis*, in-8°, ubi Cælestini Epistolæ exstant fol. CXCII-CC.

1556. *Basileæ*; in-fol. Cælestini papæ Decreta i. e. Epistola ad universos Galliarum episcopos subjectis capitulis seu indiculo constitutionum sanctorum Patrum de Gratia Dei; inter *selectissimas vetustissimorum præsulum Epistolas* additas *Clementis Recognitionibus* ex editione *Jo. Sichardi* pagg. 302-306.

1558. *Colonia*, apud *Petrum Quentel*; in-fol. Decreta Cælestini papæ, quo nomine comprehenduntur *Epistolæ tres* laudatæ; Decreta ex *Gratiano* et *fragmentum Epistolæ* ad synodum Ephesinam; in *Conciliis Petri Crabbe* T. I, fol. CCCIX-CCCXIII.

1570. *Colonia Agr.*, apud *Jo. Brinckmannum*; in-fol. Cælestini Decreta seu Epistola ad universos Galliarum episcopos, etc., inter *Epistolas Pontiff. Rom. D. Clementis* Operibus ex ed. *Lamb. Gruteri* subjectas pagg. 561-563.

1576. *Ingalstadii*, ex typogr. *Dav. Sartorii*; in-4°. Variæ Cælestini Epistolæ occasione concilii Ephesini scriptæ; inter *Acta omnia sacros. magni et æcum. concilii Ephesini* ed. opera *Theodori Peltani* soc. J., cap. 16, 17, 18, 19, 64, pagg. 248-74 et 388.

Sunt Epistolæ ad *Cyrillum*, *Nestorium*, *Clerum et Pop. CP*, *Joannem Antioch.* et *Synodum Ephesinam*.

1591. *Romæ*; in-fol. Cælestini papæ Epistolæ, in Tomo I *Collect. Epistolarum Decretalium Pontificum Romanorum*, quam a card. *Antonio Carafa* inchoatam absolvit *Antonius de Aquino*.

Octo sunt, nempe quatuor inter Acta concilii Ephesini, tres per *Dionysium Exiguum* nobis transmissæ. Una vero, cujus fragmentum antea *Petrus Crabbe* dederat, nunc integra prodit, velut ex *Constantiana* collectione excerpta, ut *Constantius* inquit.

1594. *Romæ*, ex *Typogr. Vat.*; in-fol. Cælestini Epistolæ (XIV); in *Baronii Annalium* tomo V, ad a. 430-32. Sex antea ineditæ ad a. 431 num. 6, 19 et 452 num. 4, 12, 17, 20. Repetitus est hic tomus *Romæ* 1607. Complectitur idem annorum spatium tomus quintus ed. *Coloniensis* a. 1624, et septimus *Mansianæ Lucæ* 1741. Sperabat *Baronius* *Antonium de Aquino*, a quo ineditas illas epistolas acceperat, in auctario *Epistolarum Pontificiarum* quod meditabatur, fontes, unde eas hausisset, indicaturum. Verum spes irrita fuit.

#### SÆCULO XVII.

1606. *Coloniæ Agr.*, apud *Jo. Gymnic. et Ant. Hierat.*; in-fol. Vita, Epistolæ et Decreta Cælestini papæ I; in *Conciliis Severini Binii* T. I pagg. 622-632.

Ex quatuordecim, quas *Binius* partim ex *Antonio de Aquino*, partim ex *Baronio* collegit epistolis, non omnes una serie producuntur, sed nonnullæ numeris tantum suis indicatæ inter Acta Ephesini concilii locum obtinent. Aliquibus additæ sunt Notæ *Biniianæ*.

1609. *Lutetiæ Parisiorum*; in-8°. Decreta Cælestini papæ I (Epistolæ tres) in *Codice Vet. Eccl. Rom.* pagg. 404-426.

1629. *Parisiis*, sumpt. *Seb. Cramoisy*; in-fol. Cælestini papæ I Epistolæ duæ ad episcopos Viennensis et Narbonensis provinciæ et episcopos universos Galliarum; in tomo I *Conciliorum Galliæ Jac. Sirmondi*.

1644. *Parisiis e Typogr. Reg.*; in-fol. Vita, Epistolæ et Decreta Cælestini papæ I; in T. IV *Conciliorum* collectionis *Luparensis* pagg. 469-510. *Auctoritates de Gratia Dei* epistolas antecedunt.

1661. *Lutetiæ Paris.*, apud *Lud. Billaine*; in-fol. Cælestini papæ Decreta (Epistolæ tres cum *Auctoritatibus*); in codice *Dionysii Exigui* apud *Guil. Voëltum* et *Henr. Justellum* in *Bibl. Juris Canon.* pagg. 215-221.

1662. *Romæ*; in-8°. Cælestini Epistola ad episcopos per *Illyricum* nunc primum edita e schedis Vaticanis inter Acta synodi Romanæ sub *Bonifacio II*; in *Collectione Rom. Bipart. Lucæ Holstenii* p. I, pagg. 85-88.



1671. *Lutetiæ Parisiorum*; in-fol. Vito, *Epistolæ A ex ed. Franc. Pithæi h. a. et l. recuso* pagg. 219-223. et Decreta Cœlestini papæ I, cum notis Sev. Binii, Jac. Sirmondi et Obs. Phil. Labbei; in *Conciliis Phil. Labbei et Ga'r. Cossartii cura editis* tomo II, pagg. 1610—1658.

Nonnullæ epistolæ nomen tantum suum in hac serie professæ sunt. Ipsæ exstant inter Acta Ephesini concilii tomo III, pagg. 345, 346, 353, 376, 614. Pressius nimirum sequitur Labbeus Binium et editorem Collectionis Regiæ. Quo obsequio adeo factum est, ut alias bis exscribendas dederit. Nam quæ in his sunt IX ad Theodosium, X ad Cyrillum, XI ad synod. Ephes., XII ad Theodosium Jun., XIII ad Maximianum, et XIV ad Constantinopolitanos, recitantur iterum integræ tomo III, pagg. 619, 621, 1069, 1072; T. IV, pagg. 1074 et 1075. Accedunt in *Appendice* hujus secundi tomi pagg. 1817—19, *Notæ posthumæ* Sirmondi in duas ad Galliarum episcopos et *Auctoritates sedis apostolicæ*.

1675. *Lutetiæ Parisiorum*, apud Jo. Bapt. Coignard; in 4°. Epistola Cœlestini papæ ad episcopos Vennenses et Narbonenses. Ejusdemque ad episcopos Apuliæ et Calabriæ; in *Codice Canonum Ecclesiæ Rom. a Pasch. Quesnello* in tomo II *Opp. Leonis M.* vulgato, cap. 35 et 36, pagg. 135—137, editionis Lugdunensis (a. 1700) pagg. 71—73.

1682. *Lovanæ*, typis Hieronymi Nempæi; in-4°. Commonitorium Cœlestini papæ episcopis et presbyteris euntibus ad Orientem: nunc primum e Vaticanae bibliothecæ manuscripto in publicam lucem data per F. Christianum Lupum, Ipreensem, in *Epistolis variorum Patrum ad concilium Ephesinum* ex ms. Cassin. Bibl. ab eodem desumptis et editis, capite 226, fol. cccclxx. Repetitum est hoc opus in tomo VII *Operum Christiani Lupi* (Venetiis apud Jo. Bapt. Albritium, Q. Hieron. et Sebast. Coleti a. 1726; in-fol.), inque eo Cœlestini Commonitorium pagg. 585, 586.

1683. *Parisiis*, ex off. typogr. Franc. Muguet; in-fol. Commonitorium papæ Cœlestini datum episcopis et presbyteris euntibus ad Orientem. Ejusdem variæ Epistolæ occasione concilii Ephesini scriptæ; in Steph. Baluzii *Nova Coll. Conciliorum*, T. I, pagg. 381, 424, 451, 456, 458, 489—93.

Commonitorium reperit primum in vetustissimo codice bibliothecæ Colbertinæ num. 1865 optime exarato. Aliud deinde exemplar in Vaticano recentiore num. 1520, Nicolai V pontificatu scripto, ad eum misit Hieronymus cardinalis Casanata. Sed emendatius erat in Colbertino quam in Vaticano. Ignoravit autem Baluzius idem anno ante jam a Lupo fuisse evulgatum. Reliquæ Epistolæ, inter Acta Ephesini concilii distributæ, sunt: 1° Epistola ad Nestorium; 2° ad clerum et populum Constantinopol.; 3° ad Cyrillum; 4° ad Joannem Antioch.; 5° ad synodum Ephesinam; 6° ad Theodosium imp.; 7° ad Cyrillum Alexandrinum.

1687. *Parisiis*, e Typogr. Regia: in-fol. Decreta Cœlestini papæ (Epist. III) in *Codice Can. Dionysii Ex.*

## SÆCULO XVIII.

1715. *Parisiis*, e Typogr. Regia; in-fol. Cœlestini papæ Decreta (Epistolæ III); item Epistolæ per Acta Ephesini concilii distributæ, ad Nestorium, ad clerum et populum CP., ad Cyrillum, ad Joannem Antiochenum, Commonitorium ad legatos, ad synodum Ephesinam, ad Theodosium, ad Cyrillum secunda, ad synodum post damnationem Nestorii, ad Theodosium Jun., ad Maximianum, ad clerum et populum CP. secunda; in Jo. Harduini *Actis Conciliorum* T. I, pagg. 1251—62, 1299, 1311, 1321, 1323, 1347, 1467—74, 1671—82.

1721. *Parisiis*; in-fol. S. Cœlestini papæ Epistolæ et Decreta ad justum temporis ordinem reductæ, juxta vet. codd. fidem recognitæ et emendatæ, præviis admonitionibus, notis criticis et dissertationibus illustratæ per Petrum Coustant; in *Epistolis Pontiff. Rom.*, T. I, pagg. 1051—1228.

Insertæ sunt epistolæ aliorum ad Cœlestinum, vel ad res ab eo gestas spectantes, scilicet ab initio omnium 1° Augustini epistola ad Cœlestinum, scr. circa initium a. 423, inter Augustinianas 209; 2° Aurelii et cæterorum qui universali Africæ concilio Carthaginis adfuerunt, ex codice canonum Ecclesiæ Africanæ, scr. judice Coustantio vel sub exitum a. 425, vel ineunte a. 426. Item post III, 3° et 4° duæ Nestorii ad Cœlestinum litteræ Gr. Lat.; 5° Epistola Cyrilli ad Cœlestinum, scr. a. 430 Gr. Lat.; 6° Commonitorium Cyrilli Posidonio cum Romam mitteret datum, Gr. Lat. Post XIV, 7° Nestorii ad Cœlestinum, scr. a. 450, Gr. Lat. Post XIX, 8° Epistola synodi Ephesinæ ad Cœlestinum, Gr. Lat. Decimo loco est fragmentum sermonis a Cœlestino habiti. Subjungitur Notitia Epistolarum, quæ ad Cœlestinum papam attinent.

1757. *Venetiis*, apud Sim. Occhi; in-fol. Cœlestini papæ Epistola ad episc. Viennenses et Narbonenses, item episc. Apuliæ et Calabriæ cum varietate exemplarium tam editorum quam mss.; in *Codice Vet. Canon. Constitut. S. sedis apostolicæ* Pasch. Quesnelli iterum edito a Balleriniis Frr., tomo III *Opp. Leonis M.* cap. 35, 36, pagg. 270—77.

1760. *Florentiæ*; in-fol. Vita, Epistolæ et Decreta S. Cœlestini papæ I, cum notis Binii et Sirmondi, item *Excerptis* aliquot e cod. mss. epistolarum et titulorum veterum epistolarum quarundam Cœlestini; in tomo IV *Collectionis amplissimæ Conciliorum Jo. Domin. Mansi* pagg. 453—74.

Epistolas, quæ inter Acta Ephesini concilii hocipso tomo comprehensæ referuntur, non integras in hac serie repræsentavit, id quod post Labbeum etiam Coletus, quem raro alioquin Mansius deserit, fecerat; sed Binium sequi maluit, titulisque et verbis initialibus recitatis, ad illa lectores ablegat.

1773. *Venetiis*, ex typogr. Jo. Bapt. Albritii; in-fol. S. Cœlestini papæ Epistolæ et Decreta, quibus nonnulla intertextu ad eundem sanctum pontificem pertinentia. Ex editione V. Cl. Petri Coustantii; in tomo



IX. Bibl. PP. et SS. Vet. Eccl. Andræ Gallandii A in-fol. Cœlestini papæ epistola ad episcopos provin-

pagg. 287—346.  
Admonitiones Constantii epistolis aliquibus præmissas resecurit sententiasque earum passim in notis contraxit. De Cœlestino disserit Prolegg. cap. 8, pagg. xix, xx.

1789. Parisiis, sumptib. Petri Didot fil. primog.;

cia: Viennensis et Narbonensis. Item Epistola ad episcopos Galliar, pro S. Augustino, additis decretis et decretorum titulis nec non ex Sirmundi, Quesnelli et Constantii notis et lectionibus variantibus excerptis; in novissima Conciliorum Galliæ Collectione a PP. Maurinis nuper inchoata, tomo I, pag. 384 et 426.

## S. COELESTINI I PAPÆ EPISTOLÆ ET DECRETA.

(Ex edit. Constantii apud Bibl. Vett. Patr. Galland. tom. IX.)

### • EPISTOLA I.

AUGUSTINI HIPPONENSIS EPISCOPI AD COELESTINUM  
PAPAM.

Antonii episcopi Fussalensis, qui administratione Ecclesiæ suæ ob scelera privatus, apostolicam sedem appellaverat, causa exposita, obtestatur ut latam in ipsum sententiam rigere sinat.

Domino beatissimo et debita charitate venerando sancto papæ COELESTINO AUGUSTINUS in Domino salutem.

1. Primum gratulationem reddo meritis tuis, quod te illa sede Dominus Deus noster sine ulla, sicut audivimus, plebis suæ discissione <sup>b</sup> constituit. Deinde insinuo sanctitati tuæ quæ sint circa nos, ut non solum orando pro nobis, verum etiam consulendo et opitulando subvenias. In magna quippe tribulatione positus, hæc ad tuam beatitudinem scripsi direxi; quoniam volens prodesse quibusdam in nostra vicinitate membris Christi, magnam illis cladem improvidus et incautus ingessi.

2. Fussala dicitur Hipponensi territorio confine castellum. Antea ibi numquam episcopus fuit, sed simul cum contigua sibi regione ad parœciam Hipponensis Ecclesiæ pertinebat. Paucos habebat illa terra catholicos, cæteras plebes illic in magna multitudine hominum constitutas Donatistarum error miserabiliter obtinebat, ita ut in eodem castello nullus esset omnino catholicus. Actum est in Dei misericordia ut omnia ipsa loca unitati Ecclesiæ cohærerent, per quantos labores et pericula nostra,

<sup>a</sup> Scripta circa initium anni 425. Inter Augustini epistolas est. Statim atque Cœlestini electio et ordinatio in Africa divulgata est, adeoque circa anni 425 principium, scriptam esse Augustinus ipse ab exordio satis aperte declarat. Neque vero scrupuli de Antonii Fussalensis causa ipsi injecti procrastinare eum sinebant aut quiescere, donec promptum eis remedium invenisset.

<sup>b</sup> Quamvis necdum ex Eulalii factione defecissent schismatici, contra quos Baronius ad ann. 423 et 425 putat legem 62 tit. 5 lib. xvi Cod. Th. Aquileiæ, Theodosio aug. xi et Valentiniano cæs. cons., hæc est anno 425, xvi kal. Augusti datam, qua cavetur: Circa hos autem maxime urgenda commotio est, qui pravis suasionibus a venerabilis papæ sese

<sup>B</sup> longum est explicare: ita ut ibi presbyteri qui eis congregandis a nobis primitus constituti sunt, exspoliarentur, cæderentur, debilitarentur, excæcarentur, occiderentur; quorum tamen passionibus inutiles ac steriles non fuerunt, unitatis illic securitate perfecta. Sed quod ab Hippone memoratum castellum millibus quadraginta sejungitur, cum in eis regendis et eorum reliquiis licet exiguis colligendis, quæ in utroque sexu aberrabant, non minaces ulterius, sed fugaces, me viderem latius quam oportebat extendi, nec adhibendæ sufficere diligentiae quam certissima ratione adhiberi debere cernebam, episcopum ibi ordinandum constituendumque curavi.

3. Quod ut fieret, aptum loco illi congruumque requirebam, qui et Punica lingua esset instructus. Et habebam de quo cogitabam paratam presbyterum, propter quem ordinandum, sanctum <sup>d</sup> senem qui tunc primatum Numidiæ gerebat, de longinquo ut veniret rogans litteris impetravi. Quo jam præsentem, omniumque in re tanta suspensis animis, ad horam nos ille qui mihi paratus videbatur omni modo resistendo destituit. Ego autem, qui utique, sicut exitus docuit, differre potius debui, quam periculosum præcipitare negotium, dum nolo gravissimum et sanctissimum senem ad nos usque fatigatum, sine effectu propter quem venerat tam longe ad propria remeare, obtuli non petentibus quemdam adolescentem Antonium qui mecum tunc erat, in monasterio quidem a nobis a parvula ætate nutritum, sed præter lectionis <sup>e</sup> officium nullis clericatus

<sup>D</sup> communione suspendunt, quorum schismate plebs etiam reliqua vitatur. His, conventionem præmissa, viginti dierum condonamus inducias, intra quos nisi ad communionis redierint unitatem, expulsi usque ad centesimum lapidem, solitudine quam eligunt macerentur.

<sup>c</sup> Hoc est, schismaticis ad unitatem reducendis.

<sup>d</sup> Puta Silvanum, qui apud Augustinum epistolæ 428 ut Senex ecclesiæ Summensis, et epistolæ 429 ut primæ sedis provinciæ Numidiæ episcopus subscribit.

<sup>e</sup> Zosimus epist. 9, n. 5, decernit, ut qui ab infantia ecclesiasticis ministeriis nomen dederit, inter lectores usque ad vicesimum ætatis annum continuata observatione perduret. Qua in re is papa Siricii epist. 1 n. 13 decretum secutus est. Quocirca Antonius ille a parvula ætate lector initiatus, statimque Augustino



gradibus et laboribus notum. At illi miseri, quod A futurum fuerat ignorantes, offerenti eum mihi obedientissime crediderunt. Quid plura? factum est, esse illis episcopus cœpit.

4. Quid faciam? Nolo apud tuam venerationem gravare quem nutriendum collegi; nolo deserere quos colligendos timoribus et doloribus parturivi; et quomodo utrumque agam, reperire non possum. Res quippe ad tantum scandalum venit, ut in eum hic apud nos causas dicerent, qui de illius episcopatu suscipiendo, tamquam bene sibi consulentibus, obtemperaverant nobis. In quibus causis cum stuprorum crimina capitalia, quæ non ab ipsis quibus episcopus erat, sed ab aliis quibusdam objecta fuerant, probari minime potuissent, atque ab iis quæ inviosissime jactabantur, videretur esse purgatus, B tam miserandus factus est et nobis et aliis, ut quidquid a castellanis et illius regionis hominibus de intolerabili dominatione, de rapinis et diversis oppressionibus et contritionibus objiciebatur, nequaquam nobis tale videretur, ut propter hoc vel propter simul cuncta congesta, episcopatu eum putaremus esse privandum, sed restituenda quæ probarentur ablata.

5. Denique sententias nostras sic temperavimus, ut salvo episcopatu, non tamen omnino impunita relinquerentur, quæ non deberent vel eidem ipsi deinceps iterumque facienda, vel cæteris imitanda, proponi. Honorem itaque integrum servavimus juveni corrigendo; sed corripiendo minuius potestatem, ne scilicet eis præesset ulterius, cum quibus sic egerat, ut dolore justo eum sibi præesse ferre omnino non possent, et cum suo illiusque periculo in aliquod scelus forsitan erupturam impatientiam sui doloris ostenderent. Quorum talis animus etiam tunc, quando cum eis de illo episcopi egerunt, evidenter apparuit, cum jam vir spectabilis Celer, de cujus adversum se præpotenti administratione conquestus est, nullam gerat vel in Africa vel uspiam potestatem.

traditus non immerito credatur, uti fieri tunc consuevisse pluribus exemplis in citatum Siricii locum probavimus. His adjicimus illud Chrysostomi, de quo Palladius dialog. pag. 227 scribit: *Octodecim annos natus recessit a rhetore Libanio, atque a Meletio Antiochensi archiepiscopo baptizatur, et lector ordinatur. Antonium tamen ultra vigesimum ætatis annum in lectoris officio perstitisse hinc colligitur.*

<sup>a</sup> Valentinum scil. Baianum, qui in fronte epist. 2 ad Bonifacium primæ sedis provinciæ Numidiæ inscribitur. Hunc inter Antonii iudices non sedisse hinc colligitur. Verum eundem postea, communicans cum eo gestis, non tantum errorem abjecisse, sed et veriore omnium relationem ad Cælestinum una cum hac Augustini epistola misisse subnexa indicant.

<sup>b</sup> Afris ignota tum erant Sardicensia decreta, ut ex epistola sequenti, n. 3, palam fiet. Unum igitur hic intelligit Augustinus, ac servandum sibi proposuerunt Antonii iudices, Nicæni concilii canonem 15, quo statuitur, ut *de civitate ad civitatem non episcopus, non presbyter, non diaconus transferatur*. Optandum foret ut et nostra ætate servaretur hæc regula, maxime erga presbyteros quorum vita turpis ac no-

6. Sed quid multis morer? Collabora, obsecro, nobiscum, pietate venerabilis domine beatissime, et debita charitate venerande sancte papa, et jube tibi quæ directa sunt omnia recitari. Vide episcopatum qualiter gesserit; quemadmodum judicio nostro usque adeo consenserit, communione privatus, nisi prius Fussalensibus omnia redderentur; jam postea ut re acta æstimatis rebus solidos seposuerit, ut ei communio redderetur; quam versuta suasionem sanctum senem <sup>a</sup> primate nostrum gravisimum virum, ut ei cuncta crederet, quem velut omni modo inculpatum venerando papæ Bonifacio commendaret, induxerit; et cætera quæ a me quid opus est recoli, cum memoratus venerabilis senex ad tuam sanctimoniam universa retulerit?

B 7. In illis autem multiplicibus gestis quibus de illo nostrum iudicium continetur, magis deberem vereri, ne tibi minus severe quam oporteret judicasse videamur; nisi scirem vos tam propensos ad misericordiam, ut non solum nobis, quia illi peperimus, verum etiam ipsi existimetis esse parcendum. Sed ille, quod a nobis aut benigne aut remisse factum est, in præscriptionem vertere atque usurpare conatur. Clamat: *Aut in mea cathedra sedere debui, aut episcopus esse non debui*; quasi nunc sedeat nisi in sua. Propter hoc enim loca illa eidem dimissa atque permissa sunt in quibus et prius episcopus erat, ne in alienam cathedram contra statuta patrum <sup>b</sup> translatus illicite diceretur. Aut vero quisquam ita esse debet sive severitatis sive lenitatis exactor, ut qui non visi fuerint episcopatus honore privandi, nullo modo in eis aliquid vindicetur; aut in quibus aliquid visum fuerit vindicandum, episcopatus honore priventur?

8. Existunt exempla, ipsa sede apostolica judicante vel aliorum judicata <sup>c</sup> firmante, quosdam pro culpis quibusdam, nec episcopali spoliatos honore, nec relictos omnimodis impunitos. Quæ ut a nostris temporibus remotissima non requiram, recentia memorabo. Clamet Priscus provinciæ Cæsariensis

cens populis scandalo est et exitio; nec tam facile sincerentur, postquam Ecclesiam primum sibi creditam læserint, procul ad aliam administrandam transire; cui tanto certius inserunt dampnum, quanto minus ab eorum flagitiis cavetur. Hoc ad summum liceret, cum gravium scelerum accusati, nec plane convicti, propriæ plebis ob aspersam famæ maculam minus utiles fore judicarentur. Sic se primum gessisse videntur Afri erga Apiarium, cum objecta crimina impudenter negaret, nec esset unde aperte convinceretur.

<sup>c</sup> Apostolicæ sedis in Afrorum judiciis potestas hic aperte prædicatur; sed observat vir eruditus, hæc eo intervallo dicta esse quo Afri Romani appellare permiserant, donec consultis Nicæni concilii verissimis exemplaribus, utrum in eis reperirentur laudati a Zosimo canones, certiores facti essent. Certe Laurentius infra appellandus Cod. can. Eccl. Afr. c. 135, anno 419, Carthaginiensi concilio non tantum velut Icositanus episcopus, sed tamquam legatus provinciæ Cæsariensis subscribit. Nondum igitur hoc anno adversus eum prolata erat sententia quam Augustinus mox memorat.



episcopus : Aut ad primatum locus, sicut cæteris et mihi patere debuit, aut episcopatus mihi remanere non debuit. Clamet alius ejusdem provinciæ Victor episcopus, cui relicto in eadem pœna in qua et Priscus fuit, nusquam nisi in diœcesi ejus ab aliquo communicatur episcopo; clamet, inquam : Aut ubique communicare debui, aut etiam in meis locis communicare non debui. Clamet tertius ejusdem provinciæ Laurentius episcopus, et prorsus hujus vocibus clamet : Aut in cathedra cui ordinatus sum, sedere debui, aut episcopus esse non debui. Sed quis ista vituperet, nisi qui parum attendit, nec inulta omnia relinquenda, nec uno modo omnia vindicanda?

9. Quia ergo pastoralis vigilique cautela beatissimus papa Bonifacius in epistola sua posuit, de Antonio loquens episcopo, et ait, *Si ordinem rerum nobis fideliter indicavit*; accipe nunc ordinem rerum, quem ille in suo libello reticuit, ac deinde quæ post ejus sanctæ memoriæ viri in Africa lectas litteras, <sup>b</sup> gesta sunt; et subveni hominibus opem tuam in Christi misericordia multo avidius quam ille poscentibus, <sup>a</sup> cujus inquietudine desiderant liberari. Judicia quippe illis, et publicas potestates, et militares impetus tamquam <sup>c</sup> exsecutores apostolicæ sedis sententiam, sive ipse, sive rumores creberrimi comminantur; ut miseri homines Christiani catholici graviora formident a catholico episcopo, quam, cum essent hæretici, a catholicorum imperatorum legibus formidabant. Non sinas ista fieri, obsecro te per Christi sanguinem, per apostoli Petri memoriam, qui Christianorum præpositos populorum movit (1 Petr. v, 5) ne violenter dominantur in fratres. Ego Fussalenses catholicos, filios in Christo meos, et Antonium episcopum, filium in Christo meum, benignitati charitatis sanctitatis tuæ, quia utrosque diligo, utrosque commendo. Neque Fussalensibus succenseo quia justam de me querimoniam ingerunt auribus tuis, quod eis hominem nondum mihi pro-

<sup>a</sup> In promptu erat his exemplum adjicere Apiarii, de quo Africanum concilium epist. 2 ad Bonifacium papam statuisse se scribit, *ut de Siccensi Ecclesia, retento scilicet honore gradus sui, removeretur, et accepto epistolio, ubicumque alibi vellet et posset, presbyterii honore fungeretur*. Verum ubi Augustinus judiciorum a sede apostolica firmatorum exempla in medium adducit, minus ad rem illius accommodatum erat exemplum Apiarii, qui et presbyter tantum erat, et ab Afris ita est judicatus, ut eorum judicium ab apostolica sede firmatum non legatur. Ad probandam tamen Antonii iniquitatem valet, quatenus aliquem clericum pro culpis ita plecti posse ostendit, ut honoris sui gradum non omnino deiciatur.

<sup>b</sup> Hæ non exstant.

<sup>c</sup> De exsecutorum munere commodius notis in epistolam 2 disseremus. In nova Augustini editione observatum est Antonio minime redditam Fussalensis Ecclesiæ administrationem, siquidem curam ejus Augustinus sub vitæ suæ finem gerebat; adeoque Coelestinum nihil eorum molitum esse quæ pius ille præsul tantopere verebatur.

<sup>d</sup> Codex canonum Africanæ Ecclesiæ hac epistola clauditur. Exstat præterea in iisdem mss. et collectionibus, in quibus epistolam 2 eorundem Afrorum ad Bonifacium exstare diximus. Scripta est occasione

batum, nondum saltem ætate firmatum, a quo sic affligerentur, infligi. Neque huic noceri volo, cui quanto magis sinceram habeo charitatem, tanto magis pravæ ejus cupiditati obsisto. Utrique misericordiam mereantur tuam, illi ne mala patiantur, iste ne faciat; illi ne oderint catholicam, si a catholicis episcopis, maximeque ab ipsa sede apostolica, contra catholicum non eis subvenitur episcopum; iste autem ne se tanto scelere obstringat, ut quos molitur invitos facere suos, a Christo faciat alienos.

10. Me sane, quod confitendum est beatitudini tuæ, in isto utrorumque periculo tantus timor et mæror excruciat, ut ab officio cogitem gerendi episcopatus abscedere, et me lamentis errori meo convenientibus dedere, si per eum ejus episcopatus per imprudentiam suffragatus sum, vastari Ecclesiam Dei et, quod ipse Deus avertat, etiam cum vastantis perditione perire conspexero. Recolens enim quod ait Apostolus : *Si nosmet ipsos judicaremus, a Domino non judicemur* (1 Cor. xi, 31); judicabo me ipsum, ut parcat mihi qui judicaturus est vivos et mortuos. Si autem et membra Christi quæ in illa regione sunt ab exitiabili timore ac tristitia recreaveris, et meam senectutem hac misericordi justitia fueris consolatus, retribuet tibi, et in præsentī et in futura vita, bona pro bonis, qui per te nobis in ista tribulatione succurrit, et qui te in illa sede constituit.

#### <sup>d</sup> EPISTOLA II.

CONCILII AFRICANI AD PAPAM COELESTINUM URBIS ROMÆ EPISCOPUM.

<sup>C</sup> *Notum ei faciunt qui Apiarius flagitia sua fateri coactus sit. Tum rogant, 1° ne a se excommunicatos præpropere communioni restituat, 2° ut presbyterorum aliorumque clericorum improba refugia seu appellationes repellat, 3° ne de latere suo mittat qui appellantis causam recognoscant, 4° neque petentibus exsecutores concedat; postremo ne Faustinum in Africam remittat.*

Domino dilectissimo et honorabili fratri COELESTINO, AURELIUS, <sup>e</sup> PALATINUS, ANTONIUS, TUTUS, SERVUS-DEI, TERENTIUS, FORTUNATUS, MARTINUS, JANUARIUS,

Apiarii, qui anno 419 concilii Carthaginensis sententia remotus ab Ecclesia Siccensi, Thabracam celebrem in proconsulari provincia civitatem sese receperat. Sed ab urbis hujus civibus denuo nefandis flagitiis accusatus, eaque de causa ab altero Carthaginensi concilio communionē privatus, Romam confugiens, mentitusque se ab hac sententia provocasse, communioni a Coelestino restitutus est, misso in Africam Faustino, ut et ibi communio ei redderetur. Observat Tillemontius tom. XIII pag. 860 tumultus ex Honorii morte et usurpatione Joannis in Occidente excitatos, ab Augusto mense anni 423 ad Julium anni 425. liberum Romam inter et Africam non permisisse commercium; adeoque epistolam hanc vel circa exitum anni 425, vel in annum 426, esse dfferendam. Ut enim anno 423 ante Augustum scripta credatur, non sinit ejus exordium, in quo nulla est, quæ præteriri non solet, de felicibus novi pontificis auspiciis gratulatio.

<sup>e</sup> Quidam inferioris notæ mss., *Palatinus*. In uno Harlæo, ut apud Merlin., *Palentinus*. Apud Lab. in marg., *Palentinus* et *Palatinus*; at in textu, *Valentinus*: quod et arriperemus ultro, nisi sinceriores mss. Reg. Colb. duo Harlæi, etc., præferrent *Palatinus*, quomodo legit et interpre. Græcus.



OPTATUS, <sup>a</sup> CELTICUS, DONATUS, THEASIVS, VINCENTIUS, FORTUNATIANUS, et cæteri qui in universali Africano concilio <sup>b</sup> Carthaginis adfuimus.

1. Optaremus <sup>c</sup> ut quemadmodum sanctitas tua de adventu Apiarii latatos vos fuisse missis per compresbyterum nostrum Leonem litteris intimavit, ita nos quoque de ejus purgatione hæc scripta cum lætitia mitteremus. Esset profecto et nostra et vestra modo alacritas certior, nec præpropere videretur, quæ adhuc <sup>d</sup> de audiendo quam de audito præcesserat. Adveniente sane ad nos sancto fratre et coepiscopo nostro Faustino, concilium congregavimus, et credidimus ideo eum illo missum, quoniam sicut per ejus operam presbyterio antea redditus fuerat, ita nunc posset de tantis criminibus a Thabracenis objectis eo laborante purgari: cujus tanta ac tam immania flagitia decursum <sup>e</sup> nostri concilii examen invenit, ut et memorati patrociniū potius quam iudiciū, ac defensoris magis operam quam <sup>f</sup> disceptatoris justitiam superarent. Nam primum <sup>g</sup> quantum obstiterit omni congregationi diversas injurias ingerendo, quasi Ecclesiæ Romanæ asserens privilegia, et volentes eum a nobis in communionem suscipi, quem tua sanctitas credens appellasse, quod probare non potuit, communioni reddiderat? quod minime tamen licuit, quod etiam gestorum melius lectione cognosces. Triduano tamen laboriosissimo agitato iudicio, cum diversa eidem objecta afflictissimi quæreremus, vel moras coepiscopi nostri Faustini, vel tergiversationes ipsius Apiarii quibus nefandas turpitudines oculere conabatur, Deus iudex, C

<sup>a</sup> In vulgatis, *Celsitius*, aut *Celticius*. In aliquot mss. *Celsitius*. In melioribus, *Celticus*. Episcopi hujus Augustinus lib. de Octo Quæst. ad Dulcentium, q. 7, n. 3, ubi nec una ratione in mss. exprimitur, meminit.

<sup>b</sup> Colb. ms., *Carthagine adsumus*.

<sup>c</sup> Mss. magno consensu, *siquidem admodum*, nisi quod in uno Harlæo, *siquidem quemadmodum*, et in Coislin., secundis curis, *si quemadmodum*, quod Merl. et Crab. arripuerunt. Leonem autem mox appellatum alium esse ab eo qui Xysto papæ successit, hoc argumento est, quod Prosper in Chronico hunc Leonem etiam sub Xysto diaconum nuncupat.

<sup>d</sup> In editis, ut in ms. Reg., hic additur *tam*; quod melius abest ab aliis mss., ejusque loco potius subauditur. Quam particulam reticere Augustino alii quæ ejus ævi scriptoribus familiare est. Præpropere quamdam Coelestini festinationem, qua Apiarium damnatum audierit, quem potius audiendum differre debuerat, quoad partes adfuissent, modeste hic Africani carpunt.

<sup>e</sup> Faustini videlicet, cujus agendi ratio hic arguitur, quatenus cum iusti iudicis et æqui cognitoris partes implere debuisset, patroni ac defensoris officioungebatur. Sed ejus operam Apiarii vitia superarunt, adeo ut illa defendere aut purgare prorsus non valuerit.

<sup>f</sup> Hoc est, qui examinantis vice fungitur, unde æquam sententiam ferat. Græcus interpretes tum hic *disceptatoris*, tum intra, n. 3, *cognitorum* nomina uno eodemque τῷ διαγνώστῳ et τῶν διαγνώστων vocabulo reddidit. *Cognitor* autem is vocatur, qui causæ cognoscendæ iudex et arbiter præest. Quo nomine Marcellinus Comes in collatione Carthaginensi cui præfuit, passim donatur. Huc spectat quod in eadem

A fortis et longanimitas magno compendio resecauit, Tertiore quippe ac putidior obstinatione compressa, qua tantum libidinum cœnum impudentia negationis volebat obruere, Deo nostro ejus conscientiam coarctante, et occulta quæ in illius corde tamquam in volutabro criminum jam damnavat, etiam hominibus publicante, repente in confessionem cunctorum objectorum flagitiorum dolosus negator erupit. Et tandem de omnibus incredibilibus opprobriis ultro-neus se ipse convicit, atque ipsam quoque nostram spem, qua eum et credebamus et optabamus de tam pudeandis maculis posse purgari, convertit in gemitus: nisi quoniam istam nostram mœstitiā uno tantum solatio mitigavit, quod et nos labore diuturnioris quæstionis absolvit, et suis vulneribus qualemcumque medelam, <sup>h</sup> etsi invita ac suæ conscientiæ reluctantante confessione, providit, domine frater.

2. Præfatio itaque debitæ salutationis officio, <sup>i</sup> impendio deprecamur ut deinceps ad vestras aures hinc venientes non facilius admittatis, nec a nobis excommunicatos in communionem ultra velitis excipere, quia hoc etiam Næano concilio <sup>j</sup> definitum facile <sup>k</sup> advertat venerabilitas tua. Nam et si de inferioribus clericis vel de laicis videtur ibi præcaveri, quanto magis hoc de episcopis voluit observari? ne in sua provincia a communionem suspensi, a tua sanctitate præpropere vel indebite videantur communioni restitui.

3. Presbyterorum quoque et sequentium clericorum improba <sup>l</sup> refugia, sicuti te dignum est, repel-

l-latione cap. 258 Habrteus dixit, *Magnum justicognitoris indicium est, quod uni parti concessit, alteri non negare*; vel quod Honorius imp. Cod. Th. lib. xvi tit. 5 leg. 45 edicit: *Neque enim morte cognitoris perire debet publica fides*.

<sup>g</sup> Græcus interpretes, πῶτον γὰρ ἀντέστη, hoc est, *primum enim obstetit* (seu adversatus est) vehementer; quod planius sublato interrogationis puncto.

<sup>h</sup> Ita cum Justello omnes nostri mss., nisi quod in uno Colb.: *et licet invitatus suæ conscientiæ reluctantante confessione prodidit*. At edit. concil.: *etsi invita et sua conscientia reluctantante confessione providit*. In posterioribus tamen sublato est *confessione*. Ad invitatas ejusmodi confessiones reos compellit Deus ea virtute, qua omnia potest. Narrat Augustinus epis. alias 137 nunc 78 n. 3: *Mediolani apud memoriam sanctorum, ubi mirabiliter et terribiliter demones confitentur, furem quemdam qui ad eum locum venerat ut falsum jurando deciperet, compulsus fuisse confiteri furtum*. Idem et Nolæ in eo loco, ubi beati Felici corpus conditum est, contingere solere ibidem testatur; eaque de causa duos e clericis suis sese mutuo accusantes illic misit, ut rei veritas patefieret.

<sup>i</sup> Isidorus Mercator in epistola, quam Orientalium nomine ad Julium papam scribentium confluxit, hunc locum exscribens, pro *impedio*, substituit *propter beati Petri honorem impenso*.

<sup>j</sup> Nicæn. conc. c. 5.

<sup>k</sup> Ita ms. Colb. At Merl., *advertit*, et alii libri, *advertet*.

<sup>l</sup> Concilii Milevitani n. canone 22, constituitur: *Ut presbyteri, diaconi vel cæteri inferiores clerici in causis quas habuerint, si de judiciis episcoporum suorum questi fuerint, vicini episcopi eos audiant, et inter eos quidquid est finiant adhibiti ab eis ex consensu episcoporum suorum. Quod si et ab eis præcavendum fu-*



lat sanctitas tua; quia et nulla patrum definitione hoc Ecclesiæ derogatum est Africanæ, et decreta Nicæna sive inferioris gradus clericos, sive ipsos episcopos, suis metropolitanis apertissime commiserunt. Prudentissime enim justissimeque viderunt, <sup>a</sup> quæcumque negotia in suis locis, ubi orta sunt, finienda, nec unicuique providentiæ gratiam sancti Spiritus defuturam, qua æquitas a Christi sacerdotibus et prudenter videatur, et constantissime teneatur: maxime quia unicuique concessum est, <sup>b</sup> si iudicio offensus fuerit cognitorum, ad concilia suæ provinciae, vel etiam universale, <sup>c</sup> provocare. Nisi forte quisquam est qui credat uni cuilibet posse Deum nostrum examinis inspirare justitiam, et innumerabilibus congregatis in concilium sacerdotibus denegare. Aut quomodo ipsum transmarinum iudicium ratum erit, ad quod testium necessariæ personæ vel propter sexus vel propter senectutis infirmitatem,

taverint, non provocent nisi ad Africana concilia vel ad primates provinciarum suarum. Ad transmarina autem qui putaverit appellandum, a nullo intra Africam in communionem suscipiuntur. Totidem verbis insertus est iste canon Codici can. Eccl. Afr. c. 125. Cujus litteræ si hæreamus, soli presbyteri inferioresve clerici, non episcopi, ad transmarina, hoc est ad apostolicam sedem, provocare prohibentur. At licet nunc Afri, ad idem decretum verba sua accommodantes, Coelestinum, ut presbyterorum et sequentium clericorum improba refugia repellat, rogent, nequam tamen episcoporum ad transmarina appellationes permittere se significant; immo quæ hac de re sententia sua sit, mox aperiant, cum Nicæna laudant decreta, quæ sive inferioris gradus clericos, sive ipsos episcopos, suis metropolitanis apertissime commiserunt. Et is quidem canon in laudato Codice can. Eccl. Afr. cap. 28 sic exhibetur, ut appellationes ad transmarina non minus episcopis quam cæteris clericis prohibitas fuisse doceat. Sic enim ejus clausula ibi effertur: Quod si et ab eis provocandum putaverint, non provocent ad transmarina iudicia, sed ad primates suarum provinciarum, aut ad universale concilium, sicut et de episcopis sæpe constitutum est. Unde in memorato Milevitani concilii canone episcoporum mentio videtur ideo prætermissa, quia de ipsis jam sæpe eadem res decreta fuerat. Porro hæc accessio, Sicut et de episcopis sæpe constitutum est, quam et Dionysius Exiguus asservavit, magnis controversiis, quibus dirimendis non sufficit marginalis angustia, locum dedit. Si tamen perpendamus hæc Cypriani sub finem epistolæ 55: Cum statutum sit omnibus nobis, et æquum sit pariter ac justum, ut uniuscujusque causa illic audiatur ubi est crimen admissum; si etiam alia, quæ idem sanctus his subnectit, cum iis quæ nunc Afri opponunt conferamus; facile unum in illis ingenium et animum a transmarinis appellationibus pariter abhorrentem deprehendimus.

<sup>a</sup> Hoc autem providerunt canone 5, quo præceperunt annis singulis per unamquamque provinciam bis in anno concilia celebrari, ut, communiter omnibus simul episcopis provinciae congregatis, discutiantur huiusmodi quæstiones, quæ obortæ fuerant. Eodem canone præterea ne episcopi extra fines provinciae suæ iudicentur velint esse pariter intellexerunt Orientales, ut in epistolam 4 Innocentii pag. 775, not. c., observavimus. Nec male dicunt Afri episcopos et inferioris gradus clericos metropolitanis suis eo ipso canone fuisse commissos; quia licet in hoc diserta metropolitani mentio non fiat, id tamen ipsi non immerito tribuitur, quod concilium provinciae cui præest, decernit ac iudicat.

PATROL. L.

A vel multis aliis impedimentis, adduci non <sup>d</sup> poterunt?

4. Nam, ut aliqui tamquam a tuæ sanctitatis latere mittantur, in nulla invenimus <sup>e</sup> Patrum synodo constitutum: quia illud quod pridem per eundem coepiscopum nostrum Faustinum tamquam ex parte Nicæni concilii exinde transmisisti, in conciliis veterioribus <sup>f</sup> quæ accipiuntur Nicæni a sancto Cyrillo coepiscopo nostro Alexandrinæ Ecclesiæ, et a venerabili Attico Constantinopolitano antistite, ex authentico missis, quæ etiam ante hoc per Innocentium presbyterum et Marcellum subdiaconum, per quos ad nos ab eis directa sunt, venerabilis memoriae Bonifacio episcopo decessori vestro a nobis transmissa sunt, in quibus tale aliquid non potuimus reperire.

5. Executores <sup>g</sup> etiam clericos vestros quibusque

<sup>b</sup> In ms. Reg., qui iudicio. Id porro concessum Milevitani concilii canone 22, et confirmatum in Codice can. Eccl. Afr. cap. 28 et 125.

<sup>c</sup> Ideoque concilium Carthaginense III, can. 2, constituit, prout hoc statutum Codici can. Eccl. Afr. insertum legitur, ut secundum Nicæna statuta propter causas ecclesiasticas quæ ad perniciem plebium veterascunt, singulis quibusque annis concilium convocetur, ad quod omnes provinciae quæ primas sedes habent de conciliis suis binos aut quantos delegerint episcopos mittant, ut congregato conventu plena possit esse auctoritas. Hinc quid Afri hic simpliciter concilium universale, quid concilium Carthaginense III, can. 7, concilium universale anniversarium, quidve Augustinus variis in locis concilium plenarium vocet, intelligere est. Quippe concilium quod universale appellatur, quia ex omnibus provinciis congregatum, plenarium item nuncupatur, quia in eo plena auctoritas sit.

<sup>d</sup> Incommodi hujus vitandi gratia, Cyprianus epist. 55 edixit: Oportet utique eos quibus præsumus... illic agere causam, ubi et accusatores habere, et testes sui criminis possint. Ideo et Afri Cod. can. Eccl. Afr. c. 30 caverunt, ut accusatus vel accusator in eo loco unde ille est qui accusatur, si metuit aliquam vim temerariæ multitudinis, locum sibi eligat proximum, quo non sit difficile testes producere ubi causa finiatur.

<sup>e</sup> Hoc igitur si in Sardicensi synodo, cui Gratus Carthaginensis episcopus interfuit, statutum fuisse comperissent, nullo, ut videtur, negotio suscepissent. Sed et ab hoc suscipiendo decreto non parum eos deterruit Faustini in toto illo negotio quidam typhus nec satis æqua agendi ratio.

<sup>f</sup> Reg. ms., qui accipiuntur. Græcus interpretes hunc locum ita vertit, ut legisse videatur, in exemplis veterioribus Nicæni concilii, quæ accepimus a sancto; quod sane nitidius est.

<sup>g</sup> Executores secundum superiorem epistolam n. 9 II vocabantur, qui tamquam executuri apostolicæ sedis sententiam destinabantur. Horum munus erat, eos quorum intererat convenire, ac de dicta sententia admonere et certiores facere, ut si intra certos dies iudicata re stare nollent, velut rebelles haberentur ac segregarentur. Hinc et actus ille quo conveniebantur, conventionis perinde et executionis nominibus donabatur. Ita porro Coelestinus epist. 10 n. 4 Cyrillum ut vicarium suum, ac suæ adversus Nestorium sententiæ executorem alloquitur: Auctoritate igitur tecum nostræ sedis ascita, vice nostra usus, hanc exsequeris districto vigore sententiam, ut aut infra decem dies ab hujus conventionis die numerandos pravas prædicationes suas scripta professione condem-



petentibus nolite mittere, nolite concedere; ne fu-  
mosum typhum sæculi in Ecclesiam Christi quæ lu-  
cem simplicitatis et humilitatis diem Deum videre  
cupientibus præfert, videamur inducere.

6. Nam de fratre nostro Faustino (amolo jam pro  
suis nefandis nequitias a de Christi Ecclesia dolendo  
Apiario) securi sumus, quod cum probitate ac mo-  
deratione tuæ sanctitatis, salva fraterna charitate,  
ulterius Africa minime b patietur. Et alia manu :  
Deus noster sanctitatem vestram ævo longiore oran-  
tem pro nobis custodiat, domine frater.

### c EPISTOLA III

COEDESTINI I PAPÆ AD EPISCOPOS ILLYRICI.

Quanta ejus cura de provincia Illyrici. Qui quominus  
Felix Dyrrhacene provincie episcopus a quadam  
factione sit oppressus, obtulerit. Vicem suam se  
Ruso commisisse. Quæ illius potestas.

Dilectissimis fratribus d PERIGENI, DYNATO, BASILIO,  
SAPIO, PAULO, ÆTERNALI, SABATIO, JULIANO et SE-  
NECIONI episcopis per Illyricum COEDESTINUS.

Inter cæteras curas et diversa negotia quæ ad nos  
ex cunctis veniunt semper Ecclesiis, propensiorum  
nos etiam vestri sollicitudinem gerere, et ex decre-  
torum nostrorum sanctione discetis, et ipsarum qua-

net, etc. Et ad calcem epistolæ 41 Nestorium de  
missa a se formula, cum qua eum Cyrillus conveni-  
ret, secundum veterem interpretem admonet his ver-  
bis : Palam igitur agnosce hanc nostram esse senten-  
tiam, quia... nisi hanc infidelem novitatem ab adgranda-  
et veneranda Scriptura sejuxeris, et intra decem dies  
a primo innotescitis tibi hujus EXECUTIONIS die nu-  
merandos aperta et scripta professione damnaveris, ab  
omni catholica Ecclesia excommunicatum. Hinc illu-  
stratur quod in codice canonum Ecclesiæ Africane  
c. 96 legimus : Placuit præterea, ut EXECUTORES in  
omnibus desideriis quæ habet Ecclesia, quinque postu-  
lentur, qui in diversis provinciis impertiantur; ut ni-  
mirum decreti de conveniendis Donatistis, in eodem  
Codice cap. 91 præmissi, executionem curent. Quo-  
circa subinde cap. 123 statuitur ut si episcopus in  
convertendis Donatistis negligens fuerit, a vicinis  
episcopis conveniatur; ac post tres ab hinc menses,  
si in negligentia perstiterit, non ei communicetur,  
ea tamen conditione posita, si in ejus provincia exe-  
cutio fuerit. Alioquin præcipitur, ut si exsecutor ad  
loca non venerit, non ascribatur episcopo. Inuit præ-  
terea Augustinus in epistola superiori n. 4 clericos  
illos exsecutores a Romano episcopo destinatos pu-  
blicarum potestatum et militarium manuum præsi-  
dium, quo apostolicæ sedis sententiam exsequerentur,  
interdum adhibuisse. Sed hic Afri fastum in eis, non  
violentiam arguunt. Utrumque vero Leo epist. 12  
in Anastasio palam reprehendit : primum quidem n.  
2 his verbis : Dum dominari magis quam consulere  
subditis placet, honor inflat superbiam, et quod pro-  
visum est ad concordiam, tendit ad noxam; alterum  
vero num. 3 in hunc modum : Nudatum est illud,  
aditam scilicet Illyrici præfecturam et sublimissimam  
inter mundanos apices potestatem in exhibitionem in-  
sonitis antistitis excitatam; ut missa EXECUTIONE TER-  
RIBILI, quæ omnia sibi publica officia adjungeret, etc.  
Sed hujusmodi executiones nullo vel suo, vel deces-  
sorum suorum scripto apostolicæ sedi umquam pro-  
batas esse idem papa in fine num. 2 astruit. Ipse  
simplicius exsequendi verbo utitur in his epist. 73,  
nostros post diem venerabilem dirigemus, qui... ea  
quæ a nobis fuerint constituta exsequantur; aut cum  
epist. 76 Lucentium et Basilium a se missos scribit,  
qui dispositiones meas, inquit, secundum eas quas ac-

litate causarum poteritis advertere. Nunc tamen  
Dyrrhacene provincie causa nos e monuit, ubi quo-  
rundam accusantium factione frater et coepiscopus  
noster f Felix, si non nostra intervenisset diligentia,  
fuisset oppressus. Nec nova hæc sedi apostolicæ cura  
de vobis est : statutum e nostris sæpius experimen-  
tum hoc, quod nos agimus, Thessalonicensi Eccle-  
siæ semper esse commissum, ut vobis vigilanter in-  
tendat. Facile disciplinæ subdi se patitur, qui ipsam  
ut concedet amplectitur disciplinam. Ita enim or-  
dinatio cuncta se habet, ut majoribus ea quæ sub  
his esse docentur, obediant, et in hoc gradu regula-  
rum cuncta vertuntur. Nosque præcipue circa omnes  
cura constringimur, quibus necessitatem de omnibus  
tractandi Christus in sancto Petro apostolo, cum  
illi claves aperiendi claudendique daret, indulsit;  
et inter apostolos suos, non qui altero esset inferior,  
sed eum maxime qui esset primus, legit. Dominen-  
tur h nobis regulæ, non regulis dominemur; sinus  
subjecti canonibus, cum canonum præcepta serva-  
mus. Sunt culpæ aliquantæ non leves, quæ illis in-  
natæ provinciis ad nos, cum simus longius, non  
possunt pervenire; aut jam semotis omnibus, non  
ita ut sunt acta, interposito temporis spatio perfe-

ceperunt regulas exsequantur. At asperius aliquid so-  
nat idem verbum apud Gregorium lib. xii ind. 5 epist.  
31, ubi Joanni primæ Justinianæ episcopo præcipi-  
tur, ut contumacem quemdam episcopum nomine  
Paulum, districta faciat executione compelli.

a In ms. Colb. hic additur, a semetipso separatus :  
C quod admitti posset, si præmitteretur, qui est. In  
superioris epistolæ clausula eum, qui ipse se separet,  
segregandum esse definitur.

b Ita codex Colb.; alii vero, patietur.

c Ex bipartita collectione Romana quæ Lucæ Hol-  
stenii opera in lucem prodiit, a nobis descripta est.  
Etiam si quo anno scripta sit certo nequeat definiri,  
illud tamen asserere liceat, primam illam videri, qua  
Cœlestinus Illyrici episcopos de vice sua per ipso-  
rum provincias Ruso demandata certiores fecerit.  
Ut autem ei hanc quantocius demandaret, induceba-  
tur tum decessorum exemplis, tum novis molitioni-  
bus nonnullorum qui Romanæ sedis in Illyricum jura  
antiquare, et ad Constantinopolitanum antistitem  
transferre tentaverant. Quapropter epistolam istam  
sequentibus anteriorem facile credimus. Ac præterea  
de Nestorii rebus altum silentium non levi indicio  
est, hunc hæreticum nihildum in Ecclesia movisse,  
cum scripta est.

d Ephesino in concilio act. 6 recensetur Perigenes  
episcopus Corinthi Bonifacii epistolis satis notus;  
item Dynatus, seu Dinatus, vel Donatus episcopus  
Nicolopolis Epiri veteris, ac Senecion episcopus Sco-  
drensium. Ad hæc, Henricus Noris. Hist. Pelag. lib.  
ii c. 9 pag. 232 et 233, Basilium Larissæ in Thessa-  
lia, et Julianum Sardicæ seu Serdicæ (corrupte non-  
nullis in scriptis Eridicæ) in Dacia mediterranea,  
metropolitanus fuisse probat

e Forte, movit.

f Notatur et in actione 6 concilii Ephesini Felix  
Apolloniæ, quæ Dyrrhacene provincie seu Epiri  
novæ urbs est celebris, episcopus.

g Forte, nostis sæpius experimento.

h Huc spectat monitum Augustini in superiori  
epistola 1 num. 9, Cœlestinum obsecrantis per beati  
Petri memoriam, qui Christianorum præpositos popu-  
lorum monuit, ne violenter dominantur in fratres. Quod  
quidem Cœlestinus, cum hæc scriberet, in mente  
habuisse haud temere censeatur.



rantur; quas omnes nos intercessione fratris et coepiscopi nostri Rufi, cujus experientiam comprobata esse in causis omnibus et vitæ actibus liquet, volumus resecari. Cui vicem nostram per vestram provinciam noveritis esse commissam: ita ut ad eum, fratres charissimi, quidquid de causis agitur, referatur. Sine ejus consilio nullus ordinetur: nullus usurpet, eodem inconseio, commissam <sup>a</sup> illi provinciam. Colligere nisi cum ejus voluntate episcopos non præsumant: per eum etiam ad nos, si quid est, referatur. Sed hac præceptione cognoscent, et eum qui refragandum nostræ auctoritati vel illius crediderit jussioni, a fraternitatis cœtu, cum ipse <sup>b</sup> se separet, segregandum.

#### <sup>c</sup> EPISTOLA IV

COEDESTINI PAPÆ I AD <sup>d</sup> EPISCOPOS PROVINCE VIENNENSIS ET NARBONENSIS.

- I. Quod non debeant sacerdotes aut clerici palliis amicti aut præcincti lumbis in ecclesia ministrare. —
- II. Quod nulli sit ultima pœnitentia deneganda. —
- III. Quod per gradus ecclesiasticos ad episcopatus debeat officium perveniri. — IV. Quod unaquæque provincia suo metropolitano debeat esse contenta. —
- V. Quod nolentibus (addit Isid. clericis vel populis) nemo debeat episcopus ordinari. — VI. Quod ab illicitis sit ordinationibus abstinendum.

<sup>a</sup> Quod Nicæna synodus metropolitano cuique in sua provincia, eorumque conciliis bis in anno congregandis, vindicat, id Thessalonicensi episcopo hic et deinceps attribui vir eruditus observat; adeoque et cum superioribus, quibus Cœlestinus regulis se non dominari, sed subjectum esse profitetur, ista componi non posse censet. Verum eadem synodus eodem canone 6 constituit ut suis privilegia serventur Ecclesiis. Nec ullus inficias ierit, nihil hic Thessalonicensi episcopo a Cœlestino attribui, nisi quod saltem a Damaso ejusque successoribus constanter ei concessum fuerit. Nil igitur adversus synodum decrevit Cœlestinus, cum privilegium tot decessorum suorum auctoritate firmatum servari voluit. Præterea metropolitanis Illyrici episcopos vel ordinandi vel colligendi non omnimodam negat potestatem, sed ne alterutrum præter episcopi Thessalonicensis conscientiam aggrediantur, dumtaxat cavet. Quo autem modo et Thessalonicensis antistitis privilegium et metropolitanarum jura servanda sint, Leo epist. 14, n. 8, 9 et 10 explicat.

<sup>b</sup> Voculam se supplemus, quam librariis, cum ter repeteretur, semel excidisse nil mirum est. Hac clausula Cœlestinus, ut et infra epist. 12, n. 4, segregationis seu excommunicationis invidiam in ipsum met reum confert. Ita et Afros, Apiario amoto, eandem in hunc presbyterum contulisse postrema in epistolam 2 nota est probatum.

<sup>c</sup> In edit. Concil. 11. Quæ autem 4 erat, nunc 11. Exstat in plerisque omnibus antiquis collectionibus, puta Dionysii Exigui, Hadriani, codicis a Quesnello vulgati, Hispana, Isidori Mercatoris, nec non in ea quam exhibent pervetusta exemplaria, Corbeïense, Colbertinum litteris Longobardicis exaratum. Laudatur a Cresconio in Breviario can. et aliis.

<sup>d</sup> Apud Quesn., ut in uno ms. Colb., inscribitur, ad episcopos Viennenses et Narbonenses constitutio titulum XI nullo tamen subjecto titulo. In veterimo codice Corb. tota in hæc octo dividitur capitula: I. de sacerdotibus superstitioso cultu deservientibus; II. de pœnitentiis morientibus non negari; III. de imperiis episcopis ordinandis; IV. de ordinationibus sacerdotum; V. de accusatione virginum monacharum; VI. de reservato privilegio sedi apostolicæ; VII. de

A COEDESTINUS universis episcopis per Viennensem et Narbonensem provincias constitutis <sup>a</sup>.

1. Cuperemus quidem de vestrarum Ecclesiarum ita ordinatione gaudere, ut congratularemur potius de profectu quam aliquid admissum contra disciplinam ecclesiasticam doleremus. Ad nostram enim lætitiā et bene facta perveniunt, et mœroris aculeis nos quæ fuerint male facta compungunt. Nec, silere possumus, <sup>c</sup> cum hoc, ut ab illicitis revocemus aliquos, officii nostri provocemur instinctu; in speculis a Deo constituti, ut vigilantia nostræ diligentiam comprobantes, et quæ coercenda sunt resecemus, et quæ observanda sunt sanciamus. <sup>e</sup> Circa quamvis longinqua spiritalis cura non deficit, sed per omnia qua nomen Dei prædicatur extendit; nec <sup>B</sup> notitiam nostram subterfugiant quæ in eversionem regularum, novellæ præsumptionis auctoritate, tentantur.

CAP. I. — 2. Didicimus enim quosdam Domini sacerdotes superstitioso potius cultui inservire quam mentis vel fidei puritati. Sed non mirum, si contra ecclesiasticum morem faciant, qui in Ecclesia non creverunt, sed alio venientes <sup>b</sup> e ritu, secum hæc in Ecclesiam, quæ in alia <sup>i</sup> conversatione habuerant,

<sup>C</sup> omnium metropolitanorum jure servato; VIII. de conjunctionibus qui ad sacerdotium admittendi sunt. Dionysius autem Exiguus totam epistolam in quinque partitus est titulos, quorum primus apud ipsum XIV, secundus XV, et sic deinceps numerantur, quia nimirum duas alias Cœlestini epistolas, quas in XIII titulos divisit, huic præmittit. Titulos illos ex ipso descriptos exhibemus.

<sup>e</sup> Dion. et Isid. hic addunt, in Domino salutem, quod abest a potioribus mss.

<sup>f</sup> Edit. Rom. et conc. post Crab., ad hoc. Præpositionem ad expungimus auctoritate Merl. et omnium mss. Solus Quesn. locum hunc ita exhibet: Quin ab illicitis revocemus aliquos, et officii nostri provocemus ad bonum instinctu.

<sup>g</sup> Editi cum Dion. et Isid.: Et quamvis circa longinqua; quinque optimorum mss. auctoritate corriguntur.

<sup>h</sup> Editi ac plures mss. itinere vel in itinere; emendantur ope codicis Corbeïensis sæculo vi scripti et unius Colbertini, in quibus exstat irritum, pro e ritu, hoc est norma et ratione vivendi. In altero ms. post verbum creverunt, proxime subjicitur, Quæ enim in alia conversatione. Porro illud in Ecclesia non creverunt, non ita intelligendum, quasi extra Ecclesiam in hæresi aut schismate adoleverint; sed ibi Ecclesia ecclesiasticum ordinem, cui monasticus opponatur, sonat. Neque obscurum est eos hic notari, quos ex monasteriis ad Ecclesiarum suarum regimen Narbonensis aliæque vicinarum provinciarum civitates accersere amabant. Aliquamdiu tamen ad non mediocrem Ecclesiæ utilitatem perseveravit hæc e monasteriis, præsertim Lirinensi, episcopos variis civitatibus quærendi consuetudo.

<sup>i</sup> Hoc est, in alio vivendi genere. Quocirca non placet quod in duobus mss., conversione. Mabillonius noster, præfat. in ii part. sæc. iv act. Bened. n. 179, observat episcopis monasticum prius professis jam sæculo v religioni fuisse monasticum habitum penitus abjicere. Tum ex hoc loco probat (quod ut certum omnino et evidens confirmare nolum, videri tamen potest probabile) nonnullos etiam episcopos, quamvis monasticæ vitæ expertes, eorum exemplo monasticum habitum suscepisse. Saltem de



intulerunt; amicti pallio, et lumbos præcincti, credentes se Scripturæ fidem, non per spiritum, sed per litteram completuros. Nam si ad hoc ista præcepta sunt, ut taliter servarentur; cur non sunt pariter quæ sequuntur, ut lucernæ ardentes in manibus <sup>a</sup> una cum baculo teneantur? Habent suum ista mysterium, et intelligentibus ita clara sunt, ut ea magis qua decet significatione serventur. Nam in lumborum præcinctione castitas, in baculo regimen pastorale, in lucernis ardentibus boni fulgor operis, de quo dicitur: *Opera vestra luceant* (Matth. v, 16), indicantur. <sup>b</sup> Habeant tamen istum forsitan cultum, morem potius quam rationem sequentes, qui remotioribus habitant locis, et procul a cæteris degunt. Unde hic habitus in Ecclesiis Gallicanis, ut tot annorum tantorumque pontificum in alterum habitum consuetudo vertatur? Discernendi <sup>c</sup> a plebe vel cæteris sumus doctrina, non veste; conversatione, non habitu; mentis puritate, non cultu. Nam si studere incipiamus novitati, traditum nobis a patribus ordinem calcabimus, ut locum supervacuis superstitionibus faciamus. Rudes ergo fidelium mentes ad talia non debemus inducere. Docendi enim sunt potius quam <sup>d</sup> ludendi. Nec imponendum eorum est oculis, sed mentibus infundenda præcepta sunt. Erant quidem multa, quæ pro disciplina ecclesiastica vel ipsius rei dicere ratione possemus; sed ab his ad alia revocamur.

CAP. II. — 3. Agnovimus pœnitentiam morientibus denegari, nec illorum desideriis annui, qui obi-

is qui a monasticæ vitæ professione ad episcopatum assumpti fuerant, hic prædicatur, *Amicti pallio*. Et huiusmodi quidem pallio Cæsarium Arelatensem, ubi ad episcopatum accersitus venit, amictum fuisse Ennodius epist. 150 notat. Quocirca mox dictis verbis pallium monasticum rectius intellexerimus, quam cum Holstenio notis in epistolam Damasi ad Acholium et socios pallium philosophicum, quod a Damaso in eadem epistola habitus idoli vocatur, et a quo philosophi ab Augustino lib. xiii de Civ. Dei c. 46 cognominantur *Palliatii*. Tacendum non est quod Cresconius cum hoc Cœlestini loco sub eodem titulo copulat et istum concilii Gangrensis can. 12: *Si quis virorum propter continentiam, quæ putatur, amictu pallii utitur, quasi per hoc habere se iustitiam credens, et despicit eos qui cum reverentia birris et aliis communibus et solitis utuntur vestibus, anathema sit*. Unde apparet pallium speciale quoddam fuisse professæ continentiæ indicium.

<sup>a</sup> Hæc verba, *una cum baculo*, in uno ms. Colb. et altero Laudun. desunt. Ea omittenda non esse ex subnexis planum est. Eane a Cœlestino in Evangelio Lucæ tunc lecta sunt, quæ nunc in nullo exemplari legimus? Nihil forte aliud voluit ille papa, nisi ut ostenderet quam incommodum foret, si præsules cum baculo quem ecclesiastico usu gestare solent, etiam lucernas ardentes in manibus ex evangelicæ litteræ præscripto tenerent.

<sup>b</sup> Edit. Rom. et concil. cum exemplis coll. Had., *habent*. Rectius alii libri, *habeant*. Permittit quippe Cœlestinus habitum illum singularem remotiorum locorum habitatoribus, hoc est monachis qui procul a cæteris hominibus degebant, cuiusmodi erant Lirinensis insulæ incolæ. Jam igitur mos et usus obtinuerat, ut a vulgo monachi vestibus sæcernerentur.

<sup>c</sup> Inde confici censent eruditi, laicorum clericorumque vestes primis Ecclesiæ sæculis fuisse com-

munis sui tempore hoc animæ sue cupiunt remedio subveniri. Horremus, fateor, tantæ impietatis aliquem reperiri, ut de Dei pietate desperet: quasi non possit ad se quovis tempore concurrenti succurrere, et periclitantem sub onere peccatorum hominem, pondere quo se ille expediri desiderat, liberare. Quid hoc, rogo, aliud est, quam morienti mortem addere, ejusque animam sua crudelitate, ne absoluta esse possit, occidere? cum Deus ad subveniendum paratissimus, invitans ad pœnitentiam, sic promittat: *Peccator, inquit, quacumque die conversus fuerit, peccata ejus non imputabuntur ei* (Ezech. xxxiii, 15). Et iterum: *Nolo mortem <sup>e</sup> peccatoris, sed tantum convertatur, et vivat* (Ibid., xviii, 23). Salutem ergo homini adimit, quisquis mortis <sup>f</sup> præteriti tempore pœnitentiam denegarit. Et desperavit de clementia Dei, qui eum ad subveniendum morienti sufficere vel momento posse non credidit. Perdidisset latro præmium in cruce ad Christi dexteram pendens (Luc. xxiii, 42), si illum unius horæ pœnitentia non juvisset. Cum esset in pœna, pœnituit, et per unius sermonis professionem habitaculum paradisi Deo promittente promeruit. Vera ergo ad Deum conversio in ultimis positorum, mente potius est æstimanda, non tempore, propheta hoc taliter asserente: *Cum conversus ingemueris, tunc salvus eris* (Ezech. xviii, 53). Cum ergo sit Dominus cordis inspector, quovis tempore non est deneganda pœnitentia postulanti, cum illi se obliget iudici cui occulta omnia noverit revelari.

C munes. Nominatim vero Sirmondus apud Lab. tom. II Concil. pag. 1817 clericos a cæteris non in vita solum communi, sed et sacro in ministerio habitu discretos fuisse astruit. Nec dissimulat quod Hieronymus hæc Ezechielis xliv, 17: *Cumque ingredientur portas atrii interioris, vestibus lineis induentur, ita commentatur: Per quæ discimus, non quotidianis et quibuslibet pro usu vitæ communis pollutis vestibus nos ingredi debere in sancta sanctorum, sed munda conscientia et mundis vestibus tenere Domini sacramenta*. Neque hinc de sententia movetur. His quippe Hieronymi verbis mundiores quidem et nitidiores, sed non singulares et ad sacrum dumtaxat ministerium destinatas vestes commendari intelligit. Idem sentit et de eo quod idem doctor dial. 1 contra Pelagium, qui vestium ornatum Deo adversari contendebat, ait: *Quæ sunt, rogo, inimicitie contra Deum, si tunicam habeo mundiorum, si episcopus, presbyter et diaconus et reliquus ordo ecclesiasticus in administratione cum candida veste processerint?* Ibi enim candidam vestem interpretatur nitidam. Observant alii, vestes illas nitidas, dum rarius in usum adhiberentur et asservarentur studiosius, eoque pacto citius mutaretur communis vestium forma, quam illæ perirent, paulatim evasisse singulares.

<sup>d</sup> Merl. Crab. et edit. Rom. cum Isid. illudendi.

<sup>e</sup> Veterrimus codex Corb., *mortem morientis*; ac deinde, *tantum revertatur*, ubi apud Quesn., *sed magis ut convertatur*.

<sup>f</sup> Editi cum ms. Pith., *mortis tempore speratam pœnitentiam denegarit*. E cæteris mss. nullus, sicut nec Ivo, habet *speratam*. Sed vetus Corb. cum uno Colb. præ se fert, *prætereat tempore pœnitentiam denegare*. Nonnulli alii, *præterea tempore pœnitentiam denegavit*. Verius reliqui, *præteriti*, etc.; quod ita foret clarius: *mortis tempore pœnitentiam præteriti denegarit*. Eodem loquendi modo epist. 22 n. 5 visur sumus: *Nunc quia de præteriti emendatione gaudemus*.



CAP. II. — 4. Ordinato vero quosdam, fratres charissimi, episcopos, qui nullis ecclesiasticis ordinibus ad tantæ dignitatis fastigium fuerint instituti, contra <sup>a</sup> Patrum decreta, hujus usurpatione qui se hoc recognoscit fecisse didicimus; cum ad episcopatum his gradibus quibus frequentissime cautum est debeat perveniri, ut minoribus initiati officiis ad majora firmentur. Debet enim ante esse discipulus, quisquis doctor esse desiderat, ut possit docere quod didicit. Omnis vitæ institutio hac ad id quo tendit se ratione confirmat. Qui minime litteris operam dedit, præceptor esse non potest litterarum. Qui non per singula stipendia creverit, ad meritum stipendii ordinem non potest pervenire. Solum sacerdotium inter ista, rogo, vilius est? quod facilius tribuitur, cum difficiliter impleatur.

5. Sed jam non satis est laicos ordinare, quos nullus fieri ordo permittit, sed etiam quorum crimina longe lateque per omnes pene sunt nota provincias, ordinantur. Daniel, nuper missa relatione ex Orientalibus ad nos partibus, ab omni quod tenuerat virginum monasterio nefariis est objectionibus accusatus. Multa <sup>b</sup> de multis objecta flagitia. In quam lateret terrarum parte quæsitus est, ut si suæ innocentiae confideret, contra se iudicium postulatum minime declinaret. <sup>c</sup> Missum ad Arelatensem episcopum per Fortunatum subdiaconum nostrum, ut ad iudicium destinaretur, epistolium. Tantis gravatus testimoniis, tanta facinorum accusatione pulsatus, sacrarum, ut dicitur, virginum pollutus incestu, episcopus asseritur ordinatus (in nostris libelli seriniis <sup>d</sup> continentur, quorum ad vos quoque exemplaria

A direximus), in pontificii dignitatem hoc tempore, quo ad causam dicendam missis a nobis litteris vocabatur, obrepsit. Sacro nomini absit injuria. Facilius est ut hanc dignitatem tali dando ipse amiserit <sup>e</sup> ordinator, quam eam obtineat ordinatus: cui convicto sociabitur qui eum sibi credidit, largiendo pontificium, sociandum. Qualis enim ipse sit, quisquis tales ordinavit, ostendit. His ergo in medium nunc deductis, cum plerique vestrum sint, qui apostolicæ sedis statuta cognoverint, nobiscum tempore aliquanto versati, ad disciplinæ normam, nostris conventa adhortationibus, omnia fraternitas vestra revocare festinet.

CAP. IV. — 6. Primum, ut, juxta decreta canonum, unaquæque provincia suo metropolitano contenta sit, ut decessoris nostri <sup>f</sup> data ad Narbonensem episcopum continent constituta, nec <sup>g</sup> usurpationi locus alicui sacerdoti in alterius concedatur injuriam. Sit concessis sibi contentus unusquisque limitibus; alter in alterius provincia nil præsumat.

7. Nec emeritis in suis ecclesiis clericis peregrini et extranei et qui ante ignorati sint, ad exclusionem eorum qui bene de suorum civium merentur testimonio, præponantur, ne novum quoddam, de quo episcopi liant, institutum videatur esse collegium. — CAP. V. Nullus invitis detur episcopus. Cleri, plebis et ordinis, consensus ac desiderium requiratur. Tunc alter de altera eligatur Ecclesia, si de civitatis ipsius clericis cui est episcopus ordinandus, nullus dignus, quod evenire non credimus, potuerit reperiri. Primum enim illi reprobandi sunt, ut aliqui de alienis ecclesiis merito præferan-

<sup>a</sup> Siricii videlicet epist. 5, n. 5. Innocentii epist. 57 n. 4, Zosimi epist. 9 n. 2. His addit scholiastes in Harl'o ms. Silvestri decretum 11 et 12 ex Constituto videlicet, quod in appendicem tom. II amandavimus.

<sup>b</sup> Edit. Rom. et Lab., a multis. Unus ms., quæ a multis.

<sup>c</sup> Ita vetus codex Corb. cum Colb. nisi quod in hoc episcopalem, in illo episcopatum, loco vocis epistolium, exstet. Eandem lectionem confirmat alter ms. Colb. Longobardicis litteris exaratus, utpote in quo legitur, *Missæ ad Arelatensem episcopum per Fortunatum subdiaconum nostrum, ut ad iudicium destinaretur, epistolæ*. Ab hoc primævæ collectionis Dionysii exemplar regium tantum in eo distat, quod ante verba, *ut ad iudicium*, præ se fert præceptiones perperam additum. Hinc in exemplis coll. Hadr. factum, *Missæ... præceptiones ut ad iudicium destinaretur episcopale*. Inde in priscis edit. concil. et Rom. ut in mss. Isid. obtinuit, *Missæ sunt... præceptiones, ut ad iudicium episcopale destinaretur*; Sirm. *Missæ sunt... ut ad iudicium episcopale destinaretur, epistolæ*; Quesn. cum tertio ms. Colb. et Lab., *Missæ est* (Lab. omittit est), *ut ad iudicium episcopale destinaretur, epistola*. In hoc peccant omnes illæ lectiones, vel quod additum verbum *præceptiones* habeant, vel quod ex corrupta voce *epistolæ* inductum *episcopale* vocabulum una cum ipsa *epistolæ* voce retineant. Neque vero de episcopali provinciæ Arelatensis iudicio, sed de iudicio apostolicæ sedis, ad quam delatum fuerat Danielis nomen, sermonem hic esse, verbum *destinaretur* ac tota orationis series suadent. Prædictæ vocis *episcopale* accessione deceptus vir

eruditus, quæsitum existimavit Daniele, ut ad orientales episcopos, ab iis ut propriis episcopis iudicandus, destinaretur. Verum ipse Cœlestinus, infra, num. 9, de mente sua ambigere nos non sinit, ubi de eodem Daniele subjicit, *qui se nostro* (non Orientalium) *iudicio debet objicere*. Porro *epistolium* perinde est atque mandatum litteris denuntiatur. Quocirca qui nunc *misso epistolio*, mox *missis a nobis litteris* vocatus dicitur. Is vero episcopus, ad quem missum hoc epistolium, Honoratus fuit, qui Patrolo anno 426, ut Prosper in Chronico auctor est, cæso successit.

<sup>d</sup> Edit. Rom., *continetur*; Merl. et Crab. post Isid., *ut in nostris libellis scrinii continetur*; Quesn., *et ut in nostri scrinii libellis continetur*; emendantur ex aliis libris. Monet Cœlestinus libellorum ad se a toto virginum monasterio adversus Daniele, missorum, quorum apographa mittit, autographa in apostolicæ sedis scriniis asservari.

<sup>e</sup> Ordinatorem hujusmodi, non secus atque ordinatum, eadem poena plecti pariter Zosimus epist. 7 n. 2 vult.

<sup>f</sup> Bonifacii epist. 12.

<sup>g</sup> In vulgatis ut in ms. Pith., *usurpationis*. In exemplis coll. Hadr. et Isid., *usurpatione*. Istud Cœlestinus post laudatam epistolam Zosimi ad Hilarium Narbonensem subjiciens, privilegium quod Patroclus in duas Narbonenses provincias obtinuerat usurpationis arguere videtur ac notare. Nec aliud quidem Leo epist. 41 n. 7 de hoc privilegio sentit. Fatendum tamen est generalem hic a Cœlestino de omnibus provinciis regulam præscribi, seu potius confirmari.



tur. Habeat unusquisque <sup>a</sup> suæ fructum militiæ in Ecclesia in qua suam per omnia officia transegit ætatem. In aliena stipendia minime alter obrepit, nec alii debitam alter sibi audeat vindicare mercedem. Sit facultas clericis renitendi, si se viderint prægravari; et quos sibi ingeri ex transverso agnoverint, non timeant refutare. Qui si non debitum præmium, vel liberum de eo qui eos rectorus est, debent habere iudicium.

CAP. VI. — 8. Abstineatur ab illicitis ordinationibus. Nullus ex laicis, nullus digamus, nullus qui sit viduæ maritus aut fuerit, ordinetur; sed irreprehensibilis, et qualem elegit Apostolus, fiat. Per Moysen Dominus præcepit: *Virginem accipiat sacerdos uxorem* (Levit. xxi, 13). Subsequitur et supplet Apostolus, eodem locutus spiritu, *unius uxoris virum* (1 Tim. iii, 2) debere episcopum consecrari. Ad hanc ergo eligantur formulam sacerdotes; et si quæ factæ sunt ordinationes illicitæ, removeantur: quoniam stare non possunt, nec discussionem nostram subterfugere poterunt, quamvis latere se æstiment <sup>b</sup> qui aliter pervenerunt, ut nulla religionis reverentia obscuritate fuscetur. Non sit vana gloriatio palliatis. Episcopalem morem, qui episcopi sunt, sequantur.

9. <sup>c</sup> Daniel, ut diximus, qui accusationem pontificali honore subterfugere se posse credidit, et ad fastigium tantum, accusatores suos <sup>d</sup> fugiendo, pervenit, a sanctitatis vestræ cœtu interim se noverit segregatum: qui se nostro iudicio debet obicere, si conscientia suæ novit confidentiam se habere.

10. <sup>e</sup> Massiliensis vero Ecclesiæ sacerdotem, qui dicitur, quod dictu nefas est, in necem fratris <sup>f</sup> taliter gratulatus, ut huic qui ejus sanguine cruentus advenerat, portionem cum eodem habiturus occur-

<sup>a</sup> In edit. Rom. ac posterioribus hic additur *clericorum*. Monet vir pius episcopale munus, quod summi ac sanctissimi viri semper ut formidandum fugerunt, non ab ipsis clericis velut fructum militiæ suæ, sed ab aliis censendum esse.

<sup>b</sup> Ita Quesn. cum vetere codice Capucin. Rotom. Editi alii cum uno ms. Colb. et altero Harlæo, secandis curis, *qui taliter*. Cæteri vero mss., *qualiter*.

<sup>c</sup> Unus codex Colb. cum Corb., *Danielum*: quam locutionem Hilario usitatam fuisse in nova ejus editione pag. 343 not. b, 379 not. a, 403 not. c, observatum est.

<sup>d</sup> Regium coll. Dion. exemplar, *dolendo*. Exemplar coll. Hadr. et Isid. necnon editi libri, excepto Quesn., *latendo*. Unus codex Colb. cum vetere Corb., *faciendo*. Verius alii duo Colb. ac Pith. cum Quesn., *fugiendo*.

<sup>e</sup> Corb. ms., *Massiliensis*. In Hadr. coll. exemplis, *Maxiliensis*. Is episcopus putatur Venerius.

<sup>f</sup> Edit. Rom. ac posteriores concil., *fratris sui*. Abest sui a Merl., Crab., Quesn. et mss. Notari hic videtur mors Patrocli Arelatensis episcopi, qui, ut loquitur Prosper in Chronico ad annum 425, *a tribuno quodam barbaro vulneribus laniatur*; sed hoc facinus ad occultam jussionem Felicis magistri militum referebatur. Quocirca hujus episcopi qui interemptus est, Massiliensis præsul frater censendus est dignitate, non genere. Nec mirum est inter successorem Procli, cui primatis prærogativam in illis provinciis Taurinensis synodus can. 1 indulserat, et

reret, <sup>g</sup> et vestro cum audiendum collegio delegamus. Data vii kalendas Augusti, <sup>h</sup> Flaviis Felice et Tauro viris clarissimis consulibus.

# I EPISTOLA V.

- I. *Quod nulli sacerdoti canones liceat ignorare.* — II. *Quod non oporteat, contemptis clericis Ecclesiarum, de laicis episcopos ordinari.* — III. *Quod docendus sit populus, non sequendus.*

COELESTINUS episcopus universis episcopis per Apuliam et Calabriam constitutis.

1. Nulli <sup>i</sup> sacerdotum suis licet canones ignorare, nec quidquam facere quod Patrum possit regulis obviare. Quæ enim a nobis res digna servabitur, si decretalium norma constitutorum pro aliquorum libito, licentia populis permissa, frangatur?

2. Audivimus quasdam propriis destitutas rectoribus civitates episcopos petere sibi velle de laicis, <sup>k</sup> tantumque fastigium tam vile credere, ut hoc iis qui non Deo, sed sæculo militaverint, æstiment nos posse conferre; non solum male de suis clericis, in quorum contemptum hoc faciunt, judicantes; sed de nobis pessime, quos credunt hoc posse facere, sentientes. Quod numquam auderent, si non quorundam illic his consentiens sententia conniveret. Ita nihil quæ frequentius sunt decreta proficiunt, ut hoc, quasi numquam de hac parte scriptum fuerit, ignoretur. Quid proderit per singula clericos stipendia militasse, et omnem egisse in Dominicis castris ætatem, si qui his præfuturi sunt, ex laicis requiruntur, qui vacantes sæculo et omnem ecclesiasticum ordinem nescientes, saltu præproprio in alienum honorem ambiunt immoderata cupiditate transcendere, et in aliud vitæ genus, calcata reverentia ecclesiasticæ disciplinæ, transire? Talibus itaque, fratres charissimi, qui juris nostri, id est, canonum

Patroclum qui hanc sibi Zosimo concedente arrogabat dignitatem, inimicitias et similtates quasdam exstitisse.

<sup>g</sup> Particula *et*, pro *etiam* posita, ex ms. Colb. revocatur, suffragantibus ei cæteris cum Merl. et Crab. in quibus ejus loco legitur *ex*. Subinde et eum expunxit Quesn., nec negandum est hanc voculam redundare, sed in omnibus mss. exhibetur.

<sup>h</sup> Julii 25 ann. 428. Prænomen Flaviis jam Sirm. restituerat ex ms. Corb. Exstat etiam in uno Colb. et Pith; nec moveri quis debet, quod iidem consules cod. Th. lib. iv tit. 6 leg. 2, et lib. vi tit. 2 leg. 15, etc., sine hoc prænominis notantur. In eodem quippe codice prænomen hujusmodi omitti solent. Antea codex Pith. præ se fert, *Datum vii kal.*

<sup>i</sup> Scripta anno 429. In edit. Conc. 3. Quæ autem 5 erat, nunc 14. In iisdem exstat mss. in quibus supriorem exstare præmonuimus. At non eadem est in omnibus titulorum divisio. Dionysius eam in tres partitus est, quos XX, XXI et XXII appellavit. Quatuor ei in ms. Corb. præmittuntur, quorum primus idem qui apud Dionysium; II. *de laicis qualiter admittantur ad clerum*; III. *item de laicis, ut in ordinationibus non præponantur clericis*; IV. *Hæc statuta in omnes Ecclesias innotescant*. Colbertinum codicis Quesn. exemplar unum hunc præ se fert: *Ut nullus laicorum ad ordinem sacerdotii admittatur*.

<sup>j</sup> Ita Siric. epist. 1, num. 21, dist. 38, c. 4.

<sup>k</sup> Vide concil. Nicæn. cap. 2.



gubernacula custodimus, necesse est obviemus: A  
hisque fraternitatem vestram epistolis commonemus,  
ne quis laicum ad ordinem clericatus admittat; et  
sinat fieri unde et illum decipiat, et sibi causas ge-  
neret quibus reus constitutis decretalibus fiat.

3. Docendus est populus, non sequendus. Nos-  
que<sup>a</sup>, si nesciunt eos quid liceat quidve non liceat,  
commonere, non his consensum præbere debemus.  
Quisquis vero conatus fuerit tentare prohibita, sen-  
tiet censuram sedis apostolicæ minime defuturam.  
Quæ enim sola admonitionis auctoritate non corri-  
gimus, necesse est per severitatem congruentem re-  
gulis vindicemus. Per totas hoc, quæ propriis re-  
ctoribus carent, Ecclesias volumus innotescat, ut  
nullus sibi spe aliqua forsitan blanditus illudat.  
Data<sup>b</sup> duodecimo kalendas Augusti, Flaviis Flo-  
rentio et Dionysio viris clarissimis consulibus.

#### MONITUM IN DUAS EPIST. SEQUENTES.

1. Dux ille epistolæ a Baronio primum ad an-  
num 430 e schedis Antonii Augustini, tum a Lab-  
beo tom. III Concil. pag. 349 e codice ms. veteris  
editionis Latine Ephesini concilii, postremo a Steph.  
Baluzio nov. coll. concil. pag. 428 ex tribus mss.  
editæ sunt. Ambas Joannes Garnerius primæ parti  
operum M. Mercatoris pag. 66 inseruit, cura et dili-  
gentia adhibita, qua eas ex proprii ingenii conjectu-  
ris emendaret. Græcus earum textus, quem unum  
sine interpretatione Latina Nestorius miserat, exci-  
dit. Earum saltem prima, dum expectaretur inter-  
pres, responso diu caruit. Utriusque, sicut et cæte-  
rarum, quæ vel Constantinopoli Romani Græce, vel  
Roma Constantinopolim Latine missæ sunt, obscura  
identidem et intricata interpretatio, indicio est in  
utraque illa urbe raros tum fuisse qui Latinam simul  
et Græcam linguam apprimè callerent, adeoque Cœle-  
stino pontifice de utraque illa civitate licuisse di-  
cere, quod de Constantinopolitana suo sæculo Gre-  
gorius lib. vii epist. 30 ad Narsen scripsit: *quia ho-  
die in Constantinopolitana civitate qui de Latino in  
Græcum dictata bene transferant non sunt; dum enim  
verba custodiunt, et sensus minime attendunt, nec  
verba intelligi faciunt, et sensus frangunt.* Qua in re  
nec Leonis ævum felicius fuisse Flaviani apud eum-  
dem Leonem epistolæ 37 antiquior interpretatio  
exemplo erit.

2. Epistolarum illarum veritatem non tantum Cœ-  
lestinus, sed etiam Cassianus et Cyrillus confirmant.  
Is quidem ad Joannem Antiochenum scribens, ipsa-  
met prioris epistolæ verba citare ac describere non  
dubitatur; sed quatenus epistolam illam *prolixam*  
(μακρὰν) dixerit, minus est perspicuum.

Neque tamen vel alia quærenda, vel ea, quæ ad  
nos pervenit, mutila videri debet. Illic autem *pro-  
lixa*, seu potius *longa* ideo forsitan appellata est,  
quia nequaquam de illo est breviorum epistolarum

genere, in quo quis sensus suos aperire timens, vix  
illos paucis relegit; cum Nestorius in epistola illa  
hæresim suam satis ample atque copiose asserat,  
adeo ut latere aut ambigua videri jam non possit.

3. In utramque cadit ista Cassiani de Nestorio ex-  
postulatio (Lib. i de Inc. c. 3), *quod intercessionibus  
suis Pelagianistarum querelas fovet, et scriptis suis  
causas illorum adjuvat.* Unde non levis conjectura  
capitur, saltem priorem anno 429 fuisse scriptam.  
Hoc quippe anno Julianum cum sociis Constantino-  
politana civitatem inquietudine sua perturbasse  
certum est. Nec alia de causa, nisi ut huic malo me-  
deretur, Marius Mercator in conspectu Florentii et  
Dionysii, hoc est ipso anno 429, Commonitorio  
ipsi Ecclesiæ Constantinopolitanæ aliisque oblato,  
Juliani ac sociorum hæresim et justam illius pro-  
scriptionem omnibus manifestam fecit.

Neque conjecturæ huic repugnat, quod Augusto  
dumtaxat mense anni 430 Cœlestinus ad Nestorium  
rescripsit. Nam et iste papa responsi tarditatem  
inde excusat; quod diu expectatus sit, qui Nestorii  
litteras Latine redderet. Forte etiam ex earum in-  
terpretatione manifestas in illis deprehendens hæ-  
reseos notas, rescribere citius timuit, donec de hoc  
loto negotio certior instructiorque fieret.

#### EPISTOLA VI

NESTORII AD COELESTINUM PAPAM URBS ROMÆ

*Ut ei significet quo pacto gerere se debeat cum epi-  
scopis quibusdam Occidentalibus, qui se iniqua pati  
expostulabant. Tum ut hæreticos traducat qui Deum  
Verbum natum, mortuum, sepultum, ac Mariam  
Θεότοκον asserebant.*

1. Fraternas nobis invicem debemus colloquio-  
nes, ut una inter nos secundum<sup>c</sup> obtinentem con-  
cordiam pugnaturi diabolus pacis inimicus. Quor-  
sum hoc anteloquium? Julianus quidam et Florus  
et Orontius et Fabius,<sup>d</sup> dicentes se Occidentalium  
partium episcopos, sæpe et piissimum et prædica-  
tissimum imperatorem adierunt, ac suas causas de-  
fleverunt, tamquam orthodoxi temporibus orthodo-  
xis persecutionem passi: sæpe eadem et apud nos  
lamentantes, ac sæpe rejecti, eadem facere non de-  
sierunt; sed insistunt per dies singulos, implentes  
aures omnium vocibus lacrymosis. Illis quidem ad  
eos sermonibus, quibus oportuit, usi sumus, cum  
negotii eorum veram fidem nesciremus. Sed quo-  
niam apertiore nobis de causis eorum notitia opus  
est, ne piissimus et christianissimus imperator no-  
ster molestiam sæpe ab his sustineat; ne nos, igno-  
rantes eorum causas, circa negotii defensionem di-  
vidamur, dignare nobis notitiam de his largiri, ne  
vel quidam, ignorando justitiam veritatis, importuna  
miseratione conturbentur, vel canonicam indignatio-

<sup>a</sup> Vide Gelas. epist. 2 num. 15.

<sup>b</sup> Julii 20 an. 429. In uno e mss. Colb., *Data xiii  
kal. Aug.*; in altero ut in Corb. *Data kal. Aug.* Tum  
alius item Corb. subdit, *ff. illi Florentini*, et Pith. *ff.  
II. Florentio et Dionysio*. Sicut pro augusti notarii  
scribere solent *aug. et augg.* geminata littera *g* pro  
augustis; ita cum pro Flavio pingere soleant *Fl.*,  
pro Flaviis pinxerunt *FFll.* Quocirca non placet  
quod vetus exemplar cod. Quesn. habet, *Flavio et  
Florentino et Dionysio*; sed præferimus cum uno  
Colb. et Corb., *Flaviis Florentino et Dionysio*. Aliis  
in libris desideratur *Flaviis*. Dionysius vero totam  
omisit chronicam notam, in cod. Th. lib. xvi tit. 8  
lex 20 iisdem consulibus consignatur.

<sup>c</sup> Ita Baluz. At Baron. et Lab., *secundum obtinente  
concordia*. Non displicet quod Labbeus ad marginem  
annotavit, *unanimitèr nobiscum obtinente concordia,  
impugnaturi*. Garnerius vero ipsum etiam textum ita  
composuit: *velut (vera inter nos secundum Scriptu-  
ras obtinente concordia) pugnaturi in Diabolum.*

<sup>d</sup> Illi Pelagianæ sectæ sunt antesignani. Julianus  
Eclanensis episcopus suis in Augustinum scriptis  
famosissimus evasit. Floro ille hæc scripta nuncu-  
pavit, in quibus et eundem apud Augustinum, lib.  
i Op. Imperf., c. 2, *piissimum patrem* appellat. Alter  
e præcipuis Pelagii discipulis, Anianus nomine, lu-  
cubrationem qua homilias Chrysostomi Latinitate do-  
navit, Orontio inscripsit. Vide infra epistolam 19 n. 6



nem beatitudinis tuæ, quæ contra eos pro sectis religionis forte <sup>a</sup> probata est, aliud quiddam quam hoc æstiment. Nam sectarum novitas <sup>b</sup> multam meretur defensionem a veris pastoribus.

2. Unde et nos non modicam corruptionem orthodoxiæ apud quosdam hic reperientes, et ira et lenitate circa ægros quotidie utimur. Est enim ægritudo non parva, sed affinis putredini Apollinaris <sup>c</sup> et Arii. Dominicam enim in homine unionem ad cuiusdam contemperationis confusionem passim commiscent: adeo ut et quidam apud nos clerici, quorum alii ex imperitia, alii ex hæretica fraude in se olim celata, qua plurima et Apostolorum temporibus contigerunt, tamquam hæretici ægrotent, et aperte blasphemant Deum Verbum Patri homousion, tamquam originis initium de Christotoco Virgine <sup>d</sup> sumpsisset, et <sup>e</sup> cum templo suo ædificatus esset, et carni consepultus. <sup>e</sup> Carnem dicunt post resurrectionem suam non mansisse carnem, sed in naturam transisse Deitatis. Ut in compendio dicam, <sup>f</sup> et

<sup>a</sup> Magis arrideret *prolata*, scil. indignatio. Ita Nestorius subdubitare se innuit, num expulsionis prædictorum Pelagii asseclarum alia exstiterit quam religionis causa.

<sup>b</sup> Baron. et Lab., *multum*; et ad marg., *nullam*: quam conjecturam Garn. in textum transtulit. Eam tamen recte Baluzius monuit a Nestorii mente esse alienam. Ille quippe hoc tantum sibi vult, quoties novæ excitantur sectæ, multam a pastoribus desiderari vigilantiam, ut a lupis oves defendant.

<sup>c</sup> Si re ipsa catholici quod illis affingebat Nestorius sensissent, humanam videlicet divinamque naturam in Christo confusam fuisse, Apollinaris et Arii errori valde affinis fuisset eorum sententia. Nam sicut ex prava Arii et Apollinaris opinione, qua Verbum vice animæ functum esse volunt, sequitur ut tristitia, dolor aliæque affectiones, quæ solius animæ sunt, in Verbi naturam ceciderint, ita et ex prædicatione naturarum confusione consequitur eadem perversitas. Sed catholici personæ unitatem ita propugnantes, ut naturas distinguere non desinant, ab Arii et Apollinaris commentis procul absunt. Vide Cyrillum epist. 4 ad Succensum pag. 131.

<sup>d</sup> Supple *tamquam*. Quocirca non placet quod apud Garn.: *Cum templo suo ædificatum esse et carni consepultum*.

<sup>e</sup> Baron. et Lab.: *Eandem dicunt post resurrectionem suam commiscuisse carnem, sed*. Garn.: *Eandem carnem dicunt post resurrectionem non mansisse, sed*. Baluz.: *Carnem dicunt post resurrectionem suam non miscuisse carnem, sed*: quæ lectio, sublato mendo, quo *miscuisse* pro *mansisse* irrepsit, omnino sincera est. Singulares autem Patrum locutiones, quæ calumniæ huic ansam præbuerunt, in generali præfatione novæ editionis Hilarii a numero 182 et deinceps explicantur.

<sup>f</sup> Suppressa conjunctione *et*, quæ hic abundat, tota evanescet hujus loci obscuritas. Quia nimirum catholici unigenitum Deum et natum profitentur et mortuum, calumniatur Nestorius, eos et nativitatem ex Virgine et mortem ad divinam referre naturam, perinde ac si divinitatem cum conjuncta carne simul nasci et simul mori sentirent. Quid nempe inter Deum nasci et divinitatem nasci differat, dissimulare solet, quamvis ipse apud Baluzium nov. coll. concil. pag. 693 discrimen aliquod inter utramque locutionem agnoscat, queraturque cum dixisset, Mariam non peperisse *divinitatem*, sic dictum suum mutatum, ut *divinitatis* loco *Dei* vox substitueretur.

<sup>g</sup> Propter vocis hujus usum Nestorius catholicis

A Deitatem Unigeniti et ad originem conjunctæ carnis referunt, et commortificant carni. Carnem vero conjunctam Deitati ad Deitatem transisse blasphemant ipso verbo *Deificationis*. Quod nihil est aliud nisi utramque corrumpere.

3. Sed et Virginem Christotococon ansi sunt cum modo quodam Theotococon dicere. Hanc enim <sup>b</sup> Theotococon vocantes non perhorrescunt: <sup>c</sup> cum sancti illi et supra omnem prædicationem Patres per Nicæam nihil amplius de sancta Virgine dixissent, nisi quia Dominus noster Jesus Christus incarnatus est ex Spiritu sancto et Maria virgine. Et taceo Scripturas, quæ ubique Virginem matrem Christi, non Dei Verbi, et per angelos et per apostolos prædicarunt. Propter quæ quanta certamina sustinuimus, æstimo famam præcedentem docuisse beatitudinem tuam; hoc quoque attendentem, quod non frustra certaverimus, sed emendati sunt gratia Domini multi ex iis, qui perversi erant discedentes a nobis. Quia propria <sup>d</sup> est parienti homousios nativitas, cui vivere commissa

invidiam facere conatus est, quasi humanam Christi naturam conversam in divinam prædicarent: eaque de causa libellum composuit, cui titulum indiderat, *Adversus eos qui propter unionem aut Unigeniti deitatem comminuunt, aut humanitatem DEIFICANT*. Quem libellum Cyrillus in epistola ad clericos CP. apud Labbeum tom. III Concil. p. 333 a refutat. Adeo vero *Deificationis* verbum carnis in Christo naturam periisse non sonat, ut eam etiam mutationem quæ a cæteris hominibus post resurrectionem speratur, eodem vocabulo enuntiare sancti Patres non dubitent. Bernardus lib. de Diligendo Deo cap. 40, de perfecta prælocutus charitate, quam in solis beatis esse postea declarat, virtutem illius ita exponit: *Sic affici, DEIFICARI est*. Augustinus hunc Deificationis modum explicat postremis hisce verbis Sermonis 166: *Deponentibus ergo mendacium, loquimini veritatem: ut et caro ista mortalis quam adhuc habetis de Adam, præcedente novitate spiritus, mereatur et ipsa innovationem et commutationem tempore resurrectionis suæ; ac sic totus homo DEIFICATUS inhæreat perpetuæ atque incommutabili Veritati*. Quomodo spiritus inhærendo carni carnalis, et caro obsequendo in omnibus spiritui spiritalis facta dicitur; ita homo post resurrectionem humanæ infirmitatis nihil habens, ac divinam quandam indutus virtutem, Deificatus prædicatur. Immo et ante resurrectionem corpus, quod Deus Verbum suscepit, ut in epistola ad Paulum Samosatenum Lab. tom. I pag. 847 e loquuntur Antiocheni concilii Patres, *θεοποιείται, Deificatum est*.

<sup>b</sup> Hunc locum diserte notat Cyrillus epist. ad Joannem Antioch. 1 part. concilii Ephes. c. 21, ubi de Nestorio habet: *In proluxa epistola ad dominum meum Cælestinum piissimum Ecclesiæ Romanæ episcopum missa, inter cætera adversus eos qui ab ipso dissentiant adjecit: Sacram virginem Dei genitricem dicere non horrent, ὅτι τὴν ἁγίαν παρθένον Θεοτόκον λέγοντες οὐ φρίτουσιν*. Eundem, ut videtur, summam perstringens Casianus lib. II de Incarn. c. 2 ait: *Dicitis itaque, quisquis es ille, hæretice, qui Deum ex Virgine natum negas, Mariam matrem Domini nostri Jesu Christi Theotococon, id est matrem Dei appellari non posse, sed Christotococon, id est CHRISTI TANTUM MATREM, NON DEI*.

<sup>c</sup> Ita Baluz. At Lab., quod sancti; Garn., quando sancti; et infra uterque, dixisse leguntur; pro dixissent.

<sup>d</sup> Apud Baron. et Lab., quia propria et parienti homousios nativitas, cui vivere commissa est: illa in homine unio creaturæ est humanitatis Dominicæ, Deo



est, illa in homine unio creatura est humanitatis A  
Dominicæ Deo conjunctæ ex Virgine per Spiritum.  
Si quis autem hoc nomen Theotocon propter natam  
humanitatem conjunctam Deo Verbo, non propter  
parentem proponet, dicimus quidem hoc vocabulum  
in ea quæ peperit, non esse conveniens. Oportet  
enim veram matrem de eadem esse essentia<sup>b</sup> ac ex  
se natum. Ferri tamen potest hoc vocabulum pro-  
pter ip-sam considerationem<sup>c</sup> et quod solum nomi-  
netur de Virgine hoc verbum propter inseparabile  
templum Dei verbi ex ipsa; non quia ipsa ma-  
ter sit Verbi Dei, <sup>d</sup> nemo enim antiquiorem se  
parit.

4. Hæc quidem existimo præcedentem famam  
significasse: exponimus vero etiam quæ contige-  
runt. Rebus ostendimus quia fraterno animo nego-  
tium eorum quos prædiximus nosse cupimus, non  
desiderio curiositatis importunæ; cum et nostra nar-  
ramus tamquam fratres fratribus, veritatem secta-  
rum nobis invicem publicantes, ut sit mihi littera-  
rum principium verissimum. Dixi enim, cum has  
litteras inciperem, quia fraternas nobis debemus in-  
vicem colloquutiones. Omnem quæ tecum est in Chri-  
sto fraternitatem ego et qui mecum sunt saluta-  
mus.

*conjunctæ ex Virgine per Spiritum.* Castigatio visa  
est lectio Baluzii, nisi quod ubi habet, *visio creatura*  
*est, præferendum duximus, unio creatura est.* Garne-  
rius vero hunc locum, mutando atque invertendo  
verba, ita emendare conatus est, ut nemo primige-  
nium textum ab eo exhiberi dixerit. Nestorii autem  
sententiam sic explicare licet: *Quia proprium est pa-*  
*rientis sobolem, cui vita* (Græce τὸ ζῆν pro τῇ ζωῇ) *im-*  
*partita est, homousion gignere: illa in homine unio*  
*humanitatis Dominicæ Deo conjunctæ ex Virgine per*  
*Spiritum creatura est, non Deus.* Quod quidem hæ-  
reticus ille apud Marium Mercatorem edit. Baluz.  
pag. 55 et seqq. apertius asserit in hæc verba: *Non*  
*Maria peperit Deum; quod enim de carne natum est,*  
*caro est. Non peperit creatura increabilem, sed peperit*  
*hominem deitatis instrumentum. Non creavit Deum*  
*Verbum Spiritus sanctus (quod enim incarnatus est,*  
*de Spiritu sancto est) sed Deo Verbo templum fabri-*  
*catus quod habitaret, ex virgine.*

<sup>a</sup> Forte, parientem.

<sup>b</sup> Particulam ac, quæ facile propter superiorem  
vocem in a desinentem exciderit, supplemus. Apud  
Baluzium autem post verbum *conveniens* proxime  
adjungitur: *Ferri tamen potest hoc verbum propter*  
*inseparabile templum Dei,* pluribus omissis.

<sup>c</sup> Pro et quod mallems eo quod. Mox ex Græca  
phrasi τοῦ ἐξ αὐτῆς, non simpliciter ex ipsa, sed quod  
ex ipsa ortum ducit, convertendum fuerat. Hoc enim  
sibi vult, Mariam dici Dei genitricem tolerabiliter  
posse ob unam illam rationem, quia corpus quod in-  
separabile Dei Verbi templum est, genuit. Quo-  
circa in sermone 4 quem post acceptas Cœlestini  
litteras protulit, apud M. Mercatorem pag. 78, per-  
mittit ut dicatur *genitrix Dei propter unitum Verbum*  
*templo, genitrix Dei non propter nudam humanitatis*  
*divinitatem, sed propter unitum templo Deum Ver-*  
*bum; simulque vult ut et dicatur hominis genitrix,*  
*id est ἀνθρωποτόκος, propter templum quod substantiale*  
*(leg. consubstantialē) est naturaliter Virgini; vel ut*  
habet Serm. 5 pag. 89, *genitrix quidem Dei propter-*  
*ea quod templum quod in ea creatum est a Spiritu san-*  
*cto, unitum est Deitati; hominis vero genitrix, propter*

## EPISTOLA VII

NESTORII AD COELESTINUM PAPAM EPISTOLA II.

*Iterum rogat ut quo pacto cum Juliano aliisque ejus-*  
*dem sectæ sese gerere debeat quam primum nuntiet;*  
*ac suos labores jactitat adversus eos quos duas Chri-*  
*sti naturas confundere obtendit.*

4. \* Sæpe scripsi beatitudini tuæ propter Julia-  
num, Orentium et ceteros, qui sibi usurpant episco-  
palem dignitatem, et creberrimam additionem apud  
piissimum et prædicatissimum imperatorem faciunt,  
nosque concidunt frequentibus lamentationibus, tam-  
quam temporibus orthodoxis de Occidente projecti.  
At huc usque scripta de his a tua veneratione non  
suscepimus: quæ si haberem, possem eis respondere,  
daremque compendiosum responsum<sup>f</sup> luctibus eo-  
rum. Nunc enim ab incertis dictis eorum non habet  
quis ad quod se convertat, aliis hæreticos eos<sup>g</sup> vo-  
cantibus, et ideo de Occidentalibus partibus proje-  
ctos esse dicentibus; ipsis vero jurantibus calum-  
niam se sustinuisse, et periculum pro orthodoxa  
fide ex subreptione perpessos. Quorum utrumvis cer-  
tum sit, nobis gravis est ignorantia. Nam condolere  
eis, si vere hæretici sunt, crimen est; et iterum non  
condolere, si calumniam sustinent, durum et impium  
est. Dignetur igitur amatissima Dei anima tua infor-

*susceptas a divinitatis naturæ nostræ naturæ primitias.*  
Ita ille Mariam Dei genitricem fatebatur, ut perso-  
nalem negare unitatem et Christum in duos, in ho-  
minem scil. et in Deum, dividere videretur. Non in-  
ficiabatur quidem naturam a Verbo susceptam esse  
*inseparabile templum Dei,* vel, ut ad calcem sermonis  
C 5 loquitur, *Deitatis inspoliabile vestimentum;* sed ut  
monet Cyrillus in epistola 2 ad Succensum, *secun-*  
*dum honoris æqualitatem, secundum auctoritatem, se-*  
*cundum eandem voluntatem* (non secundum personæ  
unitatem), *indivisum illum esse hominem in quo Ver-*  
*bum habitavit,* volebat.

<sup>d</sup> Hoc spectare videtur illud Cassiani lib. vii de  
Incarn. c. 7: Ait ergo ad destruendam sacræ nativita-  
tis fidem sibilans in Dei Ecclesia novus coluber: NE-  
MO ANTERIOREM SE PARIT. Quamquam Nestorius etiam  
in sermone 3 apud Mar. Mercatorem pag. 71 eam-  
dem sententiam repetit his verbis: *Nemo enim qui se*  
*est antiquior generat.* Nec certo apparet ad utrum  
scriptum Cassianus respiciat. Cyrillus quoque in  
contestatione qua Nestorium Pauli Samosatensis se-  
ctatore esse astruit, art. 5 et 6, utriusque in hoc  
nominatim dicto consensionem sic probat: *Paulus*  
*dixit, Maria Verbum suscepit, et non est senior Verbo;*  
*Nestorius dixit, Quomodo ergo Maria se antiquiorem*  
*peperit?*

<sup>e</sup> Illud sæpe quasdam innuit Nestorii litteras desi-  
derari. Et quidem Cyrillus in epistola quam Cœle-  
stini rescripto adjunxit, memorat Nestorii ad Cœle-  
stinum epistolam, in qua ille se ideo laicos a commu-  
nionē submovisse, et clericos depositione mulctasse  
indicabat, quia sibi contradixissent, cum tamen nec  
in hac nec in superiore epistola de hujusmodi depo-  
sitis aut excommunicatis ullum sit verbum.

<sup>f</sup> Garn. substituit *vocibus.* Reliquæ tamen orationi  
magis congruit *luctibus.*

<sup>g</sup> Marius Mercator, Commonitorio Constantinopo-  
litane Ecclesiæ oblato, eos non solum hæreticos  
vocabat, sed et ab hæreseos labe immunes non esse  
demonstrabat. Hoc ipsum evincebat Zosimi tracto-  
ria, quæ non ita pridem, ipso M. Mercatore pag.  
138 teste, Constantinopol. missa fuerat.



mare nos, qui ad utrumque momentum huc usque dividimur, id est, et ad odium et ad miserationem eorum. Doceri autem volumus quam de his sententiam teneamus. <sup>a</sup> Differimus enim eosdem viros per dies singulos, dissimulantes spe et expectatione beatitudinis tuæ. Non est enim, o venerandissime, sicut nosti, res vilis discussio piæ sectæ, nec parva est probatio eorum qui hoc agunt.

2. Multus enim etiam nobis labor hic celebratur, dum elaboramus eruere sordidissimam impietatem pessimæ opinionis Apollinaris et Arii de Ecclesia Dei. Nescio enim quemadmodum quidam de ecclesiasticis, quamdam contemperationis imaginem ex Deitate et humanitate Unigeniti accipientes, ægrotant ægritudine prædictorum hæreticorum, dum et corporis passiones audent superfundere Deitati Unigeniti, et immutabilitatem <sup>b</sup> Deitatis ad naturam corporis transisse confingunt, et utramque naturam quæ per conjunctionem summam et inconfusam <sup>c</sup> in una persona Unigeniti adoratur, contemperationis mutabilitate confundunt. Cæci, qui nec sanctorum illorum Patrum expositionem meminerunt, aperte ad eos <sup>d</sup> reclamantes: *Credimus in unum Dominum Jesum Christum Filium Dei, incarnatum ex Spiritu sancto et Maria virgine. Hæc enim <sup>e</sup> vox, in nomine quod*

<sup>a</sup> Apud Baron., *detinemus*: quo verbo apud Lab. ad marginem rejecto, obinet *defecimus*, haud dubie pro *deferimus*, ut a Baluzio ex mss. restitutum est. Orationis series postulat *differimus*, quod et Garn. prætulit.

<sup>b</sup> Calumniæ huic refellendæ sufficiunt hæc Cyrilli in epistola ad ipsummet Nestorium 1 part. concil. Ephes. cap. 8 pag. 320 b: *Dei verbum in ipso utero carni unitum, secundum carnem progenitum dicitur, utpote suæ carnis generationem sibi ut propriam vindicans. Ad eundem modum illud passum et resuscitatum dicimus: non quod Verbum Dei aut plagas aut perforationem clavorum aut alia id genus in propriam naturam acceperit (nam ut divinum numen corporis expers est, ita perpeti quoque nihil potest), sed quia corpus, quod sibi asciverat, hæc fuit expertum, eam ob rem ipsum nostri causa illa perpassum asseritur. IMPATIBILE ENIM VERBUM IN CORPORE PATIBILI EXISTEBAT*: adeoque falsum est hujus doctrinæ assertores, aut patibilitatem divinæ Unigeniti naturæ, aut impatibilitatem seu immutabilitatem corporis ipsius naturæ attribueret.

<sup>c</sup> Nestorius catholicam fidem hic aperte profiri videretur, nisi de hujusmodi locis Vincentius Lirin. cap. 17 id nos monitos voluisset: *Quod si quis eum (Nestorium) putat in litteris suis unum Christum dicere et unam Christi prædicare personam, non temere credat. Aut enim istud fallendi arte machinatus est, ut per bona facilius suaderet et mala... aut certe post partum jam Virginis ita in unum Christum duas perhibet convenisse personas, ut tamen conceptus seu partus virginis tempore, et aliquanto postea, duos Christos fuisse contendat. Verum si unam Christi personam in virgineo partu ideo negabat, ne Maria Dei genitrix et Deus natus diceretur; nihilo magis etiam postea unitatem personæ in Christo admisisse credendus est, qui Deum passum aut Deum mortuum non minori studio quam Deum conceptum aut natum prædicari prohibebat.*

<sup>d</sup> Leg. *reclamantium*.

<sup>e</sup> Garn. legit: *Vox, in Dominum, significat utramque naturam; etenim Christus est Deitati: quam lectionem Baluzius merito respuit; non enim vox in Do-*

A significat utramque naturam, id est Christus, est Deitati Patris homousios; humanitas vero posterioribus temporibus nata est ex sancta virgine, <sup>f</sup> quæ propter conjunctionem Deitatis ab angelis et hominibus simul colitur.

3. Eum ergo qui hic propter sectarum pravitatem tot laboribus fatigatur, considero & quid iterum pati necesse est, si negotium prædictorum virorum nesciat, timeatque nimis ne additamentum hæreticorum per ignorantiam <sup>h</sup> hic positus faciat. Unde rogo ut undique studiosum sit sanctæ animæ tuæ donare notitiam prædictorum virorum, maxime cum litterarum sequester fidelissimus Valerius cubicularius possit beatitudini tuæ per se exponere molestias eorum. Omnem in Christo fraternitatem quæ tecum B est ego et qui mecum sunt plurimum salutamus.

#### MONITUM IN EPISTOLAM SEQUEMTEM.

1. Epistolæ hujus Liberatus meminit his verbis (Cap. 4): *Cyrillus vero per Posidonium diaconum suum retulit de eo (Nestorio) papæ Cælestino, et quid Constantinopoli ageretur, per epistolam suam allegavit. Apud Cyrillum (Epist. 9) et Labbeum 1 part. Concil. Ephes. cap. 14, Græce et Latine, in editione autem Romana pontificiarum epistolarum tantum Latine habetur. Hæc autem interpretatio quamvis in multis deficiat, in citatis tamen locis eadem servata est.*

minum per se utramque Christi naturam, sed unam divinam significat: adeo ut Verbum, cum naturam humanam accepit, formam servi, non Domini, accepisse ab Apostolo dicatur. Clarius hæc ita ordinarerentur: *Hæc enim vox, id est Christus, quatenus hoc nomen utramque naturam significat, est Deitati Patris homousios. Nestorius ipse, in fragmentis a Cyrillo excerptis apud M. Mercatorem edit. Baluz. pag. 109, hanc sententiam suam planius exponit his verbis: Modo enim venio in recordationem concilii Nicæni, quod nusquam ausum est dicere, quia Verbum Deus natus est ex virgine Maria; ait enim, Credimus in unum Patrem omnipotentem, et in unum Dominum Jesum Christum. Attendite quia prius cum posuisset Christum, quod duarum nomen naturarum demonstrat, non dixerunt, In unum Deum Verbum, sed acceperunt nomen quod significaret utrumque. Similia rursum in epistola ad Cyrillum tom. III Concil. Lab., pag. 324 a, repetens, hanc adjungit observationem: Qua quidem in re Pauli auctoritatem secuti sunt. Hic enim divinæ incarnationis facta mentione, eaque mox subjuncturus quæ passionis erant, primum illud nomen Christus, ut paulo ante dicebam, utrique naturæ commune ponit. Nihilque aut in sermonibus aut in epistolis Nestorii frequentius recantatur hoc ipsius effato, Christi nomen esse duarum naturarum appellationem significativam.*

<sup>f</sup> Illud quæ non ad Virginem, sed ad humanitatem refertur; ideoque a Garnerio, ut ambiguitatem tolleret cum antecedente verbo est suppressum fuit.

<sup>g</sup> Apud Baluz., *quod iterum*. Rectius alii libri, *quid*. Nestorius, qui, ut suos pro sententiæ propriæ assertionem labores jactitaret, institutum de Pelagianis sermonem intermiserat, nunc ad eundem redit; atque considerare se quid sibi Juliani ac sociorum gratia patiendum sit, si veram ignorans eorum causam, præter hæresim qua et Arii et Apollinaris errores induci dicebat, etiam novorum illorum hæreticorum accessionem in urbe sua per ignorantiam fieri permetteret. Nam illud, *Eum ergo*, non de alio, sed de se ipso dicit.

<sup>h</sup> Apud Baluz., *impositis faciant*. Magis placeret, *hic positus faciat*.



Quin operam dederit Cyrillus, ut priusquam eam mitteret, Latine converteretur, vix ambigendum est: cum circa tomos ei adjunctos id præstitisse se ad ipsius epistolæ calcem conceptis verbis significet. Sed hanc interpretationem Liberato ignotam fuisse hoc indicio est, quod cum aliarum Cyrilli epistolarum quoties mentionem facit, prima verba quibus incipiunt indicare soleat, hunc morem circa istam non servet. Neque etiam in antiqua concilii Ephesini interpretatione, quam penes Gregorium I atque ipsum Liberatum fuisse Steph. Baluzius observat (Nov. coll. concil. pag. 385), comparet. Cum igitur vetus illa et genuina interierit, nec in omnibus probeatur quæ obtinet, nova nobis concinnanda fuit.

2. Si Nicephoro Callisti habenda fides (*Lib. xiv c. 55*), e synodo provinciae Alexandrinae cum ejusdem synodi gestis Romam missa est hæc epistola. At ipse Cyrillus infra, n. 2, sibi quidem in animo fuisse *synodicis litteris* Nestorium commonefacere, sed hoc se minime fecisse testatur. Ne Cœlestinum quidem de hac causa nisi summa cautione monitum voluit. Nempe adactus necessitate ut et catholicam fidem adversus hæreticam novitatem, et se ipse contra Nestorii calumnias tueretur, ipsum Nestorium timuit prævertere. Quocirca Posidonium in Urbem mittens cum ista epistola, in qua hæretici prædicti sic nomini parciunt, ut vix eum semel appellet, hoc ei mandatum dederat, ut traditam sibi epistolam Cœlestino nequaquam redderet, sed referret potius, si Nestorii adversus ipsum scripta eidem papæ minime data esse comperisset. Hoc in Ephesino concilio nov. coll. Baluz. pag. 453 ita narratur: *Ediscens idem reverentissimus Cyrillus, quia et Romam destinatae sunt ab eo (Nestorio) epistolæ et codices expositionum ejus, scripsit et ipse ad reverentissimum episcopum Romæ Cœlestinum per Posidonium diaconum suum, demandans ei: Quia si inventi fuerint redditus ipsi (Cœlestino) codices expositionum ejus et epistolæ, redde et meas epistolas; sive (leg. si vero) non, affer eas huc non redditas. Iste inveniens expositiones et epistolas ei redditas, necessario et ipse reddidit. Et scripta sunt quæ competunt a sanctissimo et reverentissimo Romanorum Ecclesiæ episcopo Cœlestino, formam certam continentia.*

3. Ex tempore quo missa sunt hæc Cœlestini scripta, colligere est tempus quo scripta est ista Cyrilli epistola. Veri enim simile non est Cœlestinum in tam gravi negotio, quod moras non patiebatur, responsum diu distulisse, maxime cum Cyrillus epistolæ suæ Latinam interpretationem adjungi curasset. Sic tamen festinasse credendus est hic papa, ut nihil præpropere ageret, quippe qui hanc causam, uti Cyrillus epist. ad Joannem Antiochenum docet, multis concessibus consultationibusque habitis, prius discuti studuit, quam quidquam rescriberet. Atqui Cœlestinus 10 Augusti die anni 450 rescripsit. Nihil est igitur cur Cyrillus aut multo ante, aut longe post medium annum 450 epistolam istam scripsisse ponamus.

4. Posidonio cum hac epistola Romam proficiscenti Cyrillus Commonitorium tradidit, quod, a Jac. Sirmondo in schedis relictum et a Steph. Baluzio nov. coll. concil. pag. 537 publici juris factum, ad epistolæ calcem subijcimus. Demum Cyrillus simul ad Cœlestinum per eundem Posidonium mittere se significat tum epistolarum duarum quas ad Nestorium scripserat exempla, tum *tomos* excerpta quædam capitula continentes, quibus quæ Nestorii, quæve Patrum sententia sit, Cœlestinus dignoscere valeat. Hinc licet capitula, quibus Cyrillus in Commonitorio doctrinam Nestorii summam perstringit, ad ejusdem Commonitorii calcem etiam *tomos* vocet, valde tamen ab iis diversi sunt illi *tomos* quos sub finem epistolæ ad Cœlestinum commemorat.

5. *Tomos* illos indicare videtur ipse Nestorius apud Christianum Lupum tom. I cap. 6 ac Steph. Baluzium nov. coll. concil. pag. 694, ubi cum Cyrillo expostulat in hunc modum: *Ille vero (Cyrillus) omitens*

*A* *nolui per epistolam declarare si quid ei tamquam blasphemum vel impium videbatur debere notari, convictionum terrore permotus, et adjutrices ob hoc perturbationes exquirens, ad Romanum Cœlestinum convertitur, quippe ut ad simpliciorum quam qui posset vim dogmatum subtilius penetrare. Et ad hæc inveniens viri illius simplicitatem, circumfert (leg. circumvenit) pueriliter aures ejus illusionibus litterarum, olim quidem NO-TRA CONSCRIPTA transmittens, quasi ad demonstrationem convictionum quibus contradici non posset, tamquam ego Christum purum hominem definirem, qui certe legem (scilicet 65 Cod. Th. lib. xvi tit. 5) inter ipsa ordinationis meæ initia contra eos qui Christum purum hominem dicunt et contra reliquas hæreses innovavi. EXCERPTIONES vero intertexens sermonum conscripta composuit, ne societatis compactione detegeretur illata calumnia. Et quædam quidem ALLOCUTIONIBUS NOSTRIS adjiciens, aliquorum vero partes abruptans, et illa contexens quæ a nobis de dominica humanatione sunt dicta, velut de puro ea homine dixerimus, divinitatis autem quæ a nobis dictæ sunt laudes, quasdam quidem modis omnibus a conscriptis abscindens, nonnullas vero extra ordinem relinquens, ita seductionem verisimilem concinnavit. Et ut in paucis ejus nequitiam, qualis sit etiam circa reliqua, propalemus, dictum est a nobis alicubi, dum contra paganos loqueremur, dicentes (id est, qui dicebant) quod nos substantiam Dei creatam noviter ex Virgine prædicemus, NON PEPERIT, OPTIMI, MARIA DEITATEM, SED PEPERIT HOMINEM DIVINITATIS INSEPARABILE INSTRUMENTUM; at ille vocem DIVINITATIS immutans, fecit, NON PEPERIT, OPTIMI, MARIA DEUM. Tum huic exemplo alterum adjecit satis prolixum, cui simile est quod in Ephesino concilio act. 1, velut ex ipsius Nestorii quaternione 27, profertur, indeque probare nititur, Cyrillum in suis ipsius dictis resecandis multa sibi contra fidem permisisse. Ac demum concludit: *Simpliciter multis talibus et latrociniis et additamentis, sicut ei visum est, utente Cyrillo, seductionibus ejus mox tam alii quam etiam Cœlestinus abreptus est.* Certe Baluzius annotationibus in hunc locum ibi a Nestorio notari arbitrat Cyrilli lucubrationem, quæ in fronte tom. VI Operum hujus sancti doctoris præmittitur. Et huic quidem scripto congruit *tomorum* appellatio. In libros quippe quinque divisum est, quorum singuli *tomos* nuncupantur. Præterea Nestorii constat dictis, quibus Cyrillus in catholici dogmatis gratiam sua intermisceat. In eo etiam cum epistola Cyrilli, quæ simul cum *tomis* ad Cœlestinum missa est, consentit, quod in utroque scripto nomini Nestorii æque parcat. In hoc tamen opere non ea ipsa verba quæ Nestorius a Cyrillo præter fidem exscripta esse queritur, sed tantum similia pag. 40 offendimus. Ut ut est, *tomorum* a Cyrillo ad Cœlestinum missorum nomine intelligendas esse dubium non est sententias e Nestorii scriptis ac forte etiam e Patrum catholicorum operibus excerptas, ejusmodi Ephesino in concilio act. 1 habentur, ut Nestorii assertiones a Patrum fide dissentire comprobetur.*

*D* 6. Jam vero de mox dicta Nestorii sive cum Cyrillo seu cum Cœlestino expostulatione quid sentiendum sit, cum ea de re hic prorsus silere nobis non liceat, paucis aperiendum est. Primo quidem circa locum in quo, cum dixisse se asserat, *Non peperit Maria divinitatem*, Cyrillum *divinitatis* vocem mutasse queritur, ac fecisse, *Non peperit Maria Deum*; observamus eundem locum a Mario edit. Baluz. pag. 55 iisdem verbis referri (1 part. Concil. Ephes. c. 15). Nec negamus tamen clerum Constantinop. in contestatione, quæ publice proposita est, *divinitatis* vocem servasse, eoque dixisse memoret, *ἔτεκεν, ὃ βέλειστα, Μαρία τῇ Θεότητι*: sed nihilominus idem clerus hoc effatum arguit, haud dubie propter adjuncta, indeque Nestorium cum Paulo Samosateno consentire probat. Reipsa locum eundem Arnobius lib. II de Conflictu cum Serap. ita refert: *Non peperit sanctissima Maria Deitatem: nam quod natum est ex carne caro est. Non*



peperit creatura Creatorem, sed peperit hominem Deitatis ministrum. Unde Mariam a Nestorio non solum Deitatis, sed et Dei atque Creatoris genitricem promiscue negatam esse liquet. Sane si Dei ac Deitatis vocabula confundere ipse non affectasset, nihil ei fuisset cur Cyrillo Arii Apollinarisque commenta tam pertinaciter attribueret. Verum in eo quod ait sibi a Cyrillo per epistolam declarari debuisse si quid velut impium in ipsius scriptis vel dictis offendisset, idque ab illo praetermissum esse affirmat, mendacii aperte convincitur. Non enim una tantum, sed et duabus epistolis, hac de re illum Cyrillus monuit, adeo ut Coelestinus duas illas epistolas duarum monitionum canonicarum vice haberi voluerit. Quapropter nec majori dignum est fide quod adjicit (Epist. 13 n. 5), multa suis ipsius scriptis nequiter a Cyrillo vel detracta vel addita esse, quibus mox tam alii quam etiam Coelestinus abreptus est. Certe Coelestinum Cyrilli latrocinii et additamentis seductum atque abreptum esse frustra obtendit (Epist. 13 n. 2), cum ad ipsum scribens is papa, illius haeresim non aliunde magis quam ex ipsiusmet litteris ab eo ad se missis sibi exploratam esse testetur. Neque minus iis quae de impe-

A rita Coelestini simplicitate haereticus ille effudit fidem abrogant caetera huius pontificis scripta seu gesta (V. concil. Ephes. i part. c. 26). Ad haec Coelestinum in hac causa nihil egisse constat sine synodo Romana, cui maxime in rebus quae ad fidem attinent, scientiam deluisse nemo nisi calumniose dixerit. Hic recolendum est quam rarum sit haereticorum duces nancisci quibus aut amicum errorem mendacis tueri, aut eos qui sibi contradicunt calumniari, religioni sit.

B Longe alia ratione tum Cyrilli animus erga Coelestinum affectus erat. Iis enim scriptis quae tunc ad illum misit hoc insertum esse credimus summae observantiae testimonium, quod Arnobius lib. ii de Conflictu cum Serapione memoriae prodidit his verbis: Sanctus Cyrillus Alexandrinae Ecclesiae episcopus, cum cognovisset Nestorianum dogma contrarium fidei pululare, scripsit per totam Aegyptum, et ad sanctum Coelestinum apostolicae recordationis antistitem misit dicens ad laudem suam pertinere si ab eo qui pontificatus arcem tenebat fuisset aliquid emendatum; hoc est, Coelestini censuræ ac iudicio sua submisit scripta, laudi se habiturum testatus si quid ab eo emendaretur.

#### a EPISTOLA VIII.

Quam pestilens Nestorii sit doctrina, quidve hactenus egerit, quo eum ad rectam fidem revocaret, Cyrillus exponit. Ab illius communione se nondum aperte discessisse, donec a Coelestino quid sibi facto opus sit didicerit. Ut Coelestinus missis quam primum ad Orientis ac Macedoniae episcopos litteris, suam ea de re sententiam notam faciat. Subjectis ad calcem capitulis quibusdam tota Nestorii doctrina explicatur.

Sanctissimo Deique amantissimo patri COELESTINO  
CYRILLUS in Domino salutem.

Τῷ ὁσιωτάτῳ καὶ Θεοφιλεστάτῳ πατρὶ Κελεστίνῳ  
Κύριλλος ἐν Κυρίῳ χαίρειν.

1. Si silere, et non pietatem tuam de omnibus quae moventur litteris certiorum facere citra culpam ac sinistrae suspicionis metum liceret, praesertim in rebus adeo necessariis, ubi etiam recta fides a nonnullis depravata periclitatur; in memet ipso dicerem, Bonum et periculi expers est silentium, praestatque quietam vitam agere quam turbatam. Sed quoniam Deus hisce in rebus vigilantiam a nobis C exigit, et b longa Ecclesiarum consuetudo suadet, ut huiusmodi res cum sanctitate tua communicentur; scribo plane necessitate adactus, ac significo, Satanam in praesentia omnia miscere, et contra Ecclesias Dei furere, nec non omnium ubique populorum qui in recta fide ambulant subversionem moliri. Non enim ab impietatis studio umquam desistit pessima illa et effrenis bestia. Sane hactenus altum tacui, ac nihil omnino de eo (Nestorio) qui Constantinopolitanae Ecclesiam nunc administrat vel ad pietatem tuam vel ad ullum consacerdotum nostrorum scripsi, persuasum habens praecipitem in huiusmodi rebus celeritatem a vitio non esse immunem. At quia ad extremum propemodum malorum devenimus, omnia quae acciderunt, rupto silentio, necessario enarranda esse duxi.

2. Nempe memoratus simul ut ordinatus est, cum exhortationibus populos, tum proprios, tum peregrinos, quorum magna multitudo ex omni, ut ita dicam, civitate ac regione illuc confluere solet, ad bonum excitare debuisset; praedicare affectavit absurda quaedam et a ratione aliena, quae longe absunt ab apostolica et evangelica fide, quam patres magna

Ei μὲν ἦν σιωπῆσαι, καὶ μὴ πάντα τῇ σῇ θεοσεβείᾳ γράφοντα τὰ κινούμενα, καὶ μέμψεως ἔξω γενέσθαι, καὶ διαφυγεῖν δύνασθαι τὸ δοκοῦν λυπηρὸν, καὶ μάλιστα ἐν ἀναγκαίῳς οὕτω πράγμασιν, ὅπου καὶ ἡ τῆς πίστεως ὀρθότης παρασαλεύεται παρά τινων, ἔφην ἂν ἐν ἐμαυτῷ καλὴ καὶ ἀκίνδυνος ἡ σιωπὴ, καὶ τὸ ἡρεμεῖν τοῦ ταράττεσθαι κρεῖττον. Ἐπειδὴ δὲ καὶ Θεὸς ἀπαιτεῖ παρ' ἡμῶν τὸ νηφάλιον ἐν τούτοις, καὶ τὰ μακρὰ τῶν Ἐκκλησιῶν ἔθῃ πείθουσιν ἀνακοινοῦσθαι τῇ σῇ ὁσιότητι, γράφω πάλιν ἀναγκαίως, ἐκεῖνο δηλῶν, ὅτι διακυκλῶντα πάντα καὶ νῦν ὁ Σατανᾶς, καὶ μετὰ [F. leg. κατὰ] τῶν Ἐκκλησιῶν τοῦ Θεοῦ μαίνεται, καὶ ὀρθοποδοῦντας ἐν πίστει τοὺς ἀπανταχόσε λαοὺς πειρᾶται διαστρέφειν. Οὐ γὰρ ἡρεμεῖ τὸ παμπόνηρον ἐκεῖνο θηρίον καὶ c εὐφρόρητον εἰς ἀσέβειαν. Ἐσίγων μὲν οὖν παρωχηκότα καιρὸν καὶ οὐδὲν ὄλως οὔτε πρὸς τὴν σὴν θεοσεβείαν γέγραφα περὶ τοῦ νῦν ὄντος ἐν Κωνσταντινουπόλει, καὶ τὴν Ἐκκλησίαν διέποντος, οὔτε μὴν πρὸς ἕτερον τῶν συλλειτουργῶν, τὸ ἐν τούτοις προπετές οὐκ ἔξω μῶμον κεῖσθαι πιστεύων. Ἐπειδὴ δὲ εἰς ἀκμὴν ὥσπερ ἤκομεν τοῦ κακοῦ, δεῖν ὥλῃθην ἀναγκαίως ἀνεῖναι λοιπὸν τὴν γλῶτταν καὶ πάντα εἰπεῖν τὰ κεκινημένα.

Ο γὰρ μνημονευθεὶς ἅμα κεχειροτόνηται, καὶ δέον ταῖς παραινέσεσι, ταῖς εἰς τὸ ἀγαθὸν, ὠφελεῖν, τοὺς τε ἐκεῖσε λαοὺς καὶ τοὺς παρεπιδημοῦντας ξένους· πάμπολλοι δὲ οὗτοι, καὶ ἀπὸ πάσης, ὡς ἔπος εἰπεῖν, πᾶσι τε καὶ χώρας· σπουδὴν ἔθετο λαλεῖν ἔκτοπά τινα, καὶ ἔξω λόγου, καὶ ὅσα μακρὰν ἐστὶ τῆς ἀποστολικῆς καὶ εὐαγγελικῆς πίστεως, ἣν μέχρι παντὸς τητηρήκασιν οἱ

serie usitata consuetudo commendatur.

c Forte, ἀφόρητον.

a Circa med. annum 450.

b Lab. praetulit vetus. Praestat Graecae haerere litterae, qua non tantum antiqua, sed et longa temporum



semper constantia servaverunt, et nobis velut pretiosam margaritam tradiderunt. Illius autem hominias, <sup>a</sup> quas in ecclesia et frequenter habuit, et habere non cessat, tamquam evidens doctrinæ illius argumentum, ad pietatem tuam misi. Mihi quidem, fateor, in animo fuisset synodicis illum litteris commonefacere, nos cum eo qui talia dicat ac sentiat communicare non posse: sed hoc non feci. Ratus tamen lapsis manum porrigendam, prostratosque ut fratres erigendos esse; illum per litteras <sup>b</sup> exhortatus sum ut a prava huiusmodi doctrina abscederet. Sed nihil promovimus. Immo ubi didicit tantum abesse ut eadem sentiamus, ut eum etiam objurgemus, et a suis commentis (non enim dogmata dixerim) discedat admonemus; nullam struendarum insidiarum viam non tentavit, et huc usque tentare non cessat. Dum autem expectabamus donec resipisceret, et ab iis quæ contra Christum docuerat abstinere, hac nos spe falsos esse comperimus, cum tale quid contigisset.

3. Erat Constantinopoli episcopus <sup>c</sup> nomine Dorotheus, eadem quæ ille sentiens, vir quæstus causa adulationi deditus, linguaque ad temeritatem usque, sicut scriptum est, promptus. Is in publico conventu, reverendissimo Nestorio in cathedra Constantinopolitanæ ecclesiæ sedente, surgens magna voce inclamare ausus est: Si quis Mariam Deiparam dixerit, anathema sit. Tum ingens universi populi clamor et discessio consecuta est. Nolebant enim cum iis amplius communionem habere, qui talia sentirent; adeo ut etiamnum plebs Constantinopolitana, paucis levioribus et qui illi adulantur exceptis, synaxi abstineat, sed neque eo conveniunt monasteria pene omnia eorumque archimandritæ et senatorum multi, verentes ne aliquod in fide detrimentum accipiant, cum et ille, et ii omnes <sup>d</sup> quos secum Antiochia discedens adduxit, perversa prædicent.

4. Cum autem hominias ejus in Ægyptum perlatis, leviores quosdam in errorem abductos, cunctantesque rectene loqueretur an erraret invicem quæritare didicissem; veritus ne morbi contagium altiores radices in simpliciorum mentibus ageret, ad Ægypti monasteria generalem epistolam <sup>e</sup> scripsi, ut eorum monachos in recta fide confirmarem. Cujus quidem epistolæ exempla Constantinopolim a nonnullis de-

Α πατέρες, παρίδουσάν τε ἡμῖν ὡς πολύτιμον μαργαρίτην. Καὶ τὰς μὲν ὁμιλίαις, ὥς ἐπ' ἐκκλησίας εἴρηκε, καὶ τοῦτο πλειστάκις, καὶ λέγων οὐ παύεται, πέπομφα τῇ σῇ θεοσεβείᾳ, ὡς εἴησιν ἀκριβῆ. Ἐγὼ δὲ ὁμολογῶ, καίτοι βουληθεὶς συνοδικῶ γράμματι φανερὸν αὐτῷ καταστήσαι, ὅτι ταῦτα λέγοντι καὶ φρονοῦντι κοινωνεῖν οὐ δυνάμεθα· τοῦτο μὲν οὐ πεποίηκα· λογισάμενος δέ, ὅτι χρή τοῖς ὀλισθήσασιν χεῖρα διδόναι, καὶ ὡς ἀδελφοὺς πεσόντας ἐγείραι, παρήνεσα διὰ γραμμάτων, ἀποσχέσθαι τῆς τοιαύτης κακοδοξίας. Ἄλλ' ὠνήσαμεν οὐδέν. Ἐπειδὴ δὲ μεμάθηκεν, ὅτι τοσοῦτον ἀρεστὴν ἡμῖν τοῦ τὰ αὐτὰ φρονεῖν, ὡς καὶ ἐπιπληττεῖν αὐτὸν μεταστῆναι τῶν οἰκείων εὐρημάτων, οὐ γὰρ ἂν εἴποιμι δογμάτων, πάντα τρόπον ἐπιβουλῆς κεκίνηκε, καὶ εἰς ἔτι σαλευὼν οὐ παύεται. Ὅτε δὲ προσεδοκῶμεν αὐτὸν θεραπεύεσθαι, καὶ ἀποσχέ-

Β σθαι τῶν κατὰ Χριστοῦ δογμάτων, ἔγνωμεν ὅτι διημαρτήκαμεν τῆς ἐλπίδος, τοιούτου τινὸς γεγονότος.

Ἦν ἐν Κωνσταντινουπόλει ἐπίσκοπος ὀνόματι Δωρόθεος, τὰ αὐτὰ φρονῶν αὐτῷ, ἀνὴρ χρειοκόλαξ καὶ προπετής χειλεσι, καθὼς γέγραπται· ὃς ἐν συνάξει καθεζομένου ἐπὶ τοῦ θρόνου τῆς Ἐκκλησίας τοῦ τῆς Κωνσταντινουπόλεως εὐλαβεστάτου Νεστορίου, ἀναστὰς μεγάλη τῇ φωνῇ τετόλμηκεν εἰπεῖν· εἴ τις Θεοτόκου εἶναι λέγει τὴν Μαρίαν, οὗτος ἀνάθεμα ἔστω. Καὶ γέγονε μὲν κραυγὴ μεγάλη παρὰ παντὸς τοῦ λαοῦ, καὶ ἐκδρομὴ. Οὐ γὰρ ἤθελον ἔτι κοινωνεῖν αὐτοῖς τοιαῦτα φρονοῦσιν. Ὅστε καὶ νῦν ἀποσυνακτοὺς εἶναι τοὺς λαοὺς τῆς Κωνσταντινουπόλεως, πλὴν ὀλίγων ἐλαφροτέρων, καὶ τῶν κολακευόντων αὐτόν. Τὰ δὲ

Γ μοναστήρια σχεδὸν ἅπαντα καὶ οἱ τούτων ἀρχιμανδρίται, καὶ τῆς συγκλήτου πολλοὶ οὐ συνάγονται, δεδιότες μὴ ἀδικηθῶσιν εἰς πίστιν, αὐτοῦ καὶ τῶν σὺν αὐτῷ, οὓς ἀπὸ τῆς Ἀντιοχείας ἀναβαίνων ἤγαγε, πάντων λαλοῦντων τὰ διεστραμμένα.

Ἐπειδὴ δὲ τῶν ὁμιλιῶν αὐτοῦ ἐνεχθεισῶν εἰς τὴν Αἴγυπτον, ἔμαθον ὅτι ἐλαφρότεροί τινες συνηρπάσθησαν, καὶ λοιπὸν ἐνδοιάζοντες πρὸς ἀλλήλους ἔφασκον· Ἄρα ὀρθῶς λέγει; Ἄρα ἐπλανήθη; δεδοικὼς μὴ ριζωθῇ τὰ τῆς νόσου ἐν ταῖς τῶν ἀπλουστέρων ψυχαῖς, ἔγραψα τοῖς κατὰ τὴν Αἴγυπτον μοναστηρίοις καθολικὴν ἐπιστολήν, βεβαιῶν αὐτοὺς εἰς πίστιν ὀρθήν. Εἰτά τινες ἀπήγαγον ἐν τῇ Κωνσταντινουπόλει τὰ ἴσα, καὶ ὠφέληται μὲν ἀνα-

<sup>a</sup> Nestorius ipse *exegeseon suarum quaterniones* jam ad Coelestinum miserat, ut Cyrillus ad Joannem Antiochenum concil. Ephes. i part. c. 21 scribit. Quam ob causam, inquit ibidem Cyrillus, *compulsus sum et ego quoque ea omnia quæ inter me et illum intercesserunt* (eidem papæ) *aperire*. Hos autem Nestorii quaterniones sibi per Antiochum virum illustrem redditos fuisse Coelestinus infra in epistola 13 testatur.

<sup>b</sup> Litterarum illarum exempla una cum hac epistola ad Coelestinum misisse se Cyrillus in modo laudata epistola ad Joannem commemorat. Exstant i part. Concil. Ephes. cap. 6, et apud Baluzium nov. coll. concil. p. 400, ex antiqua interpretatione, sed alia ab ea quam Liberatus diaconus cap. 4 primis earum verbis relatis, se vidisse indicat.

<sup>c</sup> Scilicet, Marcianopolis in Mœsia, qui et in Ephesino latrocinio Cyrilli ac Memnonis depositioni subscripsit. Rursus eandem episcopi huius impietatem

D Cyrillus i part. Concil. Ephes. cap. 10 exponit, statimque subdit: *Quid velabat et nos quoque vocibus illius contrariis scribere, ac dicere: Anathema sit qui Mariam Deiparam esse negavit? Verum id hactenus propter Nestorium facere nolui, ne sint qui Alexandrinum episcopum Ægyptiamve synodum anathematis sententiam in Nestorium tulisse dicant.* Et hac quidem usus est moderatione, tum ut caveret schisma, tum etiam ne Theophili avunculi sui erga Joannem Chrysostomum iniquitatem imitari putaretur.

<sup>d</sup> Inter perversos illos præcones, quos Nestorius Antiochia secum adduxerat, a Liberato c. 4, post Socratem lib. vii c. 32, notatur Anastasius presbyter, qui in ecclesia docens, teste Socrate, erupit in hæc verba: *Nemo Mariam vocet Deiparam. Maria enim homo fuit, ex homine autem Deus nasci non potest.*

<sup>e</sup> Quæ in Ephesini concilii i parte c. 2 habetur.



portata, ibique lecta, tanto adjumento fuerunt, ut plurimi e magistratu mihi ejus causa gratias per litteras egerint. Verum hoc <sup>a</sup> ipsi iræ contra me susceptæ fomentum subministravit. Me itaque ut hostem impugnât, aliud plane nihil de quo me incuset habens, nisi quod ab iis quæ sentit abhorreo, eamque quam a patribus accepimus, et ex divinis Scripturis didicimus, fidem amplectendam esse serio persuadens, multos ad sanam mentem reduxerim. Verum flocci faciens quæ adversum me machinatus est, Deoque qui omnia novit et valet, committens omnia, alteram rursus <sup>b</sup> epistolam, quæ rectæ fidei expositionem brevi compendio complecteretur, ad memoratum misi, hortans simul et obtestans ne aliud sentiret ac loqueretur. Sed nec rursum quidquam profeci. Iis enim quæ ab initio commentus fuerat, huc <sup>B</sup> usque pertinaciter adhæret, nec finem perversa docendi facit.

5. <sup>c</sup> Sciat et hoc pietas tua, in omnes Orientis episcopos convenire quæ dicuntur, scilicet offendi omnes et dolere, maxime vero reverendissimos Macedoniæ episcopos. Et cum hoc compertum habeat, se omnibus <sup>d</sup> sapientiorum esse, se solum Scripturæ divinitus inspiratæ scopum attigisse, et Christi mysterium cognovisse arbitratur. Atqui quomodo non oportuit eum illud potius pro certo habere, cum omnes per totum orbem constituti orthodoxi episcopi ac laici Christum Deum, ac Virginem quæ illum genuit Deiparam confiteantur, se solum qui hoc inficiatur, errare? Verum fastu tumens ac sedis potentia, ut omnibus insidias struat, abuiens, effecturum <sup>C</sup> se arbitratur ut et nos et reliqui omnes suæ ipsius sententiæ subscribamus.

6. Ecquid igitur faciemus? cum neque illum ut resipiscat, neque ut ejusmodi concionibus absistat inducere queamus; populusque Constantinopolitanus magis ac magis in dies corrumpatur, tametsi hæc indigne ferat, et ab orthodoxis doctoribus præsidium expectet? Nobis sane de rebus vulgaribus sermo non est, sed neque periculi expers foret nostrum silentium. Si enim Christus conviciis appetitur, quomodo nos silebimus? maxime cum Paulus scribat:

<sup>a</sup> Scilicet, *Nestorio*, cujus nomen in vulgata interpretatione hic et infra exprimitur quidem; sed cum hoc Cyrillus non sine causa constanter Græce sileat, etiam Latine duximus tacendum.

<sup>b</sup> Exstat et hæc epistola i part. concil. Ephes. c. 8. Antiquam illius interpretationem Steph. Baluzius nov. coll. concil. pag. 404 exhibet, sed aliam ab ea quam Liberatus c. 4 primis illius verbis indicat.

<sup>c</sup> A Græca littera recedit vulgata interpretatio in hunc modum. *Sciat nihilominus et hoc quoque sanctitas (apud Cyril. pietas) tua, nempe commenta illius Orientales non probare, sed offendi eos ac dolere.*

<sup>d</sup> Idem in eo vitium Socrates lib. vii c. 32 reprehendit his verbis: *Arrogantia enim elatus ob dicendi facultatem, libros etiam veterum interpretum haudquam legere dignabatur, sed se ipsum reliquis omnibus præstare existimabat.* Hunc arrogantiae morbum redolent verba illius in superiore admonitione relata, quibus Cœlestinum simpliciorum atque hebetiorum prædicat, quam ut ad dogmatum vim ac sensum penetrare valeat. Ipsius vero Nestorii ignorantiam

γινώσκοντες πάντων πολλὰ, ὥστε καὶ γεγράφασιν εὐχαριστοῦν-  
τες πλείστοι τῶν ἐν τῇλει. Γέγονε δὲ αὐτῷ καὶ τοῦτο τριπλὴ  
τῆς κατ' ἐμοῦ λύπης, καὶ ὡς ἐχθρῷ μάχεται, οὐδὲν ἑτερον  
ἔχων ἐγκαλεῖν, ἢ ὅτι μόνον οὐκ ἀνέχομαι τὰ ἴσα φρονεῖν  
αὐτῷ. Ἀλλὰ καὶ ἐπηνώρθωσα πολλοὺς, ἦν παρελάβομεν  
ἐκ πατέρων πίστιν. καὶ ἡ ἐμάθομεν ἐκ τῆς θείας Γραφῆς,  
ἐκτεῖνα δὴ καταπείθων αὐτοὺς οἴεσθαι δεκτά. Ὅμως καὶ  
οὐ φροντίσας τῶν παρ' αὐτοῦ γενομένων κατ' ἐμοῦ. ἀλλὰ  
Θεῷ δοὺς τῷ πάντα εἰδότε καὶ ἰσχύοντι, πάλιν ἑτέραν  
ἐπιστολὴν γέγραφα τῷ μνημονευθέντι, τὴν ἐκθῆσιν ὡς ἐν  
συντόμῳ τῆς ὀρθῆς πίστεως ἔχουσαν, παρακαλῶν τε ἅμα  
καὶ διαμαρτυρούμενος οὕτω καὶ φρονεῖν καὶ λαλεῖν· ὅλλ'  
ᾤκησα πάλιν οὐδέν. Ἔχεται δὲ καὶ εἰς δεῦρο τῶν ἀπ' ἀρ-  
χῆς, καὶ οὐ παύεται λαλῶν τὰ διεστραμμένα.

Γινωσκέτω δὲ καὶ τοῦτο ἡ σὴ θεοσεβεία, ὅτι καὶ ἅπαντι  
τοῖς κατὰ τὴν ἀνατολὴν ἐπισκόποις συνάδει τὰ λεγόμενα·  
καὶ δυσχεραίνουσι πάντες καὶ λυποῦνται, καὶ μάλιστα  
οἱ κατὰ τὴν Μακεδονίαν εὐλαβεστάτοι ἐπίσκοποι. Καὶ τοῦτο  
εἰδὼς, εἴται ὅτι πάντων ἐστὶ σοφώτερος. καὶ μόνος οἶδε  
τὸν σκοπὸν τῆς θεοπνεύστου Γραφῆς, καὶ τὸ τοῦ Χριστοῦ  
μυστήριον· καίτοι πῶς οὐκ ἔδει πληροφορεῖσθαι μᾶλλον  
αὐτὸν, ὅτι πάντων τῶν κατὰ πάσαν τὴν οἰκουμένην ὀρ-  
θοδόξων ἐπισκόπων καὶ λαϊκῶν ὁμολογούντων, ὅτι καὶ Θεὸς  
ἦν ὁ Χριστὸς, καὶ Θεοτόκος ἡ τεκοῦσα αὐτὸν παρθένος,  
πλαῖνται μόνος αὐτὸς τοῦτο ἄρνούμενος; ἀλλ' ὀφρύνεται,  
καὶ οἴεται ὅτι τῇ δυναστείᾳ τοῦ θρόνου πᾶσιν ἐπιβουλεύων,  
καὶ ἡμᾶς ἢ καὶ τοὺς ἄλλους ἅπαντας ἀναπείσει τὰ αὐτὰ  
φρονεῖν αὐτῷ.

Τί τοίνυν δράσομεν; οὔτε ἀναπείθοντες αὐτὸν, οὔτε  
παῦσαι δυνάμενοι τῶν τοιούτων ὁμιλιῶν, καὶ ὁσημέραι  
κατεφθαρμένων τῶν λαῶν τῶν ἐν Κωνσταντινουπόλει, καὶ  
δυσχεραίνοντων μὲν, ἐκδεχομένων δὲ τὴν παρὰ τῶν ὀρ-  
θοδόξων διδασκάλων ἐπικουρίαν; καὶ οὐ περὶ τῶν τυχόν-  
των ὁ λόγος ἡμῶν, ἀλλ' οὐδὲ ἀκίνδυνος ἡ σιωπὴ. Εἰ γὰρ  
δυσσημεῖται Χριστὸς, πῶς ἡμεῖς σιωπήσωμεν; καίτοι τοῦ  
Παύλου γράφοντος· Εἰ γὰρ ἐκὼν τοῦτο πράσσω, μισθὸν

Socrates ibid. ex eo probat, quod Mariam Dei genitricem nuncupare renueret, quam veteres Scripturis nixi, nominatimque Origenes tom. I in Epistolam Pauli ad Romanos, et Eusebius lib. iii de Vita Constantini hoc nomine appellare non dubitabant. Hoc Nestorii exemplo admonentur qui simili dicendi facultate gaudent, hanc unam dotem ad tractandas fidei res non satis esse; discantque cæteri quibus ingeniorum acumen aut gratia plus æquo placet, ne se inde abduci temere sinant; res enim fidei non tam ingenii quam traditionis esse, easque non acutis ac subtilibus humanæ mentis inventis, sed Dei verbo constanti ac fideli Patrum traditione nobis transmissis fulciri. Ad imitationem autem eorum quæ hic Cyrillus de Nestorio narrat, ista Vincentii Lirinensis ad calcem cap. 42 expressa sunt verba: *Invecti etiam sumus in Nestorii sceleratam præsumptionem, quod sacram Scripturam se primum et solum intelligere, et omnes eos ignorasse jactaret quicumque ante se magisterii munere præditi divina eloquia tractavissent.*



*Si enim volens hoc ago, mercedem habeo; si autem invitus, dispensatio mihi credita est* (I Cor. ix, 17). Nos igitur quibus verbi dispensatio fideique custodia credita est, quid in die iudicii dicturi sumus, si contra isthæc oblicuerimus?

7. Ab illius tamen communione palam et aperte nosmetipsos non prius divellimus, quam hæc pietati tuæ indicaverimus. Digneris igitur nobis declarare quid tibi videatur, et utrum aliquando cum illo communicare oporteat, an libere denuntiare, neminem cum eo qui talia sentit ac docet, communicare. Opus est autem ut tuæ pietatis super hac re sententia tum piissimis Deique amantissimis Macedoniæ episcopis, tum omnibus Orientis antistitibus per litteras manifesta fiat. Illis enim cupientibus ansam dabimus ut uno animo in una sententia persistent, et rectæ fidei quæ impugnatur opem ferant.

8. Quantum enim in illo fuit, et patres nostri illi admirabilesque et probatissimi viri, qui sanctam Virginem deiparam esse dixerunt, et nos qui adhuc superstites sumus, cum<sup>a</sup> illis anathemate percussi sumus. Et cum id ipse ore proprio facere nollet, alium substituit, nempe memoratum Dorotheum, quem ut hoc se præsentem et audientem diceret induxit; cum quo etiam, confestim e cathedra descendens, divinis mysteriis celebratis, communicavit.

9. Ut autem sanctitas tua quid ille dicat ac sentiat, quidve beati et magni patres nostri, exploratum habeat; misi tomos, quibus capitula quædam excerpta continentur: quos quidem, quantum licuit per eos qui Alexandriæ vitam degunt, Latine reddi curavi. <sup>b</sup> Epistolas quoque a me scriptas tradidi dilecto Posidonio, injungens illi ut eas sanctitati tuæ offerat.

#### EPISTOLA IX.

*Seu commonitorium sanctissimi episcopi Cyrilli, quod Posidonio dedit, cum eum Romam mitteret propter Nestorii negotium.*

1. Nestorii fides seu potius perversa sententia sic se habet. Ait Deum Verbum, cum eum qui ex sancta Virgine natus est, sanctum et magnum futurum præscisset, ipsum ideoque elegisse, ac fecisse ut sine viro nasceretur ex virgine, hancque ei contulisse gratiam, ut suis ipsius nominibus appellaretur, e eum denique a mortuis suscitasse. Quocirca cum unigenitum Dei Verbum<sup>d</sup> incarnatum dicitur, ideo dicitur incarnatum, quia cum homine illo sancto qui de Virgine natus est semper fuit. Quemadmodum autem cum prophetis, sic, inquit, fuit cum isto secundum majorem<sup>f</sup> conjunctionem. Quare ubique fugit dicere

<sup>a</sup> Nestorius Dorotheo assentiens, iis qui Mariam Deiparam vocarint anathema dicenti, eique statim communionem suam impertiens, et patres vita functos et superstites catholicos anathemate percellere eo modo censetur, quo Hilarius in libro de Synodis n. 91, ex decreto Ancyrae edito, in quo homousion prædicantibus anathema dicebatur, probat sequi ut in anathemate sint Patres Nicæni alique sacerdotes sancti qui in Christo quiescebant.

<sup>b</sup> Tres videlicet, ni fallor, superius, num. 3 et 4, memoratas. quarum una ad monachos Aegypti, alie duæ ad ipsum Nestorium scriptæ.

Λ ἔχω· εἰ δὲ ἄκων, οἰκονομίαν πεπίστευμαι. Οἱ τοίνυν ἐμπεπιστευμένοι τοῦ λόγου τὴν οἰκονομίαν, καὶ τῆς πίστεως τὴν ἀσφάλειαν, τί ἐροῦμεν ἐν ἡμέρᾳ κρίσεως, ὅταν ἐπὶ τούτοις σιγήσωμεν;

Οὐ πρότερον δὲ τῆς πρὸς αὐτὸν κοινωνίας ἐκβάλλομεν ἑαυτοὺς μετὰ παρρήσιας, πρὶν ἂν ταῦτα τῇ σῇ θεοσεβείᾳ ἀνακοινωσώμεθα. Διὸ δὴ καταξίωσον τυπῶσαι τὸ δοκοῦν, καὶ πότερόν ποτε χρὴ κοινωνεῖν αὐτῷ, ἢ λοιπὸν ἀπειπεῖν μετὰ παρρήσιας, ὅτι τοιαῦτα φρονοῦντι καὶ διδάσκοντι οὐδεὶς κοινωνεῖ. Τὸν δὲ ἐπὶ τούτοις σκοπὸν τῆς σῆς θεοσεβείας χρὴ γενέσθαι διὰ γραμμάτων καταφανῆ καὶ τοῖς εὐσεβεστάτοις καὶ θεοφιλεστάτοις ἐπισκόποις τοῖς κατὰ Μακεδονίαν, καὶ ἅπασιν τοῖς κατὰ τὴν ἀνατολήν. Ἐπιθυμοῦσι γὰρ αὐτοῖς δώσωμεν ἀφορμὰς τοῦ πάντας μιᾷ ψυχῇ καὶ μιᾷ γνώμῃ στήναι, καὶ ἐπαγωνίσασθαι τῇ ὁρθῇ πίστει πολεμουμένη.

Ὅσον γὰρ τὸ κατ' αὐτὸν, καὶ οἱ πατέρες ἡμῶν οἱ μεγάλοι καὶ θαυμαστοὶ καὶ εὐδόκιμοι Θεοτόκον εἶναι τὴν ἁγίαν εἰπόντες παρθένον ἀνεθεματίσθησαν, καὶ ἡμεῖς δὲ σὺν αὐτοῖς οἱ ζῶντες ἔτι. Καὶ ἐπειδὴ ἰδίᾳ φωνῇ τοῦτο ποιῆσαι οὐκ ἠθέλησεν, ἄλλον ἔστησε τὸν μνημονευθέντα Δωρόθεον, καὶ τοῦτο εἰπεῖν παρεσκεύασεν, αὐτοῦ καθεζομένου καὶ ἀκούοντος· ὃ καὶ κατελθὼν ἀπὸ τοῦ θρόνου εὐθύς κεκοινωνήκεν, ἐπιτελέσας τὰ θεῖα μυστήρια.

Ἵπέρ δὲ τοῦ εἰδέναι σαφῶς τὴν σὴν ὁσιότητα, τίνα ἔστιν ὃ αὐτὸς μὲν λέγει καὶ φρονεῖ, τίνα δὲ οἱ μακάριοι καὶ μεγάλοι πατέρες ἡμῶν, ἀπέστειλα τόμους, κεφαλαίων περιχοπὰς ἔχοντας. Ἑρμηνευθῆναι δὲ παρεσκεύασα, ὥς ἐνεδέχετο τοῖς ἐν Ἀλεξανδρείᾳ, καὶ τὰς παρ' ἐμοῦ γραφείας ἐπιστολὰς δέδωκα τῷ ἀγαπητῷ Ποσειδωνίῳ, ἐντεταλόμενος καὶ αὐτὰς προσαγαγεῖν τῇ σῇ ὁσιότητι.

Ἵπομνηστικὸν τοῦ ἁγιωτάτου ἐπισκόπου Κυρίλλου, γενόμενον πρὸς Ποσειδωνίον, ἀποσταλέντα παρ' αὐτοῦ ἐν τῇ Ρώμῃ τῶν κατὰ Νεστόριον ἐνεκεν.

Ἡ Νεστορίου πίστις, μᾶλλον δὲ κακοδοξία, ταύτην ἔχει τὴν δύναμιν· φησὶν ὅτι ὁ Θεὸς λόγος προσηγνώκως ὅτι ὁ ἐκ τῆς ἁγίας Παρθένου γεμνόμενος, ἅγιος ἔσται καὶ μέγας, εἰς τοῦτ' ἐξελέξατο αὐτὸν, καὶ παρεσκεύασε μὲν γεννηθῆναι δίχα ἀνδρὸς ἐκ τῆς παρθένου, ἐχαρίσατο δὲ αὐτῷ τὸ καλεῖσθαι τοῖς αὐτοῦ ὀνόμασιν, e καὶ ἡγείρεν αὐτόν. Ὡστε καὶ ἐνανθρωπήσας λέγεται ὁ μονογενὴς τοῦ Θεοῦ Λόγος, ὅτι συνῆν ἄνθρωπῳ, ὥς ἀνθρώπῳ ἁγίῳ τῷ ἐκ τῆς παρθένου, διὰ τοῦτο λέγεται ἐνανθρωπήσαι· ὥσπερ δὲ συνῆν τοῖς προφήταις, οὕτω, φησὶ, καὶ τούτῳ κατὰ μείζονα συνάφειαν. Διὰ τοῦτο φεύγει πανταχοῦ τὸ λέγειν τὴν ἑνωσιν, ἀλλ' ὀνομάζει συνάφειαν, ὥσπερ ἔστιν ὁς

<sup>e</sup> Interpres, qui operam suam Baluzio commodavit, de suo hic addidit, atque ita diceretur *Filius, Dominus et Christus. Fecit etiam ut pro nobis moreretur*, nisi forte id quod his verbis responderet in Græco librarii oscitantia fuerit prætermisum.

<sup>d</sup> Græcæ litteræ hærentes antiqui, humanatum seu inhumanatum præferre solent.

<sup>e</sup> Deest conjunctio apud Constantium, ubi et paulo ante προσηγνώκως, mendose. Porro huiusmodi commonitorium contulimus cum edito in Auctario Theodoretī Garnieriano, pag. 51 seqq. GALLAND.

<sup>f</sup> Ideoque Christus solus habens præcipuam conjun-



unionem, sed <sup>a</sup> conjunctionem vocat, qualis est ea qua connectitur qui extrinsecus est, et de qua Deus dicit ad Josue : *Sicut fui cum Moyse, ita ero tecum* (Josue 1, 5). Ut autem tegat impietatem, Verbum cum ipso ex utero <sup>b</sup> dicit fuisse.

2. Idecirco neque ipsum esse dicit verum Deum, sed velut ex beneficentia Dei <sup>c</sup> eo nomine donatum. Et quamvis Dominus sit appellatus, eadem rursus ratione vult esse Dominum, quia hoc ei Deus Verbum dederit ut sic appellaretur.

3. Nec ait quod dicimus, Filium Dei <sup>d</sup> pro nobis mortuum esse, et resurrexisse : sed homo (inquit) mortuus est, et homo resurrexit, nihilque ejusmodi ad Verbum Dei pertinet.

4. Nos quidem Verbum Deum immortalem ac vitam esse confitemur; sed et credimus carnem factum, hoc est, cum univisset sibi carnem cum anima rationali, passum esse in carne secundum Scripturas; et quoniam corpus ejus passionem sustinuit, ipsummet dici passum esse, quamvis natura sit expers patiendi; rursumque quoniam resurrexit corpus ejus, non enim vidit corruptionem caro ejus (Ps. xv, 10), ipsum dici surrexisse pro mortuis. Ille autem non ita sentit, sed passionem hominis esse, et resurrectionem hominis esse; et quod in mysteriis <sup>f</sup> proponitur, hominis corpus esse prædicat. Nos autem credimus Verbi carnem idecirco <sup>g</sup> vivificandi virtutem obtinere, quia Verbi omnia vivificantis facta sit caro et sanguis.

5. Hæc ille dicere cum non sustineret, effecit ut Cœlestius libellos traderet adversus <sup>h</sup> Philippum pre-

ctionem ad Deum Verbum, in symbolo Nestoriano apud Mar. Mercatorem edit. Baluz. pag. 191 prædicatur.

<sup>a</sup> Immo huic vocabulo quasdam adjungebat particulas, quibus ab aretissimæ conjunctionis cogitatione mens avocabatur. Certe Mar. Mercator pag. 206 ex ejus quaternione 15 illud profert : *Colamus quadam divina conjunctione cum Deo omnipotente coadorandum hominem*. Cui cognatum est et istud symboli Nestoriani apud eundem M. Mercatorem pag. 191 : *Inducentes etiam assumptum Filium de Nazareth, quem unxit Deus spiritu et virtute quasi conjunctione ad Deum Verbum*. Quapropter et Cyrillus conjunctionis seu συναφείας vocabulum quo Nestorius utebatur, repudiabat, μάλλον δὲ τὸ τῆς συναφείας ὄνομα παραιτούμεθα, ὡς οὐκ ἔχων ἱκανῶς σημεῖναι τὴν ἑνωσιν, inquit ipse ad Nestorium tom. V part. II pag. 71, hoc est : *Immo conjunctionis respuimus nomen, ut minus idoneum quo unio significetur*; seu, ut Mar. Mercator edit. Baluz. pag. 362 Latine convertit : *Immo potius conjunctionis evitamus nomen, tamquam non existens idoneum quod significet unitatis arcanum*.

<sup>b</sup> Ne istud quidem symbolum Nestorianum apud Mar. Mercat. pag. 190 citra ambiguitatem effert. Nam in his, *hominem nostræ naturæ consimilem Spiritus sancti virtute in vulva Virginis fictum* (Deus Verbum) inæstimabiliter sibi conjunxit, utrum in vulva Virginis ad fictum, an ad sibi conjunxit, referatur, non manifeste apparet.

<sup>c</sup> Appellationis hujus rationem Nestorius quatern. 16 apud Mercat. p. 207 hanc reddit : *Quia in assumpto homine Deus est, ex eo qui assumpsit, is qui assumptus est, quasi Deo conjunctus, Deus esse cognoscitur*. Item in symbolo Nestoriano p. 191 legere est : *Dominus per substantiam est Deus Verbum, cui iste conjunctus honori communicat*. Querebatur tamen Nestorius, ut videre est apud Christianum Lupum tom. I

ἐξῆθεν, καὶ ὡς ἂν λέγῃ πρὸς Ἰησοῦν, ὅτι καὶ ὡς ἦν μετὰ Μωϋσῆ, οὕτως ἔσομαι μετὰ σου. κρύπτων δὲ τὴν ἀσέβειαν λέγει, ὅτι ἐκ μητρὸς συνῆν αὐτῷ.

Διὰ τοῦτο οὕτε Θεὸν ἀληθινὸν αὐτὸν εἶναι λέγει, ἀλλ' ὡς εὐδοκία τοῦ Θεοῦ κεκλημένον οὕτως· καὶ Κύριος ἀνομήσθη, οὕτως πάλιν αὐτὸν βούλεται Κύριον, ὡς τοῦ Θεοῦ Λόγου χαρισμένου αὐτῷ τὸ καλεῖσθαι καὶ οὕτω.

Μὴ φησιν ὅτι ὅπερ λέγομεν, ἀποθανεῖν ὑπὲρ ἡμῶν τὸν Υἱὸν τοῦ Θεοῦ, καὶ ἀναστῆναι, ὁ ἄνθρωπος ἀπέθανε, καὶ ὁ ἄνθρωπος ἀνέστη· καὶ οὐδὲν <sup>e</sup> τοῦτο πρὸς τὸν τοῦ Θεοῦ λόγον.

καὶ ἡμεῖς μὲν γὰρ ὁμολογοῦμεν ὅτι καὶ ἀθάνατός ἐστιν ὁ τοῦ Θεοῦ Λόγος καὶ ζωὴ ἐστίν· ἀλλὰ πιστεύομεν ὅτι γέγονε σὰρξ, τουτέστιν ἐνώσας ἑαυτῷ τὴν σάρκα μετὰ ψυχῆς λογικῆς, ἔπαθε σαρκὶ κατὰ τὰς Γραφάς· καὶ ἐπειδὴ τὸ σῶμα αὐτοῦ πέπονθεν, αὐτὸς λέγεται παθεῖν, καί ται τὴν φύσιν ἀπαθῆς ὦν· καὶ ἐπειδὴ τὸ σῶμα αὐτοῦ ἀνέστη, οὐ γὰρ εἶδε διαφθοράν ἢ σὰρξ αὐτοῦ, λέγεται ὅτι αὐτὸς ἀνέστη ὑπὲρ νεκρῶν. Ἐκεῖνός δὲ οὐ ταῦτα δοκεῖ, ἀλλὰ φησιν ὅτι ἀνθρώπου γέγονε τὸ πάθος, καὶ ἀνθρώπου ἢ ἀνάστασις, καὶ ἐν ταῖς μυστηρίοις σῶμά ἐστιν ἀνθρώπου τὸ προκείμενον· ἡμεῖς δὲ πιστεύομεν ὅτι τοῦ Λόγου ἐστὶ σὰρξ ζωοποιεῖν ἐσχύουσα διὰ τοῦτο, ὅτι τοῦ τὰ πάντα ζωοποιούντος Λόγου γέγονε σὰρξ καὶ αἷμα.

Ταῦτα οὐκ ἀνέχων λέγειν ἐκεῖνος, κελέστιον παρεσκεύασεν ἐπιδοῦναι λιβέλλους κατὰ Φιλίππου τοῦ πρεσβυτέρου,

c. 6, se a Cyrillo calumniose, quasi Christum purum hominem prædicaret, infamatum.

<sup>d</sup> Si totum, inquit apud Mercat. quatern. 16 pag. 210, novum scrutatus fueris Testamentum, nusquam in eo invenias mortem Deo assignatam, sed aut Christo, aut Filio, aut Domino. Sed si Christus non alia ratione Dominus et Filius quam qua Deus appellatur, ut modo vidimus, ac symbolum Nestorianum p. 191 explicat; ex quo mortem ipsi Domino ac Filio novum Testamentum attribuit, eam etiam Deo assignari permittit. Quia Deus est qui est mortuus, etsi non secundum naturam divinam, vere tamen Deus mortuus dicitur.

<sup>e</sup> Forte, τοιοῦτο.

<sup>f</sup> Id quod Nestorius simpliciter προκείμενον, et Marius Mercator procimerum Latine vocat, idem Nestorius apud eundem Mercatorem p. 209, et apud Cyrillum tom. VI p. 108 c d, nequaquam Deitatem, sed humanitatem exhibere affirmat. Nec vidit hæreticus in his Christi, Sicut misit me vivens Pater, et, Qui manducat meam carnem et bibit meum sanguinem, in me manet, et ego in eo, verbis me et ego non humanitatem, sed personam quæ divina est significari. Pravam illius intelligentiam refellit Cyrillus tum loco citato tom. VI, tum anathematismo 11. Sed in hac controversia, de hoc Cyrillum inter et Nestorium convenit, verum Christi corpus in eucharistiæ sacramento a nobis manducari.

<sup>g</sup> Apud Baluz., idcirco vivificatam esse, oscitantia, ut puto, librarii, qui vivificatam loco verbi vivificantem aut vivificam, supposuit.

<sup>h</sup> Is Philippus, ut ex Socrate lib. vii c. 26, 27 et 29, discimus, cum adhuc diaconus esset, una cum Joan. Chrysostomo versari ut plurimum est solitus. Deinde in suburbano Constantinopoleos cui nomen Ælea, presbyterii gradum sortitus, post Attici ejus-



shyterum, qui cum arguebat, et cum ipso propter heresim nolebat amplius convenire. In his autem libellis accusatio quædam erat, quod Manichæus esset. Deinde hominem citavit ad concilium. Venit ille, secundum canones sese gerens, quo causam diceret. Cælestius autem, cum probare nihil valeret, clanculo se subduxit, nec ad concilium accessit.

6. Hac occasione cum decidisset, aliam excogitavit. Dicebat enim : Cur privatos conventus <sup>b</sup> egisti, et in domo oblationem celebrasti? Atque omni prope clero dicente: Id facit unusquisque nostrum cum tempus et necessitas flagitat, depositionis sententiam adversus hominem tulit.

En habes <sup>c</sup> tomos quibus capita blasphemiarum Nestorii continentur.

#### FRAGMENTUM

*Sermonis quem Cælestinus in concilio Romano habuit adversus hæresim Nestorii.*

1. Recordor beate memorie Ambrosium in die Natalis Domini nostri Jesu Christi omnem populum fecisse una voce Deo canere : *Veni, Redemptor gentium, ostende partum Virginis : miretur omne sæculum, talis decet partus Deum. Numquid dixit : Talis partus decet hominem? Ergo sensus fratris nostri Cyrilli, in hoc quod dicit Θεοτόκον Mariam, valde concordat, Talis decet partus Deum. Deum partu suo Virgo effudit, ipso potente qui omnipotentia plenus est.*

2. Hilarius quoque vir acris ingenii, scribens ad Constantium imperatorem, de Incarnatione Domini sic ait : *« Filius, inquit, Dei factus homo Deus est. Et præposterans repetit : Deus filius hominis factus est (homo enim factus est Deus, non Deus factus est homo), et filius hominis factus est Filius Dei. Superavit enim magnitudo Domini parvitate servilis formæ, ita ut ipsa servilis forma quam assumpsit cessaret esse servilis per eum Dominum qui eam assumpsit. Si enim qui*

#### MONITUM IN QUATUOR SUBSEQUENTES EPISTOLAS.

1. De illarum veritate nullus est ambigendi locus, utpote quæ non modo veterum codicum auctoritate, sed et Nicolai I papæ, Liberati diaconi, Cyrilli Alexandrini et Joannis Antiocheni aliorumque testimoniis asseruntur.

que successoris Sisinnii mortem, a multis in eorum locum cooptatus, Sisinnio tamen ac postmodum Nestorio postpositus fuit. Cælestius autem Philippi accusator is putatur Pelagii discipulus, qui Attico pontifice, ut Mar. Mercator p. 115 tradit, Constantinopoli pulsus fuerat. Ad hunc Cælestium exstat apud Mar. Mercat. p. 151 Nestorii epistola, qua eum velut indigno patientem et injuste damnatum solatur, ac bono animo esse jubet. Id vero Pelagianis solemne erat, catholicos quasi liberi arbitrii eversores Manichæos appellare.

<sup>a</sup> Lege ἐλέγχοντος, et infra θελήσαντος.

<sup>b</sup> Hos conventus huius dubie Philippus agere tum cepit, cum Constantinopolitani audita impia Dorothei concione, convenire cum Nestorio desierunt, ut in epistola superiori n. 4 narratur.

<sup>c</sup> Hoc est, sententias summation ex Nestorii libris excerptas.

<sup>d</sup> Arnobius lib. II de Conflictu cum Serapione monimen um hoc nobis transmisit, de quo ibi sic prælatum : Sanctus Cælestinus ita encomiastes ejus (Cyrilli) existit, ut in Nestorii damnatione dicasset sententiam,

ἐλέγχοντα αὐτὸν καὶ μηκέτι θελήσαντα συναρθῆναι μετ' αὐτοῦ διὰ τὴν αἵρεσιν· ἐν δὲ τοῖς λιβελλοῖς αἰτία τις ἦν ὅτι Μανιχαῖος ἐστίν. Ἔτα κέκληκε τὸν ἄνθρωπον εἰς συνέδριον· κάκεινος ἦλθεν, πρᾶγμα ποιῶν κανονικόν· ἐτοιμῶς ἔχων ἀπολογήσασθαι. Ἐπειδὴ δὲ οὐδὲν ἔχον δεῖξαι ὁ Κελέστιος, ἀφανῆ ἐκυτὸν κατέστησε, καὶ οὐκ ἀπῆλθεν εἰς τὸ συνέδριον.

Οὐχ εὐρών αὐτὴν τὴν ἀγορμὴν, ἐφ' ἑτέραν ἐχώρησεν. Ἔφη γάρ, ὅτι τίνος ἐνεκεν παρασύνοξιν ἐποίησας καὶ ἐν τῇ οἰκίᾳ προσφορὰν ἐτέλεσας; παντὸς σχεδὸν τοῦ κληροῦ λέγοντος, ὅτι καὶ ἡμῶν ἕκαστος ἐν καιρῷ καὶ χρείᾳ τοῦτο ποιεῖ, ἐξῆνεγκεν ἀπόφασιν καθαιρέσεως κατὰ τοῦ ἀνθρώπου.

Ἰδοὺ ἔχεις τόμους ἔχοντας κεφάλαια τῶν βλασφημιῶν Νεστορίου.

B natura non filii Dei, per ipsam efficiuntur filii Dei : quanto magis ipse qui natura Filius Dei est, hunc cum quo voluntate sua alvo virginali conceptus et natus est, ita sublimavit in Deum, ut in ejus nomine omne genus flectatur, cælestium et terrestrium et infernorum, et omnis lingua confiteatur, quia Dominus Jesus in gloria est Dei Patris (Philipp. II, 10).

3. Item præce-sor meus Damasus scribens ad Paulinum Antiochenæ Ecclesiæ episcopum, <sup>f</sup> inter cætera ait : *Anathematizamus eos qui duos filios Dei asserunt, alterum qui ex Patre ante sæcula est genitus, et alterum qui ex assumptione carnis natus est ex Virgine.* Item ipse apostolicæ memorie vir Damasus in altera epistola <sup>g</sup> ad Paulinum : *Anathematizamus eos qui duos in Salvatore filios confitentur, alium ante incarnationem, et alium post assumptionem carnis ex Virgine, et non eundem Dei Filium et ante et postea ipsum esse Christum Dominum Dei Filium qui natus est ex Virgine, confitentur.*

2. E Romano concilio, cui Cælestinus præfuit, et in quo convenerant qui tum in Urbe reperti sunt episcopi, multis consensibus habitis scriptas esse Liberatus diaconus cap. 5 et Cyrillus in epistolis ad Joannem Antiochenum et ad Juvenalem tradunt. Id-

laudem vero Cyrilli et in conspectu Dei et omnium prædicasset, asserens sensum ejus præclarorum nostræ provinciæ episcoporum prædicatione roborari, et Damasi, Ambrosii, Hilarii, hunc fuisse sermonem. Ait enim in ipso concilio, Recordor, etc. Neque obscurum est hoc in eo dictum esse concilio in quo Cælestinus post acceptas Nestorii Cyrillique litteras, sententiam in illum hæreticum ac sequentes litteras conscripsit, adeoque mense Augusto anni 430.

<sup>e</sup> In nova Hilarii editione p. 1215, observatum est verba hic laudata ad eam libelli I ad Constantium pertinere partem quæ manifeste mutila est. Quo autem intellectu ea protulerit Hilarius, ibid. pag. 1367 not. b, et in præfatione generali num. 190, expositum est. Et ea quidem ad illustrandum et confirmandum quod de naturæ humanæ post resurrectionem Christi Deificatione Cyrillus assererat, idonea esse ex prædicta explicatione planum fiet.

<sup>f</sup> Epist. 5 num. 3.

<sup>g</sup> Hoc est, in expositione catholicæ fidei quæ subnexa est epistolæ 5 proxime laudatæ n. 1.



circo eas Cyrillus idem et in epistola ad Joannem Romanæ synodo, et in epistola ad Juvenalem, atque alibi, Coelestino attribuit, cui uni in omnibus exemplaribus ascribuntur (*Concil. Ephes. i p. c. 21 et 24*). In designando die quo datæ sint, hoc dissident veteres codices, quod in aliis iii, in aliis iv idus Augusti consignentur.

3. Quatuor illæ epistolæ per Posidonium Alexandrinæ Ecclesiæ diaconum, qui Cyrilli litteras et scripta Romam pertulerat, ad eundem Cyrillum missæ sunt, ut ejus opera ad eos quibus inscriptæ erant transmitterentur. Id nominatim de epistolis 13 et 14 Coelestinus (*Epist. 14 n. 8*), ac de 11 Cyrillus in epistola ad Juvenalem testantur. Joannes quoque Antiochenus exemplum epistolæ sibi a Coelestino missæ ab Alexandrinis clericis accepisse se Nestorio nuntiat (*Concil. Ephes. p. i c. 25*). Ad Rufum et Flavianum quod attinet, cum hi Urbi essent viciniore, nil opus erat, ut ejusdem epistolæ par exemplum a Cyrillo susciperent. Quia tamen ea ipsa, quæ Joanni missa est, simul Rufo et Flaviano a pari inscribitur, hos etiam epistolam ab eo suscepisse probabile est, a quo eandem Joannes accepit.

4. Notatu dignum est quod scribit Coelestinus, eam scilicet Nestorii esse causam, quæ ipsius præsentiam postularet; sed quia id non permetteret longa locorum intercapedo, in hoc toto negotio suam se vicem Cyrillo delegare. Et huic quidem mandato paruit Cyrillus: eidem morem gesserunt alii, neque illi Joannes Antiochenus refragatus est (*Ibid.*). Immo susceptis Coelestini litteris, Nestorium, ut eis obsequeretur, hortatus est his verbis: *Licet dominus meus Coelestinus Deo devotissimus episcopus decem tantum dierum intervallum, terminum usque responsioni præfinitum valde angustum litteris suis interposuerit; tamen res ea ejusmodi est, ut non dico decem diebus, sed uno, immo vero paucis horis confici possit.* Istā vero non solus scripsit Joannes, sed multi cum eo episcopi, quos ad epistolæ calcem recenset.

5. Qua lingua tum scripserit Coelestinus, Græcane, an Latina, an utraque, nemo forsitan quæret. Ad nos quod attinet, cum Latine scripsisse inde nobis est persuasum, primo quod, uti epist. 13 ipse

A docet, Græce nesciebat, secundo quod Romania præsulibus id moris erat ut Latine ad Græcos scriberent, et in ipsis etiam Græcorum synodis eorum litteræ primum Latine legerentur, ut ex Ephesini concilii actione 2 pag. 111 comperimus. Eum tamen cavisse arbitramur, ne Nestorii instar litteras suas sola vernacula lingua sine idonea interpretatione mitteret. Inde sane Nestorio data fuit et occasio ne litteris illis intra tempus præscriptum obsequeretur. Imitatus est potius Cyrillum, qui quæ ad ipsum miserat scripta prius in Latinum sermonem converti curaverat. Tunc igitur id præstitisse credendus est, quod postea scribens ad Ephesinam synodum fecit, ubi legati Apostolicæ sedis litteras ipsius Latine scriptas cum Græca interpretatione obtulerunt. Certe subsequentes epistolas etiam utraque lingua veteres codices exhibent. Duos nempe Græcos in regia bibliotheca, unum Latinum in Navarrea nacti sumus. Jam antea e tribus aliis, Turonensi nimirum, Bellovacensi, atque Colbertino Steph. Baluzius in nova collectione Latine illas ediderat.

B 6. Hinc nova oboritur quæstio, num videlicet primigenius earum textus ad nos pervenerit. Eum quidem, quem etiamnum habemus, veterem esse testes sunt mox memorati codices. Immo nequid aliud esse ab eo qui Liberati ævo, id est sæculo vi, circumferebatur, hoc argumento est, quod idem Liberatus epistolarum 11 et 13 principia iisdem verbis quibus hæc ad nos pervenerunt indicet. Quædam tamen in illis, maxime vero in 14 deprehenduntur improprie locutiones, unde non e Latino fonte, sed e Græcis rivulis fluere comprobantur. Quamobrem sicubi incidunt hujusmodi minus propriæ locutiones sen sententiæ ex ancipiti alterutrius linguæ idiomate derivatæ, eas ut plurimum vel notare, vel etiam explicare non piguit. Quod præsertim in postrema, quæ cæteris primigenii textus Latini minus tenax est, duximus præstandum. Observamus præterea, cum in hac postrema repetatur sententia quam Coelestinus in antecedente adversus Nestorium pronuntiat, in utraque tamen non iisdem verbis non solum Latine, sed etiam Græce, enuntiari.

## EPISTOLA XI.

COEDESTINI I PAPÆ AD CYRILLUM ALEXANDRINUM EPISCOPUM.

Cyrilli in propugnanda fide studium laudat Coelestinus, et hæresim Nestorii damnat, ac, nisi corrigatur, Cyrillo, demandata vice sua, præcipit ut eum amoveat ab Ecclesiæ communionem, et Ecclesiæ ipsius alium pastorem provideat.

Charissimo <sup>a</sup> CYRILLO COEDESTINUS.

1. Tristitiæ nostræ sanctitatis tuæ litteræ missæ per filium nostrum Posidonium diaconum lætitiā reddiderunt, et gaudium alternavimus cum mœrore. Cum enim respicimus et recensemus quæ dixerat is qui Constantinopolitanam perversis prædicationibus turbare conatur Ecclesiam, non parvo animus noster dolore concussus, diversis cogitationum stimulis vexabatur, qualiter populi possit, ut in fide persisteant, subveniri. Dum vero mentem nostram ad tuæ fraternitatis scripta <sup>c</sup> convertimus, paratum jam remedium quo pestifer morbus salubri remedio vitaretur, invenimus; scilicet puri fontis liquorem de tuæ charitatis sermone manantem, qui cœnum omne male flentis rivi detergeret, et omnibus quid de fide nostra sentire debeant aperiret. Ut illum ergo repre-

<sup>a</sup> Ex Græco hic adjiciendum *fratri*.

<sup>b</sup> Reg. mss. βοηθηθῆς. Forte βοηθῆ τις.

<sup>c</sup> Hoc est, quæ Cyrillus proxime cum superiori epist. 8 miserat, scilicet duas ad Nestorium epistolas, unam ad monachos, cum tomis quibus quæ Nestorii et quæ Patrum esset sententia patefaciebat.

Τῷ ἀγαπητῷ ἀδελφῷ Κυρίλλῳ Κελεστίνος.

Τῇ ἡμετέρᾳ συγγνώμῃ τὰ διὰ τοῦ υἱοῦ ἡμῶν Ποσιδονίου τοῦ διακόνου ἀποσταλέντα παρὰ τῆς σῆς ἀγιότητος γράμματα ἀπέδωκεν εὐθυμίαν, καὶ ἀντικατηλλάξαμεθα τὸ ἥδος πρὸς τὸ λυποῦν. Ἀποβλέποντες γὰρ καὶ ἐννοοῦντες ἅπερ εἶπεν ὁ τὴν ἐν Κωνσταντινουπόλει Ἐκκλησίαν διωστραμμέναις προσομιλίαις ταραττεῖν ἐπιχειρῶν, οὐ σμικρῶ κατ' αὐτὴν τὴν ψυχὴν πεπληγμένοι πόνοι διαφόροις σκέψεων κέντροις βασανίζομεθα, ἐννοοῦντες ὅπως <sup>b</sup> βοηθεῖν εἰς τὸ ἐμμένειν τῇ πίστει. Ὡς δὲ τὴν ἡμετέραν <sup>d</sup> διάνοιαν εἰς τὰ παρὰ τῆς σῆς ἀδελφότητος γραφέντα μετεστήσαμεν, ὥσθι ἡμῶν εὐθύς ἐτοιμοτάτῃ θεραπείᾳ δι' ἧς ἡ λοιμώδης νόσος ὑγιεινῶ φαρμάκῳ ἀπελαθῆι· φημί δὲ τὴν τῆς καθαρᾶς πηγῆς ἔκροαν, τὴν ἀπὸ τοῦ λόγου τῆς σῆς ἀγάπης ἐκρέουσαν, δι' οὗ πᾶσα <sup>d</sup> καθαρκεῖται ἡ ἑὸς τοῦ κακῶς διαχεομένου ρείθρου, καὶ πᾶσιν ἐνοίγεται ὁ

Nec ad plura Cyrilli scripta pertinet insignis illa Coelestini approbatio, qua quæ sibi a Posidonio tradita sunt cum fide sua prorsus consentire testatur. Neque igitur hæc ad Cyrilli anathematismos attinet.

<sup>d</sup> Unus ms. καθαρκεῖται. Forte καθαιρεῖται.



hendimus et notamus, ita sanctitatem tuam velut presentem in litteris suis dominica sumus charitate complexi, cum unum idemque nos sentire de Domino videremus. Nec mirum est providentissimum Domini sacerdotem, pro fidei amore <sup>b</sup> hac virtute pugnare, et adversorum improbæ resistat audaciæ, et sibi creditos hac admonitione confirmet. Quam ergo nobis illa fuerunt amara, tam ista sunt dulcia; quam illa cœnulentia, tam ista sunt pura. Gratulamur tantam inesse sanctitati tuæ vigilantiam, ut decessorum tuorum qui et ipsi semper defensores orthodoxi dogmatis exstiterunt, exempla jam viceris. Vere tibi evangelicum potest testimonium convenire, quo dicitur: *Pastor bonus ponit animam suam pro ovibus suis* (Joan. x, 11). Sed ut tu bonus pastor, ita ille nec tamquam malus potest mercenarius accusari, qui non ideo quod oves relinquit arguitur, sed quod eas ipse <sup>d</sup> laniare inveniat.

2. Adderemus aliquid, frater charissime, si non te eadem sentire quæ sentimus omnia videremus, et in ipsa assertionem fidei defensorem fortissimum probassemus. Ingesta vero nobis sunt cuncta per ordinem a filio nostro Posidonio diacono, quæcumque de hac re tua sanctitas scripsit. Omnes tendiculas prædicationis callidæ detexisti, et fidem taliter, ne Christo Deo nostro credentium cor in alteram partem trahi valeat, communiisti. Magnus fidei nostræ triumphus est, et asseruisse nostra tam fortiter, et adversa sanctarum Scripturarum testimoniis sic devicisse. Quid agat jam? quo se ille circumferat, qui amator impiæ novitatis, dum suo voluit potius ingenio servire quam Christo, sibi creditam plebem veneno voluit suæ prædicationis inficere; cum et legere debuerit et tenere, pravæ quæstiones, et quæ non proficiant ad salutem, sed ad perditionem animarum nitantur, vitandas potius quam sequendas (Tit. iii, 9)?

3. Sed ad præcipitia festinantem, immo jam in præcipiti, unde corruat, constitutum, si possimus revocare debemus, ne ruinam ejus, si <sup>e</sup> non succurrimus, urgeamus. Christus Deus noster, cui suæ quæstio nativitatis infertur, pro una ove laborare nos docuit (Luc. xv, 5), volens eam suis quoque humeris revocari, ne rapaci lupo pateret in prædâ. Et qui pro unius ovis currere salute nos docuit,

<sup>a</sup> Ita mss. At edit. εἰδότες.

<sup>b</sup> Apud Baluz., amore ac virtute Græca littera postulat amore, hac (sen hujusmodi) virtute.

<sup>c</sup> Editi hic addunt δύνασθαι, non mss.

<sup>d</sup> Baluz., laniet, invenitur. Græcus textus exigit: Ita ille dignus est qui accusetur, non ut malus mercenarius, quippe qui non ideo quod oves reliquerit arguatur, sed quod eas ipse laniare inventus sit.

<sup>e</sup> In mss. deest ἀπεβοῦς.

<sup>f</sup> Edit. δουλεύων ὡς ἐν τῷ τῷ Χριστῷ ἐκκλολου-

τρόπος τῆς θεούσης περὶ τὴν ἡμετέραν πίστιν ἐνοίας. ὥσπερ οὖν ἐκεῖνον καὶ στίζομεν καὶ μεμφομένη, οὕτω τὴν σὴν ἀγιότητα, ὥσπερ παροῦσαν ἐν τοῖς ἰδίοις γράμμασι, τῇ τοῦ Κυρίου ἀγάπῃ περιπλεκόμεθα, <sup>a</sup> ὁρῶντες ὅτι ἐν καὶ τὸ αὐτὸ περὶ τοῦ Δεσπότου φρονούμεν. καὶ θαυμαστὸν οὐδὲν τὸν προνοητικώτατον τοῦ Κυρίου ἐρεῖα ὑπὲρ τοῦ τῆς πίστεως ἔρωτος τοιαύτη διαμάχισθαι ἀρετῇ, ὥστε τῇ ἀτόπῃ τῶν ἐναντίων τόλμῃ ἀνθίστασθαι <sup>c</sup>, καὶ τοὺς ἐαυτῷ ἐμπιστευμένους τοιαύταις ὑπομνήσεσι βεβαιοῦν. Ὅσπερ ἐκεῖνα ἡμῖν πικρὰ, οὕτω ταῦτά ἐστιν ἡδέα· ὥσπερ ἐκεῖνα θλυώδη, οὕτω ταῦτα καθάρα. καὶ χαίρομεν τοσαύτην ἐνεῖναι ὁρῶντες τῇ σῇ εὐλαθείᾳ ἐργηγορσιν, ὡς ἤδη σε νενικηκέναι τὰ ὑποδείγματα τῶν σου προφηγεσάμενων, γενομένων αἰεὶ καὶ αὐτῶν ἐκδικῶν τοῦ ὀρθοδόξου δόγματος. Ἀληθῶς τε ἐπὶ σοῦ ἀρμόσει ἡ εὐαγγελικὴ μαρτυρία ἢ λέγουσα· Ὁ ποιμὴν ὁ ἀγαθὸς τὴν ψυχὴν αὐτοῦ τίθει ὑπὲρ τῶν ἰδίων προβάτων. Ἀλλ' ὥσπερ σὺ ποιμὴν ἀγαθός, οὕτως ἐκεῖνος οὐδὲ ὡς κακὸς μισθωτὸς κατηγορεῖσθαι ὅξιος· ὅς οὐ διὰ τοῦτο διαβάλλεται, ὡς τὰ ἐαυτοῦ καταλιπὼν πρόβατα, ἀλλ' ὅτι ἠυρέθη αὐτὸς διασπαράττων αὐτά.

Προσθεῖσθαι δὲ τινα καὶ ἡμεῖς ἐμέλλομεν, ἀγαπητὲ ἀδελφε, εἰ μὴ ἐρωῶμέν σε τὰ αὐτὰ φρονούντα πάντα, ὥσπερ φρονούμεν, καὶ ἐν τῇ βεβαιώσει τῆς πίστεως ἐδοκιμάζομεν σε ἐκδικῶν ἰσχυρότατον. Ἀπεδόθη γάρ ἡμῖν πάντα κατὰ τάξιν διὰ τοῦ υἱοῦ ἡμῶν Ποσειδωνίου τοῦ διακόνου, ὅσα περὶ τούτου τοῦ πράγματος ἢ σὴ ἀγιότης γεγράφηκε. Πάντα τὰ δίκτυα τῆς δολίχης προσομιλίας ἐγύμνωσας, καὶ οὕτω τὴν πίστιν ὠχύρωσας, ὡς μὴ δύνασθαι τὴν καρδίαν τῶν τῷ Χριστῷ τῷ Θεῷ ἡμῶν πιστευόντων εἰς ἕτερον ἐλκυσθῆναι μέρος. Μέγας οὗτός ἐστι τῆς ἡμετέρας πίστεως ὁ θρίαμβος, τὸ ἀποδείξαι τὰ ἡμέτερα οὕτως ἰσχυρῶς, καὶ οὕτω νενικηκέναι τὰ ἐναντία διὰ τῆς τῶν θείων Γραφῶν μαρτυρίας. Τί λοιπὸν διαπράξεται; ἢ ποῦ ἐαυτὸν ἐκεῖνος περιστρέψει; ὅς γενομένος ἐραστής <sup>e</sup> ἀσεβοῦς νεωτερισμοῦ, ὡς ἐβούλετο μᾶλλον ταῖς ἐαυτοῦ ἐνοίαις <sup>f</sup> δουλεύειν ἐαυτῷ, ἢ τῷ Χριστῷ, τὸν ἐμπιστευθέντα ἐαυτῷ δῆμον βλάψαι ἠθέλησε τῷ τῆς ἰδίας προσομιλίας δηλητηρίῳ· δέον καὶ ἀναγνῶναι τοῦτο καὶ κατέχειν, ὅτι τὰ μάταια ζητήματα, καὶ μὴ προκόποντα εἰς ὑγίαν, ἀλλὰ χωροῦντα εἰς ψυχῶν ἀπώλειαν, φεύγειν μᾶλλον, ἢ ἐπιζητεῖν δεῖ.

Ἀλλ' ὅμως εἰς κρημνοὺς αὐτοὺς ἐπειγόμενον, μᾶλλον δὲ ἤδη ἐν αὐτῷ τῷ κρημνῷ, ὅθεν πεσεῖται, διάγοντα, εἴ γε δυνάμεθα, ἀνακαλεῖσθαι ὀφείλομεν, μὴ τὴν πτώσει αὐτοῦ τῷ βοηθεῖν προσωθήσωμεν. Ὁ Χριστὸς ὁ Θεὸς ἡμῶν, ὃ ἐπάγεται ζήτησις περὶ τῆς ἰδίας γεννήσεως, ἐδίδαξεν ἡμᾶς κάμνειν ὑπὲρ προβάτου ἑνός, θέλων καὶ διὰ τῶν ἰδίων ὤμων ἀνακαλεῖσθαι, ὡς μὴ ἐκκέηται τῷ λύκῳ εἰς ἀρπαγὴν. Εἴτα ὁ διδάξας ἡμᾶς οὕτω δραμεῖν ὑπὲρ

θῶν, καὶ τὸν: castigantur ex mss.

<sup>e</sup> In Regiis exemplaribus Græcis post verbum βοηθεῖν additur ἢ μὴ, haud dubie ex nota marginali, qua quis antiquarius particulam μὴ ante verbum predictum desiderari monuerat. Nam istud ἢ, hoc est vel, respondet nostro forte, eaque particula notare solent antiqui lectiones, quas vulgatis præferendas censent ac meliores. Censuit igitur antiquarius noster Græce legendum τῷ μὴ βοηθεῖν, ejusque censuram lectio Latina, si non succurrimus, confirmat.



qualiter nos vult pro ipsarum ovium laborare pastore, qui officii et nominis ejus oblitus in rapacitatem lupi se ipse convertit, gregem cupiens perdere, quem debuerat custodire? Quem nos a septis agnorum remove debemus, si non ita ut volumus corrigamus. Sit <sup>b</sup> spes veniæ corrigenti; malumus enim ut revertatur et vivat, si vitam sibi commissorum ipse non perdat. Sit <sup>c</sup> aperta sententia perduranti; abscidendum est enim tale vulnus, quo non unum membrum læditur, sed totum corpus Ecclesiæ sauciatur. Quid enim <sup>d</sup> cum consentientibus faciat, qui solus sibi sapiens a nostra credulitate dissentit? Sint in communione, quos ipse resistentes sibi a communionem <sup>e</sup> submovit; nostramque communionem habere se non posse noverit, si in hoc perversitatis suæ tramite apostolicæ doctrinæ contrarius perduravit.

4. Auctoritate igitur tecum nostræ sedis ascita, et nostra vice usus, hanc exsequeris distrieto vigore sententiam, ut aut <sup>i</sup> intra decem dies ab hujus conventionis die numerandos pravas prædicationes suas scripta professione condemnet, et hanc se de nativitate Christi Dei nostri fidem tenere confirmet quam et Romana, et tuæ sanctitatis Ecclesia, et universalis devotio tenet; aut nisi hoc fecerit, mox sanctitas tua illi Ecclesiæ provisura, a nostro eum corpore modis omnibus sciat esse removendum, qui nec in se medentium curam voluit admittere, et in perditionem tam suam quam omnium sibi creditorum <sup>j</sup> male pestifer festinavit.

5. Eadem autem scripsimus et ad sanctos fratres et coepiscopos nostros, Joannem, <sup>k</sup> Rufum, Juvenalem et Flavianum: ut nota sit de eo nostra, immo Christi nostri divina sententia. Data III idus Augusti <sup>l</sup> Theodosio XIII et Valentiniano <sup>m</sup> III consulibus.

<sup>a</sup> Ita mss. At edit., *eis ἄρπαγα λύκον*

<sup>b</sup> Editi Græce, *εἰ ἐτι συγγνώμης ἐλπίς διορθωσομένων, δυνήσεται περιλείπεσθαι* θέλομεν: castigantur ex mss. quibus Latina lectio et orationis series suffragantur.

<sup>c</sup> In vulgatis, *sit certa sententia*. Græcus textus postulat *sit aperta sententia*, hoc est palam et aperte dicta sententia damnetur, si in errore persistat. Ille respondet Cœlestinus ac plane satisfacit Cyrilli petitioni. Is enim epist. 8 n. 7 nondum quidem se a Nestorii communione aperte discessisse significarat, sed quid deinceps sibi agendum foret, Cœlestinum ut docere dignaretur enixe rogabat.

<sup>d</sup> Hoc est, *cum iis qui in una fide concordant*. Alludit Cœlestinus ad verba Cyrilli epist. 8 n. 5, unde Nestorium a communi omnium orthodoxorum sententia discedere, seque unum omnibus sapienterem arbitrarî didicerat.

<sup>e</sup> In vulg. additur *ἄριστα*.

<sup>f</sup> Ilis et Cyrillus obsequens, proxime postquam has accepit Cœlestini litteras, ad clerum populumque CP. pari er scripsit: *Cum iis clericis et popularibus quoque, qui propter rectam fidem ab illo excommunicati vel gradu moti sunt, nos libere communicamus, injustam illius sententiam minime approbantes, sed eos potius qui ista perpessi sunt commendantes.*

<sup>g</sup> *σοφίας προβάσει* ἐως, πῶς ἔρα ἡμῶν νόμιμα βούλονται ὑπὲρ αὐτοῦ τοῦ τῶν προβάτων ποιμένος; ὅς τῆς προσηγορίας ταύτης καὶ τοῦ ἐπαγγέλματος ἐπιδείκνυται, αὐτὸς ἑαυτὸν εἰς <sup>h</sup> ἄρπαγην λύκῳ μετήλθειν, ἐπιθυμῶν ἀπολέσαι τὴν ἀγέλην, ἣν αὐτὸς ὡρεῖται συντηρεῖν. Τοῦτον οὖν ἡμεῖς ἀπὸ τῆς περικλείσεως τῶν ἀμνῶν ἀποκινῆσαι ὀρεῖσθεμεν, ἐὰν μὴ αὐτὸν, ὡς θέλομεν, διορθώσῃμεθα. Εἴη ἐτι συγγνώμης ἐλπίς διορθωμένων; θέλομεν γὰρ ἵνα ὑποστρέψῃ καὶ ζήσῃ, εἰ μὴ αὐτὸς τὴν ζωὴν τῶν ἐμπεπιστευμένων ἑαυτῷ ἀπολείπειν. Εἴη δὲ τις φανερά ἀπόφασις κατ' αὐτοῦ ἐμμένοντος. Ἐκκοπτέον γὰρ τὸ τοιοῦτον τραῦμα, δι' οὗ οὐχ ἐν μέλῳ βλάπτεται, ἀλλὰ πᾶν τὸ σῶμα τῆς Ἐκκλησίας διατιτρώσκειται. Τί γὰρ ποιεῖ μετὰ τῶν ἀλλήλοις ὁμονούντων, ὅς μόνος ἑαυτῷ φρονεῖν δοκῶν <sup>e</sup> ἀπὸ τῆς ἡμετέρας διχυνοῦσι πίστεως; ὅθεν μενέτωσαν ἐν τῇ κοινωνίᾳ, οὗς αὐτὸς ἀντιέχοντας αὐτῷ ἀπεκίνησε τῆς κοινωνίας. Καὶ γενωσκέτω ὅτι αὐτὸς τὴν ἡμετέραν κοινωνίαν ἔχειν οὐ δυνήσεται, ἐὰν ἐν ταύτῃ τῇ τῆς διαστροφῆς ὁδῷ παραμείνῃ, ἐναντιούμενος τῇ ἀποστολικῇ διδαχῇ.

Συναφθείσης σοι τοίνυν τῆς αἰθεντίας τοῦ ἡμετέρου θρόνου τῇ ἡμετέρᾳ <sup>h</sup> διαδοχῇ χρησάμενος, ταύτην ἐκδιθάσεις ἀκριβεῖ στερόδότητι τὴν ἀπόφασιν, ἵνα ἡ ἐντὸς δέκα ἡμερῶν ἀριθμουμένων ἀπὸ τῆς ἡμέρας τῆς ὑπομνήσεως ταύτης, τὰ κακὰ κηρύγματα ἑαυτοῦ ἐγγράφῳ ὡς λογίᾳ ἀθετήσῃ, καὶ ἑαυτὸν διαβεβαιώσῃται ταύτην κατέχειν τὴν πίστιν περὶ τῆς γεννήσεως τοῦ Χριστοῦ τοῦ Θεοῦ ἡμῶν, ἣν καὶ ἡ Ῥωμαίων καὶ ἡ τῆς σῆς ἀγιότητος ἐκκλησία, καὶ ἡ καθόλου καθοσίωσις κατέχει· ἡ ἐὰν μὴ τοῦτο ποιήσῃ, εὐθὺς ἡ σὴ ἀγιότης ἐκείνης τῆς ἐκκλησίας <sup>C</sup> προνοησαμένη, μάθῃ αὐτὸν παντὶ τρόπῳ ἀπὸ τοῦ ἡμετέρου σωματίου ἀποκινεῖν, ὅς οὔτε τὴν τῶν θεραπευόντων ἡσιν ἠβέησας καταδέξασθαι, καὶ εἰς ἀπώλειαν αὐτοῦ τε καὶ πάντων τῶν αὐτῷ πεπιστευμένων κακῶς λοιμώδης ἠπείχθη.

Τὰ δὲ αὐτὰ ἐγράψαμεν πρὸς τοὺς ἁγίους ἀδελφοὺς καὶ συνεπισκόπους ἡμῶν Ἰωάννην, Ροῦφον, Ἰουθενάλιον, καὶ Φλαβιανόν· ἵνα φανερά ᾗ ἡ περὶ αὐτοῦ ἡμῶν, μᾶλλον δὲ ἡ τοῦ Χριστοῦ ἡμῶν θεῖα ἀπόφασις.

Inter eos autem quos Nestorius submoverat, præcipuus consensus est Philippus presbyter, de quo in superiore epistola 9 num. 5 est dictum.

<sup>k</sup> Et hic cum Latino sermone consentit Græcus regionum exemplarium textus. In vulgatis autem habetur, καὶ τῇ ἡμετέρᾳ τοῦ τόπου διαδοχῇ ἐπ' ἐξουσίᾳ <sup>D</sup> χρησάμενος, nostraque vice ac loco cum potestate usus.

<sup>h</sup> In mss., *δοχῇ*.

<sup>i</sup> Ita ms. Navar., suffragante Græco. At Baluz., *infra*.

<sup>j</sup> Hinc perspicuum est Græce κακῶς, non, ut in mss. Regiis fertur, κάθως legendum esse. Ex hoc mendo locus datus videtur glossæ, quod in vulgatis exemplaribus Græcis obtinet, οἷα λοιμώδης νόσος ἠπείχθη δραμεῖν διὰ τοῦ τῆς Ἐκκλησίας σώματος ἐλαυνόμενος. Tanquam pestifer morbus in totum Ecclesiæ corpus invadens festinavit serpere.

<sup>k</sup> Rufum et Flavianum ideo nominat Cœlestinus, quia hic archiepiscopus, et ille primas erat Macedonum, quos novis Nestorii commentis graviter offensos esse Cyrillus epist. 8 n. 5 præmonuerat.

<sup>l</sup> Augusti 11, anno 459.

<sup>m</sup> In mss., Valentiniano VI.



## EPISTOLA XII.

*Quam exitiosa sit Nestori doctrina, Cælestinus exponit. Se a sua communione illum ejusque fautores secrevisse, et contra in communionem recepisse quos ille novissime abjecerat. Ut infra scripti præsules fortiter pro Ecclesia certent hortatur, monetque Nestorium a communione Ecclesiæ removendum, nisi admonitus intra decimum diem damnet quod prædicarat.*

COELESTINUS episcopus <sup>a</sup> JOANNI, JUVENALI, RUFO, et A FLAVIANO episcopis per Orientem, <sup>b</sup> a pari.

1. Optarem quidem, sicuti una est <sup>c</sup> Dei essentia, ita inter omnes qui ubique sunt homines unam rectæ fidei veritatem teneri. Minor tamen gemitus est, si qui se extra gregem Dominicum segregantes, et per angulos latebrasque latitantes <sup>d</sup>, alios sibi vel paucos qui secum sentiunt, occulto errore persuadeant. Cum vero aliquis sacrosanctæ Ecclesiæ Dei sub nomine <sup>e</sup> præpositus sacerdotis, ipsum Christi populum a tramite veritatis in præceps devixæ persuasionis avertit, et hoc in amplissima urbe, ad quam propter inhabitantis imperii reverentiam de universo orbe confluit multitudo; tunc plane est geminanda lamentatio, et major sollicitudo, ne quid lupi <sup>f</sup> rapacitas prævaleat, adhibenda. Minor enim <sup>g</sup> cura est obsidentis inimici quam intra mœnia de-

<sup>a</sup> Quædam in Græca et Latina epistolæ hujus inscriptione apparet dissensionis species, cum in illa uni Joanni, in hac pluribus aliis inscribatur. Latine suffragatur tum Liberatus diaconus cap. 5, ubi hanc Cælestini epistolam sic indicat, *Eadem de re* (de qua Cyrillo) *pariter scripsit Joanni Antiochæno, Rufo Thessalonicensi, Juvenali Hierosolymitano et Flaviano Philippensi archiepiscopo*; tum Cælestinus in superiore epistola 11 n. 5, ubi habet, *Scriptimus et ad sanctos fratres et coepiscopos nostros Joannem, Rufum, Juvenalem et Flavianum*. His accedit et Nicolaus I papa epist. 8 ad Michaellem, epistolam istam ut *Orient. lib. episcopis* scriptam commemorans. Græcæ nihilominus favet totius epistolæ contextus; nusquam enim ad plures, sed ad unum Cælestinus sermonem convertit, nec verbis fratres charissimi, sed frater charissime, utitur, et sanctitatem tuam, non vestram, compellat. Est et alia quædam Cyrillum inter et utriusque textus inscriptionem pugna. Hanc enim epistolam, quam uterque textus Cælestino, Cyrillus synodo tribuit. Primam dissensionis speciem conciliat atque componit Cyrillus epist. ad Joannem Antiochenum quem sic alloquitur: *Scriptis* (Romana synodus) *et ad inveni pietatem. Scriptis et a pari* (τὰ ἴσα) *ad Rufum piatissimum Thessalonicensem episcopum et ad nonnullos alios religiosissimos Macedoniæ episcopos, qui ei semper suffragari solent. Scriptis nihilominus ad Juvenalem Hierosolymorum episcopum*. Earum quippe epistolarum, quæ pluribus a pari inscribebantur, unicuique eorum quorum nomina præ se ferebant, simile exemplum separatim mittebatur, proprio cujusque nomine inscriptum. Quapropter sic in eis loquuntur papæ, quasi ad unum scriberent; et cum unum hujusmodi exemplum singulare reperitur, ejus unius cui destinatum erat nomen præ se ferre debet. Hinc quod uni Joanni inscribatur Græcus epistolæ hujus textus, hoc indicio est solum hujus exemplum quod Joanni missum fuerat, repertum ac vulgatum esse. Epistolas autem quas Romani pontifices habita prius synodo scribebant, ipsi synodo tribuere licebat, quamvis eas ipsi pontificibus vulgo ascribendi mos et usus obtinuerit. Quocirca hæc epistola et a Cyrillo Romanæ synodo, et ab aliis Cælestino ascribitur. Neque obscurum est ipsius Cyrilli votis nunc Cælestinum obsequi, quem ille præsul, epist. 8 n. 7, obsecravit ut super Nestorii doctrina sententiam suam tum Macedoniæ episcopis, tum Orientis antistitibus perspicue per litteras exponeret. Præterea ad hanc Cæ-

τῷ ἀγαπητῷ ἀδελφῷ Ἰωάννῃ Κελεστίνῳ.

Εὐχόμεθα μὲν, ὥσπερ μία ἐστὶ τῆς Θεότητος οὐσία. οὕτω καὶ παρὰ πᾶσι τοῖς ὁποῦνδήποτε οὖσιν ἀνθρώποις μίαν τῆς ὁρθῆς πίστεως ἀλήθειαν ἔχειν. Ἐλάττων δὲ ὅμως ὁ στεναγμός ἐστιν, ἴαν τινες αὐτοὺς ἐκτὸς τῆς ἀγίης τῆς δεσποτικῆς ἀποχωρίζοντες, καὶ διὰ γνώων καὶ συσχίων τόπων λαθάνοντες, ἑαυτοῖς ἢ καὶ ὀλίγοις τισὶ συμβουλευώσιν, ὁμονοοῦσιν ἑαυτοῖς ἐν τῇ λαθανούσῃ πλάνῃ. Ὅτε δὲ ἐν τῇ τοῦ Θεοῦ ἱερᾷ Ἐκκλησίᾳ ὁ προβεβλημένος ὑπὸ τῷ ὀνόματι τοῦ ἱερέως αὐτοῦ τὸν τοῦ Χριστοῦ δῆμον ἀπὸ τῆς ὁδοῦ τῆς ἀληθείας κατὰ κρημνῶν ἀποστρέφει τῇ οὐκ ὁρθῇ συμβουλῇ, καὶ τοῦτο ἐν τῇ μεγίστῃ πόλει, εἰς ἣν διὰ τὴν τιμὴν τοῦ ἐνοικοῦντος <sup>1</sup> βασιλείου ἀπὸ παντὸς τοῦ κόσμου συντρέχει τὸ πλῆθος. τότε δηλαδὴ διπλασιαστέος ἐστὶν ὁ θρήνος, καὶ μείζων ἡ φροντίς, ἵνα μὴ τι ἡ ἀρπαγὴ τοῦ λύκου παραγενομένου κατ-

lestini epistolam merito referatur illud Gennadii de Script. Eccl.: *Cælestinus in bis Romæ episcopus decretum synodi* (Romanæ) *ad Orientis et Occidentis Ecclesias dedit, confirmans cuabus in Christo manentibus perfecte naturis, unam Filii credendam esse personam*. Hoc enim confirmavit, non conceptis quidem verbis, sed quatenus Nestorium, qui, ut statim exponit Gennadius, *huic sententiæ ostensus est esse contrarius*, condemnavit. Ad Latinum epistolæ hujus textum quod attinet, eum exhibemus, quem Steph. Baluzius ad quatuor mss., nos ad Navarreum recognovimus, quemque Nicolaus I constanter sequitur.

<sup>b</sup> Vocabulum *a pari*, in ms. Navar. omisum, Baluzius e suis expressit; qui et notat ea locutione id significari quod apud Liberatum cap. 5 *pariter*, quod Græce apud Cyrillum epist. ad Joannem Antioch. τὰ ἴσα (addere poterat, et quod apud Mar. Mercatorem, Communit. c. 3, *similia eademque exempla*); ideoque quod Theodesius 1 part. Concil. Ephes. c. 32 scribit, γέγραπται γὰρ τὰ ἴσα παρὰ τῆς ἡμετέρας γαλήνης, non male ab antiquo interprete concilii Ephesini apud ipsum Baluzium nov. coll. concil. p. 454 Latine conversum esse, *Scriptum namque est a pari a nostra majestate*. Hinc et rure observat conjecturam Lupi Christiani, qui Thessalonicensi episcopo in Philippensem nullam tum auctoritatem fuisse colligit, quasi hac locutione *a pari*, is illi par et æqualis dicatur. Præterea inde refutatur eadem Lupi conjectura, quod si ea valeret, Philippensis episcopus non minus Antiocheno quam Thessalonicensi par et æqualis dicendus foret.

<sup>c</sup> Duo mss., consentiente Græco, *Deitatis*.

<sup>d</sup> Illud *alios* non novit Græcus textus. Clarior esset Latinus, si ita efferretur, *vel sibi, vel paucis qui secum sentiunt, occultum errorem persuadeant*. Græce apud Lab. legere est, λαθάνοντες ἑαυτοὺς εἰκαίῃς λόγοις τισὶ συμβουλευώσιν ὁμονοεῖν ἑαυτοῖς. Nostra lectio est ms. Reg., nisi quod in uno pro ὁμονοοῦσιν exstat ὁμονοεῖν, ac veteri Latino textui magis est consentanea.

<sup>e</sup> Nitidior esset hæc constructio, *præpositus sub nomine sacerdotis*. Mox loco *devixæ* *persuasionis*, Græcus interpres legit *devia* *persuasione*.

<sup>f</sup> Sic mss.; at Lab., βασιλῆως.

<sup>g</sup> Adde *advenientis*.

<sup>h</sup> Seu sollicitudo est, cum hostis murum obsidet, quam cum intra debacchatur; leviusque sollicitudine angit animum lupus.



bacchantis; leviusque sollicitat lupus extra ovilia pererrans, quam inter gregem locum pastoris invadens: quia bellum plus quam civile est, cum intra Ecclesiam, id est intra <sup>a</sup> ipsum Christi thalamum tela sectæ impiæ jaciuntur. Unde vehementer contristata sunt nostra viscera, quod is qui Constantianopolitanam obtinere videtur Ecclesiam, devotissimis Christo populis perversa quædam contra reverentiam virginæ partus et contra spem nostræ salutis infundit. Hæc ad nos ingerente dolore fidelium pervenerunt, hæc libris quos ipse miserat publicata sunt; et, quod majoris probationis est, hæc ad nos missis epistolis <sup>b</sup> ipsa auctoris subscriptione munitis ita insinuata sunt ut dubitari ultra non liceat.

2. Unde quoniam in talibus causis non est tota longior conniventia, quia tantumdem pene criminis est connivere talibus quanti sceleris est tam sacrilega prædicare, et episcopum Nestorium et si quis alius eum secutus hæc prædicat, a nostra communionem secrevimus, <sup>d</sup> quamdiu scriptura professionis emissa perversitatem quam cœperat docere condemnet, et hanc de virgineo partu, id est de humani generis salute, fidem asserat se tenere, quam secundum apostolicam doctrinam Romana et Alexandrina et catholica universalis Ecclesia tenet et veneratur et prædicat. Si quis vero aut ab <sup>e</sup> episcopo Nestorio, aut ab iis qui eum sequuntur, ex quo talia prædicare cœperunt, vel excommunicatus, vel exutus est seu antistitis, seu clerici dignitate, hunc in nostra communione et durasse, et <sup>f</sup> durare manifestum est; nec judicamus remotum: quia non poterat quemquam ejus remove sententia, qui se jam præbuerat ipse removendum.

3. Hæc, frater charissime, ad sanctitatem tuam scribenda duximus, ut in Domino roboratus, et familiarem pectori tuo loricam Christi cum <sup>h</sup> scuto catholicæ prædicationis indutus, greges Domini nostri Jesu Christi, qui pro nobis natus et passus est, qui reseratis inferis et morte devicta pro nobis die tertio resurrexit, a persuasionis pessimæ pravitate defendas.

4. Sicut autem ad sanctum fratrem et coepiscopum nostrum Cyrillum, bonum <sup>i</sup> fidei catholicæ defensorum, scripsimus, hanc de eodem Nestorio sciat sanctitas tua a nobis, immo a Christo Deo, latam esse sententiam, ut aut intra decem dies <sup>l</sup> ex con-

**A** ισχύσει. Ἐλάττων γάρ ἐστιν ἡ φροντίς πολιορκούντος τοῦ ἐχθροῦ, ἢ ἐντὸς τειχῶν ἐκβαλλεῖντος· καὶ κουφότερον παρενοχλεῖ ὁ λύκος ἐκτὸς τῶν ποιμνίων ἀποπλανώμενος, ἢ περ ἐν αὐτῇ τῇ ἀγέλῃ τόπου ποιμένος ἐπιλαθόμενος· ἐπειδὴ περ πλεον τοῦ ἐμφυλίου πολέμου ἐστίν, ὅταν ἐντὸς τῆς ἐκκλησίας, τουτέστι ἐντὸς αὐτοῦ τοῦ οἴκου τοῦ Θεοῦ, ὁράματα ἀκουτίζονται τῆς ἀσεβοῦς θρησκείας. Ὅθεν πάνν συντετάρακται ἡμῶν τὰ σπλάγχνα, ὅτι οὗτος, ὅστις δοκεῖ κατέχειν τὴν ἐκκλησίαν Κωνσταντινουπόλεως, τοῖς καθωσιωμένοις τοῦ Χριστοῦ δῆμοις διεστραμμένα τινα ἐκφέρει, ὑπεναντία τῆς τιμῆς καὶ αἰδοῦς τοῦ τοκετοῦ τῆς ἁγίας παρθένου, καὶ ὑπεναντία τῆς ἐλπίδος τῆς ἡμετέρας σωτηρίας. Ταῦτα εἰσηλθὲν ὑποβαλλούσης τῆς ἀληθοῦς τῶν πιστῶν, ἃ ἐγνωρίσθη διὰ τῶν βιβλίων, ἅπερ αὐτὸς ἐπεμψε· καὶ ὅπερ μεϊζόνος ἀποδείξεως ἦν, πεμφθεῖσάν

**B** ἐπιστολῶν πρὸς ἡμᾶς, ὑπογραφῇ αὐτοῦ τοῦ αὐθέντου ὠχυρωμένων, ὡς ἀκριβηθῆναι <sup>c</sup> παρ' ἐτέρων μὴ ἐξόν εἶναι.

Ὅθεν ἐπειδὴ ὑπὲρ τοιούτων αἰτιῶν οὐκ ἔστιν ἀσφαλὴς ἡ μακροτέρα παρενθύμησις· τοιούτων γάρ ἐστι σχεδὸν ἔγκλημα παρενθυμεῖσθαι τὰ τοιαῦτα, ὁποῖόν ἐστι μῦθος τοιαῦτα ἱερόσυλα λέγειν· καὶ τὸν ἐπίσκοπον Νεστόριον, καὶ εἴ τις ἄλλος αὐτῷ ἀκολουθήσας τοιαῦτα λέγει, ἀπὸ τῆς ἡμετέρας κοινωνίας ἀποχωρίζομεν, ἕως οὗ δι' ἐγγράφου ὁμολογίας πεμφθείσης, τὴν διαστrophήν, ἣν ἤρξατο διδάσκειν, κατακρίνῃ, καὶ ταύτην ἑαυτὸν περὶ τοῦ παρθενικοῦ τόκου, τουτέστι περὶ τῆς σωτηρίας τοῦ τῶν ἀνθρώπων γένους, τὴν πίστιν ὁμολογήσῃ κατέχειν, ἣν τινα κατὰ τὴν ἀποστολικὴν διδασκαλίαν ἡ Ῥωμίων καὶ ἡ Ἀλεξανδρέων, καὶ ἡ καθολικὴ πανταχοῦ ἐκκλησία κατέχει, **C** <sup>f</sup> προσκυνήσῃ τε καὶ ὁμολογήσῃ. Εἴ τις δὲ ἡ ἀπὸ Νεστορίου, ἢ ἀπὸ τῶν ἄλλων αὐτῷ ἐξακολουθησάντων, ἅψ' οὐ τὰ τοιαῦτα ἤρξατο λαλεῖν, ἢ ἀκοινωνήτος ἐγένετο, ἢ ἐγυμνώθη τῆς τοῦ ἱερέως ἀξίας, ἢ τῆς τοῦ κληρικοῦ, τοῦτον ἐν τῇ ἡμετέρᾳ κοινωνίᾳ καὶ μεμενημένῃ, καὶ μένειν εἰς τὸ ἐξῆς ὁμολογῆται· καὶ οὐδὲ λέγομεν αὐτὸν ἀποκεκινῆσθαι· ἐπειδὴ περ οὐδὲ ἡδύνατό τινα ἢ τοῦτου ἀπόφασις ἀποκινεῖν, ὅστις ἑαυτὸν παρέσχεν ἤδη ἀποκινῆσθαι.

Ταῦτα, ἀδελφε ἐτιμώτατε, πρὸς τὴν σὴν ἁγιοσύνην ἐγράψαμεν, ἵνα ἐνδυναμωθείς ἐν τῷ δεσπότῃ, καὶ τὸν οἰκεῖον τῷ στήθει θώρακα καὶ τὴν ἐλπίδα τῆς καθολικῆς ὁμολογίας ἐνδυσάμενος, τὴν ἀγέλην τοῦ ἡμετέρου δεσπότη τοῦ Ἰησοῦ Χριστοῦ, ὅστις ὑπὲρ ἡμῶν ἐγεννήθη καὶ ἔπαθεν, ὅστις καὶ ἀνοιγόντων τῶν καταχθονίων καὶ τοῦ θανάτου ἡττηθέντος, ὑπὲρ ἡμῶν τῇ τρίτῃ ἡμέρᾳ ἀνέστη, **D** ἀπὸ τῆς πονηρᾶς καὶ αἰσχίστης διδασκαλίας ἐλκύσης.

Ὅσπερ δὲ καὶ πρὸς τὸν ἀγιώτατον ἀδελφὸν καὶ συνεπίσκοπον ἡμῶν Κύριλλον, τὸν ἀκριβῆ τῆς καθολικῆς Ἐκκλησίας καὶ πίστεως ἔκδικον, ἐγράψαμεν, περὶ τοῦ αὐτοῦ Νεστορίου γνωσκέτω ἡ σὴ ἁγιοσύνη παρ' ἡμῶν, μᾶλλον δὲ ὑπ' αὐτοῦ τοῦ δεσπότη τοῦ Χριστοῦ καὶ Θεοῦ ἐξηνεγμε-

<sup>a</sup> Græcus interpret legit, intra ipsam domum Dei.

<sup>b</sup> Supra epist. 6 et 7.

<sup>c</sup> Leg. περαιτέρω.

<sup>d</sup> Ceu quoad.

<sup>e</sup> Nomen episcopi Græcus interpret retinet; et mox pro prædicare cœperunt, legit prædicare cœpit. Ipsa tamen lectionis Latine verba Nicolaus I epist. 8 ad Mich. retinet.

<sup>f</sup> Leg. προσκυνεῖ τε καὶ ὁμολογεῖ.

<sup>g</sup> Adde deinceps.

<sup>h</sup> Pro scuto male interpret Græcus legit spe.

<sup>i</sup> In Græco, Ecclesiæ et fidei.

<sup>j</sup> M-s., ex conventionem hujus diei. Ex epistola superiori legendum esse liquet, ex conventionis hujus die, vel simpliciter ex conventionis die, hoc est, ut interpret Græcus recte intellexit, ex die quo conventus fuerit.



ventionis hujus die numerandos, sacrilegas de Christi nativitate prædicationes suas scripta professione condemnet, et hanc se profiteatur fidem sequi quam Romana et Alexandrina et universalis servat Ecclesia; aut episcoporum cœtu remotus, intelligat a sibi suam obfuisse perniciem. Sed ut hæc quæ a nobis decreta sunt b exercitatus agerentur, per illum nostrum Posidonium Alexandrinæ Ecclesiæ diaconum nostras ad dilectionem tuam volumus fidelis epistolas c commere. Data idus Augusti d Theodosio xii et Valentiniano iii consulibus.

### ° EPISTOLA XIII.

COELESTINI PAPÆ I AD NESTORIUM.

*Ipsam impiæ novitatis reum convinci, atque anathemate dignum esse. Denuntiat ei, nisi quos e regia urbe iniuste ejecerat revocarit, et quod impie senserat aperte damnarit, post decimum diem ab Ecclesiæ communione segregandum esse.*

Dilectissimo fratri NESTORIO COELESTINUS.

1. Aliquantis diebus vitæ nostræ, post nefandum et sæpe damnatum dogma Pelagii atque Cœlestii, catholicam fidem quies habuit, quando eos cum suæ disputationis sequacibus e telo unitæ sententiæ Oriens Occidensque percussit. Denique sanctæ recordationis Atticus, catholicæ magister fidei, et vere beato Joanni etiam ad ista successor, eos ita persecutus est pro h rege communi, ut iis ne standi quidem illic copia præstaretur. Mansit nos post ejus exitum sollicitudo vel maxima, cum successor ipsius utrum etiam in ejus fide succederet quæreremus, quia difficile est continuari quæ bona sunt, nam sibi sæpe alternis vicibus adversa succedunt. Habuimus tamen post hunc, a quo eramus continuo i deserendi, sanctum

B

τῷ ἀγαπητῷ ἀδελφῷ Νεστορίῳ Κελεστίνῳ.

Ἐφ' ἡμέρας τινὰς τῆς ζωῆς ἡμῶν μετὰ τὸ ἀνόσιον καὶ πολλάκις κατακριέν δόγμα Πελαγίου καὶ Κελεστίου ἡ καθολικὴ πίστις ἐρήνευσεν, ὅποτε ἐκείνους μετὰ τῶν ἐπεμμένων τῇ δόξῃ αὐτῶν ἦτε Ἀνατολὴ καὶ ἡ Δύσις ἀκοντίῳ συμφωνούσης ἀποφάσεως ἔπληξεν. Αὐτίκα ὁ τῆς ἀγίας μνήμης Ἀττικὸς, ὁ διδάσκαλος τῆς καθολικῆς πίστεως, καὶ ἀληθῶς τοῦ μακαρίου Ἰωάννου καὶ εἰς ταῦτα διάδοχος, οὕτως ἐκείνους ἐδίωξεν ὑπὲρ τοῦ κοῖνου βασιλείως, ὥστε αὐτοῖς μὴ τοῦ ἐκεῖ ἰστάναι ἄνεσιν συγχωρηθῆναι. Ἔσχεν ἡμᾶς μετὰ τὴν ἐκείνου ἔξοδον οὐχ ἡ τυχοῦσα φροντίς, i ἐκδεχομένους πρότερον ὁ ἐκείνου διαδεχάμενος εἴη αὐτοῦ καὶ εἰς τὴν πίστιν διάδοχος. Ἐπειδὴ δυσχερές ἐστιν ἐκτείνεσθαι τὰ καλὰ, πολλάκις γὰρ ἑαυτὰς ἀμοιβὰς αἱ ἐναντιότητες διαδέχονται. Ἀλλ' ἐσχέκαμεν μετ'

C

tem habuit, sed refragantibus tum hujus epistolæ, tum antiquæ interpretationis concilii Ephesini mss.

° Editi, telis, ac deinde Baron. secundum edit. Rom. unitatis: corriguntur ex mss. Quod nunc memoratur, maxime accidit, cum episcopi Zosimi epistola, ut Marii Mercatoris pag. 158 verbis utar, quæ tractoria dicitur, qua Cœlestius Pelagiusque damnati sunt, et Constantinopolim et per totum orbem missa, subscriptionibus sanctorum Patrum est roborata.

h Edit. Rom. et Baron. pro re communi, refragantibus aliis libris et Græco. Regem communem intelligere est universorum regem Christum, cujus gratiam Pelagiani, ut Apostoli verbo utar, evacuare nitebantur. Qui autem Atticus eis restiterit, M. Mercator in Commonit. sic narrat: Sub sanctæ memoriæ Attico episcopo urbem Constantinopolitanam petiit (Cœlestius), ubi in similibus detectus, magno studio sancti illius viri ex prædicta alma urbe detrusus est, litteris super ejus nomine et in Asiam et Thessalonicam et Carthaginem ad episcopos missis. Quam ob causam et a Prospero in carmine de ingratis sic laudari meruit:

Quid loquar et curam magna quam gessit in urbe Constantinopoli docto bonus ore sacerdos Atticus, antiqua legatos hæreticorum Consulando fide, etc.

i A mss. Reg. abest ἐκδεχομένους.

j Cum scilicet biennium nondum explevisset, ut lib. vii c. 28 tradit Socrates, qui et cap. 26 testatur, eum ubique celeberrimum fuisse tum pietatis nomine, tum quod pauperibus fovendis etiam ultra vires incumberet.

a Planius ad litteram Græcam, proprii exitii se sibi fuisse auctorem; quo pacto inferius, epist. 15 idem Nestorius seipso periturus auctore dicitur, si oblatum correcto remedium respiciat. Pergit Cœlestinus totam excommunicationis inviam in reum transferre.

b Seu accuratius. Interpres Græcus legisse videtur studiosius perficerentur.

c Editi cum tribus mss., commendare: corriguntur e codice Bellovac. Deinde ex Græco supplere liceret, Deus te incolumem custodiat. Mox in mss. iv idus, et contra edit. Valentiniano iv.

d Augusti 11 anno 450.

e In editione Rom. Latinus ejus contextus notatur ut e Cresconio descriptus. Eundem exhibent Navarreus alique tres mss. a Baluzio memorati. Ejus initium Liberatus cap. 5 ita indicat: Cœlestinus vero papa Romanus scripsit Nestorio increpationis epistolam cum exhortatione et vituperatione, quia errare non debuerit ad cujus ordinationem gavisus est. Est ejus principium: Aliquantis diebus vitæ nostræ. Eadem epistola laudatur ab Evagrio lib. i c. 4, et Photio cod. 15; a Nestorio, ut infra visuri sumus, Novembris 50 die accepta est. In concilio Ephesino perlecta est tota. Nempe act. 1. Juven. Hieros. postulante ut legantur et litteræ sanctissimi et reverentissimi archiepiscopi Romanorum Cœlestini, quas destinavit de fide, primicerius notariorum legit, ut habetur apud Baluzium p. 462: Epistola domni Cœlestini episcopi Romani ad Nestorium. Dilectissimo fratri Nestorio Cœlestinus. Aliquantis diebus vitæ nostræ post nefandum et sæpe damnatum dogma Pelagii, etc. Græcum textum ad mss. regiorum fidem exegimus.

f Editi, consentiente Græco, catholica fides quies-



Sisinium, celebratum simplicitate et sanctitate collegam, eam fidem quam invenerat prædicantem. Legerat profecto simplex sanctitas et sancta simplicitas, timendum magis quam alte sibi esse sapientium (Rom. xi, 20); et alibi, altiora sectanda non esse (Eccli. iii, 22); et iterum: Si quis aliud prædicaverit quam quod prædicavimus, anathema sit (Galat. i, 8, 9). Hoc tamen exeunte de sæculo, cum se sollicitudo nostra in tantum, in quantum ei Dominus permisit, extenderet, lætificavit animum nostrum venientium narratio nuntiorum, quam mox firmavit eorum qui interfuerunt ordinationi tuæ relatio collegarum, qui tibi testimonii tantum detulerunt, quantum ferri huic debuit qui aliunde<sup>a</sup> videbatur electus. Tanta ante opinione vixisti, ut tuis te aliena civitas invideret; tanto<sup>b</sup> nunc horrore vitaris, ut tui in aliis videant qualiter fuerint liberati.

2. Dudum sumpsimus epistolas tuas, quibus<sup>c</sup> in angusto nihil potuimus dare responsi; erat enim in Latinum sermo vertendus. Quod cum licet sero<sup>d</sup> facimus, sancti fratris et coepiscopi mei Cyrilli probatissimi sacerdotis per filium meum Posidonium diaconum talia de te scripta suscepimus, e quibus his qui de tua ordinatione retulerant perisse suum testimonium doleremus. Bonis enim principiis tuis malus, quantum videmus, successit eventus: bonis, inquam, principiis quæ apud nos ita celebrata fuerant, ut responsum dantes ad relationem fratrum, nos<sup>f</sup> faceremus participes gaudiorum. Sed considerantes nunc et querelam de te prædicti fratris, et interpretatas tandem epistolas tuas apertam blasphemiam continentes, illud nobis Apostolicum videmus esse dicendum: *Vellem mutare vocem meam, quia confundor in vobis* (Galat. iv, 20). Quin immo mutavi, nisi de præcipiti se revocet impius disputator; necesse est enim ut malum ex nobis ipsis, sicut præcipitur, auferamus. Legimus ergo epistolarum tenorem, et eos libros quos illustri viro filio meo Antiocho reddente suscepimus. In his quidem<sup>g</sup> nobis vestigatus, deprehensus et tentus, quodam multiloquio labebaris, dum vera involvis obscuris, h rursus utraque confundens, vel confiteris negata, vel niteris negare confessa. Sed in epistolis tuis apertam non tam de fide nostra, quam de te tulisti

A ἐκείνον τὸν μέλλοντα ἡμᾶς ταχίως καταλιπεῖν, τὸν ἁγίου Σισίνιον, εὐδοκίμησάντα ἐπὶ τῇ ἀπλότητι κοινωνῶν, αὐτῇ τὴν πίστιν, ἣν εὔρε, κηρύττοντα ἀνεγνώκει δηλαδὴ ἐκείνη ἡ ἀπλὴ εὐλάβεια καὶ εὐλαβὴς ἀπλότης, θεῶν μᾶλλον φοβείσθαι. ἢ ἰδίως συνείσεως βλάβος ζητεῖν καὶ ἀλλαχού, μὴ δεῖν ἀνερευθεῖν τὰ βαθυτέρα καὶ πάντα, εἴ τις ἄλλο κηρύξει καὶ νομοθετήσει παρ' ὃ ἐκηρύξαμεν, ἀνάθεμα ἔστω. Ἀλλὰ καὶ τούτου ἐκ τοῦ κόσμου μεριστὰ μένου, ὡς ἡ ἡμετέρα φροντίς ἐπὶ τοσούτου ἑαυτὴν ἐξείτεινεν, ἐφ' ὅσον ὁ κύριος ἐπέτρεψεν, ἐχαροποιήσεν ἡμῶν τὴν ψυχὴν ἡ διήγησις τῶν ἐρχομένων ἀγγελῶν. ἣν εὐθέως ἐδεθαίωσεν ἡ τῶν ἡμετέρων κοινωνῶν ἀναφορὰ τῶν παραγενόμενων τῇ σῇ χειροτονίᾳ· οἱ τινες τοσούτον σοι ἐμαρτύρησαν, ὅσον ἐχρὴν τῷ ἀλλαχόθεν ἐπιτελεῖν. Μετὰ τοσαύτης πρότερον ὑπολήψεως ἔξησας, ὥστε καὶ ἐφθόνητε τοῖς σοῖς ἁλλοτρίᾳ πόλιν· μετὰ τοσαύτης δὲ νῦν ἀτοπίας φευκτέον σεαυτὸν παρακαλέσας, ὡς τοὺς σοῦς ἐν ἁλλοτρίοις ὄραν, ὅπως ἀπηλλάγησαν.

C Πρῶν ἐδεξάμεθα τὰς σὰς ἐπιστολάς, αἷς ἐν στενῇ οὐκ ἠδυνήθημεν ἀποκρίνασθαι· ἔδει γὰρ τὸν λόγον εἰς Ῥωμαϊκὴν μεταβληθῆναι. Ὅπερ ὡς βραδέως διὰ τὴν ἐνόγκην ἐποιούμεν, ἐδεξάμεθα τοιαῦτα περὶ σοῦ γράμματα τοῦ ἁγίου ἀδελφοῦ καὶ συνεπισκόπου μου Κυρίλλου, τοῦ δοκιμωτάτου ἱερέως, διὰ τοῦ υἱοῦ μου Ποσειδωνίου τοῦ διακόνου, ἀφ' ὧν σφόδρα ἐλυπήθημεν ἀπολωλέναι τῶν περὶ σοῦ ἀνευγκόντων τὴν μαρτυρίαν· καλὰς γὰρ σοι τὰς ἀρχὰς κακῇ, ὡς ὁρώμεν, ἀπόθασις διεδέξατο· καλὰς φημι ἀρχὰς, τὰς παρ' ἡμῖν οὕτω φημισθείσας, ὡς δεῖξαι ἡμᾶς ἐν τῇ ἀποκρίσει τῇ πρὸς τὴν ἀναφορὰν τῶν ἀδελφῶν ὅπως ἡμεῖς κοινωνοὶ τῆς χαρᾶς. Ἀλλὰ νῦν ἐνοσῶντες, καὶ τὴν περὶ σοῦ μέμψιν τοῦ προειρημένου ἀδελφοῦ, καὶ τὰς σὰς ἐπιστολάς ἐρμηνευθείσας, αἱ τινες φανεράς ἔχουσι βλασφημίας, ὁρώμεν ὅτι λεκτέον παρ' ἡμῶν τὸ ἀποστολικὸν ἐκεῖνο· ἠθέλον ἀναλλάξαι μου τὴν φωνὴν ὅτι καταισχύνομαι ἐν ὑμῖν. Μᾶλλον δὲ ἠλλαξά, εἰ μὴ ἑαυτὸν ἀπὸ τοῦ κρηνοῦ ἀνακαλέσειεν ὁ ἀσεβὴς προσομιλητής· ἀνάγκη γὰρ ἔστιν, ἵνα ἀφ' ἡμῶν αὐτῶν τὸ κακὸν, ὥσπερ ἐκελεύσθημεν, ἀποστήσωμεν. Ἀνίγνωμεν τοίνυν τῶν ἐπιστολῶν τὸ ὕψος, καὶ τὰς βίβλους τοῦ μεγλοπεπεστάτου ἀνδρὸς τοῦ υἱοῦ ἡμῶν Ἀντιόχου ἀποδιδόντος ἀπεδεξάμεθα. Ἐπὶ ταύταις ἀνιχνευθεὶς μὲν ἡμῖν καὶ εὗρεθεις καὶ κατασχεθεὶς πολυλαλίᾳ τινὶ ἐξωλίσθαντες, τ' ἀληθῇ τοῖς σκοτεινοῖς ἐγκαλύπτων, καὶ πόλιν συγγεῶν ἐκάτερα, τῷ ὁμολογεῖν μὲν τὰ ἀρνηθέντα, ἐπιχειρεῖν δὲ ἀρνεῖσθαι τὰ ὁμολογημένα. Ἐν δὲ ταῖς σαῖς

<sup>a</sup> Hoc est, ex aliena Ecclesia, nēppe Antiochena. Recolendum quid hac de re Cœlestinus ipse epi t. 4 n. 7 præcipiat.

<sup>b</sup> Edit. Rom. *errore*, Baron. *terrore*. Cæteri libri Latini *herrore*. Et hujus quidem horroris testis est superior Cyrilli epistola 8 n. 3. Deinde Græcus interpret pro *vitaris*, legisse videtur *vitandum te præbuisse*.

<sup>c</sup> Hoc est, citius ac modica interposita mora.

<sup>d</sup> Græcus textus postulat: *Quod cum sero propter necessitatem* (interprete scil. prius deficiente) *facere*mus.

<sup>e</sup> Accuratius quid sonat Græcus textus, videlicet *ex quibus eorum qui de ordinatione tua retulerant testimonium periisse (atque evanuisse) valde doluimus*. Non enim eis qui dederunt, sed Nestorio cui datum fuerat, perit hoc testimonium.

D <sup>f</sup> Seu, ut Græcus sermo habet: *nos ostenderemus participes*. Hoc Cœlestini responsum, sicut et episcoporum de ordinatione Nestorii synodalis relatio desiderantur.

<sup>g</sup> Ita mss. At edit. Rom. et Baron.: *a nobis investigatus, deprehensus et tentus es, quod multiloquio labefactoris*. His concinit et Lab., nisi quod postremi verbi loco restituit *labebaris*.

<sup>h</sup> Ad litteram Græcam: *et rursus utraque confundis, vel confitendo negata, vel nitendo negare confessa*. Nestorius in litteris suis primo Mariam Dei genitricem esse negat; tum quod negarat videtur confiteri: et utrumque postmodum confundit, dum, ex eo quod res creata gignere non potuit increatam Deitatem, Mariam negat Verbum Deum carnem factum gignendo genuisse Deum.



sententiam, videns de Dei Verbo aliter quam fides habet omnium di-putare.

5. Ecce nunc in quam de te vocamur sententiam, ecce quæ tuarum sunt beneficia novitatum. Postquam ignoratus electus es, et cognitus accusaris, jam nunc cum illo gentium Doctore dicendum est : *Nam quid cremus secundum quod oportet, nescimus* (Rom. viii, 26). Nonne hæc Ecclesie illi verba conveniunt, quæ probatos<sup>b</sup> sibi viros, non notitiam tuam sed famam secuta, contempsit? Impositum est opinioni bene de te credentium. Quis enim<sup>c</sup> intra ovile velut rapacem lupum putaret abscondi? Vox est ejusdem Apostoli : *Oportet etiam hæreses esse, ut probati manifesti fiant* (I Cor. xi, 19). Aperi aures tuas, et ejusdem ad Timotheum (I Tim. vi, 20) vel Titum (Tit. iii, 9) dictos audito sermones. Quid his aliud præcipit quam ut novitates vitent vocum profanas? ad impietatem quippe ista proficiunt, quæ semper spinas et tribulos intulerunt. Timotheum certe etiam rogasse se dicit (I Tim. i, 3) ut Ephesi remanens denuntiaret quibusdamne quis aliter prædicaret. Ante oculos mihi Jeremie prophetæ verba sunt : *Horribilia, inquit, facta sunt super terram : prophetæ iniquitatem prophetant* (Jerem. v, 30). Hæc, dicas νο'ο, quasi ignota te transeunt, aut quasi nota contemnis? Si quasi ignota te transeunt, non sit pudori discere rectum, quando timori non fuit decere perversum. Si quasi nota contemnis, intellige te inexcusabilem fore, cum a te commissi tibi talenti quæsierit ille rationem (Matth. xxv, 26), qui per nos de hoc sancto fenore summi lucrum semper exspectat. Aspice quæ pœna illum maneat, qui abscondit acceptum, qui integrum certe restituit quod accepit : unde evidenter adverte quod sit et vel quale periculum, nec quod acceperis reddidisse. An tu Domino nostro dicturus es : *Quos dedisti mihi, custodivi* (Joan. xvii, 12), cum sic scindi in partes audiamus ejus Ecclesiam? Qua conscientia vivis, pene ab omnibus in hac civitate desertus? Optaveram eos tunc fuisse tam tantos quam nunc sunt, cum sibi desiderant subveniri. Unde tibi in has quæstiones verba dirigere, i quas sit blasphemum cogitasse? Unde in populos hæc episcopo prædicare, quibus virginei partus reverentia saucietur? Non debent veteris fidei puritatem blasphema in Deum verba turbare.

<sup>a</sup> Unus mss. reg. ἐπελέχθης; alter, ὑπελέχθης.

<sup>b</sup> Magis placeret cum Græco, in se, hoc est in suo ipsius sinu et obsequio institutis, de quibus idem papa epist. 4 n. 7 dicit : *Primum illi reprobandi sunt, ut aliqui de alienis ecclesiis merito præferantur*; et de quibus statim subjicit : *Habeat unusquisque suæ fructum militiæ in Ecclesia in qua suam per omnia officia transegit ætatem*. Decreti hujus necessitatem commendare videbatur Nestorii exemplum; sed eam hæreticus ille præseferabat pietatis speciem cum eloquentiæ laude conjunctam, ut ipsam Antiochenam Ecclesiam in qua meruerat non minus fallere potuisset.

<sup>c</sup> Græce : intra ovinam pellem, rapacem.

<sup>d</sup> Mss. εἰ, pro αἰ; et mox ποιῇ, non ποιῇ.

Α ἐπιστολαῖς φανερόν ἀπόρρυσεν οὐχ οὕτω περὶ τῆς χρεΐστος πίστεως. ὡς περὶ σεαυτοῦ ἐξήνεγκας, θέλων περὶ τοῦ Θεοῦ λόγον ἑλλως κηρύξαι, ἥπερ ἡ πάντων πίστις ἔχει.

Τοῦ νῦν εἰς οἷαν καλούμεθα ἀπόρρυσεν περὶ σοῦ· ἰδοὺ οἶαι εἶπιν αἱ εὐεργεσίαι τῶν σῶν καινοτήτων· ἀφ' οὗ ἀγνωσόμενος μὲν<sup>a</sup> ἀπελέχθης, γνωσθεὶς δὲ κατηγορήθης· λοιπὸν μετὰ τοῦ τῶν θινῶν διδασκάλου λειπέσιν· τί γὰρ εὐξώμεθα ὡς χρητὴ, οὐκ ἴσμεν. Ἄρα οὐ ταῦτα τὰ ῥήματα ἐκείνη τῇ Ἐκκλησίᾳ πρέπει, ἣτις δεδοκιμασμένων ἐν αὐτῇ ἀνθρώπων κατεφρόνησεν, ἀκολουθεῖσα τῇ σῇ φήμῃ, οὐ τῇ γνώσει; ἡπατήθη ἡ ὑπόνοια τῶν καλῶν περὶ σοῦ πιστευσάντων· τίς γὰρ ἐντὸς προβάτου μαλλοῦ ἄρπαγα κερύφθαι λύκον νομίστις; φωνὴ ἐστὶν αὐτοῦ τοῦ ἀποστόλου, δεῖν καὶ αἰρέσεις εἶναι, ἵνα οἱ δεδοκιμασμένοι φανεροὶ ᾖσιν. Ἄνοιγέ σου τὰς ἀκοάς, καὶ τούτου τοῦ πρὸς Τιμόθεον καὶ Τίτον ἄκουε λόγους. Τί ἄλλο κελεύει, ἢ ἵνα τὰς βεβήλους καινότητας τῶν φωνῶν ἀποστρέφωται; ταῦτα γὰρ εἰς ἀσέβειαν προχωρεῖ. Ἄπερ αἰεὶ<sup>d</sup> ἀκάνθας καὶ τριβόλους ποιεῖ. Τὸν δὲ Τιμόθεον καὶ παρακκλητικὸν αὐτὸν φησιν, ἵνα τῇ Ἐφῶσῃ παραμένων, παραγγεῖλῃ τοῖς, μὴ τις ἄλλο κηρύξῃ. Πρὸ ὀφθαλμῶν μοί ἐστι τὰ ῥήματα Ἱερεμίου τοῦ προφήτου· φοβερά, φησὶν, ἐγένετο ἐπάνω τῆς γῆς· οἱ προφῆται ἀδικίαν προφητεύουσι. Ταῦτα, εἰπέ μοι, ὡς ἀγνωστά σοι παρέροχεται, ἢ ὡς ἐγνωσμένων κα ταφρονεῖς; εἰ μὲν ὡς ἀγνωστά σοι παρέροχεται, μὴ αἰδεσθῆς μαθεῖν τὸ ὀρθόν, ὡς οὐκ ἐφοβήθης<sup>e</sup> τὸ διαστραμμένον διδάξαι. Εἰ δὲ ὡς ἐγνωσμένων καταφρονεῖς, νόμιζε ὅτι ἀναπολόγητά σοι ἔσται. ὅταν ἀπὸ σοῦ τοῦ ἐπιτραπέντος σοι ταλάντου τὸν λόγον ἐκεῖνος ἐπιζητήσῃ, ὃς δι' ἡμῶν ἀπὸ τούτου τοῦ ἁγίου θανείματος αὐτοῦ κέρδος αἰεὶ ἐκδέχεται. Ὅρα οἷα τιμωρία ἐκεῖνον μένει τὸν κρύψαντα ὃ εἰλήφει, ἔτι γε μὴν τὸν μὴ ὀλόκληρον ἀποκαταστήσαντα ὑπερ εἰλήφει· ὃθεν φανερώς πρίσσεχε, ὅσος καὶ οἷος ὁ κίνδυνος, μηδὲ ὅπερ ἔλαβες ἀποδιδόναι. Ἄρα σὺ τῷ Δεσπότῃ ἡμῶν ἐρεῖς· Οὗς δέδωκάς μοι, ἐφύλαξα ὅποτε οὕτως ἀκούομεν<sup>b</sup> σχίζεσθαι εἰς μέρη τὴν Ἐκκλησίαν αὐτοῦ; μεθ' οἷας συνειδήσεως ζῆς, σχεδὸν ἀπὸ πάντων ἐν ταύτῃ τῇ πόλει καταλειψθεῖς; πυχόμην αὐτοὺς τότε μᾶλλον γεγενῆσθαι ἀσφαλεῖς, ἢ νῦν εἶσιν, ἢ ὅτε αὐτοῖς ἐπιζητοῦσι βοήθειαν. Πόθεν σοι εἰς ταῦτα ζητήματα ἰθύνειν λόγους, ἄπερ ἐννοεῖν βλάσφημον; πόθεν ἐπισκόπῳ εἰς δῆμους ταῦτα κηρύττειν, δι' ὧν τὸ σέβας τοῦ παρθενικοῦ τόκου τιτρώσκειται; οὐκ ὀφείλουσι τῆς ἀρχαίας πίστεως τὴν καθαρότητα βλάσφημοι ἢ εἰς τὸν Θεὸν λόγοι διαταράξαι.

<sup>e</sup> Editi hic addunt μαθεῖν, et mox καὶ ante διδάξαι, refugantibus mss.

<sup>f</sup> Clarius diceretur ac certe integrum; et in Græco, καίτοι γε τὸν μὲν ὀλόκληρον. Certe orationis series particulam μὴ respuit. Hæc autem sententia, propter verbum εἰλήφει repetitum, in Reg. mss. excidit.

<sup>g</sup> Ita mss. At editi hic addunt σφάζεσθαι καὶ, et omittunt εἰς μέρη.

<sup>h</sup> Mss. ὅτε, omisso supra τότε.

<sup>i</sup> Edit. Rom. et Baron., quæ sit blasphemia; renitentibus mss. et Græco. Antea pro verbis : Optaveram eos, malleimus, Utinam tunc (cum te elegerunt) tam fuissent cauti quam nunc sunt, etc.

<sup>j</sup> A mss. abest εἰς τὸν Θεόν.



4. Quis umquam non dignus est anathemate judicatus, vel adjiciens vel detrahens si lei? Plene etenim ac manifeste tradita ab Apostolis nobis, nec augmentum, nec imminutionem requirunt. Legimus in libris nostris (Apoc. xii, 18), non addi debere, non detrabi: magna quippe et adlentem et detrahentem pœna constringit. Unde eanteriorum præparamus et ferrum, quia ultra non erunt fovenda vulnera, quæ merenturabscindi. Scimus certe majora vitia majore semper dolore sanari. Inter multa quæ a te impie prædicata universalis recusat Ecclesia, symbolo<sup>a</sup> ab apostolis tradito plangimus hæc verba fuisse sublata quæ nobis totius spem vitæ salutisque promittunt. Quod quare fiat loquuntur epistolæ tuæ, de quibus nulla dubitatio est quia eas ipse misisti; quas in manus nostras nolueramus venire, ne de tanti cogeremur sceleris genere judicare. Omnium disputationum tuarum vias brevis earum sermone conclusit; extendis i te latius, multis anfractibus circumisti, sero tamen diverso itinere pervenisti ad impium constitutum. Scimus quid ille caverit, qui præcepit contentiones et pugnas legis esse vitandas: sunt enim, inquit, *inutiles et vanæ* (Tit. iii, 9). Quod igitur vanum et inutile judicatur, nemo dubitat minime profuturum.

5. Itaque quamvis et jam frater Cyrillus secundis te epistolis suis asserat esse conventum, intelligas volo, post primam et secundam illius, et hanc correctionem nostram, quam constat esse jam<sup>d</sup> tertiam,

<sup>a</sup> Verba, ab apostolis tradito, Græcum interpretem fugerunt. Ex eorum regione Romanus editor annotavit, *symbolum apostolorum Nestorius mutilavit*, Cœlestini mentem, ni fallor, haud satis assecutus. Is enim pontifex verba quæ spem salutis promittunt a Nestorio sublata esse queritur, quatenus nativam eorum notionem sustulit, non quatenus ullos apices suppressit. Nempe cum apostolorum symbolum primo ponat, *Et in Jesum Christum Filium ejus unicum, Dominum nostrum*, ac deinde subiciat, *Qui conceptus est de Spiritu sancto, natus ex Maria Virgine*; postrema hæc verba funditus tollit, qui Mariam Dei genitricem negat. Nam si illa Dei genitrix non est, neque etiam Dei Filius Dominus noster natus ex Maria dici potest, quibus verbis eum qui Deum habet patrem et Mariam matrem habere profiteamur. Cœlestini successor Xystus epist. 5 n. 3 Nestorii commentis de symbolo primum inter apostolos tradito derogari pariter scribit; ac deinde epist. 6 n. 4 suam ac decessoris sui mentem aperit et explicat his verbis: *Hominem namque natum Christum tantummodo prædicabat* (Nestorius), *auferens Incarnationis mysterium et illud evacuans, immo illud impugnans; ex quo secundum evangelium et fides et salus nostra subsistit*. Hoc confirmare licet verbis Acacii Melitenæ episcopi in concilio Ephesino act. 1 pag. 493, primum de Nestorio sic loquentis, ut qui divinas Scripturas depraverat, et sanctorum quoque dogmata adulteraverat; tum ad hujus rei probationem hæc subicientis: *Et enim epistola illius quæ paulo ante recitata est, apertissime indicat quod vocibus quibus de unigenito Dei Filio 518 patres et divini episcopi suo in symbolo usi sunt ablati, et quæ ad salutaris illius dispensationis mysterium pertinent solliciti tribuitis, nudum Dei tempus natiuitatem et mortem sustinuisse prædicavit. Ita ipsi quoque divinæ Scripturæ sententiam hanc falso ascri-*

**A** Τίς πάποτε οὐκ ἄξιος τοῦ ἀναθεματισθῆναι ἐκρίθη, ἢ ἀφαιρῶν τι, ἢ προστιθεὶς τῇ πίστει; τὰ γὰρ μιστῶς καὶ φανερῶς παραδοθέντα ἡμῖν παρὰ τῶν ἀποστόλων, οὔτε προσθήκην οὔτε μίωσιν ἐπιδέχεται. Ἀνίγωμεν ἐν ταῖς βίβλοις ἡμῶν, μήτε προστιθέναι δεῖν, μήτε ἀφαιρεῖν· μεγίστη γὰρ καὶ τοῦ προστιθέντα καὶ τὸν ἀφαιροῦντα τιμωρία δεσμεῖ. Ὅθεν κυτῆρα καὶ σίδηρον ἐτοιμάζομεν, ἐπειδὴ περ ἐτέρως οὐκ ἔστι νουταντικῆα τὰ τρυφήματα. Ἄπερ ἐστὶ λοιπὸν ἀποκοπῆς ἄξια. Ἰσμεν γὰρ τὰ μέγιστα ἐλαττώματα μετὰ μείζονος ἀγὶ πόνου θεραπευόμενα. Ἀλλ' ἂν μετὰ πολλῶν, ἅπερ παρὰ σοῦ ἀσεβῶς κηρυττόμενα ἢ καθόλου ἀπωθεῖται Ἐκκλησία, κλαίοντες μάλιστα τὸ, ταῦτα τὰ ῥήματα παρὰ σοῦ ἐπῆρθαι ἀπὸ τοῦ συμβόλου, ἅπερ ἡμῖν πάσης ζωῆς καὶ σωτηρίας ἐπαγγέλλεται τὴν ἐλπίδα. Ὅπερ διὰ τί γίνεται, λαλοῦσιν αἱ ἐπιστολαὶ σου, περὶ

**B** ὧν οὐδεμία ἀμφιβολία ἐστίν· ἐπειδὴ ταύτας αὐτὸς ἀπέστειλας, ὡς οὐκ ἠβουλόμεθα ἐληλυθῆναι εἰς ἡμετέρας χεῖρας; μὴ ἀναγκασθῶμεν δικάσαι περὶ τοῦ εἶδους τοῦ τηλικούτου μύστους. Πασῶν τῶν διαλέξεών σου τὰς ὁδοὺς ὁ βραχύς ἐκείνων περιέκλεισε λόγος· ἠπλώσας σεαυτῶν πλατύτερον· καὶ πολλὰς περιστροφὰς περιῆλθες· ὧς δὲ ὅμως διὰ διαφόρων ὁδῶν εἰς τὸν ἀσεβῆ ὅρον ἔρθασας. Ἰσμεν ὁ τε ἐκείνος διέταξεν ὁ καλεῖστας φεύγειν τὰς ἑρμηνείας καὶ τὰς μάχας τὰς περὶ τοῦ νόμου· εἰσὶ γὰρ, φησὶν, ἄχρηστοι καὶ μάταιαι, ὅπερ τοίνυν ἄχρηστον καὶ μάταιον κρίνεται, οὐδεὶς ἀμφιβάλλει μακρὰν εἶναι ὠφελείας.

Τοιγαροῦν εἰ καὶ ὁ ἀδελφὸς Κύριλλος ἤδη σε διὰ δευτέρων ἐπιστολῶν μεθοδευθῆναι φησι, <sup>c</sup> θέλων σε τοῦτο ποιεῖν, ὅτι μετὰ πῇν πρώτῃ καὶ δευτέρᾳ ἐκείνου, καὶ ταύτῃ τὴν ἡμετέραν ἐπιτίμησιν, ἣν δὴλόν ἐστιν εἶναι

**C** *psit*. In citata autem epistola, in qua hanc symboli Nicæni et Scripturæ sacræ depravationem apertissimam esse asserit, non vocum syllabas, sed genuinam earum intelligentium sive a symbolo Nicæno, sive a divina Scriptura auferri perspicuum est. Ipse etiam Acacius in verbis relatis suam ea de re mentem satis explicat.

<sup>b</sup> Unus ms. Reg., *στροφαῖς προῆλθες*; alter, *στροφαῖς διῆλθες*.

<sup>c</sup> Leg. θέλω σε τοῦτο ποιεῖν.

<sup>d</sup> Ipse Cyrillus his obsecutus huic Cœlestini epistolæ adjuncta propria, quæ habetur Ephes. Concil. part. i c. 26. Nestorium convenit atque alloquitur his verbis: *Ecce igitur una cum sancta synodo, quæ in magna Romanorum civile sanctissimo et reverendissimo episcopo fratre et comministro nostro Cœlestino præside convenit, jam tertio his te litteris contestamur et obtestamur*, etc. Nulius autem hic mos præcepto Domini Matth. xviii, 15, quo quemadmodum corripiendus sit frater præscribitur, ut ipse Cœlestinus epist. 24 n. 9 exponit. Civilem ea de re iudiciorum legem Julius Pauli lib. v tit. 5 ita explicat: *Trinis litteris vel edictis, aut uno pro omnibus dato, aut trina denuntiatione conventus, nisi ad iudicem ad quem sibi denuntiatus est, aut cujus litteris vel edicto conventus est, venerit, quasi in contumacem dicta sententia auctoritatem judicatarum rerum obtinet. Quin immo nec appellari potest ab ea*. Notus est ea de re apostolorum canon 73, quo episcopum accusatum, si se iudicio non sistat, prius tertio vocandum esse præcipitur, quam sententia adversus eum pronuntietur. Huic autem juris præscripto sic morem gessit Cœlestinus, ut duas Cyrilli epistolas ad Nestorium, etiam ante scriptas quam is ad Romanum præsulem deferretur, duplicis monitionis vice computari voluerit. Nimirum agnitudo s qualitas, ut infra num. 9



ab universitate collegii et conventu Christianorum te prorsus esse se junctum, nisi mox quæ male dicta sunt corrigantur, nisi in eam viam redeas quam se Christus esse testatur (*Joan. xiv, 6*). Male in hunc animam desperatione movisti, qui te super familiam suam velut fidelem prudentemque servum permiserat ante constitui (*Matth. xxiv, 45*). Perit tibi hujus officii beatitudo promissa. Non solum non das cibum in tempore, verum etiam veneno interficis, quos ille suo sanguine et sua morte quæsit (*Act. xx, 28*). Venenum namque est sub tuis labiis, quæ maledictionis et amaritudinis plena videmus, cum contra eum qui suavis est, niteris disputare. Ubi est diligentia pastoralis? Pastor bonus animam suam ponit pro ovibus suis; mercenarius vero eas lupis dimittit et tradit (*Joan. x, 11*). Quid hic tu pastor acturus es, qui dominicum gregem pro lupis ipse discerpis? Ad quamnam grex dominicus septa confugiet, si intra ovilia Ecclesiæ saucietur? qua futurus est tuitione defensus, qui te patitur pro custode raptorem? Et alias, inquit Dominus, oves habeo quæ non sunt ex hoc ovili, et illas oportet me adducere (*Ibid. 16*). Ille alias se promittit adducere; tibi pereunt quas habebas. Tametsi quidem certum sit, quoties ista contingunt, non oves pastoribus, sed magis ovibus perire pastores. Et vocem meam, inquit, audient (*Ibid.*). Quare? Ut fiat unus grex. Ad illius vocem unus fit grex; ad tuam vero aut inficitur, aut fugatur.

6. Durum est, ut in te de Actibus Apostolorum beati Pauli verba convenient: *Ego, inquit, scio quia intrabunt post discessum meum lupi graves in vos, non parcentes gregi. Et ex vobis ipsis exsurgent homines loquentes perversa, ut abducant discipulos post se* (*Act. xx, 29, 30*). Hæc a te aliis quam tibi dicta vellemus. Docenda enim tibi fuerant, non discenda quæ dicimus. Nam quis ferat doceri episcopum qualiter debeat esse Christianus? Diligenter aspice in quam conditionem voceris. Incesseris, argueris, accusaris; quid horum convenit sacerdoti? Duris dura responsio, si (qua) tamen vicissitudo est, verbis blasphemiam vindicare. An tibi a nobis existimas esse parcendum, cum animæ tuæ ita ipse non parcas, ut omnibus velis et præteritis, et præsentibus, et futuris

loquitur, nullas inducias permittebat. Immo ad præscriptum Domini *Matth. xviii, 15*, Cœlestinus hac in re se gessit.

<sup>a</sup> Magis placeret quod habet Græcus sermo, a nostri societate collegii, vel simpliciter ut infra, n. 10, a nostro collegio. Eadem ratione de hæretico eodem scriptum legimus epist. 11 n. 4: A nostro eum corpore sciat esse removendum; et epist. 12 n. 4: Aut episcoporum cætu remotus, etc.

<sup>b</sup> La Baluz. cum mss. At editi alii, hujus vice officii. Græca littera sic simpliciter reddenda: Perit tibi pro tali ministerio promissa beatitudo. Mox pro quæsivit, Græca interpretatio suadet legendum esse acquisivit, maxime cum ad verba Pauli *Act. xx, 28*, hic respici manifestum sit. Hinc et infra, n. 7, quæsitus pro acquisitus positum suspicamur, suspicionemque

A λοιπόν τρίτην, παντελῶς ἀπὸ τῆς τοῦ συνεδρίου ἡμῶν, καὶ τῆς τῶν Χριστιανῶν συνόδου ἀπεκλείσθης, εἰ μὴ εὐθέως τὰ κακῶς εἰρημένα διορθωθῇς, εἰ μὴ εἰς ταύτην τὴν ὁδὸν ἐπανέλθῃς, ἣν ἑαυτὸν ὁ Χριστὸς εἶναι μαρτύρεται. Κακῶς κατὰ τοῦτου ὄπλα κατ' ἀνεπιπίσταν ἐκίνησας, ὃς ἐπάνω σε τῶν οἰκετῶν αὐτοῦ, ὡς πιστὸν καὶ συνετὸν δοῦλον ἐπέτρεψε πρότερον καταστῆναι. Ἀπώλετό σοι ἡ ὑπὲρ τῆς τοιαύτης ὑπηρεσίας ἐπαγγελθεῖσα μακαριότης. Οὐ γὰρ μόνον τροφήν οὐ παρέχεις ἐν καιρῷ, ἀλλὰ καὶ δηλητηρίῳ ἀναιρεῖς, οὗς ἐκείνος τῷ ἰδίῳ αἵματι καὶ τῷ ἰδίῳ θανάτῳ ἐκίροδανε. Δηλητήριον γὰρ ὑπὸ τοῖς σοῖς χεῖλεσιν ἐστὶ ταῦτα, ἅπερ κατάρας καὶ πικρότητος μεστά καθορώμεν, ὁπότε κατὰ τοῦ ὄντος ἡδέος ἐπιχειρεῖς διαλέγεσθαι. Ποῦ ἐστὶν ἡ ποιμενικὴ ἐπιμέλεια; ποιμὴν ἀγαθὸς τὴν ψυχὴν αὐτοῦ τίθησιν ὑπὲρ τῶν ἰδίων προβάτων· μισθωτὸς δὲ ἐστὶν, ὃς ταῦτα τοῖς λύκοις καταλιμπάνει καὶ παραδίδωσι. Τί δὲ σὺ, ὦ ποιμὴν, ἐνταῦθα πράξεις, ὅτι τὴν δεσποτικὴν ἀγέλην ἀντὶ λύκων αὐτὸς διασπαράττεις; εἰς ποίους λοιπὸν φραγμοὺς ἡ δεσποτικὴ ἀγέλη καταφυγεῖν δύναται, εἰ ἐντὸς τῶν ἐκκλησιαστικῶν περιβόλων τιτρώσκεται; ἡ ποία παραφυλακὴ ἀσφαλῆς ἐστὶν, ὁπότε σε πάσχει ἀντὶ φύλακος ἄρπαγα; καὶ ἄλλα, φησὶν ὁ Κύριος, ἔχω πρόβατα, ἅπερ οὐκ ἐστὶν ἀπὸ τοῦτου τοῦ προβατεῶνος, κἀκεῖνα δεῖ με καταγαγεῖν. Ἐκεῖνος ἄλλα ἐπαγγέλλεται ἀγαγεῖν, σοὶ δὲ ἅπερ εἶχες ἀπόλλυται. Εἰ καὶ τὰ μάλιστα φανερόν ἐστιν, ὅσάκις ταῦτα συμβαίνει, οὐ τὰ πρόβατα τοῖς ποιμέσιν, ἀλλὰ μᾶλλον τοῖς προβάτοις τοὺς ποιμένας ἀπόλλυσθαι. Καὶ τὴν φωνὴν μου, φησὶν, ἀκούσονται. Διὰ τί; ἵνα γένηται μία ποίμνη. Πρὸς τὴν ἐκείνου φωνὴν μία ἀγέλη γίνεται· πρὸς δὲ τὴν σὴν βλέπεται, ἡ φυγαδεύεται.

C Σκληρόν ἐστὶν, ἵνα ἐπὶ σοὶ ἀρμόσῃ τὰ ῥήματα τοῦ μακαρίου Παύλου ἀπὸ τῶν Πρόξεων τῶν ἀποστόλων· Ἐγὼ, φησὶν, οἶδα ὅτι εἰσελεύσονται μετὰ τὴν ἐμὴν ἀναχώρησιν λύκοι βαρεῖς καθ' ὑμῶν, μὴ φειδόμενοι τοῦ ποιμνίου. Ἀφ' ὑμῶν ἀναστήσονται ἄνθρωποι λαλοῦντες διεστραμμένα. ἵνα ἀγάγῃ τοὺς μαθητὰς ὀπίσω αὐτῶν. Ταῦτα ἡβουλόμεθα παρὰ σοῦ ἄλλοις, ἢ σοι εἰρησθαι· διδακτέα γὰρ ἦν παρὰ σοῦ, οὐ μαθητέα σοι, ἅπερ λέγομεν. Τίς γὰρ φέρει, διδάσκεισθαι ἐπίσκοπον ὅπως ὀφείλει εἶναι χριστιανός; ἐπιμελῶς πρόσεχε εἰς οἶαν αἵρεσιν κέκλησαι. Προκαλῇ, διαβάλλῃ, κατηγορῇ· τί τούτων ἱερεῖ πρέπει; σκληροῖς σκληρὰ ἀπόκρισις, εἴ τις ἄρα ἐστὶν ἄμυνα, λόγοις τιμωρεῖσθαι τὰ βλάσφημα. Ἦ ὑπολαμβάνεις ὅτι ἡμεῖς σου φεισόμεθα, ὁπότε τῆς ἑαυτοῦ ψυχῆς αὐτὸς οὐ φειδῇ, ὃς πάντας θέλει τοὺς φθάσαντας καὶ

nostram confirmat quod mox sequitur, præmium confessionis acquirere. Certe in tribus illis locis uno verbo κερδαίνειν interpretes Græci usus est.

<sup>c</sup> Ad litteram Græcam, namque sub labiis tuis sunt ea, quæ.

<sup>d</sup> Ita mss. At editi, mercenarius est qui eas; et infra dispergis, pro discerpis. Antea more luporum malleamus, quam pro lupis.

<sup>e</sup> Editi, ἐν τοῖς περιβόλοις, corriguntur ex mss.

<sup>f</sup> In vulgatis obtinet Græce σὺ δὲ ἅπερ εἶχεν ἀπολλύεις, tu autem quas habebat perdis. At lectioni Latine consentanea est Græca in mss. regis, nisi quod in his mendose exstet σὺ δὲ, pro τοὶ δέ. Nostram correctionem subnexa confirmant.

<sup>g</sup> In mss. non exstat καὶ τοὺς παρόντας.



beneficium salutis auferre? Persequar plane boni Domini mei fidelis servus inimicos; cum Propheta asserat, eos odio se edisse perfecto (*Ps. cxxxviii, 22*).<sup>a</sup> Moneor rursus, altero loquente ne parcam (*I Reg. xv, 7*). Quem hic ego respiciam? cui honoris aliquid servem, quando agitur ut mihi totius sp̄i me e causa tollatur? Ipsius in Evangelio verba sunt Domini, quibus ait, non sibi patrem, non sibi matrem, non filios, non aliquam necesseitudinem debere præponi (*Matth. x, 57*). Est enim TALIS FREQUENTER PIETAS, ex qua nascatur impietas, cum, vincente carnis affectu, charitati illi quæ Deus est, charitas præponitur corporalis, cujus intuitu aliquibus sæpe deferimus.<sup>b</sup> At cum in hunc tenditur qui est ipsa dilectio, necesse est nec illa servantur quorum auctor vocatur in causam.

7. Expergiscere tandem, quia non sunt istæ dicendæ vigiliæ, quas non exhibes custodiæ, sed rapinæ. Dormire te vellemus in hoc quod prædicas, et vigilare in hoc quod impugnas.<sup>d</sup> Levius certe ferremus, si in utroque dormire. <sup>e</sup> Nemo tibi perditius esset, nemo <sup>f</sup> quæsitus; nullo animarum dispendio mœreret Ecclesia, nullo compendio lataretur; satius ei esset si hanc sponso suo, ita ut suscepas, resignares. Sed quid multis immoror, loquente architecto Paulo, Frustra per te superædificatum aliquid quero, in quo non invenio fundamentum (*I Cor. iii, 11*)? Audio vim maximam catholice sentientes, quibus nos communicamus, clericos sustinere, ita ut his etiam civitas interdicta dicatur. Lætatur eos præmium confessionis acquirere, sed dolemus quod episcopo persequente. Beatus apostolus Paulus <sup>h</sup> persecutorem prædicatore mutavit: nefas est maximum prædicatorem persecutore mutatum. Digere in numerum retro <sup>i</sup> hæreticos, qui huiusmodi quæstiones Ecclesiæ intulerunt. Quis umquam de hoc certamine victor revertit? Habes certe tuæ civitatis exemplum. Paulus civis i Samosatenus, occupata Antiochena Ecclesia, cum aliqua prædicaret, collegit suorum seminum messem. Reliquos inventores malorum Ecclesiis occupatis sententiæ censura semper non dispar eiecit.

8. Hos quoque hæreticos, de quibus nos, velut eorum quæ gesta sunt nescius, consulere voluisti, sedibus suis injusta dicentes expulit justa damna-

τοὺς παρόντας καὶ τοὺς μέλλοντας ἀγαιρεῖσθαι τὴν εὐεργεσίαν τῆς σωτηρίας; διώκω δηλονότι τοὺς ἐχθροὺς τοῦ καλοῦ Δισπότης μου, ὡς δούλος πιστὸς ὅποτε φητὶν ὁ προφήτης, τίλειρ μίστι τοὺτους μιστεῖν. Ἵπομνηνήτημαι πάλιν ἄλλου λαλοῦντος, ἵνα μὴ φείσωμαι. Τίτι ἐγὼ ἐνταῦθα προσχω; τίτι δὲ τιμὴν φυλάξω, ὅποτε τοῦτο ἐρῶ πραττόμενον, ἵνα μοι ἀρῇ ἡ ἀπάσης ἐλπίδος ὑποθέσις; αὐτοῦ τοῦ κυρίου ἐν τῇ εὐαγγελίῳ βήματά ἐστιν, οἷς φησι, μὴ πατέρα, μὴ μητέρα, μὴ τέκνα, μὴ τινα συγγένειαν ὀφείλειν αὐτοῦ προτιμᾶσθαι. Ἔστι γὰρ πολλάκις τοιαύτη εὐσέβεια, ἀφ' ἧς εὐσέβεια τίκεται, ὅτε νικῶσιν τῆς κατὰ σάρκα διαθέσεως, ἐκείνης τῆς ἀγάπης, ἥτις ἐστὶν ὁ Θεός, ἡ σωματικὴ ἀγάπη προκρίνεται, δι' ἣν πολλάκις μὲν τιμῶμέν τινας. Ἀλλ' ὅτε κατ' ἐκείνου ἐστὶν, ὅς ἐστιν αὐτὴ ἡ ἀγάπη, ἀνάγκη λοιπὸν κακείνας τὰς <sup>c</sup> ἐν-  
B νοίας ἐκβάλλεσθαι, ὧν ὁ ἀρχηγὸς εἰς δίκην καλεῖται.

Ἐξυπνίσθητι ὁψέποτε ὁ γὰρ λεκτίον ταύτας ἐργηγορήσεις, ἅς ἀπονέμεις οὐ τῇ φυλακῇ, ἀλλὰ τῇ ἀρπαγῇ. Ἰβουλόμηνά σε ἐν τούτῳ, ὃ κηρύττεις, κοιμᾶσθαι καὶ ἐργηγορεῖν κατ' οὐ πολέμεις. Τί δὲ λέγω; φορητότερον ἢν ἡμῖν, εἰ ἐκοιμῶ εἰς ἐκάτερον. Οὐδένα ἀπώλλυες, οὐδένα ἐκέρδαινες, ἐν οὐδεμίᾳ ζημίᾳ ψυχῶν ἡ Ἐκκλησία ἐστὶν γυναξεν, ἐν οὐδενὶ κέρδει ἔχαιρεν ἥρκει αὐτῇ εἰ τῷ ἰδίῳ νυμφίῳ αὐτήν, ὥσπερ παρεδήφεις, καὶ παρεδίδως. Ἀλλὰ τί πολλοὺς ἐμβραδύνω; λέγοντος τοῦ ἀρχιτέκτονος Παύλου, μάτην διὰ σοῦ ἐπικτισθέν τι ζητῶ, ἐν ᾧ οὐχ ὀρῶ θεμέλιον. Ἀκούω βίαν ὑπομένειν τοὺς κληρικοὺς μεγίστην, τοὺς καθολικῶς φρονοῦντας, οἷς ἡμεῖς κοινωνοῦμεν, ὡς λέγεσθαι αὐτοὺς καὶ τῆς πόλεως ἀποκεκλεισθαι. Χαίρομεν ὅτι τὸ ἔπαθλον τῆς ὁμολογίας ἐκέρδαναν ἄλλα λυπούμεθα, C ὅτι ἐπίσκοπος ὁ διώκων. Ὁ μακάριος ἀπόστολος Παῦλος ἀπὸ διώκτου εἰς κήρυκα μετελλάχῃ νῦν δὲ μέγιστον ἀσέδημα, εἰς διώκτην ἀπὸ κήρυκος μετελλάχθαι. Ἀριθμεῖ τοὺς πάλαι αἵρετικούς, οἱ τινες τοιαύτας ζητήσεις τῇ Ἐκκλησίᾳ ἐπήνεγκαν: τίς πώποτε ἀπὸ τοιαύτης ἔμδος νικῆσας ἀνεχώρησεν; ἔχεις ὑπόδειγμα τῆς πόλεως τῆς σῆς. Παῦλος ὁ Σαμοσατεύς ἐπιβὰς τῆς Ἀντιοχείων ἐκκλησίας, ὡς τινα ἐκήρυττε, συνῆρε τῶν ἰδίων σπερμάτων τὸ θέρος. Τοὺς λοιποὺς τῶν κακῶν εὐρετὰς κατοσχόντας τῶν ἐκκλησιῶν, αἱ ἡ αὐτὴ στερέρότης τῆς ἀποφάσεως κατεβάλλετο.

Ἀλλὰ καὶ τούτους τοὺς αἵρετικούς, περὶ ὧν ἡμᾶς, ὡς τὰ κατ' αὐτοὺς ἄγνων, ἐρωτῆσαι ἠθέλησας, ἐκ τῶν ἰδίων θρόνων, ὡς ἄδικα λαλοῦντας, καταδίκη δικαία ἐξέωσεν,

<sup>a</sup> Editi, *Memor rursus*: corriguntur ex mss. et Græco.

<sup>b</sup> Baron., post edit. Rom. *At ubi ad eum*. Rectius mss. *At cum in hanc*, hoc est *adversum eum*, seu *cum quis adversatur ei qui est ipsa dilectio*, tum, secundum Græc., *necesse est et illi abjiciantur affectus, quorum, etc.*

<sup>c</sup> Leg. *ἐννοίας*.

<sup>d</sup> Ex Græco hic supplendum, *Sed quid dico?*

<sup>e</sup> Seu ad litteram Græcam, *neminem perderes, neminem acquirerēs* (aut *lucrifaceres*); *Ecclesia de nullo mœreret animarum damno, de nullo lucro gauderet; satis ei esset si ipsam sponso suo, etc.* Hæc ideo scribit Coelestinus, quia ut infra epist. 25 n. 8, fatebitur, Nestorium in officio pastoralis non desiderem, non negligentem, sed hominem sermonis assidui esse non ignoerat. Quocirca cum vigilem perditio-

rem ibid. vocat.

<sup>f</sup> Forte, *acquisitus*.

<sup>g</sup> Nitidior fieret oratio hoc verborum ordine: *Audire clericos, qui catholice sentiunt et quibuscum communicamus, vim maximam sustinere ac pati.*

<sup>h</sup> Græca littera: *Ex persecutore in prædicatorem mutatus est; nunc vero maximum est nefas, ex prædicatore* (seu enim qui prædicator erat) *in persecutorem fuisse mutatum.*

<sup>i</sup> Codex Bellovac., *hæreticorum*. Retinendum hæreticos; sed antea recense aut enumerare mallems, quam digere in numerum. Mox *Ecclesiis*, loco *Ecclesiæ*, Baluz. cum mss. prætulit.

<sup>j</sup> In mss., *Samosateus*. In hoc Paulo Nestorius habere dicitur civitatis suæ exemplum, quia is ortum habuerat Antiochiæ, cujus Paulus Ecclesiam occupavit.



tio, quos illic invenisse requiem non putamus esse mirandum; invenerunt enim impiam prædicationem, ejus comparatione se existiment innocentes. Hoc loco, quia opportunitas sermonis exposcit, tacere non possumus quod stupemus. Legimus quam bene teneas originale peccatum, qualiter ipsam naturam asseris debitoricem, et eum <sup>a</sup> debitum merito reddere qui descenderit de genere debitoris; quid tecum faciunt, qui <sup>b</sup> sunt hæc negando damnati? Numquam sine suspitione ea quæ sibi sunt adversa conveniunt. Ejicerentur denique, si tibi quoque similiter displicerent. Cur tamen ea quæ in hos tunc sunt acta quærentur, cum certum sit illinc ad nos a catholico tunc antistite Attico gesta, <sup>c</sup> directæ? cur non sanctæ memoriæ Sisinius ista quæsit? Quia utique sub decessore suo probaverat eos jure damnatos. Desceant infelices, <sup>d</sup> spe se hominum fuisse deceptos, quibus <sup>e</sup> jam potuit propter communionem sola poenitentia subvenire. Ecce scire de his incipis, si qua ante nescisti.

9. Causam <sup>i</sup> tuam magis modo quam aliorum catholica et festina deliberatione curato, quia convenienter dicimus, *Medice, cura te ipsum* (Luc. iv, 23), qui aliis desideras subvenire. Ægritudinis tuæ qualitas non recipit aut præstari permittit inducias. Alexandrinæ Ecclesiæ sacerdotis fidem et probavimus et probamus; et tu admonitus per eum, rursus <sup>j</sup> senti nobiscum, si vis esse nobiscum. Cui fratri si a te præbetur assensus, damnatis omnibus quæ huc usque sensisti, statim hæc volumus prædices

οὗς ἐκαστὸν εὐρησθῆναι ἀνάπαυσιν οὐ θαυμάζομεν· εὐρήκασι γὰρ ἀσεβεῖς κήρυγμα, ὅτε ἐν συγκρίσει ἑαυτοὺς ἐνόμισαν ἀντιθύνουσιν. Ἐνταῦθα ἐπεὶ δὴ ἡ εὐκαιρία τοῦ λόγου ἀπήτησεν, οὐ δυνάμεθα σιωπᾶν ὅπερ θαυμάζομεν Ἀνέγνωμεν ὅπως καλῶς πιστεύεις περὶ τῆς κατὰ γένεσιν ἡμαρτίας, καὶ ὅπως αὐτὴν τὴν φύσιν δεικνύεις εἶναι καταχρέω. καὶ τοῦτον δικαίως ἀποδοῦναι τὸ χρέος, ὃς ἀπὸ τοῦ γένους τοῦ χρεώστου κατάγεται. Τί μετὰ σοῦ ποιῶσιν οἱ κατακριθέντες, ὅτι ταῦτα ἡρνήσαντο; οὐδέποτε ἂν ἀνυπόπτως τὰ ἐναντία ἑαυτοῖς συμφανεῖ. Ἀλλὰ μὴν ἐξετάλλοντο, εἰ καὶ σοὶ ὁμοίως ἀπήρυσκον. Ὅμως διὰ τί νῦν τὰ κατ' ἐκείνων πεπραγμένα <sup>1</sup> ζητεῖτε, ὅποτε δῆλόν ἐστιν ὅτι ἐκείθεν πρὸς ἡμᾶς παρὰ τοῦ τότε ἐπισκόπου τοῦ καθολικοῦ Ἀττικοῦ τὰ ὑπομνήματα ἀπεστάλη; διὰ τί μὴ ὁ τῆς ἁγίας μνήμης Σισίνιος ἐζήτησε; δηλαδὴ ὅτι ἐδοκίμασεν αὐτοὺς παρὰ τοῦ προηγησαμένου δικαίως <sup>2</sup> κατακεκρίσθαι. Κλαίεωσαν οἱ ἄθλιοι ἐκπεπτωκότες τῆς κατ' ἀνθρώπους ἐλπίδος, αἱ τινες εἰς μόνην τὴν κοινωνίαν διὰ μετανοίας βοηθεῖσθαι ἠδύναντο. Ἴδου ἡρῶ μαθεῖν περὶ αὐτῶν εἴ τι πρῶτον ἠγνόησας.

Ἀλλὰ τὸ σὺν τραύμα μᾶλλον, ἢ τὸ ἄλλων, καθολικῇ καὶ ἐπιταχυνομένη σκέψει θεράπευε, ὅτι ἡρμοσμένως λέγομεν Ἱατρε, θεράπευε σεαυτὸν, ὁ βοηθεῖν ἄλλοις σκεπτόμενος ἢ ποιότης τῆς νόσου τῆς σῆς οὔτε ἐπιδέχεται, οὔτε ἐπιτρέπει δοθῆναι ἀνακωχήν. Τοῦ ἱερέως τῆς Ἀλεξανδρέων ἐκκλησίας τὴν πίστιν καὶ ἐσχῆκαμεν, καὶ ἔχουεν δεδοκιμασμένην. Καὶ σὺ δι' αὐτοῦ ὑπομνησθεὶς τὰ αὐτὰ ἡμῖν πάλιν φρόνησον, εἰ μεθ' ἡμῶν εἶναι θέλεις, ὡς ἀδελφε. Εἰ δέδοται <sup>3</sup> ἄρα σοὶ σύνεσις, πάντων καταγνοὺς, ὡς ἔχρι τοῦ παρόντος ἐφρόνησας, εὐθὺς ταῦτα, ὡς θέλομεν,

<sup>a</sup> Edit. Rom. ac Baron., *delictum*: emendantur ex mss. et Græco.

<sup>b</sup> Græc.: *Qui quia hæc negabant, sunt damnati*.

<sup>c</sup> In mss. Reg. desideratur ἀνυπόπτως.

<sup>d</sup> Leg. ζητεῖται.

<sup>e</sup> Mar. Mercator in Commonitorio Atticum, Coelestio ex urbe regia ejecto, statim litteras *super ejus nomine in Asiam et Thessalonicam ad episcopos* misisse dicens, ea quæ tunc temporis gesta sunt etiam Romam transmissa esse siluerat; sed hoc nunc Coelestinus supplet.

<sup>f</sup> Ad spem alludit, quam illis Nestorius fecerat. Nam licet hæreticus ille, ut Mar. Mercator præfat. in tractatus Nestorii edit. Baluz pag. 149 exponit, a Pelagianorum placitis dissentiret, tamen Julianum olim apostolica sententia exauctoratum atque depositum in amicitiam interim cum sociis censuit suscipiendum. Spem enim absolutionis promittens, ipsum quoque Coelestinum litteris suis consolatus est. Quo autem animo eos spe vanæ promissionis fovendos et lactandos putarit, idem auctor ibid. sibi incertum fatetur. Hæc Nestorii dissimulatione cum periculum fidei imminere Mercator laudatus cerneret, anno 429 Theodosio augusto Commonitorium obtulit, per quod, cognito funestissimo errore, imperiali præcepto, iam Julianus sequax ejus (Coelestii) cum cæteris sociis et participibus suis, quam postea idem Coelestinus de Constantinopoli urbe detrusi, in synodo quoque Ephesiensi 215 episcoporum sententia postmodum in præsentem damnati sunt. Quibus ex verbis plane conficitur, ante eos quam Ephesi synodus haberetur Constantinopoli fuisse pulsos. Iisdem fultus Henricus Norisius Hist. Pelag. lib. II, cap. 7 pag. 204, pulsos putat antequam hæc Coelestini ad Nestorium litteræ Constantinopolim pervenissent. At non necessario istud ex Mercatoris dictis sequitur, cum non statim post

oblato Commonitorio regia urbe pulsos dicat. Immo certum est eos inde necdum exturbatos esse, cum Nestorius secundam epistolam quæ longe post primam scripta est, ad Coelestinum misit. Neque obscurum est Coelestinum eosdem ejectos ignorasse, cum hæc ad Nestorium scriberet. Quod enim nunc ait, *Desceant infelices spe se hominum fuisse deceptos*, non ideo dicit, quia Pelagianos imperiali præcepto regia urbe pulsos sciret, sed quia absolutionis gratiam ejus spem illis Nestorius dederat prorsus negandam censeret. Utrom igitur Theodosius imp. Pelagianos regia urbe ante detrudi jusserit quam hæc Coelestini litteræ in Orientem pervenirent, certo ex Mercatoris verbis constitui nequit.

<sup>g</sup> Mss., κεκρίσθαι.

<sup>h</sup> Græca littera: *Quibus ad communionem solam per poenitentiam potuit subveniri*; non male, si hoc ita intelligatur, ut cum communione simul et dignitate exciderint, sola eis poenitentibus communio restitui potuerit, non dignitas. Quamquam nec alius est intellectus Latine lectionis, cui favet illud Prosperi contra Collat. c. 21 n. 58: *Coelestinus sciens damnatis non examen judicii, sed solum poenitentiae remedium esse præstandum*, etc. Nam lege Ecclesiæ constitutum erat ut ex poenitentibus nullus ad clerum admitteretur. Idem, Augustino teste lib. de Pecc. Orig. c. 22 et epist. 190 n. 22, jam præceperat Innocentii ac Zosimi de Pelagio et Coelestio judicium.

<sup>i</sup> In Græco, *vulnus tuum*, quod cum subnexis aptius cohæret.

Ita Baluz. cum mss. At edit. Rom.: *Rursus eadem sentire te oportet quæ nos*; ac deinde: *Si nobiscum, frater, esse vis. Si tibi sensus datur, damnatis, quod postremum consentit cum Græco.*

<sup>k</sup> Mss., παρὰ σοῦ.



quæ ipsum videas prædicare. Nos <sup>a</sup> contra fas etiam sacerdotes volumus esse correctos; quibus sicut præmissa conventionē consulimus, ita in hos necesse est damnationis sententiam, si abutuntur nostra salubri admonitione, firmemus. Hoc tamen erit, <sup>e</sup> post damnationem pravi dogmatis, plenum correctionis indicium, si revocentur omnes ad Ecclesiam, qui propter Christum, caput ejus, videntur exclusi; revocentur <sup>\*</sup> omnes. Quod nisi fiat quod dicimus, ejiciendus qui ejecit, quamvis in nostra communione sint isti in quos talis cognoscitur exstitisse.

10. Ad clerum quoque Ecclesiæ Constantinopolitanæ, vel omnes qui censentur nomine Christiano, qualia necessitas exigit, scripta <sup>f</sup> direximus; ut si in perversæ disputationis obstinatione persistis, nec hæc quæ frater Cyrillus nobiscum prædicat prædicaveris, a nostro collegio, cum quibus tibi non potest esse communio, te intelligant separatum, scituri, exemplo jam cauti, qualiter animæ suæ deo cuncto et maturato judicio debeant providere.

11. Aperte igitur hanc nostram scias esse sententiam, ut nisi de Deo Christo nostro ea prædices quæ et Romana et Alexandrina et universalis Ecclesia catholica tenet, sicut et sacrosancta Constantinopolitanae urbis Ecclesia ad te usque optime tenuit, et hanc perfidam novitatem, quæ hoc quod venerabilis Scriptura conjungit nititur separare, intra decimum diem a primo innotescentis tibi hujus conventionis die numerandum aperta et scripta confessione damnaveris, ab universalis te Ecclesiæ catholicæ communionē dejectum. Quam formam <sup>i</sup> ad te nostri iudicii per memoratum filium meum Posidonium diaconum cum omnibus chartis ad sanctum consacerdotem meum memoratæ Alexandrinæ urbis antistitem, qui ad nos super hoc ipso plenius retulit, destinavimus, ut agat vice nostra, quatenus statutum nostrum vel tibi vel universis fratribus innotescat, quia omnes debent nosse quod agitur, quoties omnium causa tractatur. *Et alia manu*, Deus te custodiat incolumem, frater charissime. <sup>1</sup> Data <sup>m</sup> iii idus Augusti,

<sup>a</sup> Concinnius Cœlestini mens exprimitur Græco textu, quem Latine reddere sic liceret: Nos enim etiam majori quam decet patientia sacerdotes corrigi expectamus.

<sup>b</sup> In uno Reg. ms., εαυτούς.

<sup>c</sup> Græc.: Postquam damnaveris pravum dogma.

<sup>d</sup> Ita mss. At edit., συνειδήσεως.

<sup>e</sup> Istud revocentur omnes videtur abundare; ideoque apud Lab. Græce et Latine suppressum est. Exstat tamen in edit. Rom. et veteribus utriusque linguae codicibus, et quamdam habet emphasisim, qua id quod jubet Cœlestinus, maxime velle se significet. Antea in Græco: quos manifestum est exclusos esse propter Christum. Deinde in eodem Græco, quibus (elegantius quam quod) nisi fiat. Mox in edit. Rom. cognosceris pro cognoscitur, favente Græco ὡς θες.

<sup>f</sup> Epist. 14.

<sup>g</sup> Mss., ὁπερ.

<sup>h</sup> Mss., μεγάλῳ πόλιν Ἐκκλησίᾳ.

<sup>i</sup> In mss. non est ἀπὸ πάσης.

ἀφ' ὧν, ὡς ὁπότε ἀπὸν καὶ ὁπότε καὶ ὁπότε. Ἡμεῖς γὰρ παρὰ τὸ πρέπον καὶ τοὺς ἱερεῖς ἀνεχόμεθα διορθωθῆναι· ἀλλ' ὥσπερ φροντίζομεν <sup>b</sup> αὐτῶν τῷ πρότερον μεθοδεύειν, οὕτως εἰ ἀποχρήσονται τῇ ὑμῶν ὑπομνήσει, ἀνάγκη ἡμᾶς βεβαιῶσαι κατ' αὐτῶν τὴν τῆς καταδίκης ἀπόφασιν. Τοῦτο δὲ ἔσται, μετὰ τὸ καταγρῶσαί σε τοῦ φαύλου διδάγματος, μεστὸν μαρτύριον τῆς <sup>d</sup> διορθώσεως, εἰ ἀνακληθῶσι πάντες εἰς τὴν ἐκκλησίαν, οὗς δὴλόν ἐστιν ἀποκληῖσθαι διὰ τὸν Χριστόν. ὅς ἐστι ταύτης κεφαλὴ. Ἀνακληθῶσι πάντες· οἷς εἰ μὴ γένηται ὁ λέγομεν, ἐκκλησιᾶς ὅς ἐξέβαλεν· εἰ καὶ τὰ μάλιστα ἐν τῇ ἡμετέρᾳ κοινωνίᾳ εἰσιν, εἰς οὗς ὡφθῇ τοιοῦτος.

Καὶ πρὸς τὸν κλῆρον δὲ τῆς ἐκκλησίας τῆς κατὰ Κωνσταντινούπολιν, καὶ πάντας τοὺς ἐπεγραφόμενους τὸ τοῦ Χριστοῦ ὄνομα, οἷα ἀπήτησεν ἡ ἀνάγκη, ἀπεστείλαμεν <sup>B</sup> γράμματα· ἵνα εἰ ἐν τῇ τῆς διεστραμμένης διαλέξεως παραμονῇ διατελέσης, καὶ μὴ ταῦτα, ὥστε ὁ ἀδελφὸς Κύριλλος μεθ' ἡμῶν κηρύττει, κηρύξῃς, μάθωσί σε ἀποχωρισθαι τοῦ ἡμετέρου συνεδρίου. μεθ' ὧν σοι οὐ δύναται κοινωνία εἶναι· εἰσόμενοι καὶ τοῦτο, καὶ λοιπὸν οὗτοι τῷ ὑποδείγματι ἀσφαλεῖς. <sup>e</sup> ὅπως τῆς ψυχῆς ἐαυτῶν προνοεῖσθαι ὀφείλουσι καθηγημένῃ καὶ πεπεμμένῃ κρίσει.

Φανερώς τοίνυν ἴσθι, ταύτην ἡμῶν εἶναι τὴν ἀπόφασιν, ὡς ἐὰν μὴ περὶ τοῦ Θεοῦ Χριστοῦ ἡμῶν ταῦτα κηρύξῃς, ὥστε καὶ ἡ Ῥωμαίων καὶ ἡ Ἀλεξανδρέων, καὶ πᾶσα ἡ καθολικὴ Ἐκκλησία κατέχει, ὡς καὶ ἡ ἁγία ἡ κατὰ τὴν <sup>h</sup> μεγάλην Κωνσταντινούπολιν Ἐκκλησία ἕως σου κάλλιστα κατέσχε· καὶ ταύτην τὴν ἄπιστον κακότητα. ἥτις ἐπιχειρεῖ <sup>C</sup> χωρίσειν ὥστε συνάπτει ἡ ἁγία Γραφή, ἐντὸς δεκάτης ἡμέρας ἀριθμουμένης ἀπὸ τῆς ἡμέρας ταύτης τῆς ὑπομνήσεως, φανερὰ καὶ ἐγγράφῳ ὁμολογία ἀθετήσης, <sup>i</sup> ἀπὸ πάσης κοινωνίας τῆς καθολικῆς Ἐκκλησίας ἐκδέσθῃ. Ὅνπερ τύπον πρὸς σέ τῆς ἡμετέρας κρίσεως, διὰ τοῦ μνημονευθέντος υἱοῦ ἡμῶν Ποσειδωνίου τοῦ διακόνου μετὰ πάντων τῶν χαρτίων πρὸς τὸν ἅγιον καὶ συνεπίσκοπόν μου τῆς μνημονευθείσης Ἀλεξανδρείας ἱερέα, τὸν πρὸς ἡμᾶς περὶ τούτου αὐτοῦ ἐντελέστερον ἀνενεγκόντα, ἀπεστείλαμεν, ἵνα <sup>k</sup> τοποτηρῶν ἡμῖν τοῦτο πράξῃ, ὥστε τὸ παρ' ἡμῶν ὠρισμένον, σοὶ τε καὶ πᾶσι τοῖς ἀδελφοῖς φανερωθῇ· ἐπειδὴ πάντες εἰδέναι ὀφεί-

<sup>j</sup> In edit. Rom. desideratur ad te.

<sup>k</sup> Mss. τοποτηρητῶν ἡμῶν.

<sup>l</sup> Augusti 11 anno 430.

<sup>m</sup> Ita ms. Navar. cum edit. Rom. Bar. et Lab. At Baluz. cum tribus mss. præfert iv idus. Deinde in edit. Rom. Theodosio xiv, mendose. Henriens Norisius Hist. Pelag. lib. ii c. 7 pag. 204 observat in codice Palatino-Vaticano sermonem haberi Nestorii cum hac epigraphe: Item ejusdem sermo in ecclesia habitus postquam litteras Cœlestini Romani episcopi et Cyrilli Alexandrini denuntiationis accepit, viii idus Decembris consulatu Theodosii xiii et Valentiniani iii augg. post sextum diem quam easdem litteras sumpsit. Quem codicem Steph. Baluzius cum recognoscere curasset, eique M. Mercatoris exemplar Bellovacense reperisset consentaneum, nov. coll. concil. pag. 422, monuit corrigendam esse apud Garnerium part. 2 pag. 84 ejusdem sermonis inscriptionem, quæ nimirum præse fert: Sermo in ecclesia habitus, in qua litteras Cœlestini accepit vii idus Decembris, cum retinendum



Theodosio xiii et Valentiniano iii augustis consubus.

Α λουσι τὸ πραττόμενον, ἰσάκεις ἢ ἡ περὶ κοινοῦ πράγματος ἡ σκέψις.

# Ḃ EPISTOLA XIV

COEDESTINI PAPÆ I AD CLERUM ET POPULUM CONSTANTINOPOLITANUM.

*Cohortatur tum populum, ut in doctrina sibi a majoribus tradita constanter perseveret, ac novas repellat Nestorii impietates, tum clerum, ut pro fide adversus eundem fortiter certet, acriminus patienter ferat, nec timeat exsilia. Irritam declarat sententiam qua Nestorius nonnullos vel loco suo vel communionem dejecerat. Vices suas Cyrillo commisisse se nuntiat. Et ad calcem, sententiæ adversus Nestorium latæ formam subijcit.*

COEDESTINUS episcopus presbyteris, diaconibus, clericis, Dei servis, et catholico populo, degentibus Constantinopoli dilectissimis fratribus in Domino salutem.

Κελεστίνος ἐπίσκοπος πρεσβυτέραις, διακόνοις, κλήρῳ, Θεοῦ δοῦλοις καὶ καθολικῇ λαῷ διαγούσιν ἐν Κωνσταντινουπόλει, ἀγαπητοῖς ἀδελφοῖς ἐν κυρίῳ χαίρειν.

1. Ad eos qui faciunt Ecclesiam Ḃ mihi locuturo dei apostolicus sermo principium, ut sancti discipuli prius audiant illius qui prædicavit gentibus verba doctoris: *Præter illa quæ sunt, inquit extrinsecus, instantia mea quotidiana, sollicitudo omnium Ecclesiarum* (II Cor. xi, 28). Et rursus, *Quis infirmatur, et ego non infirmor? Quis scandalizatur, et ego non uror* (Ibid., 29)? Ita et nos, licet longe positi, ubi perversitate doctrinæ cognovimus nostra membra lacerari, paterna sollicitudine nos urente pro vobis, alieno flagravimus incendio; licet inter Ecclesias Dei, quæ in unum Christi thalamum ubique referuntur, nihil longe sit, nihil censeatur alienum. Cum ergo nostra viscera sitis, jure trepidavimus, ne fidem vestram, quæ ubique prædicatur, a tramite veritatis insinuatio male docentis avertat. Nam Nestorius episcopus de virgineo partu et de divinitate Christi Dei Salvatoris nostri, velut ejus reverentiæ et communis omnium salutis oblitus, nefanda prædicat, vitanda persuadet, sicut et ejus scripta ad nos ab ipso cum propria subscriptione transmissa, sicut etiam relatio sancti C

Πρὸς τοὺς μοι διαλεχθησομένῳ, οἱ τινες Ἐκκλησίαν Θεοῦ ποιοῦσι, παράσχοι ὁ ἀποστολικὸς λόγος προοίμιον, ἵνα οἱ εὐλαβεῖς μαθηταὶ πρῶτον ἀκούσωσιν ἐκείνου τοῦ διδασκάλου τὰ ῥήματα, ὃς τοῖς ἐθνεσιν ἐκήρυξεν Ἐκτὸς ἐκείνων, φησὶν, ἅπερ ἐστὶν ἐξωθεν, ἡ ἐπιμονὴ μου χαθημερινή, ἡ φροντίς πασῶν τῶν ἐκκλησιῶν. Καὶ πάλιν· Τίς ἀσθενεῖ, καὶ οὐκ ἀσθενῶ; τίς σκανδαλίζεται, καὶ οὐκ ἐγὼ καίομαι; οὕτω καὶ ἡμεῖς, εἰ καὶ πόρρω ὄντες, ὡς ἐγνώκαμεν ἐνταῦθα διαστροφῇ διδασκαλίας τὰ ἡμέτερα μέλη διασπαράττεσθαι, πατρικῆς φροντίδος ἡμᾶς ὑπὲρ ὑμῶν καιούσης, ἀλλοτρίῳ πυρὶ ἐνεπρήσθημεν· εἰ καὶ τὰ μάλιστα παρὰ ταῖς ἐκκλησίαις τοῦ Θεοῦ, αἱ τινες εἰς ἓν θάλαμον Χριστοῦ πανταχοῦ ἀναφέρονται, τί ἂν εἴη πόρρω, τί δὲ νομισθεῖται ἀλλότριον; ὄντων οὖν ὑμῶν ἡμετέρων μελῶν, δικαίως ἠγωνιάσαμεν, μὴ τὴν ὑμέτεραν πίστιν, τὴν πανταχοῦ κηρυττομένην, ἀπὸ τῆς ὁδοῦ τῆς ἀληθείας ἡ ἐνδελέχεια τοῦ κακῶς διδάσκοντος ἀποστρέψῃ. Νεστορίου γάρ ὁ ἐπίσκοπος περὶ τοῦ παρθενικοῦ τόκου καὶ περὶ τῆς θεότητος τοῦ Χριστοῦ τοῦ Θεοῦ καὶ σωτῆρος ἡμῶν ὥσπερ τοῦ σεβάσματος αὐτοῦ, καὶ τῆς κοινῆς πάντων σωτηρίας ἐπιλεησμένος, ἀθέμιτα κηρύττει, φευκτέα συμβουλεύει, ὡς καὶ τὰ γράμματα αὐτοῦ μετ' ἰδίας ὑπογραφῆς ἀποσταλέντα ἡμῖν. ὡς καὶ ἡ ἀναφορὰ τοῦ ἁγίου ἀδελφοῦ καὶ συνεπισκόπου μου κυρίλλου διὰ τοῦ υἱοῦ μου Ποσειδωνίου τοῦ διακόνου πρὸς ἐμὲ ἀποσταλῆσα ἐδίδαξεν. Ὡν πάντων ἀναγνωσθέντων, μεγίστην καὶ φευκτέαν διαστροφὴν ἀσεβοῦς κηρύγματος εὐρήκαμεν. Τὴν γὰρ ἀνθρωπίνην καὶ τὴν θεῖαν φύσιν ἐν τῷ Χριστῷ ἀνακρίνει, νῦν μόνον

fuisse, postquam litteras Cœlestini... accepit viridus. Porro ex mox dicta nota discimus has Cœlestini ad Nestorium litteras prius ad Cyrillum quam ad Nestorium fuisse missas, easque a Nestorio Cyrilli opera cum aliis ipsius Cyrilli ultimo Novembris die anni 450 fuisse acceptas. Norisius quidem loco laudato, dum istud, viii idus Decembris, cum proximo verbo accepit, non cum superioribus sermo in ecclesia habitus, copulat, litteras illas sexto Decembris censuit acceptas. Sed hoc die tantum Nestorii sermonem habitum ibi indicari suadet tum nativus orationis ordo, tum maxime quæ simul accepta est Cyrilli ad Nestorium epistola synodica, utpote quæ data mensis Novembris die 30 indict. 14 in omnibus mss. notatur, ut Steph. Baluzius nov. coll. concil. pag. 422 observavit. Ibi enim verbum data, ut idem vir eruditus monuit, non tempus quo scripta est epistola, sed quo Nestorio tradita est, et ex quo decem induciarum dies numerandi erant, designat.

<sup>a</sup> In mss. deest ἄ.

<sup>b</sup> In editione Rom. notatur e Cresconio Latine descripta. Latinus ille textus, qui nunc a quam plurimis mendis emaculatus prodit, a Steph. Baluzio ad tres mss. ac novissime a nobis ad Navarreum exactus est.

Textu eodem usus est Nicolaus I epist. 8, 40 et 43. Græcum e Concilii Ephesini part. i cap. 19 exscriptum ad duorum mss. regionum fidem recognovimus. Totam epistolam Liberatus diac. c. 5 sic summam perstringit: *Scriptis et ad clerum Constantinop. admonens eos contra doctrinam Nestorii fortiter stare, ejusque persecutiones patienter ferre, quæ fructus afferunt coronarum; scientes ab eo excommunicatos vel dejectos in apostolicæ sedis permanere communionem.*

<sup>c</sup> Adde Dei.

<sup>d</sup> Cum verbum Græcum ἀνακρίνει proprie quæstionem habere sonet, non male iste locus Latine sic redederetur: *De humana enim in Christo divinaque natura quæstionem habet, nunc solum hominem (supple asserens), nunc ei societatem Dei, quoties dignatur, conjungens.* Cui interpretationi favet illud num. 2: *Impiam disputationem debet fides vestra respuere;* nec non istud num. 3: *Qui de Deo nostro aliter disputat.* Eadem tamen ratione qua nunc, infra, num. 4, verbum ἀνακρίνει usurpatur. Nec negandum est Cœlestino, ubi de impietate Nestorii agitur, verbum discutere valde esse familiare; nominatim vero epist. 13 n. 5, cum ipso expostulat quod ejus temeritate discutitur qui discussurus est omnes.



remias ait, talium prophetarum vanos non possumus audire sermones (*Jerem. xxiii, 16*). Audiat et Ezechielem; et quid sibi imminet recognoscat: *Extendam, inquit, manum meam super prophetas qui vident mendacia, et loquuntur vana; b in populi mei disciplina non erunt, neque in scriptura domus Israel scribentur, et in terram Israel non intrabunt, quia populum meum seduxerunt (Ezech. xiii, 9, 10)*. Ubi est debita erga sanctum gregem cura pastoris? Ubi est dominiconum sollicitudo septorum? Qui l spei habeat grex, quando lupum se ipse pastor ostendit, et sic oves invadit, ut grassetur in singulas? Eo namque ore laniantur, quo impia proferuntur. Præbentur pabula c non relectura, sed noxia. Beatus tamen grex cui dedit Dominus de pascuis judicare.

2. Unde sicut vos facere non ambigimus, impiam disputationem debet fides vestra respuere, ut apud vos, d vigilantes in Christo, inter cibum et venenum sit certa discretio, et permaneat in his quæ sermone superiorum pastorum docente didicistis, scientes fuisse vobis hactenus sacerdotes magisterio et sanctitate pollentes, qui numquam a paternis traditionibus deviantes, Ecclesiam Domini summa quiete rexerunt. Nam ut a recentioribus inchoemus, quid non animis vestris eruditio sanctæ memoriæ episcopi Joannis infudit, cujus sermo astruens catholicam fidem toto orbe diffusus est? qui nusquam per doctrinam suam defuit, quia ubicumque lectus est, prædicavit. Illius e diligentis prudentiæ constantia celebrata successit. Rexit enim sanctæ memoriæ episcopus Atticus Christianum populum decessoris exemplo, et sacrilegos persecutus est hæreticorum furores. Habuimus, hoc decedente, collegam beatæ memoriæ Sisinium, scientem f quid possit gloriæ remanere, si integra et intemerata, quæ ad se usque pervenerant, catholicæ fidei ornamenta servaret. Intelleximus ei nec columbæ simplicitatem, nec g prudentiam defuisse serpentis. Flevimus, fratres charissimi, velut præcii futurorum, cito nos ejus presidio destitutos.

3. In hoc enim, qui de Deo nostro aliter disputat, quam ipse de se, quam de ipso apostoli tradiderunt, quid spei inveniamus ignoro; qui non solum attritos non alligat, sed et atterit alligatos; non solum elisos non elevat, sed etiam stantes conatur allidere; non solum dispersi non colligit, sed et collecta dispergit. Quamvis nec conteri possit Deo mens dicata, nec elidi qui stat virtute cœlesti, sed nec sancta turba dispergi. Aperte ergo dilectioni vestræ, quod sine lacrymis non possumus dicere, nuntiamus. Movit dis-

Α ὁ ἄνθρωπον οὐκ αὐτῷ κοινωνῶν Θεῷ, ὁσάντις κατὰ ξυλὴν, προσάπτων. Ἀλλ' ἤρεις ὡς Ἱερειῆς φησί. τῶν τεινόντων προφητῶν τοὺς ματαίους ἀκοῦσαι οὐ δυνάμεθα λόγους. Ἀκούσῃ τοῦ Ἰεζεκιήλ, καὶ ἐπερῶ τί αὐτῷ ἀπειλεῖ. Ἐκτενῶ, φησὶ τὴν ἁ μάχαιράν μου ἐπάνω τῶν προφητῶν τῶν ὁρόντων ψευδῆ, καὶ ἰαλοῦντων κενὰ ἐν τῇ ἐπιστήμῃ τοῦ λαοῦ μου οὐκ ἔσονται οὐδὲ ἐν τῇ γραφῇ τοῦ οἴκου Ἰσραὴλ γραφήσονται, καὶ εἰς τὴν γῆν τοῦ Ἰσραὴλ οὐκ εἰσελεύσονται, ὅτι τὸν λαόν μου ἠπάτησαν. Ποῦ ἔστιν ἡ χρεωστούμενη περὶ τὴν ἱεράν ἀγέλην φροντίς τοῦ ποιμένος; ποῦ ἡ πρόνοια τῶν δεσποτικῶν περιθάλων; ποῖον δὲ ἐλπίδα ἔξει ἡ ἀγέλη, ὅτε λύκον ἑαυτὸν ὁ ποιμὴν δείκνυσι. καὶ οὕτω τοῖς προβάτοις ἐπέρχεται ὡς κατ' ἐκάστου λυσσῶν; ἐκείνῳ γὰρ τῷ στόματι διασπαράττονται, ἀφ' οὗ τὰ ἀσεβῆ προφέρεται. Τροφαὶ παραβάλλονται οὐχ αἱ πιεῖ B νοῦσαι, ἀλλ' αἱ λεπτύνουσαι. Μακαρία δὲ ὁμῶς ἡ ἀγέλη, ἥ παρέσχετο ὁ Κύριος κρίνειν περὶ τῆς ἰδίας νομῆς.

Ὅθεν, ὁ οὐκ ἀμφιβάλλομεν ὅτι ποιεῖτε, τὴν ἀσεβῆ διάλεξιν ἀπωθεῖσθαι ὀφείλει ἡ πίστις ὑμῶν. ἵνα παρ' ὑμῶν ἐν Χριστῷ ἐρηγοροῦσι φανερά ἡ διαφορά τροφῆς καὶ δηλητηρίου, καὶ ἐπιμείνητε τούτοις, ὥστε τοῦ λόγου τῶν προτέρων ποιμένων διδάσκοντες μεμαθήκατε. εἰδότες ὅτι ἄχρι τοῦ παρόντος ἐσχήκατε ἱερέας ἐν τῇ διδασκαλίᾳ καὶ ἀγιότητι προύχοντας, οἱ τινες οὐδέποτε χωριζόμενοι τῶν πατρικῶν παραδόσεων, τὴν Ἐκκλησίαν τοῦ Κυρίου μετὰ μεγίστης ἐκυβέρνησεως ἡσυχίας. ἵνα γὰρ ἀπὸ τῶν ναρκῶν ἀρξώμεθα, τί οὐκ ἐνέβαλε ταῖς ψυχαῖς ὑμῶν ἡ παιδείσις τοῦ τῆς ἀγίας μνήμης ἐπισκόπου Ἰωάννου, οὗ ὁ λόγος εἰς πάντα τὸν κόσμον ἐξεχύθη, οἰκοδομῶν τὴν καθολικὴν πίστιν; ὅς οὐδαμοῦ κατὰ διδασκαλίαν ἀπῆν. C ὅπου γὰρ δῆποτε ἀνεγνώσθη, ἐκήρυξε. Τὴν δὲ ἐκείνου ἐπιμελὴ σύνεσιν στεργρότης διαβεδομημένη διεδέξατο. Ἐκυβέρνησε καὶ ὁ τῆς ἀγίας μνήμης ἐπίσκοπος Ἀττικὸς τὸν χριστιανὸν λαόν τῷ τοῦ προσηγαμένου ὑποδείγματι. καὶ ἐδίωξε τὰς ἱεροσύλους τῶν αἵρετικῶν μακίας. Ἐσχήκαμεν δὲ, τούτου ἀπογεννημένου, κοινωνῶν τὸν τῆς ἀγίας μνήμης Σισίνιον, εἰδότες ὅση δόξα αὐτοῦ ἔμεινεν, εἰ φυλάξαιεν, ὁλόκληρα καὶ ἀβλαβῆ τὰ ἄχρις διαμείναντα τῆς καθολικῆς πίστεως κόσμια. Ἐνοήσαμεν ὅπως ἐκείνῳ οὐκ ἔλειψε καὶ ἀπλότης περιστεῖρας, καὶ σύνεσις ἐρπετοῦ. Ἐκλαύσαμεν, ἀγαπητοὶ ἀδελφοί, ὥστε περὶ προορῶντες τὰ μέλλοντα, τὸ ταχέως ἡμᾶς τῆς ἐκείνου βοηθείας ἀπεστειρῆσθαι.

Ἐν τούτῳ γὰρ ἀγνωῶ ποῖαν ἐλπίδα εὐρήσομεν, ὅς περὶ τοῦ Θεοῦ ἡμῶν ἄλλως διαλαμβάνει, ἢ αὐτὸς περὶ ἑαυτοῦ, D ἢ οἱ ἀπόστολοι περὶ αὐτοῦ παραδεδώκασιν. ὅς οὐ μόνον τοὺς συντετριμμένους οὐ συνδεσμεῖ, ἀλλὰ καὶ συντρίβει τοὺς συνδεδεμένους. οὐ μόνον τοὺς καταβεβλημένους οὐκ ἐγείρει, ἀλλὰ καὶ τοὺς ἱσταμένους καταβάλλει ἐπιχειρεῖ. οὐ μόνον τὰ διασπαρμένα οὐ συνάγει ἀλλὰ καὶ τὰ συνηγμένα διαμερίζει. Εἰ καὶ τὰ μάλιστα οὔτε συντριβῆναι δύναται διάνοια ἀφιερωμένη Θεῷ, οὔτε καταβληθῆναι ἱστάμενος οὐρανίᾳ δυνάμει, οὔτε τὸ ἱερὸν πλήθος

\* Unus e mss. Reg., μάχαιρα. Leg. χεῖρα.

b Ita m-s., consentiente Græco. At edit. Rom., in concilio (Vulgata, in consilio) populi mei non erunt.

c Græc. : Non quæ saginent et pinguesfaciant, sed quæ extenuent.

d Hic locus interpretem predit Græcæ litteræ te-

nacius hærentem. Ambiguitatem et obscuritatem vitasset, hunc ita reddens, dum vigilatis in Christo.

e Id est, hunc diligentia et studio commendatum successor excepit constantia celebris.

f Græc. : Quanta ipsum gloria maneret.

g Edit. Rom., astutiam.



putator vester praelium veritati, antiquæ fidei intulit manus; impugnat apostolos, prophetas respuit, ipsius Domini nostri de se dicentis verba non sequitur. Cujus religionis, vel <sup>a</sup> quibus legibus se episcopum dicit, abusus novo et veteri Testamento. Nam et intellectum figuræ respuit, et inter nos versatam non recipit veritatem; aliter <sup>b</sup> denique Christi Dei nostri tractat arcanum, quam fidei nostræ patitur sacramentum, quod reverenter secutus est omnis catholicus disputator. Nemo enim bene religioni deditus aliud de Christo sentit quam de se voluit ipse sentire. Movit aliquando <sup>c</sup> sacrilegam quæstionem Samosatenus Paulus, cum sanctæ apud Antiochiam præses Ecclesiæ; sed eum de throno cui feraliter præsidebat, sacerdotum catholicorum sententia unita dejecit. Semper enim abscidendi sunt hujusmodi, qui conturbantes animum populi Christiani, et pro arbitrio suo evangelia <sup>d</sup> evertentes, Deo fructificare non possunt: et colenda est vinea, quæ jus possessoris agnoscat.

Χριστιανοῦ ἑ λαοῦ διαταράττοντες, καὶ πρὸς τὴν γνώμην τὴν ἰδίαν τὰ εὐαγγέλια διαστρέφοντες, τῷ Θεῷ καρποφορεῖν οὐ δύνανται· καὶ γεωργητέα ἐστὶν ἡ ἀμπελος, ἢ τὸ δίκαιον τοῦ κτήτορος ἐπιγινώσκουσα.

4. Certum est autem quia tales sermonum novitates de vanæ gloriæ amore descendunt. Dum sibi nonnulli volunt acuti, perspicaces et sapientes videri, quarunt quid novi proferant, unde apud animos imperitos temporalem acuminis gloriam consequantur. Sed quis umquam veram gloriam, dum sibi sapiens videtur, obtinuit? Deus enim noster infirma mundi elegit <sup>e</sup> contra fortia, et sapientes per mundi stulta confundit (1 Cor. 1, 27). Quis in mundi sapientia gloriatur, nisi qui se confitetur esse de mundo, nisi qui illius se negat esse discipulum, qui ait se non esse de mundo (Joan. xvn, 16)? Una est gloria, ut, sicut Apostolus ait, qui gloriatur, in Domino gloriatur (1 Cor. 1, 31). Nonne huic vestro episcopo (sed nunc usque vestro, nisi quod credimus credat) videmus hanc sententiam convenire: Stultus factus est, cum se dicit sapientem (Rom. 1, 22)? professa quippe stultitia est illum quem Dei scimus esse sapientiam virtutemque (1 Cor. 1, 24) nescire. Nescire enim se ea quæ 1 discutit confitetur. Nec hunc dilectio vestra miretur a via veritatis errasse, quem Christum qui est via nostra (Joan. xiv, 6), videat perdidisse. Deprehendimus interdum se sinistra disputatione prodentem, interdum latentem quibusdam cuniculis et sua venena celantem; et cum oportuerit

<sup>a</sup> In eadem editione: Cujus legis se ipsum episcopum judicat: refragantibus aliis libris et Græco.

<sup>b</sup> Ita Baluz. cum mss. At edit. Rom., aliter enim, ac deinde cum aliis edit.: De Christi Dei nostri tractat arcano. Cœlestinus arcanum Christi vocat incarnationis mysterium.

<sup>c</sup> Reg. mss., ἐκδεδομένος.

<sup>d</sup> Apud Lab. ut in edit. Rom. hic additur hanc, quæ vocula abest a mss. et Græco. Vid. Euseb. Hist. Eccl. lib. vii cap. 30.

<sup>e</sup> Sic Baluz. ac mss. Alii vero editi, vertentes. Græca vox pervertentes proprie sonat.

<sup>f</sup> In mss. Reg. deest λαοῦ.

διαμεριζέσθαι φανερώς ὅν τῇ ἀγάπῃ ὑμῶν, ὅπερ χωρὶς δακρύων οὐ δυνάμεθα εἰπεῖν, ἀπαγγέλλομεν. Ἐκίνησεν ὁ διαλεκτικὸς ὑμῶν μάχην πρὸς τὴν ἀλήθειαν, τῇ ἀρχαίᾳ πίστει χειρὰς ἐπήνεγκε, πολέμει πρὸς τοὺς ἀποστόλους, τοὺς προφῆτας ἐκβάλλει, αὐτοῦ τοῦ Κυρίου ἡμῶν περὶ ἑαυτοῦ λίγοντος τοῖς ῥήμασιν οὐκ ἀκολουθεῖ. Ποίας θρησκείας, ἢ ποίοις νόμοις ἑαυτὸν ἐπίσκοπον λέγει, ἀποχρησάμενος τῇ καινῇ καὶ τῇ παλαιᾷ διαθήκῃ. Καὶ γὰρ καὶ τὸ νοητὸν τοῦ σχήματος ἐκβάλλει, καὶ οὐ δέχεται τὴν μεταξὺ ὑμῶν ἀναστρεφείσαν ἀλήθειαν· καὶ ἀπλῶς, ἄλλως περὶ τοῦ μυστηρίου τοῦ Χριστοῦ τοῦ Θεοῦ ἡμῶν διαλαμβάνει, ἢ ἀνέχεται τὸ τῆς πίστεως τῆς ἡμετέρας ἀγίσμα, ὃ μετὰ σεβάσματος ἠκολούθησε πᾶς καθολικῶς διαλεγόμενος. Οὐδεὶς γὰρ καλῶς τῇ θρησκείᾳ <sup>c</sup> ἐκδεδομένος, ἄλλως περὶ τοῦ Χριστοῦ ἐφρόνησεν, ἢ αὐτὸς περὶ

ἑαυτοῦ φρονεῖσθαι ἠθέλησεν. Ἐκίνησέ ποτε ἱερόσυλον ζήτησιν ὁ Σαμοσατεὺς Παῦλος, ὅτε τῆς ἀγίας κατὰ τὴν Ἀντιόχειαν ἐκκλησίας προϊστάτο· ἀλλὰ τοῦτον ἀπὸ τοῦ θρόνου, ἐν ᾧ μιαιῶς προῦκαθέζετο, καθήρκεν ἐνωθεῖσα τῶν καθολικῶν ἱερέων ἀπόφασις. Ἀεὶ γὰρ οφείλουσιν οἱ τοιοῦτοι καιρίως ἐκκόπτεσθαι, οἱ τινες τὴν ψυχὴν τοῦ

Δῆλον δέ ἐστιν, ὅτι αἱ τοιαῦται τῶν λόγων καινότητες ἀπὸ ματαιῶν ἔρωτος δόξης γένωνται. Ὡς τινες θέλουσι παρ' ἑαυτοῖς δοκεῖν ὀξεῖς, ὀπτικοὶ καὶ φρόνιμοι, ζητοῦσι τί προσενέγκωσι ξένον, ὅθεν παρὰ ταῖς ἀπαιδεύτοις ψυχαῖς πρόσκαιρον δόξαν ὀξύτητος ἀπενέγκωνται. Ἀλλὰ τίς τούτων ποτέ ἀληθῆ δόξαν ἐκέρδανεν, ἑαυτῷ δοκῶν φρόνιμος; ὁ γὰρ Θεὸς ἡμῶν τὰ ἀσθενῆ τοῦ κόσμου ἐπιλέγεται, καὶ ἐκ τῶν ἐναντίων συγχέει τὰ ἰσχυρά, καὶ τοὺς φρονίμους διὰ τῶν τοῦ κόσμου μωρῶν. Τίς ἐν τῇ τοῦ κόσμου σοφίᾳ καυχᾶται, εἰ μὴ ὁμολογῶν ἑαυτὸν ἐκ τοῦ κόσμου εἶναι; εἰ μὴ ὁ ἀρνούμενος ἑαυτὸν ἐκείνου εἶναι μαθητὴν, τοῦ εἰπόντος μὴ εἶναι ἑαυτὸν ἀπὸ τοῦ κόσμου; μία ἐστὶ δόξα, ἵνα, ὡς φησιν ὁ Ἀπόστολος, ὁ καυχώμενος, ἐν Κυρίῳ καυχάσθω. Ἄρα <sup>b</sup> οὐ τούτῳ τῷ ὑμετέρῳ ἐπισκόπῳ (ἀλλὰ ἄχρι νῦν ὑμετέρῳ, ἐὰν μὴ πιστεύσῃ ὅπερ πιστεύομεν), ὁρῶμεν ταύτην τὴν γνώμην πρέπουσαν· μωρὸς ἐγένετο, ὃς λέγει ἑαυτὸν σοφόν: ὁμολογημένη γὰρ ἐστὶ μοιρία τὸ ἐκεῖνον ἀγνοεῖν, ὃν ἴσμεν Θεοῦ σοφίαν εἶναι καὶ δύναμιν. Ὁμολογεῖ γὰρ ἑαυτὸν ταῦτα ἀγνοεῖν, ἅπερ ἀνακρίνει. Καὶ μὴ ἡ θαυμάσιος ἡ ἀγάπη ὑμῶν ἀπὸ τῆς ὁδοῦ τῆς ἀληθείας ἀποπλανᾶσθαι τοῦτον, ὁρῶσα ὅτι τὸν Χριστὸν, ὅστις ὁδὸς ἡμῶν τυγχάνει, ἀπώλεσε. Κατελήφαμεν αὐτὸν ἐνίοτε σκαίᾳ διαλέξει προδιδόμενον, ἐνίοτε κρυπτόμενόν τισι λαθανούσαις διόδοις, καὶ σκίπτοντα τὰ ἴδια δηλητήρια· καὶ δέον ἡμᾶς ἀκολουθοῦντας

<sup>e</sup> Editio Rom., ut confundat fortia, renitentibus Lab., Baluz. ac mss. Ad Græcam litteram legendum esset, et ex contrariis confundit fortia. Sed et verbum confundit, quod Latine ambiguum est, et vel commixtionem, vel pudoris suffusionem sonat, Græcus interpres contra Cœlestini mentem reddidit, dum nequaquam ipso Apostoli verbo καταισχύει, quod est pudore suffundit, sed verbo συγχέει, quod est commiscet, usus est.

<sup>b</sup> In mss. Reg., οὐ.

<sup>c</sup> Seu quæ in controversiam vocat.

<sup>d</sup> Reg. mss. θραύση.



nos, sequentes sententiam prudentissimi Salomonis, nullum ad ejus imprudentiam præbere responsum (*Prov. xxvi, 4*), ne similes ei essemus: suademus tamen ut apostolos, ut prophetas nobiscum sequatur; ne cum omnibus solus <sup>a</sup> occurrit, solus ab omnibus refutetur. Vobis vero diligentius vigilandum est, ut inimici prædicationibus resistatis. Major enim vobis sollicitudo est, cum intra Ecclesiam vobis Ecclesiæ adversa dicuntur. Habeant laboris induciæ, quos adversarius foris positus incessit, qui dispersi <sup>b</sup> propugnaculis, murorum se defensione tutantur. Nesciunt ferias, in quibus intus est hostis. Sed in hoc intestino bello, in hoc domestico prælio fides vobis murus sit, et contra perfidiam spiritualibus se telis ipsa <sup>d</sup> defendet. Servemus hanc, quia nos servata custodit. Per hanc firmamentum nostrum Deus est atque refugium (*Psal. lxx, 3*). <sup>e</sup> Eripit de manu peccatoris, cui vos in fluctu positos convenit dicere, *Domine, libera nos, p. rimus* (*Matth. viii, 25*).

5. Ad vos nunc, clerici et omnes qui devoti estis Domino, noster sermo vertendus est. Dicat fortasse aliquis ordinem non esse servatum. Voluimus et nos prius, quod ratio postulabat, habere verba vobiscum; sed eorum cura major obtinuit quos voluimus in commune servare. Neque enim de vobis dubitare debemus, quibus utique ducibus illos <sup>g</sup> pro fide stare credimus. Sancti et Deo amabilis fratris et coepiscopi mei Cyrilli per filium meum Posidonium diaconum ad me directa relatio <sup>h</sup> ea contra vos agi loquitur, quæ potest in Ecclesiæ membra agere qui ejus capiti non pepercit. Non vos ista discrucient. Major gloria est in labore majore: quia certaminis qualitas facit præmii qualitatem. Legitis enim nobiscum, quod is qui legitime certaverit, coronabitur (*II Tim. ii, 5*). Unde adhortatio vobis nostra debetur, quæ et pusillanimis et viriliter resistentibus necessaria est: ut tentamenta valeant ferre qui <sup>i</sup> nequeunt, et firmiter possint stare qui certant. Nunquam nostri regis arma vincuntur. Probatio est omnis tentatio Christiano; quippe quæ patientiam, sicut legimus (*Rom. v, 4, 5*), operatur. Ex hac spes nascitur, quæ neminem Scriptura spondente confundit. Unde, fratres charissimi, quia consolatio vestra ex Deo est, cui corpora vestra, hoc est vos ipsos, ut ait Apostolus (*Rom. xii, 1*), hostias exhibetis, repugnantes <sup>l</sup> nolite deficere. Dat ille virtutem, qui per Apostolum nos monens (*Rom. vi, 13*), esse vult

τῇ γνώμῃ τοῦ σοφιστάτου Σολομῶντος, μαθηρίαν δοῦναι ἀποκρισιν πρὸς τὴν ἀνυσιαν αὐτοῦ, μὴ ὅμοιοι αὐτῷ γινώμεθα· ὅπως συμβουλευόμεν, ἵνα μετ' ἡμῶν τοῖς ἀποστόλοις καὶ τοῖς προφήταις ἀκολουθήσῃ, μὴ ὡς πᾶσι μόνος ἀνθίσταται, μόνος παρὰ πάντων ἐκδιηθή. Ὑμεῖς δὲ ἐπιμελέστερον ἐγρηγοροῦναι ὀφείλετε, ἵνα ἀντιστῇτε τοῖς τοῦ ἐχθροῦ κηρύγμασι. Μείζων γὰρ ὑμῖν ἐστὶ φροντίς, ὅταν ἐντὸς τῆς Ἐκκλησίας λέγεται ὑμῖν τὰ τῇ Ἐκκλησίᾳ ἐναντιούμενα. Ἐχέτωσαν ἐκεῖνοι ἀναχωρῆσαι τῶν καμάτων, οὓς προκαλεῖται ὁ ἀντιδίκος ἔξω διαγων, καὶ οἱ τινες περὶ τοὺς προμαχῶνας διςπαρμένον, ἀσφαλιζοῦνται ἑαυτοὺς τῇ τῶν τοιχῶν βοήθειᾳ. Οἱ δὲ ἔχοντες ἐνδὸν τὸν πόλεμον, ἀργίαν οὐκ ἴσασιν. Ὅμως ἐν τούτῳ τῷ ἐμρυλῷ πολέμῳ, ἐν ταύτῃ τῇ <sup>c</sup> οἰκείᾳ μάχῃ εἴη ὑμῖν τεῖχος ἡ πίστις, καὶ κατὰ τῆς ἀπιστίας αὐτὴ ἑαυτὴν ἐκδικᾷ πνευματικοῖς ἀκουσίῳ. Φυλάττωμεν ταύτην, ὅτι φυλαττομένη φυλάττει ἡμᾶς. Διὰ ταύτης ἡ ἐσφάλα ἡμῶν ἐστὶν ὁ Θεός, καὶ ἡ καταφυγή. Ἀρπάζει ἐκ χειρὸς ἀμαρτωλοῦ. <sup>f</sup> Τούτῳ ἡμᾶς ἐν κλύδωνι κειμένους πρέπει λέγειν· κύριε, ἐλευθέρωσον ἡμᾶς, ἀπολλύμεθα.

Πρὸς ὑμᾶς νῦν, ὧ κληρικοὶ καὶ πάντες ὅσοι καθιερωμένοι ἐστέ τῷ Θεῷ, μεταστρεπτός ὁ παρ' ἡμῶν λόγος. Ἐρεῖ τις τυχὸν, τὴν τάξιν μὴ πεφυλάχθαι. Ἠβελήσαμεν καὶ ἡμεῖς πρότερον, ὅπερ ἀπῆται ἡ ἀκολουθία, διαλεχθῆναι ὑμῖν· ἀλλ' ἐκράτησεν ἡ περὶ ἐκείνους φροντίς μεζίων, οὓς ἐθέλομεν εἰς τὸ κοινὸν σῶσαι. Οὔτε γὰρ περὶ ὑμῶν ἀμφιβάλλειν ὀφείλομεν, ὧν δηλαδὴ ἡγεμονευόντων, ἐκείνους ἐν τῇ πίστει ἰσθάναι πιστεύομεν. Ἡ ἀναφορά τοῦ ἁγίου καὶ Θεοῦ ἐρασμίου τοῦ ἀδελφοῦ καὶ συνεπισκόπου μου Κυρίλλου, ἣν ἀπέστειλὲ μοι διὰ τοῦ υἱοῦ ἡμῶν Ποσειδωνίου τοῦ διακόνου ἑαυτοῦ, ταῦτα ἀνεδίδαξε πράττειν κατ' ὑμῶν, ὥστε δύναται κατὰ τῶν μελῶν τῆς Ἐκκλησίας ποιεῖν, ὃ τὰς κεφαλὰς αὐτῆς μὴ φεισάμενος. Ἀλλὰ ταῦτα ὑμᾶς μὴ βασανίζετω. Μείζων γὰρ δόξα ἐστὶν ἐν μεζίων καμάτων· ὅτι ἡ ποιότης τοῦ ἀγῶνος ποιεῖ τὴν τοῦ ἄθλου ποιότητα. Ἀναγινώσκατε γὰρ μετ' ἡμῶν, ὅτι ὁ νομίμως ἀγωνιζόμενος στεφανοῦται. Ὅθεν ἡ <sup>i</sup> προτροπὴ ἡμῶν χρεωστεῖται ὑμῖν, ἡ καὶ ταῖς μικροψύχοις καὶ τοῖς ἀνδρείως ἀνθισταμένοις ἀναγκαῖα ἐστίν· ἵνα καὶ τοὺς πειρασμοὺς δυνηθῶσι φέρειν οἱ μὴ δυνάμενοι, καὶ ἰσχυρότερον στῶσιν οἱ ἀνθιστάμενοι. Οὐδέποτε τὰ ὅπλα τοῦ βασιλέως ἡμῶν ἡττᾶται. Ἐλεγχόμενος ἐστὶ πᾶς πειρασμός τῷ χριστιανῷ· <sup>k</sup> τοῦτον γὰρ, ὡς ἀνέγνωμεν, ὑπομονὴ ἐργάζεται. Ἐκ ταύτης ἐλπίς γεννᾶται, ἥτις οὐδένα, τῆς Γραφῆς ἐπαγγελλομένης, ἡπάτησεν. Ὅθεν, ἀγαπητοὶ ἀδελφοί, ἐπειδὴ ἡ παραμυθία ὑμῶν ἀπὸ Θεοῦ ἐστίν, ᾧ τὰ σώματα ὑμῶν, τουτέστιν ὑμᾶς αὐτοὺς, ζώσας, ὡς φησιν ὁ Ἀπόστολος, θυσίας προσφέρετε, μὴ ἀποκάμνετε ἀνθιστά-

<sup>a</sup> Planius in Græco, *resistit atque opponitur*.

<sup>b</sup> Græc., *circa propugnacula*. Deinde edit. Rom.: *Murorum defensione nituntur. Nesciunt ferias quibus interest hostis*, corrupte.

<sup>c</sup> Reg. mss., *οἰκεία*.

<sup>d</sup> Baluz. cum mss., *defendat*.

<sup>e</sup> Lab. post edit. Rom., *refugium de manu*, omisso verbo *eripit*, quod ex mss. et Græco revocatur. Nitidior is esset ordo verborum, *De manu peccatoris eripit cui*.

<sup>f</sup> Forte, *οὗτος ὃ ὑμᾶς*, sublato prius puncto.

<sup>g</sup> Græc., *in fide*. Notatu dignus is locus, in quo cum Coelestinus prius ad populum, quam ad clerum,

prudencia dicente sermonem habuisset. id excusatum voluit, fassus ultro rationem dignitatis clerici aliud postulasse, nisi pia nece sitas rerum ordinem mutare coegisset.

<sup>h</sup> Baluz. cum mss., *circa vos agi*. Deinde magis placeret ut est in Græco, *edocuit, quam loquitur*.

<sup>i</sup> In uno ms. reg., *τροπή*; in altero, *ρόπή*.

<sup>j</sup> Malleinus, *qui non valent*, præ infirmitate videlicet animorum.

<sup>k</sup> Leg. *οὗτος..... ὑπομονήν*.

<sup>l</sup> Hoc est, *repugnare ac resistere ne cessetis*. Et hic locus sapit interpretem Græcæ phrasidis paulo tenaciorem.



membra nostra arma justitiæ suæ. Habetis exempla sanctorum, qui olim seminantes in lacrymis, in gaudio messuri sunt in futuro (*Psal. cxxv, 5*). Non amat Dominus noster servum nisi " experimentis probatum. Christianas animas rerum palaestra semper exercet. Currite, ut vos in viis Domini invicem transeatis. Nolo vos ab adversariis comprehendī. Oportere dicit esse Apostolus quæ videmus (*I Cor. xi, 19*). Fortitudinem fidemque nonnisi campus ostendit. Difficile est otium coronari: præmia nonnisi laboribus deferuntur. Nolo salutis galeam capita vestra deponant: nolo se lorica fidei exuat, qui doneum Christi militem proficitur.

τῆς πίστεως ὁ ἐπαγγελλόμενος στρατιώτης τοῦ Χριστοῦ ἀξιοχρεῶς.

6. Nostri nobis bella moverunt; si tamen nostri dicendi sunt, quos ad inimicum transisse rupto " foedere sentiamus. Vestrum est stantes pedes habere in atriis Jerusalem (*Psal. cxxi, 2*). Volumus vobis gressus esse perfectos, ne umquam in exemplum simile alicujus vestigia moveantur. Sequantur cum malo & diabolus, qui se ex eo simul esse cognoscunt. Vos qui filii Dei operibus apparetis, quia ex fractibus vult unumquemque cognosci (*Matth. vii, 16, 20*), vicissim mentes consolamini pusillorum, infirmos quosque suscipite, confirmantes eos. Non vos seducat impietas, sed de bono et malo pro qualitate sui tenete sententiam, vitantes perversa, quæ sunt recta laudantes. Abominationi est enim Deo, Salomone dicente (*Prov. xvii, 15*), quisquis vel justum pro injusto, vel pro justo ducit injustum. Nulla est tribulatio temporalis, <sup>i</sup> si sit ante oculos perenne præmium, cui nihil convenit anteponi. Clamat noster hymnicus (*Psal. xxvi, 5*), si adversum se castra consistant, spe i illuminationis illius sibi penitus non timendum. Si certamen cum gentibus haberetis, esset utique magna victoria superasse eos, quos semper <sup>h</sup> haberetis inimicos. Quanta est dicenda victoria, ubi sacerdos, prædicatione mutata, catholicorum factus est persecutor; contra Paulum proprie in omnibus sentiens, qui Evangelii Domini quod ante fuerat persecutus, factus est postea prædicator? Desertus est impius disputator <sup>1</sup> a sancto Spiritu, postquam in ipsum Spiritum sensit adversa. Merito, si persistit, audiet a nobis Samuelis verba, quæ Sauli tunc ab ipso dicta sunt sacerdote: *Spernet te Domi-*

Α μνοι. Παρέξει ἐκεῖνος δύναμιν, ὃς διὰ τοῦ ἀποστόλου ἡμᾶς διδάσκων, θέλει τὰ ἡμέτερα μέλη ἔπλα εἶναι τῆς ἑαυτοῦ δικαιοσύνης. Ἐχετε ὑποδείγματα τῶν ἁγίων, οἱ τινὲς ποτὲ ἔσπειραν ἐν δάκρυσιν, ὕστερον δὲ ἐν χαρᾷ θεριοῦσιν. Οὐ φιλεῖ ὁ ἡμέτερος δεσπότης δοῦλον, εἰ μὴ τὸν ἐν πείρᾳ δεδοκιμασμένον. Τὰς χριστιανὰς ψυχὰς ἀεὶ ἢ τῶν πραγμάτων παλαιστρὰ γυμνάζει. Τρέχετε ἵνα ἀλλήλους ἐν ταῖς ὁδοῖς τοῦ κυρίου παρέλθῃτε. Οὐ θέλω ὑμᾶς ὑπὸ τῶν ἐντιδικῶν <sup>h</sup> καταλαμβάνεσθαι. Φησὶ δὲ καὶ ὁ ἀπόστολος, χρῆναι γενέσθαι ἅπερ ὁρώμεν. Ἰσχύον καὶ <sup>d</sup> πίστιν οὐ δοκιμάζει, εἰ μὴ ὁ τόπος τῆς συμβολῆς. Ἰσχυρία στεφανοῦσθαι δυσχερές: τὰ ἐπαθλα εἰ μὴ τοῖς καμάτοις οὐ δίδονται. Τὴν περικεφαλαίαν τῆς ὑγείας αἰ κεφαλαὶ ὑμῶν μὴ ἀποθῶνται: μὴ ἱεκδύνηται τὸν θώρακα

Β Οἱ ἡμέτεροι καθ' ἡμῶν πόλεμον κενιήκασιν, εἰ ἄρα ἡμέτεροι λεκτέοι οὗτοι, οὓς ἡσθόμεθα. βεγνέντος τοῦ τῆς <sup>f</sup> φιλίας νόμου, πρὸς τὸν ἐχθρὸν νυτομοληκέναι. Ἰμμετερόν ἐστιν ἰσταμένους ἔχειν τοὺς πόδας ἐν τοῖς πυλῶσιν Ἱερουσαλήμ. Θέλομεν ὑμῶν τὰς βάσεις εἶναι τελείας, μὴ ποτὲ πρὸς ἴσον ὑπόδειγμα τὰ ἔχῃ τινὲς παρασπλευθῇ. καὶ ἀκολουθήσωσι τῇ διαβολῇ μετὰ τοῦ κακοῦ, οἱ ἐπιγινώσκοντες ἑαυτοὺς εἰς ἐκείνου ὄντας. Ἰμεῖς, οἱ τινες υἱοὶ Θεοῦ <sup>h</sup> τοῖς ἔργοις φαίνεσθε, ἐπειδὴ ἐκ τῶν καρπῶν θέλει <sup>i</sup> ἕκαστον διαγινώσκεσθαι, ἀμοιβαδὲν τὰς διανοίας τῶν μικροφύχων παραμυθήσασθε, καὶ ἑλαστόν τῶν ἀσθενῶν ὑποδέξασθε, βεβαιοῦντες αὐτούς. Μὴ δὲ ἀπατήσῃ ὑμᾶς ἀσέβεια, ἀλλὰ περὶ τοῦ καλοῦ καὶ τοῦ κακοῦ κατὰ τὴν ἐκάστου ποιότητα τῆς κρίσεως κατέχετε, φεύγοντες τὰ διεστραμμένα, καὶ τὰ ὀρθὰ ἐπαινοῦντες. Ἀποβλητέος γάρ <sup>C</sup> ἐστι τῷ Θεῷ, λίγοντος τοῦ Σολομῶντος, ὅστις ἢ τὸν δίκαιον ἀντὶ ἀδίκου, ἢ ἀντὶ δικαίου δέχεται ἀδικον. Οὐδὲν δὲ ἐστὶν ἢ πρόσχαιρος θλίψις, ἢ πρὸ ὀρθαλμῶν ἢ τὸ αἰώνιον ἐπαθλον, οὐ οὐδὲν προκρίτεον. Βοᾷ ὁ ἡμέτερος ψαλμῳδός, ὅτι ἐὰν κατ' αὐτοῦ συστῇ πόλεμος, ἐλπίδι ἐκείνου τοῦ φωτισμοῦ ὅλως οὐ φοβηθήσεται. Εἰς ἀγῶνα πρὸς τὰ ἔθνη εἴχετε, δηλαδὴ μεγίστης ἐν ἡμῶν νίκης, νικῶν τοὺς ἀεὶ ὑμῖν γενομένους ἐχθρούς. Πηλίκη δὲ ἐκείνη ἢ νίκη λεκτέα, ὅπου ὁ ἱερεὺς, ἀλλαγνέντος τοῦ κηρύγματος, δυνάτης τῶν καθολικῶν ἐγένετο, ἰδικῶς ἐν ἅπασιν κατὰ Παύλου φρονῶν, ὃς τοῦ εὐαγγελίου τοῦ κυρίου, οὐ διώκτης ἦν πρότερον, ὕστερον ἐγένετο κῆρυξ; κατελείβη ὁ ἀσεβὴς διαλεκτικὸς παρὰ τοῦ θεοῦ Πνεύματος, ὅποτε καὶ αὐτοῦ τοῦ θεοῦ Πνεύματος ἐφρόνησεν ἐναντία. Δικαίως, ἐὰν ἐπιμείνῃ, ἀκούσεται παρ' ἡμῶν τὰ ῥήματα τοῦ Σαμουὴλ, ἅπερ τότε τῇ Σαοὺλ παρ' αὐτοῦ τοῦ ἱερέως:

Δ μουήλ, ἅπερ τότε τῇ Σαοὺλ παρ' αὐτοῦ τοῦ ἱερέως:

<sup>a</sup> Ex Græco interpretari liceret, in tentatione probatum: quod magis ad rem facit.

<sup>b</sup> Unus e mss. reg. hic addit τοῦ κυρίου.

<sup>c</sup> Apud Lib., comprehendī: etsi Apostolus dicat id oportere esse sicuti videmus. Retinenda lectio cæterorum cod. cum. Respicit Cœlestinus ad illud Apostoli, quod et in epistola superiori ad Nestorium n. 5 commemoravit, Oportet etiam hæreses esse, ut probati manifesti fiant.

<sup>d</sup> In uno e mss. reg., καὶ κόπον; in altero καὶ τόπον.

<sup>e</sup> Ad L., amici i. e.

<sup>f</sup> Mss., φιλανθρωπίας.

<sup>g</sup> Vocem diabolo apud Baluz. ut in mss. hic temere adjectam esse Græcus textus persuadet.

<sup>h</sup> Unus ms. reg. hic addit καὶ.

<sup>i</sup> Lab., ἕκαστος.

<sup>j</sup> Ex Baluzio et mss. particula si, in aliis libris omissa, revocatur: ideoque Græce ἂν cum uno codice regio, non cum cæteris ἀλλὰ præferimus. Antea pro nulla est, in Græco exstat nihil est, hoc est pro nihilo reputatur.

<sup>k</sup> Leg., habuistis.

<sup>l</sup> Edit. Rom., sancto Spiritu, sine præpositione. Græc., a divino Spiritu. Deinde mox dicta editio, in ipsa Spiritu. Rectius alii libri, in ipsum Spiritum. Ex quo et Græce κατ' αὐτοῦ, non καὶ αὐτοῦ legendum esse conjectura est hoc sensu: postquam in sententiam abiit i, se etiam divino Spiritui contrariam.



nus, ne regnes super Israel (I Reg. xv, 23). Si <sup>a</sup> hoc A ille meruit, quia solum in agendis rebus, Dei præcepta contempsit; quæ huic poena debetur, qui se in ipsum Dominum majestatis erexit? Curare nunc vestrum est quodcumque vulnus infixit, et his præbere medicinam qui ejus sermonibus sauciati sunt. Firmis in hunc state vestigiis, quem, sicut ejus sermo demonstrat, jam cecidisse videamus. Quidquid in vos intulit, ferte <sup>b</sup> patienter. Indixit injurias, indixit exsilia? Ille in suis hæc passus est, quem suscepisse pro nobis hominem dilfitetur. Unde nullus defleat quidquid in aliquos vestrum facere molitus est.

7. Patientiæ vobis atque constantiæ forma sit Stephanus, primus Christi testis existens. Plebs in hunc prædicantem stridit perfidorum; nec tamen idoneus Christi comes tacuit quod videbat. Exclamabat inter furentes (Act. vii, 36), inter religionis inimicos, videre se apertos cœlos, et Filium hominis propter quem talia pateretur, stare ad dexteram Dei. Longum est ire per singulos, qui vitam vel morte vel confessione mercati sunt. Habetis vos quicumque ecclesia estis ejecti, pene nostrorum temporum beatæ recordationis Athanasii Alexandrinæ Ecclesiæ prudentissimi sacerdotis exemplum. Cui non consolationi sit illius tolerantia? cui non sit exemplo illius fortitudo? cui non spem faciat ejus <sup>d</sup> exspectata reversio? Ejicitur Ario persequente, sed revocandus Domino prosequente. Passus est <sup>e</sup> carcerem, passus angustias; nec mirum, si vir apostolicus ea passus est quibus se Apostolus (II Cor. xi) gloriatur exercitatum? In his tamen omnibus secutus est illum, qui sibi in tribulationibus se placere testatur (II Cor. xii, 10). Fugatus illinc, in nostris partibus <sup>f</sup> recreatus est. Denique hic ei redintegratus est status, et in hac sede requiem communionis invenit, a qua <sup>g</sup> semper catholicis subvenitur. Nec tamen sensit in tribulationibus lassitudinem, qui factus est in persecutione confessor. Unde CHRISTIANORUM nullus illatum sibi temporale deflere debet exsiliū, quia EORUM NEMO exsul est Deo. Timeamus ne <sup>e</sup> regione vivorum, hoc est illa quam nostram patriam esse volumus, exsulemus. Illud est nostrum, illud perpetuum, illud æternum. Nostrum enim non est unde transitur; sed illa vere nostra, quæ spes certissima pollicetur. Sunt autem, dicente Apostolo, quæ oculus non vidit, nec auris audit, nec in cor hominis ascenderunt hæc quæ

Ἐξουθενήσῃ σε κύριος, ἵνα μὴ βασιλεύῃς ἐπὶ Ἰσραὴλ. Εἰ ἐκεῖνος ἄξιός γέγονεν, ὅτι μόνον ἐν πράγμασιν ἄπερ ἔπραττε, κατεφρόνησε τῶν ἐντολῶν τοῦ Θεοῦ, ποῖα τοῦτω χρεωστηθήσεται τιμωρία, ὅς ἐαυτὸν κατὰ τοῦ Κυρίου τῆς Θεότητος ὕψωσε; νῦν ὑμέτερόν ἐστι θεραπεύσαι τὸ παρ' ἐκείνου τραῦμα, καὶ ἰάσασθαι τοὺς παρ' αὐτοῦ ῥήματι τετρωμένους. Ἀσφαλίσιν ἔχουσιν ἴσταςθε κατὰ τοῦ ἤδη πεσόντος, ὡς ὁ παρ' αὐτοῦ λόγος δείκνυσι. καὶ εἴ τι ὑμῖν ἐπήνεγκεν, ἀνεξικάνως φέρετε. Ἐμνηχανήσατο ὕβρεις. ἐμνηχανήσατο ἀφορισμούς; ἐκεῖνος <sup>e</sup> αὐτὸς ἐν τοῖς ἰδίῳις πέπονθεν, ὃν ὑποδέδεχθαι ὑπὲρ ἡμῶν ἄνθρωπον ἀρνείται. Ὅθεν μηδεὶς κλαύσῃ τὰ κατὰ τινος ὑμῶν ἐπειρηθέντα.

Τῆς ἀνεξικανίας καὶ τῆς ὑπομονῆς τύπος εἶν Στέφανος ὁ πρῶτος τοῦ Χριστοῦ μάρτυς. Ὁ ὄχλος τῶν ἀπίστων κατ' αὐτοῦ ἔβρυχε· καὶ ὁμοῦς ὁ συνοδοιπόρος τοῦ Χριστοῦ οὐκ ἐσιώπησεν ὅπερ ἔδρα. Ἐβία μεταξὺ μαινομένων, μεταξὺ τῶν τῆς θρησκείας ἐχθρῶν, λέγων ἐαυτὸν ὁρᾶν ἀνεωγμένους τοὺς οὐρανοὺς, καὶ τὸν υἱὸν τοῦ ἀνθρώπου, δι' ὃν ταῦτα ἔπασχεν, ἰστάμενον πρὸς τῇ δεξιᾷ τοῦ Θεοῦ. Μακρὸν ἐστὶ χωρεῖν δι' ἐκάστου τῶν πριαμένων ἐαυτοῖς ζωὴν ἢ θανάτῳ ἢ ὁμολογίᾳ. Ἐχετε ὑμεῖς, ὅσοι τῆς Ἐκκλησίας ἐκδέδλησθε, σχεδὸν τῶν ἡμετέρων καιρῶν ὑπόδειγμα τοῦ τῆς μακαρίας μνήμης Ἀθανασίου τοῦ σοφωτάτου ἱερέως τῆς Ἀλεξανδρινῶν Ἐκκλησίας. Τίτι οὐκ ἂν εἴη παραμυθία ἢ ἐκείνου ὑπομονή; τίτι οὐκ ἂν εἴη ὑπόδειγμα ἢ ἐκείνου στερέρότης; τίτι οὐκ ἂν ποιήσειεν ἐλπίδα ἢ ἐκείνου πολυπόητος ἐπάνοδος; Ἐκβάλλεται Ἀρείου διώκοντος, ἀλλ' ἀνακλητέος τοῦ Κυρίου προπέμποντος. Ἐπαθε φυλακὴν, ἔπαθε ρίψεις· καὶ οὐ θαυμάστον, εἰ ὁ ἀποστολικὸς ἀνὴρ ταῦτα πέπονθε, δι' ὧν ἐαυτὸν γεγυμνάσθαι καυχᾶται ὁ ἀπόστολος. καὶ ἐν τούτοις πᾶσιν ἐκείνῳ ἠκολούθησε τῷ μαρτυρομένῳ, ὅτι ἐαυτῷ ἐν ταῖς θλίψεσιν ἀρέσκει. Ἐδιώχθη ἐκεῖθεν, καὶ ἐν τοῖς ἡμετέροις μέρεσιν ἀνεκτίσατο. Ἀμέλει ἐνταῦθα αὐτοῦ ἡ κατάστασις ἀνεκαινίσθη, καὶ ἐν τούτῳ τῷ θρόνῳ εὖρε κοινωνίας ἀνάπαυσιν, ἀφ' οὗ αἰετὶ τοῖς καθολικοῖς γεννᾶται βοήθεια. καὶ ὁμοῦς ἐν ταῖς τρίψεσιν οὐκ ἤσθετο πόνου ὁ γενόμενος ἐν τῷ διωγμῷ ὁμολογητής. Ὅθεν οὐδεὶς τῶν χριστιανῶν κλαῦσαι ὀφείλει τὴν ἐπενεχθεῖσαν αὐτῷ πρόσκαιρον ἐξορίαν, ὅτι ἐκείνων οὐδεὶς ἐξωρισμένος ἐστὶ Θεῷ. Μᾶλλον φοβηθῶμεν, μὴ ἀπὸ τῆς χώρας τῶν ζώντων, τουτέστιν ἀπ' ἐκείνης, ἣν ἡμετέραν θέλομεν εἶναι πατρίδα, ἐξορισθῶμεν. Ἐκεῖνό ἐστιν ἡμέτερον, ἐκεῖνο διηνεκές, ἐκεῖνο αἰώνιον. Οὐκ ἔστι γὰρ ἐκεῖνο ἡμέτερον, δι' οὗ μόνῃ πάροδος· ἀλλὰ ταῦτα ἀληθῶς ἡμέτερα, ἥπερ ἀσφαλεστάτη D ἐλπίς ἐπαγγέλλεται. Ἔστι δὲ λέγοντος ἀκοῦσαι τοῦ ἀπο-

<sup>a</sup> In vulgata lectione Græca, εἰ ἐκεῖνος ἀνάξιός. Si ille fuit indignus; quod potest admitti supplendo regni honore. Cum regis autem mss. utpote quibus Latinus textus concinit, ἄξιός præferentes, subaudiri intelligimus ut sperneretur a Deo.

<sup>b</sup> Baluz. cum mss., sapienter. Deinde edit. Rom., Indulxit injurias.

<sup>c</sup> Leg. αὐτά.

<sup>d</sup> In epistola 43 Nicolai I, ad Suessionenses, ubi totus hic locus describitur, obtinet quidem inexpectata, sed in vetustiore ejusdem epistolæ exemplari Colbertino exstat etiam expectata. Græcum vocabulum proprie sonat summe desideranda. Quamquam suspicio est more antiquo scriptum esse expectata, pro selectata, id est, clara et gloriosa.

<sup>e</sup> Athanasius nullum passus esse carcerem legitur, nisi vocetur carcer, latibulum in quo se V. lentis persecutionem fugiens abdidit.

<sup>f</sup> Ita mss. cum Baluz. Quæ lectio Græcæ voci ἀνεκτίσατο, sive ut in vulgatis ἀνεκτίσασθαι, res, ondet. At in edit. Rom. et Lab., ut et apud Nicolaum I, roboratus est. Tum Baluzio magis placuit, Denique hinc, quamvis mss. Colb., Turon. et Nav. refragantibus. Sed et quod antecedit in nostris partibus, non a nostris partibus; nec non quod subsequitur in hac sede, non ab hac sede, etiam hic, non hinc, præferendum suadet. Quam Julius papa Athanasio opem tulerit nullus ignorat.

<sup>g</sup> Hæc citat Nicolaus I, epist. 40.



præparavit Deus diligentibus se (I Cor. II, 9). Ne tamen vel ad tempus ejus videatur valere sententia, qui in se jam divinam sententiam provocarat, aperte sedis nostræ sanxit auctoritas, nullum sive episcopum, sive clericum, seu professione aliqua Christianum, qui a Nestorio vel ejus similibus, ex quo talia prædicare cœperunt, vel loco suo vel communione dejecti sunt, vel ejectum vel excommunicatum videri. Sed hi omnes in nostra communione et fuerunt, et huc usque perdurant; quia neminem vel dejicere vel remove potest, qui <sup>b</sup> prædicans talia titubabat.

8. Omnes igitur præsens sermo in commune complectitur, ut magis ac magis roborati, et confidentes in Domino, non moveamini, quin immo et medeamini infirmitatibus aliorum. Jam enim vobis illic commendamus infirmos, ubi sic videtur ipse medicus ægrotare, cui tamen volumus, si adhuc possumus, subvenire. Nam cum ad sanctum fratrem nostrum et coepiscopum Cyrillum responsa congrua mitteremus, et hæc <sup>d</sup> vobis per charissimum Posidonium ejus diaconum, et huic, de quo agitur, dirigenda ab eodem fratre meo scripta transmisimus. Et quia nostra in tanto negotio propemodum præsentia necessaria videbatur, vicem nostram, <sup>e</sup> propter marina vel terrena spatia, ipsi sancto fratri meo Cyrillo delegavimus, ne morbus iste longitudinis occasione grassetur. Vos tantum apostolicos ante oculos habentes sermones, in eodem sensu et in eadem sententia estote perfecti (I Cor. I, 10), ut, sicut legimus (Matth. X, 22), permanentes usque ad finem salvi esse possitis. Ut autem noveritis sub qua definitione litteras <sup>f</sup> miserimus, ipsam sententiam huic epistolæ fecimus subter annecti, ut datam de ipso formulam cognoscatis. Deus vos incolumes custodiat, fratres charissimi. Data <sup>g</sup> III idus Augusti Theodosio XIII et Valentiniano III consulibus.

9. Palam <sup>h</sup> igitur agnosce hanc nostram esse sententiam, ut nisi de Christo Deo hæc exposueris, quæ et Romana, et Alexandrina, et omnis catholica sentit Ecclesia, sicut etiam Constantinopolitana Ecclesia

A στόλου. Ἄ ὀφθαλμὸς οὐκ εἶδεν, οὐδὲ ἀκοή ἤκουσεν, οὐδὲ εἰς καρδίαν ἀνθρώπου ἀνῆλθεν ταῦτα ἃ ἡτοίμασεν ὁ Θεὸς τοῖς ἀγαπῶσιν αὐτόν. Ἵνα δὲ μὴδὲ <sup>a</sup> πρὸς καιρὸν δοκῇ τούτου ἰσχύειν ἡ ἀπόφασις, τοῦ ἤδη καθ' ἑαυτοῦ τὴν θείαν ἀπόφασιν προσκαλεσαμένου, φανερώς ἡ αὐθεντία τοῦ ἡμετέρου θρόνου ὠρίσατο, μὴδὲνα ἡ ἐπίσκοπον, ἡ κληρικόν, ἡ κατὰ τι ἐπάγγελμα χριστιανόν. τῶν παρὰ Νεστορίου ἡ τῶν τούτου ὁμοίων, ἀφ' οὗ τοιαῦτα κηρύττειν ἤρξαντο, ἡ τοῦ ἰδίου τόπου, ἡ τῆς κοινωνίας ἀποκινηθέντων, δοκεῖν ἡ ἀποκινηθῆσαι, ἡ ἀποκοινωνήτου γεγενῆσθαι. Ἀλλ' οὗτοι πάντες ἐν τῇ ἡμετέρᾳ κοινωνίᾳ καὶ ἐγένοντο, καὶ ἄχρι τοῦ παρόντος εἰσὶν· ὅτι οὐδὲνα ἡ καθελεῖν, ἡ ἀποκινῆσαι ἠδύνατο, ὅς ἐν τῷ κηρύττειν τοιαῦτα, ἀσφαλῶς οὐχ εἰστήκει.

Β Πάντας τοίνυν ὁ παρὼν λόγος εἰς τὸ κοινὸν περιπλέκεται, ἵνα μᾶλλον ἰσχυροποιηθέντες καὶ θαρσαλέοι γενόμενοι ἐν Κυρίῳ, μὴ μετακινήθῃτε, ἀλλὰ μᾶλλον θεραπεύσητε τὰς <sup>c</sup> ἀλλήλων ἀσθενείας. Ἦδη γὰρ ὑμῖν ἐκεῖ τοὺς ἀσθενεῖς παρατιθέμεθα, ὅπου ὁρῶμεν αὐτὸν νοσοῦντα τὸν ἱατρὸν· ὃ θέλομεν ὁμῶς, εἰ ἔτι δυνάμεθα, βοηθεῖν. Ὡς γὰρ πρὸς τὸν ἅγιον ἀδελφὸν καὶ συνεπίσκοπον ἡμῶν κύριλλον ἀρμοδίους ἀποκρίσεις ἐπέμπομεν, καὶ ὑμῖν ἐπιστείλαμεν διὰ τοῦ ποθεινοτάτου Ποσειδωνίου τοῦ διακόνου αὐτοῦ, τὰ πεμπτέα παρὰ τοῦ αὐτοῦ ἀδελφοῦ μου καὶ πρὸς ἐκεῖνον περὶ οὗ λόγος. Καὶ ἐπειδὴ ἐν τηλικούτῳ πράγματι ἡ ἡμετέρα σχεδὸν παρουσία ἀναγκαία ἐφαίνετο, τὴν ἡμετέραν διαδοχὴν, διὰ τὰ κατὰ θάλατταν καὶ γῆν διαστήματα, αὐτῷ τῷ ἁγίῳ ἀδελφῷ μου Κυρίλλῳ ἀπενείμαμεν, μὴ αὐτὴ ἡ νόσος ἀφορμὴ τῆς μακρότητος ἐπιτριβῇ. Μόνον ὑμεῖς τοὺς ἀποστολικούς πρὸ ὀφθαλμῶν <sup>C</sup> ἔχετε λόγους· ἐν τῇ αὐτῇ διανοίᾳ καὶ ἐν τῇ αὐτῇ γνώμῃ γίνεσθε τέλειοι· ἵνα, ὡς ἀνέγνωμεν, παραμένοντες ἄχρι τέλους δυνήθητε σωθῆναι. Ἵνα δὲ γινώτε ἐφ' οἷῳ ὁρῶ τὰ γεγραμμένα ἀπεστείλαμεν τῷ πρὸς ὃν ὑμῖν ὁ λόγος, αὐτὴν τὴν ἀπόφασιν τὴν κατ' αὐτοῦ Νεστορίου ἐποήσαμεν ταύτῃ τῇ ἐπιστολῇ ὑποταγῆναι, ἵνα γινώτε τὸν περὶ αὐτοῦ δοθέντα τύπον. Ὁ Θεὸς ὑμᾶς ὑγιαῖς φυλάξαι, ἀδελφοὶ ποθεινότατοι.

<sup>E</sup> Ἔστι δὲ ὁρος μεθ' ἑτερα οὗτος

Σαφῶς τοιγαροῦν μαθήσῃ ταύτην ἡμετέραν εἶναι τὴν ἀπόφασιν, ὡς εἰ μὴ περὶ Χριστοῦ τοῦ Θεοῦ ἡμῶν ταῦτα ἐξηγήσῃ, ἃ καὶ ἡ Ῥωμαϊκὴ καὶ ἡ Ἀλεξανδρικὴ καὶ ἅπασα καθολικὴ Ἐκκλησία νοεῖ, καθὼς καὶ ἡ εὐαγεστάτη τῶν

<sup>a</sup> Ita mss. At edit., πρόσκαιρος.

<sup>b</sup> Græc.: Qui prædicando talia firmiter ipse non steterat, scilicet in Ecclesiæ doctrina et fide. Nicolaus I, epist. 8 ad Mich., superiora verba ad hæc usque exscribens, nusquam a lectione Latina discedit.

<sup>c</sup> Log. τῶν ἄλλων.

<sup>d</sup> Illud vobis, ac subinde ista, et huic de quo agitur, desiderantur in edit. Rom., quibus verbis Coelestinus cum hanc, tum superiore epistolam, ad Cyrillum misisse se significat, ut ejus opera hæc ad Constantinopolitanos et ad Nestorium altera transmitteretur.

<sup>e</sup> Hoc est, quia longa maris terræque spatia non sinunt, ut ipse eo me facile conferam.

<sup>f</sup> Græc.: Ad eum de quo vobis loquimur miserimus, ipsam sententiam quam adversus Nestorium tulimus, huic epistolæ, c.c.

<sup>g</sup> Augusti 11 ann. 450. Apud Baluz. iv idus. In edit. Rom. deest hæc chronologica nota.

<sup>h</sup> In edit. Rom. et Lab. eadem formulâ aliter enuntiatur his verbis: Aperte igitur agnosce hanc nostram esse sententiam, ut nisi de Christo Deo nostro ea prædices quæ Romana et Alexandrina et universalis Ecclesia et sancta Constantinopolitana Ecclesia usque ad te optime tenuit, juxta expositam in Nicæna synodo fidem; ac nisi hanc perfidam novitatem, quam (leg. qua) hoc quod venerabilis Scriptura conjungit niteris separare, intra decimam diem a primo innotescentis tibi hujus conventionis die numerandam deposueris, sique aperta et scripta professione damnaveris; noveris te ab universalis Ecclesiæ catholicæ communione dejectum, et ad omnia quæcumque sacerdotalis auctoritatis sunt, minime idoneum. Quæ interpretatio non e codicibus e quibus superiora descripta sunt, sed ex epistola 13 addito posteriore versu est adscita. Verum, licet Græcum ac Latinum textum ex veterum exemplarium fide hic exprimendum duxerimus, utrumque tamen in superiori epistola puriorem esse fatendum est.



usque ad te, charissime, intellexit, juxta expositam A  
In synodo Nicæna fidem; ac nisi hanc infidelem no-  
vitatem ab adoranda et veneranda Scriptura sejunxe-  
ris, et intra decem dies ex innotescentis hujus exe-  
cutionis die numerandos aperta et scripta professione  
damnaveris, ab omni te catholica Ecclesia <sup>o</sup> excom-  
municatum.

Κωνσταντινουπολιτῶν ἐκκλησία μέχρι σοῦ, ὃ εὐέλπιστε,  
ἐνόησε, κατὰ τὴν ἐκτεθεῖσαν πίστιν ἐν τῇ Νικαίᾳ συν-  
ῳδῇ, καὶ εἰ μὴ ταύτην τὴν δύσπιστον κακότητα σε-  
θαστῇ καὶ σεθασμῇ Γραφῇ διαστήσει, ἐντὸς δέκα ἡμε-  
ρῶν ἀφ' ἧς γνωρίζονται σοι ταῦτα τὰ γράμματα ταύτης  
τῆς μεθοδείας τῇ <sup>a</sup> ἡμέραν ἐναριθμῶν, τὰ φανερά καὶ  
γεγραμμένα τῆς καταδικασίμου αἰρέσεως, ἀπὸ πάσης  
καθολικῆς Ἑκκλησίας ἀκουώοντων <sup>b</sup> εἶναι σεαυτὸν, καὶ  
ἀνεύρηγτον πρὸς πᾶν ὅτιον τῶν ἐξ αὐθεντίας ἱερατικῆς.

#### 4 EPISTOLA XV.

NESTORI AD COELESNTINUM PAPAM.

*Quid Cyrillus, quid ipse de vocabulis Θεοτόκος et Χριστοτόκος sentiat.*

COELESNTINO papæ Nestorius episcopus Constan-  
tinopolitanus.

foret longo multoque de hac ipsa causa sermone.

1. Didici honestissimum Cyrillum Alexandrinæ  
urbis episcopum, propter libellos contra eum nobis B  
oblato exterritum, ac sibi verantem latebras, ad  
evitandam sacram synodum, propter hos ipsos libros  
futuram, quasdam alias interea cogitationes excogi-  
tare verborum, et amplecti <sup>o</sup> verbum quod est  
Θεοτόκος et Χριστοτόκος, quorum alterum admittit,  
alterum vero modo quidem de Evangeliiis eximit,  
modo vero rursus admittit, hoc est Χριστοτόκος,  
secundum quamdam, credo, prudentiæ nimietatem.

3. Sed et sine hoc, illud quoque omni modo bea-  
titudini tuæ notum est, quia si æstimenius duas se-  
ctas contrarias sibi stare, et harum altera hanc vo-  
cem proferat solam Θεοτόκος, altera vero illam solam  
ἀνθρωποτόκος, et utraque secta ad suam confessionem  
<sup>h</sup> trahat, aut si hoc non impetraverit, periclitetur de  
Ecclesia cadere; necesse erit <sup>i</sup> jactatæ huic rei de-  
putatum, habentem pro utraque secta curam, mederi  
periculo utriusque partis ex voce ab Evangeliiis tra-  
dita, quæ utriusque naturæ significatrix sit. Horum  
enim, sicut dixi, assertionem <sup>j</sup> vox illa, quæ est  
Χριστοτόκος, quia et <sup>k</sup> blasphemium Samosatani remo-  
vet, quod est dictum de omnium Domino Christo  
tamquam puro homine, sed et Arii et Apollinaris  
malitiam fugat.

2. Ego autem ad hanc quidem vocem <sup>f</sup> quæ est  
Θεοτόκος, nisi secundum Apollinaris et Arii furorem  
ad confusionem naturarum proferatur, volentibus di-  
cere non resisto; nec tamen ambigo, quin hæc vox  
Θεοτόκος illi voci cedat, quæ est Χριστοτόκος, tam-  
quam prolata ab angelis et <sup>g</sup> Evangeliiis. Et nisi hæc  
ad venerationem tuam scientem dicerem, opus mihi C

4. Hæc autem ipsa etiam honestissimo Alexandri-  
norum episcopo scripsi, sicut potest beatitudo tua  
cognoscere ex exemplaribus <sup>l</sup> quæ his meis litteris

<sup>a</sup> Reg. mss., ἡμετέραν.

<sup>b</sup> In mss. reg., εἶναι σεαυτὸν. Hic locus supra  
epist. 13, § 11 clarius exprimitur.

<sup>c</sup> Leg. sis excommunicatus. Si nihil in Græco textu  
est temere additum, hic supplendum est: *Et ad om-  
nia quæcumque sacerdotalis auctoritatis sunt inhabitem.*  
Istud quidem supplementum in superiori epistola non  
modo Latine, sed etiam Græce desideratur; ei tamen  
favet quod Cyrillus Coelestini sententiam Nestorio  
denuntians, sic eum apud Baluz. nov. coll. concil.  
p. 413 alloquitur: *Si hoc non egerit tua reverentia  
secundum definitas inducias in litteris memorati san-  
ctissimi et reverentissimi episcopi et comministri Roma-  
norum Coelestini, cognosce te ipsum nullam sortem ha-  
bentem nobiscum, neque locum in sacerdotibus Dei et  
episcopis.*

<sup>d</sup> Scripta anno 450, sub finem Novembris. A Mario  
Mercatore nobis transmissa, ex ejus editionibus,  
quas tum Steph. Baluzius, tum Joan. Garnerius ad-  
ornarunt, simul collatis hic descripta est. Is observa-  
vit indictam quidem generalem synodum in ea me-  
morari, sed litterarum Coelestini per Cyrillum mis-  
sarum nullam fieri mentionem, adeoque illas nondum  
Nestorio redditas fuisse. Quod nisi dissimularit Ne-  
storius, inde sequitur ut hæc epistola intra 19 et 30  
Novembris diem scripta sit. Nam Theodosii sacra  
qua indicitur œcumenica synodus, die 19 Novembris  
consignatur; Coelestini autem litteras Nestorius ejus-  
dem mensis 30 die accepit.

<sup>e</sup> Ita Baluz. ex mss. fide. At Garn., verba quæ  
sunt.

<sup>f</sup> Supple quod attinet. Alioqui, præ ad hanc, legen-  
dum cum Garn. et hanc.

<sup>g</sup> Garn. hic et infra, evangelistis.

<sup>h</sup> Addit Garn. alteram. Maluerit forte quis subau-  
diri quemque.

<sup>i</sup> Apud Garn., tractandæ, ad auctoris mentem sa-  
tis accommodatæ.

<sup>j</sup> Garn. hic de suo supplevit verbum *temperat*, et  
antea *harum*, loco horum posuit, grammaticæ regu-  
lis scrupulosius hærens. Pronomine autem *horum*,  
eos intelligere licet qui sectæ addicti sunt Christum  
merum hominem asserenti. Ita integer erit locus, si  
verbum *removet*, post voces *tamquam puro homine*  
rejeciamus.

<sup>k</sup> Substituit Garn. blasphemiam, sed deinde reti-  
nuit quod est dictum, cum quæ est dicta grammaticæ  
leges postularent. Frustra autem obtendit Nestorius,  
voce Χριστοτόκος, Samosatani blasphemiam remo-  
veri. Non enim Samosatenus Mariam peperisse Chri-  
stum negabat; sed ideo blasphemus fuit, quia quem  
Christum confitebatur, merum hominem esse, non  
etiam Deum affirmabat. Contra Nestorii amicus Joan-  
nes Antiochenus de nomine Θεοτόκος sic epist. ad  
ipsum Nestorium i p. concil. Ephes. c. 25 disserit:  
D *Si id, quod nominis hujus significatione effertur, non  
recipimus, restat ut in gravissimum errorem prolaba-  
mur, immo vero ut inexplicabilem illam Unigeniti Dei  
œconomiam abnegemus: quando quidem nomine hoc  
sublato, vel potius hujus nominis notione repudiata,  
sequitur mox illum non esse Deum, qui admirabilem  
illam dispensationem salutis nostræ causa suscepit. Quo-  
circa vox illa repudiari, quin statim Samosatani hæ-  
resi faveatur, nequit. Sed et paulo ante præmiserat  
idem Joannes: Nomen hoc Θεοτόκος nullus umquam  
ecclesiasticorum doctorum repudiavit. Qui enim illo usi  
sunt, et multi reperiuntur, et apprimè celebres. Sed  
neque magis Arii aut Apollinaris, quam Samosatani,  
perfidiam vox Χριστοτόκος fugat, cum Mariam Christi  
matrem neuter inficietur.*

<sup>l</sup> Duæ Nestorii epistolæ ad Cyrillum, et Cyrilli  
item duæ ad Nestorium exstant i part. concil. Ephes.



adjunxi, vel quæ ad nos ab eo scripta sunt. Placuit A vero <sup>a</sup>, Deo adjuvante, etiam synodum inexcusabiliter totius orbis terrarum indicare propter inquisitionem aliarum rerum ecclesiasticarum. Nam <sup>b</sup> dubitatione verborum non æstimo habituram inquisitionem difficultatum, nec impedimentum esse ad tractatum divinitatis Domini Christi.

### • EPISTOLA XVI.

COELESTINI I AD CYRILLUM ALEXANDRINUM EPISCOPUM.

*Sententiæ adversus Nestorium latæ indulgentiam correcto esse offerendam: ut si pertinax fuerit, ipse perditionis suæ auctor judicetur. Se cum iis quos Cyrillus suspectos habet, summa cautione tractaturum.*

COELESTINUS EPISCOPUS CYRILLO EPISCOPO ALEXANDRINO.

1. Intellego sententiam sapientissimi Salomonis impletam. Non enim aliter quam sitiens aquam frigidam (*Prov. xxv, 25*), de terra longinqua iteratum nuntium per litteras tuæ dilectionis accepi, quæ nos invicem nostri consilii participatione conjungunt. Indifficiliter est Ecclesiarum et catholicæ fidei speranda tranquillitas, quando pro hac elaborare Christianissimos principes sic videmus. Non est inefficax, in divinis maxime causis, cura regalis, quæ pertinet ad Deum qui fideliter tenet corda regnantium (*Prov. xxi, 1*). Itaque breviter responsum tuæ reddimus sanctitati.

2. Etenim quæris utrum sancta synodus recipere debeat hominem <sup>a</sup> a se prædicata damnantem; an quia induciarum tempus emensum est, sententia dudum lata perduret. Super hæc <sup>c</sup> utrique consultatione communi communem Dominum consulamus.

cap. 6-9. Posterior autem Nestorii, in concilio Ephesino act. 1 pag. 461 lecta, communi Patrum calculo reprobata est.

<sup>a</sup> Garn. hic adjecit, *pissimis imperatoribus*. Horum sacra, quæ episcopi ad Ephesinam synodum vocantur, habetur i part. concil. Ephes. c. 32.

<sup>b</sup> Locum hunc ita resarcire conatus est Garner.: *Dubitationem... inquisitionem difficilem, nec impedimento futuram esse ad tractatum*. Confirmare videtur Nestorius quod præmiserat, quæstionem scilicet de duobus verbis, utrum *Χριστοτόκος* an *Θεοτόκος* præferendum sit, nihil quidquam difficultatis habituram, nec impedimento fore quominus Christi deitas tractetur et asseratur.

<sup>c</sup> Scripta Maii 7 anno 431. Hanc autem epistolam una cum subsequente 19 primus Baronius ad annum 431 in lucem emisit. Eas acceperat ab Antonio de Aquino, qui pontificiarum epistolarum auctarium tunc meditabatur. Is dubio procul in licasset unde illas eruerat, si meditatam opus perficere potuisset. Verum cum ante vita sit functus, istud hactenus latuit. Nullus tamen videtur ambigendi locus quin ex aliquo Ephesini concilii Latino exemplari, cujusmodi unum asservat Ecclesiæ Bellovacensis bibliotheca, erute sint. Præterea, inter monumenta quæ Lucas Holstenius vel ut nova, vel ut ad veteres codices collata, collegit et editione digna existimavit, autographa earum exempla in percelebri bibliotheca Barberina reperiuntur. Utamque Steph. Baluzius nov. coll. concil. pag. 492 et 494, ex Bellovacensis codicis fide recudi curavit. In hac prima non desunt notæ quibus eam a Græco versam, non e Latino authentico descriptam suspicemur.

A Nonne nobis respondet illico per prophetam, mortem se nolle morientis (*Ezech. xviii, 32*); et per apostolum Paulum, omnem hominem velle salvum fieri et venire ad scientiam veritatis (*1 Tim. ii, 4*)? Numquam displicet Deo accelerata in quocumque correctio. Tuæ sit hoc sanctitatis cum venerando fratrum consilio, ut orti in Ecclesia strepitus comprimantur, et finitum Deo juvante negotium votiva correctione discamus.

3. Conventui autem nos deesse non dicimus: neque enim ab his absentes esse possumus, quibus nos ubicumque positus fides tamen una conjungit. Nolo nos corpore isto censi, cujus præsentiam Apostolus assignat infirmam (*11 Cor. x, 10*). Illic sumus, <sup>f</sup> qui quod illic pro omnibus agitur cogitamus: spiritualiter agimus, quod corporaliter agere non videmur. Studeo quieti catholicæ, studeo perentis salutis, si tamen voluerit ægritudinem confiteri. Quod ideo dicimus, ne volenti se corrigere forsitan deesse videamur. Nam si et nobis <sup>g</sup> sustentibus uvam (*Isa. v, 2*), spinas sibi addiderit; impleatur, manentibus statutis prioribus, sui fructu judicii; colligat quod sulco diabolico seminavit, non nostro consilio, sed se periturus <sup>h</sup> auctore. Probet nos veloces pedes ad effundendum sanguinem (*Psal. xiii, 3*) non habere, quando sibi etiam remedium cognoscat oblatum.

4. Illis autem quos erga catholicam fidem tua fraternitas dicit se habere suspectos, si scripta direxerint, pro qualitate rerum eis nos respondere necesse est. C In quo negotio nemo subripiet, <sup>i</sup> quin tota cautione tractetur. Data nonis Maii, Basso et Antiocho viris clarissimis consulibus.

<sup>d</sup> Hoc est, an recipere debeat Nestorium, modo damnet quæ impie antea prædicarat. Hæc phrasys interpretem subolet Græcæ litteræ tenacius hærentem. Idem sapit et superior vox minime Latina *indifficiliter*.

<sup>e</sup> Supple, *quæ quæris*. Apud Baron. et Baluz., ut in schedis Holsten., legitur, *Super hac utique*: sed emendatio nostra nulli, puto, temeraria videbitur.

<sup>f</sup> Baron. *Quidquid illic*. Magis placet cum Baluzio, *quia quod illic*. Cum hominis præcipua pars sit animus, eaque a rebus corporeis distinguatur, illic homo magis esse censetur ubi est mente, quam ubi versatur corpore.

<sup>g</sup> Et hæc vox interpretem sapit, qui quod in Græco anceps erat, satis apte distinguere nescierit. Latine dubio procul Cœlestinus primum scripserat, *expectantibus*, aut *dum expectamus*, non *sustinentibus*.

D <sup>h</sup> Pergit Cœlestinus excommunicationis invidiam in eos rejicere qui excommunicantur, quia ipsi perditionis suæ auctores sint.

<sup>i</sup> Baron., *quia tota cautione tractatur*. Melius apud Baluz., *quin..... tractetur*: hoc est, nemo per subreptionem efficiet, ut non tota cautione tractetur. Hoc maxime dictum est Joannis Antiocheni aliorumque Syriæ episcoporum causa. Hi quippe duodecim anathematismis quos Cyrillus epistolæ ad Nestorium subjecerat, offensi cum Apollinarianæ hæreseos suspectum habuerunt; indeque vicissim ipsi Cyrillo, ut Nestorii fautores ac suffragatores, suspecti facti sunt. Vide Liberatum cap. 4. Joannes vero a Nestorii commentis quantum abhorreret, epistola ad ipsam Nestorium scripta luculenter patefecit.



## \* EPISTOLA XVII.

880 COMMUNITORIUM PAPÆ COELESTINI EPISCOPIS ET  
PRESBYTERIS EUNTI BUS AD ORIENTEM.

*In Ephesina synodo, sive nondum soluta, sive jam absoluta sit, quei se gerere debeant.*

1. Cum Deo nostro, sicut credimus et speramus, auctore ad destinata vestra charitas venerit loca, ad fratrem et coepiscopum nostrum Cyrillum consilium vestrum omne convertite, et quidquid in ejus videritis arbitrio facietis,\* et auctoritatem sedis apostolicæ custodiri debere mandamus. Si quidem instructiones quæ vobis traditæ sunt, hæc loquantur, ut interesse conventui debeatis: ad disceptationem si fuerit ventum, vos de eorum sententiis judicare\*\* debeatis, non subire certamen. Quod si transactam<sup>b</sup> synodum, et redisse omnes episcopos videritis, requirendum est qualiter fuerint res finitæ. Si pro antiqua<sup>c</sup> fide catholica res gestæ sunt, et sanctum fratrem meum Cyrillum Constantinopolim didiceritis profectum, ire vobis illo necesse est, ut epistolas nostras principi porrigatis. Quod si aliter actum est, et in dissensione res sunt, ex ipsis rebus conjicere poteritis quid cum consilio supradicti nostri fratris agere debeatis.<sup>d</sup> Data viii iduum Maiarum Basso et Antiocho consulibus.

## MONITUM IN EPISTOLAM SEQUEMTEM.

1. Latine scripta fuit hæc epistola, et in Ephesino concilio (Act. 2 p. 611), quo satisfaceret consuetudini, ut apostolicæ sedis litteræ Latine in primis legantur, videlicet Julii Latine primum lecta est, ac deinde gestis inserta. Tum etiam Græce, id efflagitante synodo, in gratiam eorum qui Latine nesciebant, recitata est. Et cum quidem propterea legati Latinum in sermonem conversam detulerant. Primam Latini textus partem Petrus Crabbius in lucem primus emisit. Subinde vero in Romana pontificiarum epistolarum editione integer prodiiit velut ex Cresconio, hoc est e Cresconiana collectione excerptus. Inde totam epistolam istam exscribens Baronius ad annum 431, hanc ei præmisit censuram: *Observandum est eas (Cœlestini litteras) scriptas fuisse ex more Latino sermone, inde vero reperiri in Græcum translata, et e Græco rursus Latinitati restitutas, non sine tamen magno præjudicio germanæ sinceritatis, ut ex diversitate eorum satis intelligi potest. Porro nemo non videt, Latinis anti-*

\* Stephani Baluzii opera nov. coll. concil. pag. 384 in lucem prodiiit hoc commonitorium, cum e Colbertino codice 1865, tum e Vaticano 1320, descriptum. — Edidit item post Baluzium ex optimo codice bibliothecæ Capitularis Veronensis Scipio Maffei V. C. istud papæ Cœlestini Commonitorium, et quidem emendatius, ad calcem suæ *Historiæ theologicæ*, inter opuscula ecclesiastica, pag. 71. Ante utrumque tamen idem Commonitorium evulgarat Chr. Lupus inter Epistolas Ephesinas, pag. 470.

<sup>b</sup> Quia nimirum Theodosius litteris ad metropo-

\*Codex Veronensis omittit conjunctionem et, atque sic legit interpungitque: et quidquid in ejus videritis arbitrio, facietis. Auctoritatem sedis apostolicæ custodiri debere mandamus: siquidem instru-

A quioribus standum esse exemplaribus, quorum omnium vetustissimum nobis exhibet Cresconiana collectio, ut nulla imposturæ possit esse suspicio. Negandum quidem non est Græcum ejusdem epistolæ sermonem, qualis ad nos pervenit, non paucis locis a Latinæ orationis sinceritate plurimum aberrare. Unde, si ea ipsa est interpretatio Græca, quam concilio Ephesino legati obtulerant, colligere est quam rari tunc essent qui linguam utramque vel mediocriter tenerent. Neque tamen concedendum, exemplar illud Latinum quod Baronius secundum editionem Romanam recudi curavit, esse omnino genuinum. Rivulum enim, qui nonnihil e Græcis corruptelis secum passim admixtum habeat, potius dixeris quam purum fontem. Prior sane ac longe sanior est textus a Steph. Baluzio nov. coll. concil. pag. 490 editus, quem veteres mss. Colbertinus, Turonensis, Bellovacensis ac Navarreus antiquæ concilii Ephesini interpretationi insertum asservant. Nec ambigendum videtur quin is ipse sit, qui coram synodo recitatus, episcoporum jussu ipsius synodi actis insertus est.

B 2. Hæ Cœlestini litteræ Ephesi summa veneratione summoque totius synodi plausu exceptæ sunt. Iis quippe recitatis (Act. 2 pag. 618), omnes simul reverendissimi episcopi acclamaverunt: *Hoc justum judicium. Novo Paulo Cœlestino, novo Paulo Cyrillo, Cœlestino custodi fidei, Cœlestino cum synodo concordii, Cœlestino universa synodus gratias agit.* Tum Projecto apostolicæ sedis legato postulante ut quæ Cœlestinus dudum ante definire, et nunc in memoriam revocare dignatus est, synodus ad finem numeris omnibus absolutum deduci juberet, Firmus Cæsareæ Cappadociæ episcopus ait: *Apostolica et sancta sedes per litteras Cœlestini sanctissimi episcopi quas ad religiosissimos episcopos Cyrillum Alexandrinum, Juvenalem Jerosolymitanum, et Rufum Thessalonicensem, necnon ad sanctas Constantinopolis et Antiochiæ Ecclesias misit, etiam ante de præsentis negotio sententiam regulamque præscripsit, quam nos quoque secuti...., formam illam executioni mandavimus, canonicum apostolicumque judicium in illum proferentes.* Ibi autem loco verbi proferentes Græce legitur *κατανοήσαντες*, hoc est, judicium adversus Nestorium prolatum perpendentes et cognoscentes canonicum esse atque apostolicum. Ex iis vero epistolis quæ a Firmo memorantur, etiamnum habemus quæ ad Cyrillum et ad Constantinop. Ecclesiam scriptæ sunt. Nec desiderandæ sunt quæ ad Rufum ac Juvenalem notantur missæ, siquidem epistolæ 12 ad Joannem Antiochenum paria tantum ac similia exempla duobus illis episcopis simul missa fuerant. Ad summum excidit epistola ad Ecclesiam Antiochiæ, si alia ibi ab ea quæ ad Joannem civitatis hujus episcopum scripta est memoretur.

litanos datis præceperat ut ipso Pentecostes die, qui hoc anno 431 in 7 Maii diem incidebat, Ephesi convenirent. Quare, si indieta die convenissent episcopi, synodus pridie quam hoc Commonitorium tradebatur, congregata ante potuisset solvi, quam eo legati pervenissent.

<sup>c</sup> Hoc ideo dictum quia fides nullam patitur mutationem. Nulla est igitur, Cœlestini judicio, cœtus quantumvis numerosi definitio, quæ cum antiqua catholica fide manifeste pugnet.

<sup>d</sup> Ann. 431 Maii 8.

ctiones, etc. Quod magis placet. Neque aliter Lupus, qui tamen habet: siquidem et instr. GALLAND.

\*\* Idem cod. Veron. debetis; rectius ut videtur. GALLAND.



## EPISTOLA XVIII.

B. COELESTINI PAPÆ I AD SYNODUM EPHESINAM.

Ut ab apostolis tradita fidei tenent. Ut certe fortiter pro Christi causa. Ut uno animo et fidei adsint et Ecclesiarum quieti. Legatos se destinasse, qui synodi gestis intersint et a se statuta exsequantur.

COELESTINUS episcopus sanctæ synodo apud Ephesum A ἐκλεστίνος τῇ ἁγίᾳ συνόδῳ, τῇ ἐν Ἐφέσῳ συναχθείσῃ, ἀγαπητοῖς καὶ ποθεινοτάτοις, ἐν Κυρίῳ χαίρειν.

1. Spiritus sancti testatur præsentiam congregatio sacerdotum. Certum est enim quod legimus (quia non potest veritas <sup>b</sup> mentiri, cujus in Evangelio ista sententia est), Ubi duo vel tres congregati fuerint in nomine meo, ibi et ego sum in medio eorum (Matth. xviii, 20) Quod cum ita sit, <sup>c</sup> si nec huic tam brevi numero Spiritus sanctus deest, quanto magis eum nunc interesse credamus, quando in unum convenit tanta turba sanctorum? Sanctum namque est pro debita veneratione <sup>d</sup> collegium, in quo utique nunc apostolorum frequentissimæ illius quam legimus (Act. xv), congregationis aspicienda reverentia est. Numquam his defuit <sup>e</sup>, quem receperant prædicandum; adfuit his semper Dominus et magister, nec docentes a suo doctore deserti sunt. Docebat ille qui miserat, docebat qui et dixerat quid docerent. Docebat ille qui in apostolis suis se confirmat audiri (Luc. x, 16). Hæc ad omnes in commune Domini sacerdotes mandatæ prædicationis cura pervenit; hæreditario namque in hanc sollicitudinem jure constringimur, quicumque per diversa terrarum eorum <sup>i</sup> vice nomen Domini prædicamus, dum illis dicitur, *Ite, docete omnes gentes* (Matth. xxviii, 20).

2. Advertit vestra fraternitas quia accepimus generale mandatum: omnes etiam nos agere voluit i quod illis sic omnibus in commune mandavit: officium necesse est nostrorum sequamur auctorum. Subeamus omnes eorum labores quibus <sup>l</sup> successimus in honore. Præstemus eorum diligentiam <sup>m</sup> prædicatis, præterquæ, monente Apostolo (Galat. i, 8, 9), nullam prædicationem jubemur <sup>o</sup> admittere. Non est minor <sup>p</sup> tradentis officio custodia traditorum. Illi ja-

Τοῦ ἁγίου Πνεύματος ἐμφανίζει τὴν παρουσίαν τῶν ἱερέων ἢ σύνοδος. Ἀληθὲς γὰρ ἐστὶ τὸ γεγραμμένον. ἵπαιδὴ καὶ οὐ δύναται ἡ ἀλήθεια ψεύσασθαι, ὅτι δὴ ἐν Εὐαγγελίῳ τοιαύτη ἐγκεῖται φωνή· Ὅπου δύο ἢ τρεῖς εἰσι συνηγμένοι ἐπὶ τῷ ἑμῷ ὀνόματι, ἐκεῖ εἰμι ἐν μέσῳ αὐτῶν. Τούτου οὕτως ἔχοντος, εἰ οὐδὲ τοῦ οὕτω βραχέος ἀριθμοῦ τὸ Πνεῦμα τὸ ἅγιον ἀπολείπεται πότῳ μᾶλλον αὐτὸ νῦν μεσιτεύειν πιστεύομεν, ὅπου εἰς ἐν συνήχθη τοσοῦτο πλῆθος ἁγίων; καὶ γὰρ ἅγιόν ἐστι κατὰ τὸ οἰκεῖον σέβας συνέδριον, ἐν ᾧ καθάπερ ἐκείνης τῆς μεγίστης τῶν ἀποστόλων συνόδου, ὡς ἀνέγνωμεν. ἐστὶν ὁρᾶν τὴν εὐλάβειαν. Οὐδεπώποτε τούτων ἀπολείπει ὁ παρ' αὐτῶν κηρυχθεὶς διδάσκαλος· παρὴν αὐτοῖς αἰεὶ ὁ Κύριος καὶ διδάσκαλος, ἀλλ' οὐδὲ ἰ διδασκόμενοι παρὰ τοῦ οἰκεῖου διδασκάλου πώποτε κατελείφθησαν. Ὁ πέμψας ἐδίδασκεν· ὁ εἰπὼν τί διδάξουσιν ἐδίδασκεν, ὁ <sup>ε</sup> τοῖς οἰκεῖοις ἀποστόλοις ἑαυτὸν <sup>h</sup> ἐμφανίζων. Ἀκούεσθω ταῦτα παρὰ πάντων εἰς τὸ κοινόν, κύριοι ἀδελφοί, ἃ τῆς παρατεθείσης διδασκαλίας ἢ φροντίς παρέπεμψε. Δικαίως κληρονομίαν εἰς ἡμᾶς ἐν ταύτῃ τῇ φροντίδι σφιγγόμεθα οἱ πανταχοῦ καὶ ἀνά πάσαν τὴν οἰκουμένην τῇ ἐκείνων διδοχῇ τὸ ὄνομα Κυρίου κηρύττοντες, ὡς ἐκεῖνοις προστέτακται· Πορευθέντες μαθητεύσατε πάντα τὰ ἔθνη.

Ἡροσέχειν ὑμετέρα ἀδελφότης ὀφείλει, ὅτι παρεδίξατο γενικὴν ἐντολήν. Καὶ ἡμᾶς αὐτοὺς πάντας τοῦτο πράττειν ἠθέλησεν, ὅστις πάσιν ἐκείνοις περὶ τῆς ἐντετατατο πίστεως καὶ λειτουργίας· ἀναγκαῖόν ἐστιν, ὅπως προσηκόντως τοῖς ἑαυτῶν πατράσιν ἀκολουθήσωμεν, <sup>k</sup> ὅπως ἐλθόντες πάντες αὐτῶν τὸν κάματον, καὶ οἱ τὴν τούτων διαδεξάμενοι τιμὴν, χορηγήσωμεν τὴν ἐπιμίλειαν τοῖς τούτων διδάγμασι· μεθ' ἃ, <sup>u</sup> ὑπομιμνήσκοντες τοῦ ἀποστόλου, οὐδεμίαν διδασκαλίαν προσθεῖναι κελεύομεθα. Οὐκ

<sup>a</sup> Solus codex Bellov. etiam refragante Græco, constitutæ. Tum Græcus interpres addidit, *charissimis in Domino salutem*.

<sup>b</sup> Baron. cum edit. Rom., *veritas nostra*. Rectius abest *nostra* ab aliis libris. Græcus interpres hæc ita convertit, quasi legisset: *Verum enim est quod scriptum est, quoniam nec veritas potest mentiri, quia in Evangelio talis jacet vox*. Vel hinc liquet neque textum nostrum Latinum, nec eum quem Baronius Annalibus suis inseruit, e Græco fuisse expressum. Pluribus simul locis id confirmatur.

<sup>c</sup> Pro particula *si*, edit. Rom. *nam*, et Baron. ut præferunt. In ms. autem Navarr. simpliciter existat, *Quod si nec huic*.

<sup>d</sup> In edit. Rom. et concil. ut apud Baron., *concilium*: refragantibus mss. *Collegii* nomen pro episcoporum consensu Cælestino familiare est.

<sup>e</sup> Vocem *magister*, et mox particulam *sed* ante nec docentes, quæ in iisdem edit. habentur ex Græco perperam repetite, remouentur auctoritate mss.

<sup>f</sup> Leg. *διδάσκοντες*.

<sup>g</sup> Adde *ἐν*.

<sup>h</sup> Leg. *προσβεβαιῶν ἀκούεσθαι, αὐτὴ πρὸς πάντας εἰς τὸ κοινὸν ἱερέας τοῦ Κυρίου τῆς παρατ. διδ. ἢ φροντίς ἔφθασε. Δικαίως κληρονομίας*.

<sup>i</sup> Edit. Rom. et Baron. *eorum voce*; emendantur ex mss. et Græco.

<sup>j</sup> In vulgatis, *qui*. Concinnius in ms. Navarr., *quod*. Deinde Baron. et edit. Rom.: *Illis sic in commune mandavit officium* (Græc.: *De fide et ministerio mandata dedit*), *necesse est ut competenter nostros siquamur auctores*, Latino textu ad Græcum ex parte accommodato: *castigantur ex mss.*

<sup>k</sup> Leg. *ὅπως ἐλθῶμεν*, expuncto proximo κα.

<sup>l</sup> In vulgatis hic repetitur *omnes*, quod melius abest a ms. Navarr. et a Græco.

<sup>m</sup> Baron., *prædicantes*. Edit. Rom., *prædicationis*. Verius alii libri, *prædicatis*, hoc est, *his quæ ab ipsis prædicata sunt* (seu ut sonat interpretatio Græca, *eorum doctrinis*) *diligentiam præbeamus*.

<sup>n</sup> Leg. *ὅπως ἐλθῶμεν*.

<sup>o</sup> Edit. Rom., *adducere*. Baron. et Lab. Græcum secuti, *adjicere*. Obscurum non est hic respici ad illud Pauli Gal. i, 9: *Si quis vobis evangelizaverit præter id quod accepistis, anathema sit*. Quocirca magis placet cum Baluz. et mss., *admittere*.

<sup>p</sup> Id est, traditarum rerum custodia non est quid minus ipso tradentis officio; ideoque officio apostolorum, ad quos pertinuit tradere quæ credenda sunt, non minus est opus pastorum, quorum est custodire quæ tradita sunt. Cælestini verba Græce sic convertit interpres, quasi legisset, *Non minus honorificum est docenti obsequi, quam tradita custodiare*, mentem illius non satis feliciter assecutus.



claverint fidei <sup>a</sup> semina; nostra hæc sollicitudo custodiat, ut incorruptum et multiplicem fructum nostri Patrisfamilias adventus inveniat, cui soli utique <sup>b</sup> assignatur ubertas. Loquente namque electionis Vase, plantare et rigare non sufficit, nisi Deus dederit incrementum (I Cor. iii, 7). Agendum igitur nunc est labore communi, <sup>c</sup> ut credita et per apostolicam successionem huc usque detenta servemus. Illud <sup>d</sup> in nobis, per quod secundum Apostolum ambulemus, arguitur. Non enim nunc <sup>e</sup> species, sed fides nostra vocatur ad causam.

περιπικτήσωμεν. Οὐτε γὰρ νῦν πρόσωπόν τι, ἀλλ' ἡ ἡμετέρα πίστις καλεῖται πρὸς δίκην.

3. Spiritualia arma sumenda sunt, quia bella sunt mentium, et tela verborum, ut in nostri regis <sup>b</sup> cedere perduremus. Omnes nunc ibi positos beatus Paulus apostolus monet, ubi Timotheo remanere mandavit (I Tim. i, 3). Idem igitur locus, eadem causa <sup>i</sup> ipsa, etiam modo ipsum requirit officium. Nos quoque nunc agamus quod agendum tunc ille suscepit: ne quis aliter sentiat, et quæstiones præstantibus maxime fabulis ne quis intendat, ut ipse præcepit (Ibid. 4; et iv, 7). Simus unanimis, unum quia sic expedit, sentientes. Nihil per contentionem, nihil per inanem gloriam agere gestiamus, una anima cum uno corde sit cunctis (Philipp. ii, 2, 3). Quandoquidem fides, quæ est una, pulsatur, doleat, immo et lugeat, hoc nobiscum omne in commune collegium. Vocatur in iudicium qui iudicaturus est mundum; discutitur qui discussurus est omnes; et calumniam patitur qui redemit. Accingatur armis Dei vestra fraternitas (Ephes. vi, 17). Scitis quæ galea caput nostrum muniat, quæ lorica <sup>p</sup> etus includat, non vos nunc <sup>l</sup> demum ecclesiastica rectores castra ceperunt. Nemo dubitet, favente Domino qui facit utraque unum (Ephes. ii, 14), depositis armis pacem futuram, quando se causa ipsa defendit.

4. Respiciamus rursus etiam illa nostri verba doctoris, quibus proprie apud episcopos utitur, ista prædicans: *Attendite, inquit, vobis et universo gregi, in quo vos Spiritus sanctus posuit episcopos regere Ecclesiam Dei, quam acquisivit sanguine suo* (Act. xv, 28). Inde <sup>o</sup> ad hoc vocatos hos legimus, qui istud

<sup>a</sup> Apud Baluz., *semen*, quocum sequens pronomen hæc concordare nequit. Mox in mss., *patrisfamilias*.

<sup>b</sup> Ita Baluz. cum mss. At in aliis edit. ex Græco hic adjicitur *apostolorum*, præter mentem Cœlestini, a quo etiam in subnexis aberrat Græcus textus.

<sup>c</sup> Leg. ἡ εὐχαρπία ἀνατίθεται.

<sup>d</sup> Leg. : Λαλοῦντος τοῦ τῆς ἐκλογῆς σκεύους, φυχ. καὶ ποτ. οὐκ ἐπαρκεῖ, εἰ μὴ.

<sup>e</sup> Tres mss., *ut commissa*, non alio sensu. Mox magis placeret *retenta*, quam *detenta*.

<sup>f</sup> Sic Baluz. et mss. At editi alii cum Græco: *Illud enim a nobis petitur, ut secundum Apostolum ambulemus. Non enim, minus ad rem. Hoc quippe sibi vult Cœlestinus, in catholicis a Nestorio id argui, per quod secundum Apostolum ambulant, quatenus quod sibi de Maria Dei genitrice credenda traditum est tenent.*

<sup>g</sup> Vocabulum *species*, verbis πρόσωπόν τι reddens Græcus interpres, hoc nomine personam aliquam

A ἔστιν ἐκείνου τοῦ τῆς ὑπαρξίας τῇ διδόνοντι ἡ τῶν παραδιδωμένων φυλακή. Ἐκεῖνοι ἔσπειραν τῆς πίστεως τὰ σπέρματα· ταῦτα ἡ ἡμετέρα φροντίς ἀσφαλιεσθῶ, ὅπως ἀδιάφθορον καὶ πολυπλασιασθέντα καρπὸν ἡ παρουσία τοῦ ἡμετέρου δεσπότου εὖροι, ὃ μὲν <sup>e</sup> ἡ ὡραιότης τῶν ἀποστόλων ἐμφανίζεται. Καὶ γὰρ <sup>d</sup> λαλῶν τοῖς ἐαυτοῦ ἐκλεκτοῖς Παῦλος, ἐαυτὸν φυτεύειν καὶ ποτίζειν οὐκ ἐπαρκεῖν ἔφη, εἰ μὴ Θεὸς τὸ αὐξάνεσθαι καὶ πληθύνεσθαι ἐχαρίσατο. Τοιγαροῦν περισπούδαστός ἐστι, καὶ πρακτικὸς ὅπως καμᾶτω κοινῇ τὰ ἐμπιστευθέντα, καὶ διὰ τῆς ἀποστολικῆς διαδοχῆς εἰς τοῦ νῦν συσχεθέντα φυλάξωμεν. Ἐκεῖνο γὰρ παρ' ἡμῶν αἰτεῖται, ἵνα κατὰ τὸν ἀπὸστόλων

Ὅπλα πνευματικὰ θωρηξάσθαι δεῖ, ἐπειδὴ πόλεμοι κινεῦνται ψυχῶν, καὶ βέλη ῥημάτων, ὅπως ἐν τῇ πίστει τοῦ βασιλέως ἡμῶν παραμεινώμεν. Πάντας νῦν τοὺς ἐκείσε ὁ μακάριος Παῦλος ὑπομιμνήσκει, ἔνθα Θιμίθεον μένειν ἐνετείλατο. Ὁ αὐτὸς τοιγαροῦν τόπος. ἡ αὐτὴ ὑπόθεσις τὴν αὐτὴν διακονίαν καὶ νῦν ἀπαιτεῖ. Ἡμεῖς τι νῦν πράξωμεν καὶ σπουδάσωμεν εἰς τοῦτο, ὃ ἐκεῖνος πράττειν προστέτακται· ἵνα μὴ ἄλλο τις φρονῇ, καὶ ζητήσεις <sup>i</sup> ἐν τῆς παρούσης μάλιστα μακρολογίας μηδεὶς ἐκτενέτω, ὥς αὐτὶς προσέταξε. Μένωμεν ὁμόψυχοι, ἐν καὶ τὸ αὐτὸ φρονούντες, ἐπειδὴ τοῦτο συμφέρει· μηδὲν διὰ φιλονεικίαν, μηδὲν πράττειν διὰ ματαίαν κενοδοξίαν εὐχόμενοι. Μία ψυχὴ καὶ καρδία μία ἔστω τοῖς πᾶσιν, ὅτε ἡ πίστις, ἥ τις μία ἐστὶ, παραταράττεται, πονεῖται, μᾶλλον δὲ θρηνεῖται τοῦτο μεθ' ἡμῶν κοινῇ πᾶν τὸ συνέδριον. Εἰς κριτήριον καλεῖται ὁ κρίνων πᾶσαν τὴν οἰκουμένην, εὐθύνεται ὁ <sup>k</sup> σείων πᾶσαν τὴν γῆν, καὶ ὁ λυτρωτὴς συκοφαντίαν ὑπομένει. Θωρηξάσθω τὴν πανοπλίαν τοῦ Θεοῦ ἡ ἡμετέρα ἀδελφότης. Οἴδατε τὴν περινεφελίαν, ἣτις τὴν ἡμετέραν ἀσφαλίζεται κεφαλὴν, ποῖος θώραξ τὸ ἡμέτερον στῆθος τειχίζει· οὐ νῦν πρῶτον ἡμᾶς οἱ ἐκκλησιαστικοὶ περίβολοι διδασκάλους ἐδέξαντο. Οὐδεὶς ἀμφεβάλοι, τοῦ Θεοῦ συνεργούντος, ὃς ποιεῖ τὰ ἀμφοτέρω ἐν, ὅτιπερ ἀποτεθέντων ὅπλων εἰρήνην διαδέχεται, ἐπειδὴ αὐτὴ ὑπόθεσις ἐαυτὴν ἐκδικεῖ.

Ἀναπολήσωμεν πάλιν κάκεῖνα τὰ ῥήματα τοῦ ἡμετέρου <sup>m</sup> δεσπότου, οἷς ἰδικῶς ἐχρήσατο <sup>n</sup> διὰ τῶν οἰκείων ἐπισκόπων, ταῦτα παραγγέλλων. Προσέχετε, φησὶν, ἑαυτοῖς καὶ πάσῃ τῇ ἀγέλῃ, ἧς ἡμᾶς τὸ Πνεῦμα τὸ ἅγιον ἔταξεν ἐπισκόπους, διοικεῖν τὴν Ἐκκλησίαν τοῦ Θεοῦ, ἣν περιποιήσατο τῷ ἰδίῳ αἵματι. Ὅθεν τοιοῦτους κλη-

D videtur intellexisse. Eo tamen *terrena substantia*, quæ litium fons et origo esse solet, commodius intelligatur.

<sup>b</sup> Ad litteram Græcam Lab., *fide*, reluctantiis mss. Sed et allegoricæ locutioni Cœlestini vocabulum *sedere* apte congruit.

<sup>i</sup> In mss. desideratur, ipsa etiam modo. Lectio Græca postulat, eadem causa idem modo requirit officium, quod esset nitidius.

<sup>j</sup> Leg. : Παρέχουσι μάλιστα μύθοις μὴ τις προσέχη.

<sup>k</sup> Leg. εὐθύνων.

<sup>l</sup> Græcus interpres legit, *nunc primum*, quod et magis arridet; quasi diceret, In Ecclesiæ militia titrones non estis. Subinde apud Baluz., *rektoris*, ubi retinendum esse *rectores* cum ex Græco tum ex orationis serie liquet.

<sup>m</sup> Leg. διδασκάλου.

<sup>n</sup> Leg. πρὸς τοὺς ἐπισκόπους.

<sup>o</sup> Ita Baluz. cum mss., nisi quod in Navarr.: *Inde*



audirent, quo nunc sanctitas vestra convenit. Ephesius ergo, quibus est nota fidei prædicatio, sit nunc erga hanc etiam nostra nota defensio. Exhibeamus <sup>a</sup> his nostræ mentis illa veneratione constantiam, quæ sunt <sup>b</sup> digna, quæ magna sunt, quæ pio sensu tranquillitas diuturna servavit, <sup>c</sup> et intemerata regnarunt. Numquam contra Regem regum verba tyrannicæ dominationis admissa sunt, nec opprimi per falsitatem potuit negotium veritatis: Vos hortor, fratres charissimi, respiciatur illa dilectio, in qua utique secundum vocem Joannis apostoli (1 Joan. iii, 17 et iv, 16), cujus reliquias præsentibus <sup>d</sup> veneramini, manere debemus. Sit oratio communis ad Dominum. Scimus quæ vis divinæ illius præsentiae sit futura (Act. iv, 31), supplicante concorditer tanta multitudo sacerdotum, quando locus ille <sup>e</sup> moveri potuit in quo unanimiter duodecim legimus supplicasse. Quæ tamen fuit Apostolorum petitio deprecantium? Nempe ut acciperent verbum Dei loqui cum fiducia (Ibid., 29, 30), et <sup>f</sup> per ejus manus virtutes agere, quarum præstante Christo Deo nostro acceperant potestatem. Et vestro nunc sancto conventui quidnam aliud postulandum, quam ut cum fiducia loquamini verbum Domini? quam <sup>g</sup> ut det servare, quæ prædicare concessit? ut repleti Spiritu sancto, sicut scriptum est (Act. iv, 31), licet ore diverso, unum tamen, quod ipse Spiritus docuit, profertis. His omnibus breviter animati, quia, sicut ait Apostolus (Rom. vii, 1), scientibus legem loquor, et loquor sapientiam inter perfectos (1 Cor. ii, 6), adestote catholicæ fidei et Ecclesiarum <sup>h</sup> quieti; ad-  
estote, quia sic dicendum est, et præteritis et præsen-

adhuc vocatos. Alii vero editi, *Inde advocatos*. Respicit Coelestinus ad illud Act. xx : *A Mileto Paulus mittens Ephesum, vocavit majores natu Ecclesiæ, quibus dixit: Attendite vobis, etc.* Græco interpreti vertendum fuerat ἐκείθεν (non ὅθεν), πρὸς τοῦτο (non τοιαύτους), ἀκούσαντας (non ἀκούσαντας); ac deinde omissa voce Ἐφεσίους, post particulam τοιγαροῦν adjiciendum erat Ἐφεσίους.

<sup>a</sup> Baluz. cum mss., *huic*, quod ad fidem referri potest. Alii libri, *h'is*.

<sup>b</sup> Lab. post Baron.: *Qua sunt digna quæ magna sunt, quæ pio*. Rom. edit.: *Qua sunt digna, sint intemerata quæ pio*. Hæc ita convertit interpres Græcus quasi legisset: *Qua sunt digni; et maneant detractioe superiora quæ pio intellectu tranquillitas perpetua servavit. Annuntientur a vobis quæ ab apostolis prædicata sunt, quia numquam contra Regem, etc.*

<sup>c</sup> Baluz. cum ms. Bellovac.: *Intemerata apud nos quæ ab apostolis sunt prædicata regnarunt; quia numquam*. Apud Lab.: *Annuntientur vobis quæ ab apostolis intemerata regnarunt, quia numquam*. In editis aliis: *Annuntientur vobis quæ ab apostolis sunt prædicata, quia numquam*. Lectionem Græcam in superiori nota exposuimus. Nostra, quæ, particula et excepta, est mss. Colb. Turon. et Navar., a glossematis suspitione purior visæ est.

<sup>d</sup> Adde κατὰ.

<sup>e</sup> Leg. προτρέπω.

<sup>f</sup> Leg.: Ἀγασθῆν, ἐν ᾗ μένειν ὀφείλομεν κατὰ.

<sup>g</sup> Verbo venerandi reverentiam sacris reliquiis debitam antea Hilarius atque Hieronymus expresse-  
rant. Eas quippe cum ille lib. contra Constantium n. 8, tum hic lib. adversus Vigilantium veneranda ossa nuncupant. Eadem loquendi ratione Eusebius Gallicanus in homilia de S. Blandina, quæ potius

A θάντας ἀνέγνωμεν τοὺς ταῦτα ἀκούσαντας Ἐφεσίους, ἔνθα νῦν ἡ ὑμετέρα ἀγιότης συνεληλύθε. Τοιγαροῦν εἰς ἐστὶ γνώριμος ἡ διδασκαλία τῆς πίστεως, ἔστω γνωστὴ καὶ ἡ ὑμετέρα ἐκδίκησις. Παράσχωμεν αὐτοῖς διὰ τῆς ἡμετέρας διανοίας ἐκείνης τῆς προσκυνήσεως τὴν ἰσχὺν, ἧς εἰσιν ἄξιοι καὶ μείνη καταλαλιᾶς ὑψηλότερα, ἢ εὐσεβεῖ διανοίᾳ ἡ διηνεκής ἐφύλαξεν εἰρήνη. Ἀπαγγελλέσθω παρ' ὑμῶν τὰ παρὰ τῶν ἀποστόλων προκηρυχθέντα ὅτι οὐδὲ πώποτε <sup>d</sup> τοῦ βασιλείως τῶν βασιλευόντων βήματα τυραννικῆς ἐπιχειρήσεως ἠλάττωται οὐδὲ κάμνειν ἡδὺ νῆθη διὰ πλαστολογίαν ἢ δύναμις τῆς ἀληθείας. Ὑμᾶς <sup>e</sup> προπεμπέτω, ἀδελφοὶ τιμιώτατοι, ἐκείνη μόνη περισκοπεῖσθω ἡ <sup>f</sup> γνώμη κατὰ τὴν φωνὴν Ἰωάννου τοῦ εὐαγγελιστοῦ, οὗ τὰ λείψανα παρόντες τιτιμήκατε ἔστω κοινὴ εὐχὴ πρὸς τὸν Κύριον. Οἶδαμεν ποία δύναμις τῆς B θείας αὐτοῦ καὶ ἐσομένης παρουσίας ἔσται, παρακαλούσης ὁμοφύχως τῆς τοσαύτης τῶν ἱερέων πληθύος· ἐπειδὴ τόπος ἐκεῖνος κινεῖν δύναται, ἐν ᾗ ὁμογνωμόνως τοὺς δώδεκα ἀνέγνωμεν. Τίς τῶν δώδεκα ἡ αἰτήσεις δεομένων ἐγγύετο; δηλαδὴ ἵνα θεῶνται τὸν λόγον τοῦ Θεοῦ λαλεῖν μετὰ παρρησίας, καὶ διὰ τῆς αὐτοῦ δυνάμεως ἐνεργεῖν, ὧν, διδόντος Χριστοῦ τοῦ Θεοῦ ἡμῶν, εἰλήφρισαν τὴν ἐξουσίαν καὶ τῇ ὑμετέρᾳ νῦν ἀγία συνόδῳ τί ἐστὶν ἄλλο αἰτεῖν, ἢ ὅπως μετὰ παρρησίας λαλήσητε τὸν λόγον τοῦ Χριστοῦ; καὶ ταῦτα <sup>h</sup> δέδωκε φυλάττειν, ὥσπερ καὶ κηρύττειν ἐχαρίσατο; καὶ πεπληρωμένοι Πνεύματος ἁγίου, καθὰ γέγραπται, εἰ καὶ διαφόρῳ στόματι, ἐν ὁμῳ, ὅπερ αὐτὸ τὸ Πνεῦμα ἐδίδαξε καὶ <sup>i</sup> προσίεται. Τούτοις πᾶσι <sup>m</sup> συντόνως νενευρωμένοις, ἐπειδὴ, καθὰ φησιν ὁ ἀπόστολος, εἰδότες λαλῶ, καὶ λαλῶ σύνεσιν ἐν τοῖς τελείοις· ἐπαγωνίσασθε καθολικὴν πίστει, καὶ τῇ τῶν ἐκκλησιῶν εἰρήνῃ· συνηγορήσατε,

Eucherii creditur, cum impiis iudicibus expostulat, quod veneranda ossa in cineres redigebant. Immo idem scriptor etiam adorandi verbo utitur. Sic nempe iudicem Blandinæ mox interpellat: *Adorandas reliquias Rhodano tradis*. Et paulo ante cum observasset, quo pacto ipsæ etiam bestię ac flammæ sanctorum corpora illa et intemerata servarent, adversus sacrarum reliquiarum contemptores orationem convertit in hunc modum: *Ubi sunt qui dicunt venerationem sacris martyrum non deferendam esse corporibus? Ecce cruentæ feritatis immanitas, quæ religionis non recipit sensum, defert venerationis obsequium.... et dum pietati reverentiam præstat, profert tacitam de impietate sententiam*.

<sup>h</sup> Edit. Rom., *movere poterit*; Græc., *movere potest*: emendantur ex aliis libris, quibus suffragatur illud Actorum: *Et cum orassent, motus est locus*.

<sup>i</sup> Baluz.: *Et ea per manus ejus virtutes agere, quorum*. Edit. Rom.: *Et per manus ejus virtutem agere, quorum*. Lab. cum Græco: *Et per ejus virtutem agere, quorum*. Placuerat primo cum ms. Navar.: *Et per eum virtutes agere, quarum*; sed expensis Actorum verbis, *Da servis tuis cum omni fiducia loqui verbum tuum, in eo quod MANUM TUAM extendas ad sanitates, et signa et prodigia fieri per nomen sancti Filii tui Jesu*, lectionem quam cum Baronio sequimur sinceriore esse nobis persuasum fuit.

<sup>j</sup> Editi, excepto Baluz., *quam ea servare*; resarciuntur ex mss.

<sup>k</sup> Leg. διδῶ.

<sup>l</sup> Leg. προτοίστητε.

<sup>m</sup> Leg. συντόμως νενευρωμένοι.

<sup>n</sup> Lab., *quietem*, ac deinde cum edit. Rom., *defendite, quia sic dictum est*.



tibus et futuris, rogantes atque servantes quæ ad pacem sunt Jerusalem (Ps. cxvi, 6).

5. Direximus pro nostra sollicitudine sanctos fratres et consacerdotes nostros, unanimes nobis et probatissimos viros, Arcadium et Projectum episcopos, et Philippum presbyterum nostrum, qui iis quæ aguntur intersint, et quæ a nobis ante statuta sunt a exsquentes. Quibus præstandum a vestra sanctitate non dubitamus assensum, quando id quod b agitur videatur pro universalis Ecclesiæ securitate decretum. c Data viii idus Maii, Basso et Antiocho consulibus.

#### d EPISTOLA XIX.

COELESNTINI PAPÆ AD THEODOSIUM IMPEBATOREM.

*Ne quid turbidæ novitatis auctoribus permittat. Majorem ipsi esse debere fidei curam quam regni.*

COELESNTINUS episcopus THEODOSIO Augusto.

1. Sufficiat licet quod sollicitudo vestræ clementiæ circa fidei catholicæ defensionem, cui pro Christi Dei nostri amore qui vestri imperii rector est adesse modis omnibus festinatis, integram immaculatamque eam, pravorum dogmatum damnato errore, servatis; in hoc semper munimen vestri constituentis imperii, scientes regnum vestrum sanctæ religionis observantia communitum firmitus duraturum: sed huic cœlesti curæ vel gloriæ unusquisque nostrum pro sacerdotali officio operam nostram, in quantum valemus, impendimus; et huic synodo quam esse jussistis, nostram præsentiam in his quos misimus exhibemus, pietatem vestram sub divini obsecrantes obtestatione judicii, ne quid turbidæ novitati licere vestra mansuetudo permittat, neve facultas aliqua his qui divinæ majestatis potentiam in humanæ disputationis rationem arcere contendunt, quo perturbetur pax ecclesiastica, tribuatur.

2. Major vobis fidei causa debet esse, quam regni; ampliusque pro pace Ecclesiarum clementia vestra debet esse sollicita, quam pro omnium securitate

A ἐπειδὴ οὕτως εἴραται, καὶ τοῖς πάλαι καὶ τοῖς νῦν καὶ τοῖς μέλλουσι, παρακαλοῦντες καὶ σώζοντες, τὰ εἰς εἰρήνην τῇ Ἱερουσαλὴμ.

Ἀπεσταλμένοι τῶν ἡμετέρων ἀναδείχμενους φρονήσαντας ἁγίους ἀδελφούς καὶ συνδικητοὺς ἡμῶν, ἀρχιεπισκοπὸν ἡμῶν καὶ δεκανιστάμενους, Ἀρκάδιον καὶ Προκτίον ἐπισκόπους, καὶ Φίλιππον τὸν ἡμέτερον πρεσβύτερον, ὅς τοῖς πραττομένοις παρέσονται, καὶ τὰ παρ' ἡμῶν πύλαι ὁριζήσεται ἐκδοῦσυσιν. Οἷς παρασχεθῆναι παρὰ τῆς ἡμετέρας ἀρχιεπισκοπῆς οὐκ ἀμειβόμενοι συγκατάθεσιν, ἐπειδὴ τοῦτο, ὅπερ ὅν γινώσκετε, ὁμολογεῖται ὑπὲρ τῆς πασῶν τῶν ἐκκλησιῶν κεραιμνίας κεραισθαι.

B terrarum. Subsequuntur enim omnia prospera, et primitus quæ Deo sunt chariora servantur. Abraham fide floruit, omnemque orbem gloria suæ e posteritatis implevit. Moyses populi liberator zelo Domini contra eos se, quos a Dei vero cultu recessisse probaret, armavit. David regem sua præcepta servantem in regno, ut illi inimicos suos subderet, Dominus custodivit. Horum rogo exemplorum vallati præsidio, f fide, observatione, virtute, universalis Ecclesiæ in Deum nostrum piissimum cultum, ne sibi aliquid dissensio vindicet, custodite. Pro e vestro enim imperio geritur quidquid pro quiete Ecclesiæ vel sanctæ religionis reverentia laboratur.

3. Hæc, gloriosissime et tranquillissime imperator auguste, quæ in vestro corde esse novimus, Deum illic inesse non dubii, augustis etiam auribus per fratres et coepiscopos meos Arcadium et Projectum, et compresbyterum meum Philippum, quos misimus, intimamus, hoc a pietate vestra suppliciter deposcentes, quod vos habere credamus in vobis, ut quod a Deo petitis, hoc in fidei ipsius causa præstetis. h Data idibus Maii, Basso et Antiocho consulibus

#### i EPISTOLA XX.

SEU RELATIO QUAM SANCTA SYNODUS EPHESINA AD COELESNTINUM PAPAM TRANSMISIT,

*In qua quæ in ipsa sancta et magna synodo ges'a sunt explicantur.*

Sancti'ssimo et reverentissimo coministro COELESNTINO sancta synodus, quæ secundum Dei gratiam congregata est in Ephesiorum metropoli, i in Domino salutem.

1. Tuæ quidem sanctitatis circa pietatem zelus,

a Forte, exsequantur.

b Ita mss. cum Lab. et Baluz. At apud Baron., legitur, et in edit. Rom., legis. Hinc Græcus interpres videtur posuisse ἀνέγνωτε, quamvis nunc legamus. ὅν γινώσκετε.

c Maii 8 ann. 431. In edit. Rom. desideratur chronica hæc nota.

d Ex iisdem fontibus e quibus epistola 17 ad nos fluxit.

e Editi, prosperitatis implevit.... Zelum Domini contra eos si quos. Rectius in schedis Holsen... posteritatis... zelo... Unde contra eos se, non si, legendum esse nobis constitit.

f Archet., fidei, observ.

g Sic Holsen. At alii libri, pro vestri imperii salute.

Ἀναφορά. Τῷ ἀγιωτάτῳ καὶ θεοσεβεστάτῳ συνδικητῷ Κελεστίνῳ ἡ ἁγία synodus ἡ κατὰ Θεοῦ χάριν συγκαθῆσθα ἐν τῇ Ἐφεσίῳ μητροπόλει ἐν Κυρίῳ χαίρειν.

Τῆς μὲν σῆς ὁσιότητος ὁ περὶ τὴν εὐσεβείαν ζῆλος, καὶ ἡ

D h Maii 15 ann. 431.

i In concilio Ephesino inter ges'a actionis 5, quæ anno 431, Julii 17 die habita notatur, locum obinet. Scripta Græce, Latinum nacta est interpretem litteræ valde tenacem ideoque a sensuum perspicuitate, ne dicam veritate, interdum recedentem. Ejus interpretationem Nicolaus I epist. 8 ad Michaelen secutus, de auctoritate illius certiores nos fecit. Quam ob causam elegantiori eam præferendam eo pacto duximus, ut commodiorem suis locis suggerere non piguerit. Illam ex Baluzii nova collectione ac sæpe nominatis quatuor mss. descriptam exhibemus. In his exemplar epistolæ scriptæ a sancta synodo archiepiscopo Romanorum Cælestino inscribitur. Hujusmodi exemplaria Latina Labbeo ignota non fuerunt.

j Apud Lab. Latine Cælestino episcopo, et Græce



et circa rectam fidem Salvatoris omnium nostrum Deo amica vel placens sollicitudo, digna omni admiratione fuit. Mos est enim vobis ita magnis existentibus in omnibus bene probari, et <sup>a</sup> omnia studia Ecclesiarum vestra propria facere. Quoniam autem oportebat omnia ad scientiam tuæ sanctitatis referri quæ subsecuta sunt, scribimus necessario, quia secundum voluntatem omnium nostrum Salvatoris Christi, et secundum decreta piissimorum et amatorum Christi imperatorum, congregati sumus in Ephesinorum metropoli ex multis et diversis provinciis ultra ducenti existentes numero episcopi. Deinde piissimis decretis amatorum Christi imperatorum per quæ vocati sumus, tempus <sup>b</sup> definitibus sessioni sanctæ synodi diem sanctæ Pentecostes, omnibus concurrentibus, maxime quia continebatur in litteris imperatorum ut si non aliquis occurrisset, <sup>c</sup> post definitas inducias, non bona conscientia abesset, et esset inexcusabilis tam apud Deum quam apud homines, defuit reverentissimus Joannes Antiochenorum episcopus, non quasi voluntate simplici, sed neque spatio itineris impedimentum faciente, sed occultans mente consilium et cogitationem dissonantem a Deo, quam non longo post tempore veniens Ephesum demonstravit. Distulimus igitur concilium post definitum diem sanctæ Pentecostes toties decem et sex diebus, cum multi tam episcopi, quam clerici, et ægitudine comprehensi, et afflicti essent in expensis, aliquanti vero et de vita migrassent: et erat, sicut perspicit tua sanctitas, injuria magis contra sanctam synodum quod agebatur. Tanta enim dilatione perverse usus est, cum utique eum præcessissent multi ex longioribus spatiis. Verumtamen post diem sextum decimum præcesserunt quidam ex iis qui cum eo erant episcopi, metropolitæ duo, Alexander Apameæ, et alter Alexander Hierapoleos. Deinde nobis incusantibus adventus tarditatem reverentissimi episcopi Joannis dixerunt non semel, sed sæpius, Quia demandavit nobis nuntiare reverentiæ vestræ, quod si contigerit eum adhuc morari, non differri synodum, sed facere quæ oporteat. His nuntiatis, <sup>d</sup> et manifesto facto tam ex tarditate, quam ab his quæ ab eo nuntiata sunt, quia recusat concilium, sive amicitie Nestorii <sup>e</sup> præstans, sive quia clericus fuerat sub se constitutæ Ecclesiæ, sive quorumdam pro eo petitionibus cedens, consedit sancta synodus Ephesi in majore ecclesia, quæ vocatur Maria.

Κελεστίνας ἐπισκόπων, hic repetitur. Sed hæc duo verba non modo in Latinis mss., sed nec in duobus vetustis regie bibliothecæ Græcis exemplaribus habentur. Quare non legendum erat, Ἀναφορά τῷ ἁγιοτάτῳ, sed mutata interpunctione, Ἀναφορά, τῷ ἁγιοτάτῳ, etc. Quod observandum fuit, quia subinde nonnulli pontifices Romani, ac nominatim Nicolaus I in epistolis eum ad Salomonem Britannicæ regem, tum ad Festinianum Dolensem episcopum anno 866, Maii 26 die, datus, apostolico nomini scribentium nomina anteposita esse conquesti sunt.

\* Ad litteram: Et firmamentum Ecclesiarum studia vestra facere, seu hoc vobis studio esse, ut Ecclesiæ (in

Ἀ περὶ τῆς ὀρθῆς πίστεως τῇ πάντων ἡμῶν σωτηρίᾳ Θεῷ φίλῃ τε καὶ ἀρέσκουσά φροντίς, ἅξια παντὸς γέγονε θαύματος. Ἔθος γὰρ ὑμῖν τοῖς οὕτω μεγάλοις εὐδοκίμειν εἰς ἅπαντα, ἔρεισμά τι τῶν ἐκκλησιῶν τὰς ἑαυτῶν ποιεῖσθαι σπουδᾶς. Ἐπειδὴ δὲ ἐχρῆν ἅπαντα εἰς γνώσιν τῆς σῆς ὁσιότητος ἀνενεχθῆναι τὰ παρακολουθήσαντα, γράφομεν ἀναγκαίως, ὅτι κατὰ βούλησιν τῶν πάντων ἡμῶν σωτήρος Χριστοῦ, καὶ κατὰ θέσπισμα τῶν εὐσεβεστάτων καὶ φιλοχρίστων βασιλέων συνήχθημεν ἐν τῇ Ἐφεσίῳ μητροπόλει ἐκ πολλῶν καὶ διαφόρων ἐπαρχιῶν, ὑπὲρ τοὺς διακοσίους ὄντες τὸν ἀριθμὸν ἐπίσκοποι. Εἴτα τῶν εὐσεβῶν θεσπισμάτων τῶν φιλοχρίστων βασιλέων, δι' ὧν κεκλήμεθα, καιρὸν ὀριζόντων τῷ συνεδρίῳ τῆς ἁγίας συνόδου τὴν ἡμέραν τῆς ἁγίας πεντηκοστῆς, ἀπάντων δὲ συνεδραμηκότων, μάλιστα διὰ τὸ ἐγκεῖσθαι ταῖς τῶν βασιλέων συλλαβαῖς, ὡς εἰ μὴ τις ἀπακνήσειε κατὰ τὴν ὀρισμένην προθεσμίαν, οὐκ ἀγαθῷ συνειδῶτι ἀπολιμπνέεται, καὶ ἔστιν ἀναπολόγητος παρὰ τε Θεῷ καὶ ἀνθρώποις, ὑστέρησεν ὁ εὐλαβεστάτος Ἰωάννης ὁ τῆς Ἀντιοχείων ἐπίσκοπος· οὐχ ὡς ἀπὸ γνώμης ἀπλῆς, ἀλλ' οὐδὲ τοῦ διαστήματος τεῦ κατὰ τὴν ὁδοποιρίαν ἐμποδῶν γενομένου· ἀλλὰ κρύπτων μὲν βουλὴν εἰς νοῦν τε καὶ σκέψιν ἀπάδουσαν τῷ Θεῷ, ἣν οὐκ εἰς μακρὰν ἐλθὼν ἔδειξεν ἐν τῇ Ἐφεσίῳ. Ὑπερεθέμεθα τοίνυν τὸ συνέδριον μετὰ τὴν ὀρισεῖσθαι ἡμέραν τῆς ἁγίας πεντηκοστῆς ἐφ' ὅλαις δίκαι καὶ ἑξ ἡμέραις· καὶ τοι πολλῶν ἐπισκόπων τε καὶ κληρικῶν καὶ νόσῳ πεπιεσμένων, καὶ τεθλιμμένων εἰς τὰ δαπανήματα, ἐνίων δὲ καὶ ἐξοδευσάντων τοῦ βίου· καὶ ἦν, ὡς ὀρᾷ ἡ σὴ ὁσιότης, ὕδρις μᾶλλον κατὰ τῆς ἁγίας συνόδου τὸ δρώμενον. Τοσάυτῃ γὰρ ὑπερθέσει C δυστρόπως ἐχρήσατο, καὶ τοι φθασάντων αὐτὸν τῶν ἐκ μακροτέρων διαστημάτων. Ὅμως μεθ' ἡμέραν ἐκκαιδεῖσθαι προέδραμόν τινες τῶν σὺν αὐτῷ ἐπισκόπων, μητροπολίται δύο, Ἀλέξανδρος Ἀπαμείας, καὶ ἕτερος Ἀλέξανδρος Ἱεραπόλεως. Εἴτα ἡμῶν αἰτιωμένων τὸ τῆς ἀφίξεως βράδος τοῦ εὐλαβεστάτου ἐπισκόπου Ἰωάννου, ἔφασαν οὐχ ἅπαξ, ἀλλὰ πλειστάκις, ὅτι ἐνετείλατο ἡμῖν ἀπαγγεῖλαι τῇ θεοσεβείᾳ ὑμῶν, ὥστε εἰ γένοιτο αὐτὸν καὶ ἔτι βραδύναι, μὴ ὑπερθέσθαι τὴν σύνοδον, ποιεῖσθαι δὲ μᾶλλον ἂν δεῖ. Τοῦτον ἀπαγγελέντων, καὶ φανεροῦ γεγονότος ἀπὸ τε τοῦ βράδους καὶ ἐκ τῶν παρ' αὐτοῦ μηνυθέντων, ὅτι παραιτεῖται τὸ συνέδριον, ἢ τῇ Νεστορίου φιλίᾳ χαριζόμενος, ἢ καὶ ὅτι κληρικὸς γέγονε τῆς ὑπ' αὐτὸν ἐκκλησίας, ἢ καὶ ταῖς τινα ὑπὲρ αὐτοῦ παρακλήσεσιν εἰκων, συνήδρευσε ἡ ἁγία σύνοδος ἐν τῇ μεγάλῃ τῇ κατὰ τὴν Ἐφεσον Ἐκκλησίᾳ, τῇ ἐπὶ κλῆν Μαρίας.

fide) firmentur.

<sup>b</sup> Navar. ms., definitivis. Codex sancti Martini a Campis, definitivum. Baluz., definitivus. Ex Græco planum est re tituendum esse definitivis. Decretum seu sacra qua id definitur exstat i part. Concil. Ephes. c. 52, pag. 457.

<sup>c</sup> Seu ad tempus constitutum.

<sup>d</sup> Clarus: Cum manifestum fuisset tum ex hac tarditate (affeciata), tum ex iis quæ.

<sup>e</sup> In ms. Bellov., commodans, forte pro concedens, subaudito id; hoc est: Ita se gerens seu in gratiam amicitie quæ ipsi cum Nestorio intercedebat, seu quia clericus fuerat Ecclesiæ Antiochenæ, etc.



2. Cum autem omnibus alacriter convenientibus A solus deesset concilio Nestorius, commonuit eum sancta synodus canonice per episcopos prima et secunda et tertia vocatione. Ille autem milibus circumcludens suam domum, superbiit contra ecclesiasticas leges, <sup>a</sup> nec passus est semetipsum manifestum constituere, nec satisfacere de iniquis suis blasphemiiis. Postea <sup>b</sup> relectae sunt litterae, quae scriptae sunt ad eum a sanctissimo et reverentissimo episcopo Alexandrinae Ecclesiae Cyrillo, quas et probavit recte habere et irreprehensibiliter sancta synodus, et nullo modo dissonare aut a divinitus inspiratis Scripturis, aut etiam a tradita et exposita fide in magna synodo sanctorum Patrum, qui in Nicra per tempora convenerunt, sicut et tua sanctitas recte hoc probans testificata est. Lecta autem et epistola Nestorii, quae ad ipsum scripta est memoratum sanctissimum et reverentissimum fratrem nostrum et comministrum <sup>c</sup>, censuit sancta synodus aliena omnino ab apostolica et evangelica fide esse quae in ea erant dogmata, multis et novis <sup>d</sup> languentia blasphemiiis. Lectis vero similiter et expositionibus ejus impiissimis, nec non etiam scripta ad eum epistola <sup>e</sup> a tua sanctitate per quam rationabiliter condemnatus est, utpote qui blasphemum scripserit et irreligiosas voces suis expositionibus inseruit, sententia prolata est justa depositionis ejus; maxime quia in tantum longe est a poenitentia, aut <sup>f</sup> a recognitione eorum in quibus blasphemavit adhuc Constantinopolitanam habens Ecclesiam, ut etiam in ipsa Ephesinorum metropoli sermonem faceret ad quosdam metropolitanos episcopos non ignorantes, sed doctos et reverentissimos, et auderet dicere, Quia ego <sup>g</sup> bimestrem et trimestrem Deum non confiteor, et alia insuper diceret acerbiora.

3. Sicut irreligiosam igitur et abominabilem haeresim et pervertentem <sup>h</sup> evangelicam nostram sectam, et omnem funditus mysterii dispensationem evellentem deposuimus, sicut superius diximus. Sed non poterat fieri, ut videtur, in Christo charitatem <sup>i</sup> habentes et zelum in Domino, non multas experiri difficultates. Speravimus enim, reverentissimum

<sup>a</sup> In mss. reg. desiderantur haec verba καὶ οὐκ ἠνέσχετο ἑαυτὸν ἐμφανῇ καταστῆσαι, οὔτε... αὐτοῦ δυσφημιῶν, quae Latinius sic redderentur: Neque praesens adesse, neque de impiis blasphemiiis suis rationem reddere dignatus est.

<sup>b</sup> Forte, lectae.

<sup>c</sup> Adde Cyrillum.

<sup>d</sup> Seu, ac multis et novis laborare blasphemiiis.

<sup>e</sup> Supra epist. 13.

<sup>f</sup> Ita Baluz. cum tribus mss. At Navar. et Camp., recogitationis. Neutra vox placet, Graeca proprie sonat resipiscere. Aptius igitur haec ita Latine converterentur: Tantum abest ut poeniteat, ac resipiscens ea revocet quae, cum adhuc Constantinopolit. haberet Ecclesiam, blasphemando effudit.

<sup>g</sup> Mallet forte quis bimestrem et trimestrem, sed refragantur mss. Haec ipsa verba Liberatus cap. 5 sic refert: Cum plurimi Deum confiterentur Jesum Christum, Ego, inquit Nestorius, qui fui duorum vel trium mensium numquam confiteor Deum: qua

Ἐπειδὴ δὲ πάντων προθύμως συνεδραμακόντων μόνος ἀπελειπόμενος τοῦ συνεδρίου Νεστόριος, ὑπέμνησεν ἡ ἁγία σύνοδος κανονικῶς αὐτὸν δι' ἐπισυνήκων πρώτη καὶ δευτέρα καὶ τρίτη κλήτει. Ὁ δὲ στρατιώτικῃ ἐπιγράβῃ τὴν ἐν αὐτοῦ οἰκίαν, ἀπενοήθη κατὰ τῶν τῆς Ἐκκλησίας θεσμῶν, καὶ οὐκ ἠνέσχετο ἑαυτὸν ἐμφανῇ καταστῆσαι, οὔτε μὲν ἀπολογησάσθαι περὶ τῶν ἀνοσιῶν αὐτοῦ δυσφημιῶν. Ὄψιν ἀνεγρόσθη τὰ γράμματα τὰ γραζέμενα πρὸς αὐτὸν παρὰ τοῦ ἁγιωτάτου καὶ θεοφιλεστάτου ἐπισυνήκων τῆς Ἀλεξανδρινῆς Ἐκκλησίας Κυρίλλου, ὃ καὶ ἐδοκίμασεν ἡ ἁγία σύνοδος ὀρθῶς καὶ ἀληπτῶς ἔχειν, καὶ κατὰ μηδένα τρόπον ἀσύμφωνον εἶναι ἢ ταῖς θεοπνευσταῖς ἱεραφαῖς, ἥγουν τῇ παραδοθείσῃ πίστει, καὶ ἐκτεθείσῃ ἐν τῇ μεγάλῃ συνόδῳ παρὰ τῶν ἁγίων πατέρων τῶν ἐν Νικαίᾳ συνελθόντων κατὰ καιροῦς, καθὰ καὶ ἡ σὴ ὁσιότης ὀρθῶς τοῦτο δοκιμάσασα ἐμαρτύρησεν. Ἀναγνωσθείσης δὲ καὶ τῆς ἐπιστολῆς Νεστορίου τῆς πρὸς αὐτὸν γραφείσης τὸν μονοθενῆτα ἁγιωτάτου καὶ θεοσεβέστατου ἀδελφὸν ἡμῶν καὶ συλλειτουργὸν Κύριλλον, ἐδικαίωσεν ἡ ἁγία σύνοδος, ἀλλότρια παντελῶς τῆς τε ἀποστολικῆς καὶ εὐαγγελικῆς πίστεως εἶναι τὰ ἐν αὐτῇ δόγματα, πλείστην ὅσιν καὶ ξέναν νοσοῦντα τὴν δυσφημίαν. Ἀναγνωσθέντων δὲ ἡμῶν καὶ τῶν ἐξηγήσεων αὐτοῦ τῶν ἀσεβεστάτων, ἔτι γε μὴν καὶ τῆς γραφείσης πρὸς αὐτὸν ἐπιστολῆς παρὰ τῆς σῆς ὁσιότητος, δι' ἧς εὐλόγως κατεκρίνετο ὡς δύσφημα γεγραφὸς, καὶ ἀνοσίους φωνὰς ταῖς ἰδίαις ἐξηγήσασιν ἐνέεις, ψῆφος ἐξενήνεκται δικαία καθαιρέσεως κατ' αὐτοῦ· μάλιστα ὅτι τοσοῦτον ἀπέσχετο τοῦ μετανοῆσαι, ἢ μεταγνῶναι ἐφ' οἷς δεδυσφήμεκεν, ἔτι τὴν τῶν Κωνσταντινουπολιτῶν ἔχων Ἐκκλησίαν, ὥστε καὶ ἐν αὐτῇ τῇ Ἐφεσίων μητροπόλει διαλέγεσθαι πρὸς τινὰς τῶν ἁγίων μητροπολιτῶν ἐπισκόπων, ἀνδρῶν οὐκ ἀσήμων, ἀλλ' ἐλλογίμων καὶ θεοσεβέστατων, τολμήσαι τε εἰπεῖν· Ὅτι ἐγὼ τὸν διμηναιὸν καὶ τριμηναιὸν Θεὸν οὐχ ὁμολογῶ· καὶ ἕτερα. δὲ πρὸς τούτοις εἶπε χαλεπώτερα

Ὡς οὖν ἀνοσίαν καὶ μιαιωνάτην αἵρεσιν, καὶ ἀνατρέπουσαν τὴν εὐαγεστάτην ἡμῶν θρησκείαν, καὶ ὅλην ἐκ βλάβων τοῦ μυστηρίου τὴν οἰκονομίαν ἀφαιροῦσαν καθείλομεν, ὡς ἤδη φράσαντες εἴπομεν. Ἀλλ' οὐκ ἦν, ὡς εἶπες, τῆς εἰς Χριστὸν ἀγάπης τὸ γνήσιον ἔχοντας, καὶ ζηλώσαντας τῷ Κυρίῳ, μὴ πολλῶν πειραθῆναι πραγμάτων. Προσεδοκήσαμεν γάρ τὸν εὐλαβέστατον τῆς Ἀντιοχείᾳ

gratia ter (Corb. mss., qui grater; forte quapropter) mundus sum a sanguine vestro, et modo ad vos non venio; additque Liberatus eum cum suis recessisse, et cum caeteris concilii Patribus deinceps convenire noluisse.

<sup>h</sup> Loco verbi Graeci εὐαγεστάτην, quod e mss. regis revocatur, cum in vulgatis obtineret εὐσεβεστάτην, legit interpret noster εὐαγγελικάν. Nec satis patefecit hic particulam ὡς explicandi, non comparandi vim habere. Vertendum ei fuerat: Haeresim igitur velut irreligiosam et sanctissimam religionem nostram pervertentem, et omnem mysterii dispensationem funditus evellentem profligavimus. Quod hic mysterii dispensatio, et ab Hilario lib. v de Trin. n. 17 dispensationis evangelicæ mysterium, vocatur, intelligere est incarnationis mysterium; quod totum re ipsa et cum eo religio nostra corrui, si Verbum Dei eo tantum modo quo in prophetis exstitit in Christo habitasse sentiat.

<sup>i</sup> Adde sinceram, et mox leg. pro Domino.



Antiochenorum episcopum Joannem et <sup>a</sup> sedulitatem synodi et pietatem laudare, et fortasse culpae depositionis tarditatem. Everserunt autem nobis omnia <sup>b</sup> quæ in spe fuerant contraria. Inventus enim inimicus et hostis tam sanctæ synodo, quam etiam ipsi rectæ fidei Ecclesiarum, sicut ipsæ res indicant. Mox enim quod ingressus est Ephesum, nondum excusso itineris pulvere, nec exulis <sup>c</sup> itinerariis indumentis, congregavit quosdam qui cum Nestorio recesserant, et blasphemias contra suum locuti sunt caput, ac <sup>d</sup> non solum deridentes gloriam Christi, et congregans tamquam collegium sibi triginta hominum numerum nomen episcopatus habentium, quorum quidam sunt <sup>e</sup> sine civitatibus, vacantes autem et Ecclesias non habentes, alii autem ante multos annos pro acerbis causis depositi a suis metropolitibus, cum ipsis autem et Pelagiani et Cœlestiani, et de his quidam qui a Thessalia projecti sunt; rem præsumpsit iniquam, quam nullus <sup>f</sup> horum qui ante eum fuerunt. Composuit etenim solus <sup>g</sup> chartam depositionis quidem nomine, et injuriis affecit sanctissimum et reverentissimum Alexandrinæ urbis episcopum Cyrillum, et reverentissimum coepiscopum nostrum Memnonem Ephesinum, nullo nostrum sciente, sed nec iis qui injuriam pertulerunt agnoscentibus quod agebatur, vel propter quam causam hoc præsumpsissent. Sed tamquam pro his non indignante Deo, et quasi non essent canones ecclesiastici, aut quasi non periclitaturi ipsi propter hanc audaciam, <sup>h</sup> injuriis afficiunt excommunicationis nomine etiam omnem synodum. Deinde et publice in charta hæc inserentes proposuerunt ad legendum volentibus, theatri parietibus affigentes, ut suam impietatem <sup>i</sup> spectacula facerent. Sed non huc usque eorum processit audacia, sed enim <sup>j</sup> fiduciam assumpserunt. Scripserunt aliquid quasi canonicum, et ad aures piissimorum et amatorum Christi imperatorum referre quæ hujusmodi sunt.

4. His ita factis, sanctissimus et reverentissimus episcopus Alexandrinorum Cyrillus, nec non et reverentissimus episcopus Ephesinorum civitatis Memnon, libellos a se compositos, <sup>k</sup> quibus insimulabant tam ipsum reverentissimum episcopum Joan-

Α ἐπίσκοπον Ἰωάννην τὴν τε ἀγρίαν τῆς συνόδου καὶ τὴν εὐσεβίαν ἐπαίνεσαι, καὶ τάχα που καὶ μέμψασθαι τὸ ἐπὶ τῇ καθαιρέσει βράδος. Μεταπέπτως δὲ εἰς πᾶν τοῦναντίον τὰ τῆς προσδοκίας ἡμῶν. Εὗρηται γὰρ ἐχθρὸς καὶ πολεμιώτατος τῇ τε ἀγίᾳ συνόδῳ, καὶ αὐτῇ δὲ τῇ ὀρθῇ πίστει τῶν ἐκκλησιῶν, ὥς αὐτὰ ρηνύει τὰ πράγματα. Ἄμα τε γὰρ εἰσῆλθεν εἰς τὴν Ἐφεσίῳ πόλιν, πρὶν ἀποπλύνασθαι τὸ ἱμάτιον, συναγαγὼν τινὰς τῶν τῷ Νεστορίῳ συναποστατησάντων, καὶ βλάσφημα λαλούντων κατὰ τῆς ἑαυτῶν κεφαλῆς, καὶ μονονουχί καταπαιζόντων τῆς δοξῆς τοῦ Χριστοῦ, καὶ συλλέξας ὥσπερ κολλήγιον ἑαυτῷ τριάκοντά που τὸν ἀριθμὸν ἀνθρώπων, ἐπισκόπων ἔχόντων ὄνομα, ὧν οἱ μὲν εἰσιν ἀπόλιδες, σχολάζοντες δὲ καὶ ἐκκλησίας μὴ ἔχοντες, ἕτεροι δὲ καὶ πρὸ πολλῶν ἐτῶν ἐπὶ δειναῖς αἰτίαις καθηρημένοι ἀπὸ τῶν ἰδίων μητροπολιτῶν, Β σὺν αὐτοῖς δὲ καὶ Πελαγίανοι καὶ Κελεστιανοὶ καὶ τῶν ἀπὸ Θεσσαλίας ἐκβεβλημένων τινές, πρῶτον τε τοιμήκεν ἀνόσιον, ὃ μηδεὶς πώποτε τῶν πρὸ αὐτοῦ. Συνάπτει γὰρ καταμόνας χαρτίον, καὶ δὴ καθαιρέσεως ὄνομα, καὶ ὕβριν προσετρίψατο τῷ ἁγιωτάτῳ καὶ θεοσεβεστάτῳ τῆς Ἀλεξανδρίας ἐπισκόπῳ Κυρίλλῳ, καὶ τῷ θεοσεβεστάτῳ ἡμῶν ἀδελφῷ καὶ συλλειτουργῷ ἐπισκόπῳ Μέμμωνι τῷ τῆς Ἐφεσίων, οὐδενὸς ἡμῶν εἰδότες, ἀλλ' οὐδὲ τῶν ὑβρισθέντων ἐγνωκότων τὸ δρώμενον, ἢ διὰ ποίαν αἰτίαν τοῦτο τετοιμήκασιν. Ἀλλ' ὥσπερ οὐκ ἀγανακτοῦντος ἐπὶ ταῦτοις τοῦ Θεοῦ, οὐκ ὄντων κανόνων ἐκκλησιαστικῶν, ἢ οὐ μελλόντων κινδυνεύειν αὐτῶν διὰ τὸ ἐπὶ ταῦτοις θράσος· ὑβρίζουσι δὲ τῷ τῆς ἀκοινωνησίας ὀνόματι καὶ πᾶσαν τὴν σὺνδον. Καὶ δὴ καὶ δημοσίᾳ χαρτίῳ ταῦτα ἐπιθέντες προῦθεσαν εἰς ἀνάγνωσιν τοῖς ἐθέλουσι τοῖς τοῦ θεάτρου τοίχοις προσπύξαντες, ἵνα τὴν αὐτῶν ἀθέβειαν θεατρίσωσι. Καὶ οὐ μέχρι τούτων γέγονεν αὐτοῖς τὰ τοιμήματα· ἀλλὰ γὰρ καὶ τεθαρσῆκασιν, ὥς δράσαντες τι κακονοικῶν, καὶ εἰς ἀκοάς τῶν εὐσεβεστάτων καὶ φιλοχρίστων βασιλέων ἀνεπαχεῖν τὰ τοιάδε.

Τούτων οὕτω γεγνηκότων, ὃ τε ἁγιωτάτος καὶ θεοφιλέστατος ἐπίσκοπος τῆς Ἀλεξανδρίων Κύριλλος, καὶ μὴν καὶ ὁ θεοφιλέστατος τῆς Ἐφεσίων πόλεως ἐπίσκοπος Μέμμων, βιβλία συνθέντες, καὶ αἰτιασάμενοι αὐτὸν τε τὸν εὐλαβέστατον ἐπίσκοπον Ἰωάννην, καὶ τοὺς σὺν αὐτῷ

<sup>a</sup> Apud Baluz. ut in mss., *subtilitatem*. Græca vox postulat *sedulitatem*. Cætera elegantius sic converterentur: *Speravimus enim fore ut . . . laudaret, et fortasse culparet in sententia depositionis ferenda tarditatem.*

<sup>b</sup> Supple *iis*.

<sup>c</sup> In mss. Colb. et Turon., *exutis mentis*; lectio mutila, quæ ex Nav. Belloy. et Camp. redintegratur. Verbum Græcum ἱμάτιον, quod apud priscos scriptores *pallium*, seu indumentum quo tunica tegitur, sonat, indumentum itinerarium non male auctor noster interpretatur.

<sup>d</sup> Male hic non solum pro tantum non positum est. Aptius verum esset: *Contra suum loquebatur caput* (hoc est Christum qui caput est Ecclesiæ), ac tantum non ludibrio habebant gloriam Christi.

<sup>e</sup> Recentior interpretatio in edit. Rom. et concil. vulgata verbum ἀπόλιδες voce *extorres* Latine reddit. Ipsius vocis Græcæ vim ac potestatem interpret noster, quem et Nicolaus I hanc locum citans servatus est: aptius expressit. Eo autem nomine illos in-

telligere est episcopus qui vacent et Ecclesias non habeant, vel quia a populis non sint admissi, vel quia fuerint ejecti.

<sup>f</sup> Supple, *ausus est*.

<sup>g</sup> Et-ī eam composuit solus, tamen cum conciliabulo cui præerat placuisset ut *Cyrilli et Memnonis depositio, reliquorum vero excommunicatio dictaretur*, totius conventu a quo et subscripta est nomine illam dictavit. Habetur apud Lab. tom. III pag. 597.

<sup>h</sup> Leg. *injurioso*.

<sup>i</sup> Baluz., *in spectacula facerent*; magis arrideret *spectaculo facerent*, seu in theatri manifestam omnibus facerent.

<sup>j</sup> Ex Græco lege: *ausi sunt, quasi canonicum quid egissent, etiam ad aures.*

<sup>k</sup> Pro verbis antiqui interpretis et convenientes, ista, quibus insimulabant, ex Græco substituenda esse duximus, ne oratio relinqueretur intellectus expers. vel etiam aliquid præter synodi sententiam sonaret.



nem, quam eos qui cum eo hoc egerant, obtulerunt, conjurantes nostram sanctam synodum, ut evocaret canonice et ipsum Joannem et eos qui cum eo sunt; quatenus satisfacerent de quibus præsumpserant; et si quidem accusare haberent, si possent, dicerent et convincerent. In charta enim quæ scripta est ab eis depositaria, potius autem injuriosa, <sup>a</sup> occasionem inseruerunt: Quia Apollinaristæ et Ariani et Eunomiani sunt, et propter hoc depositi sunt a nobis. Instantibus igitur his qui injuriam sustinuerunt ab illis, iterum nos necessario congregati in magna ecclesia supra ducentos existentes episcopi, una et secunda et tertia vocatione biduo evocavimus et ipsum Joannem et eos qui cum eo erant in concilium, quatenus convincerent injuriam passos, et satisfacerent, et causas dicerent pro quibus depositionis compo-  
uerunt chartam: et non <sup>e</sup> præsumpsit venire. Oportebat autem eum, si vere convincere poterat memoratos sanctissimos viros quasi existentes hæreticos, et venire, et ostendere hoc verum esse, quod accipiens ut validum et indubitatum crimen, temerariam sententiam contra eos protulit. Sed <sup>d</sup> ex fragili conscientia non occurrit. Quod autem construebatur, illud erat: putavit enim <sup>e</sup> quasi hac inepta et injusta injuria soluta, pariter solveretur et synodi justa sententia quæ prolata est contra hæreticum Nestorium. Indignati igitur merito <sup>f</sup> tractavimus quidem æquam tam contra ipsum, quam contra alios sententiam proferre legitime, quam ipse contra leges in eos qui in nullo reprehensi sunt protulit: ut autem illius temeritatem patientia vinceret, licet  
juste hoc pateretur et legitime, servavimus judicio reverentiæ tuæ hoc. Interim eos sine communione fecimus, amputantes illis omnem potestatem sacerdotalem, ut nullum possint lædere per suas sententias. Eis enim qui ita ferociter et crudeliter et contra canones irruere solent ad pessimas et sævissimas res, quomodo non erat necessarium, <sup>g</sup> quam non habuissent, adimere lædendi potestatem?

5. Fratribus igitur nostris et comministris Cyrillo et Memnoni, qui ab eis sustinuerunt injuriam, et communicatores omnes sumus, et post illorum temeritatem <sup>h</sup> ministravimus cum eis, et simul ministravimus, communiter omnes congregationes celebrantes; evacuantes ex scripto illorum lusum, quem invalidum et effectu carentem monstravimus. Injuria enim

<sup>a</sup> Rectius, *id prætexuerunt*.

<sup>b</sup> Leg. *ἐθάρσησεν*.

<sup>c</sup> Græcum verbum postulat *præsumpserunt*: sed hoc ex interpretatione Latina corrigendum esse orationis series persuadet.

<sup>d</sup> Seu: *Prava conscientia deterritus præsentiam suam negavit*.

<sup>e</sup> Seu, *fore ut hac*.

<sup>f</sup> Litteræ dum hæret interpret, concilii sententiam involvit penitus nec satis explicat. Hoc autem sibi vult: *Nobis igitur rei indignitate commotis, merito quidem placuerat ejusmodi in illum et alios sententiam secundum leges proferre, cujusmodi ipse contra leges in eos qui nullius criminis convicti sunt tulerat*.

<sup>g</sup> Si vulgatam lectionem Græcam sequamur, legendum erit, *vel invitis adimere*. At non οὐχ ἐχόντας, sed οὐκ ἔχοντας noster interpret legit, suffragante ei uno

τοῦτο δράσαντας, προσήγαγον, ὑποκύντες ἡμῶν τὴν ἁγίαν σύνοδον μεταπέμψασθαι κανονικῶς αὐτὸν τε Ἰωάννην, καὶ τοὺς σὺν αὐτῷ, ὥστε ἀπολογήσασθαι περὶ ὧν εἰτολημῆ-  
κασι, καὶ εἴ τι ἐγκαλεῖν ἔχουσιν, εἰ δύνανται, εἰπεῖν καὶ διελέγξαι. Ἐν γὰρ τῷ γραφέντι παρ' αὐτῶν καθαιρετικῷ, μᾶλλον δὲ ὑβριστικῷ χαρτίῳ, πρόφασιν ἔθηκαν. Ὅτι Ἀπολλιναρισταὶ καὶ Ἀρειανοὶ καὶ Εὐνομικοὶ εἰσι, καὶ διὰ τοῦτο καθήρονται παρ' ἡμῶν. Ἐνισταμένων τοίνυν τῶν τὴν ὕβριν ὑπομεινάντων τὴν παρ' ἐκείνων, πάλιν ἡμεῖς ἀναγκαιῶς συνεδρεύσαντες ἐν τῇ μεγάλῃ ἐκκλησίᾳ, ὑπὲρ τοὺς διακοσίους ἐπισκόπους ὄντες, μιᾷ καὶ δευτέρᾳ καὶ τρίτῃ κλήσει, ἐν ἡμέραις δυσὶ, κλήκαμεν αὐτὸν τε Ἰωάννην καὶ τοὺς σὺν αὐτῷ εἰς τὸ συνέδριον, ὥστε διελέγξαι τοὺς ὑβρισμένους, καὶ ἀπολογήσασθαι, καὶ τὰς αἰτίας εἰπεῖν, ἐφ' αἷς τὸ τῆς καθαιρέσεως συνέβηκεν χαρ-  
τίον· καὶ οὐκ <sup>b</sup> ἐθάρσησαν ἔλθεῖν. Ἐδεῖ δὲ αὐτὸν, εἴπερ ἀληθῶς ἐλέγχων ἠδύνατο τοὺς μνημονευθέντας ἰσχύς ἄνδρας, ὡς αἰρετικούς ὄντας, καὶ ὑπαντῆσαι καὶ διελέγειν αὐτὸν ὃν, ὃ καὶ λαθὼν ὡς ἰσχυρὸν καὶ ἀναμύβητον ἐγκλημα τὴν προπετῇ ψῆφον κατ' αὐτῶν ἐξηνήκατο. Ἀλλ' ὑπὸ σαβοῦ συνειδότος οὐχ ὑπήντησε. Τὸ δὲ κατὰ σκευαζόμενον, ἐκεῖνο ἦν· ὥφθη γὰρ ὅτι τῆς αὐτοῦ ταύτης καὶ ἐκνομωτάτου ὕβριος λυομένης, συνανατραπήσεται καὶ ἡ δικαία ψῆφος τῆς συνόδου ἡ ἐξενεχθεῖσα κατὰ τοῦ αἰρετικοῦ Νεστορίου. Ἀγανακτήσαντες τοίνυν εὐκρίτως ἐβουλεύσαμεθα μὲν τὴν ἴσιν κατ' αὐτοῦ καὶ τῶν ἄλλων ψῆφον ἐξενεγκεῖν ἐννόμως, ἣν αὐτὸς παρανόμως κατὰ τῶν ἐπ' οὐδενὶ κατεγνωσμένων ἔθετο· ὑπὲρ δὲ τοῦ τὴν ἐκείνου προπέτειαν μακροθυμίᾳ νικῆσαι, εἰ καὶ ὅτι μάλιστα δικαίως ἂν ἔπαθεν αὐτὸ καὶ ἐννόμως, τετηρήκαμεν τῇ κρίσει τῆς σῆς θεοσεβείας καὶ τοῦτο· τέως αὐτοὺς ἀκοινωνήτους ποιήσαντες, καὶ περιελόντες αὐτῶν πᾶσαν ἐξουσίαν ἱερα-  
τικὴν, ὥστε μὴ δύνασθαι βλέπτειν δι' οἰκείων ἀποφύσεων. Τοὺς γὰρ οὕτως ἀγρίως καὶ ἀπηνῶς καὶ ἀκανονίστως χωρεῖν εἰωθότας ἐπὶ τὰ οὕτω δεινὰ καὶ παγχάλεπα τῶν πεπραγμένων, πῶς οὐκ ἦν ἀναγκαῖον καὶ οὐχ ἐκόντας παρελίσθαι τῆς τοῦ δύνασθαι βλέπτειν ἐξουσίας

Τοῖς μὲν οὖν ἀδελφοῖς ὑμῶν καὶ συλλειτουργοῖς, Κυρίλλῳ τε τῷ ἐπισκόπῳ καὶ Μέμνονι, τοῖς παρ' αὐτῶν ὑπομεινάσιν ὕβριν, καὶ κοινωνικοὶ πάντες ἐσμέν, καὶ μετὰ τὴν ἐκείνων προπέτειαν συνεπιτελεργήσαμεν καὶ συλλειτουργοῦμεν, κοινῇ πάντες τὰς συνάξεις ἐπιτελοῦντες· ἀκυρώσαντες ἐγγράφως τὰ ἐκείνων παίγνια· ἀνίσχυρά τε καὶ ἀδρανῆ παντελῶς ἀποφῆναντες. Ὑβρις  
ms. regio, in quo eadem lectio olim a prima manu exstabat. Eam confirmant et subjecta, in quibus effrenis eorumdem licentia in proferendis sententiis adversus eos in quos non habent potestatem denuo carpitur.  
<sup>h</sup> Supple, quos deponere ausi sunt. Deinde post verbum ministravimus, subaudi in ecclesia. Ista clarus omni ambiguitate remota sic efferrentur: *sacris una cum eis operati sumus, et adhuc operamur, communiter universi synaxes (quibus ad fundendas preces et sacrificium Deo offerendum conveniri solet) celebrantes, cum ludicra illorum scripta abrogassemus, invalidaque ac prorsus irrita et nulla pronuntiavimus. Gesta quæ synodus Ephesina nunc ludicra vocat, in epistola ad imperatores appellat nugatoria, persuasum videlicet habens ea ab episcopis minime serio patrari potuisse.*



solummodo erat, et aliud nihil. Viri enim numero triginta, et alii quidem eorum hæretica macula <sup>a</sup> notati, alii autem sine civitatibus et ej. et, qualem habent synodi personam, aut qualem <sup>b</sup> virtutem contra synodum congregatam ex omni orbe qui sub cælo est? Consederunt enim nobiscum et qui a tua sanctitate destinati sunt reverentissimi episcopi Arcadius et Projectus, et cum eis sanctissimus presbyter Philippus, tuam nobis præsentiam per se donantes, et apostolicæ sedis locum replentes. Indignetur ergo tua <sup>c</sup> reverentia competenter pro his quæ facta sunt. Si enim data fuerit volentibus licentia et majores sedes injuriis <sup>d</sup> afficere, et contra eos <sup>e</sup> in quibus non habent potestatem, contra leges sic et contra canones <sup>f</sup> proferre sententias, magis autem injurias, et his qui pro pietate tot certamina sustinuerunt, <sup>g</sup> propter quos et nunc pietas per vestræ reverentiæ orationes effulsit, ibunt ad ultimam confusionem Ecclesiæ res. Castigatis autem secundum congruum modum talia audentibus vacabit omnis turbatio, et condecens canonibus reverentia ab omnibus servabitur.

6. Lectis vero in sancta synodo gestis quæ celebrata sunt in depositionem irreligiosorum Pelagianorum et Cælestinorum, Cælestii, Pelagii, Juliani, Præsidi, Flori, Marcelliani, <sup>h</sup> Orontii, et similia eis <sup>i</sup> sapientibus censemus et nos valida et firma perdurare quæ definita fuerunt a tua reverentia, et consentanei sumus in sententia omnes, depositos eos habentes. Ut autem integre omnia cognoscas quæ acta sunt, destinavimus <sup>j</sup> gesta. *Et subscriptio.* Salvum te esse, et ut memor nostri sis in Domino, deprecamur, dilectissime et desiderantissime. Subscriperunt et deinceps omnes episcopi secundum nomen.

#### MONITUM IN EPISTOLAM SEQUEM,

EIQUE SUBNEXAS

1. De veritate epistolæ nulla est controversia. Non

<sup>a</sup> Scil., Pelagiani et Cælestiani.

<sup>b</sup> Leg. potestatem.

<sup>c</sup> Apud Nicolaum, qui hunc locum epist. 8 citat, religio, nullo alio in cæteris discrimine.

<sup>d</sup> Forte, afficiendi.

<sup>e</sup> Leg. in quos.

<sup>f</sup> Leg. proferendi sententias, aut potius injuriæ.

<sup>g</sup> Ita ms. Bellov. Alii vero quatuor, quorum causa.

<sup>h</sup> Nostri mss., Laurentii. Aliis in libris ad imitationem Græci textus, Orontii. Indubitatum est legendum esse Orontii, de quo Nestorius supra scribebat epist. 6 n. 1: Julianus quidem et Florus, et Orontius, et Fabius, dicentes se Occidentalium partium episcopos; et epist. 7: Sæpe scripsi beatitudini tuæ propter Julianum, Orontium et cæteros. Huic Orontio inscripta est epistola, quam Anianus insignis Pelagii assecla homiliis Joannis Chrysostomi in Matthæum præfixit.

<sup>i</sup> Legendum est sapientium, nisi malis et eorum qui eadem sentiunt.

<sup>j</sup> Quæ sint illa de Pelagianis gesta, quæ in synodo recitata, et ab eadem firmata hic dicuntur, quæritur. Henricus Norisius, lib. II Hist. Pelag. c. 9, inde infert nonnulla a Cælestino publicata fuisse gesta, quæ temporum injuria interciderint. At hujusmodi gestorum vel decretorum Cælestinus nusquam meminit, etiam cum eorum mentio ipsi necessario facienda videbatur. Quippe a Nestorio semel et iterum immo et sæpe rogatus de Pelagianis quid sentiendum esset,

A γὰρ μόνη καὶ ἕτερον οὐδὲν ἦσαν. Ἄνδρες γὰρ τὸν ἀριθμὸν τριάκοντα, καὶ οἱ μὲν αἰρέσεως σπύλῳ κατεστιγμένοι, οἱ δὲ ἀπόλοιδοι καὶ ἐκβεβλημένοι, ποῖον ἔχουσι συνόδου πρόσωπον; ἢ ποῖαν ἰσχὺν κατὰ συνόδου συγχροτηθείσης; ἐξ ἀπάσης τῆς ὑπὲρ οὐρανόν; συνῆδρευσαν γὰρ ἡμῖν καὶ οἱ παρὰ τῆς ὁσιότητος τῆς σῆς ἀπεσταλμένοι θεοσεβίστατοι ἐπίσκοποι, Ἀρκάδιος καὶ Προϊεκτός, καὶ σὺν αὐτοῖς ὁ εὐλαβίστατος πρεσβύτερος Φίλιππος, τὴν σὴν ἡμῖν παρουσίαν δι' ἑαυτῶν χαριζόμενοι, καὶ τῆς ἀποστολικῆς καθέδρας τὸν τόπον ἀναπληροῦντες. Ἀγανακτησάτω τῶνυν προσφόρως ἐπὶ τοῖς γεγενημένοις ἡ σὴ ὁσιότης. Εἰ γὰρ δοθείη τοῖς ἐθέλουσιν ἄδεια καὶ τοὺς μίζοντας ὑβρίζειν θρόνους, καὶ καθ' ὃν οὐκ ἔχουσιν ἔξουσίαν, παρανόμους οὕτω καὶ ἀκατονίστους ἐκγέρειν ψήφους, μᾶλλον δὲ ὕβρεις, καὶ τοῖς ὑπὲρ τῆς εὐσεβείας τοσούτους ἄθλους ὑπομεμενηκόσιν, ὧν ἔνεκεν καὶ νῦν ἡ εὐσέβεια διὰ τῶν εὐχῶν τῆς σῆς ὁσιότητος ἀνέλαμψεν, οἰχέσεται πρὸς ἰσχάτην ἀτοξίαν τὰ τῆς Ἐκκλησίας πράγματα. Σωφρονισθέντων δὲ καθ' ὃν προσήκει τρόπον τὰ τοιαῦτα τετολμηκότων, ἀργήσῃ πᾶς θόρυβος, καὶ ἡ πρέπουσα τοῖς κανόσιν αἰδὼς παρὰ πάντων σωθήσεται.

Ἀναγνωσθέντων δὲ ἐν τῇ ἀγίᾳ συνόδῳ τῶν ὑπομνημάτων τῶν πεπραγμένων ἐπὶ τῇ καθαιρέσει τῶν ἀνοσιῶν Πελαγιανῶν καὶ Κελεστιανῶν, Κελεστίου, Πελαγίου, Ἰουλιανοῦ, Πρεσβιδίου, Φλώρου, Μαρκελλίνου, Ὁρεντίου καὶ τῶν τὰ αὐτὰ τοῦτοις φρονούντων, ἐδικαιώσαμεν καὶ ἡμεῖς ἰσχυρὰ καὶ βέβαια μένειν τὰ ἐπ' αὐτοῖς ὠρισμένα παρὰ τῆς σῆς θεοσεβείας. Καὶ σύμφηφοι πάντες ἐσμέν, καθηρημένους ἔχοντες αὐτούς. Ὑπὲρ δὲ ἀκριβοῦς εὐμαθίας C ἀπάντων τῶν πεπραγμένων, ἀπεστείλαμεν καὶ τὰ ὑπομνήματα καὶ τὰς ὑπογραφὰς τῆς συνόδου. Ἐρρώσθαι σε καὶ μνημονεύειν ἡμῶν τῷ Κυρίῳ εὐχόμεθα, ἀγαπητέ καὶ ποθεινότατε.

AUCTORITATES.

solum exstat in collectionibus Dionysii Exigui, Ha-

epist. 13 iteratis ejus petitionibus satisfaciens, hoc unum n. 8 respondet: *Hos quoque hæreticos, de quibus nos, velut eorum quæ gesta sunt nescius, consulere voluisti, sedibus suis injusta dicentes justa expulisti damnatio;* ubi sicut et in subnexas, nihil quidem novi a se adversus Pelagianos gestum vel decretum memorat, sed satis habet ea in mentem revocare gesta vetera, quæ ignorare Nestorius nequibat, quæ decessor ipsius Sisinius quærere non eguit, quibus et antea Atticus assentiens de damnatis a se Pelagianis gesta Romam direxerat. Non alia igitur adversus Pelagianos gesta in Ephesina synodo lecta merito videantur, quam quæ Cælestinus in mox laudata epistola 13 commemorat. Eodem attinet illud Prosperi contra Collat. c. 21 n. 58: *Per hunc virum (Cælestinum) etiam Orientales Ecclesiæ gemina peste purgatæ sunt, quando Cyrillo Alexandrinæ urbis antisiti gloriosissimo fidei catholicæ defensori ad exsecandam Nestorianam impietatem apostolico auxiliatus est gladio, quo etiam Pelagiani, dum cognatis confœderarentur erroribus, iterum prosternerentur.* Eodem quippe tempore et epistola ad Cyrillum qua Nestorii errores damnantur, et epistola ad hunc hæresiarcham qua Pelagianorum damnatio confirmatur, a Cælestino conscriptæ sunt. Tillemontius tom XIII, pag. 752, non alia existimat, gesta Ephesi recitata, nisi ejus synodi Romanæ, qua presidente Zosimo, Pelagius et Cælestius iterum cumque eis Julianus et socii damnati et a sedibus suis abacti sunt.



driani I. Hispana, Isidori, sed et laudatur a Prospero lib. contra Collat. c. 21 n. 58 et 59, Vincentio Lirinensi Commonit. c. 43, Cresconio Breviar. Can. c. 288, et Photio cod. 53 et 54. Cœlestinus illam, ut Vincentius loquitur, Gallorum sacerdotibus misit, arguens eorum conniventiam, quod antiquam fidem silentio destituentes, profanas novitates exsurgere paterentur: *evidenter pronuntians, inquit Prosper loco laudato, quantum sibi præsumptionis istius novitas displiceret, qua auderent quidam adversum antiquos magistros insurgere, et indisciplina calumnia prædicationi veritatis obstrepere.* Quibus Prosperi verbis viri eruditi eos maxime notari putant, qui Massiliæ, Cassiano præceptore ac magistro, Augustino obloqui et novam doctrinam prædicare cœperunt; ideoque Venerii, qui Massiliensi Ecclesiæ tum præerat, nomen in inscriptione epistolæ hujus cæteris anteferri. Et hanc quidem opinionem Prosperi, cum in exordio, tum in fine libri contra Collatorem, dicta non medioeriter confirmant. Hujusmodi autem prædicatores Vincentius Lirin. c. 43, quantum verbi ejus sonant, merito erroris arguit, ideoque jure corripiendos, liberaque novitatum prædicatione interdicens esse, aut si non desinant, velut qui B. Cœlestini memoriæ insultent, audire debere agnoscit, cum illud laudat ejusdem papæ, *Merito causa nos respicit, si silentio foveamus errorem.* Et paucis interjectis addit: *Ergo hæc fuit B. Cœlestini beata sententia, non ut vetustas cessaret obruere novitatem, sed potius novitas desineret incessere vetustatem.* Quapropter aut is Vincentius inter novatores illos quos modo Cœlestinus corripit, ponendus non videtur, et alius ab eo est censendus, cujus objecta Prosper libro contra Vincentianas objectiones inscripto confutavit. Aut si eruditi cardinali Norisio lib. II Hist. Pelag. p. 257 et seqq. aliud propugnanti est assentiendum, Vincentium eo loci magna arte usum, indignaque simulatione locutum esse concedendum est.

2. Hanc Cœlestini epistolam ad annum 431 eruditi vulgo referunt. Id certe est exploratum scriptam eam non esse, nisi postquam Augustini mors, quæ in 28 Augusti diem anni 430 incidit, in Italia et Galliis pervulgata esset. Immo nec longe ante Cœlestini obitum Gallis redditam fuisse conjectura est. Frustra enim elogium quo Cœlestinus Augustinum commendat, tentassent reprehensores ejus eludere, atque obtinere istam in sanctum Augustinum laudationem pro anteriorum scriptorum meritis, non pro novissimis, quæ reprehensione digna censebant, fuisse collatam, si Cœlestinus adhuc superstes consuli ac suam ea de re sententiam planius aperire potuisset.

3. Ad subnexas autem apostolicæ sedis auctoritates quod attinet, utrum ab eodem Cœlestino conscriptæ simulque missæ sint, an vero ad alium scriptorem aliudve tempus pertineant, controvertitur, nec eadem semper ea de re omnium sententia fuit. Si vetustiores a sæculo VI ineunte pene ad nostrum sequi placet, Cœlestino tribuendæ sunt. Nam Petrus diaconus ac socii epistolæ quam ad episcopos in Africa exsules circa annum 520 scripserunt pleraque inserunt subjectorum capitum 11 et 12 verba, eaque laudant velut *beatissimi Cœlestini in epistola ad Gallos.* Et quasi occurrere voluissent posterorum dubitationi, ubi laudata a se epistola desinat notare sic studuerunt: *Terminat autem idem magister Cœlestinus hanc ipsam epistolam atque concludit ita dicens: Quia a! confidendam Dei gratiam..... ut prorsus non optinemur catholicum quod apparuerit præfixis sententiis esse contrarium.* Petro ac sociis concinit Dionysius Exiguus. Nam cum Cœlestini decreta in 22 titulos dividat, epistola ejus ad Gallos una cum subnexis apostolicæ sedis auctoritatibus inter tredecim primos hujus papæ titulos seu decreta recensetur ab illo in

hunc modum: I. *De Prospero et Hilario*; II. *De sancto Augustino mira laudis assertio*; III. *Præteritorum sedis apostolicæ episcoporum auctoritates de gratia Dei*; IV. *Quod Adam omnes læserit, etc.*, ut infra. Dionysium pro more sequitur Cresconius in Breviario Canonico, a cujus capite 288 ad 298 tredecim tituli, in quos Dionysius epistolam ad Gallos ac subnexas auctoritates partitus est, singillatim, tertio duntaxat prætermisso, velut ex decretis papæ Cœlestini laudantur. Hos tredecim titulos pariter in fronte ejusdem epistolæ præfigunt collectionis Hispanæ compilator et Isidorus Mercator. Præterea et Cœlestino subnexa capitula ascribunt plurimi iique graves scriptores ab Henr. Norisio et Pasch. Quesnello memorati, Florus diaconus in opere quod Ecclesiæ Lugdunensis nomine adversus Joannem Scotum Erigenam incubavit, Hinemarus Remensis lib. de Prædestinatione c. 21 et 22 et alibi, Lupus Ferrariensis abbas in Collectaneis quæst. 2, Remigius Lugdunensis episcopus cum sua Ecclesia libro de tribus epistolis cap. 23, et in libello de Absolutione quæstionis, Ivo Carnut., etc.

4. Postmodum tamen a tantorum virorum sententia discedere non dubitarunt recentiorum plurimi, Joan. Wendelstinus, qui Cod. canonum et decretorum pontificiorum Moguntia edidit anno 1525, necnon conciliorum post Merlinum editores Crabbius, Sarius, Nicolinus, Labbeus; quibus addendi cardinalis Carafa, seu qui post ejus obitum epistolarum pontificiarum editionem Romæ curavit, Baronius ad ann. 431, Francisc. Suarez proleg. 6 de Gratia c. 1 n. 11, Jac. Sirmondus notis in tom. I Concil. Gall., Gerardus Vossius libro I Histor. Pelag. c. 30, Elias Dupin in Biblioth., Jac. Hyacinthus Serry in opusculo quod Augustinum vindicatum inscripsit. Specialis est ea de re Pasch. Quesnelli dissertatio 3 in Leonis Opera. Neque minus diligenter eandem tractat Henricus Norisius in vindic. August. c. 8 p. 208.

5. Argumenta quibus eruditi illi viri moti sunt ut prædicta capitula Cœlestino abjudicarent, præcipua ea sunt: 1<sup>o</sup> quod eorum auctor ac parens de Romana sede tamquam de aliena, non tamquam de propria loquitur; et ubi Romanos rectores laudat, eos minime vocat decessores suos, præter morem aliorum pontificum, immo et Cœlestini in ea ipsa ad Gallos epistola. Deinde Cœlestinus in præmissa epistola nullum de subjiendis illis capitulis verbum facit, cum Romani pontifices, quoties litteris suis scripta nonnulla subnectunt, de his præmonere in litteris suis soleant. Præterea Prosper lib. contra Collatorem cap. 10, probaturus bonarum voluntatum initia Dei inspiratione generari, adductis Innocentii ac Zosimi testimoniis, ad adversarium sic orationem convertit: *Videsne regulas tuas invictarum constitutionum soliditate confractas.....? Cum enim de sanctarum origine voluntatum et fidei charitatisque principiis inter nostros et Pelagianos quæstio versaretur, non ancipiti victoria nec dubio diremptum est sine certamen, ut adhuc nobis de iniquissima hujus sæderis tui pace tractandum sit.* Quid vero ei opus erat in Innocentii et Zosimi adversus Pelagianos scriptis quærere, unde certamen, quod Cassianus instaurabat, jam diremptum demonstraret, si Cœlestinus his capitulis novissime in Galliam missis novæ controversiæ conceptis verbis finem imposuisset? Eo autem gravius ac firmiter est hoc argumentum, quod Prosper in eodem libro cap. 21 Cœlestinum, cum ob multa contra Pelagianos præclare gesta, tum nominatim ob susceptam in epistola ad Gallos Augustini defensionem, laudibus extollit. Aliud proponit Norisius argumenti genus quod cæteris semper prætulisse se profitetur. Nempe si a Cœlestino, adeoque ab apostolica sede, emanassent capitula illa, sibi incompertum esse ait quo pacto ab hæretica labe purgari Faustus Reiensis, Hilarius Arelatensis alique Galliæ episcopi possent. Illos enim regulis quæ in hisce capitulis traduntur nonnihil contrarium etiam post Cœlestini obitum docuisse



in confesso est, cum harum capitulorum compilator A postremis opusculi sui verbis testetur ac velit. *Ut prorsus non opinemur catholicum quod apparuerit præfixis sententiis esse contrarium.*

6. Paschasius Quesnellus incubrationem eandem quæ Indiculi nomine ab eo donatur Leone vindicans, suam ea de re sententiam exponit his verbis: *A Leone compactum esse compendiosum hunc Indiculum prorsus existimo, non ex quo pontificatum gessit, sed per id tempus quo diaconi solummodo fungens munere, Cælestino pontifici rerum ecclesiasticarum minister affuit.* Verum si res ita se haberet, quid vetaret quominus idem Indiculus Cælestino ascriberetur? Certe u u venit ut minister qui aliquid auctoritate illius facit cui ministrat, opus illud non sibi, sed ei qui præcepit attribuat. Quocirca et qui alicui ab epistolis est, litteras quas illius jussu scribit, non suo, sed ejus cui ministrat nomine inscribit. Ita etiam prædictus Indiculus, si eam Leo tamquam Cælestini in rebus ecclesiasticis minister aggressus est, huic papæ tribuendus fuit. Hinc et adversus istam sententiam redeunt argumenta superiora, quibus hanc incubrationem neque in Cælestinum neque in ejus tempora convenire comprobatum est. Hoc ipsum subnexis confirmabimus.

7. Idem opusculum plerique alii Prospero adjudicant: primo quia in eo quædam sermonis ac sententiarum cum cæteris ejusdem scriptis observatur consensio. Deinde eadem prorsus Innocentii, Zosimi, Africanorumque conciliorum testimonia, quibus nuntur Indiculi prædicti sententiæ, Prosper in libro contra Collatorem profert; adeo ut quæ pluribus in hoc libro edisseruerat, in isto Indiculo paucis perstringere voluisse videatur. Ad hæc, eo consilio collectus est Indiculus iste, ut adversus eos qui obloqui Augustino non desistebant, tanti doctoris memoria vindicaretur. Augustini autem adversus novos ejus reprehensores defendendi curam speciali quadam ratione a Prospero susceptam fuisse fidem faciunt illius contra Collatorem liber, necnon ad capitula Gallorum, ad excepta Genuenium et ad objectiones Vincentianas responsa. Et hanc quidem curam ipse in postremi hujus operis præfatione sibi a Romano pontifice commissam ac delegatam esse indicat, ubi fidem contra Pelagianos ex apostolicæ sedis auctoritate defendere se testificatur. Hinc et Hincmarus in epistola quæ primo ipsius operi de Prædestinatione præfixa est, paulo post initium, ad Carolum regem scribit: *Post ejus (Augustini) obitum, quidam invidi capitulum de ipsius scriptis colligere curaverunt..... Quæ videlicet æmulatorum mendacia EX DELEGATIONE SEDIS ROMANÆ per Cælestinum papam sanctus Prosper catholico et prudenti stylo falsa et imprudenter objecta ostendit.*

8. Cælestino quidem adhuc superstite, Prosper adjuncte sibi socio Hilario Roman se contulerat, et epistolam obtinuerat ad Gallos (Epist. 21 n. 2), in qua laudatus pontifex Augustini reprehensores acriter corripiens, atque hunc doctorem nullo umquam sinistra suspitionis saltem rumore asperum, sed ubique cunctis et amoris simul et honori fuisse testatus, amulis ejus nihil reliquisse videbatur, quod ipsi objicerent. Verum, inquit Prosper (Lib. cont. Collat. c. 21 n. 59), *contra istam clarissimæ laudationis tubam, contra istam sacratissimi testimonii dignitatem, audet quisquam malignæ interpretationis murmur emittere, et perspicuæ sincerissimæque sententiæ nubem obliquæ ambiguitatis obtendere, ut scilicet quia in epistola papæ (Cælestini) librorum de quibus actum est non expressus est titulus, hinc eos (libros qui in reprehensionem vocabantur) apud non probatos, et istam Augustini laudationem pro anteriorum scriptorum meritis fuisse collatam.* Quæ sinistra interpretatio quam iniqua quamque insulsa esset, ex novissimorum Augustini librorum cum anterioribus summa consensione demonstrasse non convenit Prosper, ne quid adversariis superesset effugii, agendum sibi duxit, ut

etiam a Xysto pontifice Augustini doctrina probaretur. Unde et subjicit (Num. 60): *Quod ne hypocritarum obtineatur insidiis (ut scil. novissimi Augustini libri ab apostolica sede non probati existimentur), confidimus Domini protectione præstandum, ut quod operatus est in Innocentio, Zosimo, Bonifacio, Cælestino, operetur et in Xysto; et in custodia Dominici gregis hæc sit pars gloriæ huic servata pontifici, ut sicut illi lupos abegere manifestos, ita hic depellat occultos.* Tum igitur, ut Xystum ad id præstandum induceret facilius, Indiculum texui se merito credatur, in quo doctrinam, quam in novissimis Augusti libris arguebant adversarii, præteritorum apostolicæ sedis præsulorum definitionibus consentaneam esse demonstratur. Hunc porro Indiculum a Xysto ita confirmatum fuisse, ut quod expressis in eo capitulis de gratia et libero arbitrio traditur deinceps propria Ecclesiæ Romanæ doctrina evaderet; adeoque Prosperum id quod de illo pontifice speraverat feliciter assecutum esse, indicio esse potest quod Hormisdæ epist. 122: *Id Possessorem scribit: De arbitrio tamen libero et gratia Dei quid Romana, id est catholica, sequatur ac servet Ecclesia, licet in variis libris beati Augustini possit cognosci, et maxime ad Hilarium et Prosperum, tamen et in scriptis ecclesiasticis EXPRESSA CAPITULA continentur.* Non enim alia hic capitula notari intelligunt eruditi, nisi quæ in Indiculo nostro expressa sunt. Sane causam ejus componendæ gratia concinnatus est noster Indiculus a Cælestino finitam non esse aperte docet Prosper in laudato libro contra Collatorem cap. 22, ubi de Augustini reprehensoribus istud adjungit: *Quorum tamen, dum adhuc non sunt a fraterna societate divisi, toleranda magis est intentio, quam desperanda correctio: ut donec Dominus per Ecclesiæ principes et legitimos judiciorum suorum ministros hæc, quæ per paucorum superbiam et quorundam imperitiam sunt turbata, componat; nobis, Deo adjuvante, sit solum, quieta modestaque patientia odii dilectionem reddere.* Si enim princeps Ecclesiæ et judiciorum Dei legitimus minister Cælestinus de re controversa sententiam jam dixisset, ac diserte pronuntiasset se prorsus non opinari catholicum quod apparuerit præfixis (in Indiculo) sententiis esse contrarium, idque in Galliis promulgatum esset; nihil erat cur Prosper de iis qui placita prædictis sententiis contraria tueri non desinebant tam bene speraret, aut tam modeste cum iis ageret. Certe hoc posito nihil fuisset cur Augustini æmuli libros ejus anteriores tantum, non novissimos, a Cælestino probatos esse obtenderent. Unde plane confirmatur, quod jam coniectum erat, sæpius dictum Indiculum nequaquam Cælestini vel auctoritate vel jussu fuisse concinnatum.

9. Censet Gerardus Vossius Prosperum in hoc opere adornando cum Hilario, tum alios Augustini defensores sibi socios adjunxisse. Nullam vero hujus opinionis aliam rationem profert, nisi quod plurali numero utatur, ac dicat, *jungeremus, compendioso manifestamus indiculo, etc., non jungerem, aut manifesto, etc.* At si valet hæc ratio, etiam Prosper non solus, sed cum sociis ad objectiones Vincentianas respondisse dicendus est, si quidem in hujus libri præfatione similiter plurali numero constanter loquitur, *pandamus, judicemus, defendimus, talia in nostro sensu esse qualia diabolico continentur Indiculo.*

10. Quamvis autem Cælestini epistolam subnexumque Indiculum ad diversos annos pertinere manifestum sit, alterutrum tamen scriptum nusquam reperimus seorsim editum. Jam ab ineunte sæculo sexto, uti prædiximus, Afri episcopi ac deinde Dionysius Exiguus et innumeri alii pro uno Cælestini scripto utrumque habuerunt. Unde et utrumque ab ipso Prospero in unum conflatum esse haud temere conficiatur, ut librorum Augustini ac doctrinæ in eis assente plena et integra simul haberetur cum Cælestini judicio, tum antecedentium sedis apostolicæ præsulorum consensu, fulta defensio. Quocirca religioni nobis



fuit opus distrahere, quod numquam non conjunctum legimus, quodque ipsa sede apostolica volente ac probante credimus copulatum. Neque ipsos etiam titulos, quos ei Dionysius Exiguus præfixit, duximus removendos, ut antiquorum qui eis usi sunt fides probetur.

11. Observavit Henric. Norisius, Vindic. Augustin. par. 213, eadem capitula libro de Dogmatibus Ecclesiasticis, qui Gennadio Massiliensi ascribitur, a capite 22 fuisse inserta. Sed hoc præter veterum codicum fidem factum esse annotarunt nostri (Append. tom. VIII August.), qui novi-simam Augustini editionem adornarunt, ideoque illa suppresserunt. Monuit quoque laudatus cardinalis postrema capitula, scil. a cap. 14 ad calcem, in homilia S. Joannis Chrysostomi de Adam et Eva tom. II edit. Basil. ad verbum fuisse ex-scripta cum aliis 40 versibus libri Augustini contra Julianum cap. 3. Unde homiliam illam centonem esse liquet.

12. In hac clausula quid vocentur *profundiores* *difficilioresque partes* incurrentium quæstionum discipulatur. Nonnulli hoc loco theologorum disputationi permitti putant ea de gratia et prædestinatione sanctorum capita quæ Augustinus velut ad fidem pertinentia propugnat. Sed ab eorum opinione quantum absit Ecclesia Romana, testis idoneus est vel unus Hormisdas, qui loco supra citato, *de arbitrio libero et gratia Dei quid Romana, hoc est catholica, sequatur ac servet Ecclesia*, in variis libris B. Augustini, et maxime ad Hilarium et Prosperum, cognosci posse docet. Doctus vero Norisius in Vindicis memoratis, pag. 216, quæstionum profundiorum nomine illas intelligi putat, in quibus de peccato originali ac modo quo propagatur, nec non de concupiscentia reliquisque miseriis quæ sunt pœnæ originalis peccati, disseritur; earumque assertionem ab Indiculi hujus scriptore ideo prætermitti arbitratur, non quia vel ut ἀδιαφορὰν vel partium disputationi permissam, sed quia pro tempore ac proposito scopo non necessariam judicavit. Auctor, inquit, illorum capitulum intendit tradere contra Massilienses quante sint liberi arbitrii vires et quanta gratiæ necessitas. Sed quia de peccato originali, deque modo quo propagatur, ac de miseriis quæ illud consequuntur, nulla erat Augustinum inter et Massilienses controversia, ideo dixit, NON NECESSE HABEREMUS ASTRUERE, quod est, nolle se de illis canones *etere*, quod ad præsentem cum Massiliensibus controversiam non conducebant, non quod libero disputantium assensui vel dissensui illa dimittere vellet, quæ est insulsa recentium interpretatio. Si tamen vim expendamus verborum, profundiores difficilioresque partes incurrentium quæstionum, hæc præterea nonnihil aliud sonare fatendum est. Aptè autem quæstionum incurrentium vocabulo quasdam interpretari est quæstiones quæ non per se primario, sed veluti per accessionem, ideoque non necessarie, tractentur. Ubi vero quæstionum illarum partes profundiores difficilioresque audimus, eas notari quæ cuique minus obvia quam quæ explicatæ sunt, nemo non intelligit. Paschas. Quesnellus ad calcem operum Leonis de hoc loco fuscè et copiose disserens, disert. 3 part. II cap. 2, profundiores quæstiones hic designatas dignosci posse censet ex his Augustini lib. III ad Bonifacium c. 8. Cum igitur Pelagiani his atque hujusmodi veritatis testimoniis et vocibus urgeantur... immittunt aliarum n. bulas quæstionum... de laude creaturæ, laude nuptiarum, laude legis, laude liberi arbitrii, laude sanctorum. Et cap. 10: Addunt sane ad latebrarum suarum nebulas Pelagiani de origine animæ non necessariam quæstionem... Aiunt enim nos animarum traducem cum peccati traduce contueri. De hac novissima quæstione mentem suam apud Fulgentium epist. 15 n. 10 ita explicant episcopi in Sardinia exules: Quæstio-

A nem vero animarum aut tacitam debemus relinquere, aut sine contentione tractare... maxime quod sine fidei detrimento potest a fidelibus ignorari. Addit ipse Fulgentius lib. III de Prædestin. et Grat. c. 8: Cujus quæstionis B. Augustinus profunditatem sibi imper-scrutabilem cernens, nullam voluit hujus rei definitam proferre sententiam. Nec ambigendum quin eadem ac similes illic notentur.

## EPISTOLA XXI.

### B. COELESTINI PAPÆ I AD EPISCOPOS GALLIARUM.

I. De Prospero et Hilario, qui quosdam Galliæ presbyteros accusant Pelagii sectatores. — II. De sancto Augustino mira laudis assertio. — III. Præteritorum sedis apostolicæ episcoporum auctoritates de gratia Dei. — IV. Quod Adam omnes læserit, nec quemquam nisi Christi gratia posse salvari. — V. Quod nemo sit bonus suis viribus, nisi participatione ejus qui solus est bonus. — VI. Quod nisi gratia Dei continua juvemur, insidias diaboli devitare non possumus. — VII. Quod per Christum libero bene utamur arbitrio. — VIII. Quod omnia sanctorum merita dona sint Dei. — IX. Quod omnis sancta cogitatio et motus piæ voluntatis ex Deo sit. — X. Quod gratia non solum peccata dimittat, sed etiam adjuvet ne committantur, et præstet ut lex impleatur; non, sicut ait Pelagius, facile, quasi sine Dei gratia difficilior possit impleri. — XI. Quod præter statuta sedis apostolicæ, omnes orationes Ecclesiæ Christi gratiam resonent, qua genus reparatur humanum (addit Isid. Mercator) et ab æterna damnatione reducitur. — XII. Quod gratiam Dei etiam baptizandorum testetur instituta purgatio, cum exorcismis et exsufflationibus spiritus ab eis expelluntur immundi. — XIII. Quod profundiores quæstiones nec contemnendæ sint, nec penitus asserendæ.

Dilectissimis fratribus VENERIO, MARINO, LEONTIO, AUXONIO, ARCADIO, a FILLUCIO et cæteris Galliæ episcopis COELESTINUS.

4. Apostolici verba præcepti sunt, apud Judæos atque gentiles sine offensione nos esse debere (I Cor. x, 32). Hoc quisquis Christianus est, tota animi virtute custodit. Quod cum ita sit, non parum periculi illum manere poterit ante Deum, qui hoc detrectat etiam fideibus b exhibere. Nam qualiter nos, qui neminem perire volumus, ista contristent, quæ auctoribus Christianis percellunt animos Christianos, Dominicus in Evangelio sermo testatur. Ait enim ipse Salvator, quod expediat scandalizanti unum de pusillis, in maris profundum demergi (Matth. xviii, 6); et ideo quæ sit ejus jam pœna quæramus, cui tale supplicium legimus expedire.

CAP. I. — 2. Filii nostri præsentis Prosper et Hilarius, quorum circa Deum nostrum sollicitudo laudanda est, tantum neseio quibus presbyteris illic licere qui dissensioni Ecclesiarum studeant, sunt apud nos prosequuti, ut indisciplinatas quæstiones vocantes in medium, pertinaciter eos dicant prædicare adversantia veritati. Sed vestræ dilectioni justius imputamus, quando illi supra vos habent copiam disputandi. Legimus supra magistrum non esse discipulum (Luc. vi, 40), hoc est, non sibi debere quemquam in injuriam doctorum vindicare doctrinam. Nam et hos ipsos a Deo nostro positos novimus ad

a Edit. Merl. Crab. et Rom., Sillucio. Posteriores eum exemplis coll. Hadr., Fillancio. Retinemus cum sincero coll. Dion. exemplari regio, nec non mss.

coll. Hisp. et Isid., Fillucio.

b Apud Lab., debere, refragantibus aliis libris.



docendum; cum sit, dicente Apostolo (I Cor. xii, 28), *A* tris Tuentii dedimus scripta responsum. Nunc tamen repetentes sæpius admonemus: vitentur hujusmodi qui laborant per terras aliud quam ille noster jussit agricola seminare. Nec tamen mirari possumus si hæc erga viventes hi nunc tentare audent, qui nituntur etiam quiescentium fratrum memoriam dissipare.

Cap. II. — 3. Augustinum sanctæ recordationis virum pro vita sua atque meritis in nostra communionem semper habuimus, nec umquam hunc sinistrae suspicionis saltem rumor aspersit: quem tantæ scientiæ olim fuisse meminimus, ut inter magistros optimos etiam ante a meis *f* semper decessoribus haberetur. Bene ergo de eo omnes in communi senserunt, utpote qui ubique cunctis et amoris fuerit *B* et honori. Unde resistatur talibus, quos male crescere videmus? Nefas est hæc pati religiosas animas, quarum afflictione, quia membra nostra sunt, nos quoque convenit macerari, quamvis maneat hos beatitudo promissa, quicumque probantur persecutionem propter justitiam sustinere (*Matth. v, 10*). Quibus quid promittat Dominus in futurum, sequens sermo declarat. Non est agentium causa *g* solum, universalis Ecclesia quacumque novitate pulsatur. Intelligamus hæc ipsa vobis, quæ nobis non placent, displicere. Quod ita demum probare poterimus, si imposito improbis silentio, de tali re in posterum querela cessabit. Deus vos incolumes custodiat, fratres charissimi.

*a* In ms. Reg. desideratur locus. Respicit Coelestinus ad illud Pauli, *Quosdam quidem posuit in Ecclesia, primum apostolos, secundo prophetas, tertio doctores.*

*b* Ita Dionysii exemplar regium. Nec aliter legit Vincentius Lirin. c. 45. At in coll. Hadr. substitutum est *faveamus errori*; quam lectionem auctor coll. Hisp. et Isid. indeque epistolæ hujus editores arripuerunt.

*c* In hæc verba Vincentius Lirin. quæstionem istam proponit: *Hic aliquis fortasse addubitet quinam sint illi, quos habere prohibeat liberum pro voluntate sermonem, vetustatis prædicatores, an novitatis adinventores.* Ac proxime adjungit: *Ipse dicat (Cœlestinus), et dubitationem legentium ipse dissolvat. Sequitur enim: Desinat, inquit, si ita res est, id est, si ita est ut apud me quidam urbes et provincias vestras criminantur, quod eas quibusdam novitatibus consentire noxia dissimulatione faciat; desinat, inquit, si ita res est, incessere novitas vetustatem.* A Vincentio autem ibi Cœlestini dicta adversus Augustini doctrinam ejusque defensores arte arguta detorquere. Henric. Norisius lib. II Hist. Pelag. pag. 429 et 250 contendit. Perspicuum tamen est illud, si ita res sunt, non ideo a Cœlestino proxime adjungi, quia utri novatores habendi essent, Augustini ne doctrinæ adversarii, an ejus defensores, dubitaret; sed quia dictabat prudentia ut presbyteros illos quos Ecclesiarum dissensionem studere Prosper et Hilarius detulerant, nequaquam damnet, nisi rem ita esse, hoc est veram esse illorum delationem, constitisset. Neque minus evidens est Cœlestinum defensionis antiquæ doctrinæ laudem Augustino tribuere, utpote quem tantæ olim scientiæ fuisse, inquit, meminimus, ut inter magistros optimos etiam ante a meis semper decessoribus haberetur. Alioqui novitatis doctorem a decessoribus suis inter magistros optimos habitum

*C* fuisse concederet. Neque facile crediderimus Vincentium ea fuisse animi circitate, ut illum evidentia tanta fugeret; aut ea simulatione, ut aliud tentaret suadere; vel etiam de aliis ita male sensisse, ut hoc eis contra manifestam veritatem persuadere se posse confideret.

*d* Editi, *censeantur presbyterii dignitate*; corriguntur ex scriptis.

*e* Utrum *super his*, quos e laicorum consortio in collegium episcopale admissos proxime questus est, an *super his* quos nova prædicare acceperat, dedit illud ad Tuentii scripta responsum; num etiam Tuentius is fuerit, quem Zozimus epist. 4, n. 4, ut illegitime a Proculo Massiliensi episcopo ordinatum, in quocumque gradu ecclesiastico suscipi vetit, aliorum permittimus judicio. Probabile tamen est Tuentium hunc ab illo non esse diversum, nec non de iis qui indisciplinatas quæstiones in medium vocabant ad illius scripta fuisse responsum. Hoc responsum non exstat. Deinceps luce clarius est, eorum nomine qui novas in Ecclesiam doctrinas inducere moluntur, non Hilarium a Cœlestino intelligi aut Prosperum, sed eos qui nituntur etiam quiescentium fratrum (ac nominatim Augustini) memoriam dissipare atque infamare.

*f* Ex Merl. et mss. revocatur *semper*, quod a Crab. ac deinceps omissum fuerat.

*g* In mss. coll. Isid., *sola*. Apud Merl., *solarum*. Tum in aliis editis additur *quando*. Hæc vox abest a mss. sed in eorum unum, loco *solorum*, irrepsit *sola cum*. Ex isto autem *cum* prædicta vox *quando* originem habuisse probabiliter credatur. Cœlestini mens hoc syllogismo fiet manifestior. Universalem Ecclesiam pulsat quacumque novitas. Atqui causa quæ agitur, novitatem sapit. Non est igitur unorum agentium seu litigantium, sed totius Ecclesiæ causa.



▪ Incipiunt præteritorum sedis apostolicæ episcoporum auctoritates de gratia Dei <sup>b</sup>.

CAP. III. — 4. Quia nulli, qui catholico nomine gloriantur, in damnatis hæreticorum sensibus seu pravitate sive imperitia demorantes, piissimis disputatoribus obviare præsumunt; et cum Pelagium atque Coelestium anathematizare non dubitent, <sup>c</sup> piagistris tamen nostris, tamquam necessarium modum excesserint, obloquantur, eaque tantummodo sequi et probare profitentur quæ sacratissima beati apostoli sedes Petri contra inimicos gratiæ Dei per ministerium præsulum suorum sanxit et docuit; necessarium fuit diligenter inquirere quid rectores Romanæ Ecclesiæ de hæresi quæ eorum temporibus exorta fuerat judicarent, et contra nocentissimos liberi arbitrii defensores quid de gratia Dei sentiendum esse censuerint; ita ut etiam Africanorum conciliorum quasdam sententias jungeremus, quas utique suas fecerunt apostolici antistites, cum probarunt. Ut ergo plenius qui in aliquo dubitant instruantur, constitutiones sanctorum Patrum compendioso manifestamus indiculo, quo si quis non nimium est contentiosus, agnoscat omnium disputationum connexionem ex hac subditarum auctoritatum brevitate pendere, nullamque sibi contradictionis superesse rationem, si cum catholicis credat et dicat.

CAP. IV. — 5. In prævaricatione Adæ omnes homines naturalem possibilitatem et innocentiam perdidisse, et neminem de profundo illius ruinæ per liberum arbitrium posse consurgere, nisi eum gratia Dei miserantis erexerit, pronuntiante beatæ memoriæ Innocentiæ papa, atque dicente in epistola <sup>d</sup> ad Carthaginense concilium: « Liberum enim arbitrium <sup>e</sup> olim ille perpressus, dum suis inconsul-

<sup>a</sup> Verbum incipiunt, quo alterum scriptum ab antecedente epistola distinctum designatur, exstat in omnibus coll. Dion. aut Hadr. exemplaribus. Expunctum est autem ab Hispanæ collectionis compilatore, quem et Isidorus secutus est. At in veteribus edit. concil. ac Rom. totus hic titulus omissus fuit.

<sup>b</sup> Quesn. et Lab. post Sirm. hic addunt, et libero voluntatis arbitrio, quod a mss. tum hic, tum in generali titulorum indice, abest. Ad hujus quidem Indiculi calcem in iisdem mss. legere est: *Expliciunt præteritorum sedis apostolicæ episcoporum auctoritates de gratia Dei et libero arbitrio*; sed titulum in fronte præmissum sinceriores esse, fidem facit ipse qui has auctoritates collegit. Hanc enim operam ideo a se susceptam testificatur, ut contra nocentissimos liberi arbitrii defensores quid de gratia Dei (nec addit et de libero arbitrio) censuerint Romanæ Ecclesiæ rectores innotesceret.

<sup>c</sup> In priscis edit. ut in mss., magistros tamen nostros.

<sup>d</sup> Epist. 29, num. 6.

<sup>e</sup> Vox olim apud Merl. et in mss. desideratur. Quesn., ut in epistola Innocentiæ substitit it: *Liberum enim arbitrio olim ille perversus*, ita et hic lectionem eandem retinuit, mss. non minus hic quam in epistola Innocentiæ reluctantes. Si quid mihi de meo mutare liceret, mallet, ut dixi, *Liberum enim arbitrio.... permissus*

<sup>f</sup> Sirm. Lab. et Quesn. post veteres edit. concil. et Rom. resurgere, refragantibus mss. quibus Pro-

lus utitur bonis, cadens in prævaricationis profunda demersus est, et nihil quemadmodum exinde <sup>f</sup> surgere posset invenit; suæque in æternum libertate deceptus, hujus ruinæ <sup>g</sup> jacuisset oppressus, nisi eum post Christi <sup>h</sup> pro sua gratia relevasset adventus, qui per novæ regenerationis purificationem omne præteritum vitium sui baptismatis lavacro purgavit.

CAP. V. — 6. Neminem esse per semetipsum bonum, nisi participationem sui ille donet, qui solus est bonus. Quod in eisdem scriptis ejusdem pontificis sententia protestatur, dicens: « Numquid nos de eorum posthac rectum mentibus æstinemus, qui sibi se putant debere quod boni sunt, nec illum considerant cujus quotidie gratiam consequuntur <sup>i</sup>, qui sine illo tantum se assequi posse confidunt? »

CAP. VI. — 7. Neminem etiam baptismatis gratia renovatum idoneum esse ad superandas diaboli insidias et ad vincendas carnis concupiscentias, nisi per quotidianum adjutorium Dei perseverantiam bonæ conversationis acceperit. Quod ejusdem antistitis in ejusdem paginis <sup>k</sup> doctrina confirmat, dicens: « Nam quamvis hominem <sup>l</sup> redemisset a præteritis ille peccatis; tamen sciens iterum posse peccare, ad reparationem sibi, quemadmodum posset illum et post ista corrigere, multa servavit, quotidiana præstans illi remedia; quibus nisi freti confisque nitamur, nullatenus humanos vincere poterimus errores. Necesse est enim ut quo auxiliante vincimus, eo iterum non adjuvante vincamur. »

CAP. VII. — 8. Quod nemo, nisi <sup>m</sup> per Christum, libero bene utatur arbitrio, idem magister in epistola ad Milevitanum concilium data <sup>n</sup> prædicat dicens: « Adverte tandem, o pravissimarum mentium perversa doctrina, quod primum hominem ita libertas ipsa decepit, ut dum indulgentius frenis ejus utitur,

sper contra Collat. c. 5 n. 15, Augustinus lib. 11 ad Bonifac. c. 4 n. 6, et Innocentius, concinunt.

<sup>g</sup> Ita nostri mss. nisi quod in iis, quomodo apud Prosperum contra Collat. in codice Corb. habetur, et quomodo et apud Augustinum lib. 11 ad Bonifac. pluribus in mss. haberi observatum est, exstat latuisset. At legitur apud Merl., *hujus ruina latuisset oppressis*; apud Crab., *hujus ruina jacuisset oppressus*; in edit. Rom., *huic ruinæ jacuisset oppressus*; apud Sirm. Lab. et Quesn., *huic ruinæ subjacuisset oppressus*.

<sup>h</sup> Ita mss. constanter sive hic, sive in locis Augustini et Prosperi, ubi hæc eadem citantur, sive in ipsa Innocentiæ epistola. At Sirm. et Quesn. cum edit. concil. et Rom., per suam gratiam.

<sup>i</sup> Edit. concil. nec non Rom. et Sirm., Numquid: corriguntur ex sincero Dion. exemplari regio, quod et cum laudata Innocentiæ epistola consentit. Mox ms. Coislin. cum uno Harlæo, qui sibi reputant debere. Verbum autem debere etiam in priscis edit. concil. ac Rom. ut in plerisque mss. obtinet.

<sup>j</sup> Quædam hic prætermittuntur Innocentiæ verba, sive brevitatis ergo data opera, sive, propter iteratum verbum consequuntur, librarium lapsu.

<sup>k</sup> Epist. 29, num. 6.

<sup>l</sup> Apud Merl. et Crab., ut in mss., redimeret

<sup>m</sup> Edit. Rom. post Merl. et Crab., per gratiam, libero.

<sup>n</sup> Epist. 31, num. 3.



in prævaricationem præsumptione conciderit. Nec ex hac potuit erui, nisi ei providentia regenerationis statum pristinae libertatis Christi Domini reformasset adventus. »

CAP. VIII. — 9. Quod <sup>a</sup> omnia studia et omnia opera ac merita sanctorum ad Dei gloriam laudemque referenda sint; quia nemo aliunde ei placet, nisi ex eo quod ipse donaverit: in quam nos sententiam dirigit beatæ recordationis papæ Zosimi regularis auctoritas, cum scribens ad totius orbis episcopos, ait: « Nos autem instinctu Dei (omnia enim bona ad auctorem suum referenda sunt, unde nascuntur) ad fratrum et coepiscoporum nostrorum conscientiam universa retulimus. » Hunc autem sermonem sincerissimæ veritatis luce radiantem tanto Afri episcopi honore venerati sunt, ut ita ad eundem virum <sup>b</sup> scriberent: « Illud vero, quod in litteris quas ad universas provincias curasti esse mittendas, posuisti dicens: « Nos tamen instinctu Dei, » etc., sic accepimus dictum, ut illos, qui contra Dei adiutorium <sup>c</sup> extollunt humani arbitrii libertatem, districto gladio veritatis velut cursim transiens amputares. Quid enim tam libero fecistis arbitrio, quam quod universa in nostræ humilitatis conscientiam retulistis? Et tamen instinctu Dei factum esse fideliter sapienterque vidistis, veraciter fidenterque dixistis. Ideo utique, quia præparatur voluntas a Domino (Prov. viii, 23, sec. LXX), et ut boni aliquid agant, paternis inspirationibus suorum ipse tangit corda <sup>d</sup> filiorum. Quotquot enim spiritu Dei aguntur, hi filii Dei sunt (Rom. viii, 14); ut nec nostrum deesse sentiamus arbitrium, et in bonis quibusque voluntatis humanæ singulis motibus magis illius valere non dubitemus auxilium. »

CAP. IX. — 10. Quod ita Deus in cordibus hominum atque in ipso libero operetur arbitrio, ut sancta cogitatio, pium consilium, omnisque motus bonæ voluntatis ex Deo sit, quia per illum aliquid boni possumus, sine quo nihil possumus. Ad hanc enim nos professionem idem doctor instituit, qui cum ad totius orbis episcopos de divinæ gratiæ opitulatione

<sup>a</sup> Petrus diaconus ac socii in epistola ad Afros in Sardinia exsules apud Fulgentium epist. 16 c. 8 n. 23, hæc verba sic accipientes, quasi ad proximum Innocentii locum attingerent, ita citant: *Similiter Innocentius apostolicæ sedis antistes in epistola ad concilium Milevitanum, Omnia, inquit, studia et omnia opera ac merita... nisi ex eo quod ipse donaverit.* Tum his adjungunt: *Quod diligentius manifestiusque in epistola sua ad papam Zosimum replicando ipsius papæ sententiam explicant Africana concilia dicendo, Illud autem quod in litteris, etc., ut infra.*

<sup>b</sup> Ita mss. At editi, *rescriberent.* Ut Zosimi, ita et Afrorum, laudata scripta ad nos non pervenerunt.

<sup>c</sup> Reg. ms., *extendunt.*

<sup>d</sup> Editi, *corda fidelium.* Concinnius in mss., ut et apud Prosperum contra Collat. c. 5, n. 17, *corda filiorum.*

<sup>e</sup> Qui Romanam curavit editionem, annotavit decretum hoc et sequentia in Milevitanæ synodo haberi. Ea quidem in editionibus conciliorum sub nomine Milevitani concilii anno 416 celebrati can. 3, 4 et 5, leguntur. Sed ad Carthaginiense concilium anno

A loqueretur: « Quod ergo, ait, tempus intervenit, quo ejus non egeamus auxilio? In omnibus igitur actibus, causis, cogitationibus, motibus, adiutor et protector orandus est. Superbum est enim ut quidquam sibi humana natura præsumat, clamante Apostolo: *Non est nobis colluctatio adversus carnem et sanguinem, sed contra principes et potestates aeris hujus, contra spiritalia nequitie in cœlestibus* (Ephes. vi, 12). Et sicut ipse iterum dicit: *Infelix ego homo, quis me liberabit de corpore mortis hujus? Gratia Dei per Jesum Christum Dominum nostrum* (Rom. vii, 24). Et iterum: *Gratia Dei sum id quod sum, et gratia ejus in me vacua non fuit; sed plus illis omnibus laboravi. Non ego autem, sed gratia Dei mecum* (I Cor. xv, 10). »

B CAP. X. — 11. « Illud etiam quod intra <sup>e</sup> Carthaginiensis synodi decreta constitutum est, quasi proprium apostolicæ sedis amplectimur, quod scilicet tertio capitulo definitum est: Ut quicumque dixerit gratiam Dei qua justificamur per Jesum Christum Dominum nostrum, ad solam remissionem peccatorum valere quæ jam commissa sunt, non etiam ad adiutorium ut non committantur, anathema sit. Et iterum quarto capitulo: Ut quisquis dixerit gratiam Dei per Jesum Christum propter hoc tantum nos adjuvare ad non peccandum, quia per <sup>f</sup> ipsam nobis revelatur et aperitur intelligentia mandatorum, ut sciamus quid appetere et quid vitare debeamus, non autem per illam nobis præstari, ut quod faciendum cognovimus, etiam facere diligamus atque valeamus, anathema sit. Cum enim dicat Apostolus, *Scientia inflat, charitas vero ædificat* (I Cor. viii, 1), valde impium est ut credamus ad eam quæ inflat nos habere gratiam Christi, et ad eam quæ ædificat non habere, cum sit utrumque donum Dei, et scire quid facere debeamus, et diligere ut faciamus, ut ædificante charitate, scientia non possit inflare. Sicut autem de Deo scriptum est: *Qui docet hominem scientiam* (Psal. xciii, 10), ita scriptum est etiam: *Charitas ex Deo est* (I Joan. iv, 7). Item quinto capitulo: Ut quisquis dixerit ideo nobis gratiam justifi-

418 kalendis Maii habitum ea pertinere, cum ex Codice canonum Ecclesiæ Africanæ cap. 111, 112 et 115, tum ex veteribus exemplaribus codicis a Quesnello editi cap. 13, ut ex his Zosimi verbis liquet. Prosper vero lib. contra Collat. c. 5, e tribus illis decretis medium sic oratorio loquendi modo laudat: *Erraverunt Africana concilia, quæ decretis suis constituerunt, utrumque donum Dei esse, et scire quid faciamus, et diligere ut faciamus.* Hæc porro verba, *Illud etiam quod intra Carthaginiensis synodi decreta constitutum est, etc.,* non auctoritatem illarum collector, sed ipse Zosimus proficere ac proseguere censendus est. Neque vero in collectorem, sed in apostolicæ sedis præsulem conveniunt ista: *Quasi proprium apostolicæ sedis amplectimur.* Quæ autem hic a Zosimo vocantur 3, 4 et 5 capitula, in Quesnelli codice 4, 5 et 6 appellantur.

<sup>f</sup> In exemplis coll. Hadr. ut in codice Quesnelli, *per ipsum.* At in Cod. can. Eccl. Afric. Latine et Græce, *per ipsam,* quomodo legit Dionysius, atque etiamnum in regio exemplari collectionis ejus exstat.



cationis dari ut quod facere per liberum jubemur arbitrium, facilius possimus implere per gratiam, tanquam, etsi gratia non daretur, non quidem facile, sed tamen possimus etiam sine illa implere divina mandata, anathema sit. De fructibus enim mandatorum Dominus loquebatur, ubi non ait: Sine me difficilius potestis facere, sed ait: *Sine me nihil potestis facere* (Joan. xv, 5).

CAP. XI. — 12. Præter has autem beatissimæ et apostolicæ sedis inviolabiles sanctiones, quibus nos piissimi patres, pestiferæ novitatis electione dejecti, et bonæ voluntatis exordia, et incrementa probabili studio, et in eis usque in finem perseverantiam ad Christi gratiam referre docuerunt; obsecrationum quoque sacerdotalium sacramenta respiciamus, quæ ab apostolis tradita, in toto mundo atque in omni Ecclesia catholica uniformiter celebrantur, ut legem credendi lex statuat supplicandi. Cum enim sanctarum plebium præsules mandata sibi et legatione fungantur, apud divinam clementiam humani generis agunt causam, et tota secum Ecclesia congemiscente, postulant et precantur ut infidelibus donetur fides, ut idololatricæ ab impietatis suæ liberentur erroribus, ut Judæis, ablato cordis velamine, lux veritatis appareat, ut hæretici catholicæ fidei perceptione respiciant, ut schismatici spiritum reditivæ charitatis accipiant, ut lapsis poenitentiae remedia conferantur, ut denique catechumenis ad regenerationis sacramenta perductis cœlestis misericordiae aula reseretur. Hæc autem non perfunctorie neque inaniter a Domino peti, rerum ipsarum monstrat effectus: quandoquidem ex omni errorum genere plurimos Deus dignatur attrahere, quos erutos de potestate tenebrarum, transferat in regnum filii

<sup>a</sup> Nominatimque a Paulo I Tim. ii, 1, ejus verbis in medium prolatis scriptor librorum de Vocatione gentium lib. i. c. 12, subdit: *Præcepit itaque Apostolus, immo per Apostolum Dominus qui loquebatur in Apostolo, fieri obsecrationes, postulationes, gratiarum actiones pro omnibus hominibus, pro regibus, pro iis qui in sublimitate sunt. Quam legem supplicationis ita omnium sacerdotum et omnium fidelium devotio tenet, ut nulla pars mundi sit in qua hujusmodi orationes non celebrentur a populis Christianis. Supplicat ergo ubique Ecclesia Deo non solum pro sanctis et in Christo jam regeneratis, sed etiam pro omnibus infidelibus... pro Judæis, pro hæreticis et schismaticis. Nimirum justus Dominus pro omnibus sibi vult hominibus supplicari, ut cum videmus de tam profundis malis innumeros erui, non ambigamus Deum præstitisse, quod ut præstaret oratus est. Eodem argumento Augustinus non semel utitur. Ejus ex epistola 107, olim 207, ad Vitalem verba hic referre satis est: *Exsere, inquit n. 2, contra orationes Ecclesiæ disputationes tuas; et quando audis sacerdotem Dei ad altare exhortantem populum Dei orare pro incredulis, ut eos convertat ad fidem, et pro catechumenis, ut eis desiderium regenerationis inspiret, et pro fidelibus, ut in eo quod esse cœperunt, ejus munere perseverent, subsanna pias voces. Et num. 26: Numquid orate prohibebis Ecclesiam pro infidelibus, ut sint fideles pro iis qui nolunt credere, ut velint credere, etc.* Quibus locis ritus quem etiamnum Ecclesia in die Parasceves observat, antiquitas commendatur.*

<sup>b</sup> In mss. coll. Hadr., perfectione. Rectius Dion. codex regius, perceptione.

<sup>c</sup> Ita omnes mss. At editi, remedium conferatur.

charitatis suæ (Coloss. i, 13), et ex vasis iræ faciat vasa misericordiae (Rom. ix, 22). Quod adeo totum divini operis esse sentitur, ut hæc efficienti Deo gratiarum semper actio laudisque confessio pro illuminatione talium vel correctione referatur.

CAP. XII. — 13. Illud etiam quod circa baptizandos in universo mundo sancta Ecclesia uniformiter agit, non otioso contemplamur intuitu. Cum sive parvuli, sive juvenes ad regenerationis veniunt sacramentum, non prius fontem vitæ adeunt quam exorcismis et exsufflationibus clericorum spiritus ab eis immundus abigatur: ut tunc vere appareat, quomodo princeps mundi hujus mittatur foras (Joan. xii, 31), et quomodo prius alligetur fortis (Matth. xii, 29; Marc. iii, 27), et deinceps vasa ejus diripiantur: in possessionem translata victoris, qui captivam ducit captivitatem (Ephes. iv, 8) et dat dona hominibus (Psalm. lxxvii, 19).

14. His ergo ecclesiasticis regulis, et ex divinis sumptis auctoritate documentis, ita adjuvante Domino confirmati sumus, ut omnium bonorum affectuum atque operum, et omnium studiorum omniumque virtutum quibus ab initio fidei ad Deum tenditur, Deum profiteamur auctorem; et non dubitemus, ab ipsis gratia omnia hominis merita præveniri, per quem fit ut aliquid boni et velle incipiamus et facere (Philipp. ii, 13). Quo utique auxilio et munere Dei non aufertur liberum arbitrium, sed liberatur, ut de tenebroso lucidum, de pravo rectum, de languido sanum, de imprudente sit providum. Tanta enim est erga omnes homines bonitas Dei, ut nostra velit esse merita quæ sunt ipsius dona; et pro his quæ largitus est, æterna præmia sit donaturus. Agit quippe in nobis, ut quod vult et velimus et agamus, nec otiosa

<sup>d</sup> In uno ms. Remig. et Coislin., ut in vulgatis, confortati. In aliis, conformati. Præferimus cum Regio, confirmati. Hic locus quamdam habet cogitationem cum eo quo Augustinus librum suum de Dono perseverantiæ claudit, ubi operis sui scopum in mentem revocat his verbis: *Satis docuisse me existimo, vel potius plus quam satis, dona Dei esse et incipere in Dominum credere, atque in finem in Domino permanere. Cætera vero bona ad vitam piam qua Deus recte colitur pertinentia, etiam ipsi propter quos hæc agimus, Dei dona esse concedunt.*

<sup>e</sup> Apud Sirm. et Lab. desideratur omnia: quod cum aliis edit. omnes nostri mss. exhibent. Apud Fulgentium in epistola 16 Petri Diaconi et soc. ad Afros c. 8 legitur, *hominis omnis merita*; quæ lectio posset ferri, quatenus sententiam exprimit primario Cassiani commento contrariam. Is quippe, teste Prospero lib. contra ipsum definit. 5, eos pariter errare volebat, aut qui ex gratia nasci bonam voluntatem; aut qui gratiam ex bona voluntate pendere putant; decernebatque ita utramque sententiam suscipiendam, ut interdum gratia bonam voluntatem præveniat, quemadmodum in Paulo et Matthæo, et interdum ex bona voluntate pendeat, ut in Zacharæ et Latrone. Cui commento plane adversatur, qui a Dei gratia non hujus aut illius, sed omnis hominis merita præveniri docet. Verum, ut dixi, omnes mss. omnia habent. Sed et Prospero apud Augustinum epist. 225 eos ut non recta sentientes notat, qui refugiant fateri, ab ea (gratia) omnia bona merita præveniri, et ab ipsa, ut possint esse, donari.



in nobis esse patitur, quæ exercenda, <sup>a</sup> non negligenda, donavit, ut et nos <sup>b</sup> cooperatores simus gratiæ Dei. Ac si quid in nobis ex nostra viderimus remissione languescere, ad illum sollicite recurramus, qui sanat omnes languores nostros et redimit de interitu vitam nostram (*Psal. cii, 3, 4*), et cui quotidie dicimus: *Ne inducas nos in tentationem, sed libera nos a malo* (*Matth. vi, 13*).

CAP. XIII — 15. Profundiores vero difficiliioresque partes <sup>c</sup> incurrentium quæstionum, quas lotius pertractarunt qui hæreticis restiterunt, sicut non audeamus contemnere, ita non necesse habemus astruere, quia ad confitendum gratiam Dei, cujus operi ac dignationi nihil penitus subtrahendum est, satis sufficere credimus. quidquid secundum prædictas regulas apostolicæ sedis nos scripta docuerunt: ut prorsus non opinemur catholicum, quod <sup>d</sup> apparuerit præfixis sententiis esse contrarium.

• EPISTOLA XXII.

CŒLESTINI PAPÆ POST DAMNATIONEM NESTORII AD SANCTAM SYNODUM EPHESINAM SCRIPTA.

*Maximiani in locum Nestorii ordinationem laudat et probat. Nestorium Antiochiæ procul amandandum suadet. De iis qui cum illo societate conjuncti sunt, nominatione de Joanne Antiocheno quid statuendum, quidve sequendum sit, decernit.*

CŒLESTINUS episcopus sanctæ synodo apud Ephesum <sup>e</sup> constitutus.

1. Tandem malorum fine gaudendum est, tandem nobis omnibus in commune dicendum: *Dextera tua, Domine, glorificata est in virtute; dextera manus tuæ confregit inimicos* (*Exod. xv, 6*). Proprie namque ipsi <sup>f</sup> confracti sunt, quando iniqua loquentium, dicente David, os videamus esse obstructum (*Psal. lxxii, 12*). Hujusce tamen tam fideliter peractæ rei vos <sup>g</sup> exsecutores nobiscum videmus fuisse, Dei <sup>h</sup> sacerdotes;

<sup>a</sup> In ms. Reg. deest non negligenda.

<sup>b</sup> Lab. post Sirm., *operatores*. Retinendum cum aliis libris, *cooperatores*. Primum enim de gratia dicitur, *Agit in nobis*; tum de ejus donis sequitur, *non otiosa in nobis esse, sed exercenda et non negligenda*. Ex quo et apte consequitur, ut *cooperatores gratiæ Dei simus*. Quod quo pacto fiat, episcopi in Sardinia exules apud Augustinum append. tom. X pag. 154, et apud Fulgentium epist. 15 n. 11, ad Joannem et socios rescribentes explicant, scilicet ut sola Dei misericordia initium salutis conferat, cui deinde voluntas hominis cooperatrix suæ salutis existat; ut misericordia præveniens voluntatis humanæ dirigat cursum, et humana voluntas obediens, eadem misericordia subsequente, secundum intentionem currat ad bravium.

<sup>c</sup> Edit. Rom. ac veteres concil., *occurrentium*. Alii vero libri, nec non Crab. ad marg., *incurrentium*.

<sup>d</sup> Lab. et Sirm. post Crab. et edit. Rom., *quod apparuit*. Exempli coll. Hadri., *quod oportuerit*. Reg. ms. ac ceteri, *quod apparuerit*. In omnibus autem ad calcem subjicitur, *Explicunt auctoritates præteritorum sedis apostolicæ episcoporum de gratia et libero arbitrio*.

Epistolam hanc tresque subsequentes ab Antonio de Aquino acceptas Baronius in Annalibus ad ann. 432 primus in lucem emisit. Easdem Labbeus tum tom. II inter epistolas Cælestini ad imitationem Bini et Baronii, tum tom. III part. III Concil. Ephes. cap. 20, 21 et 22, correctiores recudi curavit. Eas ad perantiquum codicem Colbertinum, qui temporum

A qui convenientes in unum, et secundum Apostolum, non quæ vestra sunt querentes, sed quæ Christi Jesu (*Philipp. ii, 21*), negotium Domini communis egistis. Apud vos ergo de vestra loquimur sanetitate, quorum in omnem terram sonum gaudemus exisse, cum et in finem ejusdem orbis prædictæ veritatis a vobis verba venerunt (*Ps. xviii, 5*). Deus noster non patitur latere quod præstitit, quia nunquam beneficia superna celantur. Ita namque fit ut tanto munere innotescente cœlesti, pro voluntate divina, sicut scriptum est, omnis homo salvus fiat, et veniat ad scientiam veritatis (*I Tim. ii, 4*). Loquor ergo victoribus, et qui in prælium solam contra hostem portaverunt fidem, quæ, et Joanne apostolo dicente, vicit et mundum (*I Joan. v, 4*): vobis ejusdem proprie scribo sermonibus, qui secundum divinam paginam, ut patres cognovistis quod ab initio est, et ut juvenes, dum fortes estis, et verbum Domini in vobis manet, vicistis malignum (*I Joan. ii, 13, 14*). In talibus sociis gratulantes, de hoc eventu minime dubitabamus. Habuit animum nostrum fiducia <sup>i</sup> superandi, qui vobis videremus divinæ causæ pondus incumbere, quos bene admodum noveramus, secundum illud propheticum, odisse congregationem malignorum et cum impiis non esse sessuros (*Ps. xxv, 5*). J Obtinui ergo quod credidi, quia contra nocentes atque perversos, sicut supra dictus ait: *Innocentes et recti adhæserunt mihi* (*Ps. xxiv, 21*).

2. Una igitur eademque relatione per filios nostros religiosos et Deo amabiles viros Joannem presbyterum et Epictetum diaconum dejectionem justam, et exaltationem didicimus justiore; illud quod in Evangelio legimus approbantes, quia Deus noster exaltat humiles, et potentes de sede deponit (*Luc. i, 52*). A qua sententia ille noster sapientissimus minime de-

injuria in summis foliis corrosus est, quantum in nobis fuit, exegimus et castigavimus. Apud Lab. sanctæ memoriæ Cælestini hæc inscribitur, haud dubie quia ex aliquo monumento est descripta, in quo prolata vel laudata eo jam vita functo fuerat.

<sup>f</sup> Hoc est, quæ constituta fuerat; jam enim soluta erat synodus. Quocirca tres epistolæ sequentes, quamvis eodem die datæ, post synodum etiam in mss. inseribuntur. Idcirco autem Ephesinæ synodo hanc Cælestinus inscribit; quia ii episcopi qui Maximianum ordinarant, ab hac synodo in regiam urbem legati eam repræsentabant, cujus decreta fuerant exsecuti.

<sup>g</sup> Apud Baron., *defensores*. Rectius apud Lab., ut in ms. Colb., *exsecutores*. Jam in ipsa synodo Ephesina, Lab. tom. III pag. 618, Firmus Cæsareæ episcopus dixerat Cælestinum litteris formam regulamque præscripsisse, quam nos, inquit, secuti, formam illam executioni mandavimus.

<sup>h</sup> Lab., *fidei defensores*. At Baron. et ms. Colb., *fidei sacerdotes*. Legendum esse Dei (sen, o Dei) sacerdotes, persuasum nobis fuit ex his num. 3: Cum his senserit, quos ejus (Dei) noverit sacerdotes.

<sup>i</sup> Apud Baron., *sperandi*. Rectius apud Lab., *superandi*. Quippe Cælestinus loquens victoribus, quibus proxime dixit, *vicistis malignum*, eumque eventum sibi etiam antea dubium non fuisse testatus cur non dubius fuerit, nunc rationem reddi.

<sup>j</sup> Baron.: *Optime ergo credidi*.



viavit, qui ait, a Deo nostro humilium servatam memoriam, et perditam superbiorum (*Eccli. x, 21*). Quod quando magis videatur impletum, quam nunc, cum Salvator noster parans bene meritos honorare, ossa hominum sibi placentium dissipavit (*Ps. lxxv, 6*), et proviso pastore dignissimo (Maximiano), feralem lupum de ovilibus suis immaculatus Agnus eiecit? Legimus ejus a vestra fraternitate scripta <sup>a</sup> praeconia; nec quisquam nostrum mirari potuit, quia nota dixistis. Assertio impendatur incertis, testimonium comperta non quaerunt. Bonorum hunc actuum palæstra semper exercuit: talem hunc didicimus, qualem in litteris invenimus; talem certe, ut breviter dicam, qualem Doctor noster esse praecipit sacerdotem, ut convenienter omnium iudicio mereatur audire: *Ecce vere homo Israelita, in quo dolus non est* (*Joan. i, 47*). Noane laudibus in eum vestris ista conveniunt? Taliter denique quae dixistis, audistis. Talem successorem querebat sanctae memoriae Sisinii beata simplicitas, ut locum suum nonnisi sui similis obtineret. Etenim melius agimus, si abstinentes jam ab illius sacrilegi (Nestorii) nomine, sedem vacasse dicamus. Actum est divino iudicio ut hunc Ecclesia pro remedio mereretur. Denique discordiam tulit, et concordiam reddidit <sup>b</sup> ordinatus. Quid non poterit praestare per tempora, ejus hoc primordia praestiterunt? Haec de eo invicem dicimus, quem pax reparanda querebat. Interfuimus, nec nos dixerimus absentes, cum ejus capiti <sup>c</sup> verba mystica dicerentur, cum redderetur omnibus divina laetitia salutaris. Postremo nemo illic catholicorum defuit, ubi omnes in commune vicerunt.

3. Lætati praeterea sumus de hoc clementissimi et christianissimi principis testimonio, cum epistolis

<sup>a</sup> Neque hic placet quod apud Baron.: *Scripta primordia*. Hic memorantur praeconia quibus Maximianum in locum Nestorii suspectum synodica relatio exornavit.

<sup>b</sup> Colb. ms., *ornatus*.

<sup>c</sup> Apud Edmundum Martene, de Antiq. Rit. Eccl. tom. II pag. 340, is in ordinatione episcopi ex Pontificali ante annos 900 exarato praescribitur ritus: *Episcopus cum ordinatur, duo episcopi ponant et teneant Evangeliorum librum super cervicem ejus, et unus fundat super eum benedictionem; et postea istas tres orationes omnes episcopi qui adsunt recitare debent, reliqui vero manus suas super caput ejus tangant*. Quo respiciens Coelestinus, hoc nunc sibi vult: Et nos interfuimus Maximiani ordinationi, et orationes illas recitavimus quas recitare debent omnes episcopi qui adsunt, cum Evangelium super caput ordinati teneatur. Unde moris hujus probatur antiquitas.

<sup>d</sup> Baron., *multiplicat in Augusto*; et ad marg., *militat Aug. Malleus exsecuturo militavit*. Deinde aliquid suspicamur omissum; quo ut regem sacerdoti, ita sacerdotem Augusto militare docebamur. Unde sic intelligendum quod sequitur: Felix imperium seu imperator, cui militat is cujus est divina exsequi; nec minus felix antistes quem praedicat qui mundanorum dominatur.

<sup>e</sup> Nestorium tacite notat, qui post ordinationem coepit improbari.

<sup>f</sup> Aliquis forte hic mallet *tumidum*; sed ex eo quod mox assumitur, et tamen etiamsi desiderium fuit episcopatus, cupidum retinendum esse convincitur. Deinde ubi obtinebat *saltus evenit*, restitu-

A dilectionis vestrae ejus sententiam videremus esse concordem. Nec mirum est, si cor regis quod est in manu Dei (*Prov. xxi, 1*), cum his senserit quos ejus noverit sacerdotes. Itaque sermo regalis divinas res exsequendo <sup>d</sup> militavit Augusto. Felix imperium cui militat executio divinarum, nec hic minus felix quem praedicat dominatio mundanorum. Hoc testimonio dignus est qui ordinandus probari, non qui improbari potuit <sup>e</sup> ordinatus.

4. Scimus quo itinere sanctus frater et coepiscopus noster Maximianus, quibus gradatim stipendiis ad fastigium sacerdotale pervenit. Non hunc divitiarum gloria, non velut in potentia <sup>f</sup> cupidum, qui solet inesse ambientibus honorum, quibus <sup>g</sup> fidelis servus et prudens cibum dabat in tempore, super omnia Domini sui constitutus est bona (*Math. xxiv, 45, 47*): et tamen etiamsi desiderium fuit episcopatus, nonnisi propter opus bonum, sicut ait Apostolus, concupivit (*I Tim. iii, 1*). Ita Deus noster et quid velimus, et cur velimus attendit. Quis dubitet posse magis agere praesidentem, quod potuit exercere subjectus? Exosus et blasphemus (Nestorius) istud officium non poterat habere, id est, corporum curam, qui nitebatur animas vulnerare. Facta est ruina ejus magna; tam ruina magna, quam prava doctrina.

5. Nunc quia de praeteriti emendatione gaudemus, cavere nos convenit in futurum, ne possint magis ac magis quae abscissa sunt pullulare: quia necesse est quocumque pestis haec loci sit, nostri corporis membra vexentur, et per patientiam nostram pejora prioribus nutrita videantur. Scripsimus clementiae principali, ut de sanitatis medio longius infirmitas auferatur. Didicimus namque hunc Antiochiam <sup>h</sup> revertisse, atque sibi illic, unde venerat, vivendi praestitam

dum esse duximus *saltus evenit*. Nempe Coelestinus Maximianum a vitiis eorum procul abesse testificatur quos epist. 5 n. 2 culparat, *qui videlicet vacantes saeculo, et omnem ecclesiasticum ordinem nescientes, saltu praepropero in alienum honorem ambiunt immoderata cupiditate transcendere*. Inde et *cupidum* hic mutandum non esse firmatur.

<sup>g</sup> Hoc videtur dictum, quia oeconomus Ecclesiae CP. fuerit. Illum Socrates lib. vii c. 35 sanctitatis opinionem eo nomine adeptum esse praedicat, *quod propriis sumptibus monumenta construxisset, quibus religiosi viri post obitum sepelirentur*. Verum ex subnexis planum est, eum demandato sibi officio non in defunctorum tantum, sed et in vivorum corporibus curandis emicuisse. Qua in re dignum se exhibuit successorem Sisinii, quem Socrates lib. vii c. 26 in eandem sedem totius populi votis ob hoc praecipue cooptatum fuisse ait, *quod pauperibus fovendis etiam ultra vires suas incumberet*.

<sup>h</sup> Nestorius ipse apud Evagrium lib. i c. 7 refert sibi id roganti permissum esse, ut ad monasterium suum reverteretur situm ante portas Antiochia; et cum ibi quadriennio commoratus atque omni honore affectus fuisset, Theodosii imp. edicto, in locum qui Oasis dicitur, fuisse relegatum. Hoc monasterium, cujus nomen Nestorius silet, illud fuisse existimat Evagrius, quod Euprepium dicebatur. Quod autem Nestorius ibi se omni honore affectum dicit, mox Coelestinus confirmat. Verum illic eum ne biennium quidem totum exegisse in epistolam 6 Xysti III probaturi sumus. Variam exinde fortunam expertus est.



facultatem. Innocentium exitum est istud exsilium. Aspicimus diligentius quid illic possent parere, quæ illic sunt ante concepta. Non est nobis suadere difficile. In oculis est ejusdem civitatis Ecclesia, quæ per hunc <sup>a</sup> perdidit sacerdotem (et tamen laboramus advertere quis cui fuerit causa peccati), nisi forte, quod pro quiete Ecclesiarum dicimus, deceptum se ille demonstret, deserendo damnatum. Sed quis illic speret aliquem posse corrigere, ubi arcem tenere videat perversitatis auctorem, ubi colatur ab omnibus exsulatus? Magna illic est, quod lugentes dicimus, desperatio sanitatis, ubi, sicut Isaias dicit: *Omne caput in dolore, et omne cor in mœstitia a pedibus usque ad caput* (Isa. 1, 5, 6). Quando ibi membrum aliquod habere poterit spem salutis, ubi periclitatur corporis tota compago? Elaborate, fratres charissimi, elaborate obsecro, ut vere tollatur de medio vestrum qui hoc opus fecit (1 Cor. v, 2). Sola decet tales homines solitudo. Ubi enim debet hic invenire solatium, qui sic tractavit ubique regnantem?

6. Peracta est a vobis totius summa negotii: agendum nunc est quod instat et restat, ne sit in vacuum laboratum. Longius quidem sumus positi, sed per sollicitudinem totum propius intuemur. Omnes habet beati Petri apostoli cura præsentes, non nos ante Deum nostrum de hoc possumus excusare quod scimus. Nam quamquam hæc quæ loquimur sanctitas vestra taruerit, agnovimus tamen omnia diligentius requirentes. Tantæ igitur causæ finis qui superest

<sup>a</sup> Apud Baron., *perit*, quod et Lab. tom. III pag. 1070 malle se annotat. Retinendum tamen *perdidit*. Antiochena scil. Ecclesia per Nestorium perdidisse dicitur episcopum suum Joannem, quod eidem Nestorio pertinacius adhæreresceret, nondum quidem depositum, sed a communione Ecclesiæ submotum, ac certe deponendum, nisi damnatum Nestorium deserendo, sese deceptum demonstret.

<sup>b</sup> Respicit Cœlestinus ad imperatorum sacram, qua episcopi ad Ephesinam synodum vocati fuerant. Hanc quippe ab his auspiciis verbis: *Pendet a religione qua Deus colitur nostræ reipublicæ status*, sic post pauca proseguuntur: *Ante omnia operam damus ut ecclesiasticus status ejusmodi sit, qui et Deum deceat, et temporibus nostris quam maxime congruat, idemque ex omnium concordia et consensione suam tranquillitatem obtineat*.

<sup>c</sup> Baron. ac Lab. tom. II: *Fortis cui fidelis est cursus*. At Lab. tom. III revocavit *sui*, quod retinendum. Item antea, loco *fortis*, legendum esse *fontis* nobis persuasum est, hæc videlicet ratione: *Fidelis cursus custodit fontis sui exordium*.

<sup>d</sup> Editi. *præcipitantibus*; corriguntur ex ms. Colb.

<sup>e</sup> Apud Lab., *modis omnibus*. Præferendum cum Baronio et ms. Colb., *modis talibus*, hoc est, Nestorium totius mali caput procul ablegando. Quanti facienda et unde commendata sit Antiochena Ecclesia, eadem ratione Innocentius epist. 24 n. 1 explicat.

<sup>f</sup> Forte, *hominibus*.

<sup>g</sup> Computato videlicet tempore quod in itinere conficiendo consumpturi erant.

<sup>h</sup> Baronius, quem et Lab. tom. II sequitur, *parum pie consensisse*. Mox solus Lab. tom. III pro *sceleribus*, substituit *sceleris*. Quo hæc attineant, inter eruditos controversitur. Hic nonnulli notari putant Ephesini concilii canonem 4 quo statuitur: *Si qui autem clericorum defecerint, et ausi fuerint vel privatim vel publice quæ sunt Nestorii aut Cœlestii sapere, sancitum est a sancta synodo istos quoque depositos*

A actibus vestris queso respondeat, quia nolumus in modico vos deesse, qui maxima peregistis. Adjutorio apud reges terræ his estote quæ scripsimus. Norunt et ipsi quid suis debeant præstare <sup>b</sup> temporibus, sciunt quod catholicæ fidei fundamento sua regna subsistant. Pura ab hæredibus sanctis paternæ et avitæ credulitatis vena servatur, fluit ab illis incorrupta per posteros, nec hanc in his aliquis umquam limus infecit. Custodit fontis <sup>c</sup> sui fidelis cursus exordium, cum id quod in origine acceptum est videtur in prole.

7. Canem et operarium malum pariter persequamur. Facite præsentes, quod hortamur absentes. Nam cum hanc curam generaliter omnibus debeamus, præcipue tamen nos convenit Antiochenis <sup>d</sup> periclitantibus subvenire, quos pestifer morbus obsedit. Absolvamus modis <sup>e</sup> talibus civitatem, in qua, sicut Actus Apostolorum loquuntur, dictos primum legimus Christianos (Act. xi, 26). <sup>f</sup> Omnibus ergo virtutem præstemus, quibus secundum religionem debere nos novimus quod vocamur. Hanc autem sollicitudinem nostram præsentes probarunt Deo amabiles filii et charissimi atque animis nostris acceptissimi Joannes presbyter et Epictetus diaconus, quos reversos ad vos festinato remisimus, sollicitius hoc agentes, ut quos diebus Dominicæ nativitatis accepimus, resurrectionis Dominicæ tempore <sup>g</sup> redderemus.

8. De his autem qui cum Nestorio videntur <sup>h</sup> pari

C esse. Tillemontius tom. XIV pag. 498 hæc Cœlestini dicta referri posse censet ad eam synodum in qua Himerius Nicomediæ, Helladius Tarsi, Eutherius Tyanorum et Dorotheus Marcianopolis episcopi depositi sunt. Et ea quidem in synodo in qua Maximianus in locum Nestorii suffectus est eo modo quo apud Baluzium nov. coll. concil. pag. 581 paucis narratur, quatuor episcopos illos depositos fuisse Garnerius in Mar. Mercat. part. II pag. 557, pro certo ponit. Verum, inquit laudatus Tillemontius loco citato pag. 497, Maximianus ordinationis suæ indices litteras ad Helladium misisse in synodico apud Baluzium nov. coll. concil. cap. 48 et 49, pag. 752 et 753 legitur, ac repugnat eum episcopi quem ab ordinantibus suis depositum sciret, communionem expetisse. Sed quæri vicissim potest an communionem expetierit episcopi quem Ephesinæ synodi sententia act. 5 lata, et act. 7 repetita, communionem ecclesiasticam et omni sacerdotali potestate privatum nosset. An forte Helladio aliisque qui cum Joanne Antiocheno præsule convenerant, *allata fuit Maximiani synodica*, ut si illam susceperent, Nestorii depositionem et cætera quæ in Ephesino concilio fuissent gesta probare ac suscipere iudicarentur? Si Helladius ex eo quod synodicam Maximiani suscipere detrectasset, subinde ab episcopatu amotus est, necdum hoc rescire potuerat Cœlestinus, cum hanc epistolam scripsit, utpote iis ipsis redditam qui eandem Maximiani synodicam attulerant. Nihil igitur restat, nisi ut eos qui Constantinopoli ad ordinandum Maximianum convenerant, Ephesinæ synodi moderatione non contentos, severiorem adversus Nestorii socios ac fautores sententiam protulisse censeamus, qua illis etiam resipiscuntibus veniæ spes adimebatur, quod nunc Cœlestinus improbat. Eius autem moderationi consentaneum est Theodosii de pace constitutum ad Joannem Antioch. missum, quod legere est in part. concil. Ephes. c. 30.



impietate sensisse, atque se socios ejus sceleribus addiderunt, quamquam legatur in eos vestra sententia, tamen nos quoque decernimus quod videtur. Multa perspicenda sunt in talibus causis, <sup>a</sup> quæ apostolica sedes semper aspexit. Quod loquimur, Cœlestianorum testantur exempla <sup>b</sup>. Qui spem de synodo huc usque gesserunt, habent, si resipiscunt, copiam revertendi: quod his solis non <sup>c</sup> permittitur, quos proprie cum auctoribus hæreseos omnium fratrum constat subscriptione damnatos. Per Dei namque misericordiam <sup>d</sup> aliquos ex eorum numero ad nos jam rediisse gaudemus. Quod hoc consilio factum est, ut quos conscientia mixta non poterat, saltem sententia separaret. Hoc, moneo, vestra fraternitas sequatur exemplum. Sit caput sceleris cum his quos <sup>e</sup> synodalia loquuntur statuta damnatum; reliqui, quos cum hoc sentientes in communione ecclesiastica non habemus, ejiciantur e civitatibus suis, et se in nostro collegio noverint non futuros, nisi secundum ecclesiasticum et Christianorum principum constitutum, damnata <sup>f</sup> cum actoribus sociisque damnantes, se profiteantur catholicos sacerdotes. Quam formam etiam circa eos volumus custodiri, qui subripiendum <sup>g</sup> in ecclesiasticis causis Christianis principibus crediderunt, et alio ordine rursus Ecclesias occuparunt. Antiochenum vero, si habet spem correctionis, <sup>h</sup> epistolis a vestra fraternitate volumus conveniri, ut nisi quæ sentimus senserit, novellam blasphemiam, eodem exemplo, scripta sua professione condemnans; intelligat de se quoque Ecclesiam, quod fidei nostræ respectus imperat, ordinare. Credendum tamen de divina est misericordia, quod omnes in viam redeant veritatis, si de supra-

<sup>a</sup> Baron., quas. Rectius Lab. cum ms. Colb., quæ, referturque ad multa.

<sup>b</sup> In vulgatis, testantur exempla quod spem de synodo huc usque gesserunt. Quam primum conjectura restituendam putabamus lectionem, codex Colbertinus firmavit. Hoc ita intelligere est: Qui spem veniæ quam ipsis resipiscuntibus synodus fecit, huc usque gesserunt, etiamnum eadem conditione copiam habent revertendi.

<sup>c</sup> Non quod his omnis ad Ecclesiam negaretur aditus, sed quod cautius permitteretur, et quod cum aliis redeuntibus sui servarentur interdum gradus, hæreseos ducibus solum penitentiae remedium concederetur. Istud unum Pelagio ac Cœlestio reliquum fuisse Augustinus non semel asserit. Cœlestinus autem hærendum putat decreto quod Hilarius primum anno 355, ut ipse lib. contra Constantium num. 2 narrat, adversus Arianos edidit, quodque postea tota Ecclesia, nominatimque Romana, adversus reliquos hæreticos perpetuo usu comprobavit; ut nimirum hæreseos capita quæ in aliorum perniciem male proficerent, amputarentur, indulta cæteris eorum consor-  
tibus resipiscendi facultate.

<sup>d</sup> Istud aliquos referri commodè potest ad Cœlestianos, ita ut probare incipiat Cœlestinus quid eorum testentur exempla. Certe Mar. Mercator in Commonitorio quod anno 429 scripsit, ubi Cœlestium ac Pelagium Zosimi tractoria damnatos, illorum damnationem Patrum per orbem subscriptionibus roboratam, ac Julianum et socios ei subscribere detrectantes depositos fuisse narravit, adjungit: Ex quibus plurimi resipiscentes, et a prædicto errore correcti, regressi sunt supplexes ad sedem apostolicam, et suscepti suas

A dicto loco horum malum caput et causa <sup>i</sup> auferatur.

J Data idibus Martiis, <sup>k</sup> Aetio et Valerio consulibus.

### EPISTOLA XXIII.

COEDESTINI I PAPÆ AD THEODOSIUM JUNIOREM AUGUSTUM,  
POST SYNODUM.

*Victoriam per eum de inimicis Christi esse partam. Quanta hinc ejus gloria, Maximiani ordinationi merito eum suffragatum esse. Ut Nestorium ab omni societate removeat. Qui legatos cum sacris apicibus susceperit. Possessiones Ecclesiæ in Asia a Probris relictas ei commendat.*

COEDESTINUS episcopus THEODOSIO Augusto.

1. Causis suis divinam providentiam præstitisse quod sperabamus, agnovimus. Nec enim aliud futurum mentes poterant æstimare fidelium regnantibus vobis, quam id quod evenisse gaudemus: ut prædicatio in Deum impia concideret, et cum suo auctore novi dogmatis damnata pravitas deperiret. Illata quidem fidei bella sunt, et Regis æterni sacrilegis verborum jaculis nativitas appetita: sed vos Christo Deo nostro auctore regnantes, hostes impios fidei vestræ virtute vicistis, cœlestem revocantes triumphum, per quod religioso munimen in perpetuum præstetis imperio. Vere enim prophetica gloriæ vestræ vox convenit, et regnum vestrum dici potest regnum omnium sæculorum (*Psal. cXLIV, 13*), quod defensæ fidei meritis propagatur; et crescente sanctæ religionis observantia, Christianæ insertum reverentiæ semper augetur, gloriosissime et tranquillissime imperator Auguste. Ecce nunc domus Domini orationibus vacant, et vestrum per omnes Ecclesias, Deo nostro oblatis sacrificiis, commendatur imperium. Nihil, amoto perturbatoris ausu, scandalis li-

*Ecclesias receperunt; prius scilicet ut ad ejusdem Commonitorii calcem adjicitur, Pelagio damnato, sedi apostolicæ se submittent, et penitere se super his quæ male senserant profitentes.* Unde liquet Cœlestinum, iis ob oculos positis quæ post damnatos a Zosimo Pelagianos circa eodem gesta sunt, ea quæ erga Nestorii fautores gerenda sint præscribere.

<sup>e</sup> Qui scilicet in sententia synodi Ephesinæ act. 5 prolata, et act. 7 ante canones repetita recensentur.

<sup>f</sup> Hoc est, ea quæ damnata sunt. Baronius hæc ita mutavit: *Damnata hæresi cum auctoribus sociisque damnatis.* Christianorum principum constitutum proxime laudatum non aliud videtur ab eo quod Theodosius imp. part. in concil. Ephes. cap. 47, in alia sacra mense Aprili anni 433 data commemorat his verbis: *Decernimus etiam ut quicumque impiam Nestorii opinionem æmulantur, vel nefariam ejus doctrinam sectantur, siquidem episcopi aut clerici fuerint, ex sacris Ecclesiis expellantur; sin vero laici, anathematizentur, prout jam quoque a sacra majestate nostra lege cautum est.*

<sup>g</sup> Baron., ex ecclesiasticis causas a principibus. Legit quoque Holsten., causas.

<sup>h</sup> Idem pro epistolis substituit episcopum.

<sup>i</sup> Scilicet Nestorius, qui demum in exilium, ipso Joanne Antiocheno agente, deportatus est.

<sup>j</sup> Martii 15 ann. 452.

<sup>k</sup> Colbertinus codex in his consulibus notandis non sibi constat. Nam hic Aetio et Valerio, in sequenti epistola Flavio Ethio et Valerio, in subsequenti Flavio et Valerio, in postrema Flavio Eatio et Valerio exhibet.



et; pestifer ulterius animas hominum sermo non vulnerat: salutem omnibus suarum animarum, dum universali Ecclesiæ consultis, reddidistis. Hæc est vestra prædicandj regni vestri clementia, per quam non terræ, non provinciæ, sed omnium animæ sunt defensæ. Imputabitis hanc omni modo victoriam, quam non bellis, non gladiis, sed sola devotione qua Deo estis dediti, conquisistis.

2. Manet hic vestræ gloriæ titulus, et manebit, ut nulla illum ætas, nulla vetustas aboleat. Æterna enim sunt quæ æterni Regis amore præstantur. Sic Abrahamæ fides sæculis durat. David regis meritum Dei zelus fecit esse perpetuum, cum inimicos Dei suos credidit inimicos, et odisse quos Deo odibiles approbasset (*Psal. cxxxviii, 21, 22*). Elias etiam propheta falsa prophetantes non fuit contentus refellere, sed etiam in illos voluit vindicare; ut eos persequendo perderet, quos in perditionem sui populi niti pervideret (*III Reg. xviii*). Par tibi cum illo gloria. Ille falsa prophetantibus restitit, tu falsa docentibus. Ille mentientes in Deum prophetas persecutus est; tu de Christo Deo nostro prædicantes impia ab eis sacerdotes. Ille tantum vindictæ intentus est; vestra pietas sic impia vindicat, ut quæ sunt religiosa defendat.

3. Nec enim sufficeret abegisse morbos et pestilentiam repulisse, nisi et salubres auras redderes, et vitalem infectis substantiam ministrares, talem illi Ecclesiæ constituendo pontificem, qui olim hoc se dignum fastigio omnibus quibus notus est approbasset. Fert illi, ac si sui \* corporis parti, Romana testimonium, quæ hunc semper inter suos habuit et numeravit, Ecclesia: ferunt suorum merita, quibus sancte adhæserat, decessorum. Ita enim reverendissimæ memoriæ viro Attico, catholicæ fidei propugnatori fortissimo, mente pariter et officio cohærebat, ut jam tunc futuri in eodem episcopatus insignia prælucere. Sed sit hoc arcano divinæ majestatis arbitrio, ut in posterum quæcumque sunt meliora serventur, et ad quietem per aliqua turbatorum scandala veniatur. Debitum est fratris mei Maximiani episcopi gloriæ, ut aliquem illi prælatum fuisse in hoc quod sustinuit civitas pœniteret; et nunc electo eodem, illi se integritatem fidei debere sentiret.

4. Sed huic tantæ pro suo merito illius Ecclesiæ sacerdoti electo taliter, et consensu sanctæ congre-

A gationis quæ interfuit, ordinato ad componendum Ecclesiæ statum, et omne vulnus prævæ hæresis radicitus evellendum, ne audeant quæ abeissa sunt pullulare; obsecramus et poscimus sub illius invocatione quem colitis, fidei <sup>b</sup> vestræ ut consuestis arma præstetis. Nunc enim est omnis opponenda custodia, ne rapax lupo ovilibus dominici gregis, cum sævierit, exclusus rursus serpentino lapsu ad mortem perveniat animarum, effossis qua potest parte cuniculis. Nec enim potest quiescere, cum prædam suæ rapidus cupiat incubare. Munimen sanis, remedia præbete sanandis. Vallate muris vestræ fidei religionis catholicæ veritatem, per quos et credentes muniti sint, et tanti sequaces erroris non audeant introire. Hic enim plenus victoriæ vestræ fructus est, B nihil relinquere quod rursus Dei Ecclesia debeat formidare. Quem igitur universorum ejecit sententia sacerdotum in prædicatione sacrilega perdurantem, eum vestra clementia ab omni societate removeat, ut facultatem aliquos perdendi non habeat.

5. Religiosos vero filios meos Joannem presbyterum et Epictetum diaconum, tantæ rei nuntios, cum totius Ecclesiæ gratulatione suscepimus, et lectis in <sup>c</sup> totius congregatione Christianæ plebis apud beatissimum apostolum Petrum vestræ pietatis apicibus, Deo nostro pro vobis vota persolvimus. Ita enim ad vos agente Domino pervenerunt, ut ad eum diem quo celebrabamus Christi Dei nostri natalem secundum carnem, cui quæstio inferebatur, concurrerent, et impietatem conjunctim universa congregatio confutaret. C

6. Causæ fidei congrue et ecclesiasticæ et pauperum utilitatis causa subjungitur: ut qui integritatem fidei præstitistis, pauperum quoque commodis consulatis. Illustris et sanctæ recordationis Proba possessiones in Asia constitutas longa a majoribus vetustate sic reliquit, ut majorem summam reddituum clericis, pauperibus et monasteriis annis singulis præciperet erogandam. Sed hæc possessiones ibidem constitutæ, in damnum pauperum hujus negligentia, ut gravius nihil dicamus, qui his præfuerat, ea sunt ratione tractatæ, ut non solum consueta non solverent, verum etiam subreptitia imperatione earum <sup>d</sup> jus dominiumque violetur. Rogamus pietatem vestram ut religiosæ et illustri domui et Ecclesiæ <sup>e</sup> pro elementia vestra præstetis, ut omnis ab his insi-

quo simpliciter diceremus *fidem vestram, vel vestræ arma.*

<sup>c</sup> Baron. cum ms. Collb., in totius congregationis Christianæ plebis. Lab., in tota Christianæ plebis congregatione. A ms., ut minimum potuimus, recessimus. Hinc vetus præsulum, nominatimque Romano rum firmatur mos, quo litteras quæ ad Ecclesiam attinebant, in ecclesia coram plebe legi curabant. Superius \* Liberium audivimus testantem se Orientalium litteras intimasse, legisse Ecclesiæ et Aegyptiorum episcoporum de Athanasio sententiam similiter recitasse.

<sup>d</sup> Apud Baron., justum dominium

\* Vide tom VIII nostræ Patrol.

\* Romana Ecclesia Maximianum semper inter suos numerasse eo sensu intelligi potest, quo Cælestinus epist. 22 num. 3 adversus Massilienses qui Gallias conturbabant, dixit: *Nefas est hæc pati religiosas animas, quarum afflictione, quia membra nostra sunt, nos quoque convenit macerari*: quia videlicet Maximianus Romanæ Ecclesiæ fidei communione numquam non cohæsit. Sed eum præterea Romanum ortu fuisse Græcorum Menæa testantur; idque firmat Maximiani nomen, quod certe Græcum non est: neque tamen Ecclesiæ Constantinop. videri debebat alienus, utpote quem in ejus sinu consensus-e ex subnexis liquet.

<sup>b</sup> Lab., nostræ. Magis placet cum Baron. et ms. Collb., vestræ. Ita infra, Vallate muris fidei vestræ, non nostræ. Hic fidei vestræ arma eo dicitur modo



diantium inquietudo discedat, et tam Ecclesie quam A suis dominis sit tuta possessio : ut quod inde alimentum pauperum acquiritur, vestrum e-se credatur. \* Data idibus Martiis, Flav. Aetio et Valerio viris clarissimis consulibus.

## EPISTOLA XXIV.

COELESTINI I PAPÆ AD MAXIMIANUM CONSTANTINOPOLITANUM EPISCOPUM, POST SYNODUM.

*Ipsius electionem suo suffragio confirmat; atque ut Ecclesie sibi commissæ damnæ resarciat, et Cœlestiano errori vigilanter obsistat, hortatur.*

COELESTINUS episcopus MAXIMIANO episcopo Constantinopolitano.

1. Vidimus et amplexi sumus fraternitatem tuam in litteris tuis, talemque sanctitatem tuam, qualem noveramus, inspeximus, simplici scilicet puritate gloriosam, et mentis fulgore potius quam <sup>b</sup> sermone B perspicuam. <sup>c</sup> Sed in se atque in statum suum illa de cujus fide semper gloriabamur Ecclesia, quæ nunc te præselem divino iudicio accepit, postquam illum qui eam obsidebat eiecit. Sume gubernacula notæ tibi navis, eamque ut didicisse te a tuis prioribus novimus, rege. Obsiste undis quas ille ventus, qui et a navi vectores abegerat, sed omnibus inimicus excivit, omni eam laterum cupiens compage dissolvere, ut rapidis eam posset vorticibus devorare; professus falsum (quid enim non iniquitas profitetur?) gubernatoris officium, ut videretur regere, quos perdere nitebatur.

2. Adhuc te excitatæ ab eodem undæ circumsonant, et elati fluctus vel procellæ sollicitant. Resiste C pervigil, et commissæ tibi navis magister saluti commissorum tibi qua potes cura succurre. Fac quietum mare esse quo navigas; fac tua arte tutam navem post eas tempestates quas sustinuerat, quam gubernas. Illum sequere piscatorem, qui maris aquas pedibus, ut ad Christum Dominum nostrum quem ambulantiem in mari viderat, posset pervenire, calcavit (*Matth.* xiv, 29). Sequere priorum a quibus eruditus es et nutritus, exempla pontificum, beatissimi Joannis in prædicando scientiam, sancti Attici in repurgandis hæresibus vigilantiam, decessoris tui Sisinnii, cujus te successorem credimus, simplicem puritatem, ut de illa, sicuti solebamus, gratulemur Ecclesia. Congrega sparsos, piūque animum qualem te habere novimus, in eos quos dissipaverat perturbator exerce. Congrega populos tuos ad matris

sue ubera; revoca quos <sup>d</sup> inhibito venient sapore abstraxerat inimicus. Confirma in fide quos videris appetitos, cura quos inspexeris vulneratos, remove qui non sentiunt medicinam. Interdum enim <sup>e</sup> dolore tollitur, et cum ea quæ sunt noxia præciduntur, salus reliquis præparatur. Latus campus est, frater charissime, in quo gloriam et vigilantis pastoris et benigni sacerdotis exerceas, et <sup>f</sup> saporem Christianæ salubritatis infundas : ut plus in reparando potuisse te liqueat, quam ille p. tuit in lædendo, qui imitator diaboli maluit esse quam Christi, perturbans omnium Ecclesiarum quietem; cui nunc debemus operam in commune præstare, ut omnium una fides et unus sit animus sacerdotum. Teneat manus tua Dominicum ventilabrum, et purget arcam creditam tibi, ut a frumentis paleæ separentur (*Luc.* iii, 17), et omne, juxta mandatum Christi Dei nostri (*Matth.* xiii, 30), horreis triticum aggregetur.

3. Locum impietas novella non habeat, et compresso olim <sup>g</sup> per totum orbem sua damnatione noto Cœlestiano errori tua vigilantia resistatur : ut quicumque hujus dogmatis sunt sequaces, ab omni societate hominum repellantur. Obsistat illis per te Spiritus sanctus his in omnibus qui ad has quascunque conantur provincias pervenire, ne eorum impia prædicatio resurgat. Obsiste eis : ita enim, ut damnentur quocumque perveniunt, innotescunt, et tamquam non illis sententia toties repetita sufficiat, longinquas terras remotasque provincias inquietant. Sed eos ille persequitur, ejus fidem sua pravitate D persequi nitebantur, <sup>h</sup> et a quo se abscondere, ad quasvis latebras confugiant, sua se impietate prodentes, non possunt. Filios vero nostros religiosos viros Joannem presbyterum et Epictetum diaconum cum magna lætitia suscepimus, et cum majore gratulatione remisimus. <sup>i</sup> Data idibus Martiis, Fl. Aetio et Valerio viris clarissimis consulibus.

## EPISTOLA XXV.

COELESTINI I PAPÆ AD CLERUM ET PLEBEM CONSTANTINOPOLI CONSTITUTAM, POST SYNODUM.

*Nestorii exagitat pravam doctrinam, pertinaciam, superbiam; ac subinde damnationem ejus justam fuisse ostendit. Idemtidemque et suum erga Constantinopolitanos studium, et horum in fide constantiam*

<sup>a</sup> Martii 15 ann. 432.

<sup>b</sup> Baron., *quam honore*. Lectioni ms. Colb. et Lab. suffragantur Socrates lib. vii c. 35, ac Liberatus diac. c. 7, a quibus Maximianus, in sermone rudis et impolitus prædicatur : forte quia collatus cum Nestorio qui eloquentia pollebat, in sermone imperitus videbatur. Epistola ejus ad Cyrillum, quæ una ad nos pervenit, habeturque part. iii concil. Ephes. cap. 17, etsi virum humana facundia non admodum expoliturum, certe Christianis sensibus probe instructum spirat.

<sup>c</sup> Baron., *quem in se*, renitentibus mss. Integra erit lectio, si pro *Sedit*, restituatur *Redit*, quomodo nos, consulta Labbei ea de re conjectura, corrigendum esse cum illo opinati sumus.

<sup>d</sup> Apud. Lab., *invitos*. Ex Baronio revocamus, *inhibito*, quamvis malletus, *imbibito*; quod et Lab. ad marg. annotavit.

<sup>e</sup> Baron. præfert, *dolor*. Forte legendum, *Ægritudo enim dolore tollitur*, loco particulæ interdum substituta voce *ægritudo*.

<sup>f</sup> Apud eundem, *et sapore mentes*.

<sup>g</sup> Scilicet Zosimi tractoria ad omnes Ecclesias missa.

<sup>h</sup> Editi, *et quo se abscondant*, ad quas latebras confugiant; resarciuntur ope ms. Colb., in quo tamen ad *quesvis*, pro *ad quasvis*. Sed in mss. frequens est at pro *ad*; et facilis est a in e mutatio.

<sup>i</sup> Martii 15 ann. 432.



*commendat. Maximianum ipsis præfectum paucis ad calcem laudat.*

COELESTINUS episcopus clero et plebi consistentibus Constantinopoli.

1. Exsultatio matris est congregatio filiorum. Denique lætatur Ecclesia ita se filios quos diabolus disperserat, iterum congregasse, ut ex his nisi filius perditionis nemo sit perditus, quia eum filium suum nequaquam pater agnovit. Illum namque ex quo erat, sicut legimus (*Joan. viii, 44*), imitatus, vobis legitimis Dei filiis hæreditatem conabatur auferre; quos, dicente Apostolo (*Rom. viii, 17*), pro fide vestra et hæredes Dei et Christi nostri futuros credimus cohæredes. Non ergo ei palmam de his referre permissum est, qui de ipso magis per arma fidei triumpharunt. Victores vos, immo communis regis de hoste victoriam loquitur tyrannus exclusus; vicit in vobis, cujus incerta fieri divinitas putabatur. Separetur <sup>a</sup> nativitas, quæstionem dixerim, quam sibi unusquisque bene credens debet simpliciter aperire. Quis enim ad examen vocare audeat Deum, eumque discutere qualiter venerit subvenire? Non fuit difficile Deo posse quod voluit, cum dignatus est liberare qui potuit. Sed unde illi peccatori in tanta caligine sua lumen <sup>b</sup> non videre? unde terrenis argutiis in superioribus positam colligere veritatem? Hæc in tenebris suis videre non possunt, qui lucernæ illius verbum nesciunt, quod esse lumen semitis suis David propheta testatur (*Psal. cxviii, 105*). Cum quo <sup>c</sup> psalmigrapho, ut supra diximus, matrem lætantem in utero suum, quem dissipatio huc usque ridicula et blasphemata turbabat, reversis filiis suis cantare delectat: *Ecce quam bonum et quam jucundum habitare fratres in unum* (*Psal. cxxxii, 1*)! Competenter hæc ergo verba de eo fuerim mutuatus; mihi namque ex parte maxima, venerandæ Trinitatis auxilio, Ecclesiæ universalis quietem et summam præsentium vindico gaudiorum, quem huc usque qui scandalizabantur urebant (*II Cor. xi, 29*), et infirmitas aliquantum faciebat infirmum.

2. Meminit charitas vestra apud vos mihi <sup>d</sup> dudum

<sup>a</sup> Labbeo post Baron. magis arrisit *pravitas*, reiecto ad oram *nativitas*; quod verbum exstat in mss. Eo autem significatur quæstio de Domini nativitate ex Maria. Hoc enim sibi vult: *Non nos detineat nativitas, hoc est quæstio, quam quisque bene ac simpliciter credens apertam ac certam habere debet.*

<sup>b</sup> Expungendum videtur, non.

<sup>c</sup> In vulgatis *psalmographo*. Ex mss. revocamus *psalmigrapho*, quod ea ratione dicitur, qua infra idem propheta *hymnicus*, non *hymnodicus*, prædicatur.

<sup>d</sup> Epist. 14 num. 5 et seqq.

<sup>e</sup> Lab., *non ea qua terra*; Baron., *non ea terra quæ*. Ex mss. fide restituimus, *non ea terræ*, quod referri potest ad *superfusa*. Nitidior esset lectio huiusmodi: *Non ea terram quæ suscepit, sed alia ei superfusa corrumpunt.*

<sup>f</sup> Scilicet Joanni, Attico atque Sisinio, quorum Nestorius indignus successor, etiam laudibus quibus illi celebrati sunt indignus fuit. Illos tamen velut in erudiendis populis negligentes ac desides hic hæresiarcha apud Mar. Mercat. edit. Baluz. pag. 210 edit. Garn. part. II pag. 8 et 9 culpæ non veretur his

A de patientia fuisse sermonem. Jactavi quæ debui semina sacerdos in animo Christiano, nec me in vobis seges expectata decepit (*Matth. xiii, 24, 25*). Quid enim patientiæ vestræ mes-sis intulerit, ip-si fructibus approbatis. His invidens severat peritura zizania intra aliquantum mentes agricola periturus; severat longe aliud quam acceperat seminandum, vel invenerat seminatum. Habemus certe fidei nostræ semina, quæ ipsius Domini sermo vel apostolorum doctrina jactavit; quæ, quoties ista contingunt, non ea <sup>a</sup> terræ quæ suscepit, sed alia superfusa corrumpunt. Nihil vestræ simplici fidei messis Domini poterit imputare, qui in Evangelio auctorem zizantiæ interrogatus ostendit. Illi tum dixerunt: In bono semine unde zizania (*Ibid. 27*)? nos dicamus. B In tanto regno fidei unde perfidia? Respondemus tamen vobis sermonibus Christi, *Homo inimicus hoc fecit* (*Ibid. 28*). Qualiter vos exercuit priorum palæstra doctorum, fortitudo vestræ mentis astruxit. Ipsi <sup>f</sup> agnitionem debetis huius erroris, quorum hic indignus laudibus fuit. Qui bona tam gloriosa despexit, non <sup>e</sup> partim columbæ simplicitati (*Matth. x, 16*), sed in toto studuit serpentis astutiæ.

3. Nec mirum si parans occidere simplices animos, eum suadendo secutus est qui suadendo primus occidit. Denique verbis illum legimus decepisse; hic inferre mortem non nisi per verba tentavit. Non tamen impune suum est secutus auctorem, quando Judæ episcopatum <sup>h</sup> ejus alter accepit (*Act. i, 20*). Jure utrumque tenet una sententia; quia in unum, sicut legimus, ambo peccaverunt. Sit licet uterque ante oculos nostros Salvatoris nostri calumniator et traditor, tamen deliberare difficile est inter discussorem nativitatis et mortis auctorem. Facti sui videlicet vacuum statim Judam pœnituit, prævenit <sup>i</sup> exitum traditi supplicium proditoris; ille statim laqueum, peccatum suum confessus, elegit; hic impietatis pertinacia gloriatur. Nec ego perfidiæ huic dabo nomen erroris, non est error impietas omnis. Denique quoties Ecclesiæ vel ejus quieti diabolus invidus fuerit, intra eam nata con-

verbis: *Video populum nostrum... in dogmate theognosie ignorantia labi: id autem non esse crimen populi, sed, ut honeste dicamus, non habuisse retro doctores tempus accurate vobis dogmata demonstrandi.* In quæ Cyrillus epist. 8 appositæ hæc animadvertit: *Numquid eloquentior est Joanne? Numquid æqualis vel sapientior est beato Attico? Immo vero cur ingenue non agnoscit, doctrinam se invenisse peregrinam planque inusitatam, quæ præ sua absurditate majoribus nostris in nullis Ecclesiis aut fidelium cælibus cognita fuit vel approbata?*

<sup>g</sup> Ita corrigendum duximus, cum obtineret partem.

<sup>h</sup> Baron. suppressit *ejus*. Addendum potius ut vel instar ante vocem *Judæ*, hoc est: siquidem uti Judæ locum sortitus est Matthias, ita episcopatum Nestorii Maximianus accepit.

<sup>i</sup> Apud Baron., *exitum oris*. Apud Lab., *exitum traditori*, quomodo et in ms. Colb. primum ferebatur; sed in hoc recte secundis curis restitutum, *exitum traditi*, hoc est, mortem Christi qui traditus erat.



tentio salvam servavit ipsius certaminis causam. <sup>a</sup> Quo proficiebat iste conflictus, quo laborabatur, non ut religione quis vinceret, sed ut ipsa religio vinceretur? Meministis certe ejus, quia necesse est meminisse, <sup>b</sup> blasphemiarum.

4. Sed jam oblivionem tantorum malorum volo sanctis mentibus imperatam. Ex animis tollatur qui sublatus est oculis; tollatur, inquam, qui sic vocatus est præcursor inferni. Habuit crebras sinister prædicator insidias, tetendit arcum suum frequenter, ut legimus, et ore suo spicula venenata jactavit (Ps. x, 3); neminem tamen vestro in numero quem feriret invenit: retorta in se tela redierunt, postquam sagittare in obscuro rectos corde non potuit (*Ibid.*); et nihil in filios lucis licuit filio tenebrarum. Quæ nos de vobis in bello intestino positis cura atque sollicitudo tunc habuit? In modum dierum duximus noctes, quia talibus causis omne tempus angustum est, non oculos somno declinavimus inquietes. Quem enim raperet dilectio dormiendi, sic vigilante raptore, <sup>c</sup> nesciebamus. Quis intra caulas timor, quanta intra septa formido, quoties luporum <sup>d</sup> vicina esuries multo circuit aditu, quærit prædam, sævit et absentibus minata perniciem? Quanta hic pro sua cautione laude grex dignus est, quem non attingit secum raptor inclusus?

5. Patet causa tuitionis hujusce, in aperto est qui restiterit inimico. Intelligamus et fateamur omnes, quod vos ille tutatus est pastor, qui in Evangelio se dicit esse pastorem (*Joan.* x, 11): affuit, nec vos deseruit qui patiebatur in vobis. In hunc namque quotidianis acuebatur lingua blasphemias, in ipsum dentes suos impius tractator armabat: inani tamen semper elusus est morsu, quando ejusdem pastoris virga vos consolabatur et baculus (*Ps.* xxii, 4), cui gregem suum etiam pascendum tradidit iturus ad cælum (*Joann.* xxi, 15).

6. Hæc vobis huc usque non mutata sunt pascua, eisdem pabulis estis impleti, apostolico vos doctores et pio semper sermone paverunt. Verum noxia fuerat pro salubribus cibis esca supposita, quando adversarius esurientibus animabus mixtas spinas floribus <sup>e</sup> exhibebat. Nec tamen fraus ista decepit vos, qui Christi suavis odor estis in Domino (*II Cor.* ii, 15), postquam vobis longe aliud oluit quam sole-

bat. Herbam mortiferi graminis horruistis, <sup>f</sup> epistils aures vestras spinis (*Ecdi.* xxviii, 28), <sup>g</sup> nec linguam nequam potuistis audire. Non ergo pervenit ad sensum quod offendit auditum; nec interiorum ferire potuit, quod exterior non recepit. Vitastis eum cui, quantum didicimus, et in faciem restitistis. Vitastis quem a memoria digna sancta Alexandrina Ecclesia, secundum beati Pauli apostoli sententiam (*Tit.* iii, 10), jam sciretis esse <sup>h</sup> correptum.

7. Legistis namque, et memoriter jam tenetis, sacerdotis, hoc est catholici, ad hunc scripta doctoris, quibus eum ita correptum, ut vellet esse correctum, studuit: nisus est labentem revocare collegam, porrexit dexteram magisterii sui, in uno volens plurimis subvenire. Percellebat animum veteris sacerdotis, <sup>i</sup> quod nutat episcopus ruina multorum. Egit, sicut scriptum est, <sup>j</sup> benedictum opus Domini diligenter. In nullo ei officio apostoli vir apostolicus defuit: obsecravit, admonuit, increpavit (*II Tim.* iv, 2). Et ille qui in profundum blasphemiarum suarum pondere mergeretur, tanti viri doctrinam renuens, et abusus hortata, docilis esse noluit, cum doctor esse non posset. Egit injuriis tenacem recti perversitatis assertor. Gloriatum hinc, nec contristatus est frater, secum reputans quod merito sibi conservo non perceret, qui suo domino derogaret. Inventus est per diligentiam ille de Evangelio frugi filius et providus servus (*Matth.* xxv). Nam et paternam servavit substantiam, et auxit numerum talentorum. Nec duplicasse eum, sed multiplicasse dixerim sortem, quem videamus etiam longe positus pio senore subvenisse. O sanctæ prædicationis usura! Quam hic gratiam ante communem Dominum fidei negotiator inveniet, qui propter animarum lucrum negotium et illic exereuit, ubi <sup>k</sup> alter accepit? Nonne hic merito a patrefamilias auditorus est, *Euge, serve bone et fidelis, intra in gaudium domini tui* (*Matth.* xxv, 21, 23)? Hæc huic competant qui illa quoque quæ aliis sunt commissa servavit.

8. Quid ille auditorus est, quidve dicturus, cum a se commissæ sibi rei ratio requiretur, qui, utique involvitur reatu, etiamsi vobis per alios perditis esset ipse servatus? Nostis profecto, pro vestra eruditione, quæ poena negligentes maneat sacerdotes, quippe quos Apostolus præesse etiam domibus suis jubeat

<sup>a</sup> Colb. ms., pro quo fiebat iste.

<sup>b</sup> Idem codex blasphemii; et inferius, blasphemiorum suorum.

<sup>c</sup> In eodem ms., sciamus quis intra.

<sup>d</sup> Editi, jejuna esuries multa circuit, aditu quærit prædam; tum Baron.: Sævit et absentibus inconsummata perniciēs. Castigantur, ex fide ms. Colb., hoc tantum excepto, quod in eo exstat minata perniciēs.

<sup>e</sup> Alludit Cœlestinus ad eloquentiæ flores, quibus Nestorius hæreseos spinas admiscebat.

<sup>f</sup> Baron.: Ne linguam nequam voluissetis. Non displiceret nec... voluistis. Quamquam haud male dicitur nec potuistis, pro nec sustinuistis.

<sup>g</sup> In vulgatis, correctum. Concinius in ms. Colb., correptum, scilicet ab Alexandrina Ecclesia, cui nunc Cœlestinus tribuit, quod Cyrillus ejus episcopus, congregata synodo, contra nascentem Nestorii hæ-

resim scripsit, quæque ob id facinus memoria et laude digna prædicatur.

<sup>h</sup> Colb. ms.: Quod nutat episcopus ruinam. Forte: Quod nutat episcopus in ruinam. Cyrillus anno 412 episcopus creatus, anno 429, quo ad Nestorium scribere cepit, vetus sacerdos, præsertim Nestorio comparatus, vocari potuit.

<sup>i</sup> Editi, benedicam; melius ms. Colb., benedictum. Ex verbis *Jeremiæ* xlvi, 10, ubi secundum antiquam interpretationem legimus, *Maledictus qui facit opus Domini negligenter*, hæc per antiphrasim quamdam sunt expressa.

<sup>j</sup> Apud Baron., ubi talenta. Verius apud Lab., ut in ms. Colb., ubi alter, Nestorius videlicet, qui Ecclesiæ Constantinop. factus episcopus, ejus quidem curandæ negotium acceperat; sed ipsius curam Cyrillus variis ad illam missis scriptis ac litteris egit.



diligenter (1 Tim. iii, 4). Denique Ileri sacerdos per se inculpabilis, divinam per filios incurrit offensam (1 Reg. iv). Offendit pontifex pater, offendit potestas et pietas. Si igitur ille cum præsumptionem filiorum non refrenat, <sup>a</sup> incurrit, quanto magis hic Dominum, dum nec ipsi parcat, offendit? Non hunc desidem, non hunc dixerim negligentem. Habuistis hominem sermonis assidui, atque (apud expertos loquor) vigilem perditorem.

9. Nec tamen beatus Petrus apostolus deseruit tam graviter laborantes. Nam cum separari tale ulcus de ecclesiastico corpore horrens omnibus putredo suaserit, cum ferro obtulimus et fomentum. Sed ille abusus nostro studio, quo illum sequimur qui nec de pusillis aliquem vult perire, mortem <sup>b</sup> desideratus optavit. Denique et medicinam respuens, elegit abscidi: tulit de se apostolicum, vel hoc nobiscum sentiens, ipse iudicium, ut abscideretur qui nos contristabat (Gal. v, 12), et volebat convertere Evangelium Christi (Gal. i, 7). Nulla suo vitio languenti medico, ut diximus, arte defuimus. Non factum est nostræ celeritate sententiæ ut esset nobis publicanus aut ethnicus (Matth. xviii, 17). Scimus qualiter et quoties hos qui ad hæc tendunt, Scriptura jubeat conveniri (Ibid. 15), quod nunc quoque videtur impletum. Dicendum denique adhuc. Tunc frater fratrem admonuit, dehinc pertinax uno et altero, immo <sup>c</sup> multo teste conventus est, consequenter ab universa Ecclesia, nostro quoque sermone correptus. Nihil præcoquum, nihil in hoc egimus immaturum, quem diuturnæ constitutionis servatus ordo damnavit. Non potuimus ultra differre; ne, sicut scriptum est, cum furante currere videamur, et cum adultero fidei nostram ponere portionem (Ps. xlix, 18), maxime quando oculus scandalizans jubeatur auferri (Matth. v, 29). Ad hæc ille compendio toties oblata remedia, campum ad certamen exposcit, sacerdotale postulat cui non erat interfuturus examen; egreditur ad bellum castrorum dux hostem professus, et doctor fidei contra fidem portans arma perfidiæ, cum non tam profectus quam videtur expulsus.

10. Non quæro qualia tunc ad Dominum nostrum vota sudistis, cum exitus doceat quid potueritis optare. Nec nos gestarum rerum putetis ignaros, quarum nobis ordinem sancti fratris nostri Cyrilli relatio patefecit. Admonuit hominem, quem nunc inexcusabilem faceret ex more conventio, adesse contem-

<sup>a</sup> Supple, offensam.

<sup>b</sup> Baron., desperatus. Colbertino ms., qui hic oblitteratus est, nos deficiente, revocamus ex Lab. desideratus, quo verbo Coelestinus quanto salutis Nestorii studio flagrabat exprimit.

<sup>c</sup> Editi, et multis testibus. Elegantius ms. Colb., et multo teste. Præscriptas a Domino correptionis regulas erga Nestorium servatas esse hic Coelestinus ostendit. Quocirca inferius, loco diuturnæ constitutionis, malleus divinæ constitutionis; licet hic Coelestinus iis occurrat qui Nestorium præpropere damnatum dictitabant.

<sup>d</sup> Ita pingitur hoc verbum in ms. Colb., non, ut

Apsit. Quis petitem synodi synodo crederet <sup>d</sup> afuturum? Pressa est illic falsitatis levitas pondere veritatis, nec se ausa est fulgori radiantium sacerdotum latitantis perfidi caligo miscere. Lucem tenebræ fugerunt, quia societatem legimus his esse non posse (II Cor. vi, 14). Invicem se contraria semper offendunt. Ubi est quod sibi dictum est, quod loqueretur in lumine, et supra tecta, quod audiret in auribus, prædicaret (Matth. x, 27)? Sed <sup>e</sup> idcirco volens præsens latere, ut ferendam sententiam verecundia, judicante conscientia, præveniret. Lucernam suam cur voluit habere sub modio (Matth. v, 15), si eam bene putabat accensam? Toto sancto conventui lucere debuit, ut habere lumen omnium lumine probaretur. Non fallit divina sententia, quoniam qui in tenebris sunt, lucem videre non possunt (Joan. xii, 35). Mansit absconditus, ut vitando sacerdotale collegium, ipse renuntiaret quodam modo dignitati. Sic se ille primus homo Adam peccati sui conscius ante faciem Domini nudus occuluit (Gen. iii, 8): et qui non in eum, sed in ejus mandata peccasset, expavit illam quam contempserat vocem, et timorem deceptus incurrit, postquam simplicitatis fiduciam vitio prævaricationis amisit. <sup>f</sup> Non facit dubitare de crimine confessio latebrarum, nemo se in causis gravibus innocenter abscondit. Sic ergo illius nostræ mortis auctoris, perduto honoris et gloriæ vestimento, secutus exemplum, merito hoc cum primo homine Adam fecerit, qui Deitatem Adæ novissimi sic negavit. Non fuit ante oculos tantorum vexatio sacerdotum, non congregatam ex omni pene mundi parte concilium; afuit ab his, cum quibus se esse nesciret.

11. Quid illi profuit hoc vitasse? Refugere voluit quos effugere non dabatur. Qua enim ratione possit evadere, persequente eo cui se nullus abscondit? An quia talibus sociis usus est, si e peccato se existimans, negare <sup>g</sup> dignatus est quod Propheta clamavit, Quo ibo a facie tua, et ab Spiritu tuo quo fugiam? Si ascendero in cælum, tu ibi es; si descendero in infernum, tu ades (Ps. cxxxviii, 7, 8). Ille clamat latebram suis deesse peccatis, nec a Deo posse celari. Ille enim fatetur ubique præsentem, quem hic conatur asserere intra uterum defuisse susceptum.

12. Tandem in sacerdotibus suis sanctus, sicut D semper, Spiritus vivens, unus in omnibus statuit, quod omnibus subveniret. Nulla de putredine, nulla de vulnere nascente suscepit, quia diligenter

in vulgatis, *absfuturum*. Sic et infra *afuit* in eodem codice legitur, non *absfuit*. Deinde in vulgatis, *Perculsa est*. Concinnius autem in laudato codice, *Pressa est*, quia ponderis proprium est premere.

<sup>e</sup> Apud Baron.: *Sed si idcirco*. Integrior fieret sententia in hunc modum: *Nisi idcirco voluit præsens latere, ut . . . præveniret; lucernam suam cur, etc.*

<sup>f</sup> Editi, *Nam facit*: corriguntur auctoritate ms. Colb.

<sup>g</sup> Sic ms. Colb. At editi, *indignatus est*; et mox, *ab aspectu, pro ab Spiritu*.



amputatum est, quod manus <sup>a</sup> Spiritus talis abscidit. *Ejice*, inquit Salomon, *de concilio contentiosum, et exiet cum illo discordia* (Prov. xxii, 10). Secum scandalum suum quod intulerat, amputavit, quia apud vos quod <sup>b</sup> invenerat, hoc reliquit. Non poterat, loquente Domino (Matth. xv, 13), eradicari plantatio quam plantaverat Pater, et quæ in eo uberem fructum probaretur afferre. Servavit vineam suam Dominus Israel (domus ejus (Isa. v, 7) est vinea Domini), et ideo mirandum non est, si furem domus ejus evasis, cujus legimus nec dormire nec dormitare custodem (Psal. cxx, 4).

13. Quid agat impius pertinax? Quid sibi spei, quid permansit auxilii? Non habet locum veniæ, cui scriptum quod nec hic nec in futuro possit ignosci (Matth. xii, 32). Inclinator omnis elatus; contra, <sup>B</sup> exaltationem parit humilitas christiana, quia hunc ipse qui supra eum requiescit, exaltat (Isa. lxvi, 2). Illius per prophetam verba sunt: *Non habitat in medio domus meæ faciens superbiam* (Psal. c, 7), qui per Apostolum promittit se stultam mundi sapientiam perditurum (I Cor. i, 19). Audiat nunc a nobis quod Paulus tunc et cum prædicaret audivit: Ad insaniam multarum pervenit itinere litterarum (Act. xxvi, 24). Absit tamen ab eo hujus exemplum. Non enim quod de doctore dictum est, dignus est audire indoctus. Cur præterea contra vas abjectionis, vas electionis vocemus in medium, cum ad exprobandum hunc ille sufficiat, quem in cruce cum Christo post scelera tanta pendentem (Luc. xxiii, 42) supplicii beneficium fecit Dominum confiteri? Sui ab eo memoriam <sup>C</sup> poscit in regno; hoc brevi sermone diluit quidquid admisit, criminibus temporum temporis puncto subveniens. Nec moratur præmium confitentem: statim ejus remuneratio et vicissitudo. Respondit qui libenter excipit hora ad se quacumque conversum: *Mecum*, inquit, *eris in paradiso* (Ibid. 45). Promittit ei futuram societatem, qui secum præsentia patretur. Ad justitiam corde credulitas, ad salutem facta est ei ore confessio (Rom. x, 10). Exclamare hic in tanta contrarietate rerum pariter et flere debemus: nefas est, hoc episcopum <sup>e</sup> perdidisse, quod latro potuit invenire. O fidei et perfidiæ præmium! o judicium Dei abyssus multa (Psal. xxxv, 7)! Latro paradisum meruit, et sacerdos exsilium. Habeamus tamen hujusce rei <sup>d</sup> admonere interpretes. Hunc ille

A positus inter tormenta cognovit, quem hic positus honore nescivit.

14. Nonne hoc illud est, *Et homo cum in honore esset, non intellexit, comparatus est jumentis insipientibus* (Psal. xlviii, 13)? Quid est aliud intellectus <sup>e</sup> et judicium, nisi scire sapientiam et disciplinam, et intelligere verba prudentiæ (Prov. i, 3). Illa est vera sapientia quæ, ipso Salomone dicente, de timore Domini sumit exordium (Ibid. 7), quam se inter perfectos loqui beatus Apostolus affirmat (I Cor. ii, 6), quam non tam grave est quod eam tunc minime mundus agnovit, quam quod nunc episcopus ignoravit. Hoc loco utar Domini nostri per Jeremiam sermo ibus: *Cultores legis meæ nescierunt me, et prophetantibus iniquitatem prophetis plausuerunt* (Jer. ii, 8); et per eundem alibi: *Sacerdotes mei sacrificaverunt mihi fide*.

15. Utebatur tamen defensione et laude gentilium, episcopum talem numquam fuisse testantium. Vero hæc et probabiliter loquebantur. Nam quando potuit episcopus inveniri, qui Christianus esse nesciret? Ideo tamen <sup>f</sup> inimicus esse probatus est, quia numquam displicent hostibus proditores.

16. Audivimus hunc agentem contra legem et iniquum (Psal. lxx, 4) quæ sint solatia prosecuta. Adfuerunt inter alios, nec deseruerunt eum Cœlestiani, iniquitatis operarii, quos hymnidici nostri prosequitur manifesta sententia: jam dudum quippe inimici Dei <sup>g</sup> disperguntur, et pereunt qui operantur iniquitatem (Psal. xci, 10), (ac), sicut idem dicit, velut cibum panis plebem Dominicam devorabant (Psal. xiii, 4). Habuit ergo secum sui magistros exsilii, habuit hujusce rei perfectos tiro doctores. Nam separare difficile est quos scelera sola junxerunt, quia majore ligantur glutino fœdera vitiorum. Quis tamen horum finis est? nempe ille quem legimus: *Irritavit in illo Dominus, et erunt post hæc decedentes sine honore in contumelia inter mortuos in æternum* (Sap. iv, 19). Sed quid diutius immoramur? Fastidium forsitan faciet sermo prolixior: dimittamus mortuos sepelire mortuos suos (Matth. viii, 22).

17. Audite nunc et capite simplicis verba doctoris <sup>h</sup>; audite ab eo quæ <sup>a</sup> majoribus nostris nobiscum positus frequenter audivit; audite certe semper audita, nec studio novitatis inventa. Nostro vobis <sup>D</sup> loquitur ore collega, quia una fides necesse est uni-

<sup>a</sup> In vulgatis, *spiritualis*. Et hic nostrum ms. sequimur.

<sup>b</sup> Hoc est, catholicam doctrinam qua decessores illius Constantinopolitanos imbuerant, ab eorum animis auferre non potuit.

<sup>c</sup> Editi, *hoc episcopum, quod latro potuit* (et ad marg. petiit) *non invenire*; restaurantur ex ms. Colb. Porro perdidit Nestorius paradisum ob pertinaciam, quem invenit latro per poenitentiam. Tum Dei iudicia miratus Cœlestinus, ea in utriusque causa non ita occulta esse agnoscit, ut illorum lateat æquitas, cum Nestorius perfide neget quod latro fideliter profitetur.

<sup>d</sup> Ita ms. Colb. At editi, *habemus tamen hujusce rei veros interpretes*. Nostram lectionem commode

sic intelligere est; nec desit nobis ratio quam rei hujusce interpretationem quærentibus suggeramus.

<sup>e</sup> Colb. ms., *intellectus in judicium*.

<sup>f</sup> Restituendum videtur, *inimicis iste probatus est*. Sic Cœlestinus inanem gloriam, quam forte Nestorius sibi apud ethnicos dicendi facilitate compararat, acute suggillat, nempe nihil mirum esse si Christianæ religionis proditor ejus inimicis placeat, eisque probatus sit.

<sup>g</sup> Cœlestiani videlicet ac Pelagiani, quorum duces varias experti sunt dispersiones, quas Mar. Mercator in Commonitorio enarrat.

<sup>h</sup> Maximiani recens electi, cujus doctrina non suspecta, et laudabilis vita.



ter prædicetur. Non hic in ejus persona alicujus testimonium mutuatur; a nobis da us est, qui est electus ex nostris. Non est incognitus, non aliunde deductus; habuistis laudabilem de præsentia<sup>a</sup> judicio suo. Fama dudum decepit absentes. Plura de eo loqui cautio est, quia opera supervacua est, nota laudare. Nunc tamen vos nostris propriis sermonibus decet cavere commonitos.

18. Nemo in vobis illud quatiat fundamentum, quod firma petra et angularis lapis ille construxit. *Ædificate super hoc catholici quod soletis.* Didicistis quid sit superædificare quod ardeat (I Cor. iii, 11 seq.); hoc detrimento illud pensabitur, cum opera singulorum probare cœperit ignis examen. Gaudeo vos fundamento huic non stipulam, non lingua, non fenum, sed illas imposuisse divitias quas architectorum sapientium præcepta mandabant imponi. Bene manebitis; quia tam sollicite fabricatis. Habitatulum magnum tales pollicentur expensæ: auro, argento et lapidibus pretiosis illam vobis quæ æstinari non potest, construistis mansionem. Nullo pretio taxantur æterna, quippe quæ non injuria, non vetustate solvuntur, quæ jam ab institutione mundi justis Dominus præparavit. *Confortentur manus fide-*

*lium fatigatæ; labantia, hortante propheta, genua roborentur; qui pusilli sunt animo, convalescant* (Isa. xxxv, 4). Noster Salvator apparuit; ostendit falsitatem Deum quid sit pulsare et incessere veritatem, postquam sibi controversia inde facta est unde subvenit. Unde, filii charissimi, permanete in eum qui est, ut vincatis in vobis. In ipso sensu et in eadem sententia estote perfecti (I Cor. i, 10); ut a Filio hominis, cum venerit in majestate sua, non audiat, *Discedite a me maledicti*, sed, *Venite, benedicti*, possitis audire (Matth. xxv, 34, 41). Maneat hædos repulsa venturi. Vos tales volumus inveniri, ut cum in igne stent abjecti a sinistris, vos a dextris invitet ad regnum. Non expectabilis ut pareatur, quod olim vos ut regnetis expectat. Augustam nunc portam festinanter intrate (Matth. vii, 13), quæ eos accepit quos numquam spatiosa invenerunt.

19. Hæc dilectioni vestræ pro lætitia catholicorum dicta sufficiant: quæ sapius recensere vos volumus, ut triumpho fidei gratulantes, intelligatis Deum charitatis et pacis esse nobiscum (Philipp. iv, 9). Data<sup>b</sup> idibus Martiis Flavio Aetio et Valerio viris clarissimis consulibus.

<sup>a</sup> Hoc est, eo judicio quod de ipso præsentia sua vobis noto, non quemadmodum de Nestor o mus-

quam viso ac sola fama cognito tulistis.  
<sup>b</sup> Martii 15 ann. 452.

## APPENDIX.

### NOTITIA RELIQUORUM SCRIPTORUM QUÆ AD COELESTINUM I PAPAM ATTINENT.

#### § 1. Epistolæ ad Cælestinum attinentes.

1. Antonius quidam ab Augustino Fussalensium institutus episcopus, postea *de intolerabili dominatione, de rapinis et diversis oppressionibus* (Cælest. epist. 1, n. 4) a castellanis et illius regionis hominibus accusatus, episcopali judicio sic damnatus est, ut ei servaretur honor episcopatus, sed ejus regimen et administratio negaretur; ac præterea privaretur communione, donec ablata restituisset (Ibid. num. 6). Huic judicio primum consentire visus est; adeo ut æstinato damno quod Fussalensibus intulerat, seposuerit solidos, quo communio ipsi redderetur. Sed mox Valentinum Baianum episcopum Numidiæ primatem, a quo fuerat ordinatus, induxit, ut eum *velut omni modo inculpatum papæ Bonifacio commendaret* (Ibid. num. 9). Tunc Bonifacius missa in Africam epistola, absolvit quidem Antonium, sed ea conditione, *si ordinem rerum fideliter indicavit* (Ibid. num. 4). Mox e vita migravit Bonifacius. Sed Numidiæ episcopi, acceptis illius litteris, majori numero conveniunt. Tum ipse primas Valentinus, visis gestis quibus juste damnatus fuerat Antonius, sententiam mutare non dedignatus, Bonifacii successori Cælestino rerum ordinem fideliter indicavit. Hæc autem Valentini ad Cælestinum relatio una cum Augustini ad eundem papam epistola haud dubie missa est.

C 2. Eodem tempore apud Cælestinum cum Augustino exortularunt Fussalenses, quod juniorem adolescentem nec satis probatum sibi temere præposuisset, atque ut ab ejus inquietudine liberarentur. Cælestini opem enixe implorabant. Illorum querimoniam æquam esse confirmans Augustinus, ita Cælestinum alloquitur: *Neque Fussalensibus succenseo, quia justam de me querimoniam ingerunt auribus tuis, quod eis hominem nondum mihi probatum, nondum saltem ætate firmatum, a quo sic affligerentur, inflixerim* (Ibid. num. 9). Quam ob causam idem pius pater supplicibus eorum precibus adjungens suas, ait: *Subveni hominibus, opem tuam in Christi misericordia multo avidius quam ille (Antonius) poscentibus, a cujus inquietudine desiderant liberari.* Et hunc libellum Cælestino cum Valentini et Augustini litteris oblatum credimus.

3. Hoc exemplo, quo Antonius episcopus in Africa damnatus, ad Romanum pontificem provocavit, neque appellationem illius irritam duxerunt Afri, probarunt idem episcopi, quam sincere id quod decreveris a Zosimo missis de appellationibus episcoporum constituebatur, servaturos se esse professi sunt, quoad decreta illa Nicæna non esse sibi constitisset (Bonifac. epist. 5, n. 5). Antonii quippe causa Bonifacio pontifice cœpta est. Afri autem tunc tantum



authentica receperunt Nicænorum canonum exemplaria, cum idem pontifex vivere desiit.

4. Circa idem tempus, Coelestius novi pontificis deludendi spe captus, Coelestino preces obtulit, quibus audientiam ejus expetebat. Sed prudens pontifex impudentem ac pertinacem hæreticum audire dedignatus, eum totius Italiæ finibus extrudi jussit. Istud Prosper lib. contra Collat. c. 21 n. 58 memoriæ prodidit his verbis: *Venerabilis memoriæ pontifex Coelestinus, cui ad catholicæ Ecclesiæ præsidium multa Dominus gratiæ suæ dona largitus est, sciens damnatis non examen judicii, sed solum pœnitentiæ remedium esse præstandum, Coelestium quasi non discusso negotio audientiam postulantem, totius Italiæ finibus jussit extrudi. Adeo et præcessorum suorum statuta et decreta synodalia inviolabiliter servanda censebat; ut quod semel meruerat abscidi, nequaquam admitteret retractari.*

5. Fultus erat Coelestinus non tantum decessorum suorum ac synodorum statutis, sed et imperatorum præceptis, ut hac severitate cum Coelestio ageret (Baron. ad ann. 420, n. 2 et 3). Jam enim ab anno 421 Constantius imperator Volusiano præfecto Coelestium ex Urbe pelli conceptis verbis mandaverat. Indeque statim edicto præfectorum prætorio fuerat submotus. Verum extincto Bonifacio Romam repetere non veritus, meruit ut etiam totius Italiæ finibus excluderetur. Tunc convolvavit Constantinopolim, ubi aditum, quo in gratiam et amicitiam Nestorii se insinuaret, nactus est faciliorem. Et ab eo quidem veluti veritatis defensor epistolam meruit consolatoriam, quam Marius Mercator latinitate donavit (Mar. Merc. edit. Baluz. p. 151).

6. Apiarius Siccensis Ecclesiæ presbyter, Bonifacio pontifice in Africano concilio a Siccensi Ecclesia ita remotus est, ut Faustini apostolicæ sedis legati opera servatus ei sit honor presbyterii, atque alibi, ubicumque vellet vel posset, gradus sui munere fungi permissum ipsi fuerit. Subinde rursus de immanibus flagitiis a Thabracenis accusatus, ideoque communionem privatus, Romam confugit. Tum ipsi, apostolicam sedem appellasse se mentienti, paulo facilius Coelestinus fidem habuit, alteraque parte inaudita communionem reddidit. Res tamen gestas ignorari ab Afris nolens is papa, litteras ad eos per Leonem presbyterum misit, quibus se de Apiarii adventu admodum lætatum fuisse testatus, eum a se communioni restitutum esse significabat. Exinde Faustino Potentiniæ civitatis episcopo ac sedis apostolicæ legato in Africam redeunti Apiarius se adjungens, novum Afrorum judicium subiit. Afris autem mox dictæ Coelestini litteræ paulo ante redditæ sunt, quam ipsi de Apiarii causa eidem papæ rescriberent, adeoque circa exitum anni 425.

7. Ex Oriente quoque Coelestinus relationem seu libellos accepit monialium adversus Danielelem, qui monasterium ipsarum tenuerat (Epist. 4, n. 1 et 9). His in libellis Daniel de nefariis flagitiis, ac nominatim quod sacrarum virginum incestu pollutus esset,

accusabatur. Cur autem virgines in Orientalibus partibus constitutæ adversus eum Romani pontificis judicium implorarent, non alia videtur fuisse causa nisi quod Danielelem in Gallias fugisse audierant. Libellos illos nuper acceperat Coelestinus, cum Danielelem Romanam perducere se jussisset, atque hunc jussis necdum paruisse, epistola 4 Julii 25 die, anni 428 data significat. Ex quo libellos illos nec multo ante, nec longe post anni 428 initia conscriptos fuisse colligitur. Coelestinus eorum apographa cum epistola quarta mittens in Gallias ad episcopos per provincias Viennensem et Narbonensem constitutos, eorundem autographa in scriniis apostolicæ sedis recondi curavit.

8. Antequam autem ea de causa Coelestinus alio mox dictos episcopos scriberet, ad Patroclum Arelatensem antistitem per Fortunatum subdiaconum miserat litteras (Epist. 4, n. 5), quibus Danielelem Romanam destinari præcipiebat, ubi si suæ confideret conscientiæ, objecta dilueret erimina, et ab accusatoribus ejus postulatum apostolicæ sedis judicium non declinaret. Tunc vero Danielelem episcopum ordinari contigit, hoc est eo intervallo quod in perferendis litteris quibus idem Daniel ad dicendam causam vocabatur, Fortunatus subdiaconus interposuit. Unde et hanc epistolam ad Patroclum, epistola 4, quæ mense Julio anni 428 consignatur, et in qua memoratur Danielis ordinatio, aliquanto anteriorem esse liquet.

9. Eodem anno 428, mense Aprili, secundum Liberatum quidem primo die, secundum Socratem autem decimo, Nestorius Antiochenæ Ecclesiæ presbyter in episcopum Constantinopolitanum cooptatus et ordinatus fuit. Ordinationis ejus relatio ab episcopis qui ei interfuerant ad Coelestinum missa est. Et in ea quidem tantum Nestorio tribuebant illi episcopi testimonium, quantum, inquit Coelestinus (Epist. 13, n. 1), desiderabatur ei qui ad alienam Ecclesiam regendam aliunde accersebatur.

10. Coelestinus episcopis qui sibi de Nestorio recens electo gratulantes scripserant, statim rescripsit (Epist. 13, n. 2), eisque se mutuum gaudiorum participem ostendit, innuens tamen non probandam fuisse presbyteri ex aliena ecclesia electionem, nisi hæc disciplinæ offensio electi merito compensaretur.

11. Hic tacenda non est sancti Germani episcopi Antissiodorensis in Britannias legatio, de qua Prosper in Chronico ad annum 429 istud memoriæ mandavit: *Agricola Pelagianus, Severiani Pelagiani filius, Ecclesias Hiberniæ dogmatis sui insinuatione corripit. Sed actione Palladii diaconi papa Coelestinus Germanum Antissiodorensem episcopum vice sua mittit, ut, deturbatis hæreticis, Britannos ad catholicam fidem dirigat.* Quippe Coelestinum Germano vicem suam sine scripto commisisse, aut hunc sine illius litteris in Britannias profectum esse quis sibi persuadeat? Neque his stetit Coelestinus; sed Palladio Scottis ordinato episcopo, effecit ut in insulis illis fides non modo purgaretur ab hæresi, sed etiam latius propa-



garetur. Qua in re studium ejus Prosper lib. cont. Collat. c. 21 n. 58 laudat his verbis : *Nec vèro se-  
gnoie cura ab hoc eodem morbo (Pelagiano) Britan-  
nias liberavit; quando quosdam inimicos gratiæ, solum  
sue originis occupantes, etiam ab illo secreto exclusit  
Oceanii, et ordinato Scottis (Palladio) episcopo, dum  
Romanam insulam studet servare catholicam, fecit  
etiam barbaram Christianam.*

12. Nestorius, dum novam ac perversam publicare aggressus est doctrinam, multos offendit tam clericos quam laicos qui ipsi contradicerent. Et laicos quidem communione, clericos autem gradu suo privavit. Ac deinde ad Cœlestinum scripta epistola, hoc ei indicare festinavit. Epistolæ hujus meminit Cyrillus in eo scripto quo sententiam Nestorio denuntiat, quam Cœlestinus adversus ipsum tulerat. Primum enim ibi præmittit : *Omnibus, qui a tua reverentia (o Nestorio) separati sunt propter fidem, vel depositi, tum laicis quam clericis communicantes sumus.* Statimque subjicit : *Nec enim æquum est eos qui recta sapere norunt, tuis condemnari sententiis, quia tibi, beneficientes, contradixerunt; hoc enim indicasti in epistola quæ scripta est a te ad magnæ Romæ sanctissimum coepiscopum nostrum Cœlestinum.* Atqui ex epistolis, antequam istud Cyrillus scriberet, a Nestorio ad Cœlestinum missis, duas tantum habemus, in quibus hæreticus ille de iis qui sibi contradicebant, vel a communione, vel a cleri gradu, remotis nullam mentionem facit. Sed et in earum secunda Nestorius sæpe jam ad Cœlestinum scripsisse se ab exordio commemorat. Quocirca ista, de qua Cyrillus loquitur, inter primam et secundam quæ ad nos pervenerunt, adeoque circa exitum anni 429, scripta merito censeatur.

13. Postquam Nestorio denunciata esset adversus ipsum lata sententia, atque induciarum ei indultarum tempore jam dudum emenso, gradum ab hæresi minime referret, dum Ephesi synodus indicta parabatur, consuluit Cyrillus Cœlestinum (Epist. 16), utrum Nestorius, etiam si errorem deponeret, in synodo esset recipiendus; an vero lata depositionis sententia in quam spretis induciis incurrerat, remitti ei non deberet. Monebat præterea Cyrillus Cœlestinum, ne ab iis quorum suspecta erat fides incaute captari se pateretur. Huic Cyrilli epistolæ Cœlestinus 7 Maii die anni 431 rescripsit. Unde illam non longe post anni ejusdem initia scriptam esse conficitur, maxime cum in ea memoretur Ephesi habenda synodus, quam Theodosius imperator 19 Novembris die anni 430 indicare primum cœperat.

14. Eodem anno contigit ut in Galliis presbyteri nonnulli quasdam de libero arbitrio quæstiones in medium vocarent, quæ novitate sua Ecclesiam perturbabant. Tum de his consulendum duxit Tuentius episcopus Cœlestinum, et ab eo responsum habere meruit (Epist. 21, n. 2). Subinde Cœlestinus eadem de causa scribens ad Galliæ episcopos, cum illud Tuentii scriptum, tum suum ipsius rescriptum memorat his verbis : *Super his multa jam dicta sunt eo*

*A tempore quo ad fratris nostri Tuentii dedimus scripta responsum.* Cum autem Tuentius ille non aliis ab eo esse videatur quem Zosimus epist. 4, n. 4, a Proculo Massiliensi antistite ordinatum indicat, presbyteros illos, de quibus a Tuentio Cœlestinus consultus est, merito censeamus Massilienses, qui Augustini de gratia doctrinam tunc palam improbare cœperunt. Quocirca et quod Tuentius scripsit, et quod rescripsit Cœlestinus, ad eundem annum 431 existimamus pertinere.

15. Dum Ephesina celebraretur synodus, Cyrillus Alexandrinus antistes epistolam ad Leonem tunc archidiaconum misit, per ipsum Cœlestino reddendam, qua Juvenalem Jerosolymitanæ Ecclesiæ episcopum in prædicta synodo Palæstinæ provinciæ principatum ambiisse, atque insolentes ausus per commentitia scripta firmare contendisse significabat; simul etiam sollicita prece multum poposcit ut nulla illicitis conatibus præberetur (Romæ) assensio. Hanc autem epistolam ideo archidiacono inscriptam esse, ut ipsi papæ redderetur, ac re ipsa ei redditam fuisse istud argumento est, quod authenticum ejus exemplar in apostolicæ sedis scrinio asservatum sit. Quocirca cum ejus apographum a Maximo Antiocheno episcopo ad Leonem jam pontificem mitti contigisset, eidem Maximo rescripsit ipse Leo (Epist. 110, n. 4) : *Cujus epistolæ ad nos exemplaria direxisti sanctæ memoriæ Cyrilli, eam in nostro scrinio requisitam nos authenticam noveris reperisse.*

16. Quatuor mensium a depositione Nestorii elapso spatio, die 15 mensis Octobris anni 431, episcopi quos Ephesina synodus ad Theodosium imperatorem delegarat in hæretici memorati locum ordinarunt Maximianum Ecclesiæ Constantinopolitanæ presbyterum statimque litteras ordinationis ejus indices per Joannem presbyterum et Epictetum diaconum ad Cœlestinum miserunt. Litteras illas, quæ Maximiani continebant elogium, Cœlestinus sibi proxime ante Natalem Domini diem redditas fuisse docet (Epist. 22, n. 4).

17. Theodosius imperator, prædictis episcoporum litteris epistolam peculiarem adjunxit, qua Maximiani ordinationem probari sibi testabatur. Tum hujus imperatoris sententiam cum episcoporum testimonio concordem cernens Cœlestinus, tanto perfusus est gaudio, ut sacros illos augustæ pietatis apices ipso natali Domini die coram totius Christianæ plebis congregatione in basilica S. Petri legi voluerit, quo eadem plebs lætitiæ suæ particeps fieret, ac publica pro ipso imperatore vota Deo libentius persolveret (Epist. 23).

18. Ipso quoque Maximianus in regiæ civitatis sedem assumptus, litteris suis Cœlestinum de ordinatione sua certiore fecit (Epist. 24, n. 1). Litteræ illæ sermone simplici sinceram mentis ac fidei puritatem prodebant.

19. Socrates lib. vii cap. 40 celebres quasdam memorat Cœlestini litteras, quas, inquit, Cyrillo Alexandrino, Joanni Antiocheno et Rufo Thessalonicensi



(addit Valesius in eam rem, quo libest a Græco) *A* miserat, docens nihil ob stare quominus is qui alicujus Ecclesiæ nominatus sit aut re ipsa existat episcopus, ad aliam Ecclesiam transferatur. Verum hac in re nobis valde suspecta est Socratis narratio.

20. Doctus quidem Tillemontius, tom. XIV, pag. 449 et 450, de litterarum illarum veritate nihil dubitans, eas tum forte scriptas opinatur, cum post Sisinni mortem in locum ejus constitutus esset Nestorius, ac multi, qui cooptarant Proclum, repulsam passi essent. Sed si ea occasione, hoc est ab anno 428, epistolam hujusmodi scripsisset Cœlestinus, et quæstionem de episcopis uni Ecclesiæ ordinatis, an liceret eos alio transferre, tunc decidisset; nihil jam fuisset cur Proclus, anno 431 Nestorio dejecto, pluribus ei rursum suffragantibus, in solio Constantinopolitane Ecclesiæ non sufficeretur. Quominus enim horum a quibus postulabatur, prævaluerit sententia, id unum obstitisse Socrates testatur, quod electioni ejus intercessissent nonnulli, *ecclesiastico canone vetitum esse dicentes, ne is qui alicujus civitatis designatus fuerit episcopus, ad aliam civitatem transferatur.*

21. Et vero Socrates Cœlestini litteras, quibus id decidebatur, post Maximiani ordinationem scriptas, certe post episcopi hujus mortem primum exhibitas fuisse docet. Ubi enim Maximianum, cum per biennium ac menses quinque Ecclesiam suam administrasset, fato functum esse narravit, tunc, inquit, Theodosius imperator *absque ulla cunctatione, nondum deposito Maximiani corpore, episcopis qui aderant mandavit ut Proclum in episcopali solio collocarent; id enim Cœlestini quoque episcopi Romani litteræ tunc exhibitæ confirmabant, quas ille Joanni Antiocheno et Rufo Thessalonicensi miserat, docens nihil ob stare, etc.*, ut supra. Sed neque istud cum historica veritate componi facile potest. Eo quippe anno qui Maximiani ordinationem excepit, obiit Cœlestinus, et antea Joannes Antiochenus Ephesine synodi sententia submotus ab Ecclesiæ communione, ad obitum usque Cœlestini ab ea segregatus permansit. Hunc autem papam ad episcopum, synodi sententia quam ipse confirmarat segregatum, litteras pacis et communionis indices dedisse quis sibi persuadeat?

22. Ultro largiar, hoc Cœlestinum scribere tum potuisse, nihil scilicet vetare quominus Proclus Cyzicenus ordinatus, sed ab his numquam admissus, Ecclesiæ Constantinopolitane præficeretur. At in animum numquam inducam meum, ut Romanus pontifex, cujus scripta summum paternorum statutorum intemerate servandorum studium ubique spirant, præter disciplinam a decessoribus suis studiose commendatam, et a successoribus per multa sæcula constanter custoditam, nulla exigente necessitate scripserit, ut non solum is qui nominatus sit (nec admissus), *sed etiam qui re ipsa existat episcopus, ad aliam Ecclesiam transferatur.* Non ignorabat Cœlestinus hoc postremum conceptis verbis vetitum esse, non modo a Nicæna synodo can. 16, Sardicensi can. 1 et 2; in concilio Carthaginensi III, can.

53, laudata, verum etiam a decessoribus suis Joanne I epist. 1, n. 5, Damaso epist. 5, n. 4, et epist. 6, n. 3, Siricio epist. 10, n. 16. Neque is erat ut, istud callens, aliud vel præciperet vel permitteret.

23. Non respuenda tamen prorsus Socratis narratio. Neque inficiandum Theodosio exhiberi potuisse Cœlestini litteras, quibus quominus Proclus ad sedem assumeretur Constantinop. Ecclesiæ, nihil ob stare probaretur. Perigenes Patrensibus olim ordinatus, sed ab his rejectus, postmodum a Corinthiis in episcopum cooptatus, apostolicæ sedis auctoritate concessus iis fuerat. Exinde Perigenis causam, ut apostolicæ sedis judicio finitam, Cœlestini decessor Bonifacius a nullo instaurari aut retractari permisit. Ipse Cœlestinus tertiam ex epistolis suis Perigeni nominatim ut inter primarios Illyrici episcopos locum tenenti inscripsit. Cum igitur de Procli electione ageretur, ne cui hæreret ob canonem quondam ei obiectum scrupulus, opportune in medium proferri potuit epistolæ hujus exemplum, ex quo exploratum esset, Proclum ad Ecclesiæ Constantinop. episcopatum licere transferri, cum Cœlestinus, cujus decretis Ephesine synodus tantum reverentiæ detulerat, hujusmodi translationem manifeste approbasset. Quod quidem ex aliorum relatione audiens Socrates, et facta omnino diversa, non insueto sibi more, conjungens atque confundens, id Cœlestinum in celebribus illis litteris (*Cœlest. epist. 12*), quas etiamnum habemus, et in quibus nihil simile legimus, ad Cyrillum, Joannem et Rufum missis docuisse sibi persuasit. Id vero in animum suum eo induxit facilius, quo præconceptæ in gratiam translationis episcoporum opinioni, quam data opera lib. VII cap. 36 tuetur, magis faveret.

24. Majori fide dignus videtur idem scriptor in eo quod lib. VII c. 10 tradit: *Cœlestinus quoque Novatianis ecclesias quas Romæ habebant ademit, et Rusticulum eorum episcopum clam in privatis ædibus plebem colligere compulit.* Quibus et hoc addit: *Etenim et ad id usque temporis Novatiani Romæ plurimum floruerant, cum multas ibi ecclesias possiderent, et maximam populi multitudinem in eis colligerent.* Jam antea tamen, ipso Socrate ibid. c. 9 teste, Innocentius eosdem hæreticos persequi cœperat, eisque multas ecclesias eripuerat.

## § II. Decreta Cœlestino ascripta.

25. In libro pontificali Cœlestinus constituisse dicitur, *ut psalmi David c. ante sacrificium psallerentur, quod antea non fiebat; sed tantum Epistolæ Pauli et sanctum Evangelium.* Verum etiamnum habemus homilias et conciones quibus Patres etiam Cœlestino antiquiores psalmos aliasque ab Evangeliiis aut Pauli Epistolis Scripturas explicant, quæ populis, dum ad sacrificium celebrandum convenirent, recitatæ fuerant.

26. Quatuor alia decreta in editionibus conciliorum a Crabbio ac deinceps vulgata sunt velut ex Gratiano excerpta. Primum ex illis ita expressum, *Nullus primas, nullus metropolitanus, nullusque reli-*



quorum episcoporum, alterius adeat civitatem, etc., A notatur ut a Gratiano 9, quæst. 2, c. 3, Cœlestini nomine prolatum. Sed Crabbium, aliqua Gratiani falsa editione deceptum, temere secuti sunt cæteri conciliorum editores. Apud ipsum enim Gratianum loco citato, ut apud Ivonem part. v c. 102, et Burchardum lib. 1 cap. 66, aliosque canonum compilatores, non ascribitur Cœlestino, sed Callisto, in cujus epistola 2, ab Isidoro Mercatore conficta totum reipsa legitur.

27. Alterum ex Gratiano 30, quæst. 1 cap. 9 ita refertur : *Si quis sacerdos cum filia spiritali fornicatus fuerit, sciat se grave adulterium commisisse. Idcirco femina, si laica est, omnia derelinquat, et res suas pauperibus tradat, et conversa in monasterio Deo usque ad mortem serviat. Sacerdos autem qui malum exemplum dedit hominibus, ab omni officio deponatur et peregrinando duodecim annis pœniteat. Postea vero ad monasterium vadat, ibique cunctis diebus vitæ suæ Deo serviat.*

28. Huic affine est tertium, quod eidem Gratianus eodem nomine proxime subjicit in hunc modum : *Non debet episcopus aut presbyter commisceri cum mulieribus quæ ei sua confessæ fuerint peccata. Si forte, quod absit ! hoc contigerit, sic pœniteat, quomodo de filia spiritali, episcopus quindecim annis,*

*presbyter duodecim ; et deponatur, si tamen in conscientiam populi devenerit.*

29. De duobus illis decretis hoc non ambigendum videtur ea simul et ab eodem parente fuisse edita. Neque illud iis qui aliquam ecclesiasticæ disciplinæ notitiam perceperunt, minus est perspicuum, hujusmodi decreta in Cœlestini nostri ætatem minime convenire. Tum a gradu suo dejiciebantur episcopi vel presbyteri lapsi : sed publica eis pœnitentia non imponebatur certo annorum numero exigenda. Longe minus tunc obtinuerat usus ut hæc pœnitentia peregrinando persolveretur. Multo autem magis Cœlestini III quam Cœlestini I ævo consuetudo ista congruit.

30. Postremum, quo viri qui binam duxerit uxorem, quæ vera sit uxor decernitur, et quo parentes, fratres et cognatos in matrimonio contrahendo vel dirimendo testes adhiberi posse definitur, Gratianus 35, quæst. 6, cap. 2, velut a Palea Cœlestino attributum ita describit : *Videtur nobis quod secunda, quam contra prohibitionem Ecclesiæ duxit, non sit uxor, etiamsi primam non haberet desponsatam, etc.* At in Gregorii IX Decretalibus lib. iv, tit. 18, c. 3, Clementi III restituitur, notaturque ad marginem illud olim Cœlestino III fuisse ascriptum.

ANNO DOMINI CDXXXVIII.

# ANTONINUS HONORATUS,

## EPISCOPUS CONSTANTINENSIS.

### PROLEGOMENA.

#### SCHOENEMANNI NOTITIA HISTORICO-LITTERARIA IN ANTONINUM.

(Schœn. Biblioth. Hist. litt. tom. II.)

##### § I. Vita.

Antoninus Honoratus seu, ut alibi audit, Honoratus Antoninus, Constantinensis in Africa episcopus, vixit tempore persecutionis quam Genserius rex Vandalorum in catholicos excitaverat, et Arcadium quemdam Hispanum ob fidem in exilium pulsum, per epistolam consolatus et ad graviora perferenda exhortatus est.

##### § II. Scripta.

Restat hodie illa *Epistola, ad labores pro Christo ferendos exhortatoria*, gravis et elegans, quam recte Baronius antiquum illum apostolicum characterem redolere ait, scripta ferme intra annos 437-440.

##### § III. Editiones.

Edita est primum a Sichardo an. 1528, et post

C varias in Bibliothecis Patrum repetitiones emendatior facta et illustrata est a Theodorico Ruinaro, hoc indice teste.

SÆCULO XVI.

1528. *Basileæ, apud Henr. Petr.; in-fol.* Antonini episcopi Constantinensis ad Arcadium exsulem consolatoria; in *Joan. Sichardi Antidoto contra omnes hæreses*, fol. 241, 242.

1556. *Basileæ, apud eundem; in-fol.* Antonini... ad Arcadium actum in exilium a Genserico Vandalorum rege consolatoria; in *Joan. Heroldi Hæresilogio*, p. 702 704.

1575. *Parisiis, apud Mich. Sonnum; in-fol.* Eadem in *Biblioth. Patrum Bigneana* tom I.

1589. *Parisiis; in-fol.* Antonini ep. Constantinensis episc. ad Arcadium actum in exilium a Genserico



rege Vandalorum Epistola consolatoria; in *Bibl. PP. A* 1644 et 1654. *Parisiis*; in-fol. Antonini . . . ad Bign. editionis secundæ tom. III.

1595. *Romæ*, ex typogr. Vat., in-fol. Epistola Antonini ep. Constantinæ ad Arcadium; in *Card. Baronii Annalibus* ad an. 437 primæ editionis tom. IV (qui totus accurate recusus est in eadem typographia an. 1607) pagg. 659-61; in *Coloniensi* 1624 tom. V pp. 743-45; et *Mansiana* tom. VII (*Lucæ*, 1741) pp. 499-501.

## SÆCULO XVII.

1618. *Coloniæ Agrip.*; in-fol. Antonini . . . Epistola consolatoria ad Arcadium quemdam a Genserico Gothorum rege in exsilium actum; in *M. Bibl. PP.* tom V, part. III.

Arcadium exsulem Epistola consolatoria; in *Bibl. PP.* tom. III.

1677. *Lugduni*, apud Anissonios; in-fol. Antonini Honorati ep. Constantiniensis Epistola consolatoria et ad labores pro Christo ferendos exhortatoria, in *Max. Bibl. PP.* tom. VIII p. 665 sqq.

1694. *Parisiis*, ex typis Theodor. Muguet; in-8°. Honorati Antonini Constantinæ in Africa episcopi Epistola cohortatoria ad Arcadium pro fide exsulantem, sub Genserico Vandalorum rege Ariano; in *Theodorici Ruinarti Historia persecutionis Vandalicæ*, part. II, cap. 4, pp. 433-39.

# ANTONINI HONORATI

## CONSTANTINIENSIS EPISCOPI

### EPISTOLA CONSOLATORIA

#### AD ARCADIUM

ACTUM IN EXSILIUM A GENSERICO REGE VANDALORUM.

(Max. Biblioth. Bign. tom. VIII.)

Perge, fidelis anima, perge; et confessor unitatis, B Sursum cor, perfectam inchoasti pugnam. Ipse archangelus qui cecidit, dimicat; ipse tecum luctatur; gaude, quia pro nomine Christi pati meruisti contumeliam, sicut apostoli cum flagellati sunt. Ecce jam serpens ille sub pedibus tuis jacet; ipse conflagrare potuit, sed ipse cecidit, quia te elidere non potuit. Vide ne timeas, adjuvat te ut coronet te. Septem filios Machabæa mater pro Christo misit ad mortem. Ante eam cruciabantur; et ipsa magis eos hortabatur ut morerentur: ipsa autem post filios occisos, ecce jam exultat cum filiis coronata. Respice quia in utero matris Deus te fecit; ipse tibi spiritum et animam dedit, ipse te ornavit ratione et sapientia. Ipse cælum fecit et terram, et omnia quæ in eis sunt. Sic te vult suscipere pro fide morientem, ut tibi plenam exhibeat majestatem. Respice mundum: periturus est. Respice solem et lunam et stellas: et ipsa solvenda sunt. Confice fortiter pro anima tua, quæ aut in æternum victurus eris! et quantum temporis erit quo semper vivit aut semper perit. Ecce dimissa sunt tibi peccata tua; et omnes iniquitates tuas Deus pro hac pugna delebit, quascumque usque hodie committere potuisti.

Job non attendit uxorem, et ideo vicit; non familias, non divitias, non amicos, et merito superavit. Adam mulierem suam plus satis dilexit, et ideo tam lacrymabiliter cecidit. Sic dicit Dominus: Qui non dimiserit patrem, aut matrem, aut uxorem, aut filios, aut filias propter me, non est meus discipulus (Marc. x). Quid, si conditione vitæ mortuus esses, uxor te aut familia habuit revocare? Nam quem tenuisti, ipsum attende, ipsi hære; tene eum fortiter, ne dimittas, ne respexeris retro ad uxorem aut familiam.

Audi de hac re Ezechielem prophetam dicentem: Quacumque die iniquus conversus fuerit ab iniquitate sua et fecerit justitiam, omnes iniquitates ejus non memorabor ultra, dicit Dominus (Ezech. xviii). Justitia tua, fides tua (quia justus ex fide vivit [Rom. i, Hebr. x]), tribulatio, exspoliatio, exsilium, remissionem tibi contulit peccatorum; mors autem aperit tibi regna cælorum. Qualis eris cum te cum sancto Stephano videris? Qualis eris cum Petrum et Paulum, quos rogare solebas ut patronos, habebis amicos? Christum, mox tua anima videbit: et corpus tuum erit in refrigerio resurrectionis, ut et ipsa caro videat quod tua



anima cum exierit mox videbit. Fremit diabolus, gaudet Christus. Roga, plora, posce auxilium; et mox accipies in mente solatium. Time pœnas æternas, ubi semper ardetur, ubi semper in tenebris et corpus et anima cruciatur, ubi cum diabolo anima et corpus in æternum exurit. Gehennas expavesce, et Christum modo tene. Modo est ut aut vivas aut pereas. Nemo te recuperabit si in ista pugna defeceris. Et quid tibi prodest, si diabolo consenseris, et mox corpus amiseris? Aut nescis quia vita corporis tui in potestate est Dei tui, qui tibi confestim auferre potest carnem, si dereliqueris fidem? Quidam Christianus dum pro fide inequale torqueretur, retulit astitisse sibi angelum splendido vultu, cum linteo aqua perfuso, qui ei aquam in faciem spargeret et linteo detergeret. Donec tortus est iste, angelus non recessit, consolans eum et refrigerans eum. Confessor autem Christi pœnas quas sustinebat penitus non sentiebat. Minus tormenta sentiuntur quando pro Christo pugnatur, quia virtus animi superat dolores mundi; et cum invocata fuerit divinitas, mitigatur tormentorum acerbitas. Ecce pro homine tentus es; et afflictus non perdes fidem, etiam si amiseris carnem. Exhibe Deo hanc perseverantiam, et ne valde timeas pœnam; aut enim grandis erit, et cito finietur; aut levis erit, et non valde cruciabitur anima. Tu tamen exora, quia luctari cœpisti nec defecisti; martyrium inchoasti, custodi animam tuam. Adjuro te per Trinitatis unitatem, pro qua pateris mortem, serva cor tuum, et confirma per Spiritum sanctum, quem in te exsufflare voluisti, et quem in te honorasti. Confige fortiter per puritatem baptismi, quod contemnere noluisti. Securus esto de corona; securus pugna, donec voluerit tibi Dominus terminare victoriam. Probat modo Deus animum tuum; ibi est oculus Dei: contemplatur te de hora in horam, quid agas, quid cogites, quomodo pugnes, quomodo stes. Si firmum te viderit, gaudet et adjuvat; si infirmum, succurrit et sublevat.

Tu tamen certa pro veritate usque ad mortem; et eris non solum tibi, sed et cæteris in salutem: alioquin a te Deus exiget et tuam animam et alienas. Signifer es Christi; in acie primus ambulas: si tu cecideris, ab aliorum morte non eris immunis. Hæc time: nam et, si viceris, pro multorum salute pugnavisti, et coronam multiplicem accepisti. Deus unus est, Deus non potest esse minor, Deus non potest immutari. Scis ista, tene fortiter veritatem. Audi autem breviter quod præmisi. Deus unus est: Pater et Filius et Spiritus sanctus, et tamen ad solum Christum pertinet caro. Nempe aliud est anima, aliud ratio: et tamen in anima est ratio. Et una est anima; sed aliud anima agit, aliud ratio: anima vivit, ratio sapit. Ad animam pertinet vita; ad rationem pertinet sapientia: et tamen nec anima est sine ratione, nec ratio sine anima; et cum unum sint, anima sola suscepit vitam, ratio sola suscepit sapientiam. Sic Pater et Filius, licet unum sint, et unus Deus sit, tamen ad solum Christum pertinet caro, sicut ad solam rationem

A pertinet sapientia, licet non recedat ab anima. Ecce igitur in sole calor et splendor in uno radio sunt, sed calor exsiccatur, splendor illuminat: aliud suscipit calor, aliud suscipit splendor, licet ab invicem calor et splendor non possint separari. Suscepit ergo splendor illuminationem, non fervorem; suscepit calor fervorem, non illuminationem.

Aliud ergo singulariter agunt, et tamen ab invicem non recedunt. Sic et Filius suscepit solus carnem, et tamen non deseruit Patrem, nec se divisit a Patre. Filius itaque suscepit carnem in proprietate, et tamen et Pater et Spiritus sanctus non defuerunt majestate. In divinitate æqualitas, in carne Filii proprietas: nec tamen ab eo Patris aut Spiritus sancti recessit divinitas. Carnem suscepit Christus, numquid a Patre aut a Spiritu sancto recessit? Ergo vera est unitas. Implevit autem carnem Christi, et Pater et Spiritus sanctus; sed majestate non susceptione. Vis scire quia in eo fuit Pater: *Non sum solus*, inquit Christus, *sed et Pater mecum est* (Joan. xvi). Audi de Spiritu sancto, quia, quod cum eo erat, evangelista referat: *Jesus plenus Spiritu sancto regressus a Jordane* (Luc. iv). Ecce solus Christus suscepit carnem, et tamen Pater et Spiritus sanctus non defuerunt majestate. Si cælum et terram implent, carnem Christi deserere non potuerunt, quando in divinitatis unitate manserunt.

Ad hoc, citharam respice, ut musicum melos sonis dulcibus reddat: tria pariter adesse videntur, ars, manus et chorda. Ars dicat, manus tangit, resonat chorda. Tria operantur, sed sola chorda resonat quod auditur. Nec ars nec manus sonum reddunt, sed eum cum chorda pariter operantur. Sic nec Pater nec Spiritus sanctus suscipiunt carnem, sed tamen cum Filio pariter operantur. Sonum sola chorda excipit, carnem solus Christus accepit. Operatio in tribus constat; sed quomodo pertinet ad solam chordam soni redditio, sic pertinet ad solum Christum carnis humanæ susceptio. Hæc a parvo in grandi nœrore posito, ut quæcumque dicta sint, vix cordi meo occurrere potuerunt. Hæc est recta regula fidei. Pro hac si quid tibi contigerit, martyrium perfecisti. Christus alapas accepit, Christus sputa aliena sustinuit, Christus felle et aceto potatus est, Christus spinis coronatus est, Christus crucifixus est, et inter latrones iniquos deputatus est justus; Christus lancea perforatus est, Christus hæc pro culpa tua, quanto magis tu firmus stare debes pro anima tua, ut nemo tollat coronam tuam. Jam in stadio es; calca fortiter, ne timeas; nihil paveas, nihil penitus pertimescas, quia omnis pro te Ecclesia deprecatur ut vincas. Expectat te Ecclesia catholica martyrem suum, ut honorificet sicut Stephanum suum. Vide ne confundas nos in hoc sæculo. Vide ne humiliet nos in conspectu adversariorum. Sustinet tecum Dominus Christus, sustinet tecum Ecclesia. Esto securissimus de corona; non timeas penitus præterita quæcumque committere potuisti peccata.



ANNO DOMINI CDXXXI-XX.

## S. XYSTUS III PAPA.

## PROLEGOMENA.

## NOTITIA LIBRI PONTIFICALIS.

(Ex Nova et Ampliss. Coll. Concil. D. Mansi tom. V.)

Sixtus (a) natione Romanus, ex patre Sixto [*Ballerini Xisto*], sedit annis 8, diebus 19 (b). Hic post annum unum et menses 8 incriminatur a quodam Basso (c). Eodem tempore audiens hoc Valentinianus Augustus, jussit concilium et sanctam synodum congregari. Et facto conventu, cum magna examinatione, per judicium synodicum purgatur a 56 episcopis. Et condemnatur Bassus a synodo, ita tamen, ut ultimo die viaticum ei non negaretur propter humanitatem [*In ms. Lucensi deest propter humanitatem*] pietatis Ecclesiae. Hoc audiens Valentinianus Augustus, cum matre sua Placidia Augusta, furore sancto commoti, proscriptione Bassum condempnaverunt, et omnia prædia facultatum ejus, Ecclesiae catholicae sociavit [*Baller. sociarunt*]. Qui Bassus nutu divino intra tres menses defunctus moritur. Cujus corpus

A Sixtus episcopus cum linteaminibus et aromatibus manibus suis tractans, recondidit, et sepelivit ad beatum Petrum apostolum in cubiculo parentum ejus. Hic fecit Basilicam Sanctæ Mariæ (d) matris Domini, quæ ab antiquis Liberii cognominabatur, juxta macellum Libyæ, ubi et obtulit hæc: Altare argenteum purissimum pensans libras 500; patenas argenteas 3, pensantes libras 60; aras argenteas quatuor, pensantes libras 60; scyphum aureum purissimum, pensantem libras 12; scyphos argenteos 5, pensantes libras 50; calices ministeriales aureos 2 [*Baller. tres*], pensantes singulos libras singulas; calices ministeriales argenteos 10, pensantes singulos libras 3; aquamanulos argenteos, pensantes lib. 8; coronam faram ante altare argenteam, pensantem libras 30; coronas farales 34, argenteas, pensantes

(a) Post interregnum viginti dierum, Sixtus patria Romanus, creatus est pontifex, anno Christi 432, qui est Theodosii vigesimus quintus et Valentiniani octavus. Ut recta fides ubique terrarum intacta conservaretur, initio pontificatus Ephesinam synodum ejusque decreta apostolica auctoritate firmavit. Joannem Antiochenum, aliosve Orientis episcopos ab Ecclesia schismate divisos, ejusdem unitati et communioni restituit. Revelatione Dei, monituque sanctorum Petri et Apollinaris primi Ravennatis sedis episcopi, cognovit, in locum defuncti Joannis ejusdem sedis episcopi, Petrum diaconum cognomento Chrysologum Ravennatibus esse præficiendum. Brictium Turonensem episcopum, quamquam calumnias adversariorum miraculose confutasset, sede amotum post septennium restituit. Nestorius extra orbem Romanum amandatus, Theodosii imperatoris clementia, libere inter Catholicos Antiochiæ in monasterio sancti Euprepii agere permissus, triduo incendio Constantinopolitanæ urbis, de quo sanctus Prosper et Marcell. in chron. justo Dei vindicis iudicio causam dedisse videtur. Hanc ob causam imperator Melaniæ, ut credibile est, zelo catholicæ fidei æstuantis in Nestorium incitatus, ejus libros haberi vetat, et sub poena publicationis bonorum flammis addici mandat. Tandem eundem, tamquam malorum omnium hujus temporis auctorem, in exilium ablegari mandavit. In exilio degentis linguam a vermibus fuisse exesam scribit Evagrius. Cum lingua totum corpus putredine fuisse consumptum scribunt Theodorus in Collectaneis, Cedrenus in Compendio, et Nicephorus lib. xiv cap. 26. Gensericus Vandalorum rex Arianus, volens catholicam fidem Ariana impietate subvertere, in Africa persecutionem

catholicorum restauravit; episcopos orthodoxos basilicis privatos etiam civitatibus expulit, plerosque alios fideles martyrio affectit. Occupata dolo pacis Carthagine, expilatis catholicorum ecclesiis, sublatis ethnicorum reliquiis, everso Cœlestis idolo in Africa celeberrimo, uno ferme die præstitit, quod plurimis conciliis, episcoporum studiis et imperatorum rescriptis præstari non potuit. S. Prosper in Chron. Vide Baron. ann. 432 usque ad annum 440. Sev. Binius.

(b) Cum sedisset annis octo minus triginta diebus, v kalendas Aprilis, anni Christi 440, qui est Theodosii 35, et Valentiniani imperatoris 16, ex hac vita migravit. S. Prosper in Chron. Baron. ann. 440. Sev. Binius.

(c) Qua de re vide quæ dicemus infra in notis concilii Romani sub Sixto. Sev. Binius.

(d) Fortasse in ampliorem duntaxat formam restituit, et amplioribus ornamentis exornavit, in laudem et honorem Dei genitricis Mariæ, cui, de Nestori blasphemias triumphanti, tantum triumphalem fornicem erigere voluerit. Meminit hujus ecclesiæ Hadrianus papa ad Carolum Magnum imperatorem, his verbis: *Magis autem successor Cœlestini Sixtus papa fecit basilicam sanctæ Dei genitricis Mariæ cognomento Majorem, quæ et ad præsepe dicitur. Simili modo et ipse in metallis aureis, quamquam in diversis historiis, sacris decoravit imaginibus.* Has temporis vetustate nonnihil detrimenti passas, Dominicus Pinellus cardinalis, ejus basilicæ dignissimus archipresbyter, summa adhibita opificum diligentia resarciendas, et jam collabentes conservandas curavit, aliasque majorum exemplo venerandas imagines, historiam Dei genitricis Mariæ repræsentantes, addidit. Baron. ann. 440, n. 2. Sev. Binius.



singulas libras 10; candelabra argentea 4, pensantia singula libras 20; thymiamaterium argenteum, pensans libras 5; canthara cerostota orichalcea 24, pensantia singula libras 15; possessionem Scavirianam [*Ms. Lucensis* Scaurianam] in territorio Cajetano [*Lucens. Getano*], præstantem cum omnibus adjacentibus attiguis solidos 312 et tremissem; possessionem Marmoratam in territorio Prænestino, præstantem solidos 92; possessionem Celeris in territorio Asiliano [*Lucens. Filiano*], præstantem solidos 111 et tremissem; domum Palmatii intra urbem, juxta inibi basilicam cum balneo et pistrino, præstantem solidos 154 et siliquas 3; domos Claudii in Sicimino [*Lucens. Sicinum*], præstantes solidos 104; cervum argenteum fundentem aquam in fontem baptisterii, pensantem libras 20; omnia vasa sacra baptismi argentea, pensantia libras 15; cœnacula aregiæ (a) graduum adhærentia basilicæ, vel quidquid intrinsecus esse videtur. Illic ordinavit de argento confessionem beati Petri apostoli, quæ habet libras 400. Hujus supplicatione obtulit Valentinianus Augustus imaginem auream cum duodecim portis, et duodecim apostolos, et Salvatorem gemmis pretiosis-imis ornatum supra [*Lucens. ornatum quem voti gratiæ (sic) suæ supra*] confessionem beati Petri apostoli. Fecit et Valentinianus Augustus ex rogatu Sixti episcopi fastigium argenteum in basilica Constantiniana, quod a Barbaris sublatum fuerat (b), pensans libras 1610 [*Lucens. 11*]. Hujus etiam temporibus fecit Valentinianus Augustus confessionem beati Pauli apostoli ex argento, quæ [*Baller. quod*] habet libras 200. Item fecit Sixtus episcopus confessionem beati Laurentii martyris cum columnis porphyriticis, et ornavit transennam [*Lucens. ornavit platonius transennam; Baller. exedram; al. suggestum*], et altare et confessionem sancti martyris Laurentii de argento

(a) Locus obscurus, ut animadvertit Mansi. Edit.

(b) Hinc plane intelligimus quod dum Gothi Urbem occuparent, non ab omnium ecclesiarum ornamentis abstinerint, sed ab iis dumtaxat quæ ad basilicas sanctorum apostolorum Petri et Pauli spectare sciebant. Ita direptionem et Urbis spoliationem, de qua supra in Innocentio, explices necessum est. SEV. BINIUS.

(c) Post hæc verba ita Codex Lucensis prosequitur: Fecit autem monasterium in catacumbis. Fecit et fontem baptisterii ad sanctam Mariam, et columnis porphyriticis ornavit. Illic constituit columnas in baptisterio basilicæ Constantinianæ, quæ a tempore Constantini Augusti fuerant congregatæ ex metallo porphyritico num. 8, quas erexit et epistolis suis et versibus exornavit; et platomam in cœmeterio Callisti, ubi commemorantur nomina episcoporum. Fecit autem scyphos aureos 3, unum ad sanctum Petrum qui pensat libras 6; ad S. Paulum unum, qui pensat libras 6; ad beatum Laurentium 1, qui pensat libras 3; calices ministeriales aureos 15, pensantes singulos libras singulas. Illic fecit ordinationes 3 per mensem Decemb.: presbyteros 28, diaconos 12, episcopos per diversa loca 52. Et hujus temporibus fecit Petrus episcopus Basilicam in urbe Roma S. Savinæ, ubi et fontem construxit. Qui etiam sepultus est via Tiburtina, etc., ut in editis. MANSI.

(d) Horum versuum, in octangulato opere, binos in singulis epistyllis exaravit. Cumque de originali pec-

A purissimo. Fecit altare, pensans libras 50; cancellos [*Lucens. purissimo pensans lib. 50; cancellos*] argenteos supra platonias porphyreticas, pensantes libras 500; absidem supra cancellos cum statua beati Laurentii martyris argentea, pensantem libras 200. Fecit autem basilicam beato Laurentio, quod Valentinianus Augustus concessit [*Baller. consensit*] (c) ubi et obtulit hæc: patenas argenteas 3, pensantes singulas libras 15 [*Baller. 20*]; amas argenteas 3, pensantes singulas libras 15; scyphos argenteos 4, pensantes singulos libras 8; scyphum singularem aureum, ornatum de margaritis, pensantem libras 10; lucernam nixorum [*Baller. lychnorum*] decem auream, pensantem libras 10; calices argenteos ministeriales 12, pensantes singulos libras 2; aquamanulos argenteos, pensantes libras octo; ministerium ad baptismum vel pœnitentiam, ex argento libras quinque; concham aurocha'ceam, pensantem libras 20; coronas argenteas farales 50, pensantes singulas libras sex; fara canthara tria ex argento, pensantia singula libras quingdecim; candelabra argentea duo, pensantia singula libras triginta; canthara cerostota ærea in basilicæ gremio viginti quatuor; fara ærea 60. Illic fecit in basilica Constantiniana ornamentum super fontem, quod ante non erat, id est, epistyllia marmorea, et columnas porphyreticas erexit, quas Constantinus Augustus congregatas dimisit, et jussit ut erigerentur, quas et versibus exornavit (d). Illic fecit platoniam in cœmeterio Callisti via Appia, ubi nomina episcoporum et martyrum scripsit commemorans [*Baller. cum memoriis*]. Illic fecit ordinationem in urbe Roma per mensem Decembrem, presbyteros viginti octo, diacones duodecim, episcopos per diversa loca quingaginta duos, qui etiam sepultus est (e) via Tibur-

cato catholicam assertionem contra Pelagianam hæresin contineant, placuit eisdem hoc loco recensere, ut qui utiliter toto orbe promulgantur, in perpetuas æternitates conserventur.

Gens sacranda polis hic semine nascitur almo

Quam fecundatis spiritus edit aquis.

Virgineo fetu genitrix Ecclesia natos,

Quos spirante Deo concipit, amne parit.

Cœlorum regnum sperate hoc fonte renati.

Non recipit felix vita semel genitos.

Fons hic est vita, et qui totum diluit orbem,

Sumens de Christi vulnere principium.

Mergere peccator, sacro purgando fluento,

Quem veterem accipiet, proferet unda novum.

Insons esse volens, isto mundare lavacro,

Seu patrio premeris crimine, seu proprio.

Nulla renascentum est distantia, quos facit unum

Unus fons, unus Spiritus, una fides,

Nec numerus quemquam scelerum, nec forma suorum

Terreat. Hoc natus flumine sanctus eris.

Hæc ex Baronio anno Domini 440, num. 5. SEV. BINIUS.

(e) Injurias, quas supra notis epistolæ primæ Sixti primi Sixti primum Romanum pontificem ac martyrem post obitum, auctore Hieronymo pertulisse diximus, easdem etiam, et quidem majores Sixtus III, de quo hic agimus, sustinuit. Nam sicut ejus nomine ab Origenis prodiit liber Sixti vel Sexti Pythagorici, ita hujus Sixti nomine a Pelagianis tria volu-



tina in crypta juxta corpus beati Laurentii [Baller. A episcopatus dies viginti duos (a). ad S. Laurentium] v kalendas Aprilis. Et cessavit

mina scripta fuerunt : primum de divitiis ; secundum de malis doctoribus, operibus fidei et judicio futuro ; tertium vero de castitate. Hæc Pelagianismis referta esse ostendit Baronius ann. 440, num. 7, 8, 9, 10 et 11, ex eo quod primo volumine Pelagianum hoc contineat, non posse salvari divitem, nisi omnia sua pauperibus erogat ; secundo volumine omnia opera libero arbitrio, gratiæ divinæ nihil tribuat ; demum quod tertio volumine eos subsannet, qui ex gratia Dei bonum castitatis provenire contendunt. His itaque coloribus libellum manifeste satis depictum, qui non sine gravi periculo fidelium nomine Sixti haud pridem excusus fuit, lector agnosce, ne de aureo

calice Babylonis venena, insigni nomine honestata, bibas. SEV. BINIUS.

(a) Verius quadraginta duobus. Ita enim scribit sanctus Prosper in Chron. ann. 440 : *Defuncto Sixto pontifice kalendis Aprilis, quadraginta amplius diebus Romana Ecclesia sine antistite fuit, mirabili pace atque patientia adventum diaconi Leonis expectans : quem tunc inter Aetium et Albinum (duces Romani exercitus) amicitiae redintegrandæ causa Galliæ detinebant, etc.* In hunc itaque locum Anastasii mendum irrepisse dubium non est. Baron. tomo VI, anno 440, num. 1 et 2. SEV. BINIUS.

## NOTITIA GALLANDII.

(Ex Bibl. Vell. Patr. Galland. tom. IX.)

1. Celestino qui anno 432, exeunte Julio, ex hac vita migravit, Xystus paulo post sufficitur atque in Romanam sedem evehitur. Qui cum Aetio et Valerio *coss.* creatus fuerit pontifex, postquam annis 8 et diebus 18 pontificatum gessisset, anno demum 440, *Valentiniano augusto v et Anatolio coss.* e vivis excessit, ut ex Prosperi Chronico erudimur (a). De die autem et mense quo sive fuerit ordinatus, sive supremum diem clauserit, haud concors est eruditorum sententia. Alii enim ejus ordinationem die 31 Julii, quæ in diem Dominicam incidebat, mortem vero die 18 Augusti consignandam censent (b). Alii autem paulo aliter. « In libro Pontificali, ait vir doctus (c), cui pervetustum exemplar Corbeiense aliique Romanorum pontificum veteres catalogi ac Prosper, saltem in novissima editione, concinunt, idem pontifex annis 8 ac diebus 18 Ecclesiæ præfuisse dicitur. Quapropter Antonius Pagius ejus ordinationem in mensis Julii anni 432 vigesimam quartam quæ dominica erat, et obitum in 11 diem mensis Augusti anni 440, differt (d) ; fultus præsertim verbis Prosperi, qui eo defuncto *quadraginta et amplius diebus* expectatum tradit, ut in illius locum sufficeretur. Major tamen esset cum prædictis Prosperi verbis consensio, si Xystum circa Julii exitum obiisse poneretur. » Hæc ille.

2. Pontificatum inivit summus antistes, ait Prosper (e), *totius Urbis pace et consensione mirabili.* Cujus quidem rei testem locupletem, ipsummet Xystum habemus. Scribens enim ad Cyrillum Alexandrinum (f) : *Quali autem omnium concordia, inquit, per divinæ Providentiæ dispensationem, hæc nostra facta fuerit ordinatio, ubi sanctitas vestra didicerit tum ex nostris litteris, tum ex relatione fratrum, omnino gratiam præbenti Domino pro nobis habitura*

*est, dilectissime frater, ut proprii doni custos, ecclesiasticam pacem conservare dignetur.* Præterea illud quoque præclarum tunc accidit, quod ejus ordinationi totus Oriens quodammodo interfuerit, quippe quæ peracta sit præsentibus Hermogene ac Lampetio episcoporum Orientalium legatis. Sic enim in eadem ad Cyrillum epistola loquitur sanctus pontifex (g) : *Gratiam habentes Dei nostri circa nos humanitati, quod eo tempore quo nos ad supremum sacerdotii apicem vocare dignatus est, concessit nobis secundum pietatem tuam, præsentiam sanctorum fratrum et coepiscoporum nostrorum Hermogenis et Lampetii ; necessario ad vestram fraternitatem per eos has litteras dedimus, testes ordinationis nostræ. In his enim omnes vos a quibus illi missi fuerunt, astitisse credidimus : quandoquidem nullatenus intervallo separantur, quos connectit gratia spiritalis.*

3. Magnam sui nominis celebritatem consecutus est Xystus, cum adhuc presbyteri munere fungeretur. Primus enim adversus Pelagianos coram frequentissimo populo anathema pronuntiavit, ut ait Augustinus ad ipsum presbyterum Xystum rescribens (h) : qui et alibi testatur (i), ejus litteras, breviores licet, hac de re ad beatissimum senem Aurelium per Leonem acolythum missas, exultanti alacritate ab se fuisse descriptas, et aliis quibuscumque poterat magno studio perlectas. Quid enim, subdit, *gratius legi vel audiri potest, quam gratiæ Dei tam pura defensio adversus inimicos ejus ex ore ejus qui eorumdem inimicorum magni momenti patronus ante jactabatur?* Deinde acceptis paulo post de hoc ipso argumento ejusdem Xysti presbyteri prolixioribus litteris fidei suæ sinceritate plenis, magna perfusus est animi lætitia sanctus Doctor : qui statim doctissimam ad ipsum Xystum perscripsit epistolam (j),

(a) Prosp. Chron. inter. opp. edit. nov. pagg. 432, 434.

(b) Tillem. tom. XIV, pagg. 260, 265. et tom. XV, pag. 889, not. 2, sur S. Léon.

(c) Contant. Epist. Rom. Pontiff. pag. 1227.

(d) Pagi. ad ann. 432, § 6, et ad ann. 440, § 2.

(e) Prosp. l. c. pag. 432.

(f) Xyst. epist. 1, num. 1, infra.

(g) Id. ibid.

(h) Aug. epist. 194, num. 1, opp. tom. II.

(i) Id. epist. 191, num. 1, ibid.

(j) Id. epist. 194 cit.



in qua catholicæ doctrinæ adversus Pelagianos assertæ summa capita exhibuit, hæc sub initium adjiciens (a) : *Itaque, frater charissime, quamvis non te videamus oculis carnis, animo tamen in fide Christi, in gratia Christi, in membris Christi tenemus, amplectimur, osculamur.*

4. Hujusce Augustinianæ epistolæ fragmentum recitat Prosper; qui pastorem Xysti vigilantiam laudans, ista præmittit (b) : *Confidimus Domini protectione præstandum, ut quod operatus est in Innocentio, Zosimo, Bonifacio, Cælestino, operetur in Xysto; et in custodia Dominici gregis hæc sit pars gloriæ huic reservata pastori, ut sicut illi lupos abegere manifestos, ita hic depellat occultos : illo auribus suis doctissimi senis (Augustini) intonante sermone, quo collaborantem secum hortatus est, dicens (c) : « Sunt enim quidam qui justissime damnatas impietates adhuc liberius defendendas putant : et sunt qui occultius penetrant domos, et quod in aperto clamare jam metuunt, in secreto seminare non quiescunt. Sunt autem qui omnino siluerunt, magno timore compressi; sed adhuc corde retinentes quod ore proferre non audent; qui tamen esse fratribus possunt ex priore ipsius dogmatis defen-*

sione notissimi. Proinde alii severius coercendi, alii vigilantius vestigandi; alii tractandi quidem lenius, sed non segnius docendi : ut si non timentur, ne perdant; non tamen negligantur, ne pereant. »

5. Prosperi vota rebus præclare gestis comprobavit Xystus in Petri cathedra constitutus. Id porro cumulate satis testantur ejus epistolæ, quas Constantium secuti rursus edidimus : ex quarum una locum recitans Vincentius Lirinensis, hæc habet (d) : *Ad extremum adjecimus... apostolicæ sedis auctoritatem,...* scilicet sancti papæ Xysti, qui nunc Romanam Ecclesiam venerandus illustrat.... Ait ita sanctus papa Xystus in epistola quam de causa Nestorii Antiocheno misit episcopo (e) : « Ergo, inquit, quia, sicut ait Apostolus, fides una est quæ evidenter [Al. et vincente] obtinuit, dicenda credamus, et tenenda dicamus. » Quæ sunt tandem illa credenda et dicenda? Sequitur, et ait : « Nil ultra, inquit, liceat novitati, quia nihil addi convenit vetustati. Perspicua majorum fides et credulitas nulla cœni permixtione turbetur. » Omnino apostolicæ : ut majorum credulitatem perspicuitatis lumine ornaret, novitias vero profanitates cœni permixtionis describeret.

(a) Aug. epist. 194, num. 2.

(b) Prosp. contr. Collat. cap. 21, al. 44, num. 4.

(c) Aug. epist. 194 cit., num. 2.

(d) Vinc. Lir. Common. 2. cap. 52.

(e) Xyst. ep. 6, num. 7, infra.

## NOTITIA SCHOENEMANNI.

(Ex Schoen. Bibl. Hist. litt. tom. II.)

### § I. Vita Xysti papæ.

Ortu Romanus, Cælestino successit anno 432, ordinatus secundum Baronium 26 die Aprilis, Pagio iudice die 24 mensis Julii. Hic dum adhuc in presbyterio constitutus esset, odio in Pelagium et Cælestium nomen suum inclytum fecit. Nam cum nescio quo pacto fama aliqua suborta esset, Xystum non solum Pelagii doctrinæ favere, sed ipsorum etiam Pelagianorum amicum ac patronum esse : adeo animo in-eensus est ad hanc calumniam diluendam, ut primus in concilio Cælestii causa a. 418 habito anathema in eum pronuntiaret. Mox etiam litteris ad Augustinum et Alypium scriptis doctrinam suam de gratia ita explicavit, ut ille sibi magnopere eam probari atque placere epistolis etiamnum superstilibus significaret. Quæ omnia ei non potuerunt non prodesse ad consequendum summum ecclesiasticæ dignitatis apicem. Contigit autem, ut in ipsa ordinatione ejus adessent legati Cyrilli Alexandrini aliorumque episcoporum pacis in Oriente componendæ causa ad præcessorem ejus missi; quapropter eximie lætatur in epistola ad Cyrillum de ordinatione sua data. Cyrillo enim et Ephesini concilii placitis Cælestini exemplo fortiter adhæsit frustra que ab iisdem eum alienare conati sunt Euthérius Thyanensis et Helladius Tarsensis, episcopi, licet vere non minus quam graviter ipsi scripsissent, Nestorium æque ac alios episcopos injuste esse damnatos, duodecim Cyrilli capitula bla-

C sphemam esse novitatem universæ Scripturæ contrariam, legitimasque et antiquas sanctorum Patrum traditiones anathematizantem, gesta illius concilii sine ratione et legibus et ab ipso principe reprobata omninoque Cyrilli effrenatam in illis fuisse licentiam. Tanto majus ipsi gaudium fuit mutatio Joannis Antiocheni, qui ipso imperatore hortante tandem sententiæ in Nestorium prolatae assentire et Maximi-  
anum pro episcopo Constantinopolitano agnoscere professus erat. Inter extremas ejus laudes referre solent, quod a Prospero accepimus, eum Juliani artes, quibus iterum in Ecclesiæ catholicæ communionem irrepere conatus sit, vigilantia sua elusisse. Obiit ex Baronii calculo die 28 Martii, juxta Pagium, die 11 Augusti, juxta Constantium vero sub exitum Julii a. 440.

### § II. Scripta Xysti papæ.

Epistolæ ejus superstites scriptæ sunt : I et II ad Cyrillum Alexandriæ episcopum, scr. medio anno 432. Nonnisi ex interpretatione Græca nobis transmissæ sunt, Latine Cotelerius vertit, qui etiam observat priorem, etsi soli Cyrillo inscriptam, revera encyclicam fuisse. III, ad eundem, scr. a. 433. IV, ad Joannem episcopum Antiochenum, scr. eodem anno. V, ad Perigenem Corinthiorum episcopum, scr. anno 435. VI, ad synodum Thessalonicæ congregandam, scr. ut et sequens a. 435. VII, ad Proclum Constantinopolitanum episcopum, scr. cum sequenti a. 437. VIII, ad totius Illyrici episcopos.



*Deperditarum*, quas tum ante pontificatum, tum eo durante scripsit, notitiam præbet Constantius (a). Huic autem Xysto a Jacobo Salonio primum tributi sunt, post etiam a Joanne Garnerio adjudicati, libri tres, de divitiis, de malis doctoribus et de operibus fidei, et de castitate; sed fatendum est eos conjectura magis, quam ullo probabili argumento niti. Idem vero Joannes Garnerius admodum proluxa dissertatione ad Opera Marii Mercatoris id egit (b), ut libros *Hypomnesticæ* apud Augustinum in appendice tom. X ed. Benedictinorum vulgatos Xysto huic assereret. Sed refellit eum Natalis Alexander sæc. v, pagg. 49 sq. *Gesta de Xysti purgatione et Polychronii Hierosolymitani episcopi accusatione, ipsius Xysti jussu collecta*, quæ Petrus Crabbius in conciliis a se editis primum evulgavit, non solum horrido ac barbaro sermone, sed innumeris etiam in historicam veritatem peccatis inficetum impostorem producit. Constantius ex eadem officina prodiisse suspicatur, qua Sinuessanæ synodi sub Marcellino, Romanæ sub Sylvestro et Liberio gesta, de quibus suis ille locis acutissime et doctissime disseruit, procusa fuerint, nempe Symmachi papæ temporibus et in gratiam judicii, quod Romana synodus incunte sæculo vi de causa hujus pontificis protulit. Itaque hæc fraus longe Isidori Mercatoris imposturis est antiquior, qui tamen ipse minime otiosus fuit, sed Xysto III affinxit *Epistolam ad Orientales*, cui et criminationis Bassi et purgationis Xysti fabulam inseruit, sed quidquid ibi disserit, illud ex uno Anastasio vulgato seu pontificali libro mutuatum esse monet Constantius.

### § III. Editiones scriptorum Xysti.

Ante *Baronium* nihil litterarum genuinarum Xysti prostabat. Isidori fetum ediderat Merlinus et iterum Crabbius, fortasse in Romanam quoque Epistolarum Decretalium collectionem receptus fuit. Qua abolata demum duas epistolas, III scilicet et IV, e mss. exemplaribus Vaticanis nactus est Antonius de Aquino et cum *Baronio* communicavit, qui in *Annalibus* ad annum 453 eas proposuit. Post longum satis intervallum quatuor novas V, VI, VII, VIII, in ejusdem bibliothecæ codicibus deprehendit Lucas Holstenius easque luci dedit card. Barberinius in *Collectione Bipartita Romana* ex schedis Holstenii post obitum ejus edita. Tandem reliquas duas invenit Cotelerius, sed Græce tantum. Quocirca de suo ille in Latinum vertit, et in *Monumentis Eccl. Græcæ* imprimi curavit, easdemque repræsentarunt Baluzius et Harduinus. Omnibus denique emaculandis et illustrandis manum a movit Constantius, quem sequitur Gallandius.

### SÆCULO XVI.

1525. *Parisiis; in-fol.* Sixti papæ decreta, i. e. *Epistola ad Orientales* ab Isidoro Mercatore conficta; in *Jac. Merlini Conciliis* T. I; editionis alterius (*Colo-*

*niæ* a. 1530, in *fol.*) folio CLXVI—CLXXVII, et identice (*Parisiis*, 1535, in-8°) folio CC—CCI.

1538. *Coloniæ, apud Petrum Quentel; in-fol.* Decreta Sixti papæ III, seu *Epistola ad Orientales*; in *Conciliis Petri Crabbe*, T. I, fol. CCCXVII—CCCXXI. Item *Collectiones Sixti papæ de Expurgatione sua, quas collegit impetratus a Mariniano et Basso*, fol. CCCXXI—CCCXXV.

Hæc est prima editio *Expurgationis* illius Xysti et Polychronii, quam Petrus Crabbius in duobus vetustis, admodum mendosis ac depravatis exemplaribus deprehendit. Quæ cum horrida quadam barbarie ita inter se concordarent, ut dissiderent maxime verborum sententiarumque singularum varietate, ille non modo non indignum existimavit utriusque textum, B nulla facta mutatione, duabus columnis repræsentare, sed utriusque discrepantias etiam conjecturæ ope componere et ad saniolem sensum politiolemque orationem reducere nisus est. Atque hæc, quam ipse conflavit narratio, medium inter utrasque columnas locum occupat.

1589. *Parisiis; in-fol.* Sixti III P. M. Liber de divitiis; ejusdem *Epistola de malis doctoribus et operibus fidei, et de judicio futuro*; ejusdem Liber de castitate ad quemdam vere Christianum; in *Bibl. PP. Bign.* secundæ ed. tomo V.

1591. *Romæ; in-fol.* Sixti papæ III *Epistola ad Orientales*; in *Collectione Epistolar. Decret. Pontif. Rom. Ant. Card. Carasæ*. T. I.

1594. *Romæ, e typogr. Vat.; in-fol.* Sixti papæ III *Epistolæ duæ, videlicet: 1° ad Cyrillum Alexandrinum de amoto Nestorio et damnatis ejus hæresibus, gratulatoria; 2° ad Joannem Antiochenum ejusdem argumenti*; ex Vaticano codice editæ in *Baronii Annalibus* ad a. 453, num. 12-21 tom. V; ed. *repetitiæ* a. 1607, pag. 635-37; ed. *Colon. Agr.* 1624, pagg. 718, 719; ed. *Mansianæ* tom. VII, 451-55. *Acta Expurgationis Xysti* juxta mendosum exemplar habes ibidem num. 52 seq.

### SÆCULO XVII.

1606. *Coloniæ Agripp.; in-fol.* Vita, *Epistolæ et Decreta Sixti papæ III*; in *Conciliis Sev. Bini*, T. I, fol. 922-26. Nempe duæ insunt ex *Baronio* et *epistola ad Orientales. Acta Expurgationis Sixti* juxta ed. Crabbei edita sunt fol. 928-929.

D 1618. *Coloniæ Agr.; in-fol.* Sixti papæ III Liber de divitiis, malis doctoribus et castitate; in *M. Bibl. PP.* tom. V, p. II.

1644. *Parisiis, e typogr. Regia; in-fol.* Vita, *Epistolæ et Decreta Sixti papæ III*, eum notis *Sev. Bini*, in *Coll. Regia Conciliorum* T. VII, pagg. 1-12.

1662. *Romæ, typis Jac. Dragondelli; in-8°.* Xysti papæ III *Epistolæ quatuor* e codd. Vaticanis recens erutæ, videlicet: 1° *ad Perigenem Corinthiorum episcopum*; 2° *ad universos episcopos synodo apud Thessalonicam congregandos*; 3° *ad Proclum*; 4° *ad uni-*

(a) Hanc notitiam vide infra. EDIT.

(b) Habetur hæc dissertatio Garnerii in nostro paulo superiori tomo XLVIII, ad opera Marii Mercatoris. EDIT.



versos episcopos per Illyricum consistentes; inter Acta Synodi Rom. sub Bonifacio II a Luca Holstenio producta in *Collectione Bipart. Rom. part. 1* pag. 90 sqq.

1644 et 1651. Parisiis; in-fol. Sixti III P. ascriptus Liber de divitiis et Epistola de malis doctoribus, operibus fidei et de iudicio futuro; item Liber de castitate ad quemdam vere Christianum; in *Bibl. PP. T. V.*

1671. Lutetiae Parisiorum; in-fol. Vita, Epistolae et Decreta Sixti papae III; in *Conciliis Labbei et Cossartii T. III*: videlicet: 1° ad Cyrillum inter Acta conc. Ephes. part. III, cap. 41, pagg. 1175; 2° ad Joannem Antiochenum, ibidem pagg. 1178, et iterum pagg. 1261, 1262; 3° ad Orientales, pagg. 1263-65. Ibidem incipiunt Acta expurgationis et accusationis Polychronii juxta tres Crabbii editiones usque ad pagg. 1283.

1677. Lutetiae Parisiorum, apud Franc. Muguet; in-4°. Xysti papae Romae, successoris Coelestini, ad Cyrillum Epistolae duae, ex codice ms. Colbertino recens editae Graece cum Latina versione editoris Joan. Bapt. Cotelerii in *Monum. Eccl. Gr. T. I*, pagg. 42-47. Incipit prior *Lætatus sum*, alter *Gratiam habentes Deo*.

1677. Lugduni; in-fol. Sixti III P. M. Liber de divitiis, Liber de castitate, et Epistola de malis doctoribus, quae perperam pridem eidem tribuuntur; in *Max. Bibl. PP. T. VII.*

1685. Parisiis, apud Franc. Muguet; in-fol. Xysti papae Epistolae duae ad Cyrillum a Cotelerio Gr. et Lat. editae; in nova *Conciliorum Collectione Stephani Baluzii T. I*, pagg. 657-62.

#### SÆCULO XVIII.

1715. Parisiis, e typogr. Regia; in-fol. Xysti papae III Epistolae tres ad Cyrillum Alexandrinum, quarum duae posteriores Gr. Lat. a Cotelerio editae; et una ad Joannem Antiochenum; in *Harduini Conciliis T. I*, pagg. 1707-1714.

1721. Parisiis; in-fol. S. Xysti III papae, Epistolae

et Decreta, undequaque collectae et chronologicè ordinatae, insuper notis criticis et historicis et admonitionibus illustratae a Petro Constantio, in *Epistolis Pontif. Rom. T. I*, pagg. 1229-72. Insertae sunt: 1° post secundam, Epistola Joannis Antiocheni ad Xystum, Gr. Lat. ser. circa a. 435, et ibidem; 2° epistola Eutherii Thyanensis episcopi et Helladii Tarsensis ad eundem, ser. eodem anno. Accedit a pagg. 1275 ad 1280 *Notitia reliquorum scriptorum, quae ad Xystum attinent*, et in *Appendice* hujus tomi *Gesta Expurgationis Xysti* cum notis et admonitione pagg. 111-124. Atque in his omnis haec praestantissima Constantii opera subsistit. Ex praefatione quidem discimus, magnam adhuc partem ejus in mss. autographis docti auctoris latere, et sperabamus, si non omnem laudati viri lucubrationem aliquis ex congregatione Maurina foras daturus esset, fore tamen, ut in progressu operis splendidissimi, quod nuper Patres isti inchoaverant, collectionem dico omnium Galliae Conciliorum Sirmondiana longe auctiorem et ornatior, ea saltem pontificum Romanorum monumenta, quae ad Gallicanam Ecclesiam pertinent, quae sane nec pauca sunt, nec minimi momenti, Constantii manu perpoluta prodirent. Sed fefellerunt, immo abruperunt spem jucundissimam turbulentissima, in quae nunc Gallia incidit tempora.

1761. Florentiae; in-fol. Vita, Epistolae et Decreta Sixti papae III; in *Collectione ampliss. Concilior. curante Mansio T. V*, pagg. 1150-1156. Scilicet duae priores epistolae non hoc loco, sed inter Acta concilii Ephesini exscriptae sunt. Succedunt hic a pag. 1162 Acta Expurgationis, etc.

1773. Venetiis; in-fol. S. Xysti III papae Epistolae et Decreta, quibus nonnulla intexta ad eundem sanctum pontificem pertinentia ex editione V. C. Petri Constantii; in *Bibl. PP. et SS. Vet. Eccl. Andreae Gallandii T. IX*, pagg. 518-552. Additae sunt notae ex Constantio selectae, accessitque capite 19 *Prolegg.* dissertatio de Xysto.

## XYSTI III PAPAE EPISTOLAE ET DECRETA,

Quibus nonnulla intexta

AD EUMDEM PONTIFICEM PERTINENTIA.

(Ex edit. Epist. Rom. Pont. P. Constantii, apud Gallandium Vett. Patr. Bibl. tom. IX.)

#### MONITUM IN DUAS EPIST. SEQUENTES.

1. E Graeco exemplari Regiae bibliothecae primum a Joanne Baptista Cotelerio erutae, Latinitate donatae ac Monumentorum Graecorum tomo I vulgatae sunt illae epistolae. Eisdem subinde Steph. Baluzius in nova collectione conciliorum pag. 658 recudi curavit. Ambae dubio procul Latine, praesulum Romanorum more, scriptae sunt, licet earum Graeca tantum

D interpretatio ad nos pervenerit. Utamque vero statim ab ordinatione Xysti conscriptam esse liquet, adeoque anno 432, aut circa initium Maii, si non talis est vulgaris de die ordinationis hujus papae sententia, a tunc circa exitum Julii, si Pagii opinio praefenda est. Utraque satisfacere aggreditur Xystus litteris quas Cyrillus et alii Orientales episcopi, pro componenda Orientis pace, ad decessorem ipsius Coelestinum per legatos miserant. Idcirco forsitan prima non



simpliciter Xysti, sed Xysti successoris Cœlestini nomine, memorato præter morem Cœlestino, inscribitur. Quamquam hoc fieri potuit, uno antiquarii studio, ut ab aliis Xystis noster distingueretur.

2. Prima non ad Cyrillum tantum, sed et ad alios Orientis episcopos, a quibus destinati fuerant legati, et ad quos scribi legati ipsi petierant, a pari scripta est, licet unum præferat Cyrilli nomen; haud dubie quia quod ipsi nominatim inscriptum erat exemplum, unum ad nos pervenit. Hinc neminem movere debent Cyrilli laudes, quas Xystus, nisi ad alios etiam pertinisset hæc epistola, vel tacere, vel aliter efferre debuisset. Eandem ad Acacium Beroëæ episcopum missam esse, nec aliam ab ipso indicari opinamur in Synodico, quod Baluzius post Christianum Lupum nov. coll. concil. recedit, cap. 55 pag. 757, ubi sic loquitur: *Episcopus, qui Romæ est, unam ad me scripsit epistolam.* Et vero inter eos qui a Joanne stabant, aut Cyrillo adversabantur, præcipuus erat ille Acacius. Unde et ipse Joannes cum sua synodo, apud eundem Baluzium ibid. c. 17 pag. 744, ad Theodosium imp. ita scribit: *Hæc autem (Cyrilli capitula) sicut vestrum agnovit imperium, et Deo amicissimus et sanctissimus pater noster et episcopus Acacius sanctam synodum per litteras edocuit, quod Apollinarii impietati convenient. Novit vero hæc clare vir, qui centum decem vitæ annos explevit, omnem vero*

A vitam in evangelicis certaminibus acedando transegit, et synodis multis interfuit. Alia præterea Xysto ad Acacium scribendi causa fuit, quod nimirum is, cum Ephesum vocatus præ senio adesse non valuisset, litteras proxime a Joanne memoratas vice sui ad Theodosium misit cum synodo communicandas, quas re ipsa imperator ille perferri Ephesum curavit (*Lab. tom. III Concil. pag. 722*). Harum Acacii litterarum ipse memin'it Theodosius in sacra quam post Nestorii, Cyrilli ac Memnonis depositionem ad synodum scripsit. Cum igitur Xystus Acacium non modo apud Joannem et socios, sed etiam apud imperatorem tantum posse animadverteret; plurimi interesse judicavit ut ad componendam pacem, idoneis conditionibus propositis, ille in primis adduceretur. Denique hanc primam Xysti epistolam notare voluisse videtur Gennadius lib. de Vir. Illustr. ubi ait: *Xystus successor Cœlestini pro eadem re et ad ipsum Nestorium et ad Orientis episcopos adversus errorem ejus succidendum sententias direxit.* Quod si ita est, graviter hallucinatus est ille, cum epistolam ad ipsum Nestorium directam dixit, in qua diserte adversus eum pronuntiat Xystus (Num. 4): *Solus igitur ille sit naufragus, quem in tanta caligine propriarum doctrinarum nihil cernentem impietatis fluctus allisit scopulo depositionis.*

### <sup>a</sup> EPISTOLA I

XYSTI III, BEATISSIMI PAPÆ ROMÆ, SUCCESSORIS CŒLESTINI, AD CYRILLUM.

ΕΠΙΣΤΟΛΗ ΞΥΣΤΟΥ ΤΟΥ ΜΑΚΑΡΙΩΤΑΤΟΥ ΠΑΠΑ ΡΩΜΗΣ, ΔΙΑΔΟΧΟΥ ΚΕΛΕΣΤΙΝΟΥ, ΠΡΟΣ ΚΥΡΙΛΛΟΝ.

*Episcopis Orientis nuntiat unanimi consensu factam esse ordinationem suam; cui et illos in legatis suis interfuisse gratulatur. Cyrilli erga Nestorii sectatores pia petitio laudatur et confirmatur.*

1. Gratiam habentes Dei nostri circa nos humanitati, quod eo tempore quo nos ad supremum sacerdotii apicem vocare dignatus est, concessit nobis, secundum pietatem suam, præsentiam sanctorum fratrum et coepiscoporum nostrorum Hermogenis et Lampetii, necessario ad vestram fraternitatem per eos has litteras dedimus <sup>b</sup> testes ordinationis nostræ. In his enim omnes vos a quibus illi missi fuerunt, astitisse credidimus, quandoquidem nullatenus intervallo separantur quos connectit gratia spiritualis. Quali autem omnium concordia, per divinæ Providentiæ dispensationem, hæc nostra facta fuerit ordinatione, ubi sanctitas vestra didicerit tum ex nostris litteris, tum ex relatione fratrum, omnino gratiam præbenti Domino pro nobis habitura est, dilectissime frater, ut proprii doni custos, ecclesiasticam pacem conservare dignetur. Deus noster, qui cuncta quæ ad se pertinent ita dispensat, ut ne unum quidem deficere permittat, beneficium mihi in occasione fraternitatis dedit. Nam per sanctos consacerdotes nostros Hermogenem et Lampetium qui interfuerunt ordinationi nostræ has litteras mittere visum est ad pietatem tuam, quales utique ad sanctam synodum <sup>c</sup> minimus, de seductoribus Nestorii.

C Χάριν ὁμολογούντες τῇ περὶ ἡμᾶς τοῦ Θεοῦ ἡμῶν φιλοφροσύνῃ, ὅτι κατὰ τὸν καιρὸν ἐν ᾧ ἡμᾶς εἰς τὸ ὑπερέχον τῆς ἱερωσύνης ἄκρον καλέσαι κατηξίωσεν, ἐδωρήσατο ἡμῖν κατὰ τὴν ἰδίαν εὐσέβειαν, τὴν παρουσίαν τῶν ἁγίων ἀδελφῶν καὶ συνεπισκόπων ἡμῶν Ἑρμογένους καὶ Λαμπετίου, ἀναγκάως πρὸς τὴν ὑμετέραν ἀδελφότητα δι' αὐτῶν ταῦτα τὰ γράμματα μαρτυρούντων ἡμῶν τῇ χειροτονίᾳ δεδώκαμεν. Ἐν τούτοις γὰρ πάντας ὑμᾶς, παρ' ὧν ἐκεῖνοι ἀπεστάλεσαν, παραγεγενῆσθαι πεπιστεύκαμεν· ἐπεὶ οὐδαμῶς διαστήματι χωρίζονται, οὓς συνδεσμεῖ πνευματικὴ χάρις. Μεθ' οὗας δὲ πάντων ὁμονοίας, κατὰ οἰκονομίαν θείας προνοίας, αὕτη ἡ ἡμετέρα γεγένηται χειροτονία, μαθοῦσα καὶ ἡ ὑμετέρα ἀγιωσύνη ἐκ τῶν ἡμετέρων γραμμάτων, καὶ ἐκ τῆς ἀναφορᾶς τῶν ἀδελφῶν, πάντως τὸ δῶρον τῇ παρασχόντι κυρίῳ ὑπὲρ ἡμῶν ὁμολογήσει, ἀδελφὸς ἀγαπητότατος· ἵνα τῆς ἰδίας ὧν δωρεᾶς φύλαξ τὴν ἐκκλησιαστικὴν εἰρήνην τηρῆσαι καταξιώσῃ. Ὁ Θεὸς ἡμῶν, ὁ πάντα εἰς αὐτὸν τὰ ἀνήκοντα οὕτως διοικῶν, ἵνα μηδὲ ἐν λείψει συγχωρήσῃ, εὐεργεσίαν μοι ἐν τῇ ἀφορμῇ τῆς ἀδελφότητος δέδωκε. Διὰ γὰρ τῶν ἁγίων συνιερέων ἡμῶν Ἑρμογένους καὶ Λαμπετίου παραγενομένων τῇ ἡμετέρᾳ χειροτονίᾳ, ταῦτα τὰ γράμματα ἔδοξεν ἀποσταλῆναι πρὸς τὴν σὴν εὐσέβειαν, οἷα δὲ πρὸς τὴν ἁγίαν σύνοδον ἀπεστείλαμεν, περὶ τῶν ἐπομένων Νεστορίῳ.

<sup>a</sup> Scripta circa med. ann. 432.

<sup>b</sup> Observat Cotelierius vocabulum *testes* ad litteras, non ad legatos referendum, adeoque Græce μαρτυροῦντα loco μαρτυρούντων legendum esse: Quamvis enim ordinationis Xysti testes fuerint legati, si istud tamen enuntiare voluisset interpretes Græcos μαρτύρων potius quam μαρτυρούντων verbo usus fuisset. Quæ observatio primis num. 3 verbis firmatur.

<sup>c</sup> Si Xystus Cœlestini epistolam 22 hic indicat ad Ephesinam synodum inscriptam, in qua de Nestorii

sectatoribus agitur, ac circa eos quid sequendum sit decernitur; verbo *misimus* ideo utitur, aut quia censeatur in decessore suo successor illius, aut quia litteras illas e sententia concilii in quo ipse Xystus præcipuas agebat partes Cœlestinus miserat. Sed hoc potius significat, tales a se ad Cyrillum litteras mittere, quales seu quarum paria et similia exempla simul mittebat ad ceteros Orientis episcopos, quorum nomine Lampetius et Hermogenes Romam venerant.



2. Valde igitur, fatior, lætati sumus, quia contigit nobis una eademque opportunitate et quæ ad fidem, et quæ ad nos ipsos pertinent, communicare. Omnes quippe fratres præsentibus habuit ordinatio nostra. Quis enim non interesse visus est, quando Oriens per suos <sup>b</sup> legatos aderat, qui quidem spectarunt unum omnium cor, et unam in conciliis animam agnoverunt, consonamque divinæ multitudinis vocem? Sic Romana Ecclesia unum suffragium eius dividit in institutione prædicatoris fidei, ut in ipsa fidei prædicatione unam semper sententiam servavit.

3. Quoniam ergo sufficit paucis verbis significasse ordinationem meam, nobis loquendum superest de iis quæ sanctus frater noster Cyrillus, immemor propriæ contumeliæ et laborum, postulat. Etenim sufficient quæ jam a beatæ memoriæ decessore meo scripta fuerunt de fide, pro qua gaudemus triumphantes secundum auxilium Christi Dei nostri, in quem quæstio mota fuerat. Attamen quoniam pigere non debet, sæpe repetere quæ salubriter definita sunt, necessarium duxi, scribens nunc ad fraternitatem tuam per sanctos fratres et coepiscopos nostros Hermogenem et Lampetium, hæc paucis declarare, quæ multo jam sermone olim apostolicæ sedis sententia definivit; et ne fatiscat audiens, sed et libenter audiat, quia vicit. Si enim Nestorius <sup>d</sup> impiarum disputationum magister libros edidit prædicans subvertenda, quanto magis nos oportet apparere paternæ fidei custodes, quæ sunt <sup>e</sup> subversa omnino auferentes?

4. Sanctus autem et coepiscopus noster frater antistes Alexandrinorum Ecclesiæ, ostendens quomodo et quantam fidei curam gerat, contemnensque contumelias quas gloriose secundum Apostolum passus est (II Cor. XII, 9), magis ordinari Ecclesias, quam se vindicari desiderat. Confestim autem in naufragio laborantibus petit aperiri portum: ejus unius contentus morte, qui cum in imperitia doctor esse videretur, vindicavit sibi Dominici <sup>s</sup> temonis gubernacula; sed permanere in sede non potuit, qui docere nescivit. Solus igitur ille sit naufragus, quem in tanta caligine propriarum doctrinarum nihil cernentem, impietatis fluctus allisit scopulo depositionis. Habuit quidem omnes una tempestas; verum, eo qui ista excogitavit submerso, sanari vult cæteros. Est itaque et in nobis eadem sententia. Præstat enim pie

A Ὁμολογῶ τοίνυν, σφόδρα ἡσθημεν, ὅτι συνέβη ἡμῖν διὰ μιᾶς καὶ τῆς αὐτῆς εὐκαιρίας τάτε περὶ τῆς πίστεως, καὶ τὰ περὶ ἡμῶν αὐτῶν ἀνακοινώσασθαι· ἅπαντας γὰρ ἔσχε τοὺς ἀδελφοὺς παρόντας ἡ χειροτονία ἡμῶν. Τίς γὰρ ἂν ἐδοξε μὴ παραγενέσθαι, ὅπῃτε ἡ ἁνοτολή διὰ τῶν ἰδίων <sup>a</sup> πρεσβυτέρων παρεγένετο, καὶ ἐθεύσαντο μίαν πάντων καρδίαν, καὶ μίαν ἐν πᾶσι ψυχὴν ἔγνωσαν, ὁμόφωνόν τε τοῦ θεοῦ πλήθους φωνήν; ὣτως ἡ κατὰ Ῥώμην Ἐκκλησία μίαν ψῆφον ἐφύλαξε τῇ καταστάσει τοῦ τῆς πίστεως κήρυκος, ὥσπερ ἐν αὐτῷ τῷ τῆς πίστεως κήρυγματι μίαν ἀεὶ γνώμην <sup>c</sup> ἐτήρησαν.

Ἐπειδὴ τοίνυν ἀρκεῖ διὰ βραχείων δεδηλωσθαι μου τὴν χειροτονίαν, λαλητέον λοιπὸν ἡμῖν, περὶ ὧν ὁ ἅγιος ἀδελφὸς Κύριλλος, ἀνημνουῶν τῆς ἰδίας ὕβρεως καὶ τῶν καμάτων. αἰτεῖ. Ἀρκεῖ μὲν γὰρ τὰ ἤδη γραφέντα παρὰ τοῦ τῆς μακαρίας μνήμης τοῦ ἐμὲ προσηγησαμένου περὶ τῆς πίστεως, ὑπὲρ ἧς χαίρομεν θριαμβεύοντες κατὰ βοήθειαν τοῦ Χριστοῦ τοῦ Θεοῦ ἡμῶν, καθ' οὗ ἡ ζήτησις ἐκκίνητο. Ὅμως ἐπειδὴ οὐκ ὀκνητέον ἀναλαμβάνειν πολλὰς τὰ ὑγιᾶς ὀρίσθαι. ἀναγκαῖον ἡγήσασθαι, γράψω νῦν πρὸς τὴν σὴν ἀδελφότητα διὰ τῶν ἁγίων ἀδελφῶν καὶ συνεπισκόπων ἡμῶν Ἑρμογένους καὶ Λαμπετίου, ταῦτα δηλοῦν διὰ βραχείων. ἅπερ πολλῶ ἤδη τῷ λόγῳ πάλαι ἡ ἀπόφασις τοῦ ἀποστολικοῦ θρόνου ὥρισε καὶ μὴ ἀποκάμῃ ἀκούων, ἀλλὰ καὶ ἡδιστα ἀκούετω. ὅτι νενίκηκεν. Εἰ γὰρ Νεστόριος ὁ τῶν ἀνοσίων διατριβῶν διδάσκαλος βιβλία ἐκδέδωκε, κηρύττων τὰ καθαιρετέα, πόσω μᾶλλον ἡμᾶς δεῖ φαίνεσθαι τῆς πατρικῆς πίστεως φύλακας, πάντη ἀναρῶντας τὰ καθηρημένα;

C Ο δὲ ἅγιος καὶ συνεπίσκοπος ἡμῶν ἀδελφὸς ὁ προστατὴς τῶν Ἀλεξανδρίων Ἐκκλησίας, δεικνύων ὅπως καὶ ὅσον <sup>f</sup> φροντίζων τῆς πίστεως, καταφρονεῖν τε τῶν ὕβρεων, ἃς ἐνδοξως κατὰ τὸν ἀπόστολον πέπυνθε, μᾶλλον διοικηθῆναι τὰς Ἐκκλησίας ἢ ἑαυτὸν ἐκδικηθῆναι ἐπιθυμεῖ. Αὐτίκα δὲ τοῖς ἐν ναυαγίῳ κάμνουσιν αἰτεῖ ἀνοιχθῆναι λιμένα· ἐκείνου μόνου ἀρξομένους τῷ θανάτῳ, ὃς δοκῶν εἶναι ἐν ἀπαιδευσίᾳ διδάσκαλος, ἐξεδίδκει ἑαυτῷ τὰ τοῦ δεσποτικοῦ φόβου πηδάλια· ἀλλ' ἐπιμένειν τῷ θρόνῳ οὐκ ἠδυνήθη. διδάσκειν οὐκ εἰδώς Μόνος οὖν εἶη ναυάγησας αὐτὸς ὃν ἐν τοσαύτῃ ὁμίχλῃ τῶν ἰδίων διδασμάτων μηδὲν ὁρῶντα, τὸ τῆς ἀσεβείας κύμα προσέρρηξε τῷ σκοπέλῳ τῆς καθαιρέσεως. Ἔσχε μὲν οὖν πάντας χειμῶν εἰς· ἀλλὰ βυθισθέντος τοῦ ταῦτα ἐπινοήσαντος, ὑγιασθῆναι βούλεται τοὺς λοιποὺς. Ἔστι τοίνυν καὶ ἐν ἡμῖν ἡ αὐτὴ ψῆφος. Εὐσεβεῖν γὰρ περὶ τοῦ-

vitatem Christi atque genitricis ejus dignitatem impiis disputationes excitare ac fovere cōpisse.

<sup>e</sup> Baluz. cum Coteler., subvertenda, quasi de re nondum acta ageretur. Præferendum quod et littera Græca exigit, subversa: nempe quæ Nestorius prædicaverat, primum Cœlestini, tum etiam Ephesini concilii auctoritate subversa sunt.

<sup>f</sup> Forte, φροντίζει.

<sup>s</sup> Græca littera verbis Dominici timoris aut terroris Latine convertenda esset. Cotelerius vero, utramque vocem ad Xysti scopum minus aptam judicans, Dominicæ religionis substituit. Sed obscurum non est interpretem Græcum vocabulorum affinitate deceptum, in exemplari Latino timoris aut terroris, loco temonis, legisse. Lectioni nostræ cognata hæc est Cœlestini in epistola 24 ad Maximianum num. 1. Sume gubernacula notæ tibi navis.

<sup>a</sup> Leg. πρεσβυτέρων.

<sup>b</sup> Cotelerius quidem litteram Græcam secutus ita convertit, per presbyteros suos; sed mendum in Græcum textum irrepsisse, ac πρεσβυτέρων loco πρεσβυτέρων restituendum esse non inficias ierit, qui animadverterit cum supra num. 1, tum nunc Orientis episcopos Xysti ordinationi non alio nomine præsentibus dici, nisi quod ipsorum legati Hermogenes et Lampetius illi interfuissent. Hi autem legati non presbyteri, sed episcopi erant, Lampetius Casii, et Hermogenes Rhinocorurorum, ambo in Augustamnica provincia.

<sup>c</sup> Leg. ἐτήρησεν.

<sup>d</sup> Apud Coteler. et Baluz., impiæ scholæ magister. Nestorium nullius scholæ magistrum exstitisse legimus, sed ex Antiochena Ecclesia in episcopalem regiæ urbis sedem assumptum, statim adversus nati-



circa illos agere, qui erga Deum impie se gerere cessaverint. Unde recipiantur qui voluerint ad rectam viam reverti. De quibus multa loqui opus non est, cum hæc pauca sufficiant. Sciant enim <sup>a</sup> ecclesiarum ab ipsis occupatarum curam fore, si non ipsi sibi consuluerint, et ea ipsa quæ nos, sentire voluerint.

5. De Joanne autem Antiochiæ hæc definimus debere servari, quæ in litteris <sup>b</sup> ante missis præscripta sunt, ut noverit futurum se unum catholicorum, si cuncta per synodum <sup>c</sup> eversa subvertens, ostenderit se ipsum catholicum sacerdotem. Retine fortiter igitur, cum quæ a synodo, tum quæ a nobis definita sunt, frater dilectissime. Remittit enim <sup>d</sup> frater contumelias quæ ei utiles sunt coram communi Domino. Hujusmodi enim contumelia victoria est. Unde æquo animo tulit omnium aculeorum plagas; neque illa cum contristarunt de quibus nunc lætatur, memor quod certaverit propter coronam. Novit enim qualia maneant præmia eos qui talia vicerunt. Exsulet de triumpho hujusmodi societate <sup>e</sup> omnis qui reversus fuerit, et animo in eandem sententiam conspirarit.

6. Hæc vero ad vicinorum fratrum notitiam volo mitti per pietatem tuam, ut discant in re tanta etsi olim cuncta plenissime definita fuerint, non cessare aut segnem esse tamen apostolicam sedem, neque enim permittit nos quietos esse ab ejusmodi curis omnium Ecclesiarum sollicitudo.

Α τους βέλτιον, εἰς Θεὸν ἀσεβεῖν παυσσόμενους. Ὅθεν διχθῶσιν οἱ βουλόμενοι εἰς τὴν εὐθείαν ἐπανελθεῖν. Περὶ ὧν πολυλογεῖν οὐ χρὴ. τούτων τῶν ὀλίγων ἀρκούντων. Γινωσκέτωσαν γὰρ ἔσσεσθαι φροντίδα περὶ τὰς καταληφθεῖσας παρ' αὐτῶν Ἐκκλησίας, εἰ μὴ αὐτοὶ ἑαυτοῖς βοηθήσουσι, τὰ αὐτὰ ἡμῖν φρονεῖν ἰδεήσαντες.

Περὶ δὲ τοῦ Ἀντιοχείας Ἰωάννου ταῦτα ὀρίζομεν ὑφείλειν φυλάττεσθαι, ἅπερ ἔγκειται ταῖς προαπεσταλμέναις ἐπιστολαῖς· ἵνα γινώσκόμενος εἰς τῶν καθολικῶν, εἰ πάντα παρὰ τῆς συνόδου καθαιρέθοντα καθαιρῶν, ἀποδείξειεν ἑαυτὸν καθολικὸν ἱερέα. Κάτεχε οὖν ἐσχυρῶς, τάτε συνοδικὰ, καὶ τὰ παρ' ἡμῶν ὠρισμένα. ἀδελφεῖ ἀγαπητότατε. Ἀφίησι γὰρ ὁ ἀδελφὸς τὰς ὕβρεις, αἵ τινες αὐτῷ χρησιμεύουσιν ἐνώπιον τοῦ κοινοῦ δεσπότητος. Ἡ γὰρ τοιαύτη ὕβρις νίκη ἐστίν. Ὅθεν ἐπεικῶς ἠνεγκε πάντων τῶν κέντρων τὰς πληγὰς οὐδὲ ἐπεινα αὐτοῦ ἐλύπησεν, ἐφ' οἷς νῦν ἡδεῖται, μεμνημένος ὅτι ἡγωνίσαστο διὰ στέφανον. Οἶδε γὰρ οἷα μένει νικητήρια τοῖς τοιαῦτα νικῶντας. Ἀγαλλιᾶσθω ἐπὶ τῇ κοινωνίᾳ τοῦ τοιοῦτου θριάμβου πᾶς ὁ παραγενόμενος, τῇ δὲ ψυχῇ συνανέσας.

Ταῦτα δὲ εἰς τὴν τῶν γειτνιώντων ἀδελφῶν γινώσκιν βούλομαι πεμφθῆναι διὰ τῆς σῆς εὐλαβείας, ἵνα μαθῶσι περὶ τοῦ τηλικούτου πράγματος· εἰ καὶ πάλοι πληρέστατα πάντα ὥρισαντο, μὴ ἀργεῖν ὅμως τὸν ἀποστολικὸν θρόνον. Οὐ γὰρ ἐπιτρέπει ἡμᾶς ἡρεμεῖν ἀπὸ τῶν τοιούτων φροντίδων ἢ ὑπὲρ πασῶν τῶν ἐκκλησιῶν μέριμνα.

## † EPISTOLA II.

XYSTI III PAPÆ AD CYRILLUM.

ΕΠΙΣΤΟΛΗ ΕΥΣΤΟΥ ΠΑΠΑ ΠΡΟΣ ΚΥΡΙΛΛΟΝ.

*litteras ei mittit testes ordinationis suæ, cui ipsum in legatis interfuisse gavisus est. De Joanne Antiocheno cæterisque Nestorii consortibus quid decretum sit, significat.*

1. Lætatus sum in iis quæ per epistolam a sanctitate <sup>C</sup> tua indicata sunt mihi de sanctis et coepiscopis & meis, quos brevis usus et congressio quales quantique essent ostendit. Et forsitan minus litteris quas de eis scripsisti credidissemus, nisi earum testimonium vicisset sibi ipsi attestans hominum præsentia. Vidimus vere Domini sacerdotes; vidimus viros plenos gratia spiritali, quæ in primis ab ipso conceditur Deo. Sed et ipsos gratiores nobis Dei circa nos iudicium effecit. Illos enim præsentem habuit nostra ordinatio. Et in cunctis quæ sacerdotem perficiunt ornati, ipsam nobis præsentiam exhibuerunt sanctitatis tuæ, quam non sine multo merito, fraterno af-

Ἰσοθὴν ἐπὶ τοῖς δηλωθεῖσί μοι δι' ἐπιστολῆς παρὰ τῆς σῆς ὁσιότητος περὶ τῶν ἀγίων καὶ συνεπισκόπων μου, οὓς ὀλίγη χρῆσις καὶ συντυχία οἶοί τε καὶ ὅσοι εἰεν ἀπέδειξε. Καὶ τάχα ἦττον ἂν τοῖς περὶ αὐτῶν γράμμασιν ἐπιστεύσαμεν, εἰ μὴ τὴν παρ' αὐτῶν μαρτυρίαν ἐνίκησεν ἑαυτῇ μαρτυροῦσα ἡ τῶν ἀνδρῶν παρουσία. Εἶδομεν ἀληθῶς τοῦ κυρίου ἱερέας· εἶδομεν ἄνδρας μεστόους χάριτος πνευματικῆς, ἥτις ἐν πρώτοις παρ' αὐτοῦ δίδεται τοῦ Θεοῦ. Ἔτι μὴν αὐτοὺς χαριεστέρους ἡμῖν ἢ τοῦ Θεοῦ περὶ ἡμᾶς κρίσις ἀπέδειξεν. Ἔσχε γὰρ αὐτοὺς παρόντας ἢ ἡμετέρα χειροτονία. Καὶ ἐν πᾶσι τοῖς ἀποτελοῦσιν ἱερέα κεκοσμημένοι, αὐτὴν ἡμῖν παρενσίαν ἐνέδειξαν τῆς σῆς ἀγιότητος, ἣν οὐκ ἄνευ πολλῆς τῆς

<sup>a</sup> Coteler. Latine convertit, Circa ecclesias ab iis derelictas, licet Græce legerit ac retinuerit καταληφθεῖσας, non καταλειφθεῖσας. Nihil autem causæ videtur, cur recedamus a Græco textu. Neque tamen hic sermonem esse puto de iis qui, ut Cælestinus epist. 22 num. 8 loquitur, subripiendum in ecclesiasticis causis Christianis principibus crediderunt, et alio rursus ordine ecclesias occuparunt, sed de iis qui, licet legitimo ordine ecclesias suas obtinuerint, hoc honore sese indignos per favorem quem hæresi impendebant, subinde præbuerunt. Quibus interminatur Xystus fore, ut nisi resipiscant, ipsorum ecclesiis, meliores subrogando pastores, prospiciatur. Eodem modo Cælestinus epist. 11 ad Cyrillum num. 4 de

<sup>D</sup> Nestorio scribit, ut nisi hoc fecerit quod præcipiebat, mox sanctitas tua illi ecclesiæ (quam occupabat sive obtinebat) provisura, a nostro eum corpore modis omnibus sciat esse removendum.

<sup>b</sup> Cælestini videlicet epist. 22.

<sup>c</sup> S ve, ut loquitur Cælestinus in modo laudata epistola 22, n. 8, damnata cum auctoribus sociisque damnans, se profiteatur catholicum sacerdotem.

<sup>d</sup> Cyrillus.

<sup>e</sup> Coteler., omnis assistens et animo consentiens.

<sup>f</sup> Simul cum superiori, quæ episcopis Orientis communis erat, hæc privata et peculiaris Cyrillo missa fuit.

<sup>g</sup> Hermogene et Lampetio legatis.



lectu complectimur. Tantum enim tibi debet orbis Ecclesia, quantum tibi omnes sunt obnoxii, qui utique omnes ubique vicisti.

2. Insistente igitur, et salubriter cuncta suggerente filio nostro Themisone archidiacono, congruas dedimus litteras <sup>a</sup> ad fratres et coepiscopos nostros, ad quos petierant prædicti consacerdotes nostri. Sufficiebant quidem illæ, quas et antea per Ecclesiæ Constantinopolitanæ <sup>b</sup> clericos, et postea per diaconos tuæ sanctitatis plenas omnibus necessariis misi : at nunc <sup>d</sup> obsequens tum expectationi sanctitatis tuæ, tum nostræ consuetudini, quæ mihi salubriter suggesta sunt, agere non omisi : gratiam habens, et in beneficiis ducens hoc, quod persuasum habeo mihi cœlitus donatum fuisse ut de mea ordinatione ac fide eadem ad unanimi-<sup>c</sup> tatem tuam conseramus verba.

3. De Antiocheno autem et reliquis qui cum eo sectatores Nestorii fieri voluerunt, et de cunctis qui præter ecclesiasticam disciplinam Ecclesias institunt, <sup>e</sup> jam antea hoc definivimus custodiendum : ut si resipuerint, et cum suo duce rejecerint omnia quæcumque sancta synodus nobis confirmantibus rejecit, redeant in sacerdotum consessum. Sicut enim persistentes prioribus non potuerunt in nostra esse communione, sic volumus eos, propter unitatem ac pacem Ecclesiarum, satisfacientes ut diximus suscipi. Ipsi vero in seipso invenientur æquam sententiam protulisse, si extra manentes, cum eo <sup>f</sup> qui deiecit et expulsus est, tantæ impietatis sese ostenderint socios atque participes.

#### MONITUM IN EPISTOLAM SEQUEM.

1. Hæc epistola, quam ex Ephesini Concilii in parte cap. 27 huc revocamus, a Baronio et aliis refertur ad annum 432, a Tillemontio autem in mensem Martium anni 433 differtur. Præcessit certe concionem quam Cyrillus 28 die mensis Pharmuti, hoc est 25 Aprilis, confirmata jam pace, ad populum suum habuit. Nec permittunt itus ac reditus, quibus ad hanc pacem perventum est, ut hoc citius anno 433 contigisse censeamus. Sed et qua ratione pax illa inita confectaue sit, non ignorare, adeoque rem paulo altius repetere juverit.

2. Maximianus regis urbis antistes his Cœlestini verbis (Epist. 24) animatus, *Gloriam et vigilantis pastoris et benigni sacerdotis exerceas, et saporem Christianæ salubritatis infundas, ut plus in reparando potuisse te liqueat, quam ille (Nestorius) potuit in læden-*

<sup>a</sup> Hoc est, paria dedimus epistolæ exempla ad eos Orientis episcopos, ad quos Lampetius et Hermogenes ea mitti petierant.

<sup>b</sup> Per Ecclesiæ Constantinopolitanæ clericos, Joannem scilicet presbyterum et Epictetum diaconum, missæ sunt quatuor posteriores Cœlestini epistolæ. Nec alias hic intelligere licet, siquidem Xystus hanc statim ab ordinatione sua, antequam ullas mittere potuisset, scripsit. Has igitur misisse se dicit, quia jubente Cœlestino primum illas per Ecclesiæ CP. clericos miserit, ac postea Cyrilli diaconis interventibus earum exempla eisdem tradiderit. Magis placeret misimus, scilicet ex synodo Romana cui Xystus interfuerat.

<sup>c</sup> Forte, ἀπεστέλλαμεν.

<sup>d</sup> Græcum Cotelerius ita reddidit, *Sequens vero*

Ἀξίας, ἀδελφινὴ διαβίσει περιπλεκόμεθα. Τοσούτου γὰρ σοι ὀφείλει ἡ κοσμικὴ Ἐκκλησία ὅσον σοι πάντες εἰσὶν ὑποχείριοι, ὅς γε πανταχοῦ πάντας νενίκηκας.

Ἐπιμένοντος τοίνυν καὶ ὑγιῶς πάντα ὑποβάλλοντος τοῦ νιόυ ἡμῶν Θεμισῶνος τοῦ ἀρχidiaκόνου, τὰ πρέποντα δεδώκαμεν γράμματα πρὸς τοὺς ἀδελφούς καὶ συναπισκόπους ἡμῶν, πρὸς οὓς ἤτησαν οἱ προειρημένοι συνειρεῖς ἡμῶν. Ἦρκει μὲν γὰρ κακίῃνα, ἃ πρὸ τούτου διὰ τε τῶν τῆς κατὰ Κωνσταντινουπόλεως Ἐκκλησίας κληρικῶν, καὶ ὕστερον διὰ τῶν διακόνων τῆς σῆς ἀγιότητος ἐμπλεῖ πάντων ἀναγκαίων <sup>e</sup> ἀπέστειλα· ἐπόμενος δὲ τὸ νῦν τῇ τε ὑπομονῇ τῆς σῆς ἀδελφότητος καὶ τῷ ἡμετέρῳ ἔθει, οὐ παρέλειψα τὰ ὑγιῶς μοι ὑποβληθέντα· χάριν ὁμολογῶν, καὶ ἐν εὐεργεσίαις τιθέμενος τοῦτο, ὃ πέπεισμαι μοι οὐρανὸθεν δεδωρῆσθαι, ἵνα περὶ τε τῆς ἐμῆς χειροτονίας καὶ τῆς πίστεως, τὰ αὐτὰ πρὸς τὴν σὴν ὁμόνοιαν μῖζωμεν ῥήματα.

Περὶ δὲ τοῦ Ἀντιοχείας καὶ τῶν λοιπῶν, οἳ τινες μετ' αὐτοῦ ἀκόλουθοι γενέσθαι Νεστορίου ἠθέλησαν, καὶ περὶ πάντων δὲ τῶν παρὰ τὴν ἐκκλησιαστικὴν ἐπιστήμην Ἐκκλησίας διοικούντων κατεληγότες, τοῦτο ὠρίσαμεν φυλακτέον, ἵνα εἰ ἀνανήψαιεν, καὶ μετὰ τοῦ ἰδίου ἡγεμόνος ἀθετήσκειν ἅπαντα ἅπερ ἡ ἀγία σύνοδος ἡμῶν ἐπιθεβαιούτων ἠθέτησεν, ἐπανέλθοιεν εἰς τὸ τῶν ἱερέων συνέδριον. Ὡςπερ γὰρ ἐπιμένοντες ταῖς προτέροις οὐκ ἠδυνήθησαν ἐν τῇ ἡμετέρᾳ εἶναι κοινωνίᾳ, οὕτως βουλόμεθα αὐτοὺς διὰ τὴν ἐνότητα καὶ εἰρήνην τῶν ἐκκλησιῶν, ἀπολογουμένους ὡς εἰρήκαμεν, ὑποδέχεσθαι. Αὐτοὶ δὲ καθ' ἑαυτῶν εὐρεθήσονται τὴν ἴσιν ἀπόφασιν ἐξενεγκόμενοι, εἰ ἔξω μένοντες δειξαιεν ἑαυτοὺς πρὸς τὸν καταβληθέντα <sup>C</sup> καὶ ἔξωσθέντα τοσαύτης ἀσεβείας κοινωνοὺς καὶ μετόχους.

do, pacis curandæ gratia episcopos, quos Constantinopoli esse comperit, una cum universo clero convocavit ; eorumque consensu id in primis constituit, ut imperator ipsorum rogatu ad Joannem Antiochenum episcopum litteras mitteret, quibus sponderet fore ut omnis altercationis materia e medio tolleretur, si Nestorii depositioni subscriberet, illiusque doctrinam anathematizaret (Ephes. conc. in part. c. 24). His annuens Theodosius, litteris ad Joannem, dum adhuc Cœlestinum superstitem crederet, per Archelaum tributum missis, prædictas pacis condiciones proposuit (Ibid.). Quibus commotus Joannes, non statim tamen cessit, sed aliquamdiu, ut ex epistola discimus Cyrilli ad Donatum (Ibid. c. 38), ubi tota rei gestæ series enarratur, tergiversatus est. Primo enim nonnulli qui cum eo erant auctores ipsi fuerunt ut ad

D nunc tum patientiam sanctitatis tuæ, tum consuetudinem nostram, non dereliqui, etc., hand satis ad mentem Xysti, docentis eum esse Romanorum morem, ut propriis litteris eos a quibus fuerint salutati, resalutent, neque dubitare se quin, si huic officio deesset, Cyrilli expectationem deciperet.

<sup>e</sup> Seu ad litteram : Occupavimus hoc definire custodiendum. Quippe verbum Græc. κατεληγότες non hic, ut Cotelerius Latine convertit, accipientes, sed occupantes et antevenientes sonat. Hoc autem occupatum est a Cœlestino et synodo ipsius in epist. 22 n. 8, quam apertius in epistola superiori n. 5 Xystus indicat his verbis : De Joanne autem Antiocheno hæc definivimus debere servari quæ in litteris ante missis præscripta sunt.

<sup>f</sup> Nestorio.



Cyrillum scriberet Acacius Berœensis episcopus, et A omnia ipsius adversus Nestorium scripta supprimi, et velut irrita haberi postulare. Quod et factum est: sed tam absurdæ petitioni assensum negavit Cyrillus, ac longe aequius esse respondit, ut ipse Joannes cum suis Nestorii blasphemias anathematizaret, subscriberet illius depositioni, et ordinationem Maximiani comprobaret. Tum Joannes ac socii Paulum Emisenum episcopum Alexandriam mittunt, qui Cyrillo litteras traderet (*Exs'ant apud Baluz. Synodici cap. 80*) communio us quidem indices, sed quas ille, ob instauratas adversus se querelas nonnullas, non prius admittendas duxit, quam Paulus hoc ex mera animi simplicitate scriptum jurasset. Demum idem Paulus, eorum qui ipsum miserant nomine, Cyrillo libellum offert (*Habetur Ephes. conc. p. III c. 28*), in quo quidquid de pacis pacis conditionibus flagi abatur præstat. Necdum tamen his contentus Cyrillus, duos e clericis suis, Cassium scilicet et Ammonium, cum Aristolao tribuno Antiochiam destinat, qui a Joanne ut eandem conditiones subscriptione sua firmet exigunt. Quibus cum Joannes et qui cum eo illustiores erant satisfecissent, eam continuo ad Cyrillum miserunt epistolam, quæ ad pacis complementum expectabatur, quamque in III parte concilii Ephesini c. 30 videre licet. Miserunt autem, inquit Cyrillus (*Ibid., c. 38*), eandem illam epistolam, quam ad me scripserunt, ad piissimos quoque sanctissimosque Xystum magnæ Romæ et Maximianum sanctæ Ecclesiæ Constantinop. episcopos.

3. Ex iis igitur quæ Cyrillus, cum in prædicta epistola ad Donatum, tum in altera ad Acacium Melitensem narrat, sequitur, ut Joannes post imperatoris sacram ab Archelao acceptam, concilium habuerit,

#### <sup>a</sup> EPISTOLA III.

JOANNIS ANTIOCHENI EPISCOPI CÆTERORUMQUE QUI CUM ILLO ERANT AD XYSTUM EPISCOPUM ROMANUM, CYRILLUM ALEXANDRINUM ET MAXIMIANUM CONSTANTINOPOLITANUM.

*Probare se declarant depositionis sententiam a sancta synodo adversus Nestorium prolatam, necnon blasphemias ejus doctrinas anathematizare, et assentiri Maximiani ordinationi.*

Sanctissimi Deoque dilectissimis fratribus et sacerdotibus XY-TO, CYRILLO ET MAXIMIANO, JOANNES et reliqui omnes qui mecum sunt, in Domino salutem.

1. Omnibus qui sacerdotium sortiti sunt et quibus divinum episcopatus ministerium a Salvatore omnium nostrum Christo creditum est, studium et scopus is esse debet, ut in recta fide excellent, eamque populos sibi subditos doceant. Cum itaque res ita habeat, anno<sup>b</sup> elapso, ex religiosissimorum Christique amantium imperatorum decreto, doctrinæ Nestorii gratia, in Ephesiorum metropoli convenit sancta synodus Deo dilectissimorum episcoporum: qui cum legatis a beatæ memoriæ Cœlestino, Romanæ urbis quondam episcopo, missis facto consensu, dicta depositionis sententia, ejecerunt memoratum Nestorium, ut qui profana interetur doctrina, et multis scandalo esset, ac non recte circa fidem ambularet. Cum vero et nos eo properassemus, rem invenientes confectam, D ægre tulimus. Hac de causa cum inter nos et sanctam synodum controversia intercessisset, ac multa

indeque miserit Berœam qui Acacium ad scribendum Cyrillo induceret; tum Acacius quidem litteras Alexandriam miserit, sed cum a Cyrillo repudiate fuissent, Paulus Emisenus episcopus a Joanne et sociis sequester pacis delegatus, Alexandriam contenderit, Cyrillo novas Joannis litteras necnon ejusdem ac sociorum nomine oblulit libellum, ac tum demum Alexandria Constantinopolim legati fuerint Cyrilli clerici, quibus epistola nostra credita est. Neque conjectura deest, duas illas Pauli Emiseni ad populum Alexandrinum homilias, quarum una Decembris 25, altera Januarii 1 die consignatur, per illam moram habitas esse, qua legatorum mox dictorum reditus expectabatur (*Ephes. concil. p. III, cap. 31 et 32*). Quod si ita est, epistolam istam, quam retulerunt, circa initium anni 433 scriptam fuisse concedendum est. Sane rerum ab initio pacis negotio gestarum series eam citius scriptam credi non permittit. Cum his igitur stare nequit opinio Baronii, sive cum hanc epistolam e concilio quod Joannes post acceptam Theodosii sacram Antiochiæ coegit, scriptam putat, sive cum eandem Cyrillo datam negat. Ipsi enim non secus atque Xysto et Maximiano inscriptam fuisse ejus enuntiat epigraphe, quam et ipsa Cyrilli verba superius relata diserte confirmant. Altera quidem ad idem tempus attineas III part. concil. Ephes. cap. 30 habetur soli Cyrillo inscripta; sed in hujusmodi negotiis nihil vetat quominus uni eidemque episcopo duas epistolas simul scriptas, unam cum aliis communem, alteram privatam, admittamus. Nec lo ge quærenda exempla, cum hujus rei testes sint duæ superiores Xysti epistolæ ad eundem Cyrillum simul missæ.

ΕΠΙΣΤΟΛΗ ΙΩΑΝΝΟΥ ΕΠΙΣΚΟΠΟΥ ΑΝΤΙΟΧΕΙΑΣ ΚΑΙ ΤΩΝ ΔΟΙΩΝ ΣΥΝ ΑΥΤΩ ΠΡΟΣ ΕΥΣΤΟΝ ΕΠΙΣΚΟΠΟΝ ΡΩΜΗΣ. ΚΑΙ ΠΡΟΣ ΚΥΡΙΑΚΟΝ ΕΠΙΣΚΟΠΟΝ Α ΕΞΑΝΔΡΕΙΑΣ, ΚΑΙ ΜΑΞΙΜΙΑΝΟΝ ΕΠΙΣΚΟΠΟΝ ΚΩΝΣΤΑΝΤΙΝΟΥΠΟΛΕΩΣ.

Τοῖς ὁσιωτάτοις καὶ θεοφιλεστάτοις ἀδελφοῖς καὶ συν λειτουργοῖς Εὐστώ, Κυρίῳ καὶ Μαξιμιάνῳ, Ἰωάννης καὶ οἱ λοιποὶ πάντες οἱ σύν ἡμῶν ἐν Κυρίῳ χαίρειν.

Καὶ σπουδῇ καὶ σκοπῶς πᾶσι τοῖς ἱεράσθαι λαχοῦσι, καὶ τὴν θεῖαν τῆς ἐπισκοπῆς λειτουργίαν πεπιστευμένοις παρὰ τοῦ πάντων ἡμῶν σωτῆρος Χριστοῦ τὸ ἐν ὀρθῇ πίστει διαπρέπειν, οὕτω τε διδάσκειν τοὺς ὑπὸ χεῖρα λαοὺς. Οὕτω τοίνυν ἔχοντος τοῦ πράγματος κατὰ τὸ παρωχηκὸς ἔτος ἐκ θεσπίσματος τῶν εὐσεβεστάτων καὶ φιλοχρίστων βασιλέων, ἁγία σύνοδος θεοφιλεστάτων ἐπισκόπων συνήχθη κατὰ τὴν Ἐφεσίων μητρόπολιν, τῆς κατὰ Νεστόριον ὑποθέσεως χάριν οἱ καὶ συνεδρεύσαντες ἅμα τοῖς ἀποσταλεῖσιν ἐκδίκους παρὰ τοῦ τῆς μακαρίας μνήμης Κελεστίνου, τοῦ γενομένου ἐπισκόπου τῆς ἁγίας Ῥωμαίων Ἐκκλησίας, ψήφῳ καθαιρέσεως ὑποβεβλήκασι τὸν μνημονευθέντα Νεστόριον, ὡς βεβήλω διδασκαλίᾳ χρώμενον, καὶ σκανδαλίσαντα πολλοὺς, καὶ οὐκ ὀρθοποδίσαντα περὶ τὴν πίστιν. Συνεδραμηκότες δὲ καὶ ἡμεῖς, εἴτα τοῦτο γεγονὸς εὐρόντες, λελυπημένα. Ταύτης ἕνεκα τῆς αἰτίας, διαφορᾶς μεταξύ γενομένης ἡμῶν τε καὶ τῆς

<sup>a</sup> Circa initium anni 433.

<sup>b</sup> Anno 431 Junii 22 die primum convenit Ephesina synodus. Ex quo sequitur ut si elapsus annus hic memoratus intelligendus sit proximus, hæc epistola ad annum 432 pertineat.

<sup>c</sup> Seu ad litteram Græcam, defensoribus. Qui a

Cœlestino ad Ephesinam synodum missi sunt, in Græcis ipsius concilii actis nusquam ἐκδίκαι, sed voce Latina Græcis accommodata λήγατοι appellantur. Quamquam cum missi sint ut sententiam a Cœlestino adversus Nestorium prolatam defenderent ac vindicarent, ἐκδίκαι non male dici possunt.



utro citroque dicta et facta essent, ad nostras Ecclesias ac civitates reversi sumus: neque per id tempus eatenus consensimus sanctæ synodo, ut prolatae adversus Nestorium depositionis sententiæ subscriberemus.

2. Cum Ecclesiæ in graves discordias incidissent, quando omnes id maxime curare oportebat quomodo, omni animorum dissensione sublata, ad concordiam adducerentur, atque ut hoc fieret religiosissimi ac Deo amantissimi reges <sup>a</sup> præcepissent, ejusque rei gratia spectabilem tribunum et notarium Aristolaum misissent; nos ipsi quoque, ut omnis e medio tolleretur contentio atque Ecclesiis Dei pax redderetur, decrevimus sanctæ synodi sententiæ adversus Nestorium prolatae assentire, ipsumque habere pro deposito, et blasphemias ejus doctrinas anathematizare: eo quod nostræ Ecclesiæ, perinde ac vestra sanctitas, rectam semper et sinceram <sup>b</sup> habuerint fidem, eamque semper servaverint ac populis tradiderint. Assentimur etiam ordinationi Maximiani sanctissimi et religiosissimi sanctæ Ecclesiæ Constantinopolitanae episcopi, et cum omnibus totius orbis religiosissimis episcopis, quicumque fidem orthodoxam et immaculatam habent ac servant, communiamus.

#### <sup>c</sup> EPISTOLA IV,

DEO AMICISSIMI <sup>d</sup> EUTHERII TYANENSIS EPISCOPI ET HELLADII TARSENSIS, SCRIPTA AD MAGNI NOMINIS ROMÆ EPISCOPUM <sup>e</sup> XYSTUM.

*De Joannis Antiocheni mutatione attoniti, plurium provinciarum nomine Xystum rogant ut orbi succurrere non dīderat, cum in ea parte quæ errat, tum in ea quæ tyrannidem sustinet.*

1. Multam providentiam humani generis per sin-

<sup>a</sup> Ea scilicet sacra, quæ in part. concil. Ephes. cap. 24 habetur, quamque excipiunt aliæ duæ (una nimirum ad Simeonem, et ad Acacium Berœensem altera), quibus Theodosius eorum preces et operam rogat ut Joannes ac socii ad concordiam revocentur.

<sup>b</sup> Quam vere hoc asserat Joannes, dubitare nos non sinunt ipsius ad Nestorium litteræ ante concilium Ephesium scriptæ, quibus eum vehementer cohortatur ut emendare non pudeat quod inconsulto protulisset, nec sacram Virginem appellare detrectet *Deiparam*, cum hoc nomen nullus umquam ecclesiasticorum doctorum repudiavit. Exstant hæ litteræ: part. concil. Ephes. cap. 25.

<sup>c</sup> Ex his est epistolis, quas e Casinensi codice eruit Christianus Lupus, ac subinde Stephanus Baluzius nov. coll. Concil. sub *Synodici* titulo cap. 117 edidit. Nominem plurimorum episcoporum ex utraque Cilicia, secunda Cappadocia, Bithynia, Thessalia et Thracia, uti n. 12 declaratur, per clericos et monachos missa est. Prius autem quam ad Xystum perferretur, illam Helladii et Eutherii, ut altera Eutherii epistola in eodem Synodico cap. 116 relata nos docet, Alexandro Hierapoleos et Theodoro Cyri episcopis, quo ab eis probaretur, mitti curaverunt, simul rogantes ut et suas ei litteras adjungerent. Festinandum vero putabant ne Romanus antistes Joannis litteris anteciperetur. Huic igitur epistolæ occasionem præbuit Joannis mutatio, de qua prospiciebant fore ut ipse Joannes Xystum quamprimum certiore faceret, quod re ipsa superioribus litteris præstitit. Quocirca his Joannis litteris istam Eutherii et Helladii epistolam haud multo posteriore esse manifestum est. Hæ notata digna videtur ea in tota Nestorii causa partium festinatio, qua Nestorius ipse, Cyrillus, Joannes ac socii, Eutherius ac reliqui episcopi cum iis consentientes, hoc est, hæretici, catholici, schismatici seu a schismate discedentes, seu in eodem

<sup>d</sup> ἁγίας συνόδου, καὶ πολλῶν μεταξὺ πεπραγμένων τε καὶ εἰρημένων, εἰς τὰς ἑαυτῶν ἐκκλησίας τε καὶ πόλεις ὑπεστρέψαμεν. οὐ συνενεχθέντες τὸ τνικαῦτα τῇ ἁγίᾳ συνόδῳ δι' ὑπογραφῆς εἰς τὴν ἐξενεχθεῖσαν κατὰ Νεστορίου καθαιρέσεως ψῆφον.

Διηρημένων πρὸς διχόνοιαν τῶν ἐκκλησιῶν, ἐπειδὴ τοῦτου μάλιστα πάντας φροντίζειν ἐχρὴν, ὅπως συναφθῇεν, ἐκ μέσου γενομένης διχονοίας ἀπάσης, καὶ τῶν θεοσεβεστάτων καὶ φιλοχρίστων βασιλέων αὐτὸ δὴ τοῦτο γενέσθαι θεσπισάντων, καὶ εἰς τοῦτο πεπομφότων τὸν θαυμάσιον τριβούνον καὶ νοτάριον Ἀριστόλαον, συνήρουν εἰς ἀναίρεσιν πάσης φιλονεικίας, καὶ ὑπὲρ τοῦ τὴν εἰρήνην βραβευσθῆναι ταῖς ἐκκλησίαις τοῦ Θεοῦ, καὶ ἡμᾶς αὐτοὺς συνθέσθαι τῇδε ψήφῳ τῆς ἁγίας συνόδου, τῇ ἐξενεχθείσῃ κατὰ Νεστορίου. ἔχειν τε αὐτὸν καθηρημένον, καὶ ἀναθεματίζαν τὰς δυσφήμους αὐτοῦ διδασκαλίας, διὰ τὸ τὰς παρ' ἡμῖν ἐκκλητίας τὴν ὀρθὴν αἰεὶ καὶ ἀβέβηλον ἐσχηνάναι πίστιν, καθὰ καὶ ἡ ἡμετέρα ὁσιότης, καὶ ταύτην αἰεὶ φυλάττειν καὶ παραδιδόναι τοῖς λαοῖς. Συναινοῦμεν δὲ καὶ τῇ χειροτονίᾳ τοῦ ὁσιωτάτου καὶ θεοσεβεστάτου τῆς Κωνσταντινουπολιτῶν ἁγίας ἐκκλησίας ἐπισκόπου Μαξιμιανοῦ, καὶ κοινωνικοὶ πᾶσιν ἐσμεν τοῖς κατὰ τὴν οἰκουμένην θεοσεβαστάτοις ἔχουσιν τε καὶ τηροῦσιν πίστιν.

gula tempora faciens Dominus Christus, alio tem-

<sup>e</sup> pertinaces, apostolicæ sedis præsulē anteverire ac sibi conciliare contenderunt. Simile quidpiam in Joannis Chrysostomi causa contigisse ex iis quæ in Notitia epistolarum non exstantium Innocentii collegimus probatur.

<sup>d</sup> Apud Cyrillum, ut ipse in epistola ad Donatum scribit, Paulus Emisenus pacis sequestrer in gratiam Eutherii, Helladii, Himerii, et Dorothei vehementer institerat, ut ea quæ contra ipsos decreta erant abrogarentur, contendens pacem Ecclesiarum perfici aliter non posse; sed cum respondisset Cyrillus rem eum conari quæ fieri non posset, proposito destitit, nec in pactis pacis conditionibus ulla eorum facta est mentio. Hos metropolitanos, uti jam observavimus, a synodo quæ Maximianum episcopum Constantinopolitanum ordinavit, depositos fuisse Garnerius notis in Mar. Mercatorem p. 357 asserit, immo et probabile putat alios eorum loco fuisse suffectos. In Synodico tamen apud Christianum Lupum et apud Baluzium c. 48 legitur *epistola Joannis Antiocheni episcopi ad Helladium Tarsi episcopum, quando (idem Helladius), allata sibi MAXIMIANI SYNODICA (de ordinatione ipsius), noluit ejus nomen in diptycha recipere.* Tum cap. 49 sequitur altera ejusdem Joannis epistola *ad clerum et populum Tarsensis Ecclesiæ, quando persecuerat quod imperator jussisset ut inde pelleretur Helladius, eo quod minime suscepisset MAXIMIANI episcopi (Constantinopolitani) SYNODICAM.* Quod argumentum est, saltem Helladium nequaquam a synodo quæ Maximianum ordinavit, sed aliquanto postea, cum hujus præsulis ordinationem suscipere nolisset, fuisse depositum; aut certe hanc ob causam sententiæ ab Ephesina synodo adversus hæreticos late obnoxium fuisse judicatum, adeoque dignum qui a sede sua imperatoris

<sup>e</sup> In Synodico, *Syxtum*.



porē alla luminaria preparavit ad eorum ducatum A qui bonæ sint voluntatis, <sup>a</sup> convictionemque contrariorum et mendacii quidem destructionem, veritatis autem confirmationem. Sicut etiam sub illo <sup>b</sup> amaro Pharaone beatum Moysen contra Jamnes et Mambre (II Tim. III, 8), et sicut per Simonem Magum Petrum bene vincentem; sic et contra eos qui nunc insurrexerunt, inimicos tuam protulit sanctitatem, per quam bonæ spei sumus et nos, quod orbis terrarum ab Ægyptio liberetur errore; qui Moyses novus existens, omnem quidem Ægyptium hæreticum percuties, salvabis vero omnem Israelitam orthodoxum. Ig tur contra veritatem multis millibus gestis et mundissima orthodoxiæ <sup>d</sup> margarita multas excipiente inimitias, et quantas nulla umquam tradit historia, ab his qui harum vocum novitatem contra paternam fi- B dem apostolicam <sup>e</sup> repererunt: nostrum quidem est, qui triplices multiplicesque patimur tempestates, et pene in piratas incidimus, ad eum clamare qui a Deo productus est gubernator, eumque pro amore veritatis quanta possibile est edocere: tunc autem gratiæ sapientiæque est non despicere neque otiose transcurrere hujusmodi quæstionem tantamque causam, sed et perscrutari cum dilectione boni laboris, et imponere emendationem cum tota constantia et Deo dilecta fiducia.

2. Et olim siquidem sæpius jam, ex Alexandria hujusmodi hæreticis zizaniis insurgentibus suffecit vestra apostolica sedes per universum tempus illud ad mendacium convincendum, impietatemque reprimendam, et corrigenda quæ necessarium fuit, mu- C niendumque orbem terrarum ad gloriam Christi, tam sub illo ter beato et inter sanctos habendo episcopo <sup>f</sup> Damaso, quam sub pluribus aliis gloriosis atque admirabilibus. Cujus rei gratia et nos præsumimus has supplicationes offerre: ut adjuvetis or-

jussu pelleretur. Hic obiter notandus Ecclesiæ mos antiquus, quo recens instituti episcopi nomen, synodiceis ejus susceptis, in communionis indicium diptychis inscribi solebat. Hoc pacto Bassianus Ephesi episcopus in Chalcedonensi concilio act. 11 p. 693, cum Proclo communicasse se approbavit, testantibus Ecclesiæ CP. clericis, quod *revera suscepit eum, et communicavit ei beatæ memoriæ Proclus, et fecit synodicas litteras, et in diptychis eum posuit.*

<sup>a</sup> Hoc est, ad eos revincendos qui hominibus bonæ voluntatis adversantur.

<sup>b</sup> Lupus amore in archetypo offendisse se præmonens, in textu majore exhibet, quasi hic Pharaoni comparatus Cyrillus Pharaonem dicendus innatur. Sed neque in hac conjectura stans, forte Achori, quo nomine Pharaonem Hebræorum persecutorem secundum quosdam appellatum ait, pro amore substituendum opinatur. Ipsam archetypi lectionem Bilioz, etiamsi omni sensu destitutam fateatur, revocavit. Simplicior ac nulli errori obnoxia est nostra. Scil. Cyrillo.

<sup>d</sup> Id est, Nestorio.

<sup>e</sup> Apud Lupum, *pepererunt*. Cyrilli 12 anathematismi hic taxantur.

<sup>f</sup> Cum nuncupare Julium potuissent, qui Athanasii ad se confugientis causam, donec sedi suæ restitueretur, propugnare non destitit; Damasum in medium proferre maluerunt, ut qui Apollinarii damnaret hæresim, quam a Cyrillo instauratam volebant,

ben terrarum, et in illa parte quæ errat, et in illa quæ tyrannidem sustinet, quasque ad hoc impugnetur, ut iis quæ non conveniunt assensum præbeat, eo quod nec velit nec expedire judicet, ut Ægyptiorum capitalorum varias vocum novitates excipiat.

3. Scribens enim Cyrillus Alexandrinus blasphemam vocum novitatem per bis sena capitula universæ divinitus inspiratæ Scripturæ contrariam, et anathematizantem legitimas et antiquas sanctorum Patrum traditiones, et maxime illorum qui excelsa quidem Christi divinitati ascribunt, humilia vero humanitati ejusdem, nusquam unitiæ ejus intercienda; proposuit ei qui tunc sanctam sedem regēbat magni nominis urbis <sup>g</sup>, qui fuit a principio probatus et notus circa fidem, circa vitam, circa doctrinam Verbi et circa universa, Nestorio, ut aut consentiret capitulis ejus, atque subscriberet ea, et permaneret episcopus, aut certe periclitaretur in gradu, et a sancta Ecclesia pelleretur. Ille autem, propositioni nequam Dei timore prælato, eligit potius multis millibus periculis sibi injuste inferendis tradere semetipsum, quam dolis hæreticis præbere consensum, et confirmare totius orbis errorem.

4. Ad hæc synodus convenit in Epheso, et in nullo correptus, neque rationem reddere expetitus, antequam convenirent qui <sup>h</sup> sustinebantur universi, exactus est ultionem, dum illorum capitulorum blasphemix obviaverit, et omni credulitate ei quæ dicitur damnationi et aliis aliquibus subjectus est, dum certe Cyrillus auctoritatem judicis non haberet, sed ejus qui judicandus est ordinem, eo quod contra invicem moverint quæstiones. Et erat præsidens reus et <sup>i</sup> sententiat princeps, qui <sup>j</sup> sustinebatur multis sententiis supponendus.

5. His gestis, aliis quidem cuncta quæ acta sunt lacrymis digna, aliis vero ridicula videbantur; ita

Quocirca Theodoretus lib. v Hist. cap. 3 Meletium Apollinario qui cum Damaso communicare se jactabat, dixisse testatur: *Miror te, o amice, tam impudenter repugnare veritati, idque cum probe scias Damasum asserere perfectum hominem a Deo assumptum, te contrarium affirmare non cessare.... Quod si falsa sunt quæ dicimus, nunc saltem renuntia novitati, et Damasi doctrinam amplectere.* Tum his addit Theodoretus, *Ex hac (Apollinarii) radice pullulavit in Ecclesiis opinio illa, unam esse naturam carnis et deitatis, et illa quæ Unigeniti divinitati passionem attribuit.* Quibus verbis notare forte voluit Cyrillum, cui, quia epist. I ad Succensum id excedit, ut *unam Dei verbi naturam incarnatam* diceret, hujusmodi opinionem Theodoretus ac socii falso affingebant. Unde Damasum non modo, ut Lupus interpretatur, propter Lucium Arianum episcopum, aut Maximum Cynicum ab eo damnatos, sed etiam maxime propter Apollinarii errores ab eodem epist. 5 ad Paulinum proscriptos, hic commemoratum intelligere est.

<sup>g</sup> Constantinopolitanæ.

<sup>h</sup> Græcum verbum Latino *expectabantur*, aptius redditum esset. De Joanne Antiocheno et aliis qui cum eo erant, hoc dictum esse facile quisque videt. Sed antea Nestorius falso negatur *rationem reddere expetitus*.

<sup>i</sup> Forte, *sententiabat*.

<sup>j</sup> Rursum hic præferendum fuisset *expectaba-*



ut et ille qui Antiochenam tenebat Ecclesiam Dei, post hæc veniens, Cyrillum quidem et Memnonem damnationi subjiceret communi <sup>a</sup> decreto Deo amicissimorum sanctissimorumque episcoporum usque ad viginti duorum metropolitanorum, cæterorumque qui pariter aderant, qui illos hæreseos ac seditionis principes judicarunt et ecclesiasticarum <sup>b</sup> æmulos sanctionum; cæteros vero qui eis ad omnia incongrua complices exstiterant, alienos <sup>a</sup> communione fecerunt. Sed illi egregii contra veritatem simul et regulas sibimetipsis indulgentiam relaxantes, terribilium mysteriorum communionem irreverenter sibi continuo præsumperunt; alios vero communicare sibi periculose fecerunt: ita ut omnes divinæ regulæ <sup>c</sup> decreto subjaceant, quæ eos qui ita regunt omnino perdamnat.

6. Hæc addiscens Deo amicissimus et bonus victor princeps, continuo definivit <sup>d</sup> vacare quæ sic inordinate inconsequenterque sunt gesta contra eum qui in nullo convictus est, abrupte vero et furiose addictus; denuo autem de dogmate cum veritatis amore fieri quæstionem per interrogationem et responsionem et demonstrationem, quæ omnibus suaderet, non quæ auctoritate tyrannica imperaret.

7. Illi vero ad solutionem canonum id quoque adjecerunt, ut nec his piis litteris obedirent. Et nihil de fide dicere vel audire acquiescentes ulterius, ad solam se universi pertinaciam contulerunt. Ad consensum cœperunt habere iniqui judicii, alios quidem fraude, alios violentia, alios præmiis.

8. Constupentes super his nos, per multum tempus rogabamus, obtestabamur, cum omni fiducia provocabamus, ut nihil irrationabiliter fieret aut teneretur; sed de quæstione quidem dogmatum et de Cyrilli capitalis communis proponeretur tractatus

tur, hoc est, de quo expectabamus fore ut multiplici sententiæ subjiciendus esset ut reus, is ipse sententiam dicit ut iudex.

<sup>a</sup> Decretum hoc cum 43 episcoporum subscriptionibus exstat in Ephesino conciliabulo. Lab. tom. III, pag. 598. Mox forte legendum, atque viginti duorum.

<sup>b</sup> Hoc est, adversarios. Eisdem in decreto modo citato sic compellant: Tu, Cyrille Alexandrine, et tu, Memnon hujus civitatis episcopo, scitote vos depositos... ut qui in causa fuistis ut Patrum canones conculerentur, et imperatorum decreta contemnerentur. Ubi observare est, id quod illic Patrum canones, hic ecclesiasticas constitutiones vocari. Ipse etiam Joannes in præmio sententiæ adversus Cyrillum et Memnonem prolata locutionibus iisdem promissæ utitur.

<sup>c</sup> Antiocheni videlicet concilii, cujus canone 4 constituitur: Si quis episcopus a synodo fuerit depositus... et præsumperit sacerdotii seu sacri ministerii aliquam actionem, non ei amplius liceat neque in alia synodo spem restitutionis habere... sed et communicari ei obijci ab Ecclesia. Quapropter infra restituimus perdamnat, ubi obtinebat perdamnat. Clarius legeretur, ut omnes subjaceant decreto divinæ regulæ, quæ. Sed hunc canonem in ipsos qui illum obijciunt facile retorquere licet, siquidem communione Nestorii non absistebant, quem Cælestini ejusque concilii sententia, a tot Ephesinæ synodi Patribus confirmata, depositum noverant. Eodem decreto Joannis

A atque concilium, et quod omnibus placuisset, una sententia firmaretur; de eo <sup>e</sup> vero qui tyrannidem sic aperte pertulerat, judicium verax fieret atque legitimum; ut convictus quidem de corruptione veritatis, adjudicationem consone sustineret ab omnibus: si vero ex toto innoxius probaretur, in scripto abdicaret illa nobiscum quæcumque incongrua <sup>f</sup> quidam vel ejus personæ vel ex aliorum nomine ex suspicione aut accusatione jactaverant.

9. Sed ista quidem displicebant iis qui ex sola auctoritate devincere, non autem vel suadere vel suaderi volebant. Præcipiebant vero universis ut abrupte anathematizarent et damnationi subscriberent. Quicumque autem se integriori deliberationi servasset, damnabatur, <sup>g</sup> ordinabatur ab eis, subiciebatur calumniis, malæ doctrinæ vocabatur. Ordinabantur pro talibus alteri: quia consentire volebant <sup>h</sup> laudare quidem damnatione digna capitula, damnare vero eum qui, quantum nos conscii sumus, nihil aliud dixit nisi ea quæ a sanctis prophetis et evangelistis et apostolis per Spiritum sanctum manifeste sunt tradita.

10. Volebant enim et apostolos criminari, dum supervacue adjudicant illum qui ea quæ ipsorum sunt prædicabat. Talem namque et eorum quæ dicuntur gestorum fecerunt actionem, ut inconsona et incerta adversus illum virum proferrent, et plerumque irreprehensibilia reprehenderent: Cur, inquirunt, Nestorius dixit, quod passio non deitatem, sed C humanitatem Christi <sup>i</sup> attigerit? interdum vero falsa scriberent, ponendo quod ab ipso dicta fuissent verba quæ nec quicumque infidelium, immo nec agrestium dæmonum, dicere præsumpsisset, id est, quod Christus esset i Christus Domini, sicut Saul,

Chryso-tomi adversarios abusos esse observavimus.

<sup>d</sup> Inter acta Ephesini conciliabuli pag. 703 hæc Theodosii sanctio habetur.

<sup>e</sup> Nestorio.

<sup>f</sup> Negare non audent, incongrua et scripto abdicanda esse ea quorum causa Nestorius damnatus est.

<sup>g</sup> Orationis series postulat abdicabatur, seu deponabatur ab eis, aut quid simile.

<sup>h</sup> Clarius hoc ita efferretur, quia cum illis in eo consentire volebant, ut laudarent quidem damnatione digna capitula, damnarent vero. Quod autem proxime legimus, Ordinabantur pro talibus alteri, maxime dictum est propter Nestorium, cujus loco ordinatus est Maximianus. An similiter alii aliorum locis suspecti sint, ignoramus. Tantum plures e sedibus suis pulsos esse num. 11 et 12 perspicue docemur.

<sup>i</sup> In eo non erat reprehensione dignus, quod duas Christi naturas distinguens, passionem humanitati, non deitati, attribuebat; sed quod, personæ unitatem non admittens, Deum passum negabat, uti negabat natum. Quapropter et Deipræ nomen Mariæ volebat ascribi: hoc tantum exigebatur ab eo, ut propter unitas in una Verbi persona naturas Deum passum esse lateretur.

<sup>j</sup> Lupus, qui legit Christi Dominus, recte a Baluzio emendatus est; nusquam enim vel Saul, vel David, vel Cyrus, aut quivis alius Christi Dominus dictus est aut dici queat. Quod autem Helladius et Emmerius a Nestorio dictum negant, hoc ab illo dictum esse e in



sicut David, sicut infidelis Cyrus. In quibus facile est A convincere volenti calumniam.

41. Ea vero quæ de Antiocheno Joanne sunt gesta, si esset possibile, tacere velimus. Sic irrationalis apud nos ejus mutabilitas facta est et manifesta transgressio, et proditio veritatis, quæ ex improvviso completa est sive peracta. Ille enim, quia antequam veniremus ad Ephesum, hæreticam reperit capitulorum fraudem, plurimis per litteras <sup>a</sup> indicavit: per primam Cappadociam secundamque, et per diversos locos, ut ab eis se observarent, admonuit, quasi Eunomio et Ario et Apollinario consonarent; <sup>b</sup> et qui acute ac fervide in Cyrilli damnationem prosilivit, et ad hoc omnes hortatus est. Quippe adiit et ipsam regiam civitatem, ut huic impietati resisteret; et idem nobis scripsit adhuc <sup>c</sup> Ephesi constitutis, prius quidem dicens, *Quia illum, id est Nestorium, dimissum cognoscentes ab Epheso, valde doluerunt animæ nostræ, eo quod illa quæ sine judicio et inique sunt gesta, videantur interim roborari;*

concilio Ephesino a t. 1, pag. 524, ex ejusdem quaternionione 27 probatum est. Ipse quoque Nestorius apud Baluzium Synodici cap. 6, pag. 693, istud dixisse se fatetur: *Sicut dicitur Christus Saul et Christus David, et rursus Christus Cyrus, et deinde Babylonius, dum certe David circa pietatem non fuerint similes; sic vocamus quidem Christum vel Filium etiam Dominatorem: verumtamen communio nominum æqualitatem non facit dignitatis.* De hoc uno cum iis qui hæc verba sua proferebant, exposulat quod exceptionem istam, *verumtamen communio nominum æqualitatem non facit dignitatis*, suppressissent. Sed et in hoc adjuncto fraus merito metuenda erat, recordantibus olim Valentem et Ursacium in Ariminensi concilio conclamasse: *Si quis dixerit Filium Dei creaturam esse, sicut sunt cæteræ creaturæ, anathema sit; et cum his verbis Filium creaturam sinecere negasse existimarentur, postea palam, teste Hieronymo Dial. contra Lucifer. jactitare cœpisse, se Filium non creaturam negasse, sed similem cæteris creaturis.* Quippe fraudi longe magis patebat Nestorii exceptio, quam prædicta verba Ursacii et Valentis.

<sup>a</sup> Capitula illa, antequam Cyrillus eorum interpretationem edidisset, Joannes vehementer improbat; et in epistola quidem ad Firmum Cæsareæ episcopum apud Baluzium Synod. cap. 4, pag. 691, nec Cyrilli ea credere se scribit: *Consonant enim, inquit, magis vero sunt eadem his propter quæ Apollinarius a Christi est disruptus Ecclesia.* In Ephesino autem conciliabulo pag. 595 et alibi ea conceptis verbis hæretica appellat. Unde Synodici cap. 32, pag. 731, imperatorem per tremendum Dei judicium contestatur, jubeat ut hæretica illa capitula quæ superintroducta sunt fidei, expellantur, quia sunt omnimode a rectis dogmatibus aliena et hæreticis vesaniis consona. Sibi enim persuaserat, ut in laudata ad Firmum epistola loquitur, capitulis illis id intendi, ut corpus quod Deus Verbum de sancta Virgine assumpsit, ejusdem cujus divinitas, esse naturæ credatur. At eorum explicationem a Cyrillo subinde vulgatam ne Theodoretus quidem, etiam antequam a schismaticorum societate discederet, rectæ fidei consentaneam negavit. Ita multæ sopiri possent disputationes, si recta sentiens, sed perversè intellectus, apertiores verborum suorum explicationem edere non dedignaretur; et qui eum antea prave sentire suspicati erant, ubi tandem catholicam subjecit verborum suorum explicationem, hanc laudare et suscipere non renuerent ut orthodoxam. Hoc agendi modo Cyrillus ac Joannes primum, ac paulo serius Theodoretus et

deinde, *Quia etsi illa blasphema capitula Cyrillus abjecerit, eum ne tunc quidem suscipere per sacramenta promissimus; eo quod princeps ipse sit factus iniquæ hæresis.* Unde <sup>d</sup> alterum cor accipiens ignoramus, omnibus moribus suis est adversatus, et Cyrilli communicator effectus non repellentis quæ male conscripserat, qui eum numquam suscepturum se, vel si ea refutasset in scripto, juraverat: et solus vinculum solvit, quod cum <sup>e</sup> tantis Cyrillo et Memnoni noxiis consequenter intulerat. Et nullam securitatem his qui pro pietate fuerant offensi <sup>f</sup> procurans, ipse quidem reconciliatus est ei quem pridem sic amare notaverat; permisit vero Ecclesias perturbari, et præsules quosdam quidem manere depulso, alios autem adhuc multipliciter exturbari. Sed etiam litteras mirabiles fecit, in quibus ait damnatum se habere Nestorium, et anathematizare quidquid impie dixit aut sapuit. Sic et accusatione et demonstratione defecit, ut nec diceret, Illam vel illam sive illam anathematizo sententiam; sed ait <sup>g</sup>, *Quid-*

alii ad pacem et unitatem adducti sunt. Notanda est ea de re in capite 17 Synodici inscriptio seu summa epistolæ Joannis ad Theodosium imp. in qua, ut ibi legitur, *etiam catholicæ fidei illa confessio continetur, quam postea Cyrillus per pacificam laudavit epistolam; licet ad ejusdem epistolæ calcem Joannes scribat, ab omnibus episcopis damnanda esse ea quæ ad inficiendas Ecclesias introducta sunt contra orthodoxam fidem a præfato Cyrillo capitula.* His nimirum conviciis nequaquam deterritus est Cyrillus, quo minus Joannis fidem quam rectam et integram probabat, palam laudaret, eaque agendi ratione Joannem, ut æquiora de ipso sentiret, facilius adduxit.

<sup>b</sup> Forte, atque acute.

<sup>c</sup> Eo, ut conjectura est, ipso tempore quo idem Joannes ac socii legati Constantinopoli ad Orientales, qui Ephesi remanserant, scripserunt, ut apud Baluzium Synod. cap. 26 legimus: *Ex opinione cognovimus, quia ante octo dies adventus nostri piissimo imperatori placuerit dominum Nestorium ab Epheso imperatori placuerit dominum Nestorium ab Epheso dimitti quocumque ire voluerit, et omnino doluit anima nostra.* Hanc autem epistolam Gorpiæ mensis undecimo, hoc est, ut interpretatur Baronius, Septembris undecimo, vel, ut censet Lupus, ejusdem mensis 4 die, scripsisse se indicant. Epistolam vero præfectorum qua Nestorius ab Epheso dimissus est, Synodicon sæpe memoratum cap. 24 exhibet.

<sup>d</sup> Clarius hoc ita enuntiaretur: *At ignoramus unde (seu qua de causa) alterum cor accipiens.*

<sup>e</sup> Hoc est, cum tot ac tantis, scilicet 42 episcopis, qui Cyrillo et Memnoni adversabantur, eorumque damnationi subscripserant.

<sup>f</sup> Tacite sese neglectos, nec ut in sedes suas restituerentur, Joannem curasse arguunt. Huic tamen officio eum non defuisse testis est, uti jam exposuimus, Cyrilli ad Donatum epistola. Præterea idem Joannes Synod. cap. 91, pag. 798, ita in eorum gratiam ad imperatorem scribit: *Supplicamus autem pietati vestræ ut perfectam festivitatem præstetis mundo, quatenus nulla civitas ab hac celebritate communis festivitatis extorris sit, et jubeatis Deo amicissimis episcopis qui inter præcedentes turbas expelli ecclesiis visi sunt, ad priorem habitum reducantur.*

<sup>g</sup> Joannes in superiori epistola ad Xystum, n. 2, profitetur se blasphemias ejus doctrinas anathematizare. Eadem verba et in epistola ad Cyrillum Ephes. concil. part. III cap. 30 repetit. Quibus concinit illud libelli, quem Paulus Emisenus Joannis nomine Cyrillo tradidit: *ἀναθεματίζομεν τὰ ἐν διδασκαλίᾳ αὐτοῦ ἀσεβῶς αὐτῷ εἰρημνῶν.* Sed a verbis modo objectis



quid ad eo imple dictum est, dum certe aperte dicere debuisset, ut ab eo sensu quisque cautior redderetur: sicut clare abominamur nos Cyrilli capitula, et quæsumus universos ut se ab insita illius malignitate custodiant, præconvincentes eas quæ in ipsis sunt blasphemias, et eas clare omnibus publicantes.

12. Hæc pauca de plurimis cum multa abbreviatione conscripsimus, scientes quod horum malorum nimietas non solum Jeremiæ lamentationibus digna sit, sed et universam tragædiam superaverit. Rogamus vero, et sanctis tuæ religiositatis provolvimur pedibus, ut manum porrigas salutarem, et auferas mundi naufragium, omniumque horum inquisitionem jubeas fieri, et his illicitis cœlestem superduci correctionem, ut revocentur quidem sancti pastores qui injuste sunt a suis ovibus effugati, et reddatur gregibus ordo et antiqua concordia, et ut non ultra lamentatus et mugitus pro votis offerantur ac psalmis, dum multi dispersi sunt: et ne quiquam periclitentur circa ea quæ præcipua sunt, dum vitant ab hæreticis vel lavacrum regenerationis vel mysticam communionem accipere, quæ ab orthodoxis sumere ad salutem minime permittuntur.

13. Quæ ex parte quidem videntes, ex parte vero audientes, olim concurrissemus ad sanctitatem tuam nos qui e diversis regionibus sumus, id est ex Euphratesia, ex utraque Cilicia, secunda Cappadocia, Bithynia, Thessalia et Mœsia: ut et fontes effunderemus lacrymarum, et publice desleremus peregrina et insueta hujus vitæ mala, nisi detineret nos luporum terror insidiantium gregibus ad rapinam et ad errorem omnemque adversitatem. Unde coacti sumus nostra vice dirigere religiosissimos clericos et monachos, qui impleant locum nostrum.

14. Quæsumus igitur ut absque dilatione exurgatis, et fervido zelo magnum victoriæ tropæum contra æmulatorum cuneos erigatis, ante oculos habentes boni Pastoris diligentiam simul et studium circa ovem quæ erraverat (*Luc. xv, 4*). Et non absque periculo deputetis, si quid fastidiose circa tot pastores et oves agatur; dum illæ quidem errent, illi vero tyrannicam sustineant violentiam. Imitamini potius et magnum pietatis præconem Paulum, oculum mundi, quem nos ut pignus habere familiaritatis

propius adest, quod Joannes in epistola ad Theodosium Synod. cap. 91 pag. 798 ait: *Depositum sive damnatum habemus Nestorium . . . anathematismo subjicientes quæcumque ab eo aliene ac peregrine dicta sunt contra apostolicam doctrinam.*

<sup>a</sup> Utpote natus Tarsi, cujus Helladius id scribens episcopus erat.

<sup>b</sup> Cyrillus, ut Rusticus Vigilii papæ diaconus aliquanto post initium dialogi contra Acephalos observat, *epistolas suas et Orientalium de pace transmissas Romanæ Ecclesiæ sedi a sanctissimo Xysto confirmari sægit.* Xystus epistolis illis in synodo sacerdotum, qui ad ordinationis ipsius diem celebrandum conveniant, perlectis, ex eadem synodo, uti infra n. 7 testatur, rescripsit Cyrilli labores cum a se tum ab omni fraternitate probari in omnibus et confirmari. Hoc rescriptum etiam Rusticus in citato dialogo laudavit, et ex eo non, ut existimavit Bibliothecæ

nostræ erga vestram credimus sanctitatem. Civis enim noster <sup>a</sup> existens, errore totius orbis extincto, illius apostolicæ sedis factus est ornamentum, et a beato Petro dexteram societatis accepit (*Gal. ii, 9*), ut appareret ab utrisque æquam subtilitatem dogmatum custodiri.

15. Etiam quæsumus ne despiciamur a vobis nos, quos tot mala circumdant. Non enim de pecuniis vel gloria aut quolibet alio temporalium decertamus; sed pro pietatis possessione communi, pro paterno fidei thesauro, pro spe communi fidelium, pro bona confessione apostolorum, pro immortalī certamine martyrum, et maxime pro adventu clementiæque Dominica; cujus virtutem invincibilem invocantes sine cessatione clamamus: *Parce, Domine, populo tuo, et ne dederis hæreditatem tuam in opprobrium (Joel. ii, 17).*

Euthérius episcopus metropolis Tyanensium subscripsi, et quæso ut me ores incolumem, Deo amicissime et sanctissime pater.

Helladius episcopus metropolis Tarsi subscripsi; et rogo ut me ores incolumem, Deo amicissime et sanctissime pater.

#### <sup>b</sup> EPISTOLA V,

S. XYSTI PAPÆ AD CYRILLUM ALEXANDRINUM, POST PACEM FACTAM INTER IPSUM CYRILLUM ET JOANNEM.

*Rei hujus relationem in conventu episcoporum se notam fecisse. Quanta hinc Ecclesiæ lætitia. Felicem fuisse laborum Cyrilli exitum, eosque sibi et concilio suo in omnibus probatos esse.*

XYSTUS episcopus CYRILLO episcopo Alexandrino.

1. Magna sumus lætitia alacritatis impleti, postquam, sicut legimus, ex alto nos Oriens <sup>c</sup> visitavit (*Luc. i, 78*). Ecce enim sollicitis nobis, quia neminem perire volumus, sanctitas tua redintegratum corpus Ecclesiæ suis epistolis indicavit. Redeuntibus ejus in sua membra compagibus, neminem foris jam videmus errare, quia intus omnes positos fides una testatur. Lætatur e medio nostrum qui hoc opus fecit ablatum <sup>d</sup>: soli sibi nunc non credenti quod sensit intelligit obfuisse, qui contra hunc <sup>e</sup> nixus est, quem profitemur omnibus profuisse.

2. Sed convenit a tristibus nos ad læta transire, quia ipse cui quæstio mota fuerat, de Ecclesia universali mœrore sublato, tempus nobis præstitit gaudiorum. Christus denique Deus noster, quam <sup>f</sup> vere

Patrum editor, ipsa verba, sed sententias quasdam summatim delibatas excerpserit. Tam pretiosum monumentum ab Antonio de Aquino e Vaticano codice descriptum Baronius in Annalibus ad ann. 453 curandum curavit. Illud deinde Labbeus paulo emendatius actis Ephesinæ Synodi part. iii cap. 41 pag. 4173 subjecit.

<sup>e</sup> Ad Joannem alludit qui Orienti præerat, cujus jam acceperat litteras cum cæteris pacis confectæ gestis quæ Cyrillus miserat.

<sup>d</sup> Nestorium videlicet, cujus opera ab Ecclesiæ compage multa membra discesserant.

<sup>e</sup> Illic Nestorio opponi videtur Cyrillus, qui huic resistens, omnibus profuit; sed hunc tamen potius intelligere est Christum, cujus dignitatem Nestorius impugnavit. Totus iste locus apud Baron. valde est depravatus.

<sup>f</sup> Ita Baron. At Lab., *quam vera sit.*



sit sua causa, monstravit, quando ita res dignatus A est gubernare, ut tante rei et talis <sup>a</sup> indicium servaret suorum conventui sacerdotum. In unum congregati apostoli de fide sæpe tractarunt: in unum nunc convenientes apostolici de ejus victoria gratulantur. O relatio digna mittente, digna conventu! Gaudii cœlestis indicium tales habere debuit cognitores. Et quia res et causa deposcit, locum quoque convenit <sup>b</sup> non taceri.

3. Ad beatum apostolum Petrum fraternitas universa convenit: ecce auditorium congruens auditoribus, conveniens audiendis. Habuerunt coepiscopi nostri illum congratulationis testem, quem <sup>c</sup> habemus honoris exordium; sanctæ namque et venerabili synodo, quam natalis <sup>d</sup> iñhi dies favente Domino congregarat, quia sic credendum est, ipse B præsedet, quandoquidem probatur nec spiritu nec corpore defuisse. Affuit palmæ, qui contentioni non defuit; juxta animorum vota nostrorum, qui <sup>e</sup> videt symbolo primum inter Apostolos tradito derogari: non passus est <sup>f</sup> nefandum caput gaudere solatiis, nec turbari diu sivit lutulento gurgite fontis illius perspicui puritatem. Ad nos reversi sunt fratres, ad nos, inquam, qui morbum communi studio persequentes, animarum curavimus sanitatem.

<sup>a</sup> Et hic indicium, et infra, Gaudii cœlestis indicium præferimus; quamvis utrobique in vulgatis obtineat *judicium*. Quippe de re non agitur judicanda, sed de indicanda et percipienda, quæ cognitores non ad executiendam causam, sed ad lætitiā cum eis ex causa feliciter finita communicandam postulet. In veteribus autem libris *judicium et indicium* non aliter pinguntur.

<sup>b</sup> Apud Baron., *convenit intueri*.

<sup>c</sup> Affinis est hic locus illi Siricii in exordio epist. 4: *Cum in unum plurimū convenissemus ad sancti apostoli Petri reliquias, per quem et apostolatus et episcopatus in Christo cœpit exordium.*

<sup>d</sup> Non is quo in terris ortus, sed quo Ecclesiæ Romanæ ordinatus est episcopus. Hunc diem pariter ab Anastasio I natalem suum vocatum esse, adeumque, veluti more jam recepto, multos episcopos invitari consuevisse vidimus supra. Xysti successor Leo plures in eadem celebritate sermones habuit. Et in primo quidem, cap. 3, plurimos episcopos ad illam convenire solitos notat his verbis: *Cumque hanc venerabilium sacerdotum splendidissimam frequentiam video, angelicum nobis in tot sanctis sentio interesse conventum.* Exinde celebritatem illam, Xysti instar, ad beati Petri gloriam referens, adjecit: *Nec abest, ut confido, ab hoc cœtu beatissimi apostoli Petri prædignatio et fida devotio, nec vestram devotionem ille deserit, cujus nos reverentia congregavit.* Quocirca sermonem 5 sic claudit: *Illi ergo hunc servitutis nostræ NATALITIUM DIEM, illi ascribamus hoc festum, cujus patrocinio sedis ipsius meruimus esse consortes.* Eadem quoque ratione de hoc festo Hilarus papa epist. 8 loquitur.

<sup>e</sup> Apud Baron., *qui videret*. Quæ in epistolam 15 Nestorii num. 4 de Nicœni symboli depravatione annotata sunt, videsis.

<sup>f</sup> Cum Xystus Nestorium nunc nefandum caput, mox exulem vestrum, subinde inventorem malorum, postea desertorem castrorum vocet, aliaque ratione supra indiget, nomini illius videtur parcere voluisse, quod ne semel quidem appellat.

<sup>g</sup> Rusticus diaconus paulo post initium Dial. contra Aceph. proprio stylo ista sic reddit: *Quoniam*

4. Non se exsuli & vestro sanctus frater noster Joannes addiderat, non ejus est blasphemia prædicatione deceptus; nam, quantum rerum exitus docet, suspendit suam sententiam, non negavit. Nam quid in inventorem malorum posset aliud judicare, nisi <sup>h</sup> quod probatur ipse per sacerdotes suos cujus agebatur causa, sentire? Statuerat hoc nimirum de nostrorum desertore castrorum, quod a ducibus fidei <sup>i</sup> suaderet perfidia judicari. Numquam se a nostro numero separasset, in quem potuit et reverti.

5 Exsulta, frater charissime, et ad nos recollectis fratribus victor exsulta. Quærebat Ecclesia quos recepit. Nam si neminem perire volumus de pusillis, quanto magis gaudendum nobis est sanitate rectorum? Legimus una ovis quantum gaudii reportata præstiterit (*Luc. xv, 6*); et ideo intelligendum est quid laudis habeat tantos revocasse pastores. Greges aspiciuntur in singulis; nec unius hic causa tractatur, quoties agitur de sanitate <sup>j</sup> multorum. Lætatur <sup>k</sup> hic nihil egisse nos præcoquam, quando fructu nostræ sententiæ gratulamur. Sustinuimus fratres, certi eos non spinas, sed uvas esse <sup>l</sup> facturos (*Matth. vii, 17*). In evidenti est nostrorum vindemia gaudiorum, quæ sanctam synodum largitate gratulationis implevit. Vineam suam custos ille cu-

numquam similia Nestorio sapuit, sed a principio fuerit orthodoxus Joannes sanctissimus frater noster, licet olim sententiam suam suspenderit, ut nobiscum Nestorium minime condemnaret. Cum orthodoxus ab initio fuerit Joannes, atque egregia epistola Nestorium, antequam damnaretur, arguere non dubitaverit, cur postmodum ab hoc hæretico condemnando sese sustinuit? Hoc nimirum in causa fuit, quod Nestorius accepta ipsius epistola rescripsit, ideo tantum a se nomen Deiparæ vitari, ne inde nos sequaces hæretici Apollinariū reprehenderent. Unde et Joannes ad Firmum Synodici cap. 4 de Nestorio scribit: *Quia vero et ante sapuerit (de Dei Genitrice sicut nos), inde convincitur quia et cito constitit admonentibus nobis, sicut a propriis fil, et ipsum nomen accepit, et in duobus sermonibus sanam fidei expositionem et irreprehensibilem nobis direxit.* Verum hæreticus ille etiamsi quandoque linguam, numquam tamen animum, virorum prudentum judicio, mutavit.

<sup>h</sup> Id est, nisi id, quod Christus, cujus causa agebatur, probatur per sacerdotes suos in synodo Ephesina congregatos sentire.

<sup>i</sup> Labbeus mallet, *sua deberet*. Retinendum suaderet hoc intellectu, Joannem id de Nestorio statuisset, quod perfidia ejus nota suaderet de illo a ducibus fidei judicari.

<sup>j</sup> Non displicet Labbei conjectura, qua rectorum forte legendum esse admonet. Quamquam cum plebis multitudo censeatur in rectoribus, rectoris cujusque sanitas, sanitas est multorum.

<sup>k</sup> Hanc sententiam Rusticus loco citato sic retinet, ut verba prorsus mutet in hunc modum: *quia bene fecimus, qui nihil contra eum definivimus immaturum; clarent enim nostrorum vindemiæ gaudiorum.*

<sup>l</sup> Apud Baron., *lecturos*. Lab. ad marg., *laturos*; rectius tamen in textu, *facturos*. Alludit quidem Xystus ad illud Matth.: *Numquid colligunt de spinis uvas?* sed hinc probat spinas non esse, quia certus erat fore ut facturi essent uvas; cum Christus dicat: *Non potest arbor mala fructus bonos facere.* Quo in loco vers. 17, 18 et 19, verbi *facere*, non *ferre*, constans usus est.



navit, quem ad custodiendam domum Israel nec dormire nec obdormire David propheta testatur (*Psal. cxx, 4*). Infecundum illud Christo nostro, nec afferens fructum, suscepit flamma sarmentum (*Joan. xv, 6*). Sed ut hoc videmus convenire damnato, ita de reversis ad nos fratribus convenit dicere, quia non potuit a diabolo eradicari plantatio quam plantaverat Pater (*Matth. xv, 13*). Illum ergo sibi ignis æternus, hos possessoris æterni vinea vindicavit in tantum ut Antiochenæ Ecclesiæ sacerdotem vocari a sanctitate tua jam nunc venerabilem virum et domnum gaudeamus. Et merito vocatur dominus, qui communem Dominum recognovit, qui incarnationis ejus mysterium voce catholica nobiscum confitetur.

6. Bene nobis breviter tua fraternitas quæ sunt super eodem negotio gesta narravit; sed mirati non sumus, quod a dissentientibus in te compositam legimus<sup>b</sup> dejectionis injuriam. Novimus frequenter patere calumniis veritatem, nec tamen unquam posse falsitate superari. Votivæ

<sup>a</sup> Cyrillus in inscriptione epistolæ quam Joanni post compositam pacem misit, Ephes. concil. part. III, c. 34, illum appellat *domnum*, sed non addit *venerabilem virum*. Quapropter epistolam a Cyrillo ad ipsum Xystum scriptam, quæ desideratur, hic indicare existimamus. Si nullum est hic in archetypo mendum, fallitur Quesnellus not. 43 in Leonis epistolam 34, ubi vocis *domnus* usum ante Leonis tempora receptum negat. Ipsius opinioni item adversatur, quod apud Augustinum ad calcem sermonis 111 nov. edit. legimus: *Quod novit charitas vestra suggerimus: dies anniversarius ordinationis domni senis Aurelii crastinus illucescit*. Ad hæc in concilio Chalcedonensi act. x, pag. 657, d, idem usus firmatur his verbis: *Domnus autem Samuel male habebat*. Porro nominum *dominus* et *domnus* discrimen et usum exponit antiquus iste versus a Pagio ad ann. 453, num. 4, laudatus:

Cœlestem Dominum, terrestrem dicite domnum.

Eodem usu et Græci cœlestem Dominum *κύριον* et terrestrem *κύριον* appellant. Quocirca in loco concilii Chalcedonensis proxime laudato, domnus Samuel *κύριος*, non *κύριος* vocatur. In hunc autem Xysti locum Pagius istud notat: Porro depositi non amplius vocabantur domni, nec ullo honoris titulo exornabantur. Ac deinde infert: *Xystus gaudet Joannem a Cyrillo jam nominari venerabilem domnum; exindeque colligit læsum Joannis honorem plane resarcitum fuisse*. Verum ex verbis Xysti hoc tantum sequitur, ut Cyrillus honorificis titulis Joannem exornans, palam eum communionis ejusdem consortem agnoscere se testatus sit. At non inde pariter sequitur, ut Cyrillus antea Joannis honorem læserit, aut eum ut depositione mulctatum habuerit. Certe auctor ei fuit Cœlestinus, ut summa cum illo prudentia et moderatione ageret.

<sup>b</sup> Baron. et Lab. ad marginem, *dictionis*; sed recte præferunt, *dejectionis*. Non enim hic aliqua adversus Cyrillum dictio aut contumeliosus sermo, sed ea notatur depositionis sententia, quæ Ephesi adversus illum ab iis qui Joannem Antiochenum sequebantur, lata et parietibus affixa fuerat, de qua nimirum synodus Ephesina epist. 20 ad Cœlestinum n. 3 conqueritur.

In Vulgatis, *non est*; quod de Joanne dictum

sunt semper molestæ fidem prædicanti. His namque cum beatitudine copiosa merces paratur in cœlo quibus propter justitiam maledictiones, persecutiones et omne malum præcipitur sustinere (*Matth. v, 11, 12*). Passus es falsitatem, ut victricem faceres veritatem; et ideo nunc insultandum est falsitati, quia nullus perire potuit veritati.

7. Expectamus igitur memorati fratris nostri Joannis clericos, et optamus venire: scimus et pro honore et labore tuo dare responsum. Non es, sicuti fratri et coepiscopo nostro Maximiano sæpe jam scripsimus, etiam ipse redeuntibus difficilis aperire januam: ut vere nisi perditionis filius nemo sit perditus (*Joan. xvii, 12*); sitque ei major causa lugendi, quod meruit solus excludi. Hæc ad venerationem tuam fraternitas mœcum sancta scribit, probans tuos in omnibus et confirmans labores: qui tamen graves aut amari esse non potuerunt, quia huic impensi sunt, cujus onus leve et jugum suave portamus (*Matth. xi, 30*).<sup>d</sup> Datum 15 kal. Octobris, Theodosio xii et Maximo consulibus.

esse oporteret; sed ad illum referri nequit, cum ante initam pacem nihil esset, cur de illius ad aperientem redeuntibus januam facilitate Xystus ad Maximianum scriberet. Idcirco restituendum duximus. Non es, ut id de Cyrillo ipso dicatur, cujus pro pace studium Xystus supra in epistola 1, quæ et ad Maximianum missa est, eo commendat, quod *proprias contemnens contumelias, magis Ecclesiæ ordinari, quam se vindicari desiderat; confestim autem in naufragio laborantibus petit aperiri portum*, etc.

<sup>d</sup> Septemb. die 15 ann. 453. Chronicam hanc notam Pagius falsi suspectam habet, quia cum e concilio episcoporum, quos anniversarius ordinationis Xysti dies congregarat, scripta sit hæc epistola, cum eo tamen die quo Xystum consecratum esse pro certo ponit, nota illa componi non potest. Observat quoque Tillemontius, Joannis clericos, qui litteras ejus Xysto reddituri expectabantur, necdum in urbem pervenisse, cum hæc epistola scripta est; adeoque hujus et sequentis epistolæ, quæ post adventum Joannis clericorum data est, epocham non unam esse debuisse. Non inficiatur tamen fieri potuisse ut, licet una prius, altera posterius scripta sit, ambæ tamen simul datæ eodemque die consignatæ fuerint. Sed hoc posito, mutandum fuisse censet eum num. 7 locum, in quo Xystus Joannis clericos expectare se dicit. Verum ex meris hujusmodi conjecturis certas notas, quas vetus exemplar alias in iis exhibendis fidele asservat, rejicere vel mutare prudentis non est, et ipse quidem Xystus, qui Cyrilli litteras in concilio episcoporum ad ordinationis suæ diem congregatorum lectas et ab universis probatas fuisse superius num. 2 docet eo dem episcopos pariter litterarum Joannis lectionem audivisse in epistola sequenti num. 3 indicat. Unde sequitur ut Xystus episcopos qui ad natalis sui celebritatem convenerant, ad clericorum Joannis adventum detinendos judicaret; quo ii qui Cyrilli de pace Orientis litteris recreati jam fuerant, de eadem re auditis Joannis scriptis certiores facti, perfecto gaudio cumularentur. Nec ambigendum quin simul retenti sint et qui a Cyrillo venerant, nec nisi cum Joannis clericis fuerint dimissi. Tum utrisque eodem die datæ sunt epistolæ, et licet una paulo ante adventum clericorum Joannis scripta eos expectari indicet, istud non debuit mutari, cum ii per quos mittebatur ad rerum gestarum ordinem enarrandum idonei es-



## EPISTOLA VI,

B. XYSTI PAPÆ III AD JOANNEM ANTIOCHENUM.

*Ecclesiæ de Joannis red-ta lætitia. Æquitas latæ adversus Nestorium sententiæ. Romanæ Ecclesiæ in servanda fide constantia, et in ejusdem fidei causa imperatorum studium. Quam idoneus sit Maximianus, qui malis a Nestorio illatis medeatur.*

XYSTUS episcopus JOANNI episcopo Antiocheno.

1. Si ecclesiastici corporis gloriam, si ejus integritatem dilectio tua considerare dignetur, profecto lætitie nostræ non quæret interpretem. Ipsæ namque res evidentis-ime loquuntur, mœrorem nostrum repentino sancti fratris Cyrilli sermone in gaudium e se conversum. Tantam hanc ergo sollicitudinem nostram nos evasisse delectat, postquam reo fidei nostræ tua fuit <sup>b</sup> sântitas pœnitudo.

2. Nunc vere <sup>c</sup> se exulem <sup>d</sup>, nunc se sentit ejectum. Abundantei in deserto spinæ (Matth. vii, 16): quia deest uva quam colligat. Hos habet fructus, qui erga vineam Domini nostri noluit exercere culturam. Credo ad dilectionem tuam rerum cursus et ordo pervenerit, qualiter ei volumus nostra admonitione <sup>e</sup> succurrere. Retinuimus in præceptum euntem, qui erat blasphemiarum pondere in profundum me gendus. Si negotii qualitatem justa lance pensemus, nulli non videbitur Nestorius sero damnatus. Hic fuerit debitus sermo præteritus. Fruamur nunc præsentibus bonis, nec diu hæreamus in tristitia, quibus Dominus gaudere concessit.

<sup>a</sup> Una cum superiore ab Antonio de Aquino et Colice Vatic. erota, Baronii studio in lucem prodit. Lancatur a Vincentio Lirinensi Commonit. cap. 4. Non superiori Joannis epistolæ 3, sed alteri quæ non exstat, quamque Joannes a Xysti laudibus exordiebatur, respondet.

<sup>b</sup> Apud Lab., fuit sanctitas plenitudo; lectio non spernenda foret, si antea rebus fidei nostræ legi subnexa sinerent. Quare quod Baronius ex Vaticanis. fide expressit revocamus, atque ita intelligimus, ut Nestorio fidei nostræ subversæ reo gravis ac molesta fuerit Joannis sanitas. Certe de Nestorio sermonem Xystus prosequitur.

<sup>c</sup> Supple, Nestorius.

<sup>d</sup> Opera scilicet ipsius Joannis, qui, ut Evagrius lib. i cap. 7 tradit, cum cerneret Nestorium in suburbano Antiochiæ degentem, blasphemiam suam nequaquam desistere, istud ad imperatorem referens, effecit ut perpetuo exilio condemnaretur. Hoc autem perpetui exilii ejus decretum legere est in part. Ephes. concil. cap. 14 et 15. Quocirca cum Nestorius apud eundem Evagrium ibid. quadriennio se in monasterio ad quod ab Epheso dimissus fuerat, commoratum esse affirmat, aut mentitur, aut quadriennium illud aliter ac verba illius apud Evagrium sonant, est intelligendum. Ut enim in superiore epistolam 4 observavimus, Nestorius anno 431 octo dies ante Gorpiciæ mensis undecimum, hoc est, vel Augusto mense exeunte vel ineunte Septembre, ab Epheso dimissus ac relegatus in monasterium suum abiit. Jam vero ex hac epistola liquet eum ante mensem Septembrem anni 433 e frequenti urbe in desertum locum, ubi nullus erat quem pervertere valeret, fuisse amandatum. A primo igitur exilio ad hoc alterum ne biennium quidem totum in monasterio suo exegit.

<sup>e</sup> Favere videtur is locus verbis Gennadii lib. de Script. Eccl. dicentis, Xystum ad ipsum Nestorium

A 3. Audivit universa fraternitas, quæ ad natalis mei convenerat diem, qualiter bono humani generis, apostolicæ sedis me præside &c.... Excedant licet meritum meum et extra me hæc esse cognoscam, exordium tamen tui sermonis gratus accipio, quia non est tibi controversia perferenda, qui Christum Dominum nostrum bono humani generis ita ut natus est confiteris. Subsequenter Ecclesiæ addis luciferum et ubique lucentem. Sed et nunc vos, immo omnes qui lucis illius signum fronte <sup>b</sup> gestamus, luciferos confitemur. Sint ergo omnes fidem prædicantes Domini sacerdotes luciferi et ubique lucentes.

4. Sit et Nestorius ille lucifer de quo scriptum est: *Cecidit lucifer, qui mane oriebatur* (Isa. xiv, 12). B Cecidit, sed superbiens cecidit, sed elisus cum ascendere disponit in cælum, et ponere super cœli sidera sedem suam, et promittit Altissimo similem se futurum. Ille ad similitudinem se aptabat Altissimi; isto in suam similitudinem vocabat Altissimum. Hominem namque natum cum tantummodo prædicabat, auferens incarnationis mysterium, et illud evacuans, immo illud impugnans, quo secundum symbolum et fides et salus nostra subsistit. Non est certandi jam tempus, hoste prostrato: transeundum nobis ab his est quæ bella moverunt, importunum victoriæ tempore adhuc de præliis disputare.

5. Quæ hic evidentior rerum fides, quæ ratio ma-

C et ad Orientis episcopos adversus errorem ejus succidendum sententias direxisse. Sed jam a prima epistola quam Xystus iniens episcopatum scripsit, de Nestorio ut prorsus desperato loquitur, probatque Cyrilli sententiam, quæ ejus unius contentus est morte, ipseque de hoc hæresiarcha statim edicit: *Solus igitur ille sit naufragus, quem in tanta caligine propriarum doctrinarum nihil cernentem impietatis fluctus allisit scopulo depositionis*. Recolendum est Xystum de his quæ decessor illius Cœlestinus in hac causa gessit, tamquam de rebus a se gestis loqui solere. Cœlestinus autem Nestorium datis induciis, ad saniorum fidem suscipiendam est cohortatus. Ac postea, consultus a Cyrillo an emenso induciarum tempore sententia in illum lata perdurare non deberet, epist. 16, num. 3, paterne respondit: *Studeo premeuntis salvi, si tamen voluerit ægritudinem confiteri*.

<sup>f</sup> Baron. cui non profuerit; quæ lectione ad marginem rejecta Lab. restituit, hic fuerit. Deinde prædebitus mallems deletus, quasi diceret Xystus: D Sermo ille quo Joannes ac socii Nestorium præcipii judicio damnatum conquerebantur, oblivione jam deleatur, nec memoretur amplius; hæc tristitia jam prorsus abierint.

<sup>g</sup> Hic aliquid deesse Labbeus admonet: quod quidem Baronius addito verbo gratulentur supplere conatus est. Tamen ad Xysti mentem aptius ita resarciretur: *apostolicæ sedi me præsidere gratuleris*. Apparet quippe Joannem in exordio epistolæ suæ Xystum ita laudasse ut eum bono generis humani apostolicæ sedi præesse prædicarit. Quam laudem modesta quadam industria Xystus a se ad gloriam Christi, qui revera bono humani generis natus est, convertit. Subinde, ubi eum Joannes luciferum et ubique lucentem prædicabat, eadem solertia et hanc laudem cum omnibus fidei ejusdem consortibus et prædicatoribus communicat.

<sup>b</sup> Baron., gestatis.



tor potest esse, quam palma <sup>a</sup>? Fruamur, auctore Domino, bono atque jucundo, quia in unum fratres rursus cœpinus habitare (Ps. cxxxii, 1). Hæc sanctitatem tuam volumus prædicare quæ scribis. Expertus es negotii præsentis eventum, quid sit sentire nobiscum. Beatus Petrus apostolus in successoribus suis, quod accepit, hoc tradidit. Quis ab ejus se velit separare doctrina, quem ipse inter apostolos primum magister edocuit? Non hunc auditis per alterum, non sermo lectus instruit: doctus est cum aliis ore Doctoris. Non scripturæ, non scriptorum passus est quæstionem; absolutam et simplicem fidem, et quæ controversiam non haberet, accepit, quam utique meditari semper, et in qua manere debemus, ut sensu puro sequentes Apostolos, inter apostolicos esse mereamur. Non parum nobis oneris, non parum laboris incumbit, ut Ecclesiæ Domini macula desit et ruga (Ephes. v, 27).

6. Quam semper super hoc esse solliciti nos debeamus, clementissimorum et christianissimorum regum cura testatur. Aspice, frater charissime, cœlesti negotio quam se vigilanter impenderint. Cogitationum <sup>e</sup> ferias nesciverunt; nec dignati sunt terrena curare, nisi cœlestibus paruissent. Quoties apostolicam sedem, quoties diversos fratres eorum sermo commovit? Impenderunt se ejus negotio qui se eorum numquam negavit imperio. Sciunt se illi fenerare sollicitudinem suam qui eam cum grandi reddat usura. De qua re nos convenit gloriari, quia cœlestem Regem videmus fœderatos reges habere terrarum. Intelligunt, sicut ait David, et eruditi sunt qui judicant terram (Ps. ii, 10), quando, sicut dicit alibi, ipsi et omnes populi laudant nomen Domini (Ps. cxlviii, 12).

7. Ergo quia, sicut ait Apostolus, fides una est (Ephes. iv, 6), quæ et <sup>d</sup> vincenter obtinuit, dicenda credamus, et tenenda dicamus. Nihil ultra liceat novitari, quia nihil adjici convenit vetustati. Dilucida et perspicua majorum <sup>e</sup> credulitas nulla cœni permixtione turbetur. Habet probatum nobis virum fratrem et coepiscopum nostrum Maximianum Constantinopolitanæ Ecclesiæ sacerdotem, divino illic judi-

cio consecratum, ut ægritudinis morbum quem astutiæ venena <sup>f</sup> solius infuderant, superet simplicitatis dulcedo succedens; qui non illic aliud quam credimus poterit prædicare, nisi quod a decessoribus meis, nobiscum positus frequenter audivit. <sup>g</sup> Data xv kalendas Octobris, Theodosio xiv et Maximo consulibus.

## <sup>b</sup> EPISTOLA VII,

XYSTI III PAPÆ AD PERIGENEM CORINTHIORUM EPISCOPUM.

*Ut vicarii apostolicæ sedis dignitatem Anastasio Thessalonicensi antistiti a se ex antiquo more concessam revereatur, atque ejus auctoritati se subtrahere ne tentet.*

Dilectissimo fratri PERIGENI XYSTUS.

B 1. Gratulari potius quam conqueri deberemus de tuæ fraternitatis actibus, cum tibi apostolicæ sedis auctoritas in ipsis tuæ ordinationis initiis, quod te semper meminisse oportet, <sup>i</sup> affuerit. Sed ut nostrum est non ista retexere, ita tuæ convenit fidei retinere. Nunc aliqua incitare voluisse cognovimus: sed hæc, cum res per nostrorum præsentiam, quos vice nostra ad eas partes propter has causas direximus, sopite sint, præterimus. Nam et sanctos fratres nostros Martianinum presbyterum <sup>j</sup> idem et diaconum Lollianum egisse credas, quod et utilitatibus tuis et sedis apostolicæ auctoritati congrueret: et ideo nunc ad fraternitatem tuam <sup>k</sup> tale scripsimus, quo tibi tristitiam generemus, quia malumus correctione pacifica id quod tentatum fuerat aboleri.

C 2. Nunc ergo, frater charissime, admonitus nostri epistolæ per fratrem et coepiscopum nostrum Lucam, qui ad vos sola charitatis gratia provocatus advenit, sancto fratri et coepiscopo nostro Anastasio Thessalonicensis urbis antistiti eam servato reverentiam quam cæteri quoque pontifices per Illyricum constituti erga prædicti dignitatem reservare non abnuunt; cum sciamus nihil novum illi a nobis fuisse concessum, sed id quod ejus decessoribus nostri decessores detulerant, habita consideratione disciplinæ ecclesiasticæ constitutum. Tua enim magis interest ut huic plurimum deferatur <sup>k</sup> Ecclesiæ, quæ tibi

<sup>a</sup> Subauditur *de fidei adversariis relata*. Xysti argumentum verbis nititur I Joan. v, 4: *Hæc est victoria quæ vincit mundum, fides vestra*; quasi diceret: Si fidei proprium est vincere, quod majus indicium esse possit penes nos esse veram fidem; quam quod penes nos palma est atque victoria? Quapropter non placet istud Baronii, *quam ut palma fruamur auctore Domino et bono*.

<sup>b</sup> Hoc est, cum apostolica sede, cui in primis fidei depositum a Christo in Petro creditum, et a Petro successoribus suis traditum atque transmissum fuit.

<sup>c</sup> Eadem loquendi ratione utitur Simplicius papa, qui epistolam 19 sic orditur: *Cogitationum ferias non habemus; nec enim quiescere nos causa permittit*.

<sup>d</sup> Apud Baron. et Lab.: *Una est et vincentes obtinuit*. In vulgato Vincentii Lirin. Commonitorio cap. 43, ubi hæc sententia refertur, *Una est quæ evidenter obtinuit*. Pro evidenter, in perantiquo ejusdem Commonitorii exemplari Corb. exstat *vincenter*, quod perinde est atque cum victoriæ palma. Rursum hic ad verba I Joan. v, 4, Xystus sua exigit.

<sup>e</sup> Apud Vincentium Lirin., *fides et credulitas*.

<sup>f</sup> Baron., *sopitis*. Vanæ Nestorii eloquentiæ, quæ solo astu fulta hæreseos venenum infundebat, simplicitas opponitur prædicationis Maximiani, qui fidem certam et ab apostolica sede acceptam, non sine ea dulcedine quam veritas parit, tradebat.

<sup>g</sup> Septemb. 15 ann. 455.

<sup>h</sup> Hæc epistola una cum tribus subsequentibus Concilio Romano sub Bonifacio II, quod Lucas Holstenius publici juris fecit, inserta est. Chronica nota quæ huic deest, ex sequenti supplenda est. Obscurum enim non est utramque eadem de causa eademque occasione conscriptam esse.

<sup>i</sup> Cujus rei fidem faciant Bonifacii I epistolæ 4, 5 et 15.

<sup>j</sup> Forte, *item*.

<sup>k</sup> Perigenes multum Romanæ debebat Ecclesiæ, utpote ejus præsul Bonifacius cum præferebat Corinthiis, atque ut hanc sedem invitis annulis retineret effecerat. Nonnihil quoque debuit Thessalonicensi, præsertim cum Bonifacius illum Corinthiorum epi-



tantum honoris contulit, ut pro te contra eos qui tibi A  
tunc æmuli fuerant repugnaret.

### Æ EPISTOLA VIII,

XYSTI III PAPÆ AD SYNODUM THESSALONICÆ  
CONGREGANDAM.

*Vicarii dignitatem per Illyricum se de more Anastasio  
Thessalonicensi episcopo tribuisse. Quæ ejus sit po-  
testas, quæ munia. Ut ei Perigenes Corinthiorum  
episcopus subiciatur.*

Dilectissimis fratribus universis episcopis synodo  
apud Thessalonicam congregandis Xystus.

1. Si quantum inservitur legibus et principum con-  
stitutis, quæ sunt temporalia et mutantur, et sæpe  
sæpius abolentur, tantum divinis legibus æternisque  
mandatis obedientiæ præstaremus, essemus profecto  
summæ beatitudinis compotes, et mundanæ vexationis  
molestias vitaremus, illo rectore vel præsule qui  
subinde subvenire cupiens quotidianis vocibus cla-  
mat : *Convertimini ad me, et convertar ad vos* (Zach.  
1, 3)... (*Inter cætera et ad locum*) Nos fratri et co-  
episcopo nostro Anastasio tantum tribuimus, quantum  
decessoribus ipsius a nostris decessoribus attributum.  
Priorum judicium sequimur, hæc constituendo quæ  
ab his novimus constituta : quia et ipsum hujus pro-  
bamus meriti, cujus fuerunt illi qui talia meruerunt.  
Nullus obviet salubribus constitutis, nullus præcep-  
tionibus his resultet. Habeant honorem suum metro-  
politani <sup>b</sup> singularum, salvo hujus privilegio quem  
honore debent amplius honorati. In provincia  
sua jus habeant ordinandi ; sed hoc, inscio vel invito  
quem de omnibus volumus ordinationibus consuli,  
nullus audeat ordinare. Ad Thessalonicensem majores  
causæ referantur antistitem. Ipsum major cura  
respectet, eos qui ad episcopatum vocantur discutiendi  
sollicitius et probandi. Ipse optimos solertissimosque  
de vestro numero eligat, quos negotiis secum  
asciscat arbitros ; aut sine se tribuat, qui in discep-  
tationem missa componat.

2. Noverit Corinthius episcopus sibi licentiam po-  
testatis liberæ minime tribuendam, si huic voluerit  
Ecclesiæ <sup>c</sup> resultare, quam sibi noverit præfuisse.

scopum, nisi Rufi Thessalonicensis antistitis testimo-  
nio et opera, institui noluerit. Perigenes tamen, ni  
nostra nos fallit conjectura, quam ex Leonis epistola  
43 firmare licet, synodis a Thessalonicensi episcopo  
indictis interesse, aut ei ulla in re subesse detre-  
tabat.

<sup>a</sup> Tantum decurtata in actis concilii Romani, quæ  
Lucas Holstenius in lucem emisit, prolata est. Nec  
aliud succurrit exemplar unde resarciatur. Nil certe  
fuit omissum quod ad apostolicæ sedis in Illyrici pro-  
vincias jus stabilendum conferebat, cum ea tantum  
de causa prolata sit.

<sup>b</sup> Supple provinciarum.

<sup>c</sup> The-salonicensi.

<sup>d</sup> Lege, tanta. Hic fides commendatur legatorum,  
quos Xystus ad synodum mittebat.

<sup>e</sup> Julii 8 anni 435.

<sup>f</sup> Apud Holsten., cohibente. Experti nihil in vete-  
ribus libris usitatus offendi, quam ut pro connivere  
et conniventia pingatur cohibere et cohibentia, hic  
testuere non dubitamus connivente.

Cui necesse est nos quoque, siquid tentare voluerit,  
obviare ; qui præteritorum quæ illi per nos præstita  
sunt memores sumus et illicitis semper surpationi-  
bus obviamus.

3. De cæteris vero, quæcumque illæ sunt, nostris  
præsentibus volumus finiantur : quoniam <sup>d</sup> tota illo-  
rum apud nos fides est, ut quæ illi probaverint, nos  
credamus judicasse pariter et probasse. <sup>e</sup> Data vii  
idus Julias, Theodosio xv et Valentiniano iv augu-  
stis consulibus.

### EPISTOLA IX,

XYSTI III PAPÆ AD PROCLUM CONSTANTINOPOLITANUM  
EPISCOPUM.

*Ut sine Thessalonicensis antistitis formata, ex iis pro-  
vinciis quæ ad illum pertinent, nullum sacerdotem  
ad se venientem suscipiat.*

Dilectissimo fratri PROCLIO Xystus.

1. Licet fraternitatem tuam, disciplinis ecclesia-  
sticis eruditam, ea omnia quæ ad regularum et cano-  
num observantiam pertinent custodire summa sollici-  
tudine noverimus, nec quidquam aut ipsam facere,  
aut facere alios sacerdotes se <sup>f</sup> connivente permit-  
tere, quod vetusta Patrum constituta pervertat, do-  
cumentis evidentibus probaverimus (id enim optimo  
convenit et Deo dignissimo sacerdoti, ut et ad se per-  
tinentia qua potest cura custodiat, et alios fratribus  
suis debita minime inquietare vel temerare ex aliqua  
parte permittat, MODERATIOREM HONORIFICENTIAM suam  
majore gloria servaturus, si nihil licere contra morem  
veterum attentantibus sinat), nostra tamen adhorta-  
tione per gratiam charitatis hoc fraternitati tuæ  
specialiter debet accedere, ut contra subreptiones  
aliquorum circumspecta sanctitas tua facultatem non  
præbeat horum incongruæ voluntati, qui Ecclesiis  
per se scandalum cupiunt et discordiam generare,  
volentes per Ecclesiarum perturbationem crescere, et  
locum sibi per dispensationem facere sacerdotum.

2. Id ergo, quod nos quoque servamus, fraternita-  
tem tuam, quam scimus hoc suo more <sup>g</sup> facturam,  
volumus custodire ; id est, ut si quis ad fratrem et  
coepiscopum nostrum The-salonicensis urbis antisti-  
tem harum provinciarum <sup>h</sup>, quæ ad eum pertinent,

<sup>g</sup> Quo nimirum ea quæ ecclesiasticæ disciplinæ  
sunt, servare solet. Ut autem nihil a Proclo durum  
aut ipso indignum exigere se suadeat, et hoc quod  
rogat, a se erga episcopos Illyrici servari proxime  
testatur.

<sup>h</sup> Holstenius hic aliquid deesse, atque ita supplen-  
dum putat : *Quæ ad tuam spectaret Ecclesiam, sa-  
cerdos sine tuo consensu accesserit, vel contra ad tuam  
sanctitatem istarum provinciarum, quæ ad eum perti-  
nent, etc.* Verum hoc supplemento antistiti Constau-  
tinopolitano præter Xysti mentem, dandarum for-  
matarum, adeoque et metropolitanum jus conceditur,  
quod longe postea Gelasius ei negavit, epist. 25  
num. 10, scribens CP. civitatem non solum inter se-  
des minime numerari, sed nec inter metropolitanorum  
jura censi. Integer erit locus, si ita legatur, ut si  
quis a fratre et coepiscopo nostro Thessalonicensis  
urbis antistite harum provinciarum, etc. Planior au-  
tem sic fieret : *Ut si quis harum provinciarum, quæ  
ad fratrem et coepiscopum nostrum Thessalonicensis  
urbis antistitem pertinent, etc.* Ambigua certe non



sacerdos adveniat præter ejus conscientiam, si sine ejus epistolis atque formata venire tentaverit, tamquam disciplinæ ecclesiasticæ despector et contemptor canonum, quos nos temerari ex aliqua parte non patimur, habeatur. Reverentiæ vestræ in commune præstatur, si alter alterius honori debita, prævenientes invicem per charitatis gratiam, reservetis; quæ fieri <sup>a</sup> nolumus ut legimus. Discant omnes illius provinciæ sacerdotes tantæ fraternitatem tuam esse censuræ, ut non permittas fieri quod non licet a sacerdote tentari.

3. Diceremus plura, si non de tuæ fraternitatis mente nossemus majora et ex hac parte sentire, quam nos in nostras epistolas hasce quas ad te dirigimus, possumus sermone conferre. Habes recentissimum nuper habitæ actionis exemplum fratris nostri Idduæ <sup>b</sup>, circa quem tuæ fraternitatis decrevimus judicium custodiri; cognitioni tuæ facere nolentes injuriam, cum ejus intentionem justissimam innocentia tuereris. Monendi <sup>c</sup> sunt ignorantes; at scientem atque servantem talia si diutius velis instruere, non tam admonere quam exprobrare ignorantiam videaris. Sufficiant ergo quæ scripsimus, frater charissime, quoniam ad hæc corrigenda atque servanda animum tuum atque censuram nobiscum sentire confidimus: quoniam unum cor et animum, ut dicit Scriptura (Act. iv, 32), circa religionis observantiam, canonum custodiam et disciplinam ecclesiasticam retinendam nos habere, ut debemus <sup>d</sup> et credimus. <sup>e</sup> Data 15 kalendas Januarias, Aetio iterum et Segisvulto consulibus

#### MONITUM IN EPISTOLAM SEQUEMTEM.

1. Ad epistolæ hujus scopum assequendum non parum refert nosse quid sibi velit Xystus his num. 3 verbis: *Nec his vos, fratres charissimi, constitutis, quæ præter nostra præcepta Orientalis synodus decernere voluit, credatis teneri, præter id quidem, quod de fide nobis consentientibus judicavit.* Quæ sit illa synodus Orientalis, quæve illius constituta, quibus Illyricanæ Ecclesiæ non teneantur quæritur.

2. Lucas Holstenius, notis in hunc locum, verbis illis innui existimat negotium Juvenalis episcopi, qui

est mens Xysti. Vult quippe nulli licere Illyrici episcopo quoquam sine antistitis Thessalonicensis formata proficisci.

<sup>a</sup> Restituendum videtur, *volumus ut legimus*, scilicet apud Paulum (Rom. xii, 10) præcipientem, *Honore invicem prævenientes.*

<sup>b</sup> Ephesino in concilio pag. 544, e, depositionis Nestorii sententiæ subscribit Idduas Smyrnæ episcopus. Unde Holstenius Proclum in hunc episcopum patriarchico jure egisse, ab ejus judicio Idduam ad apostolicam sedem provocasse, et Xystum Procli sententiam ratam esse jussisse opinatur. Ex quo sequeretur ut Xystus ejus in Asianam dioccesin patriarchicum jus ratum habuisset; quod ipsius sedi ne Constantinopolitana quidem synodus attribuerat. Hujus quippe synodi canone 2 decernitur *ut Asianæ diocesis episcopi quæ sunt in sola Asiana administrent, et Thraciæ episcopi Thraciam tantum regant.* Quamvis autem hoc illi jus primum Chalcedonensis concilii canone concessum sit, illud tamen Aetius archidiaconus in eadem synodo act. 15, pag. 796, sic vindicat, quasi in eadem sedi a C.P. synodo attributum fuerit. Immo nisi Constantinopolitanum antistitem, etiam ante Chalcedonensem synodum hoc

A Ephesina in synodo Palestinæ provinciæ principatum obtinere studuit; eaque de re consulendum monet Leonem in epistola ad Maximianum episcopum, hoc est, quod in epistola illa legimus: *Difficile est ut cupiditas improborum non aliquid supra mensuram molliatur appetere; sicut etiam in Ephesina synodo Juvenalis episcopus ad obtinendum Palestinæ provinciæ principatum credidit se posse sufficere, et insolentes ausus per commentitia scripta firmare* (Leo epist. 110 cap. 6). Verum ad hæc Xystum minime respicere hinc nobis persuasum est: primo quod, Cyrillo Juvenalis ambitioni intercedente, irriti fuerint illius conatus, adeo ut nullum ea de re decretum, immo nec verbum in Ephesina synodo exisset; cum tamen Xysto de constitutis, non quæ unus episcopus, sed quæ synodus decernere voluit, hic sermo sit. Deinde etiamsi obtinuisset Juvenalis quod ambiebat, idque firmari decreto aliquo impetrasset; ad episcopos Illyrici quid attinebat usurpatus Palestinæ principatus? quidve opus erat, ut eos Xystus ad synodum vocaret, ubi hujusmodi statuto se minime teneri admoneretur?

3. Eadem verba quo referri queant, incompertum sibi esse scribit Tillemontius (Tom. XIV pag. 264), nisi his decretum notetur Ephesinæ synodi act. 7, in quo non solum ecclesiarum Cypri asseritur libertas, sed et sua cæteris Ecclesiis jura servantur, atque edicuntur: *Placuit igitur sanctæ et œcumenicæ synodo unicuique provinciæ pura et inviolata, quæ jam inde ab initio habuit, sua jura servantur juxta veterem consuetudinem, et liberum sit cuique metropolitano actorum exempla ad suam securitatem excipere.* At simul fatetur vir modestissimus, decretum illud, postquam sedis apostolicæ legati Ephesum advenissent, constitutum esse, nec tamen uspiam quidquam legi, unde legatos illos ei reclamasse colligamus. Xystus autem de constitutis loquitur quæ sedes apostolica nunquam probaverit. Præterea Xystum synodi quæ summam sedi apostolicæ reverentiam exhibuit, vel decreta rejecisse, vel auctoritatem imminuere voluisse quis credat? Ille certe concilium œcumenicum non vago synodi Orientalis, sed saltem proprio synodi Ephesinæ nomine designasset.

4. Hujus papæ verba prima fronte congruere magis videntur Constantinopolitanæ synodo anno 381 habitæ, utpote cujus decreta, in iis quæ ad fidem attinent, ita receperunt Romani pontifices, ut cætera constituta etiam diutissime post Xysti tempora probare prorsus noluerint. Quocirca hujusmodi decreta, cum ab Anatolio valde jactitarentur, nullius momenti esse Leo ad ipsammet Anatolium rescribens contendit his verbis: *Persuasioni enim tuæ in*

in Asianas provincias jure potitum esse largiamur, a mendacio purgari nequit Philippus presbyter, cum in Chalcedonensi concilio act. 15 Leontio episcopo Asianarum provinciarum privilegium vindicanti ac dicenti: *A sancto Timotheo usque nunc 27 episcopi facti, omnes in Epheso sunt ordinati*, respondit, *Sanctæ memoriæ Joannes (Chrysost.) episcopus Constantinopolitanus quindecim episcopos deposuit profectus in Asiam, et alios ordinavit, et Memnon hic ordinatus est.* At quoquo modo Constantinopolitani concilii canones 2 et 3 interpretati sunt regię urbis præsules, eos a Xysti successoribus, saltem ad Hormisdam usque, nedum ab ipso Xysto, admissos non esse certum est.

<sup>c</sup> Non cum proxime dictis de Iddua, cujus exemplum Xystus velut in transcurso attigit, sed cum superioribus hæc connectenda sunt. Xystus nempe, qui non plura dicere se præmiserat, rei hujus rationem reddit: quia nimirum pluribus docendi sunt qui ignorant, non qui, ut Proclus, quid officii sui sit apprime callent.

<sup>d</sup> Supple, *ita.*

<sup>e</sup> Decemb. 18 ann. 437.



nullo penitus suffragatur quorundam episcoporum: ante sexaginta, ut jactas, annos facta conscriptio, numquamque a præsesoribus tuis ad apostolicæ sedis transmissa notitiam (Leo epist. 97, n. 6). Quæ autem de fide tum definita fuerant, ab eadem synodo ad Damasum missa esse, ex ipsius synodi ad eundem papam epistola 13 n. 4 colligitur, nec a quoquam catholico exinde repudiata esse legimus. Certe hujus synodi symbolum in Concilio Chalcedonensi act. 2 cum omnium plausu recitatum, act. 5 ejusdem Concilii definitioni totum cum Nicæno insertum fuit. Verum nonnullis decretis, quæ recentius constituta sint, Xystum hic moveri prope certum est.

5. Censemus igitur synodum ab hoc papa notari ipsius ævo habitam, in qua quædam adversus Ecclesiarum, ac nominatim Thessalonicensis, jura, Proclo instigante, sive, ut lenius loquitur ipse Xystus, *connivente*, constituta sint. Quocirca Xystus in epistola superiore Proclum summa moderatione ac prudentia corripiens, totus in eo est, ut illum et ad vetusta Patrum constituta custodienda, et ad servandum antistiti Thessalonicensi honorem debitum cohortetur. Porro ex Theodoretæ epistola 86 ad Flavianum episcopum CP., discimus sub Proclo celebratam esse synodum, in qua nonnulla, haud dubie in gratiam Constantinopolitani antistitis, contra Ecclesiarum aliarum jura constituta sunt. Sic enim ibi Theodoretus Flavianum alloquitur: *Scito, domine mi, hanc illum (Dioscorum Alexandrinum episcopum) adversus me pusillitatem gerere, ex quo synodicis vestris sub beatæ memoriæ Proclo factis, sanctorum Patrum regulis inhærentes, assensimus; ac de hoc nos semel atque iterum increpasse, quasi et Antiochenorum, ut ait, et Alexandrinorum jura prodiderimus*. Sane in his Theodoretæ verbis nihil est quod non cum iis quæ Xystus de Orientali synodo habet apprime componatur.

6. Quod si ita est, de Concilio quod sub Proclo habitum esse memorat Theodoretus, hoc affirmare liceat, primo illud non serius anno 457 celebratum esse, et in eo alia quidem de fide cum apostolicæ sedis consensu, alia extra fidem et circa disciplinam præter ejusdem sedis præcepta fuisse constituta. Deinde Xystus manifeste docet constitutis illis, quæ præter ipsius præcepta edita sunt, læsa fuisse Thessalonicensis antistitis jura. Neque minus ex Theodoretæ liquet, iisdem pariter, saltem Dioscori iudicio, violata fuisse Alexandrinorum atque Antiochenorum privilegia: adeo ut Dioscorus Theodoretum, quod assensu suo decreta illa comprobarat, veluti proditorem haberet Alexandrinorum et Antiochenorum jorum, eaque de causa justo illum odio prosequi se existimaret. Unde merito conjicere est, constitutis illis ea confirmata vel etiam aucta esse privilegia, quæ jam ab anno 381 in concilio Constantinopolitano regiæ urbis præsuli attributa sunt. Si etiam synodo sub Proclo non interfuit Theodoretus, sed ejus decretis postmodum assensit, constituta illa per provincias, ut episcoporum assensu ac subscriptione firmarentur, missa esse inde colligitur.

7. Hinc corrigendi Baronius et qui eum secuti sunt conciliorum editores, qui quidem concilium illud sub Proclo ad annum 459 referunt, ac de illo, unis Theodoretæ verbis fulti, multa comminiscuntur ab eo prorsus aliena. Fungunt nempe Dioscorum adhuc diaconum, cum Constantinopoli apocrisarium Ecclesiæ Alexandrinæ ageret, cum Antiocheno episcopo contendisse pro primatu, eamque ob causam congregata synodo fuisse definitum, *ut quæ in Nicæno aliisque conciliis hac de re olim constituta fuissent, rata ac firma manerent* (Baron. sub finem ann. 459; Lab. tom. III, pag. 1284), ac demum Theodoretum Cyri episcopum

A sese ad tuendas Antiocheni episcopi partes contulisse, ideoque grave Dioscori odium suscepisse. Et vero Theodoretus in laudata epistola Dioscori odium non ideo in se concitatum dicit, quia præsulis Antiocheni jura defenderit acriter, sed quia synodi sub Proclo habitæ constitutis assentiens, Antiocheni potius præsulis, non secus atque Alexandrini jura prodidisse judicabatur. Nec in illa synodo firmata sunt Nicæna decreta, sed de illis, ut ex Xysto conficitur, fuit derogatum. Altercationis vero Dioscori diaconi cum Antiocheno præsule nullum apparet in verbis Theodoretæ vestigium, idque meram fabulam sapit.

8. Non immerito igitur a Baronii sententia Joan. Garnerius in Auctario Theodoretæ, Historiæ ejusdem cap. 7, n. 7, et ad ejus imitationem Anton. Paginus ad annum 459, n. 15, discesserunt. Sed nec illi multo feliciter Theodoretæ mentem videntur assecuti, dum ab hoc scriptore memorari putant literas synodicas, quas Proclus ad Dominum Antiochenum antistitem in gratiam Athanasii Pyrrhenorum episcopi scripsit, quæque actioni 14 concilii Chalcedonensis insertæ sunt. Quod ut evidentius pateat, observandum est epistolam ejus explicationem querimus, eo consilio a Theodoretæ scriptam esse, ut Flaviani opem atque subsidium adversus Dioscori calumnias sibi conciliaret. Hujus rei gratia Flavianum urget, ut decretorum in generali concilio Constantinopolitano sanctorum sit vindex, ac Dioscori superbiam, qua præ finitis sibi limitibus contineri non vult, retundat. Tum in episcopi hujus odium ex eo incurrisse se narrat, quod litteris synodicis sub Proclo factis assenserit, quasi hoc assensu Alexandrinorum Antiochenorumque jura prodidisset. Jam vero litterarum Procli in gratiam Athanasii scriptarum, et synodicarum, quibus assensit Theodoretus, quæ consensu? Procul dubio si tantum litteris pro Pyrrhenorum episcopo scriptis subscripsisset Theodoretus, nihil inde fuisset et causæ cur apud Dioscorum Antiochenorum, longe minus Alexandrinorum, jurium proditor audiisset. Primo enim mere commendatitiæ sunt hæ litteræ, nec in iis Proclus quidquam sibi juris arrogat. Immo Antiochenæ Ecclesiæ jura in hoc toto negotio salva et illæsa esse diserte declarat, ubi ejus antistitem Dominum sic alloquitur: *Non igitur tua religiositas arbitretur quia tamquam ad injuriam sedis Antiochenæ maxime civitatis huc venit memoratus Dei amantissimus episcopus Athanasius, etc.* Deinde litteras illas non suo tantum, sed ipsius etiam Cyrilli nomine scriptas esse testificatur ac dicit: *Præsentibus eum (Athanasium) litteris consolantes, confidere jussimus ego atque sanctissimus episcopus et sacerdos Cyrillus*. An Ecclesiæ suæ jura tunc ignorasse aut prodidisse Cyrillus existimandus est? Longe potiori jure crediderimus synodicas Procli litteras, quas Theodoretus epist. 86 ad Flavianum memorat, omnino alias esse ab eis quas concilium Chalcedonense act. 15 exhibet. Sed ubi epistolam Xysti cum prædicta Theodoretæ epistola conferimus, ex multa luce quam sibi invicem conferunt, de una eademque synodo deque iisdem constitutis in utraque sermonem esse haud difficile deprehendimus.

## EPISTOLA X.

XYSTI PAPÆ III AD<sup>a</sup> TOTIUS ILLYRICI EPISCOPOS.

Vices suas per Illyricum Anastasio de more commisisse se significat. Quæ sit illius potestas. Ut ei reverentiam exhibeant.

Dilectissimis fratribus universis episcopis per Illyricum consistentibus Xystus.

1. Doctor gentium, vas electionis, religionis nostræ firmissimum fundamentum, epistolis omnibus

<sup>a</sup> Quos videlicet ut una in synodo congregatos Xystus in exordio alloquitur. Hujus autem convocandæ synodi quantum ex superiore epistola et ex

hac ipsa augurari licet, ea causa fuit ut Thessalonicensis Ecclesiæ jura, quæ Proclus usurpare aut imminuere tentabat, integra vindicarentur.



quas ad singularum civitatum scribit Ecclesias, de A sua in Domino gratulatione testatur, quos legis præceptis parere videat, et in Dei nostri timore versari. Si tanta igitur Apostolo tam docto quam sancto est mentis hilaritas, quod <sup>a</sup> tantos pariter, quod novit et his ad quos scribit et religioni proficere, unis appellet epistolis, quanto nobis gaudio existimatis esse, quoniam in commune sanctitatis vestræ datur nobis appellare concilium, et sermonem nostrum affectionis piæ circa vos testimonia continentem, cum vestra sanctitate conjungere? Ille enim singulas, ut diximus, epistolis suis visitat Ecclesias: nos <sup>b</sup> tot pariter credimus Ecclesias nostris appellare nos litteris, quot estis qui ad sanctam synodum convenitis. Illi est sermo cum rudibus atque discipulis; nobis sermo cum collegis et doctis. Et ut a beatissimi Pauli, B cujus maxime præceptis obedire vos convenit, non recedamus exemplo, non vobis grave sit de his quæ ad nostram notitiam perveniunt, ut servetur disciplina ecclesiastica, commoneri ac si præsentis. Ergo vobiscum quod ad regularum canonumque custodiam proficere novimus, pro sollicitudine nostra conferimus, sequestro filio nostro Artemio presbytero cujus nobis efficacia in agendo pariter et moderatio placuit et amor, ut traditus trames a patribus, firmis vestræ dilectionis vestigiis teneatur, et ea quæ a nobis propter quietem Ecclesiarum sunt <sup>c</sup> custodita, serventur.

2. Illyricanæ omnes Ecclesie, ut a decessoribus nostris accepimus, et nos quoque fecimus, ad curam nunc pertinent Thessalonicensis antistitis; ut sua C sollicitudine, si quæ inter fratres nascentur, ut assolent, actiones distinguat atque definiat, et ad eum quidquid a singulis sacerdotibus agitur, referatur. Sit concilium quoties causæ fuerint, quoties ille pro necessitatibus emergentium ratione decreverit: ut merito sedes apostolica, relatione ejus instructa, quæ fuerint acta confirmet. Evocatus vestrum venire nemo contemnat, nec congregationi sanctæ ad quam debet festinare, se deneget. Excusatio per contuma-

<sup>a</sup> Il est, tam multos pariter.

<sup>b</sup> Primum istud nos in recto, sequens in quarto casu sumitur.

<sup>c</sup> Mallet Holstenius constituta. A Xysti tamen sco-

ciam non requiratur: ut vobis pariter convenientibus possit in commune constitui, quod Ecclesiarum servet quietem, et populos teneat ad salutem.

3. Nec his vos, fratres charissimi, constitutis, quæ præter nostra præcepta Orientalis synodus decernere voluit, credatis teneri, præter id quidem quod de fide consentientibus judicavit. A canonum præceptis vestrum nemo discedat, nec ab his deviet, quæ juxta regularum ordinem frequens ad vos directæ sedis apostolicæ decrevit auctoritas. Si quid forsitan aut inter fratres natum fuerit, aut fratri cuiuspiam aliqua actio qua pulsetur, illata; aut illic fratri et coepiscopo nostro Anastasio iudice eveniens negotium terminetur, qui vices apostolicæ sedis agere, ut beate memoriæ Rufus decessor ipsius, ex nostra voluntate cognoscitur; aut ad nos, si illic finire non potuerit, eodem tamen suis litteris causam omnem quæ vertitur prosequente, veniat examen.

4. Nullum corpus est, quod capite non regatur. Estis quidem membra, ut novimus sancta; sed vestrum caput respicere et honorare vos condecet; quoniam honor capitis ad spem totius proficit sanctitatis; et suum corpus sollicitis tuetur oculis, quod sibi aptum et dignis videatur ad unamquamque rem officiis convenire. Sed ut omne corpus capite regitur, ita ipsum caput, nisi suo corpore sustentetur, firmitatem et vigorem suum perdit, et non tenet quem habuerat dignitatem. Estote igitur, ut esse convenit Domini sacerdotes, Ecclesiarum præsules, religionis nostræ doctores. Reservate fratri et coepiscopo nostro reverentiam quam debetis, et inter vos pacem et concordiam custodite. Sit in vobis, ut esse credimus, cor unum et anima una (*Act. iv, 32*). Nec credatis vobis minui quidquid reverentiæ illius, ad quem et majores nostri et nos Illyricanas Ecclesias juxta morem traditum volumus pertinere, a vestra dilectione et servari volumus et deferri. <sup>d</sup> Data 15 kalendas Januarias, Actio iterum et Segisvultio consulibus.

po alienum non est *custodite*. Nihil enim novi constituit, sed quæ a majoribus sunt constituta custodit.

<sup>d</sup> Decemb. 18 anni 437.

## APPENDIX.

### NOTITIA RELIQUORUM SCRIPTORUM QUÆ AD XYSTUM III ATTINENT.

#### § 1. Quæ Xystus adhuc presbyter scripsit.

1. Xystus, Zosimo summo pontifice, Romanæ ecclesiæ presbyter tanti erat nominis, ut cum fama eum Pelagianis favere jactasset, hinc non mediocriter offerrentur Christianæ gratiæ inimici, ac nihilominus contristarentur ejusdem gratiæ defensores (*Augustin. epist. 194 n. 1*). Ille vero sinistram rumorem ut quantocius dissiparet, primo Christianæ gratiæ inimicis in frequentissimo populi cœtu prior omnium

D anathema pronuntiavit; ac deinde Leonis tum acolythi opera epistolam ad Aurelium senem misit, brevissimam quidem, sed in qua et de perniciosissimo dogmate et de gratia Dei quid sentiret satis exponerat; nec tacebat quanto vigore, ut recentis erroris fautores coercerentur, egisset (*Idem epist. 191 n. 1*). Demum non ita multo post ad Augustinum et Aypium, Firmo presbytero deferente, aliam prolixiorē transmisit epistolam, in qua quod asserua-



rat priore latius et apertius explicabat. Duæ illæ A epistolæ existerunt.

2. Ad has Augustinus duas vicissim reddidit, scilicet 191 et 194. Seorsim rescripserat et Alypius, sed neque hoc scriptum ad nos pervenit.

3. In bibliotheca Patrum ad sæculum vi, tres habentur libri, primus de Divitiis, alter de Malis Doctoribus et de Operibus Fidei, postremus de Castitate, Xysto III papæ a Jacobo Salonio primum ascripti, sed ei a plerisque omnibus eruditibus abjudicati. Sane ut eos Salonius Xysto nostro attribueret, una motus est exemplaris sui auctoritate; et fatetur tamen 1° titulum his libris in suo exemplari præfixum esse recentioris manus, 2° non *Xysti III papæ*, sed *Xysti papæ et martyris* nomen præferre: postremo libros illos Xysto papæ et martyri, utpote cujus ætate posteriores eos esse exploratum est non congruere. Sed si falsus titulus, quid erat cur ex ejus fide Xysto III papæ, qui certe martyr non fuit, ascriberentur? Deinde apud omnes eruditos in confesso est libros illos Pelagianis erroribus refertos esse, nominatimque hanc Pelagii sententiam, *Divitem manentem in divitiis suis in regnum Dei non posse ingredi*, quam Augustinus epist. 157 ad Hilarium c. 4 pluribus refellit, diserte in illis propugnari.

4. Verum hoc argumento, quo alii hoc opus Xysto abjudicant, Joan. Garnerius utitur, ut illud ei adjudicet: quia, inquit, *constat Xystum olim Pelagianis fuisse, suumque ipsis aliquamdiu impendisse patrocinium* (Garn. in Mercat. p. 1 pag. 362). At quod vir eruditus, velut Augustini verbis epist. 191 et 194 nixus pro certo ponit, minime certum est. Non enim ait Augustinus quod faveret, sed quod cum fama jactaret inimicis Christianæ gratiæ favere. Aut si ex hujusmodi fama eum Pelagiano errore infectum hæreticis illis fuisse conficitur, eundem quoque Nestorianum existitisse concedendum erit. Is enim pariter de illo postea dissipatus est rumor, quod Nestorio faveret. Quocirca Cyrillus ad calcem epistolæ ad Acacium Melitinensem scribit: *Si qui epistolam tamquam a Philippo reverendissimo Romanæ Ecclesiæ presbytero scriptam attulerint, perinde sonantem ac si sanctissimus episcopus Xystus depositionem Nestorii moleste acceperit, eique opem tulerit; ne credat hoc sanctitas tua* (Concil. tom. III p. 4229). Tum addit Cyrillus: *Scriptis enim consona sanctæ synodo* (Ephesinæ) *omniaque illius gesta confirmavit, ac nobiscum sentit*. Et hujus quidem rei testes sunt ipsius epistolæ. Nempe cum Xystus integerrimæ semper fidei fuerit, ejus tamen erat indolis, ut in damnandis hæreticis nihil præproperum vellet, sed omnia prius cuperet experiri, si forte temperamento aliquo ad veritatem adduci possent. Inde viris qui minus patientes erant data occasio qua suspectam haberent illius fidem, et prædictos rumores temere sererent. Aliud est autem quamdam erga hæreticos benignitatem præferre, aliud eorum docere aut tueri errores.

5. Nominatim vero singularem illam ac pravam

Pelagii sententiam, qua divites a regno cælorum excludit, a Xysto propugnatam non esse istud maximo indicio est, quod cum Augustinus epist. 194 omnia Xysto exponat, simulque diluat Pelagianorum argumenta, de quibus eum admonendum esse censebat, de hoc singulari Pelagii circa divites placito prorsus silet. Vel hinc igitur in Xystum minime convenire probatur primum de Divitiis librum; quo ei abjudicato, alios duos pariter eidem abjudicandos esse nemo inficias ierit. Præterea si Xysti re ipsa existissent illi libri, cum illum iis in libris prava sensisse ac docuisse exploratum esset, non solis suspicionibus ac rumoribus falsis, sed certis argumentis ut hæreticorum fautor audire debuisset. Nec tum ad injectam de se famam expurgandam satis ei fuisset Pelagianis anathema dicere; sed simul damnandi ac supprimendi erant illi libri, ac perversæ Pelagii doctrinæ eis insertæ contraria fides profitenda. Cum igitur non una ratione historicæ veritati repugnet libros illos Xysto ascribi, mirum est tantum titulo a recenti manu addito ac manifeste falso deferri potuisse, ut catholico presbytero, summi pontificis dignitate postea insignito, ascriberetur hæreticum opus, quod si Xysti nostri fuisset, non *Sixti papæ et martyris*, sed *Xysti presbyteri* nomine inscribendum erat.

6. Hoc tamen jacto fundamento, quod Xystus errorum Pelagianorum fautor aliquamdiu exstiterit, eosque libris editis tradiderit, inde laudatus vir in alias abit conjecturas, quibus etiam libros Hypomnesticon apud Augustinum in appendice tomi X vulgatos Xysto attribui posse opinatur. Verum fundamento hujusmodi diruto, corrumpantur necesse est eo uno fultæ conjecturæ. Et vero in novissima Augustini editione, censura libris illis præfixa, eos ad Marium Mercatorem potius quam ad Xystum pertinere demonstratur.

7. Argumenta non desunt quibus Xystum, dum adhuc presbyter esset, ad Nestorium, ad Joannem Antiochenum et ad Cyrillum Alexandrinum scripsisse colligamus. A Gennadio lib. de Script. Eccl. Xysti ad Nestorium epistola memoratur. Ipse Xystus epist. 6 n. 2 Joanni episcopo Antiocheno in memoriam revocat qualiter (inquit de Nestorio) *ei volumus nostra admonitione succurrere*. Eum autem ibi de literis ante pontificatum scriptis loqui liquet ex ipsius epistolis 1 et 2. Nempe adhuc superstite Cælestino legatos Romam destinarat Cyrillus, et qualiter cum Joanne Antiocheno agendum esset consuluerat. Tum in Cælestini locum suffectus Xystus, ac legatis presentibus ordinatus, respondit: *Sufficiebant quidem illæ litteræ, quas et antea per Ecclesiæ Constantinopolitanæ clericos et per diaconos tuæ sanctitatis* (hoc est Cyrilli) *plenas omnibus necessariis misi*. His tamen locis litteras quæ Cælestini nomine scriptæ missæque fuerant, commemorari suspicamur. Xystumque opinamur de his loqui veluti de suis, non solum quia successori liceat decessoris sui scripta gesta in hujusmodi causis sibi attribuire, aut quia litterarum



illarum a Cœlestino e synodo scriptarum particeps fuerit factus, verum etiam quia Cœlestino in scribendis epistolis adiutor exstiterit. Et eundem quidem stylum, idem ingenium, quod frequentibus sententiis delectatur, Cœlestini Xystique litteræ sapiunt.

§ II. De scriptis quæ ad Xystum jam pontificem attinent.

8. Ad Cœlestinum quidem destinati erant Orientis legati Hermogenes Rhinocorurorum et Lampetius Cassii episcopi, sed Cyrilli epistola ipsis tradita, Xysto reddita fuit (*Epist. 2 n. 1*). Tanto elogio in hac epistola commendabantur legati, ut *foras*, inquit Xystus, *minus litteris quas de iis scripsisti credidissimus, nisi earum testimonium vicisset sibi ipsi attestant præsentia*. Tum Cyrillus quo erga Orientales, qui ab ipso dissidebant, animo esset affectus, pluribus explicabat. Quippe ut ad pacem Orientis viam panderet expeditiorem, contumelias proprias ultro contemnere se, atque Ecclesias ordinari quam vindicari se malle testabatur. Quocirca Nestorii unius exilio contentus, ceteris in eodem naufragio laborantibus manum porrigi flagitabat, simulque rogabat qui cum Joanne Antiocheno se gereret.

9. Huic Cyrilli epistolæ rescribens Xystus, ejusdem rescripti paria exempla etiam ad alios Orientis episcopos ad quos mitti petierant legati, misisse se significat. Quod indicio est legatos illos ita episcoporum Orientis nomine venisse, ut solius tamen Cyrilli litteras afferrent. Alioqui nihil opus erat ut quibusnam sibi esset scribendum Xystus a legatis disceret, maxime cum id moris fuerit Romanis pontificibus ut sibi scribentibus rescriberent. Probabile autem est, legationem illam tunc tantum destinatum esse, cum Cœlestini litteræ, Martii 15 die anni 432 datæ in Orientem pervenissent; adeoque minus probabilem inde fieri opinionem, quæ Xysti ordinationem mense Aprili ejusdem anni 432 consignat. Neque vero sine causa tardius differt Pagius hanc ordinationem, si ante acceptæ fuerint mox dictæ litteræ quam legati, quos ordinationi suæ interfuisse gratulatur Xystus, ex Oriente proficiscerentur.

10. Xystus legatis redeuntibus duas tradidit epistolas, quas etiamnum habemus, Cyrillo reddendas, unam privatam, alteram cum aliis communem. Hujus exemplum sibi missum esse Acacius Berœæ episcopus ad Alexandrum Hierapolitanum testatur his verbis: *Episcopus quidem qui Romæ est unam ad me scripsit epistolam* (Baluz. nov. coll. pag. 757). Sed quia statim adjungit Acacius, *Alexandriæ vero tres vel quatuor, ex quibus unius rescriptum tuæ religiositati direxi*; dum istud sic interpretatur Tillemontius (*Tom. XIV, pag. 521*) quasi, *Alexandriæ loco, Alexandriam* legisset, Xystum eo tempore quo ad Acacium scripsit, etiam tres aut quatuor epistolas Alexandriam misisse arbitratur. Sed potior est interpretatio Baluzii, perinde istud *Alexandriæ* vero, quasi haberetur, *episcopus vero qui Alexandriæ est*, intelligens. Tantum igitur Acacius allato loco unam a Xysto,

ac tres aut quatuor a Cyrillo epistolas ad se scriptas esse significat. Quod et ipse confirmat, cum unius ex illis Cyrilli epistolis exemplum ad Alexandrum mittere se præfatus, inde sperat fore ut pedum dolor, quo laborabat Alexander, sublevetur, cum in illo exemplo quæ diligenter et accurate Cyrillus explicabat inspexerit. Si vero, inquit, *sicut scripsisti, nunc usque pedibus doles, inspiciens litteras Deo amicissimi episcopi Cyrilli, et cognoscens quanta sit usus ἀπαθεία in fidei causa*, etc. Nihil est igitur cur ob Acacii laudata verba ullas Xysti ad Alexandrum Hierapolitanum episcopum litteras desideremus.

11. Licet Xystus, in epistola 5 n. 7 die 15 Septembris anni 433, sæpe se ad Maximianum scripsisse memoret de facilitate qua Cyrillus redeunt ad Ecclesiam suscipi peroptabat, ex iis tamen epistolis non restat nisi una, scilicet prima, Cyrillo quidem inscripta, sed cujus exemplum etiam Maximiano traditum est. Unde sequitur ut aliqua saltem epistola ad Maximianum scripta exciderit.

12. Statim ut Joannes Antiochenus cum aliis Orientis episcopis ad Ecclesiæ unitatem, composita pace, rediit, Romam destinavit legationem, qua Xysto se cohærere testaretur. Tum Cyrillus et de confecta pace, et de Joannis legatione Xystum litteris admonere festinavit (*Epist. 5 n. 6*). Xystus vero litteras illas legi curavit in cœtu episcoporum qui ad anniversarium ordinationis suæ diem conveniant (*Ephes. Concil. in par. c. 52*). Cum autem Orientis pax ineunte anno 433 firmata sit, uti ex homilia Pauli Emiseni primo hujus anni die habita liquet, has Cyrilli litteras et post initium anni 433 scriptas, et ante anniversarium ordinationis Xysti diem acceptas esse haud temere colligatur.

13. Aliquot post dies, qui prænnuntiati fuerant a Cyrillo Joannis legati Romam venerunt, reddideruntque litteras, quarum exordium Xysti laudibus refertum erat (*Epist. 6 n. 5*). Nominatim vero illum *bono humani generis apostolicæ sedi præsidere prædicabat Joannes, ac luciferum ubique lucentem* vocabat. Ideo autem scriptæ erant hæ litteræ, ut et Nestorii depositionem, et Maximiani in ejus locum ordinationem probare se Joannes solemniter testaretur. Eas quoque Xystus dignas judicavit, quæ in eorumdem conventu episcoporum, qui ad natalem ipsius celebrandum sese in Urbem contulerant, legerentur. Neque enim eos qui litteras legationis Joannis prænuntias attulerant prius dimittos duxit, quam legationis ipsius testes facti fuissent.

14. Eo ipso tempore quo Joannes ac Cyrillus legationem parabant, Orientis episcopi, quibus pax a Joanne inita displicebat, festinandum sibi censerunt ne pactiones conventæ a Xysto firmarentur. Hæc de causa Euthérius Tyanensis et Helladius Tarsi episcopi epistolam, quam etiamnum habemus, non modo conscripserunt Xysto, sed et eam priusquam mitteretur cum Alexandro Hierapoleos ac Theodoro Cyri episcopis communicari studuerunt. Neque hac re contentus Euthérius, privatis etiam litteris



simul missis utrumque cohortatus est, ut et ipsi in **A** Occidentis partes, hoc est Romam, aliquos detinerent (*Baluz. nov. coll. pag. 817*). Timor est enim, inquit, ne prævenerint litteris aliorum (Cyrilli scilicet ac Joannis), quasi unio facta sit, et rebus incongruis consentientibus universis (id est, ubi rebus incongruis consenserint universi), sequiores appareant (Romani) ad ea quæ male acta sunt corrigenda. Quibus monitis morem gerens Alexander, legatos in Urbem misit, accusans impias illas pactiones (quas Cyrillus et Joannes fœderant), quæ super alia incongrua et in fide auxerunt discordiam (*Ibid., pag. 821 et 822*), ut loqui placet Irenæo, hoc est acerrimo Nestorii defensori. Iisdem monitis cum Theodoretus, tum alii episcopi, quorum nomina Meletius Mopsuestiæ episcopus nobis indicat, paruerunt.

45. Cum enim illorum clerici Romam contendentes Mopsuestiam divertissent, Meletius de illis Alexandro, Theodoro, Abbibo, Heliadi, Mari, Davidi et Acilino sic rescripsit (*Ibid., pag. 822*): Eos quidem, qui ad Occidentem directi sunt, Deo amantissimos clericos ita suscepimus, ut consequens erat, nostros (leg. vestros) et qui pro tali causa destinati sunt, id est, ita suscepimus ut decebat suscipere clericos vestros, maxime pro tali causa destinatos. Tum his adjunxit: *Festinamus et nos, si Dominus annuerit orationibus vestræ sanctitatis, similia gerere, quia oportet omnino ut offeramus et nos quæ credimus expedire.* Istudne, quod ibi spondet Meletius, præstiterit, aut quo pacto a Xysto suscepti sint Alexandri aliorumque legati, nullo monumento compertum habemus. Indubitatum tamen est atque ex ipsius litteris exploratum, hunc papam in tuenda fide contentum semper fuisse. Neque ambigendum videtur quin simul etiam in iis qui errabant sustinendis et, quantum in se erat, ad unitatem reducendis pium se ac benignum de more præbuerit.

46. At quivis cum inducere non potuissent ut quidquam in partium suarum gratiam scriberet, eo tamen processit nonnullorum impudentia, ut quamdam de ipsius mutatione confingerent epistolam, eamque per provincias circumferri curarent. Hac de re Cyrillus Succensum, ad calcem epistolæ 2 quam ad hunc episcopum scripsit, monet his verbis: *Si autem nonnulli circumferant epistolam ut a religiosissimo Romanæ Ecclesiæ presbytero Philippo scriptam, quasi sanctissimus episcopus ægre tulerit Nestorii depositionem, eique opem tulerit; ne huic rei fidem accomodet vestra sanctitas: consentanea namque sanctæ synodo scripsit, et omnia apud eam acta confirmat, et eadem quæ nos sentit.* Eadem quoque monitio in fine epistolæ 1 ejusdem ad Acacium Melitinensem episcopum repetitur. Tum in utraque pariter subjicit Cyrillus: *Si epistola a quibusdam afferatur tamquam æque scripta, quasi nos eorum pœniteat quæ Ephesi*

*gessimus; id quoque risu excipiat.* Unde conicere est, cum Cyrillus capitulorum suorum publicasset explicationem, quæ omnibus æquis viris atque ipsi etiam Theodoro probata est, adversarios illius hanc arripuisse occasionem ut duplicem illam epistolam confingerent.

47. Sancti Britii Turonici civitatis episcopi, qui beato Martino successerat, varia fortuna fuit. Et is quidem olim a Lazaro accusatus, in synodo Taurinensi a Proculo mœnuit absolvi (*Zosim. epist. 3 n. 3*). Postmodum tamen anno 450 a populo suo expulsus, Romam confugere coactus est, uti Gregorius Turon. lib. II Hist. Franc. c. 4 narrat. Verum, inquit idem Gregorius, lib. x c. 31, *septimo regressus anno cum auctoritate papæ illius Turonos redire disponit.* Quod **B** duplici ratione intelligi potest. Vel enim istud cum auctoritate ita dictum est, ut Britius non auctoritate sua, sed Xysti jussu ad Ecclesiam suam redierit. Cui interpretationi favet illud Gregorii ejusdem *ibid.*: *Britius vero septem apud Papam Urbis annis degens, idoneus (forte innocens) inventus a crimine, ad urbem suam redire jussus est.* Vel cum Tillemontio, tom. XIV pag. 264, verbum auctoritatis sic interpretari licet, ut eo notentur litteræ a Xysto datæ, quibus innocentæ Britii fidem faceret, eumque sine controversia recipi præciperet. Eodem auctoritatis nomine Zosimus papa epistolam suam primam indicat, ubi ait (*Epist. 1 n. 1*): *Quam auctoritatem ubique nos misisse manifestum est.* Et is quidem usus cum non solum Romanis pontificibus, sed et scriptoribus aliis familiaris sit, maxime in hoc Gregorii testimonio locum **C** habet. Britium enim post tam longum in Urbe secessum, inde ad plebem quæ ipsum expulerat sine commendatitiis papæ litteris dimissum esse nemo probabile judicaverit.

48. Aliud Xysti præclarum facinus Prosper in Chronico ad annum 439 memoriæ commendavit his verbis: *Hac tempestate Julianus Athelenensis (leg. Eclanensis) jactantissimus Pelagiani erroris assertor, quem dudum amissi episcopatus intemperans cupido exagitabat, multimoda arte fallendi, correctionis spem [Aug. ms. speciem] præferens, molitus est in communionem Ecclesiæ irrepere. Sed his insidiis Sixtus papa diaconi Leonis hortatu vigilanter occurrens, nullum aditum pestiferis conatibus patere permisit: et ita omnes catholicos dedefectione [Idem ms. de refectione, forte dejectione] fallacis bestię gaudere facit, quasi tunc primum superbissimam hæresim apostolicus gladius detruncasset.* Ita ille eximiam gestis suis coronidem imposuit, seseque dignum ostendit successorem Innocentii, Zosimi, Bonifacii ac Cœlestini; qui quidem omnes uno animo ad comprimendos Pelagii ac discipulorum varios conatus vigilanter et studiose incubuerunt.



ANNO DOMINI CDXL.

## VINCENTIUS LIRINENSIS

## PROLEGOMENA.

## NOTITIA GALLANDII.

(Ex Bibl. Vett. Patr. Galland. tom. X, Proleg.)

4. Vincentius, natione Gallus, Lirinensis dictus, A quo ab aliis duobus ejusdem nominis distingueretur qui eadem tempestate claruere, aliquamdiu variis ac tristibus sæcularis militiæ turbinibus se ipsum fuisse jactatum profitetur (a). Sed tandem in portum religionis Christo aspirante ingressus, ibi, depositis vanitatis ac superbiæ flatibus, Christianæ humilitatis sacrificio placare Deum studuit (b). Quibus ex verbis in eam adductus est sententiam noster Baronius (c), ut sibi persuasum haberet auctorem quo de agimus fuisse illum Vincentium cujus meminit Sulpicius Severus (d), virum egregium omniique virtutum genere præstantem, qui vivente sancto Martino Turonensi episcopo Galliarum præfectura fuisse auctus comperitur. Verum hujusmodi viri magni conjectura Papebrochio (e), Tillemontio (f) aliisque scriptoribus eruditis (g) minus arridet. Alii præterea ex epistola sancti Eucherii ad Hilarium de laude cremi (h) arguunt, Vincentium nostrum sancti Lupi Trecentis episcopi fuisse fratrem germanum. At hæc item sententia viris doctis modo laudatis, Papebrochio, inquam (i), Tillemontio (j) atque Gallicæ historiæ litterariæ auctoribus (k) haud probatur. Quibus addendi operum Norisianorum editores (l), sed imprimis ipsemet Norisius, qui hac de re pluribus erudite disserit (m).

2. Abdicatis itaque Vincentius sæculi curis, ac vitam monasticam deligens, in insulam Lirinensem secessit (n). Locus autem, inquit, quod urbium frequentiam turbasque vitantes, remotioris villulæ et in ea secretum monasterii incolamus habitaculum. Ex his porro verbis arguit Norisius (o), monachum quidem fuisse Vincentium, dum suum scribere Commonitorium, sed non Lirinensem; propterea quod

remotioris villulæ et in ea secretum monasterii se incolere habitaculum tradat: neque enim, inquit vir doctissimus, ulla erat villula in Lirino, sed tantum monachorum cellulæ insula tota dispersæ. Quapropter conjicit eundem in Massiliensi quodam monasterio degisse: licet mox Gennadii auctoritate permotus annuat, illum apud Lirinenses supremum diem obiisse. In aliam tamen a Norisiana sententiam abiit cl. Antelmus: quod minus advertit Tillemontius (p). Norisio quidem is assentitur, opinanti auctorem nostrum extra Lirini monasterium Commonitorium elucubrasse; at monachum Lirinensem tum jam fuisse statuit, secus atque Norisius. Sic enim scribit (q): « Vincentius e MONASTERIO LIRINENSI in montis Capo-Fulvi (Cap Roux, quod promontorium est oræ Foro-Julienensis maritimæ, e regione Lirini) secreta magno religionis et anachoretæ ardore secedens, in illis Commonitorii scribendi et digerendi propositum sumpsit. » Hæc aliaque vir eruditus. Verum Tillemontius doctissimos duum viros, Norisium et Antelmium, sibi sapere sinit (r); atque adhærens interim ipsemet Gennadio, in insula Lirinensi monasticen profectum vixisse ac scripsisse Vincentium existimat. Neque aliter consent Gallicæ historiæ litterariæ scriptores (s).

3. Enimvero hæc de auctore nostro Gennadius (t): Vincentius, inquit, APUD MONASTERIUM LIRINENSIS INSULÆ presbyter, vir in Scripturis doctus et notitia ecclesiasticorum dogmatum sufficienter instructus, COMPOSUIT, ad evitanda hæreticorum collegia nitido satis et aperto sermone VALIDISSIMAM DISPUTATIONEM, quam absconso nomine suo titularit, PEREGRINI ADVERSUS HÆRETICOS. Hoc est autem celebre Commonitorium: quod quidem, ut ait Baronius (u), quam mira fuerit

(a) Vincent. L. Commonit. § 1, infra.

(b) Id. ibid.

(c) Baron. ad ann. 454, § 20.

(d) Sulp. Sev. Dial. 1, cap. 26.

(e) Papebr. Act. SS. Maii tom. V, pag. 284, num. 4.

(f) Tillem. Mem. Eccl. tom. XV, pag. 145.

(g) Hist. littér. de la France. tom. II, pag. 505.

(h) Eucher. epist. ad Hilar. pag. 562, edit. Paris. 1579.

(i) Papebr. l. c. num. 2.

(j) Tillem. l. c. pag. 859, not. 1, sur Vincent de Lerins.

(k) Hist. littér. de la France. l. c.

(l) Ballerin. ad tom. IV Opp. Noris., pag. 913.

(m) Noris. Hist. Pelag. lib. II, cap. 11, Opp. tom. I, p. 395.

(n) Vinc. Ler. l. c.

(o) Noris. l. c. pag. 596.

(p) Tillem. l. c. pag. 860, not. 2.

(q) Antelm. de ver. opp. SS. Leon. et Prosp. Dissert. 9, cap. 15, pag. 419.

(r) Tillem. l. c. pag. 144 et 860.

(s) Hist. littér. de la France, tom. II, pag. 506.

(t) Gennad. de Vir. Illust. cap. 64.

(u) Baron. ad ann. 454, § 29.



scriptoris eruditio, palam ostendit : ut vix sit reperire qui paucioribus chartis majora et feliciori tractatu concluserit : ) cujus auctor proinde (a) *magnam sui nominis in Ecclesia catholica laudem reliquit*. Hæc magnus Baronius, qui et alibi (b) opus illud contra hæreses scriptum, *certe aureum* appellat. Et jure plane optimo egregium hujusmodi libellum summis præconiis auxere alii viri doctissimi, ut videre est apud Norisium, non solum catholicorum (c), verum etiam heterodoxorum elogia paucis congerentem (d); qui Commonitorium, opus *eximium, aureolum, aureum, divinum, numquam homini Christiano deponendum manibus*, honoris gratia dixerunt.

4. Quo porro tempore hoc opusculum scripserit Vincentius, testatur ipsemetubi mentionem injicit (e) *sancti concilii quod ANTE TRIENNIIUM ferme in Asia apud Ephesum celebratum est VV. CC. Basso Antiochoque consulibus*. Fuisse autem coactam œcumenicam synodum Ephesinam anno 431 nemo nescit : adeoque anno 434 suum illum libellum scripserit Vincentius. Neque alibi plane quam in insula Lirinensi opus illud litteris ipsum consignasse fas est opinari, ut modo ex Gennadio intelleximus : cujus quidem auctoritati Eucherii quoque Lugdunensis episcopi testimonium addere libet, qui Salonium filium sic alloquitur (f) : *Vixdum, inquit, decem annos natus, EREMUM ingressus, inter illas sacras manus non solum imbutus es, verum etiam nutritus es sub Honorato patre illo, patre inquam primo INSULARUM, postea etiam Ecclesiarum magistro; cum te ILLIC beatissimi Hilarii, tunc INSULARI tironis, sed jam nunc summi pontificis, doctrina formaret per omnes spiritualium rerum disciplinas; ad hoc etiam te postea consummantibus sanctis viris, Salviano atque VINCENTIO, eloquentia pariter scientiaque præminentibus*. Ecce tibi Vincentius in eremo, id est in Lerino, ubi *Honoratus*, ubi *Hilarius*, Salonium sacris disciplinis instituens. Supremum tandem diem clausit vir optimus, Gennadio teste (g), *Theodosio (juniore) et Valentiniano (III) regnantibus* : ac proinde ut maxime circa annum 450 quo Theodosius, die 28 Julii, indictione 3 e vivis excessit, Theodoro Lectore perhibente (h). Ejus memoria in tabulis ecclesiasticis recolitur ix kal. Junii : cujus reliquæ nobili loco repositæ in Lirinensi monasterio asservantur (i).

5. Præter Commonitorium scripsisse quoque au-

(a) Baron. in notat. ad Martyrol. ix kal. Jun.

(b) Id. ad ann. 431, § 188.

(c) Noris. Hist. Pelag. lib. II, cap. 11. Opp. tom. I, pag. 387.

(d) Id. tom. III, pagg. 993 seqq.

(e) Vinc. Ler. Common. 2, § 29, infra.

(f) Eucher. præfat. ad lib. de Præst. vet. et nov. Testam.

(g) Gennad. l. c.

(h) Theod. Lect. lib. II, num. 64.

(i) Noris. Hist. Pelag. lib. II, cap. 11, Opp. tom. I, pag. 397.

(j) Id. ibid. pagg. 387 seqq. et alibi passim, cum in *Confut. Palinod.*, tum in Dissert. inscripta *Anonymi scrupuli*, etc.

(k) Antelm. l. c., § 17, pagg. 419 seqq.

ctorem nostrum *Vincentianas objectiones* quas refutasse sanctum Prosperum novimus, complures eruditi viri existimant ; qui propterea eum legitima Semipelagianismi suspitione laborare contendunt : neque porro ab hac labe immune ipsius quoque Commonitorium ducunt. Inter eos, ut alios prætereamus, eminent Norisius (j), Antelmus (k), Natalis Alexander (l), Pagius (m) et Norisii operum editores (n). Contra vero ab hac nota Vincentium vindicant Baronius in primis (o), Labbeus (p), Papebrochius (q) atque Gallicæ historiæ litterariæ scriptores (r). Neque ab his longe abest Tillemontius (s). Utcumque sit, « nulla per nos, inquit Norisius (t), Vincentii sive eruditioni sive sanctitati injuria importatur, dum illum cum iis Massiliensibus censuimus qui Semipelagiani vulgo audiunt. Neque enim isti erant id temporis hæretici, sed viri doctissimi ac sanctissimi, quos sanctus Augustinus *fratres ac dilectores sui* (u); Prosper vero, licet alias eorum hostis, *sanctos, honoribus et meritis claros, et egregios in omnium virtutum studio viros*, honoris causa appellabant (v). Quis autem nesciat Hilarium Arelatensem, Joannem Cassianum ac Faustum Reiensem, adhuc in vivis magna in æstimatione in Galliis fuisse; mortuos vero, Arelate, Massiliæ et apud Reios uti sanctos coli, quum tamen iidem fuerint Semipelagianæ scholæ magistri? Tunc ab Augustino in controversia de prædestinatione ad fidem recedebant, quando fas erat, ea de re in utramque partem disputare. Anno enim demum centesimo ab Augustini obitu, sancti doctoris sententia in Arausicana synodo inter fidei canones relata est.... Quare cum in omnium pene sententia, illa Augustini doctrina de efficaci electione ad primam gratiam *contraria putaretur patrum opinioni et ecclesiastico sensui*, teste Prospero in epistola ad eundem sanctum doctorem, et præter paucos reliqui uno consensu contra eundem conspirarent : quid mirum, si Vincentius qui toto eo eruditissimo ac elegantissimo volumine unum hoc urget, nempe communem sententiam *privatis opiniunculis*, ut ejusdem verbis utar, præponendam esse, ea in controversia communi inter Galliæ doctores sententiæ sibi inhærendum esse putaverit, relicta Augustini Africani opinione, quæ nova putabatur et *contraria patrum opinioni et ecclesiastico sensui*? Hæc fusius prosecutus sum, quo nonnullorum querelis facerem satis,

D (l) Natal. Alex. Hist. Eccl. sæc. V, part. I, cap. 3, art. 2 seq.

(m) Pag. ad ann. 434, §§ 16 seqq.

(n) Ballerin. Observ. lib. I, cap. 6, num. 3, ad tom. IV Opp. Noris. pag. 912.

(o) Baron. ad ann. 431, § 188, et in Notat. ad Martyrol. ix kal. Jun.

(p) Labb. Dissert. de Script. Eccl. tom. II, pag. 489.

(q) Papebr. Act. SS. tom. V Maii pag. 285, numm. 6 seqq.

(r) Hist. littér. de la France, tom. II, pag. 509.

(s) Tillem. Mem. Eccl. tom. XV, pag. 860, not. 3.

(t) Noris. l. c. tom. I, pagg. 397 seqq.

(u) Aug. lib. de bono Persev. in fine et lib. de Prædest. SS. init. et cap. 14.

(v) Prosp. epist. ad August.



qui grandi piaculo adstringi putant eum qui Vincentium Lirinensem, eximiae eruditionis ac sanctitatis patrem, in Massiliensium album refert, quasi Semipelagiani id temporis hæretici fuerint, non vero viri supra ceteros in Galliis doctissimi atque sanctissimi. Hactenus vir præstantissimus: qui et alibi adversus Blondellum (a) optime astruit (b), Vincentium jure fuisse ab Ecclesia sanctorum fastis ascriptum.

6. Non solum autem auctori nostro tribuæ Vincentianæ objectiones ab iis viris criticis quorum superius meminimus; verum etiam symbolum *Quicumque* variis argumentis eidem asserere conatus est laudatus Antelmius: inter quæ alicujus sano momenti videtur esse illud, quod petit vir eruditus ex aliquibus loquendi formulis magnam eum Symboli particulis quibusdam similitudinem præ se ferentibus, quas ex Vincentii Commonitorio ille collegit. Eas refert ac expendit cl. Montfauconius (c), atque id probe eruditi viri argumentis confici, nihil repu-

(a) Blondell. de Primat. in Eccl. sect. 6, pag. 52, edn. 1641.

(b) Noris. opp. tom. III, pagg. 1010 et seq.

agnare scilicet quin sit illud Symbolum Vincentii Lirinensis opus, si alias certum quodpiam suppeteret pro Vincentio vel codicis vel scriptoris alicujus testimonium. Sed hæc hactenus. Nihil porro reliqui de auctore nostro nobis superest adjiciendum præter monitum de illa editione quæ usi sumus in ejus Commonitorio excudendo. Eam nimirum adhibuimus quam Parisiis anno 1684 tertio evulgavit cæteris præstantiorem Stephanus Baluzius: qui primum cum duobus codicibus mss. bibliothecæ Regiæ contulit ejusmodi opusculum; deinceps vero illud rursus exegit ad alios duos eosque vetustissimos, quorum alter nunc asservatus in bibliotheca Colbertina, fuit olim Petri Pirhæi; alter celeberrimi monasterii Corbeiensis. Notas autem Baluzianas quarum præcipuus scopus est variantes lectiones indicare, textui adjecimus, paucis pro more nostro ad calcem paginarum, appositis.

(c) Montf. Diatr. in Symb. *Quicumque* ad opp. Athan. tom. II, pag. 724 seqq.

## NOTITIA SCHOENEMANNI.

( Ex Bibl. Hist. Litter. Lat. Pat. tom. II. )

### § I. Vita Vincentii Lirinensis.

Lirinensis cognomen ipsi inditum fuit, ut ab aliis ejusdem nominis atque ætatis scriptoribus discernetur, ab insula, in qua maximam vitæ suæ partem monasticis studiis impendit. Pauca et non satis certa de ortu ejus atque conditione memoriæ tradita sunt. Natus fuit in Gallia Celtica vel Belgica, et si verè germanus illius fuit Lupus ille Trecensis, quod tamen doctissimi rerum utriusque scriptores negant (a), Tullum Leucorum patriam habuit. Quo tempore primum sæculo nuntium remiserit et in insulam secesserit, quandoque et ubi presbyteri dignitatem sit adeptus, ignoramus: sed mature factum esse debet, si quidem Eucherius de eo prædicat, eum filium suum Salonium, qui ab Honorato abbate institui ceperat, cum Salviano consummasse, obitumque ejus an. 450 assignant.

### § II. Scripta Vincentii Lirinensis.

Comp. suit ad evertenda hæreticorum collegia nitido et aperto sermone validissimam disputationem, quam absconso nomine suo attulavit *Peregrini, adversus hæreticos*: cujus operis quia secundi libri maximam in schedulis partem a quibusdam furatim perdidit, recapitulato ejus paucis sermonibus sensu, primo compegit et in unum librum edidit. Hæc Gennadius c. 64. Superest hocce opusculum, inscriptum *Commonitorium*, sen *Commonitoria duo pro catholicæ fidei antiquitate et universitate adversus profanas omnium hæreticorum novitates*. Sed certum

est neque Peregrini nomen, neque *Commonitorii* titulum ab ipso auctore profecta, sed ex præfatione libri petita esse. Multa disputata sunt a recentioribus, præeuntibus Vossio et Norisio, de Semipelagianismo Vincentii studioque ejus Augustinianam doctrinam de gratia tamquam hæreticam traducendi. Quin proprium in eo operis hujus consilium nonnulli agnoscere sibi visi sunt et loca omnia Semipelagianismo consona diligenter enotarunt, de quibus itemque iis quæ ab aliis opposita sunt Oudinum adire præstat (b). Eadem fere de causa a quibusdam Vincentio tribui coeptæ sunt *Objectiones* illæ Vincentianæ contra Augustini doctrinam, quas singulari studio oppugnavit Prosper in libro *Responsionis ad capitula objectionum Vincentianarum*, et opus *Prædestinati* quod an. 1645 Parisiis exire fecit Jac. Sirmondus. Sed præter levem nominis in altero et doctrinæ in utroque cum illa Semipelagianismi in Vincentio suspitione similitudinem omnia alia argumenta cessant (c).

### § III. Editiones, versiones et codices operum Vincentii Lirinensis.

#### Editiones.

Vincentii Commonitorium, ut primum e manibus auctoris sui exiit, plures statim, et frequentes deinceps per omne ævum lectores et ex lectoribus amatores invenit. Non immerito quidem. Est enim huius auctori proprium acumen quoddam, etsi falsum interdum et ineptiens, et dicendi genus concium

309, qui minime Pelagianismi odoratoribus assentiunt.

(c) Adcundus etiam de his Oudinur, cap. 4 et 5.

(a) Hist. Litt. de la France, t. II, p. 305.

(b) Dissertat. de Vincentio cap. 2, 3 seqq. t. I, p. 1234-45. Cf. Hist. litt. Gallicæ auctores, t. II, p.



crebrisque interrogationibus et respondendi docendique quadam fiducia vividum, quod facile multos, quorum quisque suam opinionem ad lectionem afferebat, detinere poterat. Quæ causa etiam fuit haud dubie, cur recentioribus temporibus inter utriusque Ecclesiæ summi ac infimi ordinis eruditos admiratores ac laudatores invenerit et ab utraque parte ad alteram erroris convincendam adhibitum fuerit. Ex quo autem primum an. 1528 a Jo. Sichardo in *Antidoto contra omnes hæreses*, incertum unde, foras datum est, tam crebro per istud sæculum et sequentis pene dimidium typis exscriptum est, ut legendi contentio fregisse videatur, quod non poterat non multis suboriri paulo doctioribus desiderium emendate illud legendi. Quippe ex immensa editionum grege *Basileæ* imprimis, *Parisiis*, *Coloniæ*, *Lovanii* aliisque locis ac terris per singulos pene annos proeuarum ad annum usque 1663, paucæ tantummodo critico aliove editorum munere sunt memorabiles: nempe a textu emendatiori dux, altera *Petri Pithæi*, facta *Parisiis* an. 1536, in-4°, altera *Bartholomæi Petri* emissa *Duaci* an. 1611, in-16, cum notis ejusdem; præter has *Costeriana*, quæ prodit *Lovanii* an. 1552, in 4°, propter commentariolum, et Jo. *Filesaci* *Paris*. 1619, in-4°, et *Calixtina Helmestadii* an. 1629 et 1655, ob consilium editoris multis nominibus celebrari. Memorabiles autem dico, in honorem editorum scilicet, quorum culpa profecto non fuit, quod sequiores editiones ex iis non profecerint. Neque enim ullam ex his peculiari consilio recusam esse novimus, solaque *Costeriana* vel *Costerii* commentarius potius decies et amplius est repetitus. Tanto luculentior vero apparuit opera *Stephani Baluzii*, qui *Vincentium* ad codices *Regiæ bibl. Parisiensis* recognitum et notulis doctissimis illustratum unum cum *Salviano* orbi litterato impertit a. 1665, iterumque an. 1669, et tertio an. 1684 recognovit et auxit. Repetita est *Baluziana Cantabrigiæ* 1687, *Bremæ* 1688, *Romæ* 1709, et nuper demum a *Gallandio*. Nec *Salinasii* editio an. 1731 præter *Baluzianum* textum laudabile quidquam habet. Testimonia accipe ex sequenti indice editionum chronologico.

## SÆCULO XVI.

1528. *Basileæ* exc. *Henr. Petro*; in-fol. *Vincentii Lirinensis Galli* pro catholice fidei antiquitate et universitate, adversus profanas omnium hæreseon novationes; in Jo. *Sichardi Antidoto contra diversas omnium fere sec. hæreses*, fol. 202-214.

1543. *Lugduni*, apud *Jacob. Gazellum*; in-8°. Idem liber *Bened.* in *Hist. litt. Galliæ*.

1544. *Parisiis*, apud eumd. bibliopolam; in-8°. *Vincentii Lirinensis Galli* liber pro catholice fidei antiquitate et universitate, adversus profanas omnium hæreseon novationes; item Q. *Sept. Florent. Tertuliani* liber unus de Præscriptionibus adversus hæreticos. Secunda editio. *Cat. Bibl. Reg. Paris*.

1547. *Ibid.*, apud eumd.; in-8°. *Vincentii Lir.* pro catholice fidei... liber. Sic *Benedictini* l. l. *Catalogus Bibl. Tellerianæ* p. 55 impressam tradit *Ve-*

*netiis apud Jac. Gazellum*. Ubi in alterutro sive loco, sive bibliopole nomine, error esse debet. Idem vero *Catalogus* cum addit sive de suo, seu, quod probabilius, ex titulo libri *primum editus*, fecellit *Benedictinos*, ut principem *Vincentii* editionem anno incerto *Venetis* factam comminiscerentur.

1552. *Venetis*, ad signum *Spei*; in-8°. *Vincentii...* libellus pro catholice fidei veritate et antiquitate, etc. *Cat. Bibl. Reg. Paris*. Huic accessisse aiunt *Benedictini*, Jo. *Cochlæi* dissertationem de *Vois*.

1552. *Lovanii*, apud *Anthon. Maria Bergagne*; in-4°. *Vincentii Lirinensis Galli* pro catholice fidei antiquitate et veritate, adversus profanas omnium hæreseon novationes liber elegantissimus, ante annos mille ab auctore conscriptus. Additum est breve commentariolum, per *Joannem Costerium*, in eorum potissimum gratiam, qui in divinis litteris minus exercitati sunt. Effigies *Leopardi* in titulo procul dubio est insigne typographi.

1554. *Rhœmis*, apud *Nic. Bacnetium*; in-4°. Idem liber. *Cat. Bibl. Tell.* ibid.

1554. *Coloniæ*..... 24. Idem liber cum eodem comm. *Cat. Bibl. Baluz.* t. II, p. 1001.

1556. *Basileæ*, apud *Henr. Petrum*; in-fol. *Vincentii...* pro cath. fidei antiquitate et universitate, etc.; in Jo. *Heroldi Hæresiologia* pagg. 645-663.

1560. *Parisiis*, apud Jo. *Foucherium*, via *Jacobi*, sub scuto *Florentiæ*, in-16. *Vincentii...* pro catholice fidei antiquitate et veritate, adversus profanas omnium hæreseon novationes, liber elegantissimus ante annos mille ab auctore conscriptus. Cum brevi commentariolo in fine addito, per *Joannem Costerium*. In *Cat. Bibl. Barberin.* laudatur hujus anni editio facta *Coloniæ*; in-12.

1561. *Paris*, apud... *Buon*; in-12. *Vincentii...* pro cath. fidei antiquitate, etc., cum *Stanisl. Hosii* cardinalis dialogo de communione *Eucharistiæ* sub utraque specie; *Conjugio sacerdotum*; et *Sacro* in vulgari lingua celebrando. Laudant *Benedictini*, nescio quam vere. Certe error aliquis ex sequentis editionis confusione profluxit.

1562. *Parisiis*, apud *Joannem Foucherium*; in-12. *Vincentii...* liber pro cath. fidei antiquitate, etc. Repetita ed. a. 1560. Ibidem eodemque anno et forma eadem, sed non una cum *Vincentio* excusus est *Stanisl. Hosii* de expresso *Dei Verbo* libellus recens auctus et recognitus cum libellis paulo ante nominatis.

1562. *Lovanii*; in-12. Idem liber cum eodem *Commentario*. *Cat. Bibl. Baluz.* t. II, p. 1000.

1568. *Lovanii*, apud *Joannem Bogardum*; in-12. Idem liber, nescio an et *Commentarius*. *Benedd.* et *Ceillier*. t. XIII, p. 582.

1569. *Coloniæ*, apud *Matern. Cholinum*; in-12. Idem liber cum *Commentario Costerii*. *Possevin.* app. t. III, p. 553.

1569. *Parisiis*, apud *Mich. Julianum*; in 8°. Idem liber haud dubie cum eodem *Commentario*. *Cat. Bibl. Bodlei*



1578. *Parisiis, apud Mich. Sonnum; in fol.* Vincentii.... Commonitorium pro fide catholica contra hæreses; in *Bibl. PP. Bign.* tomo V. Titulum ex litigio laudo.

1585. *Lugduni, apud Guil. Rovillum; in-16.* Vincentii.... liber pro cath. fide; cum *Dionysii Areopagitæ Operibus, et Epistolis S. Ignatii, Polycarpi et Martialis.* BENEDD.

1586. *Parisiis, apud Sebastian. Nivellium; in-4º.* Peregrini pro catholicæ fidei antiquitate et universitate adversus profanas omnium hæreticorum novitates Commonitoria duo; in *Veterum aliquot Galliæ Theologorum Scriptis a Pithæo editis* pagg. 1-76. Titulus addit, *ex opusculis in hoc volumine contentis nonnulla ex veteribus libris emendatius, aliqua nunc primum edi;* quæ quoniam nullus in eo præfationi aliæ declarationi locus est, cum auctoris nomine pro commendatione esse debent.

1589. *Coloniæ, apud..... Herstium; in 16.* Vincentii.... liber pro cath. fidei antiquitate, etc. BENEDD. ex Possevino.

1590. *Parisiis, in-fol.* Vincentii Lirinensis de Hæresibus liber; in tomo IV secundæ ed. *Bibl. PP. Bign.*

1591. *Londini; in-8º.* Vincentii.... liber pro cath. fidei antiquitate, etc. *Cat. Bibl. Bodlei.*

1591. *Pragæ, typis Michaelis Petreli; in 12.* Vincentii libellus pro catholicæ fidei antiquitate et veritate, adversus profanas omnium hæreseon novationes cum notis *Jo. Langii marginalibus.* *Cat. Bibl. Bunau.*

1594. *Coloniæ; in-12.* Vincentii.... liber pro cath. fidei antiquitate, cum *Variis Doctorum Virorum Notis.* *Cat. Bibl. Barberin.*

1600. *Coloniæ, in officina Birkmanniana; in-12.* S. Vincentii Lirinensis libellus adversus profanas hæreseon novationes, cum scholiis et commentariis *Jo. Costerii* et *B. item Edmundi Campiani S. I.* in Anglia pro religione catholica occisi, rationes decem oblatis certaminis in causa fidei redditæ Academicis Angliæ. *Cat. Bibl. Reg. Paris.*

#### SECCLO XVII.

1605. *Cracoviæ; in-16.* Vincentii Lirinensis Galli adversus profanas hæreseon novationes libellus vere aureus distributus in capita et notis brevibus ex *Joannis Costerii* Commentariis illustratus. D

1611. *Duaci, apud Marcum Wyon, in-16.* Vincentii.... adversus profanas hæreseon novationes cum commentariolo *Jo. Costerii* et *Bartholomæi Petri* notis breviculis et dissertatione apologetica de Vincentio ejusque scriptis. *Caveus* t. I, p. 425 ed. nov. Ox.

Benedictini monent, Barth. Petrum textum Vincentii juxta duos vetustos codices mss. recognitum dedisse describendum.

1615. *Coloniæ; in-16.* Idem liber cum commentariis *Jo. Costerii.* *Caveus.*

1615. *Lugduni.....* Vincentii Lirinensis de catholicæ fidei antiquitate, adversus hæresium nova-

tionem, cum notis *Jo. Costerii;* in *Chronologia Sanctorum et aliorum virorum illustrium ac abbatum sacræ insulæ Lirinensis, a Domino Vincentio Barrali, Salerno monacho Lirinensi in unum volumen compilata.*

1618. *Coloniæ, apud Ant. Hierat; in-fol.* Vincentii Lirinensis de profanis vocum novitatibus liber; in *Magna Bibl. PP.* t. V, part. II.

1619. *Parisiis, apud Dionys. Langlois; in 4º.* Vincentii Lirinensis, monachi, seu Peregrini, Commonitoria duo, cum Commentariis *Joannis Filesaci.* *Cat. Bibl. Reg. Paris.*

1622. *Lugduni, sumptibus Claudii Landry; in-12.* Vincentii.... pro cath. fidei antiquitate et universitate, etc., pagg. 65-131; in libro cui titulus: B *Sandapila Silicernio quinti ac sexti Evangelii effrendo humeris ac nisu valentissimorum quatuor succollatorum.* Quorum anteriores duo, TERTULLIANUS libro de *Præscriptionibus*, VINCENTIUS Lirinensis Commonitorio adversus hæreses. Posteriores item duo, EDMUNDUS Campianus de *Societate Jesu*, gloriosissimus Christi martyr, libro *Rationum Academicis Oxoniensibus oblatarum*, LEONARDUS Lessius ex eadem Societate, *Consultatione de Religione.*

Præfatio hujus opusculi latius acumina tituli explicat et facile prodit ex qua schola editor bellas istas elegantias hauserit.

1624. *Parisiis, in-fol.* Idem liber Vincentii; in *Bibl. PP.* tomo IV.

1629. *Helms'adii, in acad. Julia, typogr. Calixtino, exc. Henningo Mullero; in-8º.* Vincentii Lirinensis Commonitorium. Georgius Calixtus recensuit et edidit; cum Augustini libris IV de *Doctrina Christiana et de Fide et Symbolo.* Peculiaris titulus est: *Peregrini sive Vincentii Lirinensis pro catholicæ fidei antiquitate et universitate adversus profanas omnium hæreseon novationes Commonitoria duo, quorum tamen posterius maximam partem intercidit.*

Proæmii ad Lectorem maxima pars ad Vincentii librum refertur, cujus sententias et regulam accurate explicat, et in primis ostendere studet quid hæresis nomine venire debeat, et quæ sit consensionis Ecclesiarum in unam doctrinam ratio. Hinc calamum contra Catholicorum de traditione itemque de potestate et infallibilitate præcepta dirigit, et quemadmodum iis in reipublicæ omniumque potestatum detrimentum Loyolitæ tum abuti cœperint perorat.

1631. *Oxonæ; in-24.* Peregrini, id est, ut vulgo perhibetur, Vincentii Lirinensis Commonitoria duo adversus profanas hæreses; adjicitur D. Augustini liber de *Hæresibus*, editio repurgata, cæteris emendatio. *Cat. Bibl. Reg. Paris.*

1641. *Parisiis, in-fol.* Vincentii Lirinensis de Hæresibus liber; in *Bibl. PP.* tomi IV, part. I. Hæc editio, ut sæpe a nobis monitum est, ab illa a. 1654 non nisi titulo diversa est.

1655. *Helms'adii ex typographico Calixtino opera Henningi Mulleri; in-4º.* Vincentii Lirinensis Com-



monitorium Georgius Calixtus recensuit et edidit. A Editio altera.

Huic editioni ad calcem accessit nova disputatio editoris, *Admonitionis ad Lectorem* nomine. In ea ab initio declarat unde sibi ante annos xxvi prima Vincentii edendi occasio enata fuerit. « Cum enim tunc temporis pontificii, inquit, in hac et vicinis provinciis monasteria et beneficia ecclesiastica occuparent, nostros ejicerent, et nova sua dogmata mentibus nonnullorum, qui aures præberent, inserere conarentur, venit mihi in mentem Commonitorium a Vincentio sub nomine Peregrini editum, quo novitatem omnem, quod attinet dogmata ad salutem necessaria, serio et severe rejicit, et id solum admittendum censet, quod testimonio antiquitatis nitatur, sive quod, ut loquitur, universaliter antiquitus receptum fuerit: venit quoque in mentem, scriptores pontificios recentiores, quos præcipuos legere meminisse, doctrinam Vincentii summo opere laudare et approbare, et proinde recte me facturum, si hanc ipsam, antiquitatis adeo tenacem et adversariis tantopere gratam, pontificiis novitatibus opponerem. » Quod quemadmodum fecerit, antea monitum est.

1663. *Parisiis, apud Franc. Muguet; in-8°.* Vincentii Lirinensis Commonitorium, STEPHANUS BALUZIIUS ad fidem codicum mss. emendavit notisque illustravit; cum *Salviano* ejusdem.

Adhibuit duos codices Regiæ Bibl. Paris. et pauculas notas addidit, de quibus vide ad *Salvianum*.

1664. *Raceburgi, per Nicolaum Nissen; in-12.* Vincentii Lirinensis pro cath. fidei antiquitate, etc. *Cat. Bibl. Bunau.*

1669. *Parisiis, apud Franc. Muguet; in-8°.* Vincentii Lirinensis Commonitorium ex secunda BALUZII editione.

1677. *Lugduni, apud Anissonios; in-fol.* Vincentii Commonitorium adversus hæreses; in *Bibl. Max. PP. t. VII, pagg. 249 - 263.*

1684. *Parisiis, apud Franc. Muguet; in-8°.* Vincentii Lirinensis Commonitorium ex tertia editione STEPH. BALUZII; cum *Salviano*.

Retractavit et passim mutavit priorum editionum textum, notasque auctiores addidit.

1687. *Cantabrigiæ, ex off. Joan. Hayes, impensis Guil. Graves; in-12.* Vincentii Lirinensis adversus D profanas omnium novitates hæreticorum Commonitorium, cum notis V. C. Steph. Baluzii. Adjicitur S. Augustini liber de Hæresibus.

Præcedit immensa præfatio. Notis additus est *Appendix Actorum adversus Pelagium et Cælestium.* Vid. SALVIANUS.

1688. *Bremæ, sumptib. Hermannii Braveri; in-4°.* Vincentii Lirinensis Commonitorium a Baluzio Turtelensi ad fidem veterum codicum mss. emendatum et illustratum. Præmissa dissertatione G. Calixti in Vincentium, etc.; cum *Salviani Operibus.*

Calixti dissertatio ex præmio ejus desumpta est.

1709. *Romæ, ex typographia sacra Congr. de Propag. fide; in 8°.* Vincentii Lirinensis Commonitorium in *Josephi Tommasii Institutionum Theologicarum Antiquorum Patrum* tomo I, pagg. 193 - 275. Recusæ sunt eadem ibidem, a 1746 totidem tomis.

Exemplari Bibliothecæ nostræ nonnulla ascripsit b. C. A. Heumannus, ex quibus hæc notasse juvabit: « Hoc libello, inquit, Vincentius stabilire conatur summis viribus præjudicium auctoritatis, contra hominibus eripere studet omnem usum rationis in sacris, commendans prorsus *λατρείαν ᾧ λόγον*. Agit igitur hic non veritatis patronum, sed erroris. Erroris est, quærere, ut sub umbra auctoritatis et antiquitatis lateat. Veritas sua luce radiat et omnibus B omni tempore se præbet inspiciendam atque examinandam. Bonum aurum, si vel sexcenties examaveris, semper reperies bonum aurum. Sic et veritas post mille examina manet veritas, et quemadmodum arithmeticus computationis suæ veritatem numquam probat per consensum aliorum arithmeticorum, sed exclamat: *Proba, examina, sic et veritas.* » Notavit idem, quantopere hoc opus contempserit Dan. Whitby in præf. ad librum de Patrum in Scripturam S. commentariis.

1751. *Romæ, typis Jo. Zempel prope Montem Jordanum; in 8°.* Sanctorum Vincentii Lirinensis et Hilarii Arelatensis Opera ad mss. cod. insignioresque editiones recognita ac notis observationibusque illustrata a D. Joanne SALINAS Neapolitano Can. Reg. Lat. ac S. Theol. Lect. ad sanctiss. Patrem Clementem XII pont. max.

Scilicet non sua denuo opera recognitum dedit Vincentium, sed Baluzianam editionem a. 1669: nam tertiam haud novit, sicut nec cæterarum editionum præterquam ex Labbeo et Caveo notitiam habuit; immo non unam laudat diserte editionem in cujus anno non error sit. « Notas vero observationesque, inquit, tales adjecimus, quæ laborem diligentiamque desiderarunt (sic): utrum postea alienjussint utilitatis, dicere non audeo, et libens illas æqui lectoris judicio submitto. Capitum distinctionem licet a Baluzio sublatam, cum editoribus aliis retinere justum ac rationi consentaneum apparuit (sic), et meo quidem judicio non prorsus inutiliter. De doctrina S. Viri, pergit, circa Traditiones alibi disseremus contra Joannem Dallæum ac Georgium Calixtum, Lutheranae familiæ hominem, qui *Helmstadii periit!* » Eodem stylo et ingenio notas suas pertexit statim subjectas.

1774. *Venetiis, apud Jo. Bapt. Albritium; in-fol.* Vincentii Lirinensis Commonitorium juxta tertiam Steph. Baluzii editionem cum notis ejusdem expressum; in *Andræ Gallandii Bibl. PP. et SS. Vet. Eccles. t. X, pagg. 403 - 421.*

Pauculas de suo observationes ad oram paginæ inferiorem apposuit, dissertationemque de Vincentio præmisit in *Prolegg. cap. II, pagg. IV - VI.*



## Versiones.

Haud segniori, quam quo superioribus duobus sæculis docti indoctique viri contenderunt ad Vincentii textum typis multiplicandum studio, ab aliis allaboratum est, ut recentiori aliquo idiomate loqui eum docerent. Primum quantum scio exemplum Anglorum fuit, sed Francogalli plurimas et optimas versiones dederunt, ut sequentia docebunt.

1<sup>o</sup> *Anglicæ*. — 1534. London, by Robert Culy; in-8°. The waye home to Christ and truth leading from Anthichrist and error, made and set forth in the Latine tongue, by that famous and great Clearke Vincent. Ou, Le retour à Christ, composé par le docteur Vincent de Lerins, françois de nation, et traduit en anglois. Cat. Bibl. Reg. Par. unde et sequentia decerpimus.

2<sup>o</sup> *Gallicæ*. — 1560. Paris, chez M. Vascosan; in-8°. Traité de Vincent Lirinense, pour la verité et antiquité de la foy catholique contre les profanes nouveantez de toutes heresies, traduit de latin en françois par G. Ruzé.

1580. Paris, chez Feder. Morel; in-8°. Eadem versio.

1615. Paris chez Jean de Heuqueville; in-8°. Vin-

A cent de Lerins, contre les heresies avec deux epistres, l'une de S. Cyprien, l'autre de S. Hierosme; le tout traduit en françois par le Sr. de la Brosse.

1684. Paris, chez Christoph Journal; in-12. Avertissemens de Vincent de Lerins, touchant l'antiquité et l'université de la foy catholique contre les nouveantez profanes de tous les heretiques, traduits en françois avec des remarques par de Frontignieres.

3<sup>o</sup> *Italicæ*. — 1563. In Monte Regale, presso Lionardo Torrentino; in-8°. Libro de Vincentio Lirinense contra le profane innovationi di tutte le heresie; tradotto in lingua Italiana per Hieronimo Mutio, Justinopolitano. Argelati Bibl. degli Volgarizz. t. IV, pag. 109.

## Codices.

B

Ex iis quæ in antecedentibus monita sunt, patebit quatuor tantum Vincentii editores consuluisse mss. exemplaria, nempe Jo. Sichardum, Petrum Pithæum, Bartholomæum Petri, de quibus quod dicamus haud suppetit. Postremus fuit Baluzius, qui duos habuit, alterum Colbertinum, eundem qui Pithæi fuerat, alterum monasterii Corbeiensis.

## S. VINCENTII

## LIRINENSIS

## COMMONITORIUM PRIMUM.

(Ex editione Baluziana.)

INCIPIT TRACTATUS (1) Peregrini pro Catholicæ fidei antiquitate et universitate adversus prophanas omnium Hæreticorum novitates.

I. DICENTE Scriptura et monente, Interroga patres tuos, et dicent tibi; seniores tuos, et admuntiabunt tibi, Deut. 32, et item, Verbis sapientium adcommoda aurem tuam, Eccli. 6, et item, Fili mi (2), hos sermones ne obliviscaris, mea autem verba custodiat cor tuum, Prov. 5, videtur mihi minimo omnium servorum Dei Pere-

(1) Baluzius et Joseph Antelmius serunt hanc libri epgraphem legi in tribus mss. Bibl. reg., ablatis vocalis natione Galli, quæ in antiquioribus comparent editionibus. Suspicio cum Casterio a Lir. hunc titulum præfixum fuisse operi: Commonitorium Peregrini adversus hæreticos; ut Tertull. inscripsit aureum opus, a quo non pauca decerpit Vincentius: De Præscript. adv. hæret. Favet opinioni Gennadius dicens « texuisse « disputationem, quam absconso nomine attulavit, »

grino quod res non m'nimæ utilitatis, Domino adjuvante, futura sit, si ea quæ fideliter a sanctis patribus accepi litteris comprehendam, infirmitati certæ propriæ pernecessaria, quippe cum adsit in promptu unde imbecillitas memoriæ meæ adsidua lectione reparetur. Ad quod me negotium non solum fructus operis, sed etiam consideratio temporis et opportunitas loci adhortatur. Tempus: propterea quod cum ab eo omnia humana rapiantur, et nos ex eo aliquid invicem rapere

vel, ut legit Corbeien is Codex, prætitulavit Peregrini adversum hæreticos. Præsertim quia tractatus nomine ab antiquis intelliguntur non tam disputationes contra hæreticos, quam sermones ad populum habiti. Hinc noster cap. 40 Commonitorii ait: « Posuit tertio doctores, qui Tractatores nunc appellantur, eo quod per eos Prophetarum mysteria populis aperiantur. »

(2) In vetusto Cod. Reg. scribitur: Fili meus, serm. In recentiori verò: Fili, meos sermones. Bal.



debemus quod in vitam proficiat æternam; præsertim cum et appropinquantis divini Iudicii terribilis quædam expectatio augeri efflagitet studia Religionis, et novorum Hæreticorum fraudulentia multum curæ et attentionis indicat. Locus (1) autem, quod urbium frequentiam turbasque vitantes, remotioris (2) villulæ et in ea secretum monasterii incolamus habitaculum, ubi absque magna distractione fieri possit illud quod canitur in psalmo: *Vacate, inquit, et videte quoniam ego sum Dominus, Psal. 45.* Sed et propositi nostri ratio in id convenit; quippe qui cum aliquandiu variis ac tristibus secularis militiæ turbinibus volveremur, tandem nos in portum Religionis, cunctis semper fidissimum, Christo adspirante condidimus; ut ibi depositis vanitatis ac superbiæ flatibus, Christianæ humilitatis sacrificio placantes Deum, non solum præsentis vitæ naufragia, sed etiam futuri seculi incendia vitare possimus. Sed jam in nomine Domini quod instat adgrediar, ut scilicet a majoribus tradita et apud nos deposita describam, relatoris fide potius quam auctoris præsumptione; hac tamen scribendi lege servata, ut nequaquam omnia, sed tantum necessaria quæque perstringam, neque id ornato et exacto sed facili communique sermone, ut pleraque significata potius quam explicata videantur. Scribant ii laute et accurate qui ad hoc munus vel ingenii fiducia vel officii ratione ducuntur. Me vero sublevandæ recordationis vel potius oblivionis meæ gratia Commonitorium (3) mihimet parasse suffecerit: quod tamen paulatim, recolendo quæ didici, emendare et implere quotidie, Domino præstante, conabor. Atque hoc ipsum ideo præmonui, ut si forte elapsum nobis, in manus sanctorum devenerit, nihil in eo temere reprehendant, quod adhuc videant promissa emendatione limandum.

II. Sæpe igitur magno studio et summa attentione perquirens a quamplurimis sanctitate et doctrina præstantibus viris quonam modo possim certa quadam et quasi generali ac regulari via catholicæ fidei veritatem ab hæreticæ pravitatis falsitate discernere, huiusmodi semper responsum ab omnibus fere retuli, quod sive ego, sive quis alius vellet exsurgentium hæreticorum fraudes deprehendere laqueosque vitare, et in fide sana sanus atque integer permanere, duplici modo munire

(1) Insula Lerina vel Lirinus, quæ jacet Lat. 45° 30' 6" Long. 24° 42' 53". Lerina hodie nomen S. Honorati habet, qui celeberrimi quondam totius Gallie monasterii in illa insula auctor fuit et conditor.

(2) Ergo in insula illa, præter monasterium, erat aliqua habitatio hominum secularium. Remotiorem porro villulam vocavit Lirinum: quia cum insula esset in mari Mediterraneo, manifestum erat eam remotam esse ab urbibus et oppidis.

(3) Vincentii tempestate in usu erat Commonitorii vox: tum ad significanda mandata legatis scripto data, ut à Theodosio Commonitorium Elpidio comiti datum Ephesus proficiscenti ad Synodum, et alterum a Zosimo Faustino consignatum, quum in Africam missus fuit. Frequentius tamen sumebatur pro lege a mandante præscripta, ut exsequatur, quod constat ex Epist. Innocentii Papæ pro Joanne Chrysostomo. Hic vero, ut recte observat Baluzius in notis, significat scriptio- nis genus cujusmodi sunt adversaria ad sublevandam memoriam.

fidem suam, Domino adjuvante, deberet: primum scilicet divinæ legis auctoritate, tum deinde Ecclesiæ catholicæ traditione. Hic forsitan requirat aliquis: Cum sit perfectus Scripturarum Canon, sibi que ad omnia satis superque sufficiat, quid opus est ut ei Ecclesiasticæ intelligentiæ jungatur auctoritas? Quia videlicet Scripturam sacram pro ipsa sua altitudine non uno eodemque sensu universi accipiunt, sed ejusdem eloquia aliter atque aliter alius atque alius interpretatur; ut pene quot homines sunt, tot illinc sententiæ erui posse videantur. Aliter namque illam Novatianus, aliter Sabellius, aliter Donatus exponit, aliter Arius, Eunomius, Macedonius; aliter Photinus, Apollinaris, Priscillianus, aliter Jovinianus, Pelagius, Cælestius; aliter postremo Nestorius. Atque ideo multum necesse est, propter tantos tam varii erroris anfractus, ut prophetiæ et apostolicæ interpretationis linea secundum Ecclesiastici et Catholici sensus normam dirigatur. In ipsa item Catholica Ecclesia magnopere curandum est ut id teneamus quod ubique, quod semper, quod ab omnibus creditum est. Hoc est etenim (1) vere propriæque catholicum, quod ipsa vis nominis ratioque declarat, quæ omnia fere universaliter comprehendit. Sed hoc ita demum fiet, si sequamur universitatem, antiquitatem, consensionem. Sequemur autem universitatem hoc modo, si hanc unam fidem veram esse fateamur quam tota per orbem terrarum confitetur Ecclesia; antiquitatem vero ita, si ab his sensibus nullatenus recedamus quos sanctos majores ac patres nostros celebrasse manifestum est: consensionem quoque itidem, si, in ipsa vetustate, omnium vel certe pene omnium sacerdotum pariter et magistrorum definitiones sententiasque sectemur.

III. Quid igitur tunc faciet Christianus catholicus, si se aliqua Ecclesiæ particula ab universalis fidei communione præciderit? Quid utique nisi ut pestifero corruptoque membro sanitatem universi corporis anteponat? Quid si novella aliqua contagio non jam portiunculam tantum, sed totam pariter Ecclesiam com-

(1) Proprietate catholici nominis usi sunt Patres ad refellendos hæreticos, quoniam juxta Prophetarum vaticinia per Orbem diffundenda erat Ecclesia, et non coarctanda in angulum parvæ regionis, vel in Terræ particulam; alioquin ut recte arguit Optatus lib. 2 de Schism. Donatist. num. 4: « Ubi erit proprietas Catholici nominis, quum inde dicta sit Catholica, quod sit rationabilis et ubique diffusa. » Quod nomen quia honorificum, spemque salutis complectens, invident Hæretici nobis, conanturque eripere, ut olim Christiani nomen invidit Julianus Apostata. At Romanæ Ecclesiæ filiis convenire acute ex ipsa hæreticorum mente demonstrat Augustinus lib. Op. Imperfecti num. 75: « Athanasianos, inquit, vel Homousianos Ariani Catholicos vocant, non et alii hæretici. Vos autem non solum a Catholicis, sed etiam ab Hæreticis a vobis dissentientibus, et vobis similibus, Pelagiani vocamini: quemadmodum non tantum a Catholicis, sed etiam ab hæresibus vocantur Ariani. Vos vero soli nos appellatis Traducianos, sicut illi Homousianos, sicut Donatiste Macarianos, sicut Manichæi Phariseos, et cæteri hæretici diversis nominibus. Nec mirum esse debet, quod novi hæretici, catholici a quibus exeunt novum nomen imponant (quod placuit etiam vanitati hæreticorum nostri ævi). Hoc enim, et alii fecerunt, quando similiter exierunt. »



maculare conetur? Tunc item providebit ut antiquitati inhæreat, quæ prorsum jam non potest ab ulla novitatis fraude seduci. Quid si in ipsa vetustate, duorum aut trium hominum, vel certe civitatis unius aut etiam provincie alicujus error deprehendatur? Tunc omnino curabit ut paucorum temeritati vel insecitæ, si quæ sunt, universaliter antiquitus universalis Ecclesie (1) decreta præponat. Quid si tale aliquid emergat ubi nihil hujusmodi reperiatur? Tunc operam dabit ut collatas inter se majorum consulat interrogetque sententias, eorum duntaxat qui diversis licet temporibus et locis, in unius tamen Ecclesie Catholice communiione et fide permanentes, magistri probabiles exstiterunt; et quicquid non unus aut duo tantum, sed omnes pariter uno eodemque consensu aperte, frequenter, perseveranter tenuisse, scripsisse, docuisse cognoverit, id sibi quoque intelligat absque ulla dubitatione credendum.

IV. Sed ut planiora fiant quæ dicimus, exemplis singillatim illustranda sunt et paulo uberius exaggeranda; ne immodicæ brevitatis studio rapiantur rerum pondera orationis celeritate. Tempore Donati (2), a quo Donatistæ, cum sese (3) multa pars Africæ in er-

(1) Vetustus Codex Regius habet, *Universalis Concilii decreta*. Baluzius.

(2) Donatum Magnum hic intelligit Vincentius, a quo appellatos fuisse Donatistas in Divi Possidii Vita luculento Optati testimonio probatum est; quem locum consulat lector. Observare tamen oportet longa ætate post schisma invecum appellatos fuisse ex Donati parte ejus sectatores, quum primo dicerentur ex parte Majorini. Hinc in relatione Anulini Proconsulis ad Constantinum legitur: « Libellus Ecclesie Catholice criminum Cæciliani traditus a parte Majorini. » Similiter Augustinus dum de libello loquitur ait oblatum fuisse a parte Majorini. At quia circa ann. Ch. 370, jam dicebatur Donati pars; « quasi vere, inquit Optatus, populum cum Deo divisisset, ut intrepide suam diceret partem: » propterea iste S. Vir lib. 3 de Schism. Donatist. num. 5, disserens de libello, quem Constantino dederunt Capito, Nasceius, Dignus, et cæteri Episcopi, vocat eos *partis Donati*, et non Majorini, forte substituendo notius nomen antiquo. At ingenue nihilominus Optati lapsum fateri debemus: quia ex tali libello infert Romæ a Melchiade, et Concilio ab eodem celebrato proscriptum fuisse Donatum Magnum; quum in Collatione concesserint Catholici Præsules damnatam Donatum esse a Casis Nigris. Vide Augustinum in Brev. Collat. dici tertiæ cap. 12 et 17, et in lib. Retract. cap. 21.

(3) Quarto seculo, Optato teste, major erat numerus Catholicorum in Africa, quum lib. 2, n. 1, Donatistis vix particulam concedat, dicens: « Ergo ut Ecclesia in particula Africæ, in angulo parvæ regionis, apud vos esse possit, apud nos in alia parte Africæ non erit? » At eodem labente seculo ac vergente, longe plures erant Schismatici, ut refert Possidius in Augustini Vita cap. 7, dum ait: « Per sanctum illum virum, levare in Africa Ecclesia Catholica exorsa est caput, quæ..... rebaptizante Donati parte majorem multitudinem Afrorum, seducta et oppressa jacebat. » Suspicio ita crevisse factionem, quia intra anius seculi spatium vix unus, et alter, Optatus nempe, et Augustinus, inventi sunt, qui scriptis illorum aperirent fraudes ac dolos, convincerentque insidias, quum interim Donatistæ omnes per singula loca male-dicis vocibus perstreperent, ut loquitur Optatus lib. 1, num. 4, quibus ipse ab aliqua occasione arrepta respon-dit. Quo modo, inquit Optatus, « satisfiet, et desideris

roris sui furias præcipitaret, cumque immemor nominis, religionis, professionis, unius hominis sacrilegam temeritatem Ecclesie Christi præponeret, tunc quicumque per Africam constituti, profano schismate detestato, universis mundi Ecclesiis adsociati sunt, soli ex illis omnibus intra sacraria catholice fidei salvi esse potuerunt; egregiam profecto relinquentes posteris formam, quemadmodum scilicet deinceps, bono more, unius aut certe paucorum vesaniæ-universorum sanitas anteferreretur. Item quando Arianorum venenum non jam portiunculam quamdam, sed pene orbem totum contaminaverat, adeo ut prope cunctis Latini sermonis Episcopis partim vi, partim fraude deceptis, caligo quædam mentibus offunderetur, quidnam potissimum in tanta rerum confusione sequendum foret, tunc quisquis verus Christi amator et cultor exstitit, antiquam fidem novelle perfidiæ præferendo, nulla contagii ipsius peste maculatus est. Cujus quidem temporis periculo satis superque monstratum est quantum invehatur calamitatis novelli dogmatis inductione. Ilunc siquidem non solum parvæ res, sed etiam maxime labefactæ sunt. Nec enim tantum adfinitates, cognationes, amicitie, domus, verum etiam urbes, populi, provincie, nationes, universum postremo Romanum Imperium funditus concussum et emotum est. Namque cum prophana ipsa Arianorum novitas, velut quædam Bellona aut furia, capto primo omnium Imperatore (1), cuncta deinde palatii culmina legibus novis subjugasset, nequaquam deinceps destitit universa miscere atque vexare, privata ac publica, sacra prophanaque omnia, nullum boni et veri gerere discrimen, sed quoscumque conlanguisset, tanquam de loco superiore percutere. Tunc temeratæ conjuges, depullatæ (2)

« aliorum. Nam a multis sæpe desideratum est, ut ad eruendam veritatem, ab aliquibus defensoribus conflictus partium haberetur; et fieri potuit. »

(1) Constantium intelligit, de quo acerrime queritur Hilarius Pictaviensis libro contra eundem edito anno Chr. 360. At candide fateri oportet quod Imperatorem prorsus excusat alter ejusdem meriti vir Gregorius Nazianzenus Invectiva 1 in Julianum, eadem scribens tempestate; et de patris acerbe incusat aulicos, totam in istos refundens invidiam.

(2) Ita antiquiores editiones, Duacensi excepta, quæ fert *depopulatæ*. Notum est viduis, virginibus, ac pœnitentibus nullas impositas fuisse vestes. In Missali Francorum lib. 3, Liturgie Gallicane numer. 11, exstat benedictio vestimentorum Viduæ, quæ comparet etiam in ordine Romano. Hinc Sanctus Asterius Amasæ Hellesponti Metropolis Antistes in Oratione Sanctæ Euphemie, inquit numer. 3: « Adstat Virgo pulla veste, ac pallio philosophiam professa. » Et iterum num. 4, « casta virgo in pullis vestibus sedens sola, manus ambas extendit in cœlum. » Floruit Asterius circa 4 seculi finem Arcadio Imperatore. Ut autem viduis Ariani detraxerunt pullas vestes, ita Donatistæ sacratis Deo virginibus mitellas abstulerunt. « Detra-xistis, inquit Optatus lib. 6, n. 4, non capitis ornamenta, sed bonæ voluntatis indicia. Jam consecratos Deo sparsistis immundis cineribus crines, jussistis etiam salsa aqua perfundi. Et utinam vel id quod tulistis, velociter reponeretis: protraxistis moras, ut retroactæ in pristino habitu, aliquæ diutius remanerent, retractis signis, quibus se jamdudum contra pettores et raptos muniverant. Qui quum viderent prescriptionem sibi jamdudum oppositam, a vobis



viduae, prophanatae virgines, monasteria demolita (1), disturbati clerici, verberati levitae, acti in exilium sacerdotes, oppleta sanctis ergastula, carceres, metalla (2): quorum pars maxima, interdictis urbibus, protrusi atque extorres, inter deserta, speluncas, feras, saxa, nuditate, fame, siti affecti, contriti et tabefacti sunt. Atque haec omnia numquid ullam aliam ob causam, nisi utique dum pro coelesti dogmate humanae superstitiones introducuntur, dum bene fundata antiquitas scelestae novitate subruitur, dum superiorum instituta violantur, dum rescinduntur scita patrum, dum convelluntur definita majorum, dum sese intra sacratae atque incorruptae vetustatis castissimos limites prophanæ ac novellæ curiositatis libido non continet?

V. Sed forsitan odio novitatis et amore vetustatis hæc fingimus. Quisquis hoc æstimat, beato saltem credat Ambrosio, qui, in secundo ad Imperatorem Gratianum libro, acerbiter tempore ipse deplorans, ait: « Sed jam satis, inquit, omnipotens Deus, nostro exilio nostroque sanguine Confessorum nece, exilia « Sacerdotum, et nefas tantæ impietatis eluimus. « Satis claruit eos qui violaverint fidem tutos esse non « posse. » *Ambros. lib. 2 de fide cap. 4, alias 16.* Item in tertio ejusdem operis libro: « Servemus igitur, inquit, præcepta majorum, nec hæreditaria signacula « ausi rudis temeritate violemus. Librum signatum illum propheticum non Seniores, non Potestates, non « Angeli, non Archangeli aperire ausi sunt: soli Christo « explanandi ejus prærogativa servata est. Librum sacerdotalem quis nostrum resignare audeat, signatum « a Confessoribus, et multorum jam martyrio consecratum? Quem qui resignare coacti sunt (3) postea

« esse sublatam, de sponsis raptos effecti sunt; nec « visus est unusquisque sibi peccasse, dum talem rapuit, qualem viderat, quando ut uxorem acciperet « postulabat. »

(1) Cod. Reg. habet, *dilacerata monasteria*. Baluzius.

(2) Lucifer Calaritanus, in lib. Quod moriendum pro Filio Dei, Constantium culpat, quia « omnia metalla, « ut loquitur, omniaque loca, exilia vocari quæ putantur digna, nostro tuæ calliditati resistendum replesti numero: relegando insontes, fame, siti, nuditate vexando. » Quinimo restauravit morem a Constantino abrogatum leg. 2, de poen. Cod. Theod. ut « si quis in ludum fuerit, vel in metallum damnatus, « minimè in ejus facie scribatur.... Quo facies, quæ « ad similitudinem pulchritudinis coelestis est figurata, « minime maculetur, » illud testante Hilario num. 5 et 11 libri contra eundem: « Querela famosa est, ait, « jussos à te Episcopos non esse, quos condemnare « nullus audebat, etiam nunc in ecclesiasticis frontibus scriptos metallicæ damnationis titulos recenseri. »

(3) Intelligit Ambrosius Episcopos Arimino lapsos anno Christi 359, quos fidem ejurare coegit Constantius die 10 Oct. ejusdem anni, dum paupertate, et ætate lassis Episcopis, reditum ad propria negat. Quæ tantorum malorum fuerit causa Severus Sulpicius prodit lib. 2 Historiæ sacræ, c. 41, disserens de legatis ad Imperatorem missis: « Ex parte nostrorum, inquit, « legantur homines adolescentes, parum docti et parum cauti: ab Arianis autem missi senes, callidi, et ingenio valentes, vetero perfidiæ imbuti, qui apud

« tamen damnata fraude signarunt; qui violare non « ausi sunt, Confessores et martyres exstiterunt. Quomodo fidem eorum possumus denegare quorum victoriam prædicamus? » *Ibid. lib. 3. cap. 7, alias 15.* Prædicamus plane, inquam, ô venerande Ambrosi! prædicamus plane, laudantesque miramur. Nam quis ille tam demens est qui eos, etsi adsequi non evaleat, non exoptet sequi quos a defensione fidei majorum nulla vis depulit, non minæ, non blandimenta, non vita, non mors, non palatium, non satellites, non Imperator, non imperium, non homines, non dæmones? quos, inquam, pro religiosæ vetustatis tenacitate tanto munere l'ominus dignos judicavit (1) ut per eos prostratas restauraret Ecclesias, extinctos spirituales populos vivificaret, dejectas sacerdotum coronas reponeret, nefarias illas novellæ impietatis non litteras, sed lituras, infuso coelitus Episcopis fidelium lacrymarum fonte, deleret, universum postremo jam pene mundum sævæ repentinæ hæreseos tempestate perculsum ad antiquam fidem a novella perfidia, ad antiquam sanitatem a novitatis vesania, ad antiquam lucem a novitatis cæcitate revocaret. Sed in hac divina quadam Confessorum (2) virtute illud est etiam nobis vel maxime considerandum, quod tunc apud ipsam Ecclesiæ vetustatem non partis alicujus, sed universitatis ab iis est suscepta defensio. Neque enim fas erat,

« Regem superiores facile exstiterunt. » At cognito dolo Ariminenses Episcopi contestabantur corpus Domini, et quidquid in Ecclesia sanctum est, se nihil mali fuisse suspicatos, quæ flentes asserebant parati, et subscriptionem pristinam, et omnes Arianorum Blasphemias condemnare, ut loquitur Hieronymus in Dialogo cont. Luciferianos.

(1) Hi Sancti Viri per quos tam mira operatus est Deus, fuere Athanasius, Hilarius, Eusebius et Ambrosius. Hinc Hieronymus in Dialogo cont. Luciferianos ait: « Tunc triumphatorem suum Athanasium Ægyptus excepit, tunc Hilarium de prælio hæreticorum « revertentem, Galliarum Ecclesia complexa est, tunc « ad reditum Eusebii lugubres vestes Italia mutavit. » De Ambrosio vero post Hieronymum ad annum Gratiani XI, loquitur Prosper in Chronico, dicens: Post Auxentii « seram mortem, Mediolani Ambrosio Episcopo constituto, omnis ad fidem rectam Italia convertitur, » id est, regionum illarum portio, quæ Vicario Italiæ parebat, nempe Insubria, Æmilia et Liguria. Sua namque prædicatione Ambrosius distractas Ecclesias junxit, ac nexuit cum fidei vertice, ac custode Romano Pontifice. Hinc in Commentariis super Lucam per id temporis conscriptis lib. 9, cap. 20, gratulatur de hæresi subacta in sui episcopatus exordio dicens: « Dissensionum omnium procella deferbuit. « cuncti secularis cupiditatis ardores, æstusque omnes « quibus Italiæ populus per Judaicæ olim Arianæ proximæ sævitatis incendia coquebatur, sereno jam spiramine temperatur. » Unde Felix Ennodius in ejus laudem cecinit lib. 1 Carm. num. xv, hymno II.

*Adjunctus hinc Apostolis,  
Reduxit expulsam fidem,  
Dixit triumphos martyrum,  
Linguae virentis laureis.*

Et hæc sincera fidei prædicatio causa fuit, Romano Pontifice annuente, ut Metropolitica haberi cõperit Mediolanensis Ecclesia; quod docte ac solerter vidit Benedictus Bacchini in dissert. de Eccles. Hierarchiæ originibus parte 2, num. 10.

(2) Ita prorsus Codd. Regii, quum editiones haberent *Confessionum*. Baluzius.



ut tanti ac tales viri unius aut duorum hominum errabundas sibi que ipsis contrarias suspensiones tam magno molimine adsererent, aut vero pro alicujus provinciole temeraria quadam conspiratione certarent, sed omnium sanctæ Ecclesiæ sacerdotum apostolicæ et catholicæ veritatis hæredum decreta et definita sectantes, maluerunt semetipsos quam vetustæ universitatis fidem prodere. Unde et ad tantam gloriam pervenire meruerunt, ut non solum Confessores, verum etiam Confessorum principes jure meritoque habeantur.

VI. Magnum hoc igitur eorumdem beatorum exemplum, planeque divinum, et veris quibusque Catholicis indefessa meditatione recolendum, qui modum septemplicis candelabri septenâ sancti Spiritus luce radiante, clarissimam posteris formulam præmonstrarunt quoniam modo deinceps per singula quæque errorum vaniloquia, sacratæ vetustatis auctoritate prophanæ novitatis conteratur audacia. Neque hoc sane novum. Siquidem mos iste semper in Ecclesia viguit ut quo quisque foret religiosior, eo promptius novellis adinventionibus contraret. Exemplis talibus plena sunt omnia. Sed ne longum fiat, unum aliquod, et hoc ab Apostolica potissimum Sede sumemus; ut omnes luce clarius videant beatorum Apostolorum beata successio quanta vi semper, quanto studio, quanta contentione defenderit susceptæ semel Religionis integritatem. Quondam igitur venerabilis memoriæ Agrippinus Carthaginensis (1) Episcopus, primus omnium mortalium contra divinum Canonem, contra universalis Ecclesiæ regulam, contra sensum omnium consacerdotum, contra morem atque instituta majorum, rebaptizandum esse censebat. Quæ præsumptio tantum mali invexit, ut non solum Hæreticis omnibus formam sacrilegii, sed etiam quibusdam Catholicis occasionem præbuerit erroris. Cum ergo undique ad novitatem rei cuncti reclamarent, atque omnes quaquaversum sacerdotes pro suo quisque studio retinerentur, tunc beatæ memoriæ Papa Stephanus (2) Apostolicæ Sedis antistes, cum

(1) Secundus Carthaginensium præsulum, quorum memoria ad nos usque pervenit. Sub eo duo celebrata fuere Carthaginensia Concilia, primum de hæreticis baptizandis ab Episcopis Proconsularis Africæ ac Numidiæ, in tertii seculi initio. Nam Tertullianus qui certo, ut fertur, lapsus est circa hæreticorum baptisma, ait in libro de Baptismo edito post annum Chr. 200: « Circa hæreticos sane quid custodiendum sit digne quis retractet? ad nos enim editum est; » quibus verbis ad Agrippini respexisse decretum concedet æquus lector. Hinc non satis recte a P. Harduino affixum est tale Concilium ann. Chr. 215, præsertim quum Cyprianus in Ep. 73, ad Jubaiantum data anno Chr. 254, dicat: « Apud nos non nova aut repentina res est, ut baptizandos censeamus eos, qui ab hæreticis ad Ecclesiam veniunt, quando multi jam anni sunt, et longa ætas, ex quo sub Agrippino bonæ memoriæ viro convenientes in unum plurimi Episcopi hoc statuerunt. » Alterum Concilium, in quo sanctus canon: *Ne clericus ullus tutelam, curamve susciperet*, celebratum fuit circ. ann. Chr. 215.

(2) Celebrato a Cypriano III Carthaginensi Concilio in causa rebaptizationis anno Chr. 255 vel 256, Kal. Sept. cum Episcopis 87 Proconsularis Provinciæ, Numidiæ, ac Mauritanie, graviter commotus est Ste-

cæteris quidem collegis suis, sed tamen præ cæteris restitit, dignum, ut opinor, existimans si reliquos omnes tantum fidei devotione vinceret quantum loci auctoritate superabat. Denique in Epistola (1) quæ tunc ad Africam missa est, his verbis sanxit: *Nihil novandum nisi quod traditum est*. Intelligebat etenim vir sanctus et prudens nihil aliud rationem pietatis admittere, nisi ut omnia, qua fide a patribus suscepta forent, eadem fide filiis consignarentur; nosque Religionem, non qua vellemus ducere, sed potius quæ illa duceret sequi oportere; idque esse proprium Christianæ modestiæ et gravitatis, non sua posteris tradere, sed a majoribus accepta servare. Quis ergo tunc universi negotii exitus? Quis utique nisi usitatus et solitus? Retenta est scilicet antiquitas, explosa novitas. Sed forte tunc ipsi novitiæ adinventioni patrocinia defuerunt? Imo vero tanta vis ingenii adfuit, tanta eloquentiæ flumina, tantus adsertorum numerus, tanta verisimilitudo, tanta divinæ legis oracula, sed plane novo ac malo more intellecta, ut mihi omnis illa conspiratio nullo modo destrui potuisse videatur nisi sola tanti moliminis causa ipsa illa suscepta, ipsa defensa, laudata novitatis professio destituisset. Quid postremo? Ipsius Africani Concilii (2) sive decreti quæ vires? Donante Deo, nullæ; sed universa tanquam somnia, tanquam fabulæ, tanquam superflua, abolita, antiquata (3) calcata sunt. Et, o rerum mira conversio! Auctores ejusdem opinionis Catholici, consecratores vero Hæretici judicantur; absolvuntur magistri, condemnantur discipuli; conscriptores librorum filii regni erunt, adsertores vero gehenna suscipiet. Nam quis ille tam demens est qui illud sanctorum omnium et Episcoporum et Martyrum lumen beatissimum Cyprianum cum cæteris collegis suis in æternum dubitet regnaturum esse cum Christo? Aut quis tam contra sacrilegus qui Donatistas et cæteras pestes, quæ illius auctoritate Concilii

phanus, qui paulo ante Lucio successerat. Unde coacta anno 256, Romæ synodo acres aculeatasque dedit ad Africam, ac Firmilianum, Helenum Tarsi, aliosque Apostolicas litteras, et si fidem habemus Dionysio Alexandrino in Epist. ad Xystum, statuit « non communicandum esse his, qui rebaptizant; sed debere considerare magnitudinem rei, quia non, quicumque, sed permagni, et nobiles Episcopi viri sunt, quibus hoc visum est. »

(1) Deperdita epistola sententiam servatam habemus in Ep. 74 Cypriani ad Pompeium. Consultus enim a Pompeio Sabratensi Episcopo hæc ex Stephani epistola decerpit: « Si quis ergo a quacumque hæresi venerit ad nos, nihil innovetur, nisi quod traditum est, ut manus illi imponatur in pœnitentiam; quum ipsi hæretici proprio alterutrum ad se venientes non baptizent, sed communicent tantum. » Non errasse Pontificem in rebaptizationis negotio tanta argumentorum luce probat Doctissimus Pater D. Constantius, tom. 1, Epistolarum. Pontif. a pag. 2217, ut nimium tardus, vel malignus sit, qui illis non suadetur.

(2) Tertium intelligit Africæ universale, quod singulari modestia refellit Augustinus lib. 2 et 3, de Bapt. cont. Donatist.

(3) Suspicio Lirinensem ad hæc Hieronymi in Dialogo contra Luciferianos respexisse: « Conatus est B. Cyprianus, inquit, contritos lacus fugere, nec bibere de aqua aliena: et idcirco hæreticorum baptisma reprobandum, ad Stephanum tunc Romanæ Urbis Epi-



rebaptizare se jactitant, in sempiternum neget arsu-  
ros esse cum diabolo?

VII. Quod quidem mihi divinitus videtur promulga-  
tum esse iudicium propter eorum maxime fraudulen-  
tiam qui cum sub alieno nomine hæresim concinnare  
machinentur, captant plerumque veteris cujuspiam  
viri scripta paulo involutius edita, quæ pro ipsa sui  
obscuritate dogmati suo quasi congruant; ut illud ne-  
scio quid quodcumque proferunt, neque prius neque  
soli sentire videantur. Quorum ego nequitiam duplici  
odio dignam iudico, vel eo quod hæreseos venenum  
propinare aliis non pertimescunt, vel eo etiam quod  
sancti cujusque viri memoriam tanquam sopitos jam  
cineres prophana manu ventilant, et quæ silentio se-  
peliri oportebat, rediviva opinione diffamant, sequen-  
tes omnino vestigia auctoris sui Cham, qui nuditatem  
venerandi Noe non modo operire neglexit, verum quo-  
que irridendam cæteris enuntiavit. Unde tantam hæse  
pietatis meruit offensam ut etiam posteri ipsius peccati  
sui maledictis obligarentur, beatis illis fratribus mul-  
tum longeque dissimilis, qui nuditatem ipsam reve-  
rendi patris neque suis temerare oculis, neque alienis  
patere voluerunt, sed aversi, ut scribitur, texerunt  
eum: quod est erratum sancti viri nec approbasse nec  
prodidisse (1); atque ideirco beata in posteros benedi-  
ctione donati sunt. Sed ad propositum redeamus. Ma-

scopum, super hac re ad Africanam synodum direxit,  
sed conatus ejus frustra fuit. Denique illi ipsi Epi-  
scopi, qui rebaptizandos hæreticos cum eo statue-  
rant, ad antiquam consuetudinem revoluti, novum  
emisere decretum. Baluzius observat eo sensu Hiero-  
nymum dixisse novum emissum esse ab Afric. de-  
cretum, quia cernebat a meliori ac majori parte Dona-  
tistarum scelus damnari in rebaptizandis hæreticis.  
Utumque tamen se habeat quod Hieronymus refert,  
certum est post Stephani obitum Xysto sedente, Dio-  
nysio Alexandrino sequestro pacem restitutam fuisse  
Romanam inter, et Africanam Ecclesiam. Unde a Pon-  
tio in Vita Cypriani num. 44, Xystus appellatur *bonus  
et pacificus Sacerdos*. Et Cyprianus Ep. 80 alias 82,  
Successum de Xysti passione monet, atque a nuntiis  
quos Romam, ut exploratam veritatem haberet, mi-  
serat, de gravissima persecutione et Papæ marty-  
rio se factum fuisse certiorum. Hæc pax forte in  
causa fuit, ut multi ex Afris veritatem intelligerent,  
præsertim quum Cypriano teste quidam cum Stephano  
communem haberent sententiam.

(1) Filios verenda patris sui superjecto dorsis pallio  
aversos operuisse est, ut Gregorius 25 Moral., cap. 22,  
loquitur, bonis subditis sic præpositorum suorum mala  
displicere, ut tamen hæc ab aliis occultent: « Operi-  
mentum, inquit, aversi deferunt, quia judicantes fa-  
ctum et venerantes magisterium nolunt videre, quod  
tegent. » Quod prudens optimi Pontificis ac Vincen-  
tii monitum, summopore commendat celebris ex Pro-  
testantium parte editor Cypriani Joannes Fellus Epi-  
scopus Oxoniensis; at aliis placet Patrum castigare er-  
rata, inter quos libenter nomen professus est suum  
Clericus; quam ob causam in Ep. 6 Crit. et Eccles.  
culpat dissimulationes omnes in Ecclesiastica historia  
ut illicitas. At demus magnorum hominum esse casti-  
ganda peccata, ne forte incauti illa sequantur; quo ta-  
men modo id a quibusdam est præstitum, non dico  
christianum, sed nec ingenuum decet hominem, nempe  
cum amaritudine, rabie, acerbitate; dolose levia  
errata invidiosis vocibus exaggerando, præteritis dis-  
simulatisque ingentibus meritis. De tali ac tanta ini-  
quitate graviter postulatus est Clericus ipse a viris pro-  
bitate et doctrina conspicuis, quod opus fuit advertere,

quo igitur metu nobis immutata fidei ac temerata re-  
ligionis piaculum pertimescendum est; a quo nos so-  
lum constitutionis Ecclesiasticæ disciplina, sed etiam  
censura Apostolicæ deterret auctoritatis. Scitum enim  
cunctis est quam graviter, quam severe, quam vehe-  
menter invehatur in quosdam beatus Apostolus Pau-  
lus, qui mira levitate nimium cito translati fuerant ab  
eo qui eos vocaverat in gratiam Christi, in aliud Evan-  
gelium (1), quod non est aliud; 2 Tim. 4, qui coacer-  
vant sibi magistros ad sua desideria, a veritate qui-  
dem auditum avertentes, conversi vero ad fabulas; 1  
Tim. 5, habentes damnationem quod primam fidem ir-  
ritam fecissent; quos deceperant ii de quibus ad Ro-  
manos fratres scribit idem Apostolus: *Rogo autem vos,  
fratres, ut observetis eos qui dissensiones et offendicula,  
præter doctrinam quam ipsi didicistis, faciunt; et decli-  
nate ab illis. Hujusmodi enim Christo Domino non  
serviunt, sed suo ventri, et per dulces sermones et bene-  
dictiones seducunt corda innocentium, Rom. 16. Qui  
intran per domos, et captivas ducunt mulierculas onera-  
tas peccatis, quæ ducuntur variis desideriis; semper di-  
scuentes, et ad scientiam veritatis nunquam pervenientes,*  
2 Tim. 3. Vaniloqui et seductores, qui universas domos  
subvertunt, docentes quæ non oportet, turpis lucrigratia,  
Tit. 1. Homines corrupti mente, reprobi circa fidem, 2  
Tim. 3, superbi, et nihil scientes, sed languentes circa  
quæstiones et pugnas verborum; qui veritate privati  
sunt, existimantes quæstum esse pietatem: simul au-  
tem et otiosi discunt circumire domos; non solum au-  
tem otiosi, sed et verbosi, et curiosi loquentes quæ non  
oportet, 1 Tim. 5: qui bonam conscientiam repellen-  
tes, circa fidem naufragaverunt, 1 Tim. 4: quorum  
prophana vaniloquia multum proficiunt ad impieta-  
tem, et sermo eorum ut cancer serpit, 2 Tim. 2. Bene  
autem quod de iis item scribitur: *Sed ultra non proffi-  
cient. Insipientia enim eorum manifesta erit omnibus, si-  
cut et illorum fuit. 2 Tim. 3.*

VIII. Cum ergo tales quidam circumeuntes provincias  
et civitates, atque errores venalicios circumferendo,  
etiam ad Galatas (2) devenissent, cumque his auditis  
Galatæ nausea quadam veritatis affecti, Apostolicæ  
Catholicæque doctrinæ manna revomentes, hæreticæ  
novitatis sordibus oblectarentur, ita sese Apostolicæ  
potestatis exeruit auctoritas, ut summa cum severitate

morem ipsi gerendo, ne quid notitia dignum dissimu-  
letur in Ecclesiastica historia.

(1) Hoc Apostolicum testimonium non aliter a Ter-  
tulliano lib. 4 cont. Marcionem, et Hieronymo in Com-  
mentariis super hanc epistolam laudatur, reluctantem ta-  
men Erasmo.

(2) Falsi hi fratres docebant hominem ex operibus  
legis justificandum, deceperuntque Galatas, ut circum-  
cisionem, ac alias legis ceremonias una cum Christi  
lege velut ad salutem necessarias observarent. Hinc  
Paulum deprimebant inter Apostolos, cum insinuan-  
tes, velut aliis contradicentem. Qui Ephesi morans,  
ubi rescivit, epistola ægris Galatarum animis ita mede-  
tur; 1. improborum coercet audaciam, dignitatem sui  
Apostolatus defendens. 2. doctrinæ suæ concordiam  
cum aliis Apostolis ex habita cum illis collatione pro-  
bat. 3. accersitis rationibus ac veteris Scripturæ testi-  
moniis seductos ab errore revocat. Epistolam scripsit  
circa ann. Chr. ætæ 56, à Chr. morte 25.



decerneret : *Sed licet nos*, inquit, *aut angelus de caelo evangelizet vobis præterquam quod evangelizavimus vobis, anathema sit*, Gal. 1. Quid est quod ait, *Sed licet nos*? Cur non potius, *Sed licet ego*? Hoc est : Etiam si Petrus, etiam si Andreas, etiam si Joannes, etiam si postremo omnis Apostolorum chorus evangelizet vobis præterquam quod evangelizavimus, anathema sit. Tremenda districtio, propter adserendam primæ fidei tenacitatem, nec sibi, nec cæteris coapostolis pepercisse! Parum est : *Etiam si angelus*, inquit, *de caelo evangelizet vobis, præterquam quod evangelizavimus, anathema sit*. Non suffecerat ad custodiam traditæ semel fidei, humanæ conditionis commemorasse naturam, nisi angelicam quoque excellentiam comprehendisset. *Licet nos*, inquit, *aut angelus de caelo*. Non quia sancti cælestesque angeli peccare jam possint; sed hoc est quod dicit : Si etiam, inquit, fiat quod non potest fieri, quisquis ille traditam semel fidem mutare tentaverit, anathema sit. Sed hæc forsitan perfunctorie prælocutus est, et humano potius effudit impetu, quam divina ratione decrevit. Absit. Sequitur enim, et hoc ipsum ingenti molimine iterate insinuationis inculcat : *Sicut prædiximus, et nunc iterum dico : Si quis vobis evangelizaverit, præterquam quod accepistis, anathema sit*. Non dixit : Si quis vobis annuntiaverit præterquam quod accepistis, benedictus sit, laudetur, recipiatur; sed, *anathema sit*, inquit, id est, separatus, segregatus, exclusus, ne unius ovis dirum contagium innoxium gregem Christi venenata permixtione contaminet.

IX. Sed forsitan Galatis ista tantum præcepta sunt. Ergo et illa solis Galatis imperata sunt quæ in ejusdem Epistolæ sequentibus commemorantur : qualia sunt hæc : *Si vivimus spiritu, spiritu et ambulemus. Non efficiamur inanis gloriæ cupidi, invicem provocantes, invidentes*, Gal. 5, et reliqua. Quod si absurdum est, et omnibus ex æquo imperata sunt, restat ut sicut hæc morum mandata, ita etiam illa quæ de fide cauta sunt omnes pari modo comprehendant, et sicut nemini licet invicem provocare aut invidere invicem, ita nemini liceat, præter id quod Ecclesia Catholica usquequaque evangelizat accipere. Aut forsitan tunc jubebatur, si quis annuntiasset præterquam quod annuntiatum fuerat, anathematizari; nunc vero jam non jubetur. Ergo et illud quod item ibi ait : *Dico autem, spiritu ambulate, et desiderium carnis non perficietis*, tunc tantum jubebatur, modo vero jam non jubetur. Quod si impium pariter et perniciosum est ita credere, necessario sequitur ut sicut hæc cunctis ætatibus observanda sunt, ita illa quoque quæ de non mutanda fide sancita sunt cunctis ætatibus imperata sint. Annuntiare ergo aliquid Christianis catholicis, præter id quod acceperunt nunquam licuit, nusquam licet, nunquam licebit; et anathematizare eos qui annuntiant aliquid præterquam quod semel acceptum est, nunquam non oportuit, nusquam non oportet, nunquam non oportebit. Quæ cum ita sint, estne aliquis vel tantæ audaciæ qui præter id quod apud Ecclesiam annuntiatum est annuntiet, vel tantæ levitatis qui præter id quod ab Ecclesia accepit accipiat? Clamat et repetendo clamat, et omnibus, et

semper, et ubique per litteras suas clamat ille, ille vas electionis, ille magister gentium, ille Apostolorum tuba, ille terrarum præco, ille carolorum conscius, ut si quis novum dogma annuntiaverit, anathematizetur. Et contra reclamant ranæ quædam, et cyniphe, et muscæ (1) morituræ, quales sunt Pelagiani, et hoc Catholicis : Nobis, inquit, auctoribus, nobis principibus, nobis expositoribus, damnate quæ tenebatis, tenete quæ damnabatis, rejicite antiquam fidem, paterna instituta, majorum deposita; et recipite : quenam illa tandem? horreo dicere : sunt enim tam superba, ut mihi non modo affirmari, sed ne refelli quidem sine aliquo piaculo posse videantur.

X. Sed dicet aliquis : Cur ergo persæpe divinitus sinuntur excellentes quædam personæ in Ecclesia constitutæ res novas Catholicis annuntiare? Recta interrogatio et digna quæ diligentius atque uberius pertractetur : cui tamen non ingenio proprio, sed divinæ legis auctoritate, Ecclesiastici magisterii documento satisfaciendum est. Audiamus ergo sanctum Moysen; et ipse nos doceat cur docti viri, et qui propter scientiæ gratiam ab Apostolo etiam prophetæ nuncupantur, proferre interdum permittantur nova dogmata, quæ vetus Testamentum allegorico sermone deos alienos appellare consuevit, eò quod scilicet ita ab hæreticis ipsorum opiniones sicut a gentibus dii sui observentur. Scribit ergo in Deuteronomio beatus Moyses : *Si surrexerit, inquit, in medio tui propheta, aut qui somnium vidisse se dicat, Deut. 13, id est, magister in Ecclesia constitutus, quem discipuli vel auditores sui ex aliqua revelatione docere arbitrentur. Quid deinde? et prædixerit, inquit, signum atque portentum, et venerit quod locutus est*. Magnus profecto nescio quis signatur magister et tantæ scientiæ qui sectatoribus propriis non solum quæ humana sunt nosse, verum etiam quæ supra hominem sunt prænoscere posse videatur; quales fere discipuli sui jactitant fuisse Valentium, Donatum, Photinum, Apollinarem, cæterosque ejusmodi. Quid postea? *et dixerit, inquit, tibi : Eamus, et sequamur deos alienos quos ignoras, et serviamus eis*. Qui sunt dii alieni, nisi errores extranei quos ignorabas, id est, novi et inauditi? Et

(1) Suspiciatur P. Macedo respexisse Gelasium Pontificem ad hunc Vincentii locum, dum in Epist. ad Episcopos per Picenum constitutos, vocat delirum quemdam senem Pelagianum *muscam morituram*, quoniam vulgata lectio, ut ille loquitur, habeat *muscæ morientes*; unde in Comment. Eccl. Polem. cap. xi, infert Lirienensem non fuisse Pelagianum lue infectum. Poterat addere, appellari etiam *ranam* a Gelasio. « Oblatus est nobis, inquit, miserabilis senex Seneca nomine, in Pelagianæ voraginis cœno, sicut de quibusdam in Apocalypsi legimus, velut una ranarum imprudenter immersus. At Gelasio notum fuisse Vincentii opus, non credo : alioquin illi meritum rependisset honorem in recensione librorum, et testimonium illud Eccl. 10, v. 1, *de muscis morituris* forte legit in Optato Milevitano lib. 7, num. 4, vel Augustino lib. 2 cont. Ep. Petilianum cap. x, ubi ait : « Propter numerositatem muscis arbitror esse comparatos; sed hi exterminant oleum suavitatis, qui non ipsam Dei gratiam, sed hominum mores intuentur. »



*seruamus eis, id est, credamus eis, sequamur eos. Quid ad extremum? non audies, inquit, verba prophetæ illius aut somniatoris. Et quare, oro te, a Deo non prohibetur doceri quod a Deo prohibetur audiri? Quia, inquit, tentat vos Dominus Deus vester, ut palam fiat utrum diligatis eum an non, in toto corde et in tota anima vestra. Luce clarius aperta causa est cur interdum divina Providentia quosdam Ecclesiarum magistros nova quædam dogmata prædicare patiatur. Ut tentet vos, inquit, Dominus Deus vester. Et profecto magna tentatio est cum ille quem tu prophetam, quem prophetarum discipulum, quem doctorem et adsertorem veritatis putes, quem summa veneratione et amore complexus sis, is subito latenter noxios subinducat errores, quos nec cito deprehendere valeas, dum antiqui magisterii ducis præiudicio, nec facile damnare fas ducas, dum magistri veteris præpediris affectu.*

XI. Hic forsitan efflagitet aliquis ut ea quæ sancti Moysi verbis adserta sunt, Ecclesiasticis aliquibus demonstrentur exemplis. Aequa expostulatio, nec diu differenda. Nam ut a proximis et manifestis incipiam, qualem fuisse nuper tentationem putamus, cum infelix ille Nestorius, subito ex ove conversus in lupum, gregem Christi lacerare cœpisset, cum eum hi ipsi qui rodebantur ex magna adhuc parte ovem crederent, ideoque morsibus ejus magis paterent? Nam quis eum facile errare arbitraretur quem tanto Imperii iudicio (1) electum, tanto sacerdotum studio prosecutum videret; qui cum magno sanctorum amore, summo populi favore celebraretur, quotidie palam divina tractabat eloquia, et noxios quosque Judæorum et Gentilium confutabat errores? Quo tandem iste modo non cuius fidem faceret se recta docere, recta prædicare, recta sentire, qui ut uni hæresi suæ auditum patefaceret, cunctarum hæreseon (2) blasphemias insectabatur? Sed hoc erat illud quod Moyses ait: *Tentat vos Dominus Deus vester si diligatis eum an non.* Et ut Nestorium prætereamus, in quo plus semper admirationis quam utilitatis, plus famæ quam experientiæ fuit, quem opinione vulgi aliquamdiu magnum humana magis fecerat

(1) Erepto e vivis Sisinio, ortis dissidiis inter clericos, Constantinopolitanæ Ecclesiæ à Theodosio juniore renuntiatus est Præsul, Nestorius, qui Antiochiæ sub habitu et professione monachi vivebat. Et ut narrat Socrates lib. 7, cap. 29, ordinatus fuit anno Christi 428, 4 Id. Apr. bonis omnibus applaudentibus, gratulantibusque quasi alter futurus esset Chrysostomus. Consulat lector Cælestini epist. ad eundem parte 1, Concil. Ephes. cap. 47, Cyrilli epist. ad Theodosium part. 3, Conc. ejusdem.

(2) Vix urbem Ecclesiamque ingressus, in prima quam habuit concione, Theodosium allocutus est celebri illa sententia, quæ sicut nonnullis placuit, ita truculenta, et arrogans aliis apparuit: « Da mihi, Imperator, puram ab hæreticis terram, et ego cælum vicissim tibi dabo: evertē mecum hæreticos, et ego tecum Persas evertam. » Unde acriter insequi exorsus est cujuscumque sectæ homines voce et manu, Præfectorum urbis potentia fretus. Et si fides Gothofredo post Baronium, ampla illa Theodosii lex in Hæreticos lata omnes anno Ch. 428, circa Maii finem, prodit Nestorio auctore. Vide Comm. Gothofredi in leg. 65 Codic. Theod., et Socratem lib. 7, cap. 28 et sequ.

gratia quam divina, eos potius commemoremus qui multis profectibus multaque industria præditi non parvæ tentationi Catholicis hominibus exstiterunt. Velut apud Pannonias majorum memoria Photinus Ecclesiam Sirmitanam tentasse memoratur: ubi eum magno omnium favore in sacerdotium fuisset ascitus, et aliquandiu tanquam Catholicus administraret, subito, sicut malus ille propheta aut somniator quem Moyses significat, creditam sibi plebem Dei persuadere cœpit ut sequeretur deos alienos, id est, errores extraneos, quos antea nesciebat. Sed hoc usitatum. Illud vero perniciosum, quod ad tantum nefas non mediocribus adminiculis utebatur. Nam erat et ingenii viribus valens et doctrinæ opibus (1) excellens et eloquio

(1) De Photino natione Galata, ita in Chronico Eusebii ab Hieronymo aucto ad ann. 379 juxta editionem, Arnaldi Pontaci Vasatensis Episcopi: « Photinus in Galatia moritur, a quo Photinianorum dogma inductum, qui multa continentia, et ingenii bona uno superbiæ malo perdidit. » At Joannes Clericus in præf. Artis Crit. Edition. Germanicæ pag. 15, ad sequentem transfert Basilium voces illas, « qui multa continentia et ingenii bona uno superbiæ malo perdidit, » quod probat ex MSS., « temerariam correctionem, ut ait, non passis, et ex Nazianzeno. » Miror hæc excidisse homini, qui ubique veritatis amorem ac candoris ingenuitatem præfert ac jactat. Sane Pontacus sex vidit MSS. Codd. Vaticanos, quorum duo tantum recentiores ac infimæ notæ tribuunt Basilio, quum quatuor alii nota ac vetustate digniores constanter Photino ingenii laudem, ac superbiæ malum adjudicent; quibus addere liceat duos alios, nempe Cod. Bibl. Vat. Palatinæ num. 818, et alterum Bibl. Card. Ottoboni lit. G. iv, 1. In Bibliotheca etiam Christinæ duo sunt Codices num. 553 et 560 Chronici Eusebiani ab Hieronymo aucti, et tamen illa minime in Basilio comparent, quamvis nullum passi sint temerariam correctionem; et revera Scaliger in notis ad hunc locum testatur adjecta illa a quodam fuisse ad oram, ut a textu extranea. Quæ diximus, Patrum etiam auctoritate firmantur. De Photini ingenio, ac superbiâ satis sit audire Epiphanium in hæc. 71, ubi sic loquitur: « Photinus insaniam non minima elatus, et supra omnes furiosus factus, etc., fuit loquax et acutæ linguæ, et qui multos posset pronuntiatione, et dicendi promptitudine decipere. » De Basilio vero alia sunt prorsus judicia Patrum, nam a Conc. Ephesino « Magnus et Sanctissimus est appellatus: gloria Ecclesiæ et vere famulus Dei. » Ab Athanasio Ep. ad Joannem « Orbis lumen, vox et tuba orbis. Doctrinæ palatium » a Greg. Nazianzen. Ep. 10. Ab Augustino lib. 1, cont. Julian. cap. 5, num. 18, *insignis vir, et clara præditus sanctitate*; ejus ingens meritum sic divinitus B. Ephremo ostensum est. Nam quærens a Deo, ut ostenderet sibi qualis quantusque vir esset Basilius « Annuit votis Deus et oranti Ephremo oblata est e regione Altaris species columnæ immensæ adeo ut jungeret cælum, terris, vocesque sonuere in hæc verba: Qualem vidisti columnam igneam, talem credito esse Basilium: » quod grave testimonium exstat in tom. 1 Bibl. Orient. pag. 39, num. xi, magno Ecclesiæ bono, ac litterariæ Republicæ incremento editæ a viro Clariss. Josepho Simonio Assemano. Nec obstat nedum ab hæreticis, sed et a Catholicis de supercilio accusatum fuisse Basilium, quibus et ipse respondit Ep. 164, illosque Nazianzeni pia gravitas notat, *ut iniquos et acerbos rerum judices.* Orat. in laudem Basilii, ac posterorum memoriarum testatum reliquit « virum hunc, et se ab ambitione et theatrica quadam ingenii ostentatione abhoruisse. »



præpotens; quippe qui utroque sermone copiose et graviter disputaret et scriberet: quod monumentis librorum suorum manifestatur, quos idem partim græco, partim latino sermone composuit. Sed bene quod commissæ ipsi oves Christi multum pro catholica fide vigilantes et cautæ, cito ad præmonentis Moysi eloquia respexerunt, et prophetæ atque pastoris sui licet admirarentur eloquentiam, tentationem tamen non ignorarunt. Nam quem antea quasi arietem gregis sequebantur, eundem deinceps veluti lupum fugere cœperunt. Neque solum Photini sed etiam Apollinaris (1) exemplo istius Ecclesiasticæ tentationis periculum discimus, et simul ad observandæ diligentius fidei custodiam commonemur. Etenim ipse auditoribus suis magnos æstus (2) et magnas generavit angustias; quippe cum eos huc Ecclesiæ traheret auctoritas, huc magistri retraheret consuetudo; cumque inter utraque nutabundi et fluctuantes, quid potius sibi seligendum foret non expedirent. Sed forsitan ejusmodi ille vir erat qui dignus esset facile contemni. Imo vero tantus ac talis cui nimium cito in plurimis crederetur. Nam quid illo præstantius, acumine, exercitatione, doctrina? Quam multas ille hæreses multis voluminibus oppresserit, quot inimicos fidei confutaverit errores, indicio est opus illud triginta non minus librorum, nobilissimum ac maximum, quo insanas Porphyrii calumnias magna probationum mole confudit. Longum est universa ipsius opera commemorare; quibus profecto summis ædificatoribus Ecclesiæ par esse potuisset, nisi prophana illa hæreticæ curiositatis libidine novum nescio quid adinvenisset quo et cunctos labores suos velut cujusdam lepræ admixtione fœdaret et committeret ut doctrina ejus non tam ædificatio, quam tentatio potius Ecclesiastica diceretur.

(1) Præter Apollinarium Hierapolitanum Antistitem magni nominis virum, qui sub M. Antonio floruit, circa quarti seculi medium duo exstiterunt Apollinari pater nempe et filius ambo Alexandrini genere, ac uterque Laodiceam se contulit sub Theodoto urbis Episcopo, commoratique ibi sunt sub Georgio illius successore. At ab isto fuere a communione semoti, licet pater in presbyterorum, ac filius in Lectorum ordinem esset cooptatus. Qua autem de causa incertum est dissentientibus veteribus. Nonnulli dicunt ob arctissimum amicitiae vinculum, quo Epiphanio Sophistæ homini gentili uterque erat junctus; alii, ut Sozomenus, quia Athanasio communicaverant Laodiceam transiente, ut Alexandriam ab exilio rediret; quoniam notum Apollinariis erat Georgium parum in Trinitatis professione sibi constare. Utrumque res acciderit, Apollinaris filius illatam injuriam impotenter ferens, artis suæ fiducia fretus, et ulciscendi cupiditate novam excogitavit hæresim; quam nec disseminare quievit paulo post Laodiceo Episcopo renuntiato. Et quia antequam in infortunium delaberetur, Sanctis viris Epiphanio, Athanasio, Basilio, Serapioni, aliisque fidei defensoribus erat apprime charus: propterea funestior ejus lapsus Ecclesiæ accidit, uberioresque lacrymas Epiphanio et Basilio expressit, infelicem tanti viri exitum deplorantibus. Consulat Lector. Dionys. Petav. tom. 5, Theol. Dog. lib. 1, cap. 6, num. 2 et 3.

(2) Hæc est lectio Cod. Reg. Unde confirmatur conjectura Barthol. Petri Duac., qui in margine edit. suæ adnotavit hic legendum *æstus* pro eo quod editiones habebant *actus*. Baluzius.

XII. Hic a me forsitan deprecatur ut horum quos supra commemoravi hæreses exponam, Nestorii scilicet, Apollinaris, et Photini. Hoc quidem ad rem de qua nunc agimus non attinet. Propositum etenim nobis est, non singulorum errores persequi, sed paucorum exempla proferre, quibus evidenter ac perspicue demonstretur illud quod Moyses ait, quia scilicet si quando Ecclesiasticus aliquis magister, et ipse interpretandis prophetarum mysteriis propheta, novi quidam in Ecclesiam Dei tentet inducere, ad tentationem id nostram fieri Providentia divina patiat. Utile igitur fuerit, in excursu, quid supra memorati hæretici sentiant breviter exponere, id est, Photinus, Apollinaris, Nestorius. Photini ergo secta hæc est. Dicit Deum singulum esse et solitarium, et more Judaico confitendum. Trinitatis plenitudinem negat, neque ullam Dei Verbi aut ullam Spiritus sancti putat esse personam. Christum vero hominem tantummodo solitarium adserit, cui principium adscribit ex Maria: et hoc omnimodis dogmatizat, solam nos personam Dei Patris et solum Christum hominem colere debere. Hæc ergo Photinus. Apollinaris vero in unitate quidem Trinitatis quasi consentire se jactitat, et hoc ipsum non plena fidei (1) sanitate; sed in Domini incarnatione aperta professione blasphematur. Dicit enim in ipsa Salvatoris nostri carne aut animam humanam penitus non fuisse, aut certè talem fuisse cui mens et ratio non esset. Sed et ipsam Domini carnem non de sanctæ Virginis Mariæ carne susceptam, sed de cœlo in Virginem descendisse dicebat; eamque nutabundus semper et dubius modo cœternam Deo Verbo, modo de Verbi divinitate factam prædicabat. Nolebat enim in Christo esse duas substantias, unam divinam, alteram humanam, unam ex Patre, alteram ex matre; sed ipsam Verbi naturam putabat esse discissam, quasi aliud ejus permaneret in Deo, aliud vero versum fuisset in carnem; ut cum veritas dicat ex duabus substantiis unum esse Christum, ille contrarius veritati ex una Christi divinitate duas adserat factas esse substantias. Hæc itaque Apollinaris. Nestorius autem contrario Apollinari morbo, dum sese duas in Christo substantias distinguere simulat, duas introducit repente personas, et inaudito scelere duos

(1) Miror doctissimum virum Dionysium Petavium tom. 5. Theolog. dogm. lib. 1, cap. 6, n. 15, oppositum legere, quasi nempe Vincentius dixerit, et ipsum *plena fidei sanitate*, reclamantibus editionibus, ac contextu ipso: præsertim quia non latuit virum omnigena eruditione referitum a Basilio in Ep. 293, et a Gregorio Nazianzeno in Ep. 1, ad Cled. pag. 744, reprehensum fuisse Apollinarem, ut in Sabellii errorem inclinantem, ejus rei testes hic posterior affert libros illius. Hinc minime audiendus Leontius in lib. de sectis Act. 4, tom. 11, Bibl. PP. dum affirmat hominem non errare circa Trinitatem. « Tametsi, inquit, Gregorii et ambo etiam hac in parte erroris illum arguant. » Sed præter Gregorios exstat etiam Basilius et Lirinensis, ut alios omitam; unde suspicor non pervenisse ad Leontium Apollinaris libros, in quibus erratum deprehendit Nazianzenus: nisi forte quis dicere malit, hominem contraria dogmata vulgasse, quod accidere illi potuit, dum « in tractanda Theologia non e Scripturis, sed ex humanis inventis argumenta petebat, » quemadmodum ait Basilius.



esse vult filios Dei, duos Christos, unum Deum, alterum hominem, unum qui ex Patre, alterum qui sit generatus ex matre. Atque ideo asserit sanctam Mariam non *Theotocon*, sed *Christotocon* esse dicendam : quia scilicet ex ea non ille Christus qui Deus, sed ille qui erat homo, natus sit. Quod si quis eum putat in litteris suis unum Christum dicere et unam Christi prædicare personam, non temere credat. Aut enim istud fallendi arte machinatus est, ut per bona facilius suaderet et mala, sicut ait Apostolus : *Per bonum mihi operatus est mortem*, Rom. 7. Aut ergo, ut diximus, fraudulentæ causa quibusdam in locis scriptorum suorum unum Christum et unam Christi personam credere se jactitat, aut certe post partum jam Virginis ita in unum Christum duas perhibet convenisse personas, ut tamen conceptus seu partus Virginei tempore, et aliquantò postea duos Christos fuisse contendat ; ut cum scilicet Christus homo communis primum et solitarius natus sit, et nec dum Dei Verbo personæ unitate sociatus, postea in eum adsumptis Verbi persona descenderit ; et licet nunc in Dei gloria maneat adsumptus, aliquandiu tamen nihil inter illum et cæteros homines interfuisse videatur.

XIII. Hæc ergo Nestorius, Apollinaris, Photinus adversus Catholicam fidem rabidi canes latrant : Photinus, Trinitatem non confitendo ; Apollinaris, convertibilem Verbi dicendo naturam, et duas in Christo substantias non confitendo, et aut totam Christi animam aut certe mentem atque rationem in anima denegando, et adserendo pro sensu mentis fuisse Dei Verbum ; Nestorius, duos Christos aut semper esse, aut aliquandiu fuisse adseverando. Ecclesia vero Catholica et de Deo et de Salvatore nostro recta sentiens, nec in Trinitatis mysterio nec in Christi incarnatione blasphematur. Nam et unam divinitatem in Trinitatis plenitudine et Trinitatis æqualitatem in una atque eadem maiestate veneratur, et unum Christum Jesum, non duos, eundemque Deum pariter atque hominem confitetur. Unam quidem in eo personam, sed duas substantias ; duas substantias, sed unam credit esse personam : duas substantias, quia mutabile non est Verbum Dei, ut ipsum verteretur in carnem ; unam personam, ne duos profitendo filios, quaternitatem videatur colere, non Trinitatem. Sed operæ pretium est ut id ipsum etiam atque etiam distinctius et expressius enucleemus. In Deo una substantia, sed tres personæ ; in Christo duæ substantiæ, sed una persona. In Trinitate alius atque alius, non aliud atque aliud ; in Salvatore aliud atque aliud, non alius atque alius. Quomodo in Trinitate alius atque alius, non aliud atque aliud ? Quia scilicet alia et persona Patris, alia Filii, alia Spiritus sancti ; sed tamen Patris et Filii et Spiritus sancti non alia et alia, sed una eademque natura. Quomodo in Salvatore aliud atque aliud, non alius atque alius ? Quia videlicet altera substantia divinitatis, altera humanitatis ; sed tamen deitas et humanitas non alter et alter, sed unus idemque Christus, unus idemque filius Dei, et unius ejusdemque Christi et filii Dei una eademque persona ; sicut in homine aliud caro, et aliud anima, sed unus idemque homo anima et caro. In Petro et Paulo aliud

anima, aliud caro ; nec tamen duo Petri, caro et anima ; aut alter Paulus anima, et alter caro ; sed unus idemque Petrus, unus idemque Paulus, ex duplici diversaque subsistens animi corporisque natura. Itaque in uno eodemque Christo duæ substantiæ sunt ; sed una divina, altera humana ; una ex Patre Deo, altera ex matre Virgine ; una coæterna et æqualis Patri, altera ex tempore et minor Patre ; una consubstantialis Patri, altera consubstantialis matri ; unus tamen idemque Christus in utraque substantia. Non ergo alter Christus Deus, alter homo ; non alter increatus, alter creatus ; non alter impassibilis, alter passibilis ; non alter æqualis Patri, alter minor Patre ; non alter ex Patre, alter ex matre ; sed unus idemque Christus Deus et homo, idem non creatus et creatus, idem incommutabilis et impassibilis, idem commutatus et passus, idem Patri et æqualis et minor, idem ex Patre ante secula genitus, idem in seculo ex matre generatus, perfectus Deus, perfectus homo. In Deo summa divinitas, in homine plena humanitas. Plena, inquam, humanitas : quippe quæ animam simul habeat et carnem, sed carnem veram, nostram, maternam, animam vero intellectu præditam, mente ac ratione pollentem. Est ergo in Christo verbum, anima, caro ; sed hoc totum unus est Christus, unus filius Dei, et unus Salvator ac Redemptor noster. Unus autem, non corruptibili nescio qua divinitatis et humanitatis confusione, sed integra et singulari quadam unitate personæ. Neque enim illa conjunctio alterum in alterum convertit atque mutavit (qui est error proprius Arianorum) (1), sed ita in unum potius utrumque compegit, ut manente semper in Christo singula-

(1) Ut Ariani facilius improvidis suaderent Verbum alterius esse a Patre substantiæ, passum asseruere in carne ; ac animæ instar fuisse corpori divinitatem illam Verbi veluti secundariam aiebant ; unde ex eorum mente in humanitatem quasi conversa erat divinitas, dum substantivæ hominis formæ in Christo locum tenuit. Hunc errorem assumptæ humanitatis destruente fidem præter Lirinensem exprobat illis Leontius de sect. Act 2, Athanasius in lib. de salutari Adventu, et in altero de incarnatione Christi : ac potissimum Hilarius in toto lib. x de Trinitate, unde numer. 9, ait : « Volunt plerique eorum ex passionis metu, et infirmitate patiendi, non in natura eum impassibilis Dei fuisse..... Sed inferioris a Deo Patre naturæ, et humanæ passionis trepidaverit metu, et ad corporalis poenæ congenuerit atrocitatem. » Quæ quum ita sint, jam sine ambiguitate ulla facile dirimitur tota controversia, quam Claudianus Mamertus, Berengarius ac Joannes quidam apud Philippum bonæ spei Abbatem excitarunt Hilario, quasi humanas in Christo Passiones neganti num. 23 ejusdem libri dum inquit : « Passus quidem est Dominus Jesus Christus, dum cæditur, dum suspenditur, dum crucifigitur, dum moritur : sed in corpus Domini irruens Passio, nec non fuit Passio, nec tamen naturam Passionis exseruit, dum et poenali ministerio deservit, et virtus corporis sine sensu poenæ vim poenæ in se deservientis excepit. » Sensus ergo est : Passio qua cæsus est Christus, fuit ex parte corporis, seu humanitatis a Verbo assumptæ, quæ sensu, dolore, tolerantia demutata est ; sed vera non fuit ex parte Verbi, quod demutationis effectibus caruerit : et hoc est quod Hilarius inquit Filium Dei vim poenæ in se deservientis sine sensu poenæ excepisse. Consulat Lect. generalem præfat. præmissam Operibus D. Hilarii Edit. P. Coustant. § III.



ritate unius ejusdemque personæ, in æternum quoque permaneat proprietas uniuscujusque naturæ; quo scilicet nec unquam Deus corpus esse incipiat, nec aliquando corpus, corpus esse desistat. Quod etiam humanæ conditionis demonstratur exemplo. Neque enim in præsentī tantum, sed in futuro quoque, unusquisque hominum ex anima constabit et corpore, nec tamen unquam aut corpus in animam aut anima vertetur in corpus; sed unoquoque hominum sine fine victuro, in unoquoque hominum sine fine necessario utriusque substantiæ differentia permanebit. Ita in Christo quoque utriusque substantiæ sua cuique in æternum proprietas, salva tamen personæ unitate, retinenda est.

XIV. Sed cum personam sæpius nominamus, et dicimus quod Deus per personam homo factus sit, vehementer verendum est ne hoc dicere videamur quod Deus verbum sola imitatione actionis quæ sunt nostra suscepit, et quidquid illud est conversationis humanæ, quasi adumbratus, non quasi verus homo fecerit; sicut in theatris fieri solet, ubi unus plures effingit repente personas, quarum ipse nulla est. Quotiescumque etenim aliqua suscipitur imitatio actionis alienæ, ita aliorum officia aut opera patrantur, ut tamen hi qui agunt, non sint ipsi quos agunt. Neque enim (ut, verbi gratia, secularium et Manichæorum (1) utamur exemplis), cum actor tragicus Sacerdotem effingit aut regem, sacerdos aut rex est. Nam desinente actu simul et ea quam suscepit persona desistit. Absit hoc a nobis nefarium scelestumque ludibrium. Manichæorum sit ista dementia; qui phantasie prædicatores, aiunt Filium Dei Deum, personam hominis non substantia extitisse, sed actu putativo quodam et conversatione simulasse. Catholica vero fides ita Verbum Dei hominem factum esse dicit, ut quæ nostra sunt, non fallaciter et adumbrate, sed vere expresseque susciperet, et quæ erant humana, non quasi aliena imitaretur, sed potius ut sua gereret; et prorsus quod agebat, hoc etiam esset. Sicut ipsi nos quoque in eo quod loquimur, sapimus, vivimus, subsistimus, non imitamur homines, sed sumus. Neque enim Petrus et Joannes, ut eos potissimum nominem, imitando erant homines, sed subsistendo. Neque enim Paulus simulabat Apostolum, aut fingeat Paulum; sed erat Apostolus, et subsistebat Paulus. Ita etiam Deus Verbum adsumendo et habendo carnem, loquendo, faciendo, patiēdo per carnem, sine ulla tamen suæ corruptione naturæ, hoc omnino præstare dignatus est ut hominem perfectum non imitaretur aut fingeret, sed exhiberet, ut homo verus non videretur aut putaretur, sed esset atque subsisteret. Igitur sicut anima connexa carni, nec in carnem tamen versa, non imitatur hominem, sed est homo, et homo non per simulationem, sed per substantiam, ita etiam Verbum Deus, absque ulla sui con-

(1) Arbitratur Baluzius a sciolo quodam adjectam fuisse parenthesi *Manichæorum* vocem: qui Vincēntium non intelligens, putavit comparationem eam sumi a Manichæis. Deinde ad voces *Sacerdotem effingit*, ait, tragædos et comædos induisse palam Episcopi personam, non secus ac aliorum hominum.

versione, uniendo se homini, non confundendo, non imitando factus est homo, sed subsistendo. Abjiciatur ergo tota penitus personæ illius intelligentia quæ fingendo imitatione suscipitur, ubi semper alius est et aliud simulatur, ubi ille qui agit, nunquam is est quem agit. Absit etenim ut hoc fallaci modo Deus Verbum personam hominis suscepisse credatur; sed ita potius ut incommutabili sua manente substantia, et in se perfecti hominis suscipiendo naturam, ipse caro, ipse homo, ipse persona hominis existeret, non simulatoria, sed vera, non imitativa, sed substantiva, non denique quæ cum actione desisteret, sed quæ prorsus in substantia permaneret.

XV. Hæc igitur in Christo personæ unitas nequaquam post Virginis partum, sed in ipso Virginis utero compacta atque perfecta est. Vehementer enim præcavere debemus, ut Christum non modo unum, sed etiam semper unum confiteamur: quia intoleranda blasphemia est ut etiamsi nunc eum unum esse concedas, aliquando tamen non unum, sed duos fuisse contendas, unum scilicet post tempus baptismatis, duos vero sub tempore nativitatis. Quod immensum sacrilegium non aliter profecto vitare poterimus nisi unitum hominem Deo, sed unitate personæ, non ab ascensu, vel resurrectione, vel baptismo, sed jam in matre, jam in utero, jam denique in ipsa virginali conceptione fateamur: propter quam personæ unitatem indifferenter atque promiscue et quæ Dei sunt propria tribuuntur homini, et quæ carnis propria adscribuntur Deo. Inde est enim quod divinitus scriptum est et filium hominis descendisse de cælo, et Dominum majestatis crucifixum in terra, Joan. 3. 1 Cor. 2. Inde etiam est ut carne Domini facta, carne Domini creata, ipsum Verbum Dei factum, ipsa sapientia Dei impleta, scientia creata dicatur; sicut in præscientia manus ipsius et pedes ejus fossi esse referuntur. Per hanc, inquam, personæ unitatem illud quoque similis mysterii ratione perfectum est, ut carne Verbi ex integra matre nascente, ipse Deus Verbum natus ex Virgine catholicissime credatur, impiissime denegetur. Quæ cum ita sint, absit ut quisquam sanctam Mariam divinæ gratiæ privilegiis et speciali gloria fraudare conetur. Est enim singulari quodam Domini ac Dei nostri, Filii autem sui, munere verissime ac beatissime *theotocos* confitenda; sed non eo modo *theotocos* quo impia quædam hæresis suspicatur, quæ adserit eam Dei matrem sola appellatione dicendam, quod eum scilicet pepererit hominem qui postea factus est Deus; sicut dicimus Presbyteri matrem, aut Episcopi matrem, non jam Presbyterum aut Episcopum pariendo, sed eum generando hominem qui postea Presbyter vel Episcopus factus est. Non ita, inquam, sancta Maria *theotocos*, sed ideo potius quoniam, ut supra dictum est, jam in ejus sacro utero sacrosanctum illud mysterium perpetratum est, quod propter singularem quamdam atque unicam personæ unitatem, sicut Verbum in carne caro, ita homo in Deo, Deus est.

XVI. Sed jam ea quæ supra de memoratis hæresi-



bus vel de catholica fide breviter dicta sunt renovandæ causa memoriæ brevius strictiusque repetamus; quo scilicet et intelligantur iterata plenius, et firmitus inculcata teneantur. Anathema igitur Photino non recipienti plenitudinem Trinitatis, et Christum hominem tantummodo solitarium prædicanti. Anathema Apollinari adserenti in Christo conversæ divinitatis corruptionem, et auferenti perfectæ humanitatis proprietatem. Anathema Nestorio neganti ex Virgine Deum natum, adserenti duos Christos, et explosâ Trinitatis fide, quaternitatem nobis introducenti. Beata (1) vero Catholica Ecclesia, quæ unum Deum in Trinitatis plenitudine et item Trinitatis æqualitatem in una Divinitate veneratur; ut neque singularitas substantiæ personarum confundat proprietatem, neque item Trinitatis distinctio unitatem separet Deitatis. Beata, inquam, Ecclesia, quæ in Christo duas veras perfectasque substantias, sed unam Christi credit esse personam, ut neque naturarum distinctio unitatem personæ dividat, neque item personæ unitas differentiam confundat substantiarum. Beata, inquam, Ecclesia, quæ ut unum semper Christum esse et fuisse fateatur, unitum hominem Deo, non post partum, sed jam in ipso matris utero confitetur. Beata, inquam, Ecclesia, quæ Deum factum hominem non conversione naturæ, sed personæ ratione intelligit, personæ autem non simulatoriæ et transeuntis, sed substantivæ ac permanentis. Beata, inquam, Ecclesia, quæ hanc personæ unitatem tantam vim habere prædicat ut propter eam miro ineffabilique mysterio et divina homini et Deo adscribat humana. Nam propter eam et hominem de cælo secundum Deum descendisse non abnegat, et Deum secundum hominem credit in terra factum, passum, et crucifixum. Propter ea denique et hominem Dei filium et Deum filium Virginis confitetur. Beata igitur ac veneranda, benedicta, et sacrosancta, et omnino supernæ illi angelorum laudationi comparanda confessio, quæ unum Dominum Deum trina sanctificatione glorificat. Idcirco etenim vel maxime unitatem Christi prædicat, ne mysterium Trinitatis excedat. Hæc in excursu dicta sint, alias,

(1) Quum tot, et tantæ olim fuerint, quemadmodum et nunc sunt, otiosæ hæreticorum fraudulentia contra Trinitatis Incarnationisque mysteria, stat nihilominus catholice fidei integritas, tanquam rupes valida, et immota adversus omnes ventos, pluvias, torrentes, quia, inquit Hilarius lib. 2. de Trinit. numer. 22. « Ut quedam medicamentorum genera sunt ita comparata, ut non singulis tantum ægitudinibus utilia sint, sed omnibus in commune medeantur habeantque in se virtutem generalis auxilii; ita et fides catholica non adversus singulas pestes, sed contra omnes morbos opem medelæ communis impertit; non infirmenda genere, non vincenda numero, non diversitate fallenda; sed una atque eadem adversum singula omniaque consistit. Magnum est enim, tot in una eâ esse remedia, quot morbi sunt; et totidem veritatis esse doctrinas, quotidem erunt studia falsitatis. Contrahantur in unum nomina hæreticorum, et omnes scholæ prodeant: audiant unum ingenitum Deum patrem, et unum unigenitum Dei Filium perfecti Patris perfectam progeniem, » etc. quæ sequuntur.

si Deo placuerit, uberius tractanda et explicanda. Nunc ad propositum redeamus.

XVII. Dicebamus ergo in superioribus quod in Ecclesia Dei tentatio esset populi, error magistri, et tanto major tentatio quanto ipse esset doctior qui erraret. Quod primum Scripturæ auctoritate, deinde ecclesiasticis docebamur exemplis, eorum scilicet commemoratione qui cum aliquandiu sanæ fidei forent habiti, ad extremum tamen aut in alienam decidissent sectam, aut ipsi suam hæresim condidissent. Magna profecto res, et ad discendum utilis, et ad recolendum necessaria; quam etiam atque etiam exemplorum molibus illustrare atque inculcare debemus; ut omnes vere Catholici noverint se cum Ecclesia doctores recipere, non cum doctoribus Ecclesiæ fidem deserere debere. Sed ego ita arbitror, quod cum multos in hoc tentandi genere proferre valeamus, nemo pene sit qui Origenis tentationi valeat comparari; in quo plura adeo præclara, adeo singularia, adeo mira extiterunt, ut inter initia habendam cunctis adsertionibus ejus fidem quivis ille facile judicaret. Nam si vita facit auctoritatem, magna illi industria, magna pudicitia (1), patientia, tolerantia. Si genus vel

(1) Pudicitia amore suum evirare corpus ausus fuit, non tam ferro exsectis genitalibus, quam cicutam illis adhibendo, ut Athenienses Hierophantas, ad compescendam libidinem illevisse testis est ipse lib. 7. cont. Celsum: licet in diversas abeant etiam veteres Patres opiniones, quod candide oportuit fateri. Hoc grande facinus ipse, etsi sero, damnavit tamen, vehementerque absterruit alios tom. 15, ad cap. 19, vers. 12, in Matthæum, tum Scripturarum auctoritate, tum rationum pondere, ne conviciis, ac ignominia afficiendos, se omnibus præbeant; et his verbis apposite Philonem, et Sextum arguit: « At his, inquit, Sacrarum litterarum circa illam sententiam minime assecutis fides habenda non est: nam si inter fructus Spiritus, cum charitate, et gaudio, et patientia, et reliquis quoque castitas recensetur, hanc potius tanquam fructum dare, et masculinum corpus a Deo datum, conservare oportet, quam aliud quidpiam audere, adeo ut transgrediatur aliquis per apostolum ad rem de qua agitur hocce præceptum: Non vitabis aspectum barbæ tuæ, Lev. 19, v. 27.... » Et allatis Scripturæ locis nonnullis ferventiori fide præditos juvenes sic alloquitur: « Jam vero cum animo suo cogitet, qui tale facinus commissurus est: quænam ab iis sit passurus, qui probris eum, et conviciis appetentes, his verbis utentur: Non intrabit Eunuchus attritis, vel amputatis testiculis in Ecclesiam Domini; virum hunc inter castratos numerantes. » Deinde paulo post subdit: « Quas nam vero capitis gravedines patiuntur, quas vertigines, quæ mentem etiam quandoque invadunt, et imaginum formatricem animæ vim sibi novas, et inusitatas ex hac materia (semine) fingentem species perturbant. » Quibus si addatur, id quod acute vidit Augustinus lib. 6, prioris operis adv. Julianum cap. 14, num. 41, spadones etiam carnalis concupiscentie urgeri stimulis, « minus quidem laboriose, ne, inquit, concumbendi quamvis irritus ipse conatus in eam turpitudinem veniat, propter quam Calligonum Valentiniani junioris Eunuchum gladio novimus ultore punitum meretricis confessione convictum; neque enim, et in Lib. Ecclesiastico adhiberetur inde similitudo atque diceretur: » Videns oculis, et ingemiscens, quasi spado complectens virginem, et suspirans, nisi et ipsi moverentur concupiscentiæ carnalis effectibus, licet destituti carnis effectibus; » si, inquam, ve-



eruditio, quid eo nobilius (1), qui primum in ea domo natus est quæ est illustrata martyrio, deinde pro Christo non solum patre sed omni quoque facultate privatus, tantum inter sanctæ paupertatis profecit angustias ut pro nomine Dominicæ confessionis (2) sapius, ut ferunt, adligeretur. Neque vero hæc in illo sola erant quæ cuncta postea tentationi forent, sed tanta etiam vis ingenii, tam profundi, tam acris, tam elegantis ut omnes pene multum longeque superaret; tanta doctrinæ ac totius eruditionis magnificentia ut pauca forent divinæ, pene fortasse nulla humanæ philosophiæ quæ non penitus adsequeretur: cujus scientiæ cum Græca concederent (3), Hebræa quoque elaborata sunt. Eloquentiam vero quid memorem, cujus rum est hoc, quod ait Sanctus Doctor, certe nihil juvat exsiccatione, vel exsectione proprium evirare corpus. Consulat Lector Baron. ad ann. 230, et Huetium lib. 1, Origen. cap. 1, num. 13, adversus Halloix, qui Origenis factum excusandum suscepit l. 4, Orig. def.

(1) Genere fuit Ægyptius, Alexandriæque natus anno Chr. 183, ac Commodi 6, Eleutheri Papæ 9, Friario Materno, et M. Attilo Bradua Coss. Ejus pater fuit Leonides Martyr, qui supplicium tulit capitis x. kal. Maii; quum Lælius præseset Ægypto, ac ritu ferino in Ecclesiæ filios sæviret.

(2) Doctissimus Præsul Huetius lib. 9, Origen. cap. 1, n. 9, ex Epiphania in hæc. 64. cap. 1, hoc præclarum eximiumque opus ab Origene præstitum commemorat an. 18, suæ ætatis, quum a Demetrio Alexandrinæ Ecclesiæ Episcopo, Catechumenorum cura ei fuisset demandata: in quo sicut summa cum laude nomen Domini confessus est; ita exinde nunquam gentes homini pepercerunt. Quum enim Ægyptiorum Deorum ministris mos esset abraso vertice in prophani Serapidis gradibus populum alloqui, cum palmarum ramis, ut ad sacra obeunda ascenderent, quo more gravissimæ illorum cærimonix continebantur: ille acceptis palmarum surculis erecto fortique animo alta voce sic compellabat adstantes: *Adeste, accipite ramm, non Templi idolis consecrati, sed Christi.* Unde animis Ethnicorum in se concitatis fugere, latitare, ac latebras commutare coactus est. Acciderunt autem hæc sub Aquila Alexandriæ Præfecto.

(3) Amarum eruditæ antiquitatis censor Joannes Clericus in quæst. 2. Hieronymiana suadere conatur, Origenem imperitissimum Hebræicæ linguæ fuisse, reluctantibus Tillemontio, Montefalconio, et Fabricio. Non vacat hic nec lubet Clerici expendere argumenta, quum notarum angustix id non permittant; unde satis sit observare, ita ab Origene consultos fuisse Judæos in difficilioribus locis, quod nedum Hieronymus, verum etiam ipse testatur, ut aliquando cum illis publice decertarit, ac sapientissimum illorum Alexandriæ ex Scriptura juxta hebraicam veritatem convicerit; quod refert ipse lib. 1, cont. Celsum: « His verbis, » inquit, memini me urgere veheementer Judæum, qui « sapiens habebatur apud suos, quumque non posset « se explicare, respondit sicut decebat Judæum. » Deinde non raro Origenes ipse testatur Hebræicos Codices a se diligenter fuisse inspectos, ut mederetur editionibus Aquilæ, Symmachi, Theodotionis, ac 70 interpretum, ubi erant depravate. Hinc t. 8 Commentar. in Joannem pag. 150. Edit. Huetii t. 2, disserens de porcis e rupe præcipitatis, ac in mare per Dæmones suffocatis, observat non recte legi in loco Gerasenorum, vel Cadarenorum; quia « Gergesa, inquit, a qua « Gergesei, urbs est antiqua juxta stagnum, quod nunc « Tiberiadis vocamus, juxta quam rupes est stagnum « adjacens, e qua ostenditur porcos a Dæmoniis in « præceps delatos fuisse..... » Et paulo post subdit: « Tale erratum in Legge, et Prophetis circa nomina licet

fuit tam amœna, tam lactea, tam duleis oratio ut mihi ex ore ipsius non tam verba quam mella quædam fluxisse videantur? Quæ non ille persuasu difficilia disputandi viribus elimpidavit, quæ factu ardua non ut facillima viderentur effecit? Sed forsitan argumentorum tantummodo nexibus adsertiones suas texuit? Imo plane nemo unquam magistrorum fuit qui pluribus divinæ legis uteretur exemplis. Sed, credo, pauca conscripsit? Nemo mortalium plura; ut mihi sua omnia non solum non perlegi, sed ne inveniri quidem posse videantur: cui ne quicquam ad scientiæ instrumenta deesset, etiam plenitudo exabundavit ætatis (1). Sed forsitan discipulis parum felix? Quis unquam felicior? Nempe innumeri ex sinu suo doctores, innumer sacerdotes, confessores et martyres extiterunt. Jam vero quanta apud omnes illius admiratio, quanta gloria, quanta gratia fuerit, quis exsequi valeat? Quis non ad eum paulo religiosiorex ultimis mundi partibus advolavit? Quis Christianorum non pene ut prophetam, quis philosophorum non ut magistrum veneratus est? Quam autem non solum privatæ conditioni, sed ipsi quoque fuerit reverendus imperio declarant historiæ, quæ eum a matre (2) Alexandri Imperatoris accitum ferunt, cœlestis utique sapientiæ merito, cujus et ille gratia et amore illa flagrabat. Sed et ejusdem Epistolæ testimonium perhibent quas ad Philippum Imperatorem (3), qui primus Romanorum Principum Christia-

« cernere, ut accurate perspeximus ab Hebræis edocti, « cum ipsorum exemplaribus nostra comparantes, « quæ testimonium habent ab editionibus Aquilæ, « Symmachi, et Theodotionis, quæ non sunt depravate. » Consulat lector Fabricium tom. 5. lib. 5. cap. 1. p. 223., et 224. Tillemontium in Mon. Eccl. de Origene disserentem, et D. Bernardum a Montefalconis in Præfat. ad Hexapla Origen.

(1) Vixit annos 69, quum labore confectum Tyri summum virum mors consumpsit ann. post Ch. ortum 254, quo anno Interamniæ Gallus et Volusianus interfecti sunt. Eadem in urbe sepultus est, cujus sepulcri vestigia hodie superesse, qui loca illa lustrant, apud Huetium lib. 1. Origen. cap. 4, num. 7 et 9. referunt.

(2) Mammæa nempe, quæ quum Antiochiæ moraretur, Origenem accersivit. Post Severi vero mortem sub Zepherino Romam venit, non assectandæ Mammææ studio, quod censuit Baronius, sed desiderio penitus cognoscendæ Romanæ Ecclesiæ omnium antiquissimæ, teste Euseb. lib. 6. Eccl. Hist. cap. 10.

(3) Eusebius Cæsarensis in Chronico ab Hieronymo aucto ad ann. Chr. 247, hæc habet: « Romano- « rum xxiii, Philippus regnavit annis 7. Philippus « Philippum filium suum consortem regni facit pri- « musque omnium ex Romanis Imperatoribus Chri- « stianus fuit. » Et ad an. 254, ait a Decio fuisse illos interfectos ob odium in Christianam religionem. Eusebio concinit Orosius lib. 7 Hist. cap. 20, aliquo quorum testimonia præterire libet. In actis S. Pontii Martyris a Baluzio ex vetustis codicibus editis fertur a S. hoc viro fuisse ad fidem conversos. At Pagius longa dissertatione probat fabulosa esse omnia, quæ de Philippis Christianam religionem amplexis feruntur, nixus testimoniis Ambrosii, Sulpicii, aliorumque dicentium Constantinum fuisse primum Imperatorem Christianum; ac ex nummis, in quibus certa Philipporum gentilitatis signa deprehenduntur, Petavius tom. 2 de Doct. temp. lib. 11, cap. 27, post Baronium ex Zonara observat quosdam nominis similitudine deceptos, ad Philippum Imperatorem accommodasse,



nus fuit, Christiani magisterii auctoritate conscripsi. De cuius incredibili quadam scientia si quis referentibus nobis Christianum non accepit testimonium, saltem testificantibus philosophis gentilem recipiat confessionem. Ait namque impius ille Porphyrius (1) excitum se fama ipsius Alexandriam puerum fere perrexisse, ibique eum vidisse jam senem, sed plane talem tantumque qui arcem totius scientiæ condidisset. Dies ne citius defecerit quam ea quæ in illo viro præclara exstiterunt vel ex minima saltem parte perstringam: quæ tamen omnia non solum ad Religionis gloriam, sed etiam ad tentationis magnitudinem pertinebant. Quoties enim quisque tanti ingenii, tantæ doctrinæ, tantæ gratiæ virum aut facili deponeret, ac non illa potius uteretur sententia, se cum Origene errare malle, quam cum aliis vera sentire? et quid plura? Eo res decidit ut tantæ personæ, tanti doctoris, tanti prophetæ, non humana aliqua, sed, ut exitus docuit, nimium periculosa tentatio plurimos a fidei integritate deduceret. Quamobrem hic Origenes tantus ac talis, dum gratia Dei insolentius abutitur, dum ingenio suo nimium indulget, sibi quæ satis credit, cum parvi pendit antiquam Christianæ Religionis simplicitatem, dum se plus cunctis sapere præsumit, dum ecclesiasticas traditiones et veterum magisteria contemnens, quædam Scripturarum capitula (2) novo more interpretatur, meruit ut de se quoque Ecclesiæ Dei

quæ Philippo Ægypti Augustali conveniunt; quod asserit præsertim de Epistolis Origenis. Huetius lib. 1 Origen. cap. 2, num. 12, ait occulte a Fabiano fuisse initiatum Philippum Antiochiæ sub Babyla; et ideo celebratum a Catholicis id fuit, non reprehensum a gentilibus, quia eos latuit. Suspicio amplexum fuisse Philippum Christianam Religionem, quod ei exprobant nonnulli, quasi sic tegere posset crimina. Hoc testantur præter supra laudatos Leontius Antiochenus, Chrysostomus, et auctor Chronici Alexandrini; sed non plene, hinc multa, quæ gentilitatis erant, retinuit, nec fidem in posteros Imperatores transfudit. Quæ suspicio multis firmari posset monumentis:

(1) Valesius, et post illum Huetius ex hoc Porphyrii testimonio inferunt duos exstitisse Origenes, ambos Ammonii discipulos: nostrum, qui vulgo Adamantius est dictus, de quo Porphyrius tradit multam ex scriptis apud posteros gloriam fuisse consecutum, sibi quæ adolescenti valde notum; alterum vero qui fuit Herennii, et Plotini condiscipulus, de quo frequens mentio in vita Plotini ab eodem Porphyrio scripta; nihilque posterorum memoriæ reliquit præter libellum de Dæmonibus, ut constat ex Longino. Fuit autem hic condiscipulus, et æqualis Porphyrii Romæ, si Eunapio fides. Verum, ut utriusque Origenis latum appareat discrimen, oportet advertere Adamantium imperantibus Gallo et Volusiano ex Eusebio obiisse: alterum vero ex Porphyrio in vita Plotini sub Gallieno in vivis fuisse, ac librum quemdam elaborasse.

(2) Quæ fuerint hæc Scripturarum capitula exponit Epiphanius in Anchoratu numer. 54. et 62, exordia scilicet Genesis: « Plerique, inquit, allegorice de « Paradiso disputant, atque inter ceteros furiosus « Origenes adumbratam nescio quam speciem pro « veritate in mundum invexit. » Et posteriori num., iterum: « Redeo ad Originem (quod ipsi Deus igno- « scat): absurdissimam aliam fabulam, et allegoriam « fallendis hominibus proposuit, etc. » Vide S. virum loc. laud. Oportet tamen hic advertere, quod licet ab Origene peccatum sit ob frequentes allegorias, inter

diceretur: *Si surrexerit in medio tui propheta, Deut. 13.* Et paulo post: *Non audies, inquit, verba prophetæ illius.* Et item: *Quia tentat vos, inquit, Dominus Deus vester utrum diligatis eum an non.* Vere non solum tentatio, sed etiam magna tentatio deditam sibi atque in se pendentem Ecclesiam admiratione ingenii, scientiæ, eloquentiæ, conversationis, et gratiæ, nihil de se suspicantem, nihil verentem, subito a veteri Religione in novam prophanitatem sensim paulatimque traducere. Sed dicet aliquis corruptos esse Origenis libros. Non resisto; quin potius et malo. Nam id a quibusdam et traditum et scriptum est, non Catholicis tantum, verum etiam Hæreticis. Sed illud est quod nunc debemus advertere etsi non ipsum, libros tamen sub nomine suo editos, magnæ esse tentationi: qui multis blasphemiarum vulneribus scatentes, non ut alieni, sed quasi sui et leguntur et amantur; ut etsi in errore concipiendo Origenis non fuit sensus, ad errorem tamen persuadendum Origenis auctoritas valere videatur.

XVIII. Sed et Tertulliani quoque eadem ratio est. Nam sicut ille apud Græcos, ita hic apud Latinos nostrorum omnium facile princeps judicandus est. Quid enim hoc viro doctius, quid in divinis atque humanis rebus exercitatus? Nempe omnem philosophiam et cunctas philosophorum sectas, auctores, adsertoresque sectarum, omnesque eorum disciplinas, omnem historiarum ac studiorum varietatem mira quadam mentis capacitate complexus est. Ingenio vero nonne tam gravi ac vehementi excelluit ut sibi nihil pene ad expugnandum proposuerit quod non aut acumine inruperit, aut pondere eliserit? Jam porro orationis suæ laudes quis exsequi valeat, quæ, tanta nescio qua rationum necessitate concerta est ut ad consensum sui quos suadere non potuerit impellat; cuius quot pene verba, tot sententiæ sunt; quot sensus, tot victoriæ. Sciunt hoc Marciones, Apelles, Praxeæ, Hermogenes, Judæi, Gentiles, Gnostici, cæterique; quorum ille blasphemias multis ac magnis voluminum suorum molibus, velut quibusdam fulminibus, evertit. Et tamen hic quoque post hæc omnia, hic, inquam, Tertullianus, catholici dogmatis, id est, universalis ac vetuste fidei parum tenax, ac disertior multo quam felicior, mutata deinceps sententia, fecit ad extremum quod de eo beatus confessor Hilarius quodam loco scribit: *Sequenti, inquit, errore detraxit scriptis probabilibus auctoritatem*, Hilarius in Matth. c. 5. Et fuit ipse quoque in Ecclesia magna tentatio. Sed de hoc nolo plura dicere. Hoc tantum commemorabo, quod contra Moysi præceptum exsurgentes in Ecclesia novellas Montani furias et insana illa insanarum mulierum novitii dogmatis somnia (1) veras prophetias adseverando, meruit ut de se

veteres tamen nemo accuratius illo etiam litteralem Scripturæ sensum exposuit, ut probe notum est illis, qui ejus lucubrationes eolverunt. Hinc optandum sane est, ut paulo æquiores in Origenem fuissent nonnulli etiam ex veteribus; qui strenue quum usi essent hominis laboribus, graves postea ei lites excitarunt.

(1) Intelligit Priscillam et Maximillam, nobiles ac opulentas feminas, quæ Ecclesias plures auro primum, deinde nefariis corrumpere dogmatibus. De his ac Montano Prosper in Chronico ad Consulatus Cethegi et Clari,



quoque et scripturis suis diceretur : *Si surrexerit in medio tui propheta. Et mox : Non audies verba prophetæ illius. Quare ? Quia, inquit, tentat vos Dominus vester utrum diligatis eum an non.*

XIX. His igitur tot ac tantis cæterisque ejusmodi Ecclesiasticorum exemplorum molibus evidenter advertere, et secundum Deuteronomii leges luce clarius intelligere debemus, quod si quando aliquis Ecclesiasticus magister a fide aberraverit, ad tentationem id nostram fieri Providentia divina patiatur, utrum diligamus Deum an non in toto corde et in tota anima nostra.

XX. Quæ cum ita sint, ille est verus et germanus Catholicus qui veritatem Dei, qui Ecclesiam, qui Christi corpus diligit, qui divinæ Religioni, qui catholicæ fidei nihil præponit, non hominis cujuscumque auctoritatem, non amorem, non ingenium, non eloquentiam, non philosophiam ; sed hæc cuncta despiciens, et in fide fixus, stabilis, permanens, quicquid universaliter antiquitus Ecclesiam Catholicam tenuisse cognoverit, id solum sibi tenendum credendumque decernit ; quicquid vero ab aliquo deinceps uno præter omnes vel contra omnes sanctos novum et inauditum subindici senserit, id non ad Religionem sed ad tentationem potius intelligit pertinere, tum præcipue beati Apostoli Pauli eruditus eloquiis : hoc est enim quod in prima ad Corinthios Epistola scribit : *Oportet, inquit, et hæreses esse, ut probati manifesti fiant in vobis, 1 Cor. 11* ; ac si diceret : Ob hoc hæreseon non statim divinitus eradicantur auctores, ut probati manifesti fiant, id est, ut unusquisque quam tenax et fidelis et fixus catholicæ fidei sit amator appareat. Et revera, cum quæque novitas ebullit, statim cernitur frumentorum gravitas et levitas palearum ; tunc sine magno molimine excutitur ab area quod nullo pondere intra aream tenebatur. Namque alii illico prorsus avolant ; alii vero tantummodo excussi, et perire metuunt, et redire erubescunt sau-

qui incidit in ann. Christi 170 : « Hæc tempestate pseudo-  
« prophetia, quæ Cataphrygas nominatur, accepit exor-  
« dium, Montano auctore, Prisca Maximillaque insanis  
« vatibus. Nomen errori Provincia Phrygia dedit,  
« quia inventores ejus illic primitus exstiterunt, ibique  
« vixerunt, et nunc etiam in eisdem partibus populos  
« habent. Adventum Spiritus Sancti à Domino promis-  
« sum, in se potius, quam in Apostolos fuisse asserunt :  
« secundas nuptias pro fornicationibus habent ; et ideo  
« dicunt eas permisisse Apostolum Paulum, quia ex  
« parte sciebat, et ex parte prophetabat ; nondum enim  
« venerat quod perfectum est. Hoc autem perfectum  
« in Montanum, et in ejus prophetissas venisse delirant. »  
Vixit Tertullianus usque ad mediam ætatem Ecclesiæ  
presbyter ; « invidia postea, inquit Hieronymus in *Catal.*  
« *Scrip. Eccl. cap. 55*, et contumeliis Clericorum Roma-  
« næ Ecclesiæ, ad Montani dogma delapsus, in multis li-  
« bris meminit novæ prophetiæ : specialiter autem ad-  
« versum Ecclesiam texuit volumina : de pudicitia, de  
« persecutione, de jejuniis, de Monogamia, de extasi li-  
« bros sex, et septimum quem adversus Apollonium  
« composuit. » Dolendus sane hominis lapsus, quia Hie-  
ronymo eodem teste in Epist. ad Magnum, inter Latinos  
nihil Tertulliano eruditius, vel acutius ; quando Apolo-  
geticus ejus, et contra Gentes libri, cunctam sec ili ob-  
tinent disciplinam. Fertur vixisse usque ad decrepitam  
ætatem.

cii, semineces ac semivivi ; quippe qui tantam veneni  
hauserint quantitatem quæ nec occidat nec digeratur,  
nec mori cogat nec vivere sinat, heu miserranda con-  
ditio ! quantis illi curarum æstibus, quantis turbinibus  
exagitantur ? Nunc etenim, quæ ventus impulerit, inci-  
tato errore rapiuntur ; nunc in semetipsos reversi,  
tanquam contrarii fluctus, reliduntur, nunc temeraria  
presumptione et ea quæ incerta videntur adprobant ;  
nunc irrationali metu, etiam quæ certa sunt expaves-  
cant ; incerti quæ eant, quæ redeant, quid adpetant,  
quid fugiant, quid teneant, quid dimittant. Quæ quidem  
dubii et male penduli cordis afflictio divinæ erga se mi-  
serationis est medicina, si sapiant. Idcirco etenim ex-  
tra tutissimum catholicæ fidei portum diversis cogita-  
tionum quatiantur, verberantur, ac pene enecantur  
procellis, ut excussa in altum elatæ mentis vela depo-  
nant, quæ male novitatum ventis expanderant, se-  
sequæ intra fidissimam stationem placidæ ac bonæ ma-  
tris reducant et teneant, atque amaros illos turbulen-  
tosque errorum fluctus primitus revomant, ut possint  
deinceps vivæ et salientis aquæ fluentia potare. Dedis-  
cant bene quod didicerant non bene ; et ex toto Ecce-  
siæ dogmate quod intellectu capi potest capiant, quod  
non potest credant.

XXI. Quæ cum ita sint, iterum atque iterum eadem  
mecum revolvens et reputans, mirari satis nequeo  
tantam quorundam hominum vesaniam, tantam excæ-  
catae mentis impietatem, tantam postremo errandi li-  
bidinem ut contenti non sint tradita semel et accepta  
antiquitus credendi regula, sed nova ac nova in diem  
querant, semperque aliquid gestiant Religioni addere,  
mutare, detrahare ; quasi non cœlestis dogma sit quod  
semel revelatum esse sufficiat, sed terrena institutio,  
quæ aliter perfici nisi assidua emendatione, imo potius  
reprehensione non possit, cum divina clament oracula :  
*Ne transferas terminos quos posuerunt patres tui, Prov. 22* ;  
et : *Super judicantem ne judices, Eccli. 8* ; et : *Scin-  
dentem sepe mordebit eum serpens, Eccles. 10*, et illud  
apostolicum, quo omnes omnium hæreseon sceleratæ  
novitates velut quodam spiritali gladio sæpe truncatæ  
semperque truncandæ sunt : *O Timothee, depositum  
custodi, devitans prophanas vocum novitates et oppositio-  
nes falsi nominis scientiæ, quam quidam promittentes,  
circa fidem exciderunt, 1, Tim. 6*. Et post hæc inve-  
niuntur aliqui tantæ inveteratæ frontis duritia, tanta  
impudentiæ incude, tanto adamante pertinaciæ, qui  
tantis eloquiorum cœlestium molibus non succumbant,  
tantis ponderibus non fatiscant, tantis malleis non con-  
quassentur, tantis postremo fulminibus non conteran-  
tur ? Devita, inquit, prophanas vocum novitates : Non  
dixit antiquitates, non dixit vetustates ; imo plane quid  
e contrario sequeretur ostendit. Nam si vitanda est no-  
vitas, tenenda est antiquitas ; et si prophana est novi-  
tas, sacrata est vetustas. Et oppositiones, inquit, falsi  
nominis scientiæ. Vere falsum nomen apud doctrinas  
Hæreticorum ; ut ignorantia scientiæ, et caligo sereni-  
tatis, et tenebræ luminis appellatione fucentur. *Quam  
quidam, inquit, promittentes, circa fidem exciderunt.*



Quid promittentes exciderunt, nisi novam nescio quam ignoratamque doctrinam? Audias etenim quosdam ipsorum dicere: Venite, o insipientes et miseri, qui vulgo Catholici vocitamini, et discite fidem veram, quam præter nos nullus intelligit, quæ multis ante seculis latuit, nuper vero revelata et ostensa est; sed discite furtim atque secretim: delectabit enim vos. Et item: Cum didiceritis, latenter docete; ne mundus audiat, nec Ecclesia sciat: paucis namque concessum est tanti mysterii capere secretum. Nonne hæc verba sunt illius meretricis quæ apud Salomonis Proverbia vocat ad se prætereuntes viam qui dirigunt iter suum? Qui est, inquit, vestrum insipientissimus, divertat ad me. Inopes autem sensu exhortatur dicens: *Panes occultos libenter attingite, et aquam dulcem furtim bibite*. Quid deinde? At ille, inquit, nescit quoniam terrigenæ apud eam pereunt, Prov. 9. Qui sunt isti terrigenæ? Exponat Apostolus: Qui circa fidem, inquit, exciderunt, 2 Tim. 2.

XXII. Sed operæ pretium est totum ipsum Apostoli capitulum diligentius pertractare. O Timothee, inquit, depositum custodi, devitans profanas vocum novitates. O! Exclamatio ista et præscientiæ est pariter et charitatis. Prævidebat enim futuros, quos etiam prædolebat, errores. Quis est hodie Timotheus nisi vel generaliter universa Ecclesia, vel specialiter totum corpus Præpositorum, qui integram divini cultûs scientiam vel habere ipsi debent vel aliis infundere? Quid est, depositum custodi? Custodi, inquit, propter fures, propter inimicos, ne dormientibus hominibus, superseminent zizania super illud tritici bonum semen quod seminaverat filius hominis in agro suo, Depositum, inquit, custodi. Quid est depositum? id est, quod tibi creditum est, non quod a te inventum; quod accepisti, non quod excogitasti; rem non ingenii, sed doctrinæ, non usurpationis privatæ, sed publicæ traditionis; rem ad te perductam, non a te prolata: in qua non auctor debes esse, sed custos; non institutor, sed sectator; non ducens, sed sequens. Depositum, inquit, custodi; catholicæ fidei talentum inviolatum illibatumque conserva. Quod tibi creditum, hoc penes te maneat, hoc a te tradatur. Aurum accepisti, aurum redde: nolo mihi pro aliis alia subicias: nolo pro auro aut impudenter plumbum aut fraudulenter æramenta supponas: nolo auri speciem, sed naturam plane. O Timothee, O Sacerdos, O Tractor, O Doctor, si te divinum munus idoneum fecerit, ingenio, exercitatione, doctrina, esto spiritalis tabernaculi Beseleel, pretiosas divi dogmatis gemmas exsculpe, fideliter coapta, adorna sapienter, adjice splendorem, gratiam, venustatem. Intelligatur, te exponente illustrius, quod ante obscurius credebatur. Per te posteritas intellectum gratuletur quod ante vetustas non intellectum venerabatur. Eadem tamen quæ didicisti doce, ut cum dicas nove, non dicas nova.

XXIII. Sed forsitan dicit aliquis: Nullusne ergo in Ecclesiâ Christi profectus habebitur Religionis? Habeatur plane, et maximus. Nam quis ille est tam invidus hominibus, tam exosus Deo, qui istud prohibere æonctur? Sed ita tamen ut verè profectus sit ille fidei,

non permutatio. Siquidem ad profectum pertinet ut in semetipsum unaquæque res amplificetur; ad permutationem verò, ut aliquid ex alio in aliud transvertatur. Crescat igitur oportet et multum vehementerque proficiat tam singulorum quam omnium, tam unius hominis quam totius Ecclesiæ, ætatum ac seculorum gradibus, intelligentia, scientia, sapientia, sed in suo duntaxat genere, in eodem scilicet dogmate, eodem sensu, eademque sententia. Imitetur animarum religio rationem corporum: quæ licet annorum processu numeros suos evolvant et explicent, eadem tamen quæ erant permanent. Multum interest inter pueritiæ florem et senectutis maturitatem; sed iidem tamen ipsi fiunt senes qui fuerant adolescentes; ut quamvis unius ejusdemque hominis status habitusque mutetur, una tamen nihilominus eademque natura, una eademque persona sit. Parva lactentium membra, magna juvenum, eadem ipsa sunt tamen. Quot parvulorum artus, tot virorum; et si qua illa sunt quæ ævi maturioris ætate pariuntur, jam in seminis ratione proserta sunt; ut nihil novum postea proferatur in senibus quod non in pueris jam antè latitaverit. Undè non dubium est hanc esse legitimam et rectam proficiendi regulam, hunc ratum atque pulcherrimum crescendi ordinem, si eas semper in grandioribus partes ac formas numerus detexat ætatis quas in parvulis Creatoris sapientia præformaverat. Quod si humana species in aliquam deinceps non sui generis vertatur effigiem, aut certe addatur quippiam membrorum numero vel detrahatur, necesse est ut totum corpus vel intercيدات, vel prodigiosum fiat, vel certe debilitetur: ita etiam Christianæ Religionis dogma sequatur has decet profectuum leges, ut annis scilicet consolidetur, dilatetur tempore, sublimetur ætate, incorruptum tamen illibatumque permaneat, et universis partium suarum mensuris cunctisque quasi membris ac sensibus propriis plenum atque perfectum sit, quod nihil præterea permutationis admittat, nulla proprietatis dispendia, nullam definitionis sustineat varietatem. Exempli gratia: Severunt majores nostri antiquitus in hac ecclesiastica segete triticæ fidei semina: iniquum valde et incongruum est ut nos eorum posteri pro germana veritate frumenti subdititium zizaniæ legamus errorem. Quin potius hoc rectum et consequens est ut primis atque extremis sibimet non discrepantibus, de incrementis triticæ institutionis triticeï quoque dogmatis frugem demetamus; ut cum aliquid ex illis seminum primordiis accessu temporis evolvatur, et nunc lætetur et excolatur, nihil tamen de germinis proprietate mutetur: addatur licet species, forma, distinctio, eadem tamen cujusque generis natura permaneat. Absit etenim ut rosea illa catholici sensus plantaria in carduos spinasque vertantur. Absit inquam, ut in isto spiritali paradiso de cinnamomi et balsami surculis lolium repente atque aconita proveniant. Quodcumque igitur in hac Ecclesia Dei agricultura fide patrum satum est, hoc idem filiorum industriâ decet excolatur et observetur, hoc idem floreat et maturescat, hoc idem proficiat et perficiatur. Fas est etenim ut prisca illa cœ-



lestis philosophiæ dogmata processu temporis excutuntur, limentur, poliantur; sed nefas est ut commutentur, nefas ut detruncantur, ut mutilentur. Accipiant, licet, evidentiam, lucem, distinctionem; sed retineant necesse est plenitudinem, integritatem, proprietatem. Nam si semel admissa fuerit hæc impiæ fraudis licentia, horreo dicere quantum excindendæ atque abolendæ Religionis periculum consequatur. Abdicata etenim qualibet parte catholici dogmatis, alia quoque atque item alia, ac deinceps alia et alia, jam quasi ex more et licito, abdicabuntur. Porro autem sigillatim partibus repudiatis, quid aliud ad extremum sequetur, nisi ut totum pariter repudietur? sed e contra, si novitia veteribus, extranea domesticis, et profana sacratis admisceri cœperint, proserpat hic mos in universum necesse est ut nihil posthac apud Ecclesiam relinquatur intactum, nihil illibatum, nihil integrum, nihil immaculatum, sed sit ibidem deinceps impiorum ac turpium errorum lupanar ubi erat antea castæ et incorruptæ sacrarium veritatis. Sed avertat hoc a suorum mentibus nefas divina pietas, sitque hic potius impiorum furor. Christi vero Ecclesia, sedula et cauta depositorum apud se dogmatum custos, nihil in his unquam permutat, nihil minuit, nihil addit, non amputat necessaria, non apponit superflua, non amittit sua, non usurpat aliena; sed omni industria hoc unum studet ut vetera fideliter sapienterque tractando, si qua sunt illa antiquitus informata et inchoata, accuret et poliat; si qua jam expressa et enucleata consolidet, firmet; si qua jam confirmata et definita, custodiat; denique quid unquam aliud Conciliorum decretis enisa est nisi ut quod antea simpliciter credebatur, hoc idem postea diligentius crederetur, quod antea lentius prædicabatur, hoc idem postea instantius prædicaretur, quod antea securius colebatur, hoc idem postea sollicitius excoleretur? Hoc, inquam semper, neque quicquam præterea, Hæreticorum novitatibus excitata, conciliorum suorum decretis catholica perfecit Ecclesia, nisi ut quod prius à Majoribus sola traditione susceperat, hoc deinde posteris etiam per Scripturæ chirographum consignaret, magnam rerum summam paucis litteris comprehendendo, et plerumque, propter intelligentiæ lucem, non novum fidei sensum (1) novæ appellationis proprietate signando.

(1) Placuit Ecclesiæ, ac bonis omnibus, ne fucus a desperatis hominibus veritati fieret; ut aliquando antiquus fidei sensus, novæ appellationis proprietate signaretur; at indignati sunt nonnulli, inter quos Jeanes Clericus, tomo primo Artis Criticæ, ubi culpât voces ab Ecclesia sacratas, nempe Transubstantiationis, Consubstantialis, et similium quasi voces nihili: verum injusta est reprehensio, taliterque iste se gerit, ac si quis diceret, ut Hilarius loquitur libr. adv. Constantium Imperatorem num. 16: « Nolo adversum « nova venena novas medicamentorum comparationes, « nolo adversum novos hostes nova bella, nolo adversum novas insidias concilia recentia... Novitates « vocum, sed prophanas devitare jubet Apostolus: tu « cur pias excludis? quum præsertim ab eo dictum « sit: Omnis scriptura divinitus inspirata utilis est. « Innascibilem, scriptum nunquam legis: nunquid ex « hoc negandum erit, quia novum est? Decernis si-

XXIV. Sed ad Apostolum redeamus. *O Timothee, inquit, depositum custodi, devitans prophanas vocum novitates.* Devita, inquit, quasi viperam, quasi scorpionem, quasi basiliscum, ne te non solum tactu, sed etiam visu afflatuque pereutiant. Quid est devitare? cum hujusmodi nec cibum sumere, 1 Cor. 5. Quid est, devita? Si quis, inquit, venit ad vos, et hanc doctrinam non affert, 2 Joann. Quam doctrinam, nisi catholicam et universalem, et unam eandemque per singulas ætatum successiones incorrupta veritatis traditione manentem, et usque in secula sine fine mansuram? Quid tum? Nolite, inquit, recipere eum in domum, nec ave ei dixeritis. Qui enim dicit illi ave, communicat operibus ejus malignis. Prophanas, inquit, vocum novitates. Quid est prophanas? Quæ nihil habent sacri, nihil religiosi, ab Ecclesiæ penetralibus, quæ est templum Dei, penitus extraneas. Prophanas, inquit, vocum novitates. Vocum, id est, dogmatum, rerum, sententiarum novitates, quæ sunt vetustati atque antiquitati contrariæ: quæ si recipiantur, necesse est ut fides beatorum patrum, aut tota, aut certe magnâ ex parte violetur; necesse est ut omnes omnium ætatum fideles, omnes sancti omnes casti, continentes, virgines, omnes clerici, levitæ et sacerdotes, tanta confessorum millia, tanti martyrum exercitus, tanta urbium, tanta populorum celebritas et multitudo, tot insule, provinciæ, reges, gentes, regna, nationes, totus postremo jam pene terrarum orbis, per catholicam fidem Christo capiti incorporatus, tanto seculorum tractu ignorasse, errasse, blasphemasse, nesciisse quid crederet, pronuntietur. Prophanas, inquit, vocum novitates devita: quas recipere atque sectari nunquam Catholicorum, semper vero Hæreticorum fuit. Et revera, quæ unquam hæresis nisi sub certo nomine, certo loco, certo tempore ebullivit? Quis unquam hæreses instituit nisi qui se prius ab Ecclesiæ catholicæ universitatis et antiquitatis consensione discreverit? Quod ita esse luce clarius exempla demonstrant. Quis enim unquam ante profanum illum Pelagium tantam virtutem liberi præsumpsit arbitrii ut ad hoc in bonis rebus per actus singulos adjuvandum necessariam Dei gratiam non putaret? Quis ante prodigiosum discipulum ejus Cœlestium (1) reatu prævaricationis Adæ omnem

« militem Patri Filium. Evangelia non prædicant: quid est, « quod non refugis hanc vocem? In uno novitas eligitur, « in alio submovetur. Ubi impietatis occasio, novitas « admittitur: ubi autem religionis MAXIMA ET SOLA « CAUTELA EST, excluditur. » Quare autem Clericus disserens de vocibus nihil significantibus in exemplum adducat voces illas ab Ecclesia sacratas, quis prudens intelligere potest, quando ex sensu et voluntate Ecclesiæ jam legitimus illis vocibus affixus est sensus? quod fas semper fuit, eritque, licet freudentibus ferocioribus, et forte insanis Criticis, Poeta dicente: *Licuit semperque licebit Signatum præsentem nota procudere nomen.*

(1) Natu nobilis fuit, sed naturæ vitio Eunuchus matris utero editus. An ob hanc causam à Lirinensi appelletur prodigiosus, incertum est; Patres tamen S. Mauri post Garnerium verisimile putant. Certe in Commonitorio Marii Mercatoris oblato Ecclesiæ Constantinopolitanae ac Theodosio, hæc in illius exordio leguntur: *Cælestius quidem Eunuchus matris utero editus.*



humanum genus denegavit adstrictum? Quis ante sacrilegum Arium trinitatis unitatem discindere, quis ante sceleratum Sabellium unitatis Trinitatem confundere ausus est? Quis ante crudelissimum Novatianum (1) crudelem Deum dixit, eo quod mallet mortem morientis quam ut revertatur et vivat? Quis ante magum Simonem, apostolica districtione percussum (a quo vetus ille turpitudinum gurgis usque in novissimum Priscillianum (2) continua et occulta successione manavit) auctorem malorum (3), id est, scelerum, impietatum, flagitiorumque nostrorum ausus est dicere creatorem Deum? Quippe quem adserit talem hominum manibus ipsam suis creare naturam, quæ proprio quodam motu et necessariæ ejusdam voluntatis impulsu nihil aliud possit, nihil aliud velit nisi peccare, eo quod furiis vitiorum omnium exagitata et inflammata in omnia turpitudinum barathra inexhausta cupiditate rapiatur. Innumera sunt talia, quæ brevitate studio prætermittimus: quibus tamen cunctis satis evidenter perspicueque monstratur hoc apud omnes fere hæreses quasi solemne esse ac legitimum,

(1) Nemo ex his Vincentii verbis inferat, nullam esse pro peccantibus indulgentiam, remissionemque servatam dixisse Novatianum. Error namque ejus sequens fuit, quem antea defenderat Tertullianus; inficiabatur fuisse Ecclesiæ concessam potestatem, ut atrociora illa peccata, apostasiæ nempe a fide, homicidii, ac fornicationis, per se remitteret, quum talium delictorum venia esset soli Deo reservata. Unde statuebat de illis perpetuo agendam esse poenitentiam. Pro minoribus vero peccatis agnovit in Ecclesia dimittendi facultatem. Vide Petavium, tom. iv. Theol. dogm. lib. 3. Eccl. Hierar. cap. 12 num. 6.

(2) Simonis impura, et nefanda dogmata, quæ late describuntur ab Irenæo, Epiphonio, et Theodoro, discipulos defensoresque multos nacta sunt, ut Saturninum, Basilidem, hujusque filios Epiphaniem, et Isidorum. Quorum infelices hæreses exstiterunt Cerdon, et Marcion, ac tertio Ecclesiæ seculo Manichæi; his successere Priscillianistæ, quos Manichæorum cognatos appellat S. Leo in ep. olim 93, nunc 15, cap. 4. Unde Prosper in Chronico ad Coss. Ausonium, et Olybrium: *Ea tempestate Priscillianus Episcopus de Gallæcia, ex Manichæorum et Gnosticorum dogmate, hæresim nominis sui condidit. Gnosticos autem a Simone sua habuisse exordia testis est Irenæus.*

(3) Optasse Simonem tanquam Deum ab omnibus glorificari, a multisque pro tali habitu, testis est Irenæus lib. 1. adv. hæres. cap. 20 ex Edit. Erasmi; hinc non adeo facile exponi potest, quomodo dixerit, Dei creatoris impulsu et necessitate ferri homines ad malum. Ex Irenæo autem hæc habemus. Quum impius sublimissimam se profiteretur virtutem, ac Helenam quamdam, primam suæ mentis conceptionem, per hanc dicebat angelos atque archangelos conditos; a quibus fabricatus Orbis ac præpostere moderatus, ad emendationem rerum, ut ipse veniret, compulerunt. Unde addebat, ut Irenæus ait, « prophetas a mundi fabricatoribus Angelis inspiratos dixisse prophetias; » quapropter monebat, ne ulterius curarent eos, hi qui in eum, et in Helenam ejus spem habebant, et « ut liberos agere quæ velint. Secundum enim ipsius gratiam salvari homines, sed non secundum operas justas. Nec enim esse naturaliter operationes justas, sed ex accidentia, quemadmodum posuerunt qui mundum fecerunt Angeli, per hujusmodi præcepta in servitutem deducentes homines. » Propter hæc forte Lirinensis dixit ex ejus mente necessitate inferri homines ad malum.

ut semper profanis novitatibus gaudant, antiquitatis scita fastidiant, et per oppositiones falsi nominis scientiæ a fide naufragent. Contra vero Catholicorum hoc vere proprium, deposita sanctorum patrum et commissa servare, damnare profanas novitates, et sicut dixit atque iterum prædixit Apostolus, *si quis annuntiaverit præterquam quod acceptum est, anathema sit*, Gal. 1.

XXV. Hic fortasse aliquis interroget an et Hæretici divinæ Scripturæ testimoniis utantur. Utuntur plane, et vehementer quidem. Nam videas eos volare per singula quæque sanctæ legis volumina, per Moysi, per Regum libros; per Psalmos, per Apostolos, per Evangelia, per Prophetas. Sive enim apud suos, sive alienos, sive privatim, sive publice, sive in sermonibus, sive in libris, sive in conviviis, sive in plateis, nihil unquam pene de suo proferunt quod non etiam Scripturæ verbis (1) adumbrare conentur. Legit Pauli Samosatani opuscula, Priscilliani, Eunonii, Joviniani, reliquarumque pestium; cernas infinitam exemplorum congeriem, prope nullam omitti paginam quæ non novi aut veteris Testamenti sententiis fucata et colorata sit. Sed tanto magis cavendi et pertimescendi sunt, quanto occultius sub divinæ legis umbraculis latitant. Sciunt enim factores suos nulli fere cito esse placituros, si nudæ et simplices exhalentur; atque idcirco eos coelestis eloquii velut quodam aromate aspergunt, ut ille qui humanum facile despiceret errorem, divina non facile contemnat oracula. Itaque faciunt quod hi solent (2), qui parvulis austera quædam temperaturi pocula, prius oras melle circumlinunt, ut incauta ætas cum dulcedinem præsensierit, amaritudinem non reformidet. Quod etiam iis curæ est qui mala gramina et noxios succos medicaminum vocabulis præcolorant, ut nemo fere ubi superscriptum legerit remedium, suspicetur venenum. Inde denique et Salvator clamabat: *Attendite vobis a pseudoprophetis, qui veniunt ad vos in vestitu ovium, ab intus autem sunt lupi rapaces*, Matth. 7. Quid est vestitus ovium, nisi Prophetarum et Apostolorum proloquia, quæ iidem, ovili quadam sinceritate, agno illi immaculato, qui

(1) Quæ fuse hic et sequentibus numeris, de Scripturæ abusu apud hæreticos, ait Lirinensis, decerpta sunt ex lib. Tertulliani de Præscript., præsertim cap. 38, 39 et 40. Vide infra.

(2) An hæc de parvulis incaute austera pocula sorbentibus, decerpserit ex lib. 4 Lucretii de Natura rerum, definire non audeo; similia tamen sunt his, quæ iste canit, dum præter meritum se extollit:

.... Pueris absinthia tetra medentes  
Quum dare conantur, prius oras pocula circum  
Contingunt mellis dulci flavoque liquore:  
Ut puerorum ætas improvida ludificetur  
Labrorum tenuis, interea perpotet amarum  
Absinthii laticem, deceptaque non capiat,  
Sed potius tali facto recreata valescat.

At quia minime valescit, qui amarum obscenumque ebibit errorem, licet colore multo obductum; propterea S. Vir consulto illorum profert exemplum, qui noxios succos medicaminum vocabulis præcolorant, ex quibus certa funestaque oritur mors.



tolli peccatum mundi, tanquam vellera quædam texuerunt? Qui sunt lupi rapaces, nisi sensus Hæreticorum feri et rabidi, qui caulas Ecclesiæ semper infestant et gregem Christi quaqua possunt dilacerant? Sed ut fallacius incautis ovibus obrepant, manente luporum ferocia, deponunt lupinam speciem, et sese divinæ legis sententiis velut quibusdam velleribus obvolvunt, ut cum quisque lanarum molliem præsenferit, nequaquam aculeos dentium pertimescat. Sed quid ait Salvator? *Ex fructibus eorum cognoscetis eos*: id est, cum cœperint divinas illas voces non jam proferre tantum, sed etiam exponere, nec adhuc jactare solum, sed etiam interpretari, tunc amaritudo illa, tunc acerbitas, tunc rabies intelligetur, tunc novitium virus exhalabitur, tunc profanæ novitates aperientur; tunc primum scindi sepem videas, tunc transferri patrum terminos, tunc Catholicam fidem cædi, tunc Ecclesiasticum dogma lacerari. Tales erant ii quos percutit Apostolus Paulus in secunda ad Corinthios Epistola, dicens: *Nam ejusmodi, inquit, pseudoapostoli, sunt operarii subdoli, transfigurantes se in Apostolos Christi?* 2 Cor. 11. Quid est *transfigurantes se in Apostolos Christi*? Proferebant Apostoli divinæ legis exempla; proferebant et illi. Proferebant Apostoli psalmorum auctoritates; proferebant et illi. Proferebant Apostoli sententias Prophetarum; et illi nihilominus proferebant. Sed cum ea quæ similiter protulerant, interpretari non similiter cœpissent, tunc simplices a subdolis, tunc infucati a fucatis, tunc recti a perversis, tunc postremo veri Apostoli a falsis Apostolis discernebantur. *Et non mirum, inquit. Ipse enim Satanas transfigurat se in angelum lucis.* Non est ergo magnum si ministri ejus transfigurantur sicut ministri justitiæ. Ergo secundum Apostoli Pauli magisterium, quotiescumque vel pseudoapostoli vel pseudoprophetæ vel pseudodoctores divinæ legis sententias proferunt, quibus male interpretatis errores suos adstruere conentur, non dubium est quin auctoris sui callida machinamenta sectentur, quæ ille nunquam profecto comminisceretur, nisi sciret omnino nullam esse ad fallendum faciliorem viam, quam ut ubi nefarii erroris subinducitur fraudulentia, ibi divinorum verborum prætendatur auctoritas.

XXVI. Sed dicet aliquis: Unde probatur quia sacræ legis exemplis Diabolus uti soleat? Legat Evangelia, in quibus scribitur: *Tunc assumpsit illum Diabolus, id est, Dominum Salvatorem, et statuit illum super pinnam templi, et dixit ei: Si filius Dei es, mitte te deorsum. Scriptum est enim quod angelis suis mandavit de te ut custodiant te in omnibus viis tuis; in manibus tollent te, ne forte offendas ad lapidem pedem tuum, Matth. 4.* Quid hic faciet misellis hominibus qui ipsum Dominum majestatis Scripturarum testimoniis appetivit? Si, inquit, *filius Dei es, mitte te deorsum.* Quare? *Scriptum est enim, inquit. Magnopere nobis doctrina loci istius attendenda atque retinenda est, ut tanto evangelicæ auctoritatis exemplo, quando aliquos apostolica seu prophetica verba proferre contra catholicam fidem viderimus, diabolum per eos loqui minime dubitemus. Nam sicut tunc caput capiti, ita nunc quoque membra*

membris loquantur, membra scilicet diaboli membris Christi, perfidi fidelibus, sacrilegi religiosis, Hæretici postremo Catholicis. Sed quid tandem dicunt? Si, inquit, *filius Dei es, mitte te deorsum*; hoc est, si filius esse vis Dei et hæreditatem regni cœlestis accipere, mitte te deorsum, id est, ex istius te sublimis Ecclesiæ, quæ etiam templum Dei putatur, doctrina et traditione demitte. Ac si quis interroget quempiam Hæreticorum sibi talia persuadentem: Unde probas, unde doces quod Ecclesiæ Catholicæ universalem et antiquam fidem dimittere debeam? statim ille: *Scriptum est enim.* Et continuo mille testimonia, mille exempla, mille auctoritates parat de lege, de Psalmis, de Apostolis, de Prophetis, quibus novo et malo more interpretatis, ex arce catholica in hæreseos barathrum infelix anima præcipitur. Jam vero illis quæ sequuntur promissionibus miro modo incautos homines Hæretici decipere consueverunt. Audent etenim polliceri et docere quod in Ecclesia sua, id est, in communionis suæ conventiculo, magna et specialis ac plane personalis quædam sit Dei gratia, adeo ut sine ullo labore, sine ullo studio, sine ulla industria, etiamsi nec petant, nec quærant, nec pulsant, quicumque illi ad numerum suum pertinent, tamen ita divinitus dispensentur ut angelicis evecti manibus, id est, angelica protectione servati, nunquam possint offendere ad lapidem pedem suum, id est, nunquam scandalizari.

XXVII. Sed dicet aliquis: Si divinis eloquiis, sententiis, promissionibus et Diabolus et discipuli ejus utuntur, quorum alii sunt pseudoapostoli, alii pseudoprophetæ et pseudomagistri, et omnes ex toto Hæretici, quid facient Catholici homines et matris Ecclesiæ filii? Quonam modo in Scripturis sanctis veritatem a falsitate discernent? Hoc scilicet facere magnopere curabunt, quod in principio Commonitorii istius sanctos et doctos viros nobis tradidisse scripsimus, ut divinum Canonem secundum universalis Ecclesiæ traditiones et juxta Catholici dogmatis regulas interpretentur; in qua item Catholica et apostolica Ecclesia sequantur necesse est universitatem, antiquitatem, consensionem. Et si quando pars contra universitatem, novitas contra vetustatem, unius vel paucorum errantium dissensio contra omnium vel certè multo plarum Catholicorum consensionem rebellaverit, præferant partis corruptioni universitatis integritatem: in qua eadem universitate, novitatis profanitati antiquitatis religionem, itemque in ipsa vetustate, unius sive paucissimorum temeritati primum omnium generalia, si qua sunt, universalis Concilii decreta præponant; tunc deinde, si id minus est, sequantur quod proximum est, multorum atque magnorum consentientes sibi sententias magistrorum. Quibus, adjuvante Domino, fideliter, sobriè, sollicitè observatis, non magna difficultate noxios quosque exsurgentium Hæreticorum deprehendemus errores.

XXVIII. Hic jam consequens esse video ut exemplis demonstrem quonam modo profanæ Hæreticorum novitates prolatis atque collatis veterum magistrorum concordantibus sibi nec sententiis et



deprehendantur et condemnentur. Quæ tamen antiqua sanctorum patrum consensio non in omnibus divinæ legis quæstiunculis, sed solum certe præcipue in fidei regula magno nobis studio et investiganda est et sequenda. Sed neque semper neque omnes hæreses hoc modo impugnandæ sunt, sed novitiæ recentesque tantummodo, cum primum scilicet exoriuntur, ante quam infalsare vetustæ fidei regulas ipsius temporis vetantur angustiis, ac priusquam manante latius veneno, majorum volumina vitare conentur. Cæterum dilatæ et inveteratæ hæreses nequaquam hac via adgrediendæ sunt, eo quod prolixo temporum tractu longa iis fruendæ veritatis patuerit occasio. Atque ideo quascumque illas antiquiores vel schismatum vel hæreseon profanitates nullo modo nos oportet nisi aut sola, si opus est, Scripturarum auctoritate convincere, aut certe jam antiquitus universalibus sacerdotum catholicorum Conciliis convictas damnatasque vitare. Itaque, cum primum mali cujusque erroris putredo erumpere cœperit, et ad defensionem sui quædam sacræ legis verba furari, eaque fallaciter et fraudulentè exponere, statim interpretando Canonum majorum sententiæ congregandæ sunt; quibus illud quodecumque exsurget novitium, ideoque profanum et absque ulla ambage prodatur, et sine ulla retractatione damnetur. Sed eorum duntaxat patrum sententiæ conferendæ sunt, qui in fide et communione Catholica sancte, sapienter, constanter viventes (1), docentes, et permanentes, vel mori in Christo fideliter vel occidi pro Christo feliciter meruerunt. Quibus tamen hac lege credendum est ut quicquid vel omnes vel plures uno eodemque sensu manifestè, frequenter, perseveranter, velut quodam consentiente sibi magistrorum concilio, accipiendo, tenendo, tradendo firmaverint, id pro indubitato, certo, ratoque habeatur. Quicquid vero, quamvis ille sanctus et doctus, quamvis Confessor et Martyr, præter omnes aut etiam contra omnes senserit, id inter proprias et occultas et privatas opiniunculas à communis et publicæ ac generalis sententiæ auctoritate secretum sit; ne cum summo æternæ salutis periculo, juxta sacrilegam Hæreticorum et Schismaticorum consuetudinem, universalis dogmatis antiqua veritate dimissa, unius hominis no-

vitium sectemur errorem. Quorum beatorum patrum sanctum catholicumque consensum, ne quis sibi temere contemnendum forte arbitretur, ait in prima ad Corinthios Apostolus: *Et quosdam quidem posuit Deus in Ecclesiâ primum Apostolos* (quorum ipse unus erat), *secundo Prophetas* (qualem in Actibus Apostolorum legimus Agabum), *tertio Doctores*, qui tractatores nunc appellantur, quos hic idem Apostolus etiam Prophetas interdum nuncupat, eo quod per eos Prophetarum mysteria populis aperiantur. Hos ergo in Ecclesia Dei divinitus per tempora et loca dispensatos quisquis in sensu catholici dogmatis unum aliquid in Christo sentientes contempserit, non hominem contemnit, sed Deum: a quorum veridica unitate ne discrepet, impensius obtestatur idem Apostolus dicens: *Obsecro autem vos, fratres, ut id ipsum dicatis omnes, et non sint in vobis schismata, sitis autem perfecti in eodem sensu et in eadem sententia*, 1 Cor. 1. Quod si quis ab eorum sententiæ communione desciverit, audiet illud ejusdem Apostoli: *Non est Deus dissensionis, sed pacis*, 1 Cor. 14 (id est, non ejus qui a consentiendi unitate defecerit, sed eorum qui in consentiendi pace permanserint) *sicut in omnibus*, inquit, *Ecclesiis sanctorum doceo*, id est, Catholicorum: quæ ideo sanctæ sunt, quia in fidei communione persistunt. Et ne quis forsitan, prætermisissis cæteris, se solum audiri, sibi soli credi adrogaret, paulo post ait: *An a vobis*, inquit, *verbum Dei processit, aut in vos solos devenit?* Et ne hoc quasi perfunctorie acciperetur, adjecit: *Si quis*, inquit, *videtur propheta esse aut spiritalis, cognoscat quæ scribo vobis, quia Domini sunt mandata*. Quæ utique mandata, nisi ut si quis est propheta aut spiritalis, id est, spiritalium rerum magister, summo studio æqualitatis et unitatis cultor existat; ut scilicet neque opinionones suas cæteris præferat (1), et ab universorum sensibus non recedat. *Cujus rei mandata qui ignorat*, inquit, *ignorabitur*: id est, qui aut nescita non discit, aut scita contemnit, ignorabitur, hoc est, indignus habebitur qui inter unitos fide et exæquatos humilitate divinitus respiciatur: quo malo nescio an quicquam acerbius cogitari queat. Quod tamen juxta apostolicam comminationem Pelagiano illi provenisse cernimus Juliano (2),

(1) Ex hoc loco infert Dallæus, in libro de Vero usu Patrum, inconstantes fuisse Patres in fidei doctrina. At Lirinensis hæc mens est: quia per plura in superioribus ostenderat non raro divino judicio humanaque infirmitate accidere, ut Ecclesiastici viri magni meriti ac scientiæ labantur, et contra Apostolum nova dogmata annuntiant, quod probat exemplis Photini, Apollinaris, Nestorii, Origenis, ac Tertulliani; ne quis prætextu auctoritatis horum perversa sectaretur dogmata, ut in fine 24, num. ait: hac de causa prudenter hic monet, haud audiendos esse illos, qui constanter non docuerunt, et vixerunt in Ecclesiâ. Unde in num. 45, loquens de Sacerdotibus, qui Ephesi convenerant, inquit: « Hoc optimum factum visum est ut in medium SS. Patrum sententiæ proferrentur; quorum alios Confessores, omnes vero Catholicos, Sacerdotes fuisse, et permansisse constaret, ut scilicet ritè atque solemniter ex eorum consensu atque decreto antiquum dogma firmaretur. »

(1) Apposite hæc præscribit Lirinensis ex Apostoli sensu. Nam duo Corinthiis in laud. loco præcipit: primum, ut sacrarum litterarum interpretes in priores spectet, a quibus Verbum Dei processit in posteros. *An, inquit, a vobis Verbum Dei processit?* alterum, ne quisquam sensum suum tenaci contentione defendat, sed prius reliquos Ecclesiæ Doctores consulat; ut si viderit omnibus probari id quod sentit, tuto jam teneat: sin reprobari, tuto jam deserat; quod innuit quum ait: *Aut in vos solos pervenit*. Consultat lector doctiss. virum Melch. Canum liber 7 de locis Theol. cap. 3.

(2) Inter hæreticos, qui Ecclesiam turbare conati sunt, ac stylo fidei vexare sententias, præcipuus existit Julianus præsertim ex quo sub Zosimo ann. Chr. 448, ab Eclanensi dejectus est Episcopatu, imo pulsus ex Italia, vagus, et extorris nullibi sedem certam habens. Nam primo Constantinopolim fugit, sed ann. Chr. 451, vel 452, post Ephesinam Synodum



qui se collegarum sensui aut incorporare neglexit, aut excorporare præsumpsit. Sed jam tempus est ut pollicitum proferamus exemplum, ubi et quomodo sanctorum patrum sententiæ congregatæ sint, ut secun-

dum eas ex decreto atque auctoritate Concilii ecclesiasticæ fidei regula fingeretur. Quod quo commodius fiat, hic sit jam hujus Commonitorii modus; ut cætera quæ sequuntur, ab alio sumamus exordio.

ejectus in Gallias migravit. Anno verò 459, Xysto Papa sedente, seu per fraudem, seu per speciem voluit se ab errore vindicare, cujus dolis Leonis prudentia, et sagacitas restitit, Prospero teste in Chronico: « Hæc tempestate, inquit, Julianus Eclanensis « jactantissimus Pelagiani erroris assertor, quem dum amissi Episcopatus intemperans cupido exagitat tabat multimoda arte fallendi correctionis speciem « præferens, molitus est in communionem Ecclesiæ « irrepere. Sed his insidiis Sixtus Papa Diaconi Leonis « hortatu vigilanter occurrens, nullum aditum pestiferis conatibus patere permisit: et ita omnes Catholicos de rejectione fallacis bestię fecit gaudere, « quasi tunc primum superbissimam hæresim Apostolicus gladius detruncasset. » Et quoniam fallax hæreticus novas turbas sub Leone jam Pontifice circa ann. Chr. 444, ciebat: propterea adversus saucium fidei hostem, jamque multis debilitatum ictibus movit arma Leo, teste altero Prospero in op. de Promissionibus et Prædictionibus Dei cap. 6, part. 4. Addit

Vignerius, et post cum PP. S. Mauri, hunc ipsum in felicem hæreticum post longas hæc illacque aberrationes, ob quas alter Cain profugus, et extorris a Fulgentio appellatur, ultimi denique perfugii loco viculum quendam in Sicilia incoluisse; ubi suæ sectæ homines docens, factus est ex Episcopo ludimagister, quam occupationem longe ante ei destinarat Augustinus, ut genio et eruditioni ejus congruentem in lib. 2. Op. imper. num. 51: « Loqueris de homonymis, et « æquivocis: quomodo ergo te ipsi saltem Pelagiani « intellecturi sunt nisi prius ad scholas Dialecticorum, « ubicumque terrarum potuerint inveniri, propter hæc « dicenda mittantur? An forte et categorias Aristotelis, « antequam tuos libros legant, eis exponens ipse lecturus es? Cur non et hoc facias, homo ingeniosissimus, quandoquidem a deceptis miseris pascere « otiosus? » Sic Hieronymus de pseudodiacono Celestensi Anniano aiebat: « Copiosissime pascitur, ut « alienæ blasphemię verba frivola subministret. »

## SECUNDUM COMMONITORIUM

*Interlapsum est (1), neque ex eo amplius quicquam quam postrema particula remansit, id est, sola recapitulatio, quæ et subjecta est.*

XXIX. Quæ cum ita sint, jam tempus est ut ea quæ duobus his Commonitoriis dicta sunt, in hujus secundi fine recapitemus. Diximus in superioribus hanc fuisse semper et esse hodieque Catholicorum consuetudinem, ut fidem veram duobus his modis adproberent, primum divini Canonis auctoritate, deinde Ecclesiæ Catholicæ traditione; non quia Canon solus non sibi ad universa sufficiat, sed quia verba divina pro suo plerique arbitrato interpretantes, varias opiniones erroresque concipiant, atque ideò necesse sit ut ad unam ecclesiastici sensus regulam Scripturæ celestis intelligentia dirigatur, in his duntaxat præcipue quæstionibus quibus totius Catholici dogmatis fundamenta nituntur. Item diximus in ipsa rursus Ecclesia universitatis pariter et antiquitatis consensu spectari oportere; ne aut ab unitatis integritate in partem schismatis abrumpamur, aut a vetustatis religione in hæreseon novitates præcipitemur. Item diximus in ipsa Ecclesiæ vetustate duo quædam vehementer studioseque observanda, quibus penitus inhærere deberent quicumque hæretici esse nollent: primum, si quid esset antiquitus ab omnibus Ecclesiæ Catholicæ sacerdotibus universalis Concilii auctoritate decretum; deinde si qua nova exurgeret quæstio, ubi id minimè reperiretur, recurrendum ad sanctorum patrum sententias, eorum duntaxat qui suis quisque tem-

poribus et locis in unitate communionis et fidei permanentes, magistri probabiles exstitissent, et quicquid uno sensu atque consensu tenuisse invenirentur, id Ecclesiæ verum et catholicum absque ullo scrupulo judicaretur. Quod ne præsumptione magis nostrâ quam auctoritate ecclesiastica promere videremur, exemplum adhibuimus sancti Concilii quod ante triennium (1) fermè in Asiâ apud Ephesum celebratum est VV. CC. Basso Antiochoque Consulibus: ubi cum de sanciendo fidei regulis disceptaretur, ne qua illic forsitan profana novitas in modum perfidiæ Ariminensis obreperet, universis sacerdotibus, qui illo ducenti fere numero (2) convenerant, hoc catholicissimum, fidelissimum, atque optimum factum visum est ut in medium sanctorum patrum sententiæ proferrentur, quorum alios martyres, alios confessores, omnes vero catholicos sacerdotes fuisse et permansisse constaret;

(1) Celebrata est Synodus ann. Ch. 431, in Ecclesiâ, quæ appellatur Maria; de qua sic Prosper in Chron.: « Congregata apud Ephesum plus ducentorum « Synodo Sacerdotum, Nestorius cum hæresi nominis « sui, et cum multis Pelagianis, qui cognatum errori « suo adjuvabant dogma, damnatur. » Vide eundem in lib. cont. Collat. 21, cap. numer. 2.

(2) In act. 1. Concil., post subscriptiones Episcoporum hæc leguntur: « Postquam hi omnes Nestorii « depositioni subscripsissent, accesserunt alii Episcopi « copi ad sanctam Synodum, qui et ipsi quoque præpositæ damnationi subscripserunt; Episcopi itaque, « qui ipsum Nestorium deposuerunt, plures quàm ducenti exstiterunt: aliqui enim locum tenuerunt aliorum Episcoporum, qui ad Ephesiorum Metropolitani « venire non potuerunt.

(1) Hæc dure lineæ, quibus admonetur Lector de jactura secundi Commonitorii, exstant in antiquis editionibus, itemque in recentiore ex Codd. Regiis, ad quorum fidem Baluzius Lirinensis castigavit opus; retinere autem eas cum omnibus placuit.



ut scilicet rite atque solemniter ex eorum consensu atque decreto antiqui dogmatis religio confirmaretur et prophanae novitatis blasphemia condemnaretur. Quod cum ita factum foret, jure meritoque impius ille Nestorius catholicae vetustati contrarius (1), beatus

(1) Hoc licet verum, non tamen desperatæ conscientiae homines deterruit, quin Nestorium impurum hominem susceperint defendendum, ac diris calumniis prosciudendum sanctum Cyrillum. Et ne commemorem impostorem illum, qui Nestorium pro sancto vendidit, ac Cyrillum quasi Apollinaristarum hæresis restauratorem, magna probationum mole a doctiss. Petavio convictum tom. v. de Incarn. lib. 6; certe mirum est Clericum Ep. 6. Crit. et Eccles. hæc indecra Cyrillo protulisse: *hominem in Ephesina Synodo æquū atque iniquū exiguum habuisse rationem*. Et quoniam SS. ascetæ Isidori Pelusiota epistolis abutitur, ut offusæ veritati dispellantur tenebræ, hæc pauca observare placuit: Quatuor Isidori exstant epistolæ ad Cyrillum, nempe 310, 323, 324, et 370. In prima certe comparisonem instituit Theophilum inter et Chrysostomum; ut sicut ille hunc oppressit, ita Cyrillus Nestorium. Verum hoc non tara ex suo, quam aliorum sensu dicit: « Multi, ex iis qui sunt Ephesum coacti, te traducunt, ut privatam persequentem inimicitiam, non quæ sunt Christi recta sententia querentem. Sororis Theophili, inquit, filius est, qui ejus animum imitatur: ut enim ille manifestum facrorem effudit in religiosum, ac Deo amicum Joannem; sic et hic superbire gestit. » Opus autem erat in his querelis criticum adhibere lumen. Nam si ab impiis hominibus confictæ illæ fuerunt, ut reverà, testæ Concilio ipso in Ep. ad Clerum Constantinopolitanum, multa nedum Cyrillo, sed etiam Memnoni ab hæreticis imposita fuere crimina: jam rationis ordo posebat pro nullis habendas esse inimicorum fidei criminationes; *qui enim*, ut lepide ait Augustinus lib. 4. adv. Parmenianum cap. 6, num. 11, *justissime victus est, ea cecitate de innocente iudice murmurat, qua cecitate de innocente adversario litigabat*. Et sane de industria Pelusiota his quæ recitata sunt addit: *licet magnum latumque sit discrimen inter eos qui judicantur*. Probe namque noverat optimus Vir Cyrillum, ut ipse loquitur in Epist. 370, nonnisi S. Athanasii sequi ac tenere doctrinam, Nestorio adversus hanc inopiam profitente et sectante; quam ob causam in eadem laud. Epist. S. virum mirificè extollit, ut magni illius *Marci speciem atque habitum præferentem*, et in ep. 324, appellat *virum admirandum*, quum in epist. præcedente 323, summopere commendat, quia *Sanctorum Patrum sensum, ac Athanasii præsertim, circa Incarnationis mysterium strenue sectabatur*, et defendebat. Nil ergo mirum et novum, si ob perversitatem doctrinæ Nestorio restitit, postquam nihil officiorum ac benevolentiae omiserat, ut perditum hominem ab errore revocaret, quod liquet ex epistolis ad eum directis, ac ex illa ad Aegyptios monachos datâ. Quum enim ad hos Nestorii hominibus venenum pervenisset, ne peste simplices corripere homines, gravi monuit epistola, ubi veram eos docebat fidem, cujus exemplaribus Constantinopolim adductis, complures in antiquâ fide firmati sunt; hinc principes et magistratus, scriptis ad Cyrillum litteris, gratias ei egerunt. Itâ exulceratus fuit contra Alexandrinum Antistitem Nestorii animus, omniaque molitus est, ut eum ulcisceretur; qui Imperatoris humanitate abusus, calumniis in illum commovit, quod acres minacesque ad Cyrillum destinatae epistolæ probant, quibus impudentis ac irrequieti animi barbarumque appetentis culpatur. At paulo post discussis nebulis serena veritatis facies apparuit, Nestorio pro hæretico et impio agnito, dum interim Cyrillus totius Orbis consensu summæ probitatis vir, ac sacrosanctæ antiquitati, ut loquitur Vincentius noster, *consentaneus est judicatus*. Propter quæ

vero Cyrillus sacrosanctæ antiquitati consentaneus judicatus est. Et ut ad fidem rerum nihil deesset, tam nomina et numerum (licet ordinem fuissemus obliti) edidimus eorum patrum juxta quorum ibidem concinentem sibi concordemque sententiam et legis sacre proloquia exposita sunt, et divini dogmatis regula constabilita est: quos, ad confirmandam memoriam, hic quoque recensere nequaquam superfluum est.

XXX. Sunt ergo hi viri quorum in illo Concilio vel tanquam judicum vel tanquam testium scripta recitata sunt. Sanctus Petrus (1) Alexandrinus Episcopus (2) doctor præstantissimus et martyr beatissimus. Sanctus Athanasius, ejusdem civitatis antistes, magister fidelissimus et confessor eminentissimus. Sanctus Theophilus (3), ejusdem item urbis Episcopus, vir fide, vita, scientia satis clarus, cui successit venerandus Cyrillus, qui nunc Alexandrinam illustrat Ecclesiam.

ingentia in Catholicam fidem merita, et ut majore cum auctoritate in Synodo Apostolicæ sedis legatum ageret, phrygio a Coelestino Papa donatus fuit, nempe mitra: quam Card. de Noris lib. 2 hist. Pelag. cap. xii, æstimat phrygium dictam, quoniam erat peculiare tegumentum capitis, quo Phryges utebantur; hinc Latinus apud Virg. Aeneid. 9, vers. 616, exprobrat Phrygibus Aeneæ sociis, quod mitras in capite gestarent.

*Et tunicæ manicas, ei habent redimicula mitræ,  
O vere Phrygiæ, neque enim Phryges!*

Consulat Lect. laud. Card. et multa veterum testimonia apud eum rem illustrantia comperiet.

(1) At non minus ordinis, quam numeri oblitus est S. Vir. Ordinis, quia post Petrum, et Athanasium memorandi erant Julius, et Felix, post Theophilum Cyprianus, deinde Ambrosius, quibus subdendi erant Nazianzenas, Basilus, ac Nyssenus, non prætermissem Attico Episcopo Constantinopolitano, et Amphilochio Iconii præsule, quorum testimonia postremo fuere in Synodo laudata. Unde inferitur, numeri etiam fuisse oblitum, quia non decem, ut paulo post ait, sed duodecim fuerunt tanquam testes, iudices, ac consilarii in Synodo introducti. Et sane Amphilochii et Attici retinenda esse testimonia ex fide MSS. Codicum, ac ex Mario Mercatore ostendit P. Harduinus tom. 4. Concil. pag. 147; quibus addere liceat vetustissimum codicem Bibl. Vaticanæ num. 1342, etiam testimonia illa exhibentem, qui a Baronio in annalibus frequenter appellatur Collectio Cresconiana.

(2) Eusebius hist. Eccles. lib. 8. cap. 13. Edit. Vales. enumerans eos, qui Alexandria, et per totam Aegyptum ac Thebaidem nobili martyrio perfuncti erant: « Primus omnium, inquit, nominandus est Petrus Alexandrinæ Ecclesiæ Episcopus, Christianæ religionis doctor eximius. » Ejus liber de Divinitate nedum in Ephesina Synodo, verum, et paulo post in Chalcedonensi commendatus est. Contigit ejus martyrium ann. 311, nono persecutionis ann. sub Maximino Imperatore, si persecutio Diocletiani cœpit an. Ch. 302, et non 303, quod tamen opinantur peritissimi Chronologi.

(3) De Theophilo, et Joanne Chrysostomo hæc habet Prosper in Chron. ad Cons. Vincentii, et Fraviti, qui incidit in ann. Ch. 401: « Joannes Constantinopolitanus, et Theophilus Alexandrinus illustres Episcopi habentur. Sed utrumque obscuravit discordia, quæ eo usque processit, ut Joannes à Theophilo oppressus, Pontum exilio pergere cogeretur; quum tamen communionem ejus maxima pars Episcoporum, Romani Pontificis exemplum secuta, servaverit. »



Et ne forsitan unius civitatis ac provinciae doctrina hæc putaretur, adhibita sunt etiam illa Cappadociae lumina, Sanctus Gregorius Episcopus et confessor de Nazianzo; Sanctus Basilius, Cæsareæ Cappadociae Episcopus et confessor; Sanctus item alter Gregorius Nyssenus Episcopus, fidei, conversationis, integritatis et sapientiae merito, fratre Basilio dignissimus. Sed ne sola Græcia aut Oriens tantum, verum etiam Occidentalis et Latinus orbis ita semper sensisse adprobaretur, lectæ sunt quoque ibi quædam ad quosdam Epistole sancti Felicis (1) martyris et sancti Julii, urbis Romæ Episcoporum. Et ut non solum caput orbis, verum etiam latera illi iudicio testimonium perhibe-

(1) In Ephesina Synodo prius recitata fuere Julii verba, deinde Felicis; at à Lirinensi, et Hypatio Ephesiorum Episcopo in Collat. cum Acephalis, ut temporum requirit ordo, Felix Julio præponitur; qui nequaquam fuit ille à Constantio in Liberii locum suffectus, sed alter illius nominis primus, die 27 Decemb. ann. 269, ordinatus, ac die 22 Dec. ann. 274, vita functus. Quod liquet ex nomine Maximini præsulis Alexandrini, ad quem Pontificis directæ fuit Epistola à Synodo laudata, occasione Pauli Samosatani e sua Ecclesia ejecti. Nam encyclica Antiocheni Concilii epistola Dionysio Romano, ac Maximino fuit directæ; unde arguere licet, hunc supparem et æqualem fuisse Felici primo, Dionysii Alexandrini successorem, et hæredem. Michael Lequien probat spurium fuisse Felicis testimonium in Synodo laudatum: verum ex Liberato, et Hypatio P. Coustant tom. I. Pontif. Ep. §. unico de Felicis Papæ scriptis ostendit prorsus genuinum esse, licet sponte concedat ab Acephalis falsas aut adulteratas Felicis vulgatas epistolas. At ambo li doctissimi viri magna rationum mole compulsi sustinent cum Leontio Byzantino, qui Justiniano imperante floruit, in lib. de sectis act. 8, fragmentum in Concil. Ephesino recitatum non esse Julii Papæ, sed potius Apollinarii, aut ejusdam Timothei eadem peste correpti, non quia in Epistola aliquid compareat orthodoxæ fidei adversum, præsertim in fragmento, quo usum est Concilium, ut ait Leontius; sed quod Apollinaristæ ut Julii circumduxerint, floccifaciendum. Hæc autem sunt argumenta, quibus docti viri moventur. I. Nyssenus in opere contra Apollinarem multa refert, quæ hæc epistola continentur, eaque ut prava refutat. II. Leontius ex plurium exemplarium fide loc. cit. asseruit non Julii sed Timothei, qui Apollinarem habuit magistrum, esse epistolam. III. quod cum Leontio profert alter Severianorum adversarius, ipsa phrasis non convenit Julio tanquam conversa e latino, quum sit nimis græca. IV. hanc in fronte præfert inscriptionem: *Domino meo desideratissimo*, quæ in altera sine dubio Julio supposita etiam comparet. V. ille Prosdocius, ad quem epistola est missa, nec presbyter, vel Episcopus nominatur contra morem Romanorum Præsulum. VI. sub Catholicis verbis infandæ doctrinæ semina latent: nam ubi de corpore loquitur, nusquam *mente præditum, vel animatum* dicit; quinimo hæc, quæ num. 4, habet, Apollinaristam produunt: « qui autem propter unionem cum increato Deo corpus et divinum prædicat, et secundum compositionem, quæ simul utrumque est, tanquam unum increatum Deum et adorat, beatus erit. » Nullam tamen crediderunt accurati viri notam inferre SS. Synodo; quia quum per manus multorum Julii circumferretur nomine epistola, in qua nihil aperte falsum, non erat cur diffideret inscriptioni; verum ubi plures aliæ ex eadem prodire officina, quibus Eutychiani vehementer abutebantur, coacti sunt fidei amatores, in retegendo auctore, operam impendere suam. Elaborata videtur epistola post Macedonii hæresim, et sic post ann. Ch. 260.

rent, adhibitus est à Meridie beatissimus Cyprianus Episcopus Carthaginensis et martyr; a Septentrione sanctus Ambrosius Mediolanensis Episcopus. Hi sunt igitur omnes apud Ephesum sacro Decalogi numero magistri, consilarii, testes, iudicesque producti; quorum beata illa Synodus doctrinam tenens, consilium sequens, credens testimonio, obediens iudicio, absque tædio, præsumptione, et gratia de fidei regulis pronuntiavit. Quanquam multo amplior majorum numerus adhiberi potuerit, sed necesse non fuit; quia neque multitudine testium negotii tempora occupari oportebat, et decem illos non aliud vere sensisse quam ceteros omnes collegas suos nemo dubitabat.

XXXI. Post quæ omnia, adjecimus etiam beati Cyrilli sententiam, quæ gestis ipsis ecclesiasticis continetur. Namque cum lecta esset Sancti Capreoli (1), Episcopi Carthaginensis Epistola, qui nihil aliud intendebat et precabatur nisi ut, expugnata novitate, antiquitas (2) defenderetur, ita Episcopus Cyrillus prolocutus est et definivit. Quod hic quoque interponere non abs re videtur. Ait enim in fine gestorum: *Et hæc, inquit, quæ lecta est Epistola venerandi et multum religiosi Episcopi Carthaginensis Capreoli, fidei gestorum inseretur; cujus aperta sententia est. Vult etenim antiquæ fidei dogmata confirmari, novitia vero et superflue adinventæ et impie promulgata, reprobari atque damnari. Omnes Episcopi adclamaverunt: Hæc omnium voces sunt, hæc omnes dicimus, hoc omnium votum est.* Quæ tandem omnium voces, aut quæ omnium vota, nisi ut quod erat antiquitus traditum teneretur, quod adinventum nuper, exploderetur? Post quæ admirati sumus et prædicavimus quanta Concilii illius fuerit humilitas et sanctitas, ut tot numero sacerdotes, pene ex majori parte Metropolitanæ, tantæ eruditionis tantæque doctrinæ ut propè omnes possent de dogmatibus disputare, quibus propterea ipsa in unum congregatio audendi ab se aliquid et statuendi addere videretur fiduciam, nihil tamen novarent, nihil præsu-

(1) Capreolus Aurelio successit, at quo anno incertum est, apparet tamen circa ann. Ch. 450. Hunc ad Synodum Theodosius per litteras invitavit cum Afris Præsulibus, et nominatim Augustinum. Sed quum novem fere mensibus ante concilii celebrationem Augustinus cælum petisset, et una simul ob temporis acerbicatem, Vandalis Genserico duce omnia vastantibus ac depopulantibus, Primas Synodum haud cogere posset, ut ab illa electi Ephesum mitterentur, vel saltem honorifica, ac sollemnis legatio: voluit nihilominus pro Ecclesiasticæ disciplinæ observantia, Besulam Carthaginensem Diaconum, ad Synodum dirigere; cujus legationis meminit ipse Capreolus in Epist. ad Vitalem, et Tonantium, quam ex MS. Codice Sirmondus edidit.

(2) Capreoli verba hæc sunt: « Vestram sanctitatem iterum atque iterum rogatam cupio, ut Spiritui Sancto cooperante quem cordibus vestris, in omnibus quæ acturi estis, præsto futurum non dubito, et novas doctrinas, et antehæc Ecclesiasticis auribus inusitatas, præcæ auctoritatis robore instructi et modo profligatis, atque ita quibuscumque novis erroribus resistatis. » Hujus epistolæ fragmentum recitat Ferrandus in Ep. ad Pelagium et Anatolium. S. R. E. Diaconus, alia tamen latinitate.



merent, nihil sibi penitus adrogarent, sed omnimodis præcaverent ne aliquid posteris traderent quod ipsi a patribus non acceperant, et non solum in præsentem rem bene disponerent, verum etiam post futuris exemplis præberent ut et ipsi scilicet sacratæ vetustatis dogmata colerent, profanæ vero novitatis adinventam damnarent. Inveci etiam sumus in Nestorii scelera- tam præsumptionem, quod sacram Scripturam se pri- mum et solum intelligere (1), et omnes eos ignorasse jactaret, quicumque antè se, magisterii munere præ- diti, divina eloquia tractavissent, universos scilicet sacerdotes, universos confessores et martyres, quo- rum alii explanassent Dei legem, alii verò explanan- tibus consensissent vel credidissent, totam postremo etiam nunc errare et semper errasse adseveraret Ec- clesiam, quæ, ut ipsi videbatur, ignaros erroneosque doctores et secuta esset et sequeretur.

XXXII. Quæ omnia licet cumulate abundeque suf- ficerent ad profanas quasque novitates obruendas et exstinguendas, tamen ne quid deesse tantæ pleni- tudini videretur, ad extremum adjecimus geminam Apostolicæ Sedis auctoritatem, unam scilicet sancti Papæ Sixti (2) qui nunc Romanam Ecclesiam vene-

(1) Constat hoc ex quærtione 23, cujus verba re- citantur etiam a Mario Mercatore in vers. act. 6. Ephes. Conc. licet paulo aliter : « Animadverto, inquit, Nestorius, plebem nostram multum religionis, et maximum pietatis fervorem habere; verum propter dogmatum notitiæ divinæ ignorance graviter errare ac labi. Hoc tamen ipsi populo vitio verten- dum non est, sed doctoribus (quod qua modestia dixerim tribuendum); quibus etiam non suppetit, ut vobis aliquid de exactionibus dogmatibus propo- nant. » Quibus recitatis in Synode præbyter Alexan- drinus Petrus, et notariorum primicerius dixit : *En hic aperte affirmat, neminem ex doctoribus, qui ante illum exstiterunt, ea populis locutum quæ ipse locutus est.* Idem etiam, qui discipulis suis suasit, ut nihil reve- rentiæ deferrent Ecclesiæ per orbem terrarum diffu- sæ, fuit Montanus, testibus Apollinari, et Eusebio. Vide Melch. Can. lib. 3 de Loc. Theol. in exordio.

(2) Recte a Card. Thomasio tom 1 Instit. Theolog. Xystus scribitur, quum a Baluzio Sixtus appelletur. Nam teste P. Coustant sic in minus vetustis exempla- ribus repræsentatur, contra Græcorum, et antiquorum monumentorum fidem. Successit autem Xystus Cœ- lestino ann. Ch. 432, Aetio et Valerio Coss., de quo ita Prosper in Chronico : « Romanæ Ecclesiæ XLII. » Episcopus præficitur Xystus, annis VIII, diebus XIX, « totius Urbis pacem, et consensione mirabili. » Unde quum scriberet Vincentius ann. Ch. 454, recte dixit ab eo tunc Romanam illustrari Ecclesiam. Qui olim quum romanæ Ecclesiæ presbyter esset, a Pelagianis quasi sui erroris defensor jactabatur. Verum ubi Afro- rum industria detexit Pelagianorum technas, primus omnium coram populo Romano post Zosimum Ponti- ficem in Pelagianos anathema pronuntiavit, datis ad Augustinum, et Alypium epistolis, quibus mire Dei gratia commendabatur. Unde in rescripto suo Augus- tinus ei congaudens : « Quanta nos putas, inquit, ista tua prolixiora scripta vel exultatione legisse, vel cura, ut legantur quibus valuimus aliis, obtulisse, atque adhuc quibus valemus, offerre? Quid enim gratius legi, vel audiri potest, quàm gratiæ Dei tam pura defensio adversus inimicos ejus ex ore ejus, qui eorundem inimicorum magni momenti patronus ante jactabatur? » Vide epist. nunc 191. De Xysto III. videtur loqui S. Leo serm. 82, cap. 5, disserens

randus illustrat, alteram decessoris sui beate memo- riæ Papæ Cœlestini, quam hic quoque interponere necessarium judicavimus. Ait itaque sanctus Papa Xis- tus in Epistola quam de causa Nestorii Antiocheno (1) misit Episcopo : *Ergo, inquit, quia, sicut ait Apostolus, fides una est, quæ evidenter obtinuit, dicenda credamus et tenenda dicamus.* Quæ sunt tandem illa credenda et dicenda? Sequitur, et ait : *Nihil ultra, inquit, licet novitati, quia nihil addi convenit vetustati. Perspicua majorum fides et credulitas nulla cœni permixtione tur- betur.* Omnino apostolice : ut majorum credulitatem perspicuitatis lumine ornaret, novitias vero profa- nitates cœni permixtione describeret. Sed et sanctus Papa Cœlestinus pari modo eademque sententia. Ait enim in Epistola quam Gallorum sacerdotibus misit, arguens eorum conniventiam quod antiquam fidem silentio destituentes, profanas novitates exurgere paterentur : *Merito, inquit, causa nos respicit, si silen- tio foreamus errorem. Ergo corripiantur hujusmodi; non sit his liberum habere pro voluntate sermonem.* Hic ali- quis fortasse addubitet quinam sint illi quos habere prohibeat liberum pro voluntate sermonem, vetustatis prædicatores, an novitatis adinventores. Ipse dicat, dubitationem legentium ipse dissolvat. Sequitur enim : *Desinat, inquit, si ita res est (id est, si ita est ut apud me quidam urbes et provincias vestras criminantur, quod eas quibusdam novitatibus consentire noxia dis- simulatione faciatis), desinat itaque, inquit, si ita res est, incessere novitas vetustatem.* Ergo hæc fuit beati Cœlestini beata sententia, ut non vetustas cessaret obruere novitatem, sed potius novitas desineret in- cessere vetustatem.

XXXIII. Quibus apostolicisque catholicis decretis quisquis refragatur, insultet primum omnium necesse est memoriæ sancti Cœlestini, qui statuit ut desineret incessere novitas vetustatem, deinde irrideat definita sancti Xysti, qui censuit ne ultra quicquam liceat no- vitati, quia nihil addi convenit vetustati, sed et beati Cyrilli statuta contemnat, qui venerandi Capreoli ze- lum magna prædicatione laudavit quod antiqua fidei do- gmata confirmari cuperet, novitia vero adinventam dam- nari, Ephesinam quoque synodum, id est, totius pene Orientis sanctorum Episcoporum judicata proculcet, quibus divinitus placuit nihil aliud posteris credendum decernere nisi quod sacrata sibi in Christo consen-

de Dedicatione Ecclesiæ, forte S. Mariæ ad Nives, quam extractam, vel restauratam esse ab optimo Pon- tifice, refert nedum liber Pontificalis, sed et Adrianus Papa in Epist. ad Carolum Magnum : « Martyres, ac martyrum Matrem, sed etiam illius memoriam justo honore veneramini, qui hoc die antiquam festivitatem hujus loci consecratione geminavit : magnificus quidem structor parietum, sed magnificentior ædi- ficator animarum, ultra ævi sui terminos opera pie- tatis extendens, ut utilitatibus institutionum ejus etiam in ipso frueretur devota posteritas, et habi- tando, quod condidit, et faciendo quod docuit. »

(1) Joanni nempe. Data vero fuit epist. xv, kalen. Oct. Theodosio xiv. et Maximo Coss. ann. Ch. 453. pace facta Cyrillum inter et Joannem, quod liquet ex altera epistola ad Cyrillum eadem die missa.



uens sanctorum patrum tenuisset antiquitas, quique etiam vociferantes et adclamantes, uno ore testificati sunt has esse omnium voces, hoc omnes optare, hoc omnes censere; ut sicut universi ferè antè Nestorium hæretici, contemnentes vetustatem, et adserentes novitatem, damnati fuissent, ità ipse quoque Nestorius, auctor novitatis, et impugnator vetustatis, condemnaretur. Quorum sacrosanctæ et cœlestis gratiæ munere inspirata consensio si cui displicet, quid aliud sequitur, nisi ut profanitatem Nestorii adserat non jure damnatam? Ad extremum quoque universam Christi Ecclesiam et magistros ejus Apostolos et prophetas, præcipuèque tamen beatum Apostolum Paulum, velut quædam purgantia contemnat; illam, quod à Religione colendæ et excolendæ semel sibi traditæ fidei nunquàm recesserit; illum verò, qui scripserit: *O Timothee, depositum custodi, devitans profa-*

*nas vocum novitates*, et item: *Si quis vobis annuntiaverit præterquàm quod accepistis, anathema sit. Quòd si neque apostolica definita neque ecclesiastica decreta temeranda sunt, quibus secundùm sacrosanctam universitatis et antiquitatis consensionem cuncti semper hæretici, et ad extremum Pelagius, Cœlestius, Nestorius, jure meritoque damnati sunt, necesse est profectò omnibus deinceps Catholicis, qui sese Ecclesiæ matris legitimos filios probare student, ut sanctæ sanctorum Patrum fidei inhæreant, adglutinentur, immoriantur, profanas verò profanorum novitates detestentur, horrescant, insectentur, persequantur.*

Hæc sunt ferè quæ duobus Commonitoriis latius disserta, aliquantò nunc brevius recapitulandi lego constricta sunt; ut memoria mea, cui adminiculandæ B ista confecimus, et commonendi assiduitate reparetur, et prolixitatis fastidio non obruatur.

ANN. DOMINI CCCCXLIX.

## S. EUCHERIUS,

### LUGDUNENSIS EPISCOPUS.

## PROLEGOMENA.

### NOTITIA HISTORICO-LITTERARIA IN S. EUCHERIUM.

(Ex Schoenemanni Bibl. Hist. Litt., Lips. 1794, tom. II.)

#### § I. Vita.

Eucherius Gallus, orsus ex senatorio sanguine, patre Valeriano, quem plerique eundem putant cum Prisco Valeriano, qui circa idem tempus præfecturam Galliæ obtinuit et cognatus Aviti imperatoris fuit. Gallam uxorem duxit, pari nobilitate feminam, ex eaque duos suscepit filios, quorum alter Salomius postmodum Genevensi Ecclesiæ præfuit, alter Veranius ipsi patri in episcopatu Lugdunensi successit. Circa annum 409 aut 410, vegeta ac florente adhuc ætate Lirinum concesserat indeque cum uxore et filiis in insulam propinquam Leronem, quæ hodie Sanctæ Margarethæ est, se contulit et anachoretam egit, ita tamen, ut potissimam curam liberorum suorum educationi impenderet, ex quibus Salonium quoque aliquantis per Lirinensibus magistris Honorato Salviano ac Vincentio formandum dedit. Vix

C autem alius quisquam ex clarioribus Ecclesiæ Gallicanæ membris apud optimum quemque et doctissimum sæculi virum tantam comparavit existimationem quam Eucherius: nam cum multis familiariter vixit et cum plerisque litterarum habuit commercium et ab omnibus immensis laudibus ornatus est. Evenit hac fama tandem, ut anno circiter 454 ad episcopatum Lugdunensem eveheretur, quod munus usque ad annum 450 obtinuisse eum existimant (a).

#### § II. Scripta.

Circumferuntur hodie sequentia Eucherii Lugdunensis scripta:

I. *De laude Eremitæ ad Hilarium Arelatensem epistolæ*, scr. a. 428.

II. *Epistola Parænetica ad Valerianum cognatum de contemptu mundi et sæcularis philosophiæ*, scr. a. 432.

(a) Alius ab hoc fuit Eucherius Galliæ episcopus, qui sexto sæculo vixit et variis conciliis Gallicanis veluti Arelatensi iv a. 525, Carpentoractensi 527, Arausicano et Vasensi 529, subscripsit. Sed nec Lugdunensis quidem episcopus ille fuit, ut quidam

falso sibi persuaserant, quos docte et sagaciter refellit Josephus Antelmus in Assertionem pro unico S. Eucherio Lugdunensi episcopo, quam post obitum ejus edidit frater Carolus Antelmus Parisiis, apud Claud. Briasson. 1726. 4.



III. *Liber Formularum spiritualis intelligentiæ ad A. Veranium filium.* Inscríbítur alias etiam *de forma spiritualis intellectus.*

IV. *Instructionum libri II ad Salonium filium,* quorum alter *quæstiones* de difficilioribus V. et N. T. locis tractat, alter *Explicationes nominum Hebraicorum* continet et sic inscribitur.

V. *Historia Passionis S. Mauricii et sociorum martyrum legionis Felicis Thebææ Agaunensium,* a quibusdam huic Eucherio abjudicata, juniori alicui tributa.

VI. *Homiliæ,* illæ scilicet, quæ pro genuinis ab omnibus agnoscuntur.

VII. *Exhortatio ad Monachos ex tribus,* quas sub ejus nomine Holstenius in codice Regularum protulit, prima.

VIII. *Epitome Operum Cassiani.*

Deperditæ sunt plures Eucherii homiliæ, nisi aliæ fortasse supersint in *Collectione homiliarum*, quæ nomen Eusebii Emisseni seu Gallicani nomine in Bibli thecis Patrum præfert. Tribuuntur Eucherio, et quidem talis: 1º *Commentarius in Genesim*; et 2º *libri IV Commentariorum in libros Regum* a Jo. Alex. Brassicano primum evulgati; 3º *epistola ad Faustinum* a Labbeo edita; 4º *epistola ad Philonem* quemdam, quam Baluzius ad calcem Agobardi protulit; 5º *Regula duplex ad Monachos* in codice Regularum Holstenii; 6º *Tota illa Homiliarum collectio* quæ sub nomine Eusebii Emisseni circumfertur.

### § III. Editiones.

Integra omnium Eucherii opusculorum collectio nondum exstat. Primum opusculum, quod obstetricante typographia lucem vidit, fuit *Passio S. Mauricii et sociorum*, sed interpolata et sine nomine ejus in Vitis Sanctorum Mombritii. Haud exiguo vero intervallo post, a. 1516, exiit nomen auctoris in fronte gerens *epistola ad Valerianum*, Basileæ ex recognitione B. Rhenani, citoque ibidem a. 1520 cum Erasmi scholiis, et Parisiis a. 1525 repetita est. Accesserunt paulo post Basileæ apud Cratandrum a. 1530, aut aliquanto citius Parisiis apud Claudium Chevalonium sine anno *Formulæ intelligentiæ spiritualis* et *libri duo Instructionum*, quibus anno sequenti ex reliquiis Bibliothecæ Budensis addidit spuria duo, *Commentaria in Genesim* et *libros Regum*, Joannes Alexander Brassicanus, simulque *Formularum librum* ex codice ms. sedulo castigavit. Hæc omnia junctim recusa sunt Romæ apud Paulum Manutium a. 1564, curante Petro Galesinio et Andreæ Schotti cura a. 1618, in tomo V Bibl. PP. Coloniensis. Interea reperta est et a Gilberto Genebrardo seu potius Dionysio Faucherio Parisiis, a. 1578 edita, *epistola de laude Eremitæ ad Hilarium*, itemque tenebris ereptæ editæque sunt *Homiliæ* genuinæ per Joan. Livineium cum Theodoro Studita Antuerpiæ a. 1602; indeque omissis homiliis genuina Eucherii opuscula, nempe *Formulæ intelligentiæ spiritualis*, *Instructionum libri duo* et *epistolæ ad Valerianum et Hilarium*, una exhibita Lugduni 1615; in Chronologia

Liricensi Vincentii Barralis tandemque additis *Passione S. Mauricii* et *Commentariis* illis spuris in *Genesim* et *libros Regum* recusa sunt in Bibl. PP. Max. Lugduni a. 1677. Post hæc singula tantum, imprimis ascetica illa sive seorsim sive cum aliis operibus typis sunt reddita, quæ, ne sequens omnium editionum recensensus chronologicus negotium alicui facescat, paucis hic complecti juvat. Videlicet *Passio S. Mauricii* post Mombritii, Surii et Stevartii editiones sincerior edita est a Chiffletio in Paulino illustrato a. 1662; indeque in Bibl. Max. Patrum Lugduni 1677, tomo XXVII, et apud Ruinartum et in Actis Bollandianis repetita. *Epistola ad Valerianum* recusa fuit Lugduni 1541 et 1627, et cum Herib. Rosw-ydi scholiis Antuerpiæ a. 1621, Monachii 1635. B Genuæ 1644, Parisiis 1646, cur. Phil. Labbei itemque cum *epistola ad Hilarium* aliisque opusculis asceticis Viennæ Austriæ 1670, Bruxellis 1671, Parisiis 1673. Venetiis 1726, eademque haud raro in recentiorum populorum idiomata conversa. *Formulæ intelligentiæ spiritualis* a Flacio Illyrico insertæ sunt Clavi Scripturæ sacræ Basileæ 1580, et cum hoc opere sæpius diversis in locis recusæ. *Epistola ad Hilarium* cum scholiis Herib. Rosweydi prodit Antuerpiæ 1621, indeque translata in Bibl. PP. Colon. 1618, t. XV, et cum *epistola ad Valerianum* Lugduni 1627, Genuæ 1644, et Parisiis 1673, exscripta est. *Homiliæ* a Livineio editæ insertæ sunt Bibl. Patrum Paris. 1624, 1644, 1654, t. II, et in Bibliothecam Concionariam Combefisii migrarunt. C Porro a. 1657, in Bibliotheca Mss. sub Eucherii nomine edidit *epistolam ad Faustum s. Faustinum*, anno 1661. *Triplicem* Eucherii *regulam ad Monachos*, veram unam, duas autem nomen ejus mentientes produxit Lucas Holstenius in codice Regularum, *epistola ad Philonem presbyterum* falso nomen Eucherii præferens reperta fuit a Baluzio et ad calcem Operum Agobardi Parisiis, a. 1665, ab eo prolata est. Denique *Epitomes Cassiani* Græce conversæ specimen dedit Montefalco in editione Operum Athanasii, de quo nos in Cassiano dicere memini. Sequitur *Index chronologicus*.

### SÆCULO XVI.

*Sine anno, loco et typographo (Mediolani); in-fol. Passio S. Mauricii et ejus commilitonum; in Bonini Mombritii Vitis Sanctorum, vol. II, fol. cLIII—cLV.*

Prima hæc editio est hujus opusculi, sed, ut antea monitum, non sincera.

1516. Basileæ, in-4º. D. Eucherii... *epistola Parænetica ad Valerianum* cognatum suum de contemptu mundi (ex recognitione Beati Rhenani). Cat. Bibl. Bnau.

1520. Basileæ; apud Andream Cratandrum; in-4º. Clari juxta ac disertissimi viri Eucherii Lugdunensis episcopi *ad Valerianum* cognatum suum *epistola Parænetica*, ab amore mundi studioque profanæ philosophiæ ad pietatis veræque sapientiæ studium provocans, cum scholiis Des. Erasmi.



Ad hanc editionem pertinet haud dubie epistola A Erasmii, quæ libello huic in editione Basileensi a. 1531 præfixa est, ad Alardum Amstelredamum liberalium artium professorem, a quo mss. ejus exemplar abs auctoris nomine accepisse videtur. « Libellus, inquit, quem misisti, cum suis dotibus undique mirum in modum placuerit, tum hoc placuit impensius, quod olim puero mihi et lectitatum esse et placuisse memini. Si quid meo suffragio tribuis, nihil video profectum a nostræ religionis hominibus, qui eloquentiæ quoque gloria floruerint, quod cum hujus phrasi sit conferendum. Ut nusquam non præstat egregium artificem, sive spectes ordinem, sive transitus subinde novos, sive non vulgare ingressum, veluti limen argumentationis. Nullam suasorii generis partem non tractat. Nusquam desidet in locis communibus. Magis urget et instat argumentis, mire pungit epiphonematis, delectat juxta et movet sententiis. Quodque magis etiam mirandum est, sic Iocraatis schematibus modulata, structa, picturataque est oratio, ut nusquam frigeat, aut ineptiat. Sic arguta, ut interim nervosa; sic elaborata, ut tamen dilucida; sic nova, sed ut tædio careat affectationis; sic festiva, ut nihilo secius gravis ac seria; sic rhetorica, ut *γνῶσις* tamen Christiana. Denique sic acris ac vehemens, ut sui tamen ubique simili, pari intentione ad extremum usque calcem properans, sani videlicet vegetique ingenii argumentum. Gennadius dum huic stylum tribuit scholasticum, ni fallor, plusculum in eo desideravit arcanarum litterarum. Cæterum libellum hunc a Rodolpho Agricola versum non esse, vel stylus ipse satis arguit, præsertim cum quædam sint schemata quæ ne possint quidem ad Græcam orationem respondere. Gennadius indicat Eucherii esse Lugdunensis Ecclesiæ episcopi. Moxque hujus meminit epistolæ, quam scripserat ad Valerianum propinquum suum, de contemptu mundi, deque relinquendo studio profanæ philosophiæ. Atque utinam reliqua hujus exstarent, vel is liber, quo carptim obscura quæque divinorum voluminum capitula explanavit, vel is, quo prolixa Cassiani opuscula contraxit in compendium. »

1525. Parisiis apud Jodocum Badium; in-8°. Eucherii... epistola ad Valerianum... Item disticha veteris cujusdam philosophi, etc. Benedd. in Hist. lit. Galliæ.

Sine anno. Parisiis per Claudium Chevallonium; in-8°, s. in-12. Eucherii Lugdunensis archiepiscopi, *Formulæ intelligentiæ spiritualis*; libri duo *Instructio-num* nunc primum editi; epistola *Parænetica ad Valerianum* cognatum suum cum scholiis Desiderii Erasmi, S. Basilii episcopi, epistola consolatoria adversus mundi incommoda, nunc primum edita; nonnihil de carnis resurrectione ex epistola D. Hieronymi ad Pammachium adversus errores Joannis Hierosolymitani: omnia edita studio Petri Gerardi. Cat. Bibl. Reg. Paris. et Baluz. t. II p. 611.

Tametsi hæc editio anni nota careat, tamen, cum

A propter typographem aut bibliopolam ætas ejus incerta esse non possit, et ne series harum editionum, quæ plura Eucherii opuscula junctim exhibent, incipiat, huc reponere eam visum est. Præfatus est Petrus Gerardus epistola data Parisiis xiiii kalend. Novembr. sine anno, ad Gulielmum Parvum Trecentem episcopum et Regiæ confessionis auditorem, cujus beneficio cum Eucherii hæc opuscula alioqui, ut ait, rara consecutus sit, ingrati atque impudentis ingenii fore ait, nisi ejus nomini consecraret. « Accedit, inquit, quod in publicum mittitur industria excusus et informatus Claudii Chevallonii hominis T. D. addictissimi, quique vehementer annixus est, ut quoad fieri posset, id exemplar, quod unum suæ liberalitate nactus erat, repurgaretur tot mendis, B quibus propemodum labefactatum erat: adhibitis etiam ad hunc usum vetustissimis LXX Interpretibus, et aliorum codicum, quibus illa ætas assueverat, translationibus; quas nihil gravate ascevit, ut hac ratione suam diligentiam tibi approbaret, et bonis studiis hæc quoque in parte prodesset. » Exemplum hujus epistolæ nobis præbet editio Lugdunensis a. 1613. Notari autem debet, Casimirum Oudinum (*Comm. de SS. Eccl. t. I p. 1220*) qui hujus editionis natales circa annum 1520 collocat, contulisse primum ejus opusculum *Formularum spiritualis intelligentiæ* cum mss. codicibus Bibliothecarum Parisiensium, Regiæ 3795, Colbertinæ 1895, et sancti Germani 250; atque primam hanc ut recte existimavit illius editionem solam germanam et hisce 600 vel C 700 annorum codicibus conformem deprehendisse. Observat autem sequentes editiones, veluti Basileensem a. 1531 (quam secundam vocat), Romanam a. 1564, et Lugdunensem a. 1677, duplo esse auctiores et innumera habere admixta ex auctoribus S. Eucherio posterioribus et maxime ex S. Gregorio papa; adeo ut genuinum istud opus Eucherii vix mediam partem contineat eorum quæ in ultimis hujus libri editionibus impressa sint.

1530. Basileæ apud Andr. Cratandrum; in-4°. D. Eucherii episcopi Lugdunensis, liber *Formularum intelligentiæ spiritualis*; ejusdem liber *de Quæstionibus difficilioribus veteris et novi Testamenti, Interpretatio nominum Hebraicorum, et aliorum sacris litteris contentorum, et epistola ad Valerianum de contemptu mundi*: ex editione et cum scholiis Desiderii Erasmi. Cat. Bibl. Reg. Par.

1531. Basileæ in officina Frobeniana; in fol°. D. Eucherii Lugdunensis episcopi doctiss. Lucubrations non minus piæ quam eruditæ cura ac beneficio Joannis Alexandri Brassicani jureconsulti recens editæ, quarum hæc est summa: *In Genesim Commentariorum libri III*; *in libros Regum Commentariorum libri IV*; *Formularum Spiritualium liber I*, accurate recognitus, adjectis iis omnibus quæ in superiore editione quam plurima desiderabantur; *Quæstiones in vetus et novum Testamentum*; *Nominum Hebraicorum* ac aliorum etiam, quæ in sacris litteris habentur, *Interpretatio*; *epistola Parænetica ad Valerianum*



cognatum suum, de contemptu mundi, cum scholiis A  
D. Erasmi Roterodami. In fine: *Bas. in off. Frob.*  
*per Hieronymum Frobenium et Nicolaum Episcopium,*  
*mense Augusto (in titulo mense Septembri) M. D. XXXI.*

De editore Joanne Alexandro Brassicano vide  
quæ infra ad Salvianum disputamus. Inscriptit ille  
primum opus eidem, cui Salvianum nuncupavit epi-  
scopo Augustensi Christophoro a Stadion. Plena est  
epistola (data Viennæ Austriæ ex regio collegio a.  
1530, mensis Decembris die 20) laudibus Eucherii,  
sed ad rem præsentem parum facit. Alterum opus  
quod peculiari titulo gaudet, et tertium epistolis ibi-  
dem eodemque anno et mense exaratis, dicata sunt  
D. Jano a Sivolla, equiti et jurisconsulto. In his  
jucunda sunt et memoratu non indigna quæ de vario  
librorum vetustorum intra et extra urbem Viennam, B  
dum a Turcis obsessa esset, fato aspersit. Deprædi-  
cans scilicet divinam curam atque providentiam  
quanta sit in conservandis veterum auctorum, præser-  
tim iis, quæ sacra enarrant, scriptis, de Eucherio  
exemplum capit. « Nam anno superiore, inquit,  
cum inhumanissimi Turcæ Viennam inaudita obsidione  
premerent, et omnia circumjecta, nimirum urbes,  
arces, cœnobîa, villas, pagos, agros, vineas, ferro  
et igne vastarent, excusserant etiam regium hoc,  
instituti divi Bernardi cœnobium, quod ad S. Cru-  
cem divo Leopoldo archiduci Austriæ appellare  
placuit; et cum hoc ita miseris modis accepissent,  
ut jam cœnobium quæreretur in cœnobio, libros ta-  
men omnes et veteres, et adhuc minime vulgatos, in-  
corruptos, et ex nulla parte deminutos reliquerunt. C  
Ita ut ignis iis non aliter pepercisse videatur, quam  
Æneæ Anchisem patrem humeris efferenti, nec flam-  
marum vis, nec hostium infelix occurus obesse potuit,  
aut Ætnæ incendium pios illos adolescentes paren-  
tum suorum latera claudentes, salvos ac incolumes  
abire permisit. Pepercit igitur incendium hoc atro-  
cissimum Eucherio; et ab eo libris isthic omnibus  
omne jus belli Turcæ abstinerunt. Cum interea no-  
stri milites, intra mœnia, libros omnes discernerent,  
omnia volumina corrumperent, ita ut vix a publicis  
etiam bibliothecis diripiendis aut vi prohibiti, aut  
auctoritate submoti fuerint. Vides, optime vir, quam  
unico nomine tantum non etiam moribus a Turcis hæ  
belluæ differunt. Certe non minus periculi fuit ab  
imposito præsidio, quam ab externo et eo quidem D  
perniciosisimo hoste. » Atque hæc priora duo opu-  
scula ipse primus Brassicanus ex laudati monasterii  
membranis chartisve produxit; tertium, prout fert  
ipse titulus, denuo ad manuscriptum exemplar ejus-  
dem monasterii recognovit. Qua de opera sua ad  
eundem Janum a Sivolla ita loquitur: « Oculatus  
ipse mihi testis es, mi Jane, quantum mihi laboris  
exhauriendum, immo, ut verius dicam, quantum tædii  
exsorbendum fuerit in restituendis ac repurgandis  
Eucherii Spiritualibus illis Formulæ. Nam exemplum  
recens editum non tantum mutilum, verum etiam  
eximie mendosum fuit. Cujus rei culpam, tantum  
abest, ut illi imputem qui primum nobis hoc dedit,

ut etiam benignitatem hominis eruditi ac candorem  
laudibus vehendum existimem, qui studiosis exhi-  
bere maluit id quod commodum acquisierat, quam ut  
pateretur hoc intercidere. Nos autem exemplo et in-  
tegro et egregie sincero usi, quod nobis cum ple-  
risque aliis æque bonis auctoribus Reverendus pater,  
Dominus Joannes Hartmannus abbas Sanctæ  
Crucis in Austria, vir et studiorum et studiosorum  
unicus patronus, meum autem præcipuum decus  
et præsidium, libenter et ex animo communicavit;  
primum id quod deerat adjecimus, et quæ deprava-  
ta fuerant religiose castigavimus; quod ut stu-  
diosi planius cognoscant, subjiciam duo tantum  
exempla, ex quibus reliqua facile, tamquam leonem  
ex unguibus æstimare possint. Primum caput de  
divinis nominibus, quod totum desiderabatur, jam  
ex veteri neque minus sincero exemplo repositum  
est. Jam enim consulta opera prætermitto quanta  
facta sit in omnibus capitibus accessio. In præfatione  
Eucherii sic legitur: *Atqui secundum allegoriam bapti-*  
*smus, secundum anagogen angeli;* cum sit legendum:  
*Aquæ secundum allegoriam baptismus, secundum ana-*  
*gogen angeli;* unde est illud, *Et aquæ quæ super cælos*  
*sunt, laudent nomen Domini* et cætera. Non equidem  
invideo, si quis veteres scriptores in lucem proferat,  
miror autem magis si quis in iis castigate deprom-  
endis omnem operam suam colloget. » Sextum  
opusculum, *epistola scilicet Parænetica ad Valeria-*  
*num,* ex Erasmi editione descriptum est, additis  
scoliis ejus et epistola ad Alardum. Cæterum Fro-  
benii operam dederunt, ut tam commode, quam  
luculenter, typis hoc volumen exararetur.

1541. *Lugduni apud Sebast. Gryphum; in-8º.* Eucherii *epistola ad Valerianum* cognatum de contemptu mundi. Benedd. in Hist. lit. Galliæ.

1564. *Romæ apud Paulum Manutium; in-folº.* D. Eucherii episcopi Lugdunensis Opera, seu *Commentarii in Genesim et in libros Regum*, etc., ex editione Petri Galesinii. Cat. Bibl. Reg. Paris. et Pinell. Utinam vero titulum integrum proferrent!

1574. *Coloniæ Agr. apud Geruinum Calenum et hæredes Quentelios; in-folº.* *Martyrium fortissimorum martyrum Mauricii et sociorum ejus* ab Eucherio Lugdunensi conscriptum, præmissa ejus *epistola ad Sylvium* (sic) episcopum; in tomo V *Vitarum SS. Laurentii Surii* pagg. 325-330. D

1578. *Parisiis apud Ægidium Gorbinum sub signo Spei; in-8º.* S. Eucherius episcopus Lugdunensis ad Hilarium Arelatensem *de Laude Eremitæ*, e Lirinensi Bibliotheca nunc primum productus; cum Hilarii Arelatensis *Oratione Funebri de S. Honorato*. Cinelli Bibl. Volante t. II, p. 265.

Dicitur hæc editio plerumque Gilberti Genebrardi; sed Genebrardus quidem dedicationem præfixit, præfationem autem scripsit Dionysius Faucherius, ac memini eandem recusam esse in Chronographia Lirinensi, de exemplari tamen, unde edatur hic libellus, altum in ea est silentium. De aliis, quæ hoc volumen complectitur, vide ad Hilarium Arelatensem.



1589. *Basileæ ex off. Hervag. per Euseb. episcopum*; in-fol°. Eucherii episcopi Lugdunensis liber *Formularum Spiritualis Intelligentiæ*; ad calcem *Clavis Scripturæ sacræ Matthiæ Flacii*.

Nimirum Flacius append eis loco cum adiecit Expositioni suæ Singulorum Vocabulorum ac Nominum eo consilio, ut lectores veterum hac in re sententiam agnoscerent. Ceterum non dubito primam esse hanc quam indicavimus. Hujus operis editionem. Repetita est sapius diversis in locis, e. c., Basileæ 1609, Franc. 1659, Hafniæ 1695. In postrema Eucherii liber exstat pag. 1345-1572.

#### SÆCULO XVII.

1602. *Antuerpiæ*; in-8°. Eucherii Lugdunensis Episcopi *Homiliæ*, ex editione Joannis Livineii Antuerpiensis canonici, ad calcem *Sermonum Catecheticorum Theodori Studitæ*, a pag. 372.

Hæc est prima ut antea docuimus sermonum, quos vere Eucherii putant, et ab illis, qui sub Eusebii Emissemi aut Gallicani nomine circumferuntur, diversi sunt, editio.

1613. *Lugduni sumptibus Petri Rigaud*; in-4°. Eucherii Lugdunensis Ecclesiæ quondam archiepiscopi theologi doctissimi, *Intelligentiæ spiritualis Formulæ, Instructionum libri duo*, ejusdem *epistola Parænetica ad Valerianum* [ex editione Petri Gerardi; accedit ejusdem *epistola ad Hilarium* cum præfatione Dionysii Faucherii monachi Lirinensis, et annotationibus Vincentii Salerni]; in *Chronologia Sanctorum et aliorum Virorum illustrium ac Abbatum Sacræ Insulæ Lirinensis* per D. Vincentium Barralim Salernum, monachum Lirinensem, in unum compilata.

Gerardi præfationem hic descriptam esse antea monuimus.

1617. *Ingolstadii ex typographia Ederiana*; in-4°. D. *Mauricius Thebæ legionis Dux*, seu S. *Mauricii Martyrium*, a S. Eucherio, episcopo Lugdunensi, conscriptum, nunc iterum editum, cum notis et notationibus, studio et labore Petri Stevaritii. Accessit etiam *Officium S. Mauricii*. Cat. Bibl. Reg. Paris.

1618. *Coloniæ Agr. sumptibus Ant. Hierat.*; in-fol°. Beati Eucherii Lugdunensis episcopi quæ exstant omnia pia ad S. Scripturam Opuscula. I. *Formulæ seu Phrases S. Scripturæ*. II. *Quæstiones veteris ac novi Testamenti*. III. *Hebraicorum nominum Interpretatio*. IV. *De Vita Solitaria ad Valerianum*, illustrata, recensita atque emendata studio Andrea Schotti soc. Jesu. Accedunt et Eucherio adscripti *Commentarii in Genesim et libros Regum*; in M. Bibl. Patrum tomo V, parte 1, pagg. 739-948. Adjuncta est præfatio Alex. Brassicani.

In præfatione disserit A. Schottus de scriptis Eucherii tam genuinis quam supposititiis. Ibidem, a pag. 545 ad 738, insertæ sunt *Homiliæ Eusebii Gallicani* post editionem Jo. Gaignei ab Andrea Schotto denuo recensitæ et sermonibus locupletatæ.

1618. *Coloniæ Agr. sumpt. Jo. Kreps et Herm. Mylii*; in-fol°. SS. *Mauricii et sociorum Martyrum A-*

**A** *gaunensium martyrium* ab Eucherio ep. Lugd. conscriptum; in VIII SS. Surii ed. secundæ volumine secundo ad d. 23 Sept. pagg. 220-223.

1621. *Antuerpiæ ex off. Plantin. apud Bathas. Moretum, et Viduam Jo. Moreti, et Jo. Meursium*; in-8°. D. Eucherii episcopi Lugdunensis de contemptu mundi *epistola Parænetica ad Valerianum cognatum*. Accedit Vita D. Paulini Nolani veri mundi contemptoris.

Editor est Heribertus Rosweyds, qui notatiunculas aliquot aspersit et inscripsit, uti et sequens opusculum, Henrico Vander Heyden Villariæ abbati.

1624. *Ibidem, apud eosdem bibliopolas*; in-8°. D. Eucherii episcopi Lugdunensis de *Laude Eremitæ* ad Hilarium Lirinensem monachum libellus [cum Heriberti Rosweydi notatiunculis].

1622. *Coloniæ Agr. sumpt. Ant. Hierat*; in-fol°. D. Eucherii Lugdunensis episcopi de *Laude Eremitæ* libellus cum Heriberti Rosweydi notatiunculis; in tomo XV, seu supplemento, seu appendice ad M. Bibl. Coloniensem.

1624. *Parisiis... in-fol°*. Eucherii episcopi Lugd. *Homiliæ* cum Theodori Studitæ sermonibus Catecheticis juxta editionem. Jo. Livineii expressæ; in Bibl. PP. Bign. ed. quartæ (Paris) tomo II, a col. 767.

1626. *Lugduni sumpt. Lud. Prost hæredis Rovillii*; in-fol°. S. Eucherii *Difficiliores Quæstiones in vetus et novum Testamentum*; ejusdem *Interpretatio nominum Hebraicorum*; in Ludovici de la Cerda *Adversariis Sacris* capite 115, pagg. 204-219, et cap. 161, pag. 423-426. Errat autem Fabricius dum iisdem accenset caput 159, quod haudquaquam ad Eucherium pertinet, sed ipsius est Lacerdæ.

1627. *Lugduni apud Franc. de la Bottière*; in-12. S. Eucherii Opuscula ascetica, Dorothei doctrinæ aliæque opuscula curante Turriano sacerdote J. Benedd. in Hist. lit. Galliæ disertius non laudant, sed inesse monent duas Eucherii epistolæ ad Hilarium et Valerianum.

1635. *Monachii [in-24]. De vera Sapientia, vera Virtute et Tranquillitate Animi* SS. Eucherii Lugdunensis, Martini Bracarensis, et Magni Wigonis, antistitum. Vide ed. Bruxellensem a. 1671.

1644. *Genuæ apud Joan. Mariam Pavonum*; in-8°. D. Epistolæ genuinæ divi Eucherii Lugdunensis episcopi, quas cum eximii concionatoris hortatu multi cuperent, habere vix pauci possent, sodales Jesu crucifixi in Collegio Genuensi soc. Jesu auctorati novissime imprimendas curarunt. Cinelli Bibl. Volant. cont. da Saneassani. t. II p. 265, Bibl. Baluz. t. II p. 1002.

1644. *Parisiis apud tres bibliopolas*; in-fol°. Eucherii Lugdunensis episcopi *Homiliæ*; in Bibl. PP. Bign. tomo II, loco ultimo post Theodori Studitæ sermones. Ejusdem editionis exemplaria sunt quæ annum 1654 præferunt.

1646. *Parisiis*; in-12. S. Eucherii... *epistola Parænetica ad Valerianum cognatum*, curante Philippo Labbeo. Fabric. in Bibl. M. et l. Lat. ed. Patav. t. I p. 116.



1657. *Parisiis apud Sebastianum et Gabrielem Cramoisy; in-fol.* Epistola Eucherii episcopi ad Faustum seu Faustum presbyterum Insulanum de situ urbis Hierosolymitanæ atque ipsius Judææ; in Philippi Labbei nova Bibl. Mss. librorum tomo I pag. 665 sq.

1661. *Romæ exc. Vitale Mascardo; in-4º.* S. Eucherii *Exhortatio ad Monachos*. Ejusdem *sententia ad Monachos*. Ejusdem *Admonitio ad Virgines*, ex duobus mss. codicibus Floriacensibus Regina Suecorum edidit Lucas Holstenius in appendice codicis Regularum pag. 89 sqq. in ed. Parisiensi pagg. 55-62.

1662. *Parisiis sumpt. Ant. Bertier; in-folº.* S. Eucherii Lugd. ep. *Homiliæ aliquot*; in Bibliotheca Patrum concionatoria (octo voluminibus distributa) Francisci Combefisii. Editio novissima est Veneta a. 1749, VII voll. Editor quascumque huic collectioni inseruit Eucherii nomine homilias a Livineio desumpsit.

1662. *Divione; in-4º.* *Passio Agaunensium Martyrum*, auctore S. Eucherio Lugdunensi episcopo; in Pet. Franc. Chiffletii Paulino illustrato. p. 1 pagg. 86-92.

1665. *Parisiis apud Franc. Muguet; in-8º.* Epistola sancti Eucherii Lugdunensis episcopi ad Philonem presbyterum; ex veteri codice ms. Petri Marnæsi Senatoris Gratianopolitani edidit Steph. Baluzius, in Notis ad S. Agobardi Opera, tomo II pagg. 155, 156.

1670. *Cygnæ; in-8º* B. Eucherii *Homiliæ de B. Virginis conceptione Fragmentum*; in Christiani Dammii Homiliis PP. in Nativ. J. Chr. p. 213-255. Ex Livineio.

1670. *Viennæ Austriæ typis Matthæi Cosmerovii; in-8º.* Divi Eucherii Lugdunensis episcopi *epistola Parænetica ad D. Valerianum cognatum suum*, ab amore profanæ philosophiæ ad studium veræ sapientiæ provocans. Item B. Francisci Borgiæ olim Gandiæ ducis, postea societatis Jesu generalis epistola practica... pro Xenio an. 1671 oblatæ illustrissimæ sodalitati Dominorum sub titulo Assumptæ Deiparæ in domo professa societatis Jesu Viennæ erectæ.

1671. *Bruxellis apud Francisc. Foppens; in-24.* *De vera Sapientia, vera Virtute et Tranquillitate Animi* SS. Eucherii Lugdunensis, Martini Bracarensis et Magni Wigonis antistitum. Editio nova juxta exemplar Monachii impressum anno 1635.

Inest Eucherii *epistola Parænetica ad Valerianum*. Sacerdos quidam societatis Jesu sodalitatis Latinæ sub Titulo B. M. V. Visitantis erectæ in collegio societatis Jesu Bruxellis director, qui sub litteris G. H. latere voluit, editionem horum libellorum Monachii a. 1635 factam et, ut ait, illico distractam recudi curavit.

1673. *Parisiis apud Seb. Cramoisy; in-12º.* *Via ad æternitatem*, sive tria opuscula SS. Eucherii Lugdunensis et Hilarii Arelatensis 1º *de Laude Eremitæ*, 2º *de Contemptu mundi*, 3º *de Vita S. Honorati*. Cat. Bibl. Teller. pag. 34 a.

1677. *Lugduni apud Anissonios; in-folº.* Beati Eu-

cherii Lugdunensis episcopi quæ exstant omnia præ ad sanctam Scripturam opuscula... illustrata, recensita atque emendata studio A. Schotti societ. Jesu; in tomo VI Bibl. Max. PP. pagg. 822-1046. Expressa juxta additionem Coloniens.; sed post quartum opus inserta sunt, *Epistola ad Hilarium de laude Eremitæ* et *Acta Sanctorum Martyrum Agaunensium* (ex Chiffletio), subjecta *epistola ad Salvirum episcopum*. Ibidem tomo XXVII, pag. 180 sqq., legitur: *Eucherii exhortatio ad Monachos et sententia ad eosdem*, ex editione Lucæ Holstenii.

1689. *Parisiis; in-4º.* *Passio SS. Mauricii et Sociorum ejus Martyrum*, auctore Eucherio ep. Lugd. Ex Paulino illustrato Chiffletii et variis codd. mss. Bibl. Reg. aliarumque, cum præmonitione Theod. Ruinarti; in Actis Martyrum ejus pag. 289 sqq.; in ed. secunda, ab ipso auctore recognita, quæ Amstelodami ex off. Wetsteiniana prodiit a. 1713, in-folº. pag. 271; in Veronensi (ex Typogr. Tumermaniana) 1731, in-folº. pagg. 237-43.

#### SÆCULO XVIII.

1726. *Venetis apud Bartholomæum Giavarinam, in vico S. Joannis Chrysostomi; in-16º.* *De vera Sapientia, vera Virtute et Tranquillitate Animi* SS. Eucherii Lugdunensis, Martini Bracarensis et Magni Wigonis antistitum opuscula, illustrissimo ac reverendissimo DD. Marco Gradonico, patriarchæ Venetiarum, Dalmatiæque primati, etc., dicata. Cinelli Bibl. Volante I supra laudata.

1747. *Venetis.... in-folº.* Eucherii Lugdunensis episcopi *epistola ad Faustum presbyterum Insulanum de situ urbis Hierosolymitanæ atque ipsius Judææ* (falso ipsi tributa); in Blasii Ugolini Thesauri Antiquit. Sacrar. tomo VII, a col. 1201.

1757. *Antuerpiæ apud Bernhard. Alb. van der Plasche; in-folº.* *Passio SS. Mauricii aliorumque legionis Thebææ Martyrum*, auctore S. Eucherio Lugdunensi episcopo edita a Petr. Francisco Chiffletio s. J. et a Ruinartio, cum aliis mss. collata. Item *Passio interpolata ex ms. S. Maximini Trevirensis*, collata cum editis a Surio et mss. Fuldensi, S. Salvatoris Ultrajectensis, et Marchianensi, cum annotatis Joan. Stiltingii, etc., in Actis SS. Bollandist. mense Septembris, t. VI, pagg. 342-349.

Accessit Commentarius prævius, in quo omnia, D quæ tam historiæ ipsius, quam actorum sinceritatem respiciunt, non vulgari eruditione et solertia illustrantur. Inspersa sunt et alia monumenta ad eadem acta facientia.

#### Versiones.

Ex omnibus Eucherii lucubrationibus sola fere *epistola ad Valerianum* in recens aliquod idioma translata est. Primum hujus rei institutum, ni fallor, Gallis debemus. Neque Itali id neglexerunt et laudari etiam vides Hispanicis et Anglicis versiones. Nobis sequentia colligere licuit.

I. *Epistola ad Valerianum*. — 1552. *Lyon, chez Mace Bonhomme; in-4º.* S. Euchier à Valerian, *Exhortation rationale*, retirant de mendantité et de la



philosophie profane à Dieu et à l'étude des saintes lettres, traduite en vers françois, avec annotations, par Bortolomey Aneau. Cat. Bibl. Reg. Par.

1659. Lyon; in-8°. Eadem et epistola ad Hilarium de Laudibus Eremitarum, anonymo interprete (a) in libro gallico, cui titulus: *La Solitude Chrétienne*. T. I, pag. 137 sq. Tertia hujus operis editio a. 1662 notatur a Benedd. in Hist. l. Galliar.

1672. Paris, chez Pierre le Petit; in-12. S. Eucher, *Du mépris du monde*, traduit en François par Robert Arnaud d'Andilly, avec le Latin en suite. Exstat eadem in Operibus ejus, tomo I. Paris, 1675, pag. 24 sqq.

1609. In Venetia. Lettera di Eucherio santo vescovo di Lione, etc., tradotta dallo Spagnolo (Ludovici Granatensis) (b) in Italiano da Gio. Gualtero. Exst. B cum Libro della Spiritual Gratia, etc., di Giv. Lanspergio pag. 210 sqq.

1715. In Milano per Gius. Pandolfo Malatesta; in-

(a) Fabricius I Canagium et Ant. Godellum inter interpretes Gallos numerat.

(b) Laudatur hæc versio Hispanica in Cat. Bibl.

A 8°. Eadem transportata dal Latino da D. Carlo Giacinto Gariboldi, una cum textu Latino.

II. *Passio SS. Martyrum Agaunensium*. — 1705. Amsterdam; in-12°. Dissertation historique et critique sur le Martyre de la légion Thébéenne avec *Histoire du Martyre de cette légion* attribuée à S. Eucher. Archetypum hujus dissertationis Joannis Dubordixi (Dubourdieu) sacerdotis Calviniani cœtus Saubadiæ Londini, Anglico idiomate in lucem exiit, anno circiter 1696 (c). Sed magis obvia est versio Gallica. Studiose nec sine acrimonia refutare eum nituntur Antuerpienses Actorum SS. editores.

1778. In Roma nella Stamperia di S. Michele a Ripa; in 4°. *Passione de' Santi Maurizio, e compagni Martiri* scritta da S. Eucherio vescovo di Lione; in Atti sinceri de primi martiri della chiesa-Cat. racc. dal P. Ruinart e trad. da Franc. Maria Luchini tomo II, pagg. 457-467. Præmissa est non Ruinarti, sed ab ipso interprete scripta introductio.

Barberinianæ t. I p. 382, sed omissa loci annique mentione.

(c) Christo h. Saxii Onom. lit. tom. V Anal. p. 652.

## AND. SCHOTTI PRÆFATIO IN OPERA S. EUCHERII.

Pio Lectori And. Schottus Societatis Jesu.

Damus en, pie lector, B. Eucherii Lugdunensis episcopi Opera dispersa hactenus, varieque edita, primum a Joanne Siehardo post meliora nonnihil facta opera Alexandri Brassicani, hominis in colligendis veterum e naufragio scriptis perditigentis: de quibus Eucherii scriptis nunc breviter animi mei sensum aperiam. Primum de legitimis hisce Præsulis opusculis ad S. Scripturam intelligendam utilibus, ac prope dixerim necessariis: mox de illegitimis seu spuris, falsoque illi attributis disseram. Permagni enim interesse semper existimavi, ut vera a falsis disserendi arte judicare: sic et γνῶσις scripta antiquorum Patrum a νότοις discernere, ne quis abutatur, posse.

Formularum Spiritualium opus adhibet non raro Beda: ut veterum pleraque, potissimum Augustini, tacito nomine transcripsit. Neque idcirco Eucherio cum Sixto Senensi abjudicanda, et Bedæ tribuenda videri debent. Hic etiam mysticam membrorum Dei significationem reperias, aliorumque quæ ad humanam formam pertinentia Deo in Scripturis sacris tribuuntur, quæ leguntur etiam in libello de *Essentia Trinitatis* (qui B. Augustino tomo IV falso inscribitur), ut observavit Conradus Brunus c. 4 et Jo. Molanus lib. II c. 3, uterque de imaginibus disserendo. Nos idcirco S. Scripturæ loca passim versibus singulis laudata toto opere ascribenda curavimus, ut faciem veluti in tenebris præferremus. *Quæstiones veteris ac novi Testamenti* scripsit et B. Augustinus libris tribus, aliique etiam Græci Patres. Verum Augustini non esse legitimum fetum illum docet Alphonsus a Castro, lib. de Hæresibus: Julianus quoque Toleta-

nus Præsul Ἀντικειμένων nomine inscriptas, eidemque B. Ildephonsi Catalogo vindicatas, quæ temporum injuria patrem cedere quia non poterant, sine auctoris titulo in Germaniam sæpe exierunt. Aurea vero est ac mellita omnino epistola illa ad Valerianum propinquum, *De Contemptu Mundi, deque relinquendo studio profanæ philosophiæ*, ut Gennadius laudat cap. LXIII. Item ad Uranium ac Salonium episcopos obscura quæque sanctarum Capitula Scripturarum misit.

En tibi Claudiani Mamerti episcopi Viennensis, lib. de *Statu Animæ* testimonium. *Haudquaquam*, inquit, *Eucherium præterierim, mihi nunc viventem doctrina, et præsentaneis coram disputationibus cognitum, qui scilicet viridis ævi, maturus animi, terræ despuens, cæli appetens, humilis spiritu, ardens merito, ac perinde ingenii subtilissimus, scientiæ plenus, eloquii proflus, magnorum sui sæculi pontificum longe maximus, editis in rem fidei multijugis variorum operum voluminibus, ad populum quoque super animæ statu multa nobiliter concionatus est*. Hactenus ille. Proferam et acris hujus tempestatis censoris de Eucherii eloquentia prope singulari testimonium: *Nihil*, inquit, *video profectum a nostræ religionis hominibus, qui eloquentiæ quoque gloria floruerint, quod cum hujus phrasi sit conferendum. Ut nusquam non præstat egregium artificem, sive spectes ordinem, sive transitus subinde novos, sive non vulgarem ingressum, veluti limen argumentationis. Nullam suasorii generis partem non tractat. Nusquam desidet in locis communibus. Magis urget, et instat argumentis, mire pungit epiphonematis: delectat juxta ac movet sententiis. Quodque magis etiam mirandum est, sic Isocratis schematibus modulata, structa, picturataque est oratio, ut*



nusquam frigeat aut inop'iat. Sic arguta, ut interim nervosa, sic elaborata, ut tamen dilucida, sic nova, sed ut tædio careat affectationis; sic festiva, ut nihilo secius gravis ac seria; sic rhetorica, ut *ῥητορικῶς* tamen Christiana. Denique sic acris ac vehemens, ut sui tamen ubique similis, pari intentione ad extremum usque calcem properans, sani videlicet vegetique ingenii argumentum.

Exstaret utinam quam in Catalogis Ecclesiasticorum Scriptorum nominari video, ex Joan. Cassiano Eucherii Epitoma. Lucem enim aliquam obscuris in locis, depravatisque opem haud dubie afferret. Adhuc quæ exstant quæque intereiderunt recensui.

Venio nunc ad ea quæ Eucherio falso tribui existimem. Exierunt enim typis And. Cratandri et Joan. Frobenii Basileæ pridem sub Eucherii nomine libri tres in *Genesim*, et in *IV libros Regum Commentarius*, quem nimium, quantum auxit, veluti *σπρωματὺς*, Angelomius Lexoviensis, Benedictinæ sodalitatis familiæ, utque ejus esse Eucherii promptius crederemus, additus ab audacibus sciolis titulus est: ad *Uranium et Salonium fratres episcopos*; nimirum ad quos et alia opuscula Eucherius retulerat: ad hunc quidem, *Quæstiones utriusque Testamenti, atque Hebraicorum nominum Interpretationem*; ad illum vero *Formulas spirituales*. Apage sis, et faciem detracta larva detegamus. Beati enim Eucherii neutrum esse hunc partum hæc argumenta fuerint. Primum quia refutat æt. s. Obiit namque Eucherius, teste Gennadio, imperantibus Valentiniano et Marciano Augustis, ad annum orbis a Christo redempti 440, testaturque adeo ipse epistola illa aurea ad Valerianum, se floruisse anno antea quinto, qui est post Romam conditam 1185, Christi vero 435. Fuitque Petronii Bononiensium antistitis æqualis, qui ad annum ejus sæculi septimum ac vicesimum claruit. Atque *Commentarii illius in libros Regum auctor*, quisquis est,

A Gregorium I Pontif. max (qui duobus prope sæculis inferior est) identidem citat, ad verbumque transcribit omnibus pene paginis, non tam in libros Regum Gregorii Commentarium, quam Moralium libros in Job vere aureos. En tibi extremo libro primo Explanationis ad Moralium libros Gregorii, lector, ablegatur. Deinde si conjectando investigare fas est, non Gallus homo, sed Britannus est. Nam in tercio Commentario in libros Regum cap. xxii: *Rotæ, inquit, basibus suppositæ ad portandum luterem templi a terra sustollebant, cum nostris nuper temporibus B. papa Gregorius Evangelicis roboratus eloquiis Romanam rexit Ecclesiam. Rotæ eædem curribus Dei subnixæ longe portabant, cum reverendissimi Patres Augustinus, Paulinus, et cæteri socii eorum iisdem evangelicis roborati eloquiis, jubente illo venire in Britanniam, et Verbum Dei incredulis dudum commisere gentibus.* Quæ cum ita sint, efficitur hunc scriptorem B. Gregorio, cujus opera Britannia primum Christi est Evangelii lumine illustrata *σὺγχρονον* fuisse, et Anglum, non Eucherium hominem Gallum, qui cum Paulino, Ansonii discipulo, patriam habuerit communem. Sed quidni Bedam Venerabilem, inquires, auctorem asserimus? idque censore Sixto Senensi, doctissimo Dominicanorum sodali, libro iv Bibliothecæ Sacræ, quodque magna ejus Commentarii pars in Quæstionibus Bedæ supra libros Regum legatur, quem et geminos fere in sacros libros Commentarios evulgassee observare liceat. In promptu est quid respondeam: ætatem Bedæ obstat, qui integro propemodum sæculo B. Gregorio posterior vixerit. Atque hic suis temporibus ad Christi fidem conversam Britannicæ insulam proficitur. Sed de his doctiores arbitrentur: equidem meos conatus in Eucherio legitimo illustrando, in manusque tradendo Romanæ Ecclesiæ, fidei parenti, libens volensque submitto, dedicoque.

### ALEX. BRASSICANI EPISTOLA IN S. EUCHERIUM.

Ornatissimo viro D. Jano a Suolla, equiti ac jureconsulto, Joannes Alexander Brassicanus S. D. P.

Oculatus ipse mihi testis es, amicissime Jane, quantum mihi laboris exhauriendum, immo, ut verius dicam, quantum tædii exsorbendum fuerit in restituendis ac repurgandis *Eucherii Spiritualibus illis Formulis*. Nam exemplum recens editum non tantum mutilum, verum etiam eximie mendosum fuit. Cujus rei culpam tantum abest ut illi imputem qui primum nobis hoc dedit, ut etiam benignitatem hominis eruditi ac candorem laudibus vehendum existimem, qui studiosis exhibere maluit id quod commodum acquisierat, quam ut pateretur hoc intercidere. Nos autem exemplo et integro et egregie sincero usi, quod nobis cum plerisque aliis æque bonis auctoribus Reverendus Pater, Dominus Joannes Hartmannus, abbas Sanctæ Crucis in Austria, vir et studiorum et studiosorum unicus patronus, meum autem præcipuum decus et præsidium, libenter et

ex animo communicavit; primum id quod deerat adjecimus, et quæ depravata fuerant, religiose castigavimus: quod ut studiosi planius cognoscant, subjiciam duo tantum exempla, ex quibus reliqua facile, tamquam leonem ex unguibus, æstimare possint. Primum caput de divinis nominibus quod totum desiderabatur, jam ex veteri, neque minus sincero exemplo repositum est. Jam enim consulta opera prætermitto, quanta facta sit in omnibus capitulis accessio. In præfatione Eucherii sic legitur: *Atqui secundum allegoriam baptismus, secundum anagogen angeli*; cum sit legendum: *Aquæ secundum allegoriam baptismus, secundum anagogen angeli, unde est illud: Et aquæ quæ super cælos sunt laudent nomen Domini, et cætera*. Non quidem invideo si quis veteres scriptores in lucem proferat, miror autem magis si quis in iis castigate depromendis omnem operam suam colloceat; sed hæc hactenus. Cæterum quod apud Latinos fecit Eucherius, hoc



apud Græcos exactissime præstitit Theodoretus ille Cyrensis episcopus, ex cuius insigni opere quod apud nos est in antiquis membranis descriptum libet hic aliquot egregie erudita loca ascribere, ex quibus universi illius operis dignitas et utilitas elucescet, οἶνος ἐπὶ Θεοῦ ἡ τιμωρία, Δαβὶδ, ὅτι ποτέριον ἐν χειρὶ κυρίου οἶνου ἀπράτου πλήρες κεράσματος, hoc est, vinum divinam pœnam significat. Sic David, quia voculum in manu Domini vini m-ri, plenum misto (Ps. LXXIV, 8). Item αἱ τρίχες τὸ νεκρώσεως σύμβολον· νεκροὶ γὰρ αὐταὶ, καὶ οὐδὲν αἰσθάνονται οὐδεχόμεναι τὴν ἀληθῆ τοίνυν ζωὴν ἔχειν τελούσι τοὺς τῷ Θεῷ λειτουργούντας, καὶ μηδὲν ἔχειν νεκρὸν, μηδὲ δυσώδες τοῦτο, καὶ ὁ θεοπέσιος ἡμᾶς διδάσκει Παῦλος. Χριστῷ, φησὶ, συνεσταύρωμαι· ζῶ δὲ οὐκ ἔτι ἐγώ· ζῆ δὲ ἐν ἐμοὶ Χριστός. ταῖς μετὰ θείαις, φησὶν, ἐνεργείαις ἑμαυτὸν ἀφιέρωσα, hoc est: Pili mortalitatis symbolum sunt: mortui enim cum sint, nullum doloris sensum admittunt. Admonet igitur et imperat eos veram agere vitam, qui Dei ministerio sese addixerunt, nihilque habere mortale et fetidum: quod etiam nos docet divinus ille Paulus,

A cum Christo, inquit, crucifixus sum, vivoque non amplius ipse, sed vivit in me Christus: quasi diceret, quod se sacris officiis, divinisque actionibus addixisset, etc. Habent autem ejusmodi Formulæ quiddam commune cum Hebræorum Cabala, quam Græci quondam parum animadvertentes secretis sensibus eruendis esse valde quam appositum, κόβαλλα paucis litteris immutatis, hoc est, imposturas appellabant. Ita enim scholiastes Gregorii theologi scribit: et quoniam de ea re nostri etiam homines, nimirum Joannes Picus Mirandulanus, Paulus Ritius, et Joannes Capnion viri cum omni antiquitate certantes abunde scripserunt, nihil hic dicam prolixius, sed studium tantum meum et expromptam omnia recta studia promovendi voluntatem tibi commendo. Cæterum quotiescumque te nomino, volo semel ac unico verbo omnes illos qui ingenio, virtute, bonis moribus, ac absoluta eruditione præstant, significasse. Vale bene, vir nobiliss. ac mihi modis omnibus amande. Viennæ Austriæ ex collegio Regio, Anno a nato Jesu, 1530, mense Decembri.

## SANCTI EUCHERII

LUGDUNENSIS EPISCOPI

## DE LAUDE EREMI

AD HILARIUM LIRINENSEM PRESBYTERUM

EPISTOLA SEU LIBELLUS.

*Domino sancto, et meritis beatissimo, et in Christo gloriosissimo HILARIO EUCHERIUS.*

1. M. gno tu quidem animo egressus dudum de domo tua, et de cognatione tua, usque in mare magnum recedentia eremi secreta penetraveras; majore tamen virtute repetita est a te eremus quam petita. Siquidem cum hanc primum hospes ingressus es, habuisti ducem et velut itineris tui prævium, quem deinde militiæ cœlestis magistrum; eumque tunc secutus, et parentes relinquens, parentem tamen sequebaris. Nunc vero cum eundem ascitum ad pontificale fastigium prosequendum putaveris, ad familiare secretum eremi te amor retulit. Ergo nunc es nobilior et major exemplo. Prius enim cum desertum peteres, comitatus fratrem videbaris; nunc cum desertum repetieris, etiam patrem reliquisti. At qualem illum, quantumque? quanto tibi semper dilectionis cultu observatum? quam singulari tibi affectione devinctum? ut ejus charitati præferre nihil posses, nisi forte solam eremi charitatem: quam cum illi justo præponis examine, approbasti diligere te non illum parum, sed hanc amplius aliquid. Ostendisti etiam illo in te secreti amor quam magnus esset, cui etiam maximus cederet. Qui quidem eremi amor, quid in te nisi Dei amor appellandus

C est? Servasti ergo charitatis ordinem lege præscriptum, primo Deum tuum, exin proximum diligendo.

2. Quem tamen ego sola profectus tui contemplatione (ut animo conjicio) nec adversatum itineri consilioque tuo existimo, sed inusitato inter devinctas sibi personas modo, dimittere te ille (ut puto) non minus voluit, quam tu discedere. Diligit enim te et ille multum vicissim, in amore tamen tuo commodum tuum consuluit; eumque affluentissima ejus et summa in te sit charitas, fastigium tamen illius tendit usque ad utilitatem.

3. Et tu licet omnem jamdudum censum in Christi pauperes Christo dives effuderis, tum et præferas licet annis juvenem, moribus senem, sis etiam ingenio clarus, clarus eloquio; nihil in te tamen primore loco magis suspexerim dilexerimque, quam quod solitudinis sedem sic concupisti. Unde quia me respondere copiosius spatiosissimis ac facundissimis litteris tuis sæpe postulas, sufferas paulisper necesse est, cum sis ipse sapiens, insipientiam meam, dum recolo multimodam Domini gratiam erga hanc ipsam eremum dilectam tuam.

Eremum ergo recte incircumscripsum Dei nostri templum dixerim; etenim quem certum est habitare in silentio, credendum est gaudere secreto. Sæpius



se illic videndum sanctis suis præbuit, et conciliante A loco, congressum non est aspernatus humanum. In deserto quippe Moyses glorificato Deum vultu conspicit (*Exod. iii*): in deserto Elias vultum pavens ne Deum conspiciat, obvolvit (*III Reg. xix, 13*). Et quamvis omnia ipse tamquam sua revisitet, neque uspiam desit; tamen (ut æstimare licet) peculiarius visitationem dignatur eremi, et cœli secretum.

4. Ferunt quemdam alii querenti quali inesse loco Deum crederet, respondisse ut quo se duceret impiger sequeretur. Tum comitante eodem, ad late patentis eremi secreta venisse. Et ostendens solitudinis vastæ recessum, En, inquit, ubi Deus est. Nec immerito ibi esse promptius creditur, ubi facilius invenitur.

5. Nam et in primordiis rerum, cum omnia Deus B in sapientia faceret, et singula quæque futuris usibus apta distingueret, non utique hanc terræ partem inutilem et inhonoratam dimisit; sed cuncta non magis præsentī magnificentia, quam futuri præscientia creans, venturis (ut arbitror) eremum sanctis paravit. Credo his illam locupletem in fructibus voluit, et pro indulgentioris naturæ vice hanc sanctorum dare secundam, ut sic pinguescerent fines deserti, et cum rigaret de superioribus suis montes, abundarent quoque multiplicata fruge convalles; locorumque damna suppleret, cum habitationem sterilem habitatore ditaret.

6. Possessor paradisi et transgressor præcepti, cum locum voluptatis habitaret, fixam sibi a Deo legem servare non potuit. Quanto enim jucundior C ille amœnitatibus locus, tanto huic in lapsum pronior fuit. Unde non solum hunc legibus suis subdidit, sed etiam in nos usque suum illum stimulum mors tetendit. Proinde eremum colat, qui vitam cupit; quia amœni incolæ mortem paravit. Sed jam ad posteriora eremi Deo semper acceptæ exempla veniamus.

7. Moyses cum egisset pecus ad interiora deserti tunc resplendentem eminens Deum igne vidit innocuo; nec solum vidit, verum etiam audivit loquentem. Nempe tunc Dominus cum abjici pedum vincula commoneret, sanctam eremi terram pronuntiavit, dicens: *Locus in quo tu stas, terra sancta est* (*Exod. iii, 5*); manifesto tunc judicio meritum occulti honoris expressit. Confirmata quippe est a Deo sanctitas loci, sanctitate testimonii; in quo (ut reor) etiam illud pariter et latenter enuntiat, ut accedens ad eremum pristinis curarum obligationibus vitæ se absolvat, et anterioribus vinculis expeditus incedat, ne locum polluat. Ibi primum Moyses divini colloquii familiaris adhibetur interpres; accipit verba, ac vicissim refert; dicenda agendave et percunctatur pariter et docetur, ac mutuo confabulationis usitatoque commercio cum cœli Domino sermocinatur. Ibi virgam resumit in opera signorum potentem, ingressusque eremum pastor ovium, pastor ab eremo revertitur populorum.

8. Quid deinde plebs Dei ab Ægypto liberanda,

et operibus absolvenda terrenis, numquid non avia petiit, ad solitudinesque confugit (*Exod. xiv*)? appropinquatura in eremo utique Deo, a quo fuerat exempta servitio. Tendeat igitur ad desertum longa vastitate terribile, Moyse duce. Quam magna multitudo dulcedinis tuæ, Domine! Eremum ingressus Moyses, Deum viderat. En redit rursus ut videat. Ipse plane dux itineris populum suum Dominus ad desertum ducebat; in usum utriusque temporis trahens viantibus columnam, nunc rubentem flamma, nunc nube candentem. Dabat ita promerentibus e cœlo signum, quod lactea mole porrectum alternis irradiabat ardoribus. Intento Israel lumine sequebatur radium, corusco eminens igne rutilantem, ut in eremi secreta tendentibus digne Dominus, cum iter ostenderet, lumen præferret.

9. Huic identidem populo nonne ad desertum tendenti objecta invii maris claustra patuerunt (*Exod. xiv, 22*)? Cum inter præruptos gurgites iter carpens, pulverulento vestigiis agmine Rubris littoribus incessit; exstantesque undarum pendentium montes de profunda valle suspiciens, sic custos gentis freti stagna transmisit.

10. Neque in hoc tantum divini operis virtus stetit: nudata namque rursus refluxo æquore operiens, iter eorum cum hoste delevit, totumque in sedibus suis mare (credo ne ab eremo Israel reverteretur) opposuit. Aperuit inter aquas viam, et circumfusus deinde aquis texit, ut desertum expetentibus patefaceret iter, clauderet reditum (*Exod. xiv, 27*).

11. Hac ergo gratiæ virtute donata gens illa, cum ad solitudinem tenderet, plura tamen promeruit cum possideret. Illic namque eandem insperato Dominus miraculo refecit, cum percussa silice exundantes aquas sitientibus præbuit, et abhorrentibus saxis rivos nativo fonte depromens, occulta manus imposuit subitam latentibus venis naturam (*Exod. xvii, 6*). Nec solum illic ingesto flumine viscera siccae rupis infudit, verum etiam dulcedine superindita amarus tristibus aquis haustus repressit (*Exod. xv, 25*). Illas elicit, has placavit: nec majore miraculo e saxis aquas quam ex aquis alias aquas reddidit. Obstupuit plebs cuncta, cœlestis illic auxilii opem sentiens, non minus in his aquis quæ erant quam in illis quæ nondum fuerant.

D 12. Illic etiam idem populus demissum cœlitus cibum albenti solo legit, cum e nubibus Dominus panem pluvium sicco imbre dejecit (*Exod. xvi, 14*). In tabernacula et in circumjecta castrorum manna nunguido aere illapsum cecidit, ubi panem angelorum manducavit homo. Et quia sufficit diei malitia sua, quotidianum divina indulgentia victum contulit, jam tunc lege præmissa, ne in crastinum cogitaret. Sic quondam in eremo constitutis, quia præstare victum terrena non poterat, cœlum ministrabat.

13. Legem etiam et cœlestia edicta Hebræus idem numquid non eremi inhabitator accepit, tum cum propius admotus, inspicere divino digito impressa tabulis signa meruit (*Exod. xx*)? eductus castris in



occursum Domini, ad radicem montis obvius institit? Vidit equidem pavore percussus illum Sinai verticem, quem terrore multo conspicua majestas insederat. Aspexit attonitus montem procul interfluente igne fumantem; quem deinde totum late nubes densissima oblectum operiebat. Expavit hinc micantia expressis ignibus fulgura, et tonitrua crebris fragoribus mixto buccinarum clangore reboantia; ita filii Israel dum in solitudinibus degerent, Dei sedem videre, vocem audire meruerunt.

14. Talibus olim similibusque usa est ac sustentata miraculis natio illa (*Deut. xxix, 5*), cum deserti incolae fuit, cum eam inusitatus cibus, repentinus potus, inconsummabilisque vestitus aleret, cum etiam illa quæ extrinsecus corpus ambiebant, infatigabili habitu permanerent. Quidquid eorum necessitati locorum ingenium non attulerat, manifesta Dei magnificentia suggererat. Vix in hæc cœlestis gratiæ dona pervenit sanctorum unus, qui de hoc populo ait: *Non fecit taliter omni nationi (Ps. cxlvi, 20)*. Specialia contulit, inaudita concessit, cum divinis muneribus populum refecit in eremo.

15. Et hæc quamvis in figuram nostri facta tradantur, et facies illa rerum mysteriis floreat occultis, omnesque in Moyse baptizati, in nube, et in mari escam spiritalem manducasse, potum spiritalem bibisse referantur (*I Cor. x, 2*); tamen omnia hæc ita futurorum continent fidem, ut gestorum custodiant veritatem. Quamquam nec sic quidem eremi minor laus est, etiamsi ea quæ illic gesta sunt, in sacramentorum sint altitudinem referenda. Nihil ergo gratiæ derogatur, etiamsi ille tunc status corporis, et vestimentorum non consecuta corruptio, venturæ vitæ specimen detulerunt. Magna namque loci gratia est, si quales illos beatissimi sæculi felicitas habebit, tales in hoc jam istos eremus habeat.

16. Quid, quod filii Israel ad illam desiderabilem terram non nisi habitatione eremi pervenerunt? Et ut gens eadem possideret postea illam lacte et melle manantem, prius hæc aridam incultamque possedit. Totum semper ad veram patriam eremi mansionibus iter panditur. Habitat inhabitabilem terram, qui vult videre bona Domini in terra viventium; sit hospes hujus, qui civis esse contendit illius.

17. Sed ut hæc relinquam, David ipse insidias regis infesti non nisi cum desertum expeteret evasit (*I Reg. xxiii*): qui in Idumææ ariditatibus commoratus, toto Dominum corde sitiebat, ut sitiens in deserto et in invio et inaquoso, tum demum appareret Deo in sancto, ac deinceps Dei virtutem pariter et gloriam sanctus videret.

18. Elias vero, maximus secretorum colonus, cælum imbribus clausit, ignibus reseravit, ministra alite cibum sumpsit, fixa mortis jura revocavit, Jordanem dividuum interrupto amne transivit, cælum ardenti curru raptus ascendit (*III Reg. xvi, 43; IV Reg. ii*).

19. Quid deinde Elisæus, consecrator vitæ hujus atque virtutis? nonne perinde divino miraculorum

A opere inclaruit, quem insignem nunc scissus torrens, nunc innatans ferrum, nunc redivivi, nunc olei incrementa fecerunt; quique postremo post alia quamplurima duplicatam in se virtutem magistri hoc etiam comprobavit, quod ille superstes defunctum, hic defunctum exsuscitavit jam defunctus (*IV Reg. ii, 4, 6*).

20. Filii quoque prophetarum relictis urbibus expetebant gemino defluentem fonte Jordanem, exstruebantque in abditis tabernacula remoto juncta torrenti. Excubabat cohors sancta secreti fluminis ripis, velut quibusdam sparsa tentoriis, et habitationibus congruis egregia indoles spiritum custodiebat paternum (*IV Reg. vi*).

21. Quid ille quo major inter natos mulierum non surrexit (*Matt. xi*); nonne in deserto clamans, in deserto vivebat? In deserto ab hoc baptismus traditur, in deserto pœnitentia prædicatur, in deserto primum mentio regni cœlestis infertur. Ibi hæc illo audientibus primus ingessit, ubi hæc citius ambiens quisque promeruit. Nec immerito futurus hic arduus deserti habitator, ante faciem Domini angelus mittitur, viam reserat in cœleste regnum, et præcursor et testis dignus qui Patrem e cœlo loquentem audiret, Filium baptizando contingeret, Spiritum sanctum descendantem videret.

22. Ipse quoque Dominus ac Salvator noster baptizatus confestim (ut Scriptura ait [*Matt. iv, 1*]) a Spiritu in desertum ducitur. Quis hic igitur est Spiritus? Cunctatio nulla subest, quin Sanctus. Quod deinde Spiritus sanctus pertrahit in desertum, nimirum istud ille dictat, istud ille tacitus inspirat, fitque eremus Spiritui sancto suggerenti digna suggestio. Mystico ergo flumine infusus, nihil sibi prius agendum putat, quam ut ad secreta contendat. Et tamen ille sanctificantes semper aquas tunc sanctificaverat, nec peccati hominem purgatus abluerat; peccatum enim ille neque fecerat, neque metuebat; et eremi tamen amore flagrabat, atque in omnibus salutaris auctor exempli, hanc non dignam nobis desiderabat. Quæ si votiva Deo ab erroribus libero, quanto magis necessaria homini erroribus obnoxio? Si petita non delinquenti, quanto magis exoptanda peccanti.

23. Ibi etiam in famulatum Domini, remotis circumstrepentibus turbis, tacita divini vigoris ministeria succedunt, et in eremo constitutus, tamquam jam in cælum reiectus, occurrentium excipitur officii angelorum (*Matt. iv, 11*). Ibi tunc tentantem notæ artis insidiis hostem illum antiqui temporis confutavit, supplantatoremque veteris Adam novus Adam repulit. O laus magna deserti, ut diabolus qui vicerat in paradiso, in eremo vinceretur!

24. Desertus etiam locus ille erat in quo Salvator noster quinque virorum millia panibus quinque et piscibus tantum duobus pavit, satiavit, explevit (*Matth. xiv*). Semper in deserto, pane Jesus suos pascit. Suis prætulerat olim manna divini muneris fidem, nunc fragmina retulerunt: eodemque miraculo victus ut tunc esurientibus decedit, ita nunc



vescentibus crevit. Cunctis dono suo epulae auctioribus majores fuerunt cibis, quam fuerant illatae convivii. Desertis, inquam, desertis tantorum nunc signorum causas demus, nec virtus potentiam declarasset si habuisset locus copiam.

25. Et tunc Dominus Jesus ad excelsi montis remotiora secessit, cum tribus tantum sibi adhibitis electis insolita claritate vultus effulsit; qui cum assumptum palam hominem praeferret, declarandae majestatis indicium secretis credidit. Ibi tunc ille apostolorum maximus: *Bonum erat*, inquit, *nos hic esse* (*Matt. xvii, 4*); adamans scilicet magnitudinem signi, in remotione deserti.

26. Idem quoque Dominus Jesus (ut scribitur) in desertum locum ibat, ibique orabat (*Luc. v, 16*)? Locus ergo ille jam vocetur orationis locus, quem B exorando Deum, idoneum Deus auctor ostendit, docuitque unde facilius nubes humiliantis se oratio penetraret, adjuta loco, quia honorata secreto: atque ipse illic orando cum peteret, demonstravit ubi orare nos vellet, cum peteretur.

27. Quid nunc ergo Joannem, Macariumque commemorem, aliosque complures, quorum conversatio dum in desertis est, in caelis facta est? Appropinquaverunt illi tantum Domino quantum appropinquare Deo hominem fas sinebat, admissique sunt in divinarum opera rerum quantum carne circumdatos licebat admitti. Fixam in superna mentem caelestibus inseruerunt secretis, hic comitantem gratiam aut revelationibus tacitis, aut clamantibus signis protulerunt, et suffragante secreto usque in id pro-  
C vecti sunt, ut terram tunc quidem corpore continerent, caelum vero spiritu jam possiderent.

28. Hoc igitur eremi habitaculum dicam non immerito quamdam fidei sedem, virtutis arcem, charitatis sacrarium, pietatis thesaurum, justitiae promptuarium. Nam sicut in magna domo pretiosa quaeque claustris obsignata in remotis habentur, ita magnificentia illa sanctorum abditorum eremo, quam difficultatibus suis natura observavit, deponitur intra quoddam conclave deserti, ne conversationis humanae usu aboleat. Aptaeque a mundi Domino haec pretiosa divitiarum supellex, in illa mundanae domus parte non solum conditur, verum etiam, cum usus est, ex reconditis promitur.

29. Fuit olim erga eremum cura divinae Providentiae summa et maxima, sed ne nunc quidem parva est. Nam et nunc cum eremi incolis victus divinitus insperata supervenit largitate, quid aliud quam e caelo lapsus defluit? Habent et isti in hac munificentia suum manna, nec minus his Dominus brachii sui opere secreto alimoniam spargit ex abdito. Et cum silicibus perfossis tandem divino munere respondentes e saxis aquae proflunt, quid aliud quam velut Moysi virgae ictu percussa rupe emergunt? Vestimentorum perinde habitus in eremi vastitate degentibus, nunc quoque ecce non deficit, qui dum jugiter gratuito divina provisione succedit, utique succedendo manet. Aluit Dominus in deserto suos quon-

dam, sed et nunc alit; et illos quadraginta annis, hos vero quousque anni erunt.

30. Merito hanc Sanctus divino igne succensus, relicta sede propria, sedem legat: merito propinquis, illis parentibusque praeponat, suorumque omnium commercio emat. Merito haec genitalem desertentibus patriam temporariae patriae nomen obtineat, a qua non metus, non desiderium, non gaudium, non moeror revocet. Merito plane universorum affectuum sola sit pretium.

31. Quis enim enumerare beneficia eremi digne queat, virtutisque commoda habitantium in ea? In mundo positi, quodam modo extra mundum recedunt, in solitudinibus (ut ait Apostolus) errantes, in montibus, et speluncis, et in cavernis terrae (*Hebr. xi, 58*). Nec immerito dignum talibus Apostolus negat esse mundum, qui alieni sunt ab illo reipublicae humanae tumultu, sepositi, quieti, silentes; nec magis absunt a voluntate peccandi quam a facultate.

32. Clari apud veteres saeculi hujus viri, defatigati laboribus negotiorum suorum, in philosophiam se tamquam in donum suam recipiebant. Quanto pulchrius ad haec manifestissimae sapientiae studia divertunt, magnificentiusque ad solitudinum libertatem et desertorum secreta secedunt, ut philosophiae tantum vacantes, in illius eremi deambulacris [*Vulg. vastitate*], tamquam in suis gymnasiis, exerceantur? Ubi, quaeso, liberius, quam in deserti habitatione servetur Pascha? Sed virtutibus et continen-  
C tia: continentia, inquam, quae velut alia quaedam est cordis eremus. Nam et Moyses quadraginta continuos se in eremo dies (*Exod. xxiv, 18*), totidemque post se illic Elias (*III Reg. xix, 8*) jejunio dedit: et uterque ibi inedia ultra humani effectus vires extendit. Deinde et Dominus, idem, sed in deserto abstinentiae tempus exegit (*Matth. iv, 2*). Nec praeterea usquam legimus spatia eadem exacta jejunio: ut putandum sit, aliquem tribui per Dominum locis illis etiam vigorem.

33. Ubi, quaeso, magis vacare, et quam dulcis sit Dominus, videre contingit? Ubi promptior ad perfectionem tendentibus via panditur? Ubi major virtutibus campus aperitur? Ubi facilius mentis, ut possit circumspicere, custodia? Ubi liberior cordis, ut Deo inhærere certet, intentio, quam illis utique secretis, in quibus Deum non solum invenire promptum est, verum etiam custodire?

34. Et quamvis saepe in eremo tenuis soli pulvis occurrat, nusquam tamen firmitus Evangelicae illius domus fundamenta jaciuntur (*Matth. vii, 24*). In illis licet aliquis consistere arenis velit, nequaquam tamen super arenas domum construit: nusquam magis quam illic supra petram praedictum illud aedificium collocatur, quod immobili stabilitate fundatum, inconcussa mole durabit: ut tempore ingruentium procellarum, non flantibus ventis, non immissis torrentibus subruatur. Itaque habitatores deserti talia sibi aedificia, sed in cordibus fabricant: illi qui sum-



ma inis appetunt, qui excelsa humilitate sectantur, A desideres atque immemores terrenorum, ob spem votumque cœlestium. Qui abjiciunt, dum egere malunt, divitias, egere festinant, dum esse divites concupiscunt; die ac nocte labore vigiliisque decertant, ut apprehendant vitæ illius principium, cujus non invenient extremum. Sic materno eremus sinu continet illos æternitatis rectissime avaros, bene prodigos brevitatis; incuriosos præsentis temporis certos futuri: et per hoc assequuntur ut in quos sæculorum fines decurrerunt, his sæcula sine fine contingant.

35. Fervent ibi conscriptæ interioris hominis salubriter leges, et æterni sæculi jura subtilius. Non illic humana criminum facinorumque præscripta vim suam resonant, nec se ultricia capitalium delictorum jura exerunt. Cor nisi purissimum indigenæ leges faciunt reum; atque ipse omni studio, mentis motus interior, intra justitiæ terminos coercetur: eodemque se judice vel levium cogitationum principia plectuntur. Apud alios malum sit malum fecisse, apud hos vero malum est bonum non fecisse.

36. Sed quomodo ego possim commemoratione digna interiora eremi instituta venerari? Nunc vero illud tacitus præterire non possum quod in habitatoribus ejus vis illa virtutis quam abscondita cunctis, pene tam nota est. Nam cum se utique in remota abigunt, mundum, humanumque consortium repudiantes, oculi quidem gestiunt, meritum tamen oculare non possunt. Quantum se eorum introrsus agit vita, tantum se foras proripit gloria; Deo (ut arbitror) ita inter utrumque moderante, ut incola eremi suæ lateat sæculo, et non lateat exemplo. Hæc lucerna est, quæ universum resplendet orbem, supra eremi candelabrum locata: hinc se flagrantissimum lumen per tenebrosa mundi membra diffundit. Hæc est civitas quæ abscondi non potest in deserti monte constructa, quæ imagine sua cœlestem Jerusalem terris dedit. Proinde si quis in tenebris est, huic lumini appropinquet, ut videat: si quis discrimini patet, ad hanc civitatem tendat, ut tutus sit.

37. O quam jocundæ sunt sitientibus Deum, etiam devixæ illis saltibus solitudines! quam amœna sunt quærentibus Christum illa secreta, quæ longe lateque natura excubante porrecta sunt! Silent omnia. Tunc in Deum suum læta mens quibusdam silentii stimulis excitatur, tunc ineffabilibus vegetatur excessibus. Nullus interstrepens illic sonus, nulla nisi forte cum Deo vox est. Solus ille admodum suavis sonitus silentium secretæ stationis intervenit, interpellatque illum placidæ quietis statum strepitus quiete dulcior, et sanctus modestissimæ conversationis tumultus. Tunc hymnis suave resonantibus excelsa ipsa ferventes chori pulsant, atque in cœlum non minus pene vocibus quam orationibus perveniunt.

38. Premit frustra tunc circumveniens adversarius, tamquam intra caulas ovibus septis lupus. Invisit sane spatio a deserti latantium angelorum

chorus, et per illam Jacob scalam commeantes, eremum frequentia abditæ visitationis illustrant (*Gen. xxviii, 12*); ac ne in vanum vigilent qui custodiunt civitatem, peculiarius Christo propugnatore munitur, qui tamquam mororum objectu, ita eremi ambitu hostes suos submovet, ut adoptiva Deo gens quantum secreti spatiis exposita, tantum hostibus suis clausa sit. In illo quoque meridie sponsus recubat: habitatoresque deserti, charitate vulnerati contemplantur eum dicentes: *Invenimus quem diligit anima nostra: tenebimus eum et non dimittemus* (*Cant. iii, 4*).

39. Non est infructuosum (ut creditur), non est illud sterile eremi solum, nec infecunda arentis saxa deserti. Illic multiplex germen, et centenos accola B fructus recondit. Non facile illic jacta semina secus viam decidunt, quæ volucres absumant: nec in petrosa facile dilabuntur, quæ non habentia altitudinem terræ, æstuent, et arescant: neque in spineta facile fugiunt, quæ jam adultis sentibus obruantur. Uberi illic messem proventu colonus metet: producit in his saxis seges illa, per quam etiam ossa pinguescunt. Invenitur etiam illic panis vivus, qui de cœlo descendit. Erumpunt in illis rupibus fontes irrigui, et aquæ vivæ, quæ non satiandis solum, verum etiam possunt sufficere salvandis. Illic interioris hominis pratum [*Vulg. pastus*] et voluptas, hic incultum desertum, illic mira amœnitate jucundum est; eademque corporis est eremus, animæ paradisos.

40. Nulla jam quamvis fertilis tellus, terræ eremi se C comparatione jactaverit. Est terra aliqua frugibus ditis? in hac maxime nascitur frumentum illud, quod esurientes adipe suo satiat. Est alia gravidis læta vinetis? in hac maxime profertur vinum illud, quod bene lætificat cor hominis. Est alia pascuis præstans? in hac saluberrime pascunt oves illæ, de quibus dicitur, *Pasce oves meas* (*Joan. xxi, 17*). Est alia floribus picta vernantibus? in hac maxime verus ille flos campi et liliū convallium refuget. Postremo alia est speciosius exsultans metallis, alia vero auro suo fulva est? in hac varii lapidum micant vibrante luce fulgores. Ita terra hæc singulis terris major ad singula, omnes longe præcedit bonis omnibus.

41. Recte ergo tu, verenda tellus, Sanctis aut in te D positis, aut non procul a te remotis, aut habitabilis dudum, aut desiderabilis exstitisti: quia pro universis bonis illius es fertilis in qua habentur universa. Tu cultorem hunc, qui suam terram non qui tuam excolat, requiris. Tu inhabitantium te vitis sterilis, tu fecunda virtutibus. Tuam quicumque sanctorum familiaritatem quæsit, Deum reperit: Christum in te, quisquis te coluit, invenit. Ipse qui habitat, Domino habitatore lætatur. Idem ipse est, et possessor tuus, et divina possessio. Tuum qui non refugit habitaculum, factus est ipse Dei templum.

42. Equidem cunctis eremi locis quæ piorum illuminantur secessu, reverentiam debeo, præcipuo ta-



men Lirinum [*Vulg.* Lerinam] meam honore com-  
 plectens, quæ procellosi naufragiis mundi effusos,  
 piissimis uluis recepat venientes: ab illo sæculi  
 flagrantis æstu, blande introducit sub umbras suas,  
 ut illic spiritum sub illa interiore Domini umbra  
 anhelu resumant. Aquis scatens, herbis virens, viti-  
 bus renitens, visibus odoribusque jucunda, paradisi-  
 sum possidentibus se exhibet. Digna quæ cœlestibus  
 disciplinis Honorato auctore fundata sit, quæ tantis  
 institutis tantum nacta sit Patrem, apostolici spiritus  
 vigore et vultus honore radiantem. Digna quæ illum  
 suscipiens, ita emitteret [*Port. cod. eniteret*]: digna  
 quæ præstantissimos alat monachos, et ambiendos  
 proferat sacerdotes. Hæc nunc successorem ejus te-  
 net, Maxima nomine; clarum, quia post ipsum  
 meruit adsciri. Hæc reverendi nominis Lupum, qui  
 nobis illum ex tribu Benjamin lupum retulit. Hæc  
 habuit germanum ejus Vincentium, interno gemmam  
 splendore perspicuam. Hæc possidet venerabilem  
 gravitate Caprasium, veteribus sanctis parem. Hæc  
 nunc habet sanctos senes illos, qui divisis cellulis  
 Ægyptios Patres Gallis nostris intulerunt.

43. Quos ego illic, Jesu bone, sanctorum cœtus,  
 conventusque vidi! Pretiosa in his suavi unguedine  
 alabastrum fragrant: spirabat passim odor vitæ.  
 Interioris hominis faciem, exterioris habitu præfe-  
 rebant: constricti charitate, humilitate dejecti, mol-  
 lissimi pietate, firmissimi in spe, incessu modesti,  
 obedia cti, occursu taciti, vultu sereni; prorsus  
 ipsa protinus contemplatione angelicæ quietis agmen  
 ostendunt. Nihil concupiscunt, nihil desiderant nisi

A cum tantum, quem solum desiderantes concupiscunt.  
 Dum beatam querunt vitam, beatam agunt; eamque  
 et dum adhuc ambiunt, jam consequuntur. Itaque  
 optant a peccatoribus segregari? jam segregati sunt.  
 Castam possidere vitam volunt? possident. Omne in  
 Dei laudibus tempus habere ambiunt? habent. Desi-  
 derant gaudere sanctorum cœtibus? gaudent. Chri-  
 sto frui cupiunt? Christo fruuntur. Vitam eremi ad-  
 pisci gestiunt? corde adipiscuntur. Ita per largissi-  
 mam gratiam Christi, multa ex his quæ in futurum  
 exoptant, in præsentiarum merentur. Rem porro  
 jam capiunt, dum spem sequuntur. Habent non par-  
 vum, etiam labore ipso premium laboris, quia pene  
 jam in opere est, quod merces erit.

B 44. Horum tu, mi Hilari charissime, redditus in-  
 sertusque consortio, plurimum tibi, plurimum etiam  
 illis contulisti, qui nunc pro reditu tuo alaeri exul-  
 tatione lætantur. Cum his, obsecro, peccatorum  
 meorum, intercessionisque memoriam ne oblittera-  
 veris; cum his, inquam, quibus nescio an ipse gau-  
 dii plus attuleris, an majus inveneris. Tu nunc ve-  
 rior Israel, qui corde Deum conspicias, ab Ægyptiis  
 sæculi tenebris dudum expeditus, salutiferas aquas  
 submerso hoste transgressus, in deserto accensum  
 fidei ignem secutus, amara quondam, per lignum  
 crucis dulcia nunc experiris: salientes in vitam  
 æternam aquas a Christo trahis, internum hominem  
 superno pane pascis; in Evangelio throni tui divi-  
 nam accipis vocem (*Matth. xix, 28*). Qui cum Israel  
 in eremo commoraris, cum Jesu terram repromis-  
 sionis intrabis. Vale in Christo Jesu Domino nostro.

## SANCTI EUCHERII

LUGDUNENSIS EPISCOPI

# EPISTOLA PARÆNETICA

AD VALERIANUM COGNATUM

DE CONTEMPTU MUNDI ET SÆCULARIS PHILOSOPHIÆ.

Bene alligantur vinculo sanguinis, qui vinculo  
 consociantur amoris. Sic et nobis quoque admodum  
 gloriari, pro hoc ipso Dei munere licet, quos per-  
 inde charitas ut propinquitas nectit, coarctantque in  
 unum affectum duæ necessitudines, quarum alteram  
 a parentibus carnis nostræ accepimus, alteram a no-  
 bis sumpsimus. Geminum hoc vinculum, quo (con-  
 fœderantibus nos hinc genere, hinc dilectione) con-  
 nectimur, hæc me paulo latius ad te exarare com-  
 pulsit, ut commendarem animo tuo causam animæ  
 tuæ, veramque illam beatitudinem, et æternarum  
 rerum capacem, opus nostræ professionis asse-  
 rem. Nam cum te æque ac me diligam, necesse est  
 ut summum bonum assequi te, tamquam me alterum,  
 cupiam. Et quidem a professione vitæ sanctæ, pio  
 etiam non abhorres ingenio, qui ea quæ sacræ insti-

tutiones docent prævenisti in plurimis præcoqua-  
 morum felicitate, ut mihi videaris quædam religionis  
 officia quasi per providam occupasse naturam, Do-  
 mini ac Dei nostri jam in hoc erga te indulgentia:  
 cujus gratia est quod divina in te doctrina bona sua  
 pro parte invenire potest, pro parte conferre. Quam-  
 vis autem in maximos sæculi apices patre soceroque  
 elatus, illustribus ex utroque titulis ambiaris; ego  
 tamen longe superioris in te honoris fastigia concu-  
 pisco; teque non ad terrenarum, sed ad cœlestium;  
 nec ad sæculi, sed ad sæculorum dignitatem, voco.  
 Certa quippe et inoblitterabilis hæc gloria est, æter-  
 nitate gloriari. Loquar ergo apud te non sapientiam  
 hujus sæculi, sed illam sapientiam arcanam, abscon-  
 ditam, quam prædestinavit Deus ante sæcula in glo-  
 riam nostram (*I Cor. ii*). Loquar tecum multo studio



tui, mei admodum parum providus, qui plus in te A quid velim, quam in me quid possim, consideravi.

Primum instituti atque in lucem editi hominis officium est, mi Valeriane charissime, proprium cognoscere auctorem, cognitumque suscipere; vitamque, id est, divinum donum, in divinum officium cultumque conferre. *Ut quod Dei munere sumpsit, Dei devotione consummetur*, atque id quod ab eodem indignus cepit, eidem subjectus impendat. Sana quippe opinione agimur, ut eductos nos sicut ab ipso, ita ipsi arbitremur. Unde ille plane magnificeque perspicit Creatoris nostri in efflingendo homine sententiam, quisquis ita intelligit, quod nos et ipse et sibi fecit. Optimum deinde est curam principalem animæ impendere ut quæ utilitate prior est, non sit consideratione posterior. Primas apud nos curas, quæ prima habentur, obtineant, summasque sibi sollicitudinis partes salus, quæ summa est, vendicet. Hæc nos occupet in præsidium ac tutelam sui, jam non plane prima, sed sola. Omnia vincat eo studio, quo præcedit omnia. Summam debemus observantiam Deo, animæ deinde maximam: atque ita tamen istud est, ut cum utrumque præcipuum sit, observari alterum sine altero nequaquam posse videatur. Ita quisquis Deo satisfecerit, animæ necesse est jam consuluerit; et rursus, qui animæ consuluerit, necesse est Deo jam satisfecerit. Sic de summo apud nos utroque res transigitur utili coacta compendio; ut si quis unum sedulo impleverit, utrumque contulerit, quia ineffabili benignitate divina, ipsa utilitas fit Dei sacrificium. Multus corpori curationum usus impenditur; multum huic operæ in spem medelæ [*Fort. in speciem medelæ*] datur. Numquid medicinam anima non meretur? Et si varia corpori auxilia studio tuendæ sanitatis adhibentur, fas non est tamen animam velut exclusam jacere, et quasi neglectam morbis suis intabescere, atque unam a propriis remediis exsulare, immo vero plura animæ conferenda sunt, si corpori tanta præstantur.

Nam, si recte quidam carnem hanc famulam, animam vero dominam esse dixerunt; non oportet posteriore loco nos dominam ponere, ac famulam iniquo jure præferre. Merito poscit studia majora pars melior, quia omni nobis cura illuc respiciendum est, ubi substantiæ nostræ abundantior dignitas constitit. Congruum non est, in hoc honore nostræ sollicitudinis eam nos subicere pejori. Caro siquidem proclivis in vitia, ad terram nos, tamquam in originem suam, revocat (*Gen. viii*): hæc vero veniens a patre luminum, sicut ferri ignibus mos est, in superiora nititur. Hæc in nobis imago Dei, hoc pretiosum est divini muneris pignus. Hanc omni ope, hanc summis viribus tueamur; hanc si regimus, et conservamus, Dei depositum tuemur (*II Tim. i*). Quis extruendi, nisi cum fundamenta jeceris, locus est? Superædificare cæteras utilitates destinanti salus fundamentum est. Cæterum quomodo quispiam sequentia addat, si nec prima possederit? Unde succedentium angebitur incrementis, si anteriorum deficiatur exordiis? Quo-

modo interesse putet beatitudini, cum desit etiam salutis? Indigens vitæ, unde abundare felici vita potest? Aut quid prodest, si adjiciat cibus, non habens unde consulendum est animæ? De qua et Dominus noster Jesus Christus ait: *Quid enim prodest homini, si mundum universum lucretur, animæ vero suæ detrimentum patiatur* (*Matth. xvi*)? Proinde non potest ulla compendii causa consistere, si constet animæ intervenire dispendium. Ubi salutis damnum est, illic utique jam lucrum nullum est; quo enim lucrum capiatur, nisi capiendi sedes inconcussa servetur? Atque idcirco ad illud lucrum verum, ad illud sanctum expetendumque commercium, dum tempus est, properemus (*Gal. vi*).

Parere possunt æternam vitam pauci dies; qui tamen dies, etiamsi illæsam atque incontaminatam vitæ beatitudinem possiderent; tamen, quia pauci essent, parvo æstimandi erant. Nihil enim est magnum re, quod parvum tempore; nec longis dilatatur gaudiis, quidquid arcto fine concluditur. Brevem utilitatem sæculi istius brevia habent commoda. Recte ergo etiam bono brevis vitæ perpetuæ vitæ commodum præponendum videretur; quia illa esset temporalis, hæc æterna felicitas; quia fragile esset brevibus bonis perfrui, tutum gaudere perpetuis. Nunc vero æterna vita beatissima est. Nam quid felicius æterna vita dici potest? Hæc vero brevis, ita brevissima, ut ærumnossissima; quæ undique circumstantium dolorum urgetur incommodis; et deficientibus fatigatur malis, dum accidentium jactatur injuriis. Quid enim tam infidum, tam varium, tam calamitosum, quam vitæ istius cursus est? Quæ plena laboris est, plena sollicitudinis, plena curarum, ipsorum quoque plena discriminum; et per ancipites distracta casus, fit corporis vexationibus inquieta, animi angoribus anxia, periculorum turbinibus incerta. Quæ utique utilitas, quæ ratio, non expeti bona æterna, sequi temporalia, etiam mala? Nonne vides, ut etiam in hac vita quisque providus, locum aut agrum, in quo diutius se commoraturum putat, copiosis in usum sarciat impendiis? et ubi parvo quis erit tempore, parva providet; ubi majore, majora procurat? Nobis quoque, quia in præsentiarum brevissimum angustiis coactantibus tempus est, in futuro sæcula erunt, competentibus copiis vitam exaugeamus æternam, competentibus instruamus exiguam, ne provisione perversa, impendamus brevi tempori curam maximam, et maximo tempori curam brevem.

Atque haud scio ad hanc beatissimam vitam quod compellere nos ocius aut efficacius debeat; an ipsa futuræ vitæ commoda, quæ promittuntur; an præsentis vitæ incommoda, quæ videntur. Inde nos illa blandissime provocant, hinc ista vehementer exturbant. Proinde, cum in meliorem partem etiam pessima suffragentur, si bonis non illicimur, malis extrudamur. Ad incitamentum meliorum, optima deterioribus concinunt, et in eandem utilitatem diversa concurrunt. Nam, dum alia nos invitant, alia fugant, in melius utraque nos sollicitant. Nam si hominum



quispiam clarus ac locuples in locum liberorum te adoptaturus acciret, ires per oppositas rerum difficultates, et per quamvis longi recessus iter vectatus accurreres? Deus universitatis rerumque Dominus, te in adoptionem vocat (*Rom. viii; Gal. iv; Ephes. i*), illud (si velis) tibi blandum filii nomen impartiens, quo Deum nostrum, unicum suum nuncupat, et non accensus raperis, non properus urgeris, ne conditionem tantam celeri occursum mors festina præcipiat? Atque ad hanc obtinendam, tu non in vias terræ solitudines, nec longinqui maris incerta penetrabis? Cum volueris, hæc adoptio tui tecum est. Numquidnam segnes ac desides nos res ista habebit, ideoque, quia tam prompta quam maxima? quo durius conditionem hanc dissimulatores experientur. Tanto enim nolentibus perniciosior, quanto est volentibus promptior.

Certe cupiditas vitæ est istud quod nos delectatione rei præsentis innexuit. Ergo amantes vitam, hortamur ad vitam. Vera ratio est persuadendi, cum id poscitur, ut impetremus a vobis quod concupiscitis. Pro vita, quam diligitis, legatione apud vos fungimur (*II Cor. v, 20; Eph. vi, 20*); et hanc, quam omnes exigam amatis insinuamus, ut ametis æternam. Quam quo pacto amemus nescio, si non hanc, quam amamus, esse quam speciosissimam cupimus. Itaque istud, quod et cum arctum sit placet, placeat magis, si potest esse perpetuum; et quod apud nos pretium habet, cum finem habeat, sit nobis supra pretium, si potest esse sine fine. Rectum sit proinde minorem vitam prospexisse majori, ut ad alteram nobis, sed per hanc, transitus construatur: quam utique non convenit sociæ commodis obliquis intervenire consiliis. Non se opponat, ut obsit, ut noceat. Absurdum quippe atque contrarium est ut vitæ detrimentum afferat amor vitæ. Igitur sive vitam hanc contemnendam putas, sive complectendam, in utroque facilis negotii mea causa est. Nam, si spernitur, una est spernendi ratio, ut melior appetatur. Et si diligitur, tanto magis est diligenda, quæ major est. Ego tamen desideraverim ut hanc pro experimentis sui habeas, ut molestissimam atque incertis fatigationibus inquietam (sicuti est) iudices, eamque cum occupationibus spernas ac respuas.

Abrumpatur illa interminabilis sæcularium negotiorum catena, et ille de necessitatibus multis unus per totam vitam labor. Disrumpamus inanum curarum vincula, quorum succedentibus sibi nexibus implicatis, in quibus semper occupatio nostra quasi incipit. Removeantur illæ tam vacuæ quam coherentes sibi causæ, in quibus, quoad vivitur, studium mortalium, dum subinde negotiis inchoatur, numquam finitur. Quarum rerum infatigabilis intentio jam brevem et arctam per se vitam, hanc etiam arctissimam reddidit. Per quæ etiam nunc vana gaudia, nunc acerbi moerores, nunc anxia vota, nunc suspecti metus veniunt. Abjiciantur postremo illa omnia, quæ præsentem hanc vitam faciunt brevem occupationi, longam dolori. Repudiemus mundi parum fidi vitam utrobique suspectam, apud quam perinde alta

atque humilia parum tuta sunt. Obteruntur humilitate depressa, nutant celsa fastigio. Pone quem volueris statum, non apud infima istic, non apud summa requiescitur: gravem turbinis sortem utraque conditio non effugit. Subjacet contumeliæ minor, major invidiæ.

Duæ res præcipuæ sunt, ut arbitror, quæ maxime homines in negotiis sæculi vinctos tenent, et eblanditis sensibus captos, illecebroso amore constringunt: opum voluptas, et honorum dignitas. Quarum prior, non voluptas, sed egestas: sequens, non dignitas, sed vanitas nuncupanda est. Hæc utraque, alternis nodis irretitis, gressu impedit, fallax complexa collegium. Hæc pestifere pectoribus humanis, blanda desideriis vitia inspirant; defatigatasque mentes mortalium, facili jucunditate sollicitant. Nam, quid istis opibus (ut de his primum dicam) perniciosius, quæ raro, nisi cum justitia congeruntur? Tali administratore res ista capitur, tali custode servatur. *Radix enim, inquit, omnium malorum cupiditas* (*I Tim. vi, 10*). Adeo quædam societas est pene etiam nominis, duabus his rebus, vitiis et divitiis. Numquidnam non opes istæ, quædam materia contumeliarum sunt? Unde etiam quidam nostrorum ait: *Quid enim aliud sunt divitiæ, nisi pignora injuriæ?* Numquid non, velut exposita improbis præmia, factiosorum oculos animosque provocant, proscriptionesque ipsas quodammodo ostentant, et invitant? Sed fac, ut ista non accidant, numquid quo post nos errantes, fugientesque commigrent, certi esse possumus? *The-saurizat, inquit, et ignorat, cui congreget ea* (*Ps. xxxviii, 7*). Sed fac ut veniat hæres ex voto, numquid non sæpe censum hæres intercipit, opesque congestas aut filius male educatus, aut gener male electus absumit? Quid divitiæ istæ in se voluptatis habent, quarum est et misera possessio, et incerta transmissio? Quo devius ac præceps hominum amor raperis? Scis ea, quæ tibi obveniunt diligere, et ipsum te diligere nescis? Foris est, quod amas: extra te est, quod concupiscis. Revertere potius in te, ut sis tibi tu charior quam tua. Certe, si ad te quispiam rerum haud ignarus accedat, malis ipsum te amet, quam ista, quæ tecum sunt: idque eliges, ut ille vitæ tuæ potius, quam opibus tuis affectum suum conferat. Vis hunc homini fidem servare, non rebus. Quod tibi tribuere velis alium, ipse hoc tibi, qui es tibi fidissimus, tribue. Nos potius nos amemus quam nostra. Et hæc quidem adversus facultates dicta sint.

In honoribus vero hujus mundi, ut cætera taceam, quæ æstimari dignitas potest rerum, cum ad hanc promiscue cum bonis mali ambitione conscendant, et non unius meriti viros unus honor ambiat, dignosque et indignos non jam discernat dignitas, sed confundat? Ita, quæ meliores deterioribus præferre debebat, æquare cœpit: novoque modo optimi ac pessimi viri nusquam fere minus discrimen est, quam in honore. Nonne honor major est, hujusmodi honore inhonorum esse malle; ac suis magis moribus quam promiscuis honoribus æstimari? Atque



hæc ipsa (utcumque se habent) quam transvolantia, **A** quando finiant temporariam, qui transeunt in æternam.

hæc ipsa (utcumque se habent) quam transvolantia, quam caduca sunt? Vidimus nuper viros honore conspicuos, celsarum dignitatum insedis fastigiis, et diffuso usquequaque censu per orbem patrimonia tetendisse. Cupiditates successibus vicerant, rebus vota transcendebant. Sed privatas tantum felicitates revolve. Reges ipsi magno sublimes imperio, gemisque fulserunt horum tegmina; mirum dictu, textis irradiabant metallis, diadema [*Fort. irradiabat metallis diadema*] distinctis intermicabant arboribus [*Fort. domus arboribus*], splendebat instructa palatinis aula cultibus, auratisque trabibus tecta rutabant: eorum voluntates jura hominum, eorum verba leges appellabantur. Quis supra hominum verticem potest temporaria felicitate confugere? Ecce eorum ille ambitus nusquam est, affluentissimæ quoque opes abierunt, transierunt ipsi tantarum opum domini (*Job. xiv, Sup. v*).

Recentium inclytorumque regnorum apud nos jam quædam fabula est. Omnia illa, quæ hic erant magna, modo jam nulla sunt. Nihil, ut puto, immo, ut certo scio, ex illis opibus, honoribus, regnis, secum abstulerunt, nisi (si qua in his fuit) fidei pietatisque substantiam. Sola hæc illos, cæterarum rerum egenos, sola prosequitur: hæc abeuntes inseparabilis et quasi fida comitatur. Illa nunc ope aluntur, in illis nunc divitiis, in illis tantum honoribus acquiescunt. Hæc bona nunc in beneficiis habent. Quapropter, si honoribus opibusque capimur, veris opibus, veris honoribus excitemur. Optimus quisque in cælestes honores, in cælestes opes, terrenos honores, terrenas opes transfert: illuc utique, ubi bonorum ac malorum summa et inconfusa discretio est: ubi, quod semel adipiscimur, semper tenemus: ubi si locus obtinendi ullus fuerit, amittendi nullus erit.

Sed quando de fragili temporalium bonorum possessione diximus, aliquid etiam nobis de ipsius brevis vitæ conditione dicendum est. Quid istud, quæso, quid istud est? Nihil ita quotidie homines, ut mortem vident: nihil ita obliviscuntur, ut mortem. Agitur humanum genus rapida in occasu mortalitate, omnisque posteritas succedentium sæculorum lege decurrit. Patres nostri præterierunt, nos abibimus, posterii sequentur: velut ex alto undarum jactus, aliis atque aliis supervenientibus, in littoris extrema franguntur; ita in terminum mortis succiduae alliduntur ætates. Hæc nos consideratio diebus ac noctibus, hæc nos conditionis nostræ memoria circumstrepit. Debitum vitæ finem jam jamque affuturum putemus; qui nobis tanto magis appropinquabit, quanto magis distulit. Vicinum speremus diem, longinquum esse nescimus. *Præparemus*, ut scriptum est, *ad exitum vias nostras* (*Mal. iii, 1*). Si cogitamus ista, si ista meditamur, non timebimus mortem, timendo. Beati, qui vos jam reconciliastis Christo. Non magnus mortis istos timor infestat, qui jam *dissolvi optant, et esse cum Christo* (*Phil., i*); qui summum vitæ istius diem, jam parati, jam quieti, in silentio expectant. Non enim multum refert,

Ad negligentiam vitæ, non nos negligentium turba persuadeat, nec ad damnum propriæ salutis, alienis ducamur erroribus. Quid nobis in illo Dei judicio proderit multitudo; ubi singuli judicabuntur, ubi sola examinatio meritorum, actus quemque, non populus absolvent? Cessent, cessent solatia malesuada discriminis. Nimirum præstat vitam propagasse cum paucioribus quam perdidisse cum pluribus. Atque adeo, non nos ad incuriam peccatorum, sola peccantium numerositas pertrahat, neque hoc, quod sibi alii parum consulunt, quædam nobis efficiatur auctoritas. Obsecro te, delictum alienum semper ut opprobrium respice, numquam ut exemplum. Quod si libet oculos ad exempla conferre, in illam potius intende partem qua, licet pauciores sint, tamen sunt in sua parte copiosi. Illam, inquam, respice, in qua sunt, qui sapienter intelligunt, quapropter nati sint, et utique, dum ad [*Pro quoad*] vivunt, vitæ suæ causam agunt. Qui utili opere insignes, atque egregia virtute præstantes, præsentem vitam excolunt, futuram serunt. Nec solum copiosa horum exempla, verumetiam magna non desunt. Nam quæ mundi nobilitas, qui honores, quæ dignitas, quæ sapientia, quæ facundia, quæ litteræ non se jam ad hanc cælestis regni militiam contulerunt? Quæ sublimitas, non jam se ad istud leve cæleste jugum (*Matth. xi, 30*), cum deditione submittit? Et sane supra omnem errorem atque ignorantiam est, dissimulare quemque negotium salutis suæ. Possem etiam, nisi longum esset, multos ex innumeris nominatim retexere, quanti in sæculo illustrium virorum hanc arctiorem divini cultus observantiam, vitamque sectati sunt: quorum tamen exempla, ne cuncta penitus omittam, cursim pauca subnectam.

Clemens vetusta prosapia senatorum, atque etiam ex stirpe Cæsarum, omni scientia refertus, omniumque liberalium artium peritissimus, ad hanc justorum viam transit; itaque etiam in ea excellenter effloruit, ut principi quoque apostolorum successor exstiterit. Gregorius e Ponto sacerdos, philosophia primus apud mundum et eloquentia præstans; sed postea major præstantiorque virtutibus, adeo ut (sicut de hoc historiæ nostræ fides loquitur) inter reliqua admirabilium signa meritorum, precibus hujus atque orationibus mons referatur secessisse, lacus exaruisse. Alius item sanctus, atque ejusdem nominis Gregorius, æque litteris ac philosophiæ deditus, cælestem hanc philosophiam concupivit. Cujus etiam, quod ad rem pertinet, nequaquam silendum videtur; quod Basilium studiis prius sæcularibus familiarem sibi, et rhetorices adhuc professioni vacantem, auditorium ejus ingressus, manu hunc apprehensum schola abduxit, dicens: *Omitte ista et da salutem operam*. Et postea uterque memorabilis sacerdos reliquit utique in Ecclesiæ nostræ libris ingenii sui præclara monumenta. Paulinus quoque, Nolanus episcopus, peculiare et beatum Galliæ nostræ exem-



plum, ingenti quondam divitiarum censu uberrimo eloquentiæ fonte; ita in sententiam nostram propositumque migravit, ut etiam cunctas admodum mundi partes eloquio operibusque resperserit. Hilarius nuper, et in Italia nunc antistes Petronius, ambo ex illa plenissima, ut aiunt, mundanæ potestatis sede, unus in religionis, alius in sacerdotii nomen ascendit. Et quando clarissimos facundia, Firmianum, Minutium, Cyprianum, Hilarium [*Pro Hilario reponendum Erasm. censet Evagrium*] Joannem [*Sane Chrysostomum*], Ambrosium, ex illo volumine numerositatis evolvan? Dixerant, credo, et hi sibi, quod quidam nostrum ait, cum se a sæculo in hanc beatiorum vitam, hoc velut stimulo concitaret: dixerant, credo, Quid hoc est? *Surgunt indocti, et cælum rapiunt, et nos cum doctrinis nostris, ecce ubi in carne volutamur et sanguine (Matth. xi)?* Dixerant istud? et idcirco ipsi postea vim intulerunt regno.

Prolatis ex parte, quos major fidei nostræ fervor habuit, sæculi philosophia, eloquentia, honoribusque perfunctos, ad ipsos jam reges et illud caput mundi veniam. Neque nunc commemorandos putabo omnes superiores illos religioni devotos, et regiæ dignitatis viros: solum mihi insignes, David pietate, Josias fide, Ezechias humilitate, ex memoria venerandorum promentur annalium. Nonnulli quoque ex recentioribus exstiterunt, atque hac nostra tempestate principes, qui ad agnitionem veri regis propius accesserunt, summumque illum dominorum Dominum summa cordis contritione confessi sunt; attentam divinæ majestati reverentiam, etiam uterque sexus ex aula exhibuit. Hi potius idonei, ut arbitror, ad æmulandum proponantur, quorum exempla cum habeant de futuris salutem, habent de præsentibus auctoritatem.

Cernis ut etiam dies atque anni, et cuncta hæc ornamenta cœli, Dei verbum mandatumque infatigabili observatione conservent, præceptorumque ejus custodiant irremissa lege famulatum. Numquid nos, quorum ista usibus fabricata sunt, quorum luminibus ingesta sunt, cœlestium mandatorum non nescii, nec divinæ voluntatis ignari, præceptum Dei surda aure transibimus? Et his quidem prædictis mundi adminiculis, quid in sæcula observarent, semel jussum est: nobis vero tot voluminibus divinæ legis iterantur imperia, ad hæc saltem, quod homini ipsi attributum est, voluntati auctoris parere, præceptisque ejus vacare discat: quia omne istud, cum præbet ministerium, præstat exemplum. Et tamen, si qui ad auctorem suum redire nolunt, num idcirco Dominum suum vitare possint? Aut quo suppetit, ut fugiant, qui a Deo se avertunt? Audiant, sancte David, audiant te dicentem: *Quo ibo a Spiritu tuo, et a facie tua quo fugiam? Si ascendero in cælum, tu illic es: si descendero in infernum, ades: si sumpsero pennas meas diluculo, et inhabitavero in extremis maris, etiam ibi manus tua deducet me, et tenebit me dextera tua (Ps. cxxxviii).* Ergo illi velint nolint, se Domino universitatis, et si voluntate auferunt, jure non sub-

A trahunt. Illi quidem affectu absunt, sed ille dominatu adest: Ita quod improvidum et inconsultissimum est, errantes clausi, vivunt extra considerationem Domini, et intra potestatem. Et si unusquisque de fuga famulum minaci indagine sectatur, eumque declinantem se juris sui assertor insequitur; cur non de semetipso cœlesti Domino jus suum reddit, servitutique quamprimum se in famulatum ejus voluntaria oblatione dedit, æquus utique tam sibi, quam in se arbiter? Cur in præsentium rerum oblectabili defigimur aspectu? Cur iis tantumlibet incubare, quæ cernimus? Numquid luminibus istis tantum vivimus, aut solos [*Fort. solis*] in usum gestamus oculos?

B Vivimus quoque et auribus, ut possimus inhiare promissis. Magni nos, per hanc quoque corporis partem, affectus trahunt. Quæ spondentur, quæ prædicantur, ferventibus votis, instantibus desideriis expectemus. Fidem promissorum fidelis ille, ille auctor inculcat. Ambiamus ad optima quæ pollicentur. Quamquam si ipsi quoque oculis, bene et utiliter uti volumus, per istos etiam in futurum cupiditate magna ex parte raptamur: si admirationem, quam ex mundi contemplatione capimus, retorqueamus in ipsum tantæ machinæ auctorem. Aut si cogitemus, quantus in posterum splendor lucis, possit luminibus occurrere; cum se nunc tantus insinuet: Quam magnifica fulgebit perpetuis forma rebus, cum sit nunc tam speciosa perituris. Non ergo oportet in deteriore nos partem, officia sollicitare membrorum, commodè potius in utramque temperentur vitam; sicque custodiant temporariæ usum, ut æternæ non abjiciant ministerium. Quod si nos ista avocatio atque amor juvat, et ipsum sensum oblectatio sollicitat, est plane hic amor summæ voluptatis; est non solum, quod amari effusissime possit, sed et quod maxime, debeat, jucundum, præclarum, unicum, æternum bonum.

D Deus, inquam, noster, cui possis tam magno quam pio igne flagrare; si in locum anteriorum cupiditatum, pretiosa rursum desideria succedunt. Si te in aliquo capiebat tam magnificæ rei dignitas, nihil illo magnificentius. Si te aliquid velut aptum gloriæ accommodatumque rapiebat, nihil illo gloriosius. Si ad splendida fulgentium rerum ducebaris visu, illo nihil clarius. Si ad speciosa trahebaris intuitu, illo nihil pulchrius. Si in aliquo te amplecti putabas veritatem, illo nihil verius. Si in quoquam suspiciendam largitatem credebas, illo nihil munificentius. Miraris, quod purum est atque simplex? nihil illo bonitate sincerius. Sollicitaris affluentium rerum copia? nihil illa abundantia copiosius. Diligis aliquid tamquam fidum? nihil hujus firmitus est fide. Amas aliquid ut commodum? nihil commodius est hujus ipsius amore. Est aliquid, quod te vel severitatis vel jucunditatis specie trahat? non est magnitudine illa, dignatione illa, quidquam aut terribilius aut blandius. Requiritur in adversis benignitas, in prosperis suavitas: unicum est ex illo, aut in lætis gaudium, aut in mœstis solamen. Itaque ratione plenissimum est, te



illum in quo habeas omnia, amare præ omnibus. Divitiæ, et quæcumque illa sunt, quæ te nunc amœnitatibus suis obtinent, non solum intra ipsum, sed etiam ab ipso habentur. Malle hactenus amor sparsus, divinis deinceps reddatur excubiis. Vaga adhuc affectibus suis, in sacros reducatur usus jam casta charitas: dilectionemque opinionibus deviam, cohibito errore, castigans dirige, atque in Deum amorem confer tuum: quia et quidquid nunc amas, suum est; suum, inquam, suum est. Est enim tantus ille, ut qui non amant eum, inique quidem, sed tamen non nisi ejus quidquam amare possint.

Sed tamen consideret velim arbiter justus, æquumne sit diligere opus, opifice neglecto derelictoque omnium creatore rerum; in rem hujus cupiditatibus suis passim atque indifferenter incurrere: cum utique Deum oportuisset illicere ad amorem sui, vel per hunc ipsum affectum suorum operum. Et nunc homo adversus in indignorum tantum figmentorum desideria atque officia convertitur, animisque incongrue dissidentibus appetitor artis, desertor artificis, complectiturque speciem, cujus non miratur auctorem. Et quid de illa tam magna multitudine dulcedinis suæ diximus? Aut quid de tanta et tam ineffabilis boni suavitate, sancto et profundo charitatis ejus thesauro, elocuti sumus? Aut quando in quocumque de illo, quisquam valet rei ipsius fando consequi dignitatem? Amare ergo eum jam non voluptarium tantum, sed etiam necessarium esse ducamus. Impium quippe est hunc non diligere, cui rependere non queas etiam cum dilexeris. Injustissimum est ut ei, quæ possis tribuere, nolis, cui etiam si velis, repensare non possis. *Quid enim retribuemus Domino, pro omnibus quæ retribuit nobis (Ps. cxv)?* Quid retribuemus, vel pro hoc tantum, quod per fidem homini salutem dedit, statuitque, ut quam facillimum factum esset, per quod spem orbi terræ ac vitam mortalibus propagaret?

Et ut ad ista descendam, illa aliquando externa omnia, id est nationes et regna, putasne ob aliud in ditionem ac jus cecidisse Romanum, et ob aliud magnam partem generis humani, in unum transisse populum; nisi ut facilius tamquam medicamentum per corpus unum, ita per unam gentem fides infusa penetraret, et ut capiti ingestâ velociter se per membra diffunderet? Alioqui, non ita concurrisset inter crebras et discrepantes ritibus linguisque gentes, nec tam longe per novorum semper graduum objecta transisset. Denique B. Paulus, per hunc eundem populum disternens fidem, scribit se *ab Hierosolymis usque ad Illyricum, Evangelio Christi cuncta replese (Rom. xv, 19)*. Quando autem istud inter nationes, aut multitudine innumeras (*Cicer. pro M. Marcello*), aut immanitate barbaras exstitisset? Inde est, quod nunc terra, a solis ortu et occasu, ab aquilone et mari, Christum resonat; quod ad vitam omnia mundi latera concurrunt; dum fidem Thrax, fidem Libys, fidem Syrus, fidem receptat Hispanus. Magnum ergo ex hoc divinæ pietatis argumentum est, quod sub

A Cæsare Octavio, cum utique Romana possessio verticem tenuit, tunc se Deus terris dedit. Itaque ut tua apud te proferam, cum ab ortu regni hujus centesimus et octogesimus quintus fere supra millesimum vertatur annus; quidquid vel sub illa dominatione regum vetusta; vel sub illa deinde gemina administratione consulum Romano accessit imperio, omnia Christi adventui præparata et diffundendæ fidei provisâ potest, si quis idoneus est assertor, ostendere.

Nos ad propositum revertemur. *Nolite*, inquit, *diligere mundum, neque ea quæ in mundo sunt (I Joan. ii)*, quia omnia hæc conspectui nostro insidiosis coloribus lenocinantur. Vis illa oculorum attributa lumini, non applicetur errori: et cum vitæ usibus pateat, non admittat causas mortis. *Carnis desideria*, ut egregie Apostolus ait, *militant adversus animam (I Petr. ii, 11)*; omnisque illis in perniciem nostram clademque procinctus est, pervigilem cum insurgunt adversus nos stationem tenent, externorum plane hostium more; dum sibi tantum virium acquirunt, quantum nobis subtrahunt. Ita ego hactenus de inextricabilibus sæculi insidiantis illecebris, de honoribus opibusque sermocinatus sum, tamquam si jucundus blandimentis suis mundus vigeret. Quidquid est illarum rerum facies, adumbratis quondam nitorebus expolita, jam obsolevit, omnisque fucatus splendor intercidit. Vix jam hoc habet mundus, ut fallat. Periit imago illa rerum, ad decipiendum usque decora. Prius nos seducere vero cogitabat fulgore, non poterat, prope jam non valet et ipsa nos falsa ostentatione corrumpere. Solidis bonis carebat, ecce deficit etiam caducis. Non hunc, aut ad tempus speciosa ornant, aut in posterum mansura confirmant; nisi nosmetipsi decipimus, pene mundus decipere nos non potest.

Sed quid dissimulamus ea expromere quæ fortiora sunt? Dissipatas loquimur opes mundi, cum jam ipsa mundus in finem suum vergens spatiis agatur extremis. Quanto istud majus et gravius est, quod jam ipse non in longum erit? Quid commemoramus attritam ejus rem ac supellectilem? Nec immerito in defectum viribus ævo consumptis urgetur, adminiculisque suis destituitur, cum jam in senium nutanti onere succumbat. Postrema mundi ætas referta est malis tamquam morbis senectus. Visa sunt, videnturque jamdudum ista cano sæculo, fames, pestilentia, vastitas, bella, terrores. Hi sunt in ultimis jam annis languores sui. Hinc sæpe illa cœli cernuntur signa, motusque terrarum, permutatæ temporum vires, monstrosæ animantium fecunditates: quæ omnia adhuc procedentis prodigia sunt temporis, sed jam deficientis. Atque hoc non infirmitatis nostræ verbis, sed etiam apostolicæ auctoritatis confirmatur eloquiis. Illic enim legitur: *In nos fines sæculorum devenerunt (I Cor. x)*. Quod cum jamdudum dictum sit, quid cunctamur, quid exspectamus? Urget nos dies ille, jam non noster tantum, sed et sæculi. Omnis hora illud debitæ resolutionis admonet tempus instare, cum ancipiti periculo finis alternus, et dis-



crimen geminum unam omnibus mortem minatur. Incumbit mihi misero jam mundi mortalitas, tamquam mihi non sufficiat ad terrorem mea. Quid palparamus metus nostros? Securitati locus non est, quando terminus in nos impendit indifferenter, singulorum hinc omnium. Quo magis est in hoc, non jam dicam sæculi exitu, sed vel in hoc rerum ejus defectu, hominum miseranda conditio; qui sibi nec futurorum spem gaudiorum reponunt, cum jucunditate præsentium non fruuntur. Voluptatem vitæ brevioris non capiunt, perpetuæ sperare non possunt. Bonis temporalibus non utuntur, non, non utentur æternis. Hic rei parum, illic spei nihil. Dolendus prorsus atque miserandus hominis status iste est; nisi forte faciat de acerbissima conditione congruam necessitatem; nisi ob hoc ipsum, ad potiora utilitatis suæ remedia se corrigat, contendatque ad illa salubrioris vota consilii; præsertim, cum ita dilacerata præsentis temporis res sit, ut qui unius futuri sæculi commodum perdit, utriusque perdidit.

Dirigenda est omnis animi intentio in spem futuri: quam spem ut plenius ac manifestius consequaris, aperire eam etiam sub alicujus exempli conditione non abnuam. Si cui aliquis quinque hodie ex ære denarios offerat, quingentos vero aureos in crastinum spondeat, optionemque offerat utrum æs ad præsens sumere, an aurum mallet in posterum: dubiumne est, quin præoptet grandia illa munera, cum parva mora? Tu quoque brevis hujus atque æternæ vitæ conditione perspecta, non eligas capere villam, cum sperare possis pretiosa. Non est tanti sumpsisse parva, quanti est expectare, quæ magna sunt. Quod si omne hoc fragile, quod in mundo est, et videmus, et capimus (spei vero a sperando inditum nomen est), manifestum est nequaquam in hoc sæculo spem possideri, in quo his quæ intuemur fruimur. *Spes enim quæ videtur non est spes. Nam quis quod videt quid sperat (Rom. viii, 24)?* Ergo quæcumque illa spes rebus miscetur humanis, quærenda est in futurum: alioquin, nec spes appellari potest, si non speratur.

Itaque manifestiorem in futurum rem spei sequimur, quam spem rei in præsentibus experimur. Ecce ea quæ nobis in ipsos oculorum admoventur obtutus, non absolute quasi oppressis visibus intuemur; multo vero certius in ea quæ eminus offeruntur, velut expeditis luminibus intendimus: ita fere evenisse de præsentibus futurisque non est ambigendum. Nam præsentia tamquam in oculos ingesta, non recte cernuntur; futura tamquam ab oculis reducta, manifestissime perspiciuntur. Neque hanc fiduciam futurorum, incerto auctore præsumimus, sed Domino nostro Jesu Christo, verissimo sponsore veritatis, qui justis interminabile regnum et ampla beatissimæ æternitatis præmia pollicetur; qui etiam per ineffabile sacramentum assumptæ carnis, idem homo et Deus, reconciliavit hominem Deo; ac magno absconditoque mysterio passionis mundum cri-

mine absolvit. Itaque manifestatus est in carne, justificatus est spiritu, apparuit angelis, prædicatus est gentibus, creditus est mundo, assumptus est in gloria: propter quod Deus eum exaltavit, ut omnia confiteantur nunc in cælo, et in terra, in mari et in abyssis, quia Dominus Jesus in gloria est, Rex et Deus ante sæcula (*Phil. ii*).

Quin tu repudiais illis philosophorum præceptis quorum lectioni operam ac ingenium accommodas, ad imbibenda Christiani dogmatis studia animum adjicis. Illic quoque, quo sacundia tua atque ingenium exerceatur, invenies; brevique tibi liquebit quanto hæc [*Forte, quam non hæc*] nostra, id est, pietatis veritatisque præcepta, illis philosophorum præceptis debeant. In illis namque eorum præceptis, vel adumbrata virtus, vel falsa sapientia; in his vero consummata justitia, solida veritas continetur. Unde licet dicere philosophiæ alios nomen usurpasse, nos vitam. Etenim qualia ab his dari possunt præcepta vivendi? Causam nesciunt. Ignorantes enim Deum, et statim ab exordio justitiæ declinantes, consequenti in cætera feruntur errore. Sic fit postea ut studiorum talium finis sit vanitas. Si qui apud illos honestiora definiunt, huic jactantiæ deserviunt, huic laborant: ita apud eos non est vacua vitii abstinentia vitiorum. Hi itaque sunt, sicut scriptum est, *qui terrena sapiunt (Phil. iii, 19)*. Unde manifeste ostenditur veram eos justitiam, veram sapientiam non videre. Anne aliquis ex illa Aristippi schola veritatem videbit, qui ingenio suo a suis aut pecore nihil differt, cum beatitudinem in corporis voluptate constituat: cui *Deus venter est, et gloria (Ibid.)* in pudendis ejus? Hic honestum justumque præcipiet, apud quem prodigus, impudicus, adulter philosophatur? Sed alius adversus philosophos dicendi locus reservetur; ego ad hæc veniam propter quæ tecum loquor.

Omitte jam illas, quibus oblectaris, maxime generales eorum sententias, breviter ex omni disputationis genere collectas, atque ad studia te nostrorum et scripta converte. Ibi, tu optime, pectus tuum, multifaria instructione satiabis. Ibi, ad inculcandam fidem, non his quidem verbis, sed tamen ista dicentur tibi: Verbum Dei, qui non credit, non intelligit. Ibi, tu admonebere: Dominum, quia Dominum vocas, metue; quia patrem, dilige. Ibi, tu veras hostias disces, audiendo: Acceptissima Deo sacrificia sunt, justitia et misericordia. Ibi, tibi istud insinabitur: Si amas te, proximum dilige; qui nihil magis commodis tuis dabis, quam quod contuleris alienis. Ibi, tibi præcipietur, nullam esse causam tam dignam putes, qua tibi justa fiat mors hominis. Illic, adversus illicita moneberis: Libidini resiste, tamquam hosti acerbissimo, qui insultare victis, etiam contumelia corporis, gaudeat. Illic, ne concupiscas, istud edoceberis: Melius est nolle quæ non habeas, quam habere quæ velis. Illic, ne irascaris, hoc ingeritur: Qui provocatus irascitur, tunc solum non irascitur, cum non provocatur. Ibi etiam, de inimi-



cis audies : Amato non amantem, quia amantem A  
vix ullus non amat. Illic, sæpius id tibi iterabitur :  
Thesaurum is bene recondit, qui indigentibus divi-  
dit. Perdere enim jam non poterit, quod largiendo  
collocavit. Illic etiam feliciora suaderis, cum di-  
cetur : Fidelium conjugiorum fructus est continen-  
tia. Ibi, tu discernenda cognosces, cum audies :  
Mala sæculi hujus justis injustisque communia sunt.  
Ibi, tibi istud audiendum offeretur : Major ægritudo  
est languere animam vitiis, quam corpus morbis.  
Ibi, tibi ad commendandam pacem istud pronuntia-  
bitur : Impatientibus similitudo morum, causa dis-  
cordiæ. Ibi, ne sequaris malos, istud audies : Pru-  
dentem et sapiens informat, et stultus; ille quid  
imitandum sit docet; iste quid vitandum. Illic et  
ista proferuntur : Multa prosunt nescientibus; ideo B  
non minor est Dei in operto quam in aperto beni-  
gnitas. Illic admoneberis : Gratias Deo non magis  
in prosperis agas quam in adversis; et cum prospera  
sint, te non meruisse fatearis. Illic, tibi etiam remo-  
tiora patefient, cum ista prædicabuntur : Fatum non  
esse, interrogent gentes vel leges suas; quæ utique  
non puniunt, nisi factorum voluntatem. Illic audies  
ad custodiendam puritatem et ista præcipi : Si vis  
esse verax, suspicax non eris. Non enim suspicamur,  
nisi quod nescimus. Ibi, de sublimioribus quoque  
istud audies : Deo mente defixus, a passionibus cum-  
titillatur, a cœlo in terram devolvitur. Ibi tibi et  
hæc memorabuntur : Cum hic mali interdum bona  
capiant, boni malis afflicentur; qui futurum Dei  
judicium non credunt, iniquum (quod absit) Deum C  
judicant. Illic tibi suggeretur : Etiam in secretis  
tuis quod velis homines nescire ne feceris; quod  
Deum, ne cogitaveris. Ibi tibi contra omnem frau-  
dem dicetur : Infelicius est decipere quam decipi.  
Illic et adversus jactantiam consummantia tibi hæc  
præcipientur : Vanitatem tanto magis fuge, quanto  
melior efficieris. Cætera enim vitia crescunt vitiis,  
vanitas virtutibus. Et ista quidem pauca de studiis,  
carptim ac breviter prælibata sunt.

Quod si ad fontes ipsos sacri eloquii scrutator ac-  
cesseris, ibi tu non exteriora magis quam interiora  
mirabere. Ita Scriptura, dum intrinsecus radiat, ve-  
lut pretiosissima quæque gemma, in profundum  
fulgorem considerantium demittit oculos. Hoc tu  
caligantem mentis aciem nequaquam refugus in-  
suesce; hoc interno ac salubri cibo disce animæ  
famem pascere. Per opus miserantis Domini id fore  
non diffidimus, ut nostrorum appetens, et dissimu-

lator tuorum, inania fastidias, et solida concupiscas.  
Imprudenter est, cum pro nobis fere tam  
multa Deus fecerit, nihil nosmetipsos fecisse pro  
nobis; cumque ille in operibus suis ad commoda  
humana respexerit, hominem nolle sibi consulere.  
Consulimus vero, si nos in Dei cultum affectumque  
reddimus. Vera quippe beatitudo est, sæculi beati-  
tudinem spernere, neglectisque terrenis in divina  
flagrare. Proinde, jam nunc omnia dicta factaque  
tua ad Deum vel propter Deum dirige. Obtine ut tibi  
comes semper sit illa, et tibi custos erit. Jam fida  
est innocentia. Magnum est virtutem sequi, nosque  
ei aliquid pro virili portione conferre. Nec paven-  
dum est ne se ab his quæ usu inoleverunt animus  
per meliorem vitam non valeat absolvere. Idem ille,  
cui sanandos nos tuendosque offerimus, vires præ-  
stat affectui. Unde autem? ut vel æstimatione com-  
prehendere valeat quisquam futurorum remuneratio-  
nem bonorum. Ecce divina, ut cernimus, munificen-  
tia, cunctis promiscuum usum charissimæ lucis  
indulsit. Datur pio et impio communem spectare  
solem; omnibus creatura famulatum suum benignis  
servat officiis, bonorum malorumque totius mundi  
indiscreta possessio est.

Cum hic igitur tam præclara Deus justis pariter et  
injustis tribuat, qualia sunt putanda quæ justis re-  
servat? Consideremus, qui tanta dedit, quanta re-  
stituet; qui tam magnus est in donis, quam magnus  
erit in præmiis. Si tam inæstimabilis est munerantis  
benignitas, quæ illa remunerantis? Ineffabilia sunt  
quæ præparavit Deus his qui diligunt eum, recte,  
plane atque manifeste, quia vere immensum est,  
quam magna rependet bonis qui tam magna largitur  
ingratis. Circumfer oculos, et de pelago negotiorum  
tuorum, velut in quemdam professionis nostræ por-  
tum prospice, proramque converte. Unus hic portus  
est, in quem nos ab omni fluctuantis sæculi jactatio-  
ne referamur, quem inter irruentes mundi turbines  
fessi petamus; huc cunctis confugiendum est, qui  
frementis sæculi tempestate vexantur. Hic statio fi-  
dissima, et quies certa. Hic late recessus exclusus  
fluctibus silet. Hic blanda tranquillitas, serenum re-  
nidet. Huc cum fueris delatus, tuto navis tua post  
inanes labores hic ad crucis anchoram fundata reti-  
nebitur. Sed jam prolixior scriptorum pagina modum  
poscit. Vim cœlestium præceptorum arte breviter-  
que collectam in summam accipe ad Dei honorem.  
Hæc sunt mandata omnia, ignosce, meque agnosce.





# SANCTI EUCHERII

## LUGDUNENSIS EPISCOPI

### FORMULARUM SPIRITALIS INTELLIGENTIE

#### AD URANIUM.

#### LIBER UNUS

### Præfatio.

Formulas spiritualis intelligentiæ Latinorum non minus componendas, tibi que mittendas pro studio paternæ erga te sollicitudinis existimavi, quibus perceptis, in omnia scripta divina facillime ac intellectum reliquorum sensus intenderetur. Nam cum littera occidat, spiritus autem vivificet (II Cor. III, 6), necesse est ad illa spiritualium interiora sermonum spiritu vivificante penetrari. Universam porro Scripturam tam veteris Instrumenti quam novi, ad intellectum allegoricum esse sumendum, admonet nos vel illud quod in veteri Testamento legimus : *Aperiam in parabolis os meum, loquar in ænigmate antiqua* (Ps. LXXVII, 2). Vel illud quod item in novo Testamento scribitur : *Hæc omnia locutus est Jesus in parabolis ad turbas, et sine parabolis non loquebatur eis* (Matth. XIII, 34). Nec mirandum quod sermo divinus, prophetarum apostolorumque ore prolatus, ab usitato illo hominibus scribendi modo multum recesserit, facilia in promptu habens, magna in interioribus suis continens; quia et revera fuit congruum ut sacra Deo dicta a cæteris scripturis, sicut merito, ita et specie, discernerentur, ne illa cœlestium arcanorum dignitas passim atque indiscrete cunctis patesceret, sanctumque canibus, et margaritas porcis exponeret (Matth. VII, 6); et consecrata vasa templi involuta promiscuus populus ferret nec videret (Num. IV, 15, 20), et ut vere ad illius columbæ deargentatæ (Ps. LXVII, 14) modum, cujus posteriora in specie auri splendentis irradiant, scripturæ divinæ prima quæque argento fulgerent, et auro occultiora rutilarent. Recte itaque procuratum est ut eloquiorum illa castitas a promiscuis cunctorum oculis abdito suo quasi quodam velamine pudicitiae contegeretur; ac divina optime dispensatione provisum est ut scripta ipsa ita contegerentur, cœlestibus obumbrata mysteriis, sicut secreto ipsa sua suo divinitas operiebatur. Igitur cum in libris sanctis oculi Domini, os Domini, uterus Domini, manus, pedes Domini, arma etiam Domini scripta reperiantur, longèque absit a catholica Ecclesiarum fide Deum corpore determinari, qui sit invisibilis, incomprehensibilis, incommutabilis et infinitus, requirendum est qualiter ista per Spiritum sanctum figurali expositione reserentur. Hic enim inveniuntur illa *Dominici interiora templi* (Ezech. XL); hic illa sancta sanctorum

mysteria, ænigmatibus relectis. Corpus ergo Scripturæ sacræ, sicut traditur, in littera sive historia: est anima in morali sensu, qui tropicus dicitur; spiritus in superiore intellectu, qui anagoge appellatur. Quam triplicem Scripturarum regulam convenienter observat confessio sanctæ Trinitatis, *sanctificans nos per omnia, ut integer spiritus noster, et anima et corpus sine querela in adventum Domini nostri Jesu Christi iudiciumque servetur* (I Thess. V, 25). Sapientia autem mundi hujus philosophiam suam in tres partes divisit, physicam, ethicam, logicam, id est, naturalem, moralem, rationalem. Sed naturalem illam pertinentem ad causas naturæ, quæ universa continet; moralem, quæ respiciat ad mores; rationalem vero quæ de sublimioribus disputans, Deum omnium patrem esse confirmet. Quam tripartitam doctrinæ disputationem non adeo abhorret illa nostrorum in disputatione distinctio, qua docti quique hanc cœlestem Scripturarum philosophiam secundum historiam, secundum tropologiam, secundum anagogen disserendam putarunt. Quapropter historia veritatem nobis factorum ac fidem relationis inculcat. Tropologia ad vitæ emendationem mysticos intellectus refert. Anagoge ad sacratiora cœlestium figurarum secreta perducit. Sunt etiam qui allegoriam in hoc scientiæ genere quarto in loco adjiciendam putent, quam gestorum narrationem, futurorum umbram prætulisse confirmant. Hæc vero ipsa ut subjectis plenius manifestentur exemplis, cœlum est secundum historiam hoc quod intuemur, secundum tropologiam vita cœlestis; aquæ secundum allegoriam baptismus, secundum anagogen angeli, unde est illud : *Et aquæ quæ super cœlos sunt laudent nomen Domini* (Ps. CXLVIII, 4). Omnis autem disciplina nostræ religionis ex illo duplicis scientiæ fonte manavit : cujus primam practicen, secundam theoreticam vocaverunt, id est actualem, et contemplativam. Unam, quæ actualem vitam morum emendatione consummet; aliam, quæ in contemplatione cœlestium et divinarum Scripturarum disputatione versetur. Ergo actualis scientia in diversa studia diffunditur, contemplativa in duas derivatur partes, id est in historica disputatione, et spiritualis intelligentiæ interpretatione consistit. Sed his nunc remotis, formulas intelligentiæ spiritualis quas spondimus pro-



ponamus, currentes per singulorum nominum figuras, quibus ista in illo divinæ lectionis inserta textu accipi solent. Oremus itaque Dominum ut revelet abscondita Scripturarum suarum, et proferamus quomodo secretiora intellectu sentiendum sit.

- I. *De divinis nominibus.*
- II. *De his quæ appellantur membra Domini, vel quæ de eo significantur.*
- III. *De supernis creaturis.*
- IV. *De terrenis.*
- V. *De animantibus.*
- VI. *De variis nominum et rerum appellationibus.*
- VII. *De interiori homine.*
- VIII. *De his quæ in usu atque in medio habentur.*
- IX. *De variis verborum vel nominum significationibus.*
- X. *De Jerusalem, vel adversis ejus.*
- XI. *De numeris, quorum significationes in allegoriam trahuntur.*

Ergo ipsas jam nunc nominum atque verborum significantias, secundum quas vel maxime in allegoriam trahuntur, prout donum Dei suggererit, explicemus.

## CAPUT I.

### *De divinis nominibus.*

Omnipotens Deus Pater et Filius et Spiritus sanctus unus atque trinus. Unus videlicet exstat in natura, trinus in personis. Solus invisibilis, immensus atque incomprehensibilis. Solus incircumscriptus, immutabilis, incorporeus et immortalis; ubique præsens et latens; ubique totus et immensus.

Invisibilis est, quia in essentia sua omnino videri non potest, Apostolo testante, qui ait: *Quem nullus hominum vidit, sed nec videre potest* (1 Tim. vi, 16). Et in Evangelio: *Deum nemo vidit umquam* (Joan. i, 18).

Incorporeus est, quia nullis membrorum lineamentis compositus sive compactus existit. Sic veritas in Evangelio dicit: *Spiritus est Deus, et eos qui adorant eum, in spiritu et veritate oportet adorare* (Joan. iv, 24).

Immensus est, quia quantitas ejus, vel qualitas a nullo ex creaturis metiri potest. Cui Salomon in suis orationibus supplicans ait: *Si cælum et cæli cælorum non te capiunt, quanto magis domus ista, quam ædificavi* (III Reg. viii, 27).

Incircumscriptus est, quia circumscribi non potest.

Inlocalis est, quia de loco ad locum nequaquam transit, sed neque in loco quolibet retinetur, ipso de se per Isaiam testimonium perhibente ac dicente: *Cælum mihi sedes est, terra autem scabellum pedum meorum* (Isai. lvi, 1). Et per Jeremiam: *Nonne cælum et terram ego impleo* (Jer. xxiii, 24)? Cujus immensitatem propheta in psalmo confitens ad ipsum Dominum ait: *Si ascendero in cælum tu illic es, si descendero ad infernum ades* (Ps. cxxxviii, 8). De ejus immensitate in libro Job scriptum est:

*Excelsior cælo est, et quid facies? profundior abyssus, et unde cognosces? longior est terra mensura ejus, et latior mari* (Job xi, 8): qui enim cælum et terram implet, proculdubio nullus est locus ab ejus essentia absens. Super omnia quippe est regendo atque imperando; subtus omnia est sustinendo atque portando, non pondere laboris, sed infatigabili virtute: quoniam nulla creatura ab eo condita per se subsistere valet, nisi ab eo sustentetur, qui eam creavit. Extra omnia, sed non exclusus.

Immutabilis est, quia ab eo quod est mutari omnino non potest, ipso dicente per Malachiam prophetam, *Ego Dominus et non mutor* (Malach. iii, 6). Ideo Deus immutabilis dicitur, quia animæ ejus, ira, furor, pœnitentia, oblivio, recordatio, et alia his similia non accidunt. Simplex enim natura est, et immutabilis et imperturbata. Neque aliud est ipse et aliud quod habet, sed ipsum est quod habet et quod est.

Immortalis, quia mori nullo modo potest, Apostolo testante ac dicente: *Qui solus habet immortalitatem, lucem habitans inaccessibilem, quem nullus hominum vidit, nec videre potest* (1 Tim. vi, 16). Ubi cumque autem sacra Scriptura sparsim per divinos libros in Deo motus animæ seu humana membra describit, id est, caput, capillos, oculos, palpebras, aures et cætera membra sive motus animæ, id est, iram, furorem, oblivionem, pœnitentiam, recordationem, et alia his similia, non carnaliter juxta historiam a recte intelligentibus scienda sunt, sicut a Judæis et plerisque hæreticis carnaliter sapientibus, qui Deum corporeum atque localem opinantur, sed spiritualia omnia de eo intelligenda et confitenda sunt. Si quis Deo humana membra seu motus animæ more humano inesse credit, proculdubio idola fabricat in corde suo.

Igitur, ut dictum est, figuratiter in Deo caput esse legimus, ipsam essentiam divinitatis ejus, quæ præcedit, et cui omnia sunt subjecta intelligere debemus (1 Cor. xi, 3).

Capillos vero capitis ejus sanctos angelos, seu virtuosos electos typice accipi oportet; de quo in sacramento libri Danielis scriptum est: *Aspiciebam donec throni positi sunt, et Antiquus dierum sedit. Vestimentum ejus quasi nix candidum, et capilli capitis ejus quasi lana munda* (Dan. vii, 9): hoc enim significat per vestimenta candida Dei, quod et per capillos capitis ejus, sanctos videlicet angelos et multitudinem sanctorum dealbatorum. Vel certe ideo capilli lanæ mundæ comparantur, ut per hoc Antiquus dierum credatur esse.

Oculos dicitur Deus habere, pro eo quod omnia videt, et nihil eum latet, in cujus conspectu, ut ait Apostolus, nulla creatura invisibilis est: omnia enim nuda et aperta sunt oculis ejus (Heb. iv, 13). Aliiter vero respectus gratiæ ejus intelliguntur: ut est illud in psalmo, *Oculi Domini super justos* (Ps. xxxiii, 16). Item aliter, *Oculi Domini præcepta ejus*, per quæ nobis lumen scientiæ subministratur, acci-



pruntur : ut est illud in psalmo, *Præceptum Domini lucidum illuminans oculos* (Ps. xviii, 9).

Palpebræ Domini occulta et incomprehensibilia judicia ejus, sive spiritualis in divinis libris ejus locutio innuitur. De quibus occultis et incomprehensibilibus sacramentis atque judiciis in psalmo: *Palpebræ ejus interrogant filios hominum* (Ps. x, 5), id est, probant.

Aures habere dicitur Deus, propterea quod omnia audit, et nihil eum in silentio latet : de quo in libro Sapientiæ scriptum, *Auris cæli audit omnia, et tumultus murmurationum non abscondetur* (Sap. i, 10).

Nares Dei est inspiratio ejus in corda fidelium : ut illud in libro Regum : *Ascendit fumus de naribus ejus* (II Reg. xxii, 9), id est, lacrymosa compunctio pœnitentium inspiratio ejus.

Facies Dei cognitio est divinitatis ejus ad omnes : de qua cognitione in psalmis scriptum est : *Ostende nobis faciem tuam, et salvi erimus* (Ps. lxxix, 4), hoc est, dona nobis cognitionem tuam, quam cognitionem per Filium hominis hominibus innotuit : ipso dicente in Evangelio, *Nemo novit Patrem nisi Filius, et cui voluerit Filius revelare* (Matth. xi, 27). Aliter vero facies Dei significat invisibilem essentiam divinitatis Filii Dei ; de qua ipse Dominus ad Moysen per angelum respondens ait : *Posteriora mea videbis, faciem autem meam videre non poteris* (Exod. xxxiii, 23) ; ac si diceret, divinitatem autem meam videre non poteris.

Os Dei Filius Patris, id est, Christus Dominus ; pro quo Isaias propheta ex persona Judæorum effatus est : *Quia os ejus ad iracundiam provocavimus* (Isai. i, 20). Aliter vero os ejus sermo ejus sive jussio accipitur ; de quo sermone Domini prædictus propheta ait : *Os Domini locutum est hoc*.

Verbum Dei Filius Dei Patris, per quem omnia facta sunt ; de quo in psalmo, *Verbo Domini cæli firmati sunt* (Ps. xxxii, 6). Et alibi : *Misit Verbum suum, et sanavit eos* (Ps. cvi, 20). Et in Evangelio secundum Joannem, *In principio erat Verbum, et Verbum erat apud Deum, et Deus erat Verbum* (Joan. i, 1).

Lingua Dei mystice significat Spiritum sanctum, per quem Deus Pater secretum suum manifestavit hominibus ; unde in psalmo : *Lingua mea calamus scribentis* (Ps. xlv, 2).

Labia Dei mystice utriusque testamenti consonantia intelliguntur : de quibus duobus testamentis in Proverbiis scriptum est : *In judicio non errabit os ejus* (Prov. xvi, 10).

Brachia Dei Patris Filius ejus et Spiritus sanctus intelliguntur ; sicut est illud in Isaiâ : *Et brachia mea populos judicabunt* (Isai. li, 5). Brachium Dei singulariter Filius accipitur : de quo Jeremias ad ipsum ait : *Et nunc Dominus Deus qui eduxisti populum tuum de terra Ægypti in manu forti, in brachio extento* (Jer. xxxii, 21). Idecirco autem Filius Dei Patris brachium dicitur, quia creatura electa ab ipso continetur.

Dextera Dei Patris unigenitus Filius accipitur ; de quo in psalmo ex persona hominis assumpti ; *Dextera*, inquit, *Domini fecit virtutem* (Ps. cxvii, 16). Aliter vero Domini dextera gloria n signat Patris et æternam beatitudinem ; de quo in psalmo ex persona Patris ad Filium, *Sede a dextris meis* (Psalm. cix, 1). Dicitur autem et dextera Dei omnis electa creatura in cælo et in terra ; sicut per sinistram ejus intelligitur reproba creatura, id est, dæmones et impii omnes, qui ad lævam positi æterna supplicia sustinebunt (Matth. xxv, 33).

Manus Dei Patris Filius ejus accipitur, pro eo quod per ipsum facta sunt omnia : sicut est illud in Isaiâ : *Omnia hæc manus mea fecit, et facta sunt omnia* (Isai. lxi, 2). Aliter vero manus Dei ejus potestas intelligitur de qua potestate in Jeremiæ libro prophetæ : *Sicut lutum in manu figuli, sic vos in manu mea, domus Israel* (Jer. xviii, 6). Item manus Domini flagellum accipitur : de cujus percussione in Sophonia propheta scriptum est : *Extendam manum meam super Judam et super habitantes Israel, et disperdam de loco hoc reliquias Baal* (Soph. i, 4), etc., pro qua Domini percussione beatus Job de semetipso ait : *Manus Domini tetigit me* (Job. xix, 21).

Digitus Dei singulariter Spiritus sanctus accipitur, a quo Spiritu sancto, *lex duabus in tabulis lapideis in monte Sinai scripta narratur* (Exod. xxxii, 16). Ipse scripsit qui scribenda dictavit, id est Spiritus sanctus. De quo Dominus in Evangelio : *Si ego, inquit, in digito Dei ejicio dæmonia* (Luc. xi, 20). Sicut enim digitus cum manu vel brachio, manus vero vel brachium cum corpore unum sunt in natura, ita Pater, et Filius, et Spiritus sanctus tres quidem personæ sunt, una autem substantia divinitatis.

Digitus Dei pluraliter sancti intelliguntur prophetæ, per quos Spiritus sanctus libros legis ac prophetarum sua inspiratione describit ; de quibus in psalmo scriptum est : *Videbo cælos opera digitorum tuorum* (Ps. viii, 4) : per cælos enim libros legis ac prophetarum, per digitos vero sanctos, ut dictum est, prophetas, mystice insinuari certum est.

Imago Dei Patris invisibilis, unigenitus Filius ejus est : de quo Apostolus : *Imago Dei invisibilis* (Col. i, 15). Aliter namque est imago Dei Patris in Filio suo, quem non aliunde, sed ex semetipso, hoc est, ex substantia sua per omnia sibi similem genuit et æqualem. Aliter vero anima hominis, quam non ex se, id est, de sua substantia, sicut plerique hæretici opinati sunt, genuit, sed ex nihilo creavit. Sicut aliter imago est cujuslibet regis in filio ejus quem ex semetipso sibi similem genuit, id est, homo hominem. Aliter vero in annullo ejus, sicut in cera imago ejus impressa, quæ non est quod et ipsa : sicut filius qui naturaliter hoc est quod et pater.

Cor Dei Patris arcanum sapientiæ ejus mystice innuit, ex quo Verbum, id est, Filium suum impassibiliter genuit sine initio ; ipso dicente per prophetam : *Eructavit cor meum verbum bonum* (Ps. xlv, 2).



Alas habere dicitur Deus, pro eo quod more avis A electos suos tamquam pullos sub se colligit et fovet, et ab insidiis diaboli et malorum hominum protegit. Unde propheta ait, *Sub umbra alarum protege me* (Ps. xvi, 8).

Scapulas habere dicitur Deus, quia infirma membra Ecclesiæ, quasi in scapulis suis portat. De quo in psalmo: *Scapulis suis obumbrabit tibi* (Ps. xc, 4).

Venter secreta origo substantiæ ejus accipitur. Unde in psalmo: *Ex utero ante lucem genui te* (Ps. cix, 3). Aliter: Uterus ejus incomprehensibilia judicia ejus, quæ rimari nequeunt, mystice insinuantur; de quo occulto judicio ejus in libro beati Job scriptum est: *De cujus utero egressa est glacies, et gelu de cælo quis genuit* (Job xxxviii, 29)?

Posteriora Filii Dei incarnatio accipitur; de qua B posteriori parte Filius in monte Sinai ad Moysen, per angelum loquens ait: *Posteriora mea videbis, faciem autem meam videre non potes* (Exod. xxxiii, 23).

Pedes Dei stabilimentum virtutis ejus, eo quod ubique præsens, et universa illi sunt subjecta; ipso dicente per Isaiam: *Cælum mihi sedes est, terra autem scabellum pedum meorum* (Isai. lxvi, 1). Aliter pedes Filii Dei incarnatio intelligitur, quæ divinitati subjecta est tamquam capiti pedes. Sicut per caput divinitas, ita per pedes humanitas ejus exprimitur: de qua humanitate in Exodo scriptum est: *Videte Dominum Jesum: hic est Moyses et Aaron, Nadab et Abiu, et septuaginta de senioribus sub pedibus quasi lapides sapphiri, et quasi cælum cum serenum est* (Exod. xxiv, 10). Sicut autem per lapidem sapphirum C cælestes creaturas, vel sanctos angelos, ita per cælum serenum, sanctam Ecclesiam electorum ex hominibus assumptam signaliter demonstrare voluit, super quas duas creaturas homo assumptus Filius Dei in perpetuum regnat: de quo in psalmo, *omnia, inquit, subjecisti sub pedibus eorum* (Ps. viii, 8). Aliter autem pedes Domini, id est, Jesu Christi significant sanctos prædicatores, de quibus in Deuteronomio scriptum est: *Qui appropinquant pedibus ejus, accipient de doctrina ejus* (Deut. xxxiii, 3).

Vestimentum Filii Dei aliquando caro ejus quæ a divinitate assumpta est a divinis libris figuraliter accipitur, de quo indumento carnis Isaias vaticinans ait: *Quis est iste, qui venit de Edom, tinctis vestibus de Bosra* (Isai. lxiii, 1)? Rursus vestimentum ejusdem Domini sancta accipitur Ecclesia, quæ per fidem et dilectionem ei conjuncta est: de quo in psalmo scriptum est: *Dominus regnavit, decorem induit* (Ps. xcii, 1). Et in alio psalmo ad ipsum Dominum: *Confessionem et decorem induisti, amictus lumine sicut vestimento* (Ps. ciii, 2).

Pallium Christi jam dicta Ecclesia intelligitur, de quo in libro Genesi scriptum est: *Lavit in vino stolam suam* (Gen. xlix, 11), hoc est, in sanguine passionis carnem suam, et in sanguine uvæ pallium suum, id est, Ecclesiam suam.

Calciamenta Domini Jesu Christi mystice signant incarnationem ejus, quam ex mortalitate humani

generis assumere dignatus est. De qua incarnatione sua ipse per prophetam in psalmo ait: *In Idumæam extendam calceum meum* (Ps. lxxix, 10), id est, in plebem gentilium manifestabo incarnationem meam.

Gressus adventus Filii Dei in mundum, et regressio ejus ad Patrem: de quibus psalmus ait: *Visi sunt gressus tui, Deus, gressus Dei mei, Regis mei qui est in sancto* (Ps. lxxvii, 25). De cælo venit in uterum Virginis, de utero vero nascendo *positus in præsepio* (Luc. ii, 7). Postquam omnia implevit, pro quibus a Patre missus venerat, appensus est in ligno crucis; de cruce autem depositus (Act. xiii, 29), secundum corpus sepultus est, secundum vero animam ad inferna descendit; tertia autem die per potentiam suæ divinitatis carnem suam de sepulcro suscitavit, et post diem resurrectionis suæ quadragesimam *videntibus Apostolis ascendit in cælum, et sedet ad dexteram Patris* (Act. i, 9; Marc. xvi, 19), id est, in gloria sua: sunt enim gressus Filii Dei, iste est descensus et ascensus ejus, qui frequenter in Scripturis sacris legitur.

Ascendere dicitur Deus, cum Filius carnem ex nobis assumptam in cælum *veluti captivam duxit captivitatem* (Ps. lxxvii, 19), quia naturam humani generis, quæ diabolo in mundo captivo retinebatur, assumens secum in cælum, ubi numquam antea fuerat, tamquam captivam deportavit.

Abcondere Deus faciem legitur (Deut. xxxii, 20), cum quibusdam eorum ex gentibus culpis, cognitionem suam abscondit, sicut in populo Judæorum nunc impletum esse videmus, quia negantes Filium Dei, scientiam veri Dei ita perdiderunt, ut similes forent gentibus, quæ Dominum non noverunt.

Ostendere dicitur Deus faciem suam (Ps. lxxix, 4), cum respectu gratiæ suæ, quibus vult, scilicet electis suis seipsum in corda eorum occulta inspiratione insinuat, et ad diligendum se amorem suum infundit.

Sedere dicitur non corporaliter humano more, sed potentialiter super omnem creaturam rationaliter præsidere: ut est illud in psalmo: *Regnavit Dominus super omnes gentes, Deus sedet super sedem sanctam suam* (Ps. xlvii, 9). Sedere etiam Deus dicitur *super Cherubin* (Ps. xcvi, 1), qui interpretatur multitudo seu plenitudo scientiæ, per quod significantur sancti angeli sive mentes spiritualium virorum, in quibus Deus invisibiliter præsidet et regnat. In illis enim sedet qui scientia ejus et dilectione pleni sunt. In Proverbiis quippe Salomonis scriptum est, *Anima ejus sedes sapientiæ; sapientia vero Dei Patris Christus est* (1 Cor. i, 24), qui in animis sanctorum dicitur sedere.

Descendere Deus in mundum dicitur quando aliquid novum quod antea non fuerat in creatura humana operatur, sicut Filius Dei descendisse narratur, quando veram carnem ex Maria virgine propter redemptionem nostram suscepit, et verus homo fieri dignatus est, non amittendo quod erat, sed assumendo quod non erat. De cujus descensione, id est,



incarnatione in psalmo scriptum est: *Et inclinavit cœlos et descendit, et caligo sub pedibus ejus* (Ps. xvii, 10). Cœlos inclinavit, qui ante adventum suum prænuntios angelos sive prophetas misit, quod ejus adventum hominibus annuntiarent. Caligo sub pedibus ejus fuit, quia impii homines ob suam malitiam incarnationem ejus agnoscere non potuerunt, sed neque adhuc possunt.

Stare dicitur Deus cum nos infirmos, id est, suam creaturam ad pœnitentiam et conversionem patienter sustinet, ut est illud in Habacuc propheta: *Stetit et mensus est terram, et dissolvit* (Habac. iii, 6): id est, stetit ad superveniendum, et dissolvit credentes in se a vinculis peccatorum.

Transire dicitur Deus, cum de cordibus quorundam hominum, in quibus ante per fidem credebatur, postea subrepente perfidia, vel quolibet delicto ab eis recedit, et ad alios transit, quemadmodum de Judæis ad gentes, de hæreticis ad catholicos, seu de quibuslibet irreligiosis ad religiosos.

Recedere dicitur Deus et ad alios transire, quod non localiter aut visibiliter, sed invisibiliter occultoque judicio ac justo facere aliquid consuevit.

Ambulare dicitur Deus, non de loco ad locum transeundo, quia impium est ita credere, sed ambulatio ejus in cordibus sanctorum delectatio, sicut scriptum est: *Et inhabitabo in eis, et ambulabo, et ero illorum Deus* (II Cor. vi, 16). Vel certe ambulare Dei est in sanctis prædicatoribus suis de loco ad locum transire.

Loqui Dei invisibiliter sine sono vocis vel quolibet strepitu occulte mentibus sanctorum voluntatem suam atque rectum intellectum inspirare, seu futura, sicut in sanctis prophetis revelare. Quæ locutio Dei, ut quidam volunt, tribus modis accipitur. Primo namque modo per subjectam creaturam, sicut *ad Moysen in rubo apparuit* (Exod. iii, 2). Vel sicut *ad Abraham* (Gen. xviii) atque *Jacob* (Gen. xxxii, 24), et cæteris sanctis, quibus in angelis apparere dignatus est. Secundo vero modo in somnis, sicut *Jacob* (Gen. xxviii, 11) et *Zachariæ* prophetæ (Zach. iv, 1) et *Joseph sponso Mariæ* (Matt. i, 20), et sanctis aliis, quibus secretum suum revelare voluit. Tertio autem modo neque per creaturam visibilem neque per hominem, sed occulta tantum inspiratione invisibiliter corda suorum tangendo loquentes efficit, quemadmodum in libris prophetarum scriptum est, cum ipsi prophetæ subito afflati spiritu divino exclamabant, *hæc dicit Dominus* (Isai. vii, 7).

Videre Dei est acta bona approbare, sicut est illud in Genesi: *Vidit Deus cuncta quæ fecerat et erant valde bona* (Gen. i, 31), id est, intelligentibus bona demonstravit. Aliiter, Videre Dei est mala hominum sciendo reprobare, sicut est illud in Isaia propheta, *Et vidit Deus, et malum apparuit in oculis ejus* (Isai. lix, 15). Item aliter videre Dei est, nos videntes facere, ut est illud in psalmo, *Proba me, Deus, et scito cor meum* (Ps. cxxxviii, 23), et cætera: *et vide si via iniquitatis in me est*. Modus iste locutionis

etiam in libro B. Job similiter reperitur, ubi de sapientia Dei Patris per quam plurima insignia locutus est, de Patre adjecit, *Tunc vidit illam et enarravit, et investigavit, et præparavit* (Job xxviii, 27); id est, videntes fecit, et prædicantes, et investigantes, atque aliis annuntiantes.

Cognoscere Dei, est cognoscentes facere, sicut ait ad Abraham, *Nunc cognovi quod timeas Dominum* (Gen. xxi, 12). Neque enim in tempore novit, qui omnia scit antequam fiant. Sed cognoscere dicitur Deus cognoscentes facere; ut quod prius de se quales essent incogniti erant, per ejus interrogationem probatione sibimetipsi manifesti fierent. Tale est illud in lege Moysi de populo Israelitico, *Ut tentem, inquit, eos, utrum custodiant mandata mea, an non* (Exod. B xvi, 4).

Nescire Dei, est quosdam reprobos reprobare, sicut est illud in Evangelio, *Nescio vos unde sitis; recedite a me qui operamini iniquitatem* (Luc. xiii, 27).

Zelare dicitur Deus, cum creaturam suam quam non vult perire, sæpe castigat, corripit, atque flagellat, et flagellando ad se reducit. Vel zelare dicitur Deus, cum nullum peccatum impunitum vult relinquere. Justus est enim, et ideo omnis injustitia execrabilis est illi, quam, ut dictum est, nullo modo impunitam patitur.

Irasci dicitur Deus, non animi motu, vel qualibet perturbatione, quæ illi omnino accidere non potest: sed creaturæ delinquenti, id est, hominibus impiis, et peccatoribus, justam dicitur inferre ultionem, hoc est, reddere illis quod merentur: et hæc ultio divina, furor ejus dicitur (Ps. vi, 1).

Pœnitere dicitur Deus, non quod more hominum pro transactis operibus scilicet pœniteat; qui enim novit antequam fiant, pro perpetratis actibus pœnitere non potest, sed pœnitentia Dei, statuta mutare, et quod prius aliter fuerat, in aliud mutare, id est, aut de bonis exigentibus culpis in malum, sicut *de Saul legitur pœnituisse Dominum, quod constitueret eum regem* (I Reg. xv, 11); vel sicut nunc videmus in populo Judæorum actum, qui cum esset populus Dei, ob impietatem suam facti sunt *synagoga Satanæ* (Apoc. ii, 9). De malo vero in bonum, sicut accidit in populo gentium, qui ante *non populus Dei*, nunc autem per Christi gratiam, *populus Dei factus est* (Rom. ix, 26). Hoc quippe modo occulto Dei judicio, *Judas proditor de apostolatus gradu lapsus* (Act. i, 18), inferni baratro demersus est. *Latro vero prius crimen rapacitatis operans, de cruce ad paradisum translatus est* (Luc. xxiii, 43). Hanc quoque mutationem de bono ad melius, ut dictum est; sive de bono ad malum, seu de malo ad bonum, quæ occulto Dei judicio, ac justo, per severitatem justitiæ suæ, sive per misericordiam ejus fiat, pœnitentiam Dei dicimus: quod expressius in libro Jeremiæ scriptum est (Jer. xviii, 8).

Non pœnitere Dei, statuta nullo modo mutare, ut est illud in psalmo: *Juravit Deus, et non pœnituit eum*; id est, Pater ad Filium: *Tu es Sacerdos in æternum,*



secundum ordinem Melchisedech (Ps. cix, 4). Sacerdos tamen Patris dictus est Filius Dei, non secundum divinitatem, sed secundum humanitatem, in qua se pro nobis per passionem et mortem suam, acceptabile sacrificium Deo Patri obtulit, ut ipse esset sacrificium, qui sacerdos.

Oblivisci Deus dicitur, cum quibusdam impiis et peccatoribus non miseretur. Quod utique non facit per crudelitatem quæ in Deo non est, sed per occultum justumque judicium suum.

Indurare Deus dicitur quorundam malorum corda, sicut de Pharaone rege Ægypti scriptum est (Exod. vii, 3); non quod omnipotens Deus per potentiam suam eorum corda induret, quod impium est ita credere, sed exigentibus eorum culpis, cum duritiam cordis qua ipsi omnia mala perpetrando invertunt, non aufert: quasi illos induret, quos justo iudicio indurari sinit.

Dormire Dei est, cum unigenitus Filius Patris in assumpta carne mori pro nobis dignatus est: cui mors recte dulcis prædictus est somnus, ipso dicente per Jeremiam prophetam, *Ideo quasi de somno excitatus sum, et vidi, et somnus meus dulcis est mihi* (Jerem. xxxi, 26). Aliter dormire dicitur Deus, cum fides ejus inter prosperitates hujus mundi et inter quorundam corda fidelium non vigilat, sed dormit. Hanc dormitionem ipse Jesus significavit, cum in mari inter fluctus maris dormivit (Marc. iv, 38). Vel certe, dormire Dei, est anxius tardius subvenire, sicut est illud in psalmo: *Exsurge, quare obdormis, Domine* (Ps. xliii, 23), etc.

Vigilare Dei, est in defensione electorum suorum se manifestum demonstrare.

## CAPUT II.

*De his quæ appellantur membra Domini, vel quæ de eo significantur.*

Oculi Domini intelliguntur inspectio divina. In psal.: *Oculi Domini super justos* (Ps. xxxiii, 16). Palpebræ Dei, sunt judicia ejus quæ probant filios hominum; qui neque fatigantur rerum obscuritatibus, sed exercentur; neque inflantur cognitione, sed confirmantur. Aures Domini, cum exaudire dignatur. In psal.: *Et aures ejus in preces eorum* (Ibid.).

Os Domini, sermo ad homines. In propheta: *Os Domini locutum est* (Isai. i, 20).

Verbum Domini, Filius. In psalmo: *Eructavit cor meum verbum bonum* (Ps. xlii, 2).

Brachium Domini, vel manus, Filius, per quem omnia operatus est. In propheta: *Et brachium Domini cui revelatum est* (Isai. liii, 1). Dexterâ Domini, idem quod supra in psalmo: *Dexterâ Domini fecit virtutem* (Ps. cxvii, 16). Digitus Dei, dicitur Spiritus sanctus, propter partitionem bonorum quæ ab eo dantur unicuique propria, sive hominum, sive angelorum. In nullis enim membris nostris sic apparet partitio quam in digitis. Nec te scandalizet membrorum diversitas, cum ædificet corporis unitas. Uterus Domini, secretum, ex quo Filium protulit. In psalm. *Ex utero ante luciferum genui te* (Ps. cix, 3). Pedes

Domini, stabilitas æternitatis. In psalmo: *Et caligo sub pedibus ejus* (Ps. xvii, 10). Vestigia Domini, operum secretorum signa. In psalmo: *Et vestigia tua non cognoscentur* (Ps. lxxvi, 20). Gressus Domini, adventus, vel visitatio Domini. In psalmo: *Visi sunt ingressus tui, Deus* (Ps. lxxvii, 25).

Arma Domini, adjutorium ejus in sanctos. In psalmo: *Apprehende arma et scutum* (Ps. xxxiv, 2). Scutum, protectio Domini. In psalmo: *Domine, ut scuto bonæ voluntatis tuæ coronasti nos* (Ps. v, 15). Framea, ultio divina in impios. In psalmo: *Effunde frameam, et conclude* (Ps. xxxiv, 3). Arcus, intentio comminationis divine. In psalmo: *Arcum suum tetendit, et paravit illum* (Ps. vii, 13). Sagittæ, præcepta divina, apostoli, vel prophetæ. In psalmo: *Misit sagittas suas, et dissipavit eos* (Ps. xvii, 15). Item: *Sagittæ in manu potentis* (Ps. cxxvi, 4; cxix, 4). Gladius, vindicta, vel sermo Domini. In Apostolo: *Vivus est enim sermo Dei, et efficax, et penetrabilior omni gladio ancipiti* (Hebr. iv, 12). Romphæa, idem quod supra. Tuba Domini, vox manifesta Domini. In Apostolo: *In jussu, et in voce archangeli, et tuba Dei* (I Thess. iv, 15). Currus Dei, sedes Dei, vel quadriformitas Evangeliorum. In psalmo: *Currus Dei decem millibus multiplex* (Ps. lxxvii, 18). Virga Domini, regni significatio, vel correctio disciplinæ. In psalmo: *Virga æquitatis, virga regni tui* (Ps. xlii, 7). Manus Domini, minæ, vel vindictæ ejus. Baculus Domini, sustentatio consolationis Domini. In psalmo: *Virga tua et baculus tuus ipsa me consolata sunt* (Ps. xxii, 4). Alias, baculus Domini, sanctam crucem, vel disciplinam sanctæ Ecclesiæ designat. Item baculus, sustentaculum est quodlibet, ut in libro Tobiae: *Baculum senectutis nostræ* (Tob. v, 23).

## CAPUT III.

*De supernis creaturis.*

Carbones, ignis charitatis, aut exemplorum, aut pœnitentiæ. In psalmo: *Cum carbonibus desolatoriis* (Ps. cxix, 4). Fumus, initia compunctionis futuræ, vel ipsius comminationis Dei. In psalmo: *Ascendit fumus in ira ejus* (Ps. xvii, 9). Item in aliam partem, sicut fumus oculis noxius, id est vanitas. Ignis, Spiritus sanctus. In Actibus Apostolorum: *Et apparuerunt illis dispartitæ linguæ, tamquam ignis, seditque supra singulos eorum, et repleti sunt omnes Spiritu sancto* (Act. ii, 3). Cælum, apostoli, sive sancti, ideo quod Dominus inhabitet in eis. *Cœli enarrant gloriam Dei* (Ps. xviii, 2). Cœli in sancta Scriptura designant aliquando superiora mundi corpora, ignota nobis quibus modis distincta sint, et de quibus satis difficile est disputare, sed non impossibile, cui dat Deus intelligere; ut dedit Apostolo, *raptus usque ad tertium cælum* (II Cor. xii, 2); exceptis illis materialibus cœlis. Dicuntur cœli sancti apostoli, prædicatores verbi veritatis; per quos cœlos tamquam pluvia irrigati sumus, ut per totum mundum seges Ecclesiæ pullularet. Sunt etiam cœli omnes animæ sanctæ et justæ, in quibus Deus habitat in templo fidei et



operationis. Item cœlum, sancta Scriptura; de qua A nobis et sol sapientiæ, et luna scientiæ, et ex antiquis patribus stellæ exemplorum et virtutum lucent: quod *cœlum sicut pellis extenditur* (Ps. ciii, 2), quia per scriptores suos carnis lingua formatum ante oculos nostros per verba doctorum exponendo disputatur. Nubes, prophetæ, sive sancti, qui pluant verbum Domini. In Isaia: *Mandabo nubibus desuper ne pluant* (Isai. v, 6). Nubes etiam in malam partem, tempora iniquorum significat: ut, *Velut nubes pertransiit salus mea* (Job. xxx, 15). Tonitrua, voces Evangelii: eo quod de cœlo ex dictis Dei intonent. In Psalmo, *Vox tonitruui tui in rota* (Ps. lxxvi, 49); hoc est, in toto. Coruscationes, splendores Evangelii. In psalm.: *Illuxerunt coruscationes tuæ orbi terræ* (Ibid.). Fulgura, virtutes, vel verba Jesu Christi. In Psalm.: *Et fulguram multiplicavit, et conturbavit eos* (Psalm. xvii): id est inimicos, vel Judæos.

Angelorum nomine in sancta Scriptura Dominus designatur, ut Isaïas testatur: Et vocabitur nomen ejus magni consilii angelus. Aliquando ipse angelicus chorus: ut Petro Christus, *An putas quia non possum rogare Patrem meum, et exhibebit mihi plusquam duodecim legiones angelorum* (Matt. xxvi, 53)? Aliquando cives cœlestis Jerusalem ex hominibus assumpti, ut Dominus in Evangelio, *In resurrectione enim neque nubent, neque nubentur, sed sunt sicut angeli Dei in cœlo* (Matt. xxii, 30). Aliquando fidelium populus, ut est illud, *Statuit terminos gentium, secundum numerum filiorum Israel* (Deut. xxxii, 8), vel angelorum Dei. Hoc nomine quilibet etiam justus C designatur, ut de Joanne Baptista Dominus, *Ecce ego mitto angelum meum ante faciem tuam* (Matth. xi, 10). Aliquando prædicatores, vel sacerdotes, ut scriptum est, *Labia sacerdotis custodiunt scientiam, et legem requirunt ex ore ejus, quia angelus Domini exercituum est* (Malach. ii, 7). Et Apostolus: *Mulier debet velare caput in ecclesia, propter angelos* (I Cor. xi, 10); id est episcopos; et unusquisque fidelis, quod bona annuntiat, angeli nomen sibi vindicat, si bene vivat. Ad ultimum, diabolus et coapostatæ ejus angeli mali nuncupantur; quo licet angelicam dignitatem amiserint, subtilitatem tamen angelicæ naturæ non amiserunt; per quos *Angelos malos, immissiones* (Ps. lxxvii, 49) adversitatum vel ægritudinum, permissione Dei fiunt, quando, et ubi voluerit. Throni, angeli, vel sancti, vel ipsa regnandi potestas. In psalmo, *Thronus tuus Deus in sæculum sæculi* (Ps. xlii, 7). Item in aliam partem de diabolo: *Ponam thronum meum at aquilonem* (Isai. xiv, 13). Sedes, idem quod supra, angeli vel sancti, eo quod in his Dominus sedeat, et per eos sua judicia decernat. In psalmo, *Deus sedet super sedem sanctam suam* (Ps. xlii, 9). Sol, Dominus Jesus Christus, qui fulgeat terris. In Salomone quod dicturi sunt reprobi in fine: *Ergo sol justitiæ non luxit nobis* (Sap. v, 6). Alias persecutio, ut illud, *Orto sole aruerunt* (Matth. xiii, 6). Luna Ecclesia, eo quod in hac mundi nocte resplendeat. In psalmo: *Fecit lunam in tempora* (Ps. ciii, 19). Pro defectu

etiam nostræ carnis ponitur, quia dum menstruis momentis decrescit, defectum nostræ mortalitatis designat. Stellæ, sancti, sive docti, vel qui ad justitiam erudiunt. In Daniele: *Docti tamquam stellæ fulgebunt* (Dan. xii, 3). Nebulæ, velamentum mysteriorum Dei; interdum et angeli Dei. In propheta: *Et nebulæ pulvis pedum ejus* (Nahum. i, 3). Alias abolitio peccatorum, ut Isaïas, *Delevi ut nubem iniquitatem tuam, et quasi nebulam peccata tua* (Isai. xliv, 22). Caligo, divinorum secretorum operimentum. In psalm.: *Et caligo sub pedibus ejus* (Ps. xvii, 10). Abyssus profunditas Scripturarum. In psalm.: *Abyssus abyssum invocat* (Ps. xli, 8). Item abyssus nomine profunditas veteris et novi Testamenti intelligitur; unde, *Abyssus abyssum invocat*, dum vetus Testamentum novum annuntiat. Sive abyssus est mens humana, quæ semetipsam non potest comprehendere; unde propheta, *Dedit abyssus vocem suam ab altitudine* (Habac. iii, 10) phantasie suæ: quia dum semetipsam mens humana non penetrat, ex comparatione sui, divinæ naturæ potentiam quam comprehendere non sufficit, humiliter laudat. Vel certe, *abyssus judicia Dei sunt; et abyssus abyssum invocat* (Ps. xxxv, 7; xli, 8), quando occulto Dei judicio de præsentibus malis transit peccator ad æterna mala, et de ardore cupiditatum in flammam gehennarum. Ros, verbum Domini; ideo quod madefaciat hominum corda, ut, *Rorate, cœli, desuper* (Isai. xlvi, 8). Et in psalm.: *Sicut ros Hermon, qui descendit in montem Sion* (Ps. cxxxii, 3). Pluvia præcepta vel mandata Domini; vel verba sanctorum apostolorum; eo quod terram, id est homines irriget. In psalm.: *Pluviam voluntariam segregabis, Deus, hæreditati tuæ* (Ps. lxxvii, 10). Nives, pro candore justitiæ, et pro baptismo. In psalm.: *Lavabis me, et super nivem dealbabor* (Ps. l, 9). Grando, comminationes Domini, quibus contumaces everberat. In psalm.: *Grando et carbones ignis* (Ps. xvii, 13). Item in aliam partem: *Et occidit in grandine vineas eorum* (Ps. lxxvii, 47). In frigore vero nivis, et in duritia grandinis vita accipitur pravorum, quæ et torpore frigescit, et per duritiæ malitiam perit. Pruina, abstinentia, eo quod per hanc frigescat calor corporis. In psalm.: *Factus sum sicut uter in pruina* (Ps. cxviii, 83). Tempestas, persecutionum vel tribulationum impetus. In psalm.: *Qui salvum D me fecit a pusillanimitate spiritus et tempestate* (Ps. liv, 9). Glacies, durities peccatorum. In Salomone: *Sicut in sereno glacies, ita solventur peccata tua* (Eccli. iii, 17). Venti, animæ sanctorum. In psalm.: *Volavit super pennas ventorum* (Ps. xvii, 11). Item in malam partem. In Matthæo: *Flaverunt venti* (Matt. ii, 25). Aquilo, diabolus, vel homines infideles, aut mali, vel frigus peccatorum. In propheta: *Ab aquilone exardescunt mala super terram. Et alibi: Ab aquilone pandetur malum* (Jerem. i, 14). Et alibi: *Surge, aquilo* (Cant. iv, 16); id est, recede. Dexter, idem quod supra. In Salomone: *Aquilo durus ventus* (Prov. xxv, 23). Nomine autem dexter vocatur, eo quod diabolus nomen sibi dextri præsumat, tamquam boni; sive



quod occidentem, id est peccatum, respicientibus dexter fiat. Auster, calor fidei. In Psal.: *Sicut torrens in austro* (Ps. cxxv, 4). Est et Spiritus sanctus, ut ibi, *Surge, aquilo, et veni, auster* (Cant. iv, 16): id est, Recede, diabole, et veni, spiritus alme. Aer, inani-  
tatis enuntiatio. In Apostolo: *Sic pugno, non quasi aerem verberans* (I Cor. ix, 26); id est, non inania consectans.

Tempora, opportuna distributio voluntatis divinæ. In Psalmo: *Fecit lunam in tempora* (Ps. ciii, 19). Ver vitæ renovatio, vel per baptismum, vel per resurrectionem. In psalmo: *Æstatem et ver tu fecisti eu* (Ps. lxxiii, 17). Æstas venturæ jucunditatis præfiguratio. In psalmo, ut supra. Hiems, præsens vita, persecutio, vel tribulatio. In Evangelio: *Ut non fiat vestra fuga hieme, vel sabbato* (Matt. xxiv, 20). Anni, aliquando pro æternitate accipiuntur, ut ibi: *Et anni tui non deficient* (Ps. ci, 28). Interdum et pro brevitate hujus vitæ, ut hic: *Anni nostri tamquam aranea meditabuntur* (Ps. lxxxix, 9). Mensium nomine qui diebus coadunantur, collectiones animarum designantur, vel perfectio sanctorum, ut ibi: *Erit mensis ex mense* (Isai. lxvi, 23): videlicet eis in requie, quibus nunc perfectio fuerit in operatione. Dies et nox, justitia et iniquitas, fides et infidelitas, prospera et adversa. In psal.: *In die mandavit Dominus misericordiam suam, et in nocte declaravit* (Ps. xli, 9). Dierum nomine intelligitur etiam illuminatio divinæ gratiæ per diversa dona virtutum. Item dies designat angelum apostatam: dum Job ita loquitur: *Maledicant ei qui maledicunt diei* (Job iii, 8). Noctis autem nomine, vel error ignorantie cæcitas, vel etiam mortis acerbitas accipitur. Lumen et tenebræ, ita maxime accipiuntur ut dies et nox. In ep. Joan.: *Qui diligit fratrem suum, in lumine manet: qui autem odit fratrem suum, in tenebris est* (I Joan. ii, 10). Per lumen etiam intentio cordis declaratur. Umbra, protectio divina. In ps.: *Sub umbra alarum tuarum protege me* (Ps. xvi, 8). Alias oblivio, vel peccata, ut ibi: *Sedentes in tenebris et in umbra mortis* (Ps. cvi, 10). Umbra est aliquando delectatio peccatorum, ut in Job: *Sub umbra dormit in secreto* (Job xl, 16). Rursus umbra oblivionem mentis, vel mortem carnis, vel imitationem diaboli significat. Lucis nomine, Dominus, vel quilibet justus intelligitur, ut in Evang.: *Erat lux vera quæ illuminat omnem hominem venientem in hunc mundum* (Joan. i, 9). Et Apostolus: *Fuistis aliquando tenebræ, nunc autem lux in Domino* (Eph. v, 8). Ponitur etiam pro illuminatione fidei, et pro vita. Hora, quingenti (ut putant quidam) anni: si quando dies pro toto mundi istius sæculo accipitur: in Epistola Jo.: *Filioli mei, novissima hora est* (I Joan. ii, 18). Oriens, quia ab illa parte lux oritur, Salvator: maxime in Luca: *Visitavit nos Oriens ex alto* (Luc. i, 78). Et in Zach.: *Ecce vir Oriens nomen ejus* (Zach. vi, 12). Occidens, vitæ melioris defectus. In propheta (Amos. viii, 9): *Occidet vobis sol in meridie*. Aquilonaris pars semper in adverso ponitur, ut propheta de diabolo: *Ponam sedem meam*

**A** *ad Aquilonem* (Isa. xiv, 15); et alibi: *Ab Aquilone pandetur malum* (Jer. i, 14). Mane, lux actuum bonorum, vel baptismum, vel resurrectio Dominica. In Psal.: *Mane astabo tibi, et videbo* (Ps. v, 5); et alibi: *A custodia matutina usque ad noctem speret Israel in Domino* (Ps. cxxix, 6), id est a resurrectione Domini spes nostra, usque in finem sæculi, id est diem judicii. Per mane etiam vel matutinum, præsentis vitæ prosperitas significatur, ut illud: *Væ tibi, terra, cujus rex juvenis est, et cujus principes mane comedunt* (Eccl. x, 16); mane autem comedunt, qui de hujus mundi prosperitatibus extolluntur, dum in extremo ejus deberent præstolari, frui æternis felicitatibus. Meridies, plana doctrinarum factorumque claritas. In Salom.: *Ubi cubas in meridie* (Cant. i, 6)? Et in **B** *malam partem* in psal.: *A daemonio meridiano* (Ps. xc, 6), id est manifesto. Vespere, finis vitæ, vel sæculi, vel pœna; in ps.: *Ad vesperum demorabitur fletus, et ad matutinum lætitia* (Ps. xxix, 6). Auroræ nomine mens justorum accipitur, quæ peccati sui tenebras relinquens, ad lucem erupit, sole justitiæ illuminata (Cant. vi, 9). Arcturi nomine, qui in cœli axe constitutus VII stellarum radiis fulget, Ecclesiæ universalis exprimitur, quæ in Apoc. Joan. per VII Eccles. et VII candelabra figuratur (Apocal. i, 20). Oriones in pondere hiemis orientes, sanctos designant martyres, quod pondus persequentium et hanc vitam amantium pertulerunt, et ad cœli faciem quasi in hieme venerunt. Hyades a Græca littera υ nuncupatæ, a cujus forma non discrepant visione, et **C** *ortæ pluvias afferunt*: sanctos prædicatores, quod verbis pluunt et corda hominum salubriter irrigant, significant: ὕετος namque Græce, imber Latine dicitur.

#### CAPUT IV.

##### De Terrenis.

Terra, homo ipse. In Evang.: *Aliud cecidit in terram bonam* (Marc. iv, 8). Item: *Terra es, et in terram ibis* (Gen. iii, 19). Item in malam partem, de peccatore: *Terram edes omnibus diebus vitæ tuæ* (Gen. iii, 14). Aliiter, terra intelliguntur qui terrenis actibus occupati, per eleemosynas et lacrymas ad vitam æternam perveniunt: unde psal.: *Advocavit cælum de sursum, et terram discernere populum suum* (Ps. xlix, 4). Arida, infructuosi homines: in Salo: *Cooperire aridam malitia et dolositate* (Eccl. xxxvii, 3). Pulvis, peccatores, vel carnis vanitas: in psalm.: *Sicut pulvis quem projicit ventus* (Ps. i, 4). Lutum, peccatorum glutinum: in ps.: *Eripe me de luto ut non infigar* (Ps. lxxviii, 15). Item in aliam partem. In Joan.: *Lutum fecit, et linivit oculos meos* (Joan. ix, 11). Montes Dominus, Ecclesia, apostoli, sive sancti, a celsitudine virtutum: in ps.: *Qui descendit super montem Sion* (Ps. cxxxii, 3). Item propheta: *Erit mons domus Domini super verticem montium* (Isa. ii, 2). Item in aliam proph.: *Ne quando offendant pedes vestri ad montes caliginosos* (Jer. xiii, 16), id est, hæreticos. Colles, sancti, sed minoris meriti: in psal.: *Montes et omnes colles* (Ps. cxlviii, 9). Item in aliam partem.



In Evang. : *Omnis mons et collis humiliabitur* (Luc. iii, 5). Valles, contritiones cordis humilis : in psalm. : *Et convalles abundabunt frumento* (Ps. lxiiv, 14). Item in aliam partem : in proph. : *Vallem filiorum Ennon* (Jer. xix, 2). Petra, Christus, a firmitate : in apostolo : *Petra autem erat Christus* (I Cor. i, 4). Lapides, interdum Christus, aut sancti : in psal. : *Lapis quem reprobaverunt ædificantes* (Ps. cxvii, 22). Item : *Abscissus est de monte lapis sine manibus et implevit universam terram* (Dan. ii, 34). Item : *Et vos tamquam lapides vivi superædificamini* (I Petr. ii, 5). Item in aliam partem, de insipientibus et duro corde : *Potens est Deus de lapidibus istis suscitare filios Abrahamæ* (Matth. iii, 9). Et alibi : *Auferam cor lapideum de carne vestra* (Ezech. xxxvi, 26). Ager, hic mundus : in Evangel. : *Ager est hic mundus* (Matth. xiii, 38). Alias ager est disciplina cœlestis studii, in quo thesaurus absconditur (Ibid., 44), id est cœleste desiderium. Campi, sancti, sive Scripturæ divinæ : eo quod pastum animarum præbeant : in psalm. : *Et campi tui replebuntur ubertate* (Ps. lxiiv, 12). Item in malam partem : *In campo Taneos* (Ps. lxxvii, 43). Item campi propter æqualitatem dicuntur populi justii. Pascua, refectio spiritalis : in psal. : *In loco pascuæ ibi me collocavit* (Ps. xxii, 2). Cultura, sancti qui excoluntur a Deo : in Apostolo : *Dei cultura estis* (I Cor. iii, 9). Agricola, Deus : in Evang. : *Ego sum vitis vera, et Pater meus agricola est* (Joan. xv, 1). Sulci, corda sanctorum : in ps. : *Sulcos ejus inebrians* (Ps. lxiiv, 11). Semen, divina prædicatio : in Evang. : *Exiit qui seminat seminare semen suum* (Luc. viii, 5). Messis, ubertas, vel copia fidelium : in Evang. : *Levate oculos vestros, et videte regiones, quia albæ sunt ad messem* (Joan. iv, 35); et aliter : *Messis consummatio sæculi, sicut messores angeli* (Matth. xiii, 39). Manipuli, fructus justitiæ : in ps. : *Portantes manipulos suos* (Ps. cxxv, 6). Stipula, aridi ad fidem, vel inanes : in Apostolo : *Ligna, fenum, stipulam* (I Cor. iii, 12); et in proph. : *Ilei mei, quia factus sum, sicut qui colligit stipulam in messe* (Mich. vii, 1) : hoc est, nullos boni operis fructus inveni. Et alibi : *Stipula collecta, synagoga peccantium* (Eccli. xxi, 10). Area, Ecclesia : in Evang. : *Et permundabit aream suam* (Matth. iii, 12). Ventilabrum, examen justitiæ Dei : in Evang. : *Cujus ventilabrum, in manu sua* (Ibid.). Triticum, Dei verbum, sancti vel electi Dei : in Evang. : *Congregabit triticum suum in horreum* (Ibid.). Hordeum, legis littera : in Evang. : *Est puer unus hic, qui habet V panes hordeaceos* (Joan. vi, 9), id est litteram, V libros Moysi. Palea, peccatores : in Evangel. : *Paleas autem comburet igni inextinguibili* (Matth. iii, 12); et Hier. : *Quid paleis ad triticum, dicit Dominus* (Jer. xxiii, 28). Zizania, scandala, vel male viventes : in Evang. : *Venit inimicus, et superseminavit zizania in medio tritici* (Matth. xiii, 25). Vineam, Ecclesia, vel populus Israel : in ps. : *Vineam de Ægypto transtulisti* (Ps. lxxix, 9). Item in malam partem : *Ex vinea enim Sodomorum vilis eorum* (Deut. xxxii, 32). Vitis, Christus : in Evang. : *Ego sum vitis vera* (Joan. xv, 1). Item in aliam partem : in Cantico Deteron., hoc quod supra. Palmites, apostoli, vel sancti : in Evang. : *Ego sum vitis vera, vos palmites*. Et in malam partem : ubi supra : *Et palmes eorum ex Gomorra. Uvæ, fructus justitiæ* : in Esa. : *Expectavi ut faceret uvam* (Isa. v, 4). Item in malam partem : ubi supra : *Uva eorum, uva fellis* (Deut. xxxii, 32). Botrus, Ecclesia, sive corpus Domini. In Num. : *Eo quod botrum inde portassent filii Israel* (Num. xiii, 25). Vindemia, consummatio sæculi, vel vindicta in populum : in psalm. : *Vindemiant eam omnes qui transgrediuntur viam* (Ps. lxxix, 13); et Joel. : *Mittite falces, et vindemiate vineam terræ, quia maturæ sunt uvæ ejus* (Joel. iii, 13). Torcular, altare, ab eo quod ibi oblationes tamquam fructus conferantur : ut in Isaia, *Et torcular fodit in ea* (Isai. v, 2). Et aliter, torcular, tribulationum pressura in Ecclesia sancta, in qua fideles probantur. In titulo psalmi. *In finem pro torcularibus* (Psal. viii, 1). Fenum, populus, caro, vel vana gloria. In Esa. : *Omnis caro fenum, et omnis gloria ejus sicut flos feni* (Isai. xl, 6). Herba, jucunditas, vel quædam rudimenta proficientis animæ. In Gen. : *Producat terra herbam virentem* (Gen. i, 11). Item in malam partem : *Mane sicut herba transeat* (Ps. lxxxix, 6). Flores, Christus, vel specimen justitiæ aut inchoatio bene operantium : ut in Cantico canticorum sponsus : *Fulcite me floribus* (Cant. ii, 5). Liliū Christus, vel angeli candore justitiae. In Salom. : *Ego flos campi et liliū convallium* (Ibid., 1). Rosæ, martyres, a rubore sanguinis : in Salom. : *Sicut rosa germinat super humida fluentia. Violæ confessores, ob similitudinem lividorum corporum*. In Cantico cant. : *Flores in terra visi sunt* (Cant. ii, 12). Silvæ, gentes. In psal. : *Invenimus eam in campis silvæ* (Ps. cxxxii, 6). De his silvis egressi sunt duo ursi, Vespasianus scilicet, et Titus, reges Romanorum, ad præceptum figurati Helisæi, et post xlii annos ascensionis ejus ad cœlos Judaicos pueros comederunt (IV Reg. ii, 24). Condensa, opaca, vel contexta, Scripturæ divinæ. In psal. : *Et revelavit condensa* (Ps. xxviii, 9). Ligna, peccatores igni deputandi. In Ecclesiaste : *Qui scindit ligna, periclitabitur in eis* (Eccl. x, 9). Item in bonam partem : *Et erit tamquam lignum quod plantatum est* (Ps. i, 3). Alias ligni nomine sancta crux designatur : ut propheta : *Mittamus lignum in pane ejus* (Jer. xi, 19); id est, in carne Christum cruce suspendamus. Item : *En colligo duo ligna* (III Reg. xvii, 12). Item lignum significat justos ac peccatores : ut Salom. : *Si ceciderit lignum ad austrum aut ad aquilonem, ubicumque conciderit, ibi erit* (Eccl. xi, 3) : quia in die mortis, justus ad austrum cadit, peccator ad Aquilonem : qui justus per fervorem spiritus ad gaudium ducitur : peccator ad Aquilonem : qui justus per fervorem spiritus ad gaudium ducitur : peccator cum apostata angelo in frigido corde reprobat. Radix, origo : in Apostolo : *Quod si radix sancta, et rami* (Rom. xi, 16); et in malam partem, in psal. : *Evellat radicem tuam de terra*



viventium (Ps. li, 7). Arbor, homo, a fructu operum: in Evang.: *Aut facite arborem bonam, et fructum ejus bonum* (Matth. xii, 35); et in malam partem: *Aut facite arborem malam, et fructum ejus malum*. Quidam in hoc testimonio, arborem hanc, voluntatem hominis magis quam ipsum hominem accipiendam putant. Arbor etiam fuit Christus cum resurrexit, qui cum moreretur granum fuit. Ramus, successio: in Apostolo: *Quod si radix sancta, et rami* (Rom. xi, 16). Item in aliam partem: in Daniel.: *Præcidite ramos ejus* (Dan. iv, 11). Item rami sunt sententiæ sanctorum Patrum: in Evang.: *Alii cædebant ramos de arboribus* (Matt. xxi, 8). Folium, sermo doctrinæ: in psal.: *Et folium ejus non defluet* (Ps. i, 3). Et aliter, folium, vestitus et decor cum protectione divinæ gratiæ; et in malam partem: *Non invenit in ea fructum præter folia* (Matt. xxi, 19), id est, verba sine fructu: unde monet Apostolas, *ut diligamus non verbo neque lingua, sed opere et veritate* (I Joan. iii, 18). Comparatur etiam homo folio, qui ab arbore cecidit in paradiso. Poma, sanctorum in virtutibus fructus: in Cantico cant.: *Et manducet fructum pomorum suorum* (Cant. v, 1). Palma, perfectio vel victoria: in psal.: *Justus ut palma florebit* (Ps. xci, 15). Palma enim tarde proficit, sed diu in viriditate persistit. Ita sancta Ecclesia cum multis difficultatibus ad fidei statum venit, et pro collectione plurimorum in ejusdem fidei gloria diutius stare concupiscit. Palma inferius corticem suarum involuutionibus angustatur, sed superius amplitudine pulchræ viriditatis expanditur: sic electorum vita inferius est despecta, sed superius pulchra. Habet quiddam et aliud palma, quo a cunctis arborum generibus differt: omnis enim arbor quæ in suo robore juxta terram vaste subsistit, crescendo superius angustatur; et quantum paulisper sublimior, tantum in altum redditur subtilior: palma vero ab imis inchoat, et juxta ramos ac fructus ampliori robore exsurgit: et quæ tenuis ab imis proficit, vastior ad summam succrescit. Quibus itaque talia arbusta, nisi terrenis mentibus inveniuntur esse similia, inferius vasta, superius angusta: quia nimirum omnes hujus sæculi dilectiones, in terrenis rebus sunt fortes, in cælestibus debiles: pro temporali gloria usque ad mortem desudare appetunt, et pro spe perpetua ne parum quidem in labore subsistant: pro terrenis lucris quaslibet injurias tolerant, et pro cælesti mercede vel tenuissimas unius verbi contumelias ferre recusant. Nam ut terreno judici totos dies assistant, fortes sunt: in oratione vero coram Domino, vel unius horæ momento lassantur. Sæpe nuditatem, vigilias, famem, pro acquirendis divitiis et honoribus tolerant, et multa se abstinence cruciant. At contra ex æqualitate palmarum designatur proficiens vita justorum, qui nequaquam in terrenis studiis sunt fortes, et in cælestibus debiles; sed longius atque distantius studiosos se Deo exhibent, quam sæculo fuisse meminerunt. Scriptum est itaque recte, ut admonui: *Justus ut palma florebit; et cetera*. Cedri, excelsioris po-

PATROL. L.

tentie viri: in ps.: *Ut cedrus Libani multiplicabitur* (Ps. xci, 15); et in malam partem, superbi, elati: ut in psal.: *Et confinget Dominus cedros Libani* (Ps. xxviii, 5). Olea, sanctus misericordie abundans fructibus: in ps.: *Ego autem sicut oliva fructifera in domo Domini* (Ps. li, 10). Oleaster, homo sine fructu, vel gentilis: in Apostolo: *Si autem tu ex naturali excisus es oleastro* (Rom. xi, 24). Ficus, synagoga interdum: in Evang.: *Et arefacta est continuo ficulina* (Matt. xxi, 19); et in Habacuc: *Ficus non afferet fructum* (Hab. iii, 4). Ficus et in bono et in malo accipitur: ut Jeremias: *Et ostendit mihi ficus bonas valde, et malas valde* (Jer. xxiv, 3); et Dominus Nathanaeli: *Cum esses sub ficu* (id est, sub peccato originali), *vidi te redempturus* (Joan. i, 48). Ficus etiam intelligitur humana natura, vel incredula synagoga; quæ bene condita propria sponte est lapsa, et fructum præcepti Dei, vel bonæ operationis non protulit: unde in ea fructum Dominus tribus annis exquisivit, nec invenit (Luc. xiii, 7): qui eam sub tribus temporibus, id est, ante legem, sub lege, sub gratia admonendo, visitando requisivit. Ante legem parcendo sustinuit; sub gratia, quia incarnationis suæ præsentiam exhibendo monstravit; in lege, quia præcipiendo docuit: quibus tamen tribus temporibus infructuosa remansit, et a radicibus aruit. Sycomorus, ficus fatua dicitur: quam pusillus Zachæus subiit (Luc. xix, 4), et Dominum vidit: quia qui mundi sapientiam humiliter eligunt, ipsi Dei sapientiam subtiliter aspiciunt. Prudenter sycomorum ascendimus, si provide eam quæ divinitus præcipitur, laudabilem et sapientem fatuitatem tenemus. Quid enim in hoc mundo insipientius quam amissa non quærere: possessa largiri, sapientibus relaxare, nullam pro acceptis injuriis injuriam reddere: sed juxta præceptum Dominicum, in omnibus patientiam præbere? Hyssopus, herba humilis, et lapidi in quo nascitur assecta, cujus radices saxum penetrare dicuntur: ipsa vero præcipue pulmones curat. In pulmone notatur superbia: illic inflatio, illic anhelitus. In hyssopo igitur designatur humilitas et patientia. Rhamnus, urticæ, cardui, sentes, paliuri, herbæ aculeis refertæ: significant immites, dolosos, superbos, et omnes improbos, quos nullus bonorum vel mansuetorum potest contingere, vel castigare sine doloris compunctione. Item significant vitia, et tentationum inflictiones: ut in Genesi: *Spinæ et tribulos generabit tibi* (Gen. iii, 18). Malagranata, Ecclesia de multis gentibus sive diversas gratias habens: in Canticis canticorum: *Emissiones tuæ paradisus malagranatorum cum fructu pomorum* (Cant. iv, 5). Alias mala intelliguntur fructus bonæ operationis cum bono odore, id est, gratia bonæ famæ, et morum fructibus. Arundo, peccator, vel fragilis in fide, vel in aliqua tentatione: in Evangelio: *Arundinem quassatam non confinget* (Matth. xii, 20). Item arundo, infirmum auxilium: in Esaia: *Quid confidis in baculo isto arundineo Aegypto? cui si quis incubuerit, conquassabitur, et perforabit manum ejus...* (Isai. xxxvi, 6). Rubus,



ut quidam opinantur, Mariæ virginis præfiguratio: eo quod quasi de humani corporis rubo, Salvatorem tanquam rosam emisit; aut quod vim divini fulgoris, sine viri assumptione pertulerit. In Exodo: *Apparuitque ei Dominus in flamma ignis de medio rubi, et videbat quod rubus arderet, et non comburetur* (Exod. iii, 2). Alias rubus ardens nec consumptus Judaicum populum signavit, quod et legis Dei flammam præcepit, et tamen peccati poenam nequaquam vitavit. Spinæ, interdum noxiæ divitiarum curæ, animum suffocantes, et hujus mundi sollicitudines: in Evangelio: *Aliud cecidit in spinas* (Luc. viii, 7); et iterum: *Qui a sollicitudinibus et divitiis et voluptatibus suffocantur* (Ibid., 14). Tribuli, aculei vitiorum vel tentationum: in Genesi: *Spinæ et tribulos germinabit tibi* (Gen. iii, 18). Fontes, baptismum: in psalmo: *Sicut cervus desiderat ad fontes aquarum* (Ps. xli, 2). Fons etiam est Christus, ut psalmo: *Sititit anima mea ad Deum fontem vivum* (Ib. 3); et Zacharias: *In die illa erit fons patens domus David* (Zach. xiii, 1), et cætera. Item in malam partem: ut Apostolus: *Fontes sine aqua* (II Petr. ii, 17). Aquæ, tentationes: in psal.: *Forsitan ut aqua absorbuisset nos* (Ps. cxxiii, 4). Item: *Intraverunt aquæ usque ad animam meam* (Ps. lxxviii, 2). Item in bonam partem: in Jeremia: *Me dereliquerunt fontem aquæ vivæ* (Jerem. ii, 13); et in Esaia: *Qui sititis, ite ad aquam* (Isai. lv, 1), id est, ad doctrinam. Aquæ nomine in Scriptura sancta aliquando Spiritus sanctus significatur. Sic enim Spiritus sancti infusio designatur: ut in Evangel.: *Qui credit in me, flumina de ventre ejus fluent aquæ vivæ* (Joan. vii, 38). Item per aquam angelicus chorus exprimitur: ut in psalmo: *Et aquæ quæ super cælos sunt laudent nomen Domini* (Ps. cxlviii, 4). Item scientia sacra: ut in libro Sapientiæ: *Aqua sapientiæ potabit eos* (Eccli. xv, 3). Et iterum: *Aqua profunda verba ex ore viri* (Prov. xviii, 4). Prava quoque scientia per aquam appellatur. Sicut per Salomonem, mulier quæ typum hæreseos tenet, callidis persuasionibus blanditur dicens: *Aquæ furtivæ dulciores sunt* (Prov. ix, 17). Aqua etiam hujus mundi prosperitatem significat: ut in psalmo: *Transivimus per ignem et aquam, et eduxisti nos in refrigerium* (Ps. lxxv, 12). Ignis et aqua utrumque periculosum: ut in Evangelio: *Frequenter eum et in ignem et in aquam misit, ut eum perderet* (Marc. ix, 24). Quando res sunt angustæ, et aliquæ infelicitates sunt in hoc mundo, quasi ignis est. Quando res sunt prosperæ, et abundantia sæculi circumfluit, quasi jam aqua est. Per aquam etiam populi designantur, ut in Apocalypsi: *Aquæ multæ populi sunt multi* (Apocal. xvii, 15). Per aquam quoque non solum cursus discurrentium populorum, sed etiam bonorum mentes, fidei prædicamenta sequentes ostenduntur: sicut apud Esaiam est: *Beati qui seminatis super omnes aquas* (Isai. xxxii, 20). Aqua etiam baptismum indicat: ut ait Joannes Evangelista: *Tres sunt, qui testimonium dant in terra, spiritus, aqua, et sanguis* (I Joan. v, 8).

A Spiritus enim, nos per adoptionem filios Dei fecit. Sacri fontis unda nos abluit. Sanguis Domini nos redemit. Torrens, persecutionis incursus, vel mortis dilapsus. In psalmo: *De torrente in via bibet* (Ps. cix, 7). Item: *Torrentem pertransivit anima mea* (Ps. cxxiii, 5). Et in bonam partem: *Et torrente voluptatibus tuæ potabis eos* (Ps. xxxv, 9). Torrentes etiam sancti appellantur prædicatores, qui dum in præsentis vite divinis nobis eloquiis influunt, æquarum multitudine, quasi in hieme colliguntur: quia et æstivo sole adveniente se subtrahunt, quia cum æternæ patriæ lux emicuerit, prædicare cessabunt. Flumina, infidelium populi. In psalmo: *Super flumina Babylonis* (Ps. cxxxvi, 1). Item in bonam partem: *Flumina de ventre ejus fluent aquæ vitæ* (Joan. vii, 38); id est, diversæ gratiæ spiritus. Sic in psalmo: *Fluminis impetus lætificat civitatem Dei* (Ps. xlv, 5). Lacus, infernum. In psalmo: *Posuerunt me in lacu inferiore* (Ps. lxxxvii, 7): id est, illo inferni loco, in quo peccatores soli pœnali custodia detinentur. Mare, sæculum, sive populi. In psalmo: *Hoc mare magnum et sputiosum* (Ps. ciii, 25). Per mare etiam intelliguntur sacræ Scripturæ, ut in Ezechiele: *Aspectus rotarum, et opus earum, quasi visio maris* (Ezech. i, 16). Recte itaque sacræ eloquia visioni maris conferuntur, quia sententiæ locutionis sacramento baptismatis confirmantur. Pisces, sancti, interdum peccatores. In Evangelio: *Et traxerunt plenum rete piscibus magnis* (Joan. xxi, 11). Item in malam partem: *Malos autem foras miserunt* (Matth. xiii, 48). C Rursus piscium nomine, fides non ficta exprimitur; quemadmodum enim piscis sub tegumento aquarum nascitur, vivit, et alitur: sic et fides quæ in Deum est, quæ alterius vitæ gaudia, per lamenta præsentia, fletusque irrequietos, in corde gignit; invisibili gratia spiritus per aquam baptismatis consecratur; invisibili auxilio divinæ protectionis, ne deficiat, nutritur; invisibili præmiorum intuitu, quæcumque valet, bona operatur: memor illius Apostolici: *Quia quæ videntur temporalia sunt, quæ autem non videntur, æterna* (II Cor. iv, 18). Piscis autem assus, passionem significat; fluctus, tentationes. In psal.: *Omnia excelsa tua, et fluctus tui super me transierunt* (Ps. xli, 8). Significant etiam fluctus, timorem Dei ut in libro Job: *Sicut tumentes fluctus super me, sic semper timui Dominum* (Job xxxi, 23). Unde, idem quod supra in Cantico: *Gelaverunt undæ in medio mari* (Exod. xv, 8). Insulæ, animæ, vel Ecclesiæ Dei, quæ diversis tentationum tunduntur fluctibus. In psal.: *Lætentur insulæ multæ* (Ps. xcvi, 1). Littus, finis sæculi. In Evangel.: *Et secus littus sedentes elegerunt bonos in vasa* (Matth. xiii, 48). Arena maris, innumeræ gentium multitudines. In Genesi: *Et multiplicabo semen tuum* (id est, sanctos) *sicut stellas cæli, et sicut arenam* (peccatores) *quæ est ad oram maris* (Gen. xxii, 17).

## CAPUT V.

## De Animantibus.

Aves, sancti, quod ad superiora corde evadent. In



Evangel.: *Et fecit ramos magnos, ita ut possent sub umbra ejus aves cœli habitare* (Marc. iv, 32). Intelliguntur etiam per aves superflue cogitationes, quod monstratur per Abraham, qui cum sacrificium Deo offerret, insistentes aves perferebat, quas abigebat (Gen. xv, 11): quod enim in orationis sacrificio se importunæ cogitationes ingerunt, et subortæ, corda justorum poluunt: sed dum citius manu discretionis abiguntur, festive agitur, ne cordis faciem caliginationis operiat, quæ ante jam ex illicita delectatione tangebatur. Volatus, sanctorum excessus in Deum, vel in Scripturis intellectus. In Psal.: *Et volo et requiescam* (Ps. lrv, 7). Volucres, in bono accipiuntur, ut de avibus diximus. In malo autem, superba demonia designant, ut in Evangel. Dominus: *Aliud semen cecidit secus viam, et volucres cœli comederunt illud* (Luc. viii, 5): quia maligni spiritus humanas mentes obsidentes, dum cogitationes noxias ingerunt, verbum vitæ e memoria evellunt. Alæ, duo Testamenta. In Ez chiele: *Unumquodque duabus alis relabat corpus suum* (Ezech. i, 23). Sunt etiam alæ, virtutes sanctorum, per quas ad contemplationem vel ad cœlestia evolant: vel protectio divina. Pennæ Scripturæ. In psalmo: *Pennæ columbæ argentatæ* (Ps. lxxvii, 14). Nidus, Ecclesia, aut requies excelsa sanctis. In psal.: *Et turtur nidum sibi, ubi reponat pullos suos* (Ps. lxxxiii, 4). Et aliter, nidus, bona conscientia, in qua bonarum cogitationum fetus fovetur, atque in opere pariuntur, ut postea filii appellentur. In psalmo: *Filii tui, sicut novellæ olivarum in circuitu mensæ tuæ* (Ps. cxxvii, 3). Pulli, sancti. In psal. ut supra. Sicut in libro Job: *Pulli ejus lambent sanguinem* (Job xxxix, 30): quod de filiis sanctæ Ecclesiæ dicitur, qui sanguinem Christi bibunt. Et in malam partem. In Salomone: *Et pulli aquilarum devorent eum* (Prov. xxx, 17). Aquilæ, sancti. In Evangelio: *Ubi fuerit corpus, illic congregabuntur aquilæ* (Matth. xxiv, 28): quia egredientes sanctæ animæ de corpore ad Christum, qui pro illis moriendo cadaver factus est, aggregantur. Aquila, Christum etiam significat, ut Salomon: *Via aquilæ in cœlo* (Prov. xxx, 19), id est, Christi ascensio. Et in malam partem: Pulli aquilarum devorent eum. Ut in Hieremia, de malignis spiritibus: *Velociores fuerunt persecutores nostri aquilis* (Thren. iv, 19). Per aquilam designatur etiam terrena tempestas. Struthio, quilibet hæreticus, vel philosophus, vel hypocrita, qui quasi cum pennis sapientiæ est, tamen non evolat. In Isaia: *Erit cubile draconum, et priscua struthionum* (Isa. xxxiv, 13). Et struthio ova parit, sed pullos inde non nutrit: quia hypocrita quamvis recte prædicet, tamen per exemplum bonæ vitæ nullos filios generat, ut in libro Job: *Struthio in terra relinquit ova sua, et obliviscitur quod pes conculcet ea* (Job xxxix, 14). Pelicanus, Dominus Christus in Passione, aut vir sanctus solitudini deditus. In psal.: *Similis factus sum pelicano solitudinis* (Ps. ci, 7). Corvus, nigredo peccatorum, vel demones. In Salomone: *Effodiant eum corvi de torrente vel de rupibus*

A (Prov. xxx, 17) Item in bonam partem. In Cantica canticorum de sponso: *Crines ejus ut abietes, nigri sicut corvi* (Cant. v, 11). Perdix, diabolus. In propheta: *Clamavit perdix, congregavit quæ non peperit* (Jer. xvii, 11). Columba, Spiritus sanctus. In Evangelio: *Et vidi Spiritum Dei descendantem sicut columbam* (Joan. i, 32). Item in malam partem, ut in propheta: *Et factus Ephraim quasi columba sine sensu, non habens cor* (Ose. vii, 11). Turtur, Spiritus sanctus, aut vir sanctus, aut intelligentia spiritalis. In Canticis canticorum: *Vox turturis audita est in terra nostra* (Cant. ii, 12). Sed tunc columba Spiritus sanctus dicitur quando Scripturæ sacræ manifesta dissertio est. Tunc vero turtur Spiritus sanctus intelligitur, cum Scripturæ altis atque obscuris mysteriis eleventur. Columba etiam simplicitatem, turtur indicat castitatem, quia, amisso primo conjugio, ultra socium non requirit. Milvus significat, ut puto, rapacem, vel elatum. In psalmo, secundum Hebræos: *Milvi abies domus est*. Accipiter, interdum sanctus, ut puto, rapiens regnum Dei: qui mutata veteri penna renovatur, et projiciens inveterata studia dolosæ actionis, simplices actus assumit bene vivendi. In Job: *Numquid in sapientia tua plumescit accipiter?* Nycticorax Christus, vel vir sanctus infidelibus despiciabilis. In psalmo: *Factus sum sicut nycticorax in domicilio* (Ps. ci, 7). Passer, nonnumquam Dominus, aut vir sanctus. In psalmo: *Etenim passer invenit sibi domum* (Ps. lxxxiii, 4). Et alibi, quilibet Christianus, cui ab hæreticis dicitur, qui Christum, qui in Scripturis mons nominatur, sese solummodo putant habere: *Transmigra in montem sicut passer* (Ps. x, 2). Gallus, Dominus, ut puto, aut sanctus. In Salomone: *Et gallus ambulans inter gallinas lætus* (Pr. xxx, 31). Et in Job: *Quis dedit gallo intelligentiam* (Job xxxviii, 36). Et in alteram partem: *Et asportari te faciam sicut asportatur gallus gallinaceus* (Isa. xxii, 17). Galli nomine designantur prædicatores sancti qui, inter tenebras vitæ præsens, student venturam lucem prædicando quasi cantando nuntiare: dicunt enim: *Nox præcessit, dies autem appropinquavit*. Gallus etiam *succinctis lumbis incedere* scribitur (Prov. xxx, 31), quia ipsi prædicatores sancti inter hujus noctis tenebras verum mane nuntiantes, in membris suis luxuriæ fluxa restringunt, quibus a Domino dicitur, *Sint lumbi vestri præcincti* (Luc. xii, 35). Gallo etiam intelligentia desuper tribuitur, quia doctori veritatis discretionis virtus, ut noverit, quibus, quid, quando, vel quomodo inserat, divinitus ministratur. Non enim una eademque cunctis exhortatio convenit, quia nec cunctos par morum qualitas constringit. Gallina, sapientia, sive Ecclesia, sive anima. In Evangelio: *Sicut gallina congregat pullos suos sub alis suis* (Matth. xxiii, 37). Vespertilio, idolorum monstra tenebris dedita. In propheta: *Ut adoretis talpas et vespertilioes* (Isai. ii, 20). Sunt etiam cogitationes immundæ, quæ per demones intrant. Scarabæus, propheta: *Et scarabæus de ligno clamabit, ut putaret quidam, de Domino*. Locustæ, populi. In Evangelio:



*Esca autem ejus erat locusta* (Matth. iii, 4). Locusta-  
rum nomine aliquando Judæorum populus, aliquando  
conversa gentilitas, aliquando adulantium lingua,  
aliquando per comparisonem resurrectio Dominica  
designatur, aliquando vita prædicatorum significatur.  
Apis, forma virginitatis, sive sapientiæ. In Salomone:  
*Vade ad apem et disce quam operatrix sit* (Prov. vi, 6).  
Et in malam partem: in propheta: *Et apes quæ est in*  
*Assur* (Isai. vii, 18). *Et circumdederunt me sicut apes*  
(Ps. cxvii, 12), id est, malitiosi et iracundi. Apes  
etiam quæ mel in ore habent, et in occulto caudæ  
vulnus, suo nomine significant omnes qui lingua  
blandiuntur, sed latenter ex malitia feriunt: quia  
loquendo dulcedinem mellis propinant, sed feriendo  
vulnus inferunt. Possunt etiam hoc nomine pruden-  
tium dicta signari, ut est illud: *Favus mellis sermo-*  
*nes boni* (Prov. xvi, 24). Musca, diabolus, vel mini-  
ster ejus, vel spurcitæ idololatriæ. In Salomone:  
*Muscæ morituræ exterminant olei suavitatem* (Ecclē.  
x, 1). Bestiæ, diabolus, vel homines feri. In psalmo:  
*Ne tradas bestiis animas confitentes tibi* (Ps. lxxiii,  
19). Leo, Dominus, ut Apostolus: *Vicit leo de tribu*  
*Juda* (Apoc. v, 5). Item in malam partem: *Ne quando*  
*rapiat ut leo animam meam* (Ps. vii, 3). Item: *Adver-*  
*sarius noster diabolus quasi leo circuit* (1 Petr. v, 8).  
Lexena significat superbos vel præcipientes. Pardus,  
diabolus, vel peccator moribus variis: in propheta:  
*Sicut Æthiops non mutabit pellem, et pardus varietatem*  
*(Jer. xiii, 23)*. Elephas, peccator immanis. In  
Regum: *Et adducebant ad Salomonem simias et ele-*  
*phantos* (III Reg. x, 22). Ursus, diabolus, aut duces  
sævi, vel insidiatores. In Regnorum: *Et egressi sunt*  
*duo ursi, et comederunt eos* (IV Reg. ii, 24), quia  
Vespasianus et Titus Romani imperatores Judæos  
deleverunt. Cervus, Christus, vel sancti. In psalmo:  
*Sicut cervus desiderat ad fontes aquarum* (Ps. xli, 2).  
Et rursus in psalm.: *Montes excelsi cervis, petra re-*  
*fugium erinaceis* (Ps. ciii, 18): nam hic vitæ con-  
templativæ dediti significantur. Lupus, diabolus vel  
hæreticus. In Evangelio: *Intrinsecus autem sunt lupi*  
*rapaces* (Matth. vii, 15). Item in bonam partem:  
*Benjamin lupus rapax* (Gen. xlix, 27), apostolum  
Paulum significans. Aper, diabolus. In psalmo:  
*Exterminabit eam aper de silva* (Ps. lxxix, 14). Ti-  
gris, feminea interdum arrogantia. In libro Job se-  
cundum Hebræum: *Tigris periit, eo quod non habuerit*  
*prædam* (Job iv, 11). Monoceron, hoc est unicornis.  
In psalmo: *Et dilectus quemadmodum filius unicor-*  
*nium* (Ps. xxviii, 6), id est, singularis potentia, vel  
sanctorum qui teneant unicum Dei verbum. Et in  
aliâ partem: *Et a cornibus unicornium humilitatem*  
*meam* (Psalm. xxi, 22). In malam partem ponitur pro  
qualibet superbo violento, vel unum testamentum  
tenente, ut Psalmista in persona passuri Domini:  
Libera me, Domine, a cornibus unicornium. Rhi-  
noceron, fortisqueque: vel in bonam vel in malam  
partem. In libro Job, secundum Hebræum: *Numquid*  
*volet rhinoceros servire tibi* (Job xxxix, 9).

Onager, eremita, vel qui remoti a turbis popula-

ribus versantur. In Job: *Quis dimittet onagram libe-*  
*rum* (Job xxxix, 5)? Potest et populus ille Judæorum  
onager dici, quia sequitur in eodem libro: *Et vin-*  
*cula ejus quis solvit?* vincula utique præceptorum.  
Hinnulus, Christus, aut sancti, pro gratiarum varie-  
tate. In Salomone: *Similis es tu, fratrueis meus, da-*  
*mulæ, aut hinnulo cervorum* (Cant. ii, 9). Dama, idem  
quod supra. Lepus, timens Deum. In psalmo: *Petra*  
*refugium leporibus et erinaciis* (Ps. ciii, 18). Erinacius,  
idem quod supra: et erinacii gens invalida, qui fece-  
runt in petris domos sibi.

Vulpes, hæreticus vel diabolus, vel peccator cal-  
lidus. In Evangelio: *Ite, dicite vulpi illi* (Luc. xiii, 32).  
Animal, homo carnalis. In Apostolo: *Animalis autem*  
*homo non percipit ea quæ sunt spiritus Dei* (I Cor. ii,  
14). Jumentum, intellectu vel eloquio carens, inter-  
dum obedientes. In psalmo: *Ut jumentum factus sum*  
*apud te* (Ps. lxxii, 23), interdum luxuriosi, ut illud:  
*Computruerunt jumenta in stercore suo* (Joel i, 17).  
Equis, vir sanctus. In Abacuc: *Qui ascendens super*  
*equos tuos* (Abac. iii, 8). Et in malam partem: *Fallax*  
*equus ad salutem* (Ps. xxxii, 17), irrationalis quisque.  
In psalmo: *Nolite fieri sicut equus et mulus, quibus*  
*non est intellectus* (Ps. xxxi, 9). Asinus, corpus hu-  
manum, vel populus gentilium. In Evangelio: *Et*  
*adduxerunt ad Jesum asinam et pullum ejus, et eum*  
*desuper sedere fecerunt* (Matth. xxi, 7). Asinorum  
nomine stultorum pigritia significatur, dum Moyses  
testatur: *Non arabis in bove simul et asino* (Deut. xxii,  
10), hoc est, in prædicatione non jungas pruden-  
tem cum fatuo: simplicitas enim fidelium hoc no-  
mine exprimitur, quam Christus regendo et præsi-  
dendo ad Hierusalem, id est, visionem pacis deducit.  
Unde dicitur: *Agnovit et asinus præsepe domini sui*  
(Isai. i, 3): rursus asino designatur immoderata pe-  
tulantium luxuria, ut propheta: *Quorum carnes sunt*  
*ut carnes asinorum* (Ezech. xxiii, 20).

Asina, caro vel plebs carens Dei notitia. In Evan-  
gelio, idem quod supra. Camelus, divites rebus  
sæculi onusti, vel moribus distorti. In Evangelio.  
*Facilius est camelum per foramen acus transire, quam*  
*divitem intrare in regna cælorum* (Matth. xix, 24).  
Cameli nomine etiam ipse Dominus significatur, ut:  
*Liquantes culicem: camelum autem deglutientes* (Matth.  
xxiii, 24): hoc in loco Dominus aperte designatur,  
qui sponte humiliatus, infirmitatis nostræ onera sus-  
tulit, et acum punctionis, angustiasque foraminis in  
dolore suæ passionis. Culex susurrando vulnerat,  
camelus autem sponte se ad suscipienda onera in-  
clinat: liquaverunt ergo Judæi culicem, quia sedi-  
tioni latronem dimitti petierunt: camelum autem  
glutierunt, quia eum qui ad suscipienda nostræ mor-  
talitatis onera sponte descenderat, extinguere cla-  
mando conati sunt. Tauri, principes populorum. In  
psalmo: *Tauri pingues obsederunt me* (Ps. xxi, 15).  
Boves, apostoli, qui suscepto jugo Christi, Evan-  
gelii vomere mundum exaraverunt. In psalmo:  
*Offeram tibi boves cum hircis* (Ps. lxxv, 15). Boves  
etiam stultorum vecordiam significant, ut recte per



Salomonem dicitur: *Statinque eam sequi ut, quasi bos ductus ad victimam* (Prov. vii, 22): boum nomine etiam vita uniuscujusque operantis exprimitur, ut per Moysen: *Non alligabis os bovi trituranti* (Deut. xxv, 4): et Dominus: *Dignus est operarius cibo suo* (Matth. x, 10). Vaccæ, carnalibus vitiis pleni. In psalmo: *Inter vaccas populorum* (Ps. lxxvii, 31): Vaccæ etiam, fideles omnes in Ecclesia designant, qui dum sacri eloquii præcepta considerant, quasi superimpositam sibi *Domini arcam portant*; quorum plerique foris carnalibus affectibus ligantur, *sed non declinant a recto itinere: quia arcam Domini portant in mente* (I Reg. vi, 12).

Vitulus, Christus, sive sancti. In psalmo: *Tunc imponent super altare tuum vitulos* (Ps. l, 21). Et in aliam partem: *Circumdederunt me vituli multi* (Ps. xxi, 15), hoc est, lascivientes. Sies, peccatores immundi. In Epistola Petri: *Et sus lota in volutabro luti* (II Petr. ii, 22). Arietes, apostoli, vel Ecclesiarum principes. In psalmo: *Afferte Domino filios arietum* (Ps. xxviii, 1). Oves, populi fideles. In Evangelio: *Oves meæ vocem meam audiunt* (Joan. x, 27): Pecora, simpliciores quique, minus præditi ratiocinandi subtilitate. In Salomone: *Pasce animas pecorum tuorum* (Prov. xxvii, 23). Hirci, peccatores, sive gentiles. In Daniele: *Ecce autem hircus caprarum veniebat ab Occidente super faciem totius terræ* (Dan. viii, 5). Item in bonam partem: *Offeram tibi boves cum hircis* (Ps. lxxv, 15). Capræ, justi interdum ex gentibus venientes. In Salomone: *Capillatura tua sicut grex caprarum, quæ revelatæ sunt de Galaad* (Cant. vi, 4). Quemadmodum autem capræ præcipue pastum in alto quærent, sic et sancti mundi baptismo et pœnitentia in supernis pastum desiderant; unde apostolus: *Nostri conversatio in cælis est* (Phil. iii, 20). Capræ sunt animæ efferatioris factæ per vanam doctrinam philosophorum, sed jam intra Ecclesiam sanctam per sanctum Evangelium. Agni, Christus, vel apostoli, ut sancti. In Evangelio: *Pasce agnos meos* (Joan. xxi, 15). Hædi, peccatores, vel motus carnis. In Evang.: *Hædos autem a sinistris* (Matth. xxv, 33).

Talpæ, idola, vel hæretici, qui non vident veritatem. In Isaia: *Ut adoretis talpas et vespertiliones* (Isai. ii, 20). Canis, diabolus, vel Judæus, vel gentilis. In psal. : *Et de manu canis unicam meam* (Ps. xvi, 21). Et in aliam partem, in Ecclesiaste: *Melior est canis vivus leone mortuo* (Eccl. ix, 4). Hic leonem diabolum, canem vero gentilem, vel hominem peccatorem accipiendum putant: quod ille ad fidem vel pœnitentiam possit venire, ille autem non veniat. Canis item segnes prædicatores designat, ut ibi: *Canes muti non valentes latrare* (Isai. lvi, 10). Ranæ, dæmones. In Apoc.: *Et vidi de ore draconis spiritus res immundos in modum ranarum. Sunt autem spiritus dæmoniorum* (Apocal. xvi, 13). Item ranæ, hæretici, qui in cæno vilissimorum sensuum commorantes, vana garrulitate oblatrare non desinant. Formica, providus, vel operarius. In Salom.: *Vade ad formicam, o piger* (Prov. vi, 6).

A Vermis, Christus pro humilitate assumpti hominis. In psalm.: *Ego autem sum vermis et non homo* (Ps. xxi, 7). Item in aliam partem. In Isaia: *Vermis eorum non morietur* (Isai. lxvi, 21), id est, sive ipse vermis, sive peccati conscientia, vel inquietudo prævæ cogitationis. Aranea, humana fragilitas. In psal.: *Et tabescere fecisti velut araneam animam meam* (Ps. xxxviii, 12). Telæ aranearum, sunt opera temporalis concupiscentiæ, quæ nulla solidantur subtilitate, quæ ventus rapit mortalis. Serpens, diabolus, vel maligni homines. In Evangelio: *Serpentes genimina viperarum* (Matth. xxiii, 33). Item in aliam partem, in Evangelio: *Sicut Moyses exaltavit serpentem in deserto* (Joan. iii, 14); serpens significat etiam prudentes, ut ibi: *Estote prudentes sicut serpentes* (Mat. x, 16). Draco, diabolus, vel apertus persecutor; in psalmo: *Tu confregisti caput draconis, dedisti eum in escam populo Æthiopum* (Ps. lxxiii, 14). Scorpio, diabolus, vel ministri ejus; in Evangelio: *Dedi vobis potestatem calcandi super serpentes et scorpiones* (Luc. x, 19). Vipera, idem quod supra; in Evangelio: *Genimina viperarum* (Luc. iii, 7).

## CAPUT VI.

### De variis nominum appellationibus.

Homo, aut homo totus, aut mens. In Genesi: *Fecit Deus hominem ad imaginem et similitudinem suam* (Gen. i, 26). Et in malam partem; in psalmo: *Exsurge, Domine, non confortetur homo* (Ps. ix, 20), hoc est caro, vel diabolus. Nonne hominis etiam reprehensio designatur, ut in hoc Apostoli: *Cum enim sit inter vos zelus et contentio, nonne carnales estis, nonne homines estis* (I Cor. iii, 3)? et alibi: *Inimicus homo hoc fecit* (Matth. xiii, 28), id est, diabolus. Item ab Apostolo dicitur *homo peccati et filius perditionis* (II Th. ii, 3), id est Antichristus; sed et carnis nomine homines significantur, inde est: *Et videbit omnis caro salutare Dei* (Luc. iii, 6). Anima tam hominum quam jumentorum dicitur; ita in Job: *Anima omnis viventis et spiritus universæ carnis in potestate est Omnipotentis* (Job xii, 10): animam rationalem hominum usque ad spiritualem intellectum sublevat, animam autem irrationabilium usque ad corporeos sensus vivificat.

Vir, spiritus, id est mens. In Apostolo: *Caput mulieris vir* (I Cor. xii, 3). Item vir, in malam partem. In Genesi: *Bona facie valde virgo, quam vir non cognoverat* (Gen. xxiv, 16), id est diabolus, qui plerumque mentem cogitatione corrumpit. Mulier, anima, sive caro humana. In Apostolo: *Caput mulieris vir*. Mulier pro sexu, ut: *Misit Deus Filium suum natum ex muliere, factum sub lege* (Gal. iv, 4). Pro infirmitate, ut apud Sapientem: *Melior est iniquitas viri quam mulier benefaciens* (Eccl. xlii, 14).

Virgo, Ecclesia, vel sanctæ animæ. In Apostolo: *Despondi enim vos uni viro virginem castam exhibere Christo* (II Cor. xi, 2). Et in malam partem: *Desende, sede in pulvere, virgo filia Babylonis* (Isai. xlvii, 1), id est anima bonitate sterilis, quæ hypocrisi vel ma-



litia sit confusionis filia. Rex, Dominus. In Apostolo: *Rex regum, et Dominus dominantium* (I Tim. vi, 15). Et in malam partem, ut de diabolo: *Ipse est rex super universos filios superbiæ* (Job xli, 25). Regina, Ecclesia. In psalmo: *Astitit regina a dextris tuis* (Ps. xlii, 10). Et iterum regina, anima imperans corpori. Pater, Dominus. In propheta: *Et ero vobis in patrem, et vos eritis mihi in filios et filias, dicit Dominus omnipotens* (Jerem. xxxi, 33); et in Evangelio: *Unus est enim Pater vester, qui in cælis est* (Matth. xxiii, 9). Item de diabolo: *Quia mendax est et pater ejus* (Joan. viii, 44). Pater mendacii et omnium qui in veritate non permanserint.

Mater, Ecclesia, vel Hierusalem cœlestis. In Apostolo: *Illa autem quæ sursum est Hierusalem, libera est, quæ est mater nostra* (Galat. iv, 26). Item qui bene loquendo fideles Christo generant et educant, matres in utroque sexu, ipso Christo teste, existunt. Frater, Christus, vel proximus. In psalmo: *Narrabo nomen tuum fratribus meis* (Ps. xxi, 23); et ipse ait: *Ite, nuntiate fratribus meis* (Matth. xxviii, 10).

Soror, Ecclesia, Synagoga, vel Christi anima. In Canticis canticorum: *Soror mea sponsa* (Cant. iv, 9). Vir et uxor, Christus et Ecclesia, intellectus spiritualis et historia Scripturarum. In Apostolo: *Viri, diligite uxores vestras, sicut et Christus dilexit Ecclesiam* (Ephes. v, 25). Sponsus, Christus, ideo quod a Patre ab initio sit promissus. In psalmo: *Et ipse tamquam sponsus procedens de thalamo suo* (Ps. xviii, 6). Et in Evangelio: *Qui habet sponsam sponsus est* (Joan. iii, 29).

Sponsa, Ecclesia, quæ utique divinis sponsionibus sit promissa. In Canticis canticorum: *Veni a Libano, sponsa, veni a Libano* (Cant. iv, 8). Filius, populus credentium. In Apostolo: *Jam non est servus, sed filius; quod si filius, et hæres per Deum* (Gal. iv, 7): filius, id est, Dominus; ut ibi: *quod si Filius vos liberaverit* (Joan. viii, 36).

Filia, anima fidelis, sive Ecclesia. In psalmo: *Audi, filia, et vide* (Ps. xlii, 11); et in malam partem: *Super filiam vagam dispone custodiam* (Eccli. xlii, 11), id est, animæ levitatem. Proximi, fide propinqui, et qui misericordiam impendunt inopi. In Salomone: *Venite, manducate, et bibite, et inebriamini, proximi* (Cant. v, 1).

Amici, concordēs in Deum. In Evangelio: *Vos amici mei estis* (Joan. xv, 14). Senes, consummatæ justitiæ. In Genesi: *Et mortuus est Abraham senex et plenus dierum* (Gen. xxv, 8). In Salomone: *Canisunt hominis sensus, et ætas senectutis vita immaculata* (Sap. iv, 9). Et in sinistram partem, de Salomone: *Cumque jam senex esset, depravatum est cor ejus* (III Reg. xi, 4). Juvenes, alacres in Deum. In Epistola Joannis: *Scribo vobis, juvenes, quia fortes estis; et verbum Dei in vobis manet, et vicistis Malignum* (I Joan. ii, 14). Et in malam partem, in Regnorum libro de Roboam: *Derelicto consilio seniorum, locutus est secundum consilium juvenum* (III Reg. xii, 13). Item

ibi: *Vae tibi, terra, cujus rex juvenis est* (Eccl. x, 16). Parvulus, mente humilis et simplex. In Evangelio: *Abscondisti hæc a sapientibus et prudentibus et revelasti ea parvulis* (Matth. xi, 25). Et in Evangelio: *Nisi efficiamini sicut parvuli, non intrabitis in regnum cælorum* (Matth. xviii, 3). Et Apostolus: *Malitia parvuli estote, sensibus autem perfecti estote* (I Cor. xiv, 20). Item in alteram partem; in Apostolo: *Cum essem parvulus, loquebar ut parvulus* (I Cor. xiii, 11). Parvulus etiam Christus intelligitur, qui se humiliavit usque ad mortem (Phil. ii, 8).

Meretrix, anima peccatrix, quæ, relicto cœlesti viro suo, id est Christo, adulterinos de diabolo iniquitatis fructus concepit. In Jeremia: *Factes mulieris meretricis facta est tibi* (Jer. iii, 3). Operarii, apostoli, vel prædicatores Evangelii. In Evangelio: *Messii quidem multa, operarii autem pauci* (Matth. ix, 37).

Pastor, Dominus: *Ego sum Pastor bonus* (Joan. x, 11). Item pastor, Apostolus. In Evangelio: *Pasce oves meas* (Joan. xxi, 17); et in malam partem: *Et abiit ut pasceret porcos* (Luc. xv, 15), id est, qui sunt immundis cogitationibus. Mercenarii, servientes Domino non pro amore tantum divino, sed pro temerariæ retributione. In Evangelio: *Quantum mercenarii patris mei abundant panibus* (Luc. xv, 17)? Piscatores, apostoli, vel doctores. In Evangelio: *Et faciam vos fieri piscatores hominum* (Matth. iv, 19). Medicus, Christus, vel doctus. In Salomone: *Mansuetus vir cordis est medicus*. Item, *Non egent sani medico, sed male habentes* (Luc. v, 31). Dives, fidelis abundans spiritualibus bonis. In Apostolo: *Quia divites facti estis in illo in omni scientia et in omni verbo* (I Cor. i, 5); dives etiam Christus, ut illud: *Dives in omnibus qui invocant illum* (Rom. x, 12). Et in aliam partem: in Evangelio: *Vae vobis divitibus* (Luc. vi, 24). Pauper, humilis: in Evangelio: *Et erat quidem Lazarus pauper* (Luc. xvi, 20). Et iterum: *Beati pauperes spiritu* (Matth. v, 3). Pauper etiam est Christus, ut Apostolus: *Christus egenus pro nobis factus est, cum esset dives* (II Cor. viii, 9). Et in malam partem. In psalmo: *Quia pauperes facti sumus nimis* (Ps. lxxviii, 8).

Vestitus, habens baptismi vel fidei integritatem, aut justitiæ indumentum. In Evangelio: *Et vidit ibi hominem non vestitum veste nuptiali* (Matth. xxii, 11); et Apostolus: *Omnes qui in Christo baptizati estis, Christum induistis* (Gal. iii, 27). Nudus, carens Baptismi sacramento [Forte vestimento], vel divino adjutorio, vel bonis operibus. In Apocalypsi: *Tu autem nudus et miser* (Apoc. iii, 17). Et in bonam partem. In Evangelio: *Et rejecta, inquit, sindone nudus profugit ab eis* (Marc. xiv, 52), id est nudus terrena facultate.

Vivi, justi. In psalmo: *Placebo Domino in regione vivorum* (Ps. cxiv, 9). Et in alteram partem; in Salomone: *Et laudavi magis mortuos quam viventes* (Eccl. iv, 2). Mortui, peccatores, vel infideles. In Evangelio: *Sine mortuos sepelire suos mortuos* (Matth. viii, 22). Et in bonam partem: *Beati mortui qui in Domino moriuntur* (Apocal. xiv, 13). Item: *Mortui estis,*



et vita re, tra abscondi a est cum Christo in Deo (Co-  
loss. iii, 3).

Cadavera, infidelium corpora. In propheta : Et impleam vallem Josaphat cadaveribus mortuorum. Item in aliam partem : Posuerunt cadavera servorum tuorum (Ps. lxxviii, 2). Item, illud : Videbunt cadavera virorum, qui increduli fuerunt projecta (Isai. lvi, 24). Sepulcrum, corpus peccatoris, mortuam vitæ animam intrinsecus retinens. In Evangelio : Similes estis sepulcris dealbatis, quæ a foris parent hominibus speciosa, intus vero plenasunt ossibus mortuorum (Matth. xxiii, 27). E diverso dicit propheta de sepulcro Domini : Et erit sepulcrum ejus gloriosum (Isai. xl, 10).

## CAPUT VII.

### In interiori homine.

Interior homo, anima rationalis. In Apostolo : In interiori homine habitare Christum per fidem in cordibus vestris (Eph. iii, 16).

Caput ejus, Christus. In Apostolo : Caput viri Christus (I Cor. xi, 3).

Vertex, summitas justitiæ. In Salomone : Coronam enim gratiarum accipiet tuus vertex (Prov. iv, 9). Item in aliam partem : Verticem capilli perambulantium in delictis suis (Ps. lxxvii, 22), id est, summa nequitia. Capilli, ornatus justitiæ vel sensus. In Evangelio : Vestri autem capilli capitis omnes numerati sunt (Matth. x, 30).

Collum, sancta Scriptura, ut in Canticis : Collum tuum sicut turris Libani, ex quo pendent mille clypei omnis armatura fortium (Cant. iv, 4), id est, testimonia sanctarum Scripturarum; alias superbia : Ut filia Sion ambulaverunt extento collo (Isai. iii, 16). Cervix, superbia, ut : Dura cervice (Act. vii, 51). Oculi, intellectus fidelis et simplex. In Evangelio : Vestri autem beati oculi qui vident (Matth. xiii, 16); et alibi : Oculi sapientis in capite ejus, id est, intellectus in corde prudentis (Eccl. ii, 14). Et in malam partem; in Evangelio : Si oculus tuus nequam fuerit (Matth. vi, 23). Aures, obedientia fidelis. In Evangelio : Et aures vestrae quæ audiunt (Matth. xiii, 16). Nares, spiraculum fidei, bonarumque virtutum. In Job : Et spiritus Divinus in naribus meis (Job xxvii, 3). Item : Nasus tuus sicut turris quæ est in Libano (Cant. vii, 4). Et in malam partem : De naribus ejus procedit fumus (Job xli, 11), id est diaboli. Fauces, judicium intellectus. In libro Job : Et fauces meæ nonne sapientiam meditantur (Job xii, 11)? Et in malam partem : Rauræ factæ sunt fauces meæ (Ps. lxxviii, 4). Os, sermo ipse. In psalmo : Os justi meditabitur sapientiam (Ps. xxxvi, 30).

Lingua, idem quod supra. In psalmo : Et lingua ejus loquetur judicium (Ibid.), vel Scriptura, ut : Lingua mea calamus scribæ (Ps. xlii, 2). Dentes, sancti prædicatores, qui recte præcipiunt, et quemadmodum præcipiunt, ita vivunt ut hoc sponsæ dictum : Dentes tui sicut greges tonsarum ovium, quæ ascenderunt de lavacro, quæ omnes pariunt geminos, et steriles non est in eis (Cant. iv, 2). Item interiores sensu,

ut per Jeremiam (Thren. iii, 16) : Fregit ad numerum dentes meos; dentes enim, singula quæ cogitant quasi manducant, et comminuant, et ad ventrem memoriæ transmittunt. Axillæ quæ sunt initia brachiorum, significant bonorum operum exordium, quas non movisse pigro, sic imputat Scriptura : Abscondit piger manum suam sub axilla (Prov. xix, 24).

Humeri, fortitudo portantis; propheta de Domino crucem portaturo : Potestas super humerum ejus (Isai. ix, 6). Manus, opus. In psalmo : Et lavi inter innocentes manus meas (Ps. xxv, 6); et potestas, ut : Manus tuæ fecerunt me (Ps. cxviii, 73). Dextera, opera bona. In Evangelio : Nesciat sinistra tua quid faciat dextera tua (Matth. vi, 3). Sinistra, opera non bona, ut supra. Dextera etiam vita æterna, sinistra autem præ-

B sens, ut illud : Læva ejus sub capite meo, et dextera illius amplexabitur me (Cant. ii, 6).

Pectus, arcanum intelligentiæ. In Evangelio : Discumbebat autem super pectus Domini discipulus, quem Jesus amabat plurimum (Joan. xiii, 23). Venter, capacitas rationis. In Habacuc : Venter meus turbatus est in me (Hab. iii, 16). Venter etiam, mens, ut Jeremias : Ventrem meum doleo (Jer. iv, 19), quod de spiritali et non corporeo ventre dixit, adjungit : Sensus cordis mei conturbati sunt (Ibid.). Et Dominus in Evangelio : Qui credit in me, flumina de ventre ejus fluent aquæ vivæ (Joan. vii, 38). Renes, interiora sensus. In psalmo : Insuper et usque ad noctem increpauerunt me renes mei (Ps. xv, 7). Nihil occultius in homine quam cor et renes; unde Scriptura : C Scrutans corda et renes Deus (Ps. vii, 10).

Lumbi, fortitudo animi. In Apostolo : Accingite lumbos mentis vestrae (Eph. vi, 14); et luxuria, ut in Evangelio : Sint lumbi vestri præcincti (Luc. xii, 35), et in Job : Accinge sicut vir lumbos tuos (Job xxxviii, 3). Umbilicus, appetitus concupiscentiæ. In Job : Et virtus ejus sub umbilico ventris (Job xl, 11); id est, quod feminae genitalia per hoc significet, sic in lumbis virorum. Adeps, pinguedo gratiæ divinæ, vel saturitas supernæ sapientiæ. In psalmo : Sicut adipe et pinguedine repleatur anima (Ps. lxxii, 6). Item in malam partem, adeps, crassitudo malitiæ. In psal. : Adipem suum concluserunt (Ps. xvi, 10).

Ossa, firmitas animi. In psalm. : Omnia ossa mea dicent, Domine, quis similis tibi (Ps. xxxiv, 10)? Et in malam partem; in Job : Ossa ejus velut fistula æris (Job xl, 13). Item, fraudulenta consilia ministrorum Antichristi, ut in psal. : Deus dissipavit ossa illorum qui hominibus placent (Ps. lvi, 6). Medullæ, infusio charitatis et aliarum virtutum, ut in psal. : Holo-causta medullata offeram tibi (Psal. lxxv, 15). Viscera, affectus pietatis et misericordiæ. In Apostolo : Si qua viscera miserationis (Phil. ii, 1). Et in alteram partem; in Actibus apostolorum de Juda : Et diffusa sunt omnia viscera ejus (Act. i, 18). Pellis signum mortalitatis. In Genesi : Et fecit eis tunicas pelliceas (Gen. iii, 21). Cutis, illi qui solis exterioribus intenti, interius marcescunt. Pili, vitæ veteris cogitationes, qui sunt incidendi, unde per Moysen præci-



pitur : *Levitæ radant omnes pilos carnis suæ* (Num. viii, 7). Sanguis, operatio carnalis; in psal. : *Libera me de sanguinibus, Deus, Deus salutis meæ* (Psal. lvi, 6). Et item : *Caro et sanguis regnum Dei non possidebunt* (I Cor. xv, 50). Et Osee : *Sanguis sanguinem tetigit* (Ose. iv, 2). Item in bonam partem, ut Apostolus : *Et sanguis Jesu Christi emundat nos ab omni peccato* (Heb. ix, 14); caro, homo exterior. In Apostolo : *Caro enim concupiscit adversus spiritum, spiritus autem adversus carnem* (Gal. v, 17). Caro juxta naturam, ut : *Hoc nunc os ex ossibus meis, et caro de carne mea* (Gen. ii, 23), et ibi : *Verbum caro factum est* (Joan. i, 14). Unde Apostolus : *Vos autem in carne non estis, sed in spiritu* (Rom. viii, 9). Item caro juxta culpam, ut : *Non permanebit spiritus meus in hominibus istis, quia caro sunt* (Gen. vi, 3). Genua, confessio humilitatis. In Ephes., *Et nunc flecto genua cordis mei* (Eph. iii, 14), et in psalmo : *Genua mea infirmata sunt a jejuniis* (Ps. cxviii, 24). Aliquando virtus fidei : in propheta : *Reliqui mihi septem millia virorum, qui non curvaverunt genua ante Baal* (III Reg. xiv, 18). Pedes, cursus vitæ, vel stabilitas mentis, vel fidei. In psalmo : *Stantes erant pedes nostri* (Ps. cxxi, 2). Et in malam partem; in propheta : *Cur claudicatis utroque pede* (III Reg. xviii, 21). Et, *Veloces pedes eorum ad effundendum sanguinem* (Ps. xiii, 3). Calcaneum, supplantatio vitiorum. In Genesi : *Ipsæ tuum observabit caput, et tu illius calcaneum* (Gen. iii, 15). Item, terminus actionis, ut in psalmo : *Ipsi calcaneum meum observabunt* (Ps. lv, 7). Gressus, profectus operum. In psal. : *Perfice gressus meos in semitis tuis* (Ps. xvi, 5). Vestigia, signa virtutum. In psalmo : *Ut non moveantur vestigia mea*. Et in alteram partem, in Salomone : *Et transiet vita (impiorum) tamquam vestigium maris*. Stola, indumentum baptismi vel fidei. In Evangelio : *Cito proferte stolam primam* (Luc. xv, 22). Cilicium, poenitentiae testimonium. In Evang. *Olim in cinere et cilicio poenitentiam egissent* (Matt. xi, 21). Cingulum, spiritualis operis accinctus. In psalmo : *Et præcinxisti me lætitia* (Ps. xxix, 12). Zona, cordis munditia. Apostolus : *Præcincti circa lumbos zonis aureis* (Apoc. xv, 6). Calciamenta, præparatio pacis. In Apostolo : *Calciati pedes in præparationem Evangelii pacis*. Arma interioris hominis, in Apostolo : *Induti lorica justitiæ, et scutum fidei, et galeam salutis, et gladium spiritus, quod est Verbum Dei* (Eph. vi, 15).

## CAPUT VIII.

*De his quæ in usu atque in medio habentur.*

Panis, Christus, vel sermo Dei. In Evangelio : *Ego sum panis vivus* (Joan. vi, 41); et alibi : *Mittamus lignum in panem ejus* (Jer. xi, 19); id est, crucem in corpus ejus, et panis quemadmodum doctrinam, ita et malam significat, ut ibi : *Panis absconditus suavior* (Prov. ix, 17). Vinum idem quod supra, in Salom. : *Et bibite vinum quod miscui vobis* (Prov. ix, 5). Vinum etiam securitatem rectitudinis significat, ut : *Infundens oleum et vinum* (Luc. x, 34); ut

A per vinum mordeantur vulnera, per oleum foveantur. Oleum, misericordia, vel Spiritus sanctus. In psal. : *In oleo sancto meo linivium* (Ps. lxxxviii, 21). In aliam partem : *Oleum autem peccatoris non impinget caput meum* (Ps. cxl, 5), id est, adulatio. Porcina, peccata. In psalmo, *Saturatus sum porcina*. Azyum, sinceritas cordis, sine fermento malitiæ. In Apostolo : *In azyinis sinceritatis et veritatis* (I Cor. v, 8). Ovum, spes certa fidelium. Item in malam partem : *Qui comederit de ovis eorum morietur* (Isai. lix, 5), de improbis et male doctis. Similago, puritas mentis, et fortitudo charitatis. In Levitico : *Si autem anima offert munus sacrificium Deo, similago sit munus ejus* (Lev. ii, 1). Subcinericium humilitatis oblatio. In Genesi : *Festinanter consperge tres mensuras similaginis, et fac subcinericios* (Gen. xviii, 6). Et in malam partem : *Factus est Ephraim subcinericius* (Osee vii, 8). Lac, mentis sinceritas. In Epistola Petri : *Rationabile sine dolo lac concupiscite* (I Petr. ii, 2). Item in aliam partem, de rudibus in Ecclesia : *Lac vobis potum dedi, non escam; nondum enim poteratis* (I Cor. iii, 2). Hic lac, exiguitas sensus. Lac coagulatum, vitiis concretum. In psal. : *Coagulatum est sicut lac cor eorum* (Ps. cxviii, 70). Sal, condimentum sapientiæ. In Evang. : *Vos estis sal terræ* (Math. v, 13), et *habete sal in vobis* (Mar. ix, 49). Mel, dulcedo præceptorum Dei. In psal. : *Quam dulcia faucibus meis eloquia tua, Domine, super mel et favum ori meo* (Ps. cxviii, 103). Item aliter, in Salomone : *Inveniens mel, manduca quod satis est, ne forte satiatius evomas* (Prov. xxv, 16), id est, altiora te ne quæsieris (Eccli. iii, 22). Fel, amaritudo malitiæ. In psalmo : *Dederunt in escam meam fel* (Ps. lxxviii, 22).

Acetum, asperitas corruptæ mentis. In psalmo : *Et in siti mea potaverunt me aceto* (Ps. lxxviii, 22). Item acetum, correptio doctorum, unde Salomon : *Acetum in nitro qui cantat carmina corde pessimo* (Prov. xxv, 20). Pix, inquinamentum et nigredo delictorum. In Salomone : *Qui tangit picem, inquinabitur ab ea* (Eccli. xiii, 1). Sicera, confectio quædam malitiæ et nequitie. In Evangelio : *Vinum et siceram non bibit* (Luc. i, 15). Calix, Domini passio. In psalmo : *Calicem salutaris accipiam* (Ps. cxv, 13). Et ipse Dominus : *Pater, transfer calicem hunc a me* (Mar. xiv, 36). Et in malam partem : *Calix aureus Babylonis* (Jerem. li, 7). Merum, sinceritas iudicii aut veritatis, vel calor fidei. In psalmo : *Vini meri plenus mixto* (Ps. lxxiv, 9). Fex, ultimum iudicii. In psalmo : *Verumtamen fex ejus non est exinanita*. Item, illi qui secure in peccatis quiescunt; unde propheta : *Requievit in fecibus suis* (Jerem. xlviii, 41). Cibus, sermo vel voluntas Domini. In Evangelio : *Meus cibus est ut faciam voluntatem ejus qui me misit Patris* (Joan. iv, 34). Potus, idem quod supra. In psalmo : *Et torrente voluptatis tuæ potabis eos* (Ps. xxxv, 9), id est Spiritu sancto. Et Psalmista : *In compungendo potum meum cum fletu temperabam* (Ps. ci, 10). Item in aliam partem : *Non est regnum Dei esca et potus*



(Rom. xiv, 17). Promptuaria, cordis receptacula. In cantico Deuteronomii : In promptuariis eorum timor. Pera, victus sollicitudo, et impedimenta sæculi. In Evangelio : *Non peram in via* (Matt. x, 10). Sacculus, thesaurizatio in Deo. In Evangelio : *Facite vobis sacculos qui non veterascunt* (Luc. xii, 33). Et in aliam partem : *Sacculum communem possideamus* (Prov. i, 14), id est, avaritiam. Pecunia, verba divina. In Evangelio : *Oportuit ergo te mittere pecuniam meam numulariis* (Matt. xxv, 2). Et sapientia, unde Salomon : *Sapientia occulta et thesaurus invisus, quæ utilitas in utrisque* (Eccl. ii, 32). Vellus, populus. In psalmo : *Et descendit tamquam pluvia in vellus* (Ps. lxxi, 6). Linum, spiritualis fortitudo, vel candor, vel subtilitas Scripturarum. In Exodo : *Porro filiis Aaron tunicas lineas parabis* (Exod. xxviii, 40). Item in malam partem : *Non indues vestem ex lana linoque contextam* (Deut. xxi, 11). Utres, vasa humani corporis. In Evangelio : *Vinum novum in utres novos mitti debet* (Luc. v, 38). Farina, opus bonum, vel scientia. In Evangelio : *Abcondit mulier in farinæ sata tria* (Luc. xiii, 21). Item in malam partem : vanas cogitationes, ut propheta : *Tolle molam et mola farina* (Isa. xlvii, 2). Mola, vitæ conversatio. In Evangelio : *Dux molentes in mola* (Matth. xxiv, 41). Possunt et duo testamenta lapides mola significare, per quos labore disserentium triticum veteris instrumenti in farinam Evangelii convertatur.

Hæc igitur nomina cum in textu sacræ lectionis occurrunt, ita vel maxime ut exprimuntur apertioribus accipienda traduntur, licet in diversas plerumque significationes pro persona vel tempore vel loco exeant, atque in figuras locis congruas pro ratione allegoricæ interpretationis erumpant. Nam et abyssus intelligitur, sicut supra diximus, profunditas Scripturarum, et item abyssus, aquæ immensitas : *Et rupti sunt fontes abyssi magnæ* (Gen. vii, 11). Item abyssus, ineffabilia judicia Dei. In psalmo : *Judicia tua abyssus multa* (Ps. xxxv, 7). Item abyssus, infernus : *Aut quis descendit in abyssum* (Rom. x, 7)? id est, Christum de mortuis revocat. Item abyssus, corda hominum facinoribus tenebrosa : *Abyssus dixit : Non est mecum* (Job xxviii, 14), id est, sapientia. Ignis, sicut superius memoravimus, accipitur Spiritus sanctus, ut Paulus : *Deus noster ignis consumens est* (Heb. xii, 29). Et iterum, ignis charitas circumsepta ejus, circumsepta ignis flammæ ejus. Ignis, tribulatio. In Psalterio : *Igne nos examinasti, sicut igne examinatur argentum* (Ps. lxxv, 10). Item : *transivimus per ignem et aquam* (Id. 12). Ignis, ira : *Et consumam eos in igne iræ meæ*, ait Dominus. Ignis, voluptas : *Omnes adulterantur sicut clibanus corda eorum*. Item ignis, mentis malitia ; ut : *Tunc ignis adversarios consumit* (Hebr. x, 27). Item virtus charitatis ut : *Currus Dei flamma ignis, rotæ ejus ignis accensus* (Dan. vii, 9). Umbra, ut indicavimus, significatur protectio divina. Item umbra aliquando, peccata : *Sedentes in tenebris et in umbra mortis* (Ps. cvi, 10). Umbra aliquando pœna, in Job : *Umbra mortis et*

*nullus ordo* (Job. x, 22). Et quia umbra non longe est ab ea re cujus est umbra, ita et mors non longe est a pœna quæ infert mortem. Umbra aliquando est delectatio peccatorum ; in Job de diabolo : *Sua umbra dormit in secreto calami in locis humentibus* (Job xl, 16). Et rursus species aliquæ specie una res multas significant.

Duo testamenta, eo quod hic duo illi lapides molares possint significare, memoravimus. Et item duo testamenta, duo Cherubin, in Exodo (Exod. xxv, 18); duo animalia, in Habacuc; duæ petrae, in Exodo (Exod. xvii, 6) et in Canticis canticorum (Cant. ii, 14), quarum velamento, *sponsa et Moyses protegentur*; duo montes ænei, in Zacharia, de quorum frutetibus myrtinis, et obscura opacitate egrediuntur quadrigæ cum equis rufis, nigris, albis et variis (Zach. vi, 1). Sed has tam multimodas significationes in singulis prosequi nominibus, non solum laboris immensi, verum etiam impossibile arbitrati sumus. Nunc ergo ad eum interpretationis modum atque ordinem, quem paululum pro necessitate disputandi interrupimus, revertamur.

Cophini, apostoli. In Evangel. : *Et tulerunt reliquias duodecim cophinos fragmentorum plenos* (Matt. xiv, 20). Item in aliam partem : *Manus ejus in cophino servierunt* (Ps. lxxx, 7), id est, in servitute, vel tribulatione, quam Ægyptii intulerunt.

Cathedra, doctrina. In psalmo : *Et in cathedra seniorum laudent eum* (Ps. cvi, 32). Item in aliam partem : *Et in cathedra pestilentiae non sedit* (Ps. i, 1), id est, in doctrina hæreticorum. Scabellum, humiliatorum subjectio. In psalmo : *Donec ponam inimicos tuos scabellum pedum tuorum* (Ps. cix, 1). Item, humanitas Christi, ut in psalmo : *Adorate scabellum pedum ejus* (Ps. xcvi, 5). Statera, æquitas, vel divinæ gubernationis potentia. In Isaiâ : *Et libravit in pondere montes, et colles in statera* (Isa. xl, 12).

Cinis, humanæ fragilitatis inanitas. In Salomone : *Quid superbis, terra et cinis* (Eccl. x, 9)? Olla, prosapia. In psalmo : *Moab olla spei meæ* (Ps. lxx, 10), id est, quod de Ruth Moabide Christi secundum carnem prosapia descenderit. Item in aliam partem, olla, tribulationis excoctio; in propheta : *Et vidi ollam succensam a facie aquilonis* (Jerem. i, 13). Lampades, animæ justitia fulgentes. In Evangelio : *Et paraverunt lampades suas* (Matt. xxv, 7). Item, claritas miraculorum, vel verba prædicatorum, quæ stulti contemnunt, ut Job : *Lampas contempta apud cogitationes stulti* (Job xii, 5). Tenebræ, delectationes vel doctrinæ pravæ, ut in psalmo : *In tenebris ambulat* (Ps. lxxxii, 5). Item, occulta judicia Dei, ut in psal. : *Posuit tenebras latibulum suum* (Ps. xvii, 12). Item, castigatio vel adversitas, ut Isaiâ : *Ego Dominus formans lucem, et creans tenebras* (Isa. xlv, 7). Lucerna, Ecclesia, vel anima. In Evangelio : *Sint lumbi vestri accincti et lucernæ ardentes* (Luc. xii, 35). Aliquoties lucernæ, opera bona : *Sic luceat lumen vestrum, ut videant opera vestra bona* (Matth. v, 16). Modius, corpus humanum, vel legis littera, vel populus



Judæorum. In Evangelio : *Nemo accendit lucernam, et ponit eam sub modio* (Matth. v, 15). Item, justum judicium vel mentis libratio in Dei et proximi æqua libratione. Unde Moyses : *Justus sit tibi modius* (Lev.

56). Candelabrum, Ecclesia, vel corpus Domini, aut sancta Scriptura. In propheta : *Et vidi a dextris altaris candelabra duo ardentia* (Zach. iv, 2). Mensa, altare, vel refectio spiritalis. In psalmo : *Parasti in conspectu meo mensam* (Ps. xxii, 5). Clavis, adpartio scientiæ spiritalis. In Luca : *Væ vobis, legis peritis, quia tollitis clavem scientiæ : ipsi non introistis, et eos qui introibant, prohibuistis* (Luc. xi, 52). Item claves, justitiæ, misericordiæ, pietatisque virtutes. In Evangelio : *Tibi dabo claves regni cælorum* (Matth. xvi, 19). Clavi, timor Dei, ut in psalmo : *Confige timore tuo carnes meas* (Ps. cxviii, 120). Item clavi, scientiæ fortis doctores, ut Salomon : *Verba sapientum ut stimuli et clavi in altum defixi* (Eccl. xii, 11). Seræ, repagula adversus impios divinatorum præceptorum. In psalmo : *Quoniam confortavit seras portarum tuarum* (Ps. cxlvi, 12). Ascia vel dolabrum, pravorum persecutio. In psalmo : *In bipenne et ascia dejecerunt eam* (Ps. lxxiii, 6). Bipennis, geminata afflictio, in psalmo, ut supra. Framea, anima justi, ut abundant ergo justi et effundetur framea. Item mors, ut in psalmo : *Erue a framea, Deus, animam meam* (Ps. xxi, 21). Gladius, verbum Dei. Apostolus enim : *Gladius spiritus, quod est verbum Dei* (Eph. vi, 17). Item lingua falsi testis, ut in psalmo : *Dentes eorum arma et sagittæ, et lingua eorum gladius acutus* (Ps. lvi, 5). Navis, Ecclesia. In Evangelio : *Navicula multis in medio mari jactabatur fluctibus* (Matth. xiv, 24). Solet et homo navicula dici, ut nautæ cogitationes hominum gubernantes advertantur. Retia, prædicatio. In Evangel. : *Et mitte retia in capturam* (Luc. v, 4). Trabes, peccatum gravius. In Evangel. : *Ejice primum trabem de oculo tuo* (Matth. vii, 5). Festuca, peccatum levius. In Evangel. : *Et videbis tunc ejicere festucam de oculo fratris tui*.

Laqueus, dolus. In psalmo : *Laqueum paraverunt pedibus meis* (Ps. lvi, 7). Funes, sors, vel hæreditas. In psalmo : *Funes ceciderunt mihi in præclaris* (Ps. xv, 6). Item funes, peccata : *Væ qui trahitis peccata felut funem longum* (Isai. v, 18). Et iterum : *Funes peccatorum circumplexi sunt me* (Ps. cxviii, 61). Rota, orbis, aut vita humana. In psalmo : *Vox tonitru tui in rota* (Ps. lxxvi, 19). Item : *Deus meus, pone illos ut rotam* (Ps. lxxxii, 14), id est, volubiles, vel instabiles effice in malitia sua. Item, utrumque testamentum, ut est apud Ezechielem (Ezech. i, 16). Spongia, cava infidelitas Judæorum. In Evangel. : *Illi autem spongiam plenam aceto, hyssopo circumponentes obtulerunt ori ejus* (Joan. xix, 29). Scala, sanctorum profectus. In Genesi : *Viditque in somnis scalam stantem super terram, et cacumen illius tangens cælos, angelos quoque Dei ascendentes et descendentes super eam* (Gen. xxviii, 12). Scopæ, cura superstitionis per vanam gloriam. In Evangel. : *Et veniens invenit vacantem, scopis mundatam et ornata* (Luc. xi, 25).

Stuppæ, cæcus malignantium per vitia et peccata, ut propheta : *Stuppæ collectæ synagoga peccantium* (Eccl. xxi, 10). Margarita, doctrina evangelica, vel spes regni cælorum. In Evangel. : *Inventa autem una pretiosa margarita, abiit, et vendidit omnia quæ habuit, et emit eam* (Matth. xiii, 46).

Annulus, signaculum fidei. In Evang. : *Et date anulum in manum ejus* (Luc. xv, 22). Item de hoc in ps. iv, 7 : *Signatum est super nos lumen vultus tui, Domine*. Chlamys, laudis ornatus. In Salomone : *Chlamydes fecit viro suo* (Prov. xxxi, 22), id est vestimentum, quod de duobus coloribus, tanquam de duobus testamentis, confectum sit (Ps. iv, 7). Aurum, interior Scripturarum intellectus. In psalmo : *Et posteriora dorsi ejus in specie auri* (Ps. lxxvii, 14). Item, Christi divinitas, ut in Canticis de sponso dicitur : *Caput ejus aurum optimum* (Cant. v, 11). Item splendor supernæ civitatis Jerusalem, quam Joannes se vidisse testatur : *Ipsa vero civitas aurum mundum* (Apoc. xxi, 18). Item, sapientia, ut Salomon, *Thesaurus desiderabilis requiescit in ore sapientis*. Item, splendor sanctitatis, quem subito commutatum Jeremias deplorat : *Quomodo obscuratum est aurum, mutatus est color optimus* (Ther. iv, 1) ?

Argentum, eloquia divina, sive intellectus litteræ, vel historiæ. In psalmo : *Eloquia Domini, eloquia casta, argentum igne examinatum* (Ps. xi, 7). Item in malam partem : *Aurum et argentum eorum ærugina-vit* (Jac. v, 3). Scotia, spuma, vel rubigo, quam in fornace deponit argentum, tales erunt peccatores, cum eos gehennæ caminus acceperit. Lapides pretiosi, apostoli, vel sancti, sive opera ipsa virtutum. In Apocalypsi : *Fundamenta muri civitatis omni lapide pretioso ornata* (Apoc. xxi, 19). Æs, vanitas, vel inanitas fidei. In Apostolo : *Factus sum velut æs sonans* (I Cor. xiii, 1). Item in aliam partem : *Posuisti ut arcum æreum brachia mea* (Ps. xvii, 35). Hic æreum, fortem, vel firmum. Ferrum, tribulatio, vel homo ipse. In psalmo : *Ferrum pertransiit animam ejus* (Ps. civ, 18). Plumbum, pondera peccatorum. In propheta : *Et vidi iniquitatem super talentum plumbi*. Fictile, fragilitas carnis. In Apostolo : *Habemus thesaurum hunc in vasis fictilibus* (II Cor. iv, 7).

#### CAPUT IX.

De variis verborum significationibus, quæ per Infinitivum dicuntur.

Ædificare, bona opera facere, vel bene docere. In Apostolo : *Si quis autem ædificat supra fundamentum hoc, aurum, argentum, lapides pretiosos* (I Cor. iii, 12), id est, opera diversarum virtutum.

Destruere, mala opera exercere, vel male docere. In Salomone : *Unus ædificans, et unus destruens* (Eccl. xxxiv, 28). Mundare, vitiis expurgare. In Evangelio : *Tetigit eum Jesus, dicens, volo, mundare, et confestim mundata est lepra ejus* (Matth. viii, 3). Stare, fide consistere. In Apostolo : *Stare in fide* (I Cor. xvi, 13). Ambulare, ad Deum tendere. In psalmo : *Et ambulabam in latitudine* (Ps. cxviii, 45). Sedere, in Deo humiliter quiescere. In Evangelio : *Vos autem sedete*



in civitate (Luc. xxiv, 49). Jacere, aut vitis, aut tentationibus succumbere. In Evangelio: *Et invenit eam jacentem in lecto* (Marc. vii, 30). Currere, in operibus bonis properare. In Apostolo. *Sic currite ut comprehendatis* (I Cor. ix, 24).

Vigilare, custodiam cordis adhibere, vel in Deum resurgere. In psalmo: *A vigilia matutina usque ad noctem* (Ps. cxxix, 6). Et Apostolus: *Evigilate, justii, et nolite peccare* (I Cor. xv, 34). Item alibi: *Vigilate, sate in fide, viriliter agite* (I Cor. xvi, 13). Dormire, post transitum apud Deum requiescere. In psalmo: *Numquid qui dormit, non adjiciet ut resurgat* (Ps. xl, 9)? Et aliter, dormire, peccatorum sopore torpescere. In Apostolo: *Surge, qui dormis* (Eph. v, 14). Erubescere in malo optimum, in bono pessimum; unde dicitur: *Est confusio adducens peccatum, et confusio adducens gloriam* (Eccl. iv, 25).

Ascensus, profectus in Deum: In psalmo: *Ascensus in corde ejus* (Ps. lxxviii, 6). Descensus, defectus a Deo. In Evang.: *Homo quidam descendebat ab Hierusalem in Jericho* (Luc. x, 30). Via, Christus. In Evang.: *Ego sum via, veritas et vita* (Joan. xiv, 6). Et aliter, via, vita hominis. In psalmo: *Vias meas enuntiavi, et exaudisti me* (Ps. cxviii, 26). Et Salomon: *Comedent fructum viarum suarum* (Prov. i, 3).

Speciosa, visiorum illecebris dilata. In Evangelio: *Lata porta et spatiosa via, quæ ducit ad perditionem* (Matth. vii, 13). Arcta, districta, vel tribulationibus pressa, quæ ducit ad vitam. In Evangelio: *Quam angusta porta et arcta via quæ ducit ad vitam* (Ibid. 14).

Directa, præceptis Dei ordinata. In Isaia: *Rectas facite semitas ejus* (Isai. xl, 3). Prava, a Dei præceptis devia. In Isaia: *Et erunt prava in directa, et aspera in vias planas* (Ibid.). Plana, obedientia præceptorum exæquata. In Isaia, ut supra. Aspera, inobedientiæ asperitate horrida, ut supra. A dextris, a parte justitiæ. In Evangelio: *Statuet quidem oves a dextris, hædos autem a sinistris* (Matth. xxv, 33). A sinistris, a parte injustitiæ. In Evangelio, ut supra. Fovea, dolus, vel lapsus in mortem. In psalmo: *Foderunt ante faciem meam foveam* (Ps. xxi, 17). Puteus, diabolus, vel infernus. In psalm.: *Neque urgeat super me puteus os suum* (Ps. lxxviii, 16). Et in bonam partem; in Genesi: *Ad puteum juramenti* (Gen. xlv, 4), id est, ad aquam fidei. Item, initium fidei, ut in Cant. c: *Fons hortorum fons aquarum viventium* (Cant. iv, 15). Fons, Christus, ut in psalmo: *Sitivit anima mea ad Dominum fontem vivum* (Ps. xli, 3). Item, dona Dei, ut in psalmo: *Et apparuerunt fontes aquarum* (Ps. xvii, 16). Item in malam partem, perversorum dogmatum doctores, et iniqua agentes, ut Petrus: *Hi sunt fontes sine aqua* (II Petr. ii, 17). Torrens, tentationum vis mentem impellens, ut in psalmo: *Torrentem pertransiit anima nostra* (Ps. cxxiii, 5). Item, frigus peccatorum, a quo David liberari desiderans ait: *Converte, Domine, captivitatem nostram, sicut torrens in austro* (Ps. cxxv, 4). Sanitas, mentis integritas; in psalmo: *Glamavi ad te, et sanasti me* (Ps. xlix, 3). Languor, vitiorum morbus; in psalmo: *Qui*

*A sanat omnes languores tuos* (Ps. cii, 3). Et in Evangelio: *Ipse languores nostros tulit* (Isai. lvi, 4). Lepra, peccatorum contaminatio. In Evangelio: *Et confestim mundata est lepra ejus* (Matth. viii, 3).

## CAPUT X.

*De Hierusalem, vel adversis ejus.*

Hierusalem, Ecclesia vel anima. In psalmo: *Lauda, Hierusalem* (Ps. cxxvii, 12). Et notandum, quod quæcumque in Ecclesia generaliter conveniunt, hæc ad animam referri possunt. Sion, idem quod supra. In psalmo: *Lauda Deum tuum, Sion* (Ibid.). Filii Sion, filii Ecclesiæ. In psalmo: *Et filii Sion exsultaverunt super regem suum* (Ps. cxlix, 2). Filiæ Hierusalem, idem ut supra: id est, animæ cœlesti vitæ deditæ. Alias, filiæ sunt infernæ animæ, ut in libro Sapientiæ: *Filiæ tibi sunt, serva corpus illarum* (Eccli vii, 26). Tabernaculum, corpus Domini, vel Ecclesia. In psalmo: *In sole posuit tabernaculum suum* (Ps. xviii, 6). Item, cœlestis patria, ut in psalmo: *Ingre-diar in locum tabernaculi* (Ps. xli, 5).

Arca, caro Dominica, vel corda sanctorum Deo plena. In psalmo: *Tu et arca sanctificationis tuæ* (Ps. cxxx, 8). Item, arca, Ecclesia, intra quam salvanda clauduntur. In Genesi: *Remansit autem solus Noe, et qui cum eo erant in arca* (Gen. vii, 23).

Tabulæ lapideæ duæ, ut puto, propter testamenta duo, vel propter duo præcepta dilectionis Dei et proximi. In Exodo: *Et dixit Dominus ad Moysen: Excide tibi duas tabulas* (Exod. xxxiv, 1). Lex, præcepta divina. In psalmo: *Lex Domini immaculata* (Ps. xviii, 8).

Chirographum, conscriptio hominis peccatoris cum diabolo per manum iniquitatis. In Apostolo: *Chirographum peccati quod erat contrarium nobis* (Coloss. ii, 14).

Pactum, confœderatio gratiæ divinæ cum homine. In psalmo: *Vidi non servantes pactum*. Testamentum, confirmatio voluntatis divinæ. In propheta: *Et confirmabo testamentum meum super domum Juda* (Heb. viii, 8). Stylus ferreus (Job xix, 24), fortis sententia divini verbi.

Præputium, vita gentilis. In Apostolo: *In præputio aliquis vocatus est, non circumcidatur* (I Cor. vii, 18), id est, etiam qui ex gentibus ad fidem Christi venit, corpore non circumcidatur.

Circumcisio, expoliatio vitiorum. In Apostolo: *Circumcisi estis circumcisione non manu facta, in expoliatione corporis carnis* (Coloss. ii, 11). Cornu, fortitudo, vel regnum. In I Regnorum: *Et exaltavit cornu Christi sui* (I Reg. ii, 10). Purpura, martyrii species per cruorem. In Exodo: *Omnis qui percipit corde, afferet initia Domino, aurum, argentum, æram, hyacinthum, purpuram, coccum bis tinctum et byssum* (Exod. xxxv, 5).

Fimbriæ, verba fidei diligenter retinenda, ut in psalm.: *Omnis gloria ejus filiæ regis ab intus in fimbria* (Ps. xlii, 14). Coccus, idem quod supra; vel charitatis ardor, vel crucis mentio. In Exodo, sicut



supra. Byssus, castitatis vel continentiae candor. In Exodo, ut supra. Hyacinthus, confessorum livores. In Exodo, ut supra. Superhumerales, operum ab humeris significatio. In Exodo : *Et fecerunt superhumerales de auro et hyacintho, et purpura, et cocco lincto, et bysso torta* (Exod. xxxix, 2).

Rationale, doctrinae, vel rationis a pectore declaratio. In Exodo : *Et fecerunt rationale opere textili secundum opus superhumeralis* (Exod. xxxix, 8). Poderis, doctrina secretior atque perfectior. In Exodo : *Et fecerunt vestimentum poderem sub umlone opus textile totum hyacinthinum* (Exod. xxxix, 20).

Lamina aurea in fronte, crucis praefiguratio. In Exodo : *Et fecerunt laminam auream, et inscripserunt in ea litteras deformatas signaculum sanctitatis Domini* (Exod. xxxix, 29), id est, nomen tetragrammaton Domini. Templum, corpus Domini, vel sancti. In Apost. : *Vos enim estis templum Dei vivi* (II Cor. vi, 16). Et ipse ait : *Solvite templum hoc* (Joan. ii, 19). Altare fidei altitudo. In psalmo : *Tunc imponent super altare tuum vitulos* (Ps. l, 21). Sacrificium, oblatio iustitiae. In psalmo : *Sacrificate sacrificium iustitiae* (Ps. iv, 6). Item laus Dei, ut in psalmo : *Sacrificium laudis honorificabit me* (Ps. xlix, 25).

Holocaustum, totus fide accensus. In psalmo : *Holocausta medullata offeram tibi* (Ps. lxxv, 15). Hostia, Christus, vel anima dicata Deo. In Apost. : *Oblationem et hostiam Deo, in odorem suavitatis* (Eph. v, 2). Myrrha, mortalitatis indicium. In psalmo : *Myrrha, et gutta, et casia a vestimentis tuis* (Ps. xlv, 9).

Thus, virtus orationis, ut in psalmo : *Dirigatur oratio mea sicut incensum in conspectu tuo* (Ps. cxl, 2). Unguentum, diffusa nominis Christi gratia. In Salomone : *Unguentum diffusum nomen tuum* (Cant. i, 2). Sancta sanctorum, interiora quæque mysteria Domini, vel regna cælorum. In Epistola ad Hebræos : *Non enim in manufactis sanctis Jesus introivit exemplaria virorum, sed in ipsum cælum, ut appareat nunc vultui Dei pro nobis* (Heb. ix, 24). Sabbatum, requies spiritalis. In Genesi : *Et requievit Dominus ab omnibus operibus suis* (Gen. ii, 2). Item Isaias : *Si averteris a sabbato pedem tuum* (Isa. lviii, 13). Item, in malam partem : *Viderunt eam hostes, et deriserunt sabbata ejus* (Thren. i, 7), et cætera. Quadragesima, figura praesentis vitae ac laboris. In Evangelio : *Et cum jejunasset quadraginta diebus et quadraginta noctibus* (Matth. iv, 2). Pascha, praenuntiatio Dominici transitus. In Evangelio : *Ante diem autem festum Paschæ sciens Jesus quia venit ejus hora, ut transeat ex hoc mundo ad Patrem* (Joan. xiii, 1). Quinquagesima, manifestatio futurae beatitudinis vel remissionis. In Levit. : *Numerabitis ergo septem hebdomadas plenas usque ad alteram diem* (Levit. xxiii, 15), et infra, id est, quinquaginta dies. Jubilæus venturae quietis significatio. In Levit. : *Annus remissionis est, signum sanctum erit vobis* (Levit. xxv, 10). Civitas Dei, Ecclesia, vel anima. In psalmo : *In civitate Dei nostri* (Ps. xlvii, 2).

Cives, fideles. In Apost. : *Sed estis cives sancto-*

*rum, et domestici Dei* (Ephes. ii, 19). Muri, munimenta Scripturae divinae, vel prophetæ, aut sancti. In psalmo : *Ædificentur muri Hierusalem* (Ps. l, 20); item in aliam partem : *In Deo meo transgrediar murum* (Ps. xvii, 30).

Turres, apostoli, vel perfecti quique. In Psalmo : *Et abundantia in turribus tuis* (Ps. cxxi, 7). Portæ, Scripturae sanctæ, vel iustitiæ, vel apostoli, aut angeli. In psalmo : *Et elevamini, portæ æternales* (Ps. cxiii, 7). Item in aliam partem : *Quia lata porta et spatiosa via quæ ducit ad mortem* (Matth. vii, 13). Plateæ, latitudo [At. beatitudo] dilatata sanctorum. In Apocalypsi : *Et plateæ civitatis aurum mundum, tamquam vitram perlucidum* (Apoc. xxi, 21). Fundamentum, Christus, vel fides in Apostolo : *Fundamentum aliud nemo potest ponere, quam id quod positum est, Christus Jesus* (I Cor. iii, 11).

Maceria, lex, vel Angelorum custodia. In Cantico Isaïæ : *Et maceria circumdedi, et calamos affixi, et plantavi vineam* (Isa. v, 2). Domus, anima in qua Christus habitat, vel Ecclesia. In psalmo : *In domum Domini ibimus* (Ps. cxxi, 4). Cœnaculum, altitudo meritorum, vel scientiæ. In Evangelio : *Et ipse robis ostendet cœnaculum magnum* (Luc. xxii, 12). Ostium, adaperitio fidei. In Apostolo : *Ostium enim mihi apertum est, magnum et evidens* (I Cor. xvi, 9).

Ostiarius, Christus, qui dicit : *Per me si quis introierit, salvabitur* (Joan. x, 9).

Columna, firmamentum, vel stabilitas spiritalis. In Apost. : *Jacobus et Joannes et Cephas, qui videbantur columnæ esse* (Gal. ii, 9).

Paries, interdum structura bonorum operum. In Cantico : *Ecce hic retro post parietem nostrum prospiciens per fenestras* (Cant. ii, 9). Fenestræ, visus et auditus, vel cæteri sensus, ut supra : *Prospiciens per fenestras*. Item in malam partem : *Mors introivit per fenestras* (Jerem. ix, 12). Gradus, spiritalis ascensus. In psalmorum titulo : *Canticum graduum* (Ps. cxix, 1). *Ibunt sancti de virtute in virtutem* (Ps. lxxxiii, 8). Pavimentum, humiliatio, vel afflictio animæ, sive in terrena declinatio. In psalmo : *Adhæsit pavimento anima mea* (Ps. cxviii, 25). Psalterium, opera bona. In psalmo : *Psalterium jucundum cum cithara* (Ps. lxxx, 3). Cithara, pectus devotum, in quo tamquam nervi sunt virtutes, hoc est, spiritalia bona. In psalm. : *Exsurge, psalterium cum cithara* (Ps. xli, 9), id est, opera cum fide; vel de ipso Domino, resurrectio carnis cum divina virtute. Decachordum, præcepta decem, vel geminati, quinque sensus hominis exterioris cum interiore. In psalmo : *In decachordo psalterio, cum cantico et cithara* (Ps. xci, 4). Organum, homo, vel ille qui est assumptus a Domino. In psalmo : *Laudate eum in chordis et organo* (Ps. cl, 4). Tympanum, attenuatum corpus jejunio. In psalterio : *Laudate eum in tympano et choro* (Ibid.). Chorus, concordia. In psalmo, ut supra. Tuba, vocis exaltatio in prædicatione divina. In propheta : *Exalta ut tuba vocem tuam* (Isai. lviii, 1). Cymbala, labia Dominum consentientia, vel dilectio



Dei et proximi. In psalmo : *Laudate eum in cymbalis bene sonantibus* (Ps. cl, 5). Jubilatio, clamor spiritali fervore expressior. In psalmo : *Laudate eum in cymbalis jubilationis* (Ibid.).

Ægyptus, mundus hic, vel gentilium populus. In psalmo : *Venient legati ex Ægypto* (Ps. lxxvii, 32). Æthiopia, Ecclesia ex gentibus. In psalmo : *Æthiopia præveniet manus ejus Deo* (Ibid.). Item in aliam partem, in psalmo : *Dedisti eum escam populo Æthiopum* (Ps. lxxiii, 14). Babylon, aut mundus, aut Roma. In Apocalypsi : *Et Babylon magna venit in memoriam ante Deum dare ei calicem vini indignationis iræ ejus* (Apoc. xvi, 19). Inimici, diabolus, vel vitia. In psalmo : *Non confundetur cum loquetur inimicis suis in porta* (Ps. cxxvi, 5).

Fures, hæretici et pseudoprophete; in Evangelio : *Omnes quotquot venerunt ante me, fures fuerunt et latrones* (Joan. i, 8). Gentes, vitia. In Pentateucho : *Cum introduxerit te Dominus Deus in terram quam possessurus ingredieris, et deleverit gentes multas coram te* (Deut. vii, 1). Item in aliam partem : *Omnes gentes, plaudite manibus* (Ps. xlv, 2). Pugna, certamen adversus nequitias spirituales, vel adversus vitia conflictus. In Apostolo : *Sic pugno non quasi aerem verberans* (I Cor. ix, 26). Pax, carnis in bonum et spiritus concordia. In psalmo : *Rogate quæ pacis sunt Hierusalem* (Ps. cxxi, 6). Item pax, Christus. In Apostolo : *Ipse enim est pax nostra* (Eph. ii, 14). Victoria, de diabolo, vel de adversis triumphus. In Apostolo : *Deo autem gratias, qui dedit nobis victoriam per Dominum nostrum Jesum Christum* (I Cor. xv, 57). Bravium, consummatorum præmium meritorum. In Apostolo : *Ad destinatum persequor, ad bravium supernæ vocationis Dei* (Phil. iii, 14). Corona, æternæ gloriæ pro justitia merces. In Apostolo : *De reliquo reposita est mihi corona justitiæ* (II Tim. iv, 8). Quoniam spiritualium profectuum consummatio provehit ad coronam, recte horum quoque spiritalem nominum interpretationem corona consummat. Quæ tamen nomina universa complecti arduum duximus, sicut etiam illud, ut depromerentur cuncta quæ se in utramque partem gemina significatione diffundunt.

## CAPUT XI.

### De numeris.

Sane tandem his nominibus absolutis, numeros quoque breviter digeramus, quos mystica exemplorum ratio inter sacros celebriores fecit.

I. Hic numerus ad unitatem Deitatis refertur : in Pentateucho : *Audi, Israel, Dominus Deus tuus unus est* (Deut. vi, 4). Et Apostolus : *Unus Deus, una fides, unum baptisma* (Ephes. iv, 5). Et arca Noe, quæ sancta Ecclesia designatur, in uno cubito consummatur (Gen. vi, 16), quia in unius Dei contemplatione quies æterna perficitur.

II. Ad duo testamenta divinæ legis referuntur, in Reg. : *Et feci in Dabir duo Cherubin decem cubitorum altitudine* (III Reg. vi, 23). Duo præcepta charitatis, amoris videlicet Dei et proximi *Duo in agro,*

*A duo in molendino, duo in lecto* (Luc. xvi, 34), leguntur in sancto Evangelio.

III. Ad Trinitatem; in Joannis Epistola : *Tres sunt qui testimonium dant in cælo, Pater, Verbum, et Spiritus sanctus, et tres sunt qui testimonium dant in terra, spiritus, aqua et sanguis* (I Joan. v, 7). Et in Gen. : *Tres propagines* (Gen. xl, 10).

IV. Ad quatuor Evangelia, in Ezechiele : *Et ex medio eorum, similitudo quatuor animalium* (Ezech. i, 5). Sicut et quatuor flumina paradisi (Gen. ii, 10). Nomen tetragrammaton quatuor litteris Hebraicis scribitur. Quatuor cornibus sancta crux insignitur, ut Habacuc : *Cornua in manibus ejus* (Hab. iii, 4).

V. Ad quinque libros Moysi, *ad quinque porcus* (Joan. v, 2), *ad quinque panes* (Joan. vi, 9), *ad quinque plagas* (Joan. xv, 25) in corpore Dominico. Apostolus : *In Ecclesia volo quinque verba sensu meo loqui* (I Cor. xiv, 19).

VI. Ad diem sextum, quod Dominus hominem cum universis terræ animantibus fecit. In Genesi : *Faciamus hominem ad imaginem et similitudinem nostram* (Gen. i, 26). Item paulo post : *Et factum est vespere, et factum est mane dies sextus* (Ibid., 31). Senario numero perfectio comprehenditur : propterea Deus sex diebus mundum perfecisse describitur, et ipsis quinque unus adjicitur, ut lex per Evangelium impleatur. Sex sunt ætates sæculi : quinque transierunt, sexta a Joanne Baptista et inhumanato Christo decurrit ad finem sæculi; unde et sexta die fecit Deus hominem ad imaginem suam, quia sexta ista ætate manifestatur per Evangelium reformatio mentis nostræ, secundum imaginem ejus qui creavit nos. Sex has ætates illæ sex hydræ significant, quas Dominus impleri jussit aqua, et in iis aqua conversa est in vinum (Joan. ii, 6), ut jam manifestatum Christum in lege et prophetis intelligamus. Illa ergo tempora sex, quasi per articulos distributa atque distincta, quasi vasa essent inania, nisi a Christo impleantur. Tempora utique inaniter præterirent, nisi in eis Dominus Jesus Christus prædicaretur. Impletæ sunt igitur hydræ, id est, adimpletæ sunt prophetiæ.

VII. Ad diem septimum, in quo perfectis omnibus Dominus requievit. In Genesi : *Et requievit Deus die septimo ab omni opere quod patrarat* (Gen. ii, 2). Numerus is humanæ rationis causa summam perfectionem significat, quia ex primo pari et ex primo impari constat : ex primo siquidem qui dividi potest, et ex primo qui dividi non potest. Hinc jubilæus, qui perfecta requies exprimitur, septem hebdomadis constat. Hinc *septem spiritus, qui sunt ante thronum Dei* (Apoc. i, 4). Et septiformem gratiam Spiritus sancti significaverunt *septem panes, quibus Christus quatuor hominum millia satiavit* (Matth. xv, 34).

VIII. Ad diem Dominicum resurrectionis, id est, octavum. In titulo psalms, *In finem pro octava* (Ps. vi, 1).

IX. Ad sacramentum hæræ nonæ, qua Dominus spiritum emisit. In Evangelio : *Et circa horam nonam*



clamavit *Jesus voce magna* (*Matth. xxvii, 46*) Sunt et A novem nomina pretiosorum lapidum, et novem sunt ordines angelorum.

X. Ad decalogum, id est, decem verba, quæ in tabulis duabus scripta sunt. In psalm: *In psalterio decachordo psallam tibi* (*Ps. cxlvi, 9*).

XI. Ad apostolos. In Evangelio: *Undecim autem discipuli abierunt in Galilæam* (*Matth. xxviii, 16*). Undenarius etiam numerus, quando denarium monade excedit, pro transgressione et reprehensione ponitur; unde et Petrus apostolus non passus est numerum apostolorum in undenario consistere, sed elegit *Matthiam* (*Act. i, 26*) duodecimum in ordine. Hinc *undecim* saga cilicina in veteri lege fieri præcipiuntur (*Exod. xxvi, 7*), quæ significant penitentium actus pro commissis peccatis. Ad *undecimam tandem horam* (*Matth. xx, 6*), gentiles et ætas decrepita vocatur.

XII. Ad apostolos in Evangelio: *Duodecim autem apostolorum nomina sunt hæc* (*Matth. x, 2*). Hoc numero significatur *universa judicantium multitudo* (*Matth. xix, 28*), propter duas partes septenarii, quæ plerumque significatur universitas: quæ duæ partes, id est, tria et quatuor, altera per alteram partem multiplicatæ, duodecim faciunt.

XIV. Ad sacramentum Dominicæ generationis. In Evangelio, *Ab Abraham usque ad David, generationes sunt quatuordecim* (*Matth. i, 17*).

XV. Ad quindecim gradus templi, quos fecit Salomon, ad quorum numerum, quindecim psalmi qui inscribuntur Canticum graduum, compositi sunt; id est, a psalmo, *Ad Dominum cum tribularer* (*Ps. cxix, 1*), usque ad, *Laudate nomen Domini*.

XVI. Ad numerum prophetarum.

XXII. Ad sacramentum divinorum voluminum, secundum litteras Hebræorum.

XXIV. Ad mysterium numeri seniorum. In Apocalypsi: *Et super thronos viginti et quatuor seniores* (*Apoc. iv, 4*). Et *viginti quatuor sortibus* in ministerio templi distributi fuerunt sacerdotes a rege David (*I Par. xxiv, 7*).

XXX. Ad fructus fidelium conjugiorum. In Evangelio: *Et dabant fructum aliud centesimum, aliud sexagesimum, aliud tricesimum* (*Matth. xiii, 8*), quod ad conjuges, sexagesimum ad viduas, centesimum ad virgines pertinet.

XXXIII. Ad mysterium ætatis, qua Dominus in carne versatus est; in Apostolo, sicut quibusdam ex hoc videtur, *Donec occurramus in unitate fidei et agnitionis filii Dei, in virum perfectum, in mensuram ætatis plenitudinis Christi* (*Eph. iv, 13*).

XI. Ad quinquagesimum sacramentum. In Evangelio: *Et agebatur a spiritu in deserto diebus quadraginta* (*Luc. iv, 1*). Et virius Decalogi, per quatuor libros Evangelii impletur; Decalogi autem mandata perficimus, si quatuor sancti Evangelii libros perfecte custodimus: sic per continentiam, vigiliis, et orationes, et cætera, quæ Apostolus commemorat, *arma justitiæ* (*II Cor. vi, 7*) ad immortalis vitæ præmia pervenimus.

XLII. Ad numerum in eremo mansionum, vel ad numerum generationum, quæ ab Abraham sunt usque ad Dominum Jesum Christum (*Matth. i*).

XLVI. *Quadraginta et sex annis ædificatum est templum* (*Joan. ii, 20*), a transmigratone redeuntibus Judæis, secunda ædificatione post Salomonem. Hic annorum numerus perfectioni Dominici corporis aptissime convenit.

L. Ad Pentecosten; in Actibus Apostolorum: *Et cum complerentur dies Pentecostes* (*Act. ii, 1*).

LX. Ad fructum viduis, sive continentibus debitum. In Evangelio: *Et dabunt fructum, aliud sexagesimum* (*Matth. xiii, 8*).

LXXII. Ad numerum presbyterorum Moysi (*Num. xi, 24*), vel discipulorum quos Dominus elegit, in Evangelio: *Post hæc autem designavit Dominus et alios septuaginta duos, et misit illos binos ante faciem suam in omnem civitatem* (*Luc. x, 1*).

C. Ad martyrum fructum sive virginum. In Evangelio: *Dabunt fructum aliud centesimum* (*Matth. xiii, 8*). Numerus ille absolutam perfectionem significat, sicut de electis dicitur: *Qui reliquerit domum, aut fratres, aut sorores; et cætera quæ sequuntur: centuplum accipiet, et vitam æternam possidebit* (*Matth. xix, 29*). Centum etiam quantitatem temporis indicat, ut Isaias, *Centum annorum puer morietur*; et cætera (*Isa. lxxv, 20*). Est et in Evangelio *centesima crux* (*Luc. xv, 4*), quam Christus sacris suis humeris imponens ad cœlestem patriam detulit.

M. Millenarius numerus pro perfectione omnium numerorum ponitur, et pro perfecta bonorum omnium actione. Sic Petrus in Epistola: *Unum vero hoc non lateat vos, charissimi, quia unus dies apud Deum, sicut mille anni* (*II Petr. iii, 8*). Nam in cognitione Dei, præterita, præsentia et futura sunt æqualiter præsentia; et quæ longa, sive breviora nobis videntur temporum curricula, æqualis spatii sunt apud Deum. Hos igitur certos sacratosque numeros exempli tantum causa protulimus. Sunt vero præter eos plurimi, vel pene omnes sacrati, qui quo modo sunt, ipse divinæ lectionis scrutator invenies.



**SANCTI EUCHERII**  
LUGDUNENSIS EPISCOPI  
**INSTRUCTIONUM**  
**AD SALONIUM**  
LIBRI DUO.

**LIBER PRIMUS.**

**PRÆFATIO AD SALONIUM.**

Sæpe a me requiris multarum rerum absolutio-  
nem, quæ in divinis voluminibus interpretem po-  
stulant; colligam, prout redierint in memoriam,  
quæ a te, mi Saloni, studio cognoscendi sedulo  
copioseque prolata sunt, atque eis non ex meo  
ingenio, sed ex illustrium doctorum judicio,  
neque ex propria temeritate, sed ex aliorum  
auctoritate respondeam, consecrans, non tam elo-  
qui exsultantis ambium quam necessariæ brevi-  
tatis modum. Sic enim et innumeris satisfieri in-  
quisitionibus tuis poterit, et mihi insuper liberum erit  
aliqua extrinsecus quæ cognitioni tuæ utilia arbi-  
trabor inserere, ut est et illud, Quid significet Al-  
leluia, Diapsalma, Amen; quid sit Cidaritis, Ephod,  
Sclus et cætera: quæ vel in sacris libris frequen-  
tata, vel maxime in Ecclesiæ usu posita, interpre-  
tationem requirunt. Hæc cum se legentibus per  
totum Scripturarum corpus crebro offerant, non abs-  
re existimavi ea tibi cum significationibus suis in  
opere hoc quasi coacervata ostendere. Dignum nam-  
que est quacumque cura mea ingenium tuum repa-  
rari, qui vixdom decem natus annos eremum in-  
gressus, inter illas sanctorum manus non solum im-  
butus, verum etiam enutritus sis ab Honorato patre,  
illo, inquam, primum insularum, postea etiam Eccle-  
siarum magistro; cum te illic beatissimi Hilarii  
tunc insulani tironis, sed jam nunc summi Ponti-  
ficis, doctrina formaret per omnes spiritualium re-  
rum disciplinas, ad hoc etiam te postea consum-  
mantibus sanctis viris Salviano atque Vincentio, C  
eloquentia pariter sapientiaque præ eminentibus. His  
igitur tot ac talibus usus magistris, ex me quoque  
minimo omnium audies quæ sciscitatus es. In quibus  
jam nunc et interrogantem te, et me respondentem  
recognosce. Vale in Christo.

**CAPUT PRIMUM.**

*De Quæstionibus difficilioribus veteris Testamenti.*

IN GENESI.

*Interrogatio.* Quibus Scripturarum testimoniis Tri-  
tas approbatur?

*Responsio.* Multifariam et multis id quidem si-  
gnificationibus per omnia fere sacra volumina de-  
claratum manifestatumque diffunditur; sed nos bre-  
viter hoc in ipso statim divinarum Scripturarum D

A demonstramus exordio. In principio, inquit, fecit  
Deus cælum et terram. Et infra: Et spiritus Dei fere-  
batur super aquas (Gen. 1, 2). In principio, hoc est,  
in Filio, quia per Filium fecit Deus Pater cælum et  
terram. Cui et illud a Patre dicitur: Faciamus ho-  
minem ad imaginem et similitudinem nostram (Gen.  
1, 26). Omnia enim per Filium operatus est: Quia  
omnia per ipsum facta sunt, et sine ipso factum est  
nihil (Joan. 1, 3). Ferebatur autem super aquas spi-  
ritus Dei (Gen. 1, 2), utique sanctus. Ecce habes et  
Deum Patrem, et Filium, et Spiritum sanctum.  
Item aliud: Verbo Domini cæli firmati sunt, et spiritu  
oris ejus omnis virtus eorum (Psal. xxxii, 6). Ecce  
Deum, et verbum quod est Filius, et Spiritum ejus  
sanctum. Item in Evangelio: Ite, baptizate omnes  
B gentes, in nomine Patris, Filii et Spiritus sancti  
(Matth. xxviii, 19). Sed Pater ingenuus, Filius geni-  
tus, Spiritus sanctus nec genitus nec ingenuus. Ne  
si ingenuum dixerimus, duos Patres dicere videamur;  
et si genitum, duos filios: sed potius qui ex  
Patre et Filio procedat, velut quædam Patris Filii-  
que concordia. Neque apud nos potest sine Spiritu  
sancto justa esse concordia. Idem Spiritus et chari-  
tas et donum Dei dicitur. Idem et divisor est gratia-  
rum (I Cor. xii, 4). Ergo Pater ex quo omnia, Filius  
per quem omnia, Spiritus sanctus in quo omnia;  
sicut et Apostolus dicit: Quoniam ex ipso et per  
ipsum et in ipso sunt omnia, ipsi gloria in sæcula sæ-  
culorum (Rom. xi, 36).

*Int.* Spiritus Dei quomodo ferebatur super aquas?

*Resp.* Non pervagatione, sed potestate dom creaturæ suæ supereminet regentis imperio.

*Int.* Aquas ubi legimus a Deo factas?

*Resp.* Etsi factas eas in exordio creatorum non  
evidenter divinæ lectonis textus expressit, a Deo  
tamen factæ sunt. Nam et aliquanta alia quæ non  
scribuntur, quomodo de cæteris intelligantur, osten-  
duntur. Sicut et Apostoli baptizati intelligendi sunt  
cum baptizatos eos non penitus manifestet apertior  
Scripturarum significantia. Licet quidam hoc intelli-  
gi illo volunt testimonio quod Salvator dicit: Qui  
lotus est, non indiget ut lavet (Joan. xiii, 10). Et ta-  
men de aquis a Deo factis illud nos aliquatenus in-  
struere testimonium potest quod dicitur: Separentur  
aquæ in congregationem unam, et appareant arida (Gen.  
1, 9); quia scilicet non præciperet ut aquæ a terra



quam fecerat, discernentur, nisi et aquas ipse fecisset. Nec enim consequenter in creaturarum ordine postea distingui juberet, quod ipse antea non creasset. Et hoc quidem ob id colligimus quia creationis ejus manifeste Genesis non intulit mentionem. Manifestius autem creaturæ hujus Deum designat auctorem psalmus ille qui dicit: *Quoniam ipsius est mare, et ipse fecit illud* (Ps. xciv, 5).

*Int.* Quid est quod dicitur: *Et vidit Deus quia bona sunt valde* (Gen. i, 31)?

*Resp.* Vidit, hoc est, approbavit, id est, non ignorantia, sed manifestatione.

*Int.* Quæ consequentia nominis est ut scribatur: *Hæc vocabitur mulier, quoniam ex viro sumpta est* (Gen. ii, 23)?

*Resp.* Etymologia quæ hic in Latino non sonat, B in Hebræo sermone servatur. Vir enim vocatur is, et mulier ista. Quod animadvertitur pulcherrime recens custodisse translatio divina dicens: *Hæc vocabitur virago, quia ex viro sumpta est* (Ibid.).

*Int.* In quo Dei similitudinem retinemus?

*Resp.* In mente.

*Int.* Paradisus ubi esse definitur?

*Resp.* Diversa super hac re sententia plurimorum est. Aliqui tamen hunc in terra esse definiunt, ut non potuerit nisi in terra habitare terrenus: quem tamen homini inaccessibilem effici virtute divina confirmant.

*Int.* Eden in Genesi (Gen. iv, 16) quid accipiemus?

*Resp.* Sacratissimum ipsum ad Orientem paradisi C locum.

*Int.* Quid intelligendum est de arbore illa scientiæ boni et mali (Gen. ii, 9)?

*Resp.* In primis ne, ut quidam hæretici interpretantur, malorum, ita et bonorum putetur ex hoc conditor Deus. In arbore quippe illa quæcumque erat, præceptum Dei intelligendum est; sed in custodia præcepti scientia erat boni, in transgressione præcepti scientia erat mali. Ergo degustata arbore, id est, præcepti lege violata, scientia erat mali, quia præcepti legisque transgressum consëquebatur et poena.

*Int.* Si Deus hominem immortalem fecerit (Sap. ii, 23), quemadmodum potuit mori?

*Resp.* Non quod penitus immortalis homo factus a Deo fuerit, sed aut servando mandatum crescerent ad æternum, aut prævaricando caderent in infernum. Et ne propria lege viventes similes Deo putarentur, aut nullis exstantibus meritis sempiternum paradisum possiderent. Tandiu enim vel angelus, vel homo divino favore protegitur, donec injunctum sibi officium impleverit.

*Int.* Quomodo accipiendum est illud quod nobis Scriptura deambulanti in paradiso Deum retulit (Gen. iii, 8)?

*Resp.* Dei in eodem loco præsentia hac deambulandi appellatione manifestatur. Scripturæ enim mos est, quo facilius hominibus ad intelligentiam clareat,

per humanas significationes divinos motus affectusque ostendere. Sicut cum Dei brachium dicit (Isa. lxi, 4), potentiam ejus virtutemque significat; cum aures (Ps. xxxiii, 46), eo quod cuncta indubitanter audiat; cum oculos (Ibid.), eo quod indiscrete universa prospiciat; cum animam (Isa. i, 14), eo quod perpetuum semperque vivat, aut quod affectore ipso omnia vivificentur.

*Int.* Cum omnia bona Deus fecerit, nihilque non ab illo factum sit, unde malum?

*Resp.* De privatione boni, dum id quod in bonum auctor bonus protulit, in malum a malevolentibus depravatur. In ipsa autem creaturæ substantia nihil est quod recte appellari malum possit. Porro ea quæ putantur mala, id est, serpentum et cætera bestiarum animantia; per inconvenientem naturæ modum efficitur ut noxia sint. Venenum quippe, quod mortem infert homini, vita serpentis est. Si enim homo perpetuo immortalis mansisset, veneni perniciem incurere non timeret. Hoc modo et alia in aquis vivunt, quæ terræ exposita moriuntur; atque e contrario, vivunt alia in terra, quæ aquis immersa deperunt.

*Int.* Quia totius substantiæ creaturæ a Deo auctore processit, requiro quid de tenebris sentiendum sit.

*Resp.* Quidam ex hoc ita disputant: Silentium dicitur, ubi sonus nullus est, cum tamen nullam silentii poverimus esse substantiam. Sic et quia lucis præsentia nullæ sunt tenebræ, merito tenebræ deputantur lucis absentia. Cui opinioni parum congruere putant alii testimonium illud, quod scribitur: *Tuus est dies, et tua est nox* (Ps. lxxiii, 46).

*Int.* Cum nulla esse ignorantia apud Deum possit, quomodo ipse in libro Geneseos in exordiis dicit Dominus: *Adam, ubi es* (Gen. iii, 9)?

*Resp.* Hoc est dicere: Adam, quo recidisti? non ergo vox ista quasi pro ambigui sciscitatione querentis est, sed cum increpatione interrogantis est. Et aliter: sermo hic, non Deum veri inscium, vel ubi esset Adam, Deum ostendit ignarum, sed illud potius ostendit, quod omnis ille qui peccat, velut jam erroribus suis devius, et per delictum recedens a conspectu Dei, notitia ejus efficiatur indignus. Et aliter: interrogat, ut suis quisque responsionibus convincatur; quia licet non ignoret quod sibi vult indicari, vult tamen delinquentem etiam responsionis testimonio reum statui. Dum enim interrogat, judicat.

*Int.* Quid est quod ait: *Maledicta terra in operibus suis* (Gen. iii, 17)?

*Resp.* Illic opera non tam excolendi atque exercendi agi, quam peccata intelligenda esse, quidam arbitrantur.

*Int.* Quomodo intelligendum est quod dicit: *Et habitavit in terra Naid*; vel, sicut in Hebræo habet, Nod (Gen. iv, 16)?

*Resp.* Naid instabilis dicitur, ergo terræ nomen est, sed juxta pœnam sententiamque divinam Cain fuisse vagum profugumque declarat.



*Int.* Cum superius virum et mulierem nominibus suis utrumque designasset, quid est, quod in consequentibus adjecit et dixit : *Virum et mulierem fecit eos, et benedixit eis, et vocavit nomen eorum Adam (Gen. v, 2)?*

*Resp.* Adam interpretatur homo : hominis vero nomine manifestum est tam virum appellari posse quam feminam.

*Int.* Quid est, quod in *annis Mathusalem* quatuordecim anni per diligentem supputationem ultra diluvium deprehenduntur, cum octo tantum animæ in arca fuisse referantur (*Gen. v, 22*)?

*Resp.* Error in numero est : quippe cum in Hebræorum libris ita legatur, ut intra diluvii tempus hic quatuordecim annorum numerus expleatur.

*Int.* Cum Dominus dicat : *Erunt dies eorum centum viginti anni (Gen. vi, 3)*, quomodo postea Abraham, aliorumque multorum vitæ tempora ultra hæc spatia tenduntur (*Gen. xxv, 7; xxxv, 28*)?

*Resp.* Quia hic annorum numerus agendæ potius poenitentiae quam vitæ fuerat attributus humanæ : intra quem præscriptum numerum confessioni vacarent, ut diluvio non perirent. Aut si numerum illum ad humanam potius referri vitam placet : quia neque nunc amplius quemquam quam centum viginti annos vivere liceat : illud quod dictum est : *Erunt dies eorum centum viginti anni* : non in eos, qui tunc contiguo tempore subsecuti sunt, sed in posteros promulgavit : quia non dixit *Sunt*, sed *Erunt*.

*Int.* Quid est quod ait : *Dilatet Deus Japheth, et habitet in tabernaculis Sem (Gen. ix, 27)*?

*Resp.* De Japheth, qui in lingua nostra latitudinem sonat, gentium nascitur multitudo, de Sem Hebræi. Hoc ergo significatum est, Dei Scripturarumque notitiam, ejecto Israele, a nostris vindicandam. Notandum vero est, tres Noe filios, tres post diluvium terræ partes occupasse. Sem namque posteritas in Asiam vel Orientem, Cham in Africam vel Meridiem, Japheth cum parte Asiæ in Europam se Occidentemque porrexerunt.

*Int.* Quid est quod dicitur in Genesi, *De terra exiit illa Assur, et ædificavit Niniven et Rooboth civitatem (Gen. x, 11)*?

*Resp.* Non duas significat civitates; Rooboth namque plateas dicit. Est ergo sensus hic : *Ædificavit Niniven et plateas civitatis.*

*Int.* Quomodo occurrendum est arguentibus, quod Abraham fratris sui Saram filiam sibi in matrimonium sumpserit (*Gen. xx, 12*)?

*Resp.* Quod quæ a Domino tunc non fuerant lege interdicta, adhuc non putabantur illicita.

*Int.* Quid fuit ut Judæis, quod neque nos absque verecundia sciscitamus, signum in illa verecundiore corporis parte poneretur (*Gen. xvii, 11*)?

*Resp.* Poscebat quidem, mi Saloni, tantarum profunditas quæstionum, ordinata ac spatiosa disputatione nos propositis satisfacere, et pro meritis reddere singulis velut quamdam immorandi dignitatem : sed quid agimus? quibus festinato opus est, ad tam

A multa properantibus, exhibenda prolat's a te rebus est nuda et circumcisa responsio. Iaque ad hoc, quod nunc requiris, agnosce, quod nihil turpe in ipsa creatione conditi hominis videri potest : quippe cum omni compage membrorum, *totumque hominem Deus finxerit (Job. x, 8)*. Deinde nec incongruum fuerit, ut generatio illa signum in parte membri genitalis acceperit, per quod generationis ipsius promebantur exordia. Cæterum secundum interiorem intelligentiæ sensum, per hanc circumcisionem secretioris partis corporis illud præfiguratum est, quod secretior circumcisio, id est cordis, oporteret adhiberi.

*Int.* Scribitur in Genesi : *Tentavit Deus Abraham, quasi ignorabat Dominus an fidelis Abraham foret, nisi manifestandæ rei probatione tentasset.*

*Resp.* Non quia fidem ejus Deus ignoraret tentavit Abraham veri exploratione, sed idecirco tentatus est, ut tentatus justificaretur, et aliis imitandus proponeretur.

*Int.* Quomodo Jacob dicit : *Vidi Dominum facie ad faciem, et salva facta est anima mea (Gen. xxxii, 30)*, cum in Evangelio legatur : *Deum nemo vidit unquam (Joan. i, 18)*; aut quomodo Moyses cum Deo facie ad faciem tamquam cum amico locutus scribitur (*Exod. xxxiii, 11*). Et rursus idem dicit ad Dominum : *Ostende mihi gloriam tuam (Exod. xxxiii, 18)*?

*Resp.* Quia Jacob vel Moyses non in ipsa majestatis suæ gloria Deum viderant, sed per subjectam divinæ potestati speciem visibilis creaturæ, quæ humanis poterat apparere conspectibus. In ea autem substantia majestatis, in qua est, quomodo Deus a mortali adhuc homine videretur, cum ipse ad Moysen dicit : *Non poteris videre faciem meam : non enim videbit me homo, et vivet (Exod. xxxiii, 20)*. Hac ergo ratione utrumque testimonium verum est.

*Int.* Quid est quod ait : *Ipsa est Ana, qui invenit Jamin in deserto, cum pasceret asinos Sebeon patris sui (Gen. xxxvi, 24)*?

*Resp.* Jamin Latine maria interpretatur, id est, aquarum congregatio : eo quod stagnum rem in eremo hand dubie difficilem ipse repererit. Indicat Jamin et asinos, qui de onagris ejus institutione nascantur. Sunt qui æstimant, quod permixtionem diversorum inter se animalium ipse primus, ut muli, vel mulæ nascerentur, invenerit.

*Int.* Quæ sunt illa primogenita, quæ Esau vendidit Jacob fratri suo (*Gen. xxv, 35*)?

*Resp.* Prior et major pars primogenitis debebatur vel in honore, vel in hæreditaria successione, vel in gratia paternæ benedictionis. Sicut ipse Jacob, *Ruben, inquit, primogenitus meus, prior in donis : major imperio (Gen. xlix, 3)*. Et in libro Deuteronomii de primogenito scribitur : *Dabitque ei, id est, pater, de his quæ habuerit cuncta duplicia. Iste est enim principium liberorum ejus, et huic debentur primogenita (Deut. xxi, 17)*. Unde et Isaac benedictionem suam ad Esau putaverat primogeniti jure deferendam (*Gen. xxvii*)?



*Int.* Quid his respondendum est, qui ob uxores A multas incontinentiam patribus vel patriarchis nostris obijciendam putant?

*Resp.* Primum, quod tunc nondum lege prohibitum, quia consuetudo erat, crimen esse non poterat. Deinde, quod illa tunc vel pro loco, vel pro tempore non improbabilia apud Deum fuerint. Pro loco, sicut et in una domo in altero angulo aliquid fieri a quolibet Domino præcipitur, quod in alio nequaquam fieri permittitur. Pro tempore vero, quod rudi adhuc sæculo præceptum fuerat : *Crescite et multiplicamini* (Gen. i, 28). Nunc vero jubetur, ut qui habent uxores, tamquam non habentes sint. Non quod iustitia varia sit, sed tempora mutabilia, quæ pariter ire non possunt, et diversis quibusque temporibus vel diversis locis diversa congruant. Necesse est postremo, quod in his ex voluntate Domini sub specie gestorum præsentium fieret quædam prænuntiatio futurorum.

*Int.* Quid est quod dicit : *Et ecce vitis in conspectu meo, et ecce in vite tres fundi* (Gen. xl, 10)?

*Resp.* Tria flagella vel tres propagines indicantur sub hac trium enuntiatione fundorum.

#### IN EXODO.

*Int.* Loquitur ad Abraham Deus, quod quarta progenie de terra Ægypti reversuri essent filii Israel (Gen. xv, 16), et quomodo postea Moyses scribit : Quinta autem progenie ascenderunt filii Israel de terra Ægypti?

*Resp.* Si genealogiam secundum Levi tribum requiras, quatuor progenies pro filiorum successione numerabis : si tribus Judæ ordo replicetur, quinque generationum successiones invenies, quamquam in Hebræo, ut indicat Aquilæ studiosissimi translatoris editio, non habeat, Quinta generatione ascenderunt : sed, *Armati ascenderunt filii Israel de terra Ægypti* (Exod. xiii, 18).

*Int.* In Scripturis frequenter legimus : *Et dixit Dominus* : istud dicere Domini quomodo accipiendum est?

*Resp.* Dicere Dominus vel loqui scribitur, si quando ad sanctorum aures expressum, qui sæpe ab aliis non auditur, facit sonum pervenire verborum. Aut cum per assumpti cujuslibet corporis speciem Deus loquitur : aut cum aliquis admonitione sive revelatione nocturnæ visionis instruitur : vel certe cum ea quæ agi vult Dominus, sanctorum cordibus ut agantur, inspirat, secundum illud : *Audiam quid loquatur in me Dominus Deus* (Ps. lxxxiv, 9).

*Int.* Dicit Dominus ad Moysen : *Posteriora mea videbis* (Exod. xxxiii, 23) : quid hic intelligendum est?

*Resp.* Quod posteriora divinorum operum in Christo postremis manifestanda temporibus, vel in spiritu visurus esset, vel in posteris suis.

*Int.* Quæ referenda sunt inquirentibus quam ob causam Deus uni tantum genti per Moysen legem dederit : atque hanc ipsam multa jam sæculi ætate transcurra?

*Resp.* Quod non Judæis tantum lex illa prolata sit, quæ omnibus gentibus constitutione naturalis legis innascitur, Apostolo hoc etiam confirmante atque dicente : *Cum enim gentes, quæ legem non habent, naturaliter quæ legis sunt, faciunt, ejusmodi legem non habentes, sibi ipsi sunt lex, qui ostendunt opus legis scriptum in cordibus suis* (Rom. ii, 14). Atque idcirco non sero Dominus legem innocentiae in decem verba collegit, cujus jam insitæ in pectoribus humanis origo præcesserat. Nec tarde eam saxeis tabulis rursus inscripsit, quam jam antea paginis cordis insculpserat. Etenim ante hanc Moysi legem habebat natura legem suam, per quam et Deum mundi vitæque auctorem agnoscere, et per hoc diligere, in promptu erat, et iustitiam erga proximum dilectionemque servare. In quibus mandatis duobus omnis lex pendet et prophetæ. Igitur et illud ante jam noverant : *Omnia quæcumque vultis ut faciant vobis homines, et vos facite eis : in quo est et lex et prophetæ* (Matth. vii, 12). Et ut hoc etiam exemplis probemus : ante hanc legem litteræ per illam naturæ legem Abel justus agnoscitur (Gen. iv, 4), Enoch rapitur (Gen. v, 24), Noe eligitur (Gen. vi, 8), Abraham pater gentium nuncupatur (Gen. xvii, 4). Quamobrem hanc Moysi legem non sero esse prolatam, præcedens effecit lex naturæ, per quam multi Deo probabiles exstiterunt.

*Int.* Quis est ille digitus Dei, quo duæ legistabulæ leguntur scriptæ (Exod. xxxi, 18)?

*Resp.* Digitus Dei hic accipiendus est Spiritus sanctus.

#### IN LEVITICO.

*Int.* Quamobrem in sacrificiis mel (Lev. ii, 11) prohibetur offerri?

*Resp.* Quia secundum interiorem sensum resoluti blandimentis deliciarum, aut dulcedine voluptatum, non possunt mysteriorum Dei esse participes. Hinc est igitur, quod etiam *Pascha Domini comedi cum amaritudine jubetur* (Exod. xii, 8) : quia sit semper austera districtio veritatis. Oportet ergo absque ullo adulationis ac voluptatis melle noxio salutes nos Deo hostias semper offerre et dicere : Ergo inimicus factus sum verum dicens vobis? Econtrario admisceri in omnibus sacrificiis sal jubetur (Lev. ii, 13), scilicet ut omnia, quæ ad Christi honorem cultumque offerimus, salem rationis ac discretionis semper accipiant.

*Int.* Quid proprie ad usum pertinebat sacerdotum, quidve ad levitarum ex his quæ populus offerebat?

*Resp.* Primitiæ frugum cæterarumque rerum sacerdotibus, decimæ vero Levitis deputabantur. De quibus tamen decimis decima sacerdotibus debebatur (Num. xviii, xix, xxi, xxvi).

*Int.* Universa quæ Deus condidit, bona valde sunt (Gen. i, 31) : et quomodo in lege quædam animalia vocantur immunda (Lev. xi)?

*Resp.* Ut reliqua taceam, quæ ex hoc dici possunt, immunda appellata sunt esui, non creationi.



Horum enim in cibum usus pro quibusdam figuris A Ægyptum quinque et septuaginta animas refertur (Act. vii, 14)?

*Int.* Cum munda et immunda animalia divina per Moysen lege discreta sint, quomodo etiam ante diluvium de his quæ in arcam recipienda erant, immunda appellantur animalia (Gen. vii, 8)?

*Resp.* Moyses, inspirante sancto Spiritu, Pentateuchi scriptor et conditor est : et quia in Levitico de mundis immundisque animalibus erat proferenda discretio, etiam in Genesi, quia utriusque libri idem auctor est, eadem animalia appellavit, immunda.

*Int.* Quæ de veteri Testamento relinquere vel quæ observare debemus?

*Resp.* Debemus observare mandata, quæ ad corrigendam vitam moresque pertinent : relinquere autem caeremonias ritusque sacrificiorum, quæ figuras atque umbram futuris tunc rebus prætulerunt.

*Int.* Quid respondebimus objicientibus quam ob causam Deus sacrificiis veteribus repudiatis, novis delectatus sit : nihil enim corrigi affirmant, nisi quod non recte factum putetur?

*Resp.* Spatiosa quæstio, sed nos pro necessitate breviter respondebimus, quod non ideo Deus videri possit mutabilis, quia hæc pro temporum opportunitate mutata sint. Nam et annus temporibus, et vitæ spatium variatur ætatibus. Nec ideo quæ ista instituit, divinæ providentiæ ratio variatur. Nec agricola, si æstate aliud, hyeme aliud in exercendo agro jusserit, agriculturæ ratio mutatur. Non quod is sui videatur esse dissimilis qui facit, sed tempus quo facit. Præcepit ergo Deus quæ apta sunt suis quibusque temporibus. Sicut etiam hic de sacrificiis præcepit, non causa suæ delectationis, sed humanæ, ut cætera, utilitatis. Et ideo verus est Dominus, quia bonorum nostrorum non indiget (Ps. xv, 2). Sed hæc ipsa sacramentorum commutatio ne nova et subito putetur assumpta, prædicta jamdudum prophetiis atque divinis vocibus fuerat, quibus dicitur : *Non accipiam de domo tua vitulos, neque de gregibus tuis hircos* (Ps. xlix, 9). Postremo, ut breviter concludamus, cur diversa sibi sacrificia Deus voluerit offerri, quia aliis sacramentis Christum prænuntiari oportuit, cum venturus esset, aliis annuntiare oportuit, cum venisset.

#### IN NUMERIS.

*Int.* Balaam ille gentilis quid est quod prophetasse D secundum fidem sacræ comprobatur historiæ (Num. xxiv, 17)?

*Resp.* Ut multis innotesceret modis, dum usquequaque prolata, etiam per infideles annuntiatur. Et ut hoc ex gentibus prophetante signum esset gentibus credituris. Nam et Helii in Job libro de futuris laud dubie multa prædixit (Job. xxxii, 6 et seq.), Et Caiphas de Domino ac Salvatore nostro in Evangelio prophetavit (Joan. xi, 49 seqq.).

#### IN DEUTERONOMIO.

*Int.* Cum in Deuteronomio 70 tantum animæ cum Jacob Ægyptum ascribantur ingressæ (Deut. x, 22), quomodo postea in Actibus Apostolorum introisse

*Resp.* Constat quidem eo tempore quo Jacob ingressus est Ægyptum cum Joseph filiisque ejus Ephraim et Manasse 70 animas tantum fuisse. Ibi vero ubi 75 animarum numerus refertur, quasi per anticipationem etiam filios nepotesque Ephraim et Manasse numerandos putavit, quos postea in Ægypto natos divinæ relatio lectionis ostendit.

*Int.* Quid respondendum est Judæis objicientibus testimonium illud : *Maledictus omnis qui pendet in ligno* (Deut. xxi, 23)?

*Resp.* Maledictum esse hominem qui in ligno pendeat, sed noxium, non innocentem. Neque enim innocentiae potest esse maledictum poena peccati. Et enim si Mardocheus præparato ligno appensus (Esther. vii, 9), sententiam regis crudelitatis explesset, numquid eum hi nunc dignum hac maledictione judicarent? Aut Machabæi, atque alii, quos Scriptura (II Mach. vii) morte simili indignissime testatur afflictos, numquid apud eos pro maledictis habentur? Quapropter Salvator noster a morte redempturus hominem, ita crucem non refugit, ut mortem. Igitur in minoribus non calumnientur, cum pro patientia Domini nos etiam in majoribus gloriemur. Nec mirum, si dicatur patibulum subiisse, quem nos etiam ad inferna descendisse fatemur : qui cum proprium ipso peccatum non habuerit, suscepit tamen mortem do peccati maledictione venientem. Atque ideo pendit in ligno (Gal. iii, 13), ut nos a delicto, quod in ligno fuerat perditionis admissum, in ligno appensus absolveret.

*Int.* Quomodo in Deut. (v, 9) Deus zelatus fuisse dicitur, cum in Deum nulla perturbatio cadat?

*Resp.* Deus perturbari, ut ipse ais, non potest, sed tranquilla bonitate zelat : ne uni Deo debens anima castitatem per multos falsos corrupta et prostituta turpetur.

#### IN JOB.

*Int.* In Job (xxviii, 15) qualiter accipiendum est, quod Scriptura commemorat, *Aurum Ophir*?

*Resp.* Regio est Ophir in Indiam tendens : itaque aurum hujus indicat regionis. Alii aurum Ophir valde pretiosum esse confirmant, quod obryzon apud Latinos appellatur.

*Int.* Quid sibi vult, quod illic auctorum sæcularium consuetudine legimus *Pleiadas, Oriona vel Arcturum* (Job. ix, 9)?

*Resp.* Non quod his apud Hebræos nominibus censeantur, sed ut apud nos horum siderum significantia posset esse manifestior, ita hæc translator appellare voluit, ut usus gentilitatis invenerat. Illud quoque generaliter observandum est, quod etiam apostoli vel apostolici viri in epistolis suis scribentes ad populos, abutuntur interdum his testimoniis (Tit. i, 12), quæ videbantur divulgata per populos.

*Int.* In eodem libro quid est, quod de dracena



illo scribitur: *Omnes naves si convenient, non sustinent corium caudæ ejus?* A

*Resp.* Naves Ecclesias dici, quæ temptationibus tribulationibusque vexatæ, vix antichristum in fine mundi tolerabunt. Recte autem draconis illius, id est, diaboli caudam antichristum appellat, a quo persecutio veniet extrema.

IN REGUM LIBRIS.

*Int.* Quid est quod Saulem Dominus postea reprobabat regem (I Reg. xxi, 14), quem prius in regnum eligendum putavit (I Reg. x, 1)?

*Resp.* Quia Deus suum illud justum incorruptumque judicium ex æquitate depromit, non ex præscientia eligit: quempiam, cum meretur, reprobat, cum electione indignus efficitur. Cæterum nequaquam convenire sacrosanctæ veritati justitiæque ejus videbatur, ut peccatum offensa præcederet.

*Int.* Quomodo intelligendum est, quod in Scripturis pœnitere Dominus sæpe memoratur? Sicut etiam de Saule dicit: *Pœnitet me quod constituerim Saul regem* (I Reg. xv, 11)?

*Resp.* Pœnitentia Domini dicitur rerum ab eo constitutarum mutatio, quæ pro rerum vicissitudine, vel pro recti dispositione succedit. Necesse est enim, ut divinæ dispositiones, quo manifestiores audientibus fiant, per significationes humanæ mentis indicentur.

*Int.* Legimus quod suffocabat Saul spiritus malus Domini (I Reg. xvi, 23). quomodo Domini, si malus?

*Resp.* Quia cuncta Domino auctore prolata, divinæ sunt subdita potestati. Ergo et ipse diabolus, licet non qualis nunc est, sed bonus a Domino quondam creatus, et Deo semper pro omnipotentis ditione subjectus, Domini erat.

*Int.* Quid est, quod cum aliquanta hic Dominus vindicet, non vindicat omnia?

*Resp.* Vindicat aliquanta, ut intelligatur humanarum rerum agere curam. Non vindicat omnia, ut agnoscat terribile cunctis adhuc futurum esse judicium.

*Int.* Umbram Samuelis Pythoniæ (I Reg. xxviii, 12) quemadmodum potuit evocare?

*Resp.* Aut falsam tunc umbram videntibus diabolus ostendit: aut si fuit vera, tantum ei licuisse credendum est, quantum a Domino permittente concessum est, nec mirum pro quibusdam reconditis arcanisque causis, vel pro manifestatione probationum diabolo ista permitti: cum et Salvatorem constituerit in pinnam templi, et Job petierit, acceperitque tentandum (Matth. iv, 5; Job. i, 11).

*Int.* Cum factum non sit, quomodo oranti Ezechiae 15 anni quasi ad præfinitum vitæ suæ tempus adduntur (IV Reg. xx, 6)?

*Resp.* Quia utique urgebatur Ezechias in extremis non sati decreto, sed Dei evocatione atque judicio. In tantum autem vitæ anni prius non fuerant constituti, ut per supplicationem intelligantur adjecti.

IN MICHAË.

*Int.* Quomodo accipiendum est quod Michæas propheta ait: *Ecce Dominus exit de loco sancto suo, et descendit, et incedit super excelsa terræ* (Mich. i, 3)?

*Resp.* Descendere Dominus dicitur, quando habere curam fragilitatis humanæ evidenter indicis dignantissimæ pietatis ostenditur. Sic et Angeli per illam Jacob scalam ascendentes descendentesque (Gen. xxviii, 12), terrenorum visitationem, non ruinam descendendum indicant angelorum. Sic et excelsiores justitia viri descendere putantur, si quando condescendunt inferioribus sanctæ charitatis instinctu.

IN ISAIA.

*Int.* Quid intelligendum est in cantico Isaïæ Prophetæ, cum dicit: *Cantabo dilecto meo canticum patruelis mei vineæ suæ: Vineam factam est dilecto meo in cornu filio olei* (Isai. v, 1)?

*Resp.* Alii hoc canticum a Spiritu sancto cantari putant, alii a propheta, qui æque sancto Spiritu vacuus non erat. Cantat autem in plenum vineæ suæ, quæ est domus Israel. Dilectus autem Jesus Christus est. Ipsi enim dictum est: *Tu es filius meus dilectus* (Matth. iii, 17). Ipsum et patruelem appellat, quod ex eadem sit stirpe progenitus. Hæc ergo vinea ipsi plantata est in cornu, quod est in sublimitate atque virtute: qui dilectus et filius olei, quia unctus sit, unde et Christus vocatur: vel quia omni mundo tamquam splendidum lumen illuxerit. In hoc cantico tuam justitiam appellat, et spinas iniquitatem.

*Int.* In Isaïæ visione cum vidit Dominum sedentem super solium, quid intelligendum est quod ait: *Seraphinstabant super illud, sex alæ uni et sex alæ alteri. Duabus velabant faciem ejus, et duabus pedes ejus, et duabus volabant, et clamabant alter ad alterum, et dicebant: Sanctus, sanctus, sanctus Dominus exercituum?*

*Resp.* In hac visione Joannes Evangelista Dominum Jesum Christum ab Isaïa visum esse testatur, dicens: *Hæc dixit Isaïas, quando vidit gloriam ejus, et locutus est de eo* (Joan. xii, 41). Primum ergo hic quæritur quomodo seraphin circa Domini thronum stantes pariter et volare dicuntur. Bene hoc sermone mystico propheta depromit: quia Deo stare idem est quod volare, et in sublime exaltare: sedebit qui festinat obtutibus apparere divinis. Quod vero seraphin alis suis faciem operire indicantur, hoc idcirco quia neque hominum quisquam, neque ulla creatura divinæ majestatis lumen contemplari, ut est, potest. Faciem ergo et pedes velant, eo quod nobis et ante mundum præterita, et post mundum futura celentur. Alæ quoque seraphin indicant divini ministerii velocitatem. Quæ ideo singulis senæ sunt, quia ea tantum in mundo, quæ sex diebus sunt facta, conspiciamus. Quod vero alter ad alterum clamant, et dicunt: Sanctus, sanctus,



sanctus Dominus exercituum, unam ostendunt divinitatem in mysterio Trinitatis.

*Int.* Quid respondendum est eis qui dicunt nobis : Quid fecerunt Judæi, si credere non potuerunt? quia necesse fuit ut sermo Isaïæ prophetæ impleretur, dicentis : *Excæcavit oculos eorum, et induravit cor eorum, ut non videant oculis, et intelligant corde, et convertantur, et sanem illos* (Isai. vi, 10).

*Resp.* Propheta hoc prædixit, quia Deus hoc futurum esse præscivit. Neque enim potest ad peccatum compellere Deus, cui non potest placere peccatum. In his ergo non prædestinatio divina intelligenda est, sed præscientia. De hoc in Evangelio scribitur : *Propterea non poterant credere, quia iterum dicit Isaïas : Excæcavit oculos eorum, et induravit cor eorum, et reliqua* (Joan. xii, 39). Non poterant credere, ita dicitur, sicut et nos sæpe aliqua dicimus non posse, quia nolumus. Et de Pharaone scribitur : *In hoc ipsum excitavi te, ut ostendam in te virtutem meam* (Exod. ix, 16). Neque enim dixit, in hoc te feci, ut talis esses : sed in hoc te elegi et suscitavi, cum jam te talem ipse fecisses : Ergo et hic excæcati eorum oculi, et induratum esse cor dicitur, quia jam seipsi hac cæcitate dignos effecerant. Excæcat autem et indurat Dominus peccatorem deserendo et non adjuvando. Si cui autem sensus hic profundissimæ quæstionis minus fecerit, contremiscat mecum, et dicat : *Judicia Domini abysus multa* (Ps. xxxv, 7), quia judicia Dei semper justa sunt, sed frequenter occulta.

*Int.* Quid est illud quod scribitur : *Sicut sponso imposuit mihi mitram, et sicut sponsam ornavit me ornamento* (Isai. lxi, 10)? Quomodo idem sponsus et sponsa?

*Resp.* A capite ad corpus transitum fecit : *Caput enim Christus est, corpus Ecclesia* (Eph. v, 23), sed tamen utrumque esse constat in Christo. Notanda vero et tenenda regula hæc, quæ in prophetis frequenter incurrit, generans ignorantibus obscuritatem, cum de capite ad corpus, aut de corpore ad caput se prophetæ ordo convertit.

*Int.* *Cælum mihi thronus est, terra autem scabellum pedum meorum* (Isai. lxvi, 1) : quomodo hoc intelligi potest, cum utique Deum incorporeum esse credamus?

*Resp.* Secundum consuetudinem elocutionis nostræ videtur habitum designare regnantis, ut intelligatur Deus vel habitare cœlestia, vel subjecta habere terrena.

#### IN EZECHIELE.

*Int.* Qua causa scribitur : In die illa magna tribulationis nemo liberabitur, nisi Noe, Daniel et Job (Ezech. xiv, 14) : cum utique quando ista Ezechiel propheta dicebat, solus forsitan Daniel in corpore fuerit, duobus aliis jam tunc in pace dormientibus vel carnis nexibus absolutis?

*Resp.* In his tribus sanctis tria hominum genera significari videntur, quæ liberanda in die illa magna tribulationis a periculis promittuntur. In Noe enim

A gubernatores Ecclesiæ præfigurantur, in Daniele sancti continentiamque sectantes, in Job conjugati et justitiam diligentes.

*Int.* Quid significat illud quod dicitur in propheta : *Auferam cor lapideum de carne vestra, et dabo vobis cor carneum* (Ezech. xi, 19, et xxxvi, 26)?

*Resp.* Durum cor et inobediens lapidei testificatione demonstrat : carnei vero significatione cor molle ostendit, ac docile, et quod insinuatam possit recipere compunctionem.

#### IN PARALIPOMENON.

*Int.* Quid est quod scribitur in Paralipomenon : *Quæ habitabat in Hierusalem in secunda* (IV Reg. xii, 14)?

B *Resp.* In secunda scilicet parte. Ezechias enim secundum Hierusalem murum fecit, filiusque ejus Manasses tertium. Habitabat ergo hæc, de qua scribitur in secunda parte civitatis.

*Int.* Arcam Domini, in qua erant duæ tabulæ Testamenti, quo ablatam esse credendum est?

*Resp.* Legimus in Paralipomenon, Josiam regem Juda, cum Hierusalem faceret Pascha Domino, ad levitas ita locutum esse : *Ponite arcam in sanctuario templi, quod ædificavit Salomon filius David rex Israel. Nequaquam enim eam ultra portabitis* (II Par. xxxv, 3). Hoc loco ita intelligere quidam volunt, quod Josias, prævidens captivitatem, arcam Domini in certum tamen locum curarit abscondi.

*Int.* Quid inter holocaustum et hostiam interest?

C *Resp.* Quod hostiæ partem sacerdotes edebant : Holocaustum vero erat hostia integra atque perfecta, quia tota in oblatione sacrificii igni dabatur. Hostiæ quoque pacificæ appellabantur, quibus vesci populus solebat.

#### IN PSALMORUM LIBRO.

*Int.* Cum primus psalmus primis illis versiculis impium peccatorem hæreticumque discreverit, quid sibi vult illa sub ipso psalmi fine conclusio, in qua ait : *Ideo non resurgent impii in judicio* (Ps. i, 5)?

*Resp.* Psalmi hujus initium de discretionem meriti, et finis de discretionem judicii. In quo ostendit, quod homo absque dubio omnis resurgat, id est, justus, ut judicet, peccator ut judicetur, impius ut puniatur. Neque enim tunc judicabitur jam judicatus, secundum quod scriptum est : *Qui autem non credit, jam judicatus est* (Joan. iii, 18).

*Int.* Cum passio in Deum non cadat, quid est quod sæpe in Scripturis ira Dei et furor dicitur (Ps. vi, 2)?

*Resp.* Scripturæ consuetudo est, ut ira pro ultione ponatur. Est enim ira secundum hominem, vindicta secundum Deum, et furor secundum animum patientis, non secundum justitiam judicantis. Hinc et illud est quod ponitur in propheta : *Domini creans mala* (Isai. xlv, 7). Mala ergo sunt juxta affectum ejus qui sustinet, non juxta æquitatem ejus qui decernit.

*Int.* Quid sibi vult illud quod frequenter in



psalmodum titulis inscribitur, *In finem, Psalmus David* (Ps. iv, v, vi, et alii)?

*Resp.* Quod psalmi in fine mundi bonorum re-promissionem respiciant : vel quod ea quæ Judæi obtinere se posse in principio crediderunt, nos consequamur in Christo, quem venisse confitemur in fine.

*Int.* Quomodo intelligendum est quod scribitur : *Eloquia Domini, eloquia casta, argentum igne examinatum, probatum terræ, purgatum septuplum* (Ps. xi, 7)?

*Resp.* Casta dicuntur eloquia Domini ideo, quod nullo sint adulterata mendacio, et ad vicem argenti, quod examinatur igni septemplex, spiritus igni mudentur.

*Int.* Non congregabo, inquit, conventicula eorum de sanguinibus (Ps. xv, 4) : cum utique de sanguine magis Latinum sonasset, quam ob causam sanguinibus contra regulam Latinitatis scribitur?

*Resp.* In Græco αἱμάτων legitur plurali numero, sanguinem significans. Cujus proprietatis fidem, etiam in Latinum plurali numero translator expressit.

*Int.* Cum in psalmo (xv, 10) scriptum sit : *Non dabis semen tuum videre corruptionem* : quomodo iterum in alio psalmo scribitur : *Quæ utilitas in sanguine meo, dum descendo in corruptionem* (Ps. xxix, 10)?

*Resp.* Descendere se in corruptionem Salvator prophetæ voce pronuntiat, dum clavorum configentium irruptione penetratur. Rursus non dedit Dominus sanctum suum videre corruptionem : quia corruptionem carnis Christus celeri resurrectione prævenit.

*Int.* Quid est quod dicit propheta de inimicis suis : *Adipem suum concluderunt* (Ps. xvi, 10)?

*Resp.* Adeps concluditur impiorum, cum impinguati sensu et incrassati iniquitate recedunt vel a iustitia, vel a præceptis Dei : et idcirco dicit alio loco : *Egredietur ex adipe iniquitas eorum* (Ps. lxxii, 7). Manna vero, id est, cœlestis cibus tenuis est, et eorum aptus alimonix, qui subtilitate sensuum vigent.

*Int.* Quid sentiendum est de hoc quod scribitur : *De absconditis tuis adimpletus est venter eorum : saturati sunt porcina, et reliquerunt quæ superfuerunt parvulis suis* (Ps. xvi, 14)?

*Resp.* Supra petiit, ut Judæi a paucis dividerentur, id est, a justis : quia multi vocati, pauci autem electi (Matth. xx, 16). Nunc autem hos ipsos prius absconditis divinæ legis instructos, porcina sua, id est, dogmatum postea immunditia saturatos, dum negant Christum, eandem impietatem dicit etiam ad suos posteros transmisisse.

*Int.* Qualiter intelligendum est : *Dies diei eructat verbum, et nox nocti indicat scientiam* (Ps. xviii, 5)?

*Resp.* Dies diei eructat verbum, dum apostoli credentibus annuntiant Salvatorem. Nox nocti indicat scientiam, dum Judas Judæis doctrinam pravi

sensus infundit. Aut certe dies diei eructat verbum et nox nocti indicat scientiam : dum omni utique die et nocte annuntiatione fidelium verbum et scientia propagatur.

*Int.* Virga tua et baculus tuus ipsa me consolata sunt (Ps. xxii, 4) : quæ hic intelligenda discretio est?

*Resp.* In virga correctio declaratur, in baculo consolatio.

*Int.* Cum animalia non absque sensu sint, quomodo in psalmo (xxxii, 9) dicitur : *Nolite fieri sicut equus et mulus, in quibus non est intellectus*?

*Resp.* Quia in animalibus sensus est, in hominibus intellectus.

*Int.* Cum de jumentis, sicut de bobus cura non est Deo (I Cor. ix, 9), quomodo psalmus (xxxv, 7) ait : *et jumenta salvabis, Domine*?

*Resp.* Homines appellat rationis capaces, jumenta rationis expertes. Salvandos vero confirmat illos per præsentem conversionem, hos per futuram conversionem.

*Int.* Qualiter accipiendum est quod scribitur : *Remitte mihi ut refrigerer priusquam abeam, et amplius non ero* (Ps. xxxviii, 14)?

*Resp.* Sensus hic de superioribus versibus manifestatur. Supra enim dixerat : *Quia advena ego sum apud te, et peregrinus, sicut omnes patres mei. Remitte mihi ut refrigerer priusquam abeam, et amplius non ero*, subauditur illud quod superius dixit, peregrinus. Cæterum manifestum est quod erit, qui se supra peregrinum appellando, patriam, in qua futurus sit, habere declarat.

*Int.* Quid indicat illud quod legitur in psalmo : *In* (Ps. xxxix, 8) *capite libri scriptum est de me*?

*Resp.* Ex persona hoc dicitur Salvatoris, de quo scribitur : *In principio creavit Deus cælum et terram* (Gen. i, 1), id est, in filio. Aut certe illud : *In principio erat Verbum, et Verbum erat apud Deum, et Deus erat Verbum* (Joan. i, 1).

*Int.* Abyssus abyssum invocatur, inquit, in voce cataractarum tuarum (Ps. xli, 8) : quomodo istud intelligendum est?

*Resp.* Non immerito abyssus appellatur divinarum Scripturarum profundum, et ideo in voce cataractarum abyssus abyssum invocatur, cum vetus Testamentum novum annuntiat, vel novum Testamentum vetus in testimonium vocat in vocibus prophetarum.

*Int.* Quid intelligendum est ex hoc quod scribitur : *Pro patribus tuis nati sunt tibi filii* (Ps. xlii, 17)?

*Resp.* Id est, quod temporum successione sint redditi pro patriarchis vel prophetis apostoli vel evangelistæ.

*Int.* Frater non redimit, redimet homo (Ps. xlviii, 8) : quid de hoc sentiendum est?

*Resp.* Quod non redemerit Moyses, redimet Christus.

*Int.* Quomodo accipiendum est illud quod David clamat ad Dominum, dicens : *Tibi soli peccavi* (Ps. l, 6)?

*Resp.* Soli peccatur Deo, quia utique ipse solus



sit absque peccato, ita justificatus vincit etiam, dum A  
judicatur, id est, vel Christus in passione, vel secundum illud quod in propheta dicit: Et venite, judicemur, dicit Dominus.

*Int.* Viri, inquit, sanguinum et dolesi non dimidiabunt dies suos (Ps. LIV, 24): quid hic sentiendum est?

*Resp.* Non dimidiabunt dies suos hi qui immatura morte rapiuntur. Hac ratione etiam illud intelligere possumus: *Ne rapias me in medio dierum meorum* (Ps. CI, 25). Et aliter: Non dimidiabunt dies suos, qui ad Dei satisfactionem non conferunt vel vitæ suæ partem.

*Int.* Quid interior sensus eloquitur de hoc quod scribitur: *Priusquam producant spinæ vestræ rhamnum* (Ps. LVII, 10)?

*Resp.* Id est, priusquam se peccata vestra consumment.

*Int.* Justus quomodo lavat manus suas in sanguine peccatorum (Ps. LVII, 11)?

*Resp.* Cum tribuitur vindicta de impiis, non hoc procurantibus sanctis: et post delicta atque exitum peccatorum, justorum clarius vita atque opera resplendent.

*Int.* Quomodo accipiendum est illud quod in psalmo (LVIII, 6) legitur: *Non miscearis omnibus qui operantur iniquitatem?*

*Resp.* Non tam maledicentis animo istud dicitur, quam correptionem emendationemque peccantium desiderantis: id est, ut in præsentī potius vita correpti, non abutantur divina patientia usque ad futuram pœnarum acerbiteriam.

*Int.* Semel locutus est Deus, duo hæc exaudivi C  
(Ps. LXI, 12): quid hic intelligendum est?

*Resp.* Semel hic non ad numerum referendum est, sed ad firmitatem. Quæ autem sunt illa duo, quæ Domino adjacent? et posse omnia, et velle misereri. Et aliter: Semel locutus est Deus, id est, in lege. Nam in Evangelio non alia præcepit: *quia non veni legem solvere, sed adimplere* (Matth. V, 17)?

*Int.* Quid est quod scribitur: *Transivimus per ignem et aquam, et induxisti nos in refrigerium* (Ps. LXXV)?

*Resp.* Ignem et aquam persecutionem indicat atque martyrium. Aliqui hic aquam baptismum intelligendum putant, et ignem sanctum Spiritum, qui infusus peccata tamquam ignis exurat: et hinc est quod scribitur: *Dominus Deus vester ignis urens est* (Deut. IV, 24).

*Int.* Quid dicit illud quod legitur: *Iter facite ei, qui ascendit super occasum; Dominus nomen illi* (Ps. LXXVII, 5)?

*Resp.* Viam honorum actuum præparate illi qui supergressus est occasum morte devicta.

*Int.* Pluviam, inquit, voluntariam segregabis, Deus, hæreditati tuæ, et infirmata est; tu vero perfecisti eam: animalia tua inhabitabunt in ea (Ps. LXXVII, 10): quis hujus loci sensus est?

*Resp.* Pluvia hic secundum litteram manna est, secundum anagogen mandata intelligenda sunt: quæ mandata vel lex, licet infirma videatur transgressionibus Judæorum, gratia tamen Evangelii os-

tenditur esse completa. In qua nunc animalia, id est, gentes habitant atque consistunt.

*Int.* Quæ intelligentia est in hoc quod legimus: *Si dormitis inter medios cleros, pennæ columbæ deargentatæ et posteriora dorsi ejus in specie auri* (Ps. LXXVII, 14)?

*Resp.* In hoc loco de apostolis optat propheta, ut usque ad transitum perseverent, credentes in testamentis duobus. In columba autem Spiritus sanctus, in posterioribus occultior intellectus: in argento splendens historia Scripturarum, in auro interior vel pretiosior sensus ostenditur.

*Int.* Dixit Dominus: *Ex Basan convertam, convertam in profundum maris, ut intingatur pes tuus in sanguine, lingua canum tuorum ex inimicis, ab ipso* (Ps. LXXVII, 23): quid hic sequemur?

*Resp.* Basan in Latino confusio sonat. Ergo Dominus nosmet de confusione convertit, quæ est in cruce ejus: in qua cruce sanguine pedem suum tinxit, clamantibus Judæis, ut crucifigeretur instinctu inimicorum, id est, dæmonum. Ab ipso autem Salvatore hoc totum venit, quia omnia hæc propria voluntate sustinuit.

*Int.* Quos illos accipiemus principes Zabulon, vel principes Nephtalim (Ps. LXXVII, 28)?

*Resp.* Petrum apostolum, vel Andream, qui ex iisdem tribubus sunt vocati, sicut et supra Benjamin nomine apostolum Paulum oportet intelligi.

*Int.* Quid indicat quod legitur: *Posuerunt signa sua, signa, et non cognoverunt sicut in via supra summum* (Ps. LXXIII, 5)?

*Resp.* Quod Babylonii victoria insolentes effecti, ita exposuerunt signa in Dei templo, sicut constitui in trophæo solent super fornices introitusque portarum.

*Int.* Quid est quod scribitur: *Deus autem rex noster ante sæcula operatus est salutem in medio terræ* (Ps. LXXIII, 12)?

*Resp.* Judæam dixit, in qua Christus liberavit per crucem mundum: quam aliqui umbilicem terræ appellandum arbitrantur. Et aliter: Operatus est salutem in medio terræ, id est, in utero virginali.

*Int.* Quid est hoc quod legimus: *Quia calix in manu Domini vini meri plenus est mixto, et inclinavit ex hoc in hoc: verumtamen fex ejus non est exinanita* (Ps. LXXIV, 9)?

*Resp.* Calix Domini mixtus misericordia et iudicium: inclinatur ex hoc in illud, cum de misericordia in iudicium divina severitate transitur. Fex autem ejus non exinanitur, quia adhuc ultimum iudicii reservatur.

*Int.* Quæ significantia est quod scribitur: *Et reliquæ cogitationum diem festum agent tibi* (Ps. LXXV, 11)?

*Resp.* Pulchre hic ostenditur quod Deus puritate mentis velut quadam festivitate lætatur.

*Int.* Vox, inquit, tonitruī tui in rota (Ps. LXXVI, 19): quid hic sentiendum est?

*Resp.* Rotam hic ipsum dixit orbem terræ, eo quod intra ejusdem orbis rotam circumferant tonitrua mugitum.



*Int.* Quid intelligendum est de hoc quod scribitur : *Et percussit inimicos suos in posteriora* (Ps. LXXVII, 65) ?

*Resp.* Secundum litteram ulcerum illorum fit commemoratio, quibus sunt Allophyli in posteriora percussi. Secundum interiorem vero sensum percutiuntur inimici Dei in posteriora, cum in Domini iudicio puniuntur extremo.

*Int.* Quem significat dicens : *Exterminavit eam aper de silva, et singularis ferus depastus est eam* (Ps. LXXIX, 14) ?

*Resp.* Aprum hic Vespasianum, ut quidam dicunt, vult intelligi, qui Judæos bello vastavit. Singularem ferum, Titum Vespasiani filium, qui Hierusalem oppugnatione consumpsit.

*Int.* Legimus in psalmo (LXXX, 9) : *Israel, si audias me, non erit in te Deus recens : quomodo istud accipiemus ?*

*Resp.* Idola vel Antichristum refutandum esse pronuntiat. Christus autem Deus recens non erat, licet mando per carnem nostris temporibus illuxerit. *Nam in principio erat apud Deum Deus Verbum, ipse creans hominem ad similitudinem Dei* (Joan. 1, 1; Gen. 1, 26), quique diversis vicibus atque temporibus Abraham vel patribus nostris semper apparuit (Gen. xviii, 1).

*Int.* Qualiter accipiendum est quod psalmus (LXXXI, 1) ait : *Deus stetit in synagoga deorum ?*

*Resp.* Id est, in congregatione sanctorum; Dominus autem noster sanctos suos ut regni sui, ita etiam nominis sui participatione donavit. Unde et ad Moysen dicit : *Dedi te Pharaonem in Deum* (Exod. vii, 1). Compellantur ergo nomine Dei, quia appellantur et Filii Dei. Nec mirum pro illa ineffabili divinx benignitatis indulgentia, si voluerit ut homo appellaretur Deus, cum Deus appellatus sit homo.

*Int.* Quid hic sentiendum est : *Justitia et pax osculatæ sunt se* (Ps. LXXXIV, 11) ?

*Resp.* Quod se lex et gratia conjunxerint per mediatores Dominum nostrum Jesum Christum, qui fecit utraque unum (Eph. ii, 14) ?

*Int.* Qualiter accipiendum est quod legimus : *Diligit Dominus portas Sion, super omnia tabernacula Jacob* (Ps. LXXXVI, 2).

*Resp.* Quod Dominus umbraculis synagogæ Ecclesiæ munimenta prætulit.

*Int.* Mater Sion dicet homo, et homo factus est in ea, et ipse fundavit eam Altissimus (Ps. LXXXVI, 5), quid hic sequemur ?

*Resp.* Mater Sion, ut quidam volunt, Maria significatur, in qua natus est homo Christus, ipsius quoque matris creator. Sciendum est tamen, melius et secundum Hebræum verius dici : Numquid Sion dicet homo, et homo natus est in ea, et ipse fundavit eam Altissimus ? Et est sensus hic : quis hoc hominum nuntiare possit ? Sicut et illud : *Aut brachium Domini cui revelatum est* (Isai. LIII, 1) ? Ergo hoc dicit : quod nullus hominum ei nuntiare possit, quia salvetur Sion in homine qui natus sit in ea. Ipse autem

A est homo Altissimus qui fundavit eam. Et notandum quod etiam filius Altissimus appellatur.

*Int.* Quid hic intelligendum est, ubi scribitur : *Factus sum sicut homo sine adjutorio, inter mortuos liber* (Ps. LXXXVII, 5) ?

*Resp.* Christus utique inter mortuos liber : quia absque peccato inter peccatores apparuit.

*Int.* Quæ est terra illa oblivionis de qua dicitur : *Numquid cognoscentur in tenebris mirabilia tua, et justitia tua in terra oblivionis* (Ps. LXXXVII, 13) ?

*Resp.* Rectissime appellatur oblivionis terra impiorum caro a Domino derelicta. Et aliter : Terra oblivionis etiam in illo accipi potest quod dicit : *Quoniam non est in morte qui memor sit tui : in inferno autem quis confitebitur tibi* (Ps. vi, 6) ?

*Int.* Quomodo juvenus aquilæ renovatur, secundum illud quod legimus : *Renovabitur sicut aquilæ juvenus tua* (Ps. cii, 5) ?

*Resp.* Aquilæ dicuntur vi nimix senectæ implumes fieri, et nido relatæ vicissim pullis suis ministrantibus pasci, donec deterso senii veterno recipiant cum pennis usum volandi. Secundum anagogen autem juvenus nostra vel baptismo vel resurrectione renovatur.

*Int.* Abyssus, inquit, sicut pallium amictus ejus (Ps. ciii, 6) : quid hic sequemur ?

*Resp.* Non bene plerique arbitrantur abyssum hic amictum Dei appellari, cum potius amictum terræ dici ipse superiorum versuum ordo declarat, eo quod terra ipsa abyso quasi quodam pallio circumfusa veletur.

*Int.* Quomodo stant super montes aquæ ? quia scriptum est : *Super montes stabunt aquæ ?*

*Resp.* Utique cum aut plenæ aquis nubes super montes dependent : aut cum in mari undæ ad montium instar excitantur.

*Int.* Quid sentiendum est in hoc quod legimus : *Draco iste quem formasti ad illudendum ei* (Ps. ciii, 26) ?

*Resp.* Draco iste diabolus est, sed ante forinatus a Domino, quam in nomen diaboli voluntariæ nequitix transiret instinctu. Hunc propheta Isaias (xi, 7) a parvulis describit illudi.

*Int.* Qua ratione intelligendum est quod scribitur : *Ferrum pertransivit animam ejus* (Ps. civ, 18) ?

D *Resp.* Christus hic manifestissime designatur, eo quod resurgendo affigentium clavorum dolorem cruciatumque superavit. Potest hic ferrum et tribulatio duræ necessitatis intelligi, quia animam dixit : aliquando tamen anima in Scripturis pro præsentī vita appellatur, ut in Evangelio : *Nonne animā plus est quam esca* (Matth. vi, 25) ?

*Int.* Quid inter psalmum et canticum interest ?

*Resp.* Quod psalmi ex psalterio appellantur, at vero canticum ex voce profertur : et quod canticum pro scientia, pro opere vero psalmus accipitur. Psalmus ergo ad actualem, id est ad practicam : canticum vero ad theoriam, id est, contemplativam refertur.



*Int. Juravit Dominus, nec pœnitebit eum (Ps. cix, A 4) : quomodo juravit Dominus?*

*Resp. Jurare Domini est immutabiliter promittere. Recte igitur istud commutatio sermonis usurpat, eo quod promissio ejus sacramenti obtineat firmitatem.*

*Int. Quid indicat illud quod scribitur : De torrente in via bibit, propterea exaltabit caput (Ps. cix, 7)?*

*Resp. Ad personam Christi ista referenda sunt, quia de torrente, id est, passione : in via, id est, in saeculo bibit; propterea Deus exaltans caput ejus, donavit illi nomen quod est super omne nomen (Phil. II, 9; Ps. cix.).*

*Int. Quindecim illi psalmi quam ob causam canticum graduum prænотantur?*

*Resp. Quindecim quondam gradibus, sicut ostendit historia, ascendebatur in templum : atque ideo hi psalmi quindecim cantici graduum inscriptione signantur, quod nos per quosdam profectus ad sublimia spiritalium rerum provectione perducant.*

*Int. Sagittæ, inquit, potentis acutæ cum carbonibus desolatoriis (Ps. cxix, 4) : quæ hujus versus intelligentia est?*

*Resp. Sagittæ potentis verba Domini sunt, quæ charitate ejus corda nostra configunt. Carbones vero desolatorii sunt, qui peccata dissolvunt, secundum illum carbonem Isaïæ prophetæ (vi, 6), qui ad labia ejus defertur, ut purget vitia, quæ contraxerat vel loquendo, vel ob timorem tacendo.*

*Int. Quid sibi vult quod scribitur : Ecce non dormitabit, neque dormiet qui custodit Israel (Ps. cxx, 4)?*

*Resp. Dormire interdum in Scripturis Dominus dicitur, cum in nobis potius fides dormit, et dormitantem infidelem relinquit. Nescit vero ille deesse quærentibus se, non novit dormire vigilantibus.*

*Int. Legimus in psalmo (cxxi, 3) de Hierusalem : Cujus participatio ejus in idipsum : quid hic sequemur?*

*Resp. Quod diversæ partes unam constituent civitatem, vel diversa membra unum Domini corpus efficiant.*

*Int. Quid sentiendum est de eo quod scribitur : Forsitan pertransisset anima nostra aquam immensam (Ps. cxxiii, 5)?*

*Resp. Forsitan in Græco scriptum est ἄρα, quod Latine manifestius interpretatur putas, ut sit sensus iste : Putas pertransisset anima nostra aquam immensam, nisi Dominus fuisset in nobis?*

*Int. Quid est quod scribitur : Convertite, Domine, captivitatem nostram, sicut torrens in Austro (Ps. cxxv, 4)?*

*Resp. Exsultantis animæ vox est, et ex vitiorum vinculis in libertatem conversionemque redeuntis, qua postulat, ut ita divinæ miserationis aspiratione ex peccatorum captivitate solvatur, sicut constricti glacie torrentes Austri tepore solvantur.*

*Int. Qualiter intelligendum est illud : Ecce hæreditas Domini filii, merces fructus ventris : sicut sagittæ in manu potentis, ita filii excussorum (Ps. cxxvi, 3)?*

*Resp. De futuris se ibi loqui propheta significat, qui post illam sessionem surgendi tempus declarat. Idem posteaquam dederit dilectis suis somnum, ostendit quæ futura sit resurrectio illa sanctorum, dum dicit : Ecce hæreditas Domini filii, merces fructus ventris. Ipsa itaque Domini est hæreditas in filiis, quam pro mercede fructus ventris indeptus est : quia salvator fructus est ventris, cujus utique merces est, ut ei gentes hæreditas sint, quas per fidem generat in filios. Sagittæ autem apostoli recte appellantur, qui orbem terræ quasi volatu peragrantes, doctrina sua infidelium corda penetrarunt : quos filios excussorum, id est, prophetarum, optime propheta designat. Nam utique cum in prophetia sua executioni traduntur prophetæ, quid aliud in illis nisi inventi apostoli manifestantur? Excussis itaque prophetis, quia apostoli generati sunt, recte appellantur filii excussorum.*

*Int. Quid est quod legimus : Sicut ablactatum super matre sua, ita retribuisti in anima mea (Ps. cxxx, 2)?*

*Resp. Animæ nostræ ablactatio est, cum ab ignorantia infantiae ad perfectum cibum vitæ consummatione sensus erigitur. Igitur supra dixerat : Si non humiliter sentiebam, id est, humilia et terrena cogitabam : sed exaltavi animam meam, hoc est, sed ad cœlestia mente contendere : hæc mihi fiat retributio, ut animam meam intellectus consummatio consequatur.*

*Int. Beatus, inquit, qui restituet tibi quod tu restitui nobis (Ps. cxxxvi, 8) : quis hic intelligendus est?*

*Resp. Psalmus hic et de captivitate Judæorum cum in Babylonem ducti sunt, et de peccatoribus qui expulsi ab Ecclesia confusioni traduntur, intelligi potest. Hic ergo secundum historiam, ut quidam opinantur, significatur Cyrus rex, qui hanc restitutionem subversa Babylone restituit, et usque ad parvulos ejus illic omni internecione desæviit. Interiore vero sensu, Babyloni vicem ille restituit qui eam captivam ducit, quæ se prius habuerat peccati lege captivam, et exordia vitiorum ad petram, quæ est Christus, e'idit.*

*Int. Sæpe in Scripturis dicitur : Confitebor tibi, Domine : qualiter hoc intelligendum est?*

*Resp. Non semper pœnitentiam videtur significare confessio. Nam confitebor interdum ponitur pro laudabo, vel pro gratias agam, vel pro glorificabo Dominum.*

*Int. Imperfectum meum, inquit, viderunt oculi tui : et in libro tuo omnes scribentur (Ps. cxxxviii, 16) : quæ hic significantia est?*

*Resp. Oculi Domini imperfectum nostrum vident, quia Deus hominem etiam priusquam formetur agnoscit. Et aliter : Imperfectum nostrum vident oculi Dei, quia cogitationes nostras etiam antequam perficiantur introspectit. In libro autem ejus scribentur omnes, quia omnes homines non absque ejus voluntate nascuntur, vel omnes voluntates nostræ apud eum plenissime describuntur. Sequitur autem : Die*



replebuntur, et nemo in eis. Die, id est, Christo replebuntur, ac præter Christum nemo in eis erit qui, Deo pleni, ea quæ Dei non sunt recipere non possunt.

*Int.* Quæ sunt pulli corvorum de quibus scribitur : *Et pullis corvorum invocantibus eum* ( Ps. cxlvi, 9 ) ?

*Resp.* Fideles filios significat de infidelibus procreatos.

*Int.* Quid indicatur in hoc quod legimus : *Ante faciem frigoris ejus quis subsistet* ( Ps. cxlvii, 17 ) ?

*Resp.* Tentationem per hoc frigus ostendit.

*Int.* Qua ratione appellantur ancipites illi sanctorum gladii de quibus scribitur : *Et gladii ancipites in manibus eorum* ( Ps. cxlix, 6 ) ?

*Resp.* Gladii ancipites dicuntur, quod in iudicio corpus atque animam punire simul possunt. Et aliter : quod puniant et supplicio præsentis poenæ, et metu futuræ. Et hinc est illud quod in eodem psalmo ( Vers. 1 ) canitur : *Cantate Domino canticum novum*, quod qui mundi purgamenta creduntur, de nationibus ac regibus judicabunt.

#### IN PROVERBIIS SALOMONIS.

*Int.* *Cervus amicitiae et pullus gratiarum fabulentur tecum* ( Prov. v, 19 ) : quid hic sequimur ?

*Resp.* Cervum amicitiae accipiendum hic quidam putant Christum, totius dilectionis et charitatis magistrum. Pullum gratiarum Spiritum sanctum, qui sit omnium gratiarum, id est, charismatum distributor. Admonemur ergo ex hoc, ut semper Christi vel Spiritus sancti solatia requiramus.

*Int.* Quid est quod scribitur : *Septies cadet justus, et resurget* ( Prov. xxiv, 16 ) ?

*Resp.* In sermone utique aut in cogitatione, cum labitur : aut certe intra septiformis spiritus gratiam, cum delinquit. Quidam propter septem dies, per quos vitæ humanæ cursus revolvitur, septies hic dictum esse confirmant : eo quod absque peccato vitæ istius cursus esse non possit.

#### IN ECCLESIASTE.

*Int.* Quid est quod in Ecclesiaste legimus : *Florebit amygdalum, et impinguabitur locusta, et dissipabitur capparitis : quoniam ibit homo in domum æternitatis suæ* ( Eccl. xii, 5 ) ?

*Resp.* Tradunt per hæc humanorum membrorum fieri significantiam. Nam in flore amygdali canos capillos, in impinguatione locustæ tumorem pedum, in dissipatione capparitis concupiscentiæ frigus ostendit. Quæ cum seni in postremæ vitæ tempore accesserint, tunc necesse est in terram, id est, quasi in æternitatis suæ domum redeat. Bene tamen hæc æternitatis domus etiam illa futura terra accipitur, de qua scriptum est : *Placebo Domino in regione vivorum* ( Ps. cxiv, 9 ).

#### IN CANTICIS CANTICORUM.

*Int.* Quid est illud quod de Ecclesia scribitur : *Fusca sum et speciosa filia Hierusalem* ( Cant. i, 4 ) ? Si fusca, quomodo speciosa ?

*Resp.* Quia ante examinationem sui Ecclesia pro diversitate in se consistentium bipartita est : in san-

ctis speciosa est, in peccatoribus fusca. Sicut et Hierusalem modo sanctam civitatem ( Matth. iv, 5 ) Scriptura commemorat, modo peccatricem ( Matth. xxiii, 37 ).

*Int.* Nomen fratruelem quid sibi vult in Canticis Canticorum ?

*Resp.* Ecclesia, cujus nomine illic ad Salvatorem ista dicuntur, fratruelem vocat Christum, qui sit filius synagogæ. Et quia Ecclesiam synagogæ sororem in sanctis nostri interdum sentire voluerunt, idcirco secundum quamdam Scripturæ elocutionem Christus Ecclesiæ fratruelem appellatur et sponsus.

#### CAPUT II.

##### De quæstionibus difficilioribus novi Testamenti.

##### IN EVANGELIO MATTHÆI.

*Int.* Quam ob causam in propheta evangelistæ quatuor diversa animalium ( Ezech. i, 5 ) specie designantur ?

*Resp.* Matthæus hominis retinet formam, quia a nativitate hominis orditur dicens : *Liber generationis Jesu Christi filii David, filii Abraham* ( Matth. i, 1 ). Marcus leonis specie præfiguratur, eo quod ut leo ingenti intulit voce : *Vox clamantis in deserto : Parate viam Domino* ( Marc. i, 3 ). Lucas annuntiatur in vitulo, quod a sacrificiis vel a sacerdotio sumat exordium, dicens : *Fuit in diebus Herodis regis Judæe sacerdos quidam nomine Zacharias* ( Luc. i, 5 ). Joannes aquila prænotatur : quia spiritu evolans ad superna tamquam de sublimi profert dicens : *In principio erat Verbum, et Verbum erat apud Deum, et Deus erat Verbum* ( Joan. i, 1 ).

*Int.* Quomodo accipiendum est quod Dominus Jesus Christus *David filius* ( Matth. i, 1 ) dicitur, cum utique natus non sit ex Joseph, qui ex David stirpe descendit ?

*Resp.* In conjugium tunc Judæi secundum legem de consanguinitate proximas assumebant. Nec dubitandum est quod hac ratione etiam Maria ex eadem tribu veniens, sicut Joseph ex David stirpe descenderit, immo processerit. Ideo autem per generationem Joseph origo Mariæ significatur, quia consuetudo Scripturarum est, virorum potius quam feminarum seriem in generatione contexere. Cujus Mariæ quia cognata, sicut legitur, fuit *Elizabeth* ( Luc. i, 36 ), quæ fuisse scribitur *de filiabus Aaron* ( Luc. i, 5 ), manifestissimum est, quod in Christo secundum carnem ex utroque genere convenerit, regum scilicet sacerdotumque successio.

*Int.* Evangelista Matthæus ( i, 16 ) *Joseph genitum ex Jacob* dicit : et quomodo Lucas ( iii, 23 ) eum *ex Heli* fuisse commemorat ?

*Resp.* Ideo quod alter secundum naturam, alter ei secundum legem pater fuerit. Consuetudo namque apud Judæos ex lege erat, ut defuncti fratris uxorem ad suscitandum semen superstes frater acciperet. Jacob ergo atque Heli uterini fratres fuerunt : quorum superiore defuncto, posterior usus est ex lege conjugio. In eorum commemoratione Matthæus Joseph prosapiam per regiam originem texuit, Lucas generationem ejus sacerdotali successione deduxit.



Pater tamen Joseph secundum naturam haud dubie Jacob fuit.

*Int.* Quare in Evangelio Maria Joseph conjux dicitur (Matth. 1, 20)?

*Resp.* Consuetudo est Scripturæ, ut etiam sponsas appellet uxores.

*Int.* Quid est quod legimus: Ipse vos baptizabit Spiritu sancto, et igni (Matth. 3, 11)?

*Resp.* Quia per Spiritum sanctum vel peccata exuruntur in nobis, vel sanctificatio tribuitur, vel charitatis in passionibus tolerandis fervor accenditur. Aut certe quia Spiritu baptizati divino judicio examinabimur. Sunt qui dicant apostolos Spiritu sancto baptizatos esse, cum super eos ignis apparuit (Act. 1, 5).

*Int.* Qualiter accipiendum est de columbæ (Matth. 3, 16) illius corpore, in qua ad Salvatorem Spiritus sancti patuit manifesta descensio: utrum ante jam fuerit, an ad tempus factum subito apparuerit?

*Resp.* Utique ad tempus ostensum. Nam ut signum visibile Spiritus sancti, qui erat invisibilis, monstraretur, verum quidem corpus columbæ illius per divinam potentiam, sed in tempore factum, ad horam apparuisse, ac deinceps destitisse credendum est. Angeli vero cum se humanis offerunt oculis, creduntur, ut quorundam opinio est, ex isto crassiore aere, id est, vicino terris ad præsens corpus assumere. Porro autem vocem aliquam ita putantur exprimere, cum illis huic aeri ictus tamquam palato verborum sonum reddit.

*Int.* Justis promittitur regnum cælorum, et quomodo etiam hoc dicitur: Quoniam ipsi possidebunt terram (Matth. 5, 4)?

*Resp.* Quia novum cælum et nova terra (Apoc. 21, 1) in futuro repromittitur justis, ut tunc cum Deo sicut angeli utrumque possideant.

*Int.* Cum dicat Salvator, Tyrum et Sidonem pœnitentiam agere (Matth. 21, 21) potuisse, si in eis divinarum apparuissent signa virtutum: quapropter illie facta non sunt, quæ salutem fuissent credentibus allatura?

*Resp.* Quia Dominus ac Salvator pro divina dispensatione non venerat, nisi ad oves quæ perierant domus Israel (Matth. 15, 24). Et quid quod non venerat nisi ad oves domus Israel? Quia inter reliquas usquequaque nationes specialius unum Israel Deum coluit, atque, ut ita dixerim, peculiaris Dei quondam populus fuit (Deut. 7, 6), ob merita Abraham (Gen. 22, 8) ac patriarcharum, vel David (Ps. 131, 11): quibus Christus proprie repromissus, atque ex eorum stirpe descendens, inde ipsam carnem (Rom. 1, 3), in qua terris apparuit, assumpsit. Sed tamen quia virtutes postea et in gentibus factæ sunt, ita testimonium hoc intelligi potest, ut ubi dicit, Non veni nisi, subaudiatur, prius: ut sic et testimonii veritas et misericordia Dei in universos prompta magis clareat.

*Int.* In Evangelio dicit Dominus et Salvator noster, Jugum meum suave onus meum leve est (Matth. 23, 30), et quomodo legitur in psalmo, Propter verba

A laborum tuorum ego custodivi vias duras (Ps. 119, 4)?

*Resp.* Equidem manifestum est quod omnes qui volunt in Christo pie vivere, persecutionem patiuntur (II Tim. 3, 12): sed tamen diligentibus Deum quæ sunt dura in re præsentium, efficiuntur levia in spe futurorum.

*Int.* Quid intelligendum est loco illo, in quo scribitur: Orate ne fiat fuga vestra hieme, vel sabbato (Matth. 24, 20)?

*Resp.* Secundum historiam ita intelligendum est, ne fiat fuga vestra hieme, id est, ne in tribulatione fugæ temporis accumuletur injuria. Ne fiat fuga vestra sabbato: ne eo utique die quo habere requiem vacationemque consueveritis. At vero secundum intellectum superiorem, ne fiat fuga vestra hieme vel sabbato, ita accipi potest: ne vos fuga illa deprehendat, aut in peccatis algentes, aut bonis operibus otiantes.

*Int.* In eodem Matthæo (26, 29) scribitur: Dico autem vobis, Non bibam amodo de hoc genimine vitis, usque in diem illum quo illud bibam vobiscum novum in regno Patris mei. Quid hic sequemur?

*Resp.* Regnum Dei, ut docti interpretantur, Ecclesia est: in qua quotidie bibit sanguinem suum Christus per sanctos suos, tamquam caput in membris suis.

*Int.* Quid causæ est quod dicitur: Amodo videbitis Filium hominis sedentem ad dexteram virtutis, et venientem in nubibus cæli (Matth. 26, 64)? Et alio loco dicitur non visuros venientem in nubibus cæli, nisi in novissimo tantum die plangentes omnes tribus terræ, et tunc videbunt Filium hominis in nubibus cæli (Matth. 24, 30)?

*Resp.* Quia in hoc primo corporis, id est, Ecclesiæ adventu annuntiatur per manifestationem claritatemque signorum: ille vero alius adventus capitis est, id est, ipsius Christi. In illo adventu per membra sua Christus venit, in hoc per seipsum.

#### IN MARCO.

*Int.* Quid significat in Evangelio quod dicit: Qui enim habet, dabitur illi: et qui non habet, etiam quod habet, auferetur ab illo (Marc. 16, 25)?

*Resp.* Verbi gratia, ut si fidem habens, charitatem non habeat, etiam ipsa fide careat, quam forte habere videbatur. Sicut Judæi per Scripturam divinam non intelligentes Christum, etiam ipsam quam se putabant tenere, Dei notitiam perdiderunt, et Filium non recipientes, etiam Patrem non habent.

*Int.* Marcus evangelista tertia hora diei Dominum significat esse crucifixum (Marc. 15, 25): et quomodo alius evangelista horam sextam qua crucifixus sit fuisse commemorat (Luc. 23, 44)?

*Resp.* Quia hic illam pene horam in scriptis suis retulit, qua vere crucifixus est. At vero ille horæ anterioris tempus commemorandum putavit, quo de eo Judæis acclamantibus judicatum est, quasi per anticipationem relationis ea hora crucifixus sit, qua jussus est crucifigi. Sed tamen in ipsa hac passione ejus sic tenere debemus, quod ita homo ille qui as-



sumptus sit, pro ejusdem voluntate pertulerit, ut **A** verbum illud quod in principio apud Deum Patrem erat, inviolatum intemeratumque permanserit : ergo illud injuriæ obnoxium fuit, quod pro humana infirmitate susceperat : illud vero incorruptum mansit, quod divina æternitas possidebat.

IN LUCA.

*Int.* Quid est quod scribitur in Luca de Zacharia sacerdote, quod esset de vice Abia (*Luc. i, 5*)?

*Resp.* Viginti quatuor sortibus in ministerium templi distributi fuerant sacerdotes (*1 Par. xxiv, 7*), ut ordine vicis suæ quisque sacerdotali fungeretur officio : in hoc ergo ordine octavam sortem Abia habuit, de qua vice Zacharias sacerdos fuit.

*Int.* Qui illi sunt qui in Scripturis sacris nomina antequam nascerentur acceperunt?

*Resp.* In novo Testamento, præter Salvatorem, solum legimus Baptistam Joannem : in veteri quatuor sunt, Isaac (*Gen. xvii, 19*), Ismael (*Gen. xvi, 11*), Salomon, vel Josias (*III Reg. xiii, 2*) qui ortu videantur juniores esse quam nomine.

*Int.* Ad adventum matris Domini, quomodo Joannes adhuc sensu carens in utero potuit exultare materno (*Luc. i, 44*)?

*Resp.* Hoc matris magis sensu vel gaudio a quibusdam factum æstimatur, ut etiam interioribus potuerit exultare visceribus. Aut certe si hoc ad Joannem potius referre placet, inter miracula divina reputandum est, sicut et illud, cum vox asinæ in sonum sermonis erupit (*Num. xxii, 28*).

*Int.* In eodem Evangelio quid sibi vult illud quod legitur : *Factum est autem in sabbato secundo primo, cum transiret per sata, vellebant discipuli ejus spicas, et manducabant confricantes manibus* (*Luc. vi, 1*)?

*Resp.* Quidam hoc loco diem dominicum ita appellatum existimant, eo quod videatur secundus ab illa legali observatione sabbati, et primus sit evangelicæ gratiæ celebritate. Si cui autem hoc minus satisfacere videtur, quod diem ipsum magis sabbati fuisse contendat, quia scriptum sit de eo : *Quid facitis quod non licet in sabbatis* (*Luc. vi, 2*)? potest forsitan et ipse nihilominus dies sabbati ita ex hoc intelligi, ut nunc observatione nostra secundus sit, qui primus quondam fuerit observatione Judaica. Rectissime enim dies primus dies dominicus deputatur.

*Int.* Quomodo visionem illam in qua Dominus assumptis tribus discipulis glorificatus est, Lucas post octo, alii vero evangelistæ post sex dies subsecutam esse commemorant (*Luc. ix, 28*; *Matth. xvii, 1*; *Marc. ix, 1*)?

*Resp.* Lucas, qui, habito Domini apud discipulos sermone post octo dies, scribit visionem hanc discipulis ostensam, et eum diem quo Dominus locutus est comprehendit et eum quo Jesus glorificatus apparuit. Illi vero qui sex dies indicandos putaverunt, mediis tantum atque integris diebus annumeratis, quasi semiplenum primum illum diem postremumque tacuerunt.

*Int.* Rursus in eodem dicit : *Erunt enim ex hoc*

*quinque in domo una divisi, tres in duo et duo in tres dividuntur; pater in filium, et filius in patrem suum; mater in filiam, et filia in matrem; socrus in nurum suam, et nurus in socrum suam* (*Luc. xii, 52*). Quid est quod cum superius quinque videatur posuisse personas, sex in subsequentibus cum personarum significatione subjecit?

*Resp.* Mater et socrus eadem intelligi potest quæ per filiam et nurum duobus sit compellata nominibus : ac perinde et in subsequenti quinque videri potest numerus personarum.

*Int.* In parabola Lazari et divitis aliquantæ questiones incurrunt. Aut quomodo dives in tormentis sit ante judicium (*Luc. xvi, 23*); aut quomodo digitus Lazari dicatur (*Luc. xvi, 24*); numquid corpora apud inferos sint; aut ipse aquam desideret; numquid sitim corporis sentiebat?

*Resp.* Hæc omnia secundum eos affectus loquitur, quos aliquando pro necessitate corporis gesserat. Cæterum ille ante judicium tormentorum sensus quasi pro loco custodiæ in quo erat accipiendus est : reis quippe ipsa custodia etiam ante judicium non est absque tormentis. In hoc quoque quod apud infernum Abraham vidit hæc subesse, a quibusdam ratio putatur, quod etiam omnes sancti ante adventum Domini nostri Jesu Christi ad inferna, licet in refrigerii locum, descendisse dicuntur. Alii opinantur locum illum in quo Abraham erat, ab illis inferni locis in superioribus constitutum, propter quod dicat Dominus de illo divite : *Elevans oculos suos cum esset in tormentis, vidit Abraham de longe; sinumque ipsius Abraham designari illius regionis quietem.*

*Int.* Quomodo accipiendum est quod legimus : *Regnum Dei intra vos est* (*Luc. xvii, 21*)?

*Resp.* In unoquoque pro bonorum malorumque actuum discrepantia, aut Deus regnat, aut diabolus : quia necesse est cujus voluntatem opere procurat, ejus imperio videatur esse subjectus. Itaque si justus quidam, Deus in his regnare dicendus est; diabolus, si injustus. Potest et fides regnum Dei dici, quia *utique justus ex fide vivit : et per quam Christus habitat in cordibus sanctorum suorum* (*Hab. ii, 4*; *Eph. iii, 17*).

*Int.* Quomodo in Luca latroni Salvator dicit : *Hodie mecum eris in paradiso* (*Luc. xxiii, 43*), cum utique die illo secundum hominem corpore in terra, anima apud inferos fuerit?

*Resp.* Potest forte hic pro paradiso accipi ille attributæ quietis locus, ubi Abraham esse cum Lazaro, in Evangelio Salvator ostendit (*Luc. xvi, 22*). Aut certe ita intelligendum est, quod hanc promissionem Dominus secundum effectum divinæ potestatis impleverit, quia ubique Deum esse noscendum est.

IN JOANNE.

*Int.* Quadraginta et sex anni, affirmantibus Judæis, secundum Evangelium Joannis (*ii, 20*), in ædificatione templi quomodo ostenduntur impleri?

*Resp.* Salomonem quidem septem tantum annis domum Domini ædificasse satis constat ex Scriptura



hoc dicente: *Ædificavitque eam in annis septem* (III Reg. vi, 38). Quadraginta vero sex anni in templi restauratione ponuntur, quæ habita est in diebus Esdræ, post subversionem Hierosolymæ, captivitatemque Judæorum. Porro ipsa reparatio exædificandi templi diu tracta est, vicinis in circuitu nationibus opus assidua infestatione prohibentibus.

*Int.* Quomodo Salvator assumptum hominem duxit in cælum? aut quomodo cælum promittitur sanctis, cum dicat: *Nemo ascendit in cælum, nisi qui descendit de cælo Filius hominis qui est in cælo* (Joan. iii, 13)? aut quomodo in cælo erat, cum adhuc esset in terra?

*Resp.* Secundum carnem in terra erat, secundum Deitatem cælo non deerat. Ideo et ipse ascendit qui descendit, quia licet assumpserit hominem, tamen homo et Deus, hoc est, Christus, una persona est; et utique cum ille sit caput, sancti autem membra sint, necesse est ut sequantur membra quo caput præcessit, ut sit in cælo Christi corporis plenitudo.

*Int.* Qualiter illud accipiendum est quod scribitur: *Non enim ad mensuram dat Deus spiritum* (Joan. iii, 34)?

*Resp.* Hoc quidam de Filio proprie intelligendum esse confirmant: quia homines dum alii aliis plus minusve capiant, utique ad mensuram spiritum accipere videntur, juxta illud Apostoli: *Habentes autem donationes secundum gratiam, quæ data est nobis, differentes, sive prophetiam secundum mensuram fidei* (Rom. xii, 6), etc. Christo vero unigenito suo, qui etiam dat, non est spiritus ad mensuram datus, quia in eo est omnis plenitudo divinitatis (Coloss. ii, 9).

*Int.* Salvator dicit: *Vos ascendite ad diem hunc, ego non ascendam ad diem festum istum* (Joan. vii, 8), et quomodo postea scribitur de eo: *Ut autem ascenderunt fratres ejus, tunc et ipse ascendit ad diem festum* (Joan. vii, 10)?

*Resp.* Veritas mendacium loqui non potest. Atque ideo aliter a Jesu factum est, quam quod se pronuntiaverat esse facturum. Scenopegia solemnitas Judæorum non unum diem, sed plures dies solemnitate complectitur, sicut et Paschæ festivitas. Ergo quia dixerat, non ascendo ad diem festum hunc, utique ad diem festum ipsum, sicut prædixerat, non ascendit. Nam et sequitur in Evangelio: *Hæc cum dixisset, ipse, hoc est, Salvator, mansit in Galilæa; ut intelligamus in ea quidem solemnitate, sed non eundem diem fuisse, de qua postea scribitur: Ut autem ascenderunt fratres ejus, tunc et ipse ascendit ad diem festum.* Potest et figurate intelligi hic dies festus, ad quem Salvator se non ascensurum esse professus est, ut in se mutandam festivitatem doceret.

*Int.* Qualiter sentiendum est de loco illo, in quo de Jesu Christo Salvatore nostro scribitur: *Nemo misit in eum manus, quia nondum venerat hora ejus* (Joan. vii, 30)?

*Resp.* Hora hæc non secundum mathematicos intelligenda est, sed potius hora illa qua ipse crucifigi, qua ipse pati vellet; et ideo nondum venerat hora ejus, quia nondum universa perfecerat, quia nondum

A cuncta propositæ operationis impleverat, propter quæ homines terramque visitaverat.

*Int.* Quomodo intelligendum est quod Salvator dicit: *Cum loquitur mendacium, ex propriis loquitur, quia mendax est et pater ejus* (Joan. viii, 44)?

*Resp.* Supra dixerat Dominus ad Judæos: *Si Deus pater vester esset, diligeretis utique me, et postea: Vos ex diabolo patre estis, et desideria patris vestri vultis facere.* Ille homicida erat ab initio, et in veritate non stetit, quia non est veritas in eo. Cum loquitur mendacium, hic subaudiendum est, unusquisque vestrum, ex propriis loquitur, quia mendax est et pater ejus, id est, diabolus. Sunt qui ita disputant: *Cum loquitur mendacium, id est, diabolus, de propriis loquitur, quia mendax est, et pater ejus, hoc est mendacii ipsius pater est, quia ab ipso videatur ortum esse mendacium; ut sicut Deus Filium veritatem genuit, ita et diabolus filium genuerit falsitatem.*

*Int.* Quomodo accipiendum est illud quo dicitur: *Abraham pater vester exultavit ut videret diem meum, et vidit, et gavisus est* (Joan. viii, 56)?

*Resp.* Prophetæ videntes appellabantur (I Reg. ix, 9), ideo quod S. Spiritus munere ea quæ cæteris erant clausa, quasi conscii futurorum videbant; inter quos et Abraham Christum vidit in spiritu.

*Int.* Dicitur in Evangelio: *Scimus quia peccatores Deus non exaudit* (Joan. ix, 31), et quomodo Salvator in alio loco dicit: *Omnis qui petit, accipit* (Matth. vii, 8)?

*Resp.* Sunt qui ex hoc loco ita sentiunt: Ille, inquit, qui dixit peccatores non exaudiri cæcus fuerat, et plenam adhuc quasi infuso collyrio videre non poterat veritatem. Certum est autem divinæ misericordiæ aurem patere pulsantibus. Potest et hæc ratione intelligi quomodo Deus non exaudiat peccatores, ut etiam si exaudiantur ad impetrandam propriam salutem, non exaudiantur in signis.

*Int.* Deus et Salvator quid est quod in Evangelio Joannis dicit: *In judicium ego in hunc mundum veni, ut qui non vident videant, et qui vident cæci fiant* (Joan. ix, 39)?

*Resp.* Non minima quæstio, sed nos breviter pro necessitate quid hic doctorum opinio habeat proferemus. Ut qui non vident videant, et qui vident cæci fiant: id est, ut hi qui se non videre confitentur et medicum quærunt, videant; hi vero qui se putant videre et medicum non requirunt in sua cæcitate permaneant. Itaque in hoc judicium venisse se dixit, quo discerneret causam credentium et incredulorum. Ergo ut qui non vident videant, potest intelligi de gentibus qui visuri erant per fidem; et qui vident cæci fiant, accipi de Judæis potest, qui cæcabantur per propriam infidelitatem.

*Int.* Quomodo Salvator loquitur: *Pater major me est* (Joan. xiv, 28), et alio loco dicit: *Ego et Pater unum sumus* (Joan. x, 30)?

*Resp.* Dominus Jesus ita verus homo ut verus Deus, de Patre Deo Deus, de matre homine homo, illud secundum hominem, hoc secundum Deum lo-



cutus creditur. Juxta quam rationem divinitatis atque humanitatis, etiam in reliquis quæ aut æqualitatem cum Patre, aut humilitatem ejus sonant, facile intellectus patebit.

*Int.* Quid mysterii continet locus ille ubi Dominus pedes discipulorum lavit (*Joan. xiii, 5*)?

*Resp.* In loco illo maledictum calcanei diluitur, quod diabolo incentore animæ nostræ gressus incurrebant (*Gen. iii, 15*). Primo enim morsibus ejus nostrum patebat calcaneum. Porro cum dictum est: *Ecce dedi vobis potestatem calcandi super serpentes et scorpiones* (*Luc. x, 19*), maledictum illud abolitum est.

#### IN EPISTOLA AD ROMANOS.

*Int.* (*Rom. iii, 5*). Quæ intelligentia est capituli illius quo Apostolus proponit dicens: *Si autem iniquitas nostra justitiam Dei commendat, quid dicemus? Numquid iniquus Deus est qui infert iram?* (*Secundum hominem dico.*) Absit. Alioquin quomodo judicabit Deus hunc mundum? Si enim veritas Dei in meo mendacio abundavit in gloriam ipsius, quid adhuc et ego tamquam peccator judicor, et non (sicut blasphemamur, et sicut aiunt quidam nos dicere) faciamus mala, ut eveniant bona: quorum damnatio justa est.

*Resp.* Obscurissimus atque perplexus in Apostolo locus, et multis ad discutiendum proferendumque sensum verbis indigens; nobis tamen pro festinatione sermonis arctandus. Dixerat supra: Est autem Deus verax, omnis autem homo mendax, sicut scriptum est: Ut justificeris in sermonibus tuis, et vincas cum judicaris. Jam etiam adjicit: Si autem iniquitas nostra justitiam Dei commendat, quid dicemus? Hic de testimoniis quæ supra posuerat, nascentem eventilat quæstionem, et adjungit: Numquid iniquus Deus qui fert iram, id est vindictam? Secundum hominem dico, hoc est, secundum humanam elocutionem, quod quasi iniquum Deum appellaverat. Vel quod iram ejus dixerat, cujus passio in Deum non cadat. Absit: hoc est, absit ita credi, ut iniquum Deum esse dicamus: qui, si hæc ita sunt, iram infert delinquenti. Alioquin quomodo judicabit Deus mundum, nisi summa æquitate atque justitia? Deinde sequitur: Si enim veritas Dei in meo mendacio abundavit in gloriam ipsius. Et hoc ita proponit, ut refellentis sit, non approbantis: quia si veritas Dei mendacio hominis indiguit, nec peccator tamquam peccator, judicabitur, et quæ blasphembant in apostolos vera videbuntur. Ergo quid est quod dicit? Et si ex comparatione injustitiæ justitia elarescat, non ideo tamen homo injustus esse debet, ut Deus justus appareat. Damnatio eorum justa est, qui nos hæc affirmant dicere. Quid dicere? faciamus mala, ut veniant bona. Putabantur autem apostoli istud dicere apud eos qui male interpretabantur dictum apostolicum, illud utique: *Ubi abundavit peccatum superabundavit gratia* (*Rom. v, 20*).

*Int.* Quid illud est quod legimus: *Ut quid enim Christus, cum adhuc infirmi essemus, secundum tempus pro impiis mortuus est? Vix enim pro justo quis*

*A* moritur. Nam pro bono forsitan quis audeat mori (*Rom. v, 6*)?

*Resp.* Hoc est quod vult intelligi: Ille pro impiis mortuus est, cum vix quisquam reperitur mori velle pro justo. Nam pro bono, id est Christo, forsitan aliquis mori audeat. Hic etiam de se verecunde indicans quod pro Christo mori possit. Et aliter: Vix enim pro justo quis moritur. In veteri lege, in qua est pro mandatorum severitate justitia, vix pauci martyres sunt reperti: in novo autem instrumento, in quo est pro pietate præceptorum bonitas, innumerales martyres exstiterunt.

*Int.* Apostolus dicit de Deo Patre: *Sed pro omnibus nobis tradidit illum* (*Rom. viii, 32*), id est, Filium: quid in hoc significat?

*B* *Resp.* Traditioni acquievit. In sacris namque libris facere interdum Deus dicitur, in quibus faciendis videtur præstare patientiam. Alia quippe sunt quæ fieri Deus vult, alia quæ fieri sinit. Vult ergo fieri quod facta appareant esse meliora. At vero deteriora permittit, ut libertas humani constet arbitrii in qua arbitrii libertate bonorum malorumve sectatoribus divino judicio exhibeatur retributio justa meritorum.

*Int.* In hac eadem Epistola quid intelligendum est de hoc quod legimus: *Quis accusabit electos Dei? Deus qui justificat. Quis est qui condemnet? Christus Jesus qui mortuus est, immo qui resurrexit, qui est ad dexteram Dei, qui etiam interpellat pro nobis* (*Rom. viii, 33*).

*C* *Resp.* Hæc in quibus sibi ipse respondit, quasi *εἰπωσικώς* legenda. Et est sensus iste: Nisi forte electos suos aut Deus qui justificat, aut Christus qui pro his est mortuus, condemnabit. Minime utique, qui etiam interpellat pro nobis. Hoc est quod dicit: Nemo condemnabit electos.

*Int.* Quid sentiendum est in hoc loco in quo Apostolus loquitur: *Optabam enim ego ipse anathema esse a Christo pro fratribus meis, qui sunt cognati mei secundum carnem, et reliqua* (*Rom. ix, 3*)?

*Resp.* Anathema interdum, ut et hic, occisionem interfectionemque significat. Ergo hic Apostolus perire optat in carne, ut alii salventur in spiritu. Et aliter: Ita hic Apostolus vim nimix charitatis expressit, exoptans si fieri possit a Christo anathema esse pro fratribus, sicut et Moyses qui cum pro populo suo Deum peteret, ait: *Et nunc, Domine, siquidem dimittes illis peccata illorum, dimitte; sin autem, dele me de libro tuo quem scripsisti* (*Exod. xxxii, 31*).

*Int.* Idem loquitur de Deo: *Ergo cui vult miseretur, et quem vult indurat* (*Rom. ix, 18*): quid hic sequemur?

*Resp.* Induratur cor Deo, dum criminum pœna differtur.

*Int.* Rursum ipse affirmat dicens: *Quod quærebat Israel non est consecutus: electio autem consecuta est, cæteri vero excæcati sunt* (*Rom. xi, 7*): quis hujus rei sensus est?

*Resp.* Non quia Deus ullum volentem aspicere cæcitate perentiat: quia omnes, sicut scribitur, *vult salvos fieri* (*I Tim. ii, 4*): sed illos qui seipsos excæca-



verant, pro retributione malitiæ dicitur tradidisse A [Al. tradere], dum deserit. Tradere enim Domini est relinquere.

*Int.* Qualiter accipiendum est illud quod scribitur: Si esurierit inimicus tuus, ciba illum; si sitit, potum da illi: hoc enim faciens, carbones ignis congeres super caput ejus (Rom. xii, 20).

*Resp.* Hoc est, ignem compunctionis congeres, cum bona pro malis reddes. Et aliter: Non quod hoc animo inimicus pasci debeat, ut carbones ignis super caput ejus dum pascitur congregentur; sed quod inimicus ille cum bona pro malis recipit, si nulla malitiæ suæ poenitentia commovetur, ipse sibi potius carbones ignis super caput suum congerat.

*Int.* Cum potestas non sit nisi a Deo, sicut Aposto- B lus dicit (Rom. xiii, 1), cur non omnes bene accipi- cam administrantes reperiuntur?

*Resp.* Quia et vitam hanc omnes æqualiter a Deo capiunt, nec tamen omnes æqualiter vivunt.

#### I AD CORINTHIOS.

*Int.* Omne, inquit, peccatum quodcumque fecerit homo, extra corpus est; qui autem fornicatur, in corpus suum peccat (I Cor. vi, 18): quid hic sentien- dum est?

*Resp.* Quod cætera peccata per corpus extrinsecus admittantur, fornicatio sola in corporis passionibus administretur.

*Int.* Qualiter locus ille accipitur in quo scribitur: Numquid domos non habetis ad manducandum et biben- dum? aut Ecclesiam Dei contemnitis, et confunditis eos qui non habent (I Cor. xi, 22)?

*Resp.* Apud Corinthios quondam, sicut aliqui asse- runt, prava invaluerat consuetudo, ecclesias passim dehonestare conviviiis, in quibus vesebantur ante Dominicam oblationem, quam post cœnam noctibus inferebant: cumque divites ebrii ad Eucharistiam venirent, vexabantur inopes fame. Mos vero iste, ut refertur, de gentium adhuc superstitione veniebat. Unde etiam quibusdam locis per Ægypti rura, vel Syriæ, die sabbati nocte post cœnam dicitur ad ec- clesiam convenire.

*Int.* Cujusmodi prophetia est de qua scribitur: Si autem omnes prophetent, intret autem quis infidelis, vel idiota, convincitur ab omnibus, dijudicatur ab omnibus, occulta enim cordis ejus manifesta fiunt (I Cor. xiv, 24).

*Resp.* Prophetiæ genus duplex est: doctrinæ unum, aliud divinationis. Sed divinatio præteritis temporibus magis viguit, doctrina præsentibus. Occulta autem cordis ejus manifesta fiunt, dum in Ecclesia prophe- tante doctore conscientia compungitur audientis.

*Int.* Quid est quod scribitur, traditurus Filius re- gnum Deo Patri (I Cor. xv, 24)?

*Resp.* Traditurus quidem, sed tamen non ita tra- diturus, ut careat. Traditio autem regni nostra pro- vectio est, tunc cum esse ex integro Filii metuerimus in Patris regno.

*Int.* Quid sibi vult illud quod scribitur: Omnes qui- dem resurgemus, sed non omnes immutabimur (I Cor. xv, 51)?

*Resp.* Id est, non omnes in gloriam immutabimur, quia resurrectio et incorruptio communis est om- nium, immutatio autem ad gloriam proprie justorum.

#### II AD CORINTHIOS.

*Int.* Apostolus dicit: Obsecramus pro Christo, re- conciliamini Deo: eum qui non noverat peccatum, pro nobis peccatum fecit, ut nos efficeremur justitia Dei in ipso (II Cor. v, 20): quid hic sequemur?

*Resp.* Reconciliamini, inquit, Deo, qui Christum fecit hostiam pro peccato. Peccatum vero appellari ipsam hostiam, si in veteri Testamento requiras, invenies. Potest istud et ita intelligi, factum hostiam pro peccato Christum, quia Filium suum misit in simi- litudine carnis peccati.

*Int.* Datus est, inquit, mihi stimulus carnis meæ an- gelus Satanæ, qui me colaphizet (II Cor. xii, 7): quo- modo istud accipiendum est?

*Resp.* Dicunt quidam Apostolum sæpe dolore capi- tis esse vexatum. Melius autem puto ita accipi, ut colaphizatus in illis passionibus intelligatur, quas enumeravit ipse, dicens: Ter virgis cæsus sum, semel lapidatus sum, etc. (II Cor. xi, 25). Stimulum ergo carnis appellat tribulationem carnis; et angelum Sa- tanæ illum quo quasi immissore tanta illa pateretur ostendit.

#### AD EPHESIOS.

*Int.* Quomodo intelligendum est hoc quod Apo- stolus scribit, quod proposuerit Dominus in dispensatio- nem plenitudinis temporum instaurare omnia in Christo, quæ in cælis, et quæ in terra sunt in ipsum (Eph. i)?

*Resp.* Vere mirum est quid nunc reparetur in cælo. C Reparatur ergo secundum opinionem quorundam, illa quæ cum principe suo cecidit angelorum portio, per augmentum societatemque sanctorum, de quibus scribitur: Sed sunt sicut angeli in cælo (Matth. xxii, 30). Reparantur quoque omnia in terra, cum etiam in locum deficientium Judæorum admittuntur creden- tes ex gentibus. Et aliter: Instaurantur quæ sunt in terra, dum nos per Mediatoris nostri sanguinem con- ciliationemque reparamur. Reparantur cœlestia, cum de salute nostra gaudium nascitur angelorum.

*Int.* Quid est quod Apostolus loquitur de Deo Pa- tre: Ex quo omnis paternitas in cælis et in terra nomi- natur (Eph. iii, 15)?

*Resp.* Quia cum ille nobis Pater primus et verus sit, ab illius nomine derivatur quando alii patres ap- pellantur.

*Int.* Quomodo Apostolus dicit: Honora patrem et matrem, quod est mandatum primum (Eph. vi, 2), cum in mandatis, ut quidam ordinant, quarto sit loco?

*Resp.* Aliqui de hoc ita disserunt dicentes: Tria illa mandata quæ superiora sunt, omnia ad Deum pertinent, septem sequentia ad hominem; et tria illa ad Deum pertinentia in una legis talis tabula tene- bantur, in alia vero tabula præcepta illa erant quæ ad hominem pertinebant. Hoc itaque mandatum in septem mandatis quæ ad proximum pertinent, pri- mum est. Alii vero qui hoc mandatum non quarto, sed quinto loco, quod et nos probamus, esse confir-



mant. ita de hoc disputant : Decalogum ipsum totum, quia in illa prima lege conscriptum est, recte primum mandatum appellari, quod utique primum faciat ordo, postea aliorum in lege consequens præceptorum. Item ex hoc aliter : *Honora patrem et matrem*, quod est mandatum primum, et subjungit, in promissione. In qua promissione? *Ut bene sit tibi, et sis longævus super terram* (Exod. xx, 12). Igitur in mandatis hoc est primum mandatum, quod habeat, quam supra diximus, promissionem.

*Int.* Quid sibi vult illud quod scribitur : *Spiritum nolite extinguere* (I Thess. v, 19)?

*Resp.* Exstinguere, id est fugare per opera iniquitatis. David inquit : *Spiritum sanctum tuum ne auferas a me* (Ps. l, 13).

*Int.* Sequitur paulo post in eodem : *Ut integer spiritus vester, et anima, et corpus sine querela in adventum Domini nostri Jesu Christi servetur* (I Thess. v, 23) : quid hic intelligendum est?

*Resp.* Spiritum hic dicit utique illum sanctum, de quo supra dixerat : *Spiritum nolite extinguere*. Qui quidem cum in substantia sua non possit exstingui, exstinguitur in nobis, cum auferitur a nobis. Donum namque ejus vel gratia in hominibus sicut eorum virtutibus accenditur, ita eorum vitiis exstinguitur. Alii asserunt spiritum hic accipiendum esse animæ ipsius intellectum atque sapientiam. De quo alio loco idem Apostolus dicit : *Et ipse Spiritus testimonium reddit spiritui nostro, quod sumus filii Dei* (Rom. viii, 16). Hoc est, quod ille Spiritus sanctus huic intellectuali spiritali nostro testimonium reddat, quod sumus filii Dei. Alio quoque loco Apostolus loquitur : *Psallam spiritu, psallam et mente* (I Cor. xiv, 15). Hic spiritum pro voce ponens, et voce dicit pariter et mente psallendum.

#### AD COLOSSENSIS.

*Int.* Quid intelligendum est in capitulo illo, in quo ad Colossenses scribitur : *Si mortui estis cum Christo ab elementis mundi, quid adhuc tamquam viventes in mundo decernitis* (Coloss. ii, 20)? Et reliqua.

*Resp.* Perstringamus, ut possumus, locum summis obscuritatibus involutum. Disputat contra eos qui ex Judæis Christiani, propriis contendebant cæremoniis inhærere. Supra enim dixerat de improbabili eorum observantia in cibo et potu; et quod neomeniæ eorum et sabbata umbram futurorum prætulissent (Col. ii, 16). Rursum in consequentibus dicit : *Si mortui estis cum Christo ab elementis mundi, quid adhuc tamquam viventes in mundo decernitis?* Id est, dijudicatis dicendo : *Ne tetigeritis, neque gustaveritis, neque contrectaveritis, quæ sunt omnia in interitu ipso usu suo* (id est, dum assumantur intereunt), *secundum præcepta et doctrinas hominum : quæ sunt rationem quidem habentia sapientiæ in superstitione et humilitate, et non ad parcendum corpori*. Doctrinas hominum dicit, quia præcepta ipsa carnaliter intelligant, præcipientes in lege, prohibita non manducari : sed hoc, sicut ipse subjungit, in superstitione et humilitate supervacua, et in corporis afflictione, cui utique corpori non par-

catur, vel per ejusmodi abstinentiam vel per circumcisionem. Sequitur autem : *Non in honore aliquo ad saturitatem carnis*; ergo hoc est quod vult intelligi : Omnes ille observationes, licet in observantia aliquam sapientiæ præferre videantur figuram, quia putentur legem præceptorum tenere, tamen in superstitione sunt, non in aliquo honore Dei, sed ad explendam voluntatem observantiæ carnalis.

#### I AD TIMOTHEUM.

*Int.* Quæ singularum rerum est accipienda discretio in his quas Apostolus profert dicens : *Obsecro igitur primo omnium fieri obsecrationes, orationes, postulationes, gratiarum actiones* (I Tim. ii, 1).

*Resp.* Obsecrationes fiunt pro peccatis præteritis et præsentibus; orationes pro adipiscendis quæ speramus; postulationes cum pro aliis intervenimus; gratiarum actiones cum ea quæ poscimus impetramus, vel certe cum pro immensis Dei beneficiis gratias laudesque referimus.

*Int.* Locus ille quomodo accipiendus est, in quo scribitur : *Quorundam hominum peccata manifesta sunt præcedentia ad judicium, quosdam autem et subsequuntur* (I Tim. v, 24)?

*Resp.* Supra dixerat, *adversus presbyterum accusationem non recipiendam, nisi sub duobus et tribus testibus* (I Tim. v, 19); et paulo post addidit : *Quorundam hominum peccata sunt præcedentia ad judicium*, utique dum omnibus nota sunt; quædam autem et subsequuntur, utique dum postea in judicio comprobantur. Quod si istud aliqui in judicio Dei magis accipiendum putant, potest ita intelligi : Præcedere ad judicium illa peccata quæ ante hic unusquisque commiserit; subsequi vero illa, quibus nos quidem causas dedimus, sed jam post transitum nostrum consummata intelliguntur. Ergo subsequuntur nos in judicium hujusmodi peccata, si, verbi gratia, cui inopiæ nos causas attulimus, fame post obitum nostrum atque egestate consumptus sit.

#### II AD TIMOTHEUM.

*Int.* Alexander ærarius multa, inquit, mala mihi ostendit : reddet ei Dominus secundum opera ejus (II Tim. iv, 14). Et item : *Percutiet te Dominus, paries dealbate* (Act. xxiii, 3) : quomodo hæc intelligenda sunt?

*Resp.* Percutiet te, inquit, non percutiat; et rursum reddet, non reddat. Unde fit ut non tam maledicentis animo dicta esse videantur, quam judicium Dei atque vindictam denuntiantis. Item aliter : Et si per administrationem prophetiæ immoto animo maledicat propheta, ut illud : *Obscurentur oculi eorum ne videant* (Ps. lxxviii, 24); dicit quid eorum meritis debebatur. Quia omnis prævaricatio et inobedientia accipit justam operis atque mercedis retributionem (Heb. ii, 2).

#### AD HEBRÆOS.

*Int.* Quid in hoc sequimur quod Apostolus dicit : *Fide Jacob moriens singulos filiorum Joseph benedixit, et adoravit fastigium virgæ ejus* (Heb. xi, 21)?

*Resp.* Sceptri significatio est accipienda per virgam, et per hoc regni potestatisque fastigium in que



Christus intelligitur adoratus, qui videlicet futurus erat regni Hebræorum caput.

IN ACTIBUS APOSTOLORUM.

*Int.* Quid indicat illud quod legimus: *Sabbati habens iter* (Act. 1, 12), id est, mille passus?

*Resp.* Sabbato enim usque ad montem Oliveti ire Judæis licitum erat: vel certe sicubi fuissent, tanto spatio deambulandi licentiam præsumebant.

*Int.* Spiritus sanctus quomodo ante ascensionem a Salvatore secundum evangelistam Joannem apostolis insufflatur (Joan. xx, 22), cum secundum Actus apostolorum post decimum ascensionis diem in apostolos missus sit (Act. 11, 4)?

*Resp.* Multæ sancti Spiritus gratiarum donationes sunt, secundum illud quod Apostolus dicit: *Alii quidem datur per Spiritum sermo sapientiæ, alii sermo scientiæ secundum eundem Spiritum, alii gratia sanitatum in uno Spiritu*, etc. (I Cor. xii, 8). Igitur ante ascensionem gratiam sancti Spiritus acceperunt, qua possint peccata dimittere, et baptizare, et credentibus Spiritum adoptionis infundere; secundum quod tunc cum eis a Salvatore spiritus insufflaretur, dictum fuerat: *Quorum remiseritis peccata, remittentur eis; et quorum retinueritis, retenta erunt* (Joan. xx, 23). At vero post ascensionem multo maiorem sancti Spiritus gratiam perceperunt in operatione virtutum, et gratia sanitatum, et diversarum perceptione linguarum: juxta illud quod eisdem eodem promissum fuerat die, *ut baptizarentur Spiritu sancto, et induerentur virtute* (Act. 1, 5), qua Evangelium Christi universis gentibus possint prædicare. In hac ergo perceptione sancti Spiritus secundum Dominicæ gratiæ distributionem apostolorum demonstratur profectus, non compugnantium diversitas Scripturarum. Et aliter, quare bis datus sit Spiritus sanctus, egregie quidam doctor exposuit dicens de eo quem primum hic Salvator per seipsum dedit, et de cælis postea misit, ut significaretur dilectio proximi et dilectio Dei, quæ in cordibus sanctorum per Spiritum sanctum diffunditur (Rom. v, 5), qui datus est ad evangelizandum Dei verbum. Per quod apostoli sese in orbis partes intulerunt, quantum narrat historia, Bartholomæus in Indos, Thomas tetendit in Parthos, Matthæus Æthiopes, Andreas Scythas prædicatione molivit, Joannem Asiam divino sermone correxit, Petrus Cappadociam atque Galatiam, Bithyniam pariter et Pontum, provinciasque confines, dum Judæis prædicat, circuit: postremo Romam illustraturus accessit. Paulus ab Hierusalem usque Illyricum cum Evangelio replevisset (Rom. xv, 19), tam innumeras ac disparces nationes præceptis tamquam armis victor edomuit.

*Int.* Cum in Actibus apostolorum primum legatur: *Viri autem qui comitabantur cum eo*, hoc est cum Apostolo, *stabant stupentes, audientes quidem vocem, neminem autem videntes* (Act. 1x, 7), quomodo postea Apostolus dicit: *Et qui mecum erant, lumen quidem viderunt, vocem autem non audierunt ejus qui loquebatur mecum* (Act. xxii, 9)?

*Resp.* Superius ubi audisse vocem referuntur a

A Deo, non vocem, sed inconditum sonum vocis acceperunt, ut eos postea dicat vocem non audisse, id est, expressam verborum significantiam, qua possint intelligere quod sonabat. Ac perinde ideirco diversa vice et audisse referuntur, quia quantum ad sonum pertinet, audierunt; quantum ad verba, non audierunt.

*Int.* Quare prius *communis cibus* vocabatur, qui putaretur immundus?

*Resp.* Quod contra interdictum tunc Dei in commune cæteris pateret hominibus, qui in ciborum discretionem legis observantiam non tenebant, per quam Judæi partem Dei se esse jactabant. Purificatus est autem etiam Domino dicente ad Petrum: *Quæ Deus purificavit, ne tu commune dixeris* (Act. x, 15).

*Int.* Quid illud est quod in Actibus apostolorum, *duodecim illi qui Joannis baptismo baptizati fuerant, baptizantur a Paulo* (Act. xix, 4)?

*Resp.* Hoc ideirco, quia non in nomine Trinitatis baptizati erant. Baptismum enim Joannis licet in eum qui venturus est, baptizaret, tamen proprie Joannis Baptismum dicebatur. Unde et ab hæreticis venientes non rebaptizantur a nobis, si baptizatos constat in nomine Trinitatis: nisi impositio tantum manus ad fidem rectam conversis adhibetur, ut per hanc sancti Spiritus suscipiatur infusio.

IN EPI TOLA JACOBI.

*Int.* Quomodo dicitur: *Deus intentator malorum est, et ipse neminem tentat* (Jac. 1, 13); cum nihilominus scriptum sit: *Tentat vos Dominus Deus vester* (Deut. xiii, 3)?

*Resp.* Tentatio Domini probatio appellatur. Neque enim ille quemquam tentat in passionibus, sed a concupiscentiis nostris illa tentatio est, cum humiliati deiecemur. A Domino est tentatio, cum probat et glorificamur, et ideo Dominus intentator malorum est.

IN EPISTOLA JOANNIS.

*Int.* Quomodo perfecta charitas foras mittit timorem (I Joan. iv, 18), cum rursum scribitur: *Timor homini castus permanet in sæculum sæculi* (Ps. xviii, 10)?

*Resp.* Quisquis Deum diligit, utique absque Deo esse formidat. Hic est timor Dei, qui permanet in sæculum sæculi. Igitur timor hic de perfecta Domini charitate descendit; at vero alius timor ille de temporariis rebus nascitur: quarum sæpe amissionem veremur. Hunc timorem foras mittit divinæ perfectionis charitatis.

*Int.* Item in Epistola sua Joannes ponit: *Tria sunt quæ testimonium perhibent, aqua, sanguis, et spiritus* (I Joan. v, 8): quid in hoc indicatur?

*Resp.* Simile huic loco etiam illud mihi videtur, quod ipse in Evangelio suo de passione Christi loquitur dicens: *Unus militum lancea latus ejus aperuit, et continuo exivit sanguis et aqua; et qui vidit, testimonium perhibuit* (Joan. xix, 34). In eodem ipse de Jesu supra dixerat: *Inclinato capite tradidit spiritum* (Joan. xix, 30). Quidam ergo ex hoc ita disputant: Aqua baptismum, sanguis videtur indicare martyrium, Spiritus vero ipse est qui per martyrium transit ad Dominum. Plures tamen hic ipsam inter-



pretatione mystica intelligunt Trinitatem, eo quod A perfecta ipsa perhibeat testimonium Christo: aqua Patrem indicans, quia ipse de se dicit: *Me dereliquerunt fontem aquæ vivæ (Jer. ii, 13)*; sanguine Christum demonstrans, utique per passionis cruorem; spiritu vero sanctum Spiritum manifestans. Hæc autem tria de Christo testimonium ita perhibent, ipso in Evangelio loquente: *Ego sum qui testimonium perhibeo de meipso; et testimonium perhibet de me qui misit me Pater (Joan. viii, 18)*. Et item: *Cum autem venerit Paracletus, quem ego mittam vobis Spiritum veritatis, qui a Patre procedit, ille testimonium perhibebit de me (Joan. xv, 26)*. Perhibet ergo testimonium Pater, cum dicit: *Hic est Filius meus dilectus (Matth. iii, 17)*; Filius, cum dicit: *Ego et Pater unum sumus (Joan. x, 30)*; Spiritus sanctus, cum de eo dicitur: *Et vidit Spiritum Dei descendentem sicut columbam venientem super se (Matth. iii, 16)*.

*Int.* Quid es quod rursum in Epistola sua profert esse pro quo non debeat orari peccatum usque ad mortem (I Joan. v, 16)?

*Resp.* Utique usque ad mortem peccat ille peccator, qui in hujus temporariæ vitæ cursu poenitentiam non agit. Hæc ratione illud quoque oportet intelligi: *Qui autem blasphemaverit in sanctum Spiritum, non remittetur ei, neque hic neque in futurum (Matth.*

xii, 32). Blasphemat enim qui divinis promissis, Spirituique sancto minime credens, in quo est remissio peccatorum, reconciliari Deo in hac vita per satisfactionis opera detrectat.

*Int.* Quid significat quod in eodem legimus, *mundum in malignum esse positum (I Joan. v, 19)*?

*Resp.* Non quod a Deo mundus in maligno sit positus, sed quod vitia hominum in mundo viventium sint maligna. Hoc modo etiam illud patebit quod scriptum est: *Quia dies mali sunt (Eph. v, 16)*.

#### IN APOCALYPSI.

*Int.* Qui sunt illi septem spiritus Dei, qui in Apocalypsi (i, 4) commemorantur?

*Resp.* Illi sunt quos et propheta Isaias enumerat: *Spiritus sapientiæ et intellectus, spiritus concilii et pietatis, spiritus scientiæ et veritatis, spiritus timoris Dei (Isai. xi, 2)*. In quibus tamen spiritualia opera significantur. Omnia autem illa operatur unus atque idem spiritus (I Cor. xii, 11).

Et quidem hæc de opinionibus doctissimorum virorum exigenti tibi a me prolata sunt. Si quis tamen in prædictarum quæstionum disputationibus attulerit quæ magis probentur, reprehendens pertinaciam quæ in plerisque esse solet, non abnuo me secuturum esse meliora.

## LIBER SECUNDUS.

### PRÆFATIO AD SALONIUM.

Quoniam, fili charissime, superiore libro propositionibus tuis se retulit crebra responsio, et vereor, ne assidue interrogationes, ut sit plerumque, legenti generent ex satietate fastidium; meo nunc nomine ea quæ sponderam opus variaturus, adnectam: singulæ quæque, ut ordine ipso magis clareant, per species suas dividens, ac titulis suis subdens. Et primo veniam ad Hebræorum nominum interpretationem, e quibus certa quæque et celebriora brevitatibus causa-ponam.

#### CAPUT PRIMUM.

##### *Hebræorum nominum interpretatio.*

Adonai, in Latinum sonat Dominus. Sabaoth, exercituum sive virtutum; aut, ut aliqui volunt, omnipotens Jesus, Salvator. Nazarenus, sanctus sive mundus. Messias, unctus, id est, Christus. Michael, quis sicut Deus. Gabriel, fortitudo Dei. Raphael, medicina Dei. Adam, homo, sive terrena. Eva, vita, sive calamitas. Miror unde apud Hebræos interpretatio hujus nominis tam diversa sit: nisi forte ideo, quod eadem et edendo homini vitam attulerit, et transgrediendo calamitatem. Aut quod mulier aliis interdum vita, aliis est calamitas. Abel, luctus, vel miserabilis. Cain, possessio, vel lamentatio. Enoch, dedicatio. Mathusalem, mortem suam misit. Noe, requies. Sem, nominatus. Cham, callidus. Japheth, latitudo. Loth, declinans, sive unctus. Melchisedech, rex justus. Abram, pater ex-

C celsus. Abraham, pater videns populum, vel pater multarum, scilicet gentium. Sarai, princeps mea. Sara princeps. Notandum quod utrisque nominibus, scilicet Abrahæ et Saræ tantum a litteram Dominus addiderit, quæ tamen apud Hebræos per e legitur. Agar, advena, vel conversa. Ismael, auditio Dei. Isaac, risus; non tamen, ut quidam putant, ideo sic appellatus, quia Sara riserit, sed quod Abraham, qui tunc utique prior risisse indicatur. Rebbecca, patientia, sive quæ multum acceperit. Jacob, supplantator. Israel, vir videns Deum, sed melius princeps cum Deo. Lia, laboriosa. Rachel, ovis, vel videns Deum. Ruben, videns filios, sive videns in medio. Simeon, audiens tristitias. Levi, oppositus, sive additus. Juda, confitens, sive glorificans. Zabulon, habitaculum pulchritudinis. Isachar, est merces. Dan, iudicium, aut judicans. Gad, tentatio. Aser, latitudo, sive beatus. Nephtalim, conversantes. Benjamin, filius dexteræ. Ephraim, frugifer, sive ubertas, vel auctus Latine. Manasse, oblitus. Esau, rubens, sive acervus lapidum. Cedar, tenebræ, vel mæror. Job, magnus, vel dolens. Amalech, populus lambens, sive restinguens. Moyses, assumptio, vel liniens. Aaron mons fortitudinis. Pharaon denudans enim, sive dissipator ejus. Sed Pharaon nomen est non hominis, sed dignitatis: sicut et apud nos Augusti appellantur reges, cum propriis nominibus censeantur. Pharaon tamen ille submersus in mari Rubro proprio vocabulo Centres vocitatus est. Josue,



salvator. Athoniel, tempus ejus Dei, vel responsio Dei. Aod, gloriosus. Semegar, nomen adveniens, sive ibi colonus. Barach, fulgurans. Delbora apis vel loquax. Gedeon, tentatio iniquitatis eorum. Abimelech, pater meus rex. Thola, vermiculus ad tincturam vel coccinum. Jair, illuminans. Jepte, aperiens, vel apertus. Eschon, cogitatio, sive cingulum mœroris. Achilon, vivens Deo, vel videns Deum. Abdo, servus ejus. Sampson, sol eorum, vel solis fortitudo. Dalila, paupercula, vel situla. Eli, Deus meus. Samuel, nomen ejus Deus. Saul, expeditus, sive petitio. Jassai, insulæ holocaustum, vel sacrificium. David, desiderabilis, sive fortis manu. Jonathan, columbæ donum, vel Domini donum. Absalom, pater pacis. Salomon, pacificus. Idem Ecclesiastes, id est, concionator. Idem et Idida, id est, dilectus Domini. Roboam, latitudo populi. Abia, pater Dominus. Asa, tollens, sive, sustollens. Josaphat, Domini judicium. Joram, qui est excelsus, sed melius sublimatus. Ochozias, apprehendens Dominum. Athalia, tempus Domini. Joas, sperans, sive temporalis. Amasias, populum tollens. Azias fortitudo Domini. Azarias, auxilium Domini. Jotham, perfectus. Ahas, apprehendens. Ezechias, fortitudo Domini. Manasses, obliviosus, vel quia oblitus est. Amon, fidelis, vel nutritius. Josias, ubi est incensum, vel Domini salus. Joachaz, robustus. Joachim, cujus est preparatio. Eliachim, Dei resurrectio, Jechonias, preparatio Domini. Sedechias, justus Domini. Jeroboam, dijudicans populum, vel dijudicans supernos. Nave, latratus. Basaa, pinguedo. Helam, sæculi, vel orbis. Zambri, psalmus, vel canticum meum. Omri, crispans meus. Achab, frater patris. Jesabel, fluens sanguine, vel sterquilinum. Jehu, ipse vel est. Joatha, robustus. Zacharias, timor Domini. Sella, umbra ejus, vel petitio. Manaem, consolans. Facee, aperiens. Helias, Deus Dominus. Helisæus, Dei mei salus. Osec, salvator. Johel, incipiente Deo, sive est Deus. Amos, potens, vel fortis, aut populum debellans. Abdias, servus Domini. Jona columba, vel dolens. Micha, quis iste? Naum, germen, sive consolatio. Abacuc, amplexans. Sophonias, abscondens eam. Aggæus, festus, sive solemnis. Malachias, angelus meus. Isaias, salus Domini. Jeremias, excelsus Domini. Ezechiel, fortitudo Domini. Daniel, judicium Domini. Judith, landans, vel Judæa. Joseph, auctus. Maria, illuminata, sive stella maris : sed sermone Syro, domina. Simon, pone mœrorem, vel obediens. Petrus, agnoscens. Barjona, filius columbæ, Syrum pariter et Hebræum. Cephas, Petrus, Syrum est. Paulus, mirabilis. Saulus, tentatio respicientis, vel tentationis securitas. Andreas, virilis, Græcum est. Jacobus, supplantator. Joannes, domini gratia. Philippus, os lampadarum. Bartholomæus, filius suspendentis aquas. Thomas, abyssus, vel geminus; unde et Didymus Græce dicitur. Mauhæus, donatio. Idem appellatus est Levi. Lebbeus, corculum, id est a corde, ipse est et Taddæus, ipse est Judas Jacobi. Cananæus, possidens, sive possessio. Ita autem dictus Simon, a

A vico Chana, ipse est et Zelotes. Scarioth, memoriale Domini, vel memoria mortis. Hoc vero nomine appellatus est Judas a vico in quo natus est. Marcus, excelsus mandato. Lucas, ipse consurgens, sive ipse levans. Stephanus, norma vestra; Græco autem sermone coronatus. Augusti, solemniter stantes. Cæsar, possessio principalis. Cirenei, hæredes. Bethsaida, domus frugum. Betphage, Syrum, domus vallæ. Bethania, domus afflictionis. Genesear, ortus principis. Amaus, populus abjectus. Capharnaum, ager consolationis. Sarepta, incensa, sive angustia panis. Gethsemani, vallis pinguedinum. Golgotha, calvaria. Nazareth, flos munditiæ, vel virgultum. Ninvitæ, nati speciosi. Sidon, venatio. Zachæus, justificatus. Idumæa, rosa. Lisama, nativitas tentationis. Jordanis, descensus. Martha, provocans Deum. Magdalena, turris. Susanna, liliū. Saba, captivitas. Caiphas, investigator, sive vomens ore. Pontius declinans consilium. Pilatus, os malleatoris. Herodes, pellicius. Barrabas, filius patris, vel magistri eorum, absquo dubio Judæorum magistri, qui est diabolus. Eden in Genesi, deliciæ. Judæa, confessio. Hierosolyma, visio pacis. Sion, specula, et recte; nam hæc civitas David in monte constructa est. Babylon, confusio, sive translatio. Æthiopia, tenebræ. Ægyptus, tribulatio sive tenebræ. Tyrus, angustia. Romani, sublimes, vel tonantes. Sinai, mensura, sive mandatum, sive tentatio, vel amphora mea. Gehenna, vallis gratuita. Quidam æstimant appellatam hanc a valle Gehennon, quæ est juxta murum Jerusalem. Hebræi, transitores. Sadducæi, justificati. Pharisei, divisi. Galilæi, volubiles. Samaritæ, custodes, eo quod a Babylonis illis ad custodiam collocati sint Judæorum.

Cum in cæteris, tum et in hoc abundanter liquet, Scriptura omnis sacra quam vere divina sit, ac plena mysteriis, quando ita congruant rebus nomina, affectibusque respondeant. Sicut David, qui exprimitur in Latinum fortis manu : utique fortissimus omnibus fere bellis exstitit. Salomon, pacificus : utique in pace regnum administravit. Daniel, judicium Dei : utique in presbyterorum judicio sententiam divinæ discepcionis exhibuit. Unde quid mirum si hi futura prædicaverint, quorum etiam nomina, sicut res edocent, prophetiam sonant? Sed jam de variis vocabulis interpretationem ponamus.

#### CAPUT II.

##### *De variis vocabulis.*

Alleluia, in Latinum sonat laudate Dominum; in enim unum est de decem nominibus Dei, quæ apud Hebræos habentur. Amen, vere, sive fideliter. Diapsalma, semper : eo quod illa quibus hoc adnectitur, sempiterna esse confirmet a Deo; non commutationem metri significat, ut quidam existimant, vel spiritus prophetici refectionem. Sunt etiam qui diapsalma ideo inscribi putent, ut ex hoc sibi personarum sive sensuum intelligatur esse conversio. Osanna, salvifica, sive salvum me fac. Osi enim salvifica interpretatur, anna interjectio est deprecantis. Ergo integre dicitur, O-ianna. Sed dum corripitur aut corrumpitur, sonat



osanna. Est autem sensus, salvum fac, subaudiatur, vel populum Irael, vel totum mundum. Rhama, excelsa. In Evangelio: *Vox in rhama audita est*, id est in excelsis. Est tamen et civitas, quæ Rhama appellatur. Racha, vanus, aut inanis. Rabbi, magister, Syrum est. Man, quid? Manna, quid est hoc? Abba, pater: et hoc Syrum est. Anathema, perditio. Maranatha, Dominus noster venit, Syrum est. Anathema autem maranatha, sicut quidam dicunt, perditio in adventu Domini. Mammona, divitiæ. Theraphim, figuræ, vel imagines, melius quam incendia. Seraphim vel seraphin, ardentes, vel incendentes, juxta illud: *Qui facit angelos suos spiritus, et ministros suos ignem urentem*. Ergo seraphin virtutes in cœlis esse confirmant, quæ Deum laudent, et in ministeria diversa mittantur. Cherubin, scientiæ multitudo. Cæterum Cherubin ipsum in sancta sanctorum duo tantum significantur animalia. Aliis vero locis ubi hoc nomen legi ur, aut picturam aliquam indicat, aut varietatem.

### CAPUT III.

#### *De expositione diversarum rerum.*

Mandragora, in Genesi, genus pomi simillimum parvo peponi specie vel odore. Mazaroth zodiacon, quæ duodecim signa mathematici asserunt. Fath, clima, id est plaga Meridiana, vel Occidentalis. Rhamnus, in Psalterio, non rubus est, sed spinarum genus sentibus permolestum. Rhomphea, gladium in Latinum sonat. Nam ubi in Genesi dicitur, Gladius flammeus atque versatilis, in Græco rhomphea ponitur. Frameæ, hastæ longissimæ. Sunt qui iis etiam nunc armorum vice utentes hoc nomen tribuunt. Quidam etiam ita gladios significari putant. Capparitis, in Salomone fruteti genus in Oriente simile lentisco. Palathæ, in Regnorum, massæ quæ de recentibus ficis compingi solent. Palathæ Græcum est. Debelaim, in Osea propheta, palathas dicunt. Dabir, in Regnorum, oraculum quod erat factum in media interiori parte templi, in quo et arca Domini erat, hoc appellabatur sancta sanctorum. Byssus, genus serici grossioris, pariter et fortioris. Sunt quidam qui et genus lini esse byssum putent. Phœnicium, in Isaia, coccinum. Luteræ, in Regnorum, conchæ, vel canthari aquarii. Sed et cantharus Græcum nomen est. Lutomi, in Regnorum, lapidum cæsores: et hoc Græcum est. Creagræ, in Paralipomenon, fuscinæ, ad carnes de caldariis proferendas, Græcum est. Sambuca, in musicis genus symphoniarum. Nablum quod Græce appellatur Psalterium, quodque a psallendo dictum est. Ad similitudinem est citharæ barbaricæ in modum deltæ litteræ Δ. Tympanum, quod extenta pelle vel corio efficitur. Cinari, ut quidam putant, acetabula, quæ percussa in modulos concitantur. Thyina, ligna. De his Salomon gradus fecit in domo Domini, incognita ligna etiam peritioribus Judæorum. Sethim, spinarum in cremo genus est, e quibus lignum imputribile. Sabeth, virgulti apud Hebræos nomen est, in Genesi: Ecce, inquit, aries post tergum ejus tenebatur in

virgulto Sabeth. Lebeth, arcei minores in usum coquendi parati. In Paralipomenon: Pacificas vero hostias coxerunt in lebetis, et cacabis, et ollis. Cophinus, corbis. Hydria, vas aquarium. Condi, in Genesi, poculum vel scyphus. Lecythus, in Regnorum, ampulla olearia. Lenticula, in libro Regnorum, vasculum ex ære, habens oleum quo ungebantur in regnum. Paropsis, acetabulum majus. Aliqui et catinum ita appellari putant. Epistylia, in Regum, quæ super capitella columnarum ponuntur; Græcum est. Mechonoth, in Regum, futuræ, quas bases appellamus. Topazion, lapis pretiosus, in quo, sicut aliqui affirmant, omnium lapidum colores refulgent. Corbana, gazophylacium. Corbona autem interpretatur oblatio. Chasma, in Luca, hiatus; Græcum est. Erysibe, in propheta, ærugo, id est rubigo messium; Græcum est. Zizania, lolium. Sicera, succus ex dactylis; et omnis præter vinum liquor, qui ad bibendum, aut e pomis, aut quolibet genere conficitur, sicera nuncupatur. Nardum pisticum, nardum fidele, id est sine impostura; Græcum est. Nardum spicatum, ab eo quod species ipsa nardi in modum spicæ sit, quæ infusa conficitur. Alabastrum genus marmoris pretiosi, ex quo Evangelici illius unguenti vasculum erat. Stadium, in Evangelio spatii certa dimensio. Octo stadia mille passus efficiunt.

Hæc nomina quæ subsequuntur, in Exodo, vel in Regum libris his reperiuntur locis, quæ arcæ vel tabernaculi, aut templi Domini relationem continent. Quorum nominum vocabula, ad hæc quæ obscuriora sunt, in translatione veteri habentur. Hæc vero quæ lucidiora apparent, novæ translationis textu continentur. Vetus ergo translatio habet, sperateres; nova, ferulas.

Calamiscos, calamos. Troiscos, vel cariscos, quasi in nucis modum deformatos. Anconiscos, incastraturas. Aspidiscas, uncinos. Fimbrias, catenas. Scitalas, vectes. Lapidibus acrotomis, dedolatis. Degrapidem, cælaturam. Petalis, laminis. Perimentum, lineam. Spiras, capitella columnarum, vel sicut puto, facturam earum. Elam, porticum: sed melius interpretatur ante fores, sive vestibulum. Ergo Elam Hebraicum est. Cætera quæ superius sunt, Græca sunt maxime. Item in Ezechielis extrema parte in visione civitatis, in veteri translatione habet pastophoria, in nova gazophylacia, id est, cellulas parvas. Thee, thalamos, Aileu, frontem. Ælaucooth, vestibulum. Polyandron, multitudines. Spitamis, palmus. Gissus, definitio. Manaa, sacrificium. In Regum, cenotaphia, simulacra, quæ Græce *μορφοματά*. Sed hæc hæc hactenus. Nunc etiam illud accipe, ut quædam nomina prius Scriptura appellaverit, et ut nunc vocentur.

### CAPUT IV.

#### *De gentibus.*

Gomor, in Genesi, Galatæ, id est Galli, qui a candore corporis primum Galatæ appellati sunt, e quibus populi quondam in Orientis longinqua migrantes primum Gallogræci, nunc antiquo Gallorum



nomine Galatæ vocantur. Magog, Seythæ. Quidam A Gog et Magog, Gothos putant. Jubal, Iberi, qui et Hispani.

Thiras, Thraces. Thogorma, Phryges, Madai, Medi. Javan, Iones, qui et Græci. Unde et mare Ionium. Cethei, Citti, idem Ciprii, apud quos et urbs Cittium vocitatur. Donanim, Rhodii. Ex his Græcorum nationibus exstitere, qui a Tauro monte usque Occidentalem Oceanum maritimam oram occupaverunt. Hæ omnes gentes de Japheth stirpe descendunt.

Chus, Æthiopia. Mesraim, Ægyptus. Casleim, qui postea Philistini, nunc Palæstini. Idem tamen et Allophyli. Idem et alienigenæ appellati sunt. Horum civitas Ascalon. Saba, Arabia. Saba vocitatur et regio in qua nunc Sabæi. Evila, Getuli. Labain, B nunc Libyes, quondam Futhæi appellabantur, Tharsis, sive Carchedon, Carthago est: quidam Tharsos Ciliciam arbitrantur, quia et civitas Tharsis illic sita est. Africa, appellata ab uno ex posteris Abrahæ de Cethura, qui vocatus est Apher. Ismahelitæ, vocati ab Ismaele filio Abrahæ. Idem et Saraceni, a Sara. Idem et Agareni, ab Agar. Nabatheï, a Nabeth filio Ismaelis appellati, qui ab Euftrate ad mare Rubrum porriguntur. Chananei appellati de Chanaan filio Cham. Horum terram Judæi expulsis incolis possederunt. Hi omnes de origine Cham veniunt. Assur, Assyrii ab Assur filio Sem. Hi urbem Ninum ex nomine Nini regis condiderunt, quæ nunc Ninive vocatur. Syros appellatos quidam asserunt ab Asurim filio Abrahæ ex Cethura. Us, quæ et Auxitidis regio C circa Coelesyriam, ita ab Us Sem pronepote appellata. Elamitæ, Persæ, ab Elam filio Sem. Hebræi cognominati sunt ab Heber, qui pronepos fuit Sem. Casdei, nunc Chaldæi vocantur, et Casdei a Cased, filio Nachor fratris Abrahæ. Hi omnes de Sem posteritate procedunt.

#### CAPUT V.

##### *De locis.*

Jebus, ipsa est Jerusalem, ipsa est et Salem, in qua regnavit Melchisedech. Hæc nunc ab Helio Adriano vocatur Helia. Babel in Genesi, nunc Babylon vocatur. In hoc loco cum turrem quondam homines ædificare adversus cælum aggressi essent, dispersi sunt, immensa divinitus confusione linguarum. Achar, nunc Nisibis vocatur. Reblatha, nunc D Antiochia appellatur. Eadem est Epiphania. Sicem, hæc est et Sicema, nunc Neapolis civitas Samaritanorum. Olibania, in propheta, civitas in qua Edom principes habitaverunt. Ariel, in Isaia, hanc quidem esse putant Ariopolim, ab idolo Martis Ariel, quod illic situm est. Interpretatur autem Ariel leo Dei, Jerusalem figuratiter significans. Ararath, Armenia, in cujus montibus post diluvium arca consedit, adeo ut illic aliqua indicia nunc usque permaneant. Arbæ, quæ Arbos in nostris codicibus corrupte legitur, in qua tres patriarchæ sepulti sunt, Abraham, Isaac, et Jacob, et præterea Adam ipse. Hæc est etiam Hebron, in qua David regnavit. Led, ipsa est

A Lydda, ipsa est Diospolis. Decapolis, in Evangelio, regio est habens civitates decem. Accaron, urbs Palæstinæ. Antilibanus, loca appellantur quæ supra Libanum montem Orientalem plagam respiciunt. Effrata, civitas Bethlehem. Eufrates vero fluvius de paradiso. Mesopotamia idcirco dicitur, quod Tigride et Euftrate fluminibus ambiatur. Samaria ipsa nunc Sebaste appellatur. Emaus, in Evangelio, nomen quondam castelli, nunc civitas, quæ Nicopolis dicitur. Calvaria, locus ob hanc causam dictus, quod de consuetudine in eodem loco damnati capite truncarentur. Ariopagus, curiæ apud Athenienses nomen est, quæ a Marte nomen accepit.

#### CAPUT VI.

##### *De fluminibus vel aquis.*

Geon, fluvius est Æthiopiæ, de paradiso emergens, quem Nilum usitato nomine appellant. Phison, fluvius Indiæ, idem quoque a paradiso fluens: hunc alii Gangen vocant. Siloe, fons est in Jerusalem de radice montis Sion bulliens, qui non semper, sed in certis horis diebusque emanat per antra saxaque decurrens. Jordanis, ideo dictus est, quod duo fontes in unum confluant, quorum alter dicitur Jor, alter Dan appellatur. Mare Galileæ, idem et mare Tiberiadis, idem et stagnum Genesar, idem et lacus Genesareth. Mare Salinarium, hoc vocatur et maro Mortuum, vel Asphalti, id est, bituminis, a Jericho haud longe abest. Bethsaida, piscinæ in Jerusalem, in quam et ægri deferebantur: ideo et Probatica, id est, pecualis appellatur, quod hostias in ea quondam sacerdotes lavabant.

#### CAPUT VII.

##### *De mensibus.*

Nisan, in libro Esdræ, mensis quem dicunt Martium, quique in Scripturis appellatur mensis primus. Elul, in Machabæorum libro, Augustus, qui apud nos mensis sextus vocatur. Casleu, in Zacharia propheta, November, qui est nonus. Tebeth, in libro Hester, December, qui est decimus. Sabath, in Zacharia propheta Januarius, qui apud nos undecimus. Adar, in libro Esdræ, Februarius, qui apud nos duodecimus. Quod si etiam reliqua Hebræa mensium vocabula, quæ in canone non reperi, scire voles: D Jar vocatur mensis secundus; Sivan tertius; Thamus quartus; Alo quintus; Tisri sextus; Mareson septimus.

#### CAPUT VIII.

##### *De solcmnitatibus.*

Annus jubilæus, annus quinquagesimus, qui erat annus remissionis, quo in Israel unusquisque rei suæ venditor ad jus ejus etiam absque pretio revertebatur. Pascha, transcensus, Hebræum est, non Græcum. Transcensus vero idcirco dictus est, quod Hebræi ab Ægypto in terram repromissionis transcenderunt. Certe pascha nostrum est, quod Salvator ab inferis resurgens cælorum regna transcendit. Phuse, itidem pascha est transcensus, vel transitus.



Sunt qui magis transcendens, vel transitum ex hoc A appellatum affirmant, quod eadem nocte Dominus per Ægyptum transierit, cum Ægyptiorum primogenita cuncta percussit (*Exod. xiii, 15*). Pentecoste, quinquagesima, Græcum est. Hujus quinquagesimæ figuram annus jubileus gessit, quique nunc iterum futuræ repromissionis æternam requiem præfigurat. Scenopogia, cum tabernacula a Judæis figuntur, ob memoriam tabernaculorum. Σκηνή enim Græce tabernaculum dicitur. Hæc Judæorum solemnitas Septembri mense celebratur. Encæniam, novæ ædificationis observatio vel dedicatio. *ἑνὴν* namque in Græca lingua novum significat. Ergo in hac solemnitate Judæi Octobri mense dedicationis templi colebant diem. Epiphania, Græcum est, quod significat apparitio, vel ostensio : sive quod eadem die B Dominus et Salvator noster in baptismo suo populis fuerit ostensus ; sive quod stella magis ; sive quod primo signo Domini aqua in vinum versa tunc apparuerit. Neomenia, hoc est, quod apud nos kalendæ. Sed quia apud Hebræos secundum lunæ cursus menses supputantur, et *μῆνη* Græce luna appellatur, idcirco neomenia nova luna accipi potest. Parasceve, præparatio, Græcum est. Parasceve enim sexta sabbati appellatur. Hinc vero præparatio dicitur, quod a Judæis eadem die quæ in sabbato sunt necessaria, præparentur. Sabbatum, requies, Hebræum est. Idcirco autem requies, quod in eadem die Dominus ab opere, perfectis omnibus absolutisque requievit.

## CAPUT IX.

## De idolis.

Idola, simulacra, Græcum est. Beelphegor, quod interpretatur simulacrum ignominie, idolum est Moab. Hunc Latini Priapum appellant. Beel, quod interpretatur, vetustas, idolum est Babylonium. Fuit vero hic idem Belus pater Nini regis Assyriorum. Adramelech, idolum Assyriorum, quod etiam Samaritæ coluerunt. Astarten, quod in Latinum sonat factura superflua, idolum Sydoniorum dicunt. Beelzebub, interpretatur vir muscarum, Diabolus, deorsum fluens ; Græce vero criminator dicitur. Satan, in Latinum sonat adversarius, sive transgressor. Syrenæ, in Isaia, demones, aut dracones magni, cristati pariter ac volantes, ut a quibusdam putatur.

Ululæ, in Isaia, ab omni translatione nomine ipso D Hebræo *lim* appellantur. Septuaginta tantum interpretes pro his onocentauros in translatione posuerunt. Sunt qui ululas putent aves esse nocturnas, ab ululatu vocis quem efferunt, quas vulgo cavannos dicunt. Lamia, genus monstri, ut quidam affirmant. Pilosi, in Isaia, genera demonum. Hos nonnulli etiam doctissimorum incubones, vel satyros, aut quosdam silvestres homines putaverunt.

## CAPUT X.

## De vestibus.

Ephod, vestis sacerdotalis, quæ superindumentum vel superhumerales appellatur. Est autem velut in

caracelle modum, sed sine cucullo. Cujus vestimenti duo sunt genera, unum lineum et simplex, quod sacerdotes habebant ; aliud diversis coloribus de auro, purpura, et bysso, hyacintho, gemmisque contextum, quo soli pontifices utebantur. Poderis, sacerdotalis linea corpori penitus astricta, eademque tabris, unde et poderis appellata : hæc et subucula dicitur. Logion, quod et rationale, pannus exiguus, ex gemmis, auro coloribusque variis, qui superhumerali contra pectus pontificis annectebatur.

Cidaris, pileus sacerdotalis ex bysso. Hunc Græci et nostri tiaram, quidam etiam mitram vocant. Petalum, aurea lamina in fronte pontificis, quæ Dei nomen illud ineffabile tetragrammaton, quatuor litteris Hebræis gerebat scriptum. Penula, in Apostolo, B Latinum est. Est autem quasi lacerna descendantibus clavis. Baddim, in Daniele, vestes lineæ, quibus feminalia, ut arbitror, significantur. Badenim apud Hebræos linum dicitur : unde et in quibusdam locis legitur, Ephod bad, hoc est, ephod lineum ; non autem Ephod barud, ut quidam corrupte legunt. Diplois, in Regum libris, sagum, vel chlamis, *ἀπὸ τῷ διπλόω*, quod duplicetur : et omne indumentum quo dupliciter ambimur, diplois appellari potest. Melotæ, in Regum libro, pellis simplex, qua monachi Ægyptii etiam nunc utuntur, ex uno latere dependens. Theristrum, in Genesi, apud Arabes, genus pallii muliebris. Periscelides, in Isaia, ut quidam dicunt, apud feminas crurum ornamenta.

## CAPUT XI.

## De avibus vel volatilibus.

Pelicanus, avis parva, quæ solitudine delectatur. Est et aliud pelicanorum genus in Nilo pene cygnis simile, nisi quod paulo majores sunt. Quidam ita et onocrotalos vocant. Nycticorax, noctua ; multi bubonem esse contendunt. Sunt etiam qui asserunt esse Orientalem avem, quæ nocturnus corvus appelletur. Ibis, in Pentateucho, avis Ægyptia obscenitate oris immunda, quo alvum purgare consuevit. Herodius, in psalmo (*Ps. ciii, 17*), ardea a quibusdam putatur. Larus, in Pentateucho (*Lev. xi, 16 ; Deut. xiv, 15*), gaviam significat.

Cœnomyia, non musca canina, ut quidam putant, in psalmo (*Ps. lxxvii, civ*), accipienda est, sed musca omnimoda : et ideo non per *y* Græcam litteram, sed per diphtongon *æ* scribi debet (*Deut. xiv, 15*). Ciniphes, culicum genus est aculeis permolestum.

## CAPUT XII.

## De bestiis vel reptilibus.

Rhinoceron, fera terribilis, gemina in naribus gestans cornua. Monoceron, in psalmo, unicornis appellatur. Tragelaphus, in Deuteron. platoceros, id est, cornibus latis. Erinacii, chirogrilli nuncupantur, prope magnitudine mediocrium cuniculorum, de cavernis petrarum procedentes gregatim ; in eremo quæ est contra mare Mortuum, depascuntur. Hericii, qui et echini dicuntur, ita spinoso defen-



dantur tegmine, ut nec contingi quidem possint. **A** Bruchus, in psalmo (Ps. LXXVII, CIV), locustæ quæ nondum volant, quam vulgo olbam vocant.

### CAPUT XIII.

#### *De ponderibus.*

Talentum, est pondo LXII, quod faciunt LXXX libræ Atticæ. Mina, est libra una, et semuncia. Talentum habet minas LX. Mina Græce, Latine mina dicitur. Drachma habet scrupula [At. scripula] tria. Didrachma, drachmæ duæ sunt. Unde miror quomodo in libro Hebraicarum Quæstionum semuncia scribatur. Stater, est nummus habens (ut quidam affirmant) unciam unam; id est, aureos sex; ut alii putant, tres. In Evangelio enim pro duobus didrachmis stater datur. Sicel, qui in Latina lingua corrupte siclus dicitur, ut in Quæstionibus superscriptis indicatur, uncia **B** pondus habet, ut alibi scriptum reperi, scrupula [At. scripula] decem: quod et ipse arbitror. Nam siclus ipse, vel sicel, de propinquitate ponderis quasi sicilicus sonat. Obolus est scrupulum dimidium, quod facit siliquas tres: in Ezechiele. Siclus autem **xx** obolos habet.

### CAPUT XIV.

#### *De mensuris.*

Corus, est modii xxx. Batus, amphora una; id est modii tres. Cadus, Græca amphora est, habet urnas tres. Ephî, sive opha, modii tres. Ephî idem mensuræ habet in aridis, quod in liquidis batus. Metreta una, ut quidam dicunt, habet sextarios centum. Mensura autem Græce μέτρον dicitur, unde metreta appellatur. Notandum vero, quod mensura Hebræum nomen est, Artabæ in Isaia, Ægyptiorum mensuræ, quæ tres faciunt modios x. Sata idem sunt quod ephî, id est modii tres. Gomor mensura est Attica, habens (ut quidam opinantur) chœnices tres, id est sextarios xii. Alii gomor dicunt paulo minus a sextariis quinque: quod etiam ipse sequor, eo quod gomor sit decima pars ephî. Nebel quidam Putant modios tres. Sextarius est dimidium cotylæ in liquidi specie. Cotyla, hemina est. In Ezechiele, Decem, inquit, cotylæ sunt gomor.

### CAPUT XV.

#### *De Græcis nominibus.*

Accipe nunc cæterorum nominum significationes, quæ Ecclesiæ ore celebrata in sermonem nostrum **D** convertuntur ex Græco, Theos, Deus. Theos autem, ut quorundam opinio habet, ἀπὸ τοῦ θεάομαι, id est,

a spectando, id est omnia prospiciendo. Homousion, unius substantiæ. Homocusion, similis substantiæ. Christus, unctus. Paracletus, consolator, sive advocatus. Hagios, sanctus. Angelus, nuntius. Thronus sedes vel solium. Apostolus, missus, ideo quod a Domino ad evangelizandum missi sunt. Propheta, prædictor. Martyres, testes. Episcopus, superinspector; et ideo propheta ait: Speculatorem te posui domus Israel. Presbyter, senior. Diaconus, minister. Clerus, sors. Ecclesia, vocatio vel collectio. Catholica, universalis, ἀπὸ τοῦ καθ' ὅλον, quod est secundum totum.

Synagoga, conventus, vel congregatio. Ethnicus, gentilis. Hypocrita, simulator. Hæresis, secta. Monachus, solitarius. Eremus, desertum. Paroecia, **B** adjacens domus, scilicet Dei. Diocesis, gubernatio: et hoc non secundum proprietatem et potestatem verbi, sed secundum effectum. Laicus, popularis; ἀπὸ τοῦ λαοῦ, hoc est, a populo. Catechumenus, instructus, sive audiens. Neophytus, novella plantatio. Baptisterium, tinctorium. Holocaustum, totum combustum; ideo, quia integra hostia igni tradita consumebatur. Chrisma, unctio. Eucharistia, gratia. Symbolum, collatio, aut pactum, vel complacitum quod sit homini cum Deo. Hymnus, carmen in laudem Dei. Antiphona, vox reciproca. Pentateuchus, quinque volumina; id est, Moysi libri quinque: de quibus dicit Apostolus quinque verbis velle se in Ecclesia loqui. Exodus, exitus, vel egressus, scilicet populi Israel. Deuteronomium, secunda lex; in quo **C** est evangelicæ legis præfiguratio. Paralipomenon, præmissorum, vel reliquorum; id est, quod historiæ inibi contineantur, quæ in Regum libris prætermisæ sunt. Evangelium, bona annuntiatio, sive bonum nuntium. Apocalypsis, revelatio. Gazophylacium, divitiarum custodia, compositum de lingua Persica et Græca. Synodus, comitia, vel cœtus. Canon, regula. Teuchos, volumen. Apocrypha, recondita, vel occulta. Hexapla, sexcuplicia. Apologia, excusatio: unde apologeticus appellatur: vel sicut quibusdam videtur, purgatio, seu defensio. Anagoge, superior sensus. Tropologia, moralis intelligentia. Parabola, similitudo. Anacephaleosis, recapitulatio.

*Habes opusculum, fili mi charissime, in omne fere Scripturarum corpus quasi quoddam intelligentiæ **D** seminarium, quo in duobus voluminibus non parum, ut arbitror, instructionis ad edocendum te, ex rebus variis necessariisque congesti.*

## RUINARTII ADMONITIO

### IN PASSIONEM SANCTORUM MAURICII ET SOCIORUM EJUS, MARTYRUM.

1. Jam pridem a Laurentio Surio, sub sancti Eucherii episcopi Lugdunensis nomine, edita fuerant Acta sanctorum Mauricii et sociorum ejus; sed quæ ita parum sibi constarent, ut jure merito a viris eruditis inter falsa et supposititia haberentur. Ea quoque apud Mombrinium, paulo quidem emendatiora exstabant; sed ita tamen interpolata, ut Eucherio Lugdunensi attribui non possent. Unde oculatiores

viri graviter ferebant, quod tam illustrium martyrum Acta germana aut deperdita fuissent, aut saltem ita depravata et vitata, ut nullam fidem apud cordatos homines mererentur. Verum hæc diu desiderata Acta reperit tandem R. P. Petrus Franciscus Chiffletius, societatis Jesu presbyter, in antiquo cod. ms. celeberrimi monasterii Jurensis, eaque in *Paulini illustrati* parte prima vulgavit; ad quam editio-



nem collata eadem proferimus ex compluribus codd. mss., et quidem velustis, inter quos unus ex Fossatensis bibliothecae reliquiis ad annos 900 accedit. Porro Eucherii nomen indifferenter tam interpolatis, quam sinceris Actis praefixum est in codd. mss., immo et rarius sinceris: sicut et ejusdem Eucherii epistola ad Silvium aut Salvium, quam in unico cod. Regiae bibliothecae cum sinceris Actis conjunctam reperimus. Cum tamen iste codex optimae notae sit, ac praeterea in cod. quo usus est Chiffletius, habeatur, eam retinimus, atque ad aliquot codd. mss. exactam exhibemus. Eucherius autem, Passionis istius auctor, Ecclesiae Lugdunensi saeculo quinto ineunte praefuit: de quo si plura cupis, praeter eos qui scriptorum ecclesiasticorum catalogos texuere, consule, si lubet, Chiffletium, in Paulino illustrato, parte I, cap. 14 et seqq., ubi unicum Eucherium Ecclesiae Lugdunensi praefuisse contendit, cum e contrario Theophilus Raynaldus in Indiculo sanctorum Lugdunensium, cardinalis Baronius, qui ante contrarium propugnat; Mabillonius in notis ad vitam sanctae Consortiae, alique viri docti duos Eucherios Lugdunenses episcopos admittant: quorum senior Hilario Arelatensi coequalis, et ab ipso laudatus in sermone de sancto Honorato, anno 454 obierit, junior vero, de quo in Vita sancti Caesarii Arelatensis, nonnisi post concilium Arausicanum II, cui anno 529 subscripsisse dicitur.

2. Porro Eucherii narratione uti fuisse videntur Gallicani Patres in contextendo officio, quod in horum martyrum die festo legebatur. Id certum videtur ex Missali Gothico, cujus locum infra descripturi sumus. Quin et ea videtur esse Passio, quam ex consuetudinis debito lectam fuisse testatur sanctus Avitus, Viennensis antistes, in homilia quam de istis martyribus habuit. Quae enim fuisset in Eucherii narratione habentur, ea paucis verbis exprimit Avitus in fragmento ejusdem homiliae quod nobis superest. Hos quippe martyres, quos *Felicem exercitum* appellat, semel et iterum sorte *decimatos* fuisse agnoscit, ac tandem omnino consumptos. Sed fragmentum integrum exhibendum est, quod ex antiquissimis in cortice exaratis schedis bibliothecae Thuanae descripsit vir sacrae antiquitatis studiosissimus Jacobus Sirmondus. Has autem schedas, quae in bibliotheca Regia modo asservantur, vivente adhuc Avito, aut saltem paulo post ipsius obitum scriptas fuisse affirmat qui eas inspexerunt viri peritissimi. Homiliae vero praedictae titulus sic habet: *Dicta in basilica sanctorum Agaunensium, innovatione monasterii ipsius vel passionis martyrum*. Homilia vero sic incipit: *Præconium Felicis exercitus, in cujus congregatione beatissima nemo periit, dum nullus evasit, cum injustam sanctorum martyrum mortem quasi sortis iustitia judicaret, qua bis super aciem dispersa mansuetam, centuplex decimatis fructus accresceret, et odio in prosperum suffragante, eatenus eligerentur singuli, donec simul colligerentur electi, ex consuetudinis debito series lectae passionis explicuit*. Monasterii Agaunensis non semel meminit Marius, Aventicensis episcopus, in Chronico potissimum ad annum 515, *Florentio et Anthemio consulibus, quibus, ut ait, monasterium Acauno a rege Sigismundo constructum est*. Quod de hac innovatione, uti videtur, intelligendum est. Etsi enim antea steterit monasterium, ita tamen hujus pii principis liberalitate auctum fuit, ut merito ejus conditor appellari queat.

3. Porro etsi horum martyrum nomina pleraque ignota sint, celeberrima tamen semper in Ecclesia fuit eorum memoria, quod non ex his solum quae protulimus constat, verum etiam ex aliis veteribus auctoribus, qui eos sub *sanctorum Acaunensium*, a loco martyrii, vel *legionis Thebae* nomine celebrarunt. *Legionem Felicem* appellat Gregorius Turonensis lib. I de Gloria martyrum cap. 75, ubi refert Sigismundum Burgundionum regem Agaunensem Ecclesiam *territoriis aliisque rebus affluentissime ditasse,*

*A* *libique instituisse quotidianum praesentium*. Item auctor in sequenti capite eorundem martyrum aliquot miracula refert. At lib. X Historiae dicit se *beatorum Agaunensium* reliquias invenisse, tum in majori ecclesia Turonensi cui praerat, tum etiam in basilica sancti Martini. In eorundem martyrum honorem Venantius Fortunatus carmen decimum quintum libri II composuit, eosque libro VIII carmine 4 inter celeberrimos martyres recenset, atque *legionem Felicem Agaunensem* appellat. Unde conicere licet, hos martyres antiquitus *LEGIONEM FELICEM* vulgo appellatos fuisse. Favet huic conjecturae sanctus Avitus loco superius laudato, ubi *exercitus Felix* dicuntur. Walafridum Strabonem, innumerosque alios variorum temporum auctores omitto, qui Agaunenses martyres celebrarunt. At praetermittere non licet veteris Liturgiae Gallicanae testimonium, desumptum scilicet ex Missali Gothico-Gallcano, quod ex veterrimo codice ms. ante annos 900 litteris quadratis exarato, Josephus Maria Thomasius, et noster Joannes Mabillonius lib. II Liturgiae Gallicanae, ediderunt. In hoc autem Missali num. 64 habetur *Missa beati Mauricii cum sociis suis*, in qua eorum historiae narratio occurrit ex nostro Eucherio absque dubio desumpta, ut utrumque inter sese conferendo patebit. Quod ut commodius fiat, Praefationem integram, quae ibi *Immolatione Missae* appellatur, proferre juvat. *Veræ æquum et justum est, nos tibi gratias agere, Domine sancte, Pater omnipotens, æterne Deus. Tu enim, Domine, Thebaeorum exercitum ad populi tui supplicium destinatum, ita subita jussionis tuae gratia revocasti, ut plus eligerent sedula devotione interfici, quam de Christianorum sanguine satiari; nec cum tantis ut te (legendum puto, nec cunctantes, te) auxiliante, persecutionis onus exceperet, cervicibus suis persequentibus inclinare. Et cum rabies inimici decerneret, ut Dei populus denumerationis instantia deperiret, ille raptus est decimus, qui anticipatione martyrii fieret primitivus. Clamor in castris oritur; virtus dimicandi contemnitur, de assumptione martyrii contentio ardua commovetur. Dei populus ferro confoditur, sanguis innocentium effunditur, fides inlibata servatur. Sic, Domine, milites protegis tuos, ut nec defuerit in passione patientia, nec in confessione constantia. Inter beatorum bella et beata certamina, plus meruit gloriosa confessio de commilitonum consortio dividi, quam manus carnificis gloriari. Totus namque Dei populus tanta ardoris fide alacritate flagrabat, ut si tardaretur persecutio corporis, praecederet devotio passionis. Tanta enim fuit constantia populi, et .... inimici, ut nec furor invenerit postmodum quod occideret, nec gloriosum remanserit quod periret. Factus est sacer ille Agaunensium locus per suffragia martyrum salus praesentium, praesidium futurorum, quem sanguinis unda perfudit, pretiosorum corporum societas consecravit. Unde merito tibi, Domine, etc.* In collectionibus vero iidem martyres sancti Acaunienses appellantur. Ex his autem patet veterem esse istorum martyrum cultum in nostra Gallia, quos majores nostri tanti fecere. Sub sancti Mauricii nomine duae metropolitanae, Viennensis ac Turonensis; totidemque cathedrales ecclesiae, Andegavensis scilicet ac Mirapicensis, Deo consecratae sunt. Et ut de cæteris taceam, inter veteres ecclesias quae olim in Remorum urbe exstabant, recensetur titulus sancti Mauricii, cujus Sonnatius et Lando ejusdem urbis antistes in testamentis suis meminere, apud Marlotum tomo I Metropolis Remensis.

4. Pauciora autem occurrunt quae de horum martyrum numero dicantur. Plebis nomine eos designat Liturgia laudata, ubi etiam sex mille et sexcenti fuisse dicuntur in Admonitione, quae pro antiquo more appellatur *Præfatio*, sicque se habet: *Omnipotentis Dei misericordiam in hujus fratres charissimi, deprecemur: ut qui tantæ plebi suae gloriam martyrii contulit; ita nobis, etc.*; qui numerus ibi exprimi videtur quod Eucherius legionem ex sex millibus ac



sexcentis hominibus tunc temporis constitisse dixerit. Cæterum totidem Agaunenses martyres fuisse dicit vite sancti Romani abbatis Jurensis auctor ipsimet Romano cœqualis, qui adeo labente sæculo quinto floruit. Porro tanta militum cædes absque exemplis non fuerat. Unicum profero ex Dionis Cassii Xiphilino in Galbæ Vita, ubi septem millia Prætorianorum militum cæsa fuisse refert hic auctor, cæteros vero decimatos.

5. Istorum vero martyrum nomina, si ea excepias quæ ab Eucherio recensentur, nobis prorsus ignota sunt. Plerique tamen Eucherianis *Innocentium* seu *Innocentem* et *Vitalem* adjungunt, qui memorantur in antiquissimis Martyrologiis, atque in Sacramentario Gregoriano ex cod. Corbeiensi Ratoldi, ut observat noster Hugo Menardus in notis pag. 180; item in antiquo cod. ms. Ecclesiæ metropolitane Remensis ab hisque nonnullis. Certe Ordericus Vitalis se ab hoc sancto martyre Vitalem appellatum fuisse refert lib. xii Historiæ ecclesiasticæ. Nomenque Vitalis, inquit, pro Anglico nomine, quod Norimannis absonum censebatur, mihi imposuit in est, quod ab uno sodalium sancti Mauricii martyris, cujus tunc martyrium celebrabatur, mutuatum est. Alios etiam ex eadem legione martyres, qui forte tunc ab exercitu aberant, aut certe ante istud excidium generale jam fuerant consummati, variæ Ecclesiæ celebrant. Quinquaginta ex ipsis Coloniæ Agrippinæ passos fuisse dicit Gregorius Turonensis lib. i de Gloria Martyrum cap. 62, quorum basilicam sanctos aureos appellatam olim fuisse monet. Gereonem et alios trecentos decem et octo, quos, inquit Ado, ex legione beati Mauricii fuisse ferunt, in eadem urbe passos memorant vulgata Martyrologia ad diem 10 Octobris. Multosum martyrem, quem Gregorius cap. sequenti in Bertunensi oppido cum Victore item martyre sepultum fuisse scribit, ex Thebæana legione fuisse nonnulli sentiunt. Usnardus die 10 Octobris hunc cum Gereone confundit his verbis: *Civitate Agrippinensi sancti Gereonis martyris, cognomento Mullosi, cum aliis cccxviii, qui, etc. hisdem vulgo accensentur martyres Taurinenses, Octavius, Adventitius et Solutor, de quibus sanctus Maximus Taurinensis episcopus duas homilias habuit, quæ exstant tomo V Bibliothecæ Patrum, parte 1. Laudantur etiam ab Ennodio Ticinensi, carm. 1. Sunt et alii celebres in variis Italiæ urbibus, ut Maximinus Mediolani, Mauricius, Georgius et Tiberius Pinarioli, Sebastianus et Alverius Fossani in Liguria, Alexander Bergomi, de quo Ughellus plura habet. Nec defuere, si Notkero aliisque credamus, legioni isti martyres ex feminis. Ex his idem Notkerus memorat Regulam, quæ cum fratre suo Felice superatis variis tormentis capite plexa est die 11 Septemb. Plura retulerat de Verena virgine ad primum diem ejusdem mensis. Alii alibi consummati passim occurrunt in Martyrologiis et peculiaribus Ecclesiarum tabulis, de quibus lusus agere non vacat. Numquam etiam mihi in mentem venit, ut velim ea propugnare ut certa et indubia, quæ absque legitimo fundamento de illis martyribus quidam auctores passim narraverunt. At celeberrimæ ejus legionis martyrium,*

A quod tantæ auctoritatis et vetustatis indubitata testimonia asserunt, in dubium vocare sinceri non est animi, nec hominis qui, rejecto omni partium studio, veritatem, undecumque affulgeat, amplecti amet.

6. Latinorum Martyrologia antiqua et recentiora sanctorum Mauricii ac sociorum ejus festum recolunt die 22 Septembris: at eorum memoriam apud Græcos nullam reperire licuit. Nam Mauricium illum quem cum septuaginta sociis militibus isti die 21 mensis Februarii celebrant, plane diversos est a nostro Mauricio, inter quos, præter nomen, vix aliquid utrique commune invenietur. Noster quippe Mauricius in Gallis cum integra legione passus est; iste autem Apameæ in Syria, præmisso ad martyrii palmam filio suo Photino, postquam decem diebus et noctibus intolerabilia tormenta cum suis sociis pertulisset, simul cum iisdem inter preces finem vivendi fecit. Hunc Mauricium martyrem laudat Theodoretus sermone 8 de Græcarum affectionum Curatione; Acta vero ipsius integra ex Simeone Metaphraste habentur die 21 Februarii Bollandiani.

7. Agaunensium martyrum passionem ad annum 297 refert cardinalis Baronius, quam tamen ad Diocletiani et Maximiani imperatorum initia potius revocandam esse censemus. Eam vero ad annum 286 consignari posse colligimus ex eo quod Maximianus Herculeus, quem, uti eruditus Baluzius in notis ad Lactantii libellum de Mortibus persecutorum observat, anno præcedenti Diocletianus in imperii consortium assumpserat, tunc temporis in Galliis cum exercitu versatus fuerit. Haud tamen diffitemur istam martyrum passionem ad sequentes annos posse etiam referri.

8. Agauni vero locus ubi hæc clades contigit exinde celebris fuit apud Christianos, cum ob tantorum martyrum memoriam, tum ob exstructum ibi insigne monasterium, quod hactenus perseverat, sub sancti Mauricii nomine notissimum. Situm est in diocesi Sedunensi ad radices montis sancti Bernardi, quod primo sub regula privata institutum, postea monachis Benedictinis cessit; ac tandem ad canonicos regulares Augustinianos devolutum est. Idem monasterium ante annum 515 exstitisse probat noster Mabillonius tomo I Actorum sanctorum ordinis Benedictini, pag. 568, proindeque a Sigismundo Burgundionum rege ditatum quidem, ac forte restauratum fuisse, non autem primitus constructum; quod ex titulo fragmenti Aviti Viennensis homiliæ superius a nobis relati certum est. Quantum vero monasterium istud olim celebre fuerit, ex eo patet quod cæterorum constituendorum veluti exemplar spectaretur, maxime in jugis psalmodiæ quam vulgo *Laudem perennem* appellabant, institutione, quæ quidem jugiter in monasteriorum ecclesiis canendi consuetudo ab Acemetis Græcis monachis accepta, in plerisque sacri ordinis nostri Benedictini monasteriis olim observabatur, ut probant veteres chartæ quæ passim in variis collectionibus editæ sunt. De hac consuetudine videsis Mabillonii prælationem ad secundam partem sæculi iv Bened. num. 204 et seqq.



# SANCTI EUCHERII

LUGDUNENSIS EPISCOPI

## PASSIO AGAUNENSIIUM MARTYRUM,

SS. MAURICII AC SOCIORUM EJUS.

(Ex Theod. Ruinartii Actis Martyrum.)

### Praefatio.

Domino beatissimo in Christo <sup>a</sup> SALVIO episcopo EUCHERIUS.

<sup>b</sup> Mito ad beatitudinem tuam, nostrorum marty- A rum passionem. Verebar enim, ne per incuriam tam gloriosi gesta martyrii ab hominum memoria tempus aboleret. Porro ab idoneis auctoribus rei ipsius veritatem quæsi, ab his utique qui affirmabant ab episcopo Genavensi sancto <sup>c</sup> Isaac, hunc quem retulit passionis ordinem cognovisse; qui, credo, rursum hæc retro a beatissimo episcopo <sup>d</sup> Theodoro viro temporis anterioris, acceperat. Itaque cum alii ex

<sup>a</sup> In codd. mss. Remig. S. Theoderici et aliis, *Silvio*. In cod. Silvæ majoris habetur alia Eucherii epistola ad omnes fideles, sed quæ antiquitatem non sapit. In codice monasterii Jurensis ann. plus quam 900 habetur hæc epistola: *Eucherius Verano filio in Christo salutem. Formulas spiritualis intelligentiæ commonendas, tibi que mittendas pro studio paternæ erga te*

*sollicitudinis, etc.*

<sup>b</sup> Ibid. et in edit., *Misi... scriptam nostrorum, etc.*

<sup>c</sup> Nudum ejus nomen inter episcopos Genevenses exhibent Sammarthani, Gallie Christ. tom. II.

<sup>d</sup> Theodorus episcopus Octodorensis sive Sedunensis, in cujus diocesi Agaunum situm est, subscripsit concilio Aquileiensi anno 581.

## PASSIO AGAUNENSIIUM MARTYRUM.

I. Sanctorum passionem martyrum qui Acaunum B glorioso sanguine illustant, pro honore gestorum stylo explicamus, ea utique fide, qua ad nos martyrii ordo pervenit. Nam per succedentium relationem, rei gestæ memoriam nondum interceptit oblivio: etsi pro martyribus singulis loca singula, quæ eos possident, vel singulæ urbes insignes habentur, nec immerito, quia pro Deo summo <sup>a</sup> pretiosas animas fuderunt; quanta reverentia excolendus est sacer ille Acaunensium locus, in quo tot pro Christo martyrum millia ferro cæsa referuntur? Nunc jam ipsam beatissimæ passionis causam loquamur.

II. Sub Maximiano, qui Romanæ reipublicæ cum Diocletiano collega imperium tenuit, per diversas fere provincias laniati, aut interfecti sunt martyrum populi. Idem namque Maximianus, sicut avaritia, li- C bidine, crudelitate, cæterisque vitiis obsessus furebat; ita etiam execrandis gentilium ritibus deditus, et erga Deum cœli profanus, impietatem suam ad

exstinguendum Christianitatis nomen armaverat. Si qui tunc Dei veri cultum profiteri audebant, sparsis usquequaque militum turmis, vel ad supplicia, vel ad necem rapiebantur: ac velut vacatione barbaris gentibus data, prorsus in religionem arma commoverat. Erat eodem tempore in exercitu legio militum, qui Thebæi appellabantur. Legio autem vocabatur, quæ tunc sex millia ac sexcentos viros <sup>b</sup> in armis habebat. Illi in auxilium Maximiano ab Orientis partibus acciti venerant, viri in rebus bellicis strenui, et virtute nobiles, sed nobiliores fide, erga imperatorem forti u- dine, erga Christum devotione certabant. Evangelici præcepti etiam sub armis non immemores, reddebant quæ Dei erant Deo, et quæ Cæsaris Cæsari restituebant. Itaque cum hi, sicut et cæteri militum, ad <sup>c</sup> pertrahendam Christianorum multitudinem destinarentur; soli <sup>d</sup> crudelitatis ministerium detrectare ausi sunt, atque hujusmodi præceptis se obtemperaturos negant. Maximianus non longe aberat; <sup>e</sup> nam

Vide Florentinii notas in Martyrologium Hieronymianum.

<sup>c</sup> Codd. Sorbon. et Germ., *dilaniandam*.

<sup>d</sup> Idem, *a crudelitatis ministerio se detrahere*.

<sup>e</sup> Mendose Germ., *Nam se octo dierum itinere fessum tenebat*. Est autem Octodurum, vulgo *Martinach* vel *Martigni*, oppidum Valesiæ in Helvetiis, non longe a Seduno et Agauno dissitum.

<sup>a</sup> Sic cod. Floriac. Alii, *pretiosas sancti animas refundunt*.

<sup>b</sup> Vegetius lib. II de Re militari cap. 2: *Romani legiones habent, in quibus singulis sena millia, interdum amplius militare consueverunt*. Certe ex variis Titii Livii et aliorum auctorum locis videtur colligi posse militum numerum non definitum fuisse, qui aliquando plures, aliquando pauciores in legione erant.



se circa Octodorum itinere fessus tenebat : ubi cum ei per nuntios delatum esset legionem hanc adversus mandata regia rebellem in Acaunensibus angustiis substitisse, in <sup>a</sup> furorem instinctu indignationis exarsit, Sed mihi priusquam reliqua commemorem, situs loci ejus relationi inserendus videtur.

III. Acaunus sexaginta ferme millibus a Genavensi urbe abest, quatuordecim vero millibus distat a capite Lemanni lacus, quem influit Rhodanus. Locus ipse jam inter Alpina juga in valle situs est : ad quem pergentibus difficili transitu asperum atque arctum iter panditur. Infestus namque Rhodanus saxosi montis radicibus vix pervium vianibus <sup>b</sup> aggerem relinquit. Elivictis transmissisque angustiarum faucibus, subito nec exiguus inter montium rupes campus aperitur. In hec legio sancta considerat. Igitur, sicut <sup>B</sup> supra diximus, cognito Maximianus Thebæorum responso, præcipiti ira servidus, ob neglecta imperia, decimum quemque ex eadem legione <sup>c</sup> gladio feriri jubet, quo facilius cæteri regiis præceptis terribili metu cederent : redintegratisque mandatis, edicit ut reliqui in persecutionem Christianorum cogantur. Ubi vero ad Thebæos denuntiatio iterata pervenit, cognitumque ab eis est injungi sibi rursum executiones profanas, vociferatio passim ac tumultus in castris exoritur affirmantium numquam se ulli in hæc tam sacrilega ministeria cessuros; idolorum profana semper detestatos, sacræ et divinæ religionis cultui institutos; unum se æternitatis Deum colere; extrema experiri satius esse quam adversus Christianam fidem venire. His deinde compertis, Maximianus omni bellua cruentior, rursus ad ingenii sui sævitiam redit, atque imperat ut iterum decimus eorum morti detur, et cæteri nihilominus ad hæc quæ spreverant compellerentur. Quibus jussis denuo in castra perlatis, segregatus est atque percussus qui decimus sorte obvenerat; reliqua vero se militum multitudo mutuo sermone instigabat ut in tam præclaro opere persisterent.

IV. Incitamentum tamen maximum fidei in illo tempore penes sanctum Mauricium fuit, <sup>d</sup> primicerium tunc, sicut traditur, legionis ejus, qui cum Exsuperio, ut in exercitu appellant, campiductore, et <sup>e</sup> Candido senatore militum, accendebat, exhortando singulos et monendo fidem; commilitonum etiam martyrum exempla ingerens, pro sacramento Christi, pro divinis legibus, si ita necessitas ferret, omnibus moriendum suadebat, sequendosque admonerat socios illos et contubernales suos qui jam in coelum

<sup>A</sup> præcesserant. Flagrabat enim jam tunc in beatissimis viris martyrii gloriosus ardor. His itaque primoribus suis atque auctoribus <sup>f</sup> animati, Maximiano insania adhuc æstuanti mandata mittunt, sicut pia, ita et fortia, quæ feruntur fuisse in hunc modum.

*Milites sumus, imperator, tui; sed tamen servi, quod libere confitemur, Dei. Tibi militiam debemus, illi innocentiam; a te stipendium laboris accepimus, ab illo vitæ exordium sumpsimus. Sequi te imperatorem in hoc nequaquam possumus, ut auctorem negemus Deum, utique auctorem nostrum, Dominum, auctorem, velis nolis, et tuum. Si non ad tam funesta compellimur, ut hunc offendamus, tibi, ut fecimus hactenus, adhuc parebimus; sin aliter, illi parebimus potius quam tibi. Offerimus nostras in quemlibet hostem manus; quas*

<sup>B</sup> sanguine innocentium cruentare nefas ducimus. Dexterae istæ pugnare adversum impios atque inimicos sciunt; laniare pios et cives nesciunt. Meminimus, nos pro civibus potius quam adversus cives arma sumpsisse. Pugnavimus semper pro justitia <sup>g</sup>, pro pietate, pro innocentium salute: hæc fuerunt hactenus nobis <sup>h</sup> pretia periculorum. Pugnavimus pro fide, quam quo pacto conservabimus tibi, si hanc Deo nostro non exhibemus? Juravimus primum in sacramenta divina; juravimus deinde in sacramenta regia: nihil nobis de secundis credas necesse est, si prima perrumpimus. Christianos ad pœnam per nos requiri jubes. Jam tibi ex hoc alii requirendi non sunt: habes hic nos confitentes Deum Patrem auctorem omnium, et Filium ejus <sup>i</sup> JESUM CHRISTUM DEUM credimus. Vidimus laborum, periculorumque nostrorum socios, nobis quoque eorum sanguine <sup>C</sup> aspersis, trucidari ferro; et tamen sanctissimorum commilitonum mortes, et fratrum funera non flevimus, non doluimus; sed potius laudavimus, et gaudio persecuti sumus, quia digni habiti essent pati pro Domino Deo eorum. Et nunc non nos vel hæc ultima vitæ necessitas in rebellionem coegit: non nos adversum te, imperator, armavit ipsa saltem, quæ fortissima est in periculis, desperatio. Tenemus ecce arma, et non resistimus: quia mori quam occidere satis malumus, et innocentes interire quam noxii vivere peroptamus. Si quid in nos ultra statueris, si quid adhuc jusseris, si quid admoveris; ignes, tormenta, ferrum subire parati sumus. Christianos nos fatemur, persequi Christianos non possumus.

<sup>D</sup> V. Cum hæc talia Maximianus audisset, obstinatosque in fide Christi cerneret animos eorum, desperans gloriosam eorum constantiam posse revocari, una sententia interfici omnes decrevit; et rem confici circumfusis

<sup>a</sup> Cod. Germ., furore instinctus indignatione exarsit.

<sup>b</sup> Germ., iter.

<sup>c</sup> Supplicium apud Romanos usitatum. Exempli aliquot refert Baronius in notis ad Martyrologium die 22 Septembris.

<sup>d</sup> Cangius in Glossario, *Primicerius*, inquit, dignitas militaris, tribuni dignitati proxima. Apud Hieronymum ad Pammachium: Sed ante primicerius, deinde senator, ducenarius, biarchus, circicitor, eques, deinde tiro. De his dignitatibus passim apud auctores.

<sup>e</sup> Codd. Regius et Germ., Candido senatore militum

accedebat ad exhortandum singulos et monendum, fideliumque commilitonum, etc. Eadem in Fossat.; sed pro exhortandum, etc., habet exhortando.... et monendo.

<sup>f</sup> Sorb., animantibus.

<sup>g</sup> Sorb., provincia.

<sup>h</sup> Reg., præcipua.

<sup>i</sup> In edit. Chifflet., Jesum Christum et Spiritum sanctum. In cod. autem German. nec habentur hæc verba, et in Spiritum sanctum, nec ista, Deum credimus.



militum agminibus jubet. Qui cum missi ad beatissimam legionem venissent, stringunt in sanctos<sup>a</sup> impii ferrum, mori non recusantes vitæ amore. Cadebantur itaque passim gladiis, non reclamantes saltem aut repugnantes; sed depositis armis cervices persecutoribus præbentes, et jugulum persecutoribus vel intectum corpus offerentes. Non vel ipsa suorum multitudine, non armorum munitione elati sunt, ut ferro conarentur asserere justitiæ causam; sed hoc solum reminiscentes, se illum confiteri, qui nec reclamando ad occisionem ductus est, et tamquam agnus non aperuit os suum: ipsi quoque tamquam grex<sup>b</sup> Dominicarum ovium, laniari se tamquam ab irruentibus lupis passi sunt. Operta est terra illic procumbentibus in mortem corporibus piorum, fluxeruntque pretiosi sanguinis rivi. Quæ umquam rabies absque bello tantam humanorum corporum stragem dedit? quæ feritas ex sententia sua tot simul perire vel reos jussit? Ne justî punirentur, multitudo non obtinuit, cum inultum esse soleat, quod multitudo delinquit. Hæc igitur crudelitate immanissimi tyranni confectus est ille sanctorum populus, qui contempsit rem præsentium ob spem futurorum. Sic interfecta est illa plane angelica legio, quæ, ut credimus, cum illis angelorum legionibus jam conlaudat semper in cœlis Dominum Deum Sabaoth.

VI. Victor autem martyr nec legionis ejusdem fuit, neque miles; sed emeritæ jam militiæ veteranus. Hic cum iter agens subito incidisset in hos qui passim epulabantur læti martyrum spoliis, atque ab his ad convescendum invitatus, prolatam ab exultantibus per ordinem causam cognovisset, ac detestatus convivas, detestatusque convivium, refugiebat; requirentibusque ne et ipse forsitan Christianus esset, Christianum se esse, et semper futurum esse respondit; ac statim ab irruentibus interfectus; cæterisque martyribus in eodem loco, sicut morte, ita etiam honore conjunctus est. Hæc nobis tantum de numero illo martyrum comperta sunt nomina: id est beatissimorum Mauricii, Exsuperii, Candidi atque Victoris; cætera vero nobis quidem incognita; sed in libro vitæ scripta sunt. Ex hac eadem legione fuisse dicuntur etiam illi martyres<sup>c</sup> Ursus et Victor, quos Salodoro passos fama confirmat.<sup>d</sup> Salodo-

<sup>a</sup> Cod. Fossat. et Chifflet., cum Sorbonic., *impium*.

<sup>b</sup> Sic cod. Sorb. Alii, *Dominicus*.

<sup>c</sup> De his vide Surium ad diem 30 Septemb. Ursi vero translationem ab OEconio episcopo Mauriennensi anno 602 factam describit Fredegarius in Chronico cap. 22.

<sup>d</sup> Solodorum hodieque superest, unius Helvetiorum pagi catholici caput; Gallis, *le canton de Soleure*, incolis vero *Solothurn*.

Arum vero castrum est supra Arulam flumen, neque longe a Rheno positum.

VII. Operæ pretium est etiam illud indicare qui deinde Maximianum trucem tyrannum exitus consecutus est. Cum dispositis insidiis genero suo Constantino tunc regnum tenenti mortem moliretur, deprehenso dolo ejus, apud Massiliam captus, nec multo post strangulatus, teterrimoque hoc supplicio affectus, impiam vitam<sup>e</sup> digna morte finivit. At vero beatissimorum Acaunensium martyrum corpora, post multos passionis annos, sancto Theodoro ejusdem loci episcopo revelata traduntur; in quorum honorem cum extrueretur basilica, quæ vastæ adjuncta rupi, non tantum latere acclinis jacet, quid miraculi tunc apparuerit nequaquam tacendum putavi. Accidit ut inter reliquos artifices, qui invitati convenisse ad illud opus videbantur, quidam adesset faber, quem adhuc gentilem esse constaret. Hic cum Dominico die, quo cæteri ad expectanda diei illius festa abscesserant, in fabrica solus substitisset, in illo secreto se subito clara luce manifestantibus sanctis hic idem faber rapitur, atque ad pœnam vel ad supplicia distenditur; et visibiliter turbam martyrum cernens, verberatus etiam et increpatus, quod vel die Dominico ecclesiæ solus deesset, vel illud fabricæ opus sanctum suscipere gentilis auderet. Quod adeo misericorditer a sanctis factum constitit, ut faber ille consternatus et territus, salutare sibi nomen poposcerit, statimque Christianus effectus sit.

VIII. Neque illud in sanctorum miraculis præmittam, quod perinde clarum atque omnibus notum est. Materfamilias Quincii, egregii atque honorati viri, cum ita paralysi fuisset obstricta, ut ei etiam pedum usus negaretur, a viro suo, ut Acaunum per multum itineris spatium deferretur, poposcit. Quo cum pervenisset sanctorum martyrum basilicæ famulantium manibus illata, pedibus ad diversorium rediit; ac sanitati de præmortuis restituta membris, nunc miraculum suum ipsa circumfert. Hæc duo tantum mira passioni sanctorum inserenda credidi. Cæterum satis multa sunt quæ vel in purgatione dæmonum, vel in reliquis curationibus illic per sanctos suos Domini virtus operatur.

<sup>e</sup> Hunc, cum adversus Constantinum insidias moliri deprehensus fuisset, *fœdissimo mortis genere* interisse refert Euseb. lib. viii Hist. Eccles. cap. 13, et lib. i de Vita Constantini cap. 47. Paulus Orosius lib. vii cap. 28, id Massiliæ contigisse, ut noster Eucherius, refert. Rem vero fusius exponit Lactantius in insigni libello de Morte persecutorum, num. 29 et 30. Occisum non fuisse ante annum 311 probat vir doctiss. Antonius Pagi ad an. 307 et 310.



# SANCTI EUCHERII

## LUGDUNENSIS EPISCOPI

### HOMILIAE QUÆDAM.

#### HOMILIA I.

##### *Ad monachos.*

Exhortatur nos sermo divinus, ut curramus dum lucem habemus, priusquam nos tenebræ comprehendant. Lucem habemus si currimus, si gressum fidei promovemus; in tenebris residemus, si promovere cessamus. Paratus nos inveniat extrema necessitas, quæ sæpe prævenit imparatos. Certam nobis imponat sollicitudinem incerta conditio; quotidianus sit illius periculi metus, cujus nescitur incursus. Quam tarde misera anima malorum suorum pænitebit, cum die ultimo superveniente separari se a corpore suo viderit, cum sibi in fine claudenti oculos nigrescere et horrescere sempiterna nox cœperit, cum jacere ante se vacuum salutis ac lucis infelicem commotionem suam viderit incontentem pariter ac deceptorem, cum quo de arena mundi hujus per flagitium suum victa discessit. Cum cœperit ab eodem jam divulsa immanes et inanes dare super eum planctus, et dicere: Ubi sunt animositates et cupiditates tuæ, quibus lucusque impatienter arsisisti, et arsura jugiter congregasti? Ecce transierunt illa omnia tamquam umbra, abierunt oblectamenta, et sola in perpetuum opprobria et crimina remanserunt. Væ mihi, o anima, ad tam perditum vas velim nolim reditura sum, et propter fugitivas voluptates nunquam effugiendis cum eo vaporibus concremanda. Quid inter hæc, cum eam cœperit ad definitam sententiam, et immobili lege defixam importunus depositi exactor abstrahere, et hinc inde insultare, et insistere [*Fortè insilire*] infernalium diræ facies ministrorum? Quid erit cum ab apparitoribus mortis per hunc vastum aerem separari, et per semitas tenebrarum abduci trans diem cœperit, et nequaquam remeabile iter agere per fines illos ubi ipsa lux deficit, cum peregrina illa ubique anima comitante malorum suorum tristi agmine viderit se per extremas mundi oras in illud inane ac vacuum cadere de mundo, atque illud magnum chaos, quod vitæ mortisque regionem discernit, intrare et vitales auras naturæ ipsius exsul amittere? Cum rebus humanis vale ultimum dicens, mortem ante se habens, et vitam post se relinquens, in illud horrendum et vix oculis attingendum pertrahetur profundum, diversis avaritiæ ac malitiæ catenata criminibus quantum perdidit pretium, tantum exceptura supplicium? Cum ad hæc itaque crudelis custodiæ perventum fuerit loca, ubi jam futuri pœnarum judicii ipsa sui expectatione desæviet, ne dicam aliud, solus mœror excruciat animam universis solatiis

A destitutam, sola torquebit cogitatio desperatam, solus metus examinabit attentam; et quia ibi jam nulla erit parandi victus aut vestitus sollicitudo, nulla laborandi, militandi agendive occupatio, nulla facultatis aut honoris ambitio, solus mentem omnibus aliis curis vacuum intolerandus reddendæ rationis terror implebit, solum ac totum judicii pondus captivis sensibus imminebit. Quid vero quando regredi ad carcerem corporis sui, et per resurrectionem recipere illud præcipietur ad societatem malorum? Quid faciet cum scædis vulnere signis castis angelorum præsentanda conspectibus, et ante regem sæculorum causam de singulis redditura? Quæ modo absque dubio si in medio nostri objicerentur, reatum intra se suum sustinere non posset, pudore magnæ confusionis oppressa. Quid tunc animi habebit, cum alios illic erogante Domino percipere viderit illæsæ et integræ fidei bravium, candidæ thesaurum castitatis, fructus misericordiæ, talenta justitiæ? Cum indigna sibi sorte conspexerit novissimos de primis fieri, et de novissimis primos? pauperes supra divites, servos supra dominos glorificari? et unumquemque pro meritis immortalitatis luce perfusum in angelorum statum ex hominibus promoveri, et cum terreno quondam corpore supra excelsa regni cœlestis imponi, et inter filios majestatis opulenta parentis Dei hæreditate ditari; se autem inter hæc cum peccatis suis relictam, de spectaculo felicitatis alienæ dolorum vitia reportantem? Qui [*Fortè* Quid] posthæc? cum se miseranda conditione [*Fortè* conditio] viderit omni consolatione nudatam in exteriores tenebras excuti, et ab illa beatorum Ecclesia perpetua excommunicatione seclusam ab ipsa vitæ radice præcidi? Illud autem quomodo trepidus et male conscius sermo poterit explicare, cum cœperit inexpressibilis caro et infectæ peccatis medullæ sævis gehennæ æstibus penetrari, et more ferventium ac decoquentium metallorum inextinguibili ardore tota hominis substantia intus infundi, et depascentibus flammis corpora atque animas ex parte consumi, ex parte nutriri, ut inter medios ignium globos damnata natura det pabulum, et accipiat incrementum? Si forte inspersum illud dudum conscientis vitium, et æris et plumbi adulterina permixtio, quandoque inter stagna serventia anhelantis gurgitis exuretur, transiit per vada ignea mora erit supplicii magnitudo peccati; escas ardoribus crimina ministrabunt, manebit in hoc præceptum et auctoris et judicis, ut viscera doloribus obnoxia, et solis cruciatibus consecrata, ignis arbiter depasta non devoret, sed ad



hoc pereat [*Fortē ardeat*] ut semper interimat : ut A opus ac figmentum corporis nostri in antiquis sceleribus mortuum, et ad sola tormenta redivivum finem in ipso interitus confusio non inveniat, sed exinanita jamque tolerantiae virtus sic pereat, ut resurgat. Illa enim non casualis, sed rationabilis et poenalis exustio, quia culpam jubetur inquirere, substantiam nescit absumere. Et quia velut carbasia [*Fortē ut in suppliciis*] levis percurrens concrematio, ipsa purgatio est, flamma illa non tam reum persequitur quam reatum; et si modus fuerit delictorum, erit et mensura cruciatuum. Si vero totam naturam occupavit pariter, et involvit excessus capitalium scelerum quia non recipit causa remedium, carebit fine supplicium. Occidente itaque poena, et vivificante sententia, stabit saeculis materia B reparabilis, et numquam ad metam malorum termino fugiente perveniet; et dum sibi nullam spem promittere poterit vel post immensa tempora, jam etiam in praesenti sentientur consequentium tormenta saeculorum; ac sic dolorem mortis conscientiae impositae immortalitas augebit. Vae qui haec lugenda in posterum, ridenda tunc deputant! Vae quibus haec prius experienda sunt quam credenda! Ideoque, charissimi, haec omnia quae illic finiri non poterunt, hic redimi possunt per emendationem prioris vitae, per eleemosynas, per lacrymas, per humilitatem cordis, per corporis castitatem, per exercitia justitiae ac misericordiae. Quae cum ita sint, per tot errores festinamus ad mortem, qui tot vias accepimus ad salutem. Per Jesum Christum Domi- C num nostrum, qui cum Patre et Spiritu sancto vivit.

## HOMILIA II.

*Ad monachos.*

Quid salubritatis, charissimi, etiam in praesenti conferant sanctae occupationes, scire debemus. Tradidit sacra lectio, munda animalia esse quae ruminant. Quid autem sit ruminare, aperte docet sermo divinus, dicens : *In lege Domini voluntas ejus, et in lege ejus meditabitur die ac nocte* (Ps. I, 2); et iterum : *Meditatio cordis mei in conspectu tuo semper* (Ps. XVIII, 15); ita nos quoque dum cibum salutis spiritaliter ruminamus, clausis sensibus improbas cogitationes excludimus; deinde Dei laudibus delectamur, et interius nostrum mundum animal fieri per exercitia sancta sentimus; et dum contra reprobas voluptates interiora nostra munimus, animas nostras cibis coelestibus satiamus, ut et de nobis illud propheticum dici possit : *Panem caeli dedit eis, panem angelorum manducavit homo*. Panis angelorum Christus est, cujus cibi et nos participes sumus, quando mentem in ejus praeconiis occupamus. Ecce verum cibum, qui reficit et non deficit, sed usu suo proficit, et suis crescit expensis. Hoc pane reficimur esuriendo, et pascimur jejunando, vim quamdam vitiis nostris et desideriis inferentes, ut de nobis dici possit : *Regnum caelorum vim patitur, et violenti diripiunt illud* (Matth. XI, 12). Qui sint violenti, nosse debemus.

Scimus quia mens humana diversis mundi illecebris et concupiscentiis delinita fugit laborem, et expetit voluptatem, et vix adducitur ut consuetudinem a se vitae prioris excludat; sed cum coeperit cogitare ultimi diei necessitatem, ad futuri judicii pondus incitata et stimulata, vel spe praemii, vel timore supplicii voluntarium bellum indicit passionibus, vim facit pristinis studiis suis, et violenter se vincere melioris vitae mutatione contendit. Non enim sine violentia fieri potest, ut de abundantia et de divitiis ad famem et sitim, ad abstinentiam et crucem transeat; ut somno prius atque otio amicam carnem; contritione vigiliisque conficiat; non, inquam, sine violentia fieri potest, ut unusquisque iracundiam patientia, superbiam humilitate commutet, amore paupertatis ac sufficientiae affluentiam superet, vinolentiam sobrietate, luxuriam castitate commendet, et homo subito in virum alterum transformetur, et quodammodo alter reddatur ex altero; ac sic a talibus per violentiam regnum coeleste diripiatur. Duo autem sunt abstinentiae et crucis genera : unum corporale, alterum spiritale : unum a potu atque epulis temperare, appetitum gulae a delectationibus et mollissimis suavitatibus coercere; ab his quae per tactum, per gustum visumque decipiunt, sensum viriliter revocare, ac violenter abstrahere. Alterum abstinentiae et crucis genus est pretiosum atque sublime, motus animi regere, et perturbationes illius modestiae tranquillitate peccare, ac superbiae impetus quasi feram bestiam refrenare, litigare, quotidie contra vitia sua, increpare se quadam censoria austeritate virtutis, et rixam quodammodo cum homine interiore conserere. Haec facit qui, perrupto passionum muro, violenter ad coelorum regna conscendit. Ad quae vos perducere in suo viventes timore dignetur qui regnat in saecula saeculorum. Amen.

## HOMILIA III.

*Ad monachos.*

Instruit nos atque hortatur sermo divinus, qualiter nos accingere debeamus ad inquirenda promissa sua, et obtinenda illa bona quae nec visu capi, nec auditu percipi, nec cogitatu comprehendere possunt. *Petite, inquit, et accipietis, quærite et invenietis, pulsate et aperietur vobis* (Luc. XI, 9); id est, ut petamus orando, quæramus laborando; pulsemus desiderando, pulsemus proficiendo, pulsemus perseverando; et in spem coelestium promissorum tanto incitemur studio, tantoque inardescamus affectu; ut cum praemiorum dignitate desideriorum magnitudo concordet. Non vult Deus noster bona sua nimia inveniendi facilitate vilesce-re; pretiosa et concupiscibilis merces cupidum amatorem et avidum negotiatorem requirit.

Ergo ille tantorum munerum repromissor non vult in opere suo tepidum, despicit fastidiosum, recusat coactum, respuit indevotum. Lentum enim et parum gratum quærere gratiam divini muneris, maxima est injuria remuneratoris. Ergo totis licet et



animæ et corporis laboribus desudemus, totis licet obedientiæ viribus exerceamur, nihil tamen condignum merito pro cœlestibus bonis compensare et offerre valebimus. Non valent vitæ præsentis obsequia æternæ vitæ gaudiis compensari. Lassescant licet membra vigiliis, pallescant licet ora jejuniis, non erunt tamen *condignæ passionēs hujus temporis ad futuram gloriam quæ revelabitur in nobis* (Rom. viii, 18). Pulsemus ergo, charissimi, in quantum possumus, quia non possumus quantum debemus. Futura beatitudo acquiri potest, æstimari non potest. Nisi enim cum aviditate, nisi cum bona voluntate, cum lætitia Dei opera egerimus, Deo nos perire noverimus. Putamus, charissimi, quod digne quærat illa anima, et ita pulset ut ei aperiatur, quæ ad leve præceptum senioris respondere præsumit, et dicere: Numquid servi vestri sumus? Jam feci vicem meam, et ille faciat suam quomodo hoc dicit, cui præceptum est, *Nolite quærere quæ vestra sunt?* Et iterum: *Non quæ sua sunt singuli considerantes* (Phil. ii, 4); a quo non hoc solum expetitur, ut mercedem suam impleat, sed ut alienas invadat, præoccupet, rapiat. Putamus, inquam, quod ita petat ut accipiat, ita quærat ut inveniat, ita pulset ut aperiatur ei, qui pro aliqua negligentia correptus, et pro disciplinæ ordine castigatus, non se ad emendationem, non ad satisfactionem confert, sed magis ad illam proterviam, ut dicat, desero atque discedo, hoc ego ferre non patior, ingenuus homo sum. Jam primum qui ante præpositum vel abbatem ingenuum esse se jactitat, puto quod adhuc emptum se esse nesciat. Qui Christianæ militiæ mancipatus, dicere se præsumit ingenuum, pene est ut neget se Christi sanguine comparatum. Quid est aliud, liber sum, quam ipsi Domino clamare, nihil debeo? De talibus dicebat Apostolus: *Cum enim servi essetis inobedientiæ, liberi fuistis justitiæ* (Rom. vi, 20). Non bene ingenuus approbatur, qui vitiorum servitute deprimitur. Clamat autem in contumelia disciplinæ, in peccato animæ suæ: Malo discedere quam emendare, quam satisfacere, quam implere quod præcipis. Quid est hoc aliud quam jugum Christi a se rebeli cervice discutere? Isti tales nesciunt quid noverunt, obliti sunt propter quid huc venerunt. Isti tales non bene petunt, sed male vitiis appetuntur. Non fide pulsan, sed infidelitate pulsan. Quid prodest quod discedis, qui undique astrictus es vinculis passionum, quem hinc atque inde circumvallant vitia tua? Quid, inquam, prodest quod discedis, qui quocumque locorum vadis, te tecum portas? Merito discederes, si quoquam te fugere posses. Digne aliquis discessit, si illo ire possit, ubi illum diabolus invenire non possit. Nemo se fallat, non fugiat adversarium de loco ad locum, sed de vitio ad virtutem, de passione ad emendationem. Nam si eum taliter fugias, sequetur te. Emenda te, et fugiet a te, sicut ait Apostolus: *Resistite diabolo, et fugiet a vobis* (Jacob. iv, 7). Non obedire autem et velle discedere, hoc est, dupliciter diaboli voluntatem facere: hoc est, voluntarie sibi

etiam in præsentī damnationem inferre. Illis ipsis qui gravius apud nos delinquant, nullam tristiores, nullam acerbiores possumus invenire sententiam, quam ut a corpore congregationis abscissi, sine pace discedant. Et nonne amentię genus est, ut hoc quisque pro remedio expetat, quod etiam a præposito [non] nisi pro summo crimine non possit inferri? Intelligamus ergo, charissimi, istas indignitates et contradictiones inimico operante et disponente provenire. Ille enim quia non potest aliquem absolute de loco salutis excutere, immittit primum occasiones et causas, immittit inobedientiæ passionem, quam semper socia infidelitas comitatur. Quæ cum captivam illaqueaverit mentem, statim intoleranda atque impossibilia facit etiam illa quæ parva ac levīa sunt. Et sane dubium non est quod vires inobedientibus divinitus subtrahuntur, sicut et ille qui non habebat in se necessariam fidei devotionem, etiam quod habebat auferebatur ab eo, ita inobedientia obdurat animum quem semel ceperit, ut ad suscipienda præcepta nec auctoritate, nec ratione flectatur. Sed quod pessimum est, sibi soli credat, et pro omni ratione intentiones suas sequatur, et hoc solum rectum putet, quod obdurato corde conceperit, similis ei effectus de quo divinus sermo pronuntiat: *Itinera insipientium recta in conspectu eorum* (Prov. xii, 15); et iterum: *Sunt viæ quæ rectæ esse videntur hominibus, novissima autem eorum veniunt in profundum inferi* (Prov. xiv, 12). Postremo eveniet ejusmodi animabus, quod domui quæ supra arenam ædificata est (Matth. vii, 26). Hæc enim parabola maxime ad inobedientes respicit. Sic enim legimus: *Omnis qui audit verba hæc, et non facit ea, similabitur viro stulto, qui ædificavit domum suam supra arenam: venerunt flumina, et reliqua* (Ibid.); id est, cum influxerint stillicidia passionum, cum advenerint flumina torrentis atque impetus tribulationum, ex multitudine negligentiarum, cum flaverint venti, illi utique qui in aere isto volitant, parati ad Christi aream ventilandam, sicubi inveniant paleas, quas ad ludibrium suum rapiant atque dispergant, tunc irruent in domum illam, quæ sine obedientiæ fundamento ædificata est, et fiet ruina illius magna. Sed forsitan dicat aliquis: Numquid statim de hoc loco discedere, ruina dicenda est? Dico, charissimi, non grandis spes est, si in navi est in fluctibus constituta, licet ipsa non pereat, tamen jacturam maximam de onere ac de mercibus suis faciat, et ipsa ad portum vacua atque inanis perveniat; sic non grande gaudium est, si sæculi aliquis ad fluctus revertens nomen atque habitum professionis suæ custodire videatur, anima vero ejus negligentis tabescat ac defluat; et quid gravius quam ut subito tamquam ales repentinus eradiceris de loco ad quem te Dominus tuus vocaverat, in quo te primum illuminaverat, in quem te post mala sæculi quasi ad portum de gravi tempestate induxerat? Oblivisci subito fraternitatis, societatis et consolationis; oblivisci loci illius in quo primum pristinum



habitum et nomen sæculare exueras? Aves ipsæ diligunt nidos suos, amant feræ loca in quibus nutritæ sunt, amant cubilia et pascua; et quamlibet naturali libertate passivis perversa rapiantur incursibus, sæpius tamen ad clara sibi loca quodam cibi desiderio revertuntur; et tu intellectu præditus, ratione munitus, ita interdum sensu alienus efficeris, ut præferas Dei beneficiis voluntates vel intentiones tuas, et sequaris proprias cogitationes, quæ quamlibet ad duros labores, quamlibet ad salutis naufragia atque animæ detrimenta te rapiant, totum tamen hoc præ nimia cordis indignitate non sentis. Hoc ait sermo divinus: Tempore enim discessionis multa promittit inimicus; persuadet sibi se illic quo tendit majorem profectum, multam gratiam atque rerum omnium abundantiam reperturum, ac se tamquam angelum suscipiendum. Et post hæc quando anxietate repletus, et pace nudatus, memor quomodo profectus sui studium, et sacrum ovile reliquerit, tunc animadvertit, et quasi sedata temporis sui tempestate, tunc videt quid mali de se gesserit, tunc recognoscit quid periculi incurrit, cum de loco ad quem cum gaudio venerat, sine pace et cum scandalo discessit. Tunc se sera pœnitentia super ruinas suas pœnitet ac deflet. Sicut quædam aves quæ præ dolore super eos quos occiderint flere dicuntur; et hæc omnia animæ detrimenta ex inobedientiæ malo eveniunt: obediens autem et humilis animæ multas tribulationes, atque omnes labores prosternunt, atque in compendium mittunt. Sciendum est enim quod quanto humiliores et obedientiores fuerimus, tanto super nos levius ac dulcius jugum Domini sentiemus; quanto obedientiores fuerimus præpositis et patribus nostris, in tantum obediet Deus orationibus nostris. Videamus quam acceptabilia sunt Domino opera et [vel] jejunia eorum qui suis potius quam seniorum voluntatibus obsequuntur. Camant illi: *Quare jejunavimus, et nescisti? humiliavimus animas nostras, et non aspexisti?* Et ille respondet: *Ideo quia in diebus jejuniorum vestrorum inveniuntur voluntates vestræ* (Isai. LVIII, 5). Videmus per inobedientiam animarum opera non respici, jejunia non audiri, vota non suscipi. Unde nos amplius illius mandata sectemur, qui ad hoc ad nos e cælo descendit, ut non solum nos redimeret mortis pretio, sed etiam ut vitæ ædificaret exemplo; et cum illo dicamus: *Ego non veni facere voluntatem meam, sed voluntatem illius qui misit me, Patris* (Joan. VI, 38). Ire autem post voluntates proprias tam perniciosum est, ut hoc Dominus jam postmodum iratus pro damnatione peccati irroget, dicens: *Et dimisi illos secundum desideria cordis eorum* (Ps. LXXX, 15). Quamobrem qui vult tuta esse opera sua vel recta in conspectu Dei, nihil obedientiæ præferat, nihil penitus anteponat, sive senior, sive junior sit. Magis quanto senior est, tanto plus debet studere ædificationi et perfectioni. Nullum sibi finem faciat proficiendi, nullumque terminum constituat acquirendi, cum sibi dici audiat: *Para in exitu opera tua; et*

iterum: *Non verearis usque ad mortem justificari* (Eccl. XVIII, 22). Et iterum: *Sapientia in exitu canetur* (Prov. I, 20). Quanto ergo plus proficimus, tanto plus humiliemur, quia quanto plus humiliati fuerimus, tanto plus proficimus. Nullus illic senior tam doctus appareat, ut putet quod eum non deceat obedientia, quæ Deum decuit. Humilitas enim atque obedientia in junioribus adhuc necessitas, in senioribus vero dignitas; ille enim bene proficit, ille bene consumat, qui quotidie sic agit quasi semper incipiat. Quamobrem augmenta meritorum incrementa debent esse profectuum. Scriptura vero pronuntians de his qui dum primas negligentias prætermittunt, in alias atque alias semper incurrunt, ita ait: *Peccator adjiciet ad peccandum* (Eccl. III, 29).

**B** De profectu vero dicitur: *Et sanctus adhuc sanctificetur* (Apoc. XXII, 11). Videamus primum quid est, *peccator adjiciet ad peccandum?* v. g., mali cujuslibet aut obrectationis passio impugnare me cœpit; si non statim me pœnitudo vitæ hujus momordit, cras tanta mihi hujus vitii facilitas veniet, et quædam (ut sic dixerim) suavitas, ut revocare me ab illo et continere non possim. Ita enim evenit, ut qui primo tempore emendare noluerit, incipiat in sequenti nec velle nec posse. Verbi gratia, superbix acquiescere cœpi, regulam violavi, senioreni læsi, juniorem destruxi. Si non statim me pœnituit tam graviter fuisse præventum, ita de die in diem libertissime me rapiet ipsa violentia consuetudinis, et impetus passionis, ut jam nec delinquere me intelligam, nec peccare me sentiam.

**C** Obscurat enim atque obruit intellectum onus delicti, assiduitas delinquendi, etenim ita cor negligentis obduratur, ut hoc ipsum si se non humiliet, si non satisfaciatur proposito [*Forte, præposito*] suo, nocere se credat, insuper insultet et dicat: Quam constanter illi restiti, quam bene non acquievi, quanta auctoritate respondi? Putabat quod me semper illi humiliare deberem. Quod qui facit, diabolo se tradidisse captivum constat, qui de hominum vitis et passionibus ac perditione lætatur, et ejusmodi animæ eveniet illa sententia: *Peccator adjiciet ad peccandum* (Eccl. III, 29). Quam nos, charissimi, refugientes, illam potius teneamus quæ dicit: *Et sanctus adhuc sanctificetur* (Apoc. XXII, 11); quotidie addamus ad merita, nec de nobis aliquid præsumamus, quia Dei est omne quod possumus; simus itaque fratres in opere Dei indeficientes, propter æternam retributionem, et quotidie ad meliora tendamus. Ipsa enim apprehendendi aviditas, ipsa consuetudo proficiendi semper nos ad majora provocabit: et ubi viderit Deus devotionem animi ardentiorum, insinuabit affectum; et quantum nos addiderimus ad studium, tantum ille apponet ad adjutorium; quantum nos apposuerimus ad diligentiam, tantum ille addet ad gloriam. *Qui habet, dabitur illi, et superabundabit* (Matth. XII, 12), et alio loco dicit: *Posui adjutorium super potentem* (Ps. LXXXVIII, 20). Gratia ergo de gratia nascitur, et profectus profectibus serviunt; lucra lucris, et merita meritis lucrum



[*Fortè, locum*] faciunt; ut quanto quis plus acquire-  
re cœperit, tanto plus conetur et delectetur inquirere,  
ut acquisitionis lucrum acquirendi nutriet appetitum.  
Et quanto quis avidius de sapientiæ bonis hauserit,  
tanto plus haurire desideret, sicut ipsa de se Sa-  
pientia loquitur: *Qui edit me, adhuc esuriet*. Urgea-  
mus itaque, charissimi, cursum nostrum, ut crescat  
in novi-simo vita nostra. Quæramus usque in finem,  
unde sine fine gaudere mereamur. Sed esto, non  
possumus exercere corporis labores, conferamus  
nos ad spiritualium bonorum desiderium, ad com-  
punctionis et charitatis augmentum. Si quotidie in  
cordibus nostris disponamus ascensus, nulla infirmi-  
tate, nulla ætate lassari possumus, ut his spiritualibus  
quibusdam gradibus ascendere mereamur ad pro-  
missa Domini Jesu Christi.

## HOMILIA IV.

## Ad monachos.

Sicut a nobis Dominus pro suscepta officii necessi-  
tate loquendi deposcit officium, ita a vobis, charissimi,  
audiendi requirit affectum. Ita, inquam, charitati  
vestræ expedit his quæ pro salute vestra dicimus  
obedire, sicut nobis imminet non tacere. Nam si nos  
offensam metuimus de silentio, quanto magis vos  
eamdem debetis expavescere de contemptu? Si, in-  
quam, nobis grande periculum est aliena non arguere,  
quanto periculo-ius est propria non corrigere? At  
quodam loco beatus Apostolus: *Videte vocationem  
vestram, fratres* (I Cor. i, 26); quapropter, dilectis-  
simi, et nos videmus vocationem nostram. Non  
enim satis prodest quod istum locum expetivimus, si  
hic tales sumus quales in sæculo esse potuimus. Si  
enim bene perspicimus, non solum ista solitudo nos  
ad perfectionis necessitatem, sed etiam ipsa congrega-  
tionis multitudo nos constringit. Nam sicut pretio-  
sum atque præcipuum est in medio multorum bene  
agere, plurimos ad profectum exemplo boni operis  
excitare; ita periculosum atque perniciosum est ne-  
gligentius ac tepidius agendo multorum fidem fran-  
gere, multorumque animas depravare. Sicut, in-  
quam, fructuosum est in medio tantorum positum  
probabiliter vivere; ita periculosum est aliquid des-  
tructionis egisse. Hoc autem quare dico? quia (quod  
pejus est) facilius invenimus qui ea quæ deteriora  
sunt, quam quæ meliora, sectentur; prorsus enim est  
ad imitationem mali humana fragilitas. Quapropter  
non nobis sufficere credamus, quod nos in hanc  
scholam cernimus congregatos, nisi quod vehemen-  
tius in nobis negligentias nostras professæ perfectio,  
quam nec assumpta condemnat. Quia secundum  
Scripturæ fidem, qui multum promittunt, multum  
necesse est ut reperatur ab eis. O quantis proderit,  
et quantis e contrario oberit loci huius opportunitas,  
et congruæ habitationis occasio! Non enim in hoc  
loco vixisse, sed in hoc loco bene egisse, laudandum  
est. Nam quid bonis habitationis huius secretum  
prodest, quando tyrannico dominatu malitia in no-  
bis regnat, quando ira superequitat, quando maiorem

A metum in nobis humanus oculus quam divinus vidit;  
quando nos illi laudabiles eremitæ, qui extra mun-  
dum esse nos credimus, per diversarum passionum  
vitia mundum intra nos inclusum tenemus, ita ut qui  
putabamus nos precibus nostris sæculo ipsi posse  
succurrere, pene sit ut videamus nos magis sæculi  
intercessionibus indigere? Dubium quippe non est  
quod illa anima quæ per concupiscentiam sæcularium  
voluptatum possessio efficitur mundanæ conversa-  
tionis, non potest effici regnum Divinitatis. Ideoque,  
fratres, videte vocationem vestram. Venire quidem  
ad eremum, summa perfectio est: sed non perfecte  
in eremo vivere, summa damnatio est. Quid prodest,  
si locus quietis tantum corporaliter teneatur, et in-  
quietudo in corde versetur? Quid, inquam, prodest,  
B si in habitatione silentium sit, et in habitatoribus  
vitiis tumultus et collectatio passionum? si  
exteriora nostra serenitas teneat, et interiora tem-  
pestas? Non enim ideo ad istum convenimus locum,  
ut nobis mundus famularetur, ut rebus omnibus  
abundantes omni quiete frueremur: non utique ad  
requiem, non ad securitatem, sed ad pugnam huc  
convenimus, ad agonem processimus, ad exercenda  
cum vitiis bella properavimus: ut linguæ gladios  
retundamus, non solum invicem non inferamus in-  
jurias, sed nec sentiamus illatas. Peculiaris autem  
istud ad professionem nostram pertinet, nihil in hac  
vita consolationis requirere, nihil quietis. Nec reci-  
pere velle bona in vita sua, sed honores refugere,  
subjectione atque abiectione gaudere, paupertatem  
C studio quærere, et non solum facultates, sed etiam  
ipsas cupiditates e cordibus eradicare, nihil enim  
habere interdum res necessitatis est: nihil vero cu-  
pere, res virtutis: et ideo huic sibi specialiter mo-  
dum religiosus debet imponere, ut tantum habeat  
quantum necessitas poscit, non quantum cupiditas  
concupiscit. Habendi enim amor, nisi ad integrum  
resecetur, ardentior est in parvis, et plus torquentur  
in minimis: et nisi ex corde atque affectu pauper  
sis, paupertas ipsa non virtus, sed miseria iudicanda  
est. Noverimus itaque, fratres, nihil prodesse, si  
carnem nostram jejuniis ac vigiliis affligamus, et  
mentem nostram non emendemus, aut quæ interiora  
sunt non curemus. Quid enim prodest afflictio corpo-  
ralis, si linguam nequitias et obrectationibus pol-  
luamus? Nonne omnes labores nostri in nihilum  
rediguntur? Nonne opus nostrum velut fumus atque  
umbra evanescit, et velut stuppæ favilla in nihilum  
redigitur? O quanti et quam diuturni labores subito  
pereunt! Quanta bona frequenter jam acquisita ac  
reposita de manu rapiuntur, dum id quod acquirere  
studemus, custodire negligimus! Quapropter gratis  
nobis de cruce et corporis afflictione blandimur, si  
exterior noster sanctis laboribus exercetur, et a  
passionibus non curatur interior: sic est quomodo  
si aliquis statuam faciat a foris auream, ab intus  
luteam; vel quomodo si domus magnifica arte con-  
structa a foris pulcherrimis coloribus depicta videat-  
tur, et ab intus serpentibus et scorpionibus plena



sit. Quid prodest quod affligis corpus tuum, quando A nihil proficit cor tuum? Valde dura et nimis dolenda conditio est, omni intentione studium laboris impendere, et fructum non recipere post laborem; jejuna- re et vigilare, et mores non corrigere: sic est quomodo si aliquis extra vineam aut circa vineam exstirpet et colat, vineam ipsam desertam atque incultam derelinquat, ut spinas ac tribulos germinet, quæ, insistente cultore, jucundissimos ex se fructus proferre potuisset. Agnosce itaque, charissimi, quod ad salutem perpetuam conquirendam abstinentia corporalis sola non sufficit, nisi et animæ quoque jejunium per abstinentiam vitiorum fuerit satiatum [*Forte sociatum*]. Quid enim juvat, si sit quispiam corpore castus, et mente pollutus? Quem malitia depravat, quem furor iracundiæ facibus exagitat, quem superbia omni gratia Dei spoliât, quem mendaciis vel maledictis lingua commaculat, nonne ipse se fallit, nonne ipse se irridet ac decipit, si credat solis jejniis ac vigiliis sanctificandum? Et idcirco, dilectissimi, ita corpus exerceamus jejniis, ut mentem purgemus a vitiis. Cogitemus illius judicis incessanter adventum, qui utinam sic nos paratos inveniat, quomodo nemo potest dubitare quod veniat. Quod si requiras quomodo veniat? illo utique corpore quod pro nostra salute susceptum, pro nostris criminibus addictum, pro nostra absolutione damnatum et pro nostrorum vulnerum medicina lancea clavisque confixum est. Prima enim erit in reos intoleranda sententia reverendarum præsentia cicatricum. Quid igitur illo tempore facturi sumus, quando contra illos crucifixi Domini livores notæ peccatorum nostrorum ac macule libidinum proferentur? Aut quo putas vultu respiciet redemptio nostra perditionem nostram? Tanto graviora erunt humana delicta, quanto majora se ostenderunt divina beneficia. Verendum est autem ne illam vocem resurrectionis pretiosa crucis vestigia protestantem, etiam in judicio suo ad vasa iniquitatis prolaturus atque dicturus sit: *Infer digitum tuum huc, et vide manus meas, et affer manum tuam, et mitte in latus meum* (Joan. xx, 27), et agnosce quæ pro te et a te, impietas humana, pertulerim. Illa utique clavorum signa bonis salutaria, malis terribilia, quæ usque ad diem judicii non dolentur, sine dubio obijcienda servantur; et quid post hæc sequitur, nisi illud interpositum inter vivos B ac mortuos expavescendum chaos, vastumque discrimen exclusæ a natura viventium tenebræ exteriores, dura separatio a dulci intuitu sanctorum, et a societate fidelium [*Forte feliciū*]: et econtrario inter lacrymabiles gemitus planctusque lugentium, collegium triste miserorum, et a beata patria æternum teterrimæ noctis exilium? Quam lugubre erit homini Deum videre, et perdere, et ante pretii sui perire conspectum! Et ideo, charissimi, ista, dum tempus est, cogitantes, ita indefesso studio laboremus, ut quod nobis contulit judicatus, integrum in nobis reveniat judicaturus.

## HOMILIA V.

## Ad monachos.

Scimus quidem spiritali militiæ cui nos mancipavimus, magnam esse in futurum repositam remunerationem. Sed si bene respiciamus in hoc ipso opere quod agamus [*Forte agimus*], quodammodo etiam in præsentiarum partem præmii possidemus; et plane magnus vitæ fructus est, sæculum potuisse despicere, et Deo servire cœpisse; evasisse vitiorum infelicissimum dominatum, et fugisse gulæ atque luxuriæ fœdissimam servitutem. Quid ergo? Nonne jam magna pars præmii est nihil habere commune cum mundo, vanarum rerum cupiditatibus non exeruciari, sceleribus non admisceri, et in innocentia diem transigere, beatæ castitati operam dare, gloriosæ paupertatis sufficientiam cum timore Domini possidere? de qua loquitur Sapientia: *Melior est exigua portio cum timore Domini, quam thesauri magni sine timore*. Intelligamus itaque quantum nobis Domini pia vocatione contulerit, numeremus, si possumus, ex illo tempore ex quo hic conservari videmur, quanta lucrifecerimus: de quantis fraudibus, de quantis adulteriis, rapinis, perjuriis, sacrilegiis liberati simus: et tunc videbimus quantum etiam de præsentibus beneficiis Domino debeamus. Si nunc in sæculo essemus, quid aliud ageremus quam volveremur in malis nostris, et animas nostras quotidianis violaremus maculis, quotidianis confoderemur vulneribus? et ita, ut nec sentiremus. Habet enim hoc infelix consuetudo peccandi, ut quantum amplius quisque peccaverit, tanto minus peccata ipsa intel- C ligat, et tanto plus eum peccare delectet: ut eveniat illud, quod propheta peccatoribus clamat: *Non est Deus* [*Forte Dominus*] *in conspectu ejus, auferuntur judicatia a facie ipsius* (Ps. ix, 26); etenim quando subrepat peccandi delectatio, statim futuri judicii diem abscondit oblivio. Econtrario autem quanto quisque sollicitior circa se fuerit, tanto plus metuit, sicut ait Scriptura: *Sapiens timendo declinat a malo* (Prov. xiv, 16). Sapiens ergo semper in compunctione et semper in metu est: et, ut de præteritis suspirat malis, ita de futuris periculis pervigili sollicitudine contremiscit, qui de præteritis anxius est, id secum cogitat ac revolvit, ne forte parum deflexerit præterita; ne forte nondum satisfecerit pro innumeris debitis suis; ne forte magis ad veteres iniquitates nova superposuerit vulnera; ne super antiquas conscientie maculas recentia adhuc crimina impresserit, et conversationis nomen ad hoc assumpserit, ut gravius sub sacra professione delinqueret. Aliquantum sufficere nobis putamus, quod ad secretum istud conscendimus, quod locum habitumque mutavimus, quod hic aliquantulum temporis viximus, spem omnem in annorum numero collocantes. Ac sic pernicio- D sa nosmetipsos persuasionem fallentes, putamus nos de omnibus debitis transegisse, putamus quod mala nostra spatio temporis evanuerint: et quia illa nos obliti sumus, credimus quod de memoria divinæ veritatis elapsa sint. Sed non ita est. Omnia apud



illum collecta, omnia apud illum reposita atque signata sunt. Audiamus quid dicit ille qui cum ipso diabolo manu ad manum singulari certamine dimicabat, beatus Job : *Signasti quasi in sacculo peccata mea* (Job xiv, 17); et iterum ipse Dominus ait : *Nonne hæc collecta sunt, et signata in thesauris meis* (Deut. xxxii, 34)? Non putemus tam facile remitti posse iniusta semel crimina, et profundo vulnere in animæ ipsius impressa visceribus. Multo opus est fletu, multo gemitu, multo dolore cordis ad sanandos ipsius cordis dolores. Tota incumbendum est spiritus contritione, ut vetusta mala tamquam sagittæ quædam de conscientia debellantur. Non sufficit summis labiis dicere : Peccavi, parce, remitte. Et Saul dicebat, peccavi (I Reg. xxvi, 24) : sed non obtinuit illam veniam quam David una poenitentiae voce promeruit. Et hoc quare? Quia confessionem illam nuda magis verba quam veri gemitus exprimebant. Quia non compensabat magnitudinem criminis læta humiliatio supplicantis. Non levi agendum est contritione, ut debita illa redimantur quibus mors æterna debetur; nec transitoria opus est satisfactione promalis illis propter quæ paratus est ignis æternus. Si volumus intelligere quam graves apud se faciat iudex noster hominum culpas, respiciamus ad pœnas. Quantum enim nunc patiens est Deus noster in sustinendis delictis nostris, tam severus erit in discutendis; et sicut in æs imabilem paravit justis gloriam, ita in æstimabilem paravit improbis pœnam. Ergo suppliciorum acerbata em e contrario de præmiorum ipsorum magnitudine colligamus. Quia qui novit remunerare merita, novit punire delicta. Saluberrima ergo est, ac multum necessaria futuri iudicii recordatio, præteritorum commemoratio, vel deploratio delictorum. Quod si quis est qui sibi de præteritis illæ vitæ meritis blandiatur, et adhuc innocentem se transisse putet ad Domini servitutem, et ideo se credidit debere esse securum, iste talis respiciat quam incerti et quam lubrici sint exitus vitæ, de qua dicitur : *Ne laudaveris hominem in vita sua* (Eccli. xi, 30), et cum hoc prospexit [*Forte prospexerit*], etiamsi de præterito putat se non habere quod lugeat, de futuro inveniet habere quod timeat. Nemo ergo de præteritis securus sit. Tanti laquei objecti sunt ante pedes animæ nostræ, tam innumeri hostes observant et custodiunt iter nostrum, tantæ foveæ et tanta prærupta, tantæ rerum difficultates interjacent inter nos et finem nostrum; via ipsa, quæ per se arcta atque ardua est, tantis spiritualium latronum insidiis obsidetur, tantos nos scopulos tantosque fluctus transire necesse est et videre, antequam anchoram optato in littore collocemus, et putamus nos de præteritis debere esse securos, et sine quotidiana cura, sine quotidiano timore et tremore diem nostrum transigere debere! Quis transiens super alicujus profunda fluminis per arctissimi pontis angustias, etiamsi majorem partem inoffenso transmiserit pede, jam periculum evasisse se credat, cum in ultimi pontis spatio, si paululum titubaverit casum quem in medio spatio

A timebat incurrit? Sic nos etiamsi magna pars vite istius prospere videatur fuisse transacta, non ideo fiduciam præsumamus, cum adhuc periculum pars extrema minetur. Quis in acie positus, ante finem certaminis, aut ante victoriæ securitatem arma deponat? Nemo ergo securum debere esse se judicet, antequam ad finem felici consummatione perveniat. Nec hoc nobis sufficere putemus ad plenam salutem, quod inter servos Dei vel habitatione censemur, vel nomine computamur : quod in insula vivere, atque inter monachos pollere videamur. Clamat enim nobis Deus noster : *Non omnes qui dicunt mihi : Domine, Domine, intrabunt in regnum cælorum* (Matth. vii, 21). Hoc quare? *Quia non auditores legis justi sunt apud Deum, sed factores legis justificabuntur* (Jacob. i, 22; B Rom. ii, 13). Unde etiam si bene viximus, cursum nostrum stabilitate et perseverantia commendare debemus, in loco vocationis nostræ persistendo et proficiendo. Vere dico, etiamsi hic viginti aut triginta annos Domino impendissemus, cui utique totum noscimus [*Al. nos scimus*], debere quod vivimus, et ut satis annum unum ageremus in sæculo, inæstimabile esset, quantum nos de æternæ vitæ gaudiis fraudaremus. Quia spes nostræ omnes in consummatione atque in fine consistunt. Quid mihi prosunt [*Al. proderit*], si mihi sata viridantia in herbis spem messis ostendant, et me sub ipso falcis tempore subita vel aeris intemperie, vel pluviarum inundatione decipiant? Quid mihi proderit, si vinea spem omnem in flore promittat, et vel ferarum incursio, vel vastitas grandinis spem omnem in consummationem subducat? Ideoque omnis prosperitas, omnisque laborum in fine consistit. Cum autem illis dolendum sit qui hinc post multa laborum stipendia, post aliquantum annorum profectum, aliquibus desideriis abstrahuntur, quid de illis erit qui hic quatuor aut quinque annos longissimum tempus credunt, et omnem reliquæ vitæ tractum in sæculi vanitate consumunt? Dum etiam annus sæculi labores nostros in cremo acquisitos ita possit absumere, quomodo si mare magnum parvissimum intra se rivulum recipiat et absorbeat, atque ei nec nomen relinquat. Nescio ad quæ lucra velimus in illo sæculo vivere. Nam cum hic grande putetur damnum non quotidie aliquid acquiri, illic grandis quæstus esse putandus est, vel D acquisita non perdere : ubi, inquam, grave detrimentum creditur, non quotidie proficere, ibi vero summa virtus est non perire. Ideoque si adhuc tennes ac pauperes sumus, hic aliquid consequi laboremus. Si vero aliquid consecuti sumus, hic illud servare curemus. Hoc solum nobis in compendium erit et gaudium, quod hic Domino vixerimus. Ideoque quamdiu hic consistimus, in arbitrio est, cum velis ad sæculum declinare. Cum vero declinaveris, jam difficile ac pene impossibile erit ad locum istum vel cogitatione respicere. Quod si aliquis ideo securum se putat de hoc loco aliquando posse discedere, quoniam hic bene cucurrerit, quod hic multum laboraverit, hic talis hoc agit, quomodo si aliquis



oneratam mercibus navem de portu solvat, et tempestatibus tradat, et ad scopulos atque ad saxa detorqueat. Quanto magis itaque laboramus, tanto cautiores esse debemus. Proficientibus enim insidiatur inimicus, et ubi videt aliquam spem, aliquam gratiam, ibi tanquam leo rugiens et circumiens ad invadendum prædam totus incumbit; et ideo quia hic positus nocere non prævalet, vult aliquos minus cautos per cogitationes ac per diversas tentationes ex hoc loco quodammodo, quasi extra castra producere, et quasi de munitissima arce deponere, et cum deposuerit, velut de loco superiore configere: ut etiamsi navem non valet mergere, saltem ex detrimentis et damnis, quæ abundant in sæculo, jucundissimam prædam referat. Imminet primum intentiones diversas, indignitates, animositates: ut dum homo quod semel destinavit, atque in furore definivit, implere contendit, non cogitet damnum suum, non respiciat ad ruinam; et cum illum [*Al. illo*] deposuerit, tunc in nihilo jam futura poenitudo succedit. Hic sumus, et toti non sumus. Aut enim cordis cogitationibus variis et improbis atque inhonestis agitamus, aut venenatis linguæ gladiis vulneramur, pro minimis et parvissimis rebus scandalizantes, interdum etiam (quod monachum non decet) in lites et jurgia prorumpentes, interdum professionem nostram regulæ transgressione violamus, furtum inferre præpositis, immo animabus nostris sub Dei oculis committere non timentes: quod agere sub præsentia præpositorum veremur, sub Dei oculis committere non timemus; non contenti sumus necessariis, sed C rursum per cordis teporem abundantiam, quam in sæculo relinquimus, desideramus. Unde non satis prodest quod a nobis qualescumque facultates exclusimus, quando ipsæ in nobis resederunt cupiditates. Inde est quod interdum de rebus parvissimis excitamur, et pro vilium rerum appetitu vilissimas intentiones movemus. Hoc quare? Quia licet reliquerimus in rebus exteriora bona, adhuc tamen in cordibus mala interiora retinemus; et inter hæc quomodo exultat adversarius noster, quando nos videt ad hoc maxima contempsisse, ut in minimis deformius vinceremur? Ideoque ea quæ foris posita erant abjecisse nil prodest, nisi etiam ea, quæ intus ipsius animæ visceribus adhæserunt, radicitus evellantur. Unde et Apostolus non dixit, aurum vel argentum radix est omnium malorum, sed magis cupiditas divitiarum (1 Tim. vi, 10); et non solum divites, sed et qui volunt divites fieri, incidere in laqueum et tentationem (1 Tim. vi, 9). Ergo Apostolus non solum habentes, sed ipsam habendi persequitur voluntatem. Ideoque nihil proficit homo relinquendo quod extra se est [*Al. habet*], qui vitia intra se tenet. Itaque (ut dixi), fratres, hic sumus, et toti non sumus; et qui intra muros positi vix resistimus, in sæculo expositi quid faciemus? Qualiter stare poterunt in fluctu, atque in ipso collectantium tempestatum impetu, qui tam graviter periclitantur in portu? Ideoque in quantum possumus, stabiles simus, in hoc tranquil-

lissimo sinu quamlibet negligens, quamlibet tepidus non in vacuum cucurrit, qui ad palmam consummationis perseverando pervenerit.

## HOMILIA VI

Ad monachos.

Ad hoc ad istum locum convenimus, fratres, ut Domino nostro vacare possimus, non his rebus quibus noster delectatur inimicus. Certum est quod quando ea quæ ad sæculum pertinent loquimur, aut nimis murmurationibus et obtreccionibus nos mordemus, ille horas nostras Deo subtrahi, et sibi gaudet acquiri. Quid prodest quod nos pretiosis vultibus laboribusque conficimus, et ea quæ maxime Deus noster desiderat non habemus? hoc est, cor nudum et liberum ab istis minutis negligentiarum: quos qui non observat paulatim defluit, et ad majora prolabitur. Illud ergo imprimis habere studeamus, quod in nobis Dominus noster exspectat, id est, suavem benignumque sermonem, mentem ab omni maledicto, ab omni malitia liberam, et devitatis his quibus Spiritus sanctus offenditur, humilitati, quieti, charitati operam dantes [*Al. dantem*]: hæc sunt præcipua sacrificia, hæc pingua holocausta, quæ in conspectu Domini in odorem suavitatis ascendunt, hoc etiam maxime studeamus, ut illa quæ in honorem Domini nostri agimus, cum claro agamus animo, cum fidei gaudio, et cum bono ac devotæ voluntatis affectu. Quidquid vero inviti atque compulsi facimus, noverimus nos ex eo non solum nullum habere fructum, sed maximum incurrere detrimentum: faciamus aliquem [*Al. alicui*] viro potenti obsequium solvere, quod utique superiores personæ a clientibus suis exspectare consueverunt: nonne si nos viderit homo ille debitum sibi officium invito atque extorto animo, etiam cum quodam exhibere fastidio, nonne magis sibi factam judicaret [*Al. indicaret*] injuriam, et exhonoriari se potiusquam excoli pronuntiaret, et ejusmodi negligenti atque indevoto offensam potius crederet esse referendam quam gratiam? Si ergo cultus atque honor hominis devotionem, fidem, hilaritatem requirit, ibi utique interdum melior est ille a quo cultus ipse exhibetur, quam ille qui colitur, ubi nullum fructum officiositas ipsa consequitur, sed hoc solum fructus est, si mereatur susceptus vocari. D Quanto magis nos in honore Dei nostri observare debemus, ne ad obsequia ejus indevoti atque compulsi, ne tristes, ne ingrati invitique veniamus, et non respiciat Deus ad munera quæ negligenti ac vili animo offeruntur? Non enim homini, sed illi potius fides nostra servitutam se esse promisit, cui ad mortem usque servire, vel ipsam impendisse animam, parum debet videri; cujus se obsequiis atque beneficiis etiam ipsi angeli impares confitentur. Cui postremum cum totum debeat, nihil tamen gratis solvitur, sed remunerationem quasi ipse vicissim debitor factus reddit, pro exsolutione debitorum, et pro exiguis immensa restituet. Pro hac enim misera vita, et laboribus et doloribus plena, in qua et usus brevis est, et



ipsa brevis incerta, quam utique vitam etiamsi auctori suo offerri dissimulet devotio voluntatis, continuo a nobis est exactura lex mortis, et quod non datur ex voto, solvitur ex debito. Pro hac itaque vita dabit illam vitam quæ nec oculo potest cerni, nec tacita mentis cogitatione pertingi. Quam utique consequi est facilius quam enarrari; cujus erit cursus sine termino, usus sine fastidio, refectio sine cibi adjutorio, requies sine noctis otio, ætas sine senio, indeficiens sub vultu Dei claritas, et sub antiquis perpetuisque gaudiis semper nova jucunditas, sine ullo amitendi periculo secunda felicitas. Hujus ergo vitæ dulcedinem jam nunc de futuris illis sæculis quotidie cogitando etiam in hoc corpore prægustare conemur, et exclusa de sensibus nostris sæcularium vel colloquiorum vel desideriorum amaritudine, quemdam beatitudinis illius odorem totis ad nos cordibus atrahamus; et discusso omni torpore, omni pigritia, cujus mater est infidelitas, illa jam hilaritate, illa alacritate Domino ac Deo nostro, illoque gaudio serviamus, quo gaudio ad munera sua ipso invitante veniamus.

## HOMILIA VII.

## Ad monachos.

Qui inter multos vitam agere constituerunt, aut cum grandi fructu, aut cum grandi periculo, vel etiam diligentes vel negligentes sunt; unde felix est illa anima quæ, dum bene in congregatione versatur, multorum gaudium est, et plurimi ex ea vel ædificantur vel illuminantur. Bono [*Forte bona*] enim ejus, dum multi communicant [*Forte communicantur*], adduntur. Ad quod etiam Sapientis illius sententia respicit: *Fili, si sapiens fueris, tibi, et proximis tuis* (*Prov. ix, 12*). Itaque si in congregatione positus obedientiam tenuit, si humilem patientemque se præbuit, quantos ædificavit, tantis feneravit; et quantum bonum ex se proximis commodavit, tantum in sua lucra convertit. Si vero e contrario per inobedientiam vel superbiam suam alios (quod facilius evenire solet) ad maculam [*Al. malum*] compulit, quantos destruxit, de tantis periculum damnationis incurrit; de quantis detrimentum fuit, de tantis damna contraxit; et peccatum quod ab illo semel processit, ad eum multipliciter redundavit. Quamobrem sicut ille valde admirandus atque laudandus est, cujus cursus multorum profectus est; ita ille merito lugendus est, cujus vita multorum ruina est. Ideoque, charissimi, quæ ad ædificationem pertinent, ea in medio positi agere studeamus, ne vitia nostra aliorum virtutibus noceant, ne aliorum fervorem tepor noster debilitet, ne aliorum [virtutibus] patientiam iracundia nostra violet, ne aliorum humilitatem superbia nostra depravet, ne aliorum sanitatem infirmitas nostra corumpat, ne aliorum pulchritudinem fœditas nostra contaminez, ne aliorum ardentes extinguamus lampadas, si nostras illuminare non possumus. Et quidem illæ stultæ virgines, quamlibet stultæ essent, non tamen alienas extinguere, sed suas illuminare cupiebant. Ideo ad istarum similitudinem, si cui no-

strum deest pingui-sima gratia, si humanitatis, si fidei ignis, si flamma fervoris, si oleum charitatis, si lumen discretionis veniat ad eos quos magis abundare perspexerit, et gratiam ad se proximi non auferendo, sed imitando transfundat, et bona possessionis alienæ sine damno, immo cum lucro possessoris invadat. Numquam enim tibi deficiet quicquid alteri de te proficiet. Numquam enim sensit luminis sui damnum plurimis ignis accensus, nec minuit solis lucem considerantium multitudo. Sed quanti ad eum conspexerint, tantis munera sua commodat, et ipse semper integer permanet. Benedicta illa Deo anima, cujus humilitas alterius confundit superbiam, cujus patientia proximi ex-tinguit iracundiam, cujus obedientia pigritiam alterius tacito increpat, cujus fervor inertiam alieni teporis exsuscitat. Qui proximi sui turbatum præ ira oculum cordis, gratia consolationis atque ædificationis illuminat. Melius hoc quam ille qui fratrem paululum ab aliquo contristatum, non jam solum porrecta manu sublevat, sed in gis titubantem, sicut parietem inclinatum, maleloquiorum impulsu adjuvat ad ruinam; et pro disciplinæ ratione correptum, per sinistra consilia sic incitat ut allidat, sic armat ut perimat. Itaque, fratres, cui mala propria non sufficiunt, ille sic agat, ut judicium etiam alienæ perditionis incurrat. Certum est, charissimi, nisi hic nostras quotidie reseceamus et circumeidamus passionem, deteriores nos multo effici quam fuimus dum in sæculo viveremus, ita ut fiant extrema nostra pejora prioribus.

## HOMILIA VIII.

## Ad monachos.

Si quando terræ operarius et ruris cultor agrum suum seminibus præparat, non sibi sufficere putat rudem campum vomere proscidisse, et assiduo aratro duras edomuisse glebas, ac sulcis frequentibus confecisse, sed insuper studet agrum illum infecundis germinibus [*Al. graminibus*] emundare, noxiis evacuare rudibus spinarum, stirpium fomites excussa radice convellere, sciens terram suam sine purificatione mali germinis, boni feracem esse non posse; ad sedicium putans illud quod ad spiritalem agricolam pertinet, *novate vobis novalia, et nolite serere super spinas* (*Jerem. iv, 3; Ose. x, 12*). Ita et nos qui Dei agricultura effecti sumus, qui spem fructuum nostrorum non terræ credimus, sed cælo repositum; non nobis sufficere putemus terram corporis nostri vigiliarum exercitiis edomare, vel jejuniorum labore conficere, sed in primis mentem exstirpatione vitiorum mundare conemur, circumeidere mores, excidere passionem, eradicare superbiam, plantare humilitatem, effodere iram, fundare patientiam, amputare invidiam, inserere benevolentiam, et hujusmodi virtutibus agrum cordis, quasi quibusdam bonæ frugis secundare seminibus. Cæterum si caro conteritur, et anima non fructificat, simile est ac si arari campus non desinat, et nunquam tamen messis apparent. Quamobrem si interius non mundamur, et exterius affi-



gimur, quantum video, inimicitias contra utrumque A  
suscipimus. Tantum nobis laboris indicimus propter  
animam, et nihil impendimus studii circa ipsam ani-  
mam. Interdiximus nobis diversas sæculi voluptates,  
varios deliciarum saporis, in quibus erat aliquid  
jucunditatis atque dulcedinis; et nunc abstinere non  
possumus a superbia, ab ira, ab invidiæ venenatis  
passionibus, in quibus nihil est, nisi quidquid amar-  
itudinis atque rancoris est. Propter amorem Domini  
nostri ad relinquendos dulces affectus et chara pi-  
guora fortissimi fuimus, jucundissimos piissimorum  
vultus parentum quasi odissemus, ita fugimus. Bel-  
lum quodammodo pietati ipsi indiximus, et nunc ad  
declinandas negligentias, ad expugnanda levissima  
[Al. lenissima] vitia infirmi ac desides sumus. In  
abdicanda sæculi jucunditate tam magna præmi-  
imus, et nunc maledicere, obtrectare, moveri contra  
vilia, insuper et in hominem irasci, et scandalizari,  
hæc vincere impossibile, ac supra humanam puta-  
mus esse virtutem. Sed quod nunc in minoribus ce-  
dimus, per vitia nostra ipsi non accusamus. Doce-  
mus enim quod quidquid nunc agimus, non impos-  
sibilitatis est, sed teporis. Ideoque, fratres, respi-  
ciamus ad fidem illam fervoremque quo cœpimus,  
et ad ornandum conversationis nostræ usum saltem  
de primordiis nostris sumamus exemplum: si peri-  
culosum est non quotidie aliquid addidisse, quanto  
periculosius est etiam ab initiis recessisse? Opus est  
ergo ut corporalem laborem spiritualis fructus, id  
est, morum emendatio subsequatur. Vitia quæ utrum-  
que hominem impetunt, uniuscujusque labore vin-  
cenda sunt atque expugnanda. Parum prodest car-  
nis contritio, si non habeatur cordis sollicitudo et  
mentis intentio. Quod si solum laboret corpus, et spi-  
ritus noster repugnet, quid prodest passiones impu-  
gnari a famula, quæ pacem inveniuntur habere cum  
domina? Nam levius est, si interdum caro sola im-  
pugnationibus quibuscumque vexetur, verbi gratia,  
si concupiscentia gulæ ac luxuriæ aculeis inquietetur.  
Fieri enim potest ut ad omne [Al. ad animæ]  
non perveniat periculum, si mens respuat volupta-  
tem. Quod si concupiscentia peccati arcem mentis  
obtineat, quid mihi prodest, si nondum maculatus  
videatur exterior [homo] meliore sui parte vitata?  
Si enim interior victus est, jam uterque captivus est.  
Quid prodest, si extra civitatem geramus bellum, et  
intus patiamur excidium? Ideoque si me de vigiliis  
revertentem inobediendiæ passio, si spiritus invidiæ,  
si consuetudo obtrectionis excipiat, si ad trans-  
gressionem regulæ præsumptio furtiva sollicitet, et  
si zizania tritico miscui, quod videbar congregasse  
dispersi, spem messis avibus ferisque donavi. Ac sic  
nunc momento laborem totius noctis effudi, et  
quod pejus est, nec effudisse me sensi. Hæc est  
enim spiritualium bonorum ratio, ut cum [Al. et  
cum] ea summo labore constet acquiri, tam facile  
pereant, ut vix possit intelligi: et inde est quod nos  
interdum sanctos putamus, quia lucra de laboribus  
æstimamus, et detrimenta subsequencia deprehen-

dere non valeamus. O quam frequenter judicationis  
mulum, vanitatis ac jactantiæ morbum, dum non  
sentimus, incurrimus! Quam frequenter invidiæ spi-  
ritu adurimur, vel inhonestis atque obscenis cogita-  
tionibus in ipso esse confundimur, et perceptionem  
vulneris nullus sequitur sensus doloris, nulla con-  
tritio compunctionis! Sed quid ego de his occultis  
loquor, quæ serpentino quodam lapsu ad ipsam ani-  
mam penetrantes, venenato nescios et ignaros dente  
percutiunt? apertis interdum a nobisipsis scandalo-  
rum bellis collidimur, obtrectionibus ac malelo-  
quiis linguæ nostræ, velat proprio mucrone confodi-  
mur, cum vitis interdum etiam in præpositos illatis  
violamur, et in eorum injuriis ipsum quodammodo  
Christum Dominum colaphizamus, qui dixit: *Qui vos*  
B *spernit, me spernit* (Luc. x, 16); et nullus conscien-  
tiæ scrupulus, nulla compunctionis medicina subse-  
quitur. Sed quid in nobis medicinam pœnitentiæ  
quæro [Al. pœnitentiæ gemitus quæro]? utinam in-  
terdum post speratam veniam non pœniteatur! uti-  
nam non pœniteret humiliari, quos non pœnitel præ-  
veniri! Respondeat mihi illa anima quæ peccatum  
suum confusione mortifera in conspectu fratrum sic  
agnoscere erubuit, quomodo vitare debuisset, quid  
faciet cum ante tribunal divinum, cum ante [Al. et  
ante] cœlestis militiæ fuerit præsentata consessum?  
Cum hinc atque inde quasi quibusdam vehementis-  
simis testibus urgeri cœperit, veteribus circumdata  
malis, quæ per humilitatis et compunctionis reme-  
dium curare noluit, dum licebat, quæ præpositis  
C subtrahendo atque celando æterno examini atque æ-  
terno judici integra reservavit [Al. reservabit].  
Ideoque qui culpas et negligentias, etiam quæ parvæ  
æstimantur, præsentati deflet atque exponit reatu,  
noverit se de supplicio æterno brevi transiisse com-  
pendio. Itaque si cupimus ut nos nequaquam fallat at-  
que decipiat sollicitissima carnis vanitas, et secreta  
inhonestæque cogitationis obscenitas, tacitæ mentis  
voluptas, incauti cordis impietas; prius ea quæ ma-  
nifesta sunt, id est, gulæ appetitus, iræ motus, su-  
perbiæ impetus, contradictiones tumidas, obtrecta-  
tiones improbas a moribus nostris excidere festine-  
mus. Quomodo enim prævidere poterimus in secreto  
hostem, si hic vitare [Al. si evitare] non valuerimus  
aperta congressione pugnantem? Ideoque, charissimi,  
D militia nostra hoc a nobis requirit, ut non contra  
alios, sed contra nosmetipsos quotidie dimicemus,  
et universos hostes nostros in nobismetipsis jugiter  
persequentes, palmam spiritualis triumphi a Domino  
consequamur: et quidem quamdiu ad iudicium per-  
tinebamus, illis actibus ac negotiis militante, in  
quibus nunc erubescimus, tunc nobis adversarius  
non obstabat, immo etiam consentiebat, quia circa  
miserabilem et perditam vitam nostram non invenie-  
bat in quo suam exerceret invidiam. Delectabant il-  
lum nostra opera, sufficebant illi per se nostra cri-  
mina. Quis enim suscipiat bellum cum milite suo?  
Quis velit impugnare subjectum suum? Supra om-  
nem infelicitatem erat vita illius cui nocere non



dignabatur inimicus. At vero nunc postquam voluptatibus illius renuntiavimus, videt cultores suos ad auctoris praeconi redisse famulatum, videt in nobis quodammodo idola sua in Dei templa mutari, frendens, et tamquam leo rugiens, omnes nocendi aditus pervigil insidiator explorat (I Petr. v), dirigit contra nos visionum acies, exhibens secum septem spiritus nequiores se, si forte domum nostram spiritualibus bonis inveniat vacuum ac vacantem, et cum turbis suis eam valeat occupare; ut sibi [Al. ac sibi] in ea praemissis vitiis quasi quibusdam metatoribus prae-  
paret mansionem. Atque ideo, charissimi, mille contra nos nocendi versat ingenia. Juniores quosque [Al. quoque] et insipientes, vel indecoris [Al. indecorosis] gulae blandimentis attentat, vel aculeis non edomita carnis impugnat, si possit eorum sensus vel honestas cogitationes polluere, et ignobilem [Al. nobilem] triumphum de castitatis vulnere reportare. Meliores vero quosque ac seniores, per elationis ac jactantiae malum, profectu ipso ac meritis propriis expugnare conatur; ut dum tempora, dum merita ingerit, per immundissimam vanitatem, humilitatem cordis excidat; et, quod periculosum est, in conspectu Dei sibi hominem placere persuadeat [Al. persuadet]. Jam vero illud commune ac familiare malum est, quod armat contra nos linguae nostrae gladios, quod irarum inflamat stimulos. Atque ita diversis passionibus inebriat mentem, ut quando aut irascimur, aut obrectamus, aut maledicimus, aliis nocere credamus. Sed non ita est, charissimi; nam uniuscujusque vitii malum in suum redundat auctorem. Suam linguam maliloquus maculat, suum cor obrectator exulcerat, suae mentis lumen iracundus obsecat, suam animam invidus veneno livoris aspergit. In quo illud quoque Salomonis impletur: *Fili, si malus fueris, solus hauries mala* (Prov. ix, 12). Inde ergo evenit, dilectissimi, sicut dixi, quod nos interdum deteriores esse sentimus quam in saeculo fuimus, quia ad malum in colluctatione incentores sumus, quia hosti, quem ipsa conversatione procuravimus [Al. provocavimus], in medio certamine manus damus. Nec in fervore quo coepimus perseveramus, sed debellante tepore succumbimus. Ideoque magnis viribus defendendum est magnae nomen professionis. Multum est quod ad eremum veniendo promisimus Deo, quamlibet multa sint quae speramus a Deo. Ideoque discutiamus omnem inertiam, omnem lassitudinem mentis, et pretiosam militiam pretioso agamus affectu. Non exspectemus ad obsequia Domini nostri mercenariorum ac servorum more compelli, neque contenti simus ut alius a nobis exigit quidquid ad salutem et gloriam nostram pertinere cognoscimus. Ante omnia caveamus ut quod nobis agere necesse est, non agamus inviti. Nec ante opus contradicamus, nec in opere murmuremus, nec nobis de consummato opere placeamus, male blandiente jactantia. Ante omnia, fratres, sollicito cordis oculo negligentias nostras quotidie discutiamus, easque nobis discusso teporis nubilo ante oculos constituamus,

A dicentes illud: *Peccatum meum ego agnosco, et delictum meum contra me est semper* (Ps. l). Scelus est, quod interdum nobis levia ac vilia facit peccata nostra ipsa consuetudo peccandi, cum certum sit nos sicut de minimis bonis augeri, ita de minimis negligentis debere compungi. Non est enim minimum vitia in vita hominum [Al. intra vitia hominum] negligere minima. Nescio de quibus delictis debeant esse securi, etiam de peccatis ignorantiae judicandi, ac rationem de otiosis sermonibus ac de cogitationibus reddituri. Nescio quae debeant delicta negligere, de quibus et ipse Dominus cum quadam definitione declarat: *Amen dico vobis, si quis dixerit fratri suo, Fatue, reus erit ignis* (Matth. v, 22). Quis inter haec ullam sperare indulgentiam posset? nisi quam proclivis est homo ad delinquendum, tam misericordia Domini nostri dives esset ad remittendum? Respicimus ergo, fratres, vocationem nostram, ambulemus in humilitate, in omni patientia, in omni mansuetudine. Ponamus ori nostro custodiam; timor futuri judicii mitiget iracundiam; cogitatio ultimi diei frangat superbiam. Cogitemus quid luctus erit negligenti animae ex hoc corpore discedenti, quae angustiae, quae caligo, quae tenebrae, cum ex illo adversariorum numero prima occurrere coeperit conscientia diversis circumjecta criminibus. Ipsa enim remotis omnibus probationibus, ipsa ingerenda oculis nostris, ut nos et convineat probatio, et confundat agnitio. Non ulli [Al. non ibi] licebit vel celare, aliquid, vel negare, ubi non de longe aliunde, sed de C intus processurus est accusator et testis. Quamobrem ut futuram illam confusionem ex praesenti, quae inter homines evenire solet, confusione conjiciamus [Al. conjiciamur], cogitemus si alicui nostrum inter nos objicerentur delicta et occulta sua, quemadmodum et cordi intrinsecus nota sunt, vere dico, communes omnium vulnus ferre non posset; et quid faciet infelix anima quando cum opprobriis et scditatibus suis angelorum fuerit conspectibus praesentata? At vero illa anima quae bene cursum suum direxerit, quae Christo in senioribus suis obtemperaverit, quae professionem suam per omnia custodierit, non timebit ultimae illius horae necessitatem; exire de hujus corporis habitaculo ita sibi videbitur, quasi post longas carceris tenebras producat ad lucem, quasi de aliquo obscurisimo specu in aulam regiam introducat, quasi de lacu miseriae et de luto faecis abstracta, speciosis ac splendidis vestibus induatur, atque inter florum et aromatum suavitatem miris reficienda odoribus collocetur. Recordemur quam jucunda sit quies, quam delectabilis repausatio, post se depositum alienius gravissimi oneris fascem. Quam dulce sit post longae captivitatis catenas ad charam patriam recuperata libertate remeasse. Quam pretiosum sit, post multae navigationis pericula ad optatam terram, atque ad portum desiderabilem pervenisse. Atque ex his colligamus et cognoscamus quam jucundum erit comite bona conscientia ad vera et solida gaudia, atque ad angelorum transire consor-



tia, et ad illam vitam conscendere ubi nulli erunt labores, nulli dolores, nulla damna, nulla incommoda, et quod supra omne bonum est, nulli peccata; sed æterna innocentia, inviolata justitia, inconcussa securitas ac sempiterna felicitas.

# HOMILIA IX.

*Ad monachos.*

*Videte vocationem vestram, fratres charissimi (1 Cor. I, 26). Venire ad eremum summa perfectio est; non perfecte in eremo vivere, summa damnatio est. Quid prodest, si in loco quies teneatur, et inquietudo in corde versetur? Si in habitatione silentium sit, et in habitatoribus vitiorum tumultus, et colluctatio passionum? Si exteriora nostra serenitas teneat, et interiora tempestas? Solemus annos nostros, et temporum spatia, quibus nunc vivimus, supputare. Non te fallat, quicumque ille es, numerus dierum quos hic relicto corporaliter saeculo consumpsisti. Illum tantum diem vixisse te computa, in quo voluntates proprias abnegasti, in quo malis desideriis restitisti. Quem sine ulla regule transgressione duxisti, illum diem vixisse te computa; quem non malitia, non invidia, non superbia commaculavit; quem non mendacii, non perjurii culpa respersit; qui peccato non cessit, qui diabolo repugnavit. Illum diem vixisse te computa, qui puritatis et sanctæ meditationis habuit lucem, quem non conversatio tenebrosa mutavit in noctem. Illum, inquam, diem applica ad vitam tuam, cujus usus pervenit ad animam tuam. Solemus etiam nobis de corporalium jejuniorum ac visibilium vigiliarum assiduitate blandiri, qui post vigiliis ac de ipsis forte vigiliis ad obtrectationis, ad verbositatis, ad murmurationis malum egredimur. [Nam] qui se de choro [Al. de cura] psallentium ad commensationes inhonestas, bibitionesque furtivas, non solum damnabili transgressione, sed etiam abominabili vilitate subducit, multo esset levius, si sobrietate dominante dormiret. Qui jejunans oneratum et prægravatum pectus iracundiæ, et indignationis distentione circumfert; qui a vino abstinere, et in sensibus suis amara discordiæ ebrietate turbatur; qui, inquam, in exteriori salutifera poculorum paritate se macerat, et interior cor ejus mortiferum [Al. et interior mortiferum] virus odiorum visceribus infectis [Al. viscera infectus] eructat, nonne in se propheticas voces dirigi jam etiam in præsentī vita prædamnatus intelligit: *Non tale jejunium elegi, dicit Dominus (Isai. LVIII, 5); vel illud: Ex vinea enim Sodomorum, vinea eorum, et vites eorum ex Gomorrha. Uva eorum, uva fellis, et botrus amaritudinis in ipsis (Deut. XXXII, 32)?* Ita autem interdum diabolus cum adverterit animam fide vacuam, et Dei timore nudatam, ita diversis passionibus inebriat mentem, ut quando aut maledicimus, aut irascimur, aut obtrectamus, quando hæc agimus, aliis nos nocere credamus. Sed non ita est. Nam uniuscujusque vitii malum in suum recurrit auctorem, sicut dicit sermo divinus: *Fili, si malus fueris, solus hauries mala**

(Prov. IX, 12); suam linguam maliloquus maculat, suum cor obtrectator exulcerat, suæ mentis lumen iracundus obereat, suam invidus animam velut quadam rubigine pestifero livore corrumpit, et sicut exulceratis parentibus nascuntur viperae, sicut, inquam, nasci viperei fetus disruptis matrum visceribus asseruntur; ita humana præcordia ipsis primitus quas conceperint passionibus dilacerantur. Illa, inquam, præcordia, de quibus vitiorum generatio serpentina profertur, ipsa primitus monstruosa partus [Al. a partu] fecunditate violantur. De tali partu dicit sermo divinus: *Ecce parturit injustitiam, concepit dolorem, et peperit iniquitatem. Convertetur dolor ejus in caput ejus, et in verticem ipsius iniquitas ejus descendet (Ps. VII).* His itaque auditis, nostræ ut oportet circa vos ferventis charitatis animus pro aliquorum negligentis longo cruciabatur dolore. [Sed præmisso affectu] et aliquibus exonerati pectoris æstibus præcipimus, admonemus, atque etiam vos pro vobis (si tamen affectum præcipientis audire non dedignemini) obsecramus, ut de reliquo corrigamus mores, negligentias emendemus, ne huc postmodum non cum linguæ ac sermonis virga, sed cum his verbis quæ obdurata [Al. obturata] deposcent corda, veniamus. Elaborate potius deinceps ut inter vos [Al. nos] contentione laudabili ac meliore tandem æmulatione certetis. Sit unusquisque vestrum [Al. qui vestrum] in opere Dei promptior, in oratione [Al. quis in oratione] ferventior, in lectione sollicitior, in castitate sit purior, in sobrietate parcior, in lacrymarum largitate profusior, in corpore honestior, in corde sincerior; [Al. quis] in ira mitior, in mansuetudine moderatior, in risu rarior, in compunctione ferventior, in gravitate fundatior, in charitate jucundior. Et ideo ipsi nosmetipsos castigemus, quotidie ipsi nobiscum rationem de quotidiana conversatione faciamus. Alloquatur se in secretis cordis unaquæque anima et dicat: Videamus si hunc diem sine peccato, sine invidia, sine obtrectatione ac murmuratione transegi. Videamus si hodie aliquid quod ad profectum meum, quod ad ædificationem aliorum pertineret, operatus sum. Puto quod hodie illum incipientem destruxi; hodie seniori meo inobediens fui, mentitus sum, pejuravi [Al. perjuravi], ira vel gula victus sum; plus hodie risi; plus cibo ac potui, plus otio ac somno quam quem decebat indulsi; minus legi, minus oravi quam debui. Quis mihi reddet hunc diem, quem fabulis in vanis perdiidi? Ac sic, fratres, de omnibus negligentis nostris compungamur in cubilibus (Ps. IV), id est, in cordibus nostris: si ita egeritis, nos quidem de profectu vestro lætabimur [Al. lætificabimur], sed vos de acquisita salute gaudebitis, nos vobis pro salutis vestræ acquisitione subdetis. Donet autem illius pietas, ut ita de sermone nostro proficiatis, ut nos vicissim vestris meritis adjuvetis, nobisque in præsentī [vita] ornamentum sitis, et in futura [Al. in futuro] præsidium.



## HOMILIA X.

Ad monachos.

Ait quodam loco sermo divinus : *In diebus solennitatum vestrarum affligite animas vestras* (Lev. xvi, 29; xxiii, 27). Quare hoc dixit? Quia jejunia et vigiliæ et sanctæ afflictiones humiliat [Al. humiliata] corpora macerant, sed maculata corda purificant. Membris subtrahunt fortitudinem, sed conscientiis addunt nitorem; nihilominus enim de contritione redimuntur crimina voluptatum. Per duræ crucis exercitia deceptæ dudum carnis gaudia puniuntur. Ac sic mortificatione præsentis futuræ mortis sententia prævenitur; et dum culpæ auctor humiliatur, culpa consumitur: dumque exterior [Al. exteriori] afflictio voluntariæ districtiois infertur, tremendi iudicii offensæ sedatur; et ingentia debita labor solvit exiguus, quæ vix consumpturus erat ardor æternus. Tractantes ergo causam salutis nostræ, faciamus intra nos quod circa nos medici solent. Si læsura aliqua vel querela in prima corporis cute sentitur, curatio medicamenti blandioris apponitur. Si vero in ossibus vulnus abconditum, aut in viscerum profunda demersum est, austriorem ac violentiorem poscit vis occulta medicinam, ut ulceris magnitudo aut exustione supercuretur, et dolor dolore pellatur. Similis ratio in agitudine interioris hominis adhibenda est: si levia sunt fortasse delicta, verbi gratia, si homo vel in sermone, vel in aliqua reprehensibili voluntate, si oculo peccavit, aut corde; verborum et cogitationum maculæ quotidiana oratione curandæ, et privata compunctione tergendæ sunt. Si vero quisque conscientiam suam intus interrogans, facinus aliquod capitale commisit, aut si fidem suam falso testimonio expugnavit ac prodidit, ac sacrum veritatis nomen perjurii temeritate violavit, si velum baptismi vel tunicam, tunc etiam [Al. tunc eam] et speciosam virginitatis holosericam cœno commaculati pudoris inferit, si in semetipso novum hominem nece hominis occidit, si per augures, et divinos atque incantatores captivum se diabolo tradidit; hæc atque huiusmodi commissa expiari penitus communi et medioeri, vel secreta satisfactione non possunt, sed graves causas, graviores et acriores, et publicas curas requirunt. Ut qui cum plurimorum destructione se perdidit, simili modo cum plurimorum ædificatione se redimat. Homo enim ipse se decipit, si cum in medullis fervere sibi sentiat morbum, per superficiem corporis molle deducat unguentum. Hæc itaque principalia mala ingenti rugitu, gemitu et fonte indigent lacrymarum, eique post lacrymandum est cum propheta : *Rugiebam a gemitu cordis mei; lavabo per singulas noctes lectum meum* (Ps. vi). Et iterum : *Ego autem cinerem sicut panem manducabam, et potum meum cum fletu miscebam* (Ps. ci). Nemo despiciat hanc humilitatem. Summus rex erat, qui ista dicebat; summus rex erat, qui ista faciebat. Oportet itaque sicut supra mortuum conclamatum, ita magnos supra extinctam animam dare planctus: et quomodo solet mater orba [Forte, orbata] super amissione unici sui fracto pectore lamentari, ita con-

A venit super unicam suam, sed cum spe reparationis affligi. De qua unica sermo propheticus dicit : *Eripe a framea animam meam, et de manu canis unicam meam* (Ps. xxi, 21). Quare unicam dixit? Sive quia tamquam unica diligenda est, sive quia ipsa sola et singula ante tribunal cælestæ rationem, remotis omnibus solatiis, redditura est; ita, inquam, necesse est super hanc unicam criminum mucrone confossam, totum pondus doloris effundi, si forte possit lacrymarum vivificata fontibus calore fidei suscitari. Accendenda est compunctio, corroborandæ sunt preces futuri recordatione iudicii, misericordiarum operibus adjuvandæ. Audienda est prophætæ sententia, sed audienda obedientiæ auro, dicentis : *Accipe, inquit, o rex, consilium meum, et peccata tua eleemosynis redime* (Dan. B iv, 24). Exemplum etiam illius evangelici viri ita est audiendum, quasi vere pro nostra redemptione conscriptum : *Ecce dimidium bonorum meorum, Domine, do pauperibus* (Luc. xix, 8). De quibus in Evangelio adivimus Dominum ineffabili dignatione et charitate dicentem : *Qui fecit uni ex minimis istis, mihi fecit* (Matth. xxv). Quæ verba eleemosynarum nobis effectus cælesti auctoritate commendant. Sed forte quando de eleemosynis loquimur, expavescit [Forte, expavescat] angusta paupertas. Non ita, charissimi: meminerit potius æra minuta divitum thesauris fuisse prælata. Quia Deus noster non solum copia largitatis, sed benevolentia pascitur largientis. Ego autem puto, charissimi, quod ita Dominus noster pauperes in hoc mundo esse permiserit, ut in pauperibus divitum fidem probaret; vel in pauperum misericordia divitibus misereretur, ut abundantibus bonis operibus, hæc redemptionis suæ occasio non deesset, ut benevolam locupletem, etiam inopia aliena ditaret, et opulentior quisque ingentia de egente lucra reciperet [Forte, lucrari cœperit]: et mirifico summoque commercio, dum inopi misericordia temporaria largitate conferatur, sibi æternus thesaurus compensaretur. Dirigamus actus nostros, et quidquid possumus, et quidquid valemus, in exercitia bonæ voluntatis, in studia iustitiæ ac misericordiæ conferamus. Curramus dum lucem habemus, prius quam nos tenebræ comprehendant (Joan. xii, 35), quia jam in illo sæculo emendationi ac redemptioni prospicere non licebit. Sicut dicit sermo divinus : *Quoniam non est in morte qui memor sit tui* (Ps. vi). Sicut ergo ibi jam nulla timebitur meritorum amissio, ita nulla tribuetur remissio peccatorum. Nulla jam ibi exercendi boni operis licentia concedetur. Numquid ille pascere aliquis esurientem poterit, ubi edendi et bibendi necessitas non erit, ubi cibo et potu nec impius inter inferni flammæ, nec pius inter paradisi delicias indigebit? Numquid ibi algentem vestire continget, ubi omnino tegendi corporis cura cessabit; ubi sub illo frigore, de quo propheta dicit : *Ante faciem frigoris ejus quis sustinetit* [Al. subsistet (Ps. cxlvii)]; ubi in perpetuum nudus erit qui hic indumentum nuptiale perdidit; ubi malus maculosæ conscientiæ tenebris, bonus vero pallio immortalitatis et beatitudinis ve-



stuetur; ubi indurcata merita erunt, sicut dicit [Dominus:] *Tunc iusti fulgebunt*; et iterum: *Sacerdotes tui induantur iustitiam* (Ps. cxxxii); vel illud: *Astitit regina a dextris tuis in vestitu deaurato* (Ps. xlii)? Ubi ergo pro sanctorum corporum tunica lux refulgebit aeterna, ibi vestitus numquam ullis sæculis exuendus convertetur in corpus, ibi indumentum transibit in præmium, ibi angelica illa stola non jam erit amictus, non jam erit habitus, sed natura. Numquid ibi jam avarus aut tenax de abundantia sua benefacere alteri poterit, ubi ne sibi quidem unam guttam in medio stagni aestuantis voluntas inveniet? Nil enim secum de his quæ propria habere se credidit, portaturus est (sicut dixit propheta): *Non enim cum morietur, accipiet omnia, neque simul descendet cum eo gloria domus ejus* (Ps. xlviii, 18), auditorus inter defessa supplicia: *Esurivi, et non dedistis mihi manducare; sitivi, et non dedistis mihi bibere* (Matth. xxv). Intelligamus quid damnationis erit spoliasse pauperem, quem summum crimen est non pavisse. Huic ergo qui tennem atque egenum sine ulla futuri iudicii consideratione nunc comprimit, huic, inquam (sicut quidam dixit), *Adveniet tempus, cum optaverit a se fuisse intactum pauperem, et non spoliatum quem oderat*; et quam jam intolerabilis dolor erit, si inde quisquam causas mortis incurrat, unde vitæ gaudia comparare potuisset? Noli ergo despiciere inopem, qui cum sibi pauper sit, facere te divitem potest: rapiamus ergo de præsentis sæculo, ferventi devotione, quod possumus. Cito transeunt dies nostri, utinam bene transeant! Rapiamus ergo quod possumus de hoc sæculo, gratias agentes illi qui ita dispensavit utramque vitam, ut laborum et agonum tempora cito finirentur, honorum vero et præmiorum gaudia sine fine durarent.

#### HOMILIA.

##### *De sancta Blandina Lugdunensi.*

Etiamsi martyribus regionis extraneæ pia votorum debita redderemus, propriis consulere utilitatibus et commodis probaremur, nostros eos fides faceret, et remotis quamlibet finibus, sperata nobis patrocinia corrogarent. Studiorum siquidem sunt huiusmodi suffragia, non locorum: proinde apud domesticos Dei tantum intercessionis promereri, quantum venerationis impenderis. Oportet itaque ut alienos potius nobis devotio religiosa conciliet, quam forte proprios a nobis negligentia irreligiosi teporis alienet. Agnoscamus, charissimi, circa Ecclesiam nostram uberiores divinorum munerum largitatem; exsultant singularem urbium populi, etsi unius saltem martyris reliquiis muniantur: ecce nos populos martyrum possidemus. Gaudeat terra nostra, nutrix cœlestium militum, et tantarum parens fecunda virtutum. Ecce profanus hostis nequaquam ei tantum prodesse potuisset obsequio, quantum profuit gladio. Nam sicut sacratissimi præsentis diei manifestant festa, quantum contra eam iniquitas abundavit, tantum in ea gratiæ nunc et benedictionis exuberat. Legimus in Bethleem ab

Herode, dum Christum persequitur, millia felicium extincta esse puerorum, dicente propheta: *Rachel plorans filios suos, et noluit consolari quia non sunt* (Jer. xxxi, 15; Matth. ii, 18). Ea hæc beata parens, et triumphalium illustris patria bellatorum, tantorum dives pignorum meritis, etsi ad monumentum oculis insipientium orbari visa est, nequaquam tamen indiget consolari, nec plorat filios suos: quia in videndis luctibus dum perderet, acquisivit. Fiducialiter inter hæc tecum, o Bethleem terra Juda (quæ Herodis immanitatem puerorum extinctione perpessa es; quæ sub uno tempore candidatam plebem imbellis infantiae Deo offerre meruisti); digne, inquam, tecum, o Bethleem, Lugdunus noster certaret, et super divinis circa utraque beneficiis velut collato tecum sermone contenderet, ita dicens: O Bethleem, in martyrum nostrorum titulis tu numero fortasse præcedas; ego merito in tuis interfectio fui, confessio non fui; in meis colluctatio passionis, in tuis sola fuit opportunitas et occasio felicitatis; te exitus ditavit benedictione, me virtus; tu in sanguine parvulorum potuisti videre pereuntes, non potuisti expectare certantes; te coronavit innocentia morientium, me gloria triumphantum; tui in præmium regni sine conscientia pervenere martyrii, mei autem cruciatibus afflicti, suppliciis explorati, sævis ignibus sacrificii more decocti, quantas susceperunt in corpore pœnas, tantas in spiritu perceperunt coronas; ac sic per tormentorum plagas et torquentium moras prius consecrati sunt quam perempti; tu obtulisti annis parvulos, ego etiam meritis consummatos: ego obtuli qui per tormenta sua vincerent, cum periclitari in fide potuissent; tu obtulisti qui fructum moriendi habere possent, periculum negandi timere non possent; tu obtulisti infirmum populum, ne Christum sacrilegus inveniret: ego obtuli robustum numerum, cujus exemplo etiam sacrilegos in salvandis persecutorum ministris Christus acquireret. Postremo beata illa morte qua Herodes dum sacrum puerum quærit solum, tantum pueros immolavit; triumphum tuum sexus unus, meum uterque promeruit: mea pugna palmam de mundi principe etiam in feminis reportavit. Chorus meus in pueris innocentes tuos habere potuit, chorus tuus Blandinam meam habere non potuit. Præstitit inter ista divina providentia, ut in tantis patriæ sacrificiis etiam pontifex non deesset. Rapitur ad impiam questionem grandævus et plenus dierum beatus Pater noster Pothinus Ecclesiæ huius antistes, et pro eruditionis, ut credimus, merito gregi suo jungitur; ac post Domini corporis sacrificium, profanis tribunalibus novam de se hostiam Christo oblaturos inferitur. Senilis infirmitas per injurias et afflictiones furentium ministrorum ita celerem sortiitur exitum, ut eum intelligeres ad tempus illud soli martyrio reservatum. Felix cui in ipso vitæ limine constituto, finem suum non tam naturæ contigit debere quam gloriæ. Corroborantur hic piæ mentes tanti



parentis exemplo, et parata supplicia non tam excipiant quam invadunt. Diversa multimodæ crudelitatis ingenia, novosque cruciatus in semet sanctorum pectora invicta consumunt, et intolerandum pondus malorum contemnendo vincunt, et sentiendo obtinent ut sentire non possint; subjiciuntur ignes, sed ad hoc tamen valere cognoscuntur ut consequantur: instigantur bestie, sed ad prædam suam feritas impasta miratur [Al. minatur]. Dilacerata vario tormentorum genere membra sanctificant flammæ dum pascere nesciunt, honorant bestie dum sævire non norunt. Ubi sunt qui dicunt venerationem sacris martyrum deferendam non esse corporibus? Ecce cruentæ feritatis immanitas quæ religionis non recipit sensum, defert venerationis obsequium; et quæ discretionem rationis ignara non recipit, ad malorum tamen damnationem, quid honoris sanctis debeat agnoscit; ac sic supplicii ministerium vel instrumentum miro modo meritorum efficitur testimonium; et dum pietati reverentiam præstat, profert tacitam de impietate sententiam. Cum ergo, charissimi, Ecclesia nostra tantis fidei adornetur tropæis, id elaborabat jus iniquitatis, ut seipsam scelerum novitate superaret. Sacra corpora funeris honore privantes ignibus dabant, et post hominum mortem contra ipsam pugnabant humanitatem. Et cum jam causa perisset furoris, finem non imponebant crudelitati; sed tamen, vellent nollent, beatitudinis eorum testes erant, quibus etiam mortuis invidebant. Quomodo semper malitia cum stultitia conjuncta est? veneranda ossa in cineres redigebant, quasi vero possent flammis merita consumi, et virtutes cum cineribus concremari. Quam confusa dementia! quibus cælum acquirabant, his terram negabant. Nil ergo fecisti inaudita sævitia: incassum te extinguere eorum memoriam credidisti, quorum gloriam propagasti. Dispergis sanctorum pulverem fluentis Rhodani ne resurgat, sed aquis resurrectio non consumitur, quæ per gratiam regenerationis etiam aquarum munere celebratur. Adorandas reliquias Rhodano tradis: hoc facit vis fluminis in corporis resolutione, quod temporis. Quidquid itaque ex humana substantia avis raperit, bestia devoraverit, unda sorbuerit, etiamsi tumultu non clauditur, intra mundi gremium continetur. Neque enim reparatio hominis in ratione terræ, sed in legis natura et in reparatoris virtute consistit. Ipse enim veridico ore testatus est: *Ego sum resurrectio et vita* (Joan. xi, 25), qui vivit in sæcula sæculorum. Amen.

## HOMILIA.

*De sanctis martyribus Ehipodio [Epiphodio, Martyrol. 22 April.] et Alexandro.*

Magnum quidem est publicis atque communibus dare vota solemnitatibus, sed excellentior quedam festivitas judicanda est alumnis exsultare virtutibus. Et ideo indigenarum martyrum cultus et honor specialium patronorum sicut peculiare dat gaudium, ita proprium requirit affectum. Etenim si peregrinas

A palmas extraneasque victorias et coronas ac transmarinos triumphos tanta nos oportet sedulitate venerari ut quod alienum est locis nostrum faciamus officiis, et illud quod non includitur sepulchris, sit commune suffragiis; quanto nos impensius convenit in eorum celebritate fervere studio, excubare famulatu, quibus multiplicem debet religio devotionem, Ecclesia honorem, patria charitatem? Ut sicut eorum per unius parentis gremium jure nascendi cognati sumus, ita nobis erga eos pietatis et gratiæ privilegium vindicemus, atque ad eos fidei devotione prius accedamus, ut quorum esse cives gratulamur in terris, cum his municipatum [πολίτευμα. Phil. iii, 20. *Vulgat.* conversationem] habere mereamur in cælis: duplicia itaque Ehipodii et Alexandri tropæa Ecclesiæ nostræ fides interjecta bidui vel tridui distinctione concelebrat, non adventitiis festa reliquiis, sed intemeratis patrii sinus festa monumentis. Plurimæ autem populorum Ecclesiæ etiam illa sanctificatione contentæ sunt, quam de angelicis membris sacri amictus, vel duri catenarum nexus contingendo rapuerint; ut quod fuit instrumentum poenæ, sit gloriæ testimonium, et dolorum materia transeat ad insigne meritorum; nos vero beatorum illustre munus totum atque integrum possidemus; et quod universo mundo possit sufficere, intra gremium civitatis hujus specialiter conclusum tenemus, et geminas palmas triumphi æmulas apostolici, Urbi attollimus, atque habentes et nos Petrum Paulumque nostrum, binos suffragatores cum sublimi illa sede certamus. Et quidem beati martyres, quorum pretiosus pulvis per diversas usquequaque regiones in populorum disseminatur salutem, plenum quocunque loci cultum de honore Dei impensa sibi religione suscipiunt, et quanto celebratum fuerit fide ditiori, tanto erit eis gratia celebritatis acceptior. Sed absque dubio multo eis gratius, multo jucundius est, si eos ibi potissimum fervor excolat pietatis, ubi super eos furor incubuit passionis; si illic eis supplicationum sacrificia deferantur, ubi in Dei sacrificium procubuerunt; si illic eis vota fundat prædicanda posteritas, ubi innocentem sanguinem feræ profudit immanitas; si denique eos ille Christus in nominis inimicus ubi credidit interemptos, illic videat consecratos. Dulcius, inquam, eis probatur obsequium, si ibi eos laudum concelebrat benedictio, ubi super eos tribulationum desævit magnitudo; si inde invocentur ad suffragium, unde primo resurrectionis signo evocabuntur ad præmium. Quæ cum ita sint, charissimi, ad tenendam fidem, ad excollandam religionem, non nobis aliqua de longinquo sunt expectanda documenta, paternis instrumur magisteriis, ac domesticis admonemur exemplis. Num [Al. Nonne] nobis ad cor nostrum clamat cognati viva vox sanguinis? Discite, inquit, ex nobis fidem quærendo acquirere, vivendo excolere, moriendo servare; discite plus peccatum timere quam gladium, discite propter vitam magis justitiam amare quam vitam, fidemque et timorem Dei. Quem nos in media



belli tribulatione servavimus; observate ne vos in A pace vel pacis securitate perdatis. Cavete ne anchoram spei ac religionis quam nos custodivimus in fluctu, vos amittatis in portu. Cavete ne vitam bonam, si quando afflictionibus subditam videritis, miseram judicetis. Cavete ne in arena mundi, in qua ad subeundos agones missi sumus, aliquam felicitatem expectandam putetis. Beatitudo parari hic potest, non potest acquiri. Non hic quæras quod hic nullus sanctorum consummatus [Al. consummato] labore, nullus confessor obtinuit; non hic quæras quod hic nec Christus invenit. Si mundus pacem haberet, gloriam martyres non haberent; si examinatio non præcederet, tribulationis periret occasio. Ili ergo sunt, dilectissimi fratres, qui transierunt per magnas tribulationes, qui laverunt stolas suas, et candidas eas fecerunt in sanguine Agni (Apoc. vii, 14). Ili sunt commilitones illorum qui, secundum Apostolum, lapidati sunt, secti sunt, et tentati sunt, in occisione gladii mortui sunt; egentes, angustii, afflicti, quibus dignus non erat mundus (Hebr. xi, 37). Sed inter hæc fortasse, charissimi, quando boni et sancti tanta hic mala patiuntur, aliquis intra se cogitet et dicat: Certum est rerum Dominum non respicere quæ nostra sunt, negligere humana, non curare terrena. O quicumque ille es, quomodo respicis sanctorum labores, cur non respicis remunerationes? Ecce per totum mundum, in sanctis apostolis atque martyribus felicitati adversitas viam fecit, saluti perditio militavit, et ostium dum vitæ claudit, gloriæ patefecit; et in Deum fiduciam collocantibus dum terram invidet [Al. despicit], cælum paravit. Hoc ergo in exemplum patientiæ humano generi providentia divina proposuit. Quæ cum ita sint, falso miser putatur qui in virtute non læditur. Nemo ergo in Christiano ac fideli paupertatem et afflictionem laboris et injustitias tribulationis, infelicitatem ac miseriam vocet. Et hæc quando bonis accidunt, non incommoda ærumnarum, sed exercitia esse noverimus virtutum. Quando cultor Dei adversis laborare permittitur, non deseritur, sed probatur; et ideo dicit sermo divinus: *Beatus qui suffert tentationem; quoniam cum probatus fuerit, accipiet coronam vitæ, quam repromisit Deus diligentibus se* (Jacob. i). In hoc itaque mundo prævalente malitia, iniquitate dominante, pauper affligitur, dives multiplicatur: an tu hunc potentem vocas, qui in mortem suam fortis est, cui præsentium fallax umbra proventuum, æternorum congregat causas malorum? Quis beatam dixerit validam in jugulum suum dexteram? Quis probabiliter laudat velocem ad ardua præcipitia festinantem? Quis ejus miretur ascensum, quem de summo prospicit esse casurum? Perinde est, si aliquem miraris impia et iniqua per opes et divitias operantem, ac si quempiam videas inaurato atque gemmato sibi poculo venena miscentem: an tu illum felicem vocas qui infidelis, obscenus, cupidus, et cruentus, pro eo quod vias Domini aspernatur, per suas ire permittitur, dexteræ angustis offensus, et

sinistræ latitudine delectatus, fugit i. involvitur, sceleribus inficitur, spoliis contaminatur, et inter hæc se beatissimum putat, ex hoc quoque infelicior, quod se non intelligit infelicem. Quid his faciat medicina cælestium mandatorum, quæ non sanat nisi volentes? Pigri itaque ad curam salutis, abacres ad militiam mortis et captivitatis, ut dictum est, *exultant in rebus pessimis* (Prov. ii, 14), et de sui perditione latantur; similes illis qui forte sumentes exstiales herbarum succos, cum risu perire dicuntur. Sed inter hæc aliquis secum cogitat, et dicit [Al. dicat]: Deus potentiæ, Deus habitans in arce justitiæ, aut peccata si non damnat, ignorat, aut favet peccatis si dampnare dissimulat. Primum scire illum universa non dubium est, qui intrat et implet et excedit B universa, cujus oculis exposita et nuda sunt omnia, de quo dicitur: *Quoniam multa sapientia Dei, et fortis potentia, videns omnes sine intermissione*. Scire itaque illum omnia, et proximum esse, non dubium est, qui te orantem in cubiculum conscientiæ præcepit intrare; qui audit in cogitatione, et audit in corde: damnare verò illum delicta ac scelera, evidenter prophetarum monita, apostolorum magisteria, evangelistarum testantur oracula. Inter hæc dum proponit triste supplicium, dum ignem minatur æternum, hic dat sententiam, sed illic reservat ad pœnam. Illic vibrat gladium, illuc importabit exitium. Cur, inquit, non statim peccantem reum punit? Quis hunc ferre possit mentis errorem? de patientia Dei queritur, qui indulgentiam non meretur; non esset C justitia perfecta damnantis, nisi clementia præcederet arguentis. Deus nobis per omnem seriem Scripturarum patientiam benignus insinuat; et quod Dominus prædicat in servo, quomodo servus reprehendit in Domino? Nonne videmus interdum etiam humanarum legum administratores, non minus moderatione quam distictione prædicandos, multis præjudiciis edictisque reperitis deposita prævenire judicia? Jam culpa convincitur, et adhuc ira differtur. Sic prætendunt in severitate motum, ut non negligent in dissimulatione consilium. Ita et Dominus noster hæc quæ gerantur in terris, non negligenter ignorat, sed patienter expectat. Opera et voluntates hominum explorat ante, sic judicat, pensat, in conversatione [vel conversione] meritum, temperat in D dilatione judicium. Sensim ordinat humanas per moras temporum, dispensator æternitatum. Illic minatur ictum, illic completurus interitum. Quod si Deus humana nesciret, quis beatis martyribus instanti administratione belli esset adjutor? an quomodo in conspectu Dei sanctorum pretiosa mors esset (Ps. cxv, 15)? Aut unde *salus justorum a Domino*, nisi protectionem in tempore tribulationis acciperent? Quæ omnia pro religione atque justitia fidei bella præliantibus, præsentiam Domini expectantis et protegentis ostendit. Unde nos quoque auxiliatorem filium, ac martyrum protectorem fiducialiter exoremus, ut nostras quoque manus ad certamen spiritale corroboraret contra hostem illum, qui si horrescitur,



repellendus est; si nescitur, ingressurus est. Multam autem roboris amittit, si manifestus sit conscientis, qui solis vincit insidiis. Dimicaverunt patres nostri contra asperissimos dolores; nos e contrario dimicemus contra mollissimas voluptates: vicerunt illi tormenta flammarum; nos vincamus ignea tela vitiorum. Illi calcato diabolo retulerunt spolia de morte; nos caveamus ne Christum spoliemus in paupere. Illi per virtutem fidei expensi sunt in hostiam Dei; nos observemus ne quis nostrum per vulnus peccati, victima efficiatur inimici. Illi mortui sunt in poena exterioribus in membris, et nos habemus quod occidamus in nobis. Ac sic illustrium bellatorum pugnas, privata cum passionibus nostris congressione meditemur. Nam quia esse novimus sine persectore bellum, potest dare Deus et sine cruore martyrium.

## FRAGMENTUM HOMILIE

A Mamerto Claudiano allatæ l. b. ii de Statu anime cap. 9.

Quærere quidam solent quomodo in Christo misceri potuit homo et Deus. Quærunt et rationem hujus mysterii quod semel factum est, cum ipsi reddere rationem nequaquam possint ejus rei quæ fit semper, quomodo societur anima corpori, ut fiat homo. Ergo quomodo corporea res incorporeaque conjungitur, et corpori anima miscetur ut homo efficiatur: ita homo conjunctus est Deo, et factus est Christus; et tamen ut fieret Christus, duo illa incorporea, id est anima et Deus, facilius conjungi permiscerique potuerunt quam miscetur una incorporea aliaque corporea, id est anima et corpus, ut persona hominis existat.

# SANCTI EUCHERII

LUGDUNENSIS EPISCOPI

## EXHORTATIO AD MONACHOS.

(Ex Marian. Broekie Codice Regular. tom. I.)

1. Quid vobis exhibeamus, fratres charissimi, quod et nobis dicere, et vobis audire dignum sit? Quid vobis loqui audemus, quos etiam tacita admiratione suspicimus? Quid nos ædificabimus vos verbo, cum vos nos ædificetis exemplo? Docebimus vos quid agatis, qui jam miramur quod agitis? Quid ergo dicturi sumus? Ut deseratis mundum, quem jam deseruistis? Ut contemnatis divitias, quas jam multi contempsistis? Ut fugiatis cupiditates, quas jam fugistis? Ut eligatis salubriora, quæ jam elegistis? Aperiam igitur in exultatione communi os meum, adimplente illo qui dixit: *Aperi os tuum, et adimpl bo illud* (Psalm. lxxx, 41). Loquar ergo apud vos, dilectissimi, non expavescens; ne sit unius verecundia, ubi lætitia multorum est. Divinum opus est unde gaudemus. Diu discas quod bene doceas. Utinam secundum meritum vestrum digne vobis prædicare os nostrum possit. Quod recte alii prædicant, vos impletis; quod alii loquuntur, vos facitis: quia angelorum vitam homines adhuc in terra positi exhibetis. Nam illam conversationem cœlestem, quamvis pauci illic videbunt, vos facitis jam hic videre. *Vos estis*, sicut Salvator ait, *lux hujus mundi* (Matth. v, 14). Vos lucerna illa super candelabrum posita. Si quis ab hac lucerna remotus est, involvatur necesse est mundi tenebris. Quisquis autem se huic lumini appropinquaverit, ille utique habebit oculos videndi, qui et habuit aures audiendi. Hæc ergo lucerna ut clarissimum lumen habeat, implenda est semper oleo misericordiæ, pietatis, mansuetudinis, humilitatis, obedientiæ, charitatis.

2. Humilitas vero maxime excolenda est, quæ nos justis æquat, angelis jungit, Deo appropinquare fa-

cit. Hæc est, quæ non ruinam, non præcipitium, non lapsum timet, quia humilitas unde cadat non habet. Vis ergo non cadere? non extollaris. Vis non inflare? non infleris. Nam et ex hoc bene quidam ait: Quidquid tumet, sanum non est. Superbia enim, quæ est humilitati contraria, quid aliud quam tumor est? Sed sicut corpus cum tumore, ita anima cum superbia sanitatem non habet. *Humilia ergo te ipsum, et altiora te ne quæsieris* (Eccl. iii, 22). Attamen si quis vult superbus esse, habet in se ubi exerceat superbiam suam. Superbiat mundo, despiciat conversationem sæculi, pro nihilo habeat concupiscentias ejus, adversum vitia insurgat, adversum ipsam superbiam sit superbus, et sub pedibus suis habeat potentiam, divitias, cupiditates, et cætera quæ mundo dominantur. Quæcumque hic putantur magna atque magnifica, tamquam purgamenta et stercora superbiæ laudabili rigore contemnat: satisfaciet superbiæ suæ, cum se animo et supra ipsos etiam reges viderit. Ille tamen si tamen sancte superbus esse voluerit, contemptor quidem erit mundo, sed humilis erit Christo. Erit quidem ibi elatus, sed hic subditus: propterea enim se in illis erigit, ut se facilius ad hæc deponat.

3. Hanc ergo humilitatem si intente custodierimus, etiam vera illa obedientia sine labore servabitur. In qua obedientia, dilectissimi, utique compunctio manifestatur. Compunctus enim corde est, qui se minimum judicat. Quando audeat voluntates suas exsequi? Quando audeat resistere auctori ejus qui præceperit? Unde et Apostolus: *Obedite*, inquit, *præpositis vestris*, et reliqua (Hebr. xiii, 17). Sed numquid is qui præcipit solus in laude est? Nec illi



qui obtemperat, dilectissimi, sine laude erit? Ille meretur regendo gloriam, hic obsequendo. Ad magnum ergo decus et mercedem ab utroque tenditur, dum alius bene consulit, et alius bene consultis obtemperat. Hanc obedientiam maxime Salvator noster inculcavit nobis, qui non solum dum nos redemit, sed etiam dum obedientiam docet, salvare nos vult: aqualis enim Pa-ri obedivit Patri. Et quomodo obedivit? Numquid in re facili obedivit? *Usque ad mortem*. Et qualem mortem? *mortem autem crucis* (Phil. ii, 8). Nec solum obtemperavit, sed etiam voluntatem Patris voluntatem suam fecit. Facere enim quæ jubemur etiam inviti possumus: illa vera obedientia est, cum ea quæ vult ille qui præcipit, ea incipit velle qui paret. Scriptura sacra ait: *Bonum est homini cum portaverit jugum a juventute sua; se-* **B** *debit singulariter et tacebit* (Thren. iii, 27). Ponamus ergo adjuvante nos Christo ori nostro ostium et serras, et verbis nostris stateram. Apostolus namque ait: *Qui bene ministraverit, gradum bonum sibi acquirit* (I Tim. iii, 13).

4. Et hæc quidem, dilectissimi, non ad instruendos vos loquor; sed ut humilitatis et obedientiæ bona quæ exerceatis, in verbis meis recognoscatis: quæ bona, quæ ad æternum Dei regnum vos trahunt, cupimus ut indesinenter possideatis. Neque enim qui cœperit, sed *qui perseveraverit, hic salvus erit* (Marc. 10, 22). Et autem qui vult salvus esse, hic certandam est. Si quis in pugna, quando acies ordinatur, et contra adversarios statur, loco suo recesserit, deinceps ignavus ac refuga habetur. In hoc quoque loco milites Christi adversum diabolum videntur quasi in acie ordinati stare: deserere certamen et discedere hinc, non solum ingloriosum, verum etiam periculosum est. Manendum est in hoc eodem loco; ut tenentibus nobis quod tenemus, non

**A** alii coronas nostras accipiant. Manendum et permanendum est, ut hic gloriosissime pugnantes, quietissime navigantes, totisimam vitam in studiis spiritualibus transigamus, et apprehendamus vitam æternam, in qua vocati sumus.

5. Salvator noster loquitur: *Non potest civitas abscondi supra montem posita: neque accendunt lucernam, et ponunt eam sub modio, sed super candelabrum, ut luceat omnibus qui in domo sunt* (Matth. v, 14). Recte ergo tam illustris lucerna sub monasterii modio constituta ad Ecclesiæ translata est candelabrum. Et sane modius iste evangelicus bene monasterio coaptatur, ubi nihil agitur absque mensura. Habent enim illic universa dimensæ, omnia facta aut dicta exquisitissima ratione prolata tenent ad vicem modii modum. Bene ergo spiritali intellectu per hanc figuram monasterii interpretamur, quæ ad similitudinem modii nihil soleat in se habere permixtum. Nam sicut triticum a paleis segregatum, ita de sæculo separatos recipere consuevit; et post Domini ventilabrum, qui mundat aream suam, ejectis foras excrementis tanquam puriora jam grana intra se electos suos continet. Proinde sicut modius monasterio, ita candelabrum Ecclesiæ comparatur: quia cum sit in edito vel in conspicuo constituta, splendorem ad se translatus oculis efferens, lumen sibi impositum cunctis ostendit. Accensus ignis rationaliter profertur ut luceat; parum enim prodest latens bonum, parum lucet lumen absconditum. Exalta, beatissime pontifex, sicut tuba vocem tuam: **C** *coelitus edissere populis; revela quem in secretis effodisti thesaurum tuum; sparge opes quas conquististi; divitias quas in eremo parasti palam esurientibus effunde, adjuvante Domino nostro Jesu Christo, qui cum Deo Patre et Spiritu sancto vivit et regnat in sæcula sæculorum. Amen.*

## SANCTI EUCHERII

LUGDUNENSIS EPISCOPI

### EPITOMES OPERUM CASSIANI

AD CASTOREM APTENSEM

LIBRI DUO.

### LIBER PRIMUS.

DE CAÑONICIS COENOBIORUM INSTITUTIS.

1. (Cass. Inst. præf. et lib. ii cap. 7 11.) Cum jussis mihi, beatissime pater Castor, ut Orientalium maximeque Ægyptiorum coenobiorum, canonicas tibi constitutiones declararem, quas meis ipse oculis conspexi, tuæ jussioni obtemperans, hæc pauca tibi verba transmisi; ut hinc viaticum ad virtutem tuis suppetat qui in novo tuo monasterio, Deo juvan-

**D** te, coacti sunt. Itemque nisi beatorum virorum canones, et alios nonnullos. Necesse est itaque ut ante omnia de oratione, honorem omnium causa, verba faciam; quomodo scilicet et quam optimo cum ordine in Ægypti et Thebaidis coenobiis eam persolvant. Congregati quippe eodem in loco, tempore synaxis, postquam absolutus est psalmus, non statim ad ge-



orationem veniunt, sed priusquam genua flectant, modico tempore stantes expansis manibus orant; postea humi prostrati, et facta brevi inter genuflectendum oratione, una surgunt omnes: ac rursum expansis manibus, diutius atque ferventius supplicationes persolvunt, nemine genuflectente, aut ex genuflectione sese erigente, donec is qui orationem recitat, prior genuflexerit, aut prior surrexerit. Prout itaque dictum est, cum ejusmodi synaxium causa conveniunt, tantum ab omnibus servatur silentium, ut in tanto et pene innumerabili cœtu, neminem adesse videatur; potissimum vero tempore orationum, quo neque sputum emittitur, neque tussis auditur: non illie pigritiæ signum, non dormitatio, non oscitatio, non gemitus cum sono audiuntur. Eum namque qui præ nausea et animi mollitiæ cum clamore precatur, aiunt dupliciter peccare: primo, quod segniter oret; secundo, quod indisciplina illa voce, proximi aures obtundat ac mentem distrahat: invadentibus una malignis spiritibus, qui cum nos viderint in oratione stantes, indecentibus nos cogitationibus et nausea atque fastidio animam aggravant. Quæ causa est ut psalmos, non cum tumultu et perturbatione festinando recitent, neque versuum multitudine, sed mentis consideratione oblectentur: ea scilicet cogitatione ei obsequentes qui ait: *Psallam spiritu, psallam et mente* (1 Cor. xiv, 15): rati utilius esse decem versus cum attentione psallere, quam totum psalterium cum confusione mentis.

2. (Cass. Inst. l. ii, c. 15.) Completis psalmis et canone, uti superius memoravimus, nemo fratrum vel tantillum temporis cum alio stare aut verba facere audet; sed neque cella egredi, aut opus deserere suum, quod præ manibus tractat, juxta apostolicum præceptum; nisi necessarii cujusdam operis occasione omnes una convenire oporteat: egressi autem opus suum exsequuntur, ita ut ne minima quidem inter eos sit confabulatio, sed singuli meditationi mentis vacent et psalmo, et quod sibi jussum est impleant. Magna porro sollicitudine cavent, ne quis fratrum cum alio maxime novitio solus unquam relinquatur, aut extensis manibus aliquem contrectare aut complecti audeat. Quod si quis hanc transgredi regulam deprehendatur, gravissimæ correctioni subicitur.

5. (Cass. Inst. l. iv, c. 1-6.) De canonico itaque more, sive precum sive psalmodiarum, quo pacto scilicet eas oporteat in diurnis conventibus observari, sat a nobis jam dictum est; deinceps vero agendum nobis est de iis qui mundum abdicarunt, qua ratione in hisce cœnobiis ingrediantur, in illisque permaneant in humilitate et obsequentia usque ad extremam senectutem. Tanta quippe apud illos est obedientia, tanta humilitas ad senectutem usque, quanta ne primo quidem anno in iis qui sæculum abdicarunt in monasteriis nostris reperiatur. Non prius itaque in monasterio admittitur qui vult esse monachus, quam specimen et experimentum quoddam sui erga Deum amoris, humilitatis suæ atque æquanimi-

per summam obedientiam dederit. His itaque probatus, ut admittendus ab illis habetur atque docetur, ne quidquam de bonis suis apud se reconditum conservet: gnari scilicet eum qui de bonis suis quidquam retinet, non posse diu in monasterii obedientia permanere, neque ad finem usque perseverare, præ animi languore ac tædio. Cum quævis enim minima occasio aut afflictio ejus movebit animum, statim reconditi thesauri spes, quasi funda lapidem, monasterio illum ejicit. Quare quivis illorum antiquis possessionibus exiit, ita ut ne vestimento quidem quo indutus erat uti sibi liceat. Sed congregatis cunctis fratribus, in medium adductus, exiit vestimentis propriis, et eorum loco abbatis manibus monasterii vestimentis induitur; ut ea forma cognoscatur ipse, se mundanis rebus omnibus, arrogantia item et superbia nudatum, induisse paupertatem Christi, et sine pudore sese connumerare et exequare corpori fraternitatis. Vestimenta autem quibus exiit, accepta servat œconomus monasterii, atque seorsum reponit; donec ipse profectus, conversationis patientiæque in variis tentationibus specimen dederit. Et si quidem deprehendatur in hisce posse perseverare, atque eo studio et ferventi proposito quo cœpit permanere, reliquis eum fratribus annumerant. Quod si in eo murmurationis delictum, aut inobedientiæ cujuslibet peccatum comperiant, exutum eum monasterii vestimentis, ac mundanis denuo indumentis amictum ex cœnobia expellunt. Ita ut post tam accuratam probationem, non facile sit volenti, arbitrio suo vel ingredi vel e monasterio secedere: sed qui se profitetur remanere nolle, omnino exuatur monasterii vestimentis.

4. (Cass. Inst. l. ii, c. 7-9.) Cum igitur is qui susceptus est, ea qua diximus accurate probatus, inculpatusque deprehensus est, non statim fratrum cœtui commisceri permittitur, sed traditur ei cui hospitum commissa cura est, atque jubetur hospitum ministerio et obsequio omnino vacare; ac postquam integrum annum inculpate hospites exceperit, hac re in humilitatem efformatus et in æquanimi-tatem, demum cœtui fratrum annumeratur, atque alicui e senioribus traditur, cui hujusce muneris sollicitudo incumbit, ut discipulum doceat quas vias ingressus ad perfectionem virtutum pervenire possit. In primis docet eum stultum superandi proprias concupiscentias et voluntates, jubendo ea quæ ejus voluntati contraria sunt. Aiunt enim Patres non aliter posse quemquam voluptates reprimere, aut iracundiam, aut tristitiam, aut veram obtinere humilitatem, aut demum una cum fratribus in cœnobia recte consummari, nisi ante per obedientiam voluntates suas mortificaverit. His constitutionibus atque doctrinis, quasi quibusdam elementis et syllabis, ubi discipulum ad præstantiorem statum produxerunt, postea hoc docent illum, ut cogitationes suas ne celet; sed ubi accedunt, quamprimum patri suo revelet; neque de earum judicio et examine quidpiam cordi suo confidat; sed sciat id bonum, id ma-



lum esse, quod iudicio suo pater, facto rei examine, tale esse declaraverit. Hac ratione poterit omnes inimici fallacias vitare quisquis ad virtutem instituitur: qui utpote imperitus inimici dolos ignorat. Aiunt enim sancti Patres diaboli artis et insidiarum conspicuum esse signum, cum discipulis suadet ut patribus cogitationes occultent suas, idque ex superbiæ motu, quasi scilicet ipsi idonei sint per se congruum ea de re consilium capere; aut ex inani gloria, quod pudeat nimirum suas publicare cogitationes.

5. (*Cass. Inst. l. iv, c. 10-12.*) Tanta porro apud illos est obsequentia, ut citra abbatis jussionem ausit nemo, ne ex sua quidem cellula in qua sedet egredi; atque tanto studio illius jussa complent, quanto si Deus ipse juberet. Dum sedent autem in suis cellulis, et operi manuum, meditationi et orationi incumbunt, atque studiosè his adhibent animum, si quempiam ostium cellulae pulsantem audiant, qui se aut ad communem orationem, aut ad opus manuum advocet, omnibus quamprimum dimissis ad jussam sibi rem properant, obedientiæ virtutem studiosissime colentes; quam non modo operi manuum, lectioni, et quietæ in cellula commorati, sed et omnibus virtutibus anteponunt, omniaque posthabent.

6. (*Cass. Inst. l. iv, c. 13-16.*) Illud autem superfluum est memorare, neminem scilicet illorum aliud quidpiam possidere, quam colobium, hemipbarium, sandalum, meloten, et stoream: turpe esse rati si dicatur, liber meus, penicillus meus, aut aliud quidpiam meum. Tantum autem singuli eorum ex opere et sudore suo, afferunt monasterio proventum, ut non modo eorum nece sitatibus, sed etiam hospitem pauperumque ministerio sint satis. Dum sic autem laborant, non inflantur, non superbia tument, nec quisquam proprii laboris et sudoris causa plus postulat, quam ab abbate pro necessitate tribuatur; nec ullius rei possessionem sibi comparat, cum sese totius mundi advenam et peregrinum existimet; servumque se potius et ministrum fratrum esse arbitretur, quam ullius terrenæ rei dominum. Quod si quis vas quodlibet fregerit aut perdiderit, negligentiae suæ casum abbati confitetur, et ita cum humilitate poenitentiae veniam accipit. Si quis autem ad opus quodlibet vocatus aut ad synaxin præ contemptu tardius occurrat, aut durius petulantiusque responderit; vel si negligentius aut cum murmure jussam rem compleverit, aut si, lectionem operi manuum et obedientiæ anteponens, jussa sibi opera tardius compleverit, aut a conventu dimissus non cito ad opus suum accurrerit, aut cum quopiam absque necessitate confabulatus fuerit, aut cum confidentia manum alterius contrectaverit, aut cognatos citra abbatis permissum et benedictionem convenerit, aut epistolam ab aliquo accipere vel ad aliquem rescribere absque abbatis concessionem ausus fuerit; si in aliquo nempe hujusmodi deliquerit, hujusmodi ille poenæ subicitur: fratribus in synaxi congregatis, se-e in terram projicit, atque confessus, peccati

veniam postulat. Graviora porro delicta, si quis perpetrans deprehendatur, quæ sunt, contemptus, repugnantia cum superbia, aut egressus ex monasterio absque abbatis concessionem, aut congressus cum muliere, aut ira, aut pugna, aut inimicitia in aliquem, aut recordatio injuriarum, aut amor pecuniæ, quæ lepra est animæ, aut possessio cujuscunque rei, exceptis iis quæ ab abbate dantur, aut furtivum alimentum absque benedictione abbatis sumptum, et his similia, non supradictam subit poenam, sed graviolem, et multo majorem. Quod si non resipuerit, ex monasterio ejicitur.

7. (*Cass. Inst. l. iv, c. 17, 18.*) Quod autem in quibusdam cœnobiis, tempore comestionis lectio habeatur, id non ex Ægyptiorum, sed ex Cappadocum regula observatur, qui non tam spiritualis exercitationis, quam quietis et colloquii vitandi gratia illud constituerunt. Apud Ægyptios autem, maxime vero apud Tabennesiotes, tantum servatur ab omnibus silentium, cum ingens illa multitudo fratrum, tempore comestionis congregatur ad mensam, ut vix quidpiam simile in aliis reperiatur; adeo ut ne exscreare quidem ausit quisquam, excepto mensæ præfecto, qui si re quapiam sit opus, pulsatione potius quam voce id significat. Cucullas autem, etiam infra palpebras demissas gestant, ne vagis oculis curiosius alios inspiciant, ac mensæ solum, gratisque alenti Deo agendis adhibent animum. Magnaque apud illos cura est, ne quis eorum extra mensam cibum sumat.

8. (*Cass. Inst. l. iv, c. 19-21.*) Ne quid videamur autem cœnobiticarum regularum omittere, memorare quoque oportet constitutiones in aliis regionibus traditas. In tota itaque Mesopotamia, Palæstina et Cappadocia, et in toto Oriente, tempore conventus tertiae, sextae et nonae horæ, si quis ante completum primum psalmum non occurrerit, is in oratorium ingredi non audet, neque sese psallentibus admiscere; sed dimissionem fratrum pro foribus stans expectat. Eredientibus autem omnibus, humi prostratus, poenitentiam agens, negligentiae suæ veniam postulat. In nocturnis porro conventibus, usque ad secundum psalmum venia tarde venientibus conceditur. Porro fratres per hebdomadas sibi succedunt in coquina et in aliis officiis, cum mutui laboris levandi causa, tum ut charitatis legem mutuis officiis impleant. Tanta autem humiliate et sollicitudine ministeria implent, quantam ne servi quidem cum heris suis adhibeant. Completa hebdomade, Dominica die post matutinos hymnos, ingredientibus aliis ad serviendum, vasa officii sui signata tradunt: quæ accepta alii, tanta cura et sollicitudine custodiunt, ut ne eorum quidpiam vel frangatur vel pereat, quantam is adhibeat cui vasa sacra ac Deo dicata committuntur. Nam sese præparant ad rationem reddendam, non solum œconomis in presenti tempore, sed etiam Deo in futuro, si aut negligentia aut segnitie eorum quidpiam perierit. Ad majorem porro dictorum fidem, quæ meis ipse oculis perspexi narrabo. In hebdomade cujusdam fratris, pertransiens œconomus, pauca lenticulae grana humi



projecta vidit, neque despexit quasi rem nullius pretii; sed multis increpatum fratrem, cui hebdomas illa concredita erat, poena mulctavit, quasi negligentem ea quæ Deo dicata essent, et conculcantem propriam conscientiam. Tanta enim cura et sollicitudine omnia servant, omnia administrant, ut ea quæ nobis vilia et despicabilia videntur, magna attentione custodiant; ita ut male positum vas transferant, projectum colligant, credentes se a Domino Deo harum quoque rerum mercedem accepturos. Has hebdomadam regulas per totum Orientem observariprehendimus. Apud Ægyptios autem non ita hebdomadam vicissitudo servatur; sed alicui fratrum probatissimo culinæ cura committitur, quanto scilicet tempore virtus ejus augmentum accipit, vires corporis in officii functione suppetunt, nec senectus infirmitasve prohibet. Cum autem nobis sermo sit de obsequentia et de humilitate, per quas ad supremum virtutis fastigium possumus pervenire, operæ pretium duco pauca ex multis præclare gestis a sanctis Patribus qui in cœnobiis effulsere, exempli causa, narrationi adjicere nostræ.

9. (*Cass. Inst. l. iv, c. 27, 28.*) Erat quidam pater Muthius [*M. Patermuthius*] nomine, qui cum vellet mundo renuntiare, accedens ad cœnobium, diu ante fores monasterii perseveravit, donec ob summam ejus patientiam cum parvo filio, præter assuetam monasterii legem, admissus est. Ac cum post multos labores ingressus fuit, non modo variis operibus ambo traditi sunt, sed separati etiam fuere quoad cellulæ habitationem, ut disjunctione illa paulatim Cmutua illa naturali affectione liberarentur; qua item, Christi gratia, per multam exercitationem pater liberatus est. Ad probationem autem et experimentum virtutis ejus simulabat aliquando abbas se ira adversus puerum concitari, jussitque supradicto ejus patri ut sublatum projiceret in fluvium. Tum ille, quasi Deo jubente ut tolleret filium suum, concitato cursu ad ripam fluminis advenit, ac dum jussum implere ex ardenti fide et ex fervore obedientiæ properaret, prohibitus est a fratribus qui prævenere illum et filium abripuere. Usque adeo autem ejus fides et obedientia Deo accepta fuit, ut a Deo revelatum fuerit abbati, ipsum Abrahami opus perfecisse. Parvo autem elapso tempore prædictus cœnobii abbas cum obiisset, eum successorem sibi reliquit.

10. (*Cass. Inst. l. iv, c. 29.*) Alium novimus fratrem qui sæculo sese abdicavit, qui etiam in mundo insignis erat (pater quippe ejus comes bellum gerebat, divesque erat), nec mediocriter eruditus ac lectionis studiosus. Illic igitur sæculari relicto fastu, ad monasticam se contulit vitam; atque ad probationem fidei et humilitatis suæ jubetur ab abbate decem sportas deferre, et in propria urbe, nec una omnes, sed singulatim eas vendere; quod ille cum omni patientia et humilitate complevit, sportasque imponens humeris sigillatim vendidit; non ille rei vilis, non generis nobilitatem secum reputavit; studebat enim Christi humilitatis imitator effici.

PATR. L. L.

11. (*Cass. Inst. l. iv, c. 30 31.*) Alium item quemdam ex patribus vidimus abbatem Pinophan [*Ca s. Pinufum*], virum omni virtute ornatum, qui erat antiquus et abbas magni cœnobii, quod in Ægypto situm est prope urbem Panepho. Is cum sese videret tum ob viæ institutum, tum ob senectutem et præfecturam laudari et celebrari ab omnibus, nec posse, quemadmodum initio suæ conversionis studio humilitatis seipsum exercere, iis permotus, ob desideratam sibi subjectionem in qua vocatus fuerat, clam aufugiens ex suo cœnobiis, recessit solus ad extremas Thebaidis partes; sublatoque monachi vestimento, indutisque sæcularibus vestibus Tabennesiotarum cœnobium petiit, ratus in eo se latere posse, cum ob multitudinem fratrum, tum quia multum abesset a regione in qua situm erat cœnobium suum. Ibi cum multis diebus postulasset, receptus est ab archimandrita, qui ipsi utpote seni et ad nihil aliud utili, curam tradidit horti, unaque alii fratri, cui subditus cum esset desideratam sibi humilitatem et obedientiam colebat. Neque illo solo contentus ministerio, quæcumque opera aliis dura et difficilia videbantur, ea ille alacriter absolvebat. Cum ita latenter triennium peregisset, a discipulis suis per totam Ægyptum perquisitus, a quodam fratre, vix demum agnitus est, qui eo advenerat, quique viso illo et agnita vultus ejus forma, cum dubitaret adhuc, vocem ejus audire conatus est: neque enim ex solo visu certus erat, virum conspicatus senem, ligone terram fodientem, finum humeris gestantem, ut ad olerum radicem deponeret. Cum igitur vocis sonum observans, deprehendit quisnam esset, prostratus ante pedes ejus, magno spectatores stupore perculsit, quod ita erga hominem se gessisset qui apud se novitius, relicto haud ita pridem mundo, ultimus habebatur. Magisque obstupere, cum didicere nomen, erat enim antea magnæ apud eos famæ: ac veniam postularunt, quod eum ignari, cum postremis novitiis constituissent. Illumque multis hortati verbis, ad cœnobium suum invitum remissere, atque deplorantem quod concessum sibi non esset dilectam exercere humilitatem et obedientiam. Brevi igitur exacto tempore in monasterio suo, humilitatis rursum et obedientiæ desiderio ardens, observata noctis hora aufugit, non ulterius ad peregrinam regionem: condescensa quippe navicula ad partes venit Palestinæ, sperans se illic ad finem usque latere posse. In Palestinam cum advenisset, monasterium petiit situm prope speluncam in qua Christus Dominus natus est, in quo monasterio tum commoratus est. Non potuit tamen ibi latere juxta Domini vocem illam: *Non potest civitas abscondi supra montem posita* (*Matth. v. 15*). Cum enim ex Ægypto fratres venissent pro adoratione sacrorum locorum, agnitus illum multisque supplicationibus ac fletibus persuasum rursus ad proprium abduxerunt cœnobium. Cum hoc igitur sancto in Ægypto modico tempore habitavi; finemque faciam sermonis narrando quæ audiavi ab illo commonente fratrem quem, me presente, admisit.



12. (*Cass. Inst. l. iv, c. 33-35.*) Nosti, inquit, frater, quot diebus ante januam monasterii peractis, admissus hodie fueris: quod si causam didiceris huiusmodi difficultatis, poterit illa tibi in hac, quam inire cupis, via, utilitatem ferre, atque te fidelem Dei servum efficere. Ut enim fideliter Domino servantibus gloria et honor in futurum promittitur, ita gravissima imminet supplicia iis qui molliter segnitertque eam adeunt promissionem. Melius quippe est, juxta Scripturam, votum non facere, quam factum non reddere. Rursumque dicitur: *Maledictus qui facit opus Domini negligenter* (*Jerem. XLVIII, 10*): eapropter te repulimus atque admittere cunctati sumus, non quod tuam omniumque illorum qui in Christum credunt salutem non exoptemus, sed ne temere te ac nullo negotio admitcentes, nos quidem a Deo, vel orantes, lenitatis nimiae poenam luamus, te vero reum gravioris supplicii constituamus, si te jam facile, priusquam didiceris gravitatem et accurationem promissi, admittamus, et tu postea mollis segnisque evaseris. Idcirco, ut supra dictum est, causam tuæ abdicationis ediscere te oportet quid scilicet agendum tibi sit. Abdicatio itaque nihil est aliud quam crucis et mortis promissio. Scito ergo ab hac te die mortuum crucifixumque esse mundo, mundumque tibi, juxta Apostolum; et edisce quænam sit crucis virtus: quandoquidem non ulterius tu vivis, sed ille in te vivit qui pro te crucifixus est. Hoc itaque typo quo Dominus pro nobis suspensus est, et nos necesse est in cœnobio agere, ut orat beatus David, cum timore Domini postulat configi carnes suas (*Psal. cxviii, 120*). Quemadmodum enim qui corpus ligno affixum habet ad quamlibet actionem immotus est, sic qui divino timore confixam habet cogitationem, immotus est ad omnem carnalem concupiscentiam. Et sicut qui cruci est affixus quæ præsentia sunt non ultra cogitat, neque propria voluntate dirigitur, non concupiscentia turbatur, non cura possidendi detinetur, non superbia inflatur, non contentione, non invidia exardescit, non dolet de præsentis contumelia, non præteritarum meminit injuriarum: nam post paulum temporis finem expectat vitæ suæ per crucem scilicet; sic qui sincere mundo abrenuntiavit, et Dei timore quasi in cruce confixus est, huiusce vitæ exitum quotidie expectans, immotas et imbecillas habet omnes concupiscentias omnesque carnales affectus.

13. (*Cass. Inst. l. iv, c. 36, 37.*) Cave igitur ne quando ea resumere concupiscas quæ in abrenuntiatione tua dimisisti. Nam juxta Domini sententiam: *Qui injicit manum ad aratrum et retro convertitur, non est aptus ad regnum cœlorum* (*Luc. ix, 62*), et qui ex sublimi vitæ instituto ad viles ac terrenas huius mundi res descendit, is contra Domini præceptum agit, cum ex domo descendit, et conatur aliquid ex domo auferre. Cave itaque ne antiqui tui erga carnales parentes affectus recordatus, et ad sæculi huiusce curas conversus, non aptus juxta Domini vocem inveniaris in regno cœlorum (*Matth. v, 19*). Cave ne superbiam, quam initio per humilitatis fer-

vorem conculcasti, rursum in te excites. Ubi psalterium didiceris, aut aliquid ex Scriptura; vel juxta Apostoli vocem, cum ea quæ destruxisti rursum ædificas, ne te transgressorem exhibeas; sed potius ut incepisti et professus es humilitatem, coram Deo et angelis ejus ad finem usque servato. Similiter quam humilitatem in monasterio exhibuisti, cum multis diebus pro foribus monasterii cum lacrymis supplicans perseverasti, cura ut augeas. Misera prorsus res esset, si cum te deceat quotidie ad fervorem addere tuum, et profectu assiduo ad perfectionem ascendere, eum imminuas et ad inferiora revertare. Non enim ille beatus qui bonum agere incipit, sed quicumque ad finem usque in eo perseveraverit. Nam serpens qui ad terram trahitur, calcaneum nostrum semper observat, id est, obitui nostro insidias parat, et usque ad finem vitæ nostræ nos supplantare conatur. Quare nihil proderit probe incepisse, nihil initium fervens obedientiæ, nisi finis similiter consequatur. Et ea quæ secundum Christum est humilitas, quam nunc promisisti, non firmabitur, nisi eam ad finem usque exhibueris. Quamobrem ut illam possis perfecte possidere, atque caput draconis conterere (*Gen. iii, 15*), cum te invaserint cogitationes, mature ab ipso principio revelato illas: nam si ita publicaveris ab initio perniciosas draconis cogitationes, si non te pudeat eas patri tuo declarare, conteres caput ejus. Enimvero juxta divinam Scripturam, si accesseris ad serviendum Deo, præpara te ipsum (*Eccli. ii, 1*), non ad incuriam, non ad otiositatem, sed ad tentationes, ad tribulationes: nam, *per multas tribulationes oportet nos intrare in regnum cœlorum* (*Act. xiv, 21*), et *angusta porta, et arcta via est quæ ducit ad vitam, et pauci sunt qui inveniunt eam* (*Matth. vii, 14*). Animum itaque paucis illis bonis adhibe, et ex eorum exemplo vitam institue tuam; nec attendas pigris et contemptoribus, quantumvis multi numero sint: *Multi enim, inquit, vocati, pauci vero electi* (*Matth. xx, 16*); et parvus grex est cui placuit Patri dare regnum (*Luc. xii, 32*). Ne parvum etenim existimes esse peccatum, perfectionem polliceri, et negligentiores atque segaes imitari. Ut valeas itaque ad perfectionem pervenire, hoc utere instituto, his ascende gradibus.

14. (*Cass. Inst. l. iv, c. 39, 40.*) Primus virtutis gradus et initium nostræ salutis est timor Dei; per eum namque peccatorum fit purgatio, et virtutum custodia viaque ad perfectionem obtinetur: nam cum in animam ingressus fuerit timor Dei, suadet ille ut omnia mundana despiciamus; hinc oritur cognatorum universique mundi oblivio. Ex his porro humilitas omnium caput virtutum, omniumque bonorum complementum exercetur; nam ex contemptu et privatione rerum omnium accedit humilitas. Humilitas vero his comprobatur indiciis: primum, si quis mortificatas in se habeat proprias voluntates; secundum si non modo operum, sed etiam cogitationum suarum nihil patri occultet; tertium, si non propriæ credat prudentiæ, sed in omnibus



patris sui discretioni, semperque siliat, exoptet, suaviter auscultet ejus admonitiones; quartum, si patris jussa omnia absque pudore exsequatur; quintum, si non modo ipse non ausit alii contumelias inferre, sed si ab aliis illatas cum gaudio suscipiat; sextum, si nihil novi facere aggressus fuerit, quod nec communis regula, nec Patrum exempla permittant; septimum, si omni vilitate contentus, de datis sibi rebus gratias agat, seque iis indignum existimet; octavum, si se omnibus plane inferiorem existimet, nec sit verbis temerarius [Cassian. *ibid.* : Nono, si linguam cohibeat, vel non sit clamorosus in voce]; decimum, si non sit in sermone facilis et lingua præceps. His et similibus signis dignoscitur humilitas; hæc cum revera exhibita fuerint, cito ad dilectionis fastigium adducunt, in qua non est timor gehennæ, et per quam omnia non jam ex necessitate et cum labore perficiuntur, sed ex amore ferventi et ex boni concupiscentia. Quam virtutem ut possis facilius adipisci, pro exemplari tibi sint verba fratrum una tecum concurrentium, pietatēque possidentium; non autem eorum qui plures numero, negligentius segniusque vitam exigunt. Ex sanctorum enim imitatione æmulationeque ingens volentibus ad perfectionem contendere accedit utilitas.

15. (Cass. *Inst. l. iv, c. 41-43.*) Si vis itaque facultatem tibi esse hæc omnia exsequendi, et sub his in spiritali cœnobii certamine ad finem usque perseverare, necessaria tibi ad custodiam in cœni fratrum fuerint, ea quæ David ait : *Ego autem tamquam surdus non audiebam, et sicut homo non audiens et non habens in ore suo redargutiones* (Psal. xxxvii, 14). Quotiescumque igitur aliqua videris aliena ab ædificatione et utilitate, esto quasi cæcus; et si qua audieris his similia, fias quasi surdus et mutus, et non habens in ore tuo redargutiones. Neque imiteris eos qui infideles, inobsequentes, petulantes, scurriles, contumeliosi sunt : sed quasi mutus et non audiens hæc prætermittas. Si quis tibi incre-

pationes, opprobria, contumelias inferat, immotus esto quasi frenatus, et quasi mutus; hunc tibi psalmi versum assidue repete : *Dixi, custodiam vias meas, ut non delinquam in lingua mea. Posui ori meo custodiam, cum consisteret peccator adversum me. Obmutui et humiliatus sum* (Psal. xxxviii, 1). Ad hæc et illud quartum ante omnia meditare; et observa quod tria ista superius dicta ornare poterit : ut scilicet te stultum et insipientem, juxta Apostoli præceptum in hoc sæculo efficias, ut sis sapiens (I Cor. iii, 18); videlicet nihil dijudicans aut dubitans in quibuscumque tibi mandatis, simplicitate nempe et fide obedientiæ instructus. Inter sancta omnia id solummodo sanctum, illud sapiens, illud utile credas, quod a patre tuo jussum tibi fuerit. Hoc proposito si cor tuum firmaveris, poteris ad finem usque Christi jugum obedientiæ sustinere, et nulla ex diaboli tentationibus et artibus excutere te poterit ex scientia vitæ. Patientiam vero tuam, humilitatem, æquanimitem, ne expectaveris ex aliorum virtute statuere : si videlicet nemo te stimulet, nemo despiciat, nemo dedecore afficiat : quod sane neque virtutis tuæ argumentum est, nec in tua est facultate; sed si opprobria, contumelias, contemptus libenter feras, id enim tui est arbitrii. Ut igitur quæ fusius supra diximus, jam compendio dicamus, ut eorum facilius memineris, audi rursus qui poteris per ordinem ad perfectionem pervenire. Principium salutis nostræ timor est Dei; ex eo gignitur bona obedientia; hinc oritur subjectio et contemptus rerum mundi; ex hac humilitate nascitur propriarum voluntatum mortificatio; ex propriarum voluntatum mortificatione, exsiccantur voluptatum radices; his autem omnes animæ imperfectiones eliminantur, quarum expulsionē crescunt fructumque ferunt virtutes; ex virtutum incremento gignitur puritas cordis; puritatem cordis consequitur apostolica perfectio gratia et auxilio Domini nostri Jesu Christi, cui gloria in sæcula sæculorum, amen.

## LIBER SECUNDUS.

### DE OCTO MALITIÆ COGITATIONIBUS.

1. (Cass. *Inst. l. v, c. 1 et seqq.*) Cum prius de constitutione cœnobiū verba fecerimus, vestris fidei orationibus, jam scribere aggredimur de octo malitiæ cogitationibus, edacitate scilicet, fornicatione, avaritia, ira, tristitia, pigritia, vana gloria et superbia. Primum itaque de abstinentia dicetur a nobis, quæ edacitati opposita est : agemus item de jejuniū modo, de qualitate et quantitate alimentorum. Et hæc non ex nobis ipsis dicturi sumus, sed ea quæ accepimus a sanctis Patribus nostris. Illi itaque non unam jejunii regulam, neque unum comestionis modum, neque eandem ipsam omnibus mensuram tradidere, quia non omnes ejusdem sunt roboris, vel ætatis, et quia alii infirmitate corporis

laborant, alii delicatiorē sunt corpore. Unum autem omnibus tradidere scopum, ut fugiant crapulam et ventris saturitatem aversentur; ac experimento comprobatum dixerunt utilius esse quot dianum jejunium, atque ad puritatem magis conferre, quam si ad tres vel quatuor dies, aut ad hebdomadam usque jejunium protrahatur. Aient enim eum qui immoderate jejunium protrahit, ultra mensuram sæpe cibō nti; ita ut hinc sæpe accidat ut aliquando quidem ex nimia abstinentia in languorem corpus incidat, et ad spiritalia ministeria segnius evadat; aliquando contra multitudine alimentorum oneratum, pigritiam mollitiemque animi ingeneret. Rursum non omnibus competere olerum usum, non



omnibus item leguminum, non posse omnibus sicut A panis alimentum sufficere: item esse qui manducatis panis duabus libris adhuc esuriant, alios qui una libra, immo sex uncis satientur. Omnibus itaque, ut dictum est, unum abstinentiæ scopum tradiderunt, ut non decipiantur saturitate ventris, neque trahantur gulae voluptate. Non solum enim qualitatis differentia, sed etiam magna ciborum quantitas, ignita peccati tela solet accendere. Quocumque enim cibo venter impleatur, libidinis semina gignit. Ac rursum non vini solum crapula, sed etiam aquæ plenitudo, ac quorumlibet ciborum redundantia, hominem aggravant, ac torpentem dormitantemque reddunt. Sodomitis non vini, non variorum ciborum, crapula subversionis causa fuit, sed panis saturitas, juxta prophetam (*Ezech. xvi, 49*). Infirmetas corporis puritati cordis non aversatur. Ea itaque corpori tribuas quæ infirmitas ejus postulat, non quæ voluptas expellit. Ciborum usus adhibetur quantum ad vitam fovendam necessarium est, non ut impetui concupiscentiæ serviatur. Moderata et rationabilis cibi sumptio sanitatem corporis conciliat, nec sanctitatem aufert. Hæc norma et regula est abstinentiæ accurata, a sanctis Patribus tradita, ut instante adhuc appetitu, cibi sumendi finem faciat qui comedit. Et Apostolus dum ait: *Carnis curam ne feceritis in desiderio* (*Rom. xiii, 14*), non sollicitudinem vitæ necessariam prohibuit, sed curam vetuit fovendæ voluptatis. Cæterum ad perfectam animæ puritatem, sola ciborum abstinentia non sufficit, nisi concurrant ceteræ virtutes. Humilitas itaque C per obedientiam in opere, et per afflictionem corporis magna nobis confert bona. Illud est avaritiæ expertem esse, non modo pecunias non habere, sed ne concupiscere quidem illarum possessionem. Animam ad puritatem adducit cohibitio iræ, tristitiæ, vanæ gloriæ, superbiæ. Hæc omnia universam animæ puritatem efficiunt. Puritatem autem illam animæ peculiarem, quæ per temperantiam obtinetur, abstinentia in primis et jejunium efficiunt. Impossibile quippe est eum qui satur ventre est, animo decertare adversus spiritum fornicationis. Primum itaque nobis sit certamen, ut ventri imperemus, corpusque in servitutem deducamus: non modo per jejunium, sed etiam per vigiliis, laborem, lectionem, item animo concipiendo gehennæ timorem D et desiderium regni cælorum.

2. (*Cass. Inst. l. vi, c. 4 et seqq.*) Secundum nobis est certamen adversus spiritum fornicationis et concupiscentiam carnis, quæ concupiscentia a primæva ætate molestiam homini creare incipit. Magnam illud graveque certamen, duplici constans lucta; duplex enim est, cum in corpore et in anima committatur. Quapropter duplici oportet cum illo pugna configere. Neque enim corporale jejunium satis est ad perfectæ temperantiæ possessionem et ad veram castitatem, nisi adsit oratio ad Deum assiduâ, frequens divinarum Scripturarum meditatio, labor et opus manuum, quæ instabiles animæ impetus com-

primere possunt, atque illam ex obscenis cogitationibus revocare. Ad id præsertim confert animam humilitas, citra quam nec fornicationem, nec ceteras passiones valebit quispiam superare. Cum primis itaque oportet omni custodia cor servare a sordidis cogitationibus (*Prov. iv, 23*). Ex eo namque prodeunt, juxta Domini vocem, cogitationes malæ, carnes, adulteria, scortationes et cetera (*Matth. xv, 19*). Jejunium quippe non modo ad afflictionem corporis injunctum nobis est; sed etiam ad temperantiam mentis, ne ciborum multitudine obtenebrata, non possit cavere a cogitationibus. Oportet igitur non solum jejunio corporali omnem curam impendere, sed etiam attentioni ad cogitationes, et spirituali meditationi, citra quas impossibile est ad cacumen veræ castitatis et puritatis ascendere. Convenit igitur, juxta Domini vocem, nos interiora calicis et paropsidis mundare, ut sint exteriora munda (*Matth. xxiii, 26*). Quapropter si cura sit nobis, juxta Apostolum, legitime certandi et coronam accipiendi (*II Tim. ii, 5*), devicto impuro fornicationis spiritu, ne nostris viribus, ne nostræ ascési confidamus, sed opitulationi Domini Dei. Nullus enim homini finis certaminis cum ejusmodi dæmone, donec revera credat se non suo studio aut labore, sed Dei impulsu et auxilio ab hujusmodi morbo liberari, et ad summum castitatis fastigium ascendere. Enimvero supra naturam res est, et aliquo modo extra corpus existit, qui stimulos carnis ejusque voluptates calcavit. Quare impossibile est hominem, suis, ut ita dicam, pennis, ad hoc cacumen et ad bravium sanctitatis advolare, angelorumque imitatore effici, nisi illum gratia Dei ex terra et cæno educat. Nulla enim virtute homines carne illigati cælestibus angelis similiore efficiuntur, quam temperantia: per eam enim dum adhuc in terra degunt, habent, juxta Apostolum, conversationem in cælis (*Philipp. iii, 20*). Illud autem est virtutis hujusce a nobis acquisitæ indicium, si nulla obscenæ phantasie imago dormientis subeat animum. Etiam si enim peccatum non reputatur hujusmodi motus, signum tamen est ægrotantis ac nondum passione tali liberatæ animæ. Quamobrem obscenas illas phantasias inter dormiendum occurrentes putare debemus esse præcedentis segnitiei argumentum, atque nostræ infirmitatis, morbumque in secreto cordis nostri latentem aperit cessatio somni expergiscentis. Quare animarum medicus in animæ penetralibus medicinam reposuit, gnarus morbi causas inibi esse, dum ait: *Qui respicit mulierem ad concupiscendum eam, jam mæchatus est eam in corde suo* (*Matth. v, 28*), non tantum ut lascivos et curiosos oculos corrigeret, sed multo magis animam intus sitam, quæ oculis ad bonum sibi a Deo datis improbe est usa: quæ causa est cur Sapiens proverbium dicat, non, *Omni custodia serva oculos*; sed, *Omni custodia serva cor tuum* (*Prov. iv, 23*). Illi scilicet maxime custodiæ remedium applicat, quæ oculis arbitrio suo utitur. Itaque hæc sit purga-



tionis nos ræ prima custodia, ut cum mentem nostram mulieris memoria, diabolica operatione subierit, etiamsi matris, aut sororis, aut plurimum aliarum mulierum, mature illam ex corde nostro ejiciamus: ne si in tali cogitatione diutius immoremur, seductor ac malorum auctor ille, ex ejusmodi vultuum phantasia, in obscenas et damnosas cogitationes mentem devolvat ac præcipitet; quemadmodum præcipitur mandato illo Dei ad primum hominem dato, ut nimirum observaret caput serpentis, id est, principium damnosæ cogitationis, qui in animam nostram irrepere nititur, ut ne admissio capite, id est, prima cogitationis irruptione, reliquum serpentis corpus, scilicet consensus voluptatis admittamus, atque hinc demum in nefarium facinus mentem ille deiciat: sed par est, uti scriptum est, in matutino interficere omnes peccatores terræ (*Psal.* 2, 8); id est, lumine cognitionis internoscere atque disperdere cogitationes ad peccatum deducentes; ex terra, scilicet ex corde, juxta Domini vocem. Et dum adhuc parvuli sunt filii Babylonis (*Psal.* cxxxvi, 8), seu malæ cogitationes, tum eos solo aquare a qua allidere oportet ad petram, quæ est Christus. Si enim consensu nostro ad virilem perveniant ætatem, non citra magnos gemitus et labores superabuntur. Ad ea autem quæ superius ex Scriptura sacra dicta sunt, adjicienda sanctorum Patrum dicta. Dictum est itaque a sancto Basilio Cæsareæ Cappadociæ episcopo: Mulierem ignoro, nec tamen virgo sum; usque adeo exploratum habuit, non sola corporali temperantia a muliere, virginitatis donum recte possideri, sed multo magis animæ sanctitate puritateque ac timore Dei haberi solere. Aiunt item Patres, non posse nos castitatis perfectæ virtutem possidere, nisi prius veram in corde humilitatem possideamus; neque vera cognitione dignos haberi quamdiu in animæ penetralibus fornicationis affectus situs erit. Ut autem magnam hujusmodi virtutem ex Apostolo ipso palam faciamus, unam ejus memoremus sententiam, qua loquendi finem facimus. *Pacem*, inquit, *sequimini cum omnibus, et sanctimoniam sine qua nemo videbit Dominum* (*Hebr.* xii, 14). Quod enim ea de re loquatur, propalam est ex iis quæ subjunxit, cum ait: *Ne quis fornicator, aut profusus, ut Esau* (*Ibid.* 16). Quanto itaque magis cœlestis et angelica est virtus castitatis, tanto gravioribus ab inimico insidiis oppugnatur. Quamobrem curare debemus non modo ut corporis temperantiam servemus, sed etiam contritionem cordis, ac frequentes cum gemitibus orationes fundamus; ita ut nostræ carnis fornax, quam rex Babylonius stimulis concupiscentiæ quotidie accendit, rore præsentiae sancti Spiritus extinguatur. Ad hæc maximum nobis telum adversus ejusmodi hostem suppetit, vigiliæ scilicet in Deo servatæ. Quemadmodum enim castitas et diurna custodia nocturnam præparant sanctitatem, ita nocturnæ in Deo vigiliæ diurnam.

3. (*Cass. Inst. l. vii, c. 1 et seqq.*) Tertium nobis est certamen contra spiritum avaritiæ: extraneum

A est hujusmodi bellum, ac extra naturam esse deprehenditur, atque incredulitatis occasione monacho contingit. Enimvero aliorum affectuum stimuli, iræ scilicet et concupiscentiæ, ex corpore occasionem habere videntur, ac quodammodo insiti sunt, et ex nativitate principium habent: quæ causa est ut non nisi diutino tempore superentur. Avaritiæ autem morbus extrinsecus adveniens facilius excindi potest, dum adsit cura et animi attentio. At si negligatur, perniciosior aliis affectibus est, atque execrandus evadit: nam radix omnium malorum est juxta Apostolum (*1 Tim.* vi, 10). Verum hac ratione ista consideremus: naturales corporis motus, non solum in pueris conspiciuntur, in quibus nondum est discretio boni et mali, sed etiam in etiam minimis et latentibus infantibus, qui cum carnalis voluptatis ne vestigium quidem habeant, in carne tamen motum exhibent. Iræ similiter stimulus in infantibus comparet, ubi illos adversus eos qui sibi molestiam creant commotos cernimus. Hæc porro dico, non quo naturæ ut peccati causæ convicietur, absit; sed ut ostendam, tametsi ira et concupiscentia homini a creatore Deo ad bonum collatæ sunt, videri tamen eum quodammodo ex corporis natura in ea quæ præter naturam sunt segnie sua delabi. Nam corporis motus ad liberorum procreationem et ad generis humani successionem continuam, non ad scortationem a Creatore datus est, et iræ commotio ad salutem nobis insita est, ut adversus peccatum irascamur, non ut adversus congenerem nobis furore concitemur. Si ergo iis perperam utimur, nequaquam ideo peccat natura, neque ideo opificem incusemus; sicut nec cum qui in rem necessariam et utilem ferrum dedit, si is qui accepit ad cædes perpetrandas eo utatur. Hæc vero diximus ut ostenderemus, avaritiæ affectum non ex naturali motu initium habere, sed ex sola malitia, et ex corrupto proposito. Hujusmodi namque morbus cum tepidam et incredulam initio secessus animam repererit, justas quasdam, ac specie quidem rationabiles causas subjicit, ut quidpiam ex possessionibus retinere suadeat; monachi enim animo repræsentat, longam senectutem et corporis infirmitatem: quod quæ ad necessitatem in cœnobio dantur, satis ad consolationem non sint, non infirmo solum, sed neque incolumi: quod ibi non idonea infirmorum sollicitudo geratur, sed quod multum negligantur, adeo ut si nihil auri clam suppetat, misere intereundum sit. Demum subjicit, non posse in monasterio diu perseverari ob gravitatem operum et ob patris severitatem. Ac cum ejusmodi cogitationibus animum subornarit, ut vel denarium unum retineat, tum suadet illi ut clam abbate artem ediscat, qua poterit studiose asservatam augere pecuniam; demum occulta spe miserum decipit, subiciendū lucrum ex arte sua obventurum, hincque fore quietem, animumque curis vacuum. Ac demum lucri cogitatione colligatus, nihil adversi considerat: non quanta futura sit ira, quantus furor, si contingat in detrimentum aliquod incidere; quanta molestia,



quantus dolor, si lucro operis sui privetur : sed si-  
cut aliis venter Deus, perinde illi aurum est. Quo-  
circa cum id probe nosset B. Paulus, non modo ra-  
dicem omnium malorum, sed etiam idololatriam eam  
nuncupavit. Perpendamus itaque in quantam mali-  
tiam hic morbus hominem pertrahat, ut qui eum in  
idololatriam conjiciat. Postquam enim avarus men-  
tem suam ab amore Dei avulsit, imagines hominum  
auro insculptas diligit : ejusmodique cogitationibus  
obtenebratus monachus, dum ad pejora augmentum  
accipit, nullam deinceps humilitatem, nullam habere  
potest obedientiam; sed irascitur, indignatur, ad  
quodlibet opus murmurat, repugnat, nulla demum  
servata verecundia, quasi effrenatissimus equus in  
præcipitia fertur, nec diurno victu contentus, deni-  
que testificatur se non posse ultra sustinere : aitque  
non illic tantum esse Deum, nec salutem suam eo in  
loco inclusam esse; sed ubique Deum a quærentibus  
se inveniri : periturum se nisi eo monasterio exce-  
dat; et sic cum ad corruptæ mentis suæ auxilium  
suppetat recondita pecunia, quasi quibusdam levatus  
alis, meditando suum ex monasterio exitum, su-  
perbe deinceps atque aspere ad omnia jussa respon-  
det, seque velut peregrinum atque extraneum repu-  
tans, si quid in monasterio emendatione dignum vi-  
derit, nihil curat, immo despicit. Dehinc quærit oc-  
casiones iracundiæ aut querelæ, ut ne videatur levi-  
ter et absque causa egredi ex cœnobio. Nec eo ille  
modo se gerere dubitat, ut delicti sui opitulatorem  
inveniat. Ita porro seductus avarus suarum igne pe-  
cuniarum, numquam in monasterio potest quiescere,  
aut sub regula vivere. Cum autem illum dæmon ex  
ovili quasi lupus abripuerit, atque ex ovili segrega-  
tum, a se devorandum acceperit, tum curat ut opera  
quæ stans horis in cœnobio negligebat omnino, ea-  
dem nocte et die magna cum alacritate in cella sua  
perficiat; neque sinit eum precum consuetudinem,  
jejuniorum morem, vigiliarum normam observare;  
sed illi avaritiæ furore colligato, suadet ad opus suum  
omne studium, omnem laborem impendere. Hujusce  
vero morbi tres sunt modi a divinis Scripturis et a  
Patrum doctrina æque prohibiti. Primus, de quo su-  
perius scripsimus, qui curat ut miseri, ea quæ ne in  
mundo quidem habuere, acquirant et accumulent.  
Alter id agit ut eos qui pecuniis renuntiaverunt facti  
pœniteat; suadetque illis ut requirant ea quæ Deo  
obtulerunt. Tertius is est qui cum initio monachum in-  
credulitatis tepiditate illigavit, non sinit eum per-  
fecte mundanis abrenuntiare rebus, animo subjiciens  
metum paupertatis atque diffidentiam Dei providen-  
tiæ; illumque promissorum violatorem exhibet esse,  
eorum scilicet quæ professus est dum mundo abren-  
tiant. Horum porro trium modorum exempla in  
divina Scriptura abscondita reperimus. Nam Giezi  
quod pecunias quas ante non habuerat concupivisset,  
privatus est prophetiæ gratia, quam volebat illi ma-  
gister ejus hæreditatis loco relinquere; et pro bene-  
dictione, per prophetæ maledictum æternam posse-  
dit lepram (IV Reg. v). Judas vero cum vellet pecu-

nia resumere quas, ante ut Dominum sequeretur,  
abjecerat, non solum eum ad Domini prodicionem ani-  
mum appulisset, ex choro Apostolorum extrusus est,  
sed ipsam carnalem vitam violenta morte terminavit  
(Matth. xxvii, 5). Ananias et Sapphira, cum quædam  
ex iis quæ Domino consecrarant reservassent, apo-  
stolico ore mortis pœnam luunt (Act. v). Magnus  
autem ille Moyses in Deuteronomio mysticum dat  
præceptum iis qui mundo renuntiaturi sunt, et quo-  
dam diffidentiae metu terrenis adhuc inhærent : *Si  
quis homo timidus sit et corde pavidus, is non prodibit  
ad bellum : abeat domum ibique molliter degat, ne forte  
pavorem incutiat cordibus fratrum suorum* (Deut. xx,  
8). Estne quidpiam hoc testimonio securius atque  
liquidius? Nonne iis verbis ediscimus qui mundo  
renuntiamus, nobis perfecte renuntiandum atque ita  
ad bellum procedendum esse, ne forte ex molli et  
corrupto initio alios ab evangelica perfectione aver-  
tamus? Quandoquidem vero illud probe in Scriptura  
dictum, *Beatius est dare quam accipere* (Act. xx, 35),  
male quidam interpretantur, vimque litteræ faciunt,  
atque ad propriam fraudem et ad pecuniæ concupi-  
scentiam dicti sententiam detorquent, necnon Do-  
mini doctrinam, quæ sic habet : *Si vis perfectus esse,  
vende omnia quæ habes et da pauperibus, et habebis  
thesaurum in cœlo, et veni, sequere me* (Matth. xix,  
21); et judicant divitiarum facultatem paupertate fe-  
liciores esse, seque ex hujusmodi abundantia posse  
indigentibus largiri; sciant hujusmodi homines se  
nondum mundo renuntiassent, neque ambulare in mo-  
nastica perfectione, quamdiu erubescunt pro Christo  
gloriosam cum Apostolo assumere paupertatem, at-  
que ex opere manuum sibi egenisque subvenire.  
Quod si desiderent monasticam opere complere pro-  
missionem, et cum Apostolo gloriam accipere, dis-  
tributis veteribus divitiis in fame, siti et nuditate,  
cum Paulo decertent bonum certamen (II Tim. iv, 7).  
Nam si ad perfectionem, necessariam reputasset ipse  
Apostolus veterum divitiarum possessionem, prio-  
rem suam dignitatem minime despexisset : se quippe  
illustrem et civem fuisse Romanum testatur (Act. xxii,  
25). Qui autem Jerosolymæ domos vendebant et  
prædia sua, et ad pedes apostolorum deponebant  
(Act. iv, 35), nequaquam illud egissent, si nosset,  
quod labore proprio et manuum opere. Liquidius  
autem eam rem docet Apostolus in sua ad Romanos  
Epistola : *Nunc autem proficiscar in Jerusalem, ni-  
ministrare sanctis. Probaverunt enim Macedonia et  
Achaia, collationem aliquam facere in pauperes san-  
ctorum, qui sunt in Jerusalem* (Rom. xv, 25). Ipse  
autem vinctus plerumque et in carceribus, itinerisque  
incommodis subditus, atque eo impeditus, ne uti so-  
lebat, propriis manibus necessaria sibi pararet, ea  
se accepisse docet ab iis qui e Macedonia erant fra-  
tribus, quique se convenerant, aiens : *Nam quod mihi  
deerat suppleverunt fratres qui venerunt a Macedonia*  
(II Cor. xi, 9). Et ad Philippenses : *Quod in prin-  
cipio Evangelii cum nulla Ecclesia communicari in*



*ratione dati aut accepti, nisi vobiscum solis : quia et Thessalonicae semel et bis in usum mihi fuistis (Philipp. iv, 15).* Sint itaque avari, juxta suam sententiam, Apostolo beatiores; quandoquidem ipsis ex propria substantia, quæ sibi necessaria sunt, suppeditantur. Sed nemo nisi in extremam deciderit amentiam, id proferre ausus fuerit. Si volumus itaque evangelicum et apostolicum sequi præceptum, atque universam supra apostolos ab initio fundatam Ecclesiam, ne opinionibus nostris obtemperemus, nec ea quæ probe dicta sunt perperam intelligamus, ac repudiato tepido illo atque incredulo animi affectu, accuratum Evangelii studium assequamur. Ea quippe ratione valebimus sanctorum Patrum subsequi vestigia, atque a cœnobii scientia et instituto numquam abscedere, itemque revera huic mundo renuntiare. Operæ autem pretium fuerit hoc loco sanctorum Patrum dicta memorare. Fertur itaque sancti Basilii episcopi Cæsareæ Cappadociæ sermo ad quemdam senatorium virum, qui tepide mundo abrenuntiavit, et qui ex pecuniis suis quidpiam reservavit, dictum ejusmodi : Et senatorium perdidisti, et monachum non fecisti. Oportet igitur omni cura ex nostra excindere anima radicem ac principium malorum omnium, avaritiam scilicet : compertissimum habentes, manente radice, ramos pullulare, difficileque esse virtutem exercere, nisi in cœnobio degamus, in ipso enim etiam de necessariis rebus nihil curamus. Ananiæ et Sapphiræ damnationem (Act. v) præ oculis habentes, horreamus de antiquis facultatibus quidpiam nobis reservare. Similiter Giezi exemplum (IV Reg. v) pertimescamus, qui avaritiæ causa æternæ lepræ traditus est. Caveamus ne nobis hujusce vitæ pecunias accumulamus, quas ne in hoc quidem mundo possedimus. Timeamus itidem, Judam laqueo pereuntem nobiscum reputantes, ne quidpiam servemus ex iis omnibus quibus cum contemptu renuntiavimus. Ad hæc omnia præ oculis semper habentes mortis incertam horam, caveamus ne, qua hora non putamus veniat Dominus, conscientiamque nostram inveniat avaritia maculatam, dicatque nobis illud quod diviti illi in Evangelio dictum est : *Stulte, hac nocte a te repetunt animam tuam, quæ autem parasti cujus erunt (Luc. xii, 20) ?*

4. (Cass. Inst. l. viii, c. 1 et seqq.) Quartum nobis est certamen adversus spiritum iracundiæ, ut cum Deo mortiferum hujus venenum ex intimo animæ nostræ excindamus. Eo enim intra cor nostrum reposito, ac tenebrosis tumultibus oculum mentis excecante, nullam eorum quæ consentanea nobis sunt discretionem habere valemus, neque spiritualis cognitionis comprehensionem invenire, nec veræ vitæ participes effici, nec mens nostra divinæ ac veræ lucis capax erit. Nam, *Turbatus est*, ait, *a furore oculus meus (Psalm. vi, 8).* Neque sapientiæ participes erimus, etiamsi nobis ipsis sapientes videamur, cum scriptum sit : *Furor in sinu insipientium habitabit ;* sed neque salutare discretionis radios consequi possumus, etsi ab hominibus perquam sapientes existime-

mur, scriptum quippe est : *Ira etiam prudentes disperdit ;* neque justitiæ gubernacula vigilantem corde retinere valemus cum scriptum sit : *Ira viri justitiam Dei non operatur (Jacob. i, 20) ;* neque omnium ore celebratam modestiam decentiamque obtinere possumus : quandoquidem scriptum est : *Vir iracundus modestus non est (Prov. xi, 25).* Qui voluerit ergo ad perfectionem attingere, qui exoptat spirituale certamen legitime obire, ob omni delicto iræ furorisve alienus sit, audiatque quid præcipiat Vas illud electionis : *Omnis amaritudo et ira et indignatio, et clamor, et blasphemia tollatur a vobis cum omni malitia (Ephes. iv, 31).* Cum ait autem *omnem*, nullam nobis indignationis occasionem, vel quasi necessariam, vel quasi consentaneam reliquit. Qui igitur errantem fratrem corripere aut castigationem ipsi inferre voluerit, studeat se commotionis perturbationisque expertem custodire; ne dum alium vult curare, morbum sibi trahat neve dicatur ei evangelicum illud : *Medice, cura teipsum (Luc. iv, 23) ;* ac rursum : *Quid tu vides festucam in oculo fratris tui, trabem autem in oculo tuo non intelligis? aut quomodo dices fratri tuo : Sine, ejiciam festucam ex oculo tuo, qui trabem in proprio oculo habes operientem illum (Marc. vii, 23)?* Qualibet enim de causa, iræ motus effervercat, mentis oculos excecet, neque sinit hominem respicere Solem justitiæ. Quemadmodum enim qui oculis imponit aurea et plumbea metalla, æque impedit videndi facultatem, nec aurei metalli pretium aliquam facit cæcitalis differentiam, ita ex qualibet causa iræ commotio accendatur, animæ videndi facultatem obtenebrat. Tunc solum juxta naturam indignatione utimur, cum adversus vitiosas et voluptarias cogitationes eam movemus. Id quippe nos propheta David docet cum ait : *Irascimini et nolite peccare (Psalm. iv, 5) ;* id est, adversus proprias passiones iram movete, nec non adversus pravas cogitationes, neque agendo quæ vobis suggeruntur ab illis, peccetis : quam plane interpretationem declarat, quod sequitur : *Quæ dicitis, inquit, in cordibus vestris, in cubilibus vestris compungimini (Ibid.) ;* id est, cum ascenderint praviæ cogitationes in cor vestrum, ejicite illas, concitantes adversus eas iram vestram; postquam vero ejectæ fuerint, quasi in lecto seu quiete, tum compungimini ad pœnitentiam. His porro consonat beatus Paulus, qui hujusce dicti testimonio est usus, atque illud adjecit : *Sol non occidat super iracundiam vestram, nolite dare locum diabolo (Ephes. iv, 26) ;* id est, ne pravis cogitationibus consentiendo, Solem justitiæ Christum irritantes, efficiatis ut occidat in cordibus vestris; ut ne ejus discessu locum in vobis inveniat diabolus. De isto Sole ait Deus per prophetam : *Timentibus nomen meum orietur Sol justitiæ, et medicina erit in alis ejus (Malach. iv, 2).* Quod si dictum illud (Apostoli) ad litteram accipiamus, ne quidem ad occasum usque solis conceditur nobis ut iram servemus. Quid igitur de illis dicemus qui feritate atque insania vitiati affectus, non ad usque solis hujusce occasum tantummodo servant iram, sed etiam



ad multos dies producant eam, a mutuo colloquio A abstinentes: neque verbis ulterius iracundiam exprimunt suam, sed silentio ad invicem servato, virus memoriæ injuriarum ad suam perniciem accendunt: ignorantes non modo a peccato quod opere perpetratur abstinendum esse, sed etiam ab eo quod in mente concipitur; ne tenebris recordationis injuriarum obscurata mens, excidat a lumine cognitionis ac discretionis, atque privetur sancti Spiritus habitatione. Quamobrem jubet Dominus in Evangeliiis relinquimus munus super altare, et reconciliari fratri (*Matth. v, 24*): quod fieri nequeat acceptum munus esse, nobis ira ac injuriarum memoria occupatis. Apostolus vero cum ait, sine intermissione orandum esse (*I Thess. v, 17*), in omni loco elevandas esse sanctas manus (*I Tim., ii, 8*), absque ira, etiamsi in sola cogitatione sit, id agendum esse docet. Restat igitur ut vel nunquam oremus, atque ita obnoxii simus apostolico præcepto, aut si præcepta servare curemus, ut absque ira et recordatione injuriarum illud agamus. At quandoquidem plerumque contingit ut, contristatis aut perturbatis fratribus, nos rem contemnamus atque dicamus non nos in causa esse quod illi contristentur; animarum medicus, ut iræ occasiones radicibus evellat ex corde nostro, non modo, si nos contristati et irati simus in fratrem nostrum, jubet ut munus relinquamus, et reconciliemur ipsi (*Matth. v, 24*); sed etiamsi ipse in nos jure an injuria irascatur, ut excusatione nostra iram ejus sedemus, et tunc munus offeramus. Sed quid diutius evangelicis et apostolicis præceptis immoremur, cum ex veteri item C lege liceat hoc ediscere: quæ tametsi ex illa severitate deflectere ac sese attemperare videtur, ita habet: *Ne oderis fratrem tuum in corde tuo* (*Levit. xix, 17*): ac rursum: *Vie eorum qui injuriarum memoriam tenent, ad mortem* (*Prov. xii, 28*). Hoc enim loco non modo eam quæ in opus prorumpit, sed eam item quæ mente retinetur iram, vetat atque ulciscitur. Quamobrem oportet divinis legibus inhærentes, totis viribus contra spiritum iræ decertare, et contra morbum illum intra nos situm: neque contra homines iram concitare, ac ideo solitudinem et segregationem consecrari; quo scilicet nemine ibi præsentem qui nos concitet ad iram, virtus æquanimittatis facile in solitudine exerceatur: nam tum ex superbia, tum quod nolimus nos ipsos iaculare, nostræque segnitiei iræ D causas ascribere, efficitur ut exoptemus a fratribus segregari. Quamdiu itaque imbecillitatis nostræ causas aliis imputamus, impossibile est nos ad perfectionem æquanimittatis attingere. Summa quippe emendationis nostræ, non ex proximi erga nos æquanimittate obtinetur, sed ex nostra erga proximum longanimitate ac injuriarum oblivione. Cum autem æquanimittatis certamen fugientes eremum petimus et solitudinem, quascumque illuc nondum curatas sedatasque passiones afferimus, occultas eas, non deletas esse putemus. Enimvero eremus atque secessus iis qui nondum passionibus liberi sunt, non reservare modo imperfectiones, sed eas occultare quoque novit. Ne-

que iis sentire concedit quibus sint passionibus obnoxii; quinimmo iis quas suggerit phantasiis suadet ipsis quod æquanimittatem, quod humilitatem sint assecuti, donec adest nemo qui concitet et probe iis; cum accedit autem occasio qua concitentur et exerceantur, reconditæ statim ac pridem occultæ passiones, seu effrenes equi ex stabulis erumpentes, ac longa quiete et otiositate perpasti, vehementius effrenatusque equitem in perniciem conjiciunt. Passiones quippe in otio neque excitatæ ab hominibus magis effrenantur in nobis: ipsamque patientiæ et æquanimittatis umbram, quam phantasia tantum et opinione tenemus, si fratribus nos immisceamus, per solitudinis otium, ob negligentiam exercitandi amittimus. Quemadmodum enim venenata animalia, in deserto et in cubilibus suis recumbentia, tunc furorrem suum demonstrant, cum accedentem quemdam capiunt, ita homines passionibus obnoxii, non virtutis affectu, sed ex deserti loci necessaria conditione quiescentes, tum animæ virus evomunt, cum accedentem quempiam et irritantem se apprehenderint. Quamobrem qui mansuetudinis perfectionem exquirunt, par omnino est ut non modo adversum homines non irascantur, sed neque adversus bruta, immo ne adversus inanimata quidem. Memini me cum in eremo degerem, contra calamum iram concepisse, quod ejus modo densitas, modo tenuitas displiceret; contra lignum item, quod excindere cum vellem, celeriter non possem; rursum contra igniarium silicem, quod, me festinante ignem educere, non statim exsili- C ret scintilla; ita nimirum grassatur ira, ut ad usque insensibilia et inanimata efferatur. Si cupiamus itaque consequi beatitudinem Christi, non modo iram quæ ad opus prorumpit, uti supra dictum est, coercere debemus, sed eam quoque quæ mente concipitur. Non enim tantumdem affert utilitatis os continere suum, et furiosum quodquam dictum non proferre, quantum cor purgare ab injuriarum memoria, et pravas non fovere cogitationes. Docet enim evangelica doctrina excisas oportere peccatorum radices potius quam ramos. Excisa quippe a corde iræ radice, nullum odium, nulla invidia ad opus usque deducetur: nam qui odit fratrem suum homicida est, nimirum quoad affectum odii occidit eum. Occisum autem videt illum Deus: cujus sanguinem, non gladio effusum vident homines, sed ex affectu odii ille occisus fuit. Deus itaque non modo pro operibus, sed etiam pro cogitationibus et proposito unicuique coronas aut supplicia retribuet, quemadmodum ipse per prophetam ait: Ego venio collectum opera, cogitationes et meditationes eorum. Ac rursum Apostolus ait: *Inter se invicem cogitationibus accusantibus, aut etiam defendentibus, in die cum judicabit Deus occulta hominum* (*Rom. ii, 15*). Ipse autem Dominus docens oportere nos omnem iracundiam deponere, ait in Evangeliiis: *Quod quicumque irascitur fratri suo, reus erit judicio* (*Matth. v, 22*). Ita enim habent accurata exemplaria: nam illa vox, temere, adjectitia est. quod palam est ex præcedenti Scripturæ clausula.



Scopus namque Domini vult nos radicem ac scintillam iræ prorsus abscindere, ac ne minimam iræ occasionem intra nos servare; ut ne scilicet si ex consentanea ratione iram concitemus, demum in bruti animi furorem incidamus. Hujusce porro morbi hæc est perfecta medela, ut scilicet persuasum habeamus nobis neque justa neque injusta de causa licere indignationem concitare nostram. Nam si spiritus iræ mentem obscuret nobis, neque lux discretionis, neque recti consilii justitiæque gubernaculum in nobis reperietur; neque spiritu iræ dominante fieri potest ut anima nostra templum sancti Spiritus efficiatur. Demum oportet ut incertam mortis horam præ oculis habentes, custodiamus nos ab ira, ac sciamus neque ascetin, neque temperantiam, neque abdicationem rei omnis materialis, neque jejunia et vigiliis, utilitati nobis fore, si ira atque odio correpti, rei simus judicio. Quo utinam liberemur, gratia Domini nostri Jesu Christi, cui gloria in sæcula sæculorum.

5. (Cass. Inst. l. ix, c. 1 et seqq.) Quintum nobis est certamen adversus spiritum tristitiæ, qui animam obscurat nostram ut nulli possit spirituali contemplationi vacare, cohibetque illam ab omni bono opere. Cum enim pravus ille spiritus animam apprehenderit totamque obscuraverit, non preces cum alacritate fundere concedit, non in sacrarum lectionum capienda utilitate vacare, non fratribus mansuetum et commodum esse sinit: odium omnis circa opera studii, ipsiusque vitæ professionis suggerit. Dum omnia denique salutaria animæ consilia confundit tristitia, ejusque firmitatem ac perseverantiam solvit, quasi stultam illam et attonitam efficit, ac demum eam desperationis cogitatione illigat. Quapropter unus nobis sit scopus, spirituale certamen certare, spiritus nequitiae cum Deo vincere, et omni custodia cor nostrum servare a spiritu tristitiæ (Prov. iv, 23). Quemadmodum enim tinea vestimentum, et vermis lignum, ita tristitia corrodit hominis animam, dum suadet illi ut ab omni probi consortio declinet, neque concedit illi ut a veris amicis consilium accipiat, nec ut mitem et pacificam responsionem det ipsis: sed animam conturbat totam tristitia, et incuria replet; atque demum suadet ut fugiat ab hominibus, quasi sibi in causa fuerint perturbationis; neque sinit eam agnoscere, non exterius, sed interiorius aegritudinem esse sitam, quæ tunc apparet, cum ingruentes tentationes experimento illam palam faciunt. Numquam enim homo cadetur ab alio, nisi intus situm habeat morbum, scilicet passionum causas: quæ causa est quod omnium opifex et animarum medicus Deus, qui solus probe et accurate animæ vulnere novit, non hominum consortia relinquere præcipiat, sed malitiæ causas in nobis exscindere, gnarus causam sanitatis animæ, non in separatione ab hominibus obtineri, sed in conversatione cum hominibus et in exercitatione. Cum itaque ob consentaneas quasdam occasiones fratres relinquimus, nequaquam tristitiæ occasiones præcidimus, sed solum commutavimus eas, morbo scilicet intus posito cas-

A pro rerum conditione movente. Quapropter contra interiores passiones, totum nobis sit bellum. Iis enim Dei auxilio ejectis, non dico cum hominibus, sed cum feris etiam facile degemus, juxta illud beati Jobi dictum: *Immanes feræ pacem tecum habebunt* (Job. v, 23). In primis igitur pugnandum contra spiritum tristitiæ, qui animam conjicit in desperationem; ut (malum) illud ex corde nostro pellamus. Illud enim non sivit Cainum post fratris eadem poenitere, neque Judam post Domini prodicionem. Eam solam habeamus tristitiam quæ poenitentiam peccatorum respicit, cum bona spe conjunctam, et quæ celestium bonorum possessionem conciliat; de qua dixit Apostolus: *Quæ secundum Deum tristitia est* (II Cor. vii, 10)..... Ea itaque tristitia quæ poenitentiae spe alit animam, gaudio commixta est: quare alacrem et ad omne bonum opus obsequentem reddit hominem, accessum quoque facilem et humilem.

*Hic deest unum folium, scilicet quod superest adversus tristitiæ spiritum, et initium eorum quæ dicuntur de torporis spiritu.*

6. (Cass. Inst. l. x, c. 13 et seqq.)..... Panem manducant. Audiamus quam sapienter nobis ostendat Apostolus torporis hujusce causas. *Inquietos* quippe vocat (II Thess. iii, 7) eos qui non operantur: hæc una voce multam declarans malitiam. Qui enim otiosus est, verbis quoque temerarius existit, promptusque ad conviciandum, ac demum ad quietam vitam agendam ineptus, et torporis servus. Præcipit itaque ut subtrahamus, id est, segregemus nos ab illo, quasi a pestifero morbo. Deinde quid ait: *Et non secundum traditionem quam acceperunt a nobis* (II Thess. iii, 6), ac per hoc dictum ostendit eos esse superbos, contemptores, et apostolicarum traditionum violatores. Ac rursum: *Neque gratis panem*, ait, *manducavimus ab aliquo, sed in labore et in fatigue, nocte et die operantes, ne quem vestrum gravaremus* (Ibid., 8). Doctor ille Gentium, Evangelii præco, qui sublatus est usque ad tertium cælum (II Cor. xii, 2), qui ait jussisse Dominum ut eos qui Evangelium annuntiant, ex Evangelio vivant (I Cor. ix, 14), in labore nocte et die operabatur, ne quem gravaret. Quid igitur nos agemus qui præ torpore opus aversamur, corporalemque perquirimus quietem; quibus nec Evangelii prædicatio, neque Ecclesiarum cura commissa est, sed solius animæ propriæ sollicitudo incumbit. Deinde clarius ostendens quantum ex otio damni accedat, subjungit: *Nihil operantes, sed curiose agentes* (II Thess. iii, 11); ex otio inordinatio, ex inordinatione omnis malitia exoritur. Deinde huic remedium præparans ait: *Iis autem qui ejusmodi sunt denuntiamus, et hortamur, ut cum silentio operantes suum panem manducant* (Ibid., 12), atque cum magna increpatione subjicit: *Si quis non vult operari, nec manducet* (Ibid., 10). Hiis apostolicis præceptis sancti patres Ægyptii eruditi, ne minimo quidem tempore concedunt otiosos esse monachos, maxime juniores, gnari se per patientiam operis, torporem eliminare, suumque sibi alimentum comparare, atque



egentibus auxilio esse. Non modo enim pro suis necessitatibus operantur, sed peregrinis etiam, pauperibus, carceri traditis, omnibusque egenis necessaria ex suo opere suppeditant : creduntque officium huiusmodi sacrificium esse Deo acceptum. Hoc item aiunt Patres, cum qui operatur, cum uno dæmone pugnare, ac plerumque ab illo tribulari; otiosum autem infinitis dæmonibus esse captivum. Operæ autem pretium fuerit dictum memorare abbatis Moysis, inter Patres spectatissimi, quod ad me locutus est. Me quippe brevi tempore sedentem in eremo, torpor afflixit, atque accedens ad illum, sic alloquor: Torpore graviter afflictus, atque admodum infirmatus, non prius eo liberatus sum quam abirem et abbatem Paulum convenirem. Respondit mihi abbas Moyses: Perspectum habe teipsum minime ab eo hactenus liberasse, immo potius dedititum te atque servum ei tradidisse. Scito igitur gravius te, utpote desertorem, ab eo debellandum esse, nisi deinceps per patientiam, orationem et opus manuum, eum oppugnare studueris.

7. (*Cass. Inst. lib. xi, c. 1 et seqq.*) Septimum nobis est certamen adversus spiritum inanis gloriæ, multiformem illam ac tenuissimam passionem, quæ ne ab eo quidem qui tentatur comprehenditur. Cæterarum quippe passionum irruptiones, apertiores sunt, atque facilius cum iis pugnatur: anima quippe, cum bellum agnoscit, repugnando et orando superat. At inanis gloriæ malitia multiformis cum sit, uti supra dictum est, expugnata difficilis est. In omni quippe hominis studio præsens se sistit, in habitu scilicet, forma, gressu, sermone, vigiliis, jejuniis, in oratione, lectione, quiete, in æquanimitate. Iis enim omnibus conatur militem Christi confodere. Quem enim vestimentorum sumptuositate decipere nequit, et ad vanam gloriam deflectere, eum vestimenti vilitate tentat. Et quem non potuit honore, eum dedecoris patientia ad insipientiam usque inflat; quem scientia ad vanam gloriam deducere nequivit, eum ex silentio, quasi quietum hominem, decipere conatur; quem ciborum lautitia ad mollitiem trahere non valuit, cum jejuniis ad laudem cupiditatem deducit. Demum opus omne, omne studium, belli occasionem huius dæmoni præbet. Ad hæc qui ab illo oppugnatur, nonnumquam sibi sacri ordinis gradus conflagit. Memini cujusdam senis, qui, cum in Scete degerem, cellulam adit cujusdam fratris visitandi causa, et ut januæ cellæ appropinquavit, ipsum audit intus loquentem; et cum putaret senex quidpiam illum ex Scriptura repetere, stetit auscultaturus, atque sensit illum ex inani gloria insanire, ac sese diaconum ordinare, catechumenique dimissionem tribuere. Id cum audisset senex, demum aperta janua introivit, cui frater occurrens de more salutavit eum, rogavitque an diu ad januam stetisset. Tum senex placide respondit illi: Mox inquit, adveni, cum tu catechumenis dimissionem tribuebas. His frater auditis, procidit ad senis pedes, ut precibus postularet sibi erroris huiusmodi liberationem. Huiusce rei me-

mini, ut ostenderem in quantum insipientiam huius dæmon conijciat hominem. Qui vult itaque perfecte certare, et iustitiæ corona redimiri, omnibus satagat modis multiformem hanc superare feram, præ oculis semper habens dictum illud sancti Davidis: *Dominus dissipavit ossa eorum qui hominibus placent* (Psal. LII, 6); nihilque agat intuitu laudum humanarum, sed mercedem quærat a Deo, ac cogitationes propriæ laudis, cor suum invadentes semper abjiciat: sese in conspectu Dei despiciat. Hoc siquidem pacto poterit, Deo juvante, liberari ab inani gloriæ dæmone, gratia Domini nostri Jesu, cui gloria in sæcula. Amen.

8. (*Cass. Inst. l. XII, c. 1 et seqq.*) Octavum nobis est certamen adversus spiritum superbiæ, quod est gravius acriusque cæteris omnibus, quo perfecti maxime oppugnantur, quique eos qui fere ad virtutum fastigium pervenere, subvertere conatur; ac morbi pestiferi instar non partem corporis, sed totum perdit. Et aliæ quidem singulæ passiones, tametsi animam turbant, quia tamen cum una tantum virtute sibi opposita pugnant, atque eam superare nituntur, ex parte solum animam obscurant atque conturbant; superbiæ autem passio totam tenebris offundit, et ad extremam deducit ruinam. Utque liquidius quod dictum est excogitemus, hac ratione rem speculemur. Gulæ vitium abstinentiam corrumpere satagit, fornicatio continentiam, avaritia paupertatem, indignatio mansuetudinem, ac reliquæ species malitiæ, contrarias sibi virtutes; at superbiæ malitia cum miseræ animæ dominatur, haud secus agit quam truculentissimus quidam tyrannus, qui ampla et excelsa capta urbe, totam diruit et a fundamentis evertit. Cujus rei testis est angelus qui ex cælo propter superbiam cecidit; qui a Deo creatus et omni virtute ac sapientia ornatus, non Dei gratiæ hæc ascribere voluit, sed propriæ naturæ; unde se Deo æqualem esse putavit: quam ejus cogitationem arguens propheta dicit: *Dixisti in corde tuo: Sedebo in monte excelso, ponam thronum meum supra nubes et similis ero Altissimo* (Isai. XIV, 13). Tu vero homo, et non Deus (Id., XXXI, 3). Aliusque propheta ait: *Quid gloriaris in malitia qui potens es?* et paucis interjectis: *Dilexisti omnia verba demersionis, linguam dolosam. Propterea Deus destruet te in finem, evellet te et transferet te de tabernaculo tuo, et radicem tuam de terra viventium. Videbunt justi et timebunt, et super eum ridebunt et dicent: Ecce homo qui non posuit Deum adiutorem suum, et prævaluit in vanitate sua* (Psal. LI). Hæc cum sciamus, timeamus, et omni custodia servemus cor nostrum (Prov. IV, 23) a lethifero spiritu superbiæ, nobis ipsis hæc Apostoli recitantes, quando virtutis cujuscumque opus perfecimus: *Non ego autem, sed gratia Dei quæ mecum est* (I Cor. XV, 10); et quod a Domino dictum est: *Sine me nihil potestis facere* (Joan. XV, 5); et quod a propheta dictum est: *Nisi Dominus ædificaverit domum, in vanum laboraverunt qui ædificant eam* (Psal. CXXVI, 1); iterumque: *Non volentis, neque currentis, sed miserentis est Dei* (Rom. IX, 16). Nam etiamsi quis ala-



eritate fervens, ac proposito studiosus fuerit, sed carne illigatus et sanguine, non poterit ad perfectionem pervenire, nisi ad hæc omnia in misericordia et in gratia Christi speraverit: nam, juxta divinum Jacobum: *Omne datum bonum, et omne donum perfectum desursum est, descendens a Patre luminum* (Jacob. 1, 17). Et Paulus ait: *Quid enim habes quod non accepisti? Si autem accepisti, quid gloriaris quasi non acceperis* (1 Cor. iv, 7)? Sed de alienis donis quasi de tuis extolleris. Quod autem nobis gratia et misericordia

A Dei salus accedat, testis est latro ille qui non in virtutis præmium regnum cælorum adeptus est, sed gratia et misericordia Dei (Luc. xxiii, 43). Hæc cum probe nosset patres nostri, una omnes sententia tradiderunt non posse nos firmum ad virtutis perfectionem jacere fundamentum, nisi per humilitatem quæ a fide, mansuetudine et perfecta paupertate procedit; quibus perfecta charitas obtinetur gratia Domini nostri Jesu Christi, cum quo Patri gloria, cum sancto Spiritu in sæcula. Amen.

## APPENDIX

AD

# OPERA S. EUCHERII

CONTINENS

SCRIPTA VEL DUBIE VEL FALSO S. PATRI ATTRIBUTA

## COMMENTARII IN GENESIM

IN TRES LIBROS DISTRIBUTI.

### LIBER PRIMUS.

Verentes multiplicia congerere, ne stomachus legentium saturatus non solum oblata renuat, sed et ingesta rejiciat, priusquam de mundi principio sit loquendum, dicendum est contra eos qui oressacrilego de Deo disputare nituntur, dicentes: Quare fecit Deus cælum et terram? Quid faciebat Deus antequam cælum et terram faceret? Cur nova voluntas in Deo, ut conderet mundum, exorta est? Sed respondendum est illis: Nova voluntas in Deo exorta non est: quia etsi in re mundus non erat, in æterna tamen voluntate semper erat; ergo frustra dicitur: Cur, per tanta retro tempora Deo vacante, nova mundum faciendi orta fuisset cogitatio, quando in suo æterno semper manet consilio mundi constructio; nec tempus ante principium, sed æternitas fuit; tempus enim a substitutione creaturæ, non creatura cœpit a tempore.

(Cap. I. — Vers. 1.) *In principio fecit Deus.* Hic sensus duobus modis sine offensione accipitur: id est, aut primum omnium fecit; aut in principio, quod est Sapientia, id est, in Verbo suo fecit; ipse est enim Filius, per quem facta sunt omnia (Joan., 1); ipse principium, in quo facta sunt omnia.

(Ibid.) *Cælum et terram.* Si primo omnium factum est cælum et terra, angeli postmodum facti sunt; si angeli ante facti sunt, non primo omnium fecit Deus cælum et terram. Cæli nomine quidam cœlestem, id est, angelicam creaturam creatam æstimant, ad cujus comparisonem cælum hoc corporeum terra nuncupatur. Terræ autem nomine materiam illam informem insinuat, ex qua hoc visibile cælum et terra, et universa moles hujus mundi formata est, de qua scribitur: *Qui fecisti mundum de informi materia.* Sed materia facta est ex nihilo, mundi autem species, de informi materia, quæ cæli et terræ nomine appellata est: non quia jam hoc erat, sed quia jam hoc inde esse poterat. Primo igitur voluit cælum et terram velut quamdam spiritualem corporalemque materiam dicere, et sic, quemadmodum sigillatim

B facta sunt, ordinem texere. Creatura cæli et terræ quo modo historialiter ab exordio principii condita sit, legimus; sed qualiter in Ecclesia spiritualiter a doctoribus accipiat, intelligamus. *In principio fecit Deus cælum et terram.* Principium Christus est, sicut ipse ait in Evang.: *Ego principium, qui et loquor vobis* (Idem, viii). In hoc igitur principio fecit Deus cælum, id est, spirituales, qui cœlestia meditantur et quærunt. In ipso fecit et carnales, qui terrenum hominem necdum deposuerunt.

(Vers. 2.) *Terra autem erat inanis et vacua.* Id est, adhuc informis erat ipsa materia: quia necdum ex ea cælum et terra, necdum omnia formata erant, quæ formari restabant: hæc enim materia, ex nihilo facta, præcessit tamen res ex se factas, non quidem æternitate vel tempore, sicut præcedit lignum arcam; sed sola origine, sicut, præcedit vox verbum, vel sonus cantum: nam *qui vivit in æternum, creavit omnia simul.* Terra carnis nostræ inanis erat et vacua, priusquam doctrinæ acciperet formam. *Et tenebræ erant super faciem abyssi.* Hæc tenebrosa abyssus ipsam adhuc informis materiæ obscuritatem designat, quia nondum ulla species videri aut tractari poterat. Abyssus namque immensa aquarum profunditas appellatur, quia delictorum cæcitas et ignorantia, profunda obscuritas corda nostra tegebat. *Et spiritus Dei ferebatur super aquas.* Etiam aquarum nomine ipsam illam informem materiam demonstrat, quæ subiacebat ad voluntatem Creatoris ad confirmanda in suis generibus omnia: nam sive terram inanem dicas, sive abyssum tenebrosam, sive aquam, diversa quidem nomina, sed una eademque materia. Idcirco terra inanis et vacua, quia nondum erat universitate creaturarum completa. Pro eo abyssus tenebrosa, quia speciem luminis nondum habebat. Pro eo aqua vocata, quia sive caro, sive omnia, quæ gignuntur, humida sunt, et ex humore concreta sunt. Nam et hoc cælum corporeum, quod firmamentum vocatur,



secunda die post conditionem lucis factum est; et hæc terra tunc accepit formam, quando abyssus distincta est. Ipsæ quoque aquæ tunc speciem sumpserunt, quando in unum sub firmamento collectæ sunt; ac per hoc non illud cœlum hoc corporeum cœlum, sed spiritualis intelligenda est creatio angelorum; nec illa terra vel abyssus, hæc visibilia elementa; sed illud intelligendum est, informis et obscura mundi materia. *Et tenebræ erant super faciem abyssi.* Quidam dicere solent: Unde erant tenebræ antequam fieret lux? Quis eas fecerat? Aut si nemo fecerat, æternæ sunt. Quibus respondetur: Non quia aliquid sunt tenebræ, sed ipsa lucis absentia hoc nomen accepit: sicut enim silentium nihil est, sed ubi vox non est, silentium dicitur: sic tenebræ nihil sunt, sed ubi lux non est, tenebræ dicuntur. *Et Spiritus Dei ferebatur super aquas.* Spiritus sanctus, Deus est, qui non loco continetur aut distenditur, nec temporum mutationibus subjacet, sed est ubique præsens ac totus. Superferri autem Domini Spiritus aquis dicitur, non pervagatione, sed potestate; non localiter, sed potentialiter; non per spacia locorum, sed terræ soli suffertur, sed per potentiam sublimitatis suæ. Deus enim non ex indigentia fecit opera sua, sed ex beneficentia atque omnipotentia: qui nihil indigens omnia creat, et misericors cuncta vivificat, et in plenitudine sancta permanet; non nostris ampliandis laudibus, sed suis innotescendus collaudatur operibus: neque enim horum indiget quæ facit. Indignus quippe atque egenus amor, subjicitur rebus quas diligit: quamobrem non indignus amor superferatur rebus quas diligit. Ideo dictum est, superferri creaturæ Spiritum sanctum, quia non ex indigentia operatus est ipsam creaturam. Pro eo autem quod in nostris codicibus scriptum est, *ferebatur*, in Hebræo habetur כִּרְחַב, quod nos appellare possumus, *incubabat*, sive *confovebat*, in similitudinem volucris, ova calore animantis. Ex quo intelligimus, non de spiritu mundi dici, ut nonnulli arbitrantur, sed de Spiritu sancto, qui et ipse vivificator emanat a principio dicitur. Sic autem vivificator, quasi conditor et Deus. *Emitte enim, ait Scriptura (Ps. ciii), Spiritum tuum, et creabuntur.* Notandum quod in ipso exordio cœli et terræ, tota trinitas insinuat Creatoris: nam Pater, in Dei intelligitur nomine; Filius, in principi; Spiritus vero sanctus, qui superferebatur aquis. Spiritus autem Dei super cor nostrum tenebrosum et fluidum, quasi super aquas jam superferebatur, in quo subsistentes requiesceremus, cujusque vivificaremur flato, et cujus unda ablueretur.

(Vers. 3.) *Dixit Deus, Fiat lux. Et facta est lux.* Si in die dixit, temporaliter dixit; si temporaliter dixit, per aliquam creaturam dixit; ergo non est prima creatura lux, quia jam erat, per quam diceret, *Fiat lux.* Vere enim nec in die dixit, nec temporaliter dixit, quia ante omnem creaturam verbum suum genuit. Dicitio itaque Dei, verbum Dei est: sed divina Scriptura parvulis congruens, et quodam modo eos lætans, ut proficiant et cibum spiritalem capiant, voluit semper per omnem creaturæ formationem dictionem Dei nuncupare: ut, verbi causa, si requiras quo modo facta est lux? audias, In verbo Dei erat, ut fieret. Quo modo factum est cœlum? In verbo Dei erat, ut fieret. Et cætera per ordinem, si requiras quo modo facta sunt? In verbo Dei erant, ut fierent. Hoc enim est, *Dixit Deus: Fiat lux*, dixit, profecit, posuit scriptor, ut celeritatem, vel facilitatem operis Dei ostenderet; neque enim corporalibus modis loqui ut divina natura: nec quoties dixit, toties verba formavit: unum enim Verbum genuit cœterum et consubstantivum sibi, in quo omnia ineffabiliter et intemporaliter dixit; talis enim Dei locutio, non temporaliter præteriens sonus, sed sola dictio est rationis. *Dixit Deus, Fiat lux.* In hac luce historialiter recapitulatur creatio angelorum, qui pro participatione æternæ lucis, lux et dies nuncupati sunt:

quorum unitas, ut ostenderetur, non est dictum, dies primus: sed, *dies unus.* Exoritur autem quæstio de angelis, quo modo in creatione sex dierum præmittantur, tamquam non sint in operibus Dei? Opus autem Dei esse angelos hymnus trium puerorum testatur: nam cum prædictum esset, *Benedicite, omnia opera Domini Domino (Dan. iii)*; in executione eorundem operum, etiam angelos nominavit. Et in Psalmis, cum diceret inter cætera, *Laudate Dominum, omnes angeli ejus*; subiecit, *Quoniam ipse dixit et facta sunt (Ps. cxlviii)*; His ergo exemplis, a Deo angeli facti demonstrantur, sed quo die creati sint nusquam infert. Sed quia in Scriptura sancta legitur dixisse Deum, *Quando facta sunt sidera, laudaverunt me omnes angeli mei*; jam erant angeli quarto die, quando sidera condita sunt. Ergo nec die tertia facti sunt. In promptu est enim quod die illa terra ab aquis discerpta, pabuli herbam produxit; ergo nec secundo die facti sunt, tunc enim factum firmamento, divisio fuit superiorum atque inferiorum aquarum, nil mirum enim si in operibus sex dierum angeli lucis significatione creati intelliguntur: ante omnem enim creaturam facti sunt, quia prior omnium creata est sapientia; qui propterea dicuntur sapientia, inhærendo scilicet æternæ sapientiæ. Verumtamen numquid et ante tempora facti sunt, quia prior omnium facta est sapientia, prior scilicet omnium, etiam et tempore? Oportebat enim ut creatura inconcusse adhærens, etsi non suo creatori æqualis, omni saltem creatura prior esset et melior: qui quidem dum sint mutabiles natura, facit tamen eos immutabiles atque incorruptos gratia sempiterna: nam si natura incommutabiles essent, diabolus non utique occidisset, commutabilitati namque naturæ in eis suffragatur contemplatio Creatoris. Inde privatus est apostata angelus, dum fortitudinem suam non a Deo, sed a se voluit constare. Tantæ enim gratiæ sunt angeli, ut nec ipsorum accessio decessione fuerit temporum. Duas enim esse res in creaturis constat, quarum vicissitudo temporum comprehendendi non valet: primum enim angeli, propter quod incommutabiliter inhærent Creatori; secundum materia illa informis, quia nec ejus comprehenditur tempus priusquam ex ea omnia ista formarentur quæ temporalitervolvuntur. Dixit quoque Deus, *Fiat lux.* Id est, illuminatio credulitatis appareat. Prima enim die lucem fidei dedit, quia prima est in conversione fides. Unde et istud primum in Dei præceptis mandatum est, *Domine Deus tuus, Deus unus est (Deut. vi)*. Propter quam fidem ipse Dominus etiam visibiliter in mundo apparere voluit.

(Vers. 4 seq.) *Et vidit Deus lucem, quia bona est.* Nam quod subito viderit Deus lucem, quod esset bona, et visio ei contulerit scientiam, cum in nobis omne opus præcedat voluntas nostra, dum cogitamus, quid operari debeamus; non enim ignorans aliquis facit aliquid, dum cogitat qualiter fiant, quæ facienda cogitando disposuit: et cum hoc in hominem cadere non possit, ut aliquid ignorans faciat, quanto magis in Deum, qui omnia æterno et stabili consilio suo facit? Ergo nec discit, sed docet factum in arte faciendum: et nec aliter facta, nec aliter facienda vidit. Eo itaque modo vidit facta, quo viderat faciendū. Inde est quod dicit, *Vidit Deus quod esset bonum*; id est, in ea bonitate placuit ut maneret, in qua placuit ut fieret, quod fecit. *Et divisit lucem a tenebris.* Divisio lucis a tenebris, boni angeli separati a malis. Et quia ex his quosdam præsciabat per superbiam casuros, per incommutabilitatem præscientiæ suæ divisit inter bonos et malos. Malos igitur appellans tenebras, bonos appellans lucem, in his dicens, *Vidit Deus quia boni sunt*; in illis nullatenus dicens, sicut in omnibus operibus Dei, *Vidit Deus quia bonum est*: ne malum prævaricatorum videretur approbare angelorum. *Et divisit lucem a tenebris*: tunc jam Deus juxta præscientiæ suæ gratiam divisit inter lucem et tenebras, id est, filios Dei et lucis a



peccatoribus, tamquam a tenebris, justos vocans diem, et illos noctem; nam quia in Ecclesia lucis nomine iusti appellantur, audi Apostolum, *Fuistis*, inquit, *aliquando tenebræ, nunc autem lux in Domino* (Eph. v). Sequitur, *Factum est vespere et mane*. Vespere, condite creaturæ terminus; mane, initium condendæ creaturæ alterius. Querunt aliqui, cum primum vesperum, postea mane Scriptura commemoraverit; ne forte noctem prius quam diem significare videatur: nec advertunt primum quod præmiserit diem, dicendo, *Et vocavit Deus diem lucem, et tenebras noctem*. Inde est quod vespera finis diei sit, et mane finis noctis. Ergo ut beneficium ante oblatum prærogativæ, et primatus nativitatæ diei daret, prius finem diei significavit, post quem secutura nox esset. Deinde postea finem noctis adiunxit, dicendo, *Factumque est vespere, et mane dies unus*. Dies iste unus prior factus, propter concordiam residuorum angelorum sic appellatus est, quorum propter unitatem insinuandam non dies primus, sed dies dictus est unus, et ideo ipse repetitur semper in executione creaturarum: quia ipse dies, hoc est, natura angelorum, quando creaturam ipsam, quam Deus faciebat, contemplantur, quodam modo vespascebant: verumtamen, quia non permanebat in ejus creaturæ intuitu, sed laudem ejus ad Deum referens, ipsam melius in divina ratione conspiciebat, tunc continuo quasi mane fiebat: nam si permaneret neglecto Creatore in aspectu creaturæ, jam non vespera, sed nox utique fieret. Sequitur, *Dixit quoque Deus, Fiat firmamentum*. Firmamenti nomine, cælum significavit, pro eo quod fortiter et firme compositum est, maximeque propterea vocatum est firmamentum, propter firmitatem, sive sustentationem, et intransgressibilem terminum superiorum aquarum.

(Vers. 7.) *Et fecit Deus firmamentum, divisitque aquas ab aquis, quæ erant sub firmamento*. Jam qui addidit, *Et divisit aquas ab aquis*, querendum est utrum hunc aerem nebulosum nominet firmamentum, qui dividit aquas superiores nubium ab inferioribus, quæ in terris fluunt; nam et ipse aer cælum vocatur, sicut legimus: *Volucres cæli* (Psalm. viii); dum non de illo superiore dicatur, sed de isto in quo aves volitant. Unde queri potest quo modo elementum aquæ possit esse supra cælos; aqua enim cedit terræ, et aer cedit aquæ, et ignis cedit aeri: unde impossibile videtur ut secundum elementum, quod est aqua, sit supra quartum, quod est ignis. Quo modo et quales sint aquæ illæ, quas Scriptura dicit supra cælos, esse eas ibidem minime dubitamus quæ non locorum sedibus, sed dignitate naturæ, videntur supra cælos: sicut enim nubes istæ quæ ubique sunt feruntur super aerem, quod est tertium elementum; ita fieri posse arbitror ut aquæ tenues atque subtiles ferantur super cælum: nam ex hoc pondere elementorum, multi philosophorum resurrectionem carnis illudentes, non posse fieri inquit ut homo, qui utique ex terra factus est, sit in cælo. Sed hæc veritas convincit, qui facit multa animalia terrena volitare in aere, et aquam esse supra aerem, et ignem, quod est utique quartum elementum, esse in terra. Ergo Dei potentia quæ hæc facere approbatur, facit ut et homo et aqua sit supra cælum. Aquas vero istas visibiles quidam impie negant factas esse a Deo, pro eo quod in Genesi non commemorantur ubi sint factæ, pro eo quod scriptum non est, *Dixit Deus fiant aquæ*. Quibus ita respondendum est: Quia dum dictum est, *In principio fecit Deus cælum et terram*; illic et aquæ intelligende sunt; uno enim nomine utrumque comprehensum est, tropo metonymico, quasi per ea quæ continent id quod continentur: nam *ipsius est mare*, et ipse fecit illud (cxiv, 5). Sequitur, *Vocavitque Deus firmamentum cælum*. Quid est quod cælum factum dicit, et hoc firmamentum postmodum vocatur? nisi quia natura angelicæ, quæ prius mirabiliter est condita, ne cadere unquam possit, postmodum est mirabiliter confirmata. Firmamentum, id est, so-

lidamentum sanctarum Scripturarum Firmamentum, in Ecclesia Scripturæ divine intelliguntur; sicut scriptum est, *Cælum plicabitur sicut liber*. Discrevitque super hæc firmamentum aquas, id est, cælestes populos angelorum, qui non opus habent hoc suscipere firmamentum, ut legentes audiant verbum Dei; vident enim eum semper, et diligunt. Sed superposuit ipsum firmamentum legis suæ super infirmitatem inferiorum populorum, ut ibi suspicientes, cognoscant qualiter discernant inter carnalia et spiritualia, quasi super aquas superiores et inferiores. Sequitur, *Dixit quoque Deus, Congregentur aquæ quæ sub cælo sunt in locum unum*. Si totum aquis plenum erat, quo modo poterant aquæ congregari in unum? Sed jam superius dictum est quod super aquam terebatur Spiritus Dei, unde erat Deus omnia formaturus; nunc vero cum dicitur, *Congregentur in locum unum*, hoc dicitur ut illa materia incorporalis formaretur in ea specie quam habent istæ aquæ visibiles; ipsæ enim congregatæ in unum, ipsi est aquarum formatio harum, quas videmus et tangimus. *Appareat arida*. Quid hic aliud intelligendum est, nisi ut illa materia accipiat visibilem formam quam nunc terram istam videmus habere? Superius enim quando cognominabatur terra, inanis et vacua, ipsa rerum materia nominabatur, nondum generibus creaturarum completa corporum: et quod nominabatur aqua, supra quam ferebatur Spiritus Dei, eadem rursus materia nominabatur, nunc vero aqua ista et terra formatur ex illa materia, quæ ipsis nominibus appellabatur, antequam formam aquæ istæ quas nunc videmus acciperent. *Et vocavit aridam, terram*. Terra ideo vocatur arida, quia sicut ignis calorem, et aqua humorem; ita terra naturaliter habet siccitatem. *Congregationes quoque aquarum appellavit maria*. Notandum quod omnis aquarum congregatio in Hebræa locutione *maria* nuncupatur.

(Vers. 10 seq.) *Et vidit Deus quia bona est*. Docet bonum esse quod fecit, non discit. *Germinet terra herbam virentem, et facientem semen, et lignum pomiferum faciens fructum*. Benedixit herbam virentem et lignum pomiferum. Terra arida et sterilis, per peccatum hominis maledicta, produxit tribulos et spinas. Unde quæstio nascitur: Cum Deus septima die requieverit ab omni opere suo, quo modo hæc postmodum condidit nova? quamvis enim propter peccatum hominis hæc condita dicantur, nihil tamen postmodum creatum est novum, quia non post peccatum hominis, quasi ad poenam ejus creatum sit aliquod novum, maxime dum in eundem locum non datur: *Spinæ et tribulos pariat terra*; sed, *Pariat tibi terra*, quasi diceret: incipiet tibi nasci ad laboris exitium quod olim creatum est ad pabulum jumentorum. Herbarum autem venenosarum, quamquam ad poenam vel exitium mortalium sint creatæ, habent tamen ipsæ quædam remedia salubritatum: et quæ non præstant escam, medicinam ministrant, et quæ noxia sunt usibus hominum, innoxium præbent feris, et avibus pabulum. *Juxta genus suum*. Ut esset nascentibus singulis virtus seminaria, et secundum genus eorum similia nascerentur, distincta similitudine, sicut origine. Post hæc, die tertio, collegit in unum aquas inferiores salsas: hoc est, homines infideles, qui cupiditatum tempestate, et tentationum carnalium fluctibus quatuntur, et in seipsis, quasi amaritudo, includuntur. Segregavitque ab eis aridam. Populum scilicet fontem fidei sitientem; fixitque dehinc superbiorum limites, et coercuit eos, ne turbulentis iniquitatum suarum fluctibus, aridam, id est, animam sitientem Deum conturbent: liceatque ei germinare bonorum operum fructus, secundum genus suum. Diligens proximum, in subsidiis necessitatum carnalium, habens in se semen, secundum similitudinem, ut ex sua infirmitate compatiatur, ad subveniendam indigentibus. Producent, et lignum forte robore, et fructiferum, id est, beneficium, ad eripiendum eum qui injuriam patitur, de manu po-



tentis; et præbendo protectionis speciem umbraculo valido, robore justi iudicii. Sequitur, *Dixit autem Deus: Fiant luminaria in firmamento caeli*. Si quarto die facta sunt luminaria, quo modo tres dies jam ante fuerunt? Nisi ut intelligamus in ipsa hora temporis ipsas operum distinctiones ita appellatas: vespere, propter transactionem consummati operis; mane, propter inchoationem futuri diei; in similitudinem humanorum operum, quod plerique mane incipiunt, et in vespere desinunt. *Et dividant diem ac noctem*. Quasi diceret: Sic dividant inter diem et noctem, ut soli dies detur, nox vero lunæ et ætheribus cæteris. *Et sint in signa et tempora, in dies et annos*. In signa scilicet quemadmodum ex sole et luna aliqua signa colliguntur, juxta quod et Dominus ait: *Erunt signa in sole, et luna, et in stellis*. Per quod significaretur tempus futuræ consummationis. Signa, pro eo quod aliquid significant futurum, vel quod articuli temporum per siderum cursus notantur. Non autem ea signa quibus nonnulli tentaverunt nativitates exprimere hominum, et qualitates. Et addidit: *Ut sint in signa et tempora*, scilicet ut tempora distinguantur in vicibus mutationum, hiemis, verni, æstatis, autumnii. In istis igitur temporibus aut velocior est transitus solis, aut tardior, aut æqualis; alia enim præstringit radiis suis, alia inflammat caloribus, alia temperie fovet. *In signa, et in dies*. Ut sol in eo habeat diei principatum. *In annos*. Quia luna per tricenos dies duodecies currens, annum conficit. Sol autem expleto per omnia signa circuitu, ad idem principium cursus sui recurrit. Signa autem et tempora, pertinent ad omnia sidera; dies vero ad solem tantummodo; annus autem ad cursum solis et lunæ. *Luminare majus, ut præesset diei*. Utique, quia per diem sol principatum tenet. *Luminare minus, ut præesset nocti et stellis*. Quia luna per noctem principatum tenet, quamvis cætera sidera cum ea pariter fulgeant. Quarto die emicuerunt luminaria, firmamento legis infixæ: id est, Evangelistæ, doctores Scripturæ sanctæ coherentes disputando, et omnibus inferioribus lumen sapientiæ demonstrantes. Protulit etiam simul et cæteram micantium siderum turbam; id est, diversarum virtutum in Ecclesia numerositatem quæ in hujus vitæ obscuritate, tamquam in nocte refulgentes, dividant in hoc firmamento Scripturæ sensibilia et intelligibilia, quasi inter lucem perfectorum et tenebras pravorum. Et sunt in signis, virtutum et miraculorum; quia prædicatores propriis temporis vivunt, *Verbum autem Domini manet in æternum*. Quare autem primo terra germinavit, deinde facta sunt luminaria? nisi quia post opera bona venit illuminatio lucis ad contemplandam speciem supernæ virtutis. Sequitur: *Dixit etiam Deus: Producant aquæ reptile animæ viventis, et volatile super terram*. Quod volatilia ab aquis producta scribuntur, aer, in quo aves volitant, a sapientibus cum aquis deputatur: pro eo quod aquarum humida exsolutione pinguescit, ut volatus avium sustinere possit. Ob hoc non immerito pisces, et volucres de aquis nata esse commemorantur, quia una est aeris aquarumque natura. Sed quidquid aquarum indosus et fluidum est, reptilibus deputatum est; quidquid vero vaporaliter suspensum est, avibus distributum est.

(Vers. 21 seq.) *In species suas, secundum genus suum*. Quia ita creata sunt, ut ex eis alia generentur, quæ et formam servarent posteritatis, et specie distinguerentur a cæteris. Inter hæc, die quinta, facta sunt in aquis reptilia animarum vivarum: homines scilicet renovati in vitam per baptismi sacramentum. Facta sunt et volatilia, id est, sanctæ animæ ad superna volantes. Sequitur, *Dixit quoque Deus: Producat terra animam viventem in genere suo, jumenta, et reptilia, et bestias terræ*. Hæc tria generaliter distinguit. In jumentis enim animalia quæ in usus hominum sunt; in reptilibus, serpentes; in bestis, leones, pardos, tigrides, vel quidquid ore et unguibus sævit. Cum omnia legantur bona a Deo creata, quare

quædam noxia inveniuntur? An forte in primordio innocua facta sunt, et post peccatum nocere ceperunt? bona enim condita sunt, sed male agentibus data sunt in flagellum. Hinc per prophetam dicitur: *Ego Dominus faciens pacem, et creans malum* (Isa. XLV). Creare se Dominus mala insinuat, dum bona condita peccatoribus in flagellum format, ut ea ipsa et per dolorem, quo feriunt, delinquentibus mala sint; et per naturam, qua existunt, bona. Quæritur adhuc, et si nobis pro peccato nocent, quare sibi invicem nocent? nisi quia aliæ in cibum sunt aliarum datæ. Omnia in suo genere pulchra sunt, quamvis nobis pro peccatis videantur adversa. De minuti-simis animalibus credendum est quæcumque ex aquis vel terris nunc nascuntur, in prima rerum conditione fuisse creata; cætera vero, quæ de vitulis corporum, vel lignorum vel cadaverum nascuntur putredine, non tunc creata sunt in specie, sed inerat in eorum corporibus præsens seminis origo, ut consequenter de eorum corruptionibus pro suo quoque genere exorirentur. Post hæc, sexta die, producit terra animam vivam, quando caro nostra abstinens ab operibus mortuis, viva virtutum germina parurit, secundum genus scilicet suum, id est vitam imitando sanctorum, sicut Apostolus ait: *Imitatores mei estote* (1 Cor. XI). Secundum nostrum quippe genus vivimus, quando in opere bono sanctos viros quasi proximos imitatur. Deinde produxit terra bestias, homines in potentia rerum sive ferocitate superbis: similiter et pecora, fideles in simplicitate vitæ viventes: serpentes quoque innoxios, sanctos videlicet viros astutia vivacitate, bonum a malo discernentes, et in quantum fas est, reptando scrutantes terrena, per quæ intelligant sempiterna, non illos venenosos, qui se in hujus mundi cupiditatibus terrenis collocant. Sequitur.

(Vers. 26.) *Faciamus hominem ad imaginem et similitudinem nostram*. Quare de solo homine dictum est, *Faciamus hominem*; de aliis autem creaturis legitur: *Dixit Deus ut fierent, et facta sunt*? Videlicet, quia rationalis creatura condebatur ut cum consilio facta videretur, et ut nobilitas ejus ostenderetur. Numquid angelis dictum est: *Faciamus hominem*? Sed quia sequitur, *Ad imaginem nostram*; nefas est credere ad imaginem angelorum hominem fuisse creatum, sed ad imaginem Dei. Recte ergo intelligitur pluralitas Trinitatis: quæ tamen trinitas, quia unus est Deus, etiam cum dixisset: *Faciamus, addidit, Et fecit Deus, inquit, hominem ad imaginem suam, ad imaginem Dei creavit illum*; non dixit, *Fecerunt*. Ergo quia fiebat ad imaginem Dei, id est, Trinitatis propterea dictum est: *Ad imaginem et similitudinem nostram*. Sed in interiore homine est conditoris sui imago: imago in immortalitate, similitudo in moribus. Rursus autem, ne in Trinitate credentes arbitrarentur tres deos, cum sit eadem Trinitas unus Deus, *Et fecit, inquit, Deus hominem ad imaginem suam*. Ac si diceret, ad imaginem Dei. Inter similitudinem et imaginem hoc interest: imago Dei omnium, similitudo paucorum; hæc namque imago Dei ab excellentia divinæ similitudinis distat, quod imago Dei, anima peccatrix esse desinit: ad Dei autem similitudinem, nisi anima sancta fuerit, non pervenit, quia illa anima creata est per naturam, hæc dabitur consummari per gratiam; quoniam si nihil est aliud imago Dei quam mens naturaliter animæ humanæ collata, quid aliud erit similitudo, nisi feliciter beatitudo conferenda? Et ideo quidem est magnum quod hominis mens facta ad imaginem Dei data sit in natura, cujus privilegio carent animalia cætera: sed illud est multo præstantius, quod ei similitudo danda sit sui creatoris in gloria, ut ibi sit suo creatori similis, ubi erit angelis sanctis æqualis. Quæri etiam potest cur homo sexto die creatus est, dum constat quod propter intelligentiam nobilior est cæteris creaturis quæ in sex diebus factæ sunt? nisi ut primo Creator



mundum quasi domum præpararet, et sic post introduceret habitarem, id est, dominum domus. *Fecit Deus hominem ad imaginem et similitudinem suam.* Non enim secundum formam corporis homo factus est ad imaginem Dei, sed secundum rationabilem mentem, juxta quod ait Apostolus: *Renovamini spiritu mentis vestræ, et induite novum hominem, qui secundum Deum creatus est* (Eph. iv). Et alibi: *Exuentes vos, inquit, veterem hominem, induite novum, qui renovatur in agnitionem Dei, secundum imaginem ejus, qui creavit eum* (Col. iii). Hinc apparet quod non secundum corpus, sed secundum intellectum mentis, ad imaginem Dei factus est homo. Quamvis et ipsum corpus nostrum ita sit fabricatum, ut ostendat nos meliores esse quam bestias, et propterea dissimiles. Illa enim omnia inclinata sunt ad terram, hominis autem corpus erectum est: quod significat animam nostram in supernis, id est, ad spiritalia debere semper esse erectam.

(Vers. 27.) *Ad imaginem Dei creavit illum.* Hic homo, secundum animam, causali ratione creatur. Nam adhuc sequitur, ut de limo formetur. *Masculum et feminam fecit eos.* Nec dum enim Eva facta describitur, quo modo hic masculus et femina perhibetur? sed quia de eodem latere erat femina processura, in illo jam computatur per substantiam, a quo erat producenda per formam. Ergo secundum originem, Adam et Eva simul facti sunt; secundum speciem vero formæ, postea femina de latere viri formata est.

(Vers. 28.) *Benedixitque illis Deus, et ait, Crescite et multiplicamini, et replete terram* (Genes. i). Quidam nostri, non secundum carnalem fecunditatem volunt intelligi, sed animæ, ut est illud: *Multiplicabis in anima mea virtutem*, ut hic quod sequitur: *Et implete terram.* Terram intelligunt carnem, quam implet anima, et dominatur, cum in virtute multiplicatur; carnalem autem fetum non tunc nasci potuisse in paradiso, sed foris gignere, sicut factum est. Nos autem non dubitamus, secundum benedictionem Dei, corporaliter potuisse illos in paradiso multiplicari, et si non peccassent, coturos sine ulla libidinis perturbatione, ut membra sola voluntas, non libido moveret. Illud tamen credendum est, quod tanta multitudo nasci potuit hominum quoad usque prædestinatorum sanctorum numerus compleretur, quanti et nunc per Dei gratiam colliguntur. *Et dominamini piscibus maris, et volatilibus cæli, et universis animalibus.* Salvo intellectu, quo omnibus animantibus homo dominatur; spirituales vero omnes affectiones, et motus animæ, quos habemus istis animalibus similes, subditos haberent, et dominarentur eorum per temperantiam. Quo modo accepit potestatem bestiarum, cum videamus ab eis multos occidi? Post peccatum enim primus homo damnatus amisit perfectionem illam qua ad imaginem Dei fuerat factus, ut omnibus dominaretur; merito enim peccatorum actum est, ut naturaliter prospera efficerentur homini adversa.

(Vers. 31.) *Vidit Deus omnia quæ fecit, et erant valde bona.* Attende universalem creaturam valde bonam vocari, singulariter vero tantum bonam. Quare ita, nisi quia omnis pulchritudo quæ in partibus constat minus est laudabilis in parte quam in toto: sicut et membra corporis, cum sint singula bona, majus tamen faciunt bonum, dum unum valde bonum corpus efficiunt, et pulchritudinem suam universaliter conferunt. Ante erant singula bona, propter hominem, omnia valde bona, quia omnia in decorem hominis creata sunt. Homo vero in gloriam et laudem conditoris sui factus est. Sequitur.

(Cap. II. — Vers. 1.) *Igitur perfecti sunt cæli et terra.* Bene pluraliter cælos posuit, sive illud cælum spiritale, quod non videmus, per quod angeli signi-  
ficati sunt; sive hoc corporeum, quod videmus, quod firmamentum est vocatum. *Et omnis ornatus eorum.* Ornatus spiritualis cæli, angeli sunt et prin-

cipatus; hujus corporei cæli ornatus, sidera, sol et luna, ornatus autem terræ, maria, erecta montium, subducta vallium, densa camporum, lapsus annuum, fontium jugitates, pratorum geminæ, frugum varietates, umbræ arborum, genera seminum, diversitas animalium specie atque genere invicem differentium. Quod autem creatura hominis sexta die perfecta est, senario numero convenit; et senarius numerus mundi est perfectio, quia in ipso die totius generis atque operis summa completa est: unde et specialem quamdam tenet hujus numeri perfectio dignitatem; unum enim et duo et tria, sex faciunt; habet enim tres partes tales, sextam, tertiam et dimidiam. Sexta ejus unus est, tertia duo, dimidia tres. Hæc trium partes in summa ducta, id est, unum, duo et tria, simul eundem consummant, perficiuntque senarium numerum, quæ est ratio in reliquarum partium numero. Igitur divisio duorum in unum est; divisio trium in unum est. Quid aliud hic numerus ostendit, nisi Trinitatem, quæ Deus est? quæ quamvis tres sint personæ, in una tamen creduntur unitate naturæ. Unum ergo, et duo, et tria, sex faciunt: ideoque propter ejus numeri perfectionem, sex diebus operatus est omnem creaturam. Tres istæ partes senarii numeri demonstrant nobis Trinitatem Domini in trinitate numeri, mensuræ et ponderis fecisse omnem creaturam, omnia in numero, et mensura, et pondere disposuit, idem quia omnia in se disposuit, quia omnia quæ fecit, numeros, et mensuram, et pondus habent. Post hæc fecit Deus hominem ad imaginem suam, perfectum scilicet virum, qui non quemlibet sanctorum virorum imitando, sed ipsam Veritatem contemplabiliter intuendo, operatur justitiam, ut ipsam intelligat et sequatur, ad cujus imaginem factus est, veritatem. Iste etiam accipit potestatem piscium maris et volatilium cæli, pecorum quoque atque serpentium: *spiritualis* quisque effectus, et Deo similis factus, secundum Apostolum, *judicat omnia, ipse autem judicatur a nemine* (1 Cor. ii). Quod vero sequitur: *Masculum et feminam fecit eos*, in Ecclesia spirituales, et obediennes ostendit: quia sicut viro subdita est mulier, sic et spiritali et perfecto viro obediens est is qui minus perfectus est, sicut Apostolus ait: *Rogamus vos, fratres, ut cognoscatis eos qui in vobis laborant et præsent vobis in Domino* (Rom. xvi). Dicitur enim eis: *Crescite et multiplicamini*: sive in linguis, sive in spiritalibus intelligentiæ gradibus, ut dominantur per rationis intellectum omnium carnalium perturbationum, quasi insensibilium animantium. Omnis autem herba seminalis, et omne lignum fructuosum, quod datum est hominibus in escam, fideles sunt, de oblationibus sanctorum communiantes (Rom. xv). Unde et Apostolus ait: *Nam si in spiritalibus participes facti sunt gentiles, debent et in carnalibus ministrare eis.* Hæc sunt ligna fructifera. In istis ergo gradibus tamquam in quibusdam diebus vespera est, ipsa perfectio singulorum operum; et mane, inchoatio sequentium. Sequitur:

(Vers. 2.) *Complevitque Deus die septimo opus suum quod fecerat.* Arguuntur Judæi, qui de otio sabbati gloriantur, cum et tunc in principio sabbatum dissolutum est, dum Deus operatur in sabbato complens in eo opera sua. *Requievitque Deus ab universo opere.* Sive translatò genere locutionis, ipse requiescere creditur, quando nos in se facit requiescere; sive quod ipse, per quem omnia facta sunt, ipsa die in sepulcro quievit; sive quia omnium creaturarum ita in ipsis sex diebus exp'evit originem, ut novam deinceps non conderet creaturam. Sed quomodo conveniat illud, quod Dominus in Evangelio ait: *Pater meus usque modo operatur, et ego operor* (Joan. v), cum hoc quod ait, requievit Deus ab operibus suis. Requievit scilicet, quia deinceps nullam novam condidit creaturam; operatur autem usque nunc, quia omnia ex eis facit quæ in illis sex diebus mysticis fecit. Ergo requievit a condendis generibus creatu-



re, non autem cessavit ab opere regendi, vel administrandi omnia que creavit.

(Vers. 3.) *Et benedixit die septimo, et sanctificavit eum.* Cur Dominus sanctificavit diem quietis sue, nisi quia se creature quam fecit diligendum proposuit, non sanctificans diem quo ea facienda inchoavit, nec illam in quo ea perfecti, ne illis aut facienda vel factis augmento ejus gaudere videretur, sed tunc sanctificavit quando ab ipsis in se ipso requievit. Post istorum itaque quasi sex dierum opera bona valde sperat homo quietem mentis, constitutus in paradiso spiritali, quo significatur vita beata: ubi fons est sapientiæ divini in quatuor partes virtutum, ubi edat ligni vite gratiam, ubi utiles disciplinas morum, quasi fructus lignorum carpat. Est namque paradisos vita beatorum, quatuor flumina, quatuor virtutes, ligna ejus omnes utiles disciplinæ, lignorum fructus mores piorum: lignum vite ipsa bonorum omnium mater Sapientia est, de qua scriptum est, Salomone dicente: *Lignum vite est iis qui apprehendunt eam, et qui tenuerit eam beatus* (Prov. iii). Lignum scientiæ boni et mali transgressio est mandati. Expleta hactenus sex dierum opera, qualiter in Ecclesia spiritaliter intelligantur, exposita sunt; deinde quid in figura sæculi significant subjiciendum est. Sex diebus consummavit Deus omnia opera sua, et septimo requievit. Sex ætatibus humanum genus in hoc sæculo, per successiones temporum Dei opera insinuant, quarum prima est ab Adam usque ad Noe, secunda a Noe usque ad Abraham, tertia ab Abraham usque ad David, quarta a David usque ad transmigrationem Babylonice, quinta deinde usque ad humilem adventum Domini nostri Jesu Christi, sexta quæ nunc agitur usque quo mundus finiatur, donec Excelsus veniat ad iudicium: septima vero intelligitur in requie sanctorum, quæ scilicet vesperam non habet, quia eam jam nullus terminus claudit. Pergamus ergo breviter per has mundi omnes ætates, replicantes ordinem temporum earum, et mystice ejus differentias distinguamus. Primo enim sæculo factas est tamquam lux homo in paradiso. In qua ætate Filios Dei in lucis nomine divisit Deus a filiis hominum, quasi a tenebris, siquæ hujus diei vespera diluvium. Secundum sæculum est factum, quasi firmamentum inter aquam et aquam. Arca utique illa quæ natavit inter pluviam maris, et anterioribus populis propter immanitatem scelerum floem imposuit, et posterioribus post Noe, ac filiis, ejus principium dedit; hujus vespera fuit confusio linguarum. Tertium sæculum factum est quando separavit populum suum a gentibus per Abraham, velut a salis et amarissimis aquis, quasi aridam ab aquis, ut proferret germen herbarum acque lignorum, id est, sanctos et fructus sanctorum Scripturarum. Hujus vespera fuit peccatum atque malitia pessimi regis Saul. Inde quartum coepit sæculum a David, quando censuit Deus luminaria in firmamento cæli, id est, splendorem regni tamquam solis excellentiam, et in specie luncæ obtemperantem, tamquam lunam synagogam, et stellas principes ejus; cujus ætatis fit vespera in peccatis regum, quibus gens illa meruit capivari. Porro quinto sæculo, id est, in transmigratione Babylonice, facta sunt quasi animalia in aquis et volatilia cæli, quia tunc Judæi inter gentes tamquam in mari vivere coeperunt, nec habebant stabilem locum tamquam volantes aves. Hujus diei quasi vespera est multiplicatio peccatorum in populo Judeorum, quando sic excæcati sunt, ut etiam Dominum Jesum non possent agnoscere. Jam sæculum sextum fit in adventu Domini nostri Jesu Christi. Nam sicut in illa sexta die primus homo Adam de limo terræ ad imaginem Dei formatus est; sic in ista sexta sæculi ætate secundus Adam, id est, Christus, in carne de Maria virgine natus est: ille in animam viventem, hic in spiritum vivificantem. Et sicut in illa die fit anima viva, sic et in isto sæculo vitam desiderantes æternam. Et sicut

in illa sexta die serpentium et ferarum genera terra produxit, ita et in hac sexta ætate sæculi gentes vitam appetentes æternam Ecclesia generavit, quem etiam sensum vas Petro ostensum manifestavit. Et quemadmodum die sexta creatur masculus et femina, sic in ista sæculi ætate manifestatur Christus et Ecclesia. Et sicut præponitur homo in die illa pecoribus, serpentibus et cæli volatilibus, ita et Christus in hac ætate sæculi gentibus, populis et nationibus ut ab eo regantur, vel carnali concupiscentiæ dediti sicuti pecora; vel terrena curiositate obscurati, quasi serpentes; vel elati superbia, quasi aves. Et sicut in illa die pascitur homo, et animalia, quæ cum illo sunt, herbis seminalibus, et lignis fructiferis, et herbis viridibus, sic et ista sexta sæculi ætate, spiritalis homo, qui bonus minister est Jesu Christi, cum ipso populo spiritaliter pascitur sanctarum Scripturarum alimentis et lege divina ad concupiscendam fecunditatem rationum atque sermonum, tamquam herbis seminalibus: partim ad utilitatem morum conversationis humanæ, tamquam lignis fructiferis; partim ad vigorem fidei, spei et charitatis in vitam æternam, tamquam herbis viridibus, quæ nullo æsto tribulationum arescunt; sic in istis spiritalibus cibis alimentisque pascitur, ut multa intelligit. Carales autem, id est, parvuli in Christo, tamquam pueri Dei, ut multa credat, quæ nunc edum intelligere valet vel potest; tamen eosdem cibo omnes habent. Hujus ætatis autem quasi vespera utinam nos non inveniat! Illa est enim de qua Dominus dicit: *Putasne veniens Filius hominis inveniet fidem super terram* (Luc. xviii)? Post illam vesperam fiet mane, quando ipse Dominus in claritate venturus est. Tunc requiescent cum Christo ab omnibus operibus suis in quibus dictum est: *Estote perfecti, sicut et Pater vester qui in cælis est* (Math. v). Tales enim faciunt opera bona valde; post talia enim opera, speranda est requies in die septimo, qui vesperam non habet. Sequitur:

(Vers. 4.) *Istæ generationes cæli et terræ, quando creatæ sunt in die, quæ fecit Deus cælum et terram.* Qui enim superius per dies singulos, distincte omnia condita retulit, qualiter nunc simul omnia uno die creata sint, subjunxit: ut aliquando ostendat quod creatura omnis simul per substantiam exstitit, sed non simul per speciem processit. Rerum quippe origo simul creata est, sed simul specie formata non est; et quod simul exstitit per substantiam materiæ, non simul apparuit per speciem formæ: cum enim simul factum cælum et terra scribitur, simul et spiritalia et corporalia, simul quidquid de cælo oritur, simul factum, quidquid de terra producit, indicatur. Sidera quippe quarta die in cælo facta perhibentur. Sed quod quarto die processit in specie, primo die in cælis exstitit per substantiæ conditionem. Sic et cætera. Scriptum est enim: *Qui vivit in æternum, creavit omnia simul* (Eccl. xviii).

(Vers. 5.) *In die quo fecit omne virgultum agri, antequam oriretur in terra, omnemque herbam regionis, priusquam germinaret.* Quo modo herba et viridia agri antequam exorirentur condita sunt? et si non erant exorta, quo modo erant facta? nisi quia casualiter in illo die quando dictum est: *Producat terra herbam vircentem*; tunc ea producendi accepit virtutem, et in ea tamquam in radicibus, ut ita dixerim, temporum facta erant, quæ per tempora futura erant. Non enim pluerat Dominus Deus super terram, et homo non erat, qui operaretur eam. Cur quod jam sexta die factum fuerat, hoc recapitulando commemorat, nisi quia quando fecit Deus viridia agri, nondum pluerat, nondum homo factus fuerat?

(Vers. 6.) *Sed fons ascendebat de terra, irrigans universam superficiem terræ.* Fontem singularem numerum pro plurali posuit: quasi diceret: Nondum pluvia erat, sed fontes per universam terram suis quibusque locis erumpentes, regiones proprias irrigabant. Noluit hic fontes appellare, sed fontem, pro-



pter naturæ unitatem; vel certe ut intelligeremus quantum prima terræ generatio a posteriore distet, quæ morulis, ad pluviarum irrigationem vix tandem et tarde perficitur; illa vero ad jubentis imperium mox exorta apparuit. *Istæ generationes cæli et terræ, quando creatæ sunt, in die quo fecit Deus cælum et terram, et omne virgultum agri, omnemque herbam regionis, antequam esset super terram.* Superius septem dies numerati sunt: nunc unus dies dicitur, quo fecit cælum et terram, et omne virgultum agri, omnemque herbam regionis. Illius diei nomine secundum prophetam, omne tempus hujus vitæ significatur, in quo cælum et terra factum, id est, in quo creaturæ visibiles disponuntur. Sed quid sibi vult quod nunc, nominato cælo et terra, adjecit: *Virgultum agri, et herbam regionis, et locuit cætera, quæ sunt in cælo et terra, vel etiam in mari, nisi quia per virgultum agri, invisibilem creaturam demonstrat intelligi, sicut est anima?* Dicta autem virgultum, propter vigorem vitæ; herba, propter eandem vitam nunquam marcescentem. Deinde quod addidit: *Antequam esset super terram,* intelligitur antequam anima peccaret: terrenis enim cupiditatibus sordidata; tamquam super terram nata, vel super terram esse, recte dicitur. Unde et adjecit: *Nondum enim pluerat Dominus Deus super terram.* Quasi aperte diceret: Antequam peccaret anima, nondum nubibus Scripturarum pluviam doctrinæ Dominus ad animam irrigandam concesserat; nondum propter hominem, qui est terra, Dominus noster, nubem carnis assumpserat: per quam imbrem sancti Evangelii largissimum infudit. Quod vero subjunxit: *Et homo non erat, qui operaretur terram,* quia nullus homo operatus est in Virgine unde natus est Christus. Ipse enim *est lapis de monte sine manibus abscissus (Dan. ii):* id est, absque coitu et humano semine, de virginali utero, quasi de monte humanæ naturæ et substantia carnis abscissus. *Sed fons ascendebat de terra, irrigans universam superficiem terræ.* Terra, mater Virgo Domini Maria rectissime accipitur, de qua scriptum est: *Aperiatur terra, et germinet Salvatorem (Isa. xlv).* Quam terram irrigavit Spiritus sanctus, qui fontis et aquæ nomine in Evangelio significatur. Sequitur:

(Vers. 7.) *Formavit igitur Dominus hominem de limo terræ.* Secundum causalem rationem in sex dierum operibus factus est, secundum originem vero temporum nunc formatus est: nam quando dictum est quod factus est homo, ipsum causam fecerat Deus, de qua erat suo tempore homo futurus; causa autem de qua in futurum formaretur, id est, terra, hæc præcesserat. Item nonnulli intelligunt ita ut postquam dictum est: *Formavit Deus hominem de limo terræ,* non est additum ad imaginem suam, quoniam de corporis formatione dicitur. Tunc autem interior homo significabatur, quando dictum est: *Ad imaginem et similitudinem suam.* Queritur autem utrum virili ætate formatus est homo, an per spatia temporum crevisset? et utrum fecisset eum Deus suæ voluntatis servatorem? Verumtamen si hoc hominum futurorum causa, unde erant insiti atque præconditi in die quo factum est cælum et terra, quando creavit Deus omnia simul; non aliter Adam de limo factum intelligimus, nisi perfectæ ætatis, non enim eum tam parvum quam infantes nostri sunt, factum fuisse credibile est; qui erat in illis causis jam conditus, ubi Deus hominem in operibus sex dierum fecit. *Et fecit Deus hominem de limo terræ.* Non vero tale erat corpus mortale jam factum, quale primo homini creatum videtur ante peccatum; si hoc in quo nunc sumus tale est quale aut fuit aut erit: quia primi hominis corpus etsi habuit in natura posse non mori, hoc etiam habuit ut si peccasset posset morte dissolvi. Istud autem cujus corruptio de peccato facta, et ad mortem mortalitas ducit, postquam cecidit in hanc moriendi necessitatem, ita est ab illius primi hominis creatione corporis immutatum,

PATROL. L.

A ut ad immortalitatem transire non possit nisi per mortem. Illud vero corpus quod in resurrectione credimus futurum, immortale semel effectum, mori ultra non poterit: quod cum fuerit immortalis animæ corpus effectum, sicut ab illa, ita ab eo qualitas moriendi nunquam reparari poterit. Si primi hominis corpus vitale fuit, quod potuit etiam non mori, hoc mortale est, cui necessitas facta est moriendi; quod absolute in futurum immortale erit, jam mori omnino non poterit; ac per hoc illud corpus facultatem non moriendi habuit ex natura; hoc vero mortale conditionem moriendi habet ex pœna: immortale illud felicitatem nunquam moriendi habet in gloria. Sequitur: *Et inspiravit in faciem ejus spiraculum vitæ, et factus est homo in animam viventem.* Spiraculum vitæ in loco animam conjunctam corpori intelligimus. Si vero homo ille quando factus est ex limo, corpus et anima erat, nunc ipsius anima ex suis est additum ad istam inspirationem, quando factus est homo in animam viventem; dum dicitur: *Inspiravit in eum spiritum vitæ, et factus est homo in animam viventem,* non est credendum velut partem naturæ Dei in animam hominis fuisse conversam, ut cogamur dicere naturam Dei esse mutabilem, sicut anima, quæ modo proficit, modo deficit, modo sapit, modo desipit. Ergo non est anima, quæ mutabilis est, credenda natura, vel pars Dei, propheta attestante, qui ait: *Qui finxit spiritum hominis, et ipse scit omnia;* et ipse spiritus est anima hominis, Evangelista testante de anima, quam Christus in carne accepit, eum dixisset Dominus: *Potestatem habeo ponendi animam meam (Joan. x);* quam tunc posuit, quando inclinato capite emisit spiritum. Unde nullatenus dubitandum est spiritum esse animam: quam etiam Deus nec de se, nec de qualibet subjacente elementorum materia, sed de nihilo fecit: nam si de semetipso eam fecisset, nunquam vitiosa aut mutabilis vel misera esse potuisset; si vero ex elementis visibilibus facta fuisset, haberet aut ex terra soliditatem, aut ex aqua humorem, aut flatum ex aere, aut calorem ex igne. Sed quia his omnibus caret, apparet eam inde non esse, quæ cum illis probatur nihil habere commune; et ideo anima spiraculum dicta est, quia ex nihilo facta, corpori, quod animaret, insufflata est; ideo dicta est spiraculum vitæ, quia et iste aer plerumque dicitur spiritus; sed tamen spiritus vitæ non dicitur, quia caret vita. Queritur autem utrum Deus animam insufflando fecit, an eam quam fecerat, corpori dando potius insufflavit? Utrumque enim puto esse, nec habere aliquid quæstionis, quo modo sive insufflando fecerit animam, sive creando donaverit; nec de aliquo flatu suo, nec de se ipso, sed ex nihilo aut sufflando creavit, aut creando corpori insufflavit: non quia illud spiraculum conversum est in animam viventem, sed operatus est animam viventem. Nondum tamen spiritalem hominem debemus intelligere, quia factus est in animam viventem, sed adhuc animale. Tunc enim spiritualis effectus est, cum in paradiso constitutus est, et præceptum perfectionis accepit. Itaque postquam peccavit, et emissus est de paradiso, in eo remansit, ut animalis esset; et ideo animale hominem prius gestamus omnes, qui de illo post peccatum nati sumus, donec assequamur spiritalem Adam id est, Christum. Sic enim Apostolus dicit: *Non primum quod spiritale est, sed quod animale (I Cor. xv).* *Formavit igitur Deus hominem de limo terræ:* id est, factus est Christus, juxta quod ait Apostolus: *Ex semine David secundum carnem (Rom. i),* tamquam de limo terræ. *Et inspiravit in faciem ejus spiraculum vitæ:* utique infusionem Spiritus sancti, qui operatus est hominem Christum. *Et factus est homo in animam viventem,* scilicet ut qui perfectus erat Deus, perfectus crederetur et homo. Sequitur:

(Vers. 8.) *Plantaverat autem Dominus Deus paradisum voluptatis a principio, in quo posuit hominem, quem formaverat.* Paradisus, hortus, sive voluptas,



vel deliciae interpretatur. Tres sunt opiniones de paradiso; una eorum qui corporaliter tantummodo paradisu accipiunt; alia eorum qui spiritualiter; alia eorum qui utroque modo intelligunt. A principio significatur, ex quo manifestatur quod quasi priusquam Deus cælum et terram faceret, paradisu ante condiderat.

(Vers. 9.) *Produxitque Deus de humo omne lignum, pulchrum visu, et ad vescendum suave*: non ut aliquod novi generis lignum condiderit; sed ex his generibus quæ jam terra tertia die produxerat, exorta sunt postmodum, et ex illa virtute quam jam generandi terra acceperat. *Lignum etiam vitæ in medio paradisi*, quidam tantum allegorice intelligi volunt ad significandam sapientiam, quæ est lignum vitæ. Sed quia sicut petra percussa aquas præbuit, quamquam significaverit Christum, tamen erat historialiter petra, ita et lignum vitæ, quamvis significaret Christum, tamen erat et corporaliter et evidentissime lignum: quod propterea lignum vitæ nuncupatum est, ut, dum illi homines inde gustarent, nec morbo, nec senectute deficerent. In cæteris enim erat alimentum, in isto sacramentum. *Lignumque scientiæ boni et mali*, non quod ipsum lignum in sua natura rationale esset, vel scientiam boni et mali habuisset; sed propterea appellatum est boni et mali scientiæ, quia homo per experimentum ab ipso didicit quid esset obedientiæ bonum et inobedientiæ malum. Sequitur:

(Vers. 10 seqq.) *Et fluvius egrediebatur de loco voluptatis ad irrigandum paradisu, qui inde dividitur in quatuor capita. Nomen uni Phison*. Ipse est Ganges, qui nunc dicitur Nilus, qui Æthiopiæ partes irrigat. Tigris vero et Euphrates etiam nunc nomina eadem tenent. Sed Euphrates fluvius est Mesopotamiæ. Tigris vero contra Assyrios vadit, et post multum circuitum influit in mare Rubrum. Vocatur autem hoc nomine propter velocitatem, ad instar bestię nimia velocitate currentis. *Plantaverat autem Dominus Deus paradisu a principio*. Paradisu Ecclesia est: sic enim de illa legitur in Canticis Canticorum: *Hortus conclusus soror mea* (Cant. iv). A principio autem paradisu plantatur, quia Ecclesia catholica a Christo principio omnium condita esse cognoscitur. Fluvius de paradiso exiens imaginem portat Christi de paterno fonte fluentis, qui irrigat Ecclesiam suam verbo prædicationis ex dono baptismi. Quatuor autem paradisi flumina, quatuor sunt Evangelia ad prædicationem cunctis gentibus missa. Ligna fructifera, omnes sancti sunt. Fructus eorum, opera eorum. Lignum autem vitæ, Sanctus sanctorum, Christus scilicet, ad quem quisque si porrexerit manum, vivet in æternum. Lignum autem scientiæ boni et mali proprium est voluntatis arbitrium, quod in medio est positum, ad dignoscendum bonum et malum; de quo qui, relicta gratia Dei, gustaverit, morte morietur. Sequitur:

(Vers. 15.) *Tulit ergo Dominus Deus hominem, et posuit eum in paradiso voluptatis, ut operaretur, et custodiret illum*. Hic recapitulando narrat quo modo in paradiso posuerit Deus hominem, ut operaretur et custodiret illum. Quid operaretur, quando non erat laboris defectio? Quid custodiret, ubi nullus erat aggressor vel prædo? Sed ut sic custodiret eundem paradisu sibi ipsi, ne aliquid admitteret ut inde mereretur expelli; vel certe, ut operaretur, ut justus esset; custodiret, ut tutus esset. *Tulit igitur Deus hominem, et posuit eum in paradiso*. Assumpsit Deus carnem, et factus est caput Ecclesiæ. *Ut operaretur et custodiret illum*; id est, voluntate Patris ex omnibus gentibus Ecclesiam impleret. Sequitur:

(Vers. 16, 17.) *Præcepitque ei dicens*. Quæri potest quo modo loquebatur Deus ad Adam, utrum, sicut nunc angelis loquitur per cœlestem substantiam; an quo modo patriarchis, per corporalem speciem assumptam ex aere cœlesti; vel quo modo prophetis, in mente, sicut scriptum est: *Et dixit mihi angelus, qui loquebatur in me* (Zach. 1). Sequitur: *Ex omni*

*ligno paradisi comede; de ligno autem scientiæ boni et mali ne comedas*. Non quod ipsum lignum in sua natura rationale esset, vel scientiam boni et mali habuisset; sed quod in eo experiri et scire potuit, quid esset inter obedientiæ bonum et inobedientiæ malum; et ob hoc prohibetur ut observaret præceptum, et obedientem se sub Dei dominatione sciret. Ex hac ergo causa ipsum lignum tale nomen accepit. Ligno vitæ utebatur, quasi ad medicinam, ut incorruptibilis esset; ligno scientiæ boni et mali, quasi veneno, ut moreretur; et ne tanto extolleretur dominio, sed in observatione manda i sciret se subiecum Creatori suo. Sequitur: *In quacumque die comederis ex eo, morte morieris*. Sic ergo intelligamus Dominum denuntiasset mortem in eo quod ait: *Quacumque die ederitis ex eo, morte moriemini*; tamquam diceret: Qua die me deserueritis per inobedientiam, deseram vos per justitiam. Quomodo poterat mortem timere, quam nullatenus sciebat experiendo? Sicut enim nos scimus resurrectionem, quam nunquam experti sumus, nec vidimus, ita et ille sciebat mortem, non adhuc per experientiam, sed per scientiam; sciebat quippe quid esset, et per privationem vitæ sciebat quod exiens anima a corpore facit mortem, et dum reversa fuerit, in corpore facit resurrectionem; ita et ille sciebat mortem per privationem vitæ. Mortem dicit animæ, non corporis, quia non eo tempore mortui sunt, quando comederunt. Ergo hanc quam nunc Deus homini minatus est mortem, non eam tantum debemus accipere, qua caro separatur ab anima, sed hanc qua hæc alienantur a Deo qui est vita sua; sicut enim corpus vivit ex anima, ita anima, ut beate vivat, vivit ex Deo. Ergo deserta a Deo anima, jure dicitur mortua: ex qua tres postea secutæ sunt mortes, prima in anima, secunda in carne, tertia in damnatione. Sed ut istæ sequerentur, prima præcessit desertio Dei. Sequitur:

(Vers. 18.) *Dixit quoque Deus: Non est bonum hominem esse solum; faciamus ei adjutorium simile sui*. In prima rerum conditione dictum fuerat, *Masculum et feminam fecit eos: et benedixit eis, dicens: Crescite et multiplicamini, et replete terram*. Illa benedictio nuptiarum primorum hominum, ut crescerent, et multiplicarentur, et implerent terram, quamvis et in delinquentibus manserit, tamen antequam delinquerent, data est, ut cognosceretur procreatio filiorum ad gloriam connubii, non ad pœnam pertinere peccati. Et quamvis emissi de paradiso genuisse commemorentur, credimus tamen eos sine ullo ardore libidinis, vel dolore pariendi gignere potuisse filios in paradiso, ut ex ligno vitæ vigorem immortalitatis sumentes, perducerentur ad numerum sanctorum, quem expectat quantitas prædestinatorum. Nec mirandum est ut si non peccassent, semper vivere potuissent, dum Enoch et Elias in Adam quidem mortui, hactenus tamen esse creduntur vivi in corpore. *Dixit quoque Deus: Non est bonum esse hominem solum*. Arguuntur hæretici, qui Christum solum hominem putant, et non etiam Deum. *Faciamus ei adjutorium simile sui*. Quia in ipso homine suscepto, Ecclesia Deo copulata est. Sequitur:

(Vers. 19 seqq.) *Formatis igitur Dominus Deus in humo cunctis animantibus terræ, et universis volatilibus cæli, adduxit ea ad Adam, ut videret quid vocaret ea; omne enim quod vocavit Adam animæ viventis, ipsum est nomen ejus*. Appellavitque Adam nominibus suis cuncta animantia, et universa volatilia cæli, et omnes bestias terræ. Ut ostenderet quanto privilegio homo pecoribus antecellit, qui ratione sua cuncta distinguere et nominatim discernere posset, adducta animalia ad Adam, non circuitu locali, sed occulto nutu divina potentia voluit ut venirent, et homo intelligeret se ipsum quanto melior esset bestiis, dum cunctis nomina etymologiarum imponit; et eo magis conditorem suum diligeret, quo se meliorem cunctis viventibus, quibus nomina imposuit, esse sciret.



Appellavit autem Adam nominibus suis cuncta animantia et volatilia cœli, et bestias terræ, significans gentes, quæ salvæ fierent in Ecclesia, et per eundem Dominum nomen Christianitatis erant accepturæ, quod prius non habuerant, sicut scriptum est: *Et vocabo servos meos nomine alio* (Isai. Lxv). Sequitur: *Adæ vero non inveniebatur adiutorium simile ejus*. Quia inter omnia animantia terræ nullum rationale inveniebatur, nisi ille solus. *Inmisit ergo Dominus Deus soporem in Adam, cumque obdormisset, tulit unam de costis ejus; et replevit carnem pro ea*. Iste sopor ad hoc intelligitur emissus, ut ipsius mens per ecstasin particeps fieret angelorum; et intrans in sanctuarium Dei, intelligeret novissima; et evigilans tamquam prophetia plenus, sacramentum, quod commendat Apostolus, eructaret: *Tulit unam de costis ejus, et replevit carnem pro ea* (Gen. ii). Ista omnia futura in Christo et Ecclesia facta sunt, et sunt plena mysteriis et sacramentis, quæ suo loco dicenda sunt. *Adæ vero non inveniebatur adiutor similis ejus*. Utique quoniam quamvis fidelis aut justus quisque sit, Christo tamen æquari non potest, quia nullus similis ei inter filios Dei; nemo enim poterat a morte genus hominum liberare, et ipsam mortem superare, nisi Christus. Sequitur:

(Vers. 22.) *Et edificavit Dominus Deus costam, quam tulerat de Adam, in mulierem*. Quomodo hic feminam creavit Deus, qui superius ab omni opere requievit? Non eam creavit in materia, sed expressit in forma: prius enim originaliter in viri latere facta est, cujus postea detracta costa exinde mulier facta est. Quæritur utrum femina de latere viri formata ex ejus anima acceperit animam, et utrum sicut caro nascentium ex carne, sic animæ ex animabus procreentur, an novæ semper creentur a Deo ex nihilo. Quæ questio in definiendo difficilis est, quia nihil a sanctis viris vel Scripturarum auctoritate manifestum pronuntiatum est. Dormivit Adam, et fit illi mulier de latere: patitur Christus, fit eo moriente Ecclesia de sacramento sanguinis, qui de latere mortui profudit. Sequitur: *Et adduxit eam ad Adam, ut videret quid vocaret eam*.

(Vers. 23.) *Dixitque Adam: Hoc nunc os ex ossibus meis, et caro de carne mea. Hæc vocabitur virago, quoniam de viro sumpta est*. Ut vocaret mulierem, vitam; sic enim interpretatur Eva, vita, sive calamitas: aliis enim vita, aliis vero calamitas. *Hæc vocabitur virago, quoniam de viro sumpta est*; nam virago habet similitudinem cum viro, mulier non habet. *Et posuit carnem pro ea*. Ita et Christus posuit carnem suam moriendo in patibulo crucis pro Ecclesia. *Dixitque Adam: Hoc nunc os ex ossibus meis, et caro de carne mea*. Quia sive sancti spirituales et fortissimi in tentationibus, sive minus perfecti, utrique unum corpus Christi sunt, et una Ecclesia. *Hæc vocabitur virago, quoniam de viro sumpta est*. Sic et Christus Ecclesie nomen dedit Christianum, quæ de latere ejus sumpta est. Hæc igitur omnia facta sunt in figura, quæ erant in Ecclesia proditura. Sequitur:

(Vers. 24.) *Quamobrem relinquet homo patrem et matrem, et adhærebit uxori suæ, et erunt duo in carne una*. Beatus apostolus Paulus hoc capitulum ita exponit, dicens: *Sacramentum hoc magnum est, ego autem dico in Christo et Ecclesia* (Eph. v). Sed quo modo Christus reliquerit Patrem cum una substantia sit cum Patre; aut ubi esse poterit pater sine filio, cum de ipso filio, qui est sapientia patris, dicatur quod attingit a fine usque ad finem fortiter, et disponit omnia suaviter (Sap. viii)? Totus ubi est Filius ibi est et Pater, et non potest esse Pater sine Filio, nec Filius sine Patre: quia scilicet sicut inseparabiles sunt in natura, ita et inseparabiles in persona; sic enim ipse Filius de Patre dicit in Evangelio: *Qui me misit, mecum est* (Joan. viii). Quo modo igitur dereliquit Patrem, ut adhæreret uxori suæ, id est, Ecclesie suæ? Nisi illo modo quo Apostolus ait: *Qui cum in forma Dei esset, non rapinam arbitratus est esse se æqualem*

A *Deo, sed semelipsum exinanivit, formam servi accipiens* (Phil. ii). Ipsa igitur formæ servilis acceptio, exinanitio est; et ipsa exinanitio, quamquam non sit divinitatis abolitio, aut naturæ amissio, tamen propter formam servi, in qua dignoscitur apparuisse, jure dicitur Patrem dereliquisse. Dereliquit et matrem: synagogam scilicet, veteri Testamento carnaliter inhærentem. Et adhæsit uxori suæ: id est, sanctæ Ecclesie, ut pace novi Testamenti essent duo in carne una. Sequitur:

(Vers. 25.) *Erat autem uterque nudus, Adam scilicet, et uxor ejus; et non erubescabant*. Non quod eis nuditas esset incognita, sed turpitudinis nuditas nondum fuerat agnita, quia nondum libido membra illa extra arbitrium commovebat: quia nullam legem in membris senserant repugnantem legi mentis suæ; nihil enim velandum putabant; quia nihil senserant refrenandum: nam ex pœna peccati evenit homini ut sua ipsius ei rebellis esset caro, quia ipse rebellis exstitit creatori suo in actibus suis; et ideo erubuit postmodum de corpore suo. Sequitur:

(Cap. III. — Vers. 1.) *Sed et serpens erat callidior præ cunctis animantibus terræ, quæ fecerat Dominus Deus*. Non ex sua natura, sed ex diaboli spiritus inflatione, quæ in illo erat, et per illum dolum agebat: utebatur enim serpente diabolus, quasi organo, ad perpetrandum calliditatis suæ malitiam. Quod vero ait: *Præ cunctis animantibus terræ*, ostendit quod quamvis prævaricatores angeli per superbiam fuissent ejecti, natura tamen excellentiores sunt, et astutiores omnibus animantibus terræ: nam ille angelus de spiritali tantum paradiso cecidit; homo vero et de spiritali et de corporali. Erat enim ille corporalis paradisos, quo per exteriorem sensum corporis fruebatur; erat et spiritalis, in quo per mentis contemplationem interius lætabatur. Dicitur ergo illi: *Ex omni ligno paradisi comedes; de ligno autem scientiæ boni et mali ne comedas*. Præcipitur enim nobis ut fruamur omni ligno paradisi, quo significantur spirituales deliciæ, de quibus ait Apostolus: *Fructus autem spiritus est charitas, gaudium, pax, longanimitas, benignitas, bonitas, mansuetudo, continentia, castitas* (Gal. v). Et non tangamus lignum in medio paradisi plantatum, scientiæ boni et mali: id est, non velimus superbire natura arbitrii nostri, quæ media est, ut decepti per scientiam, experiamur et malum. Serpens autem ille sapientior omnium bestiarum indicat diabolum, qui inde serpens dicitur, quod volubili versetur astutia. Sequitur: *Qui dixit ad mulierem: Cur præcepit vobis Deus ut non comederetis de omni ligno paradisi?* Quæri potest si serpens sonos verborum quos per eum diabolus loquebatur intelligere potuit, neque enim credibile est eum intelligere potuisse quæ per eum diabolus agebat. Non itaque serpens verborum sonos intelligebat, qui ex illis fiebant ad mulierem: non enim conversa credenda est anima ejus in naturam rationalem, quandoquidem nec ipsi homines, quorum rationalis natura est, cum dæmon in eis loquitur, ea passione, cum ab exorcista requiruntur, sciunt quid loquantur, sed mente captus nescit quæ loquitur: ita et serpens verba edebat quæ non intelligebat, et ideo suasit ut voluntas divina despiceretur, et propria teneretur. Sequitur:

(Vers. 2 seqq.) *De lignorum fructu quæ sunt in paradiso vescimur; de fructu autem ligni quod est in medio paradisi, præcepit nobis Deus ne comederemus, et ne tangeremus illud, ne forte moriamur*. Dixit autem serpens ad mulierem: *Nequaquam morte moriemini*. Scit enim Deus quod in quacumque die comederitis ex eo, aperientur oculi vestri, et eritis sicut dii, scientes bonum et malum. Cur mulier interrogata a serpente respondit? nisi ut prævaricatio ejus esset inexcusabilis, cum nullo modo dicere potuit se oblitam fuisse divini mandati, quatenus ex voluntario libero arbitrio, servando divinum præceptum, laudabilis appareret, et in contemnendo damnabilis esset. In eo



enim quod dixit: *Aperientur oculi vestri*, hoc persuadet, ut sub Deo esse nollent; sed similes ei essent, non indigentes illius interno lumine, sed viventes propria providentia ad dignoscendum bonum et malum, quod ille prohibuisset. Sequitur:

(Vers. 6.) *Vidit igitur mulier quod bonum esset lignum ad vescendum, et pulchrum oculis, aspectuque delectabile.* Quo modo potuit mulier credere serpenti divinitatem sibi promittenti? nisi forte jam inerat in mente illius antea amor quidam propriæ potestatis, et quædam de se superba præsumptio, quæ per illam tentationem fuerat vincenda et humilianda. *Vidit igitur mulier quod bonum esset lignum.* Quo modo videbant, si clausos oculos habebant? Sed consideravit lignum post serpentis persuasionem, ut exploraret, si quid in eo mortiferum esset; et dum nihil tale in eo prospexit, confidentius ex eo gustavit, comedit, deditque viro suo. Merito suo scilicet animal lubricum, et tortuosis anfractibus mobile, operi suo congruum per quem loqueretur elegit: eoque per angelicam præsentiam præstantioremque naturam spiritali nequitia sibi subjecto, et tamquam instrumento abutens, fallacia sermocinatus est feminæ, a parte scilicet inferiore illius humanæ copulæ incipiens, ut gradatim perveniret ad totum, non existimans virum facile credulum nec errando posse decipi, sed dum alieno cedit errori. Sicut et Aaron erranti populo ad idolum fabricandum non consensit inductus, sed cessit obstrictus; nec Salomonem credibile est errorem putasse: ita credendum est illum virum suæ feminæ uni unum, hominem homin conjungi, ad Dei legem transgrediendam non tamquam verum loquenti credidisse seductum, sed sociali necessitudine paruisse. Non enim frustra dixit Apostolus. *Adam non est seductus, mulier autem seducta est* (1 Tim. 2); nisi quod illa, quod ei serpens locutus est, tamquam verum esset, accepit; ille autem ab unico noluit consortio dirimi, nec in communione peccati, nec ideo minus reus, si sciens prudensque peccavit. Sequitur:

(Vers. 7.) *Et aperti sunt oculi amborum.* Neque enim cæci nati erant, ut imperitum vulgus opinatur, quando et ille vidit animalia, quibus nomina imposuit, et de illa legitur: *Vidit mulier quia bonum esset lignum.* Patebant enim oculi eorum: sed ad hoc non erant aperti, hoc est, non attenti, ut cognoscerent quid eis indumentum gratiæ præstaret, quando membra eorum voluntati repugnare nesciebant: qua gratia remota, ut pœna reciproca inobedientiæ plecteretur, exstitit in motu corporis quædam impudens novitas, unde esset indecens nuditas, et fecit attentos, reddiditque confusos. Sequitur: *Cumque cognovissent se esse nudos.* A gratia scilicet, a qua illis fiebat ut nuditas corporis in illa lege peccati eorum mentes repugnando confunderet. Sed quid est, quod ipse per mulierem decipit, et non per virum? quia non potest ratio nostra seduci ad peccandum, nisi præcedente delectatione in carnalis infirmitatis affectu, qui magis debet obtemperare rationi, tamquam viro dominanti; hoc enim in unoquoque homine geritur in occulto quodam secretoque conjugio. Suggestionem quippe serpentem accipimus, mulierem vero animale corporis sensum, rationem autem virum. Ergo quando occurrit mala suggestio, quasi serpens loquitur. Sed si sola cogitatio oblectatur illa suggestionem, et refrenante ratione consensus explendi operis non succedit, sola videtur mulier comedisse illicitum: quod si ipsum peccatum etiam et mens perpetrandum decernat, jam vir deceptus est, jam mulier cibum dedisse viro videtur; ille enim consentire, de ligno prohibito manducare est. Tunc quippe jure a vita beata, tamquam a paradiso, expellitur homo, peccatumque ei imputatur, etiam si non sequatur effectus, quia etsi non est in factis culpa, in consensu tamen rea tenetur conscientia. Hæc secundum anagogem: cæterum juxta metaphoram poterit callidus serpens iste hæreticorum versutiam

A designare: nonnulli enim loquacius atque subtilius promittunt illicita curiositate secretorum adaperitionem atque scientiam boni et mali, et in ipso homine tamquam in arbore, quæ plantata est in medio paradisi, suam dignoscendam nituntur demonstrare. Contra hunc serpentem clamat Apostolus; cum dicit: *Metuo, ne sicut serpens Evam seduxit astutia sua, sic sensus vestri corrumpantur* (II Cor. 11). Sed acitur verbis hujus serpentis carnalis nostra concupiscentia, et per illam decipitur Christianus Adam, non Christus. Dicit ergo iste ad mulierem: *Cur præcepit vobis Deus ut non comederetis ex omni ligno paradisi?* Sic hæreticorum curiosa cupiditas, sic prædicatores pravi ad diligendam erroris fallaciam auditorum carnalium corda succendant, dicentes, quare fugitis scientiam habere latentem? Nova semper exquirite, boni malique scientiam penetrare. Unde est illud in Salomone, quod mulier illa, hæreticorum speciem tenens, dicit: *Aquæ furtivæ dulciores sunt, et panis absconditus suavior* (Prov. 11). Subjicit deinde idem serpens: *Quacumque die comederitis, statim aperientur oculi vestri, et eritis ut dii, scientes bonum et malum.* Sic et omnes hæretici divinitatis meritum profitentur, atque scientiæ pollicitatione decipiunt et reprehendunt eos quos simpliciter credentes invenerint; et quia omnino carnalia persuadent, quasi ad carnalium oculorum adaperitionem conantur adducere, ut interiores oculos obscurant. *Vidit igitur mulier quod bonum esset lignum, tulitque de fructu illius et comedit.* Mulier comedit antea, non vir, ideo quia carnales facilius persuadentur ad peccatum, nec tam velociter spirituales decipiuntur, et dedit viro suo, et comedit: utique, quia post delectationem carnalis concupiscentiæ nostræ, etiam ratio nostra subjicitur ad peccandum. Sequitur: *Consuerunt folia ficus, et fecerunt sibi perizomata.* Quod nos campestria possumus nuncupare. Postquam cognoverunt miserabiliter se nudatos a gratia, qua fiebat ut nuditas corporis nulla lege peccati mentem eorum repugnando confunderet; hoc postmodum cognoverunt, quod feliciter ignorarent, si Deo obediētes et credentes non committerent quod cogeret experiri: proinde confusi inobedientiæ carnis suæ, tamquam teste, pœna inobedientiæ suæ *consuerunt folia ficus, et fecerunt sibi perizomata*, sive campestria, quod nos alio nomine succinctoria possumus appellare. Campestria autem ex eo dicta, quod juvenes, qui nudi exercebantur in campo, pudenda operiebant: unde qui ita succincti sunt, campestratos vulgus appellat. *Cumque cognovissent se esse nudos, consuerunt folia ficus, unde se contegerent.* Qui sæculum asperum amplectuntur, qui pro religione voluptatis carnalis arciantur, quique decepti hæretica pravitate, et gratia Dei nudati, tegumenta mendaciorum, tamquam folia ficu, colligunt, faciunt sibi succinctoria vanitatis, cum de Domino vel Ecclesia mentiuntur. Sequitur:

(Vers. 8.) *Et cum audissent vocem Dei deambulantis in paradiso ad auram post meridiem.* Quid est quod post peccatum hominis in paradiso, Dominus jam non stat, sed ambulat? nisi quod irruente culpa a corde illorum remotum se demonstrabat, quos jam in suo præcepto stabiles non videbat. Quid est quod ad auram post meridiem dicit? nisi quod lux ferventior veritatis ab eis abscesserat, et peccatrices animas constringebat frigus infidelitatis. *Abscondit se Adam et uxor ejus a facie Domini Dei, in medio ligni paradisi.* Hæc ei insipientia de peccati pœna accessit, ei se latere posse velle, quem latere nihil potest. Increpavit ergo Dominus Adam deambulans, ut cæcis mentibus nequitiam suam non solum sermonibus, sed etiam rebus aperiret, quatenus peccator homo per verba quæ fecerat audiret: et per deambulationem amisso æternitatis statu, mutabilitatis suæ inconstantiam cerneret; et per auram fervore charitatis a se expulso, torporem suum animadverteret; et per declinationem solis cognosceret quod ad tenebras propinquaret. Sequitur:



(Vers. 9.) *Voca itque Dominus Deus Adam, et dixit ei: Adam, ubi es?* Incepantis vox est, non ignorantis: non utique ignorando quæsit, sed increpando admonuit, ut attenderet ubi esset, et unde cecidisset, tamquam si dice: et: Qualis fueras, quando obediendo simpliciter incedebas, et qualis nunc appares, quando prævaricator effectus es? Qui etsi prius fortassis cum illis loquebatur, sicut cum angelis, nunc autem per subjectam creaturam illis apparuisse credendus est, et dicit: *Adam, ubi es?* vidit eum sub culpa lapsam, et jam suo peccato veluti ab oculis veritatis absconditum, quia tenebras erroris ejus non approbat. Per hoc, quod vocat dicens: *Ubi es?* signum dat quia ad poenitentiam revocat. Per hoc quod requirit, aperte insinuat quia peccatores jure damnantur. Sequitur:

(Vers. 10.) *Qui ait: Vocem tuam audiri in paradiso, et timui, eo quod nudus essem, et abscondi me.* Jam miserrimo errore tergiversando respondit, quasi ideo possit displicere, quod nudus esset, cum utique melius Deo placeret, si sic maneret sicuti eum ipse fecerat. *Et timui.* Hoc est, quod scriptum est: *Avertisti faciem tuam a me, et factus sum conturbatus*, eo quod nudus essem. Ante peccatum enim ideo se nudum non agnoscebat, quia ejus intentio in superius erat. *Et abscondi me.* Quare? Quia in illa nuditate jam non audebat apparere, de qua ipse cœperat erubescere. Sequitur:

(Vers. 11.) *Quis indicavit tibi quod nudus esses? nisi quod ex ligno, de quo præceperam tibi ne comederes, comedisti.* Tunc ille non ad se culpam retulit, sed ad mulierem, quam Dominus dederat, et reatum suum oblique in auctorem relegit, qui ei mulierem dederat quæ ei tale persuaderet: ad cumulum peccati sui superbe respondit, non humiliter; quasi quærimoniæ in Deum dirigeret, cur ei talem dedisset sociam unde ei occasio peccati esset. Similiter et mulier suæ culpæ causam in Creatorem refert, quare serpentem per quem deciperetur in paradiso creaverit, vel intrare permiserit. Serpens autem jam non requiritur, quia nec ejus poenitentia quærebatur. Requisiti vero ad poenitentiam, vocem defensionis contra justam correptionem protulerunt. Unde nunc usque in usum peccantium trahitur, ut culpa cum agitur, defendatur, et unde finiri reatus debuit, cumuletur; nam serpens non interrogatur, quia nec confiteri peccatum potest, nec habet unde se excuset: prior tamen excepit poenam, et non eam quæ ultimo judicio reservatur ipsi et angelis ejus. Sed poena ejus hoc in loco dicitur, ut in potestate habeat eos qui Dei præcepta contemnunt, et inde major poena est illi, quia de tali infelicitate lætatur. Sequitur:

(Vers. 14.) *Et ait Dominus Deus ad serpentem: Quia fecisti hoc, maledictus es inter omnia animalia et bestias terræ: super pectus tuum gradieris, et terram comedes cunctis diebus vitæ tuæ.* Nunc quod ad serpentem dicitur, et ad eum qui operatus est per serpentem, pertinere noscitur, non ad animal irrationabile, quia hoc non in sua natura vel voluntate habuit ut faceret, sed diabolus hoc de illo et per illum est operatus. *Super pectus tuum gradieris, et terram comedes:* siquidem in pectore calliditas nequitiarum ejus indicatur, qui et terram devorat, dum luxuria et libidine peccantium pascitur et delectatur. *Cumque audissent vocem Domini Dei deambulantis in paradiso ad auram post meridiem.* Deambulat Deus in illis, et non stat, qui stabiles in ejus præcepto non perseverant: et bene, *Ad auram post meridiem;* quia jam ab eis aufertur lux illa ferventior veritatis appropinquantibus errorum tenebris. *Absconderunt se a facie Dei, in medio ligni paradisi.* In medio namque ligni se abscondit, qui aversus a præcepto Creatoris, in erroris atque arbitrii sui voluptatibus vivit. *Vocavitque Deus Adam dicens, Adam, ubi es?* Ille ostendit quia si qui a fide vel bonis operibus ad mendacia sua desideriaque labuntur, non despiciat illos Deus, sed adhuc ut redeant ad poenitentiam vocat,

quia non vult mortem peccatoris, sed ut convertatur, et vivat (Ezech. xviii). Ergo non est desperandum quibuslibet peccatoribus, dum et ipsi impii ad spem indulgentiæ provocantur. Dicitur autem post hæc serpenti, *Maledictus eris inter omnia animalia, super pectus tuum et ventrem gradieris.* Nomine pectoris significatur superbia mentis, nomine autem ventris significantur desideria carnis; his enim duabus rebus serpit diabolus adversus eos quos vult decipere, id est, aut terrena cupiditate et luxuria, aut superbia: insana ruina. *Et terram manducabis;* id est, ad te pertinebunt quos terrena cupiditate deceperis. *Omibus diebus vitæ tuæ;* id est, omni tempore quo agis hanc potestatem, ante illam ultimam poenam judicii. Sequitur:

(Vers. 15.) *Inimicitias ponam inter te et mulierem, et semen tuum et semen illius: ipsa conteret caput tuum, et tu insidiaberis calcaneo ejus.* Semen mulieris est totum genus humanum, semen serpentis carnalia desideria: quæ duo semina continuum inter se gerere odium debent, ut non faciamus ea quæ diabolus vult. Quid est quod ait, *Ipsa conteret caput tuum, et insidiaberis calcaneo ejus?* Caput serpentis est cogitatio illicitæ suggestionis, quod nos omni intentione conterere atque illidere ad petram, quæ est Christus, debemus. Calcaneum mulieris est extremum vitæ nostræ tempus, quo diabolus nos acrius impugnare satagit: cui si viriliter resistimus, victoriam perseverantiæ cum salute nostra percipiemus. *Inimicitias ponam inter te et mulierem, et semen tuum et semen illius.* Semen diaboli, perversa suggestio est. Semen mulieris, fructus est boni operis quo perversæ suggestioni resistitur. Ipsa caput illius conterit, si eum mens in ipso initio malæ suggestionis excludit; ille insidiatur calcaneo ejus, quia mentem, quam in prima suggestionem non decipit, decipere in fine contendit. Quidam autem, quod dictum est, *Inimicitias ponam inter te et mulierem*, de virgine, unde natus est Dominus, intellexerunt, eo quod illo tempore ex ea Dominus nasciturus ad inimicum devincendum et mortem, cujus ille auctor erat, destruendam promittebatur. Nam illud quod subjunctum est, *Ipsa conteret caput tuum, et tu insidiaberis calcaneo*, hoc de fructu ventris Mariæ, qui est Christus, intelligunt: id est, tu eum supplantabis, ut moriatur, ille autem victor resurget, et caput tuum conteret, quod est mors: sicut et David dixerat ex persona Patris ad Filium, *Super aspidem et basiliscum ambulabis, et conculcabis leonem, et draconem* (Ps. xc). Aspidem dixit mortem, basiliscum peccatum, leonem Antichristum, draconem diabolum. Sequitur:

(Vers. 16.) *Sub viri potestate eris, et ipse dominabitur tibi.* Queritur cum dicit, *Sub viri potestate eris*, si non peccasset mulier, si esset sub potestate viri? Esset utique, sed ea servitute quæ per dilectionem operatur, et loras mittit timorem; post peccatum vero conditionalis servitutis timore, qui per disciplinam operatur, veniens de maledictionis poena, et non potius de æqualitate naturæ. Appetitum ergo ejus vir habet subjugatum, ut juxta hanc legem mulieri modum imponat. De poena autem mulieris quid significat, quod ei dicitur, *In dolore paries filios;* nisi quia carnalis voluptas cum aliquam malam consuetudinem vult vincere patitur in exordio dolores, atque ita per meliorem consuetudinem parit bonum opus quasi filios? Quod vero adjecit, *Et conversio tua ad virum tuum, et ipse tui dominabitur;* hoc significat quod illa voluptas carnalis, quæ cum dolore reluctaverat, ut faceret consuetudinem bonam, jam ipsis erudita doloribus cautior fit, et ne corruat obtemperat rationi, et libenter servit quasi viro jubenti. Sequitur:

(Vers. 17.) *Adæ vero dixit: Quia audisti vocem uxoris tuæ. Culpas itaque virum, quia præveniens Dei mandatum uxoris præposuit voluntatem, cui debuit dominari: Et comedisti ex ligno de quo præceperam tibi ne comederes.* Denuo arguitur de gulæ



concupiscentia, quæ in lapsu prævaricationis pena secunda post superbiam est. *Maledicta terra in opere tuo.* Opera hic non ut ruris colendi sit, sed peccata significat, ut in Hebræo habetur. Hoc et in Aquila non discordat, dicens, *Maledicta humus propter te; spinas et tribulos germinabit tibi.* Incentiva quodammodo vitiorum, quæ in nobis nullo modo essent, si felicitatem paradisi primus homo non perdidisset. Sequitur:

(Vers. 19.) *In sudore vultus tui vesceris pane tuo, donec revertaris in terram, de qua sumptus es.* Illum intelligi voluit panem, qui se de cælo descendisse testatus est, qui dat vitam mundo (Joan. vi). Hunc ergo panem cum maximo sudore et pœnitentiæ satisfactione accipiunt pœnitentes. Cum vero dixisset Deus, *Adam, ubi es?* mortem significavit animæ, quæ facta est illo deserente: dicendo, *Pulvis es, et in pulverem revertaris,* mortem significavit corporis, quæ illi fit, anima discedente. Propterea de morte secunda nihil dixisse credendus est, quia occultam esse voluit propter dispensationem Testamenti novi, ubi secunda mors apertissime declaratur, ut prius ista mors, quæ communis est omnibus; mors vero secunda non utique communis est omnibus. Sequitur:

(Vers. 21.) *Fecit quoque Dominus Deus Adæ et uxori ejus tunicas pelliceas, et induit eos.* In tunicis pelliceis mortis est intelligenda conditio, ut qui per inobedientiam Dei similitudinem, id est, immortalitatem tenere noluerunt, per mortis conditionem similitudinem susciperent jumentorum et pecudum. Ipsi sibi præcinctoria de foliis fici, et Deus illis tunicas pelliceas fecit: id est, ipsi appetierunt mentiendi libidinem, relicta facie veritatis, et Deus mutavit corpora eorum in ista mortalitate carnis: quia cum homo per superbiam Deus esse appetiit, usque ad belluarum mortalitatem dejectus est. Sequitur:

(Vers. 22.) *Ecce Adam quasi unus ex nobis factus est.* Id est, quasi ipse Dominus et creator ejus, quod pertinet ad irrisionem insultantis: *ex nobis*, ad exemplum timoris; quod non solum non ita fuit ut fieri voluit, sed nec illud quod factus fuerat conservavit. Quod vero addidit, *Quasi unus ex nobis*; hoc propter Trinitatem dictum est: sicut et illud, *Efaciamus hominem ad imaginem et similitudinem nostram.* Sequitur: *Sciens bonum et malum.* Ut ipse per experimentum malum disceret, quod Deus per sapientiam novit. Sequitur: *Nunc ergo videte, ne forte mittat manum suam, etumat etiam de ligno vitæ, et comedat, et vivat in æternum.* Vere ut elementissimus Dominus eisdem dignatus est consulere ad salutem, ne forte per transgressionem indigni jam facti de ligno vitæ præsumerent edere, et ad perpetuum viverent cruciatum. Exsules itaque sunt ab illius esu ad tempus effecti, ut per congruam pœnitentiæ satisfactionem rursum illuc unde emissi fuerant reverterentur. Potest ergo videri propterea in laborem homo hujus vitæ esse dimissus, ut aliquando manum porrigat ad arborem vitæ.

(Vers. 23, 24.) *Emisitque eum Dominus Deus de paradiso voluptatis, ut operaretur terram, de qua sumptus est.* Id est, in isto corpore laboraret, et ibi posset collocare sibi meritum redeundi. *Et collocavit eum ante paradisum.* Et hoc significantia factum est, ut contra paradisum, in quo beata vita etiam spiritaliter significabatur, habitaret peccator utique in miseria. *Et ordinavit Cherubin et flammeam romphæam, quæ vertitur custodire viam ligni vitæ.* Hoc per cœlestes utique potestates etiam in paradiso visibiliter factum esse credendum est, ut per angelicum ministerium esset illis ignea quædam custodia: non tamen frustra factum est, nisi quia significari aliquid etiam de spiritali paradiso non est utique dubitandum; sed alius sensus in Hebræo est quam hic legitur, ait enim, *Ejecit Adam* (haud dubium quin Dominus) *et habitare fecit ante paradisum voluptatis Cherubin et flammeum gladium, qui verteretur, et custodiret viam ligni vitæ: non quod ipsum Adam, quem ejecerat Deus, habitare*

*A* fecerit contra paradisum voluptatis: sed quod illo ejecto, ante fores paradisi Cherubin et flammeum gladium posuerit ad custodiendum paradisi vestibulum, ne quis possit intrare. Vocaturque dehinc Eva mater vivorum, id est, recte factorum: quibus contraria sunt peccata, quæ nomine mortuorum significantur. Jam vero per sententiam quæ in virum infertur, ratio nostra arguitur; quæ et supra peccati concupiscentia seducta, a paradiso beatitudinis remota, habet maledictiones terrenæ operationis, habet et dolores temporalium eurarum, quasi spinas et tribulos. Sic tamen dimittitur de paradiso beatitudinis, ut operaretur terram, id est in corpore isto laboret, et collocet sibi meritum redeundi ad vitam beatam, quæ paradisi nomine significatur, possitque aliquando manum porrigere ad arborem vitæ, et vivere in æternum. Manus autem porrectio bene significat crucem, vel cruciatum pœnitentiæ, per quem vita æterna recuperatur. Accipit etiam tunicam pelliceam divino judicio, quo nomine corporis mortalitas significatur in historia: in allegoria autem a carnalibus sensibus abstractæ voluptates, quæ carnaliter viventem divina lege consequuntur et contegunt: qui si aliquando ad Deum convertitur, per flammeam frameam, id est, per tribulationes temporales peccata sua agnoscendo et gemendo: et per Cherubin, id est, per plenitudinem scientiæ, quod est charitas, pervenit ad arborem vitæ Christum, et vivit in æternum. Cherubin namque plenitudo scientiæ interpretatur: framea vero versatilis posita ad custodiendam viam ligni vitæ, temporales pœnæ intelliguntur, nemo enim potest pervenire ad arborem vitæ, nisi per has duas res, tolerantiam scilicet molestiarum, et plenitudinem scientiæ, id est, per charitatem Dei et proximi: *Plenitudo enim legis est charitas.* Sequitur:

(Cap. IV. — Vers. 1.) *Adam vero cognovit Evam uxorem suam, quæ concepit et peperit Cain dicens, Possedi hominem per Deum.* Cain autem interpretatur possessio: unde dictum est, quando natus est, *Acquisivi hominem per Deum*; neque enim, illo nato, dixisset Adam quod dixisse legitur, *Acquisivi hominem per Deum*, nisi illis duobus ipse fuisset homo nascendo additus primus. Natus est igitur prior Cain ex illis duobus generis humani parentibus, pertinens ad hominum civitatem; posterior Abel, ad civitatem Dei. Sicut enim in uno homine, quod dixit Apostolus, experimur, quia non primum quod spiritale est, sed quod animale, postea quod spiritale (I Cor. xv); unde unusquisque quoniam ex damnata progenie exoritur, primo sit necesse est ex Adam malus atque carnalis. Quod si in Christum renascendo profecerit, poterit esse bonus et spiritalis: sic in universo genere humano cum primum istæ duæ coeperunt nascendo atque moriendo procurrare civitates, prior est natus civis hujus sæculi, posterior autem isto peregrinus in sæculo, et pertinens ad civitatem Dei. Sequitur:

(Vers. 2 seqq.) *Fuit autem Abel pastor ovium, et Cain agricola. Factum est autem, post multos dies, ut offerret Cain de fructibus terræ munera Domino. Abel quoque obtulit de primogenitis gregis sui, et de adipibus eorum: et respexit Deus ad Abel et ad munera ejus. Ad Cain vero et ad munera ejus non respexit: iratusque est Cain vehementer, et concidit vultus ejus.* Unde scire poterat Cain quod fratris munera suscepisset Deus, et sua repudiasset, nisi quod illa interpretatio vera est, quam Theodotus posuit, *Et inflammavit Dominus super Abel, et super sacrificium ejus: super Cain vero et super sacrificium ejus non inflammavit.* Ignem autem ad sacrificium devorandum solum venire de cælo, et in dedicatione templi sub Salomone legimus, et quando Elias in monte Carmelo construxit altare. Sequitur:

(Vers. 6, 7.) *Dixitque Dominus ad eum, Quare iratus es? et cur concidit facies tua? Nonne si bene egeris, recipies; sin autem male, statim in foribus aderit peccatum tuum? sed sub te erit appetitus ejus, et tu dominaberis illius.* Hoc est, quare irasceris, et invidiæ in



fratrem livore torqueris? cur iratum vultum dimittis in terram? nonne si bene egeris, dimittetur tibi omne delictum? sive, ut Theodotion ait, acceptabile erit, id est, munus tuum suscipiam, ut suscepi fratris tui: quod si male egeris, illico peccatum tuum ante vestibulum tuum sedebit, et tali janitore comitaberis? Verum quia liberi arbitrii es, moneo ut non tui peccatum, sed tu peccato domineris. Nativitas duorum filiorum Adam similitudinem habet duorum populorum qui erant diversis temporibus ad fidem venturi, pari opere et dissimili charitate ante Deum. *Fuit autem Abel pastor ovium, et Cain agricola.* Sed sicut Cain sacrificium ex terræ fructibus reprobat, Abel autem sacrificium ex ovibus et earum adipe suscipitur; ita novi Testamenti fides ex innocentia grata Deum laudans, veteris Testamenti terrenis operibus antefertur. Sequitur:

(Vers. 8 seqq.) *Dixitque Cain ad Abel fratrem suum, Egrediamur foras in agrum. Cumque essent in agro, consurrexit Cain adversus fratrem suum, et interfecit eum. Et ait Dominus ad Cain: Ubi est Abel frater tuus? Qui respondit, Nescio.* Interrogat non tamquam ignarus, sed tamquam iudex qui reum puniat. Vox, inquit, sanguinis fratris tui clamat ad me de terra. Clamare autem sanguis Abel ad Dominum dicitur, non voce, sed causa. Cui Cain ad cumulum peccati sui, fallaciter ac superbe respondit, putans Deum latere quæ gesserat. *Nescio: num custos fratris mei sum ego?* Cui Deus ait, Arbitraris me quod gesisti nescire, qui cogitationem quam impie conceperas inspiciens, ne opere consummares præmonui? Sed ne causeris injuste me adversum te proferre sententiam, ego tibi accusationem non infero: sed est testis qui te accusat, vox videlicet sanguinis fratris tui, quæ clamat ad me de terra. Sequitur:

(Vers. 13 seqq.) *Responditque Cain ad Dominum, Major est iniquitas mea quam ut veniam merear.* Id est, plus peccavi, quam ut merear absolvi. *Ecce ejicis me hodie a facie tua, et a facie tua abscondar, ut latitem; et ero gemens super terram; et erit omnis qui invenerit me, occidet me.* Ejicior, inquit, a conspectu tuo, et conscientia sceleris lucem ipsam ferre non sustinens, adjecit, *Abscondar ut latitem, eritque omnis qui invenerit me, occidet me.* Dum ex tremore corporis et furia mentis agitatur, eum se esse intelligit qui mereatur interfici. Verum Deus nolens eum compendio mortis finire cruciatus, nec tradi pœnæ, quæ ipse se damnaverat, ait, *Non sic;* id est, non ut tu astimas morieris, et mortem pro remedio accipies, verum vives usque ad septimam generationem, et conscientia tuæ igne torqueris: ita ut quicumque te occiderit, secundum duplicem intelligentiam, aut in septima generatione, aut magno te liberet cruciatu, non quod ipse, qui percusserit Cain septem ultionibus subjiaciendus sit; sed quod septem vindictas quæ in Cain tanto tempore cucurrerunt solvat interfecto, occidens eum qui vitæ fuerat derelictus ad pœnam. Ut autem quod dicimus manifestum fiat, quotidianæ consuetudinis ponamus exemplum. Loquitur inter verbera servus ad Dominum: Quia incendi domum tuam et universam substantiam dissipavi, interfice me. Dominusque respondet: Non, ut tu vis, morieris et finies morte supplicia, verum longo tempore custodieris ad vitam, et tam infelicitate in hac luce versaberis, ut quicumque te occiderit beneficium præstet occiso, dum tam multis te liberat cruciatibus: et secundum Septuaginta quidem hic nobis sensus videtur. De eo autem quod Aquila posuit, *Septemplexiter*, et Symmachus *Hebdomas*, sive *Septimus ulciscetur*, majorum nostrorum ista sententia est, quod putant in septima generatione a Lamech interfectum Cain. Adam quippe genuit Cain, Cain genuit Enoch, porro Enoch genuit Irad, et Irad genuit Maviabel, et Maviabel genuit Matusahel, et Matusahel genuit Lamech, qui est *septimus ab Adam*: non sponte, ut in quodam Hebraico volumine scribitur, interfecit Cain, ut ipse postea confitetur, Quo-

*nam virum occidi in vulnere meo, et juvenem in livore meo.* Alii de septem vindictis Cain varia suspicantur, et primum ejus asserunt fuisse peccatum, quod non recte dividerit; secundum, quod inviderit fratri; tertium quod dolose egerit, dicens: Transeamus in campum; quartum, quod occiderit; quintum, quod procaciter negaverit; sextum, quod seipsum damnaverit, dicens: *Major mea culpa est, quam ut veniam merear;* septimum quod nec damnatus egerit pœnitentiam. Et dicunt illum a clementissimo Deo ideo usque ad generationes septem fuisse dilatum, ut saltem malis ipsis, et longævæ vitæ mœrore compulsus pœnitentiam ageret, et mereretur absolvi. Nonnulli septenarium numerum plenum et perfectum interpretantur, de multis Scripturarum locis testimonia contrahentes; et hunc esse sensum quem supra præstrinximus, quod qui interfecerit Cain, ab ingenti eum omnis supplicii transitorii liberet pœna: quoniam *septies vindicabitur de Cain, de Lamech autem septuagies septies.* Tradunt Hebræi 77 animas ex Lamech progenie reperiri, quæ diluvio deletæ sunt; et in hoc numero de Lamech factam esse vindictam, quod genus ipsius usque ad cataclysmum perseveraverit: alii ab Adam usque ad Christum 77 generationes asseverant, secundum *Lucæ evangelistæ* auctoritatem. Sicut ergo septima generatione Cain peccatum est dissolutum, non vindicavit quippe Dominus bis in idipsum, et qui semel recepit mala sua in vita sua, non eosdem cruciatus patietur in morte, quod est passus in vita; ita et Lamech peccatum, id est, totius mundi, atque sanguinis, qui effusus est, Christi solvetur adventu, qui tulit peccata mundi, qui lavit amictum suum in sanguine vivæ, et torcular calcavit solus, et in ascensione sua miraculum præbuit Angelis.

(Vers. 15.) *Posuitque Dominus in Cain signum, ut non eum interficeret omnis qui invenisset eum.* Ipsum videlicet signum, quod tremens et gemens, vagus et profugus semper viveret, nec usquam in orbe terrarum sedes posset habere quietas; atque ideo ut salvari posset, ædificavit civitatem. Dixit Deus ad Cain: *Si recte offeras, et recte non divides, peccasti;* utique, quia etsi antea Judæi recte illa fecerunt, in eo tamen infidelitatis rei sunt, quia, Christo veniente, jam tempus novi Testamenti a tempore veteris Testamenti non distinxerunt. Quod si obtemperasset Cain, Deo dicente, *Quiesce, sub te erit appetitus tuus, et tu dominaberis illius;* ad se convertisset peccatum suum, sibi hoc tribuens et confitens Deo; ac sic adjutus indulgentiæ gratia, ipse peccato suo dominaretur non illo sibi dominante servus esset peccati, nec fratrem occidisset innocentem. Sic et Judæi, in quorum figura hæc gerebantur, si quiescerent a sua perturbatione, et tempus salutis per gratiam in peccatorum remissionem cognoscentes audirent Christum dicentem, *Non veni vocare justos, sed peccatores in pœnitentia (Matth. ix);* tunc ad se converterent peccatum suum in confessione, sicut in psalmo *XL* scriptum est, *medico dicentes, Ego dixi, Domine, miserere mei, sana animam meam, qui peccavi tibi (Ps. xl);* eidemque peccato quamdiu in eorum corpore esset adhuc mortali, per spem gratiæ liberi dominarentur. Nunc autem ignorantes Dei justitiam, et suam volentes constituere, elati de operibus legis, non humiliati de peccatis suis non quieverunt, sed offenderunt in lapidem offensionis, et exaruerunt iracundia adversus Christum, cujus opera videntes, accepta Deo esse doluerunt. Sequitur, *Itaque post hæc occiditur Abel minor natu a fratre Cain majore natu.* Occiditur Christus caput populi minoris natu, a populo Judæorum majore natu: ille in campo, iste in Calvarie loco. Interrogat Deus Cain, non tamquam ignarus eum a quo discat, sed tamquam iudex reum quem puniat. et dicit ubi sit frater ejus; responditque ille se nescire, nec ejus esse custodem. Usque nunc quid nobis respondent Judæi, cum eos sanctarum Scripturarum voce interrogamus de Christo? Illi nescire se



Christum respondent; fallax enim Cain ignorantia A gentibus populisque distinguitur : sed omnis imperator vel rex, qui eos in regno suo invenit, cum ipso signo eos invenit, et non occidit. *Exit ergo a facie Domini, et habitavit in terra Naid*, quod dicitur interpretatum commotio, sive instabilis et fluctuans et sedis incertæ, contra quod malum Deus rogatus in psalmo, *Ne dederis in motu pedes meos, et manus peccatorum non moveant me* (Ps. xxxv). Nunc vero Judæi et omnes qui diversis erroribus contumaces sunt, resistendo veritati; venundati exeunt a facie Dei, id est, a misericordia dilectionis ejus, vel a participatione lucis ejus : et habitant profugi in terra commotionis, id est, in carnali conturbatione, contra jucunditatem Dei, hoc est, contra Eden, quod interpretatur epulatio, ubi est plantatus paradisus. Sequitur :

(Vers. 17.) *Cognovit autem Cain uxorem suam, quæ concepit et peperit Enoch; et ædificavit civitatem, vocavitque nomen ejus ex nomine filii sui Enoch*. Non est consequens quidem ut istam primum filium genuisse credatur; neque enim hoc ex eo putandum est, quia dictus est cognovisse uxorem suam, quasi tunc se illi primitus concumbendo miscuisset : nam et de ipso patre omnium Adam non tunc solum hoc dictum est, quando conceptus est Cain, quem primogenitum videtur habuisse; verum etiam posterius eadem Scriptura, *Cognovit, inquit, Adam Evam uxorem suam, et concepit, et peperit filium, et nominavit nomen illius Seth*. Unde intelligitur ita solere etiam illam Scripturam loqui, quamvis non semper, cum in ea legitur factos homines fuisse conceptos : non tamen solum cum primum sibi sexus uterque misceretur; nec illo necessarium est argumento, ut primogenitum patri existimemus Enoch, quod ejus nomine illa civitas nuncupata est : non enim abest ut propter aliquam causam, cum et alios haberet, diligeret eum pater cæteris amplius : neque enim et Judas primogenitus fuit, a quo Judæa cognominata est et Judæi. Sed etiamsi conditor civitatis istius iste filius primus natus est, non ideo putandum est tunc a patre conditæ civitati nomen ejus impositum, quando natus est, quia nec constitui tunc ab uno poterat civitas, quæ nihil est aliud quam hominum multitudo aliquo societatis vinculo colligata, sed cum illius hominis familia tanta numerositate cresceret, ut haberet etiam populi quantitatem, tunc potuit utique fieri, ut civitatem constitueret, et nomen primogeniti sui constitutæ imponeret civitati. Quam ob rem nullus prudens rerum æstimator dubitaverit Cain, non solum aliquam, verum etiam magnam potuisse condere civitatem, quando in tam longum tempus protendebatur vita mortalium. Sequitur :

(Vers. 18 seqq.) Porro Enoch genuit Irad, et Irad genuit Maviahel, et Maviahel genuit Matusahel, et Matusahel genuit Lamech, qui accepit uxores duas, nomen uni Ada, et nomen alteri Sela, genuitque Ada Jobal, qui fuit pater habitantium in tentoriis atque pastorum : Sela quoque genuit Tubalcain, qui fuit malleator et faber in cuncta opera æris et ferri. Soror vero Tubalcain, Noema. Non enim puto incassum scriptum esse quod in eis generationibus, quæ propagantur ex illo qui est appellatus Seth, cum genuisse filios filiasque dicatur, nulla ibi genita nominatim emina expressa est : in his autem quæ propagantur ex Cain, in ipso fine, quo pertingunt novissima femina genita nominatur; sic enim legitur, *Matusahel genuit Lamech. Et sumpsit sibi Lamech duas uxores, nomen uni Ada, et nomen secundæ Sela, quæ peperit Jobal*. Hic erat pater habitantium in tentoriis atque pastorum, et nomen fratris ejus Tubal. Ipse fuit pater canentium cithara et organo. Sela quoque genuit Tubalcain, qui fuit malleator et faber in cuncta opera æris et ferri. Soror vero Tubalcain, Noema. Hucusque porrectæ sunt generationes ex Cain, quæ sunt omnes ab Adam octo, annumerato ipso Adam, septem scilicet usque ad Lamech, qui duarum maritus uxorum fuit, et octava generatio est in filiis ejus, in quibus

gentibus populisque distinguitur : sed omnis imperator vel rex, qui eos in regno suo invenit, cum ipso signo eos invenit, et non occidit. *Exit ergo a facie Domini, et habitavit in terra Naid*, quod dicitur interpretatum commotio, sive instabilis et fluctuans et sedis incertæ, contra quod malum Deus rogatus in psalmo, *Ne dederis in motu pedes meos, et manus peccatorum non moveant me* (Ps. xxxv). Nunc vero Judæi et omnes qui diversis erroribus contumaces sunt, resistendo veritati; venundati exeunt a facie Dei, id est, a misericordia dilectionis ejus, vel a participatione lucis ejus : et habitant profugi in terra commotionis, id est, in carnali conturbatione, contra jucunditatem Dei, hoc est, contra Eden, quod interpretatur epulatio, ubi est plantatus paradisus. Sequitur :

(Vers. 17.) *Cognovit autem Cain uxorem suam, quæ concepit et peperit Enoch; et ædificavit civitatem, vocavitque nomen ejus ex nomine filii sui Enoch*. Non est consequens quidem ut istam primum filium genuisse credatur; neque enim hoc ex eo putandum est, quia dictus est cognovisse uxorem suam, quasi tunc se illi primitus concumbendo miscuisset : nam et de ipso patre omnium Adam non tunc solum hoc dictum est, quando conceptus est Cain, quem primogenitum videtur habuisse; verum etiam posterius eadem Scriptura, *Cognovit, inquit, Adam Evam uxorem suam, et concepit, et peperit filium, et nominavit nomen illius Seth*. Unde intelligitur ita solere etiam illam Scripturam loqui, quamvis non semper, cum in ea legitur factos homines fuisse conceptos : non tamen solum cum primum sibi sexus uterque misceretur; nec illo necessarium est argumento, ut primogenitum patri existimemus Enoch, quod ejus nomine illa civitas nuncupata est : non enim abest ut propter aliquam causam, cum et alios haberet, diligeret eum pater cæteris amplius : neque enim et Judas primogenitus fuit, a quo Judæa cognominata est et Judæi. Sed etiamsi conditor civitatis istius iste filius primus natus est, non ideo putandum est tunc a patre conditæ civitati nomen ejus impositum, quando natus est, quia nec constitui tunc ab uno poterat civitas, quæ nihil est aliud quam hominum multitudo aliquo societatis vinculo colligata, sed cum illius hominis familia tanta numerositate cresceret, ut haberet etiam populi quantitatem, tunc potuit utique fieri, ut civitatem constitueret, et nomen primogeniti sui constitutæ imponeret civitati. Quam ob rem nullus prudens rerum æstimator dubitaverit Cain, non solum aliquam, verum etiam magnam potuisse condere civitatem, quando in tam longum tempus protendebatur vita mortalium. Sequitur :

(Vers. 18 seqq.) Porro Enoch genuit Irad, et Irad genuit Maviahel, et Maviahel genuit Matusahel, et Matusahel genuit Lamech, qui accepit uxores duas, nomen uni Ada, et nomen alteri Sela, genuitque Ada Jobal, qui fuit pater habitantium in tentoriis atque pastorum : Sela quoque genuit Tubalcain, qui fuit malleator et faber in cuncta opera æris et ferri. Soror vero Tubalcain, Noema. Non enim puto incassum scriptum esse quod in eis generationibus, quæ propagantur ex illo qui est appellatus Seth, cum genuisse filios filiasque dicatur, nulla ibi genita nominatim emina expressa est : in his autem quæ propagantur ex Cain, in ipso fine, quo pertingunt novissima femina genita nominatur; sic enim legitur, *Matusahel genuit Lamech. Et sumpsit sibi Lamech duas uxores, nomen uni Ada, et nomen secundæ Sela, quæ peperit Jobal*. Hic erat pater habitantium in tentoriis atque pastorum, et nomen fratris ejus Tubal. Ipse fuit pater canentium cithara et organo. Sela quoque genuit Tubalcain, qui fuit malleator et faber in cuncta opera æris et ferri. Soror vero Tubalcain, Noema. Hucusque porrectæ sunt generationes ex Cain, quæ sunt omnes ab Adam octo, annumerato ipso Adam, septem scilicet usque ad Lamech, qui duarum maritus uxorum fuit, et octava generatio est in filiis ejus, in quibus



commemoratur et femina: ubi eleganter significatum est terrenam civitatem usque in sui finem carnales habituram generationes, quæ marium feminarumque conjunctione proveniunt; unde et ipsæ, quod præter Evam nusquam reperitur, ante diluvium nominibus propriis exprimuntur uxores illius hominis, qui nominatur hic novissimus pater. Cum ergo esset utriusque generis Adam pater, id est, et ejus series ad terrenam, et ejus series ad cælestem pertineret civitatem, occiso Abel, atque in ejus interfectione commendato mirabili sacramento, facti sunt duo patres singulorum generum in Cain et Seth: in quorum filiis commemorari oportebat duarum istarum civitatum generationem, et mortalium evidentius indicia clarere cœperunt. Cain quippe genuit Enoch. Enoch autem interpretatur dedicatio: hic enim dedicatur terrena civitas ubi conditor, quoniam hic habet eum quem et intendit et appetit finem. Hunc sicutus Abel, quem major frater occidit, præfigurationem quamdam peregrinantis civitatis Dei, quod esset ab impiis, et quodammodo terrigenis, id est, terrenam originem diligentibus, et terrenæ civitatis terrena felicitate gaudentibus, persecutiones passura, primus ostendit. Sed quot annorum erat Adam cum eos genuit, non apparet. Exinde digeruntur aliæ generationes ex Cain, aliæ de illo quem genuit Adam in ejus successionem, quem frater occidit, appellavitque nomen illius Seth, dicens, ut scriptum est, *Suscitavit enim mihi Deus semen aliud pro Abel, quem occidit Cain*. Nullus de progenie Cain, cum dinumerata sit commemoratio Adam, usque ad octavam generationem, quot annorum fuisset, expressus est, quando genuit eum cui commemoratur post eum: noluit enim Spiritus Dei in terrenæ civitatis generationibus tempora notare ante diluvium, sed in cælestis maluit, tamquam essent memoriæ digniores. Sequitur:

(Vers. 25, 26.) *Cognovit quoque Adam adhuc uxorem suam, et peperit filium, vocavitque nomen illius Seth, dicens, Posuit mihi Dominus semen aliud pro Abel, quem occidit Cain. Sed et Seth natus est filius, quem vocavit Enos: iste cœpit invocare nomen Domini*. Potuit quippe Adam divinitus admonitus dicere, posteaquam Seth natus est, *Suscitavit mihi Deus semen aliud pro Abel, quem occidit Cain*, quoniam talis erat futurus qui impleteret illius sanctitatem. Sed et Seth natus est filius, quem vocavit Enos: iste cœpit invocare nomen Domini. Ex duobus namque illis hominibus, Abel, quod interpretatur luctus, et ejus fratre Seth, quod interpretatur resurrectio, mors Christi et vitæ ejus ex mortuis figuratur: ex qua fide hic gignitur civitas Dei, id est, homo qui cœpit invocare nomen Domini. *Spe enim salvi facti sumus*, ut ait Apostolus (Rom. viii). Nam quis vacare hoc existimet ab altitudine sacramenti? numquid enim Abel non cœpit invocare nomen Domini Dei; vel, sicut in Septuaginta Interpretibus habetur, *Iste speravit invocare nomen Domini Dei*, cujus sacrificium Scriptura tam acceptum Deo fuisse commemorat? Numquid ipse Seth non cœpit vel speravit invocare nomen Domini Dei, de quo dictum est, *Suscitavit mihi Deus semen aliud pro Abel*? Cur ergo huic proprie tribuitur quod piorum omnium intelligitur esse commune? nisi quia oportebat in eo qui de patre generationum in meliorem partem, hoc est, supernæ civitatis, primus commemoratur exortus, præfigurari hominem, id est, hominum societatem, quæ non secundum hominem in re felicitatis terrenæ, sed secundum Deum vivit in spe felicitatis æternæ. Hoc ipsum enim quo dicitur, *Et nominavit nomen ejus Enos*, quod interpretatur homo, ac deinde additur, *Hic speravit vel cœpit invocare nomen Domini Dei*; satis ostenditur quod non in se ipso spem ponere debeat homo: *Maledictus*, enim *omnis*, sicut alibi legitur, *qui spem suam ponit in homine* (Jerem. xvii); ac per hoc nec in se, ut sit civis alterius civitatis, quæ non secundum filium Cain dedicatur hoc tempore, id est, mortalis hujus sæculi, sed in illa immor-

talitate beatitudinis sempiternæ. Nam et ista propago, cujus pater Seth, in ea generatione habet dedicationis nomen quæ septima est ex Adam, annumerato Adam. Septimus enim ab illo natus est Enoch, quod interpretatur dedicatio; sed ipse est ille translatus, quoniam placuit Deo, et insigni numero in ordine generationum, quo sabbatum consecratum est, septimo scilicet ab Adam. Ab ipso autem patre istarum generationum, quæ discernuntur a progenie Cain, id est, a Seth, sextus est, quoto die factus est homo, et consummavit Deus omnia opera sua. Sed hujus Enoch translatio nostræ dedicationis est præfigurata dilatio, quæ quidem jam facta est in Christo capite nostro: qui sic resurrexit, ut non moriatur ulterius; et quod præcessit in capite, speratur in corpore. Sequitur:

(Cap. V. — Vers. 1, 2.) *Hic est liber generationis Adam. In die qua creavit Deus hominem, ad similitudinem Dei fecit illum. Masculum et feminam fecit eos Deus, et benedixit illis, et vocavit nomen eorum Adam in die, quo creati sunt*. Sed quare hinc reditur ad istam recapitulationem, postea quam commemoratus est filius Seth, qui cœpit, vel speravit invocare nomen Domini Dei? Sed sciendum est quod Enos filius Seth interpretatur homo, non sicut Adam: et ipsum enim nomen, homo, interpretatur, sed commune perhibetur esse in illa lingua, id est, in Hebræa, masculo et feminæ; nam sic de illo scriptum est, *Masculum et feminam fecit illos, et benedixit illis, et vocavit nomen eorum Adam* (Gen. v, 2); unde non ambigitur sic appellatam fuisse feminam Evam proprio nomine, ut tamen Adam, quod interpretatur homo, nomen esset amborum. Enos autem sic interpretatur, homo, ut hoc non posse feminam nuncupari periti linguæ illius asseverent: tamquam filius resurrectionis, ubi non nubent, neque uxores ducent; non enim erit in resurrectione generatio, cum illuc perduxerit regeneratio. Sequitur:

(Vers. 3 seqq.) *Vixit autem Adam centum triginta annis, et genuit filium ad imaginem et similitudinem suam vocavitque nomen ejus Seth. Vixit quoque Seth centum quinque annis, et genuit Enos. Vixit vero Enos nonaginta annis, et genuit Cainan. Dicit aliquis, Credendumne est hominem filios generaturum, nec habentem propositum continentiae, centum et amplius, vel certe secundum Hebræos non multo minus, id est, octuaginta, septuaginta, sexaginta annos a concumbendi opere non vacare: aut si non vacarent, nihil prolis gignere potuisse? Hæc questio duobus modis solvitur: apt enim tanto senior fuit proportionem pubertas, quanto vitæ totius major annositas; aut quod magis video esse credibile, non hic primogeniti filii commemorati sunt, sed quos successionis ordo poscebat, ut perveniretur ad Noe, a quo rursus ad Abraham videmus esse perventum, ac deinde usque ad certum articulum temporis: quantum oportebat signari, etiam generationibus commemoratis, cursum gloriosissimæ civitatis in hoc mundo peregrinantis, et supernam patriam requirentis. Quod enim negari non potest, prior omnibus Cain ex conjunctione maris et feminæ natus est; hunc sicutus Abel, quem major frater occidit: sed quot annorum erat Adam cum eos genuit non apparet. Porro autem Seth quando natus est, non quidem taciti sunt anni patris ejus, sed jam genuerat alios: et utrum solos Cain et Abel; non enim quia soli nominati sunt, propter ordines generationum quas commemorare oportebat, ideo consequens videri debet solos fuisse tunc generatos ex Adam. Cum enim silentio coopertis omnibus nominibus cæterorum, legatur eum genuisse filios et filias, quota fuerit ista proles ejus quis præsumat asseverare si culpam temeritatis evitat? Adam autem cum esset centum triginta annorum, genuit Seth. Seth autem cum centum quinque esset annorum, genuit Enos. Quis possit inconsideratus asseverare hunc ejus primogenitum fuisse, ut admirantes merito requiramus quomodo per tot annos immunis fuerit a*



connubio, sine ullo proposito continentiae, vel non A  
 genuerit conjugatus: quando quidem etiam de ipso  
 legitur, *Et genuit filios et filias, et fuerunt omnes dies*  
*Seth nongentorum duodecim annorum, et mortuus est;*  
 atque ita deinceps quorum anni commemorantur,  
 nec filios filiasque genuisse reticentur: ac per hoc  
 non apparet omnino utrum qui nominatur genitus,  
 ipse fuerit primogenitus. Immo vero quia credibile  
 non est patres illos ætate longa aut impuberes fuisse,  
 aut conjugibus caruisse, vel fetibus, nec illos eorum  
 filios primos eis natos fuisse credibile est: sed cum  
 sacrae scriptor historiae ad ortum vitamque Noe, cu-  
 jus tempore diluvium factum est, per successiones  
 generationum notatis temporibus intenderet perve-  
 nire, eas utique commemoravit, non quæ primæ suis  
 parentibus fuerint, sed quæ in propagationis ordinem  
 venerint; exempli gratia, quo ut id fiat apertius, ali-  
 quid interponam, unde nullus ambigat fieri potuisse  
 quod dico. Evangelista Matthæus generationem Do-  
 minicæ Incarnationis per seriem parentum volens  
 commendare memoriæ, ordinem a parte Abraham  
 atque a David primitus ut perveniret intendens, Abra-  
 ham, inquit, *genuit Isaac* (Matth. i); et non ait Ismael,  
 qui primogenitus fuit. *Isaac autem genuit Jacob;* et  
 non dixit Esau, qui ejus primogenitus fuit, quia sci-  
 licet per illos ad David pervenire non poterat. Deinde  
 sequitur, *Jacob autem genuit Judam,* qui non ejus  
 primogenitus fuit. *Judas, inquit, genuit Phares:* sed  
 ante illum jam tres genuerat. Eum itaque tenuit in  
 ordine generationum, per quem ad David atque inde  
 quo tenderet perveniret: ex quo intelligi potest vete-  
 res quoque homines ante diluvium non primogenitos,  
 sed eos fuisse commemoratos per quos ordo succe-  
 dentium generationum ad Noe patriarcham duceretur.  
 Et hoc intendebat auctor hujus historiae in com-  
 memorandis generationibus ex Adam per filium ejus  
 Seth, ut per illas perveniret ad Noe, sub quo factum  
 est diluvium. Per Seth autem ab Adam usque ad  
 Noe, denarius insinuatur legitimus numerus. Cui Noe  
 adjiciuntur tres filii, unde uno lapso duo benedicun-  
 tur a patre, ut remoto reprobo, et probatis filiis ad  
 numerum additis, etiam duodenarius numerus inti-  
 metur, qui et in patriarcharum et in apostolorum  
 numero insignis est propter septenarii partes, altera  
 per alteram multiplicatis: neque enim mirandum si  
 varia quantitate numerositatis annorum interposita,  
 per tam longam ætatem ab Adam usque ad diluvium  
 non æqualis numeri generationes habuit utraque pro-  
 genes, sed per Cain septem, per Seth autem decem.  
 Septimus est enim, ut jam dixi, ab Adam Lamech,  
 decimus Noe: et ideo non unus filius Lamech,  
 sicut in cæteris superius, sed plures commemorati  
 sunt: quia incertum erat qui ei fuerat mortuo suc-  
 cessurus, si regnandi tempus inter ipsum et diluvium  
 remansisset. Quod cum Lamech septimus ab Adam  
 fuisset inventus, tot ejus annumerati sunt filii, donec  
 undenarius numerus impleteretur, quo significatur pec-  
 catum; adduntur etiam tres filii et una filia. Quo-  
 niam ergo lex denario numero prædicatur, unde est  
 memorabilis ille Decalogus, profecto undenarius nu-  
 merus quoniam transgreditur denarium, transgres-  
 sionem legis, ac per hoc peccatum, significat. Pro-  
 genes ergo ex Adam per Cain, sceleratum homici-  
 dam, undenario numero finitur, quo peccatum signi-  
 ficatur; et ipse numerus femina clauditur, a quo sexu  
 initium factum est peccati, per quod omnes morimur.  
 Commissum est autem, ut et voluptas carnis, quæ  
 spiritui resisteret, sequeretur; nam et ipsa filia La-  
 mech, Noema, hoc est voluptas interpretatur: unde  
 potuit fieri ut vivente adhuc Lamech atque regnante  
 fieret diluvium, ut ipsum cum aliis omnibus homini-  
 bus, exceptis iis qui in arca fuerunt, quem perderet  
 inveniret, impleteretque illud quod de semetipso ipse  
 ait, *De Cain septuplum ultio dabitur, de Lamech vero*  
*septuagies septies.* Sic enim oportebat istas duas pro-  
 ponere civitates, unam ab homicida usque ad homi-  
 cidam, nam idem Lamech duabus uxoribus suis se

perpetrasse homicidium confitetur; alteram per eum  
 qui speravit invocare nomen Domini Dei. Sequitur:

(Vers. 21 seqq.) Porro Enoch vixit sexaginta quinque  
 annos, et genuit Mathusalem. Famosa quæstio et dispu-  
 tatione omnium Ecclesiarum ventilata, quod juxta sup-  
 putationem diligentem annos quatuordecim sex post  
 diluvium Mathusalem vixisse feratur, cum supra non-  
 gentis sexaginta novem annis sit dictus vixisse. Et quo-  
 modo verum est, quod octo tantum animæ in arca sal-  
 væ factæ sunt? Restat ergo ut quomodo in plerisque, ita  
 et in hoc sit error in numero: siquidem et in Hebræis,  
 et in Samaritanorum libris ita scriptum reperitur, *Et*  
*vixit Mathusalem centum octoginta sex annis, et genuit*  
*Lamech; et vixit Mathusalem postquam genuit Lamech*  
*septingentos octoginta duos annos; et fuerunt omnes*  
*dies Mathusale anni nongenti sexaginta novem, et vixit*  
*Lamech centum octoginta duos annos, et genuit Noe.*  
 A die ergo nativitatæ Mathusale usque ad diem ortus  
 Noe, sunt anni trecenti sexaginta novem. His adde  
 sexcentos annos Noe, quia in sexcentesimo vitæ ejus  
 anno diluvium factum est, atque ita fit, ut noningen-  
 tesimo sexagesimo nono anno vitæ suæ Mathusalem  
 mortuus sit, eo scilicet anno quo cœpit esse diluvium.  
 Sequitur: *Dixit quoque Lamech uxoribus suis Adæ et*  
*Selæ: Audite vocem meam, uxores Lamech, auscultate*  
*sermonem meum: quoniam occidi virum in vulnus meum,*  
*et adolescentulum in livorem meum, septuplum ultio dabi-*  
*tur de Cain; de Lamech vero septuagies septies.* Jam alibi  
 secundum historiam dictum est, eo quod ab Adam  
 usque ad Christum septuaginta septem generationes  
 inveniuntur, in quibus peccatum Lamech, id est to-  
 tius mundi, sanguinis Christi effusione solutum est:  
 siquidem et in populo Judæorum propter interfectio-  
 nem Christi septuaginta septem vindictæ sunt statutæ,  
 juxta illud Evangelium, in quo dictum est Petro apo-  
 stolo: *Non solum septies, sed etiam septuagies septies,*  
*si pœnituerit, fratri remittendum* (Matth. xviii): id est,  
 Judæum revertentem post septuaginta septem vindic-  
 tas statutas recipiendum ad indulgentiam Christi.

C (Cap. VI. — Vers. 1 seqq.) Noe vero cum quin-  
 gentorum esset annorum, genuit Sem, Cham et Japhet.  
 Cumque cœpissent homines multiplicari super terram,  
 et filias procreassent, videntes filii Dei filias hominum  
 quod essent pulchræ, acceperunt uxores ex omnibus  
 quas elegerant. Homines hoc in loco stirpem Cain  
 divina Scriptura, licet tacite, voluit demonstrare,  
 hoc est, filios possessionis. Cujus, nisi terrenæ civi-  
 tatis, quæ in ejus nomine condita est, qui dicitur  
 Enoch? Enoch vero interpretatur dedicatio, quoniam  
 hic habet eum quem intendit et appetit finem. Quod  
 vero adjecit: *Et filias procreassent*, ostendit malum  
 a sexu femineo rursus inventum: non quidem illo  
 modo quo ab initio: non enim ejusquam etiam tunc  
 fallacia seductæ illæ feminae persuaserunt peccatum  
 viris; sed ab initio, quæ pravis moribus fuerant in  
 terrena civitate, id est, in terrigenarum societate,  
 amatae sunt a filiis Dei propter pulchritudinem cor-  
 poris: quod bonum, Dei quidem donum est, sed pro-  
 pterea id largitur etiam malis, ne magnum bonum  
 videatur bonis: nam et alia translatio sic loquitur:  
*Et factum est postquam cœperunt homines multi fieri*  
*super terram, et filia natae sunt illis, videntes angeli*  
*Dei filias hominum quia bonæ sunt, sumpserunt sibi ex*  
*omnibus uxores quas elegerant.* Deserto itaque bono  
 magno, et bono proprio, lapsus est factus ad bonum  
 minimum, non bonis proprium, sed bonis malisque  
 commune: ac sic filii Dei filiarum hominum sunt  
 amore capti, atque ut eis conjugibus fruerentur, in  
 mores societatis terrigenæ defluerunt, deserta pie-  
 tate quam in sancta societate servabant: sic enim cor-  
 poris pulchritudo, a Deo quidem facta, sed temporale  
 carnale infimum bonum. Hujus igitur charitatis, hoc  
 est, dilectionis et amoris ordine perturbato, Deum filii  
 Dei, id est, filii Seth, filii resurrectionis neglexerunt;  
 et filias hominum, id est, Cain, dilexerunt. Certe et  
 illi qui erant filii Seth, et dicti sunt filii Dei, iidem  
 dicti sunt angeli Dei: filii hominum erant per nata-



ram, sed aliud nomen cœperant habere per gratiam: nam in eadem Scriptura ubi dicti sunt filii Dei, ibi dicti sunt angeli Dei. Sed quæritur quemadmodum potuerint angeli cum filiabus hominum concumbere, unde gigantes nati esse perhibentur: quos quidem homines justos fuisse credimus, qui potuerunt etiam angelorum nomine nuncupari: nam de homine Joanne scriptum est: *Ecce ego mitto angelum meum ante faciem tuam, qui præparabit viam tuam (Malac. iii).* Sed hoc monet, quo modo ex hominum concubitu nati sint gigantes, vel feminis misceri potuerint, si non homines, sed angeli fuerunt Dei tamen angelos sanctos nullo modo illo tempore sic labi potuisse crediderim, nec de his dixisse apostolum Petrum: *Sic enim Deus angelis peccantibus non pepercit, sed carceribus caliginis inferi retrudens tradidit in iudicio puniendos reservari.* De gigantibus autem, id est, nimium grandibus atque fortibus, puto non esse mirandum quod ex hominibus nasci potuerunt, quia et post diluvium quidam tales fuisse reperiuntur. Unde credibile est homines justos appellatos vel angelos vel filios Dei, concupiscentia lapsos peccasse cum feminis, quam angelos carnem non habentes usque ad illud peccatum descendere potuisse. Sequitur:

(Vers. 3.) *Dixit quoque Deus: Non permanebit spiritus meus in homine in æternum, quia caro est, eruntque dies ejus centum viginti annorum. Gigantes autem erant super terram in diebus illis.* Spiritu quippe Dei fuerant facti angeli et filii Dei, sed declinando ad inferiora dicuntur homines, nomine naturæ, non gratiæ. Dicuntur et caro, desertores spiritus, et deserendo deserti. Quod autem dixit Deus: *Erunt dies eorum centum viginti anni*, non sic accipiendum est, quasi prænuntiatum sit post hæc homines centum viginti annos vivendo non transgredi, cum et post diluvium etiam quingentos quosdam excessisse inveniamus; sed intelligendum est hoc Deum dixisse, cum circa finem quingentorum annorum esset Noe, id est, quadringentos et octoginta vitæ annos ageret, quos more suo Scriptura quingentos vocat, nomine totius maximam partem plerumque significans. Sexcentesimo quippe anno vitæ Noe, secundo mense, factum est diluvium, ac sic centum viginti anni prædicti sunt, futuræ vitæ hominum periturorum, quibus transactis diluvio deleberentur. Sive aliter, ut in Hebræo habetur: *Non judicabit spiritus meus homines justos in sempiternum quoniam caro sunt*: hoc est, quia fragilis est in homine conditio, non eos servabo ab æterno cruciatu: sed hic illis restituam quod merentur. Ergo non severitatem, ut in nostris codicibus legitur, sed clementiam Dei sonat, dum peccator hic pro scelere visitatur. Porro, ne videretur in eo esse crudelis, quod peccantibus locum pœnitentiæ non dedisset, adjecit: *Sed erunt dies eorum centum viginti anni*, hoc est, habebunt centum viginti annos ad agendam pœnitentiam. Non igitur humana vita, ut multi errant, in centum viginti annos contenta est, sed generationi illi centum viginti anni ad pœnitentiam dati sunt, siquidem invenimus post diluvium quod Abraham vixerit centum septuaginta quinque annos. Noluit Deus tempus expectare decretum, sed viginti annorum spatii amputatis induxit diluvium, anno sexcentesimo agendæ pœnitentiæ destinato. Sequitur.

(Vers. 4.) *Gigantes autem erant super terram in diebus illis.* Hæc verba divini libri satis indicant, jam illis diebus fuisse gigantes super terram, quando filii Dei acceperunt uxores filias hominum. Sequitur: *Postquam enim ingressi sunt filii Dei ad filias hominum, illæque genuerunt, isti sunt potentes a sæculo viri famosi.* Postquam hoc factum est nati sunt gigantes, sic enim ait: *Gigantes autem erant super terram in diebus illis, cum eas amarent pulchras*: nam alia translatio non pulchras, sed bonas, id est, speciosas corpore, bonas vocat. Quod autem ait: *Et generabant, sive genuerunt sibi*, satis ostendit quod prius antequam sic caderent filii Dei, Deo generabant, non

A sibi: id est, non dominante libidine cœundi, sed serviente officio propagandi; non familiam fastus sui, sed cives civitatis Dei. Nec mirandum est quod etiam de ipsis gigantes nasci potuerunt: neque enim omnes gigantes, sed magis multi utique tunc fuerunt, quam post diluvium temporibus cæteris, quos propterea creare placuit Creatori, ut etiam hinc ostenderetur non solum pulchritudines, verum etiam magnitudines et fortitudines corporum non magni pendendas esse sapienti.

(Vers. 5 seqq.) *Videns autem Deus quod multa malitia hominum esset in terra, et cuncta cogitatio cordis intenta esset ad malum omni tempore, pœnituit eum quod hominem fecisset in terra; et tactus dolore cordis intrinsecus, Delebo, inquit, hominem quem creavi a facie terræ, ab homine usque ad animantia, a reptili usque ad volucres cæli: pœnitet enim me fecisse eos.* Neque enim sicut hominem, ita Deum cujusquam facti sui pœnitet, cujus est de omnibus omnino rebus tam fixa sententia, quam certa præscientia; unde tropica locutione Scripturis etiam pœnituisse legitur Deum: juxta id ubi dicitur quod homo speraverat, vel naturalium causarum ordo gestabat, non juxta id quod se Omnipotens facturum esse præsciverat. Sed si non utatur Scriptura talibus verbis, non se quodammodo familiariter insinuaret omni generi hominum, quibus vult esse consultum, et puniat superbientes, et excitet negligentes, et exerceat quærentes, et alat intelligentes; quod non faceret si non prius se inclinaret, et quodammodo descenderet ad jacentes. *Videns, inquit, Deus quia multiplicata est malitia hominum super terram et omnis cogitatio cordis illius intenta esset ad malum omni tempore, pœnituit eum quod hominem fecisset in terra.* Pœnitudo Dei, mutandarum rerum est immutabilis ratio. Quod autem interitum omnium animalium terrenorum, volatiliumque denuntiat, magnitudinem futuræ cladis effatur, non animantibus rationis expertibus, tamquam et ipsa peccaverint, minatur exitium. Sequitur:

(Vers. 8 seqq.) *Noe vero invenit gratiam coram Domino. Noe vir justus atque perfectus fuit in generationibus suis.* Si nullus sine peccato, quo modo aliquis perfectus esse potest, nisi quia perfecti hic aliqui dicuntur, non sicut perficendi sunt sancti in illa immortalitate, qua æquabuntur angelis Dei, sed sicut esse potest in hac peregrinatione peccati? Cum *Deo ambulavit*, hoc est, illius vestigia sequebatur. *Dixit Deus ad Noe, finis universæ carnis venit coram me: repleta est terra iniquitate.* Significat interitum omnium mortalium, præter illos qui in arca salvandi erant. Illi igitur quasi seminarium secundæ originis servati sunt. Nec frustra sic creditur factum esse diluvium, jam non inventis in terra, qui non erant digni tali morte defungi, qua in impios vindicatum est: non quo quidquam bonis quandoque morituris tale genus mortis faciat aliquid quod eis possit obesse post mortem, verumtamen nullus eorum diluvio mortuus est, quos de semine Seth propagatos sancta Scriptura commemorat. Quod vero ait: *Et ego disperdam eos cum terra*, quo modo cum terra homines dicuntur esse perdit, dum illis pereuntibus materies terræ postea remanserit, nisi quod datur intelligi terræ speciem, vigorem, vel fecunditatem longe inferiorem post diluvium quam antea habuit? Et fortassis ideo hominibus carnes edere licentia postea concessa est, nam ante diluvium fructibus terræ tantummodo victitabant. Sequitur:

(Vers. 11.) *Fac ibi arcam de lignis lævigatis.* Quid enim per ligna lævigata, de quibus arca præcipitur fieri, nisi fortia et insolubilia: unde alia translatio, non lævigata, sed quadrata præcepit fieri: ut arca nec ventorum vi, nec aquarum inundatione solvi vel everti posset. Sequitur: *Et bitumine lines.* Bitumen est ferventissimum et violentissimum gluten, cujus est hæc virtus ut ligna quæ ex eo fuerint lita, nec vermibus exedi, nec solis ardore, vel ventorum fla-



ribus, aut aquarum possint assiduitate dissolvi. A Sequitur :

(Vers. 15.) *Trecentorum cubitorum erit longitudo arcae, quinquaginta cubitorum latitudo et triginta cubitorum altitudo illius.* Talem ergo arcae speciem debemus intelligere, ut quatuor angulis eam ex imo ad summum surgentem, et iisdem paulatim usque ad summum in angustum attractis, in spatium unius cubiti fuisse collectam; et in fundamento trecenti cubiti in longitudine, et in latitudine quinquaginta sint, et altitudine triginta, sed collecta in cacumen angustum, ut cubitus sit longitudinis et latitudinis, et vere nulla potuit tam conveniens et congruens arcae species dari, quam ut summo velut e tecto quodam angusto culmine diffunderet imbrium ruinas; et in imo in aquis quadrata stabilitate consistens, nec impulsu ventorum, nec impetu fluctuum, nec inquietudine animalium quæ intrinsecus erant, aut inclinari posset aut mergi. Dicere solent etiam quidam non potuisse capere illius quantitatem animalium genera tam multa in utroque sexu, bina de immundis, septena de mundis; qui mihi videntur non computare nisi trecenta cubita longitudinis, et latitudinis quinquaginta, nec cogitare tantum aliud esse in superioribus, itemque aliud tantum in superioribus superiorum; ac per hoc ter ducta illa cubita fieri nonaginta et in latitudine centum quinquaginta. Si autem cogitemus quod Origenes non ineleganter astruxit Moysen scilicet, hominem Dei eruditum (sicut scriptum est) *omni sapientia Ægyptiorum* (Act. vii), qui geometricam dilexerunt, geometrica cubita significare voluisse, ubi unum quantum sex nostra valere asseverent, quis non videat quantum rerum capere illa potuit magnitudo? Nam illud quod disputant, tantæ magnitudinis arcam non potuisse compingi, ineptissime calumniantur, cum sciant immensas urbes fuisse constructas; nec attendunt centum annos, quibus arca illa est fabricata: nisi forte lapis lapidi adhærere potest, sola calce conjunctus, ut murus per tot millia circumagatur, et lignum ligno cæmentatum, clavis solidatum, gluten bituminis non potest adhærere, ut fabricetur arca, non curvis, sed rectis lineis longe lateque porrecta, quam nullus in mare mittat conatus hominum, sed levet unda, cum venerit naturali ordine ponderum, magisque divina providentia quam humana prudentia natantem gubernet, ne incurrat ubicumque naufragium. Sequitur:

(Vers. 16.) *Fenestram in arca facies, et in cubito consummabis summitatem. Ostium autem arcae pones ex latere deorsum. Cœnacula et tristega facies in ea.* Idcirco fenestram in summitate arcae jubet fieri, ut haberet unde emittere posset aves ad explorandam terræ siccitatem. Ostium autem quod in latere arcae factum dicitur, eo loco fuisse credendum est, ut et inferiora quæ dixit bicamerata inferiora haberet; et quæ dixit tricamerata superiora a loco ostii appellata sint; et inde ingressa sint universa animalia per sua quæque loca, secundum congruam rationem, discreta cœnacula et tristega; quod alia translatio bicamerata et tricamerata voluit nominare, ita ut quinque habitationes distinctas in ea esse advertamus; inferiora loca stercoribus esse deputata, ne animalia et præcipue homines fimi fetore vexarentur; huic autem superior et contigua bicamerata, quæ conservaturæ seu stabulis animalium deputaretur. In hos ergo usus inferiores partes, quæ bicameratæ dicuntur, tradunt fuisse distinctas; superiores vero partes, quæ tricameratæ dicuntur, ad habitaculum primo bestiis vel animalibus immitioribus vel serpentibus deputatas esse; ab his vero congrua in superioribus loca, mitioribus animalibus stabula fuisse; supra omnia vero in excelsò, avibus et hominibus sedem locatam, ut sicut sapientia omnia antecedit, ita et homo cuncta præcelleret animalia, et sic quinque mansiones in eadem arca fuisse intelliguntur, prima stercoraria, secunda apothetica, tertia feris animalibus, quarta mansuetis, quinta hominibus.

(Cap. VII. — Vers. 1 seqq.) Quod vero Deus præcipit Noe, de animalibus mundis et immundis bina inducere in arcam, masculini sexus et feminini, de volucribus juxta genus suum, et de jumentis in genere suo, et ex omni reptili terræ secundum genus suum bina de omnibus ingredi præcepit. Postea vero addidit: *De animalibus mundis tolles septena et septena, masculum et feminam: de animalibus vero non mundis duo et duo, masculum et feminam; sed et de volatilibus cæli septena et septena, masculum et feminam; non duo et duo, propter quatuor, sed tantummodo duo, propter masculum et feminam; et de mundis solummodo septem: qui idcirco immunda pari numero posuit, propter genus conservandum; munda vero impari, ut Noe haberet unde hostias Deo immolaret ex mundis; vel certe plura fuerunt munda quam immunda, propter futurum humano generi usum, qui ex mundis debebatur hominibus, ut plura essent quæ prodessent quam quæ nocerent, quod autem scrupulosissime quæri solet, et de minutissimis bestiolis, non solum quales sunt mures et stelliones, verum etiam quales locustæ, scarabæi, muscæ denique et pulices, utrum non amplioris numeri in arca illa fuerint, quam qui est definitus, cum hoc imperaret Deus, prius admonendi sunt, quos hæc movent, sic accipiendum esse quod dictum est: *Quæ repunt super terram*, ut necesse non fuerit conservari in arca, quæ possunt in aquis vivere, non solum mersa, sicut pisces, verum supernantia, sicut multæ alites. Deinde cum dicitur: *Masculus et femina erunt*, profecto intelligitur ad reparandum genus dici; ac per hoc nec illa necesse fuerat ibi esse, quæ possunt sine concubitu de quibuscumque rerum corruptionibus nasci; vel si fuerint quæ in domibus esse consueverunt, sine ullo numero definito esse potuisse, aut si mysterium sacratissimum quod agebatur, et tanta figura etiam veritate facti aliter non posset impleri, nisi ut omnia ibi certo illo numero essent, quæ vivere in aquis, natura prohibente, non possent; non fuit ista cura illius hominis vel illorum hominum, sed divina: non enim ea Noe capta intromittebat, sed venientia intrare permittebat. Ad hoc enim valet quod dictum est: *Intrabunt ad te*, non scilicet hominis actu, sed Dei nutu: ita sane ut non illic fuisse credenda sint, quæ sexu carent, præscriptum est enim atque definitum est, *Masculus et femina erunt*. Alia sunt quippe quæ de quibusque rebus, sine concubitu ita nascuntur, ut postea concumbant et generent, sicut muscæ, alia vero, in quibus nihil sit maris et feminæ, sicut apes. Ea porro quæ sic habent sexum, ut non habeant fetum, sicut muli et mullæ, mirum si fuerint ibi, ac si non potius parentes eorum ibi fuisse sufficeret, equinum videlicet atque asinum genus, et si qua alia sunt quæ commixtione diversi generis genus aliquod gignunt; sed si et hoc ad mysterium pertinebat, ibi erant, habet enim et hoc genus masculum et feminam. Solent etiam movere nonnullos genera escarum quæ illic habere poterant animalia, quæ non nisi carnibus vesci putantur, utrum præter numerum ibi fuerint sine transgressione mandati, quæ aliorum alendorum necessitas illic coegisset includi; an vero, quod potius est credendum, præter carnes aliqua alimenta esse potuerunt quæ omnibus convenirent: novimus enim quam multa animalia, quibus caro cibis est, quod frugibus pomisque vescantur, et maxime fico atque castaneis. Quid ergo mirum si vir ille sapiens et justus, etiam divinitus admonitus quid cuique congrueret, sine carnibus aptam cuique generi alimoniam præparavit et condidit? Quid est autem quod vesci non cogeret fames? aut quid non suave aut salubre facere posset Deus, qui etiam, ut sine cibo viverent, divina facilitate donaret, nisi, ut pascerentur etiam, hoc implendæ figuræ tanti mysterii conveniret? Opinantur quidam tam magnum fieri non potuisse diluvium, ut altis-imos montes quindecim cubitis aqua crescendo transcenderet,*



propter Olympi montis verticem, super quem perhibentur nubes non posse concreescere, quod tam subline jam cœlum sit, ut non ibi sit iste aer crassior ubi venti, nebulae, ignesque gignuntur : nec attendunt omnium elementorum crassissimam terram ibi esse potuisse ; an forte negant esse terram in vertice montis. Cur igitur usque ad illa cœli spatia terris exaltari licuisse, et aquis non licuisse contendunt, cum isti mensores et pensores elementorum aquas terris perhibeant superiores atque leviores ? Quid itaque rationis afferunt, quare terra gravior et inferior locum cœli tranquillioris invaserit per volumina tot annorum, et aqua levior ac superior permissa non sit hoc facere saltem ad tempus exiguum ? Quæritur etiam potest quare in ingressu hominum in arcam, seorsum viri et seorsum nominatæ sint feminae ; in egressu vero dictum est ad Noe, *Egredere, tu et uxor tua, filii tui, et uxores filiorum tuorum cum eis* ; nisi quia, damnato sæculo et pereunte omni genere mortali, soli illi a periculo liberati usque dum arca requiesceret, et exitia aquarum cessarent, a concubitu cessarent ; et sic denuo reverterentur ad id ipsum corpori debitum nuptiarum, ut crescerent et multiplicarentur super terram ; et ideo in ingressu divisi, in egressu vero jugatum sunt nominati. Computantur autem ab Adam usque ad diluvium, secundum editionem Septuaginta interpretum, anni 2462, secundum autem Hæbræam, 1636. Sequitur :

(Cap. VIII. — Vers. 1.) *Recordatus est autem Dominus Noe, cunctorumque animantium et omnium jumentorum quæ erant cum eo in arca.* Neque enim oblivio in Deo est aliquando, ut recordetur quod oblitus fuerat ; sed recordationem pro misericordia scriptor posuit. Sequitur : *Adduxit spiritum super terram, et imminutæ sunt aquæ.* Bene enim de illo spiritu intelligi potest, de quo dictum est : *Spiritus Dei ferebatur super aquas* (Gen. 1). Tunc enim ferebatur, ut congregatis aquis in suum locum terra apparuisset, nunc autem ductus dicitur, ut, ablatis de medio aquis diluvii, faciem terræ revelaret. Potest et spiritus nomine ventus intelligi, juxta illud Psalmistæ : *Dixit et stetit spiritus procellæ* (Ps. cvi) ; cujus flatibus crebris aqua cogeretur recedere de terra. Sequitur :

(Vers. 3.) *Reversæ sunt aquæ de terra, euntes et redeuntes.* Quo reversæ sunt aquæ euntes et redeuntes, nisi quod omnes fluviorum ac rivorum decursus per occultas terræ venas ad matricem abyssum redeunt, juxta illud Salomonis : *Ad locum unde exeunt flumina revertuntur, ut iterum fluant* (Eccl. 1). Sed hoc queri potest, quare columba ramum olivæ ad vesperum virentibus foliis reportaverit in ore suo, nisi quod post mundi crimina diluvio quodammodo expiata effusa similitudine divini muneris gratiam demonstrans, per olivæ ramum refectionis ac luminis pacem terris redditam nuntiavit. Ecce ut potuimus, et ut Dominus dedit, de arcæ fabrica juxta historiam aliqua explanare conati sumus ; nunc autem spiritualis intelligentiæ vela pandamus, et quam a terra extulit aqua, super cœlum efferat spiritualis intelligentia. Imperat Deus ut arcam faciat Noe de lignis non putrescentibus, ita et Ecclesia construitur a Christo ex omnibus gentibus in æternum victuris. Arca enim ista Ecclesiam demonstrabat, quæ natus in fluctibus mundi hujus ; et sic Noe cum suis omnibus, id est uxore et filiis et nuribus, et cum animalibus quæ ad illum ex Dei præcepto in arcam ingressa sunt, ut liberarentur a diluvii vastitate, procul dubio figura est peregrinantis in hoc sæculo civitatis Dei, hoc est Ecclesiæ, quæ fit salva per lignum, in quo pependit mediator Dei et hominum, homo Christus Jesus. Quod delignis quadratis eadem arca fabricatur, undique stabilem vitam sanctorum significat, ad omne opus bonum paratam ; quadratum enim quocumque impuleris, stare invenis. Quod sexies longa ad latitudinem suam, et decies ad altitudinem suam, humani corporis instar ostendit : quia in corpore humano Christus apparuit, nam et mensura

A ipsa longitudinis et altitudinis et latitudinis ejus, significat corpus humanum, in cujus veritate ad homines prænuntiatus est venturus, et venit, humani quippe corporis longitudo a vertice usque ad vestigia, sexies tantum habet, quantum latitudo, quæ est ab uno latere ad alterum latus ; et decies tamquam altitudo, cujus altitudinis mensura est in latere a dorso ad ventrem : veluti si jacentem hominem metiaris supinum seu pronum, sexies tantum longus est a capite ad pedes quam latus a dextera in sinistram, vel a sinistra in dexteram, et decies quam altus a terra. Quod cubitis quinquaginta latitudo ejus expanditur, sicut dicit Apostolus, *Cor nostrum dilatatum est* (II Cor. vi) : unde, nisi de charitate spiritali ? Propter quod ipse item dicit, *Charitas Dei diffusa est in cordibus nostris, per Spiritum sanctum qui datus est nobis* (Rom. v) ; quinquagesimo enim die post resurrectionem suam Christus Spiritum sanctum misit, quo corda credentium dilatavit. Unde facta est arca trecentorum in longitudine cubitorum, et quinquaginta in latitudine, et triginta in altitudine, et deinde trecentis cubitis longa est, ut sexies quinquaginta compleantur : sicut sex ætatibus omne hujus sæculi tempus extenditur, in quibus omnibus Christus nunquam destitit prædicari : in quinque per prophetiam prænuntiatus, in sexta per Evangelium diffusatus. Quod ejus altitudo in triginta cubitos surgit, quem numerum decies habet in trecentis longitudine : quia Christus altitudo nostra, qui triginta annorum ætatem gerens doctrinam evangelicam consecravit, contestans legem non se venisse solvere, sed implere (Matth. v). Legis autem cor in decem præceptis agnoscitur. Unde decies tricenis arcæ longitudo perficitur. Unde et ipse Noe ab Adam decimus computatur. Quod bitumine glutinantur arcæ ligna intrinsecus, ut in compage unitatis significetur tolerantia charitatis ; ne scandalis Ecclesiam tentantibus, sive ab eis qui intus, sive ab eis qui foris sunt, cedat fraterna junctura, et solvatur vinculum pacis ; est enim bitumen ferventissimum et violentissimum glutin, significans dilectionis ardorem, vi magnæ fortitudinis ad tenendam societatem spiritalem omnia tolerantem. Quod cuncta animalium genera in arca clauduntur, sic et omnes gentes, quas etiam Petro demonstratas discus ille significat, quæm Ecclesia continet. Quod munda et immunda ibi sunt animalia, sic et in Ecclesiæ sacramentis et boni et mali versantur. Quod septena sunt munda et bina immunda, non quia pauciores sunt mali quam boni, sed quia boni servant unitatem spiritus in vinculo pacis. Sanctum autem Spiritum divina Scriptura in septiformi operatione commendat, sapientiæ et intellectus, consilii et fortitudinis, scientiæ et pietatis et timoris Dei. Unde et ille numerus quinquaginta dierum ad adventum sancti Spiritus pertinens, in septies septenis, qui sunt quadraginta novem, uno addito consummatur ; propter quod dictum est, *Studentes servate unitatem in vinculo pacis* (Eph. iv). Mali autem in binario numero ad schismata faciles et quodammodo divisibiles ostenduntur, quod ipse Noe cum suis octavus enumeratur, quia in Christo spes resurrectionis nostræ apparuit, qui octavo die, id est, post sabbati septimum primo a mortuis resurrexit ; qui dies a passione tertius, in numero autem dierum qui per omne tempus voluntur, octavus et primus est. Quod arca collecta ad unum cubitum desuper consummatur, sic et Ecclesia, quæ est corpus Christi, in unitate collecta sublimatur et perficitur : unde dicit in Evangelio, *Qui mecum non congregat spargit* (Matth. xii). Et quod ostium in latere accepit, profecto illud est vulnus, quando latus Christi lancea perforatum est : hac quippe ad illum venientes ingrediuntur, quia inde sacramenta manarunt, quibus credentes initiuntur. Nemo quippe intrat in Ecclesiam, nisi per sacramentum remissionis peccatorum, quod de Christi latere aperto manavit. Quod inferiora arcæ bicamerata et tricamerata construuntur, ut ab



imo sursum versus tertia consurgeret habitatio : bi-camerata dicta est, propter duo genera hominum, circumcisionem scilicet et præputium, quos Apostolus alio modo dicit, Judæos et Græcos (*Rom. ii*) ; tricamerata vero, eo quod omnes gentes de tribus filiis Noe post diluvium reparatae sint. Possunt hinc intelligi et tria illa quæ commendat Apostolus, fides, spes, charitas. Possunt etiam multo convenientius tres illæ ubertates evangelicæ, tricena, sexagena, centena : ut in infimo habitet pudicitia conjugalis, supra viduallis, atque hac superior virginalis. Et ideo arcæ inferiora dicta sunt, quia in hac terrena vita est diversitas gentium, in summo autem omnes in unum consummantur, et non est varietas, quia omnia et in omnibus Christus est, tamquam nos in uno cubitu desuper cœlesti unitate consummans. Quod post septem dies, postquam ingressus est Noe in arcam, factum est diluvium, quia in spe futuræ quietis, quæ septimo die significata est, baptizamur. Quod præter arcam omnis caro, quam terra sustentabat, diluvio consumpta est, quia præter Ecclesiæ societatem, aqua baptismi, quamvis eadem sit, non solum non valet ad salutem, sed valet potius ad perniciem. Quod quadraginta diebus et quadraginta noctibus pluit, quia omnis reatus peccatorum, qui in decem præceptis admittitur, per universum orbem terrarum, qui quatuor partibus continetur : decem quippe quater ducta quadraginta fiunt : sive ille reatus qui ad dies pertinet, ex rerum prosperitate, sive qui ad noctes, ex rerum adversitate contractus sit, sacramento baptismi cœlestis abluitur. Quod Noe quingentorum erat annorum, cum ei locutus est Dominus, ut arcam sibi faceret, et sexcentos agebat annos cum in eam est ingressus ; unde intelligitur per centum annos arca fabricata ; quid aliud hic videntur centum anni significare, nisi ætates singulas sæculi ? Unde ista sexta ætas, quæ completis quingentis usque ad sexcenta, significatur in manifestatione evangelica construi. Et ideo qui sibi ad vitam consulit, sit velut quadratum lignum, paratus ad omne opus bonum ; et intret in fabricam sanctam, quia secundus mensis anni sexcentesimo quo intrat Noe in arcam, eandem senariam ætatem significat ; duo enim menses sexagenario numero clauduntur, a senario autem numero et sexaginta commemorantur et sexcenta et sex millia, et sexaginta millia, et sexcenta millia et sexcenties, et quidquid deinceps in majoribus summis per eundem articulum numerus in infinita incrementa consurgit. Et quod viginti et septem dies mensis commemorantur, ad ejusdem quadraturæ significationem pertinet, quæ jam in quadratis lignis exposita est ; sed hic evidentius, quia nos ad omne opus bonum paratos, id est, quodammodo quadratos Trinitas perficit, in memoria qua Deum recolimus, in intelligentia qua cognoscimus, in voluntate qua diligimus ; tria enim ter, et hoc ter, fiunt viginti septem, qui est numeri ternarii quadratus. Quod septimo mense arca sedit, hoc est, requievit, ad illam septimam requiem significatio recurrit, qua perfecti requiescunt. Ibi quoque illius quadraturæ numerus iteratur. Nam vigesimo septimo die secundi mensis commendatum est hoc sacramentum, et rursus vigesimo septimo die septimi mensis eadem commendatio confirmata est, cum arca requievit ; quod enim promittitur in spe, hoc exhibetur in re : quia ipsa septima requies cum octava resurrectione conjungitur, neque enim reddito corpore finitur requies, quæ post hanc vitam excipit sanctos : sed potius totum hominem, non adhuc in spe, sed jam in re ipsa, omnia ex parte et spiritus et corporis perfecta, immortalī salute renovatum, in æternæ vitæ munus assumunt. Quia igitur septima requies cum octava resurrectione conjungitur, et hoc in sacramento regenerationis nostræ, id est, in baptismo, altum profundumque mysterium est. Quod quindecim cubitis supercrevit aqua, excedens altitudinem montium. id est, hoc sacramentum transcendit omnem sapien-

tiam superbiorum. Septem quippe et octo conjuncti, quindecim faciunt. Et quia septuaginta a septem, et octuaginta ab octo denominantur, conjuncto utroque numero centum quinquaginta diebus exaltata est aqua, eandem nobis commendans atque confirmans altitudinem baptismi, in sacrandō novo homine, ad tenendam quietis et resurrectionis fidem. Quod post dies quadraginta emissus corvus non est reversus, aut aquis utique interceptus, aut aliquo supernatando cadavere illectus, significat homines in immunditia cupiditatis teterrimos ; et ob hoc ad ea quæ foris sunt, in hoc mundo nimis intentos, aut rebaptizari, aut ab his quos præter arcam, id est, præter Ecclesiam baptismus occidit, seduci et teneri. Quod columba emissa, non inventa requie, reversa est, ostendit per novum Testamentum requiem sanctis in hoc mundo non esse promissam ; post quadraginta enim dies emissa est, qui numerus vitam, quæ in hoc mundo agitur, significat. Denique post septem dies dimissa, propter illam septenariam operationem spiritalem, olivæ fructuosæ surculum retulit : quod significaret nonnullos etiam extra Ecclesiam baptizatos, si eis pinguedo non defuerit charitatis, posteriore tempore quasi vespere, in ore columbæ tamquam in osculo pacis, ad unitatis societatem posse perduci. Quod post alios septem dies dimissa, reversa non est, significat finem sæculi, quando erit sanctorum requies : non adhuc in sacramento spel, quo in hoc tempore satiatur Ecclesia, quamdiu bibitur quod de Christi latere manavit : sed jam in ipsa perfectione salutis æternæ, cum traditur regnum Deo et Patri, ut in illa perspicua contemplatione incommutabilis veritatis nullis mysteriis corporalibus egeamus. Nimis longum est ut vel tam breviter quam hæc cucurri, cuncta contingamus, cur sexcentesimo primo anno vitæ Noe, id est, peractis sexcentis annis, aperitur arcæ tectum, et tamquam revelatur quod erat absconditum sacramentum ; cur vigesimo septimo die secundi mensis dicitur sicasse terra, tamquam finita esset baptizandi necessitas, in numero dierum, quinquagesimo et septimo ; ipse est enim dies secundi mensis vigesimus septimus, qui numerus ex illa conjunctione spiritus et corporis, septies octonos habet, uno addito propter unitatis vinculum. Cur de arca conjuncti exeunt, qui disjuncti intraverunt seorsum viri et seorsum feminae ? Exeunt autem Noe et uxor ejus, filii ejus et uxores filiorum ejus : nunc conjuncti commemorati masculi et feminae, quia in fine sæculi, atque in resurrectione justorum, omnimoda et perfecta pax spiritui corpus adhærebit, nulla mortalitatis indigentia vel concupiscentia resistente. Sequitur :

(Vers. 20, 21.) *Ædificavit autem Noe altare Domino, et tollens de cunctis pecoribus et volucribus mundis obtulit holocausta super altare, odoratusque est Dominus odorem suavitatis. Si Deus omnia fecerat bona, et etiam valde bona, quid est quod tollens Noe de cunctis pecoribus et volucribus mundis, et sic obtulit holocausta ? Nequaquam aliquid in sui natura immundum creatum est, sed ad comparationem melioris, quod bonum in sua natura est, quasi immundum putatur. Constructio quippe altaris, sanctæ Trinitatis confessio intelligenda est ; de qua Dominus ascendens ad cœlos apostolis tradidit, dicens, *Ite, docete omnes gentes, baptizantes eos in nomine Patris, et Filii, et Spiritus sancti, docentes eos servare omnia quæ præcepi vobis* (*Matth. ult.*). Super hoc altare fidei sumpsit ex omni pecore mundo, et ex omni ave munda, et obtulit hostias sanctas Domino placentes, rationabile obsequium sanctorum, per pecus enim mundum illi significati sunt, qui simpliciter vivunt in Ecclesia, sensumque retinent innocentiae, nec habent morsum malitiæ. Porro per avem mundam illi intelliguntur qui in lege Domini meditantur die ac nocte (*Ps. i*), qui possunt dicere cum Apostolo, *Nostra autem conversatio in cælis est* (*Phil. iii*), non quod naturaliter mundi essent, in iniquita-*



tibus concepti, et in delictis generati; sed quod jam renati ex aqua et Spiritu sancto recte mundi appellantur; et sic postmodum super altare fidei oblatis Deo Patri, mortificati carne, vivificati autem spiritu. *Oloratusque est Dominus odorem suavitatis*; neque enim Deus odore carnum aut sanguine irrationabilium pecorum delectatur: quod se utique nequaquam exquisisse per Isaiam prophetam testatus est; sed odoratus est, hoc est, delectatus, humani generis ad se conversionem et salutem credentium. Sequitur: *Nequaquam ultra maledicam terræ propter homines; sensus enim et cogitatio humani cordis in malum prona sunt ab adolescentia sua. Non igitur ultra percutiam omnem animantem sicut feci.* Nequaquam enim post resurrectionem dominabuntur corporibus vitia atque peccata, neque corruptioni subiacerunt et morti corpora, quæ post resurrectionem ad gloriam inmutata, incorruptionem et immortalitatem sunt acceptura. Sequitur:

(Cap. IX. — Vers. 1 seqq.) *Benedixitque Deus Noe et filiis ejus, et dixit ad eos: Crescite et multiplicamini, et implete terram; et terror vester ac tremor sit super cuncta animalia terræ, et super omnes volucres cæli, cum universis quæ moventur in terra.* Quorum terror ac tremor super animalia terræ præcipitur, profecto esse super homines prohibetur, homo quippe brutis animalibus, non autem hominibus cæteris, natura prælatus est; et ideo ei dicitur ut ab animalibus, et non ab homine timeatur: quia contra naturam superbire est, ab æquali velle timeri. Sequitur: *Omnes pisces maris manus vestræ traditi sunt: et omne quod movetur et vivit, erit vobis in cibum, quasi olera virentia tradidi vobis omnia, excepto quod carnem cum sanguine non comedetis.* Morticinium autem ad escam hominum usui non admisit, eo quod non occisorum, sed mortuorum animalium morbida caro est, nec apta ad salutem corporis, cuius causa sumimus alimentum. Illud vero quod in Actibus apostolorum præceptum ab apostolis gentibus impositum, ut abstinerent gentes tantum a fornicatione, et ab immolatis et a sanguine (Act. xv): id est, non ederent carnem cuius sanguis non esset effusus, quod alii non sic intelligunt: id est, ut ne quis homicidio se contamine, quod quidem aut isto aut alio quolibet modo: nam ista tantummodo observando nullo modo esse poterant Christiani; quis enim nesciat Noe et ejus filios significasse Jesum Christum et suos prædicatores, qui a Deo Patre benedictionem perceperunt in cælestibus, in omni benedictione spiritali? qui tunc jussi sunt crescere et multiplicari, quando veluti de arca egressi, de Hierusalem et Judæa dispersi, quasi terram ingredi præcepti sunt, dum euntes in mundum jussi sunt prædicare Evangelium omni creaturæ; et tunc spiritaliter creverunt in filiis, sanctis videlicet discipulis, et copiosa multitudo cæterorum fidelium; et terror ac tremor eorum fuit super cuncta animalia terræ: gentes scilicet, quæ more irrationabilium pecorum vel animalium versabantur in mundo; et super omnes volucres cæli, sapientes utique mundi, qui more avium dum de creaturis vel elementis cæli et terræ disputare nitebantur, quasi aves in cælum volare videbantur. Tunc etiam pisces maris manus illorum traditi sunt quando curiosi quique et actiones sæculi sectantes, et qui infirmos quosque et pusillos, qui se defendere non valebant, dum exspoliabant, quasi more piscium eos devorabant; sed postea ad prædicationem apostolorum, qui dudum aliena rapiebant, cœperunt etiam propria largiri. Impletumque est illud quod antea propheta ex eorum persona cecinit, dicens: *Subjecit populos nobis, et gentes sub pedibus nostris. Et omne quod movetur et vivit, erit vobis in escam, quasi olera virentia tradidi vobis omnia* (Gen. ix): id est, ut eum qui ex circumcisione est, ita et qui ex gentibus pari modo ad fidem recipiatur: sicut et Petro dictum est: *Surge, Petre, macta et manduca* (Act. x). Cumque ille renuendo diceret non se aliquando manducasse com-

A mune et immundum, dictum est illi: *Quod Deus purificavit, tu ne commune dixeris*, id est, quos Deus gratuita miseratione ex vasis iræ vasa misericordiæ per Spiritum sanctificationis remittendo præterita peccata fecit, tu noli velut immundos renuere. Excepto quod carnem cum sanguine non comedetis: id est, cum præterito peccato eos ad fidem recipere non deberis; sed ipsi more aquæ per confessionem in conspectu Domini effundere, aut certe in terra aliquid condere, in sua videlicet carne, ex qua ortum est, debent mortificare. Sed quia ista illis inter gentes agentibus, futurum erat illos persecutionem habituros ab infidelibus, mox ad consolationem eorum verba respondent: *Sanguinem enim animarum vestrarum requiram de manu cunctarum bestiarum*; neque enim anima, quæ res incorporea est in sua natura, sanguinem habet, vel bestię brutæ et absque ratione, pro quolibet facto aliquando Deo reddituræ sunt rationem; sed per sanguinem animæ, vitam persecutores ex gentibus debemus intelligere, qui more bestiarum adversus Dei sanctos suam malitiam exercuerunt. Quod vero addidit: *De manu hominis*, eosdem persecutores tam ex Judæis quam ex gentibus voluit demonstrare, quia et homines sunt per naturam, et bestię per sævitiam. Deinde subsecutus est: *De manu viri et fratris ejus requiram animam hominis.* Salvo intellectu historiæ, quo justus iudex Deus reddit unicuique juxta opera sua, secundum cœptum ordinem allegoriæ, hominem quasi rationabilem virum et fratrem sanctis prædicatoribus, id est, apostolis et comitibus eorum Judæos debemus intelligere, qui ex uno patre orti sunt, et de Abraham prosapia descenderunt, qui eosdem prædicatores sanctos extra Synagogam fecerunt; et dum eos occiderunt vel persecuti sunt, arbitrati sunt se obsequium præstare Deo. Quibus Dominus promittit, id est, et persecutoribus ex gentibus, quasi irrationabilibus bestiis; et hominibus, hoc est, Judæis, quasi ratione utentibus, qui sibi secundum legem videbantur persequi apostolos: utrisque eos injuste persequentibus, per justum iudicium puniendos esse promissit.

(Vers. 6.) *Quicumque effuderit humanum sanguinem, effundetur sanguis ejus.* Homines hoc in loco, sanctos voluit demonstrare, utpote rationales; quid est enim dicere: *Quicumque effuderit humanum sanguinem, effundetur sanguis ejus?* Ac si aperte dicat: *Quicumque eos temporali morte injuste mulctaverit, perpetua morte, hoc est, damnatione, punietur.* Ad imaginem quippe Dei factus est homo. Vere enim ad imaginem Dei illi conditi sunt, qui student quotidie mortificare membra sua, quæ sunt super terram (Coloss. iii), et renovari spiritu mentis, qui secundum Deum creatus est (Ephes. iv), qui deponunt mendacium, et loquuntur veritatem proximis suis, cum quibus sunt invicem membra. Sequitur:

(Vers. 7.) *Vos autem crescite et multiplicamini, et ingredimini super terram, et implete eam.* Ad eosdem sanctos prædicatores verba exhortatoria sunt, ut postposito timore quo corpus occiditur, et anima nihil impeditur, crescant, sive in virtutibus, sive in numerositate credentium multiplicentur; et ingrediantur super terram prædicando, et impleant eam docendo, et mirabile demonstrando Christi nomen in universa terra: quia dum hoc in hominibus, hoc est, Dei notitia, fides vel religio non erat, quasi absque cultore terra deserta et inhabitabilis erat. Sequitur:

(Vers. 12.) *Dixitque Deus: Hoc signum fœderis, quod do inter me et vos: Arcum meum ponam in nubibus: et erit signum fœderis inter me et inter terram. Cumque obduxero nubibus cælum, apparebit arcus meus in nubibus: et recordabor fœderis mei, quod pepigi vobiscum.* Arcus propter signum securitatis in cælo positus est, ut ab omnibus inspicere potuisset. Et ipsum signum in igne et aqua ostenditur, quia ex parte est cæruleus et ex parte rubicundus, quia utriusque ju-



dici testis est, unius videlicet facti, et alterius faciendi. Quod testamentum posuit Deus inter se et homines, atque omnem animam vivam, ne perdat eam diluvio; arcum qui apparet in nubibus, qui nunquam nisi de sole resplendet; illi enim non perierunt diluvio separati ab Ecclesia, qui in prophetis et omnibus divinis Scripturis, tamquam in nubibus Dei agnoscunt Christi gloriam, non quaerunt suam. Sex quippe aetatibus humana finitur vita, quarum

A prima infantia est, secunda pueritia, tertia adolescentia, quarta juvenus, quinta senectus, sexta senium, quae sola morte terminatur: ita et sex aetatibus finiendus est hic mundus, cujus prima aetas fuit ab Adam usque ad diluvium, quae rectae infantiae comparatur, quae hinc appellata est, quod fari non potest: quoniam profecto aetatem primum dimergit oblivio, sicut aetas prima generis humani est deleta diluvio, ita et nunc nostri operis finiendus est liber.

## LIBER SECUNDUS.

Secunda namque saeculi aetas a Noe usque ad ipsum Abraham, velut pueritia fuit; et sic post diluvium, novum apparuit saeculum, quasi secunda humani generis aetas; ita et a nobis, Deo juvante, secundus incipiendus est liber. Sequitur:

(Vers. 20, 21.) *Cœpitque Noe vir agricola exercere terram, et plantavit vineam; bibensque vinum inebriatus est, et nudatus in tabernaculo suo.* Quare vir justus inebriatus est, nisi forte inebriari vino posse nesciebat? Neque enim ante diluvium leguntur homines vino uti; et ideo specialiter de Noe scriptum est: *Plantavit Noe vineam.* Vineam Domini Sabaoth, domus Israel est. Bibit de vino ejus. Sive ille calix hic intelligitur, de quo idem Dominus dicit: *Potestis bibere calicem, quem ego bibiturus sum* (Marc. x), et, *Pater si fieri potest, transeat a me calix iste* (Matth. xxvi), quo suam sine dubio significat passionem, sive quia vinum fructus est vineae, hoc potius illo significatum est, quod ex ipsa vinea, hoc est, ex genere Israelitarum, carnem pro nobis et sanguinem, ut pati posset, assumpsit; et inebriatus est, id est, passus est. Ibi namque nudatus est, id est, apparuit infirmitas, de qua dicit Apostolus: *Et si crucifixus est ex infirmitate* (II Cor. xiii). Unde item dicit: *Infirmum Dei fortius est hominibus et stultum Dei sapientius est hominibus* (I Cor. i). Quod vero cum dictum esset: *Et nudatus est*, addidit Scriptura: *In domo sua*, eleganter ostendit quod a suae carnis gente, et domesticis sanguinis sui, utique Judaeis, fuerat crucem mortemque passurus. Sequitur:

(Vers. 22, 23.) *Quod cum vidisset Cham pater Chanaan, verenda scilicet patris sui esse nudata, nuntiavit duobus fratribus suis foras; at vero Sem et Japhet pallium imposuerunt humeris suis, et incedentes retrorsum operuerunt verenda patris sui, faciesque eorum aversae erant, ut patris sui virilia non viderent.* Proinde in duobus filiis, maximo et minimo, duo populi figurantur, scilicet circumcisio et præputium; unam vestem a tergo portantes, sacramentum scilicet jam præteritæ Dominicæ passionis; neque nuditatem patris intuentur, quia in Christi necem non consentiunt; et tamen honorant velamento, tamquam scientes unde sint nati. Medius autem filius, id est, populus Judaeorum; et ideo medius, quia nec primatum tenuit apostolorum, nec ultimus in gentibus credidit; vidit nuditatem patris, quia consensit in necem Christi; et nuntiavit foras fratribus: per eum quippe manifestatum est, et quodammodo publicatum, quod erat in prophetia secretum; ideoque fit servus fratrum suorum. Quid est enim aliud hodieque gens ipsa, nisi quædam scrinaria Christianorum, bajulans legem et prophetas ad testimonium assertionis Ecclesiae, ut nos honoremus per sacramentum, quod nuntiata illa per litteram? Sequitur:

(Vers. 24 seqq.) *Evigilans autem Noe a vino, cum didicisset quæ fecerat ei filius suus minor, ait: Maledictus Chanaan; servus servorum erit fratribus suis. Dixitque: Benedictus Dominus Deus Sem; sit Chanaan servus ejus. Dilatet Deus Japhet, et habitet in tabernaculis Sem.* Queritur quare peccans Cham in patris offensa, non in se ipso, sed in filio suo Chanaan maledicatur: quia prophetatum est, terram Chanaan electis inde Chanaanais et debellatis, accepturos fuisse

filios Israel, qui venerunt de semine Sem, intuendo et prævidendo quod longe fuerat post futurum. Unde factum est etiam illud, ut filium medium, hoc est, primogenito juniorem ultimoque majorem, qui peccaverat in patrem, non in ipso, sed in filio ejus suo nepote malediceret his verbis: *Maledictus Chanaan; sit servus fratribus suis.* Chanaan porro natus fuerat ex Cham, qui patris dormientis nec texerat, sed potius prodiderat nuditatem. Unde etiam secutus adjungit benedictionem duorum filiorum, maximi et minimi, dicens: *Benedictus Dominus Deus Sem, erit Chanaan puer ejus; dilatet Deus Japhet, et habitet in tabernaculis Sem;* quamquam enim sit Deus omnium gentium, quodammodo tamen proprio vocabulo, et in ipsis jam gentibus dicitur Israel. Et unde hoc factum est, nisi ex benedictione Japhet? in populo enim gentium, totum orbem terrarum occupavit Ecclesia. Hoc prorsus, hoc pronuntiabatur, cum diceretur: *Dilatet Deus Japhet, et habitet in tabernaculis Sem.* Sem quippe de cujus semine incarnatus est Christus, interpretatur nominatus. Quid autem nominatus Christo? cujus nomen jam ubique fragrat: ita ut in Cantico Canticorum, etiam in se præcedente prophetia, unguento comparetur effuso (Cant. i); in cujus domibus, id est, ecclesiis, habitat gentium latitudo; nam Japhet, latitudo interpretatur. Ecce quo modo dilatet Deus Japhet, et habitat in tabernaculis Sem, id est, in ecclesiis, quas filii prophetarum apostoli construxerunt: secundum quod Paulus Apostolus fidelibus ex gentibus ait: *Qui ætatis illo tempore, sine Christo alienati a societate Israel, et peregrini testamentorum, et promissionis spem non habentes, et sine Deo in hoc mundo* (Ephes. ii). Per hæc verba ostenditur quod nondum habitat Japhet in domibus Sem. Sed paulo post quemadmodum concludat advertamus. *Igitur jam, inquit, non estis hospites et peregrini, sed estis cives sanctorum et domestici Dei, superædificati supra fundamentum apostolorum et prophetarum, ipso summo angulari lapide existente Christo Jesu* (Ibid.). Porro Cham, qui interpretatur callidus, medius Noe filius, tamquam se ab utroque discernens, et inter utrumque remanens, nec in primitiis Israelitarum, nec in plenitudine gentium, quid significat, nisi hæreticorum genus callidum, non spiritu sapientiæ, quo solent hæreticorum fervere primordia, et pacem perturbare sanctorum? Multa quidem ad fidem catholicam pertinentia, dum hæreticorum callida inquietudine exagitantur, ut adversus eos defendi possint, et considerantur diligentius, et ab intelliguntur clarius, et instantius prædicantur, et ab adversario mola quæstio discendi existit occasio: quamvis non solum qui sunt apertissime separati, verum omnes qui Christiano nomine gloriantur, et perditæ vivunt, non absurde possunt videri medio Noe filio figurari, passionem quippe Christi, quæ illius hominis nuditate significata est, et annuntiat profitendo, et male agendo exhonorant. De talibus ergo dictum est: *Ex fructibus eorum cognoscetis eos* (Matth. vii). Ideo Cham in filio suo maledictus est, tamquam in fructu suo, id est, in opere suo. Unde convenienter et ipse filius ejus Chanaan, interpretatur motus eorum, quod quid aliud est quam opus eorum? Sem vero et Japhet, tamquam circumcisio



et præputium; vel, sicut alio modo eos appellat Apostolus, Judæos et Græcos (Rom. 1), sed vocatos et justificados: cognita quodammodo nuditate patris, qua significabatur passio Salvatoris, sumentes vestimentum posuerunt supra dorsa sua, et intraverunt aversi, et operuerunt nuditatem patris sui, nec viderunt quod reverendo texerunt; quodam enim modo in passione Christi, et quod pro nobis factum est, honoramus, et Judæorum facinus aversamur. Vestimentum significat sacramentum; dorsa, memoriam præteritorum, quia passionem Christi eos scilicet tempore quo habitat Japhet in domibus Sem, et malus frater in medio eorum, transactam celebrat Ecclesia, non adhuc prospectat futuram. Cham malus frater in filio suo, hoc est, in opere suo; puer, id est, servus est fratrum suorum, cum ad exercitationem patientiæ, vel ad profectum sapientiæ, scienter munerentur boni malis. Sequitur:

(Vers. 23, 29.) *Vixit autem Noe post diluvium 350 annis, et impleti sunt omnes dies ejus 950 annorum, et mortuus est.*

(Cap. X. — Vers. 1 seqq.) *Hæ sunt generationes filiorum Noe: Sem, Cham et Japhet. Natiq̃ sunt eis filii post diluvium. Filii Japhet, Gomer, et Magog, et Madai, Javan, Tubal, et Mosoch, et Thyras. Ili septem filii Japhet possederunt terram in Asia, ab Amanio et Tauro Cœlesyriæ et Ciliciæ montibus, usque ad fluvium Tanaim. Porro filii Gomer, Aschenez, et Riphath, et Togorma. Filii autem Javan, Elisa et Tharsis, Cethim et Dodanim. Ab his divisæ sunt insulæ gentium in regionibus suis, unusquisque secundum linguam et familias in nationibus suis. Nomina locis et gentibus relinquentes, e quibus postea immutata sunt plurima: cætera permanent ut fuerunt. Sunt autem Gomer, Galatæ; Magog, Scythæ; Madai, Medi; Javan, Iones, qui et Græci, unde et mare Ionicum appellatur; Tubal, Hiberi, qui et Hispani, a quibus postea Celtiberi nuncupati sunt; Mosoch, Cappadoces, unde et urbs eorum usque hodie apud eos Mazæchia dicitur; Thyras, Thraces, quorum non satis immutatum vocabulum est. Hæ itaque septem gentes, quas de Japhet stirpe venientes memoravi, ad Aquilonis partem habitant. Filii Gomer: Aschenez et Riphath et Togorma. Aschenez, Græci Rhēginos vocant; Riphath, Paphlagonas; Togorma, Phrygas. Filii Javan: Elisa et Tharsis, Cethim et Dodanim. Cethim sunt Citi, a quibus hodieque urbs Cypri, Citiū nominatur; Dodanim, Rhodi. Omnes pene insulæ, et totius orbis littora, terræque mari vicinæ Græcis accolis occupatæ sunt, qui, ut supra diximus, ab Amanio et Tauro montibus omnia maritima loca usque ad Oceanum possederunt Britannicum. Sequitur:*

(Vers. 6, 7.) *Filii Cham, Chus et Mesraim, Phuth et Chanaan. Chus hodieque ab Hebræis Æthiopia nuncupatur; Mesraim Ægyptus; Phuth Libyes, a quo et Mauritaniæ fluvius usque in præsens Phuth dicitur, omnisque circa regio Phutensis nuncupatur. Modo tamen in una tantum climatis ejus parte antiquum Libyæ nomen residet, et reliqua terra vocatur Africa. Porro Chanaan obtinuit terram quam Judæi deinceps possederunt, ejectis Chananæis. Filii Chus, Saba, et Evila, Sabatha et Rema, Sabathacha. Saba, a quo Sabæi; Evila, Gethuli, in parte remotioris Africae, eremo cœharrentes; Sabatha Sabatheni, qui nunc Astavari nuncupantur. Rema vero et Sabathacha paulatim antiqua vocabula perdiderunt, et quæ nunc pro veteribus habeant, ignoratur. Filii Saba, a quo diximus appellatos Sabæos: interpretatur autem nunc Saba, Arabia. In LXXI psalmo, ubi nos habemus, Reges Arabum et Saba munera offerunt, in Hebræo scriptum est, Reges Saba. Dadai, gens est Æthiopiæ in occidentali plaga. Sequitur:*

(Vers. 8 seqq.) *Porro Chus genuit Nembroth; ipse cepit esse potens in terra, et erat robustus venator coram Domino. Ab hoc exivit proverbium: Quasi Nembroth robustus venator coram Domino. Sic ergo intelligendus est gigas iste venator contra Dominum. Quid*

A autem hic significatur hoc nomine, quod est venator, nisi animarum terrigenarum deceptor, oppressor, extirpator? Et ideo dictus est robustus venator coram Domino, pro eo quod homines abstraheret a cultu divino. Sequitur: *Fuit autem principium regni ejus Babylon et Aracha, et Achad et Chalanne in terra Sennaar. Nembroth filius Chus arripuit insuetam prior in populis tyrannidem, regnavitque in Babylone, quæ ab eo, quod ibi confusæ sunt linguæ turrim adificantium, Babel appellata est. Babel enim interpretatur confusio. Aracha, hæc est Edissa civitas. Achad, quæ nunc dicitur Nisiben; Chalanne, postea versu nomine a Seleuco rege dicta est Selencia. Sequitur:*

(Vers. 11, 12.) *De terra illa egressus est Assur, et edificavit Niniven, et plateas civitatis, et Cale; Resen quoque inter Niniven et Cale: hæc est civitas magna. Quod vero dictum est de terra Sennaar, quæ pertinebat ad regnum Nembroth, exisse Assur, et adificasse Niniven, et alias quas construxit civitates, longe postea factum est, quod ex hac occasione perstrinxit propter nobilitatem regni Assyriorum, quod mirabiliter dilatavit Nimus, Beli filius, conditor civitatis magnæ, Ninivæ, ejus civitatis nomen ex illius nomine derivatum est, ut a Nino Ninive vocaretur. Assur autem, unde Assyrii, non fuit in filiis Cham, sed in filiis Sem reperitur, qui fuit Noe maximus filius. Unde apparet de progenie Sem exortos fuisse, qui postea regnum gigantis illius obtinerent, et inde procederent, atque alias conderent civitates. Sequitur:*

(Vers. 13, 14.) *At vero Mesraim genuit Ludim, et Anamim, et Balaabim, Neptum, et Petrusim, et Chasluim; de quibus egressi sunt Philistiim et Capturim. Exceptis Labaim; a quibus Libyes postea vocati sunt, qui prius Phuthæi vocabantur; et Chasluim, qui deinceps Philistiim appellati sunt, quos nos corrupte Palæstinos dicimus; cæteræ sex gentes ignotæ nobis sunt, quia bello Æthiopico subversæ, atque ad oblivionem præteritorum nominum pervenerunt. Possederunt autem terram a Gaza usque ad extremos fines Ægypti. Sequitur:*

(Vers. 15 seqq.) *Chanaan autem genuit primogenitum suum Sidonem, et Cethæum, et Jebusæum, et Amorraeum, et Gergesæum, et Evæum, et Arachæum, Sinæum et Aradium, Samariten et Amathæum. De Chanaan primus natus est Sidon, a quo urbs in Phœnice Sidon vocatur. Arachæus, qui Archas condidit, oppidum in radicibus Libani situm. Aradii sunt, qui Aradum insulam possederunt angusto freto a Phœnice separatam. Samarii, a quibus Emissa nobilis Cœlesyriæ civitas; hanc Macedones, qui post Alexandrum morientem regnaverunt, Epiphaniam nuncupaverunt. Et fuit terminus Chananæorum a Sidone, donec venias in Gerara, et usque ad Gazam pergentibus Sodomam et Gomorram, et Adamam et Seboim, usque Lezen, quia cæteræ civitates, Sidon videlicet et Gerara, et Sodoma, et Gomorra, et Adama, et Seboim, notæ sunt nominibus suis. Finnt itaque omnes filii Cham, hoc est, medii filii Noe, quatuor, et nepotes quinque ex uno ejus filio, pronepotes duo ex nepote uno, et sit eorum summa undecim. Quibus enumeratis, hinc reditur ad album filium Cham, qui vocabatur Mesraim; et commemorantur quos genuit, non tamquam singuli homines, sed nationes septem, et de sexta velut de sexto filio, gens commemoratur exisse quæ appellatur Philistiim, unde fiunt octo. Inde iterum ad Chanaan reditur, in quo filio maledictus est Cham, et quos genuit, undecim nominantur. Deinde usque ad quos fines pervenerint, commemoratis quibusdam civitatibus dicitur, ac per hoc in filiis nepotibusque computatis de progenie Can triginta et unus geniti referuntur. Sequitur:*

(Vers. 21.) *De Sem quoque nati sunt patre omnium filiorum Heber, fratre Japhet majore. Restat commemorare filios Sem, maximi filii Noe; ad eum quippe gradatim generationum istarum pervenit a minimo exorta narratio. Sed unde incipiunt commemorari filii Sem, habet quiddam obscuritatis, quod exposi-*



tione illustrandum est, quia et multum ad rem pertinet, quam requirimus; sic enim legitur: *Et Sem natus est, et ipsi patri omnium filiorum Heber fratri Japhet majori.* Ordo verborum est: *Et Sem natus est Heber, qui Sem pater est omnium filiorum.* Sem ergo patriarcham intelligi voluit omnium, qui de stirpe ejus exorti sunt, quos commemoraturus est, sive sint filii, sive sint nepotes et pronepotes. Sequitur:

(Vers. 22.) *Filii Sem, Elam, et Assur, et Arphaxat, et Lud, et Haran.* Hi ab Euphrate fluvio, partem Asiae usque ad Indicum oceanum tenent. Est autem Elam a quo Elamitae principes Persidis, quod de Assur antea jam dictum est. Sequitur:

(Vers. 23.) *Filii Haran, Hus, et Ul, et Jezer, et Mes.* At vero Arphaxat genuit Sala, de quo ortus est Heber. Arphaxat a quo Chaldaei, Lud a quo Lydii, Haran a quo Syri, quorum metropolis est civitas Damascus. Filii Haran, Hus, et Ul, et Jezer, et Mes; Hus Trachonitis et Damasci conditor, inter Palaestinam et Coelesyriam tenuit principatum, a quo Septuaginta interpretes in libro Job, ubi in Hebraeo scribitur terra Hus, regionem Ausitidem trans-tulerunt. Ul a quo Armeni, Jezer a quo Carmani seu Carii. Sequitur:

(Vers. 24 seqq.) *At vero Arphaxat genuit Sala, de quo ortus est Heber.* Non sane istum Heber genuit Sem, sed ab illo quartus in primogenitorum serie reperitur. Sem quippe inter alios filios genuit Arphaxat. Arphaxat autem genuit Sala, de quo ortus est Heber. Non itaque frustra ipse primus est natus in progenie veniente de Sem, et praëlatus est etiam filiis, cum sit quartus nepos; nisi quia verum est quod traditur, ex illa Hebraeos cognominatos esse, tamquam Heberaeos; cum et alia possit esse opinio, ut ex Abraham, tamquam Abrahaei dicti esse videantur. Sed nimirum hoc verum est, quod ex Heber Hebrei appellati sunt, ac deinde, una detruncata littera, Hebraei: quam linguam solus Israel populus potuit obtinere, in quo Dei civitas et in sanctis peregrinata est et in omnibus sacramento adumbrata. Igitur filii Sem prius nominantur; deinde ex uno eorum nati sunt quatuor nepotes ejus. Itemque alter filiorum Sem genuit ejus nepotem, atque inde abnepos, Heber. *Genuit autem Heber duos filios, quorum unum appellavit Phaleg* (1 Par. 1), quod interpretatur dividens. Deinde Scriptura subiungens, rationemque hujus nominis reddens, *Quia in diebus, inquit, ejus divisa est terra.* Hoc autem quid sit, post apparebit. Alius vero qui natus est ex Heber, genuit duodecim filios; ac per hoc fiunt omnes genti de Sem viginti septem. In summa igitur omnes progeniti de tribus filiis Noe, id est, quindecim de Japhet, triginta et unus de Cham, viginti septem de Sem, fiunt septuaginta tres. Deinde Scriptura sequitur, dicens:

(Vers. 31.) *Hi filii Sem in tribubus suis, secundum linguas suas, in regionibus suis, et in gentibus suis.* Itemque de omnibus: *Hæ, inquit, tribus filiorum Noe secundum generationes eorum et secundum gentes eorum. Ab his dispersæ sunt insulae gentium super terram post diluvium.* Unde colligitur septuaginta tres, vel potius, quod postea demonstrabitur, septuaginta duæ gentes tunc fuisse, non homines. Nam et prius cum fuissent commemorati filii Phaleg, ita conclusum est: *Ex his segregatae sunt insulae gentium in terras eorum, unusquisque secundum linguam suam in tribubus suis, et in gentibus suis.* Jam vero in filiis Cham quodam loco apertius commemoratae sunt, sicut superius ostendi: Mesraim genuit eos qui dicuntur Ludii, et eodem modo cæteræ usque ad septem gentes; et numeratis omnibus postea concludens, *Hi filii Cham, inquit, in tribubus suis, secundum linguas suas in regionibus suis.* Propterea ergo multorum filii non sunt commemorati, quia gentibus aliis nascendo accesserunt alii, ipsi autem facere gentes nequiverunt. Nam qua alia causa cum filii Japhet octo enumerantur, ex duobus eorum tantum filii nati commemorantur; et cum filii Cham quatuor nominentur, ex tribus tantum qui nati sunt adjiciun-

tur; et cum filii Sem nominentur sex duorum tantum posteritas attexitur? Numquid cæteri sine filiis remanserunt? Absit hoc credere. Sed gentes propter quas commemorari digni essent, non utique fecerunt: quia sicut nascebantur, aliis gentibus addebantur. Cum ergo in suis linguis istæ gentes fuisse referantur, redit tamen narrator ad illud tempus quando una lingua omnium fuit, et inde jam exponit quid acciderit, ut linguarum diversitas nasceretur. Sequitur:

(CAP. XI. — Vers. 1 seqq.) *Erat autem terra labii unius, et sermonum eorumdem.* Cumque proficiscerentur de Oriente, invenerunt campum in terra Sennaar, et habitaverunt in eo. Dixitque alter ad proximum suum: *Venite, faciamus lateres, et coquamus eos igni.* Habueruntque lateres pro saxis, et bitumen pro cæmento. Et dixerunt: *Venite, faciamus nobis civitatem et turrim, cujus culmen pertingat ad cælum; et celebremus nomen nostrum, antequam dividamur in universas terras.* Ista civitas quæ appellata est confusio, ipsa est Babylon, cujus mirabilem constructionem etiam gentium commendant historiae. Babylon quippe interpretatur confusio. Unde colligitur gigantem illum Nembroth fuisse illius conditorem, quod superius fuerat intimatum. Ubi cum de illo Scriptura loqueretur, ait: *Initium regni ejus fuit Babel:* id est, quæ civitatem cæterarum gereret principatum, ubi esset tamquam in metropoli habitaculum regni, quamvis perfecta non fuerit usque in tantum modum, quantum superba cogitabat impietas: nam nimia disponebatur altitudo, quæ ducta est usque ad cælum, sive unius turris ejus, quam moliebantur inter alias esse præcipuam: solent enim superbiam stultitia sequi, et humilitatem sapientia. Sequitur:

(Vers. 5, 6.) *Descendit autem Dominus ut videret civitatem et turrim, quam aedificabant filii Adam, et dixit: Ecce unus est populus, et unum labium omnibus: cæperuntque hoc facere, nec desistent a cogitationibus suis donec eas opere impleant?* Descendit Dominus videre civitatem et turrim, quam aedificabant filii Adam; hoc est, non filii Dei, sed filii hominum: id est, illa societas secundum hominem vivens, quam terrenam dicimus civitatem. Non loco movetur Deus, qui ubique est totus semper, sed descendere dicitur, cum aliquid facit in terra: quod præter usitatum naturæ cursum mirabiliter factum, præsentiam quoddammodo ejus ostendit. Nec videndo discit ad tempus, qui nunquam potest aliquid ignorare, sed ad tempus videre et cognoscere dicitur, quod videri et cognosci faciat. Non sic ergo videbatur illa civitas, quo modo eam Deus videre fecit, quando sibi quantum displiceret, ostendit; quamvis possit intelligi Deus ad illam civitatem descendisse, quia descendebant angeli ejus, in quibus habitat: quia per angelos descendebat, qui in angelis descendentibus erat. Et bene, non ait, *Venite*, et descendentes confundite; sed, *Confundamus ibi linguam eorum*, ostendens ita se operari per ministros suos, ut sint etiam ipsi co-operatores Dei. Nec sic loquitur angelis Deus, quomodo nos invicem nobis vel Deo, vel angelis, vel ipsi angeli nobis, sive per illos Dominus nobis; sed ineffabili suo modo; nobis autem indicatur hoc nostro modo. Dei quippe sublimior ante suum factum locutio, ipsius sui facti est immutabilis ratio, quæ non habet sonum strepentem atque transeuntem, sed vim sempiternæ manentem, et temporaliter operantem. Hæc loquitur angelis sanctis; nobis autem longe positus, per angelos, secundum modum nostræ capacitatis. Quando autem etiam nos aliquid talis locutionis interioribus auribus capimus, angelis propinquamus. Illud sane quod dictum est: *Nec desistent a cogitationibus suis, donec eas opere impleant*, non est dictum confirmando, sed tamquam interrogando, sicut solet a comminantibus dici. Sic ergo accipiendum est, tamquam dixerit: *Nonne omnia deficient ex illis, quæ conati sunt facere?* Sed si ita dicatur, non exprimet comminantem, quoniam vocem pronuntiantis non possumus scribere. Sequitur:



(Vers. 7 seqq.) *Venite igitur, descendamus et confundamus ibi linguas eorum, ut non audiat unusquisque vocem proximi sui. A que ita divisit eos Dominus ex illo loco in universas terras, et cessaverunt edificare civitatem, et ideo vocatum est nomen Babel, quia ibi confusum est labium universæ terre; et inde dispersit eos Dominus super faciem cunctarum regionum.* Merito autem malus puniatur affectus, etiam cui non succedit effectus. Genui vero ipsius pœnæ quale fuit? Quoniam dominatio imperantis in lingua est, ibi damnata est superbia: ut non intelligeretur iubens homini, qui noluit intelligere, ut obediret Deo iubenti. Sic illa conspiratio dissoluta est, cum quisque ab eo, quem non intelligeret, abscederet; nec se, nisi cum quo loqui poterat, aggregaret. Et per linguas divisæ sunt gentes, dispersæque per terras, sicut Deo placuit, qui hoc modis occultis nobisque incomprehensibilibus fecit. Ex illis igitur tribus hominibus Noe filiis, septuaginta duæ linguæ per terras esse cœperunt, quæ crescendo ad insulas pervenerunt. Auctus est numerus autem gentium multo amplius quam linguarum. Primus autem post diluvium inter homines Nembroth, filius Chus, nova imperii cupiditate tyrannidem arripuit; regnavitque in Babilonia, quæ ab eo quod ibi confusæ sunt linguæ, Babel appellata est, quod interpretatur confusio: cuius ædificandæ turris idem Nembroth existit auctor. Qui pro eo quod ultra naturam suam cœli alta penetrare contendit, non incongrue diabolo comparatur; qui cogitatione cordis sui intumescens, super sidera exaltare se voluit, id est, super omnem potestatem angelorum, Deo se coarquare disponens, dum dicit: *Ascendam super altitudinem nubium, et ero similis Altissimo.* Quod autem dicitur, *venator*, quid significatur hoc nomine, nisi animarum terrigenarumceptor, et capiens homines ad mortem? Turris ejus, superbia hujus mundi est, vel impia dogmata hæreticorum; qui postquam moti sunt ab Oriente, id est, a vero lumine recesserunt, et venerunt in montem Sennaar, qui interpretatur excussio dentium, statim adversus Deum impietatis suæ ædificaverunt turrim, ac dogmatum superbiam nefario ausu conflixerunt, volentes curiositate non licita ipsius cœli alta penetrare; sed sicut illi per superbiam ab una lingua in multa divisi sunt, ita et hæretici ab unitate fidei et confessionis segregati, inter se diversitate erroris quasi per dissonantiam linguæ invicem secernuntur; et quos armat adversus Deum elatæ conspirationis perniciose consensio, rursus intendente dogmatum discordia, dividit oborta repente confusio. Quos quidem ipsa Trinitas damnat in quam offendunt; ipsa eos dispergit, dum dicit: *Venite, descendamus et confundamus linguas eorum:* in varietate utique erroris, sive schismatum. Eo autem tempore quando linguarum facta est varietas, in sola domo Heber, quæ antea fuit lingua remansit. Ita et nunc in sola Ecclesia, quæ est domus Christi, unitatem esse confessionis et fidei pacem, divisis omnibus reprobis, restat. Benedictis igitur duobus filiis Noe, atque uno in medio eorum maledicto, deinceps usque ad Abraham de justorum aliquorum, qui pie Deum colerent, commemoratione silentium est. Nec eos defuisse crediderim, sed si omnes commemorarentur, nimis longum fieret; et hæc esset historica magis diligentia, quam prophetica providentia. Illa itaque exsequitur litterarum sacrarum scriptor istarum, vel potius per eum Dei Spiritus, quibus non solum narrentur præterita, verum etiam prænuntientur, quæ tamen pertinent ad civitatem Dei: quia et de hominibus qui non sunt cives ejus, quidquid hic dicitur ad hoc dicitur, ut illa ex comparatione contraria vel proficiat vel emineat. Non sane omnia quæ gesta sunt narrantur, aliquid etiam significare putanda sunt; sed propter illa quæ aliquid significant, et illa quæ nihil significant, attexuntur: solo enim vomere terra proscinditur; sed ut hoc fieri possit, etiam cætera aratri membra necessaria sunt,

A et soli nervi in ci-hara, atque hujusmodi vasis musicis aptantur ad cantum, sed ut aptari possint, et cætera in compaginibus organorum, quæ non percutiuntur a canentibus, his, quæ percussa resonant, connectuntur. Item in prophetica historia dicuntur et aliqua, quæ nihil significant, sed quibus adhaereant, quæ significant, et quodammodo religuntur. Propter hoc ergo Scriptura divina cum terrenam civitatem in Babilone, hoc est, in confusione monstrasset, ad patriarcham Sem recapitulando revertitur, et ordinantur inde generationes usque ad Abraham, commemorato etiam numero annorum, quanto quisque ad hanc seriem pertinentem genuisset filium, quanto quisque vixisset. Ubi certe agnoscendum est, quod ante promiseram, ut quare sit dictum de filio Heber, nomen ejus Phaleg, quia in diebus ejus divisa est terra: quid enim aliud intelligendum est, terram esse divisam, nisi diversitatem linguarum? Omissis ergo cæteris filiis Noe ad hanc rem non pertinentibus, illi connectuntur in ordine generationum, per quos B possit ad Abraham perveniri, sicut illi connectebantur ante diluvium per quos perveniretur ad Noe generationibus quæ propagatæ sunt ex illo Adam filio, qui est appellatus Seth. Sic ergo incipit generationum istarum connexio. Sequitur:

(Vers. 10 seqq.) *Hæ generationes Sem. Sem centum erat annorum quando genuit Arphaxat, biennio post diluvium. Porro Arphaxat cum esset triginta quintis suæ anno genuit Heber. Sicut quæque trigesimo ætatis suæ anno genuit Heber.* Sicut supra memoravi cum cœpissent enumerari filii Sem, qui singuli gentes singulas procrearunt, primus est commendatus Heber, cum sit pronepos ipsius Sem, hoc est, quartus invenitur ab illo exortus. Quia ergo in ejus familia remansit hæc lingua, divisæ per alias linguas gentibus cæteris, quæ lingua prius humano generi non immerito creditur fuisse communis, ideo deinceps Hebræa est nuncupata; tunc enim opus erat eam C distinguere ab aliis linguis nomine proprio, sicut alias quoque vocatæ sunt nominibus propriis. Quando autem erat una, nihil aliud quam humana lingua vel humana locutio vocabatur, qua sola universum genus humanum loquebatur. Sequitur:

(Vers. 16.) *Vixit autem Heber triginta quatuor annis, et genuit Phaleg.* Dixerit aliquis: Si in diebus Phaleg filii Heber divisa est terra per linguas, id est, homines, qui tunc erant in terra, ex ejus nomine potius debuit appellari lingua illa, quæ fuit omnibus antea communis. Sed intelligendum est ipsum Heber propterea tale nomen imposuisse filio suo, ut vocaretur Phaleg, quod interpretatur divisio, quia tunc ei natus est quando per linguas terra divisa est, id est, ipso tempore: ut hoc sit quod dictum est: *In diebus illius divisa est terra;* nam nisi adhuc Heber viveret quando linguarum facta est multitudo, non ejus nomine nomen acciperet lingua quæ apud ipsum potuit permanere. Et ideo credendum est ipsam fuisse primam linguam quæ antea erat omnibus communis, quoniam de pœna venit illa multiplicatio, mutatioque linguarum, et utique præter hanc pœnam debuit esse populus Dei. Nec frustra lingua hæc est quam tenuit Abraham, nec in omnes filios suos transmittere potuit, sed in eos tantum qui propagari per Jacob, et insignius atque eminentius in Dei populum coalescentes, Dei testamenta et stirpem Christi habere potuerunt. Nec Heber ipse eandem linguam in universam progeniem suam refudit, sed in eam tantum cujus generationes perducuntur ad Abraham. Quapropter etiam si non evidenter expressum est fuisse aliquod primum genus hominum, quando ab impiis Babilonia condebatur, non ad hoc valuit hæc obscuritas, ut querentis fraudaretur, sed potius exerceret intentio. Cum ergo quarimus in illis septuaginta duabus gentibus civitatem Dei, non possumus affirmare illo tempore quo erat eis labium, id est, loquela una, tunc jam genus humanum alienatum fuisse a cultu veri Dei, ita ut in solis istis generationibus



pietas vera remaneret, quæ descendunt de semine A  
Sem per Arphaxat, et tendunt ad Abraham; sed ab  
illa superbia edificande turris usque in cœlum, quæ  
impia significatur elatio, apparuit civitas, hæc est,  
societas impiorum; Verum itaque an antea latuerit,  
an fuerit, an potius utraque permaneret: pia scilicet  
in duobus filiis Noe, qui benedicti sunt, eorumque  
posteris; impia vero in eo qui maledictus est, atque  
ejus progenie, ubi etiam exortus est gigas venator  
contra Dominum, non est didicatio facilis: fortassis  
enim quod profecto est credibilius, et in filiis duo-  
rum illorum jam tunc, antequam Babylonia cœpisset  
institui, fuerunt contemptores Dei, et in filiis Cham  
cultores Dei. Utrumque tamen hominum genus, terris  
numquam defuisse credendum est. Quam brevis est  
lingua una cum esset omnium, non ideo filii pesti-  
lentiæ defuerunt: nam et ante diluvium una erat  
lingua, et tamen omnes, præter unam Noe domum,  
deleri diluvio meruerunt, itaque merito  
elationis impietatis gentes linguarum diversitate pun-  
itæ atque divisæ sunt, et civitas impiorum confu-  
sionis nomen accepit, hoc est, appellata est Babylonia,  
non defuit domus Heber, ubi ea, quæ antea fuit om-  
nium, lingua remansit; cum enim legitur unam fuisse  
linguam primitus omnium, et ante omnes filios Sem  
commendatur Heber, quamvis ex illo quartus oriatur,  
et Hebræa vocatur lingua, quam patriarcharum et  
prophetarum non solum in sermonibus, verum etiam  
in litteris sacris custodivit auctoritas, profecto cum  
cogitur in divisione linguarum, ubi lingua illa re-  
manere potuerit, quæ fuit ante communis, quæ sine  
ulla dubitatione ubi remansit, non ibi fuit illa poena,  
quæ facta est mutatione linguarum, quid aliud occur-  
rit, nisi quod in hujus gente remanserit, a cujus  
nomine nomen accepit, et hoc justitiæ gentis hujus  
non parvum apparuerit vestigium, quod cum aliæ  
gentes plecterentur mutatione linguarum, ad istam  
non pervenit tale supplicium? Sequitur:

(Vers. 27, 28.) *Hæ sunt generationes Thare. Thare genuit Abraham, et Nachor, et Aran.* Ab adolescentia  
incipit homo posse generare: propterea Matthæus  
ab ipso Abraham sumpsit exordium, et usque ad  
David perducere procuravit; neque enim frustra  
evangelista sic generationes commemoravit, ut hoc  
primum intervallum quatuordecim generationibus  
commendaret, ab Abraham scilicet usque ad David.  
Ab adolescentia quippe incipit homo posse generare.  
Propterea generationum ordo ex Abraham sumpsit  
exordium, qui etiam pater gentium constitutus est,  
quando mutatum nomen accepit. Nunc jam videmus  
procursum civitatis Dei, etiam ab illo articulo tem-  
poris, qui factus est in patre Abraham: unde incipit  
esse notitia ejus evidentior, et ubi clariora leguntur  
promissa divina, quæ nunc videmus in Christo im-  
pleri. Sicut ergo Scriptura divina indicante didici-  
mus, in regione Chaldæorum natus est Abraham,  
quæ terra ad regnum Assyriorum pertinebat. Apud  
Chaldæos autem jam tunc superstitiones impiæ præ-  
valebant, quemadmodum per cæteras gentes. Una  
igitur Thare domus erat, de quo natus est Abraham,  
in qua unius veri Dei cultus, et, quantum credibile  
est, in qua jam sola etiam Hebræa lingua remanse-  
rat; quamvis et ipsi, sicut jam manifestus Dei popu-  
lus in Ægypto, in Mesopotamia servisse diis alienis,  
Jesu Nave narrante, referuntur, ex progenie illius  
Heber in linguas paulatim alias et in alias nationes  
defluentibus. Proinde sicut per aquarum diluvium  
una domus Noe remanserat ad reparandum genus  
humanum, sic in diluvio multarum superstitionum per  
universum mundum una remanserat domus Thare,  
in qua custodita est plantatio civitatis Dei. Denique  
sicut illic enumeratis supra generationibus usque ad  
Noe, simul cum annorum numeris, et exposita diluvi  
causa, priusquam Deus inciperet de arca fabricanda  
loqui ad Noe, dicitur: *Hæ generationes Noe*; ita et  
hic enumeratis generationibus ab illo, qui est appel-  
latus Sem, filio Noe, usque ad Abraham. Deinde in

singulis articulis similiter ponitur, ut dicatur: *Hæ  
sunt generationes Thare: Thare genuit Abram, et  
Nachor, et Aran.* Sequitur: Porro Aran genuit Loth.  
*Mortuusque est Aran ante Thare patrem suum in terra  
nativitatis suæ in Hur Chaldæorum.* Pro eo quod legi-  
mus in terra nativitatis suæ, in Hebræo habetur in  
*Hur Chesdim*, id est, in igne Chaldæorum. Tradunt  
autem Hebræi ex hac occasione istiusmodi fabulam,  
quod Abraham in ignem missus sit, quia ignem ad-  
orare noluerit; et quod Babylonio vallatus incendio  
et Dei auxilio liberatus de idololatriæ igne profuge-  
rit; quod in consequentibus scribitur egressum esse  
Thare cum sobole sua de regione Chaldæorum, pro  
eo quod in Hebræo habetur de Hur, hoc est, de in-  
cendio Chaldæorum, et hoc esse quod nunc dicitur:  
*Mortuus est Aran ante conspectum Thare patris sui, in  
terra nativitatis suæ, in igne Chaldæorum*, quod vide-  
licet nolens ignem adorare, igne consumptus sit.  
Sequitur:

(Vers. 29.) *Duxerunt autem Abram et Nachor uxores: nomen uxoris Abram, Sarai; et nomen uxoris  
Nachor, Melcha, filia Aran, patris Melchæ et patris  
Jeschæ.* Aran filius Thare, frater Abram et Nachor,  
duas filias genuit, Melcham et Sarai cognomento  
Jescham, e quibus Melcham accepit uxorem Nachor,  
et Sarai Abram. Necdum quippe inter patruos et fra-  
trum filias nuptiæ fuerant lege prohibiti, quæ in  
primis hominibus, etiam inter fratres et sorores in-  
iuntæ sunt. Sequitur:

(Vers. 30, 31.) *Erat autem Sarai sterilis, nec habebat  
liberos. Tulit itaque Thare Abram filium suum, et Loth  
filium Aran filii sui, et Sarai nurum suam uxorem  
Abram filii sui, et eduxit eos de Hur Chaldæorum, ut  
iret in terram Chanaan: veneruntque usque Aran, et  
habitaverunt ibi.* Narratur enim quemadmodum Thare  
cum suis reliquerit regionem Chaldæorum, et venerit  
in Mesopotamiam, et habitaverit ibi. Tacetur autem  
de uno ejus filio, qui vocabatur Nachor, tamquam  
eum non duxerit secum; sed invenimus postea, cum  
servum suum mitteret Abraham ad accipiendum ux-  
orem filio suo Isaac, ita scriptum est: *Et accepit puer  
decem camelos de camelis domini sui secum, et exur-  
gens profectus est in Mesopotamiam in civitatem Nachor.*  
Isto et aliis sacræ hujus historiæ testimoniis osten-  
ditur etiam Nachor exisse de regione Chaldæorum,  
sedesque constituisse in Mesopotamia, ubi cum patre  
suo habitaverat Abraham. Cur ergo Scriptura eum  
non commemoravit, quando ex gente Chaldæa cum  
suis profectus est Thare, et habitavit in Mesopota-  
mia, ubi non solum Abraham filius ejus, verum etiam  
Sarai nurus, et Loth nepos ejus commemorantur,  
quod eos duxerit secum? Cur putamus, nisi forte  
quod a paterna et fraterna pietate desciverat, et su-  
perstitioni adhæserat Chaldæorum, et postea inde  
sive pœnitendo, sive persecutionem passus, quod  
suspectus haberetur, et ipse migravit. Sequitur:

(Vers. 32.) *Facti sunt autem omnes dies Thare du-  
centorum quinque annorum, et mortuus est in Aran.*  
Quod alia translatio in Carra nominare solet. Non sic  
autem accipiendum est, quasi omnes hos dies ibi  
egerit; sed quia omnes dies vitæ suæ, qui fuerunt  
anni ducenti quinque, ibi compleverit; alioquin ne-  
sciretur quot annos vixerit Thare in Carra, quoniam  
non legitur quoto anno vitæ suæ in Carram venerit:  
et absurdum est existimare in ista serie generatio-  
num, ubi diligenter commemoratur, quot annos quis-  
que vixerit, hujus solius numerum annorum vitæ non  
commendatum esse memoriam. Quod enim quorum-  
dam, quos eadem Scriptura commemorat, tacentur  
anni, non sunt in hoc ordine in quo temporum dinu-  
meratio discessionem gignentium et genitorum succes-  
sione contextitur. Iste autem ordo, qui dirigitur ab  
Adam usque ad Noe, et inde usque ad Abraham, sine  
numero annorum vitæ suæ neminem continet. Quod  
vero commemorata morte Thare patris Abraham,  
deinde legitur: *Et dixit Dominus ad Abraham. Exi de  
terra tua, et de cognatione tua, et de domo patris tui,*



et cetera, sed et beatus Stephanus in Actibus Apostolorum cum ista narraret, inter cetera, sic ait: *Deus gloriæ apparuit Abraham patri nostro, cum esset in Mesopotamia, priusquam habitaret in Carra; et ait ad illum: Egredere de terra tua, et de cognatione tua, et de domo patris tui* (Act. vii). Secundum hæc verba beati Stephani, non post mortem patris ejus locutus est Deus ad Abraham, qui utique in Carra mortuus est, ubi cum illo et ipse filius habitavit, sed priusquam habitaret in eadem civitate, jam tamen cum esset in Mesopotamia; jam ergo exierat a Chaldeis. Quod itaque adjungit B. Stephanus: *Tunc Abraham egressus est de terra Chaldaeorum, et habitavit in Carra* (Act. vii): non quod sit factum posteaquam locutus est illi Deus; neque enim post illa Dei verba egressus est de terra Chaldaeorum, cum dicat ei locutum Dominum esse in Mesopotamia, sed ad totum illud tempus pertinet, quod ait, *tunc*, id est, ex quo egressus est a Chaldeis, et habitavit in Carra, et item quod sequitur: *Et inde postquam mortuus est pater ejus, collocavit illum in terra hac, in qua vos nunc habitatis et patres vestri*. Non ait, postquam mortuus est pater ejus, exiit de Carra; sed inde cum eum hic collocavit, postea mortuus est pater ejus. Intelligendum est igitur locutum Deum fuisse ad Abraham, cum esset in Mesopotamia, priusquam habitaret in Carra; sed cum in Carra pervenisse cum patre, retento apud se præcepto Dei; et inde exisse septuagesimo et quinto anno. Collocationem vero ejus in terra Chanaan, non profectionem de Carra, post mortem patris ejus factam esse dicit, quia jam mortuus erat pater ejus, quando emit terram, cujus sibi jam suæ cœpit rei esse possessor. Quod autem jam in Mesopotamia constituto, hoc est, jam egresso de terra Chaldaeorum dicit Deus, *Egredere de terra tua, et de cognatione tua, et de domo patris tui*; non ut corpus inde ejiceret, quod jam fecerat, sed animum avelleret, dicitur; non enim inde exierat animo, si spe redeundi et desiderio tenebatur, quæ spes et desiderium, Deo jubente ac juvante, et illo obediente, fuerat amputandum. Non sane incredibiliter existimatur, cum postea secutus esset Nachor patrem suum, tunc Abraham præceptum Domini impleisse, ut cum Sara conjuge sua, et Loth filio fratris sui exiret de Carra. Jam considerande sunt promissiones Dei factæ ad Abraham, in his enim apertiora Dei nostri, hoc est, Dei veri oracula apparere cœperunt de populo piorum, quem prophetica prænuñtiavit auctoritas. Harum prima ita legitur:

(Cap. XII. — Vers. 4 seqq.) *Et dixit ad Abraham, Egredere de terra tua, et de cognatione tua, et de domo patris tui, et veni in terram quam tibi monstravero, et faciam te in gentem magnam, et benedicam tibi, et magnificabo nomen tuum, erisque benedictus. Benedicam benedicientibus tibi, et maledicam maledicentibus tibi, atque in te benedicentur universæ cognationes terræ.* Advertendum est igitur duas res promissas Abraham: unam scilicet, quod terram Chanaan possessurum fuerat semen ejus, quod significatur, ubi dictum est: *Vade in terram quam tibi monstravero, et faciam te in gentem magnam.* Aliam vero longe præstantiorem, non de carnali, sed de spiritali semine, per quod pater est, non minus gentis Israeliticæ, sed omnium gentium quæ fidei ejus vestigia consequuntur: quod promitti cœpit his verbis: *Et benedicentur in te omnes tribus terræ.* Hanc promissionem factam arbitratur Eusebius septuagesimo quinto anno a tate Abraham, tamquam mox, ut facta est, de Carra exierit Abraham; quoniam Scripturæ contradicere non potest, ubi legitur: *Abraham erat septuaginta quinque annorum cum exiit de Carra.* Sed si eo anno facta est ista promissio, jam utique in Carra cum patre suo demorabatur Abraham, neque enim exire inde posset, nisi prius ibi habitasset. Numquidnam ergo contradicatur Stephano dicenti: *Deus gloriæ apparuit Abraham patri nostro, cum esset in Mesopotamia, priusquam habitaret*

A *in Carra?* Sed intelligendum est, quod eodem anno facta sint omnia, et Dei promissio, antequam in Carra habitaret Abraham, et in Carra habitatio ejus, et inde profectio: non solum quia Eusebius in Chronicis ab anno hujus promissionis computat et ostendit post quadriagentos et triginta annos exitum esse de Ægypto, quando lex data est; verum etiam quia id commemorat apostolus Paulus. Egressus est ergo Abraham de Carra septuagesimo quinto anno ætatis suæ, et habebat in regno Ninus Assyriorum rex quadraginta tres annos, quando natus est Abraham, qui erat annus circiter millesimus ducentessimus ante conditam Romam, velut alteram in occidente Babyloniam. Centesimo et quadragesimo quinto patris sui, cum Loth filio fratris sui et Sara conjuge, perrexit in terram Chanaan, et pervenit usque ad Sichem, ubi rursus divinum accepit oraculum. Quis autem alius exiit in Abraham de terra sua, et de cognatione sua, ut apud ceteros locupletaretur et es et in gentem magnam, nisi Christus, qui, relicta terra et cognatione Judæorum, præpollet nunc in gentibus? Item moralis expositio hæc habet: Eximus de terra nostra, quando divitias mundi hujus, facultatesque contemnimus; et de cognatione nostra, id est, vitiis prioribus, quæ nobis a nativitate nostra coherentia, velut quadam affinitate et consanguinitate conjuncta sunt; et de domo patris nostri, id est, de omni memoria mundi hujus, quæ oculorum occurrit obtutibus. Sequitur:

(Vers. 5, 6) *Et egressi sunt, ut irent in terram Chanaan; cumque venissent in eam, pertransiit Abraham terram usque ad locum Sichem, et usque ad convallem illustrem.* Sichem ipsa est quæ et Salem quæ Latine et Græce Sicima vocata est, civitas Jacob, et sita est in finibus tribus Effraim. Sed et filius Emor appellatus est Sichem, a quo locus nomen accepit. Fuit autem et alia Sichem in monte Effraim, civitas fugitivorum. Sequitur:

(Vers. 7.) *Apparuitque Dominus Abraham, et dixit ei: Semini tuo dabo terram hanc. Qui ædificavit ibi altare Domino, qui apparuit ei.* Nihil hic de illo semine promissum est, in quo pater factus est omnium gentium; sed de illo solo, de quo pater est unius Israeliticæ gentis. Ab hoc semine terra ipsa possessa est. Deinde ædificato ibi altari, et invocato Deo, Abraham profectus est inde, et habitavit in eremo. Sequitur:

(Vers. 10 seqq.) *Facta est autem fames in terra, descenditque Abraham in Ægyptum, ut peregrinaretur ibi.* Prævaluerat enim fames in terra. Cumque prope esset ut ingrederetur Ægyptum, dixit Sarai uxori suæ: *Novi quod pulchra sis, mulier, et quod cum viderint te Ægyptii, dicturi sint: Uxor ipsius est, et interficient me, et te re.ervabunt. Dic ergo, obsecro te, quod soror mea sis, ut bene sit mihi propter te, et vivat anima mea ob gratiam tuam.* Cum inter ignotos propter excellentissimam pulchritudinem Saræ et ejus pudicitia et mariti vita esset in dubio, nec utrumque tueri posset Abraham, conjugis pudicitiam tuendam committens Deo, et humanas insidias cavens ut homo, quoniam si periculum, quantum caveri poterat, non caveret, magis tentaret Deum quam speraret in Deum, fecit quod potuit: quod autem non potuit, illi commisit, neque enim Deus ab illo mortem non poterat repellere, quam timebat; eumque cum conjuge sua ab omni perniciem in illa peregrinatione tutari, ut nec uxor ejus, quamvis esset pulcherrima, appeteretur ab aliquo, nec propter illam moreretur. Si interrogatus Abraham, illam feminam indicasset uxorem suam esse, duas res tuendas committeret Deo, et suam vitam, et conjugis pudicitiam, neque enim utrum ejus uxor esset, interrogatus non esse respondit, sed cum ab eo quæreretur quid ei esset illa mulier, indicavit sororem, non negavit uxorem, erat enim et hoc, quia propinqua erat sanguine, ita uxorem tacuit, non negavit. Sequitur:

(Vers. 14 seqq.) *Cum itaque ingressus esset Abraham Ægyptum, viderunt Ægyptii mulierem, quod es-*



pulchra nimis, et nuntiaverunt principes Pharaoni, et laudaverunt eam apud illum, et sublata est mulier in domum Pharaonis. Abraham vero bene usi sunt propter illam. Flagellavit autem Deus Pharaonem plagis maximis, et domum ejus, propter Sarai uxorem Abraham. Vocavitque Pharaon Abraham, et dixit ei: Quidnam est quod fecisti mihi? quare non indicasti quod uxor tua esset? Quam ob causam dixisti esse sororem tuam, ut tollerem eam mihi in uxorem? Nunc igitur ecce uxor tua, accipe eam et vade. Denique factum est, quod de Domino præsumpsit Abraham, nam Pharaon rex Ægypti, qui eam sibi uxorem acceperat, graviter afflictus, marito reddidit: ubi absit ut credamus alieno concubitu fuisse pollutam, quia multo est credibilius hoc facere Pharaonem afflictionibus magnis non fuisse permissum. Tamen potest et aliter excusari, quod juxta librum Hester, quæcumque mulier placuisset regi apud veteres, sex mensibus ungebatur oleo myrteo, et sex mensibus in pigmentis variis erat et rationibus seminarum, et tunc demum ingrediebatur ad regem; atque ita potest esse ut Sarai postquam placuerat regi, dum per annum ejus ad regem præparabatur introitus, et Abrahæ Pharaon multa donaverit, et Pharaon postea sit percussus a Domino, illa adhuc intacta ab ejus concubitu permanente. Sequitur:

(Cap. XIII. — Vers. 1 seqq.) Ascendit ergo Abraham de Ægypto, ipse et uxor ejus, et omnia quæ habebat, et Loth cum eo, ad australem plagam: erat autem dives valde in possessione auri et argenti. Sed et Loth, qui erat cum Abraham, fuerunt greges ovium et armenta, nec poterat eos capere terra, ut habitarent simul. Erat quippe substantia eorum multa. Reverso igitur Abraham ex Ægypto in locum unde venerat, tunc Loth fratris filius ab illo in terram Sodomorum salva charitate secessit. Divites quippe facti erant, pastoresque pecorum multos habere cœperant, quibus inter se rixantibus, eo modo familiarum suarum pugnam discordiam vitaverunt. Poterat quippe hinc, ut sunt humana, etiam inter ipsos aliqua rixa consurgere. Proinde hoc malum præcaventis Abrahæ verba ista sunt ad Loth: Non sit rixa inter me et te, et inter pastores meos et pastores tuos, quia omnes nos fratres sumus. Nonne ecce tota terra ante te est? Discede, obsecro, a me: si tu in sinistram, ego in dextram; vel si tu in dextram, ego in sinistram. Hinc fortassis effecta est inter homines pacifica consuetudo, ut quando terrenorum aliquid partiendum est, major dividat, minor eligat. Cum ergo digressi essent, separatimque habitarent Abraham et Loth, necessitate sustentandæ familiar, non scditate discordiæ, et Abraham in terra Chanaan, Loth vero habitare cœpit in Sodomis. Abraham, qui interpretatur excelsus pater, quem alium significat, nisi Dominum Jesum Christum, qui ait per prophetam: Patrem vocabis me, et post me ingredi non cessabis, et cui omnes fideles supplicant dicendo: Pater noster, qui es in cælis (Matth. vi). Qui rite excelsus dicitur, quia ipse habitat in cælis, sicut Psalmista de illo testatur: Ad te levavi oculos meos, qui habitas in cælis (Ps. cxii). Loth vero, qui interpretatur declinans, significat populum Judæorum, qui declinaverunt ab illo qui est via, veritas et vita, et claudicaverunt a semitis suis. Pastores Abrahæ significaverunt sanctos apostolos; oves, cæteram multitudinem fidelium; de quibus ipse ait: Oves meæ vocem meam audiunt; et iterum: Alias oves habeo, quæ non sunt ex hoc ovili (Joan. x). Pastores autem Loth, præfiguraverunt Scribas et Phariseos: non quia hoc erant, sed quod falso se hoc esse jactabant; quos Dominus non appellat pastores, sed fures et latrones. Jurgium pastorum quid aliud significavit, nisi conflictum utriusque partis, piæ et impiæ? Substantia eorum, populi multitudo fidelium et infidelium, piorum et impiorum. Illud vero quod dixit Abraham ad Loth: Ne, quæso, sit jurgium inter me et te, et inter pastores meos et pastores tuos; recede a me, obsecro: ecce universa terra coram te est: si tu ad sinistram ieris, ego dexteram tenebo; si tu dexteram ele-

geris, ego ad sinistram pergam: quid per dextram et sinistram, nisi utrumque significatur Testamentum? de quo ait Ecclesia in Canticis canticorum: Læva ejus sub capite meo, et dextera illius amplexabitur me (Cant. ii): quasi enim in dexteram partem declinaverunt Judæi, quando ignorantes Dei justitiam, et suam volentes constituere, justitiæ Dei non fuerunt subjecti. Sed ille quasi sinistram elegit, quando ait, Non veni vocare justos, sed peccatores (Luc. v); et iterum: Amen dico vobis, quia ita gaudium erit in cælis super uno peccatore pœnitentiam agente, quam super nonaginta novem justis qui non indigent pœnitentia. Sed ad sinistram iterum illi elegerunt, quando dixerunt: Hic homo non est a Deo, qui sabbatum non custodit (Joan. ix); et ad Pilatum: Hic si non esset malefactor, non eum tibi tradidissemus (Joan. xviii). Sed Dominus iterum in suis prædicatoribus dexteram elegit, quando post suam resurrectionem præcepit, dicens: Euntes in mundum universum, prædicate evangelium omni creaturæ (Matth. ult.); et iterum: In judicium ego in hunc mundum veni, ut qui non vident, videant, et qui vident, cæci fiant (Joan. ix). Quod vero idem Loth recessit ab oriente, et elegit sibi regionem circa Jordanem, quid aliud significavit, nisi quod Judaicus carnalis populus, relicta pollicitatione cœlestium, totam spem suam defixit in amore temporalium rerum? Et postmodum quod habitavit in Sodomis, hoc significavit, quod pejor effectus est, quam gentes, quæ ignorant Deum; dummodo quem illi ignorant, hi blasphemant, impletumque est illud quod Palmista ex eorum persona cecinit, dicens: Et dimisi eos secundum desiderium carnis eorum, ibant in adinventionibus suis (Ps. lxxx). Sequitur:

(Vers. 14 seqq.) Dixitque Dominus ad Abraham, postquam divisus est Loth ab eo: Leva oculos tuos, et vide a loco in quo nunc es ad aquilonem et meridiem, et ad orientem, et ad occidentem; omnem terram quam conspicias tibi dabo et semini tuo usque in sempiternum, faciamque semen tuum sicut pulverem terræ; si quis potest hominum numerare pulverem, semen quoque tuum numerare poterit. Surge, et perambula terram in longitudine et in latitudine sua: quia tibi daturus sum eam. Movens igitur Abraham tabernaculum suum, venit et habitavit juxta convallem Mambre, quod est Hebron, ædificavitque ibi altare Domino. In hac promissione utrum sit etiam illa qua pater factus est omnium gentium, non evidenter apparet: potest enim ad hoc videri pertinere, et faciam semen tuum tamquam arenam terræ: quod ea locutione dictum est, quam Græci vocant hyperbolem, quæ utique tropica est, non propria, quo tamen modo, ut cæteris tropis uti solere Scripturam, nullus qui eam didicit, ambigit. Iste autem tropus, id est, modus locutionis fit, quando dicitur: Longe est amplius quam quod eo dicto significatur; quis enim non videat quam sit incomparabiliter amplior arenæ numerus, quam potest esse hominum omnium genus ab ipso Adam usque ad terminum sæculi? Quanto ergo magis quam semen Abrahæ, non solum quod pertinet ad Israeliticam gentem, verum etiam quod est, et futurum est, secundum imitationem fidei toto orbe terrarum in omnibus gentibus? Quod semen in comparatione multitudinis impiorum profecto in paucis est, quamvis et ipsi pauci fiant, secundum innumerabilem multitudinem suam, quæ significata est secundum hyperbolem suam, quæ arenam terræ. Sane ista multitudo, quæ promittitur Abrahæ, non Deo est innumerabilis, sed hominibus; Deo autem nec arena terræ. Proinde, quia non tantum gens Israelitica, sed universum semen Abrahæ, ubi esset promissio non secundum carnem, sed secundum spiritum plurium filiorum, congruentius arenæ multitudini comparatur, potest hinc intelligi utriusque rei facta promissio; sed ideo diximus, quod non evidenter apparet, quia et illius gentis unius multitudo, quæ secundum carnem, nata ex Abraham, per ejus nepotem Jacob in tantum crevit, ut pene omnes partes orbis impleverit; et ideo potui



et ipse secundum hyperbolem arenæ multitudini comparari, quia et hæc sola innumerosa est homini. Terram certe illam solam significatam, quæ appellata est Chanaan, ambigit nemo. Sed quod dictum est: *Tibi dubo eam et semini tuo usque in sæculum*, potest movere nonnullos, si usque in sæculum, intelligatur in æternum. Si autem sæculum hoc loco accipiant sic, quemadmodum fideliter tenemus initium futuri sæculi a fine præsentis ordiri, nihil eos movebit: quia etsi expulsi sunt Israelitæ de Hierosolymis, manent tamen in aliis civitatibus terræ Chanaan, et usque in finem manebunt, et universa illa terra cum a Christianis inhabitatur, etiam ipsum semen est Abraham. Hoc responso accepto promissionis, migravit Abraham, et mansit in alio ejusdem terræ loco, id est, juxta quercum Mambre, quæ erat in Chebron. Chebron quæ quondam vocabatur Arbe, corrupte in nostris codicibus Arboch scribitur, cum in Hebræis legatur Arbe, id est, quatuor: eo quod ibi tres patriarchæ Abraham, Isaac et Jacob sepulti sint, et Adam magnus, ut in Jesu Nave libro scriptum est: licet eum quidam conditum in loco Calvarie suspicentur. Hæc est autem eadem Chebron olim metropolis Philistinorum et habitaculum gigantum, regnumque postea David in tribu Juda, civitas sacerdotalis et fugitivorum: distat ad meridianam plagam ab Hierusalem millibus circiter viginti duobus, et quærens Abram, quæ est Mambre, permanens usque ad Constantii regis imperium, et mansiuncula ejus impræsentiarum cernitur: cumque a nostris ibidem ecclesia jam instructa sit, a cunctis in circuitu gentibus terebinthi locus superstitione colitur, eo quod sub eo Abraham angelos quondam hospitio suscepit. Fuit autem metropolis Enachim, quos gigantes intelligere debemus. Sequitur:

(Cap. XIV. — Vers. 1 seqq.) *Factum est illo tempore, ut Amraphel rex Sennar, et Arioch rex Ponti, et Chodorlahomor rex Ælamitarum, et Thadal rex gentium, inirent bellum contra Bara regem Sodomorum, et contra Bersa regem Gomorræ, et contra Senaab regem Adamæ, et contra Semeber regem Seboim, contraque regem Bala, ipsa est Sego. Omnes hi conveniunt in vallem silvestrem, quæ nunc est mare Salis. Duodecim annis servierunt Chodorlahomor, et tertio decimo anno recesserunt ab eo. Igitur anno quarto decimo Chodorlahomor, et reges qui erant cum eo, percusseruntque Raphat in Astaroth Carnaim et Suzim cum eis et Emim in Save Cariathaim, et Chorrhaos in montibus Seir, usque ad campestria Pharan, quæ est in solitudine: reversique sunt et venerunt ad fontem Misphat, ipsa est Cadès, et conciderunt gigantes in Astaroth Carnaim, et gentes fortes simul cum eis, et omnes eos in Save civitate antequam Sodomam pervenirent. Quatuor reges profecti de Babylonia interfecerunt gigantes, hoc est, Raphaim, robustos quosque Arabiæ; et Zozim et Emim in civitate Save, quæ usque hodie sic vocatur. Zozim autem et Emim, terribiles et horrendi interpretantur.*

(Vers. 7.) *Et reverentes venerunt ad fontem Misphat, ipsa est Cades.* Per anticipationem hoc nomen dicitur, quod postea sic vocatum est: significat locum apud petram, qui fons Judicii nominatur, quia ibi Deus populum judicaret. *Et percusserunt omnem regionem Amalechitarum, et Amorræum qui habitabat in Asasonthamar.* Hoc oppidum est quod nunc vocatur Engaddi, balsami et palmarum fertile. Porro Asasonthamar in lingua nostra resonat urbs Palmarum; thamar quippe palma dicitur. Astaroth pars est eremi ubi Maria et Aaron contra Moysen locuti sunt, civitas quondam Ug regis Basan. Carnaim, Astaroth vicus est grandis trans fluentia Jordanis; traduntque ibi fuisse domum Job.

(Vers. 11 seqq.) *Et tulerunt omnem substantiam Sodomorum et Gomorræ; necnon et Loth, et suburbani ejus. Et ecce unus, qui evaserat, nuntiavit Abraham Hebræo, qui habitabat in convalle Mambre Amorræi, fratris Escol, et fratris Aner.* Ostendit Mambre, et

A Escol, et Aner Amorræos atque germanos socios fuisse Abraham. Et percusserunt eos usque Dan ad Phœnices oppidum, quod nunc Paneas dicitur. Dan autem unus est de fontibus Jordanis: nam et alter vocatur Jor, quod interpretatur Rithron, id est, rivus. Duobus ergo fontibus qui non procul a se distant, in unum rivulum fœderatis, Jordanis deinceps dicitur. Deinde abductis his qui Sodomis irruerant, cum quinque reges adversus quatuor bellum gererent, et victis Sodomitis etiam Loth captus esset, liberavit eum Abraham, abductis secum in prælium trecentis decem et octo vernaculis suis, et victoriam fecit regibus Sodomorum, nihilque spoliolum auferre voluit, cum rex cui vicerat obtulisset. Sed quid hæc victoria Abraham de quinque regibus indicabat, quos ille fidei pater mysterio superavit, nisi quod fides nostra sic confirmata sit in spiritu principali, ut totidem corporis nostri sensus Dei verbo subigat? Nam sicut ille de proximo in regibus victor, ita et fides per animam victrix de exteriori homine triumphat. Quod vero B ille non in multitudine, nec virtute legionum, sed tantum in trecentis decem octo comitantibus, adversarios principes debellavit, jam tunc in sacræ crucis figuram, quæ per T, litteram Græcam, et Jesu nomen, qui *iota et theta* Græcis characteribus scribitur, qui Salvator interpretatur, in numero trecentorum decem et octo exprimitur; quod nos Christi passio liberaret a dominatu quinque carnalium sensuum, qui nos antea variis vitiis captivantes exsuperaverant. Sequitur:

(Vers. 18 seqq.) *At vero Melchisedech rex Salem protulit panem et vinum, erat enim sacerdos Dei excelsi; benedixitque illi, et ait: Benedictus Abraham Deo excelsio, qui creavit cælum et terram, et benedictus Deus altissimus, quo protegente, hostes in manibus tuis sunt; qui tradidit ei decimas ex omnibus.* Tradunt Hebræi hunc esse Sem primum filium Noe, et eo tempore quo ortus est Abraham, habuisse ætatis annos trecentos et nonaginta, qui ita supputantur: post di-

C luvium anno secundo cum centum esset annorum Sem, genuit Arphaxat. Post cujus ortum vixit annos quingentos, hoc est simul sexcentos. Arphaxat anno natus trigesimo quinto genuit Sale, qui et ipse natus tricenarius procreavit Heber, quem triginta quatuor annorum legimus genuisse Phalec, qui rursus, expletis annis triginta, genuit Rehu, qui et ipse post trigesimum et quintum annum edidit Seruch, de quo cum ad triginta pervenisset annos, ortus est Nachor, qui triginta novem annorum genuit Thare, quem legimus quod septuagenarius genuerit Abram et Nachor et Aran. Supputa per singulas ætates annorum numerum, et invenies ab ortu Sem usque ad generationem Aram trecentos et nonaginta annos; mortuus est autem Abram centesimo et septuagesimo quinto ætatis suæ anno. Ilac ratione deducta, invenietur Sem abnepoti suo decimi gradus Abraham supervixisse annos triginta quinque. Simulque de hoc tradunt quod usque ad sacerdotium Aaron omnes primogeniti ex istius genere, cujus series et ordo describitur, fuerint sacerdotes, et Deo victimas immolarint; et hæc esse primogenita, quæ Esau fratri suo Jacob vendiderit; nec esse mirum, si Melchisedech victori Abraham processerit obviam, et in refectione tam ipsius quam pugnatorum ejus, panem vinumque protulerit, et benedixit ei, cum abnepoti suo hoc jure deberet; et decimas prædæ atque victoriæ acceperit ab eo, sive quoniam habetur ambiguum utrum ipse dederit et decimas substantiæ suæ, et habitam largitatem ostenderit in nepotem. Utrumque enim intelligi potest, et juxta Hebraicum et Septuaginta interpretes, quod et ipse acceperit decimas spoliolum, et Abraham dederit decimas substantiæ suæ; quamquam Apostolus in Epistola ad Hebræos apertissime definiat, non Abram suscepisse a Melchisedech decimas divitiarum ejus, sed de spoliis hostium partem accepisse pontificem (Hebr. iii). Salem autem non, ut



Egesippus et nostrorum omnes arbitrantur, est Hierusalem, nomen ex Græco Hebræoque compositum : quod absurdum esse peregrine Linguae mixtura demonstrat, sed est oppidum juxta Scythopolim, quod usque hodie appellatur Salem. Ostenditur quoque ibi palatium Melchisedech ex magnitudine ruinarum veteris operis ostendens magnificentiam, de quo in exteriori parte quoque Genesios scriptum est, *Venit Jacob in Socho (id est, in tabernacula) et fecit sibi ibi domos atque tentoria, et transivit in Salem civitatem regionis Sichem, quæ est in terra Chanaan (Gen. xxxiii).* Considerandum quoque quando Abrahæ a cæde hostium revertenti, quos persecutus est usque Dan, quæ hodie Paneas appellatur, non de via Hierusalem, sed de oppido metropoleos Sichem in itinere fuerit, de quo in Evangelio legimus, *Erat autem Joannes baptizans in Arnou juxta Salim, quia aquæ multæ erant ibi (Joan. iii).* Nec refert utrum Salem an Salim nominetur, cum vocalibus in medio litteris perraro utantur Hebræi, et pro voluntate lectorum ac voluntate regionum eadem verba diversis sonis atque accentibus proferant. Hæc aberuditissimis gentis illius didicimus, qui in tantum non recipiunt Spiritum sanctum vel angelum fuisse Melchisedech, ut etiam certissimum hominis nomen ascribant. Et revera stultum est id quod in typo dicitur, eo quod Christi sacerdotium finem non habeat, et ipse rex et sacerdos nobis utrumque donaverit, ut simus genus regale et sacerdotale, et quasi angularis lapis utrumque conjunxerit parietem, ut de duobus gregibus bonus pastor unum efficeret gregem; sic quosdam referre ad anagogem, ut *historiæ auferant veritatem*, et dicant non fuisse regem, sed in imagine hominis angelum demonstratum; dum in tantum nitantur Hebræi Melchisedech regem Salem, filium Noe Sem ostendere, et ante scriptum referant, *Egressus est autem rex Sodomorum in occursum ei*; haud dubium quin Abraham, postquam reversus est a cæde Chodorlahomor et regum qui cum eo erant in valle Save, hæc est vallis regis; de quo statim sequitur : *Et Melchisedech rex Salem protulit panem et vinum*, et reliqua. Si ergo hæc civitas regis est, et vallis regis, sive, ut Septuaginta transtulerunt, campus, quem hodie Aulonem Palæstini vocant; Aulon vero non Græcum, ut quidam putant, sed Hebræum vocabulum est : appellatur autem vallis grandis et campestris, in immensam longitudinem se extendens, quæ circumdatur ex omni parte montibus sibi invicem succedentibus et coherentibus, qui incipientes a Libano et ultra eum, usque ad desertum Pharan perveniunt : Suntque in ipso Aulone, id est in valle campestri urbes nobiles, Scythopolis, Tiberias, stagnum quoque Genezareth, sed et Hiericho, mare Mortuum, et regiones in circuitu, per quas medius Jordanis fluit, oriens de fontibus Paneadis, et in mari Mortuo interiens : manifestum est Melchisedech hominem fuisse, qui in terrena et valle et urbe regnavit. *Hic enim Melchisedech, qui interpretatur rex justitiæ, civitatis videlicet Salem, quæ interpretatur pax, sacerdosque Dei summi, panem et vinum in sacrificium offerens*, cui et de præcipuis prædiis Abram patriarcha decimas legitur obtulisse, a quo et benedictus est : qui enim benedicit major est quam qui benedicitur : unde et sacerdotes ex semine Abrahæ nati fratres suos benedicebant, id est, filios Israel, quibus illi decimas dabant secundum legis mandatum, vere ut majoribus et eminentioribus sibi, *sine patre*, ut Apostolus ait, *sine matre, sine genealogia* : nec initium dierum, nec finem vitæ habens (Heb. vii) : quod utique nulli hominum congruere potest, nisi in Domino soli. In eo enim quod subito nomen ejus inducitur, et ex qua stirpe sit procreatus, nequaquam penitus indicator; ac de initio vitæ ejus, vel fine, nec ante, nec postmodum quidquam refertur : Dei Filio Domino nostro assimilatur. Ipse est enim solus de patre, sine matre genitus per divinitatem; ipse de matre sine patre per humanitatem; ipse quoque sacerdos æternus, ad

A quem dicitur, *Tu es sacerdos in æternum, secundum ordinem Melchisedech (Ps. cix)*; ipse justitia et pax, rex et sacerdos : rex videlicet ex Deo Patre, sacerdos ex Virgine matre; sine matre enim eum fuisse, manifestum est ex patre, cum dicitur ab Evangelista, *In principio erat Verbum, et Verbum erat apud Deum, et Deus erat Verbum; hoc erat in principio apud Deum; omnia per ipsum facta sunt, et sine ipso factum est nihil (Joan. i).* Sine patre quoque eum exstitisse ex matre, Evangelista pronuntiat, cum Mariæ angelus loquitur, *Spiritus sanctus superveniet in te, et virtus Altissimi obumbrabit tibi* : propterea quod nascetur ex te sanctum, vocabitur *Filius Dei (Luc. i).* Sine aliqua etiam sacerdotali genealogia homo exstitit ex hominibus, utpote non ex tribu Levi ortus, sed ex tribu Juda : ex qua tribu nihil de sacerdotali præcepto accepit : utique propter mysterium sacramenti quod Christianis celebrare præceptum est, ut non secundum Aaron pecudum victimas, sed oblationem panis et vini, id est, corporis et sanguinis ejus sacramentum in *sacrificium offeramus*. Ibi quippe primum apparuit sacrificium quod nunc a Christianis offertur Deo toto orbe terrarum; impleturque illud quod longe post hoc factum per prophetam dicitur ad Christum, qui fuerat adhuc venturus in carne, *Tu es sacerdos in æternum secundum ordinem Melchisedech (Ps. cix)* : non scilicet secundum Aaron, qui ordo fuerat auferendus, illucescentibus rebus quæ illis umbris enotabantur. Quod vero patriarcha magnus decimas omnis substantiæ suæ Melchisedech sacerdoti post benedictionem dedit, sciens spiritaliter melius sacerdotium futurum in populo gentium quam Leviticum, quod in Israel de ipso erat nasciturum, futurumque ut sacerdotium Ecclesiæ habens præputium, benediceret in Abram circumciso sacerdotium Synagoge. Sequitur :

(Cap. XV. — Vers. 1 seqq.) *His ita transactis, factus est sermo Domini ad Abram per visionem, dicens, Noli timere, Abram, ego protector tuus sum, et merces tua magna nimis. Dixitque Abram, Domine Deus, quid dabis mihi? Ego vadam absque liberis, et filius procuratoris domus meæ iste Damascus Eliezer. Addiditque Abram, Mihi autem non dedisti semen, et ecce vernaculus meus hæres meus erit. Semini Abram jam facta erat promissio et innumerabilis multitudinis abundantia; nondum tamen erat patefactum quo modo illius seminis esset futura promissio, utrum ex carne Abrahæ, si de ipso generaret; an ex voluntate, si aliquem forte adoptaret : itaque Abram cum sibi videret non nasci filios, et tamen semini factam promissionem cerneret, primo de adoptione cogitabat. Hoc indicat quod, cum Deo loquens, ait de vernaculo suo, *Hic hæres meus erit*, tamquam diceret : Quia de memetipso mihi semen non dedisti, in isto comple, quod meo semini promisisti. Si enim semen cujusque non appellaretur, nisi quod de ejus carne nasceretur, nec nos appellaret Apostolus semen Abrahæ (Rom. xi; Hebr. ii); qui certe originem carnis de illo non ducimus, sed imitatione fidei, semen ejus facti sumus, credentes in Christo, cujus caro ex illius carne propagata est. Tunc Abram audivit a Domino, *Non hic erit hæres tuus; sed qui exiet de utero tuo, ipse erit hæres tuus*. Jam nunc adoptionis cogitatione sublata, cum de se ipso semen speraret Abram, restabat incertum utrum ex Sara an ex alia; quod illi Deus occultare voluit, donec prius ex illa vetus figuraretur testamentum. Sequitur :*

(Vers. 5, 6.) *Eduxitque illum foras, et ait illi, Suspice cælum, et numera stellas, si potes. Et dixit ei, Sic erit semen tuum. Credidit Abram Deo, et reputatum est illi ad justitiam. Rursumque semen innumerable, non sicut arena terræ, sed stellæ cæli; ubi mihi magis videtur promissa posteritas cælesti felicitate sublimis, nam quantum ad multitudinem pertinet, quid sunt stellæ cæli ad arenam terræ? Nisi quis et istam comparisonem in tantum esse similem dicat, in quantum etiam stellæ dinumerari non*



possunt, quia nec eas omnes videri posse credendum est, nam quanto quisque acutius intuetur, tanto plures videt : unde et acerrime cernentibus, aliquas esse merito existimatur, exceptis eis sideribus quæ in alia parte orbis a nobis remotissima oriri et occidere perhibentur. Sequitur : *Credidit Abram Deo, et reputatum est illi ad justitiam* (Rom. iv). Hinc sane illa sententia ponitur, cujus Apostolus meminit propter Dei gratiam commendandam, ne circumcisis gloriaretur, gente-que incircumcisas ad fidem Christi nollet admitti : hoc enim quando factum est, ut credenti Abrahæ deputaretur fides ad justitiam, nondum fuerat circumcisis. Sequitur :

(Vers. 7 seqq.) *Dixitque ad eum Dominus, Ego Dominus qui eduxi te de Hur Chaldæorum, ut darem tibi terram istam, et possideres eam.* Ubi cum interrogas et Abram secundum quod sciret quod possessorus esset eam, respondens Dominus ait illi, *Sumo, inquit, mihi vaccam triennem, et capram trimam, et arietem annorum trium, turturem quoque et columbam. Qui tollens universa hæc, divisit ea per medium, et utrasque partes contra se altiuscus posuit; aves autem non divisit.* Non enim ait, Unde sciam, quasi adhuc non crederet; sed ait, *Secundum quod sciam, ut ei rei quam crediderat aliqua similitudo adhiberetur, qua ejus modus agnosceretur; sicut non est Virginis Mariæ dissidentia, quod ait : Quo modo fiet istud, quoniam virum nec cognosco* (Luc. i)? Quod enim futurum esset, certa erat; modum quo fieret inquirebat : et hoc cum quæsisset, audivit. Denique et hic similitudo de animalibus, juvenca, et capra, et ariete, et duabus volucribus, turture et columba, ut secundum hæc futurum sciret quod futurum jam esse non ambigeret. Per vaccam significata est plebs ipsa, posita sub jugo legis; per capram, eadem plebs peccatrix futura; per arietem, eadem plebs regnatura. Quæ animalia propterea tria dicuntur, quia cum sicut insignes articuli temporum ab Adam usque ad Noe, inde usque ad Abram, et inde usque ad David, qui reprobato Saule primus in regno gentis Israelicæ Domini est voluntate fundatus, in hoc ordine tertio, qui tenditur ex Abram usque ad David, tamquam tertiam ætatem gerens, ille populus adolevit. In turture quoque illi sunt intelligendi quos Apostolus dicit, *in solitudinibus errantes, ac montibus et speluncis, seu in cavernis terræ, quibus dignus non erat mundus* (Heb. xi). In columba præfigurati sunt prophete, qui sancto repleti Spiritu, populis denuntiabant futura. Sive etiam per turturem et columbam, spirituales in illo populo figurati sunt, individui filii promissionis et hæredes regni futuri, quorum vitas temporalis ideo tacetur, quia æterna meditates, transgressi sunt desideria temporalia; et ideo dictum est, *Aves autem non divisit*, quoniam carnales inter se dividuntur, spirituales autem nullo modo, sive a negotiosis conversationibus hominum se removeant, sicut turtur, sive inter illas degant, ut columba. Utraque tamen avis est simplex et innoxia, significans et in ipso Israelitico populo, cui terra danda erat, futuros individuos filios promissionis et hæredes regni, in æterna felicitate mansuri. Sequitur :

(Vers. 11.) *Descenderuntque volucres super cada-vera, et abigebat eas Abram.* Illius enim merito sæpe liberatus est Israeliticus populus, et defensatus : b infestatione gentium diversarum. Aves autem descendentes supra corpora quæ divisa erant, non boni aliquid, sed spiritus indicant aeris hujus pastum quemdam suum de carnalium divisione quærentes. Quod autem illas abigebat Abram, significat etiam inter illas carnalium divisiones, veros usque in finem perseveraturos fideles. Sequitur :

(Vers. 12.) *Cumque sol occumberet, sopor irrui-t super Abram, et horror magnus et tenebrosus invasit eum.* Significat circa hujus finem sæculi magnam perturbationem ac tribulationem futuram fidelium, de qua Dominus dicit in Evangelio, *Erit enim tunc tribulatio*

*A magna, qualis non fuit ab initio* (Matth. xxiv). Sequitur :

(Vers. 13, 14.) *Dictumque est ad eum, Scito præ-noscens quod peregrinum futurum sit semen tuum in terra non sua, et subjicient eos servituti, et affligent eos quadringentis annis; verumtamen gentem cui servi-turi sunt ego judicabo, et post hæc egredientur cum magna substantia.* De populo Israel, qui fuerat in Ægypto serviturus, apertissime prophetavit : non quod in eadem servitute sub Ægyptiis affligentibus quadringentos annos ille populus fuerat peracturus, sed in ipsis quadringentis annis præ-nuntiaturum est hoc futurum : quemadmodum scriptum est de Thare patre Abrahæ, *Et fuerunt dies Thare in Carra du-centi quinque anni* : non quia ibi omnes transacti sunt, sed quia ibi completi sunt : ita et hic interpo-situm, *Et in servitute redigent eos et affligent eos quadringentis annis*, quoniam iste numerus in eadem afflictione completus est, non quia ibi universus peractus est. Quadringenti sane dicuntur anni propter numeri plenitudinem, quamvis aliquanto am- plius sint : sive ex hoc tempore computentur quo ista promittebantur Abrahæ, sive ex quo natus est Isaac, propter semen Abrahæ, de quo ista prædi-cuntur. Computantur autem, sicut superius jam diximus, ab anno septuagesimo quinto Abrahæ, quan-do ad eum facta est ipsa promissio, usque ad exitum Israel ex Ægypto quadringenti triginta anni; quo-rum Apostolus ita meminit, *Hoc autem dico, inquit, testamentum confirmatum a Deo, quæ post quadrin-gentos triginta annos facta est lex, non infirmat, ad evacuandam promissionem* (Gal. iii). Jam ergo isti quadringenti triginta, quadringenti poterant nuncu-pari, quia non sunt multo amplius; quanto magis cum aliquot jam ex isto numero præterissent, quan-do illa in visu demonstrata et dicta sunt Abrahæ; vel quando Isaac natus est centenariio patri suo, a prima promissione post viginti quinque annos, cum jam ex istis quadringentis triginta, quadringenti quinque remanerent, quos Dominus quadringentos voluit nominare. Sequitur :

(Vers. 15, 16.) *Tu autem ibis ad patres tuos in pace, sepultus in senectute bona. Generatione autem quarta revertentur huc. Necdum enim completæ sunt iniquitates Amorrhæorum usque ad præsens tempus.* Replica genealogiam Levi : *Levi genuit Chaa'h, Chaa'h genuit Amram, Amram genuit Aaron, Aaron genuit Eleazar, Eleazar genuit Phinees.* Chaa'h cum patre suo Levi ingressus est Ægyptum. A Chaa'h usque ad Eleazar computantur generationes quatuor; licet quidam velint ab Amram incipere, et ad Phinees, ut nos in Eleazar fecimus, pervenire. Si volueris disparem numerum ostendere, quo modo secundum quintam generationem egressi sunt filii Israel de terra Ægypti, tribus tibi Judæ ordo numeretur : *Ju-das genuit Phares, Phares genuit Esrom, Esrom ge-nuit Aram, Aram genuit Aminadab, Aminadab genuit Naason, Naason genuit Salmon* (Matth. i). Phares cum patre suo Juda ingressus est Ægyptum. Naason princeps tribus Juda in deserto describitur, cujus filius Salmon terram repromissionis introivit. Com-puta a Phares usque ad Naason, et invenies genera-tiones quinque. Sequitur :

(Vers. 17.) *Cum ergo occubuisset sol, facta est ca-ligo tenebrosa; et apparuit clibanus fumans, et lampas ignis transiens inter divisiones illas.* Significat jam in fine sæculi per ignem judicandos esse carnales : sicut enim afflictio civitatis Dei, qualis antea num-quam fuit, quæ sub Antichristo futura speratur, si-gnificatur tenebroso timore Abrahæ circa solis occa-sum, id est, propinquante jam fine sæculi, sic ad solis occasum, id est, ad ipsum jam finem significatur isto igne dies judicii, dirimens carnales, per ignem salvandos et in igne damnandos. Sequitur :

(Vers. 18 seqq.) *In illo die pepigit Dominus cum Abram sædus, dicens, Semini tuo dabo terram hanc a flu-vio Ægypti usque ad fluvium magnum Euphratem, Ci-næos, et Zencæos, et Cethmonæos, et Ethæos, et Phæ-*



rezaros, Raphain quoque, et Amorraeos, et Chanaaneros, et Gergesaros, et Hiebusaros. Deinde testamentum factum ad Abram, terram Chanaan proprie manifestat, et nominat in ea undecim gentes a flumine Ægypti usque ad flumen magnum Euphraten. Non ergo a flumine magno Ægypti, hoc est, Nilo; sed a parvo, qui dividit inter Ægyptum et Palestinam, ubi est civitas Rimocorura. Sequitur :

(Cap. XVI. — Vers. 1 seqq.) Igitur Sarai, uxor Abram, non genuerat liberos, sed habens ancillam Ægyptiam, nomine Agar, dixit marito suo, Ecce conclusit me Deus, ne parerem; ingredi ad ancillam meam, si forte saltem ex illa suscipiam filios. Cumque ille acquiesceret deprecanti, tulit Agar Ægyptiam ancillam suam post annos decem quam habitare cœperat in terra Chanaan, et dedit eam viro suo uxorem, qui ingressus est ad illam. At illa concepisse se videns, despexit dominam suam. Quod autem attinet ad rem gestam, nullo modo est inurendum de hac concubina crimen Abrahæ, quia jam adoptionis cogitatione sublata, cum de seipso semen speraret Abram : restabat incertum utrum ex Sara an ex alia; quod illi Deus occultare voluit, donec ex ancilla vetus Testamentum figuraretur. Quid ergo mirum si videns sterilem uxorem ac cupientem sibi prolem, quam parere ipsa non potuit, ex famula sua et ex marito provenire, non suæ cupiditati cessit, sed conjugali potestati obtemperavit? Usus est ea Abram ad generandam prolem, non ad explendam libidinem, nec insultans, sed potius obediens; conjugique suæ sterilitatis credidit esse solatium, si secundum ancillæ uterum, quoniam natura non poterat, voluntate faceret suum; et eo jure quo dicit Apostolus, Similiter et vir non habet sui corporis potestatem, sed mulier (I Cor. vii) : uteretur ad pariendum ex altera, quod non poterat ex se ipsa. Nulla est hic cupido lascivix, nulla nequitie turpitudine. Ab uxore causa prolis ancilla marito traditur, a marito causa prolis accipitur : ab utroque non culpa luxus, sed naturæ fructus exquiritur. Sequitur :

(Vers. 5.) Dixitque Sarai ad Abram : Inique agis contra me. Ego dedi ancillam meam in sinum tuum, quæ videns quod conceperit, despectui me habet : judicet Dominus inter me et te. Cui respondit Abram, Ecce ancilla tua in manu tua est, utere ea ut libet. Denique cum ancilla gravida, domina sterili superbi- ret, et hoc Sara muliebri suspitione viro potius imputaret, etiam sibi demonstravit Abram non se amatorem servum, sed liberum fuisse genitorem; et in Agar Saræ conjugis pudicitiam custodisse, nec voluntatem suam, sed ipsius implevisse; accepisse, nec petisse; accessisse, nec cessisse; seminasse, nec amasse. Ait enim, Ecce ancilla tua in manibus tuis, utere ea ut libet. O virum viriliter utentem feminis, conjugē temperanter, ancilla obtemperanter, nulla intemperanter! Sequitur :

(Vers. 6, 7.) Affligente igitur eam Sarai, fugam iniit. Cumque invenisset illam angelus Domini juxta fontem aquæ in solitudine, qui est in via in deserto Sur. Consequenter Ægyptia in via Sur, quæ per eremum ducit ad Ægyptum, ire festinabat. Sur ubi invenit angelus ancillam Saræ Agar, situm est inter Cades et Barath; extenditur autem desertum usque ad mare Rubrum, quod ad Ægypti confinia pervenit. Porro Cades solitudo est super urbem Petram. Sed et Scriptura desertum Cades contra faciem Ægypti extendi memorat. Sequitur :

(Vers. 9 seqq.) Dixitque angelus Domini, Revertere ad dominam tuam, et humiliare sub manu ipsius. Multiplicans, inquit, multiplicabo semen tuum, et non numerabitur præ multitudinem. Ecce, inquit, concepisti, et paries filium, vocabisque nomen ejus Ismahel : eo quod audierit Deus afflictionem tuam. Hic erit servus homo; manus ejus contra omnes, et manus omnium contra eum, et e regione fratrum suorum figet tabernacula. Ismahel interpretatur exauditis Dei. Contra faciem fratrum suorum habitabit, significavit semen

ejus habitaturum in eremo, id est, Saracenos vagos, incertisque sedibus, qui universas gentes, quibus desertum ex latere jungitur, incursant, et impugnantur ab omnibus. Sequitur :

(Cap. XVII. — Vers. 1 seqq.) Peperitque Agar Abrahæ filium, qui vocavit nomen ejus Ismahel. Septuaginta et sex annorum erat, quando peperit ei Agar Ismahelem. Postquam natus est Ismahel ex Agar, in quo putare posset Abram impletum quod promissum fuerat, cum sibi vernaculum suum adoptare voluisset, Deo dicente, Non hic erit hæres tuus, sed qui exiet de te, ille erit hæres tuus; hoc ergo promissum ne in ancillæ filio putaret impletum, jam cum esset annorum nonaginta novem apparuit ei Deus et dixit illi, Ego Deus omnipotens; ambula coram me, et esto perfectus; ponamque fœdus meum inter me et te, et multiplicabo te vehementer nimis. Cecidit Abram pronus in faciem suam; dixitque ei Deus, Ego sum, et pactum meum tecum, erisque pater multarum gentium. Nec ultra vocabitur nomen tuum Abram, sed appellaberis Abraham, quia patrem multarum gentium constitui te, faciamque te crescere vehementissime. Dicunt autem Hebræi quod in nomine suo, Deus quod apud illos tetragrammatum est, he litteram Abrahæ et Saræ addiderit; dicebatur enim primum Abram, quod interpretatur pater excelsus; et postea vocatus est Abraham, quod transfertur pater multorum : nam quod sequitur gentium, non habetur in nomine, sed subauditur. Nec mirandum quare cum apud Græcos et nos, a littera videatur addita, nos he litteram Abrahæ additam dixerimus; idioma enim linguæ illius est, per he quidem scribere, sed per a legere, sicut e contrario; a litteram sæpe per he pronuntiant. Sequitur :

(Vers. 7, 8.) Et ponam in gentibus reges, qui ex te egredientur; et statuam pactum inter me et te, et inter semen tuum post te in generationibus suis fœdere sempiterno, ut sis Deus tuus, et semini tuo post te; daboque tibi et semini tuo post te terram peregrinationis tuæ, omnem terram in possessionem æternam, eroque Deus eorum. Si quem vero movet quod dictum est, Et dabo tibi et semini tuo post te terram peregrinationis tuæ in possessionem æternam, quomodo accipiat impletum, sive adhuc expectetur implendum, cum possessio quæcumque terrena æterna cuilibet genti esse non possit : sciat æternum a nostris interpretari, quod Græce dicitur in illorum lingua αἰώνιον, et aut non habet finem, aut usque in hujus sæculi tenditur finem. Sequitur :

(Vers. 9 seqq.) Dixit iterum Deus ad Abraham, Et tu custodies pactum meum, et semen tuum post te in generationibus suis. Hoc est pactum quod observabis inter me et vos, et semen tuum post te. Circumcidetur ex vobis omne masculinum, et circumcidetis carnem præputii vestri, ut sit in signum fœderis mei inter me et vos. Infans octo dierum circumcidetur in vobis. Omne masculinum in generationibus vestris, tam vernaculus quam emptitius circumcidetur, et quicumque non fuerit de stirpe vestra; eritque pactum meum in carne vestra in fœdus æternum. [Masculus cujus præputii caro non fuerit circumcisa, delebitur anima illa de populo suo : quia pactum meum irritum fecit. Notandum quod ubicumque in Græco, testamentum legimus, in Hebraico sermone fœdus, sive pactum habetur. Multa quippe appellantur testamenta Dei, exceptis illis duobus magnis, et vetere et novo, quod licet cuique legendo cognoscere. Testamentum autem primum, quod factum est ad hominem primum, profecto illud est, Qua die ederitis, morte moriemini (Gen. ii). Cum enim lex evidenter postea data sit, et dicit Apostolus, Ubi autem non est lex, non est prævaricatio (Rom. iv) : quo pacto, quod in psalmo legitur, verum est, Prævaricatores reputavi omnes peccatores terræ (Ps. cxviii) nisi quia omnes legis alicujus prævaricatores sunt rei, qui aliquo pacto tenentur obstricti? Quamobrem si etiam par-



vuli, quod vera fides habet, nascuntur, non proprie, sed originaliter peccatores, unde illis gratiam remissionis peccatorum necessariam confitemur? profecto eo modo qui sunt peccatores, etiam prævaricatores legis illius, quæ in paradiso data est, agnoscuntur; ut verum sit utrumque quod scriptum est, et, *Prævaricatores reputavi omnes peccatores terræ*; et, *Ubi lex non est, nec prævaricatio*. Ac per hoc, quia circumcisio signum regenerationis fuit, et non immerito parvulum, propter originale peccatum, quo primum Dei dissipatum est testamentum, generatio disperdet, nisi regeneratio liberet, sic intelligenda sunt hæc verba divina, tanquam dictum sit: Qui non fuerit regeneratus, interibit anima illa de genere ejus, quia testamentum Dei dissipavit: quasi non nisi de ista circumcissione intelligi cogere. Nunc vero quoniam expressit cujusmodi pactum parvulus dissipaverit, liberum est intelligere de illo pacto dictum, cujus dissipatio pertinere possit ad parvulum. Si autem hoc quispiam non nisi de ista circumcissione dictum esse contendit, quod in ea pactum Dei, quoniam non est circumcissus, dissipaverit parvulus, quærat locutionis aliquem modum quo non absurde possit intelligi ideo dissipasse testamentum, quia licet non ab illo, tamen est in illo dissipatum. Verum sic quoque animadvertendum est nulla in se negligentia injuste interire incircumcisi animam parvuli, nisi originalis obligatione peccati. *Dixit quoque Deus ad Abraham, Sarai uxorem tuam non vocabis Sarai, sed Saram; et benedicam ei, et ex illa dabo tibi filium, cui benedicturus sum*. Errant qui putant primum Sarram, per unum *r* scriptum, et postea alterum *r* additum; et quia *r* apud Græcos centenarius numerus est, multas super ejus nomine ineptias suspicantur: cum utique utcumque volunt ei vocabulum commutatum, non Græcam, sed Hebræam debeat habere rationem, cum ipsum nomen Hebraicum sit: nemo autem altera lingua quæpiam vocans, etymologiam vocabuli sumit ex altera. Sarai igitur primum vocata est per *sin*, *res*, *joth*. Sublato ergo *joth*, id est, *i*, elemento, addita est *e* littera, quæ per *a* legitur; et vocata est Saraa. Causa autem nominis immutati hæc est, quod antea dicebatur, *princeps mea*, unius tantummodo domus mater familiæ: postea vero dicitur absolute, *princeps*, omnium quippe gentium futura jam princeps. Sequitur:

(Vers. 16.) *Eritque in nationes populorum, et reges gentium orientur ex eo*. Quo modo dictum est ad Abraham de filio ejus, *Et reges gentium ex illo erunt*? Utrum quia pervenit secundum regna terrena; vel secundum Ecclesiam accipi debet; an propter Esau etiam ad litteram contigit? Sequitur:

(Vers. 17.) *Cecidit Abraham in faciem suam, et risit, dicens in corde suo, Putas si centenarius nasceretur filius, et Sara nonagenaria, pariet?* ambo enim seniores erant, sicut Scriptura testatur; sed illa etiam sterilis, et cruore menstruo jam destituta: propter quod jam parere non posset, etiam si sterilis non fuisset. Porro si femina ita profectionis ætatis, ut ei solita muliebria adhuc fluant, de juvene parere potest, de seniore non potest; quamvis adhuc possit ille senior de adolescentula gignere, sicut Abraham post mortem Saræ de Cethura potuit, quia vividam ejus invenit ætatem. Hoc ergo est quod mirum commendat Apostolus, et ad hoc dicit Abrahæ jam fuisse corpus emortuum (Rom. iv), quoniam non ex omni femina, cui esset adhuc aliquod pariendi tempus extremum, generare ipse in illa ætate adhuc posset. Ad aliquid emortuum corpus intelligere debemus non ad omnia: nam si ad omnia, non jam senectus vivi, sed cadaver est mortui. Quamvis etiam sic solvi possit quæstio ista, quod de Cethura postea genuit Abraham, quia donum gignendi, quod a Domino accepit, etiam post obitum mansit uxoris. Sed propterea mihi videtur illa, quam secuti sumus hujus quæstionis solutio

A præferenda: quia centenarius quidem senex, sed temporis nostri de nulla potest femina gignere, non tunc quando adhuc tamdiu vivebant, ut centum anni nondum facerent hominem decrepitem senectutis. Sequitur:

(Vers. 18 seqq.) *Dixitque Abraham ad Dominum, Utinam Ismahel vivat coram te! Et ait Dominus ad Abraham, Sara uxor tua pariet tibi filium, vocabisque nomen ejus Isaac; et statuam illi pactum meum in fœdus sempiternum et semini ejus post eum. Super Ismahel quoque exaudivi te. Ecce benedicam ei, et augebo et multiplicabo eum valde. Duodecim duces generabit, et faciam eum in gentem magnam. Pactum vero meum statuam ad Isaac, quem pariet tibi Sara tempore isto in anno altero*. Sciendum tamen quod quatuor in veteri Testamento absque ullo velamine nominibus suis antequam nascerentur vocati sunt, Ismahel, Isaac, Sampson et Josias. Hic apertiora promissa sunt de vocatione gentium in Isaac, id est, in filio promissionis, quo significatur gratia non natura: quia de sene et anu sterili promittitur filius: quamvis enim et naturalem procreationis excursus Deus oporetur, ubi tamen evidens Dei opus est, vitiata et cessante natura, ibi evidentius intelligitur gratia. Sequitur:

(Vers. 22 seqq.) *Cumque finitus esset sermo loquentis cum eo, ascendit Deus ad Abraham. Tulit autem Abraham Ismahelem filium suum, et omnes vernaculos domus suæ, universosque quos emerat, cunctosque mares ex omnibus viris domus suæ, et circumcidit carnem præputii eorum, statim in ipsa die, sicut præceperat ei Deus. Nonaginta novem erat annorum quando circumcidit carnem præputii sui; et Ismahel filius ejus duodecim annos impleverat tempore circumcissionis suæ. Eadem die circumcissus est Abraham et Ismahel filius ejus, et omnes viri domus illius, tam vernaculi quam emptitii et alienigenæ pariter circumcisi sunt*. Si enim Adam pactum Dei custodisset, non Abraham pactum hoc accepisset; sed quia ille in hoc membro culpam inobedientiæ primum agnovit, decuit ut iste in hoc membro signum obedientiæ secundo accepisset; ut ostenderet obedientes quandoque generare filios ad vitam, dum olim prævaricatores generaverint ad mortem; et quia hoc non per generationem, sed per regenerationem futurum erat, ita et nunc imperata est circumcisio, quando de Sara promissus est filius; et quod omnes non solum filios, verum etiam servos vernaculos et emptitios circumcidi jubet, ad omnes istam gratiam pertinere testatur: quid enim aliud circumcisio significat, quam naturam ex vetustate renovatam? et quid aliud quam Christum octava dies significat, qui hebdomada completa, hoc est, post sabbatum resurrexit? Parentum mutantur nomina, omnia resonant novitatem, et in Testamento veteri obumbratur novum: quid est enim quod dicitur, Testamentum vetus, nisi occultatio? et quid est aliud, quod dicitur novum, nisi veteris revelatio? Risus Abrahæ, exultatio est gratulantis, non irrisio diffidentis: verba quoque ejus illa in animo suo. *Si mihi centenarius nasceretur filius, et si Sara nonagenaria pariet*, non sunt dubitantis, sed admirantis. Ideo pro gaudio ridentis Abrahæ, filius dictus Isaac, id est, risus; risus enim iste in bono accipi debet. Sequitur:

(Cap. XVIII. — Vers. 1 seqq.) *Apparuit autem ei Deus in convulle Mambre, sedenti in ostio tabernaculi sui in ipso fervore diei; cumque levasset oculos, apparuerunt ei tres viri stantes prope eum. Quos cum vidisset, cucurrit in occursum eorum de ostio tabernaculi, et adoravit in terra, et dixit, Domine, si inveni gratiam in oculis tuis, ne transeas servum tuum, sed afferam pauillum aquæ, et lavate pedes vestros; requiescite sub arbore; ponam buccellam panis, et confortate cor vestrum, postea transibitis; idcirco enim declinastis ad servum vestrum. Qui responderunt, Fac ut locutus es. In tribus viris quos dubitandum non est angelos fuisse, quamvis quidam existiment unum in eis fuisse Dominum Christum, asserentes eum*



etiam ante indumentum carnis fuisse visibilem. Est quidem divinæ potestatis et invisibilis, incorporalis immutabilisque naturæ, sine ulla etiam sui mutatione, etiam mortalibus aspectibus apparere, non per id quod est, sed per aliquid quod sibi subditum est. Quid autem sibi subditum non est? Verumtamen si propterea confirmant horum trium aliquem fuisse Christum, quia cum tres vidisset, ad Deum si gulariter est locutus, cur non et illud advertunt duos ex eis venisse, ut Sodomitæ deleterentur, cum adhuc Abraham ad unum loqueretur, Dominum cum appellans; et intercedens ne simul justum cum impiis Sodomitæ perderet; illos autem duos sic suscepit Loth, ut etiam ipse in colloquio suo cum illis singulariter Dominum appellet? Nam cum illis pluraliter dixisset, *Ecce, Domini, declinate in domum pueri vestri*, et cætera, quæ ibi dicuntur, postea tamen ita legitur, *Et tenuerunt angeli manum ejus, et manum uxoris ejus, et manus duarum filiarum ejus; ideo quod Dominus parceret illis*. Sequitur:

(Vers. 6 seqq.) *Festinauit Abraham in tabernaculum ad Saram, dixitque ei, Accelera, tria sata similæ commisce, et fac subcinericios panes. Ipse vero ad armentum cucurrit, et tulit inde vitulum tenerrimum et optimum, deditque puero, qui festinauit, et coxit illum; tulitque butyrum et lac, et vitulum quem coxerat, et posuit coram eis; ipse vero stabat juxta eos sub arbore. Tria sata, tres amphoræ sunt, ut idem mysterium et hic et in Evangelio, ubi mulier tria sata fermentare dicitur, cognoscamus. Queritur, si angelos intelligebat, quo modo eos potuit ad hanc humanitatem invitare: quæ refectioni mortalis carnis necessaria est, non immortalitati angelorum? Quoniam certo et omnimodis inviolabili munere immortalitatis induti, non, nisi vellent, possibilitate, non necessitate comederunt: non quia indigebant, sed quia volebant, ut hominibus congruerent, quadam humanitate fecerunt. Neque in phantasmate credendum est eos apparuisse, quando eos homines hospitio receperunt: non enim potestas, sed egestas edendi ac bibendi talibus corporibus aufertur. Tabernaculum autem illud Abrahæ, typum habuit terrenæ Iherusalem: ubi pro tempore prophetæ et apostoli habitaverunt; ubi et primum Dominus adveniens a credentibus exceptus, ab incredulis in ligno suspensus est. In tribus autem viris qui venerunt ad illum, Domini Christi prænuntiabatur adventus, cum quo duo angeli comitabantur, quos plerique Moysem et Eliam accipiunt, unum præcæ legislatorem, qui per eandem legem adventum Domini indicavit, alium qui in fine mundi venturus est, denuntiaturus secundum adventum Christi, atque ejus Evangelium Judæis prædicaturus. Unde et in monte dum Dominus fuisset transfiguratus, hi duo Moy-es et Elias cum eo ab apostolis visi sunt (Marc. ix). Quod vero Abraham tres videns, unum adoravit, Dominum scilicet et salvatorem ostendens, cujus jam adventum est præstolatus, juxta quod in Evangelio Dominus ait, *Abraham pater vester exultavit ut videret diem meum; vidit, et gavisus est* (Joan. viii); tunc enim futurum aspexit mysterium sacramenti, unde et pedes eorum lavit, ut in extremo mundi, lavaeri, purificationem demonstraret futuram; pedes enim novissima significant: siquidem et convivium præparat, vitulum scilicet saginatum. Iste autem vitulus tener et saginatus, Domini Jesu Christi est corpus. Iste est etiam Domini vitulus, qui propter salutem credentium ad arborem crucis est immolatus. Illic est vitulus Domini corporis, qui in Evangelio pro peccatore occiditur filio. Sed et butyrum et lac cum carne vituli apposuit. Lac quippe legis habuisse figuram Apostolus noster annuntiat dicens, *Lac vobis potum dedi, non escam: nondum enim poteratis, nec adhuc quidem potestis* (I Cor. iii); tradiderat enim illis legis mandatum, quasi lac de uberibus duarum tabularum expressum, hoc est, testamentum fidei: necdum enim poterant,*

A propter infantiam sensus, evangelicæ doctrinæ solidam et robustam escam accipere. Butyrum autem tenerrimum et pinguisimum Evangeliorum est testimonium, quod veluti oleum fidelibus in signum datur. Sed proinde vitulum cum lacte et butyro Abraham ad edendum apposuit, quia nec corpus Domini, quod est vitulus, sine lacte legis, nec lac legis sine butyro, hoc est, sine Evangelii testimonio esse potest. Tria autem sata, unde Sara panes subcinericios fecit, tres filios Noe indicaverunt, ex quibus omne genus hominum natum est, qui divinæ Trinitati credentes, ex aqua baptismatis per Ecclesiam, cujus imago Sara erat, conspergendi essent, et in uno pane Christi corporis redigendi. Hæc sunt illa tria sata, quæ mulier in Evangelio dicitur fermentasse. Azymi autem panes idcirco, quod sine fermento malitiæ, et sine languore nequitiae, sine fermento doctrinæ oporteat esse credentium unitatem. Subcinericii autem ideo ut per penitentiam prætorum delictorum Spiritus sancti vapore decocti, velut esca bene placita Deo acceptabiles efficerentur. Sub arbore autem eos sedisse, passionis Domini: erat signum, cujus ipsi sunt prædicatores. Sequitur:

(Vers. 9 seqq.) *Cumque comedisent, dixerunt ad eum, ubi est Sara uxor tua? At ille respondit, Ecce in tabernaculo est. Cui dixit, Revertens veniam ad te tempore isto, vita comite, et habebit filium Sara uxor tua. Quo audio, Sara risit post ostium tabernaculi: erant enim anto senes, propectaque ætatis, et desiderant Saræ fieri muliebria. Quæ risit occulte, dicens, Postquam consenui, et dominus meus vetulus est, voluptati operam dabo? Dixit autem Dominus ad Abraham, Quare risit Sara dicens, Num vere paritura sum anus? Numquid Deo est quidquam difficile? Juxta conductum revertar ad te hoc eodem tempore, vita comite, et habebit Sara filium. Queritur quare Saram redarguat Dominus, cum et Abraham riserit, nisi quia illius risus admirationis et lætitiæ fuit, Saræ autem dubitationis; et ab illo hoc dijudicari potuit, qui corda hominum novit. Sequitur:*

(Vers. 15.) *Negavit Sara, dicens, Non risi, timore perterrita. Quo modo intelligebat Abraham Deum esse qui loquebatur cum eo, cum etiam negare ausa sit Sara quod riserit, nisi forte Sara homines eos esse putabat, Abraham vero Deum intelligebat, quibusdam divinæ majestatis existentibus et apparentibus signis? Sequitur:*

(Vers. 16, 17.) *Cum ergo exissent inde viri, direxerunt oculos suos contra Sodomam; et Abraham simul gradiebatur deducens eos, dixitque Dominus, Num celare propter Abraham quæ gesturus sum, cum futurus sit in gentem magnam, et benedicendæ sint in illo omnes nationes terræ? Et hic duo illa brevissime plenissimeque promissa sunt, gens Israel secundum carnem, et omnes gentes secundum fidem. Scio enim quod præcepturus sit filiis suis et domui suæ post se, ut custodiant viam Domini, et faciant justitiam et judicium, ut adducat Dominus propter Abraham omnia quæ locutus est ad eum. Ecce ubi promittit Dominus Abrahæ non solum præmia, sed etiam obedientiam justis æ filiorum ejus, ut circa eos etiam præmia promissa compleantur. Sequitur:*

(Vers. 20 seqq.) *Dixit itaque Dominus, Clamor Sodomorum et Gomorræorum multiplicatus est, et peccatum eorum aggravatum est nimis: descendam, et videbo utrum clamorem qui venit ad me opere compleverint, an non est, ita ut sciam. Verba hæc non dubitantis quid horum potius eventurum sit, sed irascentis et minantis accipere debemus. Peccatum cum voce est culpa in actione; peccatum cum clamore est culpa cum libertate et jactantia. Quod autem dixit, Descendam, et videbo, et cætera hujusmodi, omnipotens itaque Dominus omnia sciens, cur ante probationem quasi dubitat, nisi ut gravitatis nobis exemplum proponat, ne mala hominum ante præsumamus credere quam probare? Et ecce per angelos percussit secunda mala descendit, mox facinorosos percussit.*



atque ille patiens et mitis, ille de quo scriptum est, *Tu autem, Domine, cum tranquillitate iudicas omnia*: cum in tanto crimine involutos invenisset, quasi patientiam prætermisit, et diem extremi iudicii prævenit. Ecce malum quasi cum difficultate credidit, cum audivit; et tamen sine tarditate percussit, cum cognoscendo reperit: ut nobis videlicet daret exemplum quod maiora crimina et tarde credenda sunt, cum audiuntur, et citius puniendæ, cum veraciter agnoscuntur. *Converteruntque se inde, et abierunt Sodomam, Abraham vero adhuc stabat coram Domino; et appropinquans ait: Numquid perdes justum cum impio? Si quinquaginta fuerint inventi iusti in civitate, peribunt simul, et non parces loco illi propter quinquaginta justos si fuerint in eo? Absit a te ut rem hanc facias, et occidas justum cum impio.* Quæri solet utrum quod de Sodomis dixit Deus, non se perdere locum; si invenirentur illic vel decem iusti, speciali quadam sententia de illa civitate, an de omnibus intelligendum sit generaliter, parcere Deum loco in quo vel decem iusti fuerint. In qua quæstione non est quidem necesse ut hoc de omni loco accipere compellamur; verumtamen de Sodomis potuit sic dici, quia sciebat Deus ibi non esse vel decem, et ideo sic respondebatur Abraham, ut significaretur nec tot ibi esse posse inveniri, ad exaggerationem iniquitatis illorum: non enim necesse erat Deo tam sceleratis hominibus parcere, nec cum illis perdere justos, cum posset iustis inde liberatis reddere impiis digna supplicia; sed, ut dixi, ad ostendendam malignitatem multitudinis illorum, dixit, *Si decem ibi invenero, parcam universæ civitati*: tamquam si diceret, Certe possum nec pios cum impiis perdere, nec tamen propterea impiis parcere, quia liberatis et separatis inde pios, possum impiis digna rependere. Quare Abraham se pulverem dixit esse et cinerem, dum tantas promissiones accepit a Deo, nisi ut sublimitatem promissionum humilitatis temperaret subiectione? Aperte enim intelligitur in quo loco se posuerat, qui pulverem se ac cinerem, etiam dum cum Deo loqueretur, æstimabat. Si igitur ita se despexit, qui usque ad honorem divinæ colloca-tionis ascendit, sollicita intentione pensandum est, qua pœna illi feriendi sunt qui ad summum non proficiunt, et tamen de minimis extolluntur. Sed quid significat quod a quinquaginta iustis usque ad decem, si invenirentur in Sodomis, dixit Dominus urbem esse salvandam? Numerum quippe quinquagenarium propter pœnitentie signum posuit, si forte converterentur et salvarentur; quinquagenarius enim numerus, semper ad pœnitentiam refertur. Unde et David in eorum numero psalmum scripsit pœnitentie. Proinde quando aspicit Deus delinquentium vitam nequaquam velle reverti ad pœnitentiam, quam quinquagenarius numerus figurat, confestum ardorem immoderate luxuriæ compescit igne gehennæ. Usque ad decem autem iustos non perire Sodomam dixit, quia si in quolibet per decem præceptorum custodiam Christi nomen invenitur, iste non perit. Denarii enim numeri figura crucem Christi demonstrat. Sequitur:

(Cap. XIX. — Vers. 1 seqq.) *Veneruntque duo angeli Sodomam vespere, sedente Loth in foribus civitatis. Quos cum vidisset, surrexit, et ibat obviam eis; adoravit pronus in terra, et dixit, Obsecro, Domini, declinate in domum pueri vestri, et manete ibi; lavate pedes vestros, et mane proficiscimini in viam vestram. Qui dixerunt, Minime; sed in platea manebimus. Compulit illos oppido, ut diverterent ad eum. Ingressisque domum illius fecit convivium, coxit azyma, et comederunt. Valde enim credendum est quod et Abraham in tribus, et Loth in duobus viris, Dominum agnoscebant; cui per singularem numerum loquebantur, etiam cum eos homines esse arbitrantur; neque enim aliam ob causam sic eos susceperunt, ut tamquam mortalibus, et humana refectio-ne indigentibus ministrarent; sed erat profecto*

*aliquid quo ita excelebant, licet tamquam homines, ut in eis aliquid esset divini fulgoris, sicut esse as-solet in prophetis, ut ii qui hospitalitatem illis exhibebant, dubitare non possent: atque ideo et ipsos aliquando pluraliter, et in eis Dominum aliquando singulariter adorarent. Angelos autem fuisse Scri-ptura testatur, non solum in hoc Genesis libro, ubi hæc gesta narrantur, verum et in Epistola ad He-bræos, ubi cum hospitalitas laudaretur. Per hanc, inquit, etiam quidam nescientes, hospitio receperunt angelos (Hebr. xii). Idecirco autem angeli, quasi hos-pites coacti domum Loth introire dicuntur, ut ten-tata esset charitas Loth, probata et remunerata: ut ostenderetur quantum esset hospitalitatis bonum. Hospitalem domum angeli ingressi sunt ad liberan-dum. Clausas vero domos hospitibus, ignis in eis in-gressus est ad perdendos peccatores, et idecirco hos-pites non sunt evitandi, sed ultro invitandi. Sequitur:*

(Vers. 4 seqq.) *Prius autem quam irent cubitum, viri civitatis vallaverunt domum, a puero usque ad senem, omnis populus simul; vocaveruntque Loth, et dixerunt ei, Ubi sunt viri qui introierunt ad te nocte? Educ illos huc, ut cognoscamus eos. Egressus ad eos Loth, post tergum ocludens ostium, ait, Nol te, quæso, fratres mei, notie malum hoc facere; habeo duas filias, quæ necdum cognoverunt virum; educam eas ad vos, et abutimini eis, sicut placuerit vobis; dummodo viris istis nihil mali faciatis: quia ingressi sunt sub umbra culminis mei. Quo modo prostituere volebat filias suas ad compensationem, ut viri hospites ejus nihil a Sodomitis tale paterentur: utrum admit-tenda sit compensatio flagitiorum vel quorumcum-que peccatorum, ut nos faciamus mali aliquid, ne alius gravius malum faciat? an potius perturbationi Loth, non consilio tribuendum sit, quia hoc dixerit, merito quæritur, et nimium periculosissime admitti-tur hæc compensatio; si autem perturbationi huma-næ tribuitur, et menti tantum malum permota, nullo modo imitanda est. Sequitur:*

(Vers. 9 seqq.) *Vinque faciebant Loth vehementis-sime. Jam prope erat ut infringerent fores. Et ecce miserunt manum viri, et introduxerunt ad se Loth, clausuruntque ostium; et eos qui erant foras, percusse-runt cæcitate, a minimo usque ad maximum, ita ut ostium invenire non possent. Non immerito monet quo modo potuerunt deficere quærendo ostium; si tali erant cæcitate percussi, ut omnino nihil viderent: hoc enim modo sua calamitate turbati, ulterius ostium non requirebant. Hæc aorasia et illi percussi sunt, qui quærebant Elisarum. Sequitur:*

(Vers. 12 seqq.) *Dixerunt autem ad Loth, Habes hic tuorum quempiam generum, aut filios, aut filias? Omnes qui tui sunt, educ de urbe hac; delebimus enim locum istum, eo quod increverit clamor eorum coram Domino, qui misit nos ut perdamus illos. Quia clamor peccantium in cælum ascendisse dicitur, idecirco de cælo puniendi erant. Egressus est itaque Loth, et lo-cutus est ad generos suos, qui accepturi erant filias ejus, et dixit, Surgite, et egredimini de loco isto, quia delebit Dominus civitatem hanc. Et visus est eis quasi ludens loqui. Cumque esset mane, cogeant eum an-geli, dicentes, Surge, tolle uxorem tuam, et duas filias quas habes, ne et tu pariter pereas in scelere civitatis. Quod quæritur, Et locutus est ad generos suos, qui accepturi erant filias ejus, quæ postea duæ filiæ Loth virgines fuisse dicuntur, de quibus et ipse dudum ad Sodomænos dixerat, Ecce duæ filiæ meæ, quæ non cognoverunt virum; et nunc Scriptura commemorat eum habuisse generos: nonnulli arbitrantur illas, quæ viros habuerunt, in Sodomis remansisse, et eas exiisse cum patre, quæ virgines fuerunt: quod cum Scriptura non dicat, Hebræa veritas exponenda est, in qua scribitur, Egressus est Loth, et locutus est ad spon-sos, qui accepturi erant filias ejus. Nondum ergo virgines filiæ matrimonio fuerant copulatæ. Se-quitur:*



(Vers. 16 seqq.) *Dissimulante illo apprehenderunt manum ejus et manum uxoris ac duarum filiarum ejus, eo quod Dominus parceret illi, et eduxerunt eum, posueruntque extra civitatem; ibi locuti sunt ad eum, Salva animam tuam. Noli respicere post tergum; nec stes in omni circa regione, sed in monte salvum te fac, ne et tu simul pereas. Dixitque Loth ad eos, Quæso, Domine mi, quia invenit servus tuus gratiam coram te, et magnificasti misericordiam tuam, quam fecisti mecum, ut salves animam meam, nec possum in monte salvari, ne forte apprehendat me malum: est civitas hic juxta, ad quam possum fugere; parva est, et salvabor in ea. Numquid non modica est, et vivet anima mea in ea? Dixitque ad eum, Etiam in hoc suscepi preces tuas, ut non subvertam urbem pro qua locutus es. Ardentem quippe Sodomam fugere est illicita carnis incendia declinare. Altitudo vero montium est, munditia continentium. Vel certe, quasi in monte sunt, qui etiam carnali copulæ inhærent; sed tamen extra suscipiendæ prolis admixtionem debitam, nulla carnis voluptate solvuntur. In monte quippe stare quid est nisi fructum propaginis in carne non quærere? In monte stare est non carni carnaliter adhærere. Sed quia multi sunt qui scelera quidem carnis deserunt, nec tamen in conjugio positi usu solummodo debiti jura conservant, exiit quidem Loth Sodomam, sed tamen mox ad montana non pervenit, quia jam damnabilis vita relinquitur, sed adhuc celsitudo conjugalis continentiæ subtiliter non tenetur. Est vero in medio Segor civitas, quæ fugientem salvaret infirmum, quia videlicet cum sibi per incontinentiam miscerentur conjuges, et lapsus scelerum fugiunt, tamen per veniam salvantur. Quasi parvam quippe civitatem inveniunt, in qua ab ignibus defendantur, quia conjugalis hæc vita non quidem in virtutibus mira est, sed tamen a suppliciis secunda. Unde et idem Loth ad angelum dicit, *Est civitas hic juxta, ad quam possum fugere, parva, et salvabor in ea. Numquid non modica est, et vivet anima mea in ea?* Juxta igitur dicitur, et tamen ad salutem tuto perhibetur, quia conjugalis vita nec a mundo longe divisa est, nec tamen a gaudio salutis aliena. Sed tunc in actione hanc vitam suam conjuges quasi in parva civitate custodiunt, quando pro se assiduis deprecationibus intercedunt. Unde recte per angelum ad eundem Loth dicitur, *Ecce etiam in hoc suscepi preces tuas, ut non subvertam urbem pro qua locutus es:* quia videlicet cum Deo deprecatio funditur, nequaquam talium conjugum vita damnatur. Igitur Dominus pluit super Sodomam et Gomorram sulphur et ignem a Domino de cælo, et subvertit civitates has, et omnem circa regionem; universos habitantes urbium, et cuncta terræ viventia. Cur sulphureo igne puniebantur, nisi ut putidissimus libidinis ardor putidissimo flammarum ardore puniretur? ut veniente imbreo igne de cælo, tota illa regio in cinerem verteretur, ubi supra in masculos in tantam consuetudinem convalescebant, quanta jam nostro tempore gentes impias licenter videmus perpetrare. Verum et hoc eorum supplicium, specimen futuri judicii divini fuit. Quæri etiam potest quare diebus Noe peccatum mundi aqua ulciscitur, hoc vero Sodomitarum igne punitur, nisi quia illud naturale libidinis cum feminis peccatum quasi leviori elemento damnatur; hoc vero contra naturam cum viris libidinis peccatum acrioris elementi vindicatur incendio; et illic terra aquis abluta revirescit, hic flammis cremata æterna sterilitate arescit. Quod prohibiti sunt qui liberantur ab angelis retro respicere, scilicet quia non est animum redeundum ad veterem vitam, qua per gratiam regeneratus exiit, si ultimum evadere judicium cogitamus. Denique uxor Loth ubi respexit, remansit, et in salem conversa omnibus fidelibus quoddam præstituit condimentum, quo sapiant aliquid unde illud caveatur exemplum. Sequitur:*

(Vers. 27 seqq.) *Abraham vero mane consurgens ubi steterat prius cum Domino intuitus est Sodomam*

*et Gomorram et universam terram regionis illius, viditque ascendentem favillam de terra, quasi fornacis fumum; cum enim subverteret Deus civitates regionis illius, recordatus est Abraham, et liberavit Loth de subversione urbium in quibus habitaverat. Commendat Scriptura meritis magis Abraham liberatum esse Loth, ut intelligamus justum Loth dictum secundum quemdam modum, maxime quod unum verum Deum colebat, et propter comparisonem scelerum Sodomorum, inter quos vivens ad vitam similem non potuit inclinari. Sequitur:*

(Vers. 30.) *Ascenditque Loth de Segor, et mansit in monte, duæ quoque filiae ejus cum eo: timuerat enim manere in Segor, et mansit in spelunca ipse et duæ filiae ejus. Mirum si ipse mons est in quem sponte ascendit, quo, monente Domino ac imperante, ascendere noluit. Quæritur quare cum primum fugæ montis Segor prætulit, et eam in habitaculum suum voluerit liberari, nunc de Segor ad montem migret. Respondebimus veram esse illam Hebræorum conjecturam de Segor, quod frequenter terræ motu subruta, Vala primum, postea Salisa appellata sit; ipsa est et Vala, quæ nunc Zoara nuncupatur: imminet autem mari Mortuo, et apud eam gignitur balsamum, et palma palmarum, antiquæ ubertatis indicia. Nullum autem moveat quod Segor eadem quæ Zoara dicitur, cum idem nomen sit parvæ vel minoris; sed Segor Hebraice Zoara et Syriace nuncupatur; Vala autem interpretatur absorptia; timueritque Loth, dicens, *Ne forte apprehendat me malum in ea:* quia si cum cæteræ adhuc urbes starent, ista sæpe subversa est, quanto magis nunc in communi ruina non poterit liberari et hanc occasionem infidelitatis, etiam in filias coitus dedisse præcipitum: qui enim cæteras viderat subruere civitates, et hanc stare, seque Dei auxilio erutum utique de eo quod sibi concessum audierat, ambigere non debuit. Sequitur:*

(Vers. 31 seqq.) *Dixit major ad minorem, Pater noster senex est, nullusque virorum remansit in terra qui possit ingredi ad nos juxta morem universæ terræ; veni, inebriemus eum vino, dormiamusque cum eo, ut servare possimus ex patre nostro semen. Dederuntque patri suo bibere vinum nocte illa, et ingressa est ad eum major, dormivitque cum patre; at ille non sensit, nec quando accubuit filia, nec quando surrexit. Altera quoque nocte dixit major ad minorem, Ecce dormivi heri cum patre meo, demus ei bibere vinum etiam hac nocte, et dormies cum eo, ut servemus semen de patre nostro. Videtur namque filias Loth audisse quædam de consummatione sæculi, quæ immineret per ignem, sed tamquam puellas non intelligere perfecte quæ didicerant. Nescierunt quod, Sodomitis igne vastatis, multum adhuc spatium integrum resideret in mundo; suspicatae sunt tale aliquid factum, quale audierant in temporibus Noe, et ob reparandam mortalium posteritatem, solas se esse cum patre sene reservatas. Recuperandi igitur humani generis desiderium suum, atque instaurandi sæculi ex sese dandum opinantur exordium; et quamvis grande eis crimen videretur furari concubitus patris, gravior tamen eis videbatur impietas, si humanæ, ut putabant, posteritatis spes, servata castitate, deleberetur. Propter hoc ergo consilium ineunt minore, ut arbitror, culpa, spe tamen argumentoque majore, patris mœstinam vel rigorem vino emolliunt et resolvunt, singulis ingressæ noctibus singulæ, concipiunt ab ignorante conceptum, nec ultra repetunt. Ubi hic libidinis culpa, ubi incestus crimen arguitur? Quomodo ergo dabitur vitio, quod non iteratur in facto? Cum igitur illæ ad conservationem generis prolem quærerent, qui utique in eis humanus erat et naturalis affectus, nec se crederent posse invenire alios viros, velut exusto illa conflagratione orbe terrarum, cum patre dormierunt. Ab illo autem opere ita patrem abhorrent sentiebant, ut id se impleturas esse non crederent, nisi ejus ignorantiam procurarent, ut scriptum est: *Inebriaverunt eum vino, et nescienti se miscuerunt,**



Quapropter culpandus est quidem, nec tamen quantum ille incestus, sed quantum illa meretur ebrietas: nam et hanc lex æterna condemnat, quia cibum et potum ad ordinem naturalem non nisi gratia conservandæ salutis admittit. Quamvis ergo inter ebriosum et ebrium plurimum intersit: nam nec ebriosus semper est ebrius, nec quisquam aliquando ebrius, consequenter ebriosus est, tamen in homine justo hujus ipsius, etsi non ebriositatis, at certe ebrietatis causa querenda est. Quid enim tandem cogebat ut filiabus suis crebra vina miscentibus, aut fortasse nec mixta crebro porrigentibus consentiret aut crederet, nisi ut illius destitutionis et materni luctus dolor de cogitatione mentis ebriæ fugaretur, etiam ipsas tandem bibere existimans, et aliqua fraude agentes ne biberent, sed etiam talem tribus illis adhibere consolationem, quo modo virum justum decuerit, non videmus; an aliqua Sodomitarum arte pessima, etiam paucis poculis patrem sic inebriare potuerunt, ut illud peccatum cum ignorante vel potius de ignorante committerent. Nos tamen Scripturas sanctas, non hominum peccata defendimus. Sequitur:

(Vers. 36 seqq.) *Conceperunt ergo duæ filiæ Loth de patre suo, peperitque major filium, et vocavit nomen ejus Moab; ipse est pater Moabitarum usque in præsentem diem. Minor quoque peperit filium, et vocavit nomen ejus Ammon; ipse est pater Ammonitarum usque hodie.* Moab interpretatur, ex patre; Ammon vero, ejus quasi causa nominis redditur, filius generis mei, sive filius populi mei, sic derivatur, ut ex parte sit sensus nominis, ex parte ipse sit sermo. Ammon vero, a quo dicti sunt Ammonitæ, vocatur populus meus. Deus ergo, qui novit et de hominis opere malo facere opera bona, gentes quas voluit ex illo semine propagavit. Prodidit quippe ista per Scripturas suas, non facienda præcepit, et cavenda admonuit, non posuit imitanda. Nam et quinque civitates, quæ in bribris igneis conflagratae sunt illud (nisi fallor) significant, quod omnes qui quinque sensus corporis sui libidine tractaverint, in illo futuro incendio cremati sint. Loth autem, frater Abrahæ, justus et hospitalis in Sodomis, et ab omni Sodomitarum contaminatione purus atque integer, qui ex illo incendio, quod erat similitudo futuri judicii, meruit salvus evadere, typum gestavit corporis Christi, quod in omnibus sanctis, et nunc inter iniquos atque impios gemit, quorum factis non consentit, et a quorum commixtione in fine sæculi liberabitur, illis damnatis supplicio ignis æterni. Sed aliud genus hominum in ejus uxore figuratum est, eorum scilicet qui per gratiam Dei vocati, retro respiciunt, non sicut Paulus, qui ea quæ retro sunt obliviscitur, et in ea quæ ante sunt extenditur (Philipp. iii). Unde et ipse Dominus, *Nemo, inquit, imponens manum suam super aratrum, et respiciens retro, aptus est regno cælorum* (Luc. ix). Neque illud exemplum tacuit, quo nos tamquam sale condiret, ut non fatui neglegeremus, sed prudentes caveremus hoc malum, *Memento uxoris Loth.* Sic etiam in ipso Loth, quando cum eo filiæ concubuerunt: non illud, quod a Sodomis liberatus est, sed aliud aliquid figuratum est. Nam tunc ille ipse Loth futuræ legis videtur gestasse personam, cum quidam ex illa procreati, et sub lege positi, male intelligendo, quodam modo inebriant eam, qua non legitime utendo, infidelitatis opera pariunt. *Bona est enim lex,* ait Apostolus, *si quis ea legitime utatur* (I Tim. i). Nec ideo tamen hoc factum, vel ipsius Loth, vel filiarum ejus justificamus, quia significavit aliquid quod futuram quorundam perversitatem præntendat: aliud enim illæ, ut hoc facerent, intenderunt, aliud Deus, qui hoc fieri permisit, ut etiam aliquid inde monstraret pro significatione futurorum. Proinde illud factum cum in sancta Scriptura narratur, prophetia est; cum vero in illorum vita qui hoc commiserunt, consideratur flagitium est. Sequitur:

A (Cap. XX. — Vers. 1 seqq.) *Profectus inde Abraham in terram australem, habitavit inter Cadès et Sur, et peregrinatus est in Geraris. Dixitque de Sara uxore sua, Soror mea est. Misit ergo Abimelech rex Geraræ, et tulit eam. Venit autem Deus ad Abimelech per somnium noctis, et ait ei, En morieris propter mulierem quam tulisti: habet enim virum. Abimelech vero non tetigit eam. Et ait, Domine, num gentem ignorantem et justam interficies? Nonne ipse dixit, Soror mea est; et ipsa ait, Frater meus est? In simplicitate cordis mei, et munditia manuum feci hoc. Quæri potest quo modo adhuc in illa astate propter Saræ pulchritudinem Abraham periclitari metuebat, sed magis formæ illius vis admiranda est, quæ adhuc adamari poterat; et ideo fecit in Geraris apud regem Abimelech quod in Ægypto de conjuge sui fecerat, eique intacta similiter reddita est. Sequitur:*

(Vers. 6, 7.) *Dixitque ad eum Deus, Et ego scio quod simplici corde feceris; et ideo custodivi te, ne peccares in me, et non dimisi ut tangeres eam. Nunc igitur redde uxorem viro suo, quia propheta est, et orabit pro te, et vives; si autem nolueris reddere, scito quod morte morieris, tu et omnia quæ tua sunt.* Quod ait Deus ad Abimelech propter Saram, *Et peperci tibi, ut non peccares in me,* quando eum admonuit uxorem Abrahæ esse, quam putabat ejus esse sororem, advertendum est et notandum in Deum peccari quando talia committuntur quæ putant homines leviter habenda tanta in carne peccata. Quod autem dixit ei, *Ecce tu morieris,* etiam hoc notandum est, quo modo dicat Deus tamquam prædicens sine dubio futurum, quod admonendo dicit, ut a peccato abstinendo caveatur. Sequitur:

(Vers. 8 seqq.) *Statimque de nocte consurgens Abimelech vocavit omnes servos suos, et locutus est universa verba hæc in auribus eorum; timueruntque omnes viri valde. Vocavit autem Abimelech etiam Abraham, et dixit ei: Quid fecisti nobis? Quid peccavimus in te, quia induxisti super me et super regnum meum peccatum grande? Quæ non debuisti facere, fecisti nobis. Respondit Abraham, Cogitavi mecum, dicens, Forsitan non est timor Dei in loco isto, et interficient me propter uxorem meam. Alias autem vere soror mea est, filia patris mei, et non filia matris meæ. Quia de patre soror erat Abrahæ, de quo propinqua ejus erat, id est, fratris filia erat, non sororis; necdum illo tempore tales nuptiæ lege prohibita: viri sorores suas conjuges acceperunt. Quod profecto quanto est antiquius, compellente necessitate, tanto postea factum est damnabilius, religione prohibente. Tulit igitur Abimelech oves et boves, servos et ancillas, et dedit Abraham; reddiditque illi Saram uxorem suam, et ait, Terra coram vobis est: ubicumque tibi placuerit, habita. Saræ autem dixit, Ecce dedi mille argenteos fratri tuo; hoc erit tibi in velamen oculorum ad omnes qui tecum sunt, et quocumque perrexeris, memento te esse deprehensam. Quod autem justum et fidelem virum matrimonii sui infamosissimum nundinatorem appellat Faustus Manichæus: Abraham avaritiæ ac ventris causa duobus regibus Abimelech et Pharaoni diversis temporibus Saram conjugem, suam mentitam sororem, quia erat pulcherrima, ad concubitum asserit vendidisse, non ore veridico a turpitudine separat honestatem, sed ore maledico totum vertit in crimen: hoc enim Abrahæ factum lenocinio simile videtur, sed non valentibus ex illius æternæ legis lumine a peccatis recta facta discernere, quibus et constantia pertinacia videri potest, et virtus fiduciæ, vitium putatur audaciæ: quæcumque similiter obijciuntur, quasi non recte agentibus, a non recte cernentibus; neque enim Abraham flagitio consensus uxoris, ejusque vendidit adulterium: sed sicut illa famulam suam non libidini mariti permisit, sed officio generandi ultro intulit, nequaquam turbato ordine naturali, ubi ejus potestas erat, jubens potius obediens, quam credens concupiscenti, sic et ipse conjugem castam et casto corde sibi coherentem, de cujus animo, ubi*



puclitiae virtus habitabat, nullo modo dubitabat, tunc uxor, dixit sororem, ne se occiso ab alienigenis atque impiis captiva possideretur: certus de Deo suo quod nihil eam turpe ac flagitiosum perpeti sineret. Nec eum fides ac spes fefellit: namque Pharaon territus monstris, multisque propter eam malis afflictus, ubi ejus uxorem divinitus didicit, illam eum honore restituit. Abimelech autem in somno communitus et edoctus similiter fecit. Jam vero in hac re gesta atque in divinis libris posita fidei etque narrata, quem non delectet etiam factum propheticum perscrutari, et sacramenti ostium pia fide studioque pulsare, ut aperiat Dominus et ostendat quis tunc in illo figurabatur viro, et cujus sit uxor quae in hac peregrinatione atque inter alienigenas pollui macularique non sinitur, ut sit viro suo sine macula aut ruga. In gloria quippe Christi recte vivit Ecclesia, ut pulchritudo ejus, honor sit viro ejus: sicut Abraham propter Saræ pulchritudinem inter alienigenas honorabatur, eique ipsi, cui dicitur in Canticis canticorum, *O pulchra inter mulieres* (Cant. i), ipsius pulchritudinis merito reges offerant munera. Sicut Saræ obtulit rex Abimelech, plus in ea mirans formæ decus, quod amare potuit, et violare non potuit: est enim et sancta Ecclesia Domino Jesu Christo in occulto uxor. Occulte quippe atque intus in abscondito secreto spiritali anima humana inhaeret verbo Dei, ut sint duo in carne una, quod magnum conjugii sacramentum in Christo et in Ecclesia commendat Apostolus (*Ephes. v*). Proinde regnum terrenum sæculi hujus, cujus figuram gerebant reges, qui Saram polluere permissi non sunt, non expertum est, nec invenit Ecclesiam conjugem Christi, id est, quam fideliter illi tamquam præcipuo viro suo cohaeret subdita, nisi cum violare tentavit, et ut divino testimonio per fidem matrimonium cessit; correctumque etiam in posterioribus regibus; muneribus hanc honoravit, quam corruptioni suæ subdere in prioribus non evaluit: nam quod tunc in eodem rege prius et posterius figuratum est, hoc in isto regno prioribus et posterioribus regibus adimpletur. Cum autem dicitur de patre esse sororem Christi Ecclesiam, non de matre, non terrenæ generationis, quæ evacuabitur, sed gratiæ coelestis, quæ in æternum manebit, cognatio commendatur, secundum quam gratiam genus mortale non erimus, accepta potestate, ut filii Dei vocemur et simus; neque enim hanc gratiam de Synagoga matre Christi secundum carnem, sed de Deo Patre accepimus. Hanc vero cognationem terrenam, quæ ad mortem temporaliter generat, vocans in aliam vitam ubi nullus moritur, negare nos Christus docuit, non fateri, cum discipulis ait, *Ne vobis dicatis patrem in terra; unus enim est Pater vester, qui in cælis est* (*Matth. xxiii*). Cujus rei præbuit exemplum, quando ipse ait, *Quæ mihi mater? aut qui fratres?* Et extendens manum super discipulos, ait, *Hi sunt fratres mei* (*Marc. iii*). Et ne quisquam in hoc vocabulo terrenam cognationem cogitaret, adjunxit, *Et quicumque fecerit voluntatem Patris mei, ipse mihi frater et mater et soror est* (*Ibid.*). Tamquam diceret: De Deo Patre hanc cognationem appello, non de Synagoga matre: ad æternam quippe vitam nunc voco, ubi immortaliter natus sum, non ad temporalem, ut vocarem, mortalitatis effectus sum. Quod ergo Ecclesia cujus uxor sit, occultatur alienigenis, cujus autem soror, non tacetur, hæc interim causa facile occurrat, quia occultum et difficile ad intelligendum est, quomodo anima humana verbo Dei copuletur, sive misceatur, sive quid melius et apertius dici potest, cum sit illud Deus, ista creatura: secundum hoc enim sponsus et sponsa, vel vir et uxor, Christus et Ecclesia dicuntur. Qua vero cognatione conjuncti sunt Christus et omnes sancti, gratia scilicet divina, non consanguinitate terrena, hoc est, de patre, non de matre, et effabilius dicitur, et cautius auditur: nam et inter se omnes sancti per eandem gratiam fratres sunt; sponsus autem in eorum societate

A nullus illorum est. Proinde Christum quam excellentissimæ justitiæ atque sapientiæ, tamen hominem, multo facilius et proclivius alienigenæ crediderunt, non quidem falso, quod homo esset, sed quomodo etiam Deus esset, ignoraverunt. Hinc et Jeremias, *Et homo est, inquit, et quis cognoscat eum? Et homo est, quia proditor, quod frater est; et quis cognoscat eum?* quia occultatur quod sponsus est.

(Cap. XXI. — Vers. 1 seqq.) Visitavit autem Dominus Saram, sicut promiserat, et implevit quæ locutus est; concepitque et peperit filium in senectute sua, tempore quo prædixerat ei Deus; vocavitque Abraham filium suum, quem genuit ei Sara, Isaac; et circumcidit eum octava die, sicut præceperat ei Deus, cum centum esset annorum. Ilac quippe ætate patris natus est Isaac. Natus est autem Abraham, secundum promissionem Dei, de Sara filius, eumque nominavit Isaac: riserat enim et pater, quando promissus est, admirans in gaudio; riserat et mater, quando per illos tres viros iterum promissus est, dubitans in gaudio, quamvis exprobrante angelo. Quod risus ille etiamsi gaudii fuit, tamen plenæ fidei non fuit, post ab eodem angelo in fide etiam confirmatus est. Ex hoc ergo puer nomen accepit. Significatum est autem magnum sacramentum in duobus filiis Abraham, quod unus de ancilla, quæ dicebatur Agar, secundum carnem natus est Ismahel; alter est autem de Sara libera, secundum promissionem natus: uterque quidem de semine Abraham, sed illum genuit demonstrans consuetudo naturæ; illum vero dedit promissio significans gratiam. Ibi humanus usus ostenditur, hic divinum beneficium commendatur. Sed ubi significandum fuerat Dei donum, quod ingratis hominibus gratis gratia largiretur, sic oportuit filium dari quemadmodum naturæ non debebatur excursus: negat enim natura jam filios tali commixtione maris et feminæ, qualis esse poterat Abraham et Sara in illa jam ætate, etiam mulieris accedente sterilitate, quæ nec tunc parere potuit, quando non ætas secunditatis, sed ætati secunditas defuit. Quod ergo naturæ sic effectus fructus posteritatis non debebatur, significat quod natura generis humani peccato vitata, ac per hoc jure damnata, nihil veræ felicitatis in posterum merebatur. Recte igitur significat Isaac per repromissionem natus filios gratiæ, cives civitatis liberæ, socios pacis æternæ. Sequitur:

(Vers. 6, 7.) Dixitque Sara, Risum mihi fecit Deus, quicumque audierit conridebit mihi. Rursumque ait, Quis audieturus crederet Abraham, quod Sara lactaret ei filium, quem peperit ei jam seni? Isaac interpretatur Risus, non ad irridendi opprobrium, sed ad celebrandum gaudium pertinebat, quod nato Isaac, et eo nomine vocato Sara monstravit; ait quippe, Risum mihi fecit Dominus; quicumque enim audierit, congaudebit mihi. Sequitur:

(Vers. 8.) Crevit itaque puer, et ablactatus est, fecitque Abraham grande convivium in die ablactationis ejus. Cur Abraham nec die quo natus est filius, nec die quo circumciscus est, sed die quo ablactatus est, epulum fecit? quod nisi ad aliquam significationem spiritalem referatur, nulla solutio quæstionis est, tunc scilicet esse debere magnum gaudium spiritualis ætatis, quando fuerit factus homo novus spiritualis, id est, non tali qualis dicit Apostolus, *Lac vobis potum dedi, non escam: nondum enim poteratis, sed nec adhuc potestis, adhuc enim estis carnales* (I Cor. iii). Sequitur:

(Vers. 9 seqq.) Cumque vidisset Sara filium Agar Ægyptiæ ludentem cum Isaac, dixit ad Abraham, Ejice ancillam hanc et filium ejus, non enim erit hæres filius ancillæ cum filio meo Isaac. Dure accepit hoc Abraham pro filio suo. Cui dixit Deus: Non tibi videatur asperum super puerum et super ancillam tuam; omnia quæ dixerit tibi Sara, audi vocem ejus, quia in Isaac vocabitur tibi semen. Dupliciter itaque hoc ab Hebræis exponitur, sive quod idola de luto fecerit, sive quod adversum Isaac, quasi majoris ætatis loco sibi et ludo primogenita vindicaret, et ideo apparet



illum ludum pugnam fuisse. Quod quidem Sara audiens, non tulit, et hoc ex ipsius approbatur sermone dicentis, *Ejice ancillam hanc cum filio suo; non enim erit hæres filius ancillæ cum filio meo Isaac*. Quare autem contristatus sit Abraham, cum ista fuerint prophetia, quam utique magis debuit nosse ipse quam Sara? Sed intelligendum est, vel ex revelatione hoc dixisse Saram, quia prius illi fuerat revelatum, illum vero quem de hoc postea Dominus instruit paterno affectu pro filio fuisse commotum, vel ambos nescisse prius quidnam illud esset, et per Saram nescientem hac prophetia doctum esse, cum illa mota esset muliebri animo propter ancillæ superbiam. Sequitur:

(Vers. 13.) *Sed et filium ancillæ faciam in gentem magnam, quia semen tuum est*. Notandum quod et Ismahel dictus sit a Deo, semen Abraham: sed aliter Ismahel, aliter Isaac, propter illud quod docet Apostolus, quod dictum est, *In Isaac vocabitur tibi semen: id est, non filii carnis, sed filii promissionis deputabuntur in semine* (Rom. ix). Sequitur:

(Vers. 14 seqq.) *Surrexit itaque Abraham mane, et tollens panem et utrem aquæ imposuit scapulæ ejus, tradiditque puerum, et dimisit eam*. Quando Isaac natus est, tredecim annorum erat Ismahel; et post ablactationem ejus, iste cum matre expellitur, quinto ablactationis anno tempus statutum. Nos igitur post decem et octo annos, Ismahel supputamus ejectum esse cum matre, et non convenire jam adolescentem juvenem matris sedisse cervicibus. Et hoc facto dedit puerum matri, hoc est, in manu ejus eum tradidit vel commendavit, et sic dimisit e domo. *Que cum obiisset, errabat in solitudine Bersabee*. Cumque consumpta esset aqua in utre, abjecit puerum subter unam arborum quæ ibi erant, et abiit, seditque e regione procul, quantum potest arcus jacere: dixit enim: *Non videbo morientem puerum*. *Et sedens contra levavit vocem, et flevit*. Exaudivit autem Deus vocem pueri. Solet quæri quo modo cum puer esset annorum octodecim, projecit eum mater sub arbore, et ierit longe quantum potest arcus jacere, ne videret eum morientem? Quasi enim quem portabat, projecit, ita videtur sonare quod dicitur; maxime quia sequitur: *Flevit puer*. Sed intelligendum est, projectum esse non a portante, sed ut sit, ab animo tamquam moriturum; neque enim quod scriptum est: *Projectus sum a facie oculorum tuorum*; portabatur, qui hoc dixit, et est in quotidiano loquendi usu, cum projici dicitur aliquis ab aliquo cum quo erat, ne ab illo videatur aut cum illo maneat. Intelligendum est autem, quod Scriptura tacuit, ita discessisse matrem a filio, ut puer ignoraret quo mater abierit, et eam in silvestribus stirpibus latuisse, ne filium morientem siti deficientemque videret. Ille autem etiam illa ætate, quid mirum si matre diutius non visa, et tamquam perdita, eo loco ubi solus remansit, flevit? Quod ergo postea dicitur, *Accipe puerum*, non ut eum de terra velut jacentem tolleret, dictum est; sed ut ei conjungeretur, et eum manu teneret deinceps comitem sicut erat, quod plerumque faciunt simul ambulantes cujuslibet ætatis. Nunc igitur querendum est cur antea voluit Sara maritum de ancilla suscipere filium, aut cur nunc cum matre jubet expelli domo, quod non zelo fecit accensa, sed mysterio prophetiæ compulsa. Agar quippe, secundum quod ait Apostolus, in servitutem genuit populum carnalem; Sara vero libera populum genuit qui non est secundum carnem, sed in libertate vocatus est: qua libertate liberavit eum Christus. Hoc igitur mysterio figurabatur, priorem populum, in servitute peccatorum generatum, in domo Israel, id est, in Ecclesia, non manere in æternum; neque esse hæredem vel consortem cultoribus Christi; nec cum filio nobili, id est, fidei populo, regnum cœlestis gloriæ possessorum. Cum ejiceret igitur Abraham Agar de domo, accepit panes, et utrem aquæ dedit Agar, et imposuit super humeros ejus infantem, et dimisit eam. Exiens autem Agar errabat in solitudine, et cum morientem siti filium

A projecisset sub arbore, apparuit ei angelus Domini, et demonstravit ei fontem aquæ, et potavit filium suum. Quid ergo significat quod exiens Agar infantem in humeros suos posuit, nisi quod peccator populus et insipiens cervicem matris suæ Synagogæ gravavit, cum dixit: *Sanguis ejus super nos, et super filios nostros* (Matth. xxvii)? Panes autem hoc indicabant, quod vetus sacerdotium panes propositionis, sicut scriptum est, portaret secum, et veterasceret. Uter vero aquæ qui defecit, Judaica purificatio significabatur defectura: sive doctrina eorum carnalis in pelle mortua clausa, id est, in carne veteris hominis prævaricationis sententia damnata, quæ nec refrigerium præstat, nec satiat sitim, sed æstu tepido vomitum facit. Quod vero errat Agar in solitudine cum filio suo, significat Synagogam cum populo suo expulsam de terra sua sine sacerdotio et sacrificio in toto orbe terræ, et vitam, quæ est Christus, penitus ignorare. Quod filius illius siti deperit, ostendit eundem populum nullam habentem spiritalem purificationem. Quod autem filium siti morientem sub arbore projecit, et sic demonstrante angelo aspexit fontem, significat quosdam ex ipso populo ad umbram ligni crucis refugium perituros. Quod exclamat puer plorans, et exaudivit eum Deus, et sic demonstrante angelo aspexit fontem, hoc pro illis dicitur qui ex Judæis ad Christum convertuntur, ac flentes retroactos errores exaudiuntur, reseratisque oculis cordis vident fontem aquæ vivæ, id est, Christum Filium Dei, qui dicit: *Ego sum fons aquæ vivæ; qui sitit veniat et bibat*. Unde Ismahel exauditi interpretatur. Angelus autem iste similitudo est Eliæ, per quem populus iste est crediturus, sicut per Malachiam dicitur: *Ecce ego mittam vobis Eliam, qui convertat corda patrum in filios* (Malach. iv). Verum quod statim vocavit angelus Domini Agar, dicens: *Surge, tolle puerum, quia in gentem magnam faciam eum*, hoc significabat, sive quod copiosius Judæorum populus esset regnatus in sæculum; sive quia cœlestis regni gloriam consecuturi essent qui ex eis credidissent in Christo. Quod autem eundem angelum qui loquitur ad Agar, prius angelum Scriptura pronuntiat, deinde Deum Filium Dei, eum fuisse credendum est qui per legem et prophetas semper locutus est, qui propter obedientiam paternæ voluntatis angelus vocatur, Deus autem secundum naturam Patris, quia vere et ipse Deus sicut et Pater est. Sequitur

(Vers. 22 seqq.) *Eodem tempore dixit Abimelech et Fichol princeps exercitus ejus ad Abraham: Deus tecum est in universis quæ agis. Jura ergo per Dominum ne noccas mihi, et posteris meis, stirpique meæ, sed juxta misericordiam, quam feci tibi, facias mihi et terræ in qua versatus es advena*. Dixitque Abraham: *Ego jurabo*. Et increpavit Abimelech propter puteum aquæ, quem vi abstulerant servi illius. Responditque Abimelech: *Nescivi quis fecerit rem hanc, sed et tu non indicasti mihi, et ego non audiui præter hodie*. Tulit itaque Abraham oves et boves, et dedit Abimelech, percusseruntque ambo sædus. Et statuit Abraham septem agnas gregis seorsum. Cui dixit Abimelech: *Quid sibi volunt septem agnæ istæ, quas stare fecisti seorsum?* At ille, *Septem, inquit, agnas has accipies de manu mea, ut sint in testimonium mihi, quoniam ego fodi puteum istum*. Idcirco vocatus est locus ille Bersabee, quia ibi uterque juravit. Et inierunt sædus pro putei juramenti. Ubi hic legitur *Puteus juramenti*, in Hebræo habetur *Bersabee*. Duplex autem causa est cur ita appellatus sit: sive quia septem agnas Abimelech de manu Abraham suscepit, Septem enim dicuntur Sabee; sive quod ibi juraverint, quia juramentum Sabee similiter appellatur. Quod si ante hanc causam supra hoc nomen legimus, sciamus per prolepsim dictum esse, sicut et Bethel, et Galgala, quæ utique usque ad tempus, quo ita appellatæ sunt, aliter vocabantur. Quo modo ergo puteum, quem foderat Abraham, nesciebat Agar, si ante est ille fossus,



quam illa expulsa : valde enim fieri potuit ut pecorum suorum causa longe a domo in qua cum suis habitabat, puteum foderet quem illa nesciret. Sequitur :

(Vers. 33, 34.) *Abraham vero plantavit nemus in Bersabee, et invocavit ibi nomen Domini Dei æterni, et fuit colonus terræ Philistinorum diebus multis.* Quæri potest, quo modo ad puteum juramenti nemus plantaverit Abraham, sive ut alia translatio dicit, Agrum, si in terra illa, quemadmodum Stephanus dicit, non acceperat in hæreditatem nec passum pedis : sed ea intelligenda est hæreditas, quam Deus munere suo fuerat daturus, non emptæ pretio. Intelligitur autem spatium circa puteum ad illud emptionis spatium pertinere, in quo fuerant agnæ dæ, quando Abimelech et Abraham sibi etiam juraverunt. Sequitur :

(Cap. XXII. — Vers. 1.) *Tentavit Deus Abraham, et dixit ad eum : Abraham, Abraham. At ille respondit : Adsum.* Quæri solet quo modo hoc verum sit, cum dicat in Epistola sua Jacobus, quod Deus neminem tentet : nisi quia locutionis Scripturarum solet dici tentat, pro eo, quod est, probat. Tentatio vero illa de qua Jacobus dicit, non intelligitur, nisi qua quisque peccato implicatur : unde Apostolus dicit : *Ne forte tentet vos is, qui tentat* (1 Thess. iii) : nam et alibi scriptum est, *Tentat vos Dominus Deus vester, ut sciat si diligatis eum* (Deut. xiii). Etiam hoc genere locutionis, ut sciat, dictum est, ac si diceretur, ut scire vos faciat : quoniam vires dilectionis suæ hominem latent, nisi experimento eidem innotescant. Sequitur :

(Vers. 2.) *Tolle filium tuum quem diligis Isaac, et vade in terram Visionis, atque offer eum ibi in holocaustum super unum montium quem monstravero tibi.* Notandum autem et ex prioribus, et ex præsentī loco, quod Isaac non sit natus ad quercum Mambre, sed in Geraris, ubi et Bersabee usque hodie oppidum est. Hujus rei Scriptura testis est quæ ait : *Et fuit Abraham colonus terræ Philistinorum diebus multis : et dixit illi Deus : Tolle filium tuum unigenitum, quem diligis Isaac.* Aiunt Hebræi hunc montem esse Moria, in quo postea templum conditum est in area Orne Jebusæi, sicut in Paralipomenon scriptum est : *Et cæperunt ædificare templum in mense secundo, in secunda die mensis in monte Moria* (II Par. iii), qui idcirco illuminans interpretatur et lucens, quia ibi est Dabir, hoc est oraculum Dei, et lex et spiritus qui docet hominem veritatem, et inspirat prophetas. Quod vero ait, *Offer eum in holocaustum*, ut ex charitatis admonitione, et nominis recordatione tentationis pondus accumuletur, et paternus affectus torqueretur ex memoria promissionis, dum ante Deus dixit ad eum : *In Isaac vocabitur tibi semen*, quasi si ille occideretur, tota spes promissionum frustraretur. Numquam sane crederet Abraham, quod victimis Deus delectaretur humanis, quamvis intonante divino præcepto obediendum sit non disputandum. Verumtamen Abraham confestim filium cum fuisset immolaturus, resurrecturum credidisse laudandus est : quia per hunc oportebat impleri promissiones Dei, quem jubebat occidi. Sequitur :

(Vers. 3 seqq.) *Igitur Abraham de nocte consurgens, stravit asinum suum, ducens secum duos juvenes, et Isaac filium suum : cumque concidisset ligna in holocaustum, abiit ad locum quem præceperat ei Deus. Die autem tertio elevatis oculis vidit locum procul, dixitque ad pueros suos : Expectate hic cum asino, ego et puer illuc usque properantes, postquam adoraverimus, revertemur ad vos.* Notandum quod de Geraris usque ad montem Moria, id est, sedem templi, iter dierum trium sit, ut consequenter illud die tertio pervenisse dicatur. Male igitur, qui Abraham putant illo tempore ad quercum Mambre habitasse, cum inde usque ad montem Moria vix unius diei iter plenum sit. Qui ideo tridui itineris mora eum immolaturus secum ducere iussus est, quatenus longitudine temporis tentationis quoque augeretur incrementum : nam per triduum iter protenditur, et per totum triduum crescentibus curis paterna viscera

cruciantur, ut cum hoc spatio tam prolixo intueretur pater filium cibum cum eo sumeret, tot noctibus puer penderet in amplexibus patris, inhaereret pectori, cubitaret in gremio, quatenus per singula momenta in paterno affectu dolor occidendi filii accumuletur. Sequitur :

(Vers. 6 seqq.) *Tulit quoque ligna holocausti, et imposuit super Isaac filium suum : ipse vero portabat ignem et gladium in manibus suis. Cumque pergerent duo simul, dixit Isaac patri suo : Pater mi. At ille respondit : Quid vis, fili? Ecce, inquit, ignis et ligna, ubi est victima holocausti? Dixit Abraham : Deus providet tibi victimam holocausti, fili mi. Pergebant ergo pariter, veneruntque ad locum quem ostenderat ei Deus, in quo ædificavit altare, et desuper ligna composuit. Si Abraham indubitanter firmo animo cognabat maculare Domino puerum in holocaustum, quid est quod dixit pueris suis : Vos exspectate hic, ego et puer postquam adoraverimus revertemur ad vos? Vere indubitantī animo eum credebatur resurrecturum, et ideo laudandus est, et in constantia offerendi, et in fide resuscitandi. Sciebat certissime Deum falli non posse, licet puer occideretur, promissionem tamen Dei salvam permanere. Unde et Paulus apostolus per spiritum Dei didicerat, quid animi haberet Abraham intra se, dum fidem ejus laudando dicit. *Fide Abraham non hæsitavit* (Rom. iv), cum unicum offerret in quo acceperat promissiones, cogitans quia a mortuis eum resuscitare potens est Deus. Sequitur :*

(Vers. 9.) *Cumque colligasset Isaac filium suum, posuit eum in altari super struem lignorum, extenditque manum, et arripuit gladium, ut immolaret filium. Non hæsitavit quod sibi reddi poterat immolatus, qui dari poterat non speratus. Sequitur :*

(Vers. 11, 12.) *Et ecce angelus Domini de cælo clamavit, dicens : Abraham, Abraham. Qui respondit : Adsum. Et ait ei : Ne extends manum tuam super puerum, neque facias illi quidquam ; nunc cognovi quod timeas Deum. Hoc est enim, nunc cognovi quod timeas Dominum, ac si dicat, Nunc te feci cognoscere. Sequitur :*

(Vers. 13, 14.) *Levavit Abraham oculos, viditque post tergum arietem inter vepres hærentem cornibus, quem assumens obtulit holocaustum pro filio suo, appellavitque nomen loci illius, Dominus videt. Unde usque hodie dicitur in monte, Dominus videbit. Hoc autem genus locutionis evidenter apparet ubi dicitur, Et vocavit Abraham nomen loci illius, Dominus videt. Vidit pro eo quod est apparuit, hoc est, videri se fecit, significans per efficientem id quod efficitur. Sequitur :*

(Vers. 15 seqq.) *Vocavit autem angelus Domini Abraham secundo de cælo, dicens : Per memetipsum juravi, dicit Dominus, quia fecisti rem hæc, et non pepercisti filio tuo unigenito propter me : benedicam tibi, et multiplicabo semen tuum sicut stellas cæli, et velut arenam quæ est in littore maris : possidebit semen tuum portas inimicorum suorum, et benedicentur in semine tuo omnes gentes terræ. Numquid Abraham propter angelum non pepercit filio suo, et non potius propter Deum? Ergo angeli nomine Dominus Jesus Christus significatus est, qui sine dubio Deus est, et manifeste a propheta dictus est magni consilii Angelus ; aut quod Deus erat in angelo, et ex persona Dei angelus loquebatur, sicut in prophetis etiam solet : nam in consequentibus hoc magis videtur apparere, ubi legitur, Et vocavit angelus Domini Abraham iterum de cælo, dicens : Per memetipsum juravi, dicit Dominus. Sæpe enim promiserat, sed nunquam juraverat. Quid est autem Dei veri veracisque juratio, nisi promissi confirmatio, et infidelium quædam increpatio? Nunc videamus quid sub hujus sacramenti lateat mysterio : iste enim Abraham quando filium suum unicum perduxit ad immolandum, habebat personam Dei Patris. Sed quid est quod eum senex suscipit? Non enim senescit Deus, sed ipsa prænuntiatio de Christo jam quodammodo senuerat quando natus est Christus : inchoata*



est enim ab Adam, ubi dictum est: *Erunt duo in carne una* (Gen. ii); *sacramentum illud magnum in Christo et Ecclesia* (Eph. v); et completa est sexta ætate sæculi, quæ senecta significatur Abraham, quia ipsum sacramentum Dei jam longævum erat; et senectus Saræ in plebe Dei, hoc est, in multitudine prophetarum hoc idem significat, quia in fine temporum ex ipsa plebe sanctarum animarum natus est Christus. Sterilitas autem ejus intimat quod in hoc sæculo spe salvi facti sumus, et in Christo tamquam in Isaac omnes nati sumus, quem partum Ecclesie in fine temporum mirabili Dei gratia, non naturali fecunditate prophetavit. Jam deinde sequentis historię sacramentum quid imaginarie portendebat, inspiciendum est. Quis ergo in Abraham, ut prædictum est, per illam immolationem figurabatur, nisi Pater excelsus? Quis in Isaac, nisi Christus? Nam sicuti Abraham unicum et dilectum filium Deo victimam obtulit, ita Deus Pater unicum Filium suum pro nobis omnibus tradidit; et sicut Isaac ipse sibi ligna portabat, quibus erat imponendus, ita et Christus gestabat in humeris lignum crucis, in quo erat crucifigendus. Duo autem servi illi dimissi, et non perducti ad locum sacrificii, Judæos figurabant, qui cum serviliter viverent, et carnaliter saperent, non intelligebant humilitatem Christi, non intelligebant passionem Christi, ideo non pervenerunt ad locum sacrificii. Cur autem duo servi, nisi quia ipse in duas partes dividendus erat? quod factum est Salomone peccante, quando divisus est idem populus loco regni, non errore impietatis, quibus etiam sæpe per prophetam dicitur: *Adversatrix Israel et prævaricatrix Juda* (Jerem. iii). Asinus autem ille insensata est stultitia Judæorum: ista insensata stultitia portabat omnia sacramenta, et quod ferebat nesciebat. Jam quod dictum est eis, *Expectate hic cum asino, postquam adoraverimus revertemur ad vos*; Apostolum audi dicentem: *Cæcitas, inquit, ex parte facta est in Israel* (Rom. xi). Quid cæcitas est? *Expectate hic cum asino, ut plenitudo gentium intraret*, inquit, hoc est, postquam adoraverimus, ubi sacrificium crucis Domine: imple um per gentes fuerit prædicatum, hoc est, ut plenitudo gentium intraret. Quid est, *revertemur ad vos*? Et sic omnis Israel salvus fiet. Triduum autem illud, quo venerunt ad locum immolationis, tres mundi ætates significat; una ante legem, alia sub lege, tertia sub gratia. Ante legem ab Abraham usque ad Moysen; sub lege, a Mose usque ad Joannem: inde jam a Domino et quidquid restat, tertius dies est gratiæ, in qua tertia ætate, quasi post triduum sacramentum sacrificii Christi completum est. Deinde Isaac ligatis pedibus altari superponitur, et Dominus in ligno suspensus cruci affligitur. Sed illud quod figuratum est in Isaac, translatum est ad arietem. Cur hoc, nisi quia Christus ovis? ipse enim filius, ipse agnus: filius, quia natus; aries, quia immolatus. Sed quid est quod in vepribus hærebat aries ille? Crux cornua habet, sic enim duo ligna compinguntur in se, cum speciem crucis reddunt. Unde scriptum est de eo: *Cornua in manibus ejus sunt* (Habac. iii). Cornibus ergo hærens aries, Christum significat crucifixum. Vepres autem spinæ sunt. Spinæ iniquos et peccatores significant, qui suspenderunt Dominum in cruce. Inter spinas itaque peccatorum Judæorum suspensus est Dominus, sicut per Jeremiam idem dicit: *Spinis peccatorum suorum circumdedit me populus hic*. Alii hunc arietem cornibus in vepribus obligatum, eundem senserunt Christum, antequam immolaretur, spinis a Judæis coronatum. Peracto igitur sacrificio, dicitur ab Abraham: *In semine tuo benedicentur omnes gentes*: quando enim hoc factum est, nisi quando dicit ille aries: *Foderunt manus meas et pedes meos, dinumeraverunt omnia ossa mea* (Ps. xxi)? hoc enim quando factum est in psalmis sacrificium, tunc in ipso psalmo dictum est: *Commemorabuntur et convertentur ad Dominum universi fines terræ, et adorabunt in conspectu ejus omnes*

**A** patriæ gentium, quando Domini est regnum, etc. Immolato igitur Abraham ariete pro Isaac filio suo, vocavit nomen loci illius, *Dominus videt*, pro eo quod est Dominus videri se fecit, utique per incarnationem. Sequitur:

(Vers. 20 seqq.) *His ita gestis, nuntiatum est Abraham quod Melcha quoque genuisset filios Nachor fratri suo, Hus primogenitum, et Buz fratrem ejus, Camuel quoque patrem Syrorum, et Chesdet, et Azau, Faldas quoque et Gethlasach, et Batuel, de quo nata est Rebecca. Istos octo genuit Melcha Nachor fratri Abraham. De Melcha uxore Nachor, filia Aran, natus est Hus, de cujus stirpe Job descendit, sicut scriptum est in exordio voluminis hujus: Vir fuit in terra Hus nomine Job* (Job. i). Male igitur quidam æstimant Job de genere esse Esau: siquidem illud quod in fine libri ipsius habetur, eo quod de Syro sermone translatus est, et quartus sit ab Esau, et reliqua quæ ibi continentur, in Hebræis voluminibus non habentur. Secundus natus est de Melcha Buz, ex cujus genere fuit Balaam ille divinus, ut Hebræi tradunt, qui in libro Job dicitur Eliu, primum vir sanctus, et propheta Dei, postea per inobedientiam et desiderium munerum, dum Israel maledicere cupit, divino vocabulo privatur. Dicitur in eodem libro: *Et iratus Eliu filius Barachiel Buzith* (Id., xxxi): de hujus videlicet Buz radice descendit. Camuel vero pater est Damasci: ipsa enim Aaron vocatur, quæ hic pro Syria scripta est, et ipso nomine legitur in Isaia. Non utique illi qui nuntiaverunt, nuntiare patrem Syrorum potuerunt: ex origine quippe illius Syri, Syrorum genus, longe postea propagatum est; sed dictum est a persona scribentis, qui post omnia illa tempora hæc scribendo narravit. Caseth quoque quartus, a quo Casdaim, id est, Chaldæi postea vocati sunt. Sequitur:

(Cap. XXIII.—Vers. 1, 2.) *Vixit autem Sara centum viginti septem annis, et mortua est in civitate Arbe, quæ est Ebron in terra Chanaan. Arbe in lingua* **C** *Hebræa quatuor significat, quia ibi Abraham, Isaac et Jacob conditi sunt, et ipse princeps humani generis Adam, ut in Jesu Nave libro apertius demonstratum est. Sequitur:*

(Vers. 3 seqq.) *Venitque Abraham, ut plangeret et fletet eam. Cumque surrexisset ab officio funeris, locutus est ad filios Heth dicens: Advena sum et peregrinus apud vos, date mihi jus sepulcri vobiscum, ut sepeliā mortuum meum. Responderuntque filii Heth: Audi nos, domine, princeps Dei es apud nos; in electis sepulcris nostris sepeli mortuum tuum, nullusque te prohibere poterit, quin in monumento ejus sepelias mortuum tuum. Surrexitque Abraham, et adoravit populum terræ filios videlicet Heth* (Gen. xxiii). Quæritur quo modo scriptum sit, *Dominum Deum tuum adorabis, et illi soli servies*, cum Abraham quemdam populum gentium sic honoraverit, ut etiam adoraret. Sed animadvertendum est in eodem præcepto non dictum, *Dominum Deum tuum solum adorabis*, sicut dictum est, *Illi soli servies*. Nec moveat quod in alio loco in quadam scriptura prohibet angelus homines adorare se et admonet ut Dominus potius adoretur: talis enim apparuerat angelus, ut pro Deo posset adorari, et ideo fuerat corrigendus adorator. Tunc emit agrum Abraham in quo sepelivit uxorem suam Saram. Tunc ergo secundum narrationem Stephani in terra illa est collocatus, quando coepit ibi esse possessor, post mortem scilicet patris sui Thare, qui colligitur benio ante Saram fuisse defunctus. Sed quid sibi vult, quod Sara in sepulcro duplici sepelitur, nisi quia anima quæ sæculo moritur ut Deo vivat, gemina vitæ requie suscipitur, id est, actione boni operis, et contemplatione divinitatis?

(Cap. XXIV.—Vers. 1 seqq.) *Erat autem Abraham senex dierumque multorum, et Dominus in cunctis benedixerat ei. Dixitque ad servum suum seniore domus suæ, qui præerat omnibus quæ habebat: Pone manum tuam sub femur meum, ut adjurem te per Dominum*



Deum cœli et terræ, ut non accipias uxorem filio meo de filiabus Chananæorum inter quos habito, sed ad terram et cognationem meam proficiscaris. Tradunt Hebræi quod in sanctificatione Abraham, hoc est, in ejus circumcisione juraverit servus ejus: nos autem dicimus jurasse eum in semine Abraham, hoc est in Christo, qui ex illo nasciturus erat, juxta Evangelistam Matthæum loquentem, *Liber generationis Jesu Christi filii David, filii Abraham (Matth. 1)*. Sequitur:

(Vers. 12 seqq.) *Domine Deus domini mei Abraham, occurre mihi, obsecro, hodie, et fac misericordiam cum domino meo Abraham. Ecce ego sto super fontem aquæ, et filię habitatorum hujus civitatis egredientur ad hauriendam aquam. Igitur puella cui dixero, Inclina hydriam tuam ut bibam, et illa responderit, Bibe, quin et camelis tuis dabo potum, ipsa est quam præparasti servo tuo Isaac.* Aliud est enim mirum aliquid petere, quod ipso miraculo signum sit, non augurium: aliud, ea observare, quæ ita fiunt ut mira non sint, sed a conjectoribus supersticiosa vanitate interpretantur. Sed hoc ipsum etiam, quod mirum aliquid postulatur, quo significetur quod quisque vult nosse, utrum audiendum sit, non parva quæstio est: eo enim pertinet quod dicuntur qui hoc non recte faciunt, tentare Dominum: nam ipse Dominus cum a diabolo tentaretur, testimonium de Scripturis adhibuit, *Non tentabis Dominum Deum tuum (Matth. iv)*; suggerebatur enim tamquam homini, ut signo aliquo exploraret ipse quantus esset, id est, quam multum apud Deum posset, quod vitiose fit, cum sit. Ab hoc autem discernitur quod Gedeon fecit, pugnae imminente periculo. Consolatio quippe illa magis quam tentatio fuit. Sequitur:

(Vers. 40, 41.) *Dominus, ait, in cujus conspectu ambulo, mittet angelum suum tecum, et diriget viam tuam, accipiesque uxorem filio meo de cognatione mea, ei de domo patris mei. Innocens eris a maledictione mea, cum veneris ad propinquos meos, et non dederint tibi.* Quo modo illa conjurato maledictum possit intelligi, nisi maledictus esset, si contra ejus conjurationem fecisset. Sequitur:

(Vers. 50.) *Responderunt Laban et Bathuel: a Domino egressus est sermo, non possumus extra placitum ejus aliud quidquam loqui tecum. En Rebecca coram te est; tolle eam et proficiscere, et sit uxor filii domini tui, sicut locutus est Dominus.* Queritur quando locutus est Dominus nisi quia vel prophetam esse Abraham noverant, et prophetice a Domino dictum quod per illum dictum fuerat agnoscebant; aut signum illud quod sibi datum servus ejus narravit, locutionem Domini appellaverunt. Sequitur:

(Vers. 59.) *Dimiserunt ergo eam et nutricem illius, servumque Abraham et comites ejus.* Decens quippe erat ut ad nuptias absque parentibus virgo proficiscens, nutricis auxilio fruereetur. Sequitur:

(Vers. 60.) *Soror nostra es, crescas in mille millia, et possideat semen tuum potas inimicorum suorum.* Non prophetæ fuerunt, aut vanitate tam magna optaverunt, sed eos quæ promiserat Deus Abraham latere non potuit. Quid est quod Abraham puerum jubet sub femore suo manum ponere, et per cœli Dominum jurare, nisi quod illius caro per illud membrum descensura erat, qui et Abraham filius ex humanitate, et Dominus ex divinitate. Sic utique puero dicitur: *Pone manum tuam sub femore meo, et jura per Deum cœli.* Ac si aperte diceretur: Tange filium meum, et jura per Dominum meum. Unde nec super femur, sed sub femore manum ponere jubetur, quia ex illo femore descensurus erat, qui homo, quidem, sed super omnes homines veniret: unde dignum non fuit ut manum super femur poneret, quia nulla caro super illam carnem est, quam in redemptionem nostram sibi Patris unigenitus univit. Quid est quod Isaac dilecto filio uxor de filiabus Chananæorum duci prohibetur, nisi quod ille de quo scriptum est, *Hic est Filius meus dilectus, in quo mihi complacui (Matth. iii),*

nullæ reprobæ animæ conjunguntur. De cognatione autem uxorem filio deducere servus præcipitur, quia sola sancta electorum Ecclesia unigenito Filio copulanda erat, quam ipse unigenitus ex prædestinatione jam et præscientia extraneam non habebat. Quis vero est puer, qui ad deducendam uxorem mittitur, nisi prophetarum ordo atque apostolorum, omniumque doctorum, qui dum verbum prædicationis bonis mentibus faciunt, ad unamquamque animam unigenito Filio conjungendam quasi provisores fiunt. Qui pergens de bonis omnibus Domini sui detulit, quia in his quæ de Domino loquuntur, in semetipsis virtutum divitias ostendunt: ut tanto citius ad sequendum Deum pertrahant, quanto auditoribus suis in semetipsis monstrant quæ narrant. Atque isdem puer juxta fontem stetit, atque ex præfixa sententia, quæ puella eligenda esset, proposuit, quia prædicatores sancti sacri eloquii fluentia considerant, atque ex ipsis colligunt quæ vel quibus prædicationis suæ verba committant, et ex quibus auditoribus fiduciam certitudinis assumant. Potum vero petiit, quia prædicator omnis animam sui auditoris sitit. Sed Rebecca potum præbuit, quia sancta electorum Ecclesia prædicatorum suorum desiderio ex virtutis suæ fide satisfecit: quia enim Deum quem audivit confessa est, prædicatori suo aquam refectionis obtulit ejusque animum refrigeravit. Et notandum quod hydriam ab humeris in ulnas posuit, quia illa est placita confessio, quæ a bono opere procedit; vel certe aquam præbuit, quia in hoc quod credidit, vacua non remansit: nam mox prædicare studuit quod audivit, et docendo multos ex se prædicatores protulit. Aqua quippe in hydria est scientia prædicationis in mensura, quia sancta Ecclesia studet non plus sapere quam oportet sapere, sed sapere ad sobrietatem (Rom. xii); et hydriæ aqua in ulna, est doctrina prædicationis in opere: quæ non solum ejus comitibus, sed potum etiam camelis præbuit, quia verbum vitæ non solum prudentibus, sed etiam stultis prædicat, juxta Pauli vocem dicentis: *Sapientibus et insipientibus debitor sum (Rom. i)*. Vel certe aqua etiam jumentis datur, quando quo modo cura carnis sit habenda disponitur, ut ex voluptate impendi non debeat, et tamen in necessitatibus non negetur, sicut scriptum est, *Carnis curam ne feceritis in desideriis (Rom. xiii)*; qui enim hanc in desideriis fieri prohibet, proculdubio in necessitate concedit, juxta hoc quod rursus dicitur: *Nemo carnem suam odio habet, sed nutrit et fovet eam (Eph. v)*. Puer autem Rebecca in aures et armillas dedit, quia prædicator quisque et auditum sanctæ Ecclesiæ per obedientiam, et manus per bona operationis meritum exornat. Sed in aures duorum sictorum sunt, armillæ autem sictorum decem, quia prima virtus obedientiæ in charitate est: quæ videlicet charitas in duobus præceptis distinguitur, ut Deus et proximus diligantur. Et recta operatio ex decalogi completionem perficitur, ut cum bona agi cœperint, mala jam nulla perpetrentur. Rebecca autem esse in domo patris sui locum spatiosum ad manendum perhibuit, quia a priori jam populo naturæ legem sancta Ecclesia se scisse monstravit, et prædicationis verba in amplo charitatis gremio suscepit: doctori enim spatiosus ad manendum locus est, in auditorum corde latitudo veritatis. Unde et quibusdam dicitur: *Capite nos, neminem læsimus, neminem corrupimus (II Cor. vii)*; non angustiamini in nobis, angustiamini autem in visceribus vestris (II Cor. vi). Ac si aperte eis diceretur, Ad suscipiendam doctrinam spatiosum locum mentis facite, sed ad cogitanda carnalia angusti remanete. Quod palearum ac feni plurimum habere indicavit, significat quia sancta Ecclesia verba vitæ audiens, terrena stipendia prædicatoribus reddidit, quæ Paulus quasi pro nihilo accipere se dixit: *Si nos, inquit, spiritualia vobis seminavimus, magnum est si a vobis carnalia metamus (I Cor. ix)*. Frater autem Rebecca erat Laban, qui concitus egressus, in aures et armillas sororis aspi-



ciens, intus puerum vocavit : quia sunt carnales quique fidelibus conjuncti, qui dum spiritualium dona conspiciunt in admiratione positi, etsi non usque ad opera, tamen in animam usque ad suscipiendam fidem verbum prædicationis admittunt : quia enim bonos sæpe miraculis fulgere considerant, ea quæ de æternitate audiunt non recusant, quamvis sanctam electorum Ecclesiam moribus non sequentes in carnali operatione remaneant. Qui Laban paleas, fenum, aquam, panem obtulit, sed puer nisi causam prius conjugii obtineret, accepturum se esse recusavit, quia sunt plerique qui doctores suos ex temporalibus stipendiis continere parati sunt, sed prædicatores sancti recipere nolunt temporalia, nisi prius obtineant æterna ; si enim in animalibus fructum non inveniunt, sumere stipendia corporibus contemnunt ; nec pedes aqua lavant, quia laborem sui desiderii nulla consolatione relevant. Mox ut causam conjugii domini sui puer obtinuit, vasa aurea atque argentea ac vestes protulit, quas Rebecca dedit, quia doctores sanctæ Ecclesiæ tot ornamenta præbent quotvirtutum dona docuerint : quæ enim prius in aures atque armillas acceperat, jam nunc vasa aurea et argentea ac vestes accepit : quia sancta Ecclesia, quæ ante per fidem operationem et obedientiam percepit, excrecens postmodum etiam ad spiritualia dona convalescit, ut prophetiæ spiritu repleta et virtutum gratia, ampliatis jam muneribus crescat. Puer vero matri ejus ac fratribus dona obtulit, quia gentilitas, ex quo Ecclesia ad fidem venit, post conversionem ejus in gloria temporali convaleuit, sicut et nunc cernimus, quia ubique Christiani afflictionem sentiunt, et gentiles quique in terrena virtute gloriantur. Sed et fratres ejus dona percipiunt, quia ii qui eam fidem verbo tenus tenent, sed tamen professionem suam moribus non sequentes carnaliter vivunt, benigne a fidelibus honorari solent pro eo quod esse fideles videntur. Mater ergo et fratres dona percipiunt, a sorte tamen hæreditatis alieni, quia sive infideles, sive carnales, qui intra fidei professionem tenentur, ad hæreditatis æternæ sortem non veniunt, sed tamen supernæ largitatis gloriam temporaliter consequuntur. Rebecca autem cum puellis suis significat quia sancta Ecclesia habet secum minoris meriti animas sodales suas : nam etsi in quibusdam per sensum mentis in toto contemplationem non habet, tales animæ quasi puellæ Rebecca sunt, quam sequuntur moribus ; sed tamen ad contemplationem istarum animæ ascendunt, et ex eisdem puer quasdam habuit in comitatu, quia cum sanctis prophetis fuerunt quidam qui bene viverent, et prophetiæ spiritum non haberent ; et cum beatis apostolis atque doctoribus fuere plerique qui vitam moribus tenerent, sed prædicatoris verba non promerent. Festinus autem puer ad domum redit, quia prædicatores sancti cum prædicando vitam audientium obtinent, illi mox gratias reddunt, de cujus hoc munere perceperunt : sibi in ea operatione nihil tribuunt, sed auctori.

(Vers. 62.) *Eo autem tempore Isaac deambulabat per viam quæ ducit ad puteum, cujus nomen est Viventis et Videntis.* Quis est vivens et videns, nisi omnipotens Deus, de quo scriptum est : *Vivo ego in æternum, dicit Dominus.* De quo rursum dicitur : *Omnia nuda et aperta sunt oculis ejus.* Puteus vero Viventis et Videntis est hæc sacræ Scripturæ profunditas, quam nobis ad irrigationem mentis præbuit omnipotens Deus. Quæ est via quæ ducit ad puteum Viventis et Videntis, nisi humilitas passionis Unigeniti, per quam nobis apertum est hoc quod prius latenter Scripturæ sacræ fluente loquebantur : nisi enim unigenitus Dei Filius incarnatus, tentatus, apprehensus, colaphis cæsus, sputis illusus, crucifixus ac mortuus fuisset, nobis hujus putei, id est, Scripturæ sacræ profunditas non pateret. Quid ergo fidelibus humilitas passionis ejus facta est, nisi clavis apertionis, per quam mysteriorum Dei puteum invenimus, ut aquam scientiæ de profundo biberemus ? Incarnationem

A quippe, passionem, mortem, resurrectionem atque ascensionem illius, sacri eloquii paginæ testantur. Quæ quia facta cognovimus, jam nunc intelligimus audita. Hæc autem legi poterant, sed quia necdum evenerant, intelligi non valebant. Unde et per Joannem dicitur : *Vicit leo de tribu Juda, radix David, aperire librum, et solvere signacula ejus (Apoc. v).* Ipse enim librum aperuit, et signacula ejus solvit, qui nascendo, moriendo, resurgendo, atque ad cælos ascendendo, Scripturæ sacræ nobis arcana patefecit. Et notandum quod non dicitur, *Ambulabat per viam quæ ducit ad puteum, sed, deambulabat* : deambulabat quippe qui viam per quam ambulat eundo et redeundo conculcat. In humilitate passionis Dominus deambulavit, quando a Judæis verborum contumelias, modo contra se falsum testimonium, modo alapas, modo sputa, modo spineam coronam, modo crucem tolerando sustinuit. Deambulasse igitur in humilitate passionis est tot adversitates et probra diversis modis iterando pertulisse. Qui Isaac, veniente Rebecca, in terra australi habitabat, quia unigenitus Dominus ac Redemptor noster, veniente ad se Ecclesia in illorum mentibus mansit, quos ex Judæa editos non torporis frigus, sed fervor charitatis tenuit. Ex illo quippe populo Anna prophetissa, ex illo Simeon exstitit, qui in ulnas Dominum accepit (*Luc. ii, 36, 25*). *Egressus autem fuerat ad meditandum in agro*, quia ager mundus accipitur, ipse Dominus per se exponit, dicens : *Ager autem est mundus.* Qui in hoc egressus est, eo quod visibilis apparere dignatus est, sicut scriptum est : *Existi in salutem populi tui, ut salvos facias Christos tuos.* Solent exercendi juvenes in armorum usu meditari. Isaac ergo ad meditandum in agro exiit, quia Redemptor noster se sequentibus formam humilitatis præbens, per exercitium longanimitatis suæ passionis in se et patientiæ exempla monstravit. Meditatio armorum est frequentatio passionum : qui enim verbera manuum, lanceam, crucem pertulit, passionem suam usque ad mortem in se frequentare pertulit. Passiones vero arma dicimus, quia per ipsas ab adversario occulto liberamur. Qui ad meditandum in agro inclinata jam die exiit, quia passionum exercita juxta finem mundi suscepit, sicut per Psalmistam de crucifixionis suæ passione loquitur, dicens : *Elevatio manuum mearum sacrificium vespertinum (Ps. cxi).* Quid est autem quod Rebecca ad Isaac dorso cameli deducitur, nisi quod per Rebeccam, sicut præfati sumus, Ecclesia, et per camelum cui præsidet, tortis moribus atque inhonestis idolorum cultibus gentilium populus designatur ? qui enim ex semetipsis sibi invenerunt deos quos colerent, quasi a semetipsis eis in dorso onus excreverat quod portarent. Rebecca ergo ad Isaac veniens, dorso cameli deducitur, quia ad Christum ex gentilitate Ecclesia properans, intortis vitiosisque vitæ veteris conversationibus invenitur. Quæ, ut Isaac vidit, de camelo descendit, quia sancta Ecclesia, quanto Redemptorem suum subtilius agnoscit, tanto carnalis vitæ studia humiliter deserit, atque in semetipsa fortitudini vitiosæ contradicit. Isaac ergo viso descendit, quia Domino cognito vitia sua gentilitas deseruit, et ab elationis celsitudine ima humilitatis petiit. Quid est autem quod Isaac in camelo sedens Rebecca conspexit, nisi quod Redemptorem suum Ecclesia ex gentibus veniens, dum adhuc vitis esset innixa, et necdum spiritualibus, sed animalibus motibus inhæreret, agnovit ? Nec movere debet quod puer quoque cum camelis venerat, in quibus divitias domini sui ferebat, quia ipsi quoque prædicatores sancti, quamvis jam ad superiora intelligenda atque præferenda intellectu et vita emicent, adhuc tamen in semetipsis contradictionem carnis sentiunt : nam vident aliam legem in membris suis, repugnantem legi mentis suæ, se seducentem in lege peccati (*Rom. vii*) ; et divitias in camelis portant, quia ne magnitudo revelationum extollat eos, datur stimulus carnis suæ. Habent enim thesaurum istum in vasis fictilibus, ut



sublimitas sit virtutis Dei, et non ex ipsis : qui enim per carnem coelestia loquuntur, et tamen adhuc in carne contradictionem de vitio sentiunt, quid aliud quam super tortuosa camelorum dorsa insident? Rebecca vero Isaac viso quis ille homo sit, requisito puero cognoscit, quia quotidie sancta Ecclesia adhuc per prophetarum atque apostolorum dicta, quid de Redemptore suo credere debeat intelligit; quæ sese mox pallio operuit, quia quanto subtilius Salvatoris sui mysteria penetrat, tanto altius de anteatæ vitæ confunditur, et quia perverse egerit, verecundatur; pallio se operire curavit, quia viso Domino, infirmitatis suæ actiones erubuit, et illa quæ prius in camelo libere gestabatur, descendens postmodum verecundia tegitur. Unde eidem Ecclesiæ a priore electione conversæ per apostolicam vocem, quasi Rebecca de camelo descendenti, sibi fructum pallium superducenti dicitur : *Quem enim fructum habuistis tunc in illis, in quibus nunc erubescitis (Rom. vi)?* Quam Isaac in tabernaculum suæ matris introduxit, atque uxorem accepit, quia loco Synagogæ Dominus, ex qua per carnem natus, sanctam Ecclesiam diligit, eamque sibi in amore et contemplatione conjunxit : ut quæ prius proxima ex cognatione, id est, cognata ex prædestinatione fuerat, postmodum jam conjuncta in amore continuo uxor fuit. Quam in tantum dilexit, ut dolorem qui ex morte matris accesserat temperaret, quia ex lucro sanctæ Ecclesiæ Redemptor noster eam quæ ex perditione Synagogæ accedere potuit, tristitiam deterisit; dum enim Rebecca conjungitur, dolor de morte matris amputatur, quia dum sancta Ecclesia ex gentilitate veniens usque ad thorum contemplationis perducitur, Judæa pro nihilo habetur. Qui si interpretari ipsa eorum nomina curabimus, Isaac Risus, Rebecca autem Patientia dicitur; risus vero ex lætitia est, patientia autem de tribulatione. Et quamvis sancta Ecclesia jam in coelestis sit gaudii contemplatione suspensa, habet tamen adhuc quod triste de mortalis carnis pondere toleret. Isaac vero et Rebecca jungitur, id est, risus et patientia permiscetur, quia fit in sancta Ecclesia hoc quod scriptum est, *Spe gaudentes, in tribulatione patientes (Ibid., xii)* : ut hanc et prospera de contemplatione lætificent, et adhuc adversa de tribulatione perturbent. Sequitur :

(Cap. XXV. — Vers. 1.) *Abraham vero aliam duxit uxorem, nomine Cethuram.* Questio hic esset, si peccatum esset, maxime in antiquis dantibus operam propagandæ proli. Neque incontinentia suspicanda est tanti viri, in illa præsertim jam ætate. Cur autem de hac filios fecerit, qui cum miraculo de Sara jam fecerat, supra dictum est : quid si enim et hoc provisum est in ipso patre multarum gentium, post obitum conjugis iterum conjugari, ut demonstraretur non esse peccatum? Verumtamen hoc factum Abraham, quod post mortem Saræ de Cethura filios procreavit, non sic accipiendum est quasi humana consuetudine et cogitatione tantummodo substituendæ numerosioris prioris prolis hoc factum sit : sic enim possent accipere homines etiam quod de Agar factum est, nisi Apostolus admoneret (*Gal. iv*), illa fuisse facta prophetice in utriusque personis mulierum, earumque filios duo testamenta ad futurorum prænuntiationem allegorica significatione figurare. Unde in ipso quoque Abraham facta aliquid tale quærendum est, etsi non facile occurrat. Ergo interim munera quæ acceperunt filii concubinarum, videntur mihi significare quædam Dei dona, vel in sacramentis vel in quibusque signis, etiam carnali populo Judæorum et hæreticis data, velut filiis concubinarum, cum hæreditatis munus, quod est charitas et vita æterna, non nisi ad Isaac pertineat, hoc est, ad filios promissionis.

(Vers. 7.) *Fuerunt autem dies Abraham centum septuaginta quinque anni, et deficiens mortuus est in senectute bona.* Annorum ergo septuaginta quinque Isaac filium suum dereliquit, quem centenarius ge-

nuit. Jam ex hoc per posteros Abraham, id est, Isaac et Jacob, civitatis Dei quo procurret tempora videamus.

(Vers. 12.) *Hæ sunt generationes Ismahel filii Abraham, quem peperit ei Agar Ægyptia famula Saræ, et hæc nomina filiorum ejus in vocabulis et generationibus suis.* Non enim satis elucet cur additum sit, *Secundum nomina generationum eorum*, cum hi soli nominentur quos ille genuit, non etiam qui ab ipsis geniti sunt : nisi forte quia nationes ex illis propagate eorum nominibus sunt appellatae, hoc significatum sit, cum dictum est, *Secundum nomina generationum eorum* : quamvis hoc modo illæ nationes secundum nomina istorum, non ista nomina secundum illas nationes, quia illæ posterius exstiterunt. Unde notanda locutio est, quia et postea de illis dicitur, *Duodecim principes secundum gentes eorum*, tamquam dixisset, secundum quæ nomina gentes eorum appellatae sunt. Sequitur :

(Vers. 16 seqq.) *Duodecim principes tribuum suarum. Et facti sunt anni vitæ Ismahel centum triginta septem, deficiensque mortuus est, et appositus ad populum suum. Habitavit autem ab Evila usque Sur, quæ respicit Ægyptum introeuntibus Assyrios : coram cunctis fratribus suis obiit.* Evila est regio quam circuit fluvius Phison, exiens de Paradiso; dicta autem Evila a quodam nepote Noe. Est et alia Evila solitudo contra faciem Ægypti. Sur quoque solitudo est inter Cades et Barath, extendens desertum usque ad mare Rubrum et Ægypti confinia. Duodecim filii nati sunt Ismahel, e quibus primogenitus fuit Nabajoth, a quo omnis regio ab Euphrate usque ad mare Rubrum, Nabathea usque hodie dicitur, quæ pars Arabiæ est : nam et familiæ eorum oppidaque ac castella munita, et tribus horum appellatione celebrantur. Quod autem in extremo hujus rei capitulo scriptum est, *Coram omnibus fratribus suis occubuit*, id est, in manibus omnium filiorum suorum mortuus est, superstitibus liberis, et nullo prius morte prærepto. Fratres autem pro filiis appellari, Jacob quoque ad Laban demonstrat, dicens, *Quod est peccatum meum, quia persecutus es post me, et quia scrutatus es omnia vasa mea? quid invenisti de universis domustue? Ponatur coram fratribus meis, et fratribus tuis, et dijudicent inter nos (Gen. xxxi)* : nec enim possumus credere, ut Scriptura commemorat quod Jacob, exceptis liberis, secum fratres alios habuerit. Sequitur :

(Vers. 21 seqq.) *Deprecatusque est Dominum pro uxore sua, eo quod esset sterilis. Qui exaudivit eum, et dedit conceptum Rebecca. Sed collidebantur in utero ejus parvuli. Quæ ait, Si sic mihi futurum erat, quid necesse fuit concipere? Perrexitque ut consuleret Dominum.* Queritur quo ierit : non enim erant tunc prophetæ aut sacerdotes, secundum ordinem tabernaculi vel templi Domini. Quo ergo ierit, merito monet, nisi forte ad locum ubi aram construxerat Abraham. Sed illic quomodo responsa dentur, omnino tacet Scriptura : utrum per aliquem sacerdotem, quod incredibile est, si erat, non fuisse nominatum; an erant aliqui tales, etiam illo tempore, homines Dei, in quibus posset Deus interrogari. Quod quid horum est, et si quid aliud quod me forte commemorare præterierit, mentiri tamen Scriptura non potest, quæ dixit Rebecca esse ad interrogandum Deum, eique respondisse : *Duæ gentes in utero tuo sunt, et duo populi ex ventre tuo dividuntur, populusque populum superabit, et major serviet minori.* Spirituali intelligentia carnales in populo Dei significantur per majorem filium, et spirituales per minorem : quia, sicut dicit Apostolus, *Non prius quod spiritale est, sed quod animale, postea vero quod spiritale (1 Cor. xv)*. Sic solet et hic intelligi hoc quod dictum est, ut in Esau figuratus sit major populus Dei, hoc est, Israeliticus secundum carnem per Jacob autem figuratus sit ipse Jacob, secundum spiritalem progeniem. Sed et historica proprietate hoc responsum invenitur esse completum, ubi populus Israel, hoc est Jacob minor filius



superavit Idumæos hoc est, gentem quam propagavit Esau; eosque fecerunt tributarios per David, quamdiu fuerunt usque ad regem, sub quo Idumæi rebel- laverunt, et jugum Israelitarum Idumæi a cervice sua deposuerunt, secundum prophetiam ipsius Isaac, quando minorem pro majore benedixit : hoc enim dixit eidem majori, cum et ipsum postea benedice- ret. Ego puto quod et de singulis nobis hoc dici pos- test, quia duæ gentes et duo populi intra nos sunt : nam et virtutum populus, et vitiorum nihilominus intra nos est. *De corde enim nostro procedunt cogi- tationes malæ, adulteria, furta, falsa testimonia, doli, contentiones, hæreses, invidiæ, comessationes* (Matt. xv; Marc. vii; Gal. v), et his similia. Vides quantus malorum populus intra nos est. Si vero mereamur illam vocem dicere sanctorum, *A timore tuo, Domine, conceptus et peperimus; spiritum salutis tuæ fecimus super terram* (Isa. xxvi), tunc et alius intra nos po- pulus invenitur, in spiritu generatus; *fructus enim spiritus est charitas, gaudium, pax, longanimitas, pa- tientia, bonitas, mansuetudo, continentia, castitas* (Gal. v), et his similia. Vides alium populum, qui et ipse intra nos est; sed hic minor est, ille major : semper enim plures sunt mali quam boni, et vitia numerosiora virtutibus. Sed si tales simus qualis Re-becca, et mereamur de Isaac, id est, de verbo Dei habere conceptum, etiam in nobis populus populum superabit, et major serviet minori : serviet enim caro spiritui, et vitia virtutibus cedent. Sequitur :

(Vers. 24 seqq.) *Jamque tempus pariendi venerat, et ecce gemini in utero reperti sunt.* Hic sermo, id est, temporis completio, numquam nisi de sanctis mu-lieribus scribitur, sicut de hac Rebecca et Elisabeth matre Joannis, et Maria matre Domini nostri Jesu Christi; unde eximium aliquid et præter cæteros homines hujuscemodi partu ostenditur, et impletio dierum ortum perfectæ sobolis indicat. *Qui primus egressus est, rufus erat et totus in morem pellis hispidus, vocatumque est nomen ejus Esau. Protinus alter egrediens, plantam fratris tenebat manu, et idcirco appel- latus est Jacob.* Non ob aliud ante adventum Domini scripta sunt omnia quæ in Scripturis sanctis legimus, nisi ut Domini commendaretur adventus, et futura præsignaretur Ecclesia, id est, populus Dei per omnes gentes, quod est corpus ejus, adjunctis atque annu-meratis omnibus sanctis, qui etiam ante adventum ejus in hoc sæculo vixerunt, ita eum credentes venturum esse, sicut nos venisse : sicut enim Jacob manum prius, dum nasceretur, emisit ex utero, quæ etiam pedem prænascentis fratris tenebat, deinde utique secutum est caput, tunc demum necessario cætera membra : sed tamen caput non tantum ea membra quæ secula sunt, sed etiam ipsam manum quæ in nascendo præcessit, dignitate ac potestate præcedit, et quamvis non tempore apparendi, tamen naturæ ordine prius est : ita et Dominus Jesus Christus, etsi antequam appareret in carne, et quodammodo ex utero secreti sui ad hominum oculos mediator Dei et hominum homo (I Tim. ii) proce-deret, qui est super omnia Deus benedictus in sæcula, præmisit in sanctis patriarchis et prophetis quamdam partem corporis sui, qua velut manu nascentium se esse prænuntians, etiam populum superbe præce- dentem, vinculis legis tamquam digitis quinque sup-plantat : quia et per temporum quinque articulos prænuntiari venturus prophetarique non destitit; et huic rei consonantes per quos lex data est libros quinque conscripsit; et superbi carnaliter sapientes, et suam justitiam volentes constituere, non aperta manu Christi repleti sunt benedictione, sed constricta atque conclusa reventi sunt. Itaque illi obligati sunt pede et ceciderunt, nos vero surreximus et erecti sumus. Quamvis ergo, ut dixi, præmiserit Dominus Christus quamdam partem corporis sui in sanctis, qui eum nascendi tempore præceserunt, tamen ipse est caput corporis Ecclesiæ, illique omnes eidem corpori, cujus ille caput est, cohæserunt credendo

in eum quem prænuntiabant : non enim præcurrendo divulsi sunt, sed adjuncti potius obsequendo : nam etsi manus a capite præmitti potest, connexio tamen ejus sub capite est. Quapropter omnia quæ ante scripta sunt, ut nos doceremur scripta sunt, et figuræ nostræ fuerunt, et in figura contingebant illis : scripta sunt autem propter nos, in quos finis sæculorum obverit. *Qui enim primus egressus est, rufus erat, et totus in morem pellis hispidus, vocatumque est nomen ejus Esau. Protinus alter egrediens, plantam fratris tenebat manu, et idcirco appellatus est Jacob.* Quod Paulus apostolus magnum vult intelligi gratiæ documentum. Cur ille totus rufus et hispidus, nisi quia populus prior prophetarum et Christi fuit cruore pollutus, ac peccati et nequitiae squalore exstitit circumdatus? Cujus ideo minor calcaneum tenuit, quia mystice, major minorem superaturus erat; planta enim Esau novissimum præsignabat Israelitici populi tempus, in quo Dominus noster advenire dignatus est, ut eis conferret salutem. Sed in typo Ninivitarum gentium populus, ut Jacob Esau Israel incredulum condemnavit. Unde et Jacob, a luctando vel supplantando nomen accepit. Sequitur : *Sexage- narius erat Isaac quando nati sunt parvuli.* Sexta enim ætate mundi populum Judæorum propter su- perbiam et incredulitatem videmus esse abjectum, et gentium populum ad fidem Christi revocatum. Sequitur : *Quibus adultis, factus est Esau vir gnarus venandi et homo agricola; Jacob autem vir simplex habitabat in tabernaculis. Isaac amabat Esau, eo quod de venationibus illius vesceretur, et Rebecca diligebat Jacob.* In typo itaque Esau, carnalis populus Israel, ut de Nembroth legitur, Venator fuit et agricola : id est, proprium derelinquens Deum, externarum gen- tium diis cultum sacrilegum exhibuit, et terrenis cupiditatibus ac desideriis deditus est. Quod vero Jacob in domo simplex habitabat et sine dolo, non per dolum accepit primogeniti benedictionem, nec per fraudem subripuit, sed ut sibi debitam accepit, quam concedente fratre de lentis mercede compara- vit. Sequitur : *Coxit autem Jacob pulmentum. Ad quem cum venisset Esau lassus de agro, ait : Da mihi de coctione hac rufa, quia oppido lassus sum. Quam- obrem vocatum est nomen ejus Edom. Cui dixit Jacob, Vende mihi primogenita tua. At ille respondit, En morior, quid mihi proderunt primogenita? Ait Jacob, Jura ergo mihi. Juravit Esau, et vendidit primogenita; et sic accepto pane et lentis edulio comedit, et bibit, et abiit, parvi pendens quod primogenita vendidisset.* Tradunt Hæbræi omnes primogenitos functos officio sacerdotali antequam Aaron in sacerdotium eligeretur, et habuisse vestimentum sacerdotale, quo induti victimas Deo offerebant; et hæc esse primogenita, hoc est, vestimenta Esau, quæ vendidit Jacob fratri suo : nam quod iste Esau primogenita sua propter escam fratri suo juniori venundavit, ac postmodum paterna benedictione privatus est, significat eundem Israeliticum populum, qui a Deo, ut Exodi indicat liber, primogenitus filius nuncupatus est : qui propter præsentis sæculi lucra, non solum primatus sui honorem amisit, verum etiam et regni cœlestis præ- mium præparatum adipisci non meruit, Domino quodammodo id eidem exprobrante, cum dicit, *Au- feretur a vobis regnum Dei, et dabitur genti facienti fructum ejus* (Matth. xxi). Primogenita autem ipsa, ut jam supra dictum est, vestis erat sacerdotalis, quam majores natu cum benedictione patris induti, victimas Deo velut pontifices offerebant : hoc dono terreni amoris desiderio caruerunt Judæi cum gloria regni futuri. Sequitur :

(Cap. XXVI. — Vers. 1 seqq.) *Orta autem fame super terram post eam sterilitatem quæ acciderat in diebus Abraham, abiit Isaac ad Abimelech regem Pa- læstinorum in Gerara.* Quæritur hoc quando sit fa- ctum : utrum postea quam Esau vendidit primogenita sua, post illam quippe narrationem hoc narrare inci- pit; an, ut fieri solet, per recapitulationem narrator



ad ea reversus sit, cum progressus de filiis ejus ad eum locum pervenisset, qui de lenticula commemoratus est. Movet autem quia ipse invenitur Abimelech, qui etiam Saram concupiverat : ipsius enim paranympus et princeps militiæ qui ibi commemorati sunt, etiam hic commemorantur; utrum vel vivere potuerit : quando enim amicus factus est Abrahæ, nondum natus erat Isaac, sed jam promissus. Ponamus ante annum, quam nasceretur Isaac, hoc fuisse factum. Deinde Isaac suscepit filios, cum esset sexaginta annorum; illi autem juvenes erant, quando vendidit Esau primogenita sua. Ponamus enim ipsos circa viginti annos fuisse, sunt anni ætatis Isaac usque ad illud factum filiorum ejus circiter octoginta. Adolescentem accipiamus fuisse Abimelech, quando matrem ipsius concupivit, et Abrahæ amicus est factus. Potuit ergo jam esse quasi centenarius, si post illud factum filiorum suorum perrexit in eam terram famis necessitate Isaac. Non ergo ex hoc cogit nulla necessitas per recapitulationem putare narratam profectionem Isaac in Gerara; sed quia ibi diuturno tempore fuisse Isaac scribitur, et puteos fodisse, et de his contendisse, et ditatum fuisse pecunia, mirum, nisi recapitulando ista commemorantur, quæ ideo fuerant prætermissa, ut primum de filiis ejus usque ad illum locum de lenticula, narratio perveniret. Sequitur : *Apparuitque ei Dominus, et ait : Ne descendas in Ægyptum, sed quiesce in terra quam dixero tibi, et peregrinare in ea; eroque tecum et benedicam tibi; tibi enim et semini tuo dabo universas regiones has, complens juramentum meum quod sponendi Abraham patri tuo : et multiplicabo semen tuum sicut stellas cæli, daboque posteris tuis universas regiones has, et benedicentur in semine tuo omnes gentes terræ, eo quod obedierit Abraham voci meæ.* Iste patriarcha nec uxorem habuit aliam, nec aliquam concubinam, nec ideo tamen istum patri ejus præferre debemus; erant enim procudubio paternæ fidei et obedientiæ merita potiora, in tantum ut propter illum dicat Deus se huic facere bona quæ facit cum illi dicat, *Ego sum Deus Abraham patris tui; noli timere, tecum enim sum, et benedixi te, et multiplicabo semen tuum; ut intelligamus quam caste Abraham fecerit, quod hominibus impudicis et nequitix de Scripturis sanctis patrocinia quærentibus videtur fecisse libidinose.* Sequitur : *Mansit itaque Isaac in Geraris; qui, cum interrogaretur a viris loci illius super uxore sua, respondit, Soror mea est; timuerat enim confiteri quod sibi esset sociata conjugio, reputans ne forte interficerent eum propter illius pulchritudinem.* Quod Isaac Rebeccam, quæ uxor erat, sororem finxerit : genus enim Rebeccæ non tacitum est, et eam per notissimam propinquitatem sororem ejus fuisse manifestum est, ut autem taceret uxorem, quid mirum, aut quid pravam, si imitatus est patrem, cum eadem justitia defendatur, quæ pater ejus de simili objecto inculpatus inventus est? Sequitur : *Cumque pertransissent dies plurimi, et ibidem moraretur, prospiciens Abimelech Palæstinorum rex per fenestram vidit eum jocantem cum Rebecca uxore sua, et accersito eo ait, Perspicuum est quod uxor tua sit. Cur mentitus es, sororem tuam esse? Qui respondit, Timui ne morerer propter eam.* Quæ igitur pro Abraham quod ad hanc rem attinet, eadem etiam pro Isaac filio ejus valent, quæ recensere non est difficile : nisi forte studiosorum aliquis quærat in cujus figuræ sacramento accipiendum sit quod rex alienigena Rebeccam viri sui conjugem tunc esse cognovit, quando eum cum illa ludentem vidit, quod non cognovisset, nisi cum conjuge ille sic luderet, quomodo cum ea quæ conjux non esset, ludere non deceret, quod cum sancti conjugati faciunt, non inanner faciant, sed prudenter : descendunt enim quodammodo ad femine sexus infirmitatem, ut aliquid blanda hilaritate vel dicant vel faciant, non enervantes, sed temperantes virilem vigorem. Quid autem sibi velit in sacramento Christi et Ecclesiæ, quod tantus patriarcha cum conjuge luserit, conjugiumque

A illud inde sit cognitum. Profecto quisquis ne aliquid errando in Ecclesia peccet, secretum viri hujus in Scripturis sanctis diligenter intuetur, inveniet eum majestatem suam, qua in forma Dei æqualis est, paulisper abscondisse in forma servi, ut ejus capax esse humana infirmitas posset, eoque modo conjugi se congruenter aptaret. Quid enim absurdum, immo quid non convenienter futurorum prænuntiationi accommodatum, si propheta Dei carnaliter aliquid lusit, ut eum caperet affectus uxoris, cum ipsum verbum Dei caro factum est, ut habitaret in nobis? Sequitur :

(Vers. 12, 13.) *Seminavit autem Isaac in terra illa, et invenit in ipso anno centuplum. Benedixitque ei Dominus, et locupletatus est homo, et ibat proficiens ac succrescens, donec magnus vehementer effectus est.* Secundum terrenam felicitatem dictum Isaac locupletatum sequentia docent : exsequitur enim narrator easdem ejus divitias, quibus magnus factus est, et hinc motus est Abimelech. Timuit illum ibi esse ne potentia ejus sibi esset infesta. Quamquam ergo spiritale aliquid ista significant, tamen secundum id quod contigerunt, ideo præmissum est, *Benedixit eum Dominus* : ut sana fide intelligamus etiam ista temporalia dona nec dari posse nec sperari debere, etiam cum ab infirmioribus appetuntur, nisi ab uno Deo tribuantur; et qui in minimis fidelis est, et in magnis fidelis sit; et qui in mammona iniquo fidelis est inventus, etiam verum accipere mereatur; sicut Dominus in Evangelio loquitur (Luc. xvi). Isaac sermo Domini est, qui sermo in lege Dei ordeum seminat, in Evangeliiis triticum illum enim cibum perfectioribus et spiritualibus hunc imperfectioribus et animalibus parat : quia scriptum est : *Homines et jumenta salvos facies, Domine (Ps. xxxv).* Isaac ergo, sermo legis, ordeum seminat, et tamen in ipso ordeo invenit centesimum fructum. Invenis et in lege martyres, quorum est centesimus fructus. Sed et Dominus noster Isaac, Evangeliorum perfectiora, quæque Apostolis, turbis autem communia plane loquebatur. Vis autem videre quia etiam ipse ordeus cibos incipientibus exhibet? Scriptum est in Evangeliiis quia secundo paverit turbas, sed illas quas primum pascebat; postea vero cum jam profecissent in verbo et doctrina, triticeos eis exhibet panes. Sed post hoc Dominus, inquit, *benedixit Isaac, et magnificatus est valde.* Parvus erat Isaac in lege, sed processu temporis fit magnus in prophetis : nam cum in sola lege est, nondum magnus est, quippe quæ et velamine tecta est. Crescit ergo in prophetis; jam cum pervenerit usque ad hoc ut velamen abiciat literæ, tunc erit magnus valde, cum cœperit litera legis velut palea ordeus ejus secerni, et apparuerit quod spiritualis est lex; tunc magnificabitur Isaac, et fiet magnus valde. Vide enim quia et Dominus in Evangeliiis paucos panes frangit, et quot milia refecit populorum, et quanti cophini reliquiarum superunt. Donec integri sunt panes, nemo saturatur, nemo reficitur; nec ipsi panes videntur augeri. Considera ergo nunc quomodo paucos panes frangimus in Scripturis divinis. Paucos sermones assumimus, et quot milia hominum saturantur! Sequitur :

D (Vers. 14 seqq.) *Habuit quoque possessionem ovium et armentorum, et familiæ plurimum, et cœpit fodere puteos, quos foderant pueri patris ejus Abrahæ; sed invidentes eis Philistiim obstruxerunt eos humo, etc.* Quis est iste Isaac, nisi Salvator noster? Quis est iste qui cum descendisset in istum torrentem Gerara, primo omnium illos puteos fodere vult, quos foderant pueri patris ejus : id est, Moyses puteum legis foderat; David, Salomon et prophætæ, qui libros scripserunt veteris Testamenti, quos tamen terrena et sordida repleverat intelligentia Judæorum. Hos cum vellet purgare Isaac, id est, Dominus noster et Salvator, cujus ille Isaac figuram gessit, ut ostenderet quia quæcumque prophætæ dixerunt, de se dixerunt. Rixati sunt cum eo Philistiim, id est Judæi, a regno Dei alieni; sed discedit ab eis : non enim



esse potest cum his qui in puteis aquam habere non inierunt, sed terram: et dicit eis, *Ecce relinquetur vobis domus vestra deserta* (Matth. xxii). *Fodit ergo Isaac novum puteum.* Immo pueri Isaac fodiunt. Pueri sunt Isaac Matthæus, Marcus, Lucas, Joannes. Pueri ejus sunt, Petrus, Jacobus, Judas; puer ejus, apostolus Paulus: qui omnes novi Testamenti puteos fodiunt. Sed et pro his altercantur illi qui terrena sapiunt, nec nova condi patiuntur, nec vetera purgant, evangelicis puteis contradicunt, et apostolicis adversantur; et quoniam in omnibus contradicunt, in omnibus litigant, dicitur ad eos, *Quoniam indignos vos fecistis gratiæ Dei, ex hoc jam ad gentes ibimus* (Act. xiii). *Post hæc fodit tertium puteum Isaac, et appellavit nomen loci illius, Latitudo, dicens: Nunc dilatavit nos Dominus, et fecit crescere super terram.* Vere enim nunc dilatatus est Isaac, et auctum est nomen ejus super universam terram, cum adimplevit in nobis scientiam Trinitatis; tunc enim tantum in Judæa notus erat, et in Israel nomen ejus nominabatur (Ps. lxxv); nunc autem in omnem terram exiit sonus eorum, et in fines orbis terræ verba eorum (Rom. x); exeuntes enim pueri Isaac, hoc est apostoli Domini Salvatoris, per universum orbem terræ foderunt puteos, et aquam vivam omnibus ostenderunt, baptizantes omnes gentes in nomine Patris, et Filii, et Spiritus sancti. Sed quid est quod puteos quos Abraham aperuit Isaac sic vocavit eos, sicut et pater ejus? non enim immutavit vocabula puteorum. Et est mirum quod Moyses apud nos etiam Moyses appellatur; et propheta unusquisque suo nomine appellatur: non enim Christus in eis nomina, sed intelligentiam commutavit. Hæc mystice. Morali ter autem, Isaac apud alienigenam gentem puteos fodisse describitur, quo videlicet exemplo discimus ut, in hac peregrinationis ærumna positi, cogitationumstrarum profunda penetremus, et quousque nobis veræ intelligentiæ aqua respondeat, nequaquam nostræ inquisitionis manus ad exhaustiendā cordis interna torpescat. Quos tamen puteos allophyli, id est immundi spiritus insidiantes replent, quia nimirum immundi spiritus, cum nos studiosius fodere conspiciunt, molestas nobis tentationum cogitationes immergunt. Sequitur:

(Vers. 25 seqq.) *Ascendit autem ab illo loco in Bersabee, ubi apparuit ei Dominus in ipsa nocte, dicens, Ego sum Deus Abraham patris tui.* Usque ad id quod dicit, *Surgentes mane juraverunt sibi mutuo, dimisitque eos pacifice.* Hujus Isaac duas nobis figuras exposuit apostolus Paulus: unam qua dixit quod Imahel quidem filius Agar, populi secundum carnem, Isaac vero populi qui ex fide est, formam teneat; aliam qua ait: Non dixit. Et seminibus, quasi in multis, sed, *Semini tuo*, tamquam in uno, qui est Christus. Tenet ergo Isaac et populi figuram et Christi. Christum autem tamquam verbum Dei, non solum in Evangelii loqui, sed et in lege certum est, et in prophetis. Verum in lege incipientes, in Evangelii perfectos docet. Isaac ergo nunc verbi formam, quod in lege vel prophetis est, tenet. *Ascendit igitur Isaac ad puteum juramenti, et apparuit illi Dominus.* Ascensionem legis dicimus ornatam esse templi, et eorum quæ ibi divina gerebantur obsequia. Potest et augmentum prophetarum, legis ascensio nominari; et propterea forte ad puteum juramenti dicitur, et ibi apparuisse ei Dominum; per prophetas enim juravit Dominus, et non pœnitebit, quod ipse sit sacerdos in æternum secundum ordinem Melchisedech (Ps. cix). Ad puteum ergo juramenti visus est ei Deus, futura in eum promissa confirmans. *Et ædificavit ibi altare Domino, et invocato nomine Domini extendit ibi tabernaculum, præcepitque servis suis ut foderent puteum.* Ædificat quidem Isaac altare etiam in lege et figit tabernaculum suum; in Evangelii autem non figit tabernaculum, sed domum ædificat, et fundamentum collocat; audi enim Sapientiam dicentem de Ecclesia: *Sapientia, inquit, ædificavit sibi domum, et supposuit columnas septem.* Audi de hoc

A etiam et Paulum dicentem, *Fundamentum enim aliud nemo potest ponere, præter id quod positum est, quod est Christus Jesus* (I Cor. iii). Ubi ergo tabernaculum est, etiamsi figatur sine dubio resolvendum est; ubi vero fundamenta sunt, et supra petram ædificatur domus, nunquam resolvitur domus illa, fundata est enim super petram. Fodit tamen et ibi Isaac puteum, nec umquam cessat puteos fodiendo, donec oriatur fons aquæ vivæ, et fluminis impetus irriget civitatem Dei. Sequitur: *Sed et Abimelech ille, qui dudum honoraverat Abraham, venit nunc cum amicis suis de Geraris ad Isaac.* Et dicit illis Isaac, *Quid venistis ad me? Vos enim odistis me, et ejecistis me a vobis.* At illi responderunt, dicentes, *Videntes, inquit, vidimus, quia est Dominus tecum; et diximus, Fiat conjuratio inter nos et te, et constituamus tecum pactum, ne facias nobis malum.* Iste Abimelech non semper pacem cum Isaac habet, sed aliquando dissidet, aliquando pacem requirit. Iste Abimelech personam tenet studiosorum et sapientium sæculi, qui per eruditionem philosophiæ multa etiam ex veritate comprehendunt. Intelligere possumus quomodo hic cum Isaac, qui verbi Dei, quod in lege est, tenet figuram; neque in dissensione semper potest esse, neque semper in pace. Philosophia enim mundi neque in omnibus legi Dei contraria est, neque in omnibus consona; multi enim philosophorum unum esse Deum, qui cuncta creaverit, scripserunt. In hoc consentiunt legi Dei. Aliquantum etiam hoc addiderunt, quod Deus cuncta per Verbum suum et fecerit et regat, et Verbum Dei sit quo cuncta moderetur. In hoc non solum legi, sed et Evangelii consona scribunt. Moralis vero et physica quæ dicitur philosophia, pene omnia quæ nostra sunt sentit. Dissidet vero a nobis, cum Deus dicit materiam coeternam; dissidet, cum negat Deum curare mortalia, sed providentiam ejus super lunaris globi spatia cohiberi. Dissident a nobis, cum vitam nascentium stellarum cursibus pendunt; dissident, cum perpetuum dicunt hunc mundum, et nullo fine claudendum; sed et alia plurima sunt, in quibus nobiscum vel dissident, vel concordant. Et ideo Abimelech secundum hanc figuram, aliquando dissidere describitur. Sed et hoc non puto quod otiose spiritui Sancto, qui hæc scripsit, curæ fuerit comprehendere, quod duo alii cum Abimelech venerunt, id est, Ochozat, amicus ejus et Phicol, dux exercitus ejus. Interpretatur autem Ochozat *tenens*, et Phicol, *os omnium*; ipse autem Abimelech, *pater meus rex*. Hi tres imaginem totius philosophiæ tenent, quæ apud eos in tres partes dividitur, logicam, physicam et ethicam, id est, rationalem, naturalem et moralem. Rationalis est illa quæ Deum patrem omnium confitetur, id est, Abimelech. Naturalis illa est quæ fixa est et tenet omnia, velut natura ipsius viribus nitens, quam proficitur Ochozat, qui dicitur *tenens*. Moralis est, quæ in ore est omnium, et ad omnes pertinet, et per communem similitudinem præceptorum in omnium ore versatur, quam designat iste Phicol, qui *os omnium* interpretatur. Hi ergo omnes qui in hujusmodi eruditionibus sunt instituti, veniunt ad legem Dei, et dicunt, *Videntes vidimus, quia est Dominus tecum; et diximus, Sit juramentum inter nos, et ineamus fœdus, ut non facias nobis quidquam mali, sicut et nos nihil tuorum attigimus: nec fecimus quod te læderet, sed cum pace dimisimus, auctum benedictione Domini.* Possunt quidem hi tres, qui pacem requirunt a verbo Dei, et prævenire cupiunt pacto societatem ejus, figuram tenere magorum, qui ex Orientis partibus veniunt eruditi paternis libris et institutione majorum, et dicunt, quia videntes vidimus natum regem, et vidimus, quia Deus est cum ipso, et venimus adorare eum (Matth. ii). Sed et si quis ille est hujusmodi eruditionibus institutus, videns quia Deus erat in Christo mundum reconcilians sibi, et attonitus operum ejus magnitudine dicat, *Videntes vidimus quia est Dominus tecum, et diximus, Sit juramentum inter nos; ac-*



cedens enim ad legem Dei, necessario dicit, *Juravi, et statui custodire mandata tua* (Ps. cxviii). Sed quid petunt? *Ne facias nobis quidquam mali, sicut et nos nihil tuorum attigimus, nec fecimus quod te læderet, sed cum pace dimisimus, auctum benedictione Domini.* Remissionem peccatorum per hoc deponere videntur, ne recipiant mala; benedictionem postulant, non retributionem. Denique vide quid sequitur: *Et fecit illis convivium magnum Isaac, et manducaverunt et biberunt, et post cibum et potum surgentes juraverunt sibi mutuo, dimisitque eos Isaac pacifice in locum suum.* Certum est enim quia qui ministrat verbum, sapientibus et insipientibus debitor est. Quia ergo hic convivium sapientibus exhibet, idcirco dicitur quia non parvum, sed magnum convivium fecit. Sequitur, *Ecce autem venerunt in ipso die servi Isaac, annuntiantes ei de puteo quem foderant, atque dicentes, Invenimus aquam. Unde appellavit eum Abundantiam; et nomen impositum est urbi Bersabee.* Hoc significat quod invenerint aquam, et propterea appellatus sit, puteus Saturitatis; et vocata civitas Bersabee, hoc est, puteus Saturitatis: licet enim supra ex verbo juramenti, sive ex septenario ovium numero, quod Sabee dicitur, asseveremus Bersabee appellatam, tamen nunc ex eo quod aqua inventa est, Isaac ad nomen civitatis, quæ ita vocabatur, alludens, declinavit paululum litteram, et pro stridulo Hebræorum *sin* a quo Sabee incipitur, Græcum *sigma*, id est, Hebræum *samech*, posuit. Alioquin et juxta allegoriæ legem, post tantos puteos in fine virtutum nequaquam congruit ut Isaac aquam minime reperiret. Sequitur:

(Cap. XXVII. — Vers. 1 seqq.) *Senuit autem Isaac, et caligaverunt oculi ejus, et videre non poterat. Vocavitque Esau filium suum majorem, et dixit ei, Fili mi. Qui respondit, Adsum. Cui pater, Vides, inquit, quod senuerim, et ignorem diem mortis meæ. Summe arma tua, pharetram et arcum, et egredere foras. Cumque venatu aliquid comprehenderis, fac mihi inde pulmentum, sicut velle me nosti, et affer, ut comedam, et benedicat tibi anima mea antequam moriar.* Plura sunt quam ut exemplis debamus docere sanctos viros et Deo charos ea tantummodo scisse quæ eis a Domino revelata sunt; ignorasse vero quæ revelata eis non fuerunt: sicut et Isaac vir justus et Deo charus, non illi cui voluit, sed cui noluit deceptus errore benedixit. Unde non mirum est et Isaac in sua maxime utilitate nescisse quid faceret, cum magis eo tempore erraret, quo filium sanguinarium et deditum voluptati et eum qui postea vellet fratrem occidere, prætermisso illo qui innocenter habitabat domi, vellet efferre, et suam magis quam Dei facere voluntatem. Unde dispensatione divini judicii sit ut oculis cæcetur; et cum ipse diceret, *Vox, vox Jacob est; manus autem, manus sunt Esau*, tamen intelligeret minorem esse filium, qui benedictione fratris prærepta restiterat. Unde intelligendum in hoc factam esse spiritalem admonitionem, ut confirmaret benedictionem suam in filio minore, cui potius irascendum fuit, quod fefellerit patrem. Isaac portat imaginem Dei Patris, Rebecca Spiritus sancti, Esau populi prioris et diaboli, Jacob Ecclesiæ, sive Christi. Senectus Isaac consummationem orbis ostendit; oculi illius qui caligaverunt, fidem defecisse et periisse de mundo, et religionis lumen antiquum neglectum esse significant. Quod filius major vocatur, acceptio legis est Judæorum; quod escas ejus atque capturam diligit pater, homines sunt salvati ab errore, quos per doctrinam justus quisque venatur. Sermo Dei, benedictionis est repromissio, et spes regni futuri, in quo cum Christo sancti regnaturi sunt, et verum sabbatum celebraturi. Sequitur:

(Vers. 5 seqq.) *Quod cum audisset Rebecca, et ille abisset in agro ut jussionem patris impleret, dixit filio suo Jacob, Audiui patrem tuum loquentem cum Esau fratre tuo, et dicentem ei, Affer mihi de vena-*

*tionem tua, et fac cibos, ut comedam, et benedicam tibi coram Domino antequam moriar. Nunc ergo, fili mi, acquiesce consiliis meis, et pergens ad gregem affer mihi duos hædos optimos, ut faciam ex eis escas patri tuo, quibus libenter vescitur; quas cum intuleris, et comederit, benedicat tibi antequam moriatur.* Rebecca plena Spiritu sancto, et sciens quid audisset antequam pareret, *Quia major serviet minori*, magis autem forma Spiritus sancti, quæ futura noverat in Christo, in Jacob ante meditabatur. *Accipe mihi duos hædos*, inquit, præfigurans carneum Salvatoris adventum, in quo eos vel maxime liberaret qui peccatis tenebantur obnoxii: siquidem in omnibus Scripturis hædi pro peccatoribus accipiuntur. Quod autem duos jubetur afferre, duorum populorum significatur assumptio; quod teneros et bonos, dociles et innocentes animo. Sive aliter carnes hædorum, ex quibus Isaac præparatus est cibus, peccantium intelligenda est conversio, ex duobus populis venientium, Judæis videlicet et nationibus universis. Panes autem apostolorum accipienda est fides, et illorum qui in Pentecoste, adveniente Spiritu sancto, crediderunt de Judaico populo. In vino autem intelligendus est martyrum cruor. Tali quippe cibo ac potu delectari intelligitur Deus. Sequitur, *Et vestibus Esau valde bonis, quas apud se habebat domi, induit eum, pelliculasque hædorum circumdedit manibus, et colli nuda protexit.* In hoc loco tradunt Hebræi primogenitos functos officio sacerdotum, et habuisse vestimentum sacerdotale, quo induti deo victimas offerebant, antequam Aaron in sacerdotium eligeretur. Vestimentum Esau, fides et Scripturæ sunt Hebræorum, quibus gentiliū indutus est populus; sive fides intelligenda est patriarcharum. Pelles hædorum quibus manus Jacob operæ sunt, collumque connectum est, peccata sunt utriusque plebis, quæ Christus in extensione manuum cruci secum affixit. Quod ex eisdem pellibus colli nuda protexit, significat quia quorum suscepit personam, eorum et propria voce deploravit infirmitates, et flevit peccata. Sequitur: *Quomodo, inquit, tam cito invenire potuisti, fili mi? Qui respondit, voluntas Dei fuit, ut cito mihi occurreret quod volebam.* Quod Isaac querit ab Jacob cur tam cito venerit, admiratur velocem credentium fidem. Quod cibi delectabiles offeruntur, hostia placens Deo, et salus est peccatorum. Sequitur:

(Vers. 21 seqq.) *Dixit Isaac, Accede ut tangam te, fili mi, et protrem utrum tu sis filius meus Esau, an non. Accessit ille ad patrem, et palpato eo dixit Isaac, Vox quidem, vox Jacob est; manus autem, manus sunt Esau. Et non cognovit eum, quia pilosæ manus similitudinem majoris expresserant.* Hoc in loco Isaac Judæicum populum præfiguravit; Jacob filius ejus, Dominum Jesum Christum; qui et caligans oculis, et prophetans, in præsentem filium non vidit, cui tam multa in posterum prævidit, quia nimirum Judaicus populus prophetiæ spiritu plenus et cæcus, eum de quo multa in futuro prædixit, in præsentem positum non agnovit. Sequitur: *Statimque ut sensit vestimentorum ejus fragrantiam, benedicens eum ait, Ecce odor filii mei, sicut odor agri pl-ni, cui benedixit Deus. Det tibi Deus de rore cæli, et de pinguedine terræ abundantiam frumenti, vini et olei; et serviant tibi populi, et adorent te tribus. Esto dominus fratrum tuorum, et incurventur ante te filii matris tuæ. Qui maledixerit tibi, sit ille maledictus; et qui benedixerit tibi benedictionibus repleatur.* Benedictio Jacob prædicatio Christi est in omnibus gentibus. Hoc fit et agitur; hoc lex et prophetia est. Isaac plebem Judæorum, a qua Christus benedicitur, velut a nesciente, quia ab ipsa nescitur; odore nominis Christi, sicut ager mundus impletur: vel certe odor agri pleni bonorum operum accipienda sunt gesta. Ejus est multitudo frumenti et vini, hoc est, multi-



tudo quæ colligit frumentum et vinum in sacramento corporis ejus et sanguinis. Potest et per abundantiam frumenti et vini, sanctorum martyrum ac virginum intelligi multitudo. Ei servant gentes, ipsum adorant principes. Ipse est Dominus fratrum suorum, quia populus ejus dominatur Judæis. Ipsum adorant filii patris ejus, id est, filii Abrahæ secundum fidem, quia et ipse filius est Abrahæ secundum carnem. Ipsum qui maledixerit, maledictus erit, et qui benedixerit, benedictus est. Christus, inquam, noster ex ore Judæorum, quamvis errantium, sed tamen legem prophetasque canentium, benedictus, id est, veraciter dicitur, et alius benedici putatur, qui ab eis errantibus expectatur. Sequitur:

(Vers. 30 seqq.) *Vix Isaac sermonem impleverat, et egresso Jacob foras venit Esau, coctosque de venatione cibos intulit patri, dicens, Surge, pater mi, et comede de venatione filii tui, ut benedicat mihi anima tua.* In praefiguratione quippe horum fratrum congrue valde illud aptabitur quod evangelica indicat lectio, in qua dicitur, *Venit quidam princeps synagogæ ad Jesum, et ait illi, Filia mea modo defuncta est; sed veni, impone manum tuam super illam, et vivet (Matth. ix).* Ad quam resuscitandam cum pergeret Dominus. *Ecce, ait, mulier quæ fluxum sanguinis patiebatur; et typum gestabat Ecclesiæ; accessit retro, quasi ignorante Domino, et tetigit fimbriam vestimenti ejus, et statim sanata est.* Cui ait Dominus: *Vade, filia, in pace; fides tua te salvam fecit.* Sequitur: *Dixitque illi Isaac, Quis enim es tu? Qui respondit, Ego sum filius tuus primogenitus Esau.* Expavit Isaac stupore vehementi, et ultra quam credi potest admirans, ait: *Quis igitur ille est, qui dudum captam venationem attulit mihi, et comedi ex omnibus prius quam tu venires? Benedixique ei, et erit benedictus?* Ecce benedictionem promissam petente majore expavescit Isaac, et alium pro alio se benedixisse cognoscens miratur, et quisnam ille sit percunctatur; nec tamen se deceptum esse conqueritur, immo confestim revelato sibi intus in corde magno sacramento deviat indignationem, confirmat benedictionem, non maledictionem. Potius miraretur iratus, si hæc non superna inspiratione, sed terreno more gererentur. O res gestas, sed prophetice; gestas in terra, sed cœlitus; per homines, sed divinitus. Si exultantur singula tantis secunda mysteriis, multa sunt implenda volumina. Sed huic operi modus moderate imponendus, nos in alia festinare compellit. Sequitur:

(Vers. 31 seqq.) *Auditis Esau sermonibus patris, irrugit clamore magno, et consternatus ait, Benedic etiam mihi, pater. Qui ait, Venit germanus tuus fraudulenter, et accepit benedictionem tuam. At ille subjunxit, Juste vocatum est nomen ejus Jacob; supplantavit enim me in altera vice. Primogenita mea ante tulit, et nunc secundo subripuit benedictionem meam.* Ecce secundo Jacob supplantator interpretatur. Ab eo igitur quod fratrem arte deceperit, allusit ad nomen. Qui ideo Jacob ante vocatus est, eo quod in ortu plantam fratris apprehendat. Sequitur: *Rursumque ait ad patrem: Numquid non reserrasti, ait, et mihi benedictionem? Respondit Isaac, Dominum tuum illum constitui, et omnes fratres ejus servituti illius subjugavi. Frumento et vino stabili vi eum; et tibi post hæc, fili mi, ultra quid faciam? Cui Esau: Num unam, inquit, tantum benedictionem habes, pater? Mihi quoque obsecro ut benedicas. Cumque ejulatu magno fleret, motus Isaac dixit ad eum, In pinguedine terræ, et in rore cœli desuper erit benedictio tua. Vives gladio, et fratri tuo servies; tempusque veniet cum excutias et solvas jugum ejus de cervicibus tuis.* Significat quod Idumæi servitori essent Judæis, et tempus esse venturum, quando de collo suo jugum servitutis abjicerent, eorumque imperio contradicerent: neque enim majorem filium penitus videmus fuisse despectum, sed, sicut ait Apostolus, *Cum intraverit plenitudo gentium, tunc omnis Israel salvus erit (Rom. xi).* Cujus tamen secundæ benedictionis prophetatio

A hæc est, *In pinguedine terræ, et in rore cœli desuper erit benedictio tua:* id est, in fecunditate rerum et potentia regni, quæ in illo populo fuit; vel certe, *In pinguedine terræ, et rore cœli desuper,* hoc est, in confessione Dominicæ incarnationis, et fide deitatis illius, erit Israel benedicendus; sive etiam, *In rore cœli erit benedictio ejus,* id est, in eloquiis Dei: ipsis enim primum credita sunt eloquia Dei, et legis testamenta. *Vives gladio,* id est, quia sanguini deditus populus ille necem in Christo vel prophetis exercuit. *Et fratri tuo servies,* scilicet populo Christiano. *Tempusque veniet quando excutias et solvas jugum de cervicibus tuis,* dum per cognitionem fidei ad gratiam Christi conversus, deposueris onus legis; quando jam non servus populi minoris, sed per fidem frater vocaberis. Sequitur:

(Vers. 41 seqq.) *Oderat autem semper Esau Jacob, præ benedictione qua benedixit ei pater; dixitque in corde suo, Venient dies luctus patris mei, ut occidam Jacob fratrem meum.* Quia igitur iniquitas inimica est justitiæ, Esau in discordiam concitatur, et necem fraudulentus excogitat, dicens in corde suo, *Appropinquabunt dies luctus patris mei, ut occidam Jacob fratrem meum.* Ita et diabolus fratricidas Judæos in Cain ante præmeditans, in Esau manifestissime confitetur: tempus quoque interfectionis ostendens malitiæ quam Judæi exercuerunt in Christo. Sequitur: *Quæ mittens et vocans Jacob filium suum, dixit ad eum, Ecce Esau frater tuus minatur ut occidat te.* Quomodo annuntiata sunt verba Esau Rebecæ, quod comminatus est occidere fratrem suum, cum Scriptura dicat hoc eum in sua cogitatione dixisse, nisi quia hinc datur nobis intelligere quod divinitus ei revelabantur omnia? Unde et ad magnum mysterium pertinet quod filium suum minorem pro majore voluit benedici. Sequitur: *Nunc ergo audi, fili mi, vocem meam, et consurgens fuge ad Laban fratrem meum in Haran, habitabisque cum eo dies paucos, donec quiescat furor fratris tui, et cesset indignatio ejus, obvi-scaturque eorum quæ fecisti in eum, et postea mittam et adducam te inde huc.*

(Cap. XXVIII. — Vers. 1 seqq.) *Vocavitque Isaac Jacob, et benedixit, præcepitque ei, dicens, Noli accipere conjugem de genere Chanaan; sed vade, et proficiscere in Mesopotamiam Syriæ, ad domum Bathuel patris matris tuæ, et accipe tibi inde uxorem de filiabus Laban avunculi tui. Deus autem omnipotens benedicat tibi, et crescere te faciat atque multiplicet, ut sis in turbas populorum; et det tibi benedictiones Abraham et semini tuo post te, ut possideas terram peregrinationis tuæ, quam pollicitus est avo tuo.* Hinc jam intelligimus segregatum semen Jacob ab alio semine Isaac, quod factum est per Esau: quando enim dictum est, *In Isaac vocabitur tibi semen (Gen. xxi),* pertinens usque ad civitatem Dei, separatum est inde aliud semen, quod erat in ancillæ filio, et quod futurum erat in filiis Cethuræ. Sed adhuc erat ambiguum de duobus geminis filiis Isaac, an ad utrumque, an ad unum eorum illa benedictio pertineret; et si ad unum eorum, quisnam esset illorum; quod nunc declaratum est, cum prophetice a patre benedicatur Jacob, et dicitur ei, *Sis in turbas populorum, et possideas benedictiones Abraham avi tui.* Quomodo itaque Jacob fratris dolos fugiens Mesopotamiam tendit, ita et Christus, Judæorum incredulitate compulsus, proficiscitur in Galilæam, inde sibi ex gentibus sponsam sumpturus Ecclesiam; et sicut Jacob dolos fugiens fratris, relicta domo, patria vel parentibus, abiit in regionem longinquam, ut acciperet sibi uxorem, ita et Christus relinquens parentes secundum carnem, id est, populum Israel et patriam, id est, Hierosolymam et omnes regiones Judææ, abiit in gentes, accipiens sibi Ecclesiam, ut impleretur quod dictum est per prophetam, *Populus quem non cognovi servivit mihi, obauditu auris obaudivit mihi. (Psal. xvii.)* Nos autem dicimus non venisse Dominum, nisi ad oves perditas domus Israel, nec voluisse panem accipere



filiorum, et dare canibus et benedictionem primam Judæorum populo detulisse, quibus credita sunt eloquia Dei, et repromissio, et legis datio, et confectio testamenti; verum quia illi credere noluerunt, ad Jacob, id est, minorem populum, benedictionem

A cernimus esse translatam; neque tamen majorem filium penitus videmus esse despectum: quia cum subintraverit plenitudo gentium, tunc omnis Israel salvus erit (Rom. xi).

## LIBER TERTIUS.

Deus summæ bonitatis, a quo est datum optimum et omne donum perfectum, desursum descendens a Patre luminum (Jacob. i), a quo et per quem bona voluntas in homine præparatur, qui hujus operis mihi dedit initium, ipse tribuat et bene sonantem sermonem ministrare; dicamque Domino meo, quod et sanctus Jacob patriarcha dixit, Si Dominus Deus meus fuerit mecum in opus quod nunc arripui, et custodierit me (Gen. xxviii), erit mihi in Deum, et hæc sancta Scriptura, quam in manibus habeo, in emolumentum; decimas et hostias et primitias offeram ei, id est, et initium bonæ voluntatis, et perfectionem boni operis, illius sancto nomini consecrabo.

(Vers. 10 seqq.) Igitur egressus Jacob de Bersabee, pergebat Haran; cumque venisset ad quemdam locum, et vellet in eo requiescere post solis occubitum, tulit de lapidibus qui ibi jacebant, et supponens capiti suo dormivit in eodem loco; viditque in somnis scalam stantem super terram, et cacumen illius tangens cælum; angelos quoque Dei ascendentes et descendentes per eam, et Dominum innixum scalæ, et dicentem sibi, Ego sum Deus Abraham et Deus Isaac patris tui; terram in qua dormis, tibi dabo et semini tuo, eritque semen tuum quasi pulvis terræ; dilataberis ad Orientem et Occidentem, Septentrionem et Meridiem, et benedicentur in te et semine tuo cunctæ tribus terræ; et ero custos tuus, quocumque perrexeris; et reducam te in terram hanc, nec dimittam, nisi complevero universa quæ dixi. Somnus iste Jacob, mors sive passio Christi est. Lapis ad caput ejus, qui nominatum quodammodo dictus est etiam unctus, Christum significat: caput enim viri Christus est; quis enim nesciat Christum ab unctione appellari. Domus autem Dei, quia ibi natus est Christus, in Bethleem. Porta vero cæli, quia ibi in terram descendit, inde iterum ad cælum ascendit. Erectio autem lapidis, resurrectio Christi est. Porro scala, Christus est, qui dixit, Ego sum via (Joan. xiv). Per hanc ascendunt et descendunt angeli, in quibus significati sunt evangelistæ prædicatores Christi. Possunt et per scalam duo accipi testamenta, aut certe fides et opera, per quæ gentes hæredes effectæ sunt regni cœlestis; per hæc enim ascensus ad Deum est, et descensus Dei ad homines. Angeli autem, id est, nuntii Ecclesiæ sunt accipiendi doctores, ascendentes utique cum ad intelligendam ejus supereminetissimam divinitatem, excedunt universam creaturam, ut eum inveniant in principio Verbum Deum apud Deum, per quem facta sunt omnia (Id. i); descendentes autem, ut eum inveniant factum ex muliere, factum sub lege, ut eos qui sub lege erant redimeret (Gal. iv). In illa enim scala a terra usque in cælum, a carne usque ad spiritum, carnales proficiendo, velut ascendendo, spirituales fiunt: ad quos lacte nutriendos etiam ipsi spirituales descendunt quodammodo, cum eis non possunt loqui quasi spiritalibus, sed quasi carnalibus. Ipse est sursum in capite suo, ipse deorsum in corpore suo, quod est Ecclesia. Ipsum ergo scalam intelligimus, quia ipse dixit, Nemo potest venire ad Patrem nisi per me (Jo. vi). Ad ipsum ergo ascenditur, ut in excelsis intelligatur, et ad ipsum descenditur, ut in membris suis parvulus nutriatur, et per illum se erigunt, ut sublimiter expectent; per ipsum etiam se humiliant, ut eum sublimiter ac temperanter annuntient. Sequitur:

(Vers. 18 seqq.) Surgens ergo mane tulit lapidem quem supposuerat capiti suo, et erexit in titulum, fun-

dens oleum desuper; appellavitque nomen urbis illius Bethel, quæ prius Luza vocabatur. Et vocavit nomen loci illius Bethel, cujus prius Luza, vocabulum erat civitatis antiquæ, quod nihil aliud significat, nisi ante aut prius, vel vestibulum, sive superliminare, vel postes. Quod vero ait, Dominus est in loco isto, et ego nesciebam; et dixit, Quam terribilis est locus hic! non est hic aliud nisi domus Dei, et porta cæli; hæc verba ad prophetiam pertinent, quia ibi futurum erat tabernaculum quod constituit Deus in hominibus in primo populo suo. Portam autem cæli sic intelligere debemus, tamquam inde fiat aditus credentibus ad capessendum regnum cœlorum. Quod statuit Jacob lapidem quem sibi ad caput posuerat, et constituit eum titulum, et perfudit illum oleo, non aliquid idololatriæ simile fecit: non enim vel tunc vel postea frequentavit lapidem, adorando vel sacrificando ei; sed signum fuit prophetiæ evidentissime constitutum, quæ pertinet ad unctionem, unde Christi nomen a chrismate est. Quod autem vovit votum, si prospicaretur eundo et redeundo, et decimas promisit domui Dei futuræ in loco illo, prophetia est domus Dei: ubi et ipse rediens Deo sacrificavit, non illum lapidem Deum appellans, sed domum Dei, id est, quia in eo loco futura erat domus Dei. Sequitur:

(Cap. XXIX. — Vers. 1 seqq.) Profectusque inde Jacob venit ad terram orientalem, et vidit puteum in agro, tresque greges ovium accubantes juxta eum; nam ex illo adaquabantur pecora, et os ejus grandi lapide claudabatur; morisque erat ut cunctis ovibus congregatis devolverent lapidem, et reffectis gregibus rursum super os putei ponerent. Terra orientalis, ad quam Dominus noster profectus est, illos significat, qui vit orum tenebras relinquentes, opera lucis quærebant. Apud Judæam epim tantummodo cogniti erant Deus. Puteus autem quem illic reperit, Mosaica intell genda est lex, juxta quem tres greges accubasse scribitur, Scribas videlicet, Phariseos, et Saducæos, quos Dominus legitur arguisse. Oves quoque Laban, quæ ablato lapide grandi quo os putei claudabatur, Dominus adaquavit, tunc videlicet quando seorsum discipulis et seorsum turbis loquebatur. Tunc amovit umbras et imagines, quibus legis operiebatur historia, quando universa quæ de se fuerant scripta, in se expleri permisit, vel expleta esse ostendit. A passione enim Domini cunctis fidelibus lex spiritali intelligentia patet. Nam antea licet in scenopegia solemnitate concurrentibus undique populis, liber Deuteronomii a sacerdotibus recensetur, tamen rursum claudabatur, quia necdum advenerat in quo in veritate expleta sunt omnia. Sequitur:

(Vers. 6 seqq.) Ecce Rachel veniebat cum ovibus patris sui, nam gregem ipsa pascebat; quam cum vidisset Jacob, et sciret consobrinam suam esse, ovesque Laban, avunculi sui, amovit lapidem quo puteus claudabatur; et adaquato grege osculatus est eam; elevataque voce flevit, et indicavit ei quod frater esset patris ejus, et filius Rebeccæ. Intelligitur enim quod illi cum quibus prius loquebatur Jacob, interrogati quæ esset quæ veniebat cum ovibus, ipsi dixerint filiam esse Laban, quam utique non noverat Jacob; sed illius interrogationem illorumque responsionem Scriptura præmittens intelligi voluit. Quod scriptum est, Osculatus est Jacob Rachel; et exclamans voce sua flevit, et indicavit ei quod frater esset patris ejus et filius Rebeccæ (Gen. xxix); consuetudinis quidem fuit in illa



simplicitate antiquorum, ut propinqui propinquas suas oscularentur, et hoc hodie fit in multis locis; sed quæri potest quomodo ab incognito illa osculum acceperit, si postea Jacob indicavit propinquitatem suam. Ergo intelligendum est, aut illum, qui jam audierat quæ illa esset, fidenter in ejus osculum irruisse; aut postea Scripturam narrasse per recapitulationem quod primo factum erat, id est, ut indicaret quis esset. Sequitur:

(Vers. 13 seqq.) *Auditis autem Laban causis itineris, respondit Jacob, Os meum es, et caro mea. Et postquam expleti sunt dies mensis unus, dixit ei, Num quia frater meus es, gratis servies mihi? Dic quid mercedis accipies. Habebat vero duas filias, nomen majoris, Lia; minor autem appellabatur Rachel. Sed Lia lippis erat oculis; Rachel, decora facie, et venusto aspectu. Quam diligens Jacob, ait, Serviam tibi pro Rachel filia tua minore, septem annis. Respondit Laban, Melius est ut tibi eam dem quam viro alteri. Servivit igitur Jacob pro Rachel septem annis; et videbantur illi pauci dies præ amoris magnitudine. Quærendum est quomodo dictum sit, videbantur in conspectu ejus velut pauci dies, cum magis etiam breve tempus longum soleat esse amantibus. Dictum est ergo propter laborem servitutis, quem facilem et levem amor faciebat. Dixitque ad Laban, Da mihi uxorem meam, quia jam tempus expletum est ut ingrediar ad eam. Qui vocatis multis amicorum turbis ad convivium, fecit nuptias, et vespere filiam suam Liam introduxit ad eum, dans ancillam filiae nomine Zelpham; ad quam cum ex more Jacob fuisset ingressus, facto mane vidit Liam; et dixit ad socerum, Quid est quod facere voluisti? Nonne pro Rachel servivi tibi? Respondit Laban, Non est moris in loco nostro ut minores ante tradamus ad nuptias. Imple hebdomadam dierum copulæ hujus, et hanc quoque dabo tibi pro opere quo serviturus es mihi septem annis aliis. Acquivit placito, et hebdomada transacta, Rachel duxit uxorem; cui pater servam Balam dederat; tandemque potius optatis nuptiis, amorem sequentis prioris prætulit. Si parum advertatur rei hujus narratio, putabitur quod posteaquam Liam Jacob duxit uxorem, deinde servivit alios septem annos pro Rachel, et tunc eam duxit; verum autem non ita est, sed Laban ei dixit, Imple hebdomadam dierum copulæ hujus, et hanc dabo tibi pro opere quo serviturus es mihi septem annis aliis. Hoc itaque ait, Imple dies nuptiarum septem, pertinentes ad istam quam duxisti, et dabo tibi et hanc pro eo quod operaberis apud me adhuc septem annos alios. Deinde sequitur, Fecit autem Jacob sic, et implevit hebdomadam, et Rachel duxit uxorem. Dedit autem Laban Rachel filiae suæ Balam ancillam suam, et intravit ad Rachel. Dilexit autem Rachel magis quam Liam, et servivit ille septem annos alios. Utique apparet quia posteaquam duxit Rachel, tunc servivit pro ea septem annos alios; nimis enim durum et valde iniquum fuit ut deceptus adhuc differret alios septem annos, et tunc eam traderet quam primo debuit. Septem autem diebus solere nuptias celebrari, etiam liber Judicum ostendit in Samson, quando fecit votum septem diebus; et addidit Scriptura quod sic solerent facere juvenes. Sequitur:*

(Vers. 31 seqq.) *Videns autem Dominus quod despicere Liam, aperuit vulvam ejus, sorore sterili permanente, quæ conceptum genuit filium, vocavitque nomen ejus Ruben, dicens, Vidit Deus humilitatem meam, nunc amabit me vir meus. Ruben interpretatur visionis filius. Rursumque concepit, et peperit filium, et ait, Quoniam audivit me Dominus, eo quod odio me haberet vir meus, dedit mihi etiam hunc. Et vocavit nomen ejus Simeon. Ab eo quod est exaudita, Simeon nomen filio imposuit. Simeon quippe interpretatur audito. Concepit tertio, et genuit filium, dixitque, Nunc quoque copulabitur mihi vir meus, eo quod pepererim ei tres filios; et idcirco appellavit nomen ejus Levi. Levi interpretatur assumptio. Quarto concepit, et peperit filium, et ait, Modo confitebor Domino; et ob hoc*

*A vocavit eum Judam. Judas enim confessio interpretatur. A confessione itaque, confessoris nomen ejus dictum est; verumtamen hic confessio pro gratiarum actione aut pro laude accipitur, ut frequenter in psalmis est; et in Evangelio, Confitebor tibi, Domine, Pater cæli et terræ (Matth. xi), id est, gratias ago tibi, sive glorifico te. Sequitur:*

(Cap. XXX. — Vers. 1 seqq.) *Cernens autem Rachel quod infecunda esset, invidit sorori suæ, et ait marito suo: Da mihi liberos, alioquin morior. Cui iratus respondit Jacob, Num pro Deo ego sum, qui privavi te fructu ventris tui? At illa, Hæleo, inquit, lamulam Balam, ingredi ad illam ut pariat super genua mea, et habeam ex ea filios. Deditque illi Balam in conjugium. Quæ, ingresso ad se viro, concepit et peperit filium. Dixitque Rachel, Judicavit mihi Dominus, et exaudivit vocem meam, dans filium. Et idcirco appellavit nomen ejus Dan. Propterea vocavit nomen ejus Dan; causam nominis expressit, ut ex eo quod judicasset Dominus, filio ancillæ nomen imponeret. Dan quippe interpretatur judicium. Rursumque Bala concipiens peperit filium. Pro quo ait Rachel, Comparavit me Deus cum sorore mea, et invalui; vocavitque eum Neptalim. Causa nominis Neptalim alia hic exponitur quam in libro Hebræorum scripta sit; unde? a conversatione, sive comparatione: quia utrumque sonat comparisonem sive conversationem, hoc est Neptalim. Sequitur:*

(Vers. 9 seqq.) *Sentiens Lia quod parere cessasset, Zelpham ancillam suam marito tradidit. Qua post conceptum edente filium, dixit, Feliciter; et idcirco vocatum est nomen ejus Gad. Nos autem dicere possumus impræcinctum. Gad enim potest et præpositionem sonare, et venit ab eventu, sive præcinctu, qui Gad dicitur. Peperitque Zelpha alterum; dixitque Lia, Hoc pro beatitudine mea; beatam quippe me dicent mulieres. Propterea appellavit eum Aser. Aser ergo non divitiæ, sed beatus dicitur, dumtaxat in presenti loco: nam in aliis, secundum ambiguitatem verbi, possunt et divitiæ sic vocari. Sequitur:*

(Vers. 14 seqq.) *Egressus autem Ruben tempore messis triticeæ, in agro reperit mandragoras, quas matris Liæ detulit. Dixitque Rachel, Da mihi partem de mandragoris filii tui. At illa respondit, Purumne tibi videtur quod præripueris maritum mihi, nisi etiam mandragoras filii mei tuleris? Ait Rachel, Dormiat tecum hac nocte pro mandragoris filii tui. Redeuntque ad vespertam de agro Jacob, egressa est in occursum Lia, et, Ad me, inquit, intrabis, quia mercede conduxi te pro mandragoris filii mei. Dormivitque cum ea nocte illa, et exaudivit Deus preces ejus, concepitque et peperit filium quintum, et ait, Dedit Deus mercedem mihi, quia dedi ancillam meam viro meo. Appellavitque nomen ejus Isachar. Totum nomen interpretatur, merces est. Is quippe dicitur est; sachar, merces. Hoc autem ideo quia mandragoris filii Ruben, introitum qui Racheli debebat, ad se viri emeret. Sequitur:*

(Vers. 19, 20.) *Rursum Lia concipiens peperit sextum filium, et ait, Ditavit me Deus dote bona, etiam hac vice mecum erit maritus meus, eo quod genuerim ei sex filios. Et idcirco appellavit nomen hujus Zabulon. Et est sensus: Quia sex filios genui Jacob, propterea jam segura sum, habitabit enim mecum vir meus, unde et filius meus vocetur habitaculum. Et post hæc peperit filiam, et vocavit nomen ejus Dina. Hæc transfertur in causam, sive jurgium: jurgii enim in Sichimis causa exstitit. Post filios, parentum ponenda sunt nomina. Lia interpretatur laborans; Rachel, ovis, cujus filius Joseph, ab eo quod sibi mater alium addi optaverit. Jam vero Jacob, cui pro ingenti crimine quatuor obijciuntur uxores, generali prolocutione purgatur: quando enim mos erat, crimen non erat; et nunc propterea crimen est, quia mos non est. Alia sunt enim peccata contra naturam, alia contra mores, alia contra præceptum. Quæ cum ita sint, quid tandem criminis est quod de pluribus simul habitis uxoribus obijcitur sancto viro Jacob?*



Si naturam consulas, non lasciviendi, sed gignendi causa illis mulieribus utebatur; si mores, illo tempore atque in illis terris hoc facitabatur; si præceptum, nulla lege prohibebatur. Nunc vero cur crimen est si quis hoc faciat, nisi quia et moribus et legibus hoc non licet? Quæ duo si quis contempserit, etiamsi tantummodo causa generandi uti possit feminis pluribus, peccat tamen, et ipsam violat humanam societatem, cui necessaria est propagatio filiorum. Sed quia homines, aliter se habentibus jam moribus et legibus, non possunt delectari uxorum multitudine, nisi libidinis magnitudine, ideo errant, et putant omnino haberi non potuisse uxores multas, nisi flagrantia concupiscentiæ carnalis et sordidæ voluptatis; comparantes enim non alios, quorum virtutem animi prorsus nosse non possunt, sed, sicut ait Apostolus: *semetipsos sibi metipsis non intelligunt* (I Tim. i); et quia ipsi, etiamsi unam habuerint, ad eandem non solum generandi officio ducti viriliter accedunt, sed sæpe coeundi stimulo victi enerviter pertrahuntur. Sicut ergo sancti apostoli auditoribus admirantibus doctrinam suam condelectabantur, non aviditate consequendæ laudis, sed charitate seminandæ veritatis, ita sancti patriarchæ conjugibus excipientibus semen suum miscebantur, non concupiscentia percipiendæ voluptatis, sed providentia propagandæ successionis. Nam et illud quod mendacissima criminatione Faustus objecit, habuisse inter se velut quatuor scorta certamen quænam eum ad concubitum raperet, ubi hoc legerit nescio, nisi forte in corde suo, tamquam in libro nefariorum fallaciarum, ubi vere ipse scortabatur; sed cum serpente illo, de quo Apostolus timebat Ecclesiæ, quam *virginem castam* cupiebat *uni viro exhibere Christo* (II Cor. xi): ne sicut Evam deceperat astutia sua, sic et illorum mentes a Christi castitate avertendo corrumpere: ita enim huic serpenti amici sunt isti, ut eum præstiti se potius quam nocuisse contendunt. Ipse plane Fausti persuasit pectori adulterato, falsitatis semina infundens, ut has male conceptas calumnias ore immundissimo pareret, et stylo audacissimo etiam memoriæ commendaret; nulla enim ancillarum virum Jacob ab altera rapuit, nulla de illius concubitu cum altera litigavit. Ideo magis ordo erat, quia libido non erat; et tanto firmissus conjugalibus servabantur potestatis iura, quanto castius vivebatur carnalis cupiditatis injuria: quod enim et ab uxore conducitur, ibi vera nostra manifestatur assertio; ibi pro se adversum maledicta Manichæorum ipsa veritas clamat: quid enim opus erat ut eum altera conducere, nisi quia ordo aliter erat ut ad eam maritus intraret? Neque enim ad aliam umquam accessisset, nisi eum conduxisset; sed utique iustis ad eam vicibus accedebat, de qua tot filios procreaverat et cui obedierat, ut etiam de ancilla procrearet, et de qua postea non conducente procreavit. Sed tunc Rachel noctem habebat in ordine, ut maneret cum viro; tunc penes eam potestas illa erat, de qua Apostolus, vox certe novi Testamenti non tacuit dicens, *Similiter et vir non habeat potestatem sui corporis, sed mulier* (I Cor. vii). Ideo jam cum sorore pacta erat, cui facta debitor eam traderet ad debitorem suum: nam hoc nomine id appellat Apostolus, *Uxori*, inquit, *vir debitum reddat* (Ibid.). Cui ergo vir debitor erat jam acceperat a sorore quod elegerat voluntate, ut ei daret quod habebat in potestate. Hic vero ille quem Faustus tamquam impudicum, clausis, vel potius extinctis oculis criminatur, si concupiscentiæ, non justitiæ servus esset, nonne per totum diem in voluptatem illius noctis æstuarer, qui erat cum pulchriore cubiturus, quam certe amplius diligebat, et pro qua bis septenarium annorum laborem gratuitum impenderat. Cum ergo jam die peracto in ejus iret amplexus, quando inde averteretur, si talis esset qualem Manichæi nihil intelligentes opinantur? Nonne placito contempto mulierum, intraret potius ad speciosam, quæ illi noctem ipsam non solum conjugis more, verum etiam ordi-

nis jure debebat, utereturque potius ipse potestati maritali, quia et *uxor non habet potestatem sui corporis, sed vir* (Ibid.); et pro eo tunc servitutis illarum vicissitudo fiebat? Conjugal ergo potestate multo vincibilis uteretur, si formæ desiderio vinceretur; sed eo meliores feminae invenirentur, si illæ pro concipiendis filiis, ipse autem pro concubitu suo et voluptate certaret. Itaque vir temperantissimus, ut plane vir, quia tam viriliter feminis utebatur ut delectationi carnali non subiceretur, sed dominaretur, magis quid deberet quam quid ei debebatur, attendit; nec ad propriam voluptatem sua potestate abuti voluit, sed illius debiti redditor quam exactor esse maluit. Unde et consequens erat ut ei redderet, quam pro se, ut id acceperet, illa, cui debebatur, elegit. Quo earum placito comperto pactoque cum repente atque inopinate a pulcherrima conjugē revocaretur, et ad minus decoram vocaretur, non ira incanduit, non tristitia nubilatus est, non enerviter blandus, ut sibi potius Rachel noctem redderet, inter ambas stegit. Sed maritus justus et providus pater, cum illas prolis curam gerere videret, et ipse nihil aliud de concubitu quæreretur, earum voluntati obtemperandum judicavit, quæ sibi sigillatim filios optabant, sibi nihil minui, cui ambæ pariebant; tamquam diceret, Vobis inter vos, ut vultis, cedite atque concedite quænam vestrum fiat magis mater; ego quid contendam, quando sive inde, sive inde nascenti non erit alius pater? Hanc profecto modestiam, hanc concupiscentiæ coercionem, et in commixtione corporum conjugalium solum appetitum posteritatis humanæ, ut erat acutus Faustus in illis litteris et intelligeret et laudaret, nisi ejus ingenium detestabili secta depravatum et quid reprehenderet quæreretur, et unam nuptialis copulationis honestatem maris et feminae, qua liberorum procreandorum causa copulantur, crimen maximum reputet. Nunc jam defensio patriarchæ moribus, refutatoque crimine quod nefarius error objecit, de reliquo, ut possumus, mysteriorum secreta rimemur; pulsemus fidei pietate, ut nobis aperiri a Domino, quid rerum figuraverint quatuor istæ uxores Jacob, quarum duæ liberae et duæ ancillæ fuerunt: videmus enim Apostolum in libera et ancilla, quas habuit Abraham, duo testamenta intelligere; sed ibi una et una fidelius apparet, quod dicitur, *Hic autem duæ sunt et duæ*. Deinde ibi ancillæ filius exheredatur, hic vero ancillarum filii simul cum filiis liberarum terram promissionis accipiunt; unde hic proculdubio aliquid aliud significatur: quamquam enim duas liberas uxores Jacob ad novum testamentum, per quod in libertatem vocati sumus, existinem pertinere, non tamen frustra duæ sunt, nisi forte quia id quod in Scripturis adverti et inveniri potest, duæ vitæ nobis in Christi corpore prædicantur: una temporalis, in qua laboramus; alia æterna, in qua delectationem Dei contemplamur: istam Dominus passione, illam resurrectione declaravit. Admonent nos ad hoc intelligendum illarum etiam nomina feminarum. Lia enim interpretatur laborans; Rachel autem visum principium, sive verbum ex quo videtur principium. Acto ergo humana, mortalisque vitæ, in qua vivimus ex fide, multa laboriosa opera facientes, incerti quo exitu proveniant, ad utilitatem eorum quibus consulere volumus, ipsa est Lia prior uxor Jacob, ac per hoc et infirmis oculis fuisse commemoratur; cognitiones enim mortalium timidæ, et incerti providentiæ nostræ; spes vero æternæ contemplationis Dei, habens certam et delectabilem intelligentiam veritatis; ipsa est Rachel, unde etiam pulchra facie et pulchra specie: hanc enim amat omnis pie studiosus, et propter hanc servit gratiæ Dei, qua peccata nostra etsi fuerint sicut phenicium, tamquam nix dealbantur (Isai. i). Laban quippe interpretatur dealbatio, cui servivit Jacob pro Rachel; neque enim se quisque convertit sub gratia remissionis peccatorum servire justitiæ, nisi ut quiete vivat in verbo ex quo videtur principium,



quod est Deus. Ergo propter Rachel, non propter Liam servitur. Nam quis tandem amaverit in operibus justitiæ laborem actionum atque passionum? Quis eam vitam propter se ipsam expetiverit, sicut nec Jacob Liam? Sed tamen sibi nocte suppositam in usum generandi, amplexus et fecunditatem illius expertus est. Dominus enim eam, quia per se ipsam diligi non poterat, primo ut ad Rachel perveniretur, tolerari fecit; deinde propter filios commendavit: ita enim unusquisque utilis Dei servus sub dealbationis peccatorum suorum gratia constitutus, quid aliud in sua conversatione meditatus est, quid aliud in corde gestavit, quid aliud in corde adamavit, nisi doctrinam sapientiæ? quam plerique se adepturos et percepturos putant statim ut se in septem præceptis legis exercuerint, quæ sunt de dilectione proximi, ne cuiquam homini noceatur: id est, *Honora patrem et matrem, Non mœchaberis, Non occides, Non furaberis, Non falsum testimonium dices, Non concupisces uxorem proximi tui, Non concupisces rem proximi tui* (Exod. xx). Quibus quantum potuerit observatis postea quam pro concupita et sperata pulcherrima delectatione doctrinæ per tentationes varias quasi per hujus sæculi noctem, tolerantia laboris adhæserit, velut pro Rachel, Liæ inopinate conjungitur; et hanc sustinet, ut ad illam perveniat; si perseveranter amat, acceptis aliis septem præceptis: ac si dicatur, *Servi alios septem annos pro Rachel; ut sit pauper spiritu, mitis, lugens, esuriens, sitiensque justitiam, misericors, mundi cordis, pacificus. Vellet enim homo, si fieri posset, sine ulla tolerantia laboris, quæ magendo patiendoque amplectenda est, statim ad pulchræ atque perfectæ sapientiæ delicias pervenire; sed hoc non potest in terra morientium. Hoc enim significare videtur quod dictum est ad Jacob, Non est moris in loco nostro ut minor nubat priusquam major: quia non absurde major appellatur, quæ tempore prior est. Prior est autem in recta hominis eruditione labor operandi quæ justa sunt, quam voluntas intelligendi quæ vera sunt. Ad hoc valet quod scriptum est, Concupisti sapientiam? serva mandata, et Dominus præbebit illam tibi (Eccli. i). Mandata utique ad justitiam pertinentia, justitiam quæ ex fide est, quæ inter tentationum incerta versatur: ut pie credendo quod nondum intelligit, etiam intelligentiæ meritum consequatur: quantum enim valet, quod modo commemoravi esse scriptum, Concupisti sapientiam, serva mandata, et Dominus præbebit illam tibi, tantum et illud valere arbitror, Nisi credideritis, non intelligetis, ut justitia ad fidem, ad sapientiam vero intelligentia pertinere monstretur. Proinde in his qui flagrant ingenti amore perspicuæ veritatis, non est improbandum studium, sed ad ordinem revocandum: ut a fide incipiant, et bonis moribus nitantur pervenire quo tendunt. In eo quippe quod adversatur, virtus est laboriosa; in eo vero quod appetitur, luminosa sapientia. Quid opus est, inquit, credere? quid non mihi ostenditur manifestum aliquod verbum quo videam rerum omnium scientiæ principium? Id enim est in quod maxime ac primitus inardescit, si vel studiosus est animus rationalis. Cui respondeatur: Pulchrum est quidem quod desideras, et amari dignissimum; sed prius nubet Lia, et postea Rachel. Ardor ergo iste ad id valet ut ordo non recusetur, sed potius toleretur; cum autem perventum fuerit, simul habebitur in hoc sæculo non solum speciosa intelligentia, sed etiam laboriosa justitia. Quamlibet enim acute sinceriterque cernatur a mortalibus incommutabile bonum, adhuc corpus quod corrumpitur aggravat animam, et terrena inhabitatio deprimit sensum, multa cogitantem (Sap. ix). Ad unum ergo tenendum, multa ferenda sunt. Itaque duæ sunt uxores Jacob liberæ: ambæ quippe sunt filia: remissionis peccatorum, hoc est, dealbationis, quod est Laban; verumtamen una amatur, et altera toleratur; sed quæ toleratur, ipsa prius et uberius fecundatur: ut si non propter se ipsam, certe propter filios diligatur: labor enim iustorum maximum fru-*

etum habet in eis quos regno Dei generant, inter multas tentationes et tribulationes prædicando Evangelium; et eos, propter quos sunt in laboribus abundantius, in plagis supra modum, in moribus frequenter; propter quos habent foris pugnas, intus timores, gaudium et coronam suam vocant. Nascentur autem eis facilius atque copiosius ex illo sermone fidei quo prædicant Christum crucifixum, et quidquid humanitatis ejus citius humana cogitatione percipitur, et infirmos etiam Liæ oculos non perturbat. Rachel autem clara aspectu mente excedit Deo, et videt in principio Verbum Deum apud Deum (Joan. i), et vult parere et non potest, quia generationem ejus quis enarrabit? Proinde vita quæ studio contemplationis competit, ut ea quæ carni sunt invisibilia, non infirmis oculis mentis per ea quæ facta sunt in electa conspiciat, et sempiternam Dei virtutem ineffabiliter cernat, vacare vult ab omni negotio, et ideo sterilis; affectando quippe otium quo studia contemplationis ignoscunt, non contemperatur infirmitati hominum qui in variis pressuris sibi dederant subveniri; sed quia et ipsa procreandi charitate inardescit, vult docere quod novit: neque enim invidia tabescit, cum videt sororem labore agendi atque patiendi filiis abundantem; sed dolet potius currere homines ad eam virtutem quæ eorum infirmitatibus necessitatibusque consulitur, quam ad illam unde divinum et incommutabile aliquid discitur. Hic dolor figuratus videtur in eo quod scriptum est, *Et zelavit Rachel sororem suam*. Proinde quia liquidus purusque intellectus de illa substantia quæ corpus non est, ad carnis sensum non pertinet, et verbis carne editis exprimi non potest; elegit doctrina sapientiæ per quaslibet corporeas imagines et similitudines utcumque cogitanda insinuare divina, quam ab officio talia docendi cessare; sicut elegit Rachel ex viro suo et ancilla suscipere filios, quam sine filiis omnino remanere. Bala quippe interpretari dicitur *inveterata*. Hanc habuit ancillam Rachel. De veteri quippe vita carnalibus sensibus dedita corporeæ cogitantur imagines, etiam cum aliquid de spiritali et incommutabili substantia divinitatis auditur. Suscepit et Lia de ancilla sua filios, amore numerosioris prolis accensa. Invenimus autem Zelpham ejus ancillam interpretari, *os hians*. Quapropter ad prædicatores fidei evangelicæ, quorum os hiat, et cor non hiat, cum in Scripturis adverterimus, hæc intelligitur ancilla Liæ. Scriptum est enim de quibusdam, *Populus hic labiis me honorat, cor autem eorum longe est a me* (Isai. xxix). Et talibus apostolus dicit, *Qui prædicas non surandum, furaris; qui dicis non mœchandum, mœcharis* (Rom. ii). Verum ut etiam per hanc conditionem libera illa uxor Jacob laborans filios hæredes regni suscipiat, ideo Dominus dicit: *Quæ dicunt facite, quæ autem faciunt, facere nolite* (Matth. xxii). Unde in labore vinculorum vita apostolica: sive, inquit, occasione, sive veritate, Christus annuntiatur, et in hoc gaudeo, sed et gaudebo; tamquam et ancilla pariente de prole numerosiore. Lætatus est quidem Liæ affectus ex beneficio Rachel edrius, cum virum suum secum debita nocte cubitum, acceptis a filio Liæ mandragoricis cum sorore cubitare permisit. De hoc autem pomi genere opinari quosdam scio, quod acceptum in eam sterilibus feminis fecunditatem parit; ac per hoc putant omnimodo instituisse Rachel ut hoc a filio sororis acciperet cupiditate pariendi: quod ego non arbitrarer, nec si tunc concepisset; nunc vero cum post Liæ donaverit, nihil est cur de mandragora tale aliquid suspicemur, quale in nulla femina experti sumus. Dicam ergo quid sentiam, dicant hinc forte meliora doctiores: cum enim hæc mala ipse vidis em, et propter istum ipsum sacræ lectionis locum, id mihi obligasse gratularer, rara enim res est, naturam eorum diligenter, quantum potui, perscrutatus sum, non aliqua a communi sensu remotiori scientia, quæ docet virtutes radicum et potestates herbarum, sed



quantum mihi et crederet homini renuntiabat visus, et olfactus, et gustus. Proinde rem comperi pulchram et suaveolentem, sapore autem insipido; et ideo cur eam mulier tantopere concupierit, ignorare me fateor, nisi forte propter pomi raritatem et odoris jucunditatem. Cur vero ipsam rem gestam sancta Scriptura tacere noluerit, quæ non utique talia desideria muliercularum nobis pro magno insinuare curaret, nisi aliquid in eis magnum quærere commoneret, nihil amplius conicere valeo, quam quod ex illo communi sensu mihi suggeritur: ut illo mandragorico pomo figurari intelligam famam bonam, non eam quæ confertur, cum laudant hominem pauci iusti atque sapientes, sed illam popularem, qua etiam major et clarior notitia comparatur; non ipsam per sese expetendam, sed intentioni bonorum, qua generi humano consulunt, pernecessariam. Unde dicit Apostolus, *Oportet etiam testimonium habere bonum ab eis qui foris sunt* (1 Tim. iii). Qui licet parum sapiant, reddunt tamen plerumque labori eorum per quos sibi consulitur, et splendorem laudis, et odorem bonæ opinionis. Nec ad istam gloriam popularem primi perveniunt eorum qui sunt in Ecclesia, nisi quicumque in actionum periculis et labore versantur. Propterea Lia filius mala mandragorica invenit exiens in agrum, id est, honeste ambulans ad eos qui foris sunt. Doctrina vero illa sapientiæ, quæ a vulgi strepitu remotissima in contemplatione veritatis dulci delectatione defigitur, hanc popularem gloriam quantulumcumque non assequeretur, nisi per eos qui in mediis turbis agendo ac suadendo populis præsent, non ut præsent, sed ut prosint: quia dum isti actuosi et negotiosi homines, per quos multitudinis administratur utilitas, et quorum auctoritas populis chara est, testimonium perhibent etiam remotiori vitæ propter studium conquirendæ et contemplandæ veritatis, otiose quodammodo mala mandragorica per Liam veniunt ad Rachel. Ad ipsam vero Liam per filium primogenitum, id est, per honorem fecunditatis ejus, in qua est omnis fructus laboriosæ atque inter incerta tentationum perichlitanis actionis, quam plerique bono ingenio præditi, studioque flagrant, quamvis idonei regendis populis esse possint, tamen vitant propter turbulentas occupationes, et in doctrinæ otio, tamquam speciosæ Rachel fruuntur amplexibus. Sed quia bonum est ut etiam hæc vita latius innotescens popularem gloriam mereatur, injustum est autem ut eam consequatur, si amorem suum administrandis ecclesiasticis curis aptum et idoneum in otio detinet, nec gubernationi communis utilitatis impartit, propterea Lia sorori suæ dicit, *Parum est tibi quod virum meum accepisti, insuper et mandragoras filii mei vis accipere?* per unum virum significans eos omnes qui cum sint agendi virtute habiles, et digni quibus regimen Ecclesiæ committatur ad dispensandum fidei sacramentum, illi accensi studio doctrinæ atque indagandæ et contemplandæ sapientiæ, se ab omnibus actionum molestiis remove, atque in otio discendi atque docendi recondere volunt. Ita ergo dictum est, *Parum est tibi quod accepisti virum meum, insuper et mandragoras filii mei vis accipere?* Ac si diceretur, Parum est quod homines favore rerum gerendarum necessarios in otio detinet vita studiosorum, insuper et popularem gloriam requirit? Proinde ut eam juste comparet, impartit Rachel virum suum sorori suæ illa nocte: ut scilicet qua virtute laboriosa regimini populorum accommodati sunt, etiam si scientiæ vacare deligerent, suscipiant experientiam tentationum, curarumque sarcinam pro utilitate communi, ne ipsa doctrina sapientiæ, cui vacare statuerunt, blasphemetur, neque adipiscatur ab imperitioribus populis existimationem bonam, quod illa poma significant, et quod necessarium est ad exhortationem discendum. Sed plane ut hanc curam suscipiant, vi coguntur. Satis et hoc significatum est, quod cum veniret de agro Jacob, occurrit ei Lia, eumque detinens ait, *Ad*

*me intrabis, conducti enim te pro mandragoris filii mei;* tamquam diceret, Doctrinæ quam diligis vis conferre bonam opinionem, noli defugere officii laborem. Hæc in Ecclesia geri, quisquis adverterit, cernit. Experimur in exemplis quod intelligimus in libris. Quis non videat geri toto orbe terrarum, venire omnes ab operibus sæculi, et ire in otium agnoscendæ veritatis, tamquam in amplexum Rachel, et excipi de transverso ecclesiastica necessitate, atque ordinari in labore tamquam Lia dicente, *Ad me intrabis,* quibus caste mysterium Dei dispensantibus ut in hujus sæculi nocte Deo generent filios Dei, laudantur a populis etiam in illa vita cujus amore laudandi spem sæculi reliquerunt, et ex cujus professione ad ministerium regendæ plebis assumpti sunt: id enim agunt in omnibus laboribus suis, ut illa professio a qua se converterant, quia tales rectores populis dedit, latius et clarius glorificetur: tamquam Jacob non recusante noctem Lia, ut Rachel pomis suaveolentibus et clare nitentibus potiat; quæ aliquando et ipsa præstante misericordia Dei, per se ipsam parit, vix tandem quidem, quia perrarum est, ut, *In principio erat Verbum, et Verbum erat apud Deum, et Deus erat Verbum;* et quidquid de hac re sapienter dicitur, sine phantasmate carnalis cogitationis et salubriter vel ex parte capiatur. Sequitur:

(Vers. 26 seqq.) *Da mihi uxores et liberos meos, pro quibus servi tibi, ut abeam; tu nosti servitutem qua servi tibi. Ait ei Laban, Inveniam gratiam in conspectu tuo; experimento didici quod benedixit mihi Deus propter te; constitue mercedem tuam quæ in dem tibi. At ille, Tu nosti, inquit, quomodo servierim tibi, et quanta in manibus meis fuerit possessio tua. Modicum habuisti antequam venirem ad te, et nunc dives effectus es, benedixitque tibi Deus ad introitum meum. Satis advertendus est et notandus Scripturarum sensus, ne, cum ita quisque locutus fuerit, quasi gloriari videatur; multum enim interest quod adiecit, *Benedixit te Deus in introitu meo;* ingressum enim voluit intelligi, gratias hinc agens Deo. Sequitur:*

(Vers. 31 seqq.) *Dixitque Laban, Quid dabo tibi? At ille ait, Nihil volo; sed si feceris quod posulo, iterum pascam et custodiam pecora tua. Gyra omnes greges tuos, et separa cunctas oves varias et sparsas vellere; et quodcumque solum et maculosum variumque fuerit, tam in ovibus quam in capris, erit merces mea. Responditque mihi cras justitia mea, quando placiti tempus advenerit coram te; et omnia quæ non fuerint varia, et maculosa, et fulva, tam in ovibus quam in capris, forti me arguent. Dixitque Laban, Gratum habeo quod petis. Et separavit in die illo capras, et oves, et hircos, et arietes varios et maculosos; cunctum autem gregem unius coloris, id est albi et nigri velleris, tradidit in manus filiorum suorum, et posuit spatium itineris inter generum et se, dierum trium, qui pascebat reliquos greges ejus. Tollens ergo Jacob virgas populeas virides et amygdalinas, et ex platanis, ex parte decorticavit eas, detractisque corticibus, in his quæ spoliata fuerant candor apparuit; illa vero quæ integra erant viridia permanserunt; atque in hunc modum color effectus est varius. Posuitque eas in canalibus ubi effundebatur aqua, ut cum venissent greges ad bibendum, ante oculos haberent virgas, et in aspectu earum conciperent; factumque est in ipso calore coitus, ut oves intuerentur virgas, et parerent maculosa et varia, et diverso colore sparsa. In facto Jacob qui virgas excorticavit, detrahens ut album varie appareret, sic in conspectu fetus pecorum variarentur, cum matres in alveis aquarum biberent, et visis virgis illam varietatem conciperent, ut ex duplici desiderio dum avide bibunt et ascenduntur a maribus, tales fetus conciperent quales umbras arietum desuper ascendentium in aquarum speculo contemplabantur: ex virgis enim in canalibus positus varius erat etiam imaginum color. Nec mirum hanc in conspectu feminarum esse naturam, ut quales perspexerint, sive mente conceperint, in extremo voluptatis æstu quæ concipiant,*



talem sobolem procreent; cum hoc ipsum etiam in quarum gregibus apud Hispanos dicatur fieri. Multa dicuntur similiter fieri in animalium foetibus; et Quintilianus in ea controversia in qua accusabatur matrona, quod Æthiopem peperit, pro defensione illius argumentatur, hanc concipientium esse naturam, quam supra diximus. Sed et mulieri accidisse traditur, et scriptum reperitur in libris antiquissimi et peritissimi medici Hippocratis, quod suspitione adulterii fuerat punienda, cum pulcherrimum peperis-et utrique parenti generique dissimilem, nisi memoratus medicus solvisset questionem, illos admonens querere ne forte aliqua talis pictura esset in cubiculo, qua inventa, mulier a suspitione liberata est. Sed ad hanc rem, quam fecit Jacob, virgarum ex diversis arboribus trium copulatio quid contulerit utilitatis, quod attinet ad varias pecudes multiplicandas, non apparet omnino; nec aliquid ad hoc commodi interest, utrum ex unius generis ligno varientur virgæ, an plura sint lignorum genera, cum sola queratur lignorum varietas. Ac per hoc cognovit inquiri prophetiam aliquam res ista, quam sine dubio, ut propheta, fecit Jacob, et ideo nec fraudis arguendus est; non enim tale aliquid nisi revelatione spiritali enim legis credendum est. Virgæ populeæ et amygdaline, sive ex platanis, testimonia intelligenda sunt ex lege atque prophetis et agiographis; quæ Dominus noster ex parte decorticavit, et ex parte in proprio colore dimisit: decorticavit enim cum dicit: *Scriptum est, Oculum pro oculo, dentem pro dente; ego autem dico vobis, non reddere adversario omnino talionem* (Matth. v); vel cum interrogatus a Judæis si deberet uxorem quis juxta præceptum Moysi quicumque ex causa dimittere, respondisse scribitur, ad duritiam cordis eorum fuisse a Moyse præceptum: nam ab initio non ita fuisse (Id. xix; Marc. x); et iterum, *Scriptum est enim, Diliges proximum tuum, et odio habebis inimicum tuum; ego autem dico vobis: Orate pro inimicis vestris, et benefacite his qui vos persequuntur* (Matth. v, 45; Luc. vi, 29); et cætera: hunc enim versiculum ex parte decorticare visus est, cum dicit debere diligere inimicum; ex parte vero in proprio colore dimisit, illud videlicet quod de diligendo proximo ante prænisi: oves enim accipiendi sunt illi qui ad fidem veniunt Christi; arietes vero, Leati intelligendi sunt apostoli, seu Ecclesiarum ministri; canales autem aquarum, Evangeliorum accipiendi sunt libri; virgæ vero testimonia sunt veteris Testamenti, quæ Evangeliiis contexta noscuntur. Primum autem tempus conceptionis, aut Pentecostes accipiendus est dies, in qua per prædicationem apostolorum, velut primitivi tria millia virorum scribuntur simul concepisse divinum sermonem; aut certe tempus accipiendum est Quadragesimæ aut Paschæ, in quo pœnitentibus et catechumenis juxta intelligentiæ illorum mensuram, aut spiritaliter Scripturarum testimonia proferuntur, aut certe secundum historicæ textum, utrisque videlicet apta, ex quibus valeant auditu concipere, et fructus bonorum operum procreare. Decorticantur enim simul virgæ, cum Scripturarum testimonia, quæ secundum historiam nequaquam stare videntur, spiritaliter a sacerdotibus explanantur, ut de lepra parietis et pelliculæ staminis et subtegminis in Levitico scriptum est. Quod autem pro mercede sua Jacob varium et fulvum sive maculosum tam in ovibus quam in capris sibi dicit dari, hoc significat quod in Evangelio Scribis et Phariseis legitur respondisse: *Non veni vocare justos, sed peccatores in pœnitentiam* (Matth. ix). Quod vero ait: *Respondet mihi cras justitia mea*, judicii tempus indicat, quando fidelibus redditurus est beatitudinis sempiternam mercedem, et infidelibus ac prævaricatoribus pœnarum illaturus est ultionem. Intellectus sacri eloquii inter textum et mysterium tanta est libratione pensandus, ut utriusque partes lance moderata, hinc neque nimie discussionis pondus deprimat, neque rursum torpor incuriæ vacuum relinquat.

PATROL. L.

A Multæ quippe ejus sententiæ juxta allego-  
 riarum conceptionem sunt gravidæ, ut quisquis eas ad solam historiam tenere nititur, earum notitia per suam incuriam privetur. Nonnulli vero ita exterioribus præceptis inserviunt, ut, si qui ea subtilius penetrare voluerint, intus quidem nihil inveniant, sed hoc sibi etiam quod foris loquantur abscondant. Unde bene quoque narratione historica per significationem dicitur, *Tollens Jacob virgas populeas virides et amygdalinas, et ex platanis, ex parte decorticavit eas, et reliqua*. Quid est virgas virides et amygdalinas, et ex platanis, ante oculos gregum ponere, nisi per Scripturarum seriem antiquorum Patrum vitas atque sententias in exemplum populis præbere, quæ nimirum quia juxta rationis examen rectæ sunt, virgæ nominantur. Quibus ex parte corticem subtrahit, ut in his quæ exspoliantur intus candor appareat, et ex parte corticem servat, ut sicut fuerant, exterius in viriditate permaneant; variusque virgarum color efficitur, dum cortex ex parte subtrahitur et ex parte retinetur; ante considerationis enim nostræ oculos, præcedentium Patrum sententiæ quasi virgæ variae ponuntur. In quibusdam plerumque intellectum litteræ fugimus, et quasi corticem subtrahimus, et dum plerumque intellectum litteræ sequimur, quasi corticem reservamus; dumque ab ipsis cortex litteræ subducitur, allegoriæ candor interior demonstratur; et dum cortex relinquitur, exterioris intelligentiæ virentia exempla monstrantur. Quas bene Jacob in aquæ canalibus posuit, quia et Redemptor noster in libris eas sacræ scientiæ, quibus nos intrinsecus infundimur, fixit. Aspicientes arietes cum ovibus coeunt, quia rationales nostri spiritus, dum in earum intentione defixi sunt, singulis quibusque actionibus permiscuntur, ut tales foetus operum procreent, qualia exempla præcedentium in vocibus præceptorum vident, et diversum colorem proles boni operis habeant, quia et nonnumquam, subtracto litteræ cortice, altius interna considerat, et reservato nonnumquam historiæ tegmine, bene se in exterioribus format.

(Vers. 41.) Igitur quando primo tempore ascendebant oves, ponebat Jacob virgas in canalibus aquarum ante oculos arietum et ovium, ut in earum contemplatione conciperent, usque in eum locum, *Ubi mutastis mercedem meam decem vicibus*. Hoc enim quando et quomodo factum sit, Scriptura non narrat; sed utique factum est quod iste commemorat: nam dixit et hoc uxoris suis, quando eas vocavit in campo: conquerens enim de patre illarum, ait inter cætera, *Et mutavit mercedem meam decem vicibus*, sive decem agnorum. Intelligitur ergo per singula tempora partus ovium, cum videret Laban tales foetus esse natos, quales placuerat ut ad Jacob pertinerent, fraude pactum mutasse; et dixisse, ut futuro foetu alios pecudum colores in mercede haberet Jacob. Cum autem ille virgas varias non supposebat, non nascebantur varii, sed unius coloris, quæ Jacob ex novo pacto auferbat. Quod cum vidisset Laban, rursum pactum fraude mutavit, ut ad Jacob variae pertinerent. Tunc illarum suppositione virgarum, varia nascebantur. Ergo quod ait Jacob uxoris, *Mutavit mercedem meam decem vicibus*, et postea ipsi Laban similiter, non ita dixit quasi provenerit socero ejus ipsa fraus: ut enim ei non proveniret, Deum sibi dixit adversum illum affuisse. Decem vero vices pro decem temporibus posuit quibus oves quas pascebat per sexenium peperunt; his quippe pariebant in anno: contigerat enim ut primo anno quo inter se pacti sunt, et ad eas pascendas placito hujus mercedis accessit, semel parerent in fine anni; quia cum accessit, jam semel pepererant, rursusque sexto anno, id est, ultimo, cum semel peperissent, exordia necessitate protectionis, prius recederet quam iterum parerent; ac per hoc cum primus annus atque ultimus duos ovium partus sub illo haberent, hoc est, singulos, medii vero quatuor anni binos, sunt



omnes decem. *sed minime quod nunc decem tempora* nomine vicissitudinum appellavit, quia iisdem temporibus nascebantur: velut si quisquam dicat, per tot vindemias aut tot messes, quibus intelligatur numerus annorum. Pecudum autem illius regionis fecunditas, sicut Italicarum, tanta fertur, ut bis in anno pariant. Sequitur:

(Cap. XXXI. — Vers. 17 seqq.) Surrexit itaque Jacob, et impositis liberis et conjugibus super camelos abiit, tulitque omnem substantiam et greges, et quidquid in Mesopotamia adquisierat, pergens ad Isaac patrem suum ad terram Chanaan. Eo tempore Laban ierat ad tondendus oves, et Rachel furata est idola patris sui, noluitque Jacob confiteri socero suo quod fugeret. Cumque abiisset tam ipse quam omnia quæ juris ejus erant, et ante transmenso pergeret contra montem Galaath. Non quod eo tempore Galaath mons diceretur, sed per anticipationem, ut frequenter diximus, illo vocatur nomine, quo postea nuncupandus est. Nuntiatum est Laban die tertio quod fugeret Jacob. Qui assumptis fratribus suis persecutus est eum diebus septem, et comprehendit eum in monte Galaath, viditque in somnis dicentem sibi Deum, Cave ne quidquam asperere loquaris contra Jacob. Jamque Jacob extenderat in monte tabernaculum, quando ille consecutus est eum cum fratribus suis. In eodem monte fixit tentorium, et dixit ad Jacob: Cur ignorante me fugere voluisti, nec indicare mihi, ut prosequerer te cum gaudio, et canticis, et tympanis et citharis? Non es passus ut oscularer filios meos et filias? Stulte operatus es. Et nunc valet quidem manus mea reddere tibi malum; sed Deus patris tui heri dixit mihi, Cave ne loquaris cum Jacob quidquam durius? Esto: ad tuos ire cupiebas, et desiderio tibi erat domus patris tui, cur furatus es deos meos? Notandum est quod a principio libri nunc primum invenimus deos gentium; superioribus quippe Scripturæ locis Deum nominabant. Sequitur:

(Vers. 45.) Tulit itaque lapidem, et erexit illum in titulum. Diligenter enim advertendum est quomodo istos titulos in rei cujusque testimonio constituebant, non ut eos pro diis colerent, sed ut in eis aliquid significaretur. Sequitur:

(Vers. 47.) Quem vocavit Laban, Tumulum testis; et Jacob, Acervum testimonii: uterque juxta proprietatem linguæ suæ. Traditur ab eis qui et Syram et Hebræam linguam noverunt, propter proprietatis suæ cujusque factum; fieri enim solet ut alia lingua non dicatur uno verbo quod alia dicitur, et vicinitate significationis quidque appelletur; erat enim Laban Syrus, et antiquam linguam parentum provincie in qua habitabat sermone non mutaverat; hoc enim medie positum est, quod utrique conveniret, et ei qui dixerat, Acervus testimonii, et ei qui dixerat, Tumulus testis. Sequitur:

(Vers. 49 seqq.) Intueatur Dominus et judicet inter nos, quando recesserimus a nobis, si afflixeris filias meas, et si introduxeris uxores alienas super eas. Nullus sermonis nostri testis est absque Deo, qui præsens respicit. Quod dicit Laban, Nullus sermonis nostri testis est absque Deo, qui præsens respicit, nullus extraneorum præter testificationem Dei, quem ita habere deberent, tamquam nemo cum eis esset quem testimonio ejus jungerent. Post longam igitur servitutem quam Jacob apud socerum suum pro uxoribus velut mercenarius sustinuit, præcepit ei Dominus ut reverteretur in patriam suam; tunc ignorante socero cum uxoribus et comitatu properavit. Laban autem consecutus est eum in montem Galaath cum furore, atque idola quæ Rachel furata erat apud eum requisivit, nec reperit. Quid igitur ipsum hoc sibi figurat vellet, inquiramus. Dum Laban superius aliam gerat personam, nunc tamen diaboli typum figurat. Laban quippe interpretatur dealbatio. Dealbatio autem diabolus non inconvenienter accipitur, qui cum sit ex merito tenebrosus, transfigurat se in angelum lucis (II. Cor. xi). Huic servivit Jacob ex patre reproborum Judaicus populus, ex cujus carne incarnatus Domi-

nus venit. Potest etiam per Laban mundus exprimi, qui cum furore Jacob persequitur, quia electos quosque, qui Redemptoris nostri membra sunt, persequendo opprimere conatur. Hujus filiam, id est. seu mundi, seu diaboli, Jacob abstulit, cum sibi Christus Ecclesiam ex gentilitate conjunxit; quam et de domo patris abstraxit, quia ei per prophetam dicit, Obliviscere populum tuum et domum patris tui (Ps. xlii). Quid vero in idolis, nisi avaritia designatur? Unde per Paulum dicitur, Et avaritia quæ est idolorum servitus (Ephes. v). Laban ergo veniens apud Jacob, idolum non invenit, quia ostensis mundi thesauris diabolus in Redemptore nostro vestigia concupiscentiæ terrenæ non reperit. Sed quæ Jacob non habuit, ea Rachel sedendo cooperuit. Per Rachel quippe, quæ et ovis dicitur, Ecclesia figuratur. Sedere autem, est humilitatem pœnitentiæ appetere, sicut scriptum est, Surgite postquam sederitis (Ps. cxxvi). Rachel ergo idola sedendo cooperuit, quia sancta Ecclesia Christum sequens, vitium terrenæ concupiscentiæ per humilitatem pœnitentiæ cooperuit. De hac cooperatione per prophetam David dicitur, Beati quorum remissæ sunt iniquitates, et quorum tecta sunt peccata (Ps. xxxi). Nos quidem Rachel illa significabat, qui idola sedendo premimus, si culpas avaritiæ pœnitendo damnamus. Quæ avaritiæ immunditia non illos qui viriliter currunt impedit, quibus dicitur, Viriliter agite et confortetur cor vestrum (Ps. xxx); sed hos maxime impedit, qui quasi effeminato gressu gradientes, per blandimenta sæculi resolvuntur. Unde illic ejusdem Rachelis hæc verba sunt, Juxta consuetudinem feminarum nunc accidit mihi: id est, quasi muliebria se habere innuit. Laban autem postquam persecutus esset Jacob, et invenisset eum, et locuti essent inter se inientes sædus, tulit Jacob lapidem, et erexit illum in titulum, dixitque fratribus suis, Afferte lapides. Qui congregantes fecerunt tumulum, quem vocabat Laban, Tumulum testis; et Jacob, Acervum testimonii. Inter fideles enim tam Judæos quam gentes, testis est lapis eminens similitudine Christi, et acervus lapidum, quod est turba credentium. Sequitur:

(Cap. XXXII. — Vers. 1, 2.) Jacob quoque abiit itinere quo cæperat, fueruntque ei obviam angeli Dei: quos cum vidisset, ait, Castra Dei sunt hæc. Et appellavit nomen loci illius Manaim, id est, castra. Castra Dei quæ vidit Jacob in itinere, nulla dubitatio est quod angelorum fuerit multitudo. Ea quippe in Scripturis, cœli militia nominatur. Pulchre ad fratrem iturus inimicum, angelorum se comitantium excipitur chorus.

(Vers. 3 seqq.) Misit autem nuntios ante se ad Esau fratrem suum in regionem Edom, præcepitque eis, dicens, Sic loquimini domino meo: Hæc dicit frater tuus Jacob, Apud Laban peregrinatus sum, et fui usque in præsentem diem. Habeo boves, et asinos, et oves, et servos atque ancillas; mittoque legationem ad dominum meum, ut inveniam gratiam in conspectu tuo. Reversi sunt ad Jacob nuntii, dicentes, Venimus ad Esau fratrem tuum, et ecce properat in occursum tuum cum quadringentis viris. Timuit Jacob valde, et perterritus divisit populum qui secum erat, greges quoque, et oves, et boves, et camelos in duas turmas. Quæri potest quomodo habuerit fidem promissionis Dei, quando quidem dixit, Si venerit ad turmam primam frater meus, et percusserit eam, alia turma, quæ reliqua est, salvabitur. Sed etiam hoc fieri potuit, ut averteret castra ejus Esau; et tamen Deus post illam afflictionem adesset, ut liberaret eum, et quæ promisit impleret. Et admonendi sumus hoc exemplo ut quamvis credamus in Deum, faciamus tamen quæ facienda sunt ab hominibus in præsidium salutis; ne prætermittentes ea Deum tentare videamur. Denique post hæc quæ verba dicat idem Jacob, considerandum est: Deus, inquit, patris mei Abraham, et Deus patris mei Isaac, qui dixisti mihi, Revertere in terram tuam, et in locum nativitatis tuæ, et bene faciam tibi; minor sum cunctis miserationibus, et veritate quam explesti servo



tuo : in baculo meo transivi Jordanem istum, et nunc cum duabus turmis regredior ; erue me de manu fratris mei, quia valde eum timeo, ne forte veniens percutiat matrem cum filiis ; tu locutus es quod bene faceres mihi, et dilatares semen meum sicut arenam maris, quæ præ multitudine numerari non potest. Satis in his verbis et humana infirmitas et fides pietatis apparet. Sequitur : Cumque dormisset ibi nocte illa, separabat de his quæ habebat munera Esau fratri suo, capras ducentas, hircos viginti, oves ducentas, et arietes viginti, camelos fetas cum pullis suis triginta, vaccas quadraginta, et tauros viginti, asinas viginti, et pullos earum decem ; et misit per manus servorum suorum singulos seorsum greges. Dixitque pueris suis, Antecedite me, et sit spatium inter gregem et gregem. Et præcepit priori, dicens, Si obvium habueris Esau frutrem meum, et interrogaverit te, cujus es ? aut, quo vadis ? et cujus sunt ista quæ sequeris ? respondebis, Servi tui Jacob ; munera misit domino meo Esau : ipse quoque post nos venit. Similiter mandata dedit secundo ac tertio, et cunctis qui sequentur greges, dicens : Iisdem verbis loquimini ad Esau, cum inveneritis eum ; et addetis, Ipse quoque servus tuus iter nostrum insequitur ; dixit enim, Placabo illum muneribus quæ præcedunt, et postea eum videbo : forsitan propitiabitur mihi. Præcesserunt itaque munera ante eum ; ipse vero mansit nocte illa in castris ; dixit enim, Placabo vultum ejus in muneribus præcedentibus eum, Scriptor libri narrat de Jacob ; dixit enim, Placabo vultum ejus.

Hucusque verba Jacob dixisse intelligitur ; cætera vero sua intulisse, quod ait, In muneribus præcedentibus eum : tamquam diceret, In muneribus quæ præcedebant Jacob, placabo vultum fratris mei ; ordo enim verborum Jacob : Placabo vultum ejus, et post hæc videbo faciem ejus ; forsitan enim suscipiet faciem meam ; interposita autem sunt verba scriptoris, In muneribus præcedentibus eum. Sequitur :

(Vers. 22 seqq.) Cumque mature surrexisset, tulit duas uxores suas et totidem famulas cum undecim filiis, et transivit torrentem Jaboch : transductisque omnibus quæ ad se pertinebant, remansit solus ; et ecce vir luctabatur cum eo usque mane. Qui cum videret quod eum superare non posset, tetigit nervum femoris ejus, et statim emarcuit. Dixitque ad eum : Dimitte me, jam enim ascendit aurora. Respondit : Non dimittam te, nisi benedixeris mihi. Ait ergo : Quod nomen est tibi ? Respondit : Jacob. At ille : Nequaquam, inquit, Jacob appellabitur nomen tuum, sed Israel : quoniam si contra Deum fortis fuisti, quanto magis contra homines prævalebis ? Interrogavit eum Jacob : Dic mihi quo appellaris nomine ? Respondit : Cur quæris nomen meum, quod est mirabile ? Et benedixit eum in eodem loco. Vocavitque Jacob nomen loci illius Phanuel, dicens : Vidi Dominum facie ad faciem, et salva facta est anima mea. Sensus itaque hic est : Non vocabitur nomen tuum Supplantator, hoc est Jacob ; sed vocabitur Princeps cum Deo, hoc est Israel ; quomodo enim ego princeps sum, sic et tu, qui mecum luctari potuisti, Princeps vocaberis. Si autem mecum, qui Deus sum, sive angelus (quoniam plerique varie interpretantur), pugnare potuisti, quanto magis cum hominibus, hoc est, cum Esau, quem formidare non debes ? Illud autem quod in libro Nominum interpretatur, Israel, vir videns Deum, sive mens videns Deum, omnium pene sermone detritum, non tam vere quam violenter mihi interpretatum videtur. Quamvis igitur grandis auctoritatis sint, et eloquentiæ ipsorum nos umbra opprimat, qui Israel, virum sive mentem videntem Deum, transtulerunt, nos magis Scripturæ, et angeli, vel Dei, qui Israel ipsum vocavit, auctoritate ducimur, quam cujuslibet eloquentiæ secularis. Hoc autem nomen illi ab angelo impositum qui cum illo fuit in itinere de Mesopotamia redeunte luctatus, typum Christi evidentissime gerit. Nam quod ei prevaluit Jacob utique volenti, ut mysterium figuraret, significat passionem Christi, ubi visi sunt ei prævalere Judæi. Et tamen benedictionem ab eodem angelo quem supera-

A verat impetravit ; ac sic hujus nominis impostio benedictio fuit. Interpretatur autem Israel, princeps cum Deo ; sive, ut alii volunt, vir videns Deum, quod erit in fine præmium sanctorum omnium. Tetigit porro illi idem angelus, veluti prævalenti, latitudinem femoris, cumque isto modo claudum reddidit. Erat itaque unus atque idem Jacob, et benedictus et claudus : benedictus, in eis qui in Christum ex eodem populo crediderunt, atque in infidelibus claudus. Nam femoris latitudo, est generis multitudo. Plures quippe sunt in ea stirpe de quibus prophetice prædictum est : Et claudicaverunt a semitis suis (Ps. xvii). Sequitur :

(Cap. XXXIII. — Vers. 1 seqq.) Levans autem Jacob oculos vidit venientem Esau, et cum eo quadringentos viros ; divisitque filios Lia et Rachel, ambarumque famularum ; et posuit utramque ancillam et liberos earum in principio, Liam vero et filios ejus in secundo loco. Rachel autem et Joseph novissimos ; et ipse progrediens adoravit pronus in terra septies ; donec appropinquaret frater ejus. Currrens itaque obviam Esau fratri suo, amplexatus est eum, stringensque collum et osculans flevit. Levatisque oculis vidit mulieres et liberos earum, et ait : Quid sibi volunt isti, et si ad te pertinent ? Respondit, Parvuli sunt, quos donavit mihi Deus servo tuo. Et appropinquantibus ancillæ et filii earum, incurvati sunt. Accessit quoque Lia cum filiis suis, et similiter adoraverunt. Extremi Joseph et Rachel adoraverunt. Dixitque Esau : Quænam sunt istæ turmæ quas obviam habui ? Respondit, Ut invenirem gratiam coram domino meo. Et ille ait : Habeo plurima, frater mi, sint tua tibi. Dixitque Jacob : Noli ita facere, obsecro ; sed si inveni gratiam in oculis tuis, accipe munusculum de manu mea ; sic enim vidi faciem tuam, quasi viderem vultum angeli Dei. Quid sibi vult quod Jacob ait fratri suo : Propter hoc vidi faciem tuam, quemadmodum cum videt aliquis faciem Dei ? Utrum paventis et perturbati animi verba usque in hanc adulationem proruperunt ? an secundum aliquem intellectum sine peccato dicta accipi possunt ? Fortassis enim quia dicti sunt et gentium dii, quæ sunt dæmonia, non præjudicetur ex his verbis homini Dei, non enim dixit : Quemadmodum si viderem faciem Dei ; sed, cum videt aliquis. Ipse autem aliquis, quem significare possit, incertum est. Atque ita fortasse temperata sunt verba, ut et ipse Esau sibi delatum tantum honorem grate acciperet ; et qui hæc etiam aliter intelligeret, eum, a quo dicta sunt, nullo crimine impietatis argueret ; quod sibi benigno animo dicta hæc verba fraterna sunt, quoniam et post bonam suspensionem metus ipse transierat. Potuit et sic dici, quemadmodum et Moyses Pharaoni Deus dictus est, secundum quod dicit Apostolus : Et si sunt qui dicuntur dii, sive in cælo, sive in terra, quemadmodum sunt dii multi et domini multi (I. Cor. viii) : maxime quia sine articulo in Græco dictum est, quo articulo evidentissime solet veri Dei unius fieri significatio ; non enim dixit : πρόσωπον τοῦ Θεοῦ, sed dixit, πρόσωπον Θεοῦ. Facile autem hoc intelligunt qua distantia dicatur, qui Græcum eloquium audire atque intelligere solent. Sequitur :

(Vers. 13, 14.) Ait Esau ad Jacob : Gradiamur simul, et ero socius itineris tui. Dixit Jacob : Nosti, domine mi, quod parvulos habeam teneros, et oves ac boves fetas mecum ; quas si plus in ambulando fecero laborare, morientur una die cuncti greges. Præcedat dominus meus ante servum suum, et ego sequar paulatim vestigia ejus, sicut videro posse parvulos meos, donec veniam ad dominum meum in Seir. Hoc enim, sicut Scriptura divina narrat, Jacob non fecit, ut ad Esau perveniret in Seir ; sed eo perrexerat itinere quod dirigebat ad suos. An forte veraci animo promiserat, sed aliud postea cogitando elegit ? Sequitur :

(Vers. 17 seqq.) Et Jacob venit in Socho, ubi ædificata domo, et fixis tentoriis, appellavit nomen loci illius Socho, id est, tabernacula ; transivitque Salem urbem Syctimorum, quæ est in terra Chanaan, postquam reversus est de Mesopotamia Syriæ, et habitavit juxta



oppidum, emitque partem agri, in quo fixit tabernacula, a filiis Emor, patris Sichem, centum agnis; et erecto ibi altari invocavit super illud fortissimum Deum Israel. Est autem usque hodie civitas trans Jordanem hoc vocabulo, id est, Sochet, inter partes Scythopoleos. Et venit Jacob Salem, civitatem Sichem, in terra Chanaan, cum venisset de Mesopotamia Syriæ. Error oboritur quo modo Salem, Sichem civitas appelletur, cum Hierusalem, in qua regnavit Melchisedech, Salem ante sit dicta; aut enim unius nominis urbs utraque est, quod etiam de pluribus Judææ locis possumus invenire, ut idem urbis et loci nomen in alia atque alia tribu sit; aut certe istam Salem, quæ nunc pro Sichem nominatur, dicimus hic interpretatam consummatam atque perfectam, et illam quæ postea Hierusalem dicta est *pacificam*, nostro sermone transferri: utrumque enim accentu paululum declinato hoc vocabulum sonat. Sequitur:

(Cap. XXXIV. — Vers. 1 seqq.) *Egressa est autem Dina filia Liæ, ut videret mulieres regionis illius. Quam cum vidisset Sichem filius Emor Evæi, princeps terræ illius, adamavit eam, et rapuit, et dormivit cum illa, vi opprimens virginem, et conglutinata est anima ejus cum ea, tristemque blanditiis delinivit; et pergens ad patrem suum ait: Accipe mihi puellam hanc conjugem. Si jam cum illa dormierat eamque humiliaverat, quomodo postea virginem vocat, nisi forte virgo nomen ætatis est secundum Hebræum eloquium? an potius per recapitulationem postea commemoratur quod primo factum est? Prius enim potuit intendere animæ ipsius, et adamare virginem, et loqui secundum sensum virginis; et deinde cum illa dormire eamque humiliare. Dina quippe ut mulieres videat extraneæ regionis egreditur, quando unaquæque mens sua studia negligens, actiones alienas curans, extra habitum atque extra ordinem proprium evagatur. Quam Sichem princeps terræ vidit et adamavit, quia videlicet inventam in curis exterioribus, diabolus corrumpit; et agglutinata est anima ejus cum ea, quia unitam sibi per iniquitatem efficit. Et quia cum mens peccare se conspicit, admissum flere conatur; corrupta autem spes ac securitates vacuas ante oculos vocat, quatenus utilitatem tristitiæ subtrahat. Recte illic adjungitur: *Tristemque blanditiis delinivit*: modo enim aliorum facta graviora, modo nihil esse quod perpetratum est, modo misericordem Deum loquitur, modo tempus adhuc subsequens ad pœnitentiam pollicetur: ut dum per hoc decepta mens ducitur, ab intentione pœnitentiæ suspendatur: quatenus tunc bona nulla suscipiat, quam nunc mala nulla contristant; et tunc plenius obsidatur supplicii, quæ nunc gaudet etiam in delictis. Sequitur:*

(Vers. 25 seqq.) *Et ecce die tertio quando gravissimus est dolor vulnerum, arreptis, duo Jacob filii, Simeon et Levi, fratres Dinæ, gladiis, ingressi sunt confidenter; interfecitque omnibus masculis, Emor et Sichem pariter necaverunt, tollentes Dinam de domo Sichem sororem suam. Quibus egressis, introierunt super occisos cæteri filii Jacob et depopulati sunt urbem in ultionem stupri sororis suæ. Apparet ergo his verbis, non transeunter, sicut viator solet, illic mansisse Jacob, sed agrum emisse, tabernaculum constituisse, aram instruxisse, ac per hoc diutius in Sichem mansisse, quæ alio nomine dicitur Salem, quæ est in terra Chanaan; filiam vero ejus, cum in eam venisset ætatem ut amicas habere jam posset, videre voluisse filias civium loci, atque ita factam esse pro illa cruentissimam cædem et deprædationem, quæ jam, ut puto, quæstionem non habet: multitudo enim non parva fuit, quia plurimum ditatus erat. Sed filii ejus in hoc facto nominantur, quia ejusdem facti principes atque auctores fuerunt. Sequitur:*

(Cap. XXXV. — Vers. 1.) *Interea locutus est Deus ad Jacob, Surge, et ascende Bethel, et habita ibi; facque altare Deo, qui apparuit tibi quando fugiebas fra-*

*trem tuum. Quare non dixit, Et fac ibi altare mihi, qui apparui tibi; sed Deus dicit: Fac ibi aram Deo, qui apparuit tibi? Utrum Filius ibi apparuit, et Deus Pater hoc dicit? an in aliquo genere locutionis annumerandum, sicut est illud: Pluit Dominus a Domino (Gen. xix)?*

(Vers. 2 seqq.) *Ait: Abjicite deos alienos, qui in medio vestri sunt, et mundamini, et mutate vestimenta vestra, Surgite, et ascendamus in Bethel, et faciamus ibi altare Domino, qui exaudivit me in die tribulationis meæ, et fuit socius itineris mei. Dederunt ergo ei omnes deos alienos quos habebant, et in aures quæ erant in auribus eorum. At ille infodit ea subter terebintum, quæ est post urbem Sichem. Queritur quare in aures, quæ ornamenta erant et ad idololatriam non pertinebant, nisi quia intelligendum est phylacteria fuisse dæmoniorum? Nam Rebecca a servo Abraham in aures accepisse Scriptura testatur; quod non fieret, si ei in aures ornamenti gratia non licerent. Ergo illæ in aures, quæ cum idolis datæ sunt, ut dictum est, idolorum phylacteria fuerunt. Sequitur:*

(Vers. 5.) *Cumque profecti essent, terror Domini invasit omnes circa regiones, et non sunt ausi persequi recedentes. Incipiamus advertere quo modo Deus operetur in mentibus hominum: a quo enim timor Dei factus est in illis civitatibus, nisi ab illo qui sua promissa in Jacob filiisque ejus tuebatur? Sequitur:*

(Vers. 6.) *Venit igitur Jacob Luzam, quæ est in terra Chanaan, cognomento Bethel, ipse et omnis populus cum illo; ædificavitque ibi ultare, et appellavit nomen loci, domus Dei; ibi enim apparuit ei Deus, cum fugeret fratrem suum. Ecce manifestissime comprobatur Bethel, non Ulamau, ut Septuaginta interpretes dixerunt, sed Luzam, id est, Amygdalum, ante vocitatum; nec mirum debet videri: multis enim locis hoc accidit, et in civitatibus, et in fluminibus, et in quibusque terrarum locis, ut ex aliis atque aliis causis vel adderentur vel mutarentur vocabula, sicut et hominibus. Sequitur:*

(Vers. 8.) *Eodem tempore mortua est Debhora, nutrix Rebecæ, et sepulta ad radices Bethel subter quercum. Vocatumque est nomen loci illius, Quercus fletus. Debhora enim typum gerebat Mosaicæ legis, quæ ut apis mella divini cognitionis et cultus populis præbuit, quæ ob hoc etiam Domini nutricula fuit, quia, ut Apostolus ait: Natus ex muliere, factus est sub lege (Gal. iv). Umbrae igitur et imagines legis tunc mortuæ atque sepultæ nascuntur, quando Dominus in passione sua legitur exclamasse: Consummatum est. Quercus vero sub qua Debhora sepulta esse pronuntiatur, crux intelligenda est Domini; quæ ob hoc quercus est appellata fletus, quia in ea suspensa est vita, quæ Judæis incredulis perpetuum intulit luctum. Sequitur:*

(Vers. 9, 10.) *Apparuit autem iterum Deus Jacob postquam reversus est de Mesopotamia Syriæ, benedixitque ei, dicens: Non vocaberis ultra Jacob, sed Israel erit nomen tuum. Et appellavit eum Israel. Dum nequaquam ei ab angelo imponitur, sed, quod imponendum a Deo sit, prædicatur. Quod igitur futurum ibi promittitur, hic docetur expletum. Hoc ergo ei dicit iterum Deus in benedictione, quæ repetitio confirmat magnum promissum in hoc nomine; nam hoc mirum est: quibus enim semel dictum est amplius eos non vocari quod vocabantur, sed quod eis nomen novum imponebatur, omnino amplius aliquid non vocatos, nisi quod eis impositum sit; istum autem per totam vitam suam appellatum esse Jacob, cui semel Deus dixerat: Non jam vocaberis Jacob, sed Israel erit nomen tuum. Nimirum ergo nomen hoc ad illam recte intelligitur pertinere promissionem, ubi sic videbitur Deus, quo modo non est antea patribus visus; ubi enim non erit nomen vetus, quia nihil remanebit vel in ipso corpore vetustatis, et Dei visio summum erit præmium. Sequitur:*

(Vers. 41.) *Ego Deus omnipotens; cresce et multi-*



plicare: gentes et omnes populi nationum erunt ex te, reges de lumbis tuis egredientur. Utrum gentes secundum carnem, congregationes autem gentium secundum fidem; an utrumque propter fidem gentium dictum est: sed gentes appellari non possunt, una gens Israel secundum carnem. Sequitur:

(Vers. 14.) Ille vero erexit titulum lapideum in loco quo locutus fuerat ei Deus, libans super eum libamina, et effundens oleum, vocansque nomen loci illius Bethel. Iterum factum est hoc loco quod factum fuerat, an iterum commemoratum est? Sed quodlibet horum sit, super lapidem libavit Jacob, non lapidi libavit; non sicut idololatæ solent aras ante lapides constituere, et tanquam diis libare lapidibus. Sequitur:

(Vers. 15 seq.) Egressus autem inde, venit verno tempore ad terram quæ ducit Ephrata; in qua cum parturiret Rachel, ob difficultatem parius periclitari cœpit; dixitque ei obstetrix, Noli timere, quia et hunc habebis filium. Egremente autem anima præ dolore, et imminente jam morte, vocavit nomen filii sui Benoni, id est, filius doloris mei; pater vero appellavit eum Benjamin, id est, filium dextræ. Mortua est ergo Rachel, et sepulta in via quæ ducit Ephrata, hæc est Bethleem, erexitque titulum super sepulcrum ejus. Ephrata vero et Bethleem unius urbis vocabulum est, sub interpretatione consimili, siquidem in frugiferam et in domum panis vertitur, propter eum panem qui de cœlo ibi descendisse legitur. Sed quid sibi vult quod cum eundem Benjamin Rachel pareret, vocavit nomen ejus, filius doloris mei, nisi futurum prophetans ex ejus tribu Paulum, qui affligeret filios Ecclesiæ persecutionis suæ tempore? Sive aliter per Benjamin terrestris figurabatur Hierusalem, quæ est in tribu ejusdem Benjamin cujus populus gravi matrem dolore affecit, effundendo sanguinem prophetarum, insuper etiam in necem Christi impiis acclamando vocibus: Sanguis ejus super nos et super filios nostros (Matth. xxvii). Sequitur:

(Vers. 21.) Egressus inde, fixit tabernaculum trans torrentem gregis; quod alia translatio dicit: Trans torrentem Hader. Hunc locum esse Hebræi volunt ubi postea templum ædificatum est, et turrim Hader, turrim gregis significare, hoc est, congregationis et cœtus; quod Michæas propheta testatur, dicens: Et tu, turris gregis, filia Sion (Mich. iv), etc.; illoque tempore Jacob trans locum ubi postea templum ædificatum est, habuisse tentoria. Sed sequamur ordinem. Via pastorum juxta Bethleem locus est ubi angelorum grex in ortu Domini cecinit, vel Jacob pecora sua pavit, loco nomen imponens; vel, quod verius est, vaticinio futurum jam tunc mysterium monstrabatur. Sequitur:

(Vers. 22.) Cumque habitaret in illa regione, abiit Ruben, et dormivit cum Bala concubina patris sui, quod illud minime latuit. Ruben concupiscentia motus libidinis, in concubinam patris sui præceps effebuit. Quod incesti crimen non scriberetur, nisi futura perversitas Israelitici populi prænuntiaretur. Quamquam et in illo qui hoc commisit consideretur esse flagitium, in Scripturis tamen est prophetia futurorum: namque per Ruben primogenitum, populus primogenitus Israel ex circumcissione significatur. Qui thorum concubinae polluit: id est, legem veteris Testamenti sæpe prævaricando commaculavit. Quod autem in concubina lex veteris Testamenti ponatur, Paulus apostolus docuit, dicens: Abraham dux filios habuit, unum de ancilla, et unum de libera: hæc autem duo Testamenta (Gal. iv), etc. In quo Agar quæ concubina fuit, veteris Testamenti ponitur typo: una est enim perfecta columba genitricis suæ, quæ virgo casta, regina et sponsa Christi Ecclesia per Evangelium jungitur. Sequitur:

(Vers. 23 seq.) Erant autem filii Jacob duodecim. Filii Liæ: primogenitus Ruben, et Simeon, et Levi, et Judas, et Issachar, et Zabulon. Filii Rachel: Joseph, et Benjamin. Filii Balæ ancillæ Rachelis: Dan, et Nephthalim. Filii Zelphæ ancillæ Liæ: Gad, et Aser. Hi

A filii Jacob qui nati sunt ei in Mesopotamia. Quomodo duodecim filii Israel computantur qui nati sunt, et dicitur: Hi sunt filii Israel, qui nati sunt ei in Mesopotamia, cum Benjamin longe postea natus sit, cum jam transisset Bethel, et appropinquaret Bethleem? Hinc frustra quidam conantes istam solvere quæstionem dixerunt non legendum: Nati sunt, sicut Latini plerique codices habent; sed facti sunt; Græce enim scriptum est, ἐγένοντο. Ita volentes intelligi, etiam Benjamin quamvis ibi natus non fuerit, ibi factum tamen, quia jam fuerat in utero seminatus, ut prægnans inde Rachel exisse credatur. Hoc autem modo etiamsi nati sunt legeretur, possent dicere, jam in utero natus erat, quia conceptus erat; sicut et de sancta Maria dictum est ad Joseph: Quod enim in ea natum est, de Spiritu sancto est (Matth. i). Sed aliud est quod impedit hanc solutionem quæstionis hujus: quia si jam Benjamin ibi conceptus erat, qui filii Jacob grandes inde exierant, vix annorum duodecim esse poterant. Viginti namque annos illic explevit, quorum primis septem sine conjugio fuit, donec serviendo adipisceretur. Ut ergo primo anno quo duxit uxorem ei filius nasceretur, duodecim annorum esse poterat primitivus cum inde profectus est. Proinde si jam conceptus fuerat Benjamin, intra decem menses omnis illa via peracta est, et quidquid in itinere ascriptum est: unde sequitur ut filii ejus tam parvuli pro sorore sua Dina tantam stragem fecerint, tot homines trucidaverint, ita expugnaverint civitatem: in quibus Simeon et Levi, qui primi gladiis accincti intraverunt ad illos, hominesque peremerunt, unus undecim, alius autem decem annorum fuisse reperiatur; etiamsi per annos singulos sine intermissione illa pepererat: quod utique incredibile est, ab illius ætatis pueris illa omnia fieri potuisse, quando et ipsa Dina vix adhuc sex annorum fuit. Proinde aliter solvenda quæstio est: ut ideo intelligatur dictum esse commemoratis duodecim filiis, Hi sunt filii Jacob, qui nati sunt ei in Mesopotamia Syriæ, quia inter omnes, qui tam multi erant, unus tantum erat non ibi natus: qui tamen inde habuit nascendi causam, quod ibi mater ejus patri copulata est. Sed solutio ista quæstionis, aliquando exemplo locutionis similis firmanda est. Nulla tamen facilius est solutio quæstionis hujus, quam ut per synecdochē accipiat: ubi enim pars major est aut potior, solet ejus nomine etiam illud comprehendi quod ad ipsum nomen pertinet: sicut ad duodecim apostolos jam non pertinebat Judas, qui etiam mortuus fuit, cum Dominus resurrexit a mortuis; et tamen ipsius duodenarii numeri nomen Apostolus in Epistola sua tenuit, ubi ait: Cum apparuisset illis duodecim. Cum articulo enim hoc Græci codices habent, ut non possent intelligi quicumque duodecim, sed illi in eo numero insignes. Eo modo locutionis puto et illud a Domino dictum: Nonne ego vos duodecim elegi, et unus ex vobis diabolus est (Joan. vi)? ut non ad electionem ipse pertinere videretur. Sic quia aptior erat numerus duodecim filiorum Jacob qui nati fuerant in Mesopotamia, ipsorum commemoratione Scriptura complexa est etiam Benjamin, qui non erat ibi natus, et dictum est: Hi filii Jacob qui nati sunt ei in Mesopotamia Syriæ. Sequitur:

C

(Cap. XXXVI. — Vers. 1 seqq.) Hæ sunt autem generationes Esau: ipse est Edom. Esau accepit uxores de filiabus Chanaan: Ada filiam Elon Hethæi et Olibama, filiam Anæ filii Sebeon Evæi; Basemath quoque filiam Ismael, sororem Nabajoth. Peperit autem Ada Eliphaz; Basemath genuit Rahuel; Olibama edidit Jehus, et Elon, et Chore. Hi filii Esau, qui nati sunt ei in terra Chanaan. Quod post narrationem mortis Isaac, narratur quas uxores accepit Esau et qui ei filii nati sint, recapitulatio intelligenda est. neque enim post mortem Isaac fieri cœpit, cum jam essent Esau et Jacob centum viginti annorum, nam eos sexagenarius suscepit, et per omnes annos vite suæ centum octoginta quinque. Iste est Eliphaz, cu-



ius Scriptura in Job volumine recordatur. Sequitur. A

(Vers. 6 seqq.) *Tulit autem Esau uxores suas, et filios et filias, et omnem animam domus suæ, et substantiam, et pecora, et cuncta quæ habere poterat in terra Chanaan, et abiit in alteram regionem, recessitque a fratre suo Jacob: divites enim erant valde et simul habitare non poterant, nec sustinebat eos terra peregrinationis eorum præ multitudine gregum; habitavitque Esau in monte Seir, ipse est Edom.* Esau et Edom et Seir, unius nomen est hominis; et quare varie nuncupetur, supra dictum est. Sed quæstio est quo modo Scriptura dicat, post mortem Isaac patris sui, Esau abscissi-se de terra Chanaan, et habitasse in monte Seir; cum, veniente de Mesopotamia Jacob fratre ejus, legatur quod jam illic habitabit. Proinde quid fieri potuerit, ut Scriptura falli vel fallere non credatur, in promptu est cogitare, quod scilicet Esau, posteaquam in Mesopotamiam frater ejus abscessit, noluit habitare cum parentibus suis; sive ex illa commotione qua dolebat se benedictione fraudatum, sive alia aliqua causa, vel uxorum suarum quas odiosas videbat esse parentibus, vel qualibet alia, et cœperat habitare in monte Seir; deinde post reditum Jacob fratris sui, facta inter eos concordia, reversus est et ipse ad parentes; et cum mortuum patrem simul sepelivissent, quia eos plurimum ditatos terra illa, sicut scriptum est, minime capiebat, abscessit rursus in Seir, et ibi propagavit gentem Idumæorum. Sequitur:

(Vers. 31 seqq.) *Reges autem qui regnaverunt in terra Edom, antequam haberent regem filii Israel, fuerunt hi: Bahale filius Beor, nomenque urbis ejus Denaba. Mortuus est autem Bahale, et regnavit pro eo Jobab filius Zare de Bosra.* Hunc quidam suspicantur esse Job, ut in fine voluminis ipsius additum est. Contra Hebræi de Nachor eum stirpe generatum affirmant, ut jam supra dictum est. Quod autem scriptum est: *Hi reges qui regnaverunt in Edom antequam reynaret rex in Israel*, non sic accipiendum est, tamquam omnes reges nominati sint, usque ad ea tempora quibus cœperunt reges Israel, quorum primus fuit Saul. Multi enim fuerunt in Edom usque ad tempora Saul, sub temporibus etiam judicum, quorum tempora fuerunt ante reges. Sed ex his multis, eos solos potuit commemorare Moyses qui fuerunt antequam ipse inoreretur. Nec mirum est quod numerantibus ab Abraham per Esau patrem gentis Idumæorum, atque Rahuel filium Esau, et Zara filium Rahuel, et Jobab filium Zaræ, qui Jobab successit in regnum Balach, qui primus in terra Edom rex fuisse commemoratur, usque ad ultimum regem, quem potuit nominare Moyses, plures generationes inveniuntur quam numerantur ab Abraham per Jacob usque ad Moysen; nam illic inveniuntur fere undecim, hic autem usque ad Moysen ferme septem: fieri enim potuit ut ideo ibi plures nominarentur, quia citius moriendo plures alter alteri successerunt. Sic etiam contigit ut alium ordinem sequens Matthæus, ab Abraham usque ad Joseph quadraginta duas generationes numeret (*Matth. 1*); Lucas autem in ordine alio numerans generationes, non per Salomonem sicut ille, sed per Nathan, ab Abraham usque ad Joseph quinquaginta quinque commemoret (*Luc. 3*). In illo quippe ordine ubi plures numerantur, citius mortui sunt quam hic, ubi pauciores. Ne forte autem moveat aliquem quod inter reges Edom commemoratur Balach filius Beor, et de similitudine nominis existimet illum esse Balaach qui restitit Moysi ducenti populum Israel, sciat illum Balaach Moabiten fuisse, non Idumæum; fuisseque filium Sephor, non filium Beor; fuisse etiam ibi tunc filium Beor, Balaam, non Balaach; quem Balaam conduxerat idem Balaach, ad maledicendum populum Israel.

(Cap. XXXVII. — (Vers. 2 seqq.) *Joseph cum sexdecim esset annorum, pascebat gregem cum fratribus suis, adhuc puer, et erat cum filiis Balæ et Zelphæ, uxorum patris sui; accusavitque fratres suos apud pa-*

*trem crimine pessimo. Israel autem diligebat Joseph super omnes filios suos, eo quod in senectute genuisset eum, fecitque ei tunicam polymitam. Videntes autem fratres ejus quod a patre plus cunctis fratribus amaretur, oderant eum, nec poterant ei quidquam pacifice loqui. Si sexto decimo anno Joseph in Ægyptum est venditus, ante tredecim annos quam moreretur avus ejus venditus invenitur; sexdecim enim annorum esse non potuit, nisi ante tredecim annos mortis Isaac, centesimo septimo anno vitæ patris sui Jacob; his enim cum adjecerimus viginti tres quibus Joseph usque ad adventum patris sui fuit in Ægypto, sicut anni a tatis Joseph triginta novem et Jacob centum cum triginta, et nulla erit quæstio. Sed quoniam Scriptura post mortem Isaac ista narravit, putatur Joseph post ejusdem patris sui mortem sexdecim annorum fuisse. Quapropter intelligamus de vita Isaac tamquam multum decrepiti senis tacuisse Scripturam, cum de Jacob et ejus filiis loqueretur. Vivo tamen Isaac sexdecim annorum esse cœpit Joseph. Accidit quoque ut visum somnium referret fratribus suis, quæ causa majoris odii seminarium fuit, dixitque ad eos: *Audite somnium meum, quod vidi: Putabam nos manipulos ligare in agro, et quasi consurgere manipulum meum, et stare, vestrosque manipulos circumstantes adorare manipulum meum. Responderunt ei fratres ejus: Numquid rex noster eris, aut subjicemur ditioni tuæ? Hæc ergo causa somniorum atque sermonum, invidiæ et odii fomitem ministravit. Aliud quoque vidit somnium, quod narrans fratribus, ait: Vidi per somnium, quasi solem et lunam et stellas undecim adorare me; quod cum patri suo et fratribus retulisset, increpavit eum pater, et dixit: Quid sibi vult hoc somnium quod vidisti? Num ego, et mater tua, et fratres tui adorabimus te super terram? Invidebant igitur ei fratres sui, pater vero rem tacitus considerabat. Quod dicit Jacob ad Joseph: Quod est somnium hoc quod somniasti? numquid venientes veniemus ego, et mater tua, et fratres tui, adorare te super terram, nisi in aliquo mysterio dictum accipiat, quo modo intelligitur de matre Joseph, quæ jam erat mortua? Unde nec in Ægypto cum sublimaretur putandum est hoc esse completum: quia nec pater eum adoravit, quando ad eum venit in Ægyptum, nec mater olim defuncta potuit. In Christi ergo persona facile intelligi potest etiam de mortuis, secundum quod dicit Apostolus: Quia donavit ei nomen quod est super omne nomen, ut in nomine Jesu omne genu flectatur, cælestium, terrestrium, et infernorum (*Philipp. 2*). Sequitur: *Perrexit ergo Joseph post fratres suos, et invenit eos in Dothaim. Qui cum vidissent eum procul antequam accederet ad eos, cogitaverunt eum occidere, et mutuo loquebantur: Ecce somniator venit; venite, occidamus eum, et mittamus in cisternam veterem, dicemusque: Fera pessima devoravit eum; et tunc apperebit quid illi prosint somnia sua. Audiens autem hoc Ruben, nitebatur liberare eum de manibus eorum, et dicebat: Non interficiamus animam ejus, nec effundamus ejus sanguinem, sed projicite eum in cisternam hanc, quæ est in solitudine, manusque vestras servate innoxias. Hoc autem dicebat, volens eripere eum de manibus eorum et reddere patri suo. Confestim igitur ut pervenit ad fratres suos, nudaverunt eum tunica talarum et polymita, miseruntque in cisternam quæ non habebat aquam. Et sedentes, ut comederent panem, viderunt Ismahelitas venire de Galaath, et camelos eorum portantes aromata, et resinam, et stactem in Ægyptum. Dixit ergo Judas fratribus suis: Quid nobis prodest, si occiderimus fratrem nostrum, et celaverimus sanguinem illius? melius est ut venundetur Ismahelitis, et manus nostræ non polluantur; frater enim et caro nostra est. Acquieverunt fratres sermonibus ejus, et prætereuntibus Madianitis negotiatoribus, extrahentes eum de cisterna, venderunt Ismahelitis triginta [Vulg. viginti] argenteis. Queritur quare Ismahelitas Scriptura, quibus a fratribus venditus est Joseph, etiam Madianitis vocet, cum Ismahel sit de Agar filius***



Abrahæ, Madianitæ vero de Cethura? An quia Scriptura dixerat de Abraham, quod munera dederit filiis concubinarum suarum, Agar scilicet et Cethuræ, et dimiserit eos ab Isaac filio suo in terram Orientis, unam gentem fecisse intelligendi sunt? Sequitur :

(Vers. 28 seqq.) *Qui duxerunt eum in Ægyptum. Reversusque Ruben ad cisternam non invenit puerum, et scissis vestibus pergens ad fratres, ait : Puer non comparet, et ego quo ibo? Tulerunt autem tunicam ejus, et in sanguine hœdi quem occiderant, tinxerunt, mittentes qui ferret ad patrem, et diceret : Hanc invenimus; vide utrum tunica filii tui sit, an non? Quam cum cognovisset pater ejus, ait : Tunica filii mei est; fera pessima comedit eum, bestia devoravit Joseph. Scissisque vestibus indutus est cilicio, lugens filium multo tempore. Congregatis autem liberis ejus, ut lenirent dolorem patris, noluit consolationem recipere; sed ait, Descendam ad filium meum lugens in infernum.* Solet esse magna quæstio quo modo intelligatur esse infernum : utrum illic mali tantum, an etiam boni, mortui descendere soleant. Si ergo tantum mali, quo modo iste ad filium se dicit lugendo velle descendere? non enim in pœnis inferni eum esse credebatur; sed perturbati et dolentis verba sunt, mala sua etiam hinc exaggerantis. Sequitur :

(Vers. 36.) *Madianitæ vero vendiderunt Joseph in Ægyptum Putiphari eunucho Pharaonis, magistro militiæ.* Quæritur quo modo postea idem eunuchus uxorem habere dicatur. Tradunt Hebræi emptum ab hoc Joseph, ob nimiam pulchritudinem, in turpe ministerium, et a domino, virilibus arefactis, postea electum esse, juxta morem Hierophantarum, in pontificatum Heliopoleos; et hujus filiam esse Asenez, quam postea Joseph uxorem accepit. Joseph unus ex duodecim filiis Jacob, quem pater præ cæteris filiis dilexit, Christum Dominum figuravit : quem Deus Pater, secundum carnem natum, cæteris fratribus ex Abraham stirpe genitis prætulit. Unde et ibi dicitur : *Amabat eum Jacob, eo quod in senectute genuisset eum.* Senescente enim mundo, illucescens Dei Filius per Mariæ Virginis partum, serus advenit, tamquam filius senectutis, secundum sacramentum suscepit corporis, qui erat ante per substantiam Deitatis semper cum Patre. Tunica vero polymita, quam fecit ei pater, varietatem populorum ex omnibus gentibus in corpore Christi congregatam significavit. Somnium vero illud per quod fratrum manipuli adoraverunt manipulum ejus, illud est quod in Christo completum est : *Adorabunt eum omnes reges terræ, omnes gentes servient ei (Ps. LXXI),* scilicet per fidem, fructum bonorum operum asserentes. Ipse est quem sol et luna adorant, et stellæ, de quo sole dictum est : *Laudate eum, sol et luna; laudate eum, omnes stellæ (Ps. CXLVIII).* Ipsum enim excellentia sanctorum in solis nomine, Ecclesiæ claritas sub imagine lunæ, et omnium populorum numerositas in figura stellarum adorant. Unde pater suus increpavit eum, dicens : *Numquid ego, et mater tua, et fratres tui, adorabimus te?* Objurgatio ista patris, duritiam populi Israel significat, pro eo quod ex se natum Christum esse cognoscunt, et adorare contemnunt. Jacob mittit Joseph filium suum, ut de fratribus sollicitudinem gereret; et Deus Pater misit Filium suum unigenitum ut genus humanum peccatis languidum visitaret. Minuitur ab illo utique Patre, de quo scriptum est : *Misit Deus Filium suum in similitudine carnis peccati (Rom. VIII);* ut videret si recte agerentur oves. Et Dominus ait in Evangelio : *Non veni nisi ad oves perditas domus Israel (Matth. XV).* Invenit ergo Joseph fratres suos in Dothaim. Dothaim interpretatur, defectio. Vere in grandi defectione erant, qui de parricidio fratris cogitabant. Cumque vidissent Joseph fratres sui procul, occidere eum cogitaverunt; et Judæi videntes verum Joseph, Dominum Jesum Christum, ut eum crucifigerent unum omnes consilium statuerunt, dicentes : *Crucifige eum (Luc. XXIII).* Fera pessima devoravit eum : id est, plebs Ju-

daica interfecit eum, de qua Dominus in Evangelio dicit : *Ecce ego mitto vos, sicut oves in medio luporum (Matth. X).* Nudaverunt Joseph fratres sui tunica polymita et talari; et Judæi Christum per mortem crucis exspoliaverunt tunicam corporalem. Polymitam autem, id est, decoratam omnium virtutum diversitate. Resperserunt autem tunicam hœdi sanguine, quia falsis eum testimoniis accusantes, in invidiam deduxere populi, peccata donantem omnium. Mittitur dehinc in cisternam, id est, in lacum; et Christus exspoliatus carne humana descendit in infernum. De cisterna quoque levatus ille Israhelitis, id est, gentilibus venditur; et Christus postquam de inferno egreditur, ab omnibus gentibus fidei commercio comparatur. Ille per Judæ consilium, triginta argenteis distrahitur; et hic Christus per consilium Judæ Scariotis eodem numero venumdatus est. Dehinc Jacob posteritatis suæ deplorans dispendia, quasi pater lugebat filium amissum, quasi propheta flebat interitum Judæorum. Denique scidit vestimentum suum, quod in passione legimus actum a principe sacerdotum (Matth. XXVI); sed et velum templi scissum est (Id. XXVII) : ut propheta et nudatum suum populum, et divisum ostenderet regnum.

(Cap. XXXVIII. — Vers. 1 seqq.) *Eo tempore descendens Judas a fratribus suis divertit ad virum Oollamitem nomine Hiram, viditque ibi filiam hominis Chananiæ vocabulo Sux, et uxore accepta ingressus est ad eam, quæ concepit et peperit filium, vocavitque nomen ejus Her.* Rursus concepto fetu, natum filium nominavit Onan. Tertium quoque peperit, quem appellavit Sela. Quo nato, parere ultra cessavit. Dedit autem Judas uxorem primogenito suo Her, nomine Thamar. Fuitque Her primogenitus Judæ, nequam in conspectu Domini, et ab eo occisus est. Dixit ergo Judas ad Onan filium suum : *Ingredere ad uxorem fratris tui, ut suscites semen fratri tuo.* Ille sciens non sibi nasci filios, introiens ad uxorem fratris sui, semen fundebat in terram, ne liberi fratris nomine nascerentur. Et idcirco percussit eum Dominus, quod rem detestabilem fecisset, Quamobrem dixit Judas nuri suæ : *Esto vidua in domo patris tui, donec crescat Sela filius meus; timebat enim ne et ipse moreretur, sicut fratres ejus.* Quæritur quo modo ista fieri potuerint : si enim postea quam Joseph devenit in Ægyptum, quo modo intra viginti ferme et tres annos? nam post tantum temporis colligitur eos venisse ad eundem Joseph fratrem suum in Ægyptum cum patre suo; fieri enim potuit ut Judas et filii ejus juxta ætatis annos possent ducere uxores. Nam Thamar nulum suam, mortuo primogenito suo, alteri filio dedit; quo etiam mortuo, expectavit ut cresceret tertius; et cum crevisset, nec illi eam dedit, timens ne et ipse moreretur. Unde factum est ut eidem socero suo se illa supponeret. Quo modo ergo hæc omnia intra tam paucos annos fieri potuerint, merito movet, nisi, ut forte solet Scriptura, per recapitulationem aliquot annis ante venditum Joseph hoc fieri cœpisse intelligi velit : quoniam sic positum est ut diceretur : *Factum est in illo tempore.* Ubi tamen quæritur, si sexdecim annorum erat Joseph quando venditus est, quot annorum esse Judas potuerit quartus filius Jacob, quandoquidem ipse primogenitus Ruben ut plurimum fratrem suum Joseph quinque aut sex annos potuerit ætate præcedere. Evidenter autem Scriptura dicit triginta annorum fuisse Joseph, quando innotuit Pharaoni. Cum ergo ipse anno decimo sexto ætatis suæ venditus fuisse credatur, quatuordecim annos peregerat in Ægypto ignotus Pharaoni. Ad hos autem viginti quatuor annos accesserunt septem anni ubertatis, et facti sunt anni viginti unus. His adduntur duo, quia secundo anno famis intravit Jacob in Ægyptum cum filiis suis, et inveniuntur viginti tres anni, quibus absuit Joseph a patre et fratribus suis. Quo medio tempore quo modo fieri potuerint de uxore et filiis et nuru Judæ omnia quæ narrantur, indagare difficile est : nisi



forte ut credamus, et hoc enim fieri potuit, mox ut A adolescere Judas cœpit, cum incidisse in amorem ejus quam duxit uxorem, nondum vendito Joseph in Ægyptum. Sequitur:

(Vers. 12 seqq.) *Evolutis autem multis diebus, mortua est Sua, uxor Judæ. Qui post luctum consolatione recepta, ascendebat ad tonsores ovium suarum, ipse, et Hiras opilio gregis Odollamita in Thamnas; nuntiaturque est Thamar, quod socer ejus ascenderet in Thamnas ad tondendas oves. Quæ, positis viduitatis vestibus, assumpsit theristrum, et mutato habitu sedit in bivio itineris quod ducit Thamnas; eo quod crevisset Sela, et non eum accepisset maritum. Quam cum vidisset Judas, suspicatus est esse meretricem; operuerat enim vultum suum ne cognosceretur. Ingressusque ad eam ait: Dimitte me ut coeam tecum; nesciebat enim quod nurus sua esset. Qua respondente: Quid mihi dabis, ut fruaris concubitu meo? dixit: Mittam tibi hædum de gregibus. Rursum illa dicente: Patiar quodvis si dederis mihi arrhabonem, donec mittas quod polliceris. Ait Judas: Quid vis tibi pro arrhabone dari? Respondit: Annulum tuum, et armillam, et baculum quem manu tenes. Ad unum igitur coitum concepit mulier, ac surgens abiit, depositoque habitu quem assumpserat, induta est viduitatis vestibus. Si enim vir et uxor, sicut Dominus dicit, non jam duo, sed una caro est, non aliter nurus est quam filia deputanda; tamen eum quantum in ipso erat deformiter cum meretrice cubasse, non dubium est. At illa quæ socerum fefellit, non carnis ejus concupiscentia, nec meretriciæ mercedis cupiditate peccavit; sed ex ipso sanguine prolem requirens, ex quo duobus etiam fratribus nupta, tertio quoque negato habere non potuit, patri eorum socio suo fetandum corpus fraude subjecit. Melius quidem sine filiis remaneret, quam sine jure matrimonii mater fieret. Longe tamen alia intentione peccavit, quod filiis suis patrem providit socerum suum, quam si eum sibi concupisset adulterum. Denique cum jussu ejus produceretur ad mortem, et virgam, monile atque annulum protulisset, dicens ab eo se gravidatam ejus pignora illa essent; ubi ea quæ dederat ille cognovit, istam magis quam se justificatam esse respondit, quod ei maritum suum conjungere noluisse: qua destitutione compulsa, illo modo potius quam nullo modo, posteritatem non aliunde quam ab eadem stirpe conquireret. In qua sententia non eam justificatam, sed eam plus quam se justificatam dicens, nec ipsam laudavit, sed in sui comparatione præposuit, desiderium scilicet habendæ prolis, quo ducta illa se socio supposuerat, minus culpans quam libidinosi concubitus ardorem, quo ipse velut ad meretricem victus intraverat; sicut quibusdam dicitur: *justificatis Sodomam*, id est, tantum peccastis ut vobis Sodoma comparata justa videatur: quamquam etiam hæc mulier non in pejoris facti comparatione minus culpata, sed omnino a socio laudata intelligatur. Quæ tamen consulta illa æterna lege justitiæ, quæ naturalem ordinem perturbari vetat, non utique tantummodo corporum, sed maxime ac primitus animorum, quia in procreandis filiis ordinatam societatem non custodivit, merito culpabilis invenitur. Quid mirum si peccatrix a peccatore laudatur? quod ita nobis Faustus, vel ipsa Manichæa perversitas arbitratur adversum esse, quasi nobis in hujus Scripturæ vera ratione dignoque præconio vitia hominum, quæ ista commemorat, necesse sit approbare. Quin potius necesse est ut quanto istam religiosius accipimus, tanto fidentius illa culpeamus, quæ per ejus veritatem certius culpanda didicimus: ibi enim fornicatio et omnis illicitus concubitus divino jure damnatur. Ac per hoc cum talia quorundam facta commemorat, de quibus eo loco suam tacet sententiam, indicanda nobis permittit, non laudanda perscribit. Unde hic expressius apparet, non ad ipsum Judam, sed ad Christum qui ex ejus tribu prænuntiabatur in carne ven-*

turus, illam pertinere prophetiam, qua Jacob patriarcha sub nomine illius Judæ taxatus est. Et ideo magis flagitium ejus divina Scriptura tacere non debuit, sicut non tacuit in verbis patris ejus, quibus post illud dedecus ita laudatur. Quia ipse in prophetia non agnoscitur, alius requiratur, neque enim Judas, cum ad Thamar concupiscentia victus intraret, hanc suæ libidinis intentionem gerebat, ut inde aliquid significaretur, quod ad salutem hominum pertineret: sicut nec Judas ille qui Deum tradidit, hoc intendit, ut aliquid inde gereretur quod ad eandem salutem hominum pertineret. Porro si de tam malo opere Judæ illius, tam bonum opus Dominus fecit, ut ejusdem suæ passionis sanguine nos redimeret: quid mirum si propheta ejus, de quo ipse ait: *De me enim ille scripsit* (Joan. v), ex malefacto Judæ istius boni aliquid significavit, ut suo mysterio nos doceret? Ea quippe hominum facta, sancto Spiritu disponente atque inspirante, collegit propheta narrator, quorum interpositio non vacaret, ad præsignationem rerum, quas intenderat, prophetare. Ad significanda autem aliqua bona, nihil interest si facta illa, quibus ea significantur, seu bona, seu mala sint: quid enim interest cum volo aliquid legendo cognoscere, utrum ex minio reperiam scriptos nigros Æthiopes, et ex atramento, candidos Gallos? Verumtamen si non scripta, sed scripturam talem viderem, sine dubitatione reprehenderem. Ita in factis hominum, quæ ad imitandum vitandumve proponuntur, magnum interest bonane an mala sint: quæ autem ad significandum scribuntur, sive dicuntur, nihil refert in moribus facientium, quam laudem reprehensionemve mereantur: si modo habent aliquam rei, qua de re agitur, necessariam præfigurandi congruentiam: sicut enim Caiphæ verba in Evangelio, quantum ad ejus noxium perniciosumque animum pertinebat, quantum denique ad ipsa verba, si in eis voluntatem dicentis attendas, quibus aiebat, ut justus injuste necaretur, utique mala erant, tamen magnum bonum illo nesciente significabant, quando ait: *Expedi vobis ut unus moriatur homo, et non tota gens pereat*; dictumque est de illo: *hoc autem non a se dixit, sed cum esset pontifex, prophetavit: quia oportebat Jesum mori pro gente* (Joan. xi): ita factum Judæ, secundum illius libidinem malum fuit: sed illo nesciente, magnum bonum significavit. A se ipso quippe malum fecit, sed non a se ipso bonum significavit. Hoc autem quod necessario præloquendum putavi, non ad hoc tantum Judæ factum, sed etiam ad cætera valeat, si qua occurrerint mala facta hominum, quibus bonum aliquid a narrante prophetatum est. In Thamar ergo nuru Judæ intelligitur plebs regni Judæorum, cui de tribu Juda reges tamquam mariti adhibebantur. Merito nomen ejus Amaritudo interpretatur, ipsa enim domino fellis poculum dedit. Duo autem genera principum qui non recte operabantur in plebe, unum eorum qui male operabantur, alterum eorum qui nihil proderant, significantur in duobus filiis Judæ: quorum unus erat vir sævus ante Dominum, alter in terram fundebat, ne semen daret ad fecundandam Thamar. Nec sunt amplius quam duo genera hominum inutilia generi humano: unum nocentium, alterum præstare nolentium: si quid boni habent in hac terrena vita perdentium, tamquam in terram fundentium. Et quoniam in malo prior est qui nocet, quam ille qui non prodest, ideo major dicitur malignus; et ille sequens, qui fundebat semen in terram, mœror eorum. Nomen quoque majoris, qui vocabatur Her, interpretatur Pelliceus, qualibus tunicis induti sunt primi homines in poena damnationis suæ, dimissi ex paradiso. Sequentis autem nomen qui vocabatur Onan, interpretatur Mœror eorum. Quorum, nisi quibus nihil prodest, cum habeat unde prodesse possit: atque id perdat in terra? Porro majus malum est ablata vitæ, quod significat pellis, quam non habitæ, quod significat mœror eorum. Deus tamen ambos occidisse dictus est, ubi figuratur regnum ta-



libus hominibus abstulisse. Tertius vero filius Judæ quod illi mulieri non jungitur, significat tempus ex quo reges plebis Judæorum ceperunt de tribu Juda non fieri. Et ideo erat quidem filius Judæ, sed eum maritum Thamar non accipiebat: quia erat eadem tribus Juda, sed jam in populo inde nemo regnabat. Unde et nomen ejus, id est, Sela interpretatur Dimissio ejus. Non pertinent sane ad hanc significationem viri sancti et justi, qui licet illo tempore fuerint, ad novum tamen pertinebant Testamentum: cui prophetando scienter utiles fuerunt, qualis David fuit. Eo namque tempore quo jam Judæi ex tribu Juda ceperant reges non habere, non est computandus Herodes major in regibus ejus, tamquam maritus Thamar, erat enim alienigena, nec enim sacramento illo mysticæ unctionis tamquam conjugali fœdere cohærebat, sed tamquam extraneus dominabatur, quam potestatem a Romanis et a Cæsare acceperat: sic et filii ejus tetrarchæ, quorum erat unus Herodes patris nomine appellatus, qui cum Pilato in passione concordavit. Isti ergo alienigenæ usque adeo non deputabantur in regno illo mystico Judæorum, ut ipsi Judæi publice clamarent, frendentes adversus Christum: *Non habemus regem nisi Cæsarem* (Joan. xix); neque hoc verum nisi illa universali dominatione Romanorum, quippe Cæsar etiam rex erat non proprie Judæorum; sed ut Christum negarent, et huic adularentur, ideo se tali voce damnaverunt. Illo ergo tempore quo jam de tribu Juda regnum defecerat, veniendum erat ad Christum verum Salvatorem Dominum nostrum, qui non obesset, multumque prodesset, sic enim fuerat prophetatum: *Non deficiet princeps ex Juda, neque dux de femoribus ejus, donec veniat cui repositum est, et ipse erit expectatio gentium* (Gen. xlix). Jam isto tempore omne quoque magisterium Judæorum, et mystica unde Christi vocabantur unctio, ipsa defecerat, secundum prophetiam etiam Danielis, tunc venit cui repositum erat, qui est expectatio gentium, et unctus est Sanctus sanctorum oleo exultationis præ participibus suis; natus est enim majoris Herodis tempore, passus est autem Herodis minoris tempore. Hujus itaque venientis ad oves, quæ perierant domus Israel, figuram gessit ipse Judas, cum iret ad tondendas oves in Thamma, quod interpretatur Deficiens: jam enim defecerat princeps ex Juda, et omne magisterium atque unctio Judæorum, ut veniret cui repositum erat. Venit autem cum suo pastore Odollamite, cui nomen erat Hiras. Et interpretatur Odollamites Testimonium in aqua. Cum hoc plane testimonio Dominus venit, habens quidem testimonium majus Joanne: sed tamen propter oves infirmas hoc testimonio est usus in aqua. Nam et ipse Hiras, quod nomen illius pastoris fuit, interpretatur Fratrui mei visio. Vidit omnino fratrem suum Joannes: fratrem secundum semen Abraham, secundum cognationem Mariæ matris ejus et Elisabeth matris suæ: eundemque Dominum et Deum suum, quia, sicut ipse ait, de plenitudine ejus accepit. Vidit omnino, et ideo *in natis mulierum major illo non exsurrexit* (Matth. xi), quia ex omnibus prænuntiantibus Christum ipse vidit, quod multi *justi et prophetae cupierunt videre, et non viderunt* (Matth. xiii). Salutavit ex utero, agnovit perfectus ex columba, et ideo tamquam Odollamites vere testimonium perhibuit in aqua. Venit autem Dominus ad oves tondendas, hoc est, ad exonerandas sarcinis laboriosis, ex quibus Ecclesiæ in Canticis canticorum, Dentes essent velut grex detonsorum (Cant. vi). Jam Thamar habitum mutet. Nam et Commutans interpretatur Thamar: sed in ea prorsus nomen amaritudinis maneat: non illius in qua Domino fel ministravit, sed illius in qua Petrus amare flevit (Luc. xxii); nam et Judas, Latine Confessio est. Confessioni ergo amaritudo misceatur, ut vera pœnitentia præsignetur. Hac pœnitentia fecundatur Ecclesia, in omnibus gentibus constituta: *Oportebat enim Christum pati, et resurgere tertia die, et prædicari in nomine ejus pœ-*

*nitentiam et remissionem peccatorum in omnes gentes, incipientibus ab Jerusalem* (Luc. xxiv), nam et ipso habitus meretricius, confessio peccatorum est. Typum quippe jam Ecclesiæ gerit Thamar, ex gentibus evocata, sedens cum hoc habitu ad portam Ahenam, vel Henaïm, quod interpretatur Fontes, cucurrit enim velut cervus ad fontes aquarum pervenire ad semen Abraham; illic a non agnoscente leratur, quia de illa prædictum est: *Populus quem non cognovi, servivit mihi*. Accipit in occulto annulum, monile et virgam: quia vocatione signatur, justificatione decoratur, glorificatione exaltatur. Quos enim prædestinavit, illos et vocavit: quos autem vocavit, illos et justificavit: et quos justificavit, illos et glorificavit (Rom. viii); sed hæc, ut dixi, adhuc in occulto, ubi lit et conceptio sanctæ ubertatis. Mittitur autem promissus hardus, tamquam meretrici: hædus exprobratio peccati per eundem Odollamitam, tamquam increpantem et dicentem: *Generatio viperarum* (Matth. xii); sed non eam invenit peccati exprobratio, quam mutavit confessionis amaritudo. Post vero jam publicatis signis, annuli, monilis, et virgæ, vicit temere judicantes Judæos quorum jam personam ipse Judas gestabat, qui hodieque dicunt, non hunc esse populum Christi, nec habere nos semen Abraham: sed prolatis certissimis documentis nostræ vocationis, justificationis, et glorificationis, sine dubio confunduntur, et nos magis quam se justificados esse latebuntur.

(Vers. 27 seqq.) *Instante autem partu, apparuerunt gemini in utero, atque in ipsa effusione infantum unus protulit manum, in qua obstetrix ligavit coccinum, dicens, iste egreditur prior. Illo vero retrahente manum, egressus est alter. Dixitque mulier: Quare propter te divisa est maceria? Et ob hanc causam vocavit nomen ejus Phares. Postea egressus est alter, in cujus manu erat coccinum, quem appellavit Zara. Cur patriarcha Judas propriæ nurus post mortem filii sui legiur expetisse concubitum, quo geminorum partus est editus: nisi ut figura præcederet de utroque Jesu Domini testamento, quorum alterum in typo future mortis ejus est conditum, alterum in Evangelii veritate, duos esse populos generandos, quorum posterior in crucis signo sæpe omnem munitionem populi superioris incideret? Hic est populus manu prior, ortu posterior, de quo ipse Dominus Jesus, natus ex tribu Juda, opera sua ante præmisit quam nobis ex Virgine nasceretur. Sive aliter, per manum significantur opera. Zara quippe interpretatur Oriens, significavit antiquum Israeliticum populum, sub lege constitutum, qui prior quasi manum misit, quando dictis prophetis et legalibus sacrificiis nativitatem et passionem Domini in carne pronuntiavit; sed instante parto manum subtraxit: quia, adveniente plenitudine temporum, credere in Dei filium noluit, et eum in præsentem positum despexit, de quo tam multa in postmodum prædixit. Phares vero, qui interpretatur Dividens, prior egressus est: quia postquam cæcitas in Israel facta est, plenitudo gentium introivit, et sic postmodum Israel salvus erit (Rom. xi).*

(Cap. XXXIX. — Vers. 1.) *Igitur Joseph ductus est in Ægyptum.* Ad ordinem redit Scriptura, unde recesserat, ut illa narraret quæ supra digesta sunt.

*Emitque eum Putiphar, eunuchus Pharaonis, princeps exercitus, vir Ægyptius, de manu Ismahelitarum, a quibus perductus erat: fuitque Dominus cum eo, et erat vir in cunctis prospere agens.* Sicut enim Joseph descendit in Ægyptum, ita et Christus in mundum: emitque eum eunuchus, id est castus in disciplinis evangelicis populus Christianus.

*Erat autem Joseph pulchra facie et decorus aspectu.* Sic et de Christo David ait: *Speciosus forma præ filiis hominum, diffusa est gratia in labiis tuis* (Ps. xlii).

*Post multos itaque dies iniecit domina sua oculos suos in Joseph, et ait: Dormi mecum. Qui nequaquam acquiescens operi nefario, dixit ad eam: Ecce, domi-*



*dux meus, omnibus mihi traditis, ignorat quid habeat in domo sua: nec quidquam est quod non in mea sit potestate, vel non tradiderit mihi, præter te, quæ uxor ejus es. Quomodo ergo possum hoc facere, et peccare in Dominum meum? Hujusmodi verbis per singulos dies, et mulier molesta erat adolescenti, et ille recusabat stuprum. Quisquis mundi hujus successibus elevatur, lenocinante cordis letitia, tentari se luxuriæ stimulis sentit, Joseph factum ad memoriam revocet, et in arce se castitatis servet: qui dum sibi a domina conspiceret pudicitiae damna suaderi, ait ei: Ecce, Dominus meus omnibus mihi traditis, ignorat quid habeat in domo sua: nec quidquam est quod non in mea sit potestate, vel non tradiderit mihi, præter te, quæ uxor ejus es. Quomodo ergo possum malum hoc facere, et peccare in dominum meum? Quibus verbis ostenditur, quia bona quæ assecutus fuerat repente memoria revolvit; et malum quod se pulsabat eiecit; et quia perceptæ gratiæ meminit, vim culpæ imminentis frangit, cum enim voluptas lubrica tentat in prosperis, hæc ipsa sunt prospera aculeo adversitatis premenda: ut eo erubescamus prava committere quo nos a Deo meminimus gratuita bona percepisse; et illatam gratiam exteriorum vertamus in arma virtutum: ut sint ante oculos quæ percepimus, et quæcumque nos illicitum subigamus, quia enim voluptas ex prosperitate nascitur, ejusdem prosperitatis est consideratione ferienda, quatenus hostis noster unde oritur, inde moriatur. Considerandum quippe est, ne acceptum munus vertamus in vitium, ne per favorem vitæ nos absorbeat vorago nequitiae. Iramque contra nos superni judicis inextinguibiliter accendimus, si contra benignitatem illius, etiam ex ipsa sua largitate pugnemus. Sequitur:*

*(Vers. 11.) Accidit autem, ut quadam die intraret Joseph domum, et operis quippiam absque arbitris faceret, et illa apprehensa lacinia vestimenti ejus diceret: Dormi mecum. Qui relicto in manu ejus pallio, fugit et egressus est foras. Dum mulier adultera Joseph male uti voluisset, relicto pallio fugit foras: quia, dum synagoga Dominum, purum hominem credens, quasi adulterino complexu constringere voluit, ipse tantum litteram Legis ejus oculis reliquit, et ad cognoscendam suæ divinitatis potentiam, conspicuum se gentibus præbuit. Unde et Paulus dicit: Usque hodie dum legitur Moyses, velamen est super cor eorum (II Cor. iii). Quæ videlicet adultera mulier apud semetipsam pallium retinuit, et quem male tenebat nudum amisit. Sequitur:*

*(Vers. 13 seqq.) Cumque vidisset pallium mulier in manibus suis, et se esse contemptam, vocavit homines domus suæ, et dixit ad eos: En introduxit ad me virum Hebræum, ut illuderet mihi. Cumque ego subclamassem, et audisset vocem meam, reliquit pallium quod tenebat, et fugit foras. In argumentum fidei, retentum pallium ostendit marito revertenti domum. Ista mulier, ut jam dixi, figura erat synagogæ, quæ sæpe, sicut scriptum est, mœchata est post deos alienos. Similiter volebat et Christum in adulterii sui scelere retinere, ut negaret se esse Deum et Phariseorum magis et Scribarum quam Legis præcepta servaret, quæ illi velut maritus erat. Christus autem non acquiescens illicitæ doctrinæ, id est, adulterio adulterinæ synagogæ, manu vestie corporis apprehensus, carne se exiit, et liber mortis ascendit ad cælos.*

*(Vers. 19 seqq.) His auditis dominus, et nimium credulus verbis conjugis, iratus est valde: tradiditque Joseph in carcerem, ubi vincti regis custodiebantur, et erat ibi clausus. Fuit autem Dominus cum Joseph, et misertus est illius; deditque ei gratiam in conspectu principis carceris, qui tradidit in manu ejus universos vinctos. Dominus enim erat cum illo, et omnia ejus opera dirigebat. Uxor Putiphar plebem Judaicam præsignabat, quam regendam a Romanis principibus Pilatus susceperat: quæ plebs, Legis traditionibus sibi pro tempore traditis, Dominum volebat præbere consensum, ut sabbati otium custodiri confirmaret;*

*A uxorem a viro dimittendam quacumque ex causa permitteret. Pro quibus, cum a Domino fuisset certis responsionibus refutata, Pilato præsidium tradiderunt, malefactorem eum quodammodo proclamantes, et secundum legem debere puniri: eo quod se Filium Dei diceret, et æqualem Patri pronuntiaret, a quibus objectionibus Pilato traditus carceri mortis est: sed illum non carcer terruit, non inferna tenuerunt, cum etiam ubi veluti poniendus descenderat: inde alios liberavit. Sequitur:*

*(Cap. XL. — Vers. 1 seqq.) His ita gestis, accidit ut peccarent duo eunuchi, pincerna regis Ægypti, et pistor, domino suo. Iratusque Pharaon contra eos: nam alter pincernis præerat, alter pistoribus: misit eos in carcerem principis militum, in quo erat Joseph. At custos carceris tradidit eos Joseph, qui et ministrabat eis. Denique invenit Joseph duos eunuchos de domo regis in carcere vinctos, duorum populorum credentium vel incredulorum figuram gestantes, qui conclusi sub peccato Adæ, transgressionem obnoxii tenebantur. Ili ergo sive pro originali peccato, seu pro delictis propriis, quia omnes debitores sunt Deo, et nullus exceptus est, qui non illius, juxta Apostoli dictum, indigeat gratia: Omnes enim peccaverunt, et egent gratia Dei: ob quod etiam omnes sancti conditione obnoxii fuerunt debito mortis, hoc ipsum Apostolo prædicante, cum dicit: Regnavit mors ab Adam usque Moysen, etiam in eos qui non peccaverunt, in similitudinem prævaricationis Adæ (Rom. v). Qui ideo uterque populus eunuchi dicitur, vel intelliguntur, quia castam acceperant regulam disciplinæ. Eloquia, inquit, Domini eloquia casta (Ps. xi). Sequitur:*

*(Vers. 4 seqq.) Aliquantum autem temporis fluxerat, et illi in custodia tenebantur, videruntque somnium nocte una juxta interpretationem congruam sibi. Ad quos cum introisset Joseph mane, et vidisset eos tristes, siscitatus est, dicens: Cur tristior est hodie solito facies vestra? Qui responderunt: Somnium vidimus, nec est qui interpretetur nobis. Dixitque ad eos Joseph: Referte mihi quid vidistis Respondit præpositus pincernarum: Videbam coram me vitem, in qua erant tres propagines, crescere paulatim in gemmas, et post flores uvas maturescere, calicemque Pharaonis in manu mea; tuli ergo uvas, et expressi in calicem quem tenebam, et dedi poculum Pharaoni. Tres vero dies aut Dominicæ passionis et resurrectionis accipiendum est tempus, in quo animæ sanctorum educatæ ab inferis leguntur a Domino: aut certe tria intelligenda sunt tempora, ante Legem, et sub Lege, sub evangelica gratia. In primo enim tempore clausæ fuerunt gemmæ, quia ut de Abel, Seth, Enos, et Enoch, ac Noe, atque Melchisedech legitur, qui alii fuerint Deo placentes, Scriptura minime refert. In secundo vero tempore, id est, sub Lege, flores eruperunt sanctorum: quia qui sub Lege Deo placuerunt, sacris voluminibus ostenduntur. Tertio vero tempore sub evangelica quodammodo prædicatione, uvas ad maturitatem pervenerunt, quando credentium in Christo fides proficiendo in tantum roborata est, ut pro divini nominis confessione cruorem suum effundi a persecutoribus minime detrectaverint, aut certe pro Christi amore, sæva castigatione membra sui corporis crucifigunt cum vitis et concupiscentiis, castrantes se videlicet a mundi delectationibus et carnalibus desideriis, calicem videlicet Dominicæ passionis in memoria semper habentes, et sermonibus in mundo prædicantes poculum porrigunt Pharaoni. Sequitur:*

*(Vers. 12, 13.) Hæc est interpretatio somnii: Tres propagines, tres adhuc dies sunt, post quos recordabitur Pharaon ministerii tui, et restituet te in gradum pristinum, dabisque ei calicem juxta officium tuum, sicut facere ante consueveras. Post trinam enim lucem Domino ab inferis resurgente, et Legis obscuram, ut Joseph somnia, revelante; solutus est a peccatis credentium populus, et de inferni carcere vel potestate dæmonum liberatus, redditusque est in mini-*



sterio legis divinæ: sicut enim in pincerna, qui eductus de carcere et suo restitutus est ministerio, gentilis significatus est populus: ita in principe pistorum, sine dubio gens intelligenda Judaica est. Tria canistra super caput ejus, et in uno canistro, quod erat excelsius, portare omnes cibos qui sunt arte pistoria, avesque comedere ex eo, quid aliud significat, nisi tripartita ipsi populo concessa divinæ legis eloquia, Legem videlicet, et prophetas, et agiographa, quæ omnia super caput portabat, quia memem illorum excesserat spiritualis scientiæ plenitudo? Ar' e pistoria panes cocti, quid aliud significant, nisi quod lex veteris Testamenti non est humana inventa astutia, sicut impii astruunt Marcionistæ, et hæretici Manichei; sed Spiritus sancti auctoritate, antiquis patriarchis et sanctis prophetis est credita? Spiritum enim sanctum per ignem significari, multis locis in divina legimus Scriptura; unum enim canistrum, quod aliis ceteris erat; nimirum lex intelligenda Mosæica est, propter densitatem mysteriorum et umbraticas significationes: ex quo cibum volucres cæli percipiunt, dum animæ sanctæ, quæ per cæli significantur aves, spiritaliter aluntur, dum in lege Domini meditantur die ac nocte, qui possunt dicere cum Apostolo: *Nostra autem conversatio in cælis est* (Phil. iii). Pharaonem, qui eduxit Joseph de carcere, eique potestatem in omni terra dedit Ægypti, priorique ministerio suum pincernam restituit, et pistorum suum die tertia patibulo suspendit, Dei Patris habuisse figuram, non dubium est: qui Jesum Christum Dominum nostrum resuscitavit ab inferis, et fidelem novi Testamenti populum a nexibus primæ prævaricationis et cæterorum omnium eripuit vinculis. Infidelem vero capite abscisso, id est, Christo, qui est caput Legis et prophetarum: et die tertia, hoc est, tertio suspendit tempore, quia in cruce nostri Salvatoris, ubi fideles sunt a peccatorum vinculis absoluti, ibi ipsi impii Judæi atque cæteri ethnici, quorum ipse Pharaonis pistor figuram tenuit, sunt condemnati, qui in humilitate carnis positum Dominum despexerunt. Quod vero volucres cæli lacera-verunt carnes ejus, hujus rei præsignum fuit, quod quadragesimo secundo anno post Domini resurrectionem et ascensionem in cælos, ex omni orbe terrarum populi venientes cum ducibus Romanorum Tito et Vespasiano, eos non solum vastitate et fame cruciaverunt, sed etiam multa in eis ludibria exercuerunt, digni quippe erant talia perpeti, qui talia in Dei prophetis, et in ipso exercuerunt Domino: et eos qui ex eis famem et gladium evaserunt, in totomundo diviserunt, atque sibi suisque posteris in famulis jure perpetuo reliquerunt, usquedum plenitudo gentium introeat, et sic postmodum et ipsi non proprio merito, sed Dei gratia salvi fiant: qui in primo nostri Salvatoris adventu, ignorantes Dei justitiam, et suam quærentes statuere, justitiæ Dei non fuerunt subiecti: et impleatur illud quod beatus Jacob patriarcha, ex eorum persona, Esau filio suo prædixit: *Vivens gladio, et fratri tuo servies, tempusque veniet quando soltas et excutias jugum de cervicibus tuis* (Gen. xxvii). Sequitur:

(Cap. xli. — Vers. 1 seqq.) *Post duos annos vidit Pharaon somnium. Putabat se stare super fluvium, de quo ascendebant septem boves pulchræ et crassæ nimis, et pascebantur in locis palustribus. Aliæ quoque septem emergebant de flumine sædæ confectæque macie, et pascebantur in ipsa amnis ripa, in locis virentibus, devoraveruntque eas quarum mira species et habitudo corporis erat. Quod putabat se stare Pharaon super flumen, quemadmodum servus Abrahamæ dixit: Ecce ego sto super fontem aquarum; hæc locutio si intelligatur, ita est ut in psalmo scriptum est: Qui fundavit super terram aquas* (Ps. xliii). Secundum hanc enim locutionem recte intelligitur, quod altior sit terra quam aqua; altius quippe ab aquis sustollitur, ubi habitabant terrena animalia. Sequitur:

(Vers. 4 seqq.) *Expergefactus Pharaon, rursum dor-*

*A* *miravit, et vidit alterum somnium: Septem spicæ pullulabant in culmo uno plenæ atque formosæ. Aliæ quoque totidem spicæ, tenues, et percussæ uredine oriebantur, devorantes omnem priorum pulchritudinem. Evigilans post quietem, et facto mane, pavore perterritus, misit ad conjectores Ægypti, cunctosque sapientes: et accersitis, narravit somnium, nec erat qui interpretaretur. Tunc demum reminiscens pincernarum magister, ait: Iratus rex servis suis, me et magistrum pistorum re-trudi jussit in carcerem principis militum, ubi una nocte uterque vidimus somnium præsignum futurorum: eratque ibi puer Hebræus, ejusdem ducis militum famulus, cui narrantes somnia, audivimus quidquid postea rei probavit eventus, ego enim redditus sum officio meo, et ille suspensus est in cruce. Somnium Pharaonis Legis et prophetarum præsignabat figuras, in quibus de conversione omnium gentium et Antichristi persecutionibus, sancto Spiritu revelante, locuti sunt. Qui in septem spicis plenæ, seu in septem vaccis pingui-bus ostendebatur: quia sunt septem vaccis pinguium spiritualium dona, quibus ubertas fidei divinæ in gratia novi Testamenti larga pietate redundat. Fertilitatis autem hebdomada tempus accipiendum est quo ab universis gentibus fides confessionis nominis Christi, vel scientia Trinitatis suscepta est: de qua ait propheta: *Repleta est terra scientia Domini, sicut aquis maris operientis* (Isa. xi), in tantum enim prædicationis divinæ verbum per totas orbis regiones in universis gentibus fecit proficere, et suscepta fidei suæ gratia, per sanctam conversationem ad perfectionem contendere, ut non solum cælesti horreo fierent apti, verum etiam et exemplo suo ad imitandum cæteros provocarent. At contra, septem sterilitatis anni famem veritatis et justitiæ novissimis temporibus significabant, quæ fidelium consumptura est multitudinem temporibus Antichristi. Sequitur:*

(Vers. 29 seqq.) *Ecce anni septem venient fertilitatis magnæ in universa terra Ægypti quos sequentur septem anni alii tantæ sterilitatis, ut cuncta oblivioni tradatur retro abundantia, consumptura est enim fames omnem terram, et ubertatis magnitudinem perditura est inopiæ magnitudo. Et est sensus: Uberratis hujus quam futuram significaverunt boves bonæ, obliviscuntur homines in ea fame quam significaverant boves et spicæ malæ. Potest et hebdomada duorum annorum significare tempus præsens et futurum; qui enim fideliter ac pie vivendo laboraverint in sæculo præ-senti, quod reperiant in futuro, beatitudinem consequentur perpetuæ vitæ. Qui autem infideles existunt, et nihil cogitant de futuro, otioque in præsentis sæculo torpescunt, sterilitatis suæ in futuro reperient finem. Sequitur:*

(Vers. 33 seqq.) *Nunc ergo provideat rex virum sapientem et industrium, et præficiat eum terræ Ægypti, qui constituat præpositos per singulas regiones, et quiniam partem fructuum per septem annos fertilitatis, qui jam nunc futuri sunt, congreget in horrea, et omne frumentum sub Pharaonis potestate condatur, serveturque in urbibus, et pareatur futura septem annorum fami, quæ pressura est Ægyptum, et non consumetur terra inopia. Placuit Pharaoni consilium et cunctis ministris ejus, locutusque est ad eos: Num invenire potuerimus talem virum qui spiritu Dei plenus sit? Ecce jam, nisi fallor, tertio insinuat nobis in hoc libro, Spiritum sanctum esse spiritum Dei; primo, ubi dictum est: Spiritus Dei ferebatur super aquas (Gen. i); secundo, ubi dixit Deus: Non permanebit spiritus meus in hominibus istis, propter quod carnes sunt (Gen. vi), et tertio nunc, quod Pharaon dicit de Joseph esse in illo spiritum Dei. Nondum tamen legimus Spiritum sanctum. Sequitur:*

(Vers. 39, 40.) *Dixit Pharaon ad Joseph: Quia ostendit tibi Deus omnia quæ locutus es, numquid sapientio-rem et similem tui invenire potero? Tu eris super domum meam, et ad tui oris imperium cunctus obediat populus: uno tantum regni solio te præcedam. Id ipsum in*



secundo psalmo a Patre dicitur Domino: *Filius meus es tu, ego hodie genui te; postula a me, et dabo tibi gentes hereditatem tuam, et possessionem tuam terminos terræ.* Et ipse Dominus in Evangelio discipulis ait: *Data est mihi omnis potestas in cælo et in terra* (Matth. xxviii). Data quippe potestas est homini assumpto, non Verbo Dei Filio Patri et Spiritui coæterno, a quo creata sunt omnia; uno tantum præcedit Filium Pater, paterni videlicet nominis vocabulo, ut in confessione seu in laudibus, Patris nomen semper anteponatur, nam dignitate et potestate, natura atque virtute, æternitate vel origine, unum sunt, unus Deitatis atque substantiæ; nominibus enim tantummodo distinguuntur. Sequitur:

(Vers. 41 seqq.) *Dixitque rursum Pharaon ad Joseph: Ecce constitui te super universam terram Ægypti. Tulitque annulum de manu sua, et dedit in manu ejus, vestivitque stola byssina, et collo torquem auream circumposuit, fecitque ascendere super currum suum secundum, clamante præcone, ut omnes coram eo genu flecterent, et præpositum esse scirent in universa terra Ægypti.* Joseph, qui typum induit Christi, currum meruit ascendere: et præco clamavit ante eum, et constituit illum Pharaon super universam terram Ægypti. Ita et Dominus noster, postquam est distractus a Juda, ut Joseph a fratribus, et de inferorum carcere surrexit, ascendit currum regni cælestis, de quo dictum est: *Currus Dei decem millium* (Ps. Lxvii); et accepit potestatem prædicandi et judicandi, sicut Paulus apostolus ait: *Et dedit ei nomen quod est super omne nomen, ut in nomine Jesu omne genu flectatur, cælestium, terrestrium et infernorum* (Phil. ii). Accepit quoque et annulum, id est, pontificatum fidei, quo credentium animæ Salvatori signantur, ac frontibus et cordibus nostris per signum crucis, figura exprimitur æterni regis. Induiturque stola byssina, id est, carnem sanctam bysso splendidiorem, et stola immortalitatis. Accepit quoque torquem auream, id est, intellectum bonum: præco ante eum præcedit, id est Joannes Baptista, qui iter ejus præcedens præconabat, dicens: *Parate viam Domini* (Matth. iii; Marc. i), didicimus enim labores Christi in orbe gentium, quem significabat Ægyptus, per varias passiones martyrum; et nunc videmus honorem Christi in eodem orbe terrarum, erogatione frumenti, id est, verbi divini prædicatione, sibi omnia subjugantem. Sequitur:

(Vers. 44, 45.) *Dixitque rex ad Joseph: Ego sum Pharaon, absque tuo imperio non movebit quisquam manum aut pedem in omne terra Ægypti. Vertitque nomen illius, et vocavit eum lingua Ægyptiaca Salvatorem mundi.* Quid manifestius de Christo, quando sub figura Joseph Salvator ostenditur, non tantum unius terræ Ægypti, sed etiam totius mundi? Sequitur:

(Vers. 45) *Deditque illi uxorem Assenez, filiam Putiphar sacerdotis Heliopoleos.* Quæri solet, cujus Putiphar Joseph filiam acceperit uxorem, utrum illius cujus servus fuit, an alterius? Crederet quisque quod placet: non est tamen quæstio quis fuerit; sive enim unus fuerit, sive duo, quodlibet horum quisque existimet, non est fidei periculosum, nec contrariam veritati Scripturarum Dei. Sicut enim accepit Joseph ex gentibus uxorem, ita et Christus Ecclesiam: ex qua genuit duos filios, id est, duos populos, ex Judæis et gentibus congregatos. Triginta autem erat annorum, quando stetit Joseph in conspectu regis Pharaonis. Totidemque annorum legitur fuisse Christus, quando sub typo Pharaonis in conspectu mundi apparuit revelatus. *Venitque fertilitas septem annorum, et in manipulos redactæ segetes congregatæ sunt in horrea Ægypti, omnisque frugum abundantia in singulis urbibus condita est, tantaque fuit multitudo tritici, ut arenæ maris cœquaretur, et copia mensuram excederet.* Pro eo dictus non erat numerus, quod nomen numeri usitati excederet illa copia, et quomodo appellaretur non inveniebatur; nam inde fieri

A potest ut cuilibet magnæ et infinitæ multitudini numerus non sit, quod congregavit Joseph per septem annos omnem frugum abundantiam: id est, frumenta fidei sanctorum horreis condens, per illa scilicet septem charismata, quasi per septem annos; ut cum septem anni inopiæ esse cœperint, id est, cum iniquitas occurrat septem capitalium criminum sub Antichristo, quando fames fidei fuerit Salvatoris, tunc sancti pariter et fideles habeant copiosam justitiæ frugem, ne fides eorum in opera sermonum vel prædicationis attenuata, deficiat. Sequitur:

(Cap. XLII.—Vers. 1 seqq.) *Audiens autem Jacob quod alimenta venderentur in Ægypto, dixit filiis suis: Quare negligitis? Audiavi quod triticum venundetur in Ægypto. Descendite et emite nobis necessaria, ut possimus vivere, et non consumamur inopia. Descendentes igitur fratres Joseph decem, et emerent frumenta, ingressi sunt terram Ægypti; et Joseph princeps erat terræ Ægypti, atque ad illius nutum frumenta populis vendebantur. Cumque adorassent eum fratres sui, et cognovisset eos, quasi ad alienos durius loquebatur, interrogans eos, Unde venistis? Qui responderunt: De terra Chanaan, ut emamus frumenta. Et tamen fratres ipse cognoscens, non est agnitus ab eis. Igitur post ubertatis annos in universo orbe fames prævaluit, merito, quia non erat qui faceret bonitatem. Post hæc Joseph a penuria frumenti salvat Ægyptum, et Christus a fame verbi Dei liberat mundum, aperuit enim horrea sua Christus in omni orbe terrarum, et erogatione frumenti sui omnia subjugavit; nisi enim Joseph fratres sui vendidissent in Ægyptum, defecerat Ægyptus; et nisi Judæi Christum crucifixissent, perierat mundus. Joseph interpretatur Augmentatio, sive Ampliatio: sed in illo Joseph ampliatiorem non habuit nisi sola Ægyptus; in nostro autem Joseph augmentum habere meruit universus mundus. Ille erogavit triticum, noster erogavit Dei verbum. Dicit Jacob filiis suis, *Est frumentum in Ægypto*; dicit et Deus pater: *Ex Ægypto vocavi Filium meum* (Matth. ii). Descendunt igitur decem profectiones fratres; id est, Judæi, quasi sub Decalogo legis et numero constituti: quos ipse cognoscens, non est agnitus ab eis. Cognoscuntur Hebræi a Christo, sed ipsi non cognoscunt eum. Sequitur:*

(Vers. 9 seqq.) *Recordatus somniorum quæ aliquando viderat, ait: Ut videatis infirmiora terræ venistis. Qui dixerunt: Non est ita, domine, sed servi tui venerunt ut emerent cibos. Omnes filii unius viri sumus; nec quidquam famuli tui machinantur mali. Quibus ille ait: Aliter est, immunita terræ hujus considerare venistis. Et illi: Duodecim, inquit, servi tui fratres sumus, filii viri unius in terra Chanaan; minimus cum patre nostro est, alius non est super. Hoc est ait, quod locutus sum, exploratores estis. Jam nunc experimentum vestri capiam. Per salutem Pharaonis non egrediemini hinc donec veniat frater vester minimus. Mitte vobis unum, et adducat eum: vos autem eritis in vinculis, donec probentur quæ dixistis, utrum falsa, an vera sint; alioquin per salutem Pharaonis exploratores estis. Quid est quod Joseph vir tam sapiens, atque ita non solum ab hominibus inter quos vivebat, sed ipsa etiam post Scriptura teste laudatus, jurat per salutem Pharaonis non exituros de Ægypto fratres suos, nisi frater eorum junior venerit? an etiam bono et fideli vilis erat Pharaonis salus, qui fidem primitus domino suo servabat in omnibus, quanto magis ipsi Pharaoni, qui eum in tanto honore locaverat, si illi servavit, qui eum servum emptitium possidebat? Quod si non curabat salutem Pharaonis, numquid et perjurium pro ejuslibet hominis salute vitare non debuit? an non est perjurium? tenuit enim unum ex eis, donec veniret Benjamin; et verum factum est, quod dixerat: *Non exibitis hinc nisi veniat frater vester minimus.* Ad omnes enim poterat pertinere quod dictum est, neque enim digne dicerentur redire ad patrem, quorum frater victus tenebatur in Ægypto, cum quo et ipsi mente et animo solliciti,*



velut quibusdam charitatis vinculis tenebantur astricti, nam quomodo et ille venturus esset, nisi ad eum adducendum aliqui redissent? Sed quod sequitur magis urget questionem, cum iterum juravit, dicens: *Mittite unum e vobis, et adducite fratrem vestrum: vos autem eritis in vinculis, donec probentur quæ dixistis, utrum vera, an falsa sint: alioquin per salutem Pharaonis exploratores estis.* Huic sententiæ interposuit iurationem, quia si vera non dixissent, exploratores essent: id est, exploratorum pœna digni essent: quos tamen vera dicere sciebat, tamquam si dictum esset: *Exploratores estis, exploratorum pœna digni eritis.* Sequitur:

(Vers. 17 seqq.) *Tradidit eos in custodiam tribus diebus, tertia autem die eductis eis de carcere, ait: Facite quod dixi, et vivetis, Deum enim timeo. Si pacifici estis, frater vester unus ligetur in custodia: vos autem abite et ferte frumenta quæ emistis in domum vestram; et fratrem vestrum minimum adducite ad me, ut possim vestros probare sermones, et non moriamini. Fecerunt ut dixerat, et locuti sunt ad invicem: Merito hæc patimur, quia peccavimus in fratrem nostrum, videntes angustiam animæ illius, dum deprecaretur nos, et non eum audivimus. Idcirco venit super nos ista tribulatio. E quibus unus Ruben, ait: Numquid non dixi vobis: Nolite peccare in puerum? Et non audistis me. En sanguis ejus exquiritur. Nesciebant autem quod intelligeret Joseph, eo quod per interpretem loqueretur eis. Quid est quod cum inter se pœnitentes filii Israel loquerentur de fratre suo Joseph, quod in illo male egerint, et hoc eis divino judicio redderetur, quod se periclitari viderent, adjungit Scriptura, et dicit: Ipsi ignorabant quod intelligeret Joseph, interpret enim inter illos erat: hoc scilicet intelligendum est, ideo eos putasse quod ille non intelligeret quæ loquebantur: non ob aliud adhuc bitum putabant interpretem, nisi quod eorum linguam ille nesciret; nec cura erat interpretis ea dicere illi a quo positus fuerat, quæ non ad illum, sed inter se loquebantur. Sequitur:*

(Vers. 24.) *Avertitque se parumper, et fleuit, et reversus locutus est ad eos. Nec adjungit quid illis dixerit. Unde intelligitur hæc eadem dixisse quæ dixerat. Sequitur.*

(Vers. 25 seqq.) *Tollens Simeon, et ligans illis præsentibus, jussit ministris ut implerent saccos eorum tritico, et reponerent pecunias singulorum in sacculis suis, datis supra eis cibariis in via. Qui fecerunt ita. At illi portantes frumenta in asinis profecti sunt: apertoque uno sacco, ut daret jumento pabulum in diversorio, contemplatus pecuniam in ore sacculi, dixit fratribus suis, reddita est mihi pecunia, en habetur in sacco. Et obstupefacti turbatique dixerunt mutuo, quidnam est, quod fecit nobis Deus? Si diligentius consideremus, inveniemus quia numquam fere in sanctum quis locum dicitur descendisse, nisi vituperabilem conscendisse memoretur. Quæ observationes ostendunt divinam Scripturam, non ut plurimis videtur, inerudito atque agresti sermone compositam, sed secundum disciplinam divinæ eruditionis aptatam, neque historicis narrationibus, quantum rebus et sensibus mysticis servientem. Unde cum detentus fuisset Simeon in Ægypto, et fratres ejus dimissi reverterentur ad patrem, non est scriptum, quia ascenderunt ex Ægypto: Sed imponentes, inquit, frumentum super asinos suos abierunt. Cum autem recepto fratre et cognito Joseph, sed et Benjamin in oculis ejus oblato cum lætitia reverterentur: tunc dicitur: *Quia ascenderunt ex Ægypto, et venerunt in terram Chanaan ad Jacob patrem suum (Gen. XLV).* Sequitur:*

(Vers. 29 seqq.) *Et narraverunt ei omnia quæ acciderant eis, dicentes: Locutus est nobis dominus terræ dure, et putavit nos exploratores provincię. Cui respondimus, Pacifici sumus, nec ullas molimur insidias: duodecim fratres uno patre geniti sumus; unus non est super, minimus cum patre versatur in terra Chanaan. Qui ait nobis: Sic probabo quod pacifici sitis: fratrem*

*A vestrum unum dimittite apud me, et cibaria domibus vestris necessaria sumite, et abite: fratremque vestrum minimum adducite ad me, ut sciam quod non sitis exploratores, et istum qui tenetur in vinculis recipere possitis, ac deinceps emendi quæ vultis habeatis licentiam. His dictis cum frumenta effunderent, singuli repperunt in ore saccorum ligatas pecunias. Dederunt quidem illi pecuniam, sed Joseph, id est, Christus Dominus triticum dedit, et argentum tribuit: quia non argento emitur Christus, sed gratia. Sequitur:*

(Vers. 36.) *Dixit Jacob filiis suis: Absque liberis me esse fecistis. Joseph non est super, Simeon tenetur in vinculis, Benjamin auferetis, deducetisque canos meos cum dolore ad inferos. Utrum ideo ad infernum, quia cum tristitia? an etiamsi abesset tristitia, tamquam ad infernum moriendo descenderet? De inferno autem magna questio est: et quid inde Scriptura sentiat locis omnibus ubi forte hoc commemoratum fuerit, observandum. Sequitur:*

(Cap. XLIII. — Vers. 8 seqq.) *Judas quoque dixit patri suo: Mitte puerum ut proficiscamur, et possimus vivere nos et parvuli nostri. Descenderuntque in Ægyptum, et steterunt coram Joseph. Quos cum ille vidisset et Benjamin simul, præcepit dispensatori suo, dicens: Introduc viros domum, et occide victimas, et instrue convivium, quoniam mecum comessuri sunt meridie. Accedentes autem ad dispensatorem locuti sunt: Oramus, domine, ut audias: Jam ante descendimus, ut emeremus escas: quibus emptis, cum venissemus ad diversorium, aperuimus sacculos nostros, et invenimus pecuniam in ore saccorum, quam nunc eodem pondere reportamus. At ille respondit: Deus vester et Deus patris vestri dedit vobis thesauros in sacculis vestris: nam pecuniam quam dedistis mihi probatam ego habeo. Quod a præposito domus audiunt: Deus vester et Deus patrum vestrorum dedit vobis pecuniam in sacculis vestris, argentum autem vestrum probatum habeo: me adacium videtur quod non est, sed aliquid significare credendum est, argentum enim quod datur et non minuitur, quod et probatum appellatum est, nimirum illud intelligitur de quo alibi legimus: *Eloquia Domini, eloquia casta, argentum igne examinatum, probatum terræ, purgatum septuplum (Ps. XI): id est, perfectos.* Sequitur:*

(Vers. 24 seqq.) *Eduxitque ad eos Simeon, et introductis domum attulit aquam, et laverunt pedes suos, deditque pabula jumentis eorum. Illi vero paraverunt munera donec ingrederetur Joseph meridie, audierant enim quod ibi comessuri essent panem. Igitur ingressus est Joseph domum suam, obtuleruntque ei munera, et adoraverunt proni in terra. At ille clementer resalutatis eis, interrogavit dicens: Salvusne est pater vester senex, de quo dixeratis mihi? adhuc vivit? Et incurvati adoraverunt eum. Astute namque fratrem vendere ausi sunt, ut Dei consilium mutaretur; sed divino judicio, quod declinare conati sunt, renitentes servierunt, inde quippe coacti sunt Dei voluntatem peragere, unde huic moliti sunt astute contraire. Sic divinum consilium dum vitatur, completur: sic humana sapientia dum reluctatur, comprehenditur. Timuerunt fratres ne Joseph super eos excresceret, sed hoc quod divinitus dispositum fuerat cavendo actum est ut veniret. Humana ergo sapientia in seipsa comprehensa est, quæ voluntati Dei unde per intentionem restitit, inde ejus impletioni militavit. Quod sæpe nonnulli dum humana sapientia inflati, desideriis suis divina judicia contraire conspiciunt, astutis eis machinationibus reluctari conantur; et quo ad volum vim supernæ dispositionis intorqueant, callidis cogitationibus insistant, subtiliora consilia exquirunt. Sed inde voluntatem Dei peragunt, unde hanc immutare contendunt; atque Omnipotentis consilio, dum resistere nitantur, obsequuntur: quia sæpe et hoc ejus dispositioni apte militat, quod ei per humanum studium frivole resultat, sicut scriptum est: *Comprehendit sapientes in astutia sua (Job. V).* In astutia namque sua sapientes comprehendit, quando ejus consiliis humana facia etiam tunc congrue serviunt, cum resistunt, unde*



per Psalmistam dicitur : *Novit Dominus cogitationes hominum, quoniam vanæ sunt (Ps. xcvi).* Pensemus igitur gestæ rei ordinem, pensemus quomodo cogitationes hominum in ipsa sua provisione divinitas comprehendat. Ideo ab eis Joseph venditus fuerat ne adoraretur, sed ideo est adoratus quia venditus. Restat ergo ut in cunctis quæ agimus, vim supernæ voluntatis inquiramus, cui v. delictet cognitæ debet nostra actio famulari, et quasi ducem sui itineris sequi : ne ei etiam nolens serviat, si hanc superbiens declinat, vitari enim vis superni consilii nequaquam potest, sed magna sibi virtute hanc temperat, qui se sub ejus nutibus refrenat, ejusque sibi pondera levigat, qui hæc ex subjecto cordis humero volens, portat. Sequitur :

(Vers. 29 seqq.) *Attollens autem oculos Joseph vidit Benjamin, fratrem suum uterinum, et ait : Iste est frater vester minimus de quo dixeratis mihi ? Et rursum, Deus, inquit, misereatur tibi, fili mi. Festinavitque quia commota fuerant viscera ejus super fratrem suum, et erumpebant lacrymæ, et introiens cubiculum flevit ; rursum lota facie egressus, continuavit se. Vidit Joseph Benjamin parvulum fratrem suum : mystice quoque vidit Dominus Jesus Paulum, quando lux circumfulsit eum, qui ideo minimus dicitur, quia nondum maturam in carne fidei gerebat ætatem : unde et adolescens legitur fuisse, quando lapidantium Stephanum vestimenta servabat. Flevit Joseph super Benjamin : et cæcitas Pauli, fletus est Christi. Lavat faciem suam, ut ei lumen amissum restitatur : lavit faciem suam Christus, ubi baptizatus est Paulus, per quem Dominus noster Jesus Christus a plurimis videretur. Sequitur :*

(Vers. 31 seqq.) *Et ait, ponite panes. Quibus apposis, seorsum Joseph, et seorsum fratribus, Ægyptiis quoque qui vescebantur simul seorsum (illicitum est enim Ægyptiis comedere cum eis, et profanum putant hujusmodi convivium), sederunt coram eo, primogenitus juxta primogenita sua, et minimus juxta primogenita sua, et mirabantur nimis, sumptis paribus quas ab eo acceperunt ; majorque pars venit Benjamin, ita ut in quinque partes excederet : biberuntque et inebriati sunt cum eo. Solent huic ebriosi adhibere testimonio patrocinium, non propter illos filios Israel, sed propter Joseph, qui valde sapiens commendabatur. Sed hoc verbum et pro satietate solere poni in Scripturis, qui diligenter advenit, multis in locis inveniet. Unde est illud : *Visitasti terram, et inebriasti eam, multiplicasti ditare eam (Ps. lxiiv),* eo quod in laude benedictionis hoc positum est, et donum Dei commemoratur, apparet per hanc ebrietatem, satietatem significari : nam ita inebriari, ut inebriantur ebriosi, nec ipsi terræ utile est. Sequitur :*

(Cap. XLIV. — Vers. 1, 2.) *Præcepit autem Joseph dispensatori domus suæ : Imple saccos eorum frumento, quantum possunt capere, et pone pecuniam singulorum in summitate sacci, scyphum autem meum argenteum et pretium quod dedit tritici pone in ore sacci junioris. Factumque est ita. Movet qui sibi velit hoc factum Joseph, quo fratres suos donec eis aperiret quis esset, toties ludificavit, et tanta expectatione suspendit, quod licet tanto sit suavius, cum legitur, quanto illis fit inopinatus cum quibus agitur, tamen sapientiæ illius gravitate, nisi magnum aliquid isto quasi ludo significaretur, nec ab illo fieret, nec ea Scriptura contineretur, in qua est tantæ sanctitatis auctoritas, et prophetarum tanta intentio futurorum quam modo exsequi exponendo suscepimus. Sequitur :*

(Vers. 9 seqq.) *Apud quemcumque servorum tuorum fuerit inventum quod quæris, moriatur, et nos servi erimus domini nostri. Qui dixit : Fiat juxta sententiam vestram. Apud quem fuerit inventum, ipse sit servus meus, vos autem eritis innoxii. Itaque festinato deponentes in terram saccos, aperuerunt singuli. Quos scrutatus incipiens a majore usque ad minimum, invenit scyphum in sacco Benjamin. Sed quid sibi vult, quod scyphu Joseph inventus est in sacco Benjamin, nisi*

quia in corpore Pauli jam doctrinæ cælestis præfulgebat eloquium, dum e-set eruditus in Lege : sed quia subjectus non erat divinæ gratiæ, intra saccum erat scyphus, doctrina intra Legem, lucerna sub modio. Missus tamen Ananias manum posuit, marsupium solvit ; marsupio soluto, argentum resplenduit ; et decidentibus squammis velut quibusdam sacci vinculis, soluto sacco, id est, deposito Legis velamine, adeptus est gratiæ libertatem, et revelata facie sermones Evangelii prædicavit. Sequitur :

(Vers. 13 seqq.) *At illi scissis vestibus, oneratisque rursum asinis, reversi sunt in oppidum ; primusque Judas cum fratribus ingressus est ad Joseph, necdum enim de loco abierat, omnesque ante eum pariter in terram corruerunt. Quibus ille ait : Cur sic agere voluistis ? An ignoratis, quod non sit similis mei inaugurandi scientiæ ? Cui Judas : Quid respondebimus, inquit, domino meo ? vel quid loquemur ? aut juste poterimus obtendere ? Deus invenit iniquitatem in manibus servorum tuorum. En omnes servi sumus domini mei, et nos, et apud quem inventus est scyphus. Oraculum in corde, peregrini venerunt, famis periculum fugiebant, frumenta quærebant, non acceperunt, et ferri se insuper criminis objectione videbant. Inter hæc ducuntur ad carcerem, et post triduum educti adhuc in eadem asperitate terrentur. Jam reditur ad cor, jam culpæ memoria pulsat animum, atque inter se invicem loquuntur : Merito hæc patimur, quia peccavimus in fratrem nostrum, videntes angustiam animæ illius, cum deprecaretur nos, et non eum audivimus. In his autem verbis cor Joseph secessum petit, solvit flendo quod pietati debuit, severus ad fratres revertitur, ut cruciatus eorum animus a culpa liberaretur. Post hæc unus religatur in vinculis, dimittuntur cæteri cum frumento, ut unus frater veniat, quem minimum se habere dixerant : veniente postmodum fratre vincebat mentem pietas, cum frater innocens videretur : sed permanebat in ostensione asperitas, ut fratres noxii purgarentur : frumenta plantantur, scyphus in sacco junioris fratris absconditur, fortis post eos questio movetur, mittitur ut reducantur, addici in servitutum decernitur, apud quem scyphus fuisset inventus, in sacco ultimi fratris invenitur, tunc Benjamin reducit, afflicti omnes fratres sequuntur. O tormenta misericordiæ, cruciat, et amat. Reversi igitur, in terra cum lacrymis prostrati veniam postulant : memores enim quid de illo patri promiserant, mœrore intolerabili tabescebant ; tunc se ultra cohibere non valens, pietas clausa prorupit in medium, et excussit charitatis lacrymas de vultu serenitatis. De terrore est asperitas, quæ apparebat, et non erat, quia misericordia erat, sed non apparebat. Sic vir sanctus facinus fratrum et dimisit et vindicavit, sic ore clementiam retinuit, ut delinquentibus fratribus nec sine ultione pius existeret, nec sine pietate districtus. Sequitur :*

(Vers. 17.) *Respondit Joseph, Absit a me, ut sic agam, qui furatus est scyphum, ipse sit servus meus, vos autem abite liberi ad patrem vestrum. Nonne clementer considerandum puto tantam miseriam in hac perturbatione fratrum suorum, quomodo Joseph, quamdiu voluit, tenuit, ac quanta voluit mora produxit, non eos utique faciens calumniosos, quando tantæ etiam ipsorum futuræ lætitiæ exitum cogitabat : et totum hoc quod agebat, ut eorum gaudium differretur, ad hoc cogitabat, ut eadem dilatione cumlaretur : tamquam non essent condigne passionibus eorum in toto illo tempore, quo turbabantur, ad futuram gloriam exultationis, quæ in eis fuit revelanda fratre cognito, quem a se perditum esse arbitrabantur. Sequitur :*

(Vers. 18 seqq.) *Accedens propius Judas, confidenter ait : Oro, domine mi, loquatur servus tuus verbum in auribus tuis, et ne irascaris famulo tuo. Interrogasti prius servos tuos, habetis patrem aut fratrem ? et nos respondimus : Est nobis pater senex et puer parvulus, qui in senectute illius natus est, cujus*



uterinus frater est mortuus, et ipsum solum habet mater sua, pater vero tenere diligit eum. Dixisti servis tuis: Adducite eum ad me, et ponam oculos meos super illum. Suggestissimus domino meo: non potest puer relinquere patrem suum; si enim illum dimiserit, morietur. Et dixisti servis tuis: Nisi venerit frater vester minimus vobiscum, non videbitis amplius faciem meam. Multa in narratione Judæ aliter dicta sunt quam cum illis egerat Joseph, quamvis apud eum loqueretur, ut omnino de illa simulatione quod exploratores essent nihil diceretur, quod utrum consulto tacitum sit, an id fecerit perturbationis oblivio, non apparet. Nam et illud quod dixerunt, se ab ipso Joseph interrogatos de patre et fratre suo, se autem illa interroganti indicasse, mirum si vel ad sententiam possit ista pervenire narratio, ut eam constet esse veracem: quamquam etsi aliqua in ea falsa sunt, falli potius per oblivionem potuit quam auderent mentiri, apud eum præsertim cui non sicut nescienti, sed etiam illa quæ noverant eum scire, ad flectendam ejus misericordiam narrationi inserebant. Sequitur:

(Vers. 53.) *Manebo itaque servus tuus pro puero in ministerio domini mei, et puer ascendat cum fratribus suis.*

(Cap. XLV.—Vers. 1 seqq.) *Non se poterat ultra cohibere Joseph, elevavitque vocem cum fletu, quam audierunt Ægyptii, et dixit fratribus suis: Ego sum Joseph. Adhuc pater meus vivit? Nec poterant respondere fratres, nimio timore perterriti. Ad quos ille clementer: Accedite, inquit, ad me. Et cum accessissent prope, Ego sum, ait, Joseph frater vester, quem vendidistis; pro salute enim vestra misit me Deus ante vos in Ægyptum, ut reservemini super terram, et escas ad vivendum habere possitis. Quid est quod dicit Joseph: Misit me Deus ante vos in Ægyptum, ut servemini super terram, et escas ad vivendum habere possitis; nisi forte significat illud altum secretumque mysterium, quod ait Apostolus: Reliquiæ per electionem gratiæ salvæ factæ sunt (Rom. xi), quia propheta prædixerat: Si fuerit numerus filiorum Israel quasi arena maris, reliquiæ salvæ fient (Osee i); ad hoc enim occisus est Christus a Judæis, et traditus gentibus, tamquam Joseph Ægyptiis a fratribus, ut et reliquiæ Israel salvæ fierent; unde dicit Apostolus: Nam et ego Israelita sum, et ut plenitudo gentium intraret, et sic omnis Israel salvus fieret (Rom. xi), id est ex reliquiis Israel secundum carnem et plenitudinem gentium, quæ in fide Christi secundum spiritum sunt Israel: aut si genti illius Israelitiæ restat fidei plenitudo, ex qua erant reliquiæ, in quibus reliquiis tunc et Apostoli salvæ facti sunt, hoc significatur ea plenitudine liberationis Israel, qua per Moysen ex Ægypto liberati sunt. Sequitur:*

(Vers. 21 seqq.) *Dedit Joseph fratribus suis plaustra secundum Pharaonis imperium et cibaria in itinere, singulisque proferri jussit binas stolas: Benjamin vero dedit trecentos argenteos cum quinque stolis optimis, tantundem pecuniæ et vestium mittens patri suo, addens ei asinos decem, qui subveherent ex omnibus divitiis Ægypti, et totidem asinas triticum in itinere panesque portantes. Triginta argenteos a Christo accepit quicumque prædicat Trinitatem sive Christi crucem: ideoque Paulus ait: Neque enim judicavi me scire aliquid inter vos, nisi Christum Jesum, et hunc crucifixum (I Cor. ii). Quinque autem stolas accepit, id est, sapientiæ, omniumque sensuum multiplicem in lege disciplinam. Præcellit igitur Paulus, et exuberat ejus portio meritorum: sed tamen habent et fratres, id est, alii prædicatores gratia sua binas stolas, id est, ut confiteantur Christum et Deum esse et hominem, juxta quod in Proverbiis legitur: Omnes domestici ejus vestiti sunt duplicibus (Prov. xxxi), id est, mystica vel morali intelligentia. Mittuntur et patri munera. Filius honorat Patrem suum, et Christus populum suum promissis invitat muneribus. Portant hæc munera asini illi gentiles, inutiles et laboriosi: nunc autem utiles*

*A* portent in typum Christi munera, portent in Evangelio munera largiorem. Sequitur:

(Vers. 25.) *Qui ascendentes venerunt in terram Chanaan ad patrem suum Jacob, et nuntiaverunt ei, dicentes, Joseph vivit, et ipse dominatur in omni terra Ægypti. Si enim potuisset vinci a libidine et peccasset cum uxore domini sui, non puto quod hoc a patriarchis nuntiatum de eo fuisset patri ejus Jacob: quia filius ejus viveret; hoc enim si fecisset, sine dubio non vivebat: anima enim quæ peccat, ipsa moritur. Tale ergo aliquid et in Jacob indicare videtur hic sermo, quod donec longe fuit a Joseph, et non est annuntiatum ei de vita ejus, veluti defecerat in eo spiritus ejus, et lumen quod in ipso fuit, fomentis deficientibus, jam fuerat obscuratum: ubi vero venerunt qui ei annuntiaverunt de vita ejus, id est, qui dicerent, quia vita erat lux hominum (Joan. i), reaccendit in se spiritum suum, et reparatus est in eo fulgor luminis veri, et qui mortuus videbatur, fide resurrectionis vivificatur. Sed et in nobis calcare libidinem, fugere luxuriam, omnesque voluptates corporis premere ac refrenare, hoc est principatum gerere totius Ægypti; et hoc est quod apud Israel magnum ducitur, et in admiratione habetur. Si quis vero est qui aliqua quidem vitia corporis subiciat, aliis vero cedat et subiaceat, de isto non integre dicitur quia principatum agit totius terræ Ægypti, sed unius forte aut duarum aut trium civitatum videbitur gerere principatum. Sequitur:*

(Vers. 26.) *Quo audito, quasi de gravi somno exigilans, tamen non credebat eis, illi econtra referebant ordinem rei. Vocatur ergo plebs incredula, id est, Jacob, a filiis suis, id est, Petro et Paulo et Joanne, dum populus Judæorum invitatur ad gratiam. Sequitur:*

(Vers. 27, 28.) *Cumque vidisset universa quæ miserat, revixit spiritus ejus, et ait, Sufficit mihi si adhuc Joseph filius meus vivit, vadam et videbo illum antequam moriar. Sed ne hoc quidem otiose relinquendum est, quod non animum, sed spiritum, tanquam meliorem sui partem resuscitatum esse dicit. Splendor etenim lucis qui erat in eo, etiamsi extinctus penitus non est, tunc cum obtulerunt filii ejus tunicam Joseph hædi sanguine maculatam, et mendaciæ eorum decipi potuit, ita ut scinderet vestimenta sua, et poneret saccum super lumbum suum, et lugeret filium suum, nec vellet omnino consolari, sed diceret: Quia descendam ad filium meum lugens in infernum; tunc etiamsi, sicut diximus, non erat penitus extinctum in eo lumen, maxima tamen ex parte fuerat obscuratum, quod decipi potuit, quod vestimenta scindere, quod falso lugere, quod implorare mortem, quod in infernum cuperet lugendo descendere. Propter hæc quoque nunc resuscitatur et reviviscit spiritus ejus, quia consequens erat ut lumen, quod in eo obscuraverat fraus mendaciæ, reaccenderet et refoveret veritatis auditus. Sequitur:*

(Cap. XLVI.—Vers. 1 seqq.) *Profectusque Israel cum omnibus quæ habebat, venit ad puteum Juramenti, et mactatis ibi victimis Deo patris sui Isaac, audivit Deum per visionem nocte vocantem se, et dicentem sibi, Jacob, Jacob. Qui respondit, Adsum. Ait illi Deus: Ego sum fortissimus Deus Patris tui. Noli timere descendere in Ægyptum, quia in gentem magnam faciam te ibi. Ego descendam tecum illuc, et ego inde adducam te revertentem. Quis est qui factus est in gentem magnam in Ægypto, et in fine revocatus est? Quantum ad Jacob illum spectat de quo dici putatur, non videbitur verum; non enim in fine revocatus est ex Ægypto, quippe qui defunctus in Ægypto est. Absurdum autem erit, si quis in eo revocatum dicit a Deo Jacob, quia corpus ejus reportatum est, quod si recipiatur, non erit verum, quia Deus non est Deus mortuorum, sed vivorum: non enim convenit hæc de corpore mortuo intelligi, sed super vivos et in gentibus approbati. Videamus ergo Domini descensum in hunc mundum, et in gentem magnam, hoc est, in Ecclesiam ex gentibus factam,*



consummatisque omnibus ad Patrem regressum. In hoc ergo verius quam in Jacob adimplebitur quod dictum est : *Quia revocabo te inde in fine*. Sed et unusquisque nostrum eodem ordine atque eadem via Ægyptum et agones ingreditur, si mereatur ut Deus semper maneat cum eo, et faciat cum in gentem magnam; magna enim gens, est virtutum numerus, et justitiæ multitudo, in qua sancti quique multiplicari dicuntur et crescere. Completur in eo etiam illud quod dictum est : *Quia revocabo te in fine*; finis enim perfectio rerum et virtutum consummatio ponitur. Sequitur :

(Vers. 4.) *Joseph quoque ponet manum suam super oculos tuos*. Verus etenim Joseph, Dominus et Salvator noster, sicut corporalem manum suam posuit super oculos cæci et reddidit ei visum quem perdidit; ita etiam spiritalis manus suas posuit super oculos Legis, qui per corporalem intelligentiam Scribarum et Phariseorum fuerant exercitati, et reddidit ei visum, ut his quibus aperit Dominus Scripturas, spiritalis in lege visus et intellectus appareat. Atque utinam et nobis injiciat Dominus Jesus manus suas super oculos, ut incipiamus et nos respicere, non ea quæ videntur, sed quæ non videntur; et aperiat nobis illos oculos qui non intuentur præsentia, sed futura: et revelet nobis cordis aspectum, quo Deus videtur in spiritu. Sequitur :

(Vers. 5, 6.) *Surrexit Jacob a puteo juramenti, tuleruntque eum filii cum parvulis et uxoribus suis in plaustris quæ miserat Pharao ad portandum senem, et omnia quæ possederat in terra Chanaan: venitque in Ægyptum cum semine suo, filii ejus, et nepotes, filiæ, cunctique simul progenies*. Quærendum est quomodo dicat, Filias ejus cum eo, cum unam tantum filiam legatur habuisse. Superius autem filias ejus diximus accipi posse, nepotes ejus, sicut filii Israel omnes dicuntur etiam universus populus ab illo propagatus. Sed nunc cum dicit filias filiarum, præter unam Dinam, pluralis numerus pro singulari positus est, sicut etiam pro plurali singularis solet poni; nisi

nurus ejus quisque asserat filias ejus potuisse appellari. Sequitur :

(Vers. 15.) *Hi filii Liæ, quos genuit in Mesopotamia Syriæ cum Dina filia; omnes enim animæ filiorum et filiarum ejus triginta tres*. Numquid istæ omnes 33 animæ ex Lia in Mesopotamia Syriæ natæ sunt? Sed utique sex filii et una filia, ex quibus nepotes commemorati sunt. Si ergo de uno Benjamin quæstio nata fuerat, quando numeratis 12 filii Jacob, et nominatim commemoratis dictum est : *Hi filii Jacob, qui nati sunt ei in Mesopotamia Syriæ*; quanto major nunc quæstio, quomodo 33 animæ ex Lia in Mesopotamia Syriæ natæ sint, nisi quia illa locutio confirmatur, tamquam ibi omnes orti sint. Deinde et illud non dubium jam est, in una filia filias nominari, plurali numero pro singulari posito. Sed tamen videndum est quid hic respondeatur eis qui hoc testimonio confirmare nituntur, a parentibus simul animas cum corporibus propagari: animas dictas pro hominibus, a parte totum significante locutione, nullus ambigit; sed quomodo ipsam partem ex qua totum commemoratum est, hoc est, animam, cujus nomine totus homo significatus est, alienemus ab eo quod dictum est : *Exierunt de femoribus ejus, ut carnes tantum ex illo natas, quamvis solæ animæ nominentur*. Sequitur :

(Vers. 26, 27.) *Cunctæ animæ quæ ingressæ sunt cum Jacob in Ægyptum, et egressæ de femore illius absque uxoribus filiorum LXVI. Filii autem Joseph qui nati sunt ei in terra Ægypti, animæ duæ. Omnes animæ domus Jacob, quæ ingressæ sunt Ægyptum, fuere 70. Quod legitur 66 animas intrasse cum Jacob in Ægyptum, exceptis videlicet filiis Joseph; et deinde, illis annumeratis, inferitur, 70 animæ erant cum quibus Jacob intravit in Ægyptum, sic accipiendum est, in domo Jacob quando intravit in Ægyptum: nam utique quos ibi invenit, non cum eis*

intravit; sed quam diligentius discussa veritate reperiuntur duo nati jam fuisse cum intravit, Ephraim et Manasses: quod non solum Hebræi codices habere dicuntur, verum etiam ipsa secundum Septuaginta interpretatio in Exodo declarat (*Exod. 1*). Nec Septuaginta Interpretes mihi videntur errasse, dum dicunt 75 animas cum Jacob intrasse Ægyptum, propter aliquam mysticam significationem, quadam velut prophetica libertate hunc numerum complere voluerunt, si adhuc vivente Jacob, illi ex duobus filiis Manasse et Ephraim propagati sunt, quos eidem numero domus Jacob aggregandos indicavere. Sed quia invenitur Jacob 17 annos vixisse in Ægypto, quomodo potuerint filii Joseph, illo vivo, etiam nepotes habere, non invenitur. Ingressus est enim Ægyptum Jacob secundo famis anno: nati sunt autem filii Joseph in annis abundantiae. Quibuslibet annis ubertatis nati existimentur, a primo anno ubertatis usque ad secundum annum famis, quo ingressus est in Ægyptum, 9 anni fiunt. His additis 17, quibus ibi vixit Jacob, 26 anni reperiuntur. Quomodo ergo minus quam 26 annorum juvenes nepotes habere potuerunt? Sed neque ul a Hebraica veritate ista solvitur quæstio: quemadmodum enim impleri potuit ut tot nepotes susciperet Jacob, antequam intraret in Ægyptum, etiam de Benjamin, qui illa ætate venit ad fratrem? Non solum autem Scriptura eum filios habuisse commemorat, sed et nepotes et proneporem, qui omnes annumerantur 66 cum quibus Jacob in Ægyptum, etiam secundum Hebraicam veritatem, perhibetur intrasse. Videndum est etiam quid sibi velit quod cum Joseph et filii ejus non amplius quam octo commemorantur, Benjamin vero et ejus filii simul undecim reperiuntur, non 19 omnes, sicut sunt 8 et 11, sed 18 referantur in summam, et postea Joseph cum filiis suis non animæ 8, sed 9, fuisse dicantur, cum 8 inveniantur. Hæc omnia, quæ indissolubilia videntur, magnam continent sine dubitatione rationem: sed nescio utrum possint cuncta ad litteram convenire, præcipue in numeris quos in Scripturis sacratissimos esse et mysteriorum plenissimos, ex quibusdam, quos inde nosse potuimus, dignissime credimus. Sequitur :

(Vers. 28, 29.) *Misit autem Judam ante se ad Joseph, ut nuntiaret ei, et ille occurreret ei in Gessen. Quo cum pervenisset, juncto Joseph curru suo, ascendit Joseph obviam patri ad eundem locum, vidensque eum irruit super collum ejus, et inter amplexus flevit. Occurrit illi Judas, id est, Confessio, quia jam præcedit confessio quos antea perfidia possidebat, et sic vero Christo occurrerunt: et sic Joseph, hoc est, verus Christus illis occurrit impartiendo illis fidem; quis enim hac ætate suscipit ultimis temporibus populum Judæorum, non secundum illius merita, sed secundum electionis suæ gratiam, et imponit manus super oculos ejus, et cæcitatem aufert, cujus ideo distulit cæcitatem, ut postremum crederet, quia antea non putabat esse credendum in Christo. Unde Apostolus ait: *Quia cæcitas ex parte in Israel facta est, donec plenitudo gentium intraret, et sic omnis Israel salvus fieret* (Rom. xi). Sequitur :*

(Vers. 31 seqq.) *Locutus est autem Joseph ad fratres suos, et ad omnem domum patris sui, Ascendam et nuntiabo Pharaoni, dicamque ei, Fratres mei et domus patris mei, qui erant in terra Chanaan, venerunt ad me, et sunt viri pastores ovium, curamque habent alendorum gregum, pecora sua et armenta et omnia quæ habere potuerunt, adduxerunt secum. Cumque vocaverit vos Pharaon, et dixerit vobis: Quod est opus vestrum? respondebitis, Viri pastores servi tui, ab infantia nostra usque in præsens, et nos, et patres nostri. Commendatur in patriarchis quod pecorum nutritores erant a pueritia sua et a parentibus suis, et merito: nam hæc est sine ulla dubitatione justa servitus, et justa dominatio, cum pecora homini servant, et homo pecoribus dominatur; sic enim dictum est cum homo crearetur: *Faciamus hominem**



ad imaginem et similitudinem nostram, et habeat potestatem piscium maris et volatilium cœli, et omnium pecorum quæ sunt super terram (Gen. i). Ubi insinuat rationem debere dominari in rationabili vitæ. Servum autem hominem homini, vel iniquitas, vel adversitas fecit: in quibus quidem sicut dictum est, *Maledictus Chanaan, servus erit fratribus suis* (Gen. ix); adversitas vero sicut accidit Joseph, ut venditus a fratribus servus alienigenis fieret. Itaque primos servos, quibus hoc nomen in Latina lingua inditum est, bella fecerunt; qui enim homo ab homine superatus, jure belli poterat occidi, quia servatus est, servus est appellatus. Inde et mancipia dicta, quia manu capta sunt. Est etiam ordo naturalis in hominibus, ut serviant feminae viris, et filii parentibus: quia et illic hæc justitia est, ut infirmior ratio serviat fortiori. Hæc igitur in damnationibus et servitutibus clara justitia est, ut qui excellunt ratione, excellent dominatione. Quod cum in hoc sæculo per iniquitatem hominum perturbatur, vel natura carnalium adversitatum, ferunt justi temporalem diversitatem, in fine habituri et ornatissimam et sempiternam felicitatem. Regnaverunt hic ergo patriarchæ et prophetae, ut ista regna Deum dare et auferre ostenderetur; non hic regnaverunt apostoli et martyres, ut regnum cœlorum desiderandum panderetur. Illi regna bella gesserunt, ut tales quoque victorias appareret Dei voluntate præstari; isti non resistendo interfecti sunt, ut potioem esse docerent victoriam pro fide veritatis occidi, quamquam et illic prophetae noverant mori pro veritate. *Hæc autem dicetis, ut habitare possitis in terra Gessen.* Interpretatur autem Gessen, propinquitas, vel proximitas. Per quod ostenditur, quia etiam si in Ægypto habitat Israel, non tamen longe est a Deo, sed proximus est ei et conjunctus, sicut etiam ipse dicit, *Quia ego descendam tecum in Ægyptum, et ero tecum.* Et nos ergo etiam si videamur in Ægyptum descendisse, etiam si in carne positi agones mundi hujus et certamina sustinemus, etiam si inter eos habitamus qui deserviunt Pharaoni, tamen si prope Deo sumus, si in mandatorum ejus meditatione versamur, et præcepta ejus ac judicia perquirimus, hoc est enim esse prope Deo, semper quæ Dei sunt cogitare, quæ Dei sunt querere; et Deus semper erit nobiscum. Sequitur: *Quia detestantur Ægyptiis omnes pastores ovium.* Abominatio est enim Ægyptiis omnis pastor ovium. Merito Ægyptiis in quibus est figura præsentis sæculi, in quo abundat iniquitas, abominatio est omnis pastor pecorum; abominatio est enim iniquo vir justus. Sequitur:

(Cap. XLVII. — Vers. 1 seqq.) *Ingressus ergo Joseph nuntiavit Pharaoni, dicens: Pater meus et fratres mei, oves eorum, et armenta, et cuncta quæ possident, venerunt ad me de terra Chanaan, ecce consistunt in terra Gessen.* Extremos quoque fratrum suorum quinque viros statuit coram rege. Quos ille interrogavit, *Quid habetis operis?* Responderunt, *Pastores ovium sumus et nos et patres nostri, ad peregrinandum in terra tua venimus, quoniam non est herba gregibus servorum tuorum ingravescente fame in terra Chanaan, petimusque ut esse nos jubeas in terra Gessen.* Quæti potest cum Joseph frumenta colligeret unde homines viverent, pecora unde vivebant, dum tanta fames invalesceret, maxime quia fratres Joseph Pharaoni dixerunt, non sunt enim pascuæ gregibus servorum tuorum in terra Chanaan, invalescente fame, et propter hanc inopiam pascuarum se venisse commemoraverunt. Pro eo si ea fame pascua defecerant in terra Chanaan, cur in Ægypto non defecerant, eadem tunc fame invalescente? Nam sicut perhibetur ab eis qui loca illa sciunt, in multis Ægypti paludibus poterant pascua non deesse, etiam cum fames esset frumentorum, quæ solent Nili fluminis inundatione provenire; magis enim dicuntur paludes illæ et feracius pascua gignere, quando aqua Nili fluminis minus excrescit. Sequitur:

A (Vers. 5, 6.) *Dixit itaque rex ad Joseph: Pater tuus et fratres tui venerunt ad te, terra Ægypti in conspectu tuo est, in optimo loco fac habitare eos, et trade eis terram Gessen. Tradidit post hæc Joseph parentibus et fratribus optimam terram Gessen.* Sic et Dominus eligens terram meliorem parentibus, id est, prophetis et patriarchis, ex quibus secundum carnem nasci dignatus est; sive omnibus sanctis, de quibus in Evangelio dicit: *Hi sunt fratres mei, qui faciunt voluntatem meam* (Matth. xii), his igitur daturus est terram repromissionis regni Dei, de qua dicit propheta, *Credo videre bona Domini in terra viventium.* Sequitur:

(Vers. 7 seqq.) *Post hæc introduxit patrem suum ad regem, et statuit eum coram eo: qui benedicens illi, et interrogatus ab eo: Quot sunt dies annorum vitæ tuæ, respondit, Dies peregrinationis meæ centum triginta annorum sunt, parvi et mali, et non pervenerunt usque ad dies patrum meorum, quibus peregrinati sunt.* Dicimus autem, non tam sæculum ipsum, quod die et nocte annis currit et mensibus, appellari malum, quam ea quæ in sæculo fiunt. Quo modo sufficere dicitur diei nativitas sua, ita et dies Jacob modici dicuntur esse et mali, et quod ea quæ sustinuit per varia eum exercuerunt tentamenta: unde et Joannes ait, *Mundus in maligno positus est* (I Joan. v); non quod mundus ipse sit malus, sed quod mala in mundo fiant ab hominibus. Sequitur:

(Vers. 12.) *Et alebat omnem domum patris sui, præbens cibaria singulis.* Verumtamen Jacob nec quando vidit Joseph adoravit, nec quando ab illo triticum accipiebat: quo modo ergo somnium Joseph impletum putabimus, et non potius majoris rei continere prophetiam? Sequitur:

(Vers. 13.) *In toto enim orbe panis deerat, et oppresserat fames terram maxime Ægypti et Chanaan, ex quibus omnem pecuniam congregavit, et intulit eam in ærarium regis.* Pertinuit ad Scripturam in hac etiam re commendare fidem famuli Dei. *Emit igitur Joseph omnem terram Ægypti vendentibus singulis possessiones suas præ magnitudine famis, subjectique eam Pharaoni, et cunctum populum ejus a novissimis terminis Ægypti usque ad extremos fines ejus.* Respice ad originem generis, et invenies quod pater eorum Cham, qui nuditatem riserat patris, hujuscemodi sententiam meruit, ut filius ejus Chanaan servus esset fratribus suis, quo in eo nequitiam morum argueret conditio servitutis. Non ergo immerito ignobilitatem generis decolor posteritas imitatur. Hæc ergo si intelligamus spiritaliter, quæ sit Ægyptiorum servitus agnoscimus: quia servire Ægyptiis non est aliud quam obnoxium esse carnalibus vitiis, et dæmonibus esse subjectum. In quod utique unumquemque non extrinsecus illata necessitas cogit, sed segnitia animi, et libido ac voluptas corporis subigit, cui se animus per socordiam subdit. Qui vero libertatis animæ curam gerit, et dignitatem mentis cœlesti cogitatione nobilitat, iste ex filiis Israel est, qui etiam si violenter opprimatur ad tempus, non tamen libertatem suam in perpetuum perdit. Sequitur:

(Vers. 22.) *Præter terram sacerdotum quæ a rege tradita fuerat eis, quibus et statuta cibaria ex horreis publicis præbebantur, et idcirco non sunt compulsi vendere possessiones suas.* Denique vis scire quid intersit inter sacerdotes Dei et sacerdotes Pharaonis? Pharaon concedit terram sacerdotibus suis, Dominus autem sacerdotibus suis partem non concedit in terra, sed dicit eis: *Ego sum pars vestra* (Num. xviii, 20). Observate ergo qui hæc legitis, omnes Domini sacerdotes, et videte quæ sit differentia sacerdotum, ne forte qui partem habent in terra, et terrenis cultibus ac studiis vacant, non tam Domini quam Pharaonis sacerdotes esse videantur. Ille est enim qui vult sacerdotes suos habere possessiones terrarum, et exercere agri non animæ culturam, rurî et non legibus operam dare. Christus autem Dominus no-



ster sacerdotibus suis quid præcipiat, audimus. Qui non, inquit, renuntiaverit omnibus quæ possidet, non potest meus esse discipulus. Contremisco hæc dicens; meus enim primo omnium, meus inquam, ipse accusator existo, meas condemnationes loquor. Negat Christus suam esse discipulum quem viderit aliquid possidentem, et eum qui non renuntiat omnibus quæ possidet. Et quid agimus? Quo modo hæc aut ipse legimus, aut populis prædicamus, qui non solum non renuntiamus his quæ possidemus, sed acquirere volumus ea quæ nunquam habuimus antequam veniremus ad Christum? Numquidnam, quia nos redarguit conscientia legere, et non proferre quæ scripta sunt, possumus modo duplicati criminis esse rei. Confiteor palam, et populo audiente confiteor hæc scripta esse, etiam si nondum implese me novi. Sed hoc saltem commoniti festinemus implere, festinemus transire a sacerdotibus Pharaonis, quibus terrena possessio est, ad sacerdotes Dei, quibus in terra pars non est, quibus portio Dominus est. Sequitur:

(Vers. 23, 24.) Dixit ergo Joseph ad populum: *En, ut cernitis, et vos et terram vestram Pharaeo possidet, accipite semina, et serite agros, ut fruges habere possitis. Quintam partem regi dabit, quatuor reliquas permitto vobis in semen, et in cibos famulis et liberis vestris.* Contulimus sacerdotes sacerdotibus: nunc si videtur, et populum Ægyptium populo Israelitico conferamus; dicitur enim in consequentibus quia post famem et servitutem populus Ægyptius quintam partem offerat Pharaoni, e contrario vero Israeliticus populus deferat decimas sacerdotibus. Vide et in hoc Scripturam divinam in generatione subnixam, vide Ægyptium populum quinario numero tributa pendentem: quinque enim sensibus corporalibus designantur, quibus carnalis populus servit; semper enim Ægyptii visibilibus rebus et corporalibus obsequuntur. At vero Israeliticus populus honorat decadam, perfectionis numerum: decem enim verba legis accepit, et Decalogi virtute constrictus, ignota mundo huic sacramenta largitione divina suscepit. Sed et in novo Testamento similiter venerabilis est denarius numerus, sicut et fructus spiritus divinis exponitur germinare virtutibus, et servus fidelis de negotiationibus sui lucri decem unas offert Domino, et decem civitatum accipit potestatem. Verum quia unus est auctor omnium, et fons, et initium unus est Christus, idcirco populus decimas quidem ministris et sacerdotibus præstat; primo vero offert primogenito omnis creaturæ, et initia initio omnium, de quo scriptum, *Qui est initium primogenitus omnis creaturæ* (Col. 1). Vile ergo ex his omnibus differentiam populi Ægyptiorum et populi Israel, et differentiam sacerdotum Pharaonis et sacerdotum Domini, et discutens temetipsum, prævide, de quo populo sis, et ejus ordinis sacerdotium teneas: si adhuc carnalibus sensibus servis, si adhuc quinario numero vectigal exsolvis, et respicis ea quæ visibilia et temporalia sunt, et non respicis ea quæ invisibilia et æterna sunt, de Ægyptio populo te esse cognosce. Si vero Decalogum legis et decadam novi Testamenti, quæ supra exposuimus, semper ante oculos habeas, et de his decimas offers, et primogenita sensus tui in fide immolas primogenito ex mortuis, et initia tua refers ad initium omnium, verus Israelita es, in quo dolus non est. Sequitur:

(Vers. 29) Cumque appropinquare cerneret Israel diem mortis suæ, vocavit filium suum Joseph, et dixit ad eum: *Si inveni gratiam in conspectu tuo, pone manum tuam sub femur meum, et facies mecum misericordiam et veritatem.* Ea filium adjuratione constringit, qua servum constrinxerat Abraham: ille mandans unde uxor ducatur filio suo; iste sepulturam commendans corporis sui. In utramque causam tamen nominata sunt duo illa quæ magna habenda atque pendenda sunt, in Scripturis omnibus quæcumque

A dispersim leguntur, misericordia et justitia, vel misericordia et iudicium, vel misericordia et veritas, sicut scriptum est: *Universæ viæ Domini misericordia et veritas* (Ps. xxiv). Hæc ergo duo commendata, multum consideranda sunt. Servus Abraham dixerat, *Si facitis cum Domino meo misericordiam et justitiam* (Gen. xxiv); et iste filio dicit, *Ut facias in me misericordiam et veritatem.* Sequitur:

(Vers. 30) *Ut non sepelias me in Ægypto, sed dormiam cum patribus meis, et auferas me de hac terra, condasque in sepulchro majorum.* Quid sibi autem velit tanto viro tam sollicita corporis commendatio, ut non in Ægypto sepeliatur, sed in terra Chanaan juxta patres suos. Mirum videtur et quasi absurdum, nec quasi conveniens tantæ excellentiæ mentis propheticæ, si hoc ex hominum consuetudine etiam curet: si autem in omnibus his sacramenta quærantur, majoris admirationis gaudium ipsi qui invenerit oriatur. Cadaveribus mortuorum peccata significari non dubium est, cum jubentur homines post eorum contactum, sive qualicumque contactu, tamquam ab immunditia purificari, et hinc illa sententia dicta est, *Qui baptizatur a mortuo, et iterum tangit illum, quid prodest lavatio ejus* (Eccl. xxiv)? Sepultura ergo mortuorum, remissionem significat peccatorum, eo pertinens quod dictum est, *Beati quorum remissæ sunt iniquitates, et quorum tecta sunt peccata* (Ps. xxxi). Ubi ergo sepelienda erant hoc significatio cadavera patriarcharum, nisi in ea terra ubi ille crucifixus est, per quem facta est remissio peccatorum: et si quid aliud de re tanta vel hoc modo, vel sublimius intelligi potest. Nec tamen frustra arbitremur tales ac tantos homines tantam gessisse curam pro sepeliendis corporibus suis, cum sit atque esse debeat fidelium ista securitas, quod ubicumque corpora eorum sepeliantur, vel insepulta etiam per inimicorum rabiem relinquuntur, aut pro eorum libitu dilacerata abumantur, non ideo vel minus integram, vel minus gloriosam eorum resurrectionem credimus esse futuram. Sequitur:

C (Vers. 31.) Respondit Joseph, *Ego faciam quod jussisti. Et ille, Jura ergo, inquit, mihi. Quo jurante, adoravit Israel Deum, conversus ad lectulicaput.* Merito quæritur quid sit quod dictum est, *Adoravit Israel Deum conversus ad lectuli caput*; in quo utique senex jacebat, et sic positum caput habebat, ut in eo sine labore, quando vellet, oraret: quod scilicet postquam juravit filius, securus de petitione quam rogaverat, adoraret Deum contra caput lectuli sui. Sanctus quippe et Deo deditus vir, oppressus senectute, sic habebat lectum positum, ut ipse jacentis habitus absque difficultate ulla ad orationem esset paratus. Sequitur:

(Cap. XLVIII. — Vers. 1 seqq.) *His ita transactis, nuntiatum est Joseph quod ægrotaret pater ejus. Qui assumptis duobus filiis suis, Manasse et Ephraim, ad eum perrexit. Dictumque est seni, Ecce Joseph filius tuus venit ad te. Qui confortatus sedit in lectulo, et ingressus ad se, ait, Deus omnipotens apparuit mihi in Luza, quæ est in terra Chanaan, benedixitque mihi, et ait, Ego te augebo, et multiplicabo, et faciam in turbas populorum; daboque tibi terram hanc, et semini tuo post te, in possessionem sempiternam.* Etiam hinc commemorat Jacob promissiones Dei erga se factas, dicitque sibi dictum: *Faciam te in turbas populorum.* Quibus verbis magis fidelium vocationem significat quam carnalis generis propagationem. Sequitur:

(Vers. 5.) *Duo igitur filii tui, qui nati sunt tibi in terra Ægypti antequam huc venirem ad te, mei erunt, Ephraim et Manasses, sicut Ruben et Benjamin reputabuntur mihi.* Si quis autem ambigit, quod septuaginta animæ introissent in Ægyptum filiorum Israel, et quod Joseph eo tempore quo ingressus est Jacob, non novem, sed duos tantum filios habuerit, præsentem capitulo confirmatur, siquidem ipse Jacob loquitur duos eum habuisse filios, non novem. Quod si econtrario nobis illud opponitur, quo modo in Acti-



bus Apostolorum in concione Stephani dicitur ad populum, Septuaginta quinque animas ingressas esse Ægyptum (Act. vii), facilis excusatio est; non enim debuit sanctus Lucas, ipsius scriptor historicus, ingens Actuum Apostolorum volumen emittens gentibus contrarium aliquid scribere adversus eam Scripturam quæ jam fuerat gentibus divulgata: et utique maioris opinionis illo dumtaxat tempore Septuaginta Interpretum habebatur auctoritas quam Lucæ, qui, ignotus et vilis, non magnæ fidei in nationibus habebatur. Hoc autem generaliter observandum, quod ubicunque sancti apostoli aut apostolici viri loquuntur ad populos, his plerumque testimoniis utuntur quæ jam fuerant in gentibus divulgata. Quod autem dicit, *Ephraim et Manasses sicut Ruben et Simeon erunt mihi*, illud significat, Sicut Ruben et Simeon duæ tribus erunt, et ex suis vocabulis appellabuntur, duosque populos procreabunt, et sic hæreditabunt repositionis terram, sicut et cæteri filii mei. Sequitur:

(Vers. 6.) *Reliquos autem, quos genueris post eos, tui erunt et nomine fratrum suorum vocabuntur in possessionibus suis.* Non, inquit, accipient separatim terram, nec fundulos habebunt proprios, ut reliquæ tribus, sed in tribubus Ephraim et Manasse, quasi appendices populi commiscebuntur. Sequitur:

(Vers. 7.) *Mihi enim quando veniebam de Mesopotamia, mortua est Rachel mater tua in terra Chanaan, in ipso itinere. Eratque verum tempus; et ingrediebar Ephratam, et sepelivi eam juxta viam Ephratæ, quæ alio nomine vocatur Bethleem.* Quod Jacob filio suo Joseph tamquam nescienti voluit indicare, ubi et quando sepelierit matrem ejus, cum et ipse simul fuerit cum fratribus suis; sed etsi erat, tam parvus ætate erat, ut illud vel curare vel animo retinere non posset; quæ res compulit modo dici, nisi forte ad rem pertinuit commemorare ibi sepultam matrem Joseph ubi Christus erat nasciturus. Sicut autem duo filii Isaac, Jacob et Esau, figuram habuerunt duorum populorum in Judæis et Christianis, quamvis quantum ad carnis propagationem pertinet, nec Judæi venerunt de semine Esau, sed Idumæi, nec Christianæ gentes de Jacob, sed potius Judæi; ad hoc enim tantum figura, qua dictum est, *Major serviet minori*; ita factum est etiam in duobus filiis Joseph: nam major gessit typum Judæorum, Christianorum minor. Quos cum benediceret Jacob, manum dextram ponens super minorem, quem habebat ad sinistram, sinistram vero super majorem, quem habebat ad dexteram; grave visum est patri eorum, et admonuit patrem velut corrigens ejus errorem, et quisnam eorum major esset ostendens. At ille noluit mutare manus, sed dixit, *Scio, fili mi, scio: et hic erit in populum et exaltabitur; sed frater ejus junior major illo erit, et semen ejus erit in multitudine gentium.* Etiam hic duo illa promissa demonstrat, nam ille in populo, hic in multitudine gentium. Quid evidentius, quam his duabus promissionibus contineri populum Israelitarum orbemque terrarum in semine Abraham, illum secundum carnem, istum secundum fidem? Sequitur:

(Vers. 21, 22.) *Ait quoque Jacob ad filium suum Joseph: En ego morior, et Deus erit vobiscum, reducetque vos ad terram patrum vestrorum. Do tibi partem unam extra fratres tuos, quam tuli de manu Amorrhæi in gladio et arcu meo.* Sichyma juxta Græcam et Latinam consuetudinem declinata est, alioquin Hebraice Sichem dicitur, ut Joannes quoque evangelista testatur, licet vitiose, ut Sichar dicatur, error inolevit: et est nunc Neapolis, urbs Samaritanorum. Quia igitur Sichem ex lingua Hebræa transfertur in humerum, pulchre alludit ad nomen, dicens, *Et ego tibi dabo humerum unum.* Unum autem pro præcipuum ponitur. Quod autem ait, se eam in arcu et gladio possedisse, arcum et gladium justitiam vocat, per quam meruit peregrinus et advena, interfecto Sichem, et Emor, de periculo liberari: timuit enim,

A ut supra diximus, ne vicina oppida atque e stella obervationem fœderatæ urbis, adversus se conurgerent, et Dominus non dedit eis, ut nocerent illi. Vel certe sic intelligendum est: Dabo tibi Sichymam, quam emi in fortitudine mea, hoc est, in pecunia, quam multo labore et sudore acquisivi. Quod autem ait, *Super fratres tuos*, ostendit absque sorte dedisse eam tribui Joseph, siquidem eo loco sepultus est Joseph, et mausoleum ejus usque in præsens cernitur. Proculdubio ergo aliquod hic latet prophetium sacramentum, quia ex Joseph quadam præcipua significatione Christum figuravit, et ei datur illa terra ubi disperdiderat obruendo deos alienos Jacob, ut Christus intelligatur possessurus gentes diis patrum suorum renuntiantes et credentes in eum. Hæredem ergo bonorum operum sanctum Joseph præ cæteris elegit, cujus opera fratres æquare non poterant: et ideo locum stupris et flagitiis vacantem ad incolatum sanctorum verbis cœlestibus et gladio capiens spiritali, ut ubi habitatores antea lasciviæ et principes luxuriæ versabantur, ubi fuerant incentiva libidinis et fomenta nequitiae, ibi nunc sancti sacerdotes magisteria doceant castitatis, et plurima virginæ integritatis exempla quodam supernæ lucis fulgore resplendant. Sequitur:

(Cap. XLIX. — Vers. 1, 2.) *Vocavit autem Jacob filios suos, et ait eis: Congregamini ut annuntiem quæ ventura sunt vobis diebus novissimis, congregamini et audite, filii Jacob, audite, Israel patrem vestrum.* Qui ante juniorem seniori prætulerat, cepit a primo, ut in illo mysterii præferret gratiam, in hoc ordinem servaret ætatis. Sequitur:

(Vers. 3, 4.) *Ruben primogenitus meus, tu fortitudo mea, et principium doloris mei, prior in donis, major in imperio. Effusus es sicut aqua: non crescas, quia ascendisti cubile patris tui, et maculasti stratum ejus.* Est autem sensus hic: Tu es primogenitus meus, major in liberis, debebas juxta ordinem nativitatis tuæ et hæreditatem quæ primogeniti jure debebatur, sacerdotium accipere et regnum: hoc quippe in portando onere et prævalido robore demonstratur: verum quia peccasti et quasi aqua quæ vasculo non tenetur, voluptatis effusus es impetu, idcirco præcipio tibi ut ultra non pecces, sisque in fratrum numero pœnam ex peccato luens, quod primogeniti ordinem perdidisti. Secundum mysticam intelligentiam, Ruben prioris populi videtur ferre personam; et ideo redargui magis quam benedici videtur, qui et primogenitus est sicut propheta dicit, *Israel primogenitus meus: etenim juxta quod primogenitis debebatur, ipsius erat accipere sacerdotium et regnum.* Additur, *Tu virtus mea*: utique quia ex ipso populo fundamentum fidei, ex ipso virtus Dei quæ est Christus, advenit. Quo modo autem ipse sit principium dolorum, nisi dum Deo patri semper irrogaret injuriam, dum convertit ad eum dorsum et non faciem? Iste prior in donis, quia primis ipsis credita sunt eloquia Dei, primis ipsis legis latio et testamentum, sive promissio. Major est hic in imperio, utique pro magnitudine virium dixit, quia copiosius cæteris in hoc sæculo idem populus regnavit. Effusus est autem sic peccando in Christo, quasi aqua quæ vasculo non tenetur, voluptatis effusus est impetu; et idcirco addidit, *Ultra non crescas*; quia populus ipse, postquam in universo orbe dispersus est, valde imminutus atque abbreviatus est. Sed quare talia meruerit, subjungit, *Quia ascendisti cubile patris tui, et maculasti stratum ejus*: prædicat enim passionem Domini, et primogenitæ plebis audaciam, quia ascendit cubile Dei Patris, et maculavit stratum ejus, quando corpus Domini, in quo plenitudo divinitatis requiescebat, raptum in cruce suspendit, et ferro maculavit. Sequitur:

(Vers. 5 seqq.) *Simeon et Levi, fratres, vasa iniquitatis bellantia, in consilio eorum ne veniat anima mea, et in cætu illorum non sit gloriatio mea, quia in furore suo occiderunt virum, et in voluntate sua suf-*



foderunt murum. *Maledictus furor eorum, quia pertinax, et indignatio eorum, quia dura. Dividam eos in Jacob, et dispergam illos in Israel.* Significat autem non sui fuisse consilii quod Sichem et Emor foederatos viros interfecerint, contra jusque pacis et amicitiarum sanguinem fuderint innocentem, quasi quodam furore sic crudeliter obstinati, muros et hospites urbis everterint. Unde sequitur, et dicit, *Maledictus furor eorum, quia pertinax, et indignatio eorum, quia dura: dividam eos in Jacob, et dispergam illos in Israel.* Levi enim hereditatem propriam non accepit, sed in omnibus cœptis paucas urbes ad habitandum habuit. De Simeon vero in libro Jesu Nave scriptum est, quod et ipse proprium funiculum non fuerit consecutus, sed de tribu Juda quædam fuerit consecutus. In Paralipomenon autem libro manifestius scribitur, quod cum multiplicatus fuisset, et non habuerit possessionis locum, exierit in desertum. Per Simeon et Levi scribæ et sacerdotes Judaici populi intelliguntur. De Simeon enim scribæ sunt Judæorum; de tribu vero Levi principes sacerdotum: de quibus scriptum est, *quia consilium fecerunt ut Jesum morti traderent* (Matth. xxvi). De quo consilio iste patriarcha qui jam mente Deum videbat, dicit, *In consilio eorum ne veniat anima mea; horrebat, enim jam in illo tempore iste sanctus patriarcha videre tantorum scelus facinus, quod in novissimis temporibus lacturi erant Judæi.* Sequitur: *Quia in furore suo occiderunt virum, id est, Dominum Jesum Christum et in dolore suo suffoderunt murum, quando lancea confoderunt illud spiritale et fortissimum propugnaculum, qui custodit Israel.* *Maledictus furor eorum, quia pertinax* ad tantum facinus utique perpetrandum, quando furore accensi et ira obtulerunt Christum Pontio Pilato, dicentes illi: *Crucifige, crucifige* (Luc. xxiii); et, *si hunc dimittis, non es amicus Cæsaris* (Joan. xviii); *Et indignatio eorum, quia dura, dum Barabbam latronem dimittendum peterent, et principem vitæ crucifigendum postularent.* *Dividam eos in Jacob, et dispergam illos in Israel.* Hæc duo nominantur, divisio et dispersio: idcirco quia nonnulli ex ipsis in Dominum crediderunt, quidam in infidelitate permanserunt; divisi enim dicuntur ii, qui ab eis separantur, et veniunt ad fidem: dispersi autem ii, quorum patria temploque subverso, per orbem terræ incredulum genus illorum spargitur. Sequitur:

(Vers. 8 seqq.) *Juda, te laudabunt fratres tui. Manus tuæ in cervicibus inimicorum tuorum: adorabunt te filii patris tui. Catulus leonis Juda; ad prædam, fili mi, ascendisti, requiescens accubuisti ut leo et quasi læna, quis suscitabit eum? Non auferetur sceptrum de Juda, nec dux de femoribus ejus, donec veniat qui mittendus est: et ipse erit expectatio gentium, ligans ad vineam pullum suum, et ad vitem, o fili mi, asinam suam. Lavabit in vino stolam suam, et in sanguine uvæ pallium suum. Pulchriores sunt oculi ejus vino, et dentes ejus lacte candidiores.* Licet de Christo mysterium sit, tamen juxta litteram prophetatum est quod reges ex Juda per David stirpem generarentur, et quod adorarent eum omnes tribus: non enim ait, *Filii matris tuæ*; sed, *Filii patris tui.* Et quod sequitur, *Ex germine, fili mi, ascendisti*, in Hebræo habet, *De captivitate, fili mi, ascendisti*, ut ostenderet eum captivos populos esse ducturum. Hic certe nemo dubitat prophetantis personam esse dilucidatam. Audiamus igitur quid dicat filio suo Judæ, de cujus tribu Christus venit *ex semine David, secundum carnem*, sicut apostolica doctrina testatur (Rom. i). *Juda, te laudabunt fratres tui.* Per hunc enim Judam verus confessor exprimitur Christus, quia ex ejus tribu secundum carnem est genitus. Ipsum laudant fratres sui, apostoli scilicet, et omnes cohæredes ejus, quia qui per adoptionem filii Deo patri effecti sunt, et Christi fratres per gratiam, quorum ipse est Dominus per naturam. *Manus tuæ in cervicibus inimicorum tuorum*; iisdem enim manibus, et eodem eru-

A cis tropæo, et suis exiit, et inimicos atque adversarias potestates curavit: juxta quod et pater promittit ei dicens: *Sede ad dexteram meam, donec ponam inimicos tuos scabellum pedum tuorum* (Ps. cix). *Adorabunt te filii patris tui*, quoniam multi ex filiis Jacob adoraverunt eum, qui per electionem gratiæ salvi facti sunt. *Catulus leonis Juda*, quoniam nascendo parvulus factus est, sicut scriptum est, *Parvulus natus est nobis* (Isai. ix). *Prædam, fili mi, ascendisti*: id est, ascendens in crucem captivos populos redemisti, et quos ille leo contrarius invaserat, tu moriens eripuisti. Denique rediens ab inferis ascendisti in altum, captivam duxisti captivitatem. *Requiescens accubuisti, ut leo.* Manifestissime in passione Christus recubuit, quando *inclinato capite tradidit spiritum* (Joan. xix), sive quando in sepulchro securus, velut quodam corporis somno quievit. Sed quare ut leo, et velut catulus leonis? In somno enim suo leo fuit; quia non necessitate, sed potestate hoc ipsum implevit juxta quod et ipse dixerat: *Potestatem habeo ponendi animam meam, et nemo eam a me auferet, sed ego eam ponam* (Joan. x). Quod vero addit, *Et ut catulus leonis Juda*, quia inde mortuus unde natus. Physiæ autem de catulo leonis scribunt, quod cum natus fuerit tribus diebus et tribus noctibus dormiat, tunc deinde patris fremitu vel rugitu veluti tremefactus cubilis locus suscitare dicitur catulum dormientem. Quod valde congruenter de passione mortis aptatur in Christo, qui tribus diebus, et tribus noctibus in cubili sepulchri jacens somnum mortis implevit. Bene ergo Christus ut leo requievit, quia non mortis acerbiam timuit, sed etiam in ipsa morte mortis imperium vicit. Bene idem iterum ut catulus leonis, quia die tertia resurrexit, unde, et sic adjungitur de resurrectione ejus, *Quis suscitabit eum?* Hoc est, quia nullus hominum, nisi ipse se, juxta quod idem de corpore suo dixit: *Solvite templum hoc, et post triduum suscitabo illud* (Joan. ii). Non deficiet princeps de Juda, nec dux de femoribus ejus, donec veniat qui mittendus est, et ipse erit expectatio gentium. Hic locus manifestissime ad Judam refertur; tamdiu enim fuit ex semine ejus apud Judæos intermerata successio regni, donec Christus ad redemptionem mundi ex virgine nasceretur. Probant hoc historie Judæorum, quibus ostenditur primum alienigenam regem in gente Judeorum fuisse Herodem, quo tempore natus est Christus. Quod si putant Judæi non venisse Christum, ergo de tribu Juda usque hodie Judæorum permanet regnum. Itaque non defuit vel dux vel princeps de semine Juda, donec veniret cui repositum est. Sed quia non solum Judæis profuit qui mittendus erat, ideo sequitur, *Et ipse erit expectatio gentium.* *Alligans ad vineam pullum suum*: quod videlicet pullum asinæ, cui supersedit Jesus, hoc est gentilium populum vineæ apostolorum qui ex Judæis sunt, copulaverint, cui adhuc nunquam legis onus impositum est; nam vinea Domini, domus est Israel. *Et ad vitem, o fili mi, asinam suam.* Quod autem dicit, *fili mi*, apostropham ad ipsum Judam facit, quod Christus hæc sit universa factururus: nam ipse dixit, *Ego sum vitis vera* (Joan. xv). Ad hanc ergo vitem alligavit asinam suam cui supersedit, id est, Ecclesiam ex gentibus congregatam. Hanc itaque ad vitem corporis sui alligavit in vinculo charitatis, et disciplinæ evangelicæ nexu, ut de imitatione illius vivens efficiatur hæres Dei, cohæres autem Christi. Alii namque hanc asinam, synagogam interpretantur, tardigradam scilicet et gravi pondere legis oppressam. *Lavabit in vino stolam suam.* Bona stola est caro Christi, quæ omnium peccata operuit, omnium delicta suscepit, omnium textit errores. Bona stola est, quæ universos induit vestem jucunditatis. Hanc lavit in illo vino, quod pro multis effusum est in remissionem peccatorum. *Et in sanguine uvæ pallium suum*, hoc est in passione corporis sui diluit gentes sanguine suo; pallium enim ejus sunt gentes quas corpore suo contextuit, sicut scriptum est: *Vivo ego,*



dicit Dominus, nisi hos omnes induam sicut vestimentum. Non ergo sanguine suo propria peccata quæ non erant, sed nostra quæ fecimus delicta mundavit. Et bene uvam dixit, quia sicut uva pendit in ligno. Ipse est vitis, ipse est uva: vitis, ligno adherens; uva, quia lancea militis apertum latus habuit, et emisit aquam et sanguinem; aquam ad lavacrum, sanguinem ad pretium; aqua nos abluat, sanguis redemit. *Pulchriores oculi ejus vino.* Oculi Christi, apostoli sunt et evangelistæ, qui scientie lumen universo corpori Ecclesie præstant. Hi pulchriores vino probantur, quia eorum doctrina austeritatem vini veteris exuperat, id est, priscæ legis traditionem. Evangelica enim præcepta longe clariora sunt quam veteris Testamenti mandata. *Et dentes lacte candidiores.* Dentes, prædicatores sunt sancti, qui præcidunt ab erroribus homines, et eos quasi comminuendo, in Christi corpore transferunt. Nomine autem lactis doctrina legis significatur, quæ carnalem populum tamquam parvulos loco lactis alebat, cujus quidem candidiores effecti sunt doctores Ecclesiæ, quia fortem et solidum cibum verbi mandunt atque distribuunt. De quibus Apostolus dicit in Epistola ad Hebræos: *Perfectorum autem est solidus cibus* (Hebr. v). Et bene *candidiores lacte dentes* dicit; omnes enim qui perfecti sunt, et qui Scripturarum cibos explanantes, subtilem et minutum intellectum, qui spiritalis dicitur, corpori subministrat, candidi esse debent et puri, atque ab omni macula liberi. Sequitur:

(Vers. 15.) *Zabulon, in littore maris habitabit, et in statione navium, pertingens usque ad Sidonem.* Zabulon qui interpretatur Habitaculum pulchritudinis, Ecclesiam significat, fortissimam ad omnem tolerantiam passionis. Hæc in littore maris inhabitat, ut videat aliorum naufragia. Ipsa immunis periculi expectat alios fluctuantes in freto istius mundi, qui circumferuntur omni vento doctrinæ: ipsa fidei radice immobilis perseverat, expectans hæreticorum procellas et naufragia Judæorum, quoniam gubernatorem, quem habuerunt, abnegaverunt. Circa fluctus igitur habitat, non fluctibus commovetur: magisque ad subveniendum parata, quam periculo obnoxia, ut si qui tempestatibus acti gravibus confugere ad portum velint, præto sit Ecclesia tamquam portus salutis, quæ expansis brachiis in gremium tranquillitatis suæ vocet periclitantes, locum fidei stationis ostendens. Ecclesia igitur in hoc sæculo tamquam portus maritimi per littora diffusi, occurrit laborantibus, dicens esse credentibus refugium præparatum, quo ventis quassata navigia possint subducere. In iis Ecclesiis sunt principes Zabulon et principes Neptalim, sicut docet David in psalmo (Ps. LXVII): quorum alii liberatores sunt, ac tempestate nocturna clamantes, *Abjiciamus opera tenebrarum, et induamur armalucis*, alii sunt latitudines apostolicæ, qui possunt dicere: *Os nostrum patet ad vos, o Corinthii, cor nostrum dilatatum est* (II Cor. vi). Isti sunt ipsi, qui cum essent in tenebris, lucem viderunt magnam, sicut propheta testatur, dicens: *Terra Zabulon et terra Neptalim via maris trans Jordanem, populus qui sedebat in tenebris, vidit lucem magnam; habitantibus in regione umbræ mortis lux orta est eis* (Isai. ix). Exploratores igitur secus ascensus navium posuit Dominus Deus noster patriarchæ hujus hæredes, cujus cura pervigil et spiritalis successio pertendit usque ad Sidonem, hoc est, usque ad gentes pervenit, ut Domini misericordia peccata ablueret nationum. Sidon enim primitivus est filius Cham, illius utique, qui propter irreverentiam paternæ pietatis maledictione damnatus est. Patris ergo liberatio nocturna, tamquam in exubiis posita propugnaculum spirituale, ne quis scopolos vitæ hujus possit incidere, pertendit usque ad gravissimorum criminum peccatores et Sidonios ipsos, qui ante superstitione vehementi, venatores scelerum nuncupabantur, ut interpretatio docet: soluta hæreditate maledicti, donatam hæreditatem maledictioni absolvit, ut ubi major reatus erat, ibi nunc

A uberior sit gratia. *Isachar, asinus fortis, accubans inter terminos, vidit requiem quod esset bona, et terram quod optima, et supposuit humerum ad portandum, factusque est tribuitis serviens.* Quia supra Zabulon dixerat, quia maris magni esset littora possessurus, Sidonem quoque et reliquas Phœnicis urbes contingeret: nunc et ad Mediterraneam provinciam redit, et Isachar qui juxta Neptalim pulcherrimam Galilææ regionem possessurus esset, benedictione sua habitatorem facit. Asinum autem eum fortem vocat, et humerum ad portandum deditum: quia in labore terræ et vehedibus ad mare omnibus quæ in suis finibus nascebantur, plurimum laborarat, regibus quoque tributa comportans. Ajunt Hebræi quod per metaphoram cuncta hæc significaret, qui Scripturas sanctas die ac nocte meditans studium suum dederit ad laborandum, et ideo ei omnes tribus servierint, quasi magistro dona portantes. Inter terminos accubare, est prætolato mundi fine requiescere, nihilque de his quæ nunc in medio versantur quærere, sed ultima desiderare. Et fortis asinus requiem hominem et terram optimam videt, cum simplex gentili as ideo se ad robur boni operis erigit, quia ad æternæ vitæ patriam tendit. Qui et ad portandum humerum supponit, quia conspecta superna requie præceptis etiam gravibus in operatione se subiecit, et quidquid intolerabile pusillanimitas asserit, hoc ei leve ac facile spes remunerationis ostendit. Sequitur:

(Vers. 16 seqq.) *Dan judicabit populum suum, sicut et alia tribus in Israel. Fiat Dan coluber in via, cerastes in semita, mordens ungulas equi, ut cadat ascensor ejus retro. Salutare tuum expectabo, Domine.* Sampson judex Israel, de tribu Dan fuit. Hoc ergo dicit nunc videns in spiritu intrisse comam Sampson Nazaraum, tum cæcis hostibus triumphare, qui in similitudine colubri regulique obsidentis vias, nullum per terram Israel transire permittat: si quis temerarius virtute sua, quasi equi velocitate confusus, eam voluerit prædonis more populari, effugere non valebit: totum tamen per metaphoram serpentis et equi loquitur. Videns ergo tam fortem Nazaraum, tum quod et ipse propter meretricem mortuus est, et moriens nostros occidit inimicos, putavi, o Deus, ipsum esse Christum filium tuum verum: sed quia mortuus est, et non resurrexit, et rursum captivus deductus est Israel, alius mihi salvator mundi et mei generis prætolandus est: ut veniat cui repositum est, et ipse erit expectatio gentium. Quid hoc loco, equi nomine, nisi præsens sæculum designatur? Quo in testimonio, quid equus significet, cujus ungulas coluber mordet (Gen. XLIX), melius ostendamus, si et ea quæ circumstant paulo subtilius exponamus: nonnulli enim de tribu Dan venire Antichristum ferunt, pro eo quod hoc loco Dan et coluber asseritur et mordens. Unde non immerito dum Israeliticus populus terras in castrorum portione susceperet, prius Dan ad aquilonem castrametatus est, illum significans scilicet, qui in corde suo dixerat: *Sedebo in monte testamenti in lateribus aquilonis, ascendam super altitudinem nubium, similis ero altissimo* (Isai. XIV). Qui non solum coluber, sed etiam cerastes vocatur: cerata enim cornua dicuntur, serpentesque hic cornutus esse perhibetur, per quem digne antichristi adventus significatur, quia contra vitam fidelium cum morsu pestiferæ predicationis, armatus etiam venit cum cornu potestatis. Quis autem nesciat semitam angustiorē esse quam viam? Fit ergo Dan coluber in via, quia in præsentis vitæ latitudine eos ambulare provocat, quibus quasi parcendo blanditur: sed in via mordet, quia eos, quibus libertatem tribuit, erroris sui veneno consumit. Fit cerastes in semita, quia quos fideles reperi, et sedem ad præcepti cœlestis angustas itinera constringentes, non solum nequitia callidæ persuasionis impedit, sed etiam terrore potestatis premit, et in persecutionis angore post beneficia fictæ dulcedinis



exerret cornua potestatis. Quo in loco equus etiam hunc mundum significat, qui per elationem suam in cursum labentium temporum spumat. Et quia antichristus extrema mundi apprehendere nititur, ce-  
 rastes iste equi ungulam mordere perhibetur. Ungulam quippe equi mordere, est extrema sæculi feriendo contingere. *Ut cadat ascensor ejus retro.* Ascensor equi est, quisquis extollitur in dignitatibus mundi. Qui retro cadere dicitur, et non in faciem: sicut Saulus cecidisse memoratur. In facie enim cadere, est in hac vita sua unumquemque culpas agnoscere, easque poenitendo deslere. Retro vero cadere est ex hac vita quæ non videtur, repente decidere, et ad quæ supplicia ducatur, ignorare. Et quia Judæa erroris sui laqueis capta pro Christo antichristum exspectat, bene Jacob eodem loco repente in electorum vocem conversus est, dicens: *Salutare tuum exspe tabo, Domine*; id est, non sicut infideles antichristum, sed eum qui ad redemptionem nostram venturus est, verum credo fideliter Christum. Sequitur: *Gad accinctus præliabitur ante eum, et ipse accingetur retrorsum.* Totum autem illud est quod ante Ruben et dimidiam tribum Manasse, ad filios quos trans Jordanem in possessione dimiserat post xiv annos revertens, prælium adversus eos gentium vicinarum grande reperit, et victis hostibus fortiter dimicavit. Iste Gad accinctus, personam Domini exprimit, qui in prima adventus sui humilitate ante adventum antichristi præliandus occurrit, accinctus gladio verbi sui circa femur potentissime, quo inimicos divisit, id est, filium a patre, filiam a matre, nulum a socro, juxta quod legitur in Evangelio: *Non veni pacem mittere, sed gladium* (Matth. x, 34). Quod autem ait, *Et ipse accingetur retrorsum*, claritas Domini nostri in secundo regno ejus ostenditur, quia cum venerit antichristus item occurret retrorsum, id est, post ejus vestigia, Christus celeri adventu progrediens ut interficiat eum gladio oris sui. Unde et bene idem Gad latrunculus interpretatur, eo quod posterius, id est, secus pedes quasi latrunculus rapido atque improvise adventu exsiliat, contra apertam antichristi oppugnationem. Christus vero ante et retro præliare contra antichristum scribitur. Ante eum namque in occulto adventu humiliatis, post eum vero manifestus in gloria majestatis. *Aser, pinguis panis ejus, et præbebit delicias regibus.* Aser ejus nomen significat delicias sive divitias, idem Christus est, *cujus est altitudo divitiarum sapientiæ et scientiæ* (Rom. xi), qui *propter nos pauper factus est, cum esset dives* (II Cor. vii); *cujus panis pinguis factus est caro scilicet ejus quæ est esca sancta sanctorum, quam quisquis manducat, vivet in æternum.* Iste etiam præbet delicias sapientiæ regibus, id est, qui sensus proprios bene regunt, qui dominantur vitiorum suorum, qui castigant corpora sua, et animæ suæ in servitute subiciunt. Sequitur, *Neptalim, cervus emissus, et dans eloquia pulchritudinis.* Significat quod aquæ calidæ in ipsa nascenti tribu, sive quod super lacum Genesareth et fluentia Jordanis irrigua sit. Hebræi autem volunt propter Tiberiadem, quæ legis videtur habere notitiam, agrum irriguum et eloquia pulchritudinis prophetari: quod potest cervus emissus transferri propter temporaneas fruges velocitatem terræ uberius ostendens: sed melius si ad doctrinam Salvatoris referamus, Neptalim, qui interpretatur *latitudo*, apostolos et prædicatores significat, quorum doctrina in latitudine totius mundi diffusa est. Ex hac enim tribu fuerunt apostoli qui sunt principes et duces Ecclesiarum, et principes Zabulon et Neptalim, qui sine dubio ad personam referuntur Apostolorum, ipsi sunt filii excusorum, id est, prophetarum, qui in manu potentis Dei positi sunt et tamquam sagittæ excusæ pervenerunt usque ad fines terræ. Unde et bene hic Neptalim cervus emissus scribitur, quia nimirum apostoli sive prædicatores Evangelii veloci saltu exsistentes, more cervorum transcendunt implen-

menta sæculi hujus, sicque excelsa et sublimia meditantés dant eloquia pulchritudinis, id est, prædicant cunctis gentibus doctrinam Domini salvatoris. Sequitur:

(Vers. 22 seqq.) *Filius accrescens Joseph, filius accrescens et decorus aspectu, filia discurrebant super murum, sed exasperaverunt eum et jurgati sunt, invideruntque illi habentes jacula.* Sedit in forti arcus, et dissoluta sunt vincula brachiorum ejus, et manuum illius per manum potentis Dei Jacob, inde pastor egressus est lapis Israel. Juxta litteram autem iste est sensus capituli hujus. O Joseph, qui ideo sic vocaris quia adduxit te mihi Dominus, sive quia inter fratres tuos major futurus es. Fortissima siquidem tribus fuit Ephraim, ut in Regum et Paralipomenon libris legimus. O, inquam, fili mi Joseph, qui tam pulcher es, ut te tota de muris et turribus ac fenestris puellarum Ægypti turba prospectet, inviderunt tibi, et ad iracundiam provocaverunt fratres tui, habentes livoris sagittas, et zeli jaculis vulnerati: verum tu arcum tuum et arma pugnandi posuisti in Deo, qui fortis est propugnator, et vincula tua, quibus te fratres ligaverunt, ab ipso soluta sunt et dirupta, ut ex tuo semine tribus nascatur Ephraim, fortis et stabilis et instar lapidis durioris invicta, imperans quoque decem tribubus Israel. Hæc in prophetia post passionem Domini paternæ vocis imagine præul t; quo redeunte in cælum post victoriam Christum alloquitur, dicens: *Filius accrescens Joseph, filius accrescens*, utique in gentibus, quia ob incredulitatem Synagogæ populum reliquisset, innumeram sibi plebem Ecclesiæ ex omnibus gentibus ampliavit. Quod et David cecinit dicens: *Remiscentur et convertentur ad Dominum universi fines terræ* (Ps. xxi). *Filius accrescens et decorus aspectu*; omnes enim superat illius pulchritudo, juxta quod et psalmista de illo decorus testatur, dicens: *Speciosus forma præ filiis hominum.* *Filia discurrebant super murum* (Ps. xlii); id est, gentes, vel Ecclesiæ quæ crediderunt in Christo. Hæc super soliditatem fidei, quasi super murum amore pulchritudinis Christi accensæ discurrunt, ut virum sponsumque per contemplationem aspiciant, et osculo charitatis illi copulentur atque adhæreant. *Sed objurgati sunt eum*, subauditur Christum, quando falsis eum testimoniis calumniantes sanctum Domini opprimere synagogæ populi tentaverunt. *Invideruntque illi habentes jacula*; neque enim quisquam in Joseph conjecit sagittam, vel aliquod vulneris telum; sed hoc specialiter evenit in Christo. *Sedit in forti arcus ejus.* Christus enim arcum suum et arma pugnandi posuit in Deum, qui fortis est propugnator: ejus virtute everitur omnis nequitia perfidorum. *Et dissoluta sunt vincula brachiorum ejus*, quibus fratres, hoc est Judæi, eum vinetum Pontio Pilato tradiderunt, vel quibus eum suspensum ligno crucifixerunt; recisa enim sunt per manus omnipotentis Jacob, hoc est, per manus omnipotentis Dei Jacob, ex cujus ore ipse Christus bonus pastor egressus est lapis et firmitas credentium in Israel. *Deus patris tui erit adjutor tuus.* Quis adjovit filium, nisi solus pater, qui dixit: *Jacob puer meus, suscipiet eum anima mea? Et omnipotens benedicet tibi benedictionibus cæli desuper, benedictionibus abyssi jacentis deorsum*; universa enim subjecit ei, cælestia per benedictionem cæli, et terrena per benedictionem abyssi jacentis deorsum, ut omnibus angelis et hominibus dominetur: *benedictionibus uberum*, id est, duorum Testamentorum, quorum altero nuntiatus est, altero demonstratus; sive benedictionibus Mariæ uberum quæ vere benedicta est, quia eadem sancta Virgo Domino potum lactis immulsit. Unde et illa mulier in Evangelio ait: *Beatus venter qui te portavit, et ubera quæ suxisti* (Luc. xi). *Benedictionibus uberum et vulvæ.* Etiam hic benedictur vulva ejusdem matris, illa utique virginalis quæ nobis Christum Dominum edidit, de qua patet per Jeremiam, qui ejusdem personam gestavit, sub ipsius figura ad se dictum audivit: *Priusquam te formavi in*



utero, novi te, et antequam exires de utero, sanctificavi te (Jerem. 1). Benedictiones patris tui confortatae sunt benedictionibus tuorum. Benedictiones, inquit, patris tui coelestis, quæ datæ sunt tibi a summo cœli et abyssi, confortatae sunt, id est, prævaluere benedictionibus patrum tuorum; ultra enim omne sanctorum meritum prophetarum, sive patriarcharum convaluit benedictio omnipotentis patris in filium, ita ut et nullus sanctorum æquaretur. Donec veniat desiderium collum æternorum. Colles isti, sancti sunt, qui Christi adventum prophetantes, magno cum desiderio incarnationem ejus expectaverunt, de quibus Dominus dicit: Quia multi justi et prophetae cupierunt videre quæ videtis (Matt. xiii). Hi ergo sancti dicti sunt colles propter excellentiam sanctitatis. Qui etiam æterni vocantur, quia vitam consequuntur æternam, nec intereunt cum mundo, sed esse creduntur æterni. Fiant in capite Joseph: omnes scilicet istæ benedictiones super caput Christi ponuntur, quas incarnatus accepit: et super verticem Nazaræ, de quo scriptum est, Quoniam Nazaræ vocabitur (Matt. ii), hoc est, sanctus Dei. Inter fratres suos, quia ipse est caput omnium eminens universorum sanctorum, quos et fratres vocat in Psalmis. Sequitur: Benjamin, lupus rapax, mane comedet prædam, et vespere dividet spolia. Hoc capitulum ita Hebræi edisserunt, ut abare in quo immolabantur hostiæ et victimarum sanguis ad basin illius fundebatur, in parte tribus Benjamin fuerit. Hoc, inquit, significat quod sacerdotes mane immolarent hostias, et ad vespem dividerent ea quæ sibi a populo ex lege collata erant, lumen sanguinarium vel rapacem super altaris interpretatione ponentes, et spoliis interpretationem super sacerdotibus, qui servientes altari vivebant de altari. Benjamin, lupus rapax, mane comedet prædam, et vespere dividet spolia. Quibus dictis Paulus apostolus designatur, de Benjamin stirpe progenitus; qui mane rapuit prædam, id est, in primordiis fideles, quos potuit, devastavit. Vespere autem spolia divisit, quia fidelis postmodum factus, sacra eloquia audientibus, discretionem mirifica dispensavit. Legimus quendam ex doctoribus ad urbem Jerusalem ea quæ de Benjamin scripta sunt referentem. Benjamin, inquit, filius doloris interpretatur. Hic sorte hæreditatis eum locum accepit, in quo terrena est Jerusalem, quæ nunc propter incredulitatem abjecta est atque repulsa; hæc enim in filiis suis sub persona Benjamin designatur. Nam sicut Benjamin ultimam consecutus est benedictionem, ita et idem populus ultimus est salvandus, postea quam plenitudo gentium introierit; dicit enim: Benjamin, lupus rapax; lupus scilicet, quia ipse populus effudit sanguinem prophetarum; rapax autem propter aviditatem dicitur; ex multa enim fame verbi Dei et inedia veniet rapax, quia et ipse violenter diripiet regnum Dei. Hic autem mane comedet prædam. Mane, illud tempus creditur significari, quo legem accepit; tunc enim primo quadam illuminatio scientiæ data est. Comedet autem mane, quia legem, quam mane accepit, edit adhuc, meditatur et legit, sequens legis justitiam, in legem fidei non pervenit. Ad vespem autem dividet spolia. Vespere erit illud tempus novissimum quo convertetur. Tunc dividet spolia, id est, tunc intelliget dividendam esse litteram a spiritu: et tunc cognoscat, quia littera occidit, spiritus autem vivificat (II Cor. iii). Quia ergo, jam per gratiam Domini illuminatus, incipit legis spiritalia a corporibus dividere et separare, ideo dicitur: ad vespem dividet spolia, sive escam, eo quod tota die in lege meditans ante non fecit. Queritur autem de Jacob cur omnes quos de liberis et de ancillis genuit æquali honore filios et hæredes constituerit, nisi ut ostenderet, quod Christus Dominus omnibus gentibus, quæ per fidem corpori ejus conciliantur, cunctos pari honore et gloria habens, cœlestia præmia largiatur: nec est distinctio. Judæus an Græcus, Barbarus an Scythæ, servus an liber iste sit (Col. iii), quia per omnia et in omnibus

A Christus est. Propterea enim figuram servi Salvator noster et Dominus induit, et pro libero et pro servo servivit, ut omnibus credentibus in se æquale donum bonorum cœlestium largiatur: nec præfertur apud illum quis secundum carnem nobilior sit; quicumque enim fidem Domini promerentur, nullis maculis carnalis nativitatibus obfuscantur: nam et hoc ita futurum etiam per prophetam promittitur, dicente Domino: Erit in novissimis diebus, effundam de spiritu meo super omnem carnem (Joel. ii, 28) Sequitur:

(Cap. L. — Vers. 1 seqq.) Finitisque mandatis, quibus filios instruebat, collegit pedes suos super lectulum, et obiit appositusque est ad populum suum. Quod cernens Joseph, ruit super faciem patris flens et deosculans eum. Videndum quo modo dicant Scripturæ quod assidue dicunt de mortuis. Et appositus est ad patres suos; vel, Appositus est ad populum suum: sicut de Jacob dicitur, jam quidem mortuo, sed nondum sepulto; sed ad quem populum apponatur, non in promptu est videre. Ex illo enim populus prior natus est, qui dictus est populus Israel. Qui vero eam præcessere, tam pauci justi nominantur, ut eos populum appellare cunctemur. Nam si dictum esset, Appositus est ad patres suos, nulla quæstio fieret. An forte populus est, non solum hominum sanctorum, verum etiam angelorum, populus civitatis illius, unde dicitur ad Hebræos: Accessistis ad montem Sion, et civitatem Hierusalem, et millia angelorum exsultantium. Huic populo apponuntur, qui hanc vitam placentes Deo finiunt; tunc enim dicuntur apponi, quando nulla jam remanet sollicitudo tentationum et periculum peccatorum. Sequitur: Præcepitque servis suis medicis, ut aromatis condirent patrem; quibus jam explentibus transierunt quadraginta dies: iste quippe mos erat cadaverum conditorum. Flevitque eum Aegyptus septuaginta dies. Quadraginta dies sepulture quos commemorat Scriptura forte significant aliquid poenitentiae, qua peccata sepeliuntur, non enim frustra quadraginta dies jejuniorum sunt constituti, quibus C Moyses et Elias et ipse Dominus jejunavit, et Ecclesia præcipuam observationem jejuniorum, quadragesimam vocat; et Jonas propheta Ninivitis prædicavit, Adhuc quadraginta dies, et Ninive subvertetur, ut per tot dies accommodatos, humiliatio poenitentium et accepta remissio peccatorum intelligatur. Sequitur: Expleto plangit tempore, locutus est Joseph ad familiam Pharaonis: Si inveni gratiam in conspectu vestro, loquimini in auribus Pharaonis, eo quod pater meus adjuravit me, dicens, En morior: in sepulcro meo, quod fodi mihi in terra Chanaan, sepelies me. Ascendam igitur et sepeliam patrem meum, ac revertar. Dixitque ei Pharaon: Ascende, et sepeli patrem tuum. Quo ascendente, ierunt cum eo omnes senes. Quod ait Joseph ad potentes Aegypti, ut dicerent Pharaoni ex nomine ejus: Pater meus adjuravit me dicens, In monumento meo, quod ego fodi mihi in terra Chanaan, ibi me sepelies, queri potest quo modo sit verum, cum hæc verba patris ejus, quando de sua sepultura mandavit, non legantur. Sed ad sententiam verba referre debemus, sicut in aliis supra similiter iteratis verbis vel narrationibus admonuimus. Fodisse autem sibi Jacob sepulcrum, nusquam superius in hac Scriptura legitur; sed nisi fieret cum in eisdem terris esset, modo non diceretur. Sequitur: Veneruntque ad arcam Achar, quæ sita est trans Jordanem. Quid sibi vult quod cum pergerent ad sepeliendum Jacob, Scriptura dicit, Et venerunt ad arcam quæ est trans Jordanem. Prætergressi sunt enim locum in quo erat mortuus sepeliendus, millia, sicut perhibent qui novere, plus quam quingenta; tantum quippe spatium est plus minus ab eo loco ubi sepulti sunt patriarchæ, usque ad hunc locum quo eos advenisse narratur. Nam post factum ibi luctum et planctum magnum, redierunt ad locum quem præterierant, rursus Jordanem transiecto. Nisi forte quis dicat aliquorum hostium vitandorum causa per eremum eos venisse, cum corpore, qua etiam via populus Israel ductus est, per



Moysem ab Ægypto liberatus. Illo quippe itinere, et plurimum circuitur, et per Jordanem venit ad Abramum, ubi sunt corpora patriarcharum, id est, ad terram Chanaan. Sed quo modo factum sit ut trans illa loca versus ad orientem tantum iretur, et inde ad ea per Jordanem veniretur, significationis causa factum esse credendum est, quod per Jordanem venturus erat ad eas terras postea Israel in filiis suis. Sequitur: *Ubi celebrantes exsequias, planctu magno atque vehementi, impleverunt septem dies. Quod cum vidissent habitatores terræ [illius, id est] Chanaan, dixerunt, Planctus magnus est iste Ægyptiis. Et idcirco appellaverunt nomen loci illius, Planctus Ægypti. Fecerunt ergo filii Jacob sicut præceperat eis: et portantes eum in terram Chanaan, sepelierunt in spelunca duplici.* Nescio utrum inveniatur alicui sanctorum in Scripturis celebratum luctum esse per novem dies, quod apud Latinos novendium appellatur. Unde evidenter apparet ab hac consuetudine prohibitos Christianos istum in mortuis numerum servare, qui magis est in gentiliū consuetudine. Septimus vero dies auctoritatem in Scripturis habet. Unde alio in loco scriptum est: *Luctus mortui, septem dies: favi autem, omnes dies vitæ ejus.* Septenarius autem numerus, propter sabbati sacramentum, præcipue quietis indicium est. Unde merito mortuis tamquam requiescentibus exhibetur. Quem tamen numerum in luctu Jacob decuplaverunt Ægyptii, qui eum septuaginta diebus luxerunt. Sequitur: *Vixitque Joseph centum et decem annos, et vidit Ephraim filios usque ad tertiam generationem. Filii quoque Machir, filii Manasse, nati sunt in genibus Joseph. Mortuusque est expletis centum et decem vitæ suæ annis, et conditus aromatibus sepul-*

*tusque est in Ægypto.* Cum hos filios filiorum vel nepotes filiorum dicat Scriptura Joseph vivendo vidisse, quo modo eos jungat illis septuaginta hominibus, cum quibus Jacob Ægyptum dicitur intrasse, quandoquidem Joseph senescendo pervenit, ut eos natos videret? Jacob autem quando ingressus est Ægyptum, juvenis erat Joseph; et eum pater moriens quinquagesimum et sextum fere ætatis annum agentem reliquit. Unde constat certi mysterii causa illum numerum, id est, septuagenarium, Scripturam commendare voluisse. Si autem quisquam exigit, quo modo etiam secundum historicam fidem verum sit, Jacob eum septuaginta animabus in Ægyptum intrasse: non illo uno die quo venit, ejus ingressum oportet intelligi; sed quia in filiis suis plerumque appellatur Jacob, hoc est, in posteris suis, et per Joseph eum constat in Ægyptum intrasse, introitus ejus accipiendus est, quamdiu vixit Joseph, per quem factum est ut intraret. Toto quippe illo tempore nasci et vivere potuerunt omnes qui commemorantur, ut septuaginta, vel juxta Septuaginta interpretes, septuaginta quinque animæ compleantur, usque ad nepotes Benjamin; sicut enim dicit: *Hi filii Liæ, quos peperit Jacob in Mesopotamia Syriæ,* loquens etiam de iis qui nondum erant nati, quia illic parentes eorum de quibus nati sunt, pepererant, ibi eos perhibet notos, quoniam causa qua nascerentur ibi nata est, id est, parentes eorum, quos ibi Lia peperit: ita quoniam causam intrandi in Ægyptum Jacob in Joseph habuit, totum tempus quo in Ægypto vixit Joseph, ingressio erat Jacob in Ægyptum per suam progeniem, quæ illo vivo propagabatur, per quem factum est ut ingrederetur.

## COMMENTARII IN LIBROS REGUM.

### LIBER PRIMUS.

Regum tempora post iudices, quando David, Saule reprobo, cœpit regnare, incipiunt; unde et liber, ubi res gestæ continentur, quem nunc aggredimur, Malachim, id est, Regum vocitatur, quod tertio et quarto volumine continetur; meliusque est multo, Malachim, id est, Regum quam Ma'achot, id est, Regnorum, dicere: non enim multarum gentium regna describit, sed unius Israelitici populi, qui tribus duodecim continetur, plus tamen in terrena Hierusalem, tribus Juda, una ex duodecim diuturna successione regnavit: in qua civitate, reprobo Saule, prior David regnavit. In quibus temporibus multa varia sacramenta Christi et Ecclesiæ figurantur: nam in ipso exordio Regum, commutatum sacerdotium in Samuele, reprobo Heli, et commutatum regnum in David, reprobo Saule, exclamat, prænuntiari novum sacerdotium novumque regnum, reprobo vetere, quod umbra erat futuri in Domino Jesu Christo venturi. Nonne ipse David, cum panes propositionis manducavit, quos non licebat manducare nisi solis sacerdotibus, in una eademque persona utrumque futurum, id est, in uno Jesu Christo regnum et sacerdotium figuravit? Et aspice regum tempora, quia primo iudicium, postea regum, sic erit iudicium, postea regnum. Hujus autem libri tale principium est:

I. De Helcana. Cap. 1. — *Fuit vir unus de Ramatha Sophim, de monte Ephraim, et nomen ejus Helchana filius Hieroboam, filii Heli, filii Thau, filii Suph, Ephrathæus.* Helcana non de Amram ortus, sed de Isaac, qui et ipse filius fuit Caath, et Caath filius Levi. Illic Isaac pater fuit Chore, quo pereunte, filii ejus remanserunt. De cujus stirpe fuit Samuel, quorum posteritas postea temporibus David et Salomon, cantatores et prophete in populo et templo Dei fuerunt. Hujus Caath familiæ acceperunt urbes et suburbana

ad inhabitandum, ut liber Jesu Nave testatur, in monte Ephraim, ubi fuerunt civitates Sichem, et Gazer, et Cethsain, et Bethoron; fuit enim Helchana filius Hieroboam, filii Heli, filii Tan, filii Suph, filii Helchana, filii Johel, filii Azariæ, filii Sophoniæ, filii Thaat, filii Asir, filii Abisaph, filii Chore, filii Isaac, filii Caath, filii Levi, filii Israel, ut Verba dierum narrant. *Et habuit duas uxores, nomen uni Anna, et nomen secundæ Phenenna. Fueruntque Phenennæ filii, Annæ autem non erant liberi,* etc. Iste ergo laudabilis vir habuit duas uxores, nomen uni Anna, et nomen secundæ Phenenna. Habebat autem filios de secunda Phenenna, sterilis vero erat prior illa, quæ et nobilior erat. Similia invenies etiam in Genesi: cognata quippe sibi est Scriptura divina. Invenies ibi (Cap. xvi) primam uxorem Abraham Saram nobiliorem; secundam vero Ægyptiam Agar, ignobilem fuisse; et ante patrem effectum Abraham de ignobili quam de nobili. Fuit tamen postmodum etiam de nobili conjugis pater. Ita ergo etiam nunc Helchana hic qui est possessio Dei, prius de secunda uxore efficitur pater: quoniam quidem concluderat Deus vulvam Annæ, sicut et prius concluderat vulvam Saræ. Post plurimos vero partus Phenennæ, etiam Annæ vulva orationibus et precibus aperitur, et efficitur etiam ipsa mater filii ejus, quem obtulit Deo. Quid ergo hæc in se sacramenti contineant videamus. Phenenna interpretatur conversio, Anna autem interpretatur gratia. Unusquisque ergo nostrum, qui vult effici possessio Dei, istas sibi duas jungat uxores, et cum ipsis sibi nuptias celebret. Primam sibi jungat, quæ nobilior est et generosior, gratiam: hæc enim nobis per fidem prima conjungitur, sicut et Apostolus dicit, *Gratia salvi facti estis per fidem* (Eph. ii). Secundæ vero conjungimur Phenennæ, id est, conversioni, quia post gratiam



credulit ut, emendatio sit morum et vitæ conversio. Sed cum iste sit ordo nuptiarum, alius ordo procreationis efficitur. Prima nobis filios parit Phenenna, quia primos fructus de conversione proferimus, et prima justitiæ germina de actibus et operibus procreamus: primum namque justitiæ opus est, converti a peccatis, quia nisi ante convertamur et declinemus a malo, non poterimus de Anna effici patres, nec de gratia liberos generare. Videamus ergo nunc uniuscujusque differentias. Phenenna filios habet, sed qui non assistant Deo, neque enim tales filii possunt esse conversionis, ut assistant et adhaereant Deo; nec tamen inanes et penitus alieni sunt a rebus Dei: accipiunt namque partes de sacrificiis divinis, et edunt de hostiis Dei. Unusquisque ergo nostrum primo convertitur a peccato, et ex conversione generat opera justitiæ; postea vero excitata in nobis Anna, per zelum et æmulationem boni precem undat ad Deum, ut ipsa filios generet. Quales ergo Anna, quæ est gratia, filios generat, qui assideant Deo? *Gratia enim et veritas per Jesum Christum facta est.* Ille ergo filius gratiæ, qui verbo Dei et Deo vacat.

II. *De cantico Annæ.* Cap. II. — *Post hæc oravit Anna, et ait: Confirmatum est cor meum in Domino, et exaltatum est cornu meum in Deo salutari meo. Dilatatum est os meum super inimicos meos, lætata sum in salutari tuo, etc.* Hanc vero verba hæc unius putantur esse mulierculæ, de nato sibi filio gratulantis? Tantum mens hominum a luce veritatis aversa est, ut non sentiat supergredi modum femine hujus dicta quæ fudit? Porro qui rebus ipsis, quæ jam cœperant etiam in hac terrena peregrinatione compleri, convenienter movetur, nonne intendit et aspicit et cognoscit per hanc mulierem, ejus etiam nomen, id est, Anna, gratia ejus interpretatur, ipsam religionem Christianam, ipsam civitatem Dei cujus rex est et conditor Christus, ipsam postremo Dei gratiam prophetico spiritu sic locutam; a qua superbi alienantur ut cadant, quæ humiles implentur ut surgant, quod maxime hymnus iste personuit: nisi forte quisquam dicturus est, nihil istam prophetasse mulierem, sed Deum tantummodo propter filium, quem precata impetravit, exultanti laudatione laudasse. Quid ergo sibi vult quod ait: *Arcus sortium superatus est, et infirmi accincti sunt virtute, pleni panibus minorati sunt, et esurientes transierunt terram, quia sterilis peperit septem, et multa in filiis infirmata est?* Numquid septem ipsa pepererat? Quamvis sterilis fuerit, unicum habebat quando ista dicebat; sed nec postea septem peperit, sive sex, quibus septimus esset ipse Samuel, sed tres mares et duas feminas. Deinde illo populo cum adhuc nemo regnaret, quod in extremo posuit, *Dat virtutem regibus nostris, et exaltavit cornu Christi sui;* unde dicebat, si non prophetabat? Dicit ergo Ecclesia Christi civitas regis magni gratia plena, prole fecunda dicat, quod tanto ante de se prophetatum per os hujus piæ matris agnoscit. *Confirmatum est cor meum in Domino, et exaltatum est cornu meum in Deo meo.* Vere confirmatum est cor, et cornu exaltatum, quia non in se, sed in Domino Deo suo. *Dilatatum est super inimicos meos os meum.* Quia et in angustiis pressurarum sermo Dei non est alligatus, nec in præconibus alligatus. *Lætata sum, inquit, in salutari tuo.* Christus est iste Jesus, quem Simeon, sicut in Evangelio legitur, senex amplexans parvulum, agnoscebat magnum: *Nunc dimittis, inquit, Domine, servum tuum in pace, quoniam viderunt oculi mei salutare tuum (Luc. II).* Dicit itaque Ecclesia: *Lætata sum in salutari tuo. Quoniam non est sanctus ut est Dominus, et non est justus sicut Deus noster.* Tamquam sanctus et sanctificans, justus et justificans. Non est sanctus præter te, quia nemo fit nisi abs te. Denique sequitur: *Nolite gloriari superbi, et nolite loqui excelsa.* Neque exeat magniloquium de ore vestro, quoniam Deus scientiarum Dominus. Ipse vos scit, et ubi nemo scit; quoniam qui putat se aliquid esse, cum nihil sit; seipsum seducit (Gal. VI). Hæc dicuntur adversarii

A civitatis Dei, ad Babyloniam pertinentibus de sua virtute præsumentibus in se, non in Domino gloriantibus, ex quibus sunt etiam carnales Israelitæ, terrene Hierusalem cives terrigenæ, qui, ut dicit Apostolus, *Ignorantes Dei justitiam, id est, quam dat Deus homini, qui solus est justus atque justificans; et suam volentes constituere, id est, velut a se sibi paratam, non ab illo impartitam, justitiæ Dei non sunt subjecti (Rom. X):* utique quia superbi, de suo putantes, non de Dei, placere se Deo: qui est Deus scientiarum, atque ideo et arbitrator conscientiarum, ibi videns cogitationes hominum, quoniam vanæ sunt, si hominum sunt, et ab illo non sunt. *Et præparans, inquit, ad inventiones suas.* Quas ad inventiones putamus, nisi ut superbi cadant, et humiles surgant? Illas quippe ad inventiones exsequitur, dicens: *Arcus potentium infirmatus est, et infirmi præcincti sunt virtute.* Infirmatus est arcus, id est, intentio eorum qui tam potentes sibi videntur, ut sine Dei dono atque adjutorio, humana sufficientia divina possint implere mandata; et præcinguntur virtute, quorum in terra vox est: *Miserere mei, Domine, quoniam infirmus sum.* *Pleni panibus, inquit, minorati sunt esurientes transierunt terram.* Qui sunt intelligendi pleni panibus, nisi iidem ipsi quasi potentes, id est, Israelitæ, quibus credita sunt eloquia Dei? Sed in eo populo ancillæ filii minorati sunt, quod verbo minus, bene tamen expressum est, quod ex majore minores facti sunt, quia et in ipsis panibus, id est, divinis verbis, quæ Israelitæ soli tunc ex omnibus gentibus acceperunt, terrena sapiunt. Gentes autem quibus lex illa non erat data, posteaquam per novum Testamentum ad illa eloquia venerunt, multum esuriendo terram transierunt, quia in eis non terrena, sed cœlestia sapuerunt. Et hoc velut quæreretur causa cur factum sit. *Quia sterilis peperit septem, et multa in filiis infirmata est.* Ille totum quod prophetabatur eloxit agnoscentibus numerum septenarium, quo est universæ Ecclesiæ significata perfectio. Propter quod et Joannes Apostolus ad septem scribit Ecclesiis; eo modo se ostendens ad unius plenitudinem scribere; et in Proverbiiis Salomonis hoc antea præfigurans, *Sapientia ædificavit sibi domum, et suffulsit columnas septem;* sterilis enim erat in omnibus gentibus Dei civitas, antequam iste fetus, quem cernimus, oriretur. Cernimus etiam quæ multa in filiis erat nunc infirmatam terrenam Hierusalem, quoniam quicumque filii liberæ in ea erant, virtus ejus erat: nunc vero quoniam ibi littera est, et spiritus non est amissa virtute infirmata est. *Dominus mortificat et vivificat, deducit ad inferos et reducit.* Mortificavit illam quæ multa erat in filiis, et vivificavit hanc sterilem, quæ peperit septem; quamvis commodius possit intelligi eosdem vivificare quos mortificaverit: id enim velut repetivit, addendo, *Deducit ad inferos, et reducit;* quibus enim dicit apostolus: *Si mortui estis cum Christo, quæ sursum sunt quærite, ubi Christus est in dextera Dei sedens (Col. III);* salubriter utique mortificantur a Domino: quibus D adjungit, *Quæ sursum sunt sapite, non quæ super terram;* ut ipsi sint illi, qui esurientes transierunt terram: *mortui enim estis, inquit.* Ecce quo modo salubriter mortificat Deus. Deinde sequitur: *Et vita vestra abscondita est cum Christo in Deo.* Ecce quo modo eosdem ipsos vivificat Deus. Sed numquid eosdem deduxit ad inferos, et reduxit? Hoc utrumque sine controversia fidelium, in illo potius videmus impletum capite scilicet nostro, cum quo vitam nostram Apostolus dixit absconditam in Deo (Col. III); nam qui proprio Filio non pepercit, sed pro nobis omnibus tradidit eum (Rom. VIII), isto modo utique mortificavit eum; et quia resuscitavit a mortuis, eundem rursus vivificavit; et quia in prophetia vox ejus agnoscitur, *Non derelinques animam meam in inferno, eundem deduxit ad inferos, et reduxit.* Hæc ejus paupertate ditati sumus. *Dominus enim pauperes facit et dilatat (I Reg. II).* Nam quid hoc sit ut sciamus, quod sequi-



tur audiamus: *Humiliat et exaltat*. Utique superbos humiliat, et humiles exaltat: quod enim alibi legitur: *Deus superbis resistit, humilibus autem dat gratiam*, hoc totum habet sermo hujus, cujus nomen interpretatur, gratia ejus. Jam vero quod adjungitur, *Suscitat a terra pauperem*, de nullo melius quam de illo intelligo, qui propter nos pauper factus est, cum dives esset: ut ejus paupertate, sicut paulo ante dictum est, *detaremur* (II Cor. vii): ipsum enim de terra suscitavit, tam cito ut caro ejus non videret corruptionem. Nec illud ab illo alienabo quod additum est, *Et de stercore erigit inopem*. Inops quippe, idem qui pauper, stercus vero, unde erectus est, rectissime intelliguntur Judæi persecutores; in quorum numero cum se dixisset Apostolus Ecclesiam persecutum: *Quæ mihi fuerunt, inquit, lucra, hæc propter Christum damna esse duxi: nec solum detrimenta, verum etiam stercora existimavi esse, ut Christum lucrifacerem*. De terra ergo suscitatus est ille, supra omnes divites pauper; et de illo stercore erectus supra omnes opulentos, ille inops. *Et sedeat cum principibus populi*. Quibus ait, *Sedebitis super duodecim sedes, sed sedem gloriæ dans eis hereditatem*. Dixerant potentes illi, *Ecce nos dimisimus omnia, et secuti sumus te*. Hoc votum potentissimi voverunt. Sed unde hoc eis nisi ab illo de quo continuo dictum est, *Dans votum voverenti*. Alioquin ex illis exi potentibus, quorum arcus infirmatus est. *Dans, inquit, votum voverenti*. Non enim quisquam Domino quid rectum voveret, nisi quia ab illo acciperet quod voveret. Sequitur: *Et benedixit dans annos justis*. Ut cum illo scilicet sine fine vivat, cui dictum est, *Et anni tui non deficient*: ibi enim stant anni, hic autem transeunt, immo pereunt; ante enim quam veniant, non sunt; cum enim venerint, non erunt, quia cum suo fine veniunt. Horum autem duorum, id est, *Dans votum voverenti, et benedixit annos justis*, unum est quod facimus, alterum: quod sumimus. Sed hoc alterum Deo largitore non sumitur, nisi cum ipso adjutore primum illud efficitur. *Quia non in virtute potens est vir* (Jerem. ix). Dominus enim infirmum facit adversarium suum, illum scilicet qui homini voverenti invidet, et resistit, ne valeat implere quod vovit. Potest ex ambiguo Græco intelligi, et adversarium suum: cum enim Dominus possidere nōs cœperit, profecto adversarius qui noster fuerat, ipsius fit, et vincetur a nobis, sed non in viribus nostris, quia non in virtute sua potens est vir. Dominus ergo infirmum facit adversarium suum, Dominus sanctus; ut vincatur a sanctis quos Dominus Sanctus sanctorum efficit sanctos. Ac per hoc non gloriatur prudens in prudentia sua, et non gloriatur potens in potentia sua, et non gloriatur dives in divitiis suis, sed in hoc gloriatur qui gloriatur, intelligere et scire Deum, et facere judicium et justitiam in medio terræ. Non parva ex parte intelligit et scit Dominum, qui intelligit et scit etiam hoc a Domino sibi dari, ut intelligat et sciat Dominum: *Quid enim habes, ait Apostolus: quod non accepisti? Si autem accepisti, quid gloriaris, quasi non accepisti* (I Cor. iv)? id est, quasi a te ipso tibi sit unde gloriaris. Facit autem judicium et justitiam, qui recte vivit: recte autem vivit, qui obtemperat præcipienti Deo: et finis præcepti, id est, ad quod refertur præceptum, charitas est corde puro, et conscientia bona, et fide non ficta. Porro ista charitas, sicut Joannes apostolus testatur, ex Deo est (I Joan. iv). *Facere igitur judicium et justitiam ex Deo est*. Sed quid est in medio terræ? Neque enim non debent facere judicium et justitiam qui habitant in extremis terræ? Quis hoc dixerit? Cur ergo additum est, *In medio terræ*? Quod si non adderetur, et tantummodo diceretur, *Facere judicium et justitiam*, magis hoc præceptum ad homines utrosque pertineret, et mediterraneos et maritimos. Sed, ne quisquam putaret, post finem vitæ, quæ in hoc agitur corpore, superesse tempus judicium justitiamque faciendi, quam, dum esset in carne, non fecit, et sic divinum evadi posse judicium, in medio terræ mihi videtur di-

ctum, cum quisque vivit in corpore: in hac quippe vita, suam terram quisque circumfert, quam moriente homine recipit terra, consurgenti utique redditura: proinde in medio terræ, id est, cum anima nostra isto terreno clauditur corpore, faciendum est judicium atque justitiam, quod nobis prosit in posterum, quando recipit quisque secundum ea quæ per corpus gessit, sive bonum, sive malum. Per corpus quippe ibi dixit Apostolus, per tempus quo vixit in corpore: neque enim si quis maligna mente atque impia cogitatione blasphemet, neque id ullis membris corporis operetur, ideo non erit reus, quia id motu corporis non gessit, cum hoc per illud tempus gesserit, quo gessit et corpus. Isto modo congruenter intelligi potest etiam illud quod in psalmo legitur: *Deus autem rex noster ante sæcula operatus est salutem in medio terræ* (Ps. lxxiii): ut Dominus Jesus accipiat Deus noster, qui est ante sæcula, quia per ipsum facta sunt sæcula; operatus est salutem in medio terræ, cum Verbum caro factum est, et terreno habitavit in corpore. Deinde posteaquam prophetatum est in his verbis Annæ, quo modo gloriari debeat, qui gloriatur, non in se utique, sed in Domino, propter retributionem quæ in die judicii futura est: *Dominus ascendit, inquit, in cælos, et intonuit; ipse judicabit extrema terræ, quia justus est*. Prorsus ordinem tenuit confessionis fidelium: ascendit enim in cælum Dominus Christus, et inde venturus est ad vivos et mortuos judicandos. Nam quis ascendit, sicut dicit Apostolus, nisi qui descendit in inferiores partes terræ? Qui descendit, ipse est et qui ascendit super omnes cælos, ut adimpleret omnia (Eph. iv). Per nubes ergo suis tonuit, quia Spiritu sancto cum ascendisset implevit. De quibus hoc illi Hierusalem, hoc est, ingrata vineæ comminatus est apud Isaiam prophetam, ne pluant super eam imbrem. Sic autem dictum est. *Ipse judicabit extrema terræ* (Isa. vi), ac si diceretur, etiam extrema hominis; non enim alias partes non judicabit qui omnes homines proculdubio judicabit. Sed melius intelliguntur extrema terræ, extrema hominis: quoniam non judicabuntur, quæ in melius vel in deterius medio terræ commutantur, sed in quibus extremis inventus fuerit qui judicabitur. Propter quod dictum est. *Qui perseveraverit usque in finem, hic salvus erit* (Matth. x): Qui ergo perseveranter facit judicium et justitiam in medio terræ, non damnabitur, cum judicabuntur extrema terræ. *Et dat, inquit, virtutem regibus nostris*, ut non eos judicando condemnet. Dat eis virtutem, qua carnem sicut reges regant, et in illo mundum, qui propter eos fudit sanguinem, vincant. *Et exaltavit cornu Christi sui*. Quomodo Christus exaltavit cornu Christi sui? de quo enim supra dictum est, *Dominus ascendit in cælos*, et intellectus est Dominus Christus, ipse, sicut hic dicitur, *Exaltabit cornu Christi sui*. Quis ergo est Christus Christi? An cornu exaltavit uniuscujusque fidelis sui, sicut ista ipsa in principio hujus hymni ait: *Exaltatum est cornu meum in Deo meo*? Omnes quippe unctos ejus chrismate, recte Christos possumus dicere: quod tamen totum cum suo corpus: unus est Christus. Hæc Anna prophetavit, Samuelis mater, sancti viri, multumque laudati. In quo quidem tunc figurata est mutatio veteris sacerdotii; et nunc impleta, quando infirmata est quæ multa erat in filiis, ut novum haberet sacerdotium in Christo, sterilis quippe peperit septem. Hoc canticum juxta Septuaginta interpretum translationem inserere compulsi sumus, ut a beato Augustino positum est: pro eo quod in ipsa translatione ampliorem et veriore continet historiam. *Interea Samuel erat ministrans in templo Dei, accinctus ephod*. Porro filii Heli divina sacrificia temerantes peccabant coram Domino, et deridebant per eos multi sacrificia Domini. Unde Heli sacerdos pro eorum iniquitate damnatus est, quod eos peccantes minus severa animadversione plecebat. Equidem coercuit, equidem corripuit, sed lenitate et mansuetudine patris, non severitate et auctoritate



pontificis. Qua sententia discant sacerdotes quomodo filiorum etiam propter scelera puniantur quique, et quamvis sancti sint, culpa tamen subditorum eisdem, si non coerceant, imputatur.

III. De prophetia ad Heli et filios suos. Cap. II — Post hæc evidentius ad ipsum Heli sacerdotem missus loquitur homo Dei, cujus quidem nomen tacetur, sed intelligitur officio ministerioque suo sine dubitatione esse propheta: sic enim scriptum est: *Venit autem vir Dei ad Heli, et ait ad eum: Hæc dicit Dominus, Numquid non aperte revelatus sum domui patris tui, cum esset in Ægypto in domo Pharaonis, et elegi eum ex omnibus filiis Israel mihi in sacerdotem, ut ascenderet ad altare meum, et adoleret mihi incensum, et portaret ephod coram me, et dedi domui patris tui omnia de sacrificiis filiorum Israel? Quare calce abjecisti victimam meam, et munera quæ præcepi ut offerrentur in templo, et magis honorasti filios tuos quam me, ut comederetis primitias omnis sacrificii Israel populi mei? Propterea ait Dominus Deus Israel: Loquens locutus sum, ut domus tua et domus patris tui ministraret in conspectu meo usque in sempiternum. Nunc autem dicit Dominus: Absit hoc a me; sed quicumque glorificaverit me, glorificabo eum; qui autem contemnunt me, erunt ignobiles. Ecce dies veniunt et præcidam brachium tuum et brachium domus patris tui, ut non sit senex in domo tua, et videbis Christum æmulum tuum in templo, in universis prosperis Israel, et non erit senex in domo tua omnibus diebus. Verumtamen non auferam penitus virum ex te ab altari meo, sed ut deficient oculi tui, et tabescat anima tua; et pars magna domus tuæ morietur, cum ad virilem ætatem venerit. Hoc autem erit tibi signum quod venturum est duobus filiis tuis Ophni et Phinees. In die uno morientur ambo, et suscitabo mihi sacerdotem fidelem, qui juxta cor meum et animam meam faciat. Non est ut dicatur ista prophetia, ubi sacerdotii veteris tanta manifestatione prænuntiata mutatio est, in Samuele fuisse completa; quamquam enim esset de tali tribu Samuel quæ constituta fuerat a Domino ut serviret altari, tamen non erat de filiis Aaron, cujus progenies fuerat deputata unde fierent sacerdotes; ac per hoc in ea quoque re gesta eadem mutatio quæ per Christum Jesum futura erat, adumbrata est, et ad vetus Testamentum proprie pertinebat, figurate vero ad novum, prophetia facti etiam ipsa non verbi, id scilicet facto significans quod verbo ad Heli sacerdotem dictum est per prophetam: nam fuerunt postea sacerdotes regnante David ex genere Aaron, sicut Sadoch et Abiathar, et alii deinceps antequam tempus veniret quo ista quæ de sacerdotio mutando tanto ante prædicta sunt, effici per Christum oportebat. Quis autem nunc fidei oculo hæc intuens non videat esse completa, quandoquidem nullum tabernaculum, nullum templum, nullum altare, nullum sacrificium, et ideo nec ullus sacerdos remansit Judæis, quibus ut de semine Aaron ordinaretur, in Dei fuerat lege mandatum, quod et hic commemoratum est, illo dicente propheta: *Hæc dicit Dominus Deus Israel, Loquens locutus sum, ut domus tua et domus patris tui ministraret in conspectu meo usque in æternum. Nunc autem dicit Dominus: Absit hoc a me; sed quicumque glorificaverit me, glorificabo eum; qui autem contemnunt me, erunt ignobiles; quod enim nominat domum patris ejus, non eum de proximo patre dicere; sed illo Aaron, qui primus sacerdos est institutus, de cujus progenie ceteri sequerentur, superiora demonstrant, ubi ait: Revelatus sum domui patris tui, cum esset in Ægypto in domo Pharaonis, et elegi eum ex omnibus tribubus Israel mihi in sacerdotem. Quis patrum fuit hujus in illa Ægyptia servitute? Unde cum liberati esset, quis electus est ad sacerdotium, nisi Aaron? De hujus ergo stirpe isto loco dixit futurum fuisse ut non essent ulterius sacerdotes, quod jam videmus impletum. Vigilet fides, præsto sunt tres, renuntur, tenentur, et videre nolentium oculis ingeruntur. Ecce, inquit, dies veniunt, et præcidam bra-**

*chium tuum et brachium domus tuæ, ut non sit senex in domo tua, et videbis Christum æmulum tuum in templo, in universis prosperis Israel. Ecce dies qui prænuntiati sunt jam venerunt; nullus sacerdos secundum ordinem Aaron; et quicumque ex ejus genere est homo, cum videt sacrificium Christianorum toto orbe pollere, sibi autem honorem illum magnum esse subtractum, deficient oculi ejus, et defluit anima ejus tæbe mæroris. Proprie autem ad hujus domum Heli, cui hæc dicebantur, quod sequitur pertinet: Et pars magna domus tuæ morietur, cum ad virilem ætatem venerit. Hoc autem erit tibi signum, quod venturum est duobus filiis tuis, Ophni et Phinees, in die una morientur ambo. Hoc ergo signum factum est mutandi sacerdotii domui hujus quo signo significatum est mutandum sacerdotium domus Aaron: mors quippe filiorum hujus significavit mortem non hominum, sed ipsius sacerdotii de filiis Aaron.*

IV. De sacerdote fidei. Quod autem sequitur, ad illum jam pertinet sacerdotem, cujus figuram gessit huic succedendo Samuel. Proinde quæ sequuntur de Christo Jesu novi Testamenti vero sacerdote dicuntur: *Suscitabo mihi sacerdotem fidelem, qui juxta cor meum et animam meam faciat.* Sub figura Samueli, de Domino salvatore, summo videlicet ac vero pontifice debet intelligi, qui nimirum sicut Samuel defuncto Heli successit in sacerdotium, non de stirpe Aaron, sed de alia Levi familia electus. Fuit enim, ut jam supra meminimus, filius Helchana, filii Hieroboam, filii Than, filii Suph, filii Helchana, filii Johel, filii Azariæ, filii Sophoniæ, filii Thaat, filii Asir, filii Abiasaph, filii Chore, filii Isaar, filii Caath, filii Levi, filii Israel (I Reg. i; I Par. vi), ut Verba dierum narrant. Ita mediator Dei et hominum, ut esset nobis pontifex, non de Levi, sed de alia nique tribu, id est, a Juda carnis originem sumpsit; aliam quam legalem hostiam, id est, ipsam suam carnem obtulit Patri pro nobis; alios quam de genere Aaron pontificatus sui reliquit hæredes, filios videlicet gratiæ novi Testamenti de universa gentium natione collectos. Quod vero quasi humano more eloquens Deus dicit: *Qui juxta cor meum et animam meam faciat,* de Samuele quidem recte potest intelligi, quod in omnibus ejus voluntati, sicut homo Deo paruerit; de Domino ac Salvatore, quod sicut Filius unigenitus paternorum sit in omnibus conscius arcanorum, juxta quod de se ipse manifeste testatur, dicens: *Et a me ipso facio nihil, sed sicut docuit me Pater, hæc loquor, et qui misit me, mecum est, et non reliquit me solum, quia quæ placita sunt ei, facio semper (Joan. viii).* In hoc vero quod ait Deus, *qui omnia quæ in corde meo, et quæ in anima mea sunt, faciat,* non arbitramur animam habere Deum, cum sit conditor animæ; sed ita hoc de Deo tropice, non proprie dicitur, sicut manus, pes, et alia corporis membra. Et ne secundum hoc credatur homo in carnis hujus effigie factus ad imaginem Dei, adduntur et alæ, quas utique non habet homo, et dicitur Deo, *Sub umbra alarum tuarum protege me (Ps. xvi),* ut intelligant homines, de illa ineffabili natura non propriis, sed translatis rerum vocabulis ista dici. *Et ædificabo ei domum fidelem, et ambulabit coram Christo meo cunctis diebus.* Ipsa est domus quam ædificat Pater, de qua Apostolus ait: *Quæ domus sumus nos, si fiduciam et gloriam spei usque in finem firmam retineamus (Hebr. iii);* et hæc domus ambulabit coram Christo ejus, ipso videlicet summo pontifice. *Ambulabit, dixit, conversabitur, sicut superius dixerat de domo Aaron: Loquens locutus sum, ut domus tua et domus patris tui ministraret in conspectu meo usque in sempiternum. Quod autem ait: Coram Christo meo ambulabit,* de ipsa domo utique intelligendum est, non de illo sacerdote qui est Christus mediator atque salvator. Domus ergo ejus coram illo ambulabit. Potest et *ambulabit* intelligi de morte ad vitam, omnibus diebus quibus peragitur usque in finem sæculi hujus ista mortalitas. Alioquin quomodo de



Samuele potest accipi, quod edificata sit domus A  
fidelis, quæ coram Christo Domini, id est, ipso  
Samuele cunctis diebus incederet, cum legamus in  
sequentibus quod filii illius aversi de viis ejus post  
avaritiam declinaverint et perverterint iudicium :  
nisi forte domum ejus hoc loco plebem Israeliticam  
intelligamus, quæ cunctis diebus sacerdotii ejus  
Domino servierit, de qua scriptum est : *Et requievit  
omnis domus Israel post Dominum*; et paulo post :  
*Abstulerunt filii Israel Balam et Astaroth, et servie-  
runt Domino soli*. Quod vero adjungitur : *Futurum est  
autem, ut quicumque remanserit in domo tua, veniat,  
ut oretur pro eo*, non proprie de domo dicitur h. j. s.  
Heli, sed illius Aaron, de quo usque ad adventum  
Jesu Christi homines remanserunt, de quo genere  
etiam nunc usque non desunt. Nam de illa domo  
hujus Heli jam supra dictum erat : *Et omnis qui super-  
erit domus tuæ, decedet in gladio virorum*. Quomodo  
ergo hic vere dici potuit : *Erit qui remanserit in domo  
tua, veniat ut oretur pro eo*? si illud est verum, quod  
ultiore gladio nemo inde supererit; nisi quia illos  
intelligi voluit, qui pertinent ad stirpem, scilicet illius  
totius sacerdotii secundum ordinem Aaron. Ergo, si  
de illis est prædestinatis reliquiis, de quibus alius  
propheta dixit, *Reliquiæ salvæ fient (Isa. x)*; unde et  
Apostolus : *Sic ergo, inquit, et in hoc tempore reli-  
quiæ per electionem gratiæ salvæ factæ sunt (Rom. xi)* :  
quia de talibus reliquiis bene intelligitur esse, de  
quo dictum est, *Qui remanserit in domo tua*; profecto  
credit in Christum, sicut temporibus apostolorum ex  
ipsa gente plurimi crediderunt, neque nunc desunt  
qui, licet rarissimi, tamen credant; et impletur in  
eo quod hic iste homo Dei continuo secutus adjunxit :  
*Et offerat nummum argenteum, et tortam panis, dicat-  
que, Dimitte me, obsecro, ad unam partem sacerdo-  
talem, ut comedam buccellam panis*. Quid per nummum  
argenteum, nisi oris confessio designatur, quæ sit  
credentibus ad salutem? argentum enim pro eloquio  
poni solet. Psalmista testante ubi canitur, *Eloquia  
Domini, eloquia casta, argentum igne examinatum, C  
probatum terræ purgatum (Ps. xi)*. Sed quod dicit iste  
qui venit : *Dimitte me, obsecro, ad unam partem sacer-  
dotalem, ut comedam buccellam panis*, sacerdotalem  
partem corpus Christi, id est, Ecclesiam dicit, ejus  
plebis ille sacerdos est mediator Dei et hominum,  
homo Christus Jesus, cui plebs dicit apostolus Petrus,  
*Plebs sancta, regale sacerdotium (I Petr. ii)*. In hanc  
partem sacerdotalem, postulat comedere buccellam  
panis. Quibus verbis ipsum sacrificium Christianorum  
elegantè expressum est, de quo dicit sacerdos ipse :  
*Panis quem ego dabo, caro mea est pro mundi vita*;  
ipsum quippe est sacrificium, non secundum ordinem  
Aaron, sed secundum ordinem Melchisedech.

V. De caligine oculorum Heli. Cap. iii. — *Factum  
est autem in die quodam Heli jacebat in loco suo, et  
oculi ejus caligaverunt, nec poterat videre lucernam  
Dei antequam exstingeretur*. In tabernaculo fœderis  
erat candelabrum, ubi a vespere usque mane summo  
pontifice lucernas vespere concinnante jugiter extra  
velum præparatæ lucebant, ut Dominus jussisset; isto  
pontifice intrante in tabernaculum jam grandæva  
senectute confecto, oculi ejus intantum caligaverant,  
ut nec lucernam lucernam posset aspicere, quanto  
magis exstinctam? Figurative vero lucerna Dei Heli  
fuerat, quando dignitate sacerdotali pollens justitia  
claritatis fulgebat, quam exstinctam propheta asserit,  
dum ob scelera filiorum sacerdotii potestatem meri-  
torumque lumen amisit. *Crevit autem Samuel, et  
Dominus erat cum eo, et non cecidit ex omnibus verbis  
ejus in terra*. Significat quia nihil ex iis quæ locutus  
est irritum fuit, sed omnia sunt rebus completa quæ  
dixit. Cadunt namque in terra verba supervacua,  
quæ pro nihilo habenda, et universorum sunt cal-  
canda despectu, sicut et beatus Job dixit : *Et lux  
vultus mei non cadebat in terra*; qui nimirum in tanta  
gravitate vultum tenere consueverat, ut nunquam  
contemptibili lætitia resolveretur, sed quotiescumque

hilariorum se presentibus exhiberet, certa semper  
hoc causa utilitatis eorum faceret.

VI. De captivitate arcæ. Cap. iv. — Igitur postea-  
quam hæc in figura mutationis veteris Testamenti a  
propheta illo prænuntiata sunt ad Heli, offendente  
Dominum Israel, instruxerunt aciem Philistæi con-  
tra eos; tollunt autem Israelitæ arcam ad stationem  
suam, capta est ab hostibus arca, ipsique non solum  
victi sunt, et in fugam versi, immo etiam magna  
strages facta est occisorum. Nonnulla tamen futuro-  
rum significat res gesta hæc : in prophetia enim arca  
illa ab alienigenis capta, indicabat testamentum Dei  
transitorium ad gentes. *Quando enim nuntiatum est  
Heli sacerdoti captam fuisse arcam Domini, cecidit de  
sella, et mortuus est*. Transiente arca Domini ad gentes,  
perit atque interiit sacerdotium Judæorum. Duo  
quoque filii Heli corruerunt, unus uxor viduata, et  
innox in partu mortua est, propter eandem perturba-  
tionem. Quod evidenti signo præfiguratum est, post  
exstinctum sacerdotium Judæorum, carnalem inter-  
fuisse Synagoga, illi carnaliter adhaerentem; pro-  
stratumque Heli de sella, pontifices Judæorum sedem  
habuere vacuam, et gloriam sacerdotii, regnique  
exstinctam. Sed quid est quod dum posuissent Phi-  
listiim arcam Domini in templo Dagonis dei sui, in-  
traverunt templum, et invenerunt deum suum pro-  
stratum atque confractum, caput ejus duæque manus  
abscisæ? Statim enim ut testamentum Domini perve-  
nit in gentes, confestim idola quæ deceptum possi-  
debant orbem destructa sunt, omnisque error simu-  
lacrorum corruit, præsentiam Dei ferre non sustinens;  
nam in manibus præcis Dagon, potest idololatriæ  
finis agnosci : lumen enim finem itineris significat.  
Etiam et illud, ad magnam pertinet significationem  
in ipsa ruina Dagon dei sui atque fractura, quod  
dorsum illius solum invenerunt, fractis omnibus ejus  
membris; dorsum quippe fugam significat : quicumque  
enim fugiunt, persequentibus dorsum dant : unde  
scriptum est de hostibus, *Quoniam ponas eos dorsum  
C (Psal. xx)*; ubi enim idola perierunt, et si aliqua re-  
manencia ab aliquibus absconduntur, fugerunt. Quod  
autem percussus sunt in posteriora ii qui arcam Dei  
captivaverunt, hæc pœna significatum videtur : quia  
si qui susceperint testamentum Dei, et posteriora  
vitæ dilexerint, ex ipsis justissime cruciabantur, quæ,  
sicut Apostolus, existimare debent sicut stercora :  
qui enim sic assumunt testamentum divinum, ut in  
posteriora respicientes veteri se vanitate non exuant,  
similes sunt hostibus illis, qui arcam testamenti  
captivam juxta idola sua posuerunt; et illa eundem  
veraciter etiam nolentibus cadunt, quia omnis caro  
fenum, et claritas omnis, ut flos feni, aruit fenum, et  
flos decedit (Isa. xl). Arca autem Domini manet in  
æternum : secretum scilicet testamentum regni cœlo-  
rum, ubi manet Dei verbum.

VII. De reversione arcæ. Cap. vi. — Cum vero de  
terra Philistiim arca Domini ad terram Israelitarum  
rediret, plastro superposita est, et vaccæ plastro  
subjectæ sunt, quæ fetæ fuisse memorantur, quarum  
filios clausurant domi, ut scriptum est : *Ibant  
autem in directum vaccæ per viam quæ ducit Bethsamis,  
uno itinere gradiebantur pergentes, et mugientes, et non  
declinabant neque ad dexteram neque ad sinistram*. Quid  
igitur vaccæ, nisi fideles quoque in Ecclesia signant,  
qui dum sacri eloqui præcepta considerant, quasi  
superimpositam Domini arcam portant. De quibus  
hoc est etiam notandum, quod fuisse fetæ memora-  
tur, quia sunt plerique qui in via Dei intrinsecus  
positi, foris carnalibus affectibus ligantur; sed non  
declinat a recto itinere, qui arcam Dei portat in  
mente; ecce enim vaccæ Bethsamis pergunt. Beth-  
samis quippe dicitur domus solis : Propheta ait :  
*Verbis autem, qui timetis Dominum, oriatur Sol justi-  
tæ*. Si igitur ad æterni Solis habitationem tendi-  
mus, dignum profecto est ut de Dei itinere pro car-  
nalibus affectibus non declinemus : tota enim virtute  
pensandum est, quod vaccæ Dei plastro suppositæ



pergunt et gemit. Dant ab intimis mugitus, et tamen de itinere non retorquent gressus. Amorem quidem per compassionem sentiunt, sed colla posterius non deflectunt. Sic nimirum prædicatores, sic fideles quique intra sanctam Ecclesiam esse debent, ut et compatiantur proximis per charitatem, et tamen de via Dei non exorbitent per compassionem. Arca quippe superposita Bethsamis pergere est, cum superna scientia ad internæ lucis habitaculum appropinquare. Sed tunc vere Bethsamis tendimus, cum viam rectitudinis gradientes, ad vicina erroris latera non pro affectu pignorum declinamus. Sic namque, sic necesse est ut incedere debeant, qui sacrilegiis suppositi, jam per internam scientiam Domini arcam portant, quatenus per hoc quod propinquorum necessitatibus condolent, accepto rectitudinis itinere non declinent. Quorum nimirum gratia mentem nostram tenere debet, ne hæc eadem mens aut, si affectu non tangitur, dura sit, aut, plus tacta si inflectitur, remissa.

VIII. *De percussione Bethsamitarum.* — Percussit autem de viris Bethsamitis, eo quod vidissent arcam Domini, percussit de populo septuaginta viros, et quinquaginta millia plebis. Populus et plebs pro una eademque re indifferenter accipitur: nam et ex uno Græco quod est λαός, solet utrumque transferri. Sed in hoc videtur esse distantia, quod in priore commate versiculi additum est viros, viros enim majores natu significat: ut sit sensus: Quia de optimatibus populi septuaginta sunt percussi, de ipsa autem turba vulgari hominum quinquaginta millia. Quod ne pateretur in Exodo populus a longe stabat et orabat, solusque Moyses ascendit ad Dominum. Isti ob hoc a Deo percussi sunt, quia non solum appropinquaverunt, sed etiam, ut alia translatio habet, despexerunt, quod rationi plus congruum est. Nam in Exodo, viderunt et audierunt, perspicua divinæ potentiae inpererunt, nec perierunt: et ideo isti, non de visione, sed de de-pectione et temeritate multati sunt.

IX. *De eo quod scriptum est, Ex qua die, etc. Cap. vii.* — Et factum est, ex qua die mansit arca Domini in Cariathurim, multiplicati sunt dies. Erat quippe jam annus vicesimus, et requievit omnis domus Israel post Dominum. Non ita intelligendum est quasi viginti anni, quibus arca maneret in Cariathurim, ad octavum usque annum regni David, quo eam congregata frequentia populi in Jerusalem adduxit, sint computandi. Invenitur namque in sequentibus quod temporibus Saulis fuerit elata de hac civitate, et a lata in castra, pugnante eo adversus Philistæos: sic etenim scriptum est: Et ait Saul ad Ahiam, Applica arcam Dei; erat enim arca Dei in die illa cum filiis Israel. Et quia constat quod David eam in Jerusalem adduxerit de domo Aminadab, in quam nunc illata esse perhibetur, restat intelligi quod in diebus Saulis relata de castris, et in prælatam sit illata civitatem, unde denno regnante David offertur in Jerusalem. Est ergo sensus temeritatis sententiæ, quia ex quo mansit arca in Cariathurim, erat annus vicesimus, cum eam inde transferri temporibus Saul causa belli contingeret; vel certe vicesimus annus, cum adhuc omnis domus Israel post Dominum requievit, abjectis videlicet idolis illi soli serviens; quod eam fecisse toto tempore præsulatus Samuelis, qui Josepho teste duodecim annis completus est, et primo tempore regni Saul, quod eodem historico affirmante viginti annis tenuit, nullus sanctæ historiæ curiosus ignorat. Namque postmodum cum recessisset a Saule Spiritus Domini, et agitaret eum spiritus nequam, maxime ad persequendum David innoxium et justum, necesse erat partem militiæ vel plebis ejus nonnullam, militiæ illius exstitisse complicem. Cariathurim ipsa est quæ alio nomine Cariath Baal vocatur, civitas saluum, una de urbibus Gabaonitarum, pertinens ad tribum Juda euntibus ab Jerusalem Diospolim milliariorum nono. De hac fuit Urias propheta, quem interfecit Joachim in Jerusalem, sicut scribitur. Samuel autem post mortem Heli regobat Israel.

A X. *De precibus Samuelis pro populo Cap. viii.* — Congregato autem omni populo exclamavit ad Dominum pro Israel, et exaudivit eum. Et cum offerret holocaustum accedentibus alienigenis ad pugnam contra populum Dei, intonuit Dominus super eos, et confusi sunt, et offenderunt coram Israel, atque superati sunt. Tunc assumpsit Samuel lapidem unum et posuit eum inter Masphat et Sicelech; et ut interpretes Septuaginta transtulerunt, inter Masphat novam et veterem et vocavit nomen ejus. Lapis adjutorii, et dixit, Usque adhuc auxiliatus est nobis Deus. Masphat interpretatur intentio. Lapis ille adjutorii, medietas est Salvatoris, per quem transeundum est a Masphat vetere ad novam, id est, ab intentione quæ expectabatur in carnale regnum, quod erat beatitudo falsa, ad intentionem quæ per novum Testamentum expectaretur in regnum cælorum, ubi est beatitudo verissima spiritalis: quæ quoniam nihil est melius, hucusque auxiliatur Deus. Iste Samuel invocato nomine Domini exaudivit eum Deus, et in tempore messis pluviam impetravit: pluvia enim in sanctis Scripturis, verba sunt Evangelii sive legis, sicut et Moyses dicit: Expectetur sicut pluvia eloquium meum, et descendant sicut ros verba mea (Deut. xxxii). Hanc igitur pluviam dedit mundo Christus in tempore messis, id est, quando gentes colligi oportebat, ut sicut frumentum in horreis, sic intra Ecclesiæ sinum congregentur. Judicavit autem Samuel Israel omnibus diebus vite suæ, fueruntque usque ad eum iudices et principes super Israel.

B XI. *De filiis Samuelis. Cap. ix.* — Porro filii Samuel declinaverunt post avaritiam et accipiebant munera, et tam iniqui iudices exstiterunt, ut populus nequaquam ferens, regem sibi in similitudinem gentium cæterarum postularet: quibus dedit Dominus Saul regem, cum quæreretur asinas patris sui, et veniret ad Samuelem in Ramatha: inter cætera quæ locuti sunt, simul prædicens ei signa Samuel, quæ ventura erant ei eo die, cum recederet ab eo; cumque ab eo recessisset, venit ad collem Domini, ubi erat statio Philistinorum; jam primum peractum, sicut locutus fuerat homo Dei. Et ecce cuneus prophetarum obvius ei, et insiluit super eum Spiritus Dei, et prophetavit in medio eorum. Videntes autem omnes qui noverant eum heri et nudius tertius, quod esset cum prophetis, dixerunt ad invicem: Quænam res accidit filio Cis? num et Saul inter prophetas? Hoc quidem non puto habere aliquid quæstionis: Spiritus enim ubi vult spirat (Joan. iii), et spiritum prophetiæ nullarum animarum potest maculare contactus; attingit enim ubique propter suam munditiam: afficit enim omnes non eodem modo, sed alios per informationem spiritus eorundem hominum, ubi rerum demonstrantur imagines, alios per fructum mentis ad intelligentiam, alios utraque inspiratione; alios etiam nescientes per informationem spiritus duobus modis: aut per somnia, sicut non solum plerique sancti, sed et Pharaon et Nabuchodonosor rex vidit, quod nemo eorum intelligere valebat, sed tamen videre uterque poterant; aut demonstratione in ecstasi, quod Latini nonnulli pavorem interpretantur, mirum si proprie, sed vicine; et tamen cum sit mentis alienatio a sensibus corporis, ut spiritus hominis divino Spiritu assumptus capiendis atque intueudis imaginibus vacet, sicut Danieli demonstratum est, quod non intelligebat; et Petro illud vas submissum est de cælo quatuor lineis (Act. x): nam et ipse quid illa demonstratio figuraret postea cognovit. Per fructum autem mentis ad intelligentiam, uno modo cum hæc ipsa quæ demonstrantur in imaginibus, quid significant, et quo pertineant, revelantur, quæ certior prophetia est: nam magis ipsam vocat Apostolus prophetiam, sicut Joseph meruit intelligere, quod Pharaon non nisi videre; et Daniel expont regi, quod ille cernit et nescit. Cum vero mens ita afficitur ut non rerum imagines conjecturali examinatione intelligat, sed res ipsas intueatur, sicut intelligitur sapientia et



justitia, omnisque incommutabilis et divina species ad prophetiam non pertinet, de qua nunc agimus. Utrique autem munere prophetiae donantur, qui et rerum imagines in spiritu vident, et quid valeant simul intelligunt; aut certe manifestis locutionibus in ipsa demonstratione informantur, sicut in Apocalypsi quaedam exponuntur. Nescientes autem afflicti prophetiae spiritus, sicut Caiphas cum esset pontifex prophetavit de Domino, quod expediret unum mori pro tota gente, cum aliud in verbis quae dicebat attenderet, quae non a se ipso dicere nesciebat. Abundant in sanctis libris exempla. Hoc autem verbo quod positum est, *Insiluit in eum spiritus*, tamquam ex abdito divinitatis secreto, repentinus significatur afflatus. Horum igitur modorum quoniam potius affectum esse intelligamus Saul, satis apparet ex eo quod ibi scriptum est, *Convertit Deus in Saul cor aliud*; sic enim aliam cordis affectionem significat, quam convertendo fiet Deus, ut imaginum significantium et praefiguratorum capax fieret ad propheticam divinationem. Tantum autem distat inter prophetiam prophetarum, sicut Isaias, sicut Jeremias, et caeteri huiusmodi fuerunt, atque istam transitoriam quae in Saul apparuit, quantum distat inter loquelam humanam, cum loquuntur homines, et cum eadem loquela propter necessarium prodigium asina locuta est, in qua sedebat Balaam propheta (Num. xxi): accepit enim hoc ad tempus illud iumentum, ut Deus quod statuerat demonstraret, non ut habitu perpetuo bestia loqueretur. Aut si hoc exemplum majore differentia remotum est, multo minus mirandum est homini reprobo datam fuisse ad momentum temporis affectu transitorio prophetiam, quando ille dederat, qui et asinam, cum voluit, loqui fecit; magis enim distat pecus ab homine quam homo reprobus ab electis etiam hominibus: non enim si quisquam dixerit aliquid quod ad sapientiam pertinet, continuo sapiens existimandus est; sic nec quisquam, si aliquando prophetavit, iam inter prophetas numerabitur, cum et Dominus in Evangelio dicat quosdam cum gaudio verbum excipere, et radicis altitudinem non habere, sed esse temporales. Ideoque sicut consequens indicat lectio, factum est in parabola, *Et Saul inter prophetas* (I Reg. x). Hoc igitur mirari desinamus, cum in hominibus apparet divinitus aliquid, quorum vel meritum vel habitum excedit, cum forte vult Deus ejusdem significationis gratia tale aliquid demonstrari. Si autem hoc movet quod postea Saul malo spiritu invadente praefocabatur, qui prophetiae prius spiritum acceperat, neque hoc mirandum est: illud enim factum est ex dispensatione aliquid significandi, hoc ex merito vindicandi. Nec movere nos debent haec alternantia in animo humano, hoc est, in creatura mutabili, praesertim eodem tempore quo caro corruptibilis mortalisque portatur. Aut non videmus in ipso Petro, quantum indicat Evangelium, exstitisse tantam confessionem, ut audire meruerit: *Beatus es, Simon Barjona, quia non tibi revelavit caro et sanguis, sed Pater meus qui in caelis est* (Matth. xvi); et paulo post tam carnaliter eum de Domini passione sensisse, ut statim audiret: *Vade post me, Satanas, scandalum mihi es, non enim sapis quae Dei sunt, sed quae hominum* (Ibid.). Et fortasse aliquanto interius intelligentibus tantum valet ad illa visa mentis hae differentia, qua Petrus intellexit, Deo Patre revelante, quod Filius Dei esset Christus, et postea ne moreretur extimuit, quantum valet ad distinguenda visa quae in spiritu hominis alienata mente imaginarie fiunt, revelatio prophetiae, qua primo afflatus est Saul, et commixtio spiritus mali, quo postea premebatur.

XII. De unctione Saul. Cap. x. — Ungitur post haec, jubente Domino, rex prior a propheta in regnum; qui et ipse quidem, in id quod unctus est, imaginem Christi portavit: unde et beatus David, et ipse Christus nuncupatus, ait ad eum qui se finxerat

A Saulum occidisse: *Quomodo non timuisti injicere manum tuam in Christum Domini?* Hinc est quod ab humero sursum Saul supereminerebat omnibus, quia caput nostrum sursum est supra nos, quod est Christus. In id autem quod reprobatus postea et rejectus est succedente in regnum David, populi, ut praedictum est, Israel personam gestavit: qui populus regnum adeptum fuerat amissurus. Christo Domino nostro per novum Testamentum, non carnaliter, sed spiritaliter regnatura. *Filius unius anni erat Saul cum regnare coepisset; duobus autem annis regnavit super Israel.* Uno anno postquam rex electus est a Samuele, in domestica domo sedens di simulavit se esse regem, reliquis duobus annis publice judicavit omnem Israel, tenens obedientiam cum humilitate, et hoc fuit illud tempus antequam mandatum Domini transgrederetur in Amalech; reliquo vero tempore quo vixit et imperavit, transgressor mandati Domini exstitit. Post haec expectans Saul Samuelem in Gulgis, videns quod tardaret, obtulit holocaustum. *Veniensque Samuel, inter caetera ait ad Saul: Stulte egisti, nec custodisti mandatum Domini quod praecipit tibi: quod si non fecisses, jam nunc parasset Dominus regnum tuum super Israel in sempiternum; sed nequam quam regnum tuum ultra consurget. Quaesivi sibi Dominus virum juxta cor suum, et praecipit ei ut esset dux super populum suum, eo quod non servaveris quae praeeperit Dominus.* Non sic accipiendum est, ac si ipsum Saulem in aeternum Deus praeparaverit regnaturum, et hoc postea noluerit servare peccati, neque enim eum nesciebat; sed praeparaverit regnum ejus, in quo figura esset regni aeterni. Ideo addidit: *Et nunc regnum tuum non stabit tibi.* Stetit ergo, et stabit quod in illo significatum est, sed non huic, quia non in aeternum ipse fuerat regnatura, nec progenies ejus, ut saltem per posterum alter alteri succedentes, videretur impleri quod dictum est, *In aeternum.* Et quæret, inquit, Dominus sibi hominem. Sive David, sive ipsum mediatorem significans novi Testamenti, qui praefigurabatur in chrismate, etiam quo unctus est ipse David et progenies ejus. Non autem quasi nesciat ista, sibi hominem Deus quærit, sed hominibus more hominum loquitur, quia sic loquendo nos quærit: non solum enim Deo Patri, verum ipsi quoque unigenito ejus, qui venit quærere quod perierat, usque adeo jam eramus noti, ut in ipso essemus electi ante constitutionem mundi. *Quæret sibi*, ergo dixit, suum habebit. Unde in Latina lingua hoc verbum accipit praepositionem, et *Acquirat* dicitur, quod satis apertum est quid significet: quamquam et sine additamento praepositionis, quærere intelligatur acquirere; ex quo lucra vocantur et quæstus. Porro faber ferrarius non inveniebatur in omni Israel: caverant enim Philistiim ne forte facerent Hebraei gladium aut lanceam. Sicut enim tunc Philistiim caverant ne forte facerent Hebraei gladium aut lanceam, et ne haberent fabros ferrarios qui arma ad repugnandum facerent, ita Chaldaei, destructa Hierusalem, et vastata omni terra repromissionis, satagebant ut nullus in ea remaneret artifex, nullus clusor, qui vel sædata urbis mœnia componere, vel posset resarcire dirupta; quin potius quidquid apud gentem exterminatum artis invenerant, totum in Babyloniam transferunt, ut vel ad nihilum ultra valeat, vel illius civitatis utilitatibus proficiat. Arma quibus contra diabolum repugnantes, libertatem a Domino nobis donatam defendamus, quae sunt alia, nisi eloquia Scripturarum in quibus et ipsius Domini, et sanctorum ejus exemplis, quo ordine bella vitiorum superari debeant, luce clarius discimus? Sed Philistaei filios Israel fabris armorum privant, cum maligni spiritus animos fidelium a meditatione sacrae lectionis, sæcularia illis negotia inserendo, retardant; ne vel ipsi per hujus exercitium resistendi fiduciam sumant; vel alios forte qui legere nesciunt, ad resistendum vitiis exhortando aut corripiendo accendant.



XIII. *De jejuniis indicato a Saul.* Cap. xiv. — Tollunt fabros armorum, cum eos qui sacra eloquia norunt, in tantis sceleribus obruunt, ut dicere bona quæ didicerant, prorsus erubescant. Saul autem post hæc dum pergeret dimicaturus adversus Philistim, indixit cuncto exercitui jejunium, quousque reverterentur a prælio; sed Jonathas filius ejus videns supra faciem agri mel, extendit summitatem virgæ, et intinxit in favum mellis, et gustavit, et illuminati sunt oculi ejus. Non utique ad videndum illuminari, quia antea videbat, sed ad discernendum, quia vetita tegerat; tunc enim casus ille, sicut et Adam, fecit illum attentum, reddiditque confusum; quo facto admoneremur omnes illecebras voluptatum in sæculo debere contemnere, qui Deo nitimur militare; non enim potest contra allophylos spiritales, id est, adversus principes tenebrarum viribus animi concurrere, qui adhuc hujus mundi negligit dulcedinem declinare. Mel enim distillant labia meretricis (Prov. vi), quod est delectatio voluptatis carnalis; de quo putatur juxta mysticos intellectus hunc gustasse Jonathan, et forte deprehensum vix precibus populi liberatum.

XIV. *De prælio Saul contra Amalech.* Cap. xv. — Iniiit iterum Saul prælium adversus Amalech, interfecit cunctis hostibus ab Evila usque Sur. Est una Evilath regio, quam circuit fluvius Phison, exiens de paradiso, quæ hodie India vocatur; dicta autem Evilath a quodam nepote Noe. Est et alia Evilath, solitudo contra faciem Ægypti; hæc enim Evila, illa Evilath debet nuncupari. Sur quoque est solitudo inter Cades et Barath, extendens desertum usque ad mare Rubrum et Ægypti confinia. Percusso hoc termino pepercit Agag regi, nec voluit disperdere omnia juxta præceptum Domini, irasciturque ei Dominus. Factum est autem verbum Domini ad Samuel, dicens: Pœnitet me quod constituerim Saul regem, quia dereliquit me, et verba mea opere non implevit. Neque enim sicut hominem, ita Deum cujusquam facti sui pœnitet, ejus est de omnibus omnino rebus tam fixa sententia, quam certa præscientia. Nos vero cum de Deo hoc in divinis Scripturis audimus, indignum arbitramur hoc de illo sentire; sed necesse est ut aliquid dicatur per quod hoc aliquo modo demonstretur. Cum verba omnia quibus humana colloquia conseruntur, illius sempiterna virtus et divinitas mirabiliter atque incunctanter excedat, quidquid de illo humaniter dicitur, quod etiam hominibus aspernabile videatur, ipsa humana admonetur infirmitas, etiam illa quæ congruenter in Scripturis sanctis de Deo dicta existimat, humanæ capacitati aptiora esse quam divinæ sublimitati; ac per hoc etiam ipsa esse transcendenda, est sanior intellectus, sicut ista qualicumque modo transcendunt: quis est enim hominum, cui non occurrat in Deo cuncta præsciente pœnitentiam esse non posse? Et certe tamen hæc duo verba sunt, pœnitentia et præscientia, quorum quia unum congruere credimus Deo, id est, præscientiam, negamus in eo esse pœnitentiam. Cum vero alius liquidior consideratione ista pertractans quæsierit quemadmodum vel ipsa præscientia Deo congruat, et invenerit hujus etiam verbi notionem illius ineffabili divinitate longe atque superari, non miratur utrumque de illo propter homines dici potuisse, de quo utrumque propter ipsum incongrue diceretur, quid est enim præscientia, nisi scientia futurorum? quid est autem futurum Deo, qui omnia tempora supergreditur? si enim scientia Dei res ipsas habet, et non sunt ei futuræ, sed præsentis, ac per hoc non jam præscientia, sed scientia dici potest: si autem sicut in ordine temporalium creaturarum, ita et apud eum nondum sunt, quæ futura sunt, sed ea prævenit sciendo: his ergo ea sentit, uno quidem modo secundum futurorum præscientiam, altero vero secundum præsentium scientiam. Aliquid ergo temporaliter accidit scientiæ Dei, quod absurdissimum atque falsissimum

A est; nec enim potest quæ ventura prænosceat nosse, nisi cum venerint, nisi bis innotescant, et prænoscendo antequam sint, et cognoscendo cum jam sunt: ita fit ut quod longe a veritate seclusum est, temporaliter aliquid accidat scientiæ Dei, cum temporalia quæ præsciuntur, etiam præsentia sentiuntur, quæ non sentiebantur. Si vero etiam cum venerint quæ præsciebantur esse ventura, nihil novi accidit scientiæ Dei, sed manebit illa præscientia sicut erat, etiam priusquam venirent quæ præsciebantur, quomodo jam præscientia diceretur quando non est rerum futurarum? jam enim præsentia sunt, quæ futura cernebat, et paulo post erunt præterita. Præteritarum autem rerum sicut præsentium, nullo modo potest dici præscientia. Reditur ergo ad id ut fiat rebus jam præsentibus scientia, quæ eisdem rebus futuris erat præscientia, et cum ea quæ præscientia erat prius, postea scientia fiat in Deo, admittit mutabilitatem, et temporalis est, cum sit Deus, qui vere summeque est, nec ulla ex parte mutabilis, nec ullo motu novito temporalis. Placeat igitur ut non dicamus præscientiam, sed tantummodo scientiam. Quæramus et hoc quomodo: non enim scientiam solemus dicere in nobis, nisi cum sensa et intellecta memoria retinemus, cum meminimus aliquid sensisse nos vel intellexisse, ut id quod volumus, recolamus. Quod si ita in Deo est, ut possit proprie dici intelligit et intellexit, sentit et sensit, admittit tempus, et subreptit nihilominus illa mutabilitas, quæ longe a Dei substantia removenda est, et tamen et scit Deus, et præscit Deus ineffabili modo, sic cum et pœnitet ineffabili modo, cum enim scientia Dei longe distet ab humana scientia, ita ut irridenda sit comparatio, utraque tamen scientia vocatur: et hæc quidem humana talis est, ut de illa dicat Apostolus etiam, scientia destruetur (I Cor. xiii): quod nullo modo de scientia Dei recte dici potest, sic et ira hominis turbida est, et non sine cruciatu animi: ira vero Dei, de qua dicitur in Evangelio: Sed ira Dei manet super eum (Joan. iii); et Apostolus: Revelatur enim Dei ira de cælo super omnem impietatem (Rom. i): illo in tranquillitate jugiter manente, in creatura subdita exercet admirabili æquitate vindictam. Misericordiam quoque hominis nonnulla cordis sequitur miseria. Unde etiam in Latina lingua nomen accepit. Nam inde est etiam, quod non solum gaudere cum gaudentibus, sed etiam flere cum flentibus, horiatur Apostolus (Rom. xii). Quis autem sano capite dixerit ulla miseria tangi Deum? quem tamen ubique Scriptura misericordem esse testatur. Ita zelum humanum non sine peste livoris intelligimus, zelantem vero Deum non ita, sed eodem verbo, non eodem modo. Longum est percurrere cætera, et sunt innumerabilia quibus ostenduntur multa divina eisdem nominibus appellari, quibus humana cum incomparabili diversitate sejuncta sint. Nec tamen frustra eadem sunt rebus utrisque indita vocabula, nisi quia hæc cognita quæ in quotidiana consuetudine versantur, et experimentis usitatoribus innotescunt, nonnulla ad intelligenda illa sublimia præbent viam. Cum enim dempsero de humana scientia mutabilitatem, qua transitus quosdam a cogitatione in cogitationem recolimus, ut cernamus animo quod in intuitu ejus paulo ante non erat; atque ita de parte in partem crebris recordationibus transilimus, unde etiam ex parte dicit esse Apostolus nostram scientiam. Cum ergo hæc cuncta detraxero, et reliquero solam vivacitatem certæ atque inconcussæ veritatis, una atque æterna contemplatione collustrantis; immo non reliquero, non enim habet hoc humana scientia, si pro viribus cogitavero: insinuat mihi utcumque scientia Dei: quod tamen nomen ex eo quod sciendo aliquid non lateat hominem, potuit esse rei utrique commune: quamquam et in ipsis hominibus solet discerni a sapientia scientia, ut etiam Apostolus dicit: Alii quidem datur per spiritum sermo sapientiæ, alii sermo scientiæ secundum eundem spiritum (I Cor. xii). In Deo autem



non sunt hæc duo, sed unum; et in hominibus quidem ita discerni probabiliter solent, ut sapientia pertineat ad intellectum æternorum, scientia vero ad ea quæ sensibus corporis experimur. Sed licet aliam aliam differentiam proferat, nisi tamen diversa essent, non sic ab Apostolo distinguerentur: quod sane si ita est, ut nomen scientiæ rebus, quas per sensum corporis experimur, deputandum sit, nulla est omnino scientia Dei: non enim Deus per seipsum ex corpore et anima constat, sicut homo; sed melius dicitur aliam esse scientiam Dei, et non ejusdem generis, cujus ista est, quæ hominum dicitur: sicut etiam id ipsum, quod Deus dicitur, longe aliud est, quam quemadmodum est dictum, quod stetit in synagoga decrum: tamen ad non latere quoquo modo pertinet communicatio ipsa vocabuli: sic etiam de ira hominis detracto turbulentum motum, ut remaneat vindictæ vigor, atque ita utcumque surgo ad innotescentiam illius, quæ appellatur ira Dei. Item de misericordia si auferas compassionem de eo quod miseraris, participatus es miseris, ut remaneat tranquilla bonitas subveniendi, et a miseria liberandi insinuat misericordiæ divinæ qualiscumque cognitio. Zelum quoque non repudiemus et aspernemur, cum scriptum invenimus; sed auferamus de humano zelo pallidam tabem doloris, et morbidam perturbantem animi remaneatque illud solum iudicium, quo corruptio casitatis impunita esse non sinitur, et assurgimus ut incipiamus aliquo modo capere zelum Dei. Quapropter cum legimus etiam Deum dicentem: *Pœnitet me* (Gen. vi): consideremus quod id esse solet in hominibus opus pœnitendi, cum proculdubio reperitur voluntas mutandi, sed in homine cum dolore animi est: reprehendit enim in se, quod temere fecerit. Auferamus ergo ista, quæ de humana infirmitate atque ignorantia veniunt, et remaneat solum, velle, ut non ita sit aliquid, quemadmodum erat. Sic potest aliquantum intimari menti nostræ, qua regula intelligatur quod pœnitet Deum: cum enim pœnitere dicitur, vult non esse aliquid, sicut fecerat, ut esset, sed tamen cum ita esset, ut ita esse debeat, et cum ita esse jam non sinitur, jam non esse debet, ita perpetuo quodam et tranquillo æquitatis iudicio, quo Deus cuncta mutabilia incommutabili voluntate disponit. Sed quomodo præscientiam et scientiam cum laude solemus in hominibus appellare, iramque ipsam solet humanum genus in magnis potestatibus tremere potius quam reprehendere, congruenter putamus talia dici de Deo. Qui autem zelat, et quem aliquid pœnitet, quoniam vel culpari solet, vel culpam in se corrigere, atque ideo cum reprehensione ista de hominibus dici, propterea movet, cum legimus esse aliquid in Deo ejusmodi. Sed illa Scriptura omnibus consulens, propterea magis et ista ponit, ne illa quæ placent sic intelligantur in Deo, quomodo consueverunt in hominibus intelligi: per hæc enim quæ displicent, cum ea non videamus sic intelligere, ut inveniantur in homine, discimus etiam illa sic querere quæ apta esse atque convenientia putabamus. Nam si propterea non est illud de Deo dicendum, quia in homine displicet, non dicamus incommutabilem Deum, quia de hominibus cum reprehensione dictum est, *non enim est illis commutatio* (Ps. lvi). Item sunt quedam quæ in homine laudabilia sunt, in Deo autem esse non possunt, sicut pudor, quod ætatem viridiorum magnum est ornamentum, sicut timor Dei, non tantum in veteribus libris laudatur, sed Apostolus etiam dicit, *Perficiunt sanctificationem in timore Dei* (II Cor. vii), qui utique nullus in Deo est. Sicut ergo quedam laudabilia hominum recte intelliguntur in Deo, non ita in hominibus, sed vocabulis tantummodo communibus, longe alia ratione et modo. Nam paulo post idem Samuel, cui dixerat Dominus: *Pœnitet me quod constituerim regem Saul*; ipsi Sauli ait de Deo: *Quoniam non est sicut homo, ut pœniteat eum*; ubi videlicet satis ostendit etiam cum dicit Deus, *Pœnitet me*, non humano more

accipiendum e-se, sicut jam quantum valuimus disputavimus.

XV. *De obijurgatione Samuelis in Saul. Cap. xv.* — *Venient autem Samuel ad Saul...* ait ad Saul: *Sine me, et indicabo tibi quæ locutus sit ad me Dominus nocte. Dixitque ei: Loquere. Et ait Samuel: Nonne cum parvulus esses in oculis tuis, caput in tribubus Israel factus es? Parvulus in oculis suis est, qui in eo quod semetipsum considerat, imparem se alienis meritis pensat. Nam quasi grandem se conspiciit, quisquis se super aliena merita elatione cogitationis extendit. Saul autem reprobis in bono quod cœperat non permansit, quia fastu susceptæ potestatis intumuit. Et contra David semper de sese humilia sentiens, ejusdemque Saul se comparatione postponens, postquam feriendi locum reperit, penevit; et eidem sævientis adversario humili se professione substravit dicens: Quem persequeris, rex Israel, quem persequeris? canem mortuum et pulicem unum. Et certe jam unctus in regem fuerat, jam exorante Samuele, et cornu super se oleo fundente didicerat quod eum divina gratia Saul reprobato ad regni gubernacula possidenda servabat; et tamen persequenti adversario mente se humili substernebat, cui divino iudicio prælatum e-se se noverat. Illi itaque se postponebat humilem, cui per gratiam electionis incomparabiliter se noverat esse meliorem. Increpans Samuel Saul, cur non audisset vocem Domini, sed versus ad prædam, fecisset malum in oculis Domini, parcendo et non interficiendo Amalech, ait Samuel, Numquid vult Dominus holocausta et victimas, et non potius ut obediatur voci Domini? Melior est enim obedientia quam victimæ, et auscultare magis quam offerre adipem arietum; quoniam quasi peccatum ariolandi est repugnare, et quasi scelus idololatriæ nolle acquiescere. Pro eo ergo quod abiecasti sermonem Domini, abiecit te ne sis rex. Obedientia victimis jure præponitur, quia per victimas aliena caro, per obedientiam vero voluntas propria mactatur. Tanto igitur quisque Deum citius placat, quanto ante ejus oculos repressa arbitrii sui superbia, gladio præcepti se immolat, quo contra ariolandi peccatum inobedientia dicitur, ut quanta sit virtus obedientiæ demonstretur. Ex adverso ergo melius ostenditur quid de ejus laude sentiat: si enim quasi ariolandi peccatum est repugnare, et quasi scelus idololatriæ nolle acquiescere, sola est quæ fidei meritum possidet, sine qua quisque infidelis convincitur, etiamsi fidelis esse videatur. Hinc per Salomonem in ostensione obedientiæ dicitur: *Vir obediens loquitur victorias* (Prov. xxi). Vir obediens victorias loquitur, quia dum alienæ voci humiliter subdimur, nosmetipsos in corde superamus. Hinc in Evangelio Veritas dicit: *Eum qui venit ad me non ejiciam foras, quia de cælo descendi, non ut faciam voluntatem meam, sed voluntatem ejus qui misit me* (Joan. vi); quid enim si suam faceret, eos qui ad eum veniunt repulisset? Quis autem nesciat quod voluntas Filii a Patris voluntate non discrepet? Sed quoniam primus homo, qui suam facere voluntatem voluit, a paradisi gaudio exivit, secundus ad redemptionem hominum veniens, dum voluntatem se Patris et non suam facere ostendit, permanere nos intus docuit. Cum igitur non suam, sed Patris voluntatem facit, eos qui ad se veniunt foras non ejicit, quia dum exemplo suo nos obedientiæ subdit, viam nobis egressionis claudit. *Conversus est autem Samuel ut abiret. Saul autem apprehendit summitatem pallii ejus, quæ et scissa est. Et ait ad eum Samuel: Scidit Dominus regnum Israel hodie a te, et tradidit illud proximo tuo meliori te. Compellimur juxta Septuaginta interpretum translationem hanc ponere sententiam, quia multo amplius habetur illic; ita enim illic scriptum est: Non revertar tecum, quia sprevisisti verbum Domini; et spernet te Dominus, ne sis rex super Israel. Et convertit Samuel faciem suam, ut abiret, et tenuit Saul pinnam diploidis ejus et dirupit eam. Et dixit ad eum Samuel: Dirumpet Dominus te-**



quam Israel de manu tua hodie, et dabit proximo tuo bono super te, et dividetur Israel in duo, et non convertetur, neque poenitebit eum, quoniam non est sicut homo, ut poeniteat eum: ipse minatur et non permanet. Isie cui dicitur, *Spernet te Dominus, ne sis rex super Israel, et dirumpet Dominus regnum ab Israel de manu tua hodie*. Quadraginta annos regnavit super Israel, tanto scilicet spatio temporis, quanto et ipse David, et audivit hoc primo tempore regni sui: ut intelligamus ideo dictum, quia nullus de stirpe ejus fuerat regnaturus, et respiciamus ad stirpem David, unde exortus est secundum carnem, mediator Dei et hominum, homo Christus Jesus (I Tim. ii). Non autem habet Scriptura, quod in plerisque Latinis codicibus legitur, *Dirumpet Dominus regnum Israel de manu tua*, sicut a nobis positum est, et inventum in Græcis. *Dirumpet Dominus regnum ab Israel de manu tua*, ut hoc intelligatur de manu, quod est ab Israel. Populi ergo Israel personam figurate gerebat homo iste. Qui populus regnum fuerat amissurus, Christo Jesu Domino nostro per novum Testamentum non carnaliter, sed spiritaliter regnatura. De quo cum dicitur, *Et dabit illud proximo tuo*, ad carnis cognationem refertur; ex Israel enim Christus secundum carnem, unde et Saul. Quod vero additum est, *Bono super te*, potest quidem intelligi meliori te, ut quia ille bonus est, ideo sit super te, juxta illud propheticum, *Donec ponam inimicos tuos sub pedibus tuis* (Ps. cix), in quibus est Israel, cui suo persecutori regnum abstulit Christus, quamvis fuerit illic et Israel, in quo dolus non erat, quoddam quasi frumentum illarum palearum. Nam utique inde erant apostoli, inde tot martyres, quorum prior Stephanus, inde tot Ecclesiae, quas apostolus Paulus commemorat, in conversione ejus magnificantes Deum. De qua re non dubio intelligendum esse quod sequitur, *et Israel dividetur in duo*, in Israel scilicet inimicum Christo, in Israel ad ancillam, et Israel ad liberam pertinentem; nam ista duo genera primum simul erant velut Abraham adhuc adhereret ancillae, donec sterilis per Christi gratiam secundata clamaret: *Ejice ancillam et filium ejus*. Propter peccatum Salomonis, regnante filio ejus Roboam, scimus Israel in duo divisum esse, atque ita perseverasse, habentibus singulis partibus reges suos, donec illa gens tota a Chaldaeis esset ingenti vastatione subversa atque translata. Sed quid hoc ad Saulem? Si tale aliquid comminandum esset, ipsi David fuerat potius comminandum, cujus erat filius Salomon. Postremo nunc inter se gens Hebraea divisa non est, sed indifferenter in ejusdem erroris societate dispersa per terras. Divisio vero illa quam Deus sub persona Saulis, illius populi et regni figuram gerentis, eidem regno et populo comminatus est, aeterna atque immutabilis significata est, per hoc quod adjunctum est, *Et non convertetur, neque poenitebit eum, quoniam non est sicut homo, ut poeniteat eum; ipse minatur et non permanet*, id est, homo minatur et non permanet. Non autem sic Deus, quem non poenitet sicut hominem; ubi enim legitur quod poeniteat eum, mutatio rerum significatur, immutabiliter manente praescientia divina; ubi vero non poenitere dicitur, non mutare intelligitur. Prorsus insolubilem videmus per haec verba prolatam divinitus fuisse sententiam de ista divisione populi Israel, et omnino perpetuam; quicunque enim ad Christum transierunt, vel transeunt, vel transibunt, inde non erant, nisi secundum Dei praescientiam, non secundum humani generis unam eandemque naturam. Prorsus quicunque ex Israelitis adherentes Christo, perseverant in illo, numquam erunt cum Israelitis, qui ejus inimici usque in finem vitae hujus esse persistunt, sed in divisione quae praenuntiata est, perpetuo permanebunt: nihil enim prodest Testamentum vetus de monte Sina in servitutum generans, nisi quia testimonium perhibet Testamento novo. Alioquin quamdiu legitur Moyses velamen supra corda eorum positum est, cum quisque transierit

A ad Christum, aufertur velamen. Transeuntium quippe intentio ipsa mutatur de vetere ad novum, ut non quisque intendat accipere carnalem, sed spiritalem felicitatem. Sumpsit ergo Samuel gladium, et in frustra concidit Agag (I Reg. xv); quod faciendo Samuel usque adeo non peccavit, ut non faciendo peccaret. Dominus enim jusserat interfici Amalechitas, qui utique non solum secundum facta, verum etiam secundum cor hominis, quid unusquisque vel per quem perpeti debeat. Dignus ergo erat Saul cui talia injungerentur, atque Amalechitae, ut talia paterentur, qui divino nomini honorem non dederunt, sed populum Dei, qui sicco vestigio mare transierunt, interimere voluerunt. Igitur recedente a Saul Domino propter inobedientiam, arreptus est maligno spiritu a Domino, irrueratque spiritus Domini in eo malignus. Jam vero illud quod etiam malus appellatus est Spiritus Domini, sic intelligitur quomodo dictum est, *Domini est terra*, tanquam creatura, et in ejus posita potestate. Aut si propterea non congruit hoc locutionis exemplum, quia terra non est mala, omnis enim creatura Dei bona est, illud congruat, quod ipse Saul jam reprobus et sceleratus, atque iratus sancto David, persecutor etiam ejus cum savissimae invidia facibus agigaretur, tamen adhuc Christus Domini dicebatur: sic eum appellavit ipse David, cum vindicavit extinctum. Sed magis arbitror malignum spiritum a quo vexabatur Saul, et ideo dictum Domini, quod occulto judicio Domini Saulem vexabat: utitur enim Deus ministris, etiam spiritibus malis ad vindictam malorum vel ad bonorum probationem, alio modo ad illam rem, alio ad istam: quamvis enim inde quisque sit malignus spiritus, quia voluntate nocere appetit, tamen nocendi potestatem non accipit, nisi ab illo sub quo sunt omnia, certis et justis meritorum gradibus ordinata; quia sicut non est mala voluntas a Deo, sic non est potestas nisi a Deo (Rom. xiii); quamvis enim sit in cujusque potestate quid velit, non est tamen in cujusque quid possit, vel facere cuiquam, vel a quoquam pati: nam et ipse Filius unicus Dei passurus ad tempus, humiliter, superbe loquenti homini, et dicenti quod potestatem haberet occidendi eum et dimittendi, *Non haberes*, inquit, *in me potestatem, nisi tibi data esset desuper* (Joan. xix). Diabolus enim volens nocere justo viro Job, nocendi quidem voluntate diabolus erat, sed tamen a Domino Deo potestatem petebat dicens, *Mitte manum tuam et tange carnem ejus* (Job ii), quamvis et ipse hoc, si permitteretur, esset facturus: ipsam enim permissionem petebat hoc modo, et manum Domini appellabat permissam a Domino manum suam, id est, ipsam potestatem quam volebat accipere. Cui congruit illud in Evangelio, quod Dominus discipulis ait: *Hac nocte postulavit Satanas vexare vos sicut triticum* (Luc. xxii). Dictus est ergo spiritus Dei malus, hoc est minister Dei ad faciendum in Saul quod eum iudex omnipotentissimus pati judicabat, quoniam spiritus ille voluntate qua malus erat, non erat Dei, creatura vero quia conditus erat, Dei erat; potestas autem, quam non sua, sed Domini omnium aequitate acceperat, Dei erat. Verba etiam ipsa Scripturarum ita se habent, XVI. *De daemonio Sauli*. Cap. xvi. — *Et perrexit Samuel, et abiit in Ramatha. Spiritus autem Domini recessit a Saul, et comprehendit eum spiritus malignus a Domino, et suffocabat eum. Et dixerunt pueri Saul ad eum: Ecce Spiritus Domini malus suffocat te. Hoc igitur a pueris ejus quomodo sit dictum Spiritus Domini malignus, superiora verba indicant narrantis Scripturae et dicentis: Spiritus malignus a Domino: secundum hoc enim Domini, quod a Domino, quia per seipsum necare velle habebat, id est, comprehendere Saul: posse autem non habebat, nisi summa justitia sineretur; si enim juste vindicat Deus, quemadmodum ipse dicit Apostolus (Rom. i), cum tradit homines ad concupiscentias cordis eorum, non mirum si nihilominus juste vindicans tradit eos etiam in concupiscentias aliorum nocere vo-*



lentium, sua semper incommutabili aequitate servata. A Animadvertendum sane cum additamento dici, *Spiritus Domini malus*. Cum autem tantummodo dicitur, *Spiritus Domini*, etiamsi non addatur bonus, ex hoc intelligitur bonus: unde apparet, bonum spiritum secundum substantiam, malum autem secundum ministerium dici spiritum Dei: quamquam quæri adhuc possit utrum cum Spiritus Dei dicitur, et ex ipso jam etsi nihil addatur, intelligitur bonus ille qui est in Trinitate consubstantialis Patri et Filio, Spiritus sanctus; de quo dicitur, *Ubi autem Spiritus Domini, ibi libertas* (I Cor. iii); et iterum, *Nobis autem revelavit Deus per Spiritum suum* (I Cor. ii); et illud, *Sic et qui Dei sunt, nemo scit nisi Spiritus Dei*; et multis hic modis dicitur Spiritus Dei, et intelligitur Spiritus sanctus, etiamsi non addatur, quoniam ea quæ circumstant satis indicant de quo dicatur, ita ut aliquando nec Dei addatur, et tamen intelligatur ille Spiritus Dei principaliter sanctus; nam quem alium commemorat ubi dicit, *Ipse Spiritus dat testimonium spiritui nostro, quia sumus filii Dei* (Rom. viii), et, *Ipse Spiritus adjuvat infirmitatem nostram, et omnia hæc operatur unus atque idem Spiritus, dividens singulis prout vult; et divisiones donationum, idem autem Spiritus* (I Cor. xii): in his enim omnibus sententiis nec Dei nec sanctus est additum, et tamen ipse intelligitur. Sed nescio utrum manifesto aliquo exemplo probari possit alicubi dictum Spiritum Dei sine additamento, ubi Spiritus ille sanctus non significatur; sed aliquis quamvis bonus, creatus tamen et conditus: quæ enim præferuntur dubia, indigent clariore documento, sicut illud quod scriptum est, *Spiritus Dei ferebatur super aquas* (Gen. i); nam et ibi Spiritum sanctum accipere quid impediat non invenio: cum enim aquarum nomine illa materies insinuaretur informis, quæ de nihilo facta est, unde omnia fierent, quid prohibet intelligere Spiritum sanctum conditoris, qui superferebatur huic materię non locorum gradibus intervalli quæ spatorum, quod nequaquam de ulla re incorporea recte dicitur, sed excellentia et eminentia dominantis supra omnia voluntatis, ut omnia conderentur: præsertim cum ea locutio, sicut illarum Scripturarum mos est, etiam propheticum quoddam sonet mysterium, quo futuri baptismatis ex aqua et Spiritu sancto populi præfigurarentur. Non ergo cogit quod dictum est, *Spiritus Dei ferebatur super aquas*, illum intelligere spiritum, sicut nonnulli intelligunt, quo mundi moles universa ista corporea velut animatur ad ministerium quorumque gignentium, et in sua specie continendarum corporalium creaturarum: creatura est enim quicquid est tale. Illud etiam quod scriptum est, *Quoniam Spiritus Domini replevit orbem terrarum* (Sap. i), non desunt qui eundem spiritum veint accipere, invisibilem scilicet creaturam, cuncta visibilia universali quadam aspiratione vegetantem atque continentem. Sed neque hic video quid impediat Spiritum sanctum intelligere, cum ipse Deus dicat apud prophetam, *Cælum et terram ego impleo* (Jer. xxxi); non enim sine suo Spiritu sancto implet Deus cælum et terram. Quid ergo mirum si de Spiritu sancto ejus dictum est, *Replevit orbem terrarum* (Sap. i)? Aliter etiam replet sanctificando, sicut de Stephano dicitur, *Repletus est Spiritu sancto*, et de cæteris talibus aliter: replet sanctificante gratia, sicut quosdam sanctos; aliter astante atque ordinante præsentia, sicut omnia. Quamobrem nescio utrum certo aliquo documento Scripturarum possit ostendi, cum sine ullo additamento dicitur Spiritus Dei, vel Spiritus Domini, aliquid aliud significari quam Spiritum sanctum. Sed etsi est forte quod impræsentiarum non occurrat, illud certe arbitror non temere dici, quoties in sanctis eloquiis commemoratur Spiritus Dei, nec additur aliquid, sive illi Patri et Filio consubstantialis Spiritus sanctus, sive aliqua creatura invisibilis intelligitur, malum autem non posse intelligi nisi addatur etiam malus; malo enim quia bene utitur, Deus ad

ministerium iudicii sui; appellatur etiam ipse Spiritus Dei ad vindictam malorum et disciplinam vel probationem bonorum. Nec illud jam movere nos debet, quod postea scriptum est eundem Saulem Spiritu Dei super se facto prophetasse: quomodo post bonum Spiritum, spiritus malus, et rursus post malum bonus: hoc enim fit non mutabilitate Spiritus sancti, qui est incommutabilis cum Patre et Filio, sed mutabilitate animi humani. Deo cuncta distribente, sive malis pro merito damnationis vel emendationis, sive bonis pro largitate gratiæ suæ: quamquam videri possit etiam idem fuisse Dei Spiritus semper in Saul, malus autem illi quod ejus substantiæ capax non esset; sed non recte hoc videtur: tutior est enim ille sensus et verior, ut pro mutabilitate affectionis humanæ, Spiritus Dei bonus bene afficiat, vel ad prophetiam, vel ad opus quod iubet in munere divino: afficiat autem malus qui propter mysterium divini æquitatis omnia distribuentis, et omnia recte utentis, dicitur et ipse Spiritus Dei: præsertim quia dictum est, *Recessit ab eo Spiritus Dei, et comprehendit eum spiritus malignus a Domino*; nullo pacto enim potest idem videri recessisse et apprehendisse. Porro in nonnullis exemplaribus, et in eis maxime quæ de lingua Hebræa ad verbum videntur expressa, invenitur Spiritus Dei sine additamento positus, et intelligitur malus ex eo quod arripiebat Saul, et reficiebat eum David tangendo citharam. Manifestum est tamen ideo non additum malus, quia paulo superius jam dictum erat, et de vicinitate Scripturæ subaudiri et intelligi poterat: ita enim in ejusmodi exemplaribus legitur. Igitur quancumque Spiritus Dei arripiebat Saul, tollebat David citharam, et percutiebat manu sua, et refocillabatur Saul, et levius habebat: recedebat enim ab eo spiritus malus. Sive ergo quod dictum hic non est, Spiritus Dei, sed tantummodo spiritus malus, quod ibi minus dictum erat, tanquam redditum apparet: sive quia superius ita positum erat, *Et dixerunt servi Saul ad eum, Ecce spiritus Dei malus exagitat te; jubeat dominus noster ut servi tui qui coram te sunt, querant hominem scientem psallere cithara, ut quando te arripuerit spiritus Dei malus, psallat manu sua, et levius feras*. Non opus erat, cum rursus diceretur, Quancumque spiritus Dei arripiebat Saul, addere malum, quia notum erat de quo tunc diceretur.

XVII. De unctione David. Cap. xvi. — Itaque Saul propter inobedientiam reprobo, mittit Dominus Samuel ad Isai, et sumpto cornu olei, unxit in regem David. Sed videamus David quomodo Christum prophetice signaverit. David enim interpretatur Mans fortis, sive desiderabilis. Ecquid fortius leone illo de tribu Juda, qui vicit mundum? ecquid desiderabilius illo, de quo dicitur, *Veniet desideratus cunctis gentibus* (Aggæi ii)? Ungitur iste David in regem futurum, denuntians per unctionem illam Christum. Christus enim a chrismate appellatur, David ab officio pastoralis ad hominum regimen transfertur; noster autem David ipse Jesus ab ovibus Judaicæ plebis ablati, in regno gentium translatus est; a Juda enim plebe modo Christus ablati est, unde nunc gentium greges pascit. Erat autem David in canticis musicus eruditus: diversorum enim sonorum rationalis moderatusque concentus, concordie varietate compactam ordinatæ Ecclesiæ insinuat unitatem, quæ miris modis quotidie resonat, et suavitate mystica modulatur. Iste adhuc puer in cithara suaviter, immo fortiter canens, malignum spiritum qui operabatur in Saule compescuit, non quod citharæ illius tanta virtus erat, sed figura crucis Christi quæ de ligno et extensione nervorum mystice gerebatur, ipsaque passio cantabatur, in hoc tribuens moraliter exemplum, ut fastum divitum sermone humili ad aliquod bonum provocemus. Plerumque enim superbus dives exhortationis blandimento placandus est, quia et plerumque dura vulnera per lenia fomenta mollescent, et furor insanorum sæpe ad salutem me-



deco blandiente reduci ut. Cumque eis in dulcedine condescenditur, languor insanix mitigatur; neque enim negligenter intueendum est quod cum Saulem spiritus adversus invaderet, apprehensa David cithara ejus vesaniam mitigabat: quid enim per Saulem nisi elatio potentium, et quid per David innuitur, nisi humilis vita sanctorum? Cum ergo Saul ab immundo spiritu arripitur, David canente ejus vesania temperatur, quia cum sensus potentium per elationem in furorem vertitur, dignum est ut ad salutem mentis quasi dulcedine citharæ, locutionis nostræ tranquillitate revocetur.

XVIII. *De certamine David et Goliæ.* Cap. xvii. — Post hæc David in prælio gigantem superavit, cum adversus populum Dei alienigenæ dimicarent. Provocavit diabolus Christum, accepit arma bellica sanctus David, ut adversus Goliath procederet. Hæc arma per ætatem et parvam staturam corporis portare non valuit, abiecit onerantia, accepit quinque lapides de flumine, et posuit in vase pastorali; his armatus processit et vicit. Hoc quidem ille David. Sed si mysteria perscrutemur, in David Christus intelligitur, qui tempore revelationis novi Testamenti, insinuandæ et commodandæ gratiæ prævidens arma deposuit, quinque lapides tulit. Deposuit ergo corporalia sacramenta legis quæ non sunt imposita gentibus. Deposuit quæ non observamus, quia veterem legem legimus, et non observamus, sed tamen ad aliquam significationem præmissa et posita intelligimus. Denique hæc arma deposuit tamquam onera sacramentorum veteris legis, et ipsam legem accepit; quinque enim lapides, quinque libros Moysis significant. Tulit ergo illos quinque lapides de flumine, id est, de sæculo; labitur enim mortale sæculum, et præterfluit quidquid venit in mundum: erant enim in flumine tamquam in populo illo primo lapides, erant illic inutiles et vacabant; nihil proderant, transibant sicut fluvius. Sed quid fecit David, ut lex ipsa utilis esset? accepit gratiam: lex enim sine gratia impleri non potest: plenitudo enim legis charitas (Rom. xiii). Quia ergo gratia facit impleri legem, significatur gratia lacte: hoc enim est in carne gratuitum, ubi mater non querit accipere, sed sategit dare. Hoc mater gratis dat, et contristatur si desit qui accipiat. Quomodo ergo ostendit David legem sine gratia operari non posse, nisi cum illos lapides quinque, quibus significabatur lex in libris quinque, quos conjungere voluit gratiæ, posuit in vase pastorali, quo lac mulgere consueverat? His armatus processit adversus Goliath superbum, se jactantem, de se præsumentem; tulit unum lapidem, et dejecit diabolum; in frontem percussit, et cecidit ex eo loco corporis ubi signum Christi non habuit. Hoc quoque licet attendas. Quinque lapides deposuit, unum misit. Quinque libri legis sunt, sed unitas vicit: Plenitudo enim legis charitas ut ait Apostolus (Ibid.); sufferentes invicem in dilectione, studentes servare unitatem spiritus in vinculo pacis (Eph. iv). Deinde illo percusso atque dejecto, gladium ejus abstulit, et deinde illi caput absedit. Et hoc facit noster David. Dejecit diabolum de suis, qui credunt magis ei quos ille in manu habebat, et de quibus certas animas trucidabat. Convertunt linguas suas contra diabolum, et sic Goliæ de gladio suo caput inciditur. Convenit etiam et hoc illi viro qui recta fide plenus, quæ sanctis solet ad justitiam deputari, cum ea ipsa Scripturæ sacræ, quam hæreticus affert, testimonio colligit, et erroris ejus pertinaciam inde convincit; contra nos namque dum sacræ legis testimonia apportant, secum nobis afferunt unde vincantur. Unde et David typum Domini, qui videlicet manu fortis interpretatur, Goliath vero hæreticorum superbiam signans, hoc rebus locuti sunt, quod nos verbis aperimus. Goliath quippe cum gladio, David vero cum virga pastoralis venit ad prælium; sed eundem Goliath David superans, suo occidit gladio. Quod nos quoque agimus, qui præmissi David membra ex ejus fieri dignatione meruimus: nam cum superbie

A hæreticos, et sacræ Scripturæ sententias deferentes, eisdem verbis atque sententiis quas proferunt vincimus, quasi elatum Goliath suo gladio detruicamus.

XIX. *De eo quod Saul pro præputiis Philistæorum David generum adsciscit.* Cap. xviii. — Interea victoria David animum Saul regis offendit, indignans quod Saul in mille, et David in decem millibus conclamationem publicæ gratulationis ora insonarent. Hinc invidia Saulis et semen odiorum adversus David, quem dissimulator callidus, ut sine insidiis suis posset offerre discrimini, statuit eum Michol filie sue nuptiis alligari, si centum sibi allophytorum præputia victor offerret, pro quibus centum ancuta dedit. Et unde creditus est regio perire voto, inde auctus et gloriosiori tropeo. Ita et Judæi dum contra voluntatem Dei Christum occidere nituntur, per id salutem gentium egerunt, per quod crediderunt extinguere. Quod vero David prius alienigenarum præputia attulit, et sic denuo filie Saul nuptus hæsit, significabat quod Christus non prius Synagogam connubio suo sponderet, nisi ante gloriosus in gentibus fieret; prius enim in nationibus resecauit carnis pollutionem, et postea copulatus est Synagogæ; postquam enim, sicut scriptum est, introierit plenitudo gentium, tunc omnis Israel salvus fiet (Rom. xi). Dupla autem, id est, ducenta præputia attulit, sive pro Judæis et gentibus acquisitis, sive quia major est numerus acquisitionis populi gentium, quam credentium Judæorum. Auxit deinde odium Saul adversus David in tantum ut rex ad medellam sui spiritus David de more psallentem jaculo conaretur configere. Sed quid est quod dum Saulem spiritus adversus invaderet, apprehensa David cithara, ejus vesaniam mitigabat? Per Saulem enim Judæorum elatio, per David autem humilitas Christi significatur. Cum ergo Saul ab immundo spiritu arripitur, David canente, ejus vesania temperatur, quia cum sensus Judæorum per blasphemiam in furorem vertitur, dignum est ut ad salutem mentes eorum quasi dulcedine citharæ locutionis C evangelicæ tranquillitate revocentur.

XX. *De fuga David.* Cap. xix. — Mittit Saul custodes ad domum David, ut custodirent eum, et interficeretur; abscessit autem David nocte, et fugit, atque salvatus est; cumque venissent nuntii Saul, invenerunt statuam in lecto David positam, et pellem pilosam caprarum ad caput ejus. Audiamus ergo quid hoc significet, quod miserit Saul ad custodiendam domum David, ut eum interficeret. Hoc non ad crucem Domini, sed tamen ad passionem ejus pertinet; crucifixus enim Christus, et mortuus, et sepultus est. Erat ergo illa sepultura tamquam domus, ad quam tamquam ad custodiendum misit regnum Judæorum, quando custodes adhibiti sunt sepulcro Christi. Quomodo ergo custodita est domus, si David figurabat Christum, ut Christus interficeretur, dum non in sepultura Christus, sed in cruce sit interfectus? Refertur ergo ad corpus Christi, quia interficere Christum, erat tollere nomen Christi; neque enim crederetur in Christum, si mendacium prævaleret custodum, qui corrupti sunt ut dicerent, quia dormientibus nobis venerunt discipuli ejus, et abstulerunt eum. Hoc est itaque velle Christum interficere, nomen resurrectionis ejus extinguere, ut mendacium Evangelio præferretur. Sed sicut illud non valuit Saul ut interficeret David, sic nec hoc potuit regnum Judæorum efficere, ut memoriam Christi deleteret. Isti autem qui de Saul virtute, id est, de regno Judæorum in Christum præsumere voluerunt, offenderunt in lapidem offensionis tamquam in statuam, et hædus visus eis erat agnus, quia in quo peccatum non invenerunt, quasi peccatorem persecuti sunt.

XXI. *De fuga David ad Samuelem.* Cap. xix. — Igitur David regis manus ictum evitans ejusque persecutionem declinans, fugit, venitque ad Samuelem; et misit Saul nuntios qui apprehenderent David. Samuel autem erat inter prophetas et cætus prophetarum qui illo tempore prophetabant. Nuntii autem



qui missi sunt, accepto ejusdem spiritu, prophetaverunt, missi-que aliis hoc contigit, et tertiis nihilominus. Postea vero cum et ipse Saul venisset, *factus est super eum Spiritus Domini, et ambulabat ingrediens, et prophetabat*. Non enim potest hic nisi Spiritus bonus intelligi, per quem sancti prophetarum futurarum rerum imagines et visa cernebant, non ex eo tantum quia dictum est, *et prophetabat*; nam in exemplaribus quæ sunt ex Hebræo hoc quoque invenitur de spiritu malo dictum ita: *Post diem autem alterum invasit Spiritus Dei malus Saul, et prophetabat in medio domus suæ*. Et in aliis Scripturarum locis sæpe invenitur, quod prophetia non tantum bona, sed et mala dicitur, et prophetæ dicti sunt Baalim, et exprobratum est quibusdam qui prophetabant in Baal. Non ergo propterea necesse est intelligi bonus Spiritus, qui factus est postea super Saul, quia dictum est, *et ambulabat ingrediens et prophetabat*; sed quia sine additamento positum est, *et factus est Dei Spiritus super eum*; non enim sicut in illo loco dictum erat supra Dei spiritus malus, ut ex hoc posset et in consequentibus subaudiri, quinimmo superiora magis magisque attestantur, illum Spiritum Dei bonum fuisse et vere propheticum. David enim erat cum Samuele, *et misit Saul nuntios qui apprehenderent David*. Quomodo autem Samuel erat inter prophetas et cœtus prophetarum, qui illo tempore prophetabant, et nuntii qui missi sunt, accepto ab eodem spiritu prophetaverunt, missisque aliis hoc contigit, et tertiis nihilominus? *Postea cum et ipse Saul venisset, factus est super eum Spiritus Dei, et ambulabat ingrediens, et prophetabat*; cum enim dicitur, *Factus est et super ipsos Spiritus Domini, et prophetabant et ipsi*; idem utique spiritus erat qui erat in prophetis; inter quos et Samuel inventus est; et ex hoc utique necesse est intelligi illum spiritum bonum; atque ideo quæstio diligenter discutienda est, quomodo et illi cum missi essent ad tenendum hominem, et ad necem ducendum, tali spiritu affici meruerunt; et Saul ipse, qui miserat, veniens et ipse, et sanguinem innocentem quærens effundere, accipere meruit spiritum illum, et prophetare? Hic nimirum illud occurrat, quod apostolus Paulus exponit, supereminentem viam demonstrans: *Si linguis hominum, inquit, loquar et angelorum, charitatem autem non habeam, factus sum velut ærumentum sonans, aut cymbalum tinniens. Et si habuero prophetiam, et sciero omnia sacramenta, et omnem scientiam, et si habuero omnem fidem, ita ut montes transferam, charitatem autem non habeam, nihil sum; et si distribuero omnem substantiam meam, et si tradidero corpus meum ut ardeam, charitatem autem non habeam, nihil mihi prodest (I Cor. xiii)*. Quo in loco manifestum est eum munera illa commemorasse, quæ sancti Spiritus divisionibus dantur, sicut superius dicit: *Unicuique autem datur manifestatio Spiritus, ad utilitatem. Alii autem datur per Spiritum sermo scientiæ, alii sermo sapientiæ, secundum eundem Spiritum, alteri autem fides in eodem Spiritu, alii donatio curationum in uno Spiritu, alii operatio virtutum, alii prophetia, alii dijudicatio spirituum, alii genera linguarum. Omnia autem hæc operatur unus atque idem Spiritus, dividens propria unicuique prout vult (I Cor. xii)*. Satis igitur apparet inter dona Spiritus sancti esse prophetiam, quam tamen si quis habeat et charitatem non habeat, nihil est. Ex quo intelligitur fieri posse ut quidam etiam indigni vita æterna regnoque cœlorum aspergantur quibusdam Spiritus sancti muneribus, non habentes charitatem, sine qua illa munera nonnihil sunt, sed illis nihil prosunt. Prophetia quippe sine charitate, sicut jam demonstratum est, non perducit ad regnum Dei. Charitas vero sine prophetia utique perducit: cum enim loquens de membris Christi ait, *Numquid omnes apostoli, numquid omnes prophetæ (Ibid.)*, indubitanter ostendit, etiam eum qui prophetiam non habet, posse in membris Christi numerari, ubi quem locum haberet sine charitate, sine qua homo nihil est, si non habet? Nullo modo autem

ita diceret, quando de membris agebat, quibus corpus Christi impletur. Numquid omnes habent charitatem quemadmodum dicit, *Numquid omnes apostoli, numquid omnes prophetæ, numquid omnes virtutes, numquid omnes dona habent curationum?* Et cætera hujusmodi. Sed dicet aliquis posse quidem fieri, ut prophetiam quisque non habeat. Nihil est homo habens prophetiam sine charitate. Ita fortasse quemadmodum possumus dicere, nihil esse hominem habentem animam sine mente: non quia potest inveniri homo qui mentem non habeat, habens animam; sed quia nihil esset si inveniri posset. Sic etiam dici potest corpus, si figuram habeat, colorem non habeat, videri non potest, non quia est corpus, cui desit color, sed quia, si deesset, cerni non posset. Ita fortasse dictum est, quod si quisque habeat prophetiam, et charitatem non habeat, nihil est: non quia potest in quoquam esse prophetia sine charitate, sed quia, si esset, prodesse non potest. Opus igitur est ad solvendum istam quæstionem ut ostendamus aliquem reprobum hoc donum habuisse prophetiæ. Quod si neminem inveniremus, hoc iste ipse Saul satis ostenderet. Sed tamen et ille Balaam reprobus apparet; non enim eum tacet Scriptura divino iudicio esse damnatum, et tamen prophetiam habebat, quia ei charitas deerat, inerat voluntas maledicendi populo Israelitico, quam hostis pretio comparaverat, qui eum ad maledicendum mercede conduxerat. Dono tamen ille prophetizandi, quo aspergebatur, benedicebat invitis; nec illa verba parum attestantur huic sententiæ, quæ in Evangelio scripta sunt, multos dicturos in illa die, *Domine, Domine, in nomine tuo manducavimus et bibimus, et in nomine tuo prophetavimus: in nomine tuo multas virtutes fecimus*. Quibus tamen dicitur est, *Non novi vos, recedite a me, operarii iniquitatis (Matth. vii, Luc. xiii)*; non enim eos mentientes putabimus ista dicturos in illo iudicio, ubi nullus erit fallendi locus; aut ullam vocem talium legimus dicentium, *Dileximus te. Poterunt ergo dicere, In nomine tuo prophetavimus, cum sint improbi et reprobi, non autem poterunt dicere, dilectionem quam mandasti, tenuimus*. Nam si dicent, tunc eis respondebitur, *Non novi vos. In hoc enim cognoscitur, inquit, quia discipuli mei estis, si vos invicem diligatis (Joan. xiii)*. Exemplum itaque hujus Saul resistit superbis nonnullis hæreticis, qui vel aliquid boni de muneribus sancti Spiritus negant posse dari eis qui ad sortem sanctorum non pertinent, cum eis dicimus habere posse illos baptismi sacramentum, quod, cum ad Ecclesiam catholicam veniunt, non est in eis ullo modo violandum, aut, quasi non habeant, tradendum: sed tamen eos non ideo saluti debere confidere, quia non improbanus quod illos accepisse concedimus, sed oportere cognoscere unitatis societatem vinculo charitatis ineundam, sine qua omnino quidquid habere potuerunt, quamvis per se sanctum atque venerandum, ipsi tamen nihil sunt, tanto indigniores effecti præmio vitæ æternæ, quanto illis donis non bene usi sunt, quæ in hac vita, quæ transitura est, acceperunt. Non autem bene utitur nisi charitas: et charitas omnia tolerat, atque ideo non scindit unitatem, cujus ipsa est fortissimum vinculum; non enim et servus ille non accepit talentum, aut aliquid aliud intelligitur talentum, quam munus utique aliquod divinum. *Sed qui habet dabitur ei, qui autem non habet, et quod habet auferetur ab eo (Luc. xix)*. Quod non habet, auferri non potest, sed aliud non habet, ut merito auferatur quod habet. Non habet charitatem utendi, ut auferatur quidquid aliud habet, quod sine charitate non prodest. Non igitur mirum, regem Saul et eo tempore, quo primum unctus est, accepisse spiritum prophetandi, et postea cum esset propter inobedientiam reprobatus, recedente ab eo spiritu Dei, arreptum esse maligno spiritu a Domino: qui etiam ipse spiritus Domini appellatus est propter ministerium, quia omnibus et spiritibus malis bene utitur Dominus, vel



ad damnationem quorundam, vel ad probationem; et quamvis non sit malignitas a Deo, non est tamen potestas nisi a Deo. Dicitur est etiam sopor Domini, qui occupaverat ejusdem Saul milites, cum David hastam et scyphum abstulisset a capite dormientis: non quia tunc sopor in Domino erat, ut ipse dormiret, sed quia ille sopor qui tunc homines apprehenderat, nutu Dei erat infusus, ne David et servi ejus in eo loco præsencia sentiretur. Neque illud mirum est, rursus eundem Saul accepisse spiritum prophetiae cum persequeretur justum, et eum comprehensurus et necaturus venisset in locum ubi erat congregatio prophetarum; sic enim satis demonstratum est, neminem de tali munere securum esse debere, tamquam sit acceptissimus Deo, si non habeat charitatem, quandoquidem illud donum, et Sauli dari potuit, propter arcanum quidem alicujus sacramenti, sed tamen dari potuit reprobato, et invidio, et ingrato, et reddenti mala pro bonis, et ne post ipsam quidem acceptionem spiritus correcto in melius et mutato.

XXII. *De fœdere David et Jonathæ.* Cap. xx. — Igitur autem Jonathas ad David, quem in persecutionibus patris sui non justis dolebat fatigari. Si vixero, facies mihi misericordiam Domini: si autem mortuus fuero, non auferes misericordiam tuam a domo mea usque in sempiternum, quando eradicaverit Dominus inimicos David, unumquemque de terra. Cum adjungeret Scriptura, Pegitit ergo fœdus Jonathas cum domo David, continuo subintulit dicens, Et requisivit Dominus de manu inimicorum David. Per anticipationem unique fecit, prius historiæ interserendo quod multo post tempore factum est, cum, interfecto Saule, regnum ad domum David translatum est, et qui innocentem eum injuste persequabantur, juste sunt divinitus ultione mulcati; tunc enim requisivit Dominus de manu inimicorum David, quare virum sanctum affligerint, tunc cogebantur rationem reddere odiorum quibus contra illum tanto tempore sævierant. Quod et de Absalon, et de Seba filio Bochri, et de cæteris hostibus David æque potest intelligi. Aliter: Si scire vis quid de manu inimicorum David requisierit Dominus, potes, ni fallor, a superiore sententia, quæ dictum est quod fœdus pepigerit Jonathas; requisivit enim quare non et ipsi fœdus cum eo pacis inire voluerint, cum quo esse Dominum viderunt. Idcirco autem Scriptura hic sententiam hanc præoccupando interponere videtur, ut testimonium Jonathæ quod dixerat, quando eradicaverit Dominus inimicos David unumquemque de terra; non ipso David se adversariis ulciscente, sed judicante Domino pro illo. Bene autem subiungitur:

Et addidit Jonathas jurare David, eo quod diligeret illum, sicut animam enim suam ita diligebat eum: ut ille nimirum qui tam perfecto juxta legem Dei amore complectebatur David, a perditione inimicorum ejus videretur immunis, qui etsi sit ita morte præceptus, ut regnum cum eo, ut sperabat, habere nequisset commune, absque ulla tamen contradictione regni cœlestis consortium cum eo, quem pro gloria virtutum tantopere dilexit, cum esset et ipse vir virtutum, accepit.

XXIII. *De adventu David ad Achimelech.* Cap. xxi. — Surrexit itaque David iterum, ut fugeret in die illa a facie Saul, venitque ad sacerdotem Achimelech, a quo et gladium Goliæ sustulit, et panes propositionis accepit. Ex qua re et sacerdoti mortem intulit, et animadversionem religiosæ civitati. Hæc itaque gestorum fides est. Sed quantum ad sacramentum prophetiæ pertinet, in Christo Domino nostro impletum est, qui positus in carne, dum insecutionem declinaret Judaicam ad apostolos transiit, cum quibus et desideratum sibi cibum sumpsit. Desiderio, enim, inquit, desideravi hoc pascha manducare vobiscum (Luc. xxii); ex quibus Goliæ, id est, diaboli arma sustulit, fortis enim spolia ipse diripuit. His ergo a quibus receptus est Christus, tribulationes induxit diabolus et mortem. Omnes enim, ut ait Apostolus, qui in Christo

pie volunt vivere, persecutiones patiuntur (II Tim. iii). Et Dominus ait, Si me persecuti sunt, et vos persequentur (Joan. xv). Quod vero Dominus in Evangelio Abiathar principem sacerdotum Achimelech appellat, nihil habet dissonantiæ; ambo etenim fuerunt illic, cum veniens David panes petiit et accepit: Achimelech videlicet princeps sacerdotum, et Abiathar filius ejus. Occiso autem Achimelecha Saule, cum viris domus suæ generis sacerdotalis 85 fugit Abiathar ad David, et comes factus totius exsilii ejus, postea, regnante eo, summi sacerdotii gradum et ipse accepit, ac toto tempore regni illius in pontificatu perseverans, multo majoris excellentiæ quam pater suus effectus est, ideoque dignus fuit cujus memoriam Dominus, etiam vivente patre, quasi summi sacerdotis faceret. In Doech autem Idu-mæo qui sacerdotes Domini prodidit, Judæ proditoris persona signatur, per quem ista operatus est diabolus, ut ejus prodicione facta in Christo persecutionem postea Ecclesia pateretur, et occiderentur multi discipuli et sacerdotes, et pro nomine ejus persecutionis exitia paterentur. Quidam dicunt Doech Antichristum significasse, cujus membrum Judas existit: quia sicut ille sacerdotes 80 peremit, sic et iste martyres, qui fidem resurrectionis tenent, sit occisurus.

XXIV. *De fuga David ad Achis.* Cap. xxi. — Interea David cum fugeret Saul, latere voluit apud regem quemdam Geth nomine Achis; sed cum gloria ejus fuisset commemorata, ne per livorem rex ad quem fugerat, aliquid in eum machinaretur, finxit insaniam, et quasi furore correptus, mutavit os suum, defluebantque salivæ in barbam ejus, collabebaturque in manibus eorum, et procidebat ad ostia portæ. Et dixit Achis rex ad servos suos: Quid huc mihi adduxistis istum? Numquid deerant nobis furiosi? Et sic eum dimisit. Achis interpretatur, Quomodo est, per quod significatur ignorantia, et verbum mirantis, et non agnoscentis: quod in gente Judæorum impletum est, qui, dum viderunt Christum, non agnoverunt, coram quibus mutavit os suum, et abiit; erant enim præcepta legis carnalia, erat sacrificium secundum ordinem Aaron, et postea ipse de corpore et sanguine suo instituit sacrificium secundum Melchisedech. Mutavit ergo os suum in sacerdotio, mutavit in præceptis, dans aliud testamentum evacuata carnali operatione; atque inde collapsus est in manibus eorum, quando eum comprehendentes crucifixerunt. Et procidebat ad ostia portæ, hoc est, humiliabat se, hoc est procidere ad ostium fidei nostræ. Ostium enim portæ initium fidei, inde incipit Ecclesia, et pervenit usque ad speciem, ut cum credit ea quæ non videt, mereatur perfrui, cum ea videre facie ad faciem cœperit. Quod vero in illo quasi furore salivæ decurrebant super barbam ejus, Apostolus hæc aperit dicens: Judæi signa petunt, et Græci sapientiam quærunt, nos autem prædicamus Christum crucifixum, Judæis quidem scandalum, gentibus autem stultitiam, ipsis vero Judæis vocatis et Græcis Christum Dei virtutem, et Dei sapientiam, quia quod stultum est Dei, sapientius est hominibus, et quod infirmum est Dei, fortius est hominibus (I Cor. i). Salivæ enim significant infirmitatem, sed quod infirmum est Dei, fortius est hominibus: non tantum salivæ attendantur, sed attende quod super barbam decurrunt; quomodo enim in salivis infirmitas, sic in barba virtus ostenditur. Texit ergo virtutem suam corpore infirmitatis suæ, et quod forinsecus infirmabatur tamquam in saliva apparebat, intus autem divina virtus tamquam barba tegebatur.

XXV. *Quod in spelunca David Saulis chlamydem absceidit.* Cap. xxii. — Dehinc in eremo Engaddi cum persequendum David Saul appeteret, ingressus est David in speluncam, et ibi latebat. Sed et rex improvisis exceptus insidiis, quod innocuo moliebatur incidere: scriptum est enim: Qui fodit foveam, incidet in eam.

David autem bona pro malis retribuens, inimicum non occidit, sed pro testimonio oram chlamydis regis abstulit, cum facilius esset exceptum insidis



adversarium perdere magis quam fallere. Quid ergo est quod iste fugiens a facie Saul in spelunca latuit? Quare autem latuit? nisi ut occultaretur et non inveniretur. Quid est contegi spelunca, nisi contegi terra? qui enim fugit in spelunca, terra legitur ne videatur. Portabat autem terram Jesus carnem quam acceperat de terra, et in ea se occultabat, ne a Judæis inveniretur Deus; si enim cognovissent, numquam Dominum gloriæ crucifixissent (I Cor. ii).

Quare ergo Dominum gloriæ non invenerunt? Quia in spelunca se texerat, id est, carnis infirmitatem solum objiciebat, et majestatem divinitatis corporis tegmine tamquam speluncæ abdito contegebat. Illi ergo non cognoscentes persecuti sunt hominem, nec mori potuit nisi in homine, nec crucifigi potuit nisi in homine, quia nec teneri potuit nisi in homine.

Opposuit ergo male quærentibus terram, servavit bene quærentibus vitam: fugit ergo secundum carnem in speluncam a facie Saul, quia passus est, usque adeo se occultans Judæis, ut moreretur. Sed quare usque ad mortem voluit esse patiens, ut fugeret a facie Saul in speluncam? Etenim spelunca inferior pars terræ potest accipi: et certe quod manifestum est, et notum omnibus corpus ejus in monumento positum est, quod erat excisum in petra.

Hoc ergo monumentum spelunca erat, illuc fugit noster David a facie Saul; tamdiu enim persecuti sunt illum Judæi, quoadusque poneretur in spelunca. Sed quid est quod Saul persecutor ad purgandum ventrem speluncam ingreditur, nisi quod Judæi in Christum conceptam mentis malitiam, quasi odorem fetidum emisissent, et cogitata noxia factis deterioribus, dum Christum perimunt, ostenderunt: sed tamen David Saulem occidere noluit, et cum eum in abdito occultatus antro haberet in potestate, reservare potius quam occidere maluit. Ita et Christus dum esset in spelunca carnis, persecutorem populum in potestate habuit, et non occidit. Scriptum enim erat de his per prophetam, *Ne occideris eos*.

Tamen denique David summitatem chlamydis ejus silenter abscidit, ut ostenderet prophetia Christum Judæos non occidisse, sed tamen ejus regni gloriam abstulisse, sicque eos persecutione sua vacuos sede vel imperio reliquisse; chlamydis enim abscisio regni est amputatio.

In eo autem quod tantum veneratus est Saul ipse David, ut percusso corde poenituerit, quando, in tenebroso occultatus antro quo etiam Saul urgente intraverat necessitate naturæ, exiguam particulam vestis ejus retrorsum latenter abscidit, ut haberet unde monstraret quomodo ei pepercerit, cum posset occidere, atque ita suspicionem de animo ejus, qua sanctum David putans inimicum suum vehementer persequabatur, auferret, futuri regni erat umbra in æternitate mansuri. Oleum quippe illud quo unctus est pro chrismate, ab eo christus est dictus. Ne itaque reus esset tanti sacramenti in Saule violati, quia vel indumentum ejus sic attrectavit, extimuit; ita enim scriptum est, *Et percussit cor David super eum*, quia abstulit pinnam chlamydis ejus. Viri autem qui cum illo erant, ut Saulem in manus suas traditum interimeret, suadebant. Non mihi, inquit, contingat a Domino ut faciam verbum hoc domino meo christo Domini, inferre manum meam super eum, quia christus Domini hic est. Huic ergo umbræ futuri non propter ipsam, sed propter illud quod præfigurabat, tanta veneratio exhibetur. Moraliter vero quid per Saul, nisi mali rectores; quid per David, nisi boni subditi designantur? Saul igitur ventrem purgare, est pravos præpositos conceptam in corde malitiam usque ad opera miseri odoris extendere, et cogitata apud se noxia factis deterioribus exsequendo monstrare. Quem tamen David ferire metuit, quia subditorum mentes ab omni se peste obrectationis abstinentes, præpositorum vitam nullo linguæ gladio percutiunt, etiam cum de imperfectione reprehendunt.

Qui etsi quando propter infirmitatem sese vix abstinere possunt, ut extrema quædam atque exteriora præpositorum mala, si tamen humiliter loquantur, quasi oram chlamydis silenter incidunt: quia videlicet dum prælatæ dignitati saltem innoxie et latenter derogant, quasi regis superpositi vestem fœdant. Sed tamen ad semetipsos redeunt, seque vehementissime vel de tenuissima verbi laceratione reprehendunt. Unde bene et illic scriptum est: *Post hæc David percussit cor suum, eo quod abscidisset oram chlamydis Saul* (I Reg. xxiv); facta quippe præpositorum oris gladio ferienda non sunt, etiam cum reprehendenda recte judicantur. Si quando vero contra eos vel in minimis lingua labitur, necesse est ut per afflictionem poenitentiae cor prematur, quatenus ad semetipsum redeat, et cum præpositæ potestati deliquerit, ejus contra se judicium a quo sibi prælatus est perhorrescat. Nam cum præpositis delinquimus, ejus ordini qui nobis eos prætulit obviamus. Unde Moyses quoque cum contra se et Aaron conqueri populum cognovisset, ait: *Nos enim quid sumus? Nec contra nos est murmur vestrum, sed contra Dominum* (Exod. xvi).

XXVI. De adventu David ad Nabal. Cap. xxv. — *Post hæc David descendit in solitudinem Aon* [Vulg. Maon], ubi Nabal habitabat, nomenque uxoris ejus Abigail. Ad quem David mittens pueros suos, ut quodcumque invenisset manus ejus, misisset David et pueris suis. Quos ille stulte repellens, nuntiaverunt David. Tunc David accinctus armis, voluit eum deprædare. At Abigail abiit obviam David, interpellans pro se et pro domo sua, quem vir ejus stultitia et ebrietate sopitus offenderat: *Si enim surrexerit homo aliquando persequens te, et quærens animam tuam, erit anima domini mei custodita, quasi in fasciculo viventium apud Dominum Deum tuum. Porro anima inimicorum tuorum rotabitur quasi in impetu et circulo fundæ. Pulcherrima comparatione statum justorum a reproborum sorte discernit. Horum quippe animas appellat viventes, ut illorum e contrario spiritali morte præoccupatas insinuet: juxta illud prophetæ: *Anima quæ peccaverit, ipsa morietur*. Hos fasciculo, illos lapidi fundæ assimilat: fasciculus enim constringitur, ut integer maneat et conservetur: lapis in funda expeditus ponitur, ut abjiciatur: sic etenim in hoc sæculo electi pressuris tribulationum coangustantur, ut his admoniti acrius se adinvicem manu sui redemptoris in perpetuum conservent. At vero reprobi quanto latius in hac vita voluptatis propriis velut liberi dimittuntur, tanto longius in futuro a divinæ visionis gloria projiciuntur, ut de eis merito dicatur, *Equidem ipsi de manu tua repulsi sunt* (Ps. lxxxvii). Mire autem omnipotentem providentiam describit superni protectoris cum dicit, *Animam viri sancti quasi in fasciculo viventium, apud eum esse custoditam: sicut enim fasciculus est cuilibet fasciculum herbæ vel feni sua manu retentum conservare, ita virtus Domini et Salvatoris nostri omnes per orbem electos ab initio usque in finem sæculi, ne quis ex eis ulla ratione pereat, sine labore tuetur, juxta quod ipse in Evangelio sub figura ovium de eis loquens, *Et sequantur me*, inquit, *et ego vitam æternam do eis, et non peribunt in æternum, nec rapiet eas quisquam de manu mea* (Joan. x). Sicut fasciculus unus quibuslibet vinculis alligatur, ita omnis cætus sanctorum una eademque fide, spe et charitate adinvicem constringitur. Patet sane litteræ sensus, quia anima David persequentibus licet hostibus custodita semper fuit in sorte viventium. Porro inimici ejus insistentibus sibi adversitatibus sicut lapis funda circumnactus, sic instabili motu perturbandi, et suis de limbus essent expellendi, vel etiam ab humanis rebus auferendi. Et in hoc facto Abigail, quid nobis per renuntiationem suam innuit, nisi quod iracundos melius corrigamus, si in ipsa ira sua a commotione declina-**



mus? Perturbati quippe quid audiant ignorant, sed ad se reducti, tanto libentius exhortationis verba recipiunt, quanto se tranquillius toleratos erubescunt. Menti autem furore ebriae omne rectum, quod dicitur, perversum videtur. Unde et recte Nabal ebrio culpam suam laudabiliter tacuit, quam digesto vino laudabiliter dixit: idcirco enim malum quod fecerat cognoscere potuit, quia hoc ebrius non audivit.

XXVII. *Quod David dormienti Sauli hastam scyphumque abstulit.* Cap. xxvi. — Item David fugiens a facie Saul, castra regis ingressus est, et cum dormientem invenisset, non percussit, non occidit, sed solam lanceam, quæ erat ad caput ejus fixa, et scyphum aquæ, qui erat ad caput ejus, sustulit. Dormientibus cunctis egressus de castris, transivit in cacumine montis. Quid ergo est hoc? Persequuntur namque Christum Judæi, sed persequendo dormiebant, quia non vigilabant corde: duritia enim cordis obdormitio est. Dormiunt in vitam veterem, non evigilant in novam. Venit Christus, non eos occidit, sed tulit ab eis scyphum aquæ, id est, gratiam legis; tulit et sceptrum regale, regni scilicet potestatem, quam pro magno habebant, et unde se protegebant temporaliter, et quam adversus Deum per incredulitatem gerebant. Deinde victor noster David de castris eorum regressus, transcendit in altitudinem montis cælorum.

XXVIII. *De prælio David in Amalech.* Cap. xxvii. — Interea fugiens David dum pergeret ad Achis regem Philistinorum, in prælium adversus Israel insurrexerunt Amalechitæ, et irruerunt in Sicelech, succedentes eam, et captivantes omnia quæ erant David et puerorum ejus. Reversus ergo David ad persequendos Amalechitas, invenit Ægyptium puerum lassescens, quem Amalechitæ agrotum in itinere reliquerant. Hunc autem David inventum cibo relicit, ducem sui itineris fecit: sicque Amalechitas persequitur, epulantesque reperit, et funditus extinguit. Quid est quod Ægyptius Amalechita puer in itinere lassatus residet, nisi quod amator præsentis sæculi, peccati sui nigredine opertus, sæpe ab eodem sæculo infirmus despectusque relinquitur, ut cum eo nequaquam currere valeat, sed fractus adversitate torpescat? Hos ergo eligit Deus, quos despicit mundus, quia plerumque ipsa despectio hominem revocat ad semetipsum: is enim qui patrem reliquit, et partem substantiæ, quam perceperat, prodige expendit, postquam esurire cœpit, in se reversus dicit, *Quam multi mercenarii patris mei abundant panibus* (Luc. xv)! Longe quippe a se recesserat, quando peccavit: et si non esurisset, in se minime redisset. Qui postquam terrenis rebus indiguit, tunc cogitare cœpit, quid de spiritalibus amisit. Infirmi quique atque in hoc mundo despecti, plerumque tanto celerius vocem Dei audiunt, quanto et in hoc mundo non habent ubi delectentur. Quod bene jam dictus Amalechitarum puer ille designat, qui Amalechitis prædantibus atque currentibus æger remansit in via, fame sitique aruit, quem tamen David invenit, ei cibum potumque præbuit, qui illico convalescens dux David factus est, convivantes Amalechitas reperit, et eos qui se debilem reliquerant, cum magna fortitudine prostravit. Amalechitæ quippe populus lambens vocatur. Et quid per lambentem populum, nisi mens sæcularis, designatur? quæ terrena cuncta ambiendo quasi lambit, dum solis temporalibus delectatur: quasi enim populus lambens prædam facit, dum terrena diligentes lucra de alienis damnis congregant. Sed puer Ægyptius æger in via relinquitur, quia peccator quisque dum infirmari ab hujus mundi statu cœperit, mox sæcularibus mentibus in despectum venit. Quem tamen David invenit, etque cibum et potum præbuit, quia manu fortis Dominus abjecta mundi non despicit, et plerumque eos qui mundum sequi minime valent, quasi in via remanent, ad amoris sui gratiam convertit, ei-que verbi sui cibum porrigit, et quasi duces sibi in via

A dirigit, dum suos etiam prædicatores facit. Dum enim Christum peccatorum cordibus inferunt, quasi David super hostes ducunt: qui convivantes Amalechitas velut David gladio feriunt, quia superbos quosque, qui se in mundo despexerant, Domini virtute prosternunt. Puer ergo Ægyptius, qui in via remanserat, Amalechitas interfecit, quia plerumque ipsi mentes sæcularium prædicando superant, qui prius cum sæcularibus in hunc mundum currere non valebant.

XXIX. *De Saule pythonissam consulente.* Cap. xxviii. — Post mortem autem Samuelis congregati sunt Philistini contra Israel, consulitque Saul Dominum, et non respondit ei. Quæsit autem Saul pythonissam, quæ suscitarret illi Samuelem, statimque suscitatus ait ad eum: *Quare inquietasti me ut suscitarer?* et cætera. Quæritur secundum historiam, utrum pythonissa ipsum prophetam de inferno evocaverit, an aliquam imaginariam illusionem fallacia dæmonum fictam. De qua questione beatæ memoriæ Augustinus Mediolanensi episcopo Simpliciano ita scripsit. Inquiris, inquam, utrum spiritus immundus, qui erat in pythonissa, potuerit agere ut Samuel a Saule videretur, et loqueretur cum eo: sed multo majoris miraculi est, quod ipse Satan princeps immundorum spirituum potuit loqui cum Deo, et petere tentandum Job justissimum virum, qui etiam apostolos tentandos petiit. Aut si hoc ideo non habet difficilem quæstionem, quia per quam voluerit creaturam, cui voluerit creaturæ, ubique præsens veritas loquitur, nec propterea magni meriti est, cui loquitur Deus: interest enim quid loquitur, quia et imperator cum multis innocentibus non loquitur, quibus providentissime consulit ad salutem: et cum multis nocentibus loquitur, quos jubet interfici. Si ergo propterea hinc nulla quæstio est, nulla sit quæstio quomodo etiam immundus spiritus cum anima sancti viri loqui potuerit: omnibus enim sanctis Deus creator et sanctificator longe utique major est. Quod si hoc movet, quod licuerit maligno spiritui C excitare animam justam, et tamquam de abditis mortuorum receptaculis revocare, nonne magis mirandum, quod Satan ipsum Dominum assumpsit, et constituit super pinnam templi (Matth. iv)? Quolibet enim modo fecerit hoc ille, et modus quo Samueli factum est, ut excitaretur, similiter latet, nisi forte quis dixerit faciliorem fuisse diabolo licentiam ad Dominum vivum, unde voluit, assumendum, et ubi voluit constituendum, quam ad Samuelis defuncti spiritum a suis sedibus excitandum. Quod si illud in Evangelio nos ideo non perturbat, quia Dominus voluit atque permisit, nulla diminutione suæ potestatis et divinitatis id fieri, sicut ab ipsis Judæis, quamquam perversis atque immundis, et facta diaboli facientibus, et teneri se et vinciri et illudi et crucifigi atque interfici passus est: non est absurdum credere ex aliqua dispensatione divinæ voluntatis permissum fuisse, ut non invitatus nec dominatus atque subjungente magica potentia, sed volens atque obtemperans occultæ dispensationi Dei, quæ Pythonissam illam et Samuelem latebat, consentiret spiritus prophetæ sancti se ostendi aspectibus regis, divina eum sententia percussurus. Cur enim anima boni hominis a malis vivis evocata, si venerit, amittere videatur dignitatem suam, cum vivi plerumque boni vocati ad malos veniant, et agant cum eis, quod officium postulat æquitatis, servato atque inconcusso decore virtutis suæ, et illorum vitiis pro rerum præsentium vel usu vel necessitate tractatis? quamquam in hoc facto potest esse alius facilior exitus, et expeditior intellectus, ut non vere spiritum Samuelis excitatum a requie sua credamus, sed aliquod phantasma et imaginariam illusionem diaboli machinationibus faciam: quam propterea Scriptura nomine Samuelis appellat, quia solent imagines earum rerum nominibus appellari, quarum imagines sunt: sicut omnia quæ pinguntur atque finguntur, ex aliqua parte materię metalli aut ligni, vel cujusque rei aptæ ad



opera huiusmodi, quæque etiam videntur et in somnis, et omnes fere imagines earum rerum, quarum imagines sunt, appellari nominibus solent. Quis enim est qui hominem pictum dubitet vocare hominem, quandoquidem et singulorum quorumque picturam cum aspiciamus, proprie incunctanter quæque nomina adhibemus velut eum, intuentes tabulam aut parietem, dicimus, ille Cicero est, ille Sallustius, ille Achilles, ille Hector; hoc flumen Sinois, illa Roma, cum aliud nihil sint quam pictæ imagines. Unde Cherubin, cum sint cœlestes potestates, fictæ tamen ex metallo, quod imperavit Deus super arcam testamenti, magnæ rei significandæ gratia, non aliud quam Cherubin illæ quoque effigies vocitantur. Item quisquis videt somnium, non dicit vidi imaginem Augustini aut Simpliciani, sed vidi Augustinum aut Simplicianum, cum eo tempore, quo tale aliquid vidit, nos ignoraremus: usque adeo manifestum est non ipsos homines, sed imagines videri. Et Pharaose spicas dixit vidisse in somnis, et boves, non spicarum aut boum imagines. Si ergo liquido constat nominibus eorum quorum imagines sunt, easdem imagines appellari, non mirum est quod Scriptura dicit Samuelem visum, etiam si forte imago Samuelis apparuit machinamento ejus qui *transfigurat se in angelum lucis, et ministros suos velut ministros justitiæ* (II Cor. xi). Jam vero si illud movet, quomodo a maligno spiritu Saul vera prædicta sint, potest et illud mirum videri, quomodo demones agnoverunt Christum, quem Judæi non agnoscebant: cum enim vult Deus etiam per infimos supremosque spiritus aliquem cognoscere, temporalia dumtaxat atque ad istam mortalitatem pertinentia, facile est et non incongruum, ut omnipotens et justus ad eorum poenam, quibus ista prædicuntur, ut malum quod imminet eis antequam veniat, prænoscendo patiantur, occulto apparatu ministrorum suorum etiam spiritibus talibus aliquod divinationis impartiat, ut quod audiunt ab angelis, denuntient hominibus. Tantum autem audiunt, quantum omnium Dominus atque moderator vel jubet vel sinit. Unde etiam spiritus pythoneus in Actibus Apostolorum attestatus Paulo apostolo (Act. xix), evangelizare est conatus. Miscent tamen isti fallacias, et verum quod nosse potuerunt, non docendi magis quam decipiendi fine prænuntiant: et forte hoc est cum illa imago Samuelis Saullem prædicaret moriturum, dixit etiam secum futurum, quod utique falsum est. Magno quippe intervallo post mortem separari bonos a malis in Evangelio (Luc. xvi) legimus; cum Dominus inter superbum illum divitem, cum jam apud inferos tormenta pateretur, et illum qui ad ejus januam ulcerosus jacebat jam in requie constitutus, magnum chaos interjectum esse testatur. Aut si propterea Samuel Sauli dixit, *Mecum eris*, ut non ad æqualitatem felicitatis, sed ad parem conditionem mortis referatur, ut uterque homo fuerit, et uterque mori potuerit, jamque mortuus, mortem vivo prænuntiabat: perspicit quantum opinor prudentia tua, secundum utrumque intellectum habere exitum jam lectionem, quæ non sit contra fidem: nisi forte profundior et perplexior inquisitione, quæ vel virium mearum, vel temporis excedit angustias, inveniatur ad liquidum, vel posse vel non posse animam humanam, cum ex hac vita migraverit, magicis carminibus evocatam, vivorum apparere conspectibus, etiam corporis lineamenta gestantem, ut non solum videri valeat, sed et agnosci; et si potest, utrum etiam justi anima non quidem cogatur magicis, sed dignetur ostendi, occultioribus imperiis summæ legis obtemperans: ut si fieri non posse clauerit, non uterque sensus in hujus scripturæ tractatione atque expositione admittatur, sed illo excluso imaginario, simulatio Samuelis diabolico ritu facta intelligatur. Sed quoniam sive illud fieri possit, sive non possit, tamen fallacia Satanæ, atque imaginum simulandarum callida operatio decipiendis humanis sensibus multiformis invigilat, pedetentim quidem

A ne inquisitionibus diligentioribus præscribamus, sed tamen potius existimemus tale aliquid factum maligno spiritu pythoniæ illius ministerio, quamdiu nobis aliquid amplius excogitare, atque explicare non datur.

XXX. *De cæde Saulis.* Cap. xxviii. — Igitur exorto praelio percußerunt Philisthæi Israel plaga magna, mortuique est Saul, et Jonathas filius ejus. Evadens autem quidam, venit ad David in Sicelech, et nuntiavit David plagam magnam quæ facta est in populo, insuper etiam mentiendo addidit, quod ille percussisset Saul. At David christum Domini vindicans, jussit eum occidi. *Et planxit David planctum hujuscemodi super Saul et super Jonathan filium ejus, et præcepit ut docerent filios Juda, sicut scriptum est in libro justorum.* Hoc ideo fecit, ut quia Philistæos sagittariis abundare jam noverat, unde et Saul maxime horum ictibus perierat, eandem bellandi artem et sui milites ad revincendos eos discerent. Quod vero sequitur, *sicut scriptum est in libro Justorum*, ipsum librum hodie nusquam, neque apud ipsos Hebræos inveniri posse a-severant, sicut nec librum Bellorum Domini, cujus in libro Numerorum mentio est, neque carmina Salomonis, neque disputationes ejus sapientissimas de lignorum natura herbarumque omnium, itemque jumentorum, volucrum, reptilium et piscium: vel quod in libro Dierum dicitur, reliqua vero operum Salomonis priorum et novissimorum scripta sunt in verbis Natham prophetæ, et Abiæ Salomonitis, in visione quoque Addo videntis contra Hieroboam filium Nabath: et multa hujusmodi volumina, quæ Scriptura quidem probat, sed hodie constat non esse: vastata namque a Chaldæis Judæa, etiam bibliotheca antiquitus congregata inter alias provinciarum opes hostili est igne consumpta, ex qua pauci qui nunc in sancta Scriptura continentur libri, postmodum Esdræ pontificis et prophetæ sunt industria restaurati: unde scriptum est de eo: *Ascendit Esdras de Babylone, et ipse scriba velox in lege Moysi* (I Esdr. vii), velox videlicet, quod promptiores litterarum figuræ, quam eatenus Hebræi habebant, reperit; et in epistola regis Persarum Artaxerxis: *Esdras sacerdoti scribæ legis Dei cæli doctissimo, salus. Montes Gelboe, nec rores, nec pluvia veniant super vos, neque sint agri primitiarum, quia ibi abjectus est clypeus fortium, clypeus Saul, quasi non esset unctus oleo.* Scire debes quia veraciter Saul, qui post unctionem sancti chrismatis, a quo et Christus Domini vocatus est, occidi meruit, mortem veri Christi, quam sine culpa subire dignatus est, insinuat montes quoque Gelboe, in quibus interiit, superbos Judaicæ plebis conatus quibus contra auctorem vitæ rebellabant, insinuant. Unde bene Gelboe Volutatio sive Decursus interpretatur; volutabantur enim in sorde peccatorum, juxta illud proverbium, *Et sus lota in volutabrotuti* (II Petr. ii); atque a rectitudine vitæ salutaris aberrantes, jam jamque ad inferiora, hoc est, hujus sæculi desideria infima decurrebant, ob quorum desiderium regem cæli et terræ in mortem tradere non dubitabant: propter quod eis merito optatur ne rorem de cælo pluviamve suscipiant; quod hodie rebus ipsis videmus expletum, in eo quod illos gratia cœlestis deserens ad plebem gentium translata est. Quod etiam Isaias sub figura vineæ futurum illis ex persona Domini comminatus est, dicens, *Et nubibus mandabo, ne pluant super eam imbrem* (Isa. v). Quod est aperte dicere, Et apostolis atque apostolicis viris omnibus mandabo ne illis ultra verbum vitæ prædicent, sed irrigatione verbi cœlestis, quod a se protervi repulerunt, indignos in sua sterilitate vacuos, ac perpetuo igni comburendos relinquunt. De quibus et benedicitur, ut agri primitiarum esse non possint. Superbæ quippe Hebræorum mentes primitivos fructus non ferunt, quia in Redemptoris adventu ex parte maxima in perfidia remanentes, primordia fidei sequi noluerunt. Sancta namque Ecclesia in primitiis suis multitudine gentium fecundata, vix in mundi



sine Judæos, quos invenerit, suscipit; et extrema colligens, eos quasi reliquias frugum ponit. De quibus nimirum reliquiis Isaias dicit: *Si fuerit numerus filiorum Israel quasi arena maris, reliquiae salvæ fient* (Isa. x; Rom. ix). Possunt tamen idcirco Gelboe montes ore prophetæ maledici, ut dum fructus exarescens e terra non oritur, possessores terræ sterilitatis damno feriantur, quatenus ipsi maledictionis sententiam accipiant, qui apud se mortem regis suscipere iniquitate sua exigente meruissent. Nec tibi absurdum videri debet, ut mala reproborum acta boni aliquid significant, aut rursum bona justorum opera in contraria significatione ponantur. Lege Moralia sancti papæ Gregorii, ubi exposuit quomodo beatus Job maledixit diei suo dicens, *Pereat dies in qua natus sum*, etc. (Job iii), et videbis quia usitatissimum est in Scripturis, ut et bona in malorum significatione accipiantur, et e converso. Denique Uriam fidelissimum David regis militem, ac piissimum atque innocentissimum ejus opera vel dicta in mala significatione, et e contra ipsum David in maximo suo

A scelere in bono accipiendum interpretantur; alioquin si non per bona malum, et bona per malum significari possent, nunquam liceret nigro atramento nomen Dei, sed semper lucido auro deberet scribi: quia *Deus lux est, et tenebræ in eo non sunt ullæ*; nec rursum in titulis psalmorum nomen Absalon et Doeh hominum reproborum minio fulgente, sed solo atramento deberet scribi. Sicut ergo in paginis librorum quovis colore et mala possunt et bona absque ulla reprehensione figurari, ita et in parte significationum per quælibet hominum gesta, et bona rectissime et mala possunt exprimi; quamvis et multo sæpius contingat, et multo dulcius audiatur, bona per bona, et mala figurari per mala. Sicut autem in pictura parietum neque obscurum Æthiopem candido, neque candidi corporis sive capilli Saxonem atramento decet depingi, ita in retributione meritorum juxta suum quisque opus recipiet, et qualis erit actu, talis etiam vultu apparebit in judicio; neque omnino ad rem, quid quisque figuravit, sed quid egerit, pertinebit.

## LIBER SECUNDUS.

Promissiones Dei, quæ factæ sunt ad Abraham, cujus semini et gentem Israeliticam secundum carnem, et omnes gentes deberi secundum fidem, Deo pollicente, didicimus, quemadmodum compleantur, per ordinem temporum procurrens Dei civitas indicavit. Quoniam ergo superioris libri usque ad regnum David factus est finis, nunc ab eodem regno, quantum suscepto operi sufficere videatur, cætera quæ sequuntur attingimus. Hoc itaque tempus ex quo sanctus Samuel prophetare cœpit, et deinceps donec populus Israel captivus in Babyloniam duceretur, atque inde secundum sancti Jeremiæ prophetiam, post septuaginta annos reversis Israelitis domus Dei instauraretur, totum tempus est prophetarum, quamvis enim, et ipsum Noe patriarcham, in cujus diebus diluvio universa terra deleta est, et alios supra et infra usque ad hoc tempus quo reges in Dei populo esse cœperunt, propter quædam per eos futura, sive quoquo modo significata, sive prædicata, quæ pertinerent ad civitatem Dei regnumque cœlorum, non immerito possumus appellare prophetas, præsertim quia nonnullos eorum expressius legimus nuncupatos, sicut Abraham, sicut Moysen; tamen dies prophetarum præcipue maximeque ii dicti sunt, ex quo cœpit prophetare Samuel, qui et Saulem prius, et eo reprobato, ipsum David Deo præcipiente unxit in regem, de cujus stirpe cæteri procederent, quousque illos succedere sic oporteret. Quæ igitur a prophetis sint prædicta de Christo, cum moriendo decedentibus, et nascendo succedentibus suis membris civitas Dei per ista curreret tempora, si omnia velim commemorare, in immensum pergitur: primum quia ipsa Scriptura quæ per ordinem reges eorumque facta et eventa disserens videtur tamquam historica diligentia rebus gestis occupata esse narrandis, si adjuvante Dei Spiritu considerata tractetur, vel magis vel certe non minus prænuntiandis futuris quam præteritis enuntiandis inveniatur intentæ; et hoc perscrutando indagare ac disserendo monstrare, quam sit operosum atque prolixum, et quam multis indigeat voluminibus, quis ignorat, qui hæc vel mediocriter cogitat? Deinde quia ea ipsa quæ ad prophetiam non ambigunt pertinere, ita sunt multa de Christo regnoque cœlorum, quæ civitas Dei est, ut ad hoc aperiendum major sit disputatio necessaria, quam hujus operis modus flagitat, proinde ita, si potuero, stylum moderabo meum, ut huic operi in Dei voluntate peragendo, nec ea quæ supersunt dicam, nec ea quæ satis sunt prætermittam. Erat igitur jam in terra promissionis semen Abraham, id est, populus Israel se-

cundum carnem, atque ibi non solum tenendo ac possidendo civitates adversariorum, verum etiam reges habendo regnare jam cœperat, impletis de ipso populo promissionibus Dei magna jam ex parte, non solum quæ tribus illis patribus, Abraham, Isaac, et Jacob, et quæcumque aliæ temporibus eorum, verum etiam quæ per ipsum Moysen, per quem populus idem de servitute Ægyptia est liberatus, et per quem cuncta præterita revelata sunt temporibus ejus, cum populum per eremum duceret, factæ fuerant. Neque autem per insignem ducem Jesum Nave per quem populus ille in promissionis inductus est terram, expugnatique gentibus eam duodecim tribubus, quibus jusserat Deus, divisit, et mortuus est; neque post ullum tanto tempore judicem impleta fuerat promissio Dei de terra Chanaan, a quodam flumine Ægypti usque ad flumen magnum Euphratem; nec tamen adhuc prophetabatur futurum, sed expectabatur implendum. Impletum est autem per David et ejus filium Salomonem, cujus regnum tanto quanto promissum fuerat, spatio dilatatum est: universos quippe illos subdiderunt, tributariosque fecerunt. Sic igitur in terra promissionis secundum carnem, hoc est, in terra Chanaan, sub regibus semen Abraham fuerat constitutum, ut nihil inde superesset, quo terrena illa promissio Dei non compleretur; nisi ut in eadem terra, quantum ad prosperitatem attinet temporalem, posteritatis successuum inconcusso statu usque ad mortalis hujus sæculi terminum gens permaneret Hebræa, si Domini Dei sui legibus obediret, sed quoniam Deus noverat hoc eam non esse facturam, usus est ejus etiam temporalibus poenis ad exercendos in ea paucos fideles suos, et admonendos qui postea futuri erant in omnibus gentibus, quod eos admoneri oportebat, in quibus alteram promissionem revelato novo Testamento per incarnationem Christi fuerat impleturus. Quocirca sicut oracula illa divina ad Abraham, Isaac et Jacob, et quæcumque alia signa vel dicta prophetica in sacris litteris præcedentibus facta sunt; ita etiam cæteræ ab isto regum tempore prophetiæ partim pertinent ad gentem carnis Abraham, partim vero ad semen illud ejus, in quo benedicentur omnes gentes cohæredes Christi per Testamentum novum, ad possidendum vitam æternam regnumque cœlorum. Partim ergo ad ancillam quæ in servitute generat, id est, terrenam Hierusalem, quæ servit cum filiis suis; partim vero ad liberam civitatem Dei, id est, veram Hierusalem æternam in cœlis, cujus filii omnes secundum Deum viventes peregrinantur in terris. Sed sunt in eis



quædam quæ ad utramque pertinere intelligantur, ad ancillam proprie, ad liberam figurate. Tripartita itaque reperiuntur prophetarum eloquia. Siquidem aliqua sunt ad terrenam Hierusalem spectantia, aliqua ad cœlestem, nonnulla ad utramque.

I. *De unctione David*, Cap. II. — Post mortem Saul, venerunt viri *Ju. a.*, et unxerunt David in Hebron, ut regnaret super domum Juda. Et nuntiatum est David quod viri *Jabes Galaad* sepelissent Saul. Misit ergo David nuntios ad viros *Jabes Galaad*, dixitque ad eos: *Benedicti vos Domino, quia fecistis misericordiam hanc cum domino vestro Saul, et sepelistis eum. Et nunc retribuatur quidem vobis Dominus misericordiam et veritatem.* Cur ergo isti qui Saulem et ejus filium sepelierunt, misericordiam fecisse dicuntur, et ob hoc a rege pio benedicuntur, nisi quia bene afficiuntur corda miserantium, quando condolent mortuorum corporibus alienis, quæ illo affectu, quo nemo carnem suam umquam odio habuit, volunt fieri post mortem suam corporibus suis; et quod sibi exhiberi volunt, quando sensuri non sunt, aliis non sentientibus curant exhibere dum sentiunt.

II. *Isbosethi in regem unctio seditionem peperit*, Cap. III. — David uncto super domum Juda rege, Abner filius Ner, Hisboseth filium Saul regem constituit super universum Israel. Egressusque est Abner filius Ner, cum pueris Hisboseth, de castris in Gabaon. Porro Joab filius Sarviæ cum pueris David egressi de Hebron, concitaverunt bellum juxta piscinam Gabaon, et persequabatur Asahel Abner. Locutus est Abner ad Asahel dicens, *Recede, noli me sequi, ne compellar confodere te in terra. Qui contempsit, et noluit declinare. Percussit ergo eum Abner aversa hasta in inguine, et transfodit eum, et mortuus est.* Cujus Asahel typum tenet, nisi eorum quos vehementer arripens furor, in præceps ducit, qui in eodem furoris impetu tanto cautius declinandi sunt, quanto et insanius rapiuntur. Unde et Abner, qui sermone nostro Patris lucerna dicitur, fugit, quia doctorum lingua quæ supernum Dei lumen indicat, cum per abrupta furoris mentem ejuspiam ferri conspiciit, eunIQUE contra irascentem dissimulat verborum jacula reddere, quasi persequentem non vult ferire. Sed cum iracundi nulla consideratione se mitigant, quasi Asahel persequi et insanire non cessat, necesse est ut ii qui furentes reprimere conantur, nequaquam se in furore erigant, sed quidquid est tranquillitatis ostendant; quædam vero subtiliter proferant, in quibus ex obliquo furentis animum pungant. Unde et Abner cum contra persequentem substitit, non eum recta, sed aversa hasta transforavit. Ex mucrone quippe percutere, est impetu apertæ increpationis obviare; aversa vero hasta persequentem ferire, est furentem tranquille ex quibusdam tangere, et quasi parcendo superare. Asahel autem protinus occubuit, quia commotæ mentes dum parci sibi sentiunt, et tamen responsorum ratione in intimis sub tranquillitate tanguntur, ab eo quod se erexerant, statim cadunt. Qui ergo a fervoris sui impetu sub lenitatis percussione resiliunt, quasi sine ferro moriuntur.

III. *Bahana et Rechab, militum præfecti, Isboseth dormientem cædunt*, Cap. IV. — Igitur venientes filii Remon Berothiæ, Rechab, et Bahana, ingressi sunt fervente die, in domum Hisboseth, qui dormiebat supra stratum suum meridie. Ingressi sunt autem domum, et ostiaria domus purgans triticum obdormivit; assumptis spicas tritici latenter ingressi sunt, et percusserunt eum in inguine. Ostiaria triticum purgat, cum mentis custodia discernendo virtutes a vitis separat. Quæ si obdormierit, in mortem proprii Domini insidiatore admitterit, quia cum discretionis sollicitudo cessaverit, ad interficiendum animum malignis spiritibus iter pandit. Qui ingressi spicas tollunt, quia mox bonarum cogitationum germina auferunt; atque in inguine feriunt, quia virtutem cordis delectatione carnis occidunt. In inguine quippe ferire, est vitam mentis carnis delectatione perforare.

A Nequaquam vero Hisboseth iste morti succumberet, si non ad ingressum domus mulierem, id est, ad mentis aditum mollem custodiam deputasset. Fortis namque vigilque sensus præconi cordis foribus debet, quem nec negligentia somnus opprimat, nec error ignorantia fallat; unde et bene Hisboseth appellatus est, qui custode femina hostium gladiis nudatur. Hisboseth quippe Vir confusionis dicitur; vir autem confusionis est, qui forti mentis custodia munitus non est: quia dum virtutes se agere existimat, subintrantia vitia nescientem necant. Tota igitur virtute muniendus est aditus mentis, ne quando eam insidiantes hostes penetrent foramine neglectæ cogitationis.

B IV. *De adducta arca per David*, Cap. VI. — Congregavit autem David omnes electos ex Israel triginta milia. Surrexit itaque et abiit, et universus populus qui erat cum eo de viris Juda, ut adducerent arcam Dei super qua invocatum est nomen Domini exercituum, sedente cherubin super eam. Congregavit David omnes electos ex Israel triginta milia, quia Dominus Ecclesiam primitivam ex Israel instituit, non quidem omnem Israel, sed electos quosque sibi consocians; non enim omnes, qui ex Israel, ii sunt Israelitæ; sed filii promissionis deputantur in semine (Rom. IX). Qui triginta milia fuisse referuntur, id est fidei, operis, et spei firmitate perfecti; tria enim propter confessionem sanctæ Trinitatis ad fidem pertinent, decem propter decalogum legis opera, mille propter sui perfectionem ad spem vitæ æternæ, quæ superius aliquid non est, sicut numero millenario major nullus est; si enim decem milia, si triginta milia, si etiam mille milia dixeris, non ipsum mille numerando transcendendo, sed per se vel per minores numeros sapius ducendo multiplicas. Tria ergo per decem multiplica, ne fides sine operibus mortua sit. Item triginta per mille multiplica, ut fides quæ per dilectionem operatur, non alibi quam in cœlis retributionem speret. Electi igitur ex Israel, populos recte credentes, operantes, sperantes insinuant. Viri autem Juda qui erant cum David, ipsos populos et doctores, qui lateri Christi quasi familiariter adhærebant, indicant; quo utroque stipatus exercitu, Domini arcam adducere, id est, Ecclesiam dilatare, et in eorum qui non crediderunt cordibus inserere gaudet. Imponitur autem arca plaustro novo, ut novi Testamenti gratia renovatis in baptismo mentibus infundatur, vinumque novum novis utribus mandetur. Erat quidem prius arca in domo Amminadab, qui erat in Gabaa; quia eadem quæ nunc prædicatur Ecclesiæ fides, et ante incarnationis Dominicæ tempus florebat in his qui patriarcharum prophetarumque sunt devotionem secuti. Amminadab enim, qui interpretatur Pater meus spontaneus, vel Abraham patrem fidei, vel Moysen legislatorem significat, qui uterque in Gabaa custodit arcam, quia sublimi virtutis exemplo credentium peccata nimit. Unde et Gabaa Collis interpretatur, qui est locus in civitate Cariathiarim.

D Allata ergo foris arca, ludebat David et omnis Israel coram Domino diversis musicorum generibus: quia mox inchoante novæ gratiæ præconio, Dominus ad exhibendas Deo patri laudis humilitatis omnes invitat dicens, *Qui mihi ministrat, me sequatur* (Joan. XI); alii dando per Spiritum sermonem scientiæ, alii genera linguarum, alii gratiam curationum, etc. (I Cor. XII). Sed his atque hujusmodi charismatum generibus progrediente arca, id est, crescente Ecclesia primitiva, ventum est ad arcam Naor, id est, aream præparatam, gentium videlicet Ecclesiam fidei veritate consecrandam; de qua Joannes ait, *Et permundabit aream suam* (Matth. III). Ibi sacerdos qui arcam incautus, quasi corrigendo tetigit, mox a Domino percussus, occubuit: quia Judæorum populus dum gentibus invidet, salutis se munere privat, dumque legem vult Evangelio miscere, utriusque sibi gratiam tollit. *Et tenuit, inquit, eam, quoniam calcitrabant boves.* Boves quippe calcitrare est, prædicatores Evangelii liberius circa fidem



agere, ne pie secundum consuetudinem legis ingredi, sed sabbata, neomenias, circumcisionem victimasque spiritualiter interpretari. Quos velut errantes corrigere tentabant, qui descendentes de Judæa docebant fratres, quia nisi circumcidamini secundum morem Moysi, non potestis salvi fieri (Act. xv); et de quibus Jacobus ad Paulum, *Vides, inquit, frater, quot millia sunt in Judæis qui crediderunt, et omnes emulatores sunt legis* (Act. xxi)? Ob causam igitur sacerdotis occisi, noluit David ad se divertere arcam Domini in civitatem David, sed divertit eam in domo Obetedom Gethæi, quia respuentibus verbum Judæis, ne amplius audita et non suscepta prædicatio noceret, apostoli ab eis ablati et ad gentes imbuendas missi sunt. Unde et locus aræ Naor, quæ gentium fidem Domini gratiæ preparatam demonstrat; Percussio Oza nuncupatur, videlicet quia illorum delicto salus gentibus advenit. Obetedom namque interpretatur Serviens homo; ille est utique de quo Dominus ad Patrem, *Constitues, inquit, me in caput gentium, populus quem non cognovi servivit mihi* (Ps. xvii). Ubi et Judæorum abjectionem, quasi Oza mortem præmittens, ait: *Eripies me de contraditionibus populi* (Ibidem). Nomen quoque urbis congruit, hæc enim interpretatur Torcular, significans cruceem, in qua vitis vera calcari et exprimi dignata est, a qua cunctus gentium populus merito Gethæus appellari potest, cum dicitur: *Mihi autem absit gloriari, nisi in cruce Domini nostri Jesu Christi* (Gal. vi). Tres autem mentes quibus ibidem arca demoratur, fides, spes, et charitas est; sicut enim diebus adimpletur mensis, ita singulæ virtutes suis quæque passibus ad perfectionem veniunt. Hi menses quousque plenitudo gentium intret, currere non cessant. Tandem rediens David arcam in civitatem David inducet, quia Dominus, Enoch et Helia prædicantibus, convertet corda patrum in filios. Boves et arietes immolans, hoc est, eos qui arcam Domini tritulant, et ovium ejus ducatum gerunt, martyrii sanguine coronans, et ipse quoque suæ incarnationis et passionis exemplum eatenus Judæis non creditum palam manifestans; hoc enim significat quod et ipse *David accinctus erat ephod lineo*, quod de terra præcreatum multiplici labore ad candorem vestis pervenit, veritatem humanæ carnis inter flagella triumphantis ostendit. Verum cunctis exultantibus, et ad arcam cœlestis introitum hymnos resonantibus, sola Michol filia Saul arcam ducentibus abest, quin etiam per speculum David humiliatum despiciat: quia credentibus in mundi fine Judæis, erunt nonnulli qui Christum professione, sed opere sequantur Antichristum; quibus merito congruit quod eadem Michol, quæ ob figurandam instabilitatem carnalium, Aqua omnis interpretatur, non uxor David, sed *filia Saul*, appellatur, quia qui fide tenus Christo serviunt, non illius regno coronandi, sed persecutorum ejus, quos imitati sunt, anathemate sunt damnandi. Verum si despiciant humilitatem Ecclesiæ, condemnantur; nihilominus arca Domini suum locum ingreditur, et ponitur in medio tabernaculi, quod tenebat ei David, id est, fides Ecclesiæ prædicatur, proficit, inseritur cordibus omnium, quos Dominus ad vitam præordinaverat æternam. *Offert David holocausta et pacifica coram Domino*, fidem devotionemque Ecclesiæ commendat Patri Christus, qui est ad dexteram Dei, qui etiam interpellat pro nobis, qui in exemplum David fideles humilesque benedicens, salubris mysterii pascit alimentis, *partitur singulis collyridam panis unam*, illius utique qui de cœlo descendit et dat vitam mundo. *Et assaturam bubulæ carnis unam*, illius scilicet vituli saginati qui pro revertente ad patrem filio juniore mactatus, et igne passionis assatus est dicens: *Exaruit velut testa virtus mea* (Ps. xxi). *Et similam frizam oleo*, carnem videlicet a peccati labe mundissimam, sed ob humanæ salutis uberrimam dilectionem, crucis sartagine tortam. Et merito una panis collyrida, et una carnis assatura datur, quia *unus Dominus, una fides, unum*

*A baptisma, unus Deus et pater omnium*. Aliter hæc munera fideles accipiunt, quando unus panis, et *unum corpus multi sumus in Christo*, et suæ carnis singuli lasciviam castigantes, ac servituti subjicientes, Spiritus sancti igne decoquunt, necnon et fructus operum honoram oleo misericordiæ pinguisimos compassionem proximi servare faciunt. At contra filia Saul frustra cubiculum regis ingressa, nullus concepti seminis fetus datur, quia qui verbum Dei aure tenus percipiunt, absque boni operis prole diem perpetuæ mortis expectant. In hac historia beati regis et prophætæ David, qua arcam Dei adduxisse narratur, moraliter humilitas approbata, superbia damnata, et temeritas vindicata monstratur, quia et ipse David coram arca Domini humiliter saltando non erubuit, mox promissionem filii Dei ex sua stirpe nascituri suscipere promeruit; et conjunx, quæ eandem illius humilitatem desepxit, ejus semine secundari non merita, perpetuam sterilitatis pœnam luit; intueri enim libet quanta virtutum munera David perceperat, atque in his omnibus quam forti se humilitate servabat; quem enim non extolleret ora leonum frangere, ursorum brachia dissipare, despectis prioribus fratribus elegi, reprobo rege ad regni gubernacula ungi, timendum cunctis uno lapide Goliath exsternere, a rege proposita exstinctis allophyllis numerosa præputia reportare, promissum tandem regnum percipere, cunctumque Israeliticum populum sine ulla contradictione possidere (*Ex Gregorii lib. xxvii, Moral. c. xxvi*)? Et tamen cum arcam Dei Hierusalem revocat, quasi oblitus prælatum se hominibus, admixtus populis ante arcam saltat; et quia coram arca saltare, ut creditur, vulgi mos fuerat, rex se in divino obsequio per saltatum rotat. Ecce quem Dominus cunctis singulariter prætulit, sic se sub Domino et exæquando minis, et abjecta exhibendo contemnit; non potestas regni ad memoriam ducitur, non subjectorum oculis saltando vilesceere metuit, non se honore prælatum cæteris ante ejus arcam, qui honorem dederat, recognoscit; coram Deo egit debilia vel extrema, ut illa ex humilitate solidaret, quæ coram hominibus gesserat fortia. Quid de ejus factis ab aliis sentiat ignoro, ego David plus saltantem stupeo quam pugnantem; pugnano quippe hostem subdidit, saltando autem coram Domino semetipsum vicit. Quem Michol Saul filia adhuc ex tumore regii generis insana, cum humiliatum despiceret dicens, *Quam gloriosus fuit hodie rex Israel, discooperiens se ante ancillas servorum suorum, et nudatus est, quasi nudetur unus de scurris*; protinus audit: *Ante Dominum, qui elegit me potius quam patrem tuum*; ac paulo post ait: *Et ludam et vilior fiam plus quam factus sum, eroque humilis in oculis meis*. Ac si aperte dicat: *Et vilesceere coram hominibus appeto, quia me coram Deo ingenuum per humilitatem quero*. Sunt vero nonnulli qui de semetipsis humilia sentiunt, quia in honoribus positi, nihil se esse nisi pulverem favillamque perpendunt; sed tamen coram hominibus viles apparere refugiunt, et contra hoc quod de se interius cogitant, quasi rigida exterius venustate palliantur. Et sunt nonnulli qui viles videri ab hominibus appetunt, atque omne quod sunt dejectos se exhibendo continent; sed tamen apud se introrsus quasi ex ipso merito ostensæ vilitatis intumescunt, et tanto magis in corde elati sunt, quanto amplius in specie elationem premunt: quæ utraque elationis bella, magna David circumspectione deprehendit, mira virtute superavit: quia enim de semeptiso intus humilia sentiens, honorem exterius non quærit, insinuat dicens: *Ludam, et vilior fiam*. Et quia per hoc quod vilem se exterius præbuit, nequaquam interius intumescit, adjungit: *Eroque humilis in oculis meis*. Ac si dicat: *Qualem me exterius despiciens exhibeo, talem me interius attendo*. Quid ergo acturi sunt quos doctrina elevat, si David ex carne sua venturum Redemptorem noverat, ejusque gaudia prophetando nuntiabat, et tamen in semetipso cervicem cordis valida discretionis calce depimebat,



dicens: *Eroque humilis in oculis meis?* Sacerdos quoque, qui arcam inconsiderata temeritate tetigit, ausus sui reatum immatura morte purgavit, minores deterrioresque demonstrat, qui intelligere non valent, et despiciunt vel facta vel dicta meliorum; sed eo ab eis non temere reprehendenda sunt, quo apprehendi nequaquam veraciter possunt. Sæpe aliquid a majoribus dispensatorie agitur, quod a minoribus error putatur; sæpe multa a fortibus dicuntur, quæ ideo infirmi dijudicant, quia ignorant, quod bene bobus calcitrantibus inclinata illa testamenti arca signavit, quam Levites, qui casurum credens erigere voluit, mox sententiam mortis excepit. Quid est namque mens justis, nisi arca testamenti? Quæ gestata bobus calcitrantibus inclinatur, quia nonnumquam etiam qui bene præest, dum subjectorum populorum confessione concutitur, ad dispensationis condescensionem ex sola dilectione permovetur. Sed in hoc quod dispensatorie agitur, inclinatio ipsa fortitudinis, casus putatur imperitis, unde et nonnulli subditi contra hanc manum reprehensionis mittunt; sed ad vitia ipsa sua temeritate deficiunt. Levites ergo quasi manum adjuvans tetendit, sed delinquens vitam perdidit; quia dum infirmi quique fortium facta corripunt, ipsi a viventum sorte reprobantur. Aliquando etiam sancti viri quædam minimis condescendentes dicunt, quædam vero summa contemplantes proferunt, dumque vim vel condescensionis vel altitudinis nesciunt, audacter hæc stulti reprehendunt. Ecquid est justum de sua condescensione velle corrigere, nisi inclinatam arcam superba reprehensionis manu relevare? Quid est justum de incondita locutione reprehendere, nisi motum ejus fortitudinis lapsum putare? Sed perdit vitam qui arcam Dei tumide sublevar, quia nequaquam sanctorum recta corrigere præsumeret, nisi de se prius meliora sensisset, unde et Levites isdem recte Oza dicitur, quod videlicet Robustus Domini interpretatur, quia præsumptores quique nisi audaci mente robustos se in Domino crederent, nequaquam meliorum facta vel dicta velut infirma judicarent.

¶ *David a propheta vetatur ædificare templum.* Cap. VII, VIII. — Post hæc, cum regi David multa prospera provenissent, cogitavit facere Deo domum, templum scilicet illud excellentissimum diffamatum, quod a rege Salomone filio ejus postea fabricatum est. Hoc eo cogitante, factum est verbum Domini ad Nathan prophetam, quod perferret ad regem. Ubi cum dixisset Dominus quod non ab ipso David sibi ædificaretur domus, neque per tantum tempus se mandasse cuiquam in populo suo, ut sibi fieret domus cedrina: *Et nunc, inquit, hæc dices servo meo David: Hæc dicit Dominus: Cum completi fuerint dies tui, et dormieris cum patribus tuis, suscitabo semen tuum post te, quod egredietur de utero tuo, et firmabo regnum ejus; ipse ædificabit domum nomini meo, et stabiliam thronum regni ejus usque in sempiternum; ego ero illi in patrem, et ipse erit mihi in filium.* Hanc tam grandem promissionem qui putat in Salomone completam, multum errat, attendit enim quod dictum est: *Hic ædificabit mihi domum*, quoniam Salomon templum illud nobile struxit; et non attendit, *Fidelis erit domus ejus, et regnum ejus usque in æternum coram me.* Attendat ergo, et aspiciat Salomonis domum plenam mulieribus alienigenis, colentibus deos falsos, et ipsum ab eis regem aliquando sapientem in eandem idololatriam seductum atque dejectum; et non audeat existimare Deum vel hoc promisisse mendaciter, vel talem Salomonem domumque ejus futuram non potuisse præscire. Non hinc autem deberemus ambigere, nec, si non in Christo Jesu Domino nostro, qui factus est ex semine David secundum carnem (Rom. 1), jam videremus ista compleri, ne vane atque inaniter hic alium aliquem requiramus, sicut carnales Judæi; nam et ipsi usque adeo filium quem loco isto regi David promissum legunt, dicunt non fuisse Salomonem, ut eo qui promissus est tanta jam manifestatione declarato, adhuc mirabili cæcitate alium se

A sperare dicant. Facta est quidem nonnulla imago rei futuræ etiam in Salomone, in eo quod templum ædificavit, et pacem habuit secundum nomen suum: Salomon quippe Pacificus Latine: et in exordio regni sui mirabiliter laudabilis fuit; sed eadem sua persona per umbram futuri prænuntiabat etiam ipsum Christum Dominum, non exhibebat. Unde quædam de illo ita scripta sunt, quasi de ipso ista prædicta sint, dum Scriptura sancta etiam rebus gestis prophetissa, quodammodo in eo figuram delineat futurorum; nam præter libros divinæ historiæ, ubi regnasse narratur, psalmus etiam LXXI titulo nominis ejus inscriptus est; in quo tam multa dicuntur, quæ omnino ei convenire non possunt, Domino autem Christo aptissima perspicuitate conveniunt, ut evidenter appareat quod in illo figura qualiscumque adumbrata sit, in isto veritas præsentata; notum est enim quibus terminis regnum conclusum fuerat Salomonis, et tamen in eo psalmo legitur, ut alia taceam: *Dominabitur a mari usque ad mare, et a flumine usque ad terminos orbis terræ* (Ps. LXXI), quod in Christo videmus impleri. A flumine quippe dominandi sumpsit exordium, ubi baptizatus a Joanne, eodem monstrante cœpit agnoscere a discipulis, qui eum non solum Magistrum, verum etiam Dominum appellaverunt. Nec ob aliud vivente adhuc patre suo David regnare Salomon cœpit, quod nulli regum illorum contigit, nisi ut hinc quoque satis eluceat non esse ipsum quem prophetia præsignat, ista quæ ad patrem ejus loquitur dicens: *Et erit, cum completi fuerint dies tui, et dormieris cum patribus tuis, suscitabo semen tuum post te, quod egredietur de ventre tuo, et præparabo regnum illius.* Quomodo ergo propter id quod sequitur: *Hic ædificabit mihi domum*, iste Salomon putabitur prophetatus; et non potius, propter id quod præcedit: *Cum completi fuerint dies tui, et dormies cum patribus tuis, suscitabo semen tuum post te*, alius pacificus intelligitur esse promissus, qui non ante, sicut iste, sed post mortem David prænuntiatus est suscitandus? Cum enim longo interposito tempore Jesus Christus veniret, proculdubio post mortem regis David, cui sic est promissus, eum venire oportebat, qui ædificaret domum Deo, non de lignis et lapidibus, sed de hominibus, qualem illum ædificare gaudemus; huic enim domui dicit Apostolus, hoc est, fidelibus Christi: *Templum enim Dei sanctum est, quod estis vos* (I Cor. III). Propter quod in psalmo LXXXVIII, cujus titulus est: *Intellectus ipsi Ethan Israelitæ*, commemorantur promissiones Dei factæ regi David, sicut et in hoc Regum libro positæ sunt, ita et ibi similia dicuntur; sicut est illud: *Juravi David servo meo, Usque in æternum præparabo semen tuum*, etc. Illud vero quod dicit: *Si quis inique aliquid gesserit, arguam eum in virga virorum et in plagis filiorum hominum; misericordiam autem meam non auferam ab eo, sicut abstuli a Saul, quem amovi a facie mea; non dixit, Ab eis, sed dixit Ab eo*, non enim Christi ipsius, qui est caput Ecclesiæ, possunt inveniri ulla peccata, quæ opus esset humana correctione servata misericordia divinitus coerceri, sed in ejus corpore ac membris, quod populus ejus est. Illud vero quod locutus est Deus per Nathan ad David nullo modo prætermittendum est, ubi ait: *Et ponam locum populo meo Israel, et plantabo illum, et inhabitabit seorsum, et non sollicitus erit ultra, et non apponet filius iniquitatis humiliare eum sicut ab initio, a diebus quibus constitui judices super populum meum Israel.* Ille tam magnum bonum quisquis in hoc sacculo et in hac terra sperat, insipienter facit. An quispiam putabit in pace regis Salomonis id esse completum? Pacem quippe illam Scriptura in umbra futuri excellenti prædicatione commendat. Sed huic suspicioni vigilanter occursum est, cum, posteaquam dictum est: *Et non apponet filius iniquitatis humiliare eum*, continuo subjunctum est, *sicut ab initio a diebus quibus constitui judices super populum meum Israel.* Judices namque priusquam reges ibi esse cœpissent, super populum illum fuerant constituti, ex quo ter-



ram promissionis accepit; et utique humiliabat eum filius iniquitatis, id est, hostis alienigena per intervalla temporum, quibus leguntur pacem alternasse cum bellis, et inveniuntur illic pacis tempora proximiora, quam Solomon habuit, qui quadraginta regnavit annos; nam sub eo iudice, qui est appellatus Aoth, octoginta pacis anni fuerunt. Absit ergo ut Solomonis tempora in hac promissione prædicta esse credantur, multo minus cujuslibet regis alterius; non enim quisquam eorum in tanta quanta ille pace regnavit, nec umquam omnino gens illa regnum tenuit, ut sollicita non fuerit ne hostibus subderetur, qui in tanta mutabilitate rerum humanarum nulli aliquando populo concessa est tanta securitas, ut huius vitæ hostiles non formidaret incursus. Locus ergo iste qui promittitur tam pacatæ ac securæ habitationis, æternus est, æternisque debetur in illa Hierusalem libera, ubi erit veraciter populus Israel; hoc enim nomen interpretatur Videns Deum, cujus præmii desiderio pia per fidem vita in hac ærumnosa peregrinatione ducenda est.

Nuntiante verba hæc Nathan ad David: *Ingressus est rex David, et sedit coram Domino*. Quid in hac sessione intelligendum est, nisi quia sedit in conspectu Domini, sive ubi erat arca testamenti per quam jam secretior et commendatior præsentia quædam Domini accipi potest; sive quia oraturus sedit, quod non sit recte nisi in conspectu Dei, hoc est, in intimis cordis? Potest enim sic accipi quod dictum est, *Ante Dominum*, ubi nullus esset hominum qui audiret orantem. Sive ergo propter arcam testamenti, sive propter secretum remotis arbitris, sive propter intimum cordis, ubi erat orantis affectus, convenienter dictum est: *Sedit ante Dominum*, nisi forte quod sedens oravit, hoc monet, cum et sanctus Elias hoc fecerit, quando pluviam orando impetravit. Quibus admonemur exemplis non esse præscriptum quomodo corpus constituatur ad orandum, dum animus Deo præsens peragat intentionem suam; nam et stantes oramus, sicut scriptum est: *Publicanus autem de longe stabat* (Luc. xviii). Et fixis genibus, sicut in Actibus Apostolorum legimus (Act. xx). Et sedentes, ut ecce David et Elias. Nisi autem etiam jacentes oraremus, non scriptum esset in psalmis: *Lavabo per singulas noctes lectum meum, lacrymis meis stratum meum rigabo* (Ps. vi): cum enim quisque orationem quærit, collocat membra, sicut ei occurrerit, pro tempore positi corporis ad movendum animum; cum autem non quærit, sed infertur appetitus orandi, et aliquid repente venit in mentem quo supplicandi moveatur affectus, genitibus inenarrabilibus, quocumque modo invenerit hominem, non est utique differenda oratio, ut quæramus quo secedamus, aut ubi stemus, aut ubi prosternamur; gignit enim sibi mentis intentio solitudinem, et sæpe etiam obliviscitur se, vel quam celi partem, vel in qua positione corporis membra illud tempus invenerit.

*Fecit quoque David sibi nomen, cum reverteretur capta Syria in valle Salinarum, cæsis centum viginti millia* [Vulg., *decem et octo mill.*]. Quid per percussam multitudinem a David in Salinarum valle signatur, nisi quia Redemptor noster suo videlicet discretionis examine, in his qui de illo prava sentiunt, stultitiam immoderati saporis extinguit?

VI. *De injuria Ammonitarum in legatos David*. Cap. x.—*Factum est post hæc, ut moreretur rex filiorum Ammon, et rquaret Annon filius ejus pro eo. Dixitque David: Faciam misericordiam cum Annon filio Naas, sicut fecit pater ejus mecum misericordiam. Misit ergo David consolans eum per servos suos super patris interitum. Cum autem venissent servi David in terram filiorum Ammon, dixerunt principes filiorum Ammon ad Annon dominum suum: Putas quod propter honorem patris tui David miserit ad te consolatores, et non potius ut investigaret et exploraret civitatem, et everteret eam, misit servos suos David*

*A ad te? Tulit itaque Annon servos David, rasiisque dimidiam partem barbæ eorum, et præcidit vestes eorum medias usque ad nates, et dimisit eos. Quod cum nuntiatum fuisset, David misit in occursum eorum, erant enim viri confusi turpiter valde. Et mandavit eis David: Munete in Jericho donec crescat barba vestra, et tunc revertimini. Sicut enim Annon rex Ammon servos David ad se missos deturpavit, atque ludibriter scædatos ad eundem David remisit, ita et diabolus princeps hujus mundi plerosque religiosos per subreptitia vitia deturpare consuevit. Qui dum eorum latentia mala in aperta et flagitiosa perpetrataque luxuria detegit, quasi eorum indumentis usque ad nates abscissis, nudos a dignitate castitatis relinquit; et domum pristinam eorum fortitudinem eripit, velut barbam radit, quos tamen verus David, Dominus scilicet et Salvator noster, clementi respectu a prænitentiæ indulgentia non excludit, quos et in Jericho, hoc est, sub anathemate penitentiae residere jubet, donec sacramenta spiritalia et fortitudinem mentis, quæ peccando perdiderunt, satisfaciendo recipiant, et sic demum in conspectu ejus stare valeant.*

VII. *De adulterio David*. Cap. xi.—*Factum est autem, dum surgeret David de strato suo post meridiem, et deambulare in solario domus regis, vidit mulierem se lavantem, mittensque tulit eam, et dormivit cum ea, et concepit; cumque cognovisset David, misit ad Joab dicens: Mitte ad me Uriam Ethæum. Veniens Urias ad David, misit epistolam David per Uriam ad Joab, ut poneret Uriam ubi fortissimum prælium esset, fecitque Joab ita, et mortuus est Urias Ethæus. Plerumque quædam res per historiam virtus est, per significationem culpa; sicut aliquando res gesta in causa facta damnatio est. in scripto autem prophetia virtutis, quod utrumque citius ostendimus, cum hujus sacræ Scripturæ testimonium ad utraque approbanda ad medium deducimus. Quis namque audiens non solum fidelium, sed etiam infidelium, non omnimodis detestetur, quod David in solario deambulans, Bethsabæe Uriæ concupivit uxorem? Quem tamen a prælio revertentem ire ad domum admonet, pedes lavare; qui protinus respondit, dicens: *Arca Domini sub pellibus est, et ego in domo mea requiescam?* Quem David ad mensam propriam suscepit, eique epistolas per quas mori debeat, tradidit. Cujus David in solario deambulans, typum tenuit, nisi ejus de quo scriptum est: *In sole posuit tabernaculum suum* (Ps. xviii). Ecquid est Bethsabæe ad se producere, nisi legem litteræ carnali populo conjunctam, spiritali sibi intellectu sociare? Bethsabæe enim Potens septimus dicitur, quia nimirum per cognitionem legis infusione spiritalis gratiæ perfecta nobis sapientia ministratur. Quem vero Urias, nisi Judaicum populum signat, cujus nomen interpretatum dicitur: *Lux mea Dominus*. Judaicus autem populus, quia de accepta legis scientia extollitur, quasi de Dei luce gloriatur. Sed huic David uxorem abstulit, sibi conjunxit, quia videlicet manu fortis, quod David dicitur, in carne Redemptor noster apparens, dum spiritaliter loqui legem innouit, per hoc quod juxta litteram tenebatur, hanc a Judaico populo extraneam monstravit, sibi conjunxit, quia semper illam prædicando declaravit. Uriam tamen ad domum David ire admonet, pedes lavare, quia incarnatus Dominus veniens Judaico populo præcipit ut ad conscientiam redeat, et sordes operum fletibus tergat, ut spiritaliter mandata legis intelligat, ut post tantam duritiam præceptorum fontem baptismatis inveniens, ad aquam post laborem decurrat. Sed Urias, qui arcam Domini esse sub pellibus meminit, respondit quod domum suam intrare non possit. Ac si Judaicus populus dicat: *Ego mandata Dei in sacrificiis carnalibus video, et redire ad conscientiam per spiritalem intelligentiam non requiro; quasi enim arcam sub pellibus dicit esse, quia præ-**



ceptis Dei non nisi adhibendum ministerium sacrificii carnalis intelligit. Hunc tamen etiam redire ad domum nolentem David ad mensam vocat, quia quamvis Judaicus populus ad conscientiam reverti conueniat, ei tamen Redemptor veniens mandata spiritalia praebeat dicens: *Si crederetis Moysi, crederetis forsitan et mihi; de me enim ille scripsit.* Legem itaque Judaicus populus tenet, quæ ejus divinitatem loquitur, cui idem populus credere dignatur. Unde et Urias ad Joab cum epistolis ex quibus occidi debeat mittitur, quia idem ipse Judaicus populus legem portat, qua convincente moriatur; dum enim mandata legis retinens implere nititur, ipse nimirum defert iudicium unde damnetur. Quid ergo perfecto isto David scelestus, quid Urias mundius dici potest? Sed rursus per mysterium quid David sacratius, quid Urias infidelius invenitur, quando et ille per vitæ culpam prophetiæ signat innocentiam, et iste per vitæ innocentiam, in prophetia exprimit culpam? Virtus namque sacri eloquii sic transacta narrat, ut ventura exprimat; sic in facta re approbat, ut in mysterio contradicat; sic gesta damnat, ut hæc mystice gerenda persuadeat. Ad hoc in Scriptura sacra virorum talium, id est, David et Petri, peccata sunt indita, ut cautela minorum sit ruina majorum. Ad hoc vero utrorumque illic etiam pœnitentia insinuat et venia, ut spes pereuntium sit recuperatio perditorum. De statu ergo suo David cadente nemo superbiat; de lapsu etiam suo David surgente nemo desperet. Ecce quam mirabiliter Scriptura sacra eodem verbo superbos premit quo humiles levat, unamquamque rem gestam retulit, et diverso modo; superbos quidem ad humilitatis formidinem, humiles vero ad fiduciam revocavit. O inestimabile novi generis medicamentum, quod uno eodemque ordine positum, et tremendo lumentum exsiccet, et sublevando arentia intundit! De majorum nos lapsu terruit, sed de reparatione roboravit. Sic quippe semper, sic nos divinæ dispensationis misericordia et superbientes reprimit, et ne ad desperationem corruamus fuleit. Sed quia exigente causa David ad medium deducto tanti facinoris memoriam fecimus, lectoris fortasse animus movetur, tur omnipotens Deus eos quos in perpetuum elegit, quos ad donorum quoque spiritalium culmen assumpsit, illæsos a corporalibus vitiis non custodit. Unde quia satis fieri citius credimus, breviter respondemus, nonnulli enim percepto dono virtutum per impensam gratiam bonorum operum in superbiæ vitium cadunt, sed tamen quomodo ceciderint non agnoscunt. Proinde contra eos hostis antiquus, qui jam interior dominatur, exterius etiam sævire permittitur, ut qui in cogitatione elati sunt, per carnis luxuriam prosternantur. Scimus autem quia aliquando minus est in corporis corruptione cadere, quam cogitatione tacita ex deliberata elatione peccare. Sed cum minus turpis superbia creditur, minus vitatur, luxuriam vero eo magis erubescunt homines, quo simul omnes turpem noverunt. Unde fit plerumque ut nonnulli per superbiam in luxuriam corruentes, ex aperto casu malum culpæ latentis erubescant, et tunc etiam majora corrigunt, cum prostrati in minimis gravius confunduntur; reos enim se inter minora conspiciunt, qui se liberos inter graviora cederant; pia enim Domini dispensatione laxatus nonnumquam malignus spiritus de culpa ad culpam trahit; et dum plus percutit, inde eum quem ceperat amittit; atque unde vicisse cernitur, inde superatur. Considerare libet, intra munitum gratiæ sinum quanto Deus misericordiæ favore nos continet. Ecce qui de virtute se extollit, per vitium ad humilitatem redit, et qui de acceptis virtutibus extollitur, non gladio, sed (ut ita dixerim) medicamento vulneratur; quid est enim virius, nisi medicamentum? et quid vitium, nisi vulnus? Quia ergo nos de medicamento vulnus facimus, facit ille de vulnere

A medicamentum, ut qui virtute percutimur, vitio coremur. Nos namque virtutum dona retorquemus in usum vitiorum, ille illecebras assumit in arce virtutum, et salutis statum percutit, ut servet: ut qui humilitatem curantis fugimus, salutem cedentis hæreamus. Sed inter hæc sciendum quod plerique hominum, quo in multis corruunt, acius ligantur; cumque eos antiquus hostis ex uno vitio percutit ut cecidant, ex alio quoque ligat ne surgant. Consideret itaque homo cum quo adversario bellum gerat, et si jam in se aliquid deliquisse perpendit, saltem per culpam pertrahi ad culpam pertimescat, ut studiose vitentur vulnera quibus frequenter interficitur: quia valde raram est quod hostis noster electorum salutem etiam vulneribus servet; erudiendos enim, sicut diximus, electos suos Dominus sæpe tentatori subjicit, sicut post paradisi claustra, post tertia cœli secreta, ne revelationum magnitudine Paulus extolli potuisset, ei Satanae angelus datus est: sed, ut præfati sumus, ipsa hac tentatione disponitur ut qui elati perire poterant, humiliati a perditione serventur. Secreto ergo dispensationis ordine, unde sævire permittitur iniquitas diaboli, inde pie perficitur benignitas Dei: quia adversarius noster inde obtemperat nutibus supernæ gratiæ, unde exercet iram nequissimæ voluntatis suæ. His ita gestis, misit Dominus Nathan ad David.

B VIII. *Nathan ad David missus.* Cap. xii. — Et veniens Nathan proposuit similitudinem de divite et paupere: unus habens oves et boves, alter tantummodo ovem unam; hanc unam ovem pauperi tollit dives. Audito hoc David, indignatus ait adversus hominem illum: *Vivit Dominus, quia filius mortis est vir qui fecit hoc.* Dixit autem Nathan ad David: *Tu es ille vir.* Et dixit David ad Nathan: *Peccavi Domino.* Dixitque Nathan ad David: *Dominus quoque transtulit peccatum tuum: non morieris.* Si peccatum David tam detestabile Dominus transtulit, quid est quod omnia quæ de eodem peccato per prophetam ei a Domino dicta sunt postmodum toleravit? Sed proculdubio Dominus delictum sine ulione non deserit: aut enim ipse hoc homo in se pœnitens punit, aut hoc Deus cum homine vindicans percutit. Nequaquam igitur peccato pareit, quod nullatenus sine vindicta dimittit; sic enim David audire post confessionem meruit, *Dominus transtulit peccatum tuum*; et tamen post cruciatibus afflictus ac fugiens, reatum culpæ quod perpetraverat exsolvit. Sic nos salutis unda a culpa primi parentis absolvit, sed tamen reatum ejusdem culpæ diluentes, absoluti quoque adhuc carnaliter obimus, quia delicta nostra sive per nos sive semetipsum resecat, etiam cum relaxat; ab electis enim suis iniquitatum studet maculas temporali afflictione tergere, quas in perpetuum non vult vindicare. Quod vero dicit: *Duo homines erant in civitate una*, Urias et David intelligitur. Et addisce personas. Pauperculi ovem meliorem dicit, hoc est, uxorem ejus quæ adulterata est, quæ de mensa ejus vescabatur, et de calice ejus potabat, et in gremio ejus cubabat. Considera pauperem incentiva pietatis habere fulmina, in divitibus autem multa superbia. Apud pauperes uxor, et ancilla et ministra est, et procreat filios, et ipsa mater et nutrix est; apud divites autem non est ita, sed cum generaverit filium, statim eum tradit foris, et pietatis insignia abscindit superbia. Erubescit fieri nutrix, quæ facta est mater. Ovis ergo in gremio ejus cubabat. Auxit parabolam narratione pietatis. Venit ergo peregrinus homo ad regem illum. Quis itaque est peregrinus? Concupiscentia videlicet. Ut ergo illius ostenderet castitatem, peregrinam concupiscentiam nominavit; nunquam enim alienas nuptias dissipavit, neque iniquis conspexit oculis, sed percussus in illa muliere perdidit castitatem, quia paululum se reddiderat remissiore securitate pacis. Venit peregrinus, iniqua et agrestis concupiscentia ad illum divitem; venit et ille, accepit non



de gregibus suis vel armentis, ut peregrino pararet epulas, sed misit et rapuit ovem pauperis, quæ in sinu ejus cubabat, et de mensa edebat. Hæc igitur cum audisset David, *iratus est valde adversus hominem illum, et dixit ad Nathan: Vivit Dominus, quoniam filius mortis est vir qui fecit hoc; ovem reddet in quadruplum, et ipse gladio punitur. O judicii superfluentem justitiam! Non enim erat illa amoris fibra, ut juste non diceret. Jubet quidem in quadruplum secundum legem, lex enim præcepit furem quadrupli restitutione vinciri; iste autem et legem est prætergressus. Jubet quidem et ipsum interimi, et in quadruplum obnoxium detineri. Prompsit itaque sententiam, et judicium elimatum. Cum hoc audisset propheta, jactat omnem umbram imaginis, et in medium profert gladium, cum fiducia dicit: *Tu es, rex, qui hoc opus fecisti. O sectura non gladio secans sensum doloris, sed compendio accusationis! Cum enim oportuit, occultavit narrationem: cum vero tempus invenit, statim percussit et abscidit, sine grandi plagæ vulnere, hoc solummodo dicens: Tu es, rex. At ille velociter ad conscientiam rediens, tamquam fidelis et idoneus servus, culpam simpliciter confitetur, et dicit: Peccavi Domino, et propheta respondit: Et Dominus transtulit peccatum tuum. Velox confessio, velocior medicina. Facto peccavit, verbo pœnituit. Annuit Deus, et correctio facta est; vulnus apparuit, et sanitas rediit. Sed non fuit his propheta contentus: nam post correctionem, post pœnitentiam, post peccatorum absolutionem, psalmum eam ob causam scripsit; ita ut etiam posteræ generationi fiat illius passio medicina, et illius naufragium sit aliis portus, et quibus ille vulneratus est et emendavit, alii in iisdem incidentibus ipsa possint uti medicina et emendatione sanari.**

IX. *De David fugato per filium. Cap. xv.*—Fugiens David Absalom filium suum, nudisque pedibus incedens, transgressus est torrentem Cedron, et cunctus populus cum eo, et pervenerunt usque Baurim; et ecce egressus Semei, filius Gera, de cognatione domus Saul, mittens lapides maledicebat regem dicens: *Egredere, egredere, vir sanguinum et vir Belial.* Quisquis fidelium divinæ gratiæ illustratione compungitur, et sancto desiderio de imis ad summa supernæ contemplationis penna festinat, hæc gesta beati David et aliorum sanctorum præcedentium patrum, ubi aliquid injuste perpassi sunt, ante mentis oculos ponat; atque in eis se imitatione exercendo proficiat, et quod in præsentī titillat ex vitio, vel præteritorum malorum memoria reprimat, vel donorum præcedentium consolatione restinguat, vel etiam imitatione, ut dictum est, patrum præcedentium retundat, quod necesse est, ut, sicut proposuimus, exemplis evidentioribus approbemus. Ut enim unum de multis loquar, quatenus studiosus lector multa in uno intelligat, qui-quis verborum contumeliis pressus, cum virtute patientiam servare non sufficit, David factum ad memoriam reducat. Qui cum a Semei tot conviciis urgeretur, et armati proceres ulcisci contenderent, ait: *Quid mihi et vobis, filii Sarrivæ? Dimittite eum, ut maledicat. Dominus enim præcepit ei ut malediceret David. Ecquis est qui audeat dicere quare sic fecit? Et paulo post: Dimittite eum, ut maledicat juxta præceptum Domini, si forte respiciat Dominus afflictionem meam, et reddat mihi bonum pro maledictione hac hodierna.* Quibus profecto verbis indicat quia pro perpetrato Bethsabee scelere, exurgentem contra se filium, fugiens reduxit ad animam, malum quod perpetravit, et contumeliosa verba non tam convicia quam adjutoria credidit, quibus se purgari sibi que misereri posse judicavit; tunc enim illata convicia bene toleramus, cum in secreto mentis ad male perpetrata recurrimus; leve quippe videbitur quia injuria percutimur, dum in actione concipimus, quia pejus est quod meremur, sicque sit ut potius contumeliis gratia quam ira debeatur, quarum inter-

ventu Deo iudice poena gravior declinari posse confiditur. Illud vero quid significet, quod parricida filius Absalon patrem insequens, primo pater ejus declinans fugit ante faciem ejus, securus de victoria; qui aspicebat impium perire, quem etiam flevit magno luctu, et deploravit exitum parricidæ; scribitur enim fugisse David a facie bellantis adversum se filii, et quoniam scriptum est de populo Hierusalem: *Filios enutrivit et exaltavit, ipsi autem contemnenter spreverunt me (Isai. i)*; filius ipsius significatur tropice, id est, populus Judaicus, qui eum tradidit. Absalon autem, sicut quidam interpretantur, intelligitur Patris pax. Quod mirum videtur in historia, quemadmodum patris pax possit intelligi, qui patrem bello persecutus est. Sed qui diligenter ad allegoriam intendunt, inspicunt Absalon esse Hierusalem: quia etiam et ipsa, Pax interpretatur, a cujus facie Christus fugit, quando eam patiendo deserens in gentibus per fidem successit. Alii Absalon, Judam traditorem accipiunt, quem tanta et tam miranda patientia Christus pertulit tamquam bonum, cum ejus cogitationes non ignoraret, cum adhibuit convivio, in quo corporis et sanguinis sui figuram discipulis commendavit, et tradidit. Quod denique et in ipsa traditione osculum accepit, bene intelligi Christum pacem exhibuisse traditori suo, quamvis ille tam sceleratæ cogitationis interno bello vastaretur. Et ideo Absalon Patris pax dicitur, quia pater habuit pacem, quam ille non habuit. Sed fortasse quis dicet: Si David imaginem Christi gerebat, quomodo multas uxores habuisse et concubinas scribitur, cum has res Christus et horrescat et damnet? Hoc enim in prophetia fiebat; multæ enim uxores David multarum gentium et nationum imaginem indicabant, quæ per fidem Christi consortio jungerentur; concubinæ vero ejus significant hæreticorum Ecclesias, quæ sub Christi nominis titulo se manere gloriantur; sed quia propter carnalia lucra Christum sectantur, non conjuges, sed concubinæ vocantur. Denique nunc reges si plures habeant uxores vel concubinas crimen est, quia jam transierunt figuræ, pro quibus uxorum vel concubinarum venia concedebatur; at nunc quia figuræ transierunt, venia nulla datur.

Percusso Absalon cum redisset David in Hierusalem, dixit Amasæ ut congregaret omnes viros Juda in diem tertium, et constitueret eum principem pro Joab, qui moratus extra placitum, præcepit David Joab et Abisai ut irent et apprehenderent Seba filium Bochi; cumque venisset Joab in Gabaon, *Joab tenuit manu dextra mentum Amasæ, quasi osculans eum, percussit eum in latere, et mortuus est.* Quid est quod Joab Amasæ mentum manu dextra tenuit, et sinistram ad gladium latenter mittens, ejus viscera effudit, nisi hoc quod patenter datur intelligi? dextra namque manu tenere, est quasi ex benignitate blandiri; sed sinistram ad gladium mittit, qui latenter ex malitia percutit.

X. *Canticum David. Cap. xxii.*—Sequitur psalmus xvii. Et merito quæritur cur solus iste psalmus in libris Regum reperitur conscriptus. Nec immerito psalmus iste in Regum libris solus invenitur, quia regnum illud significat ubi adversarium non habebimus; titulus enim ejus est: *In die qua eripuit eum Dominus de manu inimicorum ejus, et de manu Saul;* quis enim figuratur in David, nisi ille qui venit secundum carnem ex semine David? Qui utique in corpore suo, quod est Ecclesia, adhuc patitur inimicos, unde illi persecutori, quem voce prostravit, et in suum corpus trahiciens quodammodo manducavit, insonuit de cælo: *Saule, Saule, quid me persequeris (Act. ix)?* Quando autem meretur eripi hoc corpus de manu inimicorum ejus, nisi cum illa novissima inimica destruetur mors, ut perveniatur ad regnum Dei?

*Diligam te, Domine, virtus mea.* Diligam te, Domine, per quem fortis sum.

*Domine, firmamentum meum, et refugium meum,*



*liberator meus.* Domine, qui me firmasti, quia refugium ad te; refugium ad te, quia liberasti me.

*Deus meus adjutor meus, et sperabo in eum.* Deus meus qui mihi adjutorium prius vocationis tuæ præstitisti, ut sperare in te possim.

*Protector meus, et cornu salutis meæ, et liberator meus.* Protector meus, quia non de me præsumpsi, quasi erigens adversum te cornu superbiæ; sed te ipsum cornu, hoc est, firmam celsitudinem salutis inveni, quod ut invenirem redemisti me.

*Laudans invocabo Dominum, et ab inimicis meis salvus ero.* Non meam gloriam, sed Domini querens, invocabo Dominum; et non erit unde mihi noceant iniquitatis errores.

*Circumdederunt me dolores mortis, hoc est dolores carnis.*

*Et torrentes iniquitatis conturbaverunt me.* Turbæ iniquæ ad tempus commotæ velut flumina pluvialia cito desitura, egerunt ut conturbarent me.

*Dolores inferni circumdederunt me.* In his qui me circumdederunt ut perderent, erant dolores invidiæ, qui mortem operantur, perducuntque ad infernum peccati.

*Prævenierunt me laquei mortis.* Prævenierunt me ut priores nocere vellent, quod eis postea redderetur. Tales autem homines capiunt in perditionem, quibus mala persuaserint jactatione justitiæ, cujus non re, sed nomine adversus gentes gloriantur. Et in pressura mea invocavi Dominum, et ad Deum meum clamavi. Et exaudivit de templo sancto suo vocem meam. Et exaudivit de corde meo, in quo habitat, vocem meam.

*Et clamor meus in conspectu ejus.* Et clamor meus, quem non in auribus hominum, sed coram ipso intus habeo, introivit in aures ejus.

*Et commota est, et contremuit terra.* Ita clarificato Filio, commoti sunt et contremuerunt peccatores.

*Et fundamenta montium conturbata sunt.* Et spes superbiorum, quæ in hoc fuerunt sæculo, conturbatæ sunt.

*Et commota sunt, quoniam iratus est eis Dominus, ut scilicet jam fundamentum non haberet in cordibus hominum spes temporalium bonorum.*

*Ascendit fumus in ira ejus.* Ascendit lacrymosa deprecatio pœnitentium, cum cognovissent quid mineretur Deus impiis.

*Et ignis a facie ejus exardescet.* Et flagrantia charitatis post pœnitentiam de notitia ejus exardescet.

*Carbones succensi sunt ab eo.* Quia jam mortui erant deserti ab igne boni desiderii ac luce justitiæ, et frigidi tenebrosque remanserant, rursus accensi et illuminati revixerunt.

*Et inclinavit cælum et descendit.* Et humiliavit justum ut descenderet ad hominum infirmitatem.

*Et caligo sub pedibus ejus.* Caligo ei sub pedibus est, quia non ea claritate ab inferioribus cernitur, quæ in superioribus dominatur; impii enim, qui terrena sapiunt, caligine malitiæ suæ non cognoverunt eum, terra enim sub pedibus eis, tamquam scabellum pedum ejus. *Et ascendit super Cherubin, et volavit.* Cherubin quippe Plenitudo scientiæ dicitur. Proinde super plenitudinem scientiæ ascendisse et volasse perhibetur, quia majestatis ejus celsitudinem scientia nulla comprehendit. Volavit ergo qui longe in altum ab intellectu nostro se rapuit, ut nemo ad Deum perveniret, nisi per charitatem: plenitudo enim legis charitas. Et cito se incomprehensibilem monstravit dilectoribus suis, ne illum corporeis imaginationibus comprehendere arbitrarentur. Super Cherubin Dominus ascendit et volavit, quia super plenitudinem scientiæ, quæ esse in hominibus potuit, incarnationis suæ gloriam exaltare dignatus est; ut hoc ejus volare, sit potentiæ suæ mysterium ab intellectu humano subducere; quantalibet enim plenitudine scientiæ vita spiritualium fulgeat, apprehendere non valet quomodo factum sit ut qui existit conciperetur, et ante sæcula auctor hominum nasce-

retur homo in fine sæculorum, Deus caro, Verbum infans fieret. Unde et recte illic additur:

*Volavit super pennas ventorum.* Quia videlicet transcendit omnes intellectus animarum. Vento quippe animam figurari pro velocitate suæ cogitationis, non inconvenienter accipimus. Illa autem celeritas quæ se incomprehensibilem esse monstravit, super virtutes animarum est, quibus se velut pennis, æternis timoribus in auras libertatis extollunt.

*Et posuit obscuritatem tenebras latibulum suum.* Et posuit obscuritatem sacramentorum, et occultam spem in corde credentium, ubi lateret ipse non eos deserens: quia dum caligine nostræ infirmitatis obscuramur, per ignorantiam nostram nobis absconditur, ne a nobis modo in æterna et firma claritate videatur. In his etiam tenebris ubi per fidem adhuc ambulamus, non per speciem, quamdiu quod non videmus speramus, per patientiam expectamus. Quia vero auctor non tamen nobis in hoc exilio dejectis, lucem suæ visionis abstulit, sese nostris oculis quasi in tenebrarum latibula abscondit, quas nimirum cæcitatibus nostræ tenebras cum studiose conspiciamus, mentem ad lamenta revocamus; flet enim cæcitatem quam foris patitur, si humiliter meminit, quo de interiori lumine privatur. Cumque tenebras quibus circumdatur respicit, per splendoris intima ardenti se desiderio affligit, omnique intentionis visu semetipsam concutit, et supernam lucem quam condita deseruit, repulsa quærit. Unde fit plerumque ut in ipsis piis fletibus illa interni gaudii claritas erumpat, et mens, quæ in corpore prius cæca jacuerat, ad inspectionem fulgoris intimi superius vegetata convalescat.

*In circuitu ejus tabernaculum ejus.* Conversi tamen ad ipsum ambiunt, qui credunt ei, quia in medio ipsorum est, cum omnibus æquæter favet, in quibus tamquam in tabernaculo habitat in hoc tempore.

*Tenebrosa aqua in nubibus aeris.* Nec propterea quisquam in illa luce quæ futura est, cum ex fide ad speciem venerimus, jam esse arbitretur, si Scripturas recte intelligit; in prophetis enim atque in omnibus divini verbi prædicatoribus doctrina obscura est, quia ante adventum Domini dum occultis sacramentis gravidi in ministeriis mensam gestarent, intuitum oculi eorum intelligentia caligabant.

*Præ fulgore in conspectu ejus.* In comparisonem fulgoris, qui est in conspectu manifestationis ejus.

*Nubes ipsius transierunt.* Prædicatores verbi ejus non jam in Judææ finibus continentur, sed transierunt ad gentes, et universa mundi spatia miraculorum claritate percurrunt.

*Grando et carbonem ignis.* Objurgationes figuratas, quibus velut grandine corda dura tunduntur, si terra dura et mitis, id est pius animus exceperit, duritia grandinis in aquam, id est terror fulguratæ et quasi congelatæ objurgationis, in doctrinam satiantem resolvitur, igne autem charitatis accensa corda reviviscunt. Hæc omnia in nubibus ipsius ad gentes transierunt, quia videlicet sancti viri corda audientium et terrentes feriunt, et blandientes infundunt; nam, quemadmodum feriant propheta testatur dicens: *Virtutem terribilium tuorum dicent, et magnitudinem tuam narrabunt* (Ps. cxliv). Et quemadmodum blandientiæ rigent, secutus adjunxit: *Memoriam abundantæ suavitatis tuæ eructabunt, et justitia tua exsultabunt.*

*Et intonuit de cælo Dominus.* Et evangelica tuba de corde justorum sonuit.

*Et Altissimus dedit vocem suam, ut haberemus eam, et in profundo rerum humanarum audiremus cælestia.*

*Et emisit sagittas, et dissipavit eos.* Et emisit evangelistas pennis virtutum recta itinera transvolantes, non suis, sed ejus a quo missi sunt, ut aliis essent odor vitæ in vitam, aliis odor mortis in mortem.

*Et coruscationes multiplicavit, et conturbavit eos, et apparuerunt fontes aquarum.* Et apparuerunt qui facti erant in prædicantibus fontes aquarum, salientium in vitam æternam.



*Et revelata sunt fundamenta orbis terrarum.* Relati sunt prophetae, qui non intelligebantur super quos adhiberetur orbis terrarum credens Domino.

*Ab increpatione tua, Domine.* Clamantis, Appropinquabit super vos regnum Dei (Luc. x).

*Ab inspiratione spiritus iræ tuæ.* Dicentis: Nisi penitentiam egeritis, omnes similiter moriemini (Luc. xii).

*Misit de summo et accepit me.* Vocando ex gentibus in hereditatem gloriosam Ecclesiam, non habentem maculam aut rugam (Cant. iv; Ephes. v).

*Assumpsit me de multitudine aquarum.* Assumpsit me de multitudine populorum.

*Erui me de inimicis meis fortissimis.* Erui me de inimicis meis, qui praevaluerunt ad affligendam et ad pervertendum istam temporalem vitam meam.

*Et ab his qui oderunt me, quoniam confortati sunt super me.* Ab his qui oderunt me, quoniam confortati sunt super me, quamdiu sub ipsis sum ignorans Deum.

*Prævenierunt me in die afflictionis meæ.* Priores mihi nocuerunt in tempore, quo mortale et laboriosum corpus gero.

*Et factus est Dominus firmamentum meum.* Et quoniam amaritudine miseriarum firmamentum terrenæ voluptatis contribulatum atque convulsum est, factus est Dominus firmamentum meum.

*Et eduxit me in latitudinem.* Et quia carnales patiebar angustias, eduxit me in spiritalem fidei latitudinem.

*Erui me, quoniam voluit me, quoniam voluit me, antequam illum ego vellem.*

*Erui me de inimicis meis potentissimis, qui mihi invident jam volenti eum.*

*Et ab his qui oderunt me, quia volo eum.*

*Et retribuet mihi Dominus secundum justitiam bonæ voluntatis; qui prior præbuit misericordiam antequam haberem bonam voluntatem.*

*Et secundum puritatem manuum mearum retribuet mihi, et secundum puritatem factorum meorum retribuet mihi, qui tribuit mihi ut bene facerem, educendo me in latitudinem fidei.*

*Quia custodivi vias Domini, ut latitudinem bonorum operum, quæ per fidem sunt, longinuitas perseverantiæ consequatur.*

*Nec imple gessi a Deo meo, quoniam omnia judicia ejus in conspectu meo sunt semper.* Quoniam omnia judicia ejus, id est præmia justorum, et pœnas impiorum, et flagella corrigendorum, et tentationes probandorum, perseveranti contemplatione considero.

*Et justitias ejus non repuli a me.* Quod faciunt deficientes sub sarcina eorum, et reverentes ad vomitum suum.

*Et ero immaculatus coram eo, et custodiam me ab iniquitate mea. Et retribuet me Dominus secundum justitiam meam.* Itaque non solum propter latitudinem fidei, quæ per dilectionem operatur, sed etiam propter longitudinem perseverantiæ retribuet mihi Dominus secundum justitiam meam.

*Et secundum puritatem manuum mearum retribuet mihi in conspectu oculorum ejus.* Non quod homines vident, sed in conspectu oculorum ejus, quoniam quæ videntur temporalia sunt, quæ autem non videntur æterna sunt, quo pertinet altitudo spei.

*Cum sancto sanctus eris.* Est etiam occulta profunditas qua intelligeris, cum sancto sanctus eris, quia tu sanctificas.

*Et cum viro innocente innocens eris, quia nulli nocens, sed funiculis peccatorum suorum unusquisque constringitur.*

*Et cum electo electus eris, et ab eo quem eligis eligis.*

*Et cum perverso subverteris, et cum perverso videris perversus, ob quod eis non faves, perversus esse videris, quoniam dicunt: Non est recta via Domini, et ipsorum via non est recta. Quoniam tu popu-*

*lam humilem saltem facies.* Hæc autem perversum videtur perversis, quod confluentes peccata sua salvos facis.

*Et oculos superbiorum humiliabis.* Ignorantes autem Dei justitiam, et suam volentes constituere, humiliabis.

*Quoniam tu illuminas lucernam meam, Domine, quoniam non est nostrum lumen ex nobis, sed tu illuminabis lucernam meam, Domine.*

*Deus meus illuminabis tenebras meas.* Nos enim in peccatis nostris tenebræ sumus, sed Deus meus illuminabit tenebras meas. Quoniam a te eripiar a tentatione, quoniam non a me, sed a te eruar a tentatione.

*Et in Deo meo transgrediar murum, et non in me, sed in Deo meo, transgrediar murum, quem inter homines et cœlestem Hierusalem peccata erexerunt.*

*Deus meus immaculata via ejus.* Deus meus non venit in homines, nisi mundaverint viam fidei, qua veniat ad eos, quia immaculata via ejus.

*Eloquia Domini igne examinata.* Eloquia Domini igne examinationis probantur.

*Protector est omnium sperantium in se et omnes qui non in se ipsis, sed in illo sperant, eadem tribulatione non consumuntur: spes enim sequitur fidem. Quoniam quis Deus præter Dominum cui servimus?*

*Et quis Deus præter Dominum nostrum? Et quis Deus præter Dominum, quem post bonam servitutem tanquam hereditatem sperantes filii possidebimus? Deus qui præcinxit me virtute.* Deus qui præcingit ut fortis sim, ne defluentes sinus cupiditatis impediant opera et gressus meos.

*Et posuit immaculatam viam meam, et posuit immaculatam viam charitatis qua ad illum veniam, sicut est immaculata via fidei qua venit ad me.*

*Qui perfecit pedes meos tanquam cervi (Ps. xvii).* Qui perfecit amorem meum ad transcendenda spinosa et umbrosa implacamenta hujus sæculi. Cervos, spirituales viros appellat, propter alacritatem velocis cursus; robustorum enim mentes in Deo immobiliter fixæ tanto adversa quæque despiciunt, quanto cernunt, quod contra præcepta Conditoris excrescunt. Æternitatis quoque præmia præstolantes, vires ex adversitatibus sumunt, quia, crescente pugna, gloriosiores sibi non ambigunt manere victoriam. Sic itaque electorum desideria dum premuntur, adversitate proficiunt, sicut ignis flatu premitur ut crescat, et unde quasi exstingui cernitur, inde roboratur. In eo namque ostendimus quanta ad Deum cupiditate flagramus, si non solum ad eum per tranquilla et mollia, sed etiam per aspera et dura transimus. Bene ergo per psalmistam dicitur, *Qui perfecit pedes meos tanquam cervi.* Cervus enim cum montium juga conscendit, quæque aspera, quæque se obiciunt sentibus illigata, dato saltu transgreditur, etiam absque ullo cursus sui obstaculo in superioribus elevatur. Ita etiam electorum mentes quæ sibi in hoc mundo obsistere atque obviare conspiciunt, contemplationis saltu transcendunt, et more cervorum, despectis terrenarum rerum sentibus, in superna se evehunt.

*Et super excelsa statuit me, et super cœlestem habitationem figet intentionem meam, ut impleatur in omnem plenitudinem Dei.*

*Qui docet manus meas ad prælium, qui docet me operari ad superandos inimicos, qui nobis intercludere regna cœlestia conantur.*

*Et posuisti ut arcum æreum brachia mea, et posuisti infatigabilem intentionem bonorum operum.*

*Et dedisti mihi protectionem salutis tuæ, et dextera tua suscepit me, id est favor gratiæ suscepit me.*

*Et disciplina tua direxit me in finem.* Et correctio tua me deviare non sinens direxit, ut quidquid ago, in eum finem referam qui cohæret in hi.

*Et disciplina tua, ipsa me docebit, et eadem correctio tua ipsa me docebit pervenire, quo direxit.*



*Dilatasti gressus meos subtus me; nec impedient* A *carnales angustie, quoniam latam fecisti charitatem meam operantem hilariter, etiam de ipsis, quæ subter me sunt, mortalibus rebus et membris. Et non sunt infirmata vestigia mea. Et non sunt infirmata sive itinera mea, sive signa, quæ impressi ad imitandum sequentibus.*

*Persequar inimicos meos et comprimam illos.* Persequar affectus carnales meos ne ab eis comprehendar; sed apprehendam illos ut absumantur.

*Et non convertar donec deficiant.* Et ab ista intentione non convertar ad quietem, donec deficiant qui obstrepunt mihi.

*Et confringam illos, nec poterunt stare; confringam illos, nec durabunt adversum me.*

*Cadent sub pedes meos; dilectos illis præponam amores quibus ambulo in æternum.*

*Et præcinxisti me virtute ad bellum; et constrinxisti* fluentia desideria carnis meæ virtute, ne in tali pugna præpedirer.

*Supplantasti insurgentes in me subter me; decipi fecisti eos qui me insequabantur, ut subter me fierent, qui super me esse cupiebant.*

*Et inimicos meos dedisti mihi dorsum; et inimicos meos convertisti et dorsum mihi eos fecisti esse, id est, ut sequerentur me. Et odio habentes me disperdisti; alios autem eorum qui in odio perdurarunt disperdidisti.*

*Clamabunt, nec erit qui salvum faciat.* Quis enim salvos faceret, quos tu non faceres?

*Ad Dominum nec exaudiet eos; nec ad quemlibet, sed ad Dominum clamaverunt, nec exauditione dignos iudicavit, non recedentes a malitia sua.*

*Et comminuum illos ut pulverem iuxta faciem venti; et comminuum illos, aridi enim sunt non recipientes imbrem misericordie Dei: ut elati et inflati superbia, a spe firma et inconcussa, tamquam terræ soliditate et stabilitate rapiantur.*

*Ut lutum platearum delebo eos.* Per latas, quas multi ambulant, vias perditionis, luxuriantes et lubricos delebo eos.

*Erues me de contradictionibus populi; erues me de contradictionibus eorum qui dixerunt: Si dimiserimus eum vivum, sæculum post illum abit.*

*Constitues me in caput gentium. Populus quem non cognovi, serviet mihi; populus gentium quem corporali præsentia non visitavi, servivit mihi, neque oculis me vidit; sed recipiens prædicatores meos, in obauditu auris obaudivit mihi.*

*Filii alieni mentiti sunt mihi; filii non mei dicendi, sed potius alieni, quibus recte dicebatur: Vos a patre diabolo estis, mentiti sunt mihi.*

*Filii alieni inveterati sunt, et claudicaverunt a semitis suis; et tamquam uno pede debiles, quia vetus tenentes, novum respuerunt. Filii alieni, quibus, ut renovarentur, novum Testamentum attuli, in veteri homine remanserunt. Claudii effecti sunt etiam in ipsa veteri lege, potius suas traditiones sequentes quam Dei; calumniabantur enim de manibus non lotis, quibus tales erant semitæ, quasi ipsi fecerant, et consuetudinem tribuerant, errando ab itinere præceptorum Dei.*

*Vivit Dominus et benedictus Deus meus.* Secundum carnem autem sapere, mors est, vivit Dominus et benedictus Deus meus. *Et exaltetur Deus salutis meæ, et non terrena consuetudine de Deo salutis meæ sentiam, sed æternam ipsam salutem in excelso de illo sperem. Deus, qui das vindictas mihi; Deus, qui vindicas me, subdendo sub me populos.*

*Liberator meus de inimicis meis iracundis. Clamantibus: Crucifige, crucifige. Ab insurgentibus in me exaltabis me. Ab insurgentibus in me Judæis exaltabis me, resurgentem a morte. Aviro iniquo eripe me; a regno eorum iniquo erues.*

*Propterea confitebor tibi in generationibus, Domine. Propterea per me tibi confitebuntur gentes, Domine.*

*Et nomini tuo psallam, et latius innoresces bonis operibus meis.*

*Magnificans salutes regis ipsius.* Deus qui magnificat, ut amabiles faciat salutes, quas ejus Filius dat credentibus.

*Et faciens misericordiam Christo suo.* Deus qui facit misericordiam Christo suo. *David, et semini ejus usque in sæculum.* Ipsi liberatori manu potenti, qui vicit hunc mundum, et eos quos credentes in Evangelio genuit in æternum. Quæcumque in hoc psalmo dicta sunt, quæ ipsi Domino non proprie, id est, capiti Ecclesie congruere non possunt ad Ecclesiam referenda sunt; totus enim Christus hic loquitur, in quo sunt omnia membra ejus. *Hæc autem sunt verba novissima, quæ dixit David filius Isai.* Verba novissima David non finienda dicit, sed perficienda; non consumenda, sed quæ cunctis fidelibus perfectionis plenitudinem conferant. *Spiritus Domini locutus est super me, et sermo ejus per linguam meam.* Spiritum Domini Spiritum sanctum dicit; sermo Dei. Christus B Filius Dei accipitur; ipse est enim Christus Dei Jacob.

*Prævaricatores autem quasi spinæ evellentur universi.* Prævaricatores Judæi atque hæretici, velut spinæ de Ecclesia, quæ est terra viventium, evulsi, atque incendio combusti æterno peribunt. *Hæc nomina fortium David; sedens in cathedra sapientissimus, princeps inter tres. Ipse est quasi tenerrimus ligni vermiculus, qui octingentos interfecit impetu uno.* Non Jesbæ, ut quidam putant, sed ipse David est dictus quasi tenerrimus ligni vermiculus, per quod virtus simul bellica et modesta viri designatur civilitas; quia videlicet sicut ligni vermiculus, tener quidem et fragilis toto suo corpore, nec non et permodicus apparet, nihilominus tamen fortissimum robur exedens consumit, et corrosum reddit, unde et a terendo ligna teredonis nomen habet; sic ille affabilis omnibus domi et quietus atque humilis videbatur, et in certamine publico robustum se ac intolerabilem hostibus exhibebat. Absurdum non est ut ii tres fortissimi David, et Eleazar, et Sama, intelligantur Trinitas, Deus Pater, et Filius, et Spiritus sanctus, ad quorum æqualitatem ceteri fortissimi non pervenerunt.

XI. *De siti David.* Cap. xvii. — Item ipse David in prælio Philistinorum cum sitiens versaretur in bello, et aquam quæreretur: Quis mihi potum dabit, ait, *de lacu [cisterna, II Reg. xxi] quæ est in Bethlehem?* et ad portas erat iter cisternæ, et David interfusus hostibus, et media hostilium cinxerat septa castrorum; præciderunt tres viri multitudinem adversariorum, et hauserunt aquam de lacu qui erat in Bethlehem, et obtulerunt regi bibendam, sed rex noluit bibere, sed profudit illam Domino, dixitque: *Non contingat mihi hoc facere, ut sanguinem virorum qui abierunt, exanimis bibam.* Vicit ergo naturam, ut sitiens non biberet, et exemplum de se præbuit, quo omnis exercitus tolerare sitim disceret. Quod si altius velis spectare et introspicere mysterium, sitiebat David, D non aquam, quæ est in Bethlehem, sed oriundum in eadem Bethlehem ex Virgine Christum in spiritu prævidebat. Ergo volebat bibere, non aquam fluminis, sed lavacrum ex latere Christi fluens: hoc est, non aquarum sitiebat elementum, sed sanguinem Christi. Unde etiam non bibit oblatam aquam, sed Domino fudit, significans se sitire sacrificium, non naturæ fluentum, sed illud sacrificium in quo esset remissio peccatorum: illum sitire fontem æternum, non qui periculis quæreretur alienis, sed pericula aliena deleteret. In hoc facto cogitandum summopere est quantum ad mores hominum pertinet ut qui se illicita meminit commisisse, a quibusdam etiam licitis studeat abstinere, quatenus per hoc Conditori suo satisfaciatur: ut qui commisit prohibita, a semetipso abscindere debeat etiam concessa, et se reprehendat in minimis, qui se meminit in maximis deliquisse. Lex certe veteris Testamenti alienam uxorem concu-



pisci prohibet, regi vero fortia jubere militibus, vel aquam desiderare non pœnaliter vetat. Et cuncti novimus quod David concupiscentiæ mucrone transfixus, alienam uxorem et concupivit et abstulit, cuius culpam digna verbera sunt secuta, et malum, quod perpetravit, per pœnitentiæ lamenta correxuit. Qui cum longe post contra hostium cuneos se daret, aquam bibere ex cisterna ex desiderio voluit, cuius electi milites inter catervas adversantium medas erumpentes, aquam quam desideraverat, illi detulerunt. Sed vir Domini flagellis eruditur, semetipsum protinus cum periculo militum aquam desiderasse reprehendit, eamque Domino fundens libavit, sicut hoc scriptum est: *Libavit eam Domino*. In sacrificio quippe Domini aqua effusa conversa est, quia culpam concupiscentiæ mactavit per pœnitentiam reprehensionis suæ. Qui ergo quondam concupiscere alienam conjugem nequaquam timuit, postea etiam quia aquam concupisset, expavit: qui enim se illicito perpetrasse meminerat, contra semetipsum jam rigidus etiam a licitis abstinebat. Ad hanc aquam hauriendam irruerunt tres fortes: *Abisai frater Joab, Asael et Banaias filius Joiadæ*. Iste Banaias percussit duos leones Moab, et ipse descendit et percussit leonem in media cisterna diebus nivis. Quomodo sit factum, Josephus narrat apertius: quia videlicet cisterna fuerit nimium profunda, quæ tempore hiemis cum essent omnia nivibus plena, ipsa quoque nimio nivium aggestu fuerit coarctata; quam cum leo superveniens periculi nescius incidisset, ibidemque conclusus grandi rugitu clamaret, accurrebant homines videre quid esset; et dum cum aliis ad tale spectaculum adveniret Banaias, desilivit statim in cisternam, et aggressum mediis in nivibus percussit et interfecit leonem. Dehinc texitur catalogus virorum fortium in figura sanctorum, qui fortitudine virtutum boni operis et scientia divinæ Trinitatis culti, non tantummodo seipsos ab hostibus malignis defendunt, verum infirmos quoslibet protegent.

XII. *De peccato David in populo numerando*. Cap. xxiv.—Peccat post hæc David populum numerando. Præcepit enim David Joab ut perambulare totum Israel, et afferret populi numerum. Et hoc ideo Scriptura dicit: *Quia furor Domini cœpit irasci contra Israel*. Quid in hoc facto aliud demonstratur, nisi quia sic pro qualitatibus subditorum disponuntur acta regentium, ut sæpe pro malo gregis etiam viri boni delinquant in vita pistoris? Iste enim Deo attestante laudatus, iste superiorum mysteriorum conscius David propheta timore repentinæ elationis inflatus, populum numerando peccavit, et tamen vindictam populus, David peccante, suscepit. Cur hoc? quia videlicet secundum meritum plebis disponuntur corda rectorum. Justus vero iudex peccantis vitium ex ipsorum animadversione corripuit, ex quorum causa peccavit. Sed quia ipse sua scilicet voluntate super-

A biens, a culpa alienus non fuit, vindictam culpæ etiam ipse suscepit; nam ira sæviens quæ corporaliter populum percussit, rectorem quæque populi intimo cordis dolore prostravit: certum vero est quod ita sibi invicem et rectorum merita connectantur, et plebeium, ut sæpe ex culpa pastorum, deterior fiat vita plebeiorum; et sæpe ex merito plebeiorum mutetur vita pastorum. Sed quia rectores habent iudicem suum, magna cautela subditorum est, non temere vitam iudicare regentium, neque enim frustra per semetipsum Dominus æs nummulariorum effudit, et cathedras vendentium columbas evertit, nimirum significans quia per magistros quidem vita iudicatur plebeium, sed per semetipsum facta examinat magistrorum; quamvis etiam subditorum vitia, quæ a magistris modo vel dissimulantur, vel judicari nequeunt, eius proculdubio iudicio reservantur. Igitur domus salva fide res agitur, virtutis est meriti, si quidquid prioris est toleratur: debet tamen humiliter suggeri, si fortasse valeat quod displicet emendari; sed curandum summopere est, ne in superbiam transeat iustitiæ inordinata defensio; et dum rectitudo incaute diligitur, ipsa magistra rectitudinis humilitas amittatur; nec eum sibi præesse quisque despiciat, quem fortasse contingit ut in aliqua actione reprehendat, contra hunc tumorem superbiæ, subditorum mens ad custodi in humilitatis edomatur, si infirmitas propria incessanter attenditur; nam vires nostras veraciter examinare negligimus, et quia de nobis fortia credimus, ideo eos qui nobis prælati sunt, districte iudicamus: quo enim nosmetipsos minus agnoscimus, eo illos quos reprehendere nitimur plus videmus. Singula hæc mala sunt quæ sæpe a subditis in prælatos, sæpe a prælatis in subditos committuntur, quia et subditos omnes ii qui præsent minus quam ipsi sunt sapientes arbitrantur; et rursus qui subjecti sunt rectorum suorum actiones iudicant; et si ipsos regimene tenere contingeret, se potuisse agere melius putant. Unde plerumque fit ut et rectores minus prudenter ea quæ agenda sunt videant, quia eorum oculi ipsa nebula elationis obscurat; et nonnumquam is qui subjectus est, hoc, cum prælatus fuerit, faciat, quod dudum fieri subjectus arguebat; et pro eo quod illa quæ iudicaverat perpetrat, saltem quia iudicavit erubescat. Igitur sicut prælatis curandum est ne eorum corda æstimationis singularis sapientiæ locus superior extollat, ita subjectis providendum est ne sibi rectorum facta displiceant. Si autem magistrorum vita jure reprehenditur, oportet ut eos subditi etiam cum disciplina venerentur. Sed hoc est solerter intuendum, ne aut quem venerari necesse est imitari appetas, aut quem imitari despicias venerari contemnas; subtilis etenim via tenenda est, via rectitudinis et humilitatis, ut sic reprehensibilia magistrorum facta displiceant, quatenus subditorum mens a servanda magisterii reverentia non recedat.

## LIBER TERTIUS.

I. *De successione Salomonis*. Cap. I.—Senuit David, ungiturque Salomon in regem super Israel in Gion, ut impleretur in illo illa promissio quæ facta est ad David: *Non tu ædificabis mihi domum, sed filius tuus qui egredietur de utero tuo*. In quo quidem futuræ rei imago facta est, in eo quod templum ædificavit, et pacem habuit secundum nomen suum. Salomon quippe interpretatur Pacificus, ac per hoc illud vocabulum illi verissime congruit per quem mediatorum ex inimicis, accepta remissione peccatorum, reconciliamur Deo. Etenim cum inimici essemus, reconciliati sumus Deo per mortem filii ejus. Idem ipse est pacificus, ille qui fecit utraque unum et

D medium parietem solvens inimicitias in carne sua, legemque mandatorum decretis evacuans, ut duos conderet in se unum novum hominem, faciens pacem his qui longe et pacem his qui prope. Ipse in Evangelio dicit: *Pacem meam do vobis, pacem relinquo vobis* (Joan. xiv). His et aliis multis testimoniis Dominus Christus pacificus esse monstratur: nam id quod ædificavit templum excellentissimum Domino, et ibi Christum significat, qui ædificavit domum Deo in cœlestibus, non de lignis et lapidibus, sed de omnibus sanctis, hoc est fidelibus, quibus dicit Apostolus: *Templum Dei sanctum est, quod estis vos* (I Cor. iii). Tribus nominibus vocatum fuisse Salomonem



Scripturae manifestissime docent : Pacificum, id est, Salomonem; et Ididum, id est, Dilectum Domini; et Coeleth, id est, Ecclesiasten. Ecclesiastes autem Graeco sermone appellatur, qui cœtum, id est, ecclesiam congregat, quem nos nuncupare possumus concionatorem, qui loquitur ad populum, et sermo ejus non specialiter ad unum, sed ad universos generaliter dirigitur. Porro pacificus et dilectus Domini, ab eo quod in regno ejus pax fuerit, et eum Dominus dilexerit, appellatus est. Nam et psalmus XLIV et LXXI Dilecti et Pacifici titulo prænotantur, qui tametsi ad prophetiam Christi et Ecclesiæ pertinentes, felicitatem et vires Salomonis excedunt, tamen secundum historiam, super Salomonem conscripti sunt.

H. De sapientia collata Salomoni et judicio ejus. Cap. III. — *Abiit itaque Salomon in Gaboon, et immolavit ibi holocaustum Domino, ubi apparuit ei Dominus per noctem, et exaudivit deprecationem quam postulavit, deditque ei sapientiam et scientiam, in tantum ut nullus ante similis illi fuerit nec post illum surrecturus sit.* Post acceptam autem divinitus sapientiam, mox turpium mulierum de causa judicio tentatur. Ubi notandum quod postquam Dominus erroris nostri tenebras lucis suæ cognitione illustrat, mox tentationis aculeo visitando probat, quia et accedendo corda nostra ad virtutes provehit, et recedendo concuti tentatione permittit; si enim post virtutum munerum nulla tentatione concuteretur, hoc jam se habere animus ex se ipso gloriaretur. Ut ergo ea infirmitatis dona habeat, et infirmitatem suam humiliter agnoscat, per accessum gratiæ ad alta sustollitur, et per recessum quid ex se ipso sit probatur: quod bene nobis ex historia sacræ hujus lectionis innuitur, quia Salomon et divinitus accepisse sapientiam, et tamen post acceptam eandem sapientiam, meretricum statim pulsatus quæstione memoratur; mox enim ut gratiam tantæ revelationis accepit, certamen turpium mulierum pertulit: quia nimirum cum sæpe mentem nostram concessis virtutibus respectus intimæ claritas illuminat, hanc protinus lubricæ cogitationes turbant: ut quæ sublevata immenso munere exultat, etiam tentatione pulsata quid sit inveniat. Sic Elias et visitatus de super sermone cœlos aperuit, et tamen probatus subito infirmus per deserti fugiens nimum mulierem expavit. Sic Paulus ad tertium cœlum ducitur, paradisi penetrans secreta considerat; et tamen ad semetipsum rediens contra carnis bellum laborat, legem aliam in membris sustinet, cujus rei bello fatigari spiritus lege dolet. Et post dationem ergo muneris ideoque Deus hominem probat, quia et collato munere sublevari, et abstracto paululum ipsum sibi hominem monstrat. Quod eousque proculdubio patimur, donec de terra funditus et labe peccati ad promissæ incorruptionis substantiam reformemur. In isto judicio Salomonis, ubi primum habuisse judicium inter duas mulieres describitur de pietate certantes, quarum in una dilectio ardebat, in altera simulatio subripiebat, Christi figura fuit: ubi improba plebs, scilicet Synagogæ, vel hæreticorum, veræ matris, hoc est Ecclesiæ filium appetebat; quem non ut reservaret, sed revera ut interimeret, cupiebat. Sed sicut gladio Salomonis dirimente, propriæ matris gemitu iste verus repertus est partus, ita et spiritu Jesu Christi docente, plerumque hi qui a matre seducti et capti sunt errore hæreticorum, nonnumquam merentur pro semetipsis gementem recognoscere Ecclesiam matrem. Unde satis convenienter apparet hanc mulierem hæreticorum vel Synagogæ figurasse impietatem; qui et suos nequiter nutriendo interimunt, et alienos quousque perdant illiciendo persuadent. Moraliter vero in hac sententia quid aliud per matres lactentium, nisi doctorum ordo; quid vero per earum filios, nisi discipulorum persona signatur? Nam magistri nimirum vigilantes quidem scientia, sed vita dormientes, auditores suos quos per vigilas

A prædicationis nutriunt, dum quod dicunt facere negligunt, per somnum torporis occidunt; et negligendo opprimunt, quos alere verborum lacte videbantur. Unde plerumque dum ipsi reprehensibiliter vivunt, et habere discipulos vitæ laudabilis nequeunt, alienos sibi attrahere conantur: quateus dum bonos se habere sequaces ostendunt, apud judicia hominum excasent mala quæ agunt, et quasi subditorum vitam mortifera negligentia tegant, unde et illic mulier quæ filium exstinxit proprium, quæsiivit alienum; sed tamen veram matrem Salomon invenit, quia videlicet ejus fructus vivat, vel ejus intreat, in extremo examine ira districti judicis demontret. Ubi et illud solerter est intuendum, quod vivens filius prius dividi præcipitur, ut soli postmodum matri reddatur: quia in hac vita quasi partiri conceditur vita discipuli, dum ex illa nonnumquam alter apud Deum meritum, alter apud homines laudem habere permittitur. Sed falsa mater eum quem non genuit, occidi non metuit, quia arrogantes magistri et charitatis ignari, si plenissimum nomen laudis ex alienis discipulis consequi nequeunt, eorum vitam crudeliter insequuntur; invidia enim face succensi, nolunt aliis vivere, quos se conspiciunt non posse possidere; unde et illic perversa mulier clamat: *Nec meus sit, nec istius*; ut enim diximus, quos sibi obsequi non vident ad gloriam temporalem, eos aliis invident vivere per veritatem. Vera autem mater satagit ut ejus filius saltem apud extraneam sit et vivat, quia concedunt veraces magistri discipulos, ut ex eorum discipulis alii quidem magisterii laudem habeant, si tamen integritatem vitæ iidem discipuli non amittant, per quæ pietatis viscera vera mater agnoscitur: quia omne magisterium in examine charitatis approbatur, et sola tantum recipere meruit, quæ quasi totum concessit: quia fideles præpositi pro eo quod ex bonis discipulis suis, non solum aliis laudem non invident, sed utilitatem eis etiam provectius exorant ipsi, et integros et viventes filios recipiunt, quando in superno examine ex eorum vita perfectæ retributionis gaudia consequuntur.

III. De parabolis, carminibus et disputationibus Salomonis. Cap. IV. — *Locutusque est Salomon tria milia parabolos, et fuerunt carmina ejus quinque milia.* Quid enim per tria milia parabolos, nisi plenitudo fidei in lege et Evangelii a Christo tradita designatur? Quæ dum tota multipliciter per allegoriæ sensum sub mysterio Trinitatis disseritur, quasi tria millia parabolæ nuncupantur. Carmina ejus quinque milia, pro quinque sensibus corporis intelliguntur, quos qui in diversis virtutibus bene egerit beatus est, et per eos quasi quinque milia carmina Domino canit. *Disputavit autem Salomon a cedro usque ad hyssopum.* Cedri nomine, celsitudo gratiæ in electis accipitur, sicut et propheta testatur, dicens: *Justus ut palma florebit, et sicut cedrus quæ est in Libano monte (Ps. xc).* Hyssopus autem herba est humilis saxo hærens, qua signatur humilitas Christi. Redemptor quippe noster a cedro usque ad hyssopum disputavit, quia ab excellentia gloriæ cœli usque ad carnis humilitatem descendendo pervenit, siquidem et cedri nomine pravorum superba elatio designatur, sicut per David dicitur: *Vox Domini confringentis cedros (Ps. xxviii).* A cedro itaque Christus usque ad hyssopum disputat, quia ipse pravorum corda et humilium judicat. Super ligna autem disputavit, dum in cruce pependit: tunc enim in cedro sæculi arrogantiam inclinavit, quam etiam ad hyssopi humilitatem, id est, usque ad crucis stultitiam ac contempnibilem fidem deduxit.

IV. Quomodo Hiram Salomonem in opere templi juvet. Cap. V. — Sequitur dehinc historia quando Salomon ædificaturus domum Domino quæsierit auxilium ab Hiram rege Tyri, qui erat amicus David omni tempore, et cum ipso Salomone, postquam regno potitus est, pacem habere jam cœperat, prom-



plumque mox ad adjuvandum se omnibus ejus invenerit animum, ita ut artifices illi et ligna et aurum, prout opus habebat, dederit, cujus beneficii gratia Salomon ei per annos singulos plurimos tritici et hordei coros, in cibum domui ejus dabat. Nulli autem dubium quod Salomon qui interpretatur Pacificus, et ipso nomine et serenissimo regni sui statu, illum significet, de quo Isaias dixit: *Multiplicabitur ejus imperium, et pacis non erit finis (Isa. ix)*. Hiram vero qui Latine dicitur Vivens excelsae, credentes ex gentibus et vita simul cum fide gloriosos figuratiter exprimit. Neque aliquid prohibet quin Hiram, qui rex erat, regalique potentia Salomonem in aedificio domus Domini juvabat, conversos ad fidem ipsos rerum dominos typice denuntiet, quorum ope constat Ecclesiam sapientiam adjutam ac nobiliter augmentatam, et ejus haereticos, schismaticos et paganos, principalibus erectos esse decretis. Petit ergo Salomon in opere templi auxilium ab Hiram, quia cum veniens in carne Dominus dilectam sibi domum, videlicet Ecclesiam aedificare disponderet, non de Judaeis tantummodo, verum etiam de gentibus adjutores operis elegit; nam de utroque populo ministros sermonis assumpsit. Misit Hiram Salomoni praecisa de Libano ligna cedrina et abiegna, quae in domum Domini ponerentur: quia conversa gentilitas misit ad Dominum viros quondam ad saeculum claros, sed securi Dominicae increpationis de monte suae superbiae jam dejectos et humiliatos, qui ad normam evangelicae veritatis instituti, in aedificio Ecclesiae pro suo quique merito et tempore collocarentur. Misit etiam artifices, quia conversos ad veram sapientiam philosophos, qui gratia eruditionis populis quoque regendis jure praepoherentur, Domino gentilitas obtulit: qualis ipsis apostolorum temporibus Dionysius Areopagita, qualis deinceps doctor suavissimus et fortissimus martyr Cyprianus, alique quamplurimi. Misit et aurum, quod in eadem significatione accipitur, quia nimirum viros sapientia et ingenio praecellosos ostendit; pro quibus oblationibus cuncta gentilitas a Domino dona expectat gratiae coelestis, triticum videlicet verbi Dei, et oleum charitatis et unctionis, atque illuminationis Spiritus sancti. Convenit apte rebus Ecclesiae, quod auxilium operis sancti flagitans, ait ad Hiram Salomon:

*Præcipe igitur ut praecident mihi cedros de Libano, et servi mei sint cum servis tuis.* Servi quippe Hiram qui praecedebant cedros Salomoni de Libano, doctores sunt electi de gentibus, quorum officii est, eos qui in hoc mundo rebus et gloria laetabantur, a superbiae fastu corrigendo sternere, atque ad hoc secundum sui Redemptoris eorum vota transferre, cum quibus videlicet servis erant et servi Salomonis, ac pariter memorato instabant operi: quia primi doctores ex gentibus necesse habebant ipsorum apostolorum, qui a Domino didicerunt eruditionem in verbo fidei institui, ne si absque magistris docere inciperent, magistri existerent erroris; idcirco etenim Salomon servos Hiram cedere sibi voluit ligna de Libano, quia doctores erant servis suis ad cædendum; sed idcirco etiam servos suos simul adesse voluit, ut ostenderent cædentibus cujus mensurae ligna fieri deberent. Cujus rei figura in promptu est, quia nimirum apostoli certius verbum Evangelii, qui a Domino audire noverunt, sed gentiles ab errore conversi, atque ad veritatem Evangelii transformati, melius ipsos gentium errores noverant; et quo certius noverunt, eo artificiosius hos expugnare atque evacuare didicerunt. Paulus quidem sacramentum Evangelii, quod per revelationem didicerat, melius novit, sed Dionysius melius revincere poterat falsa ethnicorum dogmata, quorum cum erroribus syllogismos a puero et argumenta cuncta noverat. Cui sensui convenit apte quod sequitur: *Scis enim quod non est in populo meo vir qui noverit ligna cedere, sicut Sidonii.* Non enim erat in populo Judaeorum, ubi Dominus corporaliter praesens docebat, illius vi-

A rorum qui tam docte nosset refellere errores gentium, quam ipsi ad fidem conversi gentiles, et ex gentibus facti Christiani. Sidonii namque et Tyrii, quia gentium fuerunt populi, merito in figura gentium accipiuntur.

V. *Numerus caesorum, portantium onera, etc.* Cap. vi. — Quod autem servos suos Salomon noster in hoc opus miserit, in sequentibus mystico sermone designatur, cum dicitur: *Elegitque Salomon operarios de omni Israel, et erat indicio triginta millia virorum, mittebatque eos in Libanum decem millia per menses singulos vicissim, ita ut duobus mensibus essent in domibus suis.* Ubi primo notandum quod non frustra Salomon operarios de omni Israel elegit, neque erat ulla portio populi, de qua non digni tanto opere viri assumerentur: quia nimirum non nunc de una stirpe Aaron sacerdotes eligendi, sed de omni sunt Ecclesia quaerendi, qui aedificare domum Domini, vel exemplo suo vel dicto sufficiant, et ubicumque inventi fuerint mox in officium doctorum absque ulla personarum acceptione promovendi; talesque cum ad erudiendos infideles atque in collegium Ecclesiae vocandos ordinantur, quasi ad cædendas in Libano materias templi viri strenui atque electi mittuntur. Equidem numerus, triginta millia, quo iidem ligni caesores censebantur, potest ad eorum figuram apte referri, qui in fide sanctae Trinitatis sunt perfecti, quod doctoribus maxime congruit. Verum quia triginta ita erant ordinata, ut dena millia per menses singulos operi suo instarent, magis denarii numeri sacramentum perpendere debemus. Dena namque millia virorum de Israel ad cædenda ligna in opus domus Domini mittuntur, quia quicumque doctores atque insipientium eruditores sunt ordinandi, decem praecepta legis, et ipsi per omnia observare, et auditoribus suis debent observando monstrare, sed et praemia in caelis futura quae denario solent figurari, et ipsi sperare, et auditoribus suis speranda semper intimare.

C Terni autem menses, quorum distantia singulis erat lignorum caesoribus imposita, perfectionem trium virtutum Evangelicarum typice denuntiant, eleemosynae videlicet, orationis et jejunii; cum enim dixisset Dominus in Evangelio: *Attendite ne justitiam vestram faciatis coram hominibus, ut videamini ab eis;* in prosecutione ejusdem sententiae non aliud quam eleemosynae, orationis et jejunii, fecit mentionem, quae non ad hominum ostentationem, sed ad solam interni inspectoris essent gloriam facienda; alioquin a fructu aeternitatis vacua manerent. Quibus verbis aperte docuit omnes virtutum fructus his tribus quasi ramis divinae charitatis radice prodeuntibus insinuari. Per eleemosynam namque comprehenduntur omnia quae ad dilectionem proximi explemus, benevole in fratres operantes, per orationem omnia quibus per internam compunctionem nostro Conditori conjungimur, per jejunium omnia quibus nos a contagione vitiorum et illecebris saeculi observamus, ut libera mente et corpore casto dilectioni valeamus inhærere, et nostri Conditoris et proximi. Et isti sunt tres menses operariorum templi: nam quia mensis plenitudine dierum lunaris circuli perficitur, per illum plenitudo virtutis cujusque spiritalis ostenditur, in qua mens fidelium a Domino quotidiana illustratione quasi luna a sole respicitur. Unus vero mensis, quo ligna ad opus templi cædebantur, eleemosyna est, id est, opera misericordiae, quae erga salutem proximi et in unitatem sanctae Ecclesiae bene proficiendo proveniant, docendo, castigando, temporalia bona impendendo, vitae exempla monstrando. Duo tamen reliqui menses, quibus in domibus suis manere, ac suis sunt necessitatibus vacare permitti, oratio est et jejunium, quibus praeter ea quae erga necessitatem fratrum foris operamur, nostrae salutis propriae curam intus conversa ad Dominum mente gerimus; et quoniam illi solum perfecte vel suae vel fraternae salutis curam gerunt.



qui se intuitione divine gratie humiliter subdunt, recte sequitur: *Et Adoniram erat super huiusmodi iudictione.* Adoniram, qui Latine dicitur Dominus meus excelsus, quem melius quam ipsum nomine insinuat Dominum Salvatorem? Et tunc Adoniram operariis templi præponitur, ut sua provisione rite ordinetur, quibus mensibus singuli ad operandum exeant, quibus denuo ad curandam domum suam redeant, cum Dominus et Salvator noster mentes sanctorum prædicatorum sua familiaris illustratione informat ad discernendum quando oporteat edificandi Ecclesiam opus inire prædicando, vel alia pietatis officia præstando, et quando rursus conveniat ad suam ipsorum conscientiam examinandam, quasi ad inspiciendam domum suam reverti, et hanc orationibus ac jejuniis superno inspectore ac visitatore dignam reddere.

VI. *De numero operariorum Templi. Cap. v.* — Fuerunt itaque Salomoni septuaginta millia eorum qui onera portabant, et octoginta millia latomorum in monte, absque præpositis qui præerant singulis operibus, numero trium millium trecentorum præcipientium populo et his qui faciebant opus. Latomos dicit lapidum cæsores. Idem autem lapidum cæsores, quod et lignorum figurate designant, hoc est sanctos prædicatores, qui mentes insipientium de labore verbi Dei exercent, et eas ab ea qua inquinati sunt turpitudine ac deformitate transmutare contendunt, ac regulariter institutos unitati fidelium, edificio videlicet domus Dei aptos reddere curant. Quod autem et ligna et lapides in monte caduntur, et cæsa ac præparata utraque materia ad montem domus Domini transfertur, patet sensus, quod omnes homines in monte superbæ nati sumus, quia de prævaricatione primi hominis quam superbia fecit, originem carnis traximus. Quicumque autem gratia præordinati ad vitam exedimur, catechizando ad sacramenta fidei percipienda, de monte superbæ ad montem domus Domini transferimur, qui eruti de potestate tenebrarum ad arcem virtutum, quæ est in unitate sanctæ Ecclesiæ pervenimus. Notandum autem quod iidem operarii ita erant distributi, ut pars in monte lapides cæderet, pars item onera portaret. Diversa namque sunt dona spiritus, et quidam maiorem dicendi ac protervos arguendi constantiam habent, quidam mitiores ad consolandos pusillanimes et infirmos sublevandos existunt, quidam utriusque virtutis munere præditi ad opus domus Domini conveniunt, quales fieri voluit eos quibus loquitur Apostolus dicens: *Corripite inquietos, consolamini pusillanimes, suscipite infirmos, patientes estote ad omnes* (1 Thess. v). Præpositi autem qui præerant singulis operibus, ipsi sunt conditores sacræ Scripturæ, quorum magisterio in omnibus erudimur, quomodo inscios docere, et contemptores corripere, quomodo nos invicem onera nostra portare, ut impleamus legem Christi, conveniat. Quanto autem quisque plus in sustentandis proximorum necessitatibus, sive in castigandis eorum erratibus laborat, tanto certiora in futuro præmia, vel quietis animarum post mortem, vel beate corporum immortalitatis expectat. Unde recte præfati operarii septuaginta millia et octoginta millia esse perhibentur: septuaginta videlicet propter sabbatum animarum, septimus enim dies in sabbatum, id est, requiem consecratus est; octoginta, propter spem resurrectionis quæ octava die, id est, post sabbatum in Domino præcessit, et in nobis quoque octava die simul et ætate octava futura speratur. Præpositi autem erant tria millia trecenti, propter fidem nimirum sanctæ Trinitatis, quam sancta nobis eloquia prædicant. Quod vero pro tribus millibus trecentis præpositis, in libro Paralipomenon tria millia sexcenti sunt scripti, ad eandem prorsus sublimium virorum perfectionem respicit: nam quia in senario numero Dominus mundi ornatum complevit, recte in eo perfecta bonorum opera solent figurari. Et quia sancta

A Scriptura cum fide veritatis et justitiæ opera docet habenda, recte præpositi operum templi tria millia et sexcenti fuisse perhibentur. Nec prætereundum quod hæc septuaginta et octoginta millia portantium onera et latomorum cum præpositis suis non fuerunt de Israel, sed de proselytis, id est, advenis qui morabantur inter eos. Scriptum namque est in libro Paralipomenon: *Numeravit igitur Salomon omnes viros proselytos qui erant in terra Israel, post dinumerationem quam dinumeravit David pater ejus, et inventi sunt centum quinquaginta millia, et tria millia sexcenti, fecitque eos septuaginta millia qui onera portarent, etc.* (II Par. ii). Proselyti autem vocabantur Græce, qui ex aliis nationibus progeniti, in fidem et consortium populi Dei, accepta circumcisione transierunt. Fuerunt itaque operarii domus Domini de filiis Israel, fuerunt de proselytis, fuerunt de gentibus. De filiis videlicet Israel triginta millia, qui ad præcidendas de Libano cedros missi sunt; de proselytis, isti de quibus locuti sumus, lapidum cæsores; de gentibus, ipse Hiram et servi ejus, qui cum servis Salomonis ligna cædebant de Libano. Omne igitur hominum genus per quos edificanda erat Ecclesia, in adificatione templi præcessit. Judæi namque proselyti et gentiles conversi ad veritatem Evangelii, unam eandemque Christi Ecclesiam, sive recte vivendo, sive etiam docendo construunt.

B VII. *De lapidibus. Cap. v.* — *Præcepitque rex ut tollerent lapides grandes, lapides pretiosos in fundamentum templi, et quadrarent eos.* Fundamentum templi nullum est aliud intelligendum mystice, quam illud quod ostendit Paulus, dicens: *Fundamentum enim aliud nemo potest ponere, præter id quod positum est, Christus Jesus* (I Cor. iii). Qui propterea recte fundamentum domus Domini potest vocari, quia, sicut ait Petrus: *Non est aliud sub cælo datum hominibus nomen, in quo oporteat nos salvos fieri.* In quod fundamentum lapides grandes et pretiosi ponuntur cum præcipui factis ac sanctitate viri familiari mentis sanctitate suo adhærent Conditori, ut quo firmius in illo spem suam ponunt, eo fortius aliorum vitam dirigere, quod est altitudinem portare sufficiant. Lapidem ergo qui in fundamentum templi ad portandum ædificium omne ponebantur, proprie sunt prophætæ et apostoli, qui verbum et sacramenta veritatis sive visibiliter sive invisibiliter ab ipsa Dei sapientia perceperunt. Unde et nobis qui eorum vitam sive doctrinam studemus pro nostro modulo imitari, fundatos dicit Apostolus super fundamentum apostolorum et prophetarum. Sed et generaliter perfecti quique qui fideliter ipsi Domino adhærere, et impositas sibi fratrum necessitates fortiter ferre didicerunt, hi possunt lapidibus grandibus ac pretiosis indicari; qui bene lapides primo quadrari, ac sic in fundamento poni jubentur; quadratum namque omne quocumque vertitur, fixum stare consuevit. Cui nimirum figuræ corda assimilantur doctorum, quæ ita in fidei firmitate consistere didicerunt, ut nulla occurrentium rerum adversitate, nec ipsa etiam sua morte a sui status rectitudine possint inclinari, quales videlicet doctores Ecclesia non solum de Judæa, verum etiam de gentibus per plures suscepit. Unde bene de lapidibus huiusmodi grandibus pretiosis et quadratis subditur:

D *Quos dolaverunt cæmentarii Salomonis et cæmentarii Hiram.* Dolantur namque lapides pretiosi, cum electi quique præcedentium sanctorum instructione et instantia, quidquid in se habent noxium et inane relinquunt, atque ante conspectum sui Conditoris, solam insitæ justitiæ regulam, quasi stabilem quadraturæ formam ostendunt. Dolaverunt autem lapides non solum cæmentarii Salomonis, sed etiam cæmentarii Hiram: quia ex utroque populo fuerunt doctores sanctæ Ecclesiæ, immo tam sublimes ex utroque Dei populo fuerunt nonnulli, qui ipsorum quoque doctorum sublimium jure doctores existerent, et quasi quadrantes eos ad sublevandum domus



Domini aedificium pararent; neque enim soli Jeremias et Isaias, et ceteri ex circumcissione prophetae, verum etiam beatus Job cum filiis suis, qui erant ex gentibus, maximam vitae suae patientiae formam, maxima doctrinae salutaris praecordia sequentis aevi doctoribus ministrarunt, quo abjectis verbis actibus cogitationum supervacuis, ad portandum onus sanctae Ecclesiae digni et apti inventi sunt.

Porro Byblii praepraverunt ligna et lapides ad aedificandam domum Domino. Byblus est civitas in Syria Phoenicis, a qua Byblii sunt vocati, cujus meminit Ezechiel, dicens: *Sapientes tui, Tyre, facti sunt gubernatores tui. Senes Bybliei et prudentes ejus* (Ezech. xxvii). Pro quo in Hebraeo continetur Gobel, sive Gebel, qui interpretatur Definens, sive Determinans; quod vocabulum convenit eis qui corda hominum ad aedificium spirituale, quod ex virtutibus animae constituitur, parant; sic enim solum suos adiutores fidem et opera justitiae docere sufficiunt, dum ipsi prius sacris paginis educti, diligenter quae sit fides tenenda, quo virtutum calle incedendum, certa definitione veritatis didicerunt. Nam frustra sibi officium doctoris usurpat, qui dissertationem fidei catholicae ignorat. Neque sanctuarium Domino, sed ruinam sibi aedificant, qui docere alios regulam, quam ipsi non didicerunt, conantur. In aedificanda domo Domini, primo sunt ligna et lapides de monte candendi; quia eos quos in fide veritatis instruere quaerimus, primo necesse est ut renuntiare diabolo, ac de sorte primae praevagationis in qua nati sunt, doceamus renascendo erui. Deinde quaerendi sunt lapides pretiosi et grandes, atque in fundamentum templi ponendi, ut meminerimus, abdicata conversatione priori, eorum vitam in omnibus moresque inspicere, eosque nostris auditoribus imitandos proponere, quos per virtutem humilitatis spiritaliter Domino adherere noverimus; quos invincibili mentis stabilitate, quasi quadratos quodam modo atque ad omnes tentationum incursus immobiles perdurare conspicimus, quos pretiosos et grandes merito hac fama comperimus. Post fundamentum vero talibus ac tantis lapidibus compositum aedificanda est domus, praepratis diligenter lignis ac lapidibus, ac decenti ordine collocatis, quae olim de priore suo statu vel radice fuerant absracta: quia post prima fidei rudimenta collocata in nobis juxta exemplum sublimium virorum humilitate, addendus est in altum paries honorum quasi superimpositis sibi invicem ordinibus lapidum, ambulando ac proficiendo de virtute in virtutem. Vel certe lapides fundamenti grandes, pretiosi, quadrati, primi sunt, ut supra diximus, Ecclesiarum magistri, qui ab ipso Domino verbum audierunt salutis. Superpositi autem ordines lapidum vel lignorum, sequentes suo quosque tempore designant sacerdotes ac doctores, quorum vel praedicatione ac ministerio fabrica crescit Ecclesiae, vel ordinatur virtutibus. Quales autem colore fuerint lapides, quibus factum est templum, in libro Paralipomenon aperte declaratum est, dicente David ad Solomonem, cum ei impensas templi quas praepraverat, ostenderet: *Omnem pretiosum lapidem et marmor Parium abundantissime praepravi* (I Paral. xxix). Marmor autem Parium, marmor candidum dicitur, quale eadem insula gignere consuevit. Unde poeta de illa:

Oleoron, niveamque Paron, sparsasque per aequor  
Cycladas, et crebris legimus freta concita ventis.

(Virg. Aeneid. III).

Nivea ergo Paros dicitur, eo quod candidissimi generis marmor mittat. Est autem una de Cycladibus insula, quo videlicet lapide templum fuisse factum, Josephus insinuat, dicens: *Elevavit itaque templum usque ad cameram, ex lapide constructum albo*. Altitudo fuit viginti cubitorum et centum. Nec mysterii sensus in abdito est: cuius enim patet quia marmor candidum, ex quo domus Domini constructa est, mundam electorum actionem, simul et conscientiam

A ab omni novo corruptionis castigatam designat, quales voluit esse sapiens ille architectus eos quos super fundamentum Christi locabat lapides pretiosos, auro argentoque redimitos. *Charissimi, inquit, mundemus nos ab omni inquinamento carnis et spiritus, perfectentes sanctificationem in timore Dei* (II Cor. vii).

VII. Quando vel ubi Templum sit factum. Cap. v. — Factum est igitur quadringentesimo et octogesimo anno egressionis filiorum Israel de terra Aegypti, in anno quarto, mense Zio, ipse est mensis secundus, regis Salomonis super Israel, et aedificare cepit domum Domino. Domus Domini quam aedificavit rex Salomon in Hierusalem, in figura facta est sanctae universalis Ecclesiae, quae a primo electo usque ad ultimum, qui in fine mundi nasciturus est, quotidie per gratiam regis pacifici sui, videlicet Redemptoris adificatur; quae partim adhuc peregrinatur ab illo in terris, partim evasis peregrinandi arumnis, cum illo jam regnat in caelis, ubi peracto ultimo iudicio tota est regnatura cum illo. Ad hanc domum pertinent electi angeli, quorum nobis similitudo in futura vita promittitur, dicente Domino: *Illi autem qui digni habentur saeculo illo et resurrectione ex mortuis, neque nubent, neque ducent uxores; neque enim ultra mori poterunt, aequales enim angelis sunt, et filii sunt Dei, et filii resurrectionis* (Luc. xvi, 32). Ad hanc pertinet ipse Mediator Dei et hominum, homo Christus Jesus, ipso attestante cum ait: *Solvite templum hoc, et in tribus diebus excitabo illud* (Joan. ii). Quod exponens Evangelista subiunxit: *Hoc autem dicebat de templo corporis sui* (Joan. ii). Dicit autem Apostolus de nobis: *Nescitis quia templum Dei estis, et Spiritus Dei habitat in vobis?* Si ergo ille templum Dei per assumptam humanitatem factus est, et nos templum ejus per inhabitantem ejus Spiritum efflicimur, constat utique quia figuram omnium nostrum, et ipsius Domini videlicet et membrorum ejus, quae nos sumus, templum illud materiale tenuit; sed ipsius tanquam lapidis angularis singulariter electi et pretiosi in fundamento fundati; nostri autem tanquam lapidum vivorum superaedificatorum super fundamentum apostolorum et prophetarum, hoc est, super ipsum Dominum. Quod melius considerata ex ordine ipsius templi aedificatione patebit, ut in quibusdam videlicet figura ad ipsum Dominum, in quibusdam vero ad omnes electos pertineat; in quibusdam intemeratam in caelis angelorum felicitatem, in quibusdam invictam in terris hominum patientiam describat; in quibusdam collata hominibus angelorum auxilia, in quibusdam remunerata cum angelis hominum certamina demonstret. Designat eandem domum Domini spiritalem, etiam tabernaculum quoddam factum in eremo per Moysen. Verum quia illa domus in itinere quo ad terram repromissionis veniebatur, haec autem aedificabatur in ipsa terra repromissionis, et in civitate Hierusalem, illud ut de loco ad locum crebro Levitarum ministerio portatum, tandem in terra repromissae hereditatis induceretur, haec ut mox in patria ipsa et in civitate regia constructa, inviolabili semper fundamento consisteret, donec inditum sibi figurarum coelestium munus impleret: potest in illa praesentis Ecclesiae labor et exilium, in hac futura quies et beatitudo figurari. Vel certe quia illa a solis filiis Israel, haec autem a proselytis etiam et gentibus facta est, possunt in illa principaliter patres veteris Testamenti, et antiquus ille Dei populus; in hac autem congregata de gentibus Ecclesia figuraliter exprimi: quamvis aedificium utriusque domus enucleatius spiritali sensu discursum, et labores praesentis Ecclesiae quotidianos, et praemia in futuro perennia, gaudiaque regni coelestis, et electionem primae de Israel Ecclesiae, et salutem omnium gentium in Christo, multis modis ostendatur insinuare in figuris. Quod autem dicit: In anno quarto, mense Zio, ipse est mensis secundus regis Salomonis super Israel, ordo sensus est: *In anno quarto regis Salomonis, mense*



*Sio, ipse est mensis secundus*: mensem autem secundum, Maium dicit: nam Aprilis, quo Pascha celebratur, principium apud Hebræos primus erat in mensibus anni. Ex quo manifeste claret quia mox peracto Pascha cœpit ædificare domum Domino, et consecratus mystica solemnitate populus manus ad mysticum opus misit. Fit autem commemoratio egressus de Ægypto, quando tabernaculum ædificari cœptum est, ut admoneatur lector quot annorum tempus inter ædificationem utriusque domus transierit, et huius quoque summæ temporis sacramentum spiritale cognoscat. Quater namque centeni et viceni quadringentos et octoginta faciunt; quatuor autem evangelicæ perfectioni apte conveniunt propter ipsum evangelistarum numerum; centum viginti doctrinæ legali propter annos totidem legislatoris; in quo etiam numero virorum gratiam Spiritus sancti primæva suscepit Ecclesia, patenter ostendens quia qui lege legitime utuntur, id est, qui Christi in ea gratiam cognoscentes amplectuntur, jure spiritus ejus gratia replentur, quia in charitate ejus amplius ignescunt. Diximus autem per tabernaculum quod fecit Moyses et filii Israel in deserto, Synagogam, per templum vero quod Salomon et filii Israel cum proselytorum et gentilium auxilio construxit, Ecclesiam gentium posse designari. Permansit autem cultus et religio tabernaculi annos quadringentos et octoginta ac sic templum ædificari incœpit, quia Scriptura veteris Testamenti tanta perfectione redundat, ut si quis eam bene intellexerit, cuncta in se novi Testamenti mysteria contineat. Patres quoque veteris Testamenti in tanta perfectione arcem perfectionis tenuerunt, ut in nullo apostolis vrique apostolicis putandi sint esse minores. Permanebat tabernaculum usque ad constructionem templi in populo Dei per annos quadringentos et octoginta, id est, centum viginti per quatuor multiplicatos: quia ex tempore datæ legis usque ad incarnationem Dominicam et tempus revelatæ gratiæ, non defuerunt viri qui in lege constituti Evangelica per omnia perfectionem mente et opere servarent; non defuit Scriptura, quæ gratiam novi Testamenti, in veteri propheticiis intimaret eloquiis. Quod autem quarto anno regis Salomonis ædificari cœpta est domus Domini, potest eos referri mystice, quod post expletam dispensationem Dominicæ incarnationis, quæ in quatuor Evangelii libris scripta est, misso de cœlis Spiritu sancto Ecclesiæ structura cœperit; et quod mense secundo loco post Israel ædificationem in se suscepit Creatoris. Unde et secundus mensis in lege concessus est ad faciendum Pascha, his qui immundi super anima vel in via procul positi, ad faciendum in primo mense Pascha occurrere nequirent. Ubi nos apertissime designati sumus, qui immundi super morte animæ nostræ, et procul adhuc positi a populo Dei, non potuimus primum Pascha facere, quod in carne agni et sanguine fiebat. Celebramus autem hoc Pascha secundum, quod in corpore et sanguine Redemptoris nostri, a quo quæsi sumus et mandati, actum est. In quo autem loco templum sit ædificatum manifestius in libro Paralipomenon ostenditur, ut scriptum est: *Et cœpit Salomon ædificare domum Domini in Hierusalem in monte Moria, qui demonstratus fuerat David patri ejus in loco quem paraverat David in area Ornan Jebusæi* (II Par. III). Ædificatur ergo domus Domini in visione pacis, quia dilatata per orbem Ecclesia in una eademque fide et veritatis catholicæ societate consistit: nam in scissura mentium Deus non est, sed factus est in pace locus ejus, et habitatio ejus in Sion. Ædificatur in monte, videlicet in ipso Domino Salvatore, de quo Isaias ait: *Et erit in novissimis diebus præparatus mons domus Domini in vertice montium* (Isai. II). Et ipse de se in Evangelio: *Non potest, inquit, civitas abscondi super montem posita* (Matth. V); ipse enim est mons montium, qui de terra quidem per originem carnis assumptæ ortus est, sed omnium terrigenarum potentiam ac sanctitatem singularis

A culmine dignitatis transcendit. In quo nimirum monte civitas sive domus Domini constructa est, quia si non in illo radicem figat, spes et fides nostra nulla est. Qui recte mens Moria vocatur, id est, Visionis, quia electos suos quos ad æternam suæ claritatis visionem conservat, in hac interim vita laborantes videre et adjuvare dignatur: ipse est enim locus in quo obtulit Abraham Isaac filium suum Domino, ac devotione obedientiæ videri ab illo meruit. Unde et nomen accepit, de quo Dominus ait: *Tolle filium tuum unigenitum, quem diligis Isaac, et vade in terram Visionis, atque offer eum in holocaustum* (Gen. xxii). Pro terra Visioni, in Hebræo terram Moria habet. Et quia immolatio Isaac typus Dominicæ passionis existit, recte in loco ejusdem immolationis templum ædificatur, quia per fidem et mysterium Dominicæ passionis Ecclesia dedicata, crescit in templum sanctum Domino. De quo monte bene subditur: *Qui demonstratus fuerat David patri ejus*. Ostensus namque fuerat David, sicut et cæteris prophetis venturus in carne Dominus, qui vocatam de gentibus Ecclesiam, per sacramenta ejusdem suæ incarnationis ablueret a peccatis, atque in domum sibi fidelem dilectamque consecraret. Bene autem additur: *In loco quem paraverat David*. Paraverat namque David psallendo, paraverunt alii prophætæ vaticinando locum Domino, vero utique Salomoni, in quo domum ædificaret, quia corda auditorum suorum fide veritatis instituerunt, sedulo admonentes ut venientem in carne Dei Filium fidei ac devota mente susceperent: hinc etenim Dominus de paratis ad credendum sibi populis, ait discipulis: *Levate oculos vestros, et videte regiones, quia albæ sunt jam ad messem; et qui metit mercedem accipit, et congregat fructum in vitam æternam, ut qui seminat simul gaudeat, et qui metit* (Joan. IV). Quasi aliis verbis de ædificatione templi diceret: *Levate oculos vestros, et videte locum, quia paratus est jam ad ædificandum domum Domini, et qui ædificat, docendo mercedem accipit, et congregat lapides pretiosos in vitam æternam; ut et qui parat locum ædificio simul gaudeat, et qui ædificat, id est, propheta prædicans venturum, et apostolus venientem prædicans Dominum, una simul in illo mercede potantur*. Bene autem idem locus in area erat Ornan Jebusæi, quia Ecclesia vocabulo areæ solet designari, dicente Joanne de Domino: *Cujus ventilabrum in manu sua, et permundabit aream suam* (Matth. III). Ornan, qui interpretatur illuminatus, et erat natione Jebusæus, natione quidem gentiles significat, nomine autem eosdem illustrandos a Domino atque in filios Ecclesiæ commutandos ostendit, quibus merito dicat Apostolus: *Fuistis aliquando tenebræ, nunc autem lux in Domino* (I Thess. V). Jebus eadem est civitas quæ et Hierusalem. Et Jebus quidem dicitur Conculcata; Hierusalem autem Visio pacis. In qua quamdiu Ornan gentilis regnabat, Jebus dicta est; cum vero in ea David locum holocausti emeret, et cum Salomon in ea templum Domino ædificaret, non jam Jebus, sed Hierusalem vocata est: quia nimirum gentilitas quamdiu divini cultus nescia perdurabat, conculcabatur, et illudebatur ab immundis spiritibus, simulacra muta prout ducebatur sequens; cum vero illam gratia sui Conditoris respexit, continuo pacis in se et locum invenit et nomen dicente de ipsa Domino: *Beati pacifici, quoniam filii Dei vocabuntur* (Matth. V). Cum ergo Ornan in hac civitate regnum adhuc haberet, Jebus vocabatur; et cum locum areæ suæ cum bubus ac tribulis venderet David regi, nomen Hierusalem accepit: quia persistens in sua adhuc obstinatione gentilitas, conculcabatur quasi vilis et abjecta a malignis spiritibus. Propterea cum omnia sua vendere, ac vero regi offerre didicit, non ultra conculcari a daemonibus ac vitis potuit, sed internæ pacis, quam cum suo conditore haberet, magis compos effecta est.

VIII. De mensura Templi. Cap. VI. — Domus autem quam ædificabat Salomon Domino, habebat sexaginta cubitos in longitudine, et viginti cubitos in latitudine,



et triginta cubitos in altitudine. Quod in constructione templi dicitur in libro Regum, quia habebat triginta cubitos in altitudine, cum in libro Paralipomenon scriptum sit: *Porro altitudo centum viginti cubitorum erat*, nequaquam discrepare, sed utrumque verum esse noscendum est. Nam ut Josephi refert historia, triginta erant cubiti a pavimento usque ad medium cœnaculum, triginta rursus a medio usque ad tertium, quo usque porticorum, quæ templo ab australi et occidentali et septentrionali latere cohærebant, altitudo pertingebat, id est, simul sexaginta; deinde alii sexaginta usque ad supremum domus tectum. Itaque tota ejus altitudo centum viginti cubitis implebatur. Longitudo autem domus longanimitatem designat sanctæ Ecclesiæ, quæ in exilio peregrinationis hujus patienter adversa quæque tolerat, donec ad patriam, quam expectat, perveniat. Latitudo insinuat charitatem, quæ dilatato sinu mentis non solum amicos in Deo, sed et inimicos gaudet diligere propter Deum, donec veniat tempus quando sive ad pacem suam conversis, sive funditus extinctis, cum solis gaudeat amicis in Deo. Altitudo spem denuntiat futuræ retributionis, cujus intuitu libenter infima quæque, sive quæ demulcent, seu quæ adversantur contemnit, usque dum utrisque transcendens, sola mereatur *videre bona Domini in terra viventium*. Unde apte longitudo domus sexagenario cubitorum numero comprehenditur; senarius namque numerus, in quo mundus factus est, perfectionem solet designare bonorum operum. Et necesse est nos ita per longanimitatem molestias ferre nostræ peregrinationis, ut merito bonæ operationis, promissam patriam, cum appruerit, valeamus intrare. Latitudo vicenario numero determinatur, propter geminam ejusdem charitatis, qua Deum et proximum amamus, distantiam. Altitudo tricenarii propter fidem sanctæ Trinitatis, quæ unus est Deus, in cujus visione cuncta spei nostræ desideria suspenduntur. Sex ergo ad operis perfectionem, duo ad dilectionem Dei et proximi, tria pertinent ad spem divinæ visionis. Singuli autem numeri recte per decem multiplicantur, quia non nisi per fidem et eius odiam decalogi legis vel patientia nostra salubior exercetur, vel charitas utiliter accrescit, vel spes sublimiter ad æterna desideria raptatur. *Et porticus erat ante templum viginti cubitorum longitudinis, juxta mensuram latitudinis templi, et habebat decem cubitos latitudinis ante faciem templi.* De hac porticu in libro Paralipomenon ita scriptum est: *Porticus vero ante frontem, quæ tendebatur in longum juxta mensuram latitudinis domus, cubitorum viginti* (II Par. III). Patet ergo quia porticus hæc ad orientalem templi partem facta est. Templum namque conversum erat ad orientem, sicut et tabernaculum, habebatque ostium porticus ante ostium templi, juxta quod historicus Judæorum Josephus apertissime docet (*Ant. Jud. lib. viii, c. 3*), ita ut sol æquinoctialis oriens directis radiorum suorum lineis per ostia tria, portici videlicet, et templi, et oraculi, arcam testamenti perfundere posset. Quia vero templum sanctam Ecclesiam designat, porticus quæ erat ante templum et prior lumen solis accipere solebat, quid aptius quam illam ejus partem, quæ Dominicæ incarnationis tempora præcessit, typice denuntiat, in qua sunt patriarchæ et prophete, qui orientem huic mundo Solem justitiæ susceperunt primi, et nascenti Domino in carne testimonium sive vivendo, sive prædicando, sive nascendo, seu etiam moriendo præbuerunt? Ostium ergo templi Dominus est, quia nemo venit ad Patrem, nisi per ipsum, et qui alibi dicit, *Ego sum ostium; per me si quis introierit, salvabitur* (Joan. x). Ostium porticus, sermo propheticus est, qui quasi recto calle ingredientis ad ostium templi perducebat, et gratiam Domini Salvatoris, qua mundum erat redempturus, prædicabat. Factura ergo porticus tota fideles illius temporis signat. Ostium vero in porticu doctores, qui cæteris lucem vite, januamque intrandi ad Dominum pandebant, exprimit. Et bene unum ostium, propter consonam in omnibus

A sanctis fidem ac dilectionem veritatis. Quæ videlicet porticus juxta latitudinem templi viginti cubitis longa erat, quia nimirum antiqui justi multa diu patientia et longanimitate exspectabant, quando apparens in carne Dominus novam Evangelii gratiam mundo afferret, non acceptis ipsis promissionibus, sed a longe eas aspicientes et salutantes. Æquabant ergo longitudine sua latitudinem templi, quia per longanimitatem mentis devotæ desiderabant videre dilatationem Ecclesiæ in charitate Dei, quæ est in Christo Jesu Domino nostro. Qui quamvis tempore adhuc fuerint a sacramentis Dominicæ incarnationis separati, fide tamen ac prædicatione fuerunt proximi. In hujus sacratissimæ porticus prima fronte fuerunt beatus protomartyr Abel, et Seth, et Enos, cæterique justi mundi originals. In intimo autem penetrali et quasi prope murum templi mysticum, obtinere locum parentes beati præcursoris Domini, Simeon et Anna, cæterique qui, etsi nativitatem ejus videre meruerunt, ad auditionem tamen doctrinæ ejus, et ad perceptionem sacramentorum ejus pervenire nequiverunt. Quæ bene porticus decem cubitis erat lata, quia tales etsi necdum verba sive mysteria Evangelii, quæ erant per Dominum tradenda, receperunt, præcepta tamen decalogi, quæ perceperunt, perfecta dilectione dilatati in Domino servabant.

B IX. *De fenestris et tabulariis Templi. Cap. vi. — Fecitque in templo fenestras obliquas.* Fenestrae templi doctores sunt docti, et spirituales quique in Ecclesia, quibus mente excedentibus Deo, arcana secretorum cœlestium specialius cæteris videre conceditur, qui dum ea quæ in occulto vident, publice fidelibus pandunt, quasi suscepto lumine solis fenestrae cuncta templi penetrantia replent. Unde bene eadem fenestrae obliquæ, id est, intus latiores et foris angustiores fuisse perhibentur, quia nimirum necesse est ut quisquis jubar supernæ contemplationis vel ad momentum percepit, mox sinum cordis amplius castigando dilatet, atque ad majora capessenda solerti exercitatione præparet.

C *Et ædificavit super parietem templi tabulata per gyrum, et in parietibus domus per circuitum templi et oraculi, et fecit latera in circuitu. Tabulatum quod super erat quinque cubitos habebat latitudinis, et medium tabulatum sex cubitorum latitudinis, et tertium tabulatum septem habens cubitos latitudinis.* Hæc tabulata in Evangelio, ubi Dominus tentatur a diabolo, pinnacula templi vocantur (*Matth. iv*). Sed et Jacobum fratrem Domini apostolum in pinnacula templi, unde ad populum concionaretur, levatum esse audivimus. Utrum autem moris fuerit doctoribus, ut in his sedentes tabulatis ad circumstantem inferius turbam fecerint sermonem, nusquam in Scripturis invenimus. Patet ergo ratio sacramenti, quia tabulata hæc tria, totidem fidelium gradus, conjugatorum videlicet, continentium et virginum designant; distinctos quidem altitudine professionis, sed societate fidei et veritatis omnes ad domum Domini pertinentes, eique fixa mente inhærentes; ubi pulchre dicitur quia tabulatum quod super erat quinque cubitos habebat latitudinis, medium sex, tertium septem. Supremum ergo tabulatum erat cæteris angustius, quia nimirum altior professio virtutis altiore debet viam tenere vivendi. Nam quicumque, abrenuntiato vinculo conjugali, virginitatem suam Domino consecraverunt, mores simul oportet virginitati condignos ostendant, abstineant ab otiosis eoqueis, ira, rixa, detractatione, habitu impudico, comestationibus, potationibus, contentione et æmulatione; et econtrario vigiliis sanctis, orationibus, lectionibus divinis et psalmis, doctrinæ et elemosynis, cæterisque sanctis fructibus operam impendant; ut qui futuræ statum vitæ in professione tenent, in qua non nubent, nec nubentur, sed eunt sicut angeli in cælo (*Matth. xxii*); hujus quoque statum, quantum mortalibus possibile est, in præsentem contendant imitari. At vero infimum tabulatum amplioris erat latitudinis, quia non Deus conjugatis, Vade et



vende quæ habes, et da pauperibus; sed si vis, inquit, A ad vitam ingredi, serva mandata, Non homicidium facies, non adulterabis, non facies furtum, non falsum testimonium dices, etc. (Matth. xix). Medium inter hos locum tenent continentes, qui quantum virginibus inferiores, tantum eminentiores conjugatis; quorum postea gloriosissimam primitivam in Hierosolymis ædificabat Ecclesiam, scribente beato Luca, quia multitudinis credentium erat cor unum, et anima una, etc. (Act. iv). Quorum maximam partem eos reliquisse complexus, testatur historia sancti Stephani, ubi feminas eadem religione pollentes non conjuges, sed viduas appellat eorum. Singula autem tabulata in circuitu habebant latera, id est, luricas, ne quis in eisdem tabulatis consistens, sive residere nosset ad interiora decidere, quod Ochosis regi contigisse legimus in Samaria. Quæ nimirum latera non incongruè quotidiana divinæ protectionis erga nos munimina designant. De quibus Psalmista: *Immittet, inquit, angelus Domini in circuitu timentium eum, et eripiet eos* (Ps. xxxiii). Ascendit quidem in cœnaculum B Ochosis rex Samariæ, qui se a domo David separaverat, sed per cancellos decidit, quia etsi hæretici sive schismatici aliquam bonæ actionis arcem conscendere videntur, tamen compagem unitatis Ecclesiæ non habent, quasi patentibus et non solidis laterum præditiis, semper ad vitiorum infima relabuntur, dum divino destituti auxilio suæ pertinaciæ fastu intereunt. Qua autem arte præfata tabulata parietibus templi sint affixa, declaratur cum subditur: *Trabes autem posuit in domo per circuitum forinsecus, ut non hærent muris templi*. Trabes ergo quæ intrinsecus domum muniebant et ornabant, tantæ erant longitudinis, ut capita earum forinsecus prominere, in infimo quidem ordine cubitorum septem, in medio sex, in supremo quinque, atque in eisdem capitibus earum tabulata componerentur, nequaquam muris templi infixæ, sed juxta muros trabibus, quæ de muris exierant, superpositæ. Quid itaque per trabes domus quæ tabulata portabant, nisi prædicatores sunt C typice designati? qui dum ipsi sublinem atque honorabilem in Ecclesia Dei locum tenent, infirmiores quosque ac fragiles suis prædicationibus ab infirmorum appetitu sustollunt, atque ad cœlestia desideranda ac speranda suspendunt, suis etiam intercessionibus, ut in cœptis persistent, adjuvant. Legimus autem in libro Paralipomenon quod trabes templi, sicut et cætera ejus interiora, fuerint auro vestitæ. Quod ita factum esse non dubium est, ut ille trabium partes, quæ intus in templo aureis essent laminis vestitæ; quæ vero foris patebant, hæc minime deauratæ ipsam cedri speciem formamque cunctis ostenderent. In qua tamen imposita sibi met tabulata gestabant. Quod ergo extrinsecus eminebat trabium, vitam sanctorum, quæ nobis in terris innotescere potuit, designat; quod intus in templo deauratum fulgebat, claritatem illam, quæ in cœlesti patria in aspectu sui Creatoris justi gaudent, figurare denuntiat. Quæ nimirum claritas trabium aurearum D illis solummodo, qui templum intrabant, patebat, quia quam sit magna multitudo dulcedinis Dei, quam abscondit timentibus se (Ps. xxx), et perfecit sperantibus in se, soli norunt illi qui regnum cœlestie meruerunt intrare. Et tamen cum nos vitam, passionem, doctrinas sanctorum cernentes, sive in Scripturis legentes, ad benefaciendum exemplo eorum excitamur, quasi in capitibus trabium foris apparentium a terra sublevamur: qui quamvis internam sanctorum gloriam perspicere necdum valeamus, ex eo tamen quod externus videre valuimus, sublimibus Ecclesiæ membris fideliter adhæremus. Possumus hæc etiam de sanctis in hac vita adhuc positis intelligere, quorum puritatem dilectionis, qua in secreto cordis coram Domino refulgent, inspicere nequimus; attamen ex eis quæ loquendo, vel agendo, vel patiende foris ostendunt, auxilium nostræ salutis invenimus.

*Domus autem cum ædificaretur, de lapidibus dola-*

*lis atque perfectis ædificata est; et malleus et securis et omne ferramentum non sunt audita in domo cum ædificaretur.* Hæc ad illam Ecclesiæ partem quæ p s hujus sæculi labores et certamina ad æterna præmia meruit introduci, proprie pertinent; ibi etenim nemo aliquid coinquinatum faciet, vel abominationem et mendacium, sicut in Apocalypsi scripsit Joannes (Cap. xxi). Malleus et securis et omne ferramentum non auditur, quia hic tundimur adversitatibus, et disciplina veritatis exercemur, ut illic locis juxta meritum congruis disponamur, et castigatione cessante, solo amoris glutino quo ad invicem copulemur, uno impleti spiritu perfundamur; hic enim foris tundimur, ut illic sine reprehensione inveniamur. Hic malleus, hic securis, hic omnia tusionum resonant ferramenta; in domo autem Dei nulli ictus audiuntur, quia in æterna patria omnes jam percussorum strepitus conficeunt. Nequaquam ibi malleus percutit, quia nulla animadversio affligit; nequaquam securis incidit, quia receptos interius nulla foris sententia severitatis projicit. Nequaquam ibi ferramenta perstrepuunt, quia nec quælibet minima ultra jam flagella sentiuntur. Lapidem ergo extra tumsi sunt, ut in constructione templi Domini absque mallei sonitu ponerentur, quia videlicet nunc foris per flagella tundimur, ut intus in templum Dei postmodum sine disciplinæ percussione disponamur: quatenus quicquid in nobis est superfluum modo percussio resecet, et tunc sola nos in ædificatione concordia charitatis liget: ut hic diversis adversitatibus extra contusus atque expiatus homo erroribus meritorum, ita jam ibi purus purum videat Deum, quo ornamentis ipsius civitatis mereatur affigi, post transitum habens locum sibi solummodo a Domino præparatum.

X. De cochlea templi. Cap. vi. — *Ostium lateris medii in parte erat domus dextræ, et per cochleam ascendebatur in medium cœnaculum, et a medio in tertium.* Quidam hunc locum male intelligentes, putant ostium templi a meridie fuisse, non attendentes quod si hoc significare voluisset Scriptura, non ita diceret, *Ostium lateris medii in parte erat domus dextræ*, sed ita potius simpliciter, Et habebat domus osium ad meridiem. Nunc autem longe aliud significat. Partem namque domus dextræ latus templi meridianum dicit, in cujus parte orientali ostium erat in ipso angulo factum juxta terram, in quod introeuntes statim ad altiora gradatim ascendebant, habentes viam et ascensum per ipsa parietis interiora. Unde consequenter adjungitur, *Et per cochleam ascendebant in medium cœnaculum, et a medio in tertium.* Nec dubitandum quamlibet Scriptura non dicat, quia sic ascendentes quælibet habebant a meridie fenestrâs, quarum luce certum per omnia, et sine offensione iter agerent. Ostium vero, quo ad quotidiana templi ministeria, ingrediebantur, erat ad orientem, sicut jam meminimus, ut Josephus refert; et porticus ante faciem illius, et ipsa patens ad orientem: ita ut exoriens sol æquinoctialis sine ullo obstaculo radios suos per ostia templi et oraculi in ipsam arcam, quæ erat in sanctis sanctorum, mitteret. Porro ascensus qui in domum superiorem, et a superiore ducebat in tertium, in australi erat templi latere; cujus dispositio ascensus mysterium nobis multum memorabile commendat. Claret namque quia templum hoc, quod Salomon fecit, corpus pacifici regis Christi non solum illud quod est Ecclesia ejus tota, verum etiam ipsum quod sacrosanctum de Virgine, ut esset caput Ecclesiæ, suscepit, figurate insinuat. *Erat autem ostium lateris medii in pariete domus dextræ* (III Reg. vi). De quo occulte ab inferioribus in medium cœnaculum, et a medio ascenderetur in tertium, quia passo in cruce Domino unus militum lancea latus ejus aperuit. Et bene in parte domus dextræ, quia dextrum ei latus a milite apertum sancta credit Ecclesia. Ubi et apto verbo usus evangelista est, ut non diceret, Percussit latus ejus aut vulneravit, sed ap-



runt, videlicet quasi ostium lateris medii, per quod nobis iter ad cœlestia panderetur. Denique ita subiunxit, *Et continuo exiit sanguis et aqua*, aqua scilicet qua ablui mur in baptismo, et sanguis quo consecramur in calce sancto. Per hoc namque ostium nobis est ascensus in medium cœnaculum, et a medio inde in tertium; quia per fidem et mysteria nostri Redemptoris, de præsenti Ecclesiæ conversatione ad requiem animarum post mortem ascendimus, rursumque de requie animarum adveniente die iudicii, ad immortalitatem quoque corporum quasi in tertium cœnaculum sublimiore profectu penetrabimus, ex quo et magna amborum corporis videlicet et animæ beatitudine perpetuo vivamus. Quod quidem iter invisibiliter agebatur, ita ut soli hoc, qui intraverant, nossent, quamvis ipsum ostium etiam foris positi viderent, quia nimirum actus fidelium in hoc sæculo, et celebrationes sacramentorum etiam reprobi possunt intueri; verum arcana fidei et intimæ gratiam dilectionis nullus, nisi qui per hæc Domino duce ad cœlestia ducitur, agnoscit. *Qui enim se dicit nosse Deum, et mandata ejus non custodit, mendax est (1 Joan. ii).* Notandum sane quod triginta cubiti altitudinis, de quibus supra legitur, usque ad medium cœnaculum pertingebant; deinde alii triginta cubiti usque ad tertium cœnaculum addebantur, quousque porticus quæ erant circa templum, ab austro, et aquilone, et occasu ad tectum perveniebant, ut Josepho narrante didicimus. Deinde usque ad supremum templi tectum alii sexaginta cubiti numerabantur, et sic tota altitudo domus juxta librum Paralipomenon in centum viginti cubitos consummata est. Porticus quoque, quæ erat ante frontem templi ad orientem juxta fidem præfati voluminis, eandem cubitorum summam in altitudine habebat, qui videlicet illas, de quibus supra diximus, porticus circa templum cellaria vocat, et cubicula. *Dedit, inquit, David Salomoni filio suo descriptionem porticus, et templi, et cellariorum et cœnaculi et cubiculorum in abditis et domus propitiationis (1 Paral. xxviii).* Ubi etiam exteriorum domorum, quæ erant extra atrium sacerdotum in circuitu templi, fecit mentionem, cum protinus adjunxit, *Nec non et omnium, quæ cogitaverat, atriorum, exedrarum per circuitum in thesauris sanctorum.* Quod autem omnis altitudo templi centum viginti cubitorum, ad idem sacramentum respicit, quo et primitiva in Hierosolymis Ecclesia post passionem et resurrectionem et ascensionem Domini in cœlos, et in hoc numero virorum gratiam Spiritus sancti accepit; quindecim namque quæ ex septem et octo constant, solent nonnumquam ad significationem referri vitæ, quæ nunc in sabbatismo geritur animarum fidelium; perficietur autem in fine sæculi resurrectione corporum immortalium. Ipsa autem quindecim in trigonum ducta, id est, cum omnibus suis partibus annumerata, centum viginti efficiunt. Quapropter apte numero centenario et vicenario, magna electorum beatitudo in futura vita designatur. Aptè in hoc tertium domus Domini cœnaculum consummatur, quia per præsentem fidelium labores, post acceptam in futuro requiem animarum plena totius Ecclesiæ felicitas in resurrectionis gloria compabitur. Ad quod mysterium æque pertinet, ut diximus, quod re-urgens a mortuis Dominus atque ad cœlos ascendens, huic numero virorum Spiritum sanctum in linguis igneis misit, qui eos diversitate linguarum ad invicem cognitione loquelarum communem in laude fecit habere sermonem. Nam et Ecclesia suo tempore resurgens a morte, atque ad cœlos in carne incorruptibili ascendens, plene ac perfecte dono Spiritus sancti illustratur, quando juxta promissum Apostoli, erit Deus omnia in omnibus. Tunc erit plena adunatio linguarum in omnibus, ad prædicanda magnalia Dei, quia consona mēte ac voce omnes gloriam divinæ majestatis, quia præsentem vident, collaudant.

XI. De interiore domo oraculi in sanctum sanctorum.

A Cap. vi. — *Et ædificavit domum, et consummavit eam, textitque domum laquearibus cedrinis.* Laquearia sunt tabulata, quæ magno decore composita et ornata, ab inferiori parte trabibus affiguntur clavis. Et quia ter geminæ altitudinis domus Domini facta erat, terna nimirum habebat laquearia: prima videlicet post triginta cubitos a pavimento, secunda post cubitos sexaginta contra summitatem porticorum, tertia post cubitos centum viginti in summitate totius domus. Quid autem aptius per laquearia, quam sublimiores quosque in sancta Ecclesia justos significari credamus, quorum opus et doctrina cunctis in exemplo proposita quasi longius in alto præminet, quique suis intercessionibus et exhortationibus animos infirmorum, ne in tentationibus deficiant, protegent. Quæ nimirum laquearia, recte cedrina esse describuntur. Cedrus namque arbor est, imputribilis omnino naturæ, odoris jucundi, aspectus nitidi, serpentes acenso nidore fugans ac perimens; quæ perfectis quibusque conveniunt, quorum insuperabilis est patientia, fama virtutum eximia, præ cunctis gratissima bonis, auctoritas ad revincendos confutandosque eos qui veritati resistunt, constantissima, qui et in hac vita et in futura singulari præ cæteris sanctis eminentia fulgent. *Et ædificavit tabulatum super omnem domum, quinque cubitorum altitudinis.* Hoc est enim quod in Deuteronomio præcipit Moyses fieri in omni domo, quam quisque ædificaret: *Cum ædificaveris, inquit, domum novam, facies murum tecti per circuitum, ne effundatur sanguis in domo tua, et sis reus labente alio, et in præceptis ruente (Deut. xxii);* hoc enim tabulatum in supremo domus tecto per circuitum, in extremo murorum, vice cancellorum erat erectum, ne quis ad superiora conscendens, dum ad terminum tecti perveniret, incaute progrediendo dilaberetur ad ima. Quod esse passus rex Ochosias in sequentibus invenitur, qui per cancellos cœnaculi decedens, lethiferum incidit in languorem. Quibus tabulatis seu muris vel cancellis, cum ad tutelam viæ ponuntur, vulgus luricularum nomen indidit. Hæc autem tabulata sive luriculæ supra sunt latera vocata. Ubi cum dictum est, *Et ædificavit super parietem templi tabulata per gyrum in parietibus domus per circuitum templi et oraculi;* continuo subjunctum est, *Et fecit latera in circuitu.* In quibus nimirum lateribus intelleximus divina esse præsidia designata, quæ nos in hoc adhuc sæculo laborantes, ac pro capto nostro ad superiora nitentes, quotidie ne deficiamus adjuvant; ad cujus formam sensus etiam hunc locum intelligere debemus, sed ea distinctione, quod in hac vita inter crebra vel hostis impacata tentamenta, vel nostræ fragilitatis obstacula, crebro, immo continuo supernæ pietatis munere, ne corruamus defendimur. In illa vero vita, quam supremum templi tectum, ut supra docuimus, insinuat, tanta Dei præsentis gratia munimur, ut nec vel mus ultra peccare, nec possimus, neque ullo mortis sive doloris, sive tentantis adversarii metu afficiamur. De præsentibus Domini auxiliis quasi de lateribus tabulatorum, dicit ipse Dominus loquens de populo suo: *Invocabit me, et ego exaudiam eum, cum ipso sum in tribulatione, eripiam eum et glorificabo eum (Ps. xc).* De futura autem ejus gratia, quæ superna illa civitas illustratur, dicit eidem civitati propheta, *Lauda, Hierusalem, Dominum, lauda Deum tuum Sion: quoniam confortavit seras portarum tuarum, benedixit filijs tuis in te; qui posuit fines tuos pacem (Ps. cxlvii).* Bene autem hoc tabulatum in tecto domus Domini quinque cubitis altum esse memoratur, quia nimirum ita nos in illa patria divinæ præsentia clari atis adimplet, ut nihil aliud visus noster, nihil auditus, nihil olfactus, nihil gustus, nihil tactus dulce habeat, nisi, Diligere Dominum Deum nostrum ex toto corde, tota anima, tota virtute et proximum tamquam nos ipsos (Deut. vi).

*Et operuit domum lignis cedrinis.* Supremum enim totius structuræ domus tegumentum designat, hoc



est, tabulatum quod illis trabibus desuper appositum erat, quibus suprema, quæ prædiximus, laquearia subter erant affixa. Non autem habebat templum culmen in superioribus, sicut nec tabernaculum, sed erat æquale, quo modo omnibus in Palestina et Ægypto domus ædificantibus facere moris est, quia ad sedendum videlicet vel deambulandum apta construuntur. Unde dicit in Evangelio Dominus: *Et quod in aure audistis, prædicabitur in tectis* (Matth. x. Talis namque locus aptissimus erat, de quo verbum prædicator vel assistantibus sibi, vel inferius positus auditoribus proferat. De quo et in Proverbiis Salomon: *Melius est, inquit, habitare in angulo domatis, quam cum muliere litigiosa in domo communi* (Prov. xxi): quod enim Latine tectum, Græce dicitur doma. Sed et porticus ipsæ circa templum trina habebant laquearia, prima post cubitos a terra viginti, secunda post quadraginta, tertia post sexaginta: plana enim et ipsorum facta erant tecta. Erant autem porticus triginta inferius, triginta in medio, triginta desuper, non muris ab invicem, sed tabulatis discretæ, ita ut singulæ earum quæ erant numero nonaginta, quinos cubitos in latitudine et longitudine, videnos autem in altitudine haberent. De quibus videlicet porticibus frequens in libro Dierum mentio fit; sed quo sint ordine dispositæ, plenius explicat Josephus. Id ipsum autem hoc tabulatum quo operta est domus, quod et laquearia, designat eximios quosque in resurrectionis gloria viros, et singulari sanctitate ad ipsum virtutis apicem pervenientes. De quorum uno dicitur, *Inter natos mulierum non surrexit major Joanne Baptista* (Matth. xi). Cujus si comparem magnitudinis scire vis, audi quid patri ipsius angelus ait, *Et ipse præcedet ante eum in spiritu et virtute Eliæ* (Luc. i). *Et ædificavit parietes domus intrinsecus tabulatis cedrinis a pavimento domus usque ad summitatem parietum, et usque ad laquearia operuit lignis intrinsecus.* Quid est quod domus cedro erat vestita? Nam forinsecus tanto nitore lapis ipse, de quo facta erat, fulgebat, ac si calculo esset candido tecta. Juxta sensus vero mysticos, parietes sunt templi, populi fideles, ex quibus sancta universalis Ecclesia consistit, quorum dilatationem per orbem latitudo designat parietum, spem vero et intentionem omnem ad cœlestia erectam, altitudo. Vel certe altitudo parietis, quæ ex ordinibus lapidum superinvicem positus constat, præsentis statum signat Ecclesiæ, ubi electi super fundamentum Christi omnes ædificati, sibi invicem in ordine per temporum curricula succedunt, seseque invicem portantes, legem Christi, quæ est charitas, adimplent; dum enim hi qui nunc præcedentibus erudiuntur magistris, rursus ipsi alios erudiant, quasi super se invicem positus ordinibus quinque lapidum vivorum in domo Dei, sic ab aliis fixa constantia portantur, ut ad portandos alios et ipsi sufficiant, usque ad ultimos, qui in fine mundi nascituri sunt, justos, qui quasi in summo Dei domus cacumine locati docentur, et portantur ab aliis, sed quos doceant, quorumve fragilitatem tolerent ipsi non habent; qui videlicet parietes intrinsecus tabulatis cedrinis operiuntur, cum corda fidelium amore virtutum redundant: sicut enim cedri natura perfectos homines, ut supra docuimus, typice denuntiat, ita etiam locis opportunis celsitudinem virtutum, quibus ad eandem perfectionem venit, non immerito designat. Teguntur autem omnia lignis a pavimento domus usque ad summitatem parietum, et usque ad laquearia, cum electi a primis fidei rudimentis usque ad perfectionem bonæ actionis, et usque ad ingressum patriæ cœlestis bonis insudare non desistant operibus, cum a primis justis usque ad ultimos in consummatione sæculi omnes virtutibus student, quorum merito jure valeant protestari, quia Christi bonus odor sumus Deo in omni loco. *Et textit pavimento tabulatis abiegnis.* Hoc quo modo factum sit, plenius in libro Paralipomenon explicat, ubi scriptum est; *Stravit quoque pavimento templi pre-*

*tiosissimo marmore stratum decore multo* (II Par. iii). Unde patet quod tabulas abiegnas quibus pavimentum in tegeret, nequaquam in terra posuit, sed primo illud marmore protexit, ac deinde tabulas superposuit, ac tertium his duobus auro vestitum superaddidit, ut in sequentibus legitur. Sicut autem altitudo parietis in altum exurgens, atque usque ad laquearia perveniens, protectus virtutum, quibus electi ad regnum cœlestis perveniunt, vel certe ipsos electos choros sibi met per tempora variantia succedentes significat, ita æqualitas pavimenti concordem eorumdem humilitatem, qua in temporali adhuc vita positi socialiter invicem charitate dictante conversantur, non immerito demonstrat. Quod videlicet *pavimentum pretiosissimo erat marmore stratum decore multo*, idemque marmor niox tabulis tectum abiegnis, quia nimirum vita justorum primo fidei firmitate præmunienda in corde, ac deinde virtutum spiritalium latitudine est adornanda in opere; alioquin quid utilitatis habet decor marmoris pretiosissimi lignorum tabulis obiectus, si non mysticum aliquid tacite signabat, ac bonorum amplitudinem operum fortitudine fidei intemeratæ suffulciendam esse docebat? Abies vero propter altitudinem sui et robor durablem mentem electorum infima quæque desideria spernentem, et cœlesti semper contemplationi intentam, virtute quoque patientiæ singulariter excellentem, non incongrue demonstrat. Auri autem laminæ quæ marmori ac tabulis sunt abiegnis superpositæ, ipsa est latitudo charitatis de corde puro et conscientia bona, et fide non ficta: quæ sicut aurum aliis pretiosius est metallis, ita cæteris eximior virtutibus in templo Dei singulari luce refulget. Unde bene Apostolus cum plurima virtutum bona, quæ humilibus essent corde servanda, quasi pavimenti ornatus enumeraret, dicens, *Induite vos sicut electi Dei sancti et dilecti viscera misericordiæ, benignitatem, humilitatem, patientiam, modestiam, sufferentes invicem, et donantes vobismetipsis, si quis adversus aliquem habet querelam: sicut Christus donavit vobis, ita et vos facite* (Coloss. iii); repente velut desuper addendo aureo velamine adjunxit, *Super omnia autem charitatem habentes, quod est vinculum perfectionis.*

XII. *De mensura Templi et oraculi.* Cap. vi. — *Ædificavit quoque viginti cubitos ad posteriorem partem templi, tabulata cedrina a pavimento usque ad posteriora, et fecit interiorem domum oraculi in sanctum sanctorum.* Posteriolem templi partem occidentalem dicit; ab ortu enim solis ingressum habebat templum, et ab occasu domum interiorem, hoc est, sancta sanctorum. Quod autem tabulata, quæ interiorem domum ab exteriori separabant, a pavimento usque ad superiora esse dicuntur ædificata, non usque ad laquearia, quæ triginta cubitos erant in sublime a pavimento suspensa, ut supra jam dictum est, sed usque cubitos 20 altitudinis, ut in sequentibus aperte legitur: reliquum vero erat supra hæc tabulata apertum et inane usque ad laquearia cubitis decem altitudinis, et cubitorum viginti longitudinem juxta latitudinem domus. In qua distinctione domus Domini, patet figura mysterii, et Apostolo exponente, luce clarior est. Quæ prior domus, in quam semper introibant sacerdotes, sacrificiorum officia consummantes, præsens est Ecclesia, ubi quotidie insistentes piis operibus Domino sacrificia laudis offerimus. Interior vero domus, quæ ad posteriorem templi partem erat facta, ipsa est promissa nobis vita in cœlis. Interior quidem a conversatione nostri exilii remota, estque in præsentia Regis summi perpes, ubi beatorum et angelorum et hominum solemnitas agitur: unde de ea bene merito servo dicitur, *Intra in gaudium Domini tui* (Matth. xxv). Sed posterior, tempus quo post hujus sæculi labores ad illius ingressum perducimur. Tabulata autem, quæ utramque domum ab invicem dividunt, ipsa sunt claustra cœli, quorum nobis apertionem quotidie suspiramus, et quantum Dominus donave-



rit, pia semper instantia, donec aperiantur, ut intrare liceat, pulsamus. Ubi, etsi necdum ante solutionem corporum intrare permittimur, apertam tamen habemus januam divinæ pietatis, qua orationum nostrarum, eleemosynarum, jejuniorum, certorumque bonorum operum thymiamata præmittamus. Bene autem interior domus viginti cubitos longa facta est, propter mysterium geminæ dilectionis, de quo supra diximus, quæ in hac interim vita ex parte maxima electorum illustrat mentes, sed in illa patria, cessantibus aliarum virtutum operibus sola perpetuo regnat. Porro quadraginta cubitis erat ipsum templum pro foribus oraculi. Diximus ipsum templum pro foribus oraculi, præsentis Ecclesiæ typum gessisse. Unde recte fuit quadraginta cubitorum, qui numerus sæpe in significatione ponitur præsentis fidelium laboris, quo modo quinquagenarius in significatione futuræ quietis et pacis. Denario namque numero continentur præcepta, quorum observatione ad vitam venit; denario æque significatur ipsa quam desideramus, et pro qua laboramus, vita perennis. Quadratus vero est mundus, in quo pro acquirenda eadem vita certamus. Unde et psalmista congregandam de gentibus Ecclesiam prævidens, aiebat: *De regionibus congregavit eos, a solis ortu et occasu; ab aquilone et mari* (Ps. cvi). Decem autem quater ducta quadraginta faciunt. Unde populus ab Ægypto liberatus in figura præsentis Ecclesiæ quadraginta annis in eremo multis laboribus exercebatur, simul et pane cœlesti reficiebatur; ac sic tandem ad promissam olim patriam pervenit. Exercetur enim tentationibus quadraginta annis, ut labores Ecclesiæ, quibus totum per orbem in observanda Dei lege desudat, insinuantur. Pascitur manna de cœlo per eosdem quadraginta annos, ut ostendantur ipsæ quas Ecclesia tolerat passiones, spe denarii cœlestis, hoc est, æternæ beatitudinis esse levigandæ. Ubi ii qui nunc *esuriunt et sitiunt justitiam saturabuntur* (Matth. v); et sicut eadem Ecclesia suo canit Redemptori, *Ego autem cum iustitia apparebo conspectui tuo; satior dum manifestabitur gloria tua*. Pariter ergo populus Dei et afficitur adversis et reficitur manna, ut sit illud Apostoli, *Spe gaudentes, in tribulatione patientes* (Rom. xii). In qua figura et Dominus noster quadraginta diebus ante mortem carnis suæ jejunavit, quadraginta etiam epulabatur cum discipulis, post resurrectionem carnis suæ, apprensus eis in multis argumentis, et loquens de regno Dei, et convescens: jejunando etenim ostendebat nostrum in se laborem; manducando autem cum discipulis, ostendebat in nobis suam consolationem; jejunans velut clamabat, *Attendite ne graventur corda vestra in crapula et ebrietate, et curis hujus vite*. Manducans autem et bibens, velut clamabat: *Ecce ego vobiscum sum omnibus diebus, usque ad consummationem sæculi* (Matth. xxvii). Et: *Iterum autem videbo vos, et gaudebit cor vestrum, et gaudium vestrum non tolletur a vobis* (Joan. xvi); simul enim cum viam Domini carpinus, et a vanitate præsentis sæculi jejunamus, et futura promissione reficimur, hic non apponentes, quia illic pascentes sursum est cor. Et cedro omnis domus intrinsecus vestiebatur, habens tornaturas suas et conjuncturas fabrefactas, et celaturas eminentes. Diximus de cedro quod insuperabilem virtutum venustatem signaret, quo nimirum ligno omnis domus Domini intrinsecus vestitur, cum corda iustorum solo bonorum operum amore nitescent; habetque domus in tabulis cedrinis tornaturas suas, et conjuncturas fabrefactas, cum iidem electi se ad invicem pulcherrima charitatis copula connectunt, ita ut cum innumera sit multitudo fidelium, unum tamen eor, unam habere animam pro communis fidei ac dilectionis societate merito dicantur. Namque tornaturæ quæ juncturis tabularum apponebantur, ut unum ex omnibus fieret tabulatum, ipsa sunt officia charitatis, quibus ad invicem fraternitas sancta copulatur, atque in unam Christi domum toto terrarum

A orbe componitur. Quæ etiam domus habet celaturas eminentes, cum opera virtutum sancti nequaquam occulte tegunt; sed manifesta expressione omnibus foris, quales sint ipsi, quid agant in exemplum vendi, proferunt; quo modo fecit apostolus Paulus, qui non solum prædicando gentibus Christum; et patiando ipse pro Christo quantum emereret ostendebat, verum etiam in Epistolis ad Ecclesias destinatis quot pericula pro Christo toleraret, quantis revelationibus a Christo sit sublimatus, felici glorificatione declarabat. Qui cum suis dicere auditoribus non dubitaret, *Imitatores mei estote, sicut et ego Christi* (I Cor. xi): quid in domo Domini, nisi celaturas eminentes ostendit, qui singulari culmine virtutis cunctis sese imitabilem præbuit?

XIII. Quod domus sit cedro vestita et auro. Cap. vi. — *Omni cedrinis tabulis vestiebantur, nec omnino lapis apparere poterat in pariete*. Et lapis parietis sive pavimenti et tabulæ et aurum, sanctorum in Ecclesia vitam omnia designant: sed ea distinctione cum pariter ponuntur, ut lapides vivi sint sancti, fortitudine fidei in unam eandemque regulam sibi met agglutinati; tabulæ cedrinæ sive abiegnæ sint sancti, latitudine variarum virtutum, secundum donationes sancti Spiritus, in una eandemque fide sibi met alterutrum connexi; auri laminæ sint sancti supereminentem scientiæ charitatem habentes, hi sunt qui fulgore gratissimo ad invicem congaudent. Quæ tria beatus Apostolus una sententia complexus est dicens: *Nam in Christo Jesu, neque circumcisio aliquid valet, neque præputium, sed fides, quæ per dilectionem operatur* (Gal. v). Fidei namque invictæ lapis figuram tenuit, cedrus sanctionis odoriferæ, aurum transcendentis omnia dilectionis; vestiturque lapideus paries tabulis cedrinis, cum professio fidei bonis ornatur operibus, ne sine operibus otiosa iudicetur aut mortua. Verum quia lex in lapide scripta, doctrina vero Evangelii per lignum est Dominicæ passionis confirmata, unde et populus lapide circumciscus in præputio, nos signo crucis consecramur in fronte, possunt non incongrue parietes templi lapidei, sive pavementum pretiosissimo marmore stratum, eorum qui in lege fideliter ac perfecte vixerunt, typum gerere; tabulæ vero cedrinæ, sive abiegnæ, novi Testamenti justos indicare, qui volentes post Dominum venire abnegant semetipsos, et sumpta cruce sua quotidie sequuntur illum (Luc. ix). Et quoniam utriusque temporis justos communis manet superæ gloriæ retributionis, lapidibus ac lignis pretiosis tertia est species aurearum laminarum. E contrario debet videri quæ supra diximus. Porticus quæ erat ante templum, antiquorum fidelium debet figuram gestare; ipsum vero templum eorum qui post incarnationis Dominicæ tempus, in mundum venerunt. Porro domus interior regni cœlestis gaudia, quæ utrisque justis dantur figurabat. Nunc autem dicamus parietes lapideos antiquum Dei populum, tabulas cedrinas novum, aureas laminas utriusque in cælis præmia designare, cum iidem parietes templi, et in porticu, et in ipso templo, et in sanctis sanctorum pari fuerint modo de lapidibus et lignis et auro compacti. Multiplex namque est in diversis rebus earundem repetitio figurarum. Sed hoc dicendum, quod fuerunt in lege et ante scriptam legem plurimi, qui legaliter Domino deservirent, non occidentes, non fornicantes, non furtum facientes, non falsum testimonium loquentes, honorantes patrem et matrem, et diligentes proximos sicut se ipsos. Hi ad parietes porticus lapideos pertinebant. Fuerunt alii, qui majori perfectione relictis mundi negotiis, et assumpta cruce sua sequebantur Dominum, qui, ut Apostolus scribit, *Ludibria et verbera experti, insuper et vincula et carceres, lapidati sunt, secti sunt, tentati sunt, in occisione gladii mortui sunt. Circueurrunt in pelotis, in pellibus caprinis, egentes, angustii, afflicti, quibus dignus non erat mundus* (Hebr. xi). Hi qui ante manifestata tempora Evangelii, vi-



tam duxere evangelicam, quid nisi ante ingressum tabulata cedrina in porticu fulgebant? Quos utrosque quia idem regnum cœleste communiter in mansionibus discretis recepit, quasi porticus templi post lapidem et cedrum intrinsecus est auro cooperta. Sunt hoc tempore perplures, qui legalibus contenti præceptis, quæ supra commemoravimus, sufficere sibi credunt tantum, si ad vitam venire mereantur. Sunt alii ad perfectionem nitentes, venditis quæ habent omnibus, memores promissi illius quo talibus in resurrectione non solum vitam, sed et specialem prædixit honorem esse tribuendum, *Amen dico vobis, quod vos qui secuti estis me, in regeneratione cum sederit filius hominis in sede majestatis suæ, sedebitis et vos super sedes duodecim, judicantes duodecim tribus Israel* (Matth. xix). Hi ad parietes templi albo de lapide factos, illi figuraliter ad cedrinas pertinent tabulas. Et quia utrique præmia a Domino perpetuæ lucis, quasi auri laminas quibus decorentur, expectant, sunt in abditis templi lapides pretio i, sunt tabulæ ligni aromatici, utraque auro cooperta: quia et illi, qui in lege Domini immaculati ambulaverunt, et qui gratiam Evangelii perfecte suscepserant, pariter æterna vita perfruuntur. *Oraculum autem in medio domus in interiori parte fecerat, ut poneret ibi arcam fœderis Domini.* Hoc superius præoccupando expositum est, quia videlicet interior domus secreta patriæ cœlestis, arca fœderis Dominum Salvatorem, in quo solo fœdus pacis apud Patrem habemus, designaret; qui post resurrectionem suam ascendens in cœlum, carnem, quam assumpsit ex Virgine, in Patris dexteram locavit. Porro oraculum habebat viginti cubitos in longitudine, et viginti cubitos in latitudine, et viginti cubitos in altitudine. Quod dicitur viginti cubitos in altitudine, parietem significat cedrinum, qui oraculum, id est, sancta sanctorum, ab æde exteriori segregaret, sicut et supra diximus. Oraculum ergo ubi erat arca, habebat vicenos cubitos in longitudine, et latitudine, et altitudine id est, per quadratum, quia in superna illa patria, ubi Regem Christum in decore suo vident oculi sanctorum, sola charitatis divinæ ac fraternæ gratia per omnia fulget. Quod sequentibus quoque verbis astruitur, cum dicitur.

XIV. *Quod altare cedro et auro vestitum.* Cap. vi. — *Et operuit illud atque vestivit auro purissimo.* Quod est aperte dicere quia monia supernæ civitatis, gratia charitatis implevit. *Sed et vestivit altare cedro.* Altare dicit thymiamatis, quod erat infra oraculum. De quo paulo post subinfertur, *Et totum altare oraculi textit auro.* Unde intelligi datur quia idem altare de lapide quidem fuerit factum, et cedro vestitum, ac deinde auro coopertum. Significat autem typice perfectorum vitam justorum qui quasi in oraculo sunt positi, quia desertis infinis delationibus, de solo regni cœlestis ingressu curam omnem impendunt. Unde bene in hoc altari, non carnes victimarum, sed sola incendebantur thymiamata, quia tales non adhuc peccata carnis et illecebras cogitationum in se mactare opus habent; sed tantum orationum spiritalium et cœlestium desideriorum odorem, per ignem amoris in conspectu sui Conditoris offerunt. Quid autem in hujusmodi altari lapis, cedrus et aurum figurarent, ex his quæ superius dicta sunt, facile potest intelligi, *Domum quoque ante oraculum operuit auro purissimo, et fixit laminas clavis aureis.* Domum ante oraculum præsentis Ecclesiæ typum tenere diximus, ubi ita Redemptoris nostri amore flagramus, ut necdum ipsum videre facie ad faciem valeamus. Unde apte domus hæc auro quidem purissimo cooperta, sed interpositus erat medius paries ob oraculi secreta. Oraculum namque vocatur, cum divina hominibus vel angelica allocutio, vel secretorum quorumque revelatio conceditur. Unde bene oraculum in abditis, hoc est in interiori domo factum est, quia in superna patria et angelorum nobis visio atque allocutio, et ipsa Dei præsentia revelabitur, juxta hæc quæ Veritas ipsa diligentibus se pollicetur, di-

*cens, Qui autem diligit me, diligetur a Patre meo, et ego diligam eum, et manifestabo ei me ipsum* (Joan. xiv). Et iterum, *Venit hora cum jam non in proverbiiis loquar vobis; sed palam de Patre meo annuntiabo vobis* (Joan. xvi). Domus ergo ante oraculum auro tecta est, quia perfecti quique justi in hac vita, ubi necdum de Patre palam audire, id est, necdum palam videre queunt, fidem et opus justitiæ divino ornant amore, per quem et plenam Dei cognitionem mereamur. Laminæ aureæ, quibus operata est domus, operationes sunt multifariæ pietatis, quas in obsequium sui Creatoris vel fraternæ necessitatis amor castus exhibet. Clavi aurei quibus erant affixæ laminæ aureæ, sunt præcepta charitatis, sive promissa æternæ claritatis, per quæ in exercitio studioque virtutum ne deficiamus, donante Christi gratia, continemur. Unde bene de eisdem clavis in libro Paralipomenon scriptum est, *Sed et claros fecit aureos, ita ut singuli clavi siclos quinquagenos appenderent.* Quinquagenario namque numero solet in Scripturis remissio peccatorum, et gratia Spiritus sancti, et vita æterna figurari; quinquagesimus psalmus est penitentiae et remissionis; quinquagesimus annus jubileus; quinquagesima die post Pascha Spiritus sanctus adveniens primitivam Ecclesiam consecravit; et quinquagenorum erant siclorum clavi singuli, quibus laminæ aureæ affigebantur parietibus domus Domini, quia nimirum verba cœlestia, quibus in amore bonorum operum proficimus et conservamur, veniam nobis promittunt peccatorum gratia sancti Spiritus, et sabbatismum in futuro pollicentur æternum. Et hi quidem sunt clavi dilectionis. Sunt vero alii clavi timoris, quibus incipientes quique et necdum ad perfectionem venientes, illecebras vitiorum carnalium et voluptatem mortificant, illo videlicet sermone veritatis, cujus institutione carnem nostram crucifigere cum vitiis et concupiscentiis edocemur. Quos habere deiderabat propheta, cum ait, *Confige clavis timoris tui carnes meas, a judiciis enim tuis timui* (Ps. cxviii). Qui rursus ad perfectiora perveniens, dicit de clavis dilectionis, *Mihi autem adhærere Deo bonum est* (Psal. lxxii). Nihilque erat in templo quod non auro tegetetur, sed et totum altare oraculi textit auro. Supra de altari dictum est. Plenius vero in libro Paralipomenon hæc explicantur, ubi Porticus quoque erat ante frontem templi deaurata intrinsecus, cœnacula quoque auro tecta esse perhibentur. Ubi figura mysterii in promptu est, quia tota Ecclesia et in hoc sæculo et in futuro, præ cæteris virtutibus Deo placitis dolo charitatis abundat; et sola hæc quasi singulariter eminens, cæteras cælare videtur. Deaurata est quippe porticus ante templum, quia patres veteris Testamenti Deo per charitatem placuerunt. Deauratum est templum, quia eadem ipsa charitas diffusa est in cordibus nostris per Spiritum sanctum, qui datus est nobis. Deaurata est domus interior, quia in superna patria sola charitas regnat. Sed ibi eo verius et securius, quo præsens ipse Deus, qui est charitas, videtur; ibi eo certius, quo ipse Mediator Dei hominum, qui solus paternorum est conscius secretorum, velut arca testamenti semper aspicitur. Quod autem cœnacula quæque tecta sunt auro, ad eundem sensum respicit: sicut enim interior domus sancti sanctorum, ubi erat arca, æternam sanctorum, vitam in conspectu sui Conditoris et Redemptoris significat, juxta illud psalmistæ, *Abscondes eos in abscondito vultus tui, a conturbatione hominum* (Ps. xxx): ita cœnacula in alto, eandem vitam in cœlis esse, et non in hoc mundo, dicente Apostolo, *Quæ sursum sunt, quærite, ubi Christus est in dextera Dei sedens; quæ sursum sunt sapite, non quæ sunt terrena.*

XV. *De factura Cherubin.* Cap. vi. — *Et fecit in oraculo duo Cherubin de lignis olivarum decem cubitos altitudinis.* Cherubin, sicut propheta Ezechi i aperte declarat, angelicæ dignitatis vocabulum est; numeroque singulari Cherub dicitur, plurali Cherubin. Unde



apte in figuris Cherubin, quæ erant in oraculo facta, angelica ministeria, quæ Conditori suo in oculis semper assistant, possunt intelligi. Quæ recte de lignis olivarum facta esse perhibentur, quia nimirum virtutes angelicæ gratia Spiritus sancti, ne unquam ab amore Dei arescant, unctæ sunt. Ipsæ enim una nobiscum sunt participes illius, de quibus ait in laude Chisti propheta, *Unxit te Deus tuus oleo lætitiæ, præ participibus tuis* (Ps. xlv). Rec e de lignis olivarum figura ier sunt facti, quos luce sapientiæ cœlestis, mox ipse qui creavit, implevit. Unde Cherub appellare voluit, quod Latine multiplicata scientia, sive scientiæ multitudo interpretatur. Decem autem sunt cubitorum altitudinis, quia denario vitæ æternæ fruuntur, habentes inviolatam in se sui Conditoris imaginem, servata in perpetuum sanctitate, et iustitia, et veritate, quæ prima conditione perceperunt. Denarius quippe obolis constat, et continere in se nomen regis et imaginem consuevit. Quapropter et figure regni cœlestis aptissime congruit, ubi et angeli sancti in imagine sui Conditoris, ad quam facti sunt, semper manent; et electi homines imaginem ejus, quam peccando amiserant, recipiunt. *Scimus enim, inquit, quia cum apparuerit, similes ei erimus, quoniam videbimus eum sicuti est. Quinque cubitorum ala Cherub una, et quinque cubitorum ala Cherub altera; id est, decem cubitos habentes a summitate alæ unius usque ad alæ alterius summitatem.* (III Reg. vi). Alæ cum in sanctorum hominum figura ponuntur, virtutes significant eorum quibus ad cœlestia volare semper, atque in his conversationem delectantur habere. Cum vero in significatione angelorum ponuntur alæ, quod aptius quam gratiam demonstrant perpetuam et indefectivam felicitatis eorum qui semper in cœlestibus in ministerio sui persistunt auctoris? Vel certe quia levitate spiritualis naturæ sunt præditi, ita ut ubicumque voluerint, statim quasi volando perveniant; et hic cum alis figurati, et prophetæ cum alis sunt ostensi. Bene autem dicitur quia quinque cubitorum fuerit alia Cherub una, et quinque cubitorum alia Cherub altera: quia virtutes angelicæ legem Dei, quæ in quinque libris descripta est, indefessa devotione custodiunt: diligendo videlicet Deum et Dominum suum ex omnibus viribus suis, diligendo et proximos tanquam seipsos: plenitudo enim legis est charitas. Proximi autem eorum, et ipsi ad invicem sunt angelici spiritus et homines electi, eorum æque concives. Unde utraque alia ejusdem esse mensuræ perhibetur, quia videlicet eadem ipsa devotione, qua se alterutrum in Deo diligunt, nostram quoque ad se ascendentium societatem desiderant; sicque simul alæ decem cubitos complent, cum in gemina charitatis exhibitione angeli de Conditoris præsentia lætantur. *Decem quoque cubitorum erat Cherub unum, mensura parietis, et opus unum erat in duobus Cherubin.* Duo erant facti Cherubin propter consortium ejusdem, de qua loquimur, charitatis significandum, quia minus quam inter duos charitas stare non potest. Unde et Salvator binos ad prædicandum discipulos mittere curavit (Luc. x), ut tacite doceret eos, qui verbum fidei prædicarent virtutem dilectionis ante omnia opera esse tenendam. Uniusque mensuræ et operis duo Cherubin, quia disparilitas voluntatum, sive cogitationum, in superna patria nulla est, ubi una omnes eademque præsentis visione et gloria illustrantur. *Posuitque Cherubin in medio templi interioris; extendebant autem alas suas Cherubin, et tangebant alia una parietem, et ala Cherub secundi tangebant parietem alterum: Alæ autem alteræ in medio pariete templi se invicem contingebant.* Manifestum est ex his quæ prædicta sunt quare Cherubin in medio templi interioris sint positi, quorum habitatio est in cœlis. Extendebant autem alas Cherubin, quasi ad volandum, quia spiritus angelici semper habent animum ad obsequium divinæ voluntatis præparatum. Quod vero alia una tangebant parietem, ad illam charitatis administrationem pertinet, quam nobis exhibent angeli.

**A** Quod alæ alteræ in medio templi se invicem contingebant, eam dilectionis gratiam qua se alterutrum complectuntur, exprimit. Bene autem sequitur, *Texit quoque Cherubin auro*, quia et naturam eorum Conditor immortalis claritate sublimavit, et mentem vera dilectionis atque humilitatis luce replevit. Notandum sane quia Moyses dum tabernaculum faceret, fecit et duos Cherubin aureos, quos posuit in propitiatorio, quod erat super arcam. Salomon autem addidit alios duos multo majores, quos in templo poneret, sub quorum alis arcam in medio poneret, cum propitiatorio et Cherubin prioribus; sicque factum est, ut in tabernaculo quidem essent Cherubin duo, in templo autem quatuor. Ad unam vero eandemque significationem utrique pertinent, sed repetitum est opus augustius factum per Salomonem, ut typice doceretur, multiplicata post incarnationem Domini sancta Ecclesia, latius esse gentibus sublimitatem civium cœli pandendam, qui sic Conditorem de collatio sibi munere beatitudinis collaudant, ut de nostra quoque ereptione atque ad eandem beatitudinem introductione congaudeant; extendunt enim alas ad invicem super arcam, cum ad laudem Domini Salvatoris referunt bonum omne quod acceperunt; extendunt alas alteras ad parietes oraculi, cum sanctos etiam homines secum videre lætantur, eosque velut alarum suarum summitatibus tangunt, quos consortes atque imitatores fuisse in hac vita suæ puritatis exsultant. Duos autem æque parietes alis suis tangunt: quia fideles utriusque populi, Judæi scilicet et gentilis, secum possessores habent aulæ cœlestis. Namque in illa patria distinctio fit localis inter utrumque populum. Sed quia major fit festivitas internæ beatitudinis de consortio adunatæ fraternitatis, extendunt Cherubin ad utrumque parietem oraculi alas suas, quia lætantes in cœlesti patria justos utriusque plebis visione quoque suæ gloriæ ad laudem Creatoris excitant; nec solum de illorum, quos secum intus habent, hominum justorum felicitate lætantur agmina cœlestia, verum etiam nostri, qui foris adhuc positi de profundis ad Dominum clamamus, curam gerunt sedulam. Unde bene de eisdem Cherubin in libro Paralipomenon scriptum est, *Ipsi autem stabant erectis pedibus, et facies eorum versæ erant ad exteriorem domum* (II Par. iii); stabant etenim erectis pedibus Cherubin, quia a via veritatis, in qua mox conditi positi sunt, nunquam aberraverunt angeli. Habent facies ad exteriorem domum, quia nos, ab hujus ærumna peregrinationis erepti, ad suum desiderant pervenire consortium. Sic ergo pedibus stant rectis, sic alas suis auro tectas ad oraculi parietes extendunt, ut facies habeant ad domum versas exteriorem, quia angeli sic suam perpetuo innocentiam conservant, sic de animarum sanctarum in cœlis beatitudine congaudent, ut eis quoque quos in terris adhuc peregrinari conspiciunt, electis opem ferre non desinant, donec et illos ad cœlestem patriam introducant; omnes enim sunt administratorii spiritus in ministerium missi propter eos qui hereditatem capiunt salutis. Possunt etiam per duo Cherubin duo testamenta figurari, qui nimirum Cherubin in oraculo sunt facti, quia in consilio divinæ promissionis nobis utique inaccessibili atque incomprehensibili ante sæcula dispositum est, quando, et qualiter quibusve auctoribus sacra Scriptura conderetur. De lignis olivarum sunt facti, quia per viros misericordiæ, quorum pietati non defuerunt vires, unctione sancti Spiritus illustratos, divini sunt libri conscripti. De lignis olivarum sunt facti, quia lucem nobis scientiæ tribuunt, juvante flamma charitatis Dei, quæ per Spiritum sanctum diffunditur in cordibus nostris. Decem cubitis sunt alti; quia per observantiam decalogi legis, Deo serviendum prædicant, et Deo fideliter servientes denario remunerandos esse regni perpetui ostendunt. Geminas habent alas, quia Testamenta per aspera æque et prospera, indefesso proposito semper ad cœlestia tendisse ac pervenisse declarant; et hoc idem suis auditoribus



faciendum esse demonstrant. *Quinque cubitorum erat ala Cherub una, et quinque cubitorum ala Cherub altera*; quia in omni labentium rerum varietate, sancti universos corporis sui sensus in obsequium sui Conditoris extendunt: oculos habentes semper ad Dominum, audire desiderantes vocem laudis ejus, et narrare universa mirabilia ejus, dulcia faucibus suis habentes eloquia illius, super mel et favum ori suo, currentes in odore unguentorum ejus; et donec superest halitus in eis, et spiritus Dei in naribus eorum, non loquentes labiis iniquitatem, nec in lingua sua stultitiam personantes: sicque per arma justitiæ a dextris, et a sinistris incedentes, ad perceptionem cœlestis denarii, quem summus paterfamilias cultoribus suæ vineæ repromisit, perveniunt. Et opus unum erat in duobus Cherubin, quia utriusque Testamenti scriptores una eademque castitate operis et charitatis devotione Deo servierunt, una et consona voce ac fide Deum prædicant: quia quæ novum Testamentum de Dominica incarnatione, passione, resurrectione, ascensione, gentium vocatione, Judæorum expulsionem, multitudine Ecclesiæ tribulatione facta narrant, hæc eadem vetus Testamentum, si recte intelligitur, veraciter fienda prædicabat. Adventum vero Antichristi, finem sæculi, extremi discrimen judicii, et æternam bonorum gloriam, penamque reproborum, concordi utrumque Testamentum veritate probat. Alæ ergo Cherubin interiores super arcam se invicem contingebant, quia utraque Testamenta pari de Domino attestatione consentiunt. Item alis exterioribus, iste unum parietem, ille alterum contingebat, quia vetus Testamentum proprie antiquo Dei populo scriptum est; novum vero nobis, qui post incarnationem Dominicam ad fidem venimus. Et secundo parieti h. e. septentrionali, recte comparatur, quibus post frigis ac tenebras idololatriæ, lucem veritatis cognoscere datum est: nam et si primitiva Ecclesia maxime de Judæis effloruit, et omnis Israel circa finem sæculi salvandus esse creditur, plurimi fidelium hujus corporis congregantur ad Evangelii suscipiendi sacramenta, quibus etiam hoc divinitus donatum est, ut revelatis oculis cordis sui, manifeste cognoscant litteram veteris Testamenti, evangelicæ gratiæ plenam esse mysteriis. Versas habent facies Cherubin ad exteriorem domum, quia nobis qui adhuc foris stamus, nec re, sed spe salvi facti sumus. Divini sunt libri conditi; quia scriptores eorum jam regnantes cum Domino, illumque collaudantes in cœlis, curam nostræ gerunt salutis, qui pro nostris e ratibus apud ejus pietatem interpellant. Circumdati sunt auro Cherubin, quia præclaris scriptorum suorum operibus confirmatur auctoritas Testamentorum, manifestata jam per orbem cognitione divinarum Scripturarum, sive interna gloria cœlestium agnitionum: utrumque enim Cherub, ut diximus, et angelos videlicet, et Testamenta designant, cum plures ad fidem converti et bonis abundare cœperint operibus. Unde et apte subditur: *Et omnes parietes templi per circuitum sculpsit variis cœlaturis et torno*. Omnes parietes templi per circuitum omnes sanctæ Ecclesiæ populi sunt, quibus super fundamentum Christi locatis, totius ambitum orbis replevit, cœptumque fidei ædificium quotidie nova membrorum suorum progenie, quasi lapidum pretiosorum appositione superaugmentare non desistit. Qui nimirum parietes variis cœlaturis sculpuntur: *Cum alii datur per Spiritum sermo sapientiæ, alii sermo scientiæ secundum eundem Spiritum, alii fides in eodem Spiritu, alii gratia sanitatum in uno Spiritu, alii operatio virtutum, alii prophetia, alii discretio spirituum, alii genera linguarum, alii interpretatio sermonum* (I Cor. xii). Et ut ad illas veniamus, quas omnes habere valeamus virtutes, *charitas, gaudium, pax, longanimitas, patientia, benignitas, bonitas, modestia, continentia* (Gal. v), et cæteri fructus spiritus, quid nisi cœlaturæ parietum templi quæ ornatus sunt mentium populi Dei. Sculpuntur et iidem parietes torno, cum prompto pollent animo fideles

A ad faciendum cuncta quæ Dominus præcepit, ad patiendum cuncta quæ permittit, dicentes ex animo per singula quæ occurrunt: *Benedicam Dominum in omni tempore* (Ps. xliii). Et, *Paratum cor meum, Deus, paratum cor meum, cantabo et psalmum dicam Domino* (Ps. ciii). Sculpuntur torno, cum in tantum virtutibus operam impendunt, ut ab harum tramite nullis circumstantium rerum contrarietatibus, nullis possint blandimentis averti: quia enim tornatura cæteris artibus velocitate præcellit, et ipsa sibi regulam, qua sine errore opus perficiat, servat, apte per hanc pia sanctorum vita signatur, quia et parata est semper ab obsequium divinæ voluntatis, et hoc absque diverticulo errandi complere longo virtutum usu exercitata didicit. Unde et sancta Ecclesia in Canticiis canticorum, Sponsi ac Redemptoris sui virtutes admirata, dicebat, *Manus ejus tornatiles, aureæ plenæ hyacinthis* (Cant. v). Tornatiles quippe sunt manus ejus, quia apprensus in carne sanitates et miracula quæcumque voluit, absque omni morarum tarditate, absque ullis errorum ambagibus, Dei virtus et sapientia perficit. Aureæ sunt, quia ea quæ foris verbo jussit, intus divina plenius potentia dedit. Plenæ sunt hyacinthis, quia ad gloriam Patris universa quæ fecit retulit; et per opera quæ fecit nostros ad quærenda cœlestia sensus erigit.

B XVI. *De sculptura parietum*. Cap. vi. — Omnes ergo parietes templi per gyrum variis cœlaturis et tornis sculpuntur, cum tota per mundum Ecclesia virtutum spiritalium executioni absque ullo prorsus errore prompta devotione insistit. Ubi bene subditur, *Et fecit in eis Cherubin et palmas, et picturas varias, quasi prominentes de pariete, et egredientes*. Cherubin namque in parietibus templi facit Salomon, cum electos suos Dominus ad regulam Scripturarum sanctarum, in quibus est multitudo scientiæ, vitam suam dirigere donat. Cherubin facit, cum eos in hoc mundo castitatem angelicæ conversationis pro modulo suo docet imitari, quæ maxime vigiliis ac laudibus divinis, dilectione sincera Conditoris et proximi geritur. Palmas fecit cum memoriam æternæ retributionis eorum mentibus infligit, ut eo minus ab arce justitiæ labi queant, quo mercedem justitiæ semper ante cordis oculos habent. Facit picturas varias prominentes de pariete, et egredientes, cum multifarias virtutum operationes fidelibus tribuit: verbi gratia, viscera misericordiæ, benignitatem, humilitatem, patientiam, modestiam, sufferre invicem, et donare sibi metipsis, super omnia autem hæc charitatem habere, quod est vinculum perfectionis. Quæ videlicet virtutes cum in tantam electis consuetudinem venerint, ut velut naturaliter eis videantur insitæ, quid aliud quam picturæ domus Domini prominentes, quasi de pariete exeunt, quia verba et opera veritatis non adhuc ab aliis extrinsecus discunt, sed ut sibi in infixis radicibus, parata semper ab intimis cordis quæ sunt agenda sive docenda proferunt? *Sed et pavimento domus textit auro intrinsecus et extrinsecus*, in oraculo et in ipso templo. Significare autem diximus supra, quod pavimento æqualitas humilem concordiam designaret sanctæ fraternitatis, ubi cum sint Judæi et gentes, barbari et Scythæ, liberi et servi, nobiles et ignobiles, cuncti se in Christo fratres esse, universi eundem se habere Patrem in cœlis gloriantur; neque enim de concordissima humilitate supernorum civium dubitare cuiquam fas est.

D XVII. *De ingressu oraculi*. Cap. vi. — *Textit ergo Salomon pavementum domus auro intrinsecus et extrinsecus*, quia Rex noster pacificus et angelos atque animas iustorum in cœlis perfecte ac plenarie dono dilectionis implevit, et peregrinantes in hoc sæculi cives ejusdem patriæ cœlestis signaculo dilectionis a cæterorum mortalium vilitate segregavit: *In hoc cognoscent*, inquit, *omnes, quia discipuli mei estis, si dilectionem habueritis ad invicem* (Joan. xiii). *Et in ingressu oraculi fecit ostiola de lignis olivarum, postesque angulorum quinque, et duo ostia de lignis olivarum*.



Quod primo dixerat, *Fecit ostiola de lignis olivarum*, hoc ipsum videtur apertius explicare voluisse, cum adjunxit, *Et duo ostia de lignis olivarum*. Unus quippe erat ingressus oraculi, sed idem ingressus duobus ostiis claudabatur, rursusque re-eratis eisdem aperiebatur, sicut templum, et sicut porticus ante templum, unum non amplius habebant introitum, certi utique causa mysterii: quia unus Dominus, una fides, unum baptismum, unus Deus (Eph. iv), unus in Ecclesiam presentem per baptismum, unus in regnum cœleste per opera fidei est sperandus introitus: nam quod unus esset introitus oraculi, testatur hoc quod inferius de arca scriptum est: *Cumque emerent vestes, et apparerent summitates eorum foris sanctuarium ante oraculum, non apparebant ultra extrinsecus*; ubi patenter ostenditur, ni fallor, quod unus erat ingressus oraculi, et hic e regione factus arcae, quæ in medio ejusdem oraculi fuit. Cujus ingressus et ostiola per significationem multifarie possunt accipi: nam et angelicos spiritus, quorum ministerio in habitationem cœlestis patriæ introducimur, aptissime designant, et apostolorum atque virorum apostolicorum figuram tenent, quibus claves regni cœlorum sunt datæ, qui accepta a Domino potestate ligandi atque solvendi, et dignos intra regni januam admittunt; et contumaces, impuros ac superbos excommunicando vel anathematizando, ab ingressu vitæ perennis eliminant. Sed et opera justitiæ quorum merito ad regnum cœleste pervenitur, recte per ostia, per quæ in sancta sanctorum ingrediebatur, possunt typice designari, juxta quod in libro Sapientiæ scriptum est, *Cu totitio autem legum, consummatio incorruptionis est; incorruptio autem facit proximum Deo*. Concupiscentia itaque sapientiæ deducit ad regnum perpetuum. Quibus omnibus apte congruit, quia ipsa eadem ostiola de lignis sunt olivarum, quia nimirum et angeli et homines perfecti fructu misericordiæ et operibus lucis sese in domo Dei gloriosos exhibent, immo omnes electi per arma lucis et pietatis aditum sibi patriæ cœlestis aperiunt. Duo sunt autem ostiola, sive quia Dominum et proximos diligunt angeli et homines sancti, neque janua vitæ, nisi per geminam hanc dilectionem poterit quis intrare; seu quia utriusque populi fidelibus, et Judæi videlicet et Gentilis, eadem vitæ janua reseratur. Postes sunt angelorum quinque, quia non solum animas electorum aula cœli recipit, sed et corporibus immortalis gloria prædiis, in judicio suas fores aperit; quinque enim sunt sensus corporis nostri, ut supra meminimus, visus, auditus, gustus, olfactus, tactus. Certe vel postis uterque oraculi quinque factus est cubitorum, quia solis illis supernæ patriæ aditus panditur, qui omnibus sui corporis et cordis sensibus Domino servire studuerunt: corporis videlicet, cum per eosdem sensus aliquid pro illo agunt: cordis vero, cum sobrie et juste et pie cogitant de eis quæ per ipsos corporis sensus agere decernunt. *Sculpsitque in eis picturam Cherub et palmarum species, et anaglypha valde prominentia, et textit ea auro, operuitque tam Cherubin quam palmas et cætera auro*. Anaglypha Græce, dicuntur Λετίνε calaturæ. Cælata sunt autem vasa aurea vel argentea, signis eminentioribus extra intusque expressa. Hæc et alio nomine sculpta vocantur, anaglypha vasa dicta, quod superius sunt sculpta: Græci enim ἀνά, sursum glyphen, sculpturam dicunt, id est, sursum sculpta. Cuncta autem hæc supra eadem Cherubin in ornatu parietum templi posita, pro capto nostro exposita sunt, nec laborandum in astruendo; quin virtutum operibus quæ per totum orbem Ecclesiæ in suis sanctis ac perfectis exercet, illi præcipue quibus fidelium cura commissa, et claves regni cœlorum sunt datæ, omni debeant solertia insistere ut quantum gradu præminent cæteris, tantum et merito præcellant bonæ actionis. Habent namque in se picturam Cherubin insculptam, cum angelicam in terris vitam, quantum mortalibus possibile est, et mente imitantur et opere. Habent pal-

marum species, cum dona supernæ retributionis fixa semper intentione meditantur. Palma namque manus victicis ornatus est. Habent anaglypha valde prominentia, cum certissima bonorum operum documenta, et quæ nemo in sinistram partem interpretari valeat, cunctis se intuitibus ostendunt. Et hæc omnia opera sunt aureis laminis cooperta, cum, sicut sæpe dictum est et semper dicendum est, cæteris virtutum floribus specialius in magnis Ecclesiæ membris fulgor supereminet amoris. His ostiis est velum fuisse additum, Verba dierum narrant. *Fecit quoque velum, id est, ex hyacintho, purpura, coccino et bysso, et intexuit ei Cherubin*; quod decoris quidem grata factum est, ut inter parietes deauratos et holosericum fulgeret, sed in ejusdem mysterii significatione, cujus et ostiola, ante arcam atque ingressum oraculi appensum, ut sicut ostiola congruis horis aperiebantur, sic et velum revelaretur, quoties adveniret qui in sancta sanctorum esset ingressurus. Hujus ergo veli sedula revelatio sedulam apertionem regni cœlestis significat, quæ nolis per incarnationem Domini et Salvatoris nostri donata est; unde et baptizato eo, cœli aperti sunt, ut ostenderetur quia per baptismum quod nobis ipse consecravit, janua patriæ cœlestis deberemus ingredi; et moriente illo in cruce, idem velum scissum est medium a summo usque deorsum, ut aperte doceret quia figuræ legales jam tunc ad finem venissent, ac veritas Evangelii arcanaque cœlestia, et ipse cœli ingressus, non adhuc prophetandus ac figuraliter significandus, sed jam jamque esset proxime omnibus aperiendus, qui ab initio mundi usque ad id temporis in fide veritatis de mundo transierunt; nam die post resurrectionem Domini quadragesimo universi cum eo cœlum petierunt, remotoque omni velamine multifarias in domo Domini mansiones pro suis quique meritis acceperunt; sed et nobis, qui adhuc futuri eramus, eadem hora reseratus est supernæ illius civitatis ac domus Patris ingressus. In quam profecto civitatem non nisi per interna æternorum bonorum desideria, per fidem et sacramenta Dominicæ passionis, per verba sinceræ dilectionis, per mortificationem concupiscentiæ carnalis, et per quotidiana angelorum auxilia conscenditur. Unde bene idem velum sub quo in oraculum intrabatur ex hyacintho, purpura, coccino, et bysso factum est, eique Cherubin intexti esse memorantur. Hyacinthus quippe, qui cœli colorem imitatur, purpura quæ sanguine conchyliorum conficitur, et sanguineam ipsam profert speciem, non immerito sacramentum signat Dominicæ passionis, quod nos imitari crucem nostram portando debemus. Coccino, qui rubeo colore flammescit, congrue virtus exprimitur amoris, de qua mirantes dixerunt, qui cum Domino ambulaverunt discipuli, *Nonne cor nostrum ardens erat in nobis, dum loqueretur in via, et aperiret nobis Scripturas* (Luc. xxiv)? Bysus, quæ de terra virenti germine nascitur, et longo artificum exercitio nativum exuit virorem, atque ad albam deducitur speciem, congrue castitatem nostræ carnis insinuat, cujus quasi humorem ingenitum exsiccare jubet Apostolus dicens, *Mortificate membra vestra, quæ sunt super terram, fornicationem, immunditiam, libidinem, concupiscentiam malam et avaritiam, quæ est simulacrorum servitus* (Coloss. iii). Ad quantam vero candoris gloriam hanc velit perducere, ostendit alias dicens: *Obsecro vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum* (Rom. xii). Intexuit velo Cherubin, eademque quatuor coloribus eximiis conficiuntur, cum in universis quæ vire agimus, a venenatis dæmonum telis per angelica præsidia Domino donante protegemur. Item texuit velo Cherubin, cum in bonis quæ agimus, multitudo scientiæ indesinenter utimur, respicientes semper ad eloquia divina, et ne forte a virtutum calle aberremus, horum intuitu continue vestigia nostra regamus. *Fecitque in introitu templi postes*



quadrangulatos, et duo ostia de lignis abiegnis intrinsecus, et utrumque ostium duplex erat, et se invicem tenens aperiabatur. Sicut ingressus oraculi, quo ad arcam Domini Cherubique perveniebatur, introitum regni cœlestis significat, quo ad Conditoris visionem nostri supernorumque civium nos introduci speramus ac desideramus; ita introitus in templum primordia nostræ conversionis ad Deum, quando in præsentem Ecclesiam ingradimur, typice demonstrat. Iste ingressus nostrum ad fidem, ille designat ad speciem: unde apie postes hujus introitus quadrangulati sunt facti, propter quatuor sancti Evangelii libros, quorum doctrina in fide veritatis erudimur; seu propter totidem quatuor virtutes principales, prudentiam, fortitudinem, temperantiam, justitiam, quarum veluti fundamentum quodam firmissimo omnis bonorum actuum structura innititur. Prudentia namque est qua discimus quid nos agere, qualiter vivere deceat. Fortitudo, per quam ea que didicimus agenda implemus, quas uno versi ubi virtutes propheta breviter complectitur dicens: *Domineus illuminatio mea et salus mea (Ps. xvi)* Illuminatio videlicet, ut que agere debeamus edoceat; salus vero, ut nos ad agenda confirmet; temperantia, qua discernimus ne plus aut minus justo prudentiæ sive fortitudini operam dare inveniamur. Et quisquis prudentia, fortitudine, temperantia utitur, absque ulla contradictione justus esse probabitur. Virtus quarta post prudentiam, fortitudinem, temperantiam, justitia sequitur. Duo ostia, quæ in hanc ingressum acta sunt, dilectio est Dei et proximi. Quæ bene aliternæ facta esse dicuntur, quia ad invicem respiciunt, adeo ut una sine altera nequaquam possit haberi: *Omnis enim qui credit, quoniam Jesus est Christus, ex Deo natus est; et omnis qui diligit eum qui genuit, diligit eum qui natus est ex eo.* Et sicut iterum dicitur: *Qui non diligit fratrem suum quem videt, Deum quem non videt, quomodo potest diligere (I Joan. iv)?* Unde recte ostium exterius dilectio fraternalis, interius est dilectio intelligenda divina: quia illa prior tempore, hæc dignitate sublimior; et per illam ad hanc intratur, quia in amore proximi discitur qualiter amari Conditor debeat. Utrumque autem ostium duplex erat, et se invicem tenens aperiabatur, quia in utraque dilectione duo sunt que principaliter observare debemus. In dilectione etenim Dei fidem veritatis et puritatem necesse est ut habeamus bonæ operationis; sine fide enim impossibile est placere Deo, et fides sine operibus mortua est; in amore enim fraternitatis patientia est et benignitas servanda, dicente Apostolo, *Charitas patiens est, benigna est (I Cor. xiii)*; patiens videlicet ad tolerandas molestias injuriasque proximorum; benigna, ad dimittendum ex corde, et benefaciendum eis quorum injurias sustinet: qualem nos charitatem habere Dominus voluit, cum ait, *Dimittite, et dimittetur vobis.* Dimittite injurias lædentibus vos, date subsidia eis pietatis, quibus laxatis injurias: qualem nobis impendere dilectionem desiderat, ipse qui nos in oratione dicere præcepit: *Panem nostrum quotidianum da nobis hodie, et dimitte nobis debita nostra sicut et nos dimittimus debitoribus nostris (Matth. vi).* Utrumque ergo ostium duplex erat, quia dilectio utraque gemino ordine perficitur; utrumque se invicem tenens aperiabatur, quia junctæ sunt virtutes, neque ab invicem possunt dividi: namque fides sine operibus, neque sine fide Deo possunt opera bona placere; neque item injurias ferre sufficit, qui ei quem tolerat, etiam ea quæ necesse habet, cum possit ministrare, contemnit; neque ei qui substantiam mundi habuerit, satis est de hac egenti proximo dare, si non etiam eas quas sibi forte irrogaverat injurias, sincero ex corde dimittit: quod enim de utroque illo ostio dicitur, quia se invicem tenens aperiabatur, non hæc apertio separationem ab invicem spirituum designat virtutum, sed hoc potius indicat quod post harum conjunctionem ingressus

A nobis sanctæ Ecclesiæ magis magisque pateant; ut quo his amplius abundemus, eo verius sanctorum cœtibus associemur: sicut etiam divisio Rubri maris, per quam populus Dei Ægyptum persequentem evasit, non divisionem unici baptismatis, sed apertionem potius signavit qua, extinctis peccatis omnibus, ad litus ac solitudinem transeamus virtutum. Vel certe ostium quod invicem se tenet aperitur, cum post ministerium prædicatoris discernitur quid proprie ad cognitionem fidei, quid ad vivendi castitatem pertineat. Quæ tamen utraque a sua nequeunt connexionem separari, quia non distat inter proximorum mala tolerare, et eis bona commodare, cum hæc certissime soleant in uno eodemque perfectorum indissolubilia permanere. Notandum sane quod in ingressu oraculi duo quidem ostia dicuntur, sed hæc duplicia fuisse non dicuntur; in templi vero, id est, domus prioris introitu, ita erant duo ostia, ut duplex esset utrumque: quia nimirum in præsentī Ecclesiā talem nos ingredi ac ducere vitam necesse est, in qua dilectionem Dei et proximi per fidem et operationem, per patientiam et benignitatem servemus. In futura autem vita, ubi Dominum et proximos in luce internæ beatitudinis videbimus, eadem utique gemina dilectione absque ullo prorsus labore, immo in magna multitudine divinæ dulcedinis perfruemur. Unde apie introitus interioris domus duo quidem ostia, sed hæc simplicia habebat: non enim fides ibi necessaria est, ubi ea quæ nunc credimus ac speramus, omnia manifesta luce videbimus. Non est labor operum necessarius, ubi mercede perpetua eorum quæ hic laboramus donabimur. Non necessaria patientia, ubi nemo adversi aliquid irrogat. Non munificentiæ benignitatis, ubi nemo indiget quod opus est. Hæc de ostiorum figura pro modulo nostro, sequentes Patrum vestigia, disseruimus. Verum, juxta formam operis, decoris gratia prævisum est, ut in uno eodemque templi ingressu duo essent ostia; necesse etenim erat parietes domus, qui centum et viginti cubitos habebant, nonnullas etiam crassitudines habere; in cujus nimirum crassitudinis extrema parte ostia erant affixa, ita ut æquali pariete esset ostium utrumque, et sive intus, sive foris templum quisque positus ostium inspiceret, unus ei per omnia paries esse videretur: similiter et cedrinus paries cum vicenorum in longitudine et altitudine esset cubitorum, non parvam et ipse debuit habere crassitudinem. Quapropter et in hujus ingressu duo facta sunt ostia, ut videlicet ab utroque latere, hoc est, intus et foris æquali pariete ostium pateret. Et quoniam easdem picturas æquas ostium et paries habebat, ut veraciter unus per omnia continuus extensus paries videretur, unum decoris gratia prætendens, aliud mysterii dispensatione præfigurans. Quod vero descriptus templi ostiis sequitur: *Et sculpsit Cherubin et palmas, cœlaturas valde eminentes, operuitque omnia aureis laminis opere quadro ad regulam, jam supra expositum est, quia in parietibus domus et in ostiis interioribus eadem picturæ sive cœlaturæ sunt factæ; patetque ratio figuræ, quare easdem ipsas picturas et cœlaturas, eodemque Cherubim prima templi janua quos et interior recipiat: quia nimirum eadem arcana fidei, spei et charitatis, quæ sublimes quique ac perfecti sublimiter capiunt, quæque omnes electi in cœlis plene in divina visione percipiunt, etiam catechizandis rudibus quibusque discenda et confitenda traduntur, quatenus sacris initiati mysteriis, quandoque etiam ad capienda ea quæ pie crediderunt, perveniant. Quod autem nostra translatio habet, Operuitque omnia laminis aureis opere quadro ad regulam, in Septuaginta habet, Expandit per eas bractens, et deauravit eas auro inducto per sculpturam.*

XVIII. De atrii domus Domini. Cap. vi. — *Ædificavit atrium interius tribus ordinibus lapidum politorum, et uno ordine lignorum cedri.* De interiori atrio breviter loquitur, de exteriori prorsus tacere videtur. Verum in Verbis dierum utriusque fit mentio, ubi



ita scriptum est: *Fecit etiam atrium sacerdotum, et basilicam grandem, et ostia in basilica, quæ texit ære.* Atrium ergo interius, quod vocatur sacerdotum, eo quod sacerdotes et levitæ in eo ministrarent, ex omni parte erat templo circumdatum ab Oriente; unde templi ingressus multo longius a templo quam a cæteris tribus plagis positus erat: quia nimirum in ea, id est, in facie templi fiebant ministeria sanctorum; ibi altare æneum ad hostias Domino offerendas, ibi decem lutes ad lavandas easdem hostias, ibi mare æneum erat positum ad lavandas manus pedesque sacerdotum, cum ad ministrandum intrarent. Habebat autem hoc atrium tres cubitos altitudinem, ut Josephus narrat (*Lib. viii, c. 3, Antiq. Jud.*), quatenus ab ingressu templi cæteros prohiberet, et solum sacerdotibus hoc licere significaret; eratque janua ad orientalem plagam, ad quam usque populus hostias suas sacrificia inferebat; inde suscipienda a sacerdotibus, atque ad altare perferenda. De exteriori vero atrio, quod Verba dierum *basilicam grandem* vocant, ita scripsit Josephus. « Extrinsicus autem hujus templi aham ædificavit aulam quadrangulo schemate factam, erigens maximas porticus atque latas portas et excelsas et amplas, per quatuor mundi partes, in ea constituit; quarum singulæ ad unumquemque ventum, quatuor angulis attendebant, ubi æreas januas collocavit. » Et paulo post: « Hoc sacrarium omnes populi, quibus purgatio et observatio legitimorum inerant, introibant. » His vero porticus Cassiodorus senator in pictura templi quam in pariete posuit, ut ipse in psalmorum expositione commemorat, triplici ordine distinxit: primum videlicet ordinem ponens extra atrium sacerdotum ex omni parte quadrum, secundum eodem modo extra intimas porticus, undique vero in gyrum extremum, similiter ex omni latere priorum porticum in circuitu; sicque templum triformi ædificiorum præsidio ab omni erat parte munitum, facto pavimento sub dio inter ædificia singula de marmore; et parietibus domorum interioribus, hoc est, eis qui ad templum respiciebant, factis in columnis: exterioribus vero solidis; sicque fiebat ut omnis structura templi per gradum esset varietate rationabiliter distincta. Namque in sancta sanctorum ingrediebatur pontifex, in ipsum templum sacerdotes purificati, in atrium sacerdotum sacerdotes purificati et non purificati, una cum levitis et cantoribus; in intimum atrium basilicæ majoris viri Judæi stantes purificati, et orantes sub dio si serenum esset, si tempestas in porticus proximas sese recipientes, in exterius autem mulieres Judææ purificatæ, in extremum atrium gentiles et Judæi, qui nuper venerant ex gentibus usque ad sextum purificationis diem. Hæc in pictura Cassiodori distincta reperientes, breviter annotare curavimus, rati cum ab antiquis Judæis hæc didicisse, neque virum eruditum voluisse in exemplum legendi, proponere, quæ non ipse prius veraciter cognovisset. Hæc sunt loca quorum meminit supremus graduum psalmus, qui ita incipit: *Ecce nunc benedicite Dominum, omnes servi Domini, qui statis in domo Domini, in atriis Domini Dei nostri (Ps. cxxxiii).* In his porticibus Jeremias et prophete alii, in his Dominus et apostoli verbum populo prædicabant; in harum aliqua Dominus sedebat docens, quando a tentantibus Phariseis mulier illi adultera judicanda oblata est; in his invenit vendentes et ementes oves et boves et columbas, hocque cum suis mercimoniis eliminavit e templo (*Marc. xi, Luc. xix*); in his Petrus et Johannes claudum invenientes sanaverunt, ac secum ingredienti interius ad orandum duxerunt; in his orabat omnis multitudo populi, quamdiu incensum ponenti Zachariæ angelus ad altare thymiamatis apparuit, eumque de præcursoris Domini nativitate perdocuit: nam hæc atria cum porticibus suis aspectum templi de longe aspectantibus abscondere poterunt, quia locus in quo templum erat situm multo sublimior erat quam ubi fundatæ porticus fuerant:

nam, sicut Josephus scribit, extremæ atriorum fabricæ, cum in quadringentis cubitis essent erectæ, tantum usque ad verticem montis, in quo templum ædificatum est, pervenerunt. Hæc quidem de structura templi studioso lectori credidimus intimanda. Verum in eis quæcumque Scriptura referre sacra commodum duxit, figuras mysteriorum quæramus, cæteris pro historiæ cognitione simpliciter utamur. *Ædificium ergo templi intra atrium sacerdotum, perfectorum in sancta Ecclesia et sublimium vitam exprimit virorum, eorum videlicet qui et excellentia virtutum Domino appropinquare, et aliis verbo atque opere ducatum solent impendere salutis. Sacerdos namque ab eo Latine nomen accipit, quod sacrum præbere ducatum minoribus debeat. Quo nomine in Scripturis mystice non soli altaris ministri, episcopi videlicet et presbyteri, sed omnes utique censentur, qui altitudine rectæ conversationis ac doctrinæ salutaris eminent, nec sibi metipsos tantummodo, sed pluribus prosunt, dum corpora sua hostiam viventem, sanctam, Deo placentem exhibent; neque enim episcopis solis et presbyteris, verum omni Ecclesiæ Dei loquebatur apostolus Petrus, cum ait: Vos autem *gens electum, regale sacerdotium, gens sancta, populus acquisitionis (I Petr. ii).* Cujus honore dignitatis etiam antiquus Dei populus erat insignitus, dicente ipso ad Moysen: *Hæc dices domui Jacob, et annuntiabis filiis Israel (Exod. xix)*; et paulo post: *Et vos eritis mihi regnum sacerdotale, et gens sancta.* Basilica vero grandis, quæ erat extra atrium sacerdotum, in qua omnis populi multitudo adorare sive ad verbum audiendum confluere solebat, carnalium in sancta Ecclesia vitam moresque figuraliter insinuat, quibus dicit Apostolus: *Et ego, fratres, non potui vobis loqui quasi spiritalibus, sed quasi carnalibus: tamquam parvulis in Christo lac vobis potum dedi, non escam (I Cor. iii).* Qui bene per basilicam grandem designantur, quia absque ulla dubietate multo major est in sancta Ecclesia talium quam perfectorum numerus; sed quantum numero præstant, tantum succumbunt merito. Unde apte basilica hæc grandis, etsi plurimos capit, non eos tamen in interiora templi deaurati, non ad altaris officium, non ad ipsum saltem atrium sacerdotum intromittit, quia carnales quique atque infirmi in Ecclesia, etsi ob meritum castæ fidei ac pietatis Deo devoti ad electorum sortem pertinent, longe tamen abest ut illis æquantur, qui cum fiducia dicere possunt: *Non enim audeo aliquid loqui eorum quæ per me non efficit Christus in obedientiam gentium, verbo et factis (Rom. xv).* Et iterum, *Bonum certamen certavi, cursum consummavi, fidem servavi; de cætero reposita est mihi corona (II Tim. iv).* Accedebat quidem vulgus usque ad atrium sacerdotum, hostias suas usque ad hujus januam deferrebat, susceptas a sacerdote atque in altari oblatas oculis prosequabatur; in ipsum etiam templum, cum aperiebatur, intuitum suum a longe dirigebat, nec tamen in atrium sacerdotum intrandi facultatem habebat, verum de inferioribus clamabat ad Dominum; quia nec carnalium in Ecclesia simplicitas a Domino despicitur, quando fideliter ea quæ valent vota pietatis offerunt; dirigunt enim visum a longe in templum Dei, cum vitam sublimium discere et admirari sedulo gaudent, et quos virtutum imitatione sequi nequeunt, piæ venerationis amplectuntur affectu. Vident hostias sacerdotum in altari igne sacrosancto consumi, quia magna magnatum opera cognoscunt a Domino per Spiritum sanctum dignanter accipi. Afferunt et suas hostias ad atrium sacerdotum offerendas Domino per illos, dum bona quæ prævalent operantes, majorum et doctiorum firmantur exhortatione, et intercessionem commendantur. Offerunt etiam tunc hostias suas sacerdotibus per eos Domino commendandas, cum sanctis quibusque egentibus necessaria mundi hujus, quibus ipsi abundant, summæ mercedis intuitu tribuant, Domino admonente ac dicente: *Facite vobis amicos de mammona iniquitatis, ut cum descenderit, re-**



capiant vox in æterna tabernacula (Luc. xvi): et, *Quicumque*, inquit, *potum dederit uni ex minimis istis calicem aquæ frigidæ in nomine discipuli, amen dico vobis non perdet mercedem suam* (Marc. ix). Ac sic utroque hos'tias unus idemque in altare Dei assumit, cum Dominus eleemosynas divitum, quibus ministraverunt sanctis, una cum magnis eorundem sanctorum virtutibus, suo intuitu ac retributione dignas judicat. Multitudo ergo credentium, quæ relictis possessionibus uno corde et anima Domino serviebat, ipsa est templum Dei, et locus intra atrium sacerdotum specialiter illi consecratus. Porro basilica grandis, et orantes in ea circa atrium sacerdotum in gyro, figuram gerunt eorum qui idem templum ingrediebantur ex gentibus in Syria et Antiochia, cæterisque provinciis et civitatibus; quibus apostoli et seniores qui erant in Hierosolymis nihil amplius imponebant oneris quam ut abstinerent se ab idolis, immolato et suffocato sanguine et fornicatione. Quorum tamen oblationibus volebant pauperes sanctorum qui erant in Hierosolymis sustentari; quatenus eis carnalia sua ministrantes, spiritualium eorum possent fieri participes. Barnabas vero et Paulus cum sociis suis, qui oblationes horum accipientes Hierosolymam deferabant, ipsi sunt sacerdotes, qui hostiam suscipientes ad altare Domini consecrantes perducebant; quæ dona devotionis eorum sanctis qui pro illis orare deberent, attulerunt. Atrium ergo quod positum inter locum vulgi et sacerdotum medium erat, divisionem significat illam quæ carnales in sancta Ecclesia, nuperque incipientes viam justitiæ, ab arce perfectorum, non quidem sorte electionis, sed meritum quantitate secernit. Namque carnales sufficere sibi credunt, si fidem, spem et charitatem, operum quoque munditiam habeant. Perfecti autem et hæc habent, et insuper verbo prædicando laborant, pauperibus omnia sua tribuunt, vigiis, jejuniis, hymnis et canticis spiritualibus, sacris quoque lectionibus operam dant, persecutiones, pericula propter justitiam tolerant; et cætera quæ fecisse cum sociis Paulus gloriatur, prompta devotione mentis exsequuntur. Unde bene atrium sacerdotum, tribus ordinibus lapidum politorum, et uno ordine lignorum cedri, ædificatum esse memoratum. Tres quippe ordines sunt lapidum politorum, fides, spes et charitas. Et recte politorum, quia certe necesse est discendi solertia, ut quisque quo modo credere, quid sperare, quid diligere debeat, dignoscat. Unus autem ordo lignorum cedri ipsa est bona operatio sine corruptione simulationis exhibita, sine cuius superadjectione fides, spes et charitas vera esse non valet. Dictum namque est sæpius quia ligna cedri propter odoris gratiam et imputribilem suæ naturæ potentiam, perseverantiam famanque pie designant actionis. Ad hoc usque atrium universi conscendunt electi, qui fide, spe, dilectione et opere Deo placere appetunt; hoc alta meritorum gratia transcendunt perfecti, cum in tanto virtutum culmine proficiunt, ut dicere suis auditoribus possint, *Imitatores nostri estote, sicut et nos Christi* (I Cor. iv); glorianturque et dicunt: *Nescitis quoniam angelos judicabimus, quanto magis sæcularia* (I Cor. vi)?

XIX. Quarto anno templum ædificatum. Cap. vi.—

Anno quarto fundata est domus Domini in mense Zio, et in anno undecimo mense Bul, ipse est mensis octavus, perfecta est domus Domini in omni opere suo, et in universis utensilibus; ædificavit autem eam annis septem. Patet allegoriæ sensus, quare septem annis ædificata sit domus Domini: quia nimirum sancta Ecclesia toto hoc sæculo, quod septem dierum circuitu peragitur, ex electis construitur animabus, et in fine sæculi suum quoque incrementum ad finem ipsum perducit. Vel certe septem annis ædificatur, ob significationem gratiæ spiritualis, quam Ecclesia sola, ut sit Ecclesia, percipit. Septem quippe dona sancti Spiritus enumerat Isaias, sine quibus nemo fidelis, vel fidem servare, vel merito fidei ad coronam potest venire justitiæ. Quod autem in septimo anno et in

octavo ejus mense perfecta est domus in omni opere suo, et in universis utensilibus, ad futurum sæculum diemque judicii pertinet, quando ad tantam jam perfectionem sancta Ecclesia perveniet, ut quid ei amplius addi possit, inveniri non possit: habebit enim tunc quod pius ille desiderator supplex a Domino querebat, dicens: *Domine, ostende nobis Patrem, et sufficit nobis* (Joan. xiv): constat enim quia dies judicii sæpe in Scripturis octonario numero typice exprimitur, eo quod hoc sæculum, quod septem diebus currit, sequatur; unde et propheta psalmi titulum pro octava imposuit, quem ob meritum ejusdem districti judicii cantavit, ita incipiens: *Domine, ne in furore tuo arguas me, neque in ira tua corripas me* (Ps. vi). Sed non contemnenda nascitur quaestio, quo modo dicatur domus Domini in mense octavo perfecta in omni opere suo, et in universis utensilibus, cum in sequentibus legatur mense septimo dedicationem ejus esse completam. Neque autem credibile est quia septem quidem annis templum ædificans Salomon, octavo mense anni octavi fecerit dedicationem, sed usque ad septimum mensum anni octavi distulerit; unde potius mihi verosimile videtur, donum septem annis ac septem mensibus ædificatum, ita ut eodem mense septimo dedicationis sit celebrata sollemnitas, ac die vigesimo tertio ipsius mensis, ut verba dierum narrant, populum Salomon ad tabernacula sua dimiserit; sicque post unam septimanam, adveniente mense octavo, perfecta inventa sit domus Domini, in operibus videlicet ejus universis, et ipsa ejus dedicatione prius completa. Nisi forte putandum est post dedicationem aliquid adhuc utensilium in ministerium ejus additum fuisse usque ad ingressum octavi mensis; accelerante rege ut omnino mense septimo, qui erat totus sollemnis, templum dedicaretur; atque ita verum reperiatur utrumque, et templum videlicet mense octavo, in omni opere suo atque utensilibus perfectum, et ipsum septimo mense dictum fuisse. Misit quoque rex Salomon, et tulit Hiram de Tyro, filium mulieris viduæ, de tribu Nephtalim, patre Tyrio, artificem ærarium, et plenum sapientia, et intelligentia, et doctrina, ad faciendum omne opus ex ære. Qui cum venisset ad regem Salomonem, fecit omne opus ejus. Et hoc mysterii gratia factum est. Artifex quippe Tyrius, quem adiutorem Salomon sui assumpsit operis, electos de gentibus verbi ministros significat. Qui videlicet artifex pulchre dicitur, quia filius erat mulieris viduæ de Israel, in qua persona solet nonnumquam præsentis temporis Ecclesia figurari, pro qua vir suus videlicet Christus gustata morte resurrexit, atque in cælos ascendens, eam interim a se prægnantem reliquit in terris. Non autem laborandum in explanando quo modo hujus viduæ filii sancti sunt prædicatores, cum omnes electi viri se filios esse fateantur Ecclesiæ, cum etiam deisdem prædicatoribus novi Testamenti specialiter promittatur, dicente propheta: *Pro patribus tuis nati sunt tibi filii*, etc. (Ps. xlii). Fecit autem Hiram omne opus Salomonis, quia nimirum doctores sancti, dum fideliter ministerio verbi insistent, opus utique Dei operantur, quo illis loquendo foris viam veritatis aperiant, quos intus illustrando ipse ad vitam præordinavit æternam. Ego, inquit, plantavi, Apollo rigavit, Deus autem incrementum dat (I Cor. iii). Fecit autem opus ex ære, quia illis committere verbum querit doctor strenuus, qui aut pie suscipere, aut perseveranter custodire desiderant, quique etiam aliis prædicando latius diffamare quæ ipsi didicerint recte satagunt. Æs namque valde esse durable constat, atque omnimodo sanorum.

XX. De palatio Salomonis. Cap. vii.—Et finxit duas columnas areas, decem et octo cubitorum altitudinis columnam utramque. Exe sunt columnæ de quibus Paulus ait: *Jacobus, et Joannes, et Cephas, qui videbantur columnæ esse, d' xras dederunt mihi et Barnabæ societatis, ut nos in gentibus, illi autem in circum-*



detur mysterium columnarum materialium, et quid videlicet figuraverint, et quare duæ sint factæ. Apostolus namque et doctores cunctos spiritales significant, fortes nimirum fide et opere et contemplatione ad superna erectos. Duæ sunt autem, ut et gentes et circumcisionem prædicando in Ecclesiam introducant. Stabant in porticu ante fores templi, et ingressum illius suo decore ac pulchritudine ex utraque parte mirabiliter ornabant. Ostium autem templi Dominus est, quia *nemo venit ad Patrem nisi per ipsum* (Joan. xiv); et sicut abdidicit, *Ego sum ostium, per me si quis introierit, salvabitur* (Joan. x). Quod videlicet ostium, columnæ ab utroque latere coram positæ circumstant cum minister sermonis utrique populo introitum regni cælestis ostendit, ut si a luce scientiæ legalis quisque seu ex rigore gentilitatis, ad fidem Evangelii venerit, habeat paratos eos qui sibi iter salutis et verbo demonstrent et exemplo. Vel certe quia de eis columnis in libro Paralipomenon ita scriptum est: *Ipsasque columnas posuit in vestibulo templi, unam a dextris et alteram a sinistris* (II Par. iii). Ideo factæ sunt duæ columnæ, atque ita dispositæ, ut nobis et in prosperis et in adversis ingressum patriæ cælestis ante oculos mentis habendum esse doceant: hinc enim Paulus, columna utique domus Domini excellentissima, per arma justitiæ nos a dextris et a sinistris communiendos esse suis suorumque sedulis hortatur exemplis: ut nec prosperis delectati, nec fracti adversis, a regia vitæ via, qua ad promissam nobis hæreditatem patriæ cælestis gradiendum est, ulla in parte declinemus. Notandum sane in hac sententia Paralipomenon quam posui, quod eadem porticus templi etiam vestibulum templi vocabatur; et quod in prophetis legimus, inter vestibulum et altare orabant sacerdotes, inter porticum et altare holocaustorum debemus intelligere. Bene autem utraque columna decem et octo cubitorum altitudinem habere memoratur; ter etenim seni decem et octo faciunt, tria vero ad fidem pertinere propter sanctam trinitatem, sex ad operationem, quod in eo dierum numero mundus sit factus, luce clarius est. Et tria per sex multiplicantur, cum justus ex fide vivit, et cognitionem piæ credulitatis executione bonæ actionis accumulat. Columna namque ante fores templi decem et octo cubitorum alta est, cum prædicator quisque egregius palam cunctis insinuat, non nisi per fidem et opera justitiæ nos ad supernæ gaudia vite posse pervenire; quamvis possit et his aliis intelligi, quod nomen Jesu apud Græcos ab hoc numero incipiat. Prima littera nominis Jesus apud eosdem decem secunda octo significat. Et apte decem et octo cubitorum altæ sunt columnæ domus Dei, quia doctores sancti, immo omnes electi ad eum finem bene vivendo intendunt, ut Conditorum suum facie ad faciem videre mereantur; neque enim ultra quid quærant habebunt, cum ad eum qui est super omnia pervenient. *Et linea cubitorum duodecim antiebat columnam utramque.* Linea duodecim cubitorum norma est apostolicæ institutionis, quæ nimirum linea ambit columnam utramque, cum doctor sive Judæis, sive gentibus prædicare missus, ea tantum facere curat ac docere, quæ sancta per apostolos accepit ac didicit Ecclesia: nam si quis aliter vivere sive prædicare voluerit, et vel apostolica decreta spernere, vel pro suo libitu nova quælibet statnere maluerit, non est talis columna templo Dei apta, quæ dom apostolica statuta sequi contemnit, quasi vel exilitate inertis suæ, vel elationis tumidæ crassitudine, duodecim cubitorum lineæ non convenit. Has nimirum lineas Dominus columnis sui templi circumdedit, cum missis ad docendas baptizandasque omnes gentes discipulis ait, *Docentes eos servare omnia quæcumque mandavi vobis* (Matth. xxviii). Quisquis ergo servat ac docet omnia quæcumque mandavit apostoli Dominus, nec alia superadjiciens, neque horum quippiam præteriens, ipse profecto

A columna in domo Dei, quæ est Ecclesia, et firmamentum est veritatis, qualem fore Timotheum monuit apostolus Paulus (I Tim. iii). Verum quia absque scientia Scripturarum non potest esse firma vel vita vel loquela doctorum, apte subditur: *Duo quoque capitella fecit, quæ ponerentur super capita columnarum fusilia ex ære, quinque cubitorum altitudinis capitellum unum, et quinque cubitorum altitudinis capitellum alterum*; capita etenim columnarum, hoc est, suprema pars earum, corda sunt fidelium doctorum; quorum Deo devota cogitatione, sicut capite membra, ita ipsorum omnia et opera diriguntur et verba. Duo autem capitella, quæ his capitibus erant superposita, duo sunt Testamenta, quorum meditationi atque observantiæ doctores toto animo subduntur et corpore. Unde bene utrumque capitellum quinque cubitos habebat altitudinis: quia nimirum quinque libris Scriptura Mosaicæ legis comprehensa est, quinque etiam sæculi ætates tota veteris Instrumenti series complexa est. Novum vero Testamentum non alia nobis aliqua prædicat, quam quæ Moyses prædicanda esse prædixerat, et prophetæ. Unde Dominus Judæis veteris Testamenti litteræ frustra adherentibus, et gratiam novi spernentibus ait: *Si crederetis Moysi, crederetis forsitan et mihi; de me enim ille scripsit* (Joan. v): scripsit enim de Domino Moyses, et multa figuraliter, et illud apertissime, cum promissum narrat Abrahæ per Dominum, quia *in semine tuo benedicentur omnes familiæ terræ* (Gen. xxii); et cum per se ipse dicit filiis Israel, quia *prophetam vobis suscitabit Dominus Deus vester de fratribus vestris; tamquam me ipsum audietis, juxta omnia quæcumque locutus fuerit vobis* (Deut. xviii). Cujus præsagii discipulos vox Patris de cælo monuit, cum apparente illis Domino in gloria, inter ipsum Moysen et Eliam in monte sancto, ita intonuit dicens: *Hic est filius meus dilectus, in quo mihi bene complacui; ipsum audite* (Matth. iii). Cum admirabili divinæ operationis concordia, primo novi gratia Testamenti in velamine erat veteris abscondita, et nunc sacramenta veteris Testamenti sunt per lucem novi revelata, quasi capitellum utriusque columnæ quinque est cubitis altum, quia videlicet manifestum est quod in Testamento veteri ejus sacramenta, vel in quinque libris legis præsignata, vel in quinque ætatibus sunt omnia plenius comprehensa, evangelicæ quoque perfectionis est insita gratia; sicque fit ut prædicator qui-que egregius sive ad Judæos, sive mittendus ad gentes, consono divinorum eloquiorum testimonio confirmatis, certam fidei et operis rectitudinem absque errore conservet, noveritque docens proferre de thesauro suo nova et vetera. Non solum autem Testamenta sibi invicem divinorum sacramentorum relatione consentiunt, sed et omnes qui in eorundem Testamentorum libris scripti continentur electi, una fide præditi, eademque sunt ad invicem charitate connexi. Unde apte de ipsorum capitellorum factura subinfertur: *Et quasi in modum retis et catenarum sibi invicem miro opere contextarum, utrumque capitellum columnarum fusile erat.* Quod in libro Paralipomenon ita scriptum est (II Paral. iii): *Necnon et quasi catenulas in oracula, et superposuit eas capitibus columnarum.* Species namque virtutum et similitudo in capitellis, varietas est virtutum spiritualium in sanctis; de qua Domino canitur in psalmo: *Astitit regina a dextris tuis in vestitu deaurato, circumdata varietate* (Ps. xlv): hoc est, in vestitu fulgidæ dilectionis, circumamicta varietate diversorum charismatum; vel certe multiplex contextio catenarum et retis expansio multifarias electorum personas insinuat; quæ cum verbis sanctorum prædicatorum fideliter auscultando atque obediendo adhærent, quasi columnarum capitibus superpositæ retis et catenulæ, miraculum suæ connexionis cunctis aspectantibus præbent. Eæ etenim catenæ miro sibi invicem sunt opere contextæ, quia admirabili prorsus



gratia sancti Spiritus actum est ut vita fidelium et locis, et tempore, et gradu, et conditione, et sexu, et ætate multum secreta ad alterutrum, una eademque fide ac dilectione sit conjuncta; nam quia hæc conjunctio fraterna justorum, et locis et temporibus disjunctorum adunatione fiat doni spiritualis, sequentibus quoque verbis ostenditur, cum de factura capitellorum adjungitur: *Septena versuum retiacula in capitello uno, et septena retiacula in capitello altero*. Septenario namque numero Spiritus sancti gratia solet designari, Joanne attestante in Apocalypsi; qui cum vidisse se diceret *agnum habentem cornua septem, et oculos septem*, mox exponendo subjunxit, *qui sunt septem spiritus Dei missi in universam terram* (Apoc. v). Quod propheta Isaias apertius explicat, cum de nascituro in carne Domino loquens, *Et requiescet*, inquit, *super eum Spiritus Domini, spiritus sapientiæ et intellectus, spiritus consilii et fortitudinis, spiritus scientiæ et pietatis; et replebit eum spiritus timoris Domini* (Isa. xi). Septena ergo versuum retiacula erant in capitello utroque, quia Patres utriusque Testamenti per gratiam unius ejusdemque Spiritus septiformis, ut essent electi, acceperunt. *Et perfecit columnas et duos ordines per circuitum retiaculorum singulorum, ut tegerent capitella*. Duo quidem ordines erant retiaculorum in gyro capitelli, sed interque ordo septemplici versuum numero currebat, donec circumacto capitello, rursum in se ipsum quasi circulo facto rediret. Hæc figura testamenti in abdito est quare duo sint ordines retiaculorum, cum constet geminæ dilectionis esse virtutem, quando videlicet Deum ex toto corde, et tota anima, tota virtute, et proximum tamquam nos ipsos amare præcipimur. Sed uterque ordo septem habet versuum retiacula, quia nec Deus absque gratia Spiritus sancti potest amari, nec proximus; manet namque sententia veridica, quia charitas Dei diffusa est in cordibus nostris, non ex merito nostro, sed per Spiritum sanctum, qui datus est nobis. Ubi autem charitas Dei, ibi prolecto et proximi diffunditur in cordibus fidelium, quia nimirum una sine altera nequaquam valet haberi. Facta sunt autem retiacula hæc ut tegerent capitella, hoc est undique in gyro circumdarent: quia omnis Scripturæ sanctæ pagina, cum recte intelligitur, gratiam per omnia charitatis sonat ac pacis: capitella et enim volumina divinatorum eloquiorum, retiacula sunt vincula mutuæ dilectionis. Et retiaculis teguntur capitella, cum sacra eloquia, ut ita dixerim, dono charitatis undique probantur esse vestita: nam et in eis quæ in Scripturis non intelligimus, charitas late patet. Bene autem de eisdem retiaculis sive capitellis adjungitur: *Quæ erant super summitatem malogranatorum*. Malogranata namque, quorum natura est uno foris cortice multa grana interius circumda e, apte in figura sanctæ penuntur Ecclesiæ, quæ cathælico unius fidei munimine, innumera electorum agmina solet includere. Potest autem et unuscujusque justī vitam moresque designare, velut plurima uno cortice grana circumplectens, multa cogitationum virtutumque spiritalium insignia, ne forte diffuant, firma fidei et humilitatis vallat custodia. Et apto prorsus mysterio capitæ columnarum malogranatis erant in gyro circumdata, quia doctores sanctos necesse est vitam fidelium ad memoriam revocare, eorumque semper exemplis actus suos ac sermones omni ex parte communiare; ne si aliter forte quam illorum habet regula vixerint aut docuerint, errant. Sicut ergo retiaculorum admiranda connexio unitatem designat fidelium, quæ est in vinculo pacis, ita etiam malogranatum eandem ipsam typice insinuat unitatem; quæ et innumeros per orbem populos, in una fidei catholice regula cohibet. Vel certe mirabilis retiaculorum concatenatio manifestam omnium fidelium concordiam demonstrat. Malogranatorum vero positio internas animi virtutes, quæ ab aliis nequaquam

A videri queunt, exprimit, patientiam videlicet, humilitatem, benignitatem, modestiam et cætera hujuscemodi. Et quasi pulcherrima foris pomorum superficies apparet, sed inclusa intus granorum copia non apparet, cum pia sanctorum operatio palam cunctis ostenditur, sed ea quæ intus est, fidei, spei, ac dilectionis, cæterorumque animi bonorum gratia non cernitur. Cum vero dictum sit de retiaculis ut tegerent capitella quæ erant super summitatem malogranatorum, videtur, juxta ordinem operis ipsius, quia malogranata fuerint facia in circuitu capitellorum a parte inferiori, atque ex eisdem malogranatis orientur retiacula, quibus capitella ex parte aliqua tegerentur. Patetque figura mysterii, quare facta sint retiacula, quibus capitella fuerint malogranatorum annexa: quæ ad unam pene significationem, sive personarum, sive virtutum pertinent, spiritalium; ac mus enim viros de virtutibus nasci, et sanctos ambulare de virtute in virtutem, donec videatur Deus deorum in Sion, quæ virtute nulla potest major largiri. Unde et Apostolus, *Scientes*, inquit, *quia tribulatio patientiam operatur, patientia vero probationem, probatio vero spem* (Rom. v). Sed in ipso universali electorum collegio varie sibi invicem succedunt personæ justorum, minoresque majorum ac prædecessorum suorum gaudent fideliter adhærere vestigiis, eorumque dictis sive scriptis, ne forte in errorem labi possint, imitti. Retiacula ergo super summitatem malogranatorum sunt posita, cum concordia charitatis perfectis fuerit superadjecta operibus; et cum utroque virtutis munere et operatione videlicet et charitate sanctorum vita clarescit, quasi circulum malogranatorum in capitellis columnæ concatenatio retiaculorum superaddita comitatur. Et quoniam omnia virtutum dona præsentia ad æternæ gloriæ remunerationis, quæ per Evangelium nobis est promissa ac ministrata, respiciunt, apte subjungitur: *Capitella autem quæ erant super capita columnarum, quasi opera lili fabricata erant, in porticu quatuor cubitorum*. Quid per lilia, nisi supernæ claritatis patria, atque immortalitatis floribus redolens, paradisi designatur amœnitas? Quid per quatuor cubitos, nisi evangelicus sermo, qui introitum nobis æternæ beatitudinis illius promittit, et iter quo ad hanc perveniatur, ostendit? Cum ergo sancti doctores promissa nobis limina regni cœlestis in quatuor sancti Evangelii libris ostendunt, quasi capita columnarum opus in se lili quatuor cubitos exhibent. Ubi notandum, juxta litteram, quia cum opus lili in capitellis quatuor cubitorum esse memoratur, neque additur latitudinis aut altitudinis, lectoris utique judicio, utrum in altitudine an in latitudine intelligi debeat, relictum est. Constat autem, absque ulla prorsus dubietate, quia columna quam duodecim cubitorum restis ambebat, quatuor cubitos habebat crassitudinis: omnis etenim circulus quantum habet spatii in diametro, tantum habet ter in gyro. Denique mare æneum, quod in diametro erat decem cubitorum, ut in sequentibus legitur, consequenter habebat triginta cubitos in gyro. Verum quia dicitur opus lili quatuor fuisse cubitorum, sive latitudinem, seu designet altitudinem, nihilominus ratio figuræ perspicua est, quia non nisi per Evangelium exoptatissima illa vox mundo insonuit, *Pœnitentiam agite, appropinquavit enim regnum cœlorum* (Matth. iii). Quod vero sequitur, *Et rursum alia capitella in summitate columnarum desuper, juxta mensuram columnæ ejus, retiaculum juxta mensuram columnæ dicebatur, tantæ altitudinis quantæ erat et columna: cujus tamen altitudo quanta fuerit, minime narratur*. Hæc autem capitella, qualiacumque et quantacumque fuerint, non enim mensuram eorum aperte Scriptura designat, more liliorum videntur apposita esse. De quorum factura si quid mysticum inquirere delectat, illam regni perennis sublimitatem potest non incongrue designare, quam *nec oculus vidit, et cæ-*



tera, usque diligentibus se. Post lilia etenim quatuor cubitorum, alia sunt apposita capitella, quorum altitudo quanta fuerit, non dicitur: quia multa quidem de cœlesti beatitudine in Evangelio legimus: quod videlicet ibi mundicordes Deum videntur (*Matth. v*); quod erunt æquales angelis Dei; quod non nubent, neque nubentur (*Luc. xx*), quia nec mori ultra poterunt (*Ibid.*); quod ubicumque est Christus, et ministri ejus erunt (*Joan. xiv*); quod manifestabit seipsum illis quod palam de Patre annuntiavit eis (*Joan. xvi*); quod gaudium visionis ejus nemo tollit a vobis (*Ibid.*); sed ipsæ species horum quæ diximus, ipse status et conversatio illius patriæ cœlestis, quo modo sese habeat, solis eis qui hanc intrare meruerint, ejus civibus patet. Unde bene factura sive altitudo horum capitellorum supra liliū erant, ut incomprehensibilis esse terrestribus qualitas cœlestis habitationis insinuetur. De qua tamen hoc minime latet, quod omnes ibi communi felicitate divinæ visionis fruantur, tanto quisque sublimius, quanto mundiores ad videndum eum oculos cordis habuerit; qui enim dixit, *Omnes timentes Dominum, pusilli cum majoribus* (*Apoc. xix*), ipse dixit, *Quia tu reddes unicuique secundum opera ejus* (*Rom. ii*). Communis ergo ibi benedictio omnium erit electorum; attamen pro distincta qualitate operum multæ sunt mansiones beatorum in una eademque domo Patris æterna in cœlis. Quod in harum quoque factura columnarum mystice reor esse designatum, cum dicitur, *Et rursus alia capitella in summitate columnarum desuper*. Juxta mensuram quippe columnæ sunt capitella desuper, cum sancti doctores, immo omnes electi eorundem doctorum vestigia sequentes, præmia supernæ retributionis secundum merita piæ recipiunt operationis. Retiacula quæque sunt secundum capitella, quia juxta modum dilectionis qua sibi ad invicem in hac vita fraterni atis sancta copulata est, supernorum quoque civium societati, in præsentia sui Conditoris conjungitur in cœlis. Verum quod eadem supernorum societas civium, utriusque populi fidelibus tribuitur, recte subjungitur, *Malogranatorum autem ducenti ordines erant in circuitu capitelli secundi*. Viximus autem malogranata totius sanctæ Ecclesiæ typum tenere. Centenarius vero numerus, qui ad dexteram manum primus pervenit, nonnumquam in æternæ beatitudinis figura poni consuevit. Duplatur autem hic numerus malogranatorum in circuitu capitelli secundi, ut insinuetur mystice quod utriusque Testamenti populus adunandus in Christo, ad æternæ vitæ sit introducendus coronam. Cui figuræ convenit hoc quod de apostolis post resurrectionem Domini piscantibus scriptum est, cum ipsum in litore stantem viderent: *Non enim longe erant a terra, sed quasi cubitis ducentis, trahentes rete piscium* (*Joan. xxi*); per ducentos etenim cubitos rete plenum magnis piscibus discipuli ad Dominum trahunt, effectum suæ resurrectionis in litore jam monstrantem: cum sancti prædicatores et Judæis et gentibus verbum fidei committunt, atque utriusque populi electos a fluctibus sæculi præsentis extractos, ad futuræ gloriæ pacis et immortalitatis perducunt. Circuitus ergo capitelli secundi ducentos habet ordines malogranatorum, cum sublimitas regni cœlestis miriūque populi electos in una beatitudinis arce colligit. *Et statuit duas columnas in porticum templi. Quinque statisset columnam dexteram, vocavit eam nomine Jachim, Firmitas; similiter erexit columnam secundam, et vocavit nomen ejus Booz, In robore*. Dextera columna, ut supra diximus, exprimit figuram doctorum qui primitivam in Hierosolymis instituerunt Ecclesiam; secunda eorum qui ad prædicandum gentibus destinati sunt. Vel certe dextera columna eos significat qui venturum in carne Dominum prophetando prædixerant; secunda illos qui hunc jam venisse et mundum sanguine suo redemisse testantur. Et apte vocabulo simili

A ambæ censebantur columnæ, cum una Firmitas, altera In robore dicta est: ut una fidei et operis fortitudo cunctis inesse doctoribus monstraretur, nostri-que temporibus inertia taciturnitatis notaretur. Ubi se nonnulli doctores, sacerdotes et columnas domus Dei videri atque appellari volunt, cum nihil in se prorsus firmæ Dei ad contemnendas sæculi pompas ac desideranda bona invisibilia, nil habeant roboris ad corrigendum, nil industriæ saltem ad intelligendos eorum quibus prælati sunt errores.

XXI. De mari arce. Cap. vii. — *Fecit quoque mare fusile decem cubitorum a labio usque ad labium, rotundum in circuitu*. Mare hoc fusile in figuram lavacri salutaris, quo in remissionem peccatorum emundamur, factum est. Namque sacerdotes in eo lavabantur, ut Verba dierum aperte testantur. Sacerdotes autem constat omnes electos typice in Scripturis vocari, eo quod sint membra summi sacerdotis Domini Jesu Christi. Et recte huic vasi Scriptura maris nomen indidit, in memoriam videlicet maris Rubri, in quo prius per extinctionem Ægyptiorum, et populi Dei liberationem, baptismi forma præcessit; exponente Apostolo ac dicente, *Quoniam patres nostri omnes sub nube fuerunt, et omnes mare transierunt, et omnes in Moyse baptizati sunt in nube et in mari* (*I Cor. x*). Sacramentum autem baptismi et vitæ a nobis munditiā quaerit in hoc sæculo, et vitæ nobis æternæ gloriā promittit in futuro. Quod utrumque in mari hoc æneo una sententia designatur, cum esse decem cubitorum a labio usque ad labium perhibetur. Decem namque præceptis in lege Dominus omnia quæ facere debeamus expressit; denario arque mercedem benefactorum signavit, cum hunc in vinea laborantibus dandum esse prædixit. *Erat ergo mare decem cubitorum a labio usque ad labium*; quia a primo baptizato usque ad ultimum, qui in nomine Jesu Christi in fine sæculi baptizandus est et crediturus, omnis fidelium chorus unam eandemque viam veritatis ingredi, et communem a Domino debet coronam sperare justitiæ. Rotundum erat in circuitu, ut orbis universus in gyro, lavacro vitæ a sorde peccatorum designaretur esse mundandus. De quo bene subditur, *Quinque cubitorum altitudo ejus*, quia ni mirum quidquid visu, quidquid auditu, quidquid olfactu, quidquid gustu, quidquid tactu delinquimus, totum hoc nobis gratia Dei per ablutionem vivifici fontis relaxat. Sed non sufficit præteritorum remissio peccatorum, si non quisque bonis deinceps insistere studuerit operibus. Alioquin diabolus qui exierit ab homine, si hunc a bonis vacare actibus viderit, multiplicius redit, *facitque novissima hominis illius pejora prioribus*. Unde apte subditur: *Et resticula triginta cubitorum cingebat illud per circuitum*. Per resticulam namque disciplina præceptorum cœlestium, qua a nostris voluptatibus religamur, potest apte signari, Scriptura dicente, *Quia funiculus triplex difficile rumpitur* (*Eccles. iv*): quia nimirum observatio mandatorum Dei, quæ in cordibus electorum, fide, spe et dilectione supernæ retributionis firmata est, nullo temporalium rerum potest obstaculo dissolvi. *Et resticula mare ambit*, cum sacramentum baptismi quod accipimus, piis communire operibus studemus. Quæ nimirum restiacula apte triginta dicitur esse cubitorum; quinquies etenim seni triginta faciunt. Senario autem numero in quo Dominus hominem et fecit cum non esset, et cum periisset refecit, recte bona operatio etiam nostra figuratur. Et sex per quinque multiplicantur, ut ad triginta pervenias, cum omnes nostri corporis sensus divinis humiliter subjugamus imperiis. Possumus autem et aliter hunc tricenarium mystice maris numerum non inconvenienter accipere: ter enim deni faciunt triginta, et genus humanum post diavium ex progenie trium filiorum Noe latitudinem totius orbis implevit. Sem quippe pro-asia Asiam, Cham posteri Africam, Japhet soboles Europam et insulas maris obtinuit:



cula et mysterium baptismi cum executione bonorum operum et spe cœlestium præmiorum cunctis erat nationibus ministrandum, apte resticula triginta cubitorum mare illud in quo baptismatis unda figurabatur, cingebat. Sed hoc dicendum, quod Dominus triginta habebat annos ætatis, cum venit ad Jordanem baptizandus a Joanne: qui quoniam suo baptismate, quod tricenarius acceperat, undam nobis lavacri salutaris consecravit, recte mare, quod nostrum baptismata figurabat, triginta cubitorum restis circuibat: ut significaretur dono illius qui baptismata sine peccato subiit, baptismata nobis omnibus in eum credentibus in remissionem peccatorum dedicari. *Et sculptura subter labium circuibat illud decem cubitis ambiens mare, et duo ordine sculpturarum striatarum erant fusiles.* Cum prædictum sit supra quod resticula triginta cubitorum mare circuevit, et nunc addatur quia sculptura hæc subter labium posita decem cubitis ambiat, patet ex utraque relatione, quia vas erat in modum phialæ, repandum ac diffusum; quod a triginta cubitis circuitus, quos habebat in labio, usque ad decem est cubitos coaptatum. Sculptura autem striata est quæ historias rerum aliquas imitatur. Unde et recte per sculpturas striatas quibus mare circumdabatur, exempla sunt priorum temporum designata, quæ necesse est nos solerter intueri, ut videamus quibus operibus sancti Deo placuerunt ab initio; qua oblatione in sceleribus perduraverunt, quantave iniquitate ob scelera perierunt reprobi; quomodo in exordio nascentis sæculi, Cain ob malitiam invidiæ damnatus, Abel sit ob justitiæ merita coronatus, Lamech ob adulterium et homicidium maledictus, Enoch ob gratiam pietatis ad paradysum deductus; quomodo post diluvium Cham ob impietatem a patre detestatus, Sem et Japhet ob obsequium reverentiæ perpetua sint benedictione donati, Abraham ob meritum fidei hæres sit divinæ promissionis effectus, et cætera gentium multitudo inaudita sit infidelitate relicta; qualiter adveniente in carne Domino, Judæa ob perfidiæ noxam repulsa, et gentilitas sit ob gratiam fidei ad salutem reducta; et cætera hujusmodi, quæ in utroque Testamento solerter ac pie considerata multum studiosis quibusque pro-unt. Et ideo forsitan duo sunt ordines sculpturarum striatarum in mari æneo facti, ut hi qui in fonte baptismatis imbuti sunt, utriusque Testamenti diligenter ansucentur historias. Ideo decem cubitorum erant in gyro, ut quoscumque in eisdem historiis deditos jussis cœlestibus, ac tota intentione ad superna præmia suspensos esse perspexerint, hos imitari contendant. Bene autem sequitur, *Et stabat super duodecim boves, quorum tres respiciebant ad aquilonem, et tres ad occidentem, et tres ad meridiem, et tres ad orientem.* Per boves quippe apostolos et evangelistas, immo omnes verbi ministros debere intelligi, Apostolo docente, cognoscimus, qui exponens mandatum legis, quo dictum est, *Non alligabis os bovi trituranti* (Deut. xxv); *Numquid de bobus, inquit, cura est Deo? an propter nos utique dicitur? nam propter nos scripta sunt, quoniam debet in spe, qui arat, arare, et qui triturat, spei suæ fructum percipere* (I Cor. ix). Duodecim ergo boves, duodecim sunt apostoli, et omnes qui vice eorum regendam Ecclesiam in Christo susceperunt. Qui nimirum boves mare sibi superimpositum portant, cum apostoli apostolorumque successores inunctum sibi evangelizandi officium prompta implere devotione satagunt. Tresque ad aquilonem, tresque ad occidentem, tres ad meridiem, et tres ad orientem respiciunt, cum in universi quadrati orbis partibus fidem prædicant sanctæ Trinitatis: nam et apostoli eo mysterio duodecim, hoc est quaterni sunt electi, ut fidem et confessionem sanctæ Trinitatis per quatuor mundi partes evangelizantes, baptizarent omnes gentes in nomine Patris, et Filii, et Spiritus sancti; quorum apostolorum, successorumque eorum verba, actus et passionem perfacile in præsentem videre vel legendo cognoscere

A possumus; quæ vero illos in futuro maneat gloria retributionis, nec dum videre valeamus. Unde apte subditur, *Quorum posteriora universa, intrinsecus latitabant.* Intrinsecus namque latitant universa bonorum posteriora, quia qua mercede sancti prædicatores in perpetuum donentur, in interni arbitri examine jam dispositum est; sed nobis, qui adhuc foris sumus, manet omni modo occultum, quod tunc esse occultum nullatenus potest. Sed omnis qui lavacrum baptismi acceperat ad salutem et vitam, fidem, spem et charitatem debet habere; nec sine his tribus virtutibus quisque aliquid boni jam operari vel intrare ad vitam valet. Unde recte subjungitur, *Crassitudo autem luteris trium unciarum erat.* Crassitudo etenim luteris in mari firmitas est virtutis in baptismo. Et trium unciarum est hæc crassitudo, dum robore fidei, spei et dilectionis perceptio baptismi communitur. Neque aliter proficuum esse accipientibus ostenditur, nisi harum firma certitudo virtutum mentem accipientium simul et opera confirmet. Accipitur autem et celebratur baptismi lavacrum in exemplum Dominicæ passionis et resurrectionis a mortuis, juxta quod Apostolus exponens ait, *Quia quicumque baptizati sumus in Christo Jesu, in morte ipsius baptizati sumus; consepulti enim sumus cum illo per baptismum in mortem, ut quemadmodum surrexit Christus a mortuis per gloriam Patris, ita et nos in novitate vitæ ambulemus; si enim complantati facti sumus similitudini mortis ejus, simul et resurrectionis erimus* (Rom. vi). Quod in factura quoque maris ænei typice signatum est, cum sequenter adjungitur: *Labiumque ejus quasi labium calicis, et folium repandi lilii.* Per labium namque calicis, gustus Dominicæ passionis, per folium repandi lilii, patefacta claritas resurrectionis exprimitur: nam quod in calice poculum passionis designetur, testatur ipse Dominus, qui veniens ad passionem oravit Patrem, dicens, *Pater, si vis, transfer calicem istum a me* (Marc. xiv). Lilium vero quod comitante odoris jucundissimi gratia candidum foris calicem, intus aureolum ostendit, apte gloriam resurrectionis ejus insinuat, qui et corporis immortalitatem foris ostendit discipulis, et animam divina luce coruscantem sibi simul inesse perdocuit. Potest etiam in lilio repando ipse Mediator Dei et hominum propter passionem mortis gloria et honore coronatus non inconvenienter accipi: qui ante passionem quidem suam, quasi clausum adhuc lilium fuit, cum signis miraculorum quæ fecit clarus homo refulsit; post resurrectionem vero et ascensionem suam repandum se lilium supernæ patriæ civibus exhibuit, quod in assumpta humanitate potentiam divinæ claritatis, quam habuit apud Patrem priusquam mundus esset, ostendit. Unde in amoris Cantico, lilii se vocabulo designare voluit, dicens, *Ego flos campi, et lilium convallium* (Cant. ii). Labium ergo maris, in quo sacerdotes lavabantur, quasi labium fuit calicis, et folium repandi lilii; quia lavacrum salutare quo membra summi Sacerdotis efficiuntur, in fide nos sacrosanctæ passionis ejus a peccatorum omnium labe purificat, ac purificatos ad visionem gloriæ ipsius perennis intronit. In quo nimirum lavacro uterque populus, et circumcisionis videlicet, et præputii, per fidem, spem et dilectionem unum in Domino efficitur, ipso attestante, qui circumcisionem post prædicans, ait inter alia, *et alias oves habeo quæ non sunt ex hoc ovili; et illas oportet me adducere, et vocem meam audient, et fiet unum ovile et unus pastor* (Joan. x): quod in hoc quoque mari typice figurabatur: nam subditur: *Duo millia batos capiebat.* Millenarius namque numerus pro significatione perfecti omnis solet poni in Scripturis, quia nimirum denarii numerus quadratum solidum facit. Decem quippe decies ducta, centum faciunt, quæ videlicet figura jam quadrata, sed adhuc plana est. Verum ut in altitudine surgat, et solida efficiatur, multiplicata centum per decem fiunt mille; quo profecto numero stabilis et insuperabilis, et velut conquadrate justorum conscientia



designatur: quocumque enim verteris quadratum, stabit; sic et animus electorum nullo tentationum occursum novit a statu suæ rectitudinis inclinari. Batus autem Hebræorum mensura est, quam ipsi bath nominant, habens modios quatuor. Ipsa et ephi, quam epha nuncupant. Sed ephi ad mensuram pertinet variarum frugum, tritici, hordei, leguminum: batus vero est speciebus liquidis, vino, oleo, aqua. Itaque batus, qui certa norma mensuræ, opera designat æquitatis et justitiæ, quibus hi qui in remissionem peccatorum baptizantur, necesse habent institui. Batos mille illud capiebat mare, cum aqua baptismatis plebem Judæorum abluens, ad regnum cœlestis transmi-ssit. Recipiebat et alios mille, cum etiam turbas nationum eodem fonte renatas et operibus justitiæ confirmatas, ejusdem regni perennis fecit esse paricipes.

XXII. *De basibus decem.* Cap. VII. — *Et fecit bases decem æreas, quatuor cubitorum longitudinis bases singulas, et quatuor cubitorum latitudinis, et tres cubitorum altitudinis.* Multifariam multisque modis una eademque nostræ salutis sacramenta præfigurantur: nam iidem apostoli virique apostolici, qui per boves mare portantes designati sunt, designantur etiam per bases, quæ portandis erant luteribus præparatæ, quomodo ipsi luteri ejusdem lavacri spiritualis, cuius et mare, typum gerebant: siquidem, ut Verba dierum narrant, *omnia in eis quæ in holocaustum oblaturi erant, lavabant.* Holocaustum autem Domini, generaliter omnis electorum multitudo potest intelligi, quæ juxta vocem præcursoris baptizata est ab ipso in Spiritu sancto et igne (Matth. III). Sicut ergo sacerdotes qui in mari lavabantur, formam exprimunt eorum qui per baptismum efficiuntur summi consortes sacerdotii, quod est in Domino Jesu Christo, ita etiam holocausta eorumdem figuram aptissime prætendunt, cum per ablutionem baptismi gratia Spiritus sancti impletur: lavatur namque in lute hostia, cum quis fidelium aqua baptismi perfunditur; offertur vero in holocaustum cum per impositionem manuum episcopi donum Spiritus sancti accipit. Philippus evangelista cum prædicaret in Samaria, quid nisi in lute templi hostias Domini lavabat? Sed quia *necdum in quemquam eorum Spiritus sanctus descenderat, sed baptizati tantum erant in nomine Jesu*, vel ablutæ hostiæ necdum ad sacrosancti altaris ignem pervenerant. At cum missi illuc Petrus et Joannes imponebant baptizatis manus, et accipiebant Spiritum sanctum, loquebanturque linguis, jam ad ignem altaris pervenerant hostiæ, ut fierent holocaustum quod Latine totum incensum dicitur, quia videlicet conscientiam illorum gratia sancti Spiritus adimplens, divino fecit amore fervescere. Quod vero ad portandos luteri, decem sunt bases factæ, poterat ita mystice interpretari, quia ministri lavacri vitalis ad æternæ gaudia beatitudinis, quæ denario solet numero figurari, eos quos imbuunt vocent. Verum quia de eisdem luteribus distincte in sequentibus scriptum est, quod videlicet quinque ex his positi sunt ad dexteram partem templi, et quinque ad sinistram, magis in eis quinarium numerum intuentia sunt mysteria. In utraque etenim parte templi sunt bases positæ luterum, ut utrique Dei populo sacri fontis gratia signaretur esse pandenda; et quinque sunt in utraque parte, ut sicut in expositione maris, quod quinque cubitis altum est, jam diximus, demonstraretur typice, universa fidelibus, quæ per quinque sensus corporis deliquerant, per Lavacrum Baptismi esse remittenda. Sicut ergo in uno mari super duodecim boves posito, unitas exprimitur baptismatis, quæ per apostolos toto erat orbi prædicanda, ita et per duos ordines luterum mystice ostenditur quia gentilitas cum Judæa in unum fidei consortium post baptismatis erat undam colligenda: nam etsi in geminis luteribus hostiæ lavabantur, quædam quidem a dextris atrii, quædam vero a sinistris, quo tamen in igne consumeantur altaris, ut holocaustum fieret: quia

A sive quis in parte circumcisionis, sive præputii lavacrum suscepit, uno omnes spiritu, ut filii Dei fieri possint, sanctificentur; hinc etenim Apostolus, *Sed accepistis, inquit, spiritum adoptionis filiorum, in quo clamamus, Abba, Pater* (Rom. VIII). Unum, inquit, spiritum accepistis, in quo omnes filii adoptionis efficiamini, in quo nimirum spiritu clamamus, *Abba, Pater.* Abba videlicet, qui ex Hebræis venimus ad fidem; Pater, qui ex gentibus variis quidem linguis pro diversitate nationum, sed unum eundemque Deum Patrem, per unius donum Spiritus invocantes. Quod autem cubitorum quatuor longitudinis, et quatuor latitudinis, et quatuor altitudinis bases singulæ fuere, intelligendum est: longitudo etenim ad patientiam longanimitatis, latitudo ad dilatationem dilectionis, altitudo pertinet ad spem supernæ retributionis. Quatuor autem sunt principales virtutes, quibus tota virtutum structura imminet, prudentia scilicet, fortitudo, temperantia, justitia; et ideo quatuor cubitorum erat longitudo et latitudo basium, quia sancti predicatorum sive adversa mundi, et longitudinem exilii, ac laborum presentium mala tolerant, seu cor in dilectione sui Conditoris, suorumque proximorum interna exultatione dilatent; sæpe operam dant virtutibus cura prudenti videlicet inter bona et mala discernentes, fortiter adversa sustinentes, corde appetitu voluptatum temperantes, justitiam in operatione tenentes. Trium vero cubitorum sit altitudo basium, cum per exercitium virtutum, quas cum patientia malorum et dilectione bonorum exercent, continua intentione ad visionem sanctæ Trinitatis pervenire satagunt.

*Et ipsum opus basium intrinsecum erat, et sculpturæ inter juncturas.* Juncturas dicere videtur ea quibus ipsæ luterum tabulæ sibi invicem connexæ sunt, ut scilicet ex quatuor sive quinque tabulis una fieret basis. Quales autem sculpturas inter has juncturas, id est, in ipsis suis lateribus ante et retro, a dextra et sinistra, et supra quoque habuerunt, subdende C aperitur, cum dicitur:

*Inter coronas et plectas, leones et boves et Cherubin, et in juncturis similiter desuper.* Non ergo plana erat ulla ex parte superficies basium, sed erat mysticis sculpta figuris, quæ sanctorum mentes, immo universas eorum actiones virtutum gratia in omnibus prætendunt, neque aliqua illas hora inanis et vacua præterit, in qua piis vacare operibus vel sermonibus, vel certe cogitationibus desistant; coronas quippe in se sculptas habent, cum ad ingressum vitæ perennis infatigabili desiderio anhelant. Plectas habent, cum inter desideria vitæ cœlestis, quæ sursum est, nunquam fraternæ societatis, quæ juxta est, vincula dissolvunt. Habent inter coronas et plectas, leones, cum ita ad speranda cœlestia mentem erigunt, ita ad diligendos proximos dilatant, ut in peccantes quosque qui sibi commissi sunt, fervorem asperæ invectionis exercere non tardent. Habent cum leonibus boves, quando ipsam invectionem corripiendi cum spiritu mansuetudinis exhibent, quando in fervore arguendi nunquam cessam habere vigilantiam discretæ actionis ac loquæ, nunquam verba divinæ lectionis velut ruminando in ore volvere cessant. Denique beatus Stephanus basis videlicet templi Domini eximia, savi leonis dentes atque ungues ostendere videbatur, cum suis persecutoribus aiebat: *Dura cervice et incircumcisi corde et auribus, vos semper Spiritui sancto restitistis; quem prophetarum patres vestri non sunt persecuti* (Act. VII)? Verum hæc loquens quantum pietatis, ut ita dicam, bubulæ mansuetudinis intus in corde gestaret, ostendit, cum pro eisdem persecutoribus usque ad necem suam sævientibus, genu flectens dicebat, *Domine, ne statuas illis hoc peccatum* (Ibid.). Sed quia neque spem æternorum in cœlis, neque amorem proximorum in terris, neque fervorem zeli mordentis, neque lenitatem modestiæ compatiens, absque scientia sanctarum Scripturarum habere possumus, apte post



coronulas et plectas, post leones et boves, Cherubin A sculpti esse memorantur. Cherubin namque constat Scripturæ sacræ typum tenere : sive quia duo Cherubin in propitiatorio arcæ in figuram duorum Testamentorum concorditer de Christo canentium fabricati sunt, seu quod nomen istud scientiæ multitudinem sonat. Quanto autem quisque studiosius legendis divinorum eloquiorum paginis insisterit, tanto necesse est in omnibus amplius, quæ agit aut iudicat, interni testis aut iudicis examen pertimescat, ne aut plus juste in peccantes vindicans, aut rursus absque moderamine justæ discretionis ignoscens, iram iusti iudicis incurrat : qui enim addit scientiam, addit et dolorem. Unde hic quoque propter sculpturas Cherubin convenienter adiungitur, *Et super leones et boves quasi lora ex ære dependentia*. Super leones quippe et boves lora dependent, quando sancti doctores et in severitate districtioris quæ peccantes iudicant, et in mansuetudine lenitatis quæ poenitentibus remittunt, iudicium sui timent auctoris, ne forte injus e ligando, ipsi ab eo cujus iudicium errare nequit, B lizare mereantur.

*Et quatuor rotæ per bases singulas, axesque ærei per quatuor partes, quasi humeruli subter luterem fusiles contra se invicem respectantes.* Quatuor rotæ, quatuor sunt Evangeliorum libri, qui aptissime rotis comparantur, quia sicut volubilitas rotæ citissimo cursu quocumque ducitur currit, ita sermo evangelicus, juvante Domino, per apostolos in brevi universas mundi plagas implevit. Sicut rota superimpositum sibi currum a terra sublevat, et sublevatum, quo auriga dirigit, portat, ita evangelica prædicatione mentes electorum a terrenis cupiditatibus in cœlestia desideria suspendit, ac suspensas ad profectum bonæ operationis, sive ad ministerium prædicationis, quocumque adjuvans gratia spiritus voluerit, ducit. Nam in sequentibus dicit : *Quia tales erant rotæ, quales in curru fieri solent*. Legimus autem de sanctis, *Currus Dei decem millibus multa millia lætantium* (Ps. LXXV). Quid est ergo quod rotæ basium rotis assimilantur currum, nisi quia unus idemque sermo evangelicus quosdam eorum quos instituit, currus Dei, quosdam bases templi Dei facit? Quicumque enim ad evangelizandum verbum doctores longe lateque mittebantur in mundo, utique currus Dei, et quidem velocissimi fuerunt, quia per cuncta discurrentes, Deum ad corda credentium inducebant. At vero illi qui uno in loco commemorantes verbum salutis proximis annuntiabant, eosque ad lavacrum vitæ, quod vel in baptismo vel in compunctione lacrymarum celebratur, accendunt, quasi bases sunt templi, quæ portant luteris ad lavandas hostias, quia ita fidelibus quibus præsent, ministerium salutis impendunt, ut longius excurrentes ad acquirendos novos populos labores non subeunt. Rotæ ergo basium rotis sunt currum similes, quia iidem libri Evangeliorum qui hos doctores ad prædicandum fidem veritatis ignorantibus mittunt, illos ad confirmandam amplius fidem inter doctos jam ac sacramentis cœlestibus imbuos manere præcipiunt. Rotæ quatuor basium luteris sustentabant, cum Evangelia Jacobum fratrem Domini ad conservandam in Hierosolymis Ecclesiam residere jussissent. Rotæ earum similes currui Dei suppositæ ad eurrendum parabant, cum eadem Evangelia Paulum et Barnabam ad prædicandum gentibus per omnia discurrere voluerunt. Rotæ basibus suppositæ ad portandum luterem templi a terra sustollebant, cum nostris nuper temporibus beatus papa Gregorius evangelicis roboratus eloquiis Romanam rexit Ecclesiam. Rotæ eadem curribus Dei subnixæ longe portabant, cum reverendissimi patres Augustinus, Paulinus et cæteri socii eorum, eisdem evangelicis confirmati eloquiis, iubente illo venire Britanniam, et verbum Dei incredulis dudum commiserere gentibus. Si ergo bases luterum sancti doctores sunt, qui lavacrum nobis vitæ ministrant, et rotæ quaternæ basium quatuor sunt Evangeliorum libri, qui axes

rotarum, quæ bases gestant, nisi ipsa eorundem corda sunt doctorum, quæ dum præceptis Evangelii sedulo in eam, eos ab infirmorum appetitu sustollunt, velut immixtis rotis axes altius basem a terra sublevant? Porro humeruli qui rotis antepositi, ne ab axibus dilabi possent obsistebant, præconia sunt prophetarum, quibus evangelica et apostolica Scriptura ne cui legentium in dubium veniat, confirmatur; et apostolus Petrus de Domino loquens ait, *Et habemus firmiorem propheticum sermonem, cui bene facitis attendentes* (II Petr. i). Sed et omnes evangelistæ atque apostoli, in eis quæ scripsere legis et prophetarum mentionem facere solebant. Denique Marcus ita incipit, *Initium Evangelii Jesu Christi filii Dei, sicut scriptum est in Isaia propheta* (Marc. i). Et Matthæus, *Hoc totum factum est, ut adimpleretur scriptura prophetarum* (Matth. i), et cætera hujusmodi. Bene autem dicitur quod humeruli per quatuor partes subter luterem erant positi, et contra se invicem fuerunt respectantes, quia nimirum omnis scriptura prophetica sibi met consentanea est, utpote uno Dei spiritu condita. Quatuor autem fuerunt per bases singulas humeruli, videlicet juxta numerum rotarum : non quia quatuor tantum sunt libri prophetici, sed quia in omnibus quæ locuti sunt prophetæ et Moyses, dictis quatuor evangelistarum testimonium præbuerunt, ut ex consensu utriusque una fides et dilectio Christi nostra omnium corda confirmet. Os quoque luteris intrinsecus erat in capitis summitate, et quod forinsecus apparebat, unius cubiti erat totum rotundum, pariterque habebat unum cubitum et dimidium. Os luteris unius erat cubiti, propter unitatem confessionis et fidei : quia omnes in confessione Patris, et Filii, et Spiritus sancti baptizamur, dcente Apostolo, *Unus Dominus, una fides, unum baptisma, unus Deus et Pater omnium* (Eph. iv). Et ipsum os in capitis erat summitate, ut ad cœlestia nobis regna, per baptismum iter esse patefactum doceret; ipse vero luter in amplitudine cubitum habebat unum et dimidium, propter operis nimirum perfectionem et initium contemplationis : integer etenim cubitus in lutere perfectionem bonæ actionis designat, quam absque ulla dubietate habebat ille; de quo tentatori antiquo Dominus dicebat, *Numquid considerasti servum meum Job, quod non sit ei homo similis in terra, simplex et rectus, ac timens Deum, ac recedens a malo* (Job. i)? Est vero alter cubitus divinæ visionis, qui ex parte nonnulla etiam in hac adhuc vita retentis fidelibus donari consuevit, ut idem Job devicto adversario cum Domino loquens ait, *Auditu auris audivi te* (Job. xlii) : ut Moysi Dominus facie visus est ad faciem; ut Isaïe sedens in solio regni, circumstantibus cum laude debita cœli civibus; ut cæteris sæpe visus est prophetis; ut beato Stephano in articulo passionis apertis cœli januis gloria Dei ostensa est; ut Paulo intritus paradisi et tertii cœli sunt patefacta mysteria. Sed universa hæc ex parte sunt permodica, in comparatione ejus quæ in futuro revelanda est gloriæ. Ideo post cubitum bonæ operationis, quæ in hac vita D perfici potest in sanctis, incipit cubitus supernæ contemplationis, quæ in futuro in cunctis perficienda constat electis : quæ videlicet mensura unius et dimidii cubiti, non luteribus tantum, sed et rotis eorum inerat ac basibus. Scriptum namque est in sequentibus : *Una rota habebat altitudinis cubitum et semis*; et paulo post : *In summitate autem basis erat quædam rotunditas unius et dimidii cubiti ita scabrefacta, ut luter desuper posset imponi*. Luterum quippe mensura unius erat cubiti et dimidii, quia nimirum ea fide in fonte vitæ lavamur, ut per opera justitiæ ad vitam intrare mereamur æternam; quamvis sine peccato, dum hic vivimus, esse nequimus : ipsam vero vitæ cœlestis dulcedinem gustare ex parte ac diligere in hac vita interim, perfecte autem videre nulla ratione valemus. Rotæ quippe uno et dimidio cubito mensurantur, quia Scriptura lectionis evangelicæ, qualiter hi qui perfecti esse velint vivere de-



beant ostendit, spemque nobis æternæ retributionis in præsentem demonstrat; ipsam vero retributionis illius qualitatem, in futuro nobis pandendam simul et donandam esse promittit. Bases etiam ipsæ unum habebant cubitum ac semissem amplitudinis, in summitate sui ubi luteri recipere, quia ipsi doctores ac ministri summi lavacri salutaris, opere quidem perfecti in hac vita fuerunt, sed luce contemplationis ex parte fructi. Unde et aiunt, *Ex parte enim cognoscimus, et ex parte prophæamus; cum autem venerit quod perfectum est, evacuabitur quod ex parte est* (1 Cor. xiii). In hunc modum fecit decem bases, figura una, et mensura sculpturaque consimili. *Fecit quoque decem luteri areos.* Quare decem sunt bases factæ, totidemque eis superpositi luteri, supra jam dictum est. Quod vero una erat figura mensuraque et sculptura consimilis omnium basium sive luterum, non in ea significatione factum est, quod æqualia possint esse omnia merita doctorum; sed in ea potius, quia una fides Evangelii quo instituuntur, unum baptisma quo abluuntur, unus idemque spiritus est quo omnes consecrantur electi; tamen si donationes habent diversas in ipso spiritu, qui dividit singulis prout vult.

*Quadraginta batos capiebat luter unus.* Quadragenarius numerus solet magnæ perfectionis typum tenere, quia nimirum quater deni faciunt quadraginta. Decem autem sunt præcepta, quibus omnium nostrum ope atio in lege divina præfixa est. Quatuor sunt autem Evangeliorum libri, in quibus per dispensationem Dominicæ incarnationis cœlestis patrie nobis est patefactus introitus. Et quia omnes qui ad ministerium sacri baptismatis pertinent, cum fide et sacramentis Evangelii fructum debent facere rectæ operationis, apte luteri singuli, in quibus holocausta lavabantur, quadraginta batos capiebant. Quod vero sequitur, *Eratque quatuor cubitorum, sive in altitudine, sive in latitudine, significat intellectus mysterii in promptu esse; luter enim unus quatuor erat cubitorum, vel propter quatuor sancti Evangelii libros, in quibus forma nobis baptismi præfixa est; vel propter quatuor cardines virtutesque quibus quisque fidelis est debet institui; vel certe propter quatuor mundi plagas, quibus lavaerum salutis ministratur, dicente psalmographo, Quos redemit de manu inimicorum, de regionibus congregavit eos; a solis ortu et occasu, ab aquilone et meridie* (Ps. cxi). Quod vero supra dixit, *Pariterque habebat unum cubitum et dimidium, et neque ibi altitudinem vel amplitudinem significavit, videtur fundum ipsius luteris hujus esse amplitudinis: quo ex mensura, ni fallor, basis, in qua positus erat luter, quisque facillime conficit; quod ita describitur, In summitate autem basis erat quædam rotunditas unius et dimidii cubiti ita fabricata, ut luter desuper possit imponi.* Latitudo ergo fundi in luteribus unius erat cubiti ac dimidii; ipsa vero capacitas luterum quatuor habebat cubitos; sed utrum in altitudine, an in amplitudine, an in utroque dicat, quis noverit?

*Et constituit decem bases, et quinque ad dexteram partem templi, et quinque ad sinistram.* Dextram partem templi, et sinistram, non intus in ipso templo, sed ante templum dicit, ad orientalem plagam videlicet, in atrio interiori, quod sacerdotum proprie vocabatur. Quinque autem posuit ad dextram partem templi, propter Judæos, qui solliciti propter doctrinam legis uti solebant antiquitus; et quinque ad sinistram, propter nos, qui cæco diutius corde servituti adhaerebamus ejus qui ait, *Ponam sedem meam ad aquilonem.* Quod est aperte dicere: Illis in corde requiescere desidero, quos a luce veritatis, et flammæ divinæ charitatis, alienos esse considero.

*Mare autem posuit ad dextram partem templi, contra orientem ad meridiem.* Et hoc in eodem atrio positum est ad orientem. Quod autem ad dextram partem templi, hoc est quod repetit, dicens, *Ad meridiem; ingredientibus enim atrium ab oriente, primo*

*A divertendum erat ad meridiem, ubi mare in ipso angulo stabat ad lavandum sacerdotibus paratum; deinde progredientibus intro occurrebant luteri ad lavandas hostias ab utraque parte positi. Intra hos basis erat ænea quinque cubitorum longitudinis, et quinque cubitorum latitudinis, et trium cubitorum altitudinis, in qua stans Salomon dedicabat templum. Deinde ultra progredientibus occurrebat altare holocausti contra meridianum atrii; deinde porticus templi, sive vestibulum, in quo erant columnæ æneæ circa ostium templi. Quod ergo mare posuit ad dexteram partem templi, significat nos per lavaerum baptismi ad regnum cœlestis, quod jure vocabulo dexteræ figuratur, debere pervenire; qui enim crediderit et baptizatus fuerit, salvus erit. Namque ubi dextera simul et sinistra in bono accipiuntur, vel Judæam et gentilitatem, ut in expositione basium supra diximus; vel præsentem Ecclesiæ vitam, et futuram: vel gaudium sæculi, et tristitiam; vel aliquid hujusmodi: ubi vero absolute dextera in bono ponitur, æterna gaudia sæpius demonstrat. Quod vero contra orientem posuit mare, ad eandem propriam significationem respicit, quod videlicet per lavaerum sancti fontis, splendor nobis internæ claritatis aperitur. Quod ad meridianum latus atrii, significat fideles perceptione sancti Spiritus ad flagrantiam solere veræ charitatis accendi: fervor etenim meridiani solis consuevit in Scripturis ardorem dilectionis et illustrationem significare sancti Spiritus, per quem eadem dilectio diffunditur in cordibus electorum.*

XXIII. *Quod in regione Jordanis facta sunt vasa templi.* Cap. vii.—*Omnia vasa quæ fecit Hiram regi Salomoni in domo Domini, de aurichalco erant, in regione Jordanis fudit ea rex in argillosa terra.* Aptè in regione Jordanis facta sunt vasa domus Domini, in quo videlicet flumine Dominus noster baptizari dignatus est; ejusque tinctus undis, aquarum nobis clementum in ablutionem peccatorum convertit: quia omne fidelium baptismum quo Domino consecrantur, in exemplum celebratur baptismatis illius quo ipse aquas sanctificavit. Recte in Jordanis regione vasa sunt domus Domini facta: neque enim aliter vasa electionis et misericordiæ fieri possumus, nisi ad baptismum illius quod illo in flumine subito respicientes, et ipi vitali flumine satagamus ablui. Notandum autem quia non tantum in regione Jordanis, sed et in campestri regione illius facta dicit eadem vasa, significans multiplicationem fidelium, qui non solum in Judæa, sed in omnium nationum erant futuri latitudine, expleta prophetia quæ dicit, *Gaudebunt campi, et omnia quæ in eis sunt* (Ps. xcvi). Cui simile hoc quod idem psalmista desaceramentis Dominicæ incarnationis loquens, ex persona eorum qui post completa ejus incarnationis arcana ad fidem venerunt, ait, *Ecce audivimus ea in Ephrata, invenimus ea in campis sylæ* (Ps. cxxvi). Audivimus quippe in Ephrata, id est in Bethleem, sacramenta Dominica, quia promissum legimus David patriarchæ, qui erat ex eadem civitate de fructu ventris ejus Christum in carne venturum. *Invenimus ea in campis sylæ, quia revelata jam in latitudine gentium per orbem ipsi cognovimus, ipsi vidimus, ipsi participes facti sumus.* Fudit ergo rex vasa domus Domini in regione campestri Jordanis, quia Dominus ut baptismum salutis vasa misericordiæ faceret, totam mundi latitudinem implevit. Argillosa autem terra, de qua factæ sunt formæ ad fundenda vasa Domini, quid melius quam Scriptura sacra, de qua regulam bene vivendi accipimus, valet intelligi? Quasi enim argilla ignibus durata, formam vasis Domini quanta et qualia fieri debeant, exhibet, cum nobis regulam justitiæ, quam sequamur, ostendit; sanctorumque nobis exempla, qui in igne tribulationum invincibiles perdurant, in omnibus sequenda præmonstrant, si vasa domus Domini electa esse ac pretiosa concupiscimus. *Æsque igne liquefactum argillæ formas ingreditur, quo vas possit aptum ministeriis cœlestibus effici, cum ipsi salubriter humiliati,*



et flamma sive divinae claritatis, sive etiam humanae adversitatis emolliri, viam patrum bene operando intramus, ut ad praeemia patrum bene currendo perveniamus: neque enim semper nos regulis necesse est bonae operationis aptari, sed completa operatione bona, palma est beatæ retributionis speranda; quia nec semper vasa in forma argillae tenebantur inclusa, sed ubi ad perfectionem sui pervenerant, fractis formarum claustris perducebantur in lucem, et in templo Domini pro suis quæque locis disponebantur. Hoc autem dicimus, non quod opera sanctorum unquam sint interitura, sed quia ubi coronam justitiæ, quam bene operando meruere, acceperint, laboriosæ operationis jam cuncta cessent officia: quis enim in illa vita pro fide Christi martyrium patitur, ubi expulsis adversariis omnes electi in præsentia Christi lætantur? Quis ibi mortuum sepeliat, ubi sola viventium terra est? Quis lugentem consoletur, ubi absterget Deus omnem lacrymam ab oculis sanctorum? Quis ibi domum peregrino et hospiti paret, ubi omnes simul electi habitationem ex Deo habent domum non manufactam, æternam in cœlis? Quis illic panem esurienti potumve afferat sitienti, ubi Dominus pascit me, et nihil mihi deerit? Diruptis ergo formis vasorum quondam necessariis, vasa ipsa in domo Domini splendida jam refulgent, quia cessantibus in fines æculi non solum persecutionibus quas propter justitiam patiuntur, verum etiam laboriosis justitiæ operibus quibus sponte pro æterna beatitudine insudant electi, in sola visione sui Conditoris, percepta immortalitatis claritate, lætabuntur.

XXIV. De altari. Cap. vii. — *Fecitque Salomon omnia vasa in domo Domini, et altare aureum.* Altare aureum corda significat perfectorum justorum internæ charitatis et castitatis luce corusca; quorum sublimitati significandæ etiam locus convenit ejusdem altaris: stabat enim ante ostium sancti sanctorum, ut in factura tabernaculi manifeste legimus, in quo videlicet altari, non hostiarum sanguis, neque libamina, sed thymiāmata tantum incendebantur, quorum fumus ad superniora ascendens operiebat arcam atque oraculum, et odore suavitatis implebat. In quo figuram exprimebat sanctorum, qui dum, neglectis temporalium rerum cupiditatibus, tota intentione cœlestia quærunt, velut intus in vicinia oraculi sunt positi; nec longe sunt remoti a velo quo templum et sancta sanctorum dirimuntur, quia corpore tantum terram incolunt, ceterum secundum interiorum hominem totam habent conversationem in cœlis. Ascenditque ab hujusmodi altari fumus incensorum in sancta sanctorum ubi arca est recondita, cum orationes sanctorum flamma charitatis excitatæ ad cœlum usque perveniunt, ubi Christus est ad dexteram Dei sedens. Non enim in hoc altari sanguis hostiarum, sed thymiāmata tantum incenduntur, quia tales viri non habent opera carnis et sanguinis, quæ in ara sui cordis immolantes, Domino mactent; sed tantummodo lacrymarum et orationis vota, ei pro desiderio regni cœlestis offerunt. Verum quia nemo repente fit summus, sed per oblationem carnalium voluptatum sollicitè ad desiderium cœlestis ascenditur, non prætermisit Scriptura in mystica domus Domini factura et illorum ponere figuram, qui carnales adhuc in se concupiscentias, quæ militant adversus animam, flamma superni timoris incendere laborant: quatinus his de corde sive corpore extirpatis, consequenter ad majora possint ascendere, ac Deo spiritualium thymiāmata orationum et compunctionis offerre. Factum namque est aliud altare ad offerendas victimas multo quidem majus, sed quantum magnitudine præstans, tantum situ loci et specie metalli inferius; nam et de ære factum, et ante fores erat positum templi, in quo illi nimirum figuratiter sunt expressi, qui tali devotione Domino deserviunt, ut caro adhuc eorum concupiscat adversus spiritum, et spiritus adversus carnem; soleantque dicere, quia mente servimus legi Dei, carne autem legi peccati; qui

A cum incentiva carnis edomare, fluxa luxuriæ restringere, frequentibus jejuniis et orationibus, vigiliis et eleemosynis, ceterisque fructibus spiritus ad tranquillitatem castimoniam Deo digne ascendere contendunt, quid nisi victimam illi suæ devotionis immolant, implentes illud Apostoli, quo obsecrat nos per misericordiam Dei, ut exhibeamus corpora nostra hostiam viventem, sanctam, Deo placentem (Rom. xii); qui quoniam fervore flagrant spiritualis amoris, sed nondum eminent triumpho victæ concupiscentiæ carnalis, altare holocausti ignem quidem de cordis sanctum habent, sed speciem æris et non auri prætendit. Verum quia plures sunt in sancta Ecclesia carnales quam spirituales, plures qui vitiorum illecebras refrenando cohibent, quam qui superato ac sopito vitiorum certamine adepti virtutum securitate lætantur, merito altare holocausti majus esse multo quam altare thymiāmatis asserebatur. Scriptum namque est de eo in libro Paralipomenon: *Fecit quoque altare æneum viginti cubitorum longitudinis, et viginti cubitorum latitudinis, et decem cubitorum altitudinis.* Equidem altare thymiāmatis Moyses fecit in eremo, habens cubitum longitudinis et latitudinis, et duos cubitos in altitudine. Quantæ autem magnitudinis hoc Salomon fecerit, non dicit Scriptura, sed tantum quia altare aureum fecerit dicit. Constat autem quia tantum facere non potuit, quantum fecit holocausti, quia si viginti cubitorum in longitudine et latitudine factum esset, totam templi latitudinem impleveret. Quantum igitur exterius erat positum altare holocausti quam incensi, et quantum genere oblationis ac vilirate metalli ignobilius fuit, tantum quantitate mensuræ et hostiarum frequentia præstabat: quia nimirum plures sunt multo quibus dicatur: *Si vis ad vitam ingredi, serva mandata* (Matth. xix), quam quos audire delectat: *Si vis perfectus esse, vade, vende quæ habes* (Ibid.), et reliqua. Nec tamen hujus mensura altaris ratione mystica caret numeri: habet enim *viginti cubitos longitudinis, et totidem cubitos latitudinis, et decem cubitos altitudinis.* De quo quidem numero supra in expositione templi et vestibuli ejus diximus, sed et nunc dicendum breviter. Quod si altare holocausti illorum in Ecclesia typum tenet, qui suum corpus et animam Deo consecrare per ignem amoris illius quærunt, perseverantia horum in bona operatione per longitudinem altaris; amplitudo in charitate Dei et proximi per latitudinem; spes in expectatione divinæ visionis per altitudinem figuratur. Quod autem longitudo et latitudo altaris vicenorum erat cubitorum, magnam utique perfectionem designat ejusdem indefessæ longanimitatis ac sinceræ dilectionis, quæ per utriusque Testamenti nobis observantiam tribuitur. Quater quini vicenarium numerum complent, quinque enim libri Moisaicæ legis, quatuor evangelicæ libertatis: cum ad intelligentiam atque custodiam legis spiritualis, illustrante Evangelii gratia, pervenimus, vicenarium profecto numerum perficimus. Fitque idem numerus vicenarius in longitudine et latitudine altaris, cum *corda electorum, docente utroque Testamento, et adjuvante ipso uno utriusque Testamenti auctore, et perseverantiam boni operis etiam in persecutionibus servant, et hilaritatem dilectionis in eos qui persequuntur exhibent.* Denario autem numero spes cœlestium præmiorum designari solet, Domino affirmante, cum eos qui in vinea magni patrisfamilias laborabant, denario remunerandos esse testatur. Et merito per hunc numerum merces æterna figuratur, in qua nostra natura in æternum divinæ visioni conjungitur, quia in ipso numero mystice divina simul et humana natura designatur. Deus quippe Trinitas est, homo autem numero septenario comprehenditur, quaternio videlicet propter corpus, quod ex quatuor elementis constat; ternario vero propter interioris hominis triplicem differentiam, quam Scriptura nobis sancta ostendit, cum diligere nos jubet Dominum ex toto corde, tota anima, tota virtute. Unde et in do-



caligo legis tria sunt mandata quæ nos ad cultum divini amoris exulant, septem quæ dilectionem commendant proximi. Qui ergo decalogum legis in Dei et proximi dilectione custodiunt, jure mercedem hujus custodiæ in Dei simul et proximi visione percipiunt: quique in hac vita et proximum quem vident, et Deum quem non vident, diligunt, hi in futura vita et Deum regem in decore suo, æque et proximum in Deo glorificatum ac decoratum videbunt. Et ideo altare quod in figura factum est electorum, ob significandam eorum perpetuam vitam, decem erat cubitis altum. Cum vero dictum esset quia *fecit Salomon altare aureum*, additum est continuo, *Et mensam super quam ponerentur panes propositionis auream*. Mensa autem Scriptura est sacra, spiritualis intelligentiæ claritate secunda, de qua psalmista Domino, *Parasti*, inquit, *in conspectu meo mensam, adversus eos qui tribulant me* (Ps. xxi); ne enim adversarii tribulantes ab errore inflectant, mensam nobis Conditor noster scientiæ, per quam in fide veritatis eum confitemur, paravit. Namque panes propositionis sancti sunt doctores, quorum vel opera nobis, vel verba salutaria ad exemplum vitæ proposita semper in divinis paginis quisquis quærit invenit. Unde apte iidem panes in Exodo (Cap. xxv) duodecim fieri præcepti sunt, videlicet propter apostolos duodecim per quorum ministerium novi scriptura Testamenti condita est, et Instrumenti veteris, donante Domino, revelata mysteria. Quo nimirum non tantum iidem apostoli, sed et omnes sunt designati, qui prædicando verbum pabulum vitæ fidelibus ministrant, quia omnes utique ipsam doctrinæ formam, quam apostoli a Domino acceperunt, sequuntur. Legimus autem de his panibus in Exodo (*Ibid.*), per singula sabbata eos mutari debere, et novos pro veteribus in mensa Domini proponi, unius quoque mensuræ farinæ similæ semper eos parari præceptos. De quibus omnibus mysticus de interna refectione sensus luce clarior relucet: ablatis enim veteribus, novi restituuntur panes, cum assumptis de hac vita aliquibus doctorum fidelium, alios loco eorum sancta ordinat Ecclesia, et hoc non nisi die sabbati, quia quisquis bonum certamen certaverit, cursum consummaverit, fidem servaverit, tempore suæ resolutionis, requiem beatæ perennitatis intrabit. Unius mensuræ et non di-pares ex simila semper fiebant panes, quia nimirum una eademque forma veritatis et fidei, quam primo apostoli suis auditoribus ostendebant, ac deinde successores eorum, et omnes usque ad finem sæculi pii doctores Ecclesiis Christi per orbem prædicare non desistunt.

XXV. De mensis decem. Cap. vii. — Quod vero in Verbis dierum legimus, quia *fecit Salomon mensas decem et posuit eas in templo, quinque a dextris et quinque a sinistris, phialas quoque aureas centum* (II Par. iv), has mensas tam ad panes propositionis quam ad vasa Domini portanda factas esse credibile est; phialas videlicet quas pariter factas Scriptura refert; thymiamateria, thuribula, mortariolia, etc., que in sequentibus leguntur: nam quod paulo post in eodem Verborum volumine subinfertur, *Fecitque Salomon omnia vasa domus Domini et altare aureum, et mensas, et super eas panes propositionis*; vel pluralem numerum pro singulari posuit, more Scripturæ usitati sumo, ut in Jesu Nave: *Filii autem Israel prævaricati sunt mandata, de anathemate* (Jos. vii); cum Achab solus et non plures filii Israel hoc fecerint. Vel certe quia panes propositionis solebant ante sabbatum coqui, ut in sabbato mox poni potuissent in mensam propositionis, potuit fieri ut panes noviter cocti mox illis mensis imponerentur, ibidemque nocte illa servarentur operiti, donec primo mane, ablatis veteribus, super mensam propositionis ponerentur calidi. Non autem hæ mensæ decem a figura hujus mensæ propositionis discrepant: nam sicut una mensa duodecim panibus onusta, unitatem totius Scripturæ, et concordiam auctoritate apostolica uni-

A tam designat, ita non immerito decem mensæ aureæ divinæ legis et prophetarum eloquia figurate denuntiant, quæ vel refectionem nobis verbi Dei, quasi panes propositionis offerunt, vel in nobis exempla fidelium quasi positorum in se vasorum Domini claritatem et miracula proponunt. Recte autem bis quinæ sunt mensæ, non solum quia legislator quinque volumina scripsit, verum etiam quia tota Testamenti veteris series quinque ætates sæculi complectitur. Geminatur vero numerus mensarum quiniarius, et quinque a dextris, et quinque a sinistris ponuntur, cum post incarnationem Dominicam eadem Scriptura, sive utrique Dei populo, Judæo scilicet et Gentili, committitur, sive evangelicis plena figuris ostenditur, quæ quondam Dei populo antiquo juxta litteram solam intelligenda putabatur; cum enim legentes in sancta Scriptura, verbi gratia, Abel coronatum martyrio, Enoch translatus de mundo, Noe pereunte mundo mirabiliter salvatum, hospitalitatem Loth exterminatis impiis sublimiter remuneratam, Abraham merito obedientiæ patrem cunctarum gentium constitutum, Joseph post venditionem merito castitatis et innocentie exemplo sublimatum (*Genes., passim*), hæc et hujusmodi innumera nobis exempla virtutis assumimus, quid nisi mensæ quinque aureæ, sive vasa Domini, seu panes propositionis adhuc in sinistris templi, divinæ litteræ juxta hi toricum sensum januam nobis et recte vivendi æterna præmia a Domino speranda aperiunt? At cum eandem altius intelligentes vel dispensationem Dominicæ incarnationis, vel alia quælibet sanctæ Ecclesiæ sacramenta sonare viderimus, quasi alias quinque mensas ad portanda vasa electionis et alimoniam vitæ spiritualis in dextris templi invenimus; qui eadem ipsa verba sacræ historiæ novum omnino fulgorem nobis sapientiæ cœlestis, novos aperire sensus de veteribus agnoscimus, in qua profecto figura et candelabra sunt quina facta in templo: cum enim dixisset Scriptura regem Salomonem fecisse mensam in qua ponerentur panes propositionis, auream, adjunxit sequenter, et ait:

XXVI. De decem candelabris. Cap. vii. — *Et candelabra aurea quinque ad dexteram, et quinque ad sinistram contra oraculum ex auro purissimo, et quasi filii flores, et lucernas desuper aureas*. Sicut enim mensæ in typo sanctæ Scripturæ recte ponuntur, quia et justitiam esurientibus panem verbi ministrant, et vasa ferunt ministerii cœlestis, id est iustorum nobis actus in exemplum ponunt, ita et aptissime per candelabra eadem divina eloquia figurantur, videlicet quia lucem sapientiæ errantibus proferunt: hinc etenim psalmista, *Lucerna*, inquit, *pedibus meis*, etc. (Ps. cxviii); hinc etiam Salomon ait, *Quia mandatum lucerna est, et lex, lux* (Prov. vi). Quare autem quinque a dextris, et quinque a sinistris, convenienter addidit *contra oraculum*. Oraculum namque ubi erat arca, ut sæpe dictum est, aperte designat patriam cœlestem, ubi Christus est in dextra Dei sedens, paternorum utique conscius arcanorum; et candelabra templi aurea contra oraculum sunt posita, cum divina eloquia ad habitationem supernæ civitatis aspectant, ut hujus agnitionem ac desiderium nostris cordibus infundant; et eos qui originem carnis a terra habent, ad appetendam promerendamque in cœlis perpetuam mansionem accendant. Sunt autem qui hoc quod de candelabris dicitur, *quinque ad dexteram, et quinque ad sinistram*, ita putant intelligendum, quod quinque fuerint a dextris illius candelabri quod fecit Moyses in deserto, et quinque a sinistris, utraque tamen ad meridianam plagam, in qua candelabrum unum quod fecit Moyses stare præceptum est; quod eodem ordine etiam de mensis decem intelligant, quia omnes quidem ad septentrionalem plagam fuerint posite, sed quinque ad dexteram Mosæ illius mensæ, et quinque ad levam. Verum, si consideres verba sacræ Scripturæ, quibus dicitur, *Et candelabra aurea, quinque ad dexteram, et quinque ad sinistram contra ora-*



culum, patet, ni fallor, quod æque utraque quinque A oraculum respiciebant : utpote juxta utrumque latus templi in longum posita : nam si omnia candelabra ad australe latus templi in longum posita essent, non dicerentur contra oraculum posita, sed potius contra aquilonem, sive contra mensas, si etiam mensæ ibi stabant; quod dictum est in Exodo de illo uno candelabro quod absque ulla dubietate ad meridiem stabat : *Posuit et candelabrum in tabernaculum testimonii e regione mensæ in parte australi (Exod. XL)*. Itemque in libro Numerorum, *Cum posuerit septem lucernas contra eam partem qua candelabrum lucem dabat (Num. vii)*. Ex utraque ergo parte templi candelabra, ex utraque erant mensæ, quia Scriptura divina ad illustrationem ac refectionem utrique Dei populo condita est, quæ nos in prosperis et adversis, in tristibus ac latis eventibus reficere ne deficiamus, et ne cæci remaneamus, illustrare consuevit. Vasa quoque misericordiarum sunt superposita : hoc est, Scriptura in se justorum opera utrisque nobis, per quæ in actione justitiæ et ipsi confortemur, proponit. Si autem queris B quid inter candelabra et lucernas eorum typice distet, possumus recte intelligere lucernas esse viros sanctos, qui oleo sancti Spiritus infusi, et ipsi igne dilectionis ardent in corde, et proximis lucem scientiæ proferunt lingua. Candelabra autem quæ has lucernas in sublime tollunt, ut longe lateque videri possint in Ecclesia, Scripturam esse sacram, quæ sanctorum nobis virtutes et exempla sua lectione demonstrant. Cui videlicet interpretationi annuit sermo Domini, quo dicitur de Joanne, *Ille erat lucerna ardens et lucens (Joan. v)*. Possumus etiam ita aptissime dicere, quia lucere divina sunt eloquia, juxta illud psalmistæ, quod et supra posuimus, *Lucerna pedibus meis verbum tuum (Ps. cxviii)*. Candelabra autem lucernarum harum, sancti sunt omnes, qui sua corda et corpora ferendis Domini mandatis, humili semper intentione supponunt. Quisquis enim in nullo propriam sequi curat voluntatem, sed in omnibus quæ Scriptura sancta dicat, attendit, ejusque sese subicere mandatis satagit, quasi candelabrum domus Dei aureum, aureas ejus gestat lucernas : quia casta corporis sui membra castas mentis cogitationes, ad faciendâ quæ Deus jubet, supponere contendit, et hoc tam fixa intentione, quam candelabrum necesse est firmiter ad superna erectum, impositas sibi lucernas non solum absque ruina, sed etiam absque ulla status sui mutatione servare. Cum vero dixisset, *Et candelabra aurea quinque ad dexteram, et quinque ad sinistram contra oraculum ex auro purissimo*, addidit, *Et quasi lilii flores et lucernas desuper aureas*; videtur, juxta litteram, quia suprema pars candelabrorum in modum sit lilii repandi formata : quod in candelabro tabernaculi factum esse legimus, ejus et stirps medius, et calami ex ipso procedentes cum scyphis et sphaerulis lilia scribuntur habuisse plurima. Flores autem lilii, ut sæpe dictum est, amenitatem semper virentis terræ viventium designant, de qua dicit beatus Petrus : *Regeneratos nos a Domino in spem vivam, in hereditatem incorruptibilem, et incontaminatam, et immarcescibilem, conservatam in cælis (1 Petr. i)*. Et bene lilii flores aurei in candelabro sunt facti domus Dei, quia Scriptura divina, spretis temporalibus gaudiis, ad appetenda nos bona patriæ cœlestis provocare consuevit; et quomodo erectum in altitudine candelabrum lilii flores et lucernas habet aureas in capite, ita electi omnes qui in eadem Scriptura sacra continentur, erecto ad superna sensu, cœlestia bona a Domino quæsisse et percepisse probantur.

*Fecitque forcipes aureos, hydrias quoque et fuscinulas, phialas, et mortariola, et thuribula de auro purissimo*. Varia vasa quæ ad offerenda libamina sunt facta, variæ sunt distinctiones eloquii divini pro dispari capacitate audientium : non enim una eademque omnibus potest convenire doctrina, ac per hoc diversa altaris vasa, vel diversas fidelium personas, vel certe multifarias ipsorum actiones, sive cogita-

tionem in famulatum sui Conditoris dispositas accipere debemus. Forcipes namque ad emendandum altaris ignem fieri debere credendum est. Underecte per eos sancti prædicatorum designantur, qui ignem in nobis charitatis, quasi in altari Dei accendere suis exhortationibus solent. Namque hi velut genino dente forcipis ad hunc ignem accendendum titiones in altare component, quando consonis utriusque Testamenti nos paginis instruunt, et eloquia veritatis in nostro corde, quibus amplius ad æternorum desideria inflammemur, collocant. Fascinulæ, quæ Græce *ῥαβδάριαι*, ad hoc in ministerio altaris habebantur, ut carnes victimæ per eas de caldariis coctæ proferrentur, atque ad esum eorum qui his erant reficiendi afferrentur; quarum usus æque sanctis prædicatoribus figurate congruit, quorum ministerii est animas fidelium verbo fidei reficere, et juxta regulam apostolicæ discretionis rudibus adhuc discipulis rationale et sine dolo lac doctrinæ simplicis adhibere; perfectioribus autem solidum cibum doctrinæ sublimioris ministrare : quicumque enim sacramenta Christi ad ejus imitationem suscipere norunt, hi quasi carnibus hostiæ salutaris relecti satiantur, quia doctorum est spiritualium, quæ cuique personæ mysteria audienda committant, solertissime discernere; recte fascinulas intulit Salomon sacerdotibus in domo Domini, quibus carnes hostiarum, prout oportuerit, component; et alia quidem hominibus, sed mundis edenda offerant; alia vero altaris ignibus consumenda relinquunt : quia sunt in verbis Dei nonnulla quæ nostræ humilitati revelare, ac epulas nostræ refectioni concedere dignatus est. Sunt item alia tantæ profunditatis, quæ sancti Spiritus solummodo scientiæ pateant, nostræ vero capacitatis per omnia mensuram transcendant : quid enim per phialas, nisi mensura prædicationis accipitur, qua oportet ut exhortationis gratia singulis juxta capacitatem ingenii conferatur : debet enim hic subtiliter qui docet perspicere ne plus studeat quam ab audiente capitur prædicare, debet ad infirmitatem audientium semetipsum contrahendo condescendere, ne dum parvis sublimia, et idcirco non profutura loquitur, se magis curet ostendere quam auditoribus prodesse. Diximus plenius de mensa et candelabro, et utroque altari, ac vasis domus Domini, in libris quos de factura tabernaculi et habitu sacerdotali scripsimus. Si quis ergo capacitatem nostri sensus ex Patrum traditione progenitam, de his scire desiderat, in opere illo requirat. Sequitur :

XXVII. *De cardinibus*. Cap. vii. — *Et cardines ostiorum domus interioris sancti sanctorum, et ostiorum domus templi ex auro erant*. Si ostia domus interioris sancti sanctorum, angelica sunt ministeria, quæ nobis de corpore egressis introitum vitæ cœlestis reserant, et ostia domus templi doctores sunt sancti ac sacerdotes, qui instruendo, baptizando, Dominici corporis et sanguinis mysteria communicando, prima nobis Ecclesiæ præsentis limina pandunt : quid cardines utrorumque ostiorum, nisi sensus et corda sunt eorundem angelorum, sive sanctorum, quibus immobiliter complexationi ac dilectioni sui Conditoris adherent, ut eo ministerium divinitus sibi delegatum recte compleant? quia voluntati illius cum ministrant, nunquam oculos avertunt : aperiuntur enim et clauduntur ostia, tempore congruo, sed nunquam cardinem templi deserunt, quia et angeli et homines sancti sive in hanc vitam fidei, sive in illam speciei fideles atque electos suscipiant, semper animum in radice dilectionis fixum tenent. Unde bene idem cardines ex auro esse facti perhibentur, propter videlicet meritum propriæ claritatis, vel illius quam habent in Deum charitatis.

*Et perfecit omne opus quod faciebat Salomon in domo Domini*. Cum Rex pacificus noster in die novissimo omnes electos resurrectionis immortalitate glorificat. Alioquin quamdiu status hujus sæculi geritur, facit quidem opus domus Domini Salomon, sed nondum



perficit: quia corda electorum Dominus, ut bona operentur, inspirat et adjuvat, nullum tamen in hac vita dumtaxat commorantem absque peccato esse tribuit, namque hoc donum futuræ vitæ beatitudini reservat. Perficit vero omne opus templi sui, et hoc dedicationi aptum reddit, cum translato de hac vita electos suos æternum perducit ad regnum. Quod bene significatur in eo quod templum septem annis ædificatum est, octavo autem perfectum ac dedicatum est. Septem namque diebus omne hoc opus voluitur, octavus est dies iudicii et resurrectionis futuræ, de quo psalm. vi et xi attitulati sunt. Cui videlicet tempori convenit apte quod sequitur:

*Et intulit quæ sanctificaverat David pater ejus argentum et aurum, et vasa reposuit in thesauris domus Domini.* Argentum namque ad nitorem eloquentiæ, aurum ad splendorem sapientiæ, vasa generaliter ad rationabilem pertinent creaturam. Sanctificatque David pater Salomonis argentum, cum Deus pater eloquentes quosque gratia sancti Spiritus ad loquendum verbum Evangelii confortat; sanctificat aurum, cum naturalis ingenio præditos, suo replens spiritu ad consideranda in lege sua mirabilia, illuminat. Sanctificat et vasa, cum omnibus generaliter Ecclesiæ filiis ejusdem spiritus gratiam largitur, et illos ad appetenda dona perpetuæ salutis inflammat. Hoc autem argentum, hoc aurum, hæc sanctificata vasa Salomon infert in templum, cum Dominus noster, peracto universali iudicio, omnes electos, et doctorum videlicet et cæterorum fidelium cœtum in gaudium regni cœlestis introducit. Reponitque vasa diversi generis, argentea sive aurea, in thesauris domus Domini, quando eos qui multitudine dulcedinis ejus frui meruerint, abscondit in abdito vultus sui a conturbatione hominum. Aptè multi sunt thesauri in quibus vasa electionis recondantur; sed una domus Domini, in qua iidem sunt facti thesauri, quia et una est Ecclesia, in qua omnes continentur electi, quantislibet meritis distent; et una ac non diversa est patria illa cœlestis quæ promittitur omnibus; quamvis sicut stella a stella differt in claritate, ita et resurrectio mortuorum; quod utrumque iudex ipse ac distributor præmiorum Dominus una sententia demonstravit, cum ait, *In domo Patris mei multæ sunt mansiones* (Joan. xiv). Unam ergo domum Domini fecit Salomon, sed multos in ea thesauros ad recipienda vasa diversi generis, una tamen benedictione sanctificata paravit: quia nimirum una est domus Patris non manufacta, æterna in cœlis; sed multæ in ea mansiones, ad recipiendos omnes timentes se ac diligentes. Dominus benedicet pusillos cum majoribus.

**XXVIII. De arca in oraculum illata.** Cap. viii. — *Veneruntque cuncti senes ex Israel ad regem Salomonem in Hierusalem, ut deferrent arcam fœderis Domini de civitate David, id est, de Sion, et tulerunt sacerdotes arcam fœderis Domini, intuleruntque eam in locum suum in oraculum templi, in sanctum sanctorum, subter alas Cherubin; siquidem Cherubin expandebant alas super locum arcæ, protegebantque arcam et vestes ejus desuper. Cumque eminere vectes, apparerentque summitates eorum foris sanctuarium ante oraculum, non apparebant ultra extrinsecus. Qui et fuerunt ibi usque in præsentem diem* (II Par. v). Hoc manifestus in Paralipomenon volumine scribitur. Vectium, inquit, quibus portabant arcam, quia paululum longiores erant, cap. 2 parebant ante oraculum; si vero quis paululum fuisset foris, eos videre non poterat. Ubi notandum quia etsi capita vectium antecedentibus potius ac diligentius intuentibus parebant ante oraculum, non tamen fieri poterat ut ipsa eorum capita ante oraculum eminerent, quia nimirum necesse erat ut, clauso oraculo et appenso ante ostia velo, ipsi quoque vectes toti cum arca et Cherubin abderentur internis; quod fieri non poterat si prominentes ulterius vectes producendis ad claudendum ostiis locum non darent; quorum positionem vectium Scriptura non sine causa, sed magni intuitu sacramenti tam diligenter expedire

A curavit: constat enim quia domus templi exterior peregrinantem in terris Ecclesiam, sancta autem sanctorum internam supernæ patriæ felicitatem designant. Item illata in sancta sanctorum arca, assumptam Christi humanitatem, et intra velum regie cœlestis inductam; vectes vero quibus eadem arca portabatur, prædicatores verbi per quos ipse mundo innotuit, typice denuntiant: apparebant enim summitates vectium foris ante oraculum, non semper, sed cum ostia ejusdem oraculi aperiri contingeret; neque hæc omnibus, sed eis solummodo qui propius accedentes attentius ea quæ intus erant satagebant intueri. Ipsa autem arca qualis et quo modo esset posita, solis eis qui oraculum intrassent videre licebat, quia nullus sanctorum in hac vita positus, tamen i multum se in altitudine mentis attollens, sed soli illius patriæ cives gloriam inibi sui Redemptoris plane contuentur. Sunt et vectes cum arca in oraculo reconditi, quia absconditi sunt etiam nunc perfecti quique electi, qui nos præcesserunt de mundo, in abdito vultus Dei a conturbatione hominum. Quorum tamen summitates vectium nonnumquam aperto oraculo his qui appropiant videntur, cum perfectioribus quibusque, atque oculum sui cordis tota intentione purificantibus, divina gratia aliquid extremum de supernorum civium gaudio contemplandum donaverit, quæ nimirum contemplatio his qui paulo longius recesserint minime conceditur, quia quanto exterius mente vaga remanent, tanto minus quæ sunt interna gaudia vident. Deinde sequitur:

**XXIX. De tabulis lapideis arca inclusis.** Cap. viii. — *In arca autem non erat aliud nisi duæ tabulæ lapideæ, quas posnerat in ea Moyses in Oreb, quando pepigit fœdus Dominus cum filis Israel, cum egraderentur de terra Ægypti.* Quæri potest quo modo dicat hic quod in arca non esset aliud nisi duæ tabulæ testimonii, cum apostolus Paulus, magister gentium in fide et veritate, Hebræis, id est, filiis Israel scribat, dicens: *Tabernaculum enim factum est primum, in quo erat urna aurea habens manna, et virga Aaron quæ fronduebat, et tabulæ testamenti* (Hebr. ix). Ecce, teste Apostolo, didicimus quod et ista ibidem fuerint: non enim au us est aliud eis scribere, nisi quod certum tenebant illi, omnia hæc in ipsa arca fuisse: sed non plenius apparet quando intromissa ibidem sint, excepto quod in libro Numeri scriptum est, *Protulit Moyses omnes virgas de conspectu Domini ad cunctos filios Israel, videruntque et receperunt singuli virgas suas. Dixitque Dominus ad Moysen, Refer virgam Aaron in tabernaculum testimonii, ut servetur ibi in signum rebellium filiorum Israel, et quiescant querelæ eorum a me, ne moriantur* (Num. xvii). Denique et de manna in Exodo ita scriptum est, *Dixitque Moyses ad Aaron. Sume vas unum, et mitte ibi man, quantum potest capere gomor, et repone coram Domino, ad servandum in generationes vestras, sicut præcepit Dominus Moysæ. Posuitque illud Aaron in tabernaculo ad reservandum* (Exod. xvi). Erat autem in arca urna aurea, habens manna: quia in homine Christo habitat omnis plenitudo divinitatis corporaliter (Coloss. ii). Erat virga Aaron, quæ excisa denuo floruerat: quia potestas omnis judicandi penes eum est cujus iudicium in humilitate passionis videbatur esse sublatum. Erant et tabulæ testamenti, quia in illo sunt omnes thesauri sapientiæ absconditi. Adhærebant ei vectes quibus portabatur, quia doctores qui quondam laborabant in verbo Christi, nunc præsentem visionem, gaudent gloriæ Christi; quod enim unus eorumdem dixit, *Cupio dissolvi et esse cum Christo*, de omnibus utique sui operis consortibus intelligendum reliquit.

**XXX. De nebula in templo.** Cap. viii. — *Factum est autem cum exissent sacerdotes de sanctuario, nebula implevit domum Domini, et non poterant sacerdotes stare propter nebulam. Impleverat enim gloria Domini domum Domini.* Gloria Domini intelligitur Christus, cujus fide impletus est universus mundus, de qua gloria cum pro adorato vitulo Dominum recitetur



Moyſes ut parceret populo peccatori, reſpondit Dominus, *Propitius ero illis, verumtamen vivo ego et vivit nomen meum, quia implebitur gloria mea omnis terra.* Et ſeptuageſimus primus psalmus canit, *Implebitur gloria ejus omnis terra.* Unde et angeli clamabant paſtoribus, *Gloria in excelsis Deo, et in terra pax hominibus bonæ voluntatis* (Luc. 11). Quod autem nebula implevit domum Dei, et non poterant ſacerdotes ministrare propter nebulam, hæc ſententia ſuperbos Judæorum pontifices ac doctores inſinuat, qui dum nativitatſ Chriſti ſacramenta investigare deſpiciunt, debitum fidei ſuæ miniſterium per erroris nebulam perdiderunt; ita enim eorum mentes infidelitatis caligo replevit, ut exigentibus propriis meritis, non agnoſcant cultum credulitatis.

XXXI. *De claſſe Salomonis.* Cap. ix. — Poſt perfectum omne opus Domini, et longam orationem Salomonis, et divina ad eum oracula facta, inter cætera refert Scriptura quod *claſſem navium fecerit rex Salomon in Aſion Gaber.* Aſion Gaber portus eſt maris Rubri, et fuit triceſima prima manſio filiorum Iſrael, quando profecti ſunt de Ægypto, ipſo etiam poſt loco claſſis Joſaphat, ut Scriptura teſtatur, vi tempeſtatis attrita eſt. Claſſes ſunt navigia maris, claſſis etiam dicta navium multitudo. Poſt hæc iterum refert Scriptura quod *venerint ſervi Hiram cum ſervis Salomonis in eiſdem navibus in Ophir, ſumptumque inde aurum quadringentorum viginti talentorum, detulerunt ad regem Salomonem in Hieruſalem.* Ophir unde, ſicut jam diximus, aurum efferebatur Salomoni, fuit unus de poſteris Heber nomine Ophir; ex cujus ſtirpe venientes a fluvio Cophene uſque ad regionem Indiæ, quæ vocatur Hieria, eos habitaſſe refert Joſephus, a quo et regio ipſa tale vocabulum eſt conſecuta. Unde et Septuaginta interpretes, derivato vocabulo, non Ophir, ſed Ophiram tranſtulerunt.

XXXII. *De regina Saba.* Cap. x. — *Sed et regina Saba, audita fama Salomonis, in nomine Domini venit tentare eum in ænigmatibus.* Sicut enim hæc regina venit a finibus terræ, id eſt India, ut quidam dicunt, audire ſapientiam Salomonis, ita venit Eccleſia poſt multa ſæcula ad Redemptorem et eruditorem ſuum, ut poſt ſtultitiam erroris, doctrinam perciperet veritatis. Hæc eſt illa regina de qua ad Dominum dicitur, *Aſtilit regina a dextris tuis in veſtitu deaurato, circumdata varietate* (Ps. XLIV); id eſt, diverſarum circumdata pretioſo decore virtutum; hæc enim omnium credentium mater eſt, quæ natos ad mortem regenerat ad ſalutem, per quam Chriſtus plus reſtituit in gratia quam perit in natura, et de Adæ tranſgreſſoris genere prolem in adoptionem divine paternitatis aſſumpſit, et de paradiso exhæredatos cælo reddidit cives. Hæc poſt Synagogam quidem vocata, ſed ante Synagogam promiſſa; hæc enim jam in primo homine præfigurata eſt: nam ſicut ex Adæ latere fabricata eſt Eva, ita ex Chriſti corpore et vulnere redempta crevit Eccleſia.

*Ingreſſa regina Saba Hieruſalem, cum multo comitatu et divitiis, cum camelis portantibus aromata, et aurum infinitum nimis, et gemmas pretioſas, venit ad Salomonem, et locuta eſt ei univerſa quæ habebat in corde ſuo.* Ergo in figura reginæ hujus Eccleſia venit ex gentibus a finibus terræ, imponens finem cupiditatibus vitiſque terrenis, audire ſapientiam Salomonis, id eſt, viri pacifici Domini noſtri Jeſu Chriſti, qui fecit utraque unum, ſolvens inimicitias inter Deum et hominem in carne ſua; venit poſt veteres et profanas ſuperſtitiones audire et diſcere de fidei illuminatione et judicio futuro, de anime immortalitate, de ſpe reſurrectionis et gloria. Venit ergo in Hieruſalem cum multo comitatu, id eſt, non jam cum una tantum gente Judæorum, ſicut prius Synagoga ſolos habuit Hebræos, ſed totius mundi gentibus diverſisque nationibus.

Venit ergo exhibens munera digna Chriſto, aurum et gemmas pretioſas; et hoc camelis portantibus aromata, id eſt, ex gentili populo venientibus, qui

A prius fuerant vitiorum ſœditate diſtorti, et malorum onere curvi, ac peccatorum pravitate deformes; cum his tamquam muneribus regina hæc ingreditur ad pacificum regem Chriſtum, exhibet ſecum fidei aurum, puritatis in ſenſu, pretioſas ſplendoris gemmas, morum videlicet inſignia ornamenta virtutum. *Ei locuta eſt ei quæ habebat in corde ſuo,* id eſt, aperuit ei cor ſuum, manifeſtavit ei occultam conſcientiam in confeſſione et poenitudine præcedentium delictorum. Videamus quid agat hæc regina.

*Videns autem regina Saba omnem ſapientiam Salomonis, et domum quam ædificavit, et cibos menſæ ejus, et holocauſta quæ offerebat in domo Domini, non habebat ultra ſpiritum.* Quid erat rationis ut præpotens regina domum, expenſas et cibos regios tantopere miraretur? Ergo hoc loco aliqua majora nos oportet inquirere. Vidit ergo Eccleſia ex gentibus congregata ſapientiam Chriſti, id eſt, poſt carnalia inſtituta gentilium, poſt humanam et animaleſ doctrinam philoſophorum, accepit intellectum ſalutis et vitæ, inſpexit ſpiritualium mirabilia bonorum, agnovit virum fabricatorem cæli et terræ, ac potentiffimum humani generis Conditorum. De cujus ſapientia dicitur: *Omnia in meſura et numero et pondere conſtituit* (Sap. xi). Vidit et domum quam ædificaverat, id eſt, incarnationem hominis, in quo habitat omnis plenitudo divinitatis corporaliter. Vidit et cibos Salomonis, videlicet illos de quibus d'cebat, *Meus cibus eſt ut faciam voluntatem Patris mei* (Joan. iv). Cibus Chriſti eſt ſalus noſtra, reficitur cœleſtibus epulis, profectibus noſtris. Cibus ejus ſummus, dum acquiſiti ab Eccleſia in membra ejus corpusque tranſimus; vel cibus ejus altaris ſacramenta cœleſtia de quibus dicitur, *Panem cæli dedit eis, panem angelorum manducabit homo* (Ps. LXXVII). Vidit et holocauſta ejus, orationem ſine dubio, ſupplicationum myſteria, et obſtupuit; ibi vidit inæſtimabiles divitias Domini ſui.

*Dixitque ad regem: Verus eſt ſermo quem audivi in terra mea ſuper ſermonibus tuis, et ſuper ſapientia tua; et non credebam narrantibus mihi, donec ipſa veniens vidi oculis meis, et probavi quod media pars nuntiata mihi non fuiſſet. Major eſt ſapientia tua et opera quam rumor quem audivi.* Cum ergo hæc ſive Eccleſia, ſive quæque anima ſancta, cum pervenerit in æternam Hieruſalem, id eſt, Viſionem pacis, et ingreſſa fuerit beatam requiem et gloriam cœleſtium promiſſorum, multo plura et magnificèntiora perſpiciet quam ei ſunt in hac vita per ſæra eloquia, per prophetas atque apoſtolos nuntiata; nunc enim tamquam in ſpeculo et in ænigmate, tunc autem oculis videbit, id eſt, facie ad faciem; cum, inquam, unaquæque anima fidelis et ſancta in illo ſæculo plena bonorum operum fructibus, divinis fuerit præſentata conſpectibus, exhibens in ſe, immenſo ſe ipſam xenium Deo ſuo proferens, digna cælo et valitura cœlum multiplicia monera, gemmas miſericordiæ, juſtitiae margaritas, diverſorum ornamenta meritorum, id eſt, aromata compunctionis, et ſuaſolentis balſama caſtitatis, prælerens, ſicut dixi, aurum infinitum nimis, id eſt, integrum in ſe reſignans ut inæſtimabile pretium Redemptori, ſpiritibus cordis et corporis oblationibus placitura, ut poſſit cœleſtium mirabilibus inſerta, vocem prophetiæ exultationis aſſumere, *Introibo in domum tuam cum holocauſtis* (Ps. LXXV); tunc beata et illuſtris anima inter ſtupendas Remuneratoris ſui conſtituta divitias, ineffabilibus reginæ hujus verbis uti ad Deum poterit, dicens: *Verus eſt ſermo quem audivi in terra mea ſuper ſermonibus tuis; majora ſunt opera tua quam rumor quem audivi.* Hoc eſt dicere: O Domine, de tribulationibus meis magna quidem ſperare præſumpſi, ſed majorem percepi veniam manifeſtam quam cerno, dulcedinis magnitudine cogitationis meæ ſenſum exſuperat remunerationis præmium. Et revera id quod parat Deus diligentibus ſe fide non comprehenditur, ſpe non attingitur, charitate non



capitur, desideria et vota transgreditur, acquiri potest, aestimari non potest. Videbit homo merita sua inuspabili retributionum largitate succrescere, habebit de perceptione fructum, non habebit de satietate fastidium.

XXXIII. *De throno Salomonis, et auri copia.* Cap. x. — *Fecit etiam rex Salomon thronum de ebore grandem, et vestivit eum auro fulvo nimis, qui habebat sex gradus, et summitas throni rotunda erat in parte posteriori.* Thronus eburneus æterni iudicii potestatem, auro divinitatis fulgentem, quam Dominicus homo a Patre accepit, figuram gestasse non dubium est. Sex gradus hujus throni omnem creaturam visibilem et invisibilem, quæ sex diebus facta est, et Christo Domino a Patre subjecti, typice demonstrabant. Quod autem ipse thronus in posteriore sui parte rotundus esse describitur, hoc præcudubio datur intelligi, quia præsens mundus qui per metas temporum volvitur, in sua extremitate a Domino sit iudicandus. At vero duodecim leunculi per sex gradus bini stantes, sanctorum apostolorum lineabant potestatem, quibus dictum est a Domino: *Sedebitis super duodecim thronos judicantes duodecim tribus Israel* (Matth. xix). Post aliquanta iterum refert Scriptura quod fecit Salomon:

Quod tanta esset abundantia argenti in Hierusalem, quanta lapidum. Hæc locutio tropica, non propria est. Tale est hoc quale in Genesi legimus, ubi dixit Deus ad Abraham, *Faciam semen tuum quasi pulverem terræ* (Gen. xiii), quod ea locutione dictum est, quam Græci vocant hyperbolem, quæ utique tropica, non propria est, quo tamen modo ut cæteris tropis uti solere Scripturam, nullus qui eam didicit ambigit. Iste autem tropus, id est, modus locutionis, sit quando id quod dicitur longe est minus quam quod eo dicto significatur. Quis enim non videat quam erat incomparabiliter amplior lapidum numerus quam argenti pondus in civitate Hierusalem?

XXXIV. *De casu Salomonis.* Cap. xi. — *Rex autem Salomon amavit mulieres alienigenas multas, filiam quoque Pharaonis, et Moabitidas, et Ammonitidas, Idumæas, et Sidonias, et Cethæas de gentibus, super quibus dixit Dominus filiis Israel: Non ingrediamini ad eas, neque de illis ingredientur ad vos; certissime enim avertent corda vestra, ut sequamini deos earum. His itaque copulatus est Salomon ardentissimo amore, fueruntque ei uxores quasi reginæ septingentæ et concubinæ trecentæ; et averterunt mulieres cor ejus.* Admonendi sunt quibus hoc sæculum prosperatur, qui nullis adversitatibus hujus mundi feriuntur, quod Salomon post acceptam sapientiam usque ad idololatriam cecidisse describitur, quia nihil in hoc mundo, priusquam caderet, adversitatis habuisse memoratur; sed concessa sapientia eum funditus deseruit, eo quod eum nulla saltem minima tribulationis disciplina custodivit, nisi postquam Deum deseruit, et se a Deo desertum esse cognovit. Jam vero de cæteris operibus ejus quæ dicit, eum vehementer arguit Scriptura sancta atque condemnat, et nihil de poenitentia ejus vel in eum indulgentia Dei omnino commemorat. Nec prorsus occurrit quid posteriora ejus male gesta, quid saltem in allegoria boni aliquid significet hæc flenda ejus submersio, nisi forte quis dicat mulieres alienigenas quarum amore deceptus est, significasse electas Ecclesias de gentibus; pos-

A set enim fortasse hoc non absurde intelligi, si illæ propter Salomonem desererent deos suos, et colerent Deum ejus; cum vero ipse propter illas offendit Deum suum, et coluit deos earum, non est quid inde boni conjici possit, nec tamen nihil arbitrandum est boni aliquid significare potuisse, sed malum; apparet enim in persona hujus Salomonis mira excellentia et subversio terribilis. Quod igitur in illo diversis temporibus exstitit prius bonum et posterius malum, hoc in Ecclesia in isto adhuc sæculo simul et uno tempore ostenditur; nam bono illius bonos Ecclesiæ, malo autem illius malos Ecclesiæ significatos puto, tamquam in unitate aræ: sic in illo uno homine bonos in granis, malos in paleis, aut certe in unitate unius segetis, bonos in tritico, malos in zizania.

Factum est igitur in tempore illo, ut Jeroboam egrederetur Hierusalem, et inveniret eum Ahias Selonites propheta in via, opertus pallio novo. Erant autem duo tantum in agro. Apprehendensque Ahias pallium suum novum, quo opertus erat, scidit in duodecim partes, et ait ad Jeroboam: *Tolle tibi decem scissuras; hæc enim dicit Dominus Deus Israel: Ecce ego scindam regnum de manu Salomonis, et dabo tibi decem tribus: porro una tribus remanebit ei propter servum meum David, et alia tribus propter Hierusalem quam elegi ex omnibus tribubus Israel.* Illud vero quod post mortem Salomonis decem tribus a templo separatæ sunt, et dære relictæ, satis indicat quod de tota ipsa gente Apostolus ait: *Reliquiæ per electionem salvæ factæ sunt* (Rom. xi). Quod vero unitas pallii prophetæ in duodecim partes scissa est, ex quibus scissuris Jeroboam decem accepit, hoc figurasse videtur, quod concordia Ecclesiæ ab hæreticis conceissa, ipsi magistri erroris a quibus unitas divisa est, plebem deceptam quam suo errore a catholicis dividunt, tyrannice sibi subditam detinent. Post multa alia refert Scriptura, et dicit: *Reliqua autem verborum Salomonis, et omnia quæ fecit, et sapientia ejus, ecce universa scripta sunt in libro Verborum Salomonis.* In libro vero Paralipomenon, quem Græco vocabulo taliter nuncupamus, quem nos Latine Præteritorum possumus dicere, ita de Salomone scriptum est: *Reliqua vero operum Salomonis priorum et novissimorum scripta sunt in verbis Nathan prophetæ, et in libris Achiz Selonitis, in visione quoque Addo videntis contra Jeroboam* (II Par. ix). Hos libros hodie nusquam, neque apud ipsos Hebræos inveniri posse asseverant, sicut nec librum Bellorum Domini, cujus in libro Numerorum mentio est, neque librum Justorum, neque carmina Salomonis, neque disputationes ejus sapientissimas de lignorum natura herbarumque omnium, itemque jumentorum, voluerum, reptilium et piscium; vel quod jam ex libro Dierum protulimus, ubi dicit: *Reliqua vero opera Salomonis priorum et novissimorum scripta sunt in verbis Nathan prophetæ, et in libris Achiz Selonitis, in visione quoque Addo videntis contra Jeroboam Nabath; et multa hujusmodi volumina, quæ Scriptura quidem probat, sed hodie constat non esse; vastata namque a Chaldæis Judæa, etiam bibliotheca antiquitus congregata inter alias provinciarum opes hostili igne consumpta est, ex qua pauci qui nunc in sancta Scriptura continentur libri, postmodum Esdræ pontificis et prophetæ sunt industria restaurati.*

## LIBER QUARTUS.

Post divisionem regni Israel inter Roboam et Jeroboam, postquam recessit Israel a domo David, sequitur Scriptura et dicit:

1. *De propheta a pseudopropheta decepto.* — *Factum est autem cum audisset omnis Israel, quod reversus esset Jeroboam, miserunt et vocaverunt eum, congregato-*

*que cælu constituerunt eum regem super Israel.* Non est itaque dubitandum voluntati Dei, qui in cælo et in terra omnia quæcumque voluit fecit, et qui etiam illa quæ futura sunt fecit, humanas voluntates non posse resistere, quominus faciat ipse quod vult, quandoquidem etiam de ipsis hominum voluntati-



bus, quod vult, et cum vult facit; nisi forte, ut ex multis ista de Jeroboam sufficiant, quando Deus voluit ei propter peccatum Salomonis regnum dare, sic erat in potestate Israelitarum subdere se memorato regi, sive non subdere, quod utique in eorum positum erat voluntate, ut etiam Deo valerent resistere; qui tamen hoc nisi per ipsorum hominum voluntates facere noluit, sine dubio habens humanorum, quo placeret, animorum inclinandorum potestatem. Sic ergo cum voluerit reges in terra Deus constituere, magis habet in potestate voluntates hominum, quam ipsi suas voluntates. Deinde refert Scriptura quod venit propheta de Juda in Bethel, ad Jeroboam regem sacrilegum, oburgare eum propter sacrilegia idolorum quæ fecerat, unde avertit filios Israel a Domino Deo patrum suorum, jussusque est ibi non manducare neque bibere; qui pro eo quod deceptus est a pseudopropheta, et inobediens fuit verbo Domini, a leone in via interemptus est (III Reg. xiii). Equidem homo cujuslibet sit meriti, si Conditoris sui protectione deseratur, quæ nimirum protectio minus necessaria creditur, si semper habeatur, sed utiliter plerumque subtrahitur, ut sibi metipsi homo, quia sine illa nihil sit ostendatur. Manus ergo Domini aliquando nos nobis per adversa insinuat, quæ etiam nescientes nos in prosperis portat: qua destituti dum cadere incipimus, et tamen adjuti retinemur, et doctrina sit quod in lapsu trepidavimus, et custodia quod in statu permaneamus. Nemo ergo se alicujus virtutis aestimet, etiam cum quid fortiter poterit, quia si divina protectio deserat, ibi repente enerviter obruitur, ubi se valenter stare gloriatur; quid est enim quod vir Dei contra altare Samariæ ad prophetandum directus, præsentem rege auctoritatem liberæ vocis exercuit, ejusdemque regis extensum brachium in rigorem mirabiliter astrinxit, quod tamen mox misericorditer saluti restituit, ejus in domum invitatus comedere noluit, quia ne in via comederet, prohibitionis Dominicæ præcepta servavit, qui tamen in eadem via et seductus comedit, et pastus interiit. Qua in re quid subtili consideratione colligimus, quid, ut ita dixerim, formidandum suspicamur, nisi quod forsitan apud semetipsum tacitus, et pro præceptis Dominicis regem se contempsisse gloriatus, ab interna mox soliditate quassatus est, et inde ei in opere culpa subripuit, unde gloria in corde subrepsit; unde prophetæ falsis verbis deceptus diceret, quia nequam propriæ fortitudinis fuerit, quod ad regis verba restitisset. Bene autem ex ejus ore mortis sententiam accepit, cujus seductione a vitæ præcepto deviauit, ut inde poenam veraciter assumeret, unde culpam negligenter admisisset. Sequitur:

*Hæc dicit Dominus: Quia inobediens fuisti ori Domini, et non custodisti mandatum quod præcepit tibi Dominus Deus tuus, et reversus es, et comedisti panem, et bibisti aquam in loco in quo præcepi tibi ne comederes panem neque biberes aquam, non inseretur cadaver tuum in sepulcro patrum tuorum, et reliqua. Quanti hæc poena pendenda sit, si secundum Evangelium cogitemus, ubi post corpus occisum, nihil metuentum esse didicimus, ne membra exanimata patiantur, nec poena dicenda est. Si autem humanum erga suam carnem consideremus affectum, potuit inde terreri vel contristari vivus, quod sensurus non erat poena, quoniam dolebat animus id de suo corpore futurum, quamvis cum fieret non doleret; hactenus enim voluit Dominus servum suum plectere, qui non sua contumacia spreverat præceptum implere, sed aliena decipiente fallacia obedire se credidit, quando non obediit; neque enim putandum est ita fuisse interemptum morsu bestię, ut ad supplicium tartareum ejus deinde anima raperetur, quandoquidem ipsum ejus corpus ideo leo qui occiderat custodivit, jumento etiam quo vehebatur illæso, et simul cum illa immani fera intrepida præsentia ad Domini sui funus astante; quo mirabili signo apparet hominem Dei coercitum potius temporaliter usque ad mortem,*

quam punitum esse post mortem. De qua re Apostolus cum propter quorundam offensas commemorasset infirmitates quoque multorum: Si enim, inquit, nos ipsos judicavimus, a Domino non judicamur; cum judicamur autem a Domino, corripimur, ne cum hoc mundo damnemur (I Cor. xi). Eum sane ipse qui deceperat, in monumento proprio satis honorifice sepelivit, seque sepeliendum juxta ejus ossa curavit: ita sperans parci posse ossibus suis cum veniret tempus quando, secundum illius hominis Dei prophetiam, Josias rex Juda in illa terra multorum eruit ossa mortuorum, eisdemque ossibus tum sacrilega altaria, quæ sculptilibus constituta fuerant, funestavit: pepercit quippe illi monumento, ubi jacebat propheta, qui ante annos amplius quam trecentos ipsa prædixerat, et propter ipsum nec illius qui eum seduxerat, sepultura violata est. Affectu namque illo quo nemo unquam carnem suam odio habet, providerat cadaveri suo qui occiderat mendacio animam suam. Ex hoc igitur quod quisque carnem suam naturaliter diligit, et illi poena luit addiscere, non eum futurum in sepulcro patrum suorum, et huic cura prospicere, ut parceretur ossibus suis, si juxta eum jaceret, cujus sepulcrum nemo violaret. Hunc affectum Christi martyres certantes pro veritate vicere; nec mirum quod contempserunt quod non fuerant peracta morte sensuri, qui non potuerunt eis, quos viventes sentiebant, cruciatibus vinci, poterat utique Deus qui leonem prophete corpus, quod ipse occiderat, ulterius non permisit attingere, et fecit de peremptore custodem; poterat, inquam, a suorum interfectis corporibus canes quibus fuerant projecta prohibere; poterat et ipsorum hominum innumerabilibus modis terrere sævitiam, ne cadavera incendere, nec in aera dispergere auderent; sed hoc quoque experimentum multiplici varietati tentationum deesse non debuit, ne fortitudo confessionis, quæ immanitati persecutionis pro corporis salute non cederet, sepulcri honore trepidaret, postremo ne fides resurrectionis consumptionem corporum formidaret.

Debuerunt ergo et ista permitti, ut etiam post hæc tanti horroris exempla martyres in Christi confessione ferventes, et hujus quoque testes fierent veritatis, in qua didicerant eos a quibus sua corpora interficerentur, postea nihil habere quod facerent, utique nihil facerent, quando in carne omni vita carente, nec aliquid sentire posset qui inde migravit, nec aliquid inde perdere qui creavit.

II. De impiissimo rege Achab. III Reg. xvi. — Præmissa multa libri Regum historia ad Achab sceleratissimi regis et sacrilegæ uxoris ejus Jezabel tempora cursim tendimus, ut de virtutibus sanctorum prophetarum Eliæ atque Elisæi saltem tenuiter aliquid disseramus.

Interea refert Scriptura quod Achab filius Zambri, mortuo patre, super Israel regnaverit in Samaria viginti et duobus annis, feceritque malum in conspectu Domini super omnes qui fuerunt ante eum; nec satis fuit ei ut ambularet in peccatis Jeroboam filii Nabath, insuper duxit uxorem filiam Etahabel regis Sidoniorum, abiitque et servivit Baal in templo quod ædificaverat in Samaria, et plantavit illic lucum, et addidit Achab in opere suo irritare Dominum Deum Israel. . . . .

Lucus locus est silvestris spissus, dictus ab eo quod parum luceat, multis vestitus arboribus, locus amoenus, ubi multæ arbores sunt; dictus lucus per antiphrasim, quia caret luce præ nimia nemorum umbra, densis arboribus septus, solis lucem declinans. Potest et a collucendo crebris luminibus dici quæ ibi propter religionem gentilium cultumque fiebant. Solebant autem pagani in lucis dæmones consulere, et responsa ab illis non signis, sed vocibus accipiebant; unde et a fando fana sunt appellata; cum enim in diebus Eliæ, scisso jam in duas partes populo Judæorum, Achab per successionem regni Israelitarum apicem obtineret, Jezabel externæ le-



minam gentis et profane mentis duxit uxorem, cujus cura et instantia idolorum profecerat cultus, ut ad sacrilegum ritum rex pariter traduceretur et populus. Grassabatur in injuriam Dei diabolus antiquæ artifex tyrannidis, multimodam Dei religionem destruere satagens; grassabatur in corde mulieris, cujus instinctu divina lex et ejus sacerdotium spernebatur, occidebantur prophetae, et altaria tollebantur. Stupebant omnia, et tantum commissum facinus perhererebant; mundum dico in omnibus tabescentem, quod membris speciebusque suis nomen Creatoris ascriberet error humanus. Sed quæris forte ut tibi probetur utrum peccantibus hominibus metuant elementa. Audi Jeremiam magnificum prophetam, divino ore clamantem: *Expavit, inquit, cælum in istum, et terra commota est, quia duo mala fecit populus meus: me dereliquerunt fontem aquæ vivæ, et foderunt sibi lucus contritos, qui non possunt aquam continere (Jerem. ii).* Turbata ergo erant elementa, turbata non officio, sed affectu, quod unicum, ut dixi, nomen deitatis hominum eis error imponeret, famulatumque debitu Conditori cæca devotione præberet. Erat hic Elias medius in tanto discrimine animarum; erat medius in ipso mundi naufragio: quod non aquarum inundatio, sed pœnalis et cæca diaboli æmulatio invexerat orbi terrarum; solus enim hic, latentibus cæteris, velut lucerna ardens offerebat se his quos videbat profundæ noctis mersos caligine, nunc monendo, nunc arguendo, nunc curando, nunc etiam comminando; sed nec lumen cæco, nec surdo prodest inferri sermonem. Crescebat in dies singulos error infaustus, et omnem creaturam mortis umbra contexerat; ad omnem formam omnemque speciem inclinabatur miserum hominum genus; quid enim de sole, luna ac stellis, de terra ac mari, principalibus dicam et clarissimis elementis? Cunctis animantibus, volatilibus, quadrupedibus et reptilibus, muscis quoque et vermibus, æterni et singularis Dei prosternebatur imago. Quemadmodum igitur ferret illa mens tota pietatis et fidei, Eliæ dico prophetæ, tantam ruinam tantamque perniciem animarum? Jacebat populi illius corpus regio morbo constrictum, et velut exanime jam et sine sensu disceptis membris, et per rupes et scopulos, per nemora lucosque jactatis, nullas in se divinæ imaginis reliquias possidebat. Nullum huic poculum, nullum medicamenti genus proderat, si daretur, quia membra, si quid apponeret, propellerant; ferro erat utendum, vulnus cruore sanandum, cauterio violento curandum; consequenter tamen ut creverat, a capite, inquit Isaias, usque ad pedes.

*In diebus autem regni Achab ædificavit Achiel de Bethel Hiericho; in Abiram primogenito suo fundavit eam, et in Segub novissimo suo posuit portas ejus (Isa. lvi).* Patet sensus, quia cum præfatæ conditor urbis fundamenta illius ponere inciperet, primogenitus ejus, qui vocabatur Abiram, mortuus est; et cum, urbe ædificata, portas munire tentaret, novissimum filiorum suorum cognomento Segub amisit. Quod ita futurum Josue, cum eam destructam anathemati traderet, impreando prædixit, *Maledictus, inquit, vir coram Domino, qui suscitaverit et ædificaverit civitatem Hiericho. In primogenito suo fundamenta illius jaciatur, et in novissimo liberorum ponat portas ejus (Jos. vi).* Quia vero Achiel Vivens Deo, Bethel interpretatur Domus Dei, Achiel de Bethel destructa a Josue, atque anathematizata Hiericho mœnia restaurat, cum quis eorum qui in Ecclesia habitum religionis assumpserant, ad agenda scelera quæ ei Dominus Jesus in die baptismatis donaverat, redit, quasque ipse anathematizaverat diaboli pompas, luxuriose vivendo repetit, et errorum dogmata, vel gentilium fabulas veritati ecclesiasticæ, qua imbutus est, antepont, quasi de Bethel egrediens, ruinas Hiericho resuscitat; meritoque talis coram Domino maledictus, et primum filiorum in fundatione nefariæ civitatis, et novissimum in portarum positione amittit, quia et fundamenta fidei, a quibus bona ædificia

A inchoare, et claustra bonæ actionis, quibus perfici debuerat, perdidit. Hæc et allegorico sensu exposui, ut reminiscaris quia verus sit Apostoli sermo, qui dicit, *Quia omnia in figura contingebant illis, scripta sunt autem propter nos (I Cor. x).* Sequitur:

*Dixitque Elias Tespites de habitatoribus Galaad ad Ahab, Vivit Dominus Deus Israel, in cujus conspectu sto.* Sciendum est quod duobus modis in conspectum Domini venimus, uno quidem quo hic peccata nostra subtiliter perpendentes, in ejus nos conspectu ponimus, et flendo judicamus; alio vero modo in conspectum Domini venimus, cum in extremo judicio ante tribunal ejus assistimus; nam quoties Conditoris nostri potentiam ad sensum reducimus, toties in conspectu illius stamus. Unde recte nunc per virum Dei Eliam dicitur: *Vivit Dominus Deus Israel, in cujus conspectu sto.* Qui jam non, ut solebat, lenis ac mitis, sed immitis ac severus accedit ad ipsum corporis caput, accedit ad regem Achab, et dicit ei: *Vivit Dominus, Deus virtutum, Deus Israel, in cujus conspectu sto, si fuerit pluvia aut ros in his annis, nisi in oris mei sermone.* Magna vis prophetiæ dignitatis, humanus sermo est, divinus effectus. In terris homo loquitur, et imperio ejus cælestes obediunt potestates. Commovit omnem creaturam unus sermo prophete, et miro modo humi sonans æra cœlumque concussit, turbatus est humani ministerii ordo, et a sæculis instituta elementorum harmonia contabuit, cum siccum humidum, calido frigidum negaretur; sed elementa pœnam suam læta suscipiunt, dummodo vel in salute hominum, vel in honore proficiat Conditoris. Jubetur Elias secedere ac latere; ab avibus cœlitas ei cibus ministratur; siccatus deinde torrens, pocula deficiunt; procedens enim, velut ignis, sententia ipsa quodammodo terræ vitalia penetravit, confestimque omnia arefecit; nulla agrorum grata, pratorum nulla venustas, ripæ quoque virgultis quondam florentibus prætextæ squalore turpissimo fatiscebant, cum fontes aquis, flumina cursibus privarentur. Migrat inde propheta, et ex Dei præcepto transit ad præparata cellaria, totiusque afflictionis oblitus de se cogitat solo; non commovetur humanitate, nec ulla flectitur pietate; non respicit ad ipsa jura naturæ, non parvulum sub siccò ubere matris exhalantem; senum ac juvenum profunda inedia nece defessa, non jam corpora, sed cadavera, turbido præterit vultu; non exoranti colono, non supplicanti respondet agricolæ, sed crudelior feris, et belluis effectus immanior, omne humanum despicit genus.

III. De pastu Eliæ a corvis. III Reg. xvii. — *Et factum est verbum Domini ad Eliam dicens: Recede hinc, et vade contra Orientem, et abscondere in torrente Charith, qui est contra Jordanem, et ibi de torrente bibes, corvisque præcepi ut pascant te ibi. Abiit ergo et fecit juxta verbum Domini. Corvi quoque deferebant ei panes et carnes mane, similiter panes et carnes vespere, et bibit de torrente. Post dies autem siccatus est torrens, non enim pluerat super terram. Elias igitur recte Dei filio assimilatus est, cui et auctoritas et nomen veridice congruit. Elias enim Deus meus interpretatur, quod nomen substantialiter Dei Filio inest, auctoritatem videlicet sibi faciendi quod velit originaliter vindicans, quoniam omnia quæ sunt Patris, sua quoque testatus est esse. Tespites autem, Captivans sive Convertens interpretatur. De Domino enim Psalmista ait, *Ascendens in altum, captivam duxit captivitatem (Ps. lxxvii); et iterum: Convertite, Domine, captivitatem nostram, sicut torrens in austro (Ps. cxxv).* Ac ne forsitan moveat quempiam quod Eliam Dei comparaverim Filio, legat Epistolam ad Hebræos, et id Apostolum protulisse reperiet, dicens quodammodo: *Hic Melchisedech assimilatus Filio Dei; permanet pontifex in æternum, sine patre, inquit, sine matre, sine genealogia, neque initium dierum habens, neque finem (Heb. vii);* quod utique nulli homini nisi Dei Filio soli congruere poterit, qui ex quo vel unde originem trahat, Scriptura nequaquam in-*



dicat. Idipsum etiam et de Elia Scriptura testatur, A cum subito nomen illius introducit, et ex qua tribu vel familia ortus sit minime profertur. Torrens Charith, qui interpretatur Divisio, sive Concisio, Judaico populo congruere certissimum est. Qui populus torrenti merito comparatur, quia quod ad observandum per legem ei divinitus fuerat traditum, opportuno tempore incarnationis Dominicæ finiendum erat, quando umbræ et imagines legis expletæ noscuntur. Pascitur deinde Elias tempore famis a corvis, mane afferentibus panem, et ad vespem carnes; et Manichæi intelligunt in illis libris Christum, cui quodammodo salutem nostram esurienti confitentur peccatores, fidei primitias nunc habentes, in fine autem velut ad vespem sæculi etiam carnis resurrectionem percipientes. Potest et per panem et carnem, quæ mane et vespere corvos Eliæ attulisse Scriptura pronuntiat, intelligi: in panibus opera pietatis, quæ in peregrinis et indigentibus sibi testatus est Dominus dari; in carnibus autem castigatio intelligenda est corporis sive cruciatus, quos pro divino amore vel cultu omnes sancti sibi intulisse, vel a persecutoribus pertulisse mane et vespere, id est, sub veteri Testamento et evangelica prædicatione leguntur.

IV. *Pascitur Elias a muliere Sareptana, cujus hy-dria farinæ et lecythus olei non minuuntur.* III Reg. xvii. — *Postquam vero exsiccatus est torrens, dicitur Eliæ a Domino: Surge et vade in Sareptam Sidoniorum, et manebis ibi, præcepi enim ibi mulieri ut pascat te. Surrexit et abiit in Sareptam; cumque venisset ad portam civitatis, apparuit ei mulier vidua, colligans ligna, et vocavit eam, dixitque ei: Da mihi pauxillum aquæ in vase, ut bibam. Cumque illa pergeret ut afferret, clamavit post tergum ejus dicens: Affer mihi et buccellam panis, obsecro, in manu tua. Quæ respondit, Vivit Dominus et vivit anima tua, quia non habeo panem, nisi quantum pugillus capere potest farinæ in hydria, et pauxillum olei in lecytho. Et colligo duo ligna, ut ingrediar, et faciam illud mihi et filio meo, ut comedamus et moriamur. Ad quam Elias ait, Noli timere, sed vade et fac sicut dixisti. Veruntamen mihi primum fac de ipsa farinula subcineritium panem parvulum, et affer ad me; tibi autem et filio tuo facies postea. Hæc autem dicit Dominus Deus Israel, Hydria farinæ non deficiet, nec lecythus olei minuetur, usque ad diem qua daturus est Dominus pluviam super faciem terræ. Quæ abiit et fecit juxta verbum Eliæ, et comedit ipse et illa et filius ejus. Et ex illa die hydria farinæ non defecit, et lecythus olei non est imminutus, juxta verbum Domini quod locutus fuerat in manu Eliæ. Ut interim omittam quid intrinsecus lateat sacramenti, quod de terra Israel ad Sidoniam mittitur regionem, unde caput omnium et causa malorum Jezabel orta fuit, illud breviter perstringatur, quod pergit ad viduam penuria laborantem, et in ipso vitæ mortisque confinio destitutam, quæ exierat ut ligna colligeret, et tam sibi quam parvulo extremam victus substantiam procuraret. At Elias videt mulierem inediæ squalore confectam; non movetur, non cunctatur, non revocat pedem, sed ingerit se et immergit, fitque ei ipse gravior fame, et dicit ad eam: Da mihi parum aquæ ut bibam. O si tibi, beate homo, vidua respondisset, et justa te voce repellens diceret: Quid petis a me quod omnibus abstulisti, quid quæris a muliere quod mundo negasti? Hæc omnium necessitas et penuria, oris tui auctoritate prolata est; ego a te refici, ego a te debeo satiari, tu venis ad me! Sed nullo horum mulier, nec corde nec ore usa sermone est, mox devota mens et evangelicæ non indigna mercedis, frigidæ aquæ poculum prophetæ defert sitienti. Addit quoque Elias et dicit, Affer mihi etiam buccellam panis in manu. At illa, Vivit Dominus Deus tuus si est mihi panis, nisi manus plena farinæ in hydria; et colligo duo ligna, ut ingrediar, et faciam illud mihi et filio meo, et manducabimus, et moriemur. Sed quid ad hæc Elias? Confide, inquit, et intra, et fac secundum verbum tuum; sed prius fac mihi*

inde subcineritium. tibi autem et filio tuo facies postea. O magnificum mulieris animum, o immutabile mentis propositum, o vere venerabile per sæcula factum! Poculum petit, mox offert; et quod regibus jam forsitan deerat, quod divites non habebant, hoc vidua ex abundantia erogabat. Pascit pane, quæ cum filio die postero erat moritura, nec habere se negat, sed fatetur simpliciter, nec metuit prodere veritatem; et non tam postulanti quam quodammodo exgenti omnem causam pandit in medium; quantitatem victus, et numerum personarum, ut non tam hospitem velit habere quam judicem. Non dixit, Non possum facere quod jubes; nec ait, Considera viduam, non tam de se quam de filio talescentem; considera parvulorum chorum, nec me illis auferas, nec matrem patiaris tanta orbatam prole derelinqui. Non ait: Tu es utique qui orbem terræ famis sententiæ condemnasti, te omne hominum genus irascente depertiit; deinde transisti patriam, terram pene omnem gentis tuæ et provinciam peragrasti; nusquam tibi dives occurrit, nusquam locuples obviavit, qui esurientem susciperet et reficeret jejunantem. Ego tibi sola occurrere, aut ego jam sola remanere, quæ præter penuriæ egestatem etiam mole opprimor filiorum, quæ tantam natorum plebem plaga ipsa patior graviolem. Exeo domum, non ut spicas colligam, sed ligna; non ut alimoniam deferam, sed fomenta, et quos a fame liberare non possum, conor saltem a frigore defendere. Certe quia tam crudelis, ut non consideres quid injungas, illo sane contentus esse debueras, ut nobiscum ederes pariter quod remansit; vel prius sineres parvulos satiari, tunc tibi quod remansit offerri; sed singulariter tibi præcipis fieri cibos; et non solum singulariter, sed te vis primitus satiari; nulla te miserorum convenit cura, nec te ipsa naturæ religio interpellat, parvulis et lactentibus extremum de ipsis dentibus auferre vis cibum. Sed illa horum nihil aut egit aut dixit, quinimmo intrepida currit, et imperata consummat. Erat in illo tempore spectaculum angelis hominibusque gratissimum, quod inter gentes terra profana, vidua mulier jam tunc esset filia Abrahæ, multo hospitalior ipso parente, multo humanior fidei genitore. Erat quidem Abraham hospitalis, et erga peregrinos magno detentus affectu; sed erat vere opulens, erat dives; aderat ei posse quod vellet, quia nec minor erat animus quam facultas, nec census animum superabat. Hæc vero quæ non solum marito, sed et facultatibus viduata, non solum natalibus tenuis, sed et temporis malo constricta, ad tantam devenerat pauperatē, ut in domo nihil nisi quod augeret famem possidere potuerit, scilicet parvulorum turbam, ipsa inedia graviolem; sed in his omnibus mais, liberalis animus devotus perstabat; pergit, et, ut præceperat homo Dei, fideliter complet, suscipit prophetam et recipit. Quo ergo ore, quibus vocibus hanc feminam laudem, nihil mihi dignum occurrit quod tantæ virtutis animum valeat exæquare; considero enim quemadmodum studio humanitatis omnem vim despexit naturalis affectus, non de se, non de parvulis: nihil eam a mentis proposito revocaverit, nec proprii sexus infirmitas, nec materna erga parvulos viscera pietatis. Occidit in se naturæ officia hospitalitatis intuitu, et effectus est devotus erga hospitem matris animus, filiorum crudele sepulcrum: quantum enim spectat ad illam, mortui sunt parvuli, et genitricis quodammodo manibus strangulati atque sepulti, quantum autem ad Dei misericordiam, non mortui vere sunt, nec fame vel inedia consumpti, quia soli, cæteris pereuntibus, convalescunt. Confestim siquidem et propheta fidem divinam mercede remunerans ait, Vivit Dominus, quia hydria farinæ tuæ non deficiet, et vas olei non imminuetur. Facta est igitur manus viduæ perenne torcular, et mola jugiter fundens. Ecquid dico mulieris manum? In verbo prophetæ tota domus viduæ piorum cellarium facta est, non ibi ros, non pluvia, non ve-



ris aura, non calidi soles, non nimbus necessarius, non aratrum, non agricola, non colonus, sed omnia et in omnibus sermo prophetæ affatim viduæ ministrabat. Sciendum tamen quod in Septuaginta interpretibus hæc vidua non unum tantum filium, sed plures habuisse narratur. Mulier vero quæ fuisse scribitur in Sarepta, Ecclesiæ typum gestabat, quæ a suo diutius Conditore deserta, populum rectæ fidei nescivit; egena stipe nutrebat, id est, verbum fructus experte docebat, donec adveniret sermo propheticus, qui exsiccatu veltre Israelis, utpote clausa janua cœli, fame periclitabatur in Judæa: quæ ob hoc dicta est vidua, quia utpote gentilis necdum fuerat divino cultui mancipata, nec sacram legis habebat notitiam. Sarepta autem civitas, quæ interpretatur Incendium, sive Tribulatio panis, vel panis Angustia, præsens accipiendus est mundus, in quo incendium pessimæ conflurat cupiditatis, ubi rebus supervacuis acquirendis quasi aucupandi cura impendebatur, ubi dire satis incendium panisque spiritualis antea fiebat angustia. Ergo, ut de Elia Scriptura pronuntiat, Dominus noster ad nationum Ecclesiam veniens, et eam extra portam civitatis, patrio videlicet in errore repiens, non eam signis et mirabilibus maximisque portentis, ut Israeli fecerat, ad confessionem sui nominis provocavit, sed verbo eidem tantummodo imperavit, dicens, *Da miki paululum aquæ in vase ut bibam, et buccellam panis in manu tua*; aqua enim in vase fides accipienda est cordis, qua creditur ad justitiam; buccella vero panis in manu, misericordiæ intelligendum est opus; fides quoque et opera vinculo sibi quodam indissolubili connectuntur; ubi enim una defuerit, altera penitus non stabit: quia, ut Jacobus apostolus ait, *Fides sine operibus mortua est* (Jac. ii), et opera sine fide inania redduntur et frivola. Ecclesia ergo in typo illius mulieris viduæ, juxta Domini præceptum ad afferendum eidem aquam pergendo, quodam modo fidem sui cordis præparatam ostendit Domino. Panem sibi confitetur necdum fuisse, condigna videlicet opera divinæ culturæ, sed modicum se testatur habere farinæ in hydria, et paululum olei in lecytho. Pugillum farinæ in hydria naturalem indicat legem, quæ divina largitione humanæ naturæ insita est, per quam discernitur bonum vel malum, et ut quod sibi quisquam fieri non vult, ipse non faciat. Paululum olei in lecytho rationalis accipiendus est intellectus, per quem creatura intelligit Creatorem, et piis operibus eidem placere studet; quæ idcirco se dixit parum habere, quia necdum per baptismi sacramentum spiritualis gratiæ acceperat donum. Ibi tamen farina oleumque ore prophetico benedicuntur, id est, fructus et hilaritas charitatis, sive gratia corporis Dominici, et chrismatis unctio, ineffectivo verbi cœlestis munere fecundatur; cujus hactenus in vasis oleum gaudii spiritualis et benedictionis farina non deficit, cæteris, quæ non credunt, gentibus inopiæ panis divini, miseræ et venatui deditis inutili. Quod autem ait duo se ligna colligere, ex quibus modicum farinæ coqueret quod habebat, et cum filiis suis comedens, mortis exitium expectaret, ita accipiendum est: In duobus lignis, non solum ligni nomine, sed etiam numero lignorum crucis mysterium præsignabat, per quam sibi et filiis suis, id est, populo, qui Christo fuerat crediturus, panem vitæ perpetuæ dari credebatur, præteritis peccatis per lavacrum baptismi mori, illo videlicet genere quo Dominus in Evangelio prædicavit, *Beati qui non viderunt et crediderunt* (Joan. xx). Per panem vero subcinericius, parvulum illud jam præfigurabat, quod in exordio fidei observare gentes per epistolam apostoli decrevisse leguntur: ut ab idololatriæ se tantummodo cultu, et a fornicatione ac suffocatis abstinerent; hæc enim quæ rudibus adhuc et feris hominibus, ab apostolis consilio sapienti indulta sunt, ad comparisonem evangelicæ prædicationis, ad quam postmodum introducti sunt, valde exigua et parva fuisse noscuntur. Quod

A autem ait, *Mihi primitus facito*, hoc voluit ad omnes credentes ex gentibus, ut non suis meritis ascriberent, quod obdurato spretoque Israele ipsi salvati sunt; sed sibi, qui ut crederent eisdem misericors extitit, quia ut dictum est ad Cain, *Non recte offert, qui non recte dividit* (Gen. iv): hoc est, qui non Deo, sed sibi omne bonum quod habet ascribit. Sive aliter: Panis subcinericius, historia accipienda est legis, quæ spiritalem intelligentiam operam continebat in littera. Per fermentatum vero panem, Evangelii intelligenda est prædicatio, quia Testamento veteri, tanquam fermentum, inserta sunt testimonia. Quod autem pascentem se pavit Elias, ita intelligendum est: universi enim fideles, licet sua fide et piis operibus Deum pascant, tamen ut hoc habeant ab illo eisdem condonantur: *Omne enim datum optimum, ut scriptum est, et omne donum perfectum desursum est, a luminum Patre descendens* (Jac. i); divina enim, metuentibus Deum, nequaquam penitus minuentur. Rursum aliter, per panem subcinericius, quem sibi verus Elias Dominus noster, nationum Ecclesiam præcipit exhibere, quid aliud accipiendum est, nisi pœnitentium satisfactio, id ipsum Psalmographo sub persona pœnitentis canente, cum dicit, *Quia cinerem sicut panem manducabam, et potum meum cum fletu temperabam* (Ps. ci)? Ilis enim satisfactionibus Dominus se pasci hortatur.

V. *Filius Sareptanæ mulieris oratione Eliæ resuscitatur.* III Reg. xvii. — *Factum est autem post verba hæc, ægrotavit filius mulieris matris familiæ, et erat languor fortissimus, ita ut non remaneret in eo halitus. Quæ dixit ad Eliam: Quid mihi et tibi, vir Dei? Ingressus es ad me, ut rememorarentur iniquitates meæ, et interficeres filium meum. Cui ait Elias: Da mihi filium tuum. Quem tollens de sinu ejus portavit in cœnaculo in quo manebat, et posuit eum super lectum suum, expanditque se et mensus est super puerum tribus vicibus, et conversa est anima pueri ad eum et revixit, depositumque de cœnaculo tradidit matri suæ et ait: Ecce filius tuus vivit. Quæ respondit: In isto cognovi quoniam vir Dei es tu, et verbum Domini in ore tuo verum est.* Quod enim dicit filium mulieris nimio languore detentum et ad mortem usque fuisse perductum, hanc intelligentiam habere dignoscitur. Post præceptum enim quis et divinam cognitionem seu evangelicam prædicationem, percepto bonorum operum gustu, pro commissis facinoribus et præteritis erroribus, ut gravissima langueat afflictione necesse est, quia, ut scriptum est, *Qui addit scientiam addit etiam pœnitentiæ salubrem dolorem* (Eccl. i) castigationeque assidua vim facit perditioni suæ, ut evadere valeat perpetuam mortem, et vitam consequatur beatitudinis sempiternæ; hoc ipsum Paulo apostolo confirmante cum dicit se non esse dignum vocari apostolum, eo quod persecutus fuerit Ecclesiam Dei et expugnaverit illam (I Cor. xv). In descensu enim fontis, originali peccato ac pristinis vitiis per baptismum qui Christo crediderit moritur, unde sublatus ad sacri altaris cœnaculum per unctionem chrismatis et invocationem Patris, ac Filii, et Spiritus sancti, communionemque corporis et sanguinis Domini vivificari manifestum est; et tunc ab omni Ecclesia, cujus mater pueri figuram gerebat, illa procedit confessio, quia Dominus Jesus verus Dei Filius est, et in gremio Patris vel dextera sit constitutus, rursusque depositus de altari, cœtui fidelium tanquam matri redditur vivus. Sive aliter, postquam enim fidelis quis pristinis vitiis per pœnitentiæ satisfactionem sua mortificaverit membra, sublatus a terrenis cupiditatibus et carnalibus desideriis per meditationem legis ac prophetarum, evangelicaque prædicatione vivificari meruerit, templumque fuerit divinum effectus, illuc intentionem animi contendit dirigere, ubi Christus est ad Patris dexteram sedens, et in carne adhuc habitans, conversationem jam nititur habere in cœlis. Sed quantumlibet homo quis ad Deum mentem contendat erigere, et per excessum



quemdam theoriæ gaudeat in supernis Christo Domino adherere, corporis tamen compellente natura cui anima iuncta, ut de supernis ad inferiora rursum retrahatur, necesse est. Quod autem dixit Eliam se super puerum expandisse, tribusque vicibus mensum fuisse, hoc ipsum explesse Dominum manifestum est, cum per legem et prophetarum vaticinia, seu propria prædicatione salutem protulit gentium populo. Superiora jam figuraliter exposita verba Eliæ de vidua, multo aliter apud antiquas translationes reperiuntur, in quibus Elias Domino supplicat, dicens, O Domine testis hujus viduæ cum qua ego inhabito apud ipsam, tu male fecisti ut occideres filium ejus. Nihil in hoc dicto moveret animum, si vera pronuntiatio servaretur: vox est enim non credentis, quod tam male faceret Deus cum ea vidua, quæ tam pie prophetam suscepit, eo præsertim tempore quo ibi erat, cui protulerat illa totum victum suum tam exiguum in tam magna et summa inopia. Ita ergo dictum est ac si diceret: O Domine testis hujus viduæ cum qua ego inhabito apud ipsam, tunc male fecisti ut occideres filium ejus? Ut subintelligatur quod utique Dominus testis cordis illius mulieris videbat quanta esset pietas, unde etiam Eliam ipse ad eam miserit, nec maleficiendi causa mortificaverat filium ejus, sed exhibendi miraculi ad gloriam nominis sui, qua tantum prophetam et tunc viventibus et posteris commendaret, sicut dicit Dominus non ad mortem mortuum fuisse Lazarum, sed ut glorificetur Deus in Filio suo. Et hoc sequentia probant: ex ipsa enim fiducia quam habuit, credidit Elias non ad hoc illud contigisse, ut acerbo luctu hospita ejus affligeretur; sed potius ad hoc factum, ut Deus magnificentius ostenderet viduæ qualem Dei famulum suscepisset. Sequitur Scriptura, et dicit:

*Et insufflavit puero ter, et invocavit Dominum, et dixit, Domine Deus meus, revertatur nunc anima pueri hujus in eum. Et factum est sic.* Hæc ergo deprecatio qua petiit Elias tam breviter et tam fideliter ut resurgat puer, satis indicat quo affectu dicta sint superiora; et ipsa mulier ostendit ad hoc mortificatum fuisse filium suum, ad quod Elias factum fuisse præsumperat, cum illa verba non confirmando, sed renuendo renuntiaverat; cum enim vivum recepisset filium suum, ait: *Ecce cognovi quoniam homo Dei es tu et verbum Dei in ore tuo certissimum.* Multa sunt autem in Scripturis quæ nisi illo modo pronuntientur, in contrariam sententiam recidunt, sicuti est: *Quis accusabit adversus electos Dei?* Deus qui iustificat; si quasi confirmans respondeas, vides quanta perversitas oriatur. Sic ergo pronuntiandum est ac si diceret: Deusne qui iustificat? ut subaudiat, Non utique, ac per hoc apertam puto esse illam sententiam Eliæ, quam non servata pronuntiatio faciebat obscuram.

VI. *Elias pluviam a Deo impetrat.* III Reg. xviii. — *Factum est, inquit, verbum Domini ad Eliam: Vade et ostende te Ahab, ut dem pluviam super faciem terræ. Qui perrexit et occurrit ei in itinere Abdias dispensator regis Ahab, et ait, Vade, nuntia Ahab, Adest Elias.* Qui abiit, et nuntiavit ei. Venitque in occursum ejus, et ait ad Eliam, Tunc es qui conturbas Israel? Ad quem Elias: Non turbavi, inquit, Israel, sed tu et domus patris tui, qui dereliquistis mandatum Domini, et secuti estis Baalim. Verumtamen mitte nunc et congrega ad me universum Israel in montem Carmeli, et prophetas Baal quadringentos quinquaginta, prophetasque lucorum qui comedunt de mensa Jezabel. Misit itaque Ahab ad omnes filios Israel, et congregavit eos in montem Carmeli. Accedens autem Elias, ad omnem populum ait: *Usquequo claudicatis in duas partes? Si Dominus est Deus, sequimini eum; sin autem Baal, sequimini illum. Et non respondit ei populus verbum.* Ad quos rursum ait Elias, *Ego remansi propheta Domini solus; prophetæ autem Baalim quadringenti quinquaginta viri sunt. Dentur ergo nobis duo boves, et illi eligant unum bovem, et in frustra cædentes ponant supra ligna, ignem quoque non*

*A supponant: ego quoque faciam bovem alterum, et imponam supra ligna, ignemque non supponam. Invocent illi nomina deorum suorum, et ego invocabo nomen Domini, et qui exaudierit per ignem ipse sit Deus. Responditque omnis populus et ait, Optima propositio. Dixitque Elias prophetis Baal, Eligite bovem unum, et facite vos primum, quia plures estis. Et fecerunt ita, invocabantque Baal de mane usque ad meridiem; et non erat vox, nec qui responderet, incidebantque se ritu suo cultris et lanceolis donec perfunderentur sanguine. Cumque transisset meridies, et tempus adesset jam quo sacrificium offerri deberet, dixit Elias ad populum: Accedite ad me; et accedente ad se populo, curavit altare Domini, quod destructum fuerat, et tulit duodecim lapides juxta numerum tribuum filiorum Jacob, et ædificavit altare Domino in nomine Domini; fecitque aquæductum quasi per duas aratiunculas in circuitu altaris, et imposuit ligna, divisitque bovem et posuit supra ligna, et ait, Implete quatuor hydrias aqua, et effundite supra holocaustum et ligna. Quod cum fecissent, id ipsum etiam secundo et tertio fieri jussit, repletaque est fossa aquæductus aqua. Vide cur etiam Elias hoc faciat, et diligenter adverte. Habebat beatus Elias et pro gratia propheticæ dignitatis, et pro divini cultus studio scientiam omnium quæ in templis dæmonum agebantur. Noverat inter cætera inepta potius quam commenta callidam etiam hujusmodi compositam fraudem, qua facilius irretirentur animæ miserorum, ut aræ eorum non simpliciter ante delubri pedes statuatur, sed pendens crepido supra qua structæ sunt, rogi subterranea fornice bajuletur; ad quas ex adversa parte concavi parietis, occulto aditu descendatur, ac per patulas cavernas præparatos ignes doli minister sacrificii tempore clandestinis officiis subministraret; quo attonitus miserorum animus, dum nullas desuper videt adhibitæ flammæ, hostiamque cernit ex improvise comburi, per invisibilem potestatem ignes cælo credat esse delatos. Ne ergo hoc incredulæ mentes de divinis suspicarentur altaribus, vallum quod fieri præceperat aqua jussit impleri, ut si qua esset sub altario proderetur fovea, vel descendens deorsum aqua latentes utique ignes exstingeret. Nec sufficit semel rigasse locum, tertio id agitur; sed nec hoc est contentus propheta: ipsa altaris ligna præcepit inundari, ut omnis fraudis suspicione submota, divinæ potestatis esse virtutem, nec rex, nec populi, nec ipsi dubitarent sacerdotes.*

Cumque jam tempus esset ut holocaustum offerretur, accessit Elias ad altare et exclamavit dicens: *Domine Deus, exaudi me hodie in igne, sicut audisti me in aqua, ut cognoscat populus hic quoniam tu es Dominus Deus Israel, et ego servus tuus, et propter te feci opera hæc. Exaudi me, Domine, exaudi in igne, ut cognoscat populus hic quia tu es Dominus Deus, et convertisti cor populi hujus retrorsum. Ecce, inquit, clamante eo, cecidit ignis de cælo et devoravit holocaustum ac ligna et lapides, pulverem quoque et aquam, quæ erat in fossa, aquæductus lambens. Quod cum vidisset omnis populus, cecidit in faciem suam et ait, Dominus, ipse est Deus. Dixitque Elias ad eos: Apprehendite prophetas Baal, et ne unus quidem effugiat de illis. Quos apprehendentes, continuo duxit eos Elias ad torrentem Cison, et ibi eos trucidari præcepit. Clementissimus enim Deus qui non obliviscitur misereri, nec in ira continet miserationes suas, rursum ad Israel Filium suum dignatus est mittere, ut eisdem pluviam evangelicæ prædicationis tribueret. Tres anni famis, scientiam sanctæ Trinitatis populo Judæorum vel in toto mundo defuisse præsignabant. Ahab vero, qui interpretatur Frater peris, a quo etiam Dei prophetas interfectos Scriptura pronuntiat, principum sacerdotum typum gerebat. Quod autem dicit Ahab ad Eliam, Tunc es ille qui conturbas Israel? hoc ipsum et de Domino prin ipes sacerdotum dixisse Pilato leguntur; Invenimus hunc subvertentem, sive conturbantem, gentem nostram (Luc.*



xiii); ii enim, ut Dominus legitur eis exprobrasse, filli fuere patris sui diaboli, cujus opera facere studuerunt, ut vitæ suæ auctorem crucifigendum impie proclamarent. Vos enim, ait Dominus, *de diabolo patre estis, et opera patris vestri facere vultis; ille enim homicida est et ab initio mendax, et in veritate numquam stetit* (Joan. viii). Abdias autem, cujus nomen interpretatur Servus Domini, qui etiam eo tempore quo Achab prophetas Domini præceperat trucidari, centum prophetas in speluncis celaverat, victum eisdem quotidie ministrans, illos quodammodo præsignabat qui ex principibus Judæorum occulte discipuli Domini erant, hoc est, Nicodemus, et cæteri quos evangelista pronuntiat. Prophetæ Baal et prophetæ lucorum, scribarum et pharisæorum typum gerebant, qui sacræ legis negligentes præcepta, populum propriis traditionibus perverterant quibus, Væ futurum Dominus legitur prædixisse (Matth. xxi; Luc. xi). Carmelus vero mons, qui interpretatur Scientia circumcisionis, Christi figurabat Ecclesiam, in qua non præputii circumcisio, sed qualiter circumcisio accipienda sit, scire præcipimur. Per circumcisionem enim præputii carnis libidinem atque luxuriam sciendum est abscindendam: per cordis vero circumcisionem immundæ cogitationes intelligendæ sunt amputandæ. Bovem vero, quem Elias mactavit in holocaustum atque in frusta concidit, vetus intelligendum est Testamentum, ex quo ad confutandas Juda cas superstitiones, ea quæ de illo scripta fuerunt in multis locis excussisse evangelica prædicatione manifestatur, cum dixisse scribitur. *Non legistis quod dictum est, Lapidem quem reprobaverunt ædificantes, hic factus est in caput anguli. Et intellexerunt, inquit, scribæ et pharisæi quod de illis diceret* (Matth. xxi), etc., quæ in Evangelio reperiuntur. Bovem vero alterum a falsis prophetis electum, populum significat reprobum per Phariseos atque Scribas, seu hæreticos non Deo, sed diabolo auctori eorum ab ipsis oblatum, transacti meridei tempus urgentis mundi significabat cursum, in cuius vesperum Dominus Jesus Christus in verum sacrificium, quod ipse est, se ipsum Patri ad deponenda humani generis delicta obtulit. Altare quod ab Elia curatum est et ex duodecim lapidibus restauratum, sanctæ Trinitatis accipienda est confessio, quæ in Judæis olim vel in hæreticis destructa fuerat, a Domino per apostolos in Ecclesia reformata est. Ligna vero quæ super altare composita fuerant, crucis patibulum præsignabant, in qua Dominicum affixum est corpus, quod verum et acceptabile Deo Patri fuit holocaustum. Quatuor hydræ repletæ aqua, totidem numero signabant Evangelia, in quibus baptismi sacramentum, quod in nomine sanctæ Trinitatis datur, habetur præceptum. Ignis quoque, qui lapides altaris et quæ super eum fuerant, necnon et aquam voravit, sanctum Spiritum præsignabat, qui non solum apostolos, sed cunctos credentes per lavacrum regenerationis in Dei sacrificium absumit et sanctificat. Falsi vero prophetæ qui ab Elia interfecti leguntur, adversariæ accipiendæ sunt potestates, de quibus Dominus in cruce pronuntiat Apostolos triumphasse: sive illi accipiendi sunt, qui adversus Dominum impie proclamasse leguntur, *Sanguis ejus super nos et super filios nostros* (Matth. xxvii); quod utique temporibus Vespasiani et Titi expletum, qui legit Josephum historiographum, non ambigit ambiguum. Deinde sequitur historia et dicit:

*Ascendit Elias in vertice Carmeli et pronus in terram posuit faciem suam inter genua, et exorabat Dominum, dixitque ad puerum suum, Ascende et circumspice contra mare, septem vicibus. Quod cum fecisset, septima vice apparuit nubecula parva quasi hominis vestigium ascendens de mari, et subito contenebrati sunt cæli, et facta est pluvia grandis. Quod enim Elias exorat ut pluvia tribuatur a Deo, hoc quoque Dominum fecisse pro suis discipulis et qui per verbum illorum credituri erant, evangelista pronuntiat. Ministrum Eliæ,*

**A** cui jussum est contemplari contra mare, omnium prophetarum qui ante adventum Salvatoris fuerunt, typum gestasse non dubium est; quibus in gratia Spiritus sancti per omne tempus quod ante adventum Salvatoris præcessit, incarnationem illius præstolare datum est. Nubecula parva, quæ velut vestigium hominis ascendisse de mari describitur, Dominus ac Redemptor noster accipiendus est; sicut enim vestigium extremum corporis membrum est, ita quoque Dominus Jesus humilis et parvus ac puer in mundo existere voluit, qui nos a peccato munderet. Cæli contenebrati sunt, quia sancti prædicatores divini verbi occultis sacramentis sunt repleti. Pluvia facta est magna, quia evangelicus imber per apostolorum prædicationem totius mundi rigavit fines. Currus Achab, quem Elias accinctus lumbis præibat, diaboli accipienda potestas est, cui a Domino dicitur, *Vade retro, Satanas, non tentabis Dominum Deum* (Matth. iv); in tantum enim diaboli potestas in adventu Domini inanis exstitit et infirma, ut nec in porcos intrandi haberet licentiam, nisi ei fuisset permissum.

**VII. De odio Jezabel in Eliam. III Reg. xix. —** *Nuntiata sunt, inquit, Jezabel cuncta quæ gesserat Elias, et quemadmodum prophetas occidisset Baal; quæ statim nuntium misit ad eum dicens: Hæc mihi faciant dii et hæc addant, nisi hac hora cras ponam animam tuam sicut animam unius ex illis. Quod audiens Elias timuit valde et abiit quocumque eum ferebat voluntas, venitque in Bersabee Judæ, et illic reliquit puerum suum; ipse autem perrexit in desertam viam unius diei. Cumque venisset illuc, et sedisset subter unam juniperum, ait, Sufficit mihi, Domine; tolle animam meam. Sancti viri qui sublevante Spiritu ad summa rapiuntur, quamdiu in hac vita sunt, ne aliqua elatione superbiant, quibusdam temptationibus reprimuntur, ut nequaquam tantum proficere valeant quantum volunt, sed ne extollantur superbia, fit in eis quedam mensura virtutum. Hinc est quod Elias dum tot virtutibus in alta profecisset, quadam mensura suspensus est, dum Jezabel postmodum, quamvis reginam, tamen mulierculam fugit. Perpendo quippe hunc miræ virtutis virum ignem de cælo trahere, et duos quinquagenarios viros cum suis omnibus petitione subita concremare, verbo cælos claudere, verbo ad pluvias aperire, suscitantes mortuos, ventura quæque prævidentem, ecce rursus animo occurrit quo pavore ante unam mulierculam fugit. Considera virum timore perealsum de manu Domini mortem petere nec accipere, de manu mulieris mortem fugiendo vitare. Quærebat enim mortem dum fugeret dicens, *Sufficit mihi, tolle animam meam; neque enim melior sum quam patres mei*. Unde ergo sic potens ut tot illas virtutes faciat, unde sic infirmus ut ita feminam pertimescat, nisi quia dispensatoris superni nutu mensura occulti libraminis appenduntur, ut ipsi sancti homines Dei et multum valeant per potentiam Dei, et rursus quadam mensura moderati sint per infirmitatem suam? In illis virtutibus Elias quid de Deo acceperat, in istis infirmitatibus quid de se esse poterat, agnoscebat. Illa potentiae virtus fuit, ista infirmitas custos virtutis. In illis virtutibus ostendebat quid acceperat, infirmitatibus hoc quod acceperat custodiebat. In miraculis monstrabatur Elias, in infirmitatibus servabatur. Posthæc sequitur:*

*Projecitque se, et dormivit in umbra juniperi. Et ecce angelus Domini tetigit eum, dixitque illi, Surge et comede. Respexitque et vidit ad caput suum subcineritium panem et vas aquæ. Comeditque et bibit, et rursus obdormivit; tetigitque eum secundo angelus, et dixit, Surge et comede, grandis enim tibi restat via. Consurgensque comedit et bibit, et ambulavit in fortitudine cibi illius quadraginta diebus et quadraginta noctibus usque ad montem Dei Oreb. Quid igitur Jezabel? Hæc faciant mihi dii, et hæc addant, nisi posuero animam tuam. Et audivit Elias, et fugit viam dierum quadra-*



ginta, O violentiam verbi, o formidinis eminentiam! Audito mulieris verbo fugit Elias; et fugit non una, non duabus, non tribus diebus; sed ingressus est in eo sermo mulieris, et quid ageret nesciebat, tanti itineris spatio metu exagitante jactatus, velut cum secundo flatibus cursu impulsæ navis arborem violentus ex adverso turbo corripuit, impetumque reflexit; ita prophætæ animum, virtutum velis navigantem mulieris perculit sermo, totamque ejus navem per omnes formidinum fluctus turbato rectore jactavit. Quid ergo tu, Elia? Tu enim es qui verbo clauderas cœlum et fraudaveras imbres, qui mandaveras aeri et divinos ignes eduxeras, qui falsos salubriter interfici jusseras sacerdotes, qui constanter in faciem exprobraveras regi quod ipse et domus sua populum everteret Israel; qui dixeras, *Vivit Dominus, si erit pluvia aut ros, nisi in verbo oris mei*; qui domum viduæ spicarum aream et torcular feceras olei; qui omnibus imperaveras elementis, sermonem nunc audiens meretricis expavisti, et una muliercula profugum fecit timorisque captivum. O stupendam rem! Vide duos istos, Petrum et Eliam, magnificos viros et cæteris clariores, velut duas civitatum arces in sublime porrectas, a mulieribus fatigari: Petrus timet puellam, Jezabel deterret Eliam. Et quia ejusdem culpæ vitio uterque subjacuit, amborum naturalis infirmitas unum sortita est proditorem. Fugit ergo Elias viam quadraginta dierum. Ubi est zeli tui ardor incontinens, ubi constantiæ flamma, ubi auctoritas libertatis cum dicebas, *Vivit Dominus, si erit pluvia super terram*? vel cum regem cominus arguebas, et cum ultrices flammæ cœlitus deponebas, talia tantaque mirabilia faciens, unum adulteræ non tulisti sermonem? Sed considera quid in his ostendatur, quod scilicet homini, quamdiu Domini gratia cooperatur, omnia secunda sunt, omnia fida: elementa serviunt, et principes prosternuntur, reges adorant, populi venerantur; si vero se semel perfectionis vel correptionis causa, supernum ab homine suspendat auxilium, confestim fragilitas naturæ monstratur; mox insurgunt quæ videbantur esse subjecta, quæ prius ut Dominum metuebant, incipiunt esse terrori Jezabel quæ interpretatur Fluxus vanus, Synagogæ gestavit typum, quæ vanis superstitionibus serviens, in evangelica prædicatione credere noluit, et auctorem vitæ persequens, sicut et Jezabel Eliam extinguere magis quam credere maluit. Puer Eliæ qui in Bersabee, quæ interpretatur Puteus juramenti, dimissus est, sacerdotale accipiendum est ministerium, quod templo Domini in Hierusalem cultu divino exhibebatur. Desertum vero ad quod via unius diei Elias legitur pervenisse, et sub arbore juniperi quievisse, universus accipiendus est mundus, qui propter dæmonum culturam in maligno fuerat positus, ad quem Dominus relicta Judæa per prædicatores suos transire dignatus est; et ibi quasi dormit, dum per fidem in corde fidelium requiescit. Arbor vero juniperi agrestis atque inculta Ecclesiam præsignabat ex gentibus, quæ sacrarum Scripturarum nequaquam fuerat exulta præceptis; ad quam Israeliticum regnum transiturum Dominum prædixisse evangelista pronuntiat: *Auferetur a vobis regnum, inquit Judæis, et dabitur genti facienti voluntatem Dei (Matth. xxi)*. Via vero unius diei, quam Elias egisse legitur, unitas intelligenda est Trinitatis, quam evangelica prædicatione cunctis nationibus introduxit. Panis subcinericius et vas aquæ quid aliud indicant, nisi gentium penitentiam et lacrymarum effusionem, quibus Dominus valde reficitur?

VIII. De adventu Eliæ ad Oreb. III. Reg. xix. — Post hæc pervenit, inquit, Elias ad montem Dei Oreb, et mansit in spelunca, et ecce sermo Domini ad eum, dixitque illi: *Quid hic agis, Elia? At ille respondit, Zelo zelatus sum pro Domino Deo exercituum, quia dereliquerunt pactum Domini filii Israel. Altaria tua destruxerunt, et prophetas tuos occiderunt gladio, et derelictus sum ego solus, et quærunt animam meam, ut auferant*

*eam*. Fugiens ergo Elias venit ad quemdam locum et obdormivit ibi, et venit ad eum Dominus, Dominus scilicet ad servum, et ait: *Quid tu hic, Elia? Velut notans eum timoris et fugæ. Quid tu, inquit, Elia? Putasne fugisti, et furor te unius mulierculæ profugum fecit? Ubi est illa constantia, ubi libertas? Disce de cætero non tibi ipsi confidere, nec propriæ, cum res secundo cursu ferantur, imputare virtuti. Verumtamen Elias respondet et dicit, aliud quidem mente retinens, aliud ore depromens: Domine, prophetas tuos occiderunt, altaria tua destruxerunt, et ego relictus sum solus, et quærunt animam meam*. Hoc est, hæc cogitatio quæ tantum prophetam de ipso dejecit fastigio meritorum, communem hominem demonstravit. Denique mox eum corripit sermo divinus. Non ita inquit, est Elia, falleris, et humanæ cogitationis laqueis irretiris; non ideo fugisti, nec te ideo quod solus esses regina perterruit; nec enim tu es tantummodo qui non adoraveris Baal; sunt mihi fideles famuli, sunt multi amici, et septem millia virorum electissima virtus, quam nec error humanus inclinare, nec inanis gloriæ cogitatio potuit elevare. Ili omnes non curvaverunt genua ante Baal, sed stabili poplite ad instar cœlestis exercitus semper adorant. Fugisti ergo non quod in te solo furor adulteræ desæviret, sed quod tibi hanc elationem genuerit magnitudo virtutum, ut tam arrogantem ferres de genere humano sententiam; erasque paulisper mea gratia deserendus; et nisi tibi tantæ elationis frena laxassem, lapsum incurreres gravio-rem, et disceres bona facta non tuæ virtuti ascribere, sed divinæ. Non igitur alia ex causa fugisti, nisi quod secedente mea gratia mulier te minaci sermone deterruit. Consideremus ergo quanta vis fuerit in adulteræ sermone, gratia recedente, quanta formidinis magnitudo, quod quadraginta diebus oherrabat fugiens Elias per invia et deserta, tantique jejunii metu consternatus non sensit esuriem. *Quid agis, Elia?* Ubi est, ut sæpe jam memini, illa omnibus stupenda fiducia, ubi os illud metuendum, ubi lingua terribilis alternis imperans elementis? Sed hoc tibi, ut dixi, constabat gratia ministrante. Vide ergo quemadmodum levitate culpæ permittitur jacere tantus propheta, ut emendatus elationis vitio atque correptus, integro vestiatur moderationis et clementiæ indumento. Jam ergo eruditi sumus et docti in Petro atque Elia, quemadmodum eos Dominus nostri causa circumscribi delicto, quemadmodum illos fidei pietatisque signiferos, et generis humani columnas permiserit metu dominante quassari: ut populorum esset exemplum, a Deo sibi non peccandi gratiam minime condonatum, ne cum ipsi a culpis essent ac vitiis alieni, peccatoribus diri existerent et crudeles; sed cum forte quis fuerit delicto præventus, non statim abiciant, non condemnent jacentis affectam, sed impartiantur viscera charitatis, porrigant manum, et erigant lapsum, spem ei divinæ clementiæ promittentes, sicque se exemplo illorum commendent magistrorum. Hæc autem ideo diximus, non justos culpando, sed peccatores ad spem erigendo protulimus; et primo quidem virtutes eorum extulimus, nunc culpas intulimus, ut et justis formam cautele, et peccatoribus salutis portum fidelissimum monstraremus. Merito quæritur quo modo licite sacrificaverit Elias extra templum Dei, quando et ignem de cœlo impetravit, et prophetas dæmoniorum convicit. Quod mihi non videtur alia ratione defendi, quam illa qua defenditur et Abraham factum, quando filium Dei jussu voluit immolare; cum enim jubet ille qui legem constituit aliquid fieri quod in lege prohibuit, jussio ipsa pro lege habetur quoniam auctor est legis; non enim deesse possent, miracula alia, præter sacrificium, quibus superarentur et convincerentur prophetæ lucorum, sed spiritus Dei, qui fuerat in Elia, quidquid in hac re fecit, contra legem esse non potest, quia dator est legis. alia adhuc insuper quæstio animum pulsât, quare



interpellaverit Elias Deum, quod Israel derelicto Deo prophetas occiderit, et ejus destruxerit altaria, cum in lege olim jussum fuisset, non eos posse amplius habere altare quam unum, primum in tabernaculo, deinde in templo; nisi quod liquide datur intelligi, quod postquam decem tribus a domo David excisæ, et a templo et Hierusalem sunt separatæ, illi qui in decem tribubus, quæ vocabatur Ephraim, cultores divini nominis erant, et ut putandum est, ad illa altaria recurrebant, quæ olim erexerant patriarchæ Abraham, Isaac et Jacob, locis competentibus, ubi eis Deus apparuerat; ad hæc altaria cultores divini nominis, et si non ad sacrificandum, tamen ad adorandum Deum patrum suorum recurrebant. Hæc videntes Israelitæ sacrilegi et idolorum cultores destruebant, ut nec ibi locus esset, ubi veri adoratores Dominum precarentur; et hoc est, ut in superiori parte jam præmissum est, quod instauraverit Elias altare Domini, quod destructum fuerat.

*Dixitque Dominus ad Eliam, Egredere, et sta in monte coram Domino. Et ecce Dominus transiit, et spiritus grandis et fortis, subvertens montes, et conterens petras ante Dominum.* Quod autem ait ante Dominum spiritum præcessisse grandem, et cætera, ejus adventum significat ad corda credentium, quibusdam occultis et ineffabilibus signis esse profuturum; nam quod ait, *Subvertens montes, et conterens petras ante Dominum*, hoc est quod Apostolus (II Cor. x) ait, *Arma militiæ nostræ non carnalia, sed spiritualia, ad destructionem munitionum, et omnem altitudinem extollentem te adversus scientiam Dei.*—*Non in spiritu Dominus, et post spiritum commotio; non in commotione Dominus, et post commotionem ignis; non in igne Dominus, et post ignem sibilus auræ tenuis.* Spiritus ante Dominum evertit montes, et conterit petras, quia pavor qui ex adventu ejus ingruit, et altitudinem cordis nostri dejicit, et duritiam liquefacit. Sed spiritui commotionis et ignis, Deum non inesse dicit; in sibilo vero tenuis auræ non negat: quia nimirum mens cum in contemplationis sublimitate suspenditur, quidquid perfecte perspicere valet Deus non est. Cum vero subtiliter aliquid conspicit, hoc quod de incomprehensibili substantia æternitatis audit, quasi sibilum auræ tenuis percipit; sed sibilum auræ tenuis percipimus, cum saporem incircumscriptæ veritatis contemplatione subita subtiliter degustamus. Tunc ergo verum est quod Deum cognoscimus, cum plene nos aliquid de illo cognoscere non posse sentimus. Unde bene illic subditur: *Quod cum audisset Elias, operuit vultum suum pallio, et egressus stetit in ostio spelunçæ.* Quid est quod propheta cum vocem Domini loquentis secum audit, in spelunçæ suæ ostio stat et faciem velat, nisi quia dum contemplationis gratia vox supernæ intelligentiæ sit in mente, totus homo jam intra speluncam non est, quia animum carnis cura non possidet; sed stat in ostio, quia mortalitatis angustias exire meditatur. Sed jam quia in ostio spelunçæ consistit, et verba Dei in aure cordis percipit, necesse est ut faciem velet: quia dum per supernam gratiam ad altiora intelligentiæ ducimur, quanto sublimius levamur, tanto semper per humilitatem nosmetipsos intellectu nostro premere debemus, ne conemur plus sapere, sed sapere ad sobrietatem; ne, dum nimis invisibilia discutimus, aberremus, ne in illa natura incorporea, corporei luminis aliquid quæramus; aurem enim intendere, et faciem operire, est vocem interioris substantiæ audire per mentem, et tamen ab omni specie corporea oculos cordis avertere, ne quid sibi in illa corporale animus lingat, quæ ubique tota et ubique incircumscripita est.

IX. *De reditu Eliæ Damascum.* I Reg. xix. — *Et Dominus dixit ad Eliam: Vade, revertere in viam tuam per desertum in Damascum. Cumque perveneris illuc, Azahel regem super Syriam, et J. hu filium Namsi unges regem super Israel; et Elisæum filium Saphat, qui est de Abelmaula, unges prophetam pro te, et erit*

*A* quicumque fugerit gladium Azahel, occidet eum Jehu, et qui fugerit gladium Jehu, interficiet eum Elisæus. Abelmaula urbs est una de præcipuis urbibus Zabulon; est autem nunc vicus, ut in Locorum libro legimus, in Aulone, decem ab Scythopoli milliaria distans contra australem plagam, et nunc dicitur Bethulia. Damascus enim, qui interpretatur Sanguinem bibens, sive propinans, totius mundi typum gerebat, in quo habitatores illius, immolando dæmonibus filios suos, sanguinem bibere ac propinare non est ambiguum: sanguis enim pro peccato ac morte ponitur in Scripturis, quam non solum sibi infelices videbantur inferre, sed et suis imitatoribus propinabant. Azahel vero, qui interpretatur Factura Dei, universarum gentium continebat figuram, cui valde congruit interpretatio, Dei factura; opus enim Dei fuit, ut obdurato Israele, et signis atque virtutibus Domini penitus nequaquam credente, nationum populi cum omni mentis alacritate crederent in Crucifixum. Sive aliter factura Dei, id est, imago Dei per fidem Christi gentibus restituta, nulli poterit esse dubium. Nam ut in Jacob et Esau figura præcesserat, majoris quondam filii primatus ac benedictio ad juniorem fratrem translata, ita etiam in istis, Azahel videlicet et Jehu, divina dispensatione intelligimus geri, ut gentium populus, qui fuerat junior, per Azahel præponatur in persona Jehu primogenito, ut scriptum est, Israeli; et juxta Scripturæ testimonium, populus qui erat in capite, propter prævaricationes assiduas, et piaculum quod intulit Domino, factus in cauda est; translatoque ab eodem regno, ut Dominus fuerat protestatus, datum est gentium populo Dei voluntatem videlicet exsequenti. Sed quia divinæ pietatis est omnes homines salvos fieri, sicuti Esau, licet juniore fratri subjectum nequaquam benedictione privavit, ita quoque et hic Eliæ a Deo prædicatur, *Relinquam mihi septem millia virorum quorum genua non sunt curvata ante Baal.* Relinquam enim ad futurum tempus pertinere intelligi voluit, quod in Domini adventu constat fuisse expletum, de illis pro certo exstitisse intelligendum, qui ex omni Israele per apostolos Christi fidem susceperunt, et septiformi gratia Spiritus sancti sunt. Jehu vero, ejus vocabulum interpretatur Ipse vel Est, filius videlicet Namsi, qui interpretatur Attrectans vel Palpans, apostolorum spiritualiter præfigurabat personam. Illis quippe horum nominum valde congruit interpretatio. Beati enim apostoli semper pro certo sunt, qui pro Trinitatis confessione et veridica prædicatione Deo et universo orbi perpetuo vivunt. Joannes quoque in Epistola sua, cum de Verbo vitæ, hoc est Dei Filio, qui carnem assumpsit scriberet, ita effatus est, *Quem nostris oculis vidimus, et auribus nostris audivimus, et manus nostræ tractaverunt.* Quod autem dicitur Eliæ, *Elisæum filium Saphat de Abelmaula unges prophetam pro te*, ita intelligendum est, Elisæus enim interpretatur Dei mei salus, Saphat autem Judicans, Abelmaula vero Luctus parturiens. Dei enim Filius, qui est vera fidelium salus, cum omne iudicium tradidit Pater, in quo iudicio impiis et incredulis erit luctus parturiens, gehennæ videlicet cruciatus, quia in substantiæ suæ splendore atque virtute non poterat ab hominibus contemplari ex deitate, ut Apostolus ait, se exinaniens majestate, in Elisæi præfiguratione servi dignatus est suscipere formam, qui verus homo ex Virginis utero procreatus, sanctoque Spiritu est unctus. Quod autem ait historia, *Qui effugerit gladium Azahel, occidet eum Jehu, et qui effugerit gladium Jehu, interficiet eum Elisæus*, hoc modo intelligi potest, gladius enim Azahel Syri, illorum doctrina accipienda est, qui ex gentibus Dominiæ incarnationis, et passionis, ac resurrectionis vates inspirati divinitus exstiterunt, ad confutandos videlicet Judæorum doctores, qui hoc mysterium populis occultabant. Gladius vero Jehu, qui super Israel unctus est, prædicatio intelligenda est Joannis Domini præcursoris qui, Saducæos et Pharisæos ve-



nientes ad baptismum suum increpans, dixisse scribitur : *Genimina viperarum, quis vobis ostendit fugere futuram iram (Luc. iii)?* Gladius præterea Elisæi, Evangelica accipienda est prædicatio, de qua dixisse scribitur : *Non veni pacem mittere, sed gladium (Matth. x)* : quia fideles et justos quodammodo dividit et separat ab infidelibus et injustis, et quia in cordibus credentium cupiditates interimit noxias, et vitia universa atque peccata. Interea ait Dominus ad Eliam : *Reliqui mihi septem millia virorum qui non curvaverunt genua ante Baal, et omne os quod non adoraverit eum osculans manum.* Certum est quod cordis sui oculum per elationis tenebras exstinguit, qui cum recte agit, considerare meliorum merita negligit. Ac contra magno humilitatis exemplo semetipsum illuminat, qui aliorum bona subtiliter pensat, quia dum ea quæ ipse fecerit facta foris et ab aliis conspicit, eum qui de singularitate intus erumpere nititur, superbiæ tumorem premit. Hinc est quod voce Domini ad Eliam solum se æstimantem dicitur, *Reliqui mihi septem millia virorum qui non curvaverunt genua ante Baal* : ut dum non solum se remansisse cognosceret, elationis gloria, quæ ei de singularitate surgebat, inclinaret. Prophetia namque erat, et sæpe mysteria superna cognoverat. Qui ergo difficile fuit agnoscere, in hoc mundo fideliter Dei famulos et alios remansisse? Sed hinc solenter intuendum est, oculum elatio quam nequiter claudat, quia qui humilis occulta Dei noverat, elatus et aperta nesciebat.

**X. Elias ad se vocat Elisæum.** III Reg. xix. — Post hæc inquit, *reperit Elias Elisæum filium Saphat arantem in duodecim jugis boum, et ipse in duodecim arantibus unus erat; cumque venisset, misit pallium suum super eum, qui, relictis statim bobus, cucurrit ad Eliam, et ait, Osculer, oro te, patrem meum et matrem meam, et sic sequar te.* Cui dixit Elias : *Revertere : quod enim meum erat, feci tibi. Reversus itaque Elisæus, tulit par boum et mactavit illos, et in aratro boum coxit carnes eorum, deditque populo ad comedendum.* Duodecim juga boum viginti quatuor veteris Testamenti figuraliter accipiendi sunt libri; duodecim aratores, duodecim sunt intelligendi apostoli; sed in omnibus illis Dominus existere dignatus est operator, qui dixit : *Sine me nihil potestis facere (Joan. xv).* Osculum patris, reconciliationis dignoscitur signum. In duobus enim bobus lex accipienda est et prophetia, quarum umbras et imagines Dominus noster per incarnationis suæ ac passionis mysterium occidit in littera, et in crucis suæ coxit aratro, necnon ad comedendum fidelibus præbuit, ut jam non vivant secundum litteram, sed secundum spiritum.

Post hæc refert Scriptura quod Benadab rex Syriæ obsidens et impugnare incipiens Samariam, ait : *Hæc faciant mihi dii, et hæc addant, si suffecerit pulvis Samariæ pugillis omnis populi qui sequitur me.* Hunc habet sensum : Samaria, juxta morem civitatum, habebat terram interius prope muros pene ipsis muris æqualem, ut videlicet eos sine subsidiis terræ adjacentis erectos creber, insistente manu hostili, dejiceret ictus arietis; extrinsecus autem murorum altitudo longe superficiem terræ transcendebat, maxime cum in montis vertice, ut Scriptura refert, fuerit urbs eadem. Ait ergo rex superbus obsessam terrenam civitatem, quod tantam haberet exercitus multitudinem, ut etiam si quisque militum ejus solummodo lapidem, vel cespitem, vel stipitem ad construendum contra urbem aggerem apportaret, tam sublimis ex eo posset agger exsurgere, qui superficie civitatis ipsius quæ erat intra muros, esse videretur æqualis, ita ut ex æquo pugnares contra civitatem, tela vel faces mittere possent. Cujus temeritatem arrogantiam modesto sermone compescens rex Israel ait, *Dicite ei, Ne gloriatur accinctus, æque ut discinctus.* Aliud est autem accinctus, aliud discinctus, aliud non accinctus; accinctus namque est, qui

A cingulo circumdatus incedit; discinctus qui cingulum nuper deposuit, verbi gratia, vel balneum intraturus, vel lectum ascensurus, vel alteram tunicam forte induturus; non accinctus, qui nuper tunica indutus, necdum se addita zonæ circumpositione munivit. Sic ergo et in expeditione castrensi qui positus est, recte accinctus nominatur, id est, armis indutus, qui pugna confecta victor domum rediit, jure discinctus vocatur, quia nimirum depositis armis optata pacis otium gerit; qui vero necdum pugnare, neque se ad certamen parare jam cœperat, merito non accinctus esse dicitur. Ait ergo rex Israel regi Syriæ glorianti, quasi jam cepisset Samariam, quam obsidere cœperat, *Ne gloriatur accinctus æque ut discinctus*; ac si aperte dicat, Noli gloriari quasi jam victor bellici discriminis, qui adhuc in acie positus, quem victoria sequatur, ignoras. Et verum profecto dicebat, nam mox inito certamine Benadab non victis adversariis triumphans, sed casso suo exercitu fugiens, domum rediit. Benadab regem Syriæ typum habuisse diaboli, qui princeps est hujus mundi, non dubium est, qui cum triginta et duobus regibus, hoc est, omnibus vitiis suis adversus humanum genus pugnare non desistit. Achab vero, qui interpretatur Frater patris, hoc in loco personam gestavit Judæorum, cum quibus diabolus prius conflictum habuit.

**XI. De visione Michææ.** III Reg. xxii. — Interea sequitur Scriptura de visione Michææ prophetæ, ubi ait ad Achab : *Vidi Dominum sedentem super solium suum, et exercitum cœli a dextris et a sinistris ejus, et dictum est : Quis decipiet Achab, et ascendat et cadat in Ramoth Galaad? Et dixit unus verba hujusmodi, et alius aliter. Et egressus unus dixit, Ego decipiam Achab, Et dictum est ei : In quo decipies? Qui respondit, dicens : Egrediar, et ero mendax spiritus in ore omnium prophetarum ejus.* Quid per solium Domini nisi angelicas potestates accipimus, quarum alis præsidens inferius cuncta disponit? Ecquid exercitus cœli, nisi ministrantium angelorum multitudo describitur? Quid est ergo quod exercitus cœli a dextris et a sinistris ejus stare perhibetur? Deus enim, qui est intra omnia, ut etiam sit extra omnia, et qui incircumscriptus est, veritas illa, æterna beatitudo, quæ dextera ejus dicitur, sinistram non habet, quia nihil est quod displiceat, quia simul omnia contuetur, simul cuncta aspiciat, ea autem in quibus et bonus spiritus vivit et malus, exercitum cœli a dextris et a sinistris habere describitur : ut per dexteram intelligamus angelos electos, per sinistram vero spiritus reprobos; non enim ministrant Deo solummodo boni, qui adjuvant, sed etiam mali qui probant; non solum qui a culpa redeunt sublevant, sed etiam qui redire nolentes gravant. Nec movere debet quod exercitus cœli etiam repulsi angeli vocantur, quia et ipsi quamvis ab æthereo cœlo expulsi sint, adhuc tamen in aereo cœlo demorantur; aquas enim in aere suspendi novimus, aves cœli nominamus, et de eisdem spiritualibus Paulus dicit, *Contra spiritualia nequitiae in cœlestibus (Ephes. vi).* Quorum caput enuntians ait : *Secundum principem potestatis ueris hujus.* Ad dexteram ergo et sinistram exercitus stat, quia voluntas electorum spirituum divinæ pietati concordat, et reproborum sensus malitiæ serviens, iudicio distractionis ejus obtemperat. Unde et mox spiritus in medio prosiliisse describitur, per quem Achab rex exigentibus suis meritis deciperetur; neque enim fas est credere bonum spiritum fallaciæ deservire voluisse, ut diceret, *Egrediar et ero mendax spiritus in ore omnium prophetarum ejus*; sed quia Achab rex peccatis præcedentibus dignus erat, ut tali debuisset deceptione damnari, quatenus qui sæpe volens ceciderat in culpa, quandoque nolens caperetur ad pœnam, occulta iustitia, licentia malignis spiritibus datur, ut quos volentes in peccati laqueo strangulant, in peccati pœnam etiam nolentes trahant. Sed quo modo Deus hæc agat ubique præ-



sens, et ubique totus, ac semper præsens, et quo modo ejus simplicem et incommutabilem æternamque veritatem consulant sancti angeli, omnesque ab eodem creati sublimes et mundissimi spiritus, atque id quod in eo sempiternæ justum vident, pro congruentia rerum inferendarum temporaliter peragant: quo modo etiam lapsi spiritus qui in veritate non steterunt, propter immunditiam et infirmitatem concupiscentiarum et poenarum suarum non valentes præsentem intrinsecus contueri et consulere veritatem, signa forinsecus per creaturam expectant, eisque moveantur, sive ad faciendum aliquid, sive ad non faciendum; quove modo cogantur æterna lege qua universitas regitur, vincti atque constricti, vel sinente Deo operari, vel cedere jubenti; et completi arduum, et explicare longissimum est.

XII. *De morte Achab.* III Reg. xxii. — Post mortem Achab regnare cœpit Ochozias filius ejus pro eo; de quo refert Scriptura quod *cecidit per cancellos cœnaculi sui, quod habebat in Samaria; et ægrotavit* Ochozias rex Samariæ, qui se a domo David separavit, et per cancellos decidit, hoc significare videtur quia hæretici sive schismatici, etsi aliquam bonæ actionis arcem conscendere videntur, quia tamen compagem Ecclesiæ unitatis non habent, quasi patientibus et non solidis laterum præsidiiis semper ad vitiorum infirma relabuntur, dum divino destituti auxilio suæ pertinaciæ fastu intereunt.

XIII. *De militibus combustis.* IV Reg. i. — Deinde refert eadem Scriptura quod idem Ochozias miserit duos principes quinquagenarios ad Eliam, quem quia procaciter hominem Dei vocaverunt, illo orante, cœlesti igne consumpti sunt; tertius autem missus salvatus est. Figurative autem quinquagenarius numerus confessio poenitentiae est, per quod declaratur remissio peccatorum. Judæi enim nolentes Christum Deum esse verum, nec principem indulgentiæ largiorem, dicunt ei, *Quinquaginta annos nondum habes, et Abraham vidisti* (Joan. viii)? Hi tales futuro divini ignis incendio exstinguuntur. Tertius autem quinquagenarius, quia conversus ad fidem Trinitatis, demonstrat poenitentiae sacramenta, idcirco ad indulgentiam meruit pervenire. Sciendum est quod Scriptura sacra duobus modis maledictum memorat, aliud videlicet quod approbat, aliud quod damnat; aliter enim maledictum profertur iudicio justitiæ, aliter livore vindictæ. Maledictum quippe iudicio justitiæ ipso primo homine peccante prolatum est, cum audivit: *Maledicta terra in opere tuo* (Gen. iii). Maledictum justitiæ iudicio profertur, cum dicitur ad Abraham, *Maledicam maledicentibus tibi* (Gen. xii). Rursum quia maledictum non iudicio justitiæ, sed livore vindictæ promittitur, voce Pauli prædicantis admonemur, qui ait, *Benedicite, et nolite maledicere* (Rom. xii); et rursum idem: *Neque maledici regnum Dei possidebunt* (I Cor. vi). Deus ergo maledicere dicitur, et tamen maledicere hominem prohibet; quia quod homo agit malitia vindictæ, Deus non facit, nisi examine et virtute justitiæ; nam et sancti viri cum maledictionis sententiam proferunt, non ad hanc ex voto ultionis, sed ex justitiæ examine erumpunt; intus enim subtile Dei iudicium aspiciunt et mala foris exsurgentia, quia maledicto debeant ferire cognoscunt, et eo in maledicto non peccant, quod ab interno iudicio non discordant. Hinc est quod Petrus in offerentem sibi pecunias Simonem sententiam maledictionis intorsit, dicens, *Pecunia tua tecum sit in perditionem* (Act. vii); qui enim non ait, Est, sed Sit, non indicativo, sed optativo modo se hæc dixisse significavit. Hinc Elias duobus quinquagenariis ad se venientibus dixit: *Si homo Dei sum, descendat ignis de cælo, et consumat vos*; quorum utique sententia quanta veritatis ratione convaluit, terminus causæ monstravit; nam et Simon æterna perditione interiit, et duos quinquagenarios desuper flamma veniens consumpsit. Virtus ergo subsequens testificatur qua mente maledi-

ctionis sententia cum maledicentis innocentia permanet, cum cum qui maledicetur usque ad interitum maledictio absorbet. Itaque ex utriusque fine partis colligitur quia ab uno et intimo iudice in reo sententia sumpta jaculatur; quod enim abstrahendus Elias atque elevandus ad cælum jussit Elisæo ut resideret in Bethel, aut Hiericho sive Jordane, et ille semper juraverit per Dominum quod non relinqueret eum, hoc figurasse videtur quod apostolorum in se habuerit figuram, qui ab ipsa revelatione fidei, hoc enim interpretatur Galgala, Christo Domino individue adhaerentes, usque in diem ascensionis ejus in cælum, ab ejus comitatu non recesserunt.

*Cumque transisset Jordanem, dixit Elias ad Elisæum, Postula quid vis ut faciam tibi, antequam tollar a te. Dixitque Elisæus, Obsecro ut fiat spiritus tuus duplex in me.* Secundum historiæ fidem duplex spiritus Eliæ Elisæo collatus est, quia multo plures virtutes Elisæus quam Elias operatus est; tropologice vero duplex spiritus Eliæ Elisæo attributus est, quia post ascensionem Domini per adventum Spiritus sancti duplex intelligentiæ donum, hoc est, novi ac veteris Testamenti apostolis est collatum.

XIV. *De raptu Eliæ.* IV Reg. ii. — *Cumque pergerent et incedentes sermocinarentur, ecce currus igneus et equi ignei diviserunt utrumque, et ascendit Elias per turbinem in cælum. Elisæus autem videbat et clamabat: Pater mi, pater mi, currus Israel et auriga ejus. Et non vidit eum amplius.* Currus Israel, hoc est, mente videntium Deum, non incongrue Dominus Jesus Christus accipitur, qui electos suos patienter tolerando velut in curru portat, atque per prædicationem et disciplinam suam sicut auriga agit. Moralius autem quid est quod Elias currus et auriga dicitur, nisi quia auriga agit, et currus poriat? Doctor ergo qui mores populi et per patientiam sustinet et sacri eloqui verbis docet, et auriga dicitur et currus: currus, quia tolerando portat; auriga, quia populos bonis admonitionibus exercet. Quid est autem quod Elias ad cælum raptus esse dicitur? Numquidnam eum adhuc in hac carne corruptibili positum, ad illius summæ quietis requiem ante resurrectionem ascensionemque Domini credimus esse perductum? Sed aliud est cælum aereum, et aliud æthereum. Cælum quippe aereum terræ est proximum, unde et aves cœli dicimus, quia eas volitare in aere videmus. In cælum quippe aereum Elias sublevatus est, ut in secreta quadam terræ regione repente duceretur, ubi in magna jam carnis ac spiritus quiete viveret, quousque ad finem mundi redeat et mortis debitum solvat. Sublevatus namque Elias ascensionem Domini designavit: ille enim mortem distulit, non evasit; Redemptor autem noster, quia non distulit superavit, eamque resurgendo consumpsit, et resurrectionis suæ gloriam ascendendo declaravit. Notandum quoque est quod Elias in curru legitur ascendisse, ut videlicet aperte monstraretur quia purus homo adjutorio egebat alieno. Per angelos namque illa facta et ostensa sunt adjumenta, quia nec ad cælum quidem aereum per se ascendere poterat, quem naturæ suæ infirmitas gravabat. Redemptor autem noster non curru, non angelis sublevatus legitur, quia is qui fecerat omnia, nimirum super omnia, sua virtute ferebatur, illo etenim revertebatur ubi erat, et inde redibat ubi remanebat, quia per humanitatem ascenderat in cælum, per divinitatem suam et terram pariter continebat et cælum; neque enim arbitrandum est Eliam vel sic esse sicut erunt sancti, quando, peracto operis die, denarium pariter accepturi sunt; vel sic quemadmodum sunt homines, qui ex ista vita nondum emigraverunt, de qua ille tamen non morte, sed translatione migravit. Jam itaque aliquid melius habet, quam in hac vita posset, quamvis nondum habet quod ex hac vita recte gesta in fine habiturus est; pro nobis enim meliora providerunt, ne sine nobis perfecti perficerentur. Aut si quisquam putat hoc



Eliam mereri non potuisse, si duxisset uxorem filiosque procreasset : creditur enim non habuisse, quia hoc Scriptura non dixit, quamvis et de calibatu ejus nihil dixerit : quid de Enoch respondebit, qui filius genitis Deo placens non mortuus, sed translatus est? Cur ergo et Adam et Eva, si juste viventes caste filios procreassent, nonne eis possent translatione non morte succedentibus cedere? nam si Enoch et Elias in Adam mortui, mortisque propagationem in carne gestantes, quod debitum ut solvant, creduntur etiam redituri ad hanc vitam, et quod tamdiu dilatatum est morituri, nunc tamen in alia vita sunt, ubi ante resurrectionem carnis antequam animale corpus in spiritale mutetur, nec morbo nec senectute deficiunt, quanto justius ac probabilius, primis hominibus, illis præstaretur, sine ullo suo parentumve peccato viventibus, ut in meliorem aliquem statum filiis genitis cederent, unde sæculo finito cum omni prosperitate sanctorum in evangelicam formam, non per carnis mortem, sed per Dei virtutem multo feliciter mutarentur!

*Apprehenditque vestimenta sua, et scidit illa in duas partes, et levavit Elisæus pallium Eliæ quod ceciderat ei.* Elisæus enim Domini ac Redemptoris nostri figuram gestavit, vestimenta vero illius veteris Testamenti accipiendæ sunt Scripturæ, quæ tunc scissæ, hoc est, revelatæ hominibus sunt, quando per passionem et resurrectionem sive ascensionem ipsius in cœlo expletæ sunt. Pallium vero Eliæ ab Elisæo collectum, virtus accipienda est Verbi, quam ad glorificandam carnem suam mundo reliquit.

XV. *Ab Elisæo sanatur aquæ.* IV Reg. II. — Habitate autem Elisæo in Hiericho, venerunt ad eum viri civitatis, et dixerunt ei : *Ecce habitatio civitatis hujus valde optima est, ut ipse tu, domine, perspicias; sed aquæ pessimæ sunt, et terra sterilis.* At ille ait, *Afferte mihi vas novum, et mittite in eo sal.* Qui cum attulissent, egressus ad fontem aquarum, misit in eum sal, et ait, *Hæc dicit Dominus : Sanavi aquas has, et non erit in eis ultra mors neque sterilitas.* Sanatur ergo sunt aquæ usque ad diem hanc juxta verbum Elisæi quod locutus est. Civitas Hiericho mundi hujus præsignabat figuram, cujus habitatio secundum Conditoris creationem non simpliciter tantum, sed valde ab omnibus, ut cernitur, optima est, Aquæ vero illius pessimæ, doctrina accipienda est philosophorum et poetarum, videlicet hominum mentes ad dæmonum cultum et libidinem atque luxuriam provocans. Terra vero sterilis omne indicat hominum genus, qui, relicto Creatore Deo, obscuratis sensibus, deservebant omnibus creaturis. Quem enim in hoc facto miraculo, nisi Dominum Jesum Christum præfiguravit, qui postquam *Verbum caro factum est* (Joan. I), atque per ministrum in Jordane fluvio baptizari dignatus est, aquas Hiericho steriles, hoc est, hujus mundi convertit in lavacri fecunditatem, ut quidquid ex eis regeneratum fuisset, vitalem acciperet spiritum. In sale quippe sapientia, in vase vero rudi caro Domini intelligitur.

XVI. *De pueris ab eo maledictis.* IV Reg. II. — *Ascendit, inquit, in Bethel. Cumque ascenderet per viam, pueri parvi egressi sunt de civitate, illudebantque ei dicentes : Ascende, calve, ascende calve! Quibus maledicens in nomine Domini, continuo egressi sunt duo ursi de saltu, et laceraverunt ex eis quadraginta duos pueros; et abiit ex inde in montem Carmeli.* Elisæus, qui interpretatur Dei salus, personam Salvatoris gestasse non dubium est; qui Salvator ascendens in Bethel, hoc est, ad domum Dei cœlestem, a Judæis quasi a pueris insipientibus subsannatus est, clamantibus iisdem Judæis, *Ascende, calve, ascende, calve! Crucifige, crucifige* (Joan. XIX)! in Calvariae loco : ob cuius piaculi facinus plebs Judæorum, decursis quadraginta duobus annis, post resurrectionem Salvatoris et ascensionem in cœlos, a principibus Romanorum, Vespasiano videlicet et Tito, quasi a duobus ursis consumpta est. Mons vero Carmelus

A Ecclesia intelligenda est, ad quam, spreto Israele, suum Dominus transtulit regnum.

XVII. *De filiis viduæ a servitute vindicatis.* IV Reg. IV. — *Mulier quædam, inquit, de uxoribus prophetarum venit ad Elisæum, et ait : Servus tuus vir meus mortuus est, et tu nosti quia timens erat Deum; et ecce nunc veniens creditor duos filios meos vult tollere in servitutem sibi. Cui dixit Elisæus : Quid habes in domo tua? indica mihi.* At illa, *Modicum, inquit, olei quo ungar.* Ad quam Elisæus, *Vade, ait, et pete tibi vasa non pauca, et ingressa cubiculum, tolle de ipso oleo, et mitte in vasis; tu infunde, et filii tui offerant vasa; cumque impleta fuerint, vende et redde creditori tuo; tu autem et filii tui vivite de reliquo.* Quæ abiit, et fecit sicut ei vir Dei præceperat. Mulier hæc vidua antiquam sanctorum patrum, qui sub lege fuerunt, significavit Ecclesiam, quæ in adventu Salvatoris a legali præcepto quasi a legitimo viro destituta, cum duobus superstitis filiis, id est, gemino populo derelicta est. Creditor hujus Ecclesiæ diabolus intelligendus est, qui humanum genus ante adventum Salvatoris per originale delictum et quotidiana peccata obnoxium tenebat. Quæ Ecclesia parum olei in vasculo tenebat, quia gratiam evangelicæ prædicationis intra litteram legis et prophetiam veteris Testamenti non revelatam apud se continebat. Postquam vero ad cognitionem veri Elisæi, hoc est, Salvatoris nostri pervenire promeruit, ejus consulto a vicinis suis, plurima vasa vacua petiit, quia per Apostolorum prædicationem multitudinem credentium ex diversis gentibus intra domum fidei ad se collegit. De oleo quoque, quod apud se habebat, in cætera vascula transfudit, quia gratiam spiritalem per orationem prædicationem in cunctis gentibus mutavit; de quo oleo, id est, divino, filios suos redemit, quia per donum Spiritus sancti atque charitatis unctionem a perpetua servitute peccati semetipsam cum cunctis fidelibus liberavit.

XVIII. *De hospitibus Elisæi.* IV Reg. IV. — *Factum est autem ut Elisæus transiret, et erat ibi mulier magna quæ tenuit eum, ut comederet panem. Cumque frequenter inde transiret, divertebat ad eam, ut comederet panem. Quæ dixit ad virum suum, Animadverte quod vir Dei sanctus est iste, qui transit per nos frequenter. Faciamus ergo ei cœnaculum parvum, et ponamus in eo lectum, et mensam, et sellam, et candelabrum, ut cum venerit ad nos, maneat ibi, etc.* Mulier ista Sunamitis typum Ecclesiæ retinebat, quæ priusquam verum Elisæum, hoc est, Salvatorem nostrum per fidem susceperet, sterilis fuit; postquam vero eundem Dominum in hospitio cordis sui suscipere promeruit, populum fidelem quasi unicum filium genuit. In cœnaculo altitudo fidei, in lectulo vero quies spiritualis atque contemplationis otium præfiguratur. In mensa autem unitas fidei et concordia prædicationis innuitur; in sella vero docendi potestas; in candelabro illuminatio fidei, sive claritas virtutum exprimitur.

XIX. *De puero resuscitato.* IV Reg. IV. — Post hæc refert Scriptura de filio Sunamitis, quem puer Elisæi missus cum baculo non resuscitat, per semetipsum vero veniens, seque super mortuum sternens, atque ad ejus membra se colligans, huc illucque deambulans, et in ore mortui septies aspirans hunc ad redvivam lucem protinus per mysterium compassionis animavit : quia videlicet auctor humani generis Deus quasi mortuum puerum doluit, cum extinctos nos iniquitatis aculeo miseratus aspexit. Et quia per Moysen terrorem legis protulit, quasi per puerum virgam misit : per legem quippe virgam Dominus tenuerat cum dicebat, Si quis hæc vel illa fecerit, morte moriatur. A peccati igitur morte timor nos suscitare non valuit, sed ad statum vitæ aspirata mansuetudinis gratia erexit. Sed puer cum baculo mortuum suscitare non valuit, quia, Paulo attestante, nihil ad perfectum adduxit lex (Heb. VII). Ipse autem per semetipsum veniens, et super



cadaver se humiliter sternens, ad adæquanda mortui membra se collegit, quia cum in forma Dei esset, non rapinam arbitratus est esse se æqualem Deo, sed semetipsum exinanivit, formam servi accipiens, in similitudinem hominum factus, et habitu inventus ut homo (Phil. II). Huc illucque deambulabat, quia et Judam juxta et longe positas gentes vocat. Super mortuum septies inspirat, quia per apertionem divini numinis gratia septiformis Spiritus in peccati morte jacentibus aspirat; moxque vivens agitur, quia is quem terroris virga suscitare non potuit, per amoris spiritum puer ad vitam rediit.

XX. De Naaman a lepra mundato. IV Reg. v. — Jam nunc historia Naaman Syri prosequenda est. Superius ostendimus Elisæum typum habuisse Domini Salvatoris. Naaman vero princeps militiæ Syriæ, qui leprosus fuerat, et suggerente ancilla ab beato Elisæum sanandus advenit, populum gentium figuravit. Puella vero parvula, quæ de terra Israel ab Assyriis capta, et in Syriam ducta, uxori Naaman servitium exhibebat, et dominæ suæ suggererat quod si ad beatum Elisæum suus dominus pergeret, sanitatem consequeretur, legis accipienda est fama: idcirco videlicet parvula nuncupata est, quia, ut Apostolus ait (Hebr. vii), nullum ad perfectum perducere valuit: omnis enim perfectio in Domino Jesu Christo est: fama quippe eorum quæ in lege de castitate et sobrietate, patientia, justitia, hospitalitate, pietate exterisque virtutibus habebantur, ad universas pervenerat nationes: quia licet in tempore illo in sola Judæa prophetia floruerit, fieri tamen non poterat, nisi ut etiam ad illas vicinas gentes beata ejus notitia perveniret; et quamquam eandem custodire contenderent, tamen velut captiva eisdem serviebat, quia idololatriæ cultui deditæ erant. Audivit Naaman puellam, et venit ad Elisæum sanandus a lepra; et populus gentium audivit famam legis prophetiæ, et venit ad Christum ab omnium peccatorum lepra sanandus. Quid tamen dixit beatus Elisæus per nuntium ad Naaman, videamus. Ait enim ei, *Vade, inquit, lavare septies in Jordane*. Quod cum audisset Naaman, tantum ut lavaretur septies in Jordane, indignatus est, et volebat renuere; sed ab amicis suis consilio accepto, acquievit ut lavaretur, et purgatus est. Hoc significavit quia populus gentium, antequam Christus crucifigeretur, ipso per se Christo loquente non crediderunt, sed postea docentibus apostolis ad sacramentum baptismi fideliter venit. Elisæus namque in præfiguratione futurorum Naaman Syrum videre noluit, et tamen minime despexit; sic nimirum Dominus Jesus Christus populum gentium, qui eum carnalibus oculis minime vidit, exterum a sua salute non fecit. Dixit ergo Elisæus ad Naaman ut lavaretur septies in Jordane. Notandum quod Elisæus mittit Naaman ad Jordanem fluvium; ita Christus populum gentium missurus erat ad baptismum. Quod autem Elisæus non per se ipsum Naaman aut tetigit aut baptizavit, hoc significatum est, quod Christus non per se ipsum venit ad populum gentium, sed per apostolos suos, quia illis dixit: *Ite et baptizate omnes gentes in nomine Patris, et Filii, et Spiritus sancti* (Matth. xxviii). Et hoc attendendum est, quia Naaman, qui populum gentium figurabat, in illo fluvio sanitatem receperit, quem postea Christus suo baptismo consecravit. Audiens vero Naaman ut lavaretur septies in Jordane, indignatus est dicens: *Numquid non meliora sunt flumina regionis meæ, flumina Damasci Abana, et Pharphar, ut in ipsis laver et munder?* Hæc illo dicente, consilium dederunt servi sui ut acquiesceret prophetæ consilio. Quid autem hoc significet, intueundum est. Sanctus Elisæus sicut diximus, typum habebat Domini Salvatoris, et Naaman figurabat populum gentium. Quod vero de suis fluminibus sanitatem se recepturum esse credebatur, hoc indicabat quod genus humanum de libero arbitrio et de propriis meritis præsumebat. Sed propria merita sine gratia Christi libertatem habere pos-

A sunt, recipere sanitatem omnino non possunt. Unde nisi ad exemplum Naaman, humanum genus consilium Elisæi audisset, id est, per Christi gratiam donum baptismatis humiliter exceperisset, ab originali et actuali lepra liberari non potuisset. Sive aliter flumina Damasci, quorum aquas Naaman Syrus meliores aquis Jordanis esse opinabatur, hujus mundi sapientiam significant, quam populus gentium priusquam fidem Christi perciperet, pro magno habens, evangelica præcepta negligens, contemnebat. *Lavare septies*, dixit, propter septiformem gratiam Spiritus sancti, quæ in Christo Domino requievit. Denique quando in eo fluvio Dominus baptizatus est, Spiritus sanctus in columbæ specie super eum venit. Cum ergo in figura baptismi Naaman in fluvium descendisset, *Facta est*, inquit Scriptura, *caro ejus tamquam pueri parvuli* (IV Reg. v). Hanc similitudinem in populo Christiano compleri v. demus, quia omnes qui baptizantur, sive senex sit, sive juvenis, omnes tamen infantes appellantur, quia per Adam et Evam veteres nascuntur, per Christum et Ecclesiam novi regenerantur. Prima generatio perducit ad mortem, secunda generatio perducit ad vitam. Prima generatio filiæ iræ, secunda generatio vasa misericordiæ, sicut Apostolus dicit: *In Adam omnes moriuntur, in Christo omnes vivificabuntur* (I Cor. xv). Quo modo Naaman senex septies lavando factus est velut puer, sic populus gentium cum esset peccatis veteribus senex, et multis iniquitatum maculis velut lepra per-fusus, per gratiam baptismi ita renovatur, ut in eo nec originalis nec actualis peccati lepra remaneat; et qui fuerat eriminum ponderibus curvus, ad exemplum Naaman salutari lavacro renovatur, ut parvulus, et prima stola induitur. De qua Apostolus ait: *Quicumque in Christo baptizati estis, Christum induistis*. In emundatione Naaman Syri, decima virtus ponitur Elisæi. Denarius enim numerus consummationem sive perfectionem demonstrat, quia in fine mundi Dominus legitur advenisse, in quo universis lepra infidelitatis aspersis cognoscitur salus attributa. Quod vero posteaquam mundatus est Naaman munera obtulit beato Elisæo, et ille accipere noluit Christi in hoc gratia figuratur, quæ ideo gratia dicta est quia gratis datur; sic enim ipse Dominus in Evangelio discipulis dixit:

*Infirmos curate, mortuos suscite, dæmones ejcite: grati accepistis, gratis date* (Matth. x). Dixitque interea Naaman ad Elisæum: *Obsecro, concede mihi servo tuo, ut tollam onus duorum burdonum de terra: non enim faciet ultra servus holocaustum aut victimas diis alienis, nisi Domino soli*. Unus terræ duorum burdonum, incarnationis Christi prætendebat sacramentum, cujus mysterium uterque populus ex circumcissione videlicet et præputio ob spem æternæ beatitudinis portare non renuit. Posthæc refert eadem Scriptura quod interrogaverit Elisæus Jezi puerum suum:

*Unde venis, Jezi? Qui respondit, Non ivit servus tuus quoquam. Et ille ait, Nonne cor meum in presenti erat, quando reversus est homo de curru suo in occursum tuum? Nunc igitur accepisti argentum, et accepisti vestes, ut emas olivea et vineta, et oves et boves, et servos et ancillas. Sed et lepra Naaman adhærebit tibi et semini tuo, usque in sempiternum*. Sic enim propheta Elisæus puerum suum Jezi absens corpore vidit accipientem munera, quæ dedit illi Naaman Syrus, quem propheta memoratus a lepræ deformitate mundaverat, quod servus nequam, Domino suo non vidente, latenter se fecisse putaverat, quanto magis in illo corpore spiritali videbunt sancti omnia, non solum si oculos claudant, verum etiam unde sunt corpore absentes? Tunc enim erit perfectum illud de quo loquens Apostolus ait: *Ex parte, inquit, scimus, et ex parte prophetamus; cum autem venerit quod perfectum est, evacuebitur quod ex parte est* (I Cor. xiii). Deinde ut quo modo posset aliqua similitudine ostendere quantum ad illa quæ futura



est distet hæc vita, non quidlibet hominum, A verum etiam qui præcipua hic sanctitate sunt præditi: Cum essem, inquit, parvulus, quasi parvulus sapiebam, quasi parvulus loquebar, quasi parvulus cogitabam; cum autem factus sum vir, evacuavi quæ parvuli erant; videmus nunc per speculum in ænigmate, tunc autem facie ad faciem; nunc scio ex parte, tunc autem cognoscam sicut et cognitus sum (Ibid. 11). Si ergo in hac vita, ubi hominum mirabilium prophetia ita comparanda est illi vitæ, quasi parvuli ad juvenem, vidit tamen Elisæus accipientem munera servum suum, ubi ipse non erat. Itane cum venerit quod perfectum est, nec jam corpus corruptibile aggravabit animam, sed incorruptibile nihil impediet, illis sancti ad ea, quæ videndi sunt, oculis corporeis, quibus Elisæus absens ad servum suum videndum non indiguit, indigebunt? Namque, secundum interpretes septuaginta, ista sunt ad Jezi verba prophetæ: Nonne cor meum erat tecum, quando conversus est vir de curru in obviam tibi, et accepisti pecuniam? et cætera. Sic autem ex Hebræo interpretatus est presbyter Hieronymus: Nonne cor meum, inquit, in præsentia erat, quando reversus est homo de curru suo in occursum tui? Corde suo ergo dixit se hoc vidisse propheta, adjutus quidem mirabiliter, nullo dubitante, divinitus; sed quanto amplius tunc omnes munere isto abundabunt, cum Deus erit omnia in omnibus; habebunt tamen etiam illi oculi corporei officium suum, et in loco suo uterque erit illis spiritus per spiritale corpus: neque enim ille propheta, quia eis non indiguit, ut videret absentem, non eis usus est ad videnda præsentia: quæ tamen videre spiritu posset, etiam si illos clauderet, sicut vidit absentia, ubi cum eis ipse non erat. Absit ergo ut dicamus illos sanctos in illa vita Deum clausis oculis non visuros, quem spiritu semper videbunt; sed utrum videbunt et per oculos corporis, cum eos apertos habebunt, inde quæstio est: si enim tantum poterunt in corpore spiritali, eo modo utique etiam ipsi oculi spirituales, quantum possunt isti, quales nunc habemus, procul dubio per eos Deus videri non poterit. Longe itaque alterius erunt potentia, si per eos videbitur incorporea illa natura, quæ non continetur loco, sed ubique tota est. Jezi, minister Elisæi, qui cupiditate argenti deceptus, pecuniam a Naaman Syro accepit, et post paululum lepræ contagione est percussus, Judæ proditoris typum gessisse non dubium est: sicut enim Jezi ideo serviebat beato Elisæo, ut pecuniam posset acquirere, ita et Judas propterea adhæserat Domino Salvatore, ut fraudem faceret, et terrenas divitias congregaret. Denique sic de illo in Evangelio scriptum est, Quia fur erat, et loculos habebat, et ea quæ mittebantur, exportabat (Joan. xii). Nam Jezi qui gratiam magistri potuerat promereri, sicut dominus suus consecutus fuerat beati Eliæ, cupiditate victus in æternum meruit crudeli lepra perfundi; Judas vero per amorem pecuniæ et apostolatus gratiam perdidit, et laqueo vitam finivit. Ac sic intelligimus omnes malos sacerdotes intra Ecclesiam intus in anima peccati lepra esse perfusos, qui contra Dominica præcepta ministerium quod gratis acceperunt gratis non administrant, et pro omni opere quod in Ecclesia gerunt non futuram mercedem, sed præsentem quarunt retributionem; potest enim Jezi etiam Judæorum populum figurare, qui eo tempore peccati lepra percutitur, quo ab ea populus gentium liberatur. Denique sic infideles Judæi in passione clamaverunt: Sanguis ejus super nos, et super filios nostros (Matth. xxvii): tunc enim peccati lepra perfundi meruerunt, quando super cœlestem medicum ore sacrilego clamaverunt: Tolle, tolle, crucifige eum (Joan. xix)! Ergo eo tempore in illis remansit lepra, quo ad nos transiit gratia. Denique sic et apostolus Paulus ad eos locutus est dicens: Vobis, inquit, oportuit primum loqui verbum Dei, sed quia vos indignos judicastis æternæ vitæ, ecce convertimur ad gentes (Act. xiii). Quando doctrina apostolorum ad

gentes transiit, tunc in miseri Judæi peccati lepra permansit.

XXI. De ferro natante. IV Reg. vi. — Posthæc refert Scriptura quod, eunte beato Elisæo cum filiis prophetarum ad Jordanem fluvium, dum sibi ligna conciderent, ceciderit securis in aquam, et ille de cujus manu corruit clamaverit ad beatum Elisæum: Heu! heu! et hoc ipsum mutuo acceperam. Posthæc in loco ubi securis illa ceciderat, beatus Elisæus misit lignum, et natavit ferrum. Dominus Jesus Christus, cujus figuram Elisæus gestavit, cum per præsentiam corporis sui Judæorum impietatem tamquam infructuosam arborem succidere vellet, quia de illo Joannes ait: Ecce securis ad radicem arborum posita est (Matth. iii): interveniente passione corpus ipsum velut manubrium deseruit, et in inferni profunda descendit, quod in sepultura depositum, ad vitam tamquam ab manubrium suum spiritu redeunte, surrexit. Sive aliter, Elisæum typum habuisse Domini Salvatoris frequenter jam supra diximus; sed et in puero illo filio prophetæ, cui securis de manu lapsa est, non incongrue Christus intelligitur: securis illa quæ cecidit, Adam sive totum genus humanum significasse videtur. Tenebat ergo filius prophetæ securim in manu sua, et Dominus ac Salvator noster humanum genus quod creaverat in manu potentia suæ. Sed quomodo securis illa de manu prophetæ in profundum corruit, ita et genus humanum de manu omnipotentis Dei per superbiam se excussit, ceciditque in fluvium luxuriæ, vel omnium peccatorum gurgite se submersit. Securis ergo illa in profundo jacebat, quia genus humanum in omnium criminum abyssu infelici ruina corruerat, sicut scriptum est, Infixus sum in limo profundi (Ps. lxxviii). Iterum: Deveni in altitudinem maris, et tempestas demersit me (Ibid.): fluvius enim ille ubi securis cecidit, significat præterfluentem, et fugitivum, et descendantem in voluptatem vel luxuriam, sæculi hujus cursum; fluvius enim a fluendo nomen accepit, et quia omnes peccatores transitoriis voluptatibus inhærentes fluere dicuntur, ideo securis illa in fluminis limo jacebat oppressa. Veniens ergo Elisæus misit lignum, et natavit ferrum. Quid est lignum mittere et ferrum in lucem producere, nisi patibulum crucis ascendere, et de profundo inferni humanum genus eripere, et de omnium peccatorum limo per crucis mysterium liberare? Postquam vero natavit ferrum, misit manum propheta et recepit illud, et reddidit ad utilem usum domini. Ita et de nobis factum est, qui de manu Domini superbiendo cecideramus, per crucis lignum ad manum vel potestatem Domini redimus. Item moraliter, ferrum in manubrio donum intelligitur in corde; ligna vero per hoc cedere, est prave agentes increpare, quod nonnumquam dum fluxe agitur, dum lapsus vanæ gloriæ in accepta eadem scientia non vitatur, ferrum in aqua perditur, quia ex dissoluto opere intelligentia fatiatur, quam profecto intelligentiam ad hoc novimus dari, ut ante dantis oculos ex bona actione debeat restitui. Unde et recte is qui ferrum amisit, clamabat, Heu! heu! heu! domine mi, et hoc ipsum mutuo acceperam; habent enim hoc electi proprium, si quando in eis sua scientia furtiva vanæ gloriæ culpa subripitur, ad cor velociter redeunt, et quidquid in se ante districti judicis oculos damnabile inveniunt, lacrymis insequuntur; qui flentes non solum caute inspiciunt, quæ mala commiserunt, sed ex accepto munere quæ reddere etiam bona debuerunt, quia nimirum tanto se amplius peccatores sentiunt, quanto ex neglectis bonis quæ agere poterant debitores tenentur: recte enim qui ferrum perdidit, clamabat, Heu! heu! heu! et hoc ipsum mutuo acceperam. Ac si dicat, Illud per dissolutionem negligentia perdidit, quod ut per bona opera redderem, ex gratia creditoris acceperam. Et numquam Deus mentem deserit, quæ in peccatis se veraciter agnoscit. Unde et mox Elisæus veniens, lignum deorsum mittit, et ferrum in superficiem at-



tauit : quia videlicet Redemptor noster , pie nos recipiens, cor peccatoris humiliat, et ei quam amiserat intelligentiam reformat; lignum mergit, et ferrum levat, quia cor affligit, et scientiam reparat. Unde bene in alia translatione dicitur quod infregit lignum atque iactavit, et sic ferrum sustulit : lignum namque confringere est cor ab elatione conterere; lignum ad ima jectare, elevatum cor in cognitionem, ut diximus, propriæ infirmitatis humiliare; atque illico ferrum in superficiem redit, quia ad usum exercitationis pristinum intelligentiæ recurrit. Igitur quoniam donum intellectus quod accipitur vix cum tot difficultatibus custoditur, curandum valde est ne otio torpeat, curandum ne incitationes operis vitio elationis evanescent. Sancti namque viri minime exultant, cum cognoscunt quæ faciunt, sed cum faciunt quæ cognoverunt; etsi intelligendo largiores congruunt a munere largitoris, moerentes tamen considerant debitum operis, ut videlicet actione persolvant quod eis prorogatum est in cogitatione. Stultus namque est debitor, qui gaudens pecunias mutuas accepit, et tempus quo reddere debet non attendit. Moderatur autem lætitia accipiendi, quando solerti providentia etiam constitutum tempus reddendi cogitatur.

*Rex autem Syriæ pugnabat contra Israel; consiliumque iniit cum servis suis dicens: In loco illo et illo ponamus insidias, et reliqua.* Rex Syriæ Samariam obsidens, diaboli gestabat typum, qui ante adventum Salvatoris Judæorum populum sua obsidione concluderat, cujus sævitæ atque occultæ insidiæ, quas humano prætendebat generi veri Eliæ, hoc est, Domini Salvatoris præscientia atque virtute frustratæ sunt. Exercitus regis Assyriorum, qui ad capiendum Eliæ ab ipso missus est, Scribarum et Phariseorum habuerunt typum, qui instinctu diaboli ad persequendum Deum instigati sunt, et per virtutem ejusdem Domini et Salvatoris nostri iusto iudicio obsecati sunt, et rursus per misericordiam illius pane verbi Dei sunt pasti, et aqua scientiæ refecti. Merito movet quo modo potuerunt Syri isti ire in Samariam, si tali erant cæcitate percussi ut omnino nihil viderent. Hac aorasia etiam illi percussi sunt qui quærebant ostium Loth: hoc enim modo sua calamitate turbati amentes facti sunt, usque dum irent in Samariam, et ulterius prophetam tali modo comprehendere non quaesierunt.

*XXII. De ob idione Samariæ. IV Reg. vi.—Factum est autem post hæc, congregavit Benadab rex Syriæ universum exercitum suum, et ascendit, et obsedit Samariam. Facta est autem fames magna in Samaria, et tandiu obsessa est civitas donec venundaretur caput asini octoginta argenteis, et quarta pars canistri stercoris columbarum quinque argenteis, etc.* Fames Samariæ illata inopia significat verbi Dei, sive egestatem fidei, per quam diabolus ante adventum Salvatoris Dei populum concluderat. Caput asini octoginta argenteis venundatum significat superbiam quæ initium est omnis peccati; per asinum enim, quod immundum est animal, omnia vitia diaboli præfigurasse non dubium est, quorum, ut dictum est, caput est superbia. Hanc reprobi omnes, neglecto decalogo legis, atque ogdoada Evangelii, in qua imago est Dei, in cibum maluerunt sumere quam panem verbi Dei. Quarta vero pars canistri stercoris columbarum, quod quinque argenteis emptum, in cibum sumere dicitur, hoc figurasse videtur, quod populus reprobus, relicta cultura Dei, atque quinque corporis sensibus subditus, per idolorum culturam et simulationem velut quodam fetore peccatorum pasti, diabolo satisfaciebant. Dux mulieres, quarum una famis inopia coacta filium suum comedit, reprobam plebem ex Judæis significasse non dubium est, quæ omne bonum quod in se originaliter habuit inopia fidei consensu consumpsit. Alia vero quæ in tale facinus consensum præbere renuit, electam plebem procul dubio figuravit.

**A** *Quatuor ergo viri erant leprosi juxta introitum portæ, qui dixerunt ad invicem. Quid hic esse volumus donec moriamur? et reliqua.* Quatuor leprosi qui extra civitatem positi futuram Israeli defensionem pronuntiant, illos indicasse videntur qui ex populo Judæorum immunditiam peccatorum suorum prius cæteris confessi sunt, et ad tantam pervenire meruerunt gratiam, ut victum atque fugatum diabolum per victoriam crucis Christi cæteris annuntiarent. Quinque equi qui in Samaria præ inopia famis tantummodo remansisse dicuntur, carnalem Judæorum populum sub quinque libris legis derelictum figurasse certum est. Dux ille qui futuram frumenti abundantiam per Elisæum venturam audiens, credere noluit, Scribarum atque Phariseorum gestavit figuram, qui fertilitatem in Ecclesia divinitus collatam vidit, et quia credere noluit, ab hac impietate sua mortuus, a fidelibus conculcatus est. Mulier Samamitis, quæ ob inopiam famis consultu Elisæi de Judea ad terram Philistinum transivit, primitivam Ecclesiam, quæ per apostolos ex circumcisione in Christo credidit, præsignavit; quæ Ecclesia ob infidelitatem Judæorum, atque inopiam verbi Dei, quæ illos obtinuit, revelante sibi divino Spiritu ad populum gentium transmigravit: hæc enim in fine mundi, postquam plenitudo gentium introierit, ad priorem populum revertens, prædicante Elia, electos ex eadem plebe quasi pristinam paternorum suorum possessionem in proprio jure recipiet, et tunc omnis Israel salvus fiet (Rom. xi). Quod ait Joiada pontifex sacerdotibus et levitis in templo, proferens Joas filium Azariæ, quem sex annis, quibus regnavit Athalia, clam nutriebat in templo.

**XXIII. De Joa uncto in regem. IV Reg. xi.—Tertia autem pars vestrum introeat sabbato, et observet excubitus domus regis; tertia autem pars sit ad portam Scyr, et tertia pars ad portum quæ est post habitaculum scutariorum. Custodietis excubitus domus Messa, dux vero partes e vobis omnes egredientes sabbato, custodiant excubitus domus Domini circum regem, et vallatis eum, habentes arma in manibus vestris, etc. quæ ibidem dicta vel facta commemorantur, melius intelliguntur, si de locis templi in quibus actum est, latius aliqua replicentur. Templum quidem ipsum, exceptis porticibus, quibus omni ex parte sibi adherentibus circumdabatur, habebat intra parietes: hæc est enim mensura prima quam Verba dierum nominant: Sexaginta cubitos longitudinis, viginti autem latitudinis; cujus omnis ambitus atrio tribus cubitis alto erat circumdatus, habente introitum a parte orientis, cujus in libro Regum ita meminit Scriptura. Et ædificavit atrium interius tribus ordinibus lapidum politorum, et uno ordine lignorum cedri: interius videlicet hoc appellans atrium, eo quod alia circa hoc exteriora sint facta. Porro in Verbis dierum ita: *Fecit etiam atrium sacerdotum, et basilicam grandem, et ostia in basilica; quæ textit ære* (II Par. iv): atrium videlicet sacerdotum hoc nominans, quia nimirum ad hoc erat factum, ut ab ingressu templi cæteros arceret, solisque hoc sacerdotibus licere designaret. Erat autem hoc idem atrium ab australi, ab occidentali et septentrionali parte vicinior muro templi. Porro ad portam Solis, unde et introitum per gradus habebat, in magnam se prolixitatem a templo protendebat: utpote quod in illa sui parte altare holocausti, in illa lutores bis quinos, in quibus hostiæ lavarentur, in illa mare æneum, in quo intraturi ad ministerium sacerdotes lavarentur, in illa sacerdotum immolantium et psallentium habebat choros levitarum. Circumdabatur hoc atrium undique versum a longa æde per maxima in quadrum; cujus interior paries, id est, qui templum a quatuor mundi partibus respiciebat, inferius erat per totum in arcibus constructus, ulterior vero firma soliditate fundatus, et januas habens æreas, ut supra dictum memoravimus, et ostia in basilica, quæ textit ære; quæ etiam porticibus communita, maximis et opportunis erat discreta cœnaculis; et rursus extra hanc ædem in gyro altera**



simili schemate facta; sed et tertia nihilominus circa illam eodem ordine facta per gyrum, interiora omnia longe lateque circuibat, in hoc tantum a prioribus distans ædibus, quod orientalis et septentrionalis ejus paries ostia minime habebat, eo quod uterque eorum ad moros pertineret civitatis. Hæc autem sunt atria de quibus canitur in psalmis, *Qui statis in domo Domini, in atriiis domus Dei nostri* (Ps. cxxxiii). Et quoniam ipsi domus Domini mediocri loco constructa erat, fiebat ut atria quanto exteriora fuerint, tanto altiores haberent parietes, utpote inferius fundamenta habentes, adeo ut ultima quadringentos in altitudine cubitos haberent, nec tamen æquandæ templi altitudini aliquantulum appropinquarent, quorum omnium in libro Paralipomenon ita generalis fit mentio. *Dedit autem David Salomoni filio suo descriptionem porticus, et templi, et cellariorum, et cœnaculi, et cubiculorum in adytis, et domus propitiationis, nec non et omnium quæ cogitaverat atriorum et exedrarum per circuitum in thesauros domus Domini, et in thesauros sanctorum* (I Paral. xxviii). Sed et Josephi scriptura, vel pictura ab antiquis formata, plenius quo sint hæc ordine facta distinguit (*Joseph., Antiq. Jud. lib. viii, c. 3*). His vero ita compositis, in sancta sanctorum summi tantum sacerdotis erat semel in anno ingredi, cum sanguine hostiarum; in sanctuario ante oraculum sacerdotes tantum purificati introibant; in atrio interiori sacerdotes omnes et levitæ; circa hoc atrium sub dio, vel si tempestas arcebat, in ædibus circumpositis viri Israelitæ ad orandum sive audiendum verbum Dei conveniebant. In tertio ordine atriorum stabant ad orandum mulieres Israelitæ sub dio, vel si tempestas non sinebat, proxima circumpositarum ædium tecta subibant. Porro in ultimo ordine atriorum gentiles, qui ad orandum forte convenerant, intrabant, ubi etiam post tempora dispersionis ii qui de gentibus nuper advenerant Israelitæ, septem diebus purificati, sic tandem in interiora sanctorum petebant. Quæ autem intra atria vel in atriiis erant pavimenta, lapide vario sunt omnia strata. Ita vero ostia in ædibus contra invicem posita erant, ut ii etiam qui in ultimis consistebant templum possent intueri. Erant autem sortes viginti quatuor et sacerdotum, et levitarum, et janitorum, qui per totidem septimanas sibi ex ordine succederent; sabbato nova turba intrante ad officium, et post sabbatum ea quæ proxima septimana ministraverat, domum redeunte. Sed hic pontifex proponit necessitatem augendi circa novum regem exercitus, et eos qui intrandi septimanam habebant, suscepit in ordinem, et illos qui jam suam septimanam ministrando impleverant, ne abirent, retinuit, qui alios quosque levitas de cunctis urbibus Juda simul et principes familiarum Israel, missis in hoc centurionibus Hierosolymam, congregaverat, ut Verba dierum narrant; quos educturus filium regis tali ratione distinxit, ut omnes qui impleverunt sabbatum et egressuri erant, in duas divisi partes regem in interioribus atrii locis armati circumstarent; reliqua vero multitudo, id est, qui non erant de stirpe Levi, exteriores atriorum janus contra furorem reginæ, si quid forte adversi moliretur, custodirent. Porro qui nuper ad sabbatum venerant sacerdotes, et levitæ, et janitores, in tres divisi partes, domum regis, id est, palatium observarent, ne vel hoc regina collecto exercitu contra regem defenderent, servarent et portam habitaculi scutariorum, per quam de templo ad palatium descendebatur, sicut infra dicitur (II Paral. xii). Duxeruntque regem de domo Domini, et venerunt per viam portæ scutariorum in palatium et sedit super thronum regium, ubi etiam porta Seyr, et domus Messa, quæ cum porta scutariorum nominantur, esse videntur. Scutarios autem tutores regis appellat, testante libro Paralipomenon, qui, cum Roboam scuta ærea pro aureis fecisse commemorasset, adjecit, *Et tradidit illa principibus scutariorum, qui custodiebant vestibulum palatii* (II Paral. xxiii). In quo

A videlicet libro distinctius hæc cuncta replicantur. *Tertia pars vestrum, qui veniunt ad sabbatum, sacerdotum et levitarum et janitorum erit in portis; tertia vero pars ad domum regis, et tertia in porta, quæ appellatur Fundamenti; omne vero reliquum vulgus sit in atriiis domus Domini, nec quisquam alius ingrediat domum Domini, nisi sacerdotes, et qui ministrant de levitis, ipsi tantummodo ingrediantur, quia sanctificati sunt, et omne reliquum vulgus observet custodias Domini. Levitæ autem circumdant regem, habentes singuli arma sua, etc.* Quod sequitur de eodem: *Produxitque filium regis, et posuit super eum diadema, et testimonium in diademate insigne capitis regium, in testimonio designat decreta legis Dei, quibus quid agere rex debeat, qualiter vivere, præcipitur. Denique in libro Verborum dierum apertius: Et imposuerunt, inquit, ei diadema, dederuntque in manu ejus tenendam legem; et magnæ utique erat salutarisque prudentiæ, ut per tyrannicæ impiæque reginæ necem succedente in regnum filio regis legitimi, cum ipso regni habitu simul disciplina legis Dei servanda committeretur; et qui se prælatum regendo videret, ipse se regendum divinis legibus subdi debere meminisset. Quod instauratum templum Domini tempore præfati regis Joas dicitur; et non fiebat ratio his hominibus qui accipiebant pecuniam, ut distribuerent eam artificibus, sed in fide tractabant eam, devotionem ostendit eorum, de quibus sermo est, qui tantum studi in religione habuerunt, ut nullus dubitaverit quin pecuniam Domini sine alicujus fraudis suspitione tractarent, et hanc de ærario sublatam fideliter artificibus ad munendam domum, prout singulis opus esset, offerrent.*

C *Post hæc mortuus est, inquit, Elisæus, et sepelierunt eum. Latrunculi vero de Moab venerunt in terram ipso videlicet anno. Quidam autem sepelientes hominem, viderunt latrunculos, et projecerunt cadaver in sepulcro Elisæi; quod ambulavit, cum tetigit ossa Elisæi, continuoque revixit homo, et stetit super pedes suos.* Latrunculi enim Moab figuraliter dæmones intelligendi sunt, qui ad incestum et omne opus execrabile vitiorum stimulis perurgent infelicium mentes. Qui vero mortuum sepeliebant, ii accipiendi sunt, qui, ut apostolus Jacobus ait, impios et peccatores ab errore viæ suæ assidua exhortatione convertunt ad tramitem pietatis et castitatis, animas eorum salvantes a perpetua morte, cooperiunt multitudinem peccatorum. Sive aliter: Sepelientes mortuum ac latrunculos fugientes illi merito appellandi sunt, qui pie vivere volentes in Christo, fugiunt ac declinant vitia universa atque peccata, quia mortem videlicet operantur; corporaque in fontem projiciunt baptismi, in quo secundum Apostolum credentes sepeliuntur cum Christo, ut per communionem corporis et sanguinis ejus demceps possint vivere cum Christo.

D XXIV. *De Amasia rege.* IV Reg. xii. — Quod dicitur de Amasia rege Juda, *Ipse percussit Edom in valle Salinarum decem millia, et apprehendit Petram in prælio vocavitque nomen ejus Jectehel.* Vallis Salinarum erat, ubi sales faciebant, vel feno videlicet salsuginis, ut multis in locis deciso, exsiccato et incenso; vel aquis puteorum salis fervefactis, et usque ad salis firmitatem coquendo perductis, vel alio quolibet ordine, quo sal fieri consuevit; in quo etiam loco Joab duodecim millia Idumæorum percussisse legitur. Nec prætereundum quod pro valle Salinarum vetus editio quasi nomen regionis Gemela posuit. Petra autem civitas est Arabiæ nobilis in eadem terra Edom, quæ in libro Numerorum Recem dicitur, et a Syris hodieque sic appellatur. Jectehel vero, quod Amasias victor ei nomen imposuit, interpretatur Cœtus Dei, vel Auxilium Dei, agente eo fideliter, ut perenni inderetur memoriæ, quod hanc vel cœtu populi Dei, vel Deo auxiliante cepit.

XXV. *De Jeroboam rege.* IV Reg. xiv. — Quod dicitur de Jeroboam rege Israel, *Ipse restituit terminos Israel ab introitu Emath usque ad mare Solitudinis,*



Emath quæ nunc Epiphania dicitur, septentrionalis erat terminus Israel. Mare autem solitudinis, quod Hebraice dicitur Araba, mare Mortuum designat, quod in longitudine per stadia 580 usque ad Zoaras Arabiæ, in latitudine per 150 usque ad vicina Sodomorum protenditur.

XXVI. De colonis in Samariam ductis ab Assyriis. IV Reg. xvii.—Quod dicitur de his, quæ in Samariam a rege Assyriorum adductæ sunt, nationibus, *Et unaquæque gens fabricata est Deum suum*, posueruntque eos in *sanis excelsis*, quæ fecerat Samaritana gens, et gens in urbibus suis, in quibus habitabant: viri enim *Babylonii fecerunt Sochoth Benoth*; viri autem *Chuthani fecerunt Nergel*, et viri de Emetha fecerunt Asima, porro *Evæi fecerunt Nebaaz et Thatha*; in libro quidem Locorum legitur quod Benoth et Nergel fuerunt civitates, quas construxerunt in regione Judææ Samaritani, qui de Babylonia transierant. Asima quoque oppidum, quod ædificaverunt qui ad eam venerant de Emath. Nebaaz etiam et Thatha civitates, quas Evæi in eadem Judææ terra condiderunt. Videtur autem, juxta consequentiam sermonis, etiam idolorum, quibus hæ gentes prius in terra sua servierunt, hic posse intelligi vocabula: quia cum dictum esset, *Et unaquæque gens fabricata est Deum suum*, quasi ad expletionem sententiæ subjunctum est, *Viri enim Babylonii fecerunt Sochoth*, id est, tabernacula Benoth; et melius, ni fallor, faceret interpretes, si Sochoth Latine in tabernacula verteret, et nomen idoli Benoth absolute poneret; et sicut in sequentibus manifeste dicitur: *Ita autem qui erant de Sepharvaim, comburebant filios suos igni Adremalech et Anamalech diis Sepharvaim*, ubi ostenditur Adremalech et Anamalech idola fuisse urbis Sepharvaim: ita videtur consequens, ut etiam Nergel Chuthanorum, Asima Emethanorum, Nebaaz et Thatha idola fuerint Evæorum.

XXVII. De Sennacherib. IV Reg. xix. — Anno quarto decimo regis Ezechiae ascendit Sennacherib rex Assyriorum super omnes civitates Judæ munitas, et cepit eas, etc. Historia manifesta est, et interpretatione non indiget. In verbis autem Rabsacis arrogantia consideranda est, quæ velut contraria quædam fortitudo imitatur consuetudinem prophetarum: ut quod illi solent in prologis ponere, *Hæc dicit Dominus*, quo auctoritatem et magnitudinem loquentis ostendant, iste nunc dixerit, *Hæc dicit rex magnus, rex Assyriorum*. Consideremus verba Rabsacis, ac primum quod dicit: *Confidis super baculum arundineum confractum istum, super Ægyptum, falsum est*; nulla enim narrat historia quod Ezechias ad Ægyptos miserit, et Pharaonis auxilium postularit. Quodque infert, *Si responderis mihi, In Domino Deo nostro confidimus*, verum est; sed rursus jungit mendacium veritati, quod abstulerit *Ezechias excelsa illius et altaria*; hoc enim non contra Dominum, sed pro Domino fecerat, ut idololatria et veteri errore destructo, juberet Dominum adorare in Hierusalem, ubi erat templum ejus. Quodque paucitatem obsessorum volens ostendere, eorum duo millia pollicetur, quorum Ezechias ascensores præbere non posset, non de imbecillitate venit Judæorum, qui equitandi carebant scientia; sed de observatione mandatorum Dei, qui per Moysen super regem præceperat Israel, *Non multiplicabit sibi equos, et uxores plurimas non habebit* (Deut. xvii). Ad id autem quod dixerat, *Si responderis mihi, In Domino Deo confidimus*, callide prudenterque respondit se non sua voluntate, sed Domini venisse præceptis. Et dixit Eliachim et cæteri ad Rabsacem:

*Loquere ad servos tuos Syra lingua, si quid intelligimus, et cætera*. Accusatio Rabsacis Ezechiae testimonium est, quod captis cunctis urbibus Judææ, in Domino Deo confusus sit, dixeritque ad populum, *Nolite timere, nec paveatis regem Assyriorum, et universam multitudinem quæ est cum eo: multo enim plures nobiscum sunt quam cum illo. Cum illo est bra-*

*chium carneum, vobiscum Dominus Deus noster, qui auxiliator est nostri, pugnatque pro nobis. Et confortatus est*, inquit, *populus hujusmodi verbis Ezechiae* (II Par. xxxii). Unde Rabsaces destruere vult quod ille construxerat, et loquitur ad populum: *Non seducat vos Ezechias, et non vobis tribuat fiduciam super Domino Deo* (Isai. xxxvi). Rursusque adjiciens comminationem et terrorem: *Ut comedant, inquit, stercore sua, et bibant urinam pedum suorum vobiscum*; per quæ ostendit famem eos et penuria sitique esse capiendos; simulque illecebram jungi formidini, ut quos terrore non vicerat, repromissionibus et persuasionibus decipiat dicens:

*Facite mecum quod est utile*. Ergo sensus est: *Facite, inquit, quod vobis prosit et in benedictionem vestram proficiat*. Sive hoc dicit: *Benedicite regi Assyriorum, et laudate eum ut dominum, confitemini, ut præmia consequamini*.

Et donec revertar de Ægypto, sive capta Lobna redeam, habitare in urbe vestra, et rebus vestris frui mini, postea autem veniam et transferam vos in terram quæ similis est terræ vestræ. Quidam putant terram eis Mediæ reponit, quæ habebat terræ Judææ similitudinem tam in situ quam in frugibus. Quodque infert, *Ubi est Deus Emath, et Arphath, et Sepharvaim? Numquid liberaverunt Samariam de manu mea?* ostendit omnium civitatum sive gentium diis serviisse Samaritas; et quia non erant dii, sed idola, merito cultores vanitatis, ut decebat, esse submersos ostendit. Est autem urbs Cœlesyriæ, quæ nunc Epiphania dicitur, juxta Emesan, ut supra monuimus. Arphat urbs Damasci, quam expugnatam a rege Assyriorum etiam Jeremias scribit. Sepharvaim, quod numero plurali libros vel litteras sonat, nomen est locorum, de quibus Assyrii transmigrantes habitaverunt in Samaria, ut in Locorum libris invenimus. Verum in Isaia hoc quoque vocabulum esse civitatis apparet, ubi aperte dicitur, *Ubi est Deus urbis Sepharvaim?* Tametsi pluraliter dictum, ut Thebarum, Athenarum. Pro Ana et Ava vetus editio quasi unius urbis nomen Ana et Ava posuit; et quidem in Hebræo ita scriptum est. Verum quia syllaba *v*, quæ in medio nominis posita est, conjunctionem apud eos significat, potest etiam ita distingui ut dicatur Ante et Gave, ut Aquila transtulit, sive Ana et Ava, ut noster veritè interpretes.

*Tacuitque omnis populus, et non respondit ei quidquam*. Siquidem præceptum regis acceperant, ut non responderent. Vere justus Ezechias agebat cuncta fideliter, universa cum consilio; ideo enim jusserat blasphemanti Assyrio non respondere, ne eum ad majores blasphemias provocaret. *Et ingressus est Eliachim et cæteri cum eo ad Ezechiam scissis vestibus*. Perspicua relinquentes, ea tantum, in quibus latens sensus est disseramus. Scindunt vestes, quia Rabsacem audierant blasphemantem. Scindit et ipse rex vestimenta sua, quia peccatorum suorum et populi esse credebat, quod Rabsaces usque ad portas Hierusalem venerit, et contra Dominum talia sit locutus. Pro regio ergo cultu obvolutus est sacco, et de palatio ad templum gradiens, *Eliachim pontificem, et Sobnam scribam, et seniores de sacerdotibus misit ad Isaiam filium Amos prophetam*. In quo regis consideranda est humilitas atque prudentia. Ipse pergit ad templum, principes populi et senes sacerdotum non stolis sacerdotalibus, sed ciliciis coopertos mittit ad Isaiam prophetam filium Amos. *Dixerunt, inquit, ad eum: Hæc dicit Ezechias, Dies tribulationis, et corruptionis, et blasphemiae*; dies hæc tribulationis nostræ, corruptionis Dei, blasphemiae hostium. Ponnitque similitudinem parturientis mulieris et dolentis, quod venerunt filii usque ad partum, et virenon habet parturiens. Hæc juxta li teram peccatis facientibus videmus, quia cum hostes irruunt, defensores nostri præparantur, sed nullatenus ad præparata convalescunt. Scriptum namque est, *Requiescet super eum spiritus consilii et fortitudinis*. Quæ



utraq[ue] necessario sibi juncta sunt, quia neque virtus sine consilio esse utilis valet, neque consilium sine virtute. Quid igitur prosunt qui per consilium præparantur, dum ad prælium per fortitudinem non procedunt? Afflictus igitur atque turbatus Ezechias rex loquitur dicens: *Dies tribulationis et blasphemie dies iste; venerunt filii usque ad partum, et vires non habet parturiens.* Filii quippe usque ad partum veniunt, quando apta consilia usque ad desiderium efficiendi operis procedunt; sed virtutem non habet parturiens, dum infirmus quisque consilia hæc ad utilitatem aliquam per partum operis non perducit. Sequitur,

*Si forte audiat Dominus tuus universa verba Rabsacis, quem misit rex Assyriorum dominus suus.* Non enim audemus Dominum omnium nostrum Dominum dicere, quo irascente tanta patimur; sed tuum dicimus Dominum, et hanc habemus ultionis fiduciam, quoniam vivens Deus blasphematur a cultore idolorum mortuorum. Cumque venissent servi regis Ezechie ad Isaiam, prævenit eos Isaias; etiam absentem regem audierat, et dicit quod respondere deberent Domino suo, humilitate mixta fiducia conscientie.

*Dicite, inquit, Domino vestro, qui vester est Dominus; meus enim hæc dicit Dominus: Noli timere verba, quibus non tu, sed ego sum blasphematus. Ecce ego mittam ei spiritum, et audiet nuntium, et revertetur in terram suam, et dejiciam eum gladio in terra sua.* Ut duo pariter Ezechias, quæ optabat, audiret, se de obsidione et periculo liberandum, et inimicum iratumque regem in sua terra esse moriturum. *Reversus autem Rabsaces, invenit regem Assyriorum expugnantem Lobnam, etc.* Pugnasse autem Sennacherib regem Assyriorum contra Ægyptios, et obsedis Pelusium, jamque exstructis aggeribus urbe capienda, venisse Tharacam regem Æthiopum in auxilium, et una nocte juxta Hierusalem 185 millia exercitus Assyrii pestilentia corruisse narrat Herodotus, et plenissime Rerosus Chaldaicæ scriptor historiæ.

*Itaque cum accepisset Ezechias litteras de manu nuntiorum, et legisset eas, ascendit in domum Domini, et expandit eas coram Domino, etc.* Contra Sennacherib regis blasphemias solida Ezechias arma arripuit, rursumque pergit ad templum, et epistolas expandit coram Domino, audacter Dominum deprecatus, et solum Deum asserit esse viventem, per quem idola intelligimus imaginum mortuorum.

*Misit autem Isaias ad Ezechiam dicens, Hæc dicit Dominus Deus Israel: Quæ deprecatus es me super Sennacherib rege Assyriorum, audi. Iste est sermo quem locutus est Dominus de eo. Sprevit te et subsannavit virgo filia Sion; post tergum tuum caput movit filia Hierusalem.* Quia tam audacter Ezechias Dominum deprecatus est, nec misit ad Isaiam, ut prius miserat, non ipse propheta pergit ad eum, sed mittit nuntios qui ei dicerent verbum Dei. Supra Sennacherib, contra quem rogas, Domini ista sententia est: *Virgo filia Sion et filia Hierusalem, quæ ideo virgo appellatur et filia, quia cunctis gentibus simulacra adorantibus, hæc sola conservat castitatem religionis Dei et unius divinitatis cultum.* Subsannavit te atque despexit, et quæ ne ad majores te blasphemias concitaret, presenti non respondebat, post, te abeunte, movebit caput suum, certa de ultione, secunda de pœna, et hæc locutus est: Non contra me, sed contra Dominum superbisti, nec ipse per te, sed per servos tuos, ut major esset arrogantia blasphemantis; dixisti enim quod in quadrigarum tuarum multitudine ascenderis altitudinem montium, et juga Libani succideris, cedros atque abietes illius; quæ vel de cunctis gentibus metaphorice principibusque earum debemus accipere; vel Hierusalem quæ interpretatur Libanus, ut cedros ejus atque abietes ad potentes quosque et optimates, altitudinem vero summatis illius, saltumque Carmeli referamus ad templum. Quodque infert, *Ego fodi et bibi aquam, et exsiccaui vestigia pedis mei, omnes rivos*

*aggerum, hoc intelligi potest juxta historiam, quod pro multitudine exercitus omnia fluentia siccaverit, ut puteos sibi fodere sit compulsus: juxta translationem, quod omnes populos, qui sub aquarum nomine interdum scribuntur, suo vastaret exercitu.*

*Numquid non audisti quæ olim fecerim ex diebus antiquis? Ego plasmavi illud, et nunc adduxi. Eruntque in columnam, collum pugnantium civitates munitæ, et qui sedent in eis humiles manu contremuerunt, et confusi sunt. Facti sunt quasi senum agri, et vires herba tectorum; quæ arefacta est antequam veniret ad maturitatem. Habitaculum et egressum tuum, et viam tuam ego præscivi, et furorem tuum contra me. Insanisti in me, et superbia tua ascendit in aures meas.* Hæc ex persona Domini contra verba Assyrii sentienda sunt, quod ad blasphemiam ejus sic responderit Dominus. Num ignoras quod hæc quæ fecisti mea feceris voluntate, et ego hæc futura prædixi, ac per te facienda mandaverim. Itaque quod olim decreveram, hoc expletum est tempore, ut colles, id est, principes, qui inter se pugebant, et civitates munitissimæ, me contrahente manum meam nec solitum præbente auxilium, eradicarentur, et contremiscerent ac perirent, et compararentur non olivæ et vineæ fructuosisque arboribus, sed feno et graminibusque domatum quæ frugibus impedienda sunt, et ante marcescunt quam ad maturitatem perveniant. Itaque sessionem et egressum et introitum tuum ante cognovi, insaniam qua contra me debacchaturus eras, prophetis vaticinantibus sum locutus, per quos olim dicturum esse te noveram: *In cælum ascendam, super sidera cæli ponam thronum meum, eroque similis Altissimo (Isai. xiv).* Itaque furor tuus et superbia tua pervenit in aures meas, et nequaquam te ultra portabo, ut intelligas quod potuisti, non tuis te potuisse viribus, sed meo arbitrio. Merebantur enim impiæ gentes et infructuosæ arbores, ut per te quasi securim et serram meam succiderentur et caderent. *Ponam itaque circulum in naribus tuis, et camum in labiis tuis, ut blasphemantium ora constringam, et nequaquam ultra talia loqui audeas, frenumque injiciam labiis tuis, quod tuam ferocitatem domet, et te reducat in Assyrios.*

*Tibi autem, Ezechia, hoc erit signum, Comede hoc anno quæ repereris, et in anno secundo quæ sponte nascuntur; porro in anno tertio seminate et metite, plantate vineas et comedite fructum earum.* Omnia hæc propheta per nuntios ad Ezechiam loquitur; quid Sennacherib dixerit, quid ei Dominus responderit, non ad ipsum sermonem facit, ne forsitan dubitet futura quæ dicta sunt, et idcirco vel maxime prophetæ apud populum sermonum suorum habebant fidem, quia non solum de his quæ multa post sæcula futura erant, sed etiam quæ in continenti, et post non grandis temporis spatium essent implenda, memorabant, et quod intra biennium et rex Assyriorum interiret, et urbi Hierusalem securitas redderetur. Hoc erit signum eorum, quæ futura pronuntio, quod hoc anno ea comedas quæ repereris; anno autem secundo quæ sponte nascuntur, in anno autem tertio, fugato jam Assyrio et obsidione laxata, seminate et metite, plantate vineas et comedite fructus earum: siquidem urbis hujus reliquiæ, quæ nunc hostili vallantur exercitu, et evasuras esse non credunt, tantam recipient rerum omnium abundantiam ac felicitatem, ut instar arboris, alta radice fundatæ, pomis densissimis impleantur. *Et quodcumque reliquum fuerit de domo Juda, mittet radicem deorsum, et faciet fructum sursum.* Quid hoc loco radicem nomine nisi latentes cogitationes accipimus, quæ in occulto procedunt, sed in ostentatione operis per apertum surgunt? Radicem ergo deorsum mittere, est cogitationem bonam in abditis multiplicare. Fructum vero sursum facere, est efficacia operis recta quæ cogitavit ostendere. Mittit ergo radicem deorsum ut faciat fructum sursum, ac si aperte diceretur: In imis



cogitatio nō scitur, ut in summis retributio reddatur. *De Hierusalem etenim et de monte Sion egredientur reliquiae*, et implebunt terram Judæam non suo merito, sed Dei misericordia, immo zelo quod adversus impios zelatus est populum suum. Quod autem ad extremum infert: *Propter me et propter David servum meum*, illud significat, quod non merito suo, sed Dei clementia conserventur; immo patris eorum David memoria, in quo admonentur et suæ negligentiae, et illius fidei atque justitiæ, quod in tantum justitiam diligit Deus, ut etiam posteros hominum sanctorum non suo merito, sed majorum virtute tueatur.

*Factum est igitur in nocte illa, venit angelus Domini et percussit castra Assyriorum 185 millia.* De hoc quoque in Paralipomenon legitur: *Et misit Dominus angelum qui percussit omnem virum robustum et bellatorem et principem exercitus regis Assyriorum; reversusque est cum ignominia in terram suam* (II Paral. xxxii). 185 millia fortissimorum virorum ab uno angelo una nocte caduntur, et absque vulneribus occisorum mors seiva discurrit, excludens a corporibus animas, Domini voluntate; et ipse rex Assyriorum ideo servatus est, ut sciret potentiam Dei et blasphemantia ora comprimeret, fieretque testis illius majestatis quem paulo ante contempserat. De talibus autem rebus agit multa omnipotens Deus per angelos, non ut ipse ab eis discat, sed ut ab illo ipsi per verbum ejus agant aut nuntient sine corporali sono etiam quod voluerit, ab eo missi ad quos voluerit, totum ab illo per verbum illud ejus audientes, id est, in ejus veritate invenientes quid sibi faciendum, quid, quibus, quando, nuntiandum sit. Sed tamen non ex angelis homines, sed ex se ipso sicut angelos, ita homines beatificat; nec aliqua ex aliquo tempore, aut ab angelis, aut ab hominibus cognovit ut noisset, sed futura omnia temporalia, atque in eis etiam quid et quando ab illo petitori fueramus, et quos et de quibus rebus vel exauditurus, vel non exauditurus esset, sine initio ante præscivit. Universas autem creaturas suas et spirituales et corporales non quia sunt, ideo novit, sed ideo sunt, quoniam novit.

*Cumque diluculo surrexisset, vidit omnia corpora mortuorum, et frendens abiit, et reversus est Sennacherib rex Assyriorum, et mansit in Ninive. Cumque adoraret in templo Nesrach deum suum, Adremelech et Sarasar filii ejus percusserunt eum gladio, fugeruntque in terram Armeniorum, et regnavit pro eo Asorathan filius ejus.* Cum enim rex iste reversus esset Niniven urbem sedem regni sui, et adoraret in templo Nesrach deum suum, quasi victoriam de hostibus reportaret, et delubrum idoli sui triumphator gratulabundus ingrederetur, contemptor veri Dei in fano falsi numinis trucidatur, nec angeli perii gladio quod erat commune cum pluribus, sed parricidio filiorum qui fugerunt in terram Ararath, in qua Scriptura Asorathan filium ejus qui regnavit pro eo testatur misisse habitatores Samaritæ, ne terra remaneret inculta. Ararath autem regio Armeniorum campestris, per quam Araxis fluvius fluit, incredibilis est ubertatis, ad radices Tauri montis, quæ usque illuc extenditur. Ergo et arca in qua liberatus est Noe cum liberis suis, cessante diluvio, non ad montes generaliter Armeniæ delata est, quæ appellatur Ararath, sed ad montes Tauri altissimos, qui Ararath imminet campis.

XXVIII. *De agrotatione Ezechiae.* IV Reg. xx.—*In diebus illis agrotavit Ezechias usque ad mortem, et venit ad eum Isaias filius Amos prophetae, dixitque ei: Hæc dicit Dominus: Dispone domui tuæ, morieris enim tu et non vives. Quem diligit Dominus corripit, castigat omnem filium quem recipit* (Hebr. xii). Ne elevaretur cor Ezechiae post incredibiles triumphos et victoriam de media captivitate, infirmitate corporis visitatur, et audit se esse moriturum, ut conversus ad Dominum flectat sententiam ejus. Sed nulla quæ

A in hoc mundo hominibus eveniunt, absque omnipotentis Dei occulto consilio fiunt: nam cuncta Deus futura præsciens, ante sæcula decrevit qualiter per sæcula disponantur. Statutum quippe jam homini est vel quantum hunc mundi prosperitas sequatur, vel quantum unumquemque adversitas feriat, ne electos ejus aut immoderata prosperitas elevet, aut nimis adversitas gravet. Statutum quoque est in æterna veritate quantum in ista vita mortali unusquisque temporaliter vivat, quia, etsi annos quindecim Ezechiae regi ad vitam addidit, omnipotens tamen Deus, cum eum mori permisit, tunc eum præscivit esse moriturum. Quæ in re quaestio oritur quo modo ei per prophetam dicatur: *Dispone domui tuæ, quia morieris tu et non vives*, cui mortis sententia dicta est, sed protinus ad ejus lacrymas est addita vita. Sed per prophetam Dominus dixit quo tempore mori ipse debebat, per largitatem vero misericordiae illo eum tempore a morte distulit, quo ante sæcula ipse præscivit. Nec propheta igitur fallax, quia tempus mortis innotuit, quo vir ille mori merebatur, nec Dominici instituta convulsa sunt, quia ut largitate Dei anni vitæ crescerent, hoc quoque ante sæcula præfixum fuit, atque spatium vitæ quod inopinate foris est additum, sine augmento præscientiæ fuit intus statutum.

*Convertitque Ezechias faciem suam ad parietem.* Quia ad templum ire non poterat, ad parietem templi juxta quod Salomon palatium extruxerat; vel absolute ad parietem, ne lacrymas suas assidentibus sibi ostentare videretur.

*Et ait: Obsecro, Domine, memento, quæso, quo modo ambulaverim coram te in veritate et in corde perfecto, et quod placitum est coram te fecerim.* Perfectionem cordis nunc in eo dicit, quod idola destruxerit, templi valvas aperuerit, serpentem æneum comminuerit, et cætera fecerit quæ Scriptura libris Regum et Paralipomenon commemorat.

*Flevitque fletu magno,* propter promissionem Domini ad David, quam videbat in sua morte perituram. Eo enim tempore Ezechias filios non habebat; post tertium enim annum concessæ vitæ, Manassen genuit. Ergo iste omnis est fletus, quia desperaverat Christum de suo semine nasciturum: plerumque enim justi aliquibus necessitatibus afflicti sua opera coguntur fateri, sed cum eorum dicta injusti audiunt, hæc per elationem potius quam per veritatem existimant prolata: ex suis enim cordibus verba justorum pensant, et dici humiliter posse vera bona non existimant. Sicut enim gravis culpa est sibi hoc hominem arrogare quod non est, sic plerumque culpa nulla est, si humiliter bonum dicat quod est. Unde sæpe contingit ut justi et injusti habeant verba similia, sed tamen cor semper longe dissimile: et ex quibus dictis Dominus ab injustis offenditur, in eisdein quoque a justis placatur: nam Phariseus ingressus templum dicebat: *Jejuno bis in sabbato, decimas do omnium quæ possideo, sed justificatus magis publicanus quam ille exiit* (Luc. xviii). Ezechias quoque rex cum molestia corporis afflictus ad extremitatem venisset, in oratione compunctus dixit: *Obsecro, Domine, memento quomodo ambulaverim coram te in veritate et corde perfecto.* Nec tamen Dominus hanc confessionem perfectionis ejus despexit aut renuit, quem mox in suis precibus exaudivit. Ecce Phariseus se justificavit in opere, Ezechias justum se asseruit etiam in cogitatione: atque unde ille offendit, inde iste Domino placuit. Cur itaque hoc, nisi quia omnipotens Deus singulorum verba ac cogitationes pensat, et in ejus auribus superba non sunt, quæ humili corde proferuntur?

*Et factum est verbum Domini ad Isaiam dicens: Revertere et dic Ezechiae duci populi mei: Audivi orationem tuam, vidi lacrymas tuas. Ecce ego sanavi te, et die tertio ascendes templum Domini.* Vocatur quoque Ezechias dux populi et filius David, cujus opera sectabatur: fecerat enim rectum juxta omnia quæ fecit. David pater ejus; et auditur ejus oratio, viden-



turque lacrymæ que modo ambulaverat coram Domino in veritate et corde perfecto, et flevit fletu magno et quod placitum est in oculis ejus fecerat.

*Et addam diebus tuis quindecim annos, sed et de manu regis Assyriorum liberabo te et civitatem hanc, et protegam urbem istam propter me et propter David servum meum.* Secundum quasdam causas futurorum moriturus erat Ezechias, cui Deus addidit quindecim annos ad vitam, id utique faciens quod ante constitutionem mundi se facturum esse præsciebat, et in sua voluntate servabat. Non ergo id fecit quod futurum non erat, hoc enim magis erat futurum quod se facturum esse præsciebat: tamen illi anni additi non recte dicerentur, nisi ad aliquid adderentur, quod se aliter in aliis causis habuerat. Secundum aliquas igitur causas inferiores jam vitam finierat; secundum illas autem quæ sunt in voluntate et præscientia Dei, qui ex æternitate noverat quid illo tempore facturus erat, et hoc vere futurum erat, tunc erat finiturus vitam quando finivit vitam; quia etsi oranti concessum est, etiam sic eum oraturum ut tali orationi concedi oporteret, ille utique præsciebat cujus præscientia falli non poterat, et ideo quod præsciebat, necessario futurum erat. Quindecim anni Ezechiae regi, miserante Deo, protelati ad vitam sunt ei, mystice figurantes quia quicumque utriusque Testamenti plenitudinem custodiunt, æternæ salutis præmium consequuntur, ac per legis consummationem et Evangelii plenitudinem ad vitæ æternæ transeunt beatitudinem.

*Dixitque Isaias: Afferte mihi massam ficorum: quam cum attulissent et posuissent super ulcus ejus, sanatum est. Ac per hoc non spernendam esse medicinam quæ usu constet et experimento, quia et hanc fecerit Deus. Posthæc ait Isaias: Hoc erit signum a Domino, quod facturus sit Dominus sermonem quem locutus est. Vis ut ascendat umbra decem lineis, an revertatur totidem gradibus? Et ait Ezechias: Facile est umbram crescere decem lineis; nec hoc volo ut fiat, sed ut revertatur retrorsum decem gradibus. Invocavit itaque Isaias propheta Dominum, et reduxit umbram per lineas quibus jam descenderat in horologio Achaz decem gradibus. Idem nomen graduum quod et linearum significat, id est, distinctionem horarum, quas duodecim per diem in horologio notare solemus. Ita erant exstructi gradus arte mechanica, ut per singulos umbra descendens, horarum spatia terminaret. Erat autem hora die decima, quando hæc regi loquebatur. Vis ergo, inquit, ut ascendat umbra decem lineis procedente sole super terram per boreales plagas usque ad orientem, quod subter terram quotidiana consuetudine cursus sui erat facturus; an ut revertatur umbra totidem gradibus conversa retrorsum, sole ipso quoque per australem plagam ad orientem regresso? At rex: Facile est, inquit, umbram crescere decem lineis; nec hoc volo ut fiat, sed ut revertatur retrorsum decem gradibus. Vidit namque quia majoris miraculi esse poterat, si sol contrarium suo mori cursum ageret, quam si consueto processu incedens, tametsi multo altius, id est, supra terras elatus ad orientem, quasi secundi diei mane nulla interveniente nocte facturus advolaret. Nam et hoc qui in insula Thyle, quæ ultra Britanniam est, in ultimis Scytharum finibus degunt, omni æstate diebus aliquot fieri vident; quia sol cætero orbi in occasu et sub terra positus, nihilo minus tota nocte supra terram appareat, et quo modo aperte occidens ad orientem humilis redeat manifeste videatur, donec tempore opportuno denuo toto orbi communi exortu reddatur: sicut et veterum historiæ et nostri homines ævi, qui illis de partibus adveniunt abundantissime produnt. Numquam autem ii qui interiora austri incolunt, videre solem per meridianas plagas queunt ad orientem ab occasu redire. Ut manifestiorem enim sensum legentibus faceret, quod signum et præsentis temporis et futuri typus erat, ut quo modo sol revertatur ad exordium sui, ita et Ezechiae vita addita*

annos redderet, nobis quoque in hebdomade et octidode viventibus, per resurrectionem Christi vitæ spatia protelentur. Vel certe decem gradus in descensu solis temporum ordines sunt, per quos umbra figurarum Christi descenderat, et per quos iterum Sol justitiæ Christus per resurrectionem ascendit.

Primus itaque gradus descensionis in angelis fuit, in quo antiquis patribus apparere dignatus est, quia magni consilii nuntius erat; denique et ad Jacob sic loquitur: *Et dixit, inquit, angelus Dei: Ego sum Deus cui unxisti titulum et voristi votum (Gen. xxxi)*, ut et angelum et Deum ostenderet. Secundus gradus descensionis in patriarchis fuit, quia in omnibus, ut Apostolus ait, ipse est operatus. Tertius in legis datione, quia et in lege ipse locutus est. Quartus gradus in Jesu Nave, qui populum in terram repromissionis introduxit. Quintus in iudicibus, quia eundem populum per eos ipse regebat. Sextus in regibus Judæorum, quia in eis ipse regnabat. Septimus in prophetis, quia per eos est nuntiatus. Octavus in pontificibus, quia ipse summus Sacerdos est Patris. Nonus in homine. Decimus in passione. Per hos enim gradus decem, quos ipse per umbram legis Christus descendit, ac rursus post resurrectionem suam Sol justitiæ Christus per eodem gradus ascendit in cælum, et omnem illam umbram legis veritatis radiis illustravit, obscura revelans, clausa reserans, et omnia recta denudans.

*In tempore illo misit Marodachaladan rex Babylonis litteras et munera ad Ezechiam; audierat enim quod ægrotasset. In tempore illo, hoc est, in eodem anno quo hæc gesta sunt quæ superius narrantur, misit Marodachaladan rex Babylonis libros et munera ad Ezechiam, quia apud eos astrorum observantia est, stellarumque cursus longo usu et exercitatione cognitus, quod et in Dei nativitate monstratur. Intellexerunt solem reversum, diei spatia duplicata, servire ei quem solum Deum putabant. Cumque causas hujus miraculi rationemque perquirerent, fama per omnes gentes volitante, didicerunt propter ægrotationem regis Judæ etiam cursum signi clarissimi commutatum. Quod etiam liber Paralipomenon plenissime testatur dicens: Ipse est Ezechias, qui fecit in omnibus suis prospere quæ voluit; attamen in legatione principum Babylonis qui missi fuerunt ad eum, ut interrogarent de portento quod occiderat super terram, reliquit eum Deus, ut tentaretur, et nota fierent omnia quæ erant in corde ejus (II Paral. xxxii). Idcirco autem tentationi relictus est, quia post tantam victoriam et solis regressum et congratulationem regni potentissimi, cor illius elatum est. Denique in eodem volumine scribitur: Multi deferebant hostias et sacrificia Domino in Hierusalem, et munera Ezechiae regi Judæ, et exaltatus est coram cunctis gentibus. In diebus illis ægrotavit usque ad mortem, et oravit Dominum, et exaudivit eum, et dedit ei signum; sed non juxta beneficia quæ acceperat retribuit, quia exaltatum est cor ejus, et facta est contra eum ira, et contra Judam et Hierusalem (Ibid.). Rursumque Scriptura sancta elationem cordis ejus dicit pœnitentia mitigatam inferens: Humiliatus est postea, eo quod exaltatum esset cor ejus, tam ipse quam habitatores Hierusalem; et idcirco non venit super eos ira Domini. In diebus illis Ezechias latatus est in adventu legatorum Marodachaladan, quem patrem fuisse Nabuchodonosor Hebræi autumant, et in oblatione nunerum et congratulatione sanitatis suæ.*

XXIX. De Ezechiae opibus per jactationem ostentatis. IV Reg. xx.—*Ostenditque eis domum aromatum suorum, et thesauros argenti et auri, et odoramentorum et unguenti optimi, et omnes thesauros vasorum suorum; non fuit res quam non ostenderit eis in domo sua et in omni potestate sua. Unde iram Dei justissime merebatur, quod non solum thesauros suos atque palatii, sed et templi ostenderet; quod certe fuit pœntestas ejus de cujus valvis aureas laminas ante jam tulerat.*



*Introivit autem Isaias propheta ad regem Ezechiam.* Rursumque post corporis sanitatem et signi magnitudinem offerri cernimus aliam occasionem superbiæ, quam ut prudens et Dei cultor vitare debuerat, nec monstrare alienigenis divitias suas, quas Deo tribuente poscederat, ex quo juxta legis tropologiam discimus non mittendas margaritas ante porcos, nec dandum sanctum canibus (*Math. 70*): qui enim fidelis est spiritu abscondit negotia, et quicumque hoc non fecerit, omnis virtus illius enervatur, peritque posteritas; et amisso virili robore, in muliebrem redigitur molli-tudinem.

Ingreditur ergo Isaias ad regem; et quasi nescius sciscitatur: *Quid dixerunt viri isti? et unde venerunt?* Duo interrogat: quid locuti sunt, et unde venerunt. Ille ad unum respondit, altero prætermisso:

*De terra longinqua venerunt ad me, de Babylone,* quod quanto terra longior sit unde venerunt, tanto iste rex gloriosior propter quem venerunt. Et venerunt, inquit, ad me, quod debuerat dicere: Venerunt ad glorificandum Deum, pro signi magnitudine de Babylone, quæ urbs in toto orbe potentissima est. Rursumque Isaias, *Quid, inquit, viderunt in domo tua?* Et ille respondit ex parte verum, quod omnia viderint in domo illius; nec fuerit res quam non ostenderit eis in thesauris suis; sed alterum tacuit, de quo verebatur offensam, quod ostenderit ei cuncta quæ habuerit in potestate sua, haud dubium quin et templi suppellectilem. Propter quæ Isaias Dei sermone profert sententiam:

*Audi verbum Domini exercituum: Veniet tempus quando omnia hæc quæ in domo tua sunt, et non tua, sed patrum tuorum labore quæsitæ, in Babylonem transferantur, et de semine tuo fiant eunuchi in aula regis.* Ex quo Hebræi volunt, Daniele, Ananiam, Misahem et Azariam, qui fuerunt de regio semine, factos esse eunuchos, quos in ministerio fuisse Nabuchodonosor non dubium est. Eunuchos enim, id est, abscissos, non negamus aliquos fuisse de semine regio in palatio regis Babylonis, juxta prophetiam beati Isaiæ. Daniel et socios ejus credendum nullo modo est; quod si essent, de pulchritudine corporis et aspectu illorum non timeret dux ille, qui eos adhuc pueros erudiebat, quia species faciei solet deperire in pueris abscissis. Fuit autem consuetudo et apud antiquos, eunuchos vocare cubicularios et custodes palatii, qui uxores habebant, et ab-cissi corpore non fuerunt.

*Dixitque Ezechias, Bonum verbum Domini quod locutus est; fiat tantum pax in diebus meis.* In quo ab Hebræis reprehenditur, cur non sit imitatus bonitatem Moysis, qui locutus est ad Deum: *Aut dimitte eis hanc noxam, aut si non facies, dele me de libro quem scripsisti (Exod. xxxii).* Quid hoc loco prophetæ sententia contra Ezechiam regem, nisi arrogantium hypocritarum cogitationes suas in exquirenda hominum admiratione significat? Per omne enim quod hypocritæ faciunt, occultis cogitationibus laudes hominum requirunt. Operaturi quippe laudes suas cogitant; laudati autem secum taciti in cogitationibus versant, gaudent se precibus in humana veste actione claruisse. Cumque inflati favoribus apud semetipsos intumescunt, sæpe mirantur taciti etiam ipsi quod sunt, videri quotidie semetipsis altiores cupiunt, ac miris inventionibus in opere excrescunt: quia sicut virtutes omne vitium enervant, sic arrogantia roborat: cogit namque mentem juvenescere, et contra vires valere: quia et quod negat vigor valetudinis, imperat amor laudis. Unde et factis suis, ut diximus, arbitros inquirunt; si vero operi testes deesse contingat, narrant ipsi quæ gesserint. Cumque efferrī favoribus cœperint, sæpe eisdem operibus suis, quæ egisse se referunt, mentiēdo aliquid adjungunt. Cum vero et vera dicunt, hæc dicendo aliena faciunt, quia quæsitis remunerati favoribus, a vera et intima retributione vacant. In eo enim quod bona sua patefaciunt, ostendunt malignis spiritibus quasi insi-

diantibus hostibus, unde prædentur. Horum ergo vitam illa cunctis notissima Ezechiae culpa figuravit, qui postquam una prece et sub unius noctis spatio centum octoginta quinque millia hostium, angelo feriente prostravit, postquam occasui proximum, ad altiora cœli spatia solem reduxit, postquam vitam propinquantem jam termino coarctatam in tempora longiora protelavit, susceptis Babylonicæ regis nuntiis bona omnia quæ possidebat ostendit; sed prophetæ protinus vocem audivit: *Ecce dies veniunt, et auferentur omnia quæ in domo tua sunt in Babylonem, et non relinquetur quidquam, dicit Dominus.* Sic nimirum hypocritæ, postquam magnis virtutibus excrescunt, quia cavere malignorum spirituum insidias negligunt, et celari in eisdem virtutibus nolunt, bona sua ostendendo, hostium faciunt; et prodentes subito amittunt quidquid diutius studentes operantur. Hinc per Psalmistam dicitur: *Tradidit in captivitatem virtutes eorum, et pulchritudines eorum in manus inimici (Ps. Lxxvii).* Virtus quippe et pulchritudo arrogantium inimici manibus traditur, quia omne bonum, quod per concupiscentiam laudum ostenditur, occulti adversarii viribus mancipatur. Hostes namque ad rapinam provocant, qui suas eorum notitiæ divitias denudant: quousque enim ab æternæ patriæ securitate disjungimur, in latronum insidiantium iter ambulamus. Qui ergo in itinere deprædari formidat, abscondat necesse est bona quæ portat. O miseri, qui affectantes laudes hominum, in semetipsis dissipant fructus laborum! Cumque se ostendere alienis oculis appetunt, damnant quod agunt. Quos nimirum maligni spiritus, cum ad jactantiam provocant, eorum, sicut diximus, opera captivantes denudant. Hinc est enim quod per Evangelium Veritas dicit: *Nesciat sinistra tua quid faciat dextera tua, ut sit elemosyna tua in abscondito, et Pater tuus qui videt in abscondito reddet tibi.* Hinc est quod de electorum Ecclesia per Psalmistam dicitur: *Omnis gloria ejus filia regis ab intus (Ps. xlii).* Hinc Paulus ait: *Gloria nostra hæc est, testimonium conscientia nostræ (II Cor. i).* Filia quippe regum Ecclesia, quæ in bono est opere spiritualium principum prædicatione generata, gloriam intus habet, quia hoc quod agit in ostentationis jactantia non habet. Gloriam suam Paulus testimonium conscientia memorat, quia dum favores oris alieni non appetit, vitæ suæ gaudia extra semetipsum ponere ignorat. Occultanda sunt ergo quæ agimus, ne hæc in hujus vitæ itinere incaute portantes latrocinantium spirituum igeursione perdamus.

XXX. De Manasse rege. IV Reg. xxi. — *Duodecim annorum erat Manasses cum regnare cœpisset, et quinquaginta quinque annis regnavit in Hierusalem, fecitque malum in conspectu Domini juxta idola gentium, quas delevit Dominus a facie filiorum Israel; conversusque est et ædificavit excelsa quæ dissipaverat Ezechias pater ejus; et erexit aras Baal et fecit lucos, sicut fecerat Achab rex Israel, et adoravit omnem militiam cœli et coluit eam, et exstruxit aras in domo Domini, de qua dixit Dominus: In Hierusalem ponam nomen meum; et exstruxit altaria universæ militiæ cœli in duobus atris templi, et transduxit filium suum per ignem, et ariolatus est, et observavit auguria; et fecit pythones, et aruspices multiplicavit, ut faceret malum coram Domino et irritaret eum.* Hæc ergo omnia, id est, sive auguratio, sive auspiciū, sive quælibet immolatio, sive etiam sortitio, aut quicumque motus avium vel pecudum, et inspectio quæcumque fibrarum, aut aliquid quod de futuris videatur ostendere, in operatione dæmonum fieri non dubito, diligentium vel avium vel pecudum, vel fibrarum motus aut sortium secundum ea signa quæ docuerunt iidem dæmones observari ab his quibus artis hujus scientiam traderunt; a quibus omnibus is qui homo Dei est, et in portione Dei numeratus, penitus debet esse alienus; nec aliquid in his habere commune, quæ occultis machinis dæmones operantur, ne forte rursus per



hæc demonibus societur, atque eorum spiritu et A virtute repleatur, et ad idolorum cultum denuo reparetur.

XXXI. *De Josia rege.* IV Reg. xxi. — Post aliquanta dicitur quod misit Josias nuntios ad Oldam prophetissam uxorem Sellum, quæ habitabat in Hierusalem in secunda, propter librum legis divine qui inventus fuerat. Quid sit hoc quod dicit quod habitaverit in secunda, in superiori parte libri hujus scribitur de rege Ezechia: *Ædificavit quoque omnem murum qui fuerat dissipatus, et extruxit turres, et forinsecus alterum murum* (II Paral. xii). Meminit hujus loci et Sophonias dicens: *Vox clamoris ad portam piscium et ululatus a secunda* (Soph. i); pro qua vetus editio quasi propitium nomen loci transtulit in Masana. Masana quippe interpretatur Secunda. Quod ergo dicitur hæc prophetissa habitasse in secunda, in secundi muri parte intelligere debemus.

Regi autem Juda qui misit vos, ut consuleretis Dominum sic dicetis: *Hæc dicit Dominus Deus Israel: Pro eo quod audisti verba voluminis hujus, et perterritum est cor tuum, et humiliatus es coram Domino auditis sermonibus contra locum istum et habitatores ejus, quod videlicet fierent in stuporem et maledictum, et scidisti vestimenta tua, et flevisi coram me, et ego audivi, dicit Dominus, idcirco colligam te ad patres tuos, et colligeris in sepulcrum tuum in pace, ut non videant oculi tui omnia mala quæ adducturus sum super locum istum.* Territus iste Dei comminationibus fleverat, et sua vestimenta consciderat, et sit omnium malorum futurorum de præparata morte securus, quod ita requieturus esset in pace, ut illa omnia non videret. Ibi ergo sunt spiritus defunctorum, ubi non vident quæcumque aguntur aut eveniunt in ista vita hominum. Quo modo ergo vident tumulos suos aut corpora sua, utrum abjecta jaceant an sepulta? Quo modo intersunt miseriæ vivorum, cum vel sua ipsi mala patiantur si talia merita contraxerunt; vel in pace requiescant, sicut huic Josiæ promissum est, ubi mala ulla nec patiendi sustineant: liberati ab omnibus malis, quæ patiendi et compatiendi, cum hic viverent, sustinebant. Dixerit aliquis: Si nulla est mortuis cura de vivis, quo modo ille dives qui apud inferos torquebatur rogabat Abraham patrem ut mittat Lazarum ad quinque fratres suos nondum mortuos, et agat cum eis, ne veniant et ipsi in eundem tormentorum locum. Sed numquid quia hoc ille dives dixit, ideo quid fratres agerent vel quid paterentur illo tempore scivit. Ita illi fuit cura de vivis, quamvis quid agerent omnino nesciret, quemadmodum est nobis cura de mortuis, quamvis quid agant utique nesciamus: nam si nihil de mortuis curaremus, non utique pro illis Deo supplicaremus. Denique Abraham nec Lazarum misit, et Moysem et prophetas hic eos habere respondit, quos audire deberent, ut ad illa supplicia non venirent. Ubi rursus occurrit quo modo, quid ageretur, Abraham pater ipse sciebat, ubi sciebat esse Moysem et prophetas, id est, libros eorum quibus homines obediendo tormenta infernalit vitarent. Denique noverat divitem illum in deliciis, pauperem vero Lazarum in laboribus vixisse; nam et hoc illi ait: *Memento, fili, quia receperisti bona in vita tua, Lazarus autem mala* (Luc. xvi). Sciebat ergo hæc quæ utique apud vivos gesta fuerant; verum non cum agerentur in vivis, sed cum eis mortuis potuit, Lazaro indicante, cognoscere, ne falsum sit quod ait propheta: *Abraham nescivit nos.* Proinde fatendum est nescire quidem mortuos quid hic agatur, sed dum agitur; postea vero audire ab eis qui hinc ad eos moriendo pergunt, non quidem omnia, sed quæ sinuntur indicare, et illa tantum meminisse quæ illos, quibus hæc indicant, oportet audire. Possunt et ab angelis, qui rebus quæ aguntur hic præsto sunt, audire aliquid mortui, quod nunquamque illorum audire debere judicat, cui cuncta subjecta sunt: nisi enim essent angeli, qui possent interesse et vivorum et mortuorum locis,

non dixisset Dominus Jesus: *Contigit autem mori inopem illum et afferri ab angelis in sinum Abraham.* Nunc ergo hic, nunc hi illic esse potuerunt, qui hinc illum, quem Deus voluit, abstulerunt. Possunt etiam spiritus mortuorum aliqua quæ hic agantur, quæ necessarium sit eos nosse, non solum præsentia vel præterita, verum etiam futura, spiritu Dei revelante, cognoscere; sicut non omnes homines, sed prophetae dum hic viverent cognoscebant, nec ipsi omnia, sed quæ illis esse revelanda Dei providentia judicabat. Mitti quoque ad vivos aliquos ex mortuis, sicut econtrario Paulus ex vivis in paradisum raptus est, divina Scriptura testatur: nam Samuel propheta defunctus vivo regi Sauli etiam futurum prædixit; quamvis nonnulli non ipsum fuisse, qui potuisset magicis artibus evocari, sed aliquem spiritum tam malis operibus congruentem, illius existiment similitudinem figurasse. Hæc per excessum ideo proculimus, ut noverint homines æternam veritatem querere, qui volunt salvari, a quo creati sumus, in quo vivimus, per quem movemur et sumus; animas autem sanctas, sanctas eas credamus esse, et non humanis miseriis interesse, sicut dicit Isaias ad Deum qui erat filius Abraham: *Tu, Domine, pater noster es; Abraham nescivit nos, et Israel non cognovit nos.* Posthæc sequitur historia de gestis Josiæ, ita dicens:

*Contaminavit quoque Tophet, quod est in convalle filii Ennom, ut nemo consecraret filium suum aut filiam per ignem Moloch.* Frequens est in Scripturis horum mentio locorum, maxime in libro Regum et Jeremiæ prophetæ. Est autem vallis Ennom sive filii Ennom juxta murum Hierusalem contra orientem, in qua nemus pulcherrimum Siloe fontibus irrigatur. Tophet autem erat locus in eadem convalle juxta piscinam fullonis, cujus meminit Scriptura, juxta agrum Acheldemach qui usque hodie monstratur ad australem plagam montis Sion. Solebant autem in Tophet, quia locus erat amœnissimus, unde hodieque hortorum præbet delicias, ara posita sacrificare demonibus, nefandoque rogo suos consecrare liberos sive holocaustum offerre, sicut in libro Verborum dierum de Achaz rege scriptum est: *Ipse est qui adolevit incensum in valle Bennenom, et lustravit filios suos in igne Bennenom* (II Paral. xxviii): siquidem filium Ennom significat. Vallis autem Ennom Hebraice dicitur Gehennom, cujus nomine in novo Testamento poena inferorum gehenna cognominatur: quia nimirum sicut in convalle Ennom qui idolis servierunt, in ea prophetis attestantibus perierunt, ita peccatores ex his quæ peccaverunt, æterna damnatione puniuntur. Denique Jeremias cum referret sibi præcepisse Dominum, ac dixisse ad vallem filii Ennom quæ est juxta introitum portæ fietilis, paulo post dicit: *Et non vocabitur locus iste amplius Tophet et vallis filii Ennom, sed vallis occisionis; et dissipabo consilium Juda et Hierusalem in loco isto, et subvertam eos gladio* (Jerem. xix). Isaias quoque manifestissime Tophet infernum appellat, qui cum perpetuum diaboli interitum sub nomine Assur describeret, dicens: *A voce enim Domini pavebit Assur virga percussus, et erit transitus virgæ fundatus, quam requiescere faciet Dominus super eum; statim quomodo et ubi esset periturus subdidit dicens: Præparata enim ab heri Tophet a rege, præparata, profunda et dilatata* (Isai. xxx): pulchre ait dilatata, quia Tophet dicitur Latitudo. Nutrimenti, inquit, ejus ignis et ligna multa flatus Domini sicut torrens sulphuris succendens eam (Ibid.). Contaminavit autem Josias Tophet, vel ossa mortuorum ibi, sicut in sequentibus de aliis idolorum locis fecisse legitur, vel alia quælibet immunda dispersgens, quatenus abominationi potius quam delectationi aptus omnibus, qui aspicerent, locus appareret. Quod sequitur de eodem rege Josia: *Abstulit quoque equos quos dederant reges Juda soli in introitu templi Domini; et paulo post: Currus autem solis combussit igni, ostendit omnium gentium idololatrarum super-*



stitutioni Judæos eo tempore fuisse mancipatos, ita ut in venerationem solis, quem more gentilium Deum esse credebant, simulacro ejus quod fecerant currus equosque subdiderint, et hoc in atris templi Domini: sic enim solent gentiles pingere vel facere simulacrum solis, ut puerum imberbem in curru ponentes, equos eidem quasi curru cælum petentes subjugent. Cui propterea pueri aptant imaginem, quia sol velut quotidie novo ortu natus nullam per sæcula senium incidit. Ut autem eidem currus et equos tribuant, de miraculo sumptum Eliæ prophetæ, quia curru igneo et equis igneis est raptus ad cælum, Joannes Constantinopolitanus episcopus æstimat: quia enim Græce *helios* dicitur sol, sicut etiam Sedulius cum de Eliæ ascensu caneret, ostendit dicens:

Quam bene fulminei præluces semita cœli,  
Convenit Eliæ, meritoque et nomine fulgens!  
Hæc ope dignus erat:

nam si sermonis hujus una per accentum mutaretur littera, sol est; audientes Græci ab Israelitis, quos divinas litteras habere fama prodebat, prædicari, quod Elias curru igneo et equis sit igneis ad cœlestia translatus, vel certe hoc ipsum inter alia depictum in pariete videntes, crediderunt vicinia decepti nominis, solis hic transitum per cœlos esse designatum; et miraculum divinitus factum, commutarunt in argumentum erroris humana stultitia commendatum; quos imitati ipsi Judæi satagerunt ne in aliquo gentiliū stultissimis minus parerent stulti. Quod paulo post de eodem rege dicitur:

*Excelsa quoque quæ erant in Hierusalem ad dextram partem montis offensionis, quæ ædificaverat rex Salomon Astaroth idolo Sidoniorum et Chamos offensioni Moab, et Melcho abominationi filiorum Ammon, poluit rex et contrivit statuas, et succidit lucos, replevitque loca eorum ossibus mortuorum.* Luce est clarius quod excelsa nominare solet Scriptura loca in collibus posita frondentibus, in quibus vel dæmonibus immolabant, vel etiam Domino, locorum amœnitate alleci, contra interdictum relicto altari, quod erat in templo, hostias offerebant. Unde sæpius in hoc libro de regibus qui minus perfecte justī fuere, dicitur: *Verumtamen excelsa non abstulit.* Montem autem offensionis montem idoli dicit, quia nimirum consuetudinis est Scripturarum offensionem idola nuncupare, quia vel in illis offenditur Deus, vel offensionem et ruinam suis afferunt cultoribus: sicut in hac ipsa sententia subsequenter intimatur, dum dicitur: *Quod ædificaverat Salomon rex Israel Astaroth idolo Sidoniorum, et Chamos offensioni Moab, et montem abominationi filiorum Ammon.* Ubi quoque, ni fallor, palam ostenditur, quod utinam non ostenderetur! quia videlicet Salomon de admissio idololatriæ scelere numquam perfecte pœnituit. Nam si fructus pœnitentiæ dignos faceret, satageret ante omnia ut idola quæ ædificaverat de civitate sancta tollerentur, et non in scandalum stultorum, quæ ipse, cum fuisset sapientissimus, erronee fecerat, quasi sapienter ac recte facta reliquisset. Meminit supra et hujus loci Scriptura dicens: *Tunc ædificavit Salomon fanum Chamos idolo Moab in monte qui est contra Hierusalem, et Moloch idolo filiorum Ammon.* Nec videri debet contrarium quod ibi mons in quo facta sunt hæc idola contra Hierusalem, hic in Hierusalem esse positus asseritur; nimirum in tanta erat urbis vicinia positus, ut ad ipsam pertinere, et ad ipsam quoque sordibus, quæ in eo congerebantur, attingere videretur.

XXXII. De Nabuchodonosor. IV Reg. xxiv.—Quod referens de Nabuchodonosor, quia transtulerit omnem Hierusalem, et universos principes, et omnes fortes exercitus decem millia in captivitatem, addidit Scriptura dicens: *Et omnem artificem et clusorem;* hoc est quod supra eidem populo Israel Philisthim regnantes recisse narratur cum dicitur: *Porro faber ferrarius non inveniebatur in omni terra Israel: cave-*

*rant enim Philisthim, ne forte facerent Hebræi gladium aut lanceam* (I Reg. xiii): sicut enim tunc illi caverunt ne haberent fabros ferrarios Hebræi qui arma ad repugnandum facerent, ita nunc Chaldæi, destructa Hierusalem et vastata omni terra repositionis, satagerunt ut nullus in ea remaneret artifex, nullus clusor, qui vel lædata urbismœnia componere vel possit resarcire disrupta: quin potius quidquid apud gentem exterminatam artis invenerant, totum Babyloniam transferunt, ut vel ad nihilum valeat ultra, vel illius civitatis utilitatibus proficiat: ejus tam deffendæ historię, quæ multum negligentię nostri temporis congruit, non opinor allegoriam esse reticendam. Constat namque quia Jerusalem et terra Israel civitatem Christi, id est, Ecclesiam sanctam; Babylon autem et Chaldæi sive Philistæi, civitatem diaboli, id est, omnem malignorum spirituum sive hominum sive angelorum multitudinem designant. Servitque Israel Philistæis sive Chaldæis, cum fideles quique nomine tenus in Ecclesia consistentes, ab immundis vel spiritibus vel hominibus decepti, aut avaritiæ, aut luxuriæ, aut alteri cuilibet peccato mentis colla submitunt. *Abducit autem Nabuchodonosor Jerusalem et universos principes fortesque exercitus decem millia in captivitatem,* cum eis et magistros populorum et eos qui invincibili animo Domino servire, ac decalogum legis fideliter in Dei ac proximi videbantur amore conservare, cum subito sive illecebris mundi seu adversitatibus subacti, aut majoribus se polluant facinoribus, aut certe in hæresim declinando apertæ apostasiæ notam incidunt. Arma vero quibus contra diabolū repugnantes, libertatem a Deo nobis donatam defendamus, quæ sunt alia nisi eloquia Scripturarum, in quibus et ipsius Domini et sanctorum ejus exemplis quo ordine bella vitiorum superari debeant, luce clarius discimus. Sed Philistæi filios Israel fabris armorum privant, cum maligni spiritus animos fidelium a meditatione sacræ lectionis sæcularia illis negotia inferendo retardant: ne vel ipsi per hujus exercitium resistendi fiduciam sumant, vel aliquos forte, qui legere nesciunt ad resistendum vitis exhortando aut corripiendo accendant. Tollunt fabros armorum, cum eos qui sacræ eloquia norunt in tantum sceleribus obruunt, ut dicere bona quæ didicerant prorsus erubescant. Transferunt omnem artificem et clusorem in Babyloniam de Jerusalem, cum eos qui multifaria virtutum operatione pluribus prodesse, et civitatem Dei contra irruptiones tentationum munire solebant, a proposito deflectunt, atque ingenium, quod tuitioni sanctæ Ecclesiæ impendere debuerant, ad voluntatem potius regis vitiorum dispensare compellunt. Quod si clusorem hoc loco non ostiorum sive murorum, sed auri potius gemmarumque intelligere voluerimus, ad unum profecto eundemque spiritualis expositio finem respicit. Dictum quippe est de sapientia, quia aurum est, et multitudo gemmarum, atque ideo clusores horum non alios aptius, quam doctores intelligere valemus, qui quamdiu recte vivunt ac docent, in ornatum sanctæ civitatis industriam suæ artis impendunt. At si forte erraverint, quid nisi a rege Chaldæorum captivi Babyloniam transferuntur? Artificem et clusorem ab Hierosolymis transmigrare Babyloniam, est talentum verbi cœliis acceptum in terram defodiri, id est, sapientiam spiritalem ad peccatorum opera converti.

Posthæc infert Scriptura quod fugientem regem Sedechiam ab exercitu Chaldæorum apprehensum, duxerunt ad regem Babylonis in Reblatha, qui locutus est cum eo iudicium: filios autem Sedechiæ occidit coram eo, et oculos ejus effodit, vinxitque eum catenis, et abduxit in Babylonem. Dum sacra Scriptura Sedechiæ captivitatem narrat, ordinem captivitatis internæ denuntiat. Rex quippe Babylonis est antiquus hostis, possessor intimæ confusionis, qui prius filios ante intuentis oculos trucidat, quia sæpe sic bona opera interficit, ut hæc se amittere ipse, qui captus



est dolens cernat : nam gemit plerumque animus , et tamen carnis suæ delectationibus victus , bona , quæ genuit , amans perdit , ea quæ patitur damna considerat , nec tamen virtutis brachium contra regem Babylonis levat. Sed dum videns nequitiae per-  
 petratione percutitur , ad hoc quandoque peccato superducitur , ut ipso quoque rationis lumine priver-  
 tur. Unde Babylonis rex extinctis prius filiis , Sede-  
 chiae oculos eruit , quia malignus spiritus , subductis  
 prius bonis operibus , postea intelligentiæ lumen tollit. Quod recte Sedechias in Reblatha patitur. Reblatha quippe , Multa hæc interpretatur : ei enim  
 quandoque et lumen rationis claudetur , qui pravo usu ex iniquitatis suæ multitudine gravatur : sicut enim quarta die cælum in initio creaturarum lumi-  
 naribus ornatum exstitit , ita quarta ætate mundi Israeliticus populus cœlesti fide inclytus , a prophe-  
 tis quasi a stellis illuminatus , regno David et Salo-  
 monis gloriosus , templi etiam altitudine toto est no-  
 bilitatus in orbe. Sed accepit vesperam , quando  
 crebrescentibus peccatis regnum illud a Chaldæis dissipatum , templum dirutum , et tota illa gens in  
 Babyloniam est translata. Quæ quarta sæculi ætas a David usque ad transmigrationem Babylonis ,  
 habet annos juxta Hebraicam veritatem CCCCLXXXIII , juxta LXX Interpretes aliquot amplius , genera-  
 tiones juxta utrorumque codices XVII , quas tamen evangelista Matthæus certi mysterii gratia XIV ponit ;  
 a qua velut juvenili ætate in populo Dei Regum tempora cœperunt. Hæc namque in hominibus ætas  
 apta ad gubernandum solet existere. Sedechias autem suprascriptus filius Josiæ regnavit annis XI. Hujus XI anno , regis autem Babylonis XVIII , secun-  
 dum dies lunares mense IV , v die mensis : juxta so-  
 lares vero dies , VIII kalendas Julii , luna V , quem illi quintum diem computant , feria VII , aperta est civi-  
 tas , et ingressi sunt omnes principes regis Babylonis ,  
 possederuntque civitatem , et transduxerunt populum captivum in Babylonem : et inde postea Nabuzar-  
 dam princeps militiæ exercitus Babylonis mense V ,  
 X die mensis lunaris , solaris vero V kalendas Augu-  
 sti , luna X , quam Hebræi decimum diem quinti men-  
 sis vocant , destructi sunt muri civitatis , et templum  
 pariter incensum atque vastatum est , anno ex quo fundari cœpit , CCCXXX. Si vero a me quærat per  
 quid sciam hoc , aut quo modo potuit hoc fieri , ut  
 talibus diebus vel comprehensa fuerit civitas , vel in-  
 censa , respondeo quia ipso anno X kalendas Aprilis  
 exstitit secundum dies lunares anni principium , et  
 primi mensis initium. Jam ipsa in Babyloniam trans-  
 migratio , quo etiam spiritus Dei per Jeremiam pro-  
 phetam jubet ut peragant et orent pro eis ipsis , in

A quorum regno peregrinantur , quod in illorum paco  
 etiam pax esset istorum , et edificarent domos , et  
 novellarent vineas , et plantarent hortos : quis non  
 agnoscat quid præfiguraverit , qui attenderit veros  
 Israelitas , in quibus dolus non est , per Apostolicam  
 dispensationem cum Evangelico sacramento ad re-  
 gnum gentium transmigrasse ? unde nobis Apostolus  
 tamquam Jeremias replicans ait : *Volo ergo primum  
 omnium fieri deprecationes , orationes , interpellationes ,  
 gratiarum actiones pro omnibus hominibus , pro regi-  
 bus et his qui in sublimitate sunt , ut quietam et tran-  
 quillam vitam agamus in omni pietate et castitate : hoc  
 enim bonum et acceptum est coram Salvatore nostro  
 Deo , qui omnes homines vult salvos fieri , et in agni-  
 tionem veritatis venire (1 Tim. II. 1 seqq.).* Ex hoc  
 quippe etiam illis credentibus domicilia sunt constru-  
 cta pacis , basilicæ Christianorum congregationum ,  
 et novellatæ vineæ populorum fidelium , et plantati  
 horti , ubi etiam inter omnia olera granum illud si-  
 napsi regnat , sub cujus umbraculis longe lateque  
 porrectis , etiam multiplex superbia gentium tanquam  
 in cœli volatilibus confugiendo requiescit. Nam quod  
 etiam post LXX annos secundum ejusdem Jeremiæ  
 prophetiam reditur ex captivitate , et templum reno-  
 vatur , quis fidelis Christi non intelligat , post evoluta  
 tempora quæ septenarii dierum numeri repetitione  
 transcurrunt , etiam nobis , id est , Ecclesiæ Dei ad  
 illam cœlestem Jerusalem ex hujus sæculi peregrina-  
 tione redeundum ? Per quem nisi per Jesum Chris-  
 tum vere sacerdotem magnum , cujus figuram gere-  
 bat ille Jesus sacerdos magnus illius temporis , quo  
 templum ædificatum est post captivitatem , quem  
 propheta Zacharias vidit in sordido habitu , devicto-  
 que diabolo , qui ad ejus accusationem stabat , abla-  
 tam illi sordidam vestem et datum indumentum ho-  
 noris et gloriæ : sicut corpus Jesu Christi , quod est  
 Ecclesia adversario in fine temporum per judicium  
 superato a luctu peregrinationis in gloriam semper-  
 ternæ salutis assumetur ? Quod etiam in psalmo dedi-  
 cationis domus apertissime canitur : *Convertisti plan-  
 ctum meum in gaudium mihi , etc. (Ps. XXIX , 12).* Quis  
 potest ex occasione alterius operis omnia quæ in illis  
 veteribus legis et prophetarum libris Christum an-  
 nuntiant , quantalibet brevitate perstringere , ne forte  
 quis putet ingenio fieri , ut ea quæ rerum ordine  
 sua tempora cucurrerunt , ad Christi significationes  
 interpretando vertantur ? Hoc forte Judæi possunt  
 dicere sive pagani , eis autem qui se Christianos pu-  
 tari volunt , premit cervicem Apostolica auctoritas  
 dicens : *Omnia hæc in figura contingebant illis , et hæc  
 omnia figuræ nostræ fuerunt (1 Cor. X)*

## SENTENTIA AD MONACHOS.

In hunc fere modum artifex mundi Deus cum cætera  
 animalia prona in humum fingi jusserit , solum ho-  
 minem rectum sublimemque factum habitudine ipse  
 corporis ad contemplationem sui provocavit. Hunc  
 non intellexisse , læsisse est. Intelligimus autem , si  
 observantiam mandatis ejus afferamus. Maxima vero  
 mandata hæc sunt : *Diliges Dominum Deum tuum ex  
 toto corde tuo , et ex tota mente tua , et ex tota anima  
 tua (Deut. VI , 5 ; Matth. XXII , 37).* Intolerandum ,  
 quæso , aliquid aut ingratum præcipitur ? Diligi se a  
 nobis jubet , cujus donum est , quæ in nobis , quæque  
 intra nos nostra sunt. Hic immortalitatem tribuit ;  
 hic eandem decepto reparavit ; hic nobis constituens  
 legem ; hic prophetas emisit ; hic postremo propter  
 nos unicum Filium suum a cœlo descendere , nasci ,  
 attractari , mori passus est. Nonne hic diligi se , si  
 non admoneat præceptis , cogit beneficiis : *Quid re-  
 tribuam Domino pro omnibus quæ retribuit mihi (Ps.  
 CXV , 12) ?* Ut diligam eum ex toto corde meo , et ex  
 tota mente mea , et ex tota anima mea. Sequens

mandatum est : *Diliges proximum tuum sicut teipsum  
 (Levit. XIX , 18 ; Matth. XXII , 39).* Ad hujus vero  
 mandati obedientiam non tam præcepto , sed natura  
 ducimur. Quid enim tam commune cunctis , quam  
 diligere proximum ? aut quid tam proprium humano  
 generi , quam hæc quæ etiam ex nomine ipso tracta  
 est humanitas ? Nam quid aliud magis quam hic af-  
 fectus nos a bellois discernit ? Ita non reservata cha-  
 ritate , feritas est. Et tamen non in hac , ut in ple-  
 risque rebus , beneficium tantum damus , sed mutuas  
 connexæ charitatis vices , fructum ejus non magis  
 præstamus quam capimus. Namque dum proximum  
 amamus , ut a proximo amemur necesse est. Diliga-  
 mus ergo omnes eum ex toto corde nostro , qui le-  
 gem sancit , ut mutuo nosmetipsos diligamus. Reli-  
 qua mandatorum Domini his præceptis continentur.  
 Namque ista hujusmodi sunt , ut si quis ea tantum  
 custodiat , omnia implet. Atque hæc etiam ante ad-  
 ventum Dei Salvatorisque nostri servata sunt. Nobis  
 vero recentioribus insuper præceptis , et Christo ,



eius sumus, inherendum est dicente Apostolo: *Nostri enim non sumus, et non estis vestri; empti enim estis pretio magno: glorificate et portate Deum in corpore vestro* (I Cor. vi, 20). Dedit nobis pretium, id est, qui et pretium est; ut jam non nostræ, sed voluntati pareamus suæ. Hinc itaque Redemptor noster ad electos suos loquitur: *Vos de hoc mundo non estis* (Joan. xv, 19). Hinc et ille: *Exite de medio eorum et separamini* (II Cor. vi, 17); cujus voces assecuti, secedentesque, velut post tergum cum vitis suis mundum reliquimus. Quod ergo secessionis hujus erit pretium, ipse Dominus noster Jesus Christus indicat dicens: *Si quis venit ad me, abneget semetipsum, et tollat crucem suam, et sequatur me* (Matth. xvi, 24). Portemus ergo crucem nostram, carnis desideriis, id est, vitis repugnantes, voluptatibusque ejus pravis nihil indulgendo. Crucifixit corpus qui non vivit corpori. Hujus igitur curam ne feceritis in desideriis (Rom. xiii, 14); quia non minus per illecebras suas infestum est nobis et adversum, quam ille princeps aeris hujus indefessus hostis noster, qui retrahere nos a cælorum nitenti regno contendit. Denique hæc ipsa illi ad decipiendum hominem sæpe machina est. Et revera cum ipsi nos in anima simus constituti, extrinsecus sit corpus; ideo a Deo, ut hic ibi datum est, hic interim dum ille resurrectionis dies venerit, relinquendum est. Dubiumne est magis nos custodire debere quod est proprium, quam quod externum nobis est? Nobis potius consulamus quam corpori, quod plane non minus quam divitiæ ac reliqua, quæ quondam nostra diximus, deserendum? Mortificemus enim membra nostra, ut vivamus vitæ, quæ hanc non tam vitam quam pretium vitæ esse probat. Non nunc quidem primo de turbidi sæculi cœno emergimus. Cui tempori quippe apud hæc præceptorum ars videri potest. Inculcandum tamen nobis est, vana hujus mundi gaudia, vana illa omnia, quæ semper volentes invitosque amisit, pie nos quod mortalitati debent Deo reddere. Angusti abjectique est animi, qui non spes suas ultra hoc sæculum porrigit. Quapropter in futura nos extendentes facultatum et voluptatum præteritarum obliviscamur. Lot beati conjux testis in æternum manet, respicientem retrorsum evadere ad superiora non posse (Gen. xix). Quid negotii est converti ad ea quæ semel spreveris? quamquam si consideremus, et ne vel hinc vanæ sit locus gloriæ, non spreverimus ea neque abjecimus; sed fenore majore commutavimus. Contempseramus sane quæ reliquimus, si ob hoc cælum cœli non speraremus. Nec tamen ea ipsa, quæ reliquimus nostra sunt; nam cum ipsi nos simus ejus a quo instituti videmur; agnoscendum est ejus esse quæ reliquimus et quæ desideramus. His igitur apud animum oblitteratis quæ jam repudiata sunt, sectemur justitiam, benevolentiam, pietatem, mansuetudinem, fidem, charitatem. Custodiamus thesaurum, quem Christi pauperes gerunt, et in vasis fictilibus depositum teneamus. Firmis et insistendum vestigiis, quia quod scandimus iter lubricum est, et quo difficilius

carere delicto potest, in hoc esse debet major custodia. Sed ne dubietas in laboris fideique hujus sper sit, audiamus quæ justis injustisque merces maneat. *Qui credit in me habet vitam æternam*, ait Dominus (Joan. vi, 24). Quis ergo credentibus vel timentibus Deum finis est, quibus æterna vita erit finis? At e contrario præceptis Domini non obtemperantibus quis denuntiatur exitus? *Discedite a me, maledicti*, ait Dominus, *in ignem æternum, qui præparatus est diabolo et angelis suis* (Matth. xxv, 41). Videtis qui utrumque meritum terminus consequatur. Si ex hac quæ promittitur, vel pœna vel gloria, una tantum res nobis remota, alia denuntiaretur infinita; sic quoque incitamenta ad bene vivendum proponi putarem. Nunc vero an illud magis refugiendum sit, an istud magis ambiendum, cum hinc magna sint supplicia, hinc magna sint præmia? Et tamen etiam si merita nostra retributio digna non sequeretur, quid fieri rectius ab homine possit, quam indulgam vitam caste ac pie vivere; sanctitatemque ejus, cujus imaginem gestaret, æmulari? Adde quod per ineffabilem Domini nostri misericordiam ad beatam vitam minis præmiisque etiam sollicitamur. O quam pulchra illa, spretis fideliter sæculi hujus rebus, adveniet post Domini in vos fidelis remuneratio, cum in illa coruscanti sede gloriæ, sanctorum choris mixti verum Dei Filium Agnum sequemur; pariterque in hac vita Christo consepulti, in illa pariter exultantes regnabimus! *Indignæ sunt passionēs hujus temporis ad futuram gloriam quæ revelabitur in nobis* (Rom. viii, 18). Atque ideo ut hujus gloriæ non expertes simus, vitæ hujus voluptate non capiamur. Vita enim nostra abscondita est in cœlo. Nihil in hoc mundo speremus. *Spes enim quæ videtur non est spes*. Nec multitudinis relugiamus exemplo: *Multi enim sunt vocati, pauci vero electi* (Matth. xxii, 14). Nec inchoato studio lassemur; non enim qui cœpit, sed qui perseveraverit salvus erit (Marc. x, 22). Gulæ, libidinis, avaritiæ, iræ, vanitatis, superbiæ, una est debellatrix tot criminum continentia: cujus optimus erit custos timor, si meminerimus in conspectu Domini nos semper sitos. Gaudium ac tristitiam tunc magis nostram ducamus, cum proximorum sunt. In obreccationibus æque detestanda nobis sit linguæ et aurium prurigo. Hæc, filii mei, memoriæ, hæc observationi mandate; nec longus in his custodia labor erit. Quantuli enim ut sumus vitæ hujus sunt dies in nobis? Propterea, quia, sicut scriptum est, *sæculorum fines decurrerunt* (I Cor. x, 11), non esse diuturnum potest, quin nos si non communis, propria saltem absolutio, ad judicem nostrum sponsoremque meritorum Dominum transferat. Hæc audientes tacitis ora lacrymis rigant: tantus eorum erga beatitudinem futuram in hujusmodi exhortationibus affectus est. Sic itaque beatissimus Paulus mysticis imbutus disciplinis, devovens militiam Regi sæculorum Deo, per stipendia innocentis vitæ præmia consecratur æterna.

## ADMONITIO AD VIRGINES

4. Si diligenter attenditis, venerabiles filiæ, evidenter agnoscitis, quod nullus homo sibi soli vivit, nullus sibi moritur. Omnis enim quantiscumque exemplum sanctæ conversationis præbuerit, cum tantis et pro tantis ad præmia æterna perveniet. Et econtra qui exemplum malæ vitæ et perversæ actionis ostenderit; quantascumque suis malis moribus ad opera iniqua provocaverit, cum tantis et pro tantis perpetua supplicia sustinebit. Nos vero non solum exemplum male vivendi cæteris non præbeamus, sed etiam sancta et salubri admonitione ad humilitatem et charitatem vel obedientiam jugiter provocemus.

D Non simus de illis, quæ irascentibus vel furentibus quibuscumque sororibus malis consiliis solent pabulum superbiæ ministrare, dicentes, quod non debeant tanto tempore abjecta se humilitate dejicere, et tam dura vel inepta imperia sustinere. Non simus de talibus, quæ per amarissimas linguas, non solum vulneratas curare nolunt, sed etiam quæ sanæ sunt vulnerare contendunt: quæ murmurando, detrahendo, per inobedientiam vel iracundiam non Christo servire, sed diabolo militare et ministrare consueverunt: astutus enim et crudelis diabolus calliditate veteris artificii ac multiformis ingenii animas quas



semel persuasione nequissima desides, tepidas, ac negligentes effecerit, etiam in aliorum subversionem sibi servire compellit, de quibus scriptum est: *Utinam calidus esses aut frigidus! nunc autem, quia tepidus es, incipiam te evomere ex ore meo* (Apoc. III, 15). Tales enim animas ad inobedientiam vel superbiam preparatas diabolus omni lumine veritatis et charitatis excæcat, et quasi venator robustissimus et calidissimus aucups velut illices sibi ad capiendas, si potest, etiam sanctas animas aptat ac præparat; quomodo aucupes facere solent, qui columbas quas primum ceperint excæcant et surdas faciunt; ut dum ad illas reliquæ columbæ conveniunt, præparatis retibus capiantur. Ita etiam hostis antiquus de tepidis clericis, et de negligentibus monachis, vel desidiis virginibus exercere consuevit: et cum in eis oculos patientiæ clausurit, ignem compunctionis et flammam veræ charitatis exstinxerit, et de solo religionis habitu persuaserit gloriari, sicut jam dixi, ad aliarum perditionem velut illices eos proponit, et præparat in exemplum, ut dum illos simplices quique et minus solliciti imitantur, diversis laqueis vel retibus capiantur. Isti tales non solum pro se, sed etiam pro aliis quos exemplo malæ conversationis de bono humilitatis et obedientiæ revocaverint, rationem sunt in die iudicii reddituri.

2. Antiquus enim hostis, qui bonis semper invidere consuevit, primum servos vel ancillas Dei, quos tepidos ac negligentes esse cognoverit, persuadet otiosis fabulis occupari, murmurando vel detrahendo ad contumaciam provocare, et ad audiendam lectionem tardissimos reddere: et cum in eorum cordibus velut calum, et, ut ita dixerim, scoriam teporis induxerit, ad quælibet opera mala sibi eos facit præparatos, et omnibus vitiis vel negligentis infelicitate servire compellit; secundum illud quod Veritas dixit: *Qui facit peccatum, servus est peccati* (Joan. VIII, 34); et a quo quis superatur, ejus servus efficitur (II Petr. II, 19). Sicut enim sanctæ ac spirituales animæ fervore charitatis accensæ Spiritu sancto aguntur, et ad omne opus bonum jugiter præparantur, secundum illud quod Apostolus ait: *Quotquot spiritu Dei aguntur, hi sunt filii Dei* (Rom. VIII, 14); ita e contrario negligentes et tepidæ ab illo contrario spiritu possidentur, de quo scriptum est: *Cum exierit immundus spiritus ab homine, vadit per loca arida, quærit requiem et non invenit; postea revertens invenit domum suam vacuum et scopis mundatam, et adducit secum alios septem spiritus nequiores se, et erunt novissima hominis illius pejora prioribus* (Luc. XI, 26). Hæc enim sine dubio patiuntur clerici monachi sive virgines superbi, inobedientes et tepidi. Cum enim in primordiis conversionis suæ relicta sæculi conversatione ad militiam sanctæ religionis animo ferventi confugerint, per gratiam Dei vacuantur omnibus malis; postea vero dum per negligentiam ac desidiam non apponunt studium, ut cum Dei adjutorio repleantur spiritualibus bonis, vitia quæ discesserant invenientes eos cum multiplici nequitia remeantes, compellunt eos redire ad vomitum; et impletur in illis quod scriptum est: Sicut canis quando revertitur ad vomitum suum odibilis fit, ita et peccator quando revertitur ad peccatum suum. De istis talibus terribiliter clamat apostolus Petrus: *Si enim, inquit, refugientes coinquinationes mundi his rursum implicati superantur, facta sunt eorum posteriora deteriora prioribus. Melius, inquit, fuerat illis non cognoscere viam justitiæ, quam post cognitionem retrorsum converti ab eo quod illis traditum est sancto mandato; contigit enim illis illud veri proverbii: Et canis reversus ad vomitum suum, et sus lota in volutabro luti* (II Petr. II, 20). Hoc illis evenit, qui post abstinentiam ad gulam, post vigiliis ad somnolen-

tiam, post humilitatem ad superbiam, post obedientiam ad contumaciam, post patientiam ad iracundiam, velut canis ad vomitum, et velut sues revertuntur ad luxuriæ volutabrum.

3. Et ideo qui se talem esse cognoscit, dum corrigendi tempus est, cum rugitu et gemitu ad vulnus superbiæ humilitatis medicamentum contendat apponere: contra murmurationis vel iracundiæ venenum antidotum obedientiæ festinet accipere. Et antequam anima sua multis peccatis obnoxia de hac luce discedat, remedium sibi in diem necessitatis acquirat, et lampadi suæ per superbiam extinctæ humilitatis et charitatis oleum, dum colligendi et emendi tempus est, præparare contendat, ut inter sanctas virgines accensa virginitatis lampade in vasculo animæ suæ oleum charitatis exuberet. Quia penitus virginitas in corpore nihil proderit, si charitas vel humilitas a corde discesserit. Et hæc quidem observant animæ sanctæ, et quæ illis similes esse volunt, facere non desistunt.

4. Aliæ vero quæ non spiritualiter, sed carnaliter vivunt, non humilitati sed superbiæ infelicia colla submittunt: nec velut apes spiritalia mella colligunt, sed quasi vespæ crudelia venena diffundunt: quando senioribus inobedientes existunt, quando flammis iracundiæ succendantur, quando odium in corde condunt, quando murmurationibus suis et se et alias vento superbiæ de portu obedientiæ excussas, et de tranquillitate patientiæ proturbatas faciunt naufragare; et quæ in primordiis conversationis suæ relictis sæculi fluctibus ad quietem monasterii confugere, nunc nimio furore superbiæ in ipso portu procellis iracundiæ naufragare probantur. Istis talibus meliores sunt illæ, quæ sæculo servire videntur, quia multo melius est humilis conjugalitas, quam superba virginitas, et plus laudabiles quæ in medio pelago se Deo auxiliante custodiunt, quam illæ quæ in portu nimia negligentia vel securitate merguntur.

5. Felices ergo sunt illæ animæ, quæ ita cor suum diversis virtutum aromatibus Christo donante replere contendunt; ut ex illorum ore non nisi charitas et humilitas, nunquam nisi castitas, vel mansuetudo, vel obedientia proferatur: unde et sibi æterna præmia, et aliis præbeant sanctæ conversationis exempla. Sicut e contrario infelices sunt, et miserae, et omni lacrymarum fonte lugendæ, quæ ita malis moribus corrumpuntur, ut ex illarum ore, vel indigna conversatione, non Christi medicamenta, sed diaboli venena procedant. Quæ cum foris religioso habitu quasi pellibus ovium contegantur, velut lupi rapaces intrinsecus esse noscuntur, et serpentium vel viperarum more, tamdiu fictam humilitatem habitu corporis demonstrare videntur, quamdiu nulla castigatione corripiuntur: at ubi vel levis admonitio fuerit, tunc falsa humilitate remota superbiæ se furor exeret; et tunc in veritate cognoscitur, quia aliud proferebatur in ore, aliud abscondebatur in corde; falsa humilitas fingebatur in corpore, et superbiæ virus tegebatur in mente.

6. Hæc ergo omnia timentes potius quam de vobis sinistrum aliquid sentientes, cum omni humilitate et paterna sollicitudine charitati vestræ suggestimus; et ideo ante oculos vestros tepidorum negligentias proferre volumus: ut et de bonis, quæ in vobis munere divino collata sunt spiritualiter gaudentes, Deo gratias referatis, et prome ac mei similibus, qui adhuc multis negligentis premimur, jugiter Dei misericordiam supplicetis: ut cum ante tribunal Christi vobis pro perseverantia bonorum operum corona tribuatur, nobis intercessione vestra vel peccatorum indulgentia concedatur, præstante Domino nostro, qui cum Patre et Spiritu sancto vivit et regnat in sæcula sæculorum. Amen.



## EPISTOLA

DICTA

S. EUCHERII LUGDUNENSIS EPISCOPI AD PHILONEM PRESBYTERUM SUUM.

*A Baluzio edita in appendice ad opera S. Agobardi.*

Domino sancto ac venerabili fratri et compresbytero nostro Philoni Eucherius episcopus salutem in Domino dicit.

Quæso charitatem et dilectionem tuam, quam habes perfectam in Domino, ut digneris te fatigare usque ad monasterium Insulæ Barbaræ, et videas et exhorteris fratrem nostrum Maximum abbatem, qui præest ipsi monasterio, quia pervenit ad nos quod velit ex eo discedere, et fratres suos deserere, eo quod multi propter metum gentium oblationes suas subtraxerint, quas pro Dei intuitu dare consueverant. Sed si nos vivimus et sani revertimur, tantum illi

vel monachis suis in Dei nomine disponimus ministrare, ut nihil egere videantur. Hoc tamen specialius peto ab ipso fratre nostro, ut domum pensilem quam jussimus fieri nobis præparet et membranas. Quia, si Deus annuit, Quadragesimam in Insula cum ipso tenere disponimus, ut opus cœptum ibidem pariter residentes expediamus. Interim trecentos modios annonæ et ducentos modios vini, ducentas libras casei et centum libras olei, ordina ipsi dari, ut cum per nostram oblatiunculam ipse una cum congregatione sua reficitur, nobis reditus cum sospitate ipsis orantibus a Domino tribuatur.

ANNO DOMINI CCCCXLIX.

## SANCTUS HILARIUS

ARELATENSIS EPISCOPUS.

## PROLEGOMENA.

## NOTITIA HISTORICO-LITTERARIA IN S. HILARIUM.

(Ex Schœnemanni Biblioth. Hist. Litter. Patr. Lat. tom. I.)

## I. Vita.

*Hilarius Arelatensis*, Gallus, clarus genere educatusque liberaliter, juvenis hortante Honorato Liriniensium monachorum abbate cognationem suam ab eaque pendentis sæculi commoda deseruit vitæque monasticæ eodem duce et auspice se addixit, unice intentus magistri hujus exemplum in se effingere menteque et animo referre. Itaque quamdiu ille Lirino præsesset, semper ei adhæsit ejusque institutionem sectabatur; evocatum deinde anno 426 ad Ecclesiæ Arelatensis regimen eodem comitatus est, mox tamen ad insulam suam rediit, nec ab ea prius recessit quam cœnobitæ otium cum episcopali cura ipsi esset permutandum. Mortuo enim Honorato, in ejus locum suffectus est Hilarius ineunte anno 429. Arelatensis autem episcopatus, ut erat in Ecclesia Gallicana, a Patrocli maxime ætate, cui Romanæ sedis favore jura metropolitana in Viennensem etiam et Narbonensem provinciam cesserant, principale honoris fastigium, ita non poterat virtutes, si quæ in eo erant episcopo dignæ, non conspicuas reddere et late propagare. Hinc magna apud omnes non intra Gallias modo vitæ ejus commendatio et post mortem etiam culta memoria. At idem locus et magnarum

B ipsi molestiarum et gravis mœroris causa fuit. Nam cum anno circiter 444 Chelidonium quemdam Veson-tionensem episcopum, a plebe sua coram eo accusatum causa in synodo quadam desultorie ut videtur cognita, communi sententia deposuisset, is vero Romam expetens, injusto se rigore condemnatum esse apud Leonem episcopum esset conquestus, Hilarius illico quidem ipse Romam contendit Leonique se præsentavit, ita tamen, ut *ad officia, non ad causam venisse* libere significaret. Sed cum totam causam ab episcopo Romano retractari, seque ipsum tamquam reum injusti judicii habitum cerneret, neque ea quæ a Chelidonio pro innocentia sua prolata essent documenta vel solus evertere posset, vel redarguere, judicii ordinem indignatus, apud animum sustineret, e contrario vero multa liberius et incautius locutus esset quam jam tum Romani episcopi ambitio et non amplius dubia potestas ferret, neque adeo anceps esse poterat, in quam partem Leonis sententia inclinatura esset: in scio Leone Roma discessit et Arelatum repetiit. Mox tamen, ut vitæ ejus auctor scribit, *totum se ad placandum ejus animum inclinata humilitate convertit, misso primitus sancto Ravennio tunc presbytero, postmodum ipsius successore, dein*



*Nectario et Constantio præcipuis sacerdotibus.* Sed frustra. Lata pridem erat sententia, absolutus Romæ Chelidonius, remotumque iudicium ab Hilario in hac causa prolatum, et ne impune ferret suam erga sedem apostolicam audaciam, non solum adempta est ei et Viennensi interim episcopo reddita metropolitica in Viennensem provinciam potestas, sed omnino hujus potestatis exercitio exspoliatus est, traducto in convocandis diversarum provinciarum synodis jure in antiquiorem episcopum Leontium. Atque hæc insuper imperiali auctoritate roborari et executioni mandari Leo curaverat, in quo edicto imperatorum Theodosii et Valentiniani III, d. 8 Jul., Valentiniano A. VI et Nonio V. V. C. COSS. (a. 445) inter alia præceptum fuit, *ut episcopis Gallicanis omnibusque pro lege esset, quidquid apostolicæ sedis auctoritas sanxisset: ita ut quisquis episcoporum ad iudicium Romani antistitis evocatus venire neglexisset, per moderatorem ejusdem provinciæ adesse cogeretur.* Obiit Hilarius non multo post anno 449.

Diversa maxime de Hilario ejusque cum Romano episcopo lite recentiorum scriptorum sunt judicia, prout magis minusve scilicet Romanæ curiæ illi faverent, aut animis in eam essent infensoribus. Magna sane Hilarii apud omnes temporum istorum æquales fuit existimatio; eximiis eum laudibus condecorat vitæ ejus scriptor ipseque Leo M. mortuum sanctæ memoriæ papam vocat. Superstitiosi itaque Romanæ sedis jurium defensores negant aliter hæc cum ista ejus erga pontificem temeritate conciliari posse, nisi serio pœnitentiam egisset eaque veniam apud illum impetrasset. Contra obtrectatores Romanæ auctoritatis nihil aliud egisse eum existimant, quam quod Ecclesiæ suæ juribus deberet, nec jus causæ ejus defuisse, nec prudentiam ipsi in ea defendenda. Quid? quod contendunt, Hilarium nullam plane episcopi Romani in Ecclesia Gallicana auctoritatem agnovisse, propterea iudicium ejus detrectasse et spreta ejus sententia ad vitæ finem usque metropolitæ jura in utraque exercuisse provincia. Hoc fuit quoque *Paschasii Quesnelli* consilium in apologia quam occasione editionis Operum Leonis M. pro Hilario conscripsit, in qua non minus episcopi Romani auctoritatem elevare, quam Hilarii gesta ac virtutes, fortitudinem scilicet in defendendis Ecclesiæ suæ juribus, mitem animum et pacis studiosum, constantiam et in officio suo perseverantiam Leonis minis inconcussam extollere studet. Sed quidquid ille disputet, prudentiam non possum in Hilario agnoscere, nec omnino ullum ex gestis ejus constans consilium elucet. Quin nec ea, quibus episcopi Romani tunc temporis in Gallicana Ecclesia potestatem Quesnellus oppugnat, ita sunt comparata, ut non in

multis adversariis ejus novissimis Balleriniis, quamvis Romanæ curiæ deditis, accedere quam cum illo sapere malis.

Porro Hilarium cum multis aliis Galliæ episcopis minime probasse Augustini recentem tunc de Prædestinatione et Gratia opinionem, ex Prospero discimus. (a) Hinc orta est de Semipelagianismo ejus quæstio, leviuscula quidem, sed serio a doctis etiam viris tractata, et in qua idem Quesnellus graviter allucinatus est. Cf. *Oudinus in Diss. de Hilario Arelat. cap. 5, T. I pagg. 1227, 28.*

#### § II. Scripta.

Honoratus, vel quisquis fuerit auctor Vitæ Hilarii, sequentia recenset ejus scripta: *Vitam* scilicet *Honorati antistitis, Homilias in totius anni festivitates, Symboli expositionem, Epistolarum* magnum numerum et *Versus*. Ex his supersunt hodie certa et genuina solummodo: 1º *Vita sancti Honorati Arelatensis episcopi*, et 2º *Epistola ad Eucherium episcopum Lugdunensem*. Interciderunt reliqua, nisi forte ex homiliis quædam restent inter homilias sub Eusebii Emeseni vel Gallicani nomine vulgatas. Oudinus quidem, qui unius omnes auctoris esse sibi persuaserat, easdem ad Hilarium spectare olim existimabat, præter alia argumenta secutus auctoritates vv. dd. præsertim Cummii et Mosani editorum Bibliothecæ Concionatoricæ; sed re attentius perpensa censuit, nullatenus eas illi convenire posse; immo auctoris esse qui certo post concilium Chalcedonense a. 451 celebratum et damnatum Eutychen vixerit (b).

Sed hoc non impedit, quo minus vera sit, quam Combesisius et non pauci cum eodem viri docti aluerunt, sententia, collectionem censentes ex diversis Arelatensis præsertim et Lugdunensis provinciarum et civitatum concionatoribus delectam, quæ inter multas aliorum Hilarii quoque nonnullas homilias contineret.

Tribuuntur porro Hilario poemata nonnulla versu hexametro condita, veluti *Poema de septem Fratribus Machabæis ab Antiocho Epiphane interfectis*, quod alias sub Victorini Afri nomine circumferri solet; *Carmen de Providentia Dei* et *Carmen in Genesin ad Leonem papam*, de quibus eruditorum sententiæ longissime invicem distant. Codicum in his nulla est auctoritas, quippe in quibus constanter tertium ad Leonem Carmen, *Hilario Pictaviensi* tribuitur, cui idem asseruerunt PP. Maurini in editione Operum Hilarii istius. Oudinus tamen propter eorundem testimonium, nullus dubitat, quin Arelatensis verus auctor sit carminis *de Machabæis*, sicut de altero *de Providentia* arripit sententiam Norisii, ex vestigiis Semipelagianismi, quæ in eo sibi deprehendere visus est, Hilario Arelatensi illud adjudicantis. Quippe

(a) In *Epistola ad Augustinum*, si lectio certa. Fuerunt enim qui Hilarii nomen in eo loco censerent irreptitum. Vid. *Oudinus cap. 1, pag. 1224.*

(b) Multi sunt de hisce homiliis, *Baronius*, qui Eucherio vindicare conatus est, ad a. 441 *Annalium* et in *Comm. ad Martyrologium Romanum* ad d. 16 No-

vembris, *Combesisius, Labbeus, Dupinius, Tillemontius*; sed omnium diligentissime quæstionem de auctore eorum tractavit *Oudinus T. I pagg. 390—425.* Cf. *Fabric. Bibl. M. et Inf. Lat. v. Eusebius Emesenus.*



existimabat ille Prosperum in poemate de *Ingratis* hocce carmen sibi refutandum sumpsisse. Sed dum istam opinionem diluerunt Antelmius et novissimus editor Prosperi Aquitani Operum, Salinasius autem ex mentione incursionis Vandalorum Gothorumque colligit scriptum illud esse circa annum 416, adeoque ab Hilario vixdum quindecim annos nato proficisci haud potuisse. De reliquis duobus licet definire nihil ausus sit, vero simile tamen censet, auctorem eorum esse Hilarium. Sed rectius fortasse statuunt, quibus nullum omnino ad Hilarium nostrum pertinere videtur, in quorum numero sunt diligentissimi atque acutissimi auctores *Historiæ Litterariæ Galliæ*.

Superest denique narratio de *Miraculo* a B. *Genesio* martyre perpatrato, Hilario Arelatensi pariter tam in codicibus nonnullis quam doctorum virorum, Benedictinorum in primis in laudata *Historia Litteraria Galliæ*, suffragio tributa. Sed hanc quoque plurimi cum Quesnello alienam ab Hilario æstimant.

Denique manifesto non hujus, sed alius Hilarii, Prosperi familiaris, vel duorum etiam, utriusque vero Augustinianæ de Gratia opinionis defensorum, sunt *Epistolæ* duæ ad Augustinum de hoc argumento directæ.

### § III. Editiones.

Ex genuinis Hilarii scriptis primum edita est *Vita S. Honorati* a Genebrardo Parisiis 1578, unde eam suscepit Surius. Non multo post eandem ex mss. Lirinensibus produxit Vincentius Barralis, quem secutus est Bollandus ita quidem, ut et ipse mss. exemplaria conferret. Successit Quesnelli recensio ex Bollandi textu et mss. Arelatensibus formata, quam in plerisque deserit novissimus editor Joannes Salinasius. *Epistola ad Eucherium* prima vice, ni fallor, prodit in *Chronologia Lirinensi*; mox inserta est in *Bibl. PP. Colon.* et *Lugdunensem* et apud Quesnellum, et in novissima editione a. 1751 recusa. Quæ quidem omnia ob oculos ponet sequens indiculus, a quo ea quæ dubiæ sunt existimationis aut omnino falso Hilario ascribuntur, sejunximus, satis fecisse desiderio lectorum arbitrati, si succincte monuerimus, uli et quo nomine occurrant.

Carmen de Machabæis editum est primum sub Victorini Afri nomine a Joan. Sichardo in *Antidoto contra omnes Hæreses* a. 1528, inde per in *Bibl. PP. Bigneana* a. 1575, et in omnes sequentes traductum, insertum quoque (testibus Benedictinis in *Hist. Lit. Galliæ*) *Syllogæ poetarum Christ. Lugd.* a. 1605, et *Bibliothecæ Floriacensi Joannis a Bosco* T. II, p. 198-210. Carmen de Providentia frequenter cum Operibus Prosperi Aquitani exscriptum est; Carmen in *Genesis* sub Hilarii Pictaviensis nomine emissum est primum a Lud. Miræo, cum *Opp. Hilarii Pict.* a. 1544, indeque in omnibus etiam novissimis eorundem editionibus repetitum. Seorsim quoque edidit Morellus Parisiis apud Guillot a. 1559, in-4°. Mox, a. 1560, Parisiis iterum in-8° prodit, cum Claudii Victoris aliorumque carminibus in *Genesis*, et eodem anno Antuerpiæ cum poematibus Paulini Nolani curante

A Pulmanno; porro receptum fuit a Ge. Fabricio inter *Poetas Christianos* et in *Bibliothecas Patrum* et singulari commentario illustratum a Jo. Weitzio, *Francof.* 1625, in-8°.

*Miraculum Genesii* prodit apud Surium et Bollandistas ad diem 25 Augusti.

De *Epistolis* duabus ad Augustinum infra dicetur. *Homiliæ* denique, quas universe a nonnullis Hilario tributas, ex parte vero ipsius esse ionuimus, non semel editæ fuerunt; sed postquam primum prodierant *Homiliæ X ad Monachos*, Coloniae 1551, in-12°, junctæ illis sunt *Homiliæ XLVI ad populum Eusebii Emeseni* nomine a Jo. Gagneio Parisiis 1547, in-8°; eademque postea recusæ sunt Antuerpiæ 1555, et Parisiis 1561, et post Andreæ Schotti recensionem in tomo V *Bibl. PP. Colon.* ann. 1618. et T. VI *Lugdunensis* 1677, a Cundio et Mosano Hilarii nomine, a Combesio vero tamquam diversorum auctorum opera in *Bibliothecam Concionatoriam* traductæ.

### SÆCULO XVI.

1578. Parisiis, apud Ægidium Gorbinum; in-8°. D. Hilarii Arelatensis episcopi de S. Honorato Oratio funebris et D. Eucherii Lugdunensis episcopi de Laudibus Eremitarum, nunc primum e Lirinensi bibliotheca producti. Cf. *Eucherius Cat. Bibl. Reg. Paris.* T. I, p. 383 et 364, num. 465, addit *Fausti Regiensis episcopi Instructionem ad Monachos*, quæ sane inest in hoc libro, non item in titulo significatur, ut docet Sancassanus in *Cont. Bibl. Vol. o. Cinelli*.

### SÆCULO XVII.

C 1613. Lugduni, in 4°. Sermo luculentus sancti Hilarii archiepiscopi Arelatensis de Vita sancti Honorati ejus prædecessoris et primi fundatoris sacri monasterii Lirinensis, item Epistola ejus ad Eucherium; in *Chronologia Sanctorum Insulæ Lirinensis* auctore Vincentio Barrali, pagg. 1—15 et 126.

1618. Coloniae Agr., sumpt. Ant. Hierati; in-fol. S. Hilarii Arelatensis opuscula, id est Epistola ad Eucherium, Epistola ad Augustinum et Carmen de Genesi; in *M. Bibl. PP.* tom. V, part. II.

1618. Coloniae Agr.; in-fol. Sermo S. Hilarii ep. Arelatensis de Vita et morte beatissimi Honorati Patris præcipui monachorum Lirinensium et episcopi Arelatensis; in *Vitis SS. Laur. Surii* ed. postremæ, ad diem 16 Januarii pagg. 252—58.

D 1643. Antuerpiæ, apud Jo. Meursium; in-fol. De Vita S. Honorati Sermo S. Hilarii episc. Arelatensis, in *Actis SS. Jo. Bollandi mens. Januarii* T. II. pagg. 41—24. Recensita est ad editiones Surii et Barralis et mss. S. Mariæ de Ripatorio et Preudhomii canonici Cameracensis, illustrataque marginalibus, locis biblicis et præmonitione.

1675. Parisiis, apud Seb. Cramoisy; in-12. S. Hilarii Arelatensis Vita S. Honorati, cum Eucherii Lugdunensis libris de Laude eremi et contemptu mundi, quibus tribus opusculis appositus est titulus *Via ad æternitatem*; cf. *Eucherius Lugdunensis*.

1675. Lutetiæ Parisiorum sumptibus Jo. Bapt. Coignard; in-4°. S. Hilarii Arelatensis episcopi Opuscu-



la, Vita et Apologia, seu, ut interior titulus habet, A S. Hilarii Arel. Vita, et quod superest Opusculorum ejusdem, cum excusis codicibus et manuscripto sanctæ Arelatensis Ecclesiæ collata a Paschasio Quesnello; ad calcem Operum Leonis M. ab eo editorum T. I, pagg. 729—776.

In hisce opusculis Quesnellus nihil complexus est præterquam Vitam Honorati ad codicem Arelatensem et Bollandianam editionem relectam, Metrum in Genesin et Epistolam ad Eucherium Lugdunensem. Narrationem de Miraculis Genesii, quæ apud Surium Hilarii nomine decorata legitur, ab ejus facundia abhorreere scribit et potius Honorati Massiliensis stylum redolere. Apologia pro S. Hilario et Ecclesiæ Arelatensis juribus antiquis inter Dissertationes Leonis Operibus tomo secundo adjunctas est quinta, spectatque ad Epistolam Leonis X (al. XXXIX) ad episcopos Viennensis provinciæ.

1677. Lugduni, apud Anissonios; in-fol. S. Hilarii Arelatensis Opuscula, videlicet Epistola ad Eucherium, Epistola brevis ad Augustinum, historia Genesios heroico carmine descripta; in Bibl. Max. PP. T. VII, pagg. 1228—30.

1700. Lugduni, apud Joannem Certe; in-fol. S. Hilarii Arelatensis episcopi Vita, Opuscula et Apologia; cum Leonis M. Operibus edidit Pasch. Quesnellus T. I, pagg. 361—86.

#### SÆCULO XVIII.

1751. Romæ, typis Jo. Zempel; in-8°. S. Hilarii Arelatensis episcopi Opuscula ad mss. codd. insignioresque editiones recensita ac notis illustrata a D. Jo. SALINAS Neapolitano, etc., cum Vincentio Lirinensi.

Genuina Hilarii scripta ab iis quæ fide minus explorata aut falso illi tribuuntur, secevit. Ad illa duo tantum pertinere existimavit, Honorati Vitam scilicet et Epistolam ad Eucherium; ex altera classe tria exscribi fecit, Metrum in Genesin, Carmen de Fratribus Machabæis, quæ duo recte Hilario Arelatensi adjudicari existimat, et Genesii Miraculum.

Textus Vitæ Honorati pro fundamento habet recensionem Bollandianam; raro lectiones Quesnelli admissæ sunt. Consuluit et ipse quidem Salinasius codices mss. bibliothecæ Regiæ Suecorum n. 645 et 1025, antiquos et optimæ notæ, sed magis ad tuendas Bollandianas lectiones quam novas invehendas. Testatur enim mss. auctoritate aliisque de causis parce et verecunde loca quædam se restituisse feliciter Bollandi sagacitate correctâ, deformataque verius quam emendata in sequentibus editionibus. Nec voluit capitum numerorumque distinctionem a Bollandi invectam turbare, ne citationum varietate lectores scriptoresque inutiliter fatigarentur. Plura etiam ad notas observationesque, quarum quidem satis copiosa materia jam a Joanne Barrali parata fuerat, Bollandus contulit. Quod attinet ad epistolam ad Eucherium, et eam codicis ms. ope recensuisse et emendasse profitetur Salinasius, sicuti ea quæ ab his secrevisse eum significavimus, ad optimarum editionum, quales sunt Weitzii, Quesnelli, PP. Maurinorum et Rosweydi, fidem repræsentavit.

Carmen de Providentia, quod ullo specioso argumento Hilario tribui negat, daturus erat in appendice ad dissertationem quam meditabatur apologeticam, in qua præter alia et hujus carminis doctrinam curiosius examinare constituerat.

## S. HILARII ARELATENSIS VITA

Ab <sup>a</sup> auctore ejusdem S. Hilarii discipulo scripta.

Ex editione Balleriniana Operum S. Leonis Magni tom. II.)

### PROOEMIUM.

1. Conscius imperitiæ meæ, et non ignarus igna-

<sup>a</sup> Qui S. Honoratum Massiliensem episcopum sequentis Vitæ auctorem existimant, nullius codicis auctoritate nituntur. Solum insistunt testimonio vulgati Gennadii cap. 99, ubi de S. Honorato Massiliensi scribitur: *Sanctorum quoque Patrum Vitas ad ædificationem posterorum coaptat ipse legendas, præcipue nutritoris* (Barralis legit *meritoris*) *sui Hilarii Arelatensis*. Nunc vero jam inter eruditos constat illud caput 99 non esse Gennadii, sed posteriori additamento operi ipsius fuisse subjectum. Enimvero in pluribus mss. libris deest, quod observant Petrus Franciscus Chiffletius, Miræus, Suffridus Petri, et Ernestus Salomonis Cypriani; et (quod plurimum valet) abest etiam a nonnullis antiquis exemplaribus alias additiones præferentibus, quas in vetustioribus vel sincerioribus codicibus haudquaquam invenies. Hinc quoque S. Honorati elogium omittitur a S. Isidoro, a S. Idelfonso, ab Honorio Augustodunensi, et a Sigiberto; qui postremi e Gennadio potissimum exscripsere. In codice 100 S. Crucis in Hierusalæm Gennadii catalogus desinit in Joanne Antio-

viæ, dum tenerum verecundiæ frontem silentii latebris volui cunctabundus operire, eamque sub

cheno, idemque deprehenditur in ms. Vat. 554, et in prioribus Gennadii editionibus, quas Aleriensis ex alio codice impressit. Pervetustum exemplum capituli cathedralis Veronensis eundem catalogum ad Joannem Antiochenum usque pari modo perducit, et solum post hujus elogium duo additamenta subjicit, alterum de Gelasio pontifice, de ipso Gennadio alterum. Hæc sola additio post primam editionem operis ab eodem Gennadio profecta credi potest. Cætera autem Cæsarii Arelatensis, Eugenii Carthaginensis, Juliani Pomerii, et Gennadii Massiliensis elogia, quæ in editis quidem leguntur, at in antiquioribus memoratis exemplaribus desunt, posterioribus incerti, seu incertorum scriptorum additamentis tribuenda sunt. Id vero de elogio S. Honorati multo magis patet, quippe quod in aliquot etiam ex iis mss. non legitur, quæ cætera additamenta exhibent ad Pomerium usque, uti Petrus Chiffletius animadvertit. Hinc Ernestus Salomonis Cypriani de hoc capite 99 judicium ferens scripsit in editione Fabricii: *Hanc Vitæ Honorati descriptionem ineptissimus quidam homuncu-*



velamine taciturnitatis abscondere, jussionibus venerabilibus diutissime repugnaui. Sed vixit meritum dominorum præsentiumque pontificum; si tamen obediens temeritas non imminuat iudicium tam sublimium sacerdotum: quia cui fandi facultas non suppetit ubertate loquendi, indocta rusticitate depressus, frustra vocatur in culpam, si nequeat excolere propositam sterili sermone materiem; cujus ponderis magnitudine angustus animus in ipso præfationis exordio præfocatur, dum innumeras virtutum palmas hinc inde circumspicit, <sup>a</sup> nec incipere quod aggredi conatur, queat, nec quod cœperit, supplere prævaleat.

### CAPUT PRIMUM.

*Natalium nobilitas ab Hilario et auctore ejus vitæ posthabita*

2. Beatissimi igitur Hilarii, peculiaris patris, monachi singularis, antistitis summi, doctoris eximii, pii institutoris, Vitam sermone paupereulo, sensu tenui cupiens demonstrare, dignum duco nequaquam more rhetorico patriam parentesque memorare: quia etiam ipse in laudibus venerandi propinqui præcelsum stemma natalium maluit nobilitare dum respuit, commendare dum præterit, dilatare dum

*lus Gennadio supposuit. Stylus plane diversus est a Gennadii nostri scripturæ genere; nec est in codicibus nostris.*

Etsi vero hoc caput Gennadium non habeat auctorem, cum tamen inveniatur in aliquot non recentibus mss. Gennadii, scriptum et additum negari nequit a vetusto aliquo ignoto scriptore, qui Honorato Massiliensi Hilarii Vitam attribuit. Neque ideo hæc Vita eidem Honorato certe adjudicanda est. Vitæ hujus auctor ipsius Hilarii exequiis interfuit, ex cap. 22, ubi etiam Basilium nominat, tum presbyterum, postea vero, cum scribebat, episcopum; quæ Honorati Massiliensis ætati non repugnant. At non propterea hic certus est auctor. Ex tribus enim mss. exemplis quæ hactenus nota sunt, duo, videlicet Lirinense et Vaticanum Reginæ 645, auctoris nomine corent; tertium vero Arelatense, licet ejusdem Ecclesiæ sit cui Hilarius præfuit, non tamen Honoratum, sed Reverentium auctorem præfert, quemadmodum Petrus Saxius et Quesnellus ipse testantur. Hæc Arelatensis manuscripti inscriptio passim rejicitur, eo quod Saxius putarit Reverentii nomine indicari Ravennium Arelatensem, qui Hilario immediate successit. Ravennio enim hanc Vitam convenire non posset ex eo cognoscitur, quia in eadem bis cum laude nominatur Ravennius, et c. 23 Hilarii successores plurali numero appellantur. Ex capite autem 24 liquet hanc Vitam fuisse scriptam *tot annorum spatii evolutis* post Hilarii mortem, id est sub finem sæculi v, cum Ravennius jamdiu ante e vivis excesserit. Quesnellus suspicatur Honoratum Massiliensem sub Reverentii nomine latere voluisse, ut aliis ejusdem ævi et regionis scriptoribus placuit. At nulla occurrit ratio cur Honoratus, si Vitæ auctor fuit, non tam latere quam confictum nomen operi præfigere voluerit, cum præsertim de Vita agatur quæ, *jussionibus venerabilibus* exarata, ut in proœmio traditur, verum auctorem aliis cognitum alieno nomine occultari non sinebat.

Hinc recte fortassis cardinalis Baronius, Miræus, et Papebrochius in suspicionem venerunt, hanc Vitam Reverentii nomine inscriptam, esse diversam ab illa quam Honorato Massiliensi antiquus auctor apud vulgatum Gennadium attribuit; et Reverentio nobis

A spernit. Ego, ut sic dixerim, hujus rei non immerito arbitror faciendam esse jacturam, ubi præconiorum sublimium redundat ubertas: more artificum, qui composituri diadema pretiosum, sic eligunt veras gemmas, ut aliquas tamen præterire noscantur industria: ita et ego, ubi virtutum exuberant margaritæ, nonnullas necessario prætermittam, ut vite ipsius pretiosissimum monile, non humanis gemmis ornatum, sed supernis virtutibus splendidum, sine artificis manu, pretiositate propria commendetur. Proinde infantie ejus rudimenta, indolem pueritiæ; jam tunc quæ subsecuta sunt, <sup>b</sup> vultus nivei candorem, fulgentium luminum faces, modestum gradientis incessum, ignem flagrantis ingenii, inexhaustum facundie fontem, philosophicorum dogmatum <sup>c</sup> interiorum veramque doctrinam, præclara posteris tradita ejus eloquio monimenta testantur, brevi trado compendio, <sup>d</sup> illis definiens hæc requirenda personis, in quibus tanta insignia nequeunt fructificare virtutem. Ego autem, qui in humilitate gratiam, in mundi contemptu sapientiam, in auctoris amore justitiam, in carnis mortificatione prudentiam, in perennium præmiorum comparatione fortitudinem prædico, illa omnia necessaria dissimulatione præ-

ignoto ex ms. codicis Arelatensis fide adjudicandam existimant. Hic auctor episcopus creditur ex illis extremi capituli verbis quibus se *sacerdotem* appellat. At præterquam quod hoc caput deest in ms. Vat. Reginæ, *sacerdotis* nomen non semper pro *episcopo*, sed nonnumquam etiam pro *presbytero* accipitur, ut pluribus exemplis probare liceret. Sed ne in externa divagemur, idem Vitæ auctor cum cap. 8 inter sacras Hilarii episcopi curas retulit, *sacerdotes Domini non solum verbis, sed factis accendere.... digna sacerdotia consecrare.... pontifices ordinare*; sacerdotes a pontificibus distinguens, *sacerdotum* voce presbyteros profecto intellexit; cum præsertim instructio non tam verbis quam factis adhibenda iis presbyteris congruat, qui una cum Hilario vitam debebant. Auctorem quidem Vitæ, licet *sacerdotis* nomine appellatum, presbyterum, cum scripsit, non vero episcopum fuisse, Tillemontius ex aliis ejusdem Vitæ locis collegit not. 6 in Hilarium. Quod si credatur episcopus, Reverentium ignotæ sedis episcopum Vitæ auctorem credere nihil vetat quin ad Honoratum Massiliensem confugiendum sit. Quicumque vero hic auctor judicetur, certe a studio aliquo defendendi Hilarii, quod ea in quibus Leonis censuram incurrit, alienum non fuisse ex nostris observationibus in dissert. 5 Quesnelli part. 1, c. 1, n. 3, facile intelliges.

Hanc Vitam Barralis publici juris fecit ex antiquo codice monasterii Lirinensis, ac exinde inseri fuit ultimæ Surii editioni. Eamdem recuserunt Bollandistæ cum emendationibus e codice reginæ Suecorum, quas pater Possinus ad ipsos misit. Quesnellus in sua editione codice Arelatensi usus est. Nos plurimum debemus diligentie D. D. Joannis Salinas canonici regularis Lateranensis, qui eamdem Vitam impressit Romæ an. 1732. Non solum enim laudatas editiones recoxit, verum etiam accuratissime consuluit ms. Vat. Reginæ 645, qui utrum sit ille idem quem P. Possinus apud eandem reginam tunc viventem invenit, an diversus, ignoratur.

<sup>a</sup> Quesn., *ne incipere... supplere provideat*. Ms. Vat. Reg. et Bollandistas secuti sumus.

<sup>b</sup> Codd. Lirin. et Vat. Reg., *nivei nitorem vultus*.

<sup>c</sup> Lirin., *antioxiorem*.

<sup>d</sup> Mss. Arel. et Vat.



tereo; illud recte æstimans narrationis exordium, A quod ipse iudicavit conversationis suæ dignum esse principium, quemadmodum portum veræ salutis intraverit, vitæ istius naufragio superato, prælibare tentabo.

## CAPUT II.

*Hilarium convenit Honoratus ut ad Deum convertat.*

3. Hunc igitur dum beatæ memoriæ Honoratus pater in novæ vitæ immortalitatem cuperet pietatis regenerare visceribus, congregationem per se Domino <sup>a</sup> conquisitam paucillum dereliquit. Ad patriam, ex qua eum amor cœlestium expulerat, tanti filii revocavit affectus. Corpore infirmus, mente validus et robustus, sobolem novam spiritali adhortatione concipiens, instructione formans, orationibus procreans, in corde præclari cespitis sanctum semen aratro fidei percolendum jaciebat peritus agricola, quod orationum perennibus donis et lacrymarum fluentibus rivis irrigabat. Sed anima generosa, quæ falsam atque fallentem sæculi felicitatem innumero doctrinarum labore conceperat, cum ad cœlestis regni militiam vocaretur, non levem habuit facilemque <sup>b</sup> tractatum; quandoquidem se subtiliter ingerebat dulcedo præsentium, ut veram frugem et gloriam abstraheret iutorum. Sed pius pater his adhortationibus animum mundi prosperitate constrictum solvere gestiebat: Ego, fili, superna inspiratione flammatus, ut perennis vitæ gloriam consequaris ad eadem loca pro te redire compellor, unde jamdiu fugiendum esse salubri, ut cernis, definitione constitui. Non tibi terrena, sed cœlestia; non caduca C cum mundo, sed æterna cum Christo, eodem sponsore quo largitore muneris, in perpetuum provisorus. Ista, quæ sequeris, et quæ animo concepisti, mors potest <sup>c</sup> intercipere omni communis ætati: quæ autem suadeo non deserentes parant divitias, sed mansuras; nec temporalia commoda, sed æterna; nec titulos vanescentium honorum, sed perennem gloriam tribuunt angelorum. In sæculi conversatione volatili, quam Scriptura prophetica umbræ apparenti et illico vanescenti credidit comparandam, dicens, *Dies mei sicut umbra prætereunt* (Psal. CXLIII, 4), recte quidquid aspicitur, <sup>d</sup> deceptorium iudicatur. Et ideo seu corporum vires, seu patrimoniorum facultates, seu felicitatis <sup>e</sup> augmenta, vel diversarum prosperitatum insignia, pene est ut ante trans-eant quam producta lætitia <sup>f</sup>, quolibet usu auctorem incipiant oblectare. Quæ tamen plus metu amissionis exeruciant amatorem quam suæ prosperitatis ambitu lætificent possidentem. Jugiter suspecta, nec tamen manentia, more subdoli hostis ingrentis parvam prædam, ut possit animam perpetuo tenere captivam. Et ideo accensus non humano affectu, sed divino nutu, quia non fallit ille qui dixit interior: Magna et supra quam credi possunt de te mihi me-

tere promitto; illa tibi et in præsentī provisorus quæ non æstimas, et in futuro quæ non possunt hæcæ us cogitari.

## CAPUT III.

*Repugnat Hilarius Honorato. Huius violenta supplicatio. Deliberatio Hilarii conversionem parturientis*

4. Sed cum B. Hilarius exercitatione præcipua, qua pollebat, acrimonia, qua cæteros superabat, eloquentiæ fonte, quo ipsis suis institutoribus plus fluebat, ista destrueret; non facile suscipiendum credens, quod summum esse mentis videbat intuitu, B. Honoratus ad Deum tota se animi virtute convertit. Quo facto non solum fastidientis assensum, verum etiam humilem et subjectum Christo auctore lacrymis gemitibusque promeruit. Quem blanda adhortatione non flexerat, violenta supplicatione superavit; prostratus in conspectu Domini, ut eundem celsius exaltaret; producens flumina lacrymarum, ut a lacrymis eximeret futurorum. Illico in ejus pectore novæ cogitationis fluctus exæstuat: suscitantur altercantium diversa inter se consilia voluntatum, et cui invitantis Domini ingerebantur præmia, ipsi nihilominus mundi opponuntur obstacula. In suscipienda igitur cœlestis militiæ tirocinia excitatus, talia secum ipse deliberat: In studiis sæculi constituti nonnumquam suadendi deliberatione suscepta, justa ab injustis, utilia ab inutilibus, perpensa salubriter examinatione discrevimus. Nonnumquam humanis auribus blandientes speciem justitiæ oratoricæ artis venustate celavimus. Hic quid agendum est, ubi causa vertitur salutis æternæ, ubi status animæ et infinitorum cœlorum est pensanda securitas? Grandi maturitate tractanda sunt, in quibus ad portum pœnitendi nec ratio superest, nec recursus. Æquitatis lance cuncta pensanda sunt, quæ utilitatis pondere mensuram suppleant in libra justitiæ. Cuncta quæ a mortalibus expetuntur, licet incomparabiliter velut pretiosa desiderentur, ipsa continuo adeptione vilescunt; natura humana vitiorum noxio insolens appetitu, non contenta, quod voluit, non satiata, quod concupivit, in novas cupiditatum faces flammarum more detrimentis suis crescens, pabuli assumptione deficiens, nec intelligens quod nonnumquam in ipsis conatibus morte immatura mortem cogitur subire perpetuam. Et ideo quid justitia, D prudentia, fortitudo, temperantia demonstrare soleant, ut dignum est, cogitemus.

5. Justitia persuadet nihil Auctori Redemptorique præponendum: quia propterea Divinitas ad nos humiliata descendit, ut ad cœlestia regna nos faceret pervenire. Recte deputatur eidem vita, qui dedit. Redemptori debetur obsequium. Amplectenda devotio, quæ gloriam parit dignitatis angelicæ. Prudentia similiter docet illorum exempla debere sectari, qui Domino placuerunt. Eligamus ergo, qui nostrum

<sup>a</sup> Cod. Lirin., *acquisitum paucillum*. Post pauca, *cœlestis pro cœlestium* in eodem Lirin. et in Vat. Reg.

<sup>b</sup> Lirin. cod., *tractavit*.

<sup>c</sup> Ms. Arel., *incipere*; et post pauca, pro *ætati*

Lirin. habet *criminis*.

<sup>d</sup> Vat. Reg., *deceptio*.

<sup>e</sup> Edit. Rom. 1752, *argumenta*.

<sup>f</sup> Cod. Lir. addit *leviter*.



crimet ambiguum. Abraham primus occurrit, qui A egredi compulsus e patria præceptum convertit in præmium. Astra jussus aspicere, credidit quod contra naturam promittebat <sup>a</sup> æternitas. Promissum vertit in debitum. Istum decet imitari innumera stellarum comparatione secundum; qui exstitit regni <sup>b</sup> cœlestis conviva gloriosus, cujus sinus recte dicitur paradisi animarum. Fortitudo cordis animæ generosæ nihil humile, nihil abjectum permittit arripere. Celsa sectari, ardua conscendere, facit adversa superare, desperationem fortibus probationem nullatenus exhibere permittens. Temperantia Regi cœlorum templum provocat præparandum, fugatis tenebris vitiorum, replere lumine splendidissimo puritatis; abjectis voluptatum fetoribus, castitatis fragrare thymiamate. Proinde quia justitia Conditori nos tradere, prudentia majorum exempla sectari, fortitudo contrarias prosternere potestates, temperantia templum auctori parari debere, justæ definitionis deliberatione suaserunt; contemptum pristinum spontaneo emendemus occurso: quia non hunc, sed illum a quo missus est, offendemus, si causam salutis dissimulatione aliqua, vel occupatione mundana crediderimus esse <sup>c</sup> levandam; et quia laborem ipsius superna potentia <sup>d</sup> invitavit, ut spolia diaboli victor ipse suscipiat.

## CAPUT IV.

*Cedit Hilarius sæculoque nuntium remittit. Gratia prævenit liberum arbitrium.*

6. Astructioni nostræ ipse B. Hilarius testimonium præbet ita dicens: <sup>e</sup> *Hæsitantiæ meæ invitante pio Domino, totus cum voluptatibus suis mundus astabat: quid relinquendum, quid appetendum videretur, animus meus tamquam collatis apud amicum tractatibus ventilabat. Quotiens in animo meo velle et nolle successit? Et quid plura? Absente illo partes suas in me Christus exsequitur.* Tali definitione firmatus occurrit, aspectu sereno, animo securo, submisso colloquio, quemadmodum humanum arbitrium divina præcedens gratia <sup>f</sup> commutaret in melius, digna conversatione, sermone, mente, habituque demonstrans, manum continuo in Evangelii missurus aratrum, ne retro vel cogitatione respiceret. Obita taxatione omnium prædiorum totiusque substantiæ, acceptas a germano pecunias vel

<sup>a</sup> Codex Arelat., notante Quesnello, supra lineam alia manu habet, *ætatis*; et, ut videtur, optime.

<sup>b</sup> Lir. et Vat. Reg., *perennis*.

<sup>c</sup> Quesn., *latandum*, ex mss. Arel. et Lir., notavitque in Arel. alia manu, *latendam*. Cod. Vat. Reg., *latandum*. Bollandistæ et edit. Rom. 1752, *levandam*; idque magis placuit.

<sup>d</sup> Quesnellus in margine: *Fortè incitavit*.

<sup>e</sup> Idem Quesn., *Hæsitantiam meam*. Magis arrisit Bollandistarum lectio, quam duo mss. Lirin. et Vat. Reg. approbant.

<sup>f</sup> Bollandistæ, et edit. Rom., *commutat*. Mox pro conversatione legebatur conversione. Emendavimus ope mss. Vat. Reg. et Lirin.

<sup>g</sup> Bolland. et edit. Rom., *repente salubri*. Mox desiderabili pro desideratæ in ms. Lirin.

<sup>h</sup> Arel. cod., *peccatorem*; et pro merito ms. Lir., *meritis*.

<sup>i</sup> Quesnel. in margine: *Id est hujus vitæ, vel lege*

usibus pauperum, vel refrigeriis deputat monachorum. Nequeo, ut dignum est, vel æstimare, vel dicere, quemadmodum sæculi voluptas, quæ ætatis lubrico et illecebroso humanæ fragilitatis solet escario prava delectatione decipere, ex animo hujus beati abjecta fuerit <sup>e</sup> respuendo salubri damnata consilio, rationali evitata perfugio, desideratæ eremi glorificata secreto: illum evangelicum <sup>h</sup> percontatorem merito superans, virtute vincens, perfecta consummatione transcendens. Ille vendere noluit, hic universa detraxit; ille tristis abscessit, hic lætificatus <sup>i</sup> sæculi paradisi festinanter intravit. Astructioni nostræ dignum B. Eucherius testimonium perhibet, ita dicens: *Et tu licet omnem censum in Christi pauperes i Christo dives effuderis, tu licet præferas annis juvenem, moribus senem, tamen plus est quod eremum concupisti.*

## CAPUT V.

*Hilarius ad monasterium Lirinense secedit. Eremum ad tempus relinquit.*

7. Ruptis ergo occupationum catenis, et auctori facultatibus traditis, tanto duce terrestrem ingreditur Lirinensis Insulæ paradisi; non unde, more primi Adæ, in hujus vitæ mitteretur exilium, sed unde jure victoris ad cœlestia postmodum regna raperetur. Hinc jam omnibus nota illa mentis acrimonia, ardens <sup>k</sup> anima, mens compuncta, quemadmodum singulorum in ea servorum Dei profectus alacri inspectione pervaserit, perseverantiam hauserit, vigilias vicerit, abstinentiam rapuerit, humilitatis mansuetudinem transcendit, orationis instantiam superaverit, lacrymarum flumina meruerit, gratias omnium sibimet vindicaverit, compunctionum virtutes attraxerit, et vim intulerit regno cœlorum, pontificalis gloria mundo nota satis superque monstravit. Si quidem quantum compunctionis tunc acquisierit, hinc aperte cognoscitur, quod postmodum in media civitate eremitica fecit instituta fervere.

8. Amorem autem secræti ita medullitus hausit insertum, ut cum illum ducem suum patremque profectum in sacerdotali fastigio collocatum sub ordinationis principium crediderit comitandum, statim definierit relinquendum. Quantus amor eremi fuit, apud quem B. Honorati dilectio <sup>l</sup> potuit studio cha-

eremi. D. Salinas optime monuit *sæculi paradisi* hic vocari insulam Lirinensem, uti vocatur ab Eucherio in libro de Laud. eremi ad ipsum Hilarium misso, ex quo Vitæ auctor profecit. Id autem multo magis ex sequenti capite confirmari potest, ubi *Lirinensis insulæ paradisi* nominatur.

<sup>j</sup> Cod. Lir. delet *Christo*.

<sup>k</sup> Idem cod. delet novem voces sequentes

<sup>l</sup> Idem cod., *non potuit*. Hæc autem lumen accipient ex Eucherii epistola de Laude eremi, cujus excerptum Auctor hoc loco inseruit. Prius enim, inquit ille ad Hilarium scribens, *cum desertum peteres, comitatus fratrem (id est Honoratum) videbaris. Nunc cum desertum repeneris, etiam patrum reliquisti. At qualem illum, quantumque, quanto tibi semper dilectionis cultu observatum, quam singulari tibi affectione devinctum<sup>o</sup> ut ejus charitati præferre nihil possis, nisi forte solam eremi charitatem.*



ritatis imminui? Sed, o ardentissima compunctionis A flamma, nequeo tuum, sauciato intuitu, videre fulgorem. Quid tantopere fugis? Quid deseris? Quasi alibi possis lumen <sup>a</sup> parare, quam ubi auctor elegerit. Licet velis proprio gaudere secreto, licet consueto eremi rapiaris affectu patrem deserens, pater effectus postmodum reverteris. Relationi huic scripta beati Eucherii præbent attestationem, quæ ad eum directa testantur: *Magno, inquit, animo egressus dudum de domo tua et de cognatione tua usque in mare magnum recedentia eremi secreta penetraveras; majore tamen virtute repetita a te est eremus quam petita. Si quidem hospes ingressus habuisti ducem et velut itineris tui prævium, quem deinde etiam militiæ cælestis magistrum; cumque in pontificali fastigio persequendum putasses, ad familiare eremi secretum te amor retulit.* Et quia nobis multorum necesse est astructionibus narrationem suscepti operis confirmare, quisquis plenius ista scire voluerit, <sup>b</sup> opus illud ubi hæc digne sunt digesta, percurrat.

## CAPUT VI.

*Honoratum in extremis positum convenit. Designatur ab Honorato sibi successurus Hilarius. Rapitur ad episcopatum.*

9. Emenso <sup>c</sup> biennio, cum ad meriti proprii percipiendum præmium ex incerto vitæ istius cursu beatus pontifex vocaretur Honoratus, missis epistolis, ut extremis suis interesse deberet admonuit. Ita jussionem ejus festinavit implere, ac si revocaretur ad eremum. Cumque ad tantum virum crebra sublimium virorum agmina benedictionis accipiendæ gratia adventarent, coeperunt de successore beati Honorati flagitare responsum. Excitati desuper animi de electione pontificis ad judicium perrecturi testimonium postulabant; supremo habitu summum meritis singularibus digito demonstravit antistitem. Impensis ergo supremis obsequiis, iterum sanctus Hilarius ad eremi secreta festinat. Sed illa Divinitatis potentia, quæ modis occultis suam per humana ministeria peragit voluntatem, illustris Cassii, qui tunc præerat militibus, animum repente succendit, ut ignotum, ut longe positum, ut denique ad eremum properantem ardentem expeteret, fortiter retineret, violenter attraheret. Electum civium numerum cum non parva manu dirigit militantium. Feliciter pervenitur: spiritalis præda astat ante oculos inquirentium, et nihilominus ignoratur. Quorundam tamen indiciis declarata capitur. Et, o supernæ gratiæ dispensatio inaudita! ibi officia pastoris oves egerunt, nec immerito postmodum abegit exinde lupum, ubi oves primitus officia pastoris peregerunt. Cumque sollicito gregis agmine servaretur, anirous ejus plus de divini judicii demon-

stratione sollicitus, quam exstaret de suscipiendi officii onere occupatus, diurnis nocturnisque stetibus voluntatem sibi Domini declarari flagitabat <sup>d</sup> enixe. Cumque positum in itinere sollicita expectatione pavor judicii fatigaret, etiam clara voce, quæ intrinsecus volebantur, omnibus patefecit. *Licet fortiter, inquit, charitatis illigatum me vinculo teneatis, et violenta custodum manibus catena cingat astrictum, nisi Dominus voluntatis suæ mihi dederit signum, nequaquam sacerdotii sum suscepturus officium.* Itaque cum tali affatu cunctorum vota atque animos vulnerasset, ac mœsto ducentium agmine vallaretur, Alamannicum descendens castellum, nivæ columbæ desuper advenientis et residentis in capite, ac si divino confirmatus tactu, omne amputavit ambiguum. Quæ nec ab illis civium militumque frequentibus turbis atque custodiis vel abigi potuit, vel territa separari, quin beato vertici superposita Domini voluntatem, dum secunda residet, apertissime demonstraret. Nullo dubitationis vestigio deinceps derelicto, ubi columbæ species, quæ jam tunc comparata Spiritui sancto super caput Jesu venit in baptismo, pontificis quoque futuri <sup>e</sup> designavit nutu divino specialius dignitatem. Scilicet quæ supernam benedictionem pernicious peninis, stridenti volatu, terris velocius deportasset, ut prius quam vocibus humanis, favore superno dignus pontifex clamaretur. In tam præclaro cultu novoque miraculo exigebat materiæ magnitudo diutius immorari, nisi narrationis ordo cœpta compelleret explicare.

## CAPUT VII.

*Arelatem pervenit Hilarius. Seminarium episcopale seu congregatio ecclesiastica sub episcopi manu.*

10. <sup>f</sup> Dum ergo voluntate omnes alacres tam de confirmato invicem voto, quam de ostensio summi pontificis merito lætiores ad Arelatensem perveniunt civitatem, occurritur, festinatur, primas delicias vultus sui splendore advenientibus præbens, merita interioris hominis exterioris pulchritudine demonstrabat. Eminentissimam sacerdotii dignitatem et novum privilegium sanctitatis angelico præferens vultu, agnoscitur et agnoscit; in quo agnitus est, magnus existit; in quo agnovit, major apparuit. Sicut sacerdotii gradu summus, ita humilitatis descensu fastigium celsæ sublimitatis indeptus. O vere perfectus Christi discipulus, qui vias magistri secutus, exercuit docendo quod didicit. Consecratur in sacerdotio jamdiu virtutum meritis consecratus. Amplectendum consecrationis ministerium, quod auxit merita consecrantum. Effectus nomine sacerdos, qui jampridem erat virtutum decoratus insignibus. Quod ita ardentem ac strenue cœpit ac perfectissime consummavit, ut in

<sup>a</sup> Ms. Lirin. et edit. Rom., præstare.

<sup>b</sup> Id est, laudatam Eucherii epistolam.

<sup>c</sup> Barralis suspicabatur legendum, triennio, eo quod assignabat Honorati mortem an. 430. At ex epist. Prosperi ad Augustinum liquet S. Hilarium, qui S. Honorato successit, fuisse episcopum an. 429. Apud Bolland. hic locus effertur sic: *Gemens a biennio cum*

*ad meriti proprii percipiendum ex merito præmium, ex vitæ ipsius cursu, etc.*

<sup>d</sup> Cod. Lirin., *obnixæ*; et post pauca Arel., *sollicitæ expectationis.*

<sup>e</sup> Ms. Lirin., *designaverit . . . . . specialem dignitatem.*

<sup>f</sup> Idem ms. cum Reg. Vat., *Domini ergo.*



illius temporis incerto tumultu, quem pax longa  
 \* nutrierat, congregationem subito institueret secreti  
 cupidam, continentiae virtute crescentem, quam suo  
 non minus pene imbuere exemplo quam formavit elo-  
 quio. Huic affectu animi promptum, sed effectum ser-  
 monis imparem me esse profiteor, ut incipere audeam,  
 qua pietate sustinuerit infirmos, quibus doctrinis im-  
 buerit imperitos. Quidquid in virtute summum, in  
 celsitudine arduum, in mortificatione corporis aspe-  
 rum, in saeculi contemptu vilissimum, aequitate ju-  
 stitiae pretiosum, correctione providum, sapientiae  
 consideratione praecipuum, caelesti desiderio sempiternum,  
 exercuit, implevit, ostendit. Adeptus ipse  
 caelestem gloriam, exemplo suo fecit alios adipisci.  
 Ad philosophiae supernae dogmata expeditus incessit,  
 ut alii quoque incederent inflammavit. Usus vitae  
 temporariae minimis, immo nullis exegit impendiis,  
 et ita docuit singulis dierum curriculis transigendum  
 ad obtinenda futura praemia. Innovato studio semper  
 exarsit, et ut alii inardescerent oratione et adhortatione coegit.

## CAPUT VIII.

*Episcopus factus, fit omnium exemplum. Ornamenta ecclesiarum pauperibus erogat.*

11. Cum primum speculatoris suscepit officium, in seipso primum monstravit quemadmodum congregatio mundum contemneret, corpus despiceret, et vitia superaret, fatigaretur laboribus, manuum quoque operibus continuis <sup>b</sup> vexaretur, sanctis paginis inhæreretur, jejuniis vigiliisque studium commo-  
 daret, unius tunicae tegmine aestatis ardorem et hie-  
 mis rigorem contenta toleraret, iter pedibus conficeret;  
 talia sibi suisque ingerens documenta: *Manducandi necessitas incumbit, semina jaciamus: vini perceptio praesumenda est; vineas excolamus.* Implevit illud apostolicum, ne quem forte gravaret otiosus, victus proprii habitus ratione. Si quid operis super-  
 fuerat, <sup>c</sup> misericordiae deputabat expensis. In meditatione jugiter permanere, verbi ministerio indesinenter insistere, multiplicibus caelestis sapientiae mysteriis saginari, Deum proximique diligere, sacerdotes Domini non solum verbis, sed factis accendere, zeli superni aemulatione flagrare, instituere monasteria, aedificare <sup>d</sup> templa, digna sacerdotia consecrare, propriis non solum manibus, sed nec periculis temperare, suscipere orphanos, confirmare <sup>d</sup> monachos, accersire saeculares institutione sua, pontifices ordinare, ita quotidianam sui actus discutere rationem, ut superno judici tamquam multiplicatum dispensationis suae talentum niteretur ingere-  
 re. Ita viscera ejus misericordia quatiebat et pietas, ac si solus ad redimendum paginis caelestibus urgeretur. Tractavit, secum deliberavit, <sup>e</sup> effecit ut

A sacra ministeria captivis potius solatia quam praestarent Ecclesiis ornamenta. Quid dicam cupidus? Quid omittam nescius, ab his qui majora sciunt negligens judicandus? Quidquid argenti omnes basilicae habuerunt, captivorum redemptioni protinus deputavit; cumque omnia cognovisset expensa, exultans atque congratulans, quia vota fidelium dispensatione sua videbat caeli in sedem praemissa. Numquidnam poterit aestimari quantum visceribus ejus insederit pietas, qui usque eo credidit omnia distrahenda, quousque ad patenas vel calices vitreos veniretur? Accendit studia offerentium dispensatione laudabili, nec ut <sup>f</sup> fatigaretur rejecit, sed ut iterato offerrent uberius excitavit, quod offerentium devotio gratanter optavit, ut oblatio sua primum sacris altaribus, postmodum membrorum Christi redemptionibus militaret.

## CAPUT IX.

*Ut se gessit erga servos Dei.*

12. Quemadmodum etiam servi Dei debeant honorari, documentis spiritalibus salubriter imitandum posteris non negavit. Nam cum sanctum Caprasium, sicut ipse dicere solitus erat, angelica in insulis conversatione degentem infirmitate fatigari corporea, certis nuntiis comperisset, ad ejus occursum celeri se festinatione proripuit: ad ejus pedes residens, ut sui meminisset, humilitate submissa et virtute inclyta flagitabat. Juste, dum tanto eremi incolae impendit obsequium, et singularem praebet humilitatis affectum <sup>g</sup> sacerdotalem dignitatem quo magis extolleret solerter invenit. In eodem loco tunc temporis sanctum Faustum presbyterum pariter et abbatem ita futurorum praescius honoravit, ut inter se et sanctos sacerdotes Theodorum et Maximum medium <sup>h</sup> compulerit residere. Constat ergo humilitatis culmina proprio eum comparasse despectu, et celsum proinde virtutum meruisse fastigium. Sed forte haec tanta et tam multiplicia verae humilitatis exempla aliquod superbiae <sup>i</sup> supercilium generarunt, et non potius sublimia humilitatis compararunt celsa praeconia. Exstitit rigidus, sed superbis; exstitit terribilis, sed saeculi iniquitate turgentibus, coenodoxiae vanitate tumentibus. Caeterum congregationi sanctae et consummatis viris, non solum cor atque animum, sed et corpus quoque promptissime prosternebat.

## CAPUT X.

*Qualis erga saeculi potestates.*

13. Quantum igitur distractionis habuerit in causa justitiae, apertissime declaravit; ita ut ne dignitati quidem pepercerit praefecturae. Nam cum saepius praefectum temporis illius secrete monuisset ut ab injustis judiciis se temperaret, et consuetudinario

<sup>a</sup> Cod. Lir., minuerat.

<sup>b</sup> Idem cod., vesceretur.

<sup>c</sup> Idem cum Bolland., pauperum deputabat.

<sup>d</sup> Lirin., templa digna sacerdotio, propriis, etc. Dein, a voce propriis, ad temperare, cod. Arel. ignorat.

<sup>e</sup> Lir., et fecit.

<sup>f</sup> Mss. Lir. et Vat. Reg., fatigaret.

<sup>g</sup> Vat. Reg. et Lir., sacerdotii dignitate.

<sup>h</sup> Lir., compelleret.

<sup>i</sup> Idem cod. et Bolland., periculum. Mox cod. Lir., sublimibus, Bolland., sublimis.



lapsu illo ferretur in præceps, accidit ut dum in basilica Constantia sacra solemnia celebrantur, productis fontibus cœlestium doctrinarum fidelium corda rigaret, subito cum suo ingrederetur officio præfectura. Quam dum ibidem cerneret immorantem, a prædicatione cessavit, dicens non esse condignum ut qui ejus pro salute propria contempserat monita, spiritalis cibi perciperet alimenta. At ubi ille digna confusione perfusus egressus est, convivium quod inchoaverat spiritalium deliciarum profusissime cibum rursus innovato studio cœpit præbere agminibus populorum. Præmisit et reliquit exemplum qualiter constantiæ virtute mundanæ contemni debeant potestates.

## CAPUT XI.

*Qualis in prædicatione verbi.*

14. Temporalis vero ejus prædicationis quantum flumen eloquentiæ habuerit, <sup>a</sup> quas sententiarum gemmas sculpsit, aurum supernorum sensuum repererit, argentum splendentis eloquii abundaverit, descriptionum varias picturas et rhetoricos colores expresserit, ferreum spiritalis gladii acumen in truncandis hæreticorum venenatis erroribus exercuerit, non dicam disserere, sed nec cogitare me posse protestor. Sedilibus <sup>b</sup> præparatis in jejunio, ab hora diei sexta usque in ejus decimam epulis plebem spiritalibus saginabat, pascendo esurire cogebat, esurientes nequaquam pascere desistebat. Nescio utrum satiety plus famem fidelium provocaret, an edendo plebem magis coegerit esurire, implens illud <sup>c</sup> propheticum dictum: *Qui edunt me adhuc esurient, et qui bibunt me adhuc sitient* (Eccli. xxiv, 29). Si peritorum turba defuisset, simplici sermone rusticorum corda nutriebat; at ubi instructos supervenisse vidisset, sermone ac vultu pariter in quadam gratia insolita excitabatur, seipso celsior apparebat, ut ejusdem <sup>d</sup> præclari auctores temporis,

<sup>a</sup> Octo voces seqq. desunt in ms. Arel.

<sup>b</sup> Quesn. in margine, *id est mensis ad cibum sumendum paratis*. At de sedilibus quæ jejunis auditoribus verbum Dei audituris parabantur, hæc accipienda esse optime notavit D. Salinas. Licet enim multis in locis a fidelibus stantibus audirentur conclusiones sacræ, ut constat ex Optato l. iv, c. 5, ubi negat populum in Ecclesia sedendi habere licentiam; tamen, ut refert S. Aug. lib. de Catech. Rud. c. 13: *Longe consultius in quibusdam transmarinis Ecclesiis non solum antistites sedentes loquuntur ad populum, sed etiam ipsi populo sedilia subjacent, ne quisquam infirmior stando laxatus a saluberrima intentione avertatur, aut etiam cogatur abscedere*. Id periculi magis multo imminerebat jejunii tempore, cum populo adhuc jejuno missæ sub vespere celebrarentur, eumque a sexta hora ad decimam usque Hilarius in verbi Dei prædicatione detineret. Post pauca ante voces, ab hora, Quesnellus præmisit particulam *ut*, quam melius defendam putavimus cum mss. Vat. Reg. et Lirin., uti etiam Bolland.

<sup>c</sup> Lir. cod., *Sapientiæ dictum*.

<sup>d</sup> Quesn., *prolati*. Mss. Lir. et Vat. Reg., *prælati*. Preferimus lectionem Bolland. Mox, pro meritis claruerunt, cod. Vat. Reg. habet, *meritis summi*; Bolland., *meriti summi*.

<sup>e</sup> Quinam fuerint hi tres auctores Bollandi conti-

A qui suis scriptis merito claruerunt, <sup>e</sup> Silvi, Eusebius, Domnulus admiratione succensi in hæc verba proruperint: *Non doctrinam, non eloquentiam, sed nescio quid super homines consecutum*. Quid plura dicam? Nisi dicendi pausa desuper eidem advenisset, sermonem finire non potuerat, tanta gratia exundante, et miraculo <sup>f</sup> et stupore crescente, ut peritissimis desperationem tunc auctoribus sæculi ejus inferret oratio: in tantum ut Livius temporis illius poeta et auctor insignis publice proclamaret: *Si Augustinus post te fuisset, judicaretur inferior*. Et licet gratia ejus ex his operibus, quæ eodem dicendi impetu concepit, genuit, ornavit, protulit, possit absque hæsitatione dignosci; Vita scilicet antistitis Honorati, homiliæ in totius anni festivitatis expeditæ, Symboli expositio ambienda, epistolarum vero tantus numerus, versus etiam fontis ardentis: at ne quis me æstimet falsa fortassis asserere, testimonium beati Eucherii episcopi justum credidi adhibendum, qui ejus volumine prosa versuque percepto, ita respondit: *Et tu licet sis clarus eloquio, clarus ingenio; tu licet præferas annis juvenem, moribus senem*. Et Auxiliarius auctor Romanæ facundiæ: *Dictu difficile est quanti mihi pretii fuerint litteræ sanctitatis tuæ, in quibus ita expressam facundiam recognovi, sicut tenes in aliis modestiæ morumque operibus principatum*. Ignosce de te studiose minora dicenti: <sup>h</sup> quia semper in prædicatione sui virtus erubescit; cum hoc ipsum verecundiæ genus pars magna virtutis sit.

## CAPUT XII.

*Qualis ad mensam et in labore manuum.*

15. Inaudita forsitan crederer replicare, nisi hoc magnorum virorum dictis, scriptis, testimoniisque firmarem. Sedili mensaque apposita, <sup>i</sup> liber ingerebatur et retia, astante notario. Liber præbebat animo cibum, manus nectendi velocitate currebant, notarii

nuator non invenit. Joannes Salinas Domnulum a Sardonio Apollinari lib. iv, ep. 25, et lib. ix, ep. 13 et 15, commendatum notavit; ex quibus testimoniis is natione Afer, et vir apprime doctus, ac ob litteras quæstor fuisse cognoscitur. Silvium vero in Chronico Prosperi Tironis nomine edito memoratum reperimus ad annum 15 Theodosii Junioris post Honorii mortem, id est ad an. 439: *Silvius, inquit, turbatæ admodum mentis post militiæ in palatio exactæ munera, aliqua de religione conscripsit*. Est etiam auctor Kalendarii a Bollandistis editi tom. VI Junii, part. II, pag. 182, et inscripti Eucherio episcopo an. 449, ut patet ex notationibus Bollandi tom. I Januar. in præfat. c. 4, § 3, ac ex epistola nuncupatoria ipsius Silvii apparet, eum aliorum quoque operum fuisse auctorem, quæ ad eundem Eucherium legenda miserat. De Eusebio nihil scimus.

<sup>f</sup> Cod. Arel., *ex stupore*, et mox, auditoribus, pro auctoribus.

<sup>g</sup> Ms. Lir., *post Hilarium*; Bolland., *post te, Hilari*.

<sup>h</sup> Idem. cod., *quia semper in prædicatione virtutis sit*.

<sup>i</sup> D. Salinas alia lectione et interpunctione: *liber ingerebatur; et Titio astante notario, liber præbebat*, etc. Nihil vero immutavimus in lectione vulgata, quæ item est codicum: quia nectendi verbum, quod mox subjicitur, retia requirat.



simul ferebantur articuli, et oculus paginam percur-  
rebat. Adveniens sanctus Edesius rhetoricæ facun-  
diæ et metricæ artis peritissimus vir, stupens et ad-  
mirans hæc lætus effudit :

Vidi ego, nec dignus tanta ad præconia testis,  
<sup>a</sup> Prolixos soles jugi cessisse labori.  
 Nectendi ratio varias injunxerat horas,  
 Nec finem precibus mutatus fecerat actus.  
 Credere vix possum quemquam sic tempore eodem  
 Nectere dictantem, relegendo, lecta <sup>b</sup> fatendo,  
 Ore, manu simul hoc operari, attendere, fari.

Cibum sine lectione non sumpsit. Ab eodem in  
civitatibus ista est <sup>c</sup> invecta primitus consuetudo. Et  
tanta paritate vita est illius sustentata, ut raro sæ-  
cularium aliquem invitaret. In omni actu, in omni  
loco quidquid ad profectum pertinere poterat, alacer  
inquirere, strenuus exercere, solers consueverat  
consummare. Jam quemadmodum <sup>d</sup> Salinas expetens  
<sup>e</sup> automata propriis manibus et sudore confecerit,  
 hebdomada completa, die Dominico, media nocte  
 consurgere, et triginta millia pedibus conficere:  
 postmodum sacris solemnibus interesse, et usque ad  
 horam septimam populos pascere; ut dignum est,  
 nec antiquorum posset explicare facundia.

#### CAPUT XIII.

*Qualis in pœnitentiæ tribunali. Forma deprecatoria  
 pœnitentiæ. Lectionum solemnia.*

46. Quotiescumque pœnitentiam dedit, sæpe <sup>f</sup> die  
Dominico ad eum turba varia confluebat; volabat ad  
ejus castigationem, quicumque adesse volebat, la-  
crymarum se imbribus eluebat, cœlestibus judiciis  
territus, promissisque succensus; tanti gemitus, tanti  
fletus astantibus nascebantur, ut vitæ præsentis hor-  
reret habitaculum. Quis ita futuri judicii monstravit  
examen? Quis ita tenebrosum terribiliter intimavit  
incendium? Quis ita <sup>g</sup> flumen exurentis pariter et ra-  
pientis cruciatus expressit? Quis ita vulnera con-  
scientiæ ante oculos inspicienda reduxit? Admoni-  
tione completa cum lacrymis supplicationum sumebat  
exordia, ut pœnitentiæ fructum, quem monendo con-  
tulerat, orando firmaret. Nam mulier quædam cæca,

<sup>a</sup> Quesn.,

Plexos sole jugi digitos cessisse labori;

et notavit cod. Lir. habere, *Prolixos soles*. Ita etiam  
Vat. et apud Boll., quod præferendum fuit, cum  
prima syllaba vocis jugi longa sit. Mox pro *Nectendi*  
in Vat. Reg. et Boll., *Nectendi operatio*, male. <sup>d</sup>

<sup>b</sup> Id est *fando*; unde in versu seq., *fari*.

<sup>c</sup> Cod. Lir., *inventæ*. Quod autem dicitur, hæc le-  
gendi consuetudo in civitatibus primitus *invecta*, sub-  
intelligendum est, in *Gallias*: nam lectio ad mensam  
etiam ab Augustino adhibita fuit in civitate Hippo-  
nensi, teste Possidio in ejus Vita. Porro Lirinenses  
monachi, qui pariter legebant ad mensam, extra  
civitatem degebant.

<sup>d</sup> Quesnellus in marginali notatione: *Oppidum  
puto illud quod Salona nunc dicitur, jacetque inter  
Arelatem et Aquas Sextias, ab hac urbe quinque leucis,  
ab illa septem circiter distans. Vulgo Salon appellat-  
ur; in Tabula geographica Hondii Salinas, cui respon-  
det vox Honorati, Salinæ.*

<sup>e</sup> Cod. Arel. et ex parte Lir. hæc ad marg.: *Aut-  
omata sunt instrumenta in arte mechanica, quæ nullo  
labore, sed sua quasi sponte moventur: unde ex his verbis  
conjectare licet S. Hilarium suis manibus pro commodo*

dum manus ejus impositione benedicitur, visum so-  
recepisse proclamat: æstimo quod antea interiori  
homini præstitit, quod exteriori postmodum <sup>h</sup> impe-  
travit. Quæ recepto lumine ducem viæ ulterius non  
quæsit. Precibus ejus non ambigo impetratum ut  
tantum miraculum ad paucos admodum perveniret.  
Die etiam Dominico dum lectionum solemnia reci-  
tantur, quidam phantasmate constrictus, *Sancte*, in-  
quit, *Hilari, cur me torques?* publica voce procla-  
mans. Tunc beatus Hilarius ea qua poterat Dominum  
vi constringit et rogat. Cumque se obtinuisse sensis-  
set: *Imperat tibi Jesus*, ait, *ut de isto* <sup>i</sup> *homine nul-  
lam facias mentionem*. Qua supplicatione, quasi qui-  
busdam catenis astringeretur, obmutuit, <sup>j</sup> et disces-  
sit. Plus obmutuisse congaudens, quia ejus meritum  
B potuerit occultari, quam plasmatis vigentis sospitate.

#### CAPUT XIV.

*Pythonem expellit. Exeuntes a basilica retinet.*

17. Saerilegium etiam, quod spiritus Pythonis  
muliere obtenta influxerat <sup>k</sup> civitati, quam solerti  
spiritalis arte consilii exstinxerit, nequaquam silen-  
tio prætermittam. Comprehensam jubet recensitis  
lectionibus veteris Testamenti in cancello ecclesiæ  
publicæ collocari. Quid lex juberet, quantum mali  
Christianis mentibus diabolicæ perversitatis propina-  
ret astutia, sermone profluo demonstravit. Et ne  
ullus deinceps tanto sacrilegio, dum dæmonum re-  
sponsa perquirat, sponte se subderet, necessaria  
instructione perdocuit: nullam deinceps excusatio-  
nem, etiam negligentibus, derelinquens, quam id-  
circo publice fecisset statui, ut non liceret postmo-  
dum ignorari. Præcepit ut abiret malignus spiritus.  
Tum, quia videbat se aperte proditum, nec postmo-  
dum decipiendis animabus clandestina fraude valitu-  
rum: *Quo, inquit, vadam?* Et sanctus advertens  
quantum Dei gratia suo ministerio effecisset, lætus  
exclamat: <sup>l</sup> *Maximum purgationis indicium est, ne-  
scire quo redeas.*

18. Populos etiam post evangelicam lectionem  
ad Salinas laborantium hæc instrumenta confecisse.  
Quesn. — Quidam volunt hæc automata fuisse ma-  
chinas quibus aqua in Salinas derivabatur.

<sup>f</sup> Hæc quæ de pœnitentiis ab Hilario episcopo cum  
magna pœnitentium frequentia quolibet die Dominico  
impositis traduntur, privatam et secretam confessio-  
nem indicant: neque enim singulis Dominicis publica  
pœnitentia dabatur, sed privatim, uti de pœnitentiis  
item ab Ambrosio privatim traditis Paulinus refert  
in ejus Vita: *Quotiescumque illi aliquis ad percipien-  
dam pœnitentiam lapsus suos confessus esset, ita flebat  
ut et illum flere compelleret. . . Causas autem crimi-  
num, quas illi confitebatur, nulli nisi Domino soli,  
apud quem intercedebat, loquebatur, etc.* Hinc etiam  
S. Leo ep. 168, c. 2: *Rerum conscientiam sufficit  
solis sacerdotibus indicari confessione secreta.*

<sup>g</sup> Codd. Lir. et Vat. Reg., *fluvii*.

<sup>h</sup> Ms. Arel., *imperavit*.

<sup>i</sup> Lir., *nomine*.

<sup>j</sup> Idem Lir. delet, *et discessit*, sicut delent etiam  
Bolland. et Vat. Reg. codex, qui mox subdit, *plus se  
obtinuisse congaudens*.

<sup>k</sup> Lir. et Boll. delent, *civitati*.

<sup>l</sup> Quesn., *Maximum purgati orbis*. Magis placuit  
Boll. lectio, quæ cod. Vat. Reg. confirmatur.



<sup>a</sup> egredientes tali clamore revocavit: *Exite*, inquit, *A* *exite*, quia hoc vobis de gehenna facere non licebit. Tum spiritualis zeli æmulatio singularis ultionem pœnæ terribilem ob eorum exegit injuriam. Nam cum facilis ad eum tunc inaniter excitata populorum turba et <sup>b</sup> inconsueta deceptaque venisset, ejusque animum concitasset, civitatis pars maxima misso desuper terribili conflagravit incendio; quod ipsi quoque qui non mediocribus sunt dispendiis fatigati, propria voce ob ejus vindictam venisse cognoscentes, clamaverunt flebiliter ejus genibus provoluti, misericordiam postulantes. Ille autem lectioni intentus, vigiliis deditus, orationi ac jejuniis jugiter mancipatus, cilicii asperitate exilitatem tenuati corporis macerabat. Nec hiemis quidem <sup>c</sup> frigore, quo solent torrentia flumina glaciali rigore constringi, pedes indumento adjecto texit, <sup>d</sup> numquam linum lanamve concedens.

## CAPUT XV.

*Zelus animarum et compatiens animi exemplum.*  
*Primæ sedis Galliarum episcopus cum suis clericis in seminario simul habitans.*

19. Psalmorum mysteriis suavi modulatione cantatis, fletus uberes adjungebat; orationem gemitibus inenarrabilibus duplicabat, ab opere nec in noctis obscuro desistens. Manus nota rapiebantur velocitate nectendi; mens recolendi exercebatur industria. Semel evigilatus nec oculis pepercit, nec membra posuit ad quietem, nihil aliud agens nisi ut eum spirituales hostium catervæ invenirent occupatum pariter et armatum.

20. In his profectibus constitutum subitus ardor <sup>C</sup> accendit, ut Heliodori matrem hæresis Arianæ vinculis colligatam expeteret, illuminaret, attraheret, et in æternum oblaturus in præsentia consecraret. Pietatis autem suæ insignia in his, quos ad cœli regna præmisit, ita intimis misericordiæ visceribus demonstravit, ut nullus valeat imitari. Minimi cujusque lectoris transitu ejusdem animus taliter vulnerabatur interius, ut singultibus quateretur, et profunderet fletus uberrimos, et non aliter ac si unici pignoris solatio caruisset; casus quoque infirmitatesque suorum, vulnera propria reputabat; quod sancti Cyrilli tum levitæ manifesto patuit documento, qui basilicis præpositus construendis, dum marmorum crustas et theatri proscenia celsa deponeret, <sup>e</sup> fidei opere nudans loca luxuriæ, quod sacrum parabat ornatibus, subito molarum funibus ruptis, impetus desuper marmoris venientis <sup>f</sup> stantis pedem cum extrema digitorum parte occupatum collideret atque minueret:

<sup>a</sup> Idem abusus obtinuit etiam sub S. Cæsario Hilarii successore, uti colligitur ex ipsius serm. 280 et seqq., in append. Augustini, et ex Cypriano in ejus Vita lib. 1, n. 14.

<sup>b</sup> Forte, *inconsulta*. QUESN.

<sup>c</sup> Lir. et Bolland., *rigore*, et dein, *algore*.

<sup>d</sup> Lir., *numquam sinum lanamine concedens*: forte *contegens*. QUESN.

<sup>e</sup> Cod. Lir., *fideli*; et mox *sanctum* pro *sacrum*.

<sup>f</sup> Lir., *itantis*; Quesn., *statim*. Nostra lectio est ms. Vat. Reg. et Bolland.

<sup>g</sup> Lir., *reverentem*; et paulo post, *justitiæ* pro tri-

pro ejus gemitu et dolore non minus vulneris vir beatus excepit in corde, quam collisus sustinebat in corpore. Cumque ministri vulnus immensum juges et indefessos sacerdoti gemitus extorqueret, quia ejusdem cellæ erat ejus cella conjuncta, remedia vir sanctus more solito supplicationibus flagitabat. Paululum sopore depressus vidit <sup>h</sup> reverendam eminens astare personam, quæ mœstitiæ causas sollicite perquirebat. Ille collisum levitæ pedem, non solum mœrorem sibi tristitiæ, sed vulnus animi indicat inflixisse. Percontatur: *Vis*, inquit, *ut dolor omnis abscedat*? Optare se omni aviditate, respondit. *Produce*, ait, *pedem* <sup>i</sup> *vicarium succidendum, et omnis protinus dolor ministri aufugiet*. Pedem sine hæsitatione protendit, ictum ferientis libenter excepit, tantusque dolor accessit, ut refectionis dulcedinem doloris excluderet magnitudo. Evigilans non dubitavit implendum quod fuerat <sup>j</sup> promissum. Ad præfati cellulam dirigit inquirentem, ut qualiter se levita sentiret protinus nuntiaret. Mandat ille omnem recessisse dolorem; quietem <sup>k</sup> insuper esse concessam. Merito ejus pietate sanatus creditur, cujus inquisitione quietissimus reperitur. Qui in revelatione proximi membrorum propriorum jacturam credidit faciendam, implevit divinum præceptum, quin immo feliciter et excessit, dicente Domino: *Diliges proximum tuum sicut teipsum* (Matth. xxii, 37); ecce invenitur hic beatus dilexisse proximum <sup>l</sup> supra se, qui, quantum definitio mentis habuit, membra tradidit amputanda propria, ut sanaret aliena.

## CAPUT XVI.

*Celidonium deponit.*

21. In excursibus autem quis, ut dignum est, explicabit quantum ejus præsentia profectum contulerit civitatibus Gallicanis, sanctum Germanum sæpius <sup>1</sup> expetendo, cum quo sacerdotum ministrorumque curam et vitam, nec non profectus excessusque tractabat. Ubi ejus adventus innotuit, flammata ad utroque nobilium et mediocrium studia convolarunt, astruentes Celidonium internuptam suo adhibuisse consortio: quod apostolicæ sedis auctoritas et canonum prohibent statuta; simul ingerentes sæculi administratione perfunctum capitali aliquos condemnasse sententia. Tantæ rei novitate permoti, testes <sup>m</sup> imperant præparari. Conveniunt ex aliis locis probatissimi sacerdotes. Res omni ratione prudentiaque discutitur. Accusatio testimoniiis confirmatur. Adhibetur vera simplexque definitio, ut quem Seri-

*stitiæ.*

<sup>h</sup> Editi, *vicario*. Melior visa est lectio ms. Arelatensis; *vicarium* enim *pedem* vocatum credimus pedem ipsius Hilarii, qui pro pede Levitæ succidendus petitur.

<sup>i</sup> Cod. Arel., *repromissum*.

<sup>j</sup> Salinas præfert, *desuper*.

<sup>k</sup> Lir., *supra se ipsum*.

<sup>l</sup> Idem cod., *expectando*; et postea delet, *curam* et.

<sup>m</sup> Lir., *impetrant*. Jacobus Cujacius Observ. lib. xv, c. 38, legit, *permotus*... *imperat*.



pturarum regulæ removebant, voluntate propria se A  
removere deberet. Ille Urbem credidit expetendam,  
ibique se injusto rigore astrui condemnatum. Quod  
ubi comperit vir beatus, quanto studii ardore, quan-  
toque zelo superno fuerit inflammatus, ut non hiemis  
asperitatem, non Alpium stridores attenderet, vel  
a frigora, non vitrea glacialis crustæ spicula protin-  
us resolvenda desuper, nec gladii ictui similes ex-  
paverit aculeos dependentes, vi frigoris terrorem  
mortiferum gelu concreto velut vibrantem dexteram  
imitantes. Verum ille inconcussa fidei radice con-  
stanter animatus, præsertim qui ad tantam b volun-  
tarius venerat paupertatem, ut pedibus iter aggre-  
diens conficere non timeret. Intrepidus urbem Ro-  
mam sine equo, sine c sagmario vel sago, omni  
difficultate superata festinus intravit.

## CAPUT XVII.

*Quid Romæ actum ab Hilario. Quid Arelatem reversus  
egit Hilarius.*

22. Apostolorum ac martyrum occursu peracto,  
beato Leoni papæ illico se præsentat, cum reveren-  
tia impendens obsequium, et cum humilitate depo-  
scens ut Ecclesiarum statum more solito ordinaret:  
astruens aliquos apud Gallias publicam merito ex-  
cepisse sententiam, et in Urbe sacris altaribus in-  
teresse. Rogat atque constringit ut si suggestionem  
suam libenter excepit, secreta jubeat emendare, et  
se ad officia, non ad causam venisse; protestandi  
ordine, non accusandi, quæ sunt acta suggerere.  
Porro autem si aliud velit, se non futurum esse

a Lir., fragores.

b Ms. Lirin., voluntarie.

c Idem cod., saginario. Sagmarius est mulus seu  
equus sarcinarius.

d Cod. Vat. Reg., positum. Duo hic incredibilia  
narrantur ab auctore Vitæ, quem ex populari fama  
de Romæ gestis scribentem, in nonnullis bona fide  
errare potuisse, in Observationibus ad dissert. 5  
Quesnelli part. 1, c. 1, animadvertimus. Incredibile  
scilicet est S. Hilarium Romæ fuisse in discrimine  
vitæ, eidemque custodes appositos, sive ne fugeret,  
sive ne a quopiam læderetur. Si quid enim periculi  
vel injuriæ a Celidonii amicis ipsi timendum erat in  
Urbe, multo magis metuendum fuisset in itinere,  
cum pede, et solus, vel cum paucis Roma excessisset.  
Si vero S. Leo, suæ mansuetudinis oblitus,  
aliquam ei vim inferendam putasset, fuga ejus au-  
dita, nullo negotio potuisset præcipere ut nonnulli  
ipsum statim insecuti, in Urbem reducerent. Sed  
violentiæ ejusmodi alienæ omnino erant a moribus  
ejus temporis, et a pontificis indole; nec excogitatae  
videntur, nisi ut Hilarii fuga a Romano judicio, spe-  
cioso aliquo nomine excusaretur. Mox communioni  
ejus reposuimus ex duobus mss. Lir. et Vat. Reg.,  
pro communioni suæ. Respicitur Romanum factum,  
quo Hilarius, qui questus fuerat, aliquos apud Gal-  
lias publicam sententiam promeritos, in Urbe sacris  
altaribus interesse, non acquievit ibidem conjungi com-  
munioni ejus Celidonii, quem rite et recte abs se in  
Gallicana synodo condemnatum putabat. Huc respi-  
ciens S. Leo epist. 10, c. 7, Hilarium apostolicæ com-  
munionis exsortem tradidit, eo quod ex Urbe aufugere  
maluit, quam una cum Celidonio sacris ibidem in-  
teresse.

e Lir., in civitatis recessu.

f Ita ex emendatione Cujacii. Mss. Lir., Arel. et  
Vat. Reg. perperam, Misso primitus sancto Raven-

mo. Et quia tantorum virorum præsertim  
jam ad supernam gratiam vocatorum, nec in nar-  
ratione audeo judicia ventilare, hoc breviter teti-  
gisse sufficiat, quod solus tantos sustinuit, quod  
nequaquam minantes expavit, quod inquirentes edo-  
cuit, quod altercantes vicit, quod potentibus non cessit,  
quod in discrimine vitæ d positus communioni ejus,  
quem cum tantis viris damnaverat, conjungi nulla-  
tenus acquievit, quod custodibus appositis, hiemis  
rigore sæviante, quos ratione non flexerat, credidit  
relinquendos. \* In civitatem regressus, licet corpo-  
rali infirmitate fractus, tamen perfectione sanctus  
et pietate promptissimus, totum se ad placandum  
tunc animum sancti Leonis inclinata humilitate con-  
vertit. f Misit primitus S. Ravennium tunc presby-  
B terum, postmodum proprium successorem, deinde  
sanctum Nectarium sanctumque Constantium præ-  
cipuos sacerdotes. Et quia s quanta in hac causa  
dictaverit, huic operi nulla possum ratione con-  
nectere, h Auxiliaris tunc præfecti quæ fuerit sen-  
tentia, credidi l inserendam, cujus hæc verba sunt:  
*Sanctos Nectarium et Constantium sacerdotes de bea-  
titudinis tuæ parte venientes digna admiratione sus-  
cepi. Cum his sæpius sum locutus de virtute animi  
atque constantia, contemptuque rerum humanarum,  
quo inter fragilitates nostras semper beatus es. Nam  
quid potest in hac corporea vita esse l secundum,  
quæ cum sit misera, tamen non potest esse perpetua?  
Locutus sum etiam cum sancto papa Leone. Hoc loco,  
credo, aliquantum animo perhorrescis; sed cum pro-*

C nio, etc.

s Cod. Lir., quantum.

h Judicium Leonis in causa Celidonii, quo Hilarii  
sententia cassata fuit, contigisse an. 445, ex Va-  
lentiniani Novella, quam dedimus epist. 11, mani-  
festum est. Porro Albinus, qui fuit præfectus præ-  
torio Italiæ iterum an. 445, ex Novella 22 ejusdem  
Valentiniani, hanc præfecturam adhuc gerebat 15  
kal. Julii an. 445, ex Novella 2, de Manichæis, nec  
non an. 446, ex Novella 1 et 2, de Testamentis, et  
an. 447, ex aliis Novellis. Igitur Auxiliarem præfe-  
ctum prætorio Italiæ fuisse hoc tempore, quo ante  
Leonis judicium ad Hilarium scripsit, nonnulli per-  
peram opinati sunt. Porro Auxentium præfecturam  
Urbis administrasse 18 kal. Maii an. 445 discimus  
ex Novella de Corporatis, tit. 26. Nisi in vitam Hi-  
larii Auxiliaris nomen pro Auxentii errore librario-  
rum irrepsit; hunc Auxiliarem, qui ex inscriptione  
Arelatensi adhuc servata, fuit præfectus prætorio  
Galliarum circa an. 435 (vide Maffei in Antiquit.  
D Galliarum ep. 1, pag. 38) et Arelate residebat, ut ex  
Vita S. Germani Antissiodorensis colligitur num.  
34, unde cum Hilario amicitiam inierat: hunc, in-  
quam, Auxiliarem Auxentio in præfectura Urbis  
præcessisse credibilis est, quam successisse: si-  
quidem cum de Hilarii negotio Romæ scripsit, ibi-  
dem præfecturam gerebat. Quæ enim pro Hilario  
gessit, antecesserunt Leonis epistolam, et Valenti-  
niani Novellam editam viii id. Julias. Forte vero  
Auxiliaris, licet in Urbe per hoc tempus degeret,  
nec præfectus prætorio Italiæ, nec præfectus Urbis  
erat, sed præfecturam prætorio Galliarum iterum  
post Marcellum agebat hoc an. 445, et aliqua ignota  
de causa Romam petierat, ut aliis præfectis non-  
numquam accidisse comperimus.

i Ms. Arel. in margine alia manu, inserendum.

j Idem cod. in marg. alia manu, securum.



positi tui tenax sis, et semper aequalis, nulloque commotionis felle rapiaris, sicut nullis extolleris illecebris gaudiorum, ego nec minimum quidem factum beatitudinis tuæ arrogantiae memini contagione fuscari. Sed impatienter ferunt homines, si sic loquamur, quomodo nobis conscii sumus. Aures præterea Romanorum quadam teneritudine plus trahuntur; in quam si se sanctitas tua subinde demittat, plurimum tu, nihil perditurus, acquiris. Da mihi hoc, et exiguas nubes parvæ mutationis serenitate compesce.

## CAPUT XVIII.

*Totum se pastoralibus muniis addicit et pœnitentiæ.*

23. Talia percipiens totum se orationi, prædicationi, operationi velut incipiens mancipavit, rigore districtus, miseratione propensus, largitione promptissimus; non contentus quæ<sup>a</sup> inveniebantur ingerere, nisi solatia consolationum rivis fletuum cummulasset. Unde sanctus<sup>b</sup> Edesius ita prosequitur, dicens poetice:

Vidi ego præventum fletu, <sup>c</sup> magis ubere fletu,  
Quod crevit nummis, cupiebat crescere votis.  
Quam prorupta viget misratio, quam cita donis  
Gratia! nec solum fueras ad munera largus:  
Majores comitantur opes pietate ministra.

24. Abstinendo victu, operi insistendo, itinera pedibus conficiendo ita se tenuavit, fatigavit, exhaustit, ut vix quadragesimi octavi anni circulum adimpleret. Non enim virtutum celsa illa perfectio, quæ non solum locum, sed condignam in cœlis paraverat mansionem, moras diutius est passa terrenas. Sed fidelis servus implens præceptum, desiderans promissum, corpus suum diversis ægritudinibus mancipavit, ut supernæ monetæ<sup>d</sup> aurum obrizum, ægritudinum caliculo excoctum, thesauris recondideretur æternis.

## CAPUT XIX.

*Visione cœlesti recreatur, qua etiam prænoscit successorem suum.*

25. Ergo ubi infirmitate crescente, non virtus mentis, sed ipsa est corporis consumpta materies, quo studio alacri omnes et exhortatione relevare, in proposito permanere, facunda et necessaria persuasionem coegerit, nequeo explicare. Igitur in ultimo ambiguo constitutus, accepit manifestæ revelationis non mediocri solatium. Mens ejus ad hoc in sopore<sup>e</sup> relaxata est, ut ei singularis præmii magnitudo patefacta virtutum suarum depingeret ornamenta. Videt sacris se interesse mysteriis. Intuetur tunicæ

<sup>a</sup> Sic ex codd. Vat. Reg. et Boll. Apud Quesn., minus recte, *inhibebantur*.

<sup>b</sup> Lir., *Edesius*.

<sup>c</sup> Lir., *magno ubere fletus*. Bollandistæ hos versus exhibent ex emendatione P. Possini, qui ex apicibus in membrana Reginæ signatis eos sibi visus est posse restituere sic:

Vidi ego præventus fletu magis ubere fletus,  
Quod dabat in nummis, cupiebat crescere votis.  
Quam prompta viget misratio, quam cita donis  
Gratia! nec solum fuerat ad munera largus,  
Majores sed opes avida pietate ministrat.

Hanc lectionem Joannes Salinas prætulit.

<sup>d</sup> Idem Lir. cod., *verum*, et mox, *caliculo excoctum*, pro *caliculo excoctum*

A Aaron quondam pontificis tegmine decoratum, quod divina per Moysen jussione mira tum fuerat artis varietate contextum. Duodecim gemmarum multiplici ac diverso splendore pectus ornari, ejusdemque niveo humeros fulgore vestiri. Stola quoque dispari varietate micante membra circumdari, quam bysso, <sup>f</sup> cocco, jacintho, radio coruscante, colore dissono metallo pretiosam spiritalium manus docta decoravit artificum. Pretiosiora pulchritudinum quam diximus ornamenta, quia Deo sunt auctore formata atque constructa, <sup>g</sup> tinnivolentia commota gressibus incedentis, et intrinsecus malogranatis illisa, ictibus claris personabant extrinsecus salutiferumque tinnitum. Cumque ita meritorum perennium donis, præmiis atque muneribus se cerneret adornatum, humano affectu adjici sibi desuper vestimenta omnimodis flagitabat. Quod ubi didicit abnegari, et vidit filium suum sanctum Ravennium applicari ad divina mysteria consecranda, intellexit se esse migraturum. Quam beatus igitur, quamque inclytus Pater, qui adhuc in sæculo constitutus, illius<sup>h</sup> veri sacerdotis, quem in multiplici colorum varietate non figura, sed meritorum veritas proprie decorabat, est præmium consecutus. Cur non ei monstraretur in tunicæ illius tegmine, quod in omni virtutum diversitate possederat? Cur non ei revelaretur in vestimenti illius pulchritudine, quod erat ei in stola perpetua compensandum? Quem enim decoraverat continentia mentis illasæ, et in quo immaculatæ conscientiæ lucebat auctoritas, merito lamina auri fulgentis speculum verecundæ frontis ejus obtexerat. Quem virtutum semper<sup>i</sup> extulerat principatus, dignum pretiosorum lapidum textus ornabat. Cur non bysso circumdaretur, quem<sup>j</sup> castitatis zona constrinxerat? Nam, ut vere loquar, principalis ejus lamina auctoritate fidei et ignea flamma rutilavit. Gemmæ quoque omnium virtutum splendore sidereo micuerunt: rationale micuit pectoris, fulsit <sup>k</sup> elogium pietatis, justitiæ byssinum, continentiae cingulum, prædicationis tinnivolum, malogranata bonæ spei opere et sermone jugiter sonuerunt.

## CAPUT XX.

*Hilarii morituri exhortatio ad suos.*

26. Cum ergo tanta ac tali esset consolatione relevatus atque perfusus, congregationi ad solatium pariter et exemplum alacri sermone disseruit, ista<sup>l</sup> omnes allocutionis voce compellans adjecit; <sup>m</sup> Vitæ

<sup>e</sup> Lir., *laxata*.

<sup>f</sup> Idem ms., *croco*.

<sup>g</sup> Cod. Lir., *tinniola*, Vat. Reg., *tinnivola*, id est tintinnabula a veste pendentia, quæ incedendo concutiebantur. Apud Sidonium, *tinnibulatas* legitur; et forte *tinnibula* hoc loco legendum est. Post pauca pro *claris* cod. Lir. habet, *clarum*.

<sup>h</sup> Quesn. ex mss. Lir. et Arel., *vir*; ac in margine notavit, *forte veri*. Hanc lectionem, quam editio Rom. exhibet, prætulimus.

<sup>i</sup> Lir., *exaltat*; Arel., *principalitas*.

<sup>j</sup> Lir. addit, *zeli*.

<sup>k</sup> Cod. Arel., *logium*; et postea Lir., *tinnivolum*.

<sup>l</sup> Codd. Lir. et Arel., *omnis*.



curricula hucusque peregrimus; jam ad illud tremendum supernæ majestatis evocamur examen. Viam carnis hujus et incertam vitam sæculi præsentis ingressi, jussionibus parvimus Creatoris, <sup>a</sup> ac servitutis propriæ peractis officiis, ad veram perennemque patriam prælata consolatione migrabimus. Militavimus hucusque spiritali militia. <sup>b</sup> Infidi corporis aculeos cilicii asperitate contulimus. Abstinentiæ rigore ac vigiliarum lassitudine universa vitiorum certamina auxilio superavimus desuper implorato. Cogitationum laqueos sancta meditatione dirupimus. Occupati studiis doctrinæ cœlestis, talentum perennitatis multitudini fidelium non cessavimus erogare. Navigavimus per vitæ istius pelagus, et diversa, juvante Domino, virtutum mercimonia cum senore usuræ salutiferæ Deo referenda percepimus. Ad portum quietis Domino gubernante cœpimus propinquare. Cum istius mundi principibus, cum quibus Apostolus describit bellum jube esse, confliximus, quod nulli deerit quicumque ad beatitudinem cœlesti gratia præcedente, et industria subsequente voluerit pervenire. Absolutum me et liberatum ad Domini mei intuitum credo eodem propitiante venturum. Ad ea <sup>c</sup> præmia obtinenda perseveranti cursu vobis sunt peragenda certamina. Ille utique, qui se livore proprio perdidit, qui procul odoratur bellum (*Job. xxxix, 28*), et ad vocem tubæ, quasi cuncti esse debeant in sua potestate, diutina antiquitate callidus, subtilitate dolosus, decipiendi assiduitate atque arte peritus, qui electis pascitur escis, et perditione perfectorum saginatur, pœnam propriam, salutem reputat alienam, non mediocre æstimans solatium, si ad superna tendentes laqueis capiat peccatorum, et funibus perditionis; quos etiam propheta suspirans dicebat: *Funes peccatorum circumplexi sunt me* (*Ps. cxviii, 54*). Hic salutis humanæ inimicus cavendus est; huic omnimodis oppugnandum est et resistendum. Quomodo enim poterit incedere jam ligatus, vel audebit repugnare captivus? Hæbebit procul dubio in infernali pœna participem, quem tenuerit in sæculi voluptate consortem. Hujus fortitudinem Dominus beato Job monstrans, ita dicit: *Aurum reputat velut lutum; Jordanis alveum avido se æstimat ore sorbere* (*Job. xli, 21, 22*). Quid est, *aurum reputat ut lutum*? nisi sanctorum vitam, velut lutum se æstimat calcaturum: proclamante propheta: *Erue de luto facies pedes meos* (*Ps. xxxix, 3*). Jordanis autem fluentia quæ sunt, nisi baptismi sacramenta, quæ sua credit impugnatione devoranda? Lutea compago antiquitatem potentiamque ejus non potest sine Dei gratia superare; tamen jugi certamine et indesinenti conflictu ejus sunt insidiæ tolerandæ. Spectator certaminis humani quotidianam exercitii palæstram placidus intuetur. Videt ignita jacula dirigi, sed lacrymarum facit fonte restingui. Cernit laqueos præparari; sed orantes

A eruit et plorantes, ut cum vera exultatione decantent: *Oculi mei semper ad Dominum, quia ipse evellet de laqueo pedes meos* (*Ps. xxiv, 15*): ut liberi ad annuntiandam pacem incipiant esse pretiosi. Et ideo quidquid in præsentī potest ab auctoris amore separare, æstimandum est inimicum. Si me humana non fallit illusio, grandis tempestas huic imminet civitati: non mediocris, sed satis gravis incumbit afflictio. Ad omnia contraria adversaque vos jugiter præparate. Fidem Trinitatis immobiliter retinete. Scripturarum interiora penetrate, ut abyssum invocantes in voce cataractarum, id est credentium, <sup>d</sup> terras dono superno irrigare omnimodis non cessetis. Sit vestis asperior, panis grossior, cibus durior. Iter nihilominus conficiatur pedibus expeditis, ne necessitas subita B perniciem novi laboris inferat delicatis: quia ut exercitatio robustum, sic desidia reddet ignavum.

## CAPUT XXI.

*Mortem prænuntiat ac moritur.*

27. Hæc igitur adhortatione completa, jubet congregationem mœstam sacrificium vespertinæ laudis offerre, et cibum consuetudinaria refectione percipere, dicens: *Hora diei undecima anima mea de corporis domicilio liberata ad supernum judicem festinabit.* Cumque modulatione psalmorum solita officia auctoris in laudibus alacer cœpisset offerre; jam rediens atque commigrans, inquit: « Voces sanctæ, voces quæ ad aures pervenitis auctoris, me quoque Domino commendate. » Fratrum deinceps refectione completa, manu oculos atque os crucis Dominicæ signo C muniens, et in oratione persistens, securus innumerus sanctorum <sup>e</sup> choris occurrentibus lætus gaudensque proficiscitur ad patriam supernam.

28. Hinc jam qualiter sit universa civitas congregata, quemadmodum unusquisque non patrem aut matrem vel unicum, sed omnium religiosorum atque orphanorum singularem fleverit genitorem, quis ut dignum est explicabit? Nullus a fletu, nullus cessavit a gemitu. Parem cunctis luctum dilectio universalis indixerat; eratque velut seminarium lacrymarum, generalis dolor omnium diligentium. Ubi basilicæ beati ac protomartyris Stephani venerabile corpus illatum est, <sup>f</sup> totius populi cum fletu vox una procedit. Hæc, inquit, *dies querelas injustæ imputationis perpetuo resecavit*; ut amplius quam in prædicatione sufficit non dicamus. Fidei populus nimio ardore succensus mœmbra sancta, dum vult contingere, pene discerpit.

## CAPUT XXII.

*Exsequiæ S. Hilarii.*

29. Studio congregationis effectum est ut columnis ardentibus cereorum hinc et inde populos abigerent <sup>g</sup> irruentes nocte. Vigiliis expeditis, cum mœsti solis claritas reputaretur obscura ad exsequias vene-

<sup>a</sup> Adjecimus ac ex edit. Rom.

<sup>b</sup> Ms. Lir., *Infidelis*.

<sup>c</sup> Ex edit. Rom. D. Salinas addidimus, *præmia*.

<sup>d</sup> Cod. Lir., *iras*, et dein, *vestitus*, pro *vestis*

<sup>e</sup> Lir. addit, *sacris*.

<sup>f</sup> Arel. cod., *citius*.

<sup>g</sup> Edit. Salinas, *irruentes*. Noctis vigiliis.



randas non solum fidelium, sed etiam Judaeorum A concurrunt agmina copiosa : omnium lacrymae invicem se superare certabant. Deficiente voce, gemitus incresebant. Hebraeam concinentium linguam in exsequiis honorandis audisse me recolo. Nam nostros ita mœror obsederat, ut ab officio solito impatiens doloris inhibuerit magnitudo. <sup>a</sup> Dein cum ante beati Genesii altare sanctum corpus inferrent, utriusque sexus tantus cum lacrymis datus est clamor, ut astra ipsa percussa vicarium e cœlo reddiderint insolitum, et tonitruis comparandum, fragore <sup>b</sup> consono reboatum. Hinc iterum nova dilectio graviori fletu corda succendit, dum singuli cupiunt simbriam decerpere, corpusque contingere. Sancti Basilii tum presbyteri, nunc pontificis summi invenit industria, ut maximam partem coopertorii utraque manu discerptam, qua B corpus ejus tegebatur, <sup>c</sup> arriperet, et longius recedens dividendo populis erogaret. Dum dispertiendi studio lætificat populum tanto munere, paululum retrahuntur a sepulcro, et sic corpus illud venerabile atque decorum, ne iterum devotis <sup>d</sup> læderetur obsequiis, clam est positum in sepulcro. Quod ubi populi intellexerunt esse tumultum, tantum subito omnes clamorem cum gemitu proprio reddiderunt, ut tecta ipsius basilicæ discissa corruiere et populos obruere putarentur.

## CAPUT XXIII.

*Quam pretiosa S. Hilarii memoria et vitæ fructus uber.*

30. Vita illius in morte sit apud animos omnium pretiosa et desiderium tam <sup>e</sup> cœlestis antistitis in laudem renascitur. Eodem tumulto, cum plausu coepit doctrina illius recenser, memoria cum gloria prædicari; mundi contemptus, compunctionis affectus, lacrymarum fluvius, temporalitatis impetus, pietatis thesaurus, justitiæ culmen, temperantiæ moderamen, <sup>f</sup> omnibus in exemplum trahuntur. Quid plura? Civitas universa quidquid sacramento confirmare voluisset, nomen ejus proferebat; astruens similem postmodum non futurum. Sed summum est, quod orante ipso amor verus utcumque potuit habere mendacium. Nam non solum in successoribus, sed adhuc in multorum pontificum renasci non cessat augmentis; cum quibus dum <sup>g</sup> laborans hic participat temporarios fructus, sine dubio æternorum compar efficitur gaudiorum; sicut arbor paradisi fecunda, D et quid in præsentia offerat, et quid postmodum gignendo relinquat, singulari <sup>h</sup> posteritatis fertilitate procreare non desinit. Quanticumque seu per ipsum nutu cœlesti, seu post ipsum Dei providentia ordinati sunt sacerdotes, qui ejus intercessionem respondere eruditione <sup>i</sup> doctrinæ, ac crescentibus meritis, gratia juvante, contendunt. Felix, qui non tantum

propriæ civitati ex sua institutione providit, verum etiam <sup>j</sup> diversa loca illuminare accensis fidei calore innumeris lampadibus, et super candelabrum ponere procuravit. Ac sic in singulis ejus gratia concalescens quotidianis profectibus generata renascitur: quia quidquid ex ejus institutione producit, <sup>k</sup> eidem meritissime deputatur. Capitis utique lucris ascribitur, quidquid membrorum uberrimo cultu percipitur. Pro omnibus sollicitus, in certamine vitæ istius constitutis orationum solatia impendit, præsentiam visitationis attribuit, sanctæ castigationis vel increpationis innumera ac reverenda præcepta seminavit spiritalis et peritus agricola, nunc minitans et dolens, exsultans et tristis, lætus et anxius, turbulentus et patiens, serenus atque terribilis, durus et placidus, remissus atque districtus; nunc suspirio gemens, sed cum gaudio uberes lacrymas fundens. De cujus pectoris exundanti fluvio et fonte charitatis irriguo sic hausit unusquisque quod voluit ac potuit, ut nullum damnum largitas sancta sentiret; sed erogando cumulum potius fenerator thesauri cœlestis acceperit. Quia hæc est munerum natura cœlestium, ut profusiori fenore in se jugiter crescat, et cum defecisse putetur, quasi semper incipiat, atque <sup>l</sup> imminutionis paupertatem descendens augmentum quoddam de detrimento dispensator divinus semper obtineat.

## CAPUT XXIV.

*Elogium Hilarii.*

31. O magna, præcelsa ac singularis caterva gratiarum! Quam veneranda recordatione obtutibus præsentatis, et beneficiis sentitis, profectibus nostris adhuc militare cognosceris! Tot annorum spatiis evolutis, in tuorum filiorum renasci non cessas honoribus atque reparari. Juste perpetuis laudum titulis honoraris, qui interpellaris et audis, pro supplicantibus intercedens conveneris et reddis; constringeris, et ut postulata impetrentur exsequeris; rogaris, et Deo præstante obtinere non desinis. Ecce landis pretiosum titulum, post emeritæ sanctitatis excessum. Ecce caput laureis virentibus et crucis stemmate coronatum, et fructu virtutum folioque contextum, quod non defluit in æternum. Ecce præconium post obitum triumphalibus meritis proponendum. Jacet in sepulcro ejus corpus conditum, D cujus precibus reserantur regna cœlorum. In diversa virtutum culmina innovari tuorum non desistunt insignia meritorum. Cur anima tua non majora præstet in paradisi beatitudine posita, quam in sæculi certamine constituta; cujus virtutem ne signa proderent, oratio impetravit? Unicum pignus et decus sacerdotii, et totius cœlestis scientiæ thesauri jugiter ex tuo corde manarunt. Lucerna tua fidei lumine

<sup>a</sup> Lir. et Bolland., *Demum antequam beati.*

<sup>b</sup> Boll., *cum sono.*

<sup>c</sup> Cod. Lir., *abriperet.*

<sup>d</sup> Quesn., *redderetur.* Correctionem præbuit ms. Vat. Reg.

<sup>e</sup> Lir., *singularis.*

<sup>f</sup> Quatuor voces seqq. desiderantur in Vat. Reg.

et apud Boll.

<sup>g</sup> Lir., *laborem temporariis fructibus.*

<sup>h</sup> Idem cod., *prosperitatis.*

<sup>i</sup> Arel. ms., *doctores.*

<sup>j</sup> Lir., *divina*; et postea Arel., *accensæ.*

<sup>k</sup> Lir., *ejusdem meritis deputatur.*

<sup>l</sup> Ibidem, *in munitionis.*



splendens, etiam cæteras super Ecclesiæ candelabrum positas lucere concessit. Vocatus ab auctore ad laboris fructum et perenne refrigerium feliciter pervenisti, in illa beatissima patriarcharum societate receptus, animæ tuæ singularia modo conspicias ornamenta : quæ ita creverunt divinæ gratiæ adjuvamento, ut pretiosis virtutum manibus perenniter conspicua decorentur.

32. Qui continentiae puritate omnium Scripturarum thymiamate templum tui cordis et corporis flagrare fecisti, et ut in eo auctor requiesceret, perennis industriæ vigilantia præparasti. Qui secreti amore animum quoque affectumque pavisti. Qui cum psalmodum modulatione flumina lacrymarum junxisti. Qui in decachordo præceptorum moribus pariter et vocibus præstulasti; vias duras custodiendo vita et institutione prædicasti. Qui spiritalis organi cœlestis harmoniæ suavisono cantu <sup>a</sup> variam modulaminis dulcedinem concrepasti. Qui sacrificio jejunii exteriorem hominem continens, vigiliarum solita assiduitate interiorem cursu strenuo oblectare non destitisti. Illud autem prætereundum esse non credidi, qui

<sup>a</sup> Lir., *varia modulationis dulcedine*; et dein ms. Arel., *sacrificiis*, pro *sacrificio*.

<sup>b</sup> Quesn. inseruit particulam *aut*, quam utpote redundantem expungendam putavimus. Boll. omittunt etiam voces, *ante reparationis diem*, quæ cum in mss. legantur, retinendæ fuerunt.

<sup>b</sup> ante resurrectionis diem, dum Campilapidei spatia peragrasti, pastores singulos unda baptismi regenerando <sup>c</sup> baptizasti, et baptizatos recte vivere docuisti. Fac ergo, quæsumus, ut qui te ad Christum feliciter venisse, et sine fine te regnare cum illo gloriamur, tuis continuis precibus muniamur, interventu protegamur, et qua frueris cum Christo gloria perfruamur <sup>d</sup>.

33. Cum ergo tanti talisque viri testimonium merita ejus perhibuerint, digneque facta laudaverint, quia possibilitatis immemor, impulsu amoris, incautus ad tantum præconium prosilivi, veniam sperare præsumpsi : ut in illo meritorum suorum præclaro fastigio constitutus, etiam pro me interpellare non cesset, illisque venerabilibus patriarcharum cœtibus aggregatus, ad præsidium nostrum turbam piæ <sup>e</sup> soliditatis asciscat; obtinens ut non actu meo, non ignavia contristetur : quocirca me ejus suffragium muniat, sed suis patrociniis meritum sacerdotis in illa examinatione tremenda faciat inveniri : regnante Domino nostro Jesu Christo, cui est honor et gloria in sæcula sæculorum. Amen.

<sup>e</sup> Vat. Reg. omittit, *baptizasti*.

<sup>d</sup> Illic desinit cod. Vat. Reg. nec non is quo usus est P. Possinus, ut Bollandi continuator tradit. Ex hoc indicio idem videtur hic codex, ac Vat. Reginæ.

<sup>e</sup> Quesn., *soliditatis*. Ex Boll. et Salinas emendavimus, ut in mss. legitur.

## EPITAPHIUM S. HILARII

*In tabula marmorea parieti infixæ in ecclesia sancti Honorati.*

Antistes Domini, qui paupertatis amorem  
Præponens auro, rapuit cœlestia regna,  
HILARIUS; cui palma obitus, et vivere Christus;  
Contemnens fragilem terreni corporis usum,  
Hic carnis spoliū liquit ad astra volans.  
<sup>a</sup> Spernit opes dum quærit opes, mortalia mutans,  
Perpetuum cœlum donis terrestribus emit:  
Gemma sacerdotum, plebisque orbisque magister.  
Rustica quin etiam pro Christo munia sumens,  
Servile obsequium non dedignatus adire,  
<sup>b</sup> Officio vixit minimus, sed culmine summus.  
Nec mirum si post meruit tua limina, Christe,  
Angelicasque domos intravit et aurea regna,  
Divitias, paradise, tuas, fragrantia semper  
Gramina, et halantes divinis floribus hortos,  
Subjectasque videt nubes et sidera cœli.

*Inscriptio tumulo ipsi S. Hilarii insculpta.*

SACROSANCTÆ LEGIS ANTISTES  
HILARIUS HIC QUIESCIT.

<sup>a</sup> Arel. cod., *sprevit*; et mox Lir., *vitans*, pro *mutans*.

<sup>b</sup> Bolland., *obsequio*.

## ADMONITIO IN S. HILARII ARELATENSIS OPUSCULA.

1. Primum locum tribuimus sermoni S. Hilarii de C datiore notationibusque locupletatum editi P. Ro-  
Vita S. Honorati episcopi Arelatensis, quem emen- sweidus an. 1620, iterumque Jo. Bollandus tom. II,



Januarii die 16, duobus mss. exemplaribus usus, altero S. Mariæ de Ripatorio, altero Pseudomii canonici Cameracensis, quorum ope non paucis locis depravatis et obscuris medicam manum adhibuit. An. 1673, Jo. Adam Soc. Jesu eundem Sermonem una cum Eucherii libellis *de Laude eremi et mundi contemptu* rursum impressit. Tum Quesnelli editio subsequuta est, in qua idem sermo ad ms. codicem Arelatensem recognitus fuit. Novissime autem D. Joannes Salinas canonicus regularis duos optimæ notæ codices nactus, Vat. Reginæ 645 et 1025, eum diligentissime recusit Romæ an. 1731, monuitque se ex iisdem mss. *locu quendam restituisse feliciter Bollandi sagacitate correctâ, deformataque verius quam emendata in sequentibus editionibus*. His præsidii Quesnellianam editionem nonnulli supplere et corrigere licuit. Hic porro sermo a S. Hilario immediato S. Honorati successore habitus fuit in ipsa Arelatensi ecclesia anniversario die mortis ejusdem, et ante obitum Leontii episcopi Foro-Julienensis, qui cap. 15 vivus memoratur; ac propterea inter an. 430 et 432; Honoratus enim supremum diem obiit an. 429, die 16 Januarii, Leontius vero an. 432. Probabilius autem primo anno episcopatus S. Hilarius hunc sermonem recitavit ipso anniversario die 16 Januarii an. 430.

2. Hunc primum sermonem narratio excipiet de miraculo S. Genesii martyris, quam Hilario Arelatensi inscriptam edidit Surius die 25 Augusti. Istam omisit Quesnellus, eo quod ipsam ab Hilarii facundia abesse, stylumque potius redolere putarit Honorati Massiliensis. Nos vero tantum styli discrimen non deprehendimus, nihilque in toto sermone Hilario indignum deteximus. Auctor certe ipsi miraculo interfuit; quod cum patratum fuerit vivente S. Honorato episcopo Arelatensi anno 427 vel 428, Hilario quidem nostro convenit, Honorato autem Massiliensi, qui sub finem sæculi floruit, congruere non potest. Hinc Bollandi continuatores die 25 Augusti, ac Tillemontius in Hilarii Vita art. 22, Quesnellum impugnant; ac proinde inter Hilarii opuscula hæc ejusdem narrationi prætermittenda non fuit.

3. His duobus Hilarii opusculis subjicietur ejus epistola ad S. Eucherium episcopum Lugdunensem amicissimum suum, quam Antelmius scriptam putat inter annum 435 et 440; at laudatus Joannes Salinas mavult circa an. 435, cum juventutis mentio magis congruat huic anno, quo Hilarius vix trigesimum quartum ætatis annum attigerat, quam anno 440, quando virilem ingrediebatur ætatem; ortus est enim anno 401. Ipsius D. Salinas editio maxime juvit: exacta est enim ad antiquissimum et optimum codicem S. Crucis in Hierusalem 186. Hujus variantes, quæ peculiare emendationes præbuerunt, ille accepit a Joachimo Besoccio tunc abbate, nunc autem cardinali eminentissimo, qui studiosis viris favit semper, et favet.

4. Hilarii Operibus inseremus carmen de septem fratribus Machabæis, quod licet in nonnullis editionibus Mario Victorino Afro tribuatur, Hilario tamen plerique codices vindicant. P. Labbeus in dissertatione historica de Victorino quosdam codices Hilarium præferentes commemorat. Oudinus etiam tom. V de Script. Eccles. pag. 1250, quatuor mss. exemplaria Hilario idem carmen adjudicantia recenset, nimirum tria Colbertina 1512, 5898 et 4734, ac unum inter suos. Aliud vetus exemplar Floriacense Hilarii pariter nomen præfigere testatur Joannes a Bosco in bibliotheca Floriacensi tom. II, pag. 198. Tot igitur codicum auctoritate Hilario potius quam Victorino hoc carmen ascribendum videtur. Cum porro ex testimonio auctoris Vitæ S. Hilarii Arela-

tensis constet hunc scripsisse *versus fontis ardentis*, eidem tribui potest, nisi alium Hilarium nobis ignotum auctorem credere quispiam malit. Vulgati quidem hoc carmen corruptissimum exhibent, ita ut nostro Hilario indignum videatur. At suorum codicum præsidio ita se carmen hoc emendasse Oudinus monuit, *ut novum omnino opus videri possit*. Etsi vero Oudini codices ac emendationes nobis defuerant, præsto tamen fuit Joannes a Bosco, qui ipsum carmen, S. Hilarii nomine præfixo, veluti ineditum ex memorato codice Floriacensi supradicto tomo inseruit: ex hac enim editione, quæ vicem codicis gessit, vulgatam lectionem pluribus in locis vitiatam ita corrigere licuit, ut aliud fere carmen S. Hilario non indignum cognoscatur.

5. Sequetur carmen de Genesi ad Leonem papam, non quod Hilarii certo sit, sed quod a Quesnello inter ejus opuscula editum fuerit. In mss. teste P. Coustantio (tom. II Hilarii Pictaviensis Append.), non S. Hilario Arelatensi, sed *Pictaviensi ascribitur; eju que nomen in editis obtinuit, donec a Sixto Senensi et Gillotio Campano Hilario Arelatensi adjudicatum fuit: quæ auctoritate non apparet*. Ex sola istorum fide Quesnellus idem carmen Hilarii Arelatensis opusculis addidit, hac notatione subjecta: *Ex fide codicum excusorum metrum istud Hilario Arelatensi inscribimus. An vere illius sit, nec asserere audimus nec negare, cum nulli codices mss. affuerint ex quibus aliquid licuerit expiscari. Quidquid porro sit de auctore, videtur mihi esse primus poetæ conatus, carmen non tam scribentis quam meditantis. Ubique enim sædissimis scatet erratis, quæ nec in tirone veniam mereantur. Vix ullæ metri leges in eo observatæ, plures versus non absoluti, vix ipsa delibata materies. Hoc tamen qualecumque est, lectori subtrahendum non putavi, ne aliquid quod nomen Hilarii Arelatensis præ se ferat, hoc loco desideraret*. Hanc Quesnellianam ipsius metri censuram Coustantius approbans, Si propterea, inquit, Hilario Pictaviensi indignum est, nulla succurrit ratio cur Arelatensi tribuatur: cum præsertim nulli, quod sciamus, codices Arelatensem præferant. Idem porro Coustantius in hoc carmine corrigendo tria mss. exemplaria adhibuit, Lugdunense, Colbertinum et Victorinum, ex quibus adeo profecit, ut ejus editionem cum notationibus hic recudendam curavimus.

6. Duo alia Hilario opuscula a nonnullis tribuuntur, poema de Providentia inter Prosperi Opera editum, et Vita S. Genesii. At poema de Providentia Hilarii esse non posse vel ex eo manifestum fit, quod scriptum fuit anno 416, cum Hilarius vix decimum quatum ætatis annum inierat. Vitam autem S. Genesii solus Hadrianus Valesius in notitia Galliarum Hilario adjudicandum credidit. Codices vero non minus quam editiones Paulino episcopo inscribunt, uti videre est apud Ruinartium in martyrum Actis. Hinc duo hæc opuscula sicut jure omissa fuerunt a Quesnello, ita et nos libenter omittimus.

7. Auctor *Histoire littéraire de la France*, tom. II, pag. 265, opinatur homiliam de S. Genesio a Surius impressam die 25 Augusti, quæ inter Eusebii Emisseni homilias est quinquagesima, Hilario posse ascribi. Certe Arelati recitata fuit, cumque stylus eodem episcopo non sit indignus, id sufficere putat ut ipsi tribuenda credatur citius quam S. Eucherio, aut S. Paulino, aut S. Patienti episcopo Lugdunensi, aut aliis quibus eam adjudicandam nonnulli conjiciunt. Hæc opinio probabilis quidem videtur. Cum vero nulli codices hactenus inventi sint qui Hilario hanc orationem tribuant, ab hac quoque adjicienda abstinendum putavimus.



# SANCTI HILARII

## ARELATENSIS EPISCOPI

# OPUSCULA GENUINA.

• SERMO

## DE VITA S. HONORATI

EPISCOPI ARELATENSIS.

<sup>b</sup> *Præfatio.*

1. <sup>a</sup> Agnoscitis, dilectissimi, diem publicis fidelium <sup>a</sup> mœroribus consecratum, qui mihi quamdiu hos caducos vitæ hujus dies Dominus indulserit, semper quidem acerbitatibus gravis, <sup>c</sup> plenus tamen dignitatis adveniet. Hodie enim ille sanctæ recordationis Ecclesiæ hujus antistes virtute, sacerdotio, nomine Honoratus, corpore exutus est. Quidquid ad clausulam elocutionis adjecero, absurdum poterit judicari. Si enim dixero: Ad astra migravit, ille, etiam dum in terris moraretur, inter illa splendidissima astra Dei numeratus est. Addam: Christo astat? Quando autem ei in vita sua non astitit? Cujus omnis vita illam Eliæ vocem habuit: *Vivit Dominus cui asto hodie* (III Reg. xviii, 15). Dicam: Terrena deseruit, ejus, ut Apostolus ait, conversatio semper in cœlis fuit (Philip. iii, 20)? Similiter itaque, quantum animus meus habet, quidquid de tali viro dicendum occurrerit, ipsa sui magnitudine congruo exitu caret. Compugnant mœroribus gaudia. Talem reminisci dulce est; tali carere supplicium.

2. Duplex itaque materia me provocat. Illinc me laudum suarum gratia ad sermonem trahit; hinc ad singultus <sup>f</sup> retrahunt damna communia. Ignoscite itaque, si diripientibus sibi duobus his affectibus mentem meam, oris mei officium tamquam duobus dominis famulatum congruum negat. Quidquid recordatio in laudis partibus suggerit, totum hoc sibi inter damna numerans dolor vindicat. Quamquam etsi adesset mihi serenitas mentis, et famulatu idoneo menti lingua serviret, num abundantius laus ejus proferri sermonibus meis poterit, quam in ve-

stris sensibus manet? Nemo est, ut puto, cui non illius viri gratia major occurrat, quam possit opulentissima cujuslibet proferre facundia. Quia ergo, ut Scriptura loquitur, memoria justorum cum laudibus semper est (Prov. x, 7), nec potest quisquam meritorum illustrium viros non cum laude memorare, proferam, ut facultas datur, aliqua ex his quæ de illo dilectionis vestræ corda <sup>e</sup> meditantur. Adjuvabunt utique sensus vestri conatus meos; et <sup>h</sup> quidquid sermoni meo expedire difficile est, vestra sibi pectora propriis cogitationibus eloquentur.

3. <sup>i</sup> Scriptum est: *Sapientia in exitu canitur*; hoc est dicere: Sapientis conversatio <sup>j</sup> in conversationis fine laudatur. Unde et in alio loco: *Ne laudes hominem in vita sua*. Et iterum: *Ante mortem ne laudes quemquam* (Eccli. xi, 30); ac si dicat: Lauda post mortem; in viventis enim laudibus et laudato locus vanæ exultationis offertur, et laudatori <sup>k</sup> nota assentationis affligitur. Multis modis autem utile est laudare defunctum: primum quia dum abest cui gratificari laudatione possimus, necesse est ut ad largitorem gratiæ <sup>l</sup> laus tota referatur; deinde, quia sola virtutis admiratio residet, ubi suspicio assentationis aufertur. Defuncti itaque laus in sancta fidelium congregatione prolata plena est ædificationis, vacua jactantiæ. Merita quoque in hoc ejus qui laudatur accrescunt, quod plures sua laude proficiunt. Nec verebor ne nimis forsitan favorabiliter de meo loqui credar, quia præter quam nihil non inferius dici suis virtutibus potest, nemo est qui illum non suum computet, suum sen-

lectissimi.

<sup>d</sup> Al., *memoriis*.

<sup>e</sup> Quesnellus, cum quibusdam editis: *Plenus consolatoria laude, plenus et dignitatis adveniet*. Quæ autem delevimus, desunt in codice Bolland. et in utrisque Vat. Reg.

<sup>f</sup> Ita ex duobus Vat. Reg. et alio cod. Boll. Quesnellus, *trahunt*.

<sup>g</sup> Sic laudati codd. Apud Quesn., *meditentur*.

<sup>h</sup> Quesn., *quod sermoni*. Magis placuit lectio trium memoratorum exemplarium.

<sup>i</sup> Boll., *Scriptura quodam loco continet*, astipulantibus utrisque mss. Vat. Reg.

<sup>j</sup> Unus codd. Vat. Reg. et Boll., *in consummationis fine*.

<sup>k</sup> Idem addunt, *maxime*.

<sup>l</sup> Cod. Vat. Reg. 645 addit, *Deum*.

<sup>a</sup> In ms. Vat. Reginæ 645, hic titulus legitur: *Incipit Vita S. Honorati Arelatensis episcopi, cujus depositio agitur xvii kal. Februarii*. In fine autem appellatur *sermo* et S. Hilarius auctor profertur sic: *Explicit sermo de Vita S. Honorati episcopi editus a S. Hilario Arelatensi episcopo depositionis ejus in die, feliciter*. Alius recentior cod. Vat. Reginæ 1025 hæc habet: *xvii Februarii. Sermo S. Hilarii in depositione sanctæ memoriæ domini Honorati episcopi*. Deletæ vero conspiciuntur, hæc voces: *Eodem die habitus*; et merito, inquit D. Joannes Salinas: nam sermonem habuit Hilarius elapso anno ab Honorati morte, nempe anno 430.

<sup>b</sup> Bollandianam capitum ac numerorum distinctionem servavimus (etsi accuratior iniri poterat) ne citationum varietas et scriptores fatiget, et turbet lectores. QUESNELLUS.

<sup>c</sup> Cod. Ripat. a Bollando adhibitus: *Agnoscite, di-*



serit, suumque crediderit. Non tamen ego ingenii fiducia, neque fretus eloquio ad attingendam tanti viri vitam manum mitto : quam si quis priscæ eloquentiæ auctor attingeret, non solum facundia non ornaret, sed victus materiæ mole succumberet. Vester me amor provocat, vester affectus de illo aliquid loquendi fiduciam subministrat. Animabitur, ut credimus, ipsius meritis sermo quamvis a repentis ingenii; et quod jacet verbis elevabitur rebus; et effusa in illum charitate vestrorum pectorum domicilio condietur.

#### CAPUT PRIMUM.

*Consularis Honorati nobilitas. Baptizatur adolescens.*

4. Est illud notum omnibus oratoriæ disciplinæ, quorum laudandam receperint vitam, patriam prius et originem prædicare; ut quod in propriis virtutibus deest, in patrum gloria præcessisse videatur. Nos autem omnes in Christo unum sumus; et fastigium nobilitatis est inter Dei filios computari, nec addere nobis quidquam ad dignitatem terrenæ originis decus, nisi contemptu suo, potest. Nemo est in cælestibus gloriosior, quam qui repulso patrum stemmate elegit sola Christi paternitate censerī. Prætermitto itaque commemorare avita illius sæcularium honorum insignia, et quod concupiscibile ac pene summum habet mundus, usque ad consulatus provectam familiæ suæ nobilitatem, majore generositate pectoris fastiditam. Nec placuisse illum sibi de supervacuis suorum honoribus, qui per amorem veritatis jam suos non optabat.

5. Ad illud potius meus sermo festinat, qua fide baptismum in adolescentiæ annis proprio concupierit arbitrato, quam maturo consilio sanus mortem expaverit; <sup>a</sup> qualiter ante baptismum vita cariturum se esse prospexerit; qua siti vitam suam desideraverit renovari; quam dulcis ei infantia; quam modesta pueritia; quam gravis adolescentia fuerit; quam omnes etiam ætatum gradus gratia semper et virtute transcenderit, majorque se semper invenius sit, ut prorsus divino quodam <sup>d</sup> pædagogio educatum putes. Eruditur sine aliqua suorum instantia. Servat, juvante Deo, baptismum præter ullam hominum sollicitudinem; et, quod his majus est, recenti adhuc et illibato nitore <sup>e</sup> fontis sine admonitore convertitur. Sine admonitore, dixi; et ubi illud quod patria obstabat, quod obluctabatur pater, quod propinquitas <sup>f</sup> tota <sup>g</sup> renitebatur? Intraverat enim gratia sua omnium sensus; et cum eum sibi Christus assumeret, certatim in suis omnibus mundus tenebat. Alios dulcedo ipsius obligaverat; alios collegii blandimenta devinxerant; alios in variis juvenum exercitiis admittatio sæcularium virtutum tenebat. Quot illi vitæ

A prioris gratiæ fuerant, tot a conversione vinculis retrahabatur. Commune quoddam familiæ decus proprii omnes timebant. Et vere quis umquam illum habitus non quasi <sup>g</sup> proprium accepit? Quos aliquando amictus non ornavit? Itaque velut splendidissimam gemmam et commune omnium decus eripi sibi simul patria, simul familiares, simul parentes putabant; neque enim immutanda hæc omnia et reformanda in melius, ut vidimus, sed quasi moritura esse credebant. Et inde illud erat quod quia omnia, quæ adorsus erat, strenue eum pater agere perspexerat, a baptismo quamdiu potuit, avertit, timens ne totus, sicut consecutum est, religionis amore raperetur. Invaluit tamen desiderium et amor Christi, et baptismum discussis patris dissimulationibus, pueritia fidelis invasit. Ita enim se adhuc catechumenus inter prima fidei rudimenta formaverat, lasciviam pro reverentia accipiendi quandoque baptismatis respuens, clericos ut patres honorans, et puerili interdum censu pauperem juvans. Quidquid habere adhuc illa ætas, et plus utique pro novitate habendi amare poterat, miseratione prodigus offerebat: jam tunc in parvo præmeditans cuncta contemnere, et sua simul universa largiri.

6. Illis itaque et talibus exercitiis ad baptismum se catechumeni fides robusta proripuit. Hinc jam providus pater, et <sup>h</sup> terrenæ pietatis suspicione sollicitus, variis eum oblectationibus provocare, studiis juventutis illicere, diversis mundi vanitatibus irritare, et quasi in collegium cum filio adolescente juvenescere; venatibus et ludorum varietatibus occupare, et tota, ad subjugandam illam ætatem, sæculi hujus dulcedine armari. Nec immerito eum sæcularis <sup>i</sup> pater preriipi timebat, quem inter reliquos ornatisimos juvenes velut unicum complectebatur.

7. Verum illi major inter hæc omnia erat custodiendi baptismatis cura. Fastidiebat adolescens, quo grandævus oblectabatur pater, tali se semper adhortatione compellans: *Delectat hæc vita, sed decipit.* Alia in ecclesiis præcepta recitantur; alia in auribus meis mandata sonuerunt: illic modestia, et continentia, et quies, et pudor traditur; hic effrenata luxuria nutritur. Ibi pietas viget; hic exercitatio corporalis. Illic ad æternum regnum Christus invitat; hic diabolus ad temporale sollicitat. Omne quod in mundo est, vanitas est et concupiscentia oculorum, et mundus transit et concupiscentia ejus; qui autem fecerit voluntatem Dei manet in æternum, sicut et ille manet in æternum. Festinemus ergo erui ab his laqueis, dum adhuc minus tenemur. <sup>j</sup> Difficile diu ligata solvuntur. Facilius est tenera evellere quam robusta succidere. In monte salvam fac animam tuam,

<sup>a</sup> Ita recte Quesn. ex codd. Arel., Lirin. et Sur. Bollandus vero et laudatus Vat. Reg., *repentis*.

<sup>b</sup> Codd. Lir., Arel. et Sur. ita legunt. Bollandus, *fanulos*, minus bene. QUESN.

<sup>c</sup> Boll. et unus Vat. Reg., *qui eam ante baptismum vita carituram esse perspexerat*.

<sup>d</sup> Arel., *prædagogio*.

<sup>e</sup> Lir., *ad fontes*; minus bene: agitur enim de fuga

sæculi, non de festinatione ad baptismum. QUESN.

<sup>f</sup> Boll., *retinebat*.

<sup>g</sup> Boll., *proprius*.

<sup>h</sup> Boll., *teneræ*.

<sup>i</sup> Salinas addit, *sibi a Christo*.

<sup>j</sup> Unus cod. Vat. Reg., *Diu illigata tardius solvuntur*. Alius cum Boll., *Difficile diu illigata solvuntur*.



ne forte apprehendant te <sup>a</sup> malæ cogitationes. Cito serpit voluptatis venenum, servanda est Christo per ejus gratiam sumpta libertas. Alii aurum argentumque mirentur. Dominentur, ut video, metalla dominantibus. Alii prædia atque mancipia non sine animi sui captivitate possideant. Alii honoribus gaudeant, et honorem divinæ in se imaginis premant. mihi satis est mancipium non esse vitiorum; mihi salus, gaudium; mihi conjux, sapientia; mihi in virtutibus <sup>b</sup> voluptas; mihi Christus thesaurus sit, qui pensabit mihi gaudia caduca melioribus, dabit et in hac vita studiosi disciplinæ et oblectari et ornari, et inter hæc dignum fieri cælestibus regnis.

8. Nec longas talis meditatio moras protulit; sed illico in flammam conversionis nutrita hujusmodi fomentis scintilla <sup>c</sup> prorupit. Jugum Dominicæ servitutis subdita cervice suscipiens, jugum libertatis excussit, intelligens summum esse captivitatis genus, licentiam juventutis. Rediguntur ad breves capillos luxuriantes comæ. Transfertur ad nitorem mentis vestium splendor. Cervicis lactæ decus pallis rigentibus occupatur. Transit lætitia in <sup>d</sup> serenitatem, membrorum vigor animi vigore mutatur. Virtus corporis in virtutem spiritus migrat. Pallescit jejuno speciosa facies, et prius <sup>e</sup> succi plena, fit plena gravitatis. Et quid plura? ita repente totus alius ex alio ostenditur, ut non aliter genitor ipsius, quam orbatu filio pater lamentaretur. Et vere plena mortificatione corporis; sed vita illi spiritus erat. Tota hinc parentum persecutio suscitatur. Tunc solum et primum patri contumax fuit, cum Dei Patris filius esse contendit, ordinata jam tunc in eo, sicut Salomon præcepit, charitate. Ita enim propheta memoratus sub Dei voce pronuntiat: *Ordinavit in me charitatem* (Cant. II, 4). Ordinavit plane eam ille, et sub charitatis dispositione prospexit primo Deum, tum proximum diligendum. Condemnari itaque se senectus patris, ætatis illius <sup>f</sup> conversione credebat. Occurrit, renititur, comminatur; nec tamen ullo horum pueritia Deo freta conecutitur.

## CAPUT II.

*Cum Venantio fratre peregrinatur. — Hujus obitus. — Honoratus et Venantius patria abscedunt. — Peregrinationes ad loca sacra.*

9. Assistit tironi suo Dominus consolator, nec dissimulat unum ei ex germanis suis in collegium suscitare, qui exemplo ipsius ad conversionem vocatus, et senior juniorem secutus, in ipso brevi quo vixit tempore, sicut collegio illum, ita etiam virtute comitatus est. Hinc jam inter illos certamina grata propositi,

A <sup>a</sup> cujus mens ad pietatem mollior, cujus <sup>b</sup> cibus durius, cujus sermo blandior, cujus amictus asperior; quis loqui rarius, quis orare crebrius; quem minus detineret lectus, quem magis lectio; quem minus moveret <sup>b</sup> injuria, quem magis misericordia; quis daret promptius quod sibi detraxisset; quis libentius hospiti stratum cilicii et cervical illud consueti lapidis offerret; quis peregrinum promptius ante eleemosynæ dispensationem lacrymis foveret, et affectu prius Christum quam advenam convivio pasceret; cui in ore rarior mundus, cui frequentior Christus; quis in illa sublimitate virtutum sibi et ipsi minor videretur, et quo magis merito ascenderet, eo magis compunctione decresceret. Privatus quidam <sup>i</sup> tunc in conversatione eorum episcopatus gerebatur. Mentior, nisi plurimi episcoporum didicere ab illis, dum excipiuntur, excipere: nam si qui rigorem illum propositi non expaverunt, plus illinc humanitatis <sup>j</sup> in animo quam refectionis in corpore secum tulerunt. Ornabant itaque omnem simul patriam, et quantum apud animos multorum manet, custodiebantur aliorum ab illis corpora, aliorum spiritus, prout quisque indigens erat, aut vestimentis, aut doctrina, aut sumptibus, vestiebantur, alebantur, instruebantur. Nullus illuc peregrinationis labore defessus, non tamquam ad patriam et patrimonii sui rura pervenit; nullus illinc ad ulteriora discedens, non tamquam iterum <sup>k</sup> a domo sua pedem movit, et iterum sibi relinquere cives suos visus est, iterum propinquos.

10. Interea amor in illos omnium crescebat, multiplicabatur, disseminabatur, et fama in ulteriora quæque ferebatur, totaque jam erga illos patria obsequiis et amore et honore certabat. Pervenire illis ad ignobilitatem et paupertatem non licebat: quanto magis eorum vita abscondebatur, tanto magis fama emicabat, et alter alterum laudi objicere et gloriæ exponere, et ad unum communem <sup>l</sup> virtutem referre. Sed dum unusquisque sub umbra alterius obscurari volebat, tamquam repercussa claritas <sup>m</sup> utrumque irradiabat. Jam quæ illorum gravitas, quam senilis maturitas, quam rara seminarum visitatio etiam proximarum, et quæ inter tot virtutes totius vanitatis fuga; quam blanda consolatio, et quam sollicita custodia erga eorum salutem qui se doctrinæ eorum mancipaverant! Angelica ab illis vita in terra ducebatur, in multa patientia, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei. Pavabant interea illi gloriam suam, et odorem bonæ conversationis longe lateque diffusum,

<sup>a</sup> Boll., mala conversationis istius. Ita etiam unus cod. Vat. Reg. et editi ante Quesn., excepto Surio.

<sup>b</sup> Sic melius ex ms. Vat. Reg. 1025, et ex Boll., Jo. Adam, et Jo. Salinas. Quesn., voluntas.

<sup>c</sup> Idem cod. Vat. cum Boll., se proripuit.

<sup>d</sup> Ita Arel. cod. et unus Vat. Reg. Alius cum Boll., gravitatem; Lir., severitatem.

<sup>e</sup> Boll., fuci.

<sup>f</sup> Salinas, conversatione.

<sup>g</sup> Idem Salin. addit, esset; et mox post, crebrius,

addit, posset.

<sup>h</sup> Surio, invidia.

<sup>i</sup> Salin., jam tunc.

<sup>j</sup> Vat. Reg. 1025, animæ, et postea, corpora.

<sup>k</sup> Quesn. edit. per saltum omisit septem voces sequentes.

<sup>l</sup> Edit. Quesn., virtutum apicem, minus bene.

<sup>m</sup> Mss. Vat. Reg., utrumque radiabat. Boll. et Jo. Adam, utrinque radiabat.



licet ad Dei laudem referrent, sibi tamen vanitatis A periculum inferre metuebant; percepisse se in vita sua mercedem suam reputabant, humanam conversationem et gratiam fastidientes eremi amore flagrabant.

11. Initio itaque consilio, et quodammodo passi honoris sui persecutionem, ad peregrina contendunt. Iterum patria consurgit, iterum propinqui reluctantur. <sup>a</sup> Spoliari se, sed nunc sanius, lumine suo metuunt. Quod illic, Jesu bone, certamen fidei atque amoris fuit? Qui tunc consiliorum, qui precum, qui lacrymarum ambitus? Quis non illic sibi officium propinqui vindicavit, aut cujus lacrymæ non cum lacrymis patris certaverunt? Amittere enim se omnis patria in juvenibus illis patres sentiebat. Et vere erat illis senectus non annis cana, sed gratiis; non cariosa artubus, sed moribus <sup>b</sup> venusta. O quanta, Domine, dispensatio procurationis tuæ! qui lampades tuas fidei igne fulgentes, non loco fixas stare pateris, sed <sup>c</sup> præfers eas illuminationi diversorum locorum, inspirans migrandi voluntatem et fugiendi gloriam; quæ utique multiplicanda erat, ipso per susceptam peregrinationem virtutis augmento. Diripitur dudum quidem vario misericordiarum opere vexata, adhuc tamen larga substantia; et æqualiter ad patrimonium <sup>d</sup> propinquus atque extraneus actionator admittitur. Ita nullus in lucris dumtaxat parentum respectus est, ac si rem non suam vendant. Possessio quæ pauperibus, ex quo ab ipsis fuerat possessa, servierat, pauperibus nunc distribuenda distrahitur. Excipit patria effusam misericordiam, et fletibus effusis repensat.

12. Exeunt de terra sua et de domo et de cognatione sua, et exemplo <sup>e</sup> pari veri Abrahæ filii demonstrantur. Ne quid tamen juvenili ausu temere ab ipsis incœptum putaretur, assumunt senem perfectæ consummatæque <sup>f</sup> gravitatis, quem semper in Christo patrem nominarunt, sanctum Caprasium, angelica adhuc in insulis conversatione degentem; cujus quamquam dilectio vestra nomen hactenus ignoraverit, et adhuc nesciat vitam, amicis eum suis Christus annumerat. Hunc tamquam ordinatorem in Domino atque custodem suæ ætatis assumunt, quos jam custodes sibi plurima juvenus elegerat. Quæritur ergo peregrinationis latebra, fama fugitur virtutis; at ubicumque itur, ibi alia, velint nolint, fama parie-

batur. Felices terræ, et portus beati, quos cœlestem patriam sitiens peregrinus illustrat! Alii Orientis oras, et quæcumque alia plena sanctis loca accipiendi exempli gratia, accedunt; hi quidquid adeunt exemplis bonis suscitant. Spargitur ubique substantia, et in omni accessu eorum bonus Christi odor flagrat.

13. Hunc <sup>g</sup> ipsum jam tunc cujus hodie memoria pascimur, urbi huic Massiliensis Ecclesia pene præripuit, hortante illius urbis antistite, et tali eo gaudente collegio. Sed quid non ille fervor lacrymarum certamine et blandimentorum ambitione evinceret? Alacrius ergo, <sup>h</sup> novo admoniti periculo, maria <sup>i</sup> transmittunt, expetunt littora quibus barbara esset <sup>j</sup> illa, quæ plurima in ipsis erat, Romana eloquentia. Longum est percurrere quem ab illis profectum unusquisque locus traxerit, quam salubritatem Ecclesiis sine ullo clericatus actu invexerint, quot magistris magistri in silentio fuerint.

14. Illud commemorasse sufficiat, intrepide ab illis pro Christi desiderio maris rheuma toleratum, squa-lore ac sterilitatem Achaici littoris expetitam; et tam delicate, tam <sup>k</sup> molliter educatos contra tantas aquarum et aurarum varietates decertasse: quod quam grave, quam intolerabile illi teneritudini fuerit, excessus illic Germani sui beatissimi in Christo viri Venantii, et infirmitates suæ ac suorum protestabantur. Jam quid in illo funere <sup>l</sup> Methona aut extulisse se, aut percepisse crediderit, multiplicibus psallentium indicavit agminibus. Hinc Hebræus, hinc Græcus, hinc Latinus exultat, Judæus ipse Christum respuens fidelem Christi servum admiratur. Astra ipsa ferventes chori pulsant, et ut credimus cum humanis vocibus angelici chori concinunt, fideli famulo suo Christus occurrit. *Euge, Venanti, serve bone et fidelis*; et dum audis, *Intra in gaudium Domini tui* (Matth. xxv, 21), memento nostri quos adhuc sæculi gaudia impugnant. Accipiunt finem carnis animæque certamina; sumit principium vita perennis et gloria <sup>m</sup>.

### CAPUT III.

*Honoratus, fratre mortuo, venit in Italiam, et apud episcopos hospitatur. — Leontius episcopus Forejulienensis. — Lirinam insulam ingreditur.*

15. Hinc jam vobis Honoratum vestrum Christus reducit, et occulta manu <sup>n</sup> salubritatem regressu sui D temperat. Nam quidquid præterfluens tangit, illumi-

<sup>a</sup> Ita utrique codd. Vat. Reg., Boll. et alii. Quesn. vers., *Spoliari sese hoc simul lumine omnes metuunt*. At melior textus lectio, cum indicet nunc sanio-rem esse metum, quippe qui non ut antea ex sæculi, sed ex virtutum quæ in Honorato et fratre ejus lucebant amore oriebatur.

<sup>b</sup> Ita utrique codd. Vat. Reg., cum Arel. et Ripat., apud Boll. Al., *vetusta*, Boll. et Sur.

<sup>c</sup> Cod. Ripat. apud Boll., *profers eas ad illuminationem*.

<sup>d</sup> Al., *proximus*.

<sup>e</sup> Cod. Ripat., *patris*; et mox, *vere pro veri*. BOLLANDUS.

<sup>f</sup> Quesn., *ætatis*. Correctionem ex Vat. Reg. 1025 inductam confirmat Jo. Salinas ex Eucherio de Laude eremi, ubi *venerabilem gravitate Caprasium appellat*.

<sup>g</sup> Voces ab *Hunc ipsum* usque ad *littora* desunt in codd. Arel. et Lirin. Reddidit eas Boll. ex mss. Absunt etiam in Vat. Reg. 645, sed in alio 1025 leguntur.

<sup>h</sup> Salinas addit, *tamquam*.

<sup>i</sup> Al., *transmeant*. QUESN.

<sup>j</sup> Salinas addit, *etiam*.

<sup>k</sup> Cod. Ripat., *nobiliter*.

<sup>l</sup> Plures sunt hujus nominis civitates. Hic ea videtur intelligenda quæ in ore Messeniæ in Peloponneso sita est. BOLLANDUS.

<sup>m</sup> Quesn. addit, *Amen*. Deest in Boll. et nostris codd.

<sup>n</sup> Ita cum Boll. codex Vat. Reg. 1025. Quesn., *salubri regressu sui*.



nat. Hujus Italia benedici gaudet introitu. Hunc Tuscia A venerata complectitur, et blandissimas per sacerdotes suos moras nectit. Porro Dei providentia nobis prospiciens cuncta dirupit, et quem e patria eremi desideria provocarant, hunc in eremum huic urbi propinquam Christus invitat. Vacantem itaque insulam ob nimietatem squaloris, et inaccessam venenatorum animalium metu, Alpino haud longe jugo subditam petit. Præter secreti opportunitatem, sancti ac beatissimi in Christo viri Leontii episcopi oblectatus vicinia et charitate constrictus, <sup>a</sup> plurimis etiam novo ausu retrahere illum conantibus. Nam circumjecti accolæ terribilem illam vastitatem ferebant, et suis occupare illum finibus fidei ambitione certabant. Verum ille humanæ conversationis impatiens, et circumcisci a mundo vel objectu freti concupiscens, B illud corde et ore gestabat, nunc sibi, nunc suis proferens: *Super aspidem et basiliscum ambulabis, et conculcabis leonem et draconem* (Ps. xc, 13); et in Evangelii Christi ad discipulos suos factam promissionem: *Ecce dedi vobis potestatem calcandi supra serpentes et scorpiones* (Luc. x, 19). Ingreditur itaque impavidus, et pavorem suorum securitate sua discutit. Fugit horror solitudinis, cedit turba serpentium. At quæ non tenebræ illud lumen refugerunt? Quæ non illi medicamento venena cesserunt? Inauditum vere illud et plane inter miracula ac merita illius <sup>b</sup> deputandum reor, quod tam frequens, ut vidimus, in illis ariditatibus serpentium occursus, marinis præsertim æstibus excitatus, nulli umquam non solum periculo, sed nec pavori fuit.

16. Quid longius morer, cooperante, ut ita dicam, Christo, omni, quæ prius deterruerat, adversitate superata, Honoratus <sup>c</sup> vester castra illic quædam Dei collocat; et qui locus dudum homines a sua commoratione repulerat, angelicis illustratur officiis. Illuminatur latibulum, dum lumen occulitur. Cedit ignoti prius exsilii obscuritas voluntarii exsulis claritati. Quid ergo accessio, quid emendatio illa conferat? Quocumque Honoratus accesserit, adesse illic <sup>d</sup> honorem necesse est. Hic primum illigatur diu evitati clericatus officio; hic refugam suum sacerdotalis infula innectit; et qui <sup>e</sup> ire ad dignitatem detrectaverat, ad ipsum dignitas venit. Apparuit illic presbyter non duplici tantum, sed multiplici honore dignissimus, coram quo nullam sacerdotii distantiam, nullum nominis privilegium episcopatus agnosceret. Nemo umquam episcoporum sibi tantum usurpavit, ut se presbyteri illius collegam <sup>f</sup> computaret. Verum ille

<sup>a</sup> Ita codd. et editi, excepto Quesn., apud quem, plurimis sitim novo haustu protrahere conantibus.

<sup>b</sup> Sic ex ii-dem mss. Vat. Reg., Salinas., Quesn., cum aliis editis, mirandum.

<sup>c</sup> Ita Salinas, uti etiam supra: *Honoratum vestrum*. Quesn., *noster*.

<sup>d</sup> Salinas addit etiam.

<sup>e</sup> Mss. Vat. Reg. et Boll., *venire*.

<sup>f</sup> Arel. cod., *copularet*. Mox pro in sacerdotio, Quesn. in margine: *Fortè, in sacerdotium*.

<sup>g</sup> Ita Salinas, qui codd. Vat. Reg. adhibuit. Quesn., *negatæ sæculis aquæ fluunt*.

<sup>h</sup> Sic ex eodem Salinas. Quesn., *Certatim se jam*

tam integram in sacerdotio monachi humilitatem conservabat, quam plene monachus sacerdotii merita possederat.

17. Industria illic sua sufficiens electis Dei Ecclesiæ templum excitatur, apta monachorum habitaculis tecta consurgunt: <sup>i</sup> negatæ a sæculis aquæ largiter fluunt, in uno ortu suo duo veteris Testamenti miracula proferentes. Nam cum de saxo erumperent, in media maris amaritudine dulces profluebant. <sup>h</sup> Certatim jam illuc omnis regio quærentes Deum dirigebat. Honoratum expetiit, quisquis Christum desideravit; et plane Christum, quisquis Honoratum expetiit, invenit. Illic enim ille totus vigeat, pectus ejus quasi præcelsam arcem et splendidissimum templum insederat. Illic castitas, quæ est sanctitas, fides, sapientia et virtus habitavit; ibi justitia fulsit et veritas. Itaque velut <sup>i</sup> ulnis effusis patentibusque brachiis in amplexum suum, hoc est in amorem Christi, invitabat; omnes undique ad illum certatim confluebant. Etenim quæ adhuc terra, quæ natio in monasterio illius cives suos non habet? Quam ille barbariem non mitigavit? Quoties de immanibus belluis <sup>j</sup> quasi mites fecit columbas? Quam amaros interdum mores Christi dulcedine aspersit? Et quorum pravitas sibimetipsis prius pœnalis fuerat, eorum postmodum gratia oblectamento omnibus erat; degustata deinde boni suavitate, non poterant non magis et magis odisse quod fuerant. Nam velut adducti in novam lucem, antiquum illum <sup>k</sup> diu insidentium errorum carcerem detestabantur. Pulsa per exhortationem illius est varia pestis animorum. Amaritudo, C asperitas, et rabies locum dabant libertati, quam Christus obtulerat, et <sup>l</sup> delectabat requies post longam et gravem Pharaonicam servitutem. Stupenda et admirabilis permutatio, non Circeo, ut aiunt, poculo ex hominibus feras, sed ex feris homines Christi verbum tamquam dulcissimum poculum, Honorato ministrante, faciebat. Quid enim non <sup>m</sup> extunderet illa instantia cum alacritate conjuncta? aut qui lapides non in Abrahæ filios verterentur? ubi tanta in expoliendis mentibus <sup>n</sup> erat officina virtutum, ut si minus hominem ad salutem suam vivis exhortationibus promoveret, Deum oratione constringeret. Omnium ille passiones suas credidit et tamquam suas flevit; profectus laboresque omnium suos computavit; sciens gaudere cum gaudentibus, flere cum flentibus, simul et vitia et virtutes omnium in meriti sui cumulum transferebat. Sicut enim virtus ad virtutem <sup>o</sup> excitat, ita miseratio miseris impensa fructificat.

*illuc omnis regio quærens Deum, etc.*

<sup>i</sup> Quesn., *venis effusis protensisque brachiis*. Prætulimus lectionem cæterarum editionum, et Vat. Reg. 1025.

<sup>j</sup> Unus cod., *quam mites*.

<sup>k</sup> Quesn., *diu in se densorum errorum*. Cæterarum edit. et codd. lectionem secuti sumus.

<sup>l</sup> Apud Quesn., *delectabatur*.

<sup>m</sup> Vat. Reg. 1025, *obtineret*.

<sup>n</sup> Vat. Reg. 615, *erant officia*. Mox apud Salinas, *quod si minus*.

<sup>o</sup> Ita Vat. Reg. codd., cum editis, excepto Quesn., qui in textu præfert, *excitans... impendens*, et in margine, *excitat... impensa*.



<sup>a</sup> Metet enim singulis plusquam sibi singuli. Singulorum enim salus <sup>b</sup> unam illi gloriam instruit. Impiger, festinus, infatigabilis perseverat, prout cujusque naturam moresque perspexerat. Hunc secreto, <sup>c</sup> illum palam; hunc severus, illum blandus aggreditur; et ad castigandi immutationem, ipsam plerumque faciem castigationis immutat. Inde illud erat quod non facile quemquam tantum vel amari vidimus vel timeri: ita enim duos hos affectus sui in unoquoque suorum collocabat, ut et amor suus delicti metum, et timor disciplinæ amorem introduceret.

## CAPUT IV.

*Præclara Lirinensium institutio. — Honorati virtutes. — Honoratus benignus et liberalis in hospites. — Honorato scripsit Eucherius.*

18. Incredibile est quantæ illi curæ fuerit ne quem tristitia affligeret, ne cogitatio sæcularis urgeret. Quam facile perspexerit quid quemque vexaret, <sup>d</sup> tamquam singulorum mentes mente gestaret. Quanta præterea pietatis dispensatione providit, ne quem nimius labor gravaret, ne quis nimia quiete torpesceret. Ipsos, si dici potest, singulorum <sup>e</sup> fratrum somnos pio pensavit affectu. Valentes corpore a desidia semper excutiens, ferventes spiritu cogebat ad requiem. Omnium vires, omnium animos, omnium stomachos instinctu, credo, Dei noverat, vere servus omnium factus propter Jesum Christum. Mirandum est quomodo unus tot simul officia compleverit, tam varia præsertim infirmitate vexatus. Fortissimos quosque, et recenti adhuc conversatione prævalidos in jejuniis vigiliisque, impar viribus, pari lege comitatus est. Infirmos ipse infirmior visitavit; refrigeria animarum simul providit et corporum; et ne quid cuiquam minus fuisset impensum, animo semper recurrerebat: hic alget, hic <sup>f</sup> cogitat: illi labor gravis est; huic hæc esca non convenit: ille ab alio læsus est; grave est quod hic intulit, nec minus grave quod iste sensit <sup>g</sup>. Grandi instantia opus est ut offensa gratiam consequatur, et hic sibi illatas contumelias aut leves aut nullas computet; hic autem se gravissimas intulisse suspiret. Hæc illi iugis opera, iugis intentio erat, levigare omnibus jugum Christi, et quidquid diabolus injecisset, avertere, discusso culparum nubo, gratiarum serena revocare, amorem Christi et proximorum amando inserere, et mentes omnium

A tamquam suum pectus excolere; innovare gaudia, et ad Christi semper desiderium tamquam primo conversionis die inardescere.

19. Hinc illud erat quod <sup>h</sup> omnis congregatio illa divinæ cupida servitutis, ad nomen ipsius ex diversa terrarum parte collecta, tam moribus quam linguis dissona, in illius amorem conspirabat. Omnes dominum, omnes patrem vocabant, in illo sibi patriam, <sup>i</sup> propinquos, et omnia simul reddita computantes. Didicerant omnes, ipso sibi compatiante, dolores illius suos computare, ut non immerito egregius et in Christo beatissimus vir Salvianus presbyter charorum suorum unus in scriptis suis dixerit, quod <sup>j</sup> sicut cœli faciem pro sua sol aut obscuritate, aut serenitate mutaret, ita congregatio illa cœlum sitiens et cœlestibus studiis mancipata ab ipso vel nubila, vel serenitatem mentium, quasi peculiari in Christo Sole, susciperet, <sup>k</sup> ipsoque et afflicto affligeretur, et respirante revaleretur. Hinc illa erat, et adhuc orationibus suis <sup>l</sup> permanet diffusa in monasterio suo sancti Spiritus gratia, tanti doctoris et exemplo et admonitione firmata in variis charismatum donis, in humilitate et mansuetudine, in charitate non ficta, et una capitis gloria <sup>m</sup> in diversitate membrorum.

20. Magna illi inter hæc in advenas et hospites cura. Quis enim illum aliquando præteriret? Quis non quamlibet prosperam navigationem, <sup>n</sup> quoslibet suaves ventos mox per tanti viri desiderium, commodi sui contemptor abrupit? aut si insulam tenere non licuit, violentum secundæ navigationis obsequium, acerbissimam tempestatem computavit. Nemo illuc non festinus accessit; nemo illic moras suas sensit; nemo illinc non securissimus solvit, prosequente ipso amore, sumptibus, votis, et tunc primum agnitos tamquam dudum suos emittebat. In squalore eremi delicias <sup>o</sup> conspectu suo ministrabat, cum tanto omnes gaudio et amore suscipiens, tamquam expectasset: aderat præterea munificentiae animo par substantia, pari fide ministrata. Nam qui libenter audierat: *Vende omnia tua, et da pauperibus, et veni, sequere me* (Matth. xix, 21); huic libentissime unusquisque, si quid misericordiæ animo devoverat, dispensandum ingerebat; securus illi sua cuncta committens, cujus in relinquendis omnibus secutus fuerat exemplum. Hinc ad eum frequens ille ex diversarum regionum

<sup>a</sup> Quesn., ex ms. Arel., *Medetur enim singulis plusquam sibi singulo*. Magis placuit lectio aliorum editorum, quæ item est codd. Vat., Reg., et videtur explicare verbum *fructificat*, quatenus Honoratus ex miseratione pluribus impensa metet plus gloriæ, quam singuli, qui ejus opere salutem consequuntur.

<sup>b</sup> Cod. Vat. Reg., 1025, *unam illius gloriam struit*.

<sup>c</sup> Ita Salinas. Quesn., *hunc palam, illum severus, hunc blandus*.

<sup>d</sup> Melior hæc lectio Salinas, qui mss. Vatt. Reg., usus est. Quesn., *quam singulorum mentes mente gestaret: quanta præterea pietatis dispensatione providit*.

<sup>e</sup> Quesn., *patrum*.

<sup>f</sup> Ita Arel. et alii codd. ac Boll. In Surio et Barali, *ægrota*, minus bene.

<sup>g</sup> Salinas addit, *injuriā*; et mox præfert singulari numero, *illatam contumeliā*, et sic deinceps alia.

<sup>h</sup> Ex eodem adjecimus, *omnis*.

<sup>i</sup> Quesn. addit, *vel*.

<sup>j</sup> Salinas, *sicut sol cœli faciem pro sua sola aut obscuritate*, etc.

<sup>k</sup> Boll., *ipsoque congruo congrueret, inspirante revaleretur*.

<sup>l</sup> Ita cum Boll. utrique codd. Vat. Reg. Apud Ques. vero: *Permanet in monasterio suo Spiritus sancti*, etc.

<sup>m</sup> Sic Vat. Reg. 1025, et plerique editi. Quesn., in divisione.

<sup>n</sup> Salinas ex eodem Vat. Reg., et quamlibet secundos ventos haud pro tanti viri desiderio, commodi sui contemptor, abnuñt? Boll. pro haud habet aut.

<sup>o</sup> In Quesn. omissæ voces, *conspectu suo*.



<sup>a</sup> vastitate concursus. Et vere is ille erat qui, non ut parvus dispensator aut timidus, <sup>b</sup> respectu sibi creditæ et crescentis quotidie congregationis aliqua tribueret, plura servaret. <sup>c</sup> Sed quid quotidie in alieno non faceret, quod in suo semel fecerat? Hoc est, nihil sibi, nihil suis præter præsentium dierum victum et <sup>d</sup> vestitum reservabat.

21. Exhausta est aliquando dispensationis substantia, fides numquam. Quadam enim vice cum unum jam ex multis millibus aureum nummum <sup>e</sup> proflua ad munificentiam arca retineret, hunc ipsum, etiam in multarum rerum defectu, constantissime prætereunti pauperi dedit, et <sup>f</sup> me atque aliis astantibus dixit: *Certum est jam appropinquare* <sup>g</sup> *qui deferat, si non habet munificentia nostra quod proferat.* Vix trium aut quatuor horarum spatium, die fluente, transierat, et continuo qui <sup>h</sup> verbis suis fidem faceret, occurrit. O felix munificentia, cui fides ministravit! O felix fides, cui munificentia numquam moram fecit! Et vere quantum fides sua <sup>i</sup> suppeditabat, dispensare sua tantum manu non occurrit. Plurimos multis locis probatissimos viros habuit, quorum semper manibus, quod sibi deferebatur, expenderet. Sic unius dispensatoris gratia, dispensatores multos habebat, et fides sua, quasi communis quidam fons, et dantibus et accipientibus plurimis profluebat. Nullius <sup>j</sup> angustie ad ipsum pervenerunt, quæ ultra ipsum protenderentur, aut non in ipso metam reperirent.

22. Nunc jam ad illum certatim, ut putabat, aut certe ut optabat, latentem undique litterarum officia perlata sunt, quibus ille quam novis affectibus variata reddebat, quam gravia, quam blanda, quam dulcia! Unde pulcherrime splendidus mundo, splendidior Christo æmulus virtutis suæ beatus Eucherius cum ab eremo in tabulis, ut assolet, cera illitis, in proxima ab ipso degens insula, litteras ejus suscepisset: *Mel, inquit, suum ceris reddidisti.* Quis itaque non beatum se, beatam domum, beata scrinia sua credidit, in parvo ex ore ipsius munere magna benedictione ditatus? Et sane tantum in scriptis illius salis, tantum dulcedinis erat, ut non scriniis aut armariis, sed arca pectoris condi mererentur. Inde est quod plurimi ea inscripta sensibus ferunt, et libentissime ad testimonium amoris sui <sup>k</sup> proferunt. Denique quis umquam tantum sibi amicorum præsen-

tibus illigavit officiis, quantos ille, qui se diligenter et avidissime desiderarent, habuit ignotos?

## CAPUT V.

*S. Hilarius Honorati adhortationibus convertitur, Gratiae Christi efficacia in Hilario.*

23. Interea ego dum <sup>l</sup> multam ejus in omnes gratiam memoro, in me infinitam curam prætermitto: cum ipsius utique mihi cura non minus in Christo salutis attulerit, quam amor inter vos ornamenti et <sup>m</sup> amoris reliquit. Mei enim gratia, quod ad meritum suum et judicium meum pertinet, patriam quam fastidierat non dedignatur accedere; nec refugit laborem <sup>n</sup> tam longi itineris, suis præcipue multis jamdudum infirmitatibus gravem; <sup>o</sup> meque illic jam in illis annis nimis amicum sæculo et contumacem Deo, ut seductor et verax ad amorem Christi blanda manu tentat. Longum est intromittere illam in exhortationibus ingenii sui violentiam, in quibus cum jam ante propositum acerrimos sibimetipsi <sup>p</sup> ad conversionem stimulos admoveere potuisset, haustis diu sapientiæ fontibus multipliciter diffundebatur. Sed cum parum in aures meas pietatis illius verba descenderent, ad solita orationis præsidia convertitur <sup>q</sup> et affectus sui clamor repul-us duritia mea piissimas Dei <sup>r</sup> u-que ad misericordiam pulsavit ac penetravit aures. Et vere obluctanti mihi, et per sæcularem illam nimis periculosam consuetudinem obstinationem interdum meam sacramento obstringenti, prophetico, ut ita dicam, spiritu ante <sup>s</sup> promiserat: *Hoc, inquit, quod mihi tu non præstas, Deus præstat.* <sup>C</sup> Et o quamdiu emollire duritiam meam nisus est imbre lacrymarum! quam piis mecum pro salute mea osculis amplexibusque certavit! ad præsens tamen, ut ille ait, vici <sup>t</sup> pessima victoria. Exagitandum me illinc et edomandum dextera Dei suscepit; illi enim me oratione tradiderat. Qui tunc in corde meo fluctus! Quæ tempestates diversarum et inter se compugnantium voluntatum excitatæ sunt! Quotiens sibi in animo meo velle et nolle successit! Et quid plura? Absente illo partes in me suas Christus exsequitur: <sup>u</sup> post biduum orationibus suis per miserationem Dei mea contumacia subjugatur. Fugaverat enim somnum cogitatio, et invitante me pio Domino, totus eminus cum voluptatibus suis mundus astabat. Quid expetendum, quid relinquendum <sup>v</sup> suaderetur, animus mecum

<sup>D</sup> sit illic. Codicum et aliorum edit. lectionem secuti sumus.

<sup>p</sup> Quesn., ad conversationem suam stimulos amovere.

<sup>q</sup> Vat. Reg. 1025, et ita de fructu sui laboris pulsus duritia mea.

<sup>r</sup> Ita cum quibusdam editis codd. Vat. Reg., Quesn., usque ad misericordes.

<sup>s</sup> Salinas addit jam.

<sup>t</sup> Quesn., pessimam victoriam. Mox, pro Exagitandum, Salinas, Sed agitandum.

<sup>u</sup> Sic cum Quesn. codex Vat. Reg. 645. Salinas et Boll. cum alio Vat., Reg., post triduum.

<sup>v</sup> In Vita S. Hilarii, c. 4, ubi hoc testimonium profertur, legimus, videretur. Salinas omittit, quid expetendum, pro quibus in Vita laudata, quid appetendum.

<sup>a</sup> Apud eundem, captivitate, minus bene.

<sup>b</sup> Salinas, respector.

<sup>c</sup> Ita Boll. et Salinas. Quesn., sed qui quotidie.

<sup>d</sup> Quidam editi, vestimentum reservaret.

<sup>e</sup> Lirin. cod., prona.

<sup>f</sup> Al., mihi.

<sup>g</sup> Quesn. addit, Christum.

<sup>h</sup> Cum Salinas adjecimus verbis ex utrisque mss. Vat. Reg.

<sup>i</sup> Al., suppetebat.

<sup>j</sup> Salinas addit, pene.

<sup>k</sup> Quesn., perferunt. Postea Salinas, tantos sibi amicos.

<sup>l</sup> Salinas, multimodam.

<sup>m</sup> Idem, honoris.

<sup>n</sup> Idem, tanti itineris.

<sup>o</sup> Quesn., præmisso puncto, inseruit Venit, et omi-



meus, tamquam collatis apud amicum tractatibus, ventilabat. Gratias tibi, Jesu bone, gratias, qui dirupisti vincula mea, famuli tui Honorati pia supplicatione permotus, et injecisti mihi vincula amoris tui, quibus si tenear, numquam peccati vincula revalescent. Occurro itaque subditus, qui superbus abscesseram, et omni contradictione deposita novus precatore accedo. Sic, sic sancti oratio fugitivos suos reducit, sic contumaces subjugat, sic expugnat rebelles.

24. Jam quibus ille tunc lacrymis ariditatem meam <sup>a</sup> irroravit, quam pio fletu me quoque traxit in lacrymas! Tali me humilitate et blandimento, tamquam si ipse a me exciperetur, excepit. Ablata est illico causa remorandi. Tunc primum illam <sup>b</sup> patriam, quam fugiendam dudum crediderat, agnovit. Educit me secum, suam prædam; gaudet, triumphat, exultat. Eremita me jam tamen exemplo suo secreti cupidum festinat includere. Alit primum lacte, et postmodum cibo. Potat etiam profluo illo, qui in se erat, cœlestis fonte sapientiæ. Atque utinam tantum angustiae spiritus mei recepissent, quantum ille <sup>c</sup> studuit infundere! Præparasset me profecto vobis, et desiderio vestro dignum dedisset; <sup>d</sup> et successorem sibi idoneum nesciens erudisset. <sup>e</sup> Jam vero illam sui in omnes profluam charitatem, quod sine invidia dixerim, quantum in me adjecerat, et leve illud Christi jugum quantum mihi levius blandimentis suis fecerat! <sup>f</sup> Quoties me mentem suam, quoties animam, quoties linguam suam nominabat! Quam impatiens absentiae, quam semper indignissimi conspectus mei cupidus erat! Quid de his omnibus dicam, nisi illud propheticum, quod Dominus ei retribuit pro me?

#### CAPUT VI.

*Honoratus fit episcopus et episcopaliter vivit. — Eleemosynæ mortuorum refrigeria.*

25. Interea, dilectissimi, strictim contingens potius cuncta quam referens, de solertissimo pastore vestro ea quæ aliis potius quam vobis erant nota <sup>g</sup> replicavi. Sacerdotium quippe suum in Ecclesia hac nomine auctum vidimus; sanctimonia vero et actibus jam prius summum. Sed unde illud, quæso, quod tam e longinquo tam ignotus expetatur? Quis illam absentis nec prius visi gratiam vestris pectoribus

<sup>a</sup> Ita Boll., Salin. et utrique codd. Vat. Reg. Quesnellus, irrigavit.

<sup>b</sup> Salinas addit, *esse*. Honoratus et Hilarius ejusdem erant patriæ.

<sup>c</sup> Salinas, studebat.

<sup>d</sup> In Quesn. sex voces sequentes desunt, quas ex aliis edit. et mss. supplevimus.

<sup>e</sup> Salinas sic: *Jam vero proflua illius in omnes charitas, quod sine invidia*, etc. Paulo post adjecimus illud ex eodem Salinas.

<sup>f</sup> Ita idem Salinas. Quesnellus vero: *Quoties mentem meam, quoties animum, quoties linguam nominabat!*

<sup>g</sup> Quesn., *refricari*; forte typographorum lapsu, pro *refricavi*.

<sup>h</sup> Quesn. legit, *propemodum vultus immutabilis erat*, renitentibus cæteris editis, ac Vat. Reg. codicibus.

A affixit? Quis illud desiderium suscitavit, ut orbatu his quibus a Domino apud eremum indultus erat, vobis nasceretur? Ille utique qui cuncta dispensat; ille qui eum et patriæ suæ, quamdiu congruum videbat, indulsit, et per maria et per terras ad utilitatem videntium hanc tantam cultoris sui gratiam circumegit.

26. In summa ex illo brevi quo vobis inductus est tempore, facile metiri datur, quid plus de illo in his, quid minus dixerō. Vidistis enim, dilectissimi, illam sollicitudinis vigilantiam, illud disciplinæ studium, illas pietatis lacrymas, illam jugem ac perpetuam mentis serenitatem, cujus <sup>k</sup> testimonium vultus immutabilis erat. Audistis quoque os illud congruens vitæ, <sup>i</sup> in quo erat consentanea puritas pectoris, B sermonis luculentia. Vidistis illam latitudinem charitatis, quæ tanta in illo fuit, ut non immerito de illo sanctus idem, cujus proximam sententiam protuli, dixerit: quod si arbitrio suo charitas ipsa <sup>j</sup> exprimenda esset, in vultum Honorati potissimum pingi debere videretur. Quis itaque illum umquam sufficienter vidisse sibi visus est? Cui non loco omnium affectuum fuit? Quis ita blandimentum cum severitate conjunxit? Quis ita mixtam <sup>k</sup> hilaritate disciplinam propinavit? Quem non cum ipsius gaudio, qui corrigebatur, correxit? Quando lætitia illius quidquam lasciviæ redolens? Quando tristitia non salubris? Quando gemitus, nisi de peccati alieni mœrore descendens? Quis eum non auctiorem invenit quam prius viderat? Semper in summitate virtutum positus, C semper quo crescere posset invenit.

27. Jam vero sub exhortatione ipsius, quis anxius non dolorem suum sprexit? Quis feris moribus non insaniam suam exsecratus est? Quis arrogans non plusquam omnes superbiam ipse suam abominatus est? Quis lascivus luxuriam non detestatus est? Et quid plura? *Omnibus omnia*, ut Apostolus ait, *factus* (1 Cor. ix, 22), communis omnium medicina erat. Nullam pene gratiam non in se tam plenam habuit, ut ipsam specialiter excolere et possidere tamquam unicam putaretur. In nullo vitæ ordine non ita vigit, ut <sup>l</sup> ipsi specialiter aptus videretur.

28. Denique ut primum <sup>m</sup> Ecclesiæ hujus Arelatensis regimen accepit, prima ei cura concordiae fuit, et præcipuus labor <sup>n</sup> fraternitatem calentibus adhuc

<sup>i</sup> Ita cum Quesn. et Salinas cod. Vat. Reg. 645. Boll. cum aliis, *in quo erat conscientia aurificati pectoris*.

<sup>j</sup> Salin., *exprimenda esset in vultum, Honorati potissimum pingi debere vultu videretur*.

<sup>k</sup> Ita melius Salin. cum plerisque editis et uno Vat. Reg. Quesnellus, *lætitiae*. Paulo post idem Salin., *cum ipsius, qui corrigebatur, voluptate correxit*.

<sup>l</sup> Quesn., *ipsis*.

<sup>m</sup> Salinas addit *sanctæ*, et omittit *Arelatensis*, quam tamen vocem in uno ms. Vat. Reg. reperiri notavit.

<sup>n</sup> Salinas, *fraternitatis*, et post pauca, *dissidentes*. Postea, *de assumendo episcopatu*, erat apud Quesn. Magis placuit lectio Salinas, cum studia dissidentium de quibus hic sermo est, excitata fuerint occasione eligendi episcopum successorem Patrocli, qui anno



de assumendo episcopo studiis dissidentem mutuo amore connectere. Tamquam probatus Israelis agitator, probe noverat non facile quidquam discordantibus imperari. Studebat præterea amore potius regere quam terrore dominari : ut voluntaria magis quam coacta correctio hunc quoque subditis adjiceret ornatum, ne ad officium suum compulsi <sup>a</sup> viderentur. Confestim itaque exclusa discordia illi, quæ est omnium virtutum mater, charitati locum præbuit. Floruit igitur <sup>b</sup> sub ipso Christi Ecclesia, sicuti monasterium ante floruerat. Crevit gratiis, decrevit metallis; ingressa videlicet disciplina, <sup>c</sup> domo sua tamquam domo Dominica mammona iniquitatis exclusit; et quæ otiosæ diu congestæ fuerant, dignis tandem usibus deputavit; dudum defunctis thesauros suos misit : iterumque, qui obtulerant, oblationum suarum refrigeria senserunt. Hoc solum quod ministerio suo sufficiens erat reservavit. Sed si exegisset usus, nec ministerio, ut reor, pepercisset. Alieni temporis vota dispensationem suam fecit.

## CAPUT VII.

*Honorati morbus, obitus, sepultura. — Sancti in cælo pro mortalibus orant.*

29. Operari etiam inter extrema non destitit. Multos in lectulo suo verbi dispensatione ditavit. Sed quamdiu illum lectus tenuit, cui superare etiam vicinas <sup>d</sup> morti lassitudines jam in consuetudinem venerat? Ultimum, doloribus jam reluctantibus, Epiphaniarum die in ecclesia sermonem habuit : nesciens umquam colluctante cum infirmitatibus fide, dolori magis corporis quam spiritus fervori acquiescere, servivit desideriis vestris supra suas vires. Non illum siquidem aliqua extrinsecus superveniens ægritudo, non subitus febrium æstus absorbit; sed diu dilata infirmitas, nimio dudum propositi rigore contracta, et adhuc remissioni parum acquiescendo ingravescens, octavo eum vel nono die <sup>e</sup> a solemnitate prædicta, paulatim attenuando confecit. Vix quatri-duo tamen nobis suam in officiis charitatis deditis præsentiam denegavit, timens utique ne suos vicinia transitus sui contristaret. Nulli umquam gravis inter gravissimas ægritudines fuit. Nulli, ut assolet, ullum infirmitates suæ horrorem intulerunt. Et quidem hoc ordine illud sancti Spiritus <sup>f</sup> habitaculum conquievit.

30. Cæterum impollutæ illius mentis vigorem in-

credibile est quam integrum usque in extrema servaverit. <sup>g</sup> Ac primum semper uberrime consolatus est suos, ac nihil magis timuit quam ne diutina desperatione conficerentur; intelligens pene facilius ferri extrema quam dubia. Absternit semper sermone condito circumstantium lacrymas, quas tamen quo magis <sup>h</sup> absternit irritavit. Inde graviores suo dolore nostrum computabat. Non facile quisquam tam forti pectore inter quælibet aspera et dura <sup>i</sup> toleratu, nec optavit aliquando mortem nec expavit. Nam is quem vivere inter quælibet gravia in Christi servitute non piguit, ad novam vitam per communem illam novæ vitæ januam transire non timuit. Præmeditata enim illi ultima hominum necessitas, non repentina advenerat. Itaque sub ipso jam finis aspectu, tamquam emigraret, tamquam valediceret, ne quid imperfectum dereliqueret, ne quid minus plene quam proposuerat ordinaret, interrogare singulos nostrum, et ad suggerendum, si quid memoriam suam subterfugisset, hortari. Omnia interim subscriptione firmare, et parentes nos fatigationi suæ ad omnia quæ agenda erant cogere; cogere autem blando illo, sicut semper, imperio.

31. Quadam autem vice cum comprimere lacrymarum mearum tempestatem et abruptere rivos fletuum laborarem : Quid, inquit, flet? inevitabilem humani generis necessitatem? Imparatum ergo te invenire meus transitus debuit, cum me non invenerit imparatum? Cumque ego <sup>j</sup> impedita singultibus utcumque poteram verbis ipsius verba subnecterem, quod jam non destitutionem <sup>k</sup> meam dolerem, quippe qui mihi orationum suarum patrocina numquam defutura confiderem, quin et post transitum suum validiora præsumerem, uno me dolorum suorum vulnere et difficilium inter extrema luctaminum graviter affligi. Et quid ego, inquit, minimus omnium fero ad ea quæ sanctorum plurimi in supremis suis acerbissima pertulerunt? Et commemoratis aliquot, adjecit, quod credo alicubi legerat : Magni, inquit, viri multa patiuntur, et ut alios pati doceant, nati sunt in exemplum.

32. Confluentibus autem ad se potestatibus, præfecto et præfectoriis viris, quam serventia sub mortali jam frigore mandata deprompsit, ab ipso exitu suo sumens acerrimum exhortationis exordium. Et dignum plane erat ut qui vitæ semper exempla præ-

426 occisus fuerat, aut potius Euladii, qui in vetusto diptycho Arelatensi apud Mabillonium in Analectis inter Patroclum et Honoratum recensetur. Cum vero certum sit Honoratum electum fuisse episcopum labente an. 426 vel ineunte an. 427, Euladius paucis mensibus episcopatu potitus agnoscitur.

<sup>a</sup> Salinas, putarentur.

<sup>b</sup> Ita Salinas, Quesn., sub illo.

<sup>c</sup> Quinque sequentes voces a Quesnello omissas ex aliis editis et mss. Vat. Reg. revocavimus. Mammona iniquitatis hic notata respicit pecunias quas Patroclus, Honorati prædecessor, qui paulo ante fuerat occisus, infami mercatu sacerdotia venditando, ut ait Prosper Tiro in Chronico, congesserat.

<sup>d</sup> Salinas, mortis; et post pauca, conflictante pro colluctante.

<sup>e</sup> Uno igitur, vel altero die prius obiit, quam in

D martyrologio Romano notatur, inquit Quesnellus in margine. Sed dies depositionis pro die obitus in Martyrologiis nonnumquam signatur.

<sup>f</sup> Salinas, receptaculum.

<sup>g</sup> Quesn., Aut primum. Dein Salinas, ne diutina nos desperatione conficeret.

<sup>h</sup> Ita melius ex Salinas. Quesnellus, abstergit, irritat. Graviorem sui dolorem, nostrum computabat.

<sup>i</sup> Ita Vat. Reg. 645 cum Salinas. Editi antiquiores, diu tolerata. Quesn., dura toleravit. Paulo post apud Salinas : Nam quem vivere inter quamlibet gravia.

<sup>j</sup> Codd. inquit Bollandus, indita, sicut et in Vat. Reg. 1025. Mox cum editis et mss. adjecimus vocem ipsius a Quesn. omissam.

<sup>k</sup> Ita melius Vat. Reg. 645 cum editis, excepto Quesnello, qui ejus prætulit.



luerat, etiam mortem suam in exemplum advocaret. Videtis, inquit, quam fragile habitemus hospitium. Quolibet vivendo ascenderimus, illinc morte detrahemur. Ab hac necessitate neminem honores, <sup>a</sup> nullum thesauri redimunt. Hæc justis et injustis, hæc potentibus et humilibus communis est. Magnas Christo debemus gratias, qui morte et resurrectione propria mortem nostram spe resurrectionis animavit, æternam vitam offerens, <sup>b</sup> discusso æternæ mortis horrore. Sic ergo vitam agite, ne vitæ extrema timeatis; et hoc quod mortem appellamus, quasi commigrationem expectate. Mors pœna non est, si non ad supplicia deducit. Dura quidem est carnis animæque divulsio; sed multo durius in gehennæ flammis erit carnis animæque consortium; nisi in omni vita generositatem suam spiritus recognoscens, bellum corpori, et corporalibus vitiis certamen indixerit, et felici discretus <sup>c</sup> a carnis colluvione divortio, æternæ paci impollutam servet utramque substantiam, illic feliciter copulandam, ubi exultabunt sancti in gloria et lætabuntur in cubilibus suis, <sup>d</sup> hoc est in corporibus tamquam in receptaculis suis; cum ea quæ justitiæ dedicaverant membra socialia, tamquam consueta hospitia <sup>e</sup> recognoscent. Hoc itaque agite: nunc vobis Honoratus vester hæreditatem relinquit: supremo halitu suo ad hæreditatem vos regni cælestis invitat. Nullus nimium mundi hujus amore teneatur. Optimum est ut voluntate fastidias, quo te vides necessitate cariturum. Nemo opibus diffluat, nullus pecuniæ inserviat, neminem vana divitiarum pompa corrumpat. Scelus est pretium salutis in materiam perditionis assumere, et <sup>f</sup> illo capi quemquam, quo redimi potest. Plus interea vultu, plus oculis, plus emicante in cælum sensu monebat. Impar est quidem ignito sermoni suo sermo referentis; sed non minus imparia spiritui suo verba erant monentis. Tali itaque exhortatione et insolito quodam <sup>g</sup> motu oratione profusa, inusitatum quoddam munus benedictionis impendit.

33. Deficiente membrorum ministerio, nova semper mentis gratia pullulabat. Ordinatis itaque omnibus (neque enim multa in actibus suis minus plena restabant), cum omnes charos <sup>h</sup> suos mente percurreret, quantos nominatim proferre lassitudo non vetuit, missa per eos qui astabant salutatione ditavit. Mihi vero in aurem, <sup>i</sup> Excusa, inquit, sancto illi

A fieri non potuisse quod voluit. Magna et admiranda solertia, inter graves illas mortis angustias providisse, ne cujus tristitiam non, quantum in se erat, abstergeret: ne quid certe inexcusatum relinqueret. Quid illud, quæso, quod cum omnes suos quos ad hanc urbem amor suus traxerat, utique inter peregrina desereret, nullum ulli redditum, nullam societatem commendavit, non loca vivendi certa distribuit: tamquam vere præsciens nullam suorum dispersionem futuram, nisi eorum qui jam et se superstitie animi definitione migrassent? et vere non facile quemquam a societate nostra abesse novimus, nisi quem i abfuturum ipse præmonuit, qui aut chariorem conspectu suo patriam, aut graviolem senserat disciplinam. Interea gravior illum somnus urgebat; B quem cum interdum pavidi interpellaremus: Miror, inquit, in tam gravi mea lassitudine, post tam longa insomnia quæ præcesserunt, gravem vobis incum somnum videri. Et cum, suspectis omnibus, sedere eum in ultimo diutius <sup>k</sup> perhiberemus, joculari, ut erat solitus, blandimento et consuetudinaria mentis serenitate respondit: quod molestos nos in hac sollicitudinis parte pateretur. Ita pene ante vita <sup>l</sup> ejus quam dulcedo consumpta est.

34. Somno deinde ultimo exceptus, in mortis quietem dormiens transiit sine ullo, <sup>m</sup> ut se habent suprema, luctamine. Nullas difficiles obitus moras sensit. Angelicis choris anima illa sancta, generosa, sincera, et ab omni contactu mundi incontaminata suscipitur. Multorum interea variis visionibus somnus incutitur, quarum tamen una omnium facies erat, quod scilicet sancto illi occurrerent officia sanctorum. Et vere illico in eodem mediæ noctis puncto ecclesiam in occursum sancti corporis conventus implevit, ut nonnisi angelicis nuntiis suscitatus putaretur. Relinquitur vegetatum semper spiritu, plenum gratiæ corpus exanime: integrum siquidem vultus decorem facies omnibus grata <sup>n</sup> servabat. Probe vos ista nostis, et multo plenius vobis quam sermo sufficit animorum meditatione describitis.

35. Neque ullus non magno sibi damno affici visus est, si conspectu corporis <sup>o</sup> ejus caruit, si non, ut quemque aut reverentia aut amor suaserat, osculum aut ori aut quibuscumque membris <sup>p</sup> ipsius impres-

<sup>a</sup> Ita cum Quesn. idem cod. Vat. Reg. Alii editi cum alio Vat. Reg., 1025. neminem divitiæ liberant.

<sup>b</sup> Quatuor subsequentes voces desunt in editis ante Quesn., sed reperiuntur in utrisque Vat. Reg.

<sup>c</sup> Ita editi cum mss. Solus Quesn., a carnali.

<sup>d</sup> Deerant in Quesn. voces, hoc est in corporibus, quas ex cæteris editis et mss. revocavimus.

<sup>e</sup> Quesn., cognoscent.

<sup>f</sup> Idem Quesn., in illo.

<sup>g</sup> Ita Arel., Lirin., Sur., Quesn. et Salinas cum uno Vat. Reg. Apud Boll. et in alio Vat. Reg., nutu.

<sup>h</sup> Quesn. omisit suos.

<sup>i</sup> Quesn. sic: Exclusa, inquit, sunt; sic sancto illi fieri non licuisset. Quod voluit cognovi. Magna, etc.; ac notavit ita legi in mss. Arel. et Lirin., nisi quod in hoc postremo una serie, quasi verba Hilarii sint, habetur: Sic sancto illi fieri non licuisset quod voluit,

D cognovi. Prætulimus lectionem Boll. et Salinas utrisque mss. Vat. Reg. confirmatam, quippe quæ sequentibus magis videtur congruere. Sancto ill. scribendum fuerat, ubi ill. loco proprii nominis positum fuit ab Hilario, cum proprium nomen sibi ab Honorato significatum reticendum credidit.

<sup>j</sup> Quesn., futurum.

<sup>k</sup> Ita Quesn. cum uno Arel. et alio Vat. Reg. Al., prohiberemus.

<sup>l</sup> Quesn., sua.

<sup>m</sup> Ita Salinas. Quesn., ut sese habent extremo luctamine.

<sup>n</sup> Salin., servavit. Mox ista reposuimus ex Salinas pro ita, quod Quesn. prætulit.

<sup>o</sup> Quesn., sui.

<sup>p</sup> Quesn. omittit ipsius. Post pauca, Boll. et Salinas cum duobus mss. Vat. Reg., omissis in quo, sic



sit, aut feretro in quo sanctum illud corpus magis a fidei ambitione vestitum erat, majore postmodum, dum sepulcro admoventur, pene nudatum. Nec enim pepercit sanctificatis amictu suo pallis fides, quæ pretiosissimi muneris loco habuit aliquam velaminum illius simbriam decerpisse. Certavit in exsequiis illius vester affectus. Refecistis in funere suo latentem adhuc inter vos peregrinationem meam. Pavistis me tam effusa in ipsum animi charitate. Quem enim illo die sua tecta tenuerunt? Aut quem non tanquam peculiari luctu obrutum basilicæ huic nœnia hujus urbis dederunt? Pro magno munere habitum est lecticæ manum admovisse, aut cervicem subjecisse. Vidistis non sine vestra gloria gloriam suam: nam et illa exequiarum religio, fidei devotio erat, et tam lætum erat habuisse talem, quam grave talem amisisse. Nec parum fiduciæ dat sepulcri sui gratia: nam ejus ossa condidimus, in cœlo utique patrocinia præsumimus. Prækata tunc ante feretrum ipsius aromata et incensum vidimus; sed majora de vestris mentibus Deus, in tanto erga tantum pastorem affectu vestro, odora menta suscepit. Præsultavit in gloria sua Dei gloria, et in dissonis diversarum linguarum choris amor consonus.

## CAPUT VIII.

*Hilarius successor Honorati, ejus consanguineus. — Invocatur Honoratus uti patronus.*

56. Pius Dominus, qui stimulando animos vestros ad electionem parvitatæ meæ, dedit ne a sepulcro illius longius abessem, illud etiam vobis orantibus dabit ne a viis ejus longe recedam: sed ut quid illud egisse cognovero, id sine exploratione aliqua, aut disceptatione factorum agere festinem. Vobis enim me, ut video, jam tunc per illum Deus genuit. Vobis licet indignum præparavit. Vobis ille me nesciens tanto labore quæsit. Vobis tam propensa sollicitudine et cura utcumque erudit, quærens in me fidei, sicut sanguinis sui venam. Vobis me tanto labore per litteras, tanto per excursus suum ambitu, ab insula, cui me derelictis episcopatus sui principiis secreti amore reddideram (non audeo dicere, nesciens) fortasse præscius, amovere satagebat, uti juxta sepulcri sui sedem in amore vestro patriam collocaret. Sed quid agimus, quod immaturum me maturo excessu tradidit? Non est nostrum secretum æterni Regis in ullo vel leviter

habent: Sanctum illud corpus magna fidei ambitione vestitum est; majore fide postmodum, dum sepulcro admoventur, pene nudatum,

<sup>a</sup> Salinas, de velaminibus.

<sup>b</sup> Ita ex eodem Salin., melius quam apud Quesn., aut humerum.

<sup>c</sup> In exsequiis Venantii Methonæ, Hebræi, Græci et Latini sua quique lingua psalmos cecinisse traduntur in hoc ipso sermone n. 14, et similiter in exsequiis S. Hilarii Arelatensis auctoris Vitæ ejus, quam supra edidimus, c. 22, prodidit: *Hebræam concinentium linguam in exsequiis honorandis audisse me recolo.*

<sup>d</sup> Apud Quesn., minus recte, ni fallimur, *recedam*. Sed et quidquid illum egisse cognovero, id sine exemplo, vel ratione aliqua, aut disceptatione. Aliorum edit. actionem secuti sumus.

culpæ judicium: non facile senerat<sup>b</sup> quid amississet boni, si redintegratum vobis bonum vestrum fuisset.

57. O magna et inclyta, Honorate, tua gloria! Non indignum meritum tuum signis probari; ipsa enim conversatio tua plena virtutibus et admirationis novitate præcelsa, perpetuum quoddam signum ministravit. Multa quidem tibi divinitus indulta novimus quicumque propius assistebarum; sed in his tu minimam partem computabas, majusque tibi gaudium erat quod merita et virtutes tuas Christus scriberet, quam quod signa homines notarent. Et tamen quod esse majus signum virtutis potest, quam signa fugere et occultare virtutes? Et vere tam familiaris quodammodo oratio tua Christi auribus erat, ut benixissimis precibus impetratum putem ne virtutem tuam signa clamarent. Habet et pax martyres suos; Christi enim tu perpetuus, quamdiu in corpore moratus es, testis fuisti. Illud etiam stupendum quod adolescentiæ tuæ robur perpetuo abstinentiæ rigore tenuatum, et in illam quam vidimus aspectus, licet decore servato, exilitatem redactum crux utique quotidiana consumpsit: quam tamen semper sine ulla notabili superstitione servasti, omnes semper nimietates, et cognatum nimietatibus gloriæ fugiens appetitum. Numquam in tuo ore nisi pax, nisi castitas, nisi pietas, nisi charitas. Numquam in corde nisi horum omnium fons Christus habitavit, qui tibi et per te plurimis charitatis, gaudii, pacis, longanimitatis, bonitatis, benignitatis, fidei, modestiæ, continentiæ fructus ministravit, et exuberantes in multiplicem copiam in multorum salutem et gaudia, ut non immerito illi cantaveris: *Qui timent te, videbunt me, et lætabuntur* (Psal. cxviii, 74); cui omne semper conversationis tuæ bonum ascripsisti: illud assidue tibi ac tuis ingerens: *Quid enim habes quod non accepisti? aut, si accepisti, quid gloriaris, quasi non acceperis* (I Cor. iv, 7)? Sed eo magis tuum erat vitæ tuæ bonum, quo magis tuum negabas.

58. In te commune omnium Dominum desiderantium solamen fuit. Quidam gloriantur in hujus vitæ prosperis; tu e contra in Deo exultare suadebas, resonante affectum tuum voce blandæ modulationis immurmurans: *Lætetur cor quærentium Dominum* (Ps. civ, 3). Nulla tibi umquam major quam in orationibus et psalmis voluptas. Tuis in tantum me-

<sup>a</sup> Quatuor sequentes voces forte per saltum in Quesnelli editione omissas, ex aliis editis et mss. restitimus.

<sup>f</sup> Boll., *directis*. Quesnelli lectionem ex codd. Lir. et Arel. etiam Salinas cum mss. Vat. Reg. confirmat.

<sup>g</sup> Boll., *admove*; Arel., *admovebat, uti.... collocarem*.

<sup>h</sup> Salinas, *quantum*.

<sup>i</sup> Salinas addit *signorum specie*.

<sup>j</sup> Ita Lir., Bol. et Salin. At Quesn., *exuberans... multorum*.

<sup>k</sup> Sex voces sequentes desiderat Bollandus.

<sup>l</sup> Ita Salinas cum suis codd. Quesn., *affectuum voce*.

<sup>m</sup> Al., *voluntas*.



hullis Christus insederat, ut interdum, quod exper-  
tus loquor, membris tuis placido sopore devinctis,  
illum etiam in somnis officio solito tua lingua reso-  
naret. Sæpe dormiens sanissimæ exhortationis, sæpe  
orationis affectuosissimæ verba refudisti. Agebatur  
quippe in lectulo corporis requies, mentis in Christo.  
Et quidem hæc, prout <sup>a</sup> quique adfuimus, experti  
sumus. Tu vero unica semper omnium requies,  
quam alacer, quam sæpe referebas somnia, non ali-  
quid præsagientia, neque aliqua in futurum anxietate  
sollicita, sed <sup>b</sup> irrequietis animæ desideriis exci-  
tata; martyrium scilicet, quod semper meditatione  
gestabas, credo, alludente interdum, et provocante  
cupiditatem tuam Domino, tamquam excitata in fidem  
tuam persecutione peragebas. Et vere puto neminem  
diffiteri, tibi ad martyrium <sup>c</sup> tortores, non animum,  
defuisse. Quotidianus siquidem in sincerissimis tra-  
ctatibus, <sup>d</sup> confessionis Patris, ac Filii, ac Spiritus

A sancti testis foisti. Nec facile tam exerte, tam lucide  
quisquam de Divinitatis Trinitate disseruit, cum eam  
personis distingueres, et <sup>e</sup> gloriæ æternitate ac ma-  
jestate sociares.

39. Memento itaque, amice Dei, memento jugiter  
nostri, Deo incoinquinatus assistens, canens illud  
canticum novum, et sequens Agnum quocumque va-  
dit. Tu illi pedissequus; tu nobis patronus, oratio-  
num nostrarum interpret acceptabilis, et fortis as-  
sertor, perfusus ad sepulcrum tuum alumni gregis  
preces <sup>f</sup> perfer; impetra ut conspiratione communi  
omnes simul sacerdos et populus, quæ jussisti, quæ  
docuisti, aliquatenus obtinere mereamur. <sup>g</sup> Per Do-  
minum nostrum Jesum Christum, qui te in gloriam  
suam assumpsit, atque cum Patre suo et cum Spiritu  
B sancto vivit et regnat Deus per omnia sæcula sæculorum. Amen.

<sup>a</sup> Quesn., *quisque*.

<sup>b</sup> Boll. et Sur., *inquietis animi*. Cod. Vat. Reg. 1025: *Sed inquietis animi martyrii scilicet gestabas*. At alius Vat. Reg. textus lectionem probat.

<sup>c</sup> Ita cum Quesn. et Salinas Vat. Reg. 645. Alias,

*tempus*.

<sup>d</sup> Boll., *confessione*, Arel., *confessionum*.

<sup>e</sup> Boll., *gloriam*.

<sup>f</sup> Quesn., *profer*. Salinas lectionem prætulimus.

<sup>g</sup> Hæc clausula deest in utrisque mss. Vatt. Reg.

## <sup>a</sup> EPISTOLA

S. HILARII ARELATENSIS EPISCOPI AD S. EUCHERIUM EPISCOPUM LUGDUNENSEM.

<sup>b</sup> Domino beatissimo, merito suscepto et suscipiendo et  
in Christo devinctissimo papæ Eucherio episcopo Hi-  
larius episcopus.

Cum melibellos tuos mecum relaturum præceden-  
tibus litteris indicassem, <sup>c</sup> instantiam et exactionem  
pueri quem miseris lentare nullatenus potui. <sup>d</sup> Emisi  
itaque florulenta beatitudinis tuæ opera, non parum  
anxius ne necdum <sup>e</sup> descripta tam jugiter, tam gra-  
viter, ruentibus imbribus labefactarentur. <sup>f</sup> Percurri  
ea semel tantum, universa miratus. Concedat Domi-

nus ut speciosa hæc in Christo <sup>g</sup> Instructionum no-  
strarum gloriæ tuæ opera, te in paginis tuis duce,  
aliquando <sup>h</sup> percenseam. Hoc unum precor, ne me  
diu his Instructionibus fraudari feras; sed unum me  
de juvenibus tuis, <sup>i</sup> quorum hæc eruditioni ordinasti,  
habens, eo instantius habere me hæc velis, i quo me  
magis juventutis retia premunt. Memorem te mei  
Dominus ad profectum Ecclesiæ suæ diu servet, bea-  
tissime papa.

<sup>a</sup> Hæc epistola recognita et emendata est a D. Joanne Salinas ex ms. 186 S. Crucis in Hierusalem.

<sup>b</sup> Hic titulus desiderabatur in editione Quesnelli. Supplevimus ex Bibliotheca Patrum, editionis Lugdunensis, et ex ms. S. Crucis, in quo etiam continentur libri *Institutionum* Eucherii. In hoc codice pro *devinctissimo* habetur *devictissimo*.

<sup>c</sup> Ita ex eodem ms. S. Crucis D. Salinas; cum editi præferant: *Instante exactione pueri quem miseris, lectitare nullatenus potui*.

<sup>d</sup> Libentius legerem *Remisi*. Idem Salinas.

<sup>e</sup> Ita Salin. Quesn., *scripta*.

<sup>f</sup> Desunt hæc in ms. S. Crucis usque ad *miratus*.

<sup>g</sup> Ex ista adeo brevi epistola ab Hilario scripta,

habemus egregium testimonium quo Eucherio asse-  
rantur libri duo Instructionum seu Institutionum,  
quos hic designari nemo dubitaverit, quosque innuit  
ad utrumque Eucherii filium scriptos ab eo fuisse,  
tametsi Salonium unum nominent excusi Instructio-  
num codices. QUESNELLUS.

<sup>h</sup> Sic cod. S. Crucis et ex eo Salinas. Aliæ edi-  
tiones, *persentiam*. Post pauca *Instructionibus* scri-  
psimus ex eodem ms. Al., *Institutionibus*.

<sup>i</sup> Secuti sumus lectionem Salinas ex eodem co-  
dice. Al., *quos hac eruditione ornasti*. Post nonnulla  
adjecimus *hæc* cum laudato codice.

D <sup>j</sup> Idem cod., *avi senium juventæ imperitia premit*.



# SANCTI HILARII

## ARELATENSIS EPISCOPI

# OPUSCULA DUBIA.

### SERMO SEU NARRATIO DE MIRACULO S. GENESII

MARTYRIS ARELATENSIS.

(Ex Surio die 25 Augusti.)

Opera Dei narrare honorificum est : ergo operæ A pretium est miracula dicti operis ad S. martyris Genesii gloriam referenda narrare. Natalis enim ipsius die frequens ille in civitate Arelatensi casus, pontis abrupti periculo, urbem totam nimio tremore concussit, et animis subiti pavoris discrimine concussis, solemnitatis lætitiā recepta salutis gratia lætiores reddidit, jucunditate duplicata. Nam cum quos in hac celebritate plus etiam quam suos Arelas populus coegisset, quorum in illa die gaudiis ipsa civitas angusta erat, semitæ et spatia camporum, surgente in agmine, et laborantibus sua cunctis densitate ibat in ulterioris fluminis ripam, in honorem martyris, Christo devotus exercitus cum charis conjugibus, dulcibus pignoribus, plura simul beneficia habere festinans. Nec contentus uno in loco vota perfundere, in ecclesia pervigil, antelucanus ad locum cordis et sanguinis festinabat ; item ad sepulcrum gaudiorum immolans hostias, quasi occupaturus aures martyris properabat. Nec clericorum officia solemniter ordinata, nec ipsum denique lucis tempus expectabat. Splendor siquidem festivitatis, collucente urbe tota, omnem omnimodis pepulerat noctis horrorem. Interim via illa navalis, qua inter confœderatas sibi urbes, illius terribilis Rhodani terga calcantur, subito, aut sub injusto fasce, aut nimio materiarum pondere, aut per obliquum amnis illapsum prona affusa est. Incertum est quo casu : certum tamen cæcis insidiis pretiosum onus, hoc est fidelium turmam in mediis fluctibus male pendula strata deposuit, astante me, quod veraciter loquor, et pedem ab ipso, ut ita dixerim, ponte referente. Magnus illico fragor populi tam ruentis quam circumstantis exoritur ; pavor tota urbe percurrit : hic conjugi, ille filiis, alii propinquis, alii amicis ; omnes simul diversis affectibus metuunt ; qui parum, civibus.

Inter hæc sanctæ recordationis antistiti Honorato, quo tunc ille populus pastore gaudebat, uni quidem pro omnibus metuenti, omne cladis pondus incumbit : quos tunc illa pietas stimulos accepit ! quam subita animi ægitudine ægris præsto fuit ! Erectis confestim ad cælum oculis, intentione cordis hominibus exæquata, ita a nobis circumstantibus mentis excessu totus abscessit, ut nemo dubitaret quin tribu-

nalis Christi cum S. Genesio opem præsentis mali impetraturus astaret. Agebantur interim grandi tumultu miseranda naufragia : mixti hominibus phalerati equi, impedito indignantes natatu, altis pectoribus crura innotabant : quidquid obvium fuerat, seu admoniti periculo, seu pavidi instinctu, proculecantes pavida virtute ; impliciti charis oneribus matrum ulnam, et pressi caucis matronalibus famuli, et tota itineris sui immixta fragminibus pompa solemnitas. Nemo hoc loco malus interpretes occurrat, nemo tantam martyris gloriam maligna obtreptione obscuret, et ripæ vicinam turbam nullus alleget, nemo vadis exceptos asserat, quos palam dextera divina salvavit. Depressa peregrinorum mercibus, quotidie iisdem ripis inæstimabilium onerum navigia junguntur : B navem illic ferendis pontibus, tamquam jacere fundum desperaret aggeribus, ordinatio antiqua constituit. Tantum cum hoc vasto gurgite, stipati populi pondus exposuit, quantum longissimis validissimis, eodemque contractis pondera trabibus acceperat.

Occurrat nunc animis atque oculis ista replicantium, simul totum Rhodanus, ruina, naufragium, implicanda turba miserorum diversa, in unum diaboli insidiis conglomerata perniciēs. Nihil periculo defuit ut ad gloriam martyris nil deesset. Quando enim alumnos ipsius mergeret fluvius, quem eodem die piis natalibus consecrasset ? O magna Dei gloria ! Erupit e vasto gurgite gloriosus exercitus. Jordanem iterum crederes, rupto divinitus amne, patuisse ; aut iterum maria populo Dei, sicut sub Moyse quondam C duce, in virgæ imperio iter inter fluentia solidum præbuisse. Neminem ruina quassavit, neminem gravatum vestibibus fluvius involvit, nemini haustum suum fluvius incessit. Illæsos omnes atque incolumes vernacula ac familiaris ripa suscepit. Pompa omnis, sicut ingressa fuerat, egressa est. Materfamilias ex profundo famulorum suorum cervicibus mobilium cubiculorum secreta viderunt. Complæ in honorem Dei virgines, nulla fluitantium monilium detrimenta senserunt ; acus ipsæ, ut ita dixerim, sicut affixæ fuerant maternis manibus, hæserunt. Nemo damnum aliquod rei, nemo dispendium salutis accepit. Occurrunt pignora chara pignoribus : unusquisque proximum suum, cui plurimum timuerat, lætus au-



plectitur. Cujus hic nisi Christi per intercessionem A periculis juvat : quia conspicabile interfuisse miraculis : tanti cuique fuit de salute dubitasse, ut salutem suam mirabiliter acquireret. Integro suorum numero Honoratus pastor exultat : qui quidem hæc manu politiori, majorique gratia mansuris perpetuo sæculo scriptis mandare potuisset, nisi divini muneris conscius in legatione S. martyris particeps designatus, quod se præsule Dominus hæc contulisset, insolentius exultare timuisset. Et quidem ad nos beneficia per plures diffusa perveniunt. Cæterum quanti in se privata cognoscunt? Quod soli Deo ascribimus, qui omnium conditor et conscius colitur, et vivit cum Filio et Spiritu sancto per infinita sæcula sæculorum. Amen.

## a VERSUS IN NATALI MACHABÆORUM MARTYRUM.

Rex fuit Antiochus Syriæ ditissimus olim,  
In ejus regno mater <sup>b</sup> natiq̃ue fuerunt  
Septem, ut fama refert, de sancta gente creati;  
Quos cura <sup>c</sup> egregii generis meminisse jubebat,  
Et legi servire data: sic namque volentes  
De populo meliore Dei sua jura tenebant.  
Rex avidus mutare fidem, mutare timorem  
<sup>d</sup> Justorum voluit, populo ut misceret iniquo  
Præmia promittit matri, promittit <sup>e</sup> et aurum,  
Et quidquid posset toto conquirere regno,  
Si modo mutaret mores sensusque priores,  
Cogeret et natos alios sibi fingere mores.  
Illa negat, tacitumque premit sub corde dolorem.  
Hanc postquam <sup>f</sup> nullis potuit corrumpere verbis,  
Tentavit primum tormentis vincere sævis.  
Pertulit illa <sup>g</sup> tamen gemitus, et tristia regis  
Verbera non timuit. <sup>h</sup> Victum se vidit ut ille :  
Heu ! quid agam ? dixit. <sup>i</sup> Vincis quod femina regem !  
Non tamen effugies : plus est quod <sup>j</sup> dura dolebis.  
In natos sævibo tuos, licet improba perstes :  
Hæc certe ratione meum <sup>k</sup> sanabo dolorem.  
Sustulit illa manus, cælumque <sup>l</sup> aspexit in altum,  
Emisit gemitus, et talia verba locuta est :  
Tu licet et gazas tradas et regna, tyranne,  
Non capimur regum donis, nec munera sanctis

<sup>a</sup> Titulum ms. Floriacensis exhibemus.

<sup>b</sup> Ita ex eodem cod. Alias perperam, fuisse.

<sup>c</sup> Vulgati, assidui. Prætulimus hic lectionem laudati ms., in quo mox pro jubebat legitur videbat.

<sup>d</sup> Sic idem cod. Male in vulg., Voluit, et ut populo pariter misceret iniquo.

<sup>e</sup> Vulg., et illis ; et postea, totum perquirere regnum, Si demutaret mentes. Codex Floriac. melius.

<sup>f</sup> Ita idem cod. Vulg., nulla potuit compellere præda.

<sup>g</sup> Cod. Flor., graves gemitus.

<sup>h</sup> Idem cod., Victum ut se vidit at ille.

<sup>i</sup> Vulg., Vincor, quid plura ? dolendo. Melior ms. Flor. lectio.

<sup>j</sup> Ibidem vulg., plura.

<sup>k</sup> Cod. Flor., satiabo.

<sup>l</sup> Vulg., inspexit in altum, emittens gemitus.

<sup>m</sup> Vulg., non lubrica tangere regna.

<sup>n</sup> Supplevimus post ex ms. Flor., in que est vulnusa pro verbera.

B Eripiant promissa Dei. Spes certior illa est  
Quæ vitam nobis promittit tempore longo.  
Hanc sequor, hanc didici. <sup>m</sup> Nam lubrica tangere dona,  
Sumere divitias facile est, et perdere vitam.  
Sed licet et flammæ <sup>n</sup> post verbera sæva mineris,  
Nil mutare potes, <sup>o</sup> quod primis cœpimus annis.  
Virtute id cum lege data mihi vincere certum est.  
Quid nunc, sæve, jubes ? natis quid dure minaris ?  
Hoc solo poteris matrem turbare dolore.  
Est mihi namque Deus spes, est mihi <sup>p</sup> cura meorum,  
Per quam spero equidem te nullum vincere posse.  
<sup>q</sup> Cœli tu faveas Numen, quia justa rogamus.  
Rex furit Antiochus <sup>r</sup> turbatus corda tumultu.  
Non tulit, et sævos testatur lumine vultus,  
Miraturque diu possit quod femina tantum.  
C <sup>s</sup> Pare age, miles, ait ; regi quoque pare, minister.  
Vos famuli, parete mihi, date <sup>t</sup> digna furenti  
Femineo tormenta malo ; sævire furentem  
Femina me cogit : quod plus est, femina vincit  
Regis jussa sui : sed non impune locuta est.  
Membratim <sup>u</sup> perdam septem quos perfida natos  
Intra se retinet : quorum qui primus habetur,  
Hic primus pereat : <sup>v</sup> perdam sic ordine cunctos.  
<sup>x</sup> Cratibus impositos subjectis urere flammis  
Cernat ut ipsa suos, sic cernat ut aspera natos.

<sup>o</sup> Secuti sumus cod. Flor. In vulg. omittitur quod et aliter sic legitur :

Primis accepimus annis  
Virtutem cum lege datam : mihi linquere certum est  
Quidquid, sæve, jubes. Natis quod dura minaris,  
Hoc solum poteris matrem turbare timore.

D <sup>p</sup> Vulg., certa meorum, Per quæ jam sperem se nullum.

<sup>q</sup> Ibidem vulg., Fave cœlique parens justa rogamus. In cod. Flor. minus male ; licet ex vulgatis suppledda fuerit vox justa. Ex fave exigente versu correximus faveas.

<sup>r</sup> Vulg., turbataque corda tuebant. Concutit, et sævos.

<sup>s</sup> Ibid. Miles, ait, pare regi, pareque, satellites.

<sup>t</sup> Ib., regna.

<sup>u</sup> Vulg., pereat, septem nam perfida natos Intra regna tenet.

<sup>v</sup> Ibid., pereant sic ordine cuncti.

<sup>x</sup> Duo sequentes versus desunt in ms. Flor.



<sup>a</sup> Pœna autem manet hæc : celeres deet esse mini-  
stros.

Interea secunda parens, jam crine soluto,

<sup>b</sup> Stabat, et hortanti similis jam pectore nudo

Ubera protendens, natorum alimenta suorum

Non confusa <sup>c</sup> aperit ; natumque ut vidit ad ignem,

<sup>d</sup> Constantique gradu fortem procedere, dixit :

Tu, mea progenies, tu primus respice matrem :

<sup>e</sup> Tu certe meus es, nunc nostri, nate, memento.

Te primum peperit, <sup>f</sup> tu nunc imitare parentem :

Sume meos mores, et regem vince tacendo.

Tu poteris durare diu, <sup>g</sup> si tempora vinces

Perfida, ne superet sanctos violentia regis.

Utere consilio <sup>h</sup> matris, nec damna timebis,

Fortior <sup>i</sup> esto ære saxoque potentior ipso.

Ingredere ut juvenis, patienter vince dolores.

Ille modo ad matrem vultus, modo tollit in altum :

Dumque tacet tacitusque rogat quem debet, <sup>j</sup> ti-  
metque,

Conscendit rapidos subjectos cratibus ignes.

Corpus inane <sup>k</sup> fluit : mater gravis ipsa resultat,

Et dixit : Vici, <sup>l</sup> vincam si sapius orem,

Duret natorum virtus incognita regi,

Sed jam nota Deo, populi qui pectora novit.

Finierat primi partus secunda dolorem,

Sed remanente metu pro pluribus anxia mater ;

Dissimulatque tamen, ne regem gaudia tangant.

Rex stupet Antiochus. <sup>m</sup> nec credit posse sequentes

Pœnæ tale genus simili pervincere sensu.

Cœpta jubet peragi. Mater non territa mansit :

Sed tamen ut vidit pallentem a-sistere natum,

Hæc secum volvens, aliqua jam parte <sup>n</sup> levatur.

Ecce secunda mihi partus producit ætas.

Quam similis <sup>o</sup> fratris formæ si pectore duras,

Et sequeris primi partus vestigia nostri !

Esse meus poteris, <sup>p</sup> poteris reperire salutem,

Quam jam frater habet, matris præcepta secutus.

<sup>a</sup> Vulg., Pœna aut quem maneat.

<sup>b</sup> Ibid., Astitit hortanti.

<sup>c</sup> Ibidem vulg., stetit, et dein. ad ignes.

<sup>d</sup> Contrario et falso sensu in vulg., Inconstante  
gradu timidum procedere.

<sup>e</sup> Ib., Tu nunc certe meus, matris tu nate.

<sup>f</sup> Secuti sumus vulg. In cod. Flor., nunc nunc imi-  
tare.

<sup>g</sup> Vulg., sic tempora.

<sup>h</sup> Ibidem, Regis ne damna timeto.

<sup>i</sup> Melius in vulgatis quoad metrum, est isto, saxo-  
que. Sed quod sententiam melior codicis lectio, li-  
cet versus errorem aliquem indicet in voce ære. Jo-  
annes a Bosco in margine : Forte, armis.

<sup>j</sup> Vulg., et orat. Non sensit rapidos. Melior hic  
quoque codicis lectio, ubi forte prima auctoris manu  
ob quantitatem versus servandam scriptum fuit, debe-  
timetque, ommissa in verbo debet littera t, ob concu-  
sum ejusdem litteræ initio vocis sequentis, quod an-  
tiquis usitatum fuit.

<sup>k</sup> Vulg., fuit, mater garisa dolore est.

<sup>l</sup> Prætulimus lectionem vulgatam. Cod. Flor., In-  
dicta sic sapius oro.

<sup>m</sup> Cod. Flor., ipse sequentes. Melius posse ex vul-  
gatis, in quibus dein, similes pervincere natos.

<sup>n</sup> Editi, levata.

<sup>o</sup> Vulg., fratri formoso pectore dura.

A Pone metus, regisque micæ contumæ facientis,  
Regnaque, <sup>q</sup> quæ cursim labentia tempora dantur  
Non poterit post ista tibi rex iste nocere ;

<sup>r</sup> Sed poteris post hæc tu regi, nate, nocere

Temporis ecce levis <sup>s</sup> conscendere cogeris ignes.

Sed virtute opus est, languentem pone timorem.

<sup>t</sup> Esto memor nostri generis, si sensus inhæret.

Illic qui sceptrum tenet, regno qui sævit in isto,

Tempus inane <sup>u</sup> putat, regno vitæque carebit,

Damnatusque nocens æternos sentiet ignes.

Tu securus eris, turba comitante piorum.

Aspice, nate, meos vultus, et suspice cælum.

Auctoremque Deum, per quem tibi vita paratur

Hæc <sup>v</sup> melior, fratrisque tui vestigia calca.

<sup>x</sup> Neve quod iste jubet, sed quod Deus imperat audi,

B Sicut erat monitus, matrem cælumque videre

Constitit, atque hilari vultu contemnere regem

Cœpit, et ut ridens ardentes irruit ignes,

Collapsusque jacens anima superante quievit.

Mater ut hoc vidit, rigido sic ore locuta est :

Felix parte aliqua <sup>y</sup> jam sum, jam non potis omnes,

Sæve tyranne, meos <sup>z</sup> trucidando vincere natos.

Te gravior <sup>aa</sup> mox pœna manet, crudelis inique,

Quam pati brevis : Deus <sup>bb</sup> hæc namque omnia  
cernit.

Jam duo securi, contempto rege, manebant.

Spes melior jam matris erat : jam tertius instat,

Ecce locus pœnæ, si pœna est vincere regem :

Et servire Deo laus est, non pœna furentis.

Tertius attrahitur juvenis <sup>cc</sup> frendente tyranno,

C Qui nondum satius erat. Furor intus et ira

Sæviebant pariter, quod fortia pectora fratrum

Viderat impavide regis superasse furorem.

Constitit ante pedes juvenis florentibus annis,

Egregius forma, <sup>dd</sup> dignus qui regna teneret,

Dignior Antiocho, <sup>ee</sup> verum meliora secutus

Regna, <sup>ff</sup> vocante Deo ; mater cui talia fatur :

<sup>p</sup> Ibid., et sic reparare salutem.

<sup>q</sup> Edit., quæ parvo labitantia tempore dantur.

<sup>r</sup> Illic versus e cod. Flor. suppetit ; in vulg. dee-t.

<sup>s</sup> In vulg., accensus cogitur ignis, Virtutis locus est,  
languentem.

<sup>t</sup> Ibidem

Sume animos, nostri generis si sensus inhæret

<sup>u</sup> Editi, regit : regnum vitamque cremari, Damna-  
que nocens.

<sup>v</sup> Cod. Flor., melius. Editorum lectio magis placuit.

<sup>x</sup> Vulg., Non quod rex jussit, sed.

<sup>y</sup> Ibidem editi, cum jam vis, nec potes omnes.

<sup>z</sup> Sic ex vulg. exigente versu. Cod. Flor., cre-  
mando, melius urendo, ut in margine notavit Jo. a  
Bosco.

<sup>aa</sup> Vulg., nunc pœna, et paulo post, in igne, pro  
inique.

<sup>bb</sup> Cod. Flor., namque hæc, errore metri. Vulg., hic  
namque. Ex utraque lectione veram expressimus.

<sup>cc</sup> Vulg., mandante.

<sup>dd</sup> Ibid., diro qui.

<sup>ee</sup> Ibid., et sic meliora.

<sup>ff</sup> Ms. Flor., volente Deo. Vulgatorum lectionem  
prætulimus.



Accipe, nate, tunc securus dicta parentis,  
 Accipe, ne segnis perdas virtutis honorem.  
 Sunt tibi jam fratres pietatis sede manentes  
 " Inque loco meliori quam labentia regna;  
 Quorum <sup>b</sup> si proprios attingis pectore sensus,  
 Victor apud populos regem superasse fereris,  
 Sicut fama tuos jam misit in ardua fratres.  
 " His accede, precor: sunt hæc aptissima dona,  
 Contempsisse nefas, et jura relinquere regis  
 Indomiti, quem nulla manet post ista voluptas.  
 At juvenis tacito mittebat murmure voces  
 Oranti similis, palmas tendebat in altum,  
 Subnixoque genu matris <sup>d</sup> pendebat ab ore,  
 Cui licet aspectus, corpus non ipsa premebat.  
 Qui simul admonitus cratem conscendit, <sup>e</sup> in igne  
 Intrepidus certaue fide sua membra locavit.  
<sup>f</sup> Conduntur flammæ, tepida remanente favilla,  
 Corpusque illæsum tellus adapertha recepit:  
 Sancta quoque ad superos anima inviolata recessit.  
 At mater dubitans, gemitus an gaudia sumat,  
 Hæsitat, et querulo sic est sermone locuta:  
 Quid nunc, dire, paras? Jussis <sup>g</sup> parebimus omnes?  
 Sed numero partus, custos ne subtrahat ullum,  
 Ac licet ipse velis, non sum passura, tyranne,  
<sup>h</sup> Ut non isto omnes pereant certamine nati.  
 Temporis ista tui, mutes licet, horrida pœna est,  
 Duraque damnatis eadem sententia natis.  
 Si graviora putas, si sunt graviora, minare;  
 Quodque meos cernis vultus, horrore teneris.  
 Gaudemus pariter, quoties desævis in istos.  
 Ardet at ipse magis <sup>i</sup> rabida rex concitus ira,  
<sup>j</sup> Tentarique putat, ne sicut cætera fratrum  
 Turba ferant pœnas, <sup>k</sup> matremque hoc quærere sentit.

<sup>a</sup> Vulg.,

Jam locus est melior quam regna labentia regis.

<sup>b</sup> Cod. Flor., *tu proprios*, et versu sequenti *ferentes* pro *fereris*, ac dein, *in omnia* pro *in ardua*. Magis placuit lectio editorum.

<sup>c</sup> Vulg.,

Huc accede, precor: sunt hæc, sunt apta dolenti.

<sup>d</sup> Ibid.,

Figebat in ore,  
 Qua licet aspectum corpus, qua turba tenebat.

<sup>e</sup> Edit., *in ignemque*.

<sup>f</sup> Tres sequentes versus sic in vulgatis exhibentur:

Sanctaque quæ superest anima inviolata recessit.  
 Considerant flammæ, tepida remanente favilla:  
 Illæsum corpus tellus adapertha recepit.

<sup>g</sup> Vulg.,

Paremus, et omnes.  
 Munera sed partus custos ne subtrahat ulla.  
 Sed licet.

<sup>h</sup> Idem editi:

Omnes nam pariter pereant certamine tanto,  
 Temporis ipse tui mutes licet horride pœnam,  
 Duraque quæ sanctis eadem sententia natis:  
 Sed graviora paras, si sunt graviora, minaris,  
 Quoque meos cernis vultus horrore teneri,  
 Gauderes partem quoties decernis in istam.

<sup>i</sup> Vulg., *rapida*.

A Durat in exitium, quantumque addicere natum  
 Pœnæ mox voluit; lassati namque ministri  
 Nec regis furias, nec regem ferre valebant.  
 Proh pudor! erubuit vultus ostendere matri  
 Natus, et <sup>1</sup> attonitam mentem confundere cœpit.  
 Hunc postquam stantem submisso lumine vidit,  
 Talibus aggreditur dictis monitura timentem:  
 " Quartus es a trino partus, mihi quartus et infans,  
 Quæ nunc verba tibi, quæ possum dicere, nate?  
 Hoc nisi quod <sup>n</sup> cœli durata potentia tecum  
 Sit simul et virtus; <sup>o</sup> sanctæque propaginis ortum  
 Illi debemus regi, quodcumque negamus.  
 Ille dedit nobis Abraham cum semine sancto,  
 Per quem nobilitas, per quem genus omne probatur,  
 Quod manet in Domino; <sup>p</sup> sanctus cui nascitur Isaac,

B Tunc cum jam nullum natum sperare senectus  
 Sponte sua poterat, sterilis quia Sarra manebat;  
 Illaque cum peperit, generisque propagine <sup>q</sup> cœpta,  
 Ex insperato remanent tibi Sarra nepotes,  
 Esau <sup>r</sup> et patria deductus origine Jacob,  
 Quos scimus partu geminos peperisse Rebeccam.  
 Hinc sumus, hinc <sup>s</sup> orimur: genus hoc tibi, nate,  
 petendum est:

Tu tibi pande viam, genitori accede priorum.  
 Quorum progenies totum dispersa per orbem  
 Invidiam patitur: Dominum quia sola potentem  
 Mente colit, turbæ nec mixta accedit iniquæ.  
 Quid tibi cum tristi vultu, quid lumina terræ  
 Fixa tenes? Cælum potius cœlique Parentem  
 Conspice, ne dubites, mater tibi prospera monstrat

C <sup>t</sup> Quidquid inest, patiens porta, ac comitare valentes  
 Turbam, nate, meam, numerumque hortare sequen-

<sup>j</sup> Ibid., *Contemni que putat*.

<sup>k</sup> Ibid.,

Matrem hoc quoque quærere sentit,  
 Duraque in exitium quantum producere natum  
 Pene manu voluit.

Post pauca *volebant pro valebant* in iisdem vulgatis.

<sup>1</sup> Jo. a Bosco, *attonita mente*, male.

<sup>m</sup> Editi.,

A primo quartus partus mihi, quartus ab imo.

<sup>n</sup> Sic ex vulg. Cod. Flor., *solum durata*.

<sup>o</sup> Edit.,

Et sanctus originis auctor.

Illi debemus Regi quodcumque rogamur.

Locus utraque lectione difficilis, et, ut videtur, corruptus.

<sup>p</sup> Cod. Flor., *sanctum cum nascitur illi*. Magis ar-  
 risit lectio editorum.

<sup>q</sup> Jo. a Bosco, *septa*. Correximus ex vulg. ubi sic:

Attamen hæc peperit, generique propagine cœpta.

<sup>r</sup> Vulg.,

Et patriam deductus Jacob in unam,  
 Quos certum est partu.

<sup>s</sup> Sic ex vulg. male apud Jo. a Bosco, *morimur*.  
 Post pauca in vulg., *pande viam generis, quis in arce*  
*piorum*; et dein, *mixtæ nec turbæ accessit*.

<sup>t</sup> Edit.:

Quidquid id est, patienter adi, consensibus auge  
 Turbam, nate, meam... sequentum



a Sic dilecta parens luctus et gaudia miscens  
 Finierat claros monitus, cum luminis orbes  
 Ipse levat, matremque oculis b intendere cœpit,  
 Nil jam triste gerens, habitu vultuque fatetur  
 Se timuisse nihil nisi tristia vulnera matris  
 Per partus divisa suos : c sic ipse tenentum  
 Elapsus manibus, cursu contendit in ignes.  
 Mira loquar, d flamma illius non contigit ora,  
 e Exanime ut corpus flammam superarat et ignes,  
 Ore patente, tamen tacito, qua spiritus iret,  
 Unde acceptus erat, pariter cum sanguine fugit.  
 Hoc ipso gavisa parens, quod qui modo tristi  
 Constiterat vultu, f fretus mox pectore toto  
 Paruerit monitis, et regis tempserit iras :  
 Sic est orsa tamen, cum rex dubitaret in illos  
 Qui superant, gemitusque daret pia turba, ministri  
 Regem execrantes, tacito sermone requirunt.  
 Protrahe, quid dubitas ? nulli jam parcere debes,  
 Nec potes, ut cupias, decretum rumpere noli,  
 Appello Regem, totum qui temperat orbem,  
 Cui mare, cui cœlum, cœli cui sidera parent :  
 Quod nisi producis, timor est : g jam segnius instas,  
 Jam sentis quæ regna petant, quæ gloria nobis  
 Jam parte ex utraque manet, si parcere nolis.  
 Nam quoscumque tuo jussisti excedere regno  
 h Seu vitio comitante tuum vicere furorem,  
 Nempe tuum, lætique manent in sede piorum.  
 Forsitan hæc mortem credas, furiose tyranne ?  
 Vita est longa magis, regnoque potentior isto  
 Quod regis, i extrema cujus jam parte moraris.  
 Mortalis tamen es, nec in ævum regna tenebis.  
 Sed perage imperium, nec partus divide nostros :  
 Hos quoque funestus, superant qui ætate minores,  
 Hos quoque da flammis, et juribus utere regni.

a In iisdem edit.,

Nec decreta parens luctus et gaudia mixta.

b Ibidem, attendere; et post pauca, habitus vultusque fatentur.

c Ib.,

Sed et ipse citato,  
 Elapsus manibus, cursu conscendit in ignes.

d Ib., non flamma comas, non contigit ora.

e Cod. Flor., Corpus ut exanime. Emendavimus ex editis, in quibus tamen tres sequentes versus sic proferuntur:

Exanime ut corpus flammæ superaverat ignis :  
 Ore patente tamen tacite qua spiritus iret  
 Unde acceptus erat, pariter cum sanguine fudit.

f Vulg.,

Fretus quod pectore tuto.

Paruerit monitis regis contemptor et iræ  
 Sic exorsa parens, cum rex.

Et post pauca :

Regem execrantur, tanto sermone querentes.

g Cod. Flor., jam sequitur hæres. Melius in vulgatis, in quibus postea :

Jam sentis quem pœna petat, jam gloria nobis  
 Parte in utraque manet, liceat producere nullis;

Et dein,

Tuum jussisti excedere regnum.

h Desunt in vulgatis duo sequentes versus. Num

A Ili contempta etiam vincunt tua regna, superbe.  
 Concipit Antiochus furias, sævusque tyrannus  
 Æstuat, et gemitus inter sua pectora volvit.  
 Consentit cum mente l color, tristisque gravatos  
 Attollit vultus, et talia verba profatur :  
 Hæc tua libertas et k dura potentia linguæ,  
 Atque hic, quem tumida portas cervice rigorem,  
 Sentiet irati regis quid l verbera possint,  
 Si nondum es satiata malis, et fingere tentas  
 Lætitiam, luctusque tuos in gaudia vertis.  
 m Non mutabo necem : gaude, lætare, triumphare ;  
 Dummodo sic vincas, ut sis suprema tuorum.  
 n Sic furiosa animis natorum funere gaudet.  
 Hos quoque do flammis, hoc nec mutare potestas  
 Ulla potest ; o decreta manent, lætare superstes  
 B Natis orba tuis, et ne mea jussa morentur,  
 Ordo suos peragat cursus : p producite natos,  
 Ne vani pereant ignes. Dubius ne videri  
 Rex possit, certe timor est mihi, femina, nullus.  
 Præcipuus de gente tua produceris, q ore  
 Et specie, mirande puer, cui pectore virtus  
 Firma manet : r tamque hinc poteris vel vincere  
 regem.

Ad quem sic placido mater sermone locuta est :

Si dare complexus matri tibi, nate, liceret,  
 Confiteor soli, post vulnera, nate, dedissem,  
 Sed me dura vetat, tristisque potentia regis.

s Deneget amplexus, dum sit vox libera nobis,  
 Et liceat meminisse Dei, legemque tenere

Non a rege datam, sed quam Deus arbiter orbis

C Tradidit, et mundi rector, Moysesque petitam  
 Accepit, populoque dedit, t cui maxima laus est  
 Nosse Deum, meritum cui nos debemus honorem.  
 Tu modo ne dubites monitis parere parentis :

pro, seu vitio comitante, legendum sit, sævitia comitante, alii judicent.

i Cod. Flor., et cujus extrema in parte. Vulg., extrema hujus jam parte. Ex utraque vitiosa lectione veriore expressimus. Tum in vulgatis sequentes versus sic exhibentur :

Hos quoque si metuis, superant ætate minores,  
 Contemptuque simul vincunt tua regna, superbe.  
 Sed perage imperium, nec partus divide nostros :  
 Hos quoque da flammis, et viribus utere regni.  
 Mortalis tamen es, nec in ævum regna tenebis.

j Sic ex vulg. Cod. Flor., dolor.

k Editi, dira.

l Ibidem ed., vulnera.

m Cod. Flor. errore librarii : Non muta bene esse, gaude.

D n Vulg.,

Sic furiosa nimis natorum funere gaudes.

o Ibid., decreta, modo tu vive superstes.

p Editi.,

Producite natum,

Ulli nec parcant ignes, dubiumne videre  
 Rex post ista reor, timor est.

q Vulg., index, Quam specie.

r Ibid., Jam quæ poterat.

s Cod. Flor., denegat. Vulg., Sed neget. Ex utraque lectione veriore exhibuimus.

t Vulg., quam ; et post pauca : Merito cui nos tribuamus honorem.



<sup>a</sup> Sit vigor et virtus, penitusque in pectore toto  
Mens maneat jam plena Deo; sit fortior ætas,  
Quam <sup>b</sup> regem sperare fuit superare jubentem.  
O quanta est virtus, quanta est fiducia fortis!  
<sup>c</sup> Sed jam ne dubites medias pervincere flammæ.  
Victor eris, mi crede, puer, victorque redibis.  
Ossibus et validis miscebunt corpora nervi,  
Servatasque animas iterum in nova viscera reddent.  
Sed ne forte tamen rapidus te terreat ignis,  
Fratrum sume animos, <sup>d</sup> æternumque inspicere Numen.  
Jussa facit, tacitusque Deum testatur et orat  
Murmure quo poterat: puerum non impedit ætas,  
<sup>e</sup> Non timuit cratem expositam, matricque volenti  
Paruit, et dicto citius super irruit ignes.  
Cesserunt flammæ, cessit dolor omnis, et una  
Corpus et ignis erat, corpus superaverat ignem,  
Spiritus ante tamen placidas superaverat auras.  
Læta dolet tacite mater, <sup>f</sup> pressoque dolore  
Tristitiam luctusque suos in gaudia vertit.  
<sup>g</sup> Interea trepidat, et curas corde volutat  
Non de præteritis, sed de puerilibus annis  
Qui superant; ne forte negent, ne forte timorem  
Concipiant <sup>h</sup> animis, regique accedere malint.  
Et quo quis minor est, major metus, anxia secum  
<sup>i</sup> Ducit, heu! curas; etiam spes ac timor una  
Luctantur, matrisque piæ per viscera currunt.  
Spes tamen est <sup>j</sup> melior. Natum ut procedere vidit,  
Et procul, exultans, Video quid possit in isto  
Spes conferre mihi, vultus agnoscere nostros  
Debet et hic, fratrum <sup>k</sup> et numero parere suorum.  
Forsitan hunc solum puerilia pectora <sup>l</sup> tangent,  
Indigneque feret, quod sic velut hostia detur.  
Alloquar, et paucis conabor dicere verbis,  
Sit memor ut potius generis quam temporis hujus.  
Si te nobilitas generis, si tangit origo,  
Respice, nate, tuos, <sup>m</sup> et nos quoque respice, nate:  
Noli annos numerare tuos, puer; incipe <sup>n</sup> forti

<sup>a</sup> Idem edit., *Sed vigor.*

<sup>b</sup> Ibidem,

Quam regi sperare fuit, sperare jubenti.

<sup>c</sup> Vulg., *Sed tu quid dubitas medias evincere; et dein, mihi crede; et postea, miscebit corpora nervus, Servatasque.*

<sup>d</sup> Cod. Flor., *æternumque invoca nomen.* Melius in vulgatis, quorum lectionem secuti sumus.

<sup>e</sup> Vulg., *Amplius haud timet ille necem, matricque.*

<sup>f</sup> Ib., *pressitque dolorem Lætitia, luctusque.*

<sup>g</sup> Illic versus ex cod. Flor. suppletur.

<sup>h</sup> Sic ex vulg. Cod. Flor., *animo.* Mox in vulg., *Quo minor est ætas, erronee.*

<sup>i</sup> Edit., *Dividit et curas, et spes, et sic timor una.*

<sup>j</sup> Vocem *melior* supplevimus ex vulgatis, in quibus, *producere vidit, et procul intrantem: Videam.*

<sup>k</sup> In cod. Flor. deest et.

<sup>l</sup> Sic ex vulg. In ms. Flor., *tangunt, et mox, ferat.*

<sup>m</sup> Cod. Flor., *Israel quoque.* Melius in vulg.

<sup>n</sup> Vulg., *verum Pectore ferre Deum.*

<sup>o</sup> Cod. Flor.,

Quod tua det fortis ætas exempla futuris  
Temporibus. Dona te precorque quod amplius hoc est.  
Cogita quæ fugias.

<sup>p</sup> Vulg., *miseri fallacia regis; Sed crescas ipsi nunc.*

A Pectore ferre Deum, tradent hoc sæcula sæclis  
<sup>o</sup> Quod tu forte petis, des nunc exempla futuris  
Temporibus; mundo quod ames, nil amplius hoc est  
Respice quæ fugias, et quam meliora petantur.  
Non te sollicitet <sup>p</sup> stolidi fallacia regis.

Sic crescens iste nunc in contraria victor  
Spiritus exstinxit flammæ; ac deinde vocatum  
Quod dederat corpus tellus adaperita recepit,  
Sanctæque quæ superest anima inviolata recessit.  
Quamvis lassa parens, <sup>q</sup> per tot sua vulnera victrix  
Procidit in faciem, pariter manibusque supinis  
Ilas habuit voces et talia verba locuta est:  
Qui <sup>r</sup> regis imperium cœli, terræque, marisque,  
Sidera qui cœlo, qui das animalia terris,  
Æquoribus pisces, <sup>s</sup> avibus qui temporis auras,

B Ad te, magne, meæ n entis fiducia surgit;  
Qui chaos <sup>t</sup> immensum cæca caligine mixtum  
Dividis in partes, et das noctemque diemque,  
Lunamque <sup>u</sup> ac solem, vario quos tempore semper  
Nocte dieque jubes lumen præbere per orbem.  
Post hæc das hominem, cujus de semine <sup>v</sup> mundi  
Compleitur mortale genus, cui lingua loquescit  
Dissona per gentes, sapor est tamen omnibus unus.  
Sed <sup>x</sup> quid mutarit meritumque hominumque loquelas  
Longa referre mora est, cœptis insistere certum est.  
Te mare divisum <sup>y</sup> virga tenuisse fatemur,  
Dum pede per siccum populus transcenderet æquor,  
Ægypti fugiens <sup>z</sup> mortem regemque Pharaon,  
Qui sibi sanctorum numerum servire jubebat,  
Quem tua majestas Moses duce transtulit <sup>aa</sup> omnem,  
C Servatumque tua totum virtute diremit.  
Terra dabat fructus, quos te cogente ferebat,  
<sup>bb</sup> Et sitis ad requiem quæsita est lymphæ latebris.  
Humor erat nullus, cuncti clamore quærentes  
Poscebant Moysem, daret et sitientibus undas;  
Ad quos ille brevi sic est sermone locutus:  
Credite posse Deum quidquid <sup>cc</sup> petetis ab illo,

Et mox, *Spiritus extinctus flammis sic deinde recessit.*

<sup>q</sup> Cod. Flor., *perque et sua.* Vulg.,

Per tot sua vulnera, regem  
Pertulit, ast animo pariter.

<sup>r</sup> Cod. Flor., *tenes, male.*

<sup>s</sup> Vulg.,

Ventum qui verberat auras,

Ad te prima mei cupide fiducia surgit.

<sup>t</sup> Ibid., *implicitum cæca caligine miscens.*

<sup>u</sup> Ibidem, *et rapidum solem, qui tempora servant;*

D Et post hæc hominem; ubi intermedius versus omit-  
titur.

<sup>v</sup> Vulg., *mundus; et postea, tum lingua liquescit.*

<sup>x</sup> Vulg., *qui mutavit meritis hominumque.*

<sup>y</sup> Ibid., *virga volvisque tenesque.*

<sup>z</sup> Sic ex vulg. Cod. Flor., *montes.*

<sup>aa</sup> Ms. Flor., *amne.* Prætulimus lectionem edito-  
rum, in quibus postea, *totum virtute redemit*

<sup>bb</sup> Vulg. :

Occupat et totis quæsitam lymphæ latebris.

<sup>cc</sup> Forte *poscetis* legendum pro *petetis*, quod ver-  
bum ms. Flor. præfert. In vulgatis,

Petieritis illum,  
Sed tamen hanc virgam durum dissindere saxum.



Qui potis est virga hac amnem diffundere saxo ,  
 Ut veniant fontes tota regione <sup>a</sup> negati,  
 Percussitque simul, dicto velocius omni  
 Emisit saxum fontes dulcedine prima.  
 Confiteor, totus cum sit tibi debitor orbis ,  
 Tu quidquid possunt gentes, potes omnia solus ,  
 Et quod non capiunt gentes, capis omnia solus.  
 Tu mortale genus curis onerasque levasque,  
 Te precor <sup>a</sup> attonita cum firma mente timentem,  
 Ne desit fratrum numero meus infimus infans ,  
 Ignarusque sui, quem jam procul ecce teneri  
 Conspicio, turba circumveniente frequenti  
 Hunc propter solum lacrymas <sup>d</sup> mihi commovet ætas :  
 Unus enim superest, de quo mihi maxima cura est ,  
 Ne tener ignoret qua sit de gente creatus.  
 Hunc ego si possem secreto apprehendere solum ,  
 Blandirer, patriumque genus, patriamque docerem :  
 Sed quæcumque tamen potero solatia mittam.  
 Parve puer, tenerisque tuis mihi charior annis ,  
 Charior es regno, vita quoque charior ipsa,  
 Tu potes in totum victricem reddere matrem ,  
 Tu finis <sup>e</sup> partus, finisque future malorum ;  
 Si te cura mei tangit, si matris honorem  
 Mente pia retines, quamvis <sup>f</sup> sis..... et infans ;  
 Hoc magis aure avida dictis attende parentis.  
 Primum disce, puer, quid sis post ista futurus ,  
 Si patiens fueris ; <sup>g</sup> quid te mihi, chare futurum  
 Facta docent. Fratrum sanctorum in parte <sup>h</sup> ma-  
 nebis,  
 Et requie securus eris, dum sæcula cursus  
 Sæva suos peragunt, finito tempore <sup>i</sup> longo ,  
 Hanc lucem repetes, æternaque regna videbis  
 Non maculata malis, nusquam contraria sanctis :  
 Nec morti locus ullus erit, nec bella citatis  
 Committentur equis, sed pax æterna manebit.

<sup>a</sup> Edit., morati.

<sup>b</sup> Hic versus deest in iisdem editis.

<sup>c</sup> Ms. Flor., attonita-mente confirma timentem, per-  
 peram. Lectionem vulg. retinimus.

<sup>d</sup> Edit., quas commovet.

<sup>e</sup> Ib., parvus; et postea, si matris odorem Mente  
 create tenes.

<sup>f</sup> Vulg., et charus et infans. In cod. Flor., ubi la-  
 cuna est, supplendum citius placeret, parvus. Mox in  
 vulg., aure pia.

<sup>g</sup> Vulg., tunc te.

<sup>h</sup> Ib., locutus.

<sup>i</sup> Ibidem, certo.

<sup>j</sup> Edit., sed erit concordia sanctis.

<sup>k</sup> Ib., Exercentur. Cod. Flor., Commiscentur : futu-  
 rum tempus requisivit contextus.

<sup>l</sup> Vulg. :

Matrem crede tuæ semper cupidam esse salutis.

<sup>m</sup> Ib., priore velim, vetor ecce, quas postremas  
 voces retinimus, cum minus recte in cod. Flor.,  
 vetat ecce.

<sup>n</sup> Vulg., cernam te.

<sup>o</sup> Ibid., æquum renovas mihi.

<sup>p</sup> Ibid., quoque me.

<sup>q</sup> Vulg. :

Te per ego nas precor et fletus lacrymasque meorum,  
 Ut remeare velis; remeabis solus, et hujus

A <sup>1</sup> Matri crede tuæ, salvum quæ te cupit esse  
 Heu! mihi cur tristi vultu mea dicta repellis?  
 Quid refugis? Miserere mei, miserere tuique.  
 Si liceat, <sup>m</sup> prior ire velim, vetor ecce; sed ibo  
 Tunc cum victorem <sup>n</sup> te videro, nate, malorum  
 Quid sperare jubes? solus mea dicta moraris?  
 Solus adhuc <sup>o</sup> etiam revocas, mi nate, dolorem?  
 Annuis, an damnas <sup>p</sup> et me fratresque genusque?  
 Quod ne forte velis, oro te, et deprecor, audi.  
 His ego te parvum nutrivim, nate, papillis,  
<sup>q</sup> Has etiam lacrymas te propter, nate, profundo.  
 Ne remanere velis, remanebis solus et orbis.  
 Non tibi jam frater superest: solatia vitæ  
 Quis dabit? Heu! solus matrem confundere tentas,  
 Et genus, et patriam! si talia dicta recusas.  
 B <sup>r</sup> O quanto melius vitam servabis in ævum,  
 Si facis ante Deum quidquid fecere priores.  
 Audenter depone metus, depone timorem:  
 Concipe mente Deum, vires dabit ille viriles.  
 Hæc dum mater agit, puer ad præcepta parentis  
 Respicit, et solum <sup>s</sup> cum se videt esse relictum,  
 Sustulit in cælum vultus palmasque supinas,  
 Et sic voce potens, æternum Numen adorat,  
<sup>t</sup> Quem secum sensu pariter nutuque rogabat,  
 Vinceret ut regem, sævos ut vinceret ignes.  
 Atque ita non segnis nec pro puerilibus annis  
 Prosilit intrepidus medios delapsus in ignes,  
<sup>u</sup> Expugnat, victor donec remearet in altum  
 Spiritus, et fratrum peteret secreta priorum.  
 Dum puer ista gerit, <sup>v</sup> solverunt gaudia matrem  
 C Jamque ut erat lassata malis, jam voce negata  
<sup>x</sup> Spirat ovans, interque manus collapsa suorum  
 Concidit exanimis, resolutaque membra quierunt.  
<sup>y</sup> Sic ipsa, ut nati, sanctorum in parte recepta est,

Non tibi jam fratres dederint solatia vitæ:  
 Dedecoras fratrum sanctissima nomina, matrem,  
 Et genus.

<sup>r</sup> Ibidem, Heu! quando; et paulo post, Si facias  
 tandem quidquid.

<sup>s</sup> Ib., solum se vidit ut esse relictum.

<sup>t</sup> Ib.,

Sensu et sic pariter secum, nutuque rogabat.

<sup>u</sup> Vulg. :

Vicit quidquid erat, sic vitam ut iret in altam.

D

<sup>v</sup> Libro II Machab., c. vii, vers. 41, id tantum de  
 matris morte dicitur: Novissime autem post filios et  
 mater consumpta est. Qua autem morte obierit, alii  
 aliter tradunt. Josephus in libro de Machabæis eam,  
 ne quo ab homine tangeretur, in rogam sese inje-  
 cisse scribit. Quidam post veterem Latinum Josephi  
 interpretem durissimum martyrium eandem subisse  
 sentiunt. Sorionides et Arabs ferunt eam post filio-  
 rum necem Deum supplicasse ut se ex hac vita edu-  
 ceret, et lapsam super liberos exspirasse. Alii tandem  
 inspecta omnium filiorum constantia gaudio exani-  
 matam fuisse, inter quos noster auctor recensenden-  
 dus est.

<sup>x</sup> Vulg., Suspirans, interque.

<sup>y</sup> Cod. Flor., Sic ipsas nati. Vulg., Sic ipsa et  
 nati. Hoc loco sensu exigente emendavimus.



## METRUM IN GENESIM,

AD LEONEM PAPAM,

*Quod Hilarii Arelatensis episcopi opusculis a Quesnello subjectum fuit.*

Paruimus monitis, tua dulcia jussa secuti,  
 Antistes Christi, quæ a das ore pio.  
 An ego non canerem tanti præconia Patris,  
 Munus opusque Dei, dum mihi lingua foret?  
 Rauca quidem, stridens, et nullis digna coronis,  
 Ingeniumque jacens, sed libet alta loqui.  
 Dignum opus et justum est semper tibi dicere grates,  
 Omnipotens mundi genitor, quo principe cuncta  
 Natalem sumpserunt diem, atque exorta repente  
 Post tenebras stupido spectarunt lumina cælo.  
 Gens hominum, pecudesque, feræ, <sup>b</sup> milleque vo-  
 lucres,  
 Et quæ per liquidos discurrent agmina campos  
 Omnia per temet, ex te, qui maxima condis,  
 Ex te, <sup>c</sup> nate Pater; nec jam patris est pater alter.  
 a Tu capitis primique caput, tu fontis origo,  
 Primus apex rerum, primus sator, omnia condens:  
 Nec tamen ex alio ducis genus, ipse perennis  
 Spiritus, antiquo vivens per sæcula motu,  
 Semper eris, quia semper eras, non mortis egenus,  
 Qui natalis inops, nec finem noveris ævi.  
 c Ex se principium, cui contigit, haud manet  
 alter  
 Auctorem casus, nascentia terminus urget.  
 Omnia cum tegetet nigrum chaos, altaque moles  
 Desuper urgeret informis corpora mundi,  
 Et caliganti premeret serotina nocte,  
 Nec species, nec forma foret; Deus intus agebas,  
 Corporibus tectis mixtus, secreta potestas.  
 f Jam tum disponens nascentia mœnia mundi,  
 Et varias rerum facies animasque futuras,  
 Utque caput g victa prompsit caligine noctis  
 Sublimem attollens vultum, sensere tenebræ.  
 Mox Dominus rerum somnos discussit inertes,  
 Pigraque materies trepidavit <sup>h</sup> numine pulsa  
 Commotaque simul <sup>i</sup> matura, conscia partus,  
 Scinditur ingentis cumuli per plurima corpus  
 Membra, <sup>j</sup> locusque simul metantur semina jussu,  
 Et confusa <sup>k</sup> simul descendunt viscera moles,  
 Sectaque per partes, formas spectantia frustra,  
 Jam color intus alit, et blando suscitatur igni.

<sup>a</sup> Quesn. metri causa emendavit, *dabat*. Sensus vero exigit *dabas*.

<sup>b</sup> Idem Quesn., ob metrum, *mille atque*.

<sup>c</sup> Quesnellus ex conjectura, *nata*; quod alias etiam Joanni Weitzio placuit. Retinemus cum omnibus mss., *nate*, quasi ex te existens et a nullo alio originem habens. COUSTANTIUS.

<sup>d</sup> Al., *Tu caput es, primique*. QUESN. in margine.

<sup>e</sup> Al., *Ex te*. Idem in marg.

<sup>f</sup> Editi, *Jam tumidi ponens*. Emendantur ex ms. Laudun. COUSTANTIUS.

<sup>g</sup> Al., *prompsit victa ipse caligine*. QUESN. in marg.

<sup>h</sup> Ita cum ms. Laudun. QUESN. — Alii vero libri,

A Ac primum cæli pænsus liber omnia mundi  
 Complectens spatia, celso suspenditur orbe:  
 Terra gravis pigro descendit pondere ad imum,  
 Ac semet defixa salo fundata resedit,  
 Essetque ut spatium vacuæ regionis aperte,  
 Qua tener incedens mortalia pasceret æther,  
 Quoque exire patris possent tot munera rerum,  
 Ortaque ferrentur nullo per inane labore,  
 Diffusæ coguntur aquæ; mox <sup>l</sup> limite certo  
 Liquuntur maria, nec finem transilit unda.  
 Tunc oritur lux alma, dies quæ jussa vocari.  
 Nascentem tenero perfudit lumine mundum.  
 Munus opusque tuum prodens, tua maxima dona.  
 Condere quæ genitor patria pietate parabat,  
 Utque hominum solers posset clarescere vita

B Artibus æthereis quæ totas ducere luces.

Gaudet, et ingenium diversa laude fatigat.

Insequitur nox atra diem densæque tenebræ,  
 Corporibus somnos quæ ferrent otia fessis,  
 Et cunctis unam faciem similemque figuram.  
 Namque dies varia <sup>m</sup> rerum discriminat ora,  
 Et dat cuique suum disjecta nocte colorem,  
 Instigatque animos <sup>n</sup> opere ad majora calentes,  
 Exacuens variis mortalia pectora curis:  
 Quo mage forma dies vitæ, nox mortis imago.

Tunc condens Pater astra polo, ac lumine <sup>o</sup> vivens  
 Sidera distinguens, variis per tecta figuris  
 Lucifer exsurgit roseus et fulgidus ore  
 Vesper, puniceos spargit aurora capillos.  
 Anguis agit sudum, important pleiades imbres.

C Sunt juga, sunt plaustra, gemmantes flore coronæ,  
 Signaque bisseis annum volventia formis.  
 Multaque præterea celsæ domus ornamenta,  
 p Queis sæclum fulcit signis, et regia summa  
 Picta parens varia stellarum luce coruscat.  
 Sed soli lux major inest, quem munere largo  
 Excultum genitor pleno dignaris honore.  
 Igneus ille jubar præcelso vertice tollit,  
 Ora rubens patulo, cæli per mœnia fertur,  
 Astrorum ductor mundi viget, atque elementa.  
 Ecce aliud mirum, mirum decus, en nova cursum

nomine. COUSTANT.

<sup>i</sup> Weitz., *maturo*. QUESN. — Favente ms. Colb., *natura*. COUSTANT.

<sup>j</sup> Non displicet cum Weitz., *locosque*. COUSTANT.

<sup>k</sup> Adjecimus *simul* ex ms. Laud. Legit Quesn.: *Atque inconfusas descendunt*. Weitz. autem: *Et confusa prius descendunt viscera molis*. Pro *descendunt* satis arderet *discidunt*. COUST.

<sup>l</sup> Cod. Wict. cum Colb., *limine*. COUST.

<sup>m</sup> Non placet cum Weitzio, *varias... oras*; namque hic os pro forma et facie ponitur. COUST.

<sup>n</sup> Editi, *opera*, renitentibus mss. COUST.

<sup>o</sup> Quesn., *vivo*. Ms. Laudun., *videns*.

<sup>p</sup> Quesn., *Qui*.



Mutat luna suum, quos perdit colligit ignes,  
 Cornuaque exstinguens perturbat <sup>a</sup> lumine frontem.  
 Mox tamen ardescit completo circulus orbe  
 Noctilucum lumen pascit sata sidera luce.  
 Nec tamen æterno, quæ machina volvitur <sup>b</sup> æthere,  
 Non tantum pictura poli est, nec celsa voluntas;  
 Mens ratioque subest, et rebus utilis ordo.  
 Hinc doctrina venit terris, hinc denique cunctis  
 Consilium agricolis, et qui maria alta pererrant,  
 Ut se quaque ferant luces prædicere possint,  
 Venturos norint imbres, siccumque serenum,  
 Tempore quo tauros campis inducat arator,  
 Et dubium tentet securus navita pontum.

Instructos ignes cælo, Pater optime, terras  
 Excolere aggredieris, et <sup>c</sup> munere donas opimo.  
 Regna hominum, pecudumque larem requiemque <sup>B</sup>  
 volucrum

Planescunt campi, colles tumor arduus effert,  
 Subsident valles, florentia prata virescunt,  
 Saxaque durantur, pinguis se gleba resolvit,  
 Rumpuntur fontes, <sup>d</sup> fluvii genus arduum unde est,  
 Herbarum varia consurgunt gramina campis.

Jamque seges tenera fructum fundebat arista,  
 Cum juga nulla forent, nec vomer ullus aratri,  
 Mugiret nullus proscissis taurus in arvis,  
 Ecce etiam vitis madido jam plena racemo  
 Expers falcis adhuc, et duri nescia ferri,  
 Pampineas celsis texebat collibus umbras.  
 Diversa exoritur variarum forma ferarum,  
 Quadrupedes animæ, nec non repentina terris.  
 Nascuntur pictis volucres per nubila pennis.

His ubi perfectis Genitor, jam divite mundo  
 Cuncta videt magni curam deposcere regis,  
 Qui mare, qui terras, atque omnia nata gubernet,  
 Quique altum spectet cælum, laudetque <sup>e</sup> potentis  
 Munera magna Dei, ne sint hæc condita frustra.  
 Tunc faciamus, <sup>f</sup> ais, hominem. Dic, optime, cum quo?  
<sup>g</sup> Nunc loqueris? clarum est: jam tum tibi Filius alto  
 Assidet in solio, et terras <sup>h</sup> spectat amicas.  
 Sed faciamus, ais, hominem, cujus vultus imago  
 Noster erit, manibusque meis procedat in ævum.

Inde opifex rerum, assumis mollia terræ  
 Atque virum formas, cujus <sup>i</sup> de costa cupido  
 Fit mulier vultu, mulier de costa viri fit.  
 Quo mage chara viro et lateri sit conjugis apta.  
 O felix animal, summi cui dextra Tonantis

<sup>A</sup> Est pater! o felix nimium, qui ducis olympo  
 Et genus et formam! si te non noxia terræ  
 Decipiant vitia, nec blandus subruat error,  
 Numen eris, cæloque redux mirabere regna,  
 Quæ promissa bonis fido Pater exhibet ore.  
 Nam tibi multa Deus na-centi contulit ultro,  
 Ætheream faciem primum, vultumque paternum,  
 Incessumque pedum rectum, sublimia colla,  
 Ne qua mora in cælum oculis spectantibus esset,  
 Tunc alacres promptasque manus, vitæque ministras  
 Atque domum divæ pectus rationis, et alti  
 Sedem consilii, <sup>j</sup> fundendæ vocis honorem.

Hæc soli concessa homini: nam cætera mutum  
 Est pecus: obtinuit ventrem, præcordia, nervos,  
 Venarum rivos, et sparsum corpore sanguen,  
<sup>B</sup> <sup>k</sup> Juste, levique simul sensusque dolores.

Tu vero, Omnipotens, privato munere largus  
 Erga hominem, manibusque tuis operisque favore  
 Impendens patria pignus pietate colendo,  
 Ne quid divinis modo desit vultibus, ignem  
 Ætheris inspiras, et sacræ mentis opimam  
 Indulges partem, <sup>l</sup> permixtus corpore toto,  
 Tunc meminisse licet veterum, præsentia <sup>m</sup> nosse  
 Hinc datur, atque animæ fas est ventura videre.  
 Hinc loquimur cænimusque Deum, hinc sidera cuncta  
 Terrarumque viget cultus, pontusque movetur;  
 Hinc artes, <sup>n</sup> nomenque pudor, prudentia, justum;  
 Hinc animæ surgunt fortes, hinc pergit honestum,  
 Et via quæ ducit castos ad limina cæli.

Ergo hominem pleno perfectum munere terris  
<sup>C</sup> Præponis, Genitor, et rerum tradis habenas:  
 Cuncta habeat subdatque sibi, <sup>o</sup> fieretque  
 Telluris dominus, famulus tuus, omnia mundi  
 Possideat, tantum Domino tibi serviat uni.

Postquam primus homo vetito se pascere ligno  
 Non timuit, captusque dolis se præbuit angui,  
 Stat reus, et nudus dejecto lumine vestem  
 Implorans, Dominumque fugit, vultumque recondit  
 Culpa comes sequitur, peccato obnoxia vita  
 Debilitat vires, cælo venientia dona.  
 Æthere demissus paulatim deficit ignis,  
 Frigore peccati torpentia corda rigescunt,  
 Cura cibi ventrisque <sup>p</sup> subibat, cura tegendi  
 Corporis, et sacrum subeunt mortalia pectus.

Nascitur hinc proles peccati, germinat inde  
 Deterior soboles multo, pejorque priori

<sup>D</sup> <sup>j</sup> In ms. Laudun., *facundæ vocis*. In versu seq.  
 Alias, *cætera motu*. Coust.

<sup>k</sup> Veitz., *Lætitiæque sinus duri sensusque doloris*.  
 Nonnihil favet ms. Vict. a secunda manu. An *In vitæ  
 lethique?* Coust.

<sup>l</sup> Solus Veitzius, *permiscens*; qui deinde legit cum  
 mss. Vict. et Colb., *corpore totam*; ac rursum solus  
 subijcit, *hinc meminisse*. Coust.

<sup>m</sup> Quesn., *pro nosse, habet menti*.

<sup>n</sup> Quesn. in textu, *manantque*, et in marg. Alias,  
*nomenque*, quod cum cæteris editis et mss. retinui-  
 mus.

<sup>o</sup> Colb. ms., *viceretque cuncta*. Vict. secundis cu-  
 ris, *vivatque perennis*. Coust.

<sup>p</sup> Solus Quesn., *subit, ac cura*.

<sup>a</sup> Ita ms. Laudun. At editi, *limite*. Coust.

<sup>b</sup> Veitz., *axe*, et mox, *volanti*, non *voluntas*. Coust.

<sup>c</sup> Quesn. ratione metri, *donas munere opimo*.

<sup>d</sup> Reponit Veitzius, *cunctis genus omnibus unde est*;  
 sed non reddit sententiam auctoris, quippe qui fluviiis  
 originem arduam attribuit; quia ex fontibus oriun-  
 tur, qui in arduis esse solent. Coust.

<sup>e</sup> Coust., *potenter*.

<sup>f</sup> Quesn. in textu, *ait*, et in marg. Alias, *ais*.

<sup>g</sup> Ita ms. Colb. cum Veitz. Alias, *Non loqueris  
 clarum: jam*. Coust.

<sup>h</sup> Nunc videtur pedis pars ad versus complemen-  
 tum deesse; sed non apud antiquos, quibus id moris  
 erat ut *expectat* legerent. Coust.

<sup>i</sup> Legit Veitz. mox, *costa cupido*, et mox, *nam costa  
 pro de costa*. Coust.



Progenies sequitur gradibus ad crimina crescens:  
Crimina quæ stimulis acunt dementia corda,  
Teque, Pater, variis armant<sup>a</sup>.

Tum primum venit opere incumbere terris  
Intempestivus descendere nubibus imber,  
Fulgmina tum primum cælo dejecta sereno;  
Horrida tum grando turbatos verberat agros,  
Et tonitru altisono infractus murmurat æther.  
Nec tamen ista malos revocant; furor impius orbem  
Obsidet, et laxis rabies defertur habenis.  
Bella placent, cædesque simul, perjuria, fraudes,  
Mentirique libet, rapere est amor, abdere furtâ.  
Nulla fides populis, nulla est jam veritas usquam.  
Diluvio abluitur terrarum crimen et undis,  
Virque unus residet generis populique rector.  
Arca tegit paucos castorum semina servans;  
Jam tum venturi facies monstrata lavacri,

<sup>a</sup> In ms. Vict. a secunda manu hic assuitur, *ad fulmina factis*; apud Veitizium autem, *punire periclis*; ac deinde, *Tum primum mala cœperunt*. COUST.

<sup>b</sup> Post cl. Zehnerum Veitizius, *dat luce renatis, scep-  
ptos servans Ecclesia partus*. Alii editi, *data lance*

A Atque unus multis, per quem<sup>b</sup> data luce renati.  
Susceptor fido servans Ecclesia partu.

Postquam diluvii cecidit tumor, unda resedit,  
Ales paciferæ folium portavit olivæ,  
Jam siccis revolans pennis dedit omnia pacis.

Tum populus surgit melior<sup>c</sup> tum purior undis  
Gens hominum magnos terris paritura nepotes.  
Inde sacerdotis in cælum dedita corda,  
Hinc inter flammâs pueri cantare parati,  
Et puer impasti quem non tetigere leones,  
Tum reges cecinere Deum, tum vera prophetis  
Ora sonat cæli sobole splendentia terris.  
Quamvis cuncta Deo servirent crimine victo;  
Attamen antiqui etiam nunc gutta veneni  
Spargebat populos, et erant vestigia fraudis,

B Quæ bonus ablueret doctor melioribus undis.

*renati, sed scep-  
ptos (Al. ceptos)... servans Ecclesia  
partu*. Sequimur ms. Laudun. COUST.

<sup>c</sup> Quesn., *quam prior in undis*; et postea, *Inde sa-  
cerdotes*.

Ex præcedentibus Prolegomenis lectori comperire fuit obvium, Quesnellum, dum Leonis Magni Operibus recensendis operam daret, his S. Hilarii Arelatensis Opuscula, cum amplissima de illo Patre dissertatione, annexisse. Quæ quidem dissertatio, quamvis Apologetica pro S. Hilario sit inscripta, tot tamen ac tantis rationibus ad Leonem pertinet, ut vix alias quam ubi Quesnellus inseruit, inviolato rerum ordine, collocari queat. Hic igitur illam consulto omittimus, inter cæteras Quesnelli in Leonem Magnum Elucidationes, tomo scilicet LV nostræ Patrologiæ, typis mandandam reservantes. EDIT.

ANNO DOMINI CCCCL.

## PASCHASINUS, LILYBÆTANUS EPISCOPUS.

### NOTITIA HISTORICO-LITTERARIA IN PASCHASINUM.

(Ex Schoenemanni Bibl. hist. litt. tom. II.)

#### § I. Vita.

Paschasinus civis et episcopus clarus maxime legatione Leonis I jussu ad concilium Chalcedonense a. 451 una cum Lucentio episcopo Asculano et Bonifacio presbytero suscepta, inter quos ipse tamen primus loco et honore fuit, primusque Actis concilii Leonis nomine subscripsit. Neque hoc unicum fuit Leonis de doctrina et prudentia viri hujus testimonium, sed jam antea meruerat ut ab eo de Paschatis a. 444 supputatione, haud levi tunc quæstione, consuleretur. Multa autem gravia per id tempus cum Ecclesia sua perpressus est a Genserico, de quibus ipse in epistola ad Leonem conqueritur. Extrema vitæ ejus incerta sunt.

#### § II. Scripta.

Superest epistola ejus ad Leonem, de Quæstione Paschali, scr. a. 443, qua Leonis epistolæ quæ intercidit, respondet. Apud Marianum Scotum male in

C duas epistolas dissecta est et ab aliis etiam duobus titulis ineptis, nimirum *de Fontis miraculo*, et *de Captivitate Vandalica* laudari solet. Epistola autem altera Paschasini *de Damnatione Dioscuri*, quam exstare tradunt in Actione 3 concilii Chalcedonensis, non est epistola, sed ejusdem Paschasini coram ipso concilio Leonis nomine dicta in Dioscurum sententia, quod nemo non videt, qui Acta ipsa inspicere velit; obvia in *Conciliis Labbei T. IV, pagg. 419-21*; *Harduini T. II, pagg. 343-46*; *Mansii T. VI, pagg. 4046-48*.

#### § III. Editiones.

Paschasini epistolam non solum multi Epistolarum Leonis M. libri mss. servarunt, sed transmissa etiam in *Chronicis suis Marianus Scotus sæculi undecimi chronographus, lib. II, act. 6 ad a. 444, ed. Bas. apud Oporin. a. 1559, p. 344-46*, et in *Pistorii SS. rer. Germ. Ratisb. 1726*.

Emendata est potissimum Petavii et Bucherii opera



quorum alter in opere *de Doctrina Temporum* non- A que annotationes addidit pagg. 425 sq. ed. Lugd. Tan-  
nulla castigavit ad mss. codd. Jac. Sirmondi, alter dem Ballerinii relectam ad ms. Vat. Reginae Sueco-  
totam auctiorem et elimatiorem descripsit ex aliis rum num. 586, sæculi xi, in quo Paschasini opere  
mss. exemplaribus in *Commentario in Victorium A-* inserta erat, cum copiosis et ipsi annotationibus et  
quitatum (*Antuerpiæ in off. Plant. apud Bathas. Mo-* variantibus lectionibus repræsentarunt inter Leoni-  
retum 1634) pagg. 75-77. Dehinc eam suscepit nas num. III, non omissis Quesnelli notis *tomo III.*  
Quesnellus inter Leoninas post epistolam II, doctas- Adde *Mansii Concilia T. III, p. 1222.*

## PASCHASINI EPISTOLAM

Vide inter *Epistolas Leonis Magni*, numero III, infra, tom. LIV.

EODEM TEMPORE.

# P. ANNÆUS SYLVIUS, EPISCOPUS OCTODURENSIS.

## NOTITIA HISTORICO-LITTERARIA IN SYLVIVM.

(Ex Schoenemanni *Bibl. hist. litt.* tom. II.)

### § I. Vita.

*Polemius* sive *Sylvius* aut *Salvius* (a), episcopus Octoduri (qui locus hodie audit *Martignac*, et situs est ad Rhodanum in comitatu Vallesino Helvetio- rum); si idem vere fuit, cui Eucherius Lugdunensis Passionem Martyrum Agaunensium nuncupavit. Certe nihil amplius præter hoc cum laudatissimo viro, cui vicissim lucubrationes suas inscripsit, vin- culum, vitæ ejus memoriam commendat.

### § II. Scripta.

Exstat ejus *Laterculus* sive *index dierum festorum*, singulis mensibus tum inter Christianos, tum apud Gentiles celebrari solitorum, scr. Theodosio Juniore et Valentiniano Augustis, Flavio Zenone et Porthu- miano coss. i. e. a. 448.

(a) Bollandus *P. Annæum Silvium* scripsit.

### B

### § III. Editiones.

Partem hujus *Laterculi*, mensem scilicet Janua- rium et excerpta ex aliis vulgavit primus Bollandus in præfatione gen. ad *Acta SS. T. I Jan. p. 44, 45.* Integrum deinde proposuerunt continuatores ejus *tomo VII Junii pagg. 178-481* cum præfatione de ms. codice, ex quo ille proficiscitur, item ætate, auctore et indole ejus, ad quæ magis illustranda aliud simul ediderunt *Kalendarium* e regione *Later- culi* hujus impressum *Furii Dionysii Philocali*, quod antea evulgarat Bucherius in *Commentario in Victo- rem Aquitanum*. Attamen multis hic *Laterculus* in locis mancus est et ab excerptis etiam, quæ Bollan- dus olim ediderat, perquam sæpe recedens ut pri- dem *Benedictini* auctores *Historiæ Litterariæ Galliæ T. II, p. 295, 96*, et nuper *Mansius* ad *Fabricii Bibl. C M. et Inf. Lat.* animadverterunt.

## SYLVII KALENDARIVM

Videsis, lector, supra *tomo XIII nostræ Patrologiæ*, col. 676, ubi materiæ propinquitas jam nobis præbuit rationem edendi opus Sylvi.

EODEM TEMPORE.

# TURRIBIUS, ASTURICENSIS EPISCOPUS.

## NOTITIA HISTORICO-LITTERARIA IN TURRIBIVM.

(Ex Schoenemanni *Bibl. hist. litt.* tom. II.)

### § I. Vita.

Turribius, Asturicensis in Hispania Tarraconensi episcopus, acerrimus Priscillianistarum hostis et

D vexator, qui postquam ex variis per Hispaniæ et forte etiam exteris provincias peregrinationibus redux de malo hoc late in tenebris serpente, primum amicos



Idacium et Ceponium, episcopos, mox Leonem Romanum semel iterumque ad auxilium contra ferendum excitavit, jussorumque ejus et epistolarum ad Tarraconenses, Carthaginienses, Lusitanos (Bæticos) atque Gallæcos episcopos de generali concilio celebrando ministrum se præbuit. Acta quoque hac in causa, non in Gallæcia solum, sed et aliarum quatuor provinciarum (a) synodus; sed de successu utriusque nihil ad nostram memoriam pervenit.

### § II. Scripta.

Restat Turribii epistola de non recipiendis in auctoritatem fidei apocryphis scripturis, et de secta Priscilianistarum ad Idacium et Ceponium scr. a. circiter 447, cum nondum episcopi dignitatem esset adeptus. Interciderunt epistola ad Leonem, aliaque, quorum ille in Epistola responsoria (quæ in edd. ante Quesnellum factis est XCIII, in Quesnelliana et Balleriniurum XV) diserte meminit.

### § III. Editiones.

Laudatam epistolam edidit primus Ambrosius de Morales in *Historia Hispaniæ lib. xi, cop. 26*, ex codice S. Æmiliani, qui in Bibliotheca S. Laurentii Escuriarum servabatur. Exinde eam Baronius inseruit *Annalibus* ad annum 447 (ed. Rom. a. 1607, T. VI, pagg. 43, 44; Colon. a. 1624, p. 50; ed. Mans. T. VII, pagg. 604-6), et Franciscus Bivarius (*Commentariis in Chronicon Maximi continuatoris Pseudo-Dextri* (Madriti 1651,) ad a. 445, n. 6, pagg. 157—159, qua occasione fuse de Turibio disputat. Mox recepta fuit inter *Concilia Hispaniæ cardinalis de*

Aguirre et cum notis ejus illustrata in editione priori (*Romæ typis Jo. Jac. Komareck 1694*) T. II, p. 218—222; nova autem (*Romæ ex typogr. Ant. Fulgonii*) T. III, p. 108—111. Leoninis Epistolis inseruit primum Pasch. Quesnellus post Leonis ad Turibium epistolam quæ numero est XV. Novissime recusa est a Balleriniis post eandem Leonis epistolam T. I, col. 711, quem locum tamen non tam consilio editorum, quam errore typographorum, quibus Quesnellianum exemplum describendum datum erat, obtinuit. Subjicienda enim erat in Appendice T. I, p. 1478. Sed bis repetere noluerunt. Plurimum lucis huic epistolæ affunditur ex animadversionibus Quesnelli ad laudatam Leonis epistolam, ed. Lugd. p. 445, quibuscum jungendæ sunt Balleriniurum in eadem notæ T. III, col. 1362—86. Baluzius in præf. ad *Nov. Conc. Collectionem* in suspicionem hanc epistolam adduxerat, sed satis eam antiquitate codicis Æmiliani vindicari demonstrarunt Ballerini: quippe codicis istius notitiam, tametsi quidem haud satis exactam, dedit Ambrosius de Morales; sed Leonis editores ex libro Canonum, quem ante Ambrosium a. 1575, jussu card. Quirogæ, Jo. Bapt. Perezus ex mss. Hispanicis conscripsit et Romam ad Gregorium XIII, ut emendationi Gratiani inserviret, transmisit, ubi nunc in Bibl. Vat. n. 4887 custoditur, affirmant, ms. hujus Æmiliani, qui inter alios Hispaniæ collectionis codices in eo fuit adhibitus, antiquitatis et præstantiæ adeo manifesta esse indicia, ut omnem de interpolatione aut suppositione suspicionem penitus tollant.

(a) Antonius in *Bibl. Hisp. Vet. Lib. III c. 4, § 104*.

## TURRIBII EPISTOLA

Habetur infra citato tomo nostro LIV, inter Leoninas numerum xv sortita, ubi videsis, benevole lector.

# INDICES IN CASSIANUM.

## INDEX

### RERUM ET VOCUM QUARUMDAM NOTABILIUM IN TEXTU CASSIANI OCCURRENTIUM.

Numerus Romanus librum vel collationem indicat: Arabicus vero, caput.

Abbas quidam moriturus ob meritum obedientiæ, successorem delegit, *Instit. iv, 28*. Abbas qualis esse debeat, *Instit. v, 3*.

Abraham anachoreta: ejus virtutes et miracula, *Collat. xv, 4 et 5*.

Abrenuntiatio quid sit, *Instit. iv, 34*. Abrenuntiationum tria genera. *Collat. iii, 6*. His tribus tres Salomonis libri respondent, *Collat. 3, 6*. Abrenuntiatio exterior non prodest absque interiori, *Instit. iv, 36*; *Collat. iii, 7*. Abrenuntiatio mala, et male abrenuntiantes describuntur, *Collat. iv, 20*. Vide Renuntiatio.

Abstinencia antiquorum Patrum, *Instit. iv, 11*. Cæteris virtutibus sociata esse debet, *Instit. v, 10 et 11*. Abstinencia qualis esse debeat ad superandum fornicationis spiritum, *Instit. vi, 7, 8*. Abstinentiæ modus non omnibus uniformis, *Instit. iv, 5*. Abstinencia corporalis quo spectet, *Instit. v, 22*. Abstinencia cujusdam senis sexies comedentis et adhuc esurientis, *Instit. v, 25*. Pæsii Abbatis usque ad solis occasum, *Instit. v, 27*. Abstinentiæ tempe-

ramentum quomodo servandum diebus Dominicis et festivis, *Collat. xxi, 25*. Vide Jejunium.

Acedia describitur, *Instit. x, 1 et seq.* Tristitiæ affinis, *Ibid.* Solitarii maxime circa meridiem infestat, *Ibid.* Unde et dæmonium meridianum appellatur, *Ibid.* Monachos quomodo corripiat, *Instit. x, 2, 3*. Quomodo superanda, *Instit. x, 25*. Unde oriatur, *Collat. v, 3, 9*. Ejus duo genera et duplex tentatio, *Collat. v, 11*.

Activa vita in duobus consistit, *Collat. xiv, 3*. Actualis vita in præsentis tantum exercetur, *Collat. i, 10*. Post hanc vitam terminanda, *Collat. i, 10*. Activæ vitæ opera multiplicia, *Collat. i, 4*.

Actuum præteritorum recordatio quatenus utilis aut noxia, *Collat. xx, 19*.

Adæ peccatum levius an gravius peccato Evæ, *Collat. xx, 11*. Peccati utriusque poena, *Collat. xx, 11*.

Adversa facilius, quam prospera sustineatur, *Collat. vi, 9*; *Instit. xi, 11*.

Aeræ potestates quæ sint, *Collat. viii, 12*.



- Affectus operantis, non operis effectus, aut eventus spectandus, *Collat.* vi, 8, 9. Affectus immoderatio etiam in res vilissimas perfectionis studio contrarius, *Collat.* i, 6, 9.
- Afflictiones justorum juste a Deo immittuntur, *Collat.* vi, 2 et seq. Afflictionum diversa genera et causae, *Collat.* vi, 11.
- Ἀγάπη, et δαίμων ut differant, *Collat.* xvi, 14. Agape quid, *Collat.* xxiv, 12.
- Agonis spiritualis cum externo et saeculari comparatio, *Instit.* v, 12. Agonis spiritualis fundamentum in corporis castigatione situm, *Instit.* v, 17.
- Allegoriae usus in Scripturis sacris, *Collat.* viii, 3; xiv, 8. Allegoria gentium alienarum e terra sancta expulsarum, *Collat.* v, 16 et seq.
- Amans, et timeus ut differant, *Collat.* xi, 9, 10.
- Ambidextri in Scriptura qui dicantur, *Collat.* xvi, 10.
- Ambitio in monachis reprehenditur, *Collat.* i, 20; iv, 20; *Instit.* x, 2; xi, 14, 15; xii, 30.
- Ambitiosos non acquirere veram et solidam scientiam, *Collat.* xiv, 9 et 10. Ambrosii encomium, *Incar.* vii, 26.
- Amicitiarum diversa genera, *Collat.* xvi, 2. Amicitia unde indissolubilis efficitur, *Collat.* xvi, 3 et 6. Amicitia vera virtute nititur, *Collat.* xvi, 3. Amicitia perpetua non nisi inter perfectos stare potest, *Collat.* xvi, 4, 24, 28. Amicitiae particulares et iuramento contractae improbantur, *Collat.* xvi, 28.
- Anachoretarum vita, et conversatio, *Instit.* v, 36. Anachoretæ unde orti, atque appellati, *Collat.* xviii, 6. Anachoretarum sanctimonia in ipso vultu relucens, *Collat.* xi, 2. Cujusmodi loca expetere debeant, *Collat.* xxiv, 3. Anachoretarum studia cuiusmodi esse debeant, *Collat.* xxiv, 4. Anachoretas etiam in remotissimis locis Deus obscuros esse non sinit, *Collat.* xxiv, 19.
- Anagoge in Scripturis quid, *Collat.* xiv, 8.
- Angeli cur dicantur Principatus et Potestates, *Collat.* viii, 18. An ante mundum visibilem creati, *Collat.* viii, 7. Nomina unde illis indita, *Collat.* viii, 15. Angelorum stabilitas ex Dei gratia, *Collat.* vi, 16. Angelorum lapsus, *Collat.* viii, 8 et seq. Angelos malos singulis hominibus deputatos opinatur abbas Serenus, *Collat.* viii, 17. Angeli mali inter se pugnant, *Collat.* viii, 13.
- Animæ tres status, *Collat.* iv, 19. Anima humana immortalis, *Collat.* i, 14. Post hanc vitam nec sensu nec intellectu caritur, *Collat.* i, 14. Numquam otiosa, *Collat.* vii, 4 et seq. Molæ aquariæ similis, *Collat.* i, 18. Item plumæ, vel pennulæ volanti, *Collect.* ix, 3. Animæ decor, et fœditas in quo consistat, *Collat.* iii, 8. Mobilitas, *Collat.* vii, 3. Perfectio, *Collat.* vii, 3 et 4. Facultas triplex, *Collat.* xxiv, 15. Animæ naturaliter insunt semina virtutum, *Collat.* xiii, 12. Animæ pars superior primo curanda, *Collat.* xxiv, 16.
- Animi triplex morbus, *Collat.* xxiv, 15.
- Anniversarius depositionis defuncti dies celebratur, *Collat.* xix, 1.
- Anthropomorphitarum hæresis, *Collat.* x, 2 et seq.
- Antiphonarum antiquus usus, *Instit.* ii, 2.
- Antiocheni symboli fides, ejusque expositio, *Incar.* vi, 3 et seq.
- Antonii Eremitæ laus, *Collat.* xviii, 6. Ejusdem de perfecta oratione notabilis sententia, *Collat.* ix, 3. Item de discretionem, seu prudentia, *Collat.* ii, 2. Item de exemplis virtutum diligendis et imitandis, *ibid.*
- Apparere quid sit, *Incar.* ii, 3.
- Appetitio ciborum qualis esse debeat, *Instit.* v, 8 et 9.
- Apum industria, *Incar.* vii, 3.
- Aquæ potum moderatum quoque esse debere, *Collat.* xii, 11, 15, xxii, 3.
- Archebii anachoretæ commendatio et virtutum commemoratio, *Instit.* v, 37, 38. Ejusdem ad episcopatum vocatio et provectio, *Collat.* xi, 2.
- Artes omnes proprium finem habent, *Collat.* i, 2. Artis magicæ auctor Cham, *Collat.* viii, 21.
- Athanasii elogium, *Incar.* vii, 30.
- Avaritia simulacrorum servitus, *Collat.* xii, 2. Vide Philargyria.
- Auditorum capacitati ac meritis docentis sermonem Deus accommodat, *Collat.* i, 25.
- Augustini commendatio, *Incar.* vii, 28.
- Baculum cur gestabant monachi Ægyptii, et qua significatione, *Instit.* i, 9. Baculi usus olim monachis familiaris, *Collat.* xi, 3.
- Basilli Magni sententia de virginitate sua, *Instit.* vi, 19. Ejusdem de monacho non perfecte renuntiante bonis temporalibus, *Instit.* vii, 19.
- Blasphemus traditur immundissimo spiritui, *Instit.* xii, 20.
- Bona quæ proprie dicantur, *Collat.* vi, 3; xxi, 12, 16.
- Bonum principale virtus est, *Collat.* xxi, 12. Quomodo a cæteris bonis discernatur, *Collat.* xxi, 16. Bonum quod. Apostolus se perficere non posse testatur, *Collat.* xxiii, 3.
- Calceamentis cur non utebantur monachi Ægyptii, *Instit.* i, 10.
- Canonicæ orationes nocturnæ, *Instit.* ii, 1 et seq. Canonicus psallendi modus, et Psalmorum numerus Angelo traditus, *Instit.* iii, 4 et 5. Canonicæ orationes diurnæ apud monachos Ægyptios, *Instit.* iii, 1 et seq.
- Carnis vocabulum varie sumitur in Scriptura, *Collat.* 4, 10. Carnis et spiritus pugna utiliter in nobis relicta, *Collat.* iv, 7. Carnis desideria quomodo compescantur, *Collat.* xii, 3.
- Carnalia vitia differunt a spiritualibus, *Collat.* v, 4.
- Cassianus a Chrysostomo Diaconus ordinatus, *Incar.* vii, 32.
- Castigatione temporalis indigni sunt homines reprobi, *Collat.* vii, 31.
- Castitatis commendatio, *Instit.* vi, 15, 16 et 17. Castitas sanctimonia nuncupatur ab Apostolo, *Instit.* vi, 15. Homines Angelis quodammodo æquat, *Instit.* vi, 6. Quibus modis comparatur, *Instit.* vi, 9, 10 et 12; *Collat.* xi, 14; xii, 11 et seq. Quomodo conservetur, *Collat.* xii, 21. Quibus argumentis exploranda, *Collat.* xix, 16. Jejuniis et orationibus maxime acquiritur, *Collat.* vii, 2. Castitatis præmium, *Instit.* vi, 17. Est peculiare Dei donum, *Instit.* vi, 6; *Collat.* xii, 4, 15 et 16. Differt a continentia, *Instit.* vi, 4; *Collat.* xii, 10 et 11. Castitatis nititur humilitate, et scientia Castitatis, *Instit.* vi, 18. Castitatis perfectio unde cognoscatur, *Instit.* vi, 10, 20 et 22. Castitas studiose servanda, *Collat.* xii, 16. Castitatem promovet patientia, *Collat.* xii, 6. Castitatis gradus et differentia, *Collat.* xii, 7. Castitati magna suavitas conjuncta est, *Collat.* xii, 15. Eam soli agnoscunt qui experiuntur, *Collat.* xii, 13. Castitas Philosophorum gentilium imaginaria, aut simulata, *Collat.* xii, 5. Castitas corporis sine cordis castitate nulla est, *Instit.* vi, 12 et 20. Castitas eximia Abbatis Sereni, *Collat.* vii, 1. Abbatis Pauli, *Collat.* vii, 16. D. Basilli, *Instit.* vi, 19. Abbatis Theonæ, *Collat.* xxi, 8 et 9. Cujusdam rustici, seu agricolæ, *Collat.* xiv, 7. Castitati non nocet carnis commotio in somnis, *Collat.* xii, 10. Nec jejunii laxatio tempore ab Ecclesia præscripto; modo parcimonia servetur, *Collat.* vi, 22.
- Castoris Epistola ad Cassianum, *Collat.* 53.
- Cellæ et solitudinis utilitas, *Collat.* xxi, 22.
- Cellam suam hospitibus et peregrinis cedit Archebius, *Instit.* v, 37.
- Cellam suam deserere, aut extra eam vagari quam perniciosum monacho, *Collat.* vi, 15.
- Cenodoxia quid, *Instit.* xi, 1 et seq. Multiplex et multiplex, *Instit.* xi, 3 et seq. Bulbis comparatur, *Instit.* xi, 5. Omnibus virtutibus insidiatur, *Collat.* v, 10. Difficulter curatur, *Instit.* xi, 6 et seq. Quomodo purganda, *Instit.* xi. Cenodoxiæ duo genera, *Collat.* v, 11. Aliquando utilis est, *Collat.* v, 12.
- Censuræ ecclesiasticæ etiam apud monachos usitatæ, *Instit.* ii, 15, 16.
- Centuplum recipere in hac vita quid sit, *Collat.* xxiv, 26.
- Centurio Evangelicus typus animæ perfectæ, *Collat.* vii, 5.
- Cham filius Noe magicas artes laminis ante æneis et lapidibus durissimis ante diluvium insculpsit, *Collat.* viii, 21.
- Charismatum divinorum tripartita ratio, *Collat.* xv, 1.
- Charitas non solum res Dei, sed etiam Deus est, *Collat.* xvi, 15. Præ omnibus amplectenda, *Collat.* xvi, 7. Etiam pro inimicis orat, *Collat.* xi, 10. Ejus cum fide et spe relatio, *Collat.* xi, 6. Ejus officii specialiter beatitudo promittitur, *Collat.* ii, 2. Charitatis gradus, *Collat.* xvi, 14. Ejus dignitas commendatur, *Collat.* xi, 6 et seqq. Charitati nihil præponendum, *Collat.* xi, 7.
- Chananeorum terra filiis Sem primo attributa, a Chananeis usurpata, *Collat.* v, 24.
- Chæremontis abbas laudatur, *Collat.* xi, 4.
- Christus solus immunis ab omni peccato, *Collat.* xxii, 9, 10. Solus venit in similitudinem carnis peccati, *Collat.* xxii, 11, 12. Solus absque peccato tentatus, *Collat.* v, 3. Iisdem modis tentatus a diabolo, quibus Adam, *Collat.* xxii, 6. Christi mors tridua quomodo intelligenda, *Incar.* vi, 23. Christum nou tantum habuisse divinitatem imaginem, sed etiam divinitatem, *Incar.* ii, 6 et seqq. Christi ortum non fuisse occultum, *Incar.* ii, 9 et seq. Christi divinitatem dæmoni non fuisse prorsus ignotam, *Incar.* ii, 11, 13. Christus sine patre, sine matre, sine genealogia, *Incar.* ii, 14, 15. Christi nomen miraculis illustre, *Incar.* ii, 19. Christus in cælum propria virtute ascendit, *Incar.* ii, 23, 24. Christus alia ratione vocatur salvator, quam homines, *Incar.* iv, 12. Christus solus potuit nos redimere, *Incar.* iv, 12. Christum non tantum θεωρεῖν, sed etiam Deum esse,



*Incarn.* v, 1 *seqq.*, 16. Christum dividere, aut duas in eo personas distinguere nefas est, *Incarn.* v, 7. Christum solvere quid sit, *Incarn.* v, 12. Christus solus nostræ salutis auctor, *Incarn.* v, 17. Christum esse unicum, non duos, *Incarn.* vi, 13, 15, 16. Christus non tantum magister noster, sed et liberator, *Incarn.* vi, 14. Christi temporalis ortus nihil detraxit divinitati ipsius, *Incarn.* vi, 19. Christi æternitas astruitur, *Incarn.* vi, 21. Christum vere hominem esse, *Incarn.* iii, 5.

Chrysostomus Cassianum in sacrum ministerium cooptavit, *Incarn.* vii, 52. Chrysostomi laus, *Incarn.* vii, 31.

Cibus monachorum qualis esse debeat, *Instit.* v, 23. Cibus monachorum Ægypti, *Instit.* iv, 11; *Collat.* ii, 21. Ciborum appetitus qualis esse debeat, *Instit.* v, 8, 9. Cibus necessitati, non voluptati servire debet, *Instit.* v, 14. Cibi ac potus satietas vitanda, *Instit.* v, 6. Cibi quotidiani optimus modus, et mensura, *Collat.* ii, 22. Cibi spirituales animæ noxii, *Instit.* v, 21. Cibus etiam necessarius cum tristitia sumebant SS. monachi, *Collat.* ii, 21. Cibarium et utensilium monasterii diligens custodia, *Instit.* iv, 19 *seq.* Vide Abstinencia. Cilicina vestis cur a monachis Ægyptiis improbata, *Instit.* i, 3.

Cingulum monachorum quid significet, *Instit.* i, 2, 12.

Cenæ Dominicæ sacrificium, *Instit.* iii, 3.

Cœnobitæ unde dicti, *Collat.* xviii, 4, 5. Eorum origo ab apostolis, *Ibid.* Cœnobitarum quis finis, *Collat.* xix, 8. Cœnobitica obedientia Christi exemplo nititur, *Collat.* xix, 6. Cœnobiticæ vitæ utilitates, *Ibid.* Cœnobium ut differt a monasterio, *Collat.* xviii, 9, 10; xix, 7, 8.

Cogitationum nostrarum tria principia, *Collat.* i, 19. Earum status describitur, *Collat.* i, 17. Origines et principia diligenter examinanda, *Instit.* vi, 13; *Collat.* i, 20, 21. Earum mutabilitas et inconstantia, *Instit.* vi, 16; *Collat.* x, 12. Cogitationum quadruplex discussio, seu discretio ad iustarum nummulariorum, *Collat.* i, 21, 22. Cogitationes non statim in actum deducendæ, *Ibid.* Cogitationes pravæ quomodo excludere debeamus, *Instit.* vi, 15. Cogitationes suas senioribus monachi patefaciant, *Instit.* iv, 9; *Collat.* ii, 11, 12 et 13. Ejus rei magna utilitas, *Ibid.* Cogitationes nostras an, quomodo cognoscant dæmones, *Collat.* vii, 15. Cogitationes bonæ et spirituales ut custodiendæ, *Collat.* x, 11, 13.

Colobii quare utebantur monachi Ægyptii, *Instit.* i, 5.

Communione sacram singulis Dominicis frequentabant, *Collat.* xxiii, 21. Communio sacra peccatis venialibus non impeditur, *Ibid.* Nec pollutione involuntaria, *Collat.* xxii, 4 *seqq.* Nec etiam energumenis denegatur, *Collat.* vii, 50.

Compunctionum diversitas, *Collat.* ix, 28. Earum causæ et qualitates diversæ, *Collat.* ix, 25, 26.

Concupiscentia carnis cur in hominē relicta, *Collat.* iv, 7, 13; xii, 5. Quid nobis prosit, *Collat.* iv, 13, 15 et 16.

Confessio et agnitio sui peccati quam utilis, *Collat.* ii, 11.

Consiliis propriis inniti quam periculosum, *Collat.* ii, 21; xvi, 11, 12. Consilia prava diligenter evitanda, *Collat.* viii, 11.

Consuetudines majorum non spernendæ, *Collat.* xxi, 12.

Contemplativa vita. Vide Theorice.

Continentia ut differt a castitate. *Instit.* vi, 4; *Collat.* xii, 10.

Contentiones monachorum pro rebus vilibus taxantur, *Collat.* i, 6.

Corpus peccati quid, *Collat.* xxiii, 16. Corporis imbecillitas non impedit continentiae seu abstinenciae virtutem, *Instit.* v, 7.

Correctionum monasticarum variæ species, et modi, *Instit.* iv, 16.

Correptio proximi quomodo faciendâ, *Instit.* viii, 5; xi, 16. Correptio moderata esse debet, *Collat.* ii, 13.

Crucifigi spiritualiter quid sit, *Instit.* iv, 34.

Crux nostra timor Domini est, *Instit.* iv, 34. Crucis Dominicæ contra dæmones virtus, et efficacia, *Collat.* vii, 23; viii, 18.

Cucullæ monachorum Ægypti, *Instit.* i, 4.

Culpæ leviores cur interdum gravius puniuntur, *Collat.* vi, 11.

Curas sæculares monachus fugere debet, *Collat.* ix, 5, 6.

Dæmon calcaneo nostro insidiatur, cujus caput observare et contere debemus, *Instit.* iv, 37. Dæmon auctoritate Scripturæ repellendus, *Collat.* xxii, 10. Multis de causis Christum Deum esse opinatus est, *Incarn.* vii, 21. Auctor et instigator otiosorum sermonum et fabularum, *Instit.* v, 21. Dæmon aperte confessus est se per Arium et Eunomium hæreses sparsisse, *Collat.* vii, 32. Dæmones sine permissione divina nocere nequeunt, *Col-*

*lat.* vii, 22. Ignorant cogitationes internas hominum, *Collat.* vii, 15. Non sine labore cum hominibus configere sensit abbas Serenus, *Collat.* vii, 21. Alii aliis vitiis præsent, *Collat.* vii, 17. Dæmones plerumque prius obsident et possident animas, quam corpora, *Ibid.* Perniciosius animas, quam corpora possident, *Collat.* vii, 28. Variis ex causis humana corpora possident, *Ibid.* Invocatione sanctorum pelluntur ab energumenis, *Collat.* xiv, 7. Duobus modis hominibus subjiuntur, *Collat.* viii, 19. Dæmonum vires per Christum debilitatæ, *Collat.* vii, 23. Dæmonum illusionibus expositi qui suo iudicio fidunt, *Collat.* ii, 11; xi, 11. Dæmones quomodo repellendi, ac superandi, *Collat.* viii, 18. Quomodo energumenis dominentur, *Collat.* vii, 12. Quomodo humanis mentibus copulenter, *Collat.* vii, 9, 10. Dæmonum peccata veniam non merentur, *Collat.* iv, 14. In impugnando homines quemdam ordinem et concordiam servant, *Collat.* vii, 19. Non sunt omnes ejusdem ferocitatis, *Collat.* vii, 20. Dæmonum genera diversa, *Collat.* vii, 32. Eorum vires et ingenia etiam diversa, *Collat.* vii, 20. Dæmonum ruina et lapsus, *Collat.* viii, 8 *seq.* Dæmonum alii aliis subjiuntur, *Collat.* viii, 16. Dæmones inter se subinde decertant, *Collat.* viii, 13. Dæmonum multitudinæ plenus est aer, *Collat.* viii, 12. Vide Diabolus.

Dangelis abbatis laus, *Collat.* iv, 1.

Debitum creditoribus pro matre persolvit Archebius, *Instit.* v, 38.

Decimarum et primitiarum oblatio Deo grata, *Collat.* xxi, 2. Decimarum et primitiarum oblatio qualis apud Judæos, *Collat.* xxi, 3.

Decipientis et decepti poena distinguitur, *Collat.* viii, 11.

Deliciæ cibi et potus monacho diligenter evitandæ, *Collat.* v, 11.

Detractorem audire perniciosum, *Instit.* v, 29.

Deus nihil ex natura sua malum creavit, *Collat.* viii, 6.

Deus solus ea quæ divina sunt, perfecte cognoscit, *Incarn.* vii, 7. Deus pro nobis sollicitior, quam nos ipsi, *Collat.* ix, 20.

Deus vult omnes homines salvos fieri, *Collat.* xii, 7. Deus in adiutorium meum intende, quantæ sit virtutis, *Collat.* x, 10. Deus solus incorporeus, *Collat.* vii, 13.

Propter se amandus, *Collat.* xi, 8. Deus secundum præsentem iustitiam de hominibus judicat, *Collat.* xvii, 26. Dei omnipotentia infinita, *Incarn.* vi, 1. Dei opera admiranda, *Collat.* xii, 14. Dei ira qualis, *Instit.* viii, 23. Deus sæpe invitos trahit ad salutem, *Collat.* xiii, 6. Deo humanæ affectiones et membra metaphorice ascribuntur, *Instit.* viii, 4.

Dei injurias nemo vindicare studet, sed proprias, *Collat.* ix, 22. Deum deserere mors est animæ, *Collat.* ix, 6; xxiii, 9. Expedit interdum a Deo derelinqui, *Collat.* iv, 6. Deo propriissime tribuitur esse, *Incarn.* v, 6. Dii homines vocati, *Incarn.* iii, 2. Dei voluntate, vel permissu cuncta geruntur, *Collat.* iii, 20.

Diabolus magis metuendus, quam hostis externus, *Instit.* v, 21. Sensit occultam divinitatis Christi operationem, *Incarn.* vii, 13. Quibus modis Christum tentavit, *Collat.* v, 5.

Diabolo venundatus homo per peccatum non fuit divinæ potestati subtractus, *Collat.* xxiii, 12. Diaboli illusiones quibus incautos decipit, *Collat.* i, 21 et *seq.* Diabolus quomodo dicatur mendax, et pater mendacii, *Collat.* viii, 25.

Vide Dæmon.

Diaconatus ordinem Abbas Daniel suscepit, *Collat.* iv, 1.

Diaconi munus, *Incarn.* vi, 11.

Diaconie præfectura seu dispensatio rerum monasterii aut eleemosynarum probatissimo cuidam seniorum deferebatur, *Collat.* xxi, 1. Diaconie præfectus populi oblationes recipiebat, *Collat.* xxi, 1, 2.

Diogenis sententia de adulterio non puniendo, *Collat.* xii, 5.

Diolcos oppidum Ægypti, *Instit.* v, 36. Item Eremus, *Collat.* xviii, 1.

Diluvio juste puniti, qui ante peccaverunt, *Collat.* viii, 24.

Disciplina rigor in monasteriis, *Instit.* iv, 16 et 20.

Discretionis virtus, seu prudentia, oculus et lucerna in Evangelio dicitur, *Collat.* ii, 2. Omnibus virtutibus præferenda, *ibid.* Inter nobilissima Spiritus sancti dona numeratur ab Apostolo, *Collat.* ii, 2, 4. Ejus utilitas et necessitas commendatur, *Collat.* i, 22, 23; ii, 1 *seqq.* A solo Deo datur, *Collat.* ii, 1. Discretionis defectu multi Anachoretæ turpiter lapsi, *Collat.* ii, 5 *seqq.* Discretionis virtus quomodo acquiratur et possideatur, *Collat.* ii, 9, 10.

Divitiæ tripartitæ in Scripturis, bonæ, malæ, mediæ, *Collat.* iii, 9. Divitiæ quæ proprie dicantur nostræ, *Ibid.* Divitiarum usus qualis esse debeat, *Collat.* vi, 3.

Docendis aliis nemo se facile idoneum reputare debet, *Instit.* x, 2; *Collat.* xiv, 10, 17. Docere alios præsumentes inducti reprehenduntur, *Instit.* ii, 5; *Collat.* xxiv, 13, 16.

Docentium alios duplex utilitas, *Collat.* xxii, 1.

Doctoris munus, *Collat.* xi, 4.



- Doctrina spiritalis duobus modis redditur infructuosa, *Collat.* xiv, 18.
- Dominico die nec jejunandum, nec genu flectendum majores censuerunt, *Instit.* ii, 18; iii, 11; *Collat.* xxi, 20. Dominicis diebus monachi ad ecclesiam procedebant, *Collat.* vii, 34. Sacra mysteria percipiebant, *Collat.* xiii, 21. Dominici diei sollemnitas in quo ab aliis diversa, *Instit.* iii, 11. Dormire post matutinas laudes monachi Ægyptii non solebant, *Instit.* iii, 5.
- Ebrietas non ex solo vino incurritur, *Instit.* v, 6. Ebrietas duplex cavenda, *Collat.* ix, 5.
- Ebionitarum error magis blasphemans, quam Manichæorum. *Incar.* v, 12.
- Ecstases frequentes abbatis Joannis, *Collat.* xix, 4.
- Eleemosynarum erogandarum necessitas, *Collat.* xx, 8.
- Energumenis quomodo maligni spiritus copulentur, *Collat.* vii, 12. Energumeni sanctorum invocatione a dæmonibus liberantur, *Collat.* xiv, 7. Pro energumenis orandum, *Collat.* vii, 28 seqq. Non sunt a sacra communione arcendi, *Collat.* vii, 30.
- Epiphania Domini apud Ægyptios quando celebrata, *Collat.* x, 2.
- Epistolæ paschales a patriarcha Alexandrino per provincias mitti solitæ, *Ibid.* Epistolas parentum priusquam legeret, combussit quidam monachus, *Instit.* v, 32. Eremitæ et vitæ eremiticæ utilitates, *Collat.* xix, 5. *Vide* Solitudo. Eremitæ solitudinis finis, *Collat.* xix, 7, 8. Eremum quare reliquit abbas Joannes, *Collat.* xix, 3. Eremum qui petere debeant, *Collat.* xix, 11.
- Esse propriissime Deo tribuitur, *Incar.* v, 8.
- Eucharistiæ sumptio contra diabolicas illusiones et pollutionem nocturnam plurimum confert, *Collat.* xxii, 6. Ea nemo se dignum judicare debet, *Collat.* xxi, 35; xxii, 7. *Vide* Communio.
- Eunuchis non desunt incentiva libidinis, *Collat.* xii, 10.
- Eunuchi laudabiles qui, *Collat.* xxii, 6.
- Eunuchorum tepor et socordia describitur, *Collat.* iv, 17.
- Eva gravissime peccavit Adamo, *Collat.* viii, 11.
- Evangelii præcepta leviora, quam legis, *Collat.* xxi, 13.
- Evangelii filios præcepta legalia supergredi debere, *Collat.* xxi, 5.
- Excelsus Deus cur dicatur, *Incar.* v, 5.
- Excitatoris in monasterio munus, *Instit.* ii, 17.
- Excommunicatio etiam apud monachos usitata, *Instit.* ii, 16. Eam incurrebant qui cum excommunicatis communicabant, *Ibid.*
- Exempla vitæ a paucis, sed melioribus expetend, *Instit.* iv, 38, 40.
- Experientia probatur perfecta renuntiatio, *Collat.* iii, 7.
- Fabula de tursoris mercede ad illusiones diaboli detegendas adaptata, *Collat.* xxiv, 15.
- Ficus deferentes ægrotanti fame moriuntur, *Instit.* v, 40.
- Fides ejusque incrementum ex Deo est, *Collat.* iii, 16; x, 3. Fidei cum spe et charitate collatio, *Collat.* xi, 6. Fides divina nititur auctoritate, *Incar.* iv, 6. Fides majorum retinenda, *Incar.* vi, 6. Fidei orthodoxæ evidens argumentum concors omnium Catholicorum sententia, *Incar.* i, 6; vi, 5; vii, 31.
- Finis consideratio in omni re necessaria, *Collat.* i, 2; ii, 26; iii, 5. Finis monachi quis, *Collat.* ix, 5. Finis cœnobitæ, *Collat.* xix, 8. Finis anachoretæ, vel eremitæ, *Collat.* xix, 7, 8.
- Flagitiorum recordatio vitanda, *Collat.* xx, 9.
- Fornicatio spiritalis, *Collat.* xiv, 11. Fornicationis spiritus quomodo superetur, *Instit.* i, 3, 12. Sine Dei gratia non superatur, *Instit.* i, 5, 6. Ejus stimulos et cogitationes immundas statim reprimere oportet, *Instit.* i, 13. Abstinencia et solitudine coercetur, *Instit.* i, 3 seqq. Fornicationis tria genera, *Collat.* v, 11. Alibi etiam quadruplex fornicatio distinguitur, *Collat.* xiv, 11.
- Fortis et sanus est, qui cedit alterius voluntati, *Collat.* xvi, 23. Fundamento religionis male constituto non bene superstruitur, *Instit.* xii, 26, 27.
- Furtum confessione purgatum, *Collat.* ii, 11. Furti accusans innocentem a dæmone possidetur, *Collat.* xviii, 5.
- Gastrimargia, id est, gula concupiscentia vel intemperantia, *Instit.* v, 1 seqq. Gastrimargiæ vitium describitur, *Instit.* v, 5, 6; *Collat.* v, 19 seqq. Gastrimargiæ fortiter resistendum, *Collat.* v, 4; xxi, 3; *Instit.* iii, 13, 16. Gastrimargiæ vitium primo omnium supprimendum, *Instit.* iii, 15, 14, 17. Gastrimargiæ tria genera, *Instit.* v, 23; *Collat.* v, 11. Gastrimargia superata, cætera quoque vitia expugnanda sunt, *Collat.* v, 26. Gastrimargia quomodo vincatur, *Instit.* v, 14.
- Gentium septem significatio describitur, *Collat.* v, 18. Gentium numerus septenarius et octonarius quomodo intelligendus, *Ibid.* Gentes septem cur jubeantur interfici,
- et una reservari. *Ibid.* Gentes decem cur Deus prædixerit Abraham expugnandas ab Israëlitis, *Collat.* v, 22.
- Genua cur non flectantur in oratione publica tempore Paschali, *Instit.* ii, 18; *Collat.* xxi, 11, 19 et 20. Nec diebus Dominicis, *Instit.* ii, 18; *Collat.* xxi, 20.
- Gratiæ divinæ bona omnia ascribenda sunt, *Instit.* v, 2; vi, 5, 6; xi, 10 seqq.; *Collat.* ii, 11; iii, 10, 14 seqq.; x, 10; xxiii, 10. Gratiæ divinæ necessitas, *Collat.* xiii, 3, 6; xxiii, 10. Sine gratia Dei nihil possumus ad salutem, *Ibid.* Sub gratia novi Testamenti quomodo quis esse probetur, *Collat.* xxi, 34. Gratiarum actio quid, *Collat.* ix, 14 et 15. Gregorii Nazianz. encomium, *Incar.* vii, 29.
- Gula. *Vide* Gastrimargia.
- Habitus monachorum Ægypti, *Instit.* i, ii seq. Habitus monachorum qualis esse debeat, *Instit.* i, 3. Habitu lineo, non laneo utebantur Tabennensiotæ, *Instit.* iv, 10. Habitus pro temporum et religionum varietate variandus, *Instit.* i, 11. Habitus diversitas in monasterio non admittenda, *Instit.* i, 3. Habitus mutatio in ipso religionis ingressu et professione, *Instit.* i, 3; iv, 5; *Collat.* xviii, 2. *Vide* Vestis monachorum.
- Hæresis quanta perniciēs, *Collat.* x, 4. Hæresis hydræ similis, *Incar.* i, 1, 2.
- Hæretici dogmata sua Scripturæ sacræ pallio vestiunt, *Incar.* vii, 7. Hæretici eas tantummodo scripturas allegant quas suis erroribus suffragari credunt, *Incar.* vii, 7. Hæretici Scripturam lacerant et pervertunt, *Incar.* vii, 14, 16. Hæreticorum novorum errores olim in suis auctoribus damnati, *Incar.* ii, 1. Hæreticorum cæcitas deploranda magis et corrigenda, quam irridenda, *Incar.* i, 6; ii, 1. Hæretici Christum persequuntur, *Incar.* iii, 10.
- Hieronymi laus, *Incar.* vii, 27.
- Hilarii laus, *Incar.* vii, 25.
- Historia in Scripturis sacris agnoscenda, *Collat.* xiv, 8.
- Historiæ sanctarum mulierum apud juniores olim prætermissæ, *Collat.* xix, 16.
- Hominum ingenia diversa, *Collat.* xxiv, 5.
- Horam refectionis et somni antevertere vitiosum, *Collat.* ii, 17; v, 11.
- Horariæ preces, earumque significatio, *Instit.* ii, 2; iii, 2 seqq. *Vide* Canonicæ preces.
- Hordeacei panes in Scriptura quid significant, *Incar.* vi, 2.
- Hospitalitas commendatur, *Collat.* xxi, 14; xxiv, 20, 21.
- Etiam otiosis hominibus exhibenda, *Instit.* x, 15.
- Humilitas Christi astruitur, *Incar.* iii, 5.
- Humilitas omnium virtutum magistra, *Collat.* xv, 7; xix, 1; xxiv, 16. Humilitas vera in quo consistat, *Instit.* iv, 39; *Collat.* xviii, 11. Miraculorum dono præfertur, *Collat.* xv, 7. Quomodo acquirenda, *Instit.* xii, 31. In omni vitiorum conflictu et expugnatione necessaria, *Instit.* vi, 1, 18. Ad perfectionem acquirendam necessaria, *Instit.* xii, 23, 31. Humilitas abbatis Joannis, *Collat.* xix, 2. Pynuphii abbatis, *Instit.* iv, 30; *Collat.* xx, 1.
- Hypostasis una in Christo, *Incar.* iv, 5 seqq.; v, 7; vi, 22.
- Impatientiæ suæ causam nemo in alium rejicere debet, *Instit.* viii, 13 seqq.
- Imprecationes et maledictiones propheticæ quomodo intelligendæ, *Collat.* vii, 21.
- Infirmioribus condolendum, *Collat.* ii, 15; xi, 10.
- Infirmis corporis non officit castitati, *Instit.* v, 7.
- Inæqualitas et divisio bonorum inter homines unde profecta, *Collat.* i, 10.
- Incarnationis Dominicæ explicatio, *Incar.* v, 13 seqq.
- Injuriæ proprias quisque propensius vindicare studeat, quam Dei, *Collat.* ix, 22. Injuriis lacessiti quid agere debeant, *Collat.* xvi, 26. Injuriis homines injuriarum impatientissimi, *Collat.* xvi, 24, 26.
- Instabilitas humanæ mentis, *Collat.* vi, 14.
- Invidiæ morbus difficile curatur, *Collat.* xviii, 17.
- Invocatione sanctorum expelluntur dæmones, *Collat.* xiv, 7.
- Ira etiam brevis cavenda, *Instit.* viii, 12. Quanta mala generet, *Instit.* viii, 1 seqq. Quæ justa, vel injusta, *Instit.* viii, 6 seqq. Quomodo curanda, *Instit.* viii, 21; ix, 7. Iræ tria genera, *Collat.* v, 11. Ira Dei qualis sit, *Instit.* viii, 2 seqq.
- Iracundia maxime cavenda, *Instit.* v, 27; *Collat.* xvi, 7. Quomodo cohibenda et curanda, *Collat.* xvi, 26, 27. Iracundiæ suæ culpam nemo alteri imputet, *Instit.* viii, 13 seqq. Iracundiæ virus et natura, *Instit.* viii, 1. Iracundiæ peccatum quomodo expiandum, *Instit.* viii, 12, 13; *Collat.* xvi, 8, 15, 16, 18. Iracundiam proximi silentio provocare non licet, *Collat.* xvi, 18. Iracundiam retinere in pectore et occultare pestilentissimum, *Instit.* viii, 10 seqq. Iracundi frequenter etiam qui a nemine læsi aut provocati, *Instit.* viii, 16.



Itasci nobis ipsis debemus, et vitlis nostris, Instit. viii, 8.

Israel spiritualis, Collat. xii, 41.

Jacob spiritualis, Collat. xii, 11.

Jejunandi modus non omnibus uniformis, Instit. v, 10 seqq.

Jejunantes ex indignatione reprehenduntur, Collat. xvi, 19.

Jejunium corporale ad spirituale ordinatur, Instit. v, 22. Jejunium ab omni jactantia et ostentatione vacuum esse debet. Collat. viii, 1. Jejunium sabbati Romæ et in Ecclesia Occidentali quare institutum, Instit. iii, 10. Cur idem jejunium sabbati per Orientis Ecclesias inhibuit, ibid. Jejunium solvendum diebus Dominicis et in Pentecoste, Instit. ii, 18; iii, 11; Collat. xxi, 11, 19 et 20. Jejunii virtus et utilitas, Collat. ii, 2; xxi, 13 seqq. Jejunia quæ Deo accepta, Collat. xxi, 22. Jejunia subsequens saturitas, seu repletio animæ et corpori noxia, Instit. ix, 9. Jejunia quartæ et sextæ olim apud monachos strictè observata, Instit. v, 24. Jejunium quotidianum in adventu hospitum solvi licitum, Instit. v, 25, 26. Jejuniorum modus, et mensura, Instit. v, 9. Jejunii finis, Collat. xxi, 15.

Jesum solvere quid sit, Incarn. v, 12.

Joannes Evangelista animum subinde recreabat, Collat. xxiv, 21.

Joannes abbas laudatur, Instit. v, 27, 28. Item alterius Joannis abbatis virtus eximia commendatur, Collat. xix, 3.

Judæ proditoris avaritia, Instit. vii, 23 seqq.

Judicium temerarium de proximo vitandum, Instit. v, 30.

Jugum Domini quomodo suave et onus leve, Collat. xxiv, 22 seqq.

Juniores monachi seniorum jussa ne discutiant, Collat. xviii, 2.

Justitia humana divinæ comparata nulla apparet, Collat. xxiv, 4.

Justum interficiens, quamvis ei prosit, merito punietur, Collat. vi, 8. Justo tam prospera, quam adversa proficiunt ad salutem, Collat. vi, 9. Justus non ceræ, sed adamanti similis esse debet, Collat. vi, 12. Justus quomodo septies cadit in die et resurgit, Collat. xxii, 13.

Labore manuum apostolus Paulus vivebat. *Vide* Opus manuum.

Lacrymæ spirituales variæ, Collat. ix, 29. Lacrymæ exteriores non magni faciendæ, Collat. ix, 30. Lacrymarum profusio non semper in nostra potestate, Collat. ix, 27. Nec violenter extorquendæ, Collat. ix, 29.

Lectio ad mensam monachorum a quibus instituta, Instit. iv, 17.

Leporius Pelagianismum abjurat, Incarn. i, 4.

Lex peccati quid, Collat. xxii, 11. Lex naturæ scripta in cordibus hominum, Collat. viii, 23. Ejus transgressores juste puniti, Collat. viii, 14. Lex Moysis convenienti tempore data, ibid. Legis novæ et veteris comparatio, Collat. xxi, 5 seqq.

Libertas arbitrii in homine, Collat. iii, 12, 21, 22; vii, 8; xiii, 8. Ejus imbecillitas ad bene agendum absque gratia, ibid. et Collat. xiii, 8, 10. Libertatis Lutheranicæ descriptio, Collat. xxi, 34.

Libido Collat. xii, 2. Libidinis memoria penitus excludenda, Collat. xix, 16.

Levitarum industria, Incarn. vii, 5

Luxuria. *Vide* Fornicatio.

Macarii abbatis apophthegmata, Instit. v, 41; Collat. v, 12; xxiv, 13.

Mafors et mafortes, quid, Instit. i, 7.

Magiæ auctor et promulgator Cham, Collat. viii, 21.

Malum non est a Deo, Collat. viii, 6. Non infertur invito, Collat. vi, 4. Mali sui quisque auctor est, Instit. ix, 5, 6, 8; Collat. vi, 9; Collat. xviii, 16. Mala in hoc mundo quæ sint, Collat. iii, 3; xxi, 12. Mala pro afflictionibus in Scriptura sumuntur, Collat. vi, 6.

Manichæorum error cum errore Ebionitarum confertur, Incarn. v, 12.

Mansuetudo maxime decet monachos, Instit. viii, 3.

Manualia opera. *Vide* Opus manuum.

Maria Virgo Θεοτόκος sive Deipara, Incarn. ii, 2, 4.

Marthæ et Mariæ comparatio, Collat. i, 8.

Martyrio expiantur peccata, Collat. xx, 8.

Matutina precatio et sui ipsius commendatio ab omnibus faciendæ, Collat. xxi, 23. Matutinis finitis non redeundum ad somnum, Instit. iii, 5. Matutinæ horæ institutio, Instit. iii, 4. Media quænam dicenda, Collat. vi, 3; xxi, 12. Media bona ad ea quæ principaliter et per se bona sunt, ordinantur, Collat. xxi, 15.

Mediocritas in omni re optima, Collat. ii, 16.

Melotes et pellis caprina monachorum Ægypti, Instit. i, 8.

Mens humana nunquam otiosa, Collat. vii, 4. Mens nostra quibus ex causis aggravatur, Collat. ix, 6. Mentis humanæ inconstantia, Collat. vi, 14; ix, 4.

Mendacium aliquando licitum esse et laudabile sensit abbas Chæremon, Collat. xvii, 17 et deinceps.

Memoria Dei assidue retinenda, Collat. xxii, 9.

Mensæ vicissim inserviunt monachi, Instit. iv, 19.

Messiae desiderium in sanctis Patribus quale fuerit, Incarn. v, 15, 17.

Meum et tuum apud monachos non audiebatur, Instit. iv, 13.

Militia est vita hominis super terram, Instit. v, 17.

Meritum cujusque non debet ex miraculis æstimari, Collat. xv, 6, 11.

Miraculum majus est luxuriæ fomitem a se expellere, quam dæmones ex alienis corporibus, Collat. xv, 8 seqq. Miraculis præponderat humilitas, Collat. xv, 7. Miracula abbatis Abrahæ, Collat. xv, 4, 5.

Misericordiæ meritum, Collat. ii, 2.

Monachus ab initio quomodo vitam suam instituere debeat, Instit. v, 41. Monachi finis quis esse debeat. Collat. ix, 5. Monachi cibus qualis. Instit. v, 23. Monacho abnegatio sui et rerum temporalium necessaria, Collat. ii, 3; xxiv, 2. Monachus curas sæculares fugiat, Collat. ix, 5, 6. Puritati cordis semper studeat, Instit. v, 15. Monachum maxime ornat mansuetudo, Instit. viii, 5. Monachi unde dicti, Collat. xviii, 5. Ab apostolis eorum origo. Ibid. Monachi apud Alexandrinum a S. Marco instituti, Instit. ii, 3. Monachi quidam solo habitu, et nomine, Collat. iv, 20. Monachi semper a conjugio abstinerunt, Collat. xviii, 5. Unde avaritiæ seu proprietatis pestem concipiant, Instit. i, 1. Olim diu multumque probati, antequam admitterentur. Collat. iv, 3, 7, 27, 36 seq.; xx, 1. Habitus mutant in ingressu religionis, Instit. i, 3; iv, 5; xviii, 2. Propriæ voluntati renuntiare debent, Instit. iv, 8; v, 28. Nec superiorum acta, aut jussa discutere, Collat. xviii, 2. Quomodo suas cogitationes custodire debeant, Collat. xxiv, 6. Juniores cogitationes suas senioribus aperiant, Instit. iv, 9. *Vide* Novitius. Monachi tepidi deteriores sæcularibus, Collat. iv, 19. Monachi Tabennenses nihil inferebant monasterio, Instit. iv, 5. Monachi ambientes præfecturas, aut docendi munus notantur, Instit. x, 2; xi, 14, 15; Collat. i, 20; iv, 20. Monachorum tria in Ægypto genera, Collat. xviii, 4. Quartum item genus recentius, Collat. xviii, 8. Monachorum culpæ etiam severe punitæ, Instit. iv, 16, 20. Monachorum obsequia mutua et alterna, Instit. iv, 19 seqq. Monachorum opera manualia. *Vide* Opus manuum. Monachorum Ægyptiorum obedientia perfectissima, Instit. iv, 1, 10, 12. Monachorum vitia quomodo corrigenda, Collat. xix, 13 seq. Monachis omnia communia, nihil proprium, Collat. xxiv, 26. Monachis philargia, seu vitium proprietatis summopere detestandum, Instit. vii, 7 seqq. Monachis singularitas in Congregatione vitanda, Instit. i, 3; xi, 18. Monachis episcoporum perinde ac mulierum conversatio a majoribus improbat, Instit. xi, 17.

Monasterium a cœnobio ut differt, Collat. xviii, 9, 10.

Monastica vita perpetua lucta, Instit. iv, 38. Monasticæ perfectioni non conveniunt parentum privata subsidia, Collat. xxiv, 10 seq.

Monialium curam ambientes taxantur, Collat. i, 20.

Morbus animi triplex, Collat. xxiv, 21.

Mors omni ætati insidiatur, Collat. xxi, 8. Mortis assidua memoria habenda, Instit. v, 41; Collat. xvi, 8.

Mortificatio abbatis Apollo, Collat. xxiv, 9.

Mortui suscitatio, Collat. xv, 5. Pro mortuis oblationes, Collat. ii, 5. Mortuorum anniversarius depositionis dies celebratus, Collat. xix, 1.

Moses abbas, Collat. i et ii.

Mucius abbas, Instit. iv, 17.

Novitii in monasteriis ut probandi, exercendi, instruendi, Instit. iv, 6 seq.; xii, 26, 27. Novitii obedientia et silentium commendantur, Instit. ii, 15; v, 28. Novitii sæcularia vestimenta deponere, et ab abbate monasticis induebantur, Instit. iv, 5. *Vide* Monachi. Novitii cogitationes suas celare non debent, Instit. iv, 9.

Nuditas monachorum in quo consistat, Collat. ii, 2; xxiv, 2; Instit. vii, 24 seqq.

Obedientiæ commendatio, Instit. i, 3; xvi, 23. Obedientia simplex et cæca esse debet, Instit. xi, 33; Collat. xviii, 5. Obedientia monastica Christi exemplo nititur, Collat. xix, 6. Obedientia abbatis Mucii, Instit. iv, 17. Tabennensium monachorum, Instit. iv, 1, 10, 12. Joannis monachi, Instit. iv, 23 seqq. Juniorum quorundam monachorum, Instit. iv, 10. Duorum monachorum fides deferentium, Instit. v, 4. Alterius cujusdam monachi sportas dividentis, Instit. iv, 29. Abbatis Pynuphii hortum excolentis, Instit. iv, 30. Obedientia omnibus virtutibus prælata, Instit. iv, 15.



Oblationes pro defunctis fieri solitæ, Collat. ii, 5.  
 Obsecratio quid sit, Collat. ix, 11, 15.  
 Octo principalia vitia, Collat. v, 18; Instit. v seqq.  
 Omnipotentia divinae magnitudo, Incarn. vi, 1. Non potest hominum ratione comprehendere, Incarn. vii, 2, 3.  
 Non Omnibus omnia conveniunt, Collat. xxiv, 8.  
 Opera Dei in sanctis admiratione digna, Collat. xii, 12, 15.  
 Opera manuum monachis perquam utilia et necessaria, Instit. ii, 5; v, 37 seqq.; x, 8 seqq.; Collat. xxiv, 11, 12.  
 Operatio manuum multa mala impedit et amputat, Instit. x, 14.  
 Opus manuum monachis Ægyptiis præscriptum, Instit. x, 22. Opere et labore manuum suarum vivebat apostolus Paulus, Instit. x, 9, 10. Opus manuum non impedit orationem privatam, Instit. iii, 2. Opus manuum totius anni comburit abbas Paulus, Instit. x, 24.  
 Oratio quid, Collat. ix, 12, 15. attentio et devotio in oratione quomodo habetur, Collat. x, 12 seqq.; ix, 26. Orationis et attentionis impedimenta, ut excludantur, Collat. xiv, 13, 15. Oratio brevis et frequens Deo accepta, Instit. ii, 11; Collat. ix, 56; x, 6. Oratio altissimum silentium requirit, Instit. ii, 10. Oratio secreto et in abscondito quomodo facienda, Collat. ix, 21. Oratio qualis esse debeat ex sententia S. Antonii, Collat. ix, 51. Oratio attentionem requirit, Collat. xxii, 7. Oratio tantummodo vocalis duplici de causa reprehenditur, Instit. ii, 10. Oratio est sacrificium, Instit. ii, 12. Quomodo possit esse perpetua, Collat. x, 10. Pura et sincera quomodo comparetur, Collat. ix, 16; x, 8 seqq. Non impeditur manuali opere, Instit. iii, 2. Orationis Dominee expositio, Collat. ix, 18 seqq.. In oratione sæpe delinquitur, Collat. xxiii, 20. Orationem publicam concludit sacerdos, Instit. ii, 10. Orationis perseverantia, seu constantia requiritur, Collat. ix, 5; x, 10 seqq. Exaudita esse quo indicio cognosci possit, Collat. ix, 52 seqq. Ad orationem tarde accedentes ab oratorio excludebantur, Instit. iii, 7. Orationes Canonice. *Vide* Horarie preces. Orationes cur certis horis in Ecclesia institutæ, Instit. iii, 2 seqq. Orationes nostræ cur non semper exaudiantur, Collat. xiii, 7. Orationes privatae publicis adjungendæ sunt, Instit. ii, 12 seqq. Orationum quatuor species, Collat. ix, 8, 9. Oratione magis quam studio ad Scripturarum intelligentiam pertingitur, Instit. v, 51, 54. Oratione quæ debeant a Deo postulari, Collat. ix, 21.  
 Ordines Angelorum quid significant, Collat. viii, 15.  
 Otium multorum malorum fomes, Instit. x, 8, 10, 20 seqq. *Vide* Acedia.  
 Otiosi et pigri conditiones describuntur, Instit. x, 6.  
 Pæsi abbatis laus, Instit. v, 27.  
 Paphnutii abbatis laus, Collat. iii, 1. Ejus patientia, Collat. xviii, 15. Buhali cognomen ei inditum, ibid.  
 Panes hordeacei quid significant, Incarn. v, 2. Parentum cur est recordatio monachis excludenda, Instit. v, 22.  
 Paschalis celebritas, Collat. x, 2.  
 Pastor liber citatus, Collat. viii, 17; xiii, 12.  
 Patientia a patiendo dicta, Collat. x, 12, 15. Omnibus exhibenda, Collat. xvi, 17. Monachis necessaria, Instit. iv, 41. Quomodo acquiri et retineri possit, Collat. xviii, 12, 15, 16. Non ex aliena modestia, sed de propria voluntate speranda, Instit. cap. 42. Fornicationis ardorem extinguit, Collat. xii, 6. Patientia simulata, Collat. xvi, 20, 22. Patientia cujusdam religiosæ feminae, Collat. xviii, 14. Paphnutii abbatis, Collat. xviii, 15. Cujusdam religiosi adolescentis, Collat. xix, 1.  
 Pauli Eremitæ elogium, Collat. xviii, 6.  
 Paupertas evangelica, Collat. x, 11.  
 Peccatum omne voluntarium, Collat. xxiii, 1. Peccata multis modis expiantur, Collat. xx, 8. Peccatum publicum publica satisfactione diluendum, Incarn. i, 4, 5. Venialia quomodo committantur, Collat. xx, 11; xxii, 15. Peccatorum magnitudinem et foeditatem pauci intelligunt, Collat. xxiii, 8. Peccatorum radices evellendæ, Collat. xxix, 2. Peccatorum recordatio quousque utilis, Collat. xx, 6, 7, 9, 11. Peccati corpus et ejus membra describuntur, Collat. xii, 2; xxiii, 16. A peccato nullus immunis, Collat. xxxiii, 6, 7, 17, 18. Pecuniam dare ad usuram quid sit, Collat. xiv, 17. Pecuniarum cupiditas a monachis aliena, Collat. iv, 20; i, 11. *Vide* Philargyria.  
 Pelagianorum errores, Incarn. i, 5.  
 Pelagianismi abjuratio a Leporio et aliis facta, Incarn. i, 4.  
 Pera et baculus monachis Ægyptiis familiare gestamen, Instit. i, 8, 9; collat. xi, 3.  
 Perfectio in quo consistat, Collat. i, 6. Quomodo acquiratur, Instit. iv, 30 seqq.; xii, 13, 15, 25, 31, 32; Collat. i, 7, 8; xix, 9; xxiii, 10. Perfectionis doctrinam non omnes capiunt, Collat. i, 1. Perfectionum diversa genera,

Collat. xi, 12. Perfectionis exempla a paucis petenda, Instit. v, 4.  
 Perfectus vir ambidexter dicitur, Collat. vi, 10.  
 Perseverandum in sua vocatione, Collat. xiv, 5 seqq.  
 Perseverantia in religione necessaria, Instit. iv, 56, 57.  
 Petrus apostolus Ecclesiae pastor, Incarn. i, 12.  
 Philargyria quid sit, et unde nascatur, Instit. vii, 11. Eam non pecunia, sed amor pecuniæ facit, Instit. vii, 21, 22. Est morbus animi perniciosus, Instit. vii, 20; Collat. v, 8. Difficile curatur, ibid. Multorum malorum procreatrix, Instit. vii, 7, 25, 26 seqq. Ejus tria genera, Instit. vii, 14; Collat. v, 11. Turpe vitium et ignominiosum, Instit. vii, 3 seqq., 20. Quomodo superanda, Instit. vii, 21, 30, 31. Ante diluvium ignota, Collat. v, 8. Philargyria Judæ proditoris, Instit. vii, 23, 24, 25. Giezi, Instit. vii, 14. Ananiæ et Sapphiræ, Instit. vii, 14.  
 Pœnitentiæ definitio, Collat. xx, 5. Ejus diversi fructus, Collat. xx, 8. Ejus perfectio et pœnitudo in quo consistat, Collat. x, 5, 5. Ejusdem necessitas, Incarn. vi, 18.  
 Pœnitentibus doctrina multiplex traditur, Collat. xx, 8 seqq.  
 Pollutio nocturna ex quibus causis procedat, Instit. vi, 11; Collat. xxii, 5 seqq. Quando sit in culpa, Collat. xxii, 5. Sæpe a diabolo procuratur, ibid. Non semper impedit Eucharistiæ perceptionem, ibid., 4 seqq. Involuntaria non officit castitati, Collat. xii, 9, 10. Quomodo impediatur, aut vitetur, Instit. vi, 13; Collat. xxii, 6.  
 Postulatio quid sit, Collat. ix, 13, 15.  
 Potestates aereæ quæ dicantur, Collat. viii, 12. Quare Potestates et Principatus appellentur, ibid., 14.  
 Practice in quo consistat, Collat. xiv, 2 seqq. Quomodo acquiratur, ibid., 5. Per eam ad Theoriam pervenitur, ibid., 2.  
 Præceptorum Evangelicorum et legalium differentia, Collat. xxi, 33.  
 Primitiæ spirituales quæ, Collat. xxi, 16. Primitiarum et decimarum oblatio in veteri Testamento, ibid.  
 Probatio monachorum. *Vide* Novitius.  
 Professionis monasticæ antiquitas et obligatio, Instit. iv, 56, 57.  
 Propheticae imprecationes quomodo intelligendæ, Collat. vii, 21.  
 Prophetæ seducti mors propter inobedientiam, Collat. vii, 15.  
 Proprietas in monacho grave crimen, Instit. xii, 26, 27; i, 6; iv, 21; xviii, 7; xxiv, 26. Proprietatis vitium ejusque descriptio, Instit. ii, 5; iv, 13, 14 et 15; Collat. vii, 7. *Vide* Philargyria.  
 Proprio niti judicio et consilio quam perniciosum, Collat. ii, 11.  
 Prosperitas nocentior quam adversitas, Collat. vi, 9.  
 Providentia Dei in rebus omnibus, Collat. xxiii, 20.  
 Psallendi modus et disciplina, Instit. ii, 7; Collat. x, 14; xvii, 3; xviii, 2.  
 Psalmorum duodenarius numerus ab angelo traditus, Instit. ii, 5, 6. Psalmorum intelligentiam quomodo consequi possumus, Collat. xi, 18.  
 Puritas cordis maxime sectanda, Inst. v, 15. Puritas cordis et corporis quomodo acquiratur, Instit. vi, 9, 10, 12 et 20. Puritatis perfectæ judicium, Instit. vi, 10. Qualiter custoditur, Instit. vi, 15; Collat. i, 7.  
 Pynophii abbatis humilitas et latebra, Instit. iv, 50. seqq.; Collat. xx, 1.  
 Quadragesimæ observatio, Collat. vii, 2; x, 2. Eaque diversa in diversis regionibus, Collat. xxi, 24, 25 seqq. Ejus jejunium instar decimæ anni, Collat. xxi, 25. Quadragesimæ lex quibus imposita, Collat. xxi, 29. Quadragesima quare sic dicta, Collat. xxi, 28. Quadragesimali tempore maxime tentantur monachi, ibid. Quadragesimæ legem supergredientes perfecti, Collat. xxi, 29. Quinquagesima, hoc est, tempore Paschali non jejunatur, Collat. xxi, 11, 19 et 20. Nec genua flectuntur in horis Canonicis, Instit. ii, 18; Collat. xxi, 11, 19 et 20. Quinquagesimæ typus in veteri lege, Collat. xxi, 20.  
 Rebrachiatoria monachorum quid, Instit. i, 6.  
 Recedere a Deo mors est animæ, Collat. ix, 6; xxiii, 9.  
 Reconciliatio fratris quando et quomodo facienda, Instit. viii, 12, 13; ix, 2; Collat. vi, 15, 16, 18.  
 Redemptio generis humani per solum Jesum Christum fieri potuit, Incarn. iv, 12.  
 Refectionis tempus et mensura, Collat. xxi, 23. Refectio extra horam et mensam communem monachis illicita, Collat. ii, 2, 17; v, 11; xxiii, 22. Refectionis tempore sacra lectio adhibenda, et quibus auctoribus, Instit. iv, 17. Silentium servandum, ibid.  
 Regnum Dei, Collat. ix, 18. Regnum Dei et regnum Diaboli describitur, Collat. i, 15. Regnum cælorum trifariam accipitur, Collat. i, 13.



- Reliquiarum sanctarum veneratio, Collat. vi, 1; vii, 26.  
Remissio animi et laxatio subinde necessaria, Collat. xxiv, 20, 21.  
Renuntiatio facultatum omnium Scripturis comprobata, Instit. vii, 16 seqq. Monachis necessaria, Collat. xxi, 1. Nihil relinquit proprii juris, Collat. vii, 7. Semel facta per omnem vitam proseguenda, Instit. iv, 18; Collat. xxiv, 1. Non tam voce, quam animo et affectu facienda, Collat. iii, 7. Renuntiatio perperam facta, Instit. vii, 15. *Vide* Abrenuntiatio, et Philargyria. Renuntiationum tria genera, Collat. iii, 6.  
Resurrectio mortuorum generatio quædam est, Incarn. v, 7.  
Rufini laus, Incarn. vii, 28.  
Sabbatum a jejunio liberum apud Orientales, Instit. iii, 9. Sabbati jejunium cur in Ecclesia Romana et Occidentali institutum, Instit. iii, 10. Sabbati vigiliæ, Instit. iii, 8, 9.  
Sacerdotum munus, Collat. iv, 1; Incarn. 6, 11.  
Sacrificium Dominicæ cenæ, Instit. iii, 3.  
Salomonis tres libri tribus abrenuntiationum generibus respondentes, Collat. iii, 6.  
Sanctus et immaculatus ut differunt, Collat. xxii, 9. Sancti etiam in hac vita se peccatores et immundos profitentur, Collat. xxiii, 17 seqq., xxii, 12. Sanctorum afflictiones justæ, Collat. vi, 2 seqq. Sancti veteris Testamenti mandata Dei supergressi, Collat. xxi, 4.  
Sarabaitarum origo et conversatio, Collat. xviii, 7.  
Satietas cibi et potus vitanda, Instit. v, 6; Collat. ii, 1, 22 et 23. Satietas post abstinentiam et jejunium vitanda, Instit. v, 9.  
Satisfactionis perfectæ indicium, Collat. xx, 5, 7, 10 et 11.  
Scientia spiritalis quæ, Collat. xiv, 8. Scientia legis divinæ ex Dei munere est, Collat. iii, 14. Scientia nititur castitate, Instit. vi, 18; Collat. xiv, 14. Scientiam veram non assequuntur ambitiosi, Collat. xiv, 9.  
Scopus actionum nostrarum quis esse debeat, Collat. vii, 6.  
Scripturarum sacrarum sacramenta quibus sint exponenda, Collat. viii, 3; xiv, 17. Earum intelligentia magis oratione, quam studio acquiritur, Instit. v, 34. Scripturæ sensum nonnulli in somniis assecuti, Collat. xiv, 10. Quibus gradibus ad eam perveniatur, Collat. xiv, 9. Scripturarum varii sensus, Collat. xiv, 8. Cur eas Deus obscuras esse voluerit, Collat. viii, 5. Scriptura sacra agro fertili comparatur, *ibid.* Scripturæ assidua lectio commendatur, Collat. xiv, 10. Scripturæ sacræ auctoritate dæmones repellendi, Collat. xxii, 10. Eam multi detorquent ad alienos sensus, Collat. i, 20.  
Senectus unde commendabilis, Collat. ii, 13.  
Senes imitandi, sed non omnes, Collat. ii, 13. Seniorum consilii et doctrinæ acquiescendum, *ibid.*, 15.  
Sereni abbatis commendatio, Collat. vii, 1.  
Servire legi peccati quid sit, Collat. xxiii, 15.  
Silentium altissimum in officio divino apud monachos Ægyptios, Instit. ii, 10. Silentium ad mensam monachorum, Instit. iv, 17. Silentii commendatio, Instit. ii, 15; Collat. xiv, 9.  
Singularitas in congregatione vitanda, Instit. xi, 18.  
Sion spiritalis, Collat. xii, 11.  
Socratis continentia, Collat. xiii, 5.  
Solitaria vita a quibus expetenda, Instit. viii, 17; Collat. xix, 10 seqq.  
Solitudo quærenda et amanda, Instit. ii, 15. Solitudinis commendatio, Instit. iv, 10 seqq.; Collat. i, 20; ii, 2; vi, 15; xi, 2; xix, 20; xx, 1.  
Somni tempus præscriptum non excedendum, nec antevertendum, Collat. ii, 17; v, 11. Somnus moderatus necessarius, Instit. iii, 8.  
Spadones plerumque tepidi, Collat. iv, 17.  
Spes cum fide et charitate comparatur, Collat. xi, 6.  
Superbi aliis præesse volunt, Instit. xii, 30.  
Superbia Luciferum perdidit et primos parentes, Instit. xii, 4. Superbia duplex, spiritalis et carnalis, Instit. xii, 2; Collat. v, 12. Spiritalis quos impugnet, Instit. xii, 4. Carnalis quos impugnet, *ibid.*, 24, 25. Superbia virtutes omnes exterminat, *ibid.*, 3. Cunctis virtutibus insidiatur, Collat. v, 10. Superbiæ deformitas et perniciēs describitur, Instit. v, 1, 3, 5, 7, 20, 21, 22, 27 et 28; Collat. iv, 16. Etiam perfectos graviter impugnat, Collat. v, 6. Quibus si-  
guis et indicis agnoscatur, Instit. xii, 29. Superbia divinitus punita, *ibid.*, 20 seqq. Quanta mala et vitia ex superbia pullulent, *ibid.*, 27. Quomodo superari possit, *ibid.*, 9, 31, 32 et 33.  
Suum monachus nihil dicere debet, Instit. iv, 13.  
Symbolum unde dicatur, Incarn. vi, 3. Symbolum divinis litteris conforme, *ibid.*, 8. Symboli Antiocheni expositio, *ibid.*, 3 seqq. Symboli quanta auctoritas, *ibid.*, 4.  
Synaxis, Instit. ii, 19.  
Synecdochica locutio Scripturæ familiaris, Incarn. vi, 23.  
Tabennensi monasterio nihil de suis facultatibus inferebant, qui recipiebantur, Instit. iv, 4. Tabennensiorum monachorum obedientia, *ibid.*, 1, 10, 12.  
Taciturnitas. *Vide* Silentium.  
Temere nihil statuendum, Collat. xvii, 8.  
Tentationem nullam sine Dei gratia superari, Collat. ii, 13; iii, 17. Tentationum seu afflictionum tolerantia a Deo tribuitur, Collat. iii, 17. Tentationum utilitas, Collat. xxiv, 25. Tentationum Christi ordo, et ratio Collat. v, 6.  
Theonæ abbatis commendatio, Collat. xxi, 1, 8 et 9.  
Tepidi monachi taxantur, Collat. iv, 12 et 19.  
Theoretice quid sit, et in quo consistat, Collat. xiv, 1 seqq. Quomodo acquiratur, *ibid.*, 10. Non nisi a puris mentibus apprehenditur, *ibid.*, 10, 14, 15 et 16. Ejus partes et genera, Collat. xiv, 8. Theoretica, seu contemplativa vita laudatur, Collat. i, 8. Theoriæ, id est, contemplationi Dei universa virtutum studia postponuntur, Collat. xxiii, 3. Theoriæ assidue vacare in hac vita impossibile est, Collat. xxiii, 5, 13.  
Theotocos Virgo Maria, Incarn. ii, 2, 4.  
Timor sanctus quis, Collat. xi, 13. Timor Domini initium salutis, et promotio, Instit. iv, 39. Timoris et amoris differentia, Collat. xi, 9 et 10.  
Traditiones seniorum servandæ, Collat. ii, 15.  
Tristitia unde oriatur, Instit. ix, 4. Morbus animi perniciosus, *ibid.*, 1, 2 et 3. Tristitiæ duo genera, Collat. v, 11. Tristitia quæ salutaris, aut mortifera, Instit. ix, 10 seqq. Tristitia quomodo repellenda, *ibid.*, 15. Tristitia subinde desperationem inducit, *ibid.*, 9. Tristitia et acedia etiam solitarios vexant, Collat. v, 9.  
Tropologia quid sit, Collat. xiv, 8.  
Vana gloria. *Vide* Cenodoxia.  
Venialia peccata in hac vita vitari non possunt, Collat. xi, 10; Collat. xxii, 7, 8 et 9; xiii, 7 et 8. Venialia peccata non tollunt justitiæ et sanctitatis appellationem, Collat. xxii, 13. Nec impediunt sacram communionem, Collat. xxiii, 7. Non sunt parvipendenda, Collat. xxiii, 7. *Vide* Peccata.  
Verbum recte dicitur caro, ratione unius Hypostasis in Christo, Incarn. iv, 5 seqq.; v, 7; vi, 22.  
Veritas quomodo indaganda, Collat. xvi, 10.  
Vestis monachorum. *Vide* Habitus.  
Vigiliæ sabbato celebratæ, Instit. iii, 8, 9. Vigiliæ monachorum privatæ, Instit. ii, 12 seqq.  
Virgines Elias, Jeremias, Daniel in veteri Testamento, Instit. vi, 4; Collat. xxi, 4. Et in novo Joannes Baptista, et Evangelista, *ibid.*  
Virginitatis commendatio, Collat. xxv, 6.  
Virtus per ardua acquiritur, Collat. iv, 12. Virtus per se principale bonum est, Collat. vi, 5. Virtutes difficiliter inseruntur, quam eradicantur vitia, Collat. xiv, 3.  
Vitium illud quisque potissimum impugnare debet, a quo se magis impugari sentit, Collat. v, 27. Vitia principalia, sive capitalia octo, Instit. v, 1; Collat. v, 18. Vitia quædam sunt carnalia, quædam spiritalia, Collat. v, 5. Vitia facilius expelluntur, quam inseruntur virtutes, Collat. xiv, 3. Quæ extra naturam sunt, pene incurabilia, Instit. vii, 3 seqq. Vitiis causæ et radices evellendæ, Instit. xi, 15. Vitiis quomodo resistendum, Collat. v, 14. Vitia et defectus quomodo cognoscantur et corrigantur, Collat. xix, 12 seqq. Vitiis plures, quam virtutum species existunt, Collat. v, 16.  
Vocationum tria genera, Collat. iii, 3 et 4. Vocationum diversitas, Collat. xiii, 15.  
Voluntati alienæ suam subicere viri fortis est, Collat. xvi, 25. Voluntati propriæ renuntiandum, Instit. iv, 8; v, 28. Voluntatis bonæ initium et consummatio a Deo est, Collat. iii, 19; xiii, 5. Voluntatis et non facti tantum inspector Deus, Collat. xvi.  
Xenodochii fructus uberrimus, Collat. xxiv, 8.  
Xerophagia, Instit. iv, 21.



## INDEX

## RERUM ET VOCUM IN COMMENTARIIS ET NOTATIONIBUS EXPLICATARUM.

Abbas qualis eligendus, 1, 82. Abbates etiam apud Ægyptios plerique presbyteri, 190. Dicti seniores, 481.

Abrahæ sacrificium non temere imitandum, 1, 554.

Abraham anachoreta, 1, 999.

Abominatio desolationis a Daniele prædicta, 1, 727.

Abrenuntiatio, 1, 194. *Vide* Renuntiatio.

Absis, vel apsis, 1, 1294.

Abstinencia a carnibus commendatur, 1, 217. Necessaria ad frenandam libidinem, 225. Ejus necessitas, 551 *seq.* Abstinenciæ singularis exemplum, 958.

Acedia quid, 1, 561. Græcum est vocabulum, 559. Est vitium capitale, *ibid.* Ejus Filiæ et effectus, 561 *seq.* Quando sit mortalis, *ibid.* Ut differat a tristitia, 563. Ejus duo genera, 570. Solitariis infesta circa meridiem maxime, unde et dæmonium meridianum a Patribus dicta 564, 567. Non fugiendo, sed resistendo vincitur, 568. Acediæ vitia, et eorum antidota, 570 *seq.*

Achab rex Israel, 1, 528.

Acham, ejusque supplicium, 1, 515. An sit damnatus, *ibid.*

Accessiones febrium, 1, 564.

Ἀκρότης λόγους, 1, 554.

Ἀκταμόσση, 1, 1105.

Actionum humanarum tria genera, 1, 1186.

Activæ vitæ duo officia, 1, 956. Activæ vitæ opera in hoc sæculo necessaria, 493. Triplex genus actionum vitæ activæ, *ibid.* *Vide* Vita.

Adam an fuerit seductus, 1, 612, 758. Ut peccavit quibus modis a diabolo tentatus, 612. Adam, Eva, et Serpens diversimode puniti, 737.

Adventus Christi multiplex, 1, 255.

Adulterii pena, 1, 906.

Ægyptus in duas partes dividitur, 1, 79. Nili fluminis eluvie irrigatur, 997.

Ἀγάπη, Agape, 1, 1028, 1299.

Agathon, 1, 968.

Ἄγνος, 1, 271.

Agonis spiritalis et mundani comparatio, 1, 276.

Agonistarum ritus, 1, 276.

Agonothetes, 1, 277, 695.

Ahod ambidexter, 1, 657.

Agrippa rex, 11, 56.

Albertus Magnus, 1, 968.

Alleluia quibus temporibus decantetur, 1, 101.

Allophyl qui, 1, 514.

Ἄλλος, 1, 627.

Ambitionis morbus, 1, 777.

S. Ambrosius, 11, 252.

Amicitiae definitio, 1, 1011. Divisio, *ibid.* Ut firma sit, quæ requirantur, 1017. Quibus modis conservetur, 1019. Quomodo dissolvatur, 1038. Perfecta quæ, 1014. Amicitiae particulares in monasteriis reprobatae, 1041. Amicitiae conjunctae, *ibid.*

Amico an ejus gratia aliquando peccandum sit, 1, 1019.

Ammonius, 1, 968.

Amos propheta, 1, 645.

Ἀμφοτέρωθεν, vel ἀμφοτεροδίδωμι, 1, 657.

Ἀνδολή, 1, 71.

Ἀναχώρησις, 1, 97.

Anachoretæ, 1, 97, 477. Longævi, 559.

Anababus, id est, scafulare, 1, 71.

Ananias et Sapphira Sarabaitarum duces, 1, 1103. Eorum interitus, 515, 665. Eorum exemplo admonentur monachi, 520.

Anathema, 1, 514 *seq.* Quomodo optarit Apostolus pro fratribus esse, 790.

Andronicus abbas, 1, 710.

Angelus non naturæ, sed ministerii nomen est, 1, 746. Angelus princeps Persarum apud Danielem, 741.

Angeli omnes in statu gratiæ a Deo creati, 1, 729. An sint creati ante mundum corporeum, 730. An sint natura immutabiles, 601, 667. Nationibus præsent, 743. Quomodo inter se pugnare dicantur, *ibid.* Custodes singulis hominibus attributi, 748. An duo singulis hominibus a Deo assignati, *ibid.* et 929. Sunt incorporei, 601. Eorum nomina unde petita, 745. Eorum lapsus cur irreparabilis, 602. Eorum hierarchiæ tres, 733. Angeli etiam de primis ordinibus lapsi, 603, 733. Angelis suis mandavit de te, 515.

Anima rationalis a Deo creatur et corpori infunditur, 1, 756. A corpore separata quid agat, 500. Animæ voluntas triplex, 597. Status triplex, 605. Comparatio cum mola, 507. Cum pluma, 774. Tres facultates, 1506. De anima humana tres errores, 499.

Animalis homo, 1, 605.

Animi relaxatio honesta et necessaria, 1, 1511.

Anniversarium defunctorum, 1, 1125.

Anuli sigillares, 1, 171.

Ἀνθρωπομορφίς, 1, 328.

Anthropomorphitæ hæretici Deum corporeum flugebant, 1, 327, 825.

Antichristi miracula qualia, 1, 992.

Antiphonarum antiquitas et etymologia, 1, 95.

S. Antoninus Cassiani zelator, 1, 901.

S. Antonius multorum monasteriorum conditor, 1, 206.

Ejus sententiæ de perfectione, 489, 807.

Apis natura, 11, 205 *seq.*

Apollinaris, 11, 15.

Apollo abbas, 1, 545.

Apostata, 1, 634.

Apostoli operabantur manibus, 1, 377. Quantum pro Christo reliquerint, 519, 575.

Apostolus Paulus, 1, 261.

Arabia, 1, 615.

Arbitrii et gratiæ concordia, 1, 582. Arbitrii humani imbecillitas, 452.

Arca Testamenti, 1, 970.

Archangeli qui, 1, 747.

Archebius abbas et episcopus, 1, 255, 848.

Aristotelis argutiæ, 1, 996.

Arius hæresiarcha, 11, 14.

Arma spiritualia, 1, 674.

Arreptitii. *Vide* Energumeni.

Arrha, vel arrhabo, 1, 675.

Arsenius abbas, 1, 907.

Ars nulla sine magistro discitur, 1, 1092, scenofactoria, 583.

Artes curiosæ, 1, 759. Liberales columnis insculptæ, *ibid.*

Ascetæ cur monachi dicti, 1, 60.

Asceteria, monasteria, 1, 60.

Assuerus rex, 1, 508.

S. Athanasius episcopus, 1, 1113; 11, 265.

Ἀτάκτοι, 1, 580.

Athera quid, 1, 1009.

Athletarum abstinencia, 1, 276.

Attaminare, pro, contaminare, 1, 1203.

Attentio in oratione quibus modis paretur, 1, 841. *Vide* Evagatio.

Avaritia simulacrorum servitus, 1, 297. Etiam gentibus ignota, 620, 872. Ejus filiæ, *ibid.* *Vide* Philargyria, et Proprietas.

D. Augustini conversio, 1, 972. Sententia de malis monachis, 284. Elogium, 11, 260.

Auxilium Dei speciale, 1, 275.

Babylonis rex diabolus, 1, 287.

Baculum monachi gestare soliti, 1, 75, 849.

Bacucei, 1, 714.

Balaam propheta avarus et malignus, 1, 1507.

Baptismi efficacia, 1, 1159.

Baptizandi profitebantur fidem, 11, 168.

Basiliscus, sive regulus serpens, 1, 1122.

S. Basilius, et ejus scripta, in præfat. In Oriente monachorum pater, 1, 174. Ejus institutio, *ibid.* Sententia, 312. Castitas, 289.

Beatus dare, quam accipere, 1, 506.

Beati mites, etc., 1, 878.

Beatitudines Evangelicæ, 862.

Begardi hæretici, 1, 1207.

Beligarum urbs, 11, 17.

Benedictina constitutio, 1, 220.

Benedictini olim exterius cincti, 1, 65. Quo colore uti debeant, 70. An ad opus manuum obligentur, 591. Eorum studia et doctrina, 261, 977.

S. Benedictus veterum monachorum imitator, 1, 70, 81, 88, 101, 105, 108, 175, 558, 817. Ejus Regula explicatur, 88 *seqq.*, 131, 213, 220, 258, 520, 531, 539, 574, 582, 591, 558, 776.

Bibliotheca in monasteriis quo studio servanda, 1, 262.

Biothanati qui, 1, 504, 529.

Birrus, vel birrum, 1, 72.

Blasphemia, 1, 157. Blasphemiæ spiritus, 713.

Bona, et mala, et media, 1, 649. Bona triplicis generis in homine, 1245.

Breviarium ecclesiasticum quare sic dictum, 1, 201.

Cadaver, 1, 706.



- Caestus quid, 1, 233.  
 Calamus solitudinis locus, qui et Porphyrio, 1, 564, 704.  
 Calceamenta monachorum Ægyptiorum, 1, 73. An fuerint illis interdicta, *ibid.* An etiam apostolis, *ibid.*  
 Canonicorum claustra et vita communis, 1, 1288.  
 Cappadocia, 1, 178.  
 Caricæ, 1, 721.  
 Carolomannus, 1, 179.  
 Caro hostis domesticus, 1, 237, 595. Carnis vocabulum varie sumitur, 594. Motus, 279. Tentationes importunæ, 590. Pugna adversus spiritum, 591. Cur in nobis relicta, *ibid.* et 599. Carnis curam ne feceritis, 637. Carnis opera ab Apostolo recensita, 615. Carnium et vini usus immoderatus vitandus, 217.  
 Caseus Ægyptiacus, 1, 1136.  
 Cassianus Latine scripsit, non Græce, 1, 63, 477 *seq.* Sacerdos, 437. Cur Gelasii censuram incurrit, 899, 913. Visus favere Pelagianis, 453 *seq.*, 899. Doctor Catholicus a D. Prospero nominatus, 913. Ejus modestia et taciturnitas, 493, 965. Ejusdem Institutiones et Collationes distinguuntur, 769. Ejus error non defendendus, sed refellendus, 444. Ejus sententia aperitur, et refutatur, *ibid. seq.*, 906, 914. Ejus errores dissimulare non oportuit, 946.  
 Castitas virtus angelica, 1, 275. Est Dei donum, 274, 875. A continentia distinguitur, 269, 887. Quomodo conservetur, 289. Infra quod tempus acquiratur, 896. Sanctificatio ab Apostolo nuncupata, 285. Ejus excellentia, et prærogativæ, 273, 285, 288. Jucunditas, 894. Sex gradus, 879. Remedia, 273, 877. Castitati tuendæ patientia necessaria, 877. Castitas perfecta, 278, 288. Castitas gentilium philosophorum, 903.  
 Castor episcopus Aptensis, 1, 53.  
 Caustica medicamenta, 1, 375, 661.  
 Cella, et cellula, 1, 258. Duplex in jure canonico designatur, *ibid.* Unicuique monacho sua cellula, *ibid.* Cellæ et celi comparatio, 368. Ad cellam alterius accedere, monachis vetitum, 105. Cellæ, vel Cellia locus in Ægypto a cellis monachorum dictus, 647.  
 Cenodoxia quid, 1, 397. Prima superbix soboles, *ibid.* Virtutibus insidiatur, *ibid.*, 407. Vitium est capitale, et ejus filix, 397. Differt a superbia et ambitione, 399, 400. Ejus proprietates, *ibid.* Alia carnalis, alia spiritualis, *ibid.* In voce et cantu, 411. Item in jejuniis et macie, *ibid.* In nobilitate, *ibid.* In aliorum conversione, 412. Quando utilis, 627. Quando sit mortalis, 401, 402. Cenodoxix et superbix collatio, 622.  
 Κενοδοξία, 1, 985.  
 Centenarius numerus quid designet, 1, 1321.  
 Centuplum quomodo intelligatur, 1, 1321.  
 Κεφαλαρχία, 1, 1305.  
 Certaminum quatuor genera apud Græcos, 1, 227.  
 Chæremon abbas, 1, 850. Idem cum aliis inter sanctos nominatus, 899.  
 Cham filius Noe magix inventor, 1, 758.  
 Chanæorum terræ, 1, 640.  
 Charismata spiritualia, 1, 989. *Vide Gratia gratis data.*  
 Charitas vera amicitia, 1, 1016. Deus, et Dei donum, 1027. Ejus effectus, 569. Numquam excidit, 496, 851. Perfecta, 853. Charitatem viam cur vocet Apostolus, 864.  
 Cherubim, 1, 971.  
 Chiliarchi, 1, 673.  
 Chilastæ, 1, 1322.  
 Christus aliis aliter apparet, 1, 826. An dicendus creatura, 11, 155. An dicendus homo Dominicus, 185. Primogenitus et unigenitus, 179. Adorandus, 99. Omuium Salvator et Redemptor, 1, 943. Ut fuerit tentatus, 1, 615; 11, 226. Quas infirmitates humanas susceperit, *ibid.* Trina ejus tentatio cum temptationibus Adami coilata, *ibid.* Humilitas, 1, 434.  
 Christianorum duo genera, 1, 310.  
 Ciaconius (Petrus) redarguitur, 1, 943.  
 Cibus monachorum qualis esse debeat, 1, 238. Cibus extra tempus et mensam communem capere vetitum, 177. Qua hora sumebant anachoretæ, 1130, 1149. Cibi esculentiores qui, 222.  
 Cicer, 1, 721.  
 Cilicium, et ejus usus antiquus in Scripturis, 1, 63. A sacco in Scriptura distinguitur, *ibid.* Ejus usus apud monachos frequentissimus, 521.  
 Cingulum monachorum quid significet, 1, 62. Cujusmodi esse debeat, *ibid.*  
 Claves peculiare monachis interdictæ, 1, 170.  
 Claustrum et clausura monastica, 1, 1258 et *seq.* Duplitter accipitur, *ibid.* Claustrum abusiones duodecim, *ibid.*  
 Clericatum ambientes monachi reprehenduntur, 1, 412.  
 Clerus et clericatus, 1, 412.  
 Cœnobitæ antiquiores anachoretis, 1, 1039. Eorum institutio et vita describitur, 1093 *seq.*  
 Cœnobiticæ vitæ utilitates, 1, 1132 *seq.*  
 Cœnobium unde dictum, 1, 1099. Differt a monasterio, 1111. *Vide Monasterium.* Cœnobium etiam apud ethnicos, 1111.  
 Cogitationes soli Deo cognitæ, 1, 685. Nostras an cognoscat diabolus, 686. Cogitationes male non semper a diabolo, *ibid.* Supprimendæ, 284, 290. Morosæ vitandæ, 284. Cogitationum suarum manifestatio quam utilis, 284, 337. Cogitationum cognitor et judex Deus, 548. Cogitationum varietas, 506. Nostrarum tria principia 508, 686. Cogitationis bonæ initium ex Deo, 942.  
 Collatio quid, 1, 477.  
 Collationes a conferendo dictæ, 1, 477. Latine scriptæ, 480, 488. Inter monachos olim frequentatæ, 525. Collationum partitio, 477, 843. Collationum auctor Cassianus, *ibid.*  
 Collectarum origo, 1, 91.  
 Colobium, ejusque significatio, 1, 68.  
 Colores vestium monasticarum, 1, 69.  
 Comitatus dignitas quæ, 1, 189.  
 Commune quid dicatur in Scriptura, 1, 1188.  
 Communio idiomatum in Christo, 11, 61. Ad communionem dispositio necessaria, 1, 1250. Ad communionem quando accedant monachi, 1277.  
 Completorium quando institutum, 1, 89.  
 Punctio quid, et ejus causæ, 1, 801. Ejus genera duo sunt, 450.  
 Concupiscentiæ ignis, 1, 869. Cur dicatur lex, 1261.  
 Concilium Arausicanum, 1, 910, 914.  
 Confessionis necessitas, 1, 540.  
 Confessor, 11, 250.  
 Conscientia mille testes, 1, 856. Judex et vindex seclorum, *ibid.* Etiam erronea obligat, 1188.  
 Consilia evangelica, 1, 508.  
 Conspiratio, et conjuratio vetita, 1.  
 Consuetudinis prævæ vis, 1, 596, 1241.  
 Contemplationis varius modus, 1, 505. Impedimenta, 1253. Contemplationi locus opportunus, 1286. *Vide Vita contemplativa.*  
 Contraria contrariis curantur, 1, 435.  
 Cordis custodia, 1, 282.  
 Corporalis exercitatio quid, 1, 494.  
 Corpus animale, 1, 685. Corpus mortis, 1271. Corpus suum jumentum aut asellum vocabant sancti, 868. Corpus peccati et membra ejus, 869 *seq.* Corporis nudi aspectus vitandus, 885.  
 Correctio seu disciplina regularis, ejusque gradus et species, 1, 174.  
 Correptio fraterna, 1, 331.  
 Crimen et delictum differunt, 1, 1168.  
 Cucullus et cuculla, ejusque significatio, 1, 67.  
 Culpæ leviores graviter interdum punitæ ob exemplum, 1, 663.  
 Cuniculi, 1, 227.  
 Cupiditas, seu Philargyria radix omnium malorum, 1, 293. *Vide Philargyria.*  
 Cuychii (Henrici) sententia improbat, 444.  
 Dæmones alii aliis vitiis præbent, 1, 692. Peccata in dæmonibus quæ esse possint, *ibid.* Eorum concordia et nocendum, 693. Quibusdam locis magis infesti, *ibid.* Non omnes ejusdem nequitix et ferociæ, 694, 712. Nemini nocere possunt, nisi Deo permittente, 699. Monasteriis infesti, 700. Crucis signo fugati, *ibid.* Ordinarie prius animas possident, quam corpora, 702. Quidam etiam a dæmonibus possessi ob leves culpas, 702, 708. Infantes etiam et justi ab iis possessi, et vexati, 706. Diversa eorum studia et propensiones, 711. Varia eorum spectra, 715. Varia eorum genera, 712. Hæresium auctores, 716. In aere inaniter versantur, 739. Ordo naturæ, et potentia in dæmonibus, 733. Duplex iis locus attributus, 734. Quomodo diversis regnis et provinciis præsent, 745. In gratia creati et natura boni, 729. Alii aliis imperant et præsent, 748. Duobus modis hominibus subjiciuntur, 752. Fingunt se a magis cogi, 753, 754. Potestas ejiciendi dæmones in Ecclesia duplex, 753. Dæmones incubi, 755. An cum feminis coire possint, 755. *Vide Angelus.*  
 Dæmonium meridianum, 1, 564.  
 Daniel abbas, 1, 585.  
 Davidis patientia, 1, 356. Adulterium et homicidium poenitentia expiatum, 1, 440.  
 Decani in monasteriis, 1, 160, 163, 176.  
 Decessor, 1, 1182.  
 Decimæ Levitis et sacerdotibus debitæ, 1, 1172.  
 Defunctorum memoria et oblatio pro eis, 1, 520 *seq.*  
 Deitas, 11, 71.  
 Delectatio morosa quale peccatum, 1, 879.  
 Denarius, 1, 169.  
 Deus superbis resistit, 1, 454. Solus Deus menti humane illabitur, 679. Solus immutabilis et bonus, 667. Mira ejus opera in sanctis, 891. Etiam invitos subinde trahit,



677. Omnia in omnibus quomodo, 208. Quomodo dicitur irasci, 325. Actiones et membra humana qualiter ei tribuantur, 325 *seq.* quid egerit ante mundum conditum, 732. Voluntas ejus duplex, 909. Ejus promissiones aliæ affirmantes, aliæ negantes, 809. Admirabilis in conversione peccatorum, 891. Dona ejus duplicia, 275. Præsentia ejus cogitanda, 290. Non solum actuum, sed et cogitationum bonarum auctor, 901. Quomodo expectet voluntatem nostram, 951. Quomodo poenitere dicatur, 1080. Solus Deus novit cogitationes hominum, 685. Deus in adiutorium commendatur, 852.

Devotio in oratione quomodo excitetur, 1, 801.

Dextra et sinistra quid, 1, 403. Dextra utraque, 657.

Diaconia, 1, 1107, 1170, 1179.

Diabolus in forma Æthiopis sæpe apparens, 1, 513. An possit immittere cogitationes, 508. Mendax et pater ejus, 767. Leo et formica, 678. Quomodo copuletur animæ in energumenis, 679. Ejus laqueos quomodo evademus, 437. *Vide Dæmones.*

*Διότις* quid, 1, 1028.

Dies sabbati, ut Dominicus, apud Ægyptios sollemnis, 1, 90, 115, 145, 557. Ejus sollemnitas, 149, 719. Eo ad Ecclesiam conveniebant anachoretæ, 719.

Diogenes philosophus Cynicus, 1, 906.

Dioclos oppidum Ægypti, 1, 255.

Diptycha, 1, 531.

Disciplina regularis. *Vide Correctio.*

Disciplina quid, 1, 653.

Discretio. *Vide Prudentia.* Discretio spirituum, 1, 524.

Discordia et ejus causæ vitandæ, 1, 1024.

Dispositio ad sacram communionem, 1, 1250.

In disputationibus modestia servanda, 1, 1021.

Divisio rerum unde introducta, 1, 495.

Divitiæ nostræ quæ sint, 1, 572.

Doctrina duplici ex causa redditur inutilis, 1, 987.

Domestici fidei, 1, 725.

Dominationes, 1, 747.

Dominicum quid, 1, 136.

Dormire post matutinas laudes olim monachis vetitum, 1, 151. Dormitavit anima mea præ lædio, 369.

Dorotheus abbas, 1, 257.

Ebrietas spiritualis multiplex, 1, 773.

*Ἐβριότης*, et *Ἐβριότης*, 1, 270.

Elias et Elizeus monachi veteris Testamenti, 1, 60. Uterque virgo, 272. Elias quomodo venerit in Joanne Baptista, 728.

Embrimia, 1, 522.

Emmanuel, 11, 37.

Energumeni, 1, 707. Non despiciendi aut abominandi, 708. Nec communionem privandi, 707, 708.

Entheca cænobii, 1, 169.

Ephebi, 1, 228.

*Ἐφῆβοι*, 1, 714.

Epiphania, 1, 820.

Eremitæ tres celebriores, 1, 1294.

Eremitæ finis et perfectio, 1, 1137. Eremitæ episcopis subjecti, 1282.

Eremus vel insula Lerinensis, 1, 813.

Eremus quibus conveniat, 1, 343.

Erius, sive Erinacius, 1, 857.

Escæ ejus electæ, 1, 453.

Eucherius, 1, 843 *seq.*

Eunomius hæresiarcha, 1, 716, 996; 11, 14.

Eunuchi evangelici, 1, 1227. Eunuchi sive spadones corpore, 604, 875, 889.

*Εὐχὴ* et *προσευχὴ*, 1, 783.

Eutyches, 11, 27.

Evagationum in oratione causæ et differentia, 1, 585, 775, 839.

Evangelii præstantia, 1, 1178.

Exagium, 1, 519.

Examen conscientia, 1, 629.

Excessus mentis, sive extasis, 1, 1131 *seq.*

Excitatoris officium, 1, 108.

Excommunicati quatenus vitandi, 1, 107, 108.

Excommunicatio apud veteres monachos, 1, 107. A D. Benedicto præscripta, 381.

Exempla sanctorum, 1, 562. Paucorum, 198, 206.

Exorcistæ, 1, 1006.

Ezechias rex lapidatus, 1, 405. Ejusdem lapsus, 406, 407. Eidem quomodo anni quindecim additi, 407. Sol decem lineis in ejus horologio retrogressus, 408.

Facienti quod in se est, etc., quomodo intelligatur, 1, 446.

Fauni vel Satyri, 1, 715, 823.

Felices et miseri, 1, 710, *seq.*

Feminarum memoria excludenda, 1, 283. Familiarietas monachis vitanda, 1145 *seq.* Historiæ junioribus non prælegendæ, *ibid.*

Festuca in oculo fratris, 1, 333.

Fides Dei donum est, 1, 577. Fides et timor prima dispositio ad gratiam, 853.

Fornicatio, ejus natura, 1, 266 *seqq.* Superbiæ poena, 459. Ejus filia, 266. Ejus tria genera, 624. Est mortificanda, 872. Difficile superatur, 266 *seqq.* Spiritualis, 975. Fornicationis spiritus, 263.

Franciscus (S.) se maximum peccatorem affirmabat duplici ratione, 1, 449.

Fructus trigesimus, sexagesimus, et centesimus quid significant, 1, 1524.

Funambulus, 1, 1259.

Fundamenta spiritualis ædificii fides et humilitas, 1, 472.

Galli cantus, 1, 140.

Gastrimargia quid, 1, 205. Ejus filia, *ibid.* Ante cætera vitia edomanda, 252.

Gennadius Massiliensis notatus, 1, 913.

Gentes septem ab Israelitis superatæ quid significant, 1, 638.

Genua quibus temporibus non flectantur in officio ecclesiastico, 1, 169.

Germanus Abbas Cassiani socius, 1, 483, 493.

Giezi famulus Elizei, 1, 505.

Gillo, sive Gello, 1, 171.

Gloria Patri et Filio, etc., 1, 93.

Gloria vana, 1, 399.

Gradus ascendentium et descendantium, 1, 472.

Graphium, 1, 169.

Gratia quid, 1, 917. Ejus divisiones, 918. Non datur ex meritis, 952, 953. Fungitur vice nutricis et obstetricis, 959. Gratia divina quatuor subsidia, 452. Ejusdem efficacia, 455. Gratia et liberi arbitrii concordia, 581, 582. Gratia Dei necessitas ad servandam castitatem, 273. Ad perfectionem consequendam, 440, 897. Ad omne bonum inchoandum et perficiendum, 453 *seq.*, 632, 940. Gratia estis salvati, etc., 440.

Gratiæ Deo agenda, 1, 454. Gratis datæ, 989, 990. Quare aliquibus conferantur, *ibid.*

Gregorius Nazianzenus, 11, 263.

Gryphes, 1, 1014.

Gulæ species, 1, 257, 240, 624. Ejus tyrannis et violentia, 637. *Vide Gastrimargia.*

Gyrovagi, qui et Circumcelliones, 1, 1109. Cur deteriores dicantur Sarabaitis, 1110.

Habitus monachorum pædagogus ipsorum, 1, 63. Cujus coloris esse debeat, 69. Cur mutetur in professione, 158. Hæ sunt gentes, etc., 1, 590.

Hæretici novatores perstringuntur, 1, 1017. Hæreticorum fiducia de peccatis remissis, 1153.

Hebdomadarii servitores, 1, 177, 179.

Hebionitæ, 11, 13, 55.

Helladius monachus, 1, 772.

Hero Eremita misere a diabolo delusus, 1, 529.

Herodes gravius peccavit implendo juramentum, 1, 1054.

S. Hieronymus, ejusque opera, 1, 57. Laus, 11, 253. Flagellatur, 974.

Hierusalem quadrupliciter accipitur, 1, 964.

Hilarion abbas, 1, 334, 994.

S. Hilarius, 11, 250.

S. Hildegardis, 1, 221.

Hippo urbs, 11, 260.

Homo interior, 1, 259. Dominicus, 866. Animalis, 603.

Hominum tres status in vita spirituali, 833.

Homophagia, 1, 182.

Homousios, 11, 142.

Hodie quid, 1, 794.

Honoratus episcopus, 1, 843.

Hora lucernaris quæ, 1, 125.

Horæ seu officia divina, 1, 77, 78. Earum triplex nomenclatura, 98. Horæ canonicæ, septem an octo dicendæ, 129. Earum tempora cur sic instituta, 116. Initia earum diversa, 833. Horæ canonicæ apud Ægyptios breviores, 112. Inter operandum an liceat eas recitare, *ibid.* Laudes matutinae olim a nocturnis separatæ, 153. Hora prima, sive officium primæ quando institutum, 77, 126. Horæ tertiæ mysterium, 117. Horæ sextæ ratio, 119. Horæ nonæ mysterium, *ibid.* Hora nona tempus refectionum ante Quadragesimam, 557. Horæ æquales et inæquales quæ, 132.

Hospitalitas a monachis exercenda, 1, 556.

Humanitas pro hospitalitate, 1, 556.

Humilis se omnibus inferiorem qualiter æstimare possit, 1, 449.

Humilitas, ejus laus, 1, 476. Indicia, 198, 537. Gradus, 473, 478. Erga Deum quæ esse debeat, 436. Triplici consideratione servatur, 452. Ad tuendam castitatem necessaria, 288. Fundamentum omnium virtutum, 469, 472. Vera, non ficta, esse debet, *ibid.* et *seqq.*



- Hydra, II, 11.  
 Hymni pro psalmis, I, 135.  
 Hypocrisis punita, I, 539.  
 Ibis natura, II, 210.  
 Idiota quis, I, 484.  
 Illicitatio, I, 618.  
 Illusiones nocturnæ ut vitentur, I, 279. Earum causæ, 882.  
 Impatiëntia solitudine non curatur, I, 346. Vitium capitale, 354.  
 Incarnatio Spiritui sancto attribuitur, II, 45.  
 Incentor et incentivum, I, 544.  
 Indevotionis causæ, I, 585, 587, 804 *seqq.*  
 Inimicorum dilectio, I, 838.  
 Initiare quid, I, 801.  
 Injuriae silentio superandæ, I, 1039. Injuriarum oblivio, 343.  
 Inobedientia duplex, I, 608.  
 In principio creavit Deus, etc., I, 731.  
 Intentio bona facit opus bonum, si non sit ex se malum, I, 1059.  
 Invidiæ malum, I, 1122.  
 Ira ut differt ab iracundia, I, 321. Quale peccatum, *ibid.*  
 Ejus gradus et effectus, 329, 330. Remedia, 331. Mala, 329. Quatuor species, 331. Motus naturales, 293. Est etiam in infantibus, *ibid.* Etiam erga insensibilia, 350. Bona, et mala, 331 *seqq.* Bona triplex, *ibid.* Mala multiplex, *ibid.*  
 Tacita et dissimulata, 341. Iracundia suppleri, 171. Irascimini, et nolite peccare, 355.  
 Isaac abbas, I, 774.  
 Isidorus Pelusiotes, I, 495. Ejusdem ad Cassianum epistola, 495, 965.  
 Isidorus abbas monasterium muro cinxit, I, 1117. Plures ejusdem nominis, *ibid.*  
 Israelis vox quid significet, II, 218.  
 Israelitæ spirituales, I, 640.  
 Ite, missa est, I, 91.  
 Jacob an sit mentitus quando dixit: Ego sum Esau, etc., I, 1057. Jacob spiritualis, 480, 890.  
 S. Jacobus apostolus lapidatus, II, 65.  
 Jejunium aliud spiritale, aliud corporale, I, 238. Modus ejus quis esse debet, 238. Propter hospites solvendum, 244, 489, 556. Jejunia quotidiana, 243. Quartæ et sextæ feriæ, 211. Jejunandi diversa ratio apud veteres, 209 *seqq.* Jejunare an liceat diebus Dominicis, et post pascha, 1185 *seq.*  
 Jeremias sanctificatus in utero, II, 85.  
 Jesus Nave, sive Josue, I, 938.  
 Jesus Christus, II, 91 *seq.*  
 Joannem cur diligebat Jesus, I, 1029.  
 Joannes uterque, I, 271.  
 Joannes abbas, anachoreta, I, 245, 517. Plures alii ejusdem nominis, 957.  
 Joannes Silentiarius, I, 968.  
 Joannes Chrysostomus, II, 266.  
 Joas rex Juda, I, 438. Ejus superbia ignominiose punita, *ibid.*  
 Jordanis, I, 644.  
 Joseph patriarcha quomodo a mendacio excusetur, I, 1077.  
 Judæ avaritia, I, 314. Cur eidem oculos Dominus crediderit, 315. Judæ proditio mala, etiamsi ejus effectus bonus, 655.  
 Judicium proprium monacho abdicandum, I, 1025 *seq.*  
 Temerarium vitandum, 247.  
 Jugum Domini quomodo suave, I, 1315.  
 Juniorum instructio necessaria, I, 542.  
 Jumentum pro corpore, I, 868.  
 Juramentum Davidis, I, 1079. Herodis temerarium, 1054.  
 Justi an sint sub lege, I, 1173. Cur a Deo permittantur affligi, 648.  
 Dispositio ad justificationem, I, 852, 932.  
 Labor manuum. *Vide* Opus manuum.  
 Lacrymæ spirituales, et earum causæ, I, 803. Et varietas, 804. Lacrymarum sterilitas et defectus unde proveniat *ibid.*  
 Lac parvulorum, I, 829.  
 Lapsanum, vel Lapsana, I, 164.  
 Latronis confessio in cruce, I, 459.  
 Lebitenarium, vel Lebitonarium quid, I, 68.  
 Lectio ad mensam, a quo instituta, ejusque ratio, I, 174.  
 Scripturarum commendatur, 971. Lectionum usus in Officio, 89. Lectiones matutinales, 142.  
 Lecti monachorum, I, 521.  
 Legumina, et olera, I, 210.  
 Lenticula, I, 179. Lenticula olei, 183.  
 Leontius Castoris frater, I, 479, 769.  
 Leporius, II, 24.  
 Lepra spiritalis, I, 318.  
 Lerina insula, I, 846.  
 Lerinense coenobium, I, 846.  
 Lethalis somnus, I, 830.  
 Lex quadruplex apud Apostolum, I, 1261. Lex Decalogi etiam Christianos obligat, 1244. Lex vetus instar Pædagogici, 761. Lex et scientia naturalis, 763. Lex naturæ quatenus per peccatum abolita, vel deleta, 761. Præcepta legis naturæ ante legem scriptam servata, *ibid.* Lex scripta cur non ab initio promulgata, 766. Lex talionis cur, et quibus data, 766, 1211. Legibus an teneantur etiam justi, 762. De legalium obligatione et cessatione, Hieronymi et Augustini controversia, 1069 *seqq.*  
 Libertas et servitus multiplex in Scriptura, I, 228. Libertatis divisio, 920, 928 *seqq.*, 1176.  
 Liberum arbitrium non destruitur a gratia, sed perficitur, I, 903. Libertas arbitrii astruitur, 519, 928 *seq.* Ejus imbecillitas ad bonum, 906.  
 Libido, I, 871.  
 Libra panis, I, 211. Libra duplex, *ibid.*  
 Libraria manus, I, 260.  
 Libri ad collationem legendi, I, 1147.  
 Libya Mareotis, I, 263.  
 Lipsana, I, 164.  
 Litteras scribere, aut recipere, I, 172.  
 Locustarum natura, II, 209 *seq.*  
 Lucerna corporis tui, etc., I, 526.  
 Lucernarium et lucernaris hora, I, 125.  
 Lucifer trifariam accipitur, I, 425. Primus angelorum ob superbiam dejectus, 428, 733. Qualis ejus superbia, *ibid.* et *seq.*, 428. A qua beatitudine exciderit, 430. Ejus ante lapsum excellentia, 425.  
 Lucius episcopus Arianus monachorum persecutor, I, 1106.  
 Lustrum quid, I, 1169.  
 Luxuria est pœna superbiæ, I, 459. Ejus tentatio duplex, 267. Remedia, 879. Non resistendo, sed fugiendo superatur, 1145. *Vide* fornicatio.  
 Lycos, vel Lycopolis, I, 184.  
 Macarii duo, I, 263, 958, 995. Macarii apophthegma, 628.  
 Macedonius, II, 14.  
 Macula peccati, I, 571.  
 Mænidia, I, 185.  
 Mafors, vel Mavorte, I, 72.  
 Magi et malefici dæmonibus sacrificabant, I, 754. Quid possint erga dæmones, *ibid.* et 991.  
 S. Malachias episc., I, 179.  
 Maledicendi triplex modus, I, 697.  
 Mammonæ servire quid, I, 305.  
 Manichæorum errores, I, 765, 595.  
 Manna, II, 201.  
 Mansiones, I, 396.  
 Marcionistæ et Manichæi hæretici, I, 729; II, 110.  
 S. Marcus Evangelista, I, 84.  
 Mare Rubrum et mare Mortuum, I, 643.  
 Margaritum, I, 1246.  
 Maria Theotocos, II, 51, 268. Mater, 51. Virgo a peccato immunis, 367. Mariæ et Marthæ comparatio, 491.  
 Martyres qui, I, 264; II, 267.  
 Martyrium instar baptismi, I, 1159.  
 Massiliensium et Semipelagianorum error, I, 442, 911, 932.  
 Matutina solemnitas, e. i. laudes, I, 125.  
 Maturus (Petrus) soc. Jesu theologus, I, 901.  
 Mazices, I, 583.  
 Medice, cura teipsum, I, 333.  
 Meditationis utilitates, I, 972.  
 Medium duobus modis intelligitur, I, 132.  
 Melotes, sive pellis caprina monachorum, I, 74.  
 Mens perfecta in Centurione figurata, I, 675. Mentis humanæ mobilitas et inconstantia, 506, 671. Menti humanæ solus Deus illabitur, 679.  
 Mendacium quid, I, 1050 *seqq.* Quotuplex, 1065. Eo utendum ut helleboro censuerunt nonnulli, 1062. Eo non est tegenda veritas, 1075. Officiosum an licitum et laudabile, 257.  
 Mercenarius quis, I, 861.  
 Meritum, *Vide* Gratia.  
 Ad metalla damnati monachi, I, 1108.  
 Meum, Tuum, Suum, e monasterii proscripita, I, 168.  
 Meum aliquid dicens monachus an peccet, *ibid.*  
 Michæas propheta quomodo se mendacem optarit, I, 791.  
 Millenariorum error, I, 1322.  
 Mirabilia Dei opera, I, 891, 892.



Miracula non affectanda, nec temere tentanda, i, 993.  
 Faciunt etiam improbi, 1001. Antichristi qualia, 992. Ma-  
 jus est miraculum vitia expellere, quam dæmones, 1007.  
 Missæ sacrificium, i, 585. Missa apud veteres pro dimis-  
 sione sumitur, 91. Vel pro conventu, aut solemnitate, *ibid.*  
 Catechumenorum et fidelium olim distinctæ, 446. So-  
 lemnis in die Dominico, ii, 278. Pro defuncto certis diebus  
 fieri solita, i, 530. Missarum tricenarium, 530 *seq.*  
 Modestia in disputationibus servanda, i, 1024.  
 Modus in omnibus servandus, i, 549.  
 Monachus ut subveniat parentibus in necessitate consti-  
 tutis, 259. Absque licentia prælati ordinari non debet, 412.  
 A diabolo illusio seipsum circumcidit, 535. Comparatur  
 crucifixo, 195. Et pisci, 665. Ejus officium, 1504. Finis,  
 773. Quatuor conditiones, 200.  
 Monachi, unde dicti, i, 1195. Ascetæ, et milites Christi  
 60, 235. Stantes psallebant, 88. Quibus stratis dormiebant,  
 521. Et quanto tempore, 907. Qua hora cibum sumere so-  
 liiti, 209. Nec edere, nec bibere extra mensam, 177. Vi-  
 cissim sibi ministrant, 178. Μακρόβιοι, i. e. longævi, 559,  
 851. Ακολυττοι, i. e. insomnes, 851. Mundo mortui, 1297. A  
 Saracenis occisi, 645. Alii ad metalla damnati, 1108. Βόσχοι,  
 id est, pabulo viventes, 1140. Divites taxantur, 300. Quando  
 in clerum assumpti, 412. Creati episcopi, 414. Subinde  
 expelli possunt e monasterio, 159. Philargyri, aut proprie-  
 tarii notantur, 607. Vagi, aut fugitivi ut puniantur, ii, 287.  
 Fugitivi diabolo expositi, i, 158. Qui ad opus manuum  
 non teneantur, 589. Cur episcopus et mulieres fugere de-  
 beant, 418. Tripliçi instrumento vocabantur ad Ecclesiam,  
 114, 164. Soli non egrediebantur, ii, 285. Quidam pallio  
 tenus, sive habitu solo, notantur, i, 607. Quidam cruces  
 ligneas bajulabant, 727. Mali bonis permixti, 1120. Mali  
 omnium pessimi, 611. Alexandrini a S. Marco instituti, 84.  
 Pæstinae et Mesopotamiæ, 111. Monachorum Ægyptio-  
 rum ritus in officiis divinis, 83. Silentium in mensa, 176.  
 Veterum jejunia, 267, 245. Status, seu gestus in orationi-  
 bus, et psalmodia, 92. Servitia hebdomadaria, 179. Numerus  
 in monasteriis, 189. Cibus qualis esse debeat, 209, 238.  
 Duo genera, 236. Tria genera in Ægypto, 1095. Varia offi-  
 cia, 261. Et officia, 189. Silentium, 105. Quorundam va-  
 rii errores, 814, 726. Quorundam lux et superfluitas in  
 vestibus et aliis rebus taxatur, 608, 773. Nomen sacris li-  
 teris consignatum, 1017. Græca vocabula, 1095. Austeri-  
 tas, 721. Habitus cur ab aliis distinctus, 64. Vestes, 64,  
 158, 166. An iis expediat studere liberalibus disciplinis,  
 975. An conveniat prædicationis officium, 1503. Eos non  
 decet jurare, 1085.  
 Monasterium quomodo differat a cœnobio, i, 1111. Quo-  
 modo construi debeat, 1295. Omnibus necessariis abun-  
 dans habuit Isidorus, 1291. Idque muro cinxit, 1117. Res  
 monasterii quomodo tractandæ, et servandæ, 170, 180.  
 Monasterii bona communia, 168. Officiæ, ii, 288. Monaste-  
 rii clausura. *Vide* Clausuram et Clausuram. Monasteria  
 Ægypti, i, 80, 647. Bethleemiticum, 847. Cellæ, vel cel-  
 liæ, 647. Lerinense, 846. Nitriæ, 647. Pæstinae et Meso-  
 potamiæ, 255. Pœnitentium, Metanœa vocatum, ii, 274.  
 Ponti, i, 248. Scetica 265, 481, 995. Syriæ, 241. Taben-  
 nense, 151. Thebaidis, 847. Monasteriorum Græca voca-  
 bula, 1099. In monasteriis exercebantur etiam laici, 256.  
 Syriæ, 241.  
 Moniales quomodo ad Ecclesiam vocarentur, ii, 278. Cur  
 tondentur, 292, 295. Tabennenses, earumque disciplina,  
 295.  
 Monoceros, i, 1015.  
 Montanistarum et aliorum hæreticorum errores de jeju-  
 nio, i, 1187.  
 Morbi otalgius et ophthalmicus, i, 1505.  
 Mors, sive obitus fratrum, ii, 287. Justorum somnus  
 aut dormitio appellatur, i, 552. Justorum, 654.  
 Mortificatio quid sit, i, 1285. Propriæ voluntatis, 160.  
 Mortificare membra nostra quid, 873. Mortificationis et  
 abstinentiæ exemplum, 958.  
 Mortis memoria, i, 352.  
 Moses, vel Moyses abbas, i, 395, 481, 823, 704. Plures  
 hujus nominis anachoretæ, *ibid.* Legislator negavit se fi-  
 lium filiarum Pharaonis, 862.  
 Mundi prima ætas, i, 620. Tria sunt in hoc mundo, bona,  
 media, mala, 648.  
 Municipatus noster, i, 565.  
 Muria vel salsugo, i, 719.  
 Murmurationis vitium graviter punitum, ii, 294.  
 Mutius abbas, i, 186, 562.  
 Myrum, i, 982.  
 Mystera profanis non revelanda, i, 985.  
 Myxaria, i, 721.  
 Nævus, i, 817.  
 Naphtha, i, 230.  
 Nasci ex Deo, i, 889.

Nazaræorum ritus, i, 1069.  
 Necessitas triplex, i, 1176.  
 Ne declines ad dextram, nec ad sinistram, i, 403.  
 Nemo læditur nisi a seipso, i, 553, 636. Nemo repente  
 fit pessimus, 555. Nemo militans Deo, etc., 569.  
 Nesteros, i, 955.  
 Nicolaus Peregrinus, i, 726.  
 Nicolaus Diaconus, a quo Nicolaitæ, i, 1119.  
 Nilus Ægypti fluvius, i, 523.  
 Nitria, i, 647.  
 Nolite fieri inanis gloriæ cupidi, i, 410.  
 Nolite omni spiritui credere, i, 515.  
 Nomen Dei quomodo sanctificetur, i, 791.  
 Non videbit me homo, etc., i, 505.  
 Nosocomium, sive infirmarium, ii, 281.  
 Notarii apud veteres qui, ii, 275.  
 Novitius. *Vide* Probatio.  
 Novitiorum institutio et disciplina, i, 153, 158, 199.  
 Noûs, i, 540.  
 Nudi corporis aspectus vitandus, i, 883.  
 Nudipedalia, i, 1073, 1298.  
 Nuditas monachorum quæ, i, 513, 515.  
 Numerus septenarius mysticus, i, 129. Centenarius quid  
 designet, i, 1521.  
 Numularii et eorum officia imitanda, i, 511.  
 Obedientia monachorum, i, 160, 165. Cunctis virtutibus  
 præferenda, 163. Obedientiæ exempla, 183, 184, 187.  
 Objecta movent potentias, i, 1288.  
 Oblationes pro defunctis, i, 530.  
 Obrizum, i, 512.  
 Oculorum custodia, i, 282.  
 Officium nocturnum apud veteres monachos, ii, 142; ii,  
 297. Præfecti operum, ii, 298.  
 Oleum a Patribus benedictum, i, 247, 705.  
 Onager monachi typus, i, 1102.  
 Opera et officia veterum monachorum, i, 189.  
 Opus manuum monachis olim præscriptum, et usitatum,  
 i, 81, 371, 587. Quo præcepto ad id obligentur monachi,  
*ibid.* et 579. An etiam Benedictini ad id teneantur, 591.  
 Quatuor ex causis suscipitur, et ad quatuor fines ordina-  
 tur, 371. Illud exercentes monachi orabant, 103, 114. Pe-  
 culiare monachis vetitum, 175. Voluntarium an sit melius  
 quam præceptum, 114. Ex voto factum, melius quam sine  
 voto. *Vide* Votum. Operari manibus, quibus et quando sit  
 præceptum, 573. Operabantur apostoli aliquando ex neces-  
 sitate, aliquando spontaneè, 375 *seq.*  
 Oratio, quatuor ejus species ab Apostolo distinctæ,  
 i, 783. Orationis devotio ut excitetur, 801. S. Antonii sen-  
 tentia de oratione, 807. Evagationes in oratione, 850. At-  
 tentio in oratione, 104. Ad orationem præparatio, 774.  
 Orationes nostræ ut certo exaudiantur, 808. Orationes bre-  
 ves et jaculatoriæ commendantur, 99, 806 *seq.* Orandum  
 sine intermissione quomodo, 842. Oratio Dominica septem  
 continet petitiones, 798. Ejus præstantia, 787. Expositio,  
*ibid.* An ea petantur temporalia, 799.  
 Oratorium, ejusque usus, et vocabula ei synonyma, i, 153.  
 Tarde venientium ad oratorium prena, 138.  
 Ordo congregationis, ii, 291. Ab eo qui excidant, *ibid.*  
 Orestes, ii, 161.  
 Orientis et Occidentis distinctio, i, 144.  
 Origenes, i, 663.  
 Orsiesius abbas, ii, 274.  
 Otium a monachis fugiendum, i, 248, 252.  
 Ozias rex, i, 409.  
 Pachomius vel Pachomius monachorum Tabennensium  
 institutor, i, 152, 552; ii, 272. Pachomii Regula una, an  
 plures, 271. Explicatur, 277.  
 Pæderastes et pæderastia, i, 905. Hoc vitio notati gen-  
 tiles, *ibid.*  
 Pæstina, i, 111.  
 Palmarum multiplex usus apud Ægyptios monachos, i,  
 596.  
 Pambo abbas, i, 968.  
 Pancarpum quod spectaculi genus, i, 629.  
 Panephytis civitas Ægypti, i, 848.  
 Panis τρωτικός, i, 795. Panis portio duo paximacia, 213.  
*Vide* Paximacium.  
 Papæ nomen unde, i, 55, 479. Olim omnibus episcopis  
 commune, modo Rom. pontifici peculiare, 55.  
 Paphnutius abbas et presbyter, i, 263, 529. Paphnutii  
 alii plures, 557, 583. Paphnutius Bubalus cognominatus,  
 559.  
 Papyrus Ægyptia, i, 525.  
 Paracharagma, i, 516.  
 Parentes sæpius invisere monachis noxium, i, 1285. Pa-  
 rentum cura monacho abdicanda, *ibid.*  
 Parricidium, i, 534.  
 Paschalis vigilia, i, 1200.



- Paschales Epistolæ, 1, 820.  
 Passivus obtutus, 1, 186.  
 Pastoris liber, 1, 749.  
 πάσος et ποσάδεια, 1, 281.  
 Patientia, 1, 356. Patientiæ exempla, 893, 1036.  
 Paula Romana, 1, 273. Altera senior, altera junior dicta, *ibid.* Paulæ senioris laus, *ibid.*  
 Paulus apostolus civis Romanus, 1, 309. Manibus suis operabatur, 377. Videt Christum, 11, 55. Paulus primus eremita, an Antonius, 1, 1099 *seq.* Paulus abbas, 594, 704. A diabolo possessus, 703. Plures ejusdem nominis anachoretæ, *ibid.* Pauli cœnobiū, 1125.  
 Paupertas religiosa, 1, 166.  
 Pausantes, 1, 552.  
 Paximacium, vel paxamacium, 1, 169, 539, 551, 895. Paximacii pondus, 242, 551.  
 Peccatum unum sæpe causa alterius, et alterum pœna alterius, 1, 457. Peccata dicuntur debita, 796. Peccata capitalia, 859. Peccatum ad mortem, *ibid.* Peccati divisio, 870. Peccatorum memoria utilis, 1165. Peccatorum carnalium memoria excludenda, *ibid.* Peccata venialia non possunt omnia vitari, 1168.  
 Pelagianorum error, 1, 910; 11, 17, 19, 95. Querimonia de libero arbitrio a Patribus refutata, 1, 902.  
 Pelusium oppidum Ægypti, 1, 749.  
 Pensum quotidianum, 1, 385.  
 Pentecoste. *Vide* Quinquagesima.  
 Pera, vel penula monachorum, 1, 849.  
 Perfectio Christiana in quo consistat, 1, 490 *seq.* Multiplex, ejusque varii gradus, 855. Perfectionem an profiteantur monachi, 197. Perfectionis assecutio divinæ gratiæ magis quam nostro labori ascribenda, 440.  
 Perseverantia, 1, 106.  
 Petra Evangelica Christus, 1, 837.  
 Petri certamen cum Simone Mago, 1, 148. Negatio, 142. Confessio, 11, 67. Petrus Ecclesiæ pastor, *ibid.* Petrus et Paulus an usi sint simulatione erga Judæos et gentiles, 1, 1069.  
 Pharos, 1, 1091; φάρος, 1, 1043.  
 Philargyria, 1, 291. In monacho sacrilega, 467. In monacho est vitium proprietatis, 291. Tres ejus species et triplex morbus, 302. Turpe vitium, 312. Radix omnium malorum, 295.  
 Philosophorum gentilium castitas qualis, 1, 903.  
 Photiniani, 11, 14.  
 Physiognomon, 1, 905.  
 Piammon abbas, 1, 1089.  
 Pior abbas, 1, 1282.  
 Planetica quid, 1, 72.  
 Podagra, 1, 1305.  
 Pœnitentia in terram submissa, quæ, 1, 106. Ejus definitio perfecta, *ibid.*  
 Pollutio nocturna ut vitetur, 1, 103, 289, 554. Ejus causæ, 874, 884. An et quando impediatur communionem, 1220. An, et quale sit peccatum, 882.  
 Polygamia in veteri Testamento permissa, 1, 1066.  
 Pomum nomen generale, 1, 263.  
 Ponti provincia, 1, 248.  
 Pontifex et pontificium, 1, 1266.  
 Porphyrio eremus, 1, 395.  
 Possidere terram, quid, 1, 877.  
 Posterula, 1, 226.  
 Posuit flumina in desertum, etc., 1, 849.  
 Potestas ejiciendi dæmones, 1, 752 *seq.*  
 Præcepta naturæ diversa, 1, 762 *seq.* Decalogi etiam Christianos obligant, 1214. Superiorum non discutienda, 1092.  
 Prædicatio duplici ex causa redditur inutilis, 1, 987. Prædicationis officium an monacho conveniat, 1303.  
 Primæ horæ officium, 1, 79. Quando institutum, 126.  
 Primitiæ et oblationes, veteri lege quibus debitiæ, 1, 1172. Quotidie a nobis Deo offerendæ, *ibid.*  
 Principale cordis, 1, 682.  
 Principatus, 1, 747.  
 Prior et prapositus in cœnobia Tabennensi, 11, 300. Qualis esse debeat, *ibid.*  
 Probatio novitiorum, et professio, et utriusque ritus antiqui, 1, 153 *seqq.*, 158 *seqq.*  
 Professio apud veteres tribus votis fieri solita, 1, 158, 193, 367. Expressa et tacita, *ibid.*  
 Procherium, 1, 1151.  
 Profectus spiritualis numquam dimittendus, 1, 663.  
 Propheta ab alio seductus, ob inobedientiam a leone occisus et mirabiliter servatus, 1, 703.  
 Proprietas monachorum detestanda, et graviter punita, 1, 320.  
 Proprietarii Ananiæ et Sapphiræ exemplo deterrentur, 1, 320. *Vide* Philargyria.  
 S. Prosuper Cassiani impugnator, 899, 905.  
 Prudentia inter virtutes morales præcipua, 1, 519, 520.  
 Psalmi Alleluatice, qui, 1, 101. Psalmorum numerus in vespere et nocturnis, 87. In officiis divinis præscriptus, 85. Usus antiquissimus, 86. Psallendi modus optimus, quis, *ibid.* Psalmi consuetudinarii ante et post mensam, 150. Gestus antiqui fidelium et monachorum inter psallendum et orandum, 92. Psalmi quomodo canendi, 88.  
 Psiathium, quid, 1, 167, 521.  
 Pulmentum et pulmentarium, 1, 551.  
 Pulsus ad mensam, 11, 281.  
 Pynulfus abbas, 1, 195.  
 Quadragesimæ observatio apud Orientales, 1, 1199, 1203. Jejunium cur institutum, 1200. Est decima totius anni, *ibid.* Cur sic dicta, 1204. Cur additi quatuor dies ante primam Dominicam, *ibid.*  
 Quinquagesima, sive Pentecoste, 1, 90. Tria ei pecularia, 109. Duplex, 1183.  
 Qui irascitur fratri suo, etc., 1, 350. Qui odit fratrem suum, homicida est, 350. Qui vult omnes homines salvos fieri, 908.  
 Quomodo vos potestis credere, etc., 1, 410.  
 Raab Hierichontis, 1, 1064.  
 Rancor animi, 1, 341.  
 Ratio dati et accepti, 1, 1013.  
 Rebrachiatoria, 1, 71.  
 Rechabiti filii Jonadab, 1, 1174.  
 Reconciliatio quando necessaria, 1, 341 *seq.*  
 Redbibere, et redhibitio, quid, 1, 158.  
 Refectorium, 11, 280. Stare in refectorio tempore refectionis, *ibid.*  
 Refrigerium pro eleemosyna, aut solatio, 11, 273.  
 Regnum Dei varie intelligitur, 1, 792. Multiplex, 497.  
 Regula D. Benedicti explicata. *Vide* Benedictus. Regulæ transgressio graviter punita, 1, 221. Regula S. Pachomii, 11, 271. Regulæ SS. Patrum approbatæ, 1, 1288 *seqq.*  
 Religionum varietas, 1, 957. Transitus de una religione ad aliam, an probandus, 959, 1084. Liceatne de arctiori ad laxiorem transire, 1128. Religionis finis, 485.  
 Religiosus. *Vide* Monachus.  
 Reliquiarum SS. veneratio, 1, 646.  
 Renuntiatio, id est, professio, sive ingressus religionis, 1, 151. Duplex, 560. Male renuntiantes, 305.  
 Requiescet super eum Spiritus, etc., 1, 868.  
 Respicere retro, quid, 1, 305.  
 Resurrectio est regeneratio, 11, 113.  
 Rhinoceros, 1, 1013 *seq.*  
 Rhomphæa ignea ante paradysum, 1, 121.  
 Rufinus, 11, 368.  
 Sabbatum apud Orientales solemne, ut Dominica, 1, 90, 115, 144, 559. Sabbatum Paschale, 1199. Sabbato illucescere, quid, 109, 140. Sabbati officium nocturnum, 140. Sabbati vigiliæ longiores, 145. Sabbato non jejunabant monachi Orientales, *ibid.* Sabbato cur jejunatur in Ecclesia Latina, 147. Sexta Sabbati, id est, feria sexta, 144.  
 Sacrificia pro defunctis, 1, 550.  
 Sagum, ejusque usus inter monachos, 1, 246.  
 Salomonis libri tres, 1, 565.  
 Salvator, 11, 94.  
 Samuel a Deo vocatus, 1, 547.  
 Sancti in hac vita cur se adeo humilient, 1, 449. Cur eos sinat Deus ab impiis interimere, aut vexari, 647.  
 Sarabaitæ, 1, 1103.  
 Saracenorum origo et crudelitas, 1, 645.  
 Satietas vitanda, 1, 217.  
 Scalper, vel scalprum, 1, 488.  
 Scamma, quid, 1, 667.  
 Scandalizantes, pro scandalizati, 1, 646.  
 Scandalum quando vitandum, quando non, 1, 1061.  
 Scenofactoria ars, 1, 585.  
 Σκίπασμα, 1, 65.  
 Σκοινοβάτης, 1, 1259.  
 Scethe, vel Scythica eremus, 1, 481, 995.  
 Scilla, vel squilla, in refectorio vel juxta, 11, 281. Ejus pulsu audito fugatus dæmon, *ibid.*  
 Scientia spiritalis duplex, 1, 954. A quibus acquiritur, 970. An in peccatoribus esse possit, *ibid.* et 983.  
 Scopos, et telos ut differant, 1, 485.  
 Scopos monachi, 1, 485.  
 Scribendi modus apud veteres, 1, 831. Scribendi libros in monasteriis vetus consuetudo, 262.  
 Scripturarum intelligentia eget doctore, 1, 541. Scripturarum sensus litteralis, et figuratus, 725. Sensus mysticus multiplex, *ibid.* et 961. Scripturarum scientia quomodo acquiritur, 249. Scripturarum obscuritas, *ibid.* et 725. Scripturarum lectio et studium commendatur, 969, 970. Quid de Scripturis discere debeant monachi, 11, 292.



- Scripulum, i, 318.  
 Secta, ii, 163.  
 Sedilia etiam olim in oratoris monae., et qualia, i, 101.  
 Senectus incurva, i, 152.  
 Senes qui audiendi, et qui non, i, 542.  
 Semipelagiani a Pelagians distincti, i, 911. Semipela-  
 gianorum error, i, 581.  
 Septenarius numerus, i, 120.  
 Sepultura ritus apud veteres, i, 995.  
 Serapion abbas, i, 558, 610, 637.  
 Serenus abbas, i, 667.  
 Serpens quomodo sapientior cunctis animantibus, i, 757.  
 Servitus multiplex in Scriptura, i, 228.  
 Seth posteri dicti filii Dei, i, 756, 768.  
 Severus Sulpitius, i, 908.  
 Sexta sabbati, i, 114.  
 Sextarius olei, i, 1135.  
 Sicut unguentum in capite, etc., i, 534.  
 Silentium in choro, 97, 105, 177. Silentium et taciturnitas in religiosis commendatur, 968. Silentium post Completorium et Nocturnum, 1045. Quando frangi possit, *ibid.* In mensa monachorum, 177. Signa monastica ad servandum silentium instituta, *ibid.* Silentium ad focum communem, ii, 277. Malum reprobatur, i, 469. Silentio superandae injuriæ, 1039.  
 Sinistram non habet justus, i, 876.  
 Sion spiritalis, i, 880.  
 Si oculus scandalizat te, etc., i, 869.  
 Si offers munus tuum, etc., i, 541, 542.  
 Si vis perfectus esse, etc., i, 569.  
 Si quis non vult operari, etc., i, 379.  
 Spiritus varie accipitur, i, 283 *seq.*  
 Socrates philosophus, i, 905.  
 Sodomorum subversio, i, 644.  
 Sol non occidat, i, 338.  
 Solidus, et Stater, i, 239.  
 Solitarius, id est, monachus, i, 827.  
 Solitudo contemplationi congrua, i, 1286 *seqq.*  
 Solitudinis, sive solitariae vitae pericula, et incommoda, 1132.  
 Sopor lethæus, i, 217.  
 Spadones, i, 604, 875.  
 Spelæum Bethleemiticum, i, 192.  
 Sportella et Sportula, i, 167, 189.  
 Stare ad orandum, i, 92.  
 Statio quid apud monachos Ægyptios, i, 255, 243, 535.  
 Stationes olim duplicis generis, i, 535.  
 Status tres hominum, i, 835.  
 Stachades insulae, i, 847.  
 Struina, i, 669.  
 Studium litterarum an monachis expediat, i, 973.  
 Stultitia avari, i, 320.  
 Subdiale, et Subdivale, i, 1128.  
 Substantia pro divitiis aut facultatibus, i, 510.  
 Succidia, quid, i, 773.  
 Superbia omnium viorum regina, i, 202, 419. Unde dicta, *ibid.* Quatuor ejus species, 421, 435. Initium omnis peccati, 422. Dividitur in carnalem et spiritalem, 424. Quale peccatum sit, *ibid.* Ut differt ab aliis vitiis, *ibid.* Superbia prior, an Cenodoxia, 622. Luciferi et aliorum angelorum, 430. Adami, *ibid.* Deum habet adversarium, 454. Omnes virtutes destruit, *ibid.* Gravioribus peccatis, præsertim Luxuria humiliatur, 459, 460. Carnalis, quæ, 461. Gradus ejus duodecim, *ibid.* Ejus signa, 470.  
 Sensus ab oratione, quid, i, 105, 172. Cum ejusmodi suspensis communicare velint, *ibid.*  
 Suscepti qui dicantur, i, 372, 638.  
 Suspicientia, i, 1273.  
 Synaxis, i, 97, 719, 748, 989.  
 Syncellitæ, i, 172.  
 Syncreticus, i, 312.  
 Symbolum, ii, 146. Symbolum Antiochenum, 159.  
 Syri intellectuales, qui, i, 438.  
 Tabenna insula Pachomii sedes, i, 451.  
 Tabennenses vel Tabennensiote monachi a S. Pachomio instituti, *ibid.*; ii, 274. Nihil Monasterio inferebant, 49. Eorum obedientia, 161. Vestes, 167. Silentium, 965 *seq.* Eorum varia officia, *ibid.* Tuba utebantur pro campana, ii, 277.  
 Talionis lex, *vide Lex.*  
 Tentatio pro afflictione, i, 231. Humana quæ, 231, 579. Dei grave peccatum, 572. Quomodo tentationi resistendum, 1233. Eam sine auxilio Dei nemo superare potest, 897. Tentationes an appetendæ, 649. Manifestandæ, 537. Quatuor tentationum species, 363. Tentationes carnis graves experti etiam sancti, 630. Tentationes Christi et Adami, 616. Tentat Deus, homo, et diabolus diversimode, 589 *seqq.*, 618. Tentantur homines a Deo triplici ratione, 639. Tentari supra viros non permittit Deus, 937.  
 Tepiditatis vitium, i, 897 *seqq.*  
 Thebais, vel Thebaida, i, 845 *seqq.*  
 Thebe, i, 643 *seqq.*  
 Thebesus oppidum Ægypti, i, 848.  
 Theodorus abbas, i, 249, 646. Ejus sententia de Scripturarum intelligentia acquirenda, i, 249.  
 Theophilus Alexandrinus, ejus epistolæ Paschales, 820. Ut se erga monachos Anthropomorphitas gesserit, *ibid.*  
 Theonas abbas, i, 558, 968.  
 Theoria, i, 492. *Vide Contemplatio.* Theorica vita, i, 485.  
 Theoretica scientia duplex, i, 964.  
 Thimuis civitas, i, 957.  
 Thomæ apostoli fides, ii, 70.  
 Thomæ Aquinatis taciturnitas, i, 560, 968.  
 Throni, i, 748.  
 Timor quadruplex, i, 855. Filialis et servilis, 865. Domini initium sapientiæ, 198. Domini, donum Dei, 579. Timorem servilem pellit charitas, 855.  
 Tractatores, qui, i, 254.  
 Tradere Satanæ, quid, i, 582, 708.  
 Trapezitæ et eorum munus, i, 510, 556.  
 Tricenarium, i, 531.  
 Tristitia est vitium capitale, i, 554. Aliter eam Cassianus, aliter Gregorius accepit, 554. Edax cur dicatur, 552. Absorbet hominem, 557. Pessimum genus desperatio, *ibid.* Quæ secundum Deum, *ibid.* Duo ejus genera, 560.  
 Trogalia, i, 724.  
 Turturis proprietates, i, 846.  
 Typus, i, 77, 174.  
 Unum necessarium, i, 491.  
 Utinam frigidus esses, etc., i, 598.  
 Uva quid apud medicos, i, 246.  
 Uxor Loth, i, 306.  
 Valens imperator, ejusque persecutio in monachos, i, 519.  
 Valetudo vocabulum anceps, i, 417.  
 Vana gloria, i, 418. *Vide Cenodoxia.*  
 Vas suum possidere, quid, i, 286.  
 Verbum duplex, i, 265.  
 Vesperarum institutio et ratio, i, 122. Earum officium, *ibid.*  
 Vestes Monachorum, *vide Habitus.* Lineæ, an laneæ præferendæ, i, 163. Luxus vestium reprehenditur, 776. Mutatio vestium in professione, 158.  
 Viaticum, quid, i, 298.  
 Vicissitudo utilis, i, 1311.  
 Vigiliæ monachorum, i, 154. Pro Nocturno officio, 159. Nocturnæ quadripartitæ, 142. Vigilia Paschalis, 1199.  
 Vinum Monachorum, ii, 282. Vini temperantia commendatur, i, 247.  
 Virgo uterque Joannes et alii, i, 271. Virgines conjuges, 961.  
 Virginitatis encomium, i, 1327.  
 Virtus est principale bonum, i, 649. Definitur, 1186. In medio consistit, 540. Nemo ea male utitur, 1186. Virtutes angelicæ, 605. Inter se connexæ, 226 *seqq.* Morales, 494. Gentilium, 905. Virtutum exempla non ab uno petenda, 206, 964. Semina an a natura nobis insint, 926 *seq.*  
 Vita duplex per Mariam et Martham designata, i, 491. Et per Liam et Rachelem, 955 *seq.* Activa an impediat contemplativam, 1250. An maneat post hanc vitam, 495. Vitæ activæ duo officia, 956. Vita æterna, quomodo ex gratia et meritis, 450. Vita contemplativa melior quam activa, 1250. Vita solitaria perfectis congruit, 569, 1109, 1158. Vita theorica, vel theoretica, 482.  
 Vitia sunt morbi animæ, i, 1008. Principalia, sive capitalia, 204, 859. Septem, an octo dicenda, *ibid.* Carnis, 611. Non naturalia, 227, 235. Alia carnalia, alia spiritualia, 204, 613, 619. Vitiarum capitalium divisio triplex, 611. Eorum ordo et habitudo, 621. Vitia plura quam virtutes, 655. Capitalia octo Gentibus comparata, 639. Vitium cuique proprium maxime impugnandum, 629.  
 Vocatio divina triplex, i, 561.  
 Voluntas. *Vide Mortificatio.* Voluntas Dei duplex, i, 792, 909.  
 Voluntarium quid, i, 116.  
 Vota tria in professione, i, 155. Votum paupertatis etiam apud veteres monachos, 166. Voti et juramenti obligatio quando cesset, 1083. Voti et professionis obligatio, 1085. Opus ex voto factum melius quam sine voto, 1178. Vovent conjugati continentiam ex mutuo consensu, i, 961. Ejus rei exempla proferuntur, *ibid.*  
 Xenodochium, ejusque antiqua institutio, i, 938.  
 Xerophagia, id est, siccorum esus, i, 181, 183, 211. Hæreticorum reprobantur, 181.



Zabulus, 1, 499, 517.  
Zelus bonus, et malus, 1, 735.

Zona monachorum. Vide Cingulum.  
Zoroastes plures, 1, 758.

## ORDO RERUM

### QUÆ IN HOC TOMO CONTINENTUR.

#### CASSIANUS (Continuatio).

Præfatio ad Leonem Romanæ urbis episcopum, in libros de Incarnatione.	9
DE INCARNATIONE.—LIBER PRIMUS.	11
CAPUT PRIMUM.—Hæresis Hydræ poeticæ comparatur.	<i>Ibid.</i>
CAP. II.—Varia hæreseon monstra ex sese invicem pululantia describit.	14
CAP. III.—Pelagianorum pestilentem errorem notat.	20
CAP. IV.—Leporius una cum aliis nonnullis Pelagianismum recantat.	25
CAP. V.—Publicum peccatum publica confessione diluendum esse Leporii exemplo confirmat.	24
CAP. VI.—Concors catholicorum doctrina uti orthodoxa fides amplectenda est.	29
LIBER SECUNDUS.	<i>Ibid.</i>
CAPUT PRIMUM.—Posteriorum hæreticorum errores in auctoribus suis damnatos et confutatos esse.	<i>Ibid.</i>
CAP. II.—Virginem Deiparam non tantum Χριστοτόκον, sed etiam Θεοτόκον, et Christum verum esse Deum demonstrat.	31
CAP. III.—Prosequitur idem argumentum veteris Scripturæ testimoniis.	37
CAP. IV.—Ex Apostolo ejusdem doctrinæ testimonia profert.	40
CAP. V.—Ex gratiæ divinæ muneribus quæ per Christum accipimus, colligit ipsum verum Deum esse.	42
CAP. VI.—Divinæ gratiæ conferendæ facultatem non accessisse in Christo temporis progressu, sed ab ipso ortu illi congenitam fuisse.	44
CAP. VII.—Perfectam ab æterno fuisse, esse et fore in Christo divinitatem, majestatem, potentiam, virtutem, etc.	48
LIBER TERTIUS.	49
CAPUT PRIMUM.—Christum eundem hominem ac Deum secundum carnem ex Israel et Virgine Maria editum esse.	<i>Ibid.</i>
CAP. II.—Dei appellatio aliter Christo, aliter hominibus tributa est.	50
CAP. III.—Explicat illud Apostoli: <i>Nos ex hoc neminem novimus secundum carnem.</i>	52
CAP. IV.—Ex Epistola ad Galatas profert testimonium quo probat infirmitatem carnis in Christo per divinitatem absorptam esse.	54
CAP. V.—Sicut blasphemia est Christo adimere divinitatem, ita quoque verum hominem illum esse negare blasphemum.	55
CAP. VI.—Ex apparitione Christi quæ Apostolo Ecclesiam persequenti facta est, utramque naturam in eo fuisse demonstrat.	56
CAP. VII.—Aliis rursum Apostoli testimoniis Christum Deum esse pronuntiat.	58
CAP. VIII.—In confessione divinitatis Christi, crucis confessionem non esse silentio premendam.	60
CAP. IX.—Apostolicam prædicationem a Judæis et gentibus repudiatam esse eo quod Christum crucifixum Deum esse confiteretur.	62
CAP. X.—Quomodo Christum Dei virtutem et Dei sapientiam asserat Apostolus.	63
CAP. XI.—Evangelicis testimoniis eandem doctrinam corroborat.	66
CAP. XII.—Ex B. Petri laudatissima confessione Christum Deum esse convincit.	<i>Ibid.</i>
CAP. XIII.—B. Petri confessio a Christo ipso veritatis testimonium accepit.	69
CAP. XIV.—B. Petri confessionem totius Ecclesiæ fidem esse.	<i>Ibid.</i>
CAP. XV.—Eandem Petri fidem D. Thomas quoque post resurrectionem Domini professus est.	70
CAP. XVI.—Dei Patris de Filii divinitate profert testimonium.	73
LIBER QUARTUS.	75
CAPUT PRIMUM.—Christum ante carnis susceptionem Deum ab æterno fuisse.	<i>Ibid.</i>
CAP. II.—Colligit ex his quæ dixit, Virginem Mariam antiquiorem et majorem se filium peperisse.	77
CAP. III.—Ex epist. ad Rom. probat Christi ab æterno divinitatem.	78

CAP. IV.—Ahunde profert ejusdem sententiæ testimonia.	79
CAP. V.—Propter hypostaticam utriusque in Christo naturæ conjunctionem, et Verbum salvatorem, sive hominem incarnatum, et Dei Filium recte appellari.	86
CAP. VI.—Unam esse in Christo hypostasim.	81
CAP. VII.—Revertitur ad priorem considerationem, ut ostendat adversus Nestorianos de homine dici quæ sunt divinæ naturæ tamquam de hypostasi divinæ naturæ.	84
CAP. VIII.—Hanc appellationum varietatem nihil præjudicare divinæ potestati.	<i>Ibid.</i>
CAP. IX.—Veterum prophetarum auctoritate sententiam hanc corroborat.	85
CAP. X.—Probat Christi divinitatem tum ex Judaizantium Judæorum perfidia, tum ex confessione illorum qui ad Christi fidem convertuntur.	89
CAP. XI.—Redit ad Vaticinium Isaiaë	90
CAP. XII.—Salvatoris appellationem aliter Christo et aliter hominibus tributam esse.	91
CAP. XIII.—Exponit quorundam in illis verbis, <i>Tu es Deus noster et nesciebamus</i> , personam sustinuerit Isaiaë.	94
LIBER QUINTUS.	95
CAPUT PRIMUM.—Acerrime invehitur in errorem Pelagianistarum, qui Christum solitarium hominem affirmavere.	<i>Ibid.</i>
CAP. II.—Pelagiano errori conjunctum et vicium est Nestorii dogma.	98
CAP. III.—Hanc divinitatis participationem quam Pelagiani et Nestoriani Christo tribuant omnibus viris sanctis communem esse.	101
CAP. IV.—Inter Christum et sanctos quid intersit.	103
CAP. V.—Christum, ante ortum temporalem, Deum semper a prophetis appellatum fuisse.	106
CAP. VI.—Eandem doctrinam novi Iustamenti testimoniis illustrat.	109
CAP. VII.—Rursum ostendit ex conjunctione duarum in Christo naturarum in unam personam, ea quæ divinæ naturæ competunt, homini; et quæ humanæ, Deo recte accommodari.	111
CAP. VIII.—Apostolicam sententiam Domini auctoritate corroborat.	115
CAP. IX.—Cum Christo tribuantur prodigiosa illa opera quæ circa filios Israel jam inde a temporibus Moysis designata sunt, conjicitur quoque illum jam olim ante ortum suum temporalem exstitisse.	120
CAP. X.—Explicat quid sit confiteri, et quid solvere Jesum.	124
CAP. XI.—Dominicæ incarnationis sacramentum Christi divinitatem manifeste coarguit.	126
CAP. XII.—Latius exponit quodnam illud sacramentum sit quod sub viri et uxoris nominibus designatur.	130
CAP. XIII.—Quanto desiderio veteres patriarchæ sacramenti istius revelationem videre exoptarunt.	132
CAP. XIV.—Impiam et blasphemam hæreticorum sententiam redarguit, qui Deum in Christo velut in organo sive statua habitasse et locutum esse dixerunt.	133
CAP. XV.—Sanctorum de Messiaë adventu vota quid continebant, aut quale illud fuerit desiderium.	134
LIBER SEXTUS.	135
CAPUT PRIMUM.—Ex miraculo saturatæ multitudinis e quinque panibus hordeaceis et duobus piscibus, divinæ virtutis immensitatem ostendit.	<i>Ibid.</i>
CAP. II.—Mysterium hujus septenarii numeri quinque panum et duorum piscium auctor suo operi accommodat.	137
CAP. III.—Testimonio Antiochenæ synodi adversarium convincit.	149
CAP. IV.—Symbolum fidei divinam et humanam habere auctoritatem.	149
CAP. V.—Lectissimis argumentis agit contra adversarium, et a majoribus acceptam religionem mordicus tenendam esse ostendit.	150
CAP. VI.—Rursus ad Antiocheni symboli professionem illum provocat.	152
CAP. VII.—Persistit in eodem argumento ex Antiocheno symbolo desumpto.	157
CAP. VIII.—Quomodo Christus dicatur venisse, et natus ex Virgine.	158
CAP. IX.—Rursus adversarium ex sua ipsius confessione pestiferi erroris redarguit.	169



CAP. X.—Invehitur in illum quod, desertor catholicæ religionis, nihilominus in Ecclesia docere, sacrificare, et jus dicere ausus esset.	163
CAP. XI.—Diluit objectionem hæreticorum qui fidei suæ professionem in puerili ætate factam recantare volunt.	168
CAP. XII.—Christus crucifixus scandalum et stultitia est iis qui illum solitarium hominem fuisse affirmant.	169
CAP. XIII.—Respondet objectioni illi qua dicebant homoousion parienti esse debere nativitatem.	170
CAP. XIV.—Comparat hunc errorem cum Pelagianorum doctrina.	171
CAP. XV.—Eos qui huic errori patrocinantur duos Christos agnoscere ostendit.	172
CAP. XVI.—Ostendit insuper doctrinam hanc trinitatis confessionem evertere.	173
CAP. XVII.—Qui in uno Catholicæ religionis articulo allucinatur, universam fidem fideique meritum evacuat.	176
CAP. XVIII.—Convertit sermonem ad ipsum adversarium contra quem disputat, et illum ad resipiscendum invitat. Reconciliationis sacramentum lapsis ad salutem necessarium.	178
CAP. XIX.—Temporalem Christi ortum nihil honoris aut virtutis detraxisse divinitati.	181
CAP. XX.—Docet ex dictis non effici ut Deus mortalis vel carnis ante sæcula fuisse dicatur, etsi idem sit Christus qui ab æterno Deus et in tempore homo factus est.	185
CAP. XXI.—Christum ab æterno fuisse, divinarum Scripturarum tradit auctoritas.	184
CAP. XXII.—Conjunctio hypostatica facit ut ea quæ carnis sunt in Christo, Deo tribuantur.	<i>Ibid.</i>
CAP. XXIII.—Synecdochicam hanc locutionem, qua a parte totum intelligitur, divinis litteris esse perquam familiarem.	188
<b>LIBER SEPTIMUS.</b>	193
<b>CAPUT PRIMUM.</b> —Adversariorum calumniis responsurus, divini numinis opem implorat, ut doceat orationem præmittendum esse ab his qui ad disputandum cum hæreticis accedunt.	<i>Ibid.</i>
CAP. II.—Dissolvit objectionem sumptam ex illis verbis: Nemo anteriorem se parit.	199
CAP. III.—Respondet ad illa verba: Homoousios parienti debet esse nativitas.	201
CAP. IV.—Deum sicut in rebus cæteris, ita in temporali ortu suo omnipotentiam suam declaravisse.	205
CAP. V.—Argumentis ex ipsa natura depromptis docet regulam illam adversariorum qua statuunt homoousion parienti esse debere nativitatem, in multis fallere.	205
CAP. VI.—Aliud Nestorii argumentum, quo Christum Adamo per omnia parem efficere contendebat, refellit.	212
CAP. VII.—Hæretici dogmata sua divinæ Scripturæ pallio tegere consueverunt.	214
CAP. VIII.—Solam imaginem deitatis Christo tribuunt hæretici, ideoque cum Deo, non uti Deum honorandum asserunt.	215
CAP. IX.—Errare illos qui Christi ortum occultum fuisse dixerunt, cum etiam Patriarchæ Jacob manifeste demonstratus fuerit.	216
CAP. X.—Congerit plura ejusdem rei testimonia.	223
CAP. XI.—Dæmonem multis rationibus impulsum fuisse ut Christum Deum esse opinaretur.	224
CAP. XII.—Hanc dæmonis opinionem et verisimilem suspicionem comparat cum pertinaci et præfracta adversariorum sententia.	229
CAP. XIII.—Dæmonem hanc divinitatis in Christo opinionem, propter occultam ejus quam sensit operationem, usque ad ipsam crucem et mortem ejus semper habuisse.	230
CAP. XIV.—Scripturam sacram hæreticos pervertere ostendit, respondens ad eam rationem petitam ex Apostoli verbis: Sine patre, sine matre, etc.	232
CAP. XV.—Quomodo Christus sine genealogia ab Apostolo fuisse dicatur.	234
CAP. XVI.—Ad instar dæmonis Christum tentantis ostendit hæreticos Scripturam sacram truncare et pervertere.	<i>Ibid.</i>
CAP. XVII.—Christi gloriam et dignitatem non ita Spiritui sancto ascribendam esse, ut ab ipso Christo negetur perfecta, quasi omnis quæ in eo fuit excellentia aliunde profecta fuerit.	235
CAP. XVIII.—Illud Apostoli quomodo intelligendum sit: Apparuit in carne, justificatus est in Spiritu.	238
CAP. XIX.—Quod Christum non Spiritus solum, sed ipse seipsum quoque metuendum fecerit.	239
CAP. XX.—Gravioribus urgentioribusque argumentis sententiam illam invalidare conatur.	241

CAP. XXI.—Christo perinde atque Spiritui sancto ascribendum esse, quod caro et humanitas ejus templum Dei facta sit.	242
CAP. XXII.—Elevationem Christi in cælum non soli Spiritui ascribendam esse.	244
CAP. XXIII.—Persistit in eodem argumento, ut ostendat, Christum non indiguisse aliena gloria, sed habuisse propriam.	247
CAP. XXIV.—B. Hilarii auctoritate doctrinam hanc corroborat.	250
CAP. XXV.—B. Hilario Ambrosium astipulari ostendit.	252
CAP. XXVI.—Accedit ad prædicta B. Hieronymi testimonium.	256
CAP. XXVII.—Superioribus adjungit Rufinum et beatum Augustinum.	258
CAP. XXVIII.—Græcorum sive Orientalium episcoporum testimonia producturus, primo loco B. Gregorium Nazianzenum offert in medium.	263
CAP. XXIX.—Proximo loco ponit B. Athanasii auctoritatem.	263
CAP. XXX.—Addit etiam B. Joannem Chrysostomum.	266
CAP. XXXI.—Deplorat Constantinopolitanæ urbis casum infelicem propter acceptam ab isto hæretico cladem, simulque hortatur cives ut in antiqua catholica et avita religione perseverent.	269
<b>APPENDIX PRIMA.</b> —Regula S. Pachomii a S. Hieronymo in Latinum sermonem conversa.	271
<b>APPENDIX SECUNDA.</b> —Flores Joannis Cassiani.	303
<b>APPENDIX TERTIA.</b> —Henrici Cuychii Annotationes, 311. — P. Ciaconii Observationes, 349. — Paucae quædam Cassiani sententiæ piæ interpretationem desiderantes, 361. — De Cassiani doctrina Annotamentum Didaci Alvarez	367
<b>VIGILIUS DIACONUS.</b>	
Prolegomena.	375
<b>REGULA MONACHORUM.</b>	<i>Ibid.</i>
<b>FASTIDIUS.</b>	
Prolegomena.	379
<b>LIBER DE VITA CHRISTIANA.</b>	383
<b>POSSIDIUS.</b>	
Prolegomena	401
<b>VITA NECNON INDICULUS OPERUM S. AUGUSTINI.</b>	407
<b>COELESTINUS I PAPA.</b>	
Prolegomena.	<i>Ibid.</i>
<b>EPISTOLÆ ET DECRETA.</b>	417
<b>EPISTOLA PRIMA.</b> —S. Augustini ad Cœlestinum papam.	<i>Ibid.</i>
<b>EPIST. II.</b> —Concilii Africani ad Cœlestinum.	422
<b>EPIST. III.</b> —Cœlestini papæ ad episcopos Illyrici.	427
<b>EPIST. IV.</b> —Cœlestini papæ ad episcopos provinciæ Viennensis et Narbonensis.	429
<b>EPIST. V.</b> —Cœlestini papæ ad universos episcopos per Apuliam et Calabriam constitutos.	436
<b>Monitum in duas epistolas sequentes.</b>	437
<b>EPIST. VI.</b> —Nestorii ad Cœlestinum papam.	438
<b>EPIST. VII.</b> —Nestorii ad Cœlestinum papam Epist. II.	442
<b>Monitum in epistolam sequentem.</b>	444
<b>EPIST. VIII.</b> —Cyrilli ad Cœlestinum papam.	447
<b>EPIST. IX.</b> —Commonitorium sanctissimi episcopi Cyrilli, quod Posidonio dedit, cum eum Romam mitteret propter Nestorii negotium.	455
<b>EPIST. X.</b> —Fragmentum sermonis quem Cœlestinus in Concilio Romano habuit adversus hæresim Nestorii.	457
<b>EPIST. XI.</b> —Cœlestini papæ ad Cyrillum Alexandrinum episcopum	459
<b>EPIST. XII.</b> —Cœlestini papæ ad Joannem, Juvenalem, Rufum et Flavianum, episcopos per Orientem.	465
<b>EPIST. XIII.</b> —Cœlestini papæ ad Nestorium.	469
<b>EPIST. XIV.</b> —Cœlestini papæ ad clerum et populum Constantinopolitanum.	485
<b>EPIST. XV.</b> —Nestorii ad Cœlestinum.	499
<b>EPIST. XVI.</b> —Cœlestini ad Cyrillum, Alexandrinum episcopum.	501
<b>EPIST. XVII.</b> —Commonitorium papæ Cœlestini episcopis et presbyteris euntibus ad Orientem.	505
<b>Monitum in epistolam sequentem.</b>	<i>Ibid.</i>
<b>EPIST. XVIII.</b> —Cœlestini papæ ad synodum Ephesinam.	505
<b>EPIST. XIX.</b> —Cœlestini papæ ad Theodosium imperatorem.	511
<b>EPIST. XX.</b> —Relatio quam sancta synodus Ephesina ad Cœlestinum papam transmisit.	511
<b>Monitum in epistolam sequentem.</b>	521
<b>EPIST. XXI.</b> —Cœlestini papæ ad episcopos Galliarum.	528



Epist. XXII.—Cœlestini papæ, post damnationem Nestorii, ad sanctam Ephesinam synodum.	557
Epist. XXIII.—Cœlestini papæ ad Theodosium juniorem Augustum, post synodum.	544
Epist. XXIV.—Cœlestini papæ ad Maximianum Constantinopolitanum episcopum, post synodum.	547
Epist. XXV.—Cœlestini papæ ad clerum et plebem Constantinopoli constitutam, post synodum.	548
APPENDIX.—Notitia reliquorum scriptorum quæ ad Cœlestinum papam attinent.	557
<b>ANTONINUS HONORATUS.</b>	
Prolegomena.	565
EPISTOLA CONSOLATORIA AD ARCADIVM.	567
<b>S. XYSTUS III PAPA.</b>	
Prolegomena.	<i>Ibid.</i>
EPISTOLÆ ET DECRETA.	581
<i>Monitum in duas epistolas sequentes.</i>	<i>Ibid.</i>
EPISTOLA PRIMA.—Xysti III ad Cyrillum.	583
Epist. II.—Xysti III ad Cyrillum.	587
<i>Monitum in epistolam sequentem.</i>	589
Epist. III.—Joannis Antiocheni episcopi cæterorumque qui cum illo erant ad Xystum papam.	591
Epist. IV.—Eutherii Tyanensis episcopi et Helladii Tarsensis ad Xystum papam.	595
Epist. V.—Xysti papæ ad Cyrillum Alexandrinum, post pacem factam inter ipsum Cyrillum et Joannem.	602
Epist. VI.—Xysti papæ ad Joannem Antiochenum.	607
Epist. VII.—Xysti papæ ad Perigenem Corinthiorum episcopum.	610
Epist. VIII.—Xysti papæ ad synodum Thessalonicae congregatam.	612
Epist. IX.—Xysti papæ ad Proclum Constantinopolitanum episcopum.	612
<i>Monitum in epistolam sequentem.</i>	613
Epist. X.—Xysti papæ ad totius Illyrici episcopos.	616
APPENDIX.—Notitia reliquorum scriptorum quæ ad Xystum papam attinent.	617
<b>VINCENTIUS LIRINENSIS.</b>	
Prolegomena.	625
COMMONITORIUM PRIMUM.	657
COMMONITORIUM SECUNDUM.	677
<b>S. EUCHERIUS.</b>	
Prolegomena.	683
LIBELLUS DE LAUDE EREMI, AD HILANUM LIRINENSEM PRESBYTERUM.	701
EPISTOLA PARÆNETICA, AD VALERIANUM COGNATUM, DE CONTEMPTU MUNDI ET SÆCULARIS PHILOSOPHIÆ.	711
LIBER FORMULARUM SPIRITUALIS INTELLIGENTIÆ.	727
Præfatio.	<i>Ibid.</i>
CAPUT PRIMUM.—De divinis nominibus.	729
CAP. II.—De his quæ appellantur membra Domini.	757
CAP. III.—De supernis creaturis.	738
CAP. IV.—De terrenis.	742
CAP. V.—De animantibus.	748
CAP. VI.—De variis nominum appellationibus.	754
CAP. VII.—De interiori homine.	757
CAP. VIII.—De his quæ in usu atque in medio habentur.	759
CAP. IX.—De variis verborum significationibus, quæ per infinitivum dicuntur.	764
CAP. X.—De Hierosalem vel adversis ejus.	766
CAP. XI.—De numeris.	769
INSTRUCTIONES AD SALONIUM.—LIBER PRIMUS.	775
Præfatio ad Salonium.	<i>Ibid.</i>
CAPUT PRIMUM.—De quæstionibus difficilioribus veteris Testamenti.	<i>Ibid.</i>
CAP. II.—De quæstionibus difficilioribus novi Testamenti.	796
LIBER II.	811
Præfatio ad Salonium.	<i>Ibid.</i>
CAPUT PRIMUM.—Hebræorum nominum interpretatio.	<i>Ibid.</i>
CAP. II.—De variis vocabulis.	814
CAP. III.—De expositione diversarum rerum.	815
CAP. IV.—De gentibus.	816

CAP. V.—De locis.	817
CAP. VI.—De fluminibus vel aquis.	818
CAP. VII.—De mensibus.	<i>Ibid.</i>
CAP. VIII.—De solemnitatibus.	<i>Ibid.</i>
CAP. IX.—De idolis.	819
CAP. X.—De vestibus.	<i>Ibid.</i>
CAP. XI.—De avibus vel volatilibus.	820
CAP. XII.—De bestis vel repulibus.	<i>Ibid.</i>
CAP. XIII.—De ponderibus.	821
CAP. XIV.—De mensuris.	<i>Ibid.</i>
CAP. XV.—De Græcis nominibus.	<i>Ibid.</i>
<i>Ramarti admonitio in Passionem SS. Mauricii et sociorum ejus, martyrum.</i>	<i>Ibid.</i>
PASSIO S. MAURICII ET SOCIORUM EJUS.	827
HOMILIÆ QUÆDAM.	835
Homilia prima ad monachos.	<i>Ibid.</i>
Homilia II ad monachos.	855
Homilia III ad monachos.	856
Homilia IV ad monachos.	844
Homilia V ad monachos.	844
Homilia VI ad monachos.	848
Homilia VII ad monachos.	849
Homilia VIII ad monachos.	850
Homilia IX ad monachos.	855
Homilia X ad monachos.	857
Homilia de sancta Blandina Lugdunensi.	859
Homilia de SS. mart., Epiphodio et Alexandro.	861
Fragmentum homiliæ a Mamerto Claudio ahaia.	866
EXHORTATIO AD MONACHOS.	865
EPITOMES OPERUM CASSIANI LIBRI DUO.	867
LIBER PRIMUS.—De octo malitiæ cogitationibus.	<i>Ibid.</i>
LIBER SECUNDUS.—De octo malitiæ cogitationibus.	877
APPENDIX AD OPERA S. EUCHERII.	893
Commentarii in Genesim in tres libros distributi.	895-1047
Commentarii in libros Regum.	1047-1207
Sententia ad monachos.	1207
Admonitio ad Virgines.	1209
Epistola S. Eucherii ad Philonem presbyterum.	1213
<b>S. HILARIUS ARELATENSIS.</b>	
Notitia historico-literaria in S. Hilario.	<i>Ibid.</i>
Vita S. Hilarii ab ejusdem discipulo scripta.	1219
Epitaphium S. Hilarii.	1245
Admonitio in S. Hilarii opuscula.	<i>Ibid.</i>
S. HILarii SERMO DE VITA S. HONORATI.	1249
CAPUT PRIMUM.—Consularis Honorati nobilitas. Baptizatur adolescens.	1251
CAP. II.—Cum Venantio fratre peregrinatur. Hujus obitus. Honoratus et Venantius patria absecedunt. Peregrinationes ad loca sacra.	1253
CAP. III.—Honoratus, fratre mortuo, venit in Italiam, et apud episcopos hospitatur. Leontius episcopus Forojuliensis. Lirinam insulam ingreditur.	1256
CAP. IV.—Præclara Lirinensium institutio. Honorati virtutes. Honoratus benignus et liberalis in hospites. Honorato scripsit Eucherius.	1259
CAP. V.—S. Hilarius Honorati adhortationibus convertitur. Gratia Christi efficacia in Hilario.	1262
CAP. VI.—Honoratus fit episcopus et episcopaliter vivit. Eleemosynæ mortuorum refrigeria.	1263
CAP. VII.—Honorati morbus, obitus. sepultura. Sancti in cælo pro mortalibus orant.	1265
CAP. VIII.—Hilarius successor Honorati, ejus consanguineus. Invocatur Honoratus uti patronus.	1269
EPISTOLA S. HILarii ad S. Eucherium episcopum Lugdunensem.	1271
SERMO de miraculo S. Genesii.	1273
VERSUS in natali Machabæorum martyrum.	1275
METRUM in Genesim.	1287
<b>PASCHASINUS LILYBÆTANUS.</b>	
Paschasinus epistola.	1293
<b>ANNÆUS SYLVIVS.</b>	
Sylvii Kalendarium.	<i>Ibid.</i>
<b>TURRIBIVS.</b>	
Turribii epistola.	1295











LIBRARY

Pontifical Institute of Medieval Studies

113 ST. JOSEPH STREET  
TORONTO, ONT., CANADA M5S 1J4

THE INSTITUTE OF MEDIAEVAL STUDIES  
10 ELMSLEY PLACE  
TORONTO 5, CANADA,

2050.



